

先秦漢魏晉南北朝詩

I222/46

逯欽立輯校

先秦漢魏晉南北朝詩
上


中華書局

首都师范大学图书馆



20932025

932025



I222/46

1999

逯欽立輯校


先秦漢魏晉南北朝詩
中

中華書局

首都师范大学图书馆



20932036



932036

I222/46

逯欽立輯校


先秦漢魏晉南北朝詩
下

中華書局

首都师范大学图书馆



20932055



932055

先秦漢魏晉南北朝詩

(全三冊)

逯欽立輯校

*

中華書局出版

(北京王府井大街36號)

新華書店北京發行所發行

北京第二新華印刷廠印刷

*

850×1168毫米 1/32·88³/₄印張·1,922千字
1983年9月第1版 1983年9月北京第1次印刷
印數00,001—10,000冊
統一書號：10018·440 定價：11.20元

出版說明

《先秦漢魏晉南北朝詩》百三十五卷，遼欽立（一九一——一九七三）纂輯。欽立先生字卓亭，筆名祝本，山東鉅野人。一九三九年畢業於昆明西南聯大，隨即考入北京大學文科研究所，專門研習漢魏六朝文學。此後在前中央研究院歷史語言研究所、廣西大學（桂林）、東北師範大學任職，謝世前為東北師大中文系教授，兼古典文學教研室主任。

遼先生對於漢魏六朝文學造詣殊深，撰述很多。一九四〇年，他感到明人馮惟訥所輯《詩紀》、近人丁福保所輯《全漢三國晉南北朝詩》，雖然「搜括靡遺」，有功於世，但仍存在嚴重缺失，遂在前書基礎上，重新攬摭上古迄隋末的歌詩謠諺，另謀新編。工作時斷時續，直至一九六四年，始編定《先秦漢魏晉南北朝詩》這部百卷巨帙，歷時長達二十四年。其間焚膏繼晷之勤苦，爬梳剔抉之艱辛，校讎編輯之謹嚴，略見於書末《後記》中。可惜本書出版時，遼先生已不及見，但是他對古典文學研究所作的貢獻，本書在學術上的價值，我們相信是經得住時間考驗的。

纂修總集，其準則大抵有兩條：一則網羅放佚，使零章殘什，並有所歸；一則刪汰繁蕪，使莠稗咸除，菁華畢出。（《四庫全書總目·總集類》）以此考核《詩紀》，可以看到馮惟訥的氣力主要是用在「網羅放佚」上，凡孤章浩帙、片辭隻韻，無不蒐錄，而在「刪汰繁蕪」方面則用力甚微，致使全書真偽錯雜，時見

舛漏牴牾之處。再以此考核《全漢三國晉南北朝詩》，又會覺得丁福保的功夫主要是用來「刪汰繁蕪」。他以《詩紀》為藍本而進行增刪，又依據清人馮舒的《詩紀匡謬》改正了原本的不少錯誤，這是《全漢三國晉南北朝詩》後來居上，得以廣泛流傳的原因。但是，丁書不錄先秦的歌謠逸詩，已較《詩紀》為遜色，又剿襲馮舒《匡謬》的按斷，不加細審，也造成了一些新的訛誤。另外，全書所錄各詩均不注明出處，尤使人難以信據。今日編纂新的隋前詩歌總集，理當著力糾正馮、丁二書的偏頗。

可以說《先秦漢魏晉南北朝詩》正是馮、丁二書的糾偏補闕之作。相比較而言，遼書有着五項明顯的優點：（一）取材廣博。隋前歌詩謠諺，除《詩經》、《楚辭》而外，悉數編入。此雖取法《詩紀》，而引書近三百種，已超出《詩紀》三分之一以上。又如阮籍四言《詠懷詩》十三首，第三首以下皆馮、丁二書所未見，現在也據明刻本補入。（二）資料翔實。書中每一首詩都詳細標著出處，既有利徵引亦備覆查，大提高了本書的科學價值。（三）異文齊備。凡各書異文，或一書不同版本的異文，甚至前人校勘成果，均予記錄。為便於研究，不避繁瑣，間亦指摘他本誤字。（四）考訂精審。如所謂蘇武、李陵的一組別詩，古人已有疑辭，而馮、丁二書仍以馮、李自作，繫諸前漢卷內。遼先生就其內容題旨和修辭用語等方面分析，判定為後漢文士所作，（詳見所著《漢詩別錄》一文，載《歷史語言研究所集刊》第十六本。）在前漢卷內僅錄《漢書》本傳所載「徑萬里兮度沙漠」歌一首，其餘《李陵錄別詩》二十一首統編入後漢卷。又如宋刻《陸雲集》有《從事中郎張彥明為中護軍》詩，割「奚世都為汲郡太守」以下六十一字為序，並在題下注「并序」二字。馮書以為欠妥，將「奚世都」以下移至下文《贈汲郡太守》詩下為序，丁書從其例。遼先生則以詩

和序互證，認爲「奚世都爲汲郡太守」以下六十一字當與《從事中郎張彥明爲中護軍》詩題相接，勘正了宋刻陸集和馮、丁二書的淆亂。似此類辨僞訂訛之事，書中多有，說明本書不止是資料豐贍，而且在學術研究上也能給人以不少啓迪。（五）編排得宜。本書不取《詩紀》分爲前集、正集、外集、別集的體例，與《全漢三國晉南北朝詩》各代必以帝王宗室爲首卷也大不相同，而是嚴格按照作者卒年的先後加以編次。這樣做不僅能顯示同期作家之間的聯係和影響，也易於比較不同的詩風和流派，爲文學發展史的研究提供了方便。

《先秦漢魏晉南北朝詩》囊括千餘年詩歌篇什，引用數百種子史文集，個別考辨上的失當、校勘上的疏漏，都是難以避免的。譬如北周庾信卷有《重別周尚書詩二首》，王褒卷有《別王都官詩》，庾作第二首與王詩末四句全同，考《文苑英華》當是王褒作，其誤實源出明人所輯《庾信集》，所以庾信卷應刪第二首。至於取材上的遺漏，也偶有發現。如《晉詩》卷十五湛方生下未收《神仙詩》：「爰有逸客，棲迹幽穴。仰超千里，夷此九折。」此詩載《北堂書鈔》卷百五十八。查本書已據《書鈔》百五十四錄入湛方生「仲秋有秋色」詩，惟此《神仙詩》遺落，大概是由於鈎稽失察。我們見聞有限，不能重加輯校，只能略舉一二示例。

作爲一部遺著，本書原稿還曾有過其他一些缺點，像體例上前後有時矛盾，標注出處往往誤書卷數，凡此我們都在讀稿時作了改正。原稿上的斷句有欠精當，不少篇章未加點斷，已有的斷句偶見破讀，爲了便於使用，我們已全部重新點過。出於對原著的尊重，凡屬學術觀點上的問題，卽如上面所列

舉的疏失，一律不加改動，讀者在檢讀時當可自行辨別。

中華書局編輯部

一九八二年十二月

凡例

一、是編以馮惟訥古詩紀爲基礎。以楊守敬古詩存目爲參考。廣取羣書。悉心校輯。補苴闕佚。訂正謬誤。編成先秦漢魏晉南北朝詩共一百三十五卷。先秦迄隋之詩歌謠諺略備於此。

二、詩經始肇歌集。楚辭總集之祖。所載歌詩。亦應編入。惟兩書傳行廣泛。極便查閱。又完整無闕。不待校正。且其成書年代久遠。雅詩騷辭已難脫離訓傳。故茲仍沿舊例。置諸編外。意防疊牀架屋。不是崇古尊經。

三、是編分代編次。略依隋志順序。分爲先秦、漢、魏、晉、宋、齊、梁、北魏、北齊、北周、陳、隋各代。又各代作者。以年代編次。其謠諺樂府。則分類序列。全書大例。略準下式。先諸家。次謠諺樂府。再次郊廟歌辭。最後釋道鬼神。惟先秦篇章。不備衆類。故分類編次。不傳作者。兩漢無名之作較多。有異各代。故彙集附諸卷末。

四、各代作者。率不詳生卒。其僅有卒年者。亦不過四分之一。今編次諸家。略以卒年爲準。其無卒年而僅知時代或僅有社會關係可考者。則酌人有關各卷。其俱無可考者。則仍沿詩紀。編之諸家之末。而以無卒年無社會關係之婦女作家專卷殿之。

五、是編於各代國君。不集體編之各代之首。而分別次之於同時諸家之前。而諸家之間。亦或兄弟

異卷。父子分編。又曹操、司馬懿始造魏晉。故今編之魏晉之首。徐、陳、應、劉。屬之魏氏。嵇康、阮籍。仍歸當塗。其身歷數代者。則略從史傳定其倫第。如江淹入梁。顏之推入北齊。庾信入周。江總入陳是也。至於孔融列漢。陶淵明列晉。則係依據實際。非遵封建傳統。

六、晉宋以後。郊廟樂舞。皆具撰人。似應分別編入各家。然此等詩章。皆襲舊套。陳陳相因。徒具形式。作者所長。不具於此。且同堂之歌。官商有序。一郊之樂。撰者匪一。合曲編列。有益研討。若加分割。易致兩失。今一從樂府詩集。專卷列之各代。分別注明作者姓名。

七、鼓吹曲辭、雜舞曲辭。凡奏之公朝。列在樂官者。亦如前例。編諸郊廟燕射之後。其各家擬作不入樂府者。則仍入本集。

八、橫吹、清商二部。不著撰人姓氏。今編橫吹入梁。從古今樂錄也。至清商曲辭。歷經各代。既不無增減。亦迭有新製。詩紀統編晉代。尚所未安。今凡晉、宋、齊曲及舊舞之辭。姑仍詩紀。編入晉詩。其顯屬陳樂者入陳。明爲唐作者刪之。

九、歌謠諺語。多出民間。片辭隻語。厥惟珍寶。故廣搜博採。期於全備。凡屬韻語者。悉加甄錄。其僅口語與詩不類者。則略有刪芟。以較杜文瀾古謠諺。此或增其所無。間亦略其所有。

一〇、各家小傳。略依詩紀及嚴氏全文。著其爵里、卒年、壽數以及著述。二書間有未載或不詳者。則摭摭史傳。補其事略。

一一、縹緗既紛。作者易混。往往一詩。作者歧互。其故蓋有下列諸端。各書傳刻之訛誤。後人輯本

之妄收。文集合刻之混淆。作者姓名之變亂。賡答詩章之竄易。以及擬作之誤爲原作等。茲皆據實證。廣事究尋。凡能確定爲某人作者。則逕編入某集。題下注明某書作某人者誤。或於篇後附以案語。凡一時不能確定甲乙者。則互見兩集。而由各詩之出典標明之。不再論證。

一二、樂府詩作者姓名歧出者。亦略如上例。惟又有以下二事爲一般詩篇所無者。(一)因經樂人改用。遂署樂人之名。(二)一篇之辭。乃雜取各作而非一人之辭。凡此。或互見各集。或姑屬某人。皆視其情況而定。

一三、詩紀各集。先以類分。各類之間。又以體分。並依句數多寡。以定次序先後。此法不合舊集編纂體例。易泯各詩時間順序。割裂樂府本身條貫。本無足取之處也。然念先唐舊集傳世者。僅嵇康、阮籍、陸雲、陶淵明、鮑照、江淹六家。舊集殘存者。僅蔡邕、謝朓、蕭統、何遜、陰鏗、庾信等六家。以較隋志別集。百不存一矣。然則多數詩集已難規復原貌。今之編纂。自以仍從詩紀體例爲宜。又嵇康集、謝宣城集等。每附他人歌詩。可徵當時並作或賡答之迹。此舊集之佳體例也。詩紀間仿此例。一二集中附載他作。似爲可循之則。然全書大例既如彼。一二詩集又如此。殊爲自亂其例。今於附詩。一律從刪。以求畫一。

一四、箴、頌、銘、贊以及誄、賦。皆各具體製。與詩不同。今皆不錄。惟賦中所附之詩歌。如張衡思玄賦詩、趙壹刺世疾邪賦詩、梁簡文帝蓮花賦歌等。今悉錄存。以廣詩囿。蓋此等歌詩本身抑已結構完備也。至於息夫絕命、王吉祝辭。亦皆列入。至如夏侯湛秋可哀、蕭愨聽鐘鳴等三字題歌。均屬詩人之什。

今亦悉加甄錄。

一五、詩之散見於史子、方志、金石、碑帖、漢簡者。概加輯錄。小說短書而爲唐宋以後人僞託者。則不濫收。

一六、佛道兩藏。並加蒐輯。惟釋氏篇章。譯文不錄。錄本人之作。本土之謠。仙道歌詩。凡有年代可稽者。編入各朝。無者率雜後世僞託。故一律從略。惟詩紀外編之無年可考者。附之隋詩之末。以俟再考。

一七、古人歌詩。一題或有數首。一首或分數章。一歌或含數解。積章成篇。合解成歌。是以一作而具各章各解者。皆不得割裂。蓋解斷卽不成歌。章斷卽不成篇也。如顏延年秋胡行。文選一首。玉臺九章。王融秋胡詩。本集七章。古文苑一首。舉數雖異。然皆不誤。因一首可有數章也。詩紀於上舉二詩。改九章、七章爲九首、七首。詩刪因之。遂取顏氏三章以爲三首。此甚不可也。又如劉楨贈五官中郎將之必爲四首。而不得以四章目之。嵇康秋胡行之必分七章。而不得以七首目之。區囿不同。界限須明。今於詩歌出處。一律注之一首之末。一首數章。一歌數曲者。一律注之結章或末解末曲之下。此其統一體例。亦所以明篇章之有異也。

一八、各詩注明出於何書何卷。有利徵用。並備覆查。然名詩舊章。各書競引。若悉予著錄。則其出典動輒十數。無益於校讀。易滋乎迷誤。今於標明出處一律從嚴。凡徵引全篇者。以時代爲次全部列出。凡節引而有異文可勘者。則附之出處之末。並列舉韻數。明其節引範圍。凡節引而無異文者。則一律不

錄。以省繁瑣。

一九、集本散亡。賴類書存其遺佚。然類書徵引。率爲節錄。詩紀於顯爲殘闕者。篇末注一闕字以分別之。按馮氏以爲闕者。盡人能知其爲闕。馮氏不注而以爲完篇者。又多有殘什。增此一注。反滋迷誤。詩歸編者諸多臆說。未必不以此也。今統刪此等注字。詩之爲完爲闕。參稽出處即可略知。

二〇、古詩殘闕。或一篇而淪爲數處。或數章而雜爲一首。害辭害義。莫斯爲甚。今於分割之兩文。凡能確定爲一首者。則合之以爲一篇。隴西行、步出夏門行之例是也。凡一首而雜有數作者。則析之各歸本篇。應璩百一之例是也。

二一、樂府詩之分本辭奏曲。此法始自樂府詩集。較其名實。良多未安。然行之既久。今亦沿襲不改。姑以本辭爲主。以奏曲附之。唯魏明帝步出夏門行。原止奏曲。詩紀乃據選詩外編補其本辭。實謬之甚。今刪之。又玉臺新詠雙白鵲一篇。與宋志載者繁簡亦異。今姑仿郭氏。補爲本辭。

二二、詩歌題目。率從詩紀。然亦間參各書標出新目。求其接近舊集也。至於各代謠諺。詩紀多從樂府詩集。楊氏古詩存目多從杜氏古謠諺。今以楊目爲主。取其較爲詳實也。

二三、古人詩篇。或無題目。或有序而無題。固無定也。後人或妄爲標目。或依詩添序。或因序置題。古詩面目頗以失真。今者。或重爲訂正。以復其舊。或詳列出處。明其異同。

二四、樂府詩凡兼有篇名、調名者。或兼有詩題調名者。今略依宋志。悉以篇名及詩題標目。而以調名注於題下。其僅有調名者。卽以調名爲題。不仿首句名篇之例臆造新題。

二五、詩紀題注。凡屬馮氏考證或創見。則一律著錄。以彰其功。其爲錄自書傳者。則不再注明。詩歌謠諺本事。亦率從詩紀。間有以原書改易詩紀者。亦不再注明。

二六、詩紀各詩題目。有出詩字者。有不出詩字者。標題殊不一致。今一律綴以詩字。其無題或失題之殘篇。今只標曰詩。以求體例之統一。至於樂府歌行以及雜詠。則不在此例。

二七、資以校勘之文史子集。本身亦復魯魚亥豕。歷經校者比對。異文滋多。今爲擷取衆長。取校多用校本。如廣弘明集用大正藏本是也。又間參前人校記。以廣異文。如陸機詩取羣書校補。藝文類聚參馮己蒼校記是也。

二八、詩紀編詩。亦間參衆本。而參用之本。今多不見。故詩紀原注異文。今悉數保存。並逐字注明之。

二九、詩歌出處既已注明。故文字異同僅夾注某書作某。不再標出卷第。同書異卷所引文字有互歧者。則夾注某書或作某。亦不再標出卷第。凡此皆以省閱讀之繁也。

引用書目

尚書
詩經
禮記
周禮
儀禮
大戴禮 四部叢刊本
尚書大傳 四部叢刊本
韓詩外傳 四部叢刊本
論語
孟子
尚書考河命 清河郡本
尚書摘洛戒 清河郡本
詩含神霧 清河郡本

詩汎歷樞 守山閣本
河圖緯象 清河郡本
論語摘衰聖 清河郡本
毛詩草木鳥獸魚蟲疏 漢魏叢書本
說文繫傳 龍威秘書本
廣韻 宋刊本
韻補 叢書集成本
爾雅翼 明正德刊本
左傳
國語 黃氏仿宋刻本
逸周書 四部叢刊本
戰國策 黃氏刻本
史記 百衲本

漢書 百衲本

後漢書 百衲本

三國志 百衲本

晉書 百衲本

宋書 百衲本

南齊書 百衲本

梁書 百衲本

陳書 百衲本

魏書 百衲本

北齊書 百衲本

周書 百衲本

隋書 百衲本

南史 百衲本

北史 百衲本

舊唐書 百衲本

資治通鑑 四部叢刊本

列女傳 四部叢刊本

漢紀 四部叢刊本

謝承後漢書 姚氏集本

十六國春秋 屠刻本

華陽國志 四部叢刊本

山海經 郝氏校本

穆天子傳 平津館本

吳越春秋 漢魏叢書本

水經注 四部叢刊本

襄陽耆舊記 明五雲溪活字本

世說新語 四部叢刊本

高僧傳 大正藏本

續高僧傳 大正藏本

洛陽伽藍記 四部叢刊本

渚宮舊事 平津館本

岱史 道藏本

- 廬山記 大正藏本
- 廬山紀事 大正藏本
- 陶隱居傳 道藏本
- 茅山志 道藏本
- 列仙傳 郝氏遺書本
- 神仙傳 漢魏叢書本
- 周氏冥通記 秘册本
- 金陵玄觀志 陶風塵本
- 長安志 明刊本
- 中吳紀聞 叢書集成本
- 景定建康志 清翻宋本
- 永嘉縣志
- 南康府志
- 輿地紀勝 述古堂本
- 太平寰宇記 樂氏刊本
- 六朝事迹編類 古今逸史本
- 竹書紀年 古今逸史本
- 七略 玉函山房本
- 通志
- 路史 明萬曆刊本
- 隸釋 明刊本
- 漢晉西陲木簡
- 金石遺文錄 申如埴重刻本
- 石鼓文箋
- 金石文字記 指海本
- 胡錄金石考
- 管子 四部叢刊本
- 墨子 四部叢刊本
- 莊子 四部叢刊本
- 列子 四部叢刊本
- 荀子 古逸叢書本
- 晏子春秋 四部叢刊本

韓非子 四部叢刊本

尸子 百子全書本

慎子 四部叢刊本

商子 天一閣本

鄒子 百子全書本

尉繚子 四部叢刊本

魯連子 四部叢刊本

鬼谷子 四部叢刊本

燕丹子 百子全書本

呂氏春秋 四部叢刊本

淮南子 諸子集成本

家語 百子全書本

孔叢子 百子全書本

鹽鐵論 四部叢刊本

新書 四部叢刊本

新序 四部叢刊本

說苑 四部叢刊本

論衡 黃暉校本

風俗通 四部叢刊本

中論 四部叢刊本

博物志 黃氏叢書本

抱朴子 四部叢刊本

西京雜記 四部叢刊本

漢武帝內傳 道藏本

搜神記 百子全書本

搜神後記 百子全書本

拾遺記 漢魏叢書本

異苑 津逮秘書本

顏氏家訓 知不足齋本

述異記 百子全書本

金樓子 龍威秘書本

老子化胡經 石室秘寶本 石室佚書續編本

- 齊民要術 學津討源本
 玉燭寶典 古逸叢書本
 弘明集 大正藏本
 廣弘明集 大正藏本
 辨正論 大正藏本
 真誥 道藏本
 還冤記 漢魏叢書本
 歲華紀麗 津逮秘書本
 編珠 高氏刊本
 文鏡秘府論
 意林 道藏本
 開元占經 叢書集成本
 法書要錄 津逮秘書本
 匡謬正俗 四部叢刊本
 長短經 讀畫齋叢書本
 嬾真子 稗海本
- 劉賓客嘉話錄 叢書集成本
 陸羽茶經 百川學海本
 北戶錄 學海類編本
 唐語林 叢書集成本
 灌畦暇語 叢書集成本
 雲麓漫鈔 叢書集成本
 續齊諧記 漢魏叢書本
 法苑珠林 四部叢刊本
 雲笈七籤 四部叢刊本
 困學紀聞 四部叢刊本
 出三藏記集 大正藏本
 野客叢書 稗海本
 集古錄 叢書集成本
 韻語陽秋 學海類編本
 古今注 黃中模校本
 北窗炙輠錄 叢書集成本

荆川左編 叢書集成本

猗覺寮雜記 知不足齋本

春秋演繁露 叢書集成本

廣博物志 萬曆刊本

古今鮭 羣書校補本

冷齋夜話 藏園羣書本

式古堂書畫彙考 方氏刊本

戲鴻堂帖

歲時廣記 學海類編本

高似孫緯略 守山閣本

筆塵 奇晉齋叢書本

泉志 學津討源本

仙歌品 道藏本

諸真歌頌 道藏本

無上秘要 道藏本

歷世真仙通鑑 道藏本

玉音法事 道藏本

靈寶无量上度人品妙經符圖 道藏本

靈寶无量上經大法 道藏本

太上洞玄靈寶授受儀 道藏本

靈寶昇玄步虛章序經疏 道藏本

洞玄靈寶玉京山步虛經 道藏本

北堂書鈔 孔氏刊本

藝文類聚 影印宋本 馮己蒼校本

初學記 陳大科刊本

白帖 影印宋本

修文館御覽 鳴沙石室佚書本

太平御覽 影印日本宋本

太平廣記 明刊本

事類賦 明仿宋本

錦繡萬花谷 明刊本

海錄碎事 明刊本

風雅翼 明刊本

古今合璧事類備要 明嘉靖刊本

事文類聚 明刊本

略出羸金 鳴沙石室古籍叢殘本

唐類函 明刊本

類書殘卷 鳴沙石室古籍叢殘本

潛確類書 明刊本

倭名類聚

楚辭 宋刊本

琴操 平津館本

昭明文選 胡刻本 四部叢刊本

玉臺新詠 寒山趙氏仿宋本

文館詞林 董氏影印唐寫本 適園叢書本

古文苑 守山閣本 四部叢刊本

古今歲時雜詠 明抄本

樂府古題要解 明刊本

樂府詩集 影宋刊本

文苑英華 明刊本

文苑英華辨證 知不足齋本

文章正宗 明刊本

三謝詩 影印日本刊本

古樂府 明刻本

文選補遺 清乾隆刊本

廣文選 明刻本

風雅遺篇 函海本

古今風謠 函海本

古今諺 函海本

古詩類苑 明嘉靖刊本

苑詩類選 明嘉靖刊本

全唐詩

全唐文

續古文苑 平津館叢書本

古謠諺 曼陀羅華閣叢書本

蔡中郎集 海源閣本

曹子建集 四部叢刊本

嵇康集 周樹人校本

阮步兵集 潘璉刻本

阮嗣宗集 二十二家集本

陸士衡集 四部叢刊本 羣書校補本

陸士龍集 四部叢刊本

陶淵明集 曾集刻本 蘇寫大字本 焦竑刻本

東坡先生和陶淵明詩

鮑氏集 四部叢刊本

謝宣城集 四部叢刊本

梁武帝集 六朝詩集本

梁簡文帝集 六朝詩集本

江文通集 四部叢刊本 二十二家集本

劉孝威集 六朝詩集本

何水部集 六朝詩集本

陰常侍集 六朝詩集本

徐孝穆集 四部叢刊本

庾子山集 四部叢刊本

庾開府詩集 六朝詩集本

黃氏集千家注杜工部詩史 四部叢刊本

草堂詩箋 古逸叢書本

朱文公校韓昌黎集 四部叢刊本

松陵集 湖北先正遺書本

文心雕龍 范文瀾注本

西溪叢語 津逮秘書本

茗溪漁隱叢話 叢書集成本

石林詩話 津逮秘書本

後村詩話 適園叢書本

詩人玉屑 柘菴叢書本

坦齋通編 守山閣本

對牀夜語 學海類編本

觀林詩話 黑海金壺本

彥周詩話 津逮秘書本

詩話總龜 四部叢刊本

先秦漢魏晉南北朝詩目次

凡例

引用書目

先秦詩

卷一 歌上(一)

卷二 歌下(一五)

卷三 謠(三五)

卷四 雜辭(四七)

卷五 詩(五七)

卷六 逸詩(六三)

卷七 古諺語(七三)

漢詩

- 卷一 漢高祖劉邦(八七) 楚霸王項羽(八八) 美人虞(八九) 四皓(九〇) 戚夫人(九二) 趙王劉友(九三)
城陽王劉章(九二) 漢武帝劉徹(九三) 枚乘(九八) 淮南王劉安(九八) 司馬相如(九九) 東方朔(一〇〇)
李延年(一〇二) 商丘成(一〇三)
- 卷二 韋孟(一〇五) 漢昭帝劉弗陵(一〇七) 燕王劉旦(一〇八) 李陵(一〇九) 廣川王劉去(一一〇) 廣陵
王劉胥(一一一) 烏孫公主細君(一一二) 楊惲(一一三) 韋玄成(一一三) 劉向(一二五) 息夫躬(一二六) 班
婕妤(一二六)
- 卷三 雜歌謠辭(一二九)
- 卷四 郊廟歌辭(一四三) 鼓吹曲辭(一五五)
- 卷五 馬援(一六三) 王吉(一六三) 白狼王唐菽(一六四) 杜篤(一六五) 梁鴻(一六五) 東平王劉蒼(一六七)
班固(一六八) 崔駰(一七二) 傅毅(一七三) 劉珍(一七三) 劉駒駘(一七四) 李尤(一七四) 石勛(一七五)
- 卷六 張衡(一七七) 朱穆(一八一) 後漢靈帝劉宏(一八二) 酈炎(一八三) 桓麟(一八三) 應季先(一八四) 侯
瑾(一八五) 秦嘉(一八五) 徐淑(一八八) 仇靖(一八八) 趙壹(一八九)
- 卷七 後漢少帝劉辯(一九一) 蔡邕(一九二) 趙岐(一九五) 孔融(一九六) 辛延年(一九八) 宋子侯(一九八)
蔡琰(一九九) 仲長統(二〇四)

- 卷八 雜歌謠辭(三〇七)
- 卷九 相和歌辭(三五五) 舞曲歌辭(二七六)
- 卷十 雜曲歌辭(二八一)
- 卷十一 琴曲歌辭(二九九)
- 卷十二 古詩(三三五)

魏詩

- 卷一 魏武帝曹操(三四五)
- 卷二 王粲(三五七)
- 卷三 陳琳(三六七) 劉楨(三六八) 徐幹(三七五) 阮瑀(三七八) 應瑒(三八二) 繁欽(三八四)
- 卷四 魏文帝曹丕(三六九) 甄皇后(四〇六)
- 卷五 邯鄲淳(四〇九) 左延年(四二〇) 焦先(四二二) 吳質(四二三) 糜元(四二四) 魏明帝曹叡(四二三) 杜
攀(四一九)
- 卷六 陳思王曹植(四三二)
- 卷七 陳思王曹植(四四五) 楚王曹彪(四六五)
- 卷八 高貴鄉公曹髦(四六七) 何晏(四六七) 應璩(四六八) 韋誕(四七三) 毋丘儉(四七四) 郭遐周(四七五)

郭遐叔(四七六) 阮侃(四七七)

卷九 嵇康(四七九)

卷十 阮籍(四九三) 仙道(五一二)

卷十一 雜歌謠辭(五二三) 郊廟歌辭(五三四) 魏鼓吹曲辭(五三六)

卷十二 費祿(五三一) 雜歌謠辭(五三二) 薛綜(五三四) 張純(五三四) 張儼(五三五) 朱異(五三五) 諸葛

恪(五三六) 華覈(五三六) 周昭(五三七) 孫皓(五三七) 樂府古辭(五三八) 雜歌謠辭(五三八) 吳鼓吹曲

辭(五四三)

晉詩

卷一 晉宣帝司馬懿(五四九) 嵇喜(五五〇) 江偉(五五〇) 何楨(五五一) 程咸(五五二) 劉伶(五五三) 傅

玄(五五三) 程曉(五七七) 鍾琰(五七八)

卷二 李密(五七九) 應貞(五七九) 應亨(五八一) 阮种(五八二) 裴秀(五八三) 成公綏(五八四) 皇甫謐(五八五)

辛曠(五八六) 賈充(五八六) 薛瑩(五八七) 棗據(五八八) 王濬(五九一) 荀勗(五九二) 王銓(五九二) 夏

侯湛(五九三) 王濟(五九七) 孫楚(五九八) 董京(六〇〇)

卷三 傅咸(六〇三) 郭泰機(六〇九) 張華(六一〇)

卷四 周處(六二五) 鄒湛(六二五) 曹嘉(六二六) 閻讚(六二六) 潘岳(六二七) 夏侯沖(六三八) 束皙(六三八)

- 石崇(六四二) 綠珠(六四五) 翻風(六四六) 歐陽建(六四六) 何劭(六四八)
- 卷五 陸機(六五二) 夏靖(六九三) 顧祕(六九四) 崔寔(六九五)
- 卷六 陸雲(六九七) 鄭豐(七一九) 孫拯(七二三)
- 卷七 嵇紹(七三五) 嵇含(七三五) 牽秀(七三七) 司馬彪(七三八) 阮脩(七三九) 左芬(七三〇) 左思(七三二) 張翰(七三六) 張載(七三八) 張協(七四四)
- 卷八 閻丘沖(七四九) 曹攄(七五〇) 杜育(七五六) 摯虞(七五七) 王讚(七六〇) 潘尼(七六一) 棗腆(七七二) 棗嵩(七七三) 王浚(七七四) 郭悝(七七五) 孫機(七七五) 蘇伯玉妻(七七六)
- 卷九 雜歌謠辭(七七七)
- 卷十 郊廟歌辭(八〇九) 燕射歌辭(八二五) 鼓吹曲辭(八二六) 舞曲歌辭(八三六)
- 卷十一 劉琨(八四九) 干寶(八五三) 張亢(八五三) 王鑒(八五四) 荀組(八五五) 王廙(八五五) 李充(八五六) 李頤(八五七) 熊甫(八五九) 楊方(八五九) 甄述(八六一) 朱德才(八六三) 郭璞(八六三)
- 卷十二 溫嶠(八七二) 梅陶(八七二) 庾闡(八七三) 張駿(八七六) 袁喬(八七七) 謝尚(八七八) 江道(八七九) 盧諶(八八〇) 王胡之(八八五) 郗超(八八七) 曹毗(八八八) 張望(八九〇) 張翼(八九一) 許詢(八九四)
- 卷十三 王羲之(八九五) 孫綽(八九六) 孫放(九〇三) 王獻之(九〇三) 桃葉(九〇四) 謝安(九〇五) 謝萬(九〇六) 孫統(九〇七) 孫嗣(九〇七) 郗曇(九〇八) 庾友(九〇八) 庾蘊(九〇九) 曹茂之(九〇九) 華茂(九〇九) 桓偉(九一〇) 袁嶠之(九一〇) 王玄之(九一一) 王凝之(九一一) 謝道韞(九一一) 王肅之(九一一)

王徽之(九二三) 王渙之(九二四) 王彬之(九二四) 王蘊之(九二五) 王豐之(九二五) 魏滂(九二五) 虞說(九二六)
謝繹(九二六) 徐豐之(九二六) 曹華(九二七)

卷十四 晉孝武帝司馬曜(九一九) 袁宏(九一九) 王彪之(九二二) 習鑿齒(九三三) 王珉(九三三) 謝芳
姿(九三三) 蘇彥(九三四) 趙整(九三五) 王嘉(九三七) 殷顛(九三九) 王珣(九三九) 袁山松(九三〇) 顧愷
之(九三〇) 苻朗(九三一) 桓玄(九三三) 殷仲文(九三三) 謝混(九三四) 劉毅(九三六) 吳隱之(九三六) 劉
程之(九三七) 王喬之(九三八) 張野(九三八) 王齊之(九三八) 陶琬之(九三九) 羊徽(九四〇)
卷十五 湛方生(九四三) 袁光(九四七) 劉恢(九四七) 何瑾(九四七) 陸沖(九四八) 陸彥聲(九四八) 張
奴(九四九) 劉道民(九四九) 王升之(九五〇) 包播(九五〇) 卞裕(九五〇) 馬岌(九五二) 伏系之(九五二)
仲長敖(九五三) 殷融(九五三) 王康琚(九五三) 徐廣(九五三) 王氏(九五四) 辛蕭(九五四) 李氏(九五五)
蘇若蘭(九五五)

卷十六 陶淵明(九六七)

卷十七 陶淵明(九八九)

卷十八 雜歌謠辭(二〇二五)

卷十九 清商曲辭(二〇三九) 雜曲歌辭(二〇六九) 郊廟歌辭(二〇七〇)

卷二十 康僧淵(二〇七五) 佛圖澄(二〇七六) 支遁(二〇七七) 鳩羅摩什(二〇八四) 釋道安(二〇八四) 釋慧
遠(二〇八五) 廬山諸道人(二〇八五) 廬山諸沙彌(二〇八七) 史宗(二〇八七) 帛道猷(二〇八八) 竺僧度(二〇八八)

楊苕華(二〇八九) 釋道寶(二〇八九) 竺法崇(二〇九〇) 竺曇林(二〇九〇)
卷二十一 葛洪(二〇九二) 曹毗(二〇九三) 郭文(二〇九五) 羊權(二〇九五) 楊羲(二〇九六) 許穆(二二三) 許
翹(二二三) 鬼神(二三五)

宋詩

卷一 王叔之(二二九九) 五輯之(二二九九) 卞伯玉(二三〇〇) 謝瞻(二三三二) 孔欣(二三四四) 宋文帝劉義
隆(二三五五) 宗炳(二三七七) 孔甯子(二三八八) 傅亮(二三八八) 謝晦(二四〇〇) 謝世基(二四三三) 鄭鮮之
(二四四三) 范泰(二四四三)

卷二 謝靈運(二四四七)

卷三 謝靈運(二四七一)

卷四 王韶之(二四八七) 謝惠連(二四八八) 王微(二四九九) 何長瑜(二五〇〇) 荀雍(二五〇二) 臨川王劉義慶
(二五〇二) 范曄(二五〇三) 范廣淵(二五〇三) 孔法生(二五〇四) 陸凱(二五〇四) 何承天(二五〇四) 何承
嘉(二五〇〇)

卷五 袁淑(二五二二) 南平王劉鑠(二五二三) 丘淵之(二五二六) 荀昶(二五二七) 宋孝武帝劉駿(二五二八) 顏
延之(二五三五)

卷六 何偃(二五三九) 王僧達(二五三九) 顏竣(二五四二) 顏測(二五四三) 江智淵(二五四三) 湯惠休(二五四三)

庚徽之(二二四三) 顏師伯(二二四六) 沈慶之(二二四六) 江夏王劉義恭(二二四七) 謝莊(二二五〇)

卷七 鮑照(二二五七)

卷八 鮑照(二二八一)

卷九 鮑照(二二九五) 鮑令暉(二二三三)

卷十 王素(二二二七) 吳邁遠(二二二七) 徐爰(二二三二) 袁粲(二二三三) 劉侯(二二三三) 卞彬(二二三三) 任

豫(二二三四) 袁伯文(二二三四) 湛茂之(二二三五) 賀道慶(二二三五) 王歆之(二二三六) 蕭璟(二二三六) 張公

庭(二二三七) 漁父(二二三七) 雜歌謠辭(二二三八)

卷十一 清商曲辭(二二三七)

卷十二 郊廟歌辭(二二五二) 燕射歌辭(二二六三) 鼓吹曲辭(二二六五) 舞曲歌辭(二二六七)

齊詩

卷一 齊高帝蕭道成(二二七五) 齊武帝蕭蹟(二二七六) 王延(二二七七) 王儉(二二七八) 王僧祐(二二八〇) 文

惠太子蕭長懋(二二八一) 顧歡(二二八一) 竟陵王蕭子良(二二八二) 隨郡王蕭子隆(二二八四)

卷二 王融(二二八五) 丘巨源(二四〇六) 王仲雄(二四〇七) 孔稚圭(二四〇八) 張融(二四〇九) 徐孝嗣(二四一一)

卷三 謝朓(二四二三)

卷四 謝朓(二四三九)

- 卷五 虞炎(一四五九) 王思遠(一四六〇) 王寂(一四六〇) 阮彥(一四六一) 王僧令(一四六二) 袁浮丘(一四六三) 陸慧曉(一四六三) 陸厥(一四六四) 劉繪(一四六七) 劉瑱(一四七〇) 袁象(一四七〇) 虞通之(一四七一)
- 卷六 顧愨(一四七三) 鍾憲(一四七三) 許瑤之(一四七四) 朱碩仙(一四七四) 石道慧(一四七五) 檀秀才(一四七六) 江朝請(一四七六) 陶功曹(一四七六) 朱孝廉(一四七七) 王秀之(一四七七) 江孝嗣(一四七八) 王常侍(一四七八) 王晏(一四七八) 韓蘭英(一四七九) 釋寶月(一四七九) 雜歌謠辭(一四八〇) 清商曲辭(一四八六) 雜曲歌辭(一四八八)
- 卷七 郊廟歌辭(一四八九) 舞曲歌辭(一五〇八)

梁詩

- 卷一 梁武帝蕭衍(一五二三)
- 卷二 王揖(一五四一) 高爽(一五四二) 范雲(一五四三) 宗夬(一五五四)
- 卷三 江淹(一五五五)
- 卷四 江淹(一五六九)
- 卷五 王暕(一五九三) 曹景宗(一五九四) 任昉(一五九四) 丘遲(一六〇二) 虞羲(一六〇五) 虞騫(一六一〇)
- 卷六 沈約(一六一三)
- 卷七 沈約(一六四三)

卷八 劉霽(二六七二) 劉苞(二六七二) 柳鎮(二六七三) 柳惲(二六七三) 范鎮(二六七八) 何遜(二六七八)
卷九 何遜(二六九七) 何真南(二七二四) 沈繇(二七二五) 孫擢(二七二五) 江革(二七二五) 朱記室(二七二六) 王
訓(二七二六)

卷十 吳均(二七一九)

卷十一 吳均(二七三九) 周興嗣(二七五四)

卷十二 劉峻(二七五七) 蕭洽(二七五八) 王僧孺(二七五九) 徐悱(二七七〇)

卷十三 周捨(二七七三) 陸倕(二七七四) 陸罩(二七七七) 紀少瑜(二七八) 張率(二七七九) 到洽(二七八五)

卷十四 傅昭(二七八九) 裴子野(二七八九) 梁昭明太子蕭統(二七九〇)

卷十五 殷芸(二八〇三) 蕭琛(二八〇三) 蕭巡(二八〇四) 蕭雉(二八〇五) 何胤(二八〇六) 何思澄(二八〇七) 王

錫(二八〇八) 劉遵(二八〇八) 徐勉(二八二二) 陶弘景(二八二三) 王規(二八二五) 蕭子顯(二八二五) 謝微(二八三〇)
蕭瑱(二八三一)

卷十六 劉孝綽(二八二三)

卷十七 劉綏(二八四七) 劉孺(二八五〇) 劉顯(二八五二) 陸雲公(二八五三) 王籍(二八五三) 劉之遴(二八五四)
到溉(二八五五) 謝舉(二八五六) 南鄉侯蕭推(二八五七) 庾仲容(二八五七) 褚翔(二八五八) 楊噉(二八五八) 吳
孜(二八五九) 朱异(二八五九) 張嶷(二八六〇) 張纘(二八六一) 殷鈞(二八六二) 王偉(二八六三)

卷十八 劉孝威(二八六五)

- 卷十九 蕭子雲(二八五) 蕭子暉(二八七) 何敬容(二八八) 伏挺(二八八) 江從簡(二八九) 劉邈(二八九)
- 徐摛(二九〇) 劉孝儀(二九三) 蕭子範(二九六) 武陵王蕭紀(二九九)
- 卷二十 梁簡文帝蕭綱(二九二)
- 卷二十一 梁簡文帝蕭綱(二九七)
- 卷二十二 梁簡文帝蕭綱(二九五)
- 卷二十三 庾肩吾(二九八)
- 卷二十四 王筠(三〇九) 褚灑(三〇三) 鮑至(三〇四) 鮑幾(三〇四) 鮑泉(三〇六) 邵陵王蕭綸(三〇八)
- 徐怿(三〇〇)
- 卷二十五 梁元帝蕭繹(三〇三) 臨賀王蕭正德(三〇六)
- 卷二十六 劉孝勝(三〇六) 劉孝先(三〇六) 徐君蒨(三〇六) 徐防(三〇七) 徐肫(三〇八) 王泰(三〇九)
- 上黃侯蕭暉(三〇九) 荀濟(三〇七) 江洪(三〇七) 江祿(三〇七) 孔熹(三〇七) 孔翁歸(三〇七) 何子朗(三〇七) 沈旋(三〇八) 沈趁(三〇九)
- 卷二十七 費昶(三〇八) 王臺卿(三〇七) 王罔(三〇九) 朱超(三〇九) 戴暘(三〇九) 阮研(三〇一)
- 庾丹(三〇二) 謝瑱(三〇三) 陸璉(三〇三) 鄧鏗(三〇三) 梁宣帝蕭督(三〇四)
- 卷二十八 聞人倩(三〇九) 沈君攸(三〇九) 施榮泰(三一一) 高允生(三一一) 王循(三一一) 房篆(三二四) 裴憲伯(三二四) 車敷(三二四) 姚翻(三二六) 李鏡遠(三二七) 鮑子卿(三二七) 王樞(三二八)

湯僧濟(三二九) 顧煊(三二九) 王脩己(三三〇) 王孝禮(三三〇) 范筠(三三二) 甄固(三三二) 王環(三三三) 江伯瑤(三三三) 劉泓(三三三) 王湜(三三三) 李孝勝(三三三) 談士雲(三三三) 張騫(三三三) 明少遐(三三四) 劉憺(三三四) 賀文標(三三四) 蕭若靜(三三四) 蕭欣(三三五) 王金珠(三三五) 包明月(三三八) 王氏(三三八) 劉氏(三三九) 劉令嫻(三三〇) 沈滿願(三三三) 庾成師(三三六)

卷二十九 雜歌謠辭(三三七) 相和歌辭(三五〇) 清商曲辭(三五〇) 橫吹曲辭(三五一)

卷三十 郊廟歌辭(三六三) 燕射歌辭(三七〇) 相和歌辭(三七六) 鼓吹曲辭(三七八) 清商曲辭(三八三) 舞曲歌辭(三八五) 釋寶誌(三二八) 釋智藏(三二九) 釋惠令(三二九) 惠慕道士(三二九) 僧正惠侶(三二九) 釋法雲(三二九) 桓法閻(三二九) 周子良(三二九) 吳興妖神(三二九)

北魏詩

卷一 韓延之(三九七) 宗欽(三九七) 段承根(三九九) 游雅(三九九) 北魏孝文帝元宏(三〇〇) 高允(三〇一) 劉昶(三〇四) 王肅(三〇四) 彭城王元勰(三〇五) 李謐(三〇五) 鄭道昭(三〇六) 陽固(三〇八) 北魏孝明帝元詡(三〇九) 北魏孝莊帝元子攸(三一〇) 北魏節閔帝元恭(三一〇) 崔鴻(三二一) 馮元興(三二二)

卷二 蕭綜(三二三) 崔巨倫(三二四) 董紹(三二四) 盧元明(三二五) 李騫(三二五) 祖瑩(三二六) 鹿念(三二七) 李諧(三二八) 常景(三二八) 褚縉(三二九) 溫子昇(三三〇) 胡叟(三三三) 濟陰王元暉

業(三三三) 中山王元熙(三三三) 高孝緯(三三四) 王容(三三四) 王德(三三五) 周南(三三五) 祖叔
辨(三三五) 袁曜(三三六) 張斐裳(三三六) 宋道璵(三三六) 文明太后馮氏(三三七) 謝氏(三三七)
陳留長公主(三三七)

卷三 雜歌謠辭(三三九) 雜曲歌辭(三四五)

卷四 仙道(三四七)

北齊詩

卷一 斛律豐樂(三五七) 高昂(三五七) 蕭祗(三五八) 蕭放(三五九) 陸法和(三六〇) 盧詢祖(三六〇)

裴讓之(三六一) 裴訥之(三六一) 邢邵(三六三) 鄭公超(三六六) 楊訓(三六六) 袁爽(三六七) 荀仲
舉(三六七) 魏收(三六八) 劉逖(三七二)

卷二 祖珽(三七三) 安德王高延宗(三七四) 蕭愨(三七四) 蕭毅(三八〇) 馬元熙(三八〇) 陽休之

(三八一) 顏之推(三八二) 趙儒宗(三八四) 甄彬(三八五) 楊子華(三八五) 馮淑妃(三八五) 崔氏
(三六六) 惠化尼(三六六)

卷三 雜歌謠辭(三八九)

卷四 郊廟歌辭(三九三) 燕射歌辭(三九六) 舞曲歌辭(三九九) 仙道(三三一) 褚士達(三三一)

北周詩

- 卷一 周明帝宇文毓(二三三三) 李昶(二三三四) 高琳(二三三五) 宗慄(二三三六) 宗羈(二三三七) 蕭撝(二三三七)
王褒(二三三九) 楊文佑(二三四三) 周宣帝宇文贇(二三四四) 趙王宇文招(二三四四) 滕王宇文逌(二三四五)
王晞(二三四五)

卷二 庾信(二三四七)

卷三 庾信(二三六七)

卷四 庾信(二三八五) 孟康(三四二) 徐謙(三四二) 雜歌謠辭(三四二)

卷五 郊廟歌辭(三四二五) 燕射歌辭(三四二六)

卷六 釋亡名(三四三三) 無名法師(三四三五) 尚法師(三四三五) 仙道(三四三六)

陳詩

卷一 沈炯(三四四三) 陰鏗(三四四九) 陸山才(三四六〇)

卷二 周弘正(三四六一) 周弘讓(三四六四) 周弘直(三四六六) 陸玠(三四六六) 顧野王(三四六七) 徐伯陽(三四六九)

張正見(三四七〇)

卷三 張正見(三四八五)

卷四 陳後主叔寶(三五〇二) 沈后(三五三二)

卷五 徐陵(三五三三) 傅縡(三五三四) 孔奂(三五三六) 孔魚(三五三六) 陸瓊(三五三七) 陸瑜(三五三九)

- 卷六 陳昭(二五二) 陳暄(二五三) 祖孫登(二五三) 劉刪(二五五) 岑之敬(二五八) 褚玠(二五〇) 謝燮(二五〇) 蕭銓(二五三) 賀徹(二五三) 賀循(二五四) 李爽(二五五) 蕭賁(二五六) 何胥(二五六) 陽縉(二五七) 陽慎(二五九) 蔡凝(二五九) 蔡君知(二六〇) 阮卓(二六〇) 徐孝克(二六二) 潘徽(二六三) 韋鼎(二六四) 徐德言(二六四) 樂昌公主(二六五)
- 卷七 江總(二五六)
- 卷八 江總(二五七)
- 卷九 何處士(二五九) 蘇子卿(二六〇) 賀力牧(二六三) 伏知道(二六三) 毛處約(二六三) 陸系(二六四) 獨孤嗣宗(二六四) 李燮(二六四) 江暉(二六五) 何楫(二六五) 蕭淳(二六六) 孔仲智(二六六) 蕭有(二六六) 徐湛(二六七) 吳尚野(二六七) 吳思玄(二六七) 殷謀(二六八) 賈馮吉(二六八) 何曼才(二六八) 許倪(二六八) 蕭麟(二六九) 蕭琳(二六九) 孔範(二七〇) 王瑳(二七〇) 陳少女(二七一)
- 雜歌謠辭(二六一) 清商曲辭(二六一)
- 卷十 郊廟歌辭(二六一) 釋惠標(二六一) 曇瑗(二六三) 釋洪偃(二六三) 釋智愷(二六四) 高麗定法師(二六五)

隋詩

- 卷一 隋文帝楊堅(二六七) 盧思道(二六七) 孫萬壽(二三八)

- 卷二 李德林(三六四三) 柳莊(三六四五) 明克讓(三六四五) 明餘慶(三六四六) 魏澹(三六四七) 辛德源(三六四八)
李孝貞(三六五二) 元行恭(三六五四) 蕭岑(三六五四) 王通(三六五五) 劉臻(三六五六) 史萬歲(三六五六) 何妥
(三六五七) 尹式(三六五九)
- 卷三 隋煬帝楊廣(三六六一) 姚察(三六七三)
- 卷四 楊素(三六七五) 賀若弼(三六七九) 薛道衡(三六七九)
- 卷五 柳詵(三六八九) 牛弘(三六九〇) 蕭琮(三六九二) 袁慶(三六九三) 王脊(三六九二) 徐儀(三六九三) 岑德潤
(三六九三) 崔仲方(三六九四) 于仲文(三六九六) 王胄(三六九六) 諸葛穎(三七〇三) 虞綽(三七〇五)
- 卷六 許善心(三七〇七) 庾自直(三七〇八) 李密(三七〇九) 虞世基(三七一〇) 杜公瞻(三七一五) 王衡(三七一六)
薛德音(三七二六) 越王楊侗(三七二七) 虞世南(三七二七) 蔡允恭(三七二九) 孔德紹(三七三〇) 劉斌(三七三三)
- 卷七 李巨仁(三七三五) 弘執恭(三七三六) 卞斌(三七三八) 王由禮(三七三八) 魯范(三七三九) 殷英童(三七三〇)
胡師耽(三七三〇) 陳政(三七三一) 周若水(三七三一) 薛昉(三七三三) 劉端(三七三三) 段君彥(三七三三) 張文
恭(三七三三) 呂讓(三七三三) 沈君道(三七三三) 魯本(三七三四) 劉夢予(三七三四) 陸季覽(三七三四) 馬敞
(三七三四) 王謨(三七三五) 乙支文德(三七三五) 大義公主(三七三六) 丁六娘(三七三六) 李月素(三七三七) 羅
愛愛(三七三七) 秦玉鸞(三七三八) 蘇蟬翼(三七三八) 張碧蘭(三七三八) 侯夫人(三七三八)
- 卷八 雜歌謠辭(二七四一) 雜曲歌辭(二七四九)
- 卷九 郊廟歌辭(二七五五) 燕射歌辭(二七六六) 鼓吹曲辭(二七六九) 舞曲歌辭(二七七〇)

卷十	僧法宣(二七七二)	釋惠淨(二七七三)	釋智炫(二七七四)	惠曉(二七七四)	釋玄遠(二七七五)	釋靈裕	
	(二七七五)	釋智命(二七七六)	釋智才(二七七七)	曇延(二七七七)	沸大(二七七七)	釋惠輪(二七七八)	
	(二七八)	無名釋(二七九)	仙道(二七九)			釋慧英	
後記						二七八七

先秦詩卷一

歌上

彈歌

吳越春秋曰。越王欲謀復吳。范蠡進善射者陳音。音。楚人也。越王請音而問曰。孤聞子善射。道何所生。音曰。臣聞弩生于弓。弓生于彈。彈起于古之孝子。不忍見父母爲禽獸所食。故作彈以守之。歌曰。○詩紀注。劉勰云。黃歌斷竹。質之至也。又曰斷竹黃歌。乃二言之始。又注。黃。黃帝也。○遼案。吳越春秋所載越歌。率類漢篇。惟此歌質樸。殆是古代逸文。劉勰謂爲黃歌。當別有據。今仍照詩紀列此。

斷竹續竹。書鈔作屬木。類聚、白帖、御覽同。飛土逐穴。書鈔作肉。白帖、御覽同。吳越春秋誤作害。類聚同。詩紀云。穴。古肉字。今吳越春秋作害。非。○吳越春秋九。書鈔百二十四。類聚六十。白帖五。御覽三百五十。詩紀前集一。

擊壤歌

禮記經解正義引尚書傳曰。民擊壤而歌。擊井而飲。畊田而食。帝力何有。類聚引帝王世紀曰。天下大和。百姓無事。有五十老人擊壤於道。觀者歎曰。大哉。帝之德也。老人曰云云。於是景星曜於天。甘露降於地。

日出而作。日入而息。擊井而飲。耕田而食。帝力於我何有哉。類聚作帝何力於我哉。樂府、詩紀同。初學記作帝力何

有於我哉。御覽或作帝何德於我哉。○類聚十一。御覽五百六引高士傳。又五百七十二、七百五十五引逸士傳。樂府詩集八十三。詩紀前集一。

賡歌

尚書曰。帝庸作歌曰。敕天之命。惟時惟幾。乃歌曰云云。臯陶拜手稽首颺言曰。念哉。率作興事。慎乃憲。欽哉。乃賡載歌曰云云。又歌曰云云。帝拜曰。俞。往。欽哉。

股肱喜哉。元首起哉。百工熙哉。白帖作元首起哉。百工喜哉。萬事熙哉。○尚書益稷篇。史記夏本紀。白帖十八。御覽五百七十。詩紀前集一。

元首明哉。股肱良哉。庶事康哉。○尚書益稷篇。史記夏本紀。類聚四十三作舜作歌。文選一兩都賦注。御覽九百五十一。詩紀前集一。

元首叢脞哉。股肱惰御覽或誤作隋。哉。萬事墮御覽或作墜。哉。○尚書益稷篇。史記夏本紀作舜又歌。類聚四十三。御覽五百七十、五百九十。詩紀前集一。

南風歌

家語曰。昔者舜彈五絃之琴。造南風之詩。其詩曰云云。史記樂書曰。舜彈五絃之琴。歌南風之詩。而天下治。南風之詩者。生長之音也。舜樂好之。樂與天地同意。得萬國之驩心。故天下治也。

南風之薰兮。可以解吾民初學記、白帖作人。御覽或同。之愠兮。南風之時兮。可以阜吾民白帖作人。御覽或同。之財

兮。上下兩聯御覽或顛倒。○家語辨樂篇。類聚四十三。白帖一。御覽五百七十一、五百九十二。詩紀前集四作南風操。又尸子綽子篇、初學記一、御覽九並引薰、愠二韵。○史記樂書又云。昔者舜作五絃之琴以歌南風。正義云。鄭玄曰。其辭未聞也。索隱云。此詩之辭出於尸子及家語。○逯案。史記已言歌南風之詩。馮衍顯志賦又云詠南風之高聲。步騭上疏亦言彈五絃之琴。詠南風之詩。俱證尸子以後。此詩傳行已久。謂爲王肅僞作。非是。

大唐歌

尚書大傳曰。惟五祀。定鍾石。論人聲。鳥獸咸變。於是勃然興韶於大麓之野。執事還歸。二年滂然。乃作大唐之歌。以聲帝美。聲成而綵鳳至。故其樂曰。

舟張辟雍。鶴鶴相從。八風回回。鳳皇喈喈。○尚書大傳一。路史後記十二。詩紀前集九。○逯案。詩紀原作辟雍詩。卮林已辨其非。今改正列此。

卿雲歌

尚書大傳曰。舜將禪禹。於時俊乂百工。相和而歌卿雲。帝乃倡之曰云云。八伯咸進。稽首曰云云。帝乃載歌旋持衡曰云云。

卿尚書考河命作慶。雲爛兮。糺類聚作禮。御覽、樂府同。緜緜樂府作漫漫。兮。日月光華。旦類聚或缺此字。復類聚作或。御覽作咸。且兮。○尚書大傳一。尚書考河命。宋書二十七。書鈔一百六。類聚一、四十三。御覽五百七十一。樂府詩集八十三。詩紀前集一。

明明上天。爛然星陳。日月光類聚無光字。華。弘于尚書考河命作予。宋書、御覽同。類聚作兮。一人。○尚書大傳。尚書考河命。宋書二十七。類聚四十三。御覽五百七十一。樂府詩集八十三。詩紀前集一。

日月有常。星辰有行。四時從樂府作順。詩紀同。經。萬姓允誠。於予御覽作施子。論樂。配天之靈。遷于賢聖。尚書考河命作聖賢。宋書同。樂府作賢善。詩紀同。又注。一作聖。莫不咸聽。饗御覽作長。乎鼓御覽作歌。之。軒乎舞御覽作無。之。精詩紀作菁。華已尚書考河命作以。宋書同。竭。褰裳去之。○尚書大傳。尚書考河命。宋書二十七。御覽五百七十一。樂府詩集八十三。詩紀前集一。又類聚四十三引常、行、經、誠、靈五韻。

塗山歌

呂氏春秋曰。禹年三十未娶。行塗山。恐時暮失嗣。辭曰。吾之娶必有應也。乃有白狐九尾而造於禹。禹曰。白者。吾服也。九尾者。其證也。於是塗山人歌曰云云。於是娶塗山女。

綏綏白狐。九尾龐龐。成于家室。書鈔作成家成室。御覽同。我都攸書鈔作彼。御覽同。昌。○書鈔一百六。類聚九十九。御覽五百七十一並引呂氏春秋。○遠案。今本呂氏春秋脫此條。又吳越春秋越王無余外傳載塗山之歌云。綏綏白狐。九尾厖厖。我家嘉夷。來賓爲王。成家成室。我造彼昌。天人之際。於茲則行。蓋據呂書又有增加。樂府詩集八十三引吳越春秋此歌成家成室二句作成于家室。我都攸昌。文字略異。詩紀前集一據樂府詩集以吳越春秋之歌爲正文。而以呂書佚文附之。非是。又劉師培呂氏春秋斟補自序謂書鈔所引係吳越春秋之誤。亦非是。

塗山女歌

呂氏春秋曰。禹行功。見塗山氏之女。禹未之遇。而巡省南土。塗山氏之女。乃令其妾候禹于塗。女乃作歌。歌曰。候人猗兮。呂氏春秋作兮猗。○呂氏春秋音初篇。文選四南都賦注。文選五吳都賦注。

五子歌

夏書曰。太康失位。以逸豫滅厥德。黎民咸貳。乃盤游無度。畋于有洛之表。有窮后羿。因民弗忍。距于河。厥弟五人。御其母以從。僂于洛之汭。五子咸怨。述大禹之戒以作歌。

皇祖有訓。民可近。不可下。民惟邦本。本固邦寧。予視天下愚夫愚婦。一能勝予。怨豈在明。不見是圖。予臨兆民。懷乎若朽索之馭六馬。爲人上者。奈何不敬。○夏書五子之歌篇。御覽八十二。詩紀前集一。

訓有之。內作色荒。外作禽荒。甘酒嗜音。峻宇雕牆。有一於此。未或不御覽或作弗。亡。○夏書五子之歌篇。御覽八十二。詩紀前集一。又御覽五百七十引荒、牆、亡三韵。

惟彼陶唐。有此冀方。今失厥道。詩紀云。左傳作行。亂其紀綱。乃底滅亡。○同上

明明我祖。萬邦之君。有典有則。貽厥子孫。關石和鈞。王府則有。荒墜厥緒。覆宗絕祀。○同上

嗚呼曷歸。予懷之悲。萬姓仇予。予將疇依。鬱陶乎予心。顏厚有忸怩。弗慎厥德。雖悔可追。○同上○逮案。左氏哀六年傳引夏書曰。惟彼陶唐。帥彼天常。有此冀方。今失其行。亂其紀綱。乃滅而亡。與此略同。可證歌爲先秦逸文。

夏人歌

韓詩外傳曰。桀爲酒池糟隄。縱靡靡之樂。一鼓而牛飲者三千人。羣臣皆相持而歌。尚書大傳曰。夏人飲酒。醉者

持不醉者。不醉者持醉者而歌曰。盍歸乎。薄亦大矣。伊尹退而更曰。覺兮較兮。吾大命格兮。去不善而從善。何不樂兮。薄。湯之都也。

江水沛新序重沛字。兮。舟楫敗兮。我王廢兮。趣歸於新序無於字。薄。韓詩外傳作毫。樂府同。詩紀云。一作毫。新序薄下有兮字。薄亦大兮。趣歸以下尚書大傳作盍歸于毫。盍歸于毫。毫亦大矣。類聚同。唯毫亦上有上字。○韓詩外傳二。新序六。樂府詩集八十三。又尚書大傳二及類聚十二皆引大一韻。

樂兮樂兮。四牡躑。韓詩外傳作驕。樂府同。兮。六轡沃兮。去不善而從善。韓詩外傳此句作去不善兮。何不樂兮。○韓詩外傳二。新序六。樂府詩集八十三。詩紀前集一。

麥秀歌

史記曰。箕子朝周。過故殷墟。感宮室毀壞生禾黍。箕子傷之。欲哭則不可。欲泣爲其近婦人。乃作麥秀之詩以歌之。其詩曰。

麥秀漸漸文選注不重漸字。尚書大傳作蘄蘄。。兮禾黍油油。文選注作黍米。爾雅。彼狡童。史記作僮。文選注同。兮不與我好兮。尚書大傳作不我好仇。御覽、樂府同。文選注作不我好。○史記宋世家。尚書大傳。文選十六思舊賦注引尚書大傳。御覽五百七十引史記。樂府詩集五十七作傷殷操。詩紀前集一。

採薇歌

史記曰。武王已平殷亂。天下宗周。而伯夷、叔齊恥之。義不食周粟。隱於首陽山。採薇而食之。及餓且死而作歌。

其辭曰。

登彼西山兮採御覽採上有言字。其薇矣。書鈔無矣字。以暴御覽作亂。易暴兮不知其非矣。書鈔、御覽無矣字。神農虞夏忽焉沒兮。我適安歸矣。書鈔、御覽無矣字。吁嗟徂兮命之衰矣。○史記伯夷列傳。詩紀前集一。又書鈔百六、御覽五百七十並引薇、非、歸三韻。○遠案。呂氏春秋誠廉篇云。昔周之將興也。伯夷、叔齊相謂曰。昔者神農氏之有天下也。時祀盡敬。不以人之壞自成也。今周見殷之僻亂也。而遽爲之正與治。以此紹殷。是以亂易暴也。今天下闇。周德衰矣。不若避之以潔吾行。至首陽之下而餓焉。其曰神農氏。曰以亂易暴。曰周德衰。與此歌相出入。則此歌之出殆在秦之末也。

夢歌詩紀云。一作瓊瑰歌。

左傳曰。聲伯夢涉洹。或與己瓊瑰食之。泣而爲瓊瑰。盈其懷。從而歌之云云。懼不敢占也。還自鄭。至於狸脈而占之。曰。余恐死。故不敢占。今衆繁而從余三年矣。無傷也。言之。之暮而卒。

濟洹之水。贈我以瓊瑰。歸乎歸乎。瓊瑰盈吾懷乎。○左傳成公十七年傳。御覽四百。詩紀前集一。

去魯歌詩紀云。一作師乙歌。

史記曰。孔子相魯。齊人遺女樂。季桓子受之。三日不聽政。郊。又不致膳俎於大夫。孔子遂行。宿乎屯。而師乙送曰。夫子則非罪。孔子曰。吾歌可夫。歌曰云云。桓子聞之曰。夫子罪我以羣婢故也。

彼婦家語婦下有人字。類聚、御覽、樂府同。之口。可以出走。彼婦家語婦下有人字。類聚、御覽、樂府同。之謁。可以死敗。御覽作敗死。蓋家語無蓋字。類聚、御覽、樂府同。優哉游哉。維家語作聊。類聚、御覽、樂府同。以卒歲。○史記孔子世家。家語子

路初見篇。類聚十九。御覽四百六十五。樂府詩集八十三。詩紀前集一。

蟋蟀歌

詩含神霧曰。孔子歌曰云云。政尚靜而惡華也。

遠山十里。蟋蟀之聲。猶尚在耳。○古微書詩含神霧。說苑政理篇作孔子謂弟子曰。詩紀前集一。

曳杖歌

詩紀云。一作夢奠歌。亦見家語。

檀弓曰。孔子蚤作。負手曳杖。消搖於門。歌曰云云。既歌而入。當戶而坐。子貢聞之曰。泰山其頽。則吾將安仰。梁木其壞。哲人其萎。則吾將安放。遂趨而入。夫子曰。予疇昔之夜。夢奠於兩楹之間。夫明王不興。而天下其孰能宗予。予殆將死也。蓋寢疾七日而終。

泰御覽或作太。山其頽乎。梁木其壞乎。哲人其萎乎。○禮記檀弓上。家語終記解。書鈔百六、百三十三。御覽四百、五百七十、七百十。詩紀前集一。

原壤歌

檀弓曰。孔子之故人曰原壤。其母死。夫子助之沐槨。原壤登木曰。久矣。予之不託於音也。歌曰云云。夫子爲弗聞也而過之。

狸首之斑。御覽作班。然。執女手之卷然。○禮記檀弓下。家語屈節篇。白帖十八。御覽五百十三、五百五十二、五百七十。詩紀前

集一。

南蒯歌詩紀云。一作鄉人飲酒歌。

左傳曰。魯昭公十二年。季平子立。而不禮於南蒯。南蒯以費叛。將適費。飲鄉人酒。鄉人或歌曰。

我有圃。生之杞乎。從我者子乎。去我者鄙乎。倍其隣者恥乎。已乎已乎。非吾黨之士乎。○左傳昭公十二年傳。御覽五百七十。詩紀前集一。

成人歌

檀弓曰。成人有其兄死而不爲衰者。聞高子臯爲成宰。遂爲衰。成人歌曰。

蠶則績而蠟有匡。范則冠而蟬有綏。兄則死而子臯爲之衰。○禮記檀弓下。詩紀前集一。

黃鵠歌

列女傳曰。魯陶嬰者。陶明之女也。少寡。養幼孤。無彊昆弟。紡績爲產。魯人或聞其義。將求焉。嬰聞之。恐不得免。乃作歌明己之不更二庭也。其歌曰云云。魯人聞之。遂不敢復求。

悲夫御覽或無夫字。列女傳無悲夫二字。黃鵠之早寡兮。書鈔或無兮字。御覽或同。下仿此。七御覽或作十。年不雙。白帖雙下增飛字。宛列女傳作鵠。頸御覽或作勁。獨宿御覽或作戢翼。兮不與衆同。夜半悲鳴兮想其故雄。此句御覽或作時則非鳴

今獨行惻惻。天白帖作其。命早寡御覽或作令然。今獨宿何傷。御覽或作愧獨永傷。寡婦念此白帖作念此寡婦。御覽或作感鳥愠己。今泣御覽或作淚。下數御覽或作成。行。嗚呼哀哉二字御覽或作悲哉。或止作悲。今白帖無兮字。死者不可忘。飛白帖無飛字。鳥御覽或作鳴。尚然今況於御覽或作何況。貞樂府作真。良。白帖作況其夫良。雖有賢雄今終不御覽不下或有可字。重詩紀作同行。○列女傳四。白帖六。御覽四百四十一、五百七十二。樂府詩集四十五。詩紀前集一。○逸案。藝文類聚九十、御覽九百十六引此皆略爲四言。其辭曰。黃鵠早寡。七年不雙。宛頸獨宿。不與衆同。禽鳥尚然。況於貞良。

宋城者謳詩紀云。卽華元歌。

左傳曰。鄭公子受命於楚。伐宋。宋華元、樂呂御之。戰于大棘。宋師敗績。囚華元。獲樂呂。宋人以兵車百乘。文馬百駟。以贖華元於鄭。半人。華元逃歸宋城。華元爲植巡功。城者謳曰云云。使其驂乘謂之曰。牛則有皮。犀兕尚多。棄甲則那。役人曰云云。華元曰。去之。夫其口衆我寡。

睥其目。皤其腹。棄甲而復。于思于思。棄甲復來。○左傳宣公二年傳。類聚十九。御覽百九十二、三百五十五、三百六十六、四百六十五。詩紀前集一。

從其有皮。丹漆若何。○左傳宣公二年傳。御覽百九十二、三百五十五。詩紀前集一。

澤門之皙謳詩紀云。一作築者歌。

左傳曰。宋皇國父爲太宰。爲平公築臺於門。妨於農收。子罕請俟農功之畢。公弗許。築者謳曰。

澤門之哲。實與我役。邑中之黔。實慰我心。○左傳襄公十七年傳。白帖三。御覽百七十七、四百六十五。詩紀前集一。

野人歌

左傳曰。衛侯爲夫人南子召宋朝。會于洮。野人歌之曰。

既定爾婁豬。盍歸吾艾豨。○左傳定公十四年傳。白帖二十九。詩紀前集一。

齊民歌

韓非子曰。齊桓公飲酒。醉遺其冠。恥之。管仲曰。公胡其不雪之以政。公曰。善。因發倉困賜貧窮。論囹圄。出薄罪。處三日而民歌之曰。

公胡御覽或作乎。不復遺其韓非子無其字。御覽或同。冠乎。○韓非子難二篇。金樓子雜記篇。類聚十九。御覽四百九十七、六百八十四、八百四十五。詩紀前集一。

凍水歌

詩紀作齊臺歌。

晏子春秋曰。景公起大臺之役。歲寒不已。國人望晏子。晏子見公。迺坐飲酒樂。晏子曰。君若賜臣。臣請歌之。歌曰。庶民之言曰云云。歌終。喟然流涕。公止之曰。子殆爲大臺之役夫。寡人將速罷之。

凍水書鈔作冰。洗類聚作庶民之凍。我若之何。太書鈔作奉。類聚同。上糜散書鈔作靡散。類聚作靡弊。我若之何。○晏子春秋內諫下。書鈔百五十六。類聚五。詩紀前集一。

穗歌

晏子春秋曰。景公爲長床。將欲美之。有風雨作。公與晏子入坐飲酒。致堂上之樂。酒酣。晏子作歌曰云云。歌終。顧而流涕。張躬而舞。公遂廢酒罷役。不果成長床。

穗乎晏子春秋作兮。御覽或同。御覽或作禾有穗兮。不得穫。秋風至今殫御覽或作盡。或作草。零落。風雨之弗殺也。御覽作拂煞之。太上之靡弊也。此句御覽止作靡弊之。○晏子春秋內諫下。御覽四百五十六。詩紀前集一。又御覽八百二十四引虞喜志林引穫、落二韻。

歲莫歌

詩紀作齊役者歌。

晏子春秋曰。景公築長床之臺。晏子侍坐。觴三行。晏子起舞曰云云。舞三而涕下沾襟。景公慚焉。爲之罷長床之役。

歲已莫矣。而禾不穫。忽忽兮若之何。歲已寒矣。而役不罷。惓惓兮如之何。○晏子春秋外篇。詩紀前集一。

齊莊公歌

晏子春秋曰。晏子臣於莊公。公不說。飲酒。令召晏子。晏子至。入門。公令樂人奏。歌曰。

已哉已哉。寡人不能說也。爾來爲。○晏子春秋內篇雜上。

萊人歌

左傳曰。哀公五年秋。齊景公卒。冬十月。公子嘉、公子駒、公子黔奔衛。公子鉏、公子陽生來奔。萊人歌之曰。景公死乎不。史記作弗。與埋。三軍之士御覽作事。之士二字史記作事。不史記作弗。與謀。師乎師乎。何史記作胡。黨之乎。○左傳哀公五年傳。史記齊世家。御覽五百七十。詩紀前集一。

齊人歌

左傳曰。哀公二十一年。公與齊侯邾子盟於顧。齊人責稽首。因歌之曰。魯人之臯。數年不覺。使我高蹈。唯其儒書。以爲二國憂。○左傳哀公二十一年傳。御覽五百七十。詩紀前集一。

采芑歌

史記曰。田常成子與監止俱爲左右相。相齊簡公。田常心害監止。監止幸於簡公。權弗能去。於是田常復修釐子之政。以大斗出貸。以小斗收。齊人歌之曰。

嫗乎采御覽作採。芑。歸乎田成子。○史記田敬仲完世家。詩紀前集一。○詩紀云。劉知幾史通曰。田常見在而遽呼以諡。此之不實。昭然可見。○逮案。此歌自是後世所傳。故有成子之說。然亦仍爲周末之作。觀下歌可知。

周秦民歌

韓非子曰。景公與晏子遊於少海。登柏寢之臺。還望其國曰。美哉。泱泱乎。堂堂乎。後世將孰有此。晏子對曰。其田成氏乎。齊嘗大飢。道旁餓死者不可勝數也。父子相牽而趨田成氏者。不聞不生。故周秦之民相與歌之曰。

謳乎其已乎。苞乎其往歸田成子乎。○韓非子外儲說右上。

彈鋏歌 一作長鋏歌。

史記曰。馮驩見孟嘗君。居傳舍十日。孟嘗君問傳舍長曰。客何所爲。答曰。馮先生甚貧。惟有一劍耳。又劓緱彈其劍而歌曰云云。孟嘗君遷之幸舍。食有魚矣。五日。又問傳舍長。答曰。客復彈劍而歌曰云云。孟嘗君遷之代舍。五日。孟嘗君復問傳舍長。答曰。先生又嘗彈劍而歌曰云云。于是孟嘗君不悅。

長鋏歸來乎御覽或作兮。書鈔作大丈夫歸去來兮。白帖作長鋏歸兮。食無魚。○戰國策齊策四。史記孟嘗君列傳。書鈔百六。白帖五。御覽三百四十六、四百八十四、五百七十一。詩紀前集一。

長鋏歸來乎御覽或作兮。書鈔作大丈夫歸去來兮。出書鈔作乘。無車。御覽或作輿。○戰國策齊策四。史記孟嘗君列傳。書鈔百六。御覽三百四十六、四百八十四、五百七十一。詩紀前集一。

長鋏歸來乎御覽或作兮。無以爲家。○戰國策齊策四。史記孟嘗君列傳。御覽三百四十六、四百八十四、五百七十一。詩紀前集一。

松柏歌

戰國策曰。秦使陳馳誘齊王建人秦。遷之共。處之松柏之間。餓而死。齊人怨建聽姦人賓客。不蚤與諸侯合從。以亡其國。歌之云。

松邪柏邪。住風俗通作亡。詩紀無住字。注云。一本作住建共者客邪。建共者客邪。○戰國策齊策六。風俗通王霸篇。通鑑六。詩紀前集一。

先秦詩卷二

歌下附孔叢子等書傳聞依託之作。

狐裘歌詩紀云。一作狐裘詩。

左傳曰。晉侯使士蔿爲二公子築蒲與屈。不慎。置薪焉。夷吾訴之。公使讓之。士蔿對曰。臣聞之。無喪而感。憂必讐焉。無戎而城。讐必保焉。寇讐之保。又何慎焉。詩云。懷德惟寧。宗子惟城。君其修德而固宗子。何城如之。三年。將尋師焉。焉用慎。退而賦曰。

狐裘虮茸。一國三公。吾誰適從。○左傳僖公五年傳。白帖十二。詩紀前集二。

暇豫歌

國語曰。驪姬告優施曰。君既許我殺太子而立奚齊矣。吾難里克。使優施飲里克酒。中飲。優施起舞。謂里克妻曰。主盍啗我。我教茲暇豫事君。乃歌曰云云。里克笑曰。何謂苑。何謂枯。優施曰。其母爲夫人。其子爲君。可不謂苑乎。其母既死。其子又有謗。可不謂枯乎。枯且有傷。優施出。里克不餐而寢。夜半。召優施曰。曩而言戲乎。抑有所聞之乎。曰。然。君既許殺太子而立奚齊。里克曰。中立其免乎。優施曰。免。

暇豫之吾吾御覽作悟悟。不如鳥鳥。人文選注作鳥。皆集於苑。國語作苑。御覽作蔚。己獨集於枯。○國語晉語二。文選二

十九曹據感舊詩注。御覽四百六十九。詩紀前集二。

龍蛇歌

呂氏春秋曰。晉文公反國。介子推不肯受賞。自爲賦詩曰云云。懸書公門而伏於山下。文公聞之曰。諱。此必介子推也。○逮案。龍蛇歌分見呂氏春秋、史記、說苑、新序、淮南子注及琴操等。辭各有異。詩紀均入古逸。今分別編此及漢詩中。

有龍于飛。周徧天下。五蛇從之。爲之承輔。龍返其鄉。得其類聚作既得。處所。四蛇從之。得其露雨。一蛇羞御覽著作。之。槁呂氏春秋作橋。詩紀同。御覽無此字。死於類聚無於字。中野。○呂氏春秋介立篇。類聚九十六。御覽九百二十九。詩紀前集二。

龍蛇歌附

史記曰。晉國復而文公得歸。賞從亡者。未至介子推。推亦不言祿。從者憐之。乃懸書宮門曰云云。文公出。見其書曰。此介子推也。使人召之。則亡。人縣上山中。於是文公環縣上山而封之。以爲介推田。號曰介山。

龍欲上天。五蛇爲輔。龍已升雲。四蛇各入其宇。一蛇獨怨。終不見處所。○史記晉世家。樂府詩集五十七。詩紀前集二。

龍蛇歌附

說苑曰。文公即位。賞不及推。推且出怨言。不食其食。推從者憐之。乃懸書宮門曰云云。文公出。見書。曰。嗟。此介子推也。使人召之。則亡。人縣上山中。於是文公表縣上山中而封之。以爲介推田。號曰介山。

有龍矯矯。頃失其所。五蛇從之。周徧天下。龍飢無食。一蛇割書鈔作劉股。龍返其淵。安其壤土。四蛇人穴。皆有處所。一蛇無穴。號於中野。○說苑復恩篇。書鈔百五十八。樂府詩集五十七。詩紀前集二。

龍蛇歌附

說苑曰。晉文公出亡。舟之僑去虞而從焉。文公反國。擢可爵者而爵之。擢可祿者而祿之。僑獨不與焉。文公酌諸大夫酒。酒酣。文公曰。二三子盍爲寡人賦乎。僑曰。君子爲賦。小人請陳其辭。辭曰云云。遂歷階而去。○詩紀作舟之僑歌。

有龍矯矯。頃失其所。一蛇從之。周流天下。龍反其淵。安御覽作地。寧其處。一蛇耆乾。獨不得其所。○說苑復恩篇。詩紀前集二作舟之僑歌。又御覽百九十八引所。下。乾三韵。○遠案。自上諸龍蛇歌觀之。西漢人之著錄先秦詩章。率皆有據。匪出臆造。特傳聞異辭耳。

河激歌

列女傳曰。女娟者。趙河津吏之女也。簡子南擊楚。津吏醉卧不能渡。簡子怒。欲殺之。娟懼。持楫走前曰。願以微軀易父之死。簡子遂釋不誅。將渡。用楫者少一人。娟攘拳操楫而請簡子。遂與渡。中流爲簡子發河激之歌。簡子歸。納爲夫人。

升彼河列女傳作阿。兮而列女傳作面。書鈔、御覽作西。觀清。水揚波兮冒文選注作杳。御覽同。冥冥。書鈔、御覽不疊冥字。

禱求福兮醉不醒。誅將加兮妾心驚。罰既釋兮瀆書鈔作河。乃清。妾持楫兮操其維。蛟文選注作交。龍助兮主將歸。呼來權御覽作棹。今行勿疑。○列女傳辨通篇。書鈔百六。文選二十二車駕幸京口詩注。詩紀前集二。又御覽五百七十二引清、冥、醒、驚、歸、疑六韻。

鼓琴歌一作鼓瑟歌。

史記曰。趙武靈王夢見處女鼓琴而歌詩曰云云。異日王飲酒樂。數言所夢。想見其狀。吳廣聞之。因夫人而內其女娃嬴孟姚也。孟姚甚有寵於王。是爲惠后。

美人熒熒熒御覽止作莞。今顏若御覽若下有舜華二字。若之榮。書鈔作生。命乎命乎。列女傳作命兮命兮。御覽止作命兮二字。逢天時而生。史記無此五字。御覽同。曾無列女傳作莫。我嬴。○史記趙世家。列女傳七。御覽五百七十。詩紀前集四。

段干木歌

呂氏春秋曰。魏文侯過段干木之間而軾之。其僕曰。君胡爲軾。曰。此非段干木之間歟。段干木蓋賢者也。吾安敢不軾。其僕曰。然則君何不相之。於是君請相之。段干木不肯受。則君乃致祿百萬而時往。館之。國人相與誦之曰。吾君好正。段干木之敬。吾君好忠。段干木之隆。○呂氏春秋期賢篇。新序雜事篇五。詩紀前集二。

鄴民歌詩紀云。一作魏河內歌。一作漳水歌。

史記曰。魏襄王以史起爲鄴令。引漳水溉鄴。以富魏之河內。而民作歌云。

鄴有賢呂氏春秋作聖。書鈔、類聚、御覽同。令今呂氏春秋、書鈔、類聚、御覽無令字。下仿此。爲御覽或作曰。呂氏春秋爲上有時字。史公。決白帖或作引。書鈔決下或有反字。漳水今灌鄴旁。白帖或誤作田。終白帖或作千。古烏呂氏春秋作斥。書鈔、類聚、白帖、御覽同。鹵烏鹵二字白帖或止作岸。今生稻梁。○呂氏春秋樂成篇。史記河渠書。漢書溝洫志。書鈔三十九、百五十六。類聚十九。御覽六十四、四百六十五、八百三十九。詩紀前集二。又白帖二十三凡三引旁、梁二韻。

楚人誦子文歌

說苑曰。楚令尹子文之族有干法者。廷理聞其令尹之族也。釋之。子文召廷理而責之。遂致其族人於廷理曰。不是刑也。吾將死。廷理懼。遂刑其族人。國人聞之。曰。若令尹之公也。吾黨何憂乎。乃相與作歌曰。

子文之族。犯國法程。廷理釋之。子文不聽。恤顧怨萌。方正公平。○說苑至公篇。渚宮舊事一。詩紀前集二。

楚人爲諸御己歌

說苑曰。楚莊王築層臺。延石千里。延壤百里。大臣諫者七十二皆死矣。有諸御己者。違楚百里而耕。謂其耦曰。吾將人諫王。委其耕而人見莊王。遂解層臺而罷民。楚人歌之曰。

薪乎菜御覽作萊。乎。無諸御己訖無子乎。菜御覽作萊。乎薪乎。無諸御己訖無人乎。○說苑正諫篇。御覽四百五十五。詩紀前集二作楚人歌。

優孟歌

史記曰。楚相孫叔敖病且死。屬其子曰。若貧困。往見優孟。居數年。其子貧困負薪。逢優孟。曰。我孫叔敖子也。

父死時。屬我貧困往見優孟。孟卽爲孫叔敖衣冠。抵掌談語。歲餘。像孫叔敖。楚王置酒。優孟前爲壽。莊王大驚。以爲孫叔敖復生也。欲以爲相。優孟曰。楚相不足爲也。孫叔敖爲楚相。盡忠爲廉。王得以伯。今死。其子貧困負薪以自飲食。必如孫叔敖。不如自殺。因歌曰云云。莊王乃召孫叔敖子。封之寢丘。

山居耕田苦。難以得食。起而爲吏。身風雅逸篇無身字。詩紀同。貪鄙者餘財。不顧恥辱。身死家室富。又恐受賅枉法爲姦觸大罪。身死而家滅。貪吏安可爲也。念爲廉吏。奉法守職。竟死不敢爲非。廉吏安可爲也。詩紀云。風雅逸篇曰。按此無音韻章句。而史以爲歌者。不可曉。豈當時曠括轉換借歌聲以成之歟。史不能述其音。但記其義也。又曰。劉子玄譏此事之妄幻。然此傳以滑稽名。乃優孟自爲寓言爾。○史記滑稽列傳。風雅遺篇六。詩紀前集二。

忼慨歌詩紀云。一作楚商歌。

孫叔敖碑曰。楚相孫君諱饒。字叔敖。臨卒。將無棺槨。令其子曰。優孟曾許千金貸吾。孟。楚之樂長。與相君相善。雖言千金。實不負也。卒後數年。莊王置酒以爲樂。優孟乃言孫君相楚之功。卽忼慨商歌曲曰云云。涕泣數行。王心感動。卽求其子而加封焉。

貪吏而可爲而不可爲。廉吏而可爲而不可爲。貪吏而不可爲者。當時有污名。而可爲者。子孫以家成。廉吏而可爲者。當時有清名。而不可爲者。子孫困窮被褐而負碑作賣。薪。貪吏常苦富。廉吏常苦貧。獨不見楚相孫叔敖。廉絮不受錢。○隸釋三。風雅逸篇六。詩紀前集二。○遠案。隸釋所載孫叔敖碑。立於後漢延熹三年五月二十八日。

楚狂接輿歌

論語曰。楚狂接輿歌而過孔子曰。

鳳兮鳳兮何德之衰。往者不可諫。史記諫下有兮字。來者猶可追。史記追下有也字。已而已而。今之從政者殆而。

○論語微子篇。史記孔子世家。御覽五百七十。詩紀前集二作接輿歌。

同上

莊子曰。孔子適楚。楚狂接輿遊其門曰。

鳳兮鳳兮何德之衰也。來世不可待。往事不可追也。天下有道。聖人成焉。天下無道。聖人生焉。方今之時。僅免刑焉。福輕乎羽。莫之知載。禍重乎地。莫之知避。已乎已乎。臨人以德。殆乎殆乎。畫地而趨。迷陽迷陽。無傷吾行。吾行却曲。無傷吾足。○莊子人間世篇。詩紀前集二。○詩紀云。困學紀聞曰。胡明仲云。荆楚有草。叢生脩條。野人呼爲迷陽。其膚多刺。故曰無傷吾行。無傷吾足。

孺子歌

詩紀云。文章正宗作滄浪歌。楚辭載此作漁父歌。

孟子曰。有孺子歌曰云云。孔子曰。小子聽之。清斯濯纓。濁斯濯足矣。自取之也。

滄浪之水清兮。文選注、白帖無兮字。御覽或同。可以濯我纓。滄浪之水濁。文選注作淥。兮。文選注、白帖無兮字。御覽或同。可以濯我足。○孟子離婁篇。楚辭漁父作漁父歌。文選十五歸田賦注、樂府詩集八十三俱作漁父歌。白帖二。御覽五十九、三百七十二引楚辭。又五百七引高士傳。又五百七十二。詩紀前集二。○遼案。詩紀於此篇後又有一篇。題云文子載滄浪歌。辭云。混混之水濁。可

以濯我足乎。泠泠之水清。可以濯我纓乎。查文子上卷載此。並不謂歌。蓋轉引以論其道耳。今不再編入。

被衣爲齧缺歌

莊子曰。齧缺問道乎被衣。被衣曰。若正汝形。一汝視。天和將至。攝汝知。一汝度。神將來舍。神精將爲汝美。道將爲汝居。汝瞳焉如新生之犢而無求其故。其言未卒。齧缺睡寐。被衣大說。行歌而去之。

形若槁骸。心若死灰。真其實知。不以故自持。媒媒晦晦。淮南子作墨墨恢恢。無心而不淮南子無而不二字。可與謀。彼何人哉。○莊子知北遊篇。淮南子道應訓。詩紀前集二作被衣歌。

子桑琴歌

莊子曰。子輿與子桑友。而霖雨十日。子輿曰。子桑殆病矣。裹飯而往食之。至子桑之門。則若歌若哭。鼓琴曰云。子輿人。曰。子之歌聲。何故若是。曰。吾思夫使我至此極者而不得也。父母豈欲吾貧哉。天地豈私貧我哉。然而至此極者。命也。

父邪母邪。天乎人乎。○莊子大宗師篇。詩紀前集四。

相和歌

莊子曰。子桑戶、孟子反、子琴張三人相與友。子桑戶死。未葬。孔子使子貢往侍事焉。或編曲。或鼓琴。相和而歌曰。

嗟來桑戶。白帖作慮。乎。嗟來桑戶乎。白帖不疊句。而已反其真。而我猶爲人猗。白帖無猗字。○莊子大宗師篇。白帖十。詩紀前集四。

楊朱歌

列子曰。楊朱之友曰季梁。疾大漸。其子環而泣之。請醫。季梁謂楊朱曰。汝奚不爲我歌以曉之。楊朱歌曰云云。俄而季梁之疾自瘳。

天其弗識。人胡能覺。匪佑自天。弗孽由人。我乎汝乎。其弗知乎。醫乎巫乎。其知之乎。○列子力命篇。詩紀前集二。

申叔儀乞糧歌

左傳曰。哀公十三年。公會單平公、晉定公、吳夫差于黃池。吳申叔儀乞糧於公孫有山氏曰云云。有山氏對曰。梁則無矣。粗則有之。若登首山以呼曰庚癸乎。則諾。

佩玉粲兮。余白帖作子。無所御覽無所字。繫之。旨酒一盛。御覽作盞。兮余白帖作子。與褐之父。白帖作人。睨之。○左傳哀公十三年傳。白帖十五。御覽六百九十三。詩紀前集二作庚癸歌。

徐人歌

新序曰。延陵季子將聘晉。帶寶劍以過徐君。徐君觀劍不言而心欲之。季子未獻也。然其心已許之。使反而徐君已

死。季子於是以劍帶徐君墓樹而去。徐人爲之歌曰。

延陵季子兮類聚無兮字。御覽同。不忘故。類聚故上有舊字。御覽同。脫御覽無脫字。千金之劍帶類聚作挂。御覽帶上有以字。丘墓。類聚作樹。○新序節士篇。類聚三十四。御覽四百六十五。詩紀前集二。

越人歌

說苑曰。襄成君始封之日。楚大夫莊辛過而說之曰。君獨不聞夫鄂君子皙之泛舟於新波之中也。越人擁楫而歌。歌辭曰。濫兮欸草濫予昌枻澤予昌州州。郢州焉乎秦胥胥。纒予乎昭澶。秦踰滲。悞隨河湖。鄂君子皙曰。吾不知越歌。子試爲我楚說之。於是乃召越譯。乃楚說之曰云云。於是鄂君子皙乃揄脩袂行而擁之。舉繡被而覆之。鄂君子皙。親楚王母弟也。官爲令尹。爵爲執珪。一榜柁越人。猶得交歡盡意焉。

今夕何夕。御覽或無何夕二字。兮類聚誤作子。書鈔無兮字。寒洲。書鈔作舟。是中流。類聚作寒州水流。御覽或作寒流水洲。說苑作寒中洲流。皆誤。今日御覽或無今日二字。何日兮類聚無兮字。得書鈔無得字。與王子同舟。蒙羞被好兮不訾詬恥。心幾煩說苑作頑。樂府同。而不絕兮得知說苑作知得。王御覽或無王字。子。山有御覽有下或有樹字。木兮木有枝。心說君兮君不知。○說苑善說篇。樂府詩集八十三。詩紀前集二。又書鈔百六引流、舟二韻。類聚七十一、御覽五百七十二並引流、舟、枝、知四韻。御覽七百七十一引洲、舟、枝、知四韻。

荆軻歌

詩紀作渡易水歌。注。一曰荆軻歌。

史記曰。燕太子丹使荆軻刺秦王。太子及賓客知其事者。皆白衣冠以送之。至易水之上。既祖取道。高漸離擊筑。

荆軻和而歌。爲變徵之聲。士皆垂淚涕泣。又前而爲歌曰云云。復爲羽聲。愜慨。士皆矚目。髮盡上指冠。於是荆軻就車而去。

風蕭蕭兮易水寒。壯士一去兮類聚無兮字。不復還。○戰國策燕策三。史記刺客列傳燕丹子下。文選二十八。書鈔百六。類聚四十三。初學記一、十五。御覽六十四、五百七十二。詩紀前集二。

諷賦歌

諷賦曰。主人之女。翳承日之華。披翠雲之裘。來排臣戶曰。無乃飢乎。爲臣炊彫胡之飯。烹露葵之羹。來勸臣食。以其翡翠之釵。掛臣冠纓。臣不忍仰視。爲臣歌曰云云。臣復援琴而鼓之。爲秋竹積雪之曲。主人之女。又爲臣歌曰云云。

歲將暮兮日已寒。中心亂兮勿多言。

內怵惕兮原注。一本作怵惕之心兮。徂玉牀。橫自陳兮君之傍。○古文苑一宋玉諷賦。

附

楚聘歌

詩紀云。一作大道歌。

孔叢子曰。楚王使使奉金幣聘夫子。宰予、冉有曰。夫子之道。至是行矣。遂請見。問曰。太公勤身苦志。八十而遇文王。孰與許由之賢。子曰。許由獨善其身者也。太公兼利天下者也。然今世無文王。雖有太公。孰能識之。乃歌曰。

大道隱兮禮爲書鈔作有。御覽同。基。賢人竄兮將待時。天下如一兮孔叢子無兮字。欲何之。○孔叢子記問篇。書鈔百六。御覽五百七十一。詩紀前集一。

丘陵歌

詩紀云。陸賈新語作丘公陵歌。

詩紀此注本之風雅逸篇。案。陸賈新語慎微篇言孔子作公陵之歌。然無歌辭。○孔叢子曰。哀公使以璧如衛迎夫子。而不能賞用也。故夫子作丘陵之歌曰。

登彼丘陵。崩施御覽作山施。誤。其阪。仁道在邇。詩紀云。一作近。求之若遠。遂迷文選注作邇。御覽作迷而。不復。自嬰屯蹇。喟然迴慮。題彼泰山。鬱確其高。梁甫迴連。枳棘充路。陟之無緣。將伐無柯。患茲蔓延。惟以永歎。涕霑潺湲。○孔叢子記問篇。詩紀前集一。文選二十三臨終詩注引蹇一韻。御覽五百七十一引阪、遠、蹇三韻。

獲麟歌

孔叢子曰。叔孫氏之車子鉏商樵於野而獲麟焉。衆莫之識。以爲不祥。棄之五父之衢。冉有告曰。麇身而肉角。豈天之妖乎。夫子往觀焉。泣曰。麟也。麟出而死。吾道窮矣。乃歌云。

唐虞世兮論語摘衰聖作之世。麟鳳遊。今非其時來孔叢子作吾。何求。論語摘衰聖作由。麟兮麟兮我心憂。○孔叢子記問篇。古微書論語摘衰聖。御覽五百七十一、八百八十九。詩紀前集一。

琴歌

風俗通曰。百里奚爲秦相。堂上樂作。所賃澣婦自言知音。因援琴撫絃而歌曰云云。問之。乃其故妻。還爲夫婦也。○詩紀從樂府詩集於題下注云三首。然後引風俗通敘其本事。逮案。此三首歌辭大同小異。一見典略。一見顏氏家訓。並不全出風俗通。樂府詩集、嚴氏全後漢文以爲皆出風俗通者。非是。今以風俗通所載爲正文。而以他二首附之。

百里奚。初娶我時五羊皮。臨當相御覽無相字。樂府同。別時御覽作行。烹乳雞。今適富貴忘我爲。○御覽五百七十二。樂府詩集六十。詩紀前集四。

琴歌附

百里奚。百里奚。御覽不疊句。母已死。葬南谿。御覽作溪。墳以瓦。以瓦御覽止作已。覆以柴。御覽誤作紫。春黃藜。御覽誤作春莫黎。搯伏雞。西人秦。五羖皮。今日富貴捐我爲。○御覽五百七十六引典略。樂府詩集六十。詩紀前集四。

琴歌附

百里奚。五羊皮。憶別時。烹伏雌。炊扈廩。今日富貴忘我爲。○顏氏家訓書證篇作古樂府歌百里奚詞。樂府詩集六十。詩紀前集四。

漁父歌

詩紀云。一作渡伍員歌。

吳越春秋曰。伍子胥逃楚。與楚太子建奔鄭。晉頃公欲因太子謀鄭。鄭知之。殺太子建。伍員奔吳。追者在後。至

江。江中有漁父。子胥呼之。漁父欲渡。因歌曰云云。子胥止蘆之漪。漁父又歌曰云云。既渡。漁父視之有飢色。曰。爲子取餉。漁父去。子胥疑之。乃潛深葦之中。父來持麥飯鮑魚羹盎漿。求之不見。因歌而呼之曰云云。子胥出飲食畢。解百金之劍以贈漁父。不受。問其姓名。不答。子胥誠漁父曰。掩子之盎漿。無令其露。漁父諾。胥行數步。漁者覆船自沈於江。

日月昭昭乎。越絕書、書鈔止作日昭昭。御覽或止作昭昭兮。案作日昭昭是。寢已馳。越絕書作侵以施。書鈔作侵已施。御覽或作侵已施。或作侵已私。與子期乎。越絕書、書鈔作甫。御覽或作甫。或作兮。蘆之漪。越絕書、書鈔作碻。御覽或字缺。或作崎。案作碻是。○吳越春秋上。越絕書一。書鈔百六引越紀。御覽六十九引輿地志。又五百七十一。詩紀前集二。

日已夕兮予心憂悲。月已馳兮何不渡爲。事寢急兮將奈何。越絕書作心中目施。子可渡河。何爲不出。船到卽載入船而伏。書鈔引越紀、御覽引越絕書略同。○吳越春秋三。
蘆中人。蘆中人。豈非窮士乎。○同上

河上歌

吳越春秋曰。楚白喜奔吳。吳王闔閭以爲大夫。與謀國事。吳大夫被離問子胥曰。何見而信喜。子胥曰。吾之怨與喜同。子不聞河上歌乎。

同病相憐。同憂相掾。吳越春秋作救。驚翔之鳥相隨而集。瀨下之水因復俱流。詩紀此下有胡馬望北風而立。越驚向日而熙。誰不愛其所近。悲其所思者乎數句。案此已非歌詩本文。不應闕入。今刪。○吳越春秋四。詩紀前集一。

申包胥歌

吳越春秋曰。子胥以吳兵伐楚。入郢。昭王出奔。申包胥乃之秦求救。倚哭於秦庭。七日七夜。口不絕聲。哭已。歌曰云云。桓公大驚曰。楚有賢臣若此。吳猶欲滅之。寡人無臣若斯者。其亡無日矣。爲賦無衣之詩。出師而送之。吳爲無道。封豕長蛇。以食上國。欲有天下。政從楚起。寡君出自草澤。使來告急。○吳越春秋四。詩紀前集二。

窮劫曲

吳越春秋曰。楚樂師扈子非荆王信讒佞殺伍奢。白州犁而寇不絕於境。至乃掘平王墓。戮尸奸喜。以辱楚君臣。又傷昭王困迫。幾爲天下大鄙。乃援琴爲楚作窮劫之曲。其詞曰。

王耶王耶何乖劣。吳越春秋作烈。注云。疑當作劣。不顧宗廟聽讒孽。任用無忌多所殺。誅夷白氏族幾滅。二子東奔適吳越。吳王哀痛助切怛。垂涕舉兵將西伐。伍胥白喜孫武決。三戰破郢王奔發。留兵縱騎虜京闕。楚荆骸骨遭掘發。吳越春秋作發掘。鞭辱腐屍恥難雪。幾危宗廟社稷滅。莊吳越春秋作嚴。王何罪國幾絕。卿士悽愴民惻悵。吳軍雖去怖不歇。願王更隱撫忠節。勿爲讒口能謗喪。○吳越春秋四。詩紀前集四。○遠案。渚宮舊事二曰。昭王反郢。樂師扈子侍坐。引琴而歌曰。王兮王兮聽讒邪。枉殺左右冤伍奢。二子懷恨東奔吳。創營構禍破國都。鞭尸戮骸邱墓屠。賴申包胥人獲蘇。王雖反國憂未徂。與此互有異同。

烏鵲歌

吳越春秋曰。越王句踐與大夫種、范蠡人臣於吳。羣臣皆送至浙江之上。越王夫人乃據船哭。願烏鵲啄江渚之蝦。飛去復來。因哭而歌之曰云云。又哀吟曰云云。

仰飛鳥兮烏鳶。凌玄虛兮吳越春秋無兮字。號吳越春秋注云。號當作兮。翩翩。詩紀不疊翮字。集洲渚兮優恣。啄蝦矯
翮兮雲間。任厥性吳越春秋缺性字。注云。此闕一字。兮往還。妾無罪兮負地。有何辜兮譴天。飄飄詩紀不疊飄字。
獨兮西往。孰知返兮何年。心惻惻兮若割。淚泫泫兮雙懸。○吳越春秋七。詩紀前集二作烏鳶歌。

彼書鈔作兩。御覽同。飛鳥兮鳶。御覽誤作載。鳥。已迴翔書鈔誤作哭回鄉。兮翕蘇。心在專兮素蝦。何居食兮江湖。徊復
翔兮游颺。書鈔作水中蟲兮白蝦。御覽作水中虫子曰蝦。去復返書鈔作還。兮於乎。書鈔作嗚呼。御覽同。始事君兮去家。
終我命兮君都。終來遇御覽作中年過。是。兮何辜。吳越春秋作幸。注云。幸當作辜。離我國兮去御覽作人。吳。妻衣褐
兮爲婢。夫去冕兮爲奴。二句御覽作妻爲婢兮夫爲奴。歲遥遥御覽作昭昭。兮難極。冤悲痛御覽作痛悲。兮心惻。腸千
結兮服膺。於乎御覽作嗚呼。哀兮忘御覽作不。食。願我身兮如鳥。身翺翔兮矯翼。去我國兮心搖。詩紀作遙。情
憤惋兮誰識。○吳越春秋七。詩紀前集二。又書鈔百六引鳥、蘇、湖、蝦、呼五韵五句。御覽五百七十一引鳥、湖、蝦、呼、家、都、辜、
吳、奴、極、側、食十二韵十二句。○詩紀引風雅逸篇注曰。吳越春秋作於後漢人。所載事多不實。此歌依託無疑。

采葛婦歌

吳越春秋曰。越王句踐歸越。念復吳仇。苦身勞心。夜以接日。懸膽於戶。出入嘗之。乃使國中男女人山采葛。以作
黃絲之布。吳王得葛布之獻。乃增越之封。賜羽毛之飾。机杖諸侯之服。越國大悅。采葛之婦傷越王用心之苦。乃
作苦何之詩曰。

葛不連詩紀云。一作延。蔓菜御覽或作葉。台台。我君心苦命更之。嘗膽不苦甘如御覽作味若。事類賦同。飴。令御覽或

作今。事類賦作今。我采葛以作絲。女工織兮不敢遲。弱於羅兮輕罪罪。號絺素兮將獻之。越王悅兮忘罪除。吳王歡兮飛尺書。增封益地賜羽奇。机杖茵蓐諸侯儀。羣臣拜舞天顏舒。我王何憂能不移。○吳越春秋八作苦之詩。詩紀前集二。又御覽五百七十一引飴、絲二韻。九百九十五引台、飴、絲三韻。又事類賦十一作若何之歌。引飴、絲二韻。飢不遑食四體疲。○文選二十曹植應召詩注引吳越記采葛婦人詩。○佚句。

離別相去辭

吳越春秋曰。越王伐吳。國人各送其子弟於郊境之上。作離別相去之辭曰。

蹀躞摧長慝兮擢載馭。所離不降兮以泄我王氣蘇。三軍一飛降兮所向皆殂。一士判死兮而當百夫。道祐有德兮吳卒自屠。雪我王宿恥兮威振八都。軍伍難更兮勢如貔。行行各努力兮於乎於乎。○吳越春秋十。詩紀前集二。

河梁歌

吳越春秋曰。句踐已滅吳。乃以兵北渡江淮。與齊、晉諸侯會于徐州。致貢於周。號令齊、楚、秦、晉皆輔周室。血盟而去。秦桓公不如越王之命。句踐乃選吳越將士西渡河以攻秦。軍士苦之。會秦怖懼。逆自引咎。越乃還軍。軍人悅樂。遂作河梁之詩曰。

渡河梁兮渡河梁。舉兵所伐攻秦王。孟冬十月多雪霜。隆寒道路誠難當。陣兵未濟秦師降。諸侯怖懼皆恐惶。聲傳海內威遠邦。稱霸穆桓齊楚莊。天下安寧壽考長。悲去歸兮河無梁。○吳越春秋十。詩紀前集二。○

遠案。吳越春秋原注云。案史記年表。句踐二十五年。是爲秦厲共公六年。此書爲秦桓公不如越王之命。非也。由句踐二十五年上距秦桓公之卒。蓋一百有六年矣。桓公當作厲共公云云。詩紀卽據此直改秦厲公。○遠案。吳越春秋。後漢時短書小說。本不注意年限。勿庸爲之改正。今仍照原文作秦桓公。

豐歌

尚書中候曰。周文王作豐。一朝扶老至者八十萬戶。草居陋然。歌曰。

鳳皇下豐。○詩經大雅文王篇疏。御覽九百一十五。

秦始皇時民歌

楊泉物理論曰。秦築長城。死者相屬。民歌曰。

生男慎勿舉。生女哺用脯。意林作舖。不見長城下。尸骸意林作白骨。相支柱。意林作撐拄。注云。一作根拄。○水經河水注三。意林五。詩紀前集二。

甘泉歌

三秦記曰。始皇作驪山陵。周迴跨陰盤縣界。水背陵障。使東西流。運大石於渭北渚。民怨之。作甘泉之歌曰。○遠案。二酉堂叢書本辛氏三秦記載此。張氏謂出太平御覽。今檢御覽無此條。

運石甘泉口。渭水不敢關中記作爲不。博物志同。流。千人唱。關中記唱上有一字。萬人謳。博物志作鈞。關中記謳作相鈞。

御覽同。金陵餘石關中記錄石上有下字。大如壚。關中記作大如篋土屋。○遼案。土屋二字博物志屬下文。○博物志四。關中記。御覽五百五十九引流、鈎二韻。詩紀前集二。

琴女歌

燕丹子曰。荆軻刺秦王。右手執匕首。左手把其袖。秦王曰。乞聽琴聲而死。琴女奏曲云云。王從其計。軻不解。故及於難。

羅縠單衣。可裂燕丹子作掣。詩紀同。而絕。二燕丹子作八。書鈔、類聚、史記正義、御覽同。尺屏風。可超而越。鹿盧意林作輓輶。之劍。可負而拔。類聚作伏。○燕丹子下。類聚八十五。史記刺客列傳正義引燕太子篇。意林二。御覽三百四十四。御覽五百七十七引史記。詩紀前集四。又書鈔百二十八引絕一韻。又御覽七百一引三秦記引三尺羅衣何不掣。四面屏風何不越二句。與本辭異。

先秦詩卷三

謠吟誦附

康衢謠詩紀云。一作康衢歌。

列子曰。堯治天下五十年。不知天下治與。不治與。願戴己與。乃微服遊於康衢。聞兒童謠云云。堯喜。問曰。誰教爾爲此言。童兒曰。聞之大夫。大夫曰。古詩也。

立我烝類聚作蒸。御覽同。民。莫匪爾極。不識不知。順帝之則。○列子仲尼篇。類聚十九、五十六。御覽四百六十五、五百八十六。樂府詩集八十八。詩紀前集三。

黃澤謠

穆天子傳曰。天子東遊于黃澤。使宮樂謠云。

黃之池。類聚作陀。詩紀云。一作陀。其馬歛沙。皇人威儀。黃之澤。其馬歛玉。御覽誤作王。皇人受初學記作壽。御覽同。穀。○穆天子傳五。初學記二十九。御覽八百九十六。詩紀前集三。又類聚四十三引沙、玉二韻。

白雲謠

穆天子傳曰。乙丑。天子觴西王母于瑤池之上。西王母爲天子謠曰云云。天子答之。

白雲在天。山文選注作丘。御覽同。隙各書引作陵。自出。道里文選注作路。御覽或同。悠遠。山川間顏氏家訓作諫。之。將子無死。尚能復樂府作向復能。來。○穆天子傳三。類聚四十三。文選四十拜中軍記室辭隋王賤注。御覽八十五、五百七十二。樂府詩集八十七。詩紀前集三。又文選二十七早發定山詩注引出一韻。御覽八引出、之二韻。

穆天子謠

予歸東土。和治詩紀云。一作洽。諸夏。萬民平均。吾顧見女。類聚、御覽、樂府作汝。比及三年。將復而野。○穆天子傳三。類聚四十三。御覽五百七十二。樂府詩集八十七。詩紀前集三。

西王母吟

穆天子傳曰。西王母又爲天子吟曰。

徂彼穆天子傳作比徂。西土。爰居其御覽作于。野。山海經注作所。虎豹爲羣。於山海經注作鳥。鵲與處。嘉命不遷。御覽作還。事類賦同。我惟帝女。穆天子傳無女字。彼何世民。又將去予。二句穆天子傳作天子大命而不可稱顧世民之恩流涕歔隕十七字。吹笙鼓簧中心翺穆天子傳作翔。翔。世民之子。惟天之望。○穆天子傳三。山海經西山經注。詩紀前集三。御覽九百二十一及事類賦十九並引土、野、處、女四韻。

周宣王時童謠

史記曰。夏后氏之衰也。有二龍止于帝庭而言曰。予。褒之二君。夏帝卜藏其祭。歷夏殷莫敢發。至厲王之末。發而

觀之。滌化爲玄龜。以入后宫。童女遭之而孕。生女。懼而棄之。宣王之時。童女謠曰云云。適有夫婦賣是器者。宣王使執之。逃于道。見鄉者所棄妖子。哀而收之。葬於褒。褒人有罪。請人棄女子于王以贖。是爲褒姒。幽王嬖之。

壓弧箕。漢書作其。服。書鈔作箠。金樓子作噉噉白服。實亡周國。○國語鄭語。史記周本紀。漢書五行志。列女傳七。金樓子箠戒篇。書鈔四十二、百二十六。御覽百三十五、三百四十七。詩紀前集三。

鸛鵒謠

漢書五行志曰。左氏傳魯文成之世。童謠曰云云。至昭公時。有鸛鵒來巢。公攻季氏。敗。出奔齊。居外野。次乾侯。八年。死於外。歸葬魯。昭公名稠。公子宋立。是爲定公。

鸛之鵒之。公出辱之。鸛鵒之羽。公在外野。往饋之馬。鸛鵒跕跕。御覽作株株。公在乾侯。徵褻與襦。鸛鵒之巢。遠哉遥遥。漢書作搖搖。稠左傳作稠。御覽同。樂府作稠。父喪勞。宋父以驕。鸛鵒鸛鵒。往歌來哭。○左傳昭公二十五年傳。漢書五行志。御覽九百二十三。樂府詩集八十八。詩紀前集三。○遼案。史記魯世家引此謠云。鸛鵒來巢。公在乾侯。鸛鵒入處。公在外野。白帖二十九引此謠曰。鸛之鵒之。公出辱之。鸛鵒之巢。遠哉遥遥。鸛鵒株株。公在乾侯。鸛鵒鸛鵒。往歌來哭。皆與此有異。

魯童謠

家語曰。齊有一足之鳥。飛集於公朝。止於殿前。舒翅而跳。齊侯怪之。使使聘魯。問於孔子。子曰。此鳥名商羊。水祥也。昔童兒有屈一脚。振訊兩肩而跳。且謠云云。今齊有之。其應至矣。急告民趨治溝渠。修隄防。將有大水爲

災。頃之。大霖雨。水溢泛諸國。傷害民人。惟齊有備不敗。

天將大雨。商羊鼓說苑作起。舞。○說苑辨物篇。家語辨政篇。類聚二。初學記二。白帖一、二。御覽十。詩紀前集三。

晉童謠

左傳曰。晉獻公伐虢。圍上陽。問於卜偃曰。吾其濟乎。對曰。克之。童謠云云。其九月、十月之交乎。丙子旦。日在尾。月在策。鶉火中。必是時也。冬十二月丙子朔。晉滅虢。虢公醜奔京師。

丙御覽丙下有子字。之晨。龍尾伏辰。均服振振。取虢之旂。御覽作旗。鶉之賁賁。天策焯焯。火中成軍。虢公其奔。○左傳僖公五年傳。御覽三百二十八。詩紀前集三作晉獻公時童謠。

晉兒謠

漢書五行志曰。史記晉惠公時。童謠曰云云。惠公賴秦力得立。立而背秦。內殺二大夫。國人不說。及更葬其兄恭太子申生而不敬。故詩妖作也。後與秦戰。爲秦所獲。立十四年而死。晉人絕之。更立其兄重耳。是爲文公。遂伯諸侯。

恭太子更葬今史記作矣。後十四年晉亦不昌。昌乃在其史記無其字。兄。○史記晉世家。漢書五行志。詩紀前集三作晉惠公時童謠。

趙民謠

史記曰。趙幽繆王遷立五年。代地大動。六年。大饑。民謠言曰云云。七年。秦人攻趙。趙大將李牧、將軍司馬尚將。擊之。李牧誅。司馬尚免。趙忽及齊將顏聚代之。趙忽軍破。顏聚亡去。以王遷降。

趙爲號。秦爲笑。以爲不信。視地之風俗通作上。詩紀同。又注。一作之。生毛。○史記趙世家。風俗通皇霸篇。詩紀前集三作趙童謠。

楚童謠

家語曰。楚昭王渡江。江中有物。大如斗。圓而赤。直觸王舟。舟人取之。王怪之。使使聘於魯。問于孔子。孔子曰。此萍實也。可剖而食之。吉祥也。唯霸者爲能獲焉。使者反。王遂食之。大美。使來以告魯大夫。大夫因子游問曰。夫子何以知其然。曰。吾昔之鄭。過乎陳之野。聞童謠云云。此楚王之應也。是以知之。

楚王渡江得萍實。大如斗。說苑作拳。赤如日。剖御覽或作割。而食之甜。說苑作美。家語作甘。如初學記同。蜜。○家語致思篇引實、蜜二韻。說苑辨物篇。類聚八十二。初學記二十七。白帖三十。御覽六百十二、一千。詩紀前集三作楚昭王時童謠。○遼案。今本家語脫大如斗赤如日一句。

楚人謠

史記曰。楚懷王爲張儀所欺。客死於秦。至王負芻遂爲秦所滅。百姓哀之。爲之語曰。

楚雖三戶。亡秦必楚。○史記項羽本紀。風俗通王霸篇。詩紀前集三。

攻狄謠

戰國策曰。田單攻狄。三月而不克。嬰兒謠曰。

大冠若書鈔作如。箕。脩書鈔作長。劍拄頤。御覽或作歸。攻狄御覽作翟。不能書鈔無能字。下。壘於梧丘國策作下壘枯丘。詩紀同。御覽作累於吾兵。通鑑作壘枯骨成丘。○戰國策齊策六。說苑指武篇。書鈔百五十七。御覽三百十八。詩紀前集三。又御覽三百十一引起首二句。

有炎氏頌

莊子曰。北門城問於黃帝曰。帝張咸池之樂於洞庭之野云云。帝曰。天機不張而五官皆備。此之謂天樂無言而心說。故有炎氏爲之頌曰。

聽之不聞其聲。視之不見其形。充滿天地。苞裹六極。○莊子天運篇。詩紀前集三。

輿人誦

國語曰。晉惠公人而背外內之路。輿人誦之曰。

佞之見佞。果喪其田。詐之見詐。果喪其路。得國而狃。終逢其咎。喪田不懲。禍亂其興。○國語晉語三。詩紀前集三。

恭世子誦

國語曰。晉惠公改葬共世子。臭達于外。國人誦之曰。

貞之無報也。孰是人斯。而有斯臭也。貞爲不聽。信爲不誠。國斯無刑。媮國語作偷。居幸國語作倖。生。不更厥貞。大命其傾。威兮懷兮。各聚爾有。以待所歸兮。猗兮違兮。心之哀兮。歲之二七。其靡有徵詩紀作微。兮。若翟國語作狄。公子。吾是之依兮。鎮撫國家。爲王妃兮。○國語晉語三。詩紀前集三。

輿人誦詩紀云。一作歌。

左傳曰。晉侯、宋公、齊國歸父、崔夭、秦小子憖次於城濮。楚師背鄴而舍。晉侯患之。聽輿人之誦曰。

原田每每。御覽作莓莓。舍其舊而新是謀。○左傳僖公二十八年傳。御覽五十七。詩紀前集三。

朱儒誦詩紀云。一作歌。

左傳曰。襄公四年。邾人、莒人伐鄆。臧紇救鄆侵邾。敗於狐貍。國人逆喪者皆髮。魯於是乎始髮。國人誦之曰。

臧之狐裘。敗我於狐貍。我君小子。朱儒是使。朱白帖作侏。下仿此。儒朱儒。使我敗於邾。○左傳襄公四年傳。詩紀前集三。又白帖七引末尾二句。

子產誦詩紀云。二章。一作歌。

左傳曰。鄭子產從政一年。輿人誦之曰云云。及三年。又誦之曰。

取我衣冠而褚之。取我田疇而伍之。呂氏春秋作我有田疇。而子產賦之。我有衣冠。而子產貯之。孰殺子產。我其與之。

我有子弟。子產誨之。我有田疇。子產殖御覽作闢。之。呂氏春秋作我有田疇。而子產殖之。我有子弟。而子產誨之。子產而呂氏春秋作者。死。誰其呂氏春秋作其使誰。嗣之。○左傳襄公三十年傳。呂氏春秋樂成篇。御覽六百二十二、八百二十一。詩紀前集三。

孔子誦

孔叢子曰。子順曰。先君初相魯。魯人諺誦曰云云。及三月政成化行。民又作誦曰。○詩紀引呂氏春秋。於題下注云。二章。又云辭亦見家語、孔叢子。○逯案。呂氏春秋曰。孔子始用於魯。魯人驚誦之曰云云。用三年。男子行乎塗右。女子行乎道左。財物之遺者。民莫之舉。大智之用。莫難用也云云。無第二章誦。詩紀謂呂氏春秋有誦二章。實誤。又第一章見於呂氏春秋。知爲先秦之作。第二章出孔叢子。今亦著錄。

麤裘而鞞。孔叢子作芾。投之無戾。鞞孔叢子作芾。之呂氏春秋作而。麤裘。投之無郵。○呂氏春秋樂成篇。孔叢子陳士義篇。詩紀前集三。

袞衣章甫。實獲我所。章甫袞衣。惠我無私。○孔叢子陳士義篇。詩紀前集三。

齊人頌詩紀云。七略作齊語。

史記曰。荀卿。趙人。年五十始來遊學於齊。騁衍術迂大而閎辯。爽也文具難施。淳于髡久與處。時有得善言。故齊人頌曰。

天口駢。詩紀云。史記無天口駢三字。談天衍。雕龍奭。炙穀過七略作輶。髡。○史記孟荀列傳。詩紀前集三。又文選十六別賦注作髡。引談天衍一句。

附

童謠詩紀引靈寶要略作靈寶謠。

河圖緯象曰。太湖中洞庭山林屋洞天。卽禹藏真文之所。一名包山。吳王闔閭登包山之上。命龍威丈人人包山。得書一卷凡一百七十四字而還。吳王不識。使問仲尼。詭云赤烏銜書以授仲尼。仲尼曰。昔吾遊四海之上。聞童謠曰云云。某按謠言乃龍威丈人洞中得之。赤烏所銜。非某所知也。吳王懼。乃復歸其書。

吳王出遊觀震湖。龍威丈人名靈寶要略作山。詩紀同。隱居。北上包山人靈墟。乃造靈寶要略作人。詩紀同。洞庭竊禹書。天帝詩紀作地。大文不可舒。此文長傳六百靈寶要略作百六。詩紀同。初。今靈寶要略作若。詩紀同。強取出喪國廬。○古微書河圖緯象。雲笈七籤三靈寶要略紀。詩紀前集三。

包山謠

詩紀云。見楊方吳越春秋。又引沈懷遠南越志曰。牛女之分。揚州之末土也。爰有泰山。實曰秦望。又有石簣。峻起壁立。內有金簡玉字。

禹得金簡玉字書。藏洞庭包山湖。○楊慎古今風謠。詩紀前集三。

長水童謠

神異傳曰。由拳縣。秦時長水縣也。始皇時。縣有童謠曰云云。有老嫗聞之憂懼。旦往窺城門。門侍欲縛之。嫗言其故。嫗去後。門侍殺犬。以血塗門。忽有大水。長欲沒縣。主簿令幹人白令。令見幹曰。何忽作魚。幹又曰。明府亦作魚。遂乃淪陷爲谷矣。因曰長水、城水曰谷水矣。

城門當有血。城沒陷爲湖。搜神記作城門有血。城常陷沒爲湖。初學記同。○搜神記十三。水經注沔水注。初學記十、御覽六十六並引干寶搜神記。

泗上謠

水經注曰。周顯王四十二年。九鼎淪沒泗淵。秦始皇時。見於泗水。始皇大喜。使數千人入水系而行。未出。龍齒嚙斷其系。故泗上爲之謠曰。

稱樂太早絕鼎系。○水經注泗水注。詩紀前集三。

秦人謠

虞喜志林曰。秦穆公夢之天帝所。奏鈞天樂。賜以金策祚世之業。當時有謠曰。

天帝醉秦暴。金誤隕石墜。○文選二西京賦注。詩紀前集三。

秦世謠

異苑曰。秦世有謠曰云云。始皇既坑儒焚典。乃發孔子墓。欲取諸經傳。壙既啟。於是悉如謠者之言。又言謠言刊在石壁。政甚惡之。乃遠沙丘而循別路。見一羣小兒輦沙爲阜。問云沙丘。從此得病。

秦始皇。何彊梁。開吾戶。據吾床。飲吾酒。唾吾漿。殮吾飯。以爲糧。張吾弓。射東牆。前至沙丘當滅亡。

○異苑四。

童謠

述異記曰。始皇二十六年。童謠云。

阿房阿房亡始皇。○述異記下。

先秦詩卷四

雜辭

蜡辭

禮記曰。伊耆氏始爲蜡。蜡也者。索也。歲十二月合聚萬物而索饗之也。古之君子。使之必報之。祭坊與水庸事也。曰。

土反其宅。水歸其壑。昆蟲勿作。草木歸其宅。○禮記郊特牲。文心雕龍祝盟篇。詩紀前集六。

祠田辭

文心雕龍曰。舜之祠田云云。利民之志。頗形於言矣。

荷此長耜。耕彼南畝。四海俱有。○文心雕龍祝盟篇。詩紀前集六。○困學紀聞曰。舜兼愛百姓。務利天下。其田也。荷彼耒耜。耕彼南畝。與四海俱有其利。文心雕龍。舜之祠田云云。謂之祠田。豈他有所據乎。

禱雨辭

荀子曰。湯旱而禱曰云云。何以不雨至斯極也。

政不節與。使民疾與。何以不雨至斯極也。詩紀略去此句。宮室崇。荀子作榮。與。婦謁盛與。何以不雨至斯極也。詩紀略去此句。荀子大略篇。詩紀前集六。

成王冠辭

家語曰。武王崩。成王年十三而嗣立。周公攝政以治天下。冠成王而朝于祖。以見諸侯。周公命祝雍作頌曰。

令月吉日。王始加元服。去王幼志服。詩紀云。一作心。是。袞職。欽若昊天。六合是式。率爾祖考。永永無極。○家語冠頌解。詩紀前集六作成王冠頌。

同前

大戴禮曰。成王冠。周公使祝雍曰。達而勿多也。祝雍曰。

使王博物志無使王二字。近於民。遠於佞。大戴禮作羊。近於義。大戴禮無此三字。嗇於時。惠於財。親博物志作任。賢使能。○大戴禮公符篇。博物志五。詩紀前集六。

士冠辭

儀禮曰。士冠始加。祝曰。

令月吉日。始加元服。棄爾幼志。順爾成德。壽考惟祺。介爾景福。始加辭。○儀禮士冠禮。詩紀前集六。

吉月令辰。乃申爾服。敬爾威儀。淑慎爾德。眉壽萬年。永受胡福。右再加辭。○同上
以歲之正。以月之令。咸加爾服。兄弟具在。以成厥德。黃耇無疆。受天之慶。右三加辭。○同上
甘醴惟厚。嘉薦令芳。拜受祭之。以定爾祥。承天之休。壽考不忘。右醴辭。○同上
旨酒既清。嘉薦亶時。始加元服。兄弟具來。孝友時格。永乃保之。右醴辭。○同上
旨酒既滑。嘉薦伊脯。乃申爾服。禮儀有序。祭此嘉爵。承天之祜。右再醴辭。○同上
旨酒令芳。籩豆有楚。咸加爾服。肴升折俎。承天之慶。受福無疆。右三醴辭。○同上
禮儀既備。令月吉日。昭告爾字。爰字孔嘉。髦士攸宜。宜之于假。永受保之。右字辭。○同上○逮案。詩紀此下
又有曰伯某父四字。今刪。

嘏辭

儀禮曰。主人酌尸。尸酢。主人佐食。取黍授尸。尸執以命祝。祝受以東北面。嘏主人曰。

皇尸命工祝。承致多福無疆。于女孝孫。來女孝孫。使女受祿于天。宜稼于田。眉壽萬年。勿替引之。○
儀禮祭禮。詩紀前集六。

祭辭

文心雕龍曰。周之太祝。掌六祀之辭。是以庶物咸生。陳於天地之郊。旁作穆穆。唱於迎日之拜。○大戴禮載下列
三辭。不言祭天、祭地、迎日。

皇皇上天。照臨下土。集地之靈。降甘風雨。博物志作神降甘雨。庶物羣生。各博物志作成。得其所。靡今靡古。維予一人某敬拜皇天之祐。大戴禮作祐。右祭天辭。○大戴禮公符篇。詩紀前集六。又博物志五作請雨。引土、雨、所三韻。○
遠案。博物志尚有止雨祝一篇。在請雨前。

薄薄之土。承天之神。興甘風雨。庶卉百物。莫不茂者。既安且寧。維予一人某敬拜下土之靈。右祭地辭。○同上

維某年某月上日。明光于上下。勤施于四方。旁作穆穆。惟予一人某敬拜迎于郊。以正月朔日迎日於東郊。右迎日辭。○同上○遠案。尚書大傳四有云。光明於上下。勤施四方。旁作穆穆。至於海表。與此略同。

祭侯辭

周禮曰。梓人爲侯。張皮侯而棲鵠。則春以功。張五彩之侯。則遠國屬。張獸侯。則王以息燕。祭侯之禮。以酒脯醢。其辭曰。

惟若寧侯。毋或若女不寧侯。不屬於王所。故抗而射女。強飲強食。詒詩紀作貽。爾曾孫。諸侯百福。○周禮考工記。詩紀前集六。

同上

嗟爾不寧侯。爲爾不朝於王所。故亢而射女。強食爾。大戴禮無爾字。食。曾孫侯氏百福。○大戴禮投壺篇。詩紀前

集六。

禳田辭

史記曰。齊威王使淳于髡之趙請兵禦楚。齎金百斤。車馬十駟。髡仰天大笑。冠纓索絕。王曰。先生少之乎。髡曰。臣從東方來。見道旁有禳田者。操豚。酒一盃。而祝曰云云。臣見其所持者狹而所欲者奢。故笑之。

甌窶滿篝。荀子注作蠃螺者宜禾。污邪。荀子注一有者字。滿車。五穀。荀子注作粟。蕃熟。穰穰滿家。○史記滑稽列傳。詩紀前集六作田者祝二首。又荀子儒效篇注引說苑錄前二句。

投壺辭

左傳曰。晉侯以齊侯宴。中行穆子相。投壺。晉侯先。穆子曰云云。中之。齊侯舉矢曰云云。亦中之。伯瑕謂穆子曰。子失辭矣。

有酒如淮。有肉如坻。寡君中此。烏諸侯師。○左傳昭公十二年傳。詩紀前集七。

有酒如澠。有肉如陵。寡君中此。與君代興。○同上

渾良夫譟

左傳曰。衛侯夢于北宮。見人登昆吾之觀。被髮北面而噪曰。

登此昆吾之虛。縣縣生之瓜。余爲渾良夫。叫天無辜。○左傳哀公十七年傳。御覽八百八十三。詩紀前集七。

狐援辭

呂氏春秋曰。狐援說齊滑王。王不受。狐援出而哭三日。其辭曰云云。齊王問吏曰。哭國之法若何。吏曰。斲。王曰。行法。狐援乃言曰云云。

先出也。衣絺。風雅逸篇作縵。詩紀云。一作縵。紵。後出也。滿圉圉。吾今見民之洋洋然。東走而不知所處。風雅逸篇作吾見今之人。洋洋東走而不知所處。詩紀云。一作吾見今之人。洋洋東走而不知所處。○呂氏春秋貴直篇。風雅逸篇二。詩紀前集七。有人自南方來。鮒人而覲居。使人之朝爲草國爲墟。殷有比干。吳有子胥。齊有狐援。己不用若言。又斲之東閭。每斲者以吾參夫二子者乎。○呂氏春秋貴直篇。詩紀前集七。

爲士卒倡詩紀作士卒昌。一曰相士卒。

戰國策曰。田單攻狄不克。懼問魯仲連。仲連曰。將軍之在卽墨。坐則織簣。立則杖鍤。爲士卒倡曰云云。當此之時。將軍有死之心。士卒無生之氣。聞若言。莫不揮泣奮臂而欲戰。此所以破燕也。

無戰國策無無字。可往矣。宗廟亡矣。魂魄喪。戰國策作云曰尚。注云。一作去日。風雅逸篇作今日尚。詩紀同。矣。歸戰國策歸下有於字。何黨矣。○戰國策齊策六。說苑指武篇。風雅逸篇七作相士卒。又詩紀前集七作士卒昌。

成相雜辭

請成相。世之殃。愚闇愚闇墮賢良。人主無賢。如瞽無相何俛俛。請布基。慎聖人。愚而自專事不治。主忌

苟勝。羣臣莫諫必逢災。論臣過。反其施。尊主安國尚賢義。拒諫飾非。愚而上同國必禍。曷謂罷。國多私。比周還主黨與施。遠賢近讒。忠臣蔽塞主勢移。曷謂賢。明君臣。上能尊主愛下民。主誠聽之。天下爲一四海賓。主之孽。讒人達。賢能遁逃國乃歷。愚以重愚。闇以重闇成爲桀。世之災。妬賢能。飛廉知政任惡來。卑其志意。大其園囿高其臺。荀子臺下衍榭字。武王怒。師牧野。紂卒易鄉啓乃下。武王善之。封之。荀子無之字。於宋立其祖。世之衰。讒人歸。比干見刳箕子累。武王誅之。呂尚招麾殷民懷。世之禍。惡賢士。子胥見殺百里徙。穆公得之。強配五伯六卿施。世之愚。惡大儒。逆斥不通孔子拘。展禽三紉。春申道綴基畢輸。請牧基。賢者思。堯在萬世如見之。讒人罔極。險陂傾側此之疑。基必施。辯賢罷。文武之道同伏羲。由之者治。不由者亂何疑焉。凡成相。辯法方。至治之極復後王。慎墨季惠。百家之說誠不祥。治復一。脩之吉。君子執之心如結。衆人貳之。讒夫棄之形是詰。水至平。端不傾。心術如此象聖人。□當是人字。而有勢。詩紀作執。直而用拙必參天。世無王。窮賢良。暴人芻豢仁人人字衍文。糟糠。禮樂滅息。聖人隱伏墨術行。治之經。禮與刑。君子以脩百姓寧。明德慎罰。國家既治四海平。治之志。後勢富。君子詩紀無子字。誠之好以待。處之敦固。有深藏之能遠思。思乃精。志之榮。好而一之神以誠。荀子作成。精神相反。一而不貳爲聖人。治之道。美不老。君子由之佼以好。下以教誨子弟。上以事祖考。成相竭。辭不歷。君子道之順以達。宗其賢良辯其殃孽。□□□。依前後句例。此處缺三字。○右一章。

請成相。道聖王。堯舜尚賢身辭讓。許由善卷。重義輕利行顯明。堯讓賢。以爲民。汜利兼愛德施均。辯治上下。貴賤有等明君臣。堯授能。舜遇時。尚賢推德天下治。雖有賢聖。適不遇世孰知之。堯不德。舜

不辭。妻以二女任以事。大人哉舜。南面而立萬物備。舜授禹以天下。尚德推賢不失序。外不避仇。內不阿親賢者予。禹勞心心字當是衍文。力。堯有德。干戈不用三苗服。舉舜剛畝。詩紀作剛畝。任之天下身休息。得后稷。五穀殖。夔爲樂正鳥獸服。契爲司徒。民知孝弟尊有德。禹有功。抑下鴻。辟除民害逐共工。北決九河。通十二渚疏三江。禹傳當作敷。土。平天下。躬親爲民行勞苦。得益皋陶。橫革直成爲。爲下當有之字。輔。契玄王。生昭明。居於砥石遷于商。十有四世乃有天乙是成湯。天乙湯。論舉當。身讓卞隨舉牟光。□□□□依前後句例此處缺四字。道古賢聖基必張。□□□□依前後句例此處缺三字。願陳辭。世亂惡善不此治。隱諱疾賢。良由姦詐鮮無災。患難哉阪爲先疑當作失。聖知不用愚者謀。前車已覆。後未知更何覺時。不覺悟。不知苦。迷惑失指易上下。忠不上達。蒙揜耳目塞門戶。門戶塞。大迷惑。悖亂昏莫不終極。是非反易。比周期上惡正直。正直惡。心無度。邪枉辟回失道途。已無郵人我獨自美豈無故。不知戒。後必有恨後遂過不肯悔。讒夫多進。反覆言語生詐態。人之態。不如備。爭寵疾賢利惡忌。妬功毀賢。下斂黨與上蔽匿。上壅蔽。失輔勢。任用讒夫不能制。郭荀子作孰。詩紀同。從楊注作郭。公長父之難。厲王流於彘。周幽厲。所以敗。不聽規諫忠是害。嗟我何人。獨不遇時當亂世。欲對衷。荀子作衷對。言不從。恐爲子胥身離凶。進諫不聽。到而獨鹿棄之江。觀往事。以自戒。治亂是非亦可識。□□□□依前後句例此處闕四字。託於成相以喻意。○右二章。請成相。言治方。君論有五約以明。君謹守之。下皆平正國乃昌。臣下職。莫游食。務本節用財無極。事業聽上。莫得相使一民力。守其職。足衣食。厚薄有等明爵服。利往叩上。莫得擅與孰私得。君法明。論有常。表儀既設民知方。進退有律。莫得貴賤孰私王。君法儀。禁不爲。莫不說教名不移。脩之者榮。離之者

辱孰它師。刑稱陳。守其銀。下不得用輕私門。罪禍有律。莫得輕重威不分。請牧祺。用荀子作明。有基。主
好論議必善謀。五聽循領。莫不理續主執持。聽之經。明其請。參伍明謹施賞刑。顯者必得隱者復顯民反
誠。言有節。稽其實。信誕以分賞罰必。下不欺上。皆以情言明若日。上通利。隱遠至。觀法不法見不視。
耳目既顯。吏敬法令莫敢恣。君教出。行有律。吏謹將之無鉞滑。下不私請。各以所據楊倞注增此字。宜舍巧
拙。臣謹脩。君制變。公察善思論不亂。以治天下。後世法之成律貫。右三章。○荀子下。詩紀前集七。

先秦詩卷五

詩

詩

呂氏春秋曰。伊尹奔夏三年。反報于亳。曰桀。迷惑於末嬀。不恤其衆。上下相疾。民心積怨。皆云云。湯謂伊尹曰。若告我曠夏。盡如詩。

上天弗恤。夏命其卒。○呂氏春秋慎大篇。

石鼓詩

詩紀云。按古文苑所載石鼓文。稱孫巨源得於佛書龕中。蓋唐人所錄僅四百九十七言耳。章樵爲之考正集釋之。又薛尚功、鄭樵、潘迪諸家咸有音訓。然於闕文靡所增益。楊子用修。自言受學於李文正公。得蘇文忠舊本。蓋六百五十七言。而訓釋亦簡要。楊子易以今文傳之矣。陝西志亦載此文。悉與楊本同。而字畫訓釋頗異。今以二本參較著之。其古文苑舊註有可採者。亦間取附入。註中姓氏薛、鄭、章、潘已見前。施謂施宿。王。王厚之。蘇疑卽文忠也。○詩紀以此爲詩。本之楊慎。風雅逸篇云。石鼓詩。周宣王獵碣也。於詩體屬小雅。又云慎按此詩。其體雅也。

刻于石鼓。史籀書之。羊欣書錄云。史籀石鼓文。韓退之云。張生手持石鼓文。皆謂字而言。若論其辭。當云石鼓詩。而不當用石鼓文也。今特易文爲詩云。○遠案。楊說甚是。故依詩紀列之。先秦詩中。又詩紀多書古文。而以今文注釋。頗覺煩亂。今仍照古文苑、風雅逸篇寫以今文。

我車既攻。我馬既同。我車既好。我馬既駛。君子爰獵。爰獵爰遊。麇鹿速速。君子之求。彎彎鹵古文苑作酋。羅箋作角。詩紀云。音條。弓。弓茲以時。我驅其時。古文苑作孫。羅箋作時。其來趨趨。趨趨良良。卽御卽時。麇鹿趨趨。古文苑作趨趨。其來大塗。我驅其樸。風雅逸篇作僕。其來趨趨。射其獬風雅逸篇作豚。屬。趨趨射三字古文苑作鹵既逝。又屬作蜀。

右一 薛作辛文。鄭作丙文。文六十六。重文十。共七十六字。一十九句。

汧絜泛泛。古文苑作沔沔。烝彼古文苑作烝烝。淖風雅逸篇作潮。淵。鰕鯉處之。君子漁之。漫漫古文苑作滿滿。有鯨。其遊邀邀。白古文苑作帛。魚鱗鱗。古文苑作鱗鱗。其蒞底鮮。黃白古文苑作帛。其鰈。有鮒有白。詩紀云。志云與鮒同。古文苑作又鮒又鱗。其翊古文苑作豆。孔庶。鱣之象象。洋洋趨趨。詩紀作趨趨。其魚惟何。惟鱣惟鯉。何以橐古文苑音瓢。詩紀音托。之。惟楊及柳。

右二 薛作戊文。鄭作甲文。文六十一。重文七。共六十八字。一十七句。

施云。石鼓中惟此完好。無一字磨滅。然字多假借。世既逾遠。不能盡知。故義亦有不通處。更俟博雅君子辯而釋之。庶可補雅頌之亡逸。

田車孔古文苑作既。安。倬勒駉駉。六師上四字古文苑止作馬衆。既簡。左驂旂旂。風雅逸篇作翻翻。右驂風雅逸篇缺此字。騤騤。我以濟于原。我戎古文苑作陣。止古文苑止下有世字。陸。官車其寫。秀弓時射。麋豕孔庶。麇鹿雉兔。其原有迪。古文苑作旃。詩紀同。並注。或作迪。音循。其戎奔奔。古文苑此下有直字。詩紀云。鄭本有囷字。在大字上。音通。古直字也。大車出洛。亞獸風雅逸篇作獻。白澤。我執而勿射。多庶趨趨。君子迺樂。

右三薛作丙文。鄭作丁文。文六十九。重文五。共七十四字。一十八句。

帥彼鑾車。忽速填如。秀弓孔碩。彤矢鏃鏃。風雅逸篇作笑笑。四馬其寫。六轡沃若。古文苑作驚驚。徒駉孔庶。廓騎宣博。古文苑作廓宣搏搏。酋古文苑作旨。車載行。如徒如章。原隰陰陽。趨趨六馬。射之簇簇。上八字古文苑作射之簇逐。陽逐六馬。有驅如虎。獸鹿古文苑作麇。如兕。怡爾多賢。迪禽奉雉。我兔允異。

右四薛作丁文。鄭作戊文。文六十九。重文三。共七十一字。一十八句。

我來自東。零雨。古文苑零上有濛濛二字。奔流逆古文苑作迄。湧。盈盈漑漑。君子既古文苑作即。涉。我馬流汙。汙繫泊淒。古文苑作泊泊淒淒。丞士。駕言西歸。舫舟自廓。以上八字古文苑作舫舟西歸自廓。羅篋舫舟亦在西歸下。徒駉趨趨。古文苑作湯湯。惟舟以行。或陰或陽。極深風雅逸篇作深。以戶。出于水一方。烝徒遑風雅逸篇作惶。止。其奔古文苑作其奔其駉。我以阻其乃事。○此章句讀不從風雅逸篇。

右五薛作壬文。鄭作辛文。文六十六。重文三。共六十九字。一十六句。

逮案。此文恐非十六句。

宣猷作原作周道詩紀作導。遄。我辭攸除帥古文苑作師。彼阪風雅逸篇作阪。甲莽詩紀云。居幽切。古文苑作暮。爲世里希微嚳嚳詩紀云。音微。乃罟漆栗柞械其拔風雅逸篇作援。樓櫓庸庸鳴條亞箬其華何爲所遊嚳嚳詩紀云。音嬰。或作嬰。水盞詩紀云。音利。或作周。非。導旨樹幽晤古文苑晤下多孫字。

右六

薛作庚文。鄭作乙文。文五十二。重文三。共五十五字。

施云。此鼓乃皇佑間向傅師搜訪而得者。每行末僅存四字。故今所傳。皆斷續不成文。

徒我嘽嘽然。而師旅填然。會同又繹。以左詩紀云。施云。左字下有嘽字。今碑本磨滅。戎障。弓矢孔庶。古文苑此下有左嘽二字。滔滔是熾。風雅逸篇作熾。射夫寫矢。具奪舉擘。其徒肝詩紀云。鄭作肝。音吁。蘇作肝。來。或羣或友。悉率左右。燕樂天子。來嗣王始。振振復古。我來攸止。○同上

右七

薛作甲文。鄭作壬文。文五十九。重文三。共六十二字。一十五句。

彼走躋躋馬廐古文苑作廐。皙皙華華雉龜位古文苑作立。多庶微我師氏憲憲文武可其一之

右八

薛作己文。鄭作庚文。文二十三。重文四。共二十七字。

施云。此鼓最磨滅。不復成文。

我水既淨。我道既平。我行既止。嘉古文苑作喜。樹則里。天子永寧。日惟丙申。旭旭杲杲。我其旁導。乘馬既迪。古文苑作敕。詩紀云。未詳音義。章作敕。羅箋作敕。夏康康。古文苑作肅肅。駕彼四黃。左驂馱馱。右驂馱馱。桀戟

以奕。汝古文苑作女。羅箋作母。不執德。旃翰黎黎。旃旃施施。公謂大古文苑作天。來。余及如茲邑。曷不余及。

右九薛作乙文。鄭作癸文。文七十四。重文七。共八十一字。二十句。

施云。上下磨滅不成文。

吳詩紀云。古作虞。人憐古文苑作慈。亟。朝夕警古文苑作敬。羅箋同。風雅逸篇作傲。惕。載西載北。勿掩古文苑作奄。風雅逸篇同。勿伐。古文苑作伏。若詩紀云。或云畢字。而出奇。進獻用特。歸格執祖。告于大祝。禘嘗羅箋作曾。受享。致其方覩。風雅逸篇作藝。詩紀云。與藝同。寓逢中囿。孔庶麇鹿。禘嘗以下古文苑作享。執寧逢中孔囿鹿麇。原隰既坦。疆理此六字。古文苑作虞。虞我其鹿麇。羅箋作□我其□□□。蕃蕃。大田不蒐。君子何求。有謀有始。周爰止于是。○古文苑一。風雅逸篇三。羅振玉石鼓文箋。詩紀前集八。

右十薛作癸文。鄭作己文。文七十二。重文一。共七十三字。一十八句。

俛詩

荀子曰。天下不治。請陳俛詩云云。與愚亦疑。願聞反辭。其小歌也云云。

天地易位。四時易鄉。列星隕。荀子作殞。墜。且暮晦盲。類聚作冥。幽闇。荀子作晦。類聚作暗。登昭。類聚作照。日月下藏。公正無私。反見類聚作見謂。縱橫。志愛公利。類聚作私。重樓疏堂。無私罪人。愍革。二荀子作貳。兵。道德純備。讒口將將。仁人紉類聚作誣。約。敖暴擅強。天下幽險。恐類聚作怨。失世英。類聚作殃。龜。荀子作螭。詩紀同。龍爲蝦蜴。鴟梟爲鳳凰。比干見劓。類聚作剖。孔子拘匡。昭昭乎其知類聚作智。之明也。郁郁乎其遇時之類聚無之。

字。不祥也。拂乎其欲禮義之大行也。闇類聚作暗。乎天下之晦盲也。皓天不復。憂無疆也。千秋必反。古之常也。弟子勉學。天不忘也。聖人共手。時幾將矣。

念彼遠方。何其塞詩紀云疑作蹇。矣。仁人紉約。暴人衍矣。忠臣危殆。讒人般荀子作服。楊倞曰。本或作般。矣。琬玉瑤珠。類聚作琳。不知佩也。雜布與錦。類聚作綿。不知異也。閭媼文選注作媼。集韻作娶。楚辭補注作姝。子奢。韓詩外傳作都。莫之媒也。媼母力荀子作刀。詩紀同。父。是類聚誤作莫。之喜玉燭寶典作情。也。以盲爲明。以聾爲聰。以危爲安。以吉爲凶。嗚呼上天。曷維詩紀作惟。其同。○荀子賦篇。詩紀前集八。又玉燭寶典十二作荀子荆楚歌賦。引情一韻。類聚二十四作荀況賦危詩。引鄉、冥、藏、橫、堂、將、強、殃、皇、匡、明、祥、行、盲、佩、異、媒、喜、聰、凶、同二十一韻。文選四十五楊雄解嘲注作荀卿雲賦。引皇一韻。又五十一王褒四子講德論注引媒、喜二韻。楚辭七諫洪氏補注引佩一韻。

書後賦詩附

戰國策曰。春申君使人請孫子於趙。孫子爲書謝曰。癩人憐王。此不恭之語也。雖然。不可不審察也。因爲賦曰。○遠案。此所賦卽俛詩後段。以文字稍異。故附於此。

寶珍隋珠。韓詩外傳作琬玉瑤珠。不知佩詩紀作俛。兮。韓詩外傳無兮字。下同。禕戰國策誤作禕。衣與絲。韓詩外傳作雜布與錦。不知異兮。閭媼韓詩外傳作媼。子奢。韓詩外傳作都。莫之媒兮。媼母求之。又甚喜之。求之以下韓詩外傳作力父是之喜。兮。以瞽韓詩外傳作盲。爲明。以聾爲聰。以是爲非。以吉爲凶。嗚呼上天。曷惟韓詩外傳作維。詩紀作謂。其同。○戰國策楚策四。韓詩外傳四。詩紀前集八。

先秦詩卷六

逸詩

支詩

國語曰。衛彪偃曰。武王克殷。作此詩。以爲飢歌。名之曰支。以遺後人。使永監焉。夫禮之立成者爲飢。昭明大節而已。少曲與焉。是以爲之日惕。欲其教民戒也。

天之所支。不可壞也。其所壞亦不可支也。○國語周語下。詩紀前集九。

貍首詩

禮記鄭注曰。貍首。詩篇名。射義所云詩曰曾孫侯氏是也。

曾孫侯氏。四正具舉。大夫君子。凡以庶士。小大莫處。御於君所。以燕以射。則燕則譽。○禮記射義。大戴記投壺。詩紀前集九。

同上

質參既設。執旌既載。千侯既抗。中獲既置。弓既平張。四侯且良。決拾有常。既順乃讓。乃揖乃讓。乃躋

詩紀作躋。其堂。乃節其行。既志乃張。射夫命射。射者之聲。御車之旌。既獲卒莫。○大戴禮投壺篇。詩紀前集九。
○逸案。大戴記先載質參既設四句。次載弓既平張以下等句。二者之間。雖有他文。不相連屬。恐非一篇之辭。姑依詩紀附此待考。

黃竹詩三章

穆天子傳曰。丙辰。天子遊黃臺之丘。獵於苹澤。有陰雨。天子乃休。日中大寒。北風雨雪。有凍人。天子作詩三章以哀民。

我徂黃竹。□□□□。依前後句例。此處至少脫一句。□員穆天子傳作負。初學記同。闕寒。帝收九行。嗟我公侯。百辟冢卿。皇我萬民。且夕勿忘。

我徂黃竹。□□□□。依前後句例。此處至少脫一句。□員穆天子傳作負。初學記同。闕寒。帝收九行。嗟我公侯。百辟冢卿。皇我萬民。且夕勿窮。

有皎者駘。翩翩御覽或作鷗鷗。其飛。嗟我公侯。□勿則遷。居樂甚御覽作其。寡。不如遷土。穆天子傳作上。禮樂其民。○穆天子傳五。御覽五百九十二。詩紀前集九。又初學記卷二引七字。御覽十二引一二兩章。又御覽九百二十五引飛一韻。

祈招詩

左傳曰。昔穆王欲肆其心。周行天下。將皆必有車轍馬跡焉。祭公謀父作祈招之詩。以止王心。是以獲沒於祗宮。其詩曰。

祈招之愔愔。家語有乎字。式昭德音。思我王度。式如玉。式如金。形家語作刑。民之力。而無醉飽之心。○左傳昭公十二年傳。家語正論篇。御覽六百九。詩紀前集九。

招詩

孟子曰。景公召太師曰。爲我作君臣相說之樂。蓋徵招角招是也。其詩曰。畜君何尤。○孟子二梁惠王篇。詩紀前集九作徵招角招。

無射詩

周書曰。晉平公使叔譽于周。見太子而與之言。五稱而五窮。歸告公曰。太子晉行年十五。而臣弗能與言。君請歸聲就復與田。師曠曰。不可。請使瞑臣。師曠見太子。三稱三告善。王子曰。請人坐。遂敷席注瑟。師曠歌無射。乃注瑟於王子。王子歌嶠。

國誠書鈔作城。寧矣。書鈔作兮。遠人來觀。脩義經矣。書鈔作兮。好樂無荒。○周書太子晉解。書鈔百六。御覽五百七十六。詩紀前集九。

嶠詩

何自南極。至于北極。絕境越國。弗愁道遠。○周書太子晉解。詩紀前集九。

轡之柔矣詩

周書曰。師曠見周太子晉歸。太子賜乘車四馬。曰。太師亦善御之。對曰。御吾未之學也。王子曰。汝不爲夫時詩云云。以是御之。

馬之剛矣。轡之柔矣。馬亦不剛。轡亦不柔。志氣庶庶。周書作塵塵。誤。取與不疑。○周書太子晉解。詩紀前集九。

驪駒詩

漢書曰。王式爲博士。既至止舍中。共持酒肉勞式。式謂歌吹諸生曰。歌驪駒。文穎注曰。其辭云。

驪駒在門。僕夫具存。驪駒在路。僕夫整駕。○漢書王式傳注。詩紀前集九。

詩

左傳曰。鄭伯克段于鄢。遂置姜氏於城穎而誓之曰。不及黃泉。無相見也。既而悔之。穎考叔曰。若闕地及泉。隧而相見。其誰曰不然。公從之。公人而賦云云。姜出而賦云云。遂爲母子如初。

大隧之中。其樂也融融。○左傳隱公元年傳。

大隧之外。其樂也洩洩。○同上

白水詩

列女傳曰。甯戚擊牛角而商歌。甚悲。桓公異之。使管仲迎之。甯戚稱曰。浩浩乎白水。管仲不知所謂。不朝五日。而有憂色。其妾笑曰。人已語君矣。古有白水之詩云云。甯戚之欲得仕國家也。

浩浩白水。儵儵之魚。君來召我。我將安居。國家未立。列女傳作定。從我焉如。○列女傳六。詩紀前集九。

同上

管子曰。桓公使管仲求甯戚。甯戚應之曰。浩浩乎。管仲不知。至中食而慮之。婢子曰。公何慮。管仲曰。公使我求甯戚。甯戚應我曰。浩浩乎。吾不識。婢子曰。詩有之云云。甯子其欲室乎。

浩浩者類聚、御覽作之。水。育育御覽作游游。者類聚、御覽作之。魚。未有室家。類聚作家室。而召我上三字類聚、御覽作我將。安居。管子作而安召我居。○管子小問篇。類聚三十五。御覽五百。詩紀前集九。

左傳引逸詩

翹翹車乘。招我以弓。豈不欲往。畏我友朋。○左傳莊公二十二年傳陳仲敬引。詩紀前集九。

我無所監。夏后及商。用亂之故。民卒流亡。○左傳昭公二十六年傳晏子引。晏子春秋外篇。詩紀前集九。

俟河之清。人壽幾何。兆云詢多。職競作羅。○左傳襄公八年傳子駟引周詩。詩紀前集九。

雖有絲麻。無棄管蒯。雖有姬姜。無棄蕉萃。凡百君子。莫不代匱。○左傳成公九年傳。詩紀前集九。

周道挺挺。我心扃扃。講事不令。集人來定。○左傳襄公五年傳。詩紀前集九。

禮義漢書或有之字。不愆。何恤於漢書無於字。後漢書作乎。人漢書有之字。後漢書同。言。○左傳昭公四年傳。漢書東方朔傳。

又匡衡傳。後漢書班超傳注。詩紀前集九。

淑慎爾止。無載爾僞。○左傳襄公三十年傳。詩紀前集九。

論語引逸詩

巧笑倩兮。美目盼兮。素以爲絢兮。○論語八佾篇。詩紀前集九。

棠棣之華。偏其反而。豈不爾思。室是遠而。○論語子罕篇。詩紀前集九。

禮記引逸詩

昔吾有先正。其言明且清。國家以寧。都邑以成。庶民以生。誰能秉國成。不自爲政。卒勞百姓。○禮記緇衣

篇。詩紀前集九。又文選二十四答何劭詩注作子思子詩。引正、清、寧、成四韻。○詩紀云。下三句見小雅節南山之篇。李善文選注引首

四句作子思子詩。

相彼盍旦。尚猶患之。○禮記坊記篇。詩紀前集九。○詩紀云。鹽鐵論亦載此。盍旦作鴉旦。月令作鷦鷯。或作渴旦。

家語引逸詩

皇皇上天。說苑作帝。其命不忒。天之以善。說苑作與人。必報其說苑作有。德。○家語六本篇。說苑權謀篇。詩紀前集九。

管子引逸詩

鴻鵠將將。○管子形勢篇。○遠案。詩紀引此作鴻鵠將將。唯民歌之。濟濟多士。殷民化之。然檢管子云。衛命者。君之尊也。受辭者。名之運也。上無事則民自試。抱蜀不言。而廟堂既修。鴻鵠鏘鏘。唯民歌之。濟濟多士。殷民化之。據此。如謂管子引詩。則止鴻鵠鏘鏘。濟濟多士兩句。而鴻鵠鏘鏘爲逸詩也。又鏘鏘。形勢解篇作將將是。今從之。

墨子引周詩

王道蕩蕩。不偏不黨。王道平平。不黨不偏。○墨子兼愛篇。○遠案。書洪範篇有此四句。惟不字皆作無。

墨子引逸詩

必擇所堪。必謹所堪。○墨子所染篇。詩紀前集九。
魚水不務。陸將何及。○墨子非攻篇。詩紀前集九。

荀子引逸詩

如霜雪之將將。如日月之光明。○荀子王霸篇。詩紀前集九。○遠案。詩紀此下尚有爲之則存、不爲之則亡二句。今依楊倞注只錄前二句。

國有大命。不可以告人。妨其躬身。○荀子臣道篇。詩紀前集九。

鳳凰類聚作鳥。御覽同。秋秋。類聚作啾啾。御覽同。其翼若干。類聚作竿。御覽作竿。其聲若簫。有鳳有凰。類聚作有皇。

有鳳。御覽同。樂帝之心。○荀子解蔽篇。類聚九十九。御覽四百六十八、九百十五。詩紀前集九。

長夜慢兮。永思騫兮。太古之不慢兮。禮義之不愆兮。何恤人之言兮。○荀子正名篇。詩紀前集九。○遠案。前引左傳逸詩與此末二句略同。

涓涓源水。不壅荀子作雖。不塞。穀既荀子作已。破碎。乃大其輻。事以荀子作已。敗矣。乃重太荀子作大。息。○荀子法行篇。詩紀前集九。

墨以爲明。詩紀作朗。狐狸而蒼。○荀子解蔽篇。詩紀前集九。

列子引逸詩

良弓之子。必先爲箕。良冶之子。必先爲裘。○列子湯問篇。御覽七百四十六作列子古語。詩紀前集九。○遠案。禮記學記云。良冶之子必學爲裘。良弓之子必學爲箕。與此稍異。

莊子引逸詩

青青之麥。生於陵。詩紀作陵之。陂。御覽或誤作坂。生不布。類聚或無布字。施。死何。御覽何下或有用字。含珠爲。○莊子外物篇。類聚八十四、八十五。白帖十九。御覽四百七十七、五百四十九、八百三、八百三十八。詩紀前集九。

呂氏春秋引逸詩

將欲毀之。必重累之。將欲踣之。必高舉之。○呂氏春秋行論篇。詩紀前集九。

君君子則正。以行其德。君賤人則寬。以盡其力。○呂氏春秋愛士篇。詩紀前集九。
唯則定國。○呂氏春秋權勳篇。左傳僖公九年傳。詩紀前集九。

戰國策引逸詩

行百里者。半於九十。○戰國策秦策五。詩紀前集九。

大武遠宅不涉。○戰國策秦策四。史記春申君傳。新序善謀篇。詩紀前集九。

木實繁者披其枝。披其枝者傷其心。大其都者危其君。尊其臣者卑其主。○戰國策秦策三。詩紀前集九。
樹德莫如滋。除害莫如盡。○戰國策秦策三。詩紀前集九。

史記引逸詩

得人者興。失人者崩。○史記商君列傳。

漢書引逸詩

四牡翼翼。以征不服。親省邊陲。用事所極。○漢書武帝紀。詩紀前集九引起首二句。
九變復貫。知言之選。詩紀云。變一作辨。○漢書武帝紀。詩紀前集九。

說苑引逸詩

縣縣之葛。在於曠野。良工得之。以爲絺紵。良工不得。枯死於野。○說苑尊賢篇。詩紀前集九。

周禮注引逸詩

敕爾瞽。率爾衆工。奏爾悲誦。肅肅雝雝。無怠無凶。○周禮春官注。詩紀前集九。○逮案。詩紀列此爲辟雍詩之三。今從危林別列於此。又周官賈公彥疏曰。瞽人無目而云敕爾瞽率爾衆工。於義不可。且奏爾悲誦等似逸詩。不知何從而出云云。○逮案。鄭注只來敕也。敕爾瞽以下卽逸詩。賈說亦未的。

後漢書引逸詩

皎皎練絲。在所染之。○後漢書楊終傳。詩紀前集九。

晉書引逸詩

羽觴隨波。初學記波上有流字。御覽或同。○晉書束皙傳。初學記四。御覽三十、一百五十八、六百十二。詩紀前集九。

集韻引逸詩

佞人如蟬。○集韻六脂。詩紀前集九。

先秦詩卷七

古諺語

六韜引諺

天下攘攘。皆爲利往。天下熙熙。皆爲利來。○御覽四百九十六。詩紀前集十。

管子引古言

牆有耳。伏寇在側。○管子君臣篇。詩紀前集十。

論語引南人言

人而無恆。不可以作巫醫。○論語子路篇。

孔子家語引里語

相馬以輿。相士以居。○家語子路初見篇。御覽四百九十五。詩紀前集十。

禮記引諺

人莫知其子之惡。莫知其苗之碩。○禮記大學篇。詩紀前集十。

禮記引南人言

人而無恆。不可以爲卜筮。○禮記緇衣篇。

孟子引夏諺

吾王晏子春秋作君。不遊。吾晏子春秋作我。何以休。吾王晏子春秋作君。不豫。吾何晏子春秋作我曷。以助。一遊一豫。爲諸侯度。○孟子梁惠王篇。晏子春秋內篇。御覽五百三十七引越絕書。詩紀前集十。

孟子引齊人言

雖有智慧。不如乘勢。雖有鎡基。不如待時。○孟子公孫丑篇。詩紀前集十。

左傳引周諺

山有木工則度之。賓有禮主則白帖無則字。擇之。○左傳隱公十一年傳。御覽四百九十五。詩紀前集十。又白帖十引下一句。

匹夫無罪。懷璧其罪。○左傳桓公十年傳。類聚八十三、八十四。御覽三百四十二、四百九十五。詩紀前集十。

左傳引諺

心苟無瑕。何恤乎無家。○左傳閔公元年傳。詩紀前集十。

輔車相依。唇亡齒寒。○左傳僖公五年傳。類聚五十九。白帖九。御覽三百三、三百六十七、三百六十八、四百五十一、四百九十

五。詩紀前集十。

高下在心。川澤納污。山藪藏疾。瑾瑜匿瑕。國君含垢。○左傳宣公十五年傳。御覽四百九十五。詩紀前集十。○詩紀云。

漢書亦引此。無高下在心一句。

民之多幸。國之不幸。○左傳宣公十六年傳。詩紀前集十。

非宅是卜。初學記誤作名。惟隣是卜。○左傳昭公三年傳。初學記二十四。御覽一百五十七、一百八十。詩紀前集十。

狼子野心。○左傳宣公七年傳。御覽七百二十九。

老將知而耄及之。○左傳昭公元年傳。

臣一主二。○左傳昭公十三年傳。詩紀前集十。

無過亂門。○左傳昭公十九年傳。詩紀前集十。○遼案。左傳昭公二十二年傳引人有言曰唯亂門之無過。國語周語引人有言曰無過亂人之門。均屬一諺而小異。

室於怒市於色。御覽作怒於室而色於市。○左傳昭公十九年傳。御覽一百七十四。詩紀前集十。

唯食忘憂。○左傳昭公二十八年傳。○詩紀前集十。○詩紀云。國語作唯食可以忘憂。
民保於信。○左傳定公十五年傳。詩紀前集十。

左傳引古人言

心則不競。何憚於病。○左傳僖公七年傳。詩紀前集十。
畏首畏尾。身其餘幾。○左傳文公十七年傳。詩紀前集十。
雖鞭之長。不及馬腹。○左傳宣公十五年傳。詩紀前集十。
殺老牛莫之敢尸。○左傳成公十七年傳。詩紀前集十。
挈餅之知。守不假器。○左傳昭公七年傳。詩紀前集十。
鹿死不擇音。○左傳文公十七年傳。詩紀前集十。

左傳引上國言

不索何獲。○左傳昭公二十七年傳。

國語引諺

獸惡其網。民惡其上。○國語周語。御覽八百三十四。詩紀前集十。

衆心成城。衆口鑠金。○國語周語。御覽四百九十五、五百七十五。詩紀前集十。

從善如登。從惡如崩。○國語周語。詩紀前集十。

黍稷無成。不能爲榮。黍不爲黍。御覽無不爲黍三字。不能蕃廩。國語作廩。御覽作燕。稷不爲稷。御覽無不爲稷三字。不能蕃殖。所生不疑。惟德之基。○國語晉語。御覽四百九十五。詩紀前集十。

狐埋之而狐搢之。是以無成功。○國語吳語。詩紀前集十。

觥飯不及壺殮。○國語越語。詩紀前集十。

國語引人言

兄弟讒閱。侮人百里。○國語周語。詩紀前集十。

兵在其頸。○國語周語。詩紀前集十。

佐雖者嘗焉。佐鬪者傷焉。○國語周語。詩紀前集十。

禍不好不能爲禍。○國語周語。詩紀前集十。

墨子引古語

唇亡則齒寒。○墨子非攻篇。○案此與左傳所引小異。

謀而不得。則以往知來。○墨子非攻篇。

君子不鏡於水而鏡於人。鏡於水見面之容。鏡於人則知白帖知下有其字。古與類聚無與字。白帖、御覽同。凶。○晏子非攻篇。類聚八。白帖二。御覽五十八。

莊子引野語

聞道百以爲莫己若。○莊子秋水篇。詩紀前集十。

衆人重利。廉士重名。賢士尚志。聖人貴精。○莊子刻意篇。詩紀前集十。

荀子引古言

衣與繆與。不女聊。○荀子子道篇。詩紀前集十。

荀子引民語

欲富乎。忍恥矣。傾絕矣。故舊矣。與義分背矣。○荀子大略篇。詩紀前集十。

荀子引語

流丸止於甌臬。流言止於知者。○荀子大略篇。詩紀前集十。

淺不可與測深。愚不足與謀知。坎井之龜。不可與語東海之樂。○荀子正論篇。

晏子引諺言

鼠社不可薰。○晏子春秋外篇。

晏子引語

言發於爾。不可止於遠。行存於身。不可掩於衆。○晏子春秋外篇。

列子引古語

生相憐。死相捐。○列子楊朱篇。詩紀前集十。

人不婚宦。情欲失半。人不衣食。君臣道息。○列子楊朱篇。詩紀前集十。

列子引周諺

田父可坐殺。○列子楊朱篇。詩紀前集十。

慎子引諺

不聰不明。不能爲王。不瞽不聾。不能爲公。○御覽四百九十六。困學紀聞十。詩紀前集十。

韓非子引鄙諺

長袖御覽或作袂。善舞。多財御覽或作資。善賈。○韓非子五蠹篇。類聚四十三。御覽五百七十四、八百二十九。
莫衆而迷。○韓非子內儲說上。
傭自賣。哀而不售。士自譽。辨而不信。○御覽八百二十八。

韓非子引古諺

爲意林無爲字。政若沐也。意林無也字。雖有棄髮之費御覽作勞。而有長髮之利也。○意林一。御覽三百九十五。

韓非子引先聖諺

不躓於山。而躓於垤。○韓非子六反篇。
規有摩而水有波。我欲更之。無奈之何。○韓非子八說篇。

韓非子引古語

奔車之上無仲尼。覆舟之下無伯夷。○韓非子安危篇。御覽四百三十引殷康明慎、四百五十九引淮南子。詩紀前集十。

商子引諺

蠹衆而意林作則。木折。隙大而意林作則。牆壞。○商子修權篇。意林四。

商子引語

愚者暗於成事。智者見於未萌。○商子更法篇。御覽四百九十六引商君書。

鄒子引古語

截趾適履。詩紀作履。孰云其愚。何與斯人。追欲喪軀。○古今諺。詩紀前集十。

呂氏春秋引鄙諺

居者無載。行者無埋。○呂氏春秋知接篇。詩紀前集十。

黃金累千。不如一賢。○初學記十七引呂氏春秋。

尉繚子引諺

千金不死。百金不刑。○尉繚子將理篇。

魯連子引諺

百足之蟲。三文選注作至。御覽或同。斷上二字御覽或作斷而。不蹶。○意林一。文選五十二六代論注。御覽九百四十四、九百四

十八。詩紀前集十。

心誠憐。白髮玄。情不怡。艷色媼。○風雅遺篇六。詩紀前集十。

鬼谷子引古語

女愛不蔽席。男歡不盡輪。古今諺云。戰國策。寵女不蔽席。寵臣不蔽軒。詩紀同。○古今諺。詩紀前集十。

孔叢子引遺諺

堯舜白帖作飲。論衡作文王飲酒。千鍾。孔子御覽或有飲字。百觚。子路嗑嗑。類聚、御覽或作渣渣。類聚或無嗑嗑二字。尚御覽或作日。飲十類聚作百。御覽同。榼。○孔叢子儒道篇。書鈔百四十八。類聚二十五、七十二。御覽四百六十六、七百六十一、八百四十五。詩紀前集十。又論衡語增篇引觚一韻。白帖五引第一句。

戰國策引諺

見君之乘下之。見杖起之。○戰國策楚策。詩紀前集十。

以書爲御者。不盡馬之情。以古制今者。不達事之變。○戰國策趙策。詩紀前集十。

厚者不損。詩紀作毀。人以自益。詩紀有也字。仁者不危軀。詩紀作人。以要名。詩紀有也字。○戰國策燕策。詩紀前集十。

戰國策引鄙語

見兔而顧犬。未爲晚也。亡羊而補牢。詩紀云。一本作籬。音同。未爲遲也。新序作亡羊而補牢未爲遲。見兔而呼狗未爲晚。○戰國策楚策。新序雜事篇。御覽四百九十五、九百七。詩紀前集十。

借車者馳之。借衣者被之。○戰國策趙策。詩紀前集十。

寧爲雞口。無爲牛後。○戰國策韓策。史記蘇秦列傳。類聚二十五。御覽四百六十、四百九十五、八百九十八。詩紀前集十。○顏氏家訓曰。按延篤戰國策音義曰。尸。鷄中之主。從。牛子也。然則口當爲尸。後當爲從。俗寫誤也。○遼案。史記索隱引戰國策與顏氏同。

戰國策引語

戰勝而國危者。物不斷也。功大而權輕者。地不入也。○戰國策秦策。詩紀前集十。

騏驥之衰也。駑馬先之。孟賁之倦也。女子勝之。○戰國策齊策。詩紀前集十。

厲疾憐王。○戰國策楚策。詩紀前集十。

強者善。弱者不能自守。○戰國策趙策。

仁不輕絕。智不輕怨。○戰國策燕策。新序雜事篇。詩紀前集十。

史記引諺

死者復生。生者不愧。○史記趙世家。詩紀前集十。

蓬生麻中。不扶自直。書鈔作乃。直。白沙在泥。史記有中字。與之皆黑。○史記三王世家褚先生引。書鈔百五十八引大戴禮。

類聚八十二引曾子。詩紀前集十。○詩紀云。魯子書作諺曰。

力則任鄙。智則樛里。○史記樛里子傳引秦人諺。詩紀前集十。

史記引語

狡兔死。良狗烹。高鳥盡。良弓藏。敵國破。謀臣亡。○史記淮陰侯傳韓信引人言。○還案。韓非子說儲下。太宰嚭遺大夫種曰。狡兔盡則良犬烹。敵國滅則謀臣亡。又漢書蒯通傳。通欲說韓信令背漢。引語曰。野禽殫。走犬烹。敵國破。謀臣亡。知此語始自太宰嚭。輾轉成爲習語。故有繁簡文字之異。今依史記錄之。

新書引周諺

君子重襲。小人無由入。正人十倍。邪辟無由來。○新書容經篇。詩紀前集十。

囊漏文心雕龍作滿。貯文心雕龍作儲。長短經同。中。○新書春秋篇。文心雕龍書記篇。長短經大體篇。詩紀前集十。

附

金樓子引殷紂時語

車行酒。騎行炙。百二十日爲一夜。○金樓子箴戒篇。

金樓子引古語

寧得一把五加。不潛確類書作安。用金玉詩紀作黃金。滿車。寧得一斤詩紀作把。地榆。不潛確類書作安。用明月寶珠。○金樓子志怪篇。潛確類書九十八引東華真人煮石經。○遼案。詩紀此篇作魯定公記載古語。

妝臺記序引春秋時諺

夏姬得道。雞皮三少。○西溪叢話下引字文士及妝臺記序。

漢詩卷一

漢高帝劉邦

邦。字季。沛豐邑中陽里人。初爲泗上亭長。秦二世元年。起兵。稱沛公。明年。楚懷王以爲碭郡長。封武安侯。以子嬰元年西入關。立爲漢王。都南鄭。以漢五年破項羽。卽皇帝位。都長安。漢十二年卒。年五十三。諡曰高皇帝。

歌詩二首 從漢書藝文志。

大風 史記又名三侯之章。

漢書曰。十二年冬。上破布軍于會缶。布走。令別將追之。上還。過沛。留。置酒沛宮。悉召故人父老子弟佐酒。發沛中兒得百二十人。教之歌。酒酣。上擊筑自歌曰。

大風起 倭名類聚作吹。誤。兮雲飛揚。威加海內書鈔作四海。初學記、白帖同。兮歸故鄉。安得猛士兮魏志引略兮字。守四方。○漢書高帝紀。史記高祖紀。文選二十八。史記樂書三侯之章下司馬貞素隱。書鈔一百六。類聚四十三。白帖十八。御覽八、八十七、二百四十一、五百三十九、五百九十一。樂府詩集五十八。詩紀一。又魏志蔣濟傳作高祖歌引方一韵。倭名類聚一引揚一韵。

鴻鵠樂府詩集作楚歌。

漢書曰。上欲廢太子。立戚夫人子趙王如意。漢十二年。上從破布歸。疾益甚。愈欲易太子。及宴。置酒。太子侍。四人者從太子。年皆八十有餘。須眉皓白。衣冠甚偉。爲壽已畢。趨去。上目送之。召戚夫人指視曰。我欲易之。四人爲之輔。羽翼已成。難動矣。戚夫人泣涕。上曰。爲我楚舞。吾爲若楚歌。歌曰。

鴻鵠史記作鴈。白帖同。高飛。白帖飛下有兮字。潛確類書同。一舉千里。羽翼史記作翮。書鈔、白帖、潛確類書同。曰史記作已。書鈔、白帖、文選補遺、廣文選、潛確類書、詩紀並同。案目、已古通用。就。白帖作成。又成下有兮字。潛確類書同。橫絕真仙通鑑作截。下同。四海。橫絕四海。白帖海下有兮字。潛確類書同。又可史記作當可。書鈔同。白帖無此二字。有無字。潛確類書同。奈何。雖有潛確類書無有字。贈書鈔作累。樂府作縵。繳。白帖繳下有兮字。潛確類書同。尚白帖無此字。潛確類書同。詩紀作將。云。一作尚。安所施。○漢書張良傳。史記留侯世家。書鈔一百六。白帖二十九。歷世真仙體道通鑑十。樂府詩集八十三。文選補遺三十五。廣文選十四。詩紀一。○錄案。白帖所引有兮字。更合楚歌體。其所據書。當爲楚漢春秋。史通曰。劉氏初興。書惟陸賈而已。子長述楚漢之事。專據此書。然觀遷之所載往往與舊不同。如酈生之初謁沛公。高祖之長歌鴻鵠。非惟文句有別。遂乃事理皆殊云云。可爲確證。

楚霸王項羽

羽名籍。一字子羽。下相人。楚將項燕孫。秦二世元年。從季父梁起兵。爲裨將。二年。楚懷王以爲次將。封魯公。三年。拜上將軍。漢元年。自立爲西楚霸王。都彭城。五年。兵敗走烏江。自刎死。年三十一。

歌

漢書曰。高祖圍項羽垓下。是夜聞漢軍皆楚歌。驚曰。漢已得楚乎。起飲帳中。有美人名虞常從之。駿馬名騅。常騎之。乃悲歌慷慨。自爲歌曰。

力拔山兮氣蓋世。時不利兮騅不逝。騅不逝兮可奈何。虞兮虞兮奈若何。○漢書項羽傳。史記項羽本紀。御覽八十七、五百七十。樂府詩集五十八作力拔山操。文選補遺三十五作垓下帳中歌。詩紀二作垓下歌。○遠案。文選補遺與詩紀標題各異。然皆涉杜撰。今從漢書只曰歌。樂府詩集引琴集云。力拔山操。項羽所作也。則此歌曰操。亦後起之名。

美人虞

虞。項王幸姬。括地志云。虞姬墓在濠州定遠縣東六十里。

和項王歌

史記曰。項王夜起。飲帳中。有美人名虞。常幸從。駿馬名騅。常騎之。於是項王乃悲歌忼慨。自爲詩。歌數闋。美人和之。

漢兵已略地。四方楚歌聲。大王意氣盡。賤妾何樂生。○史記項羽本紀正義引楚漢春秋。詩紀二。○遠案。四方。詩紀作四面。何樂。詩紀作何聊。今據正義改正。

四皓

四皓者。用里先生、綺里季夏、黃公、東園公。皆河內之枳人。秦世隱商山。

歌

崔琦四皓頌曰。昔南山四皓者。蓋用里先生、綺里季夏、黃公、東園公是也。秦之博士。遭世闇昧。道滅德消。坑黜儒術。詩書是焚。於是四公退而作歌曰。

莫莫高山。寰宇記作英英白雲。御覽或作英英高山。樂府作漠漠商洛。文選補遺、廣文選同。草堂詩箋作漠漠高山。詩紀云。一作漠漠商洛。深谷逶迤。書鈔作威夷。樂府、文選補遺同。草堂詩箋或作逶迤。御覽或誤作滅哉。曄曄紫芝。可目療飢。唐虞文選補遺作皇農。世御覽或作時。寰宇記同。樂府作邈。文選補遺、廣文選同。遠。吾樂府作余。將何樂府作安。文選補遺、若溪叢話、廣文選同。詩紀云。一作安。歸。駟事類賦作四。馬高蓋。草堂詩箋或作車。其憂甚大。富貴之御覽或無之字。事類賦同。寰宇記作而。樂府、文選補遺同。畏寰宇記作屈。人兮。高士傳無兮字。寰宇記、樂府、文選補遺、若溪叢話、草堂詩箋八注並同。不若高士傳作如。御覽、寰宇記、樂府、文選補遺、事類賦、若溪叢話並同。貧賤之肆志。樂府作而輕世。文選補遺同。廣文選作之輕世。詩紀云。一作富貴而畏人。不如貧賤而輕世。○御覽五百七十三引崔琦四皓頌。樂府詩集五十八誤作崔鴻四皓歌。御覽五百七引高士傳。寰宇記一百四十引高士傳。御覽一百六十八引皇甫謐帝王世紀。文選補遺三十五作采芝歌。事類賦歌賦。若溪漁隱叢話後集一。文章正宗二十九作紫芝歌。草堂詩箋八注、十一注。廣文選十四作采芝歌。詩紀二作紫芝歌。注。一作四皓歌。又書鈔一百六崔琦四皓頌引夷、飢、歸三韻。

採芝操詩紀云。一作紫芝歌。

樂府詩集曰。琴集曰。採芝操。四皓所作也。古今樂錄曰。南山四皓隱居。高祖聘之。四皓不甘。仰天歎而作歌。案漢書曰。四皓皆八十餘。鬚眉皓白。故謂之四皓。卽東園公、綺里季夏、黃公、角里先生也。崔鴻曰。四皓爲秦博士。遭世暗昧。坑黜儒術。於是退而作此歌。亦謂之四皓歌。二說不同。未知孰是。○遼案。琴集此操。與前篇實爲一作。特刪取稍異耳。詩紀從樂府詩集。此在前。今改附於後。

皓天嗟嗟。深谷逶迤。樹木莫莫。高山崔嵬。巖居穴處。以爲幄茵。曄曄紫芝。可以療饑。唐虞往矣。吾當安歸。○樂府詩集五十八引琴集。廣文選十四。詩紀二。

戚夫人

夫人。高帝姬。定陶人。生趙隱王如意。如意高帝所愛。幾於立爲太子。惠帝元年。呂后害之。

春歌詩紀云。一作永巷歌。

漢書曰。呂后爲皇太后。乃令永巷囚戚夫人。髡鉗衣赭衣。令舂。戚夫人舂且歌曰云云。太后聞之。大怒。召趙王殺之。遂斷夫人手足。去眼薰耳。飲瘖。使居鞠域中。名曰人彘。

子爲王。母爲虜。終日舂薄暮。常與死爲伍。相離三千里。當詩紀作將。誰使御覽或作使誰。告女。○漢書外戚傳。御覽百三十六、百四十四、五百七十。樂府詩集八十四。詩紀二。

趙王劉友

友。高帝子。十一年立爲淮陽王。趙隱王如意死。孝惠元年。徙友王趙。凡立十年。高后三年幽死。

歌詩紀作幽歌。

漢書曰。孝惠時。友以諸呂女爲后。不愛。愛它姬。諸呂女讒之於太后。太后怒。召趙王置邸。令衛圍守之。趙王餓。乃作歌。遂幽死。以民禮葬之長安。

諸呂用事兮劉氏微。史記作危。御覽同。迫脅王侯兮彊授我妃。我妃既妬兮誣我以惡。讒女亂國兮上曾不寤。我無忠臣史記作良。兮何故棄國。自快史記作決。詩紀同。中野兮蒼天與史記作舉。直。于嗟不可悔兮寧早史記作蚤。自賊。史記作財。爲王史記王下有而字。餓死兮誰者憐之。呂氏絕理兮託天報仇。○漢書高五王傳趙王傳。史記呂后本紀。樂府詩集八十四。詩紀一。又御覽百五十一引危、妃、惡、寤四韻。

城陽王劉章

章。齊悼惠王肥之子。高帝之孫。高后稱制。封爲朱虛侯。高后崩。以平諸呂迎立文帝功。封城陽王。孝文二年卒。諡曰景。

耕田歌詩紀云。耕一作種。

史記曰。趙王友人朝。幽死于邸。三趙王皆廢。高后立諸呂爲三王。擅權用事。朱虛侯年二十。有氣力。忿劉氏不得職。嘗人侍高后燕飲。高后令爲酒吏。章自請曰。臣。將種也。請以軍法行酒。高后曰。可。酒酣。章進飲歌舞。已而曰。請爲太后言耕田歌云云。高后默然。

深耕概風俗通作廣。種。立事類賦作植。苗欲疏。非其種者。詩紀云。種一作類。鋤而去之。○史記齊悼惠王世家。漢書齊悼惠王傳。風俗通怪神篇。御覽四百三十四、七百六十四、八百二十二。文選補遺三十五。事類賦劍篇注。詩紀一。

漢武帝劉徹

徹。景帝中子。四年。封膠東王。七年。立爲皇太子。後三年正月卽位。在位五十四年。後元二年卒。年七十一。有集二卷。

瓠子歌

漢書武帝紀曰。元封二年四月。作瓠子歌。溝洫志曰。上既封禪。乃使汲仁、郭昌發卒數萬人。塞瓠子決河。於是上以用事萬里沙。則還自臨決河。湛白馬玉璧。令羣臣從官自將軍以下皆負薪實決河。是時東郡燒草。以故薪柴少。而下淇園之竹以爲楗。上既臨河決。悼功之不成。乃作歌曰。

瓠子決兮將奈何。浩浩洋洋文選補遺少一洋字。廣文選同。史記作皓皓盱盱。詩紀云。一作皓皓昕昕。今漢書、水經注無兮字。類聚同。慮史記作閭。殫爲河。殫爲河兮地不得寧。功無已時類聚無時字。今吾山平。吾山平兮鉅野。水經注作巨野。寰宇記同。類聚作鉅鹿。誤。溢。魚弗史記作沸。水經注同。寰宇記作沸。鬱兮栢類聚作迫。冬日。正史記作延。即征字。道弛兮

離常流。蛟龍騁兮放史記作方。樂府同。遠遊。歸舊川兮神哉沛。不封禪兮安知外。皇謂河公史記作爲我謂河伯。樂府、文選補遺、廣文選、詩紀並同。今何不仁。泛濫不止兮愁吾人。齧桑浮兮淮泗滿。久不反水經注作返。詩紀同。兮水維緩。○漢書溝洫志。史記河渠書。水經注瓠子河注。樂府詩集八十四。文選補遺三十五。廣文選十四。詩紀一。又類聚四十三引何、河、寧、平、溢、日六韻。寰宇記十三引溢、日二韻。韻補三引游一韻。

河湯湯兮激潺湲。北渡回史記作迂。水經注作迴。今迅史記作浚。流難。擗長筴樂府作菱。書鈔誤作菱。今湛美玉。河公史記作伯。樂府、文選補遺、廣文選、詩紀並同。詩紀云。一作公。許兮薪不屬。薪不屬兮衛人罪。燒蕭條兮噫乎何以御史記作禦。水經注、樂府、廣文選、詩紀並同。案御、禦通。水。隤史記作頽。林竹水經注作竹林。兮捷史記作捷。水經注、樂府、文選補遺、廣文選、詩紀並同。石菑。宣防史記作房。案鹽鐵論申韓篇。歌宣房塞。萬福來焉。又崔瑗河隄謁者箴。瓠子潺湲。宣房作歌。與史記並同。塞兮萬福來。○漢書溝洫志。史記河渠書。水經二十四。樂府詩集八十四。文選補遺三十五。廣文選十四。詩紀一。又書鈔八十九引一句。

秋風辭

漢武帝故事曰。上行幸河東。祠后土。顧視帝京。欣然中流。與羣臣飲燕。上歡甚。乃自作秋風辭曰。

秋風起兮白雲飛。草木黃御覽或作搖。落兮鴈南歸。蘭有秀兮菊有芳。懷文選注作攜。御覽或同。佳人兮不能忘。汎樓船兮濟汾河。橫中流兮揚素波。簫御覽作蕭。鼓鳴書鈔作吹。兮發權歌。歡御覽或作忻。樂極兮哀情多。少壯幾時兮奈老何。○文選四十五。御覽五百七十、五百九十一並引漢書。樂府詩集八十四引漢武帝故事。合璧事類外集五十八引

正本漢書本紀。詩紀一。又書鈔百六引漢武故事。錄河、波、歌、多四韻。後漢書馬融傳注引歌一韻。文選十三雪賦注引忘一韻。又十六別賦注引歌一韻。御覽九引飛、歸、河、波四韻。又七百六十八作武帝汾歌。引河、波二韻。○逮案。此辭御覽數引皆曰漢書。合璧事類且謂出正本漢書。殊怪。事類謂案正本漢書本紀。天漢元年三月。上行幸河東。祀后土云云。秋風而曰三月。顯有誤字。考漢書。帝幸汾陰凡六次。然皆不在秋。惟郊祀志稱。夏六月中。汾陰巫錦爲民祠魏睢后土營旁。見地如鉤狀。掇視得鼎。吏告河東太守勝。勝以聞之。乃以禮祀迎鼎至甘泉。從行上薦之云云。據武紀。事在元鼎四年。得鼎既在六月中。並經遣使驗問。則帝之河東當值秋時。秋風辭其即此行之作乎。

天馬歌

漢書武帝紀。元鼎四年六月。得寶鼎后土祠旁。秋。馬生渥洼水中。作寶鼎天馬之歌。史記曰。嘗得神馬渥洼水中。復次以爲太一之歌。歌曲曰。

太一貢兮天馬下。霑赤汗兮沫流赭。騁容與兮趾韻補作進。萬里。今安匹兮龍爲友。○史記樂書。詩紀一。又韻補三引里、友二韻。○逮案。此與郊祀天馬歌文字稍異。故別人武帝集。

西極天馬歌

廣文選作蒲梢天馬歌。詩紀同。

漢書武帝紀曰。太初四年。斬大宛王首。獲汗血馬來。作西極天馬之歌。史記曰。後代大宛得千里馬。馬名蒲梢。次作以爲歌。歌詩曰。

天馬來白帖作來。從白帖作自。西極。經萬里兮歸有德。承靈威兮降廣文選誤作障。詩紀同。外國。涉流沙兮四夷

服。○史記樂書。白帖十六。廣文選十四。詩紀一。○遠案。此與郊祀天馬歌文字稍異。故別人武帝集。

李夫人歌

漢書曰。夫人早卒。帝思念不已。方士齊人少翁言能致其神。乃夜張燈燭。設帷帳。陳酒肉。而令帝居帷帳。遙望見好女如李夫人之貌。還幄坐而步。又不得就視。帝愈益相思悲感。爲作詩。令樂府諸家絃歌之。

是邪非邪。立而望之。偏詩紀作翻。何姍姍其來。御覽作來何。遲。搜神記作偏娜娜何冉冉其來遲。類聚同。○漢書外戚傳。搜神記二。類聚四十三。文選五十八哀永逝文注。御覽百四十四。樂府詩集八十四。詩紀一。○焦氏筆乘云。武帝李夫人歌。是邪非邪。立而望之。翻何姍姍其來遲。之與遲一韻。許顛詩話云。立而望之偏。是退之走馬看來立不正之所祖也。以偏字屬上。不惟與韻不叶。立而望之偏。是何語邪。○遠案。焦說是也。又類聚此歌引漢書。與今本漢書絕異。與搜神記則同。未悉所據爲何本也。

思奉車子侯歌

詩紀作思車子侯歌。原在外集。今編入武帝集。

洞仙傳曰。車子侯者。扶風人。漢武帝愛其清淨。稍遷其位至侍中。一朝語家云。我今補仙官。此春應去。至夏中當暫還。還少時復去。如其言。武帝思之。乃作歌曰云云。○遠案。漢書霍去病傳。去病薨。子嬪嗣。嬪字子侯。上愛之。幸其壯而將之。爲奉車都尉。從封泰山而薨。子侯之薨。又見郊祀志。類聚五十六引武帝集曰。奉車子侯暴病。一日死。上甚悼之。乃自爲歌詩。初學記十八引漢武帝與秦車子侯家詔曰。春。時子侯於北館。與家別。又文心雕龍哀弔篇曰。暨武帝封禪。而霍子侯暴亡。帝傷而作詩。亦哀辭之類也。及漢汝陽王亡。崔瑗哀辭始變前式。又卒章五言。頗似歌謠。亦彷彿乎漢武也。洞仙傳作車子侯。初學記作秦車子侯。則文字有脫誤也。

嘉幽蘭兮延秀。葦妖姪兮中溆。華斐斐兮麗景。風徘徊兮流芳。皇天兮無慧。至人逝兮仙鄉。天路遠兮無期。不覺涕下兮霑裳。○雲笈七籤百十洞仙傳。詩紀外集一。又書鈔十九引漢書錄起首一句。

柏梁詩

東方朔別傳曰。孝武元封三年。作柏梁臺。詔羣臣二千石有能爲七言者。乃得上坐。

日月星辰和四時。帝驂駕駟馬從梁來。梁王郡國士馬羽林材。大司馬總領天下誠難治。丞相和書鈔作鎮。撫四夷不易哉。大將軍刀筆之吏臣執之。御史大夫撞鐘伐鼓聲中詩。太常宗室廣大日益滋。宗正周衛交戟禁不時。

衛尉總領從官詩紀作宗。柏梁臺。書鈔誤作台。○光祿勳平理請讞決嫌疑。廷尉脩飾書鈔作牧拭。初學記同。類聚脩誤循。

輿詩紀云。一作車。馬待駕初學記作警。來。太僕郡國吏功差次之。大鴻臚乘輿御物主治之。少府陳粟萬石揚以詩紀

云。一作筥。箕。大司農徵道宮下匡謬正俗作中。隨討治。匡謬正俗作禁墮怠。○執金吾三輔盜賊天下危。類聚作尤。○左馮

翊盜阻南山爲民災。右扶風外家公主不可治。京兆尹椒房率更領其材。詹事蠻夷朝賀常會期。古文苑作舍其。詩

紀同。常借作掌。○典屬國柱桁書鈔作樓。樽類聚作薄。古文苑同。櫨相枝書鈔作支。持。大匠枇杷御覽或作相梨。橘栗桃李

梅。太官令走狗逐兔張罾罟。上林令齧妃女脣甘如飴。郭舍人迫窘詰屈幾窮哉。東方朔○類聚五十六。古文苑四。詩

紀一。又書鈔五十引大將軍鎮撫四夷者一句、五十三引台一韻、五十四引來一韻持一韻。匡謬正俗七引時、來、怠三韻。初學記十

二引來一韻。御覽三百五十二引東方朔傳引時一韻、九百六十六引梅一韻、九百七十引梅一韻。○遠案。詩紀從章樵本古文苑。各

官下附以人名。今據韓本刪之。顧炎武日知錄據史漢紀傳年表。辨此詩年代官人皆相抵牾。因定爲後世依託。然考漢書武帝紀。於建

元六年即出大司農一官名。與此抵牾相同。吾人如信班書。不得獨疑此詩。且此詩出東方朔別傳。此別傳即班書朔傳所本也。

枚乘

乘。字叔。淮陰人。爲吳王濞郎中。去之梁。景帝平七國。召拜弘農都尉。以疾去官。復游梁。後歸淮陰。武帝卽位。徵入都。道卒。有集二卷。

歌乘作七發。系此歌。

麥秀蘄兮雉朝飛。向虛壑兮背枯書鈔作稿。槐。依絕區兮臨迴溪。○文選三十四。書鈔一百六。

淮南王劉安

安。淮南王長之子。高帝之孫。孝文八年。封阜陵侯。十六年。封淮南王。孝武元朔五年。削地五縣。元狩元年。謀反自殺。有集二卷。

八公操一曰淮南操。

古今樂錄曰。淮南好道。正月上辛。八公來降。王作此歌。

煌煌搜神記作明明。御覽同。上天照下土搜神記作四海。御覽同。兮。知我好道御覽作之。公來下兮。公將與予搜神記

作余。御覽、樂府、詩紀同。生毛羽兮。超搜神記作升。御覽同。騰青雲蹈梁甫兮。觀見瑤搜神記作三。御覽同。光過北斗兮。馳搜神記作驅。御覽同。乘風雲使玉女兮。含精吐氣嚼芝草兮。悠悠將將天相保兮。○樂府詩集五十八。廣文選十四。詩紀一。又搜神記一作淮南操。引海、下、羽、甫、斗、女六韻。御覽五百七十三引海、下、羽、甫、斗、女六韻。○遠案。論衡道虛篇云。八公之傳。欲示神奇。此操蓋出八公傳。干寶搜神即據之也。

司馬相如

相如。字長卿。蜀郡成都人。以貲爲郎。事景帝爲武騎常侍。病免。客游梁。後歸蜀。武帝召復爲郎。拜中郎將。坐事免。尋拜孝文園令。病免。元狩五年卒。有集二卷。

歌相如作美人賦。系此歌。

獨處室兮廓御覽誤作郎。無依。思佳人兮情傷悲。彼君子類聚作有美人。初學記、古文苑同。今來書鈔作求。何遲。書鈔作違。日既書鈔作日月將。暮兮華色書鈔作容。御覽作髮。衰。敢託身兮長自私。書鈔作以自知。○書鈔一百六。類聚十八。初學記十九。御覽五百七十三。

琴歌二首

玉臺新詠有序曰。司馬相如遊臨邛。富人卓王孫有女文君新寡。竊於壁間窺之。相如鼓琴歌挑之曰。

鳳兮鳳兮歸故鄉。遨遊類聚作遊遨。四海求其御覽作素我。杜詩注作隨其。皇。時未御覽作來。通遇御覽作遇兮。樂府、詩紀同。無書鈔作何。所將。何書鈔無何字。悟今夕杜詩補遺注作日。書鈔此下有兮字。詩紀同。升斯堂。有豔淑杜詩補遺注作淑。女詩紀云。玉臺有兮字。在此方。類聚作房。御覽同。杜詩補遺注作芳。又書鈔作閨房。樂府、詩紀同。室邇人杜詩補遺注作從。遐毒玉臺作獨。杜詩補遺注作愁。我腸。何緣交頸書鈔作接。類聚、御覽同。爲鴛鴦。樂府此下有胡頡頏兮共翱翔一句。詩紀同。○玉臺新詠九。書鈔一百六。御覽五百七十三。樂府詩集六十。黃氏集千家注杜工部詩補遺一琴臺詩注。詩紀二。又類聚四十三引鄉、皇、房、鴛四韻。黃氏集千家注杜工部詩六客居詩注引鄉、皇二韻。

皇兮皇兮兩皇字類聚作鳳。杜詩補遺注、樂府、萬花谷、詩紀同。從我棲。得託詩紀作托。字樂府作孳。詩紀同。尾永爲妃。交情杜詩補遺注作清。通體心和諧。杜詩補遺注作相怡。中夜相從知者誰。雙興樂府作翼。詩紀同。杜詩補遺注作羽。俱起翻高飛。無感我心樂府作思。詩紀同。萬花谷此下有兮字。使余玉臺作予。悲。○玉臺新詠九。樂府詩集六十。黃氏集千家注杜工部詩補遺一琴臺詩注。詩紀二。又類聚四十三引棲、妃、諧、誰四韻。錦繡萬花谷十八引棲、妃二韻。○逯案。此歌殆兩漢時琴工假託爲之。姑附此俟考。

東方朔

朔。字曼倩。平原厭次人。武帝初。年二十二。待詔公車。尋待詔金馬門。爲常侍郎。拜大中大夫。給事中。被劾。免爲庶人。待詔宦者署。復爲中郎。有集二卷。

歌

史記曰。朔行殿中。郎謂之曰。人皆以先生爲狂。朔曰。如朔等所謂避世於朝廷間者也。古之人乃避世於深山中。時坐席中。酒酣。據地歌曰。

陸沉於俗。避世金馬門。宮書鈔無宮字。殿中可以避世全身。何必深山之中蒿廬之下。○史記滑稽列傳。書鈔一百六。○遼案。此歌門、身、下三字不韻。在漢殊爲罕例。北齊書四十五樊遜傳云。遜常服東方朔之言。陸沉世俗。避世金馬。何必深山蒿廬之下云云。似以馬、下爲韻。今本殆衍門字。

嗟伯夷

窮隱處兮窟穴自藏。與其隨佞書鈔譌作接。而得志兮。不若從孤竹於首陽。○書鈔百五十八。唐類函十四。

七言

折羽翼兮摩蒼天。○文選二十二芙蓉池作注

六言

合樽促席相娛。○文選四蜀都賦注。
計策棄捐不收。○文選二十一詠史詩注。

李延年

延年。中山人。故倡也。坐法腐刑。給事狗監中。善歌爲變新聲。所造詩謂之新聲曲。女弟李夫人得

幸於武帝。延年由是貴。爲協律都尉。征和三年卒。

歌

漢書曰。李延年性知音。善歌舞。武帝愛之。延年侍上。起舞。歌曰云云。上嘆息曰。世豈有此人乎。平陽主因言延年有女弟。上召見之。實妙麗善舞。由是得幸。

北方有佳人。絕世白帖作代。而古籍叢殘本文選注作稱。獨草堂詩箋作特。立。一顧傾人城。再顧傾人國。寧文選補遺作豈。不知傾城與傾國。以上八字。玉臺作傾城復傾國。類聚作寧不知傾城國。又作寧不知傾國與傾城。文選注或作寧知傾城國。御覽作寧知傾城傾國。又作豈不言傾城國。又作不惜傾城與國。佳人難初學記或作不。文選注同。類聚難字作不可。御覽或同。再得。○漢書外戚傳。玉臺新詠一。類聚十八、四十三。初學記十、十九。白帖七。文選二十一。秋胡詩注。古籍叢殘石室本文選西京賦注。御覽百三十六、百四十四、三百八十、三百八十一、五百十七、五百七十四。事類賦舞賦。草堂詩箋十六佳人詩注。文選補遺三十五作佳人歌。詩紀二。○劉子卷三辨樂篇。袁注云。延年者。李延年也。姿顏色豔。武帝嬖之。任爲協律都尉。帝令造新聲。延年於坐起舞而歌曰。南國有佳人。美者顏如玉。一顧傾人城。再顧傾人國。不惜傾城國。佳人不復得。武帝寵之。問左右曰。天下更有美人乎。對曰。延年有一妹。極端正。姿容絕代。帝即詔之。美貌無匹。遂納爲夫人。時人語曰。一雌復一雄。雙飛入紫宮。○遼案。袁注殆憑記憶。未嘗一檢漢書。又一雌復一雄。本苻堅時諺。所以刺慕容氏者。袁氏亦竟誤歸延年。馮氏詩紀、楊氏古詩存目皆沿其誤。

商丘成

成。武帝征和二年。爲大鴻臚。戾太子兵變。以獲反將張光功。封稭侯。

醉歌

漢書曰。延和二年七月。癸巳封。四年。後二年。坐爲詹事侍祠孝文廟。醉歌堂下曰云云。大不敬。自殺。
出居安能鬱鬱。○漢書景武昭宣元成功臣表。

漢詩卷二

韋孟

孟。魯國鄒人。家本彭城。景帝時。爲楚元王傅。

諷諫詩

漢書曰。孟爲元王傅。傅子夷王及孫王戊。戊荒淫不遵道。作詩諷諫曰。

肅肅我祖。國御覽作家。自豕韋。黼御覽作衰。衣朱紱。文選作黻。御覽同。四牡龍旂。彤弓斯征。撫寧遐荒。總齊羣邦。以翼大商。迭彼大彭。勳績惟光。至于有周。歷世會同。王赧聽譖。酌補誤作政。寔絕我邦。我邦既絕。厥政斯逸。賞罰之行。非繇六臣本文選作由。注云。善作繇。王室。庶尹羣后。靡扶靡衛。五服崩離。宗周以隊。文選作墜。詩紀同。我祖斯微。罍文選作遷。詩紀同。于彭城。在予小子。勤諉文選作唉。厥生。隄文選作阨。詩紀同。六臣本注云。五臣作隄。此嫚秦。耒耜以文選作斯。詩紀同。耕。悠悠嫚秦。上天不寧。迺眷類聚作瞻。南顧。授漢于京。於赫有漢。四方是征。靡適不懷。萬國道文選作攸。詩紀同。平。迺命厥弟。建侯於楚。俾我小臣。惟傳是輔。競競文選作矜矜。類聚、詩紀同。元王。恭儉淨壹。文選作靜一。詩紀同。類聚作靜壹。惠此黎民。六臣本文選注云。五臣作人。納彼輔弼。饗文選作享。詩紀同。國漸世。垂烈于六臣本文選作於。注云。善本作于。後。迺六臣本文選作乃。類聚作爰。及夷王。

克奉厥緒。六臣本文選作次。注云。五臣作緒。詩紀云。一作次。咨命不永。惟王統祀。左右陪臣。此文選作斯。詩紀同。惟皇士。如何我王。不思守保。不惟履冰。以繼祖考。邦事是廢。逸游類聚作遊。初學記同。是娛。犬馬繇繇。文選作悠悠。類聚、初學記、詩紀同。是放。六臣本文選注云。五臣作田獵。是驅。務彼文選作此。韻補、詩紀同。鳥獸。忽此稼苗。烝文選作蒸。韻補、詩紀同。民以匱。我王以媮。所弘非文選作匪。類聚、初學記、詩紀同。德。所親非文選作匪。類聚、初學記、詩紀同。俊。唯囿是恢。唯諛初學記誤作諫。是信。諭諭諂夫。喁喁文選作諤諤。詩紀同。黃髮。如何我王。曾不是察。既藐下臣。追欲從文選作縱。詩紀同。六臣本注云。五臣作樂。逸。嫚彼顯祖。輕茲文選作此。詩紀同。削黜。嗟嗟初學記作嗟哉。我王。漢之陸親。曾不夙夜。以休令聞。穆穆天子。臨爾文選作照臨。詩紀同。注云。漢書作臨爾。下土。明明羣司。執憲靡顧。正遐繇文選作由。詩紀同。近。殆其怙茲。文選作茲怙。六臣本注云。五臣作怙茲字。詩紀云。文選作茲怙。嗟我王。曷不此文選作斯。詩紀同。思。非文選作匪。詩紀同。鑒。文選作監。詩紀同。嗣其罔則。彌彌其失。文選作逸。詩紀同。案失當爲佚。岌岌其國。致冰匪霜。致隊文選作墜。詩紀同。靡文選作匪。詩紀同。嫚。六臣本文選作慢。瞻惟我王。昔文選作時。詩紀同。注云。漢書作昔。靡不練。興國救顛。孰違悔過。追思黃髮。秦繆六臣本文選注云。五臣作穆。以霸。歲月其徂。年其逮耆。於昔文選作赫。詩紀同。注云。漢書作昔。君子。庶顯于後。我王如何。曾不斯覽。黃髮不近。胡不時監。文選作鑒。詩紀同。○漢書韋賢傳。文選十九。詩紀二。又類聚二十四引韋、旂、荒、商、光、同、邦、寧、京、楚、輔、壹、弼、緒、祀、保、考、娛、驅、俊、信、親、聞二十三韻。初學記十八作諷楚元王四言詩。引娛、驅、俊、信、親、聞六韻。御覽六百九十引韋、旂二韻。韻補一引同、邦二韻。二引苗、媮二韻。○遠案。昔靡不練。文選作時靡不練。漢書補注引王文彬云。作時是也。時古作岿。與昔形近而誤。又於昔君子。文選昔作赫。王念孫讀書雜誌云。韋孟諷諫詩。於赫君子。庶顯于後。李善曰。歎美昔之君

子。能庶幾自悔。故光顯於後。念孫案。如此注。李善本本作於昔君子。漢書韋賢傳亦作昔。李周翰注曰。於赫。美也。言何不美君子之道。庶光明於後代。則五臣本已作於赫君子。皆字俗書作昔。赫字俗書作赫。二形相近。故昔譌赫。於赫美也。古亦無此訓。

在鄒詩

漢書曰。楚王戊荒淫不遵道。孟作詩諷諫。後遂去位。徙家於鄒。又作一篇。在鄒詩曰。

微微小子。既耆廣文選作苟。且陋。豈不牽位。穢我王朝。王朝肅清。惟俊之庭。顧瞻余躬。懼穢此征。我之退征。請于天子。天子我恤。矜我髮齒。赫赫天子。明哲廣文選作哲。詩紀同。且仁。縣詩紀作懸。車之義。以泊小臣。嗟我小子。豈不懷土。庶我王寤。越遷于魯。既去禰祖。惟懷惟顧。祈祈我徒。戴負盈路。爰戾于鄒。鬻茅作堂。我徒廣文選作從。詩紀同。注云。一作徒。我環。築室于牆。我既畧廣文選作遷。詩紀同。逝。心存我舊。夢我瀆上。立于王朝。其夢如何。夢爭王室。其爭如何。夢王我詩紀倒作我王。弼。寤其外邦。歎其喟然。念我祖考。泣涕其漣。微微老夫。咨既遷絕。洋洋仲尼。視我遺烈。濟濟鄒魯。禮義唯恭。誦習弦歌。于異廣文選作異於。詩紀同。他邦。我雖鄙耆。心其好而。我徒侃爾。樂亦在而。○漢書韋賢傳。廣文選九。詩紀二。又文選十六閒居賦注作安革猛詩。引祁祁我徒一句。

漢昭帝劉弗陵

弗陵。武帝少子。後元二年二月。立爲皇太子。卽位。元平元年卒。年二十二。

黃鵠歌

西京雜記曰。始元元年。黃鵠下太液池。上爲歌曰。

黃鵠初學記作鶴。白帖同。御覽或同。飛兮下建章。羽肅肅。西京雜記作衣肅。今行踳踳。說文繫傳作鸞鸞。金爲衣兮菊爲爾雅翼作裳。裳。啞喋荷荇。出入蒹葭。自顧菲薄。初學記作薄德。御覽或同。愧爾嘉祥。○西京雜記一。御覽五百九十二。古文苑四。樂府詩集八十四。廣文選十四。詩紀一。又初學記三十引章、踳、祥三韻。白帖二十九引章、裳二韻。御覽九百十六引章、踳、裳、祥四韻。說文繫傳足部鸞下作漢宣帝歌。引章、鸞二韻。爾雅翼三作漢武帝歌。引裳一韻。○逸案。鶴、鶴。古率通用。故此鶴或作鶴。又出入蒹葭句。葭字似與章、祥等不韻。惟檢安世房中歌。窳與光、行、芒、章相叶。是歌陽混押。本有其例。

燕王劉旦

旦。武帝第四子。元狩六年。封於燕。立三十八年。元鳳元年自殺。諡曰刺王。

歌

漢書曰。昭帝時。旦自以爲武帝子。且長。不得立。乃與其姊蓋長公主、左將軍上官桀交通。謀廢帝自立。燕倉知其謀告之。由是發覺。王憂懣。置酒萬載宮。會賓客羣臣妃妾坐飲。王自歌曰云云。華容夫人起舞。坐者皆泣。王遂自殺。

歸空城兮狗不吠。雞不鳴。橫術何廣廣。御覽或無廣字。今固知國中。御覽或作中國。之無人。○漢書燕刺王旦傳。御覽

一百五十、五百七十。樂府詩集八十五作燕王歌。詩紀一。

華容夫人歌附

髮紛紛兮真渠。真渠。御覽或作不暇梳。骨籍籍兮亡居。亡居。御覽或作枕丘墟。母求死御覽或無死字。下同。子兮妻求死夫。裴回御覽作徘徊。兩渠間御覽或作問。兮君子獨詩紀作將。安居。○漢書燕刺王傳。御覽一百五十、五百七十。樂府詩集八十五。詩紀一。

李陵

陵。字少卿。隴西成紀人。前將軍廣之孫。爲侍中建章監。拜騎都尉。天漢二年。兵敗降于匈奴。娶單于女。封右校王。元平元年。病死。有集二卷。

歌詩紀作別歌。

漢書曰。昭帝卽位數年。匈奴與漢和親。漢使求蘇武等。單于許武還。李陵置酒賀武曰。異域之人。一別長絕。因起舞而歌。泣下數行。遂與武決。

徑御覽無徑字。萬里兮文選注引無兮字。度漢書注作渡。沙漠。書鈔作幕。韻補同。爲君將兮奮匈奴。路窮絕兮矢刃摧。士衆滅兮名已隕。御覽作頽。老母已死雖欲報恩將安歸。○漢書蘇武傳。書鈔一百七。漢書霍去病傳注。文選六十祭顏光祿文注。御覽四百八十八。詩紀二。又韻補一引幕、奴二韻。

廣川王劉去西京雜記作去疾。御覽七百七、七百十九引漢書。並同。

去。繆王齊太子。武帝征和二年。嗣。在位四十五年。宣帝本始三年。自殺。

歌二首

據漢書。廣川王去以陽城昭信爲后。幸姬陶望卿爲脩靡夫人。主繒帛。崔脩成爲明貞夫人。主永巷。後昭信譖望卿失寵。去與昭信等飲。諸婢皆侍。去爲望卿作歌。竟殺望卿。昭信欲擅愛。曰。王使明貞夫人主諸姬。淫亂難禁。乃禁閉諸姬。非大置酒召。不得見。去憐之。爲作歌曰。

背尊章。嫖以忽。謀屈奇。起自絕。行周流。自生患。諒非望。今誰怨。○漢書廣川惠王越傳。樂府詩集八十四。詩紀一。

右爲望卿作

愁莫愁。居樂府作生。詩紀同。無聊。心重結。意不舒。內菲樂府作弗。鬱。憂哀積。上不見天。生何益。日崔隤。時不再。願棄軀。死無悔。○同上

右爲脩成作

廣陵王劉胥

胥。武帝第五子。元狩六年。封廣陵王。立六十四年。五鳳四年誅。諡曰厲。

歌詩紀作瑟歌。

漢書曰。昭帝時。胥見帝年少無子。有覬欲心。迎女巫李女須。使下神祝詛。宣帝時。祝詛事發覺。胥置酒顯陽殿。召太子霸及子女等夜飲。使所幸鼓瑟歌舞。王自歌曰云云。左右悉涕泣奏酒。至雞鳴時罷。

欲御覽或作空。久御覽或作人。生兮無終。長不樂兮安窮。奉天期兮不得須臾。千里馬兮駐待路。黃泉下兮幽深。人生要死。御覽死下有兮字。何爲苦心。何御覽或作可。用爲樂心所喜。出入無惊爲樂亟。蒿里召兮郭門閱。死不得取代庸。身自逝。○漢書廣陵厲王胥傳。御覽一百五十、五百七十。樂府詩集八十五。詩紀一。

烏孫公主細君

細君。江都王建女。元封中。武帝以之妻烏孫王昆莫。昆莫以爲左夫人。昆莫死。復妻其孫岑陁。生一女少夫。

歌詩紀作悲愁歌。

漢書曰。武帝遣細君爲公主。以妻烏孫王昆莫。公主至其國。自治宮室居。歲時一再與昆莫會。置酒飲食。昆莫年

老。言語不通。公主悲。乃自作歌曰。

吾家玉臺家下有之字。嫁我兮我兮二字書鈔或止作女。天一方。遠託草堂詩箋作托。御覽曰。又或作適。書鈔或作通。異事類賦作絕。書鈔、御覽或同。國兮書鈔、御覽或無兮字。類聚同。烏孫王。廬文選注或誤盧。爲室兮書鈔或無兮字。旃玉臺作璣。書鈔、類聚、御覽、事類賦並同。爲牆。御覽或誤作壇。以玉臺、類聚、事類賦無以字。書鈔、文選注並同。肉爲食兮文選注或無兮字。酪爲漿。居常土思書鈔或作思土。類聚同。御覽或作悲思。事類賦同。玉臺此上四字作常思漢土。兮類聚無兮字。心內傷。願書鈔或無願字。爲黃鵠類聚作鶴。兮還書鈔作歸。類聚、樂府、廣文選、詩紀並同。故鄉。○漢書西域傳。玉臺新詠九。書鈔一百六。類聚四十三。御覽五百七十。樂府詩集八十四。廣文選十四。事類賦歌賦注。草堂詩箋十二留花門詩注。詩紀二。又書鈔百三十四引方、王、牆三韻。文選二十七王明君辭注引方、王、牆三韻、四十一答蘇武書注引漿一韻。御覽七百八引王、壇二韻。又七百九十五引通典。錄方、王、牆、漿四韻。○逯案。此歌。廣文選作劉安烏孫公主歌。殊謬。

楊惲

惲。字子幼。敞第二子。初爲郎。補常侍騎。擢左曹。地節中。封平通侯。遷中郎將。神爵初。拜光祿勳。五鳳二年。與太僕戴長樂相失。免爲庶人。後歲餘腰斬。

歌詩

詩紀作拊缶歌。

漢書惲答孫惠宗書曰。田家作苦。歲時伏臘。烹羊炰羔。斗酒自勞。家本秦也。能爲秦聲。婦趙女也。雅善鼓瑟。奴婢歌者數人。酒後耳熱。仰天拊缶而呼烏烏。其詩曰。

田彼南山。蕪穢不治。種一頃白帖作畝。豆落而爲其。人生行樂耳。須富貴何時。○漢書楊敞傳。白帖二十三。御覽八百二十一。風雅翼補遺下。詩紀二。

韋玄成

玄成。字少翁。魯鄒人。丞相賢之少子。爲諫大夫。遷大河都尉。襲爵扶陽侯。拜河南表作河內。太守。神爵末。徵爲未央衛尉。五鳳中。遷太常。坐楊惲免。起爲淮南王中尉。元帝卽位。進少府。遷太子太傅。永光初。拜御史大夫。代于定國爲丞相。建昭三年卒。諡曰共侯。

自劾詩

漢書曰。玄成以列侯侍祀孝惠廟。當晨入廟。天雨淖。不駕駟馬車而騎至廟下。有司劾奏。等輩數人皆削爵爲關內侯。玄成自傷貶黜父爵。作詩自劾責。曰。

赫矣我祖。侯于豕韋。賜命建伯。有殷以綏。厥績既昭。車服有常。朝宗商邑。四牡翔翔。德之令顯。慶流于裔。宗周至漢。羣后歷世。肅肅楚傅。輔翼元夷。厥駟有庸。惟慎惟祗。嗣王孔佚。越遷于鄒。五世墳僚。廣文選誤作寧。至我節侯。惟我節侯。顯德遐聞。左右昭宣。五品以訓。既耆廣文選誤作苟。致位。惟懿惟免。厥賜祁祁。百金泊館。國彼扶陽。在京之東。惟帝是留。政謀是從。繹繹六轡。是列是理。威儀濟濟。朝享天子。天子穆穆。是宗是師。四方遐爾。觀國之輝。茅土之繼。在我俊兄。惟我俊兄。是讓是形。廣文選作刑。於

休厥德。於赫有聲。致我小子。越留於京。惟我小子。不肅會同。嬖彼車服。黜此附庸。赫赫顯爵。自我隊之。微微附庸。自我招之。誰能忍媿。寄之我顏。誰將遐征。從之夷蠻。於赫三事。匪俊匪作。於蔑小子。終焉其度。誰謂華高。企其齊而。誰謂德難。厲其庶而。嗟我小子。于貳其尤。隊彼令聲。申此擇辭。四方羣后。我監我視。威儀車服。唯肅是履。○漢書韋賢傳附玄成傳。廣文選八。詩紀二。○王念孫讀書雜誌四漢書第十二厲其庶而條。謂庶當作幾。與齊爲韻。王先謙漢書補注引王文彬曰。上文隊、招非韻。疊之爲韻。此亦疊而爲韻。無庸改庶爲幾。逮案。王文彬說是。漢人用韻較寬。不必律以古韻也。

戒子孫詩

漢書曰。元帝卽位。以玄成爲少府。遷太子太傅。至御史大夫。永光中。代于定國爲丞相。貶黜十年之間。遂繼父相位。封侯故國。榮當世焉。玄成復作詩。自著復玷缺之艱難。因以戒示子孫。曰。

於肅君子。既令厥廣文選作儀。詩紀同。德。儀服此恭。廣文選作服此温恭。詩紀同。棣棣其則。咨余廣文選作予。詩紀同。小子。既德靡逮。曾是車服。荒嫚以隊。明明天子。俊德烈烈。不遂我遺。恤我九列。我既茲恤。惟夙惟夜。畏忌是申。供事靡懈。天子我監。登我二事。顧我傷隊。爵復我舊。我既此登。望我舊階。先后茲度。漣漣孔懷。司直御事。我熙我盛。羣公百僚。我嘉我慶。于異卿士。非同我心。三事惟艱。莫我肯矜。赫赫三事。力廣文選誤作刀。雖此畢。非我所度。退其罔日。昔我之隊。畏不此居。今我度茲。戚戚其懼。嗟詩紀作唯。注云。一作嗟。我後人。命其靡常。靖享廣文選作共。詩紀同。爾位。瞻仰靡荒。慎爾會同。戒爾車服。無嬖爾儀。以保爾

域。爾無我視。不慎不整。我之此復。惟祿之幸。於戲後人。惟肅惟栗。無忝顯祖。宋祁曰。一作位。廣文選作位。詩紀同。以蕃漢室。○漢書韋賢傳附玄成傳。廣文選卷八。詩紀二。

劉向

向。字子政。初名更生。楚元王交玄孫。地節中。爲輦郎。神爵初。擢諫大夫。後坐罪。贖減死。拜郎中給事黃門。遷散騎諫大夫給事中。元帝卽位。擢爲宗正。以忤弘恭、石顯下獄。尋爲中郎。復下獄爲庶人。成帝卽位。召拜中郎。領護三輔都水。遷光祿大夫中壘校尉。綏和中卒。年七十二。有集六卷。

七言

博學多識與凡殊。○文選二西京賦注。

時將昏暮白日午。○文選十三雪賦注。

竭來歸耕永自疎。○文選十五思玄賦注、二十一秋胡詩注、二十九雜詩注。

結構野草起屋廬。○文選三十七出師表注作劉歆七言詩。○遠案。以韵斷之。是亦向作。選注誤作劉歆耳。

宴應作晏。處從容觀詩書。○文選二十三贈士孫文始詩注引作劉向七略。○遠案。七略乃七言之誤。又向字。胡刻李注本作歆。今從六臣作向。

山鳥羣鳴我心懷。○文選二十四贈秀才人軍詩注。

息夫躬

躬。字子微。河內河陽人。哀帝初。召待詔。擢光祿大夫左曹給事中。封宜陵侯。免。尋坐祝詛建平二年繫獄死。有集一卷。

絕命辭

漢書曰。躬初待詔。數危言高論。自恐遭害。著絕命辭曰云云。後數年乃死。如其文。

玄雲泱鬱將安歸兮。鷹隼橫厲鸞徘徊兮。矰若浮焱動則機兮。叢棘撓撓白帖作棧棧。詩紀同。曷可棲兮。發忠忘身自絕罔兮。冤頸折翼庸得往兮。涕泣流兮萑御覽作蕞。蘭。心結惜兮傷肝。虹蜺曜文選注作耀。今日微孽杳冥兮未開。痛入天兮鳴諱。冤際絕兮誰語。仰天光詩紀作高。兮自列。招上帝兮我察。秋風爲我唵。浮雲爲我陰。嗟若是兮欲何留。撫神龍兮攬其須。游曠迴兮反亡期。雄失據兮世我思。○漢書息夫躬傳。文選補遺三十四。詩紀二。又白帖二十九引徊、機、棲、往四韻。文選三十七始出尚書省詩注引微一韻。御覽三百七十六引蘭、肝二韻。

班婕妤

班氏。樓煩人。班固之祖姑。成帝初。選入後宮。拜婕妤。鴻嘉中。求供養太后長信宮。有集一卷。

怨詩怨歌行○玉臺、文選注作怨詩。文選、樂府詩集作怨歌行。

新裂編珠作製。文選注、事類賦並同。詩紀云。一作製。齊紈素。鮮類聚或作皎。李善本文選、編珠、白帖、事類賦、文章正宗、合璧事類、詩紀並同。詩紀云。一作鮮。潔如霜雪。裁爲六臣本文選作成。玉臺、類聚、詩紀並同。詩紀云。一作爲。合歡扇。團團編珠作團樂。合璧事類作團圓。詩紀云。一作團圓。似編珠作狀。御覽或作象。明黃氏杜詩注作秋。月。出人君懷袖。動搖微風發。常恐秋節至。涼飈類聚、文選注或作風。玉臺、文章正宗並同。詩紀云。一作風。奪炎熱。棄捐歲華紀麗作之。篋笥中。恩情中道絕。○文選二十七。玉臺新詠一。類聚四十一、又六十九引作扇詩。白帖四引作詠扇詩。樂府詩集四十二。合璧事類外集六十不著撰人。文章正宗二十九。詩紀二。又杜公瞻編珠一引雪、月二韻。文鏡祕府論西卷引雪、月二韻及雪一韻。初學記一月部引雪、月二韻、又風部引雪、月、發三韻。初學記二雪部引雪、月二韻、又霜部引雪一韻。又白帖一月部引雪、月二韻、雪部引雪一韻作詠扇詩、霜部引雪一韻作扇詩。又白帖二引雪一韻。又文選三十和王主簿怨情詩注引雪、月二韻、又三十一雜體詩注引雪、月二韻。歲華紀麗三引熱、絕二韻作紈扇詩。御覽七百二引雪、月、發三韻作扇詩、又八百十四引雪、月二韻。黃氏集千家注杜工部詩史補遺五薄遊詩注引月韻一句。事類賦扇賦引雪、月、發三韻作扇詩。○遠案。玉臺此詩有序云。昔漢成帝班婕妤失寵。供養於長信宮。乃作賦自傷。併爲怨詩云云。此玉臺編者語也。又梁元帝謝東宮賚辟邪子錦白褊等啟云。鮮潔齊紈。聲高趙毅。似梁時此詩皎仍作鮮。又類聚五十徐陵表使君墓志銘云。明月團團似班姬之扇。則團圓者原應作團圓。此詩蓋魏代伶人所作。附此俟考。

漢詩卷三

雜歌謠辭

歌辭

平城歌

漢書曰。高祖自將兵三十二萬。擊韓王信。帝先至平城。步兵未盡到。冒頓精兵三十餘萬。圍帝於白登。七日。漢兵中外不得救餉。樊噲時爲上將軍。不能解圍。天下皆歌之。後用陳平秘計得免。白登在平城東南。去平城十餘里。

平城之下。後漢書注作事。詩紀云。一作圍。亦誠。後漢書注作甚大。苦。七日不。後漢書注此下有得字。食。不能穀。嬾真子作控。後漢書注作彎弓。弩。○漢書匈奴傳。後漢書南匈奴傳論注引前漢書。樂府詩集八十三。御覽三百四十八引史記。詩紀八。又嬾真子四引不能控弩四字。

畫一歌

詩紀云。一作百姓歌。

漢書曰。惠帝時。曹參代蕭何爲相國。初。高帝與何定天下。法令既明具。及參守職。舉事無所變更。一遵何之約。

束。於是百姓歌之。

蕭何爲法。文選補遺作政。講史記作類。全唐文同。後漢書班固傳注作較。文選注、白帖、文選補遺、詩紀並同。若畫一。曹參代之。守而勿失。載其清靖。史記作淨。文選注、文選補遺、全唐文並同。後漢書王充傳論注作靜。類聚、御覽、樂府、詩紀並同。民後漢書王充傳論注作人。御覽同。以寧壹。史記作一。後漢書王充傳論注、類聚、文選注、御覽、文選補遺、詩紀並同。全唐文作謚。○史記曹相國世家。漢書曹參傳。後漢書王充等傳論注。類聚十九。文選西都賦注。御覽四百六十五。樂府詩集八十四。文選補遺三十五。全唐文八百二十一。程晏蕭何求繼論。詩紀八。又後漢書班固傳注及白帖二十一並引一、失二韻。

民爲淮南厲王歌

漢書曰。淮南厲王長廢法不軌。文帝不忍置於法。乃載以輜車。處蜀嚴道邛郵。遣其子母從居。長不食而死。後民有作歌歌淮南王。帝聞之。乃追尊淮南王爲厲王。置園如諸侯儀。

一尺布鴻烈叙作縵。御覽或作帛。尚可縫。鴻烈叙作好童童。一斗舊唐書作斛。鴻烈叙作升。粟白帖或作穀。尚可舂。鴻烈叙作飽蓬蓬。又秘府略縫、春二韻顛倒。類聚、御覽並同。兄弟文選補遺兄弟上有奈何二字。二人不史記此下有能字。鴻烈叙、世說注、秘府略、類聚並同。御覽或同。相容。○史記淮南厲王傳。漢書淮南厲王傳。淮南鴻烈解叙。世說新語方正篇注。秘府略八百六十四。類聚八十五。白帖二、六。御覽八百二十、八百四十。樂府詩集八十四作淮南一王歌。舊唐書蕭至忠傳。文選補遺三十五及詩紀八作淮南民歌。

天下爲衛子夫歌

樂府作衛皇后歌。詩紀同。

漢書曰。衛子夫爲皇后。弟青貴震天下。天下歌之。

生男無喜。生女無類聚或作勿。怒。御覽或作怨。獨不見衛類聚衛下或有青字。子夫霸天下。○史記外戚世家褚先生跋。類聚十九、五十一。御覽百九十九、四百六十五。樂府詩集八十四。詩紀八。又御覽四百七十引無霸天下三字。

鄭白渠歌

史記曰。韓聞秦之好興事。欲罷之。無令東伐。乃使水工鄭國間說秦。令鑿涇水自中山西邸瓠口爲渠。並北山東注洛。溉澤滷之地四萬餘頃。因命曰鄭國渠。漢書曰。太始二年。趙中大夫白公。復奏穿渠引涇水。首起谷口。尾入櫟陽。注渭中二百里。溉田四千五百餘頃。名曰白渠。民得其饒。歌之。

田於何所。白帖或作處。御覽或作許。池初學記作櫟。陽漢紀缺陽字。谷口。鄭國在前。白渠白帖、御覽或作公。起漢紀作在。白帖、續古文苑並同。書鈔或同。後。舉鍤漢書作舌。後漢書注、樂府、文選補遺同。文選注作插。類聚同。御覽或同。如漢紀作成。續古文苑同。白帖或同。書鈔或作爲。文選注同。白帖、御覽或同。雲。書鈔或作雨。決渠爲雨。書鈔或作雲。水流竈下。魚跳入釜。涇水一石。其泥風俗通作溼。數斗。且溉且糞。書鈔作且糞且溉。御覽或同。長我禾風俗通作稷。御覽或同。黍。衣食京師。億文選補遺作一。萬之漢紀作百萬餘。續古文苑同。風俗通作數百萬。口。○漢紀十五。樂府詩集八十三。續古文苑四。詩紀八。又漢書溝洫志。風俗通山澤篇。御覽六十二、四百六十五。文選補遺三十五並引口、後、雨、斗、黍、口六韻。又後漢書班固傳注、文選二西京賦注、初學記六並云出史記。引口、後、雨、斗、黍、口六韻。又書鈔三十九、類聚六十五、御覽八百二十一並引口、後、雨、斗、黍五韻。又白帖二、白帖二十三並引口、後、雨、斗四韻。又書鈔百五十六引口、後、雲、黍四韻。○遼案。詩紀此歌據溝洫志。今依漢紀補足之。又今本史記不載此歌。而後漢書及文選注皆云出史記。其所據本或異也。

潁川兒歌

漢書曰。灌夫不好文學。喜任俠。已然諾。諸所與交通。無非豪桀大猾。家彙數千萬。食客日數十百人。陂池田園。宗族賓客爲權利。橫潁川。潁川兒歌之曰。

潁水白帖作川。御覽同。清。灌氏寧。潁水白帖作川。濁。灌氏族。○史記灌夫傳。漢書灌夫傳。白帖七。御覽六十三。寰宇記七。詩紀八作潁川歌。

牢石歌

漢書曰。元帝時。宦官石顯爲中書令。與僕射牢梁少府五鹿充宗爲黨友。諸附倚者皆得寵位。民歌之。言其兼官據勢也。

牢邪石邪。五鹿客邪。印何累累。綬御覽綬下有何字。若若邪。○漢書佞幸傳。御覽四百六十五。樂府詩集八十四。文選補遺三十五作印綬歌。詩紀八。

上郡吏民爲馮氏兄弟歌

漢書曰。成帝時。馮野王爲上郡太守。其後。弟立亦自五原太守徙西河上郡。立居職公廉。治行略與野王相似。而多智有恩貸。好爲條教。吏民嘉美野王立相代爲太守。歌之曰。

大馮君。小馮君。兄弟繼踵相因循。聰明賢知類聚作聖智。御覽或同。惠吏御覽或作恩惠。民。御覽或作人。政如魯衛

德化鈞。白帖作均。御覽或同。周公康叔猶二君。○漢書馮野王傳。書鈔七十四。類聚十九。御覽二百六十、三百九十六、四百六十五。樂府詩集八十五作上郡歌。文選補遺三十五作馮君歌。詩紀八作上郡歌。又白帖二十一引君、循、均三韵。

長安爲尹賞歌

漢書曰。賞。字子心。鉅鹿楊氏人。永始、元延間。上怠於政。貴戚驕恣。交通輕俠。藏匿亡命。長安中姦猾浸多。羣輩殺吏。受賕報讐。賞以三輔高第選守長安。賞至。修治長安獄。穿地方深各數丈。致令辟爲郭。以石覆其口。名爲虎穴。乃收捕輕薄少年惡子。得數百人。內穴中。覆以大石。百日後。令死者家自發取。親屬號哭。道路歎歎。長安歌之曰。

安所求子死。桓東少年場。生時諒不謹。枯骨後匡謬正俗作復。是何葬。○漢書尹賞傳。匡謬正俗五。詩紀八作尹賞歌。○逮案。死與屍通。

長安百姓爲王氏五侯歌

漢書曰。成帝河平二年。悉封舅大將軍王鳳庶弟譚爲平阿侯。商爲成都侯。立紅陽侯。根曲陽侯。逢時高平侯。五人同日封。故世謂之五侯。時五侯羣弟。爭爲奢侈。後庭姬妾。各數十人。羅鍾磬。舞鄭女。作優倡。狗馬逐馳。大治第室。起土山漸臺。洞門高廊閣道。連屬彌望。百姓歌之。言其奢侈如此。案。高都、外杜皆長安里名。

五侯初起。曲陽最怒。壞決御覽或作決壞。高都。連竟水經作竟連。御覽或作竟連。或作連境。外御覽或作五。杜。土山漸

臺西水經西上有像字。文選注、御覽並同。惟字作象。白虎。○漢書元皇后傳。水經渭水注。文選十西征賦注。御覽六十二、四百六十五。樂府詩集八十五。詩紀八作五侯歌。○此歌末句西字上。水經、文選注及御覽並有象字。案漢書。曲陽侯第土山漸臺類白虎殿云。云。似原有象字。今本漢書蓋脫。當據補。

閭里爲樓護歌

漢書曰。樓護字君卿。爲京兆吏數年。甚得名譽。與谷永俱爲五侯上客。母死。送葬者致車二三千兩。閭里歌之曰。

五侯治喪樓君卿。○漢書樓護傳。詩紀八作樓護歌。

劉聖公賓客醉歌

續漢書曰。時聖公聚客。家有酒。請游徼飲。賓客醉歌言云云。游徼大怒。縛捶數百。朝亨御覽作烹。兩都尉。游徼後來用調羹味。○後漢書劉玄傳注。御覽八百四十六。

匈奴歌

西河舊事曰。焉支山。東西百餘里。南北二十里。亦有松柏五木。其水草美茂宜畜牧。與祁連山同。匈奴失祁連、焉支二山。歌曰。

亡樂府作失。雲麓漫鈔、爾雅翼同。御覽或誤作使。我祁連山。使我六畜不蕃爾雅翼作繁。息。雲麓漫鈔作殖。失我焉支爾雅

翼作闕氏。山。使樂府作令。我婦女無顏色。樂府息、色二韵顛倒。詩紀同。○御覽五十、七百十九。寰宇記百五十二。樂府詩集八十四。雲麓漫鈔一。爾雅翼三。詩紀八。○遠案。詩紀原題注爲十道志。今改從寰宇記所引之西河舊事。

謠辭

長沙人石虎謠

寰宇記曰。長沙縣石虎在縣東四里。每食倉廩。當吳芮爲王之時。倉廩廢耗。芮以生肉祭之。後截其頭截其身。由是長沙人謠曰。

石虎頭截。倉廩不闕。○寰宇記一百十四。

元帝時童謠

漢書曰。元帝時童謠云云。至成帝建始二年三月戊子。北宮中井泉稍上。溢出南流。井水。陰也。竈烟。陽也。玉堂、金門。至尊之居。象陰盛而滅陽。竊有宮室之應也。王莽生於元帝初元四年。至成帝封侯。爲三公輔政。因以篡位。

井水溢。滅竈烟。灌玉堂。流金門。○漢書五行志。初學記二十五。御覽百八十九、八百七十一。樂府詩集八十八。詩紀八。

長安謠

漢書曰。成帝初。丞相御史條奏石顯舊惡。及其黨牢梁、陳順皆免官。顯與妻子徙歸故郡。憂慙不食。道病死。諸所

交結。以顯爲官。皆廢罷。少府五鹿充宗左遷玄菟太守。中丞伊嘉爲雁門都尉。長安謠云。

伊徙鴈。鹿徙御覽脫此字。菟。去牢與陳實無賈。樂府作價。○漢書佞幸傳石顯傳。御覽四百六十五。樂府詩集八十七。詩紀八。

成帝時童謠

漢書曰。成帝時童謠云云。後帝爲微行出遊。常與富平侯張方俱稱富平侯家人。過陽阿主作樂。見舞者趙飛燕而幸之。故曰燕燕尾涎涎。美好貌也。張公子。謂富平侯也。木門倉琅根。爲宮門銅鍍。言將尊貴也。後遂立爲皇后。弟昭儀賊害後宮皇子。卒皆伏辜。所謂燕飛來。啄皇孫。皇孫死。燕啄矢者也。

燕燕尾涎涎。官本漢書作涎涎。占經、詩紀同。玉臺作殿殿。張公子時相見。木門倉琅玉臺作狼。根。燕飛來。啄皇孫。皇孫死。燕啄矢。○漢書五行志。漢書外戚傳。開元占經百十三。樂府詩集八十八作成帝時燕燕童謠。文選補遺三十五作西漢童謠。錦繡萬花谷三十九。詩紀八。又玉臺新詠九引殿、見、根、孫四韻。

成帝時歌謠

漢書曰。成帝時歌謠又曰云云。桂赤色。漢家象。華不實。無繼嗣也。王莽自謂黃象。黃爵巢其顛也。

邪徑敗良田。讒口占經作言。亂善人。桂樹華事類賦作秋。不實。黃爵風雅翼作雀。巢其顛。故占經作昔。文選補遺、事類賦、詩紀並同。爲人所羨。今爲人所憐。○漢書五行志。開元占經百十三作成帝時童謠。樂府詩集八十八。文選補遺三十五作西漢童謠。事類賦雀賦作古詩。風雅翼補遺下作成帝時黃雀謠。詩紀八。又玉臺新詠九引人、顛二韻。御覽九百二十二作古詩。引顛一韻。

汝南鴻隙陂童謠

漢書曰。汝南舊有鴻隙大陂。郡以爲饒。成帝時。關東數水。陂溢爲害。翟方進爲相。與御史大夫孔光共遣掾行視。以爲決去陂水。其地肥美。省隄防費而無水憂。遂奏罷之。及翟氏滅。鄉里歸惡。言方進請陂下良田不得而奏罷陂云。王莽時。常枯旱。郡中追怨方進。時有童謠云云。子威。方進字。

壞陂誰。後漢書作敗我陂者。水經注作敗我陂。類聚作懷我陂。翟子威。飯後漢書作飴。我豆類聚脫豆字。食後漢書作大豆。羹後漢書作亨我二字。御覽誤作美。芋葵。後漢書作魁。類聚、白帖、御覽並同。反白帖作及。乎白帖無乎字。覆。陂當復。誰云白帖作言。御覽同。者。白帖無者字。兩黃鵠。○漢書翟方進傳。白帖二。御覽七十二。樂府詩集八十八作王莽時汝南童謠。文選補遺三十五。詩紀八作鴻隙陂童謠。又後漢書許楊傳引威、魁、復三韻。水經淮水注引威、復二韻。類聚八十七引威、葵二韻。御覽九百七十五引威、魁二韻。○逮案。此歌後漢書引作歌謠。是也。又後漢書引文較原歌爲略。惟飯我豆食句。後漢書竟作飴我大豆。亨我芋魁。此可異者。逮謂歌中我字皆虛聲。因記錄有詳略。故有小異。實則此三言之歌也。

王莽末天水童謠

續漢書曰。王莽末。天水童謠曰云云。時隗囂初起兵於天水。後意稍廣。欲爲天子。遂破滅。囂少病蹇。吳門。冀郭門名也。緹羣。山名也。

出吳門。望緹羣。見一蹇人言欲上天。今天可上。地上文選補遺作下。安得民。後漢書注作人。○續漢書五行志。後漢書隗囂傳注。文選補遺三十五作天水童謠。詩紀八。

更始時南陽童謠

續漢書曰。更始時南陽有童謠曰云云。是時更始在長安。世祖爲大司馬。平定河北。更始大臣並譖專權。故謠妖作也。後更始遂爲赤眉所殺。是更始之不諧。在赤眉也。世祖自河北興。

諧不諧。在赤眉。得不得。在河北。○續漢書五行志。後漢書光武紀注。樂府詩集八十八。文選補遺三十五作南陽童謠。詩紀八。

諺語

曹邱生引楚人諺

史記曰。楚人曹邱生。辯士。與竇長君善。季布聞之。寄書諫竇長君勿與通。曹邱生欲得書請季布。竇長君曰。季將軍不說足下。足下勿往。固請書。遂行。使人先發書。季布果大怒。待曹邱。曹邱至。卽揖季布曰。楚人諺曰云云。足下何以得此聲於梁、楚間哉。季布乃大說。引入。留數月。爲上客。厚送之。季布名所以益聞者。曹邱揚之也。

得白帖無得字。黃金百斤。御覽或作鎰。漢書無斤字。不如得御覽或無得字。季布一漢書無一字。諾。○史記及漢書季布傳。白帖二。御覽四百三十、四百六十三、四百九十五、八百九。詩紀九作楚人諺。

漢人引鄙語

韓詩外傳曰。夫明鏡者。所以照形也。往古者。所以知今也。鄙語曰。

不知漢書作習。爲吏。視已成。大戴記作如視己。新書作而視己。事。○韓詩外傳五。大戴記保傅篇。漢書賈誼傳。賈子新書保傅篇。御覽四百九十六。

韓安國引語

漢書曰。韓安國云。治天下終不用私亂公。語曰。

雖有親父。安知史記知下有其字。下同。不爲虎。雖有親兄。安知不爲狼。○史記韓安國傳。漢書韓安國傳。

桓寬引語

鹽鐵論曰。秦兼萬國之地。有四海之富。而意不贍。非字小而用非者。欲多而下不堪其求也。語曰。厨有腐肉。國有飢民。廐有肥馬。路有餒人。○鹽鐵論園池篇。

桓寬引鄙語

鹽鐵論曰。大夫曰。鄙語曰云云。以世俗言之。鄉曲有桀人尚辟之。今匈奴公爲寇。侵擾邊境。是以縣官厲武。以討不義。設機械以備不仁。

賢者容不辱。○鹽鐵論備胡篇。

淮南子引諺

淮南子曰。亂世之法。高爲量而罪不及。重爲任而罰不勝。危爲禁而誅不敢。民困於三責。則飾智而詐上。犯邪而干免。故諺曰。

鳥窮則噉。獸窮則羶。人窮則詐。○淮南子齊俗訓。

鄒陽引諺

史記曰。鄒陽獄中上書曰。臣聞比干剖心。子胥鴟夷。臣始不信。乃今知之。願大王孰察。少加憐焉。諺曰云云。何則。知與不知也。

白史記、漢書白上有有字。頭如新。傾蓋如故。○史記及漢書鄒陽傳。文選三十九。

司馬相如引諺

史記曰。是時天子方好自擊熊麋。馳逐野獸。相如上疏諫之。鄙諺曰云云。言雖小可以喻大。願陛下幸察。

家索千金。史記、御覽金下有者字。坐不垂堂。○史記司馬相如傳。漢書司馬相如傳。御覽四百九十五。○遠案。史記袁盎傳云。臣聞千金之子坐不垂堂。百金之子不騎衡。漢書盎傳載此無坐字。白帖八引漢書曰。千金之子坐不垂堂。百金之子立不倚衡。又御覽三百九十三引漢書諺曰。千金之子坐不垂堂。又三國志薛綜傳諺曰。千金之子坐不垂堂。似此諺原爲四言四句。相如所引既不全。且似已加刪改也。而今本漢書作七言。恐亦經後人刪落。

貢禹引俗語

漢書曰。禹又言。郡國擇便巧史書習於計簿能欺上府者。以爲右職。取勇猛能操切百姓者。以苛暴威服下者。使居大位。故亡義而有財者顯於世。欺謾而善書者尊於朝。諄逆而勇猛者貴於官。故俗皆曰。

何以孝弟爲。財多而光榮。何以禮義爲。史書而仕宦。何以謹慎爲。勇猛而臨官。○漢書貢禹傳。○遼案。故俗皆曰云云。皆假爲諧。亦通。

司馬遷引諺

史記曰。余睹李將軍俊俊如鄙人。口不能道辭。及死之日。天下知與不知。皆爲盡哀。諺曰云云。此言雖小。可以論大也。

桃李不言。下自成蹊。○史記李將軍傳。漢書李廣傳。御覽四百九十五、九百六十八。

司馬遷引諺

史記曰。人富而仁義附焉。富者得勢益彰。諺曰云云。此非空言也。

千金之子。不死於市。○史記貨殖傳。御覽四百九十五。

司馬遷引諺

史記曰。諺曰云云。固無虛言。非獨女以色媚。而仕宦亦有之。

力田不如逢年。善仕不如遇徐廣云。遇一作偶。合。○史記佞幸傳。

司馬遷引鄙語

史記曰。鄙語云云云。白起料敵合變。出奇無窮。聲震天下。然不能救患於應侯。王翦爲秦將。夷六國。然不能輔秦建德。固其根本。偷合取容。以至物身。彼各有所短也。

尺有所短。寸有所長。○史記白起王翦傳贊。

褚先生引諺

史記曰。褚先生曰。尹夫人自請武帝。願望見邢夫人。乃詔使邢夫人衣故衣。獨身來前。尹夫人乃低頭而泣。自痛其不如也。諺曰。

美女人室。惡女之仇。○史記外戚世家。御覽百四十四、三百八十。

褚先生引諺

史記曰。褚先生曰。東郭先生久待詔公車。貧困飢寒。道中人笑之。及其拜二千石。立名當世。所謂衣褐懷寶者也。諺曰。

相馬失之瘦。相士失之窮。○史記滑稽列傳。

路溫舒引俗語

漢書曰。溫舒上書曰。臣聞秦有十失。其一尚存。治獄之吏是也。是以獄吏專爲深刻殘賊而亡極。媮爲一切。不顧國患。此世之賊也。故俗語曰。

畫地爲獄。書鈔作牢。議不入。刻木爲吏。期書鈔作議。不對。○漢書路溫舒傳。書鈔七十七。詩紀九作諺。

劉向引諺

說苑曰。存亡禍福。其要在身。聖人重誠。敬慎所忽。諺曰。

誠無垢。思無辱。○說苑敬慎篇。

薛宣引鄙語

漢書曰。宣上疏曰。政教煩碎。咎在部刺史。或不循守條職。舉錯各以其意。以求吏民過失。郡縣相迫促。亦內相刻。流至衆庶。鄙語曰云云。宜明申敕。使昭然知本朝之要務。

苛政不親。煩苦傷恩。○漢書薛宣傳。

劉輔引里語

漢書曰。成帝欲立趙婕妤爲皇后。先下詔封婕妤父臨爲列侯。輔上書言。妙選有德之世。考卜窈窕之女。以承宗廟。猶恐晚暮。今乃觸情縱欲。傾於卑賤之女。欲以母天下。不畏于天。不媿于人。惑莫大焉。里語曰。

腐御覽作朽。木不可以御覽或無以字。爲柱。卑人不可以御覽或無以字。爲主。○漢書劉輔傳。御覽一百八十七、二百二十

三、四百九十五。

王嘉引里諺

漢書曰。是時侍中董賢愛幸於上。遂下詔封賢等。下丞相御史。益封賢二千戶。嘉封還詔書。因奏封事諫曰。高安侯賢。佞幸之臣。陛下傾爵位以貴之。單貨財以富之。損至尊以寵之。主威已黜。府藏已竭。唯恐不足。財皆民力所爲。往古以來。貴臣未嘗有此。流聞四方。皆同怨之。里諺曰云云。臣常爲之寒心。

千人所指。無病而死。○漢書王嘉傳。全唐文二百七十七柳澤上書宗書。

汜勝之引諺

汜勝之書曰。麥生黃色。傷於太稠。稠者鋤而稀之。秋鋤以棘柴覆之以壅麥根。故諺曰。

子欲富。黃金覆。○齊民要術二。

汜勝之引古語

土長冒揆。陳根可拔。耕者急發。○禮記月令注。

馬廖引長安語

樂府詩集作城中謠。詩紀同。

後漢書曰。明德皇后既立。躬履節儉。事從簡約。廖慮美業難終。上疏長樂宮以勸成德政曰。百姓不足。起於世尚

奢靡。長安語曰。

城中好高髻。文選補遺誤作結。四方高御覽或作且。一尺。城中好廣玉臺作大。類聚、文選補遺同。眉。四方且玉臺作眉。文選補遺同。御覽或作過。或作畫。半額。城中好大玉臺作廣。類聚、文選補遺同。御覽或作廣。袖。四方全玉臺作用。詩紀同。匹帛。○後漢書馬援傳附馬廖傳。玉臺新詠一作漢時童謡歌。類聚四十三。御覽四百九十五。樂府詩集八十七。文選補遺三十五作長安謡。詩紀八。又御覽三百六十四引類一韵。八百十八引帛一韵。

漢人爲黃公語

奚囊橘柚曰。漢高帝時。有黃公。不事生產。日牽一黃斑虎乞食於道。飲食稍不腆。輒解其縛虎。便咆哮作噬人狀。人人震懾。多畀錢米。始謝去。人有語曰云云。人人山遇猛虎。輒畏之曰黃公來。猛獸無不垂頭掉尾而去。人又語曰云云。

虎莫凶。有黃公。○古謡謠七十。

猛獸回。黃公來。○同上○逮按。此殆後人假託。姑附於此。

時人爲應曜語

廣韻曰。漢有應曜。隱於淮陽山中。與四皓俱徵。曜獨不至。時人語之曰。

南山四皓。不如淮陽一老。○廣韻十六蒸。

關東爲甯成號

史記曰。甯成家居。上欲以爲郡守。御史大夫弘曰。臣居山東爲小吏時。甯成爲濟南都尉。其治如狼牧羊。成不可使治民。上乃拜成爲關都尉。歲餘。關東吏隸郡國出入關者。號曰。

寧見乳虎。無值甯成之書鈔無之字。怒。○史記酷吏傳義縱傳。漢書義縱傳。書鈔四十一。

長安爲韓嫣語

西京雜記曰。韓嫣好彈。以金爲丸。一日所失者十餘。長安爲之語云云。京師兒童每聞嫣出彈輒隨之。望丸所落。便拾取焉。

苦白帖作者。御覽或同。飢寒。逐彈白帖作金。御覽或同。丸。○西京雜記四。白帖十四。御覽四百九十六、七百五十五、八百十一。詩紀九作逐彈丸。

諸儒爲朱雲語

漢書曰。少府五鹿充宗貴幸。爲梁丘易。元帝好之。欲考其異同。令與諸易家論。充宗辨口。諸儒莫能抗。有薦朱雲者。召人攝齊登堂。抗首而請。音動左右。故諸儒爲之語曰。

五鹿嶽嶽。類聚作岳岳。御覽或同。朱雲折其角。○漢書朱雲傳。類聚五十五。白帖二十六。御覽四百六十三、四百九十五、六百十五。詩紀九作五鹿。

長安爲王吉語

漢書曰。王吉少時。居長安。其東家有棗樹垂吉庭中。吉婦取以啖吉。吉知而去婦。東家聞。欲伐其樹。鄰里止之。因請吉還婦。里中爲之語曰。

東家有類聚作棗。詩紀同。樹。王陽婦去。御覽或作女婦。東家棗完。去婦復還。○漢書王吉傳。類聚八十七。御覽四百九十五、五百二十一、九百六十五。詩紀九作東家棗。

世稱王貢語

漢書王吉傳曰。吉與貢禹爲友。世稱云云。言其取舍同也。

王陽在位。貢公後漢書注作禹。彈冠。○漢書王吉傳。後漢書王丹傳注。白帖十二。

長安爲蕭朱王貢語

漢書曰。蕭育少與陳咸、朱博爲友。著聞當世。往者有王陽、貢公。故長安語曰云云。言其相薦達也。

蕭朱結綬。王貢彈冠。○漢書蕭育傳。風俗通窮通篇。類聚二十一。初學記十八。白帖十。御覽四百十、四百九十五。

吏民爲趙張三王語

漢書曰。王吉子駿。成帝欲大用之。出駿爲京兆尹。試以政事。先是京兆有趙廣漢、張敞、王尊、王章。至駿皆有能

名。故京師稱曰。

前有趙張。後有三王。○漢書趙尹韓張兩王傳贊。又王吉傳。書鈔三十九。類聚六。白帖二十一。文選十潘安仁西征賦注。御覽四百九十五。詩紀五作三王。

鄒魯諺

漢書曰。韋賢少子玄成。復以明經歷位至丞相。故鄒魯諺曰。

遺子黃金滿籬。不如類聚。白帖此下有教子二字。御覽或同。一經。○漢書韋賢傳。類聚八十三。白帖二十六。御覽四百九十五、五百十八、六百十三、七百六十四、八百九。詩紀九。○遼案。類聚、白帖所引有教子二字。於義較勝。可據補。

諸儒爲匡衡語

漢書曰。衡好學。家貧傭作。以供資用。尤精力過絕人。諸儒爲之語曰。

無說詩。匡鼎來。匡說詩。解人頤。○漢書匡鼎傳。西京雜記二。詩紀八作匡衡歌。

京師爲諸葛豐語

漢書曰。諸葛豐。元帝擢爲司隸校尉。刺舉無所避。京師爲之語曰。

間白帖作聞。何闕。逢諸葛。○漢書諸葛豐傳。書鈔三十六、三十七。白帖十三。御覽二百五十、四百二十七、四百九十五。詩紀九作諸葛豐。

諸儒爲張禹語

漢書曰。成帝卽位。張禹爲論語章句獻之。諸儒爲之語曰。

不漢書無不字。欲爲論。念張文。○漢書張禹傳。西京雜記二。御覽四百九十五。詩紀九作張文。

長安爲谷永樓護號

漢書曰。樓護。字君卿。精辯論議。常依名節。聽者皆竦。與谷永俱爲五侯上客。長安號曰。

谷。御覽或無谷字。子雲書鈔雲下有之字。類聚同。御覽或同。筆札。樓書鈔。御覽或作婁。君卿書鈔卿下有之字。類聚同。御覽或同。喉。御覽或作唇。舌。○漢書樓護傳。書鈔百三、百四。類聚三十三、五十八。御覽四百六十三、四百九十五、五百九十五、六百六。詩紀九作谷樓。

時人爲甄豐語

後漢書曰。王莽爲宰衡時。甄豐旦夕人謀議。時人語曰。

夜半客。甄長伯。○後漢書彭寵傳。

長安爲張竦語

漢書曰。安衆侯劉崇與相張紹進攻宛。不得入而敗。竦與崇族父劉嘉詣闕自歸。王莽赦弗罪。竦爲崇作奏。莽大

說。後又封竦爲淑德侯。長安爲之語曰。

欲求封。過張柏松。力戰鬪。不如巧爲奏。○漢書王莽傳。

時人爲王莽語

蔡邕獨斷曰。古幘無巾。王莽頭禿。乃始施巾。故語曰。

莽頭禿。漢志注作王莽。獨斷同。御覽或同。禿。此句御覽或作王頭禿。幘施御覽或作如屋。○續漢書輿服志。獨斷下。御覽四百九十六、六百八十七、七百四十。詩紀九作幘如屋。

東方爲王匡廉丹語

漢書曰。地皇三年四月。王莽遣太師王匡、更始將軍廉丹東。太師、更始合將銳士十餘萬人。所過放縱。東方爲之語曰。

寧逢赤眉。不逢太師。太師尚可。更始殺我。○漢書王莽傳。

時人爲蔣詡諺

嵇康高士傳曰。蔣詡。字元卿。杜陵人。爲兗州刺史。王莽爲宰衡。詡奏事到灞上。稱病不進。歸杜陵。荆棘塞門。舍中三徑。終身不出。時人諺曰。

楚國二龔。不如杜陵蔣翁。○御覽五百十。詩紀九作杜陵蔣翁。

京師爲楊雄語

漢書曰。王莽篡位後。復上符命者。莽盡誅之。時揚雄校書天祿閣。使者欲收雄。雄恐。乃從閣自投。幾死。京師爲之語曰。

惟寂白帖此下有惟字。文選注、御覽、詩紀並同。寔。文選注作漠。詩紀作莫。自投白帖此下有于字。文選注、御覽、詩紀並同。閣。爰清詩紀有爰字。御覽清下或有爰字。靜。作詩紀作上有無字。御覽四百作上或有無字。符命。漢書師古注。今流俗本云。惟寂惟寔。自投於閣。爰清爰靜。無作符命。妄增之。○漢書揚雄傳。御覽四百九十五。又白帖三、十。文選三十齋中讀書詩注、御覽一百八十四並引閣一韻。詩紀九作投閣。

時人爲揚雄桓譚語

廣輿記曰。漢桓譚字君山。宿州人。博學有文章名。光武欲以讖決疑。桓譚諫。出爲六安丞。著新論。藏書甚多。時人語曰。

玩揚子雲之篇。樂於居千乘之官。挾桓君之書。富於積廣輿記無積字。猗頓之財。廣輿記無之財二字。○廣輿記二。潛確類書八十。

更始時長安中語

東觀漢記曰。更始在長安。所授官爵皆羣小賈人。或膳夫庖人。長安爲之語曰。

竈下養。中郎將。爛羊胃。騎都尉。爛羊頭。關內白帖作封公。侯。○後漢書劉玄傳。類聚四十五。白帖十二。御覽九十二、二百三、四百九十五、九百二。又文選補遺三十五作長安謠。詩紀九作竈下養。

時人爲戴遵語

後漢書曰。遵字子高。王莽篡位。稱疾歸鄉里。家富。好給施。尚俠氣。食客嘗三四百人。時人爲之語曰。關東大豪戴子高。○後漢書戴良傳。

三輔爲張氏何氏語

三輔決錄注曰。張氏得鈎。何氏得筭。故三輔舊語曰。

何氏筭。廣記作策。張氏鈎。何氏肥。張氏瘦。○御覽三百七十八。太平廣記三百九十一。

時人爲張氏諺

文士傳曰。留侯七世孫張讚。字子卿。初居吳縣相人里。時人諺曰。

相里張。多賢良。積善應。子孫昌。○御覽四百九十六。

桓譚引諺論巧習

新論曰。揚子雲工于賦。王君大習兵器。余欲從二子學。子雲曰。能讀千賦則善賦。君大曰。能觀千劍則曉劍。諺曰。

伏習象神。巧者不過習者之門。○意林三。

桓譚引關東鄙語

新論曰。關東鄙語曰。

人間長安樂。出類聚出上有則字。文選注、御覽同。門西向類聚、文選注作向西。御覽西上有而字。笑。文選注笑上有而字。知初學記知上有人字。肉味美。初學記無美字。對類聚對上有則字。御覽同。初學記對上有即字。屠門而大類聚無大字。嚼。御覽或誤屑。○書鈔百四十五。類聚七十二。初學記二十六。文選四十二與吳季重書注。白帖五。御覽四百九十六、八百二十八、八百六十三。

-
r

||

-

漢詩卷四

郊廟歌辭

安世房中歌

漢書曰。漢房中祠樂。高祖唐山夫人所作也。周有房中樂。至秦改名壽人。凡樂。樂其所生。禮不忘本。高祖樂楚聲。故房中樂楚聲也。孝惠二年。使樂府令夏侯寬備其簫管。更名安世樂。安世房中歌十七章。其詩曰。

大孝備矣。休德昭清。高張四縣。樂充宮庭。芬樹羽林。雲景杳冥。金支秀華。庶旄翠旌。七始華始。肅倡和聲。神來晏娒。庶幾是聽。○漢書禮樂志。樂府詩集八。文選補遺三十四。廣文選十一。詩紀二。○遠案。通行本漢書此章與下章連爲一篇。文選補遺及詩紀割七始等四句屬下。別爲一章。今依汲古閣本漢書及樂府詩集、廣文選分釐之。

粥粥音送。細齊人情。忽乘青玄。熙事備成。清思呦呦。經緯冥冥。○同上

我定曆數。人告其心。勅身齊戒。施教申申。乃立祖廟。敬明尊親。大矣孝熙。四極爰轄。○同上○漢書此與下篇連爲一首。今從樂府詩集。

王侯秉德。其鄰翼翼。顯明昭式。清明鬯矣。皇帝孝德。竟全大功。撫安四極。○同上○王先謙漢書補注引吳仁傑曰。安世房中歌十七章。刊誤區分之。一章多或十句八句。少或六句四句。未有奇數者。獨王侯秉德一章七句。仁傑案。既醉詩及下文安其所章。皆用疊句。此章當云。王侯秉德。其鄰翼翼。其鄰翼翼。顯明昭式。書本脫誤。今改定作八句。

海內有姦。紛亂東北。詔撫成師。武臣承德。行樂交逆。簫勺羣慝。肅爲濟哉。蓋定燕國。○同上○漢書與下兩篇連爲一首。

大海蕩蕩。水所歸。高賢愉愉。民所懷。大山崔。百卉殖。民何貴。貴有德。○同上○遼案。劉敞所見本漢書蕩愉二字皆不疊。

安其所。樂終產。樂終產。世繼緒。飛龍秋。游上天。高賢愉。樂民人。○同上

豐草萋。女羅施。善何如。誰能回。大莫大。成教德。長莫長。被無極。○同上

雷震震。電燿燿。明德鄉。治本約。治本約。澤弘大。加被寵。咸相保。德施大。世曼壽。○同上

都荔遂芳。窅窳桂華。孝奏天儀。若日月光。乘玄四龍。回馳北行。羽旄殷盛。芬哉芒芒。孝道隨世。我署文章。桂華○同上○遼案。漢書桂華二字冠下文之首。樂府詩集同之。惟又於文章字下刻□□兩空格。文選補遺刪桂華二字。

馮馮翼翼。承天之則。吾易久遠。燭明四極。○同上○遼案。詩紀依文選補遺、廣文選以此四句與下文德福兩韵共爲一首。然檢各本漢書。此四句悉獨立成篇。當是原歌如此。今據以改正。

慈惠所愛。美若休德。杳杳冥冥。克綽永福。美芳○同上○劉奉世曰。桂華、美芳。皆二詩章名。本側注前篇之末。傳寫之誤。遂以冠後。又詞無美芳。亦當作美若矣。遼案。漢書此與下文連爲一篇。而樂府詩集則連下文起首二句共爲一篇。

磴磴卽卽。師象山則。嗚呼孝哉。案撫戎國。蠻夷竭歡。象來致福。兼臨是愛。終無兵革。○同上

嘉薦芳矣。告靈饗矣。告靈既饗。德音孔臧。惟德之臧。建侯之常。承詩紀云。一作永。保天休。令問不忘。○同上
皇皇鴻明。蕩侯休。詩紀云。一作嘉。德。嘉承天和。伊樂厥福。在樂不荒。惟民之則。浚則師德。下民咸殖。

令問在舊。孔容翼翼。詩紀云。漢書自浚則以下別爲一章。今從樂府。○同上○遼案。鐵琴銅劍樓藏北宋本及汲古閣本各漢書。浚則等四句與上文皆連爲一章。詩紀云云。不知究據何本。又文選補遺及廣文選則以浚則等四句獨立成篇。此蓋從漢書刊誤說。而足成十七章之數也。

孔容之常。承帝之明。下民之樂。子孫保光。承順溫良。受帝之光。嘉薦令芳。壽考不忘。○同上

承帝明德。師象山則。雲施稱民。永受厥福。承容之常。承帝之明。下民安樂。萬壽漢書作受福。無疆。○漢書禮樂志。樂府詩集八。文選補遺三十四。廣文選十一。詩紀二。

此歌文選補遺及廣文選、詩紀均署唐山夫人。遼案。漢書僅謂唐山夫人作樂。樂與辭非一事。此質之漢志可知。似不得卽署唐山夫人。今依樂府詩集編入闕名卷中。又此歌於樂分十七章。於辭實爲十七首。郊祀歌仿此。

郊祀歌

漢書曰。武帝定郊祀之禮。祠太乙於甘泉。祭后土於汾陰。乃立樂府。采詩夜誦。有趙、代、秦、楚之謳。以李延年爲協律都尉。多舉司馬相如等數十人造爲詩賦。略論律呂。以合八音之調。作十九章之歌。以正月上辛用事甘泉園丘。使童男女七十人歌之。時新得神馬。因次爲歌。汲黯曰。王者作樂。上以承祖宗。下以化兆民。今陛下得馬詩以爲歌。協於宗廟。先帝百姓豈能知其音邪。觀黯之言。則是歌宗廟亦用之矣。然其辭亦多難曉云。

練時日

練時日。侯詩紀作候。有望。炳管蕭。延四方。九重開。靈之旂。垂惠恩。鴻祐休。靈之車。結玄雲。駕飛龍。羽

旄紛。靈之下。若風馬。左倉文選補遺作蒼。韵補、廣文選、詩紀並同。龍。右白虎。靈之來。神哉沛。先以雨。般裔裔。靈之至。慶陰陰。相放悲。震澹心。靈已坐。五音飭。虞至旦。承靈億。牲繭栗。詩紀誤粟。粢盛香。尊桂酒。賓八鄉。靈安留。吟青黃。徧觀此。眺瑤堂。衆婢並。綽奇麗。顏如荼。兆逐靡。被華文。側樂府作厠。霧縠。曳阿錫。佩珠玉。俠嘉夜。茝蘭芳。澹容與。獻嘉觴。○漢書禮樂志。樂府詩集一。文選補遺三十四。廣文選十一。詩紀五。

帝臨

帝臨中壇。四方承宇。繩繩意變。備得其所。清和六合。制數以五。海內安寧。興文偃武。后土富媪。昭明三光。穆穆優游。嘉服上黃。○同上

青陽鄒子樂。漢書載此名。下同。

青陽開動。根芟以遂。膏潤并愛。跂行畢逮。霆聲發榮。壘處頃聽。枯稟復產。乃成厥命。衆庶熙熙。施及天胎。羣生嘒嘒。惟春之祺。○同上

朱明鄒子樂。

朱明盛長。勇與萬物。桐生茂豫。靡有所詘。敷華就實。既阜既昌。登成甫田。百鬼迪嘗。廣大建祀。肅雍

不忘。神若宥之。傳世無疆。○同上

西顛鄒子樂。

西顛沆碭。秋氣肅殺。含秀垂穎。續舊不廢。姦僞不萌。祿樂府作妖。孽伏息。隅辟越遠。四貉咸服。既畏茲威。惟慕純德。附而不驕。正心翊翊。○同上

玄冥鄒子樂。

玄冥陵陰。蟄蟲蓋藏。草木零落。抵冬降霜。易亂除邪。革正異俗。兆民反本。抱素懷樸。條理信義。望禮五嶽。籍斂之時。掩收嘉穀。○同上

惟泰元

惟泰元尊。媪神蕃釐。經緯天地。作成四時。精建日月。星辰度理。陰陽五行。周而復始。雲風雷電。降甘露雨。百姓蕃滋。咸循厥緒。繼續共樂。府作恭。勤。文選補遺作動。順皇之德。鸞路龍鱗。罔不胙飾。嘉籟列陳。庶幾宴享。滅除凶災。烈騰八荒。鐘鼓竽笙。雲舞翔翔。招搖靈旗。九夷賓將。建始元年。丞相匡衡奏鸞路龍鱗。更定詩曰。涓選休成。○同上○錄案。篇末注據漢志補入。

天地

天地並況。惟予有慕。爰熙紫壇。思求厥路。恭承禋祀。緼豫爲紛。黼繡周張。承神至尊。千童羅舞成八溢。初學記作佾。合好效初學記作交。歡虞泰一。九歌畢奏斐然殊。鳴琴竽瑟會軒朱。璆磬文選補遺作磬。注云。古磬字。金鼓。靈其有喜。百官濟濟。各敬厥樂。樂府詩集作其。事。盛牲實俎進聞膏。神奄留。臨須搖。長麗前挾光耀。文選注作耀。詩紀同。明。寒暑不忒況皇章。展詩應律銷廣文選作瑀。詩紀同。玉鳴。函宮吐角激徵清。發梁揚羽申以商。造茲新音永久。文選補遺誤作欠。長。聲氣遠條鳳鳥鵠。神夕奄虞蓋孔享。丞相匡衡奏罷黼繡周張。更定詩曰肅若舊典。○漢書禮樂志。初學記十五。樂府詩集一。文選補遺三十四。廣文選十一。詩紀五。

日出入

日出入安窮。時世不與人同。故春非我春。夏非我夏。秋非我秋。冬非我冬。泊如四海之池。徧觀是耶。謂何。吾知所樂。獨樂六龍。六龍之調。使我心若。訾黃其何不徠下。○漢書禮樂志。樂府詩集一。文選補遺三十四。廣文選十一。詩紀五。

天馬詩紀云。一作天馬歌。

漢書武帝紀曰。元鼎四年秋。馬生渥洼水中。作天馬之歌。太祖四年春。貳師將軍李廣利斬大宛王首。獲汗血馬來。作西極天馬之歌。

太一況。類聚作脫。御覽同。天馬下。霑類聚作沾。赤汗。沫文選注作染。流赭。志倣儻。精權奇。籟浮雲。晻上馳。體容與。世詩紀云。即逝字。萬里。今安匹。龍爲友。元狩三年。馬生渥洼水中作。○漢書禮樂志。類聚九十三。御覽八百九十四。樂府詩集一。文選補遺三十四。廣文選十一。詩紀五。又文選三十五七命注引第二句。○遠案。御覽引天馬下有千里二字。當是衍文。不注入本文下。

天馬徠。水經注作來。類聚、文選注、白帖、御覽、事類賦同。又白帖此下有兮字。從白帖作自。西極。涉流沙。九夷服。天馬徠。出泉水。虎脊兩。化若鬼。天馬徠。水經注此下有兮字。歷御覽誤作曆。無草。廣文選作阜。詩紀同。詩紀云。阜即草。徑水經注作逕。廣文選、詩紀作經。千里。水經注此下有兮字。循事類賦作來。東道。天馬徠。執徐時。將搖漢書如淳曰或作遙。舉。誰與期。天馬徠。御覽徠下或有兮字。開遠門。竦予御覽或作子。身。御覽身下或有兮字。逝御覽三十八作遊。昆侖。文選補遺作崙。又類聚作崑崙。御覽同。天馬徠。龍之媒。游閭闔。觀玉臺。太初四年。誅宛王獲宛馬作。○漢書禮樂志。樂府詩集一。文選補遺三十四。廣文選十一。詩紀五。又水經二河水注引草、道二韻。類聚九十三引極、服、草、道、門、崙、媒、臺八韻。文選十四緒白馬賦注引極一韻、又二十三詠懷詩注引極、服、草、道四韻。白帖十八引極一韻。御覽三十八引門、崙二韻、又八百九十四引極、服、草、道、門、輪、媒、臺八韻。事類賦馬賦引極、服、草、道、媒、臺六韻。○遠案。御覽三十八引此作漢書曰張安世房中歌詩云云。殊謬。又錦繡萬花谷三十七引漢天馬歌曰尾蕭梢兮朔風起。則實非漢歌。諸如此類。均須明辨。

天門

天門開。誅蕩蕩。穆並騁。以臨饗。光夜燭。德信著。靈寢平而鴻。長生豫。太文選補遺作大。朱涂廣。夷石爲堂。飾玉梢以舞歌。體招搖若永望。星留俞。塞隕光。照紫幄。珠煩黃。幡比玳文選補遺作玳。廣文選、詩紀並同。

回集。貳雙飛常羊。月穆穆以金波。日華耀以宣明。假清風軋忽。激長至重觴。神裴回廣文選作徘徊。詩紀同。若留放。殫冀親以肆章。函蒙祉福常若期。寂寥上天知厥時。泛泛溟溟從高旂。殷勤此路臚所求。佻正嘉吉弘以昌。休嘉砰隱溢四方。專精厲意逝九閼。紛云六幕浮大海。○漢書禮樂志。樂府詩集一。文選補遺三十四。廣文選十一。詩紀五。○靈寢平而鴻長生豫句。王先謙漢書補注曰。八字不成句義。平而二字當衍。顏注亦未爲平字釋義。衍文明矣。又幡比掖回集。貳雙飛常羊句下。王氏又曰。掖飛下皆有兮字。假清二句同。遼案。王說是也。此歌整體。各句殆均有兮字。經孟堅刪削。故至此耳。

景星詩紀云。一曰寶鼎歌。

漢書武帝紀曰。元鼎四年夏六月。得寶鼎后土祠旁。作寶鼎之歌。

景星顯見。信星彪列。象載昭庭。日親以察。參侔開闔。爰推本紀。汾睢文選補遺誤作睢。廣文選、詩紀並同。出鼎。皇祐元始。五音六律。依韋饗昭。雜變並會。雅聲遠姚。空桑琴瑟結信成。四興迭文選補遺作遞。代八風文選補遺作音。生。殷殷鐘石羽籥鳴。河龍供鯉醇犧牲。百末御覽作味。旨酒布蘭生。泰御覽作奉。尊柘漿析御覽或誤作折。朝醒。御覽或誤作醒。微感心攸通修名。周流常羊思所并。穰穰復正直往甯。馮蠡切和疏寫平。上天布施后土成。穰穰豐年四時榮。元鼎五年得鼎汾陰作。○漢書禮樂志。樂府詩集一。文選補遺三十四。廣文選十一。詩紀五。又御覽八百六十一引醒一韵、九百七十四引生醒二韵。○遼案。王氏漢書補注曰。武紀得鼎在四年。五當作四。又馮蠡切和疏寫平句。晉灼曰。馮。馮夷。河伯也。蠡。蜃屬也。遼案。蠡、夷同部。音近相假。馮蠡當即馮夷。唐劉恂嶺表錄異云。蠡。俗謂之茲夷。是亦馮蠡即馮夷之證。

齊房詩紀云。一曰芝房歌。

漢書武帝紀曰。元封二年夏六月。甘泉宮內中產芝。九莖連葉。作芝房之歌。

齊房產草。九莖連葉。宮童効異。披圖案諫。玄氣之精。回復此都。蔓蔓日茂。芝成靈華。元封二年芝生甘泉齊房作。○漢書禮樂志。樂府詩集一。文選補遺三十四。廣文選十一。詩紀五。

后皇

后皇嘉壇。立玄黃服。物發冀州。兆蒙祉福。沈沈四塞。假狄合處。經營萬億。咸遂厥宇。○同上

華燁燁

華燁燁。固靈根。神之旂。過天門。車千乘。敦昆侖。文選補遺作崙。神之出。排玉房。周流雜。拔蘭堂。神之
行。旌容容。騎杳杳。般縱縱。文選補遺作縱縱。廣文選。詩紀同。神之徠。泛翊翊。甘露降。慶雲集。神之掄。樂府作
楡。臨壇宇。九疑賓。夔龍舞。神安坐。鵝吉時。共翊翊。合所思。神嘉虞。申貳觴。福滂洋。邁延長。沛施
祐。汾之阿。揚金光。橫泰河。莽若雲。增揚樂府作陽。文選補遺同。波。徧臚驩。騰天歌。○同上

五神

五神相。包四鄰。土地廣。揚浮雲。挖嘉壇。椒蘭房。璧玉精。垂華光。益億年。美始興。交於神。若有承。廣

宣延。咸畢觴。靈輿位。偃蹇驥。卉汨臚。析奚遺。淫淥澤。泃然歸。○同上

朝隴首詩紀云。一曰白麟歌。

漢書武帝紀曰。元狩元年冬十月。行幸雍。獲白麟。作白麟之歌。

朝隴首。覽西垠。靄電寮。獲白麟。爰五止。顯黃德。圖匈奴。熏鬻殛。關流離。抑不詳。賓百僚。山河饗。掩
回轅。鬚長馳。騰雨師。洒路陂。詩紀誤作披。流星隕。感惟風。籥歸雲。撫懷心。元狩元年。行幸雍獲白麟作。○同上

象載瑜詩紀云。一曰赤雁歌。

漢書禮樂志曰。大始三年。行幸東海獲赤雁作。

象載瑜。白集西。食甘露。飲榮泉。赤雁集。六紛員。殊翁雜。五采文。神所見。施祉福。登蓬萊。結無極。太
始三年行幸東海獲赤雁作。○同上

赤蛟

赤蛟綏。黃華蓋。露夜零。晝暍溘。百君禮。六龍位。勺椒漿。靈已醉。靈既享。錫吉祥。芒芒極。降嘉觴。靈
殷殷。爛揚光。延壽命。永未央。杳冥冥。塞六合。澤汪濊。輯萬國。靈裊裊。象輿轡。票然逝。旗透蛇。禮樂
成。靈將歸。托玄德。長無衰。○同上

逮案。此樂歌如天馬、景星、齊房、朝隴首、象載瑜諸篇。武紀悉謂武帝作。又青陽、朱陽、西顛、玄冥四篇署鄒子樂。

或卽鄒陽之作也。惟樂章既不容分割。歌辭亦當經人刪定。故今統編闕名卷中。不再析出。

鼓吹曲辭

饒歌

崔豹古今注曰。短簫饒歌。軍樂也。黃帝使岐伯作。所以建武揚威德。風勸戰士也。周禮所謂王大捷。則令凱樂。漢樂有黃門鼓吹。天子所以宴樂羣臣也。短簫饒歌。鼓吹之一章爾。亦以錫有功諸侯。古今樂錄曰。漢鼓吹饒歌十八曲。字多訛誤。又有務成、玄雲、黃爵、鈞竿。亦漢曲也。其辭亡。或云漢饒歌二十一。無鈞竿。擁離亦曰翁離。宋書樂志曰。漢鼓吹饒歌十八篇。按古今樂錄。皆聲辭豔相雜。不復可分。沈約云。樂人以音聲相傳。訓詁不可復解。凡古樂錄。皆大字是辭。細字是聲。聲辭合寫。故致然耳。

朱鷺

隋書樂志曰。建鼓殷所作。又棲翔鷺於其上。不知何代所加。然則漢曲。蓋因飾鼓以鷺而名曲焉。○譚苑醍醐云。漢初有朱鷺之瑞。故以鷺形飾鼓。又以朱鷺名鼓吹曲也。

朱鷺魚以鳥路警邪鷺何食食茄下。不之食不之吐將以問諫。宋書作誅。注云。一作諫。詩紀同。今從注文。者。○宋書樂志。樂府詩集十六。詩紀五。○逯案。賈生書云。鼓所以來諫。詩云。柔亦不茹。剛亦不吐。此歌云云。言諫官之道也。茄。古荷字。又十八曲歌辭。凡以爲聲字者皆細字旁書之。以區別於本文。

思悲翁

思悲翁。唐思。奪我美人侵以遇。悲翁也但我思。蓬首樂府云。一作蕞。案蕞字當是蓬之異文。狗。逐狡兔。食交君。梟子五。梟母六。拉查高飛莫安宿。○同上○唐思。徒思也。也。我皆聲。侵遇爲侵漁或侵虐之借字。交君殆狡磨之借字。

艾如張

詩紀云。艾與刈同。艾草也。穀梁傳曰。艾蘭以爲防。置旃以爲轅門。謂因蒐狩以習武事也。蘭。香草也。言艾草以爲田之大防是也。

艾而張羅。夷於何。行成之。四時和。山出黃雀亦有羅。雀以高飛奈雀何。爲此倚欲。誰肯礫當作礫。古墜字。室。○同上○董若雨曰。礫當是礫字之誤。案此說是。漢書敘傳。薄姬礫宗文產德。師古注。礫。古墜字。

上之回

漢書武帝紀曰。元封四年冬。行幸雍。祠五時。通回中道。遂北出蕭關。回中地在安定。沈建樂府廣題曰。漢曲皆美當時之事。按石關。宮闕名。近甘泉宮。相如上林賦云。蹙石關。歷封巒是也。

上之回。所中益。夏將至。行將北。以承甘泉宮。寒暑德。文選補遺作得。游石關。望諸。文選補遺作渚。國。月支臣。匈奴服。令從百官疾驅馳。千秋萬歲樂無極。○宋書樂志。樂府詩集十六。文選補遺三十四。廣文選十二。詩紀五。○遠案。上之回者。言上幸回中。所中即行在所。又見雉子班。蓋當時習語。所中益言行在所儀從之盛。末二句則讚美之辭。

翁離一作擁離。

擁離趾中可築室。何用葺之蕙用蘭。擁離趾中。○宋書樂志。樂府詩集十六。詩紀五。○遠案。翁離當作翁離。漢時習語。所以狀五采之貌。郊祀歌。殊翁離。五采文。是其證。趾者。讀爲沚。詩谷風。湜湜其沚。說文水部引作止。詩七月。四之日舉趾。漢書食貨志引作止。趾皆可作止。故趾可借爲沚。又沚即時。見左氏隱三年傳釋文。漢郊五時。郊祀志謂五時祭黃、青、赤、白、黑神。祝宰之衣。各如其色。則五時土色自亦各別。五時而五色相映。故曰翁離。又時中築室所以祠神。故以蕙蘭葺成。此歌有脫爛處。

戰城南

戰城南。死郭北。野死不葬烏可食。爲文選補遺無爲字。我謂烏。且爲客豪。野死諒不葬。腐肉安能去子逃。水深激激。蒲葦冥冥。梟騎戰鬪死。駑馬裴回鳴。梁築室何以南梁何北。文選補遺此三字作何以北。風雅翼、廣文選、詩紀並同。禾黍而風雅翼作不。廣文選、詩紀同。穫風雅翼作獲。君何食。願爲忠臣安可得。思子良臣。良臣誠可思。朝行出攻。莫不夜。文選補遺作暮夜不。歸。○宋書樂志。樂府詩集十六。文選補遺三十四。風雅翼。選詩補遺下。廣文選十二。詩紀五。○遠案。梁築室句不辭。上梁字乃衍文。以字虛聲。原文當作築室河南梁河北。河今作何。假借字耳。漢書衛青傳。遂定河南地。絕梓嶺。梁北河。討蒲泥。破符離云云。魏文帝典論。孝武自征元以迄征和。征匈奴四十餘舉。踰廣漠。絕梓嶺。封狼居。禪姑幕。梁北河云云。皆言定河南梁北河事。梁亦漢人習語。如司馬相如難蜀父老。梁孫原云云。是其比。漢取河南。置朔方郡。故築室以爲屯戍。並以討胡。遂有梁北河之事。此歌築室河南梁河北。即指此乎。又思子良臣。子乃哉之假借字。與下聖人出美人子之子同例。

巫山高

巫山高。高以大。淮水深。難以逝。我欲東歸。害梁不爲。我集無高曳。水何梁。當是深之譌字。湯湯回回。臨水遠望。泣下沾衣。遠道之人心思歸。謂之何。○宋書樂志。樂府詩集十六。廣文選十二。詩紀五。○逮案。害梁不爲。害者。曷之借字。漢書翟方進傳。予害敢不於身撫祖宗之所受大命。是其比。我集無高曳。集高曳爲濟篙棹之借字。

上陵

古今樂錄曰。漢章帝元和中。有宗廟食舉六曲。加重來上陵二曲爲上陵食舉。後漢書禮儀志曰。正月上丁。祀南郊。次北郊、明堂、高廟、世祖廟謂之五供。禮畢。以次上陵。西都舊有上陵。東都之儀。太官上食。太常樂奏食舉。按古辭大略言神仙事。不知與食舉曲同否。○逮案。古今樂錄所疑非也。此題上陵與本文山林。殆皆上林之誤。

上陵何美美。下津風以寒。問客從何來。言從水中央。桂樹爲君船。青絲爲君竿。木蘭爲君櫂。書鈔作棹。御覽同。黃金錯其間。滄海之雀赤翅鴻。白鴈隨。當作墮。山林乍開乍合。曾不知日月明。醴泉之水。光澤何蔚蔚。芝爲車。龍爲馬。覽遨游。四海外。甘露初二年。芝生銅池中。仙人下來飲。延壽千萬歲。○宋書樂志。樂府詩集十六。廣文選十二。詩紀五。又書鈔百三十八。御覽七百七十一並引竿、問二韻。

將進酒

將進酒。乘大白。辨加詩紀作佳。哉。詩審搏。放故歌。心所作。同陰氣。詩悉索。使禹良工。觀者苦。○宋書樂志。樂府詩集十六。詩紀五。○逮案。乘大白即引滿舉白之意。上言進酒。故下言舉白。辨加即駕辨。此倒言之。大招。伏羲駕辨。楚勞商只。二八接武。投詩賦只。此上言辨而下言詩。正與之合。詩審搏。審讀蟠。審搏繁盛之意。見周禮羽人注。上言詩審搏。下言詩悉索。正示歌舞之由盛及衰。心。新之借字。與上文故對文。陰氣或謂爲飲泣。借字。義亦可通。使禹二字義不明。苦。快也。見楊子方言。

君馬黃

君馬黃。臣馬蒼。二馬同逐臣馬良。易之有駮。文選補遺作醜。非。蔡有赭。美人歸以南。駕車馳馬。美人傷我心。佳人歸以北。駕車馳馬。佳人安終極。○宋書樂志。樂府詩集十六。文選補遺三十四。風雅翼。選詩補遺下。廣文選十二。詩紀五。○逮案。二馬之二。宋書作三。殆刊寫之誤。今從樂府。

芳樹

芳樹日月君亂如於風。芳樹不上無心。温而鵠。三而爲行。臨蘭池。心中懷我悵。心不可匡。目不可顧。妬人之子愁殺人。君有它樂府作他。心。樂不可禁。王將何似。如絲如魚乎。悲矣。○宋書樂志。樂府詩集十六。詩紀五。○逮案。芳樹日月。月當作夕。費昶芳樹篇。幸被夕風吹云云。是梁時尚作夕。日夕。朝夕也。亂如即亂挈。懷我悵。我者聲字。蘭池。池名。亦宮名。見漢書楊僕傳及續漢書地理志。地在長安。

有所思

古今樂錄曰。漢大樂食舉第七曲亦用之。不知與此同否。

有所思。乃在大海南。何用問遺君。御覽作爲問遺。雙珠玳瑁簪。用玉紹繚之。聞君有它樂府作他。心。拉雜摧燒之。摧燒之。當風揚其灰。從今以往。勿復相思。相思。與君絕。雞鳴狗吠。兄嫂當知之。妃呼豨秋風肅肅晨風颺。東方須臾高知之。○宋書樂志。樂府詩集十六。廣文選十二。詩紀五。又御覽六百八十八引南、簪二韻。○遼案。雙珠玳瑁簪句。當有疊文。妃呼豨。聲字。

雉子班

雉子班如此之于樂府作干。雉梁。無以吾翁孺雉子。知得雉子高飛樂府作蜚。下同。止。黃鵠飛之以千里。王可思雄來飛從雌視子。趨一雉雉子車大駕馬滕被王送行所中。堯羊飛從王孫行。○宋書樂志。樂府詩集十六。詩紀五。

聖人出

聖人出。陰陽和。美人出。游九河。佳人來。騑離哉何。駕六飛龍四時和。君之臣明護不道。美人哉。宜天子。免甘星筮樂甫始。美人子。含四海。○宋書樂志。樂府詩集十六。廣文選十二。詩紀五。○遼案。美人、佳人對舉。乃分言君臣。已見上文君馬黃曲。離哉何與臨高臺離哉翻、遠如期曲佳哉紛爲同一語法。美人子。子與哉同。蓋聲之轉。

上邪 詩紀云。一作雅。

上邪。我欲與君相知。長命無絕衰。山無陵。江水爲竭。冬雷震震夏雨雪。天地合。乃敢與君絕。○宋書樂

志。樂府詩集十六。廣文選十二。詩紀五。

臨高臺

臨高臺以軒。下有清水清且寒。江有香草目以蘭。黃鵠高飛離哉翻。關弓射鵠。令我主壽萬年。收中吾。廣文選作吉。○宋書樂志。樂府詩集十六。風雅翼。選詩補遺下。廣文選十二。詩紀五。○劉履曰。篇末收中吾三字。其義未詳。疑曲調之餘聲。如樂錄所謂羊無夷、伊那何之類。遼案。此三字當是殘句。與翁離曲同例。又江有香草目以蘭。目以蘭與蕙用蘭、風以寒語法同。則目亦香草也。疑爲菑之誤。

遠如期

一曰遠期。宋書樂志有晚芝曲。沈約言舊史云詁不可解。疑是漢遠期曲也。古今樂錄曰。漢太樂食舉曲有遠期。至魏省之。

遠如期。益如壽。處天左側。大樂萬歲。與天無極。雅樂陳。佳哉紛。單于自歸。動如驚心。虞心大佳。萬人還來。謁者引。鄉殿陳。累世未嘗聞之。增壽萬年亦誠哉。○宋書樂志。樂府詩集十六。廣文選十二。詩紀五。○遼案。遠如期、益如壽。兩如字皆聲。與峽蝶曲軒奴軒之奴殆同。故遠如期實即遠期也。此曲蓋美宣帝時單于來朝之作。漢書匈奴傳云。單于朝甘泉。禮畢。宿長平。上登長平詔單于勿謁。其左右當戶之羣臣。皆得列觀。及諸蠻夷君長侯王數萬咸迎於渭橋下。夾道陳、上登渭橋。咸稱萬歲。正與此曲所寫相同。又宣帝紀有司議曰。匈奴單于鄉風慕義。舉國同心。奉珍朝賀。自古未之有也云云。與此累世未嘗聞之。

義同。

石留詩紀作流。

石留詩紀作流。涼陽涼石。水流爲沙錫以微。河爲香向始麩。詩紀作谿。冷將風陽北逝。肯無敢與于揚。心邪
懷蘭志金安薄北方開留離蘭。○宋書樂志。樂府詩集十六。詩紀五。○遠案。留、涼雙聲。陽、涼疊韻。皆石之形容。錫讀爲細。與
前曲高以大語法同。言細又微也。冷將風陽北逝。冬日行北陸。故曰陽北逝。蓋上言石沙之銷毀。下言時光之迅速。

漢詩卷五

馬援

援。字文淵。扶風茂陵人。建武四年。奉使洛陽。以爲待詔。歷太中大夫、隴西太守、虎賁中郎將。拜伏波將軍。封新息侯。二十五年。擊五溪蠻。卒于軍。建初三年。追謚曰忠成侯。

武溪深 樂府作武溪深行。詩紀同。樂府云。一作武陵深行。

古今注曰。武溪深。乃馬援南征之所作也。援門生爰寄生善吹笛。援作歌和之。名曰武溪深。其曲云。

滔滔五溪 樂府溪下有兮字。一何深。鳥飛不度獸不敢。古今注作能。集古錄同。臨。嗟哉五溪多。集古錄作何。毒淫。○古今注中。樂府詩集七十四。歐陽集古錄上。詩紀三。○遼案。御覽六十七引善歌錄歌曰。武溪深復深。飛鳥不能渡。遊獸不能臨云。殆別是一歌也。

王吉

吉。明帝時爲虎賁。

射鳥辭

風俗通曰。明帝東巡。有鳥飛鳴乘輿上。虎賁王吉射之。作辭云云。帝賜錢百萬。遂令亭壁皆畫鳥。

鳥鳥寰字記不重鳥字。啞啞。引弓射。寰字記此下有之字。洞左腋。陛下壽萬年。初學記作歲。臣爲二千石。○初學記三十引風俗通。太平寰宇記九。詩紀四。

白狼王唐菽

歌詩

廣文選作祚都夷歌三章。詩紀同。遼案。蜀都賦云。陪以白狼。夷歌成章。○後漢書曰。明帝時。益州刺史朱輔宣示漢德。咸懷遠夷。自汶山以西。前世所不至。正朔所未加。白狼、槃木、唐菽等百餘國。皆舉種稱臣奉貢。白狼王唐菽作詩三章。歌頌漢德。輔使譯而獻之。

遠夷樂德歌

大漢是治。與天合意。後漢書少合字。吏譯平端。不從我來。聞風向化。所見奇異。多賜繒布。甘美酒食。昌樂肉飛。屈申悉備。蠻夷貧薄。無所報嗣。願主長壽。子孫昌熾。

遠夷慕德歌

蠻夷所處。日人之部。慕義向化。歸日出初學記作自明。主。聖德深恩初學記作恩深。與人富厚。冬多霜雪。夏多和雨。寒溫時適。部人多有。涉危歷險。不遠萬里。去初學記作夷。俗歸德。心歸慈母。

遠夷懷德歌

荒服之外。土地墮墉。食肉衣皮。不見鹽穀。吏譯傳風。大漢安樂。携負歸仁。觸冒險狹。高山岐峻。緣崖磻石。木薄發家。百宿到洛。父子同賜。懷抱匹廣文選誤作四。帛。傳告種人。長願臣僕。○後漢書西南夷傳。廣文選十四。詩紀四。又初學記十五引第二章。

杜篤

篤。字季雅。京兆杜陵人。仕郡爲文學掾。建初三年。車騎將軍馬防擊西羌。請篤爲從事中郎。戰沒於射姑山。所著賦、誄、弔、書、讚七言及雜文凡十八篇。

京師上巳篇

窈窕淑女美勝艷。妃戴翡翠珥明珠。○書鈔百三十五。○逮案。書鈔原題杜季雅。雅殆雅之譌。又漢人七言率句句用韻。此豔珠不叶。疑非出一章。

梁鴻

鴻。字伯鸞。平陵人。家貧而尚節介。隱居霸陵山中。後居吳。卓伯通舍之於家。鴻潛避著書十餘篇。

卒於吳。

五噫歌

後漢書曰。梁鴻東出關。過京師。作五噫之歌。肅宗聞而非之。求鴻不得。

陟御覽或作遵。彼北芒兮噫。顧覽文選注作瞻。文選補遺、廣文選、事類賦、詩紀並同。御覽或作顧瞻。或作覽觀。帝京書鈔作師。兮噫。宮室御覽或作闕。文選補遺、廣文選、事類賦、詩紀同。崔嵬寰宇記作巍。文選補遺、事類賦、詩紀並同。兮噫。民後漢書作人。文選注、寰宇記同。御覽或同。之劬勞兮噫。遼遼未央兮噫。御覽或末二句互倒。又遼遼作寥寥。○後漢書梁鴻傳。書鈔一百六。文選四十三與嵇茂齊書注。御覽百五十八、五百七十二。寰宇記三。文選補遺三十五。廣文選十四。又事類賦歌賦注。詩紀三。

適吳詩

後漢書曰。鴻易姓運期。名耀。字侯光。與妻子居齊魯之間。有頃又去適吳。將行作詩曰云云。

逝後漢書作遊。舊邦兮遐征。將遙集兮東南。心惴惴兮傷悴。忘後漢書作志。菲菲兮升降。欲乘策兮縱邁。疾吾俗兮作讒。競舉枉兮措直。咸先佞兮哢哢。固靡慚兮獨建。冀異州兮尚賢。聊逍遙兮遨嬉。續仲尼兮周流。儻云覩兮我悅。遂舍車兮卽浮。過季札兮延陵。求韻補作去。魯連兮海隅。雖不察兮光貌。幸神靈兮與休。惟季春兮華阜。類聚作色。麥含英後漢書作含。類聚作金。案作金者是也。含亦金之訛。今作英。非是。兮方秀。哀茂時兮逾邁。愍芳香兮日臭。悼吾詩紀作我。心兮不獲。長委結兮焉究。口囁囁兮余訕。嗟恒恒兮誰留。○後漢書

梁鴻傳。詩紀三。又類聚三引秀一韵。吳棫韵補二引隅、休二韵。

思友詩

詩紀云。一作思高恢。

後漢書曰。鴻友人京兆高恢。少好老子。隱於華陰山。及鴻東遊。思恢作詩。二人遂不復相見。恢亦高抗。終身不仕。

烏嚶嚶兮友之期。念高子兮僕懷思。想念恢兮爰集茲。○後漢書梁鴻傳。詩紀三。

東平王劉蒼

蒼。明帝同母弟。建武十五年。封東平公。十七年。進爵爲王。明帝卽位。拜驃騎將軍。永平五年歸國。建初八年卒。

武德舞歌詩

東觀漢記曰。明帝永平三年八月。公卿奏世祖廟舞名。東平王蒼議。以漢制宗廟。各奏其樂。不皆相襲。光武皇帝撥亂中興。武功盛大。廟樂舞宜曰大武之舞。乃進武德舞歌詩。遂用之於光武廟焉。

於穆世廟。肅雍顯清。俊乂翼翼。秉文之成。越序上帝。駿奔來寧。建立三雍。封禪泰山。章明圖讖。放唐之文。休矣廣文。選作以。惟德。罔射協同。本支百世。永保厥功。○續漢書祭祀志九注。樂府五十二。廣文選八。詩紀三。○此歌廣文選作漢廟登歌詩。查南齊書樂志云。永平三年。東平王蒼造光武廟登歌一章二十六句。其辭稱述功德云。今此詩僅一十四句。

知已經刪節矣。

班固

固。字孟堅。扶風安陵人。永平中。召詣校書部。除蘭臺令史。遷爲郎。建初中。遷玄武司馬。永元初。大將軍竇憲出塞。以爲中護軍。行中郎將事。四年。憲敗。坐下獄死。年六十一。有集十七卷。

明堂詩固作東都賦。系自此以下五詩。

於昭明堂。明堂孔陽。聖皇宗祀。穆穆煌煌。御覽作皇。詩紀同。上帝宴饗。五位時序。誰其配之。世祖光武。普天率土。各以其職。猗歟緝熙。允懷多福。○後漢書班固傳。文選一。御覽五百三十三。風雅翼補遺下。詩紀三。

辟雍詩

乃流辟雍。辟雍湯湯。聖皇蒞止。造舟爲梁。皤皤國老。乃父乃兄。抑抑威儀。御覽作皇。儀。孝友光明。於赫太上。示我漢行。洪後漢書作鴻。風雅翼同。化惟神。永觀厥成。○後漢書班固傳。文選一。御覽五百三十四。風雅翼補遺下。詩紀三。

靈臺詩

乃經靈臺。靈臺既崇。帝勤時登。爰考休徵。三光宣精。五行布序。習習祥風。祁祁甘雨。百穀萋萋。後漢書

作漆漆。庶草後漢書作卉。蕃廡。後漢書作蕪。屢惟豐年。於皇樂胥。○後漢書班固傳。文選一。御覽五百三十四。風雅翼補遺下。詩紀三。

寶鼎詩

嶽修貢兮川效珍。吐金景兮歛浮雲。寶鼎見兮色紛緼。煥其炳兮被龍文。登祖廟兮享聖神。昭靈德兮彌億年。○後漢書班固傳。文選一。詩紀三。

白雉詩

啓靈篇兮披瑞圖。獲白雉兮效素烏。嘉祥阜兮集皇都。發皓羽兮奮翹。後漢書作羽。英。容潔朗兮於純。後漢書作淳。精。彰。後漢書作章。皇德兮侔周成。永延長兮膺天慶。○後漢書班固傳。文選一。詩紀三。

論功歌詩

固爲漢頌。系此歌詩。○御覽作頌論功歌詩靈芝歌。樂府作古辭靈芝歌。廣文選同。事類賦作漢頌論功歌詩靈芝歌。詩紀作郊祀靈芝歌。

因露樂府作靈。事類賦、廣文選同。寢御覽作寐。誤。今產靈芝。象三德兮瑞應。詩紀云一作應瑞。圖。延壽命兮光此。初學記作北。都。配御覽作緣。上帝兮象太微。參日月兮揚光輝。○初學記十五。御覽五百七十。樂府詩集一。事類賦歌賦。廣文選十一。詩紀三。

右靈芝歌

后土化育兮四時行。修靈液養兮元氣覆。冬同雲兮春霖霖。膏澤洽兮殖嘉穀。○御覽一。○遠案。此篇詩紀缺收。僅見御覽作漢頌論功歌詩。大抵固作漢頌中附論功歌詩若干篇。各篇並有小題。此與上靈芝歌皆其佚遺也。姑依詩義補嘉禾歌三字。藉配上篇云爾。

右嘉禾歌

詠史

文選注作班固歌詩。詩品曰。孟堅才流。而老於掌故。觀其詠史。有感歎之詞。

三王德彌薄。惟後用肉刑。太蒼令有罪。就遞文選注作逮。詩紀同。長安城。自恨身無子。困急獨煢煢。小女痛父言。死者不可文選注作復。生。上書詣闕下。文選注作北闕。思古文選注作闕下。歌雞鳴。憂心摧折裂。晨風揚激聲。聖漢孝文帝。惻然感至情。文選注作誠。百男何憤憤。文選注作憤憤。不如一緹縈。○史記倉公傳正義。文選三十六策秀才文注。廣文選八。詩紀三。

詩

長安何紛紛。詔葬霍將軍。刺繡被百領。縣官給衣衾。○御覽八百十五。
寶劍值千金。指之干樹枝。○書鈔百二十二。御覽三百四十四。

延陵輕寶劍。○御覽三百四十四。

崔駰

駰。字亭伯。涿郡安平人。少游太學。與班固、傅毅齊名。和帝初。車騎將軍竇憲辟爲府掾。進主簿。察高第。出爲長岑長。不之官而歸。永元四年卒。有集十卷。

歌

駰作北巡頌。系此。

皇皇太上湛恩篤兮。庶見我王咸思覲兮。仁愛紛紜德優渥兮。滂霈羣生澤淋漓兮。惠我無疆承天祉兮。流衍萬昆長無已兮。○文館詞林三百四十六。

安封侯詩御覽作安豐侯詩。遠案。續漢志有安豐。無安封。則作安豐爲是。

戎馬鳴兮金鼓震。壯士激兮忘身命。被類聚作破。誤。兕類聚作光。廣文選、詩紀同。甲兮跨良馬。揮御覽作擇。誤。長戟御覽作戰。誤。兮。今。穀類聚作廓。御覽作曠。並注曠音霍。强弩。○類聚五十九。廣文選十。詩紀三。又御覽三百三十九引馬、弩二韻。

七言詩

鸞鳥高翔時來儀。應治歸德御覽作得。合望規。啄食棟實百三家集作竹食。飲華池。○御覽九百十六。百三家集崔亭伯集

又

噉噉練絲退濁污。○文選二十五答傅咸注。

三言詩

屏九臯。詠典文。披五素。耽三墳。○書鈔九十七。

傅毅

毅。字武仲。扶風茂陵人。建初中爲蘭臺令史。拜郎中。與班固、賈逵共典校秘書。永元初。車騎將軍竇憲請爲記室。憲遷大將軍。以爲司馬。有集五卷。

迪志詩

後漢書曰。毅永平中於平陵習章句。因作迪志詩。

咨爾庶士。迨時斯勗。日月逾邁。豈云旋復。哀我經營。膺後漢書作旅。力靡及。在茲弱冠。靡所樹後漢書作庶。立。於赫我祖。顯于殷國。貳後漢書作二。類聚、廣文選同。迹阿衡。克光其則。武丁興商。伊宗皇士。爰作股肱。萬邦是紀。奕世載德。迄我顯考。保膺淑懿。續修其道。漢之中葉。俊乂式序。秩彼殷宗。光此勳緒。伊類

聚作咨。余小子。穢陋靡逮。懼我世烈。自類聚作於。茲以墜。誰能革濁。清我濯漑。誰能昭闇。啓我童昧。先人有訓。我訊我誥。訓我嘉務。誨我博學。爰率朋友。尋此舊則。契闊夙夜。庶不懈忒。秩秩大猷。紀綱庶式。匪勤匪昭。匪壹匪測。農夫不怠。越有黍稷。誰能云作。考之居息。一事敗葉。多疾我力。如彼遵衢。則罔所極。二志靡成。聿勞我心。如彼兼聽。則溷於音。於戲君子。無恒自逸。徂年如流。鮮類聚作鈔。文選注同。茲暇日。行邁屢稅。胡能有迄。密勿朝夕。聿同始卒。○後漢書傅毅傳。廣文選八。詩紀三。又類聚二十三引勗、復、國、則、逮、墜、逸、日八韻。文選四十一論盛孝章書注引日一韻。○逮案。後漢書齊力靡及句。齊作旅。注云。陳也。靡所樹立句。樹作庶。注云。無所庶幾成立也。是李賢所見本作旅作庶。與廣文選、詩紀皆異。作齊作樹似於義較勝。

歌

毅作七激。系此。

陟景山兮採芳苓。哀不慘傷樂不流聲。彈羽躍水叩角奮榮。沈微字當作徵。玄穆感物寤靈。○類聚五十七。

劉珍

珍。字秋孫。一名寶。南陽蔡陽人。永初中爲謁者僕射。永寧初。遷侍中、越騎校尉。延光四年。拜宗正。永建元年。轉衛尉。卒官。有集二卷。

贊賈逵詩

摘藻揚暉。如山如雲。世有令聞。以迄于君。○書鈔一百。

劉駒駮

駒駮。永初中。召入東觀。除校書郎。有集二卷。

詩

縹碧以爲瓦。○白帖三劉駮駒詩。○逵案。駮駒二字倒誤。

李尤

尤。字伯仁。廣漢雒人。永元中。召詣東觀。拜蘭臺令史。安帝時爲諫議大夫。順帝初。遷樂安相。卒年八十三。有集五卷。

九曲歌

年歲晚暮時。書鈔作日。事類賦同。已斜。安得壯類聚作力。編珠同。士翻日車。○書鈔百四十九。類聚一。杜公瞻編珠。御覽四。事類賦日賦。草堂詩箋十一洗馬詩注。詩紀三。

肥骨消滅隨塵去。○文選二十八挽歌注。

武功歌

□□□。鳴金鼓。馬模起。士激怒。○書鈔百二十一。

清埃飛。連日月。○文選二十一謝宣遠張子房詩注。

恩普洽。威令行。○文選五十九齊故安陸昭王碑注。

身非金石。名俱滅焉。○文選三十七求自試表注。

石勛

勳。字子才。甘陵人。

費鳳別碑詩

碑云。君舅家中孫甘陵石勳。字子才。載馳載驅。來奔于喪庭。肝摧意悲。感切傷心。瞻彼碑誄。懷之好音。司馬慕蘭相。南容復白珪。仰之以彌高。鑽之而彌堅。不堪哀且思。叙詩之一篇。庶邁昔子夏。起夫子之所言。其辭曰。

君諱鳳。字伯蕭。梁相之元子。九江太守之長兄也。世德襲爵。銀艾相亞。恢遐祖之鴻軌。拓前代之休蹤。邈逸越而難繼。非羣愚之所頌。仁義本於心。慈孝著於性。不失典術。行不越矩度。清潔傲爾。涅而

不滓。恤憂矜厄。施而不記。由近及遠。靡不覆載。故能闡令名而雲騰。揚盛聲而風布。踐郡右職。三貢獻計。辟州式部。忠以衛上。漢安二年。吳郡太守東海郭君以君有透地之節。自公之操。年卅一舉孝廉。拜郎中。除東國新平長。神化風靡。惠以流下。靜而爲治。匪煩匪擾。乾乾日稷。矜此黔首。功成事就。色斯高舉。

宰司委職位。思賢以自輔。玄懿守謙虛。白駒以縶阻。丹陽有越寇。沒□□□□。命君討理之。試守故鄣長。蓋危亂有不讓。又畏此之罪罟。□□而□牧。爰止其師旅。鳩若飛鷹鷂。鷄若夫鳩席。疆者綏以德。弱者以仁撫。簡在上帝心。功訓而特紀。輜輿宰堂邑。基月而致道。視□□□□。遂據亏卿尹。中表之恩情。兄弟與甥舅。鳩與女蘿性。樂松之茂好。聞君顯令名。舉宗爲歡喜。不悟奄忽終。藏形而匿影。耕夫釋耒耜。桑婦投鉤莒。道阻而且長。望遠淚如雨。筴馬循大路。褰裳而涉洧。悠悠歌黍離。思黃鳥集于楚。惴惴之臨穴。送君於厚土。嗟嗟悲且傷。每食□不飽。夫人篤舊好。不以存亡改。文平感渭陽。悽愴益以甚。諸姑咸躡踊。爰及君伯姊。孝孫字元宰。生不識考妣。追惟厥祖恩。蓬首斬緘杖。世所不能爲。流稱於鄉黨。見吾若君存。剝裂而不可已。壹別會無期。相去三千里。絕翰永忼慨。泣下不可止。

○隸釋九。續古文苑四。

漢詩卷六

張衡

衡。字平子。南陽西鄂人。永平中。舉孝廉。連辟公府皆不就。永初中。大將軍鄧騭累召不應。公車特徵。拜郎中。遷尚書郎。轉太史令。順帝初。再轉。復為太史令。陽嘉中。遷侍中。永和初。出為河間相。徵拜尚書。四年卒。年六十二。有集十四卷。

歌

衡為太史令。嘗憂及難。作思玄賦。系此。

天地烟煴。百卉含藹。鳴鶴交頸。雖鳩相和。處子懷春。精魂回移。如何淑明。忘我實多。○後漢書張衡傳。文選十五。○逯案。詩紀載思玄詩一首。細檢知乃思玄系辭。今從刪。而別錄此歌。

歌

衡作東巡誥。系此。

皇皇者鳳。通玄知時。萃于山趾。與帝邀期。吉事有祥。惟漢之祺。○類聚三十九。

歌

衡作舞賦。系此。

驚雄逝兮孤雌翔。臨歸風兮思故鄉。○類聚四十三。初學記十五。

歎

衡作定情賦。系此。

大火流兮草蟲鳴。繁霜降兮草木零。秋爲期兮時已征。思美人兮愁屏營。○類聚十八。廣文選十四。古樂苑三十一。詩紀三。○錄案。此定情賦中之歎也。詩紀從廣文選作定情歌。則杜撰矣。

同聲歌

樂府解題曰。同聲歌。張衡所作也。言婦人自謂幸得充閨房。願勉供婦職。不離君子。思爲莞簟。在下以蔽匡牀衾。在上以護霜露。繾綣枕席。沒齒不忘焉。以喻臣子之事君也。

邂逅承際會。得充君玉臺。作遇得充。後房。情好新交接。恐慄玉臺誤作曠。若探湯。不才勉自竭。賤妾職所當。綢繆主中饋。奉禮助烝。樂府作蒸。嘗。思爲廣文選作惟。苑蒨席。在下蔽匡牀。願爲廣文選作得。羅衾幃。在上衛風霜。灑玉臺。樂府作洒。掃清枕席。鞞芬以狄。詩紀云。一作秋。香。重戶結。廣文選作納。金扃。高下華燈光。衣解巾粉御。列圖陳枕張。素女爲我師。儀態廣文選作容。盈萬方。衆夫所希見。天老教軒皇。樂莫斯。廣文選作思。夜樂。

沒齒焉可忘。○玉臺新詠一。樂府詩集七十六。廣文選十三。詩紀三。○吳騫拜經樓詩話引蟲獲軒筆記云。平子同聲歌。灑掃清枕席。鞶芬以狄香。王制西方曰狄鞶。古詩中所謂迷迭、兜納諸香。大都出于西域。故曰鞶芬狄香。鞶芬卽狄香。重言之者。古人常有此文法。素女爲我師。儀態刑萬方。衆夫所希見。天姥教軒皇。刑今本作盈。姥今本作老。皆非。抱朴子。黃帝論導養而質元素二女。徐孝穆文。優游俯仰。極素女之經天。升降盈虛。盡軒皇之圖藝。與此意同。○遠案。鞶芬、狄香。重言之。說甚是。謂盈舊作刑。老舊作姥。不知根據何本。惟天老、天姥本同。又黃節漢魏樂府箋注云。張衡七辯曰。假明蘭燈。指圖觀列。蟬綿宜愧。天紹紆折。此女色之麗也。蓋卽所言列圖陳、儀態萬方也。漢書藝文志。房中八家有天老。雜子陰道二十五卷。黃帝三王養陽方二十卷。列圖以下。蓋卽漢志所言房中也。玉房秘訣黃帝問素女玄女采女陰陽之事。皆黃帝養陽方遺說也。

歌書鈔作詩。

浩浩陽春發。楊柳何依依。書鈔作猗猗。百鳥自南歸。翱翔萃我枝。○御覽二十。又書鈔百五十四引猗一韻。

怨詩

文心雕龍曰。張衡怨篇。清曲可誦。

秋蘭。詠嘉美人也。嘉而不獲。用故作是詩也。

猗猗秋蘭。植彼中阿。有馥其芳。有黃其葩。雖曰幽深。厥美彌廣。文選作稱。嘉。之子之詩。紀云。一作云。遠。我勞如何。○御覽九百八十三。困學紀聞十八。廣文選九。詩紀三。○遠案。詩紀作怨篇。今據御覽改之。詩紀從廣文選。不載序文。今爲補入。

我聞其聲。載坐載起。○文選二十三。贈士孫文始詩注。范晞文對牀夜語。

同心離居。絕我中腸。○文選二十三贈士孫文始詩注。

詩

願言不獲。終然永思。○文選二十四贈秀才入軍詩注。

四愁詩并序

張衡不樂久處機密。陽嘉中。出爲河間相。時國王驕奢。不遵法度。又多豪右并兼。文選注作兼并。之家。衡下車。治威嚴。能內察屬縣。姦猾行巧劫。皆密知名。下吏收捕。盡服擒。諸豪俠遊客。悉惶懼逃出境。郡中大治。爭訟息。獄無繫囚。時天下漸弊。鬱鬱不得志。爲四愁詩。六臣本注云。五臣有依字。效屈原以美人爲君子。以珍寶爲仁義。以水深雪秀爲小人。思以道術爲報。貽於時君。而懼讒邪不得以通。其辭曰。○文選二十九。又文選二十一詠史詩注引一句。○遠案。此序乃後人僞託。而非衡所作。王觀國學林辨之甚詳。茲不列舉。

一思曰。詩紀云。玉臺無此三字。劉履曰。衍文也。下做此。我所思兮在太類聚作泰。山。欲往從之梁父。玉臺作甫。艱。側身東望涕霑翰。美人贈我金錯刀。何以報之英。御覽或作雙。或作美。瓊瑤。路遠莫致倚逍遙。何爲類聚作以。懷憂類聚作愁。心煩勞。○文選二十九。玉臺新詠九。類聚三十五。詩紀三。又御覽三百四十六、八百九並引刀、瑤二韻。

二思曰。我所思類聚作望。今在桂林。欲往從之湘水深。側身南望涕霑襟。美人贈我金玉臺作琴。六臣本文選注云。五臣作琴。類聚作翠。御覽同。琅玕。何以報之雙玉盤。御覽或作槃。路遠莫致倚惆悵。何爲懷憂心煩傷。玉臺作

快。○文選二十九。玉臺新詠九。詩紀三。又類聚三十五引林、深、襟、玕、盤五韻。御覽四百七十八引盤一韻。七百五十八引槃一韻。三思曰。我所思兮在漢陽。欲往類聚作往欲。從之隴阪長。側身西望涕霑裳。美人贈我貂襜褕。御覽作毳毼。何以報之明月珠。路遠莫致倚踟躕。玉臺作峙壙。何爲懷憂心煩紆。○文選二十九。玉臺新詠九。類聚三十五。詩紀三。又御覽七百八引氈一韻。

四思曰。我所思兮在雁門。欲往從之雪雰雰。玉臺作紛紛。類聚同。側身北望涕霑巾。美人贈我錦繡段。書鈔作被。誤。何以報之青玉案。路遠莫致倚增歎。何爲懷憂心煩惋。○文選二十九。玉臺新詠九。詩紀三。又書鈔百三十三引被、案二韻。類聚三十五引門、紛、巾、段、案五韻。

朱穆

穆。字公叔。南陽宛人。元初末爲郡督郵。後舉孝廉。順帝末。辟大將軍梁冀府。桓帝初。舉高第。爲侍御史。永興中。擢冀州刺史。延熹六年卒。年六十四。贈益州太守。蔡邕與門人議諡曰文忠先生。有集二卷。

與劉伯宗絕交詩

北山有鳴。不潔其翼。飛不正向。寢不定息。飢則木攬。飽則泥伏。饕餮貪汙。臭腐是食。填腸滿嗔。嗜欲無極。長鳴呼鳳。謂鳳無德。鳳之所趣。與子異域。永從此訣。各自努力。○後漢書朱穆傳注引穆集。詩紀三。

後漢靈帝劉宏

宏。章帝玄孫。世封解瀆亭侯。永康元年。桓帝崩。無子。奉迎卽位。改元四。建寧、熹平、光和、中平。在位二十二年。中平六年卒。年三十四。諡曰孝靈皇帝。

招商歌

拾遺記曰。靈帝初平三年。遊於西園。起裸遊館千間。采綠苔而被墻。引渠水以繞砌。周流澄澈。乘船游漾。選玉色宮人執篙楫。又奏招商之曲以來涼風。歌曰。

涼風起今日照渠。青荷晝偃葉夜舒。惟日不足樂有餘。清絲流管歌玉鳧。曲名。千年萬歲嘉難踰。○拾遺記六。古文苑八。太平廣記二百三十六。詩紀三。

酈炎

炎。字文勝。范陽人。靈帝時。州郡辟命。皆不就。後風病。妻始產而驚死。妻家訟之。熹平六年死獄中。年二十八。有集二卷。

詩二首。廣文選作見志詩。詩紀同。

大道夷且長。窘路狹且促。脩翼無卑棲。遠趾不步局。舒吾陵霄羽。奮此千里足。超邁絕塵驅。倏忽誰能逐。賢愚豈常類。稟性在清濁。富貴有人籍。貧賤無人錄。通塞苟由己。志士不相卜。陳平敖里社。韓信釣河曲。終居天下宰。食此萬鍾祿。德音流千載。功名重山嶽。○後漢書酈炎傳。風雅翼遺詩一。廣文選九。詩紀三。又文選二十四於承明作與弟士龍詩注引舒吾凌霄羽一句。

靈芝生河洲。動搖因御覽或作困。或作回。洪波。蘭榮一何晚。類聚作秋蘭榮何晚。御覽同。嚴霜瘁類聚作悴。御覽或作害。其柯。哀哉二御覽或作之。芳草。不植御覽或作殖。太御覽或作泰。廣文選、詩紀同。山阿。文質道所貴。遭時用有嘉。絳灌臨合璧事類作歸。衡宰。謂誼崇浮華。賢才抑不用。遠投荆南沙。抱玉乘龍驥。不逢樂與和。安得孔仲尼。爲世陳四科。○後漢書酈炎傳。風雅翼遺詩一。廣文選九。詩紀三。又類聚八十一、御覽五十六、九百八十三並引波、柯、阿三韵。類聚作蘭詩。○遠案。動搖因洪波句。御覽引因作困。於義爲勝。

桓麟

麟。字元鳳。沛郡龍亢人。辟司徒掾。桓帝初爲議郎。侍講禁中。出爲許令。病免。以母喪哀毀卒。有集二卷。

答客詩

文士傳曰。麟伯父烏。官至太尉。麟年十二。在座。烏告客曰。吾此弟子。知有異才。殊能作詩。客乃作詩曰云云。麟

應聲答曰。

邈矣甘羅。超等絕倫。伊御覽作卓。彼楊烏。命世稱賢。嗟予蠢類聚作蠢。弱。殊才偉御覽作侔。是年。仰慙二子。俯媿過言。○類聚三十一。御覽三百八十五、五百十二。詩紀三。

客示桓麟詩附

甘羅十二。楊烏九齡。昔有二子。今則桓生。參差等蹤。異世齊名。○御覽五百十二。詩紀三。又類聚三十一、御覽三百八十五並引齡、生二韻。

應季先

季先。汝南人。曾爲巴郡太守。

美嚴王思詩

華陽國志曰。巴郡嚴王思爲揚州刺史。惠愛在民。每當遷官。吏民塞路攀轅。詔遂留之。居官十八年卒。百姓若喪考妣。義崇送者。賫錢百萬。欲以贍王思家。其子徐州刺史。不受送吏。義崇不忍持還。乃送以爲食。食行客。巴郡太守汝南應季先善而美之。乃作詩曰。

乘彼西漢。潭潭其淵。君子愷悌。作民二親。沒世遺愛。式鏡後人。○華陽國志巴志。

侯瑾

瑾。字子瑜。敦煌人。桓帝時。徵有道。復徵博士。皆不至。有集二卷。

歌詩

周公爲司馬。白魚人王舟。○書鈔五十一。

述志詩

嫫母升玉堂。○初學記十。

秦嘉

嘉。字士會。隴西人。桓帝時。仕郡。舉上計掾入洛。除黃門郎。病卒于津鄉亭。

述婚詩

羣祥既集。二族詩紀作姓。交歡。敬茲新姻。廣文選作昏。詩紀同。六禮不愆。羔初學記作羊。鴈總備。玉帛菱菱。君子將事。威儀孔閑。詩紀作閒。猗兮容兮。穆矣其言。○初學記十四。章本古文苑八。廣文選十五。詩紀四。

紛彼婚姻。禍福之由。衛女興齊。褒姒滅周。戰戰兢兢。懼德初學記作其。不仇。神啓其吉。果獲令攸。我之愛矣。荷天之休。○同上

贈婦詩

曖曖白日。引曜西傾。啾啾雞雀。羣飛赴楹。皎皎明月。煌煌列星。嚴霜悽愴。飛雪覆庭。寂寂獨居。寥寥空室。飄飄帷詩紀作桂。誤。帳。熒熒華燭。爾不是居。帷帳何玉臺作焉。施。爾不是照。華燭何爲。○玉臺新詠九。詩紀四。

贈婦詩詩紀作留郡贈婦詩。三首

嘉西溪叢話作秦嘉字士會。隴西人也。爲郡上掾西溪叢話云。一作計。其妻徐淑。寢疾還家。不獲面別。贈詩云爾。西溪叢話無爾字。○紀容舒玉臺新詠考異改上掾爲上計。並云。計。宋刻作掾。西溪叢話引此文。注。掾一作計。案漢法。歲終郡國各遣吏上計。鄭玄注周禮歲終則令羣吏致事句。謂若今上計是也。其所遣之吏亦謂之上計。後漢趙壹傳。光和元年。舉郡上計。晉書宣帝紀。建安六年。郡舉上計掾。鍾嶸詩品直題漢上計秦嘉。嘉及其妻往來書亦並稱爲郡詣京師。則作計爲是。宋刻誤也。馮氏詩紀又因漢有上郡。遂倒其文爲上郡掾。更誤中之誤矣。

人生譬朝露。居世多屯蹇。憂艱常早至。歡會文選注作爲樂。常苦晚。念當奉時役。去爾日遙遠。遣車迎子還。空往酌補作去。復空返。省書情悽愴。臨食不能飯。獨坐空房中。誰與相勸勉。長夜不能眠。伏枕獨展轉。憂來如循玉臺作尋。西溪叢話同。環。匪席不可卷。○玉臺新詠一。西溪叢話下。廣文選十。詩紀四。又文選三十擬今日良宴

會詩注引晚一韵作答婦詩。吳棫韵補三引返、卷二韵。○遠案。西溪叢話以此爲徐淑所作。失之不察。

皇西溪叢話作帝。靈無私親。爲善荷天祿。傷我與爾身。少小罹西溪叢話作惟。莞獨。既得結大義。歡樂苦玉臺作若。不足。念當遠離別。思念文選注作面。叙款曲。河廣無舟梁。道近隔丘陸。臨路懷惆悵。中駕正躑躅。浮雲起高山。悲風激深谷。良馬不廻鞍。輕車不轉轂。針藥可屢進。愁思難爲數。貞士篤終始。恩義可不屬。玉臺作不可屬。西溪叢話同。廣文選作不可促。詩紀同。○玉臺新詠一。西溪叢話下。廣文選十。詩紀四。又文選二十五謝靈運酬從弟惠連詩注引一句。○遠案。此詩末句不可屬或不可促。義皆不通。陸士衡君子有所思行。耽毒不可恪。敬齊古今注謂不可乃可不之倒。言不可不慎。此末句殆與同例。言不可不屬也。又思念敘款曲句。選注作思面敘款曲。於義較勝。漢人五言句常有上三下二者。今面字作念。殆後人不知妄改耳。

肅肅僕夫征。鏘鏘揚和鈴。清晨當引邁。束帶待鷄鳴。顧看空室中。髣髴想姿形。一別懷萬恨。起坐爲不寧。何用叙我心。遺文選注作惟。西溪叢話作遣。思致款誠。寶釵好玉臺作可。耀首。明鏡可鑒形。芳香去垢穢。素琴有清聲。詩人感木瓜。乃欲答瑤瓊。愧彼贈我西溪叢話作持贈。厚。慚此往物輕。雖知未足報。貴西溪叢話作良。用叙我情。○玉臺新詠一。西溪叢話下。文選五十五劉孝標廣絕交論注。詩紀四。

答婦詩

哀人易感傷。○文選二十三七哀詩注。

詩

過辭二親墓。振策陟長衢。○文選二十六赴洛道中詩注。

詩

巖石鬱嵯峨。○文選二十六河陽縣詩注。

徐淑

淑。隴西人。黃門郎秦嘉妻。有集一卷。

答秦嘉詩

妾身兮不令。嬰疾兮來歸。沉滯兮家門。歷時兮不差。曠廢兮侍覲。情敬兮有違。君今兮奉命。遠適廣文選
作遞。兮京師。悠悠兮離別。無因兮叙懷。瞻望兮踴躍。伫立兮徘徊。思君兮感結。夢想兮容暉。玉臺作輝。
君發兮引邁。去我兮日乖。恨無兮羽翼。高飛兮相追。長吟兮永歎。淚下兮沾衣。○玉臺新詠一。西溪叢話下。廣
文選十。詩紀四。

仇靖

靖。字漢德。武都下辨人。爲郡從史。

李翕析里橋郿閣頌新詩

碑云。太守漢陽阿陽李君諱翕。字伯都。以建寧三年二月辛巳到官。乃俾衡官掾下辨仇審改解危殆。即便求隱。析里大橋於今乃造。行人夷欣。慕君靡已。乃詠新詩曰。

□□□□申如墳本作曰析里之四字。金石遺文錄作析里之陳。兮水兌之間。高山崔隗兮水流蕩蕩。地既堵確兮與

寇爲隣。□□□□申如墳本作西隴鼎峙兮東。以析分。或失緒業兮至于困貧。危危累卵兮聖朝閔憐。耗艾

究□□申如墳本作分符析壤。兮劣□□□□申如墳本作迺命是君。□□申如墳本作扶危。王念孫謂是扶跋。救傾兮全育□□王念

孫謂是才字。金石遺文錄同。遺。劬勞日稷兮惟惠勤勤。黃邵朱龔申如墳本作拯溺亨屯。兮蓋不□□申如墳本作瘡痍始

起。□□申如墳本作閭閻。充贏兮百姓歡欣。僉曰太平兮文翁復存。○隸釋四。金石遺文錄。王念孫讀書雜誌。

趙壹

壹。字元叔。漢陽西縣人。光和初。舉郡上計。十辟公府。並不就。有集二卷。

秦客詩

壹作疾邪賦託爲此詩。○詩品曰。元叔散憤蘭蕙。指斥囊錢。苦言切句。良亦勤矣。斯人也而有斯疾。悲夫。

河清不可俟。人命不可延。順風激靡草。富貴者稱賢。文籍初學記作史。草堂詩箋作詩書。雖類聚作徒。初學記、白帖同。滿腹。不如一囊錢。伊優初學記作憂。北堂上。抗詩紀作航。麟初學記作葬。倚門邊。初學記作前。又錢、前二韻顛倒。○後漢書趙壹傳。詩紀三。又初學記二十七引前、錢二韻。類聚七十引錢一韻作客秦詩。又白帖二、四、草堂詩箋二十九吾宗詩注並引錢一韻。

魯生歌同上

勢家多所宜。欬吐自成珠。被御覽或作披。褐懷金御覽或作珠。玉。蘭蕙化爲芻。御覽或作葛。賢者雖獨悟。所困在羣愚。且各守爾分。勿復空馳驅。哀哉復哀哉。此是命矣夫。○後漢書趙壹傳。詩紀三。又御覽三百八十七、七百六十七、九百八十三並引珠、芻二韻。

漢詩卷七

後漢少帝劉辯

辯。靈帝長子。養于史道人家。謂之史侯。中平六年四月。卽位。改元平熹。八月改元昭寧。在位六月。董卓廢爲弘農王。

悲歌

後漢書曰。董卓廢帝爲弘農王。使李儒進酖。王不肯飲。強飲之。不得已。乃與妻唐姬飲讌別。酒行。王悲歌云云。

王令唐姬起舞。抗袖而歌云云。王謂姬曰。卿王者妃。勢不復爲吏民妻。自愛。從此長辭。遂飲藥而死。時年十八。

天道易兮我何艱。御覽或作如。棄萬乘兮退守御覽或作居。蕃。御覽或作藩。逆臣見迫兮命不延。逝將去汝御覽或作爾。兮適幽玄。○後漢書何后紀附王美人傳。御覽九十二、百五十。

唐姬起舞歌附

唐姬。潁川人。少帝薨。歸鄉里。守節不嫁。獻帝下詔迎姬。使侍中持節。拜爲弘農王妃。

皇天崩兮后土頽。身爲帝王兮命天摧。死生路文選注作各。異御覽或誤作畢。兮從此乖。奈御覽或作悼。我焚獨兮心中御覽或作中心。哀。○後漢書何后紀附王美人傳。御覽九十二、百五十。又文選二十八挽歌詩注引一句。

蔡邕

邕。字伯喈。陳留圉人。建寧三年。辟司徒喬玄府。出補河平長。召拜郎中。校書東觀。遷議郎。董卓爲司空。徵屬祭酒。補侍御史。遷尚書。尋爲侍中。初平元年。拜左中郎將。封高陽侯。三年。卓誅。坐下獄死。年六十一。有集二十卷。

飲馬長城窟行

詩紀云。文選作古辭。玉臺作蔡邕。蔡集亦載此。

青青河邊類聚作畔。樂府同。六臣本文選作畔。注云。善作邊字。草。綿綿思遠道。遠道不可思。宿類聚作夙。詩紀同。文選作夙。六臣本注云。五臣作宿。昔夢見之。夢見在我草堂詩箋作己在。傍。忽覺在他鄉。他鄉各杜詩補遺注作復。異縣。展轉不可玉臺作相。本集、樂府同。六臣本文選注云。五臣作相。見。枯桑知天風。海水知天寒。入門各自媚。誰肯相爲類聚作與。本集云。抄本作與。言。客從遠方來。遺御覽作贈。我雙鯉魚。呼兒類聚作兒。詩紀同。烹鯉魚。中有尺素書。長跪讀素書。書中李善本文選作上。本集同。竟事類賦作意。本集云。或作意。白帖作素書意。何如。上有白帖作言。加餐食。樂府作飯。下有白帖作言。長相憶。類聚作思。白帖、事類賦同。本集云。抄本作憶。○文選二十七作古辭。玉臺新詠一。類聚四十一作樂府古詩。樂府詩集三十八作古辭。蔡中郎集外集。詩紀三。又白帖十作古詩。引魚、書、如、思四韻。黃氏集千家註杜工部詩史補遺八引一句。草堂詩箋十四夢李詩注作樂府詩。引鄉、憶二韻。御覽九百三十六作古歌辭。引魚、書二韻。事類賦魚注作古詩。引魚、書、如、思四韻。

歌詩紀作琴歌。

邕作釋誨。設爲胡老援琴而歌曰。

練余心兮浸太清。滌穢濁兮存正靈。和液暢兮神氣寧。情志泊兮心亭亭。嗜欲息兮無由生。踔宇宙而遺俗兮眇廣文選作少。誤。翩翩而獨征。○後漢書蔡邕傳。廣文選十四。詩紀三。

答對元式詩本集作答元式詩。廣文選同。

伊余有行。爰戾茲邦。先進博學。同類率從。濟濟羣彥。如雲如龍。君子博文。貽我德音。辭之集矣。穆如清風。○類聚三十一。廣文選十。蔡中郎集外集。詩紀三。

答卜元嗣詩

斌斌碩人。貽我以文。辱此休辭。非余所希。敢不酬答。賦誦以歸。○類聚三十一。詩紀三。

翠鳥詩

庭陬有若榴。類聚作留。綠葉含丹榮。翠鳥時來集。振翼脩形容。類聚作容形。回顧生碧色。動搖揚縹青。幸脫虞人機。得親君子庭。馴心托君素。雌雄保百齡。○蔡中郎集外集。廣文選十五。詩紀三。又類聚九十二引榮、形、青三韻。

初平詩

暮宿河南此二字文選注或單作何。悵望。天陰雨雪滂滂。○文選二十新亭渚別范零陵詩注。又文選二十六酬王晉安詩注引上一句。又文選三十一雜體詩注、文選三十八爲范尚書讓吏部尚書第一表注。各引上句。並作蔡邕詩序。○逯案。選注引此或作詩序。若爾則此非六言詩。乃詩序之殘文。

酸棗令劉熊碑詩

碑云。君諱熊。字孟□。廣陵海西人也。清越孤竹。德牟產奇。誠宜褒顯。昭其憲則。乃相□咨度諏詢。采摭謠言。刊□詩三章。其辭曰。○逯案。嚴可均輯蔡中郎集云。唐王建題此碑云。蒼苔滿字土埋龜。風雨消磨絕妙辭。不向圖經中舊見。無人知是蔡邕碑。蔡。陳留圉人。酸棗屬陳留。蔡爲酸棗令德政碑。容或有之。圖經者。陳留舊志。梁劉昭注補續漢志陳留郡引陳留志十一事。乃魏晉古書。王建或嘗見之。語非鑿空。今依圖經人蔡集。洪景伯詆此碑文有云。七業勃然而興。咸居今而好古。其詩則曰。有父子然後有君臣。文律如此。難以謂之絕妙辭。朱竹垞力辨之。謂詩以三言五言。繼以四言。足以見文律之古云。

清和穆鑠。實惟乾□。惟嶽降靈。篤生我君。服骨叡聖。允鍾厥醇。誕生歧嶷。言協典隸釋缺典字。墳。懿德震耀。孝行通神。動履規繩。文彰彪績。成是正服。以道德民。○隸釋五。嚴可均輯蔡中郎集十五。

有父子然後有君臣。理財正辭。束帛戔戔。□夢刻像。鶴鳴一震。天臨保漢。實生□勳。明試賦授。夷夏已親。嘉錫來撫。潛化如神。其神伊何。靈不傷人。○同上

猗歟明哲。秉道之樞。養□之福。匪德之隅。淵乎其長。渙乎成功。政暇民豫。新我□通。用行則達。以誘我邦。賴茲劉父。用說其蒙。澤零年豐。黔首歌頌。○同上

趙岐

岐。字邠卿。京兆長陵人。初名嘉。字臺卿。順帝時。仕州郡。病廢。永興中。辟司空房植掾。後辟大將軍梁冀府。舉理劇。爲皮氏長。延熹初。以忤宦官逃難四方。後遇赦。辟司徒胡廣府。擢并州刺史。坐黨事免。中平初。徵拜議郎。獻帝西都。復拜議郎。遷太僕。興平初。奉使荊州。建安六年卒。年九十餘。

歌

典略曰。趙岐卒。江陵作歌曰。○案典略說與范書異。

國後漢書、白帖、御覽作漢。書鈔或同。有逸民。後漢書、白帖作人。書鈔、御覽或同。姓趙氏。白帖、御覽作人。書鈔或同。後漢書無氏字。名嘉。書鈔或作岐。誤。有志無時。命也奈何。○書鈔百六。後漢書趙岐傳。白帖七。書鈔百十引謝承後漢書。御覽五百一引後漢書。又御覽五百五十八、七百三十九並引三輔決錄。又文選二十三悼亡詩注引何一韻。○逯案。書鈔百六及文選注皆引典略此歌。今從之。

孔融

融。字文舉。靈帝時。辟司徒楊賜府。中平初。舉高第。爲侍御史。病免。辟司空掾。拜中軍侯。遷虎賁中郎將。獻帝初。以忤董卓左轉議郎。出爲北海相。劉備表爲青州刺史。建安元年。爲袁譚所攻。城陷出奔。徵爲匠作大匠。遷少府。以忤曹操免。復爲太中大夫。與劉楨、王粲、陳琳、阮瑀、徐幹、應瑒爲建安七子。數以書爭曹操。十三年爲操所害。年六十五。有集十卷。

離合作郡姓名字詩

類聚作離合郡姓名詩。

漁父屈節。水潛匿方。離魚字。與岿類聚、石林詩話作時。進止。出行石林詩話作寺。施石林詩話作弛。張。離日字。魚日合成魯。呂公磯類聚作飢。釣。闔古文苑作盍。口渭旁。離口字。九域有聖。無土不王。離或字。口或合成國。好是正直。女回類聚作固。于匡。離子字。海外有截。隼逝鷹揚。當離乙字。恐古文與今文不同。合成孔也。六翮將類聚作不。奮。羽儀未彰。離鬲字。虵詩紀作蛇。龍類聚作龍虵。石林詩話作龍蛇。之蟄。俾也可忘。離蟲字。合成融。玳璇類聚、古文苑作璇。隱曜。美玉韜光。去玉成文。不須合。無名以上二字類聚無。無譽。放言深藏。離與字。按轡安行。誰謂路長。離才字。合成舉。○類聚此下注。魯國孔融文舉六字。○類聚五十六。古文苑四。石林詩話中。詩紀三。○逮案。此詩夾注小字。詩紀本之章樵古文苑注。今仍之。又案截字。漢碑每作𠂔。如杜尚碑𠂔彼海外。是其例。故海外有截。隼逝鷹揚。可以離乙字。此詩之爲漢人作。有此一字。亦足證之。○逮案。詩紀此下有雜詩二首。經證知出李陵集。此略。

臨終詩書鈔作折楊柳行。

言多令事敗。器書鈔作語。漏苦書鈔作坐。不密。河潰蟻孔端。書鈔作從蟻孔。山書鈔作牆。壞由猿書鈔作鄰。穴。涓涓
江漢流。天窗通冥室。讒邪害公正。浮雲翳白日。靡辭無忠誠。華繁竟不實。人有兩三心。安能合爲一。三
人成市虎。浸漬解膠漆。生存多所慮。長寢萬事畢。○古文苑四。詩紀三。書鈔百五十八引密、穴二韻。

六言詩二首

漢家中葉道微。董卓作亂乘衰。僭上虐下專威。萬官惶布莫違。百姓慘慘心悲。○古文苑四。詩紀三。

郭李分爭爲非。遷都長安思歸。瞻望關東可哀。夢想曹公歸來。○同上

從洛到許巍巍。曹公憂一作輔。國無私。減去厨膳甘肥。羣僚率從祁祁。雖得俸祿常飢。念我苦寒心悲。

○同上

詩

後魏書曰。夏侯道遷每詠孔融詩曰。

坐上客御覽作賓。恒滿樽中飲不空。○後魏書七十一夏侯道遷傳。御覽四百九十三。詩紀三。

辛延年

延年。爵里不祥。書鈔作辛延壽。後村詩話作後漢李延年。

羽林郎詩。書鈔作羽林郎歌。樂府無詩字。詩紀同。

昔有霍家姝。後村詩話作奴。廣文選、詩紀同。姓馮名子都。依倚將軍勢。調萬花谷作剛。誤。笑酒家胡。胡姬年十五。春日獨當爐。長裾連理帶。廣袖合歡襦。頭上藍田玉。耳後大秦珠。兩鬟何窈窕。一世良所無。一鬟五百萬。兩鬟千萬餘。不意金吾子。娉婷過書鈔作至。我廬。銀鞍何煜玉臺作昱。文選注作焞。燻。翠蓋空踟蹰。後村詩話作踏。玉臺作峙。嶠。就我求清酒。絲繩提玉壺。就我求珍肴。廣文選作餽。金盤鱠鯉魚。貽我青銅鏡。結我紅羅裾。不惜紅羅裂。何論輕賤軀。男兒愛後婦。女子重前夫。人生有新故。貴賤不相踰。後村詩話作渝。多謝金吾子。私愛徒區區。○玉臺新詠一。樂府詩集六十三。廣文選十二。詩紀四。又書鈔一百四十二引廬、魚二韻。文選十六別賦注引廬一韻。錦繡萬花谷三十五引都、胡、廬三韻。後村詩話一引都、胡、墟、襦、珠、無、廬、鬪、裾、夫、渝、區十二韻。

宋子侯。遠案。續漢志有宋子一地。

董嬌饒詩

詩紀作董嬌嬈。類聚作董嬌饒。初學記作董嬌嬈。樂府、廣文選同。合璧事類作董嬌饒歌。

洛陽城東路。桃李生路傍。類聚作旁。花花自相對。葉葉自相當。春風南玉臺作東。類聚、樂府、廣文選、詩紀同。北

起。花葉正初學記作自。御覽同。低昂。不知誰家子。提籠行採桑。織手折其枝。花落何飄颺。合璧事類作揚。請謝彼姝子。何爲見損傷。高秋八九月。白露變爲霜。終年會飄墮。安得久馨香。秋時自零落。春月復廣文選作自。芬芳。何如玉臺作時。樂府、廣文選、詩紀同。盛年去。歡愛類聚作歡如。合璧事類作驪如。永相忘。吾欲竟此曲。此曲愁人腸。歸來酌美酒。挾瑟類聚、合璧事類作琴。上高堂。○玉臺新詠一。類聚八十八。樂府詩集七十三。廣文選十三。詩紀四。又初學記二十八引傍、當、昂三韻。御覽九百六十七引傍、當、昂三韻。合璧事類別集五十一引傍、桑、揚、霜、香、忘、腸、堂八韻。

蔡琰

琰。字文姬。伯喈女。適河東衛仲道。夫亡無子。歸寧于家。興平中。大亂。琰爲胡騎所獲。沒於南匈奴左賢王。在胡十二年。生二子。後爲曹操贖歸。重嫁陳留董祀。

悲憤詩

後漢書曰。琰歸董祀後。感傷亂離。追懷悲憤。作詩二章。

漢季失權柄。董卓亂天常。志欲圖篡弑。先害諸賢良。逼迫遷舊邦。擁主以自彊。廣文選作疆。誤。海內興義師。欲共討不祥。卓衆來東下。金甲耀日光。平土人脆弱。來兵皆胡羌。獵野圍城邑。所向悉破亡。斬截廣文選作殲。無孑遺。尸骸相撐廣文選作穿。誤。拒。馬邊縣男頭。馬後載婦女。長驅西人關。迥路險且阻。還顧邈冥冥。肝脾爲爛腐。所畧有萬計。不得令屯聚。或有骨肉俱。欲言不敢語。失意幾後漢書作機。微聞。輒言後漢

書作此。斃降虜。要當以享刃。我曹不活汝。豈復惜性命。不堪其詈罵。或便加棰杖。毒痛參并下。旦則號泣行。夜則悲吟坐。欲死不能得。欲生無一可。彼蒼者何辜。乃遭此厄禍。邊荒御覽作亭。與華異。人俗少義理。處所多霜雪。胡風春夏御覽作夕。起。翩翩吹我衣。肅肅入我耳。感時念父母。哀歎無窮已。有客從外來。聞之常歡喜。迎問其消息。輒復非鄉里。邂逅徼時願。骨肉來迎己。己得自解免。當復棄兒子。天屬綴人心。念別無會期。存亡永乖隔。不忍與之辭。兒前抱我頸。問母後漢書作我。欲何之。人言母當去。豈復有還時。阿母常仁惻。念何更不慈。我尚未成人。柰何不顧思。見此崩五內。恍惚生狂癡。號泣手撫摩。當發復回疑。兼有同時輩。相送告離別。慕我獨得歸。哀叫聲摧裂。馬爲立踟躕。車爲不轉轍。觀者皆歔歔。行路亦嗚咽。去去割情戀。遙征日遐邁。悠悠三千里。何時復交會。念我出腹子。胸臆爲摧敗。既至家人盡。又復無中外。城郭韻補作郭城。爲山林。庭宇生荆艾。白骨不知誰。從橫莫覆蓋。出門無人聲。豺狼號且吠。粲粲對孤景。文選注作影。恒咤糜肝肺。登高遠眺望。魂神忽飛逝。奄若壽命盡。旁人相寬大。爲復彊視息。雖生何聊賴。託命於新人。竭心自勗厲。流離成鄙賤。常恐復捐廣文選作損。廢。人生幾何時。懷憂終年歲。

○後漢書蔡琰傳。廣文選九。詩紀四。又文選三十石門新營所住詩注引肺一韻。御覽八百引兩句。韻補四引外、艾二韻。

嗟薄祐兮遭世患。宗族殄兮門戶單。身執略兮入西關。歷險阻兮之羌蠻。山谷眇兮路漫漫。後漢書作曼曼。眷東顧兮但悲歎。冥當寢兮不能安。饑文選注作飢。當食兮不能餐。常流涕兮皆不乾。薄志節兮念死難。雖苟活兮無形顏。惟彼方兮遠陽精。陰氣凝兮雪夏零。沙漠壅兮塵冥冥。有草木兮春不榮。人似獸兮食臭腥。言兜離兮狀窈停。歲聿暮兮時邁征。夜悠長兮禁門扃。不能寢兮起屏營。登胡殿兮臨廣庭。玄雲合兮

翳月星。詩紀作腥。北風厲兮肅泠泠。胡笳動兮邊馬鳴。孤雁歸兮聲嚶嚶。樂人與兮彈琴箏。音相和兮悲且清。心吐思兮胸憤盈。欲舒氣兮恐彼驚。含哀咽兮涕沾頸。家既迎兮當歸寧。臨長路兮捐所生。兒呼母兮啼失聲。我掩耳兮不忍聽。追持我兮走兢兢。頓復起兮毀顏形。還顧之兮破人情。心怛絕兮死復生。○後漢書蔡琰傳。詩紀四。又書鈔百十一、類聚四十四引鳴、嚶二韻。俱云出蔡琰別傳。文選二十六赴洛詩注引一句。御覽四百八十八引寧、聲、聽三韻。謂出蔡琰別傳。

詩

長笛聲奏苦。○草堂詩箋十五秋笛詩注。

附

胡笳十八拍

盛唐以後。率謂胡笳十八拍爲蔡琰作。實則無論曲辭均是後人假託。證據有五。一。隋唐類書引蔡琰別傳云。琰爲胡騎所獲。在右賢王部伍中。春日登胡殿。感笳之音。作詩言志曰。胡笳動兮邊馬鳴。孤雁歸兮聲嚶嚶。可見感笳作詩。卽所賦悲憤詩。其時尚無胡笳十八拍。二。宋書樂志箏下云。胡笳。漢舊箏笛錄有其曲。不記所出本末。知劉宋以前。胡笳曲尚譜之於琴。今言笳一會兮琴一拍。亦不合。三。十八拍言戎羯逼我兮爲室家。據韻會。晉匈奴別部人居羯室之後。因號爲羯。匈奴別部稱羯既始於晉。蔡琰漢人。自無由言戎羯。四。漢魏騷體詩、七言詩皆句句用韻。今十八拍間句押韻。體裁與漢不侔。五。十八拍押韻。已嚴守唐人官韻規範。今姑從詩紀。附此備查。

我生之初尚無爲。我生之後漢祚衰。天不仁兮降亂離。地不仁兮使我逢此時。干戈日尋兮道路危。民卒流亡兮共哀悲。煙塵蔽野兮胡虜盛。志意乖兮節義虧。對殊俗兮非我宜。遭惡辱兮當告誰。笳一會兮琴一拍。心憤怨兮無人知。

戎羯逼我兮爲室家。將我行兮向天涯。雲山萬里兮歸路遐。疾風千里兮揚塵沙。人多暴猛兮如虺蛇。控弦被甲兮爲驕奢。兩拍張絃兮絃欲絕。志摧心折兮自悲嗟。

越漢國兮入胡城。亡家失身兮不如無生。氊裘爲裳兮骨肉震驚。羯羶爲味兮枉遏我情。鞞鼓喧兮從夜達明。胡風浩浩兮暗塞營。傷今感昔兮三拍成。銜悲畜恨兮何時平。

無日無夜兮不思我鄉土。稟氣含生兮莫過我最苦。天災國亂兮人無主。唯我薄命兮沒戎虜。殊俗心異兮身難處。嗜欲不同兮誰可與語。尋思涉歷兮多艱阻。四拍成兮益悽楚。

雁南征兮欲寄邊聲。雁北歸兮爲得漢音。雁飛高兮邈難尋。空斷腸兮思愔愔。攢眉向月兮撫雅琴。五拍泠泠兮意彌深。

冰霜凜凜兮身苦寒。飢對肉酪兮不能餐。夜聞隴水兮聲嗚咽。朝見長城兮路杳漫。追思往日兮行李難。六拍悲兮欲罷彈。

日暮風悲兮邊聲四起。不知愁心兮說向誰是。原野蕭條兮烽戍萬里。俗賤老弱兮少壯爲美。逐有水草兮安家葺壘。牛羊滿野兮聚如蜂蟻。草盡水竭兮羊馬皆徙。七拍流恨兮惡居於此。

爲天有眼兮何不見我獨漂流。爲神有靈兮何事處我天南海北頭。我不負天兮何配我殊匹。我不負神兮

神何殛我越荒州。製茲八拍兮擬俳優。何知曲成兮心轉愁。

天無涯兮地無邊。我心愁兮亦復然。生倏忽兮如白駒之過隙。然不得歡樂兮當我之盛年。怨兮欲問天。天蒼蒼兮上無緣。舉頭仰望兮空雲煙。九拍懷情兮誰與傳。

城頭烽火不曾滅。疆場征戰何時歇。殺氣朝朝衝塞門。胡風夜夜吹邊月。故鄉隔兮音塵絕。哭無聲兮氣將咽。一生辛苦兮緣離別。十拍悲深兮淚成血。

我非貪生而惡死。不能捐身兮心有以。生仍冀得兮歸桑梓。死當埋骨兮長已矣。日居月諸兮一作日月居諸。今在戎壘。胡人寵我兮有二子。鞠之育之兮不羞恥。愍之念之兮生長邊鄙。十有一拍兮因茲起。哀響纏綿兮徹心髓。

東風應律兮暖氣多。知是漢家天子兮布陽和。羌胡蹈舞兮共謳歌。兩國交歡兮罷兵戈。忽遇漢使兮稱近詔。遣千金兮贖妾身。喜得生還兮逢聖君。嗟別稚子兮會無因。十有二拍兮哀樂均。去住兩情兮難具陳。

不謂殘生兮却得旋歸。撫抱胡兒兮泣下沾衣。漢使迎我兮四牡駢駢。號失聲兮誰得知。與我生死兮逢此時。愁爲子兮日無光輝。焉得羽翼兮將汝歸。一步一遠兮足難移。魂消影絕兮恩愛遺。十有三拍兮絃急調悲。肝腸攪刺兮人莫我知。

身歸國兮兒莫之隨。心懸懸兮長如飢。四時萬物兮有盛衰。唯我愁苦兮不暫移。山高地闊兮見汝無期。更深夜闌兮夢汝來斯。夢中執手兮一喜一悲。覺後痛吾心兮無休歇時。十有四拍兮涕淚交垂。河水東流

兮心是思。

十五拍兮節調促。氣填胸兮誰識曲。處穹廬兮偶殊俗。願得歸兮天從欲。再還漢國兮歡心足。心有懷兮愁轉深。日月無私兮曾不照臨。子母分離兮意難任。同天隔越兮如商參。生死不相知兮何處尋。

十六拍兮思茫茫。我與兒兮各一方。日東月西兮徒相望。不得相隨兮空斷腸。對萱草兮憂不忘。彈鳴琴兮情何傷。今別子兮歸故鄉。舊怨平兮新怨長。泣血仰頭兮訴蒼蒼。胡爲生兮獨罹此殃。

十七拍兮心鼻酸。關山阻修兮行路難。去時懷土兮心無緒。來時別兒兮思漫漫。塞上黃蒿兮枝枯葉乾。沙場白骨兮刀痕箭瘢。風霜凜凜兮春夏寒。人馬飢餓兮筋力單。豈知重得兮人長安。歎息欲絕兮淚闌干。

胡笳本自出胡中。緣琴翻出音律同。十八拍兮曲雖終。響有餘兮思無窮。是知絲竹微妙兮均造化之功。哀樂各隨人心兮有變則通。胡與漢兮異域殊風。天與地隔兮子西母東。苦我怨氣兮浩於長空。六合雖廣兮受之應不容。○詩紀四。

仲長統

統。字公理。山陽高平人。建安中。荀彧舉爲尚書郎。尋參丞相軍事。延康元年卒。年四十一。

見志詩二首。廣文選作述志詩。詩紀同。

飛鳥遺跡。蟬蛻亡殼。騰蛇棄鱗。神龍喪角。至人能變。達士拔俗。乘雲無轡。騁風無足。垂露成幃。張霄成幄。沉澹當餐。九陽代燭。恒星豔珠。朝霞潤玉。六合之內。恣心所欲。人事可遺。何爲局促。○後漢書仲長統傳。廣文選八。詩紀三。又吳械韻補五引殼、角、俗三韻作見志詩。

大道雖夷。見幾者寡。任意無非。適物無可。古來繞繞。廣文選作繚繞。詩紀同。委曲如瓊。百慮何爲。至要文選注作安。在我。寄愁天上。埋憂地下。叛散五經。滅棄風雅。百家雜碎。請用從火。韻補作大。抗志山西。韻補作棲。廣文選、詩紀同。游心海左。元氣爲舟。微風爲柁。敖廣文選作期。詩紀同。翔太清。縱意容冶。○後漢書仲長統傳。廣文選八。詩紀三。又文選二十六酬王晉安詩注。文選三十一雜體詩注。各引在一韻。吳械韻補三。引大、左二韻。○遠案。選注三十一引作百慮何爲至安在我延佇。衍延佇二字。遂若五言詩者。楊目爲另列一題。非是。又至要在我句。選注兩引。要皆作安。安字較勝。又吳械引請用從火句。誤火爲大。以論漢韻。失之。

詩

春雲爲馬。秋風爲駟。按之不遲。勞之不疾。○初學記一。

漢詩卷八

雜歌謠辭

歌辭

漁陽民爲張堪歌

後漢書曰。張堪。光武時爲漁陽太守。捕擊姦猾。賞罰必信。吏民皆樂爲用。乃於狐奴開稻田八千餘頃。勸民耕種。以致殷富。百姓歌之。

桑無附枝。麥穗書鈔作秀。類聚、御覽或作秀。兩歧。張君爲政。樂不可支。類聚或作期。或作爲。鳴沙石室古籍作思。○後漢書張堪傳。水經注沽水注。書鈔七十六引華嶠後漢書。類聚十九、五十、八十五引東觀漢記。初學記二十七。白帖二十一。文選三十六策秀才文注。鳴沙石室古籍叢殘。御覽二百六十、四百六十五、八百三十八、九百五十五引謝承後漢書。樂府詩集八十五作張君歌。文選補遺三十五作漁陽民歌。詩紀八作張君歌。

臨淮吏人爲宋暉歌

後漢書曰。暉字文季。建武中。再遷臨淮太守。好節概。有所拔用。皆厲行士。諸報怨以義犯。率皆爲求其理。多得生濟。其不義之囚。卽時僵仆。吏人畏愛。爲之歌曰。

疆御覽作強。直自遂。南陽朱季。吏畏其威。民後漢書作人。懷其惠。○後漢書朱暉傳。御覽二百六十、四百二十七、四百六十五俱引東觀漢記。樂府詩集八十五作朱暉歌。文選補遺三十五作臨淮民歌。詩紀八作朱暉歌。

涼州民爲樊曄歌

詩紀從樂府詩集作涼州歌。注。一作樊曄歌。

後漢書曰。曄。光武時爲天水太守。政嚴猛。好申、韓法。善惡立斷。人有犯其禁者。率不生出獄。吏人及羌胡畏之。道不拾遺。涼州爲之歌。

遊子常苦貧。力子天所富。寧見乳虎穴。不人冀書鈔作州。府顏氏家訓作曄城。御覽作冀城。寺。大笑期必死。忿怒或見置。嗟我樊府君。安可再遭值。書鈔作植。誤。○後漢書樊曄傳。樂府八十五。文選補遺三十五作涼州歌。詩紀八。又顏氏家訓書證篇引寺一韵。書鈔七十引東觀漢記引府、置、植三韵。御覽二百六十二引東觀漢記引富、寺、值三韵。

董少平歌

後漢書曰。董宣字少平。光武時爲洛陽令。捕擊豪強。莫不震慄。京師號爲卧虎。歌之云。

枹鼓不鳴董少平。○後漢書董宣傳。白帖十二。樂府詩集八十五。詩紀八作董宣歌。

郭喬卿歌

後漢書曰。郭賀。字喬卿。建武中爲尚書令。在職六年。拜荊州刺史。到官有殊政。百姓歌之。

厥德仁明郭喬卿。中渚官舊事作忠。類聚、御覽同。正朝廷上下一作天下。平。○後漢書蔡茂傳。渚官舊事四。類聚十九引謝

承後漢書。御覽二百十、四百六十五。樂府詩集八十五。詩紀八。

蜀中爲費貽歌

華陽國志曰。費貽。字奉君。南安人也。公孫述時。漆身爲厲。佯狂避世。述破。爲合浦守。蜀中歌之曰。節義至仁費奉君。不仕亂世。不避惡君。○華陽國志隸爲士女贊。

鮑司隸歌

列異傳曰。鮑宣。宣子永。永子昱。三世皆爲司隸。而乘一驄馬。京師人歌之。

鮑氏驄。三人御覽作人。是也。司隸再人公。馬雖瘦。御覽或作疲。行步御覽或作步轉。工。書鈔作通。○書鈔六十一引列異記。御覽二百五十引列異傳、八百九十七引列異記。樂府詩集八十五。詩紀八。

通博南歌 一作行者歌。

後漢書西南夷傳曰。永平十二年。哀牢王柳貌遣子率種人內屬。顯宗以其地置哀牢、博南二縣。割益州郡西部都尉所領六縣合爲永昌郡。始通博南山。度蘭倉水。行者苦之。歌曰。

漢德廣。開不賓。度博南。越蘭水。水經注作倉。御覽或作倉。津。度御覽或作一渡。蘭倉。漢書注作滄。華陽國志同。爲他後漢書作它。水經注作作。人。○後漢書西南夷傳。華陽國志南中志。水經注若水注。御覽五十九、七百八十六。詩紀八。

蜀郡民爲廉范歌

詩後漢書曰。廉范。字叔度。建中初爲蜀郡太守。成都民物阜盛。邑宇偪側。舊制禁民夜作。以防火災。而更相隱蔽。燒者日屬。范乃毀削前令。但嚴使儲水而已。百姓爲便。乃歌之。

廉叔度。來何暮。不禁火。民白帖、御覽或作人。安韵補作夜。作。書鈔、類聚作堵。白帖、御覽或作堵。平生類聚、白帖、御覽或作昔日。無襦今御覽今下或有有字。五袴。一作昔無襦。今有袴。袴。後漢書作袴。華陽國志作來時我單衣。去時重五袴。類聚、白帖或作昔無襦。今有袴。或作昔無一襦。今有五袴。○後漢書廉范傳。書鈔百二十九。類聚十九、五十。白帖四、十二、二十一。御覽四百六十五、六百九十五、八百六十八。樂府詩集八十五作廉叔度歌。文選補遺三十五作蜀民歌。詩紀八作廉范歌。又華陽國志蜀志及類聚六十七引暮、袴二韵。白帖二十四引堵、袴二韵。韵補引暮、作二韵。

蒼梧人爲陳臨歌

謝承後漢書曰。陳臨。字子然。爲蒼梧太守。人遺腹子報父怨。捕得繫獄。傷其無子。令其妻入獄。遂產得男。人歌曰。

蒼梧陳君恩廣大。令死罪囚有後代。德參古賢天報施。○御覽四百六十五引謝承後漢書。詩紀八作陳臨歌。

又

蒼梧府君惠及死。能令死人不絕嗣。○輿地紀勝一百八。詩紀八。

鄉人爲秦護歌

謝承後漢書曰。秦護清廉。不受禮賂。家貧。衣服單露。鄉人歌之曰。

冬無袴。有秦護。○御覽六百九十五引謝承後漢書。

魏郡輿人歌

後漢書曰。岑熙爲魏郡太守。招聘隱逸。與參政事。無爲而化。視事二年。輿人歌之。

我有枳棘。岑君伐之。我有蝨書。鈔作畔。御覽或作蚌。賊。御覽或作蟹。岑君退書鈔作化。之。狗吠書鈔作犬。御覽或作吠。狗。不驚。足下生鷺。書鈔誤作釐。含脯鼓腹。焉知凶災。我喜類聚作嘉。御覽同。我生。獨于書鈔誤作於。斯時。美矣。類聚作哉。岑君。於戲休類聚作在。御覽或作在。或作如。茲。○後漢書岑彭傳。類聚十九引謝承後漢書。御覽二百六十引華嶠後漢書。御覽四百六十五引謝承後漢書。樂府詩集八十五作岑君歌。文選補遺三十五。詩紀八。又書鈔七十六引之。之。釐三韻。三十五引狗吠不驚獨於斯時二句。○遠案。此歌非庶民作。

范史雲歌

後漢書曰。范冉。字史雲。桓帝時爲萊蕪長。遭母喪不到官。後遁身於梁、沛之間。徒行敝服。賣卜於市。遭黨人禁錮。遂推鹿車載妻子。捃拾自資。所止卑漏。有時絕粒。窮居自若。言貌無改。閭里歌之。冉或作丹。

甑中生塵范史雲。釜中御覽或作裏。生魚范萊蕪。○後漢書本傳。類聚三十五引續漢書。初學記十八引續漢書。白帖二十一。

御覽四百二十五引袁山松後漢書、四百六十五引東觀漢記、四百八十四引續漢書。樂府詩集八十五。詩紀八。又御覽三十七引謝承後漢書引雲一韵。

順陽吏民爲劉陶歌

後漢書曰。劉陶。字子奇。潁川潁陰人。濟北貞王勃之後。桓帝時。舉孝廉。除順陽長。縣多姦猾。陶到官宜募吏民。有氣力勇猛能以死易生者。得數百人。皆嚴兵待命。於是覆案姦軌。所按發若神。以病免。吏民思而歌之。

悒後漢書作邑。御覽、樂府詩集、文選補遺並同。然不樂。思我劉君。何時復來。安此下民。白帖作人。○後漢書本傳。水經注淮水注作童謡歌。類聚十九、五十。白帖十二、四十。御覽二百六十七、四百六十五。樂府詩集八十五及詩紀八作劉君歌。文選補遺三十五作順陽民歌。遠案。類聚引謝承後漢書、御覽引後漢書。劉陶作劉駒駘或劉陶駘。又順陽。謝承後漢書作攢陽。稍不同。

董逃歌詩紀云。一作靈帝中平中京都歌。

後漢書曰。按董謂董卓也。言雖跋扈。終歸逃竄。至於滅族也。風俗通曰。卓以董逃之歌主爲己。禁絕之。楊孚董卓傳曰。卓改董逃爲董安。

承樂世董逃。遊四郭董逃。蒙天恩董逃。帶金紫董逃。行謝恩董逃。整車騎董逃。垂欲發董逃。與中辭董逃。出西門董逃。瞻宮殿董逃。望京城董逃。日夜絕董逃。心摧傷董逃。摧後漢書作推。○後漢書五行志。詩紀八。

交阯兵民爲賈琮歌

後漢書曰。中平元年。交阯屯兵執刺史及合浦太守。靈帝敕三府精選能吏。有司舉賈琮爲交州刺史。琮到部。訊其反狀。咸言賦斂過重。民不聊生。故聚爲盜。琮卽移書告示。各使安其資業。招撫荒散。蠲復徭役。誅斬渠帥爲大害者。簡選良吏試守諸縣。百姓以安。巷路爲之歌曰。

賈父來晚。使我先反。今見清平。吏不敢飯。○後漢書本傳。類聚五十引謝承後漢書。御覽二百五十六。又四百六十五引司馬彪續漢書。樂府詩集八十五及詩紀八作賈父歌。文選補遺三十五作交阯民歌。

皇甫嵩歌

後漢書曰。皇甫嵩。字義真。靈帝時。黃巾作亂。以嵩爲左中郎將。討賊數有功。拜左車騎將軍。領冀州牧。嵩請冀州一年田租以贍饑民。百姓歌曰。

天下大御覽或無大字。亂兮市爲墟。母不保子御覽或誤予。今類聚或無此兮字。妻失夫。賴得御覽或作有。皇甫兮類聚或無兮字。復安類聚、御覽或作汝。居。○後漢書本傳。類聚十九、五十。御覽二百五十、四百六十五。樂府詩集八十五。文選補遺三十五作百姓歌。詩紀八。○逯案。此歌末句。類聚、御覽所引謝承書均作復汝居。與續漢書、後漢書不同。汝字甚關重要。曰復汝居。則統治者口吻也。皇甫嵩乃鎮壓黃巾軍者。其免租乃一時權宜。未必有實惠於民。謝書作汝居者。近真。

洛陽人爲祝良歌

長沙耆舊傳曰。祝良。字召卿。爲洛陽令。歲時亢旱。天子祈雨不得。良乃暴身階庭。告誠引罪。自晨至申。紫雲杳起。甘雨登降。人爲之歌。

天久不雨。烝民水經注、樂府詩集作人。詩紀同。失所。天王自出。祝令特書鈔作時。苦。精符感應。滂沱而下。水經注、樂府詩集作下雨。詩紀同。○水經注洛水注。書鈔九十。御覽五百二十九。樂府詩集八十五及詩紀八作洛陽令歌。

巴人歌陳紀山

華陽國志曰。巴郡陳紀山。爲漢司隸校尉。嚴明正直。西虜獻眩。王庭試之。分公卿以爲嬉。紀山獨不視。京師稱之。巴人歌曰。

築室載直梁。國人以貞真。邪娛不揚目。狂行不動身。奸軌僻乎遠。理義協乎民。○華陽國志巴志。

汲縣長老爲崔瑗歌

崔氏家傳曰。崔瑗爲汲令。開溝造稻田。瀉鹵之地更爲沃壤。民賴其利。長老歌之。

上天降神明。御覽或作天降神明君。錫我仁慈。御覽或作慈仁。父。臨民御覽或作人。布德澤。恩惠施以序。穿溝廣溉灌。決渠作甘雨。○御覽二百六十八引崔氏家傳、四百六十五引崔鴻崔氏家傳。詩紀八作崔瑗歌。

崔君歌

略出簾金曰。漢書崔君爲令。有德化百姓百業。公私不廢。歌曰。

譚治小序兮稼穡分。天賜我兮此崔君。○鳴沙石室古籍叢殘略出簾金縣令子男之篇第二十四小序條。○遠案。此崔君失其名字。姑附於此。又譚當作課。

彭子陽歌

謝承後漢書曰。彭循。字子陽。太守秘君聞循義勇多謀。請循以守吳令。民歌之。又吳錄曰。彭循。字子陽。毗陵人。建國二年。海賊丁儀等萬人據吳。太守秘君聞循勇謀。請以守令。循與儀相見。陳說利害。應時散降。民歌之曰。時歲倉卒。盜賊縱橫。大戟強弩不可當。賴遇賢令彭子陽。○書鈔三十九。御覽三百五十二、四百六十五。○遼案。後漢無建國紀元者。國字誤。

王世容歌

吳錄曰。王鐔。字世容。爲武城令。民服德化。宿惡奔迸。父老歌之。鐔。藝文類聚作譚。武城。類聚作成武。

王世容。治樂府作政。詩紀同。無雙。省徭役。盜賊空。○藝文類聚十九。御覽四百六十五。樂府詩集八十五。詩紀二十。遼案。此歌詩紀編入吳詩。蓋以其出於吳錄也。然武城或成武皆漢之舊縣。其地皆不在孫吳轄區。作吳地歌謠甚非。今編於此。

巴郡人爲吳資歌

華陽國志曰。太山吳資。字元約。孝順帝永建中爲巴郡太守。屢獲豐年。人歌之曰云云。其後資遷去。人思之。又歌云云。

習習晨風動。澍雨潤禾御覽作乎。苗。我后恤時務。我人御覽或作民。以優饒。○華陽國志巴志。御覽二百六十二、四百六十五。詩紀八作吳資歌。

又歌

望遠忽不見。惆悵當書鈔作常。是。徘徊。恩澤實難忘。悠悠心永懷。○華陽國志巴志。書鈔七十六。御覽二百六十二。詩紀八。

六縣吏人爲爰珍歌

詩紀作爰珍歌。

陳留耆舊傳曰。爰珍除六令。吏人訟息。教誨其子弟。歌之曰。

我有田疇。爰父殖置。我有子弟。爰父教誨。御覽四百六十五。詩紀八作爰珍歌。

謠辭

後漢時蜀中童謠

後漢書曰。世祖建武六年。蜀中童謠。是時公孫述僭號於蜀。時人竊言王莽稱黃。述欲繼之。故稱曰。五銖。漢家貨。明當復也。述遂誅滅。

黃牛白腹。五銖當復。○後漢書五行志。又公孫述傳。華陽國志公孫述劉二牧志。御覽四百六十五、八百三十五。樂府詩集八十八。文選補遺三十五作蜀童謠。詩紀八。

會稽童謠

後漢書曰。張霸永元中爲會稽太守。時賊未解。郡界不寧。乃移書開購。明用信賞。賊遂束手歸附。不煩士卒之力。童謠歌曰。

棄我御覽或作若。戟。捐我御覽或作若。矛。盜賊盡。吏皆休。○後漢書張霸傳。類聚十九。御覽三百五十二。又四百六十五引續漢書。樂府詩集八十七。詩紀八。○遼案。御覽引陳壽益都耆舊傳兩我字皆作若。於義較勝。

同前

益都耆舊傳曰。張霸爲會稽太守。舉賢士勸教講授。一郡慕化。但聞誦聲。又野無遺寇。民語曰云云。又東觀漢記曰。張霸。字伯饒。蜀郡成都人。年數歲。有所嗽。必先讓父母。鄉里號曰張曾子。後作會稽太守。兒童歌曰。

城上烏鳴御覽無鳴字。哺父母。府中諸吏皆孝友。御覽作子。○御覽二百六十二引益都耆舊傳、四百十二引東觀漢記。詩紀八。

河內謠

東觀漢記曰。王渙除河內溫令。商賈露宿。人閉門卧。人爲作謠曰。

王稚子。世御覽作代。未有。平徭役。百姓喜。○華陽國志廣漢士女傳。御覽四百六十五。詩紀八。遼案。此王渙即雁門太守行稱頌之洛陽令王君。

順帝末京都童謠

後漢書五行志曰。太尉李固以爲清河王雅性聰明。敦詩悅禮。加又屬親。立長則順。而梁冀建白太后。策免固。徵

蠡吾侯。遂卽至尊。固是日幽斃于獄。暴屍道路。而太尉胡廣封安樂鄉侯、司徒趙戒厨亭侯、司空袁湯安國亭侯。京都童謡云。

直如弦。死道邊。曲和鈎。反御覽或作乃。封侯。○後漢書五行志。意林四。後漢書桓帝紀注。文選三十一袁陽源詩注。御覽四百二十八引李固別傳、七百六十七引風俗通。樂府詩集八十八。文選補遺三十五。詩紀八。

蜀郡童謡

謝承後漢書曰。黃昌爲蜀郡太守。未至蜀郡。時有童謡曰。

兩日出。天兵戢。兵戢二字。書鈔只作兮字。○書鈔七十六。

益都民爲王饨謡

益都耆舊傳曰。王饨。字少林。詣京師。於客邸見諸生病甚困。生謂饨曰。腰下有金十斤。願以相與。乞收藏尸骸。未問姓名。呼吸因絕。饨賣金一斤。以給棺絮。九斤置生腰下。後署大度亭長到亭日。有馬一匹至亭中。大風。有一綉被隨風來。後饨騎馬。突入它舍。主人見曰。得真盜矣。饨說得狀。又取被示之。彦父悵然曰。被馬俱止。卿有何陰德。饨具說葬諸生事。彦父曰。此吾子也。姓金名彦。遣迎彦喪。餘金俱存。民謡之曰。

信哉少林世爲當作無。遇。還魂記作偶。飛被走馬與鬼語。○還魂記。御覽四百六十五。

恒農童謡

陳留耆舊傳曰。吳佑爲恒農令。勸善懲姦。貪濁出境。甘露降。年穀豐。童謠曰。君不我憂。人何以休。不行界署。焉知人處。○廣博物志。御覽四百六十五。○逮案。恒農或弘農之訛。明本御覽恒作宏是也。

桓帝初天下童謠

後漢書曰。桓帝之初。天下童謠。案元嘉中。涼州諸羌。一時俱反。南人蜀、漢。東抄三輔。延及并、冀。大爲民害。命將出衆。每戰常負。中國益發甲卒。麥多委棄。但有婦女穫刈之也。吏買馬。君具車者。言調發重及有秩者也。請爲諸君鼓隴胡者。不敢公言。私咽語。

小玉臺作大。麥青青大玉臺作小。麥枯。誰當穫者婦與姑。丈夫後漢書作人。何在西擊胡。吏買馬。君具車。請爲諸君鼓隴胡。○後漢書五行志。玉臺新詠九作桓帝時童謠歌。樂府詩集八十八及詩紀八作桓帝初小麥童謠。文選補遺三十五作小麥謠。

桓帝初城上烏童謠

後漢書曰。桓帝之初。京師童謠。按此皆爲政貪也。城上烏。尾畢逋者。處高利獨食。不與下共。謂人主多聚斂也。公爲吏。子爲徒者。言父既爲軍吏。其子又爲卒徒。一徒死。百乘車者。言前一人往討胡既死矣。後又遣百乘車往。車班班。人河間者。言桓帝將崩。乘輿班班入河間迎靈帝也。河間姪女工數錢。以錢爲室金爲堂者。靈帝既立。其母永樂太后好聚金以爲堂也。石上慊慊春黃梁者。言永樂唯積金錢。慊慊常苦不足。使人春黃梁而食之也。梁下有懸鼓。我欲擊之丞卿怒者。言永樂主教靈帝。使賣官受錢。所祿非其人。天下忠篤之士怨望。欲擊懸鼓以求

見。丞卿主鼓者。亦復諂順。怒而止我也。

城上烏。尾畢逋。初學記此下有一年生九雛五字。白帖、御覽或同。可據補。公爲吏。子玉臺作兒。類聚、初學記、白帖同。爲徒。一徒死。百乘車。車班班。人玉臺作至。河間。河間姪靈帝紀作妣。玉臺作婉。誤。女工玉臺作能。類聚同。數錢。以玉臺無以字。錢以錢二字。類聚只作銀字。爲室金爲堂。石玉臺作戶。類聚同。上慊慊類聚作膾膾。春黃梁。上五字玉臺作春膾梁膾。梁玉臺梁下有之字。下有懸類聚無懸字。鼓。我欲擊之丞卿玉臺作相。類聚、文選補遺同。御覽或作丞相卿。怒。○後漢書五行志。玉臺新詠九。後漢書靈帝紀注。類聚四十三作後漢桓帝時童謠。御覽八百四十二。樂府詩集八十八。文選補遺三十五作城上烏謠。詩紀八作城上烏童謠。又初學記三十及御覽九百二十引烏、逋、雛、徒、車五韻。白帖二十九引烏、雛、徒三韻。

桓帝時京都童謠

後漢書曰。延熹末。鄧皇后以譴自殺。乃以竇貴人代之。其父名武字游平。拜城門校尉。及太后攝政。爲大將軍。與太傅陳蕃合心勳力。惟德是建。印綬所加。咸得其人。豪賢大姓。皆絕望矣。

游平賣印自有平。竇武傳注作評。不辟竇武傳注作避。豪賢及大姓。○後漢書五行志。後漢書竇武傳注。樂府詩集八十八及詩紀八作桓帝初京都童謠。文選補遺三十五作賣印童謠。

桓帝末京都童謠

後漢書曰。桓帝之末。京都童謠。按解犢亭屬饒陽河間縣也。居無幾何而桓帝崩。使者與解犢侯皆白蓋車從河間來。延延。衆貌也。是時御史劉儵建議立靈帝。以儵爲侍中。中常侍侯覽畏其親近。必當問己。白拜儵泰山太守。因

令司隸迫促殺之。朝廷少長。思其功效。乃拔用其弟郃。致位司徒。此爲合諧也。

白蓋小車何延延。河間來合諧。河間來合諧。○後漢書五行志。樂府詩集八十八。詩紀八。

桓帝末京都童謠

後漢書曰。按易曰。拔茅連茹。以其彙征吉。茅喻羣賢也。井者。法也。于時中常侍管霸、蘇康憎疾海內英哲。與長樂少府劉翬、太常許詠等。代作唇齒。河內牢川詣闕上書。汝、潁、南陽。上采虛譽。專作威福。甘陵有南北二部。三輔尤甚。由是傳考黃門北寺。始見廢閣。茅田一頃者。言羣賢衆多也。中有井者。言雖阨窮。不失其法度也。四方織織不可整者。言姦慝大熾。不可整理。嚼復嚼者。京都飲酒相強之辭也。言食肉者鄙。不恤王政。徒耽宴飲歌呼而已也。今年尚可者。言但禁錮也。後年饒者。陳、竇被誅。天下大壞也。

茅田一頃中有井。四方織織不可整。嚼復嚼。今年尚可後年饒。風俗通作譏。後漢書注同。○後漢書五行志注。又竇武傳注。文選補遺三十五作茅田童謠。詩紀八。

鄉人謠

後漢書曰。初。桓帝爲侯時。受學於甘陵周福。及卽位。擢爲尚書。時同郡房植有名。故鄉人爲之謠曰。

天下規矩。房伯武。因師獲印。周仲進。○後漢書黨錮傳序。詩紀八。

二郡謠

後漢書曰。汝南太守宗資任功曹范滂。南陽太守成瑨亦委任功曹岑暉。范滂字孟博。岑暉字公孝。二郡爲謠曰。

汝南太守范孟博。南陽宗資主畫諾。南陽太守岑白帖誤作成。公孝。弘農成瑨但坐嘯。○後漢書黨錮傳序。書鈔七十七。御覽二百六十四。樂府詩集八十七。詩紀八。又白帖十二引孝、嘯、博、諾四韻。

太學中謠見陶淵明集。

袁山松後漢書曰。桓帝時。朝廷日亂。李膺風格秀整。高自標尚。後進之士。升其堂者以爲登龍門。太學生三萬餘人。勝天下士。上稱三君。次八俊。次八顧。次八及。次八厨。猶古之八元、八凱也。因爲七言謠曰。

天下忠誠竇游平。大將軍、槐里侯、扶風平陵竇武字游平。天下義府陳仲舉。太傅、高陽鄉侯、汝南平輿陳蕃字仲舉。天下德弘劉仲承。侍中、河間樂成劉淑字仲承。

右三君 一云。不畏強禦陳仲舉。九卿直言有陳蕃。○遠案。御覽引袁山松後漢書與此一云同。

天下模楷李元禮。少傅、潁川襄城李膺字元禮。天下英秀王叔茂。司空、山陽高平王暢字叔茂。天下良輔杜周甫。太僕、潁川陽城杜密字周甫。天下冰凌御覽作楞。朱季陵。司隸校尉、沛國朱寓字季陵。天下忠貞魏少英。尚書、會稽上虞魏朗字少英。天下好交荀伯條。沛國、潁陰荀翌字伯條。天下稽古劉伯祖。大司農、博陵安平劉佑字伯祖。天下才英趙仲經。太常、蜀郡成都趙典字仲經。

右八俊

天下和雍郭林宗。有道。太原介休郭泰字林宗。天下慕恃夏子治。太常、陳留圍夏馥字子治。天下英藩尹伯元。尚書令、河南鞏尹勳字伯元。天下清苦羊嗣祖。河南尹、太山平陽羊陟字嗣祖。天下珺金劉叔林。議郎、東郡陽發劉儒字叔林。天下雅志蔡孟喜。冀州刺史、陳國項蔡衍字孟喜。天下卧虎巴恭祖。潁川太守、渤海東城巴肅字恭祖。天下通儒宗孝初。議郎、南陽安衆宗慈字孝初。

右八顧 後漢書無劉儒。有范滂。

海內貴珍陳子鱗。御史中丞、汝南召陵陳翔字子鱗。海內忠烈張元節。衛尉、山陽高平張儉字元節。海內審諤范孟博。太尉掾、汝陽細陽范滂字孟博。海內通士檀文友。蒙令、山陽高平檀敷字文友。海內彬彬范仲真。太山太守、渤海重合范康字仲真。海內珍好岑公孝。太尉掾、南陽棘陽岑暕字公孝。海內所稱劉景升。鎮南將軍、荊州牧、武城侯、山陽高平劉表字景升。

右八及 後漢書無范滂。有翟超。

海內賢智王伯義。少府、東萊曲城王商字伯義。後漢書作王章。海內修整蕃嘉景。郎中、魯國蕃響字仲景。海內貞良秦平王。北海相、陳留己吾秦周字平王。海內珍奇胡母季皮。侍御史、太山奉高胡母班字季皮。海內光光劉子相。太尉掾、潁川陰劉翊字子相。海內依怙王文祖。冀州刺史、東平壽張王考字文祖。海內嚴恪張孟卓。陳留相、東平壽張張邈字孟卓。海內清明度博平。荊州刺史、山陽湖陸度尚字博平。

右八廚。後漢書無劉翊。有劉儒。○後漢書黨錮傳序。詩紀八。御覽四百六十五略引袁山松書、六百九十三略引古今善言。

京兆爲李燮謠

詩紀從樂府詩集作京兆謠。

續漢書曰。李燮拜京兆。詔發西園錢。燮上封事。遂止不發。吏民愛敬。乃爲此謠。○據御覽引李燮別傳。燮字德公。京兆人。

我府君。道教舉。恩如春。威如虎。剛不吐。柔不如。愛如母。訓如父。○類聚十九、御覽四百六十五並引續漢書。樂府詩集八十七作京兆謠。詩紀八。御覽二百五十二引李燮傳引舉、虎、父三韻。

靈帝末京都童謠

後漢書曰。靈帝之末。京都童謠。至中平六年。少帝登躡至尊。獻帝未有爵號。爲中侍段珪等所執。公卿百官皆隨其後。到河上。乃得來還。此爲非侯非王上北邙者也。

侯非侯。王非王。千乘萬騎上董卓傳注作走。北芒。靈帝紀注作邙。御覽同。○後漢書五行志。三國志董卓傳注。後漢書靈帝紀注。御覽四十二。樂府詩集八十八。詩紀八。

獻帝初京都童謠

後漢書曰。獻帝元初。京都童謠。按千里草爲董。十日卜爲卓。凡別字之體。皆從上起。左右離合。無有從下發端者也。今二字如此者。天意若曰。卓自下磨上。以臣陵君者也。青青暴盛之貌。不得生者。亦旋破亡也。

千里草。何青青。十日卜。不得生。○後漢書五行志。三國志董卓傳注。意林四。樂府詩集八十八。文選補遺三十五作京都童謠。詩紀八。

獻帝初童謠

後漢書曰。獻帝初童謠。公孫瓚以爲易地當之。遂徙鎮焉。乃修城積穀。以待天下之變。建安三年。袁紹攻瓚。瓚大敗。縊其姊妹妻子。引火自焚。紹兵趣登臺斬之。初。瓚破黃巾。殺劉虞。乘勢南下。侵據齊地。雄威大振。而不能開廓遠圖。欲以堅城觀時。坐聽圍戮。斯亦自易地而去世也。

燕南垂。趙北際。中央不合大御覽或缺大字。如礪。唯有此中可避世。○後漢書公孫瓚傳。三國志公孫瓚傳注。御覽百六十二。七百六十七。樂府詩集八十八。詩紀八。

初平中長安謠

後漢書曰。初平四年九月甲午。試儒生四十餘人。上第賜位郎中。次太子舍人。下第者罷之。詔曰。今耆舊年踰六十。去離本土。營求糧資。不得專業。結童入學。白首空歸。朕甚愍焉。其依科罷聽爲太子舍人。注引劉文獻帝紀

曰。時長安中爲之謠曰。

頭白皓然。食不充糧。裹衣蹇裳。當還故鄉。聖王愍念。悉用補郎。舍是布衣。被彼玄黃。○後漢書獻帝紀注。

興平中吳中童謠

吳志曰。初興平中吳中童謠。閭門。吳西郭門。夫差所生也。

黃金車。班蘭耳。開閭門。出天子。○三國志吳書孫權傳。詩紀八。

建安初荊州童謠

後漢書曰。言自中興以來。荊州無破亂。及劉表爲牧。又豐樂。至此逮八九年。當始衰者。謂劉表妻當死。諸將並零落也。十二年無子遺者。言十三年表又當死。民當移詣冀州也。

八九年間始欲衰。至十二年無子遺。○後漢書五行志。搜神記六。渚宮舊事四。詩紀八。

漢末洛中童謠

述異記曰。漢末大飢。洛中謠云。

雖有千黃金。無如我斗粟。斗粟自可飽。千金何所直。○御覽八百四十。

漢末江淮間童謠

述異記曰。漢末大飢。江、淮間童謠曰。

大兵如市。人死如林。持金易粟。粟貴於金。○御覽八百四十。

京師爲光祿茂才謠

後漢書曰。舊制光祿舉三署郎。以功高久次才德尤異者爲茂才異行。時權富子弟。以人事得舉。而貧約守志者。以窮迫見遺。京爲三謠曰。

欲得不能。光祿茂才。○後漢書黃琬傳。詩紀八作京都謠。

閻君謠

華陽國志曰。閻憲。字孟度。成固人也。爲綿竹令。以禮爲化。民莫敢犯。男子杜成夜行。得遺物一囊。中有錦二十匹。求其主還之。曰。縣有明君。何負其化。童謠歌曰。

閻君賦政。既御覽無既字。詩紀同。明且昶。去御覽作燭。苛去碎。華陽國志作辟。動御覽無動字。詩紀同。以禮讓。○華陽國志十。御覽四百六十五。詩紀八。

東門免謠

魯國先賢傳曰。東門免。歷吳郡濟陰太守。所在貪濁。謠曰。

東門免。取吳半。吳不足。濟陰續。○御覽四百九十二。

商子華謠

商氏家傳曰。商亮。字子華。舉孝廉。到楊城。遇兩虎爭一羊。亮按劍直前斬羊。虎乃各以其半去。時人爲之謠曰。石里之勇商。御覽或作殷。子華。暴虎見之藏。御覽或作合。爪牙。○御覽四百三十六引殷氏家傳、四百六十五引商氏家傳。

時人謠

春秋考異郵曰。龍鬪。下血如注。時人謠曰。

五侯之鬪血成江。○白帖十五。

擿洛謠

詩汎歷樞曰。擿洛謠曰。

剡者配姬以放賢。山崩水潰納小人。家伯罔主異哉震。○黃氏逸書考引古微書。

京師爲唐約謠

謝承後漢書曰。唐約。字仲謙。拜尚書。數有直言善策。處官不言貨利之事。當法不阿所私。京師謠曰。治身無嫌。唐仲謙。○事文類聚新集四。姚集謝承後漢書。古謠諺十六。

蔣橫遭禍時童謠

全唐文齊光義後漢山亭侯蔣澄碑曰。父橫。大將軍。復道侯。初遭禍。爲司隸羌路所譖。時童謠曰。君用讒慝。忠烈是殛。鬼怨神怒。妖氣充塞。○全唐文三百五十四。古謠諺八十一。

錫山古謠

常州圖經曰。惠山之側有錫山。其山出錫。古謠云。

有錫兵。無錫寧。○常州圖經。○古謠諺引陸羽慧山寺記曰。慧山。古華山也。山東峰當周秦間。大產鉛錫。至漢興方殫。故創無錫縣。自光武至孝順之世。錫果竭。順帝更爲吳錫縣。屬吳郡。

時人爲三茅君謠

詩紀作茅山父老歌。注云。外編作大茅君。誤。

李尊茅君內傳曰。茅盈。咸陽人也。得道隱句曲。邦人因改句曲爲茅君之山。時盈二弟俱貴。衷爲五官大夫。西河太守。固爲執金吾。各棄官渡江。來兄於東山。後咸得仙道。太上命固治丹陽句曲山。衷治良常之山。盈爲司命真人。東嶽上卿。於是盈與二弟決別俱去。固、衷留治山。漢平帝元壽二年也。內法既融。外教坦平。爾乃風雨以時。五禾成熟。疾癘不起。暴害不行。父老歌曰。○遼案。道藏茅君志。茅固字季偉。而後漢書郭太傳附有茅季偉傳。內傳所言。當卽此人。然則三茅君謠。至早不過後漢末年。今依楊氏古詩存目爲題。附之本卷。

茅山連金陵。初學記作穴。江湖據下流。三神乘白鶴。各在初學記作居。茅山志作治。詩紀云。一作治。一山頭。佳茅山志作召。雨灌畦初學記作得。御覽作旱。稻。陸地初學記作田。亦復周。茅山志作柔。妻子保堂室。茅山志作威保室。使我無百初學記作百無。茅山志同。憂。白鶴茅山志作鶴。翔青天。初學記作金穴。御覽同。何時復來遊。○初學記三十。御覽九百十六。茅山志。詩紀外集一。

諺語

光武述時人語

後漢書曰。時匈奴數犯塞。帝患之。乃召百僚廷議。郭憲以爲天下疲敝。不宜動衆。諫爭不合。乃伏地稱眩瞽。帝令兩郎扶下殿。憲亦不拜。帝曰常聞云云。竟不虛也。

關東魍魎。郭子橫。○後漢書郭憲傳。

時人爲郭況語

拾遺記曰。郭況。光武皇后之弟也。累金數億。家僮四百餘人。以黃金爲器。工冶之聲。震於都鄙。時人謂郭氏之室。不雨而雷。言其鑄鍛之聲盛也。錯雜寶以飾臺榭。懸明珠於四垂。晝視之如星。夜望之如月。里語曰云云。其寵者皆以玉器盛食。故東宮謂郭家爲瓊厨金穴。

洛陽多錢郭氏室。月夜晝星富無匹。○拾遺記六。

時人爲郭況語

拾遺記曰。漢郭況。光武皇后之弟也。累金數億。里語曰。

洛陽多錢。郭氏萬千。○太平廣記二百三十六。

光武引諺

後漢書曰。時帝姊湖陽公主新寡。帝與共論朝臣。微觀其意。主曰。宋公威容德器。羣臣莫及。帝曰。方且圖之。後弘被引見。帝令主坐屏風後。因謂弘曰。諺言云云。人情乎。弘曰。臣聞貧賤之知不可忘。糟糠之妻不下堂。帝願謂主曰。事不諧矣。

貴易交。初學記作知。富易妻。○後漢書宋弘傳。初學記十。御覽百五十二、八百五十四、四百九十五。又五百十七引謝承後漢書、七百一引東觀漢記。

宋弘引語

貧賤之知御覽或作交。不可忘。糟糠之妻不下堂。○後漢書宋弘傳。御覽百五十二、八百五十四、四百九十五。又五百十七引謝承後漢書、七百一引東觀漢記。

南陽爲杜師語

後漢書曰。南陽太守杜師。政治清平。百姓便之。又修治陂池。廣拓土田。郡內比室殷足。時人以方召信臣。南陽爲

之語曰。

前有召御覽作邵。父。後有杜母。○後漢書本傳。御覽二百六十。詩紀九作南陽諺。

時人爲廉范語

後漢書曰。初范與洛陽慶鴻爲刎頸交。時人稱曰。

前有管鮑。後有慶廉。○後漢書本傳。御覽四百七、四百九。

章帝引諺

後漢書曰。詔召玄武司馬班固。問改定禮制之宜。固曰。京師諸儒多能說禮。宜廣招集。共議得失。帝曰。諺言。作舍道邊。三年不成。○後漢書曹褒傳。御覽五百二十三。

班固引諺論經方

漢書藝文志曰。諺曰。

有病不治。常得中醫。○漢書藝文志。

班昭女誡引鄙諺

女誡敬慎第三曰。陰陽殊性。男女異行。陽以剛爲德。陰以柔爲用。男以彊爲貴。女以弱爲美。故鄙諺曰。生男如狼。猶恐其尪。生女如鼠。猶恐其虎。○後漢書曹世叔妻傳。

王逸引諺

正部曰。明刑審法。憐民惠下。生者不怨。死者不恨。諺曰。

政如冰霜。姦軌消亡。威如雷霆。寇賊不生。○意林四。

虞詡引諺

後漢書曰。永初四年。羌胡反亂。殘破并涼。大將軍鄧騭欲棄涼州。詡聞之。乃說李修曰。公卿定策。當棄涼州。求之愚心。未見其便。嘑曰云云。觀其習兵壯勇。實過餘州。今羌胡所以不敢入據三輔。以涼州在後故也。

關西出將。關東出相。○後漢書虞詡傳。

王符引諺論得賢

潛夫論曰。諺曰。

一犬吠形。百犬吠聲。○潛夫論賢難篇。

京師爲黃香號

後漢書曰。黃香。字文彊。江夏人。博學經典。究精道術。京師號曰。

天下御覽或作日下。無雙。江夏黃童。白帖作香。御覽或作香。初學記或作國士瞻重。○後漢書本傳。初學記十一、十七。白帖六。

御覽二百十五、三百八十四、四百九十五、六百十六並引東觀漢記。詩紀九作江夏黃童。

人爲高慎語

陳留耆舊傳曰。高慎。字孝甫。敦質少華。口不能劇談。嘿而好沈深之謀。人謂之曰。巖然不語。名高孝甫。○御覽二百六十五。詩紀八作高孝甫歌。

潁川爲荀爽語

後漢書曰。爽字慈明。幼而好學。耽思經書。慶弔不行。徵命不應。潁川爲之語曰。

荀氏八龍。慈明無雙。○後漢書荀淑傳。御覽三百八十五引荀氏家傳、四百九十五引續漢書。詩紀九作荀氏八龍。

崔寔引農家諺

上火不落。下火滴沍。○楊慎古今諺引四民月令。康熙字典水部沍字下引。○遼案。楊慎引崔寔四民月令諺共十六條。其中如羸牛劣馬寒食下。乃齊民要術引諺。不出四民月令。據此。楊氏著錄者。未宜輕信。今依康熙字典載此條。

崔寔引里語

政論曰。頃間以來。歲且一赦。百姓姐妖。輕爲奸非。諺曰。

一歲再潛夫論作載。赦。奴兒暗噫。御覽或作暗啞。詩紀同。或作噫暗。○羣書治要四十五。御覽四百九十六、六百五十二。

李固引語

後漢書王龔傳曰。龔深疾宦官專權。上書極言其狀。請加放斥。諸黃門各使賓客誣奏龔罪。順帝命亟自實。前據李固時爲大將軍梁商從事中郎。乃奏記於梁商曰。宜加表救。濟王公之艱難。語曰。善人在患。飢不及餐。○後漢書王龔傳。

益州民爲尹就諺

後漢書曰。李固駁曰。前中郎尹就討益州畔羌。益州諺曰。

虜來尚可。尹來華陽國志作將。殺我。○後漢書南蠻傳。華陽國志巴志。

天下爲賈彪語

後漢書曰。彪兄弟三人。並有高名。而彪最優。故天下稱曰。

賈氏三虎。偉節最怒。○後漢書賈彪傳。御覽四百九十六。詩紀九作賈偉節。

應劭引俚語論正失

風俗通曰。宋均令虎渡江。謹案虎山栖穴處。毛鬣婆娑。豈能犯陽侯凌濤瀨而橫厲哉。俚語。

狐欲渡河。無奈尾何。○風俗通正失篇。水經注沔水篇。御覽八百九十一。

應劭引俚語論愆禮

風俗通曰。山陽太守汝南薛恭祖。喪其妻不哭。謹案禮爲適妻杖。重於宗也。且鳥獸之微。尚有回翔之思。啜噍之痛。何有死喪之感。始終永絕。而曾無惻容。此爲矯情。僞之至也。俚語。

婦死腹悲。唯身知之。○風俗通愆禮篇。

應劭引里語論日蝕

風俗通曰。俗說臨日月薄食而飲。令人蝕口。謹案日太陽之精。君之象也。日有食之。天子不舉樂。里語。不救蝕者。出行遇語。○御覽八百四十九。

應劭引里語論主客

風俗通曰。里語曰。

越陌度阡。更爲客主。○文選二十七短歌行注。

應劭引里語論讞獄

風俗通曰。頃者。廷尉多牆面。而苟充茲位。持書侍御史。不復平議。讞當糾紛。豈一事哉。里語曰。縣官漫漫。冤死者半。○御覽二百二十六、四百九十六。

應劭引里語

漢官儀曰。里語曰。

仕宦不止車生耳。○御覽四百九十六。

應劭引語論正失

風俗通曰。王陽能鑄黃金。謹按物之變化。固自有極。王陽何人。獨能乎哉。語曰。

金不可作。世不可度。○風俗通正失篇。

時人爲龐氏語

風俗通曰。龐儉少失父。不知所在。後穿井得錢。所求蒼頭。乃父也。時人語曰。

廬里諸初學記作之。龐。諸龐御覽或作龐公。鑿井得銅。買奴得白帖作乃。翁。御覽作公。○類聚三十五。初學記十九。白帖六。御覽四百七十二、五百、八百三十六。又御覽百八十九引銅、翁二韻。

民爲二殺語

風俗通曰。殺在弘農澠池縣。其語曰。

東殺西殺。澗池所高。○風俗通山澤篇。

南陽爲衛修陳茂語

風俗通曰。汝南陳茂君因爲荊州刺史。不入宛城。引車到城東。爲友衛修母拜。修坐事繫獄。茂彈繩不撓。修竟極罪。南陽疾茂殺修。爲之語曰。

衛修有事。陳茂治之。衛修無事。陳茂殺之。○風俗通過譽篇。

公沙六龍

袁山松後漢書曰。公沙穆有六子。時人號曰。

公沙六龍。天下無雙。○御覽四百九十五。

民爲五門語

三輔決錄曰。五門。今在河南西四十里澗、穀、洛三水之交。傳聞馬氏兄弟五人共居此地。作五門客舍。因以爲名。主養豬賣豚。故民爲之語曰。

苑中三公。館御覽或作鉅。誤。下一卿。五門嘍嘍。御覽或作嘍。詩紀同。御覽或又作養。但聞豚聲。○御覽四百九十六、八百二十八、九百三。詩紀九作五門。

時人爲作奏語

笑林曰。桓帝時。有人辟公府掾者。倩人作奏記文。人不能爲作。因語曰。梁國葛龔者。先善爲記文。自可爲用。不煩更作。遂從人言寫記文。不去龔名姓。府公大驚。不答而罷歸。故時人語曰。

作奏雖工。宜去葛龔。○後漢書葛龔傳注。御覽四百九十五。詩紀九作作奏。

高誘引諺論毀譽

淮南子注曰。語曰。

欲人不知。莫如不爲。○淮南子二十四說林訓注。

武陵人爲黃氏兄弟諺

襄陽耆舊傳曰。黃穆。字伯開。博學。爲山陽守。有德政。弟免。字仲開。爲武陵太守。貪穢無行。武陵人諺曰。天有冬夏。人有一御覽或作兩。黃。○御覽二十二。又四百九十二作武陵人諺。

時人爲楊氏四子語

華陽國志曰。秦瑛。南鄭楊相妻。大鴻臚劉巨公女也。有四男二女。相亡。教訓六子。動有法矩。長子元玲。次子仲玲。兄弟爲名士。秦瑛之教。流於三世。四子才官。隆於先人。故時人爲之語曰。

三苗不止。四珍復起。○華陽國漢中士女志。古諺三十三。○遠案。華陽國志十二劉巨公爲後漢人。

羊元引諺

謝承後漢書曰。仇覽。字季智。陳留考城人也。爲縣陽遂亭長。有羊元者。凶惡不孝。其母詣覽告之。覽呼元責誚之。以子道與孝經一卷。使誦讀之。元深改悔。至母前謝罪曰。元少孤。爲母所驕。諺曰云云。乞今自改。母子更相向泣。於是元遂修孝道。後成佳士也。○逮案。羊元後漢書注引作陳元。

孤犢觸乳。驕子詈後漢書注作罵。母。○後漢書仇香傳注。御覽六百十。

古諺

任昉述異記曰。漢世古諺云。

雖有神藥。不如少年。雖有珠玉。不如金錢。○御覽九百八十四。

時人爲郭典語

江表傳曰。郭典。字君業。爲鉅鹿太守。與中郎將董卓攻黃巾賊張寶於曲陽。典作圍塹。卓不肯。典獨於西當賊之衝。晝夜進攻。寶由是城守不敢出。時人爲之語曰。

郭君圍塹。董將不許。幾令狐狸。化爲豺虎。賴我郭君。不畏強禦。轉機之間。敵爲窮虜。猗猗惠君。實完疆土。○御覽四百九十六。詩紀九作郭君。

時人爲周澤語詩紀作太常妻。

漢官儀曰。北海周澤爲太常。恒齋。其妻憐其年老疲病。窺內問之。澤大怒。以爲干齋。掾吏叩頭爭之。不聽。遂收送詔獄。并自劾。論者非其激發不實。諺曰。

居後漢書、御覽作生。世初學記作代。御覽同。不諧爲御覽作作。太常妻。一歲三百六十日。三百五十九日齋。一日不齋醉如泥。既作事。復低迷。○初學記十二。御覽二百二十八。詩紀九作太常妻。又後漢書本傳、類聚四十九、御覽五百二十並引妻、齋、泥三韻。又白帖二十一引妻、泥二韻。

崔實引語

政論曰。

小民髮如韭。剪復生。頭如雞。割復鳴。吏不必可畏。從來必可輕。奈何欲望平。御覽作乎。誤。○御覽九百七十六。

時人爲桓典語詩紀作避聽。

後漢書曰。桓典。字公雅。靈帝時爲侍御史。是時宦官秉政。典執正無所回避。常乘驄馬。京師畏憚。爲之語曰。行行且止。避驄馬御史。○後漢書本傳。書鈔六十二引續漢書。類聚九十三引東觀漢記。初學記十二。御覽二百二十七、四百二十七。又八百九十四引東觀漢記。詩紀九作避聽。

益都鄉里爲柳宗語

華陽國志曰。柳宗。字伯騫。成都人。爲州郡右職。務在進賢。州里爲諺曰。

得黃金一筭。不如爲柳伯騫所識。○華陽國志蜀郡士女贊。御覽二百六十三、四百九十六。詩紀九作柳伯騫。

時人爲貢舉語

抱朴子曰。桓、靈之世。更相濫舉。故人爲之語曰。

舉秀才。不知書。舉孝廉。父書鈔作乃。誤。別居。寒素清白濁如泥。高第良將怯如鼠。御覽作蠅。○抱朴子審舉篇。書鈔七十九。御覽四百九十六。又樂府詩集八十七、詩紀八並作後漢桓靈時謠。各引書、居兩韻。○遼案。晉書引作舉秀才。濁如泥。舉良將。怯如雞。與此不相同。

宣城爲封使君語

述異記曰。漢宣城郡守封劭。死化爲虎。食郡民。呼之曰封使君。因去不復來。故時語曰。

無作封使君。生來治民死食民。○任昉述異記。

益都爲任文公語

後漢書曰。公孫述時。武擔石折。文公曰。噫。西州智士死。我乃當之。自是常會聚子孫設酒食。後三月果卒。益都

爲之語曰。

任文公。智無雙。○後漢書本傳。御覽四百三十二引華陽國志。

馬皇后引俗語

東觀漢記曰。明德馬后。時上欲封諸舅。外間白太后。曰。吾自念親屬。皆無柱石之功。俗語。時無赭。澆黃土。○御覽四百九十五。

崔寔引里語

崔寔政論曰。今典州郡者。自違詔書。縱意出入。故里語曰。

州郡記。初學記作詔。御覽或作縣符。如霹靂。得詔書。但掛壁。○初學記二十四。御覽十三、四百九十六、五百九十三。詩紀九。

崔寔引農語

詩紀作四民月令引農語二章。

二月昏。參星要術無星字。夕。杏花盛。桑椹古謠諺作葉。赤。○齊民要術二。古謠諺三十七引齊民要術。○遠案。齊民要術引崔寔。非農語。

河射角。堪夜作。犁星沒。水生骨。○古謠諺三十七引齊民要術。○遠案。齊民要術無此條。

京師爲袁成諺

英雄記曰。袁紹父成。字文開。貴盛。自梁冀以下。皆與交。言無不從。京師諺曰。

事不諧。詣文開。○三國志袁紹傳注。後漢書袁紹傳注。御覽二百八十六、四百九十六。詩紀九作袁文開。

天下爲四侯語

後漢書曰。單超。河南人。徐璜。下邳良城人。具瑗。魏郡元城人。左倌。河南平陰人。唐衡。潁川鄆人。世謂之五侯。自是權歸宦官。朝廷日亂。其後四侯轉橫。天下爲之語曰。

左回天。具獨坐。徐卧虎。唐兩墮。御覽引風俗通作左回天。徐轉曰。具獨坐。唐應聲。○後漢書單超傳。御覽四百九十三。又二百引後漢書、三百九十三、四百九十六並引風俗通。

京師爲張盤語

謝承後漢書曰。丹陽張盤。字子石。以操行爲廬江太守。京師諺曰。

聞清白。張子石。○書鈔三十八。

人爲徐聞縣諺

元和郡縣志曰。漢置左右侯官。在徐聞縣南七里。積物於此。備其所求。與交易有利。故諺曰。欲拔貧。詣徐聞。○輿地紀勝一百十八。

京師爲鮑永鮑恢語

鮑永、鮑恢爲從事。京師語曰。

貴戚斂手避二鮑。○御覽三百七十引漢書。

時人爲折氏諺

華陽國志曰。折像。字伯式。維人也。事東平虞叔雅。以道教授門人。朋友自遠而至。時人爲諺曰。

折氏客誰。朱雲卿段節英。中有佃子趙仲平。但說天文論五經。○華陽國志廣漢士女讚。

王符引諺論守邊

潛夫論曰。乃者邊患震如雷霆。而談者皆諱之。欲令朝廷以寇爲小。而不蚤憂。患乃至此。尚不欲救。諺曰。痛不著身言忍之。錢不出家言與之。○潛夫論救邊篇。御覽八百三十六。

三府爲朱震語

後漢書曰。朱震。字伯厚。爲州從事。奏濟陰太守贓罪之數。諺曰。

車如雞棲。後漢書作栖。御覽同。書鈔或作樓。誤。馬如狗。疾惡如風。朱伯厚。○後漢書陳蕃傳。書鈔三十九、七十三。類聚九十

三。御覽二百六十五、八百九十四。詩紀九作朱伯厚。

時人爲貢舉語

抱朴子曰。桓、靈之世。更相濫舉。故人爲之語曰。

古人欲達勤誦經。今世圖官勉治生。○抱朴子審舉篇。御覽四百九十六。

趙岐引南陽舊語

三輔決錄曰。平陵范氏。南陽舊語曰云云。言其廉儉也。

前隊大夫范仲公。鹽蒜果御覽或作穎。顏氏家訓謂果卽穎字。共一筭。○顏氏家訓書證篇。御覽四百三十一、八百五十五、九百七十七。

考城爲仇覽諺

後漢書曰。仇覽。陳留考城人。爲蒲亭長。陳元之母。詣亭告元不孝。乃親到元家與其母子飲。因爲陳人倫孝行。譬以禍福。元卒成孝子。鄉邑爲之諺曰。

父母何在在我庭。化我鳴梟哺所生。○後漢書仇香傳。詩紀九作考城諺。

時人爲孔氏兄弟語

孔叢子曰。子和二子。長曰長彥。次曰季彥。甘貧味道。研精墳典。十餘年間。會徒數百。故時人爲之語曰。魯國孔氏好讀經。兄弟講誦皆可聽。學士來者有聲名。不過孔氏那得成。○御覽三百八十五。詩紀九作魯國孔氏。

華容女子獄中歌吟

搜神記曰。建安初。華容有女子在獄中歌吟曰云云。後無幾。太祖平荊州。以涿州李立字建賢爲荊州刺史。不意李立爲貴人。○三國志劉表傳注。

闕駟引語

十三州志曰。冀州之地。蓋古京也。人患剽悍。故語曰云云。其人剛狠。淺于恩義。無賓序之禮。懷居慳嗇。古語云云。亦履山之險。爲逋逃之藪。

仕宦不偶值冀部。○寰宇記六十三。

幽冀之人鈍如椎。○同上

王符引諺論考績

潛夫論曰。聖漢踐祚。載祀四八。而猶未治者。教不假而功不考。賞罰稽而赦贖數也。諺曰。

曲木惡直繩。重罰惡明證。意林作政。○潛夫論考績篇。意林三。

時人爲王符語

後漢書曰。度遼將軍黃甫規。解官歸安定。鄉人有以貨得雁門太守者。亦去職還家。書刺謁規。規卧不迎。有頃又白王符在門。規素聞符名。乃驚遽而起。衣不及帶。屣履出迎。援符手而還與同坐。極歡。時人爲之語曰。

徒見二千石。不如一縫白帖作逢。御覽或同。掖。御覽或作腋。○後漢書王符傳。白帖二十六。御覽四百七十四、四百九十五、五百一。詩紀八作縫掖。

鄉里爲雷義陳重語

後漢書曰。雷義舉茂才。讓於陳重。刺史不聽。義遂佯狂披髮。走不應命。鄉里爲之語曰。

膠漆自謂御覽或作雖。又白帖、御覽或作誰謂膠漆。堅。不如雷與陳。○後漢書雷義傳。類聚二十一。白帖十、十四。御覽四百七、四百二十四、七百六十六。

鄭玄引俗語

禮記曲禮注。俗語云。

隱疾難爲醫。○禮記曲禮注。

時人爲呂布語

曹瞞傳曰。時人語曰。

人中有呂布。馬中有赤兔。○後漢書呂布傳注。三國志呂布傳注。類聚九十三。白帖二十九。御覽四百九十六、八百九十七。詩紀九作時人語。

關中爲游殷諺

三輔決錄曰。游殷。字幼齊。爲胡軫所害。月餘。軫得病。但言伏伏。游幼齊將鬼來。於是遽死。關中諺曰。生有知人之明。死有貴神之靈。御覽或作鬼靈之驗。○魏志張既傳注。御覽四百四十四、四百九十六。

京師爲戴憑語

後漢書曰。戴憑。字次仲。汝南平輿人。正旦朝賀。百僚畢會。帝令羣臣能說經者更相難詰。義有不通。輒奪其席以益通者。憑遂重坐五十餘席。故京師爲之語曰。

解經二字御覽或只作說字。不窮。戴侍中。○後漢書本傳。書鈔五十八、一百。類聚五十五、六十九。御覽二百十九、四百九十五、六百十五。詩紀九作戴侍中。

京師爲井丹語

後漢書曰。井丹。字大春。扶風郿人。受業太學。通五經。善談論。故京師爲之語曰。

五經紛綸。御覽或作紛紛。井御覽井下或有之字。大白帖作伯。御覽或作太。春。○後漢書本傳。世語新語品藻篇注。書鈔九十六、

一百並引三輔決錄。白帖二十六。御覽四百十引高士傳、四百七十四、四百九十五、五百一並引逸民傳、六百十五引東觀漢記。詩紀九作井大春。

時人爲王君公語

後漢書曰。平原王君公。遭亂。僮牛自隱。時人爲之語曰。

避世牆東。王君公。○後漢書逢萌傳。詩紀九作王君公。

京師爲楊政語

後漢書曰。楊政。字子行。京兆人。少好學。從代郡范升受梁丘易。善說經書。京師爲之語曰。

說經鏗鏗。書鈔作硜硜。楊子行。○後漢書本傳。書鈔一百。御覽四百九十五、六百十五。詩紀九作楊子行。

京師爲祁聖元號

東觀漢記曰。楊政。字子行。治梁丘易。與京兆祁聖元同好。俱名善說。京師號曰。說經鏗鏗楊子行。論難云云。

論難僭僭。祁聖元。○御覽六百十五。

壽春鄉里爲召馴語

後漢書曰。召馴。字伯春。九江壽春人。少習韓詩。博通書傳。以志義聞。鄉里號之曰。

德行恂恂。召伯春。○後漢書本傳。書鈔五十六。白帖七十四。

時人爲丁鴻語

後漢書曰。丁鴻。字孝公。潁川定陵人。肅宗召鴻與諸儒賈逵等。論定五經同異於北宮白虎觀。帝親稱制臨決。鴻以才高論難最明。時人歎曰。

殿中無雙。丁孝公。○後漢書本傳。又注。御覽六百十五。

京兆鄉里爲馮豹語

後漢書曰。豹字仲文。京兆杜陵人。時人稱其孝。好儒學。以詩、春秋教麗山下。鄉里爲之語曰。

道德彬彬。御覽或作斌斌。馮仲文。○後漢書馮衍傳附本傳。御覽四百三、四百九十六。詩紀九作馮仲文。

諸儒爲賈逵語

後漢書曰。賈逵。字景伯。扶風平陵人。能誦左氏傳及五經本文。自爲兒童。常在太學。不通人間事。身長八尺二寸。諸儒爲之語曰。

問事不休。賈長頭。○後漢書本傳。意林四。書鈔九十七、一百。白帖二十六。御覽三百七十七、六百十二、六百十五。

關中爲魯丕語

後漢書曰。丕字叔陵。扶風平陵人。兼通五經。以魯詩、尚書教授爲當時名儒。元和元年。徵再遷拜趙相。門生就

學者常百餘人。關東號之曰。

五經復興。魯叔陵。○後漢書魯恭傳附本傳。書鈔一百。白帖二十六。御覽六百十五。○遠案。魯丕。初學記、御覽皆作魯平。

諸儒爲楊震語詩紀作楊伯起。

後漢書曰。楊震。字伯起。弘農華陰人。少好學。受歐陽尚書於太常桓郁。明經博覽。無不窮究。諸儒爲之語曰。關西孔子。楊伯起。○後漢書本傳。御覽四百九十五、六百十二。詩紀九作楊伯起。

時人爲許慎語

後漢書曰。許慎。字叔重。汝南召陵人。性淳厚。少博學經籍。馬融常推重之。時人爲之語曰。

五經無雙。許叔重。○後漢書本傳。御覽四百九十五引謝承後漢書、又六百八。詩紀九作許叔重。

京師爲周舉語

後漢書曰。周舉。字宣光。汝南汝陽人。姿貌短陋。而博學洽聞。爲儒者所宗。故京師爲之語曰。

五經從白帖、御覽作縱。橫。周宣光。○後漢書本傳。白帖二十六。御覽六百十五引東觀漢記。

京師爲胡廣語

後漢書曰。胡廣。字伯始。南郡華容人。遜言恭色。達練事體。明解朝章。雖無齷直之風。屢有補闕之益。故京師諺曰。

萬事不理。問問字御覽作詣胡。伯始。天下中庸。有胡公。○後漢書本傳。渚宮舊事四。初學記十一引東觀漢記。御覽四百九十五。詩紀九作胡伯始。

時人爲任安語

後漢書曰。任安。字定祖。廣漢綿竹人。少遊太學。受孟氏易。兼通數經。又從同郡楊厚學圖讖。究極其術。時人稱曰云云。

欲知仲桓。問任安。

居今行古。任定祖。○後漢書本傳。詩紀八作任安二語。

時人爲陳囂語

東觀漢記曰。陳囂字君期。明韓詩。時語曰。

關東說詩。陳君期。○書鈔一百。御覽六百十五。

諸儒爲劉愷語

華嶠後漢書曰。劉愷爲太常。論議常引正大義。諸儒爲之語曰。

難經伉伉。劉太常。○類聚四十九。白帖七十四。御覽二百二十八。詩紀九作劉太常。

人爲許晏諺

陳留風俗傳曰。許晏。字偉君。授魯詩於琅邪王政學。曰許氏章句。列在儒林。故諺曰。

殿上成羣。許偉君。○御覽四百九十六。詩紀九作許偉君。

鄉里爲茨充號

東觀漢記曰。茨充。字子河。宛人也。初學孝廉。之京師。同侶馬死。充到前亭。輒舍車持馬還相迎。鄉里號之曰。

一馬兩車。茨子河。○後漢書衛胤傳注。書鈔三十九。

時人爲繆文雅語

皇甫謐達士傳曰。繆斐。字文雅。代修儒學。繼踵六博士。以經行修明。學士稱之。故時人爲之語曰。

素車白馬。繆文雅。○古詩類苑六十九。詩紀九作繆文雅。

敦煌鄉人爲曹全諺

郃陽令曹全碑曰。君收養繼祖母。供事繼母。先意承志。存亡之敬。禮無遺闕。是以鄉人爲之諺曰。

重親致歡。曹景完。○金石字記。

漢詩卷九

樂府古辭

相和歌辭

相和。漢舊曲也。絲竹更相和。執節者歌。本一部。魏明帝分爲二。晉荀勗採舊辭施用於世。謂之清商三調歌詩。卽沈約所謂因絃管金石造歌以被之者也。唐樂志云。平調、清調、瑟調。皆周房中曲之遺聲。漢世謂之三調。總謂之相和調。張永元嘉技錄云。有吟歎四曲。亦列于相和歌。又有大曲十五篇。分於諸調。唯滿歌行一曲。諸調不載。故附見於大曲之下云。晉書樂志曰。凡樂章古辭今之存者。並漢街陌謠謳。江南可採蓮、烏生八九子、白頭吟之屬是也。

相和曲

箜篌引

一曰公無渡河。崔豹古今注曰。箜篌引。朝鮮津卒霍里子高妻麗玉所作也。子高晨起刺船。有一白首狂夫。披髮提壺。亂流而渡。其妻隨而止之。不及。遂墮河而死。於是援箜篌而鼓之。作公無渡河之曲。聲甚悽愴。曲終。亦投河而死。子高還。以其聲語其妻麗玉。麗玉傷之。乃引箜篌而寫其聲。名曰箜篌引。○遼案。宋樂志巾舞歌詩有公莫舞一篇。沈約謂琴操有公莫渡河曲。其聲所從來已久。樂錄非之曰。今三調中自有公無渡河。其聲哀切。音人

瑟調。不容以瑟調雜於舞曲云。據此。公無渡河曲兼爲瑟調曲。

公無渡河。公竟渡河。墮文選補遺作墜。初學記墮上有公字。河而白帖作公墮河。死。當柰公。初學記無公字。樂府解題同。何。○初學記十六。白帖十八。樂府古題要解下作公無渡河。樂府詩集二十六。文選補遺三十四。廣文選十二。詩紀六。○遼案。白帖謂此歌出琴操。

江南

江南可採蓮。蓮類聚作荷。葉何田田。魚戲蓮類聚作荷。葉間。魚戲蓮葉東。魚戲蓮類聚作荷。葉西。魚戲蓮葉南。魚戲蓮葉北。○宋書樂志。樂府詩集二十六。文選補遺三十四。詩紀六。又類聚八十二作古詩。引蓮、田、間、西四韻。白帖三十作古詩。引魚戲蓮下一句。御覽九百九十九作古詩。引蓮、田二韻。

東光

古今樂錄曰。張永元嘉技錄云。東光舊但絃無音。宋識造其歌聲。○遼案。技錄云云。似此曲西晉前尚無歌辭。宋識始造新詩。應再考。

東光平樂府作乎。詩紀同。倉。詩紀作蒼。梧何不平。樂府作乎。詩紀同。倉。詩紀作蒼。梧多腐粟。無益諸軍糧。諸軍遊蕩子。早行多悲傷。樂府云。右一曲魏晉樂所奏。○宋書樂志。樂府詩集二十七。古樂府四。廣文選十二。詩紀六。○遼案。平字樂府作乎。疑誤。倉。詩紀作蒼。非。歌中光、梧皆當是聲字。無義。似原作東平倉何不平。倉多腐粟。無益諸軍糧云云。漢人陽庚爲韻。故平與糧傷叶。

薤露

亦曰泰山吟行。喪歌。崔豹古今注曰。薤露、蒿里。並哀歌也。本出田橫門人。橫自殺。門人傷之。爲作悲歌。言人命奄忽如薤上露。易晞滅也。亦謂人魂魄歸於蒿里。故有二章。至孝武時。李延年乃分二章爲二曲。薤露送王公貴人。蒿里送士大夫庶人。使挽柩者歌之。亦呼爲挽歌。

薤後漢書注作薤。上露。初學記露上有朝字。文選注、古今注、合璧事類、草堂詩箋注同。文選注露上或有零字。何易白帖作朝日。晞。御覽或作稀。露晞御覽無此二字。事類賦同。明朝更後漢書注作還。復落。初學記作結。御覽或作露。古今注作滋。人死一去御覽或無一去二字。事類賦同。何時歸。○古今注中。後漢書周舉傳注。文選二十八挽歌詩注。初學記十四。御覽十二。又五百五十二作古辭。樂府詩集二十七。事類賦露賦注。合璧事類六十八。草堂詩箋二十四故秘詩注。詩紀六。又文選二十四贈白馬王彪詩注、白帖一、御覽九百七十七俱引首一句。

蒿里

詩紀作蒿里曲。

蒿里誰家地。聚草堂詩注作收。斂魂御覽作精。草堂詩箋同。魄御覽作魂。無賢愚。鬼伯一何相催促。人命樂府要解作今乃。不得少踟躕。○古今注下。文選二十八挽歌詩注。初學記十四。御覽五百五十二。樂府詩集二十七。樂府古題要解上。草堂詩箋二十四故秘詩注引古今注。合璧事類六十八引干寶搜神記。詩紀六。

雞鳴

詩紀云。此曲前後辭不相屬。蓋采詩人樂合而成章邪。抑有錯簡紊亂邪。後多放此。

雞鳴高樹巔。狗吠深宮通。志作巷中。蕩子何所之。天下方太平。刑法非有文。選補遺作所。貸柔協。文選補遺作叶。正亂名。黃金爲君門。璧樂府云。一作碧。玉爲軒闌。詩紀無闌字。注云。古樂府有闌字。堂上有雙樽酒。作使邯鄲倡。劉玉樂府作王。文選補遺、廣文選、詩紀並同。碧青巒。後出郭門王。文選補遺作望。舍後有方池。池中雙鴛鴦。鴛鴦七十二。羅文選補遺誤作難。列自成行。鳴聲何啾啾。聞我殿東廂。宋書作箱。古通。兄弟四五人。皆爲侍中郎。五日一時來。觀者滿路傍。黃金絡馬頭。頰頰何煌煌。桃生事類賦作種桃。露井上。李樹類聚無樹字。生桃類聚桃下有樹字。傍。蟲來齧御覽作食。事類賦同。桃根。御覽作桃桃。李樹代桃疆。宋書作僵。類聚、御覽、事類賦並同。樹木身相代。兄弟類聚作骨肉。御覽同。還相忘。樂府云。右一曲魏晉樂所奏。○宋書樂志。樂府二十八。通志樂略。文選補遺三十四。廣文選十二。詩紀六。類聚八十六作古歌辭。引傍、僵、忘三韻。御覽九百六十七作古歌辭。引傍、僵、忘三韻。事類賦井賦注作古詩。引傍、僵二韻。○錄案。歌中劉玉碧青巒後出郭門王十字。有脫誤。書鈔百十二引樂府歌云。名倡劉碧玉。疑卽此上句原文。今本殆以上句倡字而脫去名倡二字。並倒碧玉爲玉碧也。又新五代史三十七伶官傳。郭門高者。名從謙。門高其優名也云云。疑此郭門王亦倡人名。上言劉碧玉。下言郭門王。所以眩邯鄲倡樂之佳也。

烏生樂府云。一日烏生八九子。詩紀同。

烏生八九子。端坐御覽無此二字。秦氏桂樹間。暗初學記作昔。我。秦氏家有遊初學記無此字。遨御覽作遊。蕩子。工御覽作立。初學記無此字。用睢陽彊宋書作強。御覽同。初學記無此字。蘇合彈。御覽只作彈丸二字。左手持彊宋書作強。彈兩丸。出入烏東西。暗我。一丸卽發中烏身。烏死魂魄飛揚上天。阿母生烏子時。乃在南山巖石間。暗我。人民安知烏子處。蹊徑窈窕安從通。白鹿乃在上林西苑中。射工尚復御覽無復字。得白鹿脯。御覽作脯腊之。

啗我。黃鵠御覽作鶴。摩天極高飛。後宮尚復御覽無復字。得烹宋書作亨。煮之。鯉魚乃在洛水深淵中。釣鈎尚得鯉魚口。啗我。人民生各各有壽命。死生何須復道前後。樂府云。右一曲魏晉樂所奏。○宋書樂志。樂府詩集二十八。文選補遺三十四。詩紀六。又文選二十七從軍詩注作古鳥生八九子歌。引黃鵠摩天極高飛一句。初學記三十引問、彈兩韻。御覽三百五十引問、丸二韻、九百六引白鹿以下四句。又九百十六作魏武樂府。引黃鵠以下二句。

平陵東

樂府解題曰。平陵東。漢翟義門人所作也。義爲丞相方進少子。爲東郡太守。以王莽篡漢。舉兵誅之。不克而見害。門人作歌以怨之也。

平陵東。松柏桐。不知何人劫義公。劫義公在高堂下。交錢百萬兩走馬。兩走馬。亦誠難。顧見追吏心中惻。心中惻。血出漉。歸告我家賣黃犢。樂府云。右一曲魏晉樂所奏。○宋書樂志。樂府詩集二十八。詩紀六。

陌上桑

樂府云。一曰豔歌羅敷行。崔豹古今注曰。邯鄲女子姓秦名羅敷。爲邑人千乘王仁妻。仁後爲趙王家令。羅敷出採桑於陌上。趙王見而悅之。因飲酒欲奪之。羅敷乃彈箏作陌上之歌以自明焉。樂府解題曰。古辭言羅敷採桑爲使君所邀。羅敷盛誇其夫以拒之。與前說不同。

日出東南類聚作海。御覽或作方。隅。照我秦氏樓。秦氏有好女。自名爲玉臺作言名。初學記、御覽或同。羅敷。羅敷善類聚作喜。廣文選同。御覽或作好。樂府作意。蠶初學記作採。白帖或同。桑。御覽或作好養蠶。採桑城南隅。類書殘卷作南陌頭。

青絲爲籠係。玉臺作繩。類聚、初學記、白帖、韻補、事文類聚、合璧事類同。御覽或同。桂枝爲籠鉤。頭上倭類聚作綾。初學記作髮。御覽或同。墮髻。耳中草堂詩注作邊。明月珠。緗玉臺作綠。詩紀同。書鈔作湘。御覽或作紺。綺爲下裙。玉臺、類聚作裾。初學記或同。初學記作裳。御覽或同。紫綺白帖或作錦。爲上襦。行玉臺作觀。初學記、事文類聚同。者見羅敷。下擔宋書作儻。捋髭鬚。宋書作須。少年見羅敷。脫帽玉臺作巾。後漢書注、樂府、事文類聚、合璧事類同。御覽或同。著帟後漢書注作幪。初學作幪。御覽或作綃。頭。耕者忘其犁。宋書作耕。玉臺、合璧事類同。鋤孫氏玉臺考異謂初學記作刈。者忘其鋤。來歸相怨玉臺作喜。初學記同。怒。宋書作怒怨。樂府、廣文選同。但坐觀羅敷。宋書。一解。樂府、廣文選同。使君從南來。五馬立踟蹰。宋書作峙嶠。玉臺同。使君遣吏往。問此宋書作是。類聚、樂府、廣文選同。誰家姝。秦氏有好女。自名爲羅敷。羅敷年幾何。二十尚不足。玉臺作未滿。事文類聚同。類聚作未然。十五頗有餘。使君謝羅敷。寧可共載不。羅敷前事文類聚作亦。合璧事類同。致宋書作置。玉臺、樂府同。辭。類聚作詞。使君一何愚。使君自有婦。羅敷自有夫。宋書。二解。樂府、廣文選同。東方千餘騎。夫婿居上頭。何用玉臺作以。識夫婿。白馬從御覽或作紫。驪駒。青絲繫馬尾。黃金絡玉臺作駱。馬頭。腰事文類聚作要。合璧事類同。中玉臺作間。御覽同。鹿事文類聚作堪。合璧事類作湛。盧劍。可值千萬餘。十五府小史。玉臺作吏。類聚同。二十朝大夫。三十侍中郎。四十專城居。爲人潔白哲。鬢鬢玉臺作髻髻。類聚作鬢鬢。頗有鬚。盈盈公府步。冉冉府中趨。坐中數千人。皆言夫婿殊。宋書。三解。前有豔辭曲。後有趨。樂府、廣文選同。樂府云。右一曲魏晉樂所奏。廣文選同。○宋書樂志作豔歌羅敷行。玉臺新詠一作日出東南隅行。樂府詩集二十八。廣文選十二。詩紀六。又書鈔二十九作古詩。引襦一韻。類聚四十一作古陌上桑羅敷行。引樓、敷、隅、鉤、珠、襦、鬢、姝、餘、不、愚、夫、頭、駒、頭、餘、夫、居、鬚、趨二十韻。初學記十九作陌上桑行。引樓、敷、隅、鉤、珠、襦、須、頭、鉏、敷、踟十一韻。又二十六作古樂府陌上採桑。引敷、襦

二韵。白帖二作古詩。引襦一韵。白帖二十三作古詩。引隅、鉤二韵。御覽三百四十四作古詩。引餘一韵。三百八十一引樓、敷、隅、鉤、珠五韵。六百八十八作古詩。引隅、頭二韵。六百九十五作古詩。引隅、襦二韵。六百九十六引敷、襦二韵。八百十四作古樂府歌詩。引隅、鉤、駒、頭四韵。八百十六作古詩。引襦一韵。八百二十五作古豔歌。引樓、敷、隅三韵。又韵補一作古日出東南隅詩。引隅、鉤二韵。草堂詩箋四麗人行注引珠一韵。○逮案。幘頭或作幘頭、幘頭。皆通。而初學記引作幘頭則非。廣韵幘字下云。幘頭。周武帝所製。裁幅巾出四角。據此。幘頭之製始於北周。兩漢無此物。

同前 楚辭鈔。

今有人。山之阿。被服薜荔帶女蘿。既含睇。又宜笑。子戀慕予善窈窕。乘赤豹。從文狸。辛夷車駕結桂旗。被石蘭。帶杜衡。折芳拔荃遺所思。處幽室。終不見。天路險艱獨後來。表獨立。山之上。雲何容容而在下。杳冥冥。羌晝晦。東風飄颻神靈雨。風瑟瑟。木搜搜。思念公子徒以憂。樂府云。右一曲魏晉樂所奏。○宋書樂志。樂府詩集二十八。詩紀六。

吟歎曲

王子喬

王子喬。參駕白鹿雲中遨。參駕白鹿雲中遨。下遊來。王子喬。參駕白鹿上至雲戲遊遨。上建逋陰廣里踐近高。結仙宮過謁三台。東遊四海五嶽上。初學記作山。廣文選同。過蓬萊紫雲臺。二王五帝不足令。令我聖朝樂府作明。應太平。養民若子事父明。當究天祿永康寧。玉女羅坐吹笛簫。嗟行聖人遊八極。鳴吐銜福翔

殿側。聖主享萬年。悲今皇帝延壽命。樂府云。右一曲魏晉樂所奏。○樂府詩集二十九。廣文選十二。詩紀六。

平調曲

長歌行事文類聚引作顏延年詩。

青青園中葵。朝露待李善本文選作行。六臣本注云。善作行字。日晞。陽春布德澤。萬物書鈔作里。生光輝。文選作暉。御覽、文章正宗同。常恐秋節至。焜黃華葉李善本文選作藥。衰。百川東到海。何時復西歸。少壯不努力。老大徒李善本文選作乃。文選注同。六臣本注云。善作乃字。傷悲。文選注或作悲傷。○文選二十七。類聚四十二。樂府詩集三十。文章正宗二十九。詩紀六。又書鈔百五十四引輝一韻。文選四十三與吳質書注引悲一韻。文選四十五秋風辭注引傷一韻。御覽二十引晞、暉二韻。事文類聚前集六引輝一韻。

同前

樂府合岩岩山上亭通爲一首。詩紀分爲二首。注云。樂府通作一首。嚴滄浪云。若若山上亭以下。其義不同。當別爲一首也。詩紀又於岩岩山上亭下跋云。類聚載魏文帝明津詩與此大同而逸其半。○遠案。樂府古辭。多雜他人詩歌。今仍從樂府作一首。另將岩岩山上亭以下列入魏文帝集。

仙人騎白鹿。髮短耳何長。導我上太華。攬芝獲赤幢。二句御覽作導我奉上藥。覽之獲無疆。來到類聚作至。主人門。奉藥一玉箱。主人服此藥。身體樂府體下有一字。廣文選同。詩紀云。一有一字。日康彊。類聚作強。御覽同。髮白復樂府無復字。廣文選同。更御覽作還。黑。延年壽命長。岩岩山上亭。皎皎雲間星。遠望使心思。遊子戀所生。驅

車出北門。遙觀洛陽城。凱風吹長棘。天天枝葉傾。黃鳥飛文選注作鳴。相追。咬咬弄音聲。文選注作好音。竚立望西河。泣下沾羅纓。○樂府詩集三十。廣文選十二。詩紀六。類聚八十一作古詩。引長、箱、強、長四韻。御覽九百八十四作樂府歌。引長、疆、箱、強、長五韻。文選二十四秀才入軍詩注作古詩。引音一韻。

君子行

詩紀云。曹子建亦載此首。○遠案。合璧事類引作顏延年詩。

君子防未然。不處嫌疑間。瓜田不納履。李下不正白帖、合璧事類作整。御覽或同。冠。嫂叔不親授。長幼不比肩。勞謙得其柄。和光甚獨難。周公下白屋。吐哺不及餐。一沐三握髮。後世類聚作人。稱聖賢。○六臣本文選二十七。樂府詩集三十二。文章正宗二十九。詩紀六。類聚四十一作陳思王曹植君子行。引間、冠、餐、賢四韻。白帖四、二十八、九十八各引間、冠二韻。御覽九百七十八引間、冠二韻。合璧事類別集四十二引間、冠二韻。又外集二十四引第四句。○遠案。白帖二十九文選詩瓜田不納履云云。證唐時文選實載此詩也。又案合璧事類引此皆作顏延年詩。不知何據。

清調曲

豫章行

樂府云。古今樂錄曰。豫章行。王僧虔云。荀錄所載古白楊一篇。今不傳。樂府解題曰。陸機汎舟清川渚。謝靈運出宿告密親。皆傷離別。言壽短景馳。容華不久。傅玄苦相篇云。苦相身爲女。言盡力於人。終以華落見棄。亦題曰豫章行也。

白楊初生時。乃在豫章山。上葉摩類聚作拂。青雲。下根通黃泉。涼秋八九月。山客持斧斤。我□四庫本樂府作心。詩紀注。闕。何皎皎。梯落□□□。四庫本樂府作葉漸傾。詩紀注。闕。根株已斷絕。顛倒巖石間。大匠持斧繩。鋸墨齊兩端。一驅四五里。枝葉自相捐。□□□□□。四庫本樂府作棄捐勿復道。詩紀注。闕。會爲舟船燔。身在洛陽宮。根在豫章山。多謝枝與葉。何時復相連。吾生百年□。四庫本樂府作事。詩紀注。闕。自□□□□四庫本樂府作與浮雲。詩紀注。闕。俱。何意萬人巧。使我離根株。樂府云。右一曲晉樂所奏。○樂府詩集三十四。詩紀六。類聚八十九作古詩。引山、泉二韻。○逯案。四庫本樂府補闕字多處。不知根據何本。又大匠二句。似有亂亂。應作大匠持斧鋸。繩墨齊兩端。

董逃行

樂府云。崔豹古今注曰。董逃歌。後漢遊童所作也。終有董卓作亂。卒以逃亡。後人習之爲歌章。樂府奏之以爲儆誠焉。○宋書作董桃行。

吾欲上謁從高山。山頭危險宋書作嶮。樂府同。道路難。宋書作大難言。樂府同。遙望五嶽端。黃金爲闕班璘。但見芝草葉落紛紛。一解 百鳥集來如烟。山獸紛綸麟辟邪其端。鷓鴣聲鳴。但見山獸援戲相拘攀。二解 小復前行。玉堂未心懷流還。傳教出門來。門外人何求所言。欲從聖道。求一得命延。三解 教敕凡吏受言。採取神藥若木宋書作若水。類聚只作山字。御覽作山之端。玉宋書作白。類聚、御覽、樂府、廣文選同。兔長跪類聚無長跪二字。御覽同。擣藥類聚無藥字。御覽作成。蝦蟆丸。奉上陛下玉梓。服此藥可得神宋書作卽。仙。四解服爾神藥。莫不歡喜。陛下長生老壽。四面肅肅稽首。天神擁宋書作擁。護左右。陛下長與天相保守。五解○宋書樂志。樂府詩集三十四。

廣文選十二。詩紀六。類聚九十五作古歌詩。引端、丸、杵三韻。御覽九百七作樂府歌詩。引端、丸、杵三韻。

同前

年命冉冉我道。○文選二十二宿東園詩注引古董桃行。

相逢行

樂府云。一曰相逢狹路間行。亦曰長安有狹斜行。樂府解題曰。古詞文意與雞鳴曲同。晉陸機長安狹斜行云。伊洛有歧路。歧路交朱輪。則言世路險狹邪僻。正直之士無所措手足矣。唐李賀有難忘曲。亦出於此。

相逢狹路間。道隘不容車。不知何年少。玉臺作如何兩少年。夾玉臺作挾。轂問君家。君家誠易知。易知初學記作悠悠。復難忘。黃金爲君門。白類聚作璧。玉文選注作璧。爲君堂。堂上置文選注作上有雙。樽酒。初學記作羅酒樽。作使玉臺作使作。初學記同。邯鄲倡。中庭御覽作庭中。生桂樹。華燈何煌煌。兄弟兩三人。中子爲侍郎。文選注作侍中郎。五日一類聚作因。來歸。玉臺作遊。道上自生光。黃金絡玉臺作駱。馬頭。觀者盈道玉臺、文選注作滿路。傍。人門時類聚作一。左顧。但見雙鴛鴦。鴛鴦七十二。羅列自成行。音聲何噉噉。鶴鳴東西廂。大婦織綺羅。玉臺作羅綺。中婦織流黃。小廣文選作少。婦無所爲。玉臺作作。挾瑟上高堂。丈人且安坐。調絲方未央。玉臺作未遽央。匡謬正俗同。類聚作調絃未遽央。樂府注云。一作調絲未遽央。○玉臺新詠一作相逢狹路間。樂府詩集三十四。廣文選十二。詩紀六。類聚四十一引車、家、忘、堂、煌、郎、光、傍、鴛、黃、堂、央十二韻。初學記十八作古樂府詩。引忘、堂、倡、煌、郎、光、傍七韻。文選十四舞鶴賦注作古樂府。引堂、倡二韻。二十二古意酬到長史注引郎、傍二韻。御覽百七十六作古詩。引堂、煌二韻。

長安有狹斜行

長安有狹斜。狹斜不容車。適逢兩少年。夾轂問君家。君家新市傍。易知復難忘。天子二千石。中子孝廉郎。小子無官職。衣冠仕洛陽。三子俱入室。室中自生光。大婦織綺紵。樂府注云、一作羅。中婦織流黃。小婦無所爲。御覽或作作。挾琴上高堂。丈人御覽作夫。樂府同。且徐徐。調弦詎御覽作遽。未央。○樂府詩集三十五。詩紀六。御覽八百十六作古歌詩。引黃、堂二韻。又八百二十六作古歌辭。引黃、堂、史三韻。○逮案。相逢行挾瑟。此作挾琴。考宋書禮志徐邈上書曰。是故雙劍之節崇。而飛白之俗成。俠琴之容飾。而赴曲之和作。據此。作挾琴亦不爲誤也。

瑟調曲

善哉行

詩紀云。此篇宋書樂志亦作古辭。或以此爲子建詩。按子建擬善哉行爲日苦短云當來日大難。則此非子建作矣。來日大難。口燥唇乾。今日相樂。皆當喜歡。一解經類聚作徑。韻補同。歷名山。芝草翻翻。類聚作翩翩。韻補同。仙人王喬。奉藥一丸。二解自惜袖短。內手知寒。慚無靈轍。類聚、樂府、廣文選並誤作輒。以報宋書作救。類聚同。趙宣。三解月沒宋書作落。韻補同。參橫。北斗闌干。親交宋書作友。類聚、初學記、御覽同。在門。飢不及餐。初學記作忘寢與冷。御覽同。四解歡日尚少。戚日苦多。何以樂府作以何。忘憂。彈箏酒歌。五解淮南八公。要道不煩。參駕六龍。遊戲雲端。六解樂府云。右一曲魏晉樂所奏。○宋書樂志。樂府詩集三十六。廣文選十二。詩紀六。類聚四十一作魏陳思王

曹植。引乾、歡、翻、丸、寒、宣、干、冷八韻。初學記十八引干、冷二韻。御覽四百十引干、冷二韻。吳械韻補二作曹植。引宣、干二韻。又翻、丸二韻。

隴西行

樂府云。一曰步出夏門行。王僧虔技錄云。隴西行歌。武帝碣石、文帝夏門二篇。○詩紀云。此篇之辭。前後不屬。首四句乃與步出夏門行同。而辭意復備。逮案。詩紀此說甚善。細勘之。隴西行與步出夏門行實同屬一篇也。一、步出夏門行辭云。邪徑過空廬。好人常獨居。卒得神仙道。上與天相扶。過謁王父母。乃在太山隅。離天四五里。道逢赤松俱。攬轡爲我御。將我上天遊。天上何所有。歷歷種白榆。桂樹夾道生。青龍對伏跌云云。文義不完。且與隴西行之前段大同小異。二、宋志、樂府皆言隴西行一曰步出夏門。是三調古辭亦原爲一篇。特標題不同耳。三、鳳皇鳴啾啾。一母將九雛二句。今屬隴西行語。但文選注引歌錄。二句正作步出夏門行。尤證隴西行、步出夏門行之原爲一辭。四、九代樂章所載步出夏門行較今爲備。十四句後又有鳳皇鳴啾啾。一母將九雛。顧視世間人。爲樂甚獨殊四句。亦證二者同屬一篇。節取又有不同。依此。今併二者爲一篇。以符原歌舊貌。

邪徑過空廬。好人常獨居。卒得神仙道。上與天相扶。過謁王父母。乃在太山隅。離天四五里。道逢赤松俱。攬轡爲我御。將吾天上樂府作上天。遊。天上何所有。歷歷御覽或作曆歷。誤。種白榆。桂樹夾道生。青龍對伏跌。玉臺作道隅。文選補遺同。樂府、廣文選或同。鳳皇鳴啾啾。一母將文選注作從。九雛。白帖此二句作鳳皇何啾啾。三母將九子。顧視世間人。爲樂甚獨殊。好婦出迎客。顏色正敷愉。廣文選作腴。伸腰再拜跪。問客平安不。廣文選作否。請客北堂上。坐客羶氈氈。此二句御覽或作請客上北堂。坐羶及氈氈。清白各異樽。酒上玉各書作正。今從韻補作玉。

華疏。酌酒持酌補作待。與客。客言主人持。却略再拜跪。然後持一杯。談笑未及竟。左顧勅中厨。促令辦麩飯。慎莫使稽留。廢禮送客出。盈盈府中趨。送客亦不遠。足不過門樞。取婦得如此。齊姜亦文選補遺作有。不如。健婦持門戶。亦勝一玉臺作勝一大。草堂詩注、西溪叢話、文選補遺同。丈夫。○玉臺新詠一、樂府詩集三十七、文選補遺三十四、廣文選十二、詩紀六俱引天上何所有以下。樂府詩集三十七、廣文選十二、詩紀六作步出夏門行。引邪徑過空廬至青龍對伏跌等句。又白帖二十九作古詩。引鳳皇何啾啾二句。文選十八笙賦注作步出夏門行。引雛一韻。草堂詩箋二十二水檻詩注作隴西行。引夫一韻。御覽二作古樂府。引榆一韻。七百八作古樂府。引甦一韻。苕溪漁隱叢話十二作隴西行。引夫一韻。酌補一作隴西行。引疏、持二韻。

同前

行行重行行。白日薄西山。○文選二十四贈徐幹詩注。

折楊柳行

樂府云。古今樂錄曰。王僧虔技錄云。折楊柳行歌文帝西山古默默二篇。今不歌。○詩紀云。宋書作大曲。

默默施行違。厥罰隨事來。末喜殺龍逢。桀放於鳴條。一解祖伊言不用。紂頭懸白旄。指鹿用爲馬。胡亥以喪軀。二解夫差臨命絕。乃云負子胥。戎王納女樂。以亡其由余。璧馬禍及虢。二國俱爲墟。三解二夫成市虎。慈母投杼趨。卞和之刖足。接輿宋書作予。歸草廬。樂府作廬。四解 樂府云。右一曲魏晉樂所奏。○宋書樂志作大曲。

樂府詩集三十七。廣文選十二作折楊柳。詩紀六。

西門行

樂府云。古今樂錄曰。王僧虔技錄云。西門行歌古西門一篇。今不傳。○詩紀云。宋書作大曲。

出西門。步念之。今日不作樂。當待何時。文選注作今日尚不樂。當復待何時。逮爲樂。逮爲樂。文選補遺不重句。當及時。何能愁佛鬱。當復待來茲。釀美酒。炙肥牛。請呼心所懽。可用解憂愁。人生不滿百。常懷千歲憂。晝短苦夜長。何不秉燭遊。遊行去去如雲除。弊車文選補遺作裘。羸馬爲文選補遺無爲字。自儲。樂府云。右一曲本辭。

○樂府詩集三十七。文選補遺三十四。詩紀六。又文選二十公譙詩注作古樂府歌。引時一韻。

出西門。步念之。今日不作樂。當待何時。一解夫爲樂。爲樂當及時。何能坐愁佛鬱。當復待宋書缺待字。來茲。二解飲醇酒。炙肥牛。請呼心所歡。可用解憂愁。三解人生不滿百。常懷千歲憂。晝短而廣文選作苦。詩紀同。夜長。何不秉燭遊。宋書云。一本燭遊後作去之如雲除。弊車羸馬爲自推。無自非以下四十八字。四解自非仙人王子喬。計會壽命難與期。自非仙人王子喬。計會壽命難與期。五解人壽非金石。年命安可期。貪財愛惜費。但爲後世嗤。六解。樂府云。右一曲晉樂所奏。○宋書樂志。樂府詩集三十七。廣文選十二。詩紀六。

東門行

樂府云。古今樂錄曰。王僧虔技錄云。東門行歌古東門一篇。今不歌。○詩紀云。宋書作大曲。

出東門。不願歸。來人門。悵欲悲。盎中無斗米儲。還視架上無懸衣。御覽作甕中無斗米。架上無懸衣。拔劍東門去。舍中兒母詩紀云。一作女。牽衣啼。他家但願富貴。賤妾與君共鋪糜。上用倉浪天故。下當用此黃口兒。

今非。咄。行。吾去爲遲。白髮時下難久居。樂府云。右一曲本辭。○樂府詩集三十七。詩紀六。又文選二十一詠史詩注作古出東門行。引衣一韵。御覽七百六十五作古詩。引衣一韵。

出東門。不願歸。來入門。悵欲悲。盜中無斗儲。還視桁上無懸衣。一解拔劍出門去。兒女牽衣啼。他宋書作它。風雅翼同。家但願富貴。賤妾與君共鋪糜。二解共鋪糜。上用倉文選補遺作滄。浪天故。下爲黃宋書誤作哉。口小兒。今時清廉。難犯教言。君復自愛莫爲非。三解今時清廉。難犯教言。君復自愛莫爲非。行。吾去爲遲。平慎行。望君宋書作吾。歸。四解樂府云。右一曲晉樂所奏。○宋書樂志。樂府詩集三十七。文選補遺三十四。風雅翼補遺下。廣文選十二。詩紀六。

婦病行

婦病連年累歲。傳呼丈人前一言。當言未及得言。不知淚下一何翩翩。屬累君兩三孤子。莫我兒飢詩紀作饑。且寒。有過慎莫笞。行當折搖。思復念之。亂曰。抱時無衣。襦復無裏。閉門塞牖。舍孤兒到市。道逢親交。泣坐不能起。從乞求與孤買餌。對交啼泣。淚不可止。我欲不傷悲不能已。探懷中錢持授交。入門見孤兒。詩紀無兒字。啼索其母抱。徘徊空舍中。行復爾耳。棄置勿復道。○樂府詩集三十八。詩紀六。

孤兒行

樂府云。孤子生行。一曰孤兒行。古辭言孤兒爲兄嫂所苦。難於久居也。歌錄曰。孤子生行。亦曰放歌行。

孤兒生。孤子遇生。命獨當苦。父母在時。乘堅車。駕駟馬。父母已去。兄嫂令我行賈。南到九江。東到齊與魯。臘月來歸。不敢自言苦。頭多蟣虱。面目多塵。大兄言辦飯。大嫂言視馬。上高堂。行取殿下堂。孤兒淚下如雨。使我朝行汲。暮得水來歸。手爲錯。足下無菲。詩紀云。一作靡。愴愴履霜。中多蒺藜。拔斷蒺藜。腸月中愴欲悲。淚下漉漉。清涕纍纍。冬無複襦。夏無單衣。居生不樂。不如早去。下從地下黃泉。春氣動。草萌芽。三月蠶桑。六月收瓜。將是瓜車。來到還家。瓜車反覆。助我者少。啗瓜者多。願還我蒂。兄與嫂嚴。獨且急歸。當與詩紀作與。校計。亂曰。里中一何譏譏。願欲寄尺書。將與地下父母。兄嫂難與久居。○樂府詩集三十八。詩紀六。○逮案。詩中大兄之大。爲土之訛字。當屬上句。作面目多塵土。土與前後韻賈、魯、馬、兩皆叶。今土訛大。則斷塵爲句。失其韻。又土訛大。連下讀爲大兄。後人遂不得不於嫂字上亦添大字。使篇中兄嫂辭例亦亂。應添土字。去兩大字。

雁門太守行

樂府云。古今樂錄曰。王僧虔技錄云。雁門太守行歌古洛陽令一篇。後漢書曰。王渙。字稚子。廣漢郫人也。少好俠。尚氣力。晚改節。敦儒學。習書讀律。略通大義。後舉茂才。除溫令。討擊姦猾。境內清夷。永元十五年。還爲洛陽令。政平訟理。發摘姦伏。京師稱歎。以爲有神算。民思其德。爲立祠安陽亭西。每食輒弦歌而薦之。延熹中。桓帝事黃老道。悉毀諸旁祠。惟存卓茂與渙祠焉。

孝和帝在時。洛陽令王君。本自益州廣漢蜀。宋書無蜀字。民。後漢書注作人。少文選注作小。行宦後漢書注作官。學。通五經論。宋書作論。一解明知法令。歷世後漢書注作代。衣冠。從溫補洛陽令。治後漢書注作化。行政賢。擁護百姓。子養萬民。二解外行猛政。內懷慈仁。文武備具。料文選注作課。民富文選注作不。貧。移惡子姓。宋書此下有各

五二字。後漢書注同。詩紀云。宋書有名五二字。篇文選注作偏。著里端。三解傷殺人。比伍同罪對門。禁整宋書作鑷。矛八尺。捕輕薄少年。加笞決罪。詣馬市論。四解無妄發賦。念在理冤。敕吏正獄。不得苛煩。財用錢三十。買繩禮詩紀云一作理。竿。五解賢哉賢哉。我縣王君。臣吏衣冠。奉事皇帝。功曹主簿。皆得其人。六解臨部居職。不敢行恩。草堂詩箋注作私。清身苦體。夙夜勞動。治後漢書注作化。有能名。遠近所聞。七解天年不遂。早就奄昏。爲君作祠。安陽亭西。欲令後世。後漢書注作代。莫不稱傳。八解。樂府云。右一曲晉樂所奏。○宋書樂志。樂府詩集三十九。詩紀六。又後漢書王渙傳作古樂府歌。引君、人、論、冠、賢、仁、端、寬、勤、聞、昏、西、傳十三韻。文選五十九故安陸王碑文注引仁、貧、端三韻。草堂詩箋二十一送梓詩注引私、聞二韻。○遠案。歌中民作人。世作代。治作化。皆係唐人避諱。

豔歌何嘗行

樂府云。一曰飛鵠行。古今樂錄曰。王僧虔技錄云。豔歌何嘗行歌文帝何嘗、古白鵠二篇。○詩紀云。飛鵠行。宋書作大曲。○遠案。此詩詩紀分爲兩篇。念與君離別以下另爲一首。不著解數。不曰右一曲爲晉樂所奏。僅於題下標曰二首。篇後附廣文選歌辭。不免自亂其例。今據宋書及玉臺新詠所載。以次列奏曲本辭。

飛來雙白鵠。草堂詩箋作鶴。乃從西北來。十將五五。羅列行不齊。忽然卒被病。不能飛相隨。五里一反顧。六草堂詩箋作十。里一徘徊。吾欲銜汝去。口噤不能開。吾欲負汝去。羽毛日摧頹。樂哉新相知。憂來生別離。峙嶠草堂詩箋作踟躕。顧羣侶。淚落縱橫垂。今日樂相樂。延年萬歲期。○玉臺新詠一。廣文選十一。又草堂詩箋二十九暇日詩注引來、徊、開、頹、離、垂六韻。

飛來雙類聚無雙字。白鵠。修文館御覽作鶴。類聚、御覽、黃氏杜詩注、事類賦同。乃修文館御覽無乃字。類聚、御覽、事類賦同。從

西北黃氏杜詩注作南來。事類賦作方。詩紀同。十五五。類聚作十五十五。是。羅列類聚作遲遲。成行。一解妻卒被病。行修文館御覽無行字。類聚同。不能相隨。五里一。修文館御覽無一字。御覽同。返御覽作還。事類賦作還一。顧。六白帖作十。里一。修文館御覽無一字。御覽同。徘徊。二解吾欲銜汝去。口噤不能開。吾欲負汝去。毛羽何類聚作日。事類賦同。摧頽。三解樂哉新相知。憂來生別離。躊躇顧羣侶。淚下不自知。四解念與君離別。氣結不能言。各各初學記作言。重自愛。道遠歸還難。初學記作遠道歸來難。妾當守空房。閉門下重關。若生當相見。亡者會重泉。今日樂相樂。延年萬歲期。念與下爲趨。曲前有豔。樂府云。右一曲晉樂所奏。○宋書樂志。樂府詩集三十九。風雅翼補遺下。文選補遺三十四作飛鶴行。詩紀六。又類聚九十作古詩。引來、行、隨、徊、開、頽六韻。鳴沙石室修文館御覽及御覽九百十六俱作古歌辭。引來、行、隨、徊、開、頽六韻。初學記十八作飛鶴行。引言、難二韻。白帖二十九作飛來雙白鶴。引徊一韻。黃氏集千家註杜詩補遺十銅官詩注引來一韻。事類賦鶴賦注作古歌辭。引方、行、隨、徊、開、頽六韻。

豔歌行

樂府云。古今樂錄曰。豔歌行非一。有直云豔歌。卽豔歌行是也。若羅敷、何嘗、雙鴻、福鍾等行。亦皆豔歌。王僧虔技錄云。豔歌雙鴻行。荀錄所載雙鴻一篇。豔歌福鍾行。荀錄所載福鍾一篇。今皆不傳。豔歌羅敷行日出東南隅篇。荀錄所載羅敷一篇。相和中歌之。今不歌。

翩翩堂前燕。冬藏夏來見。兄弟兩三人。流宕玉臺作蕩。韻補同。類書殘卷作分居。在他縣。故衣誰當玉臺作爲。詩紀云。一作爲。韻補作誰當。補。新衣誰當。韻補作當誰。綻。賴得賢主人。覽取爲我組。玉臺作綻。廣文選、詩紀誤作組。夫婿從門來。斜柯詩紀作倚。西北眇。語卿且勿眇。水清石自見。石見何纍纍。遠行不如歸。○玉臺新詠一。樂府詩集

三十九。廣文選十二。詩紀六。又鳴沙石室古籍叢殘類書殘卷作古詩。引見、縣二韻。韻補四作古豔歌。引縣、綻二韻。

楚調曲

白頭吟

樂府云。古今樂錄曰。王僧虔枝錄曰。白頭吟行。歌古體如山上雪篇。西京雜記曰。司馬相如將聘茂陵人女爲妾。卓文君作白頭吟以自絕。相如乃止。

皚如山上雪。皎若雲間月。聞君有兩意。故來相決絕。今日斗酒會。明日御覽作日。溝水頭。躑躑御覽作蹠蹠。御溝上。溝水東西流。淒淒復淒淒。嫁娶不須啼。願得一心人。白頭不相離。竹竿何嫋嫋。魚尾何篸篸。玉臺作徒徒。男兒重意氣。何用錢刀爲。樂府云。右一曲本辭。○玉臺新詠一。樂府詩集四十一。詩紀二作卓文君白頭吟。御覽七十五作古詩。引頭、流二韻。

皚宋書作晴。御覽作皓。合璧事類作曉。如山上雪。皎如玉臺作若。御覽同。雲間月。聞君合璧事類作良人。有兩意。故來合璧事類作與。相決絕。合璧事類作別。一解平生共城中。何嘗斗酒會。明日御覽作日。樂府、合璧事類同。溝水頭。躑躑御合璧事類作向。詩紀云。一作向。溝上。溝水東西流。二解郭東亦有樵。郭西亦有樵。兩樵相推與。無親爲誰驕。三解淒淒重淒淒。文選集注作妻妻。嫁娶亦不文選集注作不須。合璧事類同。啼。願得一心人。白頭不相離。四解竹竿何嫋嫋。魚尾何離篸。男兒欲相知。何用錢刀爲。皤如樂府云。如下或有五字。宋書如下有五字。又注云。一本云。詞曰。上有紫羅。咄咄奈何。廣文選、詩紀云。或有下五字。馬噉箕。川上高士嬉。今日相對樂。延年萬歲期。五解

樂府云。右一曲晉樂所奏。○宋書樂志。樂府詩集四十一。風雅翼補遺下。廣文選十二。詩紀二作卓文君白頭吟。又御覽十二作樂府歌。引雪、月、絕三韻。合璧事類二十八引月、別、頭、流、啼、離六韻。文選集注五十六白頭吟注引啼、離二韻。

怨詩行詩紀云。一曰怨詩行歌。

樂府云。古今樂錄曰。怨詩行歌東阿王明月照高樓一篇。王僧虔技錄曰。荀錄所載古爲君一篇。今不傳。

天道悠且長。人命一何促。百年未幾時。奄若風吹燭。嘉賓難再遇。人命不可續。齊度遊四方。各繫太山錄。人間樂未央。忽然歸東嶽。當須盪中情。遊心恣所欲。○樂府詩集四十一。廣文選十二。詩紀六。

大曲

滿歌行

樂府云。樂府解題曰。古辭云。爲樂未幾時。遭時嶮巖。其始言逢此百罹。零丁荼毒。古人遜位躬耕。遂我所願。次言窮達天命。智者不憂。莊周遺名。名垂千載。終言命如鑿石見火。宜自娛以頤養。保此百年也。○遼案。詩紀此曲先載本辭。後著奏曲。今依樂府移置。

爲樂未幾時。遭時嶮巖。逢此百罹。零丁荼毒。愁苦難爲。遙望極辰。天曉月移。憂來填心。誰當我知。戚戚多思慮。耿耿殊不寧。禍福無形。惟念古人遜位躬耕。遂我所願。以茲樂府無茲字。自寧。自鄙棲棲。廣文選作棲棲。守此末榮。暮樂府作莫。秋烈風。昔蹈滄海。心不能安。攬衣瞻夜。北斗闌干。星漢照我。去自無他。奉事二親。勞心可言。窮達天爲。智者不愁。多爲少憂。安貧樂道。師彼莊周。遺名者貴。子遐同遊。往者二

賢。名垂千秋。飲酒歌舞。樂復何須。照視日月。日月馳驅。轉軻人間。何有何無。貪財惜費。此一何愚。鑿石見火。居代幾時。爲當懽樂。心得所喜。安神養性。得保遐期。樂府云。右一曲本辭。○樂府詩集四十三。廣文選十二。詩紀六。○逮案。廣文選此辭分解書之。與下奏曲混淆。

爲樂未幾時。遭世嶮巇。逢此百罹。宋書作離。零丁荼毒。愁懣難支。遙望辰極。天曉月移。憂來填宋書作聞。心。誰當我知。一解 戚戚多思慮。耿耿不寧。禍福無刑。唯念古人。遜位躬耕。遂我所願。以茲自寧。自鄙山棲。守此一榮。二解 暮宋書作莫。秋烈宋書作冽。風起。西蹈滄海。心不能安。攬衣起瞻夜。北斗闌干。星漢照我。去去自無他。奉事二親。勞心可言。三解 窮達天所爲。智者不愁。多爲少憂。安貧樂正道。師彼莊周。遺名者貴。子熙同讖。詩紀作讖。往者二賢。名垂千秋。四解 飲酒歌舞。不樂何須。善哉照觀日月。日月馳驅。轉軻世間。何有何無。貪財惜費。此何一愚。命如鑿石見火。居世竟能幾時。但當歡樂自娛。盡心極所嬉。宋書作熙。怡。安善養君德性。百年保此期頤。飲酒下爲趨。樂府云。右一曲晉樂所奏。○宋書樂志。樂府詩集四十三。詩紀六。

舞曲歌辭

雜舞

淮南王詩紀云。樂府列在晉拂舞歌。

樂府云。崔豹古今注曰。淮南王。淮南小山之所作也。淮南王服食求仙。遍禮方士。遂與方士相携俱去。莫知所往。

小山之徒。思戀不已。乃作淮南王曲焉。

淮南王。自言尊。宋書作尊言。百尺高樓與天連。後園鑿井銀作牀。金瓶素綆汲寒漿。汲寒漿。文選補遺少此三字。飲少年。少年窈窕何能賢。揚聲悲歌音絕天。我欲渡宋書作度。河河無梁。願化南齊書作作。晉書、文選補遺同。雙黃鵠還故鄉。還故鄉。人故里。徘徊故鄉苦身不已。繁舞寄聲晉書作奇歌。文選補遺同。無不泰。徘徊桑梓遊天外。○宋書樂志。晉書樂志。樂府詩集五十四。文選補遺三十四。廣文選十二。詩紀六。又南齊書樂志引尊、連、梁、鄉四韻。

鐸舞歌詩

聖人制禮樂篇詩紀云。晉書樂志曰。鐸舞詩二篇陳於元會。

唐書樂志曰。鐸舞。漢曲也。古今樂錄曰。鐸。舞者所持也。木鐸制法度。以號令天下。故取以爲名。古鐸舞曲有聖人制禮樂一篇。聲辭雜寫。不復可辨。相傳如此。○遼案。曲中吾、許、來、邪、意、帝、武、尊、來、咄等皆聲字。治路萬善道明金聖皇八音善草供國皆有疊辭。今將聲字及疊辭皆以小字側書之。

昔皇文武邪彌彌舍善誰吾時吾行許帝道銜來治路萬邪治路萬邪赫赫意黃運道吾治路萬邪善道明邪金邪善道明邪金邪近帝武邪邪聖皇八音偶邪尊來聖皇八音及來義邪同邪烏及來義邪善草供國吾咄等邪烏近帝邪武邪近帝武邪武邪應節合用武邪尊邪應節合用酒期義邪同邪酒期義邪善草供國吾咄等邪烏近帝邪武邪近帝烏邪邪下音足木上爲鼓義邪應衆義邪樂邪邪延否已邪烏已禮祥咄等邪烏素女有絕其聖烏烏武邪○宋書樂志。樂府詩集五十四。詩紀六。○遼案。此曲聲辭相雜。不易詮釋。然若較以傳玄擬作。則尚有可解者。傳玄雲門篇云。黃雲門。唐成池。虞韶舞。夏夏殷漢。列代有五。振鐸鳴金延大武。清歌

發唱形爲主。聲和八音協律呂。身不虛動。手不徒舉。應節合度周其叙。時奏宮角。雜之以徵羽。下饜衆目。上從鐘鼓。樂以移風。與德禮相輔。安有失其所。今以古曲比較傳作。則見聖皇八音卽聲和八音之所本。應節合用酒期卽應節合度周其叙之所本。下音足木上爲鼓。卽下饜衆目上從鐘鼓之所本。樂延否已禮祥。卽樂以移風與德禮相輔之所本。皆異中有同也。傳玄曉音。善擬舊曲。然亦非全襲舊辭。如身不虛動。手不徒舉二句。傳作有而古曲無之。赫赫皇連一句。古曲有而傳作無之。古曲爲有絕其聖。傳則改爲安有失其所。皆證古辭與擬作又有不同。

巾舞歌詩

樂府云。唐書樂志曰。公莫舞。晉宋謂之巾舞。其說云。漢高祖與項籍會鴻門。項莊舞劍。將殺高祖。項伯亦舞。以袖隔之。且語莊云。公莫苦。楚人相呼曰公。言公莫害漢王也。漢人德之。故舞用巾。以象項伯衣袖之遺式。宋書樂志曰。按琴操有公莫渡河。然其聲所從來已久。俗云項伯。非也。古今樂錄曰。巾舞。古有歌辭。訛異不可解。江左以來。有歌舞辭。沈約疑是公無渡河曲。今三調中自有公無渡河。其聲哀切。故人瑟調。不容以瑟調離於舞曲。○逮案。沈約謂巾舞曲與項伯無關。所見甚是。謂卽公無渡河。亦非。此曲當是西漢人形容寡婦之舞詩。其辭與後人詠陶嬰之黃鵠曲極相類似也。

吾不見公莫時吾何嬰公來嬰姥時吾哺聲何爲茂時爲來嬰當思明月之土轉起吾何嬰土來嬰轉去吾哺聲何爲土轉南來嬰當去
吾城上羊下食草吾何嬰下來吾食草吾哺聲汝何二年針縮何來嬰吾亦老吾平平門滛涕下吾何嬰何來嬰涕下吾哺聲昔結
吾馬客來嬰吾當行吾度四州洛四海吾何嬰海何來嬰海何來嬰四海吾哺聲煖西馬頭香來嬰吾洛道吾洛五丈渡汲水吾噫
邪哺誰當求兒母何意零邪錢健步哺誰當吾求兒母何吾哺聲三針一發交時還弩心意何零意弩心遙來嬰弩心哺聲復相頭

巾意何零何邪相哺頭巾相吾來嬰頭巾母何何吾復來推排意何零哺推相來嬰推非母何吾復車輪意何零子以邪相哺轉輪吾來嬰轉母何吾使君去時意何零子以邪使君去時使來嬰去時母何吾思君去時意何零子以邪思君去時思來嬰吾去時母何何吾吾○宋書樂志。樂府詩集五十。詩紀六。○當思樂府作當恩。土宋書作上。吾何嬰海何來嬰海何來嬰樂府作吾何嬰海何來嬰。○遼案。巾舞辭有可訓釋者。公莫當卽公姥。故下文轉唱卽爲姥字茂字。莫茂皆姥音之轉。城上羊下食草。卽鮑照所謂躑躅城上羊。攀隅食玄草義。洛四海洛。卽略之借字。錢健步。錢卽遣之借字。三國志有遣健步語。三針。針乃箭之借字。他如推排轉輪等。亦漢人習語。又篇中有平門滌涕下語。知詩爲西漢作。

散樂

俳歌辭

樂府云。一曰侏儒導。自古有之。蓋倡優戲也。南齊書樂志曰。侏儒導。舞人自歌之。古辭俳歌八曲。前一篇二十二句。今侏儒所歌。摘取之也。古今樂錄曰。梁三朝樂第十六。設俳伎。伎兒以青布囊盛竹篋。貯兩踈子。負束寫地歌舞。小兒二人提查踈子頭讀俳云。見俳不語。言俳澀所。俳作一起。四坐敬止。馬無懸蹄。牛無上齒。駱駝無角。奮迅兩耳。半折薦博。四角恭時。

俳不言不語。呼俳喻所。俳適一起。狼率不止。生拔牛角。摩斷膚耳。馬無懸蹄。牛無上齒。駱駝無角。奮迅兩耳。○南齊書樂志。樂府詩集五十六。詩紀六

漢詩卷十

樂府古辭

雜曲歌辭

蜨蝶行

蜨蝶之初學記作蝶之蝶。萬花谷同。遨遊初學記作我。萬花谷作戲。東園。奈何卒逢初學記作未還。萬花谷同。三月養子燕。接我首着間。持古詩紀作披。之我初學記作戲。入紫深宮中。行纏之傳樂府作傳。構櫺間。雀來燕。燕子見銜哺來。搖頭鼓翼何軒奴軒。○樂府詩集六十一。詩紀七。又初學記三十。萬花谷後四十俱引園、鷺、間三韻。○遼案。持之我入紫深宮中句有倒誤。當作持之我人此深宮中。或作持之我深人紫宮中。

梁甫吟

古文苑作古梁父吟。不題諸葛亮名字。類聚、樂府詩集等均題蜀諸葛亮作。按李勉琴說曰。梁甫吟。曾子撰。琴操曰。曾子耕太山之下。天雨雪凍。旬月不得歸。思其父母。作梁山歌。蔡邕琴頌曰。梁甫悲吟。周公越裳。按梁甫。山名。在泰山下。據此。梁甫吟不始於孔明。而此辭亦與孔明無關。今附入漢雜曲歌辭中。

步出齊城門。遙滄浪詩話作追。望蕩陰御覽作陰陽。寰字記、滄浪詩話同。里。里中御覽作內。寰字記同。有三墳。樂府作墓。廣文選同。纍纍正寰字記作皆。相似。問是御覽作借問。寰字記、草堂詩箋同。誰家墓。類聚作冢。草堂詩箋、文選補遺同。御覽作墳。田疆古文苑作強。類聚、樂府、草堂詩箋作疆。寰字記作開。古治滄浪詩話作固野。子。草堂詩箋作氏。西溪叢話同。詩紀云。一作氏。力能排南山。文西溪叢話作又。是。能絕地紀。類聚作理。文選補遺同。詩紀云。一作理。一朝被讒言。一桃殺三士。誰能爲此謀。西溪叢話作誅。非。國相西溪叢話作相國。非。齊晏子。○類聚十九引蜀志作梁父吟。古文苑四作梁父吟。樂府詩集四十一。草堂詩箋一同李詩注引三齊記略。文選補遺三十四。西溪叢話上。廣文選十三。詩紀四作諸葛亮梁甫吟。又御覽百五十七、寰字記十八並引郡國志。錄里、似、子三韻。滄浪詩話作梁父吟。引追望陰陽里、田疆固野子二句。

悲歌

悲歌可以當泣。遠望可以當歸。思念故鄉。鬱鬱纍纍。欲歸家無人。欲渡河無船。心思不能言。腸中車輪轉。○樂府詩集六十二。文選補遺三十六。廣文選十二。詩紀七。

前緩聲歌

水中之馬。必有陸地之船。但有意氣不能自前。心非木石。荆根株數得覆。詩紀作復。廣文選同。蓋天。當復思東流之水。必有西上之魚。不在大小。但有朝於復來。長笛續短笛。欲今當作令。皇帝陛下三千萬。○樂府詩集六十五。廣文選十二。詩紀七。

古詩爲焦仲卿妻作並序○玉臺詩下有無名人三字。

漢末建安中。廬江府小吏焦仲卿妻劉氏。爲仲卿母所遣。自誓不嫁。其家逼之。乃投玉臺。樂府並作沒。水而死。仲卿聞之。亦自縊於庭樹。時人玉臺無人字。傷之。爲詩云爾。樂府作而爲此辭也。

孔雀東南飛。五里一徘徊。十三能織素。類聚作綺。十四學裁衣。十五彈箏篴。十六誦詩書。類聚作書詩。十七爲君類聚作嫁爲婦。心中常苦悲。君既爲府吏。類聚作史。守節情不移。賤妾留空房。相見常日稀。玉臺無此二句。樂府同。鷄鳴入機織。夜夜不得息。三日斷五疋。大人詩紀云。一作丈人。故嫌類聚作言。遲。非爲織作遲。君家婦難爲。妾不堪驅使。徒留無所施。便可白公姥。及時相遣歸。府吏得聞之。堂上啟阿母。兒已薄祿相。幸復得此婦。結髮同枕席。黃泉共爲友。共事三二玉臺。樂府作二三。年。始爾未爲久。女行無偏斜。何意致不厚。阿母謂府吏。何乃太區區。此婦無禮節。韻補作所。舉動自專由。吾意久懷忿。汝豈得自由。東家有賢女。自名秦羅敷。可憐體無比。阿母爲汝求。便可速遣之。遣之樂府作去。慎莫留。府吏長跪告。玉臺作答。伏惟啟阿母。今若遣此婦。終老不復取。阿母得聞之。槌牀詩紀誤作衣。便大怒。小子無所畏。何敢古樂府誤作取。助婦語。吾已失恩義。會不相從許。府吏默無聲。再拜還入戶。舉言謂新婦。哽咽不能語。我自不驅卿。逼迫有阿母。卿但暫還家。吾今且報詩紀作赴。府。不久當歸還。還必相迎取。以此下心意。慎勿違吾語。新婦謂府吏。勿復重紛紜。往昔初陽歲。謝家來貴門。奉事循公姥。進止樂府作心。古樂府同。韻補作退。敢自專。晝夜勤作息。伶俜韻補作媿。繁苦辛。謂言無罪過。供養卒大恩。仍更被驅遣。何言復來還。妾有繡腰

襦。葳蕤自生光。類聚作文象牙簾。御覽作文象牙籠。綠紅羅複斗帳。四角垂香囊。箱簾六七十。類聚作文象牙簾。御覽作文象牙籠。綠碧御覽作宛轉。青類聚作宛轉素。絲繩。物物各自異。種種在其中。人賤物亦鄙。類聚作鄙賤雖可薄。不足類聚作猶中。迎後人。留待作遺玉臺作遺。樂府、古樂府同。施。於今無會因。時時爲安慰。久久莫相忘。鷄鳴外欲曙。新婦起嚴妝。著我繡袂裙。事事四五通。足下躡絲履。頭上玳瑁光。腰若流紈素。耳著明月璫。指如削葱根。口如含朱丹。纖纖作細步。精妙世無雙。上堂拜樂府作謝。古樂府同。詩紀云。一作謝。阿母。阿母怒玉臺作母聽去。樂府、古樂府同。不止。昔作女兒時。生小出野里。本自無教訓。兼愧貴家子。受母錢帛多。不堪母驅使。今日還家去。念母勞家裏。却與小姑別。淚落連珠子。新婦初來時。此下詩紀有小姑始扶牀。今日被驅遣二句。小姑如我長。勤心養公姥。好自相扶將。初七及下九。嬉戲莫相忘。出門登車去。涕落百餘行。府吏馬在前。新婦車在後。隱隱何甸甸。俱會大道口。下馬入車中。低頭共耳語。誓不相隔卿。且暫還家去。吾今且赴府。不久當還歸。誓天不相負。新婦謂府吏。感君區區懷。君既若見錄。不久望君來。君當作磐玉臺作盤。下同。石。妾當作蒲葦。蒲葦紉如絲。磐石無轉移。我有親父兄。性行暴如雷。恐不任我意。逆以煎我懷。舉手長勞勞。二情同依依。入門上家堂。進退無顏儀。阿母大拊掌。不圖子自歸。十三教汝織。十四能裁衣。十五彈箏篴。十六知禮儀。十七遣汝嫁。謂言無誓違。汝今無詩紀作何。罪過。不迎而自歸。蘭芝慚阿母。兒實無罪過。阿母大悲摧。還家十餘日。縣令遣媒來。云有第三郎。窈窕世無雙。年始十八九。便言多令才。阿母謂阿女。汝可去應之。阿女含玉臺作銜。淚答。蘭芝初還時。府吏見丁寧。結誓不別離。今日違情義。恐此事非奇。自可斷來信。徐徐更謂之。阿母白媒人。貧賤有此女。始適還家門。不堪吏人婦。豈合令郎君。幸可廣問古樂

府誤作門。訊。不得便相許。媒人去數日。尋遣丞樂府作承。請還。說樂府作誰。古樂府同。有蘭家女。承籍有宦官。云有第五郎。嬌逸未有婚。遣丞爲媒人。主簿通語言。直說太守家。有此令郎君。既欲結大義。故遣來貴門。阿母謝媒人。女子先有誓。老姥豈敢言。阿兄得聞之。悵然心中煩。舉言謂阿妹。作計何不量。先嫁得府吏。後嫁得郎君。否泰如天地。足以榮汝身。不嫁義郎玉臺、樂府作卽。體。其住古樂府作往。詩紀同。欲何云。蘭芝仰頭答。理實如兄言。謝家事夫壻。中道還兄門。處分適兄意。那得自任專。雖與府吏要。渠會永無緣。登卽相許和。便可作婚姻。詩紀作媼。媒人下牀去。諾諾復爾爾。還部白府君。下官奉使命。言談大有緣。府君得聞之。心中大歡喜。視曆復開書。便利此月內。六合正相應。良吉二十日。今已二十七。卿可去成婚。交語速裝束。古樂府作表。絡繹玉臺作駱驛。如浮雲。青雀白鵠舫。四角龍子幡。婀娜隨風轉。金車玉作輪。躑躅青驄馬。流蘇金縷玉臺、樂府作鑲。鞍。齋錢三百萬。皆用青絲穿。雜綵三百疋。交用玉臺、樂府作廣。詩紀同。又注。一作用。市鮭古樂府作鯉。珍。從人四五百。鬱鬱登郡門。阿母謂阿女。適得府君書。明日來迎汝。何不作衣裳。莫令事不舉。阿女默無聲。手巾掩口啼。淚落便如瀉。移我琉璃榻。出置前窗下。左手持刀尺。古樂府誤作天。右手執綾羅。朝成繡袂裙。晚成單羅衫。晻晻日欲暝。愁思出門啼。府吏聞此變。因求假暫歸。未至二三里。摧藏馬悲哀。新婦識馬聲。躡履相逢迎。悵然遙相望。知是故人來。舉手拍馬鞍。嗟歎使心傷。自君別我後。人事不可量。果不如先願。又非君所詳。我有親父母。逼迫兼弟兄。以我應他人。君還何所望。府吏謂樂府誤作爲。新婦。賀卿得樂府誤作德。高遷。磐石方且玉臺、樂府作可。厚。可以卒千年。蒲葦一時紉。便作旦夕間。卿當日勝貴。吾獨向黃泉。新婦謂府吏。何意出此言。同是被逼迫。君爾妾亦然。黃泉下

玉臺、樂府作不。相見。勿違今日言。執手分道去。各各還家門。生人作死別。恨恨那可論。念與世間辭。千萬不復全。府吏還家去。上堂拜阿母。今日大風寒。寒風摧樹木。嚴霜結庭蘭。兒今日冥冥。令母在後單。故作不良計。勿復怨鬼神。命如南山石。四體康且直。阿母得聞之。零淚應聲落。汝是大家子。仕宦於臺閣。慎勿爲婦死。貴賤情何薄。東家有賢女。窈窕豔城郭。阿母爲汝求。便復在旦夕。府吏再拜還。長歎空房中。作計乃爾立。轉頭向戶裏。漸見愁煎迫。其日牛馬嘶。新婦人青廬。菴菴黃昏後。寂寂人定初。我命絕今日。魂去尸長留。攬裙脫絲履。舉身赴清池。府吏聞此事。心知長別離。徘徊顧玉臺、樂府作庭。樹下。自掛東南枝。兩家求合葬。合葬華山傍。東西植松柏。左右種梧桐。枝枝相覆蓋。葉葉相交通。中有雙飛鳥。自名爲鴛鴦。仰頭相向鳴。夜夜達五更。行人駐足聽。寡婦起彷徨。多謝後世人。戒之慎勿忘。○玉臺新詠一、樂府詩集七十三、古樂府十並作焦仲卿妻。詩紀七。又類聚三十二引徊、衣、詩、移、息、遲、爲、光、囊、繩十韻。吳棫韻補九引區、由二韻。韻補一引專、辛二韻及鞍、穿二韻。○遼案。新婦初來時下。詩紀有小姑始扶牀。今日被驅遣二句。此後人所妄增。草堂詩箋三五引此詩尚直作新婦初來時。小姑如我長。且始扶牀之小姑。三二年後亦不能與蘭芝等長。又雜綵三百正。交用市鮭珍。按作用者是。錢與雜綵皆是貨幣。故下言交用也。作廣者。後人不諳幣制故妄改。

枯魚過河泣

枯魚過河泣。何時悔復及。作書與魴鱖。相教慎出入。○樂府詩集七十四。文選補遺三十四。廣文選十二。詩紀七。

樂府

行胡從何方。御覽作來。列國持何來。穉穉類聚無穉穉二字。御覽同。穉萬花谷無穉穉二字。五木類聚作水。萬花谷同。御覽作伍味。香。迷迭御覽誤作送。艾納類聚誤作網。萬花谷無艾納二字。及都梁。類聚作良。○樂府詩集七十七。御覽九百八十二。詩紀七。又類聚八十一引香、良二韻。萬花谷三十二引香、良二韻。

離歌

詩紀作雜歌。注云。一作離歌。

晨行梓道中。梓葉相切磨。與君別交中。繡如新縑羅。詩紀作維。注云。一作羅。裂之有餘絲。吐之無還期。○樂府詩集八十四。詩紀七。

箜篌謠

結交在相知。文苑作得。樂府同。骨肉何必親。甘言無忠實。世薄多蘇秦。從風暫靡草。富貴上昇天。文苑作人。注云。一作真。不見山文苑作高。巔樹。摧扞文苑誤作抗。下爲薪。豈甘文苑云。一作目睹。井中泥。上出作埃塵。文苑作時至出作塵。詩紀云。一云時至出作塵。○文苑英華二百十失名。次梁劉孝威後。樂府詩集八十七作無名氏。又御覽四百六作古歌辭。引親、秦二韻。

猛虎行

飢不從猛虎食。暮文選注暮上或衍日字。不從野雀棲。野雀安無巢。遊子爲誰驕。○樂府詩集三十一。文選二十八猛虎行注。文選三十雜詩注。詩紀七。

同上

少年惶且怖。伶俜到他鄉。○文選十六寡婦賦注。

稟氣有豐約。受形有短長。○文選五十謝靈運傳論注。

上留田行

出是上獨西門。三荆同一根生。一荆斷絕不長。兄弟有兩三人。塊摧獨貧。○文選二十八豫章行注。

同上

里中有啼兒。似類親父當是交字殘文。親交。漢人習語。子。回車問啼兒。慷慨不可止。○樂府詩集三十八上留田行注。詩紀七。

古八變歌

選詩拾遺曰。古歌有八變、九曲之名。未詳其義。李尤九曲歌曰。年歲晚暮時已斜。安得壯士挽日車。傅玄九曲歌曰。歲暮景邁羣光絕。安得長繩繫白日。全篇無傳。獨八變僅存。樂府諸書亦不收也。○遠案。此詩可疑。

北風初秋至。吹我章華臺。浮雲多暮色。似從崦嵫來。枯桑鳴中林。緯絡響空階。翩翩飛蓬征。愴愴遊子

懷。故鄉不可見。長望始此回。○選詩拾遺。古詩類苑四十五。詩紀七。又御覽二十五引臺、來二韻。

古歌

上金殿。著類聚誤作者。玉樽。延貴客。入金類聚無金字。門。入金門。類聚無此三字。上類聚作黃。金堂。東厨具肴膳。椎牛烹猪羊。主人前進酒。彈類聚作琴。瑟爲清商。投壺對彈棋。博奕並復行。朱火颺煙霧。博山吐微香。清樽發朱顏。四坐樂且康。今日樂相樂。延年壽千霜。○選詩拾遺。古詩類苑四十五。詩紀七。又類聚七十四引樽、門、堂、羊、商、行六韻。

古歌

秋風蕭蕭愁殺人。出亦愁。人亦愁。座中何人誰不懷憂。令我白頭。胡詩紀作故。地多颺風。樹木何修修。御覽作蕭蕭。離家日趨遠。衣帶日趨緩。心思不能言。腸中車輪轉。○選詩拾遺。古詩類苑四十五。詩紀七。又御覽二十五作古樂府歌。所引缺憂、頭二韻。文選二十三七哀詩注作古詩。引憂、頭二韻。○逸案。此歌與前悲歌當爲同篇殘文。

豔歌

今日樂上樂。相從步雲衢。御覽無步雲衢三字。天公出美酒。河伯出鯉魚。青龍前鋪席。白虎持榼壺。南斗工鼓瑟。御覽作琴。北斗吹笙竽。御覽誤作竿。姮娥垂明璫。織女奉瑛琚。蒼霞揚東謳。清風流西歛。垂露成帷幄。奔星扶輪輿。○選詩拾遺。古詩類苑三十三。詩紀七。又御覽五百二十九作古豔詩。引從、魚、壺、竿四韻。

古咄咄歌

棗下何攢攢。榮華各有時。棗欲初赤時。人從四邊來。棗適今日賜。誰當仰視之。○文選十八笙賦注。詩紀七。

古胡無人行

望胡地。何嶮峭。斷胡頭。脯胡臆。○御覽八百。

古步出夏門行

白骨不覆。疫癘流行。○文選二十關中詩注。

市朝易人。一作人易。千載一作歲。墓平。○文選二十八門有車馬客詩注、三十和伏武昌詩注。
行行復行行。白日薄西山。○文選二十七從軍詩注。

古新成安樂宮

般鼓鍾聲。盡爲鏗鏘。○文選十七舞賦注。

視刀鐙歌文選補遺云。亦入樂府。

常恨言語淺。不如人意深。今朝兩相視。脉脉動人心。○文選補遺三十五。廣文選十四。○遠案。文選補遺此篇置漢悲歌後。而趙整酒德歌前。殆以爲漢歌乎。

古樂府罩辭

罩初何得。端來得鮒。小者如手。大者如履。孝子持歸遺我公姬。詩乘作姥。安得此魚。適與罩连。從今以後。但當求鮒。○御覽九百三十七。

雞鳴歌

樂府云。樂府廣題曰。漢有雞鳴衛士。主雞唱宮外。舊儀。宮中與臺並不得畜雞。晝漏盡。夜漏起。中黃門持五夜。甲夜畢傳乙。乙夜畢傳丙。丙夜畢傳丁。丁夜畢傳戊。戊夜是爲五更。未明三刻。雞鳴衛士起唱。晉太康地記曰。後漢固始、銅陽、公安、細陽四縣衛士習此曲。於闕下歌之。今雞鳴歌是也。然則此歌蓋漢歌也。

東方欲明星爛爛。汝南晨雞登壇喚。曲終漏盡嚴具陳。月没星稀天下旦。千門萬戶遞魚鑰。宮中城上飛烏鵲。○樂府詩集八十三。○遠案。漢七言詩率句句用韻。今此第三句不韻。似經後人竄改。

古豔歌

孔雀東飛。苦寒無衣。爲君作妻。中心惻悲。夜夜織作。不得下機。三日載疋。尚言吾遲。○御覽八百二十六。

○逸案。古詩爲焦仲卿作卽繼承此歌。

同上詩紀作古詩。

行行御覽作不。草堂詩箋同。隨道。經歷山草堂詩箋作止。誤。陂。馬啖栢葉。人啖草堂詩箋作啗。栢御覽或作松。脂。不可常詩紀作長。飽。聊可遏飢。○藝文類聚八十八。御覽四百八十六。草堂詩箋十六空囊詩注。詩紀十。又御覽九百五十三木部松引脂、飢二韻。

同上

粦粦白兔。東走西顧。衣不如新。人不如故。○御覽六百八十九、九百七。

同上

蘭草自生香。生于大道傍。十月鈎簾起。升菴詩話作腰鎌八九月。并升菴詩話作俱。在束薪中。○匡謬正俗七。升菴詩話蘭草條。詩紀十作古樂府。

秋霜白露下。桑葉鬱爲黃。○御覽十四。

同上

白鹽海東來。美豉出魯門。○書鈔百四十六。御覽八百五十五。

同上

居窮衣單薄。腸中常苦飢。○文選二十七善哉行注。

古樂府詩

請說劍。駿犀標首。玉琢中央。六一所善。王者所杖。帶以上車。如燕飛揚。○書鈔百二十二。

同上

鑿石見火能幾時。○文選二十六河陽詩注。

古樂府

東家公。字仲春。柱一鳩。杖登層。○玉燭寶典正月孟春第一。

同上

布穀鳴。農人驚。○玉燭寶典二月仲春第二。

同上

啄木高飛乍低仰。搏樹林藪著榆桑。低足頭啄刷如刷。此字疑誤。飛鳴相驟聲如篔。○玉燭寶典五月仲夏第五。

同上

豹則虎之弟。鷹則鷂之兄。○御覽九百二十六。

同上

天寒知被薄。憂思知夜長。○御覽七百七。

同上

琉璃琥珀象牙槩。○御覽七百五十八。

古妍歌

妍歌展妙聲。發曲吐令辭。○文選四十六曲水詩序注。

樂府歌

集會高堂上。長彈箜篌。○書鈔一百十。

樂府歌

春酒甘如醴。秋醴清如華。○書鈔百四十八。

漢書歌

上蓬萊。咀瓊英。○文選五吳都賦劉淵林注。

古歌

田中菟絲。何嘗可絡。道邊燕麥。何嘗可穫。○御覽九百九十四。

同上

長笛續短笛。願御覽願上有長字。陛下保壽無極。事類賦只作長笛短笛。保壽無極。○書鈔百十一。御覽五百八十。事類賦笛賦注。

同上

大憂摧人肺肝心。○文選二十一三良詩注。

同上

流塵生玉匣。○御覽七百十三。

歌

濯龍望如海。河橋渡似雷。○文選三東京賦薛綜注引洛陽圖經。

茂陵中書歌

都嬈桂英。美芳鼓行。○漢書禮樂志臣瓚注引。

有所思

有所思。思昔人。曾閔二子善養親。和顏色。奉晨昏。至誠烝烝通神明。○宋范曄文對牀夜語三。○遼案。此歌似非漢作。姑錄存之。

古博異辯遊

衆星累累如連貝。江河四海如衣帶。○文選二十四贈顧交阯公真詩注。

古董逃行

年命冉冉我道。零落下歸山丘。○漢魏詩乘補遺。

古樂府

青天含翠彩。素日揚清暉。○漢魏詩乘補遺。

古歌

金荆持作枕。紫荆持作牀。○漢魏詩乘補遺。

古歌

高田種小麥。終久不成穗。男兒在他鄉。焉得不憔悴。○齊民要術二注引汜勝之書。詩紀十。又爾雅翼一引汜勝之書引穗一韻。

漢詩卷十一

琴曲歌辭

琴操

琴操。後漢蔡邕撰集。以平津館本爲最善。署曰漢前議郎陳留蔡邕伯喈撰。書中所載。除鹿鳴等五歌詩爲詩經詩外。十二操九引河間雜弄二十一章等。皆兩漢琴家擬作。其中如雉朝飛操。西漢揚雄尚未之見。河間雜弄亦自漢河間國樂人所制。更以聶政刺秦王對照武梁祠像。尤證琴操有後漢之作。詩紀以霍將軍歌屬霍去病。以怨曠思惟歌屬之昭君。以其餘系之周秦。皆非是。今一律編入兩漢歌辭。又今本琴操間有後人所增。如思歸引一歌。西晉初尚未流傳。故石崇序此曲有絃無歌。今此歌辭明爲後人所作。隋志云。琴操三卷。晉廣陵相孔衍撰。據此。舊本琴操累經增添可知也。又如岐山操。樂府詩集以韓愈歌辭爲首。明郭氏所見尚無古辭。此所謂古辭。實出琴苑要錄。凡此皆不可不辨。今採琴操各曲之有歌辭並能確定爲漢作者。錄之如下。

將歸操

將歸操者。孔子之所作也。趙簡子循執玉帛以聘孔子。孔子將往。未至。渡狄水。聞趙殺其賢大夫竇鳴犢。喟然而歎之曰。夫趙之所以治者。鳴犢之力也。殺鳴犢而聘余。何丘之往也。夫燔林而田。則麒麟不至。覆巢破卵。則鳳皇

不翔。鳥獸尚惡傷類。而況君子哉。於是援琴而鼓之云。○逮案。今本乃據大周正樂載人敘文。未知與琴操原文是否相合。又今本所載四言歌辭翱翔于衛。復我舊居。從我所好。其樂只且。乃孔叢子琴操之末章。與酈道元所見不同。今錄酈氏所見者。

狄之水水經注作水衍。兮風揚波。船楫顛倒更相加。歸來歸來胡爲斯。○琴操上。朱文公校昌黎先生集注。又水經河水注五引波、加二韻。御覽五百七十八引大周正樂有序無辭。

陬操附

史記孔子世家曰。孔子聞竇鳴犢、舜華之死也。臨河而歎。乃還息乎陬鄉。作爲陬操以哀之。孔叢子曰。趙簡子使聘。夫子將至焉。及河。聞鳴犢與舜華之見殺也。迴輿而旋之衛。使鄴。遂爲操曰。

周道衰微。禮樂陵遲。文武既墜。吾將焉歸。周遊天下。靡邦可依。鳳鳥不識。珍寶梟鴟。眷然顧之。慘然心悲。巾車命駕。將適唐都。黃河洋洋。攸攸之魚。臨津不濟。還轅息鄴。傷予道窮。哀彼無辜。翱翔于衛。復我舊廬。從我所好。其樂只且。○孔叢子記問篇。又樂府詩集五十八引後四句作將歸操。詩紀前集四作息鄴操。○逮案。史記之前。陬操一曲。蓋有絃無辭。孔叢子乃託爲此歌。樂府詩集以末尾四句當將歸操。是郭茂倩所見琴操。又與北朝傳本不同。又孔子家語稱孔子臨河不濟。還息于鄒。作樂操云云。然尚無歌辭。揚慎風雅逸篇雜湊四言六句。目爲樂操。非是。

猗蘭操

猗蘭操者。孔子所作也。孔子歷聘諸侯。諸侯莫能任。自衛反魯。過隱谷之中。見薺蘭獨茂。喟然歎曰。夫蘭當爲

王者香。今乃獨茂。與衆草爲伍。譬猶賢者不逢時。與鄙夫爲倫也。乃止車援琴鼓之云云。自傷不逢時。託辭於薌蘭云。

習習谷風。以陰以雨。之子于歸。遠送于野。何彼蒼天。不得其所。逍遙九州。無有定處。世樂府作時。注云。一作世。人闇蔽。不知賢者。年紀邁逝。一身將老。○琴操上。類聚八十一。御覽九百八十三。樂府詩集五十八。朱文公校昌黎集注。又御覽五百七十八引大周正樂有序無辭。詩紀前集四。

龜山操

龜山操者。孔子所作也。齊人饋女樂。季桓子受之。魯君閉門不聽朝。當此之時。季氏專政。上僭天子。下畔大夫。賢聖斥逐。讒邪滿朝。孔子欲諫不得。退而望魯。魯有龜山蔽之。譬季氏於龜山。託勢位於斧柯。季氏專政猶龜山之蔽魯也。傷政道之陵遲。閔百姓不得其所。欲誅季氏而力不能。於是援琴而歌云。

予欲望魯兮龜山蔽之。手無斧柯。奈龜山何。○琴操上。朱文公校昌黎先生集龜山操注。御覽五百七十八引大周正樂有序無辭。詩紀前集四。

越裳操

詩紀云。琴操作越裳操。

越裳操者。周公之所作也。周公輔相成王。成文王之王道。天下太平。萬國和會。江黃納貢。越裳重九譯而來獻白雉。執贄曰。吾君在外國也。頃無迅風暴雨。意者中國有聖人乎。故遣臣來。周公於是仰天而歎之。乃援琴而鼓之。其章曰云云。遂受之獻於文王之廟。

於戲嗟嗟。非旦之力。乃文王之德。詩紀力德下皆有也字。注云。一無二也字。○琴操上。樂府詩集五十七。朱文公校昌黎先生集注。御覽五百七十八引大周正樂有序無辭。詩紀前集四。

拘幽操

拘幽操者。文王拘於羑里而作也。文王備修道德。百姓親附。文王有二子。周公、武王。皆聖。是時崇侯虎與文王列爲諸侯。德不能及文王。常嫉妬之。乃譖文王於紂曰。西伯昌。聖人也。長子發。中子旦。皆聖人也。三聖合謀。將不利於君。君其慮之。紂用其言。乃囚文王於羑里。擇日欲殺之。於是文王四臣。太顛、閔天、散宜生、南宮适之徒。往見文王。文王爲贖反目者。紂之好色也。柎桴其腹者。言欲得奇寶也。蹀躞其足者。使疾迅也。於是乃周流海內。經歷風土。得美女二人、水中大貝、白馬朱鬣。以獻於紂。陳於中庭。紂見之。仰天而歎曰。嘻哉。此誰寶。散宜生趨而進曰。是西伯之寶。以贖刑罪。紂曰。於寡人何其厚也。立出西伯。紂謂宜生。譖岐侯者。長鼻決耳也。宜生還以狀告文王。乃知崇侯譖之。文王在羑里時。演八卦以爲六十四卦。作鬱厄之辭。困於石。據於蒺藜。乃申憤以作歌曰。

殷道溷溷浸濁煩兮。朱御覽作丹。紫相合不別分。御覽作分別。繹史同。兮。迷亂聲色信讒。御覽作諛。言兮。炎炎之虐。御覽作閻閻之虎。使我愆。御覽作焉。兮。幽閉。御覽作閑。牢狎。御覽作獄。由御覽作誰。其言兮。無辜桎梏誰所宜兮。今本此句在幽閉牢狎句前。孫有校語。今從御覽引古今樂錄。遣我四人。續古文苑作國。今本孫校謂原脫人字。憂勤勤。樂府詩集作憂勤。御覽作皆憂勤。兮。得此珍玩且解大患兮。倉皇迄命遺後昆兮。作此象變兆在昌兮。欽承祖命天。今本天下有下字。各引皆無。今刪。不喪兮。遂臨下土在聖明兮。討暴除亂誅逆王兮。○琴操上。御覽五百七十一引古今樂錄。續古

文苑四。詩紀前集四。又類聚十二、御覽八十四、樂府五十七俱引頌、分、言、愆、言、勤六韵。朱文公校昌黎集注引琴錄頌、分、言、愆、言、勤六韵。

岐山操

逐案。此歌乃宋以後人所擬。郭茂倩尚未之見。今故從略。

履霜操

履霜操者。尹吉甫之子伯奇所作也。吉甫。周上卿也。有子伯奇。伯奇母死。吉甫更娶後妻。生子曰伯封。乃譖伯奇於吉甫曰。伯奇見妾有美色。然有欲心。吉甫曰。伯奇爲人慈仁。豈有此也。妻曰。試置妾空房中。君登樓而察之。後妻知伯奇仁孝。乃取毒蜂綴衣領。令伯奇綴之。伯奇前持之。吉甫大怒。放伯奇於野。伯奇編水荷而衣之。采梔花而食之。清朝履霜。自傷無罪見逐。乃援琴而鼓之曰云云。宣王出遊。吉甫從之。伯奇乃作歌。以言感之於宣王。宣王聞之曰。此孝子之辭也。吉甫乃求伯奇於野而感悟。遂射殺後妻。

履朝霜兮採劉師培琴操補釋云。採字疑誤。晨寒。考不明其心兮聽昌黎集注作信。讒言。孤恩別離昌黎集注作離別。今摧肺肝。何辜皇天兮遭斯愆。痛歿不同兮恩有偏。誰說詩紀作誰能流。顧兮知我昌黎集注作此。冤。○琴操上。世說新語言語篇注。文選十八長笛賦注。初學記二。白帖六。御覽十四、五百十一引並有序無辭。樂府詩集五十七。朱文公校昌黎集注引古樂府解題。詩紀前集四。○逐案。後漢書黃瓊傳注引說苑曰。王國子前母子伯奇。後母子伯封。後母欲其子立爲太子。說王曰。伯奇好妾。王不信。其母曰。令伯奇於後園。妾過其旁。王上臺視之。即可知。王如其言。伯奇入園。後母取蜂十數置單衣中。過伯奇邊曰。蜂螫我。伯奇就衣中取蜂殺之。王遙見之。乃逐伯奇也云云。據此西漢初年。始有與琴操本事相同之故事。然尚無琴曲之事。水經江水注引

揚雄琴清英曰。尹吉甫子伯奇。至孝。後母譖之。自投江中。衣苔帶藻。忽夢見水仙。賜其美藥。思惟養親。揚聲悲歌。船人聞之而學之。吉甫聞船人之聲。疑似伯奇。援琴作子安之操云云。據此伯奇故事雖演爲琴曲。與本操亦相異。又後漢王充論衡書虛篇、趙岐孟子注。均謂伯奇流放。作小弁之詩。可見後漢前期。伯奇故事亦尚未固定。至曹植貪惡鳥論引俗傳云。吉甫後悟追傷伯奇。遂射殺後妻。而世說新語注引琴操謂伯奇作歌。以言感之。履霜操及其歌辭。始正式傳行於世。要之。此操至早爲後漢時作品。

雉朝飛操

雉朝飛操者。齊獨沐子所作也。獨沐子年七十無妻。出薪於野。見飛雉雌雄相隨。感之。撫琴而歌曰。○逮案。獨沐子。琴操序首作沐犢子。是也。古今注作牧犢子。

雉朝飛。昌黎集注有兮字。詩紀同。鳴相和。雌雄類聚作雄雌。羣遊於昌黎集注作兮。山阿。類聚作河。御覽同。我獨何命兮未有家。時將暮兮可奈何。嗟嗟暮兮可奈何。○琴操上。樂府詩集五十七。朱文公校昌黎集雉朝飛操注引古今注。詩紀前集四。又類聚九十。御覽九百十七引和、河二韻。○逮案。崔豹古今注曰。雉朝飛者。牧犢子所作也。齊處士。潛宣王時人。年五十無妻。出薪於野。見雉雌雄相隨而飛。意動心悲。乃仰天歎。大聖在上。恩及草木鳥獸。而我獨不獲。因援琴而歌。以明自傷。其聲中絕。魏武帝宮人有盧女者。故冠軍將軍陰叔之妹。七歲入漢宮。學鼓琴。琴特鳴。異於諸妓。善爲新聲。能爲此曲云云。又據昌黎集注。原本古今注並載此歌辭。可見此操此歌卽後漢末年之新聲。查揚雄琴清英曰。雉朝飛操者。衛女傅母之所作也。衛侯女嫁於齊太子。至中道。聞太子死。問傅母曰。何如。傅母曰。且往當喪。喪畢不肯歸。終之以死焉。傅母悔之。取女所自操琴。於冢上鼓之。忽有二雉俱出墓中。傅母撫雌雉曰。女果爲雉耶。言未畢。俱飛而起。忽然不見。傅母悲痛。援琴作操。故曰雉朝飛。據此西漢末已有雉朝飛操。但其本事與琴操異。且無此歌也。

別鶴操

別鶴操者。商陵牧子所作也。牧子娶妻五年。無子。父兄將欲爲改娶。妻聞之。中夜驚起。倚戶悲嘯。牧子聞之。援琴鼓之云云。痛恩愛之永離。因彈別鶴以舒情。故曰別鶴操。後仍爲夫婦。

將乖比翼兮隔天端。山川悠遠兮路漫漫。攬衣不寐兮食詩紀云。一作辰。忘餐。詩紀云。古今注無三兮字。攬衣作攬衾。○敦煌石室唐寫修文殿御覽殘卷。書鈔百九。類聚九十六。白帖六、二十九。御覽九百十六有序無辭。朱文公校昌黎集別鶴操注。崔豹古今注。樂府詩集五十八引古今注。詩紀前集四。○遼案。今本琴操有敘無辭。蓋此書乃後人輯綴而成。故致遺漏。今據古今注及樂府詩集補入之。

列女引

列女引者。楚莊王妃樊姬之所作也。莊王愛幸樊姬。不敢專席。飾衆妾使更侍王。以廣繼嗣。莊王一日罷朝而晏。樊姬問故。王曰與賢相語。姬問爲誰。曰。虞丘子。樊姬曰。妾幸得侍王。非不欲專貴擅愛也。以爲傷王之義。故所進與王同位者數人矣。今虞丘子爲相。未嘗進一賢。安得爲賢。明日。王以樊姬語告虞丘子。稽首辭位而進孫叔敖。樊姬自以諫行志得。作列女引曰。

忠諫行兮正不邪。衆妾夸兮繼嗣多。○琴操上。○遼案。諸官舊事云。莊王無子。愛幸樊姬。後宮不得進御。姬言於王曰。妾以卑微之身。明不足以自照。善不足以補過。後宮出入十年矣。寢專寵。衆妾不進。繼嗣不孳。王有偏施之過。妾有專愛之罪。此非大王全國之福。王善其言。使六姬更侍。有子六人。樊姬言從志得。援琴而歌曰。忠言信兮從正不邪。衆妾進兮繼嗣多云云。與琴操大同小異。又案。樊姬此事分見列女傳、韓詩外傳及新序等書。

貞女引

貞女引者。魯漆室女所作也。漆室女倚柱悲吟而嘯。隣人見其心之不樂也。進而問之曰。有淫心欲嫁之念耶。何吟之悲。漆室女曰。嗟乎。嗟乎。子無智不知人之甚也。昔者楚人得罪於其君。走逃。吾東家馬逸。蹈吾園葵。使吾終年不厭菜。吾西隣失羊不還。請吾兄追之。霧濁水出。使吾兄溺死。終身無兄。政之所致也。吾憂國傷人。心悲而嘯。豈欲嫁哉。自傷懷結。而爲人所疑。於是褰裳入山林之中。見女貞之木。喟然歎息。援琴而弦歌以女貞之辭云云。遂自經而死。

菁菁茂木隱獨榮兮。變化垂枝含琴操作合。秀樂府作蕤。詩紀同。英兮。修身養行樂府作志。詩紀同。建令名兮。厥道不移琴操注。一作積。樂府、詩紀並作同。詩紀注云。一作積。善惡并兮。屈躬就濁樂府作屈身身獨。世徹詩紀作疑。樂府作去微。清兮。懷忠見疑何貪生兮。○琴操上。後漢書盧植傳注。樂府詩集五十八作處女吟。又詩紀前集四。○逮案。列女傳魯漆室女傳與此本事同。然尚無所謂女貞之歌。而後漢紀劉陶改鑄大錢議曰。臣嘗誦詩至于鴻雁于野之勞。哀勤百堵之事。每喟爾長懷。中篇而歎。近聽征夫劬勞之聲。甚於斯歌。是以追悟匹婦吟魯之憂。始于此乎云云。疑此歌後漢時已甚流行。又案。樂府于貞女引只引琴操叙語。未列歌辭。同卷處女吟下引琴操曰。處女吟。魯處女所作也。所列歌。卽此菁菁茂木篇。查樂府同卷雙燕離下引琴集曰。獨處吟、流澌咽、雙燕離、處女吟四曲。其詞俱亡云云。據此菁菁茂木非處女吟。又梁簡文帝擬貞女引云。南臨女貞樹。與琴操見女貞之木相合。並證菁菁茂木一歌應依琴操及琴苑要錄作貞女引。

辟歷詩紀作霹靂引

辟歷引者。楚商梁子所作也。商梁子出遊九臯之澤。覽漸水之臺。張罟置罟。周於荆山。臨曲池而漁。而疾風雷電。雷電奄冥。天火四起。辟歷下臻。玄鶴翔其前。白虎吟其後。懼然而驚。謂其僕曰。今日出遊。豈非常之行耶。何其災變之甚也。其僕曰。孤虛設張。八宿相望。熒惑干角。五星失行。此國之變也。君其返國矣。於是商梁子歸其室。乃援琴而歌之。韻聲激發。象辟歷之聲。故曰辟歷引云。

疾雨盈河。辟歷詩紀作霹靂。下臻。洪水浩浩滔厥天。鏗琴操作鏗。越隆愧。隱隱闐闐。國將亡兮喪厥年。原注。商梁當作莊王。聲之誤也。王有琴名繞梁。○琴操上。書鈔百五十二。御覽十三有序無辭。事類賦雷賦注。詩紀前集四。

箕山操

箕山操。許由作也。許由者。古之貞固之士也。堯時爲布衣。夏則巢居。冬則穴處。飢則仍山而食。渴則仍河而飲。無杯器。以手掬水而飲之。人見其無器。以一瓢遺之。由操飲畢。以瓢掛樹。風吹樹動。歷歷有聲。由以爲煩擾。遂取捐之。以清節聞於堯。堯大其志。乃遣使以符璽禪爲天子。於是許由喟然歎曰。匹夫結志。固如盤石。采山飲河。所以養性。非以求祿位也。放髮一優遊。所以安己不懼。非所以貪天下也。使者還。以狀報堯。堯知由不可動。亦已矣。於是許由以使者言爲不善。乃臨河洗耳。樊堅見由方洗耳。問之。耳有何垢乎。由曰。無垢。聞惡語耳。堅曰。何等語者。由曰。堯聘吾爲天子。堅曰。尊位。何爲惡之。由曰。吾志在青雲。何乃劣爲九洲伍長乎。於是樊堅方且飲牛。聞其言而去。恥飲于下流。於是許由名布四海。堯既殂落。乃作箕山之歌曰云云。許由死。遂葬於箕山。○遠案。此下爲河間雜歌二十一章。今本所載。實爲二十四則。合補遺計之且已三十。越出二十一章之數矣。細審二十四則中。如周太伯、文王思士、崔子渡河操等。皆不出琴操。乃輯家據古今樂錄移入者。應從刪。又如周金騰一則。

標爲周公金縢。實紘成王思慕。又僅見太平御覽。或出於孔衍之書。應存疑。捨此四則不計。實存者爲二十章。然今本琴操尚有補遺五則。其中如西狩獲麟一則。當屬於孔子厄篇。雍門周一則。已確知出於桓譚新論。此外尚有伍員、孤鶻、甯戚等三則。以之合二十章。仍越出原二十一章之數也。此二十三章中。有歌辭者共十五篇。今一概列之本卷。又其中如莊周獨處吟一篇。據本文應從詩紀改爲引聲歌。不得以二十一章中已逸之獨處吟目之也。

登彼箕山兮瞻望天下。山川麗崎。萬物還普。還普。殆還普之訛。還普。言萬物森著。日月運照。靡不記睹。游放其間。何所卻慮。歎彼唐堯。獨自愁苦。勞心九州。憂勤后土。謂余欽明。傳禪易祖。我樂如何。蓋不盼顧。河水流兮緣高山。甘瓜施兮棄縣蠻。劉師培曰。案棄縣蠻三字不可通。乃葉縣蠻之訛。高林肅兮相錯連。居此之處傲堯君。君字原缺。從古今樂補。○琴操下。御覽五七一引古今樂錄。

文王受命

受命者。謂文王受天命而王。文王以紂時爲岐侯。躬修道德。執行仁義。百姓親附。是時紂爲無道。刳胎斲涉。廢壞仁人。天統易運。諸侯瓦解。皆歸文王。其後有鳳皇銜書於文王之郊。文王以殷帝無道。虐亂天下。皇命已移。不得復久。乃作鳳皇之歌。其章曰。○遠案。樂府詩集作文王操。引琴操曰。紂爲無道。諸侯皆歸文王。其後有鳳皇銜書於郊。文王乃作此歌。據此本篇以作文王操爲是。

翼翼翱翔類聚作翔翔。御覽同。彼御覽無彼字。鸞原注。一作鳳。樂府作鳳。詩紀同。皇兮。銜書來遊以命。樂府作會。詩紀同。並注。一作命。昌兮。瞻天案圖殷將亡兮。蒼蒼昊御覽作皓。樂府作之。詩紀同。注云。一作昊。天始有萌兮。神連精合

謀於房。御覽作五神連精合謀房。樂府、詩紀同。詩紀並注。一作精連神合謀於房。今。與樂府作興。詩紀同。我之業望羊來。詩紀作來羊。今。○琴操上。樂府詩集五十七及詩紀前集四作文王操。又類聚十二、御覽八十四所引無末句。○遼案。孔子世家。孔子學鼓琴師襄子。十日不進。師襄子曰。可以益矣。孔子曰。丘已習其曲矣。未得其數也。有間曰。已習其數。可以益矣。孔子曰。丘未得其志也。有間曰。已習其志。可以益矣。孔子曰。丘未得其爲人也。有間曰。有所穆然深思焉。有所怡然高望而遠志焉。曰。丘得其爲人。黯然而黑。幾然而長。眼如望羊。心如王四國。非文王其誰能爲此也。師襄子辟席再拜曰。師蓋云文王操也云云。韓詩外傳、孔子家語所記與此略同。據此。前漢人所傳文王操。尚僅有弦無歌。是以桓譚新論謂文王操聲紛以擾。駭角震商。只從聲曲言之。又此歌望羊二字。沿襲史記、家語眼如望羊。乃以形容文王者。而論衡骨相篇云。武王望陽。語增篇云。武王之相。望羊而已。又白虎通聖人篇云。武王望羊。是謂攝陽。盱目陳兵。天下富昌。是後漢時望羊之說已轉屬武王。與史記、韓詩外傳不同。今琴操言與我之業望羊來兮。或與我之業望羊來兮。明是文王希冀子發興集王業之意。與後漢說同。與前漢說不同。可見歌辭爲後漢人之所作也。又歌辭望羊來。來字與前韻不叶。疑當作來望羊三字。

思親操

舜耕歷山。思慕父母。見鳩與母俱飛鳴相哺食。益以感思。乃作歌曰。

陟彼歷山兮崔嵬。有鳥翔兮高飛。瞻彼鳩兮徘徊。河水洋洋兮清泠。深谷鳥鳴兮嚶嚶。樂府作鷺鷥。設置樂府作買。張買樂府作置。今思我父母力耕。日與月兮往如馳。父母遠兮吾將樂府作當。安歸。○琴操下。類聚九十二、御覽九百二十一並引琴操。有序無辭。又樂府詩集五十七引古今樂錄。詩紀前集四。

儀鳳歌

儀鳳歌者。周成王之所作也。成王卽位。用周召、畢榮之屬。天下大治。殊方絕域。莫不蒙化。是以越裳獻雉。重譯來貢。太平之瑞。同時而應。麒麟游苑囿。鳳皇來舞於庭。頌聲並作。僉然大同。於是成王乃援琴而鼓之曰。○樂府詩集作神鳳操。詩紀同。

鳳皇翔兮於白帖作舞。紫庭。余何德兮以感靈。賴先人尚書摘洛戒作王。宋書符瑞志同。兮恩澤臻。于胥樂兮民以寧。鳳皇來兮百獸晨。孫貽讓曰。案晨當作震。震與振通謂振奮而舞也。○類聚九十九。白帖二十九。初學記三十。御覽九百十五。尚書摘洛戒。宋書二十七符瑞志。竹書紀年下。沈約注。樂府五十七引古今樂錄。御覽五百七十八引大周正樂有序無辭。詩紀前集四。○逸案。鳳皇來兮百獸晨句。當是另一章起句。與上四句不是一篇。又案。尚書摘洛戒乃兩漢緯書。後漢何休曾爲之作注。琴操襲用之。證其必出後漢。

龍蛇歌

龍蛇歌者。介子綏所作也。晉公子重耳。與子綏俱亡。子綏割其腕股。以救重耳。重耳復國。舅犯、趙衰俱蒙厚賞。子綏獨無所得。綏甚怨恨。乃作龍蛇之歌以感之。遂遁入山。其章曰云云。文公驚悟。卽遣求得於縣山之下。使者奉節迎之。終不肯出。文公令燔山求之。火熒自出。子綏遂抱木而燒死。文公哀之流涕。歸。令民五月五日。不得舉發火。

有龍矯矯。遭天譴怒。捲玉燭寶典作捲。逃琴操作排。鱗琴操作角。甲。來遁玉燭寶典作道。於下。志願不得。與蛇同

伍。龍蛇俱行。周遍琴操作身辨。誤。山野。琴操作暨。龍遭飢餓。蛇割腓股。二句從玉燭寶典引補。龍得玉燭寶典作行。升天。安厥玉燭寶典作其。房戶。蛇獨抑摧。沈滯泥土。仰天怨望。惆悵琴操作綢繆。悲苦。非樂龍伍。玉燭寶典作位。恠琴操作悒。不盼顧。○琴操下。玉燭寶典二引琴操。詩紀前集二。○遼案。介之推龍蛇歌共有六種。分別見於呂覽、史記、說苑、新序、淮南子注及琴操等。呂覽、史記、說苑爲一系。皆言五蛇從龍。此自先秦傳流者。新序、淮南子注、琴操爲一系。只言蛇龍相從。此則流行兩漢之新篇。呂覽、史記、說苑等篇已編入先秦。今於琴操龍蛇歌後。並附新序、淮南子注兩篇。又樂府詩集所載一首。與琴操辭相似。蓋抄琴集。今亦附入。

龍蛇歌附

新序曰。晉文公返國。酌士大夫酒。召舅犯而將之。召艾陵而相之。授田百萬。介子推無爵齒而就位。觴三行。介子推奉觴而起曰云云。遂去而之介山之上。文公使人求之。不得。以謂焚其山宜出。及焚其山。遂不出而焚死。

有龍矯矯。將失其所。有蛇從之。周流天下。龍既入深淵。得其安所。蛇脂盡乾。獨不得甘雨。○新序節士篇。樂府詩集五十七。詩紀前集二。

龍蛇歌附

淮南子注曰。介子。介推也。從晉公子重耳出奔翟。遭難絕糧。介子推割肌啗之。文公復國。賞從亡者。子推獨不及。故歌曰云云。龍以喻文公。蛇以自喻也。於是文公覺悟。求介子不得。而號泣之。

有龍矯矯。而失其所。有蛇從之。而啖其口。龍既升雲。蛇獨泥處。○淮南說山訓許慎注。

龍蛇歌附

琴集曰。士失志操。介子推所作也。一曰龍蛇歌。

有龍矯矯。遭天譴怒。三蛇從之。一蛇割股。二蛇入國。厚蒙爵土。餘有一蛇。棄於草莽。○樂府詩集五十七。詩紀前集二。

芑梁妻歌

芑梁妻歌者。齊邑芑梁殖之妻所作也。莊公襲莒。殖戰而死。妻歎曰。上則無父。中則無夫。下則無子。外無所依。內無所倚。將何以立。吾節豈能更二哉。於是乃援琴而鼓之曰云。曲終遂自投淄水而死。

樂莫樂兮新相知。悲莫悲兮生別離。哀感皇天兮琴操無兮字。水經注同。城爲隳。琴操作墜。水經注作之墜。○琴操上。水經沐水注。御覽百九十二。詩紀前集四。○遼案。齊侯襲莒。杞梁死之事。見左襄二十三年傳。然左氏僅謂齊侯歸遇杞梁之妻於郊。使弔之。又禮記檀弓、韓詩外傳亦只載杞梁妻哭夫事。並無哭城與城崩之說。列女傳、說苑始謂杞梁死。其妻向城哭而城崩。今琴操既同此說。叙事亦與列女傳雷同。知歌辭之作。必在前漢以後也。又崔豹古今注謂杞梁妻歌乃杞梁妻妹明月所作。與此當不同。

信立詩紀作獻玉。退怨歌

卞和者。楚野民。常居山耕種。因得玉璞。以獻於楚懷王。懷王使樂正子占之。言非玉。王以爲欺謾。斬其一足。懷

王死。子平王立。和復抱其璞而獻之。平王復以爲欺謾。斬其一足。平王死。子立爲荆王。和復欲獻之。恐復見害。乃抱其玉而哭荆山之中。晝夜不止。涕盡繼之以血。荆山爲之崩。荆王遣問之。於是和隨使獻玉。王使剖之。中果有玉。乃封和爲陵陽侯。和辭不就而去。作退怨之歌曰。

悠悠文選注作攸攸。沂水經渚宮舊事作到。荆山兮。類聚、詩紀無兮字。下同。精氣鬱決原作決。從類聚引改。初學記作決。渚宮舊事作結。詩紀作洽。谷巖巖下巖字琴操作中。兮。中有神寶灼明渚宮舊事作燎。明兮。穴山采玉文選注重玉字。難爲功兮。於何獻之楚先王兮。遇王暗類聚作聞。昧信讒言兮。斷截兩足離余身兮。俛仰嗟歎心摧傷兮。紫之亂朱粉墨同兮。空山歔歔涕龍鍾渚宮舊事作俛仰嗟歎心摧傷兮。天鑒孔明竟以彰兮。沂水滂沱渚宮舊事作滂。流於汶兮。進寶得刑詩紀作別。足渚宮舊事作體。離分兮。去封立信守休芸兮。斷者不續豈不冤類聚作怨。樂府、詩紀同。兮。○琴操下。類聚八十三。樂府詩集四十一。詩紀前集四。又後漢書孔融傳注引分、芸、冤三韻。初學記二十七引山、巖、明、功四韻。文選二十五重贈盧諶詩注引山、功二韻。渚宮舊事一所引缺身一韻。○劉師培琴操補釋曰。案此以平王爲懷王子。與史不合。韓非子和氏篇作以獻厲王。下言厲王薨。武王卽位。又言武王薨。文王卽位。新序雜事五同。惟文王作共王。疑所記當以韓非子爲確。又曰。案沂水在魯。不得經荆山。沂乃沔字之訛也。說文云。沔。沔水也。出武都沮縣東狼谷。東南入江。一曰入夏水。遠案。琴操本事多沿民間傳說。不斤斤於時地記載。既能謂平王爲楚懷王子。亦可言魯水過荆山。不必作沂沔考訂也。

歸耕操 原作曾子歸耕。今從詩紀改。

歸耕者。曾子之所作也。曾子事孔子。十有餘年。晨覺。眷然念二親年衰。養之不備。於是援琴而鼓之曰。

歔歔歸耕來兮。琴操誤作日。從文選注改。安所耕歷山盤兮。以上十三字風雅逸篇、詩紀並作揭來歸耕歷山盤兮。以晏父

母我心博詩紀作博。誤。兮。琴操無以上八字而有欽盜二字。○琴操下。風雅逸篇五。詩紀前集四。又文選十五思玄賦注引起首二句。

引聲歌原作莊周獨處吟。今從詩紀。

莊周者。齊人也。篤學術。多所博達。進見方來。却覩未發。是時齊潛王好爲兵事。習用干戈。莊周儒士。不合於時。自以不用。行欲避亂。自隱於山岳。後有達莊周於潛王。遣使齎金百鎰。聘以相位。周不就。使者曰。金至寶。相尊官。何辭之爲。周曰。君不見夫郊祀之牛。衣之以朱彩。食之以禾粟。非不樂也。及其用時。鼎鑊在前。刀俎在後。當此之時。雖欲還就孤犢。寧可得乎。周所以飢不求食。渴不求飲者。但欲全身遠害耳。於是重謝。使者不得已而去。復引聲歌曰。

天地之道。近在胸臆。呼噏精神。以養九德。渴不求飲。飢不索食。避世守文。選注作俟。御覽同。道。志潔如玉。卿相之位。難可直當。巖巖之石。幽而清涼。枕塊寢處。樂在其央。寒涼固回。御覽作回固。詩紀同。又云。一作周。可以久長。○琴操下。詩紀前集二。又文選三十八薦譙元彥表注引玉一韵。御覽五百七十一引古今樂錄。

霍將軍歌

霍將軍歌者。霍去病之所作也。去病爲討寇校尉。爲人少言。勇而有氣。使擊匈奴。斬首兩千。後六出。斬首十餘萬級。益封萬五千戶。秩祿與大將軍等。於是志得意歡。乃援琴而鼓之曰。

四夷既獲。樂府作護。詩紀同。注云。一作獲。諸夏康兮。國家安。廣文選誤作康。寧樂無樂府作未。對牀夜語同。詩紀云。一作

未。央兮。載戢干戈。矢藏兮。麒麟來臻。鳳皇翔兮。與天相保。永無疆兮。親親百年。各延長兮。○琴操下。樂府詩集六十。范晞文對牀夜語一。廣文選十四俱作琴歌。詩紀二。○遼案。樂府詩集曰。案琴操有霍將軍渡河歌。去病所作也。因據古今樂錄著錄此歌。蓋以此當霍將軍渡河歌也。又此叙今本琴操與古今樂錄略同。惟多誤字。今直鈔樂錄。

怨曠思惟歌

王昭君者。齊國王穰女也。昭君年十七時。顏色皎潔。聞於國中。穰見昭君端正閑麗。未嘗窺看門戶。以其有異於人。求之皆不與。獻於孝元帝。以地遠既不幸納。叨備後宮。積五六年。昭君心有怨曠。僞不飾其形容。元帝每歷後宮。疏略不過其處。後單于遣使者朝賀。元帝陳設倡樂。乃令後宮妝出。昭君怨恚日久。不得侍列。乃更修飾。善妝盛服。形容光輝而出。俱列坐。元帝謂使者曰。單于何所願樂。對曰。珍奇怪物。皆悉自備。惟婦人醜陋。不如中國。帝乃問後宮。欲一女賜單于。誰能行者起。於是昭君喟然越席而前曰。妾幸得備在後宮。粗醜卑陋。不合陛下之心。誠願得行。時單于使者在旁。帝大驚悔之。不得復止。良久太息曰。朕已誤矣。遂以與之。昭君至匈奴。單于大悅。以爲漢與我厚。縱酒作樂。遣使者報漢。送白璧一雙、駿馬十匹、胡地珠寶之類。昭君恨帝始不見遇。心思不樂。心念鄉土。乃作怨曠思惟歌曰云云。昭君有子曰世遠。單于死。子世遠繼立。凡爲胡者。父死妻母。昭君問世遠曰。汝爲漢也。爲胡也。世遠曰。欲爲胡耳。昭君乃吞藥自殺。單于舉葬之。胡中多白草。而此冢獨青。

秋木萋萋。其葉萎黃。書鈔作黃。黃。有鳥爰止。琴操作處山。類聚、書鈔、樂府、廣文選、詩紀並同。集于苞。御覽或作包。桑。書鈔此下有徘徊枝條。意志自得二句。養育毛羽。形詩紀云。一作儀。容生光。既得升雲。獲倖樂府作上遊。廣文選、詩紀並同。類聚作遊倚。御覽同。帷類聚作曲。樂府、詩紀同。房。離宮絕曠。身體文選注無體字。摧藏。志念抑御覽或作曲。沉。琴操作

冗。類聚同。不得頡頏。雖得餒樂府作委。詩紀同。食。心有徊徨。我獨伊何。改廣文選作來。詩紀同。又注。一作改。往變常。翩翩之燕。遠集西羌。高山峩峩。河水泱泱。父兮母兮。御覽作父母妻子。道里悠長。嗚呼哀哉。憂心惻傷。○琴操下。類聚三十。樂府詩集五十九作昭君怨。廣文選九。詩記二作怨詩。又書鈔百六引黃、桑、得三韻。文選二十八扶風歌注引藏一韻。御覽四百八十三引黃、常、羌、泱、長、傷六韻。五百七十一引黃、桑、房、藏、頡、常、羌、泱、傷九韻。○逮案。書鈔引此謂出漢書。恐誤。又昭君本人匈奴。而歌辭則謂遠集西羌。地理不合。後漢外患在羌。作者遂率筆及之也。

獲麟歌

魯哀公十四年西狩。薪者獲麟。擊之。傷其左足。將示孔子。孔子道與相逢。見。俛而泣。抱麟曰。爾孰爲來哉。孰爲來哉。反袂拭面。乃歌曰云云。仰視其人。龍顏日角。夫子奉麟之口。須臾吐三卷圖。一爲赤符。劉季興爲王。二爲周滅。夫子將終。三爲漢制造作孝經。夫子還謂子夏曰。新主將起。其人如得麟者。○逮案。此篇原無題目。附在琴操卷後。今據詩紀題爲獲麟歌。

唐虞世兮論語摘衰聖作之世。麟鳳遊。今非其時來孔叢子作吾。何求。論語摘衰聖作由。麟兮麟兮我心憂。○琴操補遺。類聚十。釋史八十六。孔叢子記問篇。論語摘衰聖。御覽八百八十九引孔叢子。詩紀前集一。○逮案。孔叢子論語摘衰聖皆載此歌。知爲漢人假託。琴操既沿用之。故附之於此。

失題

伍員奔吳。過溧陽瀨溪。見一女擊漂於水中。旁有壺漿。乃就乞飲。飲畢。謂女子曰。掩夫人壺口。女子知其意。自

投瀨溪而死。○御覽七百六十一伍子胥歌曰。

俟罪斯國志願得兮。○文選六十弔屈原賦注。伍子胥歌曰。

庶此太康皆爲力兮。○文選二十六張子房詩注。

飯牛歌

甯戚飯牛車下。叩角而商歌曰云云。齊桓聞之。舉以爲相。○遼案。此篇原失題。今據詩紀標之。又案。呂氏春秋、淮南子皆及甯戚叩角商歌以干齊桓公事。然皆無歌辭。後漢高誘注呂覽。以爲卽詩經碩鼠篇。至史記、淮南子各注及三齊略記、琴操等始出七言飯牛歌。可知皆漢人僞託。各歌大同小異。今並附之。

南山矸。類聚作研。白石礪。生不逢堯與舜禪。短布單衣裁至旣。長夜漫漫類聚作冥冥。何時旦。○琴操補遺。類聚九十四。詩紀前集一。

附

南山矸。矸。書鈔作揆揆。文選注作嵯峨。御覽作粲。白石爛。爛。書鈔作爛爛。生不逢文選注作遭。堯與舜禪。短布單衣適至旣。從昏飯牛薄。書鈔作至。夜半。長夜漫漫史記注作曼曼。文選注作暝暝。何時旦。○史記鄭陽傳應劭注。書鈔百六。又文選十八嘯賦注並引應劭注。詩紀前集一。又御覽八百九十八引史記引禪、旣、旦三韻。

滄書鈔作康。浪之水白石粲。中有鯉魚長尺半。弊書鈔作穀。類聚作穀。布單衣裁御覽或作適。至上四字御覽或作衣裳不覆。旣。清御覽或作終。朝飯御覽或作飲。牛至夜半。黃犢上坂且休息。吾將捨汝相齊國。○書鈔百六引三齊略記。

類聚四十三。詩紀前集一。又書鈔百二十八引三齊略記。錄肝韵一句。御覽六百九十一、九百三十六引半、肝二韵。○逯案。三齊略記謂康浪水在齊城西南。其下引甯戚飯牛歌。則作康浪者是。以人習知滄浪。故誤。

出東門兮厲石斑。文選注作班。上有松柏青淮南注作清。且闌。淮南注作閑。文選注作蘭。麤布衣兮緼縷。時不遇兮堯舜主。文選注脫主字。牛兮努力食細草。大臣在爾側。吾當與爾適楚國。○淮南道應訓許慎注。文選十八嘯賦注引淮南子。詩紀前集一。○詩紀原注云。此首見劉向別錄。逯案。此說非是。蓋嘯賦甯子檢手而歎息下注先引劉向別錄。次引淮南子及此歌。馮氏不察。故有此誤。

南石粲。白石爛。短褐單衣長至骭。生不逢堯與舜禪。終日飼牛至夜半。長夜漫漫何時旦。○御覽五百七十二引淮南子。

失題

孔子遊於隅山。見取薪而哭。長梓上有孤鶻。乃承而歌之云云。○逯案。此叙及左列歌辭出於類要。詩紀據之編入前集卷一。檢北堂書鈔所錄琴操逸文。與此叙文相合。僅隅山作臈山而已。可見類要所載卽琴操無疑也。今據兩者合爲一篇。

駢彼鳴鶻。在巖山之唵。○風雅逸篇五引類要。琴操補遺。書鈔一百六。○逯案。琴操補遺。又據類聚載琴操逸文云。孔子遊於泰山。見薪者哭甚哀。孔子問之。薪者曰。吾自傷故哀爾。當亦此篇之遺。

附

神人暢

古今樂錄曰。堯郊天地祭神。座上有響。堯曰。水方至爲害。命子救之。堯乃作歌謝。謝希逸琴論曰。神人暢。堯帝所作。○逮案。桓譚新論曰。堯暢經逸不存。則此歌辭之不出前漢人手可知。今附此。

清廟樂府作廟。穆兮承予宗。百僚肅兮于寢堂。醴禱進福求年豐。有韻響。樂府作響。在坐敕予爲害。樂府作害。在玄中。欽哉昊樂府作皓。天德不隆。承命任禹寫中樂府云。一作東。宮。○樂府詩集五十七。風雅逸篇一引琴操。詩紀前集四。

南風操

風雅逸篇云。琴操以爲舜作。詩紀同。○古今樂錄曰。舜彈五絃之琴。作南風之詩。

反彼三山兮商岳嵯峨。天降五老兮迎我來歌。有樂府云。一作青。黃龍兮自出于河。負書圖兮委蛇羅沙。案圖觀識兮閔天嗟嗟。擊石拊韶兮淪幽洞微。鳥獸跄跄兮鳳凰來儀。凱風自南兮喟其增悲。樂府誤作歎。○樂府詩集五十七作南風歌。風雅逸篇一。詩紀前集四。

箕子操 一曰箕子吟。

古今樂錄曰。紂時箕子佯狂。痛宗廟之爲墟。乃作此歌。後傳以爲操。

嗟嗟紂爲無道殺比干。嗟重復嗟。獨柰何。漆身爲厲。被髮以佯狂。今柰宗廟何。天乎天哉。欲負石自投河。嗟復嗟柰社稷何。○樂府詩集五十七。詩紀前集四。

尅商操 一曰武王伐紂。

古今樂錄曰。武王伐紂而作此歌。謝希逸琴論曰。尅商操。武王伐紂時制。琴集曰。武王伐紂。武王自作也。上告皇天兮可以行乎。○樂府詩集五十七。詩紀前集四。

水仙操

琴苑要錄曰。水仙操。伯牙之所作也。伯牙學琴於成連。三年而成。至於精神寂寞。情之專一。未能得也。成連曰。吾之學不能移人之情。吾師有方子春在東海中。乃齋糧從之。至蓬萊山。留伯牙曰。吾將迎吾師。刺船而去。旬時不返。伯牙心悲。延頸四望。但聞海水汨沒。山林宵冥。羣鳥悲號。仰天嘆曰。先生將移我情。乃援琴而作此歌。

翳洞渭兮流澌瀟。舟楫逝兮仙不還。移形素兮蓬萊山。歎歎傷宮仙石還。○詩紀前集四。○逸案。各書所引琴操僅載伯牙學琴事。不言有歌辭。樂府詩集輯錄古今琴曲亦不及此操。知琴苑要錄此辭乃後人依託也。

伯姬引

琴苑要錄曰。伯姬引者。保母之所作也。伯姬。魯女也。爲宋共公夫人。公薨。伯姬執節守貞。魯襄公三十年。宋宮災。伯姬在焉。有司請曰。火將至矣。伯姬曰。吾聞夫人夜出。不見傅母不下堂。逮乎火而死。其母自傷行遲。悼伯姬之遇災。援琴而歌曰。

嘉名潔兮行彌章。托節鼓兮令躬喪。歎欽何辜遇斯殃。嗟嗟柰何罹斯殃。○詩紀前集四。○逮案。琴操有此引。但無歌辭。樂府詩集尚無著錄。此歌係後人依託。

思歸引

琴苑要錄曰。思歸引者。衛女之所作也。昔衛侯有女。邵王聞其賢。請聘之。未至而王薨。太子欲留之。女不聽。拘於深宮。欲歸不得。援琴而歌。曲終縊而死。

涓涓泉水。流及風雅逸篇無及字。于淇兮。有懷于衛。靡日不思。執節不移兮行不隳。風雅逸編作詭隨。矜軻風雅逸篇作坎珂。何辜兮離厥菑。風雅逸篇作茨。嗟乎何辜兮離厥菑。○詩紀前集四。又風雅逸篇二引淇、思、隨、茨四韻。○逮案。晉石崇思歸引序曰。崇少有大志。晚節更樂放逸。因覽樂篇有思歸引。古曲有絃無歌。乃作樂辭云云。又琴操此引亦有序無歌。據此本篇顯係後人依託。

琴引

琴苑要錄曰。琴引者。秦時屠門高之所作也。秦爲無道。奢淫不制。徵天下美女以充後宮。乃縱酒離宮。作戲倡優。宮女侍者千餘人。屠門高見宮女幼妙寵麗。於是援琴而歌之。作爲離□之操。曲未及終。琴折柱摧。絃音不鳴。舍琴而更援他琴以續之曰。

酒坐俱勿往。聽吾琴之所言。舒長袂似舞兮乃綸袂何曼。奏章而却逢兮願瞻心之所驩。借連娟之寒態兮假卮酒酌五般。泣喻而妖兮納其聲聲麗顏。長榆兮嘆曰騎。美人綺旒紛嬈。柰霜羅衣兮羽旄。當是應之訛

字。夜褒圭玉珠參差。妙麗兮被雲鬢。登高臺兮望青挨。常羊啖還何厭兮歸來。詩紀云。字訛不可讀。俟再考正。○詩紀前集四。○遼案。琴操有琴引。其文云。琴引者。秦時倡屠門高之所作也。秦時采天下美女以充後宮。幽愁怨曠。咸致災異。屠門高爲之作琴引以諫焉云云。與琴苑要錄所言旨意不同。而此歌亦非諫辭。知必爲琴操以後僞作也。

岐山操

琴苑要錄曰。岐山操者。周太王之所作也。太王居邠。狄人攻之。事之以珠玉太馬皮幣。狄侵不止。問其所欲。得土地也。太王曰。土地所以養萬民也。吾不爭所用養而害吾所養。遂策杖而去之。踰梁山而邑乎岐山。喟然嘆息。援琴而鼓之。

狄戎侵兮土地遷。琴操作移。移。琴操作遷。邦邑。琴操邑下有兮字。適於岐山。琴操無山字。烝民不憂兮誰者知。嗟嗟柰何兮琴操無兮字。予命遭斯。○琴操上。詩紀前集四。○遼案。樂府詩集五十七載韓愈岐山操而不著此歌。題注又引琴操曰。岐山操。周公爲太王作也。是知唐宋之間此操尚有絃無辭。其序語與琴苑要錄亦不同。琴苑此歌必爲後世依託無疑。又案。今本琴操曰。岐山操者。周太王之所作也。太王居邠。狄人攻之。仁恩惻隱。不忍流血。選練珍寶犬馬皮幣束帛與之。狄侵不止。問其所欲。得土地也。太王曰。土地者。所以養萬民也。吾將委國而去矣。二三子亦何患無君。遂杖策而出。踰乎梁而邑乎岐山。自傷德劣。不能化夷狄。爲之侵。喟然歎息。援琴而鼓之云云。其後卽爲歌辭。查此序文與樂府所引琴操不同。而全襲大周正樂之文。大周正樂乃唐時樂錄。不能以之代琴操。至於歌辭乃沿用琴苑要錄。據此今本琴操乃後世輯綴而成。已非書之原貌。不得據之謂岐山操爲後漢前之作。

仙道

綏山謠

列仙傳曰。葛由者。羌人也。周成王時。好刻木羊賣之。一旦。騎羊而入西蜀。蜀中王侯貴人追之上綏山。隨之者不復還。皆得仙道。故里諺曰。

得綏山御覽或誤作仙。一桃。雖不御覽不下或有能字。得仙。亦足亦豪。○列仙傳上。搜神記一。類聚九十四。御覽九百二、九百六十七。詩紀外集一。

長安中謠

列仙傳曰。陰生者。長安中渭橋下乞兒也。常止於市中乞。市人厭苦。以糞灑之。旋復在里中。衣不見污如故。長吏械收。繫著桎梏。而續在市中乞。又械欲殺之。乃去灑者之家。室自壞。殺十餘人。故長安中謠曰。

見乞兒與美酒。以御覽以上有可字。免破屋御覽作家。之咎。御覽作憂。○列仙傳下。搜神記一。御覽八百二十七。詩紀外集一。

里語

洞冥記曰。太初三年。東方朔從西那汗國歸。得聲風木十枝獻帝。曰。臣已見此枝三過枯死而復生。豈汗折而已哉。里語曰。

年未半。枝不汗。○別國洞冥記二。御覽九百五十三。

赤雀辭

列仙傳曰。陶安公者六安鑄冶師也。數行火。火一旦散上行。紫色衝天。安公伏冶下求哀。須臾朱雀止冶上曰云

云。至期。赤龍到。大雨。而安公騎之東南上。

安公安公。治與天通。七月七日。迎汝以赤龍。○列仙傳下。搜神記一。類聚七十八。詩紀外集一。

鬼神

崔少府女贈盧充詩

搜神記曰。盧充者。范陽人。家西三十里有崔少府墓。充出獵。見一麋。逐之。忽見一里門如府舍。門中一鈴下。唱客前。充問之。答曰。少府府也。充進見少府。展姓名。酒炙數行。謂充曰。尊府君不以僕門鄙陋。近得書爲君索小女婚。故相迎耳。便敕內令女郎粧嚴。立席頭共拜。三日畢。崔謂充曰。君可歸矣。女有娠。相若生男當以相還。敕外嚴車送客。充上車去。須臾至家。別後四年。三月三日。臨水戲。忽見二轎車近岸。充往開車後戶。見崔氏女與三歲男共載。女抱兒還充。又與金鏡。并贈詩曰云云。充取兒鏡及詩。忽不見車處。

煌煌靈芝之質。光麗何猗猗。華豔當時顯。嘉異表神奇。含英未及秀。中夏罹霜萎。榮曜長幽滅。世路永無施。不悟陰陽運。哲人忽來儀。會淺離別速。皆由靈與祇。何以贈余親。金鏡可養兒。愛恩從此別。斷絕傷肝脾。○搜神記十六。世說新語方正篇注引孔氏志怪。法苑珠林七十五引續神仙記。詩紀外集四。

漢詩卷十二

古詩

詠譙君黃詩

華陽國志曰。巴郡譙君黃。不事公孫述。述遣使賚藥酒懼之。君黃笑曰。吾不省藥乎。其子瑛納錢八百萬得免。國人作詩曰。

肅肅清節士。執德實固貞。違惡以授命。沒世遺令聲。○華陽國志巴志。

傷三貞詩

華陽國志曰。永初中。廣漢漢中羌反。虐及巴郡。有馬妙祈妻義。王元憤妻姬、趙蔓君妻華。執共姜之節。守一醮之禮。號曰三貞。遭亂兵迫匿。懼見拘辱。三人同時沉於西漢水而沒死。有黃鳥鳴其亡處。國人傷之。乃作詩曰。

間關黃鳥。爰集於樹。窈窕淑女。是繡是黼。惟彼繡黼。其心匪石。嗟爾臨川。邈不可獲。○華陽國志巴志。

風巴郡太守詩

華陽國志曰。漢安帝時。巴郡太守連失道。國人風之曰。

明明上天。下土是親。叢刊本作觀。帝選元后。求定安民。華陽國志作民安。孰可不念。禍福由人。願君奉詔。惟德日新。華陽國志作親。○華陽國志巴志。

刺巴郡郡守詩

華陽國志曰。孝桓帝時。河南李盛仲和。爲巴郡守。貪財重賦。國人刺之曰。

狗吠鳴沙類書殘卷作盧鵠。畧出金簾同。何喧喧。有吏鳴沙類書殘卷作史。來在鳴沙類書殘卷作到。門。披衣出門應。畧出金簾作出戶看。府記畧出金簾作吏言。欲得錢。二句鳴沙類書殘卷作問史何所以。己言欲得錢。語窮乞請期。吏怒反見尤。旋步顧家中。家中無可爲。思往從隣貸。隣人已言匱。錢錢何難得。令我獨憔悴。○華陽國志巴志。鳴沙石室古籍叢殘類書殘卷刺史門盧鵠條。鳴沙石室古籍叢殘畧出金簾縣令子男之篇第二十四庭鵠喧條。

思治詩

華陽國志曰。漢末政衰。牧守自擅。巴郡民人思治。作詩曰。

混混濁沼魚。習習激清流。温温亂國民。業業仰前修。○華陽國志巴志。

張公神碑歌

張公神碑曰。惟和平元年五月。犂陽營謁者李君。畏敬公靈。惴惴慙慙。作歌九章。達李君□。頌公德芳。其辭曰。

碁水湯湯揚清波。東流□折□于河。□□□□朝歌。縣以絜靜無穢瑕。公□集古錄跋作與。守相駕蜚魚。

集古錄跋作魚蜚。往來悠忽遂集古錄跋作遠。熹娛。佑此兆民寧厥居。

出自碁□□□□。松柏鬱茂蘭公□。□神往來乘浮雲。種德收福惠斯民。家饒戶富無□貧。量界家靜和
睦□。當是隣字。

朝歌蕩陰及犁陽。三女所處各殊方。三門鼎列推其鄉。時攜甥幼歸候公。夫人□□□容□。□□□
□觴。穆風屑兮起壇旁。樂吏民兮永夫央。

鹿呦呦兮□□庭。文樂樂兮□□□。飲清泉兮□□□。見□伏兮不駭驚。惟公德兮之所寧。上陵廟兮助
三牲。天時和兮甘露冷。日番□兮無虧傾。

池水□兮釣臺粲。四角樓兮臨深澗。魚岌岌兮踊躍見。振鱗尾兮游盱盱。時釣取兮給烹獻。惟公德兮之
所衍。

栗蕭什兮藜鋪陳。新美萌兮香苾芬。蕙草生兮滿園田。競苔茗兮給萬錢。惟公德兮之所□。

門堂鬱兮文耀光。公神赫兮坐東方。明暴視兮儼叩叩。夫人□女兮列在旁。陳君處北兮從官□。車騎駱
驛兮交錯重。乘輓輶兮駕蜚龍。驂白鹿兮從仙僮。游北嶽兮與天通。

玄碑既立雙闕建兮。□□□□大路畔兮。亭長閭□□扞難兮。列種槐梓方茂爛兮。天下遠近□不見兮。
公神日著聲洞徧兮。□□乾以傳億萬兮。○隸釋三。又歐陽氏集古錄下引蜚、熹、居三韻。

李翊夫人碑歎

李翊夫人碑曰。歲在大淵獻。精魂奄昏。莫不歎息涕零。逝而不返。子孫呱呱。歎曰。

陰陽分兮鐘律滋。星月列兮有四時。神宓設兮萬姓烹。壽十二兮九九期。五三末兮衰在姬。秋發兮春華殆。周公九兮成稱災。靡黃髮兮蓋天胎。世有皇兮氣所裁。赴鴻淵兮逝不來。鳳延頸兮泣交頤。頽頽悲兮涕隕零。寐耿耿兮摧傷情。彼蒼天兮愬神靈。惻切剥兮年不榮。蘭茝亡兮喪芝英。誰不切兮作偯聲。疇匹號兮鳴鴛鴦。杞之至今感動城。陟四極兮升天庭。曰司命兮致不平。飛蠶蠶兮害仁良。魂魄孤兮獨煢煢。陳杓祠兮返所生。幽不見兮存厥荆。嗟日遐兮適盲盲。○隸釋十二。

郭輔碑歌

先生郭輔碑曰。先生諱輔。字甫行。年五十有二。遇疾而終。邑人縉紳。刻石作歌。其辭曰。

寔惟先生。號仲之裔。盛德遺祀。休矣亦世。孝友貞信。仁恕好惠。直己自求。不欲榮勢。綽綽令人。獲道之至。篤生七子。鍾天之祉。堂堂四俊。碩大婉敏。娥娥三妃。行追大姒。葉葉昆嗣。福祿茂止。克昌厥後。身去烈在。鑄石作歌。昭示萬祀。○隸釋十二。

風雨詩

日不顯目兮黑雲多。月不見視兮風非沙。從恣蒙水誠江河。州流灌注兮轉揚波。辟柱楨到忘相加。天門狹小路彭池。無因以上如之何。興詩教海兮誠難過。○漢晉西陲木簡彙編二編。漢人風雨詩簡。

古詩十九首

行行重行行。與君生別離。相去萬餘里。各在天一類聚作一天。鳴沙類書殘卷同。六臣本文選注云。善作一天。涯。鳴沙類書殘卷作崖。道路阻。鳴沙類書殘卷作隔。且長。會面安可知。鳴沙類書殘卷作期。御覽同。詩紀云。一作期。胡文選注作代。馬依玉臺作嘶。白帖、御覽、草堂詩箋同。鳴沙類書殘卷作思。文選注同。北風。越鳥巢南枝。相去日已遠。衣帶日已緩。浮雲蔽白日。遊子不顧返。思君令人老。歲月忽已晚。棄捐勿復。事文類聚作履。合璧事類同。道。努御覽誤弩。力加餐飯。○文選二十九。玉臺新詠一作枚乘雜詩。類聚二十九。文章正宗二十九。事文類聚別集二十五。合璧事類四十六。詩紀十。又鳴沙石室古籍叢殘類書殘卷送別門引離、崖、期、枝、遠、緩六韻。文選十三鸚鵡賦注引枝一韻。又白帖一、文選十八嘯賦注、草堂詩箋十八各引一句。又御覽四百八十九引離、涯、期、枝、遠、緩、飯七韻。

青青河畔草。鬱鬱園中柳。盈盈樓上女。皎皎當窗牖。娥娥類聚作娥娥。紅粉粧。纖纖出素手。昔爲書鈔作自云。初學記同。倡家女。今書鈔作嫁。初學記同。爲蕩子婦。蕩子行白帖作去。不歸。空牀難獨守。○文選二十九。玉臺新詠一作枚乘詩。類聚三十二。初學記十九。事文類聚後十四作古樂府。合璧事類三十八作古樂府。詩紀十。又書鈔百十二引婦一韻。白帖六引守一韻。

青青陵上栢。磊磊澗中石。人生天地間。忽如遠行客。斗酒相娛樂。聊厚不爲薄。驅車策駑馬。遊戲宛與洛。洛中何鬱鬱。冠帶自相索。長衢羅夾巷。王侯多第宅。兩宮遙相望。雙闕百餘尺。極宴娛心意。戚戚何

所迫。○文選二十九。詩紀十。又書鈔百四十八作古樂府。引客一韵。又斗酒相娛樂一句。

今日良宴會。歡樂難具陳。彈箏奮逸響。御覽誤作響。新聲類聚作詩。妙入神。令德唱高言。識曲聽其真。齊心同所願。含意俱未伸。文選作申。類聚同。人生寄一世。奄忽若飈。塵。何不策高足。先據要路津。無爲守貧賤。轅六臣本文選注云。五臣作坎。軻類聚作幪。長苦辛。○文選二十九。詩紀十。又書鈔百十作曹植詩引神一韵。又類聚三十九引陳、神、申、塵、津、辛六韵。○逯案。此詩書鈔引作曹植詩。當有所據。詩品謂古詩舊疑是曹王所著。爲說與書鈔合。

西北有高樓。上與浮雲齊。交御覽作文。疏結綺窗。阿閣三重階。上有絃歌聲。音響一何悲。誰能爲此曲。無乃杞梁妻。清商隨風發。中曲正徘徊。一彈再三歎。慷慨有餘哀。不惜歌者苦。但傷知音稀。文選注作希。願爲雙鴻鵠。文選作鳴鶴。六臣本注云。五臣作鴻鵠。詩紀云。善作鳴鶴。又文選注作鳴鳥。奮翅起高飛。○文選二十九。玉臺一作枚乘詩。文章正宗二十九。詩紀十。又文選十八琴賦注引希一韵。二十送應氏詩注引飛一韵。又御覽百八十八引階一韵。

涉江采芙蓉。蘭澤多芳草。采之欲事文類聚作興。遺誰。所思御覽作思之。在遠道。還願望舊鄉。長路漫浩浩。同心而離居。憂傷以類聚作已。事文類聚、合璧事類同。終老。○文選二十九。玉臺新詠一作枚乘詩。類聚二十九。文章正宗二十九。詩紀十。又御覽九百九十九引草、道二韵。

明月皎夜光。促織鳴東壁。玉衡指孟冬。衆星何歷歷。白露霑野草。時節忽復易。秋蟬鳴樹間。玄鳥逝安適。昔我同門友。高舉振六翮。不念携手好。棄我如遺跡。南箕北有斗。牽牛不負軛。良無盤六臣本文選注云。五臣作磐。文鏡秘府作槃。石固。虛名復何益。○文選二十九。文鏡秘府論西卷。詩紀十。○逯案。文選二十六謝靈運道路憶山中詩注云。古樂府有明月皎夜光。

冉冉孤生竹。結根泰山阿。與君爲白帖作結。新婚。兔玉臺、樂府作菟。下同。絲附女蘿。兔絲生有時。夫婦會有宜。千里遠結婚。悠悠隔山阿。合璧事類作南山。思君令人老。軒車來何遲。傷彼蕙蘭花。含英揚光輝。過時而不采。將隨秋草萎。君亮廣文選作亮君。執高節。賤妾亦文選注作擬。何爲。○文選二十九。玉臺新詠一。樂府詩集七十四。事文類聚後十三。合璧事類六十。廣文選十二。詩紀十。又文選二十六古意贈王中書詩注引一句。白帖六引蘿一韻。○詩紀原注。文心雕龍曰。孤竹一篇。傳毅之辭。遠案。此詩樂府詩集作古辭。事文類聚及合璧事類引作古樂府。

庭中玉臺作前。六臣本文選注云。五臣作前。有奇樹。綠葉事文類聚誤作綠藥。發華滋。攀條折其榮。將以遺所思。馨香盈懷袖。路遠莫致之。此物李善本文選注云。物或爲榮。何足貴。李善本文選作貢。注云。貢或作貴。又事文類聚誤作責。但感別經事文類聚作今。時。○文選二十九。玉臺新詠一作枚乘詩。類聚二十九。文章正宗二十九。事文類聚別集二十五。合璧事類續集四十六。詩紀十。

迢迢玉燭寶典作若若。牽牛星。皎皎玉燭寶典作皎皎。類聚同。河漢女。纖纖擢玉燭寶典作濯。類聚、白帖或作濯。素手。札札初學記作札札。御覽或同。弄機杼。終日不成章。泣涕零白帖作漣。如雨。河漢清且淺。相去復玉燭寶典作詎。類聚、事文類聚並同。御覽或作詎。書鈔作知。幾許。盈盈一水間。脉脉六臣本文選注云。五臣作脈脈。不得語。○文選二十九。玉臺新詠一作枚乘詩。玉燭寶典七月孟秋弟七。類聚四。初學記四。御覽三十一。文章正宗二十九。事文類聚前集十。詩紀十。又書鈔百五十。御覽八並引許、兩二韻。類聚六十五引女、杼二韻。白帖二引一句。白帖二十二引杼、兩二韻。○遠案。孫志祖文選考異曰。毛本覲覲不得語。何云。覲從見從脈。亦可通。從月則乖其意。廣韻噴字下箋引此作噴噴不得語。志祖案。說文目部脈字注。脈則視也。徐鍇繫傳引脈脈不得語云云。知此句五臣本作脈脈者是。

迴御覽作驅。車駕言邁。類聚作驅車遠行役。悠悠涉長道。四顧何茫茫。御覽作芒芒。東風搖百草。所遇無故物。焉

得不速老。盛衰各有時。立身苦不早。人生非金石。豈能長壽考。奄忽隨物化。榮名以爲寶。○文選二十九。文章正宗二十九。詩紀十。又類聚二十七引道、草、老三韻。御覽百九十五引道一韻。又九百九十四引道、草二韻。

東城高且長。逶迤自相屬。迴詩紀作回。風動地起。秋草萋已綠。四時更變化。歲暮一何速。晨風懷苦心。蟋蟀傷局促。蕩滌放情。詩紀誤作情。志。何爲自結束。燕趙多佳人。美者顏如玉。被服羅裳衣。御覽作衣裳。草堂詩箋同。當戶理清曲。音響一何文。選注作何太。悲。絃急知柱促。馳情整巾。李善本文選作中。玉臺、文選注同。帶。沉吟聊躑躅。思御覽作願。爲雙飛燕。銜泥巢君屋。○文選二十九。玉臺新詠一作枚乘詩。詩紀十。又文選二十四贈秀才入軍詩注引一句。又二十九雜詩注引促一韻。御覽三百八十一引玉、曲、促、屋四韻。草堂詩箋四麗人行注作古樂府。引一句。

驅車上東門。遙望郭北類聚作北郭。墓。白楊何蕭蕭。松柏夾廣路。下有陳樂府作凍。死人。杳杳卽長暮。潛寐六臣本文選注云。五臣作寐潛。黃泉下。千載永不類聚作不覺。寤。浩浩陰陽移。年命如朝露。人生忽如寄。壽無金石固。萬歲更相送。賢聖李善本文選作聖賢。莫能度。服食求神仙。多爲藥所誤。合璧事類作悞。不如飲美酒。被服紬與素。辨正論引此下有寄語後世人。道士慎莫作二句。○文選二十九。樂府詩集六十一作驅車上東門行。合璧事類六十七作古樂府。廣文選十二作驅詩上東門行。詩紀十。又僧法琳辨正論引誤、素、作三韻。類聚四十一作古驅車上東門行。引墓、路、暮、寤、露、誤、素七韻。

去者日以六臣本文選注云。五臣作已。類聚作已。疎。來李善本文選作生。類聚同。者日以類聚作已。親。出郭門直視。但見丘與墳。古墓犁爲田。松柏摧爲薪。白楊多悲風。蕭蕭愁殺人。思還故里間。欲歸道無因。○文選二十九。類聚四十作古墟墓詩。合璧事類六十七作古樂府。詩紀十。

生年文選注作人生。御覽同。不滿百。常懷千歲憂。晝短苦夜長。何不秉燭遊。爲樂當及時。何能待來茲。愚者愛惜費。但爲後世嗤。仙六臣本文選云。善作小。人王子喬。難可與六臣本文選云。五臣作以。等期。○文選二十九。詩紀十。又文選三十五七命注引憂一韵。白帖四引游一韵。御覽八百七十引憂、遊二韵。○遠案。文選二十六河陽縣作注引古詩曰。人生年不滿百。人年二字當有一衍文。

凜凜歲云暮。螻蛄夕。六臣本文選注云。五臣作多。玉臺作多。鳴悲。涼風率已厲。遊子寒無衣。錦衾遺洛浦。同袍與我違。獨宿累長夜。夢想見容輝。良人惟古歡。枉駕惠前綏。願得常巧笑。携手同車歸。既來不須臾。又不處重闈。亮無晨風翼。焉能玉臺作得。凌六臣本文選注云。五臣作陵。風飛。眄睠以適意。引領遙相睇。六臣本文選注云。善無此二句。徙倚懷感傷。垂涕沾雙扉。○文選二十九。玉臺新詠一。詩紀十。○古詩存目云。玉臺古本無。

孟冬寒氣至。北風何慘慄。愁多知夜長。仰觀衆星列。三五明月滿。四五蟾李善本文選作詹。書鈔同。文選注作占。免缺。客從遠方御覽作有客從南。來。遺我一書札。上言御覽或作有。或作叙。長相思。下言久離別。置書白帖作之。御覽或作之。懷袖中。三歲字不滅。一心抱區區。懼君不識察。○文選二十九。玉臺新詠一。文章正宗二十九。合璧事類續集四十八作古樂府。詩紀十。又書鈔百五十引缺一韵。白帖十引札、滅二韵。文選三十五七命注引一句。御覽四百八十九引割、別、滅三韵。又五百九十五引札、滅二韵。又六百六引札、別二韵。○古詩存目云。玉臺古本無。

客從遠方來。遺御覽作贈。我一端綺。相去萬餘里。故人心尚爾。文彩文選作綵。白帖同。御覽作作。雙鴛鴦。裁爲合歡被。白帖作扇。著以長相思。緣以結不解。以膠投漆中。誰能別離此。○文選二十九。玉臺新詠一。合璧事類外集三十九作古樂府。詩紀十。又白帖二引扇一韵。又四引綺被二韵。又御覽四百七十八引綺、爾二韵。綺、被二韵。○古詩存目云。玉臺古本無。

明月何皎皎。照我羅牀緯。玉臺、類聚、御覽作帷。文選注同。憂愁不能寐。攬衣起徘徊。客行類聚作行客。雖云樂。不如早旋歸。出戶獨徬文選、玉臺作彷彿。徬。愁思當告誰。引領還入房。淚下沾裳衣。○文選二十九。玉臺新詠一作枚乘詩。詩紀十。又類聚二十九引帷、徊、歸三韻。文選二十七燕歌行注引帷一韻。御覽八百十六引帷一韻。

古詩五首

上山採藤類聚作藤。鳴沙類書殘卷及御覽同。蕪。下山逢故夫。長跪御覽作迴首。問故夫。新人復何如。新人雖言類聚作云。合璧事類同。好。未若故人姝。玉臺作殊。顏色類相似。類聚作其色似相類。合璧事類同。手爪不相如。新人從門入。故人從閣去。新人工御覽作能。織練。故人工織素。織練日一匹。織素五白帖作日。丈餘。將練來草堂詩箋作持。類聚或作以練持。御覽同。比素。類聚或作持練將比素。白帖、合璧事類同。新人不如故。○玉臺新詠一。類聚三十二。合璧事類二十八作古樂府。詩紀十。又類聚八十五、白帖二、御覽八百十四、合璧事類外集六十四並引素、餘、故三韻。鳴沙石室古籍叢殘類書殘卷、御覽五百二十一並引夫、如二韻。又白帖三十二引素、餘二韻。御覽九百八十三引夫一韻。草堂詩箋七白絲行注引素、故二韻。○古詩存目云。玉臺古本無。

四坐初學記作座。萬花谷同。且莫誼。願聽歌一言。請說銅鑪器。合璧事類作香爐。萬花谷同。崔嵬象合璧事類作東。南山。上枝似玉臺作以。合璧事類同。御覽作上以植。松栢。下根據銅盤。雕文各異類。離婁自相聯。類聚作連。初學記、韻補同。誰能爲此器。公韵補作工。輸與魯班。朱御覽誤作末。火然其中。青煙颺其間。從類聚作順。初學記、御覽、合璧事類、萬花谷並同。風入君懷。四坐莫不廣文選作且莫。歡。玉臺、御覽作歎。香風難久居。空令蕙草殘。○玉臺新詠一。類聚七十。初學記二十五引作古詩詠香爐詩。合璧事類外集四十一作古樂府。萬花谷後七。廣文選十五。詩紀十。又御覽七百三引言、山、

盤、連、問、歎、殘七韻。韻補二引連、班二韻及盤、連二韻。○古詩存目云。玉臺古本無。逮案。玉臺所載均有關女性之作。此其體例也。此詩不合原書體例。原本不應有之。

悲與親友別。氣結不能言。贈子以自愛。道遠會見難。人生無幾時。顛沛在其間。念子棄我去。新心有所歡。結志青雲上。何時復來還。○玉臺新詠一。廣文選十五。詩紀十。○古詩存目云。玉臺古本無。

穆穆清風至。御覽作止。吹我羅衣玉臺作裳。類聚、御覽、事類賦同。裾。青袍似春草。長條草堂詩箋作修雲。隨類聚作從。御覽、事類賦、草堂詩箋同。風舒。朝登津梁山。褰裳望所思。安得抱柱信。皎日以爲期。○玉臺新詠一。廣文選十五。詩紀十。又類聚八十一、御覽九百九十四、事類賦草賦注、草堂詩箋二十一渡江詩注並引裾、舒二韻。○紀氏玉臺考異引吳兆宜曰。案下抱柱。山當作上。逮案。吳說是。津梁上。始與抱柱信呼應。若作津梁山。則互無關涉。又古詩存目謂玉臺古本無此詩。

蘭若生春陽。涉冬猶盛滋。願言追昔愛。情欵感四時。美人在雲端。天路隔草堂詩箋作杳。無期。夜光照玄陰。長歎念玉臺作戀。所思。誰謂我無憂。積念發狂癡。○玉臺新詠一作枚乘詩。廣文選十五。詩紀十。又草堂詩箋三十一兩晴詩注作枚乘詩。引期一韻。○古詩存目云。玉臺古本無。

古詩三首

橘柚垂華類聚作嘉。實。乃在深山側。聞君好我甘。竊獨自雕飾。委身玉盤中。歷年冀見食。芳菲不相投。青黃忽改色。人儻欲我知。因君爲羽翼。○古詩類苑七十七。詩紀十。又類聚八十六、文選三十一雜體詩注、御覽九百六十六、九百七十三、事類賦橘賦注並引側、飾二韻。又文選三十一雜體詩注引翼一韻。

十五從軍征。八十始得歸。道逢鄉里人。家中有阿誰。遙望樂府作看。是君家。松柏冢累累。兔從狗竇入。雉

從梁上飛。中庭生旅穀。井上生旅葵。烹樂府作春。穀持作飯。采葵持作羹。羹飯一時熟。不知貽樂府作飴。阿誰。出門東向望。樂府作看。淚落沾我衣。○樂府詩集二十五紫驢馬歌辭。古詩類苑七十七。詩紀十。○逮案。古今樂錄云。十五從軍征以下是古詩。

新樹蘭蕙葩。雜用杜蘅御覽作衡。草。終朝采其華。御覽作採草榮。日暮不盈抱。采之欲遺誰。所思在遠道。馨香易銷歇。繁華會枯槁。悵望欲何言。臨風送懷抱。○古詩類苑七十七。詩紀十。又類聚八十一、御覽九百九十四並引草、抱、道三韻。

古詩

步出城東門。遙望江南路。前日風雪中。故人從此去。我欲渡河水。河水深無梁。願爲雙黃鵠。高飛還故鄉。○古詩類苑八十四。詩紀十。

李陵錄別詩二十一首

古詩紀依據文選編蘇、李詩七首於漢詩卷二。而以古文苑李陵錄別詩十首附在漢詩卷十。蓋謂文選所載爲蘇、李自作。古文苑所載乃後人假託。丁福保全漢詩總匯文選、古文苑各詩。分別編之蘇、李名下。蓋以爲皆少卿、子卿之辭也。逮案。文選、古文苑蘇、李詩十七首以外。書鈔及文選注尚引李詩殘篇兩首。古文苑之孔融雜詩二首。亦原屬李陵。依此計之。蘇、李詩今存者尚有二十一首也。然檢宋顏延之庭誥云。逮李陵衆作。總雜不類。元是假託。非盡陵製。又檢隋志。只稱梁有李陵集二卷。不言有蘇武集。而宋、齊人凡稱舉摹擬古人詩者。亦只有李陵而無

蘇武。據此。流傳晉、齊之李陵衆作。至梁始析出蘇詩。然仍附李陵集。昭明卽據此選篇也。以出於李集。故文選蘇武各詩他書尚有引作李陵詩者。要之。此二十一首詩。卽出李陵衆作也。又此二十一首種類雖雜。然無一切合李陵身世者。說明既非李陵所自作。亦非後人所擬詠。前賢如蘇軾、顧炎武等皆疑之固是。然亦未能釋此疑難也。欽立曩寫漢詩別錄一文。曾就此組詩之題旨內容用語修辭等。證明其爲後漢末年文士之作。依據古今同姓名錄。後漢亦有李陵其人。固不止西京之少卿也。以少卿最爲知名。故後人以此組詩附之耳。今總以李陵錄別詩爲題。略依古詩紀。編之本卷之中。

良時不再至。離別在須臾。屏營事文類聚誤作雲。衢路側。執手野踟躕。仰視浮雲馳。奄忽互類聚作交。事文類聚、合璧事類同。相踰。風波一失所。各書引作路。各在天一隅。御覽誤作涯。長當從此別。且復立類聚作去。合璧事類同。斯須。欲因晨風發。送子以賤驅。○文選二十九作與蘇武。類聚二十九、事文類聚別集二十五、合璧事類續集四十六並作贈蘇武別。初學記十八作贈蘇武。文章正宗二十九作與蘇武。詩紀二作與蘇武。又御覽四百八十九作贈蘇武。引逾、涯二韻。

携手上河梁。鳴沙類書殘卷作河梁上。遊子暮何之。徘徊蹊類聚、合璧事類作溪。路側。初學記作臨蹊路。御覽作歧路間。恨

恨各類書作恨恨。六臣本文選注云。五臣作恨恨。不能文選作得。文章正宗同。辭。類聚作離。事文類聚、合璧事類同。行人難久

留。各御覽作客。言事文類聚作各。長相思。安知非日月。弦望自有時。努御覽作弩。力崇明德。皓首以爲期。○文

選二十九作與蘇武。類聚二十九、初學記十八、御覽四百八十九、事文類聚別集二十五、合璧事類續集四十六並作贈蘇武。文章正宗二十九作與蘇武。詩紀二作與蘇武。又鳴沙石室古籍叢殘類書殘卷作李陵詩。引之一韻。

嘉會難再遇。文選注作逢。三載爲千秋。臨河濯長纓。念子類聚、初學記作別。六臣本文選注云。五臣作別。悵悠悠。初學記作恨阻修。遠類聚作望。望悲風至。對酒不能酬。行人懷往路。何以慰類聚誤尉。我愁。獨有盈觴酒。與子結綢

繆。○文選二十九作與蘇武。類聚二十九作贈蘇武別。文章正宗二十九作與蘇武。詩紀二作與蘇武。又文選二十送應氏詩注引一句。初學記十八作贈蘇武。引秋、修二韻。

骨肉緣枝葉。結交亦相因。四海皆兄弟。誰爲行路人。況我連枝樹。與子同一身。昔爲鴛與鴦。今爲參與辰。御覽誤作商。昔者類聚作在。初學記作時。常相近。邈若胡與秦。惟念當乖離。類聚作離別。恩六臣本文選作思。類聚同。情日以類聚作已。新。鹿鳴思野草。可以喻嘉賓。我有一尊酒。欲以贈遠人。願子留斟酌。慰此類聚作我。平生親。○文選二十九作蘇武詩。類聚二十九作蘇武詩。詩紀二作蘇武詩。又初學記十八作李陵贈蘇武詩。引辰、秦二韻。又御覽四百八十九作李陵贈蘇武詩。引商一韻。

結髮爲夫妻。玉臺作婦。恩愛兩不疑。歡娛在今夕。燕婉及良時。征夫懷往玉臺作遠。路。起視夜何其。參辰皆已沒。去去從此辭。行玉臺作征。役在戰場。相見未有期。握手一長歎。類聚作歡。誤。淚爲生別玉臺作別生。滋。努力愛春華。六臣本文選作花。莫忘歡樂時。生當復來歸。事文類聚作歸來。合璧事類同。死當長相思。○文選二十九、玉臺新詠一並作蘇武詩。文章正宗二十九作蘇武別詩。詩紀二作蘇武詩。又類聚二十九、事文類聚別集二十五、合璧事類續集四十六俱作蘇武別李陵詩。引其、辭、期、滋、時、思六韻。

黃鵠初學記作鶴。一遠別。千里顧徘徊。胡馬失其羣。思心常依依。何況雙飛龍。羽翼臨當乖。幸有絃歌曲。可以喻中懷。請爲遊子吟。泠泠詩人玉屑作泛泛。一何悲。絲竹厲清聲。六臣本文選注云。五臣作音。慷慨有餘哀。長歌正激烈。中心愴以摧。欲展清商曲。念子不得文選作能。類聚同。歸。俛仰內傷心。淚下不可揮。願爲雙黃鵠。送子俱遠飛。○文選二十九、類聚二十九、詩紀二並作蘇武詩。又初學記十八作蘇武贈李陵詩。引徊、依二韻。詩人玉屑二

作蘇武詩。引懷、悲、哀、摧、歸五韻。

燭燭晨明月。馥馥我詩紀云。補注曰。當作秋。蘭芳。芬六臣本文選注云。五臣作芳。馨良詩紀云。一作長。夜發。隨風聞我堂。征夫懷遠路。遊子戀故鄉。寒冬十一初學記作一。月。晨起踐嚴六臣本文選注云。五臣作凝。霜。仰觀江漢流。仰視浮雲翔。良友遠別離。文選作離別。各在天一方。山海隔六臣本文選注云。五臣作隔海。中州。相去悠且長。嘉會難再文選作兩。遇。歡樂殊未央。願君詩紀云。一作言。崇令德。隨時愛景光。○文選二十九作蘇武詩。詩紀一作蘇武詩。又初學記三作古詩。引霜一韻。

有鳥西南飛。熠熠似蒼鷹。朝發天北御覽作地。隅。暮聞御覽作宿。日南陵。欲寄一言去。古文苑缺去字。御覽作書。廣文選作辭。詩紀云。一作辭。託之賤綵繒。因風附輕翼。以遺心蘊蒸。鳥辭路悠長。羽翼不能勝。意欲從鳥逝。驚馬不可乘。○古文苑四。廣文選十。詩紀十。又御覽八百十四作李陵與蘇武詩。引鷹、陵、繒三韻。

爍爍三星列。拳拳月初生。寒涼應節至。蟋蟀夜悲鳴。晨風動喬木。枝葉日夜零。遊子暮思歸。類聚作歸思。塞耳不能聽。遠望正蕭條。百里無人聲。豺狼鳴後園。虎豹步前古文苑作客。庭。遠處天一隅。苦困獨零文選注作伶。類聚同。丁。親人隨風散。歷歷類聚作滴瀝。如流星。三萍古文苑作萍。廣文選同。案萍當爲荆之訛字。離不結。思心獨屏營。願得萱草枝。以解飢渴情。○古文苑四。廣文選十。詩紀十。又藝文類聚二十九作李陵贈蘇武詩。引生、鳴、零、聽、聲、丁、星、情八韻。文選三十七陳情表注作李陵贈蘇武詩。引丁一韻。

寂寂君子坐。奕奕合衆芳。溫聲何穆穆。因風動馨香。清言振東序。良時著西庠。乃令絲竹音。列席無當作撫。高唱。悲意何慷慨。清歌正激揚。長哀發華屋。四坐莫不傷。○古文苑四。廣文選十。詩紀十。

晨風鳴北林。熠燿廣文選作熠熠。詩紀云。一作熠熠。東南飛。願言所相思。日暮不垂帷。明月照高樓。書鈔作戶樞。御覽同。想見餘光輝。玄鳥夜過庭。髣髴能復飛。褰裳路踟躕。彷徨不能歸。浮雲日千里。安知我心悲。思得瓊樹枝。以解長渴飢。文選注或誤飢渴。○古文苑四。類聚二十九作漢李陵贈蘇武別。廣文選十。詩紀十。又書鈔百五十作李陵詩。引輝一韻。文選二十四爲顧彥先贈婦注作李陵贈蘇武。引渴一韻。御覽百八十四作李陵詩。引輝一韻。

陟彼南山隅。送子淇水陽。爾行西南遊。我獨東北翔。轅廣文選作猿。詩紀同。馬願悲鳴。五步一彷徨。廣文選作傍。詩紀同。徨。雙鳧相背飛。相遠日已長。遠望雲中路。想見來圭璋。萬里遙相思。何益心獨傷。隨時愛景曜。古文苑作耀。願言莫相忘。○古文苑四。類聚二十九作李陵贈蘇武別。廣文選十。詩紀十。

鍾子歌南音。仲尼歎歸與。戎馬悲邊鳴。遊子戀故廬。陽鳥歸飛雲。蛟龍樂潛居。人生一世間。貴與願同俱。身無四凶罪。何爲天一隅。與其苦筋力。必欲榮薄軀。不如及清時。策名於天衢。○同上

鳳皇鳴高岡。有翼不好飛。安知鳳皇德。貴其來見稀。○古文苑四作李陵錄別詩。類聚九十作漢李陵詩。詩紀十。

紅塵蔽文選注作塞。天地。白日何冥冥。○古文苑四李陵錄別詩。文選五十五與大理書注引作李陵詩。

許由不洗耳。後世有何徵。○文選五十五陸機演連珠注引李陵詩。○此與上兩句或是同篇殘文。詩紀據升菴詩話列詩全篇。其辭曰。紅塵蔽天地。白日何冥冥。微陰盛殺氣。淒風從此興。招搖西北指。天漢東南傾。嗟爾穹廬子。獨行如履冰。短褐中無緒。帶斷續以繩。瀉水置瓶中。焉辨淄與澠。巢父不洗耳。後世有何稱。詩紀並注曰。升菴詩話云。見修文殿覽御。遠案。此乃楊慎偽造。馮默庵已辨其妄。見詩紀匡謬。

童童孤生柳。寄根河水泥。連翩遊客子。干廣文選作于。詩紀同。冬服涼衣。去家千里餘。一身常渴飢。寒夜立

清庭。仰瞻天漢湄。寒風吹我骨。嚴霜切我肌。憂心常慘戚。晨風爲我悲。瑤光游何速。行願支何廣。文選作
芰荷。詩紀作支荷。並注云。一作去何。案支何當是夫何之訛。遲。仰視雲間星。忽若割長帷。低頭還自憐。古文苑作怜。盛
年行草堂詩箋作條。已衰。依依戀明世。愴愴古文苑作愴恨。難久懷。○古文苑四作蘇武答詩。廣文選十作蘇武答別詩。詩紀
十。又草堂詩箋十一獨酌詩注作蘇武答李陵。引衰一韻。

雙初學記作二。御覽、事文類聚、合璧事類並同。鳧俱北飛。一鳧獨南翔。子御覽或作我。當御覽或作獨。留斯館。御覽或作
土。我御覽或作子。當御覽或作獨。歸初學記作還。故鄉。一別如秦胡。會見何詎。當作遽。央。愴恨類聚、廣文選作恨。詩紀
同。切中懷。不覺淚沾裳。願子長努力。言笑莫相忘。○古文苑四作蘇武別李陵。類聚二十九作漢蘇武別李陵。事文類聚
別集二十五。合璧事類續集四十六。廣文選十。詩紀十。又初學記十八引翔、鄉二韻。白帖二十九作李陵詩。引第一句。御覽四百八十九
及九百十九並作李陵贈蘇武詩。引翔、鄉二韻。

清涼伊夜沒。微風動單幃。○書鈔百三十二作李陵贈蘇子卿詩。

招搖西北馳。天漢東南流。○文選三十擬明月皎夜光詩注作李陵詩。○逮案。上列四句可能出於一篇。楊慎改流爲傾。雜湊偽
詩。由此益顯。

嚴父潛長夜。慈母去中堂。○文選二十一三良詩注詠史詩注、五十九齊故安陸昭王碑文注並引李陵詩。

行行且自割。無令五內傷。○文選二十七王明君詞注、又四十二與鍾大理書注並作李陵詩。○逮案。上列四句可能出於一篇。

巖巖鍾山首。赫赫炎天路。高明曜雲門。遠景灼寒素。昂昂累世士。結根在所固。呂望老匹夫。苟爲因世
故。管仲小囚臣。獨能建功祚。人生有何常。但恐年歲暮。幸託古文苑作記。注云。一作託。不肖軀。且當猛虎

步。安能苦一身。與世古文苑缺此字。同舉厝。由不慎小節。庸夫笑我度。呂望尚不希。夷齊何足慕。○古文苑四。廣文選十五、詩紀三並作孔融雜詩。又文選三十四七放注、四十三孫楚爲石仲容與孫皓書注、四十四爲袁紹檄豫州注、五十八辨亡論注均作李陵詩。引步一韵。○逯案。古文苑乃唐人所藏殘書。宋時由一編次爲九卷。且訛缺已甚。不可完全據信。今此詩之句。李善數引皆作李陵。必有根據。今即依李注將此詩編李陵錄別中。

遠送新古文苑作親。行客。戚暮乃來歸。人門望愛子。妻妾向人悲。聞子不可見。日已潛光輝。孤墳在西北。常念君來遲。褰裳上墟廣文選作虛。丘。但見蒿與薇。白骨歸黃泉。肌廣文選誤作肥。體古文苑作骨。乘塵飛。生時不古文苑缺不字。識父。死後古文苑缺後字。知我誰。孤魂遊窮暮。飄飄安所依。人生圖享古文苑作晝。息。爾死我念追。俛仰內傷心。不覺淚沾衣。人生自有命。但恨生日希。○古文苑四、廣文選十五、詩紀三並作孔融雜詩。○逯案。此傷子之詩。亦原屬李集。文鏡秘府引或曰云。五言之作。召南行露。已有濫觴。漢武帝時屢見全什。非本李少卿也。少卿以傷子爲宗。文體未備。意悲辭切。若偶中音響。十九首之流也。據此。本篇與前詩一致。實俱出李集。原本古文苑此二詩與李陵錄別詩等均在第四卷。李陵以後。卽爲孔融。以相毗近。故易有此竄亂耳。

古詩二首

採葵莫傷根。傷根葵不生。結交莫羞貧。二三兩句。鳴沙類書殘卷作結交莫羞貧。傷根葵不生。互倒。御覽或同。羞貧友。鳴沙類書殘卷作交。草堂詩箋同。御覽或同。不成。○類聚八十二。鳴沙石室古籍叢殘類書殘卷。草堂詩箋六示從姪詩注。御覽四百六及九百七十九作古歌辭。詩紀十。

甘瓜抱苦蒂。美棗御覽或誤作草。生荆御覽或作刺。事類賦同。棘。利事類賦誤作刺。傍有倚事類賦作固有。刀。御覽或作

愛利防有刀。貪人還自御覽或作自還。賊。○御覽九百六十五、九百七十八。事類賦瓜賦注。詩紀十。

古絕句四首

逮案。六朝人有斷句體。尚無絕句名目。四首蓋後人附入玉臺者。

藁砧今何在。韻補作在何許。山上事文類聚作下。復有合璧事類作安。詩人玉屑同。山。何當合璧事類作時。詩人玉屑同。大刀頭。破鏡飛上初學記作在天。○玉臺十。類聚五十六。初學記一。事文類聚前集二。合璧事類續集五。韻補二。詩人玉屑一。詩紀十。又御覽七百六十二作古樂府。引山一韻。

日暮秋雲陰。江水清且深。何用通音信。蓮花玳瑁簪。○玉臺新詠十。詩紀十。
菟絲從長風。根莖無斷絕。無情尚不離。有情安可別。○同上
南山一樹桂。上有雙鴛鴦。千年長交頸。歡慶不相忘。○同上

古詩一首

青青陵中草。傾葉晞朝日。陽春布惠澤。枝葉可纜。韻補作攬。結。草木爲恩感。況人含氣血。○御覽九百九十四。又韻補五引日、結二韻。

古五雜俎詩

五雜俎。岡頭草。往復還。車馬道。不獲已。人將老。○藝文類聚五十六。詩紀十。

古兩頭纖纖詩

兩頭纖纖月初草堂詩箋作新月。生。半白事類賦作黑。半黑。事類賦作白。眼中睛。膈膈膊膊雞初鳴。磊磊落落向曙星。○藝文類聚五十六。事類賦星賦注。復古堂詩話。詩紀十。又草堂詩箋十七發秦詩注引生、星二韻。

古詩

啼呼哭泣。如吹胡笳。○御覽四百八十七。

有客從南來。贈我一抱筆。○書鈔一百四。古詩誤作左傳。

泛泛江漢萍。漂蕩水無根。○藝文類聚八十二。

離家千里客。戚戚多思復。○文選二十五登海嶠詩注。又二十七還都詩注作古歌。

日暮塗且遠。遊子悲故鄉。○白帖十。

屢見流芳歇。○文選三十四七啟注。

石門通越井。○寰宇記百五十七。

古遊仙詩

帶我瓊瑤佩。殮我沆澆漿。○鳴沙石室古籍叢殘類書殘卷神仙門。

魏詩卷一

魏武帝曹操

操。字孟德。沛國譙人。靈帝時舉孝廉。爲郎。歷位丞相。封魏王。建安二十五年卒。年五十六。子丕。受禪。追尊爲武皇帝。有集十卷。

氣出倡

文選十八馬季長長笛賦注云。魏武帝集有氣出、精列二曲。

駕六龍乘風而行。行四海外路。下之八邦。歷登高山。臨谿谷。乘雲而行。行四海外。東到泰山。仙人玉女。下來遨遊。宋書、樂府作翱翔。下同。驂駕六龍飲玉漿。河水盡不東流。解愁腹飲玉漿。奉持行。東到蓬萊山。上之天之門。王樂府作玉。闕詩紀作玉關。下引見得人。赤松相對。四面顧望。視正焜煌。詩紀作煌煌。開王宋書作玉。樂府同。心正與其氣。百道至。傳告無窮。閉其口但當愛氣。壽萬年。東到海與天連。神仙之道。出窈入冥。常當專之。心恬憺無所惕欲。閉門坐自守。天與期氣。願得神之人。乘駕雲車。驂駕初學記無此字。白鹿。上到天之門。來賜神之藥。跪受之敬神齊。當如此道自來。樂府止此爲一曲。詩紀同。華陰山自以爲大。高百丈浮雲爲之蓋。仙人欲來。出隨風列之雨。吹我洞簫。鼓瑟琴。何閤閤。酒與歌戲。今日相樂誠爲樂。玉女起起

舞移數時。鼓吹一何嘈嘈。從西北來時。仙道多駕烟乘雲駕龍。鬱何蕩蕩。遨遊八極。乃到崑崙之山西王母側。神仙金止玉亭。來者爲誰。赤松王喬乃德旋之門。樂共飲食到黃昏。多駕合坐。萬歲長。宜子孫。樂府止此爲一曲。詩紀同。遊君山甚爲真。確磈砢礧爾自爲神。乃到王母臺。金階玉爲堂。芝草生殿傍。樂府作旁。東西廂客滿堂。主人當行觴。坐者長壽遽何央。長樂。甫始宜孫子。常願主人增年與天宋書無天字。詩紀同。相守。樂府此上又爲一曲。並云。右三曲魏晉樂所奏。○宋書樂志。樂府詩集二十六。詩紀十一。又初學記一引願得神之人以下四句。

精列

厥初生。造化之陶物。莫不有終期。莫不有終期。聖賢不能免。何爲懷此憂。願螭龍之駕。思想崑崙居。思想崑崙居。見欺於迂怪。志意在蓬萊。志意在蓬萊。周孔聖徂落。會稽以墳丘。會稽以墳丘。陶陶誰能度。君子以弗憂。年之暮。奈何時過宋書作過時。時來微。○宋書二十一。樂府詩集二十六。廣文選十三。詩紀十一。

度關山

天地間。人爲貴。立君牧民。爲之軌則。車轍馬迹。廣文選作跡。詩紀同。經緯四極。黜陟幽明。黎庶繁息。於鑠賢聖。總統邦域。封建五爵。井田刑獄。有燔丹書。無普赦贖。臯陶甫侯。宋書作刑。何有失職。嗟哉後世。改制易律。勞民爲君。役賦其力。舜漆食器。畔者十國。不及唐堯。采宋書作採。椽不剗。世嘆伯夷。欲以厲俗。侈惡之大。儉爲共宋書作恭。德。許由推讓。豈有訟曲。兼愛尚同。疏者爲戚。樂府云。右一曲魏晉樂所奏。○宋書樂

志。樂府詩集二十七。廣文選十三。詩紀十一。

薤露

惟漢二十。宋書作二十二。樂府、廣文選同。世。所任誠不良。沐猴而冠帶。知宋書作智。小而謀強。樂府作彊。廣文選同。猶豫不敢斷。因狩執君王。白虹爲貫日。己亦先受殃。賊樂府誤作賦。臣持廣文選作執。詩紀同。樂府云。一作執。國柄。殺主滅宇京。蕩覆帝基業。宗廟以燔喪。播越西遷移。號泣而且行。瞻彼洛城郭。微子爲哀傷。樂府云。右一曲魏樂所奏。○宋書樂志。樂府詩集二十七。廣文選十三。詩紀十一。

蒿里行

關東有義士。興兵討羣凶。初期會孟。樂府作盟。廣文選、詩紀同。津。乃心在咸陽。軍合力不齊。躊躇而鴈行。勢利使人爭。嗣還自相戕。淮南弟稱號。刻璽於北方。鎧甲生蟣虱。萬姓以死亡。白骨露於野。千里無雞鳴。生民百遺一。念之斷。宋書作絕。人腸。樂府云。右一曲魏樂所奏。○宋書樂志。樂府詩集二十七。廣文選十三。詩紀十一。

對酒

對酒歌。太平時。吏不呼門。王者賢且明。宰相股肱皆忠良。咸禮讓。民無所爭訟。三年耕有九年儲。倉穀滿盈。斑樂府作班。詩紀同。白不負載。雨澤如此。百宋書作五。穀用成。却走馬以糞其土。樂府誤作上。田。爵公侯伯子男。咸愛其民。以黜陟幽明。子養有若父與兄。犯禮法。輕重隨其刑。路無拾遺之私。囹圄空虛。冬節不

斷人。耄耄皆得以壽終。恩澤樂府作德。廣文選同。廣及草木昆蟲。樂府云。右一曲魏樂所奏。○宋書樂志。樂府詩集二十七。廣文選十三。詩紀十一。○逮案。起首對酒歌三字。當是衍文。

陌上桑

駕虹蜺。乘赤雲。登彼九疑歷玉門。濟天漢。至崑崙。見西王母。謁東君。交赤松。及羨門。受要秘道愛精神。食芝英。飲醴泉。拄杖桂樂府無桂字。枝佩秋蘭。絕人事。遊渾元。若疾風遊歛飄翩。宋書作飄。樂府同。又注云。一作飄。廣文選作飄。景未移。行數千。壽如南山不忘愆。樂府云。右一曲晉樂所奏。○宋書樂志。樂府詩集二十八。廣文選十三。詩紀十一。○逮案。樂府詩集於宋書所列相和曲。皆目爲魏樂所奏。於宋書所列三調曲。皆目爲晉樂所奏。今此篇乃相和曲。而曰晉樂所奏。疑晉爲魏字之誤。

短歌行

周西伯昌。懷此聖德。三宋書作參。分天下。而有其二。修奉貢獻。臣節不墜。樂府誤作隆。崇侯讒之。是以拘繫。一解後見赦原。賜之斧鉞。得使征伐。爲仲尼所稱。逮樂府誤作達。及德行。猶奉事殷。論叙其美。二解齊桓之功。爲霸之首。九合諸侯。一匡天下。一匡天下。不以兵車。正而不譎。其德傳稱。三解孔子所歎。並樂府作并。廣文選同。稱夷吾。民受其恩。賜與廟胙。命無下拜。小白不敢爾。天威在顏咫尺。四解晉文亦霸。躬奉天王。受賜珪瓚。拒鬯彤弓。盧弓矢千。虎賁三百人。五解威服諸侯。師之者尊。八方聞之。名亞齊桓。河陽之會。詐稱周王。是以樂府無以字。其名紛葩。廣文選無葩字。六解○樂府云。右一曲晉樂所奏。○宋書樂志。樂府詩集三十。

廣文選十二。詩紀十一。

短歌行

對酒當歌。人生幾何。譬如朝露。去日苦多。慨當以慷。憂思難忘。何以解憂。唯有杜康。青青子衿。悠悠我心。但爲君故。沉吟至今。樂府無此二句。六臣本文選注云。善本無此二句。呦呦鹿鳴。食野之苹。我有嘉賓。鼓瑟吹笙。明明如月。何時可掇。樂府作輟。事文類聚作撮。憂從中來。不可斷絕。越陌度阡。枉用相存。契闊談讌。心念舊恩。月明星稀。詩紀作希。烏鵲南飛。繞樹三匝。何草堂詩箋作無。事文類聚同。枝可依。草堂詩注作棲。山不厭高。海不厭深。周公吐哺。天下歸心。樂府云。右一曲本辭。○文選三十七。樂府詩集三十。詩紀十一。又文選二十六郡內高齋。閑坐答呂法曹詩注作善哉行。引深一韻。草堂詩箋五奉贈詩注引飛、棲二韻。事文類聚續集二十四引何、多、撮、絕、飛、依、深、心八韻。對酒當歌。人生幾何。譬如朝露。去日苦多。一解慨當以慷。憂思難忘。以何解愁。唯有杜康。二解青青子衿。悠悠我心。但爲君故。沈吟至今。三解明明如月。何時可掇。樂府作輟。憂從中來。不可斷絕。四解呦呦鹿鳴。食野之苹。我有嘉賓。鼓瑟吹笙。五解山不厭高。水不厭深。周公吐哺。天下歸心。六解樂府云。右一曲晉樂所奏。○宋書樂志。樂府詩集三十。詩紀十一。○詩紀不載此篇。只從文選編入上篇。並注云魏晉樂所奏。分爲六解。與此並同。但無越陌度阡以下八句云云。○遠案。詩紀此篇不分本辭奏曲。不免自亂其例。今改正之。

秋胡行

晨上散關山。此道當何難。晨上散關山。此道當何難。宋書原注。一本云。晨上散關山。此道當何難。

牛頓不起。車墮宋書作墮。谷間。坐盤宋書作槃。石之上。彈五弦之琴。作清角韻。意中迷煩。歌以言志。晨上散關山。一解有何三老公。卒來在我傍。有何三老公。卒來在我傍。宋書原注。一本云有何三老公。卒來在我傍。我傍。負揜被裘。似非恒人。謂卿云何。困苦以自怨。徨徨所欲。來到此間。歌以言志。有何三老公。二解我傍。我居崑崙山。所謂者真人。我居崑崙山。所謂者真人。宋書原注。一本云我居崑崙山。所謂者真人。道深有文選注作未。可得。名山歷觀。文選注觀下有行字。遨遊宋書作游。八極。枕石漱流。飲泉沉吟不決。遂上升天。歌以言志。我居崑崙山。三解去去不可追。長恨相牽攀。去去不可追。長恨相牽攀。宋書原注。一本云去去不可追。長恨相牽攀。夜夜安得寐。惆悵以自憐。正而不譎。乃宋書作辭。樂府同。賦依因。經傳所過。西來所傳。歌以言志。去去不可追。四解樂府云。右一曲晉樂所奏。○宋書樂志。樂府詩集三十六。詩紀十一。又文選二十九雜詩注引二句。○遠案。有何三老公。三殆一之訛字。何一爲漢習語。漢簡多此例。如何一男子是。又選注引文與宋志異。蓋是則據魏武集。

秋胡行

願登泰華山。神人共遠遊。願登泰華山。神人共遠遊。經歷崑崙山。到蓬萊。飄飄八極。與神人俱。思得神藥。萬歲爲期。歌以言志。願登泰華山。一解天地何長久。人道居之短。天地何長久。人道居之短。世言伯陽。殊不知老。赤松王喬。亦云得道。得之未聞。庶以壽考。歌以言志。天地何長久。二解明明日月光。何所不光昭。明明日月光。何所不光昭。二儀合聖化。貴者獨人不。萬國率土。莫非王臣。仁義爲名。禮樂爲榮。歌以言志。明明日月光。三解四時更逝去。晝夜以成歲。四時更逝去。晝夜以成歲。大人先天。而天弗違。

不戚年往。世憂不治。存亡有命。慮之爲蚩。歌以言志。四時更逝去。四解戚戚欲何念。歡笑意所之。戚戚欲何念。歡笑意所之。廣文選缺以上二句。壯盛智惠。殊不再來。愛時進趣。將以惠誰。汎汎放逸。亦同何爲。歌以言志。戚戚欲何念。五解 樂府云。右一曲魏晉樂所奏。○宋書樂志。樂府詩集三十六。廣文選十三。詩紀十一。○遼案。山到蓬萊。山乃上之訛字。又二儀合聖化。貴者獨人不。應作二儀合化。貴者獨人。此自其章句及用韻皆足證之。不字涉下文萬字而衍。聖字後人妄添。

苦寒行

樂府解題曰。晉樂奏武帝北上篇。備言冰雪谿谷之苦。其後或謂之北上行。蓋因武帝辭而擬之也。

北上白帖作登。太行山。艱哉何巍巍。羊腸坂六臣本文選作阪。詰屈。白帖作曲。車輪爲之摧。樹木類聚作摧樹。何蕭瑟。六臣本文選作索。注云。善作瑟字。北風聲正悲。熊羆對我蹲。虎豹夾路啼。谿谷少人民。雪落何霏霏。延頸長歎息。遠行多所懷。我心何怫鬱。思欲一東歸。水深橋梁絕。中路六臣本文選作道。注云。善作路字。正徘徊。迷惑失故路。薄暮無宿栖。文選注作暮無所宿栖。六臣本文選注。五臣作暮無所宿栖。行行日已遠。人馬同時飢。六臣本文選作饑。擔類聚作擔。囊初學記作囊。行初學記作以。取六臣本文選注云。五臣作采。薪。斧冰持類聚作待。作糜。悲類聚作哀。彼東山詩。悠悠使樂府作令。我哀。類聚作悲。樂府云。右一曲本辭。○文選二十七。樂府詩集三十三作魏文帝作。詩紀十一。又文選二十六迎大駕詩注引一句。二十七王明君詞注引飢一韻。類聚四十一作魏文帝詩。引巍、摧、悲、霏、糜、悲六韻。初學記二十六引飢、糜二韻。白帖三引首句及摧一韻。○遼案。詩紀不載後篇。今據樂府補入。

北上太行山。艱哉何巍巍。太行山。艱哉何巍巍。羊腸坂詰屈。車輪爲之摧。一解樹木何蕭瑟。北風聲正

悲。何蕭瑟。北風聲正悲。熊羆對我蹲。虎豹夾道啼。二解谿谷少人民。雪落何霏霏。少人民。雪落何霏霏。延頸長歎息。遠行多所懷。三解我心何佛鬱。思欲一東歸。水深橋梁絕。中道正徘徊。宋書作裴回。四解迷惑失徑路。暝無所宿棲。行行日以遠。人馬同時飢。五解擔宋書作備。囊行取薪。斧冰持作糜。擔囊行取薪。斧冰持作糜。悲彼東山詩。悠悠使我哀。六解樂府云。右一曲晉樂所奏。○宋書樂志。樂府詩集三十三署魏文帝作。

善哉行

古公亶甫。廣文選作父。詩紀同。積德垂仁。思弘一道。哲王於豳。一解太伯仲雍。宋書作雖。王德之仁。行施百世。斷髮文身。二解伯夷叔齊。古之遺賢。讓國不用。餓殂首山。三解智哉山甫。相彼宣王。何用杜伯。累我聖賢。四解齊桓之霸。賴得仲父。後任豎刁。蟲流出戶。五解晏子平仲。積德兼仁。與世沈德。未必思命。六解仲尼之世。王國爲君。隨制飲酒。揚波疑作彼。使臣。樂府作官。七解樂府云。右一曲魏晉樂所奏。○宋書樂志。樂府詩集三十六。廣文選十三。詩紀十一。

善哉行

自惜身薄祜。宋書作祐。夙賤罹孤苦。既無三徙教。不聞過庭語。一解其窮如抽裂。自以思所怙。雖懷一介志。是時其能與。二解守窮者貧賤。惋歎樂府誤作歡。淚如雨。泣涕於悲夫。乞活安詩紀作要。能覩。三解我願於天窮。琅邪傾側左。雖欲竭忠誠。欣公歸其楚。四解快人由宋書作曰。爲歎。文選注作喟然以惋歎。抱情不得叙。

顯行天教人。誰知莫不緒。五解我願何時隨。此歎亦難處。今我將何照於光曜。宋書作耀。釋銜不如雨。六解樂府云。右一曲魏晉樂所奏。詩紀同。○宋書樂志。樂府詩集三十六。詩紀十一。又文選二十五顏延之夏夜呈從兄詩注作魏文帝善哉行。引敍一韵。○遠案。操父嵩。因避董卓亂。赴琅邪。爲陶謙所殺。其時在中平六年以後。而操已三十五六歲。不應有夙賤罹孤苦自以思所怙之句。疑此非孟德之詩。宋書蓋傳寫有誤。

善哉行

痛哉世人。見欺神仙。○文選二十四曹子建贈白馬王彪詩注。

步出夏門行

詩紀作步出東西門行。初學記作出夏門行。晉書拂舞歌作碣石篇。樂府五十四、廣文選同。南齊書作碣石辭。○遠案。此歌用於瑟調者作步出夏門行。用於舞曲者作碣石篇。詩紀獨作步出東西門行。所據或魏帝本集歟。今依宋志。

雲行雨步。超越九江之臯。臨觀異同。心意懷遊豫。不知當復何從。經過至我碣石。心惆悵我東海。雲行至此爲豔。東臨碣石。以觀滄海。水何南齊書作河。淡淡。樂府作澹澹。廣文選、詩紀同。山島竦宋書作疏。峙。樹木叢生。百草豐茂。秋風蕭瑟。洪波詩紀云。一作濤。湧南齊書作涌。樂府作湧。起。日月之行。若出其中。星漢燦宋書、南齊書作粲。樂府同。爛。若出其裏。幸甚至哉。歌以言樂府作詠。廣文選、詩紀同。志。觀滄海。一解。南齊書止於歌以言志句。晉書無一解字。夾注觀滄海三字。樂府五十四無一解字。另行題右觀滄海四字。廣文選同。詩紀另行書右觀滄海四字。並注一解。下仿此。孟冬

十月。北風徘徊。宋書作裴回。初學記作裴回。天氣肅清。繁霜霏霏。鷓鴣晨鳴。鴻雁晉書作雁過。樂府或同。南飛。鷲宋書作鷲。鳥潛藏。熊羆窟栖。錢罇停置。農收積場。逆旅整宋書作正。設。以通賈商。晉書潘岳傳作商賈。廣文選、詩紀同。幸甚至哉。歌以詠志。冬十月。二解鄉土不同。河朔隆寒。流澌浮漂。舟船行難。雖不入地。蓴晉書作豐。廣文選同。籟深奧。水竭不流。冰堅可蹈。士宋書作土。樂府或同。又注。一作士。隱者貧。勇俠輕非。心常歎怨。戚戚多悲。幸甚至哉。歌以詠志。河朔寒。晉書作土不同。樂府或作右土不同。廣文選、詩紀同。詩紀又注。一作河朔寒。餘如上。三解。神龜雖壽。猶有竟宋書殘作音。時。騰蛇樂府或作她。乘宋書訛作末。霧。終爲土灰。驥老晉書王敦傳作老驥。書鈔、御覽、廣文選、詩紀並同。周書作老馬。樂府或作老驥。伏櫪。宋書作歷。世說同。志在千里。烈御覽作列。士暮年。壯心不已。盈縮之期。不但在天。養怡殿本宋書考證云。武帝集作恬。詩紀注云。一作恬。之福。可得永年。幸甚至哉。歌以詠志。神晉書無神字。龜雖壽。四解。樂府云。右一曲魏晉樂所奏。○宋書樂志。樂府詩集三十七。詩紀十一。又晉書二十三、樂府詩集五十四、廣文選十三均引四解。無豔詞。又南齊書十一引第一解。無豔詞。又晉書王敦傳、世說新語豪爽篇、北周書蕭譽傳、書鈔百三十五、御覽七百三各引里、已二韻。晉書潘岳傳引賈一韻。初學記三引徊、樓二韻。○遠案。末句神字。疑爲衍文。

却東西門行

古今樂錄曰。王僧虔技錄云。却東西門行。荀錄所載武帝鴻雁一篇。今不傳。

鴻鴈出塞北。乃在無人鄉。舉翅萬里餘。樂府作萬餘里。行止自成行。冬節食南稻。春日復北翔。田中有轉蓬。隨風遠飄揚。長與故根絕。萬歲不相當。奈何此征夫。安得去四方。戎馬不解鞍。鎧甲不離傍。冉冉老將

至。何時反故鄉。神龍藏深泉。猛獸步高岡。廣文選作崗。狐死歸首丘。故鄉安可忘。樂府云。右一曲魏晉樂所奏。
○樂府詩集三十七。廣文選十三。詩紀十一。

董卓歌辭

逮案。此歌斥袁紹。無與於董卓。漢末有董逃歌。或作董桃。今作董卓。卓者蓋逃或桃之誤字。

德行不虧缺。變故自難常。鄭康成行酒。伏地氣絕。郭景圖命盡於園桑。○三國志袁紹傳注引英雄記。

謠俗辭

粒米不足春。寸布不足縫。嬰初學記作甕。中無斗儲。發篋無尺縑。友來從我貸。不知所以應。○秘府略八百六十四引縑、縑二韻。初學記十八引縑、應二韻。

有南篇

南山有大石。○寰宇記三。

飲馬長城窟行

四時隱南山。子欲適西戎。○文選二十三臨終詩注。○逮按。句首當作四皓隱商山。

魏詩卷二

王粲

粲。字仲宣。山陽高平人。初辟司徒府。除黃門郎。不就。至荊州依劉表。荊州平。曹公辟爲丞相掾。封關內侯。遷軍謀祭酒。進侍中。建安二十二年卒。有集十一卷。

贈蔡子篤詩

蔡睦。字子篤。爲尚書。仲宣與之同避難荊州。子篤還。仲宣作此贈之。○五臣本文選向注謂子篤還會稽。

翼翼飛鸞。載飛載東。我友云徂。言戾舊邦。舫舟翩翩。以沂大江。蔚矣荒塗。時行靡通。慨我懷慕。君子所同。悠悠世路。亂離多阻。濟岱江衡。李善本文選作行。詩紀同。邈焉異處。風流雲散。一別如雨。人生實難。願其弗與。瞻望遐路。允企伊佇。初學記作冽冽。冬日。肅肅淒風。初學記作祁寒。潛鱗在淵。初學記作川。避唐諱改。歸雁載詩紀作在。軒。苟非鴻鵬。孰能飛翻。六臣本文選注云。五臣作翻。雖則追六臣本文選注云。五臣作進。慕。予思罔宣。瞻望東路。慘愴增歎。率彼江流。爰逝靡期。君子信誓。不遷于時。及子同寮。生死固之。何以贈行。言賦新詩。中心孔悼。涕淚漣洏。嗟爾君子。如何勿思。○文選二十三。又詩紀十五。類聚三十一引阻、處、兩三韻。

初學記三引寒、軒二韻。

贈士孫文始

三輔決錄注曰。士孫萌。字文始。少有才學。年十五。能屬文。初董卓之誅也。萌父瑞知王允必敗。京師不可居。乃命萌將家屬至荊州。依劉表。去無幾。瑞果爲李傕等所殺。及天子都許昌。追論誅董卓之功。封萌爲澹津亭侯。與山陽王粲善。萌當就國。粲作詩以贈萌。

天降喪亂。靡國不夷。我暨我友。自彼京師。宗守盪失。越用遁違。遷于荆楚。在漳之湄。在漳之湄。亦克
李善本文選作尅。晏文選作宴。處。和通箎墳。比德車輔。既度禮義。文選旁證云。毛本作儀。卒獲笑語。庶茲永日。無
譽厥緒。雖曰六臣本文選注云。五臣作日。無譽。時不我已。同心離事。乃有逝止。橫此大江。淹彼南汜。我思弗
及。載坐載起。惟彼南汜。君子居之。悠悠我心。薄言慕之。人亦有言。靡日不思。矧伊孌婉。胡不悽而。晨
風夕逝。託與之期。瞻仰王室。慨其永慨。良人在外。誰佐天官。四國方阻。俾爾歸藩。李善本文選作蕃。作式
下國。無日蠻裔。不虔汝德。慎爾所主。六臣本文選注云。五臣作之。率由嘉則。龍雖勿用。志亦靡忒。悠悠澹
澹。御覽作澹。鬱彼唐林。雖則同域。藐爾迴詩紀作迴。非。深。白駒遠志。古人所箴。允矣君子。不遐厥心。既往
既來。無密爾音。○文選二十三。御覽百六十八。詩紀十五。

贈文叔良

搜神記曰。文穎。字叔良。南陽人。爲荊州從事。

翩翩者鴻。率彼江濱。君子于征。爰聘西鄰。臨此洪渚。伊思梁岷。爾行孔邈。如何忽勤。君子敬始。慎爾

所主。謀言必賢。六臣本文選注云。五臣作貞。錯說申輔。延陵有作。僑六臣本文選作喬。注云。五臣作僑字。於是與。先民遺跡。來世之矩。既慎爾主。亦迪知幾。探情以華。親著知微。視明聽聰。靡事不惟。董褐荷名。胡寧不師。衆不可蓋。無尚我言。梧宮致辯。齊楚構患。成功有要。在衆思歡。人之多忌。掩之實難。瞻彼黑水。滔滔其流。江漢有卷。允來厥休。二邦若否。職汝之由。緬彼行人。鮮克弗留。尚哉君子。異于李善本文選作于異。他仇。人誰不勤。無厚我憂。惟詩作贈。敢詠在舟。○文選二十三。詩紀十五。

贈文叔良

溫溫恭人。稟道之極。○文選二十皇太子釋奠會作詩注。

贈楊德祖

我君餞之。其樂洩洩。○顏氏家訓文章篇。

爲潘文則作思親詩章本古文苑作思親爲潘文則作。類聚作思親詩。初學記作思親四言詩。廣文選作爲潘

文則思親詩。詩紀作思親詩爲潘文則作。

摯虞文章流別云。王粲所與蔡子篤及文叔良、士孫文始、楊德祖詩。及爲潘文則作思親詩。其文當而整。皆近乎雅矣。顏氏家訓文章篇云。王粲爲潘文則思親詩云。躬此勞瘁。鞠予小子。庶我顯妣。克保遐年。古人之所行。今世之

所諱。案此言代人爲文之弊。

穆穆顯初學記作皇。妣。德音徽止。思齊先廣文選作仙。誤。姑。志侔姜妣。廣文選作似。誤。躬此勞瘁。初學記作瘁。鞠予小子。小子之生。遭世罔初學記作同。誤。寧。烈考勤時。類聚作眸。誤。從之于征。奄遘不造。殷類聚作隱。憂是嬰。咨于靡及。退守祧祊。五服荒離。四國分爭。禍難斯逼。救死於頸。嗟我懷歸。弗克弗逞。聖善獨勞。莫慰其情。春秋代逝。于茲九齡。緬彼行路。焉託予誠。予誠既否。委之于天。庶我顯章本古文苑作剛。妣。克保遐年。亶亶惟懼。心乎如懸。如何不弔。早世徂顛。於存弗養。於後弗臨。遺衍在體。慘痛切心。形影尸立。魂爽飛沈。在昔蓼莪。哀有餘音。我之此譬。憂其獨深。胡寧視息。以濟于今。巖巖叢險。則不可摧。仰瞻歸雲。俯聆飄回。飛焉靡翼。超焉靡階。思若流波。情似坻頽。詩之作矣。情以告哀。○章本古文苑八。廣文選十五。詩紀十五。又類聚二十作思親詩。引止、妣、子、生、寧、征、嬰、祊八韻。初學記十七作思親四言詩。引止、妣、子、生、寧、征、嬰七韻。

公讌詩類聚作公宴會詩。

昊天降豐澤。百卉挺葳蕤。涼風撤六臣本文選注云。五臣作微。蒸暑。清雲却炎暉。高會君子堂。並坐蔭華棖。嘉肴充圓方。旨酒盈金罍。管絃發徽音。曲度清且悲。合坐同所樂。但慙白帖或作訴。或作覺。杯行遲。常聞詩人語。不醉且無歸。今日不極歡。含情欲待誰。見眷良不翅。守分豈能違。古人有遺言。君子福所綏。願我賢主人。與天享巍巍。克符周公業。奕世不可追。○文選二十。詩紀十五。又類聚三十九引蕤、暉、棖、罍、歸、巍、追七韻。

白帖四、五各引一句。

從軍詩五首

樂府作從軍行五首。

魏志曰。建安二十年三月。公西征張魯。魯及五子降。十二月。至自南鄭。是行也。侍中王粲作五言詩。以美其事。

○逯案。五首非一時一地之作。魏志說未賅。

從軍有苦樂。但問李善本文選作聞。六臣本注云。善作聞字。所從誰。所從神且武。焉魏志注作安。得久勞師。相公征關右。赫怒震天威。一舉滅獯虜。再舉服羌夷。西收邊地賊。忽若俯樂府誤作附。拾遺。陳賞越丘山。魏志注作山嶽。酒肉踰川坻。軍中李善本文選作人。六臣本注云。善作人字。多飫詩紀作沃。饒。魏志注作饒。人馬皆溢肥。徒行兼乘還。空出有餘資。拓地魏志注作土。書鈔同。三千里。往返類聚作反。樂府云。一作反。速若魏志注作如。六臣本文選同。六臣注云。善作若字。樂府作一如。注云。一作若。詩紀作一如。飛。歌舞人鄴城。所願獲無違。晝李善本文選作盡。六臣本注云。善作盡字。樂府云。一作盡。日處樂府作獻。注云。一作處。大朝。日暮薄言歸。外參時明政。內不廢家私。禽獸憚爲犧。良苗實已揮。李善本文選注云。揮當作輝。竊慕負鼎翁。願厲朽鈍姿。李善本文選無此二句。六臣本注云。善本無此二句。不能效沮溺。相隨把鋤犁。熟李善本文選作孰。覽夫子詩。信知所言非。○文選二十七。樂府詩集三十二。詩紀十五。又魏志武帝紀注引誰、師、威、夷、遺、坻、肥、資、飛、違十韻。書鈔十三引飛一韻。類聚五十九引誰、師、威、肥、資、飛、違七韻。涼類聚作原。樂府云。一作源。案皆涼之訛字。風厲秋節。司典告詳刑。我君順時發。桓桓東南征。汎舟蓋長川。陳卒被隰垆。征夫懷親戚。誰能無戀類聚作此。樂府同。注云。一作戀。六臣本文選注云。五臣作此。情。拊衿李善本文選作襟。樂府云。一作襟。倚舟檣。眷眷樂府作眷言。思鄴城。哀彼東山人。喟然感鶴鳴。日月不安處。人誰獲恒李善本文選

作常。六臣本注云。善作常字。樂府云。一作常。寧。昔人從公旦。一徂樂府作征。輒三齡。今我神武師。暫樂府作暫。注云。一作暫。往必速平。弃樂府作棄。余親睦恩。輸力竭忠貞。懼無一夫用。報我素餐誠。夙夜自併性。思逝若抽縈。將秉先登羽。豈敢聽金聲。詩紀云。建安二十二年。樂從曹公征吳。此下四首。蓋征吳作也。○文選二十七。樂府詩集三十一。詩紀十五。又類聚五十九引刑、征、惘、情、鳴五韻。

從軍征遐路。討彼東南夷。方舟順廣川。薄暮未安坻。白日半西山。桑梓有餘暉。蟋蟀夾岸鳴。孤鳥翩翩飛。征夫心多類。聚作兩。六臣本文選注云。五臣作兩。樂府同。注云。一作多。懷。悽李善本文選作惻。六臣本注云。善本作惻。樂府云。一作惻。悽令吾悲。下船御覽作舡。登高防。草露濡我衣。迴身赴牀寢。此愁當告誰。身服干戈事。豈得念所私。卽戎有授樂府作受。命。茲理不可違。○文選二十七。樂府詩集三十一。詩紀十五。又類聚五十九引夷、坻、暉、飛、悲五韻。御覽三百二十八引衣、誰、私三韻。

朝發鄴都橋。暮濟白馬津。逍遙說文繫傳作搖。河隄上。左右望我軍。連舫踰萬艘。帶甲千萬人。率彼東南路。將定一舉勳。籌策運帷幄。一由我聖君。恨類聚作限。樂府云。一作限。我無時謀。譬諸具官臣。鞠躬中堅類聚作暨。內。微畫無所陳。許歷爲完士。一言猶李善本文選作獨。六臣本注云。善作獨字。樂府云。一作獨。敗秦。我有素餐類聚作澹。責。樂府誤作貴。誠愧伐檀人。雖無鉛刀用。庶幾奮薄身。○文選二十七。樂府詩集三十一。詩紀十五。又類聚五十九引勳、君、臣、陳、秦、人、身七韻。說文繫傳市部師下引軍一韻。○義門讀書志云。史記云。軍士許歷。請以軍事諫。完當作軍。傳寫誤也。

悠悠涉荒路。靡靡我心愁。四望無煙火。但見林與丘。城郭生榛棘。蹊徑無所由。藿樂府作蕉。誤。類聚、廣文選

作荏。蒲竟廣澤。葭葦夾長流。日夕涼風發。翩翩漂吾舟。寒蟬在樹鳴。鸛鶴摩天游。李善本文選作遊。樂府同。注云。一作游。客子類聚作遊客。多悲傷。淚下不可收。朝人譙郡界。曠然消人憂。雞鳴達四境。黍稷盈原疇。館宅充韵補作光。鄭李善本文選作塵。韵補、樂府同。樂府注云。一作鄭里。士女李善本文選作女士。樂府同。注云。一作士女。六臣本注云。善作女士。滿莊馘。樂府作馘。六臣本文選注云。五臣作馘。自非賢聖李善本文選作聖賢。六臣本注云。善作聖賢。樂府作聖賢。國。韵補作圖。誰能享斯休。詩人美樂土。雖客猶願留。○文選二十七。樂府詩集三十二。詩紀十五。又類聚二十八作王粲詩。廣文選九作清河作。引愁、丘、由、流、收、憂、留七韵。韵補卷二引馘、休二韵。○遠案。劉節以昭選收羅未備而纂廣文選一書。然不知文選有此篇。竟又據類聚甄人七韵。並題爲清河作。殊爲荒謬。又此詩館宅充鄭里。韵補充作光。自非賢聖國。韵補國作圖。義皆較勝。恐今本文選亦有誤字也。

從軍詩

被羽在先登。甘心除國疾。○文選二十七從軍詩注。

從軍詩

樓船凌洪波。尋戈刺羣虜。○御覽三百五十一。

詠史詩

自古無殉死。達人所共李善本文選作共所。六臣本注云。善作共所。知。秦穆殺三良。惜六臣本文選注云。五臣作昔。哉空

爾爲。結髮事明君。受恩良不訾。臨沒李善本文選作歿。要之死。焉得不相隨。妻子當門泣。兄弟哭路垂。詩紀作陞。臨穴呼蒼天。涕下如綆縻。人生各有志。終不爲此移。同知埋身劇。心亦有所施。生爲百夫雄。死爲壯士規。黃鳥作悲詩紀作哀。詩。至今聲不虧。○文選二十一。詩紀十五。

雜詩

日暮遊西園。冀寫六臣本文選注云。五臣作寫我。憂思情。曲池揚素波。列樹敷丹榮。上有特栖鳥。懷春向我鳴。褰衽六臣本文選注云。五臣作衽。欲從之。路險李善本文選作嶮。不得征。徘徊不能去。佇立望爾形。風颭六臣本文選注云。五臣作飄。揚塵起。白日忽已冥。迴詩紀作回。身入空房。託夢通精誠。人欲天不違。何懼不合并。○文選二十九。詩紀十五。又類聚二十八作王粲詩。引情、榮、鳴三韻。

詩以下四詩。章本古文苑作雜詩四首。廣文選、詩紀同。

吉日簡清時。從君出西園。方軌策良馬。並馳厲中原。北臨清漳水。西看柏楊山。回翔遊廣囿。逍遙波渚。章本古文苑作水。類聚、廣文選、詩紀同。問。○類聚二十八。章本古文苑八。廣文選十五。詩紀十五。

詩廣文選九作清河作。

列車息衆駕。相伴綠水湄。幽蘭吐芳烈。芙蓉發紅暉。百鳥何繽翻。振翼羣相追。投網引潛鯉。章本古文苑作魚。詩紀同。強弩下高飛。白日已西邁。歡樂忽忘歸。○類聚二十八。章本古文苑八。廣文選九。又廣文選十五。詩紀十五。

○遠案。廣文選重出此篇。一作雜詩。一作清河作。殊謬。

詩

聯翻古文苑作翻。廣文選、詩紀同。飛鸞鳥。獨遊無所因。毛羽照野草。哀鳴人青古。古文苑作層。廣文選、詩紀同。雲。我尚假羽翼。飛覩爾形身。願及類聚作乃。春陽會。交頸遘。廣文選作覲。殷勤。○類聚九十。章本古文苑八。廣文選十五。詩紀十五。

詩

鷺鳥化爲鳩。遠竄江漢邊。遭遇風雲會。託身鸞鳳間。天姿既否戾。受性又不閑。邂逅見逼迫。俛仰不得言。○類聚九十二。章本古文苑八。廣文選十五。詩紀十五。

七哀詩三首

西京亂無象。豺類聚作豺。虎方遘患。復草堂詩注作捐。棄中國去。遠詩紀作委。身杜詩注作身遠。適荆蠻。杜詩注倒作蠻荆。親戚對我悲。朋友相追類聚作追相。攀。出門無所見。白骨蔽平原。路有飢六臣本文選注云。五臣作餓字。婦人。抱子棄草間。顧聞號泣聲。揮涕獨不還。未知身死處。韻補作所。何能兩相完。驅馬棄之去。不忍聽此言。南登霸類聚作瀟。陵岸。迴宋書作回。南史、水經注、文選注、寰宇記、詩紀並同。首望長安。悟彼下泉人。喟然傷心肝。○文選三十二。文章正宗二十九。詩紀十五。又宋書謝靈運傳論、水經注渭水注、文選二十二古意謝到既登琅邪城詩注、寰宇記二十五各引安一韻。南史謝晦傳引安、肝二韻。藝文類聚三十四引患、蠻、攀、原、安、肝六韻。韻補卷二引完、言二韻。黃氏集千家注杜

工部詩史補遺四通泉詩注引患、荆二韵。又草堂詩箋二十將適詩注引患、蠻二韵。

荆蠻非我鄉。何爲久滯淫。方舟泝文選作溯。六臣本注云。五臣作泝字。類聚作溯。御覽作浮。大江。日暮愁我心。山岡
李善本文選作岡。書鈔同。有餘映。文選作暎。六臣本注云。五臣作映。巖阿增重陰。狐狸馳赴穴。飛鳥翔故林。流波激
清響。猴猿六臣本文選作猱猴。注云。善本作猴猿。臨岸吟。迅風拂裳袂。白露沾衣襟。李善本文選作衿。六臣本注云。善作
衿字。獨夜不能寐。攝衣起撫六臣本文選注云。五臣作拊。琴。絲桐感人情。爲我發悲音。羈旅無終極。憂思壯難
任。○文選二十三。詩紀十五。又書鈔百五十八引陰、林二韵。類聚三十四引淫、心、陰、吟、琴、音六韵。御覽七百七十引心一韵。
邊城使心悲。昔吾親更之。冰雪截肌膚。風飄無止期。百里不見人。草木誰當遲。登城望亭燧。翩翩飛戍
旗。行者不顧反。出門與家辭。子弟多俘虜。哭泣無已時。天下盡樂土。何爲久留茲。蓼蟲不知辛。去來勿
與諮。○章本古文苑八。詩紀十五。

詩

荆軻爲燕使。送者盈水濱。縞素易水上。涕泣不可揮。○韵補一。○遠案。濱、揮不叶。濱蓋湄之訛。才老所據本有誤。

詩

探懷授所歡。願醉不顧身。○文選二十五還舊園作見顏范二中書詩注。

詩

哀笑動梁塵。急觴蕩幽默。○草堂詩箋九蘇端詩注。又海錄碎事六引下句。○遠案。笑應作嘯。哀嘯而歌。故音動梁塵也。

魏詩卷三

陳琳

琳。字孔璋。廣陵人。初爲大將軍何進府主簿。後避亂冀州。依袁紹。冀州平。司空曹操以爲軍謀祭酒。管記室。徙門下督。建安二十二年卒。有集十卷。

飲馬長城窟行

飲馬長城窟。水寒傷馬骨。往謂長城吏。慎莫稽留太原卒。官作自有程。舉築諧汝聲。男兒寧當格鬪死。何能怫鬱築長城。長城何連連。連連三千里。邊城多健少。內舍多寡婦。作書與內舍。便嫁莫留住。善侍玉臺作事。草堂詩箋同。新姑嫜。時時念我故草堂詩箋至此斷句。夫子。報書往詩紀云。一作與。邊地。君今出語一何鄙。身在禍難中。何爲稽留他家子。生男慎莫舉。生女哺用脯。君獨不見長城下。死人骸骨相撐拄。結髮行事君。慊慊心意闕。詩紀云。一作問。明知玉臺無明知二字。樂府、廣文選同。邊地苦。賤妾何能久自全。○玉臺新詠一。樂府詩集三十八。廣文選十三。詩紀十六。又書鈔百四十五作古樂府。引脯一韻。草堂詩箋十三新婚別注引婦、故二韻。

詩廣文選合下篇作遊覽詩二首。詩紀同。

高會時不娛。羈客難爲心。愍懷從中發。悲感激清音。投觴罷歡坐。逍遙步長林。蕭蕭廣文選作肅肅。詩紀同。山谷風。黯黯廣文選作默默。詩紀同。天路陰。惆悵忘旋反。歔歔涕霑襟。詩紀云。一作巾。○類聚二十八。廣文選九。詩

紀十六。

詩

節運時氣舒。秋風涼且清。閒廣文選作閑。居心不娛。駕言從友生。翱翔廣文選作翱翔。詩紀同。戲長流。逍遙登高城。東望着疇野。廻顧覽園庭。嘉木凋綠葉。芳草織應作織。紅榮。騁哉日月逝。廣文選作遠。年命將西傾。建功不及時。鐘鼎何所銘。收念還寢房。慷類聚作抗。慨詠墳經。庶幾及君在。立德垂功名。○類聚二十八。廣文選九。詩紀十六。

宴會詩

凱風飄陰雲。白日揚素暉。良友招我遊。高會宴中闈。玄鶴浮清泉。綺樹煥青蕤。○類聚三十九。詩紀十六。

詩

春天潤九野。卉木煥油油。紅華紛曄曄。發秀曜中衢。○韵補二。

仲尼以聖德。行聘徧周流。遭斥厄陳蔡。歸之命也夫。○同上

沈淪衆庶間。與世無有殊。紆鬱懷傷結。舒展有何由。○同上

轆軻固宜然。卑陋何所羞。援茲自抑慰。研精於道腴。○同上○逮案。以上四詩韵補通入尤韵。當是一篇之辭。

劉楨

楨。字公幹。東平寧陽人。建安中。司空曹操以爲軍謀祭酒掾。建安二十二年卒。有集四卷。

公讌詩

永日行遊戲。歡樂猶未央。遺思在玄夜。相與復翱翔。輦車六臣本文選注云。五臣本作居。飛素蓋。御覽作質。誤。從者盈路傍。書鈔作旁。月出照園中。珍木類聚作樹。鬱蒼蒼。清川過石渠。流波爲魚防。芙蓉散其華。類聚作花。茵苔溢金塘。靈類聚作珍。鳥宿水裔。仁獸遊飛梁。華館寄流波。豁達來風涼。生平六臣本文選注云。五臣本作年。未始聞。歌之安能詳。投翰長歎息。綺麗不可忘。○文選二十。詩紀十六。又書鈔百三十四引旁一韻。類聚三十九引央、翔、傍、蒼、防、塘、梁、忘八韻。御覽七百七十四引傍一韻。

贈五官中郎將詩四首

昔我從元后。整駕至南鄉。過彼豐沛都。與君共翱翔。四節相推斥。季冬風且涼。衆賓會廣初學記作咸會。坐。明鐙六臣本文選注云。五臣作燈。燭六臣本文選注云。五臣作燾。炎光。清歌製妙聲。萬舞在中堂。金疊含甘醴。羽觴行無方。長夜忘歸來。聊且爲太康。四牡向路馳。歡李善本文選作歎。六臣本注云。善作歎字。悅誠未央。○文選二十三。又初學記十四引鄉、翔、光、堂、方五韻。

余嬰草堂詩箋作因。沉痼疾。竄身清漳濱。自夏涉玄冬。說文繫傳作及徂秋。彌曠說文繫傳作曠爾。六臣本文選注云。五臣

作廣。十餘句。常恐游岱宗。不復見故人。所親一何篤。步趾慰我身。清談同日夕。情盼六臣本文選注云。善作賅字。叙憂勤。便復爲別辭。遊車歸西鄰。素葉隨風起。廣路揚埃塵。逝者如流水。哀此杜詩注作叫。遂離分。追問何時會。要我以陽春。望慕結不解。貽爾新詩文。勉哉修令德。北面自寵珍。○文選二十三。詩紀十六。又黃氏集千家注杜工部詩史補遺九哭李詩注引分一韻。草堂詩箋二十一送韋詩注引濱一韻。○孫志祖文選考異云。自夏涉玄冬。彌曠十餘句。說文繫傳疒部疒字引作自夏及徂秋。曠爾十餘句。按若自夏涉冬。則不止十餘句矣。遠案孫氏此說甚是。應從說文繫傳正之。

秋日多悲懷。感慨以長歎。終夜不遑寐。叙意於濡翰。明燈六臣本文選作鐙。注云。五臣作燈。曜閨中。清風淒已寒。白露塗前庭。應門重其關。四節相推斥。歲月忽已殫。壯士遠出征。戎事將獨難。涕泣灑衣裳。能不懷所歡。○文選二十三。詩紀十六。

涼風吹沙。韻補作礫。礫。霜氣六臣本文選注云。五臣作氛霜。何皚皚。明月照緹幕。華燈散炎輝。書鈔作暉。御覽、韻補同。

六臣本文選注云。五臣作暉。賦詩連篇章。極夜不知歸。君侯多壯思。文雅縱橫飛。小臣信頑鹵。僂俛安能追。○文選二十三。詩紀十六。又書鈔百三十二、御覽七百各引暉一韻。韻補一引皚、暉二韻。

贈徐幹詩

誰謂相去遠。隔此西掖垣。拘初學記或作所。限初學記或作此。清切禁。事文類聚作禁切。中情無由宣。思子沉李善本文選作沈。六臣本注云。五臣作沈。心曲。長歎不能言。起坐失次第。一日三四黃氏杜詩注作次。遷。步出北寺門。遙望初學記作見。西苑園。細柳夾道生。方塘含清源。輕葉隨風轉。飛鳥何翻翻。詩紀作翻。乖人易感動。文選注作働。

涕六臣本文選注云。五臣作淚。下與衿連。仰視白日光。皦皦類聚作皎皎。高且懸。兼燭八紘內。物類無頗偏。我獨抱深感。不得與比焉。○文選二十三。詩紀十六。又文選三十一雜體詩注引一句。類聚一引懸、偏二韻。初學記十一引垣、宣、言、遷、園、源、翻七韻。又垣、宣二韻。又垣一韻。黃氏集千家注杜工部詩六崔評事詩注引遷一韻。事文類聚新集五引垣、宣二韻。

贈徐幹詩

猥蒙惠咳吐。貺以雅頌聲。高義厲青雲。灼灼有表經。○書鈔一百。○孔氏校云。陳俞本雅頌作大雅。有表經作桑華星。

贈從弟詩二首

第三首初學記作鳳凰詩。殊謬。

汎汎東流水。磷磷水中石。蘋藻生其涯。華葉紛擾溺。李善本文選作華紛何擾溺。六臣本注云。善作華紛何擾溺。采之薦宗廟。可以羞嘉客。豈無園中葵。懿此出深澤。○文選二十三。詩紀十六。

亭亭文鏡秘府作青青。山文鏡秘府作陵。上松。瑟瑟谷中風。風聲一何盛。松枝一何勁。冰類聚作風。霜正慘悽。李善本文選作愴。終歲常類聚作恒。文章正宗作長。端正。豈不罹文選作羅。類聚同。凝寒。松柏有本性。○文選二十三。類聚八十八。文章正宗二十九。詩紀十六。又文鏡秘府論南卷引風、勁二韻。

鳳皇集南嶽。徘徊孤竹根。於心有初學記作存。萬花谷同。不厭。奮翅凌初學記作騰。萬花谷同。紫氛。豈不常勤初學記作辛。萬花谷同。苦。羞與黃雀初學記作雀同。萬花谷同。羣。何時當來儀。將初學記作要。萬花谷同。須聖明君。○文選二十三。初學記三十。文章正宗二十九。錦繡萬花谷後集四十。詩紀十六。又類聚九十引根、氛、羣三韻。

雜詩

職草堂詩箋作鄙。事相六臣本文選作煩。注云。善本作相。填委。文墨紛消散。馳翰未暇書鈔作邊。食。日昃不知晏。沈
迷簿領間。文選作書。文選注、文章正宗同。回回自昏亂。釋此出西城。登高且遊觀。方塘含白水。中有鳧與雁。安
得肅肅羽。從爾浮六臣本文選注云。五臣作爾從游。波瀾。○文選二十九。文章正宗二十九。詩紀十六。又文選四十三丘希範與
陳伯之書注引亂一韵。書鈔三十六引散、亂二韵。又晏一韵。草堂詩箋八白水詩注引起首一句。

鬪雞詩

丹雞被華采。雙距如鋒芒。願一揚炎威。會戰此中唐。利爪探玉除。瞋目含火光。長翹驚風起。勁翮正敷
張。輕舉奮勾喙。電擊復還翔。○類聚九十一。詩紀十六。

射鳶詩

鳴鳶弄雙翼。飄飄薄青雲。我后橫怒起。意氣凌神仙。發機如驚焱。三發兩鳶連。流血灑牆屋。飛毛從風
旋。庶士同聲贊。君射一何妍。○類聚九十二。詩紀十六。

詩

昔君錯畦疇。東土有素木。條柯不盈尋。一尺再三曲。隱生寘翳林。控僖自迫速。得託芳蘭苑。列植高山足。○類聚八十八。詩紀十六。

詩

青青女蘿草。上依高松枝。幸蒙庇養御覽作眷。恩。分御覽作焉。惠不可貲。御覽作訾。風雨雖急疾。根株不傾移。○類聚八十一。詩紀十六。又御覽九百九十三引枝、訾二韵。

詩

天地無期竟。民生甚局促。爲稱百年壽。誰能應此錄。低昂倏忽去。炯若風中燭。○御覽八百七十。

詩

翩翩野青雀。栖竄茨棘蕃。朝食事類賦作拾。平田粒。夕飲曲池泉。猥出蓬御覽作蔚。萊疑作藜。中。乃至丹丘邊。○御覽九百二十二。事類賦雀賦。

詩

旦發鄴城東。莫次溟水旁。三軍如鄧林。武士攻蕭莊。○書鈔百十七。○孔氏書鈔校語云。武士攻蕭莊。陳俞本改劍戟凜

秋霜。遠案。蕭乃肅之訛字。言軍士肅莊也。

詩

初春含寒氣。陽氣匿其暉。灰風從天起。砂石縱橫飛。○書鈔百五十四。

詩

和風從東來。玄雲起西山。夜中發此氣。明旦飛甘泉。○御覽十一。

詩

朝發白馬。暮宿韓陵。○寰宇記五十五。

詩

大厦一作夏。非。雲構。○文選四十六三月三日曲水詩序。又二十二招隱詩注。

詩

玄雲起高岳。終朝彌八方。○書鈔一百五十。類聚一。

詩

皦月垂素光。玄雲爲髣髴。○文選二十九雜詩注。

詩

攬衣出巷去。素蓋何翩翩。○書鈔百三十四。

詩

散禮風雨起。○書鈔一百。

徐幹

幹。字偉長。北海人。辟司空曹操府。除上艾長。以疾不行。歷軍謀祭酒掾。五官中郎將文學。建安二十二年卒。有集五卷。

贈五官中郎將詩

貽爾新詩。○文選二十三答何劭詩注。

答劉楨詩詩紀作答劉公幹詩。

與子別無幾。所經未一句。我思一何篤。其愁如三春。雖路在咫尺。難涉如文選注作兼。九關。陶陶朱類聚作諸。夏德。類聚作別。草木昌且繁。○類聚三十一。詩紀十六。又書鈔百五十四引繁一韵。文選二十五於安城答謝靈運詩注引春一韵。

情詩

高殿鬱崇崇。廣厦淒泠泠。玉臺作冷。廣文選同。微風起閨闈。落日照階庭。踟躕玉臺作峙嶠。雲屋下。嘯廣文選作笑。詩紀同。歌倚華楹。君行殊不返。我飾爲誰容。廣文選作榮。詩紀同。鑪薰闔不用。鏡匣上塵生。綺羅失常色。金翠暗無精。嘉肴既忘御。旨酒亦常停。顧瞻空寂寂。唯聞燕雀聲。憂思連相屬。中心如宿醒。○玉臺新詠一。廣文選九。詩紀十六。

室思詩

六章○廣文選於前五章作雜詩五首。後一章作室思。詩紀於後一章作室思。前二章作雜詩。於三四五章

又作室思。

沉陰結愁憂。韵補作憂愁。下句同。愁憂爲誰興。念與君生廣文選作相。詩紀同。別。各韵補作乃。在天一方。良會未韵補作無。有期。中心摧且傷。不聊憂澆食。慊慊韵補作嗟嗟。常飢空。端坐而無爲。髣髴君容光。

峩峩高山首。悠悠萬里道。君去日已玉臺作已日。遠。鬱結令人老。人生一世間。忽若暮春草。時不可再

得。何爲自愁惱。每誦昔鴻恩。賤軀焉足廣文選作自。保。

浮雲何洋洋。願因通我辭。飄飄廣文選作飄飄。詩紀同。不可寄。徙倚徒相思。此二句類聚作一近不可歸。嘯歌久踟躕。與玉臺刪取不同。人離皆復會。君類聚作我。獨無返期。自君之出矣。明鏡暗類聚作開。章本古文苑同。不治。思君如流水。何樂府作無。文選補遺同。有窮已時。

慘慘時節盡。蘭葉玉臺作華。廣文選、詩紀同。凋復零。喟然長嘆息。君期慰我情。展轉不能寐。長夜何緜緜。躡履起出戶。仰觀三星連。自恨志不遂。泣涕如涌泉。○紀容舒玉臺新詠考異云。君期二字未詳。疑爲期君之誤。又傅玄秋蘭篇。君期歷九秋。樂府詩集期作其。此篇亦當作君其歟。

思君見玉臺作見君。御覽同。巾櫛。以益御覽作弭。我勞動。御覽作慙。安得鴻鸞羽。覩此心中人。誠心亮不遂。搔首立悁悁。何言一不見。復會無因緣。故如詩紀作然。比目魚。廣文選作惠。誤。今隔如參辰。○玉臺新詠考異云。見君。宋刻作君見。弭。宋刻作益。並誤。今從太平御覽。勤字御覽作慙。則書勤爲慙。因而轉誤。遂案。紀君說未盡的。君見御覽本作見君。又御覽益作弭。勤作慙。義皆勝。作勤者。殆後人誤以不韻而妄改。既改慙作勤。故並弭改爲益耳。

人靡不有初。想君能終之。別來歷年歲。舊恩玉臺作思。何可期。重新而忘故。君子所尤譏。寄韻補作妾。身雖在遠。豈忘韻補作遠。君須臾。既厚不爲韻補作中。薄。想君時見思。○玉臺新詠一。廣文選十五。詩紀十六。又類聚三十二引第三章。又御覽七百十四作涂岑詩。引慙一韻。又樂府詩集六十九、文選補三十四、章本古文苑九俱引治、時二韻。又韻補二引傷、空二韻。韻補一引人、悁二韻。臾、思二韻。

於清河見挽船士新婚與妻別詩

與君結新婚。宿昔當別離。涼風動秋草。蟋蟀鳴相隨。冽冽類聚作蚓蚓。寒蟬吟。蟬吟抱枯枝。枯枝時飛揚。身體忽遷移。不悲身遷移。但類聚作當。惜歲月馳。歲月類聚作月馳。無窮極。會合安可知。願爲雙黃鵠。比翼類聚作悲鳴。戲清池。○玉臺新詠二作魏文帝。類聚二十九、詩紀十六並作爲挽船士與新娶妻別。○遠案。此篇乃幹作。魏文別有一首。玉臺於此偶誤。

阮瑀

瑀。字元瑜。陳留人。師事蔡邕。建安中。曹操以爲軍謀祭酒。管記室。後爲倉曹掾屬。建安十七年卒。有集五卷。

駕出北郭門行

駕出北郭門。馬樊初學記作行。不肯馳。下車步踟躕。初學記作躑躅。仰折枯楊初學記作楊柳。枝。顧聞丘林中。噉噉有悲啼。借問啼者出。何爲乃如斯。親母舍我歿。後母憎孤兒。飢寒無衣食。舉動鞭捶施。骨消肌肉盡。體若枯樹皮。藏我空室中。父還不能知。上冢察故處。存亡永別離。親母何可見。淚下聲正嘶。棄我於此間。窮厄豈有貲。傳告後代人。以此爲明規。○樂府詩集六十一。初學記二十八作樂府詩。詩紀十七。

琴歌

文士傳曰。太祖雅聞瑀名。辟之。不應。乃逃入山中。太祖使人焚山得瑀。太祖時征長安。大延賓客。怒瑀不與語。使就技人列。瑀善解音。能鼓琴。撫絃而歌。爲曲既捷。音聲殊妙。太祖大悅云。

奕奕天門開。大魏應期運。青蓋巡九州。在東西文選注作西東。韻補同。人怨。士爲知己死。女爲悅者文選注作己。韻補同。玩。恩義苟敷文選注作潛。御覽、樂府同。暢。他人焉樂府作豈。能亂。○三國志王粲傳注。文選六十齊竟陵文宣王行狀注。御覽五百七十二。樂府詩集六十。詩紀十七。又吳械韻補四引運、怨二韻及怨、玩二韻。○三國志裴注曰。魚氏典略、摯虞文章志並云瑀建安初。辭疾避役。不爲曹洪屈。得太祖召。卽投杖而起。不得有逃入山中焚之乃出之事也。又典略載太祖初征荊州。使瑀作書與劉備。及征馬超。又使瑀作書與韓遂。此二書今具存。至長安之前。遂等破走。太祖始以十六年得入關耳。而張鷟云。初得瑀時。太祖在長安。此又乖戾。瑀以十七年卒。太祖十八年策爲魏公。而云瑀歌舞辭稱大魏應期運。愈知其妄。其辭云他人焉能亂。了不成語。瑀之吐屬必不如此云云。遼案。據此知歌係後人所依託。姑編人俟考。

詠史詩二首

誤哉秦穆公。身沒從三良。忠臣不違類聚作達。廣文選同。命。隨軀就死亡。低頭闕墻戶。仰視日月光。誰謂此可廣文選作何。詩紀同。處。恩義不可忘。路人爲流涕。黃鳥鳴高桑。○類聚五十五作阮瑀詩。廣文選八。詩紀十七。

燕丹善勇士。荆軻爲上賓。圖盡擢類聚作擢盡。匕首。長驅西人秦。素車駕白馬。相送易水津。漸離擊筑歌。悲聲感路人。舉坐同咨嗟。歎氣若青雲。○同上○以上二首。類聚無題。詩紀從廣文選作詠史詩。遼案。王粲有詠三良之作。而題曰詠史。則此上篇自可題曰詠史。又左思詠史詩有荆軻一篇。當是祖述建安諸賢。則下篇亦可以作此題也。

七哀詩

丁年難再遇。富貴不重來。良時忽一過。身體爲土灰。冥冥九泉室。漫漫長夜臺。身盡氣力索。精魂靡所能。廣文選作迴。詩紀云。今本作迴。嘉肴設不御。旨酒盈觴杯。出壙望故鄉。但見蒿與萊。○類聚三十四。廣文選九。詩紀十七。又初學記十四引來、灰、臺、能、盃五韻。

公讌詩

陽春和氣動。賢主以崇仁。布惠綏人物。降愛常所親。上堂相娛樂。中外奉時珍。五味風雨集。杯酌若浮雲。○初學記十四。

詩詩紀作雜詩。

臨川多悲風。秋日苦清涼。客子易爲戚。感詩紀云。一作對。此用哀傷。攬衣起躑躅。上觀心與房。三星守故次。明月未收光。雞鳴當何時。朝晨尚未央。還坐長歎息。憂憂安可忘。○類聚二十七。類聚三十四作七哀詩。廣文選十作行詩。詩紀十七。

詩同上

我行自凜秋。季冬乃來歸。置酒高堂上。友朋集光輝。念當復離別。涉路險且夷。思慮益惆悵。淚下沾裳衣。○類聚二十七。廣文選十。詩紀十七。

詩 詩紀作隱士詩。

四皓隱南岳。老萊鳴沙類書作來。誤。竄河濱。鳴沙類書作賓。誤。顏回樂陋巷。許由安賤貧。伯夷餓首陽。天下歸其仁。何患處貧苦。但當守明真。○類聚三十六。鳴沙石室古籍叢殘類書殘卷高尚門。詩紀十七。

詩

白髮隨櫛詩紀作節。誤。墮。未寒思厚衣。四支易懈倦。行步益疎遲。常恐時歲盡。魂魄忽高飛。自知百年後。堂上生旅葵。○類聚十八。詩紀十七。

詩 詩紀作苦雨詩。

苦雨滋玄冬。引日彌且長。丹墀自殲殪。深樹猶沾裳。客行易感悴。我心摧已傷。登臺望江河。陽侯沛洋洋。○類聚二。詩紀十七。

詩 樂府作怨詩。詩紀同。

民生受天命。漂若河中塵。雖稱百齡壽。孰能應此身。猶獲嬰凶禍。流落類聚作離。樂府云。一作流離。恒苦辛。

○類聚三十。樂府詩集四十一。詩紀十七。○遼案。此詩類聚在人部怨門。故郭茂倩目爲怨詩。其實非是。

詩

箭細鐵絲剛。刀插銀刃白。○黃氏集千家注杜工部詩補遺九久雨詩注。

詩

春岑藹林木。○草堂詩箋二十四又於詩注。

應瑒

瑒。字德璉。汝南人。曹操辟爲丞相掾。轉平原侯庶子。後爲五官中郎將文學。建安二十二年卒。有集五卷。

報趙淑麗詩詩紀云。一作報趙叔嚴。

朝雲不歸。夕結成陰。離羣猶詩紀云。疑作獨。宿。永思長吟。有鳥孤栖。哀鳴北林。嗟我懷矣。感物傷心。○類聚三十一。詩紀十七。

公讌詩

巍巍主人德。佳會被四方。開館延羣士。置酒于斯初。學記作於新。堂。辨論釋鬱結。援筆興文章。穆穆衆君子。好合同歡康。促坐褰重帷。傳滿騰羽觴。○詩紀十七。類聚三十九作公宴詩。引堂、章、康、觴四韻。初學記十四作應瑒詩。引方、堂、章、康四韻。

侍五官中郎將建章臺集詩

朝雁鳴雲中。音響一何哀。問子遊何鄉。戢翼正徘徊。言我塞李善本文選作寒。六臣本注云。善本作寒。門來。將就衡陽棲。往春翔北類聚作朔。土。今冬客南淮。遠行蒙霜雪。類聚作露。毛羽日摧頹。常恐傷肌骨。身隕沉黃泥。簡珠墮六臣本文選注云。五臣本作隨。沙石。何能中自諧。欲因雲雨會。濯羽文選注作翼。陵高梯。良遇不可值。伸眉路何階。公子敬愛客。樂飲不知疲。和顏既以詩紀作已。暢。乃肯顧細微。贈詩見存慰。小子非所宜。爲且詩紀作且爲。極謹情。不醉其無歸。凡百敬爾位。以副饑渴懷。○文選二十。詩紀十七。又類聚九十一作應瑒詩。引哀、徊、棲、淮、頹、泥六韻。文選二十四贈陸機詩注引一句。

別詩二首

朝雲浮四海。日暮歸故山。行役懷舊土。悲思不能言。悠悠涉千里。未知何時旋。○類聚二十九。廣文選八。詩紀十七。

浩浩長河水。九折東北流。晨夜赴滄海。海流亦何抽。遠適萬里道。歸來未有由。臨河累詩紀云。一作竟。太息。五內懷傷憂。○同上

鬪雞詩

戚戚懷不樂。無以釋勞動。兄弟遊戲場。命駕迎衆賓。二部分曹伍。羣雞煥以陳。雙距解長縲。飛踊超敵倫。芥羽張金距。連戰何繽紛。從朝至日夕。勝負尚未分。專場驅衆敵。剛捷逸等羣。四坐同休贊。賓主懷悅欣。博奕非不樂。此戲世所珍。○類聚九十一。詩紀十七。

繁欽

欽。字休伯。潁川人。爲丞相主簿。建安二十三年卒。有集十卷。

贈梅公明詩

瞻我北園。廣文選作國。誤。有條者桑。邁此春景。既茂且長。氤氳吐葉。柔潤有光。黃條蔓衍。青鳥來翔。日月其邁。時不可忘。公子瞻旃。勳名乃彰。○類聚三十一。廣文選十。詩紀十七。

遠戍勸戒詩

肅將王事。集此揚土。凡我同盟。既文既武。郁郁桓桓。有規有矩。務在和光。同塵共垢。各竟類聚作競。其心。爲國蕃輔。閭閻行行。類聚作衍衍。廣文選同。非法不語。可否相濟。闕則云補。○類聚二十三。廣文選十。詩紀

十七。

詠蕙詩廣文選作蕙詠。詩紀同。

蕙草生山北。托身失所依。植根陰崖側。夙夜懼危頽。寒泉浸我根。淒風常徘徊。三光照八極。獨不蒙餘暉。葩葉永彫瘁。廣文選作悴。詩紀同。凝露不暇晞。百卉廣文選作草。詩紀同。又注云。一作卉。皆含榮。已獨失時姿。比我英芳發。鶉鴂鳴已哀。○類聚八十一。廣文選十五。詩紀十七。

生茨詩

灌畦暇語曰。後漢繁欽。傷世道剝喪。賢愚隱情。上之人用察不至。而小人得志。君子伏匿。於是賦生茨之詩。其詞曰。

有茨生蘭圃。布葉翳芙蓉。寄根膏壤隈。春澤以養軀。太陽曝真色。翔風發其莩。甘液潤其中。華實與氣俱。族類日夜滋。被我中堂隅。○灌畦暇語。

定情詩白帖作古詩。歲華紀麗同。御覽八百七作寄情詩。

樂府解題曰。定情詩。漢繁欽所作也。言婦人不能以禮從人。而自相悅媚。乃解衣服玩好致之。以結綢繆之志。若臂環致拳拳。指環致慙慙。耳珠致區區。香囊致扣扣。跳脫致契闊。佩玉結恩情。自以爲得志。而期於山隅山陽山西山北。終而不答。乃自悔傷焉。○逮案。文選十八洛神賦注引繁欽定情詩曰。何以消滯憂。足下雙遠遊云云。今

此篇不見。殆玉臺有刪節。此其佚句也。

我出東門遊。邂逅承清塵。思君卽幽房。侍寢執衣巾。時無桑中契。迫此路側人。我既玉臺、樂府作卽。媚君姿。君亦悅我顏。何以致拳拳。書鈔作奉意。誤。綰臂雙金環。何以致殷勤。樂府作慙慙。約指一雙銀。何以致區區。耳中雙明珠。何以致叩叩。香囊繫白帖四作懸。肘後。何以致契闊。繞腕書鈔作臂。白帖、御覽、歲華紀麗並同。雙御覽作金。跳脫。歲華紀麗作達。何以結恩情。佩詩紀作美。玉綴羅纓。何以結中心。素縷連雙針。何以結相於。詩紀云。一作投。金簿畫幪玉臺作搔。樂府、詩紀同。頭。何以慰書鈔百作表。類聚、御覽同。別離。耳御覽作取。後璫瑁釵。何以答初學記作合。御覽同。歡欣。玉臺作悅。樂府、詩紀同。紈素三書鈔作二。條御覽爲衫。裙。玉臺作裙。樂府、詩紀同。何以結愁悲。白絹雙中衣。與我期何所。乃期東山隅。日旰兮不來。樂府作至。谷風吹我襦。遠望無所見。涕泣起踟躕。玉臺作峙嶠。與我期何所。乃期山南陽。日中兮不來。飄玉臺作凱。風吹我裳。逍遙莫誰覩。望君愁我腸。與我期何所。乃期西山側。日夕兮不來。躑躅長歎息。遠望涼風至。俯仰正衣服。與我期何所。乃期山北岑。日暮兮不來。淒風吹我襟。望君不能坐。悲苦愁我心。愛身以何爲。惜我華色時。中情既欸欸。然後尅密期。褰衣玉臺作裳。躡茂樂府作花。誤。草。謂君不我欺。詩紀作期。厠此醜陋質。徙倚無所之。自傷失所欲。淚下如連絲。○玉臺新詠一。樂府詩集七十六。詩紀十七。又書鈔百二十九、初學記二十六、御覽六百九十六、八百十九各引裙一韻。書鈔百三十五、御覽七百十八各引脫一韻。書鈔百三十六、類聚八十四、御覽八百七各引釵一韻。書鈔百三十六引環一韻。白帖四引區、珠、叩、後四韻。御覽六百八十八引頭一韻。歲華紀麗二引達一韻。

槐樹詩

嘉樹吐翠葉。列在雙闕涯。旖旎隨風動。柔色紛陸離。○初學記二十八。詩紀十七。

雜詩

世俗有險易。時運有盛衰。老氏和其光。蘧瑗貴可懷。○類聚二十三。詩紀十七。

七言詩

陰雲起兮白雪飄。○書鈔百五十二。

魏詩卷四

魏文帝曹丕

丕。字子桓。曹操長子。建安十六年爲五官中郎將。二十二年立爲魏太子。二十五年正月嗣魏王位。改建安爲延康。十一月受漢禪。卽帝位。改元黃初。七年卒。時年四十。謚曰文皇帝。有典論五卷、集二十三卷。

樂府

短歌行

古今樂錄曰。王僧虔技錄云。短歌行仰瞻一曲。魏氏遺令。使節朔奏樂。魏文製此辭。自撫箏和歌。歌者云。貴官彈箏。貴官卽魏文也。此曲聲制最美。辭不可入宴樂。

仰瞻帷幕。俯察几筵。其人不存。一解 神靈倏忽。棄我遐遷。靡瞻靡恃。泣涕連連。二解 呦呦遊鹿。銜草鳴麇。翩翩飛鳥。挾子巢棲。三解 我獨孤茆。懷此百離。憂心孔疚。宋書作疾。莫我能知。四解 人亦有言。憂令人老。嗟我白髮。生一何早。五解 長吟永歎。懷我聖考。廣文選作者。詩紀同。曰仁者壽。胡不是保。六解 ○樂府云。右一曲魏樂所奏。○宋書樂志。樂府詩集三十。廣文選十三。詩紀十二。○顧炎武日知錄曰。近日盛行詩歸一書。

尤爲妄誕。魏文帝短歌行。長吟永歎。思我聖考。聖考謂其父武帝也。改爲聖老。評之曰聖老字奇。

秋胡行二首

詩紀云。第一首一作歌魏德。第二首一作浮萍篇。

堯任舜禹。當復何爲。百獸率舞。鳳凰來儀。得人則安。失人則危。唯賢知賢。人不易知。歌以詠廣文選或作永言。誠不易移。鳴條之役。萬舉必全。明德廣文選或作德道。通靈。廣文選或作言。降福類聚作福降。自天。○類聚四十一。樂府詩集三十六。廣文選十三。又廣文選八作歌魏德詩。

汎汎綠類聚作淥。樂府同。池。中有浮萍。寄身流波。隨風靡傾。芙蓉含芳。菡萏垂榮。朝采其實。夕佩其英。采之遺誰。類聚作誰遺。所思在庭。雙魚比目。鴛鴦交頸。有美一人。婉如清揚。類聚作青陽。知音識曲。善爲樂方。詩紀云。有美四句又見善哉行。○類聚四十一。樂府詩集三十六。又廣文選八作歌魏德詩。詩紀十二。○遼案。詩紀依據廣文選注云一作歌魏德詩。非也。樂府詩集於秋胡行題下引樂府解題曰。後人哀而賦之。爲秋胡行。廣題曰。曹植秋胡行。但歌魏德而不取秋胡事。與文帝之辭同也云云。則兩書乃謂曹氏兄弟皆以舊題填新辭。其不取秋胡事者同。非言曹丕所作亦歌魏德也。廣文選題爲歌魏德詩。本是妄作。詩紀不應注一作某某而不言所本也。又有美四句分見兩詩。而善哉行篇似較完整。蓋樂府以聲曲爲主。歌辭可以割裂拼湊。故此詩以有美四句作爲全篇結尾。

善哉行二首

詩紀云。一曰擬作。○遼案。第一首類聚作苦哉行。六臣本文選注云。五臣作苦哉行。

上山採薇。薄暮苦飢。谿類聚、樂府作溪。谷多文選注多下有悲字。風。霜露沾文選注沾下有我字。衣。一解野雉羣雉。猴猿相迫。還望故鄉。鬱何壘壘。文選注不疊壘字。二解 高山有崖。類聚作林。林類聚作崖。木有枝。憂來無方。人

莫之知。類聚作知之。三解 人生如宋書作者。寄。多憂何爲。今我不樂。歲詩紀云。一作日。六臣本作日。注云。善作歲字。月如宋書作其。樂府同。類聚作者。馳。四解 湯湯川六臣本文選注云。五臣作中。流。中有行舟。隨波轉薄。類聚作泊。李善本文選、文章正宗作回轉。有似客遊。五解 策我良馬。被我輕裘。載馳載驅。聊以忘憂。六解 樂府云。右一曲。魏晉樂所奏。○宋書樂志。文選二十七。樂府詩集三十六。文章正宗二十九。詩紀十二。又類聚四十一作苦哉行。引飢、衣、枝、之、馳、舟、遊七韻。文選十二月賦注引衣一韻。十八懷舊賦注作古樂府。引壘一韻。

有美一人。婉如清類聚作青。詩紀同。揚。類聚作陽。妍姿巧笑。和媚心腸。知音識曲。善爲樂方。哀絃微妙。清氣含芳。流鄭激楚。度宮中編珠作中宮。商。感心動耳。編珠作意。綺麗難忘。離鳥夕宿。在彼中洲。延頸鼓翼。悲鳴相求。眷然顧之。使我心愁。嗟爾昔人。何以忘憂。○樂府詩集三十六。廣文選十三。詩紀十二。又類聚四十一引陽、方、商、忘四韻。杜公瞻編珠二作魏武帝樂府詩。引商、忘二韻。

丹霞蔽日行

丹霞蔽日。采虹垂天。谷水潺潺。木落翩翩。孤禽失羣。悲鳴雲間。月盈則沖。華不再繁。古來有之。嗟我何言。詩紀云。明帝步出夏門行中八句與此同。○類聚四十一。樂府詩集三十七。廣文選十三。詩紀十二。

煌煌京洛行

天天園桃。無子空長。虛美難假。偏輪不行。一解 淮陰五刑。宋書作行。鳥盡宋書作得。樂府、廣文選同。詩紀云。一

作得。弓藏。保身全名。獨有子房。大憤不收。褒衣無帶。多言寡誠。祇令事敗。二解 蘇秦之說。六國以亡。傾側賣主。車裂固當。賢矣陳軫。忠而有謀。楚懷不從。禍卒不救。三解 禍夫吳起。智小謀大。西河何健。伏尸何劣。四解 嗟彼郭類。聚作樂。生。古之雅人。智矣燕昭。可謂得臣。峨峨仲連。齊之高士。北辭千金。東蹈滄海。五解 樂府云。右一曲晉樂所奏。○宋書樂志。樂府詩集三十九。廣文選十二。詩紀十二。又類聚四十二。引人、臣、士、海四韻。又文選十八。笙賦注作桃園行。引長、行二韻。

釣竿行

東越河濟水。遙望大海涯。釣竿何珊珊。魚尾何篔簹。行路之好者。芳餌欲何爲。○藝文類聚四十一。詩紀十二。

十五

登山而遠望。谿谷多所有。梗柎千餘尺。衆草之宋書作芝。樂府云。一作芝。盛茂。華葉耀人目。五色難可紀。雉雖山鷄鳴。虎嘯谷風起。號羆當我道。狂顧動牙齒。○宋書樂志。樂府詩集二十七。廣文選十三。詩紀十二。

猛虎行

與君媾新歡。託配於二儀。充列于紫微。升降焉可知。梧桐類聚作何梧。攀鳳翼。雲雨散洪池。○類聚四十一。樂府詩集三十一。詩紀十二。

善哉行詩紀云。初學記載第一解。題云於講堂作。

朝初學記作今。日樂相樂。酣飲不知醉。悲絃書鈔作箏。初學記同。激新聲。長笛吐清氣。一解 絃歌感人腸。四坐皆歡悅。寥寥高堂上。涼風入我室。二解 持滿如不盈。有德宋書作得。者能卒。君子多苦心。所愁不但一。三解 慊慊下白屋。吐握不可失。衆賓飽滿歸。主人苦不悉。四解 比翼翔雲漢。羅者安所羈。宋書作羈。冲靜得自然。榮華何足爲。五解 樂府云。右一曲魏晉樂所奏。○宋書樂志。樂府詩集三十六。詩紀十二。又書鈔五十一及一百十引氣一韵。又初學記十四作於講堂作。引醉、氣二韵。

同前詩紀云。藝文類聚作銅雀園詩。

朝遊高臺觀。文選注作側。夕宴華池陰。大酋奉甘醪。狩類聚作獸。人獻嘉禽。一解 齊倡書鈔或作唱。或作瑟。發東舞。秦箏奏西音。有客從南來。爲我彈清琴。二解 五音紛繁會。拊者激微吟。淫魚乘波聽。踴躍自浮沈。三解 飛鳥翻翔舞。悲鳴集北林。樂極哀情來。寥宋書作憫。類聚同。亮類聚作恨。廣文選同。案恨當作恨。摧肝心。四解 清角豈不妙。德薄所不任。大哉子野言。弭絃且自禁。五解 樂府云。右一曲魏晉樂所奏。○宋書樂志。樂府詩集三十六。詩紀十二。又書鈔一百一、一百七引音一韵。類聚二十八作銅雀園詩。引陰、禽、音、林、心五韵。文選三十一代君子有所思注及雜體詩注並作東門行。引陰一韵。又廣文選九所引與藝文類聚同。

折楊柳行詩紀云。藝文作遊仙詩。古樂府作長歌行。

西山一詩紀作亦。注云。一本作一。何御覽作何如。高。高高初學記作望望。舊唐書作高處。殊無極。初學記作不極。上有兩仙

僮。御覽或作西山有雙僮。寰宇記同。不飲亦不食。與我一丸藥。光耀文選注作輝。白帖同。有五色。一解 服藥四五日。身體類聚作曾臆。文選注同。舊唐書作身輕。生羽翼。輕舉乘浮類聚作生風。廣文選或同。雲。倏忽行萬億。流覽觀四海。茫茫宋書作芒芒。非所識。二解 彭祖稱七百。悠悠安可原。老聃適西戎。于今竟不還。王喬假虛辭。赤松垂空言。三解 達人識真偽。愚夫好妄傳。追念往古事。憤憤千萬端。百家多迂怪。聖道我所觀。四解 樂府云。右一曲魏晉樂所奏。○宋書樂志。樂府詩集三十七。廣文選十三。詩紀十二。又類聚七十八作遊仙詩。引極、食、色、翼、億、識六韻。文選二十二宿東園注引極、食、色、翼四韻。初學記五作登山望遠詩。引極、食二韻。白帖九引色一韻。舊唐書九十五、御覽九百八十四並引極、食、色、翼四韻。御覽四十五、寰宇記五十五並引食一韻。廣文選九作遊仙詩。引極、食、色、翼、億、識六韻。

燕歌行二首

秋風蕭瑟天氣涼。草木搖初學記作零。落露爲霜。羣燕辭類聚作爭。歸雁樂府作鵠。南翔。念君樂府作吾。客類聚作遠。遊多思李善本文選作思斷。詩紀同。腸。慊慊思歸戀故鄉。君何文選作何爲。類聚同。玉臺作君爲。淹留寄他方。賤妾熒熒守空房。憂來思君不敢玉臺作可。忘。不覺淚下沾衣裳。援琴宋書作瑟。樂府同。鳴絃發清商。短歌微吟不能長。明月皎皎照我牀。星漢西流夜未央。牽牛織女遙相望。爾獨何辜玉臺誤作幸。限河梁。詩紀云。晉樂所奏。分七解。○遠案。宋書及樂府詩集此篇前六解皆兩韻一解。○宋書樂志。文選二十七。玉臺新詠九。樂府詩集三十二。詩紀十二。又類聚四十二引涼、霜、腸、方、忘五韻。初學記三引涼、霜二韻。

別日何易會日難。山川悠遠路初學記誤作浮。漫漫。鬱陶思君未敢言。寄聲詩紀作書。注云。一作聲。浮雲往不還。涕零雨面毀容詩紀作形。注云。一作容。顏。誰能懷憂獨不歎。展詩清歌聊自寬。樂往哀來摧肺詩紀作心。注云。一

作肝。肝。耿耿伏枕不能眠。披衣出戶步東西。仰看詩紀作載。注云。一作看。星月觀雲間。飛鶴詩紀作鳥。晨鳴聲可憐。留連顧懷不能詩紀作自。注云。一作能。存。詩紀云。晉樂所奏。分六解。又云。此首文互異者。並以宋書爲正。樂府云。右

一曲本辭。○玉臺新詠九。樂府詩集三十二。詩紀十二。又初學記十五引難、漫、言、還四韻。

別日何易會日難。山川悠遠路漫漫。一解 鬱陶思君未敢言。寄書浮雲往不還。二解 涕零雨面毀形顏。誰能懷憂獨不歎。三解 耿耿伏枕不能眠。披衣出戶步東西。四解 展詩清歌聊自寬。樂往哀來摧心肝。悲風清厲秋氣寒。羅帷徐動經秦軒。五解 仰戴星月觀雲間。飛鳥晨鳴。聲氣可憐。留連懷顧不自存。六解 樂府云。右一曲晉樂所奏。○宋書樂志。樂府詩集三十二。詩紀十二。

臨高臺

臨臺行高。高以軒。下有水。清且寒。中有黃鵠往且翻。行爲臣。當盡忠。願令詩紀作今。皇帝陛下三千歲。宜居此宮。鵠欲南遊。雌不能隨。我欲躬銜汝。口噤不能開。我樂府無我字。詩紀同。欲負之。毛衣摧頽。五里一顧。六里徘徊。詩紀云。此曲三段辭不相屬。鵠欲南遊以下乃古辭飛鵠行也。○類聚四十二作臨高臺行。樂府詩集十八。廣文選十二。詩紀十二。又文選二十侍五官中郎將建章臺集詩注作古辭。引類一韻。

陌上桑

棄故鄉。離室宅。遠從軍旅萬里客。披荆棘。求阡陌。側足獨窘步。路局窄。宋書作窄。廣文選作窄。虎豹嗥。宋書誤作嗥。雞驚禽失。羣鳴相索。登南山。奈何蹈盤石。樹木叢生鬱差。廣文選誤作差。錯。寢蒿草。蔭松柏。涕

泣雨面霑枕席。伴旅單。稍稍日零落。惆悵竊自憐。相痛惜。樂府云。右一曲晉樂所奏。○宋書樂志。樂府詩集二十八。廣文選十三。詩紀十二。

秋胡行

詩紀云。一作佳人期。

朝與佳人期。日夕殊不來。嘉肴不嘗。旨酒停杯。寄言飛鳥。告余不能。俯折蘭英。類聚作黃。樂府、廣文選同。仰結桂。廣文選誤作佳。枝。佳人不在。結之何爲。從爾何所之。乃在類聚作至。大海隅。靈若道言。貽爾明珠。企予望之。步立踟。類聚作踏。蹶。樂府作躊躇。佳人不來。何得斯。類聚作何。樂府同。須。○類聚四十一。樂府詩集三十六。廣文選十三。詩紀十二。

上留田行

居世一何不同。上留田。富人食稻與粱。文選補遺誤作田。上留田。貧子食糟與糠。上留田。類聚缺以上三字。貧賤亦廣文選作一。何傷。上留田。祿命懸在蒼天。上留田。今類聚作命。爾歎息將欲誰怨。上留田。○類聚四十一。樂府詩集三十八。文選補遺三十四。廣文選十三。詩紀十二。

大牆上蒿行

陽春無不長成。草木羣類隨大風起。零落若何翩翩。中心獨立一何瑩。四時舍我驅馳。今我隱約欲何爲。人生居天壤間。忽如飛鳥棲枯枝。我今隱約欲何爲。適君身體所服。何不恣君口腹所嘗。冬被貂蟬溫暖。

夏當服綺羅輕涼。行力自苦。我將欲何爲。不及君少壯之時。乘堅車。策肥馬良。上有滄浪之天。今我難得久來視。下有蠕蠕之地。今我難得久來履。何不恣意遨遊。從君所喜。帶書鈔或作方。我帶我。書鈔或作勞民。寶文選注寶上有長字。書鈔或同。又或作劉。劍。今爾何爲自低叩。悲麗平壯觀。白文選注白上有光字。如積雪。利如樂府作若。秋霜。駮犀標樂府作標。首。玉琢。玉琢。書鈔作帝王環。中央。帝王所服。辟除凶殃。御左右奈何致福祥。上十六字書鈔作服之御左右。除凶致福祥。吳之辟閭。越之步光。楚之龍泉。韓有墨陽。苗山之鋌。羊頭之鋼。知名前代。咸自謂麗且美。曾不如君劍良。綺難忘。冠青雲之崔嵬。織羅爲纓。飾以翠翰。既美且輕。表容儀。俯仰垂光榮。宋之章甫。齊之高冠。亦自謂美。蓋何足觀。排金鋪。坐玉堂。風塵不起。天氣清涼。奏桓當作組。瑟。舞趙倡。女娥長歌。聲協宮商。感心動耳。蕩氣回腸。酌桂酒。餽鯉魴。與佳人期爲樂康。前奉玉卮。爲我行觴。今日樂不可忘。樂未央。爲樂常苦遲。歲月逝。忽若飛。何爲自苦。使我心悲。○樂府詩集三十九。詩紀十二。又書鈔百二十二作魏文帝歌。引昂、央、祥三韻及昂、霜二韻。文選三十九七命注引我帶長寶劍。光白如秋霜二句。

豔歌何嘗行

詩紀云。宋書作古辭。樂府作文帝。○遠案。古今樂錄引王僧虔技錄云。豔歌何嘗行。歌文帝何嘗、古白鶴二篇。知此爲魏文帝作。

何嘗快。獨無憂。但當飲醇酒。炙肥牛。一解長兄爲二千石。中兄被貂裘。二解小弟雖無官爵。鞍馬馭馭。往來王侯長者遊。三解但當在王侯殿上。快獨擣蒲六博。對坐廣文選作坐對。彈棋。四解男兒居世。各當努力。賊

迫日暮。殊不久留。五解少小相觸抵。寒苦常相隨。忿恚安足諍。吾中道與卿共別離。約身奉事君。禮節不可虧。上慚滄浪之天。下顧黃口小兒。奈何復老心皇皇。獨悲誰能知。樂府云。少小下爲趨。前爲豔。又云。右一曲晉樂所奏。○宋書樂志作古詞。樂府詩集三十九。廣文選十三。詩紀十二。

月重輪行

三辰垂光。照臨四海。煥哉何煌煌。悠悠與天地久長。愚見目前。聖覩萬年。明闇相絕。何可勝言。○類聚四十二。樂府詩集四十。詩紀十二。

飲馬長城窟行

浮舟橫大江。討彼犯荆虜。武將齊貫錐。樂府字缺。叢刊本作甲。征人伐金鼓。長戟十萬隊。幽冀百石弩。發機若雷電。書鈔作迅。一發連四五。○類聚四十一。樂府詩集三十八。詩紀十二。又書鈔百二十五作魏明帝武平謂哥詩。引弩、五二韻。

董逃行

晨背大河南轅。跋涉遐路漫漫。師徒百萬譁誼。戈矛若林成山。旌旗拂日蔽天。○御覽三百三十九。

折楊柳行

端居若無惊。駕遊博望山。○文選二十一謝朓遊東園詩注。

詩

黎陽作詩三首

朝發鄴類聚誤作鄰。城夕宿韓陵。霖雨載類聚誤作讖。塗輿類聚誤作與。人困窮。載馳載驅。沐雨櫛風。舍我高殿。何爲泥中。在昔周武。爰暨公旦。載主而征。救民塗炭。彼此一時。唯天所讚。我獨何人。能類聚作餘。不靖類聚作靜。亂。○類聚五十九。廣文選九。詩紀十二。

殷殷其雷。濛濛其雨。我徒我車。涉此艱阻。遵彼洹湄。言刈其楚。班之中路。塗潦是御。麟麟大車。載低載昂。嗷嗷僕夫。載仆載僵。蒙塗冒雨。沾衣濡裳。○類聚五十九。廣文選九。詩紀十二。

千騎隨風靡。萬騎正龍驤。金鼓震上下。干戚紛縱橫。白旄若素霓。丹旗發朱光。追思太類聚作大。王德。胥字識足臧。經歷萬歲林。行行到黎陽。○類聚五十九。詩紀十二。○逮案。類聚此爲第一首。在上兩首前。詩紀倒以五言編在四言後。故列此爲第三首。

於譙作詩

清夜延貴初學記或作賓。客明燭初學記或作燈。發高光。豐膳漫星陳。旨酒盈玉觴。絃書鈔作綺。歌奏新曲。書鈔作詩。初學記同。游響拂丹梁。書鈔誤作陽。餘初學記作繁。詩紀云。一作繁。音赴初學記作促。節。慷書鈔作抗。慨時激。

揚。獻酬紛交錯。雅舞何鏘鏘。羅纓從風飛。長劍自低昂。穆穆衆君子。和合同樂康。○詩紀十二。書鈔百六引陽、揚二韻。初學記十四引光、觴、梁、揚、鏘、昂六韻。又引光、觴二韻。又十五引梁、揚二韻。

孟津詩

良辰啓初節。高會構初學。記作構極。歡娛。通天拂景雲。俯臨四達衢。羽類聚作明。爵浮象樽。珍膳盈豆區。清歌發妙曲。樂正奏笙竽。曜靈忽西邁。炎燭繼望舒。翊日浮黃河。長驅旋鄴都。○詩紀十二。類聚二十八作在孟津詩。引娛、竽、舒、都四韻。七十三引娛、區二韻。初學記十四引娛、衢、區三韻。

芙蓉池作詩

乘輦夜行遊。類聚作遊。逍遙步西園。雙渠相溉灌。類聚、御覽並作灌溉。嘉御覽作佳。木繞通川。卑枝拂羽蓋。脩條摩蒼天。驚風扶輪轂。飛鳥翔我前。丹霞夾明月。華星出雲間。上天垂光彩。五色一何鮮。壽命非松喬。誰能得神仙。遨遊快心意。保己終百年。○文選二十七。詩紀十二。又類聚九、御覽五百九十二並引園、川、天、間、年五韻。

於玄武陂作詩

兄弟共行遊。驅車出西城。野田廣開闢。川渠互相經。黍稷何鬱鬱。流波激悲聲。菱芡覆綠水。芙蓉發丹榮。柳垂重蔭綠。向我池邊生。乘渚望長洲。羣鳥譁譁鳴。萍藻泛濫廣。文選作濫泛。浮。澹澹隨風傾。忘憂共容與。暢此千秋情。○古詩類苑十五。詩紀十二。又類聚九、廣文選十並引城、經、聲、榮、生、鳴、傾七韻。

至廣陵於馬上作詩詩紀云。外編云廣陵觀兵。

觀兵臨江水。水流何湯湯。戈類聚作霜。矛成山林。玄甲耀日光。猛將懷暴怒。膽氣正縱橫。誰云江水廣。一葦可以航。不戰屈敵虜。御覽作能屈敵。戢兵類聚作兵記。稱賢良。古公宅岐邑。實始剪殷商。孟獻御覽作子。營虎牢。鄭人懼稽顙。充國務耕殖。御覽作植。先零自破亡。興農淮泗間。築室都徐方。量宜運御覽作量運宜。權略。六軍咸悅康。豈如東山詩。悠悠多憂御覽作悲。傷。○魏志文帝紀注引魏書。御覽五百九十一。廣文選十。詩紀十二。又類聚五十九引湯、光、航、良四韻。

雜詩二首

漫漫秋夜長。烈烈北風涼。展轉不能寐。披衣起彷徨。類聚作佯。彷徨忽已久。白露沾我裳。俯視清水波。仰看明月光。天漢回西流。三五正縱橫。草蟲鳴何悲。孤鴈獨南翔。鬱鬱多悲類聚作愁。六臣本文選注云。五臣作愁。思。綿綿思故鄉。願飛安得翼。欲濟河無梁。向風長歎息。斷絕我中腸。○文選二十九。文章正宗二十九。詩紀十二。又類聚二十七作魏文帝詩。引涼、佯、光、鄉、梁五韻。○遠案。李善本文選四注此詩曰。集云枹中作。下篇云於黎陽作。

西北有浮雲。亭亭編珠作團團。如御覽作似。事類賦同。車蓋。惜哉時不遇。適與飄風會。吹我東南行。行行李善本文選作南行。至吳會。吳會非我鄉。安得久留滯。棄置勿復陳。客子常畏人。○文選二十九。文章正宗二十九。事類賦雲賦注。詩紀十二。又御覽八、杜公瞻編珠一並引蓋一韻。

於明津作詩

遥遥山上亭。皎皎雲間星。遠望使心懷。遊子戀所生。驅車出北門。遙望河陽城。詩紀云。古辭長歌行與此同。後有六句曰。凱風吹長棘。天天枝葉傾。黃鳥飛相追。咬咬弄音聲。竚立望西河。泣下沾羅纓。○逮案。後六句亦當爲魏文帝作。應補入。樂府詩集所稱古辭。未必全爲漢詩也。○類聚二十七。詩紀十二。

清河作詩

方舟戲長水。湛澹類聚作澹澹。廣文選作淡。自浮沈。絃歌發中流。悲響有餘音。類聚作悲風漂餘音。音聲入君懷。悽愴傷人心。心傷安所念。但願廣文選作願。恩情深。願爲晨玉臺作鵲。風鳥。雙飛翔北林。○玉臺新詠二。廣文選九。詩紀十二。又藝文類聚二十八作於清河作。引沉、音二韻。

代劉勳妻王氏雜詩

詩紀云。玉臺以爲王宋自作。今從藝文作魏文帝。

王宋者。平虜將軍劉勳妻也。入門二十餘年。後勳悅山陽司馬氏女。以宋無子出之。還於道中作詩。○玉臺新詠二。

翩翩牀前帳。張類聚作可。詩紀云。一作可。以蔽光輝。昔將爾同去。今將爾同玉臺作共。類聚同。歸。緘藏篋笥裏。當復何時披。○玉臺新詠二作劉勳妻王氏雜詩。類聚二十九作魏文帝代劉勳出妻王氏詩。詩紀十二。○逮案。玉臺載詩兩首。一爲魏文帝作。一爲曹植作。而只題爲劉勳妻王氏雜詩。實誤。詩紀據藝文類聚編此首於魏文帝詩。是矣。然並第二首亦歸魏文。則又非也。

今卽析第二首入曹植集。

黎陽作詩

奉辭罰詩紀作討。罪遐征。晨過黎山巉。類聚作崦。崦。東濟黃河金營。北觀故宅頓傾。中有高樓亭亭。荆棘繞蕃叢生。南望果園青青。霜露慘悽宵零。彼桑梓兮傷情。○類聚五十九。詩紀十二。

寡婦詩

友人阮元瑜早亡。傷其妻類聚妻下有子字。孤寡。爲作此詩。

霜露紛兮交下。木葉落兮淒淒。類聚作萋萋。候鴈叫兮雲中。歸燕翩兮徘徊。妾心感兮惆悵。白日急兮西頽。守長夜兮思君。詩紀云。一作君思。魂一夕兮九乖。悵延佇兮仰視。星月隨兮天迴。徒引領兮入房。竊自憐兮孤棲。願從君兮終沒。愁何可兮久懷。○類聚三十四。詩紀十二。

令詩

漢獻帝傳曰。太史丞許芝條上魏王代漢圖讖。王令曰。昔周文王三分天下有其二。以服事殷。公旦履天子之籍。聽天下之斷。終然復子明辟。吾雖德不及二聖。吾敢忘高山景行之義哉。吾作詩云云。庶欲守此辭以自終。卒不虛言也。

喪亂悠悠過紀。白骨從橫萬里。哀哀下民靡恃。吾將以魏志注作佐。時整理。復子明辟致仕。○三國志文帝紀注

引獻帝傳禪代衆事。詩紀十二。

夏日詩

夏時饒溫詩。乘作清。和。避暑就清涼。比御覽作北。詩乘同。坐高閣下。延賓作名倡。絃歌隨風厲。吐羽含徵商。嘉餽重疊來。珍果在一傍。碁局縱橫陳。博弈合雙揚。巧拙更勝負。歡美樂人腸。從朝至日夕。安知夏節長。○詩紀十二。又初學記十五作魏文帝詩。引倡、商二韻。御覽二十三作魏文帝詩。引涼、倡、傍、揚、腸、長六韻。

見挽船士兄弟辭別詩

樂府作折楊柳行。

鬱鬱河邊樹。青青野田草。舍樂府誤作合。我故鄉客。將適萬里道。妻子牽衣袂。投初學記作落。樂府作收。淚霑懷抱。還附幼童子。顧托兄與嫂。辭訣未及終。嚴駕一何早。負笮引文舟。書鈔作舡行。飽渴常不飽。書鈔作食。誰令爾貧賤。咨嗟何所道。○樂府詩集三十七作謝靈運折楊柳行。書鈔百三十八作魏文帝詩。引食一韻。初學記十八作魏文帝見挽船士兄弟辭別詩。引道、抱二韻。白帖六作魏文帝詩。引將適千里道。妻子牽衣袂兩句。○遼案。樂府詩集作謝靈運詩。然其思想情調。語言風格皆不類。樂府詩集折楊柳行。魏文一篇。謝兩篇。前後次列。亦或後世刊寫已有竄亂。今依書鈔、初學記、白帖等作魏文帝詩。而於謝詩亦分著此篇。

詩

行行遊且獵。且獵路南隅。彎我烏號弓。聘我織驪駒。走者貫鋒鏑。伏者值御覽誤作飢。戈爰。白日未及移。

手獲三十餘。○御覽三百五十三。

詩

巾車出初學記作中。誤。鄴宮。校獵東橋津。重置施初學記作結。密網。罕筆飄如雲。彎弓忽高馳。一發連雙鷹。

○類聚九十五。詩紀十二。又初學記二十二引津、雲二韻。御覽九百七引津、鷹二韻。

蜘蛛網戶牖。野草當階生。○文選二十九雜詩注引魏文帝詩。三十直學省愁卧詩注引上一句。

酒人獻三清。絲中當作竹。列南廂。○鳴沙石室古籍叢殘類書殘卷宴樂類。

王韓獨何人。翱翔隨天塗。○文選二十八前緩歌聲注。

迴頭四向望。眼中無故人。○文選二十五答張士然詩注。

絹綃白如雪。輕華比蟬翼。○白帖二。

畫舸覆隄。○唐語林二。

蘭芷生兮芙蓉披。○文選三十一雜體詩注。

東閣詩

高山吐慶雲。○文選三十一雜詩注。

歌詩紀作古歌銅雀詞。編在漢詩。

長安城西御覽或作南。雙文選注雙上多有字。員文選注作圓。闕。雙員闕。三輔黃圖作有雙闕。寰宇記同。上有一三輔黃圖無一字。寰宇記同。御覽或同。雙銅雀。御覽雀下或有宿字。詩紀同。一鳴五穀生。三輔黃圖作成。寰宇記同。再鳴五穀熟。○三輔黃圖二引作古歌。書鈔百五十六引作魏文帝歌詞。文選五十六石闕銘注作魏文帝歌。御覽三十五作古歌詞。百七十九作魏文帝歌。詩紀七。○逸案。此歌書鈔等書數引。皆作魏文帝。今從之。編入本卷。

甄皇后

甄皇后。本袁紹中子袁熙妻。魏武破紹。文帝時爲太子。納爲夫人。生明帝。

塘上行

蒲生我池中。其類聚作蒲。葉何文選注作葉何一。離離。傍能行仁義。莫若妾自知。衆口鑠類聚作爍。黃金。使君生別離。念君去我時。獨愁常苦悲。想見君顏色。感結傷心脾。念君常苦悲。夜夜不能寐。莫以豪賢類聚作毫髮。故。棄捐素所愛。莫以魚肉賤。棄捐韻補作捐棄。葱與薤。莫以麻臬賦。棄捐菅類聚作管。樂府同。與蒯。出亦復苦愁。人亦復苦愁。邊地多悲風。樹木何條條。玉臺作脩脩。樂府、風雅翼同。從軍樂府作君。致獨樂。延年壽千秋。○玉臺新詠二。樂府詩集三十五作魏武帝。風雅翼補遺下。詩紀十二。又文選二十八塘上行注引離一韻。類聚四十一作魏文帝甄

皇后塘上行。引離、知、離、愛、薤、蒯六韻。又韻補四作魏文帝。引悲、薤二韻。○遠案。樂府以此篇爲魏武塘上行本辭。今從玉臺作甄后詞。又出亦復苦愁以下六句。乃樂人增人之曲。必非甄后之作也。

蒲生我池中。蒲生我池中。其葉何離離。傍能行人。宋書作儀。儀。莫能縷自知。衆口鑠黃金。使君生別離。樂府誤作離別。一解念君去我時。念君去我時。獨愁常苦悲。想見君顏色。感結傷心脾。今悉夜夜愁不寐。二解莫用豪賢故。莫用豪賢故。棄捐素所愛。莫用魚肉貴。棄捐葱與薤。莫用麻臬賤。棄捐菅與蒯。三解倍恩者苦枯。倍恩者苦枯。蹶船常苦沒。教君安息定。慎莫致倉卒。念與君一共離別。亦當何時共坐復相對。四解出亦復苦愁。人亦復苦愁。邊地多悲風。樹木何蕭蕭。今日樂相樂。延年壽千秋。五解 樂府云。右一曲晉樂所奏。○宋書樂志、樂府詩集三十五並作魏武帝。詩紀十二。○遠案。文選陸機塘上行題下李善注引歌錄曰。塘上行古詞或曰甄皇后造。又樂府解題曰。前志云。晉樂奏魏武帝蒲生篇。而諸集錄皆云其詞甄后所作。今依諸集錄附此。

魏詩卷五

邯鄲淳

淳。字子叔。一名竺。潁川人。初平中。客荊州。荊州內附。武帝素聞其名。召見。甚敬異之。時五官將博延英儒。因啟淳欲使在文學。會臨淄侯植亦求淳。武帝遣淳詣植。黃初初爲博士給事中。有集二卷。

贈吳處玄詩

詩紀依類聚作答贈詩。

我受上命。來隨臨菑。與君子處。曾未盈朞。詩紀作期。見召本朝。駕言趣期。羣子重離。首命于時。餞我路隅。贈我嘉辭。既受德音。敢不答之。余惟薄德。既局且鄙。見養賢侯。於今四祀。既庇西伯。永誓沒齒。今也被命。義類聚誤作我。在不俟。瞻戀我侯。又慕君子。行道遲遲。體逝情止。豈無好爵。懼不我與。聖主受命。千載一遇。攀龍附類聚字缺。鳳。必在初舉。行矣去矣。文選注作言。別易會難。自強不息。人誰獲安。願子大夫。勉簣類聚作匱。成山。天休方至。萬福爾臻。○類聚三十一、廣文選十、詩紀十七並作答贈詩。又文選二十七晚登三山還望京邑詩注引難一韻。唯淳誤湛。

左延年

黃初中。以新聲被寵。見晉書樂志。

秦女休行

始詩紀作步。出上西門。遙望秦氏廬。御覽或作樓。或作家。秦氏書鈔作家。有好女。自名爲書鈔作云。御覽作曰。女休。休年十四五。御覽作女休年十五。爲宗行報讐。左執白楊刃。書鈔作刀。御覽同。右據御覽或作援。宛魯書鈔、御覽皆作景。矛。讐家便東南。仆樂府闕此字。僵秦女休。上十字御覽作讐家東南僵五字。女休西上山。上山四五里。關吏呵問女休。御覽或作問吏得女休。或作關吏呵不得休。女休前置詩紀云。一作致。辭。平御覽無平字。生爲燕王婦。於御覽無於此。今爲詔獄囚。平生衣參差。當今無領襦。明知殺人當死。兄言怏怏。弟言無道憂。女休堅詞樂府作辭。爲宗報讐。死不疑。殺人都市中。徼我都巷西。丞卿羅詩紀云。一有列字。東向坐。女休悽悽曳桔前。兩徒夾我持刀。刀五尺餘。刀未下。刀未下。御覽作刀矛未及下。臃臃御覽或作攏攏。或作慵慵。擊鼓赦書下。○樂府詩集六十一。詩紀十七。又書鈔百二十三引休、仇、矛三韻。御覽三百四十六作樂府歌。引休、讐、矛三韻。三百五十三引廬、休、讐、矛四韻。四百八十一引家、休、讐、矛、休、囚、下七韻。六百五十二作古樂府歌辭。引樓、休、讐、矛、休、囚、下七韻。

從軍行

苦哉邊地人。一歲三從軍。三子到燉煌。二子詣隴西。五子遠鬪去。五婦皆懷身。○樂府詩集三十六。詩紀十七。

同上

從軍何等樂。一驅乘雙駃。鞍馬照人目。初學記作白。詩紀同。龍驤自動作。○初學記二十二。御覽三百五十八。詩紀十七。

焦先

先。字孝然。河東人。或曰弘農人。魏受禪。結菴湄河之濱。獨止其中。太守董經往視之。不肯語。或忽老忽少。後與人別去。不知所適。

祝衎歌

高士傳曰。魏伐吳。有竊問隱士焦先。先不應。謬歌。後魏軍敗。人推其意。牂羊指吳。殺羆指魏也。

祝衎祝衎。非魚非肉。更相追逐。本爲殺牂羊。更殺殺羆。魏志注作本心爲當殺牂羊。更殺其殺羆耶。○三國志管寧傳注。詩紀十七。

吳質

質。字季重。濟陰人。建安中爲朝歌長。遷元城令。魏文帝受禪。拜北中郎將。進振威將軍。封列侯。太和四年。入爲侍中。卒。

思慕詩

文章敘錄曰。文帝崩。吳質思慕。作詩云。

愴愴懷殷憂。殷憂不可居。徙倚不能坐。出入步踟躕。念蒙聖主恩。榮爵與衆殊。自謂永終身。志氣甫當舒。何意中見棄。棄我就魏志注作之。黃墟。煢煢靡所恃。淚下如連珠。隨沒無所益。身死名不書。慷慨自俛仰。魏志注作僂俛。庶幾烈丈夫。○三國志本傳注。廣文選九。詩紀十七。

麋元

元爲散騎常侍。有集五卷。

詩

青雀東飛。別鵠東翔。○御覽九百二十二。

詩

蒼蒼陵上柏。參差列成行。童童安石榴。列生神道傍。○御覽九百七十。

魏明帝曹叡

叡。字元仲。魏文帝太子。黃初七年五月卽位。在位十三年。景初三年卒。年三十六。謚曰明皇帝。有集七卷。

樂府

短歌行

翩翩春燕。端集余堂。陰匿陽顯。節運自常。厥貌淑美。玄衣素裳。歸仁服德。雌雄頡頏。執志精專。絜行馴良。銜土繕巢。有式宮房。不規自圓。樂府作圓。無矩而方。○類聚九十二。樂府詩集三十。廣文選十三。詩紀十二。

善哉行

我徂御覽誤作祖。我征。伐彼御覽誤作被。蠻虜。練師簡卒。爰正御覽作整。其旅。輕舟竟川。初鴻御覽作傍江。是。應據正。依浦。桓桓猛毅。如熊御覽作熊。詩紀云。一作貅。如虎。上一句書鈔作赳赳桓桓。猛毅如虎。發砲宋書誤作袍。書鈔作桴。御覽同。樂府、廣文選作袍。若雷。吐氣如各書作成。廣文選作如。雨。旄旌樂府作旂。御覽作旌旄。指麾。進退應矩。書鈔作指麾進退。迭應長矩。百馬齊轡。御由造父。休休六軍。咸同斯武。兼塗星邁。亮宋書作堯。茲行阻。行行日遠。西

背京許。遊弗淹旬。遂屆揚土。奔寇震懼。莫敢當御。權實豎文選注作堅。子。備則亡虜。假氣遊魂。魚鳥文選注作鳥魚。爲伍。虎臣列將。佛鬱充宋書作免。怒。淮泗肅清。奮揚微所。運德耀威。惟鎮惟撫。反旆言歸。旆宋書作告。詩紀云。一作告。人皇祖。詩紀云。宋書樂志分爲八解。無權實豎子以下四句。樂府云。右一曲魏晉樂所奏。○宋書樂志、樂府詩集三十六、廣文選十三、詩紀十二所引並少權實豎子四句。又書鈔百十四引虜、旅、虎、雨、矩五韻。文選四十三爲石仲容與孫皓書注引虜、伍二韻。五十七馬汧督誅注引伍一韻。又御覽三百六引虜、旅、浦、虎、雨、矩六韻。○遼案。權實豎子以下四句。蓋詩紀據文選注以意補入。未必符原詩舊貌。

同前四解

赫赫大魏。王師徂征。冒暑討亂。振耀威靈。一解汎舟黃河。隨波潺湲。通渠回越。行路綿綿。二解採旄蔽日。旗樂府作旌。旒翳天。淫魚澆濁。遊戲樂府作嬉。深淵。三解唯塘泊。樂府作泊。從如流。不爲單。握揚楚。心惆悵。歌採薇。心綿綿。在淮淝。願君速節宋書作捷。樂府同。早旋歸。四解樂府云。右一曲魏晉樂所奏。○宋書樂志。樂府詩集三十六。詩紀十二。

步出夏門行

詩紀云。一曰隴西行。○遼案。宋書有此一曰注。

步出夏門。東登首陽山。嗟哉夷叔。仲尼稱賢。君子退讓。小人爭先。惟斯二子。于今稱傳。林鍾受謝。節改時遷。日月不居。誰得久存。善哉殊復善。絃歌樂樂府注。樂下有我字。應據補。情。一解商風夕起。悲彼秋蟬。變形易色。隨風東西。乃眷西顧。雲霧相連。丹霞蔽日。彩虹帶天。弱水潺潺。葉落翩翩。孤禽失羣。悲鳴其間。

善哉殊復善。悲鳴在下衍鳴字。樂府同。其間。二解朝遊清冷。日暮嗟歸。朝遊止此爲豔。賊迫日暮。烏鵲南飛。繞樹三匝。何枝可依。卒逢風雨。樹折枝摧。雄來驚雌。雌獨愁棲。夜失羣侶。悲鳴徘徊。芄芃荆棘。葛生綿綿。感彼風人。惆悵自憐。月盈則沖。華不再繁。古來之說。嗟哉一言。賊迫下爲趨。樂府云。右一曲魏晉樂所奏。○宋書樂志。樂府詩集三十七。廣文選十三。又樂府詩集三十六瑟調曲善哉行題注引情一韵。○逯案。詩紀於此篇後。曾據選詩外編補出本辭一篇。並注云。右一曲疑是前篇本辭。見選詩外編。今按樂府增六句云云。詩紀此說非是。選詩外編本不足據。又詩紀所附本辭。其中夾雜魏武、魏文之作。何得稱爲本辭。今刪去該篇。並說明於此。

月重輪行

天地無窮。人命有終。立功揚名。行之在躬。聖賢度量。得爲道中。○類聚四十二。樂府詩集四十。詩紀十二。

長歌行

靜夜不能寐。耳聽類聚作聆。衆禽鳴。大類聚作人。文選注作久。城育狐兔。高塘多鳥聲。壞宇何寥廓。宿屋邪草生。中心感時物。撫劍下前庭。類聚作攬劍下閒庭。翔佯於階際。景星一何明。仰首觀靈宿。北辰奮休榮。哀彼失羣燕。喪偶獨煢煢。單心誰與侶。造房孰與成。徒然喟有和。悲慘傷人情。余情偏易感。懷往樂府誤作罔。增憤盈。吐吟音不徹。泣涕沾羅纓。○樂府詩集三十。廣文選十三。詩紀十二。又類聚四十二引鳴、聲、庭、明四韵。文選十一燕城賦注引聲一韵。

苦寒行

悠悠發洛都。并我征東行。征行彌二旬。屯吹龍宋書作龍。陂城。一解顧觀故壘處。皇祖之所營。屋室若平昔。棟宇無邪傾。二解奈何我皇祖。潛德隱聖形。雖沒而不朽。書貴垂伐宋書作休。樂府同名。三解光光我皇祖。軒耀同其榮。遺化布四海。八表以肅清。四解雖有吳蜀寇。春秋足耀兵。徒悲我皇祖。不永享百齡。賦詩以寫懷。伏軾淚沾纓。五解 樂府云。右一曲晉樂所奏。○宋書樂志。樂府詩集三十三。詩紀十二。○宋書此曲第一解疊首二句。第二至第五解疊第三字至第十字。樂府同。

權歌行

王者布大化。配乾稽后祇。宋書誤作祇。廣文選同。陽育則陰殺。晷景應度移。一解文德以時振。武功伐不隨。重華舞干戚。有苗服從媯。二解蠢爾吳中宋書作蜀。樂府同。虜。憑江棲山阻。哀哉王士民。瞻仰靡依怙。三解皇上悼愍斯。宿昔奮天怒。發我許昌宮。列舟于長浦。四解翌日乘波揚。棹歌悲且涼。太宋書作大。樂府同。常拂白日。旗幟紛設張。五解將抗旄與鉞。耀威於彼方。伐罪以弔民。清我東南疆。將抗下爲趨。樂府云。右一曲晉樂所奏。○宋書樂志。樂府詩集四十。廣文選十三。詩紀十二。

種瓜篇

詩紀云。卽春遊曲。玉臺題云樂府。○逮案。樂府詩集此歌在古樂府行胡從何來後。題曰同前。而不在春

遊曲內。詩紀誤。

種瓜東井上。冉冉自踰垣。與君新爲婚。瓜葛相結連。寄託不肖軀。有如倚太廣。文選作泰。山。兔絲無根株。蔓延自登緣。萍藻託清流。常恐身不全。被蒙丘山惠。賤妾執拳拳。天日照知之。想君亦俱然。○玉臺新詠
二作樂府詩。樂府詩集七十七。廣文選十三。詩紀十二。

燕歌行

白日晼晼忽西傾。霜露慘淒塗階庭。秋草捲葉摧枝莖。翩翩飛蓬常獨征。有似遊子不安。廣文選作遑。寧。○
類聚四十二。樂府詩集三十二。廣文選十三。詩紀十二。

猛虎行

雙事文類聚作梧。桐生空井。枝葉自相御。覽或作交。事文類聚同。加。御覽或誤作如。通泉浸御覽或作漑。事類賦同。其根。
玄雨初學記作雲。御覽或同。潤其柯。綠葉何蕩蕩。青條視曲阿。上有雙棲鳥。交頸鳴相和。何意行路者。秉丸
彈是窠。○類聚八十八作魏明帝詩。引加、柯二韻。初學記七、御覽百八十九、事類賦桐賦注、事文類聚後集二十三並引加、柯二韻。
御覽三百五十引加、柯、和、窠四韻。九百五十六引如、柯、阿三韻。

堂上行

武夫懷勇毅。勒馬於中原。干戈森若林。長劍奮無前。○御覽三百五十一。

清調歌

飛舟沈當作汎。洪波。旌旗蔽白日精。楫人荷輕櫂。騰飛造波庭。○書鈔百三十七。

自惜身薄祜行

出身秦川。爰居伊洛。○文選三十擬魏太子鄴中集注。六十弔魏武帝文注。

野田黃雀行

四夷重譯貢。百姓謳吟詠太康。○文選二十一張子房詩注。

豫章行

於斯誠微物。能不懷傷悴。○文選二十五還舊園詩注。

樂府詩

昭昭素明月。李善本文選作月明。暉光燭我牀。憂人不能寐。耿耿夜何長。微風衝文選作吹。樂府同。閨闈。羅帷自飄颻。攬衣曳長帶。屣玉臺作縱。戲鴻堂帖、廣文選同。履下高堂。東西安所之。徘徊以彷徨。春鳥向文選作翻。樂

府、詩紀同。樂府注云。一作向。廣文選作何。南飛。翩翩獨翱翔。悲聲命儔匹。哀鳴傷我腸。感物懷所思。泣涕忽沾裳。佇立吐高吟。舒憤訴穹蒼。○文選二十七。樂府詩集六十二。詩紀七並作古辭傷歌行。玉臺新詠二所引缺末一韻。類聚四十二作古長歌行。引牀、長、颺、堂四韻。戲鴻堂帖八作古辭。樂府詩集所引缺末一韻。廣文選十三所引缺末一韻。

樂府詩

晝作不輟手。猛燭繼望舒。○御覽八百七十。

杜摯

摯。字德魯。河東人。明帝時歷任郎中令、校書郎。有集二卷。

贈毋丘儉詩

文章敘錄曰。摯與毋丘儉鄉里相親。故爲詩與儉。求仙人藥一丸。欲以感切儉求助也。儉答以詩。然摯竟不得遷。卒於秘書。

騏驥馬不試。婆娑槽檻間。壯士志未伸。坎軻多辛酸。伊摯爲媵臣。呂望身操竿。夷吾困商販。甯戚對牛歎。食其處監門。淮陰飢不餐。買臣老負薪。妻畔廣文選作叛。詩紀同。呼不還。釋之宦十年。位不增故官。才非八子倫。而與齊其患。無知不在此。袁盎未有言。被此篤廣文選作屬。詩紀作萬。並誤。病久。榮衛動不安。聞

有韓衆藥。信來給一丸。○三國志劉劭傳注。廣文選十。詩紀十七。

贈毌丘荊州詩

鵠飛舉萬里。一飛翀初學記作翀飛。昊蒼。翔高志難得。離鴻失所望。○初學記十八。

魏詩卷六

陳思王曹植

植。字子建。武帝子。文帝同母弟。建安十六年。封平原侯。又封臨淄侯。文帝卽位。離京就國。黃初二年。貶安鄉侯。改封鄆城王。四年。徙雍丘王。明帝太和元年。改封浚儀。三年。復還雍丘。三年。徙東阿。六年。加封陳王。太和五年卒。年四十一。謚曰思。有集三十卷。

樂府

丹霞蔽日行

詩紀云。魏文帝詩曰。丹霞蔽日。采虹垂天。明帝步出夏門行亦云。

紂爲昏亂。虐殘忠正。類聚作殘忠虐正。樂府同。周室何隆。一門三聖。牧野致功。天亦革命。漢祚類聚作祖。樂府同。之興。階秦本集作秦階。之衰。雖有南面。王道陵夷。炎光再幽。殄類聚作忽。樂府同。滅無遺。○類聚四十一。樂府詩集三十七。本集六。詩紀十三。

飛龍篇

晨遊泰書鈔作太。類聚作大。山。雲霧窈窕。忽逢二童。顏色鮮好。乘彼白鹿。手翳芝草。我知真人。長跪問道。

西登玉臺。類聚、本集作堂。樂府同。又注。一作臺。金樓複樂府作復。道。授類聚作投。我仙類聚作此。藥。神皇所類聚作可。造。教我服食。還精補腦。壽同金石。永世難老。○樂府詩集六十四。本集六。廣文選十三。詩紀十三。又書鈔百五十引窈一韵。類聚四十二引窈、好、草、道、造、老六韵。

薤露行

樂府解題曰。曹植擬薤露行爲天地。

天地無窮極。陰陽轉相因。人居一世間。忽若風吹塵。願得展功勤。輸力於明君。懷此王佐才。慷慨類聚作愷。獨不羣。鱗介尊神龍。走獸宗麒麟。蟲獸猶類聚作豈。本集同。知德。何況於士人。孔氏刪樂府誤作冊。詩書。王業粲已分。騁我徑寸翰。流藻垂華芬。○類聚四十一。樂府詩集二十七。本集六。廣文選十四。詩紀十三。

惟漢行

魏武帝薤露詩曰。惟漢二十世。所任誠不良。

太極定二儀。清濁始以形。三光炤八極。天道甚著明。爲人立君長。欲以遂其生。行仁章以瑞。變故誠驕盈。神高而聽卑。報若響應聲。明主敬細微。三季普天經。二皇稱至化。盛哉唐虞庭。禹湯繼厥德。周亦致太平。在昔懷帝京。樂府云。一作時。日昃不敢寧。濟濟在公朝。萬載馳其名。○樂府詩集二十七。本集六。廣文選十三。作惟漢篇。詩紀十三。

鰕鮒篇

樂府解題曰。曹植擬長歌行爲蝦鮒。

蝦鮒游潢潦。不知江海流。燕雀戲藩柴。安識鴻鵠類。聚作鶴。遊。世士樂府作事。此類聚作比。誠明。此誠明。本集作誠明性。誤。大德固無儔。駕言登五嶽。然後小陵丘。俯觀上路人。勢利惟是謀。本集作是謀。讎。誤。讎高念皇家。本集作高念翼皇家。誤。遠懷柔九州。撫劍而雷音。本集作息。猛氣縱橫浮。汎泊徒嗷嗷。誰知壯士憂。○類聚四十二。樂府詩集三十。本集六。詩紀十三。○遠案。世士此誠明句。類聚此作比。是也。此句蓋作世士誠朋比。與大德固無儔對比。猶之燕雀與鴻鵠之對比也。傳刻久。遂誤此誠明。而本集編者以此誠明不辭。乃改爲誠明性。則更爲謬矣。又沈德潛說詩碎語云。樂府蝦鮒篇。鮒同鰕。水族之細者。從且。不從且。李于鱗誤用蝦鮒。押入魚虞韻。後人讀同疽音。不知其非也。古人造字有鮒無鰕。看說文等書自見。

吁嗟篇 一作瑟瑟歌。

樂府解題曰。曹植擬苦寒行爲吁嗟。

吁御覽誤作于。嗟此轉蓬。御覽誤作達。居世何獨然。文選注誤作亦然之。長去詩紀誤作土。本根逝。宿魏志注作夙。御覽、樂府、韻補同。夜類聚作昔。無休閒。東西經七陌。南北越九御覽作七。阡。樂府誤作千。卒遇回風起。吹我入雲間。自謂終天路。忽然魏志注作焉。下沉淵。本集作泉。詩紀同。驚飈接我出。廣文選作去。故歸彼中田。當南而更北。謂東而反西。宕宕廣文選作宕若。當何依。忽亡而復。廣文選作反。存。飄飄周八澤。連翩歷五山。流轉無恒處。誰知吾苦艱。願爲中林草。秋隨野火燔。糜滅豈不痛。願與根御覽作株。本集同。芟魏志注根芟作林葉。樂府同。連。○三國志本傳注作瑟瑟歌。樂府詩集三十三。本集六。廣文選十三。詩紀十三。又類聚四十二引然、閑、燔三韻。文選二十七北使洛詩注引之一韻。御覽五百七十三作琴調歌。引閑、阡、燔、連四韻。又吳械韻補二引然、閑二韻。

豫章行二首

樂府解題曰。曹植擬豫章行爲窮達。

窮達難豫圖。禍福信亦然。虞舜不逢堯。耕耘處中田。太公未遭文。漁釣終類聚作經。樂府作涇。渭川。不見魯孔丘。窮困陳蔡間。周公下白屋。天下稱其賢。○類聚四十一。樂府詩集三十四。本集六。詩紀十三。

鴛鴦自朋類聚作用。樂府同。親。不若樂府作苦。比翼連。他人雖同盟。骨肉天性然。周公穆康叔。管蔡樂府誤作葵。則流言。子臧讓千乘。季札慕其賢。○同上

浮萍篇蒲生行。

浮萍寄清類聚作綠。水。隨風東西流。結髮辭嚴親。來爲君子仇。恪勤在朝夕。無端類聚作中年。獲罪類聚作愆。尤。在昔蒙恩惠。和樂如瑟琴。何意今摧頽。曠若商與參。茱萸自有類聚作內。爾雅翼作用。芳。不若桂與蘭。新人雖可愛。類聚作佳人雖成列。無若故所歡。行雲有返期。君恩儻中還。慊慊仰天歎。愁心將何愬。廣文選作訴。日月不恒玉臺作常。處。人生忽若寓。玉臺作遇。悲風來人懷。本集作帷。廣文選同。詩紀云。一作帷。淚下如垂露。發篋造裳本集作新。廣文選同。詩紀云。一作新。衣。裁縫紈與素。○玉臺新詠二。樂府詩集三十五作蒲生行浮萍篇。本集六。廣文選十三。詩紀十三。又類聚四十一作蒲生行。引流、仇、尤、蘭、歡、還六韻。爾雅翼十二引蘭一韻。

野田黃雀行

宋書云。空侯引亦用此曲。

置酒高殿上。親友樂府作交。從我遊。中厨辦豐膳。烹羊宰肥牛。秦箏何慷慨。類聚作愷。齊瑟和且書鈔作且和。柔。陽阿奏奇類聚作妙。舞。京洛出名謳。樂飲過三爵。緩帶傾庶羞。主稱千金壽。賓奉萬年酬。久要不可忘。薄終初學記作我。義所尤。謙謙君子德。磬折欲初學記作德。何求。本集作何所求。驚風飄白日。光景馳西流。盛時不可再。類聚、本集作不再來。六臣本文選注云。五臣作不再來。百年忽我邁。類聚作憂。生存文選作在。六臣文選注云。五臣作存。華屋處。零落歸山丘。先民誰不死。知命復何憂。樂府云。右一曲本辭。○文選二十七、樂府詩集三十九、本集六、文章正宗二十九俱作筮篥引。又書鈔百十引柔一韻。類聚四十二引遊、牛、柔、謳、羞、酬、流、憂、丘九韻。又初學記十七引遊、牛、尤、求四韻。置酒高殿上。親交從我遊。中厨辦豐膳。烹羊宰肥牛。秦箏何慷慨。宋書作忼。慨。齊瑟和且柔。一解陽阿奏奇舞。京洛出名謳。樂飲過三爵。緩帶傾庶羞。主稱千宋書誤作和。金壽。賓奉萬年酬。二解久要不可忘。薄終義所尤。謙謙君子德。磬折欲何求。盛時不再來。百年忽我邁。三解驚風飄白日。光景馳西流。生存華屋處。零落歸山丘。先民誰不死。知命復何憂。四解。樂府云。右一曲晉樂所奏。○宋書樂志。樂府詩集三十九。詩紀十三作筮篥引。

同前

高樹多悲風。海水揚其波。利劍不在掌。結友何須多。不見籬間雀。見鷓自投羅。羅家得雀喜。少年見雀悲。拔劍捎羅網。黃雀得飛飛。飛飛摩本集作磨。樂府同。蒼天。來下謝少年。○樂府詩集三十九。本集六。風雅翼選詩補遺下。詩紀十三。

門有萬里客

門有萬里客。問君何鄉人。褰裳起從之。果得心所親。挽裳對我泣。太息前自陳。本是朔方士。今爲吳越民。行行將復行。去去適西秦。○類聚二十九作曹植詩。樂府詩集四十。本集六。詩紀十三。

泰山梁甫行

樂府解題曰。曹植改泰山梁甫爲八方。

八方各異氣。千里殊風雨。劇哉邊海民。寄身於草墅。妻子象禽獸。行止依林阻。柴門何蕭條。狐兔翔我宇。○藝文類聚四十一。樂府詩集四十一。本集六。詩紀十三。

怨歌行

詩紀云。技錄、樂府解題皆以爲古辭。文章正宗作曹子建。○遼案。樂府詩集四十一怨詩行下引王僧虔技錄曰。荀錄所載。古爲君一篇。今不傳。又引樂府解題曰。古詞云。爲君既不易。爲臣良獨難云云。詩紀本此。又案。樂府詩集五十三引古今樂錄曰。魏曲五篇。一、明明魏皇帝。二、大和有聖帝。三、魏曆長。四、天生蒸民。五、爲君既不易。並明帝造。以代漢曲。其辭並亡。是古今樂錄以此爲魏明帝詩。而書鈔又引作魏文帝。衆說紛歧如此。今據藝文類聚、樂府詩集、文章正宗等。仍編入曹植詩中。

爲君既不易。爲臣良獨難。忠信事不顯。乃有見疑患。周公晉書作旦。類聚、文選補遺同。佐成王。晉書作文武。類聚、御覽、文選補遺、本集、萬花谷並同。金騰功萬花谷作事。不刊。推心輔王室。晉書作政。類聚、御覽、本集、萬花谷同。一二叔反。

流言。待罪居東國。泣涕常流類聚作當留。樂府同。連。皇靈大類聚作天。御覽同。動變。震雷風且寒。拔風雅翼作木。樹偃秋稼。天威不可干。素服開金縢。感悟求其端。公旦事既顯。成王乃哀歎。吾欲竟此曲。此曲悲且長。今日樂相樂。別後莫相忘。樂府云。右一曲晉樂所奏。○類聚四十一。樂府詩集四十二。文章正宗二十九。文選補遺三十四。風雅翼選詩二。詩紀十三。又書鈔二十九作魏文帝。引難一韻。晉書桓伊傳作怨詩。引難、患、刊、言四韻。萬花谷十引刊、言二韻。

鼙舞歌五首

漢靈帝西園鼓吹有李堅者。能鞞舞。遭亂播遷。西隨段熲。御覽作穎。樂府同。先帝聞其舊有伎。召之。堅既中廢。兼古曲多謬誤。異代之文未必相襲。故依前曲。改作新歌五篇。不敢充之黃門。近以成下國之陋樂焉。○宋書樂志。御覽五百七十四。事類賦舞賦注。

聖皇篇

聖皇應曆數。正康帝道休。九州咸賓服。威德洞八幽。三公奏諸公。不得久淹留。蕃位任至重。舊章咸率由。侍臣省文選注作首。文奏。陛下體仁慈。沈吟有愛戀。不忍聽可之。迫有官典憲。不得顧恩私。諸王當就國。璽綬何累宋書作纍。樂府作纍。縵。便時舍外殿。宮省寂無人。主上增顧念。皇母懷苦辛。何以爲贈賜。傾府竭寶珍。文錢百億萬。采帛若煙雲。乘輿服御物。錦羅與金銀。龍旂宋書作旗。垂九旒。羽蓋參班輪。諸王自計念。無功荷厚德。思一効筋力。糜軀以報國。鴻臚擁節衛。副使隨經營。貴戚並出送。夾道交輜駟。車

服齊整設。韓樂府作韓曄耀天精。武騎衛前後。鼓吹簫笳聲。祖道魏東門。淚下霑冠纓。扳蓋因內顧。俛仰慕同生。行行將日暮。何時還闕庭。車輪爲徘徊。四馬躊躇鳴。路人尚酸鼻。何況骨肉情。○宋書樂志。樂府詩集五十三。詩紀十三。又文選二十七京路夜發詩注引慈一韵。

靈芝篇

靈芝生王宋書作玉。樂府同。地。文選注作玉池。是。朱草被洛濱。榮華相晃耀。光采曄若神。古時有虞舜。父母頑且嚚。盡孝於田壠。烝烝不違仁。伯瑜年七十。綵衣以娛親。慈母笞不痛。歔歔涕霑巾。丁蘭少失母。自傷早孤癯。刻木當嚴親。朝夕致三牲。暴子見陵侮。犯罪以亡形。樂府作刑。丈人爲泣血。免戾全其名。董永遭家貧。父老財無遺。舉假以供養。傭作致甘肥。責家填門至。不知何用歸。天靈感至德。神女爲秉機。歲月不安居。嗚呼我皇考。生我既已晚。棄我何其宋書作期。早。蓼莪誰所興。念之令人老。退詠南風詩。灑淚滿。抱。亂曰。聖皇君四海。德教朝夕宣。萬國咸禮讓。百姓家肅虔。庠序不失儀。孝悌處中田。戶有曾閔子。比屋皆仁賢。髻亂無天齒。黃髮盡其年。陛下三萬歲。慈母亦復然。○宋書樂志。樂府詩集五十三。詩紀十三。文選三十一雜體詩注引一句。

大魏篇

大魏應靈符。天祿方甫文選注作茲。始。聖德致泰和。神明爲驅使。左右宜供養。中殿宜皇子。陛下長壽考。

羣臣拜賀咸悅喜。宋書作說善。積善有餘慶。寵祿固天常。衆喜填門至。臣子蒙福祥。無患及陽遂。輔翼我聖皇。衆吉咸集會。凶邪姦惡並滅亡。黃鵠遊殿前。神鼎周四阿。玉馬充乘輿。芝蓋樹九華。白虎戲西除。含樂府作舍。利從辟邪。騏驥宋書作麟。躡足舞。鳳皇拊翼歌。豐年大置酒。玉樽宋書作王尊。列廣庭。樂飲過三爵。朱顏暴已形。式宴不違禮。君臣歌鹿鳴。樂人舞鞀鼓。百官雷抃讚若驚。儲禮如江海。積善若陵山。皇嗣繁且熾。孫子列曾玄。羣臣咸稱萬歲。陛下長壽樂宋書作樂壽。年。御酒停未飲。貴戚跪東廂。侍人承顏色。奉進金玉觴。此酒亦真酒。福祿當聖皇。陛下臨軒笑。左右咸歡康。杯來一何遲。羣僚以次行。賞賜累千億。百官並富昌。○宋書樂志。樂府詩集五十三。詩紀十三。又文選六十。魏武帝文注引始一韻。

精微篇

精微爛金石。至心動神明。杞妻哭死夫。梁山爲之傾。子丹西質秦。烏白馬角宋書作烏日白角。誤。生。鄒衍宋書作羨。囚燕市。繁霜爲夏宋書作下。零。關東有賢女。自字蘇來卿。壯年報父仇。身沒垂功名。女休逢赦書。白刃幾在頸。俱上列仙籍。去死獨就生。太倉令有罪。遠徵當就拘。自悲居無男。禍至無與俱。緹縈痛父言。荷擔宋書作儋。西上書。盤桓北闕下。泣淚何漣如。乞得并姊弟。沒身贖父軀。漢文感其義。肉刑法用除。其父得以免。辯義在列圖。多男亦何爲。一女足成居。簡子南渡河。津吏廢舟船。執法將加刑。女娟擁權前。妾父聞君來。將涉不測淵。畏懼風波起。禱祝祭名川。備禮饗神祇。爲君求福先。不勝醜祀誠。至令犯罰艱。君必欲加誅。乞使知罪讐。妾願以身代。至誠感蒼天。國君高其義。其父用赦原。河激奏中流。簡

子知其賢。歸聘爲夫人。榮寵超後先。辯女解父命。何況健少年。黃初發和氣。明堂德教施。治道致太平。禮樂風俗移。刑措民無枉。怨女復何爲。聖皇長壽考。景福常來儀。○宋書樂志。樂府詩集五十三。詩紀十三。

孟冬篇

孟冬十月。陰氣厲清。武官誡田。講旅統兵。元龜襲吉。元光著明。蚩尤蹕路。風弭雨停。乘輿啓行。鸞鳴幽軋。虎賁采騎。飛象珥鶖。鐘鼓鏗鏘。簫管嘈喝。萬騎齊鑣。千乘等蓋。夷山填谷。平林滌藪。張羅萬里。盡其飛走。趨趨宋書作翟翟。狡兔。揚白跳翰。獵以青骹。掩以脩竿。韓盧宋鵠。呈才騁足。噬不盡縲。牽麋倚鹿。魏氏發機。養基撫弦。都盧尋高。搜索猴狻。慶忌孟賁。蹈谷超巒。張目決眚。髮怒穿冠。頓熊扼虎。蹴豹搏羆。氣有餘勢。負象而趨。獲車既盈。日側樂終。罷役解徒。大饗離宮。亂曰。聖皇臨飛軒。論功校獵徒。死禽積如京。流血成溝渠。明詔大勞賜。大樂府作太。官供有無。走馬行酒醴。驅車布肉魚。鳴鼓舉觴爵。擊鐘醕宋書作鐘擊位。無餘。絕綱樂府作網。縱麟宋書作麟。麇。弛罩出鳳雛。收功在羽校。威靈振鬼區。陛下長歡樂。永世合天符。○宋書樂志。樂府詩集五十三。詩紀十三。

當欲游南山行

東海廣且深。由卑下百川。五嶽雖高大。不逆垢與塵。良木不十圍。洪條無所因。長者能博愛。天下寄其身。大匠無棄材。船車用不均。錐刀各異能。何所獨却前。嘉善而矜愚。大聖亦同然。仁者各類聚。作必壽

考。四類聚作八。坐咸萬年。○樂府詩集六十一。本集六。詩紀十三。又類聚四十二作當欲遊南山篇。引川、塵、然、年四韻。

名都篇

歌錄曰。名都篇。齊瑟行也。

名都多妖女。類聚作麗。京洛出少年。寶劍直千金。被服麗李善本文選作光。樂府同。又注云。一作麗。且鮮。鬪雞東郊。類聚作長安。樂府云。一作長安。道。走馬長楸間。馳騁六臣本文選注云。善作馳馳。類聚作驅馳。御覽同。樂府作馳驅。未能半。雙兔過我前。攬弓捷鳴鏑。長驅上南山。六臣本文選注云。五臣作驅上彼南山。草堂詩箋同。樂府云。一作驅上彼南山。本集作驅彼上南山。左挽因右發。一縱兩本集作雙。禽連。餘巧類聚作功。樂府云。一作功。未及展。仰手接飛鳶。觀者咸稱善。衆工初學記作王。歸我妍。初學記作賢。歸來李善本文選作我歸。宴平樂。美酒斗十千。膾鯉膾胎鰕。寒六臣本文選作炮。樂府、韻補、本集、詩紀同。鼈炙熊蹯。鳴儔嘯匹侶。李善本文選作旅。樂府同。列坐竟長筵。連翩擊鞠壤。詩紀作攘。巧捷惟萬端。白日西南馳。光景不可攀。雲散還城邑。清晨復來還。○文選二十七。樂府詩集六十三。本集六。詩紀十三。又書鈔百四十八作齊琴行。引千一韻。類聚四十二引年、鮮、問、前、連、鳶、千七韻。初學記十引問、賢、千三韻。草堂詩箋十五遺興詩注引兩句。御覽七百四十六作樂府歌。引問、前、山、連、鳶、妍六韻。吳械韻補二引千、蹯二韻。

美女篇

歌錄曰。美女篇。齊瑟行也。

美女妖且閑。採桑歧路間。六臣本文選注云。五臣作西字。柔玉臺作長。書鈔作弱。初學記作桑。御覽同。條紛書鈔作日。初學

記作芬。御覽同。冉冉。御覽作苒苒。落葉文選作葉落。初學記、樂府同。何翩翩。攘袖見素手。皓腕約金環。初學記作銀。御覽同。頭上書鈔作戴。御覽作戴。又作插。金類聚作三。樂府同。爵書鈔作雀。初學記同。御覽或同。又或作合歡。釵。腰佩翠琅玕。明珠交玉體。珊瑚間木難。羅衣何飄飄。李善本文作飄飄。玉臺同。輕裾詩紀誤作車。隨風還。顧盼遺光采。長嘯類聚作笑。初學記同。氣若蘭。行徒用息駕。休者以忘餐。借問女安類聚、樂府作何。居。乃在城南端。青樓臨大路。高門結重關。容華耀玉臺作暉。類聚同。朝日。誰不希令顏。媒氏何所營。玉帛不時安。佳人慕高義。求賢良獨難。衆人徒李善本文選作何。玉臺同。嗷嗷。安知彼所觀。玉臺作歡。盛年處房室。中夜起長歎。○文選二十七。玉臺新詠二。本集六。詩紀十三。又書鈔百三十六引玕一韻。又引翾、環二韻。類聚十八引閑、間、環、玕、難、還、蘭、餐、端、關、顏十一韻。初學記十九引閑、間、翾、環、玕、難、還、蘭、餐九韻。御覽三百八十一引間、翾、環、玕四韻。七百十八引頭插金爵釵一句、頭戴合歡釵一句。

白馬篇

歌錄曰。白馬篇。齊瑟行也。

白馬飾金羈。連翾西北馳。借問誰家子。幽并游俠兒。少小去鄉邑。揚聲類聚作名。樂府云。一作名。沙漠垂。宿昔秉良弓。楛矢何參差。控弦破左的。右發御覽作發矢。摧月支。仰手接飛猱。俯身散馬蹄。狡捷過猴猿。樂府作猿猴。勇剽若豹螭。邊城多警急。胡虜六臣本文選作虜騎。注云。善本胡騎。樂府注云。一作虜騎。數遷移。羽檄從北來。厲馬登高隄。長樂府作右。驅蹈匈奴。左顧陵李善本文選作凌。鮮卑。棄類聚作寄。樂府同。身鋒刃端。性命安可懷。父母且不顧。何言子與妻。詩紀誤作妾。名編六臣本文選注云。五臣作在。樂府云。一作在。壯士籍。類聚作高名。

在壯籍。樂府云。一作高名在壯籍。不得中顧私。捐軀赴國難。視死忽如樂府云。一作若。歸。○文選二十七。樂府詩集六十三。文章正宗二十九。本集六。詩紀十三。又類聚四十二引馳、兒、垂、支、蹄、移、隄、懷、私、歸十韻。御覽三百五十九作遊俠篇。引馳、兒二韻。七百四十六作樂府歌。引支、蹄二韻。

升天行

乘躡文苑英華作橋。注云。一作躡。本集作躡。追術士。遠之文選注作在。蓬萊山。靈液飛素。文選注無素字。波。蘭桂文苑英華作柱。上文選注無上字。參天。玄文苑英華作文。注云。一作玄。豹游其下。翔鷗文苑英華作鷗。注云。一作鷗。戲其巔。乘風忽登舉。彷彿文苑英華云。一作防隍。樂府云。一作彷彿。見衆仙。○類聚四十二。文苑英華百九十三作劉孝威。注云。類聚作曹植樂府。詩集六十三。本集六。劉孝威集。詩紀十三。又文選十二海賦注作苦寒行。引山一韻。二十一遊仙詩注作苦寒行。引天一韻。略爲四言。

扶桑之所出。文苑英華作生。乃在朝陽谿。中心陵蒼昊。類聚誤作吳。文苑英華作皓。注云。一作昊。布葉蓋天涯。類聚作崖。日出登東幹。既夕沒西枝。願得紆陽轡。迴日使東馳。○類聚四十二。文苑英華百九十三作劉孝威。樂府詩集六十三。本集六。劉孝威集。詩紀十三。

五遊詠

樂府無詠字。詩紀同。廣文選作五遊詩。

九州不足步。願得凌雲翔。逍遙八紘外。遊目歷遐荒。披我丹霞衣。襲我素霓裳。華蓋芬類聚作紛。樂府同。暎類聚作菴。本集同。藹。六龍仰天驤。曜靈未移景。倏忽造昊蒼。類聚誤作倉。閭闔啓丹扉。雙闕曜朱光。徘徊文昌殿。登陟太微堂。上帝休類聚作伏。本集同。西櫺。羣后集東廂。帶我瓊瑤佩。漱類聚作嗽。我沆瀣漿。踟躕

玩靈芝。徙倚弄華芳。王子奉仙藥。羨門進奇方。服食享遐紀。延壽保無疆。○類聚七十八。樂府詩集六十四。本集六。廣文選九。詩紀十三。

遠遊篇

遠遊臨四海。俯仰觀洪波。大魚若曲陵。承浪相經過。靈鼈戴方丈。神嶽儼嵯峨。仙人翔其隅。玉女戲其阿。瓊蕊可療飢。仰首樂府作激。吸類聚作嗽。朝霞。崑崙本吾宅。中州非我家。將歸謁東父。一舉超流沙。鼓翼舞時風。長嘯激清歌。金石固易敝。樂府作弊。文選補遺同。日月同光華。齊年與天地。萬乘安足多。○類聚七十八。樂府詩集六十四。文選補遺三十四。廣文選十三。詩紀十三。

仙人篇

仙人攬本集作覽。六著。對博太廣文選作大。山隅。湘娥拊琴瑟。秦類聚作素。女吹笙竽。玉樽盈桂酒。河伯獻神魚。四海一何局。九州安所如。韓終與王喬。要我於天衢。萬里不足步。輕舉凌太虛。飛騰踰景雲。高風吹我軀。迴駕觀類聚作過。紫薇本集作微。與帝合靈符。閭闔正廣文選作自。嵯峨。雙闕萬丈餘。玉樹扶道生。白虎夾本集作挾。門樞。驅風遊四海。東過王母廬。俯觀五嶽閒。人生如寄居。潛光養羽翼。進趨且徐徐。不見軒轅氏。樂府作昔軒轅。本集同。乘樂府作升。本集同。詩紀云。一作升。龍出鼎湖。徘徊九天上。樂府作下。與爾長相須。○樂府詩集六十四。本集六。廣文選十三。詩紀十三。又類聚四十二引隅、竿、魚、微、符、餘六韵。

盤石篇

齊瑟行。

盤盤樂府作盤石。本集同。山巔石。飄飄澗底蓬。我本太山人。何爲客淮樂府作海。東。蕪樂府作蕪。葭彌斥土。林木無分重。岸詩紀作圻。巖若崩缺。湖水何洶洶。蚌詩紀作蚌。蛤被濱涯。光彩如錦虹。文選注作紅。高彼當作波。凌雲霄。浮氣象螭龍。鯨脊樂府作蕪。本集同。若丘陵。鬚若山上松。呼吸吞船櫂。澎溟戲中鴻。方舟尋高價。珍寶麗以通。一舉必千里。乘颶舉帆幢。經危履險阻。未知命所鍾。常恐沈黃墟。下與鼃鼈同。南極蒼梧野。游眄詩紀作眄。窮九江。中夜指參辰。欲師當定從。仰天長太息。思想懷故邦。乘桴何所志。吁樂府作于。本集同。嗟詩紀云。一作嗟歎。我孔公。○樂府詩集六十四。本集六。詩紀十三。又文選十二海賦注作齊瑟行。引紅一韻。

驅車篇

驅車揮岱史作揮。駑馬。東到奉高城。神哉彼泰類聚作太。樂府、本集同。山。五嶽專類聚作顯。其名。隆高貫雲霓。嗟峨出太清。周流二六候。詩紀作埃。間置十二岱史作一二。亭。上有涌醴泉。玉石揚類聚作揚。華英。東類聚作車。北望吳野。西眺觀日精。魂神所繫屬。逝者感斯征。王者以歸天。效厥元功成。歷代無不遵。禮記樂府作祀。有品程。探策或長短。唯德享利貞。封者七十帝。軒皇元獨靈。餐霞漱沆瀣。毛羽被身形。發舉蹈虛廓。徑庭樂府作廷。本集、廣文選同。升窈冥。同壽東父年。曠代永長生。○樂府詩集六十四。本集六。道藏縣上岱史。廣文選十三。詩紀十三。又類聚四十二引名、清、亭、英、精、成六韻。

種葛篇

種葛南山下。葛藟玉臺作蔓。類聚同。自成陰。與君初婚時。類聚作定婚。樂府云。一作初定婚。結髮恩義深。歡愛在

枕席。宿昔同衣衾。竊慕棠棣篇。好樂和瑟琴。行年將晚暮。佳人懷異心。恩紀玉臺作絕。曠不接。我情遂抑沈。出門當何顧。徘徊步北林。下有交頸獸。仰有玉臺作見。樂府、文選補遺同。雙棲禽。攀枝長歎息。淚下沾羅襟。玉臺作衿。本集、文選補遺同。良馬玉臺作鳥。知我悲。延頸對詩帖作代。樂府、文選補遺、廣文選並同。我吟。昔爲同池魚。今爲玉臺作若。商與參。往古皆歡遇。我獨困於今。棄置委廣文選作爲。天命。悠悠玉臺作愁愁。安可任。○玉臺新詠二。式古堂書畫彙考十曹植詩帖。樂府詩集六十四。本集六。文選補遺三十四。廣文選十三。詩紀十三。又類聚四十二引陰、深、心、沉四韻。

妾薄命行

詩紀依樂府詩集作妾薄命二首。今據類聚改。

攜玉手。喜同車。北類聚作比。樂府同。上雲閣飛除。釣臺蹇產清虛。池塘觀類聚作靈。樂府同。沼可娛。仰汎龍舟。綠類聚作淥。波。俯擢類聚誤作權。神草枝柯。想彼宓妃洛河。退詠漢女湘娥。日既逝矣玉臺作日月既是。樂府作日月既逝。本集、詩紀並同。樂府、本集云。一作日既逝矣。詩紀云。藝文作日既逝矣。西藏。更會蘭室洞房。華鐙步障類聚作先置。樂府云。一作先置。舒光。皎若日出扶玉臺作樽。桑。促樽類聚作酒。樂府云。一作酒。合坐類聚作座。樂府云。一作座。行觴。主人起舞娑盤。能者穴玉臺作元。觸別端。騰觚飛爵闌干。同量等色齊顏。任意交屬所歡。朱顏發外形蘭。袖隨禮容極情。妙類聚作屢。樂府云。一作屢。舞僊僊玉臺作仙仙。樂府同。注云。一作僊僊。體輕。裳解類聚作解裳。樂府云。一作解裳。履遺絕纓。俛仰笑喧無呈。當作程。覽持佳人玉顏。齊舉玉臺作接。金爵翠盤類聚作槃。樂府云。一作槃。手形羅袖良難。腕弱不勝珠環。坐者歎息舒顏。御巾衰粉書鈔作粉於。御覽同。君傍。中有霍御覽作霍。納都梁。雞

舌五味雜香。進者何人齊姜。恩重愛深難忘。召延親好宴私。但歌杯來何遲。客賦既醉言歸。主人稱露未晞。○樂府詩集六十二。本集六。廣文選十三。詩紀十三。又玉臺新詠九引日月既是西藏以下各句。書鈔百三十五作樂府歌。引傍、梁二韻。類聚四十一引車、除、虛、娛、波、柯、河、娥、藏、房、光、桑、觴、輕、纓、榮、環十七韻。御覽七百十九作樂府。引傍、梁二韻。

平陵東行

詩紀作平陵東。類聚陵字誤陸。

閭闔開。天衢通。被我羽衣乘飛龍。乘類聚缺乘字。飛龍。與僊期。東上蓬萊採靈芝。靈芝採之可服食。年若詩紀云。一作與。王父無終極。○類聚四十一。樂府詩集二十八。本集六。詩紀十三。

當來日大難

樂府解題曰。曹植擬善哉行爲日苦短。○逮案。此篇應作苦短篇。

日苦短。樂有餘。乃置玉樽辦東廚。廣情故。心相於。闔門置酒。和樂欣欣。遊馬後來。轅樂府作袁。本集同。車解輪。今日同堂。出門異鄉。別易會難。各盡杯觴。○樂府詩集三十六。本集六。詩紀十三。又文選二十八短歌行注作苦短篇。引苦樂有餘一句。

桂之樹行

桂之樹。桂之樹。桂生一何麗佳。揚本集作揚。朱華而翠葉。流芳布天涯。上有棲鸞。下有盤螭。桂之樹。得

道之真人咸來會講仙。教爾服食日精。要道甚省不煩。淡泊無爲自然。乘蹻萬里之外。去留隨意所欲存。高高上際於衆外。下下乃窮極地天。○樂府詩集六十一。木集六。廣文選十三。詩紀十三。

當牆欲高行

龍欲升天須浮雲。人之仕進待中人。衆口可以鑠金。讒言三至。慈母不親。憤憤俗間。不辯本集作辨。誤。。僞真。本集作其誤。願欲披心自說陳。君門以九重。道遠河無津。○樂府詩集六十一。本集六。詩紀十三。

當事君行

人生有所貴尚。出門各異情。朱紫更相奪色。雅鄭異音聲。好惡隨所愛憎。樂府作增。本集同。追舉逐虛詩紀作聲。名。百心可事一君。巧詐寧拙誠。。○樂府詩集六十一。本集六。詩紀十三。

當車已駕行詩紀已作以。

歡本集無歡字。坐玉殿。會諸貴客。侍者行樂府作打。觴。主人離席。顧視東西廂。樂府作箱。本集同。絲竹與鞞鐸。不醉無歸來。明燈以繼夕。本集誤作文。○樂府詩集六十一。本集六。詩紀十三。

苦思行

綠蘿緣玉樹。光曜粲相暉。下有兩真人。舉翅翻高飛。我心何踴躍。思欲攀雲追。鬱鬱西岳巔。石室青葱
類聚作忽。本集同。與天連。中有耆年一類聚無一字。隱士。鬚髮皆皓然。策杖從吾詩紀作我。遊。教我要忘言。○類
聚四十一。樂府詩集六十三。本集六。詩紀十三。

飛龍篇

南經丹穴。積陽所生。煎石流鑠。品物無形。○書鈔百五十八。

同前

芝蓋翩翩。○文選二十前緩聲歌注。

遠遊篇

夜光明珠。草堂詩箋作月。下隱金沙。採之誰遺。漢女湘娥。○初學記二十七。草堂詩箋二十陪王詩注。

善哉行

如彼翰鳥。或飛戾天。○文選二十三悼亡詩注。

對酒行

含生蒙澤。草木茂延。○文選四十到大司馬記室牋注。

苦熱行

行遊到日南。經歷交阯鄉。苦熱但曝露。文選注誤作霜。越夷水中藏。○文選二十八苦熱行注。樂府詩集六十五注。

豔歌行

出自薊御覽或誤作蒯。北門。遙望胡地御覽或作池。桑。枝枝自相值。類聚作植。葉葉自相當。○類聚八十八。御覽九百五十五。本集六。事類賦桑賦注。

同前

長者賜顏色。泰山可動移。○文選三十九詣建平王上書注。四十拜中軍記室辭隋王牋注。

結客篇

結客少年場。報怨洛北芒。○文選二十八結客少年場詩注。

利劍鳴手中。一擊而尸僵。○文選二十九雜詩注。

天地篇

復爲時所拘。羈縻作微臣。○文選三十一雜體詩注。

長歌行

樂府解題曰。曹植擬亟出爲尺蠖。

尺蠖知屈伸。體道識窮達。○御覽九百四十八。

亟出行

蒙霧犯風塵。○文選三十八和王著作八公山注。

妾薄倖

還行秋殿層樓。御輦從□好仇。排玉闥□椒房。丹帷楚組連綱。○書鈔百三十二。

妾薄相行

齊謳楚舞紛紛。歌聲上徹青雲。○文選四南都賦注作古樂府歷九秋妾薄相行。五吳都賦注引上句。十八琴賦注作古妾薄命行。引上句。

輜駟飛轂交輪。○文選二十八長安有狹邪行注。

豔歌行

夏節純和天清涼。百草滋殖舒蘭芳。○初學記三。

陌上桑

望雲際。有真人。安得輕舉繼清塵。執電鞭。騁飛麟。○御覽三百五十九。

兩儀篇

帝者化八極。養萬物。和陰陽。陰陽和。鳳至河洛翔。○初學記六。

秋胡行

歌以詠言。大魏承天璣。○文選五十八宋文皇帝元皇后哀策文注。

對酒行

蒲鞭葦杖示有刑。○文選五十九齊故安陸昭王碑文注。

樂府

膠漆至堅。浸之則離。皎皎素絲。溺色染移。君不我棄。讒人所爲。○御覽七百六十六。

市肉取肥。酤酒取醇。交觴接杯。以致慙慙。○書鈔百四十八。御覽八百二十八。

魴膾熊掌。豹胎龜腸。○書鈔百四十二。

□或作鳥。鳥起舞。鳳凰吹笙。○書鈔百十。

橙橘枇杷。甘蔗代出。○御覽九百七十一。

墨出青松書鈔松下或有之字。煙。筆出狡兔書鈔兔下或有之字。翰。古人感鳥跡。文字有改判。○書鈔一百四作長歌行。又作樂府。初學記二十一。御覽六百五。事類賦墨賦注。萬花谷後二十九。

巢許蔑四海。商賈爭一錢。○御覽八百三十六。

所齋千金劍。通犀間碧璵。翡翠飾雞必。一作雞璧。標首明月珠。○書鈔百二十二兩引。一作傅玄樂府九思。

口厭常珍鹿。願□百品異方。○書鈔百四十二。

金樽玉杯不能使薄酒更厚。○文選二十七望荆山詩注。三十石門新營所住詩注。

歌

植作七啓。繫此。

望雲際兮有好仇。天路長兮往無由。佩蘭蕙兮爲誰修。宴婉絕兮我心愁。○文選三十四。又類聚五十七引仇、由、修三韻。

甘露謳

植爲魏德論。繫此以下六謳。

玄德洞幽。飛化上承。甘露以降。蜜淳冰凝。覩陽弗晞。瓊爵是承。獻之帝廟。以明聖徵。○初學記二。御覽十二。

時雨謳

於穆聖皇。仁暢惠渥。辭獻減膳。以服鰥獨。和氣致祥。時雨滲漉。野草萌變。化成喜穀。○類聚八十五。

嘉禾謳

猗猗嘉禾。惟穀之精。其洪盈箱。協穗殊莖。昔生周朝。今植魏庭。獻之廟堂。以昭厥靈。○同上

白鵲謳

鵲之彊彊。詩人取喻。今存聖世。呈質見素。飢食苕華。渴飲清露。異于疇匹。衆鳥是慕。○類聚九十二。

白鳩謳

班班者鳩。爰素其質。昔翔殷邦。今爲魏出。朱目丹趾。靈姿詭類。載飛載鳴。彰我皇懿。○同上

木連理謳

皇樹嘉德。風靡雲披。有木連理。別幹同枝。將承大同。應天之規。○御覽八百七十三。

魏詩卷七

陳思王曹植

詩

獻詩并疏

魏志本傳云。黃初四年。徙封雍邱王。其年朝京師。上疏云云。○文選作上責躬應詔詩表。下列疏文。詩紀無此題。無疏文。直題上責躬詩應詔詩。

臣植言。臣自抱喪歸藩。刻肌刻骨。追思罪戾。晝分而食。夜分而寢。誠以天網不可重罹。聖恩難可再恃。竊感相鼠之篇。無禮遄死之義。形影相弔。五情愧赧。以罪棄生。則違昔賢夕改之勸。忍垢苟全。則犯詩人胡顏之譏。伏惟陛下。德象天地。恩隆父母。施暢春風。澤如時雨。是以不別荆棘者。慶雲之惠也。七子均養者。鳴鳩之仁也。舍罪貴功者。明君之舉也。矜愚愛能者。慈父之恩也。是以愚臣徘徊於恩澤而不敢自棄者也。前奉詔書。臣等絕朝。心離志絕。自分黃耇永無執珪之望。不圖聖詔猥垂齒召。至止之日。馳心輦轂。僻處西館。未奉魏志作拜。闕庭。踴躍之懷。瞻望反側。不勝犬馬戀主之情。謹奉表並獻詩二篇。詞旨淺末。不足采覽。貴露下情。冒顏以聞。臣植誠惶誠恐。頓首頓首。死罪死罪。○文選二十。又魏志本傳。

責躬

於穆顯考。時惟武皇。受命于天。寧濟四方。朱旗所拂。九土披攘。玄化滂流。荒服來王。超商越周。與唐比蹤。篤生我皇。奕世載魏。志作再聰。武則肅烈。文則時雍。受禪于魏。志作炎漢。君臨萬邦。萬邦既化。率由舊則。本集作章。廣命懿親。以藩王國。帝日爾侯。君茲青土。奄有海濱。方周于魯。車服有輝。旗章有叙。濟濟雋六臣。本文選作俊。又。我弼我輔。伊予本集作尔。小子。侍寵驕盈。舉挂時網。動亂國經。作藩作屏。先軌是隳。魏志作墜。本集作墮。六臣本文選注云。善本作墮。傲我皇使。犯我朝儀。國有典刑。我削我紬。文選作黜。本集同。將寘于理。元兇是率。明明天子。時惟篤類。魏志作時篤同類。詩紀云。一作時篤同類。不忍我刑。暴之朝肆。違彼執憲。哀予小臣。魏志作子。本集同。六臣本文選注云。善本作臣字。改封兗邑。于河之濱。股肱弗置。有君無臣。荒淫之闕。誰弼予身。煢煢僕夫。于彼冀方。嗟予小子。乃罹斯殃。赫赫天子。恩不遺物。冠我玄冕。要我朱紱。光光大詩紀云。一作天。使。我榮我華。魏志作朱紱光大。使我榮華。剖符授玉。李善本文選作土。詩紀云。一作土。王爵是加。仰齒金璽。俯執聖策。皇恩過隆。祇承休惕。咨六臣本文選注云。五臣作啓。我小子。頑兇是嬰。逝慙陵墓。存愧闕庭。魏志作廷。匪敢傲德。實恩是恃。威靈改加。足以沒齒。昊天罔極。生魏志作性。命不圖。常懼顛沛。抱罪黃墟。願蒙矢石。建旗東嶽。庶立毫釐。微功自贖。危軀授命。知足免戾。甘赴江湘。奮戈吳越。天啓其衷。得會京畿。遲奉聖顏。如渴如饑。心之云慕。愴矣其悲。天高聽卑。皇肯照微。○三國志本傳。文選二十。

本集六。詩紀十四。

應詔

肅承明詔。應會皇都。星陳夙駕。秣馬脂車。命彼掌徒。肅我征旅。朝發鸞臺。夕宿蘭渚。芒芒原隰。祁祁士女。經彼公田。樂我稷黍。爰有樛木。重陰匪息。雖有餼糧。飢不遑食。望城不過。面邑不魏志作匪游。僕夫警策。平路是由。玄駟藹藹。揚鑣漂魏志作對沫。流風翼衡。輕雲承蓋。涉澗之濱。緣山之限。遵彼河澗。黃阪是階。西濟詩紀作躋關谷。或降或類聚作忽升。駢駟倦路。載文選作再寢載魏志、文選作再興。將朝聖皇。匪敢晏類聚作燕寧。弭節長驚。指日遄征。前驅舉燧。後乘抗旌。輪不輟運。鸞本集作鑾無廢聲。爰暨帝室。稅此西墉。嘉詔未賜。朝覲莫從。仰瞻城闕。俯惟闕庭。長懷永慕。憂心如醒。○三國志本傳。文選二十。本集五。詩紀十四。又藝文類聚三十九引旅、渚、黍、升、興、寧、旌、醒八韻。文選六魏都賦注作責躬詩。引一句。御覽七百七十五作應制詩。引聲一韻。

朔風詩五章

仰彼朔風。用懷魏都。願聘代馬。倏忽北徂。凱風永至。思彼蠻方。願隨越鳥。翻飛南翔。四氣代謝。懸景運周。別如俯仰。脫若三秋。昔我初遷。朱華未晞。本集作希今我旋止。素雪云飛。俯降千仞。仰登天阻。風飄蓬飛。載離寒暑。千仞易陟。天阻可越。昔我同袍。今永乖別。子好芳草。豈忘爾貽。繁華將茂。秋霜悴之。君不垂眷。豈云其誠。秋蘭可喻。桂樹冬榮。

絃歌蕩思。誰與銷憂。本集作愁。臨川慕思。何爲汎舟。豈無和樂。游非我鄰。本集誤作憐。誰忘御覽作何以。汎舟。愧無榜人。○文選二十九。本集五。詩紀十四。又御覽七百七十引人一韵。

矯志詩

芝本集作芳。桂雖芳。本集作香。此句廣文選作芳樹雖香。詩紀云。今本作芳樹雖香。難以餌魚。廣文選作烹。詩紀同。本集作兼。尸位素餐。難以成居。廣文選作名。詩紀同。磁石引鐵。於金不連。大朝舉士。愚不聞焉。抱壁塗乞。無爲貴寶。履仁遘禍。類聚誤作福。本集同。無爲貴道。鵠類聚作鴛。本集同。雖遠害。不羞卑棲。靈虬避難。不恥污泥。都蔗雖甘。杖之必折。巧言雖美。用之必滅。濟濟唐朝。萬邦作孚。詩紀此下注云。闕。逢蒙雖巧。必得良弓。聖類聚作賢。本集同。主雖知。類聚作智。本集同。必得類聚作亦待。英雄。螳螂見歎。齊士輕戰。越王軾本集誤作輕。蛙。國以死獻。道遠知驥。世僞知賢。覆之轉類聚作燾。本集誤作壽。之。順天之矩。澤如凱風。惠如時雨。口爲禁闔。舌爲發機。門機之闔。類聚作闔。卽闕字。本集作闔。廣文選作問。楛矢不追。○類聚二十三。本集五。廣文選八。詩紀十四。又書鈔百三十三作雜詩。引折。滅二韵。○遠案。藝文類聚所引。抱壁塗乞以下另爲一篇。詩紀蓋依廣文選等書合之爲一。又類聚前後兩引。皆爲節錄。故濟濟唐朝萬邦作孚句孤立。上下文不相銜接。世僞知賢與下文亦不相屬。詩紀於萬邦作孚下注云闕。其實闕文者不止此處。而輯曹集者。或於濟濟唐朝上設八空格。於世僞知賢下設八空格。皆自我作古。不足信。

同上

仁虎匿爪。神龍隱鱗。○文選三十六宣德皇后令注。○遠案。二句或上篇遺文。今附於此。

正會詩

詩紀從類聚作元會詩。又題下注云。晉禮志漢儀有正會禮。正旦受賀。公侯以下執贄來庭。二千石以上升殿稱歲。後作樂燕饗。魏帝都鄴。正會文昌殿。用漢儀。

初歲元祚。吉日惟良。乃爲嘉本集作佳。廣文選同。會。燕類聚作宴。廣文選、詩紀同。此高堂。尊卑列叙。典而有章。衣裳鮮潔。黼黻玄黃。清醕盈爵。中坐騰光。珍膳雜選。充溢圓方。笙磬既設。箏瑟俱張。悲歌厲響。咀嚼清商。俯視文軒。仰瞻華梁。願保茲善。本集作喜。廣文選同。詩紀云。一作喜。千載爲常。歡笑盡娛。樂哉未央。皇室本集作家。廣文選同。詩紀云。一作家。御覽作室家。榮貴。此句書鈔作天家華貴。壽若東王。書鈔作皇。類聚作壽考無疆。古文苑、廣文選、詩紀並同。○御覽二十九。詩紀十三。又書鈔百五十五引首三句及央、皇二韻。又類聚四。初學記四。章樵古文苑八。本集五。廣文選八。又御覽百八十七引曹植詩文檄華梁一句。

閨情詩

有美一詩紀作一美。本集同。人。被服纖羅。妖姿豔麗。菼若春華。類聚作花。紅顏鞞燁。雲髻嵯峨。類聚作峨峨。彈琴撫節。爲我絃歌。清濁齊均。既亮且和。取樂今日。遑恤其他。○類聚十八作魏陳王曹植詩。本集八。詩紀十四。

公讌詩

詩紀讌作宴。

公子敬愛客。終宴御覽作夜。不知疲。清夜遊西園。飛鳴沙類書殘卷作冠。蓋相追隨。明月澄清影。各書作景。列宿

正參差。秋蘭被長坂。朱華冒綠池。潛魚躍清波。好鳥鳴高枝。神飈接丹轂。輕輦隨風移。飄飄放志意。千秋長若斯。○文選二十。本集五。詩紀十四。又書鈔百四十作五言詩。引移一韻。百五十引差一韻。類聚三十九作公宴詩。引疲、隨、差、池、枝、移六韻。初學記十引差、池二韻。十四引疲、隨、差、池、枝、移六韻。白帖一引一句。鳴沙石室古籍叢殘類書殘卷宴樂部作曹植詩。引疲、隨二韻。又引隨一韻。御覽八百二十四作曹植詩。引疲、隨二韻。事類賦月賦注引隨、差二韻。

侍太子坐詩

白日曜青春。御覽作天。時御覽作微。雨靜飛塵。寒冰御覽作水。辟炎景。御覽作暑。涼風飄我身。清醴盈金觴。餽饌縱橫陳。齊人進奇樂。歌者出西秦。翩翩我公子。機巧忽若神。○類聚三十九。御覽五百三十九。本集五。詩紀十四。○逮案。詩爲夏日作。白日曜青春句。御覽引春作天者是。

鬪雞詩

詩紀從樂府詩集作鬪雞篇。

遊目極妙伎。清聽厭宮商。主人寂無爲。衆賓進樂方。長筵坐戲客。鬪雞間詩紀作閒。觀樂府作觀間。廣文選作觀閑。房。羣雄正翕赫。雙翹詩紀作翅。自飛揚。揮羽激樂府作邀。本集同。清類聚作流。風。悍詩紀作博。誤。日發朱光。背落輕毛散。嚴距往往傷。長鳴人青雲。扇翼獨翱翔。願蒙狸膏助。常得擅此場。○類聚九十一。樂府詩集六十四作鬪雞篇。本集五。廣文選十三。詩紀十三。○劉楨、應瑒均賦此題。

贈徐幹詩

驚風飄白日。忽然歸西山。圓景光未滿。衆星燦以繁。志士營世業。小人亦不閒。聊且夜行游。游彼雙闕間。文昌鬱雲興。迎風高中天。春鳩鳴飛棟。流焱激樞軒。顧念蓬室士。貧賤誠足憐。薇蕘弗充虛。皮褐猶不全。慷慨有悲心。興文自成篇。寶棄怨何人。和氏有其愆。彈冠俟知己。知己誰不然。良田無晚歲。膏澤多豐年。亮懷璠璣文。選作璠璣。本集同。美。積久德愈。六臣本文選注云。五臣作逾。宜。親交義在敦。申章復何言。○文選二十四。本集五。詩紀十四。又文選三十南樓望所遲客注引繁一韵。

贈丁儀詩

文選李善注云。集云與都亭侯丁翼。今云儀。誤也。

初秋涼氣發。庭樹微銷落。凝霜依玉除。清風飄飛閣。朝雲不歸山。霖雨成川澤。黍稷委疇隴。農夫安所穫。文選作獲。本集同。在貴多忘賤。爲恩誰能博。狐白足禦六臣本文選注云。五臣作御。冬。焉念無衣客。思慕延陵子。寶劍非所惜。子其寧爾心。親交義不薄。○文選二十四。本集五。詩紀十四。

贈王粲詩

端坐苦愁思。攬衣起西游。樹木發春華。清池激長流。中有孤鴛鴦。哀鳴求匹儔。我願執此鳥。惜哉無輕舟。欲歸忘故道。顧望但懷愁。悲風鳴我側。羲和逝不留。重陰潤萬物。何懼澤不周。誰令君多念。自本集作遂。六臣本文選注云。五臣作遂。使懷百憂。○文選二十四。本集五。詩紀十四。

贈丁儀王粲詩

文選李善注曰。集云答丁敬禮王仲宣。翼字敬禮。今云儀。誤也。

從軍度函。李善本文選作函。谷。驅御覽作馳。馬過西京。山岑六臣本文選注云。五臣作峯。高無極。涇渭揚濁清。壯哉帝王居。佳麗殊百城。員闕出浮雲。承露槩泰清。皇佐揚天惠。四海無交兵。權家雖愛勝。全國爲令名。君子在末位。不能歌德聲。丁生怨在朝。王子歡自營。歡怨非貞則。中和誠可經。○文選二十四。本集五。詩紀十四。又御覽三百二十八作曹植詩。引京一韻。

贈丁翼詩

文士傳曰。翼字敬禮。儀之弟也。爲黃門侍郎。○案。翼。各書引作廩。

嘉賓填城闕。豐膳出中厨。吾與二三子。曲宴書鈔作燕。此城隅。秦箏發西氣。韻補作音。齊瑟揚東謳。看來不虛歸。類聚作滿。觴至反無餘。我豈狎異人。朋友與我俱。大國多良材。譬海出明珠。君子義休倚。本集作待。六臣本文選注云。五臣作待。小人德無儲。積善有餘慶。榮枯立可須。滔蕩固大節。時李善本文選作世。俗多所拘。君子通大道。無願爲世儒。○文選二十四。本集五。詩紀十四。又書鈔八十二作與丁廩詩。引厨、隅、餘三韻。類聚三十九、御覽五百三十九並作與丁廩詩。引厨、隅、嘔、餘四韻。吳械韻補一引隅、謳二韻。

贈白馬王彪詩七章

黃初四年正文選作五月。白馬王、任城王與余六臣本文選注作植。俱朝京師。會節氣。到洛陽。李善本文選注作日不陽。任城王薨。至七月與白馬王還國。後有司以二王歸藩。道路宜異宿止。意毒六臣本文選注作每。恨之。蓋以大別在數日。是用自剖。與王辭焉。憤而成篇。○文選二十四李善注。○遠案。李善注。集曰於圍城作。又曰。黃初四年云云。是本集原題於圍城作。黃初四年云云以下乃原詩序文。昭明文選改詩題。並刪其序。殊爲非是。今仍依詩紀命題列序。並誌異同如此。又據魏志。是年正月魏文帝尚不在洛陽。以作五月者爲是。

謁帝承明廬。逝將歸舊疆。清晨發皇邑。日夕過首陽。伊洛廣魏志注作曠。類聚同。且深。欲濟川無梁。汎舟越洪濤。怨彼東路長。顧瞻魏志注作回顧。戀城闕。引領情內傷。

太谷何寥廓。山樹鬱蒼蒼。霖雨泥我塗。流潦浩縱橫。中逵魏志注作田。絕無軌。改轍登高岡。修坂造雲日。我馬玄以黃。

玄黃猶能進。我思鬱以紆。鬱紆將何念。文選作難進。六臣本注云。五臣作何念。親愛在離居。本圖相與偕。中更不克俱。鴟梟鳴衡軛。李善本文選作扼。六臣本文選作扼。本集同。豺狼當路衢。蒼蠅問白黑。本集作白問黑。讒巧草堂詩箋作諂。反各書作令。詩紀云。今本作令。親疏。欲還絕無蹊。類聚作逕。攬魏志注作摩。同。轡止踟蹰。

踟蹰亦何六臣本文選注云。善本作可。留。相思無終極。秋風發微涼。寒蟬鳴我側。原野何蕭條。白日忽西匿。歸鳥赴喬魏志作高。林。翩翩厲羽翼。魏志注歸鳥二句在孤獸二句後。孤獸走索羣。銜草不遑食。感物傷我懷。撫心長太魏志注作歎。息。

太魏志注作歎。息將何爲。魏志注作何所爲。天命與我違。奈何念同生。一往形不歸。孤魂翔故域。李善本文選作

城。文章正宗同。靈樞寄京師。存者忽魏志注作勿。是。復詩紀云。一作已。過。亡沒本集作歿。身自衰。人生處一世。去魏志注作忽。若朝露晞。年本集誤作三。在桑榆間。影響不能追。自顧非金石。咄咄魏志注作咤。令心悲。

心悲動我神。棄置莫復陳。丈夫志四海。萬里猶比鄰。恩愛苟不虧。在遠分日親。何必同衾幃。然後展慙。各書作殷勤。憂思成疾疢。無乃兒女仁。魏志注缺以上二句。倉卒骨肉情。能不懷苦辛。

苦辛何慮思。天命信可疑。虛無求列仙。松子久吾欺。變故在斯須。六臣本文選作須臾。百年誰能持。離別永無會。執手將何時。王其愛玉體。俱享黃髮期。收淚卽長路。魏志注作塗。詩紀云。一作塗。援筆從此辭。○三國志

本傳注。文選二十四。文章正宗二十九。本集五。詩紀十四。又類聚二十一引疆、陽、梁、長、黃、衢、疏、厨、側、匿、息、隣、勤、辛十四韻。草堂詩箋十六兩當詩注引疏一韻。

送應氏詩二首

步登北邙文選作芒。阪。遙望洛陽山。洛陽何寂寞。宮室盡燒焚。垣牆皆頓擗。荆棘上參天。不見舊耆老。但覩新少年。側足無本集作不。六臣本文選注云。五臣作不。行徑。荒疇不復田。遊子久不歸。不識陌與阡。中野何蕭條。千里無人煙。念我平常本集作生。六臣本文選注云。五臣作生。居。詩紀云。一作平生親。氣結不能言。○文選二十。本集五。詩紀十四。

清時難屢得。嘉會不可常。天地無終極。人命文選注作壽。若朝霜。願得展嬾婉。我友之朔方。親昵本集作暱。六臣本文選注云。五臣作暱。並集送。置酒此河陽。中饋豈獨薄。賓飲不盡觴。愛至望苦深。豈不愧中腸。山川

阻類聚作迥。且遠。別促會日長。願爲比翼鳥。施翮起高翔。○文選二十。本集五。文章正宗二十九。詩紀十四。又類聚二十九引方、陽、長三韻。

三良詩

功名不可爲。忠義我所安。秦穆先下世。三臣皆自殘。生時等榮樂。既沒同憂患。誰言捐軀易。殺身誠獨難。攬六臣本文選注云。五臣作攬。涕登君墓。臨穴仰天歎。長夜何冥冥。一往不復還。黃鳥爲悲鳴。哀哉傷肺肝。○文選二十一。本集五。詩紀十四。

代劉勳妻王氏雜詩

誰演繁露作人。言去婦薄。去婦情更重。千里不唾井。況乃昔所奉。遠望未爲遙。踟躕玉臺作峙壘。不得共。玉臺作往。○玉臺新詠二作魏文帝。坦齋通編。春秋演繁露十三。

棄婦詩

詩紀作棄婦篇。編入樂府部分。並云。本集不載。見玉臺新詠。

石榴植前庭。綠葉搖縹青。丹華灼烈烈。璫玉臺誤作帷。彩有光榮。光榮玉臺作好。曄流離。可以戲詩紀作處。案戲或獻之訛。淑靈。有御覽作翠。鳥飛來集。拊玉臺作樹。翼以悲鳴。悲鳴夫何爲。丹華實不成。拊心長歎息。無子當歸寧。有子月經天。無子若流星。天月相終始。流星沒無精。棲遲失所宜。下與瓦石并。憂懷從中來。

歎息通雞鳴。反側不能寐。逍遙於前庭。踟躕玉臺作峙嶠。還入房。肅肅帷幕聲。寒帷更攝帶。撫節玉臺作弦。彈鳴玉臺作素。箏。慷慨有餘音。要妙悲且清。收淚長歎息。何以負神靈。招搖待霜露。何必春夏成。晚穫爲良實。願君且安寧。○玉臺新詠二。詩紀十三。又御覽九百七十作棄妻詩。引青、鳴二韻。

遊仙詩

人生不滿百。戚戚本集作歲歲。廣文選同。詩紀云。一作歲歲。少歡娛。意欲奮本集誤作奮。六翮。排霧陵紫虛。蟬蛻同松喬。翻跡登鼎湖。翺翔九天上。騁轡遠行遊。東觀扶桑曜。西臨弱水流。北極登玄。詩紀作玄天。注云。一作登玄。渚。南翔陟丹邱。○類聚七十八。本集六。廣文選九。詩紀十四。

雜詩七首

高臺多悲風。朝日照北林。之子在萬里。江湖迥本集作迥。且深。方舟安可極。離思故難任。孤鴈飛南游。過庭長哀吟。翹思慕遠人。願欲托遺音。形影忽不見。翩翩傷我心。○文選二十九。本集五。詩紀十四。

轉蓬離本根。飄飄草堂詩箋作飄飄。合璧事類同。隨長本集作長隨。風。何意迴六臣本文選注云。五臣作迴。飈舉。吹我入雲中。高高上御覽作高高上高。無極。天路安可六臣本文選注云。善作何字。窮。類此遊客類聚作流宕。御覽同。合璧事類誤作流巖。文選注作客遊。子。捐詩紀誤作捐。軀遠從戎。毛褐不掩形。薇藿常不充。去去莫復道。沈憂令人老。○文選

二十九。類聚八十二。本集五。文章正宗二十九。合璧事類別集五十六。詩紀十四。又文選三十一效古詩注引風、戎二韻。草堂詩箋五贈

李詩注引風一韵。十五遺興詩注引風一韵。御覽九百九十七作曹植詩。引風、中、窮、戎四韵。

西北有織婦。綺縞何繽紛。明晨秉機杼。日昃類聚作晏。御覽作暮。不成文。太息終長夜。悲嘯入青雲。妾身守空閨。玉臺作房。類聚同。良人行從類聚作從行。軍。自期三年歸。今已歷九春。飛玉臺作孤。類聚同。鳥遶樹翔。嗷嗷鳴索羣。願爲南流景。馳光見我君。○文選二十九。玉臺新詠二。類聚三十二。本集五。文章正宗二十九。詩紀十四。又御覽八百十六引紛、文二韵。

南國白帖作北方。有佳人。容華若桃李。朝遊江北類聚作海。岸。夕宿瀟湘玉臺作湘川。沚。李善本文選作日夕宿湘沚。對牀夜語同。時俗本集誤作宿。薄朱顏。誰爲發皓齒。俛仰歲將暮。榮曜難類聚作寧。久恃。○文選二十九。玉臺新詠二。類聚十八。本集五。文章正宗二十九。又類聚二十六作阮籍詠懷詩。引李、沚、齒三韵。白帖七引李一韵。范晞文對牀夜語一引沚一韵。

僕夫早嚴駕。吾將遠行六臣本文選注云。五臣作行遠。遊。本集作吾行將遠遊。遠遊欲何之。吳國爲我仇。將騁萬里塗。東路安足由。江介多悲風。淮泗馳急流。願欲一輕濟。惜哉無方舟。閑詩紀作閒。居非吾志。甘心赴國憂。○文選二十九。本集五。文章正宗二十九。詩紀十四。

飛觀百餘尺。臨牖御本集作仰。六臣本文選注云。五臣作仰。櫺軒。遠望周千里。朝夕見平原。烈士多悲心。小人媮本集作偷。六臣本文選注云。五臣作偷。自閑。詩紀作閒。國讎亮不塞。甘心思喪元。拊劍西南望。思欲赴太山。文選注此句上有我心常怫鬱一句。絃急悲聲發。聆我慷慨言。○文選二十九。本集五。詩紀十四。又文選二十賈躬詩注引我心何怫鬱。思欲赴太山二句。○錄案。文選注所引二句。辭義貫注。當爲一聯。據此拊劍西南望句下至少尚缺一句。文選此詩蓋節錄也。

攬衣出中閨。逍遙步兩楹。閒房何寂寞。類聚作寥。本集同。綠草被階庭。空室類聚作穴。本集、廣文選同。詩紀云。一作

穴。自生風。百鳥翮玉臺作翔。南征。春思安可忘。憂戚玉臺作感。與我類聚作君。本集、廣文選同。并。佳人在遠道。妾身單且梵。玉臺作獨單梵。是。歡會難再遇。本集作逢。廣文選同。並注一作遇。芝蘭玉臺作蘭芝。廣文選同。不重榮。人皆棄舊愛。君豈若平生。寄松爲女蘿。依水如浮萍。齋玉臺作束。身奉衿帶。朝夕不墮。本集誤作憤。傾。倘終顧盼恩。玉臺作倘願終盼。詩紀云。一作倘能終顧盼。永副我中情。○玉臺新詠二。類聚三十二。本集五。廣文選十五。詩紀十四。

雜詩

悠悠遠行客。去家千餘里。出亦無所之。人亦無所止。浮雲翳日光。悲風動地起。本集作起動地。○類聚二十七。本集五。詩紀十四。

雜詩

美玉生盤石。寶劍出龍淵。帝王臨朝服。秉此威百蠻。歷刀不見貴。雜糅刀刃間。○書鈔百二十二。

七哀詩

詩紀云。玉臺作雜詩。樂府作怨歌行本辭。

明月照高樓。流光正徘徊。上有愁思婦。悲歎有餘哀。借問歎者誰。言類聚作云。是宕文選作客。玉臺、類聚、樂府、本集、文章正宗同。子妻。君行踰十年。孤妾常獨棲。君若白帖作爲。御覽同。清路塵。妾若白帖作作。又作爲。御覽作爲。濁水泥。浮沈各異勢。會合何時諧。願爲西南風。長逝類聚作遊。人君懷。君懷良玉臺作時。類聚、樂府同。不

開。賤妾玉臺作妾心。類聚、樂府同。當類聚作將。何依。○文選三十三。玉臺新詠二作雜詩。類聚三十二作曹植詩。樂府詩集四十一作怨詩行本辭。文章正宗二十九。本集五。詩紀十四。又白帖一、六、御覽三十七並作古詩。引泥一韵。

怨詩行

詩紀云。卽七哀詩。中間畧有異同耳。

明月照高樓。流光正徘徊。宋書作襄回。同。上有愁思婦。悲歎有餘哀。一解 借問歎者誰。自云宕宋書作客。樂府、本集同。子妻。夫行踰十載。賤妾常獨棲。二解 念君過於渴。思君劇於飢。君作宋書作爲。樂府同。高山柏。妾爲濁水泥。三解 北風行蕭蕭。烈烈入吾耳。心中念故人。淚墮不能止。四解 浮沈宋書作沉浮。各異路。會合當何諧。願作東北風。吹我人君懷。五解 君懷常不開。賤妾當何依。恩情中道絕。流止任東西。六解 我欲竟此曲。此曲悲且長。今日樂相樂。別後莫相忘。七解 樂府云。右一曲晉樂所奏。○宋書二十一作楚調怨詩。樂府詩集四十一。本集六。詩紀十三。○逯案。詩紀此詩編在樂府部分。又在詩後注云。七哀詩是此篇本辭云。然分在兩處。不易見二者異同。今以本辭爲主。列奏曲於此。以示樂府奏曲。不僅增刪原詩章節。卽詞句間亦有所更動也。

情詩

微陰翳陽景。清風飄我衣。遊魚潛綠水。翔鳥類聚或作鸞。薄天飛。眇眇客行士。遙類聚作徂。本集同。役不得歸。始出嚴霜結。今來白露晞。類聚或作稀。遊子歎黍離。處玉臺作行。者歌式微。慷慨對嘉賓。悽愴內傷悲。○文選二十九。玉臺新詠二作雜詩。類聚二十九作曹植詩。本集五。詩紀十四。又類聚二十七作雜詩。引飛、稀

二韻。

喜雨詩

太和二年。大旱。三麥不收。百姓分爲飢餓。○書鈔百五十六。

天覆何彌廣。苞育此羣生。棄之必憔悴。惠之則滋榮。慶雲從北來。鬱述西南征。時雨中夜降。長雷周我庭。嘉種盈類聚作穫。膏壤。登秋畢。本集作必。有成。○類聚二。本集五。詩紀十四。

詩

雙鶴俱遨遊。相失初學記作候。東海傍。雄飛竄北朔。初學記作翔。雌驚初學記作逝。赴南湘。棄我交頸歡。離別各異。初學記作一。方。不惜萬里道。但恐天網張。○類聚九十。初學記十八。詩紀十四。

七步詩

詩紀云。本集不載。

煮豆持作羹。漉豉草堂詩箋作菽。又世說新語作叔。誤。以爲汁。其在釜下。詩紀作中。然。豆在釜中泣。本自鳴沙類書作是。詩紀同。同根生。相煎何太鳴沙類書作乃。急。詩紀云。一作煮豆燃豆其。豆在釜中泣。本是同根生。相煎何太急。○世說新語文學篇。草堂詩箋三十四別李詩注。詩紀十四。又鳴沙石室古籍叢殘類書殘卷引泣、急二韻。

離友詩三首

并序

鄉人有夏侯威者。少有成人之風。余尚其爲人。與之昵好。王師振旅。送余於魏邦。心有眷然。爲之隕涕。乃作離友之詩。其辭曰。

王旅旋類聚作遊。本集、詩紀同。兮背故鄉。彼君子兮篤人綱。本集誤作剛。媵余御覽作騰駕。行兮歸朔方。馳原隰兮尋舊疆。車載本集作載車。奔兮馬繁驥。涉浮濟兮泛輕航。迄魏都兮息蘭房。展宴好兮惟樂康。○類聚二十一。本集二。詩紀十四。又御覽四百十引鄉、綱、方、疆四韻。

涼風肅兮白露滋。木感氣兮條葉辭。臨淥水兮登崇類聚作重。基。折秋華兮采靈芝。尋永歸兮贈所思。感離隔兮會無期。伊鬱悵兮情不怡。詩紀云。本集止載前一首。今考藝文附入。○類聚二十九。詩紀十四。

日匿影兮天微陰。經迴路兮造北林。詩紀云。初學記載二句云云。當別有一首也。○初學記十八。詩紀十四。

妬詩

嗟爾同衾。曾不類聚作弗。是志。寧彼冶容。安此妬忌。○類聚三十五。本集五。詩紀十四。

四言詩

華屏列曜。藻帳垂陰。○書鈔百三十二。

同前

高談虛論。問彼道原。○文選三十擬魏太子鄴中集詩注。

離友詩

靈鑒無私。○文選二十一張子房詩注。二十七郊祀歌注。

詩

身被輕煖。○白帖四。

詩

皇考建世業。余從征四方。櫛風而沐雨。萬里蒙露霜。劍戟不離手。鎧甲爲衣裳。○御覽三百三十九。

芙蓉池詩

逍遙芙蓉池。翩翩戲輕舟。南陽詩紀作楊。棲雙本集誤作雙西。鵠。北柳有鳴鳩。○類聚九。本集五。詩紀十四。

言志詩

慶雲未時興。雲龍潛作魚。神鸞失其儔。還從燕雀居。○類聚二十六作魏陳王曹植詩。本集五。詩紀十四。

詩

遊鳥翔故巢。狐死反邱穴。我信歸故鄉。安得憚離別。○書鈔百五十八。

詩

君王禮英賢。不吝千金璧。從容冰井臺。清池映華薄。○吳械韻補五。

七哀詩

南方有障氣。晨鳥不得飛。○文選二十八苦熱行注。

膏沐誰爲容。明鏡闇不治。○文選三十一擬行行重行行注。

離別詩

人遠精魂近。寤寐夢容光。○文選二十九張茂先情詩注。

詩

一顧千金重。何必珠玉錢。○文選三十和王主簿怨情詩注。

詩

彈箏奮逸響。新聲好人神。○書鈔百十。

述仙詩

遊將升雲煙。○文選二十六人華子崗詩注。

詩

長鋏鳴鞘中。○御覽三百四十六。

寡婦詩

高墳鬱兮巍巍。松柏森兮成行。○文選二十三廬陵王墓下作注。

詩

秋商氣轉微涼。○書鈔百五十四。

楚王曹彪

彪。字朱虎。武帝子。初封白馬王。後徙封楚。

答東阿王詩

盤徑難懷抱。停駕與君訣。卽車登北路。永歎尋先轍。○初學記十八。

魏詩卷八

高貴鄉公曹髦

髦。字彥士。文帝孫。東海王霖子。正始五年封鄴縣高貴鄉公。嘉平六年十月卽位。甘露五年。爲司馬昭所弒。年二十。有集四卷。

四言詩

莽莽東伐。悠悠遠征。泛舟萬艘。屯衛千營。○書鈔百十七。

詩

干戈隨風靡。武騎齊雁行。○御覽三百五十一。

何晏

晏。字平叔。南陽宛人。文帝時拜駙馬都尉。明帝時爲冗官。齊王卽位。進散騎侍郎。遷侍中。尋爲吏部尚書。主選舉。多所濟拔。嘉平二年。坐曹爽事爲司馬懿所殺。有論語集解十卷、老子道德論二卷、

集十一卷。

言志詩

詩紀作擬古。又引名士傳曰。是時曹爽輔政。識者慮有危機。晏有重名。與魏姻戚。內雖懷憂。而無復退也。著五言詩以言志曰。

鴻世說作雙。類聚、初學記、廣文選、詩紀同。鵠類聚、初學記、廣文選作鶴。詩紀同。又注云。世說作鴻鵠。比翼遊。羣飛戲太清。常恐初學記作畏。天類聚作天。初學記作失。詩紀同。世說作大。白帖作常畏大。網羅。憂禍初學記作患。一旦初學記作朝。白帖同。并。豈若集五初學記作太。白帖同。湖。順世說作從。流唼類聚作接。浮萍。逍遙世說作永寧。放志意。詩紀云。世說作永寧曠中懷。何爲怵惕驚。○世說新語箴規篇。類聚九十作魏何晏詩。廣文選十五作擬古。詩紀十七。又初學記三十作何晏詩。引清、并、萍三韻。白帖二十九作古詩。引清、并、萍三韻。○遼案。世說常恐大網羅句。唐寫本大作天。轉蓬去其根。流飄從風移。芒芒四海涂。悠悠焉可彌。願爲浮萍類聚作綠蘋。草。託身寄清池。且以樂今日。其後非所知。○初學記二十七。詩紀十七。又類聚八十二引池一韻。浮雲翳白日。微風輕塵起。○書鈔百五十。

應璩

璩。字休璉。瑒之弟。明帝時。歷官散騎常侍。齊王時。遷侍中。爲大將軍曹爽長史。作百一詩以諷。

後復爲侍中。典著作。嘉平四年卒。有集十卷。

百一詩

詩紀只載三首。文選李善注云。張方賢楚國先賢傳曰。汝南應休璉作百一篇詩。譏切時事。徧以示在事者。咸皆怪愕。或以爲應焚棄之。何晏獨無怪也。李充翰林論曰。應休璉五言詩百數十篇。以風規治道。蓋有詩人之旨焉。孫盛晉陽秋曰。應璩作五言詩百三十篇。言時事頗有補益。世多傳之。今書七志曰。應璩集謂之新詩。以百言爲一篇。或謂之百一詩。據百一詩序云。時謂曹爽曰。公今聞周公巍巍之稱。安知百慮有一失乎。百一之名。蓋興於此也。○遠案。應璩百一詩。文選僅保一完篇。其餘皆已亡佚。詩紀蒐輯逸詩亦僅有三篇。然考各書多引應氏新詩。此新詩卽百一詩也。而他書所引雜詩亦往往又名新詩。則詩紀所載雜詩實亦原出百一。依此今將各書所引逸篇。悉編在此題下。至百一詩屬於後人擬作者。則於當篇注明之。

下流不可處。君子慎厥初。名高不宿著。易用受侵誣。前者隳六臣。本文選注云。五臣作墮。官去。有人適我閭。田家無所有。酌醴焚枯魚。問我何功德。三人承明廬。所占於此土。六臣本文選注云。五臣作所以占此土。是謂仁智居。文章不經國。筐篋無尺書。用等稱才學。往往見歎譽。避席跪自陳。賤子實空虛。宋人遇周客。慚媿靡所如。○文選二十一。詩紀十七。

年命在桑榆。東岳與我期。長短有常會。廣文選作命。遲速不得辭。斗酒當廣文選作多。詩紀同。爲樂。無爲待來茲。室廣致凝陰。臺高來積陽。廣文選誤作陰。奈何季世人。侈靡在宮牆。飾巧無窮極。土木被朱。詩紀誤作未。光。徵求傾四海。雅意猶未康。○類聚二十四。廣文選八。詩紀十七。又初學記十八引陽、牆、光、康四韻。○遠案。室廣下另爲

一首。

子弟可不慎。慎在選師友。師友必良。詩紀作長。德。中才可進誘。○初學記八。御覽四百四。詩紀十七。

細微可不慎。隄潰自蟻穴。類聚作隙。詩紀云。一作隙。腠理早從事。安復勞鍼石。哲人覩未形。愚夫闇明白。曲突不見賓。焦爛爲上客。思願獻良規。江海倘不逆。狂言雖寡善。猶有如雞跖。廣文選作肋。詩紀云。一作肋。雞跖。廣文選誤作脇。食不已。齊王爲肥澤。○類聚二十三。廣文選十五。詩紀十七並作雜詩。

散騎常師友。朝類聚作朋。詩紀同。並注疑作朝。夕進規獻。侍中主書鈔或作王。喉舌。萬機無不亂。尚書統書鈔作摠。庶事。官人乘書鈔作重。詩紀云。疑作乘。事文類聚作承。合璧事類同。法憲。彤管珥類聚作珥。詩紀同。納言。貂璫表武弁。出入承明廬。車服一何煥。三寺齊榮秩。百僚所瞻願。○類聚四十五。詩紀十七並作雜詩。又書鈔五十八作新詩。引獻一韻及亂一韻。百二十七作應璩詩。引亂、憲、弁三韻。初學記十一作新詩。引弁一韻。又白帖二十一作應璩詩。引侍中喉舌萬機六字。事文類聚新集十及合璧事類後集二十六引憲一韻。○遠案。白帖此例可證作應璩者實即應璩之訛。

少壯面目澤。長大色醜。類聚作長老顏色。醜。類聚作醜。人所惡。拔白自洗蘇。平生髮完全。變化似浮屠。醉酒巾幘落。禿頂赤如壺。御覽作狐。○若溪漁隱叢話四十一作三叟詞。又類聚十八作新詩。引羸、蘇二韻。御覽三百六十四作新詩。引狐一韻。詩紀十七作雜詩。引羸、蘇二韻。

古御覽或作昔。有行人。陌上見三叟。年各百餘歲。相與鋤禾莠。住車問三叟。何以得此壽。上叟前致御覽或作置。下同。辭。若溪漁隱叢話作詞。下同。室內御覽或作內中。嫗貌御覽或作羸。醜。下叟前致辭。夜御覽或作暮。卧若溪漁隱叢話作暮眠。不覆首。要哉三叟言。所以能長久。○御覽三百八十三、七百六十四並作應璩詩。若溪漁隱叢話四十一作三

叟詞。詩紀十七作三叟。又藝文類聚十八作魏應璩詩。引叟、莠、壽三韻。○遠案。少壯面目澤與此篇。苕溪叢話引潘子真詩話均作三叟詞。然少壯一首前人既作新詩。則此亦百一詩之遺。

漢末桓帝時。郎有馬子侯。自謂識音律。請客鳴笙竽。爲作陌上桑。反書鈔作乃。編珠作及。言鳳將雛。左右僞稱善。亦復自搖頭。○御覽七百三十九作新論。又書鈔百十作新詩。引侯、竿、雛三韻。杜公瞻編珠二作百一詩。引雛一韻。

百郡立中正。九州置都士。州閭與郡縣。希疏如馬齒。生不相識面。何緣別義理。○御覽二百六十五作應璩新論。十室稱忠信。觀過必黨里。○書鈔七十三作應璩新語。○案此當爲上首逸句。

平生居□郭。寧丁當作伶仃。憂貧賤。出門見富貴。□□□□□。竈下炊書鈔作發。牛矢。甑中裝御覽作莊。豆飯。○書鈔四十四作新詩。又御覽八百五十作新詩。引飯一韻。○遠案。書鈔引詩缺略。今以意補六空格。

野田何紛紛。城郭何落落。埋葬嫁娶家。皆是商旅客。喪側食不飽。酒肉紛狼籍。○御覽五百五十六作應璩新詩。大魏御覽或誤作龜。承衰弊。復欲密其羅。蚍蜉猶見得。何云鱗與蝦。御覽或作蝦。狴犴既已備。歛復置黃

沙。○御覽九百四十七。事類賦蟻賦注作百一篇。又御覽九百四十三引羅、蝦二韻。○遠案。黃沙獄。晉武帝置。似此乃後人僞託。不出應璩。抑魏末已有此設置邪。

人才百三家集作材。不能備。各有偏短長。稽可小人百三家集作人。中。便辟必知芒。○書鈔百四作新詩。百三家集。本集。○遠案。此詩書鈔引人筆部。詩之辭句應有涉於筆。小人中之中。應是筆字。

茫茫九州內。莫作應作非。帝者民。民有忠信行。莫非帝者臣。○御覽六百二十一作新詩。太官有餘厨。大小無不賣。豈徒脯與糗。醯醢及塩鼓。○御覽八百二十八作新詩。

洛水禁罾罟。魚鱉不爲殖。空令自相啖。吏民不得食。○御覽八百三十四作新詩。

豐隆賜美味。受嚼方咄咄。鹿鳴吐野華。獨食有何甘。○書鈔百四十三作新詩。

苟欲娛耳目。快心樂腹腸。我躬不悅懽。安能慮死亡。○葛立方韻語陽秋。

槽車在道路。征夫不得休。○魏志文帝紀。

有酒流如書鈔或作如浩。川。有肉書鈔或作肴。積如書鈔或作如積。岑。○書鈔百四十五、百四十八並作新詩。

革帶繩爲續。履舄穿無底。○御覽六百九十六作新詩。

山風寒折骨。目面盡生瘡。○書鈔百五十六作應璩詩。御覽三十四作新詩。

溝瀆皆決溢。○書鈔百五十一作新詩。

小兒撫塵。○書鈔十五。

雜詩當亦是百一新詩。

秋日苦促短。遙夜邈綿綿。貧士感此時。慷慨不能眠。○御覽二十五。

同前詩紀作應瑗。

貧子語窮兒。無錢可把撮。耕自不得粟。采彼北山葛。簞瓢恆日在。無用相呵喝。○初學記十八、詩紀十七並作應瑗雜詩。○逯案。瑗乃璩之訛。此由前詩可證。

詩

案其內容。當亦是百一新詩。

司隸鷹揚吏。爪牙徒擢空。折翅躍毛距。宛鷄還入籠。世人指爲武。誰復勵嚴冬。○書鈔六十一應璩詩。

京師何繽紛。車馬相奔起。借問乃爾爲。將欲要其仕。孝廉經述詩。乘作務經。通。誰能應此舉。○詩乘補遺。又書

鈔七十九作應璩詩。引起、舉二韻及莫言有所爲一句。

放戈釋甲冑。乘軒入紫微。從容侍原誤作待。帷幄。光輔日月輝。○御覽三百三十九應璩詩。

丈夫要雄戟。更來宿紫庭。今者宅四海。誰復有不并。○御覽三百五十三應璩詩。

郡國貪慕將。馳騁習弓戟。雖妙未更事。難用應卒迫。○同上

治化貴簡易。法令不欲多。○書鈔二十七應璩詩。

城狐不可掘。社鼠不可熏。○文選四十奏彈王源注應璩詩。

不悞牽朱絲。三署來相尋。○文選二十六初去郡詩注、事類賦注並作應璩詩。

詩

酌彼春酒。上得供養親老。下得温飽妻子。○書鈔百四十八應璩詩。

韋誕

誕。字仲將。京兆人。善草書。建安中爲郎中。太和中爲武太守。正始中。遷侍中、中書監。以光祿大

夫致仕。嘉平五年卒。年七十五。有集三卷。

詩

旨酒盈金觴。清顏發光華。○文選十六別賦注。

卞丘儉

儉。字仲恭。河東聞喜人。初爲平原侯文學。明帝初。遷荊州刺史。徙幽州刺史。討公孫淵定遼東。進封安邑侯。高句麗數侵叛。儉討之。有功。遷鎮東將軍、都督揚州。正元二年。與揚州刺史文欽矯太后詔討司馬師。兵敗見殺。有集二卷。

答杜摯詩

鳳鳥翔京邑。哀鳴有所思。才爲聖世出。德音何不怡。八子未際魏志注作遭。遇。今者遭魏志注作遭。明時。胡康出隴畝。楊偉無根基。飛騰沖雲天。奮迅協光熙。駿驥骨法異。伯樂觀知之。但當養羽翮。鴻舉必有期。體無纖微疾。安用問良醫。聯翩輕栖集。還爲燕雀嗤。詩紀云。此四句疑錯互。韓衆藥雖良。恐便魏志作或更。不能治。悠悠千里情。薄言答嘉詩。信心感諸中。中實廣文選作賞。詩紀同。不在辭。○三國志劉劭傳注。廣文選十。詩紀十七。○三國志注。臣松之案。魏朝自微而顯者。不聞胡康。疑是孟康。康事見杜恕傳。楊偉見曹爽傳。

之遼東詩

憂責重山岳。誰能爲我擔。○文選三十八爲齊明帝讓宣城郡公第一表注。朱校昌黎集二送文暢師詩注作卍丘儉詩。

在幽州詩

芒山邈悠悠。但見胡地埃。○文選五十七楊給事誄注。

郭遐周

贈嵇康詩二首舊抄嵇康集作五言詩二首郭遐周贈。

吾舊抄嵇康集作亮。無佐世才。時俗所不。詩紀作不可。量。歸我北山阿。逍遙以倡舊抄嵇康集作相。佯。同氣自相求。虎嘯谷風涼。惟予與嵇生。未面分好章。舊抄嵇康集作面分好文章。古人美傾蓋。方此何不臧。援箏執鳴琴。攜手遊空房。棲遲衡門下。何願於姬姜。予舊抄嵇康集作甘。心好永年。年永懷樂康。我友不斯。詩紀作期。卒。改計適他方。嚴車感。詩紀作嚴東咸。發日。翻然將高翔。離別在旦夕。惆悵以增傷。○舊抄嵇康集一。詩紀十八。

風人重離別。行道猶遲遲。宋玉哀登山。臨水送將歸。伊此往昔事。言之以增悲。歎我與嵇生。倏忽舊抄嵇康集作忽然。將永離。詩紀作違。俯察淵魚遊。仰觀雙鳥飛。厲翼太清中。徘徊於丹池。欽哉得其所。令我心獨

違。言別在斯須。怒焉如朝。詩紀作調。飢。○同上

離別自古有。人非比目魚。君子不懷土。豈更得安居。四海皆兄弟。何患無彼姝。巖穴隱傳說。空詩紀作寒。谷納白駒。方各以類聚。物亦以羣殊。所在有智賢。何憂不此詩。紀作此不。如。所貴身名存。功烈在簡書。歲舊抄嵇康集作年。時易過歷。日月忽其除。勗哉乎嵇生。敬德在舊抄嵇康集作以。慎軀。○同上

郭遐叔

贈嵇康詩二首

舊抄嵇康集作詩五首郭遐叔贈。詩紀作贈嵇康五首。○逮案。贈詩前四篇四言乃一首四章。每章皆以如何忽爾句承轉。章法井然。不得目爲四首。今以四言、五言各爲一首。

每念邁會。惟曰詩紀作日。不足。听往宵歸。常苦其速。歡接無厭。如川赴谷。如何忽爾。將適他俗。言駕有日。巾車命僕。思言詩紀作念。君子。溫其如玉。心之憂矣。視丹如綠。案當有脫文。○以上周樹人嵇康集校語。如何忽爾。超將遠逝。舊抄嵇康集舊校作遊。詩紀同。心之憂矣。將以忱惕。忱惕惟何。惟思惟憂。以上十六字嵇康集舊校改爲情以忱惕。惟思惟憂。詩紀同。展轉反側。寤寐追求。馳情運想。神往形留。心之憂矣。增其勞愁。

不見可欲。使心不亂。譬彼造化。抗無崖畔。封疆畫界。事利任難。唯予與子。本詩紀作鮮。注云。一作籍。不同貫。交重情親。欲面無算。如何忽爾。時適他館。明發不寐。耿耿極旦。心之憂矣。增其憤歎。詩紀作怨。天地悠長。人生若忽。苟非知命。安保旦夕。思與君子。窮年卒歲。優哉逍遙。幸無隕越。如何君子。周樹人

嵇康集校語云。當作忽爾。案此說甚是。超將遠邁。我情願關。我言願結。心之憂矣。良以忉怛。○舊抄嵇康集一。詩紀十八。○逮案。此詩脫落幾不成章。詩紀編者力求其叶韻。如越字下注云。叶俞芮切。邁字下注云。叶力制切。皆非是。君子交有義。不必常相從。天地有明理。遠近無異同。三仁不齊迹。貴在等賢蹤。衆鳥羣相追。鷲鳥獨無雙。何必相啣濡。江海自從舊抄本集作蹤。詩紀作可。容。願各保遐年。詩紀作心。有緣復來東。○舊抄嵇康集一。詩紀十八。

阮侃

侃。字德如。尉氏人。魏衛尉卿阮共之子。有俊才而飭以名理。風儀潤雅。與嵇康爲友。仕至河內太守。

答嵇康詩二首

且詩紀作早。發溫泉廬。夕宿宣陽城。顧眄懷惆悵。言思我友生。會遇一何幸。及子違歡情。交際雖未久。思愛發中誠。舊抄嵇康集作思我愛發誠。良玉須切磋。瓊璠就其形。隋珠豈不曜。雕瑩啓光榮。與子猶蘭石。堅芳互相成。庶幾弘詩紀作行。古道。伐檀俟河清。不謂中離別。飄飄然遠征。臨輿執手訣。良誨一何精。佳言盈我耳。舊抄嵇康集作身。援帶以自銘。唐虞曠千載。三代不我詩紀作可。并。洙泗久已往。微言誰爲詩紀作共。聽。曾參易簪斃。仲由結其纓。晉楚安足慕。屢空守以舊抄嵇康集作以守。貞。潛龍尚泥蟠。神龜隱其靈。庶保吾

子言。養真以全生。東野多所患。暫往不久停。幸子無損思。逍遙以自寧。○舊抄嵇康集一。詩紀十八。

雙美不易居。嘉會故難常。爰自詩紀作處。憩斯土。與子邁蘭芳。常願永遊集。拊翼同廻翔。不悟卒永離。一

別爲異鄉。四牡一何速。征人去詩紀作告。路長。顧步懷想像。遊目屢太舊抄嵇康集作大。行。撫軫詩紀作軫。增

歎息。念子安能忘。恬和爲道基。老氏惡強梁。患至有身災。榮子知所康。蟠詩紀作神。龜實可樂。明戒在劄

腸。新詩何篤穆。申詠增愷忼。詩紀作慨慷。舒檢詔詩紀作話。良訊。終然永厭藏。還誓必不食。復得同林詩紀作

故。房。願子盪憂慮。無以情自傷。候詩紀作俟。路忘所次。詩紀作以。聊以酬來章。○同上

魏詩卷九

嵇康

康。字叔夜。譙郡銍人。好言老莊而尚奇任俠。寓居山陽。鍛以自給。與魏宗婚。拜中散大夫。景元二年以答山濤書忤司馬昭。次年。坐呂安事見殺。有集十五卷。

代秋胡歌詩七章

舊抄本作七首。詩紀從樂府詩集作秋胡行七首。並注云。本集題曰重作四言詩。○逮案。作七首者非是。今改作七章。

富貴尊榮。憂患諒獨多。富貴尊榮。文選補遺誤作樂。憂患諒獨多。舊鈔本集不重言。古人所懼。豐屋蔀家。人害其上。獸惡網樂府、廣文選作罔。羅。惟有貧賤。可以無他。樂府作它。歌以言之。富貴憂患多。

貧賤易居。貴盛難爲工。貧賤易居。貴盛難爲工。恥佞本集作接。直言。與禍相逢。變故萬端。俾吉作凶。思牽黃犬。其計本集作志。莫從。樂府作其莫之從。文章正宗、文選補遺、廣文選同。歌以言之。貴盛難爲工。

勞謙寡本集作無。樂府、文章正宗、文選補遺作有。下同。悔。忠信可久安。勞謙寡悔。忠信可久安。天道害詩紀云。一作惡。盈。好勝者殘。彊梁致災。多事詩紀云。一無事字。招患。文章正宗、文選補遺作多招禍患。詩紀作多事招禍患。欲得安

樂。獨有無愆。本集作憊。詩紀云。集作憊。歌以言之。忠信可久安。

役神者弊。極欲令人二字樂府作疾。文選補遺、廣文選、詩紀同。下仿此。枯。役神者弊。極欲令人枯。顏回短折。下詩紀作不誤。及童烏。縱體淫恣。莫不早徂。酒色何物。自令樂府、文選補遺、廣文選、詩紀並作今自。不辜。歌以言之。酒色令人枯。○本集一。樂府詩集三十六。文選補遺三十四。廣文選十三。

絕智棄學。遊心於玄默。絕智棄學。遊心於玄默。遇樂府無此字。廣文選同。過而悔。舊抄本集作過而復悔。當不自得。垂釣一壑。所本集作好。樂府無此字。樂一國。被髮行歌。和氣樂府作者。廣文選、詩紀同。四塞。歌以言之。遊心於玄默。

思與王喬。乘雲遊八極。思與王喬。乘雲遊八極。凌厲五嶽。忽行萬億。授我神藥。自生羽翼。呼吸太和。鍊形易色。歌以言之。思樂府無此字。行遊八極。

徘徊鍾山。息駕於層城。徘徊鍾山。息駕於層城。上蔭華蓋。下采若英。受道王母。遂升紫庭。逍遙天衢。千載長生。歌以言之。徘徊於層城。○本集一、樂府詩集三十六、詩紀十八並作秋胡行。又文章正宗二、十九作秋胡行。引一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百。文選補遺三十四作秋胡行。引一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百。

幽憤詩

晉書曰。東平呂安。服康高致。康友而善之。後安爲兄所枉訴。以事繫獄。辭相證引。遂復收康。康乃作幽憤詩曰。嗟余薄祐。六臣本文選注云。五臣作祐。少遭不造。哀莞靡識。越在緹縲。本集作縲。六臣本文選注云。五臣作縲。母

兄鞠育。有慈無威。恃愛肆姐。文選作姐。詩紀同。晉書作好。不訓不師。爰及冠帶。憑文選作馮。舊抄本集同。寵自放。六臣本文選注云。善無此二句。抗心希古。任其所尚。六臣本文選注云。善本作上。託好老莊。晉書作莊老。賤物貴身。志在守晉書作宗。樸。養素全真。曰余不敏。好善聞人。子玉之敗。屢增惟塵。大人含弘。藏垢懷耻。民晉書作人之多僻。政不由己。惟此褊心。顯明臧否。感悟思愆。本集作愆。同。怛若創痛。欲寡其過。謗議沸騰。性不傷物。頻致怨憎。昔慙柳惠。本集作柳下。魏志注。晉書孫登傳同。世說新語注作下惠。今愧孫登。內負宿心。外慙魏志注作報。良朋。仰慕嚴鄭。樂道閒居。與世無營。神氣晏如。六臣本文選誤作知。咨予不淑。嬰本集作纓。累多虞。匪降自天。寔由頑疎。理弊六臣本文選作蔽。注云。善作弊。患結。卒致囹圄。六臣本文選注云。五臣作圍。對答鄙訊。繫此幽阻。實恥訟寃。李善本文選作寃。六臣本文選注云。善作免。時不我與。雖曰義直。神辱志沮。澡身滄浪。豈晉書作曷。云能補。噉噉本集作雍雍。晉書同。鳴鴈。奮本作厲。晉書同。六臣本文選注云。五臣作勵。翼北遊。順時而動。得意忘本集作無。憂。嗟我憤歎。曾莫能儔。晉書作儔。六臣本文選注云。五臣作儔。事與願違。邁茲淹留。窮達有命。亦又何求。古人有言。善莫近名。奉時恭默。咎悔不生。萬石周慎。安親保榮。世務紛紜。祇攬予情。安樂必誠。乃終利貞。煌煌靈芝。一年三秀。予獨何爲。本集作人。有志不就。懲難思復。心焉內疚。庶勗將來。無馨無臭。采薇山阿。散髮巖岫。永嘯長吟。頤性晉書作神。養壽。○文選三十二。晉書本傳。詩紀十八。又三國志王粲傳注引騰、憎、登、朋四韻。晉書孫登傳引登一韻。世說新語棲逸篇注引登一韻。

四言贈兄秀才入軍詩十八章

詩紀并雙鸞匿景曜一首爲贈秀才入軍十九首。並注曰。集云。兄秀才公穆入軍。贈詩。舊抄本集作四言十八首贈兄秀才入軍。注云。兄秀才公穆入軍。贈詩。劉義慶曰。嵇喜。字公穆。舉秀才。○逮案。此詩乃十八章。作十八首非是。并五言詩而曰十九首。尤謬。今據本集爲此題。

鴛鴦于飛。肅肅其羽。朝遊高原。夕宿蘭渚。邕邕類聚作嚙嚙。和鳴。顧眄舊抄本集作盼。廣文選同。儔侶。俛仰慷慨。優遊容與。

鴛鴦于飛。嘯侶命儔。朝遊高原。夕宿中洲。交頸振翼。容與清流。咀嚼蘭蕙。俛仰優游。泳彼長川。言息其澚。陟彼高岡。言刈其楚。嗟我征邁。獨行踽踽。仰彼凱風。涕泣如雨。

泳本集作沐。彼長川。言息其沚。陟彼高岡。言刈其杞。嗟我獨征。靡瞻靡恃。仰彼凱風。載坐載起。○逮按。以上一章或言嗟我征邁。或言嗟我獨征。似是秀才口吻。

穆穆惠風。扇彼輕塵。奕奕素波。轉此遊鱗。伊我之勞。有懷遐廣。廣文選作佳。詩紀同。人。寤言永思。寔鍾所親。所親安在。舍我遠邁。棄此蓀芷。襲彼蕭艾。雖曰幽深。豈無顛沛。言念君子。不遐有害。人生壽促。天地長久。百年之期。孰云其壽。思欲登仙。以濟不朽。纜轡踟蹰。仰顧我友。

我友焉之。隔茲山梁。詩紀作岡。誰謂河廣。一葦可航。徒恨永離。逝彼路長。瞻仰弗及。徙倚彷徨。良馬既閑。麗服有暉。左攬繁弱。右接忘歸。風馳電六臣本文選注云。五臣作雷。御覽作覓。逝。躡景六臣本文選注云。

五臣作影。追飛。凌厲中原。顧盼生姿。

攜我好仇。載我輕車。南凌長阜。北厲清渠。仰落驚鴻。俯引淵魚。盤于游本集作槃遊于田。其樂只且。

凌高遠盼。俯仰咨嗟。怨本集作宛彼幽繫。室邇廣文選作邈爾。詩紀同。路遐。雖有好音。誰與清歌。雖有姝本集

作朱。顏。誰與發華。仰訊本集作訴。高雲。俯託輕本集作清。波。乘流遠遁。抱恨山阿。

輕車迅邁。息彼長林。春木載榮。布葉垂陰。習習谷文選注作和。風。吹我素琴。交交文選作咬咬。本集同。黃鳥。

顧儔文選作疇。本集同。弄音。感悟本集作寤。詩紀云。集作寤。馳情。思我所欽。心之憂矣。永嘯長吟。

浩浩洪流。帶我邦畿。萋萋綠林。奮榮揚暉。魚龍澆澗。山鳥羣飛。駕言出遊。本集作遊之。六臣本文選注云。五臣

作游之。日夕忘歸。思我良朋。如渴如饑。願言不獲。愴矣其悲。

息徒蘭圃。秣馬華山。流磻平阜。垂綸長川。目送歸鴻。手揮五絃。俯仰自得。游心太本集作泰。李善本文選、文

章正宗同。玄。嘉彼釣叟。得魚忘筌。郢人逝矣。誰與本集作可。盡言。

閑夜書鈔作開戶。肅清。朗月照軒。微風動袿。合璧事類作桂。組帳高褰。旨酒盈樽。莫與交歡。鳴琴本集作琴瑟。

在御。誰與鼓彈。仰慕同趣。其馨若蘭。佳人不存。文選作在。六臣本文選注云。五臣作存。能不永歎。

乘風高逝。詩紀作遊。遠登靈丘。託本集作結。好松喬。攜手俱游。朝發太本集作泰。華。夕宿神州。本集作洲。彈琴

詠詩。聊以忘憂。

琴詩自樂。遠遊可珍。含本集作會。道獨往。棄智遺身。寂乎無累。何求於人。長寄靈岳。怡志養神。

流俗本集作代。難悟。逐物不還。至人遠鑒。歸之自然。萬物爲一。四海同舊抄本集作爲。宅。與彼共之。予何所

惜。生若浮寄。暫見忽終。世故紛紜。棄之八戎。廣文選作成。詩紀同。澤雉雖饑。不願園林。安能服御。勞形苦心。身貴名賤。榮辱何在。貴得肆志。縱心無悔。○本集一。詩紀十八。又文選二十四引第九、十、十二、十三、十四、十五章。廣文選十作贈兄公穆人軍詩。引第一至第六及十一、十八等八章。又書鈔百五十引軒一韻。類聚九十二引羽、侶二韻。文選二十六答呂法曹詩注引琴一韻。御覽三百二十八引輝、飛二韻。合璧事類外集四十九引軒、褰二韻。

四言詩

廣文選、詩紀均以前六篇并酒會詩樂哉苑中遊一篇題爲酒會詩七首。今從舊抄本集。究爲幾首。已不能明。故在各首下注其出處。

淡淡流御覽作淵淵綠。水。淪胥御覽誤作滑。而逝。汎汎柏御覽作虛。舟。載浮御覽作停。載滯。微嘯清風。鼓楫容裔。放櫂御覽誤作鼓柁。投竿。優游卒歲。○本集一。廣文選十五。詩紀十八。又御覽七百七十作嵇康詩。引逝、滯、歲三韻。

婉彼鴛鴦。戢翼而遊。俯睨類聚作吮。綠藻。託身洪流。朝翔素瀨。夕棲靈洲。搖蕩清波。與之沈浮。○本集一。廣文選十五。詩紀十八。又類聚九十二作嵇夜詩。引遊、流、洲三韻。

藻汜廣文選闕。詩紀作流詠。蘭池。和聲激朗。操縵清商。遊心大象。傾昧修身。惠音遺響。鍾期不存。我志誰賞。○本集一。廣文選十五。詩紀十八。

斂絃散思。遊釣九淵。重流千仞。或餌者懸。猗與莊老。棲遲永年。寔惟龍化。蕩志浩然。○同上

肅肅泠廣文選作零。詩紀作零。風。分生江湄。却背華林。俯泝丹坻。本集作坻。案坻卽唐寫坻字。詩紀云。一作潏。含陽吐英。履霜不衰。嗟我殊觀。百卉具腓。心之憂矣。孰識玄機。○同上

猗猗蘭蕙。本集作藹。殖彼中原。綠葉幽茂。麗藻廣文選。詩紀作藥。豐廣文選。詩紀作穠。繁。馥馥蕙芳。順風而宣。將御椒房。吐薰龍軒。瞻彼秋草。悵矣惟騫。○同上

泱泱白雲。順風而回。淵淵綠水。盈坎而頽。乘流遠逝。舊抄本集作遙邁。自周樹人云。或息字之訛。躬蘭隈。杖策答諸。納之素懷。長嘯清原。惟以告哀。○本集一。詩紀十八。

抄抄周樹人云。案或眇眇之誤。翔鸞。舒翼太清。俯眺紫辰。仰看素庭。凌躡玄虛。浮沉無形。將遊區外。嘯侶長鳴。神□不存。誰與獨征。○同上

有舟浮覆。紉纜是維。枯檝松櫂。有舊抄本集作汎。若龍微。□津經險。越濟不歸。思友長林。抱樸山嵎。守器殉業。不能奮飛。○同上

羽化華岳。超遊清霄。雲蓋習習。六龍飄飄。左配椒桂。右綴蘭若。凌陽讚路。王子奉輶。婉孌名山。真人是要。齊物養生。與道逍遙。○同上

微風清本集作輕。扇。雲氣四除。皎皎亮本集作皦皦朗。月。麗於高隅。與命公子。攜手同車。龍驥翼翼。揚鑣踟蹰。肅肅宵征。造我友廬。光燈吐輝。本集作耀。白帖同。六臣本文選注云。五臣作曜。華幔白帖作縵。長舒。鸞觴酌醴。神鼎烹魚。絃超子野。歎過綿駒。流詠太素。俯讚玄虛。孰本集作疇。克英賢。與爾剖符。○文選二十九作雜詩。本集一。詩紀十八。又白帖四作嵇康燈詩。引廬、舒二韻。

五言贈秀才詩

詩紀并前贈兄秀才入軍詩爲贈秀才入軍十九首。本集作五言。並注。一本作古意。今依舊抄本集及類聚爲此題。

雙鸞匿景曜。戢翼太山崖。初學記作西。抗首漱本集作嗽。類聚同。案嗽卽漱之別字。朝露。晞陽振羽儀。長鳴戲雲中。類聚作裏。時下息蘭池。自謂絕塵埃。終始永不虧。何意世多艱。虞人來我維。本集注云。維一作儀。詩紀作疑。雲網塞四區。高羅正參差。奮迅勢不便。六翮無所施。隱姿就長纓。卒爲時所羈。單雄初學記作雌。翮本集作翻。初學記作偏。詩紀作翻。獨詩紀作孤。逝。初學記作遊。哀吟傷生離。徘徊戀儔侶。慷慨高山陂。鳥盡良弓藏。謀極本集注。極一作損。身必詩紀作心。危。吉凶雖在己。世路多嶮巇。安得反初服。抱玉寶六奇。逍遙遊太清。攜手長相隨。本集作相追隨。注云。一作長相隨。○本集一。廣文選十。詩紀十八。又類聚九十作魏嵇叔夜贈秀才詩。引崖、儀、池三韻。初學記十八引西、離二韻。

酒會詩

樂哉苑本集作苑。中遊。周覽無窮已。百卉吐芳華。崇臺詩紀作基。邈高時。林木紛交錯。玄池戲魴鯉。輕丸斃翔本集作飛。禽。織綸出鱸鮪。坐本集作研。中發美讚。異氣同音軌。臨川獻清醕。微歌發皓齒。素琴揮雅操。清聲隨風起。斯會豈不樂。恨無東野子。酒中念幽人。守故彌終始。但當體七絃。寄心在知己。○本集一。詩紀十八。

答二郭詩三首

本集作五言詩三首答二郭。

天下悠悠者。不能詩紀作下京。趨上京。二郭懷不羣。超然來北征。樂道託萊本集作蓬。廬。雅志無所營。良時

遺其願。遂結歡愛情。君子義是親。恩好篤平生。寡智詩紀作志。自生災。屢使衆覺成。豫子詩紀云。一作讓。匿梁側。聶政變其形。顧此懷怛惕。慮在苟自寧。今當寄他域。嚴駕不得停。本圖終宴婉。今更不克并。一子贈嘉詩。馥如幽蘭馨。戀土思所親。能不詩紀作不知。氣憤盈。○本集一。廣文選十。詩紀十八。

昔蒙父兄祚。少得離負荷。因疏遂成懶。寢跡北山阿。但願養性命。終已靡有他。良辰不我期。當年值紛華。坎凜本集作懷懷。趣世教。詩紀作務。常恐嬰本集作纒。網羅。羲農邈已本集作以。遠。拊膺獨咨嗟。朔本集誤作明。戒貴尚容。本集誤作用。漁父好揚波。雖逸亦已難。非余心所嘉。豈若翔區外。餐瓊漱朝霞。遺物棄鄙累。逍遙遊太和。結友集靈嶽。彈琴登清歌。有能從我詩紀作此。者。古人何詩紀作豈。足多。○同上

詳觀凌世務。屯險多憂虞。施報更相市。大道匿不舒。夷路值枳棘。安步本集作心安。將焉如。權智相傾奪。名位不可居。鸞鳳避尉羅。遠託崑崙墟。莊周悼靈龜。越稷詩紀作穆。注云。一作稷。案稷穆皆搜字之譌。畏詩紀作嗟。王與。至人存諸己。隱璞本集作璞。樂玄虛。功名何足殉。乃欲列簡書。所好亮若茲。楊氏歎交衢。去去從所志。敢謝道不俱。○同上

與阮德如詩

本集作五言詩一首與阮德如。

含哀還舊廬。感切傷心肝。良時遘吾詩紀作數。子。談慰臭如蘭。疇昔恨不早。既面侔舊歡。不悟卒永離。念隔增憂歎。本集作恨增歎。事故無不有。別易會良本集作良會。難。郢人忽已本集作以。逝。匠石寢不言。澤雉窮野草。靈龜樂泥蟠。榮名穢人身。高位多災患。未若捐外累。詩紀云。拾遺作慮。肆志養浩然。顏氏希有虞。隰

子慕黃軒。涓彭獨何人。唯志在所安。漸漬殉近欲。一往不可攀。生生在豫積。勿以怵本集作休。自寬。南土
埠詩紀作旱。不涼。衿計宜早完。本集作看。君其愛德素。行路慎風寒。自力致所懷。臨文情辛酸。○本集一。廣文
選十。詩紀十八。

遊仙詩

遙望山上松。隆谷鬱青葱。自遇一何高。獨立迥無雙。本集作邊無叢。願想遊其下。蹊路絕不通。王喬棄本集作
弃。周樹人云。案當作昇。說文云。舉也。我去。乘雲駕六龍。飄飄戲玄圃。黃老路相逢。授我自然道。曠若發童蒙。
採藥鍾山隅。服食改姿容。蟬蛻棄穢累。結友本集作交。家板本集作梧。桐。臨觴奏九韶。雅歌何邕邕。長與俗
人別。誰能覩其蹤。詩紀作踪。○本集一。廣文選九。詩紀十八。

述志詩二首

潛龍育神軀。躍廣文選、詩紀作濯。鱗戲蘭池。延頸慕大庭。寢足俟皇羲。慶雲未垂景。本集作降。盤桓朝陽陂。
悠悠非吾匹。本集作我儔。廣文選作我匹。疇肯本作□步。應俗宜。殊類難徧周。鄙議紛流離。轆軻丁悔吝。雅志
不得施。耕耨感甯越。馬席激張儀。逝將離羣侶。杖策追洪崖。焦朋廣文選、詩紀作鵬。周樹人云。案當作明。振六
翮。羅者安所羈。浮遊太清中。更求新相知。比翼翔雲漢。飲露餐本集作食。瓊枝。多念本集作謝。世間人。夙
本集作息。駕成本集作感。驅馳。冲靜得自然。榮華安足爲。○本集一。廣文選九。詩紀十八。

斥鷃擅本集作擅。蒿林。仰笑神本集作鸞。鳳飛。詩紀云。一作姿。坎井蝘蛙廣文選、詩紀作蝘。宅。神龜安所歸。恨自用身拙。任意多永思。遠實與世殊。義譽非所希。往事既已謬。來者猶可追。何爲人事間。自令心不夷。慷慨思古人。夢想見容輝。願與知己遇。本集作過。舒憤啟幽廣文選、詩紀作其。微。巖穴多隱逸。輕舉求吾師。晨登箕詩紀云。拾遺作西。山巔。日夕不知饑。玄居養營魄。千載長自綏。○本集一。廣文選九。詩紀十八。

五言詩二首

人生譬朝露。世變多百羅。苟必有終極。彭聃不足多。仁義澆淳樸。前識喪道華。留弱喪自然。天真難可和。郢人審匠石。鍾子識伯牙。真人不屢存。高唱誰當和。○本集一。

脩夜家周樹人云。疑當作寂。由家而誤。無爲。獨步光庭側。仰首看天衢。流光曜八極。撫心悼季世。遙念大道逼。飄飄當路士。悠悠進自棘。得失自己來。榮辱相蠶食。朱紫雖周樹人云。疑當作雜。玄黃。太素貴無色。淵淡體至道。色化同消息。○同上

俗人不可親。松喬是可鄰。何爲穢濁間。動搖增垢塵。慷慨之遠遊。整駕俟良辰。輕舉翔區外。濯翼扶桑津。徘徊戲靈岳。彈琴詠泰真。滄水澡五藏。變化忽若神。恆娥進妙藥。毛羽翕光新。一縱發開陽。俯視當路人。哀哉世間人。周樹人云。疑當作人間世。何足久託身。○同上

六言詩十章。

詩紀作六言十首。周樹人云。各本取每首之第一句別立一行爲子目。詩紀亦然。○遠案。此詩乃一首十章。不得列

爲十首。又各篇起句率與本篇爲韻。自是詩之本文。不應列爲子目。再各起句皆五言。題爲六言詩。似亦不合。竊謂此詩起句沿用楚歌句式。上三下二爲實字。中間聯以兮字。而足爲六言。後人逞臆刪去兮字。遂致此謬。

惟上古堯舜。二人功德齊均。不以天下私親。高尚簡樸慈。詩紀作茲。順。寧濟四海蒸民。

唐虞世道治。萬國穆親無事。賢愚各自得志。晏然逸豫內忘。佳哉爾時可憇。卽喜字。○三字舊注。詩紀作喜。

智慧用有詩紀缺此字。周樹人云。案當作何。爲。此句當作智慧何爲用。用與下文叶韻。法令詩紀缺此字。滋章寇生。紛本集作

自。然相召不停。大人玄寂無聲。鎮之以靜自正。

名與身孰親。哀哉世俗狗榮。馳驚竭力喪精。得失相紛憂驚。自貪詩紀作是。勤苦不寧。

生生厚招咎。金玉滿堂本集作屋。莫守。古人安此羸醜。獨以道德爲友。故能延期不朽。

名行顯患滋。位高勢重禍基。美色伐性不疑。厚味腊毒難治。如何貪人不思。

東方朔至清。外似詩紀作以。貪污內貞。穢身滑稽隱名。不爲世累所撓。所欲不足無營。

楚子文善仕。本集作士。三爲令尹不喜。柳下降身蒙耻。不以爵祿爲已。靖恭古惟二子。

老萊妻賢明。詩紀作名。不願夫子相荆。相將本集作將身。避祿隱耕。樂道閒居採萍。詩紀作萍。終厲高節不傾。

嗟古賢原憲。棄背膏粱朱顏。樂此屢空飢寒。形陋體逸心寬。得志一世無患。○本集一。詩紀十八。

思親詩

奈何愁兮愁無聊。恆惻惻廣文選作側側。兮心若抽。愁奈何兮悲思多。情鬱結兮不可化。奄失本集作無。恃兮

孤茕茕。內自悼兮啼。本集作歎。失聲。思報德兮邈已絕。感鞠育兮情剝裂。嗟母兄兮永潛藏。想形容兮內摧傷。感陽春兮思慈親。欲一見兮路無因。望南山兮發哀歎。感机杖兮涕汎瀾。念疇昔兮母兄在。心逸豫兮壽四海。忽已逝兮不可追。心窮約兮但有悲。上空堂兮廓無依。覩遺物兮心崩摧。中夜悲兮當告誰。本集作誰告。獨收本集作技。淚兮抱哀戚。日遠邁兮思予心。本集作親日遠兮思日深。戀所生兮淚流襟。廣文選作不禁。詩紀同。慈母沒本集作歿。兮誰與本集作予。廣文選同。驕。顧自憐兮心切切。訴蒼天兮天本集作遠。不聞。淚如雨兮歎成。廣文選作青。詩紀同。雲。欲棄憂兮尋復來。痛殷殷兮不可裁。○本集一。廣文選十五。

琴歌

見琴賦。

凌扶搖兮憩瀛洲。要列子兮爲好仇。餐沆瀣兮帶朝霞。眇翩翩兮薄天遊。齊萬物兮超自得。委性命兮任去留。○文選十八。舊抄本集二。

詩

本集此殘篇誤續人微風輕扇篇歎過後。詩紀此殘篇誤續人嵇喜答嵇康第四首春字下。周樹人以爲此是康詩。上闕。鳥羣嬉。感寤長懷。能不永思。永思伊何。思齊大儀。凌雲輕邁。託身靈螭。遙集玄詩紀作芝。圃。釋轡華池。華木夜光。沙棠離離。俯漱神泉。仰噉瓊詩紀作璠。枝。棲詩紀作結。心浩詩紀作皓。素。終始不虧。○本集一。

遊仙詩

翩翩鳳翮。廣記作轄。逢此網羅。○劉賓客嘉話錄作嵇康詩。太平廣記四百引續齊諧記。

魏詩卷十

阮籍

籍。字嗣宗。陳留尉氏人。司空記室瑀之子。歷太尉司馬懿從事中郎、散騎常侍等。正元初。封關內侯。尋遷步兵校尉。景元四年卒。有集十三卷。

詠懷詩十三首

黃節曰。阮步兵詠懷詩五言八十二首。余已爲之注。其四言詠懷詩十三首。據近人丁福保所編全三國詩云。按讀書敏求記謂阮嗣宗詠懷詩行世本。惟五言詩八十首。朱子儋取家藏舊本刊於存餘堂。多四言詠懷十三首云云。余歷訪海上藏書家。都無朱子儋本。今所存四言詩僅三首耳。據丁氏之言。則僅存天地、月明、清風三首。余亦未見朱子儋本。惟舊藏潘璫本。乃明崇禎間翻嘉靖刻者。有嘉靖癸卯陳德文序。有崇禎丁丑潘璫序。分上下兩卷。四言詩十三首。其一至三與丁氏刻同。其四至十三。則丁氏所未見者。意與朱子儋本必無大異。或且潘本在朱本之前也。因並取而注釋之。注有見於五言詩內者不重出。逮案。潘本、朱本阮集今皆不易見。即用黃氏所校潘本比勘之。

天地網緼。類聚作烟燼。元精代序。清陽曜靈。和風類聚作氣。容與。明日映天。甘露被宇。蒼鬱高松。猗那長

楚。草蟲哀鳴。鷓鴣振羽。感時興思。企首延佇。於赫帝朝。伊衡作輔。才非允文。器非經武。適彼沅湘。託分類聚作介。漁父。優哉游哉。爰居爰處。○本集下。詩紀十九。又類聚二十六引序、與、輔、武、父、處六韻。

月明星稀。天高氣類聚作地。寒。桂旗翠旌。珮玉鳴鸞。濯纓醴泉。被服蕙蘭。思從二女。適彼湘沅。靈幽聽微。詩紀云。一作遠。誰觀玉顏。灼灼春華。綠葉含丹。日月逝矣。惜爾華繁。○本集下。詩紀十九。又藝文類聚二十六引寒一韻。

清風肅肅。脩夜漫漫。嘯歌傷懷。獨寐寤言。臨觴拊膺。對食忘餐。世無萱草。令我哀歎。鳴鳥求友。谷風刺愆。重華登庸。帝命凱元。鮑子傾蓋。仲父佐桓。回濱嗟虞。敢不希顏。志存明規。匪慕彈冠。我心伊何。其芳若蘭。○本集上。詩紀十九。又類聚二十六引言、餐、歎三韻。

陽精炎赫。卉木蕭森。谷風扇暑。密雲重陰。激電震光。迅雷遺音。零雨降集。飄溢北林。汎汎輕舟。載浮載沉。感往悼來。懷古傷今。生年有命。時過慮深。何用寫思。嘯歌長吟。誰能秉志。如玉如金。處哀不傷。在樂不淫。恭承明訓。以慰我心。○本集上。

立象昭回。陰陽攸經。秋風夙厲。白露宵零。脩林彫殞。茂草收榮。良時忽邁。朝日西傾。有始有終。誰能久盈。太微開塗。三辰垂精。峨峨羣龍。躍奮紫庭。鱗分委瘁。時高路清。爰潛爰默。韜影隱形。願保今日。永符脩齡。○同上

璣衡運速。四節佚宣。冬日悽悽。玄雲蔽天。素冰彌澤。白雪依山。□□逝往。譬彼流川。人誰不設。案當作沒。貴使名全。大道夷敞。蹊徑爭先。玄黃塵垢。紅紫光鮮。嗟我孔父。聖懿原注一作意。通玄。非義之榮。忽

若塵煙。雖無靈德。願潛于淵。○同上

朝雲四集。日夕布散。素景垂光。明星有爛。肅肅翔鸞。雍雍鳴雁。今我不樂。歲月其晏。姜叟毗周。子房翼漢。應期佐命。庸勳靜亂。身用功顯。德以名讚。世無曩事。器非時幹。委命有□。承天無怨。原注。一作委命承天。無尤無怨。嗟爾君子。胡爲永歎。○同上

日月隆光。克鑒天聰。三后臨朝。原注。一作軒。二八登庸。升我俊髦。黜彼頑凶。太上立德。其次立功。仁風廣被。玄化潛通。幸遭盛明。覩此時雍。棲遲衡門。唯志所從。出處殊塗。俯仰異容。瞻歎古烈。思邁高蹤。嘉此箕山。忽彼虞龍。○同上

登高望遠。周覽八隅。山川悠邈。長路乖殊。感彼墨子。懷此楊朱。抱影鵠立。企首踟躕。仰瞻翔鳥。俯視游魚。丹林雲霏。綠葉風舒。造化綢緼。萬物紛敷。大則不足。約則有餘。何用養志。守以沖虛。猶願異世。萬載同符。○同上

微微我徒。秩秩大猷。研精典素。思心淹留。迺命僕夫。興言出游。浩浩洪川。汎汎楊舟。仰瞻景曜。俯視波流。日月東遷。景曜西幽。寒往暑來。四節代周。繁華茂春。密葉殞秋。盛年衰邁。忽焉若浮。逍遙逸豫。與世無尤。○同上

我徂北林。遊彼河濱。仰攀瑤幹。俯視素綸。隱鳳棲翼。潛龍躍鱗。幽光韜影。體化應神。君子邁德。處約思純。貨殖招譏。簞瓢稱仁。夷叔採薇。清高遠震。齊景千駟。爲此埃塵。嗟爾後進。茂茲人倫。華門圭竇。謂之道真。○同上

華容豔色。曠世特彰。妖冶殊麗。婉若清揚。鬢髮娥眉。綿邈流光。藻采綺靡。從風遺芳。迴首悟精。魂射飛揚。君子克己。心繫冰霜。泯泯亂昏。在昔二王。瑤臺璇室。長夜金梁。殷氏放夏。周翦紂商。於戲後昆。可爲悲傷。○同上

晨風掃塵。朝雨灑路。飛駟龍騰。哀鳴外顧。攬轡按策。進退有原注。一作止應。度。樂往哀來。悵然心悟。念彼恭人。眷眷懷顧。日月運往。歲聿云暮。嗟余幼人。既頑且固。豈不志遠。才難企慕。命非金石。身輕朝露。焉知御覽作得。松喬。頤神太素。逍遙區外。登我年祚。○本集上。又御覽一作阮籍詩。引素、祚二韻。

詠懷詩八十二首

詩紀云。阮嗣宗集傳之既久。頗存僞闕。世之較錄者往往肆爲補綴。作者之旨。淆亂甚焉。今以諸本參校。其義稍優者爲正文。互異者分註於下。其舊有闕文疑字而今本竄益者。廓其傍。俟再考正。

夜中秘府論作中夜。不能寐。初學記或作寢。起坐彈鳴琴。薄帷鑒李善本文選作鑑。同。明月。清風吹我襟。文選作衿。類聚、初學記、御覽、文章正宗同。孤鴻號外野。翔李善本文選作朔。六臣本注云。善作朔字。文章正宗作朔。鳥鳴類聚作歸。北林。徘徊將何見。憂思獨傷心。○本集下。文選二十三。類聚二十六。文章正宗二十九。詩紀十九。又文鏡秘府論南卷引琴、襟、林三韻。初學記一引琴、衿二韻。御覽七百引衿一韻。

二妃遊江濱。逍遙六臣本文選誤作道。順玉臺作從。類聚同。風翔。交甫懷玉臺作解。佩環。文選作環佩。玉臺、類聚同。初學記作玉佩。御覽同。婉孌類聚作媿。有芬芳。猗類聚作綺。初學記作倚。靡情歡愛。千載類聚作歲。不相忘。傾城迷下蔡。

容好類聚作華。結中初學記作衷。腸。感激生憂思。萱李善本文選作設。玉臺作護。文章正宗同。草樹蘭房。膏玉臺作蘭。沐
爲誰施。其雨怨朝陽。如何金石玉臺誤作磐。交。一旦更離傷。○本集下。文選二十三。玉臺新詠二。文章正宗二十九。詩
紀十九。又類聚十八作魏阮籍詩。引翔、芳、忘、腸、房五韻。初學記十九作阮籍詩。引翔、芳、腸三韻及翔、芳、忘、腸、房五韻。御覽三百
八十一引翔、芳二韻。

嘉樹事類賦作木。下成蹊。東園桃與李。秋風吹飛蕋。零落從此始。繁華有憔悴。堂上生荆杞。驅馬舍之去。
去上西山趾。一身不自保。何況戀妻子。凝霜被野草。歲暮亦云已。○本集下。文選二十三。文章正宗二十九。詩紀十
九。藝文類聚二十六。又事類賦瓜賦注引李一韻。

天馬出西北。由來從東道。春秋非有託。六臣本文選注云。五臣作訖。富貴焉常保。清露被皋蘭。初學記作蘭皋。凝
霜霑野草。朝爲媚本集作美。詩紀云。五臣作美。六臣本文選注云。五臣作美。草堂詩箋作美。少年。夕暮成草堂詩箋作爲。醜
老。自非王子晉。誰能常美好。○本集下。文選二十三。文章正宗二十九。藝文類聚二十六。詩紀十九。又初學記二引草、老二
韻。草堂詩箋十四遣興詩注引老一韻。

平生少年時。輕薄好絃歌。西遊咸陽中。趙李相經過。娛樂未終極。白日忽蹉跎。文選作馳。驅馬復來歸。反
顧望三河。黃金百鎰李善本文選作溢。六臣本文選注云。善作溢字。案溢通鎰。盡。資用常苦類聚作若。多。北臨太行道。
失路將如何。○本集下。文選二十三。類聚二十六。詩紀十九。

昔聞東陵瓜。近在青門外。連畛李善本文選作軫。文章正宗同。距水經注作拒。御覽作短。阡陌。子母御覽作母子。相鈎李
善本文選作拘。類聚、御覽同。水經注作鈎。初學記同。帶。白帖誤作帶。五色曜朝日。嘉賓四面會。膏火自煎熬。多財爲
患害。布衣可終身。寵祿豈足賴。○本集下。文選二十三。文章正宗二十九。詩紀十九。又水經注十九引外、帶二韻。類聚八十

七作晉阮籍詩。引外、帶、會三韻。初學記二十八作阮籍詩。引外、帶二韻。白帖三十作阮籍瓜詩。引帶一韻。御覽九百七十八作阮籍詩。引外、帶二韻。

炎暑惟茲夏。三旬將欲移。芳樹垂綠葉。青文選作清。雲自透迤。四時更代謝。日月遞參差。文選作差馳。本集同。又注。一作參差。徘徊空堂上。切怛莫我知。願覩卒歡好。不見悲別離。○本集下。文選二十三。詩紀十九。

灼灼西墮。六臣本文選作頽。注云。善作墮。日。餘光照我衣。迴風吹四壁。寒鳥相因依。周周尚銜羽。蛩蛩亦念飢。如何當路子。磬折忘所歸。豈爲夸譽。六臣本文選注云。五臣作與字。名。憔悴使心悲。本集云。一作非。寧與燕雀翔。古今註作辯。不隨黃鵠飛。黃鵠遊四海。中路將安歸。○本集下。文選二十三。文章正宗二十九。詩紀十九。又羣書校補古今註五引飛、歸二韻。

步水經注作朝。出上東門。北水經注作遙。白帖同。望首陽岑。下有采薇士。上有嘉樹林。良辰在何許。凝霜初學記作雪。霑衣襟。寒風振山岡。玄雲起重陰。鳴鴈飛南征。鷓鴣發哀音。素質游本集云。一作蘇。六臣本文選作由。商聲。悽愴傷我心。○本集下。文選二十三。類聚二十六。文章正宗二十九。詩紀十九。又水經注十六引岑一韻。初學記三引衿、陰二韻。白帖三作魏阮籍詩。引岑、林二韻。

北里多奇舞。文選注作舞。濮上有微音。輕薄閒游。六臣本文選注云。五臣作游閒。子。俯仰乍浮沉。捷徑從狹路。僂俛趨。文選作趣。荒淫。焉見王子喬。乘雲翔鄧林。獨有延年術。可以類聚作用。六臣文選注云。五臣作用。詩紀云。五臣作用。慰我本集作吾。心。○本集下。文選二十三。詩紀十九。又類聚二十六引音、沉、林、心四韻。文選五十四辯命論注引一句。

湛湛長江水。上有楓樹林。阜蘭被徑路。青驪逝駸駸。遠望令人悲。春氣本集作風。感我心。三楚多秀士。朝

雲進荒淫。朱華振芬芳。高蔡相迫尋。一爲黃雀哀。淚文選作涕。下誰能禁。○本集下。文選二十三。詩紀十九。

昔日繁華子。安陵與龍陽。天天桃李花。類聚作華。灼灼有輝光。悅懌類聚作澤。若九春。磬類聚作磬。折似秋

霜。流盼玉臺作眄。類聚同。發姿媚。玉臺作媚姿。言笑吐芬芳。攜手等歡愛。宿昔同衣玉臺作衾。類聚同。裳。願爲雙

飛鳥。比翼共翱翔。丹青著明誓。永世六臣本文選注云。五臣作千載字。不相忘。○本集下。文選二十三。玉臺新詠二。詩紀

十九。又類聚三十三作魏阮籍詩。引陽、光、霜、芳、裳五韻。

登高臨四野。北望青山阿。松柏翳岡岑。飛鳥鳴相過。感慨懷辛酸。怨毒常苦多。李公悲東門。蘇子狹三

河。求仁自得仁。豈復歎咨嗟。○本集下。文選二十三。詩紀十九。

開秋兆御覽作肇。涼氣。蟋蟀鳴牀帷。感物懷殷憂。悄悄御覽作悄然。令心悲。多言焉所告。繁辭將訴誰。微

風吹羅袂。明月耀清暉。晨雞鳴高樹。命駕起旋歸。○本集下。文選二十三。詩紀十九。又御覽九百四十九作阮籍詩。引

帷、悲二韻。

昔年十四五。志尚好詩書。文選作書詩。類聚同。被褐懷珠玉。顏閔相與期。開軒六臣本文選注云。五臣作都字。臨四

野。登高望六臣本文選作有。注云。善作望。所思。丘墓蔽山岡。萬代類聚作世。本集云。一作世。同一時。千秋萬類聚作

百。六臣本文選注云。五臣作百字。歲後。榮名安所之。乃悟詩紀云。文選作悞。案李善本文選作悞。六臣本文選注云。善作悞字。

羨門子。噉噉令本集。文選並作今。自嗤。李善本文選作蚩。六臣本文選注云。善作蚩字。○本集下。文選二十三。詩紀十九。又類

聚二十六引詩。期、思、時、之五韻。

徘徊蓬池上。還顧望寰宇記作回首。大梁。綠類聚作淥。水揚洪波。曠野莽類聚作濟。茫茫。走獸交橫馳。飛鳥相

六臣本文選注云。五臣作自字。隨翔。是時鶉火中。日月正相望。朔風厲嚴寒。陰氣下微霜。羈六臣本文選作羈。旅無儔文選作疇。匹。俛仰懷哀傷。小人計其功。君子道其常。豈惜終憔悴。詠言著斯章。○本集下。文選二十三。詩紀十九。又類聚二十六引梁、茫二韻。太平寰宇記一引梁一韻。

獨坐空堂上。誰可與歡本集作親。者。出六臣本文選注云。五臣作山字。門臨永路。不見行車馬。登高望九州。悠悠分曠野。孤鳥西北飛。離獸東南下。日暮思親友。晤言用自寫。○本集下。文選二十三。詩紀十九。

懸車在西南。羲和將欲傾。流光耀四海。忽忽至夕冥。朝爲咸池暉。濛汜受其榮。豈知詩紀云集作放。窮達士。一死不再生。視彼桃李花。誰能久熒熒。君子在何許。歎息本集云。一作昵世。詩紀云。集作曠世。未合并。瞻仰景山松。可以慰吾情。○本集下。風雅翼選詩三。廣文選九。詩紀十九。

西方有佳人。皎若白御覽或作皎皎如。日御覽或作素。光。被服織羅衣。左右珮雙璜。類聚作佩雙璫。御覽或同。或作佩雙璜。修容耀姿美。順風振微芳。登高眺所思。舉袂當本集云。一作向。詩紀云。集作向。朝陽。寄顏雲霄閒。揮袖凌虛翔。飄飄恍惚中。流眄本集作盼。廣文選作盼。顧我傍。悅懌未交接。晤言用感傷。○本集下。風雅翼選詩三。廣文選九。詩紀十九。又類聚十八作阮籍詩。引光、璫二韻。御覽三百八十一作阮籍詩。引光、璫二韻。又八百十六作阮籍詩。引光、璫二韻。

楊朱泣歧路。墨子悲染絲。揖讓長離別。飄飄難與期。豈徒燕婉情。存亡誠有之。蕭索人所悲。禍釁不可辭。趙女媚中山。謙柔愈見欺。嗟嗟塗上士。何用自保持。○本集下。風雅翼選詩補遺下。詩紀十九。於心懷寸陰。羲陽將欲冥。揮袂撫長劍。仰觀浮雲征。本集云。一作行。雲間有玄鶴。抗志揚哀聲。一飛沖青

天。曠世不再鳴。豈與鶉鷄遊。連翩戲中庭。京師曹氏家藏阮步兵詩一卷。唐人所書。與世所傳多異。其一篇云。放心懷寸陰。羲和將欲冥。揮袂撫長劍。仰觀浮雲行。雲間有立鶴。抗首揚哀聲。一飛冲青天。彊世不再鳴。安與鶉鷄徒。翩翩戲中庭。孔宗翰亦有本。與此多同。○以上詩紀原注。○本集下。風雅翼選詩補遺下。詩紀十九。

夏后乘靈輿。夸父爲鄧林。存亡從變化。日月有浮沈。鳳皇鳴參差。伶倫發其音。王子好簫管。世世相追尋。誰言不可見。文選注作雖云不可知。青鳥明我心。○本集下。風雅翼選詩補遺下。詩紀十九。又文選三十一雜體詩注引心一韵。東南有射山。汾水出其陽。六龍服氣輿。雲蓋切本集作覆。廣文選同。詩紀云。一作覆。天網。仙者四五廣文選作五六。人。逍遙晏本集作宴。注云。一作晏。蘭房。寢息一純和。呼噏成露霜。沐浴丹淵中。炤耀日月光。豈安通本集云。一作邇。詩紀云。集作邇。靈臺。游瀆去高翔。○本集下。廣文選九。詩紀十九。

殷憂廣文選誤作勤。令志結。怵惕常若驚。逍遙未終晏。朱華忽西傾。蟋蟀在戶牖。蟋蟀號中庭。心腸未相好。誰云亮我情。願爲雲間鳥。千里一哀鳴。三芝延瀛洲。遠遊可長生。○本集下。廣文選九。詩紀十九。

拔劍臨白刃。安能相中傷。但畏工言子。稱我三江旁。飛泉流玉山。懸車棲扶桑。日月徑千里。素風發微霜。勢本集云。一作勢。廣文選作世。詩紀云。外編作世。路有窮達。咨嗟安可長。○本集下。廣文選九。詩紀十九。

朝登洪坡本集云。一作波。廣文選作波。顛。寰宇記作臺。日夕望西山。荆棘被原野。羣鳥飛翩翩。鸞鷲時本集作特。詩紀云。集作特。棲宿。性命有自然。建本集云。一作庭。廣文選作庭。木誰能近。射干廣文選作秋月。復嬋娟。不見林中葛。延蔓相勾連。○本集下。廣文選九。詩紀十九。又太平寰宇記五十六作阮籍詩。引山一韵。

周鄭天下交。類聚作郊。街術類聚作術衢。當三河。妖冶初學記作妖俊。閒都子。煥耀類聚作英曜。初學記同。何芬本集云。

一作紛。葩。玄髮御覽作鬢。發本集作照。注云。一作發。詩紀云。一作照。朱顏。睇眄御覽作盼。有光華。傾城思一顧。遺視來相誇。類聚、初學記作過。是。本集云。一作過。願爲三春遊。朝陽忽蹉跎。盛衰在須臾。離別將如何。○本集下。詩紀十九。

又類聚十八作阮籍詩。引河、葩、華、過、跪五韻。初學記十九作阮籍詩。引葩、華、過、跪四韻。御覽三百八十一作阮籍詩。引葩、華二韻。

若花本集、廣文選作木。詩紀云。一作木。耀四本集作西。注云。一作四。詩紀云。一作西。海。扶桑翳瀛洲。文選注作州。日月經

天塗。明暗不相讐。本集作倅。注云。一作讐。一作投。詩紀云。集作倅。廣文選作投。窮達自有常。得失又何求。豈效路

上童。攜手共遨遊。陰陽有變化。誰云沈不浮。朱鯨躍飛泉。夜飛過吳洲。俛仰運天地。再撫四海流。繫累

名利場。駑駿同一軌。豈若遺耳目。升遐去殷憂。○本集下。廣文選九。詩紀十九。又文選二十七北使洛詩注引州一韻。

昔余遊大梁。登于黃華顛。共工宅玄冥。高臺造青天。幽荒邈悠悠。悽愴懷所憐。所憐者誰子。明察自照

妍。本集作應自然。注云。一作自照妍。詩紀云。一作應自然。應龍沈冀州。妖女不得眠。肆侈詩紀云。一作倅。陵世俗。豈

云永厥年。○本集下。詩紀十九。

驅車出門去。意欲遠征行。征行安所如。背棄夸與名。夸名不在己。但願適中情。單帷蔽皎日。高樹隔微

聲。讒邪使交疏。本集云。一作流。浮雲令晝冥。嫵婉同衣裳。一顧傾人城。從容在一時。繁華不再榮。晨朝奄

復暮。不見所歡形。黃鳥東南飛。寄言謝友生。○本集下。廣文選九。詩紀十九。

駕言發魏都。南向望吹臺。簫管有遺音。梁王安在哉。戰士食糟糠。賢者處蒿萊。歌舞曲未終。秦兵已復

類聚作復已。來。夾林廣文選作林夾。非吾有。朱宮生塵埃。軍敗華陽下。身竟爲土灰。○本集下。廣文選九。詩紀十九。

又類聚二十六引臺、哉、萊、來四韻。

朝陽不再盛。白日忽西幽。去此若俯仰。如何似九秋。人生廣文選作人言。若塵露。廣文選作路。天道邈本集作竟。注云。一作邈。廣文選作日。悠悠。齊景升丘山。涕泗紛交流。孔聖廣文選作孟。臨長川。惜逝忽若浮。去者余不及。來者吾不留。願登太華山。上與松子遊。漁父知世患。乘流泛輕舟。○本集下。廣文選九。詩紀十九。

一日復一夕。一夕昌黎集注作朝。復一朝。顏色改平常。精神自損本集云。一作捐。消。胸中懷湯火。變化故相招。萬事無窮極。廣文選作理。詩紀云。一作理。知謀苦不饒。但恐須臾間。魂氣隨風飄。終身履薄冰。誰知我心焦。○本集下。廣文選九。又朱校昌黎集七詩注。詩紀十九。

一日復一朝。類聚作日。一昏類聚作夕。復一晨。容杜詩注作客。色改平常。精神類聚作魂。杜詩注昌黎集注同。自飄淪。臨觴多哀楚。思我故時類聚作情。人。對酒不能言。悽愴懷酸辛。願耕東臯陽。誰與守其真。愁苦在一時。高行傷微身。曲直何所爲。龍蛇爲我鄰。廣文選誤作憐。○本集下。廣文選九。詩紀十九。又類聚二十六引晨、淪、人、辛四韻。

朱校昌黎集卷七詩注引晨、淪二韻。黃氏集千家註杜工部詩史補遺六詩注引淪一韻。

世務何繽紛。人道苦不遑。壯年以時逝。朝露待太陽。願攬羲和轡。白日不移光。天階路殊絕。雲漢邈無梁。濯髮暘谷濱。遠遊崑岳傍。登彼列仙岵。採此秋蘭芳。時路烏足爭。太極可翱翔。○本集下。廣文選九。詩紀十九。

誰言萬事難。逍遙可終生。臨堂翳華樹。悠悠念無形。彷徨思親友。倏忽復至冥。寄言東飛鳥。可用慰我情。○本集下。詩紀十九。又文選三十一雜體詩注引逍遙可終生一句。

嘉時在今辰。零雨灑塵埃。臨路望所思。日夕復不來。人情有感慨。蕩漾焉能排。文選注作焉可能。是。應據正。

揮涕懷哀傷。辛酸誰語本集云。一作與。哉。○本集下。文選三十一雜體詩注兩引蕩漾焉可能一句。

炎光延萬里。洪川蕩湍瀨。彎弓掛扶桑。長劍倚天外。泰山成砥礪。黃河爲裳帶。視彼莊周子。榮枯何足賴。捐身棄中野。烏鳶作患害。豈若雄傑士。功名從此大。○本集下。廣文選九。詩紀十九。

壯士何慷慨。志欲威八荒。驅車遠行役。受命念自忘。良弓挾烏號。明甲有精光。臨難不顧生。身死魂飛揚。豈爲全軀士。效命爭戰場。忠爲百世榮。義使令名彰。垂聲謝後世。氣節故有常。○同上

混元生兩儀。四象運衡璣。暎日布炎精。素月垂景輝。晷度有昭回。哀哉人命微。飄若風塵逝。忽若慶雲晞。脩齡適余願。光寵非己威。安期步天路。松子與世違。焉得凌霄翼。飄飄登雲湄。本集作巍。注云。一作湄。

廣文選作巍。嗟哉尼父志。何爲居九夷。○同上

天網彌四野。六翮掩不舒。隨波紛綸客。本集云。一作落。詩紀云。集作落。汎汎若浮鳧。本集作鳧鷖。廣文選同。詩紀

云。一作鳧鷖。生命無期度。朝夕有不虞。列仙停脩齡。養志在沖虛。飄飄雲日間。邈與世路殊。榮名非己寶。聲色焉足娛。採藥無旋返。神仙志不符。逼此良可惑。令我久廣文選作多。躊躇。○同上

王業須良輔。建功俟英雄。元凱康哉美。多士頌聲隆。陰陽有舛錯。日月不常融。天時有否泰。人事多盈沖。園綺遯南嶽。本集作岳。伯陽隱西戎。保身念道真。寵耀焉足崇。人誰不善始。尠能尅廣文選作克。厥終。

休哉上世士。萬載垂清風。○同上

鴻鵠相隨飛。類聚或作去。飛飛類聚或作隨飛。文選注同。適本集云。一作浩渺運。廣文選作浩渺運。荒裔。雙本集云。一作揮。

廣文選作揮。翻臨文選注作浸。類聚作凌。廣文選同。長風。須臾萬里逝。朝餐琅玕實。夕宿本集云。一作栖。廣文選作栖。

丹類聚或作酉。山際。抗類聚或作託。身青雲中。網羅孰類聚或作不。能制。豈與鄉曲士。携手共言誓。詩紀注云。從藝文定正。○本集下。類聚二十六。廣文選九。詩紀十九。又藝文類聚九十作阮籍詩。引裔、逝、際、制四韻。文選十四舞鶴賦注引裔、逝二韻。

儔物終始殊。修短各異方。琅玕生高山。芝英耀朱堂。熒熒桃李花。成蹊將天傷。焉敢希千術。三春表微光。自非凌風樹。憔悴烏詩紀云。一作要。有常。○本集下。詩紀十九。

幽蘭不可佩。朱草爲誰榮。脩竹隱山陰。射干臨增城。葛藟延幽谷。懸懸瓜瓞生。樂極消靈神。哀深傷人情。竟知憂無益。豈若歸太清。○本集下。詩紀十九。又類聚二十六引榮、城二韻。

鷺類聚作鷺。鳩飛桑榆。海鳥運天池。豈不識宏大。羽翼不相宜。文選注作儀。招搖安可翔。不若棲樹枝。下集蓬艾類聚作蒿。間。上游園圃類聚作囿。籬。但爾亦自足。用子爲追隨。詩紀注云。此首藝文類聚所載與今本不同。而義意近優。觀李善文選注江文通擬詠懷詩所引與藝文同。亦一證也。今從藝文定正。○本集下。類聚二十六。詩紀十九。又文選二十五於安城答靈運詩注引儀一韻。

生命辰安在。詩紀作在安。憂戚涕沾襟。高鳥翔山岡。鷺雀棲下林。青雲蔽前庭。素琴悽我心。崇山有鳴鶴。豈可相追尋。○本集下。詩紀十九。

鳴鳩嬉庭樹。焦明遊浮雲。焉見孤翔鳥。翩翩無匹羣。死生自然理。消散何繽紛。詩紀云。漢魏詩集合前爲一首。○同上

步遊三衢旁。惆悵念所思。豈爲今朝見。恍惚誠有之。澤中生喬松。萬世未詩紀云。一作安。可期。高鳥摩天

飛。凌雲共遊嬉。豈有孤行士。垂涕悲故時。○同上

清露爲凝霜。華草成蒿萊。詩紀誤作萊。誰云君子賢。明達詩紀云。集作自。安可能。乘雲招松喬。呼噏永矣哉。

○同上○逮案。魏書李彪傳引阮詠懷詩曰。宴衍清都中。一去永矣哉。當是此篇逸文。

丹心失恩澤。重德喪所宜。善言焉可長。慈惠未易施。不見南飛鷺。羽翼正差池。高子怨新詩。三閭悼乖離。何爲混沌氏。倏忽體貌墮。○同上

十日出陽谷。弭節馳萬里。經天耀四海。倏忽潛濛汜。誰言焱炎久。遊没何本集云。一作河。行俟。逝詩紀缺此字。者豈長生。亦去荆與杞。千歲猶崇朝。一餐聊自己。本集云。一作百金子。詩紀缺以上三字。是非得失間。焉足相譏理。計利知術窮。哀情遽詩紀字缺。能止。○同上

自然有成理。生死道無常。智巧萬端出。大要不易方。如何夸昆子。作色懷驕腸。乘軒驅良馬。憑几向膏梁。被服織羅衣。深樹設閑房。不見日夕華。翩翩飛路旁。○同上

夸談快憤懣。情本集作憤。注云。一作情。詩紀云。一作情。慵發煩心。西北登不周。東南望鄧林。曠野彌九州。崇山抗高岑。一餐度萬世。千歲再浮沈。誰云玉石同。淚下不可禁。○同上

人言願延年。延年欲焉之。黃鵠呼子安。千秋未可期。獨坐山崑中。惻愴懷所思。王子一何好。猗靡相攜持。悅懌猶今辰。計校在一時。置此明朝事。日夕將見期。詩紀云。今本作潛見安能處。山巖在一時。置此明朝事。日夕將見欺。○同上

貴賤在天命。窮達自有時。婉孌佞邪子。隨利來相欺。孤思損惠施。但爲讒夫蚩。本集作嗤。注云。一作蚩。鶴鶴

鳴雲中。載飛靡所期。焉知傾側士。一旦不可持。○同上

驚風振四野。迴雲蔭堂隅。初學記作除。牀帷爲誰設。几杖爲誰扶。雖非明君子。豈聞桑與榆。世有此聾聵。

詩紀缺以上三字。芒芒將焉如。翩翩從風飛。悠悠去故居。離麾玉山下。遺棄毀與譽。○本集下。詩紀十九。又初學記五作阮籍詩。引除一韻。

危冠切浮雲。長劍出天外。細故何足慮。高度跨一世。非子爲我御。逍遙遊荒裔。顧謝西王母。吾將從此逝。豈與蓬戶士。彈琴誦言誓。○本集下。詩紀十九。

河上有丈人。緯蕭棄明珠。甘彼藜藿食。樂是蓬蒿廬。豈效繽紛子。良馬騁輕輿。朝生衢路旁。夕瘞橫術類聚作街。隅。歡笑不終宴。詩紀作晏。俛仰復欷歔。鑒茲二三者。憤懣從此舒。○本集下。類聚二十六。詩紀十九。

儒者通六藝。詩紀云。一作義。立志不可干。違禮不爲動。非法不肯言。渴飲清泉流。饑食并詩紀云。一作甘。一箪。歲時無以祀。衣服常苦寒。屣履詠南風。緼袍笑華軒。信道守詩書。義不受一餐。烈烈褒貶辭。老氏用長歎。○本集下。詩紀十九。

少年學擊刺。詩紀云。集作劍。妙伎過曲城。英風截雲霓。超世發奇聲。揮劍臨沙漠。飲馬九野坳。旗幟何翩翩。但聞金鼓鳴。軍旅令人悲。烈烈有哀情。念我平常時。悔恨從此生。○同上

平晝整衣冠。思見客與賓。賓客者誰子。倏忽若飛塵。裳衣佩雲氣。言語究靈神。須臾相背棄。何時見斯人。○同上

多慮令志散。寂寞使心憂。翺翔觀陂本集作彼。注云。一作陂。詩紀云。一作彼。澤。撫劍登輕舟。但願長魏書作常。閒

暇。後歲復來遊。○本集下。詩紀十九。又三國志六十二李彪傳引遊一韵。

朝出上東門。遙望首陽基。水經注作岑。松柏鬱森沈。鷗黃相與嬉。逍遙水經注作遙遙。九曲間。徘徊欲何之。念我平居時。鬱然思妖姬。○本集下。詩紀十九。又水經注穀水注引岑之二韵。

王子十五年。遊衍伊洛濱。朱顏茂春華。辯慧懷清真。焉見浮丘公。舉手謝時人。輕蕩易恍惚。飄飄棄其身。飛飛鳴且翔。揮翼且酸辛。○本集下。詩紀十九。

塞本集作寒。注云。一作塞。詩紀云。一作寒。門不可出。海水焉可浮。朱明不相見。奄昧獨無侯。持瓜思東陵。黃雀誠獨羞。失勢在須臾。帶劍上吾丘。悼彼桑林子。涕下自交流。假乘汧渭間。鞍馬去行遊。○同上

洪生資制度。被服正有常。尊卑設次序。事物齊紀綱。容飾整顏色。磬折執圭璋。堂上置玄酒。室中盛稻粱。外厲貞素談。戶內滅芬芳。放口從衷出。復說道義方。委曲周旋儀。姿態愁我腸。○同上

北臨乾昧谿。西行遊少任。遙顧望天津。駘蕩樂我心。綺靡存亡門。本集作問。一遊不再尋。儻遇晨風鳥。飛駕出南詩紀云。一作東。林。潏潏瑤光中。忽忽肆荒淫。休息晏清都。超世又以上三字詩紀缺。誰禁。詩紀云。一作起坐復誰禁。○同上

人知結交易。交友誠獨難。險路多疑惑。明珠未可干。彼求饗太牢。我欲并一餐。損益生怨毒。咄咄復何言。○同上

有悲則有情。無悲亦無思。本集云。一作無情亦無悲。詩紀云。集作無情亦無悲。苟非嬰網罟。何必萬里畿。翔風拂重霄。慶雲招所晞。灰心寄枯宅。曷顧人間姿。始本集云。一作曲。詩紀缺此字。注云。集作曲。得忘我難。焉知嘿自遺。

○同上

木槿榮。詩紀作焚。丘墓。煌煌有光色。白日頽林中。翩翩零路側。蟋蟀吟戶牖。螭蛄鳴荆棘。蜉蝣玩類聚作願。三朝。采采脩類聚作循。羽翼。衣裳爲誰施。俛仰自收拭。生命幾何時。慷慨各努力。○本集下。詩紀十九。又類聚二十六引色、側、棘、翼四韻。

脩塗馳軒車。長川載輕舟。性命豈自然。勢路有所由。本集作繇。高名令志惑。重利使心憂。親昵懷反側。骨肉還相讐。更希毀珠玉。可用登遨遊。○本集下。詩紀十九。

橫術有奇士。黃駿服其箱。朝起瀛洲野。日夕宿明光。再撫四海外。羽翼自飛揚。去置世上事。豈足愁我腸。一去長離絕。千歲復相望。○同上○逮案。書鈔百五十七引光一韻。有注云。明光。丹丘也。日定所舍也云云。似是阮集舊注。

猗歟上世士。恬淡志安貧。季葉道陵遲。馳驚紛垢塵。甯子豈不類。楊歌誰肯殉。詩紀云。一作詢。栖栖非我偶。徨徨非己倫。咄嗟榮辱事。去來味本集云。一作未。道真。道真信可娛。清潔存精神。巢由抗高節。從此適河濱。同上

梁東有芳草。一朝再三榮。色容豔姿美。光華耀傾城。豈爲明哲士。妖蠱諂媚生。輕薄在一時。安知百世名。路端便娟子。但文選注作常。恐日月傾。焉見冥靈木。悠悠竟無形。○本集下。詩紀十九。又文選二十八會吟行注引傾一韻。

秋本集云。一作稅。駕詩紀云。作稅駕者。誤。安可學。東野窮路旁。綸深魚淵潛。矰設鳥高翔。汎汎乘輕舟。演漾靡

所望。吹噓誰以益。江湖相捐忘。都治難爲顏。脩容是我常。茲年在松喬。恍惚誠未央。詩紀云。莊子逸篇。尹儒學御三年。而無所得。夜夢受秋駕。明日往朝師。師曰。今將教子以秋駕。注曰。秋駕。法駕也。○本集下。詩紀十九。

咄嗟行至老。僂俛常苦憂。臨川羨洪波。同始異支流。百年何足言。但苦怨與讐。讐怨者誰子。耳目還相羞。聲色爲胡越。人情自逼遘。招彼玄通士。去來歸羨遊。○同上

昔有神仙士。乃處射山阿。乘雲御飛龍。噓噏噦瓊華。可聞不可見。慷慨歎咨嗟。自傷非儔類。愁苦來相加。下學而上達。忽忽將如何。○同上

林中有奇鳥。自言是鳳凰。清朝飲醴泉。日夕棲山岡。高鳴徹九州。延頸望八荒。適逢商風起。羽翼自摧藏。一去崑崙西。何時復迴翔。但恨處非位。愴恨本集作恨。注云。一作恨。使心傷。○同上

出門望佳人。佳人豈在茲。三山招松喬。萬世誰與期。存亡詩紀云。一作日。有長短。慷慨將焉知。忽忽朝日墮。行行將何之。不見季本集云。一作人。秋草。摧折在今時。○同上

昔有神仙者。羨門及松喬。噏習九陽間。升遐本集云。一作選。噏雲霄。人生樂長久。百年自言遼。白日隕隅谷。一夕不再朝。豈若遺世物。登明遂飄飄。○同上

墓前本集云。一作在。熒熒者。木槿耀朱華。榮好未終朝。連颺隕其葩。豈若西本集云。一作栖。山草。琅玕與丹禾。垂影初學記作穎。臨增初學記作曾。同。城。餘光照九阿。寧微少年子。日久難咨嗟。○本集下。詩紀十九。又初學記

二十七作阮籍詩。引禾一韵。

歌二首

見大人先生傳。詩紀云。拾遺作寄懷歌。

采薪者歌

日没不周西。月出丹淵中。陽精蔽世說新語作晦。不見。陰光代本集作大。爲雄。亭亭在須臾。厭厭將復隆。本集作東。離合雲霧兮。往來如飄風。富貴俯仰間。貧賤何必終。留侯起亡虜。威武赫荒夷。邵平封東陵。一旦爲布衣。枝葉托根柢。死生同盛衰。得志從命升。失勢與時墮。寒暑代征邁。變化更相推。禍福無常主。何憂身無歸。推茲由斯理。本集字缺。詩紀同。今據崇禎本詩紀補。負薪又何哀。○阮嗣宗集上。詩紀十九。又世說新語棲逸篇注引中、雄、隆、終四韻。

大人先生歌

天地解兮六合開。星辰隕本集、御覽作貫。今日月頽。我騰而上將何懷。○阮嗣宗集上。詩紀十九。御覽五百七十一。

又大人先生歌

陽和微弱陰氣竭。海凍不流綿絮折。呼吸不通寒冽冽。○初學記三。

仙道

成公智瓊贈弦超

搜神記曰。魏濟北郡從事掾弦超。嘉平中。夜夢神女從之。自稱天上玉女。東郡人。姓成公。字智瓊。蚤失父母。天帝哀其孤苦。令得下嫁超。當其夢也。嘉其非常。覺寤欽想。若存若亡。如此三四夕。一旦顯然來遊。駕輜輶車。從

八婢。服羅綺之衣。狀若飛仙。自言年十七。遂爲夫婦。贈詩曰云云。此其詩之大較。其詩二百餘言。不能悉舉。

飄飄浮勃述。敖曹雲石滋。芝上十一字。搜神記作飄浮勃述敖曹雲石滋芝一。英不須潤。至德與時期。神仙豈虛降。

搜神記作感。應運來相之。納我榮五族。逆法苑珠林作送。我致禍災。搜神記作菑。○搜神記一。法苑珠林八。詩紀外集四。

又類聚七十九引滋、之二韻。○遠案。述成公智瓊弦義起事者。晉初尚有張敏神女賦篇。

魏詩卷十一

雜歌謠辭諺語附

鄴人金鳳舊歌

寰宇記云。按記云魏太祖都之城內諸街有赤闕南面西頭曰鳳陽門。上有鳳二枚。其一飛入漳水。其一仍以鎖絆其足。鄴人舊歌曰。

鳳陽門南天一半。上有金鳳相飛喚。欲去不去著鎖絆。○太平寰宇記五十五相州鄴縣鳳陽門。

徐幹引古人歌

中論貴驗篇云。古之人謂曰。

相彼玄鳥。止于陵阪。仁道在近。求之無遠。○中論貴驗篇。

徐州爲王祥歌詩紀作徐州歌。

晉書曰。王祥隱居廬江三十餘年。不應州郡之命。徐州刺史呂虔檄爲別駕。于時寇盜充斥。祥率勵兵士討破之。

州界清靜。政化大行。時人歌之。詩紀云。按魏志。呂虔。文帝時遷徐州刺史。請琅琊王祥爲別駕。海沂之康。實賴王祥。邦國不空。別駕白帖作王祥。之功。○晉書王祥傳。類聚十九。白帖二十一。御覽二百六十三、四百六十五。詩紀十九。

滎陽令歌

殷氏世傳曰。殷褒爲滎陽令。廣築學館。會集朋徒。民知禮讓。乃歌之。

滎陽令。有異政。修立學校。人易書鈔作復。性。令我子弟恥鬪訟。書鈔作爭訟。類聚作訟爭。古樂府同。詩紀云。樂府作訟爭。○書鈔七十八引殷氏家傳。類聚十九。古樂府一。詩紀十九。○逸案。殷褒。字元祚。魏章武太守。

襄陽民爲胡烈歌

襄陽耆舊傳曰。襄陽太守胡烈有惠化。百姓歌曰。

美哉明后。儁哲惟疑。陶廣乾坤。周孔是則。文武播暢。威振遐域。○御覽四百六十五。詩紀八。

又

譬春之陽。如冬之日。耕者讓畔。百姓豐溢。惟我胡父。恩惠難置。○太平寰宇記百四十五。○逸案。寰宇記云。襄陽城有古隄。皆後漢胡烈所築。嘗爲襄陽太守。惠化及人。塞補決隄。民因歌曰云云。似此歌應入漢詩。然查水經注二十八沔水注云。襄陽太守胡烈有惠化。補塞堤決。民賴其利。景元四年九月。百姓刊石銘之。樹碑於此。據此應入魏詩。

京兆民爲李莊歌

魏略曰。李莊爲京兆太守。有潔白之節。中政治理。民愛敬之。乃作歌曰。

我府君。惠如春。盛如唐。○書鈔七十六。

行者歌

詩紀云。選詩拾遺作魏時童謠。云見五行志。

王子年拾遺記曰。文帝所愛美人薛靈芸。常山人也。年十五。容貌絕世。咸熙中。文帝選良家子女。以入六宮。常山太守習谷以千金寶賂聘之以獻。至京師。帝以文車十乘迎之。道側燒石葉之香。未至數十里。膏燭之光。相續不滅。車徒咽路。塵起蔽于星月。又築土爲臺。基高三十丈。列燭於臺下。遠望如列星之墜地。又於大道之傍。一里一銅表。高五尺。以誌里數。故行者歌曰。○逮案。拾遺記小說家言。未可盡信。又咸熙乃陳留王年號。魏文帝不能以此時選納嬪妃。姑從詩紀。附此備考。

青槐夾道多塵埃。龍樓鳳闕望崔嵬。清風細雨雜香來。土上出金火照臺。此七字是妖辭也。銅表誌道是土上出金之義。以燭置臺下則火在土下之義。漢火德王。魏土德王。火伏而土興。土上出金。是魏滅而晉興之兆。晉以金王也。○拾遺記七。太平廣記二百七十一。詩紀十九。

太和中京師歌

宋書五行志曰。明帝太和中。京師歌兜鈴曹子。其唱曰。

其奈汝曹何。○宋書五行志。晉書五行志。

明帝時宮人謠

拾遺記曰。魏明帝時昆明國貢嗽金鳥。常吐金屑如粟。用飾釵佩。謂之辟寒金。宮人相嘲曰。不服辟寒金。那得帝王心。不服辟寒鈿。那得帝王憐。○酉陽雜俎十六。又御覽七百十八引心一韻。

明帝景初中童謠

宋書五行志曰。魏明帝景初中童謠。及宣王平遼東。歸至白屋。當還鎮長安。會帝篤疾。急召之。乃乘追鋒車東渡河。終翦魏室。如童謠之言也。

阿公阿公駕馬車。不意阿公東渡河。阿公東詩紀云。晉書作來。還當奈何。○宋書五行志。晉書五行志。樂府詩集八十八。詩紀十九。

正始中時人謠

晉書曰。正始八年。曹爽用何晏、鄧颺、丁謚之謀。遷太后於永寧宮。專擅朝政。兄弟並典禁兵。多樹親黨。屢改制度。時人爲之謠曰。

何鄧丁。亂京城。○晉書宣帝紀。

嘉平中謠

宋書五行志曰。魏齊王嘉平中謠。按朱虎者。楚王彪小字也。王淩、令狐愚聞此謠謀立彪。事發。淩等伏誅。彪賜死。

白馬素羈西南馳。其誰乘者朱虎騎。○三國志王淩傳注。宋書五行志。晉書五行志。詩紀十九。

蔣濟爲護軍時謠言

魏略曰。護軍總統諸將。任主武官選舉。前後當此官者不能止貨賂。故蔣濟爲護軍時有謠言。

欲求牙門。當得千匹。書鈔作區。百人督。書鈔作五百人。五百匹。書鈔五上有得字。○三國志夏侯玄傳注。書鈔六十四。

曹操引諺

魏武選令曰。諺曰。

失晨之雞。思補更鳴。○御覽四百九十六。

曹操引里諺

魏武令曰。里諺曰。

讓禮一寸。得禮一尺。○御覽四百二十四。

曹丕引里語

典論論文曰。夫人善於自見。而文非一體。鮮能備善。是以各以所長相輕所短。里語曰云云。斯不自見之

患也。

家有敝御覽作弊。箒。享之千金。○文選五十二。御覽五百九十九。

曹丕引里語

典論太子篇序云。里語曰。

汝無自譽。觀汝作家書。○意林五。

曹植引諺

魏志曰。植復上疏陳選舉之義曰。諺曰。

相門有相。將門有將。○三國志陳思王植傳。御覽四百九十六。

徐幹引古語

中論曰。古語曰。

至德之貴。何往不遂。至德之榮。何往不成。○中論修本篇。

陳琳引諺

魏志曰。琳前爲何進主簿。進欲誅諸宦官。太后不聽。進乃召四方猛將。並使引兵向京城。欲以劫恐太后。琳諫進

曰。易稱卽鹿無虞。諺有云云。其可以詐立乎。

掩目捕雀。○三國志王粲傳。文心雕龍書記篇。

王昶引諺

魏志曰。昶爲兄子及子作名字。皆依謙實。以見其意。遂書戒之曰。諺曰。救御覽或作止。寒莫如重裘。止謗莫如自脩。○三國志王昶傳。御覽四百九十六、六百九十四。

王昶引語

魏志曰。昶爲兄子及子作名字。皆依謙實。以見其意。遂書戒之曰。語曰。如不知足。則失所欲。○三國志王昶傳。

魚豢引諺

魚豢曰。諺言云云。非人性分也。勢使然耳。

貧不學儉。卑不學恭。○三國志陳思王肅懷王傳評注。

魏子引諺

魏子曰。諺曰。

己是而彼非。不當與非爭。彼是而已非。不當與是爭。○意林五。

沮授引語

九州春秋曰。授諫辭曰。

一兔走衢。萬人逐之。一人獲之。貪者悉止。○三國志袁紹傳注。

曹冏引語

魏氏春秋曰。宗室曹冏上書曰。語曰云云。冏冀以此論感悟曹爽。爽不能納。

百足之蟲。至死不僵。○三國志武文世王公傳評注。

杜恕引諺

體論曰。束脩之業。其上在於不言。其次莫如寡辭。諺曰。

使口如鼻。至老不失。○類聚十七。白帖九。

軍中爲典韋語

詩紀作帳下壯士。列入漢詩。

江表傳曰。典韋容貌魁傑。名冠三軍。其所持手戟。長幾一尋。軍中爲之語曰。

帳下壯士有典書鈔作典韋。君。手把魏志作提一。御覽或作持一。又御覽或作手提。雙戟八十斤。○三國志典韋傳。書鈔一百

十八。御覽三百五十二、四百三十四、四百九十六。

軍中爲夏侯淵語詩紀作夏侯歌。

魏書曰。淵爲將。赴急疾。常出敵不意。故軍中語曰。

典詩紀作興。誤。軍校尉夏侯淵。三日五百。御覽或作六百。六御覽或作五。日御覽或作十。詩紀同。一御覽無一字。千。○三國志夏侯淵傳注。御覽二百九十三、四百九十五。詩紀十九作夏侯歌。

軍中爲徐晃語

魏略曰。徐晃性嚴。驅使將士不得閑息。于時軍中爲之語云云。晃聞此語。笑曰。我槌破汝鎗鎗耶。不得餉。屬徐晃。○御覽七百五十七。

軍中爲盧洪趙達語詩紀作軍中謠。

魏略曰。太祖使盧洪、趙達撫軍。主刺舉。軍中語曰。

不畏曹公。但畏盧洪。盧洪御覽或作曹公。詩紀同。尚可。趙達殺我。○御覽二百四十一、四百九十五。詩紀十九作軍中謠。

鴻臚中爲韓暨韓宣語詩紀作鴻臚歌。

魏略曰。韓宣字景然。爲大鴻臚。始南陽曲阜韓暨以宿德在宣前爲大鴻臚。及宣在官亦稱職。故鴻臚中爲之語曰。大鴻臚。小鴻臚。前後治御覽或作履。行相易如。○三國志裴潛傳注。類聚四十九。初學記十二。御覽二百三十二、四百九十五。詩紀十九作鴻臚歌。

時人爲曹洪駿馬諺

拾遺記曰。曹洪與魏武帝所乘之馬名曰白鶴。時人諺曰。

憑空虛躍。曹家白鶴。○御覽八百九十七。

衆人爲賈洪嚴危語

詩紀作州中歌。

魏略曰。賈洪。字叔業。好學有材。特精於春秋左傳。與馮翊嚴危材學最高。衆人爲之語曰。

州中曄曄賈叔業。辨論洵洵御覽或作曾曾。嚴御覽或作敬。詩紀同。文通。○御覽二百六十五、四百九十五。詩紀十九作州中歌。

時人稱邢顒語

詩紀作邢子昂歌。

魏志曰。邢顒。字子昂。太祖辟爲冀州從事。時人稱之。

德行堂堂邢子昂。○三國志邢顒傳。詩紀十九作邢子昂歌。

京師爲鄧颺語

魏略曰。鄧颺。字玄茂。爲人好貨。前在內職。許臧艾授以顯官。艾以父妾與颺。故京師爲之語曰。

以官易富鄧玄茂。○三國志曹爽傳注。世說新語識鑒篇注。

時人爲李豐等謗語

魏略曰。曹爽專政。豐依違二公間無有適莫。故于時有謗書曰。

曹爽之勢熱如湯。太傅父子冷如漿。李豐兄弟如游光。○三國志夏侯玄傳注。書鈔五十九。又書鈔百四十四作時人語。引湯、漿二韻。

時人爲何晏鄧颺丁謚曹爽謗語

魏略曰。謚雖與何晏、鄧颺等同位。而皆少之。唯以勢屈於爽。爽亦敬之。言無不從。故于時謗書謂云三狗。謂何、鄧、丁也。默者。爽小字也。其意言皆狗。皆欲嚙人。而謚尤甚也。

臺中有類聚無有字。三狗。二狗崖柴類聚作唯噪。不可當。一狗憑默作疽囊。○三國志曹爽傳注。類聚九十四。

時人爲陳羣陳泰語

博物記曰。太丘長陳寔。寔子鴻臚紀。紀子司空羣。羣子泰。四世於漢、魏二朝並有重名。而其德漸漸小減。時人爲

其語曰。

公慚卿。卿慚長。○三國志陳羣傳附子泰傳注。

博昌人爲蔣任二姓語

任嘏別傳曰。嘏。樂安博昌人。世爲著姓。夙智早成。故鄉人爲之語曰。

蔣氏翁。任氏童。○三國志王昶傳注。初學記十七。白帖六。

時人爲楊阿若號

魏略曰。楊阿若後名豐。字伯陽。酒泉人。少游俠。常以報仇解怨爲事。故時人爲之號曰。

東市相斫。白帖作殺。楊阿若。西市相斫。楊阿若。○三國志閻溫傳注。類聚三十三。白帖二十八。

時人爲張氏兄弟語

語林曰。魏張魯有十子。時人語曰。

張氏十龍。儒雅溫恭。○廣博物志十八。

郊廟歌辭

太廟頌歌三章

王粲

建安十年。曹操爲魏公。加九錫。始立宗廟。令王粲作此頌。以享其先。始名曰顯廟頌。後人更今名。

思皇烈祖。時邁其德。肇啓洪源。貽燕我則。我休厥成。聿先厥道。丕顯丕欽。允時祖考。

綏庶邦。和四字。九功備。彝樂序。建崇牙。設璧羽。六佾奏。八音舉。昭大孝。衍妣祖。念武功。收純祐。於穆清廟。翼翼休徵。祁祁髦士。厥德允升。懷想成位。威赫在宮。無思不若。允觀厥崇。○詩紀十五。

俞兒舞歌四首

王粲

晉書樂志曰。巴渝舞。漢高帝所作也。高帝自蜀漢將定三秦。閬中范因率賓人從帝爲前鋒。及定秦中。封因爲閬中侯。其俗善歌舞。曰。武王伐紂歌也。後使樂人習之。閬中有渝水。因其所居。故曰巴渝舞。舞曲有矛渝、弩渝、安臺、行辭。宋書樂志曰。魏俞兒舞歌四篇。魏國初建所用。使王粲改創其辭。爲矛俞、弩俞、安臺、行辭新福歌曲。行辭以述魏德。後於太祖廟並歌之。

矛俞新福歌

漢初建國家。匡九州。蠻荆震服。五刃三革休。安不忘備武樂脩。宴我賓師。敬用御天。永樂無憂。子孫受百福。常與松喬遊。烝庶德。莫不咸歡柔。○宋書樂志。樂府詩集五十三。詩紀十五。

弩俞新福歌

材官選士。劍弩錯陳。應桴蹈節。俯仰若神。綏我武烈。篤我淳仁。自東自西。莫不來賓。○同上

安臺新福歌

武宋書作我。功既定。庶士咸綏。樂陳我廣庭。式宴賓與師。昭文德。宣武威。平九有。撫民黎。荷天寵。延壽尸。千載莫我違。○同上

行辭新福歌

神武用師。士素厲。仁恩廣覆。猛節橫逝。自古立功。莫我弘大。桓桓征四國。爰及海裔。漢國保長慶。垂祚延萬世。○同上

魏鼓吹曲辭

魏鼓吹曲十二曲

繆襲

楚宋書作初之平

晉書樂志曰。改漢朱鷺爲楚之平。言魏也。古今樂錄作初之平。

楚宋書作初。之平。義兵征。神武奮。金鼓鳴。邁武德。揚洪名。漢室微。社稷傾。皇道失。桓與靈。闕宋書作官。樂府同。熾。羣雄爭。邊韓起。亂金城。中國擾。無紀經。赫武皇。起旗旌。宋書作旌旗。麾天下。天下平。濟九州。九州寧。創武功。武功成。越五帝。邈三王。興禮樂。定紀綱。普日月。齊輝光。○宋書樂志。樂府詩集十八。詩

紀十七。

戰滎陽

改漢思悲翁爲戰滎陽。言曹公也。

戰滎陽。汴水陂。戎士憤怒貫甲馳。陳未成。退徐榮。二萬騎斬壘平。戎馬傷。六軍驚。勢不集。衆幾傾。白日沒。時晦冥。顧中牟。心屏營。同盟疑。計無成。賴我武皇萬國寧。○同上

獲呂布

改漢艾如張爲獲呂布。言曹公東圍臨淮。生擒呂布也。

獲呂布。戮陳宮。艾夷鯨鯢。驅騁羣雄。囊括天下運掌中。○同上

克官渡

改漢上之回爲克官渡。言曹公與袁紹戰。破之於官渡也。

克紹官渡由白馬。僵屍流血被原野。賊衆如犬羊。王師尚寡沙埕傍。風飛揚。轉戰不利士卒傷。今日不勝後何望。土山地道不可當。卒勝大捷震冀方。屠城破邑。神武遂章。○同上

舊邦

改漢翁離爲舊邦。言曹公勝袁紹於官渡。還譙收藏死亡士卒也。

舊邦蕭條心傷悲。孤魂翩翩當何依。遊士戀故涕如摧。兵起事大令願違。傳求親戚在者誰。立廟置後魂來歸。○同上

定武功

改漢戰城南爲定武功。言曹公初破鄴城。武功之定。始乎此也。

定武功。濟黃河。河水湯湯。旦暮有橫流波。袁氏欲衰。兄弟尋干戈。決漳水。水流滂沱。嗟城中如流魚。誰能復顧室家。計窮慮盡求來連和。和不時心中憂戚。賊衆內潰。君臣奔北。拔鄴城奄有魏國。王業艱難。覽觀古今。可爲長歎。○同上

屠柳城

改漢巫山高爲屠柳城。言曹公越北塞。歷白檀。破三郡烏桓於柳城也。

屠柳城。功誠難。越度隴塞路漫漫。北踰岡平。但聞悲風正酸。蹋頓授首。遂登白狼山。神武懋海外。永無北顧患。○同上

平南荆

改漢上陵爲平南荆。言曹公南平荊州也。

南荆何遼遼。江漢濁不清。菁茅久不貢。王師赫南征。劉琮據襄陽。賊備屯樊城。六軍廬新野。金鼓震天庭。劉子面縛至。武皇許其成。許與其成撫其民。陶陶江漢間。普爲大魏臣。大魏臣。向風思自新。思自新。齊功古人。在昔虞與唐。大魏得與均。多選忠義士。爲喉脣。天下一定。萬世無風塵。○同上

平關中

改漢將進酒爲平關中。言曹公征馬超。定關中也。

平關中。路向潼。濟濁水。立高墉。鬪韓馬。離羣凶。選驍騎。縱兩翼。虜崩潰。級萬億。○同上

應帝期

改漢有所思爲應帝期。言文帝以聖德受命。應運期也。

應帝期。於昭我文皇。歷數承天序。龍飛自許昌。聰明昭四表。恩德動遐方。星辰爲垂耀。日月爲重光。河洛吐符瑞。草木挺嘉祥。麒麟步郊野。黃龍游津梁。白虎依山林。鳳凰鳴高岡。考圖定篇籍。功配上古義。皇。義皇無遺文。仁聖相因循。期運三千歲。一生聖明君。堯授舜萬國。萬國皆附親。四門爲穆穆。教化常如神。大魏興盛。詩紀作聖。與之爲鄰。○同上

邕熙

改漢芳樹爲邕熙。言魏氏臨其國。君臣邕穆。庶績咸熙也。

邕熙。君臣念德。天下治。登帝道。獲瑞寶。頌聲並作。洋洋浩浩。吉日臨高堂。置酒列名倡。歌聲一何紆餘。雜笙簧。八音諧。有紀綱。子孫永建萬國。壽考樂無央。○同上

太和

改漢上邪爲太和。言明帝繼體承統。太和改元。德澤流布也。

惟太和元年。皇帝踐阼。宋書作阼。詩紀作祚。聖且仁。德澤爲流布。災蝗一時爲絕息。上天時雨露。五穀滋宋書作溢。樂府同。田疇。四民相率遵軌度。事務激宋書作徵。樂府同。清。天下獄訟察以情。元首明。魏家如此。那得不太平。○同上

魏詩卷十二

蜀漢附

費禕

禕。字文偉。江夏鄆人。爲太守舍人。遷庶子。後主卽位。爲黃門侍郎。以昭信校尉使吳。還爲侍中。後歷任丞相參軍、尚書令、益州刺史等職。魏嘉平五年。爲降人郭循所害。

嘲吳羣臣

諸葛恪別傳曰。權嘗饗蜀使費禕。先逆敕羣臣。使至伏食勿起。至。權爲輟食。而羣下不起。禕嘲調之曰。鳳皇來翔。騏驎吐哺。驢騾無知。伏食如故。○三國志諸葛恪傳注。類聚二十五。御覽四百六十六。

雜歌謠辭

時人爲張飛玉追馬歌

寰宇記曰。張飛有馬號玉追。時人歌曰。

人守有張飛。馬中有玉追。○廣博物志。

襄陽鄉里爲諸葛亮諺

襄陽記曰。黃承彥者。高爽開列。爲河南名士。謂諸葛孔明曰。聞君擇婦。身有醜女。黃頭黑色。而才堪相配。孔明許。卽載送之。時人以爲笑樂。鄉里爲之諺曰。

莫作孔明擇婦。止得阿承醜女。○三國志諸葛亮傳注。

襄陽鄉里爲馬良諺

蜀志曰。馬良。字季常。襄陽宜城人也。兄弟五人。並有才名。鄉里爲之諺曰云云。良眉中有白毛。故以稱之。馬氏五常。白眉最良。○三國志馬良傳。御覽四百九十五。

鄉里爲李嚴諺

江表傳曰。李嚴少爲郡職。鄉里爲嚴諺曰。

難可狎。李鱗甲。○御覽四百九十六。詩紀九作李鱗甲。

譙周引諺

蜀志曰。周爲仇國論曰。諺曰。

射幸數跌。不如審發。○三國志譙周傳。

時人語

華陽國志曰。鎮北將軍王平。始出軍武。不大知書。性警朗。有思理。與馬忠並垂事績。同郡句扶。亦果壯亞平。官至左將軍。封宕渠侯。後張翼與襄陽廖化並爲大將。故時人語曰云云。平本養外家何氏。後復姓。

前有何蜀志注作王。句。後有張廖。○華陽國志劉後主志。三國志王平傳注。

百姓諺

漢晉春秋曰。楊儀等整軍而出。百姓奔告宣王。宣王追焉。姜維令儀反旗鳴鼓。若將向宣王者。宣王乃退。百姓爲之諺曰。

死諸葛走生仲達。○三國志諸葛亮傳注。詩紀九作諸葛諺。

時人爲劉巴語

韓魏公別錄曰。劉巴。字子初。建武二年出鎮荊州。卒於岳陽。葬於郡西。後因巴墳。遂號岳陽爲巴陵。時人語曰。

生居三湘頭。死葬三湘尾。○詩話總龜十九。

諸葛亮引語論光武

諸葛亮曰。曹子建論光武。將則難比於韓、周。謀臣則不敵於良、平。時人談者亦以爲然。吾以此言誠欲美大光武

之德。而有誣一代之俊異。何哉。追觀光武二十八將。下及馬援之徒。忠貞智勇。無所不有。篤而論之。非減曩時。所以張陳特顯於前者。乃自高帝動多闊疏。故良平得廣於忠信。彭勃得橫行外。語有云云。此言雖小。有似二祖之時也。

曲突徙薪爲彼人。焦頭爛額爲上客。○金樓子立言篇下。○遼案。兩句見漢書霍光傳。爲彼人作無恩澤。此其小異。漢書不言爲諺語。而諸葛亮云云。或後漢以後已流傳爲俗語乎。

吳附

薛綜

綜。字敬文。沛郡竹邑人。吳初。爲交阯太守。後遷選曹尚書、太子少傅。赤烏六年卒。有集三卷。

嘲蜀使張奉

吳志曰。西使張奉於權前列尚書闕澤姓名以嘲澤。澤不能答。綜下行酒。因勸酒曰。蜀者何也。云云。奉曰不當復列君吳邪。綜應聲曰云云。衆坐喜笑。而奉無以對。

有犬爲獨。無犬爲蜀。橫目苟類聚作句。御覽作狗。身。蟲入其腹。

無口爲天。有口爲吳。君臨萬邦。天子之都。○三國志薛綜傳。類聚二十五。御覽四百六十三。

張純

純。字元基。吳郡人。拜郎中。補廣德令。擢爲太子輔義都尉。

賦席

文士傳曰。張惇子純與張儼及異俱童少。往見驃騎將軍朱據。據聞三人才名。欲試之。告曰。老鄙相聞。飢渴甚矣。夫騷屢以迅速爲功。鷹隼以輕疾爲妙。其爲吾各賦一物。然後乃坐。儼乃賦犬曰云云。純賦席曰云云。異賦弩曰云云。三人各隨其目所見而賦之。皆成而後坐。據大歡悅。

席爲冬設。簟爲夏施。揖讓而坐。君子攸宜。○三國志朱異傳注。類聚六十九。初學記十七、二十五。御覽三百八十五。詩紀二十。

張儼

儼。字子節。吳人。官大鴻臚。有默記三卷。集一卷。

賦犬

守則有威。出則有獲。韓盧初學記作獠。宋鵠。書名竹帛。○三國志朱異傳注。初學記十七。御覽三百八十五。詩紀二十。

朱異

異。字季文。吳人。赤烏中。拜偏將軍。遷揚武將軍。建興初。遷鎮南將軍。太平二年。假節爲大都督。爲孫琳所害。

賦弩

南嶽之幹。鍾山之銅。應機命中。獲初學記作射。詩紀同。隼高墉。○三國志本傳註。初學記十七。御覽三百八十五。詩紀二十。

諸葛恪

恪。字元遜。琅琊陽都人。弱冠拜騎都尉。轉左輔都。赤烏中。遷大將軍。領荊州事。尋領太子太傅。封陽都侯。後爲孫峻等所殺。有集。

答費禕

諸葛恪別傳曰。權嘗饗蜀使費禕。先逆飾羣臣。使至伏食勿起。禕至。權爲輟食。而羣下不起。禕調之曰云云。恪答曰。

爰御覽誤作愛。植梧桐。以待鳳凰。有御覽作是。何燕雀。自稱來翔。何不彈射。使還故鄉。○三國志諸葛恪傳注。類聚二十五。御覽四百六十六。

華覈

覈。字永先。吳郡武進人。遜皓時。遷東觀令。領右國史。天冊元年。免官。數歲卒。有集五卷。

與薛瑩詩

存者今惟二。飛步有匹特。○文選三十一擬古詩注。

周昭

昭。字恭遠。潁川人。與韋昭、薛瑩、華覈同撰吳書。有周子新論五卷。

與孫奇詩

新論曰。散騎侍郎、武衛都尉孫奇。字仲容。年十七。以秀才入侍帷幄。余作詩一篇美而風之曰。

恂恂公子。御覽誤作周公。美色無比。御覽作已。誕姿既豐。世胄有紀。平南之孫。奮威書鈔作威奮。之子。○書鈔六十二引周熙新論。御覽二百四十一引周紹新論。

孫皓

皓。字元宗。大皇帝孫權孫。景帝崩。皓嗣位。爲晉所滅。封歸命侯。太康四年卒。年四十二。

爾汝歌

世說新語曰。晉武帝問孫皓。聞南人好作爾汝歌。頗能爲不。皓正飲酒。因舉觴勸帝。歌云云。帝悔之。

昔與汝爲御覽兩引作國。鄰。今與汝爲御覽或作今爲汝作。或作今爲汝國。臣。上御覽或作勸。汝一杯酒。令御覽或作願。汝壽萬春。詩紀云。一作願汝壽千春。○世說新語簡傲篇。御覽百十八、三百九十、五百七十一。詩紀十二。

樂府古辭

吳歌曲

仙人齋持何等。前謁海童。○文選五吳都賦劉淵林注。又十二海賦注。

雜歌謠辭

諺語附

時人爲周瑜謠

詩紀作吳謠。

吳志曰。周瑜少精意於音樂。雖三爵之後。其闕誤。瑜必知之。知之必願。故時人謠曰。

曲有類聚作復。詩紀云。一作復。誤。周郎願。○三國志周瑜傳。藝文類聚十九。御覽四百六十五、五百六十四。詩紀二十作吳謠。

黃龍中童謠

周處風土記云。吳黃龍中童謠云云。後孫權征公孫淵。浮海乘舶。舶。白也。

行白者君。追汝句驪馬。○南齊書樂志。詩紀二十。

孫亮初童謠

宋書五行志曰。孫亮初童謠曰云云。楊子閣者。反語石子墘也。鈎絡。鈎帶也。及諸葛恪死。果以葦席裹身。篋束其要。投之石子墘。後聽恪故吏收斂。求之此墘云。

吁汝三國志作諸葛。御覽同。恪。何若若。蘆葦單衣篋鈎。宋書作鈎。御覽同。絡。於何相求楊三國志作成。晉書、御覽作常。詩紀作揚。子閣。○宋書五行志。晉書五行志。御覽一千。樂府詩集八十八。詩紀二十。又三國志諸葛恪傳載恪、絡、閣三韻。

孫亮初白鼉鳴童謠

宋書五行志曰。孫亮初。公安有白鼉鳴。童謠曰云云。南郡城可長生者。有急易以逃也。明年。諸葛恪敗。弟融鎮公安。亦見襲。融刮金印龜服之而死。鼉有鱗介。甲兵之象。

白鼉鳴。龜背平。南郡城中可長御覽作求。生。守死不去義御覽作來。無成。○三國志諸葛瑾傳注引江表傳。宋書五行志。晉書五行志。渚宮舊事四。御覽九百三十一。樂府詩集八十八。詩紀二十。

孫皓初童謠

宋書五行志曰。孫皓初童謠曰云云。皓尋遷都武昌。民泝流供給。咸怨毒焉。

寧飲建業水。不食武昌魚。寧還御覽或作歸。建業死。不止御覽或作就。或作向。武昌居。業。御覽或作鄴。○三國志陸凱傳。宋書五行志。晉書五行志。御覽百五十六引江表傳。又引三國志。御覽百七十、九百三十五。樂府詩集八十八。又文選補遺三十五

作揚州謠。詩紀二十。

建衡中壽春童謠

江表傳曰。初丹陽刁玄使蜀。得司馬徽與劉廙論運命歷數事。玄詐增其文。以誑國人曰。黃旗紫蓋見於東南。終有天下者。荆揚之君乎。又得中國降人言。壽春下有童謠曰云云。皓聞喜曰。此天命也。卽載其母妻子及後宮數千。從牛渚陸道西上。云青蓋入洛陽。以順天命。行遇大雪。道塗陷壞。兵士被甲持仗。百人共引一車。寒凍殆死。兵人不堪。皆曰若遇敵。便當倒戈耳。皓聞之乃還。

吳天子。當西。三國志注無西字。上。○三國志孫皓傳注。御覽四十六引無吳字。

使者爲妖祠詩

詩紀作孫皓時詩妖。

宋書五行志曰。孫皓遣使者祭石印山下妖祠。使者因以丹書巖曰云云。皓聞之。意益張。曰。從大皇帝至朕四世。太平之主。非朕復誰。恣虐踰甚。尋以降死。近詩妖也。

楚九州渚。吳九州都。揚州士。作天子。四世治。太平始。宋書作矣。○三國志孫皓傳注引江表傳。宋書五行志。晉書五行志。詩紀二十。

孫皓天紀中童謠

宋書五行志曰。孫皓天紀中童謠曰云云。晉武帝聞之。加王濬龍驤將軍。及征吳。江西衆無過者。而王濬先定

秣陵。

阿童復阿童。銜刀游白帖作浮。御覽或同。渡江。不畏岸上虎。晉書作獸。御覽或同。獨晉書作但。書鈔、白帖、御覽同。畏水中童。○宋書五行志。晉書五行志。又杜預傳。書鈔六十四、三百二十九、四百六十五。詩紀二十。○遠案。不畏岸上虎句。虎字晉書皆作獸。乃避李唐諱改字。

廣陵諺

張勃吳錄曰。陸稠。字伯羸。爲廣陵太守。姦吏斂手。廣陵諺曰。

解結理煩。我國陸君。○御覽四百九十六。詩紀二十。

時人語

高僧傳曰。孫權已制江左。而佛教未行。有支謙者。本月支人。來遊漢境。博覽經籍。莫不精究。遍學異書。通六國語。其爲人細長黑瘦。眼多白而睛黃。時人爲之語曰。

支郎。眼中黃。形軀雖細是智囊。○高僧傳一。出三藏記集十三。詩紀二十。

黃武中產兒語

萬歲曆曰。黃武六年正月。獲彭綺。是歲。曲拳西鄉有產兒。墮地便語曰云云。於是因曰語兒鄉。

天方明。河欲清。鼎折脚。金乃生。○御覽百五十七。

時人爲殷禮語

通語曰。殷禮。字往嗣。幼而鄉里異之。七歲就官學書。在師未嘗戲弄。諷誦恒不爲聲。潛識而已。師殺雞詣禮。父穎曰。賀此子能興君門。行在舟車。手不釋卷。從曲阿往返。遂不知隄潰廣狹。及行旅喧鬧。未嘗視之。時人語曰。

奇才強記殷往嗣。○御覽六百十四引殷興通語。○遼案。三國志顧邵傳。烏程吳粲、雲陽殷禮起乎微賤。邵皆拔而友之。禮零陵太守。注云。禮子基作通語曰。禮字德嗣。則此往嗣乃德嗣之誤。殷興乃殷基之誤。

永安中南郡兒語

搜神記曰。吳以草創之國。信不堅固。邊屯守將。皆質其妻子。名曰保質。童子少年以類相與嬉游者日有十數。永安二年三月。有一異兒。長四尺餘。年可六七歲。衣青衣來從羣兒戲。諸兒莫之識。畏之。重問其故。兒乃答曰。爾惡我乎。我非人。乃熒惑星也。將有以告爾云云。諸兒大驚。或走告大人。大人馳往觀之。兒竦身而躍。卽以化矣。時吳政峻急。莫敢言也。後五年而蜀亡。六年而晉興。至是而吳滅司馬如矣。

三公鉏。司馬如。○三國志孫皓傳注。

諸葛恪引里語

吳志曰。太傅諸葛恪不欲諸王處江濱兵馬之地。徙孫奮於豫章。奮怒。不從命。又數越法度。恪上牋諫曰。里語曰。

明鏡所以照形。古事所以知今。○三國志孫奮傳。

沈瑩引諺

臨海異物志曰。安家夷皆好噉猴頭羹。諺言云。又曰。鯨魚肥。炙食甚美。諺曰云云。○逮案。隋志。臨海異物志。沈瑩撰。

寧負千石之粟。不願負人猴頭羹。○御覽四百九十六。

寧去累世田宅。不去鯨魚額。○同上

沈瑩引諺

臨海異物志曰。楊桃似南方橄欖子。其味甜。五月十日熟。諺言。

楊桃無蹙。一歲二熟。○御覽九百七十四。

吳鼓吹曲辭

吳鼓吹曲十二曲

韋昭

炎精缺

古今樂錄曰。炎精缺者。言漢室衰。孫堅奮迅猛志。念在匡救。王迹始乎此也。當漢朱鷲。

炎精缺。漢道微。皇綱弛。政德違。衆姦熾。民罔依。赫武烈。越龍飛。陟天衢。耀靈威。鳴雷鼓。抗電麾。撫乾衡。鎮地機。厲虎旅。騁熊羆。發神聽。吐英奇。張角破。邊韓羈。宛穎平。南土綏。神武章。渥澤施。金聲震。仁風馳。顯高門。啓皇基。統罔極。垂將來。○宋書樂志。樂府詩集十八。廣文選十二。詩紀二十。

漢之季

漢之季者。言孫堅悼漢之微。痛董卓之亂。興兵奮擊。功蓋海內也。當漢思悲翁。

漢之季。董卓亂。桓桓武烈。應時運。義兵興。雲旗建。厲六師。羅八陣。飛鳴鏑。接白刃。輕騎發。介士奮。醜虜震。使衆散。劫漢主。遷西館。雄豪怒。元惡僨。赫赫皇祖功名聞。○宋書樂志。樂府詩集十八。詩紀二十。

攄武師

攄武師者。言孫權卒父之業而征伐也。當漢艾如張。

攄武師。斬黃祖。攘宋書作肅。樂府作攄。詩紀云。一作攄。夷凶族。革平西夏。炎炎大烈震天下。○同上

伐烏林

伐烏林者。言魏武既破荊州。順流東下。欲來爭鋒。孫權命將周瑜逆擊之。於烏林而破走也。當漢上之回。

曹操北伐拔柳城。乘勝席捲遂南征。劉氏不睦。八郡震驚。衆既降。操屠荆。舟車十萬揚風聲。議者狐疑

慮無成。賴我大皇發聖明。虎臣雄烈周與程。破操烏林。顯章功名。○同上

秋風

秋風者。言孫權悅以使民。民忘其死也。當漢擁離。

秋風揚沙塵。寒露沾衣裳。角弓持弦急。文選注作急絃。鳩鳥化爲鷹。邊垂飛羽檄。寇賊侵界疆。跨馬披介冑。慷慨懷悲傷。辭親向長路。安知存與亡。窮達固有分。志士思立功。思立功。邀之戰場。身逸獲高賞。身沒有遺封。○宋書樂志。樂府詩集十八。詩紀二十。又文選二十八出自薊北門行注引韋曜集引裳、鷹二韻。

克皖城

克皖城者。言魏武志圖并兼而令朱光爲廬江太守。孫權親征。光破之於皖城也。當漢戰城南。

克滅皖城遏寇賊。惡此凶孽阻姦慝。王師赫征衆傾覆。除穢去暴戢兵革。民得就農邊境息。誅君弔民昭至德。○宋書樂志。樂府詩集十八。廣文選十二。詩紀二十。

關背德

關背德者。言蜀將關羽背棄吳德。心懷不軌。孫權引師浮江而擒之也。當漢巫山高。

關背德。作鴟張。割我邑城圖不祥。稱兵北伐圍樊襄陽。嗟臂大於股。將受其殃。巍巍夫宋書作巍夫吳。詩紀云。樂苑有吳字。聖主。睿德與玄通。與玄通。親任呂蒙。泛舟洪汜池。溯涉長江。神武一何桓桓。聲烈正與風

翔。歷撫江安城。大據郢邦。虜羽授首。百蠻咸來同。盛哉三比隆。○宋書樂志。樂府詩集十八。詩紀二十。

通荆門

通荆門者。言孫權與蜀交好齊盟。中有關羽自失之讐。戎蠻樂亂。生變作患。蜀疑其眩。吳惡其詐。乃大治兵。終復初好也。當漢上陵。

荆門限巫山。高峻與雲連。蠻夷阻其險。歷世懷不賓。漢王據蜀郡。崇好結和親。乖微中情疑。讒夫亂其間。大皇赫斯怒。虎臣勇氣震。蕩滌幽藪討不恭。觀兵揚炎耀。厲鋒整封疆。整封疆。闡揚威武容。功赫戲。洪烈炳章。邈矣帝皇世。聖吳同厥風。荒裔望清化。化恢弘。煌煌大吳。延祚宋書作祚。永未央。○同上

章洪德

章洪德者。言孫權章其大德而遠方來附也。當漢將進酒。

章洪德。邁威神。感殊風。懷遠鄰。平南裔。齊海濱。越裳貢。扶南臣。珍貨充庭。所見日新。○同上

從歷數

從歷數者。言孫權從圖籙之符而建大號也。當漢有所思。

從歷數。於穆我皇帝。聖哲受之天。神明表奇異。建號創皇基。聰睿協神思。德澤浸及昆蟲。浩蕩越前代。

三光顯精耀。陰陽稱至治。肉角步郊畛。鳳凰棲靈囿。神龜游沼池。圖讖摹文字。黃龍覲鱗。符祥日月記。覽往以察今。我皇多噲事。上欽昊天象。下副萬民意。光被彌蒼生。家戶蒙惠賚。風教肅以平。頌聲章嘉喜。大吳興隆。綽有餘裕。○同上○遼案。浩蕩越前代句。代字與前後不韻。原文應作世字。蓋唐人避諱改代字。

承天命

承天命者。言上以聖德踐位道化至盛也。當漢芳樹。

承天命。於昭聖德。三精垂象。符靈表德。巨石立。九穗植。龍金其麟。烏赤其色。與人歌。億夫歎息。超龍升。襲帝服。窮宋書作躬。淳懿。體玄嘿。夙興臨朝。勞謙日昃。易簡以崇仁。放遠讒與慝。舉賢才。親近有德。均田疇。茂稼穡。審法令。定品式。考功能。明黜陟。人思自盡。唯心與力。家國治。王道直。思我帝皇。壽萬億。長保天祿。祚宋書作祚。無極。○同上

玄化

玄化者。言上修文訓武。則天而行。仁澤流洽。天下嘉樂也。當漢上邪。

玄化象以天。陛下聖真。張皇綱。率道以安民。惠澤宣流而雲布。上下睦親。君臣酣宴樂。激發弦歌揚妙新。修文籌廟勝。須時備駕巡洛津。康哉泰。四海歡忻。越與三五鄰。○同上

晉詩卷一

晉宣帝司馬懿

懿。字仲達。河內溫縣人。建安中。曹操爲丞相。辟爲文學掾。魏國建。遷太子中庶子、軍司馬。魏受禪。遷尚書。封安國鄉侯。歷侍中、尚書右僕射、撫軍將軍、錄尚書事。魏明帝卽位。改封舞陽侯。遷驃騎將軍。加都督荆、豫二州諸軍事。遷征西大將軍、都督雍梁二州諸軍事。遷太尉。齊王卽位。錄尚書事。徙太傅。進丞相。嘉平三年卒。年七十三。晉受禪。追尊宣皇帝。有集五卷。

歌

晉書曰。高祖伐公孫淵。過溫。見父老故舊。讌飲累日。悵然有感。爲歌曰。

天地開闢。日月重光。遭逢晉書作遇。御覽或同。或作今遭。際會。奉辭晉書作畢力。御覽或同。遐方。將掃逋晉書作羣。御覽或同。穢。還過故鄉。肅清萬里。總齊八荒。告成歸老。待罪舞樂府作武。詩紀同。陽。○晉書本紀。御覽九十五。又御覽五百七十引晉陽秋。樂府詩集八十五。詩紀二十一。

嵇喜

喜。字公穆。舉秀才。爲衛軍司馬。入晉。爲揚州刺史。遷太僕宗正。有集二卷。

答嵇康詩四首

一作答弟叔夜。

華堂臨浚沼。靈芝茂清泉。仰瞻春詩紀作青。禽翔。俯察綠水濱。逍遙步蘭渚。感物懷古人。李叟寄周朝。莊生遊漆園。時至忽蟬蛻。變化無常端。○嵇康集一。詩紀十八。

君子體變通。否泰非常理。當流則蟻詩紀作義。行。時逝詩紀作遊。則鵲起。達者鑒通機。詩紀作塞。盛衰爲表裏。列仙狗生命。松喬安足齒。縱軀任世度。至人不私己。○同上

達人與物化。無俗不可安。詩紀作世俗安可論。都邑可優游。何必棲山原。孔父策良駟。不云世路難。出處因時資。潛躍無常端。保心守道居。覩詩紀作視。變安能遷。○同上

飾車駐駟。駕言出遊。南厲伊渚。北登邱丘。青林華茂。春下闕○同上

江偉

偉。陳留襄邑人。仕魏。官爵未詳。晉初爲通事郎。有集六卷。

答賀蜡詩

正元二年冬蜡。家君在陳郡。余別在國舍。不得集會。弟廣平作詩以貽余。余答之曰。蜡節之會。廓焉獨處。晨風朝興。思我慈父。我心懷戀。運首延佇。○類聚五。詩紀三十六。

答軍司馬詩

羈繫世網。進退惟準繩。○六臣本文選二十六赴洛道中詩注。

何楨

楨。字元幹。廬江潛人。魏太和中爲揚州別駕。正始中爲弘農太守。歷幽州刺史。拜廷尉。入晉爲尚書、光祿大夫。有集五卷。

詩

四時代謝。○書鈔百五十三。

程咸

咸。字延休。魏正元中爲司隸校尉府主簿。入晉。歷黃門郎、散騎常侍、左通直郎。遷侍中。有集三卷。

詩

奕奕恒山。作鎮冀方。伊趙建國。在岳之陽。○初學記五。

平吳後三月三日從華林園作詩

皇帝升龍舟。待當作侍。幄十二人。天吳奏安流。水伯衛帝津。○玉燭寶典三。○書鈔百三十二引程咸詩序云。平原后三月三日從華林園作壇宣宮。張朱幕。有詔乃延羣臣云云。陳俞本引后作邑。宣作建仙。無有字。臣下有作詩以頌之句。遼案。陳俞本此文有臆改處。不足信。原文蓋有序有詩。後有脫落。故不可通。平原后乃平吳後之訛。壇宣宮以下殆是壇宮張朱幕。有詔延羣臣兩逸句也。

劉伶

伶。字伯倫。沛國人。竹林七賢之一。泰始初對策。盛言無爲之化。以無用罷。

北芒客舍詩

泱泱望舒隱。黓黓類聚作黓黓。玄夜陰。寒雞思天曙。擁翅吹長音。蚊蚋歸豐草。枯葉散蕭林。陳醴發悴顏。巴詩紀誤作色。斂暢真心。緼被終不曉。斯歎信難任。何以除斯歎。付之與瑟琴。長笛響中夕。聞此消胸襟。

○類聚七。廣文選十。詩紀二十三。

咒辭

世說新語曰。劉伶病酒渴甚。從婦求酒。婦捐酒毀器。涕泣諫曰。君飲太過。非攝生之道。必宜斷之。伶曰。甚善。我不能自禁。唯當祝鬼神自誓斷之耳。便可具酒肉。婦曰。敬聞命。供酒肉於神前。請伶祝誓。伶跪而祝曰云云。便飲酒進肉。隗然已醉矣。

天生劉伶。類聚作靈。以酒爲名。一飲一斛。類聚作石。五斗解醒。婦人之言。慎不類聚作莫。可聽。○世說新語任誕篇。類聚七十二。

傅玄

玄。字休奕。北地泥陽人。博學善屬文。魏末。舉秀才。除郎中。歷任安東衛軍參軍、溫令、弘農太守。領典農校尉。晉國建。封鶉觚男。晉受禪。進爵爲子。加駙馬都尉。累遷侍中、御史中丞。泰始五年。轉司隸校尉。坐事免官。尋卒。有傅子百二十卷、集五十卷。

短歌行

長安高城。層樓亭亭。千雲四起。上貫天庭。蜉蝣何整。行如軍征。蟋蟀何感。中夜哀鳴。蚍蜉愉樂。府作偷。注云。一作偷。樂。樂府作藥。粲粲其榮。寤寐念之。誰知我情。昔君視我。如掌中珠。何意一朝。棄我溝渠。昔君

與我。如影如形。何意一去。心如流星。昔君與我。兩心相結。何意今日。忽然兩絕。○樂府詩集三十。廣文選十三。詩紀二十二。

秋胡行

秋胡子。娶婦三日。會行仕宦。既享顯爵。保茲德音。以祿頤詩紀作順。親。韞此樂府作比。詩紀云。一作比。黃金。靚一好婦。採桑路傍。遂下黃金。誘以逢卿。玉磨逾潔。蘭動彌馨。源流潔清。水無濁波。奈何秋胡。中道懷邪。美此節婦。高行巍類聚作我。韻補同。我。哀哉可愍。自投長河。○類聚四十一。樂府詩集三十六。詩紀二十二。又韻補二引邪、我二韻。

惟漢行以下五言。

危哉鴻門會。沛公幾不還。輕裝入人軍。投身湯火間。兩雄不俱立。亞父見此權。項莊奮劍起。白刃何翩翩。伯身雖爲蔽。事促廣文選誤作從。不及旋。張良愕坐側。高祖變龍顏。賴得樊將軍。虎樂府作獸。注云。當作虎。叱項王前。噴目駭三軍。磨牙咀豚肩。空卮讓霸主。臨急吐奇言。威凌萬乘主。指顧回泰山。神龍困鼎鑊。非噲豈得全。狗屠登上將。功業信不原。健兒實可慕。腐儒安足歎。○樂府詩集二十七。廣文選十三。詩紀二十二。

豔歌行

日出東南隅。照我秦氏樓。秦氏有好女。自字爲羅敷。首戴金翠飾。耳綴明月珠。白素爲下裾。丹霞爲上襦。一顧傾朝市。再顧國爲虛。問女居安在。堂在城南居。青樓臨大巷。幽門結重樞。使君自南來。駟馬立踟蹰。遣吏謝賢女。豈可同廣文選作用。誤。行車。斯女長跪對。使君言何殊。使君自有婦。賤妾有鄙夫。天地正厥位。願君改其圖。○樂府詩集二十八。廣文選十三。詩紀二十二。

長歌行

利害同根源。賞下有甘鈎。義門近橫樂府字缺。塘。獸口出通侯。撫劍安所趨。蠻方未順流。蜀賊阻石城。吳寇馮龍舟。二軍多壯士。聞賊如見讎。投身効知己。徒生心所羞。鷹隼初學記作蒼鷹。厲爪樂府、廣文選、詩紀作天。翼。恥與燕雀游。成敗在初學記作有。縱者。無令鷲鳥憂。○樂府詩集三十。廣文選十三。詩紀二十二。又初學記三十引遊、憂二韻。

苦相篇

豫章行○詩紀作豫章行苦相篇。

苦相身爲女。卑類聚誤作早。陋難再草堂詩注作具。陳。男兒玉臺、樂府、廣文選作兒男。樂府又注。一作男兒。當門戶。墮地自生神。雄心志四海。萬里望風塵。女育無欣草堂詩注作歡。愛。類聚作慶。不爲家所珍。長大逃深室。藏頭羞見人。垂玉臺、樂府作無。淚適他鄉。忽如雨絕雲。低頭和顏色。素齒詩紀云。一作頰。廣文選誤作頰。結朱脣。跪拜無復數。婢妾如嚴賓。情合同廣文選作雙。雲漢。葵藿仰陽春。心乖甚水火。百惡集其身。玉顏隨年變。丈

夫多好新。昔爲形與影。今爲胡與秦。胡秦時相見。一絕踰參辰。○玉臺新詠二。樂府詩集三十四。廣文選十三。詩紀二十二。又類聚四十一引陳、神、塵、珍、新、秦六韻。草堂詩箋三十四錦樹行注引陳、神、塵、新四韻。

秋胡行玉臺作和班氏詩。○詩紀云。一作和班氏詩。

秋胡納令室。三日宦樂府作官。他鄉。皎皎潔婦姿。冷冷玉臺、樂府作冷冷。守空房。燕婉類聚作嬌婉。不終夕。別如參與商。憂來猶四海。易感難可防。人言生日短。愁者苦夜長。百草揚春華。攘腕采柔桑。素手尋繁枝。落葉不盈筐。羅衣翳玉體。迴目流采章。君子倦仕歸。車馬如龍驤。精誠馳萬里。既至兩相忘。行人悅令顏。借玉臺作請。樂府作情。息此樹旁。誘類聚作言。以逢卿玉臺作郎。喻。遂下黃金裝。烈烈貞女忿。言辭厲秋霜。長驅及居室。奉金升北堂。母立呼婦來。歡樂情玉臺、樂府作情樂。未央。秋胡見此婦。惕然懷探湯。負心豈不慚。永誓非所望。清濁必異源。鳧鳳不並翔。引身赴長流。果哉潔婦腸。彼夫既不淑。此婦亦太玉臺作大。剛。○玉臺新詠二。樂府詩集三十八。詩紀二十二。又類聚十八及廣文選八引鄉、房、裳、忘、傍、裝六韻。

青青河邊草篇飲馬長城窟行○詩紀作飲馬長河窟行。注云。一作青青河邊草篇。

青青河邊草。悠悠萬里道。草生在春時。遠類聚作還。道還有期。春至草不生。期詩紀云。一作泣。盡歎類聚作漠。無聲。感物懷思心。夢想發中情。夢君如鴛鴦。比翼雲間翔。既覺寂無見。曠如參與商。夢君結同心。比翼遊北林。既覺寂無見。曠如商與參。玉臺無以上四句。樂府同。河洛自用固。當作有涸。不如中岳安。回流不及返。

浮雲往自還。悲風動思心。悠悠誰知者。懸景無停居。忽如馳駟馬。傾耳懷音響。轉目淚雙墮。生存無會期。要君黃泉下。○玉臺新詠二。樂府詩集三十八。詩紀二十二。又類聚四十一、廣文選十三並引道、期、聲、情、翔、商六韻。

放歌行

靈龜有枯甲。神龍有腐鱗。人無千歲壽。存質空相因。朝露尚移景。促哉水上塵。丘塚如履綦。不識故與新。高樹來悲風。松柏垂威神。曠野何蕭條。顧望無生人。但見狐狸迹。虎豹自成羣。孤雛攀樹鳴。離鳥何繽紛。愁子多哀心。塞耳不忍聞。長嘯淚雨下。太息氣成雲。○樂府詩集三十八。詩紀二十二。

有女篇豔歌行○詩紀作豔歌行有女篇。

有女懷芬芳。媞媞步東廂。玉臺作箱。蛾眉分初學記、御覽、萬花谷作雙。翠羽。類聚作若雙翠。明目初學記、御覽、樂府、萬花谷、廣文選並作眸。類聚或同。或作月。詩紀云。一作眸。發清揚。類聚作陽。初學記、御覽作光。丹脣翳皓齒。秀色類聚、初學記、御覽作顏。萬花谷作韻。若珪璋。巧笑露權厖。御覽作厖輔。初學記作厖轉。衆媚不可詳。令玉臺、廣文選作容。儀希世出。無乃古毛萬花谷作王。嬌。頭安類聚、御覽、萬花谷作首戴。樂府云。一作首戴。書鈔、初學記作首戴。金步搖。耳繫書鈔或誤作手擊。明月璫。珠環約素腕。翠羽玉臺、廣文選作爵。垂鮮光。文袍綴藻黼。玉體映羅裳。容華既已玉臺、文選注作以。類聚或同。豔。志節擬秋霜。徽樂府作微。音冠青雲。聲響流四方。妙哉英詩紀作美。媛德。宜配侯與王。靈應萬世合。日月時相望。媒氏陳束帛。羔雁鳴前堂。百兩盈中路。起若鸞鳳翔。凡夫徒踴躍。望絕殊參商。

○玉臺新詠二。樂府詩集三十九。廣文選十三。詩紀二十二。又書鈔百三十五引璫韻。類聚十八作傅玄詩。引廂、陽、璋、嬈、璫、光、霜七韻。四十二作豔歌行。引陽、璋、霜三韻。初學記十九、御覽三百八十一並作晉玄歌。引廂、光、璋、詳、嬈、璫六韻。萬花谷後十五引光、璋、嬈、璫四韻。文選二十一秋胡詩注作有女篇。引霜一韻。

牆上難爲趨

古今樂錄曰。王僧虔技錄云。牆上難爲趨行。荀錄所載牆上一篇。今不傳。

門有車馬客。驂服若騰飛。革組結玉佩。繁藻紛葳蕤。馮軾垂長纓。顧盼有餘輝。貧主屣弊履。整比藍縷衣。客曰嘉病乎。正色意無疑。吐言若覆水。搖舌不可追。渭濱漁釣翁。乃爲周所諮。顏回處陋巷。大聖稱庶幾。苟富不知度。千駟賤采薇。季孫由儉顯。管仲病三歸。夫差耽淫侈。終爲越所圍。遺身外榮利。然後享巍巍。迷者一何衆。孔難知德希。甚美致憔悴。不如豚豕肥。楊朱泣路歧。失道令人悲。子貢欲自矜。原憲知其非。屈伸各異勢。窮達不同資。夫唯體中庸。先天天不違。○樂府詩集四十。廣文選十三。詩紀二十二。

朝時篇怨歌行○詩紀作怨歌行朝時篇。

昭昭朝時日。皎皎晨樂府作最。明月。十五人君門。一別終華髮。同心忽異離。曠若樂府、廣文選作如。胡與越。胡越有會時。參辰遼且闊。形影雖玉臺、樂府作無。髣髴。音聲寂無達。織絃感促柱。觸之哀聲發。情思如循環。憂來不可遏。塗山有餘恨。詩人詠采葛。蜻蛚吟牀下。回風起幽闥。春榮隨露樂府、廣文選作路。詩紀同。

落。芙蓉生木末。自傷命不遇。良辰永廣文選作有。乖別。已爾可奈何。譬如紈素裂。孤雌翔故巢。流星光景絕。魂神馳萬里。甘心要同穴。○玉臺新詠二。樂府詩集四十二。廣文選十三。詩紀二十二。

明月篇

皎皎明月光。灼灼朝日暉。昔爲春蠶玉臺作繭。絲。類聚作緒。今爲秋女衣。丹唇列類聚作形。素齒。翠彩發蛾眉。嬌子多好言。歡合易爲姿。玉顏盛類聚作膚。有時。秀色隨年衰。常恐新間舊。變故興細微。浮萍本無根。玉臺、廣文選作無根本。樂府注。一作浮萍無根本。非水將何依。憂喜更相接。樂極還自玉臺作自還。悲。○玉臺新詠二。樂府詩集六十五。廣文選十三。詩紀二十二。又類聚四十一作怨詩。引衣、眉、衰、微、依五韻。

秋蘭篇

秋蘭映玉臺作蔭。類聚、初學記、御覽、樂府同。玉池。池水清且芳。樂府作且芳香。芙蓉隨風發。中有雙鴛鴦。雙魚自踴躍。兩鳥時迴初學記、御覽作徊。翔。君其玉臺作期。樂府、詩紀云。一作期。歷九秋。與妾同衣裳。○玉臺新詠二。樂府詩集六十四。詩紀二十二。又類聚八十一、初學記二十七、御覽九百八十三並作詠秋蘭詩。並引芳、翔二韻。

前有一罇酒行

置酒結此會。主人起行觴。玉罇兩楹間。絲理東西廂。舞袖一何妙。變化窮萬方。賓主齊德量。欣欣樂未

央。同享千年壽。朋來會此堂。○樂府詩集六十五。詩紀二十二。

何當行

同聲自相應。同心自相知。外合不由中。雖固終必離。管鮑不世出。結交安可爲。○樂府詩集七十六。文選補遺三十四。詩紀二十二。

却東西門行

金□□□遲。當是金樽訴行遲。絲竹聲大悲。和樂唯有舞。運體不失機。退似前一作潛。龍婉。進如翔鸞飛。回目流神光。傾亞有餘姿。○宋本初學記十五。詩紀二十二。又初學記十五引機、飛二韻。

飛塵篇

飛塵穢清流。朝雲蔽日光。秋蘭豈不芬。鮑肆亂其芳。河決潰金堤。一手不能障。○類聚六。樂府詩集六十四。詩紀二十二。

天行篇

天行一何健。日月無高當作停。縱。初學記作綜。百川皆赴海。類聚作赴陽谷。三辰回類聚作因。泰蒙。○類聚一。初學記

一作歌天詩。詩紀二十二。

歷九秋篇董逃行○六言

詩紀作董逃行歷九秋篇十二首。六言。並注云。玉臺新詠以前十首作梁簡文帝。今從樂府併爲玄詩。選詩拾遺曰。樂錄云傅玄作。據文選注引之。以爲漢古辭也。○逮案。玉臺歷九秋篇董桃行爲一首十二章。非十二首。

歷九秋兮三春。遣玉臺遺字上有分字。樂府、廣文選、詩紀作遺。貴客兮遠類聚作一。賓。顧多類聚作名。君心所親。乃命妙伎才人。炳若日月星辰。

序金罍兮玉觴。賓主遞起雁樂府誤作寫。行。杯若飛電絕光。交觴接卮結裳。慷慨歡笑萬方。

奏新詩兮夫君。爛然虎變龍文。渾如天地未分。齊謳楚舞紛紛。歌聲上激文選注作徹。青雲。

窮八音兮異倫。奇聲靡靡每新。微披玉臺作笑。素齒丹唇。逸響飛薄梁塵。精爽眇眇樂府、廣文選作眇眇。入神。坐咸醉兮沾歡。引樽促席臨軒。進爵獻壽翻翻。千秋要君一言。願愛不移若山。

君恩愛兮不竭。譬若朝日夕月。此景萬里不絕。長保初醮結髮。廣文選、詩紀作髮結。何憂坐成玉臺作生。樂府字缺。胡越。

攜弱手兮金環。上遊飛閣雲間。穆若鴛鳳雙樂府字缺。鸞。樂府作燕。注。一作鸞。還幸蘭房自安。娛心極樂府作樂。意難原。

樂既極兮多懷。盛時忽逝若頽。寒暑革御景迴。春榮隨風飄摧。感物動心增哀。

妾受命兮孤虛。男兒墮樂府作隨。注。一作墮。地稱珠。玉臺、樂府、廣文選作姝。草堂詩注作殊。女弱雖玉臺、樂府作難。存若無。骨肉至親更疏。奉事他人托軀。

君如影兮隨形。賤妾如水浮萍。明月不能常盈。誰能無根保榮。良時冉冉代征。

顧繡領兮含輝。皎日迴光則玉臺作側。微。朱華忽爾樂府作示。廣文選作是。詩紀云。一作是。漸衰。影欲捨形高飛。誰言往思玉臺作恩。可追。

薺與麥兮夏零。蘭桂踐霜樂府作履。注。一作霜。逾馨。祿命懸天難明。妾玉臺作委。心結意丹青。何憂君心中傾。○玉臺新詠九。樂府詩集三十四。廣文選十三。又文選四南都賦注古樂府有歷九秋妾薄命行歌辭。引紛、雲二韻。類聚四十二引倫、唇、塵、神四韻。草堂詩箋三十四錦樹行注引殊、無二韻。

吳楚歌七言

燕人美兮趙女佳。其室則邇兮限層。類聚作增。樂府作曾。崖。雲爲車兮風爲馬。玉在山類聚作泥。兮蘭在野。雲無期兮風有止。思多端兮御覽無兮字。樂府作思心多端。誰能理。○玉臺新詠九作燕人美篇。類聚四十三作燕人美兮歌。樂府詩集八十三。廣文選十四。詩紀二十二。又御覽八作傅玄歌。引馬、野、止、里四韻。

鴻鴈生塞北行以下雜言。

魏武帝却東西門行曰。鴻雁生塞北。乃在無人鄉。

鳳凰遠生海西。及時崑山岡。五德存羽儀。和鳴定官商。百鳥並侍左右。鼓翼騰華光。上熙遊雲日間。千歲時來翔。孰若彼龍與龜。曳尾泥中藏。非雲雨則不升。冬伏春迺驤。退哀此秋蘭草。根絕隨化揚。靈氣一何憂。當作優。美。萬里馳芬芳。常恐物微易歇。一朝見棄忘。○樂府詩集三十七。詩紀二十二。

白楊行

古今樂錄曰。王僧虔技錄有白楊行。今不歌。

青雲固非青。當雲奈白雲。驥從西北馳來。吾何憶。驥來對我悲鳴。舉頭氣凌青雲。當奈此驥正龍形。踠足蹉跎長坡下。蹇驢慷慨。敢與我爭馳。躑躅鹽車之中。流汗兩耳盡下垂。雖懷千里之逸志。當時一得施。白雲影影。舍我高翔。青雲徘徊。戕我愁啼。上眄增崖。下臨清池。日欲西移。既來歸君。君不一顧。仰天太息。當用生爲青雲乎。樂府作青乎雲。飛時悲當奈何耶。青雲飛乎。○樂府詩集四十。詩紀二十二。

秦女休行

龐詩紀云。一作秦。氏有烈婦。義聲馳雍涼。父母家有重怨。仇人暴且彊。雖有男兄弟。志弱不能當。烈女念此痛。丹心爲寸傷。外若無意者。內潛思無方。白日入都市。怨家如平常。匿劍藏白刃。一奮尋身僵。身首爲之異處。伏尸列肆旁。肉與土合成泥。灑血濺飛梁。猛氣上千雲霓。仇黨失守爲披攘。一市稱烈義。觀者收淚並慨忼。百男何當益。不如一女良。烈女直造縣門。云父不幸遭禍殃。今仇身以分裂。雖死情益

揚。殺人當伏法。義不苟活隳舊章。縣令解印綬。令我傷心不忍聽。刑部垂頭塞耳。令我吏舉不能成。烈著希代之績。義立無窮之名。夫家同受其祚。子子孫孫咸享其榮。今我作樂府作絃。歌樂府有吟字。詠高風。激揚壯發悲且清。○樂府詩集六十一。詩紀二十二。

雲中白子高行

陵陽子。來明意。欲作天與仙人遊。超登元氣攀日月。遂造天門將上謁。閭闔闢。見紫微絳闕。紫宮崔嵬。高殿嵯峨。雙闕萬丈玉樹羅。童女掣電策。樂府、廣文選無策字。書鈔作飛電。童男挽雷車。雲漢隨天流。浩浩如江河。因王長公謁上皇。鈞天樂作不可詳。龍仙神仙。教我靈祕。八風子儀。與遊我祥。我心何戚戚。思故鄉。俯看故鄉。二儀設張。樂哉二儀。日月運移。地東南傾。天西北馳。鶴五氣所補。鼈四足所支。齊駕飛龍驂赤螭。逍遙五岳間。東西馳。長廣文選作期。詩紀云。一作期。與天地並。復何爲。復何爲。○樂府詩集六十三。廣文選十三。詩紀二十二。又編珠一。草堂詩箋七高都詩注、書鈔百五十二並作傅玄詩。引車一韵。御覽十三作傅玄詩。引童女掣電四字。

西長安行

所思兮何在。乃在西長安。何用存問妾。香橙玉臺作橙。雙珠環。何用重存問。羽爵翠琅玕。今我兮聞廣文選作問。詩紀同。君。更有兮異心。香亦不可燒。環亦不可沈。香燒日有歇。環沈日自深。○玉臺新詠二。廣文選十三。詩紀二十二。

車遥遥篇

車遥遥兮馬洋洋。追思君兮不可忘。君安遊兮西入秦。願爲影兮樂府作願將微影。隨君身。君在陰兮影不見。君依光兮樂府作君仰日月。妾所願。○玉臺新詠九。文選補遺三十四。樂府詩集六十九作梁車數辭。廣文選十三。詩紀二十二。又類聚四十二作車遥遥篇。引洋、忘、秦、身四韻。

昔思君

昔君與我兮形影潛結。今君與我兮雲飛雨絕。昔君與我兮音響相和。今君與我兮落葉去柯。昔君與我兮金石無虧。今君與我兮星滅光離。○樂府詩集七十四。廣文選十三。詩紀二十二。

美女篇

美人一何麗。顏若芙蓉花。一顧亂人國。再顧亂人家。未亂猶可奈何。○樂府詩集六十三。詩紀二十二。

挽歌

人生豈能百。哀情數萬端。不幸嬰篤病。凶候形素顏。衣衾爲誰施。束帶就闔棺。欲悲淚已竭。欲辭不能言。存亡自遠近。長夜何漫漫。壽堂閑且長。祖載歸不還。○書鈔九十二。

人生豈能百。哀情數萬嬰。路柳夾靈輜。旗旒隨風征。車輪結不轉。百駟齊悲鳴。○同上
靈坐飛塵起。魂衣正委移。芒芒丘墓間。松柏鬱參差。明器無用時。桐車不可馳。書鈔或作行。平生坐玉殿。
沒歸都幽宮。地下無刻漏。安知夏與冬。○書鈔九十二。九十四引行一韵。

豫章行

輕裘綴孔翠。明珂曜珊瑚。○書鈔百二十六、百二十九。御覽三百五十九。
琅玕溢金匱。文璧世所無。○文選二十五答魏子悌詩注。

擬楚篇

登崑崙漱玉池。○文選三十一雜體詩注。
光滅星離。○文選十二江賦注。

豔歌行

咄來長歌續短歌。○文選二十七長歌行注。

日昇歌

東光昇朝陽。羲和初攬轡。六龍並騰驤。逸景何晃晃。旭日照萬方。皇德配天地。神明類聚作盟。馮校仍作明。鑒幽荒。○類聚一。詩紀二十二。

驚雷歌

驚雷奮兮震萬里。威陵宇宙兮動四海。六合不維兮誰能理。○類聚二。初學記一。詩紀二十二。

九曲歌

歲莫景邁羣御覽作時。光絕。安得長繩繫白日。御覽作日月。○御覽七百六十六。詩紀二十二。

樂府

胡飯兼御。相國食前。方丈殊珍。○書鈔百四十五。

粉加甲煎。名香熏陸。艾納迴光。○書鈔百三十五。○遼案。三句有訛誤。

穆穆三春節。書鈔缺此字。天氣暖且和。○書鈔百五十四。初學記三。

男當進曰當作仕。女適人。投心委命□受身。○書鈔八十四。

昔有林此下或有缺字。號曰陰康。始教民舞。涕氣以揚之。○書鈔百七。

鳳有翼龍有鱗。君不獨興。必須良臣。○初學記十九。

東方將欲和。太白星飛芒。曜靈照照舒光。○書鈔百四十九。

歌

煌煌芙蕖。從風芬葩。照以皎日。灌以清波。陰結其實。初學記、萬花谷作根。陽發其華。類聚作花。金房綠葉。初

學記、萬花谷誤作者。素株初學記、萬花谷作珠。翠柯。○類聚八十二。初學記二十七。萬花谷後三十七。詩紀二十二作芙蕖。

寶劍神奇。鏤象龍離。當作鱗。通犀文玉。明珠錯地。光如電影。擬之則離。○書鈔百二十二。

有所思兮。在天一方。何以贈之。玉佩珠璜。○御覽八百七。

飛沉殊厥趣。草木以區別。鸞鷲樂山林。龍蛇安藪穴。○書鈔百五十八。

雷師鳴鐘鼓。風伯吹笙簧。西母出穴聽。王父吟安廂。○初學記十六。

黃葉離高柯。丹棗坐自初學記作生白。誤。零。不惜棗自零。念我少弟兄。○御覽九百六十五。事類賦棗賦注。又初學記

二十八引零一韻。

日中萬影正。夕中萬影傾。○文選二十大將軍宴會被命作詩注。

渡江南。採蓮花。芙蓉增敷。擘若星羅。綠葉映長波。迴風容與動纖柯。○類聚八十二。詩紀二十二作蓮歌。

曲池何澹澹。芙蓉敞清源。榮華盛壯時。見者誰不賞歎。一朝光采落。故人不迴顏。○御覽九百九十九。

歌者齊絃。舞者振鐸。絃錚錚。鐸朗朗。○書鈔百八。

所樂亦非琴。唯言琵琶與書鈔無與字。箏。能娛我心。○書鈔百一十。初學記十六。

免搗藥月間草堂詩注有兮字。下同。安足道。神草堂詩注無神字。烏戲雲間安足道。○初學記二十九。草堂詩箋十月詩注。御覽九百七。事類賦免賦注。萬花谷後三十九。

青雲徘徊謂我愁。○御覽八。

我家近宮掖。易知復難忘。黃金爲閣門。白玉爲殿堂。○御覽百八十四。

答程曉詩四言

奕奕兩儀。昭昭太陽。四氣代升。三朝受祥。濟濟羣后。峨峨聖皇。元服肇御。配天垂光。伊州作粥。王室惟康。顛顛兆民。蠢蠢戎羶。率土充庭。萬國奉蕃。皇澤雲行。神化風宣。六合成熙。遐邇同歡。赫赫明明。天人合和。下罔遺滯。焦朽斯華。矧我良朋。如玉之嘉。穆穆離離。興頌作歌。○類聚三十一。廣文選十三。詩紀二十二。

宴會詩

日之既逝。情亦既渥。賓委餘歡。主容不足。樂飲今夕。溫其如玉。○初學記十四。詩紀二十二。

雜詩二首以下五言。

志士惜日短。愁人知夜長。攝衣步前庭。仰觀南鴈翔。玄景隨形運。流響歸空房。清風何飄颻。微月出西

方。繁星衣文選作依。六臣本注云。五臣作衣。詩紀云。一作依。青天。列宿自成行。蟬鳴高樹間。野鳥號東廂。李善本文選作箱。織雲時髣髴。渥露沾我裳。良時無停景。北斗忽低昂。常恐寒節至。凝氣結爲霜。落葉隨風摧。一絕文選注誤作紀。如流光。○文選二十九。文章正宗二十九。詩紀二十二。又文選十四舞鶴賦注引一句。

閒夜微風起。明月照高書。鈔作鸞。臺。清響呼不應。玄景招不來。厨人進藿茹。有酒不盈杯。安貧福所與。富貴爲禍媒。金玉雖高堂。於我賤蒿萊。○類聚二十六。廣文選十五。詩紀二十二。又書鈔百五十引臺一韻。

鵲巢丘城側。雀乳空井中。居不附龍鳳。常畏蛇與蟲。依賢義不恐。近暴自當窮。○類聚九十二。廣文選十五。詩紀二十二。

又答程曉詩

羲和運玉衡。招搖賦朔旬。嘉慶形三朝。美德揚初春。聖主加元服。萬國望威神。伊周敷玄化。並世霑天人。洪崖歌山岫。許由嗟水濱。○類聚三十一。詩紀二十二。○逸案。晉人於宴贈答等詩篇。率四言、五言併作。已屬其時風習。此篇與前四言。類聚以序並列。皆歌頌君主之加元服者。知是同題同時之作。不宜分置兩處。今仍照詩紀著錄。特說明於此。

衆星詩

朗月並詩紀作共。衆星。日出擅其明。冬寒地爲裂。春和草木榮。陽德雖普濟。非陰亦不成。○類聚一。詩紀二十二。

又詩紀作古詩。

東方大明星。光景照千里。少年捨詩紀作舍。家遊。思心晝夜起。○類聚一。詩紀二十二。

雨詩

詩紀作苦雨。

徂暑未一旬。重陽翳朝霞。厥初月離畢。積日遂滂沱。屯雲結書鈔誤作純。不解。長溜書鈔作雷。周書鈔誤作同。四阿。霖雨如倒書鈔誤作到。井。黃潦起洪波。湍流類聚、韻補作深。詩紀同。激牆隅。編珠作垣牆。門庭若決河。炊爨不復舉。竈中生蛙蝦。○類聚二作傅玄詩。詩紀二十二。又書鈔百五十作傅玄詩。引阿一韻。百五十一傅玄詩。引一句。編珠一傅玄詩引波、河二韻。韻補二引河、蝦二韻。

庭燎詩

元正始朝享。類聚作亨。書鈔作朝天子。萬國執珪璋。枝燈若火樹。庭燎繼天光。○類聚八十。詩紀二十二。又書鈔百五十五引璋一韻。

雜詩

詩紀作苦熱。

朱明運將極。溽暑晝夜興。裁動四支廢。舉身若山陵。珠汗洽玉體。呼吸氣鬱蒸。塵垢自成泥。素粉隨手

凝。○類聚五作傅玄詩。御覽三十四作傅玄詩。詩紀二十二。又書鈔百五十六引呼吸氣鬱蒸一句。

雜詩

習習谷風興。書鈔或作雨。回回景雲飛。青天敷翠采。朝日含丹輝。○書鈔百四十九、百五十四。○遼案。書鈔百四十九引傅玄樂府詩云。青天含翠彩。素日馳青暉。當卽此篇異文。

雜詩

詩紀作失題。

暘類聚作湯。谷發精類聚作清。曜。九日棲高枝。願得並天御。六龍齊玉羈。○類聚一作晉傅玄詩。詩紀二十二。又書鈔百四十九引枝一韻。

詩

詩紀作宴詩。

鸞鳥晞。宋本初學記作師。鳳皇。望舒繼白日。千秋邁嘉會。來升君子室。華樽享清醕。珍肴自盈溢。○初學記十四。詩紀二十二。

詩

季冬時慘烈。猛寒不可勝。嚴書鈔作寒。風截人耳。素雪墜地凝。林御覽或作牀。上飛霜起。波中自生冰。

未夕結重衾。崇朝不敢興。○御覽二十七、三十四。又書鈔百五十六引一句。

詩

炎旱歷三時。天運失其道。河中飛塵起。野田無生草。一飡重丘山。哀之以終老。君無半粒儲。形影不相保。○御覽四百八十六。

詩

詩紀作失題。

有女殊代生。涉江采菱花。上翳青雲景。下鑒詩紀誤作鑿。淥水波。○初學記六。詩紀二十二。

詩

詩紀作失題。

彎我繁弱弓。弄我丈八稍。一舉覆三軍。再舉殄戎貊。○類聚六十。御覽三百五十四。詩紀二十二。

詩

詩紀作失題。

飛蓬隨飄起。芳草摧山澤。世有千年松。人生詎能百。○類聚八十八。詩紀二十二。

擬四愁詩四首

并序○以下七言。

昔詩紀無昔字。張平子作四愁詩。體小而俗。七言類也。聊擬而作之。名曰擬四愁詩。其辭曰。詩紀無此三字。

我所思兮在瀛洲。願爲雙鵠戲中流。牽牛織女期在秋。山高水深路無由。愍予不遘嬰殷憂。佳人貽御覽作美人贈。我明月珠。何以要御覽作報。之比目魚。海廣無舟悵勞劬。寄言飛龍天馬駒。風起雲披飛龍逝。驚波滔天馬不厲。何爲多念心憂泄。○玉臺新詠九。詩紀二十二。又御覽四百七十八引珠、魚二韻。

我所思兮在珠崖。願爲比翼浮清池。剛柔合德配二儀。形影一絕長別離。愍予不遘情如攜。佳人貽我蘭蕙草。何以要之同心鳥。火熱水深憂盈抱。申以琬琰夜光寶。卞和既沒玉不察。存若流光忽電滅。何爲多念獨蘊詩紀作鬱。結。○玉臺新詠九。詩紀二十二。

我所思兮在崑山。願爲鹿麇詩紀云。一作蚤。窺虞淵。日月回耀照景天。參辰詩紀作差。曠隔會無緣。愍予不遘罹百艱。佳御覽作美。人贈玉臺作貽。我蘇合香。何以要之翠鴛鴦。懸度弱水川無梁。申以錦衣文繡裳。三光騁邁景不留。鮮矣詩紀作似。民生忽如浮。何爲多念祇自愁。○玉臺新詠九。詩紀二十二。御覽四百七十八引香、鴛二韻。我所思兮在朔方。願爲飛燕玉臺作鴈。俱南翔。煥乎人道著三光。胡越殊心生異鄉。愍予不遘罹百殃。佳人貽我羽葆詩紀作葆羽。纓。何以要之影與形。永增玉臺作增冰。憂結繁華零。申以日月指明星。星辰有翳日月移。駑馬哀鳴慙不馳。何爲多念徒自虧。○玉臺新詠九。詩紀二十二。

兩儀詩

兩儀始分元氣清。列宿垂象六位成。日月西流景東征。悠悠萬物殊品名。聖人憂代念羣生。○萬花谷後一作傳玄詩。詩紀二十二。○逸案。類聚一、初學記一引兩儀詩云。兩儀始分。元氣上清。列宿垂象。六位時成。日月西邁。流景東征。悠悠萬

物。殊品齊名。聖人憂世。實念羣生。與此少異。

歌詩紀作天行歌。

天時泰兮昭以陽。清風起兮景雲翔。仰觀兮辰象。日月兮運周。俯視兮河海。百川兮東流。○類聚一。詩紀二十二。

雜言詩

雷隱隱。白帖作殷殷。感妾心。傾耳清聽非車音。詩紀云。一無清字。案宋本初學記無清字。○類聚二。初學記一。白帖一。詩紀二十二。

詩詩紀作啄木。

啄木高翔鳴啾啾。飄搖林薄著桑槐。瘦合壁事類作纒。緣類聚作緣。樹間喙如錐。合壁事類誤作佳。嚶喔嚶喔聲正悲。專爲萬物作倡俳。當此之時。樂不可迴。○類聚九十二。合壁事類別集七十一。詩紀二十二。

詩詩紀作雲歌。

白雲翩翩翔天庭。流景髣髴非君形。白雲飄飄捨我高翔。青雲徘徊爲我愁腸。○類聚一。詩紀二十二。

四言雜詩

忽然長逝。火滅煙消。○書鈔九十二。初學記十四。萬花谷後二十二。

七哀詩

杳杳三泉室。冥冥玄夜堂。○書鈔九十二。

擬馬防詩

繇役無止時。徵發傾四海。○書鈔四十一。○遼案。原本書鈔無繇字。從陳本增入。

雜詩

浮萍蔽綠水。楊柳何依依。繁華正葳蕤。○書鈔百五十四。

浮雲含愁氣。文選注作色。悲風坐自歎。○書鈔百五十。文選十三雪賦注。御覽八。

團團三五日。當作月。皎皎曜清暉。○書鈔百五十。

炎景時鬱蒸。海沸沙石融。○書鈔四百五十六。

詩

蕭蕭秋氣升。淒淒萬物衰。榮華盡零落。槁葉縱橫飛。○書鈔百五十四。○遠案。原本書鈔第一句只作蕭蕭秋聲。或蕭蕭秋氣。今從陳本增改。

蟾蜍食明月。虹蜺薄朝日。○御覽九百四十九。

驚飈晝夜起。○書鈔百五十六。

飢食野棗實。○類聚八十七。

机榻委塵埃。○文選三十和謝宣城詩注。

程曉

曉。字季明。東郡東阿人。衛尉昱之孫。魏黃初中。封列侯。嘉平中爲黃門侍郎。後爲汝南太守。人晉官職不明。有集二卷。

贈傅休奕詩

熒熒獨夫。寂寂靜處。酒不盈觴。肴不掩俎。厥客伊何。許由巢父。厥味類聚作醴。伊何。玄酒瓠脯。○類聚三十一。廣文選十贈傅咸詩。詩紀十七。又書鈔百四十五引脯一韵。

三光飛景。玉衡代邁。龍集甲子。四時成歲。權輿授代。徐陳蕩穢。元服初嘉。萬福咸會。赫赫應門。嚴嚴朱闕。羣后揚揚。類聚作傷傷。庭燎皙皙。○類聚三十一。詩紀十七。

嘲熱客詩

平生三伏時。道路無行車。閉書鈔、類聚作閑。門避暑卧。出入不相過。今世太平廣記作代。古文苑作只今。詩紀云。一作只今。襜御覽作能。注。音奈。類聚作悲。襜御覽注。音載。太平廣記作愚癡。子。觸熱到人家。主人聞客來。羶蹙類聚作嘔。嘔。御覽或作頻就。奈此何。謂當起行御覽作行起。去。安坐正御覽作止。跣文苑作踞。跨。古文苑、太平廣記作咨嗟。詩紀同。所說無一御覽作了無。急。啫哈御覽作吟。一古文苑、太平廣記作踏啫吟。何多。疲瘠文苑、御覽作倦。向之歲時雜詠作云。久。御覽誤作以。甫文苑作笑。問君御覽作居。極那。搖扇臂類聚作胛。歲時雜詠作體。太平廣記作腕。古文苑、詩紀作髀。文苑注。類聚作髀。中疼。歲時雜詠作痛。文苑同。又注。歲時作疼。古文苑、詩紀作疾。流汗正滂御覽或誤作滂。沱。莫謂此古文苑、太平廣記作爲。詩紀同。小事。亦是人一詩紀作一大。瑕。傳戒類聚作誠。諸類聚作語。高朋。太平廣記作朋友。熱行宜見訶。類聚作譟。歲時雜詠作歌。古文苑、太平廣記、詩紀作呵。○古今歲時雜詠二十二作伏日詩。御覽三十四。文苑英華百五十七作伏日。詩紀十七。又古文苑四及太平廣記二百五十三所引缺那一韻。又初學記四、御覽三十一並引車、過、家、何、沱、訶六韻。類聚五引車、過、家、何、沱、譟六韻。書鈔百五十五引車、過二韻。事類賦夏賦注引車、過、訶三韻。萬花谷三作伏日詩。引家、沱二韻。

鍾琰

琰。潁川人。鍾繇曾孫。王渾妻。有集五卷。

詩

冽冽季冬。素雪其霏。○初學記三。

晉詩卷二

李密

密。字令伯。犍爲武陽人。仕蜀爲郎。蜀平。徵爲太子洗馬。出爲溫令。遷漢中太守。免官。卒於家。

賜餞東堂詔令賦詩

晉書曰。密有才能。常望內轉。而朝廷無援。乃遷漢中太守。自以失分懷怨。及賜餞東堂。詔普令賦詩。末章云云。
武帝忿之。於是都官從事奏免密官。

人亦有言。有因有緣。官無中人。不如歸田。明明在上。斯語豈然。○晉書本傳。詩紀二十三。

應貞

貞。字吉甫。汝南南頓人。魏侍中應璩子。正始中。舉高第。歷任撫軍及相國參軍。晉受禪。遷給事中。太子中庶子。散騎常侍。泰始五年卒。有集五卷。

晉武帝華林園集詩六臣本文選注云。五臣無園字。〇九章

詩紀云。洛陽圖經曰。華林園在城內東北隅。魏明帝起名芳林園。齊王芳改爲華林。干寶晉紀曰。泰始四年二月。上幸芳林園與羣臣宴。賦詩觀志。散騎常侍應貞詩最美。

悠悠太上。民晉書作人。六臣本文選注云。五臣作人。之厥初。皇極肇建。彝倫攸敷。五德更運。膺錄晉書作應錄。受符。陶唐既謝。天曆在虞。

於時六臣本文選注云。五臣作是。上帝。乃顧惟眷。光我晉六臣本文選作先。注云。善本作晉。祚。應期納禪。位以龍飛。文以虎晉書作豹。變。玄澤滂流。仁風潛扇。區內宅心。方隅回面。

天垂其象。地耀其文。鳳鳴朝陽。龍翔景雲。嘉禾重穎。萸莢載芬。率土咸序。晉書作寧。人胥悅欣。恢恢皇度。穆穆聖容。言思其順。晉書作允。貌思其恭。在視斯明。在聽斯聰。登庸以德。明試以功。

其恭惟何。昧且丕顯。無理不經。無義不踐。行捨其華。言去其辯。韻補作辨。游心至虛。同規易簡。六府孔修。九有斯靖。晉書作來踐。

澤靡不被。化罔不加。聲教南暨。西漸流沙。幽書鈔幽下多邦字。人肄晉書文選作肆。六臣注云。五臣本作肄。險。遠國忘遐。越裳重譯。充我晉書作仞。皇家。

峨峨列辟。赫赫虎晉書作武。臣。內和五品。外威四賓。修晉書作順。書鈔作恭。時貢職。人覲天人。備言錫命。羽蓋朱輪。

貽宴好會。不常厥數。神心所受。晉書作授。六臣本文選注云。五臣作授。不言而喻。於是晉書、李善本文選作時。肆晉書作肆。六臣本文選注云。五臣本作肆。射。弓矢斯御。發彼五晉書作互。的。有酒斯飫。

文武之道。厥猷未墜。在昔先王。躬各書作躬。此從五臣本文選。御茲器。示武懼荒。過亦晉書作則。爲失。凡厥羣后。無懈于位。○晉書本傳。文選二十。詩紀二十三。又書鈔十引遐一韵。八十一作華林園詩。引臣、人、輪三韵。韵補三作華林應制詩。引辨、靖二韵。

華覽崇文大夫唱

陰陽運潛。玄風扇厲。鷹隼騰揚。□狸搏噬。○書鈔百五十四。

應亨

亨。貞從孫。南中郎長史。有集二卷。

贈四王冠詩并序

詩紀依初學記編入漢詩。曾培初學記校記云。亨爲貞從孫。貞見晉書文苑傳。又永平爲晉惠帝年號。則後漢字誤也。遂按。曾說是。

永平年四月。初學記作永平四年。非是。外弟王景系兄弟四人兄弟四人。書鈔作長世徹世從世卍地蔣公十字。並冠。貽

四王子四王子三字。初學記只作之字。詩曰。○書鈔八十四。初學記十四。○遼案。晉惠帝永平元年三月即改元元康。此云永平年四月。仍有訛誤。通典五十六載王堪冠禮儀云。永平元年正月戊子冠。中外四孫設一席于東廂。引冠者以長幼次于席。南面東上。賓宗人立于西廂。東面面上。堪立于東軒陳元服于席上云。據此王堪爲冠者之一。又王堪之字曰世胄。書鈔引序文有世徹、世從、世母三人。世母乃世胄之脫誤。可證此詩爲王景系、王世胄等加冠作。序文四月爲正月之訛。

濟濟四令弟。妙年踐書鈔作才。二一九。令御覽作今。月惟吉日。成服加元首。人咸飾其容。鮮能離塵垢。雖初學記作置。無兕觥爵。書鈔作角酌。杯醑傳旨酒。○初學記十四作後漢應亨贈四王冠詩。詩紀四。又書鈔八十四作貽四王子詩。引九、首、酒三韻。御覽五百四十引九、首、酒三韻。

阮种

种。字德猷。陳留尉氏人。泰始中舉孝廉。爲公府掾。舉賢良對策上第。除尚書郎。轉中書郎。遷平原相。卒于郡。有集二卷。

贈棗據詩

體直響正。源深流清。○文選二十五於安城答靈運詩注。

裴秀

秀。字季彦。河東聞喜人。魏時大將軍曹爽辟爲掾。遷黃門侍郎。尋爲廷尉正。歷文帝安東司馬。遷散騎常侍。轉尚書。延熙初。遷尚書僕射。封濟川侯。武帝受禪。加左光祿大夫。封鉅鹿郡公。尋爲司空。泰始七年卒。年四十八。有集三卷。

大蜡詩

日躔星紀。大呂司辰。類聚作晨。玄象改次。庶衆更新。歲事告成。八蜡報勤。告成伊何。年豐物阜。豐裡孝祀。介茲萬祐。初學記、古文苑作景福。詩紀云。一作景福。報勤伊何。農功是歸。穆穆我后。矜類聚作務。古文苑同。茲蒸黎。宣力菑畝。沾體暴肌。飲饗清祀。四方來綏。充牣類聚作仞。古文苑作物。郊甸。鱗集京師。交錯貿遷。紛葩相追。摻類聚作反。袂成幕。連袞類聚缺成幕連袞四字。成帷。有肉如丘。有酒如泉。御覽作淵。是。有肴如林。有貨如山。率土同權。和氣來臻。祥古文苑作朔。初學記缺祥字。風叶順。降祉自天。方隅清謐。嘉祚日延。與民優游。享壽萬年。○類聚五。詩紀二十三。又初學記四、古文苑八所引缺肌一韻。御覽三十三引淵、山二韻。

新詩

姬文發號令。哀窮先矜賤。齊景吐德音。益治一國半。注曰。齊景在外壽宮。見長年負薪而飢色。悽然傷心。命吏餐焉。晏子聞之。再拜而賀曰。君吐此音。益治國半也。○書鈔三十九。

新詩

渴者易爲飲。飢者易爲食。方丈日在前。○書鈔四十三。

成公綏

綏。字子安。東郡白馬人。仕魏爲博士。歷祕書郎。遷中書郎。晉泰始九年卒。年四十三。有集十卷。

中宮詩二首

殷湯令妃。有莘之女。仁教內修。度義以處。清謚後宮。九嬪有序。尹類聚尹上有伊字。爲媵臣。遂作元輔。詩

紀云。周詩逸軌作賢明誦。○類聚十五作成公綏詩。詩紀二十一。

天地不獨立。造化由陰陽。乾坤垂覆載。日月曜鳴沙類書殘卷作輝。重光。治初學記、萬花谷作理。國先家道。立教起閨房。二妃濟萬花谷誤作齊。有虞。三母隆初學記作翊。萬花谷同。周王塗山興大禹。有莘佐成湯。齊晉霸諸侯。皆賴姬萬花谷誤作同。與姜。關雎思賢妃。此言安可忘。○初學記十。類聚十五作成公綏詩。詩紀二十一。又鳴沙石室古籍叢殘類書殘卷、萬花谷後八並無題。

仙詩廣文選作遊仙詩。詩紀同。

盛年無幾時。奄忽行欲老。那得赤松子。從學度世道。西入華陰山。求得神芝草。珠玉猶戴廣文選作糞。是。土。何惜千金寶。但願壽無窮。與君長相保。○類聚七十八。廣文選九。詩紀二十一。

詩廣文選作行詩。詩紀同。又注。一作途中作。

洋洋熊耳流。巍巍伊闕山。高岡碣崔嵬。雙阜夾長川。素石何磷磷。水禽浮廣文選。詩紀作何。翩翩。遠涉許穎路。顧思邈綿綿。鬱陶懷所親。引領情緬然。○類聚二十七。廣文選十。詩紀二十一。

五言詩

誰謂鬼無知。杜伯射宣王。○水經注渭水注。

皇甫謐

謐。字士安。安定朝那人。自號玄晏先生。晉受禪。舉賢良方正。咸寧初，徵太子中庶子、議郎、著作郎等。並不應。太康三年卒。年六十八。所著有帝王世紀十卷、年曆六卷、高士傳六卷、逸士傳一卷、列女傳六卷、玄晏春秋三卷、集二卷。

女怨詩

婚禮既定。婚禮臨成。施衿結帨。三命丁寧。○書鈔八十四。初學記十四。詩紀二十三。

詩

□輪迴路。驂服□半。駟車遠馳。僕陳交亂。棄我舊廬。爰適他館。○書鈔八十四。○遼案。書鈔此詩在婚禮部。次前詩之後。當亦女怨詩逸句。

辛曠

曠。安定人。

贈皇甫謐詩

顛顛朝士。亦孔其依。莫不遲想。載渴載飢。我弓我旄。禮亦無違。企望高岡。來儀來歸。其歸伊何。與帝同心。明明天子。如日之臨。臨照四方。探頤幽深。山無逸民。水無潛鱗。爰彼詩紀作被。注。一作彼。九臯。克量德音。茂哉先生。皇實是欽。○類聚三十六。詩紀三十。

賈充

充。字公閭。平陽襄陵人。仕魏爲中郎將。晉受禪。封魯郡公。遷尚書令。轉司空、太尉。太康三年卒。年六十六。有集五卷。

與妻李夫人聯句 一云定情聯句。

晉書曰。充初娶李豐女。淑美有才行。豐被誅。李氏坐流徙。復娶郭配女。卽廣城君。後李以赦得還。帝特詔充買左右夫人。郭怒不許。充乃爲李築室於永年里。而不往來。李名婉。字淑文。郭名槐。一云名玉璜。

室中是阿誰。歎息聲正悲。賈歎息亦何爲。但恐大義虧。李大義同膠漆。匪石心不移。賈人誰不慮終。日月有合離。李我心子所達。子心我所一作亦。知。賈若能不食言。與君同所宜。李○古詩類苑六十八。詩紀二十三。

薛瑩

瑩。字道言。綜子。吳皓時。歷任選曹尚書、左國史。入晉爲散騎常侍。太康三年卒。有集二卷。

獻詩

吳志曰。建衡三年。孫皓追嘆瑩父綜遺文。且命瑩繼作。瑩獻詩曰。

惟臣之先。昔仕于漢。奕世縣縣。頗涉臺觀。暨臣父綜。遭時之難。卯金失御。邦家毀亂。適茲樂土。庶存子遺。天啓其心。東南是歸。厥初流隸。困於蠻垂。大皇開基。恩德遠施。特蒙招命。拯擢泥污。釋放巾褐。受職剖符。作守合浦。在海之隅。遷入京輦。遂升機樞。枯瘁更榮。絕統復紀。自微而顯。非願之始。亦惟寵遇。心存足止。重值文皇。建號東宮。乃作少傅。光華益隆。明明聖嗣。至德謙崇。禮遇兼加。惟渥惟豐。

哀哀先臣。念竭其忠。洪恩未報。委世以終。嗟臣蔑賤。惟昆及弟。幸生幸育。託綜遺體。過庭既訓。頑蔽難啓。堂構弗克。志存耦耕。豈悟聖朝。仁澤流盈。追錄先臣。愍其無成。是濟是拔。被以殊榮。珥忝千里。受命南征。旌旗備物。金革揚聲。及臣斯陋。實闇實微。既顯前軌。人物之機。復傳東宮。繼世荷輝。才不逮先。是忝是違。乾德博好。文雅是貴。追悼亡臣。冀存遺類。如何愚胤。曾無髣髴。瞻彼舊寵。顧此頑虛。孰能忍媿。臣實與居。夙夜反側。克心自論。父子兄弟。累世蒙恩。死惟結草。生誓殺身。雖則灰隕。無報萬分。○三國志薛瑩傳。詩紀二十。

答華永先詩

桴鼓常在側。筆研永欲捐。卷裘不復開。干戈以爲權。○御覽三百二十八。

棗據

據。字道彥。潁川長社人。辟大將軍府。出爲山陽令。遷尚書郎。賈充伐吳。請爲從事中郎。軍還。徙黃門侍郎、冀州刺史、太子中庶子。太康中卒。年五十餘。有集二卷。

答阮得猷詩

友朋顧之。貽我良箴。玩之無斁。終詠斯音。燕鼎在舟。雖重不沈。庶憑嘉謨。高迹可尋。○類聚三十一。詩紀

雜詩

吳寇未殄滅。亂象侵邊疆。天子命上宰。作蕃于漢陽。開國建元士。玉帛聘賢良。予非荆山璞。謬登和氏場。羊質服李善。本文選作復。虎文。燕翼假鳳翔。既懼非所任。怨彼南路長。千里既悠邈。路次限關梁。僕夫罷六臣。本文選注云。五臣作疲。遠涉。六臣本文選注云。五臣作陟。車馬困山岡。深谷下無底。高巖暨穹蒼。豐草停滋潤。霧露沾衣裳。玄林結陰氣。不風自寒涼。顧瞻情感切。惻愴心哀傷。士生則懸弧。有事在四方。安得恆逍遙。端坐守閨房。引義割外情。內感實難忘。○文選二十九。詩紀二十三。

詩 詩紀作遊覽。

矯足登雲閣。相伴步九華。徙倚憑高山。仰攀桂樹柯。延首觀神州。迴睛酌補作精。吟類聚作眇。酌補作盼。曲阿。芳林挺修幹。一歲再三花。何以濟不朽。噓吸漱朝霞。重岩吐神溜。傾觴挹涌波。恢恢大道間。人事足為多。○類聚二十八。廣文選九。詩紀二十三。又酌補九引阿、花二酌。

詩

有鳳適南中。終日無歡娛。自怨梧桐遠。行飛棲桑榆。奮迅振長翼。俛仰向天衢。簫韶逝無聞。朝陽不可

須。○類聚九十。詩紀二十三。

詩

金玉有本質。焉能不堅剛。惟在遠爐灰。幽居永潛藏。○初學記二十七。

詩

騏驥伏吳坂。不與伯樂俱。駑馬同銜勒。豈得獨卓殊。○御覽三百五十八。

詩

下窺幽谷底。窈窕一何深。魚動起重淵。鳥驚奮高林。○觀林詩話。

五言詩

涼風動玄帳。明月皎素輝。○書鈔百三十一。

詩

真偽各有分。駑驥不齊鑣。○御覽三百五十八。

王濬

濬。字士治。弘農湖人。初辟河東從事。歷益州刺史。平吳有功。封襄陽縣侯。遷鎮軍大將軍。太康六年卒。年八十。有集二卷。

祖道應令詩

侯誰在矣。東宮誥誥。曰保曰傅。弘道維新。前疑協衡。顧問翼輪。豈伊張仲。專美前津。渙乎唐德。欽在四鄰。齊軌上葉。永垂清塵。○類聚二十九。詩紀二十三。

平吳詩

茫茫禹跡。九域乃賓。庶士交正。無思不順。○韵補四。
馬怠其衡。車曳其輪。飛龍造造。天命有晉。○同上

荀勗

勗。字公曾。潁川潁陰人。仕魏爲大將軍曹爽掾。轉驃騎將軍司馬懿從事中郎。遷廷尉正。參大將軍司馬昭軍事。賜爵關內侯。進侍中。封安陽子。武帝受禪。改封濟北郡侯。拜中書監。領著作。進光

祿大夫、尚書令。太康十年卒。有集三卷。

從武帝華林園宴詩二章

習習春初學記作奉。陽。帝出乎震。天施地生。以應仲春。思文聖皇。順時秉仁。初學記作人。欽初學記作飲。誤。若靈則。飲初學記作飲。誤。御嘉賓。洪恩普廣文選作晉。暢。慶乃衆臣。

其慶惟何。錫以帝祉。肆覲羣后。有客戾止。外納要荒。內延卿士。簫管詠德。八音咸理。凱樂飲酒。莫不宴喜。○類聚三十九。廣文選九作晉武帝華林園詩。初學記十四。詩紀二十一。

三月三日從華林園詩

清節中季春。姑洗通滯塞。玉輅扶淥池。臨川蕩苛慝。○初學記四。詩紀四十。○遼案。此與上篇當爲同時之作。蓋一用四言。一用五言也。

王銓

銓。陳郡陳人。太康中爲博望令。

爲兩足虎作歌詩

王隱晉書曰。中宗召問王隱曰。荊州送兩足虎。其欲何爲也。隱曰。謹案先臣銓傳。太康時獻兩足虎。因作歌詩云

云以諷。銓意以晉金行也。金在西方。其獸為虎。虎有四足。猶國有四方。無半勢而又見獲。將有懷、愍之禍也。

般般白虎。觀釁荆楚。孫吳不逞。金皇赫怒。○開元占經百十六、梅鼎祚西晉文紀並引王隱晉書。

武形有虧。金獸失儀。聖主應天。斯異何為。○晉書五行志。○逮案。五行志曰。太康六年。南陽獻兩足猛獸。此毛蟲之孽

也。識者為其文曰云云。嚴可均全晉文即據以編入闕名卷中。考開元占經引王隱晉書。王銓為兩足虎作歌詩。而梅鼎祚所引王隱晉書則

云。太康六年。荆州送兩足虎。時尚書郎索靖議稱半虎。博令王鈐為文。據般般白虎四句。武形有虧四句均王銓歌詩逸語。稱為文者。乃

歌詩之簡耳。王鈐乃王銓之誤。武形之武乃虎字。因避唐諱改武也。

夏侯湛

湛。字孝若。譙國譙人。文章宏富。善構新詞。泰始中。舉賢良方正。拜郎中。選補太子舍人。轉尚書

郎。出為野王令。除中書侍郎。出為南陽相。遷太子僕。惠帝即位。為散騎常侍。元康初卒。年四十

九。有新論十卷、集十卷。

周詩

敘曰。周詩者。南垓、白華、華黍、由庚、崇丘、由儀六篇。有其義而亡其辭。湛續其亡。故云周詩也。世說

曰。夏侯湛作周詩成。示潘安仁。安仁曰。此非徒溫雅。乃別見孝悌之性。潘因此遂作家風詩。

既殷斯虔。仰說洪恩。夕定晨省。奉朝侍昏。宵中告退。雞鳴在門。孳孳恭誨。夙夜是敦。○世說新語文學篇

注。詩紀三十。

山路吟

夙駕兮待明。陟山路兮遐征。冒晨朝兮人大谷。道逶迤兮嵐氣清。攬轡兮抑馬。踟躕兮曠野。曠野疆兮遼落。崇岳兮嵬粵。丘陵兮連離。卉木兮交錯。淥水兮長流。驚濤兮拂石。○類聚七。詩紀三十。

江上泛歌

悠悠兮遠征。悠悠兮暨南荆。南荆兮臨長江。臨長江類聚作江河。兮討不庭。江水兮浩浩。長流兮萬里。洪浪兮雲轉。陽侯兮奔起。驚翼兮垂天。鯨魚兮岳峙。蘼蕪紛兮被阜陸。脩竹鬱兮翳崖趾。望江之南兮邀目桂林。桂林詩紀作枝。蒨鬱兮鷓鴣揚音。凌波兮願濟。舟楫不具兮江水深。沈嗟迴盼於北夏。何歸軫之難尋。○類聚八。詩紀三十。

離親詠

剖符兮南荆。辭親兮遐征。發軔兮皇京。夕臻兮泉亭。撫首兮內顧。按轡兮安步。仰戀兮後塗。俯歎兮前路。既感物以永思兮。且歸身乎懷抱。苟違親以從利兮。匪曾閔之攸寶。視微榮之瑣瑣兮。知吾志之愈小。獨申愧於一心兮。慚報德之彌少。○類聚二十。詩紀三十。

長夜謠

日暮兮初晴。天灼灼兮遐清。披雲兮歸山。垂景兮照庭。列宿兮皎皎。星稀兮月明。亭檐隅以逍遙兮。吟太類聚作大。虛以仰觀。望閭闔之昭晰兮。麗紫微之暉煥。○類聚十九。詩紀三十。

寒苦謠

惟立冬之初夜。天慘慄以降寒。霜皚皚以被庭。冰澹灑於井幹。草槭槭以疏葉。木蕭蕭以零殘。松隕葉於翠條。竹摧柯於綠竿。○類聚五。詩紀三十。

春可樂

春可樂兮樂東作之良時。嘉新田之啓萊。悅中疇之發菑。桑冉冉以奮條。麥遂遂以揚秀。澤苗翳渚。原卉耀阜。春可樂兮樂崇陸之可娛。登夷岡以迴眺。超矯駕乎山隅。御覽作嶠。春可樂兮綴雜華。初學記作花。以爲蓋。集繁蕤以飾裳。散風衣之馥氣。納戢懷之潛芳。鸚交交以弄音。翠翩翩以輕翔。招君子以偕樂。攜淑人以微行。○類聚三。又初學記三引裳一韻。御覽五十六引娛、嶠二韻。

援若流之綠芰。○初學記三。

進櫻桃于玉盤。○御覽九百六十九。

秋可哀

秋可哀兮哀秋日之蕭條。火迴景以西流。天既清而氣高。壤含素霜。山結玄霄。月延路以增夜。日遷行以收暉。屏締給于笥匣。納綸縞以授衣。秋可哀兮哀新物之陳蕪。綢篠朔以斂稀。密葉槭以損疎。雁擢翼於太清。燕蟠形乎榛墟。秋可哀兮哀良夜之遙長。月翳翳以隱雲。星類聚作時。朧朧以投。初學記作而沒。光。映前軒之疎幌。照後帷之閑房。拊輕衾而不寐。臨虛檻而褰裳。感時邁以興思。情愴愴以含傷。○類聚三。又初學記三引光、房二韻。

秋可哀兮哀南畝之菜當作萊。荒。既採蕭於大陸兮。又刈蘭乎崇岡。○御覽五十六。

秋夕哀

秋夕兮遙長。哀心兮永傷。結帷兮中宇。屣履兮閑房。聽蟋蟀之潛鳴。睹遊雁之雲翔。尋修廡之飛檐。覽明月之流光。木蕭蕭以被初學記作死。風。階縞縞以受霜。玉機兮環轉。四運兮驟遷。銜恤兮迄今。忽將兮涉年。日往兮哀深。歲暮兮思繁。○類聚三。又初學記三作秋可哀詩。引傷、霜二韻。

征邁辭

上伊關兮臨川。撫駿馬兮授鞍。中衢兮載歎。斂鞚兮盤桓。○御覽三百五十八。

王濟

濟。字武子。太原晉陽人。武帝時尚常山公主。起家中書郎。遷侍中。終於太僕。有集二卷。

平吳後三月三日華林園詩

蠢爾長蛇。荐食江汜。我皇神武。汎舟萬里。迅雷電邁。弗及掩耳。思樂華林。薄采其蘭。皇居偉則。芳園巨觀。仁以山悅。水爲智歡。清池流爵。秘樂通玄。脩晉灑鱗。大庖妙饌。物以時序。情以化宣。終温且克。有肅初筵。嘉賓在茲。千宋本初學記作干。祿永年。○類聚四引汜、里、耳、蘭、觀、歡、玄、宣八韻。初學記十四作王濟從事華林園詩。引饌、宣、筵、年四韻。廣文選八作華林園詩。引汜、里、耳、蘭、觀、歡、玄、宣八韻。詩紀二十三。

從事華林詩

鬱鬱華林。奕奕疎圃。燕彼羣后。郁郁有序。○書鈔八十二。○逯案。初學記引上詩作從事華林園詩。此四句蓋上詩佚文。

詩

於顯我王。緝乘斯民。俊明有德。嚴恭惟寅。○魏書三十六李順傳附憲傳釋情賦注引王武子詩。

答何劭詩

計終收遐致。發軌將先起。○文選二十三拜陵廟詩注。

孫楚

楚。字子荆。太原中都人。歷任著作佐郎、石苞驃騎參軍。後爲扶風王駿征西參軍。轉梁令。遷衛軍司馬。惠帝初爲馮翊太守。元康三年卒。有集十二卷。

答弘農故吏民詩

昔我先侯。邁德垂化。康哉之詠。實由良佐。惟余忝辱。弗克負荷。每歷貴邦。仰瞻泰華。追慕先軌。感想哀嗟。誥誥臣故。爰及羣士。皓首老成。率彼邑里。闡崇高義。長幼以齒。○類聚二十九。詩紀三十。

除婦服詩

集云。婦胡母氏也。世說曰。孫子荆除婦服。作詩以示王武子。王曰。未知文生於情。情生於文。覽之悽然。增伉儷之重。

時邁不停。日月電流。神爽登遐。忽已一周。禮制有敘。告除靈丘。臨祠感痛。中心若抽。○世說新語文學篇

注。詩紀三十。

太僕座上詩

朝欽厥庸。出尹京畿。迴受太僕。四牡駢駢。綠初學記作駟。耳盈箱。翠華葳蕤。勳齊庭實。增國之暉。○初學記十二。詩紀三十。

會王侍中座上詩

顯允君子。時惟英邵。玄貂左移。華蟬增曜。○御覽六百八十八。

祖道詩

仰天惟龍。御地以驥。利有攸往。不期而至。○初學記五。詩紀三十。

征西官屬送於陟陽侯作詩

晨風飄歧路。零雨被秋草。傾城遠追文選殘頁作迫。類聚作相。送。餞我千里道。三命漁隱叢話作本。皆有極。咄嗟安可保。莫大於殤子。彭聃猶爲天。吉凶如糾纏。文選殘頁作纏。文章正宗、詩紀同。憂喜相紛繞。六臣本文選注云。五臣作擾。按選注原應作擾。天地爲我鑪。萬物一何小。達人垂大觀。誠此苦不早。乖離卽長衢。惆悵盈懷抱。孰

能察其心。鑒之以蒼昊。齊契在今朝。守之與偕老。○文選二十。日本延喜十三年刻文選殘頁。文章正宗二十九。詩紀三十。又類聚二十九作征西官屬送別詩。引草、道、抱三韻。初學記十八作征西官屬於陟陽候祖道詩。引草、道二韻。茗溪漁隱叢話二引保一韻。

之馮翊祖道詩

舉翮撫三秦。抗我千里目。念當隔山河。執觴懷慘毒。○初學記十八。詩紀三十。

出歌

茱萸出芳樹顛。鯉魚出洛水泉。白鹽出河東。美豉御覽作鼓。出魯淵。御覽作川。薑桂茶薺出巴蜀。椒橘木蘭出高山。蓼蘇出溝渠。精御覽作秣。稗出中田。○陸羽茶經下作孫楚歌。御覽八百六十七。

董京

京。字威輦。不知何郡人。初與隴西計吏俱至洛陽。被髮而行。逍遙吟詠。常宿白社中。時乞於市。後數年遁去。莫知所之。

詩二首

晉書曰。京既遁去。於其寢處。有詩二篇。

乾道剛簡。坤體敦密。茫茫太素。是則是述。末世流奔。以文代質。悠悠世目。孰知其實。逝將去此至虛。
御覽作抱此玄虛。歸此自然御覽作我寂寞。之室。○晉書本傳。御覽五百二引王隱晉書。詩紀三十。
孔子不遇。時彼感麟。詩紀云。舊作麟。誤。麟乎麟。胡不遁世以存真。○晉書本傳。詩紀三十。

答孫楚詩

晉書曰。京在洛陽。孫楚時爲著作郎。數就社中與京語。遂載與俱歸。京不肯坐。楚貽之書曰。今堯舜之世。胡爲懷道迷邦。京答之以詩。

周道斁兮頌聲沒。夏政衰兮五常汨。便便君子。顧望而逝。洋洋乎滿目。而作者七。豈不樂天地之化也。哀哉乎時之不可與。對之以獨處。無娛我以爲歡。清流可飲。至道可餐。何爲栖栖。自使疲單。魚懸獸檻。鄙夫知之。夫古之至人。藏器於詩紀作如。靈。緼袍不能令暖。詩紀作今暖。注云。當作令暖。軒冕不能令榮。動如川之流。靜如川之渟。詩紀作亭。鸚鵡能言。泗濱浮磬。衆人所翫。豈合物情。玄鳥紆幕。而不被害。鴈隼遠巢。咸以欲死。眄彼詩紀作被。梁魚。逡巡倒尾。沈吟不決。忽焉失水。嗟乎。魚鳥相與。萬世而不悟。以我觀之。乃明其故。焉知不有達人。深穆其度。亦將闕我。顰頤而去。萬物皆賤。惟人爲貴。動以九州爲狹。靜以環堵爲大。○晉書本傳。詩紀三十。

晉詩卷三

傅咸

咸。字長虞。玄子。泰始末。拜太子洗馬。累遷尚書右丞。出爲冀州刺史。元康初。遷御史中丞。再爲本州中正。以議郎長兼司隸校尉。元康四年卒。年五十六。有集三十卷。

孝經詩二章

詩紀云。春秋正義曰。傅咸七經詩。王羲之寫。今所存者六經耳。

立身行道。始於事親。上下無怨。不惡於人。類聚作不敢惡人。詩紀云。一作不敢惡人。孝無終始。不離其身。三者備矣。以臨其民。

以孝事君。不離令名。進思盡忠。義則不爭。類聚作不義則爭。匡救其惡。災害不生。孝悌之至。通於神明。

○類聚五十五。初學記二十一。詩紀二十二。

論語詩二章

守死善道。磨而不磷。直哉史魚。可謂大臣。見危授命。能致其身。

克己復禮。學優則仕。富貴在天。爲仁由己。以道事君。死而後已。○類聚五十五。初學記二十一。詩紀二十二。

毛詩詩二章

無將大車。維塵冥冥。濟濟多士。文王以寧。顯初學記作明。允君子。大猷是經。

聿脩厥德。令終有俶。類聚作淑。勉爾遐思。我言維服。盜言孔甘。其何能初學記作惟。淑。讒人罔極。有覲面目。○類聚五十五。初學記二十一。詩紀二十二。

周易詩

卑以自牧。謙而益類聚。詩紀作尊而。光。進德修業。既有典常。暉光日新。照于四方。小人勿用。君子道長。

○類聚五十五。初學記二十一。詩紀二十二。

周官詩二章

惟王建國。詩紀云。一作極。設官分職。進賢興功。取諸初學記作時文。易直。除其不蠲。無敢反側。以德詔爵。允臻其極。

辨初學記作卞。其可任。以告于正。掌其戒禁。治其政令。各修乃職。以聽王命。○類聚五十五。初學記二十一。詩紀二十二。

左傳詩

詩紀云。前四首藝文類聚各分二章。此首藝文不載。以例考之。亦當爾也。

事君之禮。敢不盡情。敬奉德義。樹之風聲。昭德塞違。不殞其名。死而利國。以爲己榮。茲心不爽。忠而能力。不爲利諂。古之遺直。威當作威。黜不端。勿使能植。○初學記二十一。詩紀二十二。

與尚書同僚詩

非望之寵。謬加于己。猥授非據。奄司萬里。煌煌朱軒。服驥騶。類聚作參。騶。曄曄初星。類聚作延。肅肅臣僕。暉光顯赫。衆目所屬。斯之弗稱。匪榮伊辱。質弱尚父。類聚作甫。廣文選同。受任鷹揚。德非樊仲。王命是將。百城或違。無能有匡。一州之矜。將弛其綱。得意忘言。言在意後。夫惟神交。可以長久。我心之孚。有盈于缶。與子偕老。豈曰執手。出司萬里。牧彼朔濱。服冕乘軒。六轡既均。威風先邁。百城肅震。○類聚三十一。廣文選十。詩紀二十二。

贈褚武良詩

爰暨于褚。惟晉之禎。肇振鳳翼。羽儀上京。聿作喉舌。納言紫庭。光贊帝道。敷皇之明。方任之重。實在江揚。乃授旄鉞。宣曜威靈。悠悠遐邁。東夏于征。○類聚三十一。廣文選十。詩紀二十二。

贈崔伏二郎詩

英妙之選。二生之授。顛顛兩城。歡德之茂。君子所居。九夷非陋。無狹百里。而不垂覆。人之好我。贈我清詩。示我周行。心與道期。誠發自中。義形於辭。古人辭讜。豈不爾思。○類聚三十一。廣文選十。詩紀二十二。

答潘尼詩并序

司州秀才潘正叔。識通才高。以文學溫雅爲博士。余性直。而處清論褒貶之任。作詩以見規。雖褒飾之舉。非所敢聞。而斐粲之辭。良可樂也。答之雖不足以相酬報。所謂盍各言志也。

貽我妙文。繁春之榮。匪榮斯尚。乃新其聲。吉甫作頌。有馥其馨。實由樊仲。其德克明。授此瓦礫。廁彼瑤瓊。貺非其喻。聞寵若驚。○類聚三十一。廣文選一。詩紀二十二。

答樂弘詩并序

安樂令樂弘。太傅鉅平侯羊公辟未就而公薨。後應司州之命。舉秀才。博文通濟之士。余失和於府。當換爲護軍司馬。賦詩見贈。答之云爾。

鉅平作宰。是貴是欽。弓旌仍招。嘉命胥尋。鸞鳳養儀。戢翼幽林。未附雅調。以和韶音。鉅平遐逝。厲志彌深。肅肅京司。清風裁邁。乃延羣彥。龍集鳳會。亦既斯降。萬里有賴。聲發響應。好結傾蓋。○類聚三十

一。詩紀二十二。

贈建平太守李叔龍詩

弘道興化。實在勣補作於。良守。悠悠建平。皇澤未流。朝選於衆。乃子之授。南荆注望。心乎克副。○類聚三十一。詩紀二十二。又勣補四作傅玄。引守、流、授三勣。

贈何劭王濟詩并序

朗陵公何敬祖。咸之從內兄。國子祭酒王武子。咸從姑之外孫也。並以明德見重於世。咸親之重之。情猶同生。義則師友。何公既登侍中。武子俄而亦作。二賢相得甚歡。咸亦慶之。然自限初學記作恨。閭劣。雖願其繼繼。而從之末由。歷試無效。且有家艱。心存目替。六臣本文選注云。善本無此一句。賦詩申懷以貽之。

日月光太清。列宿曜紫微。赫赫大晉朝。明明闕皇闕。吾兄既鳳翔。王子亦龍飛。雙鸞遊蘭渚。二離初學記作難。御覽作難。揚清暉。攜手升玉階。並坐侍丹帷。金璫綴惠文。煌煌發令姿。斯榮非攸庶。初學記作世所欽。繼繼情所希。豈不企高蹤。麟趾邈難追。臨川靡芳餌。何爲守空李善本文選作空守。坻。槁葉初學記作枯槁。待風飄。逝將與君違。違君能無戀。尸初學記作尺。素當言歸。歸身蓬華廬。樂道以忘飢。進則無云補。退則恤其私。但願隆弘美。王度日清夷。○文選二十五。初學記十二。詩紀二十二。又御覽二百十九引序及飛、輝二勣。

詩并序

楊駿就吾索詩云。茅文通相說。文動爲規藏可盡送。便作此詩。欲其有悟。然猶有慮。以示文通曰。得無作唯此白鶴直爲罵可。君此遠有文義。故欲令兄見之。唯此白鶴者。良冀臨池。而中有鶴白令子崔瑋爲賦。指以罵冀。遂并文與駿。寂然云不知多務不省也。將如搔腿。自無覺也。詩曰。

肅肅商風起。悄悄心自悲。圓圓御覽作團團。二五月。皎皎曜御覽作耀。清暉。御覽作輝。今昔一何盛。氛氳自消微。微黃黃及華。飄搖隨風飛。○鳴沙石室佚書修文殿御覽。又御覽四引輝一韵。○遠案。序、詩皆有訛誤。

贈太尉司馬虞顯機詩

帝崇元淑。妙選其屬。命子是佐。增袞之緝。○類聚三十一。詩紀二十二。

愁霖詩

舉足沒泥濘。市道無行車。蘭桂賤朽腐。柴粟貴明珠。○御覽十一。詩紀二十二。

詩

零露濬江海。飛塵崇山岳。過謬佐台輔。安能任鼎餗。○初學記二。詩紀二十二。

贈郭泰機詩并序

河南郭泰機。寒素後門之士。不知余無能爲益。以詩見激切可施用之才。而況沉淪不能自拔於世。余雖心知之而未如之何。此屈非復文辭所了。故直戲以答其詩云。

素絲豈不絜。寒女難爲容。○文選二十五答傅咸詩注。

貧寒猶手拙。操杼安能工。○同上

詩

淫雨彌旬日。河流若奔渠。○書鈔百五十一。○遼案。此當是愁霖詩佚句。

春敷和氣百鳥鳴。○書鈔百五十四。

郭泰機

泰機。河南人。寒素後門之士。

答傅咸詩

噉噉六臣本文選作皎皎。草堂詩注同。白素絲。織爲寒女衣。寒女草堂詩注作衣。雖妙巧。不得秉杼機。天寒知運

速。況復鴈南飛。衣草堂詩注作良。工秉刀尺。棄我忽若草堂詩注作如。遺。人不取諸身。世事李善本文選作士。焉所希。況復已朝餐。曷由知我飢。○文選二十五。詩紀三十。又草堂詩箋六自京詩注引衣、機二韻。三十二引衣、遺二韻。

張華

華。字茂先。范陽方城人。仕魏爲太常博士。除著作佐郎。遷長史。兼中書郎。晉受禪。拜黃門侍郎。封關內侯。遷中書令。轉度支尚書。吳平。進封廣武縣侯。出爲幽州都督。領護烏桓校尉、安北將軍。惠帝卽位。爲太子少傅。拜右光祿大夫、侍中、中書監。封壯武郡公。元康六年。拜司空。爲趙王倫所殺。有博物志十卷、集十卷。

門有車馬客行

門有車馬客。問君何鄉士。捷步往相訊。果是舊鄰里。語昔有故悲。論今無新喜。清晨相訪慰。日暮不能已。詞端競未究。忽唱分途始。前悲尚未弭。後憂方復起。○類聚四十一。詩紀二十一。○遠案。樂府詩集四十載鮑照門有車馬客行一首。與此全同而又多出六句。文義較爲完整。且鮑照本集亦載之。則此當是鮑詩逸篇。

輕薄篇

末世多輕薄。驕代書鈔、樂府、廣文選作或。詩紀云。一作或。好浮華。志意既樂府、廣文選作能。又樂府、詩紀云。一作既。放

逸。貨財亦豐奢。被服極纖麗。肴膳盡柔嘉。童僕餘梁肉。婢妾蹈綾羅。文軒樹草堂詩注作植。羽蓋。乘馬鳴
書鈔作佩。御覽、草堂詩注同。玉珂。橫簪編珠作者。刻御覽作列。玳瑁。御覽作瑁瑁。長鞭錯書鈔、初學記作施。象牙。足下
金鑄書鈔作薄。御覽作黃金。履。手中雙莫耶。賓從煥絡繹。侍御何芬葩。朝與金張期。暮宿許史家。甲第面長
街。朱門赫嵯峨。蒼梧竹葉清。書鈔作酒。宜城九醞醴。書鈔誤作酒。浮醪隨觴轉。素蟻自跳波。美女興齊趙。
妍初學記誤作研。唱出西巴。一顧傾城國。初學記作城國傾。千金寧樂府、廣文選作不。足多。北里獻書鈔獻下多其字。奇
舞。大陵奏書鈔奏下多此字。名歌。新聲踰初學記作殊。激楚。妙妓絕陽阿。玄鶴降浮雲。鰓魚躍中河。墨翟且停
車。展季猶咨嗟。淳于前行酒。雍門坐相和。孟公結重關。賓客不得蹉。三雅來何遲。耳熱眼中花。盤案互
交錯。坐席咸諠譁。簪珥咸樂府作或。墮落。冠冕皆傾邪。酣飲終日夜。明燈繼朝霞。絕纓尚不尤。安能復顧
他。留連彌信宿。此歡難可過。人生若浮寄。年時忽蹉跎。促促朝露期。榮樂遽幾何。念此腸中悲。涕下自
滂沱。但畏執法吏。禮防且切磋。○樂府詩集六十七。廣文選十三。詩紀二十一。又書鈔百三十六引華、耶二韻。初學記十五引
巴、多二韻。歌、阿二韻。御覽三百五十九引珂、牙二韻。書鈔百六引歌一韻。百四十八引醴一韻。文選三十五七命注引酒一韻。御覽六
百九十七引耶一韻。又書鈔百二十六、草堂詩箋三十九送顧詩注、御覽三百五十九引珂一韻。書鈔百二十六、初學記二十二引牙一韻。

遊俠篇

翩翩四公子。濁世稱賢名。類聚、樂府作明。龍虎相樂府作方。交爭。七國並抗衡。食客三千餘。門下多類聚作稱。
豪英。遊說朝夕至。辯士自縱橫。孟嘗東出關。樂府作出東關。廣文選同。濟身由雞鳴。信陵西反魏。秦人不窺

兵。韵補作疆。類聚作開濟疆。趙勝南詛。類聚作盟。楚。乃與毛遂行。黃歇北適秦。太子還入荆。美哉遊俠士。何以尚四卿。我則異於是。好古師老彭。○樂府詩集六十七。廣文選十三。詩紀二十一。又類聚三十三引明、英、橫、鳴、疆、行、荆七韵。韵補二引鳴疆二韵。

博陵王宮俠曲二首

俠客樂幽險。類聚作險幽。築室窮山陰。獠御覽作獠。獵野獸稀。御覽作盡。施網川無禽。歲暮飢寒至。慷慨頓足吟。窮令壯士激。安能懷苦心。干將坐自□。繁弱控餘音。耕佃窮淵陂。種粟著劍鐔。收秋狹路間。一擊重千金。棲遲熊羆穴。容與虎豹林。身在法令外。縱逸常不禁。○樂府詩集六十七。又類聚三十三引陰、林二韵。御覽四百七十三引陰、禽二韵。

雄兒書鈔作魏。任氣俠。類聚、御覽誤作候。擊蓋書鈔作溢。少年場。借友行報怨。殺人租類聚作駟。御覽作都。市旁。吳刀鳴手中。利劍嚴秋霜。腰間又素戟。手持白頭鑲。騰超類聚作起。如激電。類聚作電激。迴旋如流光。奮擊當手決。交屍自縱橫。寧爲殤鬼雄。義不入圍牆。生從命子遊。死聞俠骨香。身沒類聚作沒身。心不懲。勇氣加類聚誤作如。四方。○樂府詩集六十七。詩紀二十一。又書鈔百二十三引場、霜二韵。類聚三十三引場、傍、霜、光、香、方六韵。御覽四百七十三引場、旁、鑲三韵。○類聚聯爲一首。

遊獵篇

歲暮凝霜結。堅冰亘幽泉。厲風蕩原隰。浮雲蔽昊天。玄雲晦黓合。素雪紛連翩。鷹隼始擊鷙。虞人獻時鮮。嚴駕鳴儔侶。攬轡過中田。戎車方四牡。文軒馭紫燕。輿徒既整飭。容服麗且妍。武騎列重圍。前驅抗修旃。倏忽似回飈。絡繹若浮煙。鼓譟山淵動。衝塵雲霧連。輕縉拂素霓。織網蔭長川。游魚未暇竄。歸鴈不得還。樂府作旋。詩紀云。一作旋。由基控繁弱。公差操黃間。機發應弦倒。一縱連雙肩。僵禽正狼藉。落羽何翻。樂府作翻。翻。積獲被山阜。流血丹中原。馳騁未及倦。曜靈俄移晷。結罟彌藪澤。囂聲振四鄙。鳥驚觸白刃。獸駭掛流矢。仰手接遊鴻。舉足蹴犀兕。如黃批狡兔。類聚或誤作勇。青骹撮飛雉。鵠鷺不類聚或作皆。盡收。鳧鷖類聚或作小鳥。安足視。日冥徒御勞。賞勤課能否。野饗會衆賓。玄酒甘且旨。燔炙播遺芳。金觴浮素蟻。珍羞墜歸雲。織肴出淥水。四氣運不停。年時何亶亶。人生忽如寄。居世遽能幾。至人同禍福。達士等生死。榮辱渾一門。安知惡與美。遊放使心狂。覆車難再履。伯陽爲我誠。檢跡投清軌。○樂府詩集六十七。詩紀二十一。又類聚九十一、九十四並引雉、視二韻。

壯士篇

天地相震蕩。回薄不知詩紀云。一作可。窮。人物稟常格。有始必有終。年時俛仰過。功名宜速崇。壯士懷憤激。安能守虛沖。乘我大宛馬。撫我繁詩紀誤作繁。弱弓。長劍橫九野。高冠拂玄穹。慷慨成素霓。嘯吒起清風。震響駭八荒。奮威曜四戎。濯鱗滄海畔。馳騁大漠廣文選作漢。中。獨步聖明世。四海稱英雄。○樂府詩集六十七。廣文選十三。詩紀二十一。

蕭史曲

詩紀云。藝文作張華。樂府作鮑照。然此詩詞格不類晉人。當是鮑詩也。

蕭史愛長樂。府作少年。羸女吝童顏。火粒願排棄。霞霧好樂府作霞好忽。登攀。龍飛逸類聚作竟。詩紀云。一作竟。天路。鳳起出秦關。身去長不返。簫聲時往還。○類聚七十八作詠簫史詩。樂府詩集五十一作鮑照。詩紀二十一。

縱橫篇

蘇秦始爲交。同學鬼谷先生。辯說剖毫釐。變詐人無形。巧言惑正理。人主莫不傾聽。○御覽四百六十四。

苦寒行

重續無暖氣。輕被覆空牀。○御覽七百七。○四部叢刊本作苦行詩。無續字。

真人篇

朱李生東苑。甘瓜出西郊。○御覽九百七十八。

勵志詩九章四言

大儀幹運。天迴地游。四氣書鈔作時。鱗次。寒暑環周。星火既夕。忽焉素秋。涼風書鈔作商飈。振落。熠燿宵流。吉士思秋。實感物化。日與六臣本文選作歟。注云。善本作與字。下同。月與。荏苒代謝。逝者如斯。曾無日夜。嗟爾庶士。胡寧自舍。

仁道不遐。德輶如羽。求焉斯至。衆鮮克舉。大猷玄漠。將抽厥緒。先民六臣本文選注云。五臣作人。有作。貽我高矩。

雖有淑姿。放心縱逸。出李善本文選作田。殷六臣本文選注云。五臣作盤。于游。居多暇日。如彼梓材。弗勤丹漆。雖勞樸斲。終負素質。

養由矯矢。獸號于林。蒲蘆文選作菹蘆。六臣本注云。五臣作菹蘆。文章正宗作菹蘆。書鈔蘆作盧。縈繳。神感飛禽。末伎之妙。動物應心。研精就道。安有幽深。

安心恬蕩。棲志浮雲。體之以質。彪之以文。如彼南畝。力耒既勤。蕪蓁致功。必有豐殷。水積成川。李善本文選作淵。文章正宗同。載瀾六臣本文選注云。五臣作潤。載清。土積成山。歆蒸鬱冥。山不讓塵。川不辭盈。勉爾六臣本文選作志。詩紀云。一作志。含弘。以隆德聲。

高以下基。洪由纖起。川廣自六臣本文選注云。五臣作其。源。成人在始。累微以著。乃物之理。纒牽之長。實累千里。

復禮終朝。天下歸仁。若金受礪。若泥在鈞。進德修業。輝光日新。隰朋仰慕。予亦何人。○文選十九。文章正宗二十九。詩紀二十一。又書鈔百二十五引林、禽二韻。百五十三引一句。百五十四引流一韻。

祖道征西應詔詩

赫赫大晉。奄有萬方。陶以仁化。曜以天光。二詩紀作貳。跡陝西。實在我王。內飪廣文選作銓。玉鉉。外惟鷹揚。四牡揚鑣。玄輅振綏。庶寮羣后。餞飲洛湄。感離歎悽。慕德遲遲。○類聚二十九。廣文選八。詩紀二十一。

祖道趙王應詔詩

崇選穆穆。利建明德。詩紀云。一作明明。於顯穆親。時惟我王。稟姿自然。金質玉相。光宅舊趙。作鎮冀類聚作異。方。休寵曲錫。備物煥彰。發軔上京。出自天邑。百寮餞行。縉紳具集。軒冕峨峨。冠蓋習習。戀德惟懷。永歎弗及。○類聚二十九。廣文選八。詩紀二十一。

太康六年三月三日後園會詩四章

暮春元日。陽氣清明。祁祁甘雨。膏澤流盈。習習祥風。啓滯導生。禽鳥翔逸。類聚作逸豫。初學記、御覽、廣文選同。卉木類聚作桑麻。初學記、御覽、廣文選同。滋榮。織條被綠。翠華含英。

於皇我后。御覽作於我皇后。欽若昊乾。順時省物。言觀中園。讌及羣辟。乃命乃延。初學記作筵。御覽作初筵。詩紀云。一作初筵。合樂華池。被歲時雜詠作復。濯清川。汎歲時雜詠誤作凡。彼龍舟。沂類聚誤作沂。游洪類聚作渚。源。

朱幕雲覆。列坐文茵。羽觴波騰。品物備珍。管絃繁會。變用歲時雜詠作用變。奏新。穆穆我皇。臨下渥仁。訓

以慈惠。詢納廣神。好樂無荒。化達無垠。

咨予微臣。荷寵明時。忝恩于外。攸攸三期。歲時雜詠作暮。犬歲時雜詠誤作太。馬惟慕。天實爲之。靈啓其願。歲時雜詠作衷。遐願詩紀作邀。在茲。于以表情。爰著斯詩。此章歲時雜詠有亂。古今歲時雜詠十六。詩紀二十一。又類聚四、初學記四、御覽三十、廣文選八並引前二章。

詩

聽朝有暇。延書鈔作延。命羣臣。冠蓋雲集。樽俎星陳。○書鈔八十二。初學記十四。

上巳篇以下五言。

仁風導書鈔作道。和氣。勾歲時雜詠作句。詩紀同。芒御昊春。初學記誤作清。姑洗應時月。元書鈔作上。已啓良辰。密雲蔭朝日。零雨灑微塵。飛軒遊九野。置酒會衆賓。臨川懸廣幕。夾水布長茵。歲時雜詠作裊。徘徊存往古。慷慨慕先真。朋御覽作明。從自遠至。童冠八九人。追好舞雩庭。擬跡洙泗濱。伶人理新樂。膳夫御覽作工。烹御覽作獻。詩紀作然。時珍。八音礪磬奏。肴俎從橫陳。妙舞起齊趙。悲歌出三編珠作西。秦。春醴歲時雜詠作醴。踰九醞。歲時雜詠作醴。詩紀同。冬清御覽作青。過十旬。盛時不努力。歲暮將何因。勉哉衆君子。茂德景日新。高飛撫詩紀作舞。鳳翼。輕舉攀龍鱗。○古今歲時雜詠十六。詩紀二十一。又書鈔百四十八引句一韻。百五十五引春、辰二韻。初學記四引清、辰、塵、賓四韻。杜公瞻編珠引秦一韻。御覽三十引春、辰、人、珍、句五韻。

答何劭詩二首 何劭贈詩別見。

吏道何其迫。窘然坐自拘。纓綬爲徽纆。文憲焉可踰。恬曠苦不足。煩促每有餘。良朋貽新詩。示類聚作爾。我以游娛。穆如灑清風。煥李善本文選作矣。對牀夜語作煥。若春華敷。自昔同寮寀。於今比園廬。類聚作墟。衰疾李善本文選作夕。類聚同。近辱殆。六臣本文選注云。五臣殆辱。庶幾並懸輿。散髮重陰下。抱類聚作把。杖臨清渠。屬耳聽鸞鳴。類聚作鳴禽。流目翫儵李善本文選作儵。魚。從容養餘日。取樂於桑榆。○文選二十四。文章正宗二十九。詩紀二十一。又類聚三十一引娛、敷、墟、輿、渠、魚、榆七韻。范晞文對牀夜語一引敷、魚二韻。

洪鈞陶萬類。大塊稟羣生。明闇信異姿。靜躁亦殊形。自予及有識。志不在功名。虛恬竊所好。文學少所經。忝荷既過任。白日已西傾。道長苦智短。責重困才輕。周任有遺規。其言明且清。負乘爲我戒。夕惕坐自驚。是用感嘉貺。寫心出中誠。發篇雖溫麗。無乃違其情。○文選二十四。文章正宗二十九。詩紀二十一。駕言歸外庭。放志永棲遲。相伴步園疇。春草鬱鬱滋。榮觀雖盈目。親友莫與偕。悟物增隆思。結戀慕同儕。援翰屬新詩。永歎有餘懷。○類聚三十一。詩紀二十一。

情詩五首

北方有佳人。端坐鼓鳴琴。終晨撫管絃。日晡鈔作旦。夕不成音。憂來結不解。我思存所欽。君子尋時役。幽妾懷苦心。初爲三載別。於今久滯淫。昔耶玉臺作柳。廣文選作苦。並誤。生戶牖。庭內自成陰。玉臺作林。翔鳥鳴

翠偶。玉臺作隅。草蟲相和吟。心悲易感激。俛仰淚流衿。願托晨風翼。束帶侍衣衾。○玉臺新詠二。廣文選九。詩紀二十一。又書鈔一百九引琴、音二韻。

明月曜清景。曦光照玄詩。紀作元。墀。幽人守靜夜。迴身人空帷。束帶俟將朝。廓落晨星稀。寐假交精爽。覲我佳人姿。巧笑媚懽玉臺作權。曆。聯娟玉臺作媚。眸與眉。寤玉臺作寐。言增長歎。悽然心獨悲。○玉臺新詠二。廣文選九。詩紀二十一。

清風動帷簾。晨月照玉臺作燭。文選注、海錄碎事同。六臣本文選注云。五臣作燭。詩紀同。幽房。佳人處遐遠。蘭室無容光。襟玉臺作衿。懷擁虛李善本文選作靈。景。輕衾覆空牀。居歡惜文選作悵。六臣本注云。五臣作惜。夜促。在戚玉臺作感。六臣本文選注云。五臣作戚。怨宵長。拊玉臺作撫。六臣本文選注云。五臣作撫。枕獨嘯玉臺作吟。歎。感慨玉臺作綿綿。心內傷。○文選二十九。玉臺新詠二。詩紀二十一。又文選二十一雜體詩注引房一韻。海錄碎事上引房一韻。

君居北海陽。妾在江南玉臺作南江。陰。懸貌修塗遠。類聚作極修途。山川阻且深。承歡注隆愛。結分投所欽。銜恩玉臺作思。詩紀云。一作思。篤守玉臺作守篤。義。萬里託微心。○玉臺新詠二。類聚三十二。詩紀二十一。

游目玉臺作自。四野外。逍遙獨延佇。蘭蕙緣清渠。繁華蔭類聚作陰。綠類聚作淥。渚。佳人不在茲。取此類聚作之。欲誰與。巢居知風寒。唐寫本玉臺作颯。類聚作寒風。玉臺作覺風飄。穴處識類聚作知。陰雨。不玉臺作未。曾遠別離。安知慕儔侶。○文選二十九。玉臺新詠二。類聚三十二。詩紀二十一。又敦煌唐寫本玉臺新詠存篇末三十四字。○遠案。詩紀以清風、游目、北方、明月、君居等爲次。今從玉臺新詠。

感婚詩

駕言遊東邑。東邑紛襍襍。御覽作穰穰。婚姻及良時。嫁娶避當梁。窈窕出閨女。嫵婉姬與姜。素顏發紅華。美目流清揚。韓煒衆親盛。於我猶若常。譬彼暮春草。榮華不再陽。○初學記十四。詩紀二十一。又御覽百五十七引穰、梁二韻。

雜詩二首

晷度隨天運。四時互相承。萬花谷作乘。東壁正昏中。涸文選作固。六臣本注云。五臣作涸。陰寒節升。繁霜降。類聚作隆。當夕。悲風中夜興。朱火萬花谷作炎。青無光。蘭膏坐自類聚作未。凝。重衾無暖氣。挾纊如懷冰。伏枕終遙昔。寤言莫予應。永思慮崇替。詩紀作昔。慨然獨拊文選作撫。膺。○文選二十九。詩紀二十一。又類聚三、初學記三並引承、升、興、凝、冰五韻。萬花谷後二引乘、升、興、凝、冰五韻。

逍遙遊春宮。廣文選作空。詩紀同。又注云。一作宮。容與緣玉臺。廣文選作緣。詩紀作綠。池阿。唐寫本玉臺作河。白蘋齊廣文選。詩紀作開。素葉。朱草茂丹華。微風搖蒨玉臺。廣文選作蒨。唐寫本玉臺作藥。若。層波動芰荷。榮彩曜中林。流馨唐寫本玉臺作聲。人綺羅。王孫遊不歸。修路邈以唐寫本玉臺作以。遐。誰與翫詩紀作玩。遺芳。竚立獨咨嗟。○玉臺新詠二。敦煌唐寫本玉臺新詠。廣文選十五。詩紀二十一。

荏苒日月運。寒暑忽流易。同好逝玉臺作遊。不存。迢迢兩本玉臺俱作若若。遠離析。房櫳自來風。戶庭無行迹。

蒹葭生牀下。蛛蝥網四壁。懷思唐寫本玉臺作思。豈不隆。感物重鬱積。遊雁比翼翔。歸鴻知接翮。來哉彼君子。無然玉臺、廣文選、詩紀作愁。誤。徒自隔。○玉臺新詠二。唐寫本玉臺新詠。廣文選十五。詩紀二十一。

擬古詩

詩紀云。見藝文松類。有詩無題。古遺集云擬古。○遼案。又見鮑照集贈馬子喬。

松生壠坂上。百尺下無枝。東南望河尾。西北隱崑崖。剛類聚作網。鮑照集作野。風振山籟。朋鳥夜驚離。悲涼貫年節。葱翠恆若斯。安得草木心。不怨寒暑移。○鮑照集六。類聚八十八。詩紀二十一。

遊仙詩四首

雲霓垂藻旒。羽袿類聚作挂。揚輕裾。飄登清雲間。論道神皇廬。簫史登鳳音。王后吹鳴竽。守精味玄妙。逍遙無爲墟。○類聚七十八。詩紀二十一。

玉珮連浮星。輕冠結朝霞。列坐王母堂。豔體冷類聚作豔冷瓊。瑤華。湘妃詠涉江。漢女奏陽阿。○同上
乘雲去中夏。隨風濟江湘。躋躋陟高陵。遂升玉巒陽。雲娥薦瓊石。神妃侍衣裳。○同上
遊仙迫西極。弱水隔流沙。雲榜鼓霧旄。飄忽陵飛波。○書鈔百三十八。御覽七百七十一。

贈摯仲治詩

君子有逸志。棲遲於一丘。仰蔭高林茂。俯臨淥水流。恬淡養玄虛。沈精研聖猷。○類聚三十一。詩紀二十一。

招隱詩二首

隱士託山林。遁世以保真。連惠亮未遇。雄才屈不伸。○類聚三十六。詩紀二十一。

棲遲四野外。陸沈背當時。循名掩不著。藏器待無期。羲和策六龍。弭節越崦嵫。盛年俛仰過。忽若振輕絲。○同上

荷詩

荷生綠泉中。碧葉齊如規。迴風蕩流霧。珠水逐條垂。照灼鮑集作彪炳。此金塘。藻曜君玉鮑集作玉。池。不愁世賞絕。但畏盛明移。○類聚八十二。鮑照集四作學劉公幹體詩。

詩

混沌無形氣。奚從生兩儀。元一是能分。太極焉能離。玄爲誰翁子。道是誰家兒。天行自西迴。日月曷東馳。○御覽一。

詩

清晨登隴首。坎壤行山難。嶺阪峻阻曲。羊腸獨盤桓。○書鈔百五十七。

詩

乘馬佚於野。澤雉苦於樊。役心以嬰物。豈云我自然。○韻補二。

詩

橘生湘水側。菲陋人莫傳。逢君金華宴。得在白帖作生。玉堦類聚作机。前。○類聚八十六。白帖三十。鮑照集四。

詩

日南出野女。羣行不見夫。其狀精且白。裸袒無衣襦。○後漢書郡國志日南郡注引博物記。○遼案。此殆張華詩。

詩

闌徑少行迹。玉臺坐網絲。○海錄碎事四。

詩

青蓋覆金鞍。○書鈔百二十六。

櫻桃含紅萼。○初學記二十八。

1
r

2
3

4
5

晉詩卷四

周處

處。字子隱。義興陽羨人。仕吳爲東觀左丞。入晉。歷新平、廣漢太守。除內史。遷御史中丞。元康七年。以建威將軍討氏羌齊萬年。戰死。有默語三十篇、風土記三卷。

詩

晉書曰。齊萬年屯梁山。有衆七萬。夏侯駿逼處以五千兵擊之。乃攻萬年於六陌。處軍未食。梁王彤促令速戰。而絕其後繼。處知必敗。賦詩云云。

去去世事已。策馬觀西戎。藜藿甘梁黍。期之克令御覽作命。終。○晉書本傳。御覽三百十二。詩紀三十。

鄒湛

湛。字潤甫。南陽新野人。泰始初。歷任尚書郎、太子中庶子。太康中。拜散騎常侍。出爲渤海太守。轉太傅楊駿長史。遷侍中。後歷任國子祭酒、少府等職。元康末卒。有易統略若干卷、集三卷。

遊仙詩

潛穎隱九泉。女蘿緣高松。○文選二十一遊仙詩注。

紫芝列紅敷。丹泉激陽瀆。○文選三十一雜體詩注。

曹嘉

嘉。魏楚王彪世子。入晉封高邑公。元康中爲國子博士。後爲東莞太守。

贈石崇詩

詩紀云。曹嘉元康中與石崇俱爲國子博士。後嘉爲東莞太守。崇爲征虜將軍。監青、徐軍事。屯於下邳。嘉以詩遺崇。

文武應時用。兼才在明哲。嗟嗟我石生。爲國之俊傑。入侍於皇闈。詩紀云。一作闈。出則登九列。威檢肅青徐。風發宣吳裔。疇昔謬同位。情至過魯衛。分離踰十載。思遠心增結。願子鑒斯誠。寒暑不踰契。○三國

志楚王彪傳注。詩紀三十。

閻讚

讚。字續伯。巴西安漢人。惠帝初。歷舍人。轉安得令。復爲河間王顥西戎司馬。遷漢中太守。轉隴西太守。有集二卷。

爲周處士上詩

周全其節。令聞不已。身雖云沒。書名良史。○晉書周處傳。

潘岳

岳。字安仁。滎陽中牟人。武帝時。舉秀才爲郎。出爲河陽及懷二縣令。入補尚書郎。惠帝初。太傅楊駿引爲主簿。後選爲長安令。尋補著作郎。轉散騎常侍。永康元年。趙王倫輔政。孫秀誣岳與石崇爲亂。遂被害。有集十卷。

關中詩十六章

詩紀云。惠帝元康六年。氐賊齊萬年與楊茂於關中反亂。既平。帝命諸臣作關中詩。岳上表曰。詔臣作關中詩。輒奉詔竭愚作詩一篇。案漢記。孝明時護羌校尉竇林上降羌顛岸。以爲羌豪。岸兄顛吾復降。問事狀。林對前後兩屈。坐誣調下獄死。齊萬年編戶隸屬。爲日久矣。而死生異辭。必有詭譎。故引證喻。以懲不恪。

於皇時六臣本文選注云。五臣本作乃。詩紀云。五臣作乃。晉。受命既固。三祖在天。聖皇紹祚。德博化光。刑簡枉

錯。微火不戒。延我寶庫。

蠢爾戎狄。狡焉思肆。虞我國眚。窺我利器。嶽牧慮殊。威懷理二。將無專策。兵不素肄。翹翹趙王。請徒三萬。朝議惟疑。未逞斯願。桓桓梁征。高牙乃建。旗蓋相望。偏師作援。虎視眈眈。威彼好時。素甲日耀。玄幕雲起。誰其繼之。夏侯卿士。惟系惟處。別營棊時。

夫豈無謀。戎士承平。守有完郭。戰無全兵。鋒交卒奔。孰免孟明。飛檄秦郊。告敗上京。

周殉師令。身膏氏晉書作齊斧。人之云亡。貞節克舉。盧播違命。投畀朔土。爲法受惡。誰謂荼苦。

哀此黎元。無罪無辜。肝腦塗地。白骨交衢。夫行妻寡。父出子孤。俾我晉民。六臣本文選注云。五臣本作人。化爲狄俘。

亂離斯瘼。日月其稔。天子是矜。盱食晏詩紀作宴。寢。主憂臣勞。孰不祇懍。愧無獻納。尸素以甚。

皇赫斯怒。爰整精銳。命彼上谷。指日遄逝。親六臣本文選注云。五臣本作新。奉成規。稜六臣本文選注云。五臣本作精。威遐厲。首陷中亭。揚聲萬計。

兵固詭道。先聲後實。聞之有司。以萬爲一。紂之不善。我未之必。虛帛滿德。繆李善本文選作謬。彰甲吉。

雍門不啓。陳汧危偪。觀遂虎奮。感恩輸力。重圍克解。危城載色。六臣本文選注云。五臣本作邑。詩紀云。五臣作邑。豈曰無過。功亦不測。

情固萬端。于何不有。紛紜齊萬。亦孔之醜。日納其降。日梟其首。疇真可掩。孰僞六臣本文選注云。五臣本作爲。可久。

既徵爾辭。既蔽爾訟。當乃明實。否則證空。好爵既六臣本文選注云。五臣本作自。靡。顯戮亦從。不見竇林。伏尸漢邦。

周人之詩。寔曰采薇。北難獫狁。西患昆夷。以古況今。何足曜威。徒愍斯民。我心傷悲。

斯民如何。荼毒于秦。師旅既加。饑饉是因。疫癘淫行。荆棘成榛。絳陽之粟。浮于渭濱。

明明天子。視民六臣本文選注云。五臣本作人。如傷。申命羣司。保爾封疆。靡暴于衆。無陵于疆。惴惴寡弱。如熙春陽。○文選二十。詩紀二十八。又晉書五十八引斧、舉二韻。

爲賈謐作贈陸機詩十一章

肇自初創。二儀網緼。文選作烟燼。粵有生民。伏羲始君。結繩闡化。八象成文。芒芒六臣本文選注云。五臣作茫茫。九有。區域以分。

神農更王。類聚作生。軒轅承紀。畫野離疆。類聚作疆。爰封衆子。夏殷既襲。宗周繼類聚作繫。祀。綿綿瓜瓞。六國互峙。

疆秦兼併。吞滅四隅。子嬰面覩。漢祖膺圖。類聚作應符。六臣本文選注云。五臣作應符字。靈獻微弱。在涇則渝。三雄鼎足。孫啓南吳。

南吳伊何。僭號稱王。大晉統天。仁風遐揚。僞孫銜璧。詩紀誤作璧。奉土歸疆。婉婉長離。凌江而翔。

長離云誰。咨爾類聚作余。陸生。鶴鳴九臯。猶載厥聲。況乃海隅。播名上京。爰應旌招。撫翼宰類聚作紫。文選

李善注或作紫。非也。庭。

儲皇之選。實簡惟良。英英朱鸞。來自南岡。曜藻崇正。玄冕丹裳。如彼蘭蕙。載採其芳。

藩岳作鎮。輔我京室。旋反類聚作及。桑梓。帝弟作弼。或云國宦。類聚作官。六臣本文選注、詩紀並云。五臣作官。清塗攸失。吾子洗然。恬淡自逸。

廊廟惟清。俊乂是延。擢應嘉舉。自國而遷。齊轡羣書鈔作墀。龍。光讚納言。優游省闈。珥筆華軒。

昔余與子。繾綣東類聚作同。朝。雖禮以賓。情通友僚。嬉娛絲竹。撫鞞舞韶。脩日朗月。攜手逍遙。

自我六臣本文選注云。五臣作成。詩紀云。五臣作成。離羣。二周于今。雖簡其面。分著情深。子其超矣。實慰我心。發言爲詩。俟望類聚作望俟。好音。

欲崇其高。必重其層。立德之柄。莫匪安六臣本文選注云。善作宜。詩紀云。善作宜。恆。在南稱柑。文選、類聚作甘。度

北則橙。崇子鋒穎。不類類聚作穽。不崩。○文選二十四。詩紀二十八。又類聚三十一引二章、三章、四章、五章、七章、八章、十章及九章之朝、遙二韵、十一章之曾、橙、崩三韵。書鈔六十引言、軒二韵。

北芒送別王世胄詩五章

世說新語賞譽篇曰。謝胡兒嘗作王堪傳。咨謝公。謝公答曰。堪。烈之子。阮千里姨兄弟。潘安仁中外。安仁詩所謂云云。是許允壻。又注曰。晉諸公贊曰。堪字世胄。東平壽張人。少以高亮義正稱。爲尚書左丞。有準繩操。爲石勒所害。岳集曰。堪爲成都王軍司馬。岳送至北邙別。作詩曰云。

微微髮膚。受之父母。峨峨王侯。中外之首。子親伊姑。我父惟舅。昆同瓜瓞。志齊執友。惟我王侯。風節英茂。執憲中朝。剖符名守。配作此牧。頻顯煩授。徐以姻掇。涼疾不就。桓桓平北。帝之寵弟。彬彬我兄。敦書悅禮。乃降厥資。訓戎作楷。誰謂荼苦。其甘如薺。忠惟行本。恭惟德基。沈此舊疴。不敢屢辭。命彼僕駕。謂之輿之。如彼孫子。臏足乘輜。朱鑣既揚。四轡既整。駕言餞行。告辭芒嶺。情有遷文。館詞林作遺。延。日無餘景。類聚、詩紀作影。迴轅南翔。心焉北騁。○文館詞林百五十二作贈王胄。又類聚二十九、詩紀二十八並引整、嶺、景、騁四韻。

家風詩

縮髮縮髮。髮亦鬢。詩紀云。一作髮。止。日祇日祇。敬亦慎止。靡專靡有。受之父母。鳴鶴匪和。析薪弗荷。隱憂孔疚。我堂靡構。義方既訓。家道穎穎。豈敢荒寧。一日三省。○類聚二十三。詩紀二十八。

於賈謐坐講漢書詩

治初學記作理。道在儒。弘儒由人。顯允初學記作光矣。魯侯。文質彬彬。筆下摘藻。席上敷珍。前疑既類聚、初學記作惟。詩紀同。辨。舊史惟新。惟新初學記作將分。爾史。既辨爾疑。延我寮友。講此微辭。○類聚五十五。初學記二十一。詩紀二十八。又書鈔一百作讀漢書詩。引珍、新一韻。

離合詩

佃漁始化。人民穴處。意守醇樸。音應律呂。棗梓被源。卉木在野。錫鸞未設。金石拂舉。害咎蠲消。吉德流普。谿谷可安。奚作棟宇。媯然以憇。焉懼外侮。熙神委命。已求多祐。嘆彼季末。口出擇語。誰能墨識。類聚作誠。言喪厥所。壘畝之諺。龍潛巖阻。尠義崇亂。少長失敘。思楊容姬難堪。○類聚五十六。詩紀二十八。

金谷會詩

遂擁朱旄。作鎮淮泗。○六臣本文選五十九齊故安陸昭王碑文注。

金谷集作詩

王生和鼎寶。石子鎮海沂。親友各言邁。中心悵有違。何以敘離思。攜手遊郊畿。朝發晉京陽。夕次金谷湄。迴谿縈曲阻。峻阪路威夷。綠類聚作淥池泛淡淡。青柳何依依。濫泉龍鱗澗。六臣本文選作澗。詩紀云。一作澗。激波連珠揮。前庭樹沙御覽作甘。棠。後園植烏棗。靈囿繁石。李善本文選作者。詩紀云。善作者。榴。茂林列芳梨。飲至臨華沼。遷坐登隆坻。玄醴染朱顏。但愬書鈔作數。類聚作訴。杯行遲。揚桴撫靈鼓。簫管清且悲。春榮誰不慕。六臣本文選注云。五臣作耀。詩紀云。五臣作耀。歲寒良獨希。投分寄石。初學記作名。友。白首同。初學記作固。

所歸。○文選二十。詩紀二十八。又書鈔百四十八引遲一韻。類聚二十九作金谷集詩。引沂、違、畿、澗、夷、依、遲、歸八韻。初學記十八

引歸一韵。御覽九百七十一引裨一韵。

河陽縣作詩二首

微身輕蟬翼。弱冠忝嘉招。在疚妨賢路。再升上宰朝。猥荷公叔舉。連六臣本文選注云。五臣作違。詩紀云。五臣作違。陪厠王寮。長嘯歸東山。擁耒耨時苗。幽谷茂纖葛。峻巖敷榮條。落英隕林趾。飛莖秀陵喬。卑高亦何常。升降在一朝。徒恨良時泰。小人道遂消。譬如野田蓬。幹流隨風飄。昔倦都邑游。今掌河朔徭。登城眷南顧。凱風揚微綃。洪流何浩蕩。修芒鬱岩嶽。誰謂晉京遠。室邇身實遠。誰謂邑宰輕。令名患不劭。人生天地間。百年孰能要。頌六臣本文選注云。五臣作歎。詩紀云。五臣作歎。如槁六臣本文選注云。五臣作敲。詩紀云。五臣作敲。石火。瞥若截道颺。齊都無遺聲。桐鄉有餘謠。福謙在純約。害盈由李善本文選作猶。矜驕。雖無君人德。視民庶不忒。○文選二十六。詩紀二十八。

日夕陰雲起。登城望洪河。川氣冒山嶺。驚湍激巖阿。歸鴈暎蘭時。六臣本文選注云。五臣作詩。文選注作詩。詩紀云。五臣作詩。音止。游魚動圓波。鳴蟬厲寒音。時菊耀秋華。引領望京室。南路在伐柯。大厦六臣本文選注云。五臣作夏。詩紀云。五臣作大厦。緬無覲。崇芒草堂詩箋作崗。鬱嵯峨。總總都邑人。擾擾俗化訛。依水類浮萍。寄松似懸蘿。朱博糾舒慢。楚風被琅邪。曲蓬何以直。託身依叢麻。黔黎竟何常。政成在韵補作在成。民和。位同單父邑。愧無子賤歌。豈敢陋微官。但恐忝所荷。○文選二十六。詩紀二十八。又文選二十二游西池詩注引一句。草堂詩箋三十五江梅詩注引一句。韵補二引麻。和二韵。

在懷縣作詩二首

南陸迎脩景。朱明送末垂。初伏初學記作秋。啓新節。隆暑初學記作炎景。方御覽作亦。赫羲。歲時雜詠、初學記、御覽、詩紀作曦。六臣本文選注云。五臣作曦。朝想慶雲興。夕遲白日移。揮汗辭中宇。登城臨清池。涼飈類聚、初學記作風。自遠初學記作送。集。輕襟隨風吹。靈圃耀類聚、初學記作曜。歲時雜詠同。華果。通衢列高椅。瓜瓞蔓長苞。薑芋紛廣畦。稻栽肅芊芊。李善本文選作仟仟。詩紀作阡阡。黍苗何離離。虛薄乏時用。位微名日卑。驅役宰兩邑。政績竟無施。自我違京輦。四載迄于斯。器非廊廟姿。屢出固其宜。徒懷越鳥志。眷戀想南枝。○文選二十六。詩紀二十八。又古今歲時雜詠二十二、初學記四並引垂、曦、移、池、吹、椅六韻。御覽三十一引垂、曦二韻。

春秋代遷逝。四運紛可喜。寵辱易不驚。戀本難爲思。此四句李善本文選屬前一首。我來冰未泮。時暑忽隆熾。感此還期淹。歎彼年往駛。登城望郊甸。游日歷朝寺。小國寡民務。類聚作人民。終日寂無事。白水過庭激。綠槐夾門植。信美非吾土。祇攬懷歸志。眷李善本文選作卷。六臣本注。善作卷。然顧鞏洛。山川邈離異。願言旋舊鄉。畏此簡書忌。祇奉社稷守。恪居處職司。○文選二十六。詩紀二十八。又類聚五十作懷縣詩。引事、植、志、異、忌五韻。

內顧詩二首

詩紀云。廣文選作潘尼者非。

靜居懷所歡。登城望四澤。春草鬱青青。桑柘類聚作者。何奕奕。芳林振朱類聚作丹。榮。淥水激素石。初征冰未泮。忽焉振詩紀作珍。絺綌。漫漫二千里。迢迢兩本玉臺均作苕苕。遠行客。馳情戀朱顏。寸陰過盈尺。夜愁極清晨。朝悲終日夕。山川信類聚作自。悠永。願言良弗類聚作不。獲。引領類聚誤作別嶺。訊唐寫本玉臺作訴。類聚同。歸雲。類聚作期。沈思類聚作雲沈。不可釋。○玉臺新詠二。古籍叢殘敦煌唐寫本玉臺新詠。類聚三十二。詩紀二十八。獨悲安所慕。唐寫本玉臺誤作暮。人生若朝露。縣邈寄絕域。眷戀想唐寫本玉臺作相。平素。爾情既來追。我心亦還顧。形體隔不達。精爽交中路。不見山上詩紀作下。松。隆冬不易故。不見陵澗詩紀作澗下。柏。歲寒守一度。無謂希見玉臺作是。疏。在遠分彌固。○玉臺新詠二。古籍叢殘敦煌唐寫本玉臺新詠。詩紀二十八。

悼亡詩二首

在苒冬春唐寫本玉臺作春冬。謝。寒暑忽流易。之子歸窮泉。重壤永幽隔。私懷誰克從。淹留亦何益。僮俛恭朝命。迴心反初役。望廬思其人。入室想所歷。幃類聚作帷。李善本文選同。屏無髣髴。翰墨有餘跡。流芳未及歇。遺掛唐寫本玉臺作桂。類聚同。猶在壁。悵恍類聚誤作脫。玉臺誤作帳幔。如或存。迴文選、詩紀作周。唐寫本玉臺作迴。遑六臣本文選注云。五臣作惶。唐寫本玉臺作皇。忡驚惕。如彼翰林鳥。雙栖六臣本文選注云。五臣作飛字。唐寫本玉臺作飛。詩紀云。五臣作飛。一朝隻。如彼遊川魚。比目中路析。唐寫本玉臺作隔。類聚同。春風緣隙來。晨雷承檐玉臺均作依簷。滴。寢息何時忘。沈憂日盈積。庶幾有時衰。莊缶猶可擊。○文選二十三。玉臺新詠二。古籍叢殘敦煌唐寫本玉臺新詠。詩紀二十八。又類聚三十四引易、隔、歷、跡、壁、惕、隻、隔八韻。

皎皎玉臺作噉噉。唐寫本玉臺作皎皎。窗中月。事類賦作日。照唐寫本玉臺作昭。我室南端。清商應秋至。溽暑隨節闌。凜凜御覽作懷懷。涼風御覽作氣。升。始覺夏衾單。豈曰無重續。御覽誤作瀆。誰與同歲寒。歲寒無書鈔作先。與同。朗月何朧朧。展轉盼玉臺作眇。類聚同。御覽作睇。枕席。長簟竟牀空。牀空委清塵。室虛詩紀云。一作空。來悲風。獨無李氏靈。髣髴覩唐寫本玉臺作見。爾容。撫衿長歎息。不覺涕霑胸。霑胸安能已。悲懷從中起。寢興目玉臺作自。六臣本文選注云。五臣作自。存形。遺音猶在耳。上慚東門吳。下愧蒙莊子。賦詩欲言志。此志玉臺作零落。難具紀。命也唐寫本玉臺作今世。可玉臺作詩。奈何。長戚自令唐寫本玉臺作令自。鄙。○文選二十三。玉臺新詠二。古籍叢殘敦煌唐寫本玉臺新詠。詩紀二十八。又書鈔百五十引同。朧二韻。類聚三十四引端、闌、單、寒、朧、空、風、起、耳九韻。御覽二十五引端、闌、單三韻。七百七引單、寒二韻。七百八引空一韻。事類賦秋賦注引端、闌二韻。○遂按。長戚自令鄙句。唐寫本作令自鄙較勝。阮籍詠懷昔年十四五篇末句云。噉噉令自噉。與此句法相似也。

曜靈運天機。四節代遷逝。淒淒朝露凝。烈烈六臣本文選注云。五臣作列。夕風厲。奈何悼淑儷。儀容永潛翳。念此如昨日。誰知已卒歲。改服從朝政。衷心寄私制。茵幃張故房。朔望臨爾祭。爾祭詎幾時。朔望忽復盡。衾裳一毀撤。千載不復引。亶亶替月周。戚戚彌相六臣本文選注云。五臣作想。愍。悲懷感物來。泣涕應情隕。駕言陟東阜。望墳思紆軫。徘徊墟墓間。欲去復不忍。徘徊不忍去。徙倚步踟躕。落葉委埏側。枯芟帶墳隅。孤魂獨煢煢。安知靈與無。投心遵朝命。揮涕強就車。誰謂帝宮遠。路極悲有餘。○文選二十三。詩紀二十八。

楊氏七哀詩

漉如葉落樹。邈若文選注作然。雨絕天。雨絕有歸雲。葉落何時類聚時字誤入下句氣字上。廣文選同。連。山氣冒岡嶺。長風鼓松柏。堂虛聞鳥聲。室暗如日夕。晝愁奄逮昏。夜思忽終昔。展轉獨悲窮。泣下沾枕席。人居天地間。飄若遠行客。先後詎能幾。誰能弊金石。○類聚三十四作哀詩。廣文選九。詩紀二十八。又文選四十拜中軍記室辭隋王陵注引天一韻。

思子詩

造化甄品物。天命代虛盈。奈何念稚子。懷奇隕幼齡。追想存髣髴。感道傷中情。一往何時還。千載不復生。○類聚三十四。詩紀二十八。

東郊詩

東郊。歎不得志也。

出自東郊。憂心搖搖。遵彼萊田。言採其樵。○文選二十宿東園詩注。

魯公詩

如地之載。如天之臨。○文選二十應詔燕曲水詩注。

詩

成都貴素質。酒泉稱白麗。紅紫奪夏藻。裁芳掩春蕙。○合璧事類別集四十四。
柳條恒着地。弱柳蔭修衢。○類聚八十九。○遼案。此非一篇中句。
依水類浮萍。倚松如懸蘿。○合璧事類續集五十一。

閣道謠

晉書曰。潘岳才名冠世。爲衆所疾。泰始十年。出爲河陽令。而鬱鬱不得志。時尚書僕射山濤領吏部。王濟、裴楷等並爲帝所親遇。岳內非之。乃題閣道爲謠。

閣御覽閣下有東字。道東有大牛。王濟鞅。裴楷鞞。御覽作鞞。和嶠刺促不得休。世說作閣東有大牛。和嶠鞅。裴楷鞞。王濟剔剔不得休。○晉書潘岳傳。世說新語政事篇。御覽四百六十五引王隱晉書。

夏侯沖

答潘岳詩

相思限清防。企佇誰與言。○文選二十六直東官答鄭尚書詩注。

束皙

皙。字廣微。陽平元城人。初爲司空張華賊曹屬。轉著作佐郎。遷博士。再遷尚書郎。趙王倫輔政。辭疾歸。有發蒙記一卷、集七卷。

補亡詩六首

序曰。皙與同李善本文選作司。業疇人。肆修鄉飲之禮。然所詠之詩。或有義無辭。音樂取節。闕而不備。于是遙想既往。存思在昔。補著其文。以綴舊制。

南陔

南陔。孝子相戒以養也。

循彼南陔。言采其蘭。眷戀庭闈。心不遑安。彼居初學記作其。下同。之子。罔或游盤。馨爾夕膳。絜爾晨飧。循彼南陔。厥草油油。彼居之子。色思其柔。眷戀庭闈。心不遑留。馨爾夕膳。絜爾晨羞。有獺有獺。在河之涘。凌波初學記作按彼。赴汨。詩記作泊。噬魴捕鯉。嗷嗷林鳥。受哺于子。養隆敬蕙。初學記作溥。惟禽之似。勗增爾虔。以介丕初學記作壽。祉。○文選十九。詩紀二十三。又初學記十七所引缺漚一韵。

白華

白華。孝子之潔白也。

白華朱萼。被於幽薄。粲粲門子。如磨如錯。終晨三省。匪惰宋本初學記作情。其恪。白華絳趺。在陵之陬。蒨蒨初學記作借借。士子。湔初學記作沮。而不渝。竭誠盡敬。亶亶忘劬。白華玄足。在丘之曲。堂堂處子。無營無欲。鮮侔晨葩。莫之點辱。○文選十九。初學記十七。文章正宗二十九。詩紀二十三。

華黍

華黍。時和歲豐。宜黍稷也。

黜黜重雲。習習李善本文選作輯輯。和風。黍華陵巔。麥秀丘中。靡田不播。九穀斯豐。奕奕玄霄。濛濛甘雷。黍發稠華。禾李善本文選作亦。挺其秀。靡田不殖。九穀斯茂。無高不播。無下不植。李善本文選作殖。芒芒其稼。參參其穡。穡我王委。充我民食。玉燭陽明。顯猷翼翼。○文選十九。詩紀二十三。

由庚

由庚。萬物得詩紀無得字。由其道也。

蕩蕩夷庚。物則由之。蠢蠢庶類。王亦柔之。道之既由。化之既柔。木以秋零。草以春抽。獸在于李善本文選作在。草。魚躍順流。四時遞謝。八風代扇。織阿案晷。星變其躔。六臣本文選注云。五臣本作星躔其變。五緯李善本文選作是。不愆。李善本文選作逸。六氣無易。悒悒我王。紹文之跡。○文選十九。詩紀二十三。

崇丘

崇丘。萬物得極其高大也。

瞻彼崇丘。其林藹藹。植物斯高。動類斯大。周風既洽。王猷允泰。漫漫方輿。回回洪覆。何類不繁。六臣本注云。五臣作煩。何生不茂。物極其性。人六臣本注云。五臣作民字。永其壽。恢恢大圓。茫茫李善本作芒芒。九壤。資生仰化。于何不養。人無道天。物極則長。○文選十九。詩紀二十三。

由儀

由儀。萬物之生。各得其儀也。

肅肅君子。由儀率性。明明后辟。仁以爲政。魚游清沼。鳥萃平六臣本注云。五臣作于。林。濯鱗鼓翼。振振其音。賓寫爾誠。主竭其心。時之和矣。何思何修。文化內輯。武功外悠。○文選十九。詩紀二十三。

石崇

崇。字季倫。以伐吳功封安陽侯。惠帝時出爲荊州刺史。致富不貲。尋拜太僕。出爲征虜將軍。監徐州軍事。鎮下邳。永康元年。在朝謀誅趙王倫。被殺。時年五十二。有集六卷。

大雅吟

堂堂太祖。淵弘其量。仁格宇宙。義風遐暢。啓土萬里。志在翼亮。三分有二。周文是尚。於穆武王。奕世

載聰。欽明沖默。文思允恭。武則不猛。化則時雍。庭有儀鳳。郊有遊龍。啓路千里。萬國率從。蕩清吳會。六合乃同。百姓仰德。良史書功。超越三代。唐虞比蹤。右一曲晉樂所奏。○樂府詩集二十九。詩紀三十。

楚妃歎并序

歌辭楚妃歎。莫知其所由。楚之賢妃。能立德著勳。垂名於後。唯樊姬焉。故今歎詠之聲。永世不絕。

蕩蕩大楚。跨土萬里。北據方城。南接交趾。西撫巴漢。東被海涘。五侯九伯。是疆是理。矯矯莊王。淵渟岳峙。冕旒垂精。充纊塞耳。韜光戢曜。潛默恭己。內委樊姬。外任孫子。猗猗樊姬。體道履信。既紉虞丘。九女是進。杜絕邪佞。廣啓令胤。割歡抑寵。居之不吝。不吝實難。可謂知幾。化自近始。著於閨闈。光佐霸業。邁德揚威。羣后列辟。式瞻洪規。譬彼江海。百川咸歸。萬邦作歌。身沒名飛。右一曲晉樂所奏。○樂府詩集二十九。廣文選十三。詩紀三十。又文選二十八。吳趨行注引序文。

王明君辭并序

王明君者。本是玉臺、類聚作焉。六臣本文選注云。五臣作焉。王昭君。以觸文帝諱。故文選無故字。改唐寫本玉臺作改政之。李善本文選作焉。唐寫本玉臺作也。玉臺無之字。匈奴盛。請婚於漢。元帝以後宮良家玉臺有女字。子明文選、詩紀作昭。六臣本文選注云。五臣作明。君配焉。昔公主嫁烏孫。令琵琶馬上作樂。以慰其道路之思。其送明詩紀作昭。君。亦必唐寫本玉臺無必字。六臣本文選注云。五臣無必字。爾也。其造新玉臺新下並有之字。六臣本文選同。並注。善本

無之字。曲。多哀怨之聲。故敍之於紙云爾。

我本漢家子。將適單于庭。辭訣未及終。前驅已抗旌。玉臺並作旌。僕御涕流離。轅馬爲悲。文選作悲且。類聚、樂府、詩紀同。鳴。哀鬱傷五內。泣淚。唐寫本玉臺作涕。沾李善本文選作濕。六臣本文選注云。善作濕字。朱。唐寫本玉臺作珠。六臣本文選同。纓。玉臺作珠纓。行行日已遠。遂。玉臺作乃。造。唐寫本玉臺作人。匈奴城。延我於穹廬。加我閼。唐寫本玉臺作關。誤。氏名。殊類非。唐寫本玉臺作悲。所安。雖。唐寫本玉臺作非。貴非所榮。父子見凌辱。對之慙且驚。殺身良不玉臺作未。易。默默以苟生。苟生亦何聊。積思常憤盈。願假飛鴻翼。棄。文選作乘。詩紀同。之以遐征。飛鴻。唐寫本玉臺作鳴。不我顧。佇立以屏營。昔爲匣中玉。類聚作琴。今爲糞上英。朝華。唐寫本玉臺作英。不足歡。樂府作嘉。注。一作歡。甘與玉臺作爲。秋草并。傳語後世人。遠嫁難爲情。○文選二十七。古籍叢殘敦煌唐寫本玉臺新詠。玉臺新詠二。樂府詩集二十九。詩紀三十。又類聚四十二引序及庭、旌、鳴、城、名、生、征、英、并、情十韻。御覽五百八十三作琵琶引。略引序文。

思歸引并序

余樂府作崇。少有大志。夸邁流俗。弱冠登朝。歷位二十五。年五十以事去官。晚節更樂放逸。篤好林藪。遂肥遁於河陽別業。其制宅也。却阻長隄。前臨清渠。柏木幾於萬株。江水周於舍下。有觀閣池沼。多養魚鳥。家素習技。頗有秦趙之聲。出則以遊目弋釣爲事。人則有琴書之娛。又好服食咽氣。志在不朽。傲然有凌雲之操。歛復見牽羈。婆娑於九列。困於人間煩黷。常思歸而永歎。尋覽樂篇有思歸引。儻古人之心有同於今。故制此曲。此曲有弦無歌。今爲作歌辭以述余懷。恨時無知音者。令造新聲而

播於絲竹也。

思歸引。歸河陽。假余翼鴻鶴高飛翔。經芒阜。濟河梁。望我舊館心悅康。清渠激。魚傍類聚作彷徨。鴈驚
泝波羣相將。終日周覽樂無方。登雲閣。列姬姜。拊絲竹。叩宮商。宴華池。酌玉觴。○類聚四十二。樂府詩集五
十八。詩紀三十。

思歸歎

登城隅兮臨長江。極望無涯兮思填胸。魚澆潏兮鳥繽翻。澤雉遊鳧類聚作臯。兮戲中園。秋風厲兮鴻鴈征。
蟋蟀嘈嘈兮晨夜鳴。落葉飄兮枯枝竦。百草零落類聚無落字。兮覆畦壟。時光逝兮年易盡。感彼歲暮兮悵
自愍。廓羈旅兮滯野都。願御北風兮忽歸徂。惟金石兮幽且清。林鬱茂兮芳卉詩紀云。一作草。盈。玄泉流兮
縈丘阜。閣館蕭寥兮蔭叢柳。吹長笛兮彈五絃。詩紀云。一本作玉琴。高歌凌雲兮樂餘年。舒篇卷兮與聖談。
釋冕投紱兮希彭聃。超逍遙兮絕塵埃。福亦不至兮禍詩紀有亦字。不來。○類聚二十八。詩紀三十。

答曹嘉詩

昔常接羽儀。俱遊青雲中。敦道訓胄子。儒化渙以融。同聲無異響。故使恩愛隆。豈惟敦初好。歎分在令
終。孔不陋九夷。老氏適西戎。逍遙滄海隅。可以保王躬。世事非所務。周公不足夢。玄寂令神王。是韵補
作可。以守至冲。○三國志楚王彪傳注。詩紀三十。又韵補一作贈曹嘉詩。引夢、冲二韵。

贈棗腆詩

久官無成績。棲遲於徐方。寂寂守空城。悠悠思故鄉。恂恂二三賢。身遠屈龍光。攜手沂泗間。遂登舞雩堂。文藻譬春華。談話猶類聚。作由蘭芳。消憂以觴醴。娛耳以名娼。博奕逞妙思。弓矢威邊疆。○類聚三十一。詩紀三十。

答棗腆詩

言念將別。睹物傷情。贈爾話言。要在遺名。惟此遺名。可以全詩紀作長。生。○類聚三十一。詩紀三十。

贈歐陽建詩

文藻譬春華。談話如芳蘭。○書鈔一百。

還京詩

迅風翼華蓋。飄颻若鴻飛。○文選三十數詩注。

綠珠

綠珠。石崇妾。

懊儂歌

古今樂錄曰。懊儂歌。晉綠珠所作。唯絲布澁難縫一曲而已。

絲布澁難縫。令儂十指穿。黃牛細犢車。遊戲出孟津。○樂府詩集四十六。詩紀三十。

翻詩紀作翔風

怨詩

王子年拾遺記曰。石季倫有愛婢曰翻風。魏末於胡中得之。年十五。無有比其容貌。最以文辭擅愛。年三十。妙年者爭嫉之。崇退翻風爲房老。使主羣少。乃懷怨而作詩。

春華誰不美。卒傷秋落時。突煙還自低。太平廣記作哽咽還自期。鄙退豈所期。桂芳徒自蠹。失愛在蛾眉。坐見芳時歇。憔悴空自嗤。○太平廣記二百七十二。詩紀三十。又萬花谷十七引時、嗤二韻。

歐陽建

建。字堅石。渤海人。石崇甥。歷山陽令、尚書郎、馮翊太守。永康元年。石崇勸淮南王誅趙王倫。事覺。建與崇見殺。有集二卷。

答石崇贈詩

於鑠我舅。明德塞違。俾扞東藩。在徐之邳。載播其惠。載揚其威。濟寬惟類聚。詩紀作以。猛。方夏以綏。光啓先業。增曜重暉。咨余沖人。艱苦攸離。過庭無聞。頑固匪移。寔賴慈誨。導之軌儀。仰遵嘉詠。類聚作訓。詩紀同。俯蹈明規。如葛斯蔓。如樛之類聚。詩紀作斯。垂。旋機迴度。逝者如流。日與月與。稔冉代周。自我之曠。載履春秋。瞻望遐路。邈矣其悠。心之云慕。思結綢繆。人亦有言。愛而勿勞。誰謂河廣。曾不容刀。乃徂來邁。適此西郊。在乾之二。爰著茲爻。我邁君子。仰之彌高。巖巖其高。卽之惟溫。居盈思沖。在貴忘尊。縱酒嘉讌。自明及昏。無幽不研。文館詞林作折。靡與不論。人樂其量。士感其敦。○文館詞林百五十六。又類聚三十一。詩紀三十並作答棗腆詩。引違、邳、威、綏、暉、離、移、儀、規、垂、高、溫、尊、昏、論、敦十六韻。

臨終詩

晉書曰。及遇禍。莫不悼惜之。年三十餘。臨命作詩。文甚哀楚。

伯陽適西戎。孔子欲居蠻。李善本文選作子欲居九蠻。苟懷四方志。所在可遊盤。況乃遭屯蹇。顛沛遇災患。古人達機兆。策馬遊近關。咨余沖且暗。抱責守微官。潛圖密已構。成此禍福端。恢恢六合間。四海一何寬。天網布絃綱。投足不獲安。松柏隆冬悴。六臣本文選注云。五臣作瘁。詩紀同。然後知歲寒。不涉太行險。誰知斯路難。真僞因事顯。人情難豫觀。窮達有定分。慷慨復何歎。上負慈母恩。痛酷摧心肝。下顧所六臣本文選注云。五臣作嬌。詩紀同。憐女。惻惻心中李善本文選作中心。酸。二子棄若遺。念皆邁凶殘。不惜一身死。惟此如循環。執紙五情塞。揮筆涕汎瀾。○文選二十三。詩紀三十。

何劭

劭。字敬祖。陳國夏陽人。晉太宰何曾次子。武帝卽位。爲散騎常侍。咸寧中。遷侍中。惠帝初爲太子太師。累遷尚書左僕射。永康初。遷司徒。趙王倫篡位。以爲太宰。永寧元年卒。有集二卷。

洛水祖王公應詔詩

穆穆聖王。類聚作皇。體此慈仁。友于之至。通于明神。遊宴綢繆。情戀所親。薄云類聚作言。餞之。于洛之濱。嵩崖巖巖。洪流湯湯。春風動衿。歸鴈和鳴。我后饗客。鼓瑟吹笙。舉爵惟別。聞樂傷情。嘉宴既終。白日西歸。羣司告旋。鸞輿整綏。我皇重離。頓轡驂駢。臨川永歎。酸涕霑頤。崇恩感物。左右同悲。○類聚二十九。廣文選八。詩紀二十三。

贈張華詩

四時更代謝。懸象迭卷舒。暮春忽復來。和風與節俱。俯臨清泉涌。對牀夜語作淵。仰觀嘉木敷。周旋我陋圃。西瞻廣武廬。既貴不忘儉。處有能存無。鎮俗在簡約。樹塞韻語陽秋作塞門。焉足慕。在昔同班司。今者並園墟。私願偕黃髮。逍遙綜類聚作樂。琴書。舉爵茂陰下。攜手共躊躇。奚用遺形骸。忘筌在得魚。○文選二十四。詩紀二十三。又類聚三十一引舒、俱、敷、墟、書、踏、魚七韻。范曄文對牀夜語一引何劭詩敷一韻。韻語陽秋十九引廬、無、慕三韻。

游仙詩

青青陵上松。亭亭高初學記作南。山柏。光色冬夏茂。根柢無彫落。初學記作零。吉士懷真文選作貞。心。悟物思遠託。揚志玄雲際。流目矚巖石。羨昔王子喬。友文選注友或作反。道發伊洛。迢遞陵峻岳。連翩御飛鶴。抗跡遺萬里。豈戀生民六臣本文選注云。五臣作人。樂。長懷慕仙類。眇李善本文選作眩。然心綿邈。○文選二十一。詩紀二十三。又初學記三引柏、樂二韵。

雜詩

秋風乘夕起。明月照高樹。閑房來清氣。廣庭發暉素。靜寂愴然歎。惆悵出詩紀作忽。六臣本注云。五臣作忽。遊顧。仰視垣上草。俯察階下露。心虛體自輕。飄飄若仙步。瞻彼陵上柏。想與神人遇。道深難可期。精微非所慕。勤思終遙夕。永言寫情慮。○文選二十九。詩紀二十三。

詩

亮無風雲會。安能襲塵軌。○文選二十六答顏延年詩注。

晉詩卷五

陸機

機。字士衡。吳郡人。武帝末。與弟雲入洛。太傅楊駿辟爲祭酒。惠帝即位。遷太子洗馬、著作郎。歷吳王晏郎中令。遷尚書中兵郎。趙王倫輔政。引爲相國參軍。大安元年。成都王穎起兵討長沙王乂。假機後將軍、河北大都督。二年。爲穎所害。時年四十三。有晉記四卷、洛陽記一卷、集四十七卷。

樂府

短歌行以下四言。

置酒高堂。悲歌臨觴。人壽樂府作生。幾何。逝如朝霜。時無重至。華不再陽。樂府、詩紀作揚。六臣本文選注云。五臣作揚。殯以春暉。蘭以秋芳。來日苦短。去日苦長。今我不樂。蟋蟀在房。樂以會興。悲以別章。豈曰無感。憂爲羣書校補本作與。六臣本文選注云。五臣作與。子忘。我酒既旨。我有既臧。短歌有樂府作可。六臣本文選注云。五臣作可。詠。長夜無荒。○文選二十八。樂府詩集三十。本集六。文章正宗二十九。詩紀二十四。又類聚四十二引觴、霜、陽、芳、長、房六韻。

秋胡行

道雖一致。塗有萬端。吉凶紛藹。休咎之源。人鮮知命。命未易觀。生亦何惜。功名所勤。本集作歎。詩紀同。○類聚四十一。樂府詩集三十六。本集六。詩紀二十四。

隴西行

我靜如鏡。民動如煙。事以形兆。應以象懸。豈曰無才。世鮮興賢。○類聚四十一。樂府詩集三十七。本集七。詩紀二十四。

日出東南隅行文選云。或作羅敷艷歌。玉臺作豔歌行。

扶玉臺作樽。桑升朝暉。照書鈔作炤。此高臺端。高臺多妖麗。溶玉臺作洞。房出書鈔倒作出房。清顏。淑類聚誤作涉。貌耀皎日。惠類聚作蕙。心清且閑。樂府作閒。美目揚御覽作揚。玉澤。蛾羣書校補本作娥。眉象翠翰。鮮膚一何潤。秀玉臺作彩。色若可餐。窈窕多容儀。婉媚巧樂府作乃。笑言。暮春春服成。粲類聚作霞。粲綺與紈。金雀垂藻翹。瓊珮結璠璫。方駕揚清塵。濯足洛水瀾。藹藹風雲會。佳人一何繁。南崖充羅幕。北渚盈駟軒。清川含藻景。玉臺作影。高岸文選作崖。韻補同。六臣本注云。五臣作岸。樂府云。一作崖。被華丹。馥馥芳袖揮。泠泠羣書校補作冷。纖指彈。悲歌吐編珠作麗。清響。玉臺作音。雅舞類聚作韻。樂府同。播幽蘭。丹唇含九秋。妍迹陵七盤。赴曲迅

驚鴻。蹈節如集鸞。綺態隨顏變。沈當原作淵字。唐人避諱改字。陸雲與陸典書書云。淵姿之弘毅。淵姿。當時習語。姿無定文。選作乏。韵補同。六臣本文選注云。五臣作定。源。俯仰紛阿那。顧步咸可歡。遺芳結飛颿。浮景映清湍。冶容不足詠。春遊良可歎。○文選二十八。玉臺新詠三。本集六。樂府詩集二十八。詩紀二十四。又書鈔百六引端、顏二韵。類聚四十一引端、閑、翰、紘、璠、瀾、蘭、鸞、歡九韵。杜公瞻編珠二作樂府詩。引蘭一韵。御覽三百八十一引翰一韵。吳棫韵補二引軒、丹二韵及鸞、源二韵。

挽歌詩三首

卜擇考休貞。嘉命咸在茲。夙駕警本集作驚。徒御。結文選集注作捻。轡頓重基。龍輅六臣本文選作輅。詩紀同。被廣柳。前驅矯輕旗。殯官何嘈嘈。哀響沸中闈。中闈樂府作闈中。且勿謹。初學記、御覽、樂府作誼。六臣本文選注云。五臣作喧。聽我薤露詩。死生初學記作生死。御覽同。各異倫。初學記作必異論。祖載當有時。舍爵兩楹位。啓殯進靈輜。初學記作輜。海錄碎事同。飲餞初學記作餞飲。御覽作餞飯。觴莫舉。初學記作帳莫反。出宿歸無期。帷衽曠遺本集作道。影。棟宇與子辭。周親咸奔湊。友朋自遠來。翼翼飛輕軒。駸駸策素騏。按轡遵長薄。送子長夜臺。呼子子不聞。泣子子不知。歎息重櫬側。念我疇昔時。三秋猶足本集誤作是。收。萬世安可思。殉李善本文選注云。或作殞。合璧事類作殆。沒韵補作狗歿。身易亡。合璧事類作忘。救六臣本文選作殺。詩紀同。子非所能。含言言哽咽。揮涕涕文選集注作淚。樂府云。一作淚。流離。○文選二十八。文選集注五十六。本集七。樂府詩集二十七。詩紀二十四。又初學記十引詩、時、輜、期四韵。御覽五百五十二引詩、時、輜、期四韵。吳棫韵補一引能、離二韵。合璧合類六十八所引缺末一韵。海錄碎事二十一引輜一韵。

流離親友思。惆悵神不泰。素驂佇輻軒。玄書鈔作白。駟騫書鈔作挈。飛蓋哀鳴興殯宮。迴書鈔誤作律。遲悲野
外。魂輿寂無響。但見冠與帶。備物象平生。長旌誰爲旆。悲風微書鈔作激。是。文選集注、樂府作鼓。六臣本文選注
云。五臣作鼓。行軌。傾雲書鈔作仰靈。結流靄。文選集注作藹。書鈔、樂府同。振策指靈丘。駕言從此逝。○文選二十八。文
選集注五十六。本集七。樂府詩集二十七。詩紀二十四。又書鈔九十二作王侯挽歌辭。引蓋、外、帶、旆、藹五韻。

重阜何崔嵬。玄廬竄其間。磅礴文選作旁薄。文選集注、本集同。立四極。穹隆放樂府作效。注云。一作放。初學記、御覽作
穹崇効。蒼文選集注作倉。天。側樂府作測。注云。一作側。聽陰溝涌。卧觀天井懸。初學記作縣。壙文選作廣。注云。五臣作壙。

文選集注作廣。本集、韻補同。詩紀云。五臣作廣。宵李善本文選作霄。韻補同。何寥初學記作遠。廓。大暮安可晨。人往有返

歲。我行無歸年。昔居四民初學記作人。御覽、萬花谷同。宅。今託初學記、御覽作爲。萬鬼鄰。昔爲七尺軀。初學記、御
覽作體。今成灰與塵。金玉素初學記作昔。御覽、樂府同。所佩。鴻初學記作爲。毛今不振。豐肌饗螻蟻。妍姿六臣本文

選作骸。注云。善作姿。樂府作骸。初學記作形骸。御覽作形體。永夷泯。壽堂延魍魎。文選集注作螭。韻補同。魅。初學記誤作歲我。

虛初學記誤作行。無自相賓。螻蟻爾何怨。初學記作怒。魍魎我何親。拊御覽作撫。心痛荼初學記誤作素。毒。永歎莫

爲陳。○文選二十八。文選集注五十六。初學記十四。御覽五百五十二。樂府詩集二十七。本集七。詩紀二十四。又初學記十四、萬花谷

後二十二並引隣一韻。吳棫韻補二引年、賓二韻及懸、晨二韻。

庶人挽歌辭

死生各異方。昭非神色襲。貴賤禮有差。外相盛已集。魂衣何盈盈。旗旒何習習。父母拊棺號。兄弟扶筵

泣。靈輻動轆轤。本集作轆。龍首矯崔嵬。挽歌挾轂唱。嘈嘈一何悲。浮雲中容與。飄風不能迴。淵魚仰失梁。征鳥俯墜飛。念彼平生時。延賓陟此幃。賓階有隣迹。我降無登當作燈。輝。○書鈔九十二引襲、集、習、幃、輝五韻。御覽五百五十二、本集札記引習、泣、嵬、悲、迴、飛六韻。

又

陶犬不知吠。瓦鷄焉能鳴。安寢重丘下。仰聞板築聲。○書鈔九十二。挺埴爲塗車。束薪作芻靈。○御覽五百五十二作士庶挽歌辭。

王侯挽歌辭

孤魂雖有識。良接難爲符。操心玄芒內。注血治鬼區。○書鈔九十二。

挽歌辭

在昔良可悲。魂往一何感。念我平生時。人道多拘役。○韻補五。
五常侵軌儀。夕氣牽徽墨。隨和乏良聘。枝駸或鳩毒。○同上

長歌行

逝矣經天日。悲哉帶地川。寸陰無停晷。尺波豈徒旋。類聚、樂府作徒自旋。樂府又注。一作豈徒旋。年往迅詩紀作信。

注云。一作迅。勁矢。時來亮御覽作諒。急弦。遠期鮮克及。盈數固希全。容華夙夜零。體澤坐自捐。茲物苟難停。吾壽安得延。俛仰逝將過。倏忽幾何間。慷慨亦焉訴。天道良自然。但恨功名薄。竹帛無所宣。迨及歲未暮。長歌乘文選作承。我閑。樂府作閒。○文選二十八。樂府詩集三十。本集六。詩紀二十四。又類聚四十二引川、旋、全三韻。御覽十七引絃一韻。

君子行

天道夷且簡。人道險而難。類聚作艱。休咎相乘躡。翻覆若類聚作各。波瀾。去疾苦不遠。疑似實生患。近火固宜熱。履冰豈惡寒。掇蜂滅天道。拾塵惑孔顏。逐臣尚何有。棄友焉足歎。福鍾恆有兆。禍集非無端。天損未易辭。人益猶可歡。朗鑒豈遠假。取之在傾冠。近情苦自信。君子防未然。○文選二十八。樂府詩集三十二。本集六。詩紀二十四。又類聚四十一引艱、瀾、患三韻。

從軍行

苦哉遠征人。飄飄類聚作飄。六臣本文選注云。五臣作飄。窮四遐。類聚作西河。樂府云。一作窮西河。南陟類聚作涉。五嶺巔。北羣書校補作比。戍長城阿。深六臣本文選注云。五臣作谿。本集作谿。谷樂府作谿谷。注。一作深谷。邈本集作深。樂府同。又注。一作邈。無底。崇山鬱嵯峨。奮臂攀喬木。振迹涉類聚作涉。流沙。隆暑固已慘。涼風嚴且苛。夏條集羣書校補作焦。樂府同。又注云。一作集。六臣本文選注云。五臣作焦。鮮燥。寒冰結衝波。胡馬如雲屯。越旗類聚作旂。亦星羅。

飛鋒無絕影。鳴鏑自相和。朝食樂府作餐。本集作冷。六臣本文選注云。五臣作餐。不免胃。夕息常負戈。苦哉遠征人。撫李善本文選作拊。類聚、樂府、羣書校補同。御覽作附。心悲如何。○文選二十八。樂府詩集三十二。本集六。羣書校補。詩紀二十四。又類聚四十一引河、阿、羅、戈、何五韻。御覽三百二十八引戈、何二韻。

苦寒行

北遊幽朔城。涼野多險文。選作嶮。御覽、本集同。難。六臣本文選注云。五臣作艱。類聚、初學記、樂府作艱。俯人窮文選作穹。初學記、御覽、樂府並同。谷底。仰陟。初學記作涉。高山盤。凝冰結重礪。文選作澗。書鈔、類聚、初學記、御覽同。六臣本文選注云。五臣作礪。積雪被長巒。陰雪與御覽誤作與。巖側。悲風鳴樹端。不覩白日景。但聞寒鳥喧。六臣本文選注云。五臣作礪。樂府作囁。羣書校補同。猛虎憑林嘯。玄猿臨岸歎。夕宿喬木下。慘樂府云。一作愴。愴樂府作慘。恒樂府誤作怕。鮮歡。御覽作抄歎。渴飲堅冰漿。飢待類聚作食。御覽作噉。樂府云。一作飢食。零露餐。離思固已久。詩紀云。一作矣。樂府作矣。六臣本注云。五臣作矣。寤寐莫與言。劇哉行役人。類聚作人行役。慊慊恆苦寒。○文選二十八。樂府詩集三十。本集六。詩紀二十四。又書鈔百五十六引巒一韻。類聚四十一引艱、巒、端、冷、寒五韻。初學記三引艱、盤、巒三韻。御覽三十四引難、盤、巒、端、喧、歎、歎、冷八韻。

豫章行

汎舟清川渚。遙望高類聚作南。樂府云。一作南。山陰。川六臣本文選作山。注云。五臣作川。陸殊塗軌。懿親將遠尋。三

荆歡同株。四鳥悲異林。樂會良自古。悼別豈獨今。寄世將幾何。日昃無停陰。前路既已多。後塗隨年侵。促促薄暮景。亶亶鮮克禁。曷爲復以茲。曾是懷苦心。遠節嬰物淺。近情能不深。行矣保嘉福。景絕繼以音。○文選二十八。樂府三十四。本集六。詩紀二十四。又類聚四十一引陰、尋、林、今四韻。文選二十七始安郡還詩注引川陸殊塗四字。蓋誤漏軌字。

長安有狹邪行

伊洛有歧路。歧路交朱輪。輕蓋承華景。騰步躡飛塵。鳴玉豈樸本。集誤作不。儒。憑軾皆俊民。烈心厲勁秋。麗服鮮芳春。余本倦游客。豪彥多舊親。傾蓋承芳訊。欲鳴當類聚作賞。及晨。守一不足矜。歧路良可遵。規行無曠迹。矩步豈逮樂府作建。人。投足緒已爾。四時不必循。將遂殊塗軌。要子李善本文選作予。同歸津。○文選二十八。樂府三十五。本集六。詩紀二十四。又類聚四十一引輪、塵、民、春、親、晨六韻。

塘上行

江籬生幽渚。微芳不足宜。被蒙風雨文選作雲。會。移居玉臺作君。華池邊。發藻玉臺下。垂影滄浪淵。文選作泉。樂府、文章正宗、本集、詩紀同。又樂府云。一作淵。露潤既已渥。結根與且堅。四節逝玉臺作遊。不處。繁華文選作華繁。六臣本注云。五臣作繁華。玉臺作華繁。難久鮮。淑氣與時殞。本集作隕。六臣本文選注云。五臣作隕。餘芳隨風捐。天道有遷易。人理無常全。男歡類聚作稚。智傾愚。女愛衰避妍。不惜微軀類聚作驅。退。但樂府作怕。懼詩紀云。一作歎。蒼蠅

前。愿君廣末光。照妾薄暮年。○文選二十八。玉臺新詠三。樂府詩集三十五。本集六。文章正宗二十九。詩紀二十四。又類聚四十一引宣、邊、全、妍、前、年六韵。

折揚柳行

邈矣垂天景。壯哉奮地雷。豐隆樂府作隆隆。豈久響。廣文選誤作響。華光但樂府作華華恒。西墮。日落似有竟。時逝恆若催。仰悲朗月運。坐觀璇蓋迴。盛門無再入。衰房莫苦開。樂府作闔。人生固已短。出處鮮爲諧。廣文選作階。慷本集作慨。慨惟昔人。興此千載懷。升龍悲絕處。葛藟變條枚。寤寐豈虛歎。曾是感與推。廣文選作推。弭意無足歡。樂府作歎。願言有餘哀。○樂府詩集三十七。本集七。廣文選十三。詩紀二十四。

飲馬長城窟行

驅馬陟陰山。山高六臣本文選注云。五臣作陰。本集作陰。樂府云。一作陰。馬不前。往御覽作借。問陰山候。勁虜在燕然。戎車無停軌。旌旆屢徂遷。仰憑積雪巖。俯涉堅冰川。冬來秋未反。去家邈以緜。獫狁亮未夷。征人豈徒旋。末德爭先鳴。凶器類聚作德。無兩全。師克薄賞行。軍沒微軀捐。將遵類聚作軍。甘陳迹。收功單于旃。振旅勞歸士。樂府作去。受爵藁街傳。○文選二十八。樂府詩集三十八。本集六。詩紀二十四。又類聚四十一引前、然、全、捐、旃五韵。御覽八百引前、然二韵。

門有車馬客行

門有車馬客。駕言發故鄉。念君久不歸。濡跡涉江湘。投袂赴類聚作起。門塗。攬衣不及裳。類聚作裝。拊六臣
本文選作撫。膺攜客泣。掩淚敘溫涼。借問邦族間。惻愴論存亡。親友多零落。舊齒皆彫喪。市朝互遷易。城
闕或丘荒。墳壟日月多。松柏鬱芒芒。樂府作茫茫。天道信崇替。人生安得長。慷慨惟平生。俛仰獨悲傷。○
文選二十八。樂府詩集四十。本集六。詩紀二十四。又類聚四十一引鄉、湘、裝、亡、長五韻。

權歌行

遲遲暮春日。樂府古題要解作春欲暮。天氣柔且嘉。元吉降類聚作隆。樂府、本集、詩紀同。御覽作陸。初已。濯穢遊黃
河。龍舟浮鷁玉燭寶典作鷁。首。羽旗垂藻葩。乘風宣飛景。逍遙戲中波。名謳激清唱。榜人縱詩紀云。一作從。
權歌。投綸沈洪川。飛繳入紫霞。○類聚四十二。樂府四十。本集七。詩紀二十四。又玉燭寶典三引河、葩、波三韻。樂府古題要
解上引一句。御覽三十引嘉、河、葩、波四韻。

太樂府作泰。山吟

太山一何高。迢迢造天庭。峻極周已岱史作以。遠。曾雲鬱冥冥。梁甫岱史作父。亦有館。蒿里亦有亭。幽塗岱
史作岑。延萬鬼。神房岱史作方。集百靈。長吟太山側。慷慨激楚聲。○類聚四十二。樂府詩集四十一。岱史。本集七。詩

紀二十四。

梁甫吟

玉衡既本集作固。樂府云。一作固。已驂。羲和若飛凌。四運循樂府作尋。環轉。寒暑自相承。樂府作懲。冉冉年時暮。迢迢天路徵。當作激。招搖東北指。大火西南昇。悲風無絕響。玄雲互相仍。豐冰樂府作水。本集同。憑川結。零樂府作霜。詩紀云。集作寒。露彌天凝。年命時相逝。慶雲鮮克乘。履信多愆期。思順焉足憑。慷慨樂府作愴。愴。注。一作慷慨。臨川響。非此孰爲興。哀吟梁甫巔。慷慨詩紀云。一作歎息。獨拊膺。○樂府詩集四十一。本集七。詩紀二十四。

東武吟行

投跡短世間。高步長生闈。濯髮冒雲冠。浣類聚、樂府、本集並作洗。詩紀云。一作洗。身被羽衣。飢從韓衆餐。寒就佚女棲。○類聚四十一。樂府詩集四十一。本集七。詩紀二十四。

班婕妤

詩紀云。一作婕妤怨。

婕妤去辭寵。淹留終不見。寄情在玉階。託意惟團扇。春苔暗階除。秋草蕪高殿。黃昏本集作昏黃。履綦絕。愁來空雨面。○樂府詩集四十三。本集七作婕妤怨。詩紀二十四。

駕言出北闕行

駕言出北闕。躑躅遵山陵。長松何鬱鬱。丘墓互相承。念昔徂歿子。悠悠不可勝。安寢重冥廬。天壤莫能興。人生何所樂。樂府作期。促。忽如朝露凝。辛苦百年間。戚戚如履冰。仁智亦何補。遷化有明徵。求仙鮮克仙。太虛不樂府作安。詩紀云。一作安。可凌。良會罄美服。對酒宴同聲。○樂府詩集六十一。本集七。詩紀二十四。又類聚四十一。引陵、承、勝、凝、凌五韻。又起首多驅車上東門一句。

君子有所思行

命駕登北山。延佇望城郭。塵里一何盛。街巷紛漠漠。甲第崇高闔。洞房結阿閣。曲池何湛湛。清川帶華類。聚作花。薄。邃宇列綺窗。蘭室接羅幕。淑貌色斯升。哀音承顏作。人生誠樂府作盛。行邁。樂府云。一作人生誠行過。六臣本文選注云。五臣作過。容華隨年落。善哉膏梁士。營類聚作榮。生奧且博。宴安消靈根。酖毒不可恪。無以肉食類聚作酒食。資。取笑葵樂府作葵。注。一作葵。與藿。○文選二十八。樂府詩集六十一。本集六。詩紀二十四。又類聚四十一。引郭、漠、闔、薄、落、博、藿七韻。

壯哉行

萋萋春草生。王孫猶有情。差池鷺始飛。天棗桃始榮。灼灼桃悅色。飛飛鷺弄聲。檐上雲結陰。澗下風吹

清。幽樹雖改觀。終始在初生。松蔦歡蔓延。樛葛欣纍縈。眇然游宦子。悟言來未并。鼻感改朔氣。心傷變節榮。侘僚豈徒然。澶漫絕音形。風來不可託。鳥去豈爲聽。○本集七作悲哉行。草堂詩箋三十二秋興詩注引飛飛燕弄聲一句。○逮案。類聚、樂府引作謝靈運悲哉行。今兩存之。俟考。

悲哉行

游客芳春林。春芳書鈔作芳春。傷客心。和風飛清響。鮮雲垂薄陰。蕙草饒淑氣。時鳥多好音。翩翩鳴本集作鳴。鳩羽。啾啾倉庚御覽作鶴鷗。吟。六臣本文選作音。注。五臣作吟。樂府作音。注。一作吟。詩紀作音。幽蘭盈通谷。長秀樂府作莠。被高岑。女蘿亦有託。蔓葛亦有尋。傷哉客游文選作客遊。六臣本注云。五臣作客遊。類聚作遊客。士。憂思一何深。目感隨氣草。耳悲詠時禽。寤寐多遠念。緬然若飛沈。願託歸風響。寄言遺所欽。○文選二十八。樂府詩集六十二。本集六。詩紀二十四。又書鈔百五十四作樂府新詩。引一句。類聚四十一引心、陰、音、深、欽五韻。御覽二十作樂府詩。引心、陰、音、吟四韻。

齊謳行

營丘負海曲。沃野爽且平。洪川控河濟。崇山人高文選李善注。高或爲嵩。非也。冥。東被姑尤側。南界聊攝城。海物錯萬類。陸產尚千名。孟諸吞楚夢。百二侔秦京。惟師恢東表。桓后定周傾。天道有迭代。人道無久盈。鄙哉牛山歎。未及至人情。爽鳩苟已徂。吾子安得停。行行將復去。長存非所營。○文選二十八。樂府詩集

六十四。本集六。詩紀二十四。

吳趨行

楚妃且勿歎。齊娥且莫謳。四坐並清聽。聽我歌吳趨。吳趨自有始。類聚作紀。請從閭文選作昌。六臣本注云。五臣作閭。類聚、御覽作昌。下同。門起。閭門何峨峨。樂府作嵯峨。飛閣跨通波。重巖承游類聚作琤。極。回軒啓曲阿。藹藹慶雲被。泠泠鮮文選作祥。六臣本注云。五臣作鮮。本集、詩紀作祥。風過。山澤多藏育。土本集作士。風清且嘉。泰類聚作大。伯導仁風。仲雍揚其波。穆穆延陵子。灼灼光諸類聚作其。華。王迹隕陽九。帝功興四遐。大皇自富春。矯手樂府、本集作首。頓世羅。邦彥應運興。粲若春林葩。屬城咸有士。吳邑最爲多。八族未足本集作多。侈。四姓實名家。文德熙淳懿。武功侔山河。禮讓何濟濟。流化自滂沱。淑美難窮紀。商推爲此歌。○文選二十八。樂府詩集六十四。本集六。詩紀二十四。又類聚四十一作吳越行。引謳、趨、起、我、波、阿、波、華、羅、葩、多十一韻。御覽百八十四作樂府詩。引波一韻。

前緩聲歌

類聚歌下有行字。

遊御覽作邀。仙聚靈族。高會類聚作宴。御覽作讌。層城玉臺作山。阿。長風萬里舉。類聚作急。慶雲鬱嵯峨。宓妃興洛浦。王韓起太玉臺作泰。華。北徵瑤臺女。南要湘川娥。肅肅霄李善本文選作宵。類聚、本集、詩紀同。駕動。翩翩翠蓋羅。羽旗棲瓊玉臺作瑣。鸞。玉衡吐鳴和。太容類聚作大容。揮高絃。洪崖發清歌。獻酬既已周。類聚作終。輕

舉玉臺作軒。乘玉臺作垂。紫霞。摠轡扶玉臺作搏。桑枝。羣書校補本作底。六臣本文選注云。五臣作底。樂府云。一作底。濯足湯樂府作湯。六臣本文選注云。五臣作湯。詩紀云。一作湯。谷波。清輝玉臺作暉。溢天門。垂慶惠皇家。○文選二十八。玉臺新詠三。樂府詩集六十五。本集六。詩紀二十四。又類聚四十二引阿、娥、羅、歌、霞六韻。御覽五十六作緩齊歌行。引阿、娥二韻。○逮案。太容揮高絃句。文選三十五七命注引作大客揮高絃。與類聚同。唐時本集當有作此者。

董桃行以下六言。

和風習習薄林。柔條布葉類聚作繁。垂陰。鳴本集作鳴。鳩拂羽相尋。倉庚類聚作鳩。樂府同。啾啾弄音。感時悼逝傷心。日月相追周旋。萬里修樂府作條。忽幾年。人皆冉冉西遷。盛時一往不還。慷慨乖念悽然。昔爲少年無憂。常悵樂府作怪。廣文選作恠。秉燭夜遊。翩翩宵本集作常。征何求。于今知此有由。但爲老去年道。盛固有衰不疑。長夜冥冥無期。何不驅馳及時。聊樂永日自怡。齎此遺情何之。人生居世爲安。豈若及時爲歡。世道多故萬端。憂慮紛錯交顏。老行及之長歎。○樂府詩集三十四作董逃行。本集七。廣文選十三作董逃行。詩紀二十四。又類聚四十一引林、陰、尋、音、心五韻。

上留田行類聚注平徵調三字。

嗟行人之藹藹。駿馬陟原風馳。輕舟泛川雷邁。寒往暑來相尋。零雪霏霏集字。悲風徘徊人襟。歲華冉冉方除。我思纏綿未紓。感時悼逝悽如。○類聚四十一。樂府詩集三十八。本集七。詩紀二十四。

燕歌行七言

四時代序逝樂府云。一作遠。不追。寒風習習落葉飛。蟋蟀在堂露盈墀。玉臺、類聚作階。詩紀云。一作階。念君遠本集作客。詩紀同。又云。一作遠。樂府云。一作客。遊常樂府作恒。苦類聚作苦恒。本集同。悲。君何緬然久不歸。賤妾悠悠心無違。白日既沒明燈輝。夜玉臺作寒。詩紀云。一作寒。禽赴林匹鳥本集作鳴。棲。雙鳩關關宿河湄。憂來感物涕不晞。非君之念思爲誰。別日樂府云。一作日別。何早會何遲。○玉臺新詠九。樂府詩集三十二。本集七。詩紀二十四。又類聚四十二引追、飛、階、悲、歸五韻。

猛虎行以下雜言。

渴不飲盜泉水。熱不息惡木陰。惡木豈無枝。志士多苦類聚作苦用。心。整駕肅時命。杖類聚作振。策將遠尋。飢食猛虎窟。寒棲野雀林。日歸功未建。時往歲載陰。崇雲臨岸駭。鳴條隨風吟。靜言幽谷底。長嘯高山岑。急絃無懦響。亮節難爲音。人生誠未易。曷云開此衿。樂府作襟。文章正宗、羣書校補本同。六臣本文選注云。五臣作襟。眷我耿介懷。俯仰愧古今。○文選二十八。樂府詩集三十一。文章正宗二十九。本集七。詩紀二十四。又類聚四十一引陰、心、尋、林四韻。

鞠歌行

序曰。按漢宮閣有含章鞠室、靈芝鞠室。後漢馬防第宅卜臨道。連閣通池。鞠城彌於街路。鞠歌將謂此也。又東阿王詩。連騎擊壤。或謂蹴鞠乎。三言七言。雖奇寶名器。不遇知己。終不見重。願逢知己。以託意焉。

朝雲升。應龍攀。乘風遠遊騰雲端。鼓鐘歇。豈自歡。急絃高張思和彈。時希值。年夙愆。循己雖易人知難。王陽登。貢公歡。罕生既沒國子歎。嗟千載。豈虛言。邈矣遠念情愴然。○樂府詩集三十三。本集七。廣文選十三。詩紀二十四。

順東西門行

出西門。類聚出上有日字。本集同。望天庭。陽谷既虛崦嵫盈。感朝露。悲人生。逝樂府作遊。者若斯安得停。桑樞戒。蟋蟀鳴。我今不樂歲聿征。迨未暮。類聚暮上有年字。及時類聚作世。本集同。平。置酒高堂宴友生。激朗笛。彈哀箏。取樂今日盡歡情。○樂府詩集三十七。本集七。詩紀二十四。又類聚四十一引庭、盈、停、平、生、情六韻。

日重光行

日重光。奈何天廻薄。日重光。冉冉其遊如飛征。日重光。今我日華華之盛。日重光。倏忽過。亦安停。日重光。盛往衰。亦必來。日重光。譬如四時。固恆相催。日重光。惟命有分可營。日重光。但樂府、詩紀云。一作常。惆悵才志。日重光。身沒本集作歿。之後無遺名。○樂府詩集四十。本集七。詩紀二十四。

月重輪行

人生一時。月重輪。盛年安樂府作焉。可持。樂府作恃。注。一作持。月重輪。吉凶倚伏。百年莫我與期。臨川曷悲悼。茲去不從肩。月重輪。功名不勗之。善哉。古人揚聲。敷聞九服。身名流何穆。既自才難。既既字衍文。嘉運。亦易愆。俛仰行老。存沒將何所。樂府無所字。觀。志士慷慨獨長歎。獨長歎。○樂府詩集四十。本集七。詩紀二十四。

百年歌十首

一十時。顏如薜華。晬有暉。體如飄風。行如飛。變彼孺子。相追隨。終朝出遊。薄暮歸。六情逸豫。心無違。清酒將本集、詩紀誤作漿。下同。炙奈樂何。清酒將炙奈樂何。○類聚四十三。本集七。詩紀二十四。○逯案。清酒將炙。謂以酒進炙也。本集、詩紀作清酒漿炙。均爲不辭。

二十時。膚體彩類聚作彩津。澤人理成。美目淑貌。灼有榮。被服冠帶。麗且清。光車駿馬。遊都城。高談雅步。何盈盈。清酒將炙奈樂何。清酒將炙奈樂何。○同上

三十時。行成名立。有令聞。力可扛鼎。志干雲。食如漏卮。氣如熏。辭家觀國。綜典文。高冠素帶。煥翩紛。清酒將炙奈樂何。清酒將炙奈樂何。○同上

四十時。體力克壯。志方剛。跨州越郡。還帝鄉。出入承明。擁大璫。清酒將炙奈樂何。清酒將炙奈樂何。○同上○

逸案。此首當缺一句。

五十時。荷旄仗節鎮邦家。鼓鐘嘈囀趙女歌。羅衣綵粲金翠華。言笑雅舞相經過。清酒將炙奈樂何。清酒將炙奈樂何。○同上

六十時。年亦耆艾業亦隆。驂駕四牡入紫宮。軒冕婀娜聚作納。本集同。那翠雲中。子孫昌盛家道豐。清酒將炙奈樂何。清酒將炙奈樂何。○同上

七十時。精爽頗損膂力愆。清水明鏡不欲觀。臨樂對酒轉無歡。攬形詩紀云。集作衣。脩詩紀作羞。注。集作脩。髮獨長歎。○同上

八十時。明已損目類聚缺目字。聰去耳。前言往行不復紀。辭官致祿歸桑梓。安車駟馬入舊里。樂事告終憂事始。○同上

九十時。日告耽瘁月告衰。形體雖是志意非。言多謬誤心多悲。子孫朝拜或問誰。指景玩日慮安危。感念平生淚交揮。○同上

百歲時。盈數已登肌肉單。四支百節類聚節下衍卽字。還相患。目若詩紀作苦。注。一作若。濁鏡口垂草堂詩箋作流。涎。呼吸嚙蹙反側難。茵褥滋味不復安。○類聚四十三。本集七。詩紀二十四。又草堂詩箋二飲中歌注引一句。

放歌行

容華夙夜零。無故自消歇。○文選二十二行藥詩注。

詩

贈顧令文爲宜春令詩五章〇以下四言。

藹藹芳林。有集惟嶽。粲粲明哲。在彼鴻族。淪心渾無。遊精大樸。播我徽猷。□彼振玉。彼玉之振。光于厥潛。大明貞觀。重泉匪深。我有好爵。相爾在陰。翻飛名都。宰物于南。禮弊則僞。樸散在華。人之秉夷。當作懿。避晉諱作夷。則是惠和。變風興教。非德伊何。我友敬矣。俾人作歌。交道雖博。好亦勤止。比志同契。惟予與子。三川既曠。江亦永矣。悠悠我思。託邁千里。吉甫之役。清風既沈。非子之豔。詩誰云尋。我來自東。貽其好音。豈有桃李。慙子瓊琛。將子無矧。屬之翰林。變彼靜女。此惟我心。〇文館詞林百五十六。

贈武昌太守夏少明詩六章

穆穆君子。明德允迪。拊翼負海。翻飛上國。天子命之。曾是在服。西踰嶠岡。北臨河曲。爾政既均。爾化既淳。舊汙孔脩。德以振人。雍雍鳴鶴。亦聞于天。釋厥緇衣。爰集崇賢。羽儀既奮。令問不已。慶雲烟煴。鴻漸載起。峨峨紫闥。侯戾侯止。彤管有煒。納言崇祉。既考爾工。將胙爾庸。大君有命。俾守于東。允文允武。威靈以隆。之子于邁。介夫在戎。悠悠武昌。在江之隈。吳未喪師。爲蕃爲畿。惟此惠君。人胥攸希。弈弈重光。照爾繡衣。

人道靡常。高會難期。之子于遠。曷云歸哉。心乎愛矣。永言懷之。瞻彼江介。惟用作詩。○文館詞林百六十五。

皇太子宴玄圃宣猷堂有令賦詩

太子宴朝士於宣猷堂。遂命機賦詩。○御覽百七十六。

三正迭紹。洪聖啓運。自昔哲王。先天而順。羣辟崇替。降及近古。黃暉既渝。素靈承祐。乃眷斯顧。祚之宅土。二后始基。世武丕承。協風旁駭。天晷仰澄。淳耀六合。皇慶攸興。自彼河汾。奄齊七政。時文惟晉。世篤其聖。欽翼昊天。對揚成命。九區克咸。謳文選作譙。六臣本注云。五臣作謳。歌以詠。皇上纂隆。經教弘道。于化既豐。在工載考。俯釐庶績。仰荒大造。儀刑本集作形。祖宗。妥綏天保。篤生我后。克明克秀。體輝重光。承規景數。茂德淵沖。類聚作冲深。初學記作川沈。天姿玉裕。蕞爾小臣。邈彼荒遐。弛厥負擔。振纓承華。匪願伊始。惟命之嘉。○文選二十。本集七。詩紀二十五。又類聚三十九作侍皇太子宣猷堂詩。引秀、數、裕、運、順、古、祐、丞、澄、政、聖、赫十二韻。初學記十作侍皇太子宣猷堂詩。引裕一韻。○遼案。此詩原題當作侍皇太子宣猷堂詩。并有序文。文選蓋刪其序而改其題。今補入御覽所引殘序。又類聚引文多明明隆晉。茂德有赫二句。將篤生我后六句列在詩首。與文選不同。文選乃節錄本集無疑。

贈馮文罷遷斥丘令詩八章

文選李善注。集云。文罷爲太子洗馬。遷斥丘令。贈以此詩。遠案。此爲陸集原題。應從之。

於皇聖世。六臣本文選注云。五臣作代。時文惟晉。受命自天。奄有黎獻。閭闔既闢。承華再建。明明在上。有集惟彥。

奕奕馮生。哲問六臣本文選注云。五臣作門。允迪天保定子。韻補作爾。靡德不鑠。邁心玄曠。矯志崇邈。遵彼承華。其容灼灼。

嗟我人斯。戢翼江潭。有命集止。類聚作上。翻飛自南。出自類聚作彼。幽谷及爾同林。雙情交映。遺物識心。人亦有言。交道實難。有頰者弁。千載一彈。今我與子。曠世齊歡。利斷金石。氣惠秋蘭。羣黎未綏。帝用勤止。我求明德。肆于百里。僉曰爾諧。俾民是紀。乃眷北徂。對揚帝祉。

疇昔之遊。好合纏綿。借曰未給。李善本文選作洽。六臣本文選同。本集注云。五臣作洽。詩紀云。五臣作洽。亦既三年。居陪華幄。出從朱輪。方驥齊鑣。比迹同塵。

之子既命。四牡項領。遵塗遠蹈。騰軌高騁。慶雲扶質。清風承景。嗟我懷人。其邁惟永。

否泰有李善本文選作苟。六臣本注云。善作苟。詩紀同。本集作苟。殊。窮達有違。及子春華。從爾秋暉。逝將去我。陟彼朔陲。本集作垂。非子之念。心孰爲悲。○文選二十四。本集五。詩集二十五。又類聚三十一引第三章。韻補五引迪、鑠二韻。

答賈謚詩十一章

余昔爲太子洗馬。魯公賈長淵以散騎常侍侍東宮積年。余出補吳王郎中令。元康六年入爲尚書郎。魯公贈詩一篇。作此文選。文館詞林此下有詩字。本集同。答之云爾。

伊昔有皇。肇濟黎蒸。先天創物。景命是膺。降及羣后。迭毀文館詞林缺此二字。迭興。邈矣終古。崇替有徵。在漢之季。皇綱幅裂。大六臣本文選作火。注云。善作大。羣書校補本作火。辰匿暉。李善本文選作曜。金虎曜李善本文選作習。本集同。六臣本文選注云。善作習。韵補同。質。雄臣馳文館詞林作騰。類聚同。鶩。義夫赴節。釋位揮戈。言謀王室。

王室之亂。靡邦不泯。如彼墜景。曾不可振。乃眷三哲。韵補作后。俾乂文館詞林作人。斯民。文館詞林作人。啓土雖類聚作綏。詩紀云。一作綏。難。改物承天。

爰茲有魏。卽宮天邑。吳實龍飛。劉亦岳立。干戈載揚。俎豆載戢。民文館詞林作人。勞師興。國玩凱人。

天厭霸德。黃祚六臣本文選注云。五臣作祖。告釁。李善本文選作釁。文館詞林同。獄訟違魏。謳歌適類聚作暹。晉。陳留歸蕃。我皇登禪。庸岷類聚作嶧。稽顙。三江改獻。

赫矣隆晉。奄宅率土。對揚天人。有秩斯祐。惟公太宰。光翼二祖。誕育洪胄。纂戎于魯。

東朝既建。淑問峨峨。我求明德。濟同以和。魯公戾止。袞服委蛇。思媚皇儲。高步承華。

昔我逮茲。時惟下僚。及子棲遲。同林異條。年殊志比。文館詞林作密。類聚、本集同。服舛羣書校補本作殊。六臣本文選注云。五臣作殊。義稠。游跨三春。情固二秋。

祇承皇命。出納無違。往踐蕃朝。來步紫微。升降秘閣。我服載暉。孰云匪懼。仰肅明威。分索則易。攜手實難。念昔良遊。茲焉永歎。公之云感。貽此音翰。蔚彼高藻。如玉如蘭。李善本文選作之闌。六臣本注。善作之闌。詩紀云。一作之闌。

惟漢有木。曾不踰境。惟南有金。萬邦作詠。民之胥好。捐類聚作指。狂文選作狂捐。六臣本注云。五臣作狂捐。厲聖。儀刑文館詞林作形。本集同。在昔。予類聚作爭。聞子命。○文選二十四作答賈長淵。本集五。詩紀二十五。又類聚三十一引膺、興、徵、裂、節、室、泯、振、民、天、覺、晉、禪、獻、祖、魯、僚、條、稠、秋、遠、微、暉、威、難、歎、翰、蘭、聖、命三十韻。韻補一引泯、振、民三韻。又四引覺、晉、禪三韻。又五引裂、質二韻。

與弟清河雲詩十章○詩紀作贈弟士龍。又注云。見陸士龍集。題曰兄平原贈。

余弱文館詞林作夙。年夙文館詞林作早。孤。與弟士龍銜卹文館詞林作恤。喪庭。續忝末緒。本集無忝末緒三字。會逼王命。文館詞林無會逼王命句。墨經卽戎。時並縈髮。悼心告別。漸歷文館詞林作蹈。八載。家邦顛覆。凡厥同生。彫落殆半。收迹之日。感物興哀。而士龍又先在西。本集作四。詩紀同。時迫當祖載。文館詞林作送。二昆不容逍遙。銜痛東徂。遺情西慕。文館詞林作慘愴。故作是詩。以寄其哀苦焉。

於穆予宗。稟精東嶽。誕育祖考。造我南國。南國克靖。實繇洪績。惟帝念功。載繁其錫。其錫惟何。玄冕袞衣。金石假樂。旄鉞授威。匪威是信。稱丕本集作平。詩紀同。羣書校補作乎。遠德。奕世文館詞林作葉。台衡。扶帝

紫極。

篤生二本集、詩紀作三。昆。克明克俊。遵塗結轍。承風襲問。帝曰欽哉。纂戎列本集作裂。羣書校補作烈。祚。雙組式帶。綬文館詞林作綬。章載路。卽命荆楚。對揚休顧。肇敏厥文館詞林作厥敏。績。武功聿舉。烟煴芳素。綢繆江澹。昊天不弔。胡寧棄予。

嗟予人斯。文館詞林作鄙人。胡文館詞林作允。德之微。闕彼遺軌。文館詞林作懿。則此頑遠。王事靡盬。本集作匪盬。詩紀同。旂文館詞林作旌。旆屢振。委籍奮本集作奮。詩紀同。戈。統厥征人。祁祁本集作祈祈。詩紀同。征人。載肅載閑。騤騤戎馬。有駟本集缺駟字。詩紀同。有翰。昔予本集、詩紀作子。翼考。惟斯文館詞林作新。伊撫。今予小子。繆尋末緒。有命自天。崇替靡常。王師乘運。席卷江本集倒作江捲。詩紀同。湘。雖備官本集缺此二字。詩紀同。守。位本集作守。詩紀同。從武臣。守局下列。譬彼飛塵。洪波電本集、詩紀作雷。擊。與衆同湮。本集作泯。詩紀同。顛踣本集、詩紀作跋。西夏。收迹舊京。俯慚堂構。仰惜類聚作惟。先靈。孰云忍媿。寄之我情。

伊文館詞林作猗。我俊弟。咨文館詞林作嗟。爾士龍。懷襲瑰瑋。文館詞林作偉。播殖酌補作植。清風。非德莫勲。非道莫弘。垂翼東畿。耀穎名邦。綿綿洪統。非爾孰崇。依依同生。恩篤情結。義存並濟。胡樂之悅。願爾偕老。攜手黃髮。

昔我西征。扼腕文館詞林作腕。川湄。文館詞林作涯。掩涕卽路。揮本集、詩紀作耀。袂長辭。六龍促節。逝不我待。自往迄茲。曠年八祀。悠悠我思。非爾文館詞林作予。焉在。昔並垂髮。今也將老。銜哀文館詞林作含憂。茹感。契闊充飽。嗟我人斯。胡恤之早。

天步多艱。性命難誓。常懼隕斃。文館詞林作弊。孤魂殊裔。存不阜物。沒不增壤。生若朝風。死猶羣書。校補作由。絕景。視彼蜉蝣。本集作浮遊。詩紀同。方之喬。本集作僑。詩紀同。客。眷此黃墟。本集作廬。詩紀同。譬之斃。文館詞林作弊。宅。匪身是吝。亮會伊惜。其惜伊何。言紆其思。其思伊何。悲彼曠載。

出車戒塗。言告言歸。薜。本集作辱。食警。本集作驚。詩紀同。駕。夙興宵。文館詞林作霄。馳。濛雨之陰。炤。文館詞林作照。月之輝。文館詞林作暉。陵陵峻坂。川越洪漪。爰届爰止。步彼高堂。失爾朔。本集作羽。詩紀同。邁。良願中荒。我心永懷。匪悅匪康。

昔我斯逝。兄弟孔備。本集作仁。詩紀同。今予。本集作我。詩紀同。來思。我凋我瘁。本集作或彫或疚。詩紀同。昔我斯逝。族有餘榮。今我來思。堂有哀聲。我行其道。鞠爲茂草。我履其房。物存人亡。拊膺涕泣。文館詞林作泣血。類聚同。血。文館詞林作灑。類聚同。淚彷徨。

企佇朔。文館詞林作明。路。言歡。本集缺此字。詩紀作送。爾歸。心存言宴。目。詩紀作日。想容輝。迫彼窳窳。載驅東路。係情。本集作繼其。詩紀同。桑梓。肆力丘墓。栖遲中流。本集作婉兮變兮。詩紀同。心。本集作興。詩紀同。懷罔極。眷言顧之。使我心惻。○文館詞林百五十二。本集三。詩紀二十五。又類聚二十一。作與弟雲詩。引常、湘、靈、情、榮、聲、道、草、房、亡、復十一韻。韻補一作贈陸雲詩。引風、弘二韻。

皇太子賜讌詩

元康四年秋。余以太子洗馬出補吳王郎中。以前事倉卒未得宴。三月十六。有命清宴。感聖恩之罔極。

退而賦此詩也。○書鈔六十六。又略見御覽五百三十九。○遼案。序文或屬此詩。列此俟考。

明明隆晉。茂德有赫。思媚上帝。配天光宅。誕育皇儲。儀刑類聚。本集作形。在昔。徽羣書校補作微。言時宜。福祿來格。勞謙降貴。肆敬下臣。肇彼先驅。翻成嘉賓。○類聚三十九。本集五。廣文選八。詩紀二十五。

贈潘尼詩

水會于海。雲翔于天。道之所混。孰後孰先。及子雖殊。同升太玄。舍彼羣書校補作被。玄冕。襲此雲冠。遺情市朝。永志丘園。靜猶幽谷。動若揮蘭。○類聚三十一。本集五。廣文選十作贈潘岳詩。詩紀二十五。

答潘尼詩

於穆同心。如瓊如琳。詩紀作林。我東曰類聚作日。本集、詩紀同。徂。來餞其琛。彼美潘生。實綜我心。探子本集作我。詩紀同。玉懷。疇爾惠音。○類聚三十一。本集五。詩紀二十五。

祖會太極東堂詩

帝謂御事。及爾同歡。我自嘉禮。以壽永觀。思樂華殿。祇承聖顏。○書鈔八十二。○遼案。書鈔又引陸機祖會太極東堂詩。於是四座具醉云云。當是詩序殘文。

元康四年從皇太子祖會東堂詩

巍巍皇代。書鈔作魏王禪代。誤。奄宅九圍。帝在在洛。書鈔作帝在洛陽。克書鈔作光。配紫微。八風應律。日月重暉。普歷丘宇。時罔不綏。○書鈔百四十九作陸機詩。引圍、微、暉三韻。匡謬正俗三引圍、微、綏三韻。

講漢書詩

稅駕金華。講學祕館。有集惟髦。芳風雅宴。○書鈔九十八。

祖道清正清正當是潘正之誤。詩

□□□題。允藩克正。惟是喉舌。光翼明聖。○書鈔六十。

贈潘岳詩

僉曰吾生。明德惟允。○文選二十五答謝靈運詩注。

詩

恢恢天網。飛沈是收。受茲下臣。騰光清霄。○吳棫韵補二。

詩

甕餘殘酒。膝有橫琴。○草堂詩箋三十七遇津詩注。

贈馮文罷詩以下五言。

昔與二三子。遊息承華南。拊翼同枝條。翻飛各異尋。苟無凌風翮。徘徊守故林。六臣本文選注云。善無此二句。慷慨誰為感。願言懷所欽。發軔清洛初。學記作濁渭。汭。驅馬大河陰。佇立望朔塗。悠悠迥且深。分索古所悲。志士多苦心。悲情臨川結。苦言隨風吟。愧無雜佩贈。良訊代兼金。夫子茂遠猷。穎誠寄惠音。○文選二十四。本集五。詩紀二十五。又初學記十八引陰、心二韻。

於承明作與弟士龍詩文選李善注。集云。與士龍於承明亭作。

牽世嬰時網。駕言遠徂征。飲餞豈異六臣本文選注云。五臣作他字。族。親戚弟與兄。婉孌居人思。紆鬱遊子情。明發遺安寐。晤文選作寤。羣書校補同。言涕交纓。分途類聚作塗。長林側。揮袂萬始亭。佇眄李善本文選作盼。本集作盼。要遐景。傾耳玩餘聲。南歸憇永安。北邁頓承明。永安有昨本集作作。軌。承明子棄予。俯仰悲林六臣本文選注云。善作外。薄。慷慨含辛楚。懷往歡絕端。悼來憂成緒。感別慘舒翮。思歸樂遵本集作春。渚。○文選二十四。本集五。詩紀二十五。又類聚二十九引征、兄、亭、明四韻。

贈弟士龍詩

行矣怨路長。怒焉傷別促。指途悲有餘。臨觴歡不足。我若西流水。子爲東峙。文選作峙。六臣注云。五臣作峙。岳。慷慨逝言感。徘徊居情育。安得攜手俱。契闊成駢服。○文選二十四。本集五。陸士龍文集五答兄平原二首之二。類聚二十九作陸雲贈兄詩。詩紀二十五。○逯案。陸士龍集答平原兄二首。一爲悠悠塗可極篇。一爲此篇。類聚陸雲贈兄詩上爲此篇。下爲悠悠塗可極篇。似此詩應屬陸雲。然昭明文選載此作陸士衡。別載悠悠塗可極篇作陸士龍。此其所據之二陸文集當不誤也。意者陸士龍集編士龍答兄平原詩並附載士衡贈詩。與本集並載鄭曼季贈答詩爲同例。經傳寫有脫誤。遂並作士龍詩。歐陽詢編類聚時所據之本已有脫奪矣。

贈尚書郎顧彥先詩二首

大火貞朱光。積陽熙自南。望舒離金虎。屏翳吐重陰。淒風迓時序。苦雨遂成霖。朝游忘輕羽。夕息憶重衾。感物百憂生。纏綿自相尋。與子隔蕭牆。蕭牆阻李善本文選作隔。六臣本注云。善作隔。且深。形影曠不接。所託聲與音。音聲文選注作聲音。日夜闊。何用文選注作以。慰吾心。○文選二十四。本集五。詩紀二十五。又文選二十一秋胡詩注作贈顧彥先詩。引音、心二韻。

朝遊遊層城。夕息旋直廬。迅雷中霄激。驚電光夜舒。玄雲拖朱閣。振風薄綺疏。豐注溢修雷。潢文選作黃。初學記、本集同。潦浸階除。停陰結不解。通衢化爲渠。沈稼湮梁穎。初學記誤作賴。流民泝荆徐。眷言懷桑梓。

無乃將爲魚。○文選二十四。初學記十一。本集五。詩紀二十五。

贈顧交趾公真詩

類聚作直。詩紀作真。文選李善注云。晉百官名曰。交州刺史。顧祕字公真。

顧侯體明德。清風肅已邁。發迹翼藩后。改授撫南裔。伐鼓五嶺表。揚旌類聚作聲。萬里外。遠績不辭小。立德不在大。高山安類聚作可。足凌。巨海猶縈帶。惆悵瞻飛駕。引領望歸旆。○文選二十四。本集五。詩紀二十五。又類聚二十九作送顧公直詩。引外、帶二韻。

答張士然詩

潔身躋秘閣。秘閣峻且玄。終朝理文案。薄暮不遑眠。李善本文選作暝。六臣本注云。善作暝。駕言巡明祀。致敬在祈年。逍遙春王本集作玉。圃。六臣本文選作囿。躑躅千畝田。廻渠繞曲陌。通波扶直阡。嘉穀垂重穎。芳樹發華顛。余固水鄉士。摠轡臨清淵。六臣本文選注云。五臣作泉字。羣書校補同。文選注作川。戚戚多遠念。行行遂成篇。○文選二十四。本集五。詩紀二十五。又文選三十一雜體詩注引川一韻。

贈從兄車騎詩

文選李善注。集云陸士光。

孤獸思故藪。離鳥悲舊林。翩翩游宦子。辛苦誰類聚作難。本集同。爲心。髣髴谷水陽。婉孌崑山陰。營魄懷

茲土。精爽若飛沈。寤寐靡安豫。願言思所欽。感彼歸途艱。使我怨慕深。安得忘歸匡謬正俗作憂。草。言樹背與襟。李善本文選作衿。六臣本注云。善作衿。斯言豈虛作。思鳥有悲音。○文選二十四。本集五。詩紀二十五。又類聚三十一引林、心、陰、沉四韻。匡謬正俗一引襟一韻。御覽百八十、太平寰宇記九十一並作思鄉詩。引陰一韻。

爲顧彥先贈婦詩二首

六臣本文選引李善注曰。集云爲令彥先作。今云顧彥先。誤也。且此上篇贈婦。下篇婦答。而俱云贈婦。又誤也。○逯案。爲令彥先當是爲令文彥先之誤。陸士龍集有答大將軍祭酒顧令文詩。又有與張光祿書云。顧令文彥先每宣陸眷彌泰之惠。卽指此二人。又陸士龍亦有爲顧彥先贈婦之作。題作爲顧彥先贈婦往返四首。稱往返則知有贈婦。有婦答。題旨明備。文選此目蓋有刪節處。贈婦下應有往返二字。

辭家遠行遊。悠悠三千里。京洛多風塵。素衣化爲緇。循文選作情。本集、詩紀同。身悼憂苦。感念同懷子。隆思亂李善本文選作辭。心曲。沈歡滯不起。歡沈難克興。心亂誰爲理。願假歸鴻翼。翻飛浙羣書校補作游。江汜。○文選二十四。玉臺新詠三。本集七。詩紀二十五。

東南草堂詩箋作海。有思婦。長嘆充草堂詩箋作脫。幽闈。草堂詩箋誤作關。借問歎何爲。佳人渺天末。遊宦久不歸。山川修且闊。形影參商乖。音息初學記作信。曠不達。離合非有初學記作豈非。常。譬彼弦與箏。文選作栝。願保金石軀。慰妾長飢渴。○文選二十四。玉臺新詠三。本集七。詩紀二十五。又初學記十八引達、箝二韻。草堂詩箋十一引關一韻。

爲陸思遠婦作詩

晉書有紀思遠。與陸機同時。親善。

二合兆嘉偶。女子禮有行。潔己入德門。終遠母與兄。如何耽時寵。游宦忘歸寧。雖爲三載婦。顧景媿虛名。歲暮饒悲風。洞房涼且清。拊枕循薄質。非君誰見榮。離君多悲心。寤寐勞詩紀云。集作動。人情。敢忘桃李陋。側想瑤與瓊。○類聚三十二。本集五。詩紀二十五。

爲周夫人贈車騎詩

詩紀云。外編作陸雲。

碎碎織細練。爲君作繡。君行豈有顧。憶君是妾夫。昔者得君書。聞君在高平。今時得君書。聞君在京城。京城華麗所。璀璨多異人。玉臺作端。羣書校補同。男兒多遠志。豈知妾念君。昔者與君別。歲律玉臺作事。薄將暮。日月一何速。素秋墜湛露。湛露何冉冉。思君隨歲晚。對食不能飡。玉臺作飧。臨觴不能飯。本集作飲。○玉臺新詠三。本集五。詩紀二十五。

祖道畢雍孫劉邊仲潘正叔詩

皇儲延髦俊。多士出幽遐。過蒙類聚或作適遂。本集同。詩紀作適值。注。一作遂。時來運。與子類聚或作爾。遊承華。執笏崇賢內。振纓層城阿。畢劉贊文武。潘生蒞邦家。感別懷遠人。願言歎以嗟。○類聚二十九。本集五。詩紀二十五。又類聚三十一及六十七引華、阿二韻。

赴太子洗馬時作詩

文選赴洛二首之一。文選李善注云。集云赴太子洗馬時作。下篇云東宮作。而此同云赴洛。誤也。○逯案。此詩言

親友贈邁。携手永歎。下篇言托身承華。寒暑已革。顯然非一時一地之作。文選同作赴洛。非是。今依選注分列兩詩。

希世無高符。營道無烈六。臣本文選注云。五臣作列。心。靖端肅有命。假楫越江潭。親友贈予邁。揮淚廣川陰。撫膺解攜手。永歎結遺音。無迹有所匿。寂寞文選作漠。韻補同。六臣本注云。五臣作寞。聲必沈。肆目眇不本集作弗。六臣本文選注云。五臣作弗。及。緬然若雙潛。南望泣玄渚。北邁涉長林。谷風拂脩薄。油雲翳高岑。豐豐孤獸騁。嚶嚶思鳥吟。感物戀堂室。離思一何深。佇立慨文選作愾。六臣本注云。五臣作慨。我歎。寤寐涕盈衿。本集誤作矜。惜無懷歸志。辛苦誰爲心。○文選二十六。本集五。詩紀二十五並作赴洛詩。又吳棫韻補一作赴洛詩。引沈、潛二韻。

赴洛道中作詩二首

總轡登長路。嗚咽辭密親。借問類書殘卷誤作門。子何之。類聚作爲。世網嬰我身。永歎遵北渚。遺思結南津。行行遂已遠。野途曠無人。山澤紛紆餘。林薄杳阡眠。虎嘯深谷底。雞鳴高樹巔。哀風中夜流。孤獸更我前。悲情觸物感。沈思鬱纏綿。佇立望故鄉。顧影懷自憐。○文選二十六。本集五。詩紀二十五。又類聚二十七作赴洛詩。引親、身、津三韻。鳴沙石室古籍叢殘類書殘卷客遊門作赴洛詩。引親、身二韻。

遠遊越山川。山川脩且廣。振策陟崇丘。安李善本文選作案。類聚作按。轡遵平莽。夕息抱影類聚作景。寐。朝徂銜思往。頓轡草堂詩箋誤作主。倚高文選作嵩。本集同。六臣本文選注云。五臣作高。草堂詩箋作舊。巖。側聽悲風響。清露墜素輝。明月一何朗。撫枕文選作几。六臣本注云。五臣作枕。文選注作机。按作机是。枕。机之誤。不能寐。振衣獨長想。

○文選二一六。本集五。詩紀二二五。又類聚二一七作赴洛詩。引賡、菲、往三韻。文選二一六在郡卧病詩注引一句。直堂詩箋二十述古詩注作赴洛詩。引一句。

東宮作詩文選赴洛二首之二

羈本集作羈。旅遠遊宦。託身承華側。撫劍遵銅輦。振纓盡祇肅。歲月一何易。寒暑忽已革。載離多悲心。感物情悽惻。慷慨遺安豫。文選作愈。六臣本注云。五臣作念。本集作俞。羣書校補作愈。永歎廢寢。文選作餐。六臣本注云。五臣作寤。食。思樂樂難誘。曰歸歸未克。憂苦欲何爲。纏綿胸與臆。仰瞻凌霄鳥。羨爾歸飛翼。○文選二十六、本集五、詩紀二二五並作赴洛詩。○遠案。文選旁證云。愈當作念。注引東京賦可證。作念者。形近而訛。

吳王郎中時從梁陳作詩

在昔蒙嘉運。矯迹入崇賢。假翼鳴鳳條。濯足升龍淵。初學記作泉。玄冕無醜士。治服使我妍。輕劍拂鞞厲。六臣本文選注云。五臣作礪。羣書校補作礪。長纓麗且鮮。誰謂伏事淺。契闊踰三年。薄言肅後命。改服就藩臣。夙駕尋清軌。遠遊越梁陳。感物多遠念。慷慨懷古人。○文選二十六。本集五。詩紀二二五。又初學記十引賢、泉二韻。御覽六百八十六引玄冕、長纓句。文字有異。

擬行行重行行詩

悠悠行邁遠。戚戚憂思深。此思亦何思。思君徽與音。音徽日夜離。緬邈若飛沈。王鮪懷河岫。晨風思詩

紀云。一作悲。北林。遊子眇天末。還六臣本文選作遠。注云。善作還。詩紀云。五臣作遠。期不可尋。驚飈褰反信。歸雲難寄音。佇立想萬里。沈憂萃我心。攬衣有餘帶。循形不盈衿。去去遺情累。安處撫清琴。○文選三十。本集六。詩紀二十五。

擬今日良宴會詩

閑夜命懽編珠作清。友。置酒迎風館。編珠作觀。齊僮梁甫吟。秦娥張女彈。哀音繞棟本集作梁。宇。遺響入雲漢。四座咸同志。羽觴不可算。高談一何綺。蔚若朝霞爛。人生無幾何。爲樂常苦晏。詩紀誤作宴。譬彼伺類聚作司。晨鳥。揚聲當及旦。曷爲恆憂苦。守此貧與類聚作且。賤。○文選三十。本集六。詩紀二十五。又類聚三十九引館、彈、漢、晏、且五韻。杜公瞻編珠二作陸機樂府詩。引觀、彈二韻。吳械韻補四引算、賤二韻。

擬迢迢牽牛星詩

昭昭清玉臺作炤炤天。漢暉。粲粲光天步。牽牛西北迴。織女東南顧。華容一何冶。玉臺作綺。揮手如振素。怨彼河無梁。悲此年歲暮。跂彼無良緣。睨玉臺作睨。羣書校補作睨。焉不得度。引領望大川。雙涕如霑露。○文選三十。玉臺新詠三。本集六。詩紀二十五。

擬涉江采芙蓉詩

上山采瓊蘂。穹谷饒芳蘭。采采不盈掬。悠悠懷所歡。故鄉一何曠。山川阻且難。沈思鍾玉臺作鐘。萬里。躑躅獨吟歎。○文選三十。玉臺新詠三。本集六。詩紀二十五。

擬青青河畔草詩

靡靡江離玉臺、類聚作離。李善本文選同。又六臣本注。五臣作離。作離是。草。熠熠文選、玉臺作熠燿。本集同。類聚作熠燿。詩紀云。一作燿燿。生河側。皎皎彼姝女。阿那當軒織。粲粲妖類聚作嬌。容姿。灼灼美顏玉臺作華美。色。良人遊不歸。偏棲獨隻翼。空房來悲風。中夜起歎息。○文選三十。玉臺新詠三。類聚三十二。本集六。詩紀二十五。

擬明月何皎皎詩

安寢北堂上。明月入我牖。照之有餘輝。文選、書鈔作暉。類聚作輝。編珠作光彩。攬編珠作覽。御覽同。之不盈手。涼風繞曲房。寒蟬鳴高柳。踟躕感節物。我行永已久。游宦會無成。離思難常守。○文選三十。本集六。詩紀二十五。又書鈔百五十引牖、手二韻。類聚一引牖、手二韻。杜公瞻編珠一作樂府詩。引牖、手二韻。御覽百八十八引牖、手二韻。

擬蘭若生春陽詩

嘉樹生朝陽。凝霜類聚誤作想。封其條。執心守時信。歲寒終不玉臺作不敢。凋。美人何其曠。灼灼類聚作的的。同。在雲霄。隆想彌年月。玉臺作時。長嘯入風飈。玉臺作飄。引領望天末。譬彼向陽翹。○文選三十。玉臺新詠三。本

集六。詩紀二十五。又類聚三十二引條、凋、霄三韵。

擬青青陵上柏詩

冉冉本集作苒苒。高陵蘋。習習隨風翰。人生當幾時。譬彼濁水瀾。戚戚多滯念。置酒宴所歡。方駕振飛轡。遠游人長安。名都一何綺。城闕鬱盤桓。飛閣纓虹帶。層臺冒雲冠。高門羅北闕。甲第椒與蘭。俠客控絕景。都人驂玉軒。遨遊放情願。慷慨爲誰歎。○文選三十。本集六。詩紀二十五。

擬東城一何高詩

詩紀云。古詩曰東城高且長。

西山何其峻。層曲鬱崔嵬。零露彌天墜。蕙葉憑林衰。寒暑相因襲。時逝忽如頽。玉臺作遺。三閭結飛轡。大玉臺作太。蜚嗟落暉。詩紀誤作揮。曷爲牽世務。中心若玉臺作悵。有違。京洛多妖麗。玉顏侔瓊蕊。閑夜撫鳴琴。惠音清且悲。長歌赴促節。哀響逐高徽。一唱萬夫歎。再唱梁塵飛。思爲河曲鳥。雙游澧文選作豐。六臣本注云。五臣作澧。玉臺作豐。水湄。○文選三十。玉臺新詠三。本集六。詩紀二十五。

擬西北有高樓詩

高樓類聚作臺。一何峻。迢迢玉臺作若若。李善本文選同。六臣本注云。善作若若。詩紀云。善作若若。峻而安。綺窗出塵冥。飛陛玉臺作階。類聚同。躡雲端。佳人撫琴文選注作鳴。類聚作瑤。瑟。纖手清且閑。芳氣玉臺作草。誤。類聚作音。隨風

結。哀響馥若蘭。玉容誰能文選作得。六臣本注云。五臣作能。顧。傾城在一彈。佇立望日昃。躑躅再三歎。不怨佇立久。但願歌者歡。思駕歸鴻羽。比翼雙飛翰。○文選三十。玉臺新詠三。本集六。詩紀二十五。又類聚六十二引安、端、閑、蘭、彈五韻。文選三十一雜體詩注引一句。

擬庭中有奇樹詩

歡友蘭時往。迢迢玉臺作茗茗。李善本文選同。六臣本注云。善作茗茗。匿音微。虞淵引絕景。四節逝玉臺作遊。若飛。芳草久類聚作忽。已茂。佳人竟不歸。躑躅遵林渚。惠風入我懷。感物戀所歡。采此欲貽類聚作當遺。誰。○文選三十。玉臺新詠三。本集六。詩紀二十五。又類聚二十九引歸、誰二韻。

擬明月皎夜光詩

歲暮涼風發。昊天肅明明。六臣本文選誤作月。招搖西北指。天漢東南傾。朗月照閑房。蟋蟀吟戶庭。翻翻歸鴈集。嘒嘒寒蟬鳴。嘒昔同宴友。翰飛戾高冥。服美改聲聽。居愉遺舊情。織女無機杼。大梁不架楹。○文選三十。本集六。詩紀二十五。

招隱詩

明發心不夷。御覽作怡。振衣御覽作投袂。聊躑躅。躑躅欲安之。幽人在浚谷。朝采南澗藻。夕息御覽作宿。西山

足。輕類書殘卷作傾。條象雲構。密葉成詩紀作承。翠幄。類書殘卷作握。類聚作屋。激楚六臣本文選注云。五臣作結風。類聚、羣書校補作結風。佇蘭林。回芳薄秀木。山溜何泠泠。飛泉漱鳴玉。哀音附詩紀云。附音拊。靈波。類聚赴曾曲。至樂非有假。安事澆淳。李善本文選作醇。六臣本注云。善本作醇字。樸。富貴苟難圖。稅駕從所欲。○文選二十二。本集五。詩紀二十五。又鳴沙石室古籍叢殘類書殘卷尚門引足、握二韻。類聚三十六引足、屋、木、三韻。御覽五百十引闕、谷、足、幄四韻。○遼案。文選旁證謂激楚依注應作結風。

遨遊出西城詩

遨遊出西城。按轡循都邑。逝物隨節改。時風肅且熠。遷化有常然。盛衰自相襲。靡靡年時改。冉冉老已及。行矣勉良圖。使爾脩名立。○類聚二十八。本集五。詩紀二十五。

園葵詩二首

種葵北園中。葵生鬱萋萋。朝榮東北傾。夕穎西南晞。零書鈔作寒。類聚作靈。露垂鮮澤。朗月書鈔作明日。類聚作朗日。案作日是。耀其輝。類聚作暉。時逝柔風戢。歲暮商猋與颺通。六臣本文選注云。五臣作颺。本集作颺。類聚作傷颺。飛。曾雲類聚作露。較勝。無溫夜。嚴霜有凝威。幸蒙高墉德。玄景蔭素蕤。豐條並春盛。落葉後秋衰。本集誤作哀。慶彼晚彫福。忘此孤生悲。○文選二十九。類聚八十二。本集五。詩紀二十五。又書鈔百五十二引輝一韻。

翩翩晚彫葵。孤生寄北蕃。被蒙覆露惠。微軀後時殘。庇足周文心。雕龍作同。類聚同。一智。生理各萬文。心雕龍作

合異。端。不若當作苦。聞道易。但傷知命難。○類聚八十二。詩紀二十五。又文心雕龍事類篇引端一韵。

贈斥丘令馮文熊詩

夙初學記作鳳。駕出東城。送子臨江。初學記作河。曲。密席接同志。羽觴飛鄙渌。登樓望峻陂。初學記作坡。時逝一何速。○類聚三十一、詩紀二十五作贈波丘令。又初學記十八作贈馮文熊。引曲、速二韵。

與子別所期。耀靈緣扶木。○文選三十南樓中望所遲客詩注引贈馮文熊詩。○遠案。此殆前篇佚句。

贈顧彥先詩

清夜不能寐。悲風入我軒。立影對孤軀。哀聲應苦言。○類聚三十一。詩紀二十五。

贈紀士詩

瓊瓌俟豐價。窈窕不自鬻。有美峨眉子。惠音清且淑。修姱類聚作嫻。協姝麗。華顏婉如玉。○類聚三十一。本集五。

招隱詩二首

駕言尋飛遯。山路鬱盤桓。芳蘭振蕙葉。玉泉涌微瀾。嘉卉獻時服。靈朮進朝飧。○類聚三十六。本集五。詩紀二

十五。

尋山求逸民。穹谷幽且遐。清泉盪玉渚。文魚躍中波。○同上

尸鄉亭詩詩紀云。詩彙作顏之推者非。

東遊觀鞏洛。逍遙丘墓間。秋草漫文鏡秘府作蔓。類聚同。長柯。寒木詩紀作水。人雲煙。發軫有夙宴。息駕無愚賢。○類聚二十七。文鏡秘府論西。

爲顧彥先作詩

肅肅素秋節。湛湛濃露凝。太陽夙夜降。少陰忽已升。○御覽二十五。

三月三日詩

遲遲暮春日。天氣柔且嘉。詩紀作佳。元吉隆初巳。濯穢遊黃河。○類聚四。詩紀二十五。

東宮詩詩紀據類聚老部題作詠老。非是。

軟文選注作柔。顏收紅藥。文選注作藻。玄鬢吐素華。冉冉逝將老。咄咄奈老何。○類聚十八作陸機詩。詩紀二十五。又文選二十二晚出西射堂注引華一韻。

春詠詩紀云。亦見鮑明遠集。

節運同可悲。莫若春氣甚。和風未及燠。遺涼清且凜。○類聚三作晉陸機詩。本集五。詩紀二十五。

詩

太素卜令宅。希微啓奧基。玄冲纂懿文。虛無承先師。○御覽一。

澄神玄漠流。棲心太素域。弭節欣高視。俟我大夢覺。○同上

老蠶晚績縮。老女晚嫁辱。曾不如老鼠。翻飛成蝙蝠。○御覽八百二十五。

軌迹未及安。長轡忽已整。道遐覺日短。憂深使心褊。○吳械韻補三。

物情競紛紜。至理自宜貫。達觀儻不融。居然見真膺。○吳械韻補四。

惆悵懷平素。豈樂于茲同。豈宴棲末景。游豫躡餘蹤。○文選五十七陶徵士諫注。

佳穀垂金穎。○合璧事類別集五十七。

石龜尚懷海。我寧忘故鄉。○述異記。

夏靖

靖。字少明。歷任武昌太守、豫章太守。有集二卷。

答陸士衡詩

大哉乾元。萬品資生。陶育五常。惟濁惟清。猗歟君子。誕稟純精。行歸于周。忠篤允誠。允誠伊何。拔羣出俗。華文不修。抱此素樸。履謙居沖。恆若不足。上交不諂。下交不瀆。倬彼雲漢。於章于天。九五翻飛。利見大人。大人有命。是牧是招。時行則行。遂升東朝。東朝光光。天同其曜。匪徒一臺。天同其照。其照爾德。又簡爾才。將登三事。百揆是釐。據仁爲本。仗義爲興。經緯三墳。錯綜衆書。斟酌聖奧。與道卷舒。靡靡陸生。帝度其心。靜恭夙夜。莫其德音。德音既莫。其美彌深。爲物之主。爲士之林。天作高山。大王荒之。蕩蕩荆土。子其康之。風俗未敦。子其臧之。羣彥未敘。子其綱之。忝榮剖符。悠悠在茲。羔裘豹舄。有愧不能。乃眷我顧。爰貽休詩。嘉覩嘉藻。以爲清規。敢銘妙言。終始永思。○文館詞林百五十七。

顧祕

祕。字公真。歷交州太守、吳興太守。

答陸機詩

恢恢太素。萬物初基。在昔哲人。觀衆濟時。○御覽一作顧公直。

崔寔

爵里不詳。

答陸機詩

棲息高丘。○文選二十六道路憶山中詩注。

晉詩卷六

陸雲

雲。字士龍。少與兄機齊名。吳平。入洛。刺史周浚召爲從事。以公府掾爲太子舍人。出爲浚儀令。拜吳王郎中令。人爲尚書郎、中書侍郎。後爲清河內史。大安二年。爲成都王穎所害。年四十二。有陸子新書十卷、集十二卷。

大將軍宴會被命作詩六章

皇皇帝祐。本集作佑。誕隆駿命。四祖正家。天祿保六臣本文選作安。注云。善本作保字。詩紀云。一作安。定。叡哲惟晉。世有明聖。如彼日月。萬景攸正。

巍巍明聖。道隆自天。則明分本集作分明。爽。觀象洞玄。陵六臣本文選注云。五臣作凌。詩紀云。五臣作凌。風叶文選作協。極。文選作紀。六臣本注云。五臣作極。絕輝照淵。肅雍往播。福祿來臻。

在昔六臣本文選注云。五臣本作晉。姦臣。稱亂紫微。神風潛駭。有赫茲威。靈旗樹旆。如電斯揮。致天之屆。于河之沂。有命冉集。皇輿凱歸。

頽綱既振。品物咸秩。神道見素。遺華反質。辰晷重光。協風應律。函夏無塵。海外有謐。

芒芒類聚作茫茫。宇宙。天地交泰。王在華堂。式宴嘉會。玄暉峻朗。翠雲本集作華。崇藹。文選作靄。冕弁類聚作

弁。六臣本文選注云。五臣本作弁。振纓。藻服。文選作服藻。六臣本注云。五臣本作藻服。詩紀云。五臣作藻火。垂帶。

祁祁臣僚。有來雍雍。薄言載考。承顏下風。俯覲嘉類聚作前。客。仰瞻玉容。施已唯約。于羣書校補作于。禮

斯豐。天錫難老。如岳之崇。○文選二十。本集二。詩紀二十六。又類聚三十九作侍大將軍宴詩。文選五十九頭陀寺碑文注作陸

機大將軍宴會詩。引一句。

征西大將軍京陵王公會射堂皇太子見命作此詩六章

芒芒太極。玄化烟煴。頽形成器。凌象垂文。大鈞造物。庶類羣分。先識經始。實綜彝倫。

惟岳隆周。生甫及申。天鑒在晉。祚之降神。邈矣遐風。茂德有鄰。永言配命。唯晉之鎮。

厥鎮伊何。實幹心膂。文教內輔。武功外禦。淮方未靖。帝曰攸序。公于出征。奄有南浦。

南海既賓。爰戢干戈。桃林釋駕。天馬婆娑。象齒南金。來格皇家。絕音協徽。宇宙告和。

玄綱峻極。天罔既紘。文武方升。允茲兼弘。峨峨高夏。有肅其涼。公侯戾止。駉驥龍驤。善問如林。在會

鏘鏘。

祝融御節。火正緝熙。凱風徘徊。萬物欣時。秩秩初筵。薄言在茲。嘉福介祐。本集作祐。萬壽無期。○本集

二。詩紀二十六。

太尉王公以九錫命大將軍讓公將還京邑祖餞贈此詩六章

烈文辟公。時惟哲王。闡縱絕期。平顯幽光。內實慎徽。緝熙有臧。出糾方慝。問督不揚。高山峻極。天造芒芒。

天子念功。大典光備。肅肅王命。宰臣蒞事。穆矣淵讓。遺功遂志。思我遠猷。徽音孰嗣。后命既靈。王人反旆。興言出祖。飲餞于邁。旌旒泱泱。輶軒藹藹。和風弭塵。清暉映蓋。思樂中陵。言觀其川。公王戾止。有車鱗鱗。伊誰云饗。我有嘉賓。羽觴舉酬。酢爾征人。悠悠征人。四牡駢駢。發軔北京。振策紫微。昔乃云來。春林方輝。歲亦暮止。之子言歸。道塗興戀。伏載稱徽。本集缺此字。

聖澤既渥。嘉會愔愔。庭旅鐘類聚作鍾。鼓。堂有瑟琴。飛轡清暉。扶桑移蔭。類聚作陰。視景祗慕。揮袂沾襟。變彼同栖。悲爾異林。我有旨酒。以歌以吟。○本集二。詩紀二十六。又類聚二十九引第六章。

大安二年夏四月大將軍出祖王羊二公於城南堂皇被命作此詩六章

時文唯晉。天祚有祥。聖宰作弼。受言既臧。有赫斯庸。勳格昊蒼。景物台暉。棟隆玉堂。惟帝本集作常。思庸。大興光迪。聖敬遠躋。神道玄邈。思媚三靈。誕膺天篤。嘉命既辱。王人言告。翼翼王人。言告惟慕。公輿駕言。乃眷斯顧。華旂飛藻。鳴鸞振路。駢駢駟牡。噓天載步。我有高夏。韻補作厦。如雲斯蒼。彫軒戾止。薄言嘉會。問誰在宴。惟俊惟乂。豐俎殷薦。獻酬交泰。

攸攸昊天。南正興言。朱明有暉。萬葉翠繁。昌雲垂天。凱風熙顏。王臣在此。貽宴于歡。
懸象西頽。虞淵納景。嘉樂未晞。嚴本集缺此字。駕已整。行矣征人。身乖路永。飛驂顧懷。華蟬引領。遺思
北京。結轡臺省。○本集二。詩紀二十六。又吳械韻補四作城南詩。引蒼、又二韻。又五作錢王太尉詩。引迪、篤二韻。

從事中郎張彥明爲中護軍奚世都爲汲郡太守客應作各將之官大將軍崇賢之

德既遠而厚下之恩又隆非應作悲此離析有感聖皇既蒙引見又宴于後園感

鹿鳴之宴樂詠魚藻之凱歌而作是詩六章

遠案。此詩本集以從事中郎張彥明爲中護軍爲題。割奚世都以下爲敘。並於題下注并敘二字。因敘文言奚世都爲汲郡太守。詩紀遂將奚世都以下移作下篇贈汲郡太守之敘。按本集、詩紀俱誤。詩中言出撫邦家。人翔紫微。非僅贈張彥明一人甚明。若從詩紀。則題詩衝突。可見奚世都以下不得移於他篇。從事中郎張彥明爲護軍與奚世都以下實相連爲一長題。校刻者不知之。誤割爲二。遂扞格而不通。

思文有聖。叡哲配天。功濟生黎。道合上玄。休命發揮。有集惟賢。哲彼寤宿。澄此在淵。

濟濟多士。實播令聞。王曰欽哉。余嘉乃勳。徽羣書校補作微。音孔碩。惠爾風雲。穆此芳烈。肇揚清芬。

肅肅庶僚。祇服寵暉。肇被羣書校補作彼。桃蟲。假翼翻飛。出撫邦家。人翔紫微。有命既集。願言永違。

思樂華堂。雲構崇基。公王有酒。薄言饗之。景曜徽芒。芳風詠時。宴爾賓儉。具樂于茲。

豐贐我王。豐恩允臧。我客戾止。飲酒公堂。自彼下僚。聿來有光。悲矣永言。指途逝將。形違殿闈。景附

華房。

開國承家。勿用小人。今我聖宰。實蕃斯仁。凌淵龍躍。披林鳳振。正直既好。嘉禮式本集缺式字。陳。振我遠德。歸于時民。○本集二。詩紀二十六。

贈汲郡太守詩八章

於穆皇晉。豪彥實蕃。天罔振維。有聖貞觀。鳴鳥在林。良駿卽閑。萃彼俊乂。時亮庶官。抑抑奚生。天篤其淳。芳穎蘭揮。瓊光玉振。沈機照物。妙思考神。思我善問。觀德古人。

善問伊何。惠音孔韶。肇允衡門。翻飛宰朝。肅雍芳林。芬響凌霄。穆矣和風。育羣書校補作扇。爾清休。

亦既有試。出宰邦家。之子于行。民固謳歌。風澄俗儉。羣書校補作險。化靜世波。芒芒既庶。且樂于和。

我有好爵。既成爾服。人贊崇華。遂登帷幄。時文聖宰。天祚方穀。朔風徽止。鴻漸雲嶽。

悠悠斯民。三代直道。我求明德。惟奚攸考。緝熙暉章。天祿來保。惠心無兢。豐化有造。

樂只君子。茂德攸綏。嗟我懷人。式是言歸。聿言來集。如翼斯揮。日當作日。予不惠。照爾清暉。

職思既殊。亦各有司。念我同僚。悲爾異事。之子之遠。悠悠我思。雖無贈之。歌以言志。○本集二。詩紀二十六。

贈顧驃騎詩二首

有皇八章

有皇。美祈陽也。祈陽秉文之士。駿發其聲。故能明照有吳。人顯乎晉。國人美之。故作是詩焉。

有皇大晉。時文憲章。規天有光。矩地無疆。神篤斯祐。本顯克昌。載生之雋。實惟祈陽。哲問宣猷。考茂其相。

於鑠祈陽。誕鍾天篤。清輝龍見。玄猷淵嘿。沈機響駭。幽神廣覲。和以同人。歸物韻補作物歸。時育。有大惡盈。謙以自牧。思我懿範。萬民來服。

吳未喪師。天秩有庸。淵哉若人。弱冠休風。俯翼黃門。以德來忠。端秀蕃后。正色儲宮。徵羣書校補作徵。音鑠穎。邈矣遐踪。

皇維南終。舊邦匪歆。委弁釋位。如龍之潛。考槃窮谷。假樂豐林。子雖藏器。鐘鼓有音。惠風往敬。慶問來尋。

濟濟元公。相惟天子。明明辟王。思隆多士。帝曰欽哉。有命集止。我咨四方。令問在爾。以朕大賚。乃膺嘉祉。聿來胥步。觀國之紀。

惟皇建極。緝熙清曜。我有峻民。明德來照。大觀在上。王本集作主。假有廟。顯允顧生。金聲玉振。之子于升。利見大人。龍輝絕跡。有肅清塵。

清塵既彰。朝虛好爵。敬子侯度。慎徽百辟。予聞有命。德禮不易。嗟我懷人。瞻言永錫。豐祐東法。羣書校補作注。惟子之績。

遵汶。本集作法。羣書校補作互。互卽泯字。涉泗。言告同征。勁風宵烈。湛露朝零。雲垂萬下。泉冽清泠。哀哉行人。感物傷情。從子京邑。言觀厥成。天保祚德。式穀以寧。○本集二作贈顧驥後二首。詩紀二十六、又吳棫韵補五引觀、育二韵。

思文八章

思文。美祁陽也。祁陽能明其德。刑于寡妻。以至于家邦。無思不服。亦賴賢妃貞女以成其內教。故作是詩焉。

思文祁陽。祁陽克峻。天錫純嘏。宣茲義問。德音既烈。海外有奮。既奮斯音。祇敬厥德。昭治其家。覃及邦國。永肇儀刑。俾民惟則。

文王在上。太姒思齊。魯侯克昌。亦賴令妻。鑒神有顧。蘋蘩在斯。祁陽載天。作之伉儷。在虞之胄。實惟有姚。穎豔玉秀。華茂桃夭。居顯祇明。在靈格幽。清塵熠爍。淑心綢繆。爰及祁陽。惟德之周。

其德伊何。和貞虔告。師民履素。言謀慮度。鐘鼓思樂。靖端夙效。考休攸嬪。來嫁于顧。羔羊執贄。玉帛有輝。百兩集止。之子于歸。宗姻風從。娣姪雲回。祁陽顧之。煥其盈闈。

既曰本集作日。歸止。式揚好音。言觀河洲。有集于林。思樂葛藟。薄采其蕈。疾彼本集爛作皮。攸遂。乃孚惠心。惠心既孚。有恪中饋。敦此衆斯。永錫嗣類。載延窈窕。用和寤寐。神之聽之。胤祚來爾。

昔周之隆。有任有姒。本集作如有。內刑聖敬。外崇多士。今我淑人。實亮君子。豐豐翼翼。亦繼斯祉。宜爾子

孫。福祿盈止。○本集二。詩紀二十六。

贈鄱陽府君張仲膺詩五章

神林何有。奇華妙實。皇朝如何。窮文極質。斌斌君子。升堂入室。太上有曜。子誕其輝。知機日羣書校補作。難。子達其微。人輔帷幄。出御千里。滔滔江漢。南國之紀。

謁帝東堂。剖符南征。天子命我。車服以榮。何以潤之。德被蒼生。何以濟之。威振羣城。却愚以化。崇賢以仁。鳳舒其翮。龍濯其鱗。憶彼荒蕪。莫敢不賓。雖云舊邦。其命維新。

卞和南金。終始一色。顯允君子。窮達一德。弘仁厲道。物究其極。古賢受爵。循牆虔本集誤作虎。恭。今哲居貴。履盈如沖。接新以化。愛舊以豐。隆此嚶鳴。惇彼谷風。

忠至寵加。孝至榮集。內崇南芬。外清名邑。煒煒棠棣。隻增其華。猗猗桑梓。厥耀孔多。被繡畫行。昔人攸羨。階雲飛藻。孰與同粲。

人道伊何。難合易離。會如升峻。別如順淇。嗟我懷人。曷云其來。貢言執手。涕既隕之。○本集三。詩紀二十六。

贈顧彥先五章

玄黃挺秀。誕受至真。行該其高。德備其新。光瑩之偉。隋卞同珍。騰都之駿。龍鳳合塵。

皇皇明哲。應期繼聲。華暎殊域。實鎮天庭。人輔出輔。羣書校補作耀。乾乾靡寧。夏發涼臺。我雨我暑。冬違

邦族。風霜是處。嗟彼獨宿。誰與晤語。飄飄艱辛。非禹孰舉。言念君子。悵惟心楚。

悠悠山川。驍驍羣書校補作駢駢。征遐。陟升焦嶷。降涉洪波。言羣書校補作吉。無不利。乘嶮而嘉。人懷思慮。我保其和。

邂逅相遇。良願乃從。不逢知己。誰濟予躬。莫攀莫附。媿我高風。時過年邁。晡冉桑榆。晞光本集作先。賴潤。亦在斯須。假我夷塗。頓不忘驅。汜予津川。桴不失浮。無愛餘輝。遂暗東嶠。

幽幽東嶠。戀彼西歸。瞻儀情感。聆音心悲。之子于邁。夙夜京畿。王事多難。仲焉徘徊。○本集三。詩紀二十六。

答顧秀才詩五章

芒芒上玄。有物有則。厥初造命。立我藝則。爰茲族類。有覺先識。斯文未喪。誕育明德。允矣顧生。載靈之和。沈根芳沼。濯秀蘭波。淵翹戢穎。景茂凌華。惟是德心。是用閑邪。

德心伊何。行歸于周。希本集作唏。高仰峻。企遠懷悠。匪願在明。靡倦斯幽。凡我同朋。瞻言清休。慎終于遠。俾民歸厚。言若有行。及予攜手。何以恤我。其仁孔有。心之云愛。隆敬其久。

既邁斯仁。亦迪茲文。藻韻補作才。不雕樸。華不變淳。有斐韻補作匪。君子。如珪如璠。仰欽德類。依羣書校補作俯。懷惠詮。式揚好問。邦家于宣。○本集三。詩紀二十六。吳械韻補一引淳、璠二韻。

答大將軍祭酒顧令文詩五章

惟林有鸞。惟淵有螭。顯允明德。實邦之基。先后陟恪。子配于茲。遵彼本集作被玉堂。受言邁之。中原有軌。世鮮克蹈。先民有懷。子探其妙。心猶水鑒。函景內照。名若振炎。攄光外燿。相彼水鑒。民胥攸臨。矧曰明德。人誰弗欽。寫我朶頤。卽爾澄心。義隆自古。好邈在今。大人有作。本集作祚興雲自天。之子于升。亦躍于淵。景曳清霄。響發鳴弦。義問弘集。淑風載鮮。企予朔都。非子孰念。豈無弱翰。才不克瞻。惠音聿來。瓊華玉豔。無德不報。念辭惟忝。○本集三。詩紀二十六。

答吳王上將顧處微詩九章

邈矣大昧。造化明明。物以曲全。人以直生。類聚百族。羣分萬形。員淵挺隋。本集作隨。方川吐瓊。藹藹洪族。天祿攸蕃。神綏厥本。道裕其源。條有豐葉。波無輟瀾。烈風時播。芳響世繁。曰繁曰蹟。本集作熙。載德于茲。克文克敏。乃惠乃慈。遵彼洪流。薄言詠之。好是神契。聊與之期。仁勇同宅。文武相紛。王謂御事。誰撫上軍。於時翻飛。虎嘯江濱。式遏不虞。俾也無塵。三代既遠。直道垂音。非齒焉尚。非德孰欽。鑽仰自古。鮮曰在今。匪唯形交。殷薦其心。心以殷薦。分以道成。祗服惠顧。疇此深情。本集作清。亦有芳訊。薄載其誠。豈無春暉。茲焉可榮。

大道易聞。崇軌難襲。孰云匪衍。咎吝尤集。敢謝不佞。栖山自戢。臨篇焉愧。德輶辭輯。翩彼日月。逝猶駭電。朝華未厭。夕風已扇。詩亦有悲。無幾相見。懷德歎心。于焉東眷。

平津晚貢。貢公後徵。陟彼玉階。黃髮來升。靈卉三秀。芳草秋興。唯頤清神。福祿是膺。○本集三。詩紀二十六。

贈顧尚書詩

五嶽降神。四瀆炳靈。兩儀鈞陶。參和大成。兆光人倫。誕育至英。於顯尚書。實惟我兄。行成世則。才爲時生。體道既弘。大德允明。厥弘伊何。靡曠不遵。厥明伊何。靡妙不研。無索炤灼。有求本集誤作冰。幽玄。細微不錯。毫芒以陳。積篲爲山。納流成淵。扶翹布華。養物作春。所肅以禮。所潤以仁。宣質拔行。曜文八采。堅不可鑽。清如凝水。方迹迎胤。本集作服。蹈齊闕里。晞聖而惟。亦顧之子。彼棄芝英。玩此蘭茝。異世同芳。其馥不已。有蘭既馥。我風載清。能芬南岳。運芳北征。子有其德。人求其馨。逝此陋巷。薰彼紫庭。厥音不已。鼓鐘有聲。聞天之聰。譬之鵠鳴。天聰既招。我實惟彰。乘風之鳳。眷言朝陽。披雲藻綉。來此舊鄉。謙光自抑。厥輝愈揚。麗容魑翕。孔好已張。既照平林。具我華英。華英韻補作英華。已曜。餘光難延。會淺別速。哀以紹欣。追曠同塗。暫和笑言。殊音合奏。曲異響連。絕我歡條。統我思因。根分來在。愛感往思。我非形景。有處有遊。載離載會。且歡且憂。感彼遠曠。吝此延娛。樂奏聲哀。言發涕流。唯願我子。德與福俱。亦天之祐。本集作祐。亦我之私。本集缺私字。○本集三。詩紀二十六。又吳械韻補二引英、延二韻。

答兄平原詩詩紀云。平原贈詩見前。

伊我世文館詞林作冠。族。太極降精。昔在上代。文館詞林作帝。按字應爲世。軒虞篤生。厥生伊何。流祚萬齡。南嶽有神。乃降厥靈。誕鍾祖考。徹茲神明。運步玉衡。仰和太清。賓御四門。旁穆紫庭。紫庭既穆。威聲爰振。厥振伊何。播化殊鄰。清風攸被。率土歸仁。彤弧文館詞林作弓。所彎。萬里無塵。功昭王府。帝庸厥勳。黃鉞授征。錫命頻繁。闕如虓虎。文館詞林作獸。肅茲三軍。光若辰時。文館詞林作時。亮彼公門。仍世上司。芳流慶雲。本集、詩紀作純。純本集、詩紀作雲。和所產。爰育仁本集、詩紀作二。昆。誕豐岐嶷。實昭本集、詩紀作夙邁。令聞。本集作問。令聞本集作問。伊何。休音允臧。先公克構。乃崇斯堂。耀穎上京。發迹扶桑。戎車出本集、詩紀作山。征。時惟鷹揚。鷹揚既昭。勳庸克邁。天子命我。鎮弼于外。代本集、詩紀作在。蓋世之訛字。作扞城。以表文館詞林作凌。南裔。降災匪蠲。景命顛沛。惟我賢昆。天姿秀生。含奇播越。本集、詩紀作殊。明德惟馨。太陽散氣。乃稟厥和。山川垂度。爰則厥遐。厥遐伊何。惟光惟大。惟大伊何。如岱如涓。恢此廣淵。文館詞林作泉。廓彼洪懿。弘道惇德。淵文館詞林作美。哉爲器。統我先基。弱冠慷慨。將弘祖業。實崇奕世。文館詞林作代。咨予頑矇。本集作矇。韻補作矇。詩紀作蒙。葺爾弱才。沈耀文館詞林作濯。韻補作曜。玄渚。文館詞林作波。挹庇雲淇。陶化靡移。固陋于茲。文館詞林作滋。瞻仰洪範。文館詞林作軌。實忝先基。巍巍先基。重規累構。赫赫重光。遐風激鶩。本集、詩紀作鶩。昔我先公。爰造斯猷。今我六蔽。匪崇克扶。悠悠大道。載邈載遐。洋洋淵文館詞林作泉。源。如海如河。昔我先公。斯綱斯紀。本集誤作絕。今我末本集誤作未。嗣。乃傾乃圮。世文館詞林作育。業之頽。自予小子。仰愧靈

丘。銜文館詞林作愆。憂沒齒。憂懷惟何。顧景惟塵。峨峨高蹤。眇眇貿辰。明德繼體。莫非哲人。今我頑鄙。規範靡遵。仍世文館詞林作代。載德。荒之予身。莫峻匪岳。有俊本集、詩紀作峻。斯登。莫高匪雲。有翼本集、詩紀作高。斯凌。矧我成基。文館詞林作予成構。匪克階升。玄黃長坂。載寐載興。豈敢憚行。哀此負乘。芒芒高山。自予頽之。濟濟德義。匪我本集、詩紀作予。懷之。終銜永負。于其媿而。昔予言曠。汜舟東川。銜憂告辭。揮淚海濱。羲陽趣駕。炎華電征。自我不見。邈哉八齡。悠思迥望。寤言通靈。昔我往矣。辰在東嶠。文館詞林作隅。今我于茲。日薄桑榆。銜艱文館詞林作難。遘愆。困文館詞林作因。瘁殷憂。哀矣我世。文館詞林作代。匪蒙靈休。開元迄茲。天迭興微。本集、詩紀作震興迭微。震本集、詩紀作弱。風隱駭。海水羣飛。王旅南征。闡耀靈威。予昆乃播。爰集朔土。載離永文館詞林作乖。久。其毒太文館詞林作大。苦。上帝休命。駕言其文館詞林作言。歸。多我文館詞林作我多。遘愆。振蕩朔垂。羈繫文館詞林作旅。殊俗。初願用違。嚴駕東征。肅邁林野。夕秣乘馬。朝整僕旅。矯矯乘馬。載驅載馳。漫漫長路。或降或階。晨風夙零。朝不皇飢。傾景儵墜。夕不存罷。雖有豐草。匪釋奔駟。雖有重陰。匪遑假詩紀作遐。寐。熒熒僕夫。悠悠遄征。經彼喬木。有鳥嚶鳴。微物識儕。矧伊有情。樂茲棠文館詞林作常。棣。實歡友生。既至既覲。滯思曠年。年在曠紀。本集、詩紀作曠年殊口。覲未浹辰。恨其永懷。憂心孔艱。天地永久。命也難長。生民文館詞林作人。忽霍。曷云本集、詩紀作去。其常。我之既存。靡績靡紀。乾坤難並。寂焉其已。生若電激。沒若川征。存愧松柏。逝慚生靈。匪吝性命。實悼徒生。苟克析本集作折。薪。豈憚冥冥。瞻企皇極。微文館詞林作邁。福上天。冀我友生。要期文館詞林作則。永年。昔我先公。邦國攸興。今我家道。綿綿莫承。昔我昆弟。如鸞如龍。今我友生。凋俊墜雄。家哲永徂。世文館詞林作門。業長終。

華堂傾構。文館詞林作棧。類聚同。廣宅頽墉。高門降衡。脩類聚作循。庭樹蓬。感物悲懷。愴矣其傷。惇仁汜愛。錫予好音。晞光懷寶。文館詞林作懷光羨寶。煥若南金。披華玩藻。擘本集作華。若翰林。詠彼清聲。被之瑟琴。味此殊響。慰之予心。弘懿忘鄙。命之文館詞林作以。反覆。敢投桃李。以報寶詩紀云。一作玉。玉。冀憑光益。本集、詩紀作蓋。編諸末錄。○本集三。文館詞林百五十二。詩紀二十六。又類聚二十一作答兄詩。引龍、雄、墉、蓬四韻。吳棫鈞補一引才、淇二韻。又四引構、驚二韻。並注。騫。馳也。

贈鄭曼季詩四首

谷風五章

谷風。懷思也。君子在野。愛而不見。故作是詩。言其懷而思之也。

習習谷風。扇此暮春。玄澤墜潤。靈華本集、詩紀作爽。烟煴。文館詞林作氤。高山熾景。喬木興繁。蘭文館詞林作潤。波清涌。詩紀作躍。芳澣增源。本集、詩紀誤作涼。感物興想。念我懷人。

習習谷風。載穆其音。流芳本集、詩紀作瑩。鼓物。清塵拂林。霖雨嘉播。有滄淒陰。歸鴻逝矣。玄鳥來吟。嗟我懷人。其居樂潛。明發有想。如結予心。

習習谷風。以溫以涼。玄黃交泰。品物含章。潛介淵文館詞林作泉。躍。飛本集、詩紀作候。烏雲翔。嗟我懷人。在津之梁。明發有思。凌波褰裳。

習習谷風。有本集作其。詩紀云。一作其。集惟喬。本集、詩紀作高。嗟我懷人。於焉逍遙。鸞栖高岡。耳想雲韶。拊翼

墜夕。和鳴興朝。我之思之。言懷其休。

習習谷風。其音孔嘉。所謂伊人。在谷之阿。虎文館詞林作獸。質山嘯。龍輝淵文館詞林作泉。播。本集、詩紀作蟠。維南有箕。文館詞林作南有箕山。匪休其和。有捄文館詞林作球。天本集、詩紀作斯。畢。戢詩紀作噉。爾滂沱。懿厥河漢。耽本集、詩紀作惟。彼大華。明發有懷。我勞如何。○本集三。文館詞林百五十六。詩紀二十七。

鳴鶴四章

鳴鶴。美君子也。太平之時。本集作世。詩紀云。一作世。君子猶有退而窮居者。樂天知命。無憂無欲。收碩人之考槃。傷有德之遺世。文館詞林作俗。故作是詩也。

鳴鶴在陰。戢其左翼。肅雍和鳴。在川之域。本集、詩紀作側。假樂君子。祚本集誤作詐。文館詞林作祈。爾明德。思樂重虛。歸于其極。嗟我懷人。惟馨黍稷。

鳴鶴在陰。其鳴喑喑。垂翼蘭沼。濯清芳池。假樂君子。其茂猗猗。底之瑰寶。文館詞林誤作實。有粲瓊瓌。乃振袞裳。襲爾好衣。嗟我懷人。啓襟以晞。

鳴鶴在陰。其儀藹藹。謂天蓋高。和音于邁。假樂君子。篤膺俊乂。穆風潛烈。興雲戢蒼。德茂當年。時愆本集詩紀作衍。嘉會。安德擊文館詞林作磐。藻。改爾編帶。嗟我懷人。心焉忼文館詞林作慷。愾。

鳴鶴在陰。載好其聲。漸陸儀羽。遵渚回涇。假樂君子。祚之篤生。德耀有穆。如瑤如瓊。視流濯髮。滅景遺纓。本集、詩紀作安得風帆。深濯鬢滅。安得風雲。爾爾北冥。本集、詩紀作景遺雲雨。爾在北冥。嗟我懷人。惟用傷情。

○同上

南衡五章

南衡。美君子也。言君子遯世。文館詞林作俗。不悶。以德存身。作者思其以德來仕。又願言就之宿。感白駒之義。而作是詩焉。

南衡惟岳。峻極昊蒼。瞻彼江湖。惟水泱泱。清和有合。俊乂以藏。文館詞林作臧。天保定爾。茂以瓊文館詞林作瑰。光。景秀濛汜。穎逸扶桑。我之懷矣。休音峻本集、詩紀作俊。揚。

穆穆休音。有來肅本集、詩紀作爾。雍。沈波涌文館詞林作踊。奧。淵文館詞林作泉。芳馥風。儻虛養恬。照日遺蹤。考槃遵渚。思樂潛龍。我之懷矣。寘本集、詩紀作冥。爾華宮。

和璧在山。荆林玉潤。之子于潛。清輝遠振。克稱輜德。作寶文館詞林作實。有晉。和聲在林。羽儀未變。我之懷矣。有客來信。

風雲有作。應通山淵。文館詞林作泉。清琴啓彈。宮商乘絃。類族知感。有命自天。夷叔希世。文館詞林作曠代。猶謂比肩。矧我與子。姤會斯年。我之懷居。其好纏綿。本集、詩紀無末兩句。

古人有言。詩以宣心。本集、詩紀無以上兩句。我之懷矣。在彼北林。北林何有。於煥斯文。瓊瑰非寶。尺牘成珍。豐華非妙。得意惟神。河魴登俎。遭逢本集、詩紀作遺答。清川。○同上

高岡四章

瞻彼高岡。有猗其桐。允也君子。實寶南江。員規啓裕。本集、詩紀作俗。沈矩履方。文館詞林作詠。此明流。清瀾川通。陟彼衡林。味其回芳。

馥矣本集、詩紀作馥馥。迴芳。綢繆中原。祁祁庶類。薄采其芬。栖遲泌文館詞林作秘。丘。容與衡門。聲播東汜。響溢南雲。

穆穆閭闔。南端啓籥。庶明以庸。帝聽式闕。文館詞林作闕。有鳳于潛。在林棲翮。非予之祚。孰與好爵。幽居玩物。顧景自頤。發憤潛確。本集、詩紀作惟。彷彿有思。予美亡此。終然肯本集、詩紀作胥。來。企予與言。惟用作詩。○同上

答孫顯世詩十章

邈矣上祖。垂休萬葉。廣問文館詞林作門。弘被。崇軌峻躡。高山克荒。大川利涉。繁茲本集、詩紀作藹。惟祐。風連雲接。

大人有作。二后利見。九功敷奏。七德殷薦。鼎寶重飪。本集、詩紀作芳。芳本集、詩紀作勞。烈再扇。奕葉本集作世。弘道。天祿來宴。

道弘振古。祚文館詞林作祈。來本集、詩紀作未。替今。如彼在川。亦有浮沈。大韶既系。本集、詩紀作素。響比本集、詩紀作非。我音。豈曰荒止。塗弗克尋。

昌風改物。豈本集、詩紀作豐。水易瀾。百川總紀。四海合源。在彼焉取。聿來莫觀。曾是褊心。敢忘丘園。

員文館詞林作貞。暉偏照。玄澤謬文館詞林作繆。盈。發彼承華。頓此增城。託本集作記。詩紀作紀。景靈雲。倦遊戶本集、詩紀作紫。庭。匪曰能之。本集、詩紀作知。實忝長嬰。本集、詩紀作嬰。

煥矣金虎。文館詞林作獸。襲我皇猷。孰云匪吝。仰媿蒼文館詞林作倉。流。往蹇來文館詞林作未。反。弭迹一丘。變本集、詩紀作變。彼東朝。言卽爾謀。

振振文館詞林作卓卓。孫子。洪族之紀。文館詞林誤作絕。志擬龍潛。德配麟文館詞林作麟。趾。文館詞林作止。弘義本集、詩紀作引服。朕本集、詩紀作朗。節。克明峻軌。遵彼中臯。於穆不已。

於穆不已。大都是階。之子于命。人應本集、詩紀作民膺。如頽。厚德時邁。協風允諧。惠此海湄。俾也可懷。乃眷丘林。文館詞林作林澤。樂哉文館詞林作我。河曲。解紱投簪。本集、詩紀作披褐。披褐本集作投。詩紀作投印。懷玉。

遺情春臺。托蔭寒木。言念伊人。溫其在谷。

道俟人行。辭以義輯。和容過表。余未云執。惠音高本集、詩紀作弘。播。清風駿集。懷德形撫。本集、詩紀作撫。臨篇景立。○本集三。文館詞林百五十六作答孫承。詩紀二十七。

失題八章

悠悠縣象。昭回太素。清濁迭興。升降啓度。遺和既爽。季春告暮。朱明來思。青陽受煦。

日征月盈。天道變通。太初陶物。造化爲功。四月惟夏。南征觀方。凱風有集。飄飄南窻。思樂萬物。觀異知同。

有渰本集作奄。韻補同。萋萋。甘雨未播。黍稷方華。中田多稼。庭槐振藻。園桃阿那。本集缺那字。薄言觀物。在堂知化。

蓬戶惟情。玩物一室。明發有懷。念昔先哲。通夢幽人。彷彿遺烈。清暉在天。孰與永日。乃啓遺籍。思予大觀。幽居傲物。顧景怡顏。況惟解舞。衡門重關。思媚古人。有懷良盤。沈曦含輝。芳烈如蘭。

厥初生民。有物有類。自古有稱。大寶以位。征徒式好。俊奔攸遂。啓予有聞。誨爾達貴。

達貴伊何。天爵無榮。渾淪本集缺淪字。大味。混其濁清。毀方遯象。遺頑履貞。道實藏器。景以昭形。

芒芒陋世。奚兢奚錯。牧彼紛華。委之沖漠。漂志垂天。矯心馮閣。通好莊聃。儀刑有作。安得達人。顧予命薄。○本集二。詩紀二十七。

同前六章

思樂芳林。言采其菊。衡薄遵塗。中原有菽。登彼脩巒。在林寤宿。彷彿佳人。清顏如玉。予美亡此。誰爲適道。容與俟之。玄髮方皓。躑躅山阿。玩此芳草。願飡其穎。庶以遺老。

亶亶嘉時。飄忽棄予。有瞻逝深。永歎潛澌。登願韻補作願登。是。扶桑。仰結飛晷。伊人匪存。遺芳孰與。

精氣爲物。或降或升。徂落攸往。神奇有登。死生爲徒。存亡曷勝。謂予不信。遺籍有徵。

閒居外物。靜言樂幽。繩樞增結。甕牖綢繆。和神當春。清節爲秋。天地則爾。戶庭已悠。

嗟我懷人。悠悠其潛。念昔先烈。有懷所欽。駭情玩世。當允南金。瓊輝邈矣。誰適爲心。明發興言。忼慨

芳林。○本集二。詩紀二十七。

同前

美哉良友。稟德坤靈。明照遠鑒。幽微妍精。超跡皇英。質如瑤瓊。贈我翰林。羣書校補作墨。示我丹誠。道同契合。體異心并。自頃西徂。合于五樓。遲想歡讌。本集作嫌。詩紀作憮。觀羣書校補作覩。我良疇。亦既至止。願言莫由。室邇人隔。當作人隔。中情則憂。抱恨東遊。神往形留。何以合志。本集、詩紀作忍。寄之此詩。何以寫思。記之斯辭。我心愛矣。歌以贈之。無秘爾音。不我是貽。○本集三。詩紀二十七。

同前

有美一本集作人。人。芳問芬葩。嗟我欽羨。夢想光華。亦既至止。本集作思。上下欣嘉。德馥秋蘭。容茂春羅。淑似令娣。惟予陋何。雖有良友。朽木難加。愛樂朋規。贈以斯歌。皆能載之。其美孔多。嗟痛薄祐。並罹哀苦。堂構既崩。過庭莫覩。我悴西鄰。子沈東土。契闊艱辛。誰與晤語。身滯情往。神遊影處。發夢宵寐。以慰延佇。○本集三。詩紀二十七。

贈孫顯世詩

制動以靜。祕景在隆。雲根可栖。樂此隈岑。○吳械韻補一。

答兄平原詩以下五言。

悠悠文選作悠遠。塗可極。別促怨會長。初學記作別怨會何長。銜思李善本文選作恩。六臣本注云。善作恩。詩紀云。善作恩。戀行邁。興言在臨觴。南津有絕濟。北渚無河。類聚作河無。初學記或同。梁。神往同逝感。形留悲參商。衡軌若殊迹。牽牛非服箱。○本集四。文選二十五作答兄機。初學記十七。詩紀二十七。又類聚二十九作贈兄。引長、觴、梁、商四韻。初學記十八作答兄機。引長、梁二韻。

答張士然詩

行邁越長川。飄飄本集作飄飄。冒風塵。通波激枉本集作江。渚。悲風薄丘榛。修路無窮迹。井邑自相循。百城各異俗。千室非草堂。詩箋作里是。良鄰。歡舊難假合。風土豈虛親。感念桑梓域。李善本文選作城。六臣本注云。善作城。髣髴眼中人。靡靡日夜遠。眷眷懷苦辛。○本集四。文選二十五。詩紀二十七。又草堂詩箋三十三冬至詩注引循、隣、親三韻。

爲顧彥先贈婦往返詩四首

我在三川陽。子居五湖陰。山海一何曠。譬彼飛與沈。目想清惠本集作慧。姿。耳存淑媚音。獨寐多遠念。寤言撫空衿。彼美同懷子。非爾誰爲心。○本集四。玉臺新詠三。詩紀二十七。又寰宇記九十四引陸士龍贈顧彥先詩曰。我家五湖陰。君居三山陽。

悠悠君行邁。煢煢妾獨止。山河安可踰。永路隔玉臺作隔路。萬里。京師文選、本集作室。多妖冶。粲粲都人子。雅步嫺文選、本集、詩紀作擢。纖腰。巧笑發詩紀作言。皓齒。佳麗良可美。玉臺作羨。衰賤焉足紀。遠蒙眷顧言。銜恩非望始。○本集四。文選二十五。玉臺新詠三。詩紀二十七。

翩翩飛蓬征。本集誤作蓬止。郁郁寒木榮。本集作繁。遊止固殊性。浮沈豈一情。隆愛結在昔。信誓貫三靈。秉心金石固。豈從時俗傾。美日本集誤作日。逝不顧。纖腰徒盈盈。何用結中欸。仰指北辰星。○本集四。玉臺新詠三。詩紀二十七。

浮海難爲水。遊林難爲觀。容色貴及時。朝華忌本集作忘。日晏。皎皎彼姝子。灼灼懷春粲。西城善初學記作多。稚舞。總章饒清彈。鳴簧發丹唇。朱絃繞素腕。輕裾猶電揮。雙袂如霞文選、詩紀作霧。散。華容溢藻幄。哀響本集作音。六臣本文選注云。五臣作音。人雲漢。知音世所希。非君誰能讚。棄置北辰星。問此玄龍煥。時暮復何玉臺作勿復。言。華落理必賤。○本集四。文選二十五。詩紀二十七。又初學記十五引彈、腕二韻。

詩

綠房含青實。金條懸合璧事類作垂。白璆。俯仰隨風傾。焯焯照清流。○本集四。類聚八十二作晉陸筠詩。詩紀二十七。又合璧事類集四十四作晉陸筠詩。引璆一韻。

芙蓉詩

盈盈荷上露。灼灼如明珠。○文選十六別賦注。

寢共織成被。絮以同攻綿。○御覽七百七。

夏搖比翼扇。冬坐比肩氈。○書鈔百三十四作陸機詩。引第一句。御覽七百八作陸雲詩。引第二句。

衣用雙絹。寢無絳幃。○書鈔百三十二。○遠案。兩句蓋脫一字。

詩

逍遙近南畔。長嘯作悲歎。○本集四。類聚十九。詩紀二十七。

鄭豐

豐。字曼季。爲吳王文學。有集二卷。

答陸士龍詩四首

鴛鴦六章

鴛鴦。美賢也。有賢者二人。雙飛東岳。揚輝上京。其兄已顯登清朝。而弟中漸。文館詞林作暫。婆娑衡門。然其勞謙接士。吐握文館詞林作捉。待賢。雖姬公之下白屋。洙泗之養三千。無以過也。乃肯垂顧。惠我好音。思與其遊道德之本集、詩紀無上六字。樂。結永好之歡云爾。

鴛鴦于飛。在江之涘。和音交本集、詩紀作反。暢。拊翼雙起。朝遊蘭池。夕宿蘭沚。清風翕習。扇彼蘭茝。文館詞林作芑。凌雲高厲。載翔載止。

鴛鴦于飛。載飛載吟。有爵浚藪。實惟桂林。芳條高茂。華繁垂陰。爰翺爰翔。爰憩其南。有馥其本集、詩紀作清。芬。協我好音。

鴛鴦于飛。乘文館詞林作垂。雲高翔。有嚶其友。戢翼未翔。澹淡素波。容與趨倡。本集、詩紀作唱。雖曰戢止。和音遠揚。我有好爵。與子偕嘗。文館詞林作當。

鴛鴦于飛。徘徊翩翩。載頡載頎。顧本集、詩紀作命。侶鳴羣。有鬱蘭皋。冽彼清源。駕言遊之。聊樂我云。思與佳人。齊權順川。

鴛鴦于飛。或矯本集、詩紀作飛。或遊。習習谷風。扇彼清流。春草揚翹。龜魚本集、詩紀作龜。沉浮。感物興想。我心長憂。誰謂河廣。曾不容舟。企予望之。搔首踟蹰。

鴛鴦于飛。載和其鳴。懷爾好音。寘本集、詩紀作寡。我中情。人亦有言。心得遺形。文館詞林作刑。授文館詞林作探。我木瓜。報文館詞林作投。爾瑤瓊。匪繫日報。永好千齡。○本集三。文館詞林百五十六。詩紀二十七。

蘭林五章

蘭林。權至好也。有君子世文館詞林作代。濟其美。英名光茂。遭時暫否。畜本集、詩紀作福。德衡門。顧我慙。懃。屢辱德音。思與結好。以永不刊。

瞻彼蘭林。有翹其本集、詩紀作有。秀。有斐君子。邦之碩茂。厥德伊何。固天攸授。如川之源。如山之富。回流清淵。文館詞林作泉。啓襟開袖。本集、詩紀作裕。縉紳晞風。明文館詞林作人。用胥附。

猗猗碩人。如玉如金。浚文館詞林作沃。其明哲。克廣德心。習習凱風。吹我棘林。飛鴉萃止。本集、詩紀作至。允懷好音。悠悠征徒。輶德鮮任。嗟我猗人。實味實耽。本集、詩紀作和樂實忱。

在昔延州。鵠鳴江涯。今我陸子。曠世文館詞林作代。繼奇。身乖千載。德音並馳。漸鴻遵渚。宛其羽儀。安得高風。騰翻天池。

飛龍蜿蜒。山谷氣翳。本集、詩紀作升氣。猛虎嘯吟。清風高厲。情同來感。數乖身逝。夷鮑齊歡。專名故世。文館詞林作前代。愷悌君子。民之攸暨。文館詞林作人之攸暨。咨予遘時。千載同愛。

垂隴本集、詩紀作龔。之會。匪詩不宣。嗟我懷人。斯恩殷勤。德音來訊。有蔚其文。趨趨儂兔。本集、詩紀作菽菽。兔。匪迹不存。誠在心德。愛結文館詞林作法。忘言。○本集三。文館詞林百五十六第三首。詩紀二十七。

南山五章

南山。酬至德也。君子在衡門。修道以養和。棄物以存神。明文館詞林作人。思其治。文館詞林作化。士懷其德。或思置之列位。或思從之信宿。詩人嘉與此賢。當年相遇。又屢獲德音。情懽心至。故作是詩焉。

陟彼南山。言采其蕭。樂只君子。邦家之翹。克茂厥猷。本集、詩紀作猶。至道本集、詩紀作輶德。是收。耽本集作聊。道以儉。廣愛以周。嗟我懷人。永好千秋。

適本集、詩紀作瞻。彼江潭。言釣其鱖。有美碩人。自公退文館詞林作退。處。羔裘逍遙。輜德是文館詞林作退。舉。白駒遯時。世文館詞林作俗。事孰與。思我猗人。寘之晉序。有客信宿。本集、詩紀作信。獨寐寤語。

天高地卑。玄黃烟燼。人道交泰。自昔先民。文館詞林作人。耽文合好。輔德與仁。管叔罕僑。文館詞林作喬。曠世文館詞林作載。鮮本集、詩紀作難。鄰。修組絕本集、詩紀作施。結。玄弁文館詞林作矢。生塵。咨我與子。遣會當身。琴瑟在御。永愛纏綿。

瞻文館詞林作盤。彼江澳。文館詞林作深。按原當作淵。言詠其潭。所謂伊人。在川本集、詩紀作水。之陰。養和以泰。樂道之潛。錦衣尚綱。至樂是耽。興言永思。繫懷所欽。愛而不見。獨寐寤吟。

詩以言志。先民文館詞林作人。是經。乃惠嘉訊。德音惟馨。欽詠繁藻。永結中情。華文傷實。世文館詞林作俗。士所營。達人神化。反之混冥。交棄其數。言取其誠。思與哲人。獨寶其貞。○本集三。文館詞林百五十六第二首。詩紀二十七。

中陵四章

瞻彼中陵。蘭蕙本集、詩紀作黃。猗猗。顯允本集、詩紀作允矣。君子。樂且有儀。文館詞林作宜。沈仁育物。玄聰鏡機。德充闈庭。名逸南畿。祁祁俊乂。本集、詩紀作友。言酌言依。

鼓鐘于宮。百里震聲。晝晝令問。歸我偉貞。厥振伊何。駿奔以驚。厥問伊何。民文館詞林作人。胥以寧。有鶴在陰。非子誰鳴。我有好爵。非子孰盈。

潛龍遯初。有鳳戢翬。王猷本集、詩紀作猶。未泰。彝倫錯違。臯門文館詞林作問。重管。本集缺此字。詩紀作闕。資本集缺此字。文館詞林作係。爾啓扉。庶績道本集、詩紀作適。斲。非爾焉綏。翼翼京宇。爾瞻爾晞。本集、詩紀作俟爾攸晞。民文館詞林作人。之胥望。如渴如飢。

德音來惠。覆玩三周。沈潤淵文館詞林作泉。洞。書鈔作沉思淵動。逸藻雲浮。結心所親。曷變文館詞林作顯。曷渝。路隔津文館詞林作河。梁。一葦限殊。終朝之思。三秋是踰。愛而不見。興言踟躕。文館詞林作躊。○本集三。文館詞林百五十六。詩紀二十七。又書鈔一百作贈陸士龍。引浮一韻。

孫拯

拯。字顯世。吳郡富春人。吳黃門郎。入晉爲涿令。陸機爲大都督。引爲司馬。及機被誣。收拯考掠。遂死獄中。有集二卷。

贈陸士龍詩十章

五龍戢號。雲鳥纂文館詞林誤作慕。紀。淳化既離。義風載本集、詩紀作肅。始。軒冕垂容。文教乃理。奕奕洪本集、詩紀作英。族。盛德豐祀。

於赫皇吳。應天統元。文館詞林作文。丞相文烈。公光讚勳。本集、詩紀作蒸文烈公。光讚懿勳。九命皇耀。本集、詩紀作重輝。茂本集、詩紀作泰。德彌勤。華嚴襲文館詞林作龍。藻。金石載振。

淵文館詞林作美。哉陸生。丕本集、詩紀作本。顯洪胄。亦崇懿風。邈此弘裕。無競厥本集、詩紀作惟。德。豐光伊茂。文以義好。施以仁富。

山積惟峻。道隆名遐。潛景在淵。文館詞林作泉。龍躍文館詞林作耀。承華。既淑本集、詩紀作升。爾儀。誰不允嘉。有灌重淵。本集作深。文館詞林作泉。載清其波。

濟濟皇朝。峨峨髦士。序爵以賢。惟俊萃止。翩翩二宮。本集、詩紀作翩翩二官。非。令問不已。乃遷華閣。皇典文館詞林作豐。斯紀。

思文大謨。恢我王猷。清風肆穆。雅憲允休。邁彼江川。邈此本集誤作比。北流。微言蘭馥。玉藻雲浮。

遭時之險。虎文館詞林作虞。宰滔天。憑德美本集、詩紀作羨。重。繫此俊賢。文館詞林作人。按原當作民。休否既亨。名以德淵。文館詞林作宜。清徽本集誤作微。伊鑠。鑽之彌堅。

明明大象。玄鑒照微。顯允君子。求福不回。善挹餘本集、詩紀作引。慶。險以德祈。澄濁以清。本集、詩紀作靜。罔本集誤作岡。有本集、詩紀作久。不暉。

釋彼短本集、詩紀作遊。寄。樂此窈冥。本集、詩紀作貞。形以神和。思以情本集、詩紀作道。新。青雲方文館詞林作可。乘。芳餌可捐。達觀在一。萬物自賓。

制動以靜。秘景在陰。靈根可栖。樂此隈岑。本集、詩紀缺以上四句。關鍵重閉。本集、詩紀作寂寂重門。誰和子音。瞻彼晨風。思託茂林。○陸士龍集三。文館詞林百五十六。詩紀二十七。○逸案。吳械韵補一引捐、賓二韵作陸雲贈奚士都詩。恐

誤。又卮林六引捐、賓二韵作孫拯答陸士龍詩。

晉詩卷七

嵇紹

紹。字延祖。譙國銍人。嵇康子。十歲而孤。事母孝謹。累遷散騎常侍。永興元年。惠帝大軍敗於蕩陰。紹以身衛帝。遂見害。有集二卷。

贈石季倫詩

人生稟五常。中和爲至德。嗜欲雖不同。伐類聚作成。生所不識。仁者安其身。不爲外物惑。事故誠多端。未若酒之賊。內以損性命。煩辭傷軌則。屢飲致疲怠。清和自否塞。陽堅敗楚軍。長夜傾宗國。詩書著明戒。量體節飲食。遠希彭聃壽。虚心處沖默。茹芝味醴泉。何爲昏酒色。○文選二十三。類聚二十三。詩紀三十。

嵇含

含。字君道。紹從子。家鞏縣亳丘。自號亳丘子。舉秀才。除郎中。惠帝朝歷任征西參軍、中書侍郎。范陽王虓爲征南將軍鎮許昌。以爲從事中郎、襄陽太守。後奔鎮南將軍劉弘於襄陽。永興三年弘

卒。含爲弘將郭勸所殺。有集十卷。

悅晴詩

勁風歸巽林。玄雲起重基。初學記作低。朝霞炙瓊樹。御覽作林。夕影類聚作景。詩紀同。映玉初學記作雲。御覽同。芝。詩紀作枝。翔初學記作鳴。鳳晞輕翮。應龍曝纖鬢。百穀偃而立。大木顛復持。○類聚二。初學記二。又御覽八引芝一韵。詩紀三十。

伉儷詩

余執百兩轡。之子詠類聚作詩。采蘋。我憐聖善色。爾悅慈姑顏。裁彼類聚作我被。雙絲絹。著以初學記作於。同功綿。夏搖比翼扇。冬卧初學記作坐。詩紀云。藝文作坐。蚤蚤氈。飢食類聚作冷。並根類聚作糧。粒。渴飲一流泉。朝蒸同初學記誤作岡。心羹。詩紀原缺。從初學記補。暮庖比目鮮。挹用合香醕。受以連理盤。朝采同本芝。夕掇駢穗蘭。臨軒樹初學記作種。萱草。中庭植合歡。○初學記十四。詩紀三十。又類聚四十引繫、綿、氈、泉、歡五韵。

登高詩

七月有七日。蠢動思登高。顯首稀乾精。方類自相招。○書鈔百五十五。

臺中宴會詩

殿中日□□□□。焯焯羣龍吐芳蘭。謙謙君子美曾顏。○書鈔六十引蘭一韵、顏一韵。

牽秀

秀。字成叔。武邑觀津人。太康中爲新安令。遷司空從事中郎。後爲司空張華長史。惠帝時。進尚書。河間王顥以爲平北將軍。鎮馮翊。永興三年。爲楊騰所殺。有集四卷。

宴曜武堂詩

沐浴洪流。飲服清芳。將結微根。永晞朝陽。恭承渥惠。庶無怠荒。○初學記十四。

祖孫楚詩

受茲明命。作守西疆。○文選五十九齊故安陸昭王碑文注。

四言詩

乾道輔仁。坤德尚冲。○文選五十八宋文皇后哀策文注。

詩

高宗夢巖穴。姬文兆渭濱。羣分邈十里。感應用形神。○書鈔百五十八。

司馬彪

彪。字紹統。河內溫縣人。泰始中爲秘書郎。後拜散騎侍郎。惠帝末卒。年六十餘。有續漢書八十三卷、九州春秋十卷、莊子注二十一卷、戰略二十卷、集四卷。

贈山濤詩

苕苕倚桐樹。寄生於南岳。上凌類聚作陵。青雲霓。下臨千仞谷。處身孤且危。類聚或作自孤危。於何託余足。昔也植朝陽。傾枝俟鸞鷲。今者絕世用。六臣本文選注云。善作人。倥偬見迫束。班匠不我顧。牙曠不我錄。焉得成琴瑟。事文類聚作琴瑟成。何由揚妙曲。冉冉三光馳。六臣本文選注云。五臣作遲。逝者一何速。中夜不能寐。撫劍起躑躅。感彼孔聖歎。哀此年命促。卞和潛幽冥。類聚作巖。誰能證奇璞。冀願類聚作望。神龍來。揚光以類聚作已。見燭。○文選二十四。詩紀二十三。又類聚三十一引岳谷足三韻。又八十八作與山巨源詩。引岳、谷、足、鷲、束、錄、曲、璞、燭九韻。事文類聚二十三無題。引鷲、束、錄、曲四韻。

贈山濤詩

翩翩野青雀。受性孤且微。昔生三河側。鼓翼帝王畿。○御覽九百二十二作贈山巨源詩。事類賦雀賦注作贈山巨源詩。

詩廣文選、詩紀作雜詩。

百草應節生。含氣有深淺。御覽誤作淺深。秋蓬獨合璧事類作復。何辜。御覽作華。飄飄合璧事類作飄。隨風轉。長飈
一類聚、廣文選作臺。飛薄。吹我之四遠。搔首望故株。邈然無由返。○類聚八十二。廣文選十五。詩紀二十三。又御覽九
百九十七引深、轉二韻。合璧事類別集五十六引淺、轉二韻。

詩

玉出閩風側。珠生南海濱。奕奕不同阪。蘇桂揚其芬。○類聚八十三。

烈烈玄飈起。粲粲繁霜凝。原作疑。誤。勁風迴白雪。長川激素冰。○事類賦冰賦注。

秋節良可悲。百華咸萎落。堂前柳隨風。疏林樹蕭索。末四字據陳本補。○書鈔百四十四。

左攬又翠羈。右撫犀象鞍。○書鈔百二十六。

汎汎江漢萍。飄蕩永類聚或作水。無根。○類聚八十二。

阮脩

脩。字宣子。陳留尉氏人。爲鴻臚丞。轉行軍參軍、太子洗馬。永興三年。避亂南行。被害。時年四十
二。有集二卷。

上巳會詩

三春之季。初學記、歲時雜詠作秀。歲惟嘉時。靈雨既零。初學記、歲時雜詠作零。雨既濛。風以散之。英華扇耀。翔廣文

選作祥。詩紀同。鳥羣嬉。澄澄綠。初學記作淥。水。澹澹。初學記作淡淡。其波。修岸。初學記、歲時雜詠作崖。逶迤。長川相過。聊且逍遙。其樂如何。坐此脩筵。臨彼素流。嘉肴既設。舉爵獻酬。彈箏弄琴。新聲上浮。水有七德。知者所娛。清瀨澗澗。菱葭芬敷。沈此芳鈎。引彼潛魚。委餌。類聚誤作餌。芳美。君子戒諸。○類聚四。廣文選九。詩紀三十。又初學記四、歲時雜詠十六並引時之、嬉、波、過、何六韻。

左芬

芬。齊國臨淄人。左思妹。泰始八年拜脩儀。後爲貴嬪。咸寧中尚有撰作。有集四卷。

啄木詩

南山有鳥。自名啄木。飢則啄。御覽作緣。樹。暮則巢宿。無干於人。唯志所欲。此蓋禽獸。性清者榮。性濁者辱。○御覽九百二十三作裴諧集左氏詩。詩紀三十。又類聚九十二作袁淑排諧集左氏詩。所引缺此蓋禽獸四字。○逮案。左氏未必卽爲左芬。姑從詩紀。

感離詩

詩紀云。一作離思。此答左思贈妹之作。

自我去膝下。倏忽踰再期。邈邈浸彌遠。拜奉將何時。披省所賜告。尋玩悼離詞。髣髴想容儀。歎歎不自持。何時當奉面。娛目於書詩。何以訴辛苦。告情於文辭。○類聚二十九。詩紀三十。

左思

思。字太冲。齊國臨淄人。妹芬爲武帝貴嬪。泰始中。思爲秘書郎。永寧中。齊王冏召爲記室督。辭疾不就。有集五卷。

悼離贈妹詩二首

鬱鬱岱青。類聚、廣文選作清。海濱所經。陰精神類聚作以。廣文選同。靈。爲祥爲禎。峨峨令妹。應期挺生。如蘭之秀。如芝之榮。總角岐嶷。齟齬類聚、廣文選作齟齬。夙成。比德古烈。異世文館詞林、詩紀作代。同聲。

厥德伊何。塞淵文館詞林作泉。其慮。厥聲伊何。日新其譽。幽思泉涌。乃詩乃賦。飛翰雲浮。摘藻星布。光曜邦族。名馳時路。翼翼羣媛。是瞻是慕。

匪惟見慕。善誘善導。斟酌諸姬。言成典誥。匪唯辭章。多才多巧。黼黻文繡。幾微要妙。積德彌高。用心彌奧。伊我之閭。晞妹之曜。

惟我惟妹。寔惟同生。早喪先妣。恩百常情。女子有行。實遠父兄。骨肉之思。類聚、詩紀作思。固有歸寧。何悟離拆。類聚作析。隔以天庭。自我不見。於今二齡。

豈唯二齡。相見未剋。雖同京宇。殊邈異國。越鳥巢南。胡馬仰北。自然之戀。禽獸罔革。仰瞻參商。沈憂內塞。何以抒懷。告情翰墨。○文館詞林百五十二。又類聚二十九作贈妹九嬪悼離詩。引第一、第四兩章。廣文選八、詩紀二十

九作贈妹九嬪悼離詩。引第一、第四兩章。

穆穆令妹。有德有言。才麗漢班。明朗楚樊。默識若記。下筆成篇。行顯中閨。名播八類聚。詩紀作外。蕃。

以蘭之芳。以膏之明。永去骨肉。內充紫庭。至情至念。惟父惟兄。悲其生離。泣下交頸。

桓山之鳥。四子同巢。將飛將散。悲鳴切切。惟彼禽鳥。猶有號咷。況我同生。載憂載勞。

將離將別。置酒中堂。銜杯不飲。涕洟縱橫。會日何短。原作矯。非。今從適園本。隔日何長。仰瞻曜靈。愛此寸光。

何以爲贈。勉以列圖。何以爲誠。類聚、詩紀作言。申以詩書。去類聚、詩紀作相。去在近。上下歎歎。含辭滿胸。鬱憤不舒。

燕燕之詩。佇立以泣。送爾涉塗。涕泗交集。雲往雨絕。瞻望弗及。延佇中衢。悵憶嗚咽。

既乖既離。馳情髣髴。何寢不夢。何行不想。靜言永念。形留神往。優思成疚。結在精爽。

其思伊何。發言流淚。其疚伊何。寤寐驚悸。詠爾文辭。玩爾手筆。執書當面。聊以永日。○文館詞林百五十二。又類聚二十九。廣文選八、詩紀二十九並引第一、五兩章。與上篇聯爲一首。

詠史詩八首

弱冠弄柔翰。卓犖觀羣書。著論準過秦。作賦擬子虛。邊城苦鳴鏑。羽檄飛京都。雖非甲冑士。疇昔覽穰苴。長嘯激清風。志若無東吳。鉛刀貴一割。夢想騁良圖。左眄文章正宗作盼。澄江湘。右盼定羌胡。功成不受爵。長揖歸田廬。○文選二十一。文章正宗二十九。詩紀二十九。

鬱鬱澗底松。離離山上苗。以白帖作愛。彼徑寸莖。蔭此百尺條。世胄躡高位。英俊沈下僚。地勢使之然。由來非一朝。金張藉李善本文選作籍。類聚、初學記、御覽同。舊業。七葉珥類聚誤作珥。漢貂。馮公豈不偉。白首不見招。○文選二十一。類聚五十五。文章正宗二十九。詩紀二十九。又初學記十八引貂一韵。白帖三十引苗、條二韵。御覽四百七十引貂一韵。

吾希段干木。偃息藩魏君。吾慕魯仲連。談笑却秦軍。當世貴不羈。遭難能解紛。功成恥李善本文選作不。文章正宗同。六臣本注云。善作不。受賞。高節卓不羣。臨組不肯緤。對珪寧李善本文選作不。文選注、文章正宗同。六臣本文選注云。善作不。肯分。連璽曜前庭。比之猶浮雲。○文選二十一。文章正宗二十九。詩紀二十九。又文選十九述祖德詩注引分一韵。

濟濟京城內。赫赫王侯居。冠蓋蔭初學記作陰。四術。朱輪竟長衢。朝集金張館。暮宿許史廬。南鄰擊鐘六臣本文選作鍾。磬。北里吹笙竽。寂寂楊子宅。門無卿相輿。寥寥空宇中。六臣本文選作內。注云。善作中。詩紀云。一作內。所講在玄虛。言論準宣尼。辭賦擬相如。悠悠百世後。英名擅八區。○文選二十一。文章正宗二十九。詩紀二十九。又初學記十八引居、衢、廬、竽四韵。

皓歲華紀麗作皎。天舒白日。靈景耀神州。列宅紫宮裏。飛宇若雲浮。峨峨高門內。藹藹皆王侯。自非攀龍客。何爲歛來游。被褐出閭闔。高步追許由。振衣千仞岡。濯足萬里流。○文選二十一。詩紀二十九。

荆軻飲燕市。酒酣氣益震。李善本文選作振。哀歌和漸離。謂若傍無人。雖無壯士節。與世亦殊倫。高眇邈四海。豪右何足陳。貴者雖自貴。視之若埃塵。賤者雖自賤。重之若千鈞。○同上

主父宦不達。骨肉還相薄。買臣困樵採。李善本文選作采樵。六臣本注云。善作采樵。詩紀云。善作採樵。伉儷不安宅。陳平無產業。歸來鬻負郭。長卿還成都。壁立何寥廓。四賢豈不偉。遺烈光篇籍。當其未遇時。憂在填溝壑。英雄有述。類聚作屯。邈。由來自古昔。何世無奇才。遺之在草澤。○文選二十一。類聚五十五。詩紀二十九。

習習籠中鳥。舉翮觸四隅。落落窮巷士。抱影守空廬。出門無通路。枳棘塞中塗。計策棄不收。塊若枯池魚。外望無寸祿。內顧無斗儲。親戚還相蔑。朋友日夜疏。蘇秦北游說。李斯西上書。俛仰生榮華。咄嗟復彫枯。飲河期滿腹。貴足不願餘。巢林棲一枝。可爲達士模。○文選二十一。詩紀二十九。又初學記十八引隅、廬、途、魚、儲、疏六韻。

詠史詩

梁習持魏郎。秦兵不敢出。李牧爲趙將。疆場得清謐。○書鈔百十九。

招隱詩二首

杖策類書殘卷作策杖。招隱士。荒塗橫古今。巖穴無結構。丘中有鳴琴。白雪詩紀作雲。注。一作雪。停類聚作傍。陰岡。丹葩曜陽林。石泉漱瓊瑤。織鱗或李善本文選作亦。六臣本注云。善本作亦。浮沈。非梁書、南史作何。御覽同。必絲與竹。山水有清音。何事待嘯歌。灌木自悲吟。秋菊兼餼糧。幽蘭間重襟。躊躇足力煩。聊欲投吾簪。○文選二十二。詩紀二十九。又梁書、南史昭明太子傳引音一韻。類聚三十六引今、琴、林、音、吟五韻。鳴沙石室古籍叢殘類書殘卷高尚門。

御覽百四十八引梁書。

經始類書殘卷作始經。東山廬。類書殘卷作下。果下自成榛。前有寒泉井。聊可類書殘卷作以。瑩心神。峭六臣本文選作峭。注云。善本作峭。蒨青葱間。竹柏得其真。弱葉棲霜雪。飛榮流餘津。爵服無常玩。好惡有屈伸。結綬生纏牽。彈冠去埃塵。惠連非吾屈。首陽非吾仁。相與觀所尚。逍遙撰六臣本注云。五臣作極。詩紀同。良辰。○文選二十二。鳴沙石室古籍叢殘類書殘卷高尚門。詩紀二十九。

雜詩

李善本文選曰。于時賈充徵爲記室。不就。因感人年老。故作是詩。

秋風何冽冽。六臣本文選注云。五臣作烈烈。類聚、詩紀同。白露爲朝霜。柔條旦夕勁。綠葉日夜黃。明月出雲書鈔作靈。崖。皛皛書鈔、類聚作皎皎。流素光。披軒臨前庭。嗷嗷晨鴈翔。高志局四海。塊然守空堂。壯齒不恆居。歲暮常慨慷。○文選二十九。書鈔百五十。類聚三。詩紀二十九。

嬌女詩

吾家有嬌御覽或作好。事類賦同。女。皎皎頗御覽或作常。或作嬌女皛。白皙。小字爲紈詩紀作織。素。口齒自清類書殘卷作青。歷。鬢御覽作髻。髮覆廣額。雙耳似連壁。明朝弄梳臺。黛眉類掃跡。濃朱衍丹唇。黃吻瀾漫赤。嬌語若連瑣。忿速乃明愷。握筆利彤管。篆刻未期益。執書愛綈素。誦習矜所獲。其姊詩紀作娣。注。玉臺作姊。御覽誤作

始。字惠。御覽作蕙。芳。面詩紀作兩。御覽作眉。目燦。玉臺作噪。茶經、御覽作粲。如畫。輕粧。玉臺作莊。喜樓。玉臺作縷。邊。臨鏡忘紡績。舉觴擬京兆。立的成復易。玩弄眉頰間。劇兼機杼役。從容好趙舞。延袖象飛翮。上下絃柱際。文史輒卷裝。顧眄屏風畫。如見已指擿。丹青日塵闇。明義爲隱蹟。馳騫翔園林。果下御覽作草木。皆生摘。紅葩掇紫蒂。萍實驟抵擲。貪華御覽作走。事類賦同。風雨中。倏忽玉臺作呻。數百適。務躡霜雪戲。重綦常累積。并心注肴饌。端坐理盤榻。翰墨戢函。詩紀作閑。按。相與數離逖。動爲鑪鉦屈。屣履任之適。心爲茶菴劇。玉臺、詩紀作止爲茶菴據。茶經作茶菴劇。按茶、茶通。吹噓對鼎鑪。脂膩漫白袖。煙薰玉臺作動。染阿玉臺作珂。錫。衣被皆重池。難與沈玉臺作次。水碧。任其孺子意。羞受長者責。瞥聞當與杖。掩淚俱向壁。○玉臺新詠二。詩紀二十九。又陸羽茶經下引哲、歷、畫、摘、適、鑷六韻。古籍叢殘敦煌唐寫本玉臺新詠引五六字。御覽三百八十一引哲、歷、璧、跡四韻。八百六十七引哲、歷、畫、摘、適、鑷六韻。事類賦茶賦注。

張翰

翰。字季鷹。吳郡人。吳大鴻臚儼之子。齊王罔辟爲大司馬東曹掾。棄官歸。年五十七卒。有集二卷。

贈張弋陽詩七章

時道玄曠。階軌難尋。散纓放冕。負劍長吟。昆弟等志。託茲幽林。玄墨澄氣。虛靜和心。

惟我友愛。纏綿往昔。易尚去俗。攜手林薄。輕露給朝。遺英飽夕。逍遙永日。何求何索。潛光重陰。抱悴如榮。絕路既續。捨我遐征。束帶皇城。爰賴爰慕。忡予中情。負薪弗克。耕者妨力。鍾儀彈弦。顧瞻先職。遺其綿綿。憂心慘惻。乃抗乃拔。釋我繞邑。將逝命駕。陟彼郊圻。和鸞搖響。載驅載馳。言告分別。言告言歸。心怨辭苦。張高弦哀。楊柳可卷。去在斯時。流液可折。豈云旋歸。行役必偕。傷我長離。借喻孤禽。矜翼翩栖。昔我惟樂。羣居多時。今我斯懷。纏綿萬里。人亦有分。或通或否。行矣免致。我誠永已。○文館詞林百五十六。

周小史詩

翩翩周生。婉孌幼童。年十有五。如日在東。香膚柔澤。素質參紅。團輔圓頤。類聚作曠。齒蒼芙蓉。爾刑類聚作形。既淑。爾服亦鮮。輕車隨風。飛霧流煙。轉側倚靡。顧盼類聚作眄。詩紀云。一作眄。便妍。和顏善笑。美口善言。○類聚三十三。詩紀二十九。

雜詩三首

暮春和氣應。白日照園林。青條若總翠。黃華類聚作花。如散金。嘉卉亮有觀。顧此難久耽。文選作耽。延頸無良塗。頓足託幽深。榮與壯俱去。賤與老相尋。顧樂不照顏。慘愴發謳吟。謳吟何嗟及。古人可慰心。○文

選二十九。又類聚二十六引林、金、尋三韵。

東鄰有一樹。三紀裁可拱。無花復無實。亭亭雲中竦。隙禽不爲巢。短翮莫肯任。○類聚二十六。詩紀二十九。忽有一飛鳥。五色雜英華。一鳴衆鳥至。再鳴衆鳥羅。長鳴搖羽翼。百鳥互相和。○同上

思吳江歌

詩紀云。一曰秋風歌。

晉文士傳云。張翰有清名美望。大司馬齊王罔辟爲東曹掾。在洛見秋風起。思吳中菰飯蓴羹鱸魚膾。嘆曰。人生貴得適意爾。何能羈官數千里以要名爵。因作此歌。遂命駕還。

秋風起兮佳景時。歲華紀麗作木葉飛。吳江水兮鱸魚。歲華紀麗作正。中吳紀聞、輿地紀勝同。肥。三千里兮家未歸。恨難得歲華紀麗作禁。今仰天悲。○歲華紀麗三。中吳紀聞三。輿地紀勝五。詩紀二十九。

張載

載。字孟陽。安平灌津人。太康中爲著作佐郎。轉太子中舍人。遷樂安相、弘農太守。長沙王又請爲記督。拜中書侍郎。復領著作。稱疾歸。卒。有集七卷。

贈司隸傅咸詩

五章

皇靈闡曜。流英敷醇。苞光含素。以授哲人。於赫洪烈。實子厥真。慮該道機。思窮妙神。汪穆其度。煥蔚

其文。實茂成秋。華繁榮春。清藻既振。乃鬱乃彬。德風雲暢。休聲響震。

侔蹤古昔。越軌曩朝。外駭方域。內冠皇僚。峨峨峻極。誰其能超。出蒞宰守。播化丞苗。人毗帝猷。翼讚均陶。道殊顏孔。勳擬伊臯。

太上立本。至虛是崇。猗歟清規。允迪斯沖。韜納無方。以光徽融。嗟我昏矇。懷賢仰風。

思存豫屬。厠于末徒。沐浴芳源。儀形訓模。重仞幽秘。願陟其塗。

彼海湯湯。涓流所歸。鱗宗龍翔。鳥慕鳳飛。瞻顧高景。曷云能違。未見君子。載渴載飢。○文館詞林百五十六。

詩

大谷石榴。木滋之最。膚如凝脂。汁如清瀨。江南都初學記作郡。詩紀同。御覽或同。蔗。張掖豐柿。御覽或作釀液豐沛。或作釀液豐霈。詩紀作釀液豐沛。三巴黃甘。瓜州素柰。凡此數品。殊美絕快。渴者所思。銘之裳詩紀作常。帶。○初學記二十八引柿、柰、快、帶四韻。御覽九百七十引最、瀨、帶三韻。九百六十六引榛、帶二韻。九百七十引霈、榛、快、帶四韻。九百七十四引沛、榛、快、帶四韻。事類賦甘賦注引柰、帶二韻。詩紀二十九引柿、柰、快、帶四韻。

登成都白菟樓詩

重城結曲阿。飛宇起層樓。詩紀云。一作區。累棟出雲表。峽巖臨太虛。高軒啓朱扉。迴望暢八隅。西瞻岷山

嶺。嵯峨似荆巫。蹲鴟蔽地生。原隰殖嘉蔬。雖遇堯湯世。民食恒有餘。鬱鬱小詩紀作少。城中。岌岌百族居。街術紛綺錯。高薨夾長衢。借問楊子宅。類聚、茶經作舍。想見長卿廬。程卓累千金。驕侈擬五侯。門有連騎客。翠帶腰吳鉤。鼎食隨時進。百和妙且殊。披林採秋橘。臨江釣春魚。黑子過龍醢。果饌踰蟹蟪。芳茶冠六清。茶經作情。溢味播九區。人生苟安樂。茲土聊可娛。○類聚二十八引樓、虛、隅、巫、蔬、餘、居、衢、廬九韻。陸羽茶經下引廬、都、疆、殊、魚、蟪、區、娛八韻。詩紀二十九。

贈虞顯度詩

疇昔協蘭芳。繾綣在華年。嘉好結平素。分著寮友前。謂得終遐日。綢繆永周旋。吾子遭不造。遘閔丁憂艱。俾我失良朋。誰與吐話言。一日爲三秋。歲況乃三年。離居一何闊。結思如迴川。○類聚三十一。廣文選十署張協詩。詩紀二十九。

招隱詩

出處雖殊塗。居然有輕易。山林有悔悟。人間實多累。鵷雛翔穹廣文選、詩紀作窮。冥。蒲且不能視。鸛鷺遵阜渚。數爲矰所繫。隱顯雖在心。彼我共一地。不見巫山火。芝艾豈相離。去來捐時俗。超然辭世僞。得意在丘中。安事愚與智。○類聚三十六。廣文選九。詩紀二十九。

七哀詩二首

北芒六臣本文選注云。五臣作邱。詩紀同。初學記、御覽作邱。何壘壘。御覽作繫繫。高陵有四五。借問誰家。初學記作人。墳。御覽作家。皆云漢世。初學記作代。主。恭文遙相望。原陵鬱膺膺。季世六臣本文選注云。五臣作葉。詩紀同。初學記作葉。喪亂起。賊草堂詩箋作羣。盜初學記作盜賊。如豺虎。毀壤過一抔。便房啓幽戶。珠柙初學記作匣。詩紀云。一作匣。離玉體。珍寶見剽虜。園寢化爲墟。周墉無遺堵。蒙龍荆棘生。蹊逕登童豎。狐兔窟其中。蕪穢不復掃。頽隴並墾發。萌隸營農圃。昔爲萬乘君。今爲丘中文選作山。土。感彼雍門言。悽愴哀今文選作往。六臣本注云。五臣作今。文章正宗作往。古。○文選二十三。文章正宗二十九。詩紀二十九。又初學記十四引五、主、膺、虎、戶、虜六韻。御覽五百六十引五、主二韻。草堂詩箋三十二傷秋詩注引一句。

秋風吐商氣。蕭瑟掃前林。陽鳥類聚作鳥。六臣本文選注云。五臣作鳥。詩紀同。收和響。寒蟬無餘音。白露中六臣本文選注云。五臣作朝。詩紀同。夜結。木落柯條森。朱光馳北陸。浮景忽類聚作想。西沈。顧望無所見。唯睹松柏陰。肅肅高桐枝。翩翩棲孤類聚作孤栖。禽。仰聽離鴻鳴。俯聞蜻蛚吟。哀人易感傷。觸物增悲心。丘隴日已遠。纏綿彌思深。憂來令髮白。誰云愁可任。徘徊向長風。淚下沾衣襟。○文選二十三。類聚三十四。詩紀二十九。

霖雨詩

詩紀云。初學記作張協。今從藝文作張載。

霏雨餘旬朔。濛昧日夜墜。何以解愁懷。置酒招親類。啾啾絲竹作。伶人奏奇秘。悲歌結初學記作浩。流風。逸初學記作實。響迴秋氣。○類聚二引墜、類、氣三韻。初學記十五引秘、氣二韻。詩紀二十九。

擬四愁詩四首

我所思兮在南巢。欲往從之巫山高。登崖遠望涕泗交。我之懷矣心傷勞。佳人遺類聚、文選注作贈。緯略同。御覽或同。我筒說文繫傳作笱。中布。說文繫傳作綺。何以贈類聚作報。文選注、御覽同。之流黃素。願因飄風超遠路。終然莫致增永玉臺作想。慕。○玉臺新詠九。詩紀二十九。又類聚三十五引巢、高、布、素四韻。文選十六別賦注引布、素二韻。說文繫傳

二作古詩。引素一韻。御覽八百十四引布、素二韻。八百二十引布、素二韻。高似孫緯略七引巢、高、布、素四韻。

我所思兮在朔涓。欲往從之白雪霏。登崖永眺詩紀作遠望。涕泗頽。我之懷矣心傷悲。佳人遺我雲中翮。何以贈詩紀作報。之連城璧。願因歸鴻超玉臺作起。遐隔。詩紀作翮。終然莫致增永積。○玉臺新詠九。詩紀二十九。

我所思兮在隴原。欲往從之隔秦玉臺作秦。詩紀作太。山。登崖遠望涕泗連。玉臺作連。我之懷矣心傷煩。佳人

遺我雙角端。何以贈之雕玉環。願因行雲超重巒。終然莫致增永嘆。○玉臺新詠九。詩紀二十九。

我所思兮在營州。欲往從之路阻修。登崖遠望涕泗流。我之懷矣心傷憂。佳御覽作美。人遺緯略作贈。我綠綺琴。何以贈之雙南金。願因流波超重深。終然莫致增永六臣本文選作咏。吟。○文選三十。玉臺新詠九。詩紀二十九。又

御覽四百七十八引金、琴二韻。高似孫緯略引州、修、琴、金四韻。

述懷詩

跋涉山川。千里告辭。楊子哭歧。墨氏感絲。雲乖雨絕。文選注作散。心乎愴而。○初學記十八。詩紀二十九。又文選

二十六和謝靈運詩注引而一韵。

詩

靈象運天機。日月如激電。秋風兼夜戒。微霜淒舊院。嘉木殞蘭圃。芳草悴芝苑。嚶嚶南翔鴈。翩翩辭歸燕。玉肌隨爪素。噓氣應口見。斂襟思輕衣。出人忘華扇。睹物識時移。顧已知節變。○御覽二十五。

詩

白日隨天迴。噉噉類聚作噉噉。○文選注作員。如規。踊躍湯谷中。上登扶桑枝。○類聚一。詩紀二十九。

詩

十日出湯谷。弭節馳萬里。經天曜四海。倏忽潛濛汜。○類聚一。

詩

氣力漸衰損。鬢髮終以皓。昔爲春月華。今爲秋日草。○類聚十八。詩紀二十九。

送鍾參軍詩

善見理不拔。闡道播徽容。○文選三十數詩注。

贈棗子琰詩

輜車運在輪。飛骨須六翮。○文選三十八爲范尚書讓吏部封侯第一表注。

泛湖詩

春菰芽露碧。水荇葉連青。○草堂詩箋三十六過南詩注。

登臺詩

遠望涕泗流。○草堂詩箋三十六登岳詩注。

張協

協。字景陽。載弟。辟公府掾。轉秘書郎。補華陰令。歷征北從事中郎。入爲中書侍郎。轉河間內史。以亂屏居草澤。屬詠自娛。永嘉初。徵爲黃門侍郎。不就。有集四卷。

詠史

昔在西京時。朝略出簾金作國。野多歡娛。藹藹略出簾金作蕩蕩。東都門。羣公祖二疏。朱軒曜金城。供帳臨長

衢。達人略出金籬作仁。知止足。遺榮忽如無。抽簪解朝衣。略出金籬作官服。散髮歸海隅。行人爲隕涕。略出金籬作淚。賢哉此略出金籬作二。大文選作文。夫。揮金樂當年。歲暮不留儲。顧謂四座賓。多財爲累。略出金籬作類。愚。清風激萬代。名與天壤俱。咄此蟬冕客。君紳宜見書。○文選二十一。文章正宗二十九。詩紀二十九。又鳴沙石室古籍叢殘略出籬金大夫篇第十五引娛、疏、衢、無、隅、夫、儲、愚八韵。

雜詩十首

秋夜涼風起。清氣蕩暄濁。蜻蛚吟階下。飛蛾拂明燭。君子從遠役。佳人守燧獨。離居幾何時。鑽燧忽改木。房櫳無行跡。庭草萋以玉臺作已。六臣本文選注云。五臣作已。綠。青苔依空牆。蜘蛛網四屋。感物多所懷。沈憂結心曲。○文選二十九。玉臺新詠三。文章正宗二十九。詩紀二十九。

大火流坤維。白日馳西陸。浮陽映翠林。迴飈扇綠竹。飛雨灑朝蘭。輕露棲叢菊。龍蟄暄氣凝。天高萬物肅。弱條不重結。芳蕤豈再馥。人生瀛海內。草堂詩箋作問。忽如鳥過目。川上之歎逝。前修以自勗。○文選二十九。文章正宗二十九。詩紀二十九。又草堂詩箋二十九貽華詩注引目一韵。

金風扇素初學記或作景。節。丹霞初學記或作露。啓陰期。騰雲似涌事類賦作灑。煙。編珠、初學記作漏網。密雨如散絲。寒花發黃采。六臣本文選注云。五臣作彩。詩紀同。類聚作彩。秋草含綠滋。閒居玩萬物。離羣戀六臣本文選注云。五臣作念。詩紀同。所思。案無蕭氏牘。庭無貢公棊。高尚遺王侯。道積自成基。至人不嬰物。餘風足染時。○文選二十九。詩紀二十九。又類聚二引期、絲、滋三韵。杜公瞻編珠一引期、絲二韵。初學記一引期、絲二韵。又三引期一韵。事類賦兩賦注作古

詩。引絲一韵。

朝霞迎白日。丹氣臨陽暘。李善本文選作湯。六臣本注云。善作湯。詩紀同。類聚作陽。谷。翳翳結繁雲。森森散雨足。輕風摧六臣本文選注云。五臣作推。勁草。凝霜竦高木。六臣本文選注云。五臣作喬。按喬字較勝。木。密葉日夜疏。叢林森如束。疇昔歎時遲。晚節悲年促。歲暮懷百憂。將從季主卜。○文選二十九。詩紀二十九。又類聚二引谷、足二韵。御覽八作張載詩。引谷一韵。

昔我資章甫。聊以適諸越。行行人幽荒。甌文選作歐。詩紀同。六臣本注云。五臣作甌。駱從祝髮。窮年非所用。此貨將安設。瓠瓠夸瓊璠。魚目笑明月。不見郢中歌。能否居然別。陽春無和者。巴人皆下節。流俗多昏迷。此理誰能察。○文選二十九。詩紀二十九。

朝登魯陽關。狹路峭且深。流澗萬餘丈。圍木數千尋。咆虎響窮山。鳴鶴聒空林。淒風爲我嘯。百籟坐自吟。感物多思情。在險易常心。竭來戒不虞。挺轡越飛岑。王陽驅九折。周文走岑崟。經阻貴勿遲。此理著來今。○同上

此鄉非吾地。此郭非吾城。羈李善本文選作羈。旅無定心。翩翩如懸旌。出睹軍馬陣。人聞六臣本文選注云。善作間。鞞鼓聲。常懼羽檄飛。神武一朝征。長鋏鳴鞘中。烽火列御覽作烈。邊亭。御覽作庭。捨我衡門衣。李善本文選作依。六臣本注云。善作依。更被縵胡纓。疇昔懷微志。帷幕竊所經。何必操干戈。堂上有奇兵。折衝樽俎間。制勝在兩楹。巧遲不足稱。拙速乃垂名。○文選二十九。文章正宗二十九。詩紀二十九。又御覽三百三十五引庭一韵。

述職投邊城。羈束戎旅間。下車如昨日。望舒草堂詩箋作蟾蜍。四類聚作三。五圓。昌黎詩注作團。借問此何

時。胡蝶飛南園。流波戀舊浦。行雲思故山。閩越衣文蛇。胡馬願度燕。風土文選作土風。安所習。由來有固然。○文選二十九。詩紀二十九。又類聚二十七署張協詩。引問、圓、山三韻。草堂詩箋二十七秋日詩注引圓一韻。朱校昌黎集一秋懷詩注引一句。御覽八事類賦雲賦注署張載。引山一韻。

結字窮岡類聚、廣文選作嵐。曲。耦耕幽藪陰。荒庭寂以六臣本文選注云。五臣作已。閒。幽類聚作山。廣文選同。岫峭且深。淒風起東谷。有淦類聚作舛。廣文選同。興南岑。雖無箕畢期。膚寸自成霖。澤雉登壘雉。寒猿六臣本文選注云。一作猿。擁條吟。溪六臣本文選作磻。注云。善從水。壑無人跡。荒楚草堂詩箋作氣象。鬱蕭森。投耒文選注作來。類聚作禾。循文選注作脩。岸垂。時聞樵採草堂詩箋作牧。音。重基類聚作基。可擬志。迴淵可比心。養真尚無爲。道勝貴陸沈。游思竹素園。寄辭翰墨林。○文選二十九。類聚三十六。廣文選九。詩紀二十九。又文選二十六贈張徐州稷詩注引音一韻。草堂詩箋二十九阻雨詩注引音一韻。又三十二秋興詩注引一句。

墨李善本文選作黑。蜈躍重淵。類聚作川。白帖作泉。商羊儻野庭。飛廉應南箕。豐隆迎號屏。雲根臨八草堂詩箋作北。極。雨足灑四溟。萬花谷作冥。霖瀝過二旬。散漫亞九齡。階下伏泉涌。堂上水衣類聚作苔。生。洪潦浩方割。人懷昏墊情。沈液漱陳根。綠葉腐秋莖。里無曲突煙。路無行輪聲。環堵自頽毀。垣閭不隱形。尺燼重尋桂。紅粒貴瑤瓊。君子守固窮。在六臣本文選注云。五臣作大。約不爽貞。雖榮田方贈。慚爲溝壑名。取志於陵子。比足六臣本文選注云。五臣作之。詩紀同。黔婁生。○文選二十九。詩紀二十九。又類聚二作苦雨詩。引庭、屏、溟、齡、生、瓊六韻。草堂詩箋三十三題忠詩注引一句。白帖二引一句。御覽十一署張孟陽。引溟、齡、生、瓊四韻。事類賦雨賦注署張孟陽。引溟、生二韻。萬花谷後一引冥一韻。

雜詩

太昊初學記作皞。啓東節。春郊禮青祇。鷹化日夜分。雷動寒暑離。飛澤洗冬條。浮颺解春澌。采虹纓高雲。文虬鳴陰池。沖氣扇九垓。蒼生衍四垂。時至萬實詩紀作寶。成。化周天地移。○類聚三。詩紀二十九。又初學記三引祇一韵。

游仙詩

崢嶸玄圃深。嵯峨天嶺峭。亭館籠雲構。脩梁流三曜。蘭葩蓋嶺披。清風綠隙嘯。○類聚七十八。詩紀二十九。

詩

天氣清和。野有甘瓜。○書鈔百五十四。○逸案。原本有誤。今從陳本。

采菱歌

協作七命。系此歌。

乘鷁舟兮爲水嬉。臨芳洲兮拔靈芝。○晉書本傳。

晉詩卷八

閻丘沖

沖。字賓卿。高平人。爲太傅長史。懷帝初爲光祿勳。有集二卷。

三月三日應詔詩二首

暮春之月。春服既成。陽昇類聚作升陽。土潤古文苑作潤土。初學記作升陽潤土。歲時雜詠、御覽同。冰泮川盈。餘萌達壤。嘉木敷榮。后皇宣遊。既宴且寧。光光華輦。誥誥初學記作侁侁。歲時雜詠、御覽同。從臣。微風扇穢。朝露翳塵。上蔭丹幄。下藉文茵。臨川初學記作池。歲時雜詠、御覽同。挹類聚作浥。盥故潔新。俯鏡清流。仰睇天津。藹藹華林。巖巖類聚、初學記作巖巖。景歲時雜詠作杲。陽業業初學記作嶸嶸。歲時雜詠、御覽作業業。峻宇。奕奕飛梁。垂蔭倒景。若沈初學記作翺。歲時雜詠、御覽、古文苑同。若翔。○類聚四。章本古文苑八。廣文選八。詩紀三十。又初學記四、古今

歲時雜詠十六、御覽三十並引成、盈、榮、寧、臣、茵、新、津、陽、梁、翔十一韵。

浩浩白水。汎汎歲時雜詠作沉沉。龍舟。皇在靈沼。百古文苑作日。辟同歲時雜詠作周。御覽同。遊。擊歲時雜詠作激。御覽同。權清歌。鼓柷行酬。初學記作謳。御覽、古文苑同。歲時雜詠作衍謳。聞樂咸和。具醉斯柔。在昔帝虞。德被遐荒。

千戚御覽作鍼。在庭。苗民初學記作人。歲時雜詠、御覽、古文苑同。來王。今我哲后。古聖齊芳。惠此中歲時雜詠作既今。國。以綏四方。元首既明。股肱惟良。樂酒今日。歲時雜詠作君子。君子歲時雜詠作今日。惟康。初學記作樂只君子。今日惟康。御覽、古文苑同。○類聚四。初學記四。古今歲時雜詠十六。御覽三十。章本古文苑八。詩紀三十。○以上二首。類聚連而不分。似是一首。

招隱詩

大道曠且夷。蹊路安足尋。經世有險易。隱顯自存心。嗟哉巖岫士。歸來從所欽。○類聚三十六。詩紀三十。

曹攄

攄。字顏遠。譙國人。初補臨淄令。轉洛陽令。齊王冏輔政。攄與左思俱爲記室。惠帝末。起爲襄城太守。永嘉二年爲征南司馬。討流人王逋。敗死。有集三卷。

贈韓德真詩四章

赫赫顯族。冠蓋峩峩。葛延王室。蔽蔓帝家。如地之岳。如天之河。爰有韓生。體德逶迤。玉質含章。珪白無瑕。庇岳之崇。蔭林之華。朝遊龍泉。夕棲鳳柯。同宿望舒。參轡羲和。弘曜日月。不榮若何。時不久留。日月其除。玄景蹉跎。忽淪桑榆。惜此寸陰。念彼白駒。昔齊驥蹤。今則異塗。我頓吳坂。子亨

天衢。爾足既駿。爾御亦殊。顧我鴛蹇。原作蹇。今從古逸本。能不踟蹰。取譬草木。假喻龍魚。

松以冬凋。蘭以春芳。龍升在雲。魚沈于梁。大地未綴。華秀梓旁。傾質惠風。晞采朝陽。燼微難熾。根朽不長。爛不自燭。榮於何望。幽室誰照。冀子餘光。

餘光不照。怨在貧婦。谷風遺舊。伐木敦友。嗟嗟人間。一薄一厚。時無展季。古逸本作禽。臧文何咎。蕭生既沒。誰與結綬。攝余衣冠。歸守丘阜。平生之要。不忘在久。枉爾結駟。軾我壠畝。○文館詞林百五十七。

贈石崇詩四章

昂昂我牧。德惟人豪。作鎮方岳。有徽其高。英風遠扇。峻跡遐招。攻璞荆岫。滋蘭江臯。朝採芝蕙。夕玩瓊瑤。豈乏砥適園本誤作砥。石。乃收艾蕭。髦儁在位。多士盈朝。雖欣嘉願。懼忝班僚。

人亦有云。上明下直。匪唯具臣。諤諤在側。讜言既奏。朝有正色。翰飛冲天。必假羽翼。咨余承乏。與屬備職。曾無補益。徒竭心力。龍旗反旆。鸞駕迴軾。願尋塵軌。以除其逼。

美茲高會。憑城臨川。峻墉亢古逸本作元。閣。層樓關軒。遠望長州。近察重泉。鬱鬱繁林。蕩蕩洪源。津人思濟。舟士戲舩。得厠大歡。屢蒙賓延。飲必鄙綠。肴則時鮮。仰接溫顏。俯聽話言。嘉我乃遇。遭彼煩煩。浮萍依水。寄生附林。託根清流。委積重陰。願樹之茂。樂川之深。太陽移宿。葵藿傾心。至誠苟著。雖微難禁。況與夫子。利齊斷金。敢敷中懷。貢之所欽。○文館詞林百五十七。

贈王弘遠詩三章

道貴無名。德尚寡欲。俗牧當作收。其華。我執其朴。人取其榮。余守其辱。窮巷湫隘。環堵淺局。肩牆弗暨。茅室不劉。古逸本、適園本作劉。潦必陵階。雨則浸桷。仰懼濡首。俯惟塗足。妻孥之陋。如彼隸僕。布裳不衽。韋帶三續。將乘白駒。歸于空谷。隱士良苦。樂哉勢族。

爾樂伊何。志逸樂深。太府堂堂。閑房愔愔。早不厭日。水不患霖。人歡卓氏。出玩秦鍼。寵妻懷日。嬖子娛心。華屏列曜。藻帳垂陰。纓黻流芳。羅襦解衿。嫵婉之求。一笑千金。忽彼苦誠。甘此所欽。言往不訓。秘其德音。

採石他山。攻璞南荆。雖無和璧。冀收原作牧。今從適園本。瑤瓊。日月愈久。曾無玉聲。傾心注耳。寂焉靡聽。桃李不報。徒勞我誠。瑾不匿華。蘭不秘馨。何惜纖翰。莫慰予文館詞林誤作矛。情。○文館詞林百五十七。

贈歐陽建詩四章

嗟我良友。惟彥之選。弱冠參戎。既立南面。或踊而升。蔚煥其變。豈徒虛聲。考績原誤緒。今從適園本。畿甸。約政理繁。事省功辯。如何勿思。自我不見。乃命僕夫。北臨其縣。

義闕三益。誠替離羣。側想讜言。願同蘭芬。謂芒蓋高。載越其墳。涉境登朝。信惟惠君。烈烈威禁。肅如風雲。誰言善蔽。在幽必聞。鶴鳴既和。好爵亦分。

昔有豹產。實能魏鄭。在漢黃邵。剋堪敷政。著名上代。千載遺詠。仰瞻先蹤。可不斯競。方六七十。觀化賢聖。分河跨土。於茲爲盛。茂勉不墮。古人所病。

湯湯洪川。朝宗于海。芒芒甫田。稼穡攸在。瞻彼南畝。勤卹無殆。鑒此長流。朝夕莫改。念茲在茲。非孰肯□。慎終如始。令問遂倍。○文館詞林百五十七。又文選二十九思友人詩注作贈歐陽堅石詩。引選一韵。

答趙景猷詩十一章

於鑠趙生。載德相紹。挺此令疑。素質皎皎。投跡清規。研思至道。擬秋厲節。晞春振藻。厲節伊何。如霜之榮。懷玉匿采。抱蘭秘馨。藏器俟賈。潛秀養英。○起首當脫兩句。

海蓄其流。山積其壤。表崇望顯。源深潤廣。仰惟我友。含光味爽。誰謂未章。今將宜朗。守真良難。知德者鮮。賢不悶時。樂在爲善。陟彼彌高。流川日遠。無憂不至。敦爾攸踐。道有夷險。遇有通否。驥不稱力。士貴所履。識歸要會。豈嫌塗軌。苟非德義。於我糠粃。泉竭龍逝。樹茂鳥聚。鬱彼北林。招其儕侶。嗟我孤根。枝葉胥胥。歲寒靡託。遠播江渚。濟濟京華。儻又並湊。悠悠遐裔。我獨是赴。哀此離羣。悲彼孤陋。非無新好。人則惟舊。義著往葉。分珍來裔。庶幾與子。終茲不斁。豈如冬夏。寒暑易節。斯誠既著。信不待誓。實望嘉贈。披懷發中。直諒未聞。屬致謙沖。投于幽谷。誠之已崇。客過行雲。虛其旋風。導以水柔。示以火急。寬猛相濟。孰能企及。古人難慕。洪流回挹。軀小裁博。余將焉襲。

翟氏載離。陳張終辱。交以時利。胡能不黷。竊怪吾子。自疑末俗。愧以沙礫。何言金玉。○文館詞林百五十七。

同前

汎舟洛川。濟彼黃河。乘流浮蕩。儵忽經過。孤柏亭亭。迴山峨峨。水卉發藻。陵木揚葩。白芷舒華。綠英垂柯。遊鱗交躍。翔鳥相和。俯玩琬瀨。仰看瓊華。顧想風人。伐檀山阿。存彼魚人。滄浪之歌。邈邈淪漪。滔滔洪波。大道孔原。缺孔字。據古逸本補。長。人生幾何。俟瀆之清。徒嬰百羅。今我不樂。時將蹉跎。蕩心肆志。與物無瑕。歡以卒歲。孰知其他。○文館詞林百五十七。○逯案。文館詞林贈趙景猷詩。目錄作贈趙景猷三首。當篇又作贈趙景猷四首。其第一首十一章著錄分明。第二首以下則各首連綴。既不分篇。又不列章。然經細審。季秋惟末以下爲一首。與第一首及汎舟洛川一首實共爲三首。知目錄三首者爲是。今爲編之如此。

同前 九章

季秋惟末。孟冬之初。大火頽流。日月其除。嗟我懷人。離羣索居。山谷乖錯。飛沈異塗。與爾同代。光景永殊。愛而不見。搔首踟躕。出門仿佯。陟彼城隅。俯察綠水。仰瞻天衢。雍雍和鴈。偏偏遊鳧。感物興懷。憤思鬱紆。

脩夜悠悠。寂寂閑處。情在心想。中宵寤語。有鳥自南。寄聲謝汝。飛鳥難期。徒獨延佇。精誠之至。崩城隕霜。韓凡丹青。化爲鴛鴦。止必交頸。飛必雙翔。願言與汝。攜手同行。情若比目。離如參商。遺夢想象。仿佛暉光。中心鬱滯。伊懷永傷。

素秋授終。玄節敬御。逝將離征。我整我車。命彼僕夫。駕言北徂。告別津裔。執手歧路。汎舟中流。□□
當是中流二字。載遡。臨河歎逝。眷眷長顧。

越登關阻。踰歷山川。峻阜隆崇。流水泉沚。曠野冥莽。脩塗泯綿。鳥鳴雍雍。木落繽翩。薄寒吹悽。微風
交旋。惟時愴爾。悼物惻然。遠思遙奕。近念因悵。古逸本作捐。良夜弗寐。嘉肴弗飧。停駕踟躕。進路槃桓。
心亦何爲。顧懷所安。嗟行伊久。慨其永歎。氣感異類。誠發心肝。離禽赴衡。偏鳥鳴軒。思如尋縈。莫知
其端。

古人罔極。今我不爽。願言所欽。唯子靡兩。情存口詠。心憶目想。形遊神還。身去意往。佇立不見。瞻望
佛仿。婉孌西路。遺憂養養。

人則惟舊。我好惟新。一日之隔。悠若三春。矧乃于別。越兼二旬。薄暮愁予。思亦終晨。耿耿不寐。媚茲
良人。今也亡此。誰與獨勤。夕宿路廡。朝發澤濱。良駟蹠足。輕車結輪。

替脫俛仰。荏冉時馳。秋來冬及。節變歲移。萋萋之葉。漂然去枝。蔽芾豐草。殞其黃萎。無生不化。我心
匪虧。眷眷屈生。哀彼乖離。遲遲楊子。哭此路歧。纏綿之情。鄙我人斯。達者無累。內顧何爲。○文館詞林百
五十七。

思友人詩

密雲翳陽景。霖潦淹六臣。本文選注云。五臣作浩。詩紀同。庭除。嚴霜彫翠草。寒風振纖枯。凜凜天氣清。落落卉

木疏。感時歌蟋蟀。思賢詠白駒。情隨玄陰滯。心與迴飈六臣本文選作飄。注云。五臣作飈。俱。思心何所懷。懷我歐陽子。精義測神奧。清機發妙理。自我別旬朔。微言絕于耳。褰裳不足難。清揚未可俟。延首出階檐。佇立增想似。○文選二十九。詩紀三十。

感舊詩

富貴他人合。貧賤親戚離。廉蔭門易軌。田竇相奪移。晨風集茂林。棲鳥去枯枝。今我唯困蒙。羣李善本文選作郡。六臣本注云。五臣作郡。士所六臣本文選注云。五臣作皆。詩紀云。一作皆。背馳。鄉人敦懿義。濟濟蔭光儀。對賓頌有客。舉觴詠露斯。臨樂何所歎。素絲與路歧。○文選二十九。詩紀三十。

贈石崇詩

涓涓谷中泉。鬱鬱巖下林。泄泄羣翟飛。咬咬春鳥吟。野次何索寞。類聚作漠。薄暮愁人心。三軍望衡蓋。歎息有餘音。臨肴忘肉味。對酒不能斟。人言重別離。斯情效於今。○類聚三十一。詩紀三十。

贈石荊州詩

轆軻石行難。窈窕山道深。○文選二十二於南山往北山經湖中瞻眺詩注。

杜育

育。字方叔。襄城鄧陵人。永興中。拜汝南太守。永嘉中。進右將軍。後爲國子祭酒。永嘉五年。洛陽將沒。死于難。有集二卷。

贈摯仲洽詩

之子于歸。言秣其駒。矧乃斯人。乃邁乃徂。雖非顯甫。餞彼百壺。雖非張仲。將膾河魚。人亦有言。貴在同音。雖曰翻飛。曾未異林。顧戀同枝。增其慨心。望爾不遐。無金玉音。○類聚三十一。廣文選十。詩紀二十三。

金谷詩

既而慨而。感此離析。○文選三十南樓中望所遲客詩注。

詩

臨下覽羣動。○文選三十雜詩注。

摯虞

虞。字仲洽。京兆長安人。泰始中。拜郎中。除聞喜令。元康中。遷吳王友。歷秘書監。永嘉五年。遭亂餓死。有三輔決錄注七卷、文章流別志論二卷、集十卷。

答伏武仲詩四章

崇山栖鳳。廣泉含螭。洋洋大府。儁德攸宜。用集羣英。參翼弘規。皇暉增曜。明兩作離。爰有伏生。東夏之秀。盛德如新。畜智如舊。儲材積藝。待時而茂。九德殊塗。道將焉就。邂逅之遇。良願是適。同開比屋。笑語卒獲。望宋謂近。曾不咫尺。一葦則杭。矧茲隔壁。既近其室。不遠其心。齊此篤愛。惠予好音。金聲玉振。文豔旨深。孰不歌詠。被之瑟琴。○文館詞林百五十六。

贈褚武良以尚書出爲安東詩四章

蕩蕩大晉。奄有八荒。畿服既寧。守在四疆。桓桓褚侯。鎮彼遐方。變文膺武。武步龍驤。武有七德。衆鮮克舉。帝用是難。訓咨既普。雖有周親。唯能是與。大周之吉。歸美于褚。褚侯之邁。人望實大。企彼江淮。眇焉如帶。智名不彰。勇功斯廢。靡德而稱。靡仁而賴。濟濟百辟。穆穆皇朝。雖則異事。誰非同寮。出者眷之。處者戀之。情發於中。用著斯詩。○文館詞林百五十六。

贈李叔龍以尚書郎遷建平太守詩四章

我有良朋。時惟李生。拊翼岐蜀。翻飛上京。明試以功。聿駿有聲。三載考績。剖符建平。

惟彼建平。居江之瀨。明明在上。率下和會。誰謂水深。曾不浮芥。誰謂曠遠。王道無外。亦既受命。作式南蕃。樞機之發。化流夷蠻。多見闕殆。以慎爾愆。無自立辟。而踰短垣。龍愛同泉。鳳戀共林。之子云往。我勞彌深。既有行李。以通其音。南龜象齒。實將云心。○文館詞林百五十六。

答杜育詩

越有杜生。既文且哲。龍躍潁豫。有聲彰澈。賴茲三益。如琢類聚作瓊。如切。好以義結。友以文會。豈伊在高。分定傾蓋。其人如玉。美彼生芻。鐘鼓匪樂。安用百壺。老夫瀼瀼。離羣索居。懷戀結好。心焉悵如。○類聚三十一。廣文選十。詩紀二十三。

雍州詩

於皇先王。經啓九有。有州惟雍。居京之右。土載奧區。山包長安志作苞。詩紀云。一作苞。神藪。嘉生惟繁。庶類伊阜。悠悠州域。有華有戎。外接皮服。內含岐豐。周餘既沒。夷德未終。莫不慕義。易俗移風。○初學記八。長安志二。詩紀二十三。

逸驥詩

逸驥無鑣轡。騰陸從長川。剪落就羈勒。飛軒躡雲煙。○御覽三百五十九。

王讚

讚。字正長。義陽人。太康中爲太子舍人。惠帝時拜侍中。永嘉中爲陳留內史。加散騎侍郎。有集五卷。

三月三日詩

招搖啓運。寒暑代新。亶亶不舍。如彼行雲。猗猗季月。穆穆和春。皇儲降止。宴及嘉賓。嘉賓伊何。具廣文選作且。惟姻族。如彼葛藟。衍于樛木。郁郁近侍。巖巖台嶽。庶寮鱗次。以崇天祿。如彼崑山。列此琚玉。巍巍天階。亦降列宿。右載元首。左光儲副。大祚無窮。天地爲壽。○類聚四。廣文選九。詩紀三十。

侍皇太子宴始平王詩

亶亶聖胤。繼明重體。樂此棠棣。其甘如薺。我有嘉宴。以洽百禮。煌煌同族。藹藹王僚。惟中惟外。如瓊如瑤。湛湛朝雲。德靡不覆。玄黃所綴。文成綵繡。政以神和。樂以安奏。一人有慶。萬邦是祐。○類聚三十九。詩紀三十。

侍皇太子祖道楚淮南二王詩

於明聖晉。仰統天緒。易以明險。簡以識類。聚作知阻。研彼羣慮。俾侯授土。郁郁二王。祇承皇命。睹離鑒親。觀禮知盛。皇儲降會。延于公姓。瞻彼行役。並憩同林。分塗殊軌。靡不迴心。○類聚三十九。詩紀三十。

皇太子會詩

玄陰受謝。青陽啓號。氣以升新。光以永照。○初學記四。

雜詩

朔風動秋草。邊馬有歸心。胡寧久分析。靡靡忽至今。王事離我志。殊隔過商參。昔往鶴鷓類。聚作倉庚鳴。今來蟋蟀吟。人情懷舊鄉。客鳥思故林。六臣本文選注云。五臣作人情舊鄉客。鳥思栖故林。師涓久不奏。誰能宣我心。○文選二十九。詩紀三十。又類聚二十七引心吟、林三韻。

潘尼

尼。字正叔。岳從子。太康中。舉秀才。爲太常博士。元康初。拜太子舍人。除宛令。人補尚書郎。趙王倫篡位。引疾去。齊王冏起義兵。引爲參軍。事平。封安昌公。歷中書令。永嘉中。遷太常卿。五年。洛陽將沒。携家屬東出。欲還鄉里。病卒。年六十餘。有集十卷。

獻長安君安仁詩十章

峨峨嵩岳。有巖其峻。奕奕茂宗。載挺英儁。仍代垂芳。金聲玉潤。固天縱之。應期翼晉。
翼晉伊何。惟國之楨。明理內照。流風外馨。出敷五教。人讚典刑。黎人既乂。庶獄既清。
邦人宗德。朝野歸真。乃銓國議。乃綜彝倫。優劣罔差。褒貶齊均。九流順序。百郡望塵。
出不辭難。處不悶滯。望色斯聽。溫言則厲。志在恤人。損已濟代。復宰舊都。三命而逝。
赫矣舊都。實惟西京。人不安業。盜賊公行。帝用西顧。朝簡英清。僉曰我君。助績維明。
西京伊何。實嶮實遐。右帶汾隴。東接二華。我政既平。我化惟嘉。肅之斯威。綏之斯和。
卓公化密。國僑相鄭。名垂載籍。勛加百姓。今在潘后。實有惠政。豈羨在昔。於茲亦盛。
僕夫授策。發軔皇都。親戚鱗集。祖餞盈塗。嘉肴紛錯。清酒百壺。飲者未醒。宴不及娛。
曜靈速邁。王制難違。投觴卽路。憂公忘私。袞職有闕。思君之歸。將升皇極。人侍紫微。
否泰靡常。變通有時。煌煌帝載。俟君而熙。願崇大業。克俊良期。屏營懷慕。舒憤獻詩。○文館詞林百五
十二。

贈司空掾安仁詩十章

桓桓上宰。穆穆四門。投綸滄海。結網崑崙。迅翼爭赴。遊鱗競奔。美哉逸軌。放轡無前。

放轡伊何。杖策來遊。頡頏將相。書鈔誤作來。高揖書鈔誤作猶。王侯。華茂九春。實繁三秋。騁辭書鈔作思。泉踊。敷藻雲浮。

表奇髻鬣。成名弱冠。令德內光。文雅外煥。幽冥必探。凝滯必散。終賈杜口。楊班韜翰。我車既駕。我弓既招。既升尺木。將遊雲霄。納言帝側。正色皇朝。華組鳴珮。飛蟬曜貂。人亦有言。人惡其上。至樂貴和。大禮崇敬。泉不可凌。必也心競。伐善施勞。先人所病。文侯焉軾。干木在庭。子奇何盛。車有老成。昔聞顏子。今也吾生。克己復禮。在貴不盈。發采故鄉。揚輝蓬宇。文繡煌煌。衣裳楚楚。何以會賓。華門環堵。何以備肴。殺雞爲黍。伊余鄙夫。秩卑才朽。温温恭人。恂恂善誘。坐則接茵。行則攜手。義惟諸父。好同朋友。年時易逝。進德苦晚。嘉彼駿逸。愧此疲蹇。雖欲望塵。前驅遂遠。解銜散轡。徘徊吳阪。收迹衡門。旋軫上京。方事之殷。以君之明。緝熙台鼎。協濟和羹。歧路多懷。賦詩贈行。○文館詞林百五十二。又書鈔一百引侯、秋、浮三韵。

贈陸機出爲吳王郎中令詩六章

東南之美。曩惟延州。顯允陸生。於今眇六臣。本文選注云。五臣作鮮。類聚作斯。儔。振鱗南海。濯翼清類聚作洪。流。婆娑翰林。容與墳丘。

玉以瑜潤。隨以光融。乃漸上京。羽類聚作乃。六臣本文選注云。善作乃。儀儲宮。玩爾清藻。味爾芳風。泳之彌

廣。挹類聚作揖。之彌冲。

崑山何有。有瑤有珉。及爾同僚。具惟近臣。予涉素秋。子登青春。愧無老成。厠彼日新。

祁祁大邦。惟桑惟梓。穆穆伊人。南國之紀。帝曰爾諧。惟王卿士。俯僂從命。奚李善本文選作爰。恤奚喜。

我車既巾。我馬既秣。星陳夙駕。載脂載轄。婉孌二宮。徘徊殿闈。醪澄莫饗。孰慰飢渴。

昔子忝私。貽我蕙蘭。今子徂東。何以贈旃。寸晷惟寶。豈無瓊璠。彼美陸生。可與晤言。○文選二十四。詩紀

二十八。又類聚三十一作贈吳王郎中令陸士衡詩。引前四章。

答陸士衡詩

顧茲蓬蔚。厠根蘭陂。膏澤雖均。華不足披。逮春不茂。未秋先萎。子濯鱗翼。我挫羽儀。願言難常。載合載離。昔遊禁闈。祇畏夕惕。今放丘園。縱心夷易。口詠新詩。目玩文跡。予志耕圃。爾勤王役。慚無琬琰。以訓尺璧。○類聚三十一。廣文選十。詩紀二十八。

答傅咸詩并序

司徒左長史傅長虞。會定九品。左長史宜得其才。屈爲此職。執天下清議。宰割百國。而長虞性直而行。或有不堪。余與之親。作詩以規焉。

悠悠羣吏。非子不整。嗷嗷衆議。非子不靖。忽荷畧紐。握綱提領。矯矯貞臣。惟國之屏。○類聚三十一。廣文

選十。詩紀二十八。

七月七日侍皇太子宴玄圃園詩

商風初授。書鈔或作振。辰書鈔作大。火微書鈔作西。流。朱明送夏。少昊迎秋。嘉禾初學記作木。茂園。芳草被疇。於時我后。以豫以遊。○類聚四。初學記四。古今歲時雜詠二十五。事類賦秋賦注。廣文選八。詩紀二十八。又書鈔百五十四引流、秋、疇三韻。又同部作潘岳詩。引流、秋二韻。○逮案。初學記十引潘岳詩序云。七月七日。皇太子會於玄圃。有令賦詩。當卽此篇原序。

上巳日帝會天淵池詩

青春暮月。六氣和理。律應姑洗。日惟元巳。谷風散凝。微陽戒始。春服既成。明靈降祉。○御覽三十。又書鈔百五十五引理、巳二韻。

皇太子上巳日詩

玉衡連極。招搖指辰。太昊司方。句芒御春。○書鈔百五十五。

巳日詩

靄靄疏圃。載繁載榮。淡淡天泉。當作淵。載淥載清。○初學記四。○逮案。以上三篇當爲一首佚文。

釋奠詩

敦書請業。研幾通理。尊師重道。釋奠崇祀。德成教倫。孰云不祉。○初學記十四。詩紀二十八。

詩

八珍代羞。六飯迭舉。○書鈔百四十二。

皇太子集應令詩

聖朝命方岳。爪牙司類聚。作思。北鄰。皇儲延篤愛。設餞初學記作饌。送遠賓。誰應今日宴。具初學記作其。惟廊廟臣。置酒宣類聚。誤作宴。猷庭。擊鼓靈沼濱。霑恩洽明兩。遭德會陽春。羽觴飛醽醁。芳饌備奇珍。巴渝二八奏。妙舞鼓鐸振。長袂詩紀作袂。生迴飈。類聚作飄。曲裾揚輕塵。○類聚二十九引鄰、賓、臣、濱、珍、振、塵七韻。又初學記十引濱、春二韻。十四引鄰、賓、臣、濱、珍五韻。詩紀二十八。

皇太子社詩

太簇協青陽。履端發歲首。孟月涉初旬。吉日唯上酉。我后邇天休。設社祈遐耆。○類聚五。詩紀二十八。又書鈔百五十五作皇太子祀祖詩。引酉一韻。

三月三日洛水作詩

晷運無窮已。時逝焉可追。斗酒足爲歡。臨川胡獨悲。暮春春服成。百草敷英蕤。聊爲三日遊。方駕結龍旗。廣文選、詩紀作旂。廊廟多豪俊。都邑有豔姿。朱軒歲時雜詠誤作輕。蔭蘭阜。書鈔作澤。翠幙映洛歲時雜詠誤作落。涓。臨岸廣文選、詩紀作崖。濯素手。涉詩紀作步。水攀輕衣。沈鈞歲時雜詠作釣。出比目。舉弋歲時雜詠作戈。落雙飛。羽觴乘玉燭寶典作縈。波進。素卵類聚、廣文選作卵。歲時雜詠作管。詩紀作俎。隨初學記作逐。流歸。○類聚四。廣文選八作洛水詩。詩紀二十八。又書鈔百五十五作三月三日水上會詩。引涓、衣二韻。初學記四、古今歲時雜詠十六並引蕤、旗、姿、涓、飛、歸六韻。玉燭寶典三作三日洛水詩。引歸一韻。

贈河陽詩

詩紀云。叔潘岳爲河陽令。

慮類聚作密。李善本文選同。六臣本注云。善本作密。生化單父。子奇蒞東阿。桐鄉建遺烈。類聚作勳。武城播絃歌。逸驥騰夷路。潛龍躍洪類聚作海。波。弱冠步鼎鉉。既立宰六臣本文選注云。五臣作寄。三河。流聲馥秋蘭。摘藻豔春華。徒美天姿茂。豈謂人爵多。○文選二十四。詩紀二十八。又類聚五十作晉河陽令潘安仁詩。引阿、歌、波、河、多五韻。

贈侍御史王元貺詩

崑山積瓊玉。廣厦構衆材。游鱗萃靈沼。撫翼希天階。膏蘭孰爲消。李善本文選作銷。濟治由賢能。王侯厭崇

禮。迴迹清憲臺。螻屈固小往。龍翔迺大來。協心毗聖世。畢力讚康哉。○文選二十四。詩紀二十八。

贈長安令劉正伯詩

遊鸞憑太虛。騰鱗託浮霄。過蒙嘉時會。假翼陵扶搖。疲憊充時乏。及余再同僚。並跡侍儲宮。攜手登皇朝。劉侯撫西都。邁績參豹喬。德厚化必深。政明姦自消。萬尋由積篋。類聚作匱。千里一步超。爾其騁逸軌。遠塗固可要。○類聚三十一。廣文選十。詩紀二十八。

贈隴西太守張仲治詩

仲治。廣文選作正治。詩紀同。

二八由唐顯。周以多士隆。羣靈感韶運。理翮應翔風。張生拔幽華。蘋蘩登二宮。未幾振朱錦。剖符撫西戎。及子仍同僚。贈言貽爾躬。威刑有時用。唯德可令類聚作念。終。○類聚三十一。廣文選十。詩紀二十八。

贈滎陽太守吳子仲詩

大晉盛得人。儲宮畜髦士。吳侯降高質。剖符授千里。垂覆豈他鄉。迴光臨桑梓。寮類感歧路。黎庶思知恥。老氏喻小鱗。曹參寄獄市。詩紀作士。無謂敝邑陋。覆篋由茲起。○類聚三十一。詩紀二十八。

答楊士安詩

逝將辭儲宮。栖遲集南畿。類聚作幾。不悞百里賤。徒惜年志衰。躊躇顧城闕。怨戀慕端闈。俊德貽妙詩。敷藻發清徽。媿彼褒崇過。感此歧路悲。○類聚三十一。詩紀二十八。

送盧弋陽景宣詩

廣文選、詩紀無弋陽二字。

楊朱焉所哭。歧路重別離。屈原何傷悲。生離情獨哀。知命雖無憂。倉卒意低迴。歎氣從中發。灑淚隨襟頹。九重不常鍵。閭闔有時開。愧無紆詩紀作貯。衣獻。貽言取諸懷。○類聚二十九。廣文選八。詩紀二十八。○逮案。顏氏家訓文章篇云。潘尼贈盧景宣詩云。九五思飛龍。今爲此言。乃朝廷之罪人也。或此篇語。

迎大駕詩

南山鬱岑崟。洛川迅且急。青松蔭脩嶺。綠蘩被廣隰。朝日順書鈔作從。長塗。夕暮無所集。歸雲乘幘浮。淒風尋帷入。道逢深識士。舉手對吾揖。世故尚未夷。崑函萬嶮澁。狐狸夾兩轅。豺狼當路立。翔鳳嬰籠檻。騏驥見維繫。俎豆昔嘗聞。軍旅素未習。且少停君駕。徐待干戈戢。○文選二十六。詩紀二十八。又書鈔百四十一引集、人二韵。

逸民吟

我顧傲世自遺。舒志六合。由巢是追。沐浴池洪迅羽衣。陟彼名山。採此芝薇。朝雲靄黓。行露未晞。遊魚

羣戲。翔鳥雙飛。逍遙博觀。日晏忘歸。嗟哉世詩紀作四。士。從我者誰。○類聚十九。詩紀二十八。

又

我願遁居。隱身巖穴。寵辱弗榮。當作榮。誰能羈縶。○書鈔百五十八。

送大將軍掾盧晏詩

贈物雖陋薄。識意在忘言。瓊琚尚交好。桃李貴往還。蕭艾苟見納。貽我以芳蘭。○類聚三十一。詩紀二十八。

贈汲郡太守李茂彥詩

潘尼贈二李郎詩序曰。元康六年。尚書吏部郎汝南李光彥遷汲郡太守。都亭侯江夏李茂曾遷平陽太守。此二子皆弱冠知名。歷職顯要。旬月之間。繼踵名郡。離儉劇之勤。就放曠之逸。枕鳴琴以俟遠致。離別之際。各斐然賦詩。

○遼案。此序見御覽二百五十九。據序汲郡太守當作李光彥也。

離索何惆悵。後會未可希。河朔類聚作胡。貴相忘。歧路安足悲。○類聚三十一。詩紀二十八。

贈劉佐詩

要言將誰苦。聊以貽友生。念我二三賢。規我無隱情。○類聚三十一。詩紀二十八。

遊西岳詩

駕言遊西岳。寓目二華山。金樓虎珀階。象榻瑇瑁筵。中有神秀士。不知幾何年。○御覽八百八。

長至詩

渾儀賦四氣。玉衡運招搖。靈晷脩期夕。日南始今朝。○御覽二十八。

詩

尺璧信易遺。寸晷難可踰。成名非我事。所玩琴與書。○初學記一。

鸞鳥棲堂廡。不若翔寥廓。○初學記二十四。御覽百七十六。

棗腆

腆。字玄方。潁川長社人。以文章顯。永嘉中爲襄城太守。有集二卷。

答石崇詩

昔我不造。備嘗顛沛。后土傾基。皇天隕蓋。少懷蒙昧。長無耿介。遺訓莫聞。出入靡賴。如彼泉流。不絕

若帶。終懷永思。感昔康泰。我舅敷命。于彼徐方。載詠陟岵。詩紀作岡。言念涓陽。乃泝洪流。汎身餘艗。文館詞林作皇。宵寢晨逝。曷路之長。亦既至止。願言以寫。爰有石侯。作鎮東夏。寬以撫戎。從容柔雅。獸嘯幽巖。翔風扇起。逸響既振。衆聽傾耳。恂恂善誘。大揖羣士。宗道投意。結心萬里。我固其終。人結其始。宗道伊何。英朗特儁。如彼凌高。日以增峻。隰朋有慕。顏生希舜。遊志域外。滌除鄙吝。仰止晨風。豫登數仞。我聞有言。居安思危。位極則遷。勢至必移。上德無欲。遺類聚作貴。道不爲。妙識先覺。通夢皇羲。竊覩堂奧。欽蹈明規。○文館詞林百五十七。又類聚三十一、詩紀三十並引沛、蓋、介、賴、方、陽、皇、長、寫、夏、雅、危、移、爲、羲、規十六韻。

贈石季倫詩

深蒙君子眷。雅顧出羣俗。受寶取諸懷。所贈非珠玉。凡我二三子。執手攜玉腕。嘉言從所好。企予結雲漢。望風整輕翮。因虛舉雙翰。朝遊清渠側。日夕登高館。○類聚三十一。詩紀三十。

贈石崇

翕如翔雲會。忽若驚風散。分給海錄碎事作塗。懷離析。對樂增累歎。○初學記十八。○逮案。四句當爲前篇佚文。

棗嵩

嵩。字臺彥。潁川長社人。腆之叔。歷任太子中庶子、散騎常侍。建興二年爲石勒所殺。有集一卷。

贈杜方叔詩十章

爰有良木。結基崇岸。孤根挺茂。豔此豐幹。晞曜朝陽。接潤辰漢。如彼芳松。繁華冬粲。
厥豔伊何。重英累茂。厥粲伊何。既苗而秀。綽矣杜生。應期特授。人以位瞻。當作瞻。而能義富。
浩浩萬區。悠悠俗網。變化無際。誰鑒其象。慎微將來。積著在往。惟子居之。久而不爽。
名以實顯。形端景立。弘之匪他。唯我所執。文莫如人。瞻望弗及。若在聞一。其殆知十。
肇允發縱。履霜之始。乃自童矇。芳葩桑梓。鳴鶴在陰。縻爵君子。羽儀上京。弱冠來仕。
在動能躍。處靜思默。既宣厥文。亦茂其德。韞當是玉字。蓬林。亢衡上國。洪音振朗。暉曜四塞。
達節無累。貴彼脩身。不求善己。而務得人。進替惟意。與時屈申。萬物云云。飄若埃塵。
假翼巖阿。束翮景雲。挫銳者易。鮮能解紛。德之休明。卓焉出羣。豈獨吳起。高謝田文。
余與吾生。處非先後。神結傾蓋。情固白首。推年下交。以文會友。忠焉之誨。望子善誘。
積細靡隊。一覆斯崇。訓致以道。堅冰則終。雖小必大。無往不隆。嗟我良朋。敬承清風。○文館詞林百五十
七。○逮案。此詩十章。文館詞林於各章下注其一、其二等字。今依詩紀例刪之。而分書各章。後仿此。

贈荀彥將詩五章

光光國寶。日瑜日瑾。濟濟清朝。日髦日儁。瑜瑾既琢。有溫其潤。髦儁既集。芳風其振。

顯允荀生。天挺厥真。沈識膚敏。溫粹淑仁。初應宰命。徽音惟新。遂假蒲密。簡在至神。時惟惠后。黎人攸綏。乃授明德。賦政近畿。戢翼太清。翻然鳳飛。尋此遐躍。曜彼遠暉。昔在豹產。顯名當時。及爾祖公。播聲于茲。赫赫顯名。在爾揚之。穆穆播聲。在爾光之。孰謂玉寶。匪我所珍。孰謂言輕。乃重千鈞。勉樹惠化。敬乃厥身。引領南望。望子清塵。○文館詞林百五十七。

答杜育詩

矯矯駿足。繁纓朱就。○文選二十六答內兄希叔詩注。

王浚

浚。字彭祖。太原晉陽人。太康三年。除員外散騎侍郎。元康初。轉員外常侍。遷越騎校尉、右軍將軍。尋徙寧朔將軍、持節、都督幽州諸軍事。轉驃騎將軍、都督東夷河北諸軍事。領幽州刺史。愍帝建興二年。爲石勒所殺。

從幸洛水餞王公歸國詩

聖主應期運。至德敷彝倫。神道垂大教。玄化被無垠。欽若崇古制。建侯屏四鄰。皇輿迴羽蓋。高會洛水

濱。臨川講妙藝。縱酒釣潛鱗。八音以迭奏。蘭羞備時珍。古人亦有言。爲國不患廣文選。誤作思。貧。與蒙廟庭施。幸得廁太廣文選。詩紀作大。鈞。羣僚荷恩澤。朱顏感獻春。賦詩盡下情。至感暢人神。長流無舍逝。白日入西津。奉辭慕華輦。侍衛路無因。馳情繫帷幄。乃心戀軌塵。○類聚二十九。廣文選八。詩紀二十二。

郭悛

悛。石勒臣。

從弟別詩

乖索易永久。尋離覺月促。遼落隔脩途。窈窕閔丘谷。○初學記十八。

百舌鳥詩

百舌鳴高樹。弄音無常則。借問聲何煩。末俗不尚嘿。○御覽九百二十三。

孫機

機。石勒北苑市三老。

爲劉曜進酒作

晉書曰。石勒幽曜于河南丞廨。曜瘡甚。勒載以馬輿。使李永與同載。北苑市三老孫機進酒于曜曰。

僕谷王。關右稱帝皇。當持重。保土疆。輕用兵。敗洛陽。祁運窮。天所亡。開大分。持一觴。○晉書劉曜載紀。

蘇伯玉妻

盤中詩

玉臺新詠考異曰。按滄浪詩話盤中詩爲一體。注曰。玉臺集有此詩。蘇伯玉妻作。寫之盤中。屈曲成文也。據此則此詩出處以玉臺新詠爲最古。當時舊本亦必明署蘇伯玉妻之名。故滄浪云爾。宋刻于題上誤佚其名。因而目錄失載。馮氏校本遂改題傅玄之詩。殊爲疏乖。又此詩列傅玄、張載之間。其爲晉人無疑。詩紀、詩乘並列之漢詩。亦未詳所據。○遠案。上說甚是。今列詩於此。

山樹高。鳥鳴悲。泉水深。鯉魚肥。空倉雀。詩紀作鵲。常苦飢。吏人婦。會夫希。出門望。見白衣。謂當是。而更非。還入門。中心悲。北上堂。西入階。急機絞。杼聲催。長嘆息。當語誰。君有行。妾念之。出有日。還無期。結中詩紀作巾。注云。一作中。帶。長相思。君忘妾。天詩紀作未。知之。妾忘君。罪當治。妾有行。宜知之。黃者金。白者玉。高者山。下者谷。姓爲蘇。字伯玉。作人才多智謀足。家居長安身在蜀。何惜書鈔作醉借。馬蹄歸不數。羊肉書鈔無肉字。千斤酒百斛。令君馬肥麥。書鈔作肉。與粟。今時人。智詩紀作知。不詩紀作四。足。與其書。不能讀。當從中央周四角。○玉臺新詠九。詩紀四。又書鈔百四十五作古詩。引斛、粟、數三韻。

晉詩卷九

雜歌謠辭

歌辭

會稽民爲徐弘歌

詩紀云。藝文列晉人中。會稽典錄曰。徐弘。字聖通。爲汝陰令。誅鉏姦桀。路不拾遺。民乃歌之。徐聖通。政無雙。平刑罰。姦宄空。○類聚十九。御覽二百六十八。樂府詩集八十五。詩紀四十三並作徐聖通歌。

南土爲杜預歌

晉書曰。杜預都督荊州。舊水道惟沔、漢、達江陵千數百里。北無通路。又巴丘湖。沅、湘之會。表裏山川。實爲險固。荆蠻之所恃也。預乃開楊口。起夏水達巴陵千餘里。內瀉長江之險。外通零桂之漕。南土歌之曰。

後世御覽或作代。無叛由杜翁。孰識智御覽或作知。同。名與勇功。○晉書杜預傳。御覽三百三十三、四百六十五。詩紀四十四作南土謠。

陽平人爲束皙歌

晉書曰。束皙。陽平元城人。太康中。郡界大旱。皙爲邑人請雨三日而雨注。衆爲皙作歌。

束先生。通神明。請天三日甘雨零。御覽或重零字。我黍以育。御覽或作萌。我稷以生。御覽或作成。何以疇類聚作酬。御覽或作醴。之。報束長御覽或作先。生。○晉書束皙傳。類聚十九。御覽十一、四百六十五。樂府詩集八十五、詩紀四十三並作束皙歌。

三郡民爲應詹歌

晉書曰。王澄。惠帝末爲荊州牧。假應詹督南平、天門、武陵三郡軍事。天下大亂。詹境獨全。百姓歌之。

亂離既普。御覽或著作。殆御覽或作始。爲灰朽。僥倖之運。賴茲應后。歲寒不凋。孤境獨守。拯御覽或作蔭。我塗炭。惠隆丘阜。潤同江海。恩猶父母。○晉書應詹傳。御覽五百七十。樂府詩集八十五、詩紀四十三並作應詹歌。又御覽四百六十五引朽、后、阜、母四韻。

襄陽兒童爲山簡歌

晉書曰。山簡。字季倫。永嘉初爲南征將軍。出鎮襄陽。于時四方寇亂。朝野危懼。簡優游卒歲。惟酒是耽。諸習氏。荆土豪族。有佳園池。簡每出嬉遊。多之池上。置酒輒醉。名之曰高陽池。時有兒童歌曰。

山公出何許。水經注作去。御覽或同。輿地紀勝作往。世說作時一醉。白帖同。御覽或同。類聚作何所去。或作何所往。御覽或作何所詣。或作時一作。往類聚或作來。至世說作逕造。御覽或同。高陽池。日夕世說作莫。水經注作暮。御覽或同。倒載歸。酩酊世說作茗芋。無所知。輿地紀勝作何所之。時時能騎世說作復能乘駿。御覽或作時復乘駿。馬。倒着白帖作安。白接籬。類聚作離。御覽或作離。或作接籬。樂府、輿地紀勝作羅。御覽或同。舉鞭世說作手。御覽或同。或作頭。向世說作問。御覽或同。又或作謝。或作語。葛彊。御覽或作疆。何如并州兒。彊家在并州。簡愛將也。○晉書山簡傳。世說新語任誕篇。類聚十九。御覽六十七、一百六十八、四百六十五、四百九十七、五百七十、六百八十七、八百四十五。樂府詩集八十五、詩紀四十三並作襄陽兒童歌。又水經注二十八引池、知二韻。類聚九引池、知二韻。白帖五引四句。輿地紀勝八十二作古白銅鞮歌。引池、知、羅三韻。○遼案。上述類書或引襄陽耆舊記。或引襄陽耆舊傳。或引晉書及世說。徵引匪一。故多異文。

吳郡民爲鄧攸歌

晉書曰。鄧攸。元帝時爲吳郡太守。刑政清明。百姓歡悅。後稱疾去。百姓數千人留牽攸船。不得進。攸乃少停。夜中發去。吳人歌之。

統御覽或作紉。或作纒。並誤。如打五鼓。雞鳴天欲曙。鄧侯挽不留。樂府作來。謝令推不去。○晉書鄧攸傳。白帖二十一。御覽二百六十一、四百六十五。樂府詩集八十五、詩紀四十三並作吳人歌。○遼案。此歌既頌鄧攸。又刺謝令。但不識謝令名字。

豫州耆老爲祖逖歌

晉書曰。祖逖。元帝時爲豫州刺史。躬自儉約。督課農桑。克己務施。不畜資產。子弟耕耘。負擔樵薪。又收葬枯骨。

爲之祭醊。百姓感悅。嘗置酒大會。耆老中坐流涕曰。吾等老矣。更得父母。死將何恨。乃歌曰。

幸哉遺黎免俘虜。三辰既朗遇慈父。玄酒忘勞甘瓠脯。何以詠思晉書作恩。歌且舞。○晉書祖逖傳。御覽九百七十

九。樂府詩集八十五。詩紀四十三並作豫州歌。○逖案。御覽二百五十八引祖逖別傳童謠。與此略異。謠云。幸哉遺民免豺虎。三辰既朗遇慈父。玄酒清醪甘瓠脯。亦何報恩歌且舞。

時人爲阮脩歌

略出簾金曰。晉阮宣子好酒。長以百錢繫杖頭。入市。若遇士子。非是識故。便邀入店。樂飲而去。時人歌曰。

長安教書罷。洛陽買卜來。百錢繫杖頭。能使世人解。○鳴沙石室古籍叢殘略出簾金縣令子男之篇二十四。○逖案。此歌不類晉作。姑列此俟考。

吏爲郭頤劉聰歌

前趙錄曰。劉聰。字玄明。年十四。究通往史。時有太守郭頤。辟爲主簿。吏歌曰。

我有賢后。能任玄明。政理人殷。○白帖二十一。○逖案。此歌有脫誤。

京師爲張軌歌

晉書曰。張軌。永寧初爲涼州刺史。王彌寇洛陽。軌遣北宮純張纂、馬飭、陰潛等率州軍擊破之。又敗劉聰于河東。

京師歌之曰。

涼州大馬。橫行天下。涼州鷓鴣若寇賊消。鷓鴣翩翩怖殺人。○晉書張軌傳。詩紀四十三作涼州大馬歌。

隴上爲陳安歌

晉書載紀曰。劉曜圍陳安于隴城。安敗。南走陝中。曜使將軍平先、丘中伯率勁騎追安。安與壯士十餘騎於陝中格戰。安左手奮七尺大刀。右手執丈八蛇矛。近交則刀矛俱發。輒害五六。遠則雙帶鞬服。左右馳射而走。平先亦壯健絕人。與安搏戰。三交。奪其蛇矛而退。遂追斬于澗曲。安善於撫按。吉凶夷險。與衆同之。及其死。隴上爲之歌。曜聞而嘉傷。命樂府歌之。

隴上壯士御覽或作健兒。樂府云。一作隴上健兒。有陳安。軀幹雖小腹中寬。愛養將士同心肝。驍驄父詩紀云。一作交。萬花谷作交。馬鐵鍛晉書、樂府作瑕。鞍。七尺大刀奮如湍。丈八蛇矛左右盤。十盪十決無當前。戰始三交失御覽或誤作上。蛇矛。棄我驍驄竄巖幽。爲我外援而懸頭。西御覽或作東。流之水東流河。一去不還東流以下七字。御覽或作名去不還。奈子何。○晉書劉曜載記。御覽二百八十。樂府詩集八十五、詩紀四十三並作隴上歌。又御覽四百九十五引和苞漢趙記作隴上語。引安、槃二韻。萬花谷十五引安、鞍、湍、盤、前五韻。

同前見趙書。與前小異。

隴上類聚作城。健兒曰御覽或作字。陳安。軀幹雖小書鈔作頭小面狹。御覽或同。類聚作頭細面狹。腹書鈔、類聚作腸。中寬。愛養將士同心肝。驍驄駿御覽或作駁。或無駿字。馬鐵鍛御覽或作鑠。鞍。七尺大刀配齊鑲。丈八蛇矛書鈔、類聚作

大槩。御覽或作長槩。左右盤。十盪十決無當前。百騎俱出如雲浮。追者千御覽或作十。萬騎悠悠。御覽或作脩脩。戰始三交失蛇矛。十騎俱盪九騎留。棄我駉驄攀巖幽。悲天御覽或作天非。詩紀同。降雨追者休。阿呵嗚呼御覽或作乎。奈子何。嗚呼阿呵奈子何。御覽或作乎。○御覽三百五十三、四百六十五並作謠。詩紀四十三。又書鈔百二十四、類聚六十並引靈鬼志錄安、寬、盤三韻。類聚十九引安、寬、肝三韻。御覽三百五十四引靈鬼志錄安、寬、盤三韻。

謠辭

泰始中謠

晉書曰。賈充與裴秀、王沈、羊祜、荀勗同受腹心之任。泰始中。人爲充等謠曰云云。言亡魏而成晉也。賈裴王。亂紀綱。王裴賈。濟天下。○晉書賈充傳。御覽四百六十五。樂府詩集八十七。詩紀四十四。

泰始中童謠

晉書曰。石苞鎮撫淮南。士馬強盛。苞既勤庶務。又以威惠服物。淮北監軍王琛輕苞素微。又聞童謠曰云云。因是密表苞與吳人交通。武帝甚疑之。

宮中大馬幾作書鈔作化馬。驢。大石壓書鈔作狎。之不得舒。○晉書石苞傳。書鈔百六十引崔鴻後魏錄。御覽九百一。

軍中謠

晉書曰。杜預遣周旨等發伏兵隨歆軍而入。直至帳下。虜歆而還。故軍中爲之謠曰。以計御覽或作討。代御覽作伐。戰。一當萬。○晉書杜預傳。書鈔百十九。御覽二百八十六、四百六十五。詩紀四十四。

蜀民爲許遜謠

荆川左編曰。真君姓許氏。名遜。字敬之。世居許昌。晉武帝太康元年。起爲蜀郡旌陽縣令。屬歲大疫。死者十七人。真君以所授神方拯治之。符咒所及。登時而愈。蜀民爲之謠曰。○遠案。此謠或僞託。姑列此備考。人無盜竊。吏無奸欺。我君活人。病無能爲。○荆川左編百四十二。古謠諺五十五。

武帝太康後童謠三首

宋書曰。武帝太康後。江南童謠。于時吳人皆謂在孫氏子孫。故竊發爲亂者相繼。按橫目者四字。自吳亡至晉元帝興。幾四十年。皆如童謠之言。元帝懦而少斷。局縮肉。直斥之也。

局縮肉。數橫目。中國當敗吳當復。○宋書三十一。晉書二十八。樂府詩集八十八。詩紀四十四。宮門柱。且莫朽。吳當復在三十年後。○同上。雞鳴不拊翼。吳復不用力。○同上。

蜀人謠二首

晉書曰。羅尚。字敬之。一名仲。太康末爲荊州刺史。及趙厥反于蜀。乃假尚節爲平西將軍、益州刺史。尚性貪少。

斷。蜀人謠曰。

尚之所愛。非邪則佞。尚之所憎。非忠則正。富擬魯衛。家成市里。貪如豺狼。無復極已。○晉書羅尚傳。詩紀四十四。

蜀賊載記作李特。尚可。羅尚殺我。平西將軍。反更爲禍。○晉書羅尚傳。詩紀四十四。又晉書李特載記引起首二句。

惠帝卽位時兒童謠

襄陽耆舊傳曰。晉惠帝卽位。兒童謠云云。又河內溫縣有人如狂。造書云云。楊濟以問蒯欽。欽垂泣曰。皇太后諱季蘭。兩火。武皇帝諱炎字也。此言武皇崩而太后失尊。罹大禍辱。終始不以道。不得附山陵。乃歸於非所也。及太后之見滅。葬於街郵亭。皆如其言。晉書注曰。楊駿居內府。以戟爲衛。死時又爲戟所害傷。楊后被廢。賈后絕其膳。八日而崩。崩葬街郵亭。百姓哀之也。

兩火沒地。哀哉秋蘭。歸形街郵。終爲人宋書作路人爲。歎。○襄陽耆舊記二。晉書五行志。宋書五行志。詩紀四十四。○逮案。此四句晉書、宋書並作永熙中河內溫縣有人如狂造書曰云云。與耆舊記不同。

趙王倫爲亂時謠

趙王倫爲亂。謠曰云云。言小人在位者衆。

金章滿箱。尚不可長。○文選三十八爲范尚書讓吏部封侯第一表呂延濟注。

永熙中溫縣狂人書

晉書曰。永熙中。河內温縣有人如狂。造書曰云云。又曰兩火没地云云。

光光文長。以晉書、宋書作大。詩紀云。一作大。戟爲牆。毒藥雖者舊記作卽。詩紀云。一作卽。行。耆舊記作位。戟耆舊記作刃。詩紀云。一作刃。還自傷。○襄陽耆舊記二。晉書五行志。宋書五行志。詩紀四十四。

惠帝永熙中童謠

晉書曰。惠帝永熙中童謠。時楊駿專權。楚王用事。故言荆筆楊版。二人不誅。則君臣禮悖。故云幾作驢也。

二月末。書鈔、御覽作盡。三月初。桑書鈔作葉。生襄蕃御覽作裴雷。均不解。柳葉舒。荆筆楊版書鈔、御覽作板。樂府同。行詔書。宮中大樂府作人。詩紀云。一作人。馬御覽馬上有司字。幾作御覽作作幾。驢。○御覽六百六引王隱晉書。詩紀四十四。又晉書五行志、宋書五行志並引初、書、驢三韻。書鈔百四引初、舒、書三韻。

元康三年蜀中童謠四首

華陽國志曰。蜀自太康至于太安。頻有怪異。元康三年正月中。欵一夜有火光。地仍震。童謠曰云云。又曰云云。又曰云云。又曰云云。魏書曰。李勢建國十年。司馬昞將桓温伐之。勢降於温。先是頻有怪異。童謠曰云云。又曰云云。卒如其言。

郫城堅。盜底穿。郫城細子李持細。○華陽國志八大同志。

江橋頭。闕下市。城都北門十八子。華陽國志作字。御覽同。○華陽國志八大同志。魏書李勢傳。御覽百二十三引崔鴻十六國春秋蜀錄。太平寰宇記七十二引十六國春秋。

巴郡葛。當下美。○華陽國志八大同志。

有客有客。來侵門陌。其氣欲索。○華陽國志八大同志。魏書李勢傳。

元康中童謠

晉書曰。元康中。天下商農通著大鄣日。時童謠云云。及趙王倫篡位。其目實眇焉。

屠蘇鄣日覆兩耳。當見喝。晉書作瞎。御覽同。兒作天子。○晉書五行志。宋書五行志。御覽六百八十七引晉八王故事。詩紀四十四。

元康中洛中童謠

晉書曰。晉元康中。趙王倫既篡。洛中有童謠。數月而齊王、成都、河間義兵同會誅倫。按成都西藩而在鄴。故曰虎從北來。齊東藩而在許。故曰龍從南來。河間水區而在關中。故曰水從西來。齊留輔政。居于宮西。有無君之心。故曰登城看也。

虎。晉書作獸。從北來鼻頭汗。龍從南來登城看。水從西來河樂府作何。灌灌。○晉書五行志。宋書五行志。詩紀四十四。

惠帝元康中京洛童謠二首

晉書曰。惠帝元康中。京洛童謠。南風。賈后字也。白。晉行也。沙門。太子小字也。魯。賈謚國也。言賈后將與謚爲亂。以危太子。而趙王因賈咀嚼豪賢。以成篡奪也。宋書曰。是時愍懷頗失衆望。卒以廢黜。不得其死焉。

南風起兮晉書、宋書無兮。樂府同。賈后傳作烈烈。御覽同。吹白賈后傳作黃。沙。遙望魯國何賈后傳作鬱。愍懷傳同。嵯峨。千歲髑髏生齒牙。賈后傳作前至三月滅汝家。○晉書五行志。晉書賈后傳。宋書五行志。樂府詩集八十八。詩紀四十四。又御覽三百六十八引干寶晉紀引沙、牙二韻。

城御覽作宮。東愍懷傳作東宮。馬子莫嚙啣。愍懷傳作聾空。御覽作聾啞。比愍懷傳作前。御覽同。至來年宋書作三月。御覽作臘月。纏汝髮。宋書作髮。御覽作髮。○晉書五行志。晉書愍懷太子傳。宋書五行志。御覽一百四十八引王隱晉書。樂府詩集八十八。詩紀四十四。

惠帝大安中童謠

晉書曰。晉惠帝大安中童謠。其後中原大亂。宗藩多絕。唯琅琊、汝南、西陽、南頓、彭城同至江東。而元帝嗣統矣。

五馬浮宋書作游。樂府同。晉書或同。渡江。一馬化爲龍。○晉書元帝紀。晉書五行志。宋書五行志。類聚十三引晉陽秋。御覽九十八引孫盛晉陽秋。樂府詩集八十八。詩紀四十四。

著布謠

晉書曰。齊王冏字景治。趙王倫篡位。冏起義兵誅之。拜大司馬。加九錫。政皆決之。而恣用羣小。不復朝覲。時人謠曰云云。遂爲長沙王所誅。

著布衲腹。爲齊持服。○晉書齊王冏傳。詩紀四十四。

洛下謠

晉書曰。長沙王乂。武帝第六子也。三王舉義。乂率國應之。後見冏專權。奉天子攻冏。斬之。河間王顥與成都王穎同伐京師。詔以乂爲大都督以距顥。相持數月。東海王越慮事不濟。潛收乂送金墉城。密告張方。方遣兵就金墉收乂。炙殺之。初乂執權之始。洛下謠曰云云。以正月二十五日廢。後二日死。如謠言。

草木萌芽殺長沙。○晉書長沙王乂傳。詩紀四十四。

惠帝時洛陽童謠

晉書曰。惠帝時。洛陽童謠。明年而胡賊石勒劉曜反。

鄴中女子莫千妖。前至三月抱胡腰。○玉臺新詠九。樂府詩集八十八引晉書。詩紀四十四。

懷帝永嘉初童謠

晉書曰。司馬越還洛時童謠也。按列傳越既與苟晞構怨。尋詔越爲丞相。領兗州牧。督兗、豫、司、冀、幽、并六州。越辭丞相不受。自許遷於鄆城。移屯濮陽。又遷於滎陽。後自滎陽還洛。○帝紀曰。永嘉三年三月丁巳。東海王越歸京師是也。

洛中大鼠長尺二。若不早去天。晉書、宋書作大。樂府同。狗至。○晉書五行志。宋書五行志。樂府詩集八十八。詩紀四十四。

苟晞將破汲桑時謠

晉書曰。苟晞將破汲桑時有此謠。司馬越由是惡晞。奪其兗州。隙難遂構焉。按列傳。東海孝獻王越。字元超。懷帝永嘉初。出鎮許昌。自許昌率苟晞及冀州刺史丁邵討汲桑。破之。越還於許。長史潘滔說之曰。兗州天下樞要。公宜自牧。乃轉苟晞爲青州刺史。由是與晞有隙。

元超兄弟大洛晉書作落。宋書同。度。上桑打樵爲苟作。○晉書五行志。宋書五行志。金樓子說藩篇。樂府詩集八十八。詩紀四十四作懷帝永嘉初童謠。

軍中爲汲桑謠

後趙錄曰。汲桑嘗事成都王司馬穎。穎之死也。桑聚衆劫掠郡縣。自稱大將軍。嘗六月盛暑。而重裘累茵。使人扇之。患不清涼。乃斬扇者。時軍中爲之謠曰云云。樂府廣題曰。晉汲桑。清河貝丘人。力能扛鼎。殘心少恩。六月盛暑。重裘累裯。使十餘人扇之。忽不清涼。便斬扇者。并州大姓田蘭。薄盛斬於平原。士女慶賀。奔走道路而歌。

士御覽或作奴。或作仕。爲將軍何可羞。六月重御覽或作累。茵披後趙錄作被。御覽或作被。衲詩紀作納。御覽或同。類聚作豹。樂府同。御覽或作貂。或作狐。裘。不識寒暑斷類聚作斬。御覽或作斬。他御覽或作人。頭。雄兒田蘭爲報讐。中夜斬首謝并州。○御覽二十一、三十四、四百九十二、六百九十四並引趙書。樂府詩集八十五、詩紀四十三並作并州歌。又十六國春秋二十二後趙錄引羞、裘、頭三韻。類聚十九引趙書引羞、裘、頭三韻。御覽四百六十五引趙書引羞、裘、頭三韻。

王彭祖謠

晉書曰。王浚。永嘉中進大司馬。加侍中、大都督。督幽、冀諸軍事。會京洛傾覆。浚大樹威令。專權橫恣。時童謠曰。

幽州城門似藏戶。中有伏尸王彭祖。○晉書王浚傳。書鈔七十二、御覽五百四十九並引王隱晉書。詩紀四十四。

北州爲朱碩棗嵩謠

趙錄曰。晉幽州牧王浚。矜豪日甚。不親政事。所任皆苛刻小人。棗嵩、朱碩貪橫尤甚。北州童謠曰。

府中赫赫朱邱伯。十囊五囊人棗郎。○十六國春秋十二。又詩紀四十四作棗郎謠。引郎一韵。晉書王浚傳引郎一韵。書鈔百三十六、御覽七百四並引王隱晉書引郎一韵。

愍帝初童謠

晉書曰。愍帝初童謠曰云云。至建興四年。帝降劉曜。在城東豆田壁中。

天子何在。豆田中。○晉書愍帝紀。晉書二十八。御覽九十八。

同前

王隱晉書曰。時王浚稱制邊垂。潛使人問霍原。原不答。浚既銜之。又有遼東內徙三百餘人。依山爲賊。意欲劫原

爲王。亦未能行。時有謠曰云云。豆者爲霍。浚遂害原。懸其首。諸生悲哭其下。

天子在何許。近在豆田中。○晉書霍原傳。御覽八百四十一引王隱晉書。詩紀四十四。

建興中江南謠

晉書曰。建興中。江南謠歌。按白者。晉行。坑器有口屬瓮。瓦瓮質剛。亦金之類也。匄如白坑破者。言二都傾覆。王室大壞也。合集持作甌者。元帝鳩集遺餘。以主社稷。未能尅復中原。但偏王江南。故其喻也。及石頭之事。六軍大潰。兵人抄掠京邑。爰及二宮。其後三年。錢鳳復攻京邑。阻水而守。相持月餘日。焚燒城邑。并堙木刊矣。鳳等敗退。沈充將其黨還吳興。官軍踵之。蹈藉郡縣。充父子授首。黨與誅者以百數。所謂揚州破換敗。吳興覆甌甌。甌甌瓦器。又小於甌也。

匄呼宏反。如白坑。宋書作阮。破。合集持作甌。音武。揚州破換敗。吳興覆甌。音部。甌。盧斗反。○晉書五行志。宋書五行志。詩紀四十四。

王敦將滅時童謠

晉書曰。溫嶠滅王敦。先是童謠曰云云。以爲賊如韭柳。尋得復生也。

翦韭翦韭。斷楊柳。河東小子。令我與子。○御覽九百七十六。

明帝太寧初童謠

晉書曰。明帝太寧初童謠云云。及明帝崩。成帝幼。爲蘇峻所逼。遷於石頭。御膳不足。此大馬死小馬餓也。高山峻也。言峻尋死。石。峻弟蘇石也。峻死後。石據石頭。尋爲諸公所破。是亦山崩石破之應也。

側力側力。晉書、世說注作惻惻力力。樂府、詩紀同。放馬世說注此下有出字。山側。大馬死。小馬餓。高山崩。石自破。

○晉書五行志。宋書五行志。世說新語容止篇注引晉陽秋。詩紀四十四。

永嘉中長安謠

晉書曰。張寔。軌之子也。軌卒。授寔涼州刺史。進大都督。劉曜逼遷天子。寔遣太府司馬韓璞東赴國難。璞次南安。諸羌斷軍路。寔擊破之。斬級數千。時焦崧、陳安寇隴右。東與劉曜相持。雍秦之人死者十八九。初永嘉中長安語云云。至是驗矣。樂府云。三十國春秋曰永嘉中童謠也。

秦川中。血沒腕。御覽作腕。詩紀云。一作腕。唯有涼州倚柱觀。御覽作看。詩紀云。一作看。○晉書張寔傳。御覽四百六十五引劉敬叔異苑。樂府詩集八十八引三十國春秋。詩紀四十四。

涼州民謠

魏書曰。于時天下喪亂。唯涼州獨全。張寔自恃衆強。轉爲驕恣。平文皇帝四年。寔爲左右閻沙等所殺。先是謠曰云云。寔所住室。梁間有人象而無頭。久之乃滅。寔惡之。未幾見殺。

蛇利砲。蛇利砲。公頭墜地而不覺。○魏書張寔傳。

西土謠

晉書曰。張茂。寔之弟。太興三年。寔既遇害。州人推茂平西將軍、涼州牧。涼州大姓賈摹。寔之妻弟也。勢傾西土。先是謠云云。茂以爲信。誘而殺之。於是豪右屏迹。威行涼域。

手莫頭。圖涼州。○晉書張茂傳。詩紀四十四。

姑臧謠

晉書曰。張駿。寔之子。茂卒。駿嗣位大都督、大將軍、涼州牧、西平公。駿之立也。姑臧謠云云。至是而收復河南之地。

鴻從南來雀不驚。誰謂孤雛尾翅晉書作隻。生。高舉六翮鳳凰鳴。○晉書張駿傳。詩紀四十四。

時人爲張冲謠

前秦錄曰。張冲。字長思。燉煌人。家財巨萬。悉日散之鄉閭。時人爲之謠曰。

推財不疑。張長思。○十六國春秋七十五。御覽四百七十七。

冀州童謠

晉書曰。初童謠云云。古在左。月在右。胡字也。讓去言。爲襄也。或在口爲國也。尋爲石勒所都。

古十六國春秋作革。在左。月十六國春秋作力。在右。讓去言。或入口。○御覽百六十一引晉書。十六國春秋後趙錄。

臨水人爲張樓謠

後趙錄曰。張樓。陽平人也。爲臨水長。嚴政酷刑。殘忍無惠。時人苦之。爲之謠曰。

陽平張樓頭如箱。見人切齒劇虎狼。○十六國春秋二十二後趙錄。御覽四百六十五引後趙錄。

諺語

南廣郡行人語

華陽國志曰。自樊道至朱提。有水步道。水有黑水及羊官水。至險難。行步道至三津。亦艱阻。故行人爲語曰。

猶水經注作槽。溪赤水。華陽國志作木。詩紀同。盤蛇七曲。盤羊烏櫛。氣與天通。看都護泚。佇柱呼伊。華陽國志作乎尹。庾降賈子。左檐七里。○華陽國志四南中志。水經注若水注。詩紀四十三作樊道謠。

鯿魚諺

三輔決錄注曰。鯿魚肥。炙甚美。諺曰。

寧去廣博物志作棄。累世宅。不去鰲魚額。○三輔決錄注。廣博物志四十八。

陸機引里語

毛詩草木蟲魚疏曰。檀木。皮正青。滑澤。與繫迷相似。又似駁馬。駁馬。梓榆。其樹皮青白駁犖。遙視似馬。故謂之駁馬。故里語曰。

斫檀不諦。得繫迷。繫迷尚可。得駁馬。○毛詩草木蟲魚疏上。

陸機引齊人諺

毛詩草木蟲魚疏曰。繫迷。一名挈榼。故齊人諺曰。

上山斫檀。挈榼爾雅注作榼榼。先殫。○毛詩草木蟲魚疏上。爾雅釋木郭注。

陸機引里語

毛詩草木蟲魚疏曰。黃鳥。或謂之黃栗留。當甚熟時。來在桑間。故里語曰。

黃栗留。看我麥。黃甚熟。○毛詩草木蟲魚疏下。玉燭寶典二引爾雅郭璞注。

陸機引遼東鄉語

毛詩草木蟲魚疏曰。遼東梁水魴。特肥而厚。尤美於中魴。故其鄉語曰。

居就糧。御覽、事類賦缺此字。梁水魴。○毛詩草木蟲魚疏下。御覽九百三十七引毛詩義疏。事類賦魚賦注引詩疏義。王荆文公詩箋注四。

陸機引里語

毛詩草木蟲魚疏曰。鱣似魴而大頭。魚之不美者。故里語曰。

網初學記、御覽作買。魚得鱣。不如啗初學記作噉。御覽作啖。茹。○毛詩草木蟲魚疏下。初學記三十。御覽九百三十七引詩義疏。

陸機引里語

毛詩草木蟲魚疏曰。蟋蟀。幽州人謂之趣織。督促之言也。里語曰云云。是也。

趣織鳴。嬾婦驚。○毛詩草木蟲魚疏下。御覽九百四十九引詩疏義。

楊濟引諺

通鑑曰。永熙元年三月。帝疾篤。夏四月己酉。崩於含章殿。太子卽皇帝位。大赦改元。五月。詔以楊駿爲太傅、大都督。傅咸謂駿曰。竊謂山陵既畢。明公當審思進退之宜。駿不從。咸數諫。駿漸不平。欲出咸爲郡守。李斌曰。斥逐正人。將失人望。乃止。楊濟遺咸書曰。諺云云云。官事未易了也。

生子癡。了官事。○通鑑八十二。

成公綏引諺

錢神論曰。諺言云云。

錢無耳。何可闇使。○御覽八百三十六。

魯褒引諺

晉書曰。褒傷時人貪鄙。乃著錢神論以刺之。諺曰云云。凡今之人。惟錢而已。

錢無耳。可使鬼。○晉書魯褒傳。

傅玄引諺

傅子曰。丈夫重義如太山。輕利如鴻毛。可謂仁義也。諺曰。

己是而彼非。不當與非爭。彼是而已非。不當與非平。意林作爭。○御覽九百十六。意林五魏子。

賀循引諺

會稽記曰。山有石室。云是仙人射堂。東亭巖有射的石。遠望的的如射侯。形圓。視之如鏡。土人常以占穀食貴賤。射的明則米賤。暗則米貴。諺曰。

射的白。斛米御覽作一。輿地紀勝作米斛。太平廣記作斛米一。下仿此。百。射的玄輿地紀勝作黑。斛米千。○水經注江水注。御覽四十一。太平廣記三百九十七引洽聞記。輿地紀勝十。

陸士衡引俗語

洛陽記曰。漢鑄銅駝二枚在宮南四會道。夾路相對。俗語曰。

金馬門外聚羣賢。銅駝陌上集少年。○太平寰宇記三。御覽百五十八。

楊泉引里語

物理論曰。里語曰云云。余雖無治絲之能。而悟聞詩之義。

能理亂絲。類聚誤作白能絲三字。乃類聚無乃字。可讀詩。○類聚五十五。御覽六百十六。

楊泉引語

物理論曰。語曰。

黃金累千。不如一賢。○御覽四百二。

土非玉璧。談者爲價。○類聚八十四。

上不正。下參差。○意林五。

衛展引諺

陳諺言表曰。諺言云云。此諺之起。死生之出于此法獄也。

廷尉獄。平如砥。有錢生。無錢死。○初學記二十。

袁準引諺

袁子正書曰。語曰云云。夫盛衰更代。豐荒相半。天之常道也。

歲在申酉。乞漿得酒。歲在辰巳。嫁妻賣子。○書鈔百四十四。御覽十七、八百六十一。又書鈔百五十六、御覽三十五並引上二句。

時人爲崔洪語

晉書曰。崔洪。字伯良。博陵安平人。以清厲顯名武帝世。爲御史治書。朝廷憚之。尋爲尚書左丞。時人爲之語曰。

叢生棘刺。御覽或作荆棘。來自博陵。在南爲鷄。在北爲鷹。○晉書崔洪傳。御覽九百二十六、九百五十九。

時人爲石苞語

晉書曰。石苞。字仲容。渤海南皮人也。雅曠有知局。容儀偉麗。不修小節。故時人爲之語曰。

石仲容。姣無雙。○晉書石苞傳。御覽三百七十九、四百九十五。詩紀四十四。

時人爲羊祜語

晉書曰。王衍嘗詣祜陳事。辭甚俊辨。祜不然之。衍拂衣而起。祜顧謂賓客曰。王夷甫方以盛名處大位。然敗俗傷化。必此人也。步闡之役。祜以軍法。將斬王戎。故戎、衍並憾之。每言論多毀祜。時人爲之語曰。

二王當國。羊公無德。世說注作二王當朝。世人莫敢稱羊公之有德。○晉書羊祜傳。世說新語識鑒篇注引漢晉春秋。御覽四百九十五。詩紀四十四。

時人爲杜預號

晉中興書曰。杜預在內七年。損益不可勝數。朝野稱之。號曰。

杜武庫言。無所不有。○御覽四百九十五。

京師爲劉輿劉琨語

晉書曰。劉輿。字慶孫。雋朗有才局。與弟琨並尚書郭奕之甥。名著當時。京都爲之語曰。

洛中奕奕。慶孫越石。○晉書劉琨傳。御覽四百九十五、五百二十一。詩紀四十四。

時人爲歐陽建語

晉書曰。歐陽建。字堅石。世爲冀方碩族。雅有理思。才藻美贍。擅名北州。人爲之語曰。

渤海赫赫。歐陽堅石。○晉書歐陽建傳。御覽四百九十五。詩紀四十四。

時人爲衛玠王澄語

晉書曰。瑯琊王澄。有高名。少所推服。每聞衛玠言。輒歎息絕倒。故時人爲之語曰。衛玠談道。平子絕倒。○晉書衛玠傳。御覽四百九十五。詩紀四十四。

時人爲樂廣衛玠語

白帖曰。晉樂廣。字彥輔。人謂之水鏡。女壻衛玠。字叔寶。時號玉人。故時語曰。婦翁晉書作公。冰清。女壻玉潤。○晉書衛玠傳作議者以爲。白帖二十。

時人爲二陸三張語

太平寰宇記曰。冀州信都縣三張宅。晉文士張協兄弟三人。喜屬文。皆郡人也。語曰。二陸入洛。三張減價。○太平寰宇記六十三。

蜀民爲何隨語

華陽國志曰。何隨。字季業。蜀郡郫人也。除安漢令。蜀亡去官。時巴土饑荒。所在無穀。送吏行乏。輒取道側民芋。隨以縣繫其處。使足所值。民視芋見縣。持縣追還之。終不受。因爲語曰。

安漢吏取糧。令爲之償。御覽或作聞何安漢清民取糧令爲之償。○華陽國志十一西州後賢志。御覽四百二十六、九百七十五。

時人爲裴秀語

晉書曰。秀。字季彥。河東聞喜人。父潛。魏太常。秀有風操。八歲能著文。叔父徽。有聲名。秀年十餘歲。有賓客詣徽。出則過秀。時人爲之語曰。

後進世說作來。詩紀云。一作來。領袖。有裴秀。○晉書裴秀傳。世說新語識鑒篇。又注。類聚十九引王隱晉書作時人語。御覽四百六十五引王隱晉書。四百九十五。詩紀四十四作裴秀謠。

時人爲謝鯤語

晉書曰。謝鯤。字幼輿。陳國陽夏人。鄰家高氏女。有美色。鯤嘗挑之。女投梭。折其兩齒。時人爲之語曰云云。鯤聞之曰。猶不廢我嘯歌。

任達不已。幼輿折齒。○晉書謝鯤傳。御覽三百六十八作謠。詩紀四十四作幼輿謠。

時人爲劉頌語

晉書曰。劉頌。字子雅。廣陵人。世爲名族。雷蔣穀魯四姓。皆出其下。時人爲之語曰。

雷蔣穀魯。劉最爲祖。○晉書劉頌傳。

世爲卞氏語

晉書曰。卞壺父粹。以清辯鑒察稱。兄弟六人。並登宰府。世稱云云。玄仁。粹字也。

卞氏六龍。玄仁無雙。○晉書卞壺傳。

襄陽里人爲龐煥語

襄陽耆舊記曰。煥。字世文。晉太康中爲牂牁太守。去官還鄉里。里人語曰云云。鄉里仰其德讓。少壯皆代老者擔。

我家池裏。龍種來歸。○襄陽耆舊記一

三魏爲劉毅語

晉書曰。劉毅。字仲雄。東萊掖人。僑居平陽。太平杜恕請爲功。沙汰部吏百餘人。三魏稱焉。爲之語曰。

但聞劉功曹。不聞杜府君。○晉書劉毅傳。御覽二百六十四引王隱晉書。

巴蜀爲譙登文石張羅語

華陽國志曰。永嘉元年三月。關中流民鄧定旬氏等掠漢中。巴西太守張燕遣兵圍之。氏求救於李雄。夏五月。雄遣李離救定。州軍以破。四年。天水文石殺雄。雄太宰李國降梓潼。巴西還屬。初。巴西譙登詣鎮南請兵。鎮南無兵。

表爲揚烈將軍、梓潼內史。義募三巴蜀漢民爲兵。克復州郡。先征宕渠。殺雄巴西太守馬脫。還往涪。折衝將軍張羅進據犍爲之合水。巴蜀爲語曰。

譙登治涪城。文石在巴西。張羅守合水。巴氏那得前。○華陽國志八大同志。

洛中爲劉氏兄弟語

晉書曰。劉宏。字終嘏。光祿勳。宏兄粹。字純嘏。侍中宏弟漢。字冲嘏。吏部尚書。並有名中朝。時人語曰。

洛中雅雅。有三嘏。○晉書劉俊傳。世說新語識鑒篇。御覽四百九十五。詩紀四十四作洛中諺。

洛中爲荀闓語

晉書曰。闓。字道明。亦有名稱。京都爲之語曰。

洛中英英。荀道明。○晉書荀闓傳。世說新語識鑒篇。御覽四百九十五。詩紀四十四作洛中諺。

洛中爲馮蓀語

世說曰云云。名蓀。是播子。

洛中錚錚。馮惠卿。○世說新語賞譽篇。詩紀四十四作洛中諺。

時人爲馮蓀邢喬李順語

世說曰。馮蓀與邢喬俱司徒李胤外孫。及胤子順。並知名。時稱。

馮才清。李才明。純粹邢。○世說新語賞譽篇。

時人爲江統語

晉書曰。江統。字應元。陳留圉人也。靜默有遠志。時人爲之語曰。

巖然稀言。江應元。○晉書江統傳。御覽四百九十六引文士傳。詩紀四十四。

時人爲趙王倫諺

晉書曰。趙王倫僭位。諸黨皆登卿相。並列大封。其餘同謀者。咸超階越序。不可勝紀。至於奴卒厮役亦加爵位。每朝會。貂蟬盈坐。時人諺曰。

貂不足。狗尾續。○晉書趙王倫傳。白帖十二、七十。御覽九十七、四百九十五、六百八十八。詩紀四十四。

成都王穎盛時里語

魏畧曰。成都王穎伐長沙王乂。募免奴爲軍。自稱四部司馬。市郭人素謬。語奴爲尚。故里語曰。

三部司馬階下兵。四部司馬尚長明。欲知太平須石鼈鳴。○御覽四百九十五。詩紀四十四。

成都王穎盛時義募將士謠語

晉書曰。留義募將士既久。咸怨思歸。或有輒去者。乃題鄴城門云。

大事解。蠶欲遽。請且歸。赴時務。昔以義來。今以義去。若復有急更相語。○晉書成都王穎傳。

時人爲王氏語

晉書曰。元帝以王敦爲揚州刺史。加廣武將軍。尋進左將軍、都督征討諸軍事、假節。帝初鎮江東。威名未著。敦與從弟導。同心翼戴。以隆中興。時人爲之語曰。

王與馬。共天下。○晉書王敦傳。御覽四百九十五引晉中興書。詩紀四十四。

時人爲鄧攸語

晉書曰。永嘉末。攸以牛馬負妻子而逃。又遇賊掠其牛馬。步走擔其兒及其弟子綏。度不能兩全。乃謂其妻曰。吾弟早死。唯有一息。理不可絕。止應自棄我兒耳。幸而得存。我後當有子。妻泣而從之。乃棄之。攸棄子之後。妻不復孕。卒以無嗣。時人義而哀之。爲之語曰云云。弟子綏服攸喪三年。

天道白帖作皇天。無知。使鄧白帖無鄧字。伯道無兒。○晉書鄧攸傳。白帖十八。

樊氏陂諺

水經注曰。湖水枝分。東北爲樊氏陂。陂東西十里。南北五里。亦謂之凡亭陂。陂東有樊氏故宅。樊氏既滅。庾氏取其陂。故諺曰。

陂汪汪。下田良。樊子失業庾公。後漢書注作氏。昌。○水經注清水注。後漢書樊弘傳注。詩紀四十三作樊氏陂謠。

陳武引里語

陳武別傳曰。武。胡人。育於臨水。令陳君。君奇之。起議欲易其故字。武長跪啟曰。里語有之云云。往在鄉里。久聞故老之說。稱漢使蘇武執忠守志。意竊慕之。陳氏嘉其志。遂名之曰武。又欲令字仲顯。其本是胡人。而石勒、石虎諱胡曰國。故因字之曰國武。

都亭鼠。數聞長者語。○御覽三百六十三。十六國春秋二十二後趙錄。

時人爲權翼苻雅語

秦書曰。尚書令苻雅。爲人樂施。乞人填門。嘗曰。天下物何常。吾今日富。後日貧耳。忽一日不施。則意不泰。時人爲之語曰。

不爲權翼。御覽作異。富。寧作苻雅貧。○御覽四百七十七。廣博物志十六引十六國春秋前秦錄。○杜文瀾古謠諺云。按苻秦時有權翼。無權異。御覽所引有誤。

石勒時諺

王隱晉書曰。石勒時有諺云。

一杯食。有兩七。石勒死。人不知。○御覽七百六十。

三秦記引諺

辛氏三秦記曰。燉煌西盡大秦。隔海。心無憂。遇善風。不經三十日得渡。心憂。數年不得渡。諺曰。心無憂患。不經二旬。心若憂患。遠離三春。○御覽三百七十七、四百六十九。

秦雍爲辛氏語

崔鴻前涼錄曰。辛攀。字懷遠。隴西狄道人。父爽。尚書郎。兄鑒、曠。弟寶、迅。皆以才識知名。秦雍爲之語曰。

五龍一門。金友玉昆。○御覽四百九十五。十六國春秋七十五前涼錄。詩紀四十四。

晉詩卷十

郊廟歌辭

晉郊祀歌三首

傅玄

晉書樂志曰。武帝受命。泰始二年。詔郊祀明堂禮樂權用魏儀。遵周室肇稱殷禮之義。但改樂章。使傅玄爲之辭。凡十九篇。

夕牲歌

天命有晉。穆穆明明。我其夙夜。祇事上靈。常于時假。晉書作夏。迄用有樂。府作其。詩紀同。成於薦玄牡。進夕其牲。崇德作樂。神祇是文。選補遺作景。聽。○宋書樂志。晉書樂志。樂府詩集一。文選補遺三十四。廣文選十。詩紀三十九。

迎送神歌

宣文蒸宋書作烝。哉。日靖四方。永言保之。夙夜匪康。光天之命。上帝是皇。嘉樂殷薦。靈祚宋書作祚。景祥。神祇降宋書作隆。樂府同。假。享福無疆。○宋書樂志。晉書樂志。樂府詩集一。廣文選十。

饗神歌三章

天祚有晉。其命惟新。受終于魏。奄有兆晉書作黎民。燕及皇天。懷柔晉書作和百神。不晉書作丕顯遺烈。之德之純。享其玄牡。式用肇禋。神祇來格。福祿是臻。

時邁其猶。昊天予之。祐享有晉。兆民晉書作肇庶戴之。畏天之威。敬授民晉書、樂府、廣文選作人。詩紀同。時不顯不承。於猶繹思。皇極斯建。庶績咸熙。庶幾夙夜。惟晉之祺。

宣文惟后。克配彼天。撫寧四海。保有康年。於乎緝熙。肆用靖民。爰立典制。爰修禮紀。作民之極。莫匪資始。克昌厥後。永言保之。○宋書樂志。晉書樂志。樂府詩集一。廣文選十一。詩紀三十九。

晉天地郊明堂歌六首

夕牲歌天地郊、明堂同。

皇矣有晉。時邁其德。受終於天。光濟萬國。萬國既光。神定厥祥。虔于郊祀。祇事上皇。祇事上皇。百福宋書作祿。是臻。巍巍祖考。克配彼天。嘉牲匪歆。德馨惟饗。受天之祚。晉書作佑。樂府、廣文選、詩紀同。神詩紀作佑。化四方。宋書作神和四暢。○宋書樂志。晉書樂志。樂府詩集一。廣文選十一。詩紀三十九。

降神歌

於赫大晉。膺晉書作應天景祥。二帝邁德。宣茲晉書作此重光。我皇受命。奄有萬方。郊祀配享。禮樂孔章。

神祇嘉饗。祖考是皇。克昌厥後。保祚宋書作祚。無疆。○同上

天郊饗神歌

整泰壇。祀晉書作盛。初學記同。皇神。精氣感。初學記作盛。百靈賓。蘊朱火。燎芳薪。紫煙遊。初學記作起。詩紀云。一作起。冠青雲。神之體。靡象形。曠無方。幽以清。神之來。光樂府作亢。景照。晉書作昭。韻補同。聽無聞。視無兆。神之至。舉歆歆。靈爽協。動余心。神之坐。同歡娛。澤雲翔。化風舒。嘉樂奏。文中聲。八音諧。神是聽。咸潔齊。宋書作齋。並芬芳。烹牲牲。宋書作牲牲。享玉觴。神悅饗。歆禋祀。祐大晉。降繁祉。祚晉書作作。京邑。行晉書作廣。四海。保天年。窮地紀。○宋書樂志。晉書樂志。樂府詩集一。廣文選十一。詩紀三十九。又初學記十三引神。賓、薪、雲四韻。韻補四引昭、兆二韻。

又

營泰時。定天衷。思心睿。謀筮從。建表蘊。設郊宮。田燭置。燿火通。歷元旬。集首吉。飾塔壇。坎列室。
○初學記十三。

地郊饗神歌

整泰折。廣文選作圻。埃初學記作祚。皇祇。衆神感。羣靈儀。陰祀設。吉禮施。夜將極。時未移。祇之體。無形

象。潛泰幽。洞忽荒。祇之出。菱若有。靈初學記作虛。誤。無遠。天下母。祇之來。遺光景。昭若存。終冥冥。酌補作溟溟。祇之至。舉欣欣。舞象德。歌成文。祇之晉書作既。坐。同歡豫。澤雨施。化雲布。樂八變。聲教敷。物咸亨。宋書、廣文選作享。祇是娛。齊宋書作齋。既潔。侍者肅。玉觴進。咸穆穆。饗嘉豢。宋書作慶。歆德馨。祚宋書作昨。初學記作作。有晉。暨初學記作璧。羣生。溢九壤。初學記作有。格天庭。保萬壽。延億齡。○宋書樂志。晉書樂志。樂府詩集一。廣文選十一。詩紀三十九。又初學記十三引祇、儀、黎、庭、齡五韻。韻補三引景、溟二韻。

又

結方丘。祇國琛。樽既享。俎既歆。斂初學記作斂。檢玉。具塵琛。楸初學記作懋。百福。底自古。錫萬壽。迄在今。○初學記十三。詩紀三十九。

明堂饗神歌

經始明堂。享祀匪懈。於皇烈考。光配上帝。赫赫上帝。既高既崇。聖考是配。明德廣文選作堂。顯融。率土敬職。萬方來祭。常于時假。保祚宋書作昨。永世。○宋書樂志。晉書樂志。樂府詩集一。廣文選十一。詩紀三十九。

晉宗廟歌十一首

南齊書樂志曰。晉泰始中。傅玄造祠廟夕牲昭夏歌一篇。迎送神肆夏歌一篇。登歌七廟七篇。饗神歌二篇。玄云。

登歌。歌盛德之功烈。故廟異其文。饗神猶周頌之有瞽及雍。但說祭饗神明禮樂之盛。七廟饗神皆用之。

夕牲歌

我夕我牲。猗歟敬止。嘉豢孔時。供茲享祀。神鑒厥誠。博碩斯歆。祖考降饗。以虞孝孫之心。○宋書樂志。晉

書樂志。樂府詩集八。詩紀三十九。

迎送神歌

嗚呼悠哉。日鑒晉書作監。在茲。以時享祀。神明降之。神明斯降。既祐饗之。祚我無疆。受天之祐。赫赫太
上。巍巍聖祖。明明烈考。丕承繼序。○同上

征西將軍登歌

經始宗廟。神明晉書作時。戾止。申錫無疆。祇承享祀。假哉皇祖。綏予孫子。燕及後昆。錫茲繁祉。○同上

豫章府君登歌

嘉樂肆樂府作在。庭。晉書作筵。薦祀在堂。皇皇宗廟。乃祖先晉書作乃。皇。濟濟辟公。相予宋書作子。蒸樂府作烝。
嘗。享祀不忒。降福穰穰。○同上

潁川府君登歌

於邈先后。實司于天。顯矣皇祖。帝祉肇臻。本支克昌。資始開元。惠我無疆。享祀晉書作祚。永年。○同上

京兆府君登歌

於惟曾皇。顯顯令德。高明清亮。匪競柔克。保乂命祐。宋書作祐。基命惟則。篤生聖祖。光濟四國。○同上

宣皇帝登歌

於鑠皇祖。聖德欽明。勤施四方。夙夜敬止。載敷文教。載揚武烈。匡定社稷。恭宋書作龔。樂府同。晉書作躬。行天罰。經始大業。造創帝基。畏天之命。于時保之。○同上

景皇帝登歌

執競景皇。克明克哲。旁作穆穆。惟祗惟畏。纂宣之緒。耆定厥功。登此俊乂。糾彼羣凶。業業在位。帝既勤止。維天之命。於穆不已。○同上

文皇帝登歌

於皇時晉。允文文皇。聰明睿智。聖敬神武。萬幾莫綜。皇斯清之。虎兕晉書作蛇豕。放命。皇斯平之。柔遠能邇。簡授英賢。創業垂統。勳格皇天。○同上

饗神歌二章

曰晉書作日。晉是常。享祀時序。宗廟致敬。禮樂具舉。惟其來祭。普天率土。犧樽既奠。清酏既載。亦有和羹。薦羞斯備。蒸蒸樂府作烝烝。永慕。感時興思。登歌奏舞。神樂其和。祖考來格。祐我邦家。敷晉書作溥。天之下。罔不休嘉。

肅肅在位。濟濟臣工。四海來格。禮儀有容。鐘鼓振。管絃理。舞開元。歌永始。神胥樂兮。肅肅在位。臣工濟濟。小大咸敬。上下有禮。理管絃。振鼓鐘。舞象德。歌詠功。神胥樂兮。肅肅在位。有來雍雍。穆穆天子。相維辟公。禮有儀。樂有則。舞象功。歌詠德。神胥樂兮。宋書缺舞象功以下十字。○同上○逮案。肅肅在位起始四句。晉書屬前章。

燕射歌辭

晉四廂樂歌三首

傅玄

晉書樂志曰。晉初。食舉亦用鹿鳴。至武帝泰始五年。使傅玄、荀勗、張華各造正旦行禮及王公上壽酒食舉樂歌詩。後又詔成公綏亦作焉。傅玄造三篇。一曰天鑒。二曰於赫。三曰天命。

正旦大會行禮歌四章

天鑒有晉。世祚聖皇。時齊七政。朝此萬方。
鐘鼓斯震。九賓備禮。正位在朝。穆穆濟濟。
煌煌三辰。實麗于天。君后是象。威儀孔虔。
率禮無愆。莫非邁德。儀刑聖皇。萬邦惟則。
○宋書樂志。樂府詩集十三。詩紀三十九。

上壽酒歌

於赫明明。聖德龍興。三朝獻酒。萬壽是膺。敷佑四方。如日之升。自天降祚。元吉有徵。
○同上

食舉東西廂歌十三章

天命大晉。載育羣生。於穆上德。隨時化成。
自祖配命。皇皇后辟。繼天創業。宣文之績。
不顯宣文。先知稼穡。克恭克儉。足教足食。
既教食之。弘濟艱難。上帝是祐。下民所安。
天祐聖皇。萬邦來賀。雖安勿安。乾乾匪暇。

乃正丘郊。乃定冢社。虞虞作宗。光宅天下。惟敬朝饗。爰奏食舉。盡禮供御。嘉樂有序。樹羽設業。笙鏞以閒。琴瑟齊列。亦有箎塤。嗶嗶鼓鐘。鎗鎗磬管。八音克諧。載夷載簡。既夷既簡。其大不禦。風化潛興。如雲如雨。如雲之覆。如雨之潤。聲教所暨。無思不順。教以化之。樂以和之。和而養之。時惟邕熙。禮慎其儀。樂節其聲。於鑠皇繇。既和且平。○同上

晉四廂樂歌十七首

荀勗

晉書樂志曰。魏杜夔傳舊雅樂四曲。一曰鹿鳴。二曰騶虞。三曰伐檀。四曰文王。皆古聲辭。及太和中。左延年改夔騶虞、伐檀、文王三曲。更自作聲節。其名雖存。而聲實異。唯因夔鹿鳴。全不改易。每正旦大會。太尉奉璧。羣后行禮。東廂雅樂常作者是也。後又改三篇。第一曰於赫篇。詠武帝。聲節與古鹿鳴同。第二曰巍巍篇。詠文帝。用延年所改騶虞聲。第三曰洋洋篇。詠明帝。用延年所改文王聲。第四曰復用鹿鳴。鹿鳴之聲重用。而除古伐檀。古今樂錄曰。漢故事上壽用四會曲。魏明帝青龍二年。以長笛食舉第十一古大置酒曲代四會。又易古詩名曰羽觴行。用爲上壽曲。施用最在前。鹿鳴以下十二曲名食舉樂。而四會之曲遂廢。○晉書樂志曰。泰始中。使傅玄、荀勗、張華

各造正旦大會行禮及王公上壽酒、食舉樂歌詩。勗乃更作行禮詩四篇。又爲正旦大會、王公上壽歌詩并食舉樂歌詩。合十三篇。又以魏氏歌詩或二言。或三言。或四言。或五言。與古詩不類。以問司律中郎將陳頤。頤曰。被之金石。未必皆當。故勗造晉歌。皆爲四言。唯王公上壽酒一篇。爲三言五言焉。

正旦大會行禮歌四章

於皇元首。羣生資始。履端大享。歲時雜詠作亨。敬御繁類聚作福。歲時雜詠作羅。祉。肆歲時雜詠作歸。覲羣后。爰及歲時雜詠作致茲。卿士。欽順則元。類聚作時財。歲時雜詠作欽若□時。允也天子。

明明天子。臨下有赫。四表宅心。惠浹荒貊。柔遠能邇。孔淑不逆。來格祁祁。邦家是若。

光光邦國。類聚作家。天篤其祐。丕顯哲命。顧柔類聚作予。三祖。世德作求。奄有九土。思我皇度。彝倫攸序。惟祖惟宗。高朗緝熙。對越在天。駿惠在茲。聿求厥成。我皇崇之。式固其猶。往敬用治。○宋書樂志。類聚四。

樂府詩集十三。詩紀三十九。又古今歲時雜詠一引第一章。

王公上壽酒歌

踐元辰。延顯融。歲時雜詠作駘。獻羽觴。祈令終。我皇壽而隆。我皇茂而嵩。本枝奮百世。休祚鍾聖躬。○宋

書樂志。晉書樂志。類聚四。古今歲時雜詠一。詩紀三十九。

食舉樂東西廂歌十二章

煌煌七曜。重明交暢。我有嘉賓。是應是貺。邦政既圖。接以大饗。人之好我。式遵德讓。

賓之初筵。藹藹濟濟。既朝乃宴。以洽百禮。頒以位敘。或廷或陛。登儉台叟。亦有兄弟。胥子陪寮。憲茲度楷。觀頤養正。降福孔偕。

昔我三后。大業是維。今我聖皇。焜耀前暉。奕世重規。明照九畿。思輯用光。時罔有違。陟禹之跡。莫不來威。天被顯祿。福履是綏。

赫矣太祖。克廣明德。廓開宇宙。宋書、樂府作禹。正世立則。變化不經。民無瑕慝。創業垂統。兆我晉國。烈文伯考。時惟帝景。夷險平亂。威而不猛。御衡不迷。皇塗煥炳。晉書作景。七德咸宣。其寧惟永。

猗歟盛歟。先皇聖文。則天作孚。大哉爲君。慎徽五典。帝載是勤。文武發揮。茂建嘉勳。修己濟治。民用寧殷。懷遠燭幽。玄教氛氳。晉書作氳。氳。善世不伐。服事三。宋書作參。樂府同。分。德博化隆。道冒。晉書作昌。無垠。

隆化洋洋。帝命溥將。登我晉道。越惟聖皇。晉書作王。龍飛革運。臨燾八荒。叡哲欽明。配蹤虞唐。封建厥福。駿發其祥。三朝習吉。終然允臧。其臧惟何。總彼萬方。元侯列辟。四嶽蕃。晉書作藩。王。時見世享。率茲

有常。旅揖在庭。嘉客在堂。宋衛既臻。陳留山陽。我有賓使。晉書作有賓有使。觀國之光。貢賢納計。獻璧奉璋。保佑命之。申錫無疆。

振鷺于飛。鴻漸其翼。京邑穆穆。四方是式。無競惟人。王綱允敕。君子來朝。言觀其極。晉書作虞虞。大君。民之攸暨。信理天工。惠康不匱。將遠不仁。訓以淳。晉書作醇。粹。幽明有倫。俊又在

位。九族既睦。庶邦順比。開元布憲。四海鱗萃。協時正統。殊塗同致。厚德載物。靈心隆貴。敷奏讜言。納

以無諱。樹之典象。誨之義類。上教如風。下應如卉。一人有慶。羣萌以遂。我后宴喜。令問不墜。既宴既喜。翕是萬邦。禮儀卒度。物有其容。宋書作物。晰晰晉書作哲哲。庭燎。嗶嗶鼓鐘。笙磬詠德。萬舞象功。八音克諧。俗易化從。其和如樂。庶品時邕。

時邕詩紀作雍。斌斌。宋書作份份。六合同塵。往我祖宣。威靜殊。宋書作如。鄰。首定荆楚。遂平燕秦。豐豐宋書作媿媿。文皇。邁德流仁。爰造草昧。應乾順民。靈瑞告符。休徵響。宋書、晉書作響。震。天地弗違。以和神人。既戡。晉書作禽。庸蜀。吳會。是賓。肅慎率職。楛矢來陳。韓濊進樂。宋書作藥。均。晉書作宮。協清鈞。西旅獻獒。扶南效珍。蠻裔重譯。玄齒文身。我皇撫之。景命惟新。

悒悒嘉會。有聞無聲。清酤既奠。籩豆既馨。晉書作升。禮充樂備。簫韶九成。愷樂飲酒。酣而不盈。率土歡豫。邦國以寧。王猷允塞。萬載無傾。○宋書樂志。晉書樂志。樂府詩集十三。詩紀三十九。

晉四廂樂歌十六首

張華

晉書樂志曰。張華以爲魏上壽、食舉詩及漢代所施用。其文句長短不齊。未皆合古。蓋以依詠弦節。本有因循。而識樂知音。足以制聲度曲。法用率非凡近之所能改。二代三京。襲而不變。雖詩章辭異。廢興隨時。至其韻逗留曲折。皆繫於舊。有由然也。是以一皆因就。不敢有所改易。

王公上壽詩

稱元慶。奉聖宋書作壽。樂府同。觴。后皇延遐祚。安樂撫萬方。○宋書樂志。樂府詩集十三。詩紀三十九。

食舉東西廂樂詩十一章

明明在上。丕顯厥繇。翼翼三壽。蕃后惟休。羣生漸德。六合承流。三正元辰。朝慶鱗宋書缺此字。萃。華夏奉職貢。八荒覲殊類。黻冕充廣庭。鳴玉盈朝位。

濟濟朝位。言觀其光。儀序既以時。禮文煥宋書作煥。以彰。思皇享多祐。嘉樂永無央。

九賓在庭。臚讚既通。升瑞奠贄。乃侯乃公。穆穆天尊。隆禮動容。履端承元吉。介福御萬邦。

朝享。上下咸雍。崇多儀。繁禮容。舞盛德。歌九功。揚芳烈。播休蹤。

皇化洽。洞幽明。懷柔百神。輯祥禎。潛龍躍。雕虎仁。儀鳳鳥。屈游麟。枯蠹榮。竭泉流。菌芝茂。枳棘柔。和氣應。休徵弦。協靈符。彰帝期。綏宇宙。萬國和。昊天成命。賚皇家。賚皇家。

世資聖哲。三后在天。啓鴻烈。啓鴻烈。隆王基。率土謳吟。欣戴于時。恆文宋書有示字。象。代氣著期。

泰始開元。龍升在位。四隩同風。變寧殊類。五躔來備。嘉生以遂。凝庶績。臻太康。申繁祉。胤無疆。本枝百世。繼緒不忘。繼緒不忘。休有烈光。永言配命。惟晉之祥。

聖明統世。篤皇仁。廣大配天地。順動若陶鈞。玄化參自然。至德通神明。清風暢八極。流澤被無垠。

於皇時晉。奕世齊聖。惟天降嘏。神祇保定。弘濟區夏。允集大命。有命既集。光帝猷。大明重曜。鑒六幽。

聲教洋溢。惠滂流。惠滂流。樂府少此三字。移風俗。多士盈朝。賢俊比屋。敦世心。斷宋書作斷。彫反素樸。反

素樸。懷庶方。干戚舞階庭。疏狄悅遐荒。扶南假重譯。肅慎襲衣裳。雲覆雨施。德洽無疆。旁作穆穆。仁化翔。

朝元日。賓王庭。承宸極。當盛明。衍和樂。竭祇誠。仰嘉惠。懷德馨。遊淳風。泳淑清。協億兆。同歡榮。建皇極。統天位。運陰陽。御六氣。殷羣生。成性類。王道浹。治功成。人倫序。俗化清。虔明祀。祇三靈。崇禮樂。式儀刑。

慶元吉。宴三朝。播金石。詠泠簫。奏九夏。舞雲韶。邁德音。流英聲。八絃一。六合寧。六合寧。承聖明。王澤洽。道登隆。綏函夏。總華戎。齊德教。混殊風。混殊風。康萬國。崇夷簡。尚敦德。弘王度。遠遐則。○宋書樂志。樂府詩集十三。詩紀三十九。

正旦大會行禮詩四章

於赫皇祖。迪哲齊聖。經緯大業。基天之命。克開洪緒。誕篤天慶。旁濟彝倫。仰齊七政。烈烈景皇。克明克聰。靜封畧。定勳功。成民立政。儀刑萬邦。式固崇軌。光紹前蹤。

允文烈考。濬哲應期。參德天地。比功四時。大亨以正。庶績咸熙。肇啓晉宇。遂登皇基。

明明我后。玄德通神。受終正位。協應天人。容民厚下。育物流仁。躋我王道。輝光日新。○宋書樂志。樂府詩

晉四廂樂歌

成公綏

王公上壽酒歌

上壽酒。樂未央。大晉應天慶。皇帝永無疆。○宋書樂志。樂府詩集十三。詩紀三十九。

正旦大會行禮歌十五章

穆穆天子。光臨萬國。多士盈朝。莫匪詩紀作非。俊德。流化罔極。王猷允塞。嘉會置酒。嘉賓充庭。羽旄曜辰極。鐘鼓振泰清。百辟朝三朝。或或晉書作式式。明儀刑。宋書。樂府作形。濟濟鏘鏘。金振玉聲。

禮樂具。宴嘉賓。眉壽祚宋書作昨。聖皇。景福惟日新。羣后戾止。有來雍雍。宋書作雖雖。同。

獻酬納贄。崇此禮容。豐肴晉書作羞。萬俎。旨酒千鍾。嘉樂盡宴樂。福祿咸攸同。樂哉。天下安寧。道化行。

風俗清。簫韶作。詠九成。年豐穰。世泰平。至治哉。樂無窮。元首聰明。股肱忠。澍豐澤。揚清風。

嘉瑞出。靈應彰。麒麟見。鳳凰翔。醴泉湧。流中唐。嘉禾生。穗盈箱。降繁祉。祚聖皇。承天位。統萬國。受

命應期。授聖德。四世重光。宜開洪業。景克昌。文欽明。德彌彰。肇啓晉邦。流祚宋書作昨。無疆。

泰始建元。鳳皇龍興。龍興伊何。享祚宋書作昨。萬乘。奄有八荒。化育黎蒸。圖書煥炳。晉書作既煥。金石有

徵。德光大。道熙隆。被四表。格皇穹。奕奕萬嗣。明明顯融。高朗令終。保茲永祚。宋書作昨。與天比崇。

聖皇君晉書作居。四海。順人晉書無順人兩字。應天期。三葉合重光。泰始開洪基。明曜參日月。功化詩紀作光。侔

四時。宇宙清且泰。黎庶咸雍。宋書作雖。下同。熙。善哉雍熙。

惟天降命。翼仁祐聖。於穆三皇。載德彌盛。總齊璇璣。宋書作璿。下同。光統七政。百揆時序。化若神聖。四海同風。興至仁。濟民育物。擬陶鈞。晉書作均。下同。擬陶鈞。垂惠潤。皇皇羣賢。峨峨英俊。德化宣。芬芳播來胤。播來胤。垂後昆。清廟何穆穆。皇極闢四門。皇極闢四門。萬機無不綜。亶亶宋書作規。規。翼。翼。樂不及荒。饑不遑食。大禮既行。樂無極。

登崑崙。上層宋書作增。樂府作曾。城。乘飛龍。升泰清。冠日月。佩五星。揚虹蜺。建簪宋書作簪。旌。披慶雲。蔭繁榮。覽八極。遊天庭。順天地。和陰陽。序四時。宋書作氣。曜三光。張帝網。正皇綱。播仁風。流惠康。邁洪化。振靈威。懷萬方。納九夷。朝閭闔。宴紫微。

建五旗。羅鐘虜。列四縣。奏韶武。鏗金石。揚旌羽。縱八佾。巴渝舞。詠雅頌。和律呂。于胥樂。樂聖主。化蕩蕩。清風泄。文選補遺作曳。總英雄。御俊。文選補遺作駿。傑。開宇宙。掃四裔。光文選補遺作先。緝熙。美聖哲。超百代。揚休烈。流景祚。宋書作昨。顯萬世。

皇皇顯祖。翼世佐時。寧濟六合。受命應期。神武鷹宋書誤作鷹。揚。大化成熙。廓開皇衢。用成帝基。光光景皇。無競惟烈。匡時拯俗。休功蓋世。宇宙既康。九域有截。天命降鑒。晉書作監。啓祚宋書作昨。明哲。穆穆烈考。克明克雋。晉書作雋。實天生德。誕膺靈運。肇建帝業。開國有晉。載德奕世。垂慶洪胤。

明明聖帝。龍飛在天。與靈合契。通德幽玄。仰化青雲。俯育重淵。晉書作川。受靈之祐。宋書、晉書作祐。於萬斯年。○宋書樂志。晉書樂志。樂府詩集十三。詩紀三十九。又文選補遺三十四作傳玄。引化蕩蕩一章。

晉冬至初歲小會歌

張華

日月不留。四氣迴周。節慶代序。萬國同詩。紀云。一作威。休。庶尹羣后。宋書、初學記作和。奉壽初學記作爵。詩紀云。一作爵。升朝。我有嘉晉書作壽。初學記作家。禮。式宴百僚。繁肴綺錯。旨酒泉淳。歲時雜詠作淳。笙鏞和奏。磬管流聲。上隆其愛。歲時雜詠作受。下盡其心。宣其壅滯。訓樂府作詠。之德音。乃宣乃訓。配享交泰。永載仁風。長撫無外。○晉書樂志。樂府詩集十三。古今歲時雜詠三十九作張會詩。詩紀三十九。又初學記十三引周、休、朝、寮四韻。

晉宴會歌

亶亶我皇。配天垂光。留精日昃。經覽無方。聽朝有暇。延命衆臣。冠蓋雲集。罇俎星陳。肴蒸多品。八珍代變。羽爵無算。究樂極宴。歌者流聲。舞詩紀作武。者投袂。動容有節。絲竹並設。宣暢晉書作揚。四體。繁手趣攀。歡足發和。酣不忘禮。好樂無荒。翼翼濟濟。○晉書樂志。樂府詩集十三。詩紀三十九。

晉中宮所歌

先王統大業。玄化漸八維。儀刑萬花谷作形。孚萬邦。內訓隆壺萬花谷作崇宮。闡。二句初學記作儀形萬邦內。訓崇在宮闡。皇英垂帝典。初學記、萬花谷作則。大雅詠三初學記作王。妃。執德宣隆教。正位理厥機。詩紀云。一作司。案當爲理之異文。含章體柔順。率樂府作帥。禮蹈謙祇。螽斯弘慈惠。樛木逮幽微。徽音穆清風。初學記作風清穆。高義邈

不追。遺初學記、萬花谷作貴。榮參日月。百初學記、萬花谷作舉。世仰餘暉。○晉書樂志。樂府詩集十三。詩紀三十九。又初學記十引維、闌、妃、祗、微、追、暉七韻。萬花谷後八引維、闌、妃、祗、微、追、暉七韻。

晉宗親會歌

族燕明禮順。餼食序親親。骨肉散不殊。昆弟豈他人。本枝篤同慶。棠棣著先民。於皇聖明后。天覆弘且仁。隆禮崇親戚。旁施協族姻。式宴盡酣娛。飲御備羞珍。和樂既宣洽。上下同歡欣。德教加四海。敦睦被無垠。○晉書樂志。樂府詩集十三。詩紀三十九。

鼓吹曲辭

晉鼓吹曲二十二首

傅玄

晉書樂志曰。武帝令傅玄製鼓吹曲二十二篇。以代魏曲。

靈之祥

古朱鷲行。古今樂錄曰。靈之祥。言宣皇帝之佐魏。猶虞舜之事堯也。既有石瑞之徵。又能用武以誅孟度之逆命也。

靈之祥。石瑞章。旌金德。出西方。天降命。宋書作命降。授宣皇。應期運。時龍驤。繼大舜。佐陶唐。讚武文。

建帝綱。孟氏叛。據古樂府作據。南疆。追有扈。亂五常。宋書誤作帝。吳寇勁。晉書作叛。蜀虜彊。交誓盟。連遐荒。宣赫怒。奮鷹揚。震乾威。曜電光。陵九天。陷石城。梟逆命。拯有生。萬國安。四海寧。○宋書樂志。晉書樂志。樂府詩集十九。古樂府二。詩紀四十。

宣受命

古思悲翁行。古今樂錄曰。宣受命。言宣皇帝禦諸葛亮。養威重。運神兵。亮震怖而死。

宣受命。應天機。風雲時動。神龍飛。禦諸葛。宋書、晉書作葛亮。鎮雍宋書作雖。梁邊境安。夷夏宋書作民夷。康。務節事。勤定傾。攬宋書作覽。英雄。保持盈。淵晉書作深。穆穆。赫明明。沖而泰。天之經。養威重。運神兵。亮乃震斃。宋書作死。天下晉書有安字。寧。○同上

征遼東

古艾而張行。古今樂錄曰。征遼東。言宣皇帝陵大海之表。討滅公孫淵。而梟其首也。

征遼東。敵失宋書誤作大。據。威靈邁日域。公孫既授首。羣逆破膽。咸震怖。朔北響應。海表景附。武功赫赫。德雲布。○同上

宣輔政

古上之回行。古今樂錄曰。言宣帝聖道深遠。撥亂反正。網羅文武之才。以定二儀之序也。

宣皇輔政。聖烈深。撥亂反正。從晉書作順。天心。網羅文武才。慎厥所生。所生賢。遺教施。安上治民。化風移。肇創詩紀云。一作造。帝基。洪業垂。於鑠明明。時赫戲。功濟萬世。定二儀。定二儀。樂府無此三字。雲行宋書。晉書作澤。樂府同。雨施。海外風馳。○同上

時運多難

古擁離行。古今樂錄曰。時運多難。言宣帝致討吳方。有征無戰也。

時運多難。道教痛。天地變化。有盈虛。蠢爾吳蠻。虎晉書作武。視江湖。我皇赫斯。致天誅。有征無戰。弭其圖。天威橫被。廓宋書作震。東隅。○同上

景龍飛

古戰城南行。古今樂錄曰。景龍飛。言景帝克明威教。賞從夷逆。祚隆無疆。崇此洪基也。

景龍飛。御天威。聰鑒玄察。宋書作發。動與神明協機。從之者顯。逆之者滅夷。文教敷。武功巍。普被四海。萬邦望風。莫不來綏。聖德潛斷。先天弗違。晉書缺普被以下二十字。弗違祥。享世永長。猛以致寬。道化光。赫明明。祚宋書作祚。隆無疆。帝績惟期。有命既集。崇此洪基。○同上

平玉衡

古巫山高行。古今樂錄曰。平玉衡。言景帝一萬國之殊風。齊四海之乖心。禮賢養士。而纂洪業也。

平玉衡。紉宋書、晉書作糾。姦回。萬國殊風。四海乖。禮賢養士。羈御英雄。思心齊。纂戎洪業。崇皇階。品物咸亨。聖敬日躋。聰鑒盡下情。明明綜天機。○同上

文皇統百揆

古上陵行。古今樂錄曰。文皇統百揆。言文帝始統百揆。用人有序。以敷太平之化也。

文皇統百揆。繼天理萬方。武將宋書誤作皇。鎮四隅。宋書作高。英佐盈朝堂。謀宋書作伴。言協秋蘭。清風發其芳。洪澤所漸潤。礫石爲瑯瑯。大道侔樂府作謀。詩紀同。五帝。盛德踰三王。咸光大。上參天與地。至樂府作並。化無內外。無內外。六合並康乂。韵補作艾。並康乂。邁茲嘉會。在昔羲與農。大晉德斯邁。鎮征及諸州。爲蕃衛。玄功濟四海。洪烈流萬世。○宋書樂志。晉書樂志。樂府詩集十九。詩紀四十。又韵補四引晉樂章外、艾二韵。

因時運

古將進酒行。古今樂錄曰。因時運。言文帝因時運變。聖謀潛施。解長蛇之交。離羣桀之黨。以武濟文。審其大計。以邁其德也。

因時運。聖策施。長蛇交解。羣桀離。勢窮奔吳。虎晉書作獸。騎厲。惟武進。審大計。時邁其德。清一世。○宋書樂志。晉書樂志。樂府詩集十九。詩紀四十。

惟庸蜀

古有所思行。古今樂錄曰。惟庸蜀。言文帝既平萬乘之蜀。封建萬國。復五等之爵也。

惟庸蜀。僭號天一隅。劉備逆帝命。禪亮承其餘。擁衆數十萬。闕隙承我虛。驛騎進羽檄。天下不遑居。姜維屢寇邊。隴上爲荒蕪。宋書作墟。文皇愍斯民。歷世受罪辜。外謨藩屏臣。內謀衆士夫。爪牙應指授。腹心獻獻字上宋書有同字。樂府、詩紀並云。一作同。良圖。良圖協成文。大樂府云。一作乃。詩紀同。興百萬軍。雷鼓震地起。猛勢陵浮雲。逋虜畏天誅。面縛造壘門。萬里同風教。逆命稱妾臣。光建五等。紀綱天人。○同上

天序

古芳樹行。古今樂錄曰。天序。言聖皇應曆受禪。弘濟大化。用人各盡其才也。

天序曆。應宋書倒作應曆。受禪。承靈祐。御羣龍。勒螭虎。晉書作武。弘濟大化。英雋詩紀作雋。同。作輔。明明統萬機。赫赫鎮四方。咎繇稷契之疇。協蘭芳。禮王臣。覆兆民。化之如天與地。誰敢愛其身。○同上

大晉承運期

古上邪行。古今樂錄曰。大晉承運期。言聖皇應籙受圖。化象神明也。

大晉承運期。德隆聖皇。時清晏。白日垂光。應籙圖。陟帝位。繼天正玉。晉書作王。衡。化行象神明。至哉道

隆虞與晉書無與字。唐。元首敷洪化。百寮股肱並忠良。民晉書作時。太樂府作大。康。隆隆赫赫。福祚宋書作祚。盈無疆。○同上

金靈運

古君馬黃行。古今樂錄曰。金靈運。言聖皇踐祚。致敬宗廟而孝道行於天下也。

金靈運。天符發。聖徵見。參日月。惟我皇。體神聖。受魏禪。應天命。皇之興。靈有徵。登大廣文選作太。誤。麓。御萬乘。皇之輔。若闕宋書作虓。虎。晉書作武。爪牙奮。莫之禦。皇之佐。讚宋書作贊。清化。百事理。萬邦賀。神祇應。嘉瑞章。恭享禮。宋書作祀。廣文選同。薦先皇。樂時奏。磬管鏘。鼓淵淵。晉書作殷殷。鐘鏗鏗。宋書作摐。摐。廣文選同。奠樽俎。實玉觴。神歆饗。咸悅宋書作說。康。宴孫子。祐無疆。大孝烝烝。晉書作蒸蒸。德教被萬方。○宋書樂志。晉書樂志。樂府詩集十九。廣文選十一。詩紀四十。

於穆我皇

古雉子行。古今樂錄曰。於穆我皇。言聖皇受命。德合神明也。

於穆我皇。盛德聖且明。受禪君世。光濟羣生。普天率土。莫不來庭。顒顒六合內。望風仰泰清。萬國雍雍。宋書作離離。興頌聲。大化洽。地平而天成。七政齊。玉衡惟平。峨峨佐命。濟濟羣英。夙夜乾乾。萬機是經。雖治興。匪荒寧。謙道光。沖不盈。天地合德。日月同榮。赫赫煌煌。曜幽冥。三光克從。於顯天。垂景

星。龍鳳臻。甘露宵零。肅神祇。祇上靈。萬物欣戴。自天效其成。○宋書樂志。晉書樂志。樂府詩集十九。詩紀四十。

仲春振旅

古聖人出行。古今樂錄曰。仲春振旅。言大晉申文武之教。畋獵以時也。

仲春振旅。大致民。晉書作人。武教於時日新。師執提。工執鼓。坐作從。詩紀云。晉書作起。節有序。盛矣允文允武。蒐田表馮。申法誓。遂圍禁。獻社祭。允以宋書作矣。時。明國制。文武並用。禮之經。列車如戰。大教明。古今誰能去兵。大晉繼天。濟羣生。○同上

夏苗田

古臨高臺行。古今樂錄曰。夏苗田。言大晉收狩順時。爲田除害也。

夏苗田。運將徂。軍國異容。文武殊。乃命羣吏。撰車徒。辨其號名。宋書作名號。讚契書。王軍啓八門。行同上帝居。時路建大麾。雲旗翳紫虛。百官象其事。疾則疾。徐則徐。回衡旋軫。罷陳弊車。獻禽享祠。蒸蒸樂府作蒸蒸。配有虞。惟大晉。德參兩儀。化雲敷。○同上

仲秋彌田

古遠期行。古今樂錄曰。仲秋彌田。言大晉雖有文德。不廢武事。順時以殺伐也。

仲秋獮田。金德常剛。晉書作綱。涼風清且厲。凝露結為霜。白藏宋書作虎。是。樂府作臧。司辰。蒼隼時鷹揚。鷹揚猶尚父。順天以殺伐。春秋時序。樂府、詩紀作敘。雷霆振威曜。進退由鉦鼓。致禽祀祊。羽毛之用充軍府。赫赫大晉德。芬烈陵三五。敷化以文。雖治晉書作安。不廢武。光宅四海。永享天之祐。○同上

順天道

一作從天道。古石留行。古今樂錄曰。順天道。言仲冬大閱。用武修文。大晉之德配天也。

順宋書作從。天道。握神契。三時示。宋書作亦。講武事。冬大閱。鳴鑼振鼓鐸。旌旗象虹霓。文制其中。武不窮武。動軍誓衆。禮成而義舉。三驅以崇宋書作宗。仁。進止不失其序。兵卒練。將如闕宋書無闕字。虎。晉書作武。下同。惟闕宋書作虓。虎。氣陵青雲。解圍三面。殺不殄羣。偃旌麾。班六軍。獻享蒸。修典文。嘉大晉。德配天。祿報功。爵俟賢。饗燕樂。受茲百祿。嘉晉書作壽。萬年。○同上

唐堯

古務成行。古曲亡。古今樂錄曰。唐堯。言聖皇陟帝位。德化光四表也。

唐堯諮務成。謙謙德所興。積漸終光大。履霜致堅冰。神明道自然。詩紀云。晉書作成。河海猶可凝。舜禹統百揆。元凱以次升。禪讓應天。晉書作大。曆。睿聖世相承。我皇陟帝位。平衡正準繩。德化飛宋書無飛字。四表。祥氣見其徵。興王坐俟旦。亡主樂府云。一作圖。詩紀同。宋書作生。恬樂府云。一作主。詩紀同。自矜。致遠由近始。覆篲

成山陵。披圖按先籍。有其證靈液。宋書無液字。案當作靈液有其證。○同上

玄雲

古玄雲行。古曲亡。古今樂錄曰。玄雲。言聖皇用人各盡其才也。

玄雲起丘山。宋書作山嶽。祥氣萬里會。龍飛何婉婉。鳳翔何翩翩。昔在唐虞朝。時見青雲際。今親遊萬宋書作方。樂府云。一作方。詩紀同。國。流光溢天外。鶴鳴在後園。清音宋書作香。隨風邁。成湯隆顯命。伊摯來如飛。周文獵渭濱。遂載呂望歸。符合如影響。晉書缺周文以下十五字。先天天弗違。輟耕綜時。晉書作地。綱。宋書作綱時網。解褐衿天維。元功配二王。宋書作主。芬馨世所稀。我皇敍羣才。洪烈何巍巍。桓桓征四表。濟濟理萬機。神化感無方。髦才盈帝畿。丕顯惟昧旦。日新孔所咨。茂哉明聖宋書作聖明。樂府云。一作人。德。日月同光輝。○同上

伯益

古黃爵行。古曲亡。古今樂錄曰。伯益。言赤鳥銜書。有周以興。今聖皇受命。神雀來也。

伯益佐舜禹。職掌山與川。德侔十六相。思心人無間。宋書、樂府作閒。智理周萬物。下知衆鳥言。黃雀應清化。翔集。晉書作習。何翩翩。和鳴棲庭樹。徘徊雲日間。夏桀爲無道。密網施山河。宋書作阿。詩紀云。晉書作川。酷祝振纖網。當奈黃雀何。殷湯崇天德。去其二面羅。逍遙羣飛來。鳴聲乃復和。朱雀作南宿。鳳皇統羽羣。

赤烏銜書至。天命瑞周文。神雀今來遊。爲我受命君。嘉祥致天和。膏澤隆宋書、樂府作降。詩紀云。一作降。青雲。蘭風發芳氣。闔晉書作蓋。世同其芬。○同上

釣竿

古釣竿行。漢鏡歌二十二曲無釣竿。古今樂錄曰。釣竿。言聖皇德配堯舜。又有呂望之佐。以濟天功。致太平也。

釣竿何冉冉。甘餌芳且鮮。臨川運思心。微綸沈九淵。晉書作泉。太公寶此術。乃在靈祕篇。機變隨物移。精妙貫未然。游魚驚著釣。潛龍飛戾天。戾天安所至。撫翼翔太清。太清一何異。兩儀出渾成。玉衡正三辰。造化賦羣形。退願輔聖君。與神合其靈。我君弘遠略。天人不足并。天人初并時。昧昧何芒芒。日月有徵兆。文象興一詩。紀作三。皇。蚩尤亂生。詩紀作山。民。晉書作靈。黃帝用兵征萬方。逮夏禹而德衰。三代晉書作世。不及虞與唐。我皇聖德配堯舜。受禪卽祚。宋書作昨。享天祥。率土蒙祐靡不肅。庶事康。庶事康。穆穆明明。荷百祿。保無極。永泰平。○同上○逮案。各題下小注引古今樂錄語與宋書樂志同。

晉凱歌二首

張華

命將出征歌

重華隆帝道。戎蠻或不類。聚作來。廣文選同。賓。徐夷興有周。鬼方亦違殷。今在盛詩紀作聖。明世。寇虐動西。宋書、晉書、樂府、廣文選、詩紀並作四。誤。垠。豺狼染牙爪。羣生號穹旻。元帥統方夏。出車撫涼秦。衆貞必以律。臧

否實在人。威信加殊類。疏逖思自親。單醪豈有類聚、廣文選作無。味。挾纊感至仁。武功尚止戈。七德美安民。遠跡由斯舉。永世無風塵。○晉書樂志。樂府詩集十九。詩紀四十。又類聚五十九及廣文選十引賁、殷、垠、仁四韻。

勞還師歌

獬豸背天德。搆亂擾邦畿。戎車震朔野。羣帥贊皇威。將士齊心旅。樂府作齊。感義忘其私。積勢如鞞弩。赴節如發機。囂聲動山谷。金光曜素暉。揮戟詩紀云。晉書作戈。陵勁敵。武步蹈橫屍。鯨鯢皆授首。北土永清夷。昔往冒隆暑。今來白雪霏。征夫信勤瘁。自古詠采薇。收榮於舍樂府作舍。爵。燕喜在凱歸。○晉書樂志。樂府詩集十九。詩紀四十。○遼案。上二篇晉書在四廂樂歌。

舞曲歌辭

晉正德大豫舞歌二首

傅玄

宋書樂志曰。晉武帝泰始九年。荀勗典知樂事。使郭瓊、宋識等造正德大豫之舞。勗及傅玄、張華又各造舞歌。咸寧元年。詔定祖宗之號。而廟樂同用正德大豫舞。

正德舞歌

天命有晉。光濟萬國。穆穆聖皇。文武惟則。在天斯正。在地成德。載韜政刑。載崇禮教。我敷玄化。臻於

中道。○宋書樂志。樂府詩集五十二。詩紀四十。

大豫舞歌

於鑠皇晉。配天受命。熙帝之光。世德惟聖。嘉樂大豫。保佑萬姓。淵兮不竭。沖而用之。先帝弗違。虔奉天時。○同上

晉正德大豫舞歌二首

荀勗

正德舞歌

人文垂則。盛德有容。聲以依詠。舞以象功。千戚發揮。節以笙鏞。羽籥雲會。翊宣令蹤。敷美盡善。允協時邕。煥炳其章。光乎萬邦。萬邦洋洋。承我晉道。配天作享。元命有造。上化如風。民應如草。穆穆斌斌。形于綴兆。文武旁作。慶流四表。無競維烈。永世是紹。○宋書樂志。樂府詩集五十二。詩紀四十。

大豫舞歌

豫順以動。大哉惟時。時邁其仁。世載邕熙。兆我區夏。宣文是基。大業惟新。我皇隆宋書作降之。重光累暉。宋書作曜。欽明文思。迄用有成。惟晉之祺。穆穆聖皇。受命既固。品物咸寧。芳烈雲布。文教旁通。篤以淳素。玄化洽暢。被之暇豫。作樂崇德。同美韶濩。濬邈幽遐。式遵王度。○同上

晉正德大豫舞歌二首

張華

晉書樂志曰。秦始皇九年。光祿大夫荀勗以杜夔所制律呂。校太樂、總章、鼓吹八音。與律呂乖錯。乃制古尺。作新律呂。以調聲韻。律成。遂班下太常。使太樂、總章、鼓吹、清商施用。勗遂典知樂事。啓朝士解音律者共掌之。使郭瓊、宋識等造正德、大豫二舞。其樂章亦張華所作云。

正德舞歌

曰晉書誤作日。皇上天。玄鑒惟光。神器周回。五德代章。祚命于晉。世有哲王。弘濟區夏。陶甄宋書作甄陶。萬方。大明垂耀。旁燭無疆。蚩蚩庶類。風德永康。皇道惟清。禮樂斯經。金石在縣。萬舞在庭。象容表慶。協律被聲。軼武超濩。取節六英。樂府作馥。同進退讓。化漸無形。大和宣洽。通于幽冥。○宋書樂志。晉書樂志。樂府詩集五十二。詩紀四十。

大豫舞歌

惟天之命。符運有歸。赫赫大晉。三后重暉。繼明紹宋書作昭。世光撫九圍。我皇紹期。遂在璇宋書作璿。璣羣生屬命。奄有庶邦。慎徽五典。玄教遐通。萬方同軌。率土咸雍。爰制大豫。宣德舞功。醇宋書作淳。化既穆。王道協隆。仁及草木。惠加昆蟲。億兆夷人。悅宋書作說。仰皇風。不顯大業。永世彌崇。○同上

晉宣武舞歌四首

傅玄

晉書樂志曰。魏黃初三年。改漢巴渝舞曰昭武舞。景初元年。又作武始、咸熙、章斌三舞。皆執羽籥。及晉改昭武舞曰宣武舞。羽籥舞曰宣文舞。咸寧元年。詔廟樂停宣武、宣文二舞。而同用正德、大豫舞云。

惟聖皇篇

矛俞第一

惟聖皇。德巍巍。光四海。禮樂猶形影。文武爲表裏。乃作巴俞詩紀作渝。肆舞士。劍弩齊列。戈矛爲之始。進退疾鷹鷂。龍戰而豹起。如亂不可亂。動作順其理。離合有統紀。○宋書樂志。樂府詩集五十三。詩紀四十。

短兵篇

劍俞第二

劍爲短兵。其勢險危。疾踰飛電。回旋應規。武節齊聲。或合或離。電發星驚。若景若差。兵法攸象。軍容是儀。○同上。

軍鎮篇

弩俞第三

弩爲遠兵。軍之鎮。其發有機。體難動。往必速。重而不遲。銳精分鏹。射遠中微。弩俞之樂一何奇。變多姿。退若激。進若飛。五聲協。八音諧。宣武象。讚天威。○同上

窮武篇

安臺行亂第四

窮武者喪。宋書作喪。何但敗北。柔弱亡戰。國家亦廢。秦始皇偃。既已作戒。前世先王鑒其機。修文整武。藝。文武足相濟。然後得詩紀作德。光大。亂曰。高則亢。滿則盈。亢必危。盈必傾。去危傾。守以平。沖則久。濁能清。混文武。順天經。○同上

晉宣文舞歌二首

羽籥舞歌

羲皇之初。天地開元。罔罟禽獸。羣黎以安。神農教耕。創業誠難。民得粒食。澹然無所患。黃帝始征伐。萬品造其端。軍駕無常居。是曰軒轅。軒轅既勤止。堯舜匪荒寧。夏禹治水。湯武又用兵。孰能保安逸。坐致太平。聖皇邁乾乾。天下興頌聲。穆穆且明明。惟聖皇。道化彰。激四海。清三光。萬幾理。庶事康。潛龍升。儀鳳翔。風雨時。物繁昌。却走馬。降瑞祥。揚側宋書作仄。陋。簡忠良。百祿是荷。眉壽無疆。○宋書樂志。

樂府詩集五十三。詩紀四十。

羽鐸舞歌

昔在渾成時。兩儀尚未分。陽升垂清景。陰降興浮雲。中和合氛氳。萬物各異羣。人倫得其序。衆生樂聖

君。三統繼五行。然後有質文。皇王殊運代。治亂亦繽紛。伊大晉。德兼往古。越犧農。邈舜禹。參天地。陵三五。禮唐周。樂韶武。豈惟簫韶。六代具舉。澤霑地境。化充天寓。聖明臨朝。元凱作輔。普天同樂胥。浩浩元氣。遐哉太清。五行流邁。日月代征。隨時變化。庶物乃成。聖皇繼天。光濟羣生。化之以道。萬國咸寧。受茲介福。延于億齡。○同上

晉鼙舞歌五首

古今樂錄曰。晉鼙舞歌五篇。一曰洪業篇。當魏曲明明魏皇帝。古曲關東有賢女。二曰天命篇。當魏曲大和有聖帝。古曲章和二年中。三曰景皇篇。當魏曲魏曆長。古曲樂久長。四曰大晉篇。當魏曲天生蒸民。古曲四方皇。五曰明君篇。當魏曲爲君既不易。古曲殿前生桂樹。按曹植怨歌行云。爲君既不易。爲臣良獨難。不知與此同否。○晉、宋書樂志載此五詩。俱不言是傅玄作。樂府作玄詩。或別有考也。

洪業篇

宣文創洪業。盛德在泰始。宋書誤作和。聖皇應靈符。受命君四海。萬國何所樂。上有明天子。唐堯禪帝位。虞舜惟恭己。恭己正南面。道化與時移。大赦盪萌漸。文教被黃支。象天則地。體無爲。聰明配日月。神聖參兩儀。雖有三凶類。靜言無所施。象天則地。體無爲。稷契並佐命。伊呂升王臣。蘭芷登朝肆。下無失宿民。晉書作人。聲發響自應。表立景來附。虓虎晉書作哮。從晉書作順。羈制。潛龍升詩紀云。一作飛。天路。備物立

成器。變通極其數。百事以時紘。萬機有常度。訓之以忠恕。羣下仰清風。海外同歡慕。象天則地。化雲布。昔日貴雕飾。今尚儉與素。昔日多纖介。今去情與故。象天則地。化雲布。濟濟大朝士。夙夜綜萬機。萬機無廢理。明明降疇晉書作訓。諮。宋書作咨。臣譬列星景。君配朝日暉。事業並通濟。功烈何巍巍。五帝繼三皇。三王晉書作皇。世所歸。聖德應期運。天地不能違。仰之彌已高。猶天不可階。將復御龍氏。鳳皇在庭棲。○宋書樂志。晉書樂志。樂府詩集五十三。詩紀四十。

天命篇

聖祖受天命。應期輔魏皇。人則綜萬機。出則征四方。朝廷無遺理。方表寧且康。道隆舜臣堯。積德踰大王。孟度阻窮險。造亂天一隅。神兵出不意。奉命致天誅。赦善戮有罪。元惡宗爲虛。威風振晉書、樂府作震。勁蜀。武烈懼彊吳。諸葛不知命。肆逆亂天常。擁徒十餘萬。數來寇邊疆。我皇邁神武。秉晉書作執。鉞鎮雍涼。亮乃畏天威。未戰先仆僵。盈虛自然運。時變固多艱。宋書作難。樂府同。東征陵海表。萬里梟賊淵。晉書作克朝鮮。乃避唐諱淵字改。受遺齊七政。曹爽又滔天。羣凶受誅殛。百祿樂府作保。咸來臻。黃華應福始。王凌爲禍先。○同上

景皇篇

景皇帝。聰明命世生。盛德參天地。帝王道大。宋書、樂府無大字。創基既已難。繼世亦未易。外則夏侯玄。內

則張與李。三凶稱晉書作構。逆。亂帝紀。順宋書、樂府作從。天行誅。窮其姦宄。遏晉書作邊。將禦其漸。潛謀不
得起。罪人咸伏辜。威風振萬里。平衡綜萬機。萬機無不理。召陵桓晉書、樂府作恒。不君。內外何紛紛。衆小
便成羣。蒙昧恣心。治亂不分。叡聖獨斷。濟武常以文。順宋書、樂府作從。天惟廢立。掃霓披浮雲。雲霓既已
關。清和未幾閒。晉書作間。是。羽檄首尾至。變起東南蕃。儉欽爲長蛇。外則憑吳蠻。萬國紛騷擾。戚戚天下
懼不安。神武御六軍。我皇秉晉書作執。鉞征。儉欽起壽春。前鋒據項城。出其不意。並縱奇兵。奇兵誠難
御。廟勝實難支。兩軍不期遇。敵退計無施。虎晉書作豹。騎惟武進。大戰沙陽陂。欽乃亡魂走。奔虜若雲
披。天恩晉書作因。赦有罪。東土放晉書作効。鯨鯢。○同上

大晉篇

赫赫大晉。於穆文皇。蕩蕩巍巍。道邁陶唐。世稱三皇五帝。及今重其光。九德克明。文既顯。武又章。晉書
作彰。恩晉書作思。弘詩紀作洪。六合。兼濟萬方。內舉元凱。朝政以綱。外簡虎晉書作武。臣。時惟鷹揚。靡順宋書、
樂府作從。不懷。逆命斯亡。仁配春日。威踰秋霜。濟濟多士。同茲蘭芳。唐虞至治。四凶滔天。致討儉欽。罔
不肅虔。化感海外。晉書作內。海外來賓。獻其聲樂。並稱妾臣。西蜀猾夏。僭號方域。命將致討。委國稽服。
吳人放命。憑晉書作馮。海阻江。飛書告諭。響應來同。先王建萬國。九服爲蕃衛。亡秦壞諸侯。享祚宋書作序
昨。不二世。歷代不能復。忽踰五百歲。我皇邁聖德。應期創典制。分土五等。蕃國正封界。莘莘文武佐。
千秋邁嘉會。洪業晉書作澤。溢區內。仁風翔海外。○同上

明君篇

明君御四海。聽鑒盡物情。願望有譴罰。竭忠身必榮。蘭茝晉書作芷出荒野。萬里升紫庭。茨草穢堂階。掃截不得生。能否莫相蒙。百官正其名。恭己慎有爲。有爲無不成。闇君不自信。羣下執異端。正直罹浸樂府作譖。詩紀云。一作譖。潤。姦臣奪其權。雖欲盡忠誠。結舌不敢言。結舌亦何憚。盡忠爲身患。清流豈不潔。飛塵濁其源。歧路令人迷。未遠勝不還。忠臣立君朝。正色不顧身。邪正不並存。譬若胡與秦。胡秦宋書樂府作秦胡有合時。邪正各異津。忠臣遇明君。乾乾惟日新。羣目統在綱。衆星拱晉書作共北辰。設令遭闇主。斥退爲凡民。晉書作人。雖薄共晉書作供。時用。白茅猶可晉書作爲。珍。詩紀云。一作爲珍。冰霜晝夜結。蘭桂摧爲薪。邪臣多端變。用心何委曲。便僻宋書作辟。順宋書樂府作從。情指。動隨君所欲。偷安樂目前。不問清與濁。積僞罔時主。養交以持祿。言行恆相違。難饜甚谿谷。昧死射晉書作則乾沒。覺露則滅族。○同上

晉鐸舞歌

雲門篇當魏太和時。

宋書載此。亦不云是玄作。樂府作玄詩。

黃雲門。唐咸池。虞韶舞。夏夏殷濩。列代有五。振鐸鳴金。近大武。清歌發唱。形宋書作刑。爲主。聲和八音。協律呂。身不虛動。手不徒舉。應節合度。周其敘。時奏宮角。宋書作商。雜之以徵羽。下饜衆目。上從鐘

鼓。樂以移風。與德禮相輔。安有失其所。○宋書樂志。南齊書樂志。樂府詩集五十四。詩紀四十。

拂舞歌詩三首

無名氏

晉書樂志曰。拂舞出自江左。舊云吳舞也。晉曲五篇。一曰白鳩。二曰濟濟。三曰獨漉。四曰碣石。五曰淮南王。○齊多節略舊辭。而因其曲名。碣石篇四章已見曹孟德。淮南王一首已見漢古辭。今不錄也。

白鳩篇

南齊書樂志曰。白符鳩舞。出江南。吳人所造。其歌本云。平平白符。思我君惠。集我金堂。言白者。金行符。合也。鳩亦合也。符鳩雖異。其義實同。宋書樂志曰。晉楊泓舞序云。自到江南。見白符舞。或言白鳧鳩舞。云有此來數十年矣。察其辭旨。乃是吳人患孫皓虐政。思屬晉也。晉辭曰。翩翩白鳩。載飛載鳴。懷我君德。來集君庭。蓋晉人改其本歌云。

翩翩白鳩。載宋書、文選補遺作再。下同。飛載鳴。懷我君德。來集君庭。白雀呈瑞。素羽明鮮。翔庭舞翼。以應仁乾。交交晉書作皎皎。文選補遺同。鳴鳩。或丹或黃。樂我君惠。振羽來翔。東壁晉書作壁。餘光。魚在江湖。惠而不費。敬我微軀。策我良駟。習我驅馳。與君周旋。樂道亡餘。晉書作忘飢。文選補遺同。我心虛靜。我志澹濡。彈琴鼓瑟。聊以自娛。凌雲登臺。浮游太清。扳晉書作攀。文選補遺同。龍附鳳。目宋書作日。晉書、文選補遺作自。

望身輕。○宋書樂志。晉書樂志。樂府詩集五十四。文選補遺三十四次諸葛亮梁甫吟後。詩紀四十。

獨漉篇獨漉。一作獨祿。

南齊書樂志曰。古辭明君曲後云。勇安樂。無慈不問清與濁。清與無時濁。邪交與獨祿。伎錄曰。求祿求祿。清白不濁。清白尚可。貪污殺我。晉歌爲鹿字。古通用也。疑是風刺之辭。

獨漉宋書作祿。下同。獨漉。晉書作獨獨祿祿。文選補遺同。水深泥濁。泥濁尚可。水深殺我。雍雍宋書作雖雖。雙鴈。遊戲田畔。我欲射鴈。念子孤散。翩翩浮萍。得風搖宋書、晉書作遙。風雅翼同。輕。我心何合。與之同并。空牀低帷。誰知無人。夜衣錦繡。誰別僞真。刀鳴箭各書作削。中。倚牀無施。父冤不報。欲活何爲。猛虎晉書、文選補遺作獸。下同。斑斑。宋書、晉書、廣文選作班。遊戲山間。虎欲齧人。不避豪賢。○宋書樂志。晉書樂志。樂府詩集五十四。文選補遺三十四。風雅翼選詩補遺下。廣文選十二。詩紀四十。

濟濟篇

暢飛暢舞晉書作暢暢飛舞。氣流芳。追念三五大綺黃。去失有。時可行。去來同時晉書作時同。此未央。時冉冉。近桑榆。但當飲酒爲歡娛。衰老逝。有何期。詩紀云。晉書作何有期。多憂耿耿內懷思。淵晉書作深。池廣。晉書作曠。魚獨希。願得黃浦衆所依。恩感人。世無比。悲歌且宋書、樂府作具。舞無極已。○宋書樂志。晉書樂志。樂府詩集五十四。詩紀四十。

白紵舞歌詩三首

宋書樂志曰。白紵舞。按舞辭有巾袍之言。紵本吳地所出。宜是吳舞也。晉俳歌云。皎皎白緒。節節爲雙。吳音呼緒爲紵。疑白緒卽白紵也。南齊書樂志曰。白紵歌。周處風土記云。吳黃龍中童謠云。行白者君。追汝句驪馬。後孫權征公孫淵。浮海乘舶。舶。白也。今歌和聲猶云。行白紵焉。樂府解題曰。古詞盛稱舞者之美。宜及芳時爲樂。其譽白紵曰。質如輕雲色如銀。製以爲袍餘作巾。袍以光軀巾拂塵。唐書樂志曰。梁武帝令沈約效其辭。爲四時白紵歌。今中原有白紵曲。辭旨與此全殊。

輕軀徐起何洋洋。高舉兩手白鵲翔。宛若龍轉乍低昂。凝停善睐容儀光。如推若引留且行。隨世而變誠無方。舞以盡神安可忘。晉世方昌樂未央。質如輕雲以上四字御覽作質如月輕如雲。又質或誤實。色如御覽或作似。銀。愛之遺誰贈佳人。制以爲袍餘作巾。袍以光軀巾拂塵。麗服在御會佳賓。醪醴盈樽美且淳。清歌徐舞降祇神。四座歡樂胡可陳。詩紀云。宋歌亦用此辭。各以下句作上句。無麗服二句。○宋書樂志。樂府詩集五十五。詩紀四十。又

御覽六百九十三作古樂府。引銀、塵、巾三韻。八百二十作古樂府。引銀、巾二韻。

雙袂齊舉鸞鳳翔。羅裙宋書作裾。飄飄昭儀光。趨步生姿進流芳。鳴弦清歌及三陽。人生世間如電過。樂時每少苦日多。幸及良辰耀春華。宋書作花。齊倡獻舞趙女歌。羲和馳景逝不停。春露未晞嚴霜零。百草凋索花落英。蟋蟀吟牖寒蟬鳴。百年之命忽若傾。早知迅速秉燭行。東造扶桑遊紫庭。西至崑崙戲曾城。○宋書樂志。樂府詩集五十五。詩紀四十。

陽春白日風花香。趨步明玉舞瑤瑤。聲發金石媚笙簧。羅袿徐轉紅袖揚。清歌流響繞鳳梁。如矜若思凝且翔。轉盼遺精豔輝光。將流將引雙鴈行。宋書作翔。歡來何晚意何長。明君御世永歌昌。宋書作倡。○同上

晉杯槃舞歌詩

宋書樂志曰。槃舞。漢曲也。張衡舞賦云。歷七槃而縱躡。王粲七釋云。七槃陳於廣庭。顏延之云。遞間關於槃扇。鮑照云。七槃起長袖。皆以七槃爲舞也。搜神記云。晉太康中。天下爲晉世寧舞。矜手以接杯槃而反覆之。此則漢世唯有拌舞。而晉加之以杯反覆也。五行志曰。其歌云晉世寧。舞杯槃。言接杯槃於手上而反覆之。至危也。杯槃者。酒食之器也。而名曰晉世寧者。言晉世之士。苟偷於酒食之間。而知不及遠。晉世之寧。猶杯槃之在手也。唐書樂志曰。漢有槃舞。晉世謂之杯槃舞。樂府詩云。妍袖陵七槃。言舞用槃七枚也。

晉世寧。四海平。普天安樂永大寧。四海安。天下歡。樂治興隆舞杯槃。舞杯槃。何翩翩。舉坐翻覆壽萬年。天與日。終與一。左回右轉不相失。箏笛悲。酒舞疲。心中慷慨可健兒。樽酒甘。絲竹清。願令諸君醉復醒。醉復醒。時合同。四座歡樂皆言工。絲竹音。可不聽。亦舞此槃左右輕。自相當。合坐歡樂人命長。人命長。當結友。千秋萬歲皆老壽。○宋書樂志。樂府詩集五十六。詩紀四十。

晉詩卷十一

劉琨

琨。字越石。中山魏昌人。元康中。爲司隸從事。歷太尉掾、著作郎、太學博士、尚書郎。光熙初。封廣武侯。永嘉初。拜并州刺史。建興二年。加大將軍、都督并州諸軍事。三年。進司空。四年。爲石勒所敗。奔段匹磾。大興元年。爲匹磾所害。有集十卷、別集十二卷。

扶風歌

朝發廣莫門。暮宿丹水山。左手彎繁弱。右手揮龍淵。顧瞻望宮闕。俯仰御飛軒。據鞍長歎息。淚下草堂詩箋作下淚。如流泉。繫馬長松下。廢文選作發。御覽、樂府、文章正宗、詩紀同。初學記或作登。或作歇。草堂詩箋作歇。鞍高岳頭。草堂詩箋作丘顛。烈烈六臣本文選注云。五臣作列列。樂府作列列。悲風起。泠泠澗水流。揮手長相謝。哽咽不能言。浮雲爲我結。歸六臣本文選注云。五臣作飛。詩紀同。樂府作飛。鳥爲我旋。去家日已遠。安知存與亡。慷慨窮林中。抱膝獨摧藏。麋類聚無麋字。鹿遊我前。猿類聚無猿字。猴戲我側。資糧既乏盡。類聚作以乏。薇蕨安可類聚作足。食。攬轡命徒侶。吟嘯絕巖中。君子道微矣。夫子故詩紀云。一作固。有窮。惟昔李騫六臣本文選注云。五臣作愆。

類聚、樂府作愆。期。寄在匈奴庭。忠信反獲罪。漢武不見明。我欲竟文選作競。六臣注。五臣作意。此曲。此曲悲且長。棄置勿重陳。重陳令心傷。○文選二十八。文選集注五十六。樂府詩集八十四。文章正宗二十九。詩紀三十一。又類聚四十二引頭、流、側、食、庭、明六韻。初學記二十二引頭一韻。二十八引頭、流二韻。草堂詩箋三載贈詩注引類一韻。二十五杜鵑詩注引泉一韻。御覽三百五十八引頭一韻。

扶風歌豔歌行

南山石嵬嵬。松柏何離離。御覽作摧摧。事類賦同。上枝拂青雲。樂府作雪。中心十數圍。洛陽發廣文選作乏。按當作伐。中梁。松樹御覽作柏。事類賦同。竊自悲。斧鋸截是松。松樹東西摧。特類聚作持。詩紀同。作四輪車。載至洛陽宮。觀者莫不歎。問是何山材。誰能刻鏤此。公輸與魯班。事類賦作般。被之用丹漆。薰用蘇合香。本自詩紀作是。南山松。御覽作柏。事類賦同。今事類賦作採。爲宮殿梁。○類聚八十八作古豔歌。樂府詩集三十九作豔歌行。不署作者。廣文選十二作豔歌行。詩紀六。又御覽九百五十三作扶風歌。引摧、圍二韻。九百五十四引摧、圍、悲、班、香、梁六韻。事類賦柏賦注引摧、圍、悲、般、香、梁六韻。○逸案。古詩紀此篇編入漢詩。然據御覽及事類賦。知爲劉越石作。今編之於此。

答盧諶詩八章○并書

琨頓首。六臣本文選注云。五臣重頓首二字。損書及詩。備辛酸之苦言。暢經通之遠旨。執玩反覆。不能釋手。慨然以悲。六臣本文選注云。五臣作喜。歡然以喜。六臣本文選注云。五臣無此句。昔在少壯。未嘗檢括。遠慕老莊之

齊物。近嘉阮生之放曠。怪厚薄何從而生。哀樂何六臣本文選注云。五臣作所。由而至。自頃轉張。困於逆亂。國破家亡。六臣本文選注云。五臣作家國破亡。親友彫殘。塊然獨坐。則哀憤兩集。李善本文選此二句在負杖行吟則百憂俱至下。六臣本注云。此二句善置負杖行吟下。負杖行吟。則百憂俱至。時復相與舉觴對膝。破涕爲笑。排終身之積慘。求數刻之暫歡。譬由疾疢彌年。而欲一丸銷之。其可得乎。夫才生於世。世實須才。和氏之璧。焉得獨曜於郢握。夜光之珠。何得專玩於隨掌。天下之寶。固李善本無固字。詩紀同。當與天下共之。但分析之日。不能不悵恨爾。李善本文選作耳。然後知聘周之爲虛誕。嗣宗之爲妄六臣本文選注云。善作忘也。作也。昔駉驥倚轉於吳坂。長六臣本無長字。鳴於良樂。知與不知也。百里奚六臣本文選注云。五臣有非字。按非字衍文。愚於虞而智於秦。遇與不遇也。今君遇之矣。勗之而已。不復屬意于文。二十餘年矣。久廢則無次。想必欲其一反。故稱指送一篇。適足以彰來詩之益美耳。琨頓首頓首。

厄運初遘。陽爻在六。乾象棟傾。坤儀舟覆。橫厲糾紛。羣妖競逐。火燎神州。洪流華域。彼黍離離。彼稷育育。哀我皇晉。痛心在目。六臣本文選作痛在其目。注云。善作痛心在目。

天地無心。萬物同塗。禍淫莫驗。福善則虛。逆有全邑。義無完都。英藥夏落。毒卉冬敷。如彼龜玉。韞櫝毀諸。芻狗之談。其最得乎。

咨余軟弱。弗克負荷。愆釁仍彰。榮寵屢加。威之不建。禍延凶播。忠隕于國。孝愆于家。斯罪之積。如彼山河。斯釁之深。終莫能磨。

郁穆舊姻。媿婉新婚。不慮其敗。唯義是敦。李善本文選無此二句。六臣本注云。善無此二句。裹糧攜弱。匍匐星奔。

未輟爾駕。已隳六臣。本文選注云。五臣作墮。詩紀同。我門。二族偕覆。三孽並根。長慚舊孤。永負冤魂。

亭亭孤幹。獨生無伴。綠葉繁縟。柔條修罕。朝採爾實。夕捋爾竿。竿翠豐尋。逸珠盈碗。實消我憂。憂急用緩。逝將去矣。李善本文選作乎。庭虛情六臣本文選注云。五臣作憤。滿。

虛滿伊何。蘭桂移植。六臣本文選注云。善無此二句。茂彼春林。瘁此秋棘。有鳥翻飛。不遑休息。匪桐不棲。匪竹不食。永戢東羽。翰撫西翼。我之敬之。廢歡輟職。

音以賞奏。味以殊珍。文以明言。言以暢神。之子之往。四美不臻。澄醪覆觴。絲竹生塵。素卷莫啓。幄無談賓。既孤我德。又闕我鄰。

光光段生。出幽遷喬。六臣本文選注云。善本脫此二句。資忠履信。武烈文昭。旌李善本文選作旌。六臣本注云。善作旌。弓駢駢。輿馬翹翹。乃奮長縻。是轡是鑣。何以贈子。竭心公朝。何以敘懷。引領長謠。○文選二十五。詩紀三十一。

重贈盧諶詩

握晉書作幄。中有玄。晉書作懸。文選同。六臣本注。五臣作懸。璧。本初學記。萬花谷作乃。自荆山璆。晉書作球。惟韵補作怪。彼太公望。昔在渭濱叟。鄧生何感激。千里來相求。白登幸曲逆。鴻門賴留侯。重耳任晉書作憑。五賢。小白相射鉤。苟能隆二伯。晉書作能隆二伯主。安問黨與讐。中夜撫枕歎。相文選注作想。與數子游。吾衰久矣夫。何其不夢周。誰云聖達節。知命故不晉書作無。憂。宣尼悲獲麟。西狩涕孔丘。功業未及建。詩紀作見。夕陽忽西流。時哉類聚作光。不我與。去乎。晉書作矣。若雲浮。朱實隕勁風。繁英落素秋。狹路傾華。詩紀云。一作車。蓋。

駭駟摧雙轡。何意百鍊剛。化爲繞指柔。○晉書本傳。文選二十五。詩紀三十一。又類聚三十一引浮、秋、朝、柔四韻。初學記二十七引璆一韻。文選三十雜體詩注引遊一韻。韻補二引叟、求二韻。萬花谷後三十一引璆一韻。

干寶

寶。字令升。新蔡人。少以才器召爲著作郎。平杜弢有功。賜爵關內侯。中興。領國史。以家貧。求補山陰令。遷始安太守。歷司徒右長史。遷散騎常侍。有周易注十卷、周官注十二卷、春秋左氏傳義十五卷、晉紀二十三卷、搜神記三十卷、干子八卷、集五卷。

百志詩

壯士稟傑姿。氣烈有自然。俯仰羣衆中。胡能救世艱。閱揚州刻本作闕。鞏代縫掖。兜鑿易進賢。○御覽三百五十六。

張亢

亢。字季陽。協弟。世稱三張。中興初。過江。拜散騎常侍。領佐著作郎。出補烏程令。人爲散騎常侍。復領佐著作。有集二卷。隋志作張抗。

詩

昔我好墳典。下帷慕董氏。吟詠做餘風。染軸舒素紙。○書鈔百四十署張抗。

王鑒

鑒。字茂堂。高堂邑人。少以文筆著稱。初爲元帝琅邪國侍郎。拜駙馬都尉。出補永興令。大將軍王敦請爲記室參軍。未就而卒。時年四十一。有集傳於世。

七夕觀織女詩

牽牛悲歲時雜詠作曹。殊館。織女悼詩紀云。一作怨。離家。一稔期一宵。此期良可詩紀云。一作且。嘉。赫奕玄門開。飛閣鬱嵯峨。隱隱驅千乘。闐闐越星河。六龍奮瑤轡。文螭負瓊車。火丹歲時雜詠作太舟。秉瑰歲時雜詠作瑤。燭。素女執瓊華。絳旗若吐電。朱歲時雜詠作采。詩紀云。一作采。蓋如振霞。雲韶何嘈噉。靈鼓鳴相和。停玉臺作亭。軒紆詩紀作佇。注云。一作紆。高盼。歲時雜詠作眇。眷予歲時雜詠作子。在岌我。澤因芳露霑。恩附蘭風加。歲時雜詠作和。明歲時雜詠作朝。發相從歲時雜詠作送。遊。翩翩鸞鷲羅。同遊不同觀。念子憂怨多。敬因三祝末。以爾屬皇娥。○玉臺新詠三。古今歲時雜詠二十五。詩紀三十二。

荀組

組。字大章。昴子。惠帝時。歷太子中庶子、滎陽太守。永興中爲河南尹。遷尚書轉衛尉。封陽城縣男。轉司隸校尉。懷帝時爲豫州刺史。愍帝時爲司空。領尚書左僕射。封臨潁縣公。轉太尉。元帝卽位。以爲司徒。大興初。南歸。加錄尚書事。永昌元年。遷太尉。領太子太保。未拜卒。有集三卷。

七哀詩

轍兮轍兮。何其寂蔑。○文選二十鄰里相送方山詩注。又文選三十六奉答內兄希叔詩注引下句。

王廙

廙。字世將。琅邪臨沂人。惠帝時。辟太傅掾。從迎大駕。封武陵縣侯。拜尚書郎。出爲濮陽太守。元帝鎮江東。以爲司馬。歷廬江、鄱陽二郡太守。及卽位。徵爲輔國將軍。加散騎常侍。永昌元年。王敦以爲平南將軍。領護南蠻校尉、荊州刺史。是年卒。年四十八。有集三十四卷。

春可樂

春可樂兮。樂孟月孟月。玉燭寶典只作春字。之初陽。冰泮渙以微流。土冒概而解剛。野暉赫類聚作暄卉。以揮綠。

山葱倩。玉燭寶典作翠倩倩。以發玉燭寶典作登蒼。○類聚三。又玉燭寶典一引陽一韻及一句。御覽二十引陽、蒼二韻。

吉辰兮上戊。明靈兮唯社。百室兮必集。祈祭玉燭寶典作社。兮樹下。濯茆兮蒞韭。齧蒜兮擗鮓。縹醪兮浮蟻。交觴兮並坐。氣和兮體適。心怡兮志可。○御覽五百三十二。又玉燭寶典二引戊、社、下三韻。

浮盤兮流爵。接飲兮相娛。○玉燭寶典三。

上褰兮三巳。臨川兮盪飲。迴波兮曲沼。夾岸兮道渠。○書鈔百五十五。

若乃良辰三祖。祈始吉元。華壇峻□。羽蓋幢幡。○書鈔百五十五。

弱簟平端。○御覽七百八。

李充

充。字弘度。江夏人。辟丞相王導掾。除剡令。後爲大著作郎。累遷中書侍郎。卒。有論語注十卷、翰林論五十四卷、集二十卷。

嘲友人詩

同好齊歡愛。纏綿一何深。子既識我情。我亦知子心。燕婉歷年歲。和樂如瑟琴。良辰不我俱。中闊似商參。爾隔北山陽。我分南川陰。嘉會罔克從。積思安可任。目想妍麗姿。耳存清媚音。修晝興永念。遙夜獨悲吟。逝將尋行役。言別泣沾襟。玉臺作檢。詩紀作巾。願爾類聚作示。降玉趾。一顧重千金。○玉臺新詠三。類聚二十五。詩紀三十一。

七月七日詩

朗月歲時雜詠作日朗。垂玄景。洪漢截皓。歲時雜詠作昊。蒼。類聚作倉。牽牛難牽牛。類聚作收。詩紀云。一作收。織女守空箱。類聚作襄。詩紀云。一作襄。河廣尚可越。怨此漢無梁。○類聚四。古今歲時雜詠二十五。詩紀三十二。北極躔衆星。玉機運六綱。素雲巡濛汜。炎帝收離光。○書鈔百五十五。

送許從詩

來若迅風歡。逝如歸雲征。離合理之常。聚散安足驚。○初學記十八。詩紀三十二。

李顒

顒。字長林。充子。舉孝廉。爲本郡太守。有尚書注十卷、集十卷。

經渦路作詩

言歸越東足。逝將反上都。後洳填類聚作慎。中路。改轍修茲衢。旦發石亭境。夕宿桑首墟。勁焱不興潤。零雨莫能濡。亢陽彌十旬。涓滴未暫舒。泉流成平陸。結駟可迴車。肇允相忘鱗。翻爲涸池魚。咫尺不能移。白日奄桑榆。○類聚百。詩紀三十二。

涉湖詩

旋經義興境。弭初學記作頓。棹石蘭渚。震澤爲何在。今唯太湖浦。圓徑縈五百。眇初學記作盼。目緬初學記作渺。無覩。高天森若岸。長津雜如縷。窈窕尋灣漪。迢遞望巒嶼。驚初學記作神。颺揚飛湍。浮霄薄懸岨。輕禽翔雲漢。游鱗憩中澚。黯藹天時陰。岿嶮初學記作嶷岩。舟航舞。憑河初學記作何。安可殉。靜觀戒征旅。○初學記七。詩紀三十二。又類聚九引渚、浦、覩、縷四韻。

夏日詩

炎光爍類聚作燦。南溟。溽暑融三夏。黠詩紀作羆。對重雲蔭。御覽作陰。碎御覽作碎。稜震雷御覽作電。咤。類聚、詩紀作叱。○類聚三。詩紀三十二。又御覽十三引咤一韻。

羨夏篇

羲和遊與併。朱融騁離光。照穴應時戩。超川隨化亡。○書鈔百五十八。
咧咧林蜩鳴。翩翩鳴鴟翔。○初學記三。

感冬篇

高陽攬玄轡。太皞御冬始。望舒游天策。曜靈協燕紀。○初學記三。詩紀三十二。

婉虹潛太陰。文雉化淮汜。○初學記六作感冬初。

離思篇

烈烈寒氣嚴。寥寥天宇清。○文選二十六辛丑七月赴假還江陵夜行塗口詩注。

詩

焦肺枯肝。抽腸裂膈。○文選五十五廣絕交論注。

熊甫

甫。王敦參軍。

別歌

晉書曰。錢鳳爲王敦鎧曹參軍。知敦有不臣之心。相與朋搆。專弄威權。參軍熊甫。諫敦不聽。遂告歸。臨別歌曰。
徂風飈起蓋山陵。氛霧蔽日玉石焚。往事既去可長歎。念別惆悵復會難。○晉書沈充傳。詩紀三十二。

楊方

方。字公回。會稽人。司徒王導司徒掾。轉東安太守。補高梁太守。年老歸終於家。有五經鈎沉十卷、

吳越春秋削繁五卷、集二卷。

合歡詩五首

詩紀別後三首爲雜詩。注云。樂府通前爲合歡詩。今從玉臺。遠案。馮氏所據本當如此。今所見明本玉臺正作合歡詩五首。

虎嘯谷風起。龍躍景雲浮。同聲好相應。同氣自相求。我情與子親。譬如影追軀。食共並樂府作同。詩紀云。一作同。根穗。飲共連理杯。衣共玉臺作用。韻補同。雙絲絹。韻補作綫。寢共無縫綯。玉臺作綯。韻補同。居願接膝坐。行願攜手趨。子靜我不動。子遊我不玉臺作無。留。齊彼同心鳥。譬此樂府作彼。詩紀云。一作彼。比目魚。情至斷金石。膠漆未爲牢。但願長無別。合形作一軀。生爲併身物。死爲同棺。韻補作槨。灰。秦氏自言至。我情不可儔。○玉臺新詠三。樂府詩集七十六。詩紀三十二。韻補二引綯、留二韻。灰、儔二韻。

磁石引玉臺作招。韻補同。長針。陽燧下炎。韻補作焱。煙。宮商聲相和。心同自相親。我情與子合。亦如影追身。寢共織成被。絮用樂府作共。韻補同。同詩紀作共。功綿。暑搖比翼扇。寒坐併肩氈。子笑我必詩紀作心。哂。子感樂府作盛。詩紀同。我無歡。來與子共迹。去與子同塵。齊彼蛩蛩獸。舉動不相捐。惟願長無別。合形作一身。生有同室。韻補作穴。好。死成併棺民。徐氏自言至。我情不可陳。○玉臺新詠三。樂府詩集七十六。詩紀三十二。又韻補二引捐、民二韻。煙、親二韻。

獨坐空室中。愁有數千端。悲響答愁歎。哀涕應苦言。詩紀云。玉臺作心。彷徨四顧望。白日入西山。不覩佳

人來。但見飛鳥還。飛鳥亦何樂。夕宿自作羣。○玉臺新詠三。樂府詩集七十六。詩紀三十二。

飛黃銜長轡。翼翼回輕輪。俯涉淥玉臺作綠。水澗。仰過九層山。修途曲且險。秋草生兩邊。黃華如沓金。白花玉臺作華。韻補同。如散銀。青敷羅翠彩。絳葩象赤雲。爰有承露枝。紫榮合素芬。扶疏樂府作路。垂樂府作重。詩紀同。清藻。布翹芳且鮮。目爲豔彩迴。心爲奇色旋。撫心悼孤客。俛仰還詩紀作遠。自憐。峙嶠樂府作踟躕。詩紀同。向壁歎。攬筆作此文。○玉臺新詠三。樂府詩集七十六。詩紀三十二。又韻補二引邊、銀二韻。芬、鮮二韻。

南鄰詩紀云。玉臺作林。有奇樹。承春挺素華。豐翹被長條。綠葉蔽朱柯。因風吐樂府作吹。微詩紀作微。音。芳氣入紫霞。我心羨此木。願徙著予玉臺作余家。夕得遊其下。朝得弄其葩。爾根深且堅。類聚作固。韻補同。予玉臺、韻補作余。宅淺且洿。移植良無期。歎樂府作欲。息將如何。○玉臺新詠三。類聚八十九。樂府詩集七十六。詩紀三十二。又韻補二引洿、何二韻。

甄述

述曾爲河南功曹、征西諮議參軍。有集十二卷。

美女詩

足躡承雲履。豐趺曷春錦。○書鈔百三十六。又御覽六百九十七作女詩。

朱德才

贈傅氏當作祗詩

猗猗彼君子。逍遙集華堂。高論呈玄妙。彈筆播文章。○書鈔百。

郭璞

璞。字景純。河東聞喜人。惠懷間避亂過江。宣城大守殷佑以爲參軍。後爲王導參軍。大興初。除著作佐郎。遷尚書郎。以母憂去職。明帝初。王敦起爲記室參軍。以阻敦謀逆。太寧二年被害。年四十九。有爾雅注五卷、音二卷、圖十卷、圖讚二卷、方言注十三卷、三蒼注三卷、穆天子傳注六卷、山海經注二十三卷、圖讚二卷、水經注三卷、周易林五卷、洞林三卷、新林四卷、又九卷、卜韻一卷、楚辭注二卷、子虛上林賦注一卷、集十七卷。

答賈九州愁詩三章

廣莫戒寒。玄英啓謝。感彼時變。悲此物化。獨步閑朝。哀嘆靜夜。德非顏原。屢空蓬舍。輕服御冬。藍褐當夏。正未墨突。逝將命駕。幸賴吾賢。少以原缺以字。今從適園本。慰藉。

顧瞻中字。一朝分崩。天網既紊。浮鯢橫騰。運首北眷。邈哉華恆。雖欲凌翥。矯翮靡登。俯懼潛機。仰慮

飛甍。惟其嶮哀。難辛備曾。庶晞河清。混焉未澄。

自我徂遷。周之陽月。亂離方熾。憂虞匪歇。四極雖遙。息駕靡脫。願言齊衡。庶幾契闊。雖云闇投。圭璋特達。綿駒之變。何有胡越。子固喬楚。我伊羅葛。無貴香明。終自濊渴。未若遺榮。閔情丘壑。原作其齡。今從古逸本。道遊永年。抽簪收髮。○文館詞林百五十七。

與王使君詩五章

道有虧盈。運亦凌替。茫茫百六。孰知其弊。蠢蠢中華。遭此虐戾。遺黎其咨。天未忘惠。云誰之眷。在我命代。原當作世。

穆穆皇帝。固靈所授。英英將軍。惟哲之秀。乃協神□。馥如蘭臭。化揚東夏。勳格宇宙。豈伊來蘇。莫知其覆。

懷遠以文。濟難以略。光贊岳謨。折衝帷幙。凋華振彩。墜景增灼。穆其德風。休聲有邈。方恢神邑。天衢再廓。

遭蒙之吝。在我幽人。絕志雲肆。如彼涔鱗。靈適園本作虛。陰謬古逸本、適園本作穆。垂。躍我龍津。翹情明規。懷德鑒神。雖賴暫盼。永愧其塵。

靡竭匪浚。靡頽匪隆。持貴以降。挹滿以冲。邁德遺功。於盛思終。願林之藹。樂岱之崇。永觀玉振。長賴英風。○文館詞林百五十七。

答王門子詩六章

芊芊玉英。濟美瓊林。靡靡王生。實邁俊心。藻豔三秀。響諧韶音。映彩春蘭。擢藥秋岑。

我雖同薄。及爾異穎。翹不冠叢。榮不熙町。因夷杖平。藉澄任靜。思樂逸驚。翻飛雲領。卽嶠字。
疇昔之乖。永言莫見。之子于罹。再離淪湮。若不凋翠。柯不易蒨。染霜滋芬。在陶彌練。
詩亦有言。兄弟無遠。矧我暨爾。姻媾繾綣。猗人其來。青陽載婉。言歸于好。如彼琴管。
皇極委夷。運有經綸。聊以傲詠。不榮不遯。敢希寂放。庶幾無悶。匪薰匪猷。安知藜藿。
遺物任性。兀然自縱。倚榮彫藹。寓音雅弄。匪涉魏闕。匪滯陋巷。永賴不才。逍遙無用。○文館詞林百五十七。

贈溫嶠詩五章

蘭薄有莖。玉泉產玫。粲粲含風。灼灼猗人。如金之映。如瓊之津。擢翹秋陽。凌波暴鱗。
擢翹伊何。妙靈奇挺。暴鱗伊何。披彩邁景。清規外標。朗鑒內景。思樂雲藹。言採其穎。
人亦有言。松竹有林。及爾文館詞林誤作余。臭味異若類聚、詩紀作者。御覽作本。同岑。義結在昔。分涉于今。我
懷惟永。載詠載吟。

子策騏駿。我案駘轡。進不要聲。退不傲位。遺心隱顯。得意榮悴。尚想李嚴。逍遙柱肆。

言以忘得。交以淡成。同匪伊和。惟我與生。爾神余契。我懷子情。攜手一壑。類聚、詩紀作裕。文館詞林原作壑。

按卽壑之別字。安知塵冥。○文館詞林百五十七。又類聚二十一、詩紀三十一並引林、岑、成、生、情、冥六韵。御覽四百十引林、岑、成、三韵。

遊仙詩十九首

京華游類聚作豪。俠窟。六臣本文選注云。五臣作客。詩紀同。山林隱遯棲。朱門何足榮。未若託蓬萊。臨源韻補作泉。

按原當作淵。挹清波。陵岡掇丹萸。靈谿御覽作溪。可潛盤。安事登雲梯。漆園有傲吏。萊氏有逸妻。進則保龍

見。退爲六臣本文選注云。五臣作則。觸藩羝。高蹈風塵外。長揖六臣本文選注云。五臣作挹字。謝夷齊。○文選二十一。詩

紀三十一。又類聚七十八引栖一韻。御覽七百六十五引梯一韻。

青谿類書殘卷作溪。詩紀同。千餘仞。類書殘卷作仞餘。中有一道士。雲生梁棟與地紀勝作棟梁。間。風出與地紀勝作吹。

窻戶與地紀勝作牖。裏。借問此何誰。云是鬼谷子。翹迹企潁陽。臨河思洗耳。閭闔西南來。潛波換鱗起。靈

妃顧我笑。粲然啓玉齒。蹇修時不存。要之將誰使。○文選二十一。詩紀三十一。又類聚七十八、鳴沙石室古籍叢殘類書

殘卷神仙門並引士一韻。與地紀勝十一引士、裏、子三韻。

翡翠戲蘭苕。容色更相鮮。綠蘿類聚作羅。結高林。蒙籠蓋一山。中有冥寂士。靜嘯撫清絃。放情凌文選作陵。

霄外。嚼藥挹飛泉。赤松臨上游。駕鴻乘紫煙。左挹浮丘袖。右拍洪崖肩。借問蜉蝣輩。寧知龜鶴年。○文

選二十一。文章正宗二十九。詩紀三十一。又類聚十九引山、絃二韻。七十八引絃一韻。

六龍安可頓。運流有代謝。時變感人思。已秋復願夏。淮海變微禽。吾生獨不化。雖欲騰丹谿。雲螭非我

駕。愧無魯陽德。迴日向六臣本文選注云。五臣作令。三舍。臨川哀年邁。撫心獨悲吒。○文選二十一。詩紀三十一。

逸翮思拂霄。迅足羨遠游。清源無增瀾。安得運吞舟。珪璋雖特達。明月難闍投。潛穎怨清文選作育。說文詩

繫傳同。陽。陵。若。哀。素。秋。悲。來。惻。丹。心。零。淚。緣。纓。流。○文選二十一。詩紀三十一。又說文繫傳艸部藁下。

雜。縣。寓。魯。門。風。暖。將。爲。災。吞。舟。涌。類。聚。作。踊。六。臣。本。文。選。注。云。五。臣。作。浮。字。海。底。高。浪。駕。蓬。萊。神。仙。排。雲。出。但。見。金。銀。臺。陵。陽。挹。丹。溜。容。成。揮。玉。杯。姮。娥。揚。妙。音。洪。崖。領。其。頤。升。降。隨。長。煙。飄。飄。戲。九。垓。奇。齡。邁。五。龍。千。歲。方。嬰。孩。燕。昭。無。靈。氣。漢。武。非。仙。才。○文選二十一。詩紀三十一。又類聚七十八引萊一韵。○逮案。吳械韵補一孩下引郭璞遊仙詩曰。奇齡邁五龍。千歲方嬰孩。姮娥揚妙音。洪崖領其頤。與此句次有別。或別有所據。

晦。朔。如。循。環。月。盈。已。復。李。善。本。文。選。作。善。魄。蓐。收。清。西。陸。朱。羲。將。由。白。寒。露。拂。陵。若。女。蘿。辭。松。柏。薜。榮。不。終。朝。蟬。螭。豈。見。夕。圓。丘。有。奇。草。鍾。山。出。靈。液。王。孫。列。八。珍。安。期。鍊。五。石。長。揖。當。途。人。去。來。山。林。客。○文選二十一。詩紀三十一。

暘。谷。吐。靈。曜。扶。桑。森。千。詩。紀。云。一。作。萬。丈。朱。御。覽。作。朝。霞。升。東。山。朝。日。何。晃。朗。迴。風。流。曲。櫺。幽。室。發。逸。響。悠。然。心。永。懷。眇。爾。自。遐。想。仰。思。舉。雲。翼。延。首。矯。初。學。記。作。橋。玉。掌。嘯。傲。遺。世。羅。縱。情。在。詩。紀。云。一。作。任。獨。往。明。道。雖。若。昧。其。中。有。妙。象。希。賢。宜。勵。德。羨。魚。當。結。網。○初學記二十三。詩紀三十一。又御覽八引朗一韵。

採。藥。遊。名。山。將。以。救。年。頽。呼。吸。玉。滋。液。妙。氣。盈。胸。懷。登。仙。撫。龍。駟。迅。駕。乘。奔。雷。鱗。初。學。記。作。鱗。裳。逐。電。曜。雲。蓋。隨。風。迴。手。頓。羲。和。轡。足。蹈。類。聚。作。踰。初。學。記。作。踏。閶。闔。開。東。海。猶。蹄。涉。崑。崙。樓。類。聚。作。若。詩。紀。云。一。作。若。蟻。堆。遐。邈。冥。茫。中。俯。視。令。人。哀。○初學記二十三。詩紀三十一。又類聚七十八引雷、迴、開、堆四韵。

璇。臺。冠。崑。嶺。西。海。濱。招。搖。瓊。林。籠。藻。映。碧。樹。疏。英。翹。丹。泉。溘。朱。沫。黑。水。鼓。玄。濤。尋。仙。萬。餘。日。今。乃。見。子。喬。振。髮。晞。書。鈔。作。戴。翠。羽。御。覽。同。翠。霞。書。鈔。作。羽。解。褐。禮。類。聚。廣。文。選。詩。紀。作。被。書。鈔。御。覽。作。披。絳。霄。類。聚。廣。文。選。詩。紀。作。綃。總。轡。臨。少。廣。盤。虬。舞。雲。輅。永。偕。帝。鄉。侶。千。齡。共。逍。遙。○廣文選九。詩紀三十一。又書鈔百五十引霄一韵。類聚七

十八引搗、翹、濤、喬、綃、輅六韵。文選二十八昇天行注引霄一韵。御覽八引喬、霄二韵。○遼案。書鈔、御覽皆在天部霄類引霄一韵。知作禮緯霄者是。

吐納致真和。一朝忽靈蛻。飄然凌太清。眇爾景長滅。○韵補五。

縱酒濛汜濱。結駕尋木末。翹手攀金梯。飛步登玉闕。左顧擁方目。右眷極朱髮。○類聚七十八。詩紀三十一。

四瀆流如淚。五嶽羅若垤。尋我青雲友。永與時人絕。○類聚七十八。詩紀三十一。○遼案。以上三則當爲一篇。

靜歎亦何念。悲此妙齡逝。在世無千月。命如秋葉蒂。蘭生蓬芭間。榮曜常幽翳。○類聚七十八。詩紀三十一。

登嶽採五芝。涉澗將六草。散髮蕩玄溜。終年不華皓。類聚作浩。○類聚七十八。詩紀三十一。

放浪林澤外。被髮師巖穴。髣髴若士姿。夢想遊列缺。○書鈔百五十八。

翹首望太清。朝雲無增景。雖欲思靈化。龍津未易上。○韵補三。

安見山林士。擁膝對巖蹲。○御覽三百九十四。

嘯傲遺俗羅。得此生。○文選三十雜詩注。○遼案。得此生上當脫二字。

幽思篇

林無靜樹。川無停流。○世說新語文學篇。類聚五十六。

詩

世說新語曰。郭景純過江。居于暨陽。墓去水不盈百步。時人以爲近水。景純曰。將當爲陸。今沙漲去墓數十里。皆

爲桑田。其詩曰。

北阜烈烈。巨海混混。壘壘三墳。惟母與昆。○世說新語文學篇。

詩詩紀作贈潘尼。

杞梓生荆南。類聚作南荆。奇才應出世。詩紀作世出。擢穎蓋漢陽。鴻聲駭皇室。遂應四科選。類聚作選。朱衣耀玉質。○書鈔百二十八。類聚六十七。詩紀三十一。

詩

青陽暢和氣。谷風穆玉燭。寶典作和。以溫。英莖擘林蒼。昆蟲咸啓門。高臺臨迅流。四坐列王孫。羽蓋停雲陰。翠鬱映玉樽。○類聚三。詩紀三十一。又玉燭寶典一引溫、孫二韻。

詩

羲和騁丹衢。朱明赫其猛。融風拂晨霄。陽精一何罔。閒宇靜無娛。端坐愁日永。○類聚三。詩紀三十一。

詩

君如秋日雲。妾似突中煙。高下理自殊。一乖兩絕天。○初學記十八。詩紀三十一。

詩

翩翩尋靈娥。眇然上奔月。○書鈔百五十。

得意在蘭蓀。忘懷寄蕭艾。○御覽九百九十七。

晉詩卷十二

溫嶠

嶠。字太真。太原祁人。初爲司隸都官從事。司徒辟東閣祭酒。補上黨潞令。後歷任劉琨平北參軍、大將軍從事中郎、司空右司馬、左長史等。元帝卽位。歷王導驃騎長史、太子中庶子。明帝卽位。拜侍中。轉中書令、丹楊尹。成帝卽位。爲江州刺史、持節平南將軍。鎮武昌。蘇峻平。拜驃騎將軍、開府儀同三司。加散騎常侍。封始安郡公。咸和四年卒。年四十二。有集十卷。

迴文虛言詩

皮日休松陵集雜體詩序云。晉溫嶠有迴文虛言詩云云。繇是迴文興焉。

寧神靜泊。損有崇無。○松陵集十。

梅陶

陶。元帝初爲王敦諮議參軍。後除豫章郡太守。成帝初爲尚書。有新論一卷、集二十卷。

贈溫嶠詩五章

巍巍有晉。道隆虞唐。元宗中興。明祖重光。我帝承運。國本作兼。基。聖后作皇。生而神明。誕質珪璋。有亂同符。恢我王綱。

台衡增耀。元輔重輝。泉淵字。避諱改泉。哉若人。之顏之徽。知文之宗。研理之機。人銓帝評。出綱王維。

帝曰爾徂。往鎮江土。俾原作卑。從適國本。爾旄麾。授爾齊斧。昔周之宣。有熊有武。在漢五葉。營平作武。推轂委誠。惟余與汝。

宵悟。俯僂勤時。非遑晏豫。星陳宿駕。玄旌首路。輕舟龍驤。武旅雲布。我戀惟愛。爾勤王度。遲遲之感。監寢

人亦有言。德輶如毛。重非千鈞。人鈔剋效。武有七政。文敷五教。義在止戈。威崇戢暴。勗爾遠猷。邁爾英劭。○文館詞林百五十七。

怨詩行

庭植不材柳。苑樂府誤作花。育能鳴鶴。鼓枝遊蛙。棲釣一丘壑。晨樂府作最。悅朝敷榮。夕乘南音客。晝立薄遊景。暮宿漢陰。樂府字脫。魄。庇身蔭王猷。罷蹇反幻迹。○樂府詩集四十一。詩紀三十二。

庾闡

闡。字仲初。潁川鄆陵人。永昌中爲西陽王羨太宰掾。累遷尚書郎。咸和中。參司空郗鑒軍事。拜彭城內史。進散騎常侍。領大著作。出補零陵太守。拜給事中。復領著作。年五十四卒。有集十卷。

吊賈誼詩

雖有惠音。莫過韶護。雖有騰蛇。終仆一壑。○酌補五。

三月三日臨曲水詩

暮春濯清汜。類聚作巳。遊鱗泳一壑。高泉吐東岑。洄瀾自淨衆。臨川疊曲流。豐林映綠薄。輕舟沈飛觴。鼓枻觀魚躍。○類聚四。詩紀三十二。

三月三日詩

心結湘川渚。目散沖霄外。清泉吐翠流。淥類聚作綠。醴漂素瀨。悠想盼長川。輕瀾渺類聚作眇。如帶。○類聚四。詩紀三十二。

觀石鼓詩

石鼓。山名。

命駕觀奇逸。徑鶩造靈山。朝濟清溪岸。夕憩五龍泉。鳴石含潛響。雷駭震九天。妙化非不有。莫知神自

然。翔霄拂翠嶺。綠類聚作緣。澗漱巖間。手澡類聚作藥。春泉潔。目翫陽葩鮮。○類聚八。詩紀三十二。

登楚山詩

拂駕升西嶺。寓目臨浚波。想望七德耀。詠此九功歌。龍駟釋陽林。朝服集三河。回首盼宇宙。一無濟邦家。○類聚七。詩紀三十二。

衡山詩

北眺衡山首。初學記作道。南睨初學記作瞻。五嶺末。寂坐挹虛恬。運目情四豁。翔虬類聚作亂。凌九霄。陸鱗困濡沫。未類聚作既。體江湖悠。初學記作遊。詩紀作攸。安識南溟闊。○類聚七。初學記五。詩紀三十二。

江都遇風詩

天吳踊靈壑。將駕奔冥霄。飛廉振折木。流詩紀云。一作靈。景登扶搖。洪川佇宿浪。躍水迎晨潮。仰盼類聚作盼。盛玄雲。俯聽聒悲飈。○類聚一。詩紀三十一。

採藥詩

採藥靈山嶠。結駕登九嶷。類聚作疑。懸巖溜類聚作漏。石髓。芳谷挺丹芝。泠泠雲珠落。濯濯石類聚作玉。蜜詩

紀作密。滋。鮮景染冰顏。妙氣翼冥期。霞光煥蘿靡。虹景照參差。椿壽自有極。槿花何用疑。○古詩類苑百五。詩紀三十二。又類聚七引疑、芝、滋、期四韻。

遊仙詩十首

神岳竦丹青。玉堂臨雪嶺。上採瓊樹華。下挹瑤泉井。○類聚七十八。詩紀三十二。

南海納朱濤。玄波灑北溟。仰盼燭龍曜。俯步朝廣庭。○同上

邛類聚作功。疏鍊石髓。赤松漱水玉。憑煙眇封子。流浪揮玄俗。崆峒臨北戶。昆吾眇南陸。層霄映紫芝。潛澗汎丹菊。崑崙涌五河。八流縈地軸。○同上

三山羅如粟。巨壑不容刀。白龍騰子明。朱鱗運琴高。輕舉觀滄海。眇邈去瀛洲。玉泉出靈鳧。瓊草被神丘。○同上

熒熒丹桂紫芝。結根雲山九疑。鮮榮夏馥冬熙。誰與薄採松期。○同上

赤松遊霞類聚作霞霧。乘煙。封子鍊骨凌仙。晨類聚作滄。漱水玉心玄。故能靈化自然。○同上

乘彼六氣渺芒。輜駕赤水崑陽。遙望至人玄堂。心與罔象俱忘。○同上

朝嗽雲英玉藥。夕挹玉膏石髓。瑤臺藻構霞綺。鱗裳羽蓋級纒。○同上

玉樹標雲翠蔚。靈崖獨拔奇卉。芳津蘭瑩珠隧。碧葉灌清鱗萃。○同上

玉房石檜磊砢。燭龍銜輝吐火。朝採石英澗左。夕翳瓊葩巖下。○同上

詩

煉形去人俗。飄忽乘雲遊。暫想扶桑陰。忽見東岳魚。○韵補二。

崢嶸激清崖。蒙籠陰巖岫。咀嚼延六氣。俛仰以九周。○同上○逮案。此亦遊仙之佚。

從征詩

志士痛朝危。忠臣哀主辱。○世說新語言語篇。晉書簡文帝紀。○逮案。御覽九十九、四百六十九所引皆無志字、忠字。殆是

摘引。

張駿

駿。字公庭。安定烏氏人。西涼牧張寔子。嗣位大都督、大將軍、涼州牧。永和二年卒。年四十。有集八卷。

薤露行

在晉之二世。樂府作葉。注。一作世。皇道昧不明。主暗無良臣。艱樂府云。一作姦。詩紀同。亂起朝庭。七柄失其所。權綱喪典刑。愚猾窺神器。牝雞又晨鳴。哲婦逞幽虐。宗祀一朝傾。儲君縊新昌。帝執金墉城。禍釁萌官

掖。胡馬動北垆。三方風塵起。獵狁竊上京。義士扼素腕。感慨懷憤盈。誓心蕩衆狄。積誠徹昊靈。○樂府詩集二十七。詩紀三十六。

東門行

勾芒御春正。衡紀運玉瓊。明庶起祥風。和氣翕來征。慶雲蔭八極。甘雨潤四垆。昊天降靈澤。朝日耀華精。嘉苗布原野。百卉敷時榮。鳩鵲與鶯黃。間關相和鳴。葦萍樂府作芙蓉。詩紀云。一作芙蓉。覆靈沼。香花揚芳馨。春遊誠可樂。感此白日傾。休否有終極。落葉思本莖。臨川悲逝者。節變動中情。○樂府詩集三十七。

袁喬

喬。字彥升。陳郡人。歷尚書郎、江夏相。永和三年。從桓溫平蜀。封湘西伯。尋卒。年三十六。有集七卷。

詩

世說新語曰。常詣劉恢。恢在內眠未起。袁因作詩調之曰。

角枕粲文茵。錦衾爛長筵。○世說新語排調篇。

謝尚

尚。字仁祖。陳郡陽夏人。襲父鯤爵咸亭侯。補給事黃門侍郎。出爲建武將軍、歷陽太守。建元中。遷南中郎將。督豫州四郡。領江州刺史。轉豫州刺史。鎮歷陽。永和中。拜尚書僕射。升平初。徵拜衛將軍。未至卒。有集十卷。

大道曲

樂府廣題曰。謝尚爲鎮西將軍。嘗著紫羅襦。據胡牀。在市中佛國門樓上彈琵琶。作大道曲。市人不知是三公也。青陽二三月。柳青桃復紅。車馬不相識。音落黃埃中。○樂府詩集七十五。詩紀三十二。

贈王彪之詩

長楊蔭清沼。遊魚戲綠波。○初學記二十八。

箏歌

俗說曰。謝仁祖爲豫州主簿。在桓溫閣下。聞其善彈箏。便呼之。既至。取箏與令彈。謝卽理絃撫箏。因歌曰云。桓大以此知之。取謝引詣府。

秋風意殊迫。○御覽五百七十六。

江道

道。字道載。陳留圉人。避亂臨海。爲蔡謨、何充所引用。以家貧。求爲太末令。遷吳令。殷浩謀北伐。請爲諮議參軍。升平末。累遷太常。卒時年五十八。有集九卷。

詠秋詩

祝融解炎轡。蓐收起涼駕。高風催節變。凝露初學記作霜。督物化。長林悲素秋。茂草思朱夏。鳴鴈薄雲嶺。蟋蟀吟深樹。寒蟬向詩紀云。一作竟。夕號。驚飈激中夜。感物增人懷。悽然無欣暇。○古詩類苑四。詩紀十二。又類聚三引駕、化、夏、樹、夜五韻。御覽二十五引駕、夏、樹、夜、暇五韻。又初學記三引化一韻。

詠貧詩

華門不啓扉。類聚作扇。環堵蒙初學記作滿。蒿榛。空瓢覆壁下。簞類聚作箒。上自生塵。出門誰氏子。憊哉一何貧。○類聚三十五作江道詩。初學記十八。詩紀三十二。

詩

巨鼈戴蓬萊。大鯤運天池。倏忽雲雨興。俯仰三州移。○御覽九百四十。

盧諶

諶。字子諒。范陽涿人。舉秀才。辟太尉掾。洛陽陷。劉粲據晉陽。留爲參軍。粲敗。劉琨以爲司空主簿。轉從事中郎。愍帝末。從琨奔段匹磾。以爲幽州別駕。匹磾敗。奔段末波。後又爲石虎所得。以爲中書侍郎、國子祭酒、侍中、中書監。虎死。從冉閔于襄國。太和六年。閔誅石氏。被殺。年六十七。有集十卷。

贈劉琨詩二十章○并書

詩紀有書曰二字。故吏從事中郎盧諶死罪死罪。諶稟性短弱。當世罕任。因其自然。用安靜退。在木闕不材之資。處鴈乏善鳴之分。卷異蓮子。愚殊甯生。匠者時眇。不免饌李善本文選作膳。賓。嘗自思惟。因緣運會。得蒙接事。自奉清塵。于今五稔。謨明之效不著。候人之譏已李善本文選作以。彰。大雅含弘。量包文選作苞。山藪。加以待接彌優。欸眷逾昵。與運籌之謀。厠讎私之歡。綢繆之旨。有同骨肉。其爲知己。古人罔喻。昔聶政殉嚴遂之顧。荆軻慕燕丹之義。意氣之間。糜李善本文選作靡。六臣本注云。善作靡字。軀不悔。雖微達節謂之可庶。六臣本文選注云。五臣作度。然苟曰有情。孰能不懷。故委身之日。夷險已之。事與願違。當忝外役。遂去左右。收迹府朝。蓋本同末異。楊朱興哀。始素終玄。墨翟垂涕。分乖之際。咸可歎慨。致感之途。或迫于李善本文選作乎。茲。亦奚必臨路而後長號。覩絲而後歔歔哉。是以仰惟先情。俯覽

今遇。感存念亡。觸物增眷。李善本文選作眷戀。六臣本注。善作眷戀。易曰。書不盡言。言不盡意。然則書非盡言之器。言非盡意之具矣。況言有不得至於盡意。書有不得至於盡言邪。不勝猥懣。謹貢詩一篇。抑不足以揄揚弘美。亦以據其所抱而已。若公肆大惠。遂其厚恩。錫以咳唾之音。慰其遠離之意。則所謂咸池酬於北里。夜光報於魚目。謀之願也。非所敢望也。謀死罪死罪。

濬哲惟皇。紹熙有晉。振厥弛維。光闡遠韻。有來斯雍。至止伊順。三台摘朗。四嶽增峻。伊陟佐商。山甫翼周。弘濟艱難。對揚王休。苟非異德。曠世同流。加其忠貞。宣其徽猷。伊謚陋宗。昔邁嘉惠。申以婚姻。著以累世。義等休戚。好同興廢。孰云匪諧。如樂之契。王室喪師。私門播遷。望公歸之。視險忽艱。茲願不遂。中路阻顛。仰悲先意。俯思身愆。大鈞載運。良辰遂往。譬彼日月。迅過俯仰。感今惟昔。口存心想。借曰如昨。忽爲疇曩。疇曩伊何。逝者彌疏。温温恭人。慎終如初。覽彼遺音。恤此窮孤。譬彼樛木。蔓葛以敷。妙哉蔓葛。得託樛木。葉不雲布。華不星燭。承侔卞和。質非荆璞。眷同尤良。用乏驥騶。承亦既篤。眷亦既親。飾獎駑猥。方駕駿珍。弼諧靡成。良謨李善本文選作謀。莫陳。無覬狐趙。有與五臣。五臣奚與。契闊百罹。六臣本文選注云。五臣作羅。詩紀同。身經險阻。足蹈幽遐。義由恩深。分隨昵加。綢繆委心。自同匪他。

昔在暇日。妙尋通理。尤彼意氣。狹李善本文選作使。六臣本注云。善作使。是節士。情以體生。感以情起。趣舍同李善本文選作罔。六臣本注云。善作罔。要。窮達斯已。

由余片言。秦人是憚。日磬效忠。飛聲有漢。桓桓撫軍。古賢作冠。來牧幽都。濟厥塗炭。塗炭既濟。寇挫民阜。謬其疲隸。授之朝右。上懼任大。下欣施厚。實祇高明。敢忘所守。相彼反哺。尚在翔禽。孰是人斯。而忍斯心。每憑山海。庶覲高深。遐眺存亡。緬成飛沈。長徽已纓。逝將徙舉。收跡西踐。銜哀東顧。曷云塗遼。曾不咫尺。豈不夙夜。謂行多露。綿綿女蘿。施于松標。稟澤洪幹。晞陽豐條。根淺難固。莖弱易彫。操彼纖質。承此衝颺。纖質實微。衝颺斯值。誰謂言精。致在賞意。不見得魚。亦忘厥餌。遺其形骸。寄之深識。先民六臣本文選注云。五臣作人。頤意。潛山隱几。仰熙丹崖。俯澡綠水。無求於和。自附衆美。慷慨遐蹤。有愧高旨。

爰造異論。肝膽楚越。惟同大觀。萬塗李善本文選作殊。六臣本注云。善作殊。一轍。死生既齊。榮辱奚別。處其玄根。廓焉靡結。

福爲禍始。禍作福階。天地盈虛。寒暑周迴。夫差不祀。費在勝齊。句踐作伯。祚自會稽。邈矣達度。唯道是杖。形有未泰。神無不暢。如川之流。如淵之量。上弘棟隆。下塞民望。○文選二十五。詩紀三十一。

詩

凜凜素秋。日促宵長。○初學記三。

重贈劉琨詩

壁由識者顯。龍因慶雲翔。茨棘非所憇。翰飛遊高岡。余音非九韶。何以儀鳳凰。新城非芝圃。曷由殖蘭芳。○類聚三十一。詩紀三十一。

答劉琨詩

隨寶產漢濱。攜此夜光真。不待卞和顯。自爲命世珍。○類聚三十一。詩紀三十一。
誰言日向暮。桑榆猶啟晨。誰言繁菜實。振藻耀芳春。百鍊或致屈。繞指所以伸。○野客叢書三十。

贈崔溫詩

集曰與溫太真、崔道儒。

逍遙步城隅。暇日聊游豫。北眺沙漠垂。南望舊京路。平陸引長流。岡巒挺茂樹。中原厲迅飈。山阿起雲霧。遊子恆悲懷。舉目增永慕。良儔不獲偕。舒情將焉訴。遠念賢士風。遂存往古務。朔鄙多俠氣。豈唯地所固。李牧鎮邊城。荒夷懷南懼。趙奢正疆場。秦人折北慮。羈旅及寬政。委質與時遇。恨以驚寒姿。徒煩非李善本文選作飛。六臣本注云。善作飛。子御。亦既弛負擔。忝位宰黔庶。苟云免罪戾。何暇收民譽。倪寬以殿黜。終乃最衆賦。何武不赫赫。遺愛常在去。古人非所希。短弱自有素。何以敷斯辭。惟以二子故。○文選二十五。詩紀三十一。

答魏子悌詩

崇臺非一榦。珍裘非一腋。多士成大業。羣賢濟弘績。遇文選注或作過。或作愚。蒙時來會。聊文選注作敢。齊朝
彥跡。顧此腹背羽。愧彼排虛翮。寄身蔭四嶽。託好憑三益。傾蓋雖終朝。大分邁疇昔。在危每同險。處安
不異易。俱涉晉昌艱。共更飛狐厄。恩由契闊生。義隨周旋積。豈謂鄉曲譽。謬充本州役。乖離令我感。悲
欣使情惕。理以精神通。匪曰形骸隔。妙詩申篤好。清義貫幽蹟。恨無隨侯珠。以酬荆文璧。○文選二十五。
詩紀三十一。又文選二十六始作鎮軍參軍經曲阿作注引一句。三十一雜體詩注引跡一韵。

覽古詩

趙氏有和璧。天下無不傳。秦人來求市。厥價徒空言。與之將見賣。不與恐致患。簡才詩紀云。選作之。備行
李。圖令國命全。蘭生在下位。繆子稱其賢。奉辭馳出境。伏軾徑人關。秦王御殿坐。趙使擁節前。揮袂睨
金柱。身玉要俱捐。連城既僞往。荆玉亦真還。爰在澗池會。二主尅交歡。昭襄欲負力。相如折其端。皆血
下霑襟。怒髮上衝冠。西缶終雙擊。東瑟六臣本文選注云。五臣作琴。不隻彈。捨生豈不易。處死誠獨難。稜威
章臺顛。疆禦亦不干。屈節邯鄲中。俛首忍回軒。廉公何爲者。負荆謝厥讐。智勇蓋詩紀作冠。當世。李善本文
選作代。弛張使我歎。○文選二十一。詩紀三十一。

時興詩

豐豐圓象運。悠悠方儀廓。忽忽歲云暮。游原采蕭藿。北踰芒與河。南臨伊與洛。凝霜霑蔓草。悲風振林薄。搷六臣本誤作搷。搷芳葉零。榮榮芬華落。下泉激冽清。曠野增遠索。登高眺遐荒。極望無崖嶠。形變隨時化。神感因物作。澹乎至人心。恬然存玄漠。○文選三十。詩紀三十一。

詩

遐舉遊名山。松喬共相追。層崖成崇館。巖阿結重闈。○初學記五。詩紀三十一。

詩

山居是所樂。世路非我欲。○文選五十五廣絕交論注。

王胡之

胡之。字脩齡。廩次子。歷吳興太守。徵侍中、丹楊尹、秘書監。太和六年。拜持節、都督司州諸軍事、西中郎將、司州刺史。未行而卒。有集十卷。

贈庾翼詩八章

儀鳳厲天。騰龍陵雲。昂昂猗人。逸足絕羣。溫風既暢。玉潤蘭芬。如彼春零。流津烟燼。○遠案。末句春零、流津二語與下章起句鄧林、流芳二語應相呼應。今前後不合。當有訛誤。

鄧林伊何。蔚蔚其映。流芳伊何。鑒猶水鏡。通廣外潤。雅裁內正。降已順時。志存急病。

戎馬生郊。王路未夷。螳螂舉斧。鯨鯢軒鱗。矯矯吾子。劬勞王師。單醴投川。飲者如歸。崐嶺載崇。太陽增輝。

江海能大。上善居下。侯王得尊。心同觸寡。廢我處冲。虛懷無假。待來制器。如彼鑪冶。天下何事。去其害馬。

友以淡合。理隨道泰。余與夫子。自然冥會。斲面豁懷。傾枕解帶。玉液相潤。瓊林增藹。心齊飛沈。相望事外。譬諸龍魚。陵雲潛瀨。

稷契讚時。巢由亢矯。輔漢者房。遁跡者皓。妙善自同。外內臣道。子光齊魯。余守嚴老。元直言歸。武侯解鞅。子魚司契。幼安獨往。神齊玄一。形寄爲兩。苟體理分。動寂忘象。仰味高風。載詠載想。

迴駕蓬廬。獨遊偶影。陵風行歌。肆目崇嶺。高丘隱天。長湖萬頃。可以垂綸。可以嘯咏。取諸匈懷。寄之匠郢。○文館詞林百五十七。

答謝安詩八章

荆山天峙。辟立萬丈。蘭薄暉崖。瓊林激響。哲人秀舉。和璧夜朗。凌霄矯翰。希風清往。矯翰伊何。羽儀鮮潔。清往伊何。自然挺徹。易達外暢。聰鑒內察。思樂寒松。披條暎雪。朱火炎上。淥水赴泉。風以氣積。冰由霜堅。妙感無假。率應自然。我雖異韻。及爾同玄。如彼竹柏。厲飈俱鮮。

利交甘絕。仰違玄指。君子淡親。湛若澄水。余與吾生。相忘隱机。泰不期顯。在悴通否。人間誠難。通由達識。才照經綸。能泯同異。鈍神幽疾。宜處無事。遇物以器。各自得意。長短任真。乃合其至。

疇昔宴遊。繾綣鬢亂。或方童顏。或始角巾。褰原作壽。今從適園本。按當作褰。褐攬帔。濯素□吝。古逸本作吝□。適園本作若□。皆非。壑無深原作染。今從適園本。流。丘無囂仞。原作刃。今從適園本。今也華髮。卑高殊韻。形跡外乖。理暢內潤。

巢由坦步。稷契王佐。太公奇拔。首陽空餓。各乘其道。兩無貳過。願弘玄契。廢疾高卧。來贈載婉。妙有新唱。博以兼濟。約以理當。非不悅子。駑驥殊量。烏養養之。任其沈颺。取諸胸懷。寄想郢匠。○文館詞林百五十七。

郗超

超。字景興。一字嘉賓。高平金鄉人。爲桓温征西掾。隨府遷大司馬參軍。除散騎侍郎。太和末。與桓温定廢立計。遷中書侍郎。轉司徒左長史。卒時年四十二。有集十卷。

答傅郎詩六章

森森羣像。妙歸玄同。原始無滯。孰云質通。悟之斯朗。執焉則封。器乖吹萬。理貫一空。昔在總角。有懷大方。雖乏超詣。原作諸。今從古逸本。適園本作誼。性不比常。奇趣感心。虛飈流芳。始自踐跡。

遂登慧場。

跡以化形。慧以通神。時歟運歟。遘茲淵人。澄源領本。啓此歸津。投契凱入。揮刃擢新。發悟雖迹。反觀已陳。

曖曖末葉。運鍾交喪。綿綿虛宗。千載靡暢。誰能愍中。仰諧冥匠。并轡一方。明心絕向。

明向若易。潛行諒深。時惟同得。婉轉嘿尋。望關啓扉。披帷解衿。情興未足。祈我沖箴。

沖箴之往。豈伊璠璣。通無不暢。分靡不劬。何以融之。本際已死。卽心既盡。觸族自虛。○文館詞林百五十七。

曹毗

毗。字輔佐。譙國人。郡察孝廉。除郎中。蔡謨薦補著作佐郎。遷句章令。徵爲太學博士。遷尚書郎。出爲下邳太守。累遷至光祿勳。有集十五卷。

黃帝贊詩

詩紀作詠史。

軒轅應玄期。幼能總百神。體鍊五靈妙。氣含雲露津。摻詩紀誤作慘。石曾城岫。鑄鼎荆山濱。豁焉天扉開。飄然跨騰鱗。儀轡灑長風。褰裳躡紫宸。○類聚十一。詩紀三十二。

詠冬詩

縣邈冬夕。書鈔作昔。初學記作宵。永。凜厲寒氣升。離葉向晨落。長風振條興。夜靜輕響起。天清月暉澄。寒冰

盈渠結。素霜竟欄初學記作欄。編珠作簷。凝。今載忽已暮。來紀初學記作正。奄復仍。○類聚三。初學記三。詩紀三十二。
又書鈔百五十六引升一韻。杜公瞻編珠一引凝一韻。

夜聽擣衣詩

寒興御紈素。佳人理類聚、廣文選作治。衣襟。玉臺作袷。詩紀作袷。冬夜清且永。皎玉臺作皓。類聚同。月照堂陰。纖
手疊輕素。朗杵叩鳴砧。清風流繁節。回飈灑微吟。嗟此往類聚作嘉。廣文選、詩紀同。運速。悼彼幽滯心。二物
感余懷。豈但聲與音。○玉臺新詠三。類聚六十七。廣文選十五作擣衣詩。

正朝詩

靈春散初澤。焚煜青陽舒。佳袍忽已故。今載奄復初。軟節暢宇宙。和風被八區。○類聚四。詩紀三十二。

霖雨詩

洪霖彌旬日。翳翳四區昏。紫電光牖飛。初學記作飛牖。迅雷終天奔。○初學記一。詩紀三十二。

郗公墓詩

青松羅前隧。翠碑表高墳。玉顏無餘映。蕙風有餘薰。○書鈔百二。

箜篌詩

東士君子。雅善箜篌。○書鈔百十。

詩

分風爲二。水經注作貳。擘緯略作劈。流爲緯略作成。兩。○水經注三十九。廬山記二。高似孫緯略十。

軍中詩

揮戈輝白刃。鱗鱗若寒霜。○杜公瞻編珠二。

張望

望曾爲桓温征西參軍。有集十二卷。

蜡除詩

玄靈告稔謝。青龍駕拂軫。鮮冰迎流結。凝雷垂簷貫。人欣八蜡暢。詎知歲聿盡。○類聚五、初學記五並作宋張

望。詩紀五十四。

貧士詩

荒墟人迹稀。隱僻閭鄰闊。葦籬初學記作席。自朽損。毀初學記作敗。屋正寥豁。炎夏無完絺。玄冬無暖褐。四體困寒暑。六時疲飢初學記作餓。渴。營生生愈瘁。愁來不可割。○類聚三十五、初學記十八並作晉張望詩。詩紀五十四。

正月七日登高作詩

玄雲歛夕煞。青陽舒朝暎。熙哉陵岡娛。眺盼肆迴目。○玉燭寶典第一。

張翼

翼。字君祖。下邳人。爲東海太守。善草隸。穆帝令翼寫王右軍手表。帝自批後。右軍殆不能別。

詠懷詩三首

詩紀云。按張君祖、庾僧淵諸詩。皆恬淡雅逸有晉風。歷選陳世無此作也。考高僧傳有康僧淵、竺法雅者。並在晉成帝時。疑卽此人歟。廣弘明集云。陳張君祖。既不能明。姑列於此。還案。法書要錄、張君祖有名晉穆帝時。又按世說新語。康僧淵與殷浩相善。則二人爲同時人。故互有贈答之作。卮林解馮謂二人詩應列晉代是也。今改入晉編。並略誌於此。

運形不標異。澄懷恬無欲。座可棲王侯。門可迴金穀。風來詠逾清。鱗萃淵不濁。廣弘明集作觸。注云。三本、官

本作濁。斯乃玄中子。所以矯逸足。何必翫幽閒。青廣弘明集作清。衿表離俗。百齡廣弘明集注云。官本作眼。苟未遐。昨辰亦非促。曦騰望舒暎。曩今迭相燭。一世皆逆旅。安悼電往速。區區雖非黨。兼忘混礫玉。恪廣弘明集作怪。注云。宋、元、官本作倍。明本作倍。神罔廣弘明集注云。宋本、官本作罔。叢穢。要在夷心曲。○廣弘明集三十。詩紀一百七。

靈飈起廣弘明集注云。官本作赴。回廣弘明集作情。注云。三本、官本作回。浪。飛雲騰逆鱗。苟擢南陽秀。固集三造賓。緬懷結寂夜。味藻詠終晨。延廣弘明集作近。注云。三本、官本作延。佇時無邁。誰與拂流塵。眇情寄廣弘明集作奇。注云。三本、官本作寄。極眇。蕭條獨邀神。相忘東溟裏。何晞西潮廣弘明集注云。明本作朝。津。我崇道無廢。長謠想義人。○同上

遙邈播荆衡。杖策憇南郢。遭動透廣弘明集作委。注云。三本、官本作透。浪迹。遇靖恬夷性。拊廣弘明集作拊。注云。明本作撫。卷從老語。廣弘明集作話。注云。明本作語。揮綸與莊詠。遐眺獨緬想。蕭神颺塵正。時無喜惠偶。絕韻將誰聽。習廣弘明集注。明本云。一作君。詩紀云。一作君。子茂芳標。有欣徽廣弘明集作微。注云。明本作徽。音令。穎敷陵廣弘明集作敷凌。注云。三本作敷陵。官本作敷陵。霜倩。廣弘明集作倩。注云。三本、官本作倩。葩熙三春盛。拂翮廣弘明集注云。宋、元、官本作融。期霄翔。豈與桑榆競。我混不材姿。遺情忘雕暎。雖非嶧陽椅。聊以翮廣弘明集作敲。注云。三本、官本作翮。泗磬。○同上

贈沙門竺法頽三首

沙門竺法頽遠還西山。作詩以贈。因亦嘲之。省其二經。聊爲之讚。頽。於倫切。

鬱鬱華陽嶽。絕雲抗廣弘明集作枕。注云。三本、官本作抗。飛峯。峭壁溜靈泉。秀嶺森青松。懸巖廓崢嶸。幽谷正寥籠。丹廣弘明集注云。明本作舟。崖樓奇逸。碧室禪六通。泊寂清神氣。綿眇矯廣弘明集注云。明本作矯。妙蹤。止觀著無無。還淨滯空空。外物豈大悲。獨往非玄同。不見舍利弗。詩紀云。一作佛。廣弘明集注明本云。一作佛。受屈維摩公。○廣弘明集三十。

至人如影響。靈慧陶億劫。廣弘明集作刹。注云。明本作劫。應方恢權化。兆類蒙慈悅。冥冥積塵昧。廣弘明集作寐。注云。明本作昧。永在巖底閉。廢聰無通照。廣弘明集作炤。注云。三本、官本作照。遺形不洞滅。明哉如來降。豁矣啓潛穴。幽精淪朽壤。孰若阿維察。遙謝晞玄疇。何爲自矜潔。○同上

貌貌慶成標。峨峨浮雲嶺。峻蓋十二嶽。獨秀閭浮境。丹流環方基。瑤堂臨峭頂。潤滋甘泉液。崖蔚芳芝穎。翹翹羨廣弘明集作美。注云。三本、官本作羨。化倫。眇眇陵巖廣弘明集注。明本作崖。正。肅拱望妙覺。呼吸晞廣弘明集注云。三本、官本作晞。齡永。苟能夷沖心。所憇靡不淨。廣弘明集作靜。注云。明本作淨。萬物可逍遙。何必棲形影。廣弘明集注云。宋本、官本作免。勉尋大乘軌。練神超勇猛。○同上

答庾僧淵詩庾當作康。

茫茫混成始。豁矣四天朗。三辰還廣弘明集作環。須彌。百億同一像。靈和陶氤氳。廣弘明集作煙煴。注云。三本、官本作氤氳。會之有妙常。詩紀云。一作長。廣弘明集注。明本云。一作常。大慈濟羣生。冥感如影響。蔚蔚沙彌衆。粲粲

萬心仰。誰不欣大乘。兆定於玄曩。三法雖成林。居士亦有黨。不見虬與龍。灑鱗凌廣弘。明集注云。宋本、官本作陵。霄上。沖心超遠寄。浪懷邈獨往。衆妙常所晞。維摩余所賞。苟未體善權。與子同鬢髻。悠悠誠滿域。所遺在廢想。○廣弘明集三十。詩紀一百七。

許詢

詢。字玄度。高陽新城人。咸安中徵士。有集八卷。

竹扇詩

良工眇芳林。妙思觸物騁。篋疑秋蟬翼。團取望舒景。○類聚六十九。詩紀三十二。

農里詩

齶齶玄思得。濯濯情累除。○文選三十一雜體詩注。○遠案。六臣本注引作農理詩。

詩

青松凝素髓。秋菊落芳英。○類聚八十八。初學記二十八。

晉詩卷十三

王羲之

羲之。字逸少。琅邪臨沂人。善草隸。初爲秘書郎。歷庾亮征西參軍。遷長史。拜寧遠將軍、江州刺史。徵爲侍中、吏部尚書。不就。遷右軍將軍、會稽內史。稱病去郡。升平五年卒。時年五十九。有集十卷。

蘭亭詩二首詩紀作蘭亭集詩。右將軍王羲之二首。

代謝鱗次。忽焉以周。欣此暮春。和氣載柔。詠彼舞雩。異世帖作代。同流。迺攜齊契。帖作好。散懷一丘。○戲鴻堂帖十。詩紀三十三。

悠悠大象運。輪轉無停際。陶化非吾因。去來非吾制。宗統竟安在。卽順理自泰。有心未能悟。適足纏利害。未若任所遇。逍遙良辰會。

三春啓羣品。寄暢在所因。仰望詩話作視。碧帖作仰□望。要錄作仰眺望。天際。俯磐綠。要錄作瞰綠。詩話、詩紀同。水濱。寥朗詩話作闌。詩紀同。無厓觀。寓目理自陳。大矣造化功。萬殊莫不均。羣籟雖參差。適我無非新。詩話作親。詩紀同。

猗與二三子。莫匪要錄作非。齊所託。彙考作托。造真探玄根。要錄作退。涉世若過客。前識要錄作世。非所期。虛室彙考作空。是我宅。遠想千載外。何必謝曩昔。相與無相要錄作所。與。形骸自脫落。

鑑明去塵垢。止則鄙吝要錄作鄙。生。體之固要錄作周。未易。三觴解天刑。要錄作天形。方寸無停主。矜要錄作務。伐將自平。雖無絲與竹。玄泉有清聲。雖無嘯與歌。詠言有餘馨。取樂在一朝。寄之齊千齡。

合散固其常。要錄作有。脩短定無始。造新不帖缺不字。暫停。一往不再起。於今爲神奇。信宿同塵滓。誰能無此要錄作憐。慨。散之在推理。言立同不朽。河清非所俟。○戲鴻堂帖十。法書要錄十。式古堂書畫彙考。又詩紀三十三。詩話總龜後集十六並引濱、陳、均、親四韻。○遼案。戲鴻堂帖所載五章之末各夾注其一其二等字。

答許詢詩

語林曰。右軍少嘗患癩。一二年輒發動。後答許掾詩。忽復惡中得二十字云云。

取歡仁智樂。寄暢山水陰。清泠澗下瀨。歷落松竹松。○御覽七百三十九。
爭先非吾事。靜照在忘求。○文選二十二行藥至城東橋詩注。

孫綽

綽。字興公。太原中都人。初爲著作佐郎。歷庾亮征西參軍、章安令。徵拜太學博士。遷尚書郎。出爲建威長史、右軍長史。轉永嘉太守。遷散騎常侍。領著作郎。拜衛尉卿。年五十八卒。有至人高士傳讚二卷、列仙傳讚三卷、孫子十二卷、集二十五卷。

表哀詩并序

天地之德曰生。生之所恃者親。親存則歡。泰情盡。親亡則哀。悴理極。故老萊婆娑於膝下。曾閔泣血於終年。哀悼之思至矣。自然之性篤矣。余以薄祐。夙遭閔凶。越在九齡。嚴考卽世。未及志學。過庭無聞。天覆既淪。俯憑坤厚。殖根外氏。賴以成訓。然以不才。不能負荷。仁妣弘母儀之德。邁榮寒之操。雕琢固頑。勉以道義。庶幾砥礪犬馬之報。豈悟一朝。復見孤棄。上天極禍。怨痛莫訴。皆由惡積咎深。不能通感。自丁荼毒。載離寒暑。茵帷塵寂。棟宇寥恍。仰悲軌迹。長自矜悼。不勝哀號。作詩一首。敢冒諒闇之譏。以申罔極之痛。詩曰。

茫茫太極。賦授廣文。選作受。詩紀同。理殊。咨生不辰。仁考夙廣文選作宿。詩紀同。又注一作夙。徂。微微沖弱。眇眇偏孤。叩心昊蒼。痛貫黃墟。肅我以義。鞠我以仁。嚴邁商風。恩洽陽春。昔聞鄒母。勤教善分。懿矣慈妣。曠世齊運。嗟予小子。譬彼土糞。俯愧陋質。仰忝高訓。悠悠玄運。四氣錯序。自我酷痛。載離寒暑。寥寥空堂。寂寂響戶。塵蒙几筵。風生棟宇。感昔有恃。望晨遲顏。婉孌懷袖。極願盡歡。奈何慈類聚誤作茲。妣。歸體幽埏。酷矣痛深。剖髓摧肝。○類聚二十。廣文選九。詩紀三十二。

贈溫嶠詩五章

大樸無像。鑽之者鮮。玄風雖存。微言靡演。邈矣哲人。測深鈎緬。誰謂道遠。得之無遠。

既綜幽紀。亦理俗羅。神濯無浪。形渾俗波。穎古逸本、適園本作穎。非我朗。貴在光和。振翰梧標。翻飛丹霞。爰在沖亂。質疑韻令。長崇簡易。業大德盛。體與榮辭。迹與化競。經緯天維。翼亮皇政。狡哉不臣。拒順稱兵。矯矯君侯。杖鉞斯征。鯨鯢懸鯁。靈滸載清。淨能弘道。勳□功成。無則無慕。原作則無則慕。今從適園本。有必有希。原作有必希。今從適園本。仰蔭風雲。自同蘭夷。辭以運情。情詣名遺。忘其言往。鑒諸旨歸。○文館詞林百五十七。

與庾冰詩十三章

浩浩元化。五運迭送。昏明相錯。否泰時用。數鍾大過。乾象摧棟。惠懷凌構。神鑿不控。德之不逮。痛矣悲夫。蠻夷交迹。封豕充衢。芒芒華夏。原誤作憂。今從古逸本。鞠爲戎墟。哀兼黍離。痛過茹荼。天未忘晉。乃眷東顧。中宗奉時。龍飛廓祚。河洛雖堙。淮海獲念。業業億兆。相望道著。天步艱難。蹇運方資。凶羯稽誅。外憂未夷。矧乃蕭牆。仍生梟鷄。逆兵累遣。三纏紫微。遠惟自天。抑亦由人。道苟無虧。釁故曷因。遑遑遺黎。死痛生勤。原誤勒。今從古逸本。撫運懷□。古逸本、適園本作撫□運懷。天地不仁。

烝哉我皇。哲嶷自然。遠□隆替。思懷普天。明發詢求。德音遐宣。臨政存化。昵親尊賢。親賢孰在。實賴伯舅。卓矣都鄉。光此舉首。苟云至公。身非己有。將敷徽猷。仰讚聖后。義存急病。星駕路次。穆爾平心。不休不悴。險無矜容。原作務客。今從古逸本。商無凌氣。形與務動。志恬道味。

余與夫子。分以情照。如彼清風。應此朗嘯。契定一面。遂隆雅好。弛張雖殊。官商同調。無湖之寓。家子之館。武昌之遊。繾綣夕旦。邂逅不已。同集海畔。宅仁懷舊。用忘僑歎。晏安難常。理有會乖。之子之性。當作往。惆悵低徊。子冲赤霄。我戢蓬黎。啓興歧路。慨矣增懷。我聞爲政。寬猛相革。體非太上。疇能全德。鑒彼韋弦。慎爾準墨。人望在茲。可不允塞。古人重離。必有贈遷。千金之遺。孰與片言。勸古逸本作勵矣庾生。勉蹤前賢。何以將行。取諸斯篇。○文館

詞林百五十七。

答許詢詩九章

仰觀大造。俯覽時物。機過患生。吉凶相拂。智以利昏。識由情屈。野有寒枯。朝有炎鬱。失則震驚。得必充詘。

峩峩高門。鬼闕其庭。弈弈華輪。路險則傾。前軻摧軸。後鸞振鈴。將隊競奔。誨在臨頸。達人悟始。外身遺榮。

遺榮榮在。外身身全。卓哉先師。修德就閑。散以玄風。滌以清川。或步崇基。或恬蒙園。道足匈懷。神棲浩然。

咨余冲人。稟此散質。器不韜俗。才不兼出。斂衽告誠。敢謝短質。冥運超感。遣我玄逸。宅心遠廓。咀嚼妙一。

孔父有言。後生可畏。灼灼許子。挺奇拔萃。方玉比瑩。擬蘭等蔚。寄懷大匠。仰希遐致。將隆千仞。豈限一匱。

自我提攜。倏忽四周。契合一源。好結回流。泳必齊味。翔必俱遊。權與時積。遂隆綢繆。一日不見。情兼三秋。

矧乃路遐。致茲乖違。爾託西隅。我滯斯畿。寂寂委巷。原作卷。今從適園本。寥寥閑扉。原作扇。今從適園本。淒風夜激。皓雪晨霏。隱机獨詠。賞音者誰。

貽我新詩。韻靈旨清。粲如揮錦。琅若叩瓊。既欣夢解。獨愧未冥。愠在有身。樂在忘生。余則異矣。無往不平。理苟皆是。何累於情。

□□□□。當作何累於情。戒以古人。邈彼巢皓。千載絕塵。山棲嘉遯。亦有負薪。量力守約。敢希先人。且戢讜言。永以書紳。○文館詞林百五十七。

贈謝安詩

緬哉冥古。邈矣上皇。夷明太素。結紐靈綱。不有其一。二理曷彰。幽源散流。玄風吐芳。芳扇則歇。流引則遠。朴以彫殘。實由英翦。捷徑交軫。荒塗莫踐。超哉沖悟。乘雲獨反。青松負雪。白玉經臙。鮮藻彌映。素質逾昭。凝神內湛。未醜一澆。遂從雅好。高峙九霄。洋洋浚泌。藹藹丘園。庭無亂轍。室有清絃。足不越疆。談不離玄。心憑浮雲。氣齊皓然。仰詠道誨。俯膺俗教。天生而靜。物誘則躁。全由抱朴。灾生發竅。

成歸前識。孰能默覺。曖曖幽人。藏器掩曜。涉易知損。棲老測妙。交存風流。好因維繫。自我不違。寒暑三襲。漢文延賈。知其弗及。戴生之黃。不覺長揖。與爾造玄。迹未偕人。鳴翼既舒。能不鶴立。整翰望風。庶同遙集。○文館詞林百五十七。

蘭亭詩二首

詩紀作右司馬孫綽二首。

春詠登臺。亦有臨流。懷彼伐木。帖作代水。宿帖作肅。詩紀云。一作肅。此良儔。修竹蔭沼。旋瀨繁丘。穿池激湍。帖缺湍字。連帖作連。濫觴舟。○戲鴻堂帖十。詩紀三十三。

流風拂枉渚。停帖作亭。雲蔭九臯。鶯語輿地紀勝作羽。帖同。吟脩竹。帖作林。游鱗戲瀾濤。攜筆落雲藻。微言剖。纖帖闕纖字。毫。時珍豈不甘。忘味在聞韶。○戲鴻堂帖十。詩紀三十三。廣文選九。又輿地紀勝十引濤一韵。

三月三日詩

姑洗幹運。首陽穆闌。嘉卉萋萋。詩紀作淒淒。温風曖曖。類聚作煖煖。韵補同。言滌長瀨。聊以游衍。縹萍類聚。詩紀作芥。按即芥之訛字。莢韵補作漢。流。綠柳蔭坂。羽從風飄。鱗隨浪轉。○類聚四。詩紀三十二。又吳械韵補三引闌、煖二韵。坂、轉二韵。

秋日詩

蕭瑟仲秋月。廣文選作日。詩紀同。颺戾類聚作颺唳。廣文選、詩紀同。風雲高。山居感時變。遠客御覽作詠。興長謠。疏林積涼風。御覽作氣。虚岫結凝霄。湛御覽作零。露灑庭林。密葉辭榮條。撫茵類聚作葉。御覽作茵。悲先落。攀廣文

選作鬱。詩紀同。又注。一作攀。松羨後凋。垂綸在林野。交情遠市朝。澹然古懷心。濠上豈伊遙。○廣文選十五。詩紀三十二。又類聚三、御覽二十五並作晉孫綽詩。引高、謠、膏、條、凋五韵。

詩

迢迢書鈔作超超。雲端月。的爍霞間星。清商書鈔作霜。激西牖。澄景至編珠作獨。按應是燭之訛。南樞。編珠作楹。○書鈔百五十四。杜公瞻編珠一。

詩

野馬閑於羈。澤雉屈於樊。神王自有所。何爲人世間。○御覽三百五十九。

情人碧玉歌二首

碧玉歌。一名千金意。晉孫綽所作。樂府詩集云宋汝南王作。

碧玉小家女。不敢攀貴德。感郎千金意。慚無傾城色。○玉臺新詠十。樂府詩集四十五。詩紀三十二。

碧玉破瓜時。相樂府作郎。詩紀同。爲情顛倒。感郎類聚作君。詩紀同。不差赧。玉臺、類聚作難。樂府作郎。回身就郎抱。

○玉臺新詠十。類聚四十三。樂府詩集四十五。詩紀三十二。

孫放

放。字齊莊。太原中都人。監軍孫盛次子。歷國子博士、長沙相。有集一卷。

詠莊子詩

巨細同一馬。物化無常歸。修鯤解長鱗。鵬起片雲飛。撫翼搏積風。仰凌垂天翬。○御覽九百四十。

數詩

一往縱神懷。矯跡步玄闡。○文選六十竟陵文宣王行狀注。

王獻之

獻之。字子敬。羲之子。起家州主簿。遷秘書丞。選尚新安公主。除建威將軍、吳興太守。徵拜中書令。太康十一年卒。年四十三。有集十卷。

桃葉歌三首

古今樂錄曰。桃葉歌者。晉王子敬之所作也。桃葉。子敬妾名。緣於篤愛。所以歌之。

桃葉復桃葉。渡隋書、南史作度。江不用楫。但渡無所苦。我自迎接汝。南史作接迎汝。書鈔、類聚作楫迎汝。樂府作來迎

接。注。一作我自迎接汝。詩紀作來迎接。注。藝文作我自迎接汝。○隋書二十二。南史陳後主紀。玉臺新詠十作情人桃葉歌。書鈔百三十

八。類聚四十三。樂府詩集四十五。詩紀三十二。

桃葉復桃葉。桃葉樂府作樹。連桃根。相憐兩樂事。獨使我殷勤。類聚作纏綿。○玉臺新詠十。類聚四十三。樂府詩集四

十五。詩紀三十二。

桃葉映紅花。無風自婀娜。春花映何限。感郎獨採我。○樂府詩集四十五。○逮案。樂府此爲第一首。

詩

客從北方來。言欲到交趾。遠行無他貨。唯有鳳凰子。百金不我嚮。千金難爲市。○高似孫緯略七。

桃葉

桃葉。王獻之妾。

答王團扇歌三首

詩紀云。樂府以前二首作古辭。後二首作王金珠。

七寶畫團扇。燦爛明月光。與樂府作餉。郎卻暄暑。相憶莫相忘。○玉臺新詠十。類聚四十三。初學記二十五。樂府詩集四十五作無名氏辭。詩紀三十七。

青青林中竹。可作白團扇。動搖郎玉手。因風託樂府作托。方便。○玉臺新詠十。類聚四十三。樂府詩集四十五作無名氏辭。詩紀三十七。

團扇復團扇。類聚作向誰。持類聚作侍。許自障樂府作遮。面。憔悴無復理。羞與郎相見。○玉臺新詠十。類聚四十三。樂府詩集四十五作無名氏辭。詩紀三十七。

團扇郎

手中白團扇。淨如秋團月。清風任動生。嬌聲任意發。詩紀云。聲一作香。任一作承。○樂府詩集四十五作無名氏辭。詩紀三十七。

謝安

安。字安石。陳國陽夏人。歷桓溫征西司馬、吳興太守。徵拜侍中。遷吏部尚書。孝武卽位。爲尚書僕射。進中書監、錄尚書事。封建昌縣公。苻堅入寇。加征討大都督。堅破。進拜太保。都督揚、江、荆、司、豫、徐、兗、青、冀、幽、并、寧、益、雍、梁十五州軍事。尋出鎮廣陵。太元十年卒。年六十六。

與王胡之詩六章

鮮冰玉凝。遇陽則消。素雪珠麗。潔不崇朝。膏以朗煎。蘭由芳凋。哲人悟之。和任不標。外不寄傲。內潤瓊瑤。如彼潛鴻。拂羽雪霄。

內潤伊何。豐豐仁通。拂羽伊何。高栖梧桐。頡頏應木。婉轉虵龍。我雖異跡。及爾齊蹤。思樂神崖。悟言機峰。

繡雲綺構。丹霞增輝。濛汜仰映。扶桑散蕤。吾賢領雋。邁俗鳳飛。含章秀起。坦步遠遺。

余與仁友。不塗不筍。卽筍字。適園本誤作苟。默匪巖穴。語無滯事。櫟不辭社。周不駭吏。紛動羣翳。領之在識。會感者圓。妙得者意。我鑒其同。物覩其異。

往化轉落。運萃勾芒。仁風虛降。與時抑揚。蘭栖湛露。竹帶素霜。藜點朱的。薰流清芳。觸地儻零。遇流

濠梁。投綸同詠。褰褐俱翔。

朝樂朗日。嘯歌丘林。夕翫望舒。入室鳴琴。五絃清激。南風披襟。醇醪淬慮。微言洗心。幽暢者誰。在我賞音。○文館詞林百五十七。

蘭亭詩二首

詩紀作瑯琊王友謝安二首。

伊昔先子。有懷春遊。契茲言執。寄傲林丘。森森連嶺。詩紀作嶺。茫茫原疇。迥霄垂霧。帖作模。凝泉散流。○

戲鴻堂帖十。詩紀三十三。

相與欣佳節。率爾同褰裳。薄雲羅陽景。輿地紀勝作物景。詩紀作景物。微風翼輕航。醇醪陶丹帖作玄。府。兀若遊羲唐。萬殊混一理。帖作象。詩話向。安復覺彭殤。○戲鴻堂帖十。廣文選九。詩紀三十三。又輿地紀勝十引航一韵。詩話總龜後集十六引殤一韵。

謝萬

萬。字萬石。安弟。辟司徒掾。遷右西屬。不就。簡文帝作相。召為輔軍從事中郎。遷豫州刺史、領淮南太守、監司豫冀并四州軍事、假節。軍潰。廢為庶人。卒年四十二。有集十六卷。

蘭亭詩二首

詩紀作司徒左西屬謝萬二首。

肆眺崇阿。寓目高林。青蘿翳岫。修竹冠岑。谷流清響。條鼓鳴音。玄嶠吐潤。霏霧帖作霞。成陰。○戲鴻堂帖

十。詩紀三十三。

司冥卷陰旗。句芒舒陽旌。靈液被九區。光風扇鮮榮。碧林輝英翠。輿地紀勝作翠英。詩紀作翠萼。紅葩擢新莖。翔禽撫翰游。騰鱗躍清泠。○戲鴻堂帖十。詩紀三十三。又輿地紀勝十引莖一韻。

孫統

統。字承公。太原中都人。征北將軍褚裒召為參軍。不就。求為鄆令。轉吳令。後為餘姚令。有集九卷。

蘭亭詩二首詩紀作前餘杭令孫統二首。

茫茫大造。萬化齊軌。罔悟玄詩紀作云。又注。一作玄。同。競異標旨。平勃運謀。黃綺隱几。凡我仰希。期山期水。○戲鴻堂帖一。詩紀三十三。

地主觀山水。仰尋幽人踪。帖作蹤。回沼激中逵。疏竹帖作竹柏。間修桐。因流轉輕觴。冷風飄落松。時禽吟長澗。萬籟吹連峯。帖作岑。○同上

孫嗣

嗣。綽子。位至中軍參軍。早亡。有集三卷。

蘭亭詩

望嚴懷逸許。臨流想奇莊。誰云真帖作玄。風絕。千載挹餘帖作遺。詩紀云。一作遺。芳。○戲鴻堂帖十。詩紀三十三。○帖云。孫無四言詩。

郗曇

曇。字重熙。高平金鄉人。官至徐、兗二州刺史。升平五年卒。年四十二。

蘭亭詩

溫風起東谷。和氣帖作風。振柔條。端坐興遠想。薄言遊近郊。○戲鴻堂帖十。詩紀三十三。帖云。郗無四言詩。

庾友

友。字惠彥。小字玉臺。潁川鄆陵人。歷中書郎、東陽太守。

蘭亭詩

馳心域帖作城。表。寥寥遠邁。理感則一。冥然玄詩紀作斯。會。○戲鴻堂帖十。詩紀三十三。○帖云。庾無五言詩。

庾蘊

蘊。潁川鄆陵人。冰子。官至廣州刺史。

蘭亭詩

仰想虛舟說。俯歎世上賓。朝榮雖云樂。夕弊詩紀作斃。理自因。○戲鴻堂帖十。詩紀三十三。○帖云。庾無四言詩。

曹茂之

茂之。字永世。彭城人。仕至尚書郎。

蘭亭詩

詩紀作行參軍曹茂之。

時來誰不懷。寄散山林帖作水。間。尚想方外賓。迢迢有餘閑。○戲鴻堂帖十。詩紀三十三。○帖云。曹無四言詩。

華茂

茂。廣陵人。華譚子。嗣父爵封都亭侯。

蘭亭詩詩紀云。上虞令華茂。

林榮其鬱。浪激其隈。汎汎輕觴。載欣載懷。○戲鴻堂帖十。詩紀三十三。○帖云。華無五言詩。

桓偉

詩紀作榮陽桓偉。又曰。按晉書。桓偉。譙國龍亢人。玄之兄。玄爲荊州。以偉爲冠軍將軍。後加安西將軍、荊州刺史。此云榮陽。未知是否。

蘭亭詩

主人雖無懷。應物貴帖作寄。有尚。宜尼遨沂津。蕭帖作條。然心神王。數子各言志。曾生發清帖作哥卽歌。唱。今我欣帖作歡。斯遊。愜情亦翫暢。○戲鴻堂帖十。詩紀三十三。○帖云。桓無四言詩。

袁嶠之

嶠之。爵里不詳。

蘭亭詩二首詩紀云。陳郡袁嶠之二首。

人亦有言。得意帖作意得。則歡。佳賓既。詩紀作卽。臻。相與遊盤。微詩紀云。一作微。音迭詠。馥焉若蘭。苟齊一
致。遐想揭竿。○戲鴻堂帖一。詩紀三十三。

四與地紀勝作回。眺華林茂。俯仰晴帖及與地紀勝作清。詩紀云。一作清。川渙。與地紀勝誤作漁。激水帖作泉。流芳醪。豁
爾累心散。遐想逸民軌。遺音帖作旨。良可翫。古人詠舞帖作無。零。今也同斯歎。○戲鴻堂帖十。詩紀三十三。又與
地紀勝十引漁一韻。

王玄之

玄之。羲之長子。早卒。

蘭亭詩

松竹挺巖帖作玄。崖。幽澗激清流。消散肆情志。酣暢帖作觴。豁滯憂。○戲鴻堂帖十。詩紀三十三。○帖云。王無四
言詩。

王凝之

凝之。字叔平。羲之第二子。歷江州刺史、左將軍、會稽內史。隆安三年。爲孫恩所殺。

蘭亭詩二首

莊浪濠津。巢步潁湄。冥心真寄。帖作心玄寄。千載同歸。○戲鴻堂帖十。詩紀三十三。
烟煴柔風扇。熙怡帖作恬。和氣淳。駕言興時遊。逍遙映通津。○同上

謝道韞

道韞。琅邪臨沂人。安西將軍奕女。王凝之妻。有集三卷。

泰山吟詩紀作登山。

峩峩東嶽高。秀極冲青類聚作清。天。巖中間虚字。寂寞類聚作漠。幽以玄。非工復非匠。雲構發自然。器詩紀作氣。象爾何物。遂令我屢遷。逝將宅道藏作宕。斯字。可以盡天年。○類聚七作謝氏詩。岱史。詩紀三十七。

擬嵇中散詠松詩

遙望山上松。隆冬不能凋。願想遊下憩。瞻彼萬仞條。騰躍未能升。頓足俟王喬。時哉不我與。大運所飄飄。○類聚八十八。詩紀三十七。

咏雪聯句

謝太傅安寒雪日内集。與兒女講論文義。俄而雪驟。公欣然唱韻。兄子胡兒及兒女道韞廣歌。公大笑樂。

白雪紛紛何所似。謝公撒御覽作散。鹽空中差白帖或作乍。或作聊。可擬。胡兒未若柳絮因風起。道韞○晉書王凝之

妻謝氏傳。世說新語言語篇。類聚二。初學記二。白帖六。御覽十二、五百一十二。詩紀三十七。又白帖六引似、擬兩韻。

王肅之

肅之。字幼恭。羲之第四子。歷中書郎、驃騎諮議。有集三卷。

蘭亭詩二首

在昔暇日。味存林嶺。今我斯遊。神怡帖作恬。心靜。○戲鴻堂帖十。詩紀三十三。

嘉會欣時遊。豁爾帖作朗。暢心神。吟詠曲水瀨。帖作轉曲瀨。淥波轉素鱗。輿地紀勝作林。○戲鴻堂十。詩紀三十三。又輿地紀勝十引林一韻。

王徽之

徽之。字子猷。羲之第五子。歷桓温大司馬參軍、桓冲車騎參軍、黃門侍郎。有集八卷。

蘭亭詩二首

散懷山水。蕭帖作脩。然忘羈。秀薄粲穎。疏松籠崖。遊羽扇霄。帖作香。鱗躍清池。歸帖作肆。目寄歡。帖作心心。帖作歡。冥二奇。○戲鴻堂帖十。詩紀三十三。

先師有冥藏。安用羈世羅。未若保沖真。齊契箕山阿。○同上

王渙之

蘭亭詩

去來悠悠子。披褐良足欽。超跡修獨往。真契齊古今。○詩紀三十三。戲鴻堂帖十引前三句。○帖云。王無四言詩。

王彬之

彬之曾爲殷浩僚佐。

蘭亭詩二首

丹崖竦立。葩藻暎林。淥水揚波。載浮載沈。○戲鴻堂帖十。詩紀三十三。

鮮葩映林薄。游鱗戲輿地。紀勝作躍。清渠。臨川欣投釣。得意豈在魚。○戲鴻堂帖十。輿地紀勝十。詩紀三十三。

王蘊之

蘊之。一名蘊。字叔仁。廣漢人。

蘭亭詩

散豁情志暢。塵纓忽已捐。仰詠挹餘帖作遺。詩紀云。一作遺。芳。怡情帖作恬神。味重淵。帖作玄。○戲鴻堂帖十。詩紀三十三並作王蘊。○帖云。王無四言詩。

王豐之

蘭亭詩。詩紀云。行參軍王豐之。

肆盼巖岫。臨泉濯趾。感興魚鳥。詩紀作水。安居幽峙。○戲鴻堂帖十。詩紀三十三。○帖云。王無五言詩。

魏滂

蘭亭詩。詩紀作郡功曹魏滂。

三春陶和氣。萬物齊一歡。明后欣時豐。帖作和。駕言映清瀾。亶亶德音暢。蕭蕭遺世難。望巖愧脫屣。臨川謝揭竿。○戲鴻堂帖十。詩紀三十三。○帖云。魏無四言詩。

虞說

戲鴻堂帖作悅。

蘭亭詩

詩紀作鎮軍司馬虞說。

神散宇宙內。形浪濠梁津。寄暢須臾歡。尚想味古人。○戲鴻堂帖十。詩紀三十三。○帖云。虞無四言詩。

謝繹

蘭亭詩

詩紀作郡五官謝繹。

縱觴詩紀作暢。任所適。回波縈遊鱗。千載同一朝。沐浴陶清塵。○戲鴻堂帖十。詩紀三十三。○帖云。謝無四言詩。

徐豐之

豐之。東海鄰人。徐寧子。

蘭亭詩

一首詩紀作行參軍徐豐之。二首。

俯揮素波。仰掇芳蘭。尚想嘉帖作冥。客。希風永歎。○戲鴻堂帖十。詩紀三十三。

清響擬絲竹。班荆對綺疏。零觴飛曲津。帖作水。歡然朱顏舒。○同上

曹華

蘭亭詩詩紀作徐州西平曹華。

願與帖作異。達人游。解結邀濠梁。狂吟任所適。浪流無何鄉。○戲鴻堂帖十作華平。詩紀三十三。○帖云。華無四言詩。

晉詩卷十四

晉孝武帝司馬曜

曜。字昌明。簡文帝第三子。興寧二年。封會稽王。咸安二年。七月卽位。在位二十四年。太元二十一年。爲張貴人所弑。年三十五。諡曰孝武皇帝。有集二卷。

示殷仲堪詩

晉書曰。殷仲堪爲黃門郎。孝武嘗示仲堪詩曰。

勿以己才。而笑不才。○晉書殷仲堪傳。御覽五百九十一。

袁宏

宏。字彥伯。小字虎。陳郡扶樂人。永和初。爲謝尚安西參軍。累遷桓温大司馬記室。後自吏部郎出。爲東陽太守。太元初卒。年四十九。有後漢紀三十卷、正始名士傳三卷、竹林名士傳三卷、中朝名士傳若干卷、集二十卷。

從征行方頭山詩

峩峩太行。凌虛抗勢。天嶺交氣。窈然無際。澄流入神。玄谷應契。四象悟心。幽人來憩。○類聚七。詩紀三十二。

採菊詩

息足迴阿。圓坐長林。披榛卽澗。藉草依陰。○御覽五十六。

詠史詩二首

續晉陽秋曰。虎少有逸才。文章絕麗。曾爲詠史詩。是其風情所寄。少孤而貧。以運租爲業。謝尚時鎮牛渚。乘秋佳風月。微服泛江。會虎在運租船中。飄詠。聲既清會。辭又藻拔。非尚所曾聞。乃遣問訊。答曰。是袁臨汝郎誦詩。卽其詠史之作也。

周昌梗槩臣。辭達不爲訥。汲黯社稷器。棟梁表天表。詩紀作天表。骨。陸賈厭解紛。廣文選作分。時與酒檮杌。婉轉將相門。一言和平勃。趨舍各有之。俱令道不沒。○類聚五十五。廣文選十八。詩紀三十二。

無名困。廣文選作因。螻蟻。有名世所疑。中庸難爲體。狂狷不及時。楊惲非忌貴。知及有餘辭。躬耕南山下。蕪穢不遑治。趙瑟奏哀音。秦聲歌新詩。吐音非凡唱。負此欲何之。○同上

擬古詩

高館百餘仞。迢遞虛中亭。文幌曜瓊扇。碧疏映綺牖。○類聚六十三。詩紀三十二。

詩

森森千丈松。磊砢非一節。雖無棖栢麗。較爲梁棟桀。○類聚八十八。詩紀三十二。

王彪之

彪之。字叔虎。琅邪臨沂人。初除著作郎。累遷吏部尚書。後爲鎮軍將軍、會稽內史。孝武卽位。遷尚書令。太元二年卒。年七十三。有集二十卷。

登會稽刻石山詩

隆山嵯峨。崇巒岩崑。傍觀滄洲。仰拂玄霄。文命遠會。風淳道遼。秦皇遐巡。邁茲英豪。宅靈基阿。銘跡峻嶠。青陽曜景。時和氣淳。脩嶺增鮮。長松挺新。飛鴻振羽。騰龍躍鱗。○類聚八。詩紀三十二。

遊仙詩

遠遊絕塵霧。輕舉觀滄溟。蓬萊陰倒景。崑崙罩曾城。○文選二十二從遊京口北固應詔詩注。

與諸兄弟方山別詩

脂車總馳輪。汎舟理飛棹。絲染墨悲歎。詩紀誤作歎。路歧楊感悼。○初學記十八。詩紀三十二。

登治城樓詩

俯觀陋室。宇宙六合。譬如四壁。○文鏡秘府論西卷。

習鑿齒

鑿齒。字彥威。襄陽人。荊州刺史桓溫辟爲從事。轉西曹從事、別駕治中。遷棗陽太守。以疾歸里。太元七年卒。有漢晉春秋四十七卷、集五卷。

詩詩紀作燈。注云。一作詠燈籠。

煌煌聞夜燈。脩脩樹間亮。燈隨風焯焯。風與燈升降。○類聚八十。

嘲道安詩

晉書曰。習鑿齒詣釋道安。值衆僧齋。皆捨鉢斂衽。唯道安食不輟。鑿齒曰。

大鵬從南來。衆鳥皆戢翼。何忽當作物。凍老鴟。脯脯低頭食。○御覽九百二十七。

王珉

珉。字季琰。珣弟。歷著作散騎郎、國子博士、黃門侍郎、中書令。太元十三年卒。年三十八。有集十卷。

直中書詩

高閣臨雲日。險岑仰天居。○初學記十一。

謝芳姿

團扇歌二首

古今樂錄曰。團扇歌者。晉中書令王珉捉白團扇。與嫂婢謝芳姿有愛。情好甚篤。嫂箠撻婢過苦。王東亭聞而止之。芳姿素善歌。嫂令歌一曲當赦之。應聲歌云云。珉聞更問之。汝歌何遺。芳姿即改云云。

白團扇。辛苦五流連。是郎眼所見。○樂府詩集四十五。詩紀三十七。

白團扇。顛顛非昔容。羞與郎相見。御覽此下多願得從郎手。因風從方便二句。○樂府詩集四十五。御覽五百七十三。詩紀三十七。

蘇彥

彥。孝武帝時爲北中郎參軍。有蘇子七卷、集十卷。

七月七日詠織女詩

火流涼風至。少昊協素藏。織女思北汜。歲時雜詠作征。歲華紀麗、御覽同。書鈔作陸。牽牛嘆南陽。時來嘉慶集。整駕歲時雜詠作架。巾玉箱。瓊珮垂藻蕤。霧裾歲時雜詠作裙。御覽同。結雲裳。金翠耀華輜。軒轅御覽作軒。散流芳。釋轡紫微庭。解衿碧琳歲時雜詠作琳碧。堂。歡歲時雜詠作欣。御覽作忻。燕御覽作燕。未及究。晨暉照歲華紀麗作照。扶桑。仙童唱清道。御覽作道情。盤螭起騰驤。悵悵一歲時雜詠作三。宵御覽作霄。促。遲遲別日長。○古今歲時雜詠二十五。御覽三十一。詩紀三十六。又書鈔百五十五引藏、陽二韻。類聚四引陽、箱、裳、堂、桑、長六韻。歲華紀麗三引陽、箱、裳、長四韻。

西陵觀濤詩

洪詩紀云。一作江。濤奔逸勢。駭浪駕丘山。旬隱振宇宙。溘磕津雲連。○類聚九。詩紀三十六。

秋夜長

晨暉電流以西逝。閉宵漫漫其未央。牛女隔河以延佇。列宿雙景以相望。輕雲飄霏以籠朗。素月披曜而

舒光。時禽鳴于庭柳。節蟲吟于戶類。聚作石。堂。零葉紛其交萃。初學記作華。落英颺。初學記作飄。以散芳。覩遷化之適邁。悲榮枯之靡常。貞松隆冬以擢秀。金菊吐翹以凌霜。○類聚二。又初學記三引堂一韵、芳一韵。

趙整

整。字文業。一名正。雒陽清水人。或曰濟陰人。年十八爲僞秦著作郎。遷黃門侍郎、武威太守。

酒德歌

前秦錄曰。堅與羣臣飲酒。以秘書監朱彤爲酒正。令人以極醉爲限。整乃作酒德歌曰云云。堅大悅。命整書之。以爲酒戒。自是每宴羣臣。禮飲而已。

地列酒泉。天垂酒池。杜康妙識。儀狄先知。紂喪殷邦。桀傾夏國。由此言之。前危後則。○十六國春秋四十二。通鑑百四。文選補遺三十五。詩紀三十六。

又

前秦錄曰。苻堅宴羣臣于釣臺。秘書侍郎趙整以堅頗好酒。因爲酒德之歌。

穫黍西秦。採麥東齊。春祕府略春下有秋字。封夏發。鼻納心迷。○十六國春秋四十二。御覽八百四十二。秘書略八百四十六引前秦錄。

諷諫詩二首

高僧傳曰。正性好幾諫。無所迴避。苻堅末年。寵惑鮮卑。惰於治政。正因歌諫曰。昔聞孟津河。堅動容曰。是朕也。又歌曰。北園有一樹。堅笑曰。將非趙文業耶。

昔聞孟樂府作盟。津河。千里作一曲。此水本自清。是誰攪令樂府作亂使。濁。○高僧傳一。樂府詩集六十作琴歌。詩紀三十六。

北園有一樂府作棗。樹。高僧傳作棗。初學記或同。布葉垂重陰。詩紀作蔭。外雖饒類聚作多。初學記、樂府同。棘刺。內實有初學記作懷。赤心。○高僧傳一。類聚八十七。初學記二十八。樂府詩集六十作琴歌。詩紀三十六。又初學記二十八引陰一韵。

諫歌

晉孝武帝寧康二年冬十二月。秦王堅與慕容垂夫人段氏同輦遊於後庭。宦官趙整歌云云。堅改容謝之。命夫人下輦。

不見雀來入鷺室。但見浮雲蔽白日。○通鑑一百三。詩紀三十六。

琴歌

晉書載記曰。苻堅分氏戶於諸鎮。趙整因侍。援琴而歌云云。堅笑而不納。乃敗於姚萇。果如整言。

阿得脂。阿得脂。博勞舊御覽作鼻。父是仇綏。尾長翼短不能飛。遠徙種人留鮮卑。一旦緩急語阿誰。通鑑作當告誰。○晉書苻堅載記下。御覽九百二十三。通鑑一百四。樂府詩集六十。詩紀三十六。

王嘉

嘉。字子年。隴西安陽人。清虛服氣。不與人交游。石季龍之末。隱於終南山。苻堅累徵。不赴。及姚萇人長安。禮嘉如苻堅故事。後因事害之。

歌三首

金刀治世後遂苦。帝王昏亂天神怒。災異屢見戒人主。三分二叛失州土。三王九江一在吳。餘悉稚小早少孤。一國二主天所驅。○齊書符瑞志。

三禾慘慘林茂孳。金刀利刃齊刈之。○齊書符瑞志。

欲知其姓草肅肅。穀中最細低頭熟。鱗身甲體永興福。○齊書符瑞志。南史齊高帝紀。樂府詩集八十七。○遼案。詩紀所載三首。其一據金陵志爲帝諱昌明運當極。特申一期延其息。諸馬渡江百年中。當值卯金折其鋒四句。其二三據樂府詩集爲欲知其姓草肅肅三句及金刀利刃齊刈之一句。檢金陵志所載乃讖語而非歌。金刀利刃齊刈之亦雙而不全。今改從齊書符瑞志。列之如上焉。

歌

鳳皇鳳皇。何不高飛還故鄉。無故在此取滅亡。○魏書九十五。

皇娥歌

拾遺記曰。少昊以金德王。母曰皇娥。處璇宮而夜織。或乘桴木而晝遊。經歷窮桑滄茫之浦。時有神童。容貌絕俗。稱爲白帝之子。卽太白之精。降乎水際。與皇娥讌戲並坐。撫桐峯梓瑟。皇娥倚瑟而清歌云云。白帝子答歌云云。及皇娥生少昊。號曰窮桑氏。

天清地曠浩茫茫。萬象迴薄化無方。洽天蕩蕩望滄滄。乘桴搖拾遺記作輕。漾著日傍。當期何所至窮桑。心知和樂悅未央。○拾遺記一。詩紀前集一。○遼案。拾遺記。梁蕭綺撰。惟綺書乃據王嘉拾遺錄。其中歌詩蓋嘉原作。今列此備考。

白帝子歌

四維八埏眇難極。驅光逐影窮水域。璇宮夜靜當軒織。桐峯文梓千尋直。伐梓作器成琴瑟。清歌流暢樂難極。滄湄海浦來棲息。○拾遺記一。詩紀前集一。

采藥詩

拾遺記曰。閩河之北有紫桂成林。其實如棗。羣仙餌焉。韓終采藥四言詩云。

閩河之桂。實大如棗。類聚誤作粟。得而食之。後天而老。○拾遺記二。類聚八十九。詩紀前集八。

時俗四言詩

拾遺記曰。成王五年。因祗之國去王都九萬里。其丈夫勤於耕稼。一日鋤十頃之地。貢嘉禾一莖盈車。故時俗四言詩曰。

力勤十頃。能致嘉穎。○拾遺記二。詩紀前集八。

殷顗

顗。字伯通。陳郡長平人。太元中。以中書郎爲南蠻校尉。蒞職清明。隆安二年卒。

應晴詩

景遲兮開明。○書鈔百五十一。

王珣

珣。字元琳。珉兄。歷桓溫主簿、給事黃門侍郎、秘書監、吳國內史、尚書右僕射。安帝卽位。遷尚書令。隆安四年解職。歲餘卒。年五十二。有集十一卷。

秋懷詩

天悠雲際。風遼氣爽。○書鈔百五十四。

袁山松

山松。陳郡陽夏人。爲吳郡太守。孫恩之亂。山松守滬瀆城。隆安五年。城陷。被害。

菊詩

靈菊植幽崖。擢穎陵寒飈。春露不染色。秋霜不改條。○類聚八十一。詩紀三十二。

白鹿山詩

白鹿詩序曰。荆門山臨江。皆絕壁峭峙。壁立百餘丈。互帶激流。禽獸所不能履。有一白鹿。忽然若飛。超崗而去。謂之白鹿山。詩曰。

白鹿乃在上林西苑中。射工尚復得脯臘之。黃鵠摩天極高飛。後宮尚得烹煮之。○類聚九十五。○遼案。此襲漢

樂府烏生篇語。

顧愷之

愷之。字長康。晉陵無錫人。初爲桓温大司馬參軍。後爲殷仲堪參軍。年六十二卒於官。有啟夢記三卷。集二十卷。

神情詩 亦見陶淵明集。

春水滿四澤。夏雲多奇峯。秋月揚明輝。冬嶺秀寒松。類聚注云。摘句。○書鈔百五十作古詩。類聚三。詩紀三十二。

拜宣武墓詩

山崩溟海竭。魚鳥將何依。○世說新語言語篇。文鏡秘府論西卷。御覽四百八十七。

遠念羨昔存。撫墳哀今亡。○文選二十三廬陵王墓下作詩注。

詩

麗春絕衆卉。○草堂詩箋十八麗春詩注。

苻朗

朗。字元達。略陽臨渭氏人。苻堅從兄子。初爲堅鎮東將軍、青州刺史。後降晉。至揚州。太元中。王國寶譖而殺之。有苻子三十卷。

擬關龍逢行歌

苻子曰。桀觀炮烙于瑤臺。謂關龍逢曰。聽子諫。諫得。我改之。諫不得。我刑之。關龍逢曰。臣嘗觀君之冕。非其冕。

也。而冕危石。君之履。非其履也。而履春水。未有冠危石而不壓。蹈春冰而不陷者也。桀乃笑應之曰。是日亡。則與俱亡。子知我之亡。而不自知亡乎。子且就炮烙之刑。我觀子亡。龍逢布武而趨。行歌曰。

造化一作作。勞我以生。休一作息。我以炮烙。○御覽八十二、六百四十七。

臨終詩

四大起何因。聚散無窮已。既適一生中。又人一死理。冥心乘和暢。未覺有終始。如何箕山夫。奄焉處東市。曠此百年期。遠同嵇叔子。命也歸自天。委化任冥紀。○晉書苻朗載紀。詩紀三十六。

桓玄

玄。字敬道。譙國龍亢人。桓溫第六子。襲爵南郡公。孝武末。拜太子洗馬。出補義興太守。安帝初。爲江州刺史。進後將軍、都督江荆襄雍秦梁益寧八州及揚州八郡、江荆二州刺史。元興初。舉兵入京。自加總百揆侍中、丞相、錄尚書事、揚州牧。領徐州刺史。復讓丞相。自署太尉。封楚王。以元興二年受禪。改元永始。三年。劉裕等舉義旗。玄被誅。年三十六。有周易繫辭注二卷、集四十三卷、要集二十卷。

登荆山詩

理不孤湛。影比有津。曾是名岳。明秀超鄰。器栖荒外。命契響神。我之懷矣。巾駕飛輪。○類聚七。詩紀三十。

南林彈詩

散帶躡良駒。揮彈出長林。歸書鈔作飛。翻赴舊栖。喬木御覽作木末。轉御覽作轉。翔禽。輕丸承條源。纖繳截雲尋。落羽尋絕響。屢中轉應心。○書鈔百二十四引林、禽、尋三韵。類聚六十、御覽三百五十、詩紀三十六並引林、禽、心三韵。

詩

鳴鶴響長阜。○書鈔百三十。

殷仲文

仲文。字仲文。陳郡長平人。會稽王道子引爲驃騎參軍。轉諮議參軍。後爲元顯征虜長史。左遷新安太守。桓玄舉兵。以爲諮議參軍。領記室。進侍中。領左衛將軍。玄敗。投義軍。爲鎮軍長史。轉尚書。義熙三年謀反。伏誅。有集七卷。

南州桓公九井作詩

四運雖鱗次。理化各有準。獨有清秋日。能使高興盡。景氣多明遠。風物自凄緊。爽籟驚李善本文選作警。幽

律。哀壑叩虛牝。歲寒無早秀。浮榮甘夙隕。何以標貞脆。薄言寄松菌。哲匠感蕭晨。肅此塵外軫。廣筵散汎愛。逸爵紆勝引。伊余樂好仁。惑祛吝亦泯。猥首阿衡朝。將貽匈奴哂。○文選二十二。詩紀三十六。

送東陽太守詩

昔人深誠歎。臨水送將離。如何祖良遊。心事孱在斯。虛亭無留賓。東川緬逶迤。○類聚二十九。詩紀三十六。

人剡詩

野人雖云隔。超悟必有比。○文選六十齊竟陵文宣王行狀注。

謝混

混。字叔源。小字益壽。陳郡陽夏人。太傅安孫。尚孝武帝晉陵公主。官至中領軍、尚書左僕射。義熙八年。坐與劉毅善。爲劉裕所殺。有集五卷。

遊西池詩

悟彼蟋蟀唱。信此勞者歌。有來豈不疾。良遊常蹉跎。六臣本文選注云。五臣本無此二句。逍遙越城肆。願言屢經過。迴阡被陵闕。高臺眺飛霞。惠風蕩繁囿。白雲屯曾阿。景昃鳴禽集。水木湛清華。褰裳順蘭沚。徙倚引

芳柯。美人愆歲月。遲暮獨如何。無爲牽所思。南榮戒李善本文選作誠。其多。○文選二十二。

誠族子詩

南史曰。混風格高峻。少所交納。惟與族子靈運、瞻、晦、曜以文義賞會。嘗居在烏衣巷。故謂之烏衣之遊。因宴飲之餘。爲韻語以獎勸。靈運等曰。

康樂誕通度。實有名家韻。若加繩染功。剖瑩乃瓊瑾。靈運宣明體遠識。穎達且沈雋。若能去方執。穆穆三才順。晦。字宣明。阿多標獨解。弱冠纂華胤。質勝誠無文。其尚又能峻。曜。小字多。通遠懷清悟。采采標蘭訊。直轡鮮南史。詩紀作解。不躡。抑用解偏吝。瞻。字通遠。微子基微尚。無倦由慕蘭。勿輕一簣少。進往必未書作將。千仞。微。卽弘微。數子勉之哉。風流由爾振。如不犯所知。此外無所慎。靈運等並有誠勸之言。惟弘微獨盡褒美。○宋書謝弘微傳。南史謝密傳。詩紀三十六。

送二王在領軍府集詩

苦哉遠征人。將乖萃余室。明窗通朝暉。絲竹盛蕭瑟。樂酒輟今辰。離端起來日。○初學記十八引室、瑟二韻。引日一韻。詩紀三十六。

詩

昔爲烏衣遊。戚戚皆親姪。○宋書謝弘微傳。

秋夜長

秋夜長兮雖欣長而悼速。送晨暉于西嶺。迎夕景于東谷。夜既分而氣高。風入林而傷綠。燕翩翩以辭宇。雁邕邕而南屬。○類聚三。

劉毅

毅。字希樂。彭城沛人。桓玄篡位。與劉裕等起兵。事平。爲撫軍將軍、豫州刺史。封平南郡開國公。後轉荊州刺史。義熙八年。爲劉裕所殺。

西池應詔賦詩

晉書曰。毅征盧循敗歸。帝大宴於西池。有詔賦詩。毅詩云。

六國多雄士。正始出風流。○晉書本傳。

吳隱之

隱之。字處默。濮陽鄆城人。解褐輔國功曹。累遷晉陵太守、廣州刺史。後遷中領軍。義熙九年卒。

酌貪泉賦詩

晉書曰。隆安中。以隱之爲龍驤將軍、廣州刺史。未至州二十里。地名石門。有水曰貪泉。飲者懷無厭之欲。隱之至泉所酌而飲之。因賦此詩。及在州。清操逾厲。

古人云此水。世說注作石門有貪泉。初學記同。事類賦作嶺南有一水。一飲書鈔作飲。初學記、御覽同。懷書鈔或作重。或作直。類聚、初學記、御覽作重。千金。事類賦作號曰貪泉深。試類聚作若。白帖、御覽、事類賦同。使書鈔或作令。夷齊飲。終當不易心。○晉書本傳。世說新語德行篇注。書鈔三十八、七十二。類聚五十。初學記八。御覽二百五十六。事類賦七。萬花谷六。詩紀三十六。又白帖七十七引心一韵。

劉程之

程之。字仲思。彭城人。初爲府參軍。歷宜昌、柴桑令。去職。與周續之、陶淵明皆不應徵命。號尋陽三隱。劉裕以其不屈。旌其號曰遺民。義熙十年卒。有玄譜一卷、集五卷。

奉和慧遠遊廬山詩

理神固超絕。涉麓罕不羣。孰至消煙外。曉然與物分。冥冥玄谷裏。響集自可聞。文峯無曠秀。交嶺有通雲。悟深婉沖思。在要開冥欣。中巖擁微興。□岫想幽聞。弱明反歸鑒。暴懷傳靈薰。永陶津玄匠。落照俟虛斤。○廬山記。

王喬之

喬之。爲江州刺史孟懷玉別駕。

奉和慧遠遊廬山詩

超遊罕神遇。妙善自玄同。徹彼虛明域。曖然塵有封。衆阜平寥廓。一岫獨凌空。霄景憑巖落。清氣與時雍。有標造神極。有客越其峯。長河濯茂楚。險雨列秋松。危步臨絕冥。靈壑映萬重。風泉調遠氣。遙響多啾噓。遐麗既悠然。餘盼覲九江。事屬天人界。常聞清吹空。○廬山記。

張野

野。字萊民。南陽人。居柴桑。徵拜散騎常侍。不就。義熙十二年卒。

奉和慧遠遊廬山詩

覲嶺混太象。望崖莫由檢。器遠蘊其天。超步不階漸。揭來越重垠。一舉拔塵染。遼朗中大盼。迥豁遐瞻。慊。乘此攄瑩心。可以忘遺玷。曠風被幽宅。妖塗故死滅。○廬山記。

王齊之

齊之。琅邪人。

念佛三昧詩四首

妙用在幽。廣弘明集云。元本作茲。明本作茲。云。一作幽。涉有覽無。神由昧徹。識以照麓。積微自引。因功本虛。泯

彼三觀。忘。廣弘明集作亡。注云。宋云。元明本忘。此毫。廣弘明集作豪。注云。三本、官本作毫。餘。○廣弘明集三十。詩紀三十六。

寂漠何廣弘明集作空漢河。注云。三本作寂寞何。始。理玄通微。融然忘適。乃廓靈暉。心悠。廣弘明集注云。明本一作游。詩

紀云。一作游。緬域。得不踐機。用之以沖。會之以希。○同上

神資。廣弘明集云。明本姿。天凝。圓映朝雲。與化而感。與物斯羣。應不以方。受者自分。寂爾淵鏡。金水塵紛。

○同上

慨自一生。夙乏惠。廣弘明集作之慧。注云。三本、官本作乏惠。識。託崇淵人。庶藉冥力。思轉毫。廣弘明集作豪。注云。三

本、官本作毫。功。在深不測。廣弘明集作在測。注云。三本作不測。至哉之念。主。廣弘明集作注。心西極。○同上

陶琬之

琬之。桓玄時爲江州主簿。

詩

我服既暉。我駟既閑。楊鑣警路。哀籥清綿。○御覽三百五十八引桓玄集。

羊徽

徽。字敬猷。泰山南城人。義熙初。爲劉裕記室參軍。遷中書郎。出爲河東太守。有集十卷。

贈傅長猷傅時爲太尉主簿人爲都官郎詩四章

赫赫宰朝。匪虬伊鸞。微微殆足。策駑末班。靡獲于心。有虔惟官。肅幽幽禁。孔邃且難。
孰寄斯誠。實惟舊要。自昔偕遊。聿來並朝。雖或戎阻。雖實氛囂。我有閑暇。與爾清謠。
物化交尋。聚散飄薄。有美一人。翻飛雲閣。離軫迎今。嫵從謝昨。雖則匪遐。言覲彌索。
秋鴻泝節。商風厲時。肅彼具物。叩此幽司。違好獨羈。悵其悽而。言念斯盈。告勞惟詩。○文館詞林百五十七。

答丘泉之詩七章

理矚有待。事過無期。自昔願言。寢興伊思。爰違懷人。載欽在茲。賞得意從。無闕惟時。
王路威夷。戎役孔勤。昔從經略。方難之殷。悠悠岱陰。滔滔江濱。綢繆成說。與子夷屯。
江之泳矣。載瀾載清。俛胄時暇。解顏舒誠。理既睦本。事亦敦情。永言契闊。實深平生。
自茲乖互。屬有逝止。余實無良。沈疴彌祀。孰是懷之。則惟吾子。豈微原作徽。今從古逸本。王事。驟駕無已。

疲殆既謝。惠澤是逢。顯列斯偕。厥司攸同。疇昔之歡。於焉克從。託曜春藻。慰此秋蓬。

雖則克從。遞來有乖。衡泌之娛。休沐末適。園本作未。偕。冬日烈烈。飄風淒淒。對影華署。如何勿懷。

懷亦勤止。戢此餘蘭。惠以好言。深誠原作誠。今從古逸本。在翰。敢忘三折。敬思五難。君子攸贈。復之歲寒。

○文館詞林百五十七。

1
C
C.

1
C
C.

1
C
C.

晉詩卷十五

湛方生

方生。爲衛軍諮議參軍。有集十卷。

廬山神仙詩

序曰。尋陽有廬山者。盤基彭蠡之西。其崇標峻極。辰光隔輝。幽澗澄深。積清百仞。若乃絕阻重險。非人跡之所遊。窈窕沖深。常含霞而貯氣。真可謂神明之區域。列真之苑囿矣。太元十一年。有樵採其類聚作之。陽者。于時鮮霞褰林。傾暉映岫。見一沙門。披法服獨在巖中。俄頃振裳揮錫。凌崖直上。排丹霄而輕舉。起九折而一指。既白雲之可乘。何帝鄉之足遠哉。窮目蒼蒼。翳然滅跡。詩曰。

吸風玄圃。飲露丹霄。室宅五岳。賓友松喬。○類聚七十八。詩紀三十六。

後齋詩

解纓復褐。辭朝歸藪。門不容軒。宅不盈畝。茂草籠庭。滋蘭拂牖。撫我子姪。攜我親友。茹彼園蔬。飲此

春酒。開櫺攸瞻。坐對川阜。心焉孰託。託心非有。素構易抱。玄根難朽。卽之匪遠。可以長久。○類聚六十四。詩紀三十六。

帆帆扶泛切。人南湖詩

彭蠡紀三江。廬岳主衆阜。白沙淨川路。青松蔚巖首。此水何時流。此山何時有。人運互推遷。茲器獨長久。悠悠宇宙中。古今迭先後。○類聚二十七。廣文選十。詩紀三十六。

還都帆詩

高岳萬丈峻。長湖千里清。白沙窮年潔。林松冬夏青。水無暫停流。木有千載貞。寤言賦新詩。忽忘羈客。詩紀云。一作旅。情。○類聚二十七。詩紀三十六。

天晴詩

屏翳寢神轡。初學記誤作變。飛廉收靈扇。青天瑩如鏡。凝津平。初學記作奕。如研。落帆修江渚。初學記作湄。悠悠極長眇。清氣朗山壑。千里遙相見。○初學記二。詩紀三十六。

諸人共講老子詩

吾生幸凝湛。智浪紛競結。流宕失真宗。遂之弱喪轍。雖欲反故鄉。埋翳歸途絕。滌除非玄風。垢心焉能歇。大矣五千鳴。特爲道喪設。鑒之誠水鏡。塵穢皆朗徹。○初學記二十二。詩紀三十六。

詩

仲秋有秋色。始涼猶未淒。蕭蕭山間風。泠泠積石溪。○書鈔百五十四

詩

發鞍踞平陸。秣馬青山阿。濁酒炙枯魚。鼎食何必過。○御覽五十六。

詩

鼓棹行遊矚。○文選五十八褚淵碑文注。

懷歸謠

辭衡門兮至歡。懷生離兮苦辛。豈羈旅兮一慨。亦代謝兮感人。四運兮道盡。化新兮歲故。氛慘慘兮凝晨。風悽悽兮薄暮。雨雪兮交紛。重雲兮四布。天地兮一色。六合兮同素。山木兮摧披。津壑兮凝沍。感羈旅兮苦心。懷桑梓兮增慕。胡馬兮戀北。越鳥兮依陽。彼禽獸兮尚然。況君子兮去故鄉。望歸塗兮漫漫。

盼江流兮洋洋。思涉路兮莫由。欲越津兮無梁。○類聚十九。詩紀三十六。

秋夜詩

悲九秋之爲節。物凋悴而無榮。嶺頽鮮而殞綠。木傾柯而落英。履代謝以惆悵。睹搖落而興情。信臯壤而感人。樂未畢而哀生。秋夜清兮何秋夕之轉長。夜悠悠而難極。月皦皦而停光。播商氣以清溫。扇高初學記作凄。風以革涼。水激波以成漣。露凝結而爲霜。凡有生而必凋。情何感而不傷。苟靈符之未虛。孰茲戀之可忘。何天懸之難釋。思假暢之冥方。拂塵衿於玄風。散近滯於老莊。攬逍遙之宏維。總齊物之大綱。同天地於一指。等太山於毫芒。萬慮一時頓泮。情累豁焉都忘。物我泯然而同體。豈復壽夭於彭殤。○類聚三作秋夜。詩紀三十六。又初學記三作秋夜詞。引涼一韻。

白露霏以靜降。○書鈔百五十四。

氣入肌以淒凜。風灑林而蕭索。○書鈔百五十四。

星傾暉以流素。○同上

遊園詠

諒茲境之可懷。究川阜之奇勢。水窮清以澈鑒。山鄰而無際。乘初霽之新景。登北館以悠矚。對荆門之孤阜。傍魚陽之秀岳。乘夕陽而含詠。杖輕策以行遊。襲秋蘭之流芬。幙長猗之森修。任緩步以升降。歷

丘墟而四周。智無涯而難恬。性有方而易適。差一毫而遽乖。徒理存而事隔。故羈馬思其華林。籠雉想其
阜澤。矧流客之歸思。豈可忘於疇昔。○類聚六十五。詩紀三十六。

袁光

詩

室有人應有候。要邊鳴佩誰佩之。○書鈔百二十八。

劉恢

恢。字道生。沛國人。歷車騎司馬、丹楊尹。有集二卷。

詩

東臯有一駿。名曰千金駒。絡首纏駿尾。養以甘露芻。○類聚九十三。詩紀三十二。

何瑾

瑾。一作瑾之。爲車騎參軍。有集十一卷。

悲秋夜

欣莫欣兮春日。悲莫悲兮秋夜。伊秋夜之可悲。增沉懷于遠情。歎授衣之幽詩。感蕭于宋生。天寥廓兮高
寒。氣淒肅兮厲清。燕沂陰兮歸飛。雁懷傷兮寒鳴。霜盈條兮璀璨。類聚作濯濯。露沾葉兮泠泠。○類聚三。又
御覽十四引末二句。

陸沖

沖。揚州從事。有集二卷。

雜詩二首

命駕遵長途。綿邈途難尋。我行一詩紀作亦。何艱。山川阻且深。洿澤無夷軌。重巒有層類聚作曾。古通。陰。零
雨淹中路。玄雲蔽高岑。俯悼孤行獸。仰歎偏翔禽。空谷回悲響。流風漂哀音。羈旅淹留久。悵望愁我心。

○廣文選十五。詩紀三十六。又類聚二十八作陸沖詩。引尋、深、陰、岑、禽、音六韻。

肆觀野原外。放心希太和。景嶽造天漢。豐林冒重阿。清芬乘風散。豔藻映淥波。○類聚二十八作陸沖詩。

陸彥聲

詩

相思心既勞。相望脰亦侑。○文選二十五登臨海嶠詩注。

張奴

歌

高僧傳曰。外國名僧佉叱。寄名長干寺。有張奴者。不知何許人。不甚見食。而常自肥澤。冬夏常著單布衣。佉叱行見張奴。欣然而笑。佉叱曰。吾東見蔡狹。南訊馬生。北遇王年。今欲就杯度。乃與子相見耶。張奴乃題槐樹。爲歌曰。

濛濛大象內。照曜實顯彰。何事迷昏北山錄作昏迷。子。縱惑自招殃。樂所北山錄作處。少人往。苦道若翻囊。不有松柏志。高僧傳作操。何用擬風霜。閑豫紫烟北山錄作雲。表。長歌出昊蒼。澄虛無色外。北山錄作水。並注云。上善若水。應見有緣鄉。歲曜毗漢后。麗辰高僧傳作辰麗。北山錄同。傅殷王。伊余非二仙。晦迹之。高僧傳作於。九方。亦見流俗子。觸眼致酸傷。畧謠觀有念。寧曰盡矜章。○高僧傳十杯度傳。北山錄三。詩紀三十七。

劉道民

詩

事有遠而合。蜀桐鳴吳石。○水經注漸江水注。御覽五百八十二。

王升之

燕詩

春風轉節。萬物增傷。○書鈔百五十四。

包播

詩

冬日淒慘。玄雲避天。素冰彌澤。白雪依山。○書鈔百五十四。

卞裕

送桓竟陵詩

翰城將孰寄。懷人應斯蒞。餞行臨初學記作陵。高阜怡衿睦景氣。○初學記十八。詩紀三十六。

詩

余弟適東邁。眷戀將乖情。離別信吾事。悽心相纒嬰。○初學記十八。詩紀三十六。

馬岌

岌。初爲張茂參軍。張駿嗣位。以爲酒泉太守。張重華末。爲左長史。張祚僭號。爲尚書。

題宋纖石壁詩

晉書曰。宋纖。字令艾。敦煌人也。隱居酒泉南山。不應辟命。酒泉太守馬岌造焉。纖距而不見。岌歎曰。名可聞而身不可見。德可仰而形不可睹。今而後知先生人中之龍也。銘詩于石壁曰。

丹崖百丈。青壁萬尋。奇木蒼鬱。蔚若鄧林。其人如玉。維國之琛。室邇人遐。實勞我心。○晉書宋纖傳。御覽五百三。詩紀三十六。

伏系之

系之。字敬魯。平昌安丘人。歷黃門侍郎、侍中、尚書、光祿大夫。有集十卷。

詠椅桐詩

亭亭椅桐。鬱茲庭圃。翠微疏風。綠柯蔭宇。○類聚八十八。

仲長敖

敖。爵里未詳。有集二卷。

歌敖作覈性賦。系此歌。

形生有極。嗜欲無限。達鼻耳。閉口眼。納衆惡。距羣善。方寸地。九折坂。爲人作嶮易。俄頃成此騫。多謝悠悠子。悟之亦不晚。○類聚二十一。

殷融

融。字洪遠。陳郡人。歷爲太常、吏部尚書。

答孫興公詩

聊復放一曲。○世說新語排調篇。

王康琚

李善文選注曰。古今詩英華題云。晉王康琚。然爵里未詳也。

反招隱詩

小隱隱陵藪。大隱隱朝市。伯夷竄首陽。老聃伏柱史。昔在太平時。亦有巢居子。今雖盛明世。能無中林士。放神草堂詩箋作懷。青雲外。絕迹窮山裏。鷓鴣先晨鳴。哀風迎夜起。凝霜凋朱顏。寒泉傷玉趾。周才信衆人。偏智任諸己。推分得天和。矯性失至理。歸來安所期。與物齊終始。○文選二十二。詩紀三十六。又草堂詩箋三十三寫懷詩注引裏一韻。

招隱詩

登山招隱士。寒裳躡遺蹤。華條當圓室。翠葉代綺窗。○類聚三十六。詩紀三十六。

徐廣

廣。字野民。東莞姑幕人。歷謝玄兗州從事、譙王恬鎮北參軍。人爲秘書郎。轉員外散騎侍郎。隆安中。遷祠部郎。桓玄輔政。以爲大將軍、文學祭酒。義熙初。除鎮軍諮議參軍。領記室。封樂成侯。宋受禪。乞歸。元嘉二年卒。年七十四。有禮論答問八卷、又十三卷、禮答問十一卷、晉紀四十六卷、車服儀注一卷。

三日臨水詩

溫哉今日。爰豫爰遊。興言命駕。寄歡迴流。○初學記四。

王氏

劉和妻。

正朝詩

稔冉冥機運。迅矣四節經。太簇應玄律。青陽兆初正。○類聚四。詩紀三十七。

辛蕭

蕭。散騎常侍。傅統妻。有集一卷。

元正詩

元正啓令節。嘉書鈔作佳。慶肇自茲。咸奏萬年觴。小大同悅熙。○類聚四。古今歲時雜詠一。詩紀三十七。又書鈔百五

十五引茲一韻。

李氏

陳新塗妻。

冬至詩

靈象尋數迴。四氣平運御覽作時。散。陰律鼓微陽。大明啓修御覽作將啓。旦。感與御覽作興。時來興。御覽作多。心隨逝化歎。御覽作難。式宴集中堂。賓客御覽作賓。盈朝館。○類聚三。御覽二十八。詩紀三十七。

蘇若蘭

璇璣圖詩

前秦苻堅時。秦州刺史扶風竇滔妻蘇氏。陳留令武功蘇道賢第三女也。名蕙。字若蘭。智識精明。儀容妙麗。謙默自守。不求顯揚。年十六。歸於竇氏。滔甚敬之。然蘇氏性近於急。頗傷嫉妬。滔字連波。右將軍于爽之孫。朗之第二子也。神風偉秀。該通經史。允文允武。時論高之。苻堅委以心膂之任。備歷顯職。皆有政聞。遷秦州刺史。以忤旨謫戍燉煌。會堅克晉襄陽。慮有危偪。藉滔才略。詔拜安南將軍。留鎮襄陽。初滔有寵姬趙陽臺。歌舞之妙無出其右。滔置之別所。蘇氏知之。求而獲焉。苦加捶辱。滔深以爲憾。陽臺又專伺蘇氏之短。讒毀交至。滔益忿蘇氏。蘇氏時年二十一。萬曆本作三。及滔將鎮襄

陽。邀蘇氏同往。蘇氏忿之。不與偕行。乃攜陽臺之任。絕蘇氏音問。蘇氏悔恨自傷。因織錦爲迴文。五綵相宣。瑩心輝目。縱廣八寸。題詩二百餘首。計八百餘言。縱橫反覆。皆爲文章。其文點畫無缺。才情之妙。超今邁古。名曰璇璣圖。然讀者不能悉通。蘇氏笑曰。裴徊宛轉。自爲語言。非我家人。莫能解之。遂發蒼頭齋至襄陽。滔覽之。感其妙絕。因送陽臺之關中。而具車從禮迎蘇氏。歸于漢南。恩好愈重。蘇氏所著文詞五千餘言。屬隋季喪亂。文字散落。追求勿獲。而錦字回文盛傳于世。朕聽政之暇。留心墳典。散帙之次。偶見斯圖。因述若蘭之多才。復美連波之悔過。遂製此文。聊示將來。如意元年五月一日。大周天冊金輪皇帝製。

仁智懷德聖虞唐真妙顯華重榮萬曆本作雲。章臣賢惟聖配英皇倫匹離飄浮江湘津傷嗟情家明葩榮志庭闈亂作人讒佞奸凶害我忠貞桑凶慈雍思恭基河慘歎中無鏡紛爲篤明難受消萬曆本作膚。原禍因所恃滋極驕盈榆頑孝和淑自爲隔懷懷傷君朗光誰終榮苟不義姬班女婕妤辭輦漢成薄浸休家貞記孝塞慕所路房容珠感誓城傾在戒后孽嬖趙氏飛燕寔生景讒退遠敦貞敬殊增離曠幃飾曜思窮熒猶炎盛興漸至大伐用昭丹萬曆本作青。青昭愚謙危節所是山憂經遐清華英多蒼形未在慎萬曆本作謹。深慮微察遠禍在防萌西滋蒙疑容持從梁心荒淫忘想感所欽岑幽巖峻嵯峩深淵重涯經網羅林光流電逝推生民堂妃闈飛衣誰追何思萬曆本作恩。情時形寒歲識凋松愆居歎如陽移陂施爲祇差士萬曆本作生。空后中奮袞爲相如感傷在勞貞物知終始咎獨懷何潛西不何誰神無感惟自節能我容聲將自萬曆本作顏。攷君想顏衰改華容是與女賤曜日日激與通者曠思興厲不歌冶同情寧攷側夢仁賢別行士念誰賤鄙翳白無憤將上採悲詠風樊歎發觀

羽纏龍旂容衣詩情明顯怨哀情時傾英殊衰殊身節菲路和周楚長雙華官憂虎雕飾繡始璇璣圖義年勞歎
寄華年有志飭忘葑長音南鄭歌商流徵殷繁華觀曜終始心詩興感遠殊浮沈時盛意麗哀遺身藏召衛詠齊
曜情多文曜壯顏無平蘇氏理往憂歲異浮惟必心華惟下微摧伯女志興榮傷患藻榮麗充端此作麗辭日思
慕世異逝傾萬曆本作衰。違榮感體憫悲窈河遐碩翠感生嬰漫丁寃詩風興鹿鳴懷悲哀誰遊倏無一俯憂作
已聲窈廣路人粲我艱是漫是何桑翳感孟宣傷感情者頽然盈體仰情者處發淑思透其威情惟憂何艱生時
盛昭業傾思永戚我流若不中容何成幽曲姿歸迤頽蕤悲苦懷思苦我章微恨微玄悼歎戚知沙馳虧離儀貲
辭房秦王懷土眷舊鄉身加兼愁悴少精神遐幽曠遠離鳳麟龍昭德懷聖皇人商遊桑鳩揚仇傷榮身我乎集
殃愆辜何因備嘗苦辛當神飛文遺分歸賤絃西翳雙激好摧君深日潤浸愆思罪積怨其根難尋所明經殊孤
乖鴈爲激階陰巢水悲容仁均物品育生施天地德貴平原作乎。均勻專通身粲妾殊翔女楚步林燕清思發離
濱漢之步飄飄離微隔喬木誰陰一感寄飾散聲應有流東桃飛泉君歎殊心改者惑暱親聞遠離殊我同衾志
精浮光離哀傷柔清廂休翔流長愁方禽伯在誠故遺舊廢故君子惟新貞微雲輝羣悲春剛琴芳蘭凋茂熙陽
春牆面殊意惑故新霜冰原作水。齊潔志精萬曆本作清。純望誰思想懷所親

讀圖內詩括例

依五色所分章次讀之

仁智至慘傷

倫匹至榆桑

人賤至聖皇

春陽至殊方

欽岑至如何

已上七言。四十句。每句爲一首。每首反讀之計八十首。

詩風至表玄 人賢至凋松 光顏至虎龍 日往至寄傾

已上五言。十六句。以每句反讀之成三十二首。

周南至相追 年時至無差 讒佞至未形 牽辜至伯禽

已上四言。二十四首。作兩句分讀。就成一篇。

寧顏至勞形 懷憂至何冤 念是至如何 悼思至者誰 詩情至終始

已上四言。前四首以每句反讀。後一首每句反讀。成十首。

嗟歎至爲榮 凶頑至爲基 遊西至摧傷 神明至鴈歸

已上三言十二首。反讀成二十四首。

佞因至舊新 南鄭至遺身 舊間至佞臣 遺哀至南音

已上七言。凡起頭退一字反讀之成四首。

廂挑至基津 嗟中至春親 春哀至嗟仁 基自至廂琴

已上七言。自角退一字斜讀之成四首。

再叙

回文詩圖。古無悉通者。予因究璇璣之義。如日星之左右行天。故布爲經緯。由中旋外。以旁循四旁。

於其交會。皆契韻句。巡還反復。窈窕縱橫。各能妙暢。又原五采相宣之說。傅色以開其篇章。其在經緯者。始於璣蘇詩始四字。其在節會者。右旋而出。隨其所至。各成章什。外經則始於仁真。至於音深。中經自欽深至于身殷。內經自詩情至于終始。皆循方回文者也。四角之方。如仁、真、欽、心四韻。成章而回文者也。至其經緯之圖者。隨色自分。則外之四角。窈窕成文。而文皆六言也。四旁者相對成文。而文皆六言也。及交手成文。而文皆四言也。在中之四角者。一例橫讀而四言。在中之四旁者。隨向橫讀而五言。惟璇圖平氏四字不入章句。觀其宛轉反復。皆才思精深融徹。如契自然。蓋騷人才子所難。豈必女工之尤哉。詩編載馳。史美班扇。才女專靜。用志不分。雖皆擅名。此爲精贍者也。聊隨分篇掇其一隅。以爲三隅之反。代久傳訛。頗有誤字。亦輒證改一二。其他闕謬。不欲以意足之。雖未能盡達玄思。抑庶幾不爲滯塞云。

經緯始於璣蘇詩始四字。

璣明別改知識深。嵯峻巖幽岑欽。所感想忘荒淫心。堂空惟思詠和音。詩興感遠殊浮沈。華英翳曜潛陽林。羅網經涯重淵深。嵯峻巖幽岑欽。

蘇作興感昭恨神。辜罪天離間舊新。霜冰齋潔志清純。望誰思想懷所親。凡三色讀不可回文。

外經

仁智懷德聖虞唐。真妙顯華重雲章。臣賢惟聖配英皇。倫匹離飄浮江湘。回讀。
傷慘懷慕增憂心。堂空惟思詠和音。藏摧悲聲發曲秦。商絃激楚流清琴。

中經

欽岑幽巖峻嵯峩。深淵重涯經網羅。林陽潛曜翳英華。沈浮異遊頽流沙。回讀。
何如將情纏憂慙。多患生艱惟苦身。加兼愁悴少精神。遐幽曠遠離鳳麟。

內經

詩情明顯。怨義興理。辭麗作此。端無終始。回讀。
始終無端。此作麗辭。理興義怨。顯明情詩。

四角之方

仁智懷德聖虞唐。真志篤終誓穹蒼。欽所感想忘淫荒。心憂增慕懷慘傷。回讀。

四角之間窈窕成文

嗟嘆懷所離經。遐曠路傷中情。家無君房幃清。華飾容朗鏡明。回讀。

四角在中者一例橫讀

念是咎愆。誰與獨居。賤女懷歎。鄙賤何如。反讀窈窕成文。
愆咎是念。誰與獨居。歎懷女賤。鄙賤何如。

四旁相對成文文皆六言

讒人作亂闈庭。奸凶害我忠貞。禍原膚受難明。所恃滋極驕盈。

四旁相向橫讀而成五言

寒歲識凋松。真物知終始。顏衰改華容。仁賢別行士。反讀窈窕成文。
士行別賢仁。容華改衰顏。終始知物真。松凋識歲寒。

交手成文文皆四言

讒佞奸凶。害我忠貞。禍因所恃。滋極驕盈。反讀。

用色分章止舉一隅。餘皆倣此。

橫用色

嗟嘆懷所離經。遐曠路傷中情。十二字用粉紅。

家無君房幃清。華飾容朗鏡明。用綠。

葩紛光珠耀英。多思感誰爲榮。用白。

周風興自后妃。楚樊厲節中闈。周、楚二字用黃。外十字用綠。

長歎不能奮飛。雙發歌我袞衣。長、雙二字用黃。外十字用粉紅。

華觀冶容爲誰。宮羽同聲相迫。華、宮二字用黃。外十字用青。

已上依此順讀成章

直用色

庭闈亂作人。明難受膚原。用綠。

榮苟不義姬。城傾在戒后。用粉紅。

熒猶炎盛興。形未在謹深。用青。

已上作兩句各添下字倒讀成章

恩感顏寧。孜孜傷情。時在君側。夢想勞形。用粉紅順讀。龍旂容衣。虎彫飾繡。八字用綠。

橫用黃色

奸佞讒人。作亂闈庭。所因禍原。膚受難明。

右舉此爲例。餘可悉通。元祐三年九月。工部何公過麴院。見僕書几有此。驚曰。昨日於屯田陳侯所。觀書唐真本圖。宜皆可求一見。果得出示。凡六幅。右三爲若蘭所居重樓複屋。戶牖間各作著思、練絲、識錦、遣使處。左三幅爲寶滔歸第。外爲車馬相迎。次女妓坐大氍毹。合樂其間。樓閣對飲處。圖中近上作遠水紅橋。寶臨高列騎擁旌旄以望。橋之西。氈車從數騎排引。見滔盛禮迎蘇。圖中近下左書武后序。右寫詩圖。徐視果有淡色。分其篇章。正與此同。乃知人心不甚相遠。而尤可怪矣。青、紅、綠旋所之方。皆不之差。蓋理之所在。陰陽五行色味。莫不相假。況情識之運。宜自冥合也。元豐四年四月。趙郡李公麟伯時再題。

又五色讀法詩紀云。見武功縣志。

四圍縱橫。初行、八行、十五、廿二、廿九行及仁嗟斜至春親廊。琴斜至基津。以朱畫其形如圖。原本缺圖

字。按讀法。此色凡九圖。餘四色。色各一圖。共字六百二十五。計以上七字原缺。今從萬曆本。詩三千七百五十二首。四隅嗟情至英多。遊桑至長愁。神飛至悲春。凶慈至持從。縱橫皆六字。以墨畫。正面妃闈至蕤悲。移陂至貲辭。縱六字。橫十三字。庭闈至防萌。身我至惟新。縱十三字。橫六字。以青畫。中方正面。龍旂至麗充。衰情至暮世。縱四字。橫五字。兩旁寒歲至行士。詩風至微玄。縱五字。橫四字。以紫畫。

中方四隅。思情至側夢。嬰漫至若我。愆居至賤鄙。懷悲至戚知。縱橫皆四字。又中縱各五字。詩情至顯怨。端比至麗辭。橫各五字。詩始至無端。怨義至理辭。空中心圖始平蘇氏詩心九字。以黃畫。

○詩類苑九十六。詩紀三十八。

無名氏

四章。詩紀作蠶叢詩。

詩

華陽國志曰。其民質直好義。土風敦厚。有先民之流。故其詩曰。

川崖惟平。其稼多黍。旨酒嘉穀。可以養父。野惟阜丘。彼稷多有。嘉穀旨酒。可以養母。惟月孟春。獺祭彼崖。永言孝思。享祀孔嘉。彼黍既潔。彼儀既澤。蒸命良辰。祖考來格。

日月明明。亦惟其名。誰能長生。不朽難獲。

惟德實寶。富貴何常。我思古人。令問令望。○華陽國志巴志。

雲中詩

晉書曰。時有人爲雲中詩以指斥朝廷曰云云。荊州謂王忱也。法護卽王珣。甯卽王恭。仙民卽徐邈字。安道。戴逵字。

相王沉醉。輕出教命。捕賊千秋。干豫朝政。王愷守常。國寶馳競。荊州大度。散誕難名。盛德之流。法護王甯。仲堪仙民。特有言詠。東山安道。執操高抗。何不徵之。以爲朝匠。○晉書會稽文孝王道子傳。



晉詩卷十六

陶淵明

淵明。字元亮。人宋名潛。潯陽柴桑人。太尉長沙公侃之曾孫。少有高趣。親老家貧。起爲州祭酒。不堪史職。躬耕自資。義熙元年。爲劉裕鎮軍參軍。遷建威參軍。未幾求爲彭澤令。在官八十餘日。自解歸。宋受禪。不仕。元嘉三年卒。年六十三。顏延年誄之。諡曰靖節先生。有集八卷。

停雲詩四章

停雲。思親友也。罇湛新醪。園列初榮。願言不曾本云。一作弗。從。歎息曾本云。一作想。彌襟。蘇寫本此下有云爾二字。

靄靄停雲。濛濛時雨。八表同昏。平路伊阻。靜寄東軒。春醪獨撫。良朋悠和陶本作攸。注。一作悠。邈。搔首延佇。

停雲靄靄。時雨濛濛。八表同昏。平陸成江。有酒有酒。閑飲東窗。願言懷人。曾本云。一作仁。舟車靡從。東園之樹。枝條曾本云。一作葉。再曾本作載。和陶本同。榮。競用新好。曾本云。一作朋新。一作競朋新好。蘇寫本同。焦本作

競朋新好。注云。宋本一作競用新好。非。以怡。焦本云。宋本一作招。非。又曾本云。一作怡。余情。人亦有言。日月于征。安得促席。說彼平生。

翩翩飛。曾本云。一作輕。蘇寫本同。鳥。息我庭柯。斂翮閑止。曾本作上。注云。一作正。好聲相和。豈無他人。念子實多。願言不獲。抱恨如何。○本集。東坡先生和陶淵明詩四。詩紀三十四。

時運詩四章

時運。游暮春也。春服既成。景物斯和。偶影曾本、和陶本作景。曾本云。一作影。獨游。欣慨曾本云。一作然。交心。

邁邁曾本云。一作靄。一作藹。焦本云。一作靄靄。又作藹藹。時運。穆穆良朝。襲我春服。薄言東郊。山滌餘靄。曾本云。一作藹。字曖微霄。曾本云。一作餘靄微消。注。一作字曖微霄。非。有風自南。翼彼曾本云。一作我。新苗。

洋洋平津。曾本作澤。注云。一作津。乃漱乃濯。曾本云。一作濯濯。邈邈遐景。載欣載矚。稱心而言。人和陶本作固。亦易足。焦本作人亦有言。稱心易足。注云。宋本一作稱心而言。人亦易足。非。曾本、蘇寫本云。一作人亦有言。稱心易足。揮茲一觴。

陶曾本云。一作遙。然自樂。

延目中流。悠想曾本、蘇寫本、焦本作悠悠。曾本、焦本又注云。一作悠想。清沂。童冠齊業。閑詠以歸。我愛其靜。寤寐交揮。但恨曾本作悵。注。一作恨。陶詩彙注作憾。殊世。邈不可追。

斯晨斯夕。言息其廬。花曾本云。一作華。藥分列。林竹翳如。清琴橫牀。曾本、蘇寫本云。一作膝。濁酒半壺。黃唐莫逮。慨獨在余。○本集。東坡先生和陶淵明詩四。詩紀三十四。

榮木詩四章

榮木。念將老也。日月推遷。已復有曾本、蘇寫本云。一作九。夏。總角聞道。白首無成。

采采榮木。結根于茲。晨耀曾本云。一作輝。其華。夕已喪之。人生若寄。顛顛有時。靜言孔念。中心悵曾本云。一作悵。而。

采采榮木。于茲託根。繁華朝起。慨暮不存。貞脆曾本云。一作慎。由人。禍福無門。匪道曷依。匪善奚敦。

嗟予小子。稟茲固陋。徂年既流。曾本云。一作遂往。蘇寫本同。業不增舊。志彼不曾本云。一作弗。蘇寫本作弗。詩紀同。舍。安此日富。我之懷矣。怛焉內疚。

先師遺訓。余豈云曾本作之。注。一作云。墜。四十無聞。斯不足曾本云。一作可。畏。脂我名焦本云。一作行。非。車。策我名驥。曾本云。一作鑣。千里雖遙。孰敢不至。曾本云。名車一作行車。○本集。詩紀三十四。

勸農詩六章

悠悠上古。厥初生民。曾本、焦本、詩紀俱作人。又曾本云。一作民。一作正人。傲然自足。抱朴含真。智巧既曾本云。一作未。萌。資待靡莫本云。一作無。因。誰其瞻之。實賴哲人。

哲人伊何。時惟后稷。瞻之伊何。實曰播植。焦本作殖。詩紀同。舜既躬耕。禹亦稼穡。遠若周典。八政始食。熙熙令音。曾本、蘇寫本、和陶本俱作德。又曾本云。一作音。猗猗原陸。卉木繁榮。和風清穆。紛紛士女。趨時競逐。

桑婦宵興。蘇寫本、詩紀作征。曾本云。一作征。農夫野宿。

氣節易過。和澤難久。冀缺携儷。沮溺結耦。曾本云。一作缺携尚植。沮溺猶耦。相彼賢達。猶曾本云。一作尤。勤壟畝。矧伊衆庶。曳裾拱手。

民生在勤。勤則不匱。宴曾本云。一作燕。安自逸。歲暮奚冀。擔焦本作儻。詩紀同。和陶本作餼。石不曾本云。一作弗。儲。飢寒交至。顧余蘇寫本、焦本、詩紀作爾。曾本云。一作爾。儔列。能不懷愧。

孔耽道德。樊須是鄙。董樂琴書。田園曾本云。一作園井。弗蘇寫本、焦本作不。詩紀同。曾本云。一作不。履。若蘇寫本作苟。能超然。投迹高軌。敢不斂衽。敬讚曾本、和陶本作贊。曾本又注。一作難讚。蘇寫本作歎。注。一作讚。德蘇寫本作厥。美。○本集。東坡先生和陶淵明詩四。詩紀三十四。

命子詩十章

悠悠我祖。爰自陶唐。邈爲册府作其。虞賓。歷世曾本作世歷。注云。一作歷世。重宋書、册府作垂。光。御龍勤夏。豕韋翼商。穆穆司徒。厥族以昌。

紛紛宋書、曾本作紛紛。曾本又注。一作紛紛。戰國。漠漠衰周。鳳隱于林。幽人在丘。逸虬遠蘇寫本作撓。宋書、册府同。雲。奔鯨駭流。天集有漢。眷余愍侯。

於赫愍侯。運當攀龍。撫劍風焦本、蘇寫本作夙。宋書同。焦本又注。一作風。非。曾本云。一作夙。邁。顯茲武功。書曾本云。一作參。宋本作參。誓山河。曾本作河山。注。一作山河。啓土開封。亶亶丞相。允迪前蹤。

渾渾長源。鬱鬱蘇寫本作蔚蔚。宋書、詩紀同。洪柯。宋書作河。羣川載導。衆條載羅。時有語默。宋書作默語。運因宋書作固。隆窳。宋書作汗。在我中晉。業融長沙。

桓桓長沙。伊勳伊德。天子疇我。專征南國。功遂辭歸。臨寵不忒。宋書作惑。孰謂斯心。曾本、蘇寫本云。一作遠。而近可得。宋書作可近得。

肅矣我祖。慎終如始。直方二曾本云。一作三。臺。惠和千里。於穆蘇寫本作皇。宋書、詩紀同。曾本云。一作皇。仁册府作烈。考。淡焉虛止。寄迹風雲。宋書作風運。冥曾本、蘇寫本作真。詩紀同。曾本又注。一作冥。焦本云。一作真。非。案冥。六朝寫作冥。形近真。茲愠喜。

嗟余寡陋。瞻望弗及。顧慚華鬢。負影隻立。曾本云。一作貧賤介立。三千之罪。無後爲宋書作其。急。曾本作無復其急。注云。一作無後爲急。一作後無其急。焦本云。一作無復其急。非。我誠念哉。呱聞爾泣。

卜云嘉日。占亦宋書作爾。曾本云。一作云。良時。名汝宋書作爾。曰儼。字汝蘇寫本、宋書作爾。求思。温恭朝夕。念茲在茲。尚想孔伋。庶其企而。

厲夜生子。遽而求火。凡百有心。奚特宋書作待。册府同。於我。既見其生。實欲其可。人亦有言。斯情無假。日居月諸。漸免於孩。福不虛至。禍亦易來。夙興夜寐。願爾斯才。爾之不才。亦已焉哉。○本集。宋書本傳。册府元龜八百十六。詩紀三十四。

贈長沙公各本公下有族祖二字。今從陶注本。詩四章

余於長沙公爲族各本作長沙公於余爲族。又曾本、焦本云。一作余於長沙公爲族祖。一無公字。文館詞林與曾本一作同。今從之。祖。同出大司馬。昭穆既遠。以文館詞林作已。蘇寫本、焦本同。曾本云。一作己。爲路人。經過潯陽。臨別贈此。文館詞林有詩字。

同源分流。人易世。文館詞林作代。疏慨然。文館詞林作矣。曾本云。一作矣。寤歎。念茲厥初。禮服遂悠。歲月眇徂。焦本作歲往月徂。曾本云。一作歲往月徂。感彼行路。眷然。文館詞林作言。躊躇。曾本云。一作踟。

於穆令族。允構斯。曾本云。一作新。焦本云。一作新。非。堂。諸氣冬暄。曾本作輝。蘇寫本作暉。並注云。宋本作暄。文館詞林作暉。焦本云。一作輝。非。映懷圭璋。爰采春花。文館詞林作言來春苑。曾本云。一作華。一作爰來春苑。載警。文館詞林作敬。曾本云。一作散。又作驚。蘇寫本作驚。秋霜。曾本、蘇寫本云。一作爰采春花。載散秋霜。我曰欽哉。實宗之光。

伊余云邁。在長忘同。曾本云。忘一作志。忘同又作同行。笑言。蘇寫本作言笑。曾本云。一作言笑。未久。逝焉西東。遙遙三湘。文館詞林作遙遙湘渚。曾本作遙想湘渚。注云。一作遙遙三湘。滔滔九江。山川阻遠。行李時通。何以寫心。貽此曾本作茲。注。一作怡此。話言。進實。文館詞林作匱。雖微。曾本云。一作少。終焉。曾本作在。注。一作焉。文館詞林作在。爲山。敬哉離人。臨路悽然。欵襟。文館詞林作矜式。或遼。音問其。文館詞林作時。先。○本集。文館詞林百五十八。詩紀三十四。

酬丁柴桑詩

有客有客。爰來宦蘇。蘇寫本作官。曾本、焦本作爰。曾本又注。一作官。今從文館詞林。止。秉文館詞林作執。直司聰。惠于曾本、焦本作于惠。文館詞林于作爾。百里。冷勝如歸。聆文館詞林作善。曾本、焦本作矜。曾本又注。一作聆。善各本注。一作音。若始。匪惟文館詞林作忤。莫本云。一作忤。曾本云。一作忤。也諧。曾本、蘇寫本作諧也。曾本又注。一作也諧。屢有良游。焦本云。宋本作遊。一作由。非。曾本作由。注。一作游。蘇寫本作由。載言載眺。蘇寫本作載馳載驅。注。一作載言載眺。曾本云。一作載馳。一作載馳。載驅。以寫我憂。放歡一遇。既醉還休。實欣心期。方從詩紀云。一作同。我遊。○本集。文館詞林百五十八。詩紀三十四。

答龐參軍詩六章

龐爲衛軍參軍。從江陵使上都。過潯陽見贈。

衡門之下。有琴有書。載彈載詠。爰得我娛。豈無他好。樂是幽居。朝爲灌園。夕偃蓬廬。

人之所寶。尚或未嘗。曾本云。一作非。珍。不有同愛。焦本作好。注。一作愛。非。曾本云。一作好。云其本作志。注。一作云。胡以

曾本云。一作已。親。我求良友。曾本云。一作朋。實觀懷人。歡心孔洽。棟宇惟曾本云。一作爲。焦本云。一作爲非。鄰。

伊余懷人。欣德孜孜。我有旨酒。與汝樂之。乃陳好言。乃著新詩。一日不見。如何不曾本云。一作弗。思。

嘉遊未斁。曾本云。一作數。又作款。誓將離分。曾本誤作分離。送爾于路。銜觴無欣。依舊楚。魏魏和陶本、曾本作

藐藐。曾本同。又注。一作邈。西雲。之子之遠。良話曷聞。

昔我云曾本云。一作之。別。倉庚載鳴。今也遇之。霰雪詩紀作雪霰。飄零。大藩有命。作使上京。豈忘莫本作妄誤。

宴曾本云。一作燕。安。王事靡寧。

慘慘寒日。肅肅其風。翻彼方舟。容裔蘇寫本作容與。曾本云一作與。一作融洩。江中。曾本云。一作沖沖。勗哉征人。在始思終。敬茲良辰。莫本云。一作晨。以保爾躬。○本集。東坡先生和陶淵明詩二。詩紀三十四。

歸鳥詩四章

翼翼歸鳥。晨去于林。遠之八表。近曾本云。一作延。憩雲岑。和風不曾本作弗。注云。一作不。洽。翩翩求心。願儔相鳴。景庇清陰。

翼翼歸鳥。載翔載飛。雖不懷遊。見林情依。曾本云。一作飄零。案此當爲見林之異文。遇雲頡頏。相鳴曾本云。一作鳴景。而歸。遐路誠悠。性愛無遺。

翼翼歸鳥。馴曾本云。一作相。蘇寫本、焦本云。宋本作相。案原字當作循。音訛爲馴。形誤爲相。南史劉霽傳。常有雙白鶴。循翔廬側。梁書循作馴。林徘徊。豈思天路。欣反詩紀作及。曾本云。一作及。舊棲。雖無昔侶。衆聲每諧。日夕氣清。悠然其懷。

翼翼歸鳥。戢羽寒曾本云。一作寒。條。遊不曠林。宿不曾本、焦本作則。又曾本云。一作不。森標。晨風清興。好音時交。贈繳奚施。曾本作功。注。一作施。已卷詩紀注。卷與倦同。曾本、焦本作卷已。曾本又注。一作已卷。安勞。曾本、蘇寫本云。一作且暮逍遙。○本集。詩紀三十四。

遊斜川詩

辛酉各本作丑。曾本云。一作酉。今從一作。又蘇寫本、和陶本有歲字。詩紀同。正月五日。天氣澄和。和陶本作穆。曾本云。一作穆。風物閑美。與二三蘇寫本作一二。鄰曲。同遊斜川。臨長流。望曾歲時雜詠作層。蘇寫本同。曾本云。一作層。案層與曾同。城。魴鯉躍鱗。和陶本誤作鮮。於將夕。曾本云。一作魴鯉躍日將於夕。水鷗乘和以翻飛。彼南阜者。名實舊矣。不復乃爲嗟歎。歲時雜詠作咨嘆。若夫曾城。傍無依接。獨秀中阜。遙想靈山。有愛嘉名。欣對不足。率共各本作爾。又曾本云。宋本作共。一作共爾。蘇寫本云。一作共。歲時雜詠共有爾字。今從宋本。賦詩。悲日月之遂往。悼吾年之不留。各疏年紀鄉里。以記和陶本作疏。其時日。

開歲倏五十。詩紀作日。曾本云。一作日。焦本云。一作日。非。吾生行歸休。念之動中懷。及辰和陶本作晨。曾本云。一作晨。爲茲遊。氣和天惟。和陶本作維。曾本云。一作唯。一作候。澄。班坐依遠流。弱湍馳文魴。閑谷矯鳴鷗。迴澤散游目。緬然睇曾丘。雖微九重秀。顧瞻無匹儔。提壺接賓侶。歲時雜詠作客。引滿更獻酬。未知從今去。當復曾本云。一作得。如此不。歲時雜詠作否。焦本同。中觴。焦本、蘇寫本、焦本作騰。焦本並注。宋本作騰。一作觴。非。縱遙情。忘彼千載憂。且極今朝樂。明日非所求。○本集。東坡先生和陶淵明詩二。古今歲時雜詠三十三。詩紀三十四。

示周續之祖企謝景夷三郎時三人共莫本作同。在城北講禮校書詩

曾本、蘇寫本、和陶本並作示周掾祖謝。焦本作示周續之祖企謝景夷。詩紀作示周祖謝三郎。曾本云。一作示周續之祖企謝景夷三郎時三人共在城北講禮校書。今從之。

負病頽簷下。終日無一欣。曾本云。一作終無一處欣。藥石有時閑。念我意中人。相去不尋常。道莫本作遊。路遶

何曾本云。一作無。又作所。蘇寫本云。一作無。因。周生述孔業。祖謝響然臻。道喪向千載。今朝復斯聞。馬隊非講肆。校書亦已勤。老夫有所愛。思與爾爲鄰。願言謝和陶本、焦本作誨。詩紀同。諸子。曾本作誨諸子。注云。一作客。一水勉諸生。一作但願還渚中。蘇寫本云。一作願言誨諸子。從我潁水濱。○本集。東坡先生和陶淵明詩四。詩紀三十四。

怨詩楚調示龐主簿和陶本簿下有及字。鄧治中詩紀於中下注龐遵二字。

天道幽且遠。鬼神茫昧然。結髮念善事。僬俛六九年。曾本、蘇寫本云。一作五十。樂府詩集作五十年。弱冠逢世阻。始室喪其偏。炎火屢焚如。曾本云。一作和。螟蟻恣中田。風雨縱橫至。收斂不盈廛。夏日抱長焦本云。一作長抱。曾本、蘇寫本作長抱。曾本又注。一作抱長。飢。寒夜無被眠。造夕思雞鳴。及晨願鳥曾本云。一作景。又作鳥。遷。在已何怨天。詩紀作何所怨。注。一作何怨天。離憂悽目前。曾本云。一在在已何所怨。天愛悽目前。吁嗟身後名。於我若浮煙。慷慨曾本云。一作慨然。獨曾本、蘇寫本云。一作激。樂府詩集作激。悲歌。鍾期信爲賢。○本集。東坡先生和陶淵明詩一。詩紀三十四。

答龐參軍詩

三復來貺。欲罷不能。自爾鄰曲。冬春再交。欸然良對。忽成舊游。俗諺曾本云。一作談。云。數面成親舊。和陶本無舊字。曾本云。或無舊字。況曾本云。一本又有其字。情過此者乎。人事好乖。便當語離。楊公曾本云。一作翁。所歎。豈惟常悲。吾抱疾多年。不復爲曾本云。一作屬。文。本既不豐。復曾本云。一本復作兼茲。老病繼之。輒依周禮曾本作孔。注。一作禮。蘇寫本云。一作孔。焦本作孔。詩紀同。往復之義。且爲別後相思之資。和陶本資下有乎字。

相知何必舊。曾本云。一作且。案且是早之壞字。莫本云。一作早。傾蓋定前言。有客賞我趣。每每顧林園。談諧無俗調。所說聖人篇。或有數斟。蘇寫本、和陶本作斗。詩紀同。曾本、和陶本云。一作斟。酒。閑飲自歡然。我實幽居士。無復東西緣。物新人惟舊。曾本云。一作唯人舊。弱毫夕各本作多。惟曾本作夕。夕或少之別體字。所宜。情通曾本云。宋本作懷。蘇寫本云。一作懷。莫本作懷。注。一作通。萬里外。形跡滯江山。曾本云。一作江山前。君其曾本云。一作期。愛體和陶本云。一作禮。素。來會在何年。○本集。東坡先生和陶淵明詩四。詩紀三十四。

五月旦作和戴主簿詩

虛舟縱逸棹。回復遂無窮。發歲始焦本作若。曾本云。一作若。俛仰。星紀奄將中。南窗歲時雜詠作明圃。罕悴曾本云。一作萃時。和陶本誤作粹。物。焦本作明兩萃時物。注。從宋本。一作南窗罕悴物。非。北林榮且豐。神萍和陶本作萍光。蘇寫本同。又注。一作神淵。焦本作淵。曾本同。又注。一作萍光。今從歲時雜詠。寫時雨。晨色奏景風。既來孰不去。人理固有終。居常待蘇寫本誤作殆。其盡。曲肱豈傷冲。遷化或夷險。肆志無窳隆。卽事如已歲時雜詠作似。曾本、和陶本作以。注。一作己。高。何必升華嵩。○本集。東坡先生和陶淵明詩四。古今歲時雜詠四十四。詩紀三十四。

和劉柴桑詩

山澤久見招。胡事乃躊躇。直爲親舊故。未和陶本誤作米。忍言索居。良辰人奇懷。挈曾本云。一作策。杖還西廬。荒塗無歸人。時時見曾本云。一作有。廢墟。茅茨已就治。新疇復應和陶本作舊。畬。谷風轉淒薄。春曾本云。一

作嘉。醪解飢飉。弱女雖非男。慰情良。曾本云。一作殊。勝無。栖栖世中事。歲月共相疏。耕織稱其用。過此奚所須。去去百年外。身名同翳如。○本集。東坡先生和陶淵明詩二。詩紀三十四。

酬劉柴桑

窮居寡人用。時忘四運周。櫛蘇寫本作門。焦本作空。注。一作櫛。非。曾本云。一作門。又作空。或作簷。案紹興本作閭。庭多落葉。慨然知己秋。新葵鬱北墉。和陶本作牖。曾本、蘇寫本云。一作牖。嘉穉養和陶本作卷。蘇寫本同。焦本作眷。注。一作養。非。曾本云。一作卷。又作眷。南疇。今我不爲樂。知有來歲不。命室攜童弱。良日蘇寫本作日。曾本云。一作日。登遠遊。○本集。東坡先生和陶淵明詩四。詩紀三十四。

和郭主簿詩二首

藹藹堂前曾本云。一作北。林。中夏貯蘇寫本云。一作復。曾本云。一作復。又作駐。又作佇。清陰。凱風因時來。回飈開詩紀云。一作吹。我襟。曾本云。一作心。息交曾本云。一作友。遊閑業。卧起弄書琴。曾本云。一作息交遊閑卧。坐起弄書琴。逝一作誓。坐起一作起坐。焦本作息交遊閑卧。坐起弄書琴。注。一作息交遊閑業。卧起弄書琴。非。園蔬有餘滋。舊穀猶儲今。營已良有極。過足非所欽。春曾本作春。秫作美酒。酒熟吾自斟。弱子戲我側。和陶本作前。曾本云。一作前。學語未成音。此事真復樂。聊用忘華簪。遙遙望白雲。懷古一何深。○本集。東坡先生和陶淵明詩二。詩紀三十四。

和澤曾本云。一作風。同各本作周。曾本云。一作同。今從一作。三春。清涼華蘇寫本。詩紀作素。焦本同。又注。一作華。非。秋節。

曾本作華華涼秋節。注。一作清涼華秋節。又作清涼素秋節。案華當是垂字之訛。露凝無游氛。天高風。魚本作肅。詩紀同。曾本云。一作肅。景澈。曾本云。一作冽。陵。曾本云。一作凌。一作峻。岑聳逸峯。遙瞻皆奇絕。芳菊開林耀。青松冠巖列。懷此真秀姿。卓爲霜。蘇寫本作山。注云。一作霜。下傑。銜觴念幽人。千載撫爾訣。檢曾本云。一作儉。陶詩彙注作簡。素不獲。展厭厭竟良。曾本云。一作終。月。○同上

贈羊長史詩

左軍羊長史。銜使秦川。作此與之。曾本、蘇寫本注羊名松齡四字。和陶本注羊松齡三字。

愚生三季後。慨然念黃虞。得知千載外。蘇寫本作上。曾本云。一作上。正焦本作政。和陶本作上。曾本作上。注。一作政。賴古人書。賢聖留餘跡。事事在曾本云。一作有。中都。豈忘游心目。關河不可踰。九域甫已一。蘇寫本作爾去。曾本云。一作爾去。一作一邕。逝將理舟輿。聞君當和陶本作將。先邁。負病不曾本云。一作弗。獲俱。路若經商山。爲我少躊躇。多謝綺與角。曾本云。一作園。案角與角通。精爽今何如。紫芝誰復採。深谷久曾本云。一作又。應燕。駟馬無貫患。貧賤有交娛。清謠結心曲。人乖各本作乘。運見疏。擁曾本云。一作唯。又作歡。懷累代下。言盡意不舒。○本集。東坡先生和陶淵明詩四。詩紀三十四。

歲暮和張常侍詩

市朝悽舊人。驟驥感悲泉。明且非今日。歲暮余何言。素顏斂光潤。白髮一已繁。關哉秦穆談。旅力豈未

愆。向夕長風起。寒雲沒西山。厲厲焦本作冽冽。曾本云。一作冽冽。蘇寫本、和陶本同。氣遂嚴。紛紛飛鳥還。民生鮮常和陶本誤作嘗。在。矧伊愁苦纏。屢闕清酤至。無以樂當年。窮通靡攸蘇寫本作欣。注。一作攸。曾本云。一作欣。慮。顛顛由化遷。撫己有深懷。履運增慨然。○本集。東坡先生和陶淵明詩二。詩紀三十四。

和胡西曹示顧賊曹詩

蕤賓五月中。清朝起南颺。不駛亦不遲。飄飄吹我衣。重雲曾本云。一作寒。案寒字當是重之異文。蔽白日。閑雨紛微微。流目視西園。惝惝蘇寫本作奕奕。榮紫葵。於今甚可愛。奈何當曾本云。一作後。蘇寫本云。一作行。復衰。曾本云。一作當奈行復衰。焦本云。一作當樂行復衰。非。感物願及時。每恨靡所揮。悠悠待秋稼。寥落將賒曾本云。一作奢。遲。逸想曾本云。一作相。不可淹。猖狂獨長悲。○本集。東坡先生和陶淵明集四。詩紀三十四。

癸卯歲十二月中作與從弟敬遠詩

寢迹衡門下。邈與世相絕。顧盼曾本作眄。莫誰知。荆扉晝常詩紀作長。閑。曾本、蘇寫本云。一作荆門終日閑。閑音必結反。詩紀必結切。淒淒曾本云。一作慘慘。歲暮風。翳翳經日。焦本作夕。注。一作日。非。曾本、蘇寫本云。一作夕。雪。傾耳無希聲。在目皓。曾本云。一作浩。已潔。曾本作結。勁氣侵襟袖。簞瓢謝屢設。蕭索空宇中。了無一可悅。歷覽千載書。時時見遺烈。高操非所攀。謬曾本、蘇寫本作深。注。宋本作謬。焦本云。宋本作謬。一作深。非。得固窮節。平津苟不由。曾本云。一作申。棲遲詎爲拙。寄意一言外。茲契誰能別。○本集。詩紀三十四。

與殷晉安別詩

殷先作晉安南府長史掾。因居潯陽。後作太尉參軍。移家東下。作此以贈。

遊好非少。各本作久。曾本云。一作少。今從一作。長。詩紀作久長。注云。一作少長。一遇盡曾本云。一作定。殷勤。信宿酬清話。益復知爲親。去歲家南里。薄作少時鄰。負杖肆游從。淹留忘宵晨。語默自殊勢。亦知當乖分。未謂事已及。興言在茲春。飄飄西來風。悠悠東去曾本云。一作歸東。雲。山川千里外。言笑難爲因。良才詩紀作才華。注。集作良才。曾本、蘇寫本云。一作才華。不隱世。江湖多賤貧。脫有經過便。念來存故人。○本集。東坡先生和陶淵明詩四。詩紀三十四。

於王撫軍座送客詩

曾本云。一作座上。案此當是。座一作座上。

秋曾本、蘇寫本、和陶本作冬。日淒且厲。百卉具已腓。爰以履霜節。登高餞將歸。寒氣冒山澤。游雲倏曾本云。一作永。無依。洲渚思和陶本云。一作四。綿曾本云。一作四。緬。貌。風水互乖違。瞻夕欣曾本作欲。注。一作欣。和陶本、詩紀作欲。良讌。離言焦本作筵。聿云悲。晨鳥暮來還。曾本云。一作晨雞總來歸。懸車焦本作崖。蘇寫本同。又注云。一作車。曾本云。一作崖。歛餘暉。逝曾本作遊。注。一作逝。焦本云。一作遊。非。止判殊路。旋駕悵遲遲。目送回舟遠。曾本云。一作往。情隨萬化遺。○本集。東坡先生和陶淵明詩四。詩紀三十四。

始作鎮軍參軍經由阿文選阿下有作字。詩紀同。詩

弱齡寄事外。委懷在琴書。被褐欣自得。屢空常曾本云。一作恒。晏如。時來苟冥文選作宜。曾本云。一作宜。又作且。會。腕文選作宛。和陶本作婉。轡曾本、蘇寫本、焦本作宛。注。一作腕轡。詩紀作宛轡。注。集作婉。憇通衢。投策命晨裝。暫與園田曾本云。一作田園。疏。眇眇孤舟逝。文選作遊。縣縣歸思紆。我行豈不遙。登降各本作陟。曾本云。一作降。六臣本文選注云。五臣作陟。千里餘。目倦川文選作情。塗異。曾本云。一作情塗水。心念山澤居。望雲慚高鳥。臨水愧遊魚。真想初在襟。蘇寫本、曾本云。一作在襟懷。誰謂形蹟文選作迹。曾本云。一作迹。詩紀作跡。拘。聊且憑化遷。終返文選作反。六臣本注云。五臣作及。班生廬。○本集。文選二十六。東坡先生和陶淵明詩四。詩紀三十四。

庚子歲五月中從都還阻風於規林詩二首

行行循歸路。計日望舊居。一欣侍溫顏。何校宣和本作清。蘇寫本云。一作清。曾本云。一作清。再喜見友于。鼓棹路崎詩紀作歧。曲。指景限西曾本、蘇寫本云。一作四。隅。江山豈不險。歸子念前途。凱風負我心。戢柁曾本云。一作世。守窮湖。高莽眇無界。夏木獨森疏。誰言客舟遠。近瞻百里餘。延目識曾本、蘇寫本云。一作城。南嶺。空歎將焉如。○本集。詩紀三十四。

自古歎行役。我今始知之。山川一何曠。巽坎難與期。崩浪聒天響。長風無息時。久遊戀所生。如何淹在茲。靜念園林好。人間良可辭。當年詎有幾。縱心復何疑。○同上

辛丑歲七月赴假還江陵夜行塗中詩文選作塗口。詩紀作塗口作。和陶本中下有作口號三字。

閑居三十載。遂曾本云。一作遠。與塵事冥。詩書敦宿好。林園和陶本作園林。類聚同。無俗文選作世。六臣本注云。五臣作俗。曾本云。一作世。情。如何捨此去。遙遙至南文選作西。詩紀云。一作西。荆。叩柅新秋月。六臣本文選作親月船。臨流別曾本云。一作引。友生。涼風起將夕。夜景湛虛明。昭昭天宇闊。皛皛川上平。懷役不遑寐。中宵尚孤曾本云。一作向南。征。商歌非吾事。依依在耦耕。投冠旋舊墟。曾本、蘇寫本云。一作廬。不爲好爵榮。文選作榮。詩紀云。一作榮。養真衡茅下。庶以善自名。○本集。文選二十六。詩紀三十四。又類聚二十七作赴假還江陵夜行塗口作。引冥、情、生、明四韻。

乙巳歲三月爲建威參軍使都經錢溪詩

我不踐斯境。歲月好和陶本作耗。已積。晨夕看山川。事事悉如昔。微雨洗高林。清飈矯雲翻。眷彼品物存。義風曾本云。一作在義。都未隔。伊余曾本云。一作余亦。何爲者。勉勵從茲役。一形似有制。素襟不可易。園田日夢想。曾本云。一作想夢。安得久離析。曾本、蘇寫本云。一作拆。終懷在壑各本作歸。曾本、蘇寫本云。一作壑。詩紀同。焦本云。一作壑。非。舟。和陶本誤作州。諒哉宜曾本、蘇寫本云。一作負。焦本云。一作負。非。霜柏。○本集。東坡先生和陶淵明詩四。詩紀三十四。

詠二疏詩

大象轉四時。功成者自去。借問衰曾本、蘇寫本云。一作商。周來。幾人得其趣。游目漢廷中。二疏復此舉。高嘯返舊居。長揖儲君傅。餞送傾皇朝。華軒盈道路。離別情所悲。餘榮何足顧。事勝感行人。賢哉豈常譽。厭厭閭里歡。所營非近曾本云。一作正。務。促席延故老。揮觴道平素。問金曾本云。一作爾。終寄心。清言曉未悟。放意樂餘年。遑恤身後慮。誰云其人亡。久而道彌著。○本集。東坡先生和陶淵明詩一。詩紀三十四。

詠三良詩

彈冠乘通津。但懼時我遺。服勤盡歲月。常恐功愈微。忠曾本、蘇寫本云。一作中。情謬獲露。遂爲君所私。出則陪文輿。人必侍丹帷。箴規嚮已從。計議初無虧。曾本云。一作物無。非。一朝長逝後。願言同此歸。厚恩固曾本、蘇寫本云。一作心。難忘。君曾本云。一作顧。命蘇寫本云。一作顧命。安可違。臨穴罔惟焦本作遲。曾本、蘇寫本云。一作遲。詩紀同。疑。投義志攸希。荆棘籠高墳。黃鳥聲正悲。良人不可贖。泫然沾我衣。○本集。東坡先生和陶淵明詩一。詩紀三十四。

詠荆軻詩

燕丹善養士。志在報和陶本作服。强羸。招集百夫良。歲暮得荆卿。君曾本、蘇寫本云。一作之。子死知己。提劍出

燕京。素驥鳴廣陌。慷慨送我行。雄髮指危冠。猛氣衝詩紀作充。長纓。飲餞易水上。四座列羣英。漸離擊悲筑。宋意唱高聲。蕭蕭哀風逝。曾本、蘇寫本云。一作起。淡淡寒波生。商音詩紀云。一作聲。更流涕。羽奏壯士驚。心曾本、蘇寫本作公。知去不歸。曾本、蘇寫本云。一作一去知不歸。且有後曾本、蘇寫本云。一作百。世名。登車何時顧。飛蓋入秦庭。凌厲越萬里。逶迤過千城。圖窮事自至。豪主正怔營。惜哉劍術疏。奇功遂不成。其人雖已沒。千載有餘情。曾本、蘇寫本、焦本云。一作斯人久已沒。千載有深情。○本集。東坡先生和陶淵明詩一。詩紀三十四。

桃花源詩并記○本集作桃花源記并詩。

晉太元類聚作康。中。武陵人捕魚爲業。緣溪行。類聚作從溪而行。忘路之遠近。忽逢桃花林。夾岸數百步。中無雜樹。曾本云。一作草。以上十四字類聚作桃花林夾兩岸數百步無雜木。芳華。焦本作草。注。一作草。非。詩紀作草。鮮美。類聚作芬曖。落英繽紛。漁人甚異之。復前行。欲窮其林。林盡水源。便得一山。山有小口。髣髴若有光。便捨船從口入。初極狹。纔通人。復行數十步。類聚作行四五十步。豁然開朗。土地平曠。屋舍儼曾本云。一作晏。又作魚。然。有良田美池桑竹之屬。阡陌交通。雞犬相聞。其中往來種作。男女衣著悉如外人。黃髮垂髻。曾本云。一作髻。並怡然自樂。類聚作並足。見漁人。乃大驚。問所從來。具答之。便要還家。爲焦本無爲字。詩紀同。設酒殺雞作食。村中聞有此人。咸來問訊。自云。先世避秦時亂。時亂類聚只作難字。率妻子邑人來此絕境。不復出焉。遂與外人間隔。類聚作隔絕。問今是何世。乃不知有漢。無論魏晉。曾本、蘇寫本云。一本有

等也二字。此人一一爲具言所聞。皆歎惋。餘人各復延至其家。皆出酒食。停數日。辭去。此中人語曾本、蘇寫本云。一本無語字。云。不足爲外人道也。既出。得其船。便扶和陶本作指。曾本、焦本、蘇寫本云。一作於。向路。處處誌之。及郡下。詣太守說如此。太守即遣人隨其往。尋向所誌。遂迷不復得路。南陽劉子驥。高尚士也。聞之欣然規蘇寫本作親。詩紀同。焦本云。一作親。非。往。曾本、蘇寫本云。一本有遊焉二字。未果。尋病終。後遂無問津者。

嬴氏亂天紀。賢者避其世。黃綺之商山。伊人亦云逝。往迹浸復湮。來逕遂蕪廢。相命肆詩紀作肆。農耕。日人從所憩。桑竹垂餘蔭。菽稷隨時藝。春蠶收長曾本云。一作良。絲。秋熟靡王稅。荒路曖交通。雞犬互鳴吠。俎豆猶古法。衣裳無新製。童孺縱行歌。斑白歡遊曾本、蘇寫本云。一作迎。詣。草榮識節和。木衰知風厲。雖無紀曆誌。四時自成歲。怡然有餘樂。于何勞智慧。奇蹤隱五百。一朝敞和陶本誤作敞。神界。諄薄既異源。旋復還幽蔽。曾本、焦本云。一作閉。借問遊方士。焉測塵囂外。曾本云。一作塵外地。蘇寫本云。宋本作塵外地。願言躡輕風。高舉尋吾契。○本集。東坡先生和陶淵明詩四。詩紀三十四。又類聚八十六引序文。

歸去來兮焦本無兮字。辭蘇寫本、和陶本有并序二字。

余家貧。耕植不足以自給。幼稚盈室。曾本云。一作兼稚子盈室。餽無儲粟。生生所資。未見其術。親故多勸余爲長吏。脫然有懷。求之靡途。會有四方之事。諸侯以惠愛爲德。家叔以余貧苦。遂見用爲焦本作於。小邑。于時風波未靜。心憚遠役。彭澤去家百里。公田之利。曾本云。一作秣。足以爲酒。曾本云。一作過足爲潤。

故便求之。及少日。眷然有歸歟之情。何則。質性自然。非矯勵焦本作厲。所得。飢凍雖切。違己交病。嘗曾本云。一作曾。從人事。皆口腹自役。於是悵然慷慨。深愧平生之志。猶望一稔。當斂裳宵逝。尋程氏妹喪于武昌。情在駿奔。自免去職。仲秋至冬。在官八十餘日。因事順心。命篇曰歸去來兮。乙巳歲十一月也。

歸去來兮田園將蕪胡不歸。既自以心曾本云。一作身。爲形役。南史作既以自爲形役兮。奚惆悵而獨悲。悟已往之不諫。知來者之可追。實迷途其未遠。覺今是而昨非。舟遥遥宋書作超遙。以輕颺。風飄飄而吹衣。問征夫以前路。恨晨光之熹曾本云。一作晞。微。乃瞻衡宇。載欣載奔。僮僕歡晉書作來。迎。稚子候門。三逕就荒。松菊猶存。携幼入室。有酒盈宋書作停。罇。引壺觴以宋書作而。自酌。曾本云。一作適。眄宋書作盼。六臣本文選同。庭柯以怡顏。倚南窗以宋書作而。寄傲。審容膝之易安。園日涉以宋書、晉書作而。成趣。曾本云。一作逕。門雖設而常關。策扶老以晉書作而。流憩。宋書作偈。時矯晉書作翹。首而遐六臣本文選注云。五臣作游。觀。雲無心以晉書作而。出岫。鳥倦飛而知還。景翳翳以宋書、晉書、南史作其。將入。撫孤松而宋書作以。盤桓。歸去來兮。請息交以宋書作而。絕游。世與我而宋書作以。相遺。蘇寫本作違。焦本、南史同。復駕言兮焉求。悅親戚之情話。樂琴書以消憂。農人告余以春及。李善本文選作兮。曾本云。一無及字。一作暮春。又作仲春。宋書作上春。晉書作春暮。六臣本文選無及字。將有事於文選、晉書作乎。南史作兮。西疇。或命巾車。文選注作或巾柴車。或棹孤宋書作扁。舟。既窈窕以尋宋書作窮。壑。南史同。壑。亦崎嶇而經曾本云。一作尋。丘。木欣欣以向榮。泉涓涓而始流。善萬物之得時。感吾生之行休。已矣乎。寓形宇內曾本內下有能字。注云。一無能字。復幾時。曷宋書作奚。不委心任

去留。胡爲乎文選無乎字。宋書、南史同。遑遑和陶本作皇皇。今蘇寫本無兮字。文選、宋書、晉書、南史同。曾本云。一無兮字。欲何之。富貴非吾願。帝鄉不可期。懷良辰以孤往。或植杖而耘耔。登東臯以舒嘯。臨清流而賦詩。聊乘化以晉書作而。歸盡。樂夫天命復奚疑。曾本云。一作爲。○本集。文選四十五。宋書陶潛傳。晉書陶潛傳。南史陶潛傳。又文選三十一雜體詩注引一句。

晉詩卷十七

陶淵明

形影神詩三首遠案。實爲三章。

貴賤賢愚。莫不營營以惜生。斯甚惑焉。故極陳形影之苦。言神辨自然以釋之。好事君子。共取其心焉。

形贈影

天地長不沒。山川無改曾本、蘇寫本云。一作如故。時。草木得常理。霜露榮曾本云。一作樵。。焦本云。一作樵。非。悴之。謂人最靈智。獨復不如蘇寫本作知。曾本同。又注。一作如。茲。適見在世中。奄去靡歸期。奚覺無一人。親識曾本云。一作戚。。豈相思。曾本、蘇寫本云。一作相追思。但餘平生物。舉目情悽洏。我無騰化曾本云。一作雲。術。必爾不復疑。願君取曾本云。一作憶。君言。得酒莫苟辭。

影答形

存生不可言。衛生每苦拙。誠願游崑華。邈然茲道絕。與子相遇來。未嘗異悲悅。憩蔭曾本云。一作陰。若暫乖。止日終不別。曾本云。一作不擬別。此同既難常。黯曾本云。一作默。爾俱時滅。身沒名亦盡。念之曾本云。一作此。五情熱。立善曾本云。一作命。有遺愛。胡可焦本作爲。不自竭。酒云能消憂。方此詎曾本云。一作誰。又作誠。蘇寫本云。一作誠。不劣。

神釋

大鈞無私力。萬物焦本、和陶本作理。曾本同。又注。一作物。自森著。人爲三才中。豈不以我故。與君雖異物。生而相依附。結託既喜各本作善惡。曾本、蘇寫本云。一作既喜。同。安得不相語。蘇寫本作與。詩紀同。曾本云。一作與。三皇大聖曾本云。一作德。人。今復在何處。彭祖愛和陶本、詩紀作壽。曾本同。又注。一作愛。焦本云。一作壽。非。永年。欲留不得住。老少同一死。賢遇無復和陶本作足。數。日醉或能忘。將非促齡具。立曾本云。一作主。莫本云。一作至。善常所欣。誰當爲汝譽。甚念傷吾生。正宜曾本云。一作目。委運去。縱浪大化中。不喜亦不懼。應盡便須曾本云。一作復。盡。無復曾本云。一作使。獨多慮。○本集。東坡先生和陶淵明詩二。詩紀三十五。

九日閑居

余閑居愛重九之名。秋菊盈園。而持和陶本作時。醪靡由。歲時雜詠作時醪靡至。曾本云。一作時醪靡至。空服九歲時。雜詠作陽。蘇寫本作其華。寄懷於言。歲時雜詠作時。

世短意恒焦本、和陶本作常。詩紀同。多。斯人樂久歲時雜詠作有。生。日月依辰至。舉俗愛其名。露淒暄風息。氣澈曾本云。一作清。又作潔。天象明。往曾本云。一作去。燕無遺影。來鴈有餘聲。酒能曾本云。一作常。祛和陶本作消。曾本云。一作消。百慮。菊爲焦本作解。注。宋本作解。一作爲。非。曾本云。宋本作解。蘇寫本云。一作解。制頽齡。如何蓬廬士。空視時運傾。塵爵恥虛疊。寒華和陶本作花。徒自榮。歛襟獨閑謠。緬焉起深情。棲遲固多娛。曾本云。一作虞。淹留豈無成。○本集。東坡先生和陶淵明詩二。古今歲時雜詠三十三。詩紀三十五。

歸園田居詩五首

少無適俗韻。曾本云。一作願。性本愛丘山。誤落塵網中。一去三十年。羈曾本作羈。鳥戀曾本云。一作眷。舊林。池魚思故淵。開荒南野曾本云。一作畝。焦本云。一作畝。非。際。守拙歸園田。方宅類聚誤作澤。十餘畝。草屋曾本云。一作舍。八九間。榆柳蔭後簷。和陶本作園。曾本云。一作簷。焦本云。宋本作簷。一作園。非。桃李藝文類聚作竹。羅堂前。曖曖遠人村。依依墟里煙。狗吠深巷中。鷄鳴桑樹巔。戶庭無塵雜。虛室有餘閑。久在樊籠裏。復曾本、和陶本云。一作安。得返自然。○本集。東坡先生和陶淵明詩一。詩紀三十五。又類聚六十五作雜詩。引田、間、前三韻。

野外罕人事。窮巷寡蘇寫本云。一作鮮。曾本云。一作解。輪缺。白日掩荆和陶本作柴。扉。虛室曾本、焦本云。一作對酒。絕塵想。時復墟里人。各本作曲中。曾本、焦本云。一作里人。今從一作。披草曾本、焦本云。一作衣。共來往。想見無雜和陶本作

別言。但道桑麻長。桑麻日已長。我土蘇寫本作志。曾本云。一作志。詩紀云。一作志。誤。日已廣。常恐霜霰至。零落同草莽。○本集。東坡先生和陶淵明詩一。詩紀三十五。

種豆南山下。草盛豆苗稀。晨興蘇寫本作侵晨。和陶本同。曾本云。一作侵晨。理荒穢。帶曾本云。一作戴。月荷鋤歸。道狹草木和陶本作不。長。夕露沾我衣。衣沾曾本云。一作我衣。不足惜。但使願無曾本云。一作莫。違。○同上

久去山澤游。浪莽林野娛。試攜子姪輩。披榛步荒墟。徘徊丘壠間。依依昔人居。井竈有遺處。曾本云。一作所。桑竹曾本云。一作麻。殘朽株。曾本云。一作樹木殘根株。非。借問採薪者。此人皆焉如。薪者向我言。死沒無復餘。一世異朝市。此語和陶本作言。曾本云。一作言。真不虛。人生似幻化。終當歸空曾本云。一作虛。焦本云。一作虛。非。無。○同上

恨和陶本作恨。恨獨策還。崎嶇歷榛曲。山澗蘇寫本作澗水。曾本云。一作澗水。清且淺。遇焦本作可。注。一作遇。非。曾本云。一作可。以濯吾足。漉曾本云。一作撥。又作撥。又作擠。我新熟酒。隻雞招近局。焦本作屬。注。一作局。非。曾本云。一作屬。日入室中闇。荆薪代曾本作繼。明燭。歡來苦夕短。已復至天旭。○同上

乞食詩

飢來驅我去。曾本、蘇寫本云。一作出。不知竟何之。行行至斯里。叩門拙言辭。主人解和陶本作諧。蘇寫本云。一作諧。曾本作諧。注云。一作解。余意。和陶本作音。遺贈豈和陶本作赴。虛來。詩紀作副虛期。曾本云。一作副虛期。一作豈虛期。案此乃後人不悉古韻妄改所致。先改來爲期。不辭。又改豈爲副。談諧蘇寫本作談話。詩紀同。和陶本作談語。曾本云。一作諧語。終日夕。

和陶本作久。觴至曾本云。一作舉。輒傾杯。詩紀作卮。曾本云。一作卮。案此亦後人妄改。情欣新知歡。曾本作勸。注。一作歡。言詠。焦本作興言。曾本云。一作興言。遂賦詩。感子漂母惠。愧我非韓才。蘇寫本作韓才。非。曾本云。一作韓才。非。銜戢。曾本云。一作戴人。莫本云。一作戴。知何謝。冥報以相貽。○本集。東坡先生和陶淵明詩四。詩紀三十五。

諸人共遊周家墓柏下詩

今日天氣佳。清吹與鳴彈。曾本云。一作蟬。感彼柏下人。安得不爲歡。清歌散曾本、蘇寫本云。一作發。新聲。綠曾本云。一作時。酒開芳顏。未知名日事。余襟曾本云。一作襟。良已殫。○本集。東坡先生和陶淵明詩四。詩紀三十五。

連雨獨飲詩

曾本云。一作連兩人絕獨飲。

運生會歸盡。終古爲之然。世界有松喬。於今定何間。詩紀作聞。曾本云。一作聞。故老贈余酒。乃言飲得仙。試酌百情遠。重觴忽忘天。天豈去此哉。蘇寫本作天際去此幾。注。一作天豈去此哉。曾本云。一云天際去此幾。詩紀同。任真無所先。雲鶴曾本云。一作鴻。有奇翼。八表須臾還。自曾本云。一作願。蘇寫本、詩紀作願。我抱茲獨。僂俛四十年。形骸久已化。曾本云。一作形體憑化遷。又云。形神久已死。心在和陶本作在心。曾本云。一作在心。復何言。○本集。東坡先生和陶淵明詩四。詩紀三十四。

移居詩二首

昔欲居南村。非爲卜其宅。聞多素心人。樂與數晨夕。懷此曾本云。一作茲。頗有年。今日從茲役。弊莫本作敝。

廬何必廣。取足蔽牀席。鄰曲時時來。抗曾本云。一作話。言談在昔。奇文共曾本云。一作互。欣賞。疑義相與析。
曾本云。一作斥。○本集。東坡先生和陶淵明集二。詩紀三十五。

春秋多佳日。登高賦新詩。過門更相呼。有酒斟酌之。農務各自歸。閑暇輒相思。相思則披曾本云。一作拂。衣。言笑無厭時。此理將不勝。無爲忽去茲。衣食當須紀。焦本作幾。注。一作紀。非。曾本、和陶本云。一作幾。力耕不吾焦本作吾不。曾本云。一作吾不。欺。○同上。

癸卯歲始春懷古田舍詩二首

在昔聞南畝。當年竟未踐。屢空既有人。春興豈自免。夙晨裝吾駕。啓塗情已緬。鳥弄歡新節。冷和陶本作風送餘善。曾本、焦本云。一作鳥弄新節令。風送餘寒善。曾本又云。令一作冷。寒草。蘇寫本云。一作竹。餘本均作竹。又曾本云。一作草。焦本云。一作草。非。案草舊寫作艸。故詭竹。被荒蹊。地爲罕。曾本、蘇寫本云。一作幽。焦本云。一作幽。非。人遠。是以植杖翁。悠然不復返。卽理愧通識。所保詎乃曾本云。一作成。淺。○本集。東坡先生和陶淵明詩四。詩紀三十五。

先師有遺訓。曾本云。一作成誥。憂道不憂貧。瞻望。曾本云。一作仰瞻。邈難逮。轉欲患。蘇寫本作思。詩紀作志。曾本云。一作志。又作思。焦本作志。注。一作患。非。長勤。秉耒歡。蘇寫本作力。曾本云。一作力。時務。解顏勸農人。平疇交遠風。良苗亦懷新。雖未量歲功。卽事多所欣。耕種蘇寫本作者。注。一作種。曾本云。一作者。有時息。行者無問津。日人曾本云。一作田人。相與歸。壺漿勞近鄰。長吟掩柴門。聊爲隴畝民。曾本云。一作人。○同上。

還舊居詩

疇昔家曾本、蘇寫本云。一作居。上京。六曾本云。一作十。焦本云、一作十。非。載去還歸。今日始復來。惻愴多所悲。阡陌不移舊。邑屋或時非。履歷周故居。鄰老罕復遺。步步尋往迹。有處特曾本云。一作時。依依。流幻百年中。寒暑日相推。曾本云。一作追。常恐大化盡。氣力不及衰。撥曾本、蘇寫本云。一作廢。置且莫曾本云。一作且莫。蘇寫本云。一作且暮。念。一觴聊可曾本云。一作一。揮。○本集。東坡先生和陶淵明詩四。詩紀三十五。

戊申歲六月中遇火詩

草廬寄窮巷。甘以辭華軒。正夏長風急。曾本云。一作至。林詩紀云。一作隣。室頓燒燔。一宅無遺字。舫舟蔭門前。迢迢新秋夕。亭亭月將圓。果菜曾本、蘇寫本云。一作藥。始復生。驚鳥尚未還。中宵竚遙念。一盼周九天。總髮抱孤介。焦本云。宋本作介。一作念。非。曾本作念。注。一作諸孤念。又作介。蘇寫本作念。注。一作諸孤。奄出四曾本云。一作門。十年。形迹憑化往。靈府長獨閑。貞剛自有曾本云。一作在。質。玉石乃非堅。仰想東戶時。餘糧宿中田。鼓腹無所思。曾本云。一作且無慮。朝起暮歸眠。既已不遇茲。且遂灌西各本作我。詩紀云。一作我。園。○本集。詩紀三十五。

己酉歲九月九日 歲時雜詠日下有作字。 詩

靡靡歲時雜詠作靡靡。秋已夕。淒淒風露交。歲時雜詠作調。蔓草不復榮。歲時雜詠作盛。園木歲時雜詠作林。蘇寫本同。

又注。一作木。曾本云。一作林。空自凋。清氣歲時雜詠作風。曾本云。一作光。澄餘滓。歲時雜詠作澤。杳曾本云。一作遙。然天界高。哀蘇寫本作衆。曾本云。一作衰。蟬無留蘇寫本。詩紀作歸。曾本同。又注。一作留。焦本云。宋本作留。一作歸。非。響。叢歲時雜詠作征。曾本作燕。注。一作叢。焦本云。一作燕。非。鴈鳴雲歲華紀屬作南。霄。萬化相尋繹。歲時雜詠作異。曾本云。一作異。人歲時雜詠作民。生豈不勞。從歲時雜詠作自。古皆有沒。念之中歲時雜詠作使。曾本云。一作令。心焦。何以稱歲時雜詠作報。我情。濁酒且曾本云。一作思。自陶。千載非所知。聊以永今朝。○本集。古今歲時雜詠三十三。詩紀三十五。

庚戌歲九月中於西田穫早稻詩

人生歸有道。曾本、蘇寫本云。一作事。衣食固其曾本云。一作無。端。孰曾本、蘇寫本云。一作執。是詩紀云。一作云。都不營。而以求自安。開春曾本、蘇寫本云。一作春事。案春事當是春理異文。理常業。歲功聊可觀。晨出肆和陶本作肆。微勤。日和陶本作景。人負禾焦本作來。注。一作禾。非。蘇寫本作來。注。一作禾。曾本云。一作來。還。山中饒霜露。風氣亦先寒。田家豈不苦。弗獲曾本作穫。注。一作獲。辭此難。四體誠乃焦本作已。曾本云。一作已。疲。庶蘇寫本作交。無異患干。曾本云。一作我患。案我患當是異患異文。盥濯曾本云。一作灌。案灌當是盥之異文。息簷下。斗酒散襟曾本作襟。注。一作劬。又作矜。又作襟。焦本云。一作劬。非。顏。遥遥沮溺心。千載乃相關。但願長如此。躬耕非所歎。○本集。東坡先生和陶淵明集四。詩紀三十五。

丙辰歲八月中於下潁田舍穫詩

詩紀云。潁。蘇困切。

貧居依焦本云。一作事。非。稼穡。曾本、蘇寫本云。一作事耕稼。勦力東林隈。不言春作苦。常曾本云。一作當。恐負所懷。司田眷有秋。寄和陶本作奇。聲與我諧。飢者歡初飽。束帶候和陶本作俟。曾本云。一作俟。鳴雞。揚楫越平湖。汎隨清壑迴。鬱鬱和陶本作醺酒。曾本云。一作醺醺。荒山裏。猿聲閑且哀。悲風愛靜夜。曾本云。一作夜靜。焦本云。一作夜靜。非。林鳥喜晨開。日余作此來。三四星火頽。姿年逝已老。其事未云乖。遙謝荷蓀翁。聊得從君栖。焦本作棲。○本集。東坡先生和陶淵明詩四。詩紀三十五。

飲酒詩二十首

余閑居寡歡。兼比曾本云。一作秋。夜已長。偶有名酒。無夕不飲。曾本云。一作傾。顧影獨盡。忽焉復醉。既醉之後。輒曾本云。一作與。題類聚作以。數句自娛。紙墨遂多。辭無詮次。聊命故人書之。以爲歡類聚作談。笑爾。和陶本作耳。類聚作也。○本集。東坡先生和陶淵明詩一。詩紀三十五。又類聚七十二引既醉以後數句。

衰榮無定在。曾本、蘇寫本云。一作所。彼此更共之。邵生瓜田中。寧似東陵時。寒暑有代曾本云。一作換。謝。人道每如茲。達人解其會。曾本、蘇寫本云。一作趣。焦本云。一作趣。非。逝將不復疑。忽與一觴酒。日夕歡相持。曾本云。一作自持。又作相遲。和陶本作相歡持。○本集。東坡先生和陶淵明詩四。詩紀三十五。

積善云有報。夷叔在曾本云。一作飢。焦本云。一作飢。非。西山。善惡苟不應。何事空立詩紀作立空。曾本云。一作立空。言。九十行帶索。飢寒況曾本、蘇寫本云。一作抱。當年。不賴固窮節。百世當誰傳。○同上
道喪曾本、蘇寫本云。一作衰。向千載。人人惜其情。有酒不肯飲。但和陶本作唯。曾本云。一作惟。顧曾本、詩紀云。一作

願。世間名。所以貴我身。豈不在一生。一生復能幾。倏如流電驚。曾本、蘇寫本云。一作倏忽若晨星。鼎鼎曾本云。一作訂訂。百年內。持此欲何成。○同上

栖栖焦本作棲棲。北窗炙輠錄引作淒淒。失羣鳥。日暮猶獨飛。徘徊無定止。夜夜聲轉悲。厲響思清晨。北窗炙輠錄引作越。注。顧刻作遠。遠去何所依。焦本云。一作厲響思清遠。去來何依依。非。曾本、蘇寫本、和陶本作厲響思清遠。去來何依依。注。一作厲響思清晨。遠去何所依。曾本又云。何所依又作求何依。詩紀與曾本等正文相同。因詩紀作自。值北窗炙輠錄作植。誤。孤

生松。斂翮遙曾本云。一作更。又作終。蘇寫本云。一作終。來歸。勁曾本云。一作動。風無榮木。此蔭蘇寫本作蔭。獨曾本

云。一作交。不衰。託身已得所。千載不北窗炙輠錄作莫。曾本云。一作莫。相違。○本集。東坡先生和陶淵明詩一。北窗炙輠錄上。詩紀三十五。

結廬在人境。而無車馬喧。問君何能曾本、蘇寫本云。一作爲。爾。心遠地自偏。採菊東籬下。悠然曾本云。一作時。見文選作望。類聚同。曾本云。一作望。南山。山氣北窗炙輠錄作色。日夕佳。飛鳥相與還。此還焦本作中。詩紀同。和陶本作問。蘇寫本作中。注。一作還。曾本云。一作中。有真意。欲辨已曾本、蘇寫本云。一作忽。忘言。○本集。文選三十。東坡先生和陶淵明詩一。北窗炙輠錄上。詩紀三十五。又類聚六十五作雜詩。引喧、偏、山三韻。

行止千萬端。誰知非與是。是非苟相形。雷同共譽毀。三季多此事。達士曾本云。一作人。似不爾。咄咄俗中愚。蘇寫本、和陶本作惡。詩紀同。曾本作惡。注。一作愚。焦本云。宋本作愚。一作惡。非。且當從黃綺。○本集。東坡先生和陶淵明詩四。詩紀三十五。

秋曾本云。一作霜。菊有佳色。裛露掇其英。汎此忘憂物。遠我遺曾本云。一作遠。類聚作遠。世情。一觴雖曾本云。一作聊。焦本云。一作聊。非獨進。杯盡壺自傾。日人羣動息。歸鳥趨林鳴。嘯傲東軒下。聊復得此生。○本集。文選三十。東坡先生和陶淵明詩四。詩紀三十五。又類聚六十五作雜詩。引英、情二韻。

青松在東園。衆草沒歲華。紀麗作混。其曾本云。一作奇。詩紀作奇。注。一作其。姿。歲華紀麗作其奇。凝曾本、蘇寫本云。一作晨。霜殄異類。卓然見高枝。連曾本、蘇寫本云。一作叢。林人不覺。和陶本作見。獨樹衆乃奇。曾本、蘇寫本云。一作知。提壺撫焦本、和陶本作挂。蘇寫本、曾本作挂。注。一作撫。詩紀同。今從一作。寒柯。遠望時復爲。曾本、蘇寫本云。一作復何爲。吾生和陶本作年。夢幻間。和陶本作去。何事繼塵羈。曾本作羈。注。一作羈。蘇寫本作羈。○本集。東坡先生和陶淵明詩一。詩紀三十五。又歲華紀麗三無題。引奇、枝二韻。

清晨聞叩門。倒裳往自開。問子爲誰歟。田父有好懷。壺漿遠見候。疑我與時乖。縑縷茅簷下。未足爲高栖。一蘇寫本、和陶本作舉。曾本云。一作舉。世皆尚同。願君汨其泥。深感父老言。稟氣寡曾本、蘇寫本云。一作少。所諧。紆轡誠可學。違己詎非迷。且共歡此飲。吾駕不可回。○本集。東坡先生和陶淵明詩一。詩紀三十五。

在和陶本作我。昔曾遠遊。直至東海隅。道路迥且長。風波阻曾本、蘇寫本云。一作起。焦本云。一作起。非。中塗。此行誰使然。似爲飢所驅。傾身營一飽。少許便有餘。恐此非名計。息駕歸閑居。○同上

顏生稱爲仁。榮公言有道。屢空不獲年。長飢至於曾本、蘇寫本云。一作饑。老。雖留身後名。一生亦枯槁。死去何所和陶本作可。知。稱心固爲好。客蘇寫本云。一作容。焦本云。一作各。非。曾本云。一作各。又作容。養千金軀。臨曾本、蘇寫本云。一作幻。化消和陶本作銷。其寶。曾本云。一作臨死鎮真寶。裸葬何必惡。人當解意和陶本作其。表。蘇寫本云。一作其表。曾本作其表。注。一作意表。○同上

長公曾一仕。壯節忽失時。杜蘇寫本作松。曾本云。一作松。案舊書杜、松易混。門不復出。終身與世辭。仲理歸大澤。高風始焦本云。一作如。非。曾本、蘇寫本云。一作如。但誤置在字下。在茲。一往詩紀作去。便當已。何爲復狐疑。去去當奚道。世俗久相欺。擺落悠悠談。請從余所之。○同上

有客常同止。趣舍曾本、蘇寫本、李本、焦本作取捨。邈異境。類聚作景。一士長獨醉。一夫終年醒。醒醉還曾本、蘇寫本云。一作遞。相類聚作大。笑。發言各不領。規規一何愚。兀傲差若曾本云。一作差無。穎。寄言酣中客。日沒燭當炳。焦本云。宋本作獨何炳。一作燭當秉。非。曾本作獨何炳。注。一作當秉。又作燭當炳。蘇寫本作可炳。注。一作何炳。詩紀云。一作秉。○本集。東坡先生和陶淵明詩一。詩紀三十五。又類聚七十二引景、醒、領三韻。

故人賞我趣。挈壺相與至。班荆坐松下。數斟已復醉。父老雜亂言。觴酌失行次。不覺知有我。安知物爲貴。悠悠和陶本作咄咄。曾本、蘇寫本云。一作咄咄。迷所留。曾本、蘇寫本云。一作之。酒中有深味。和陶本作固多味。曾本、蘇寫本云。一作固多味。○本集。東坡先生和陶淵明詩一。詩紀三十五。

貧居乏人工。灌曾本、蘇寫本云。一作卉。木荒余宅。班班有翔鳥。寂寂無行跡。宇宙一何悠。焦本作何悠悠。注。一作一何悠。非。曾本、蘇寫本云。一作何悠悠。人生少至百。歲月相催逼。焦本作從過。注。宋本作從過。一作催逼。非。曾本云。宋本作從過。蘇寫本云。一作從過。鬢邊早已白。若不委窮達。素抱曾本云。一作懷。深可惜。○同上

少年罕人事。遊好在六經。行行向不惑。淹留遂曾本、蘇寫本作自。注。一作遂。無成。竟抱固窮曾本、焦本、和陶本作窮苦。曾本又云。一作固窮。節。飢寒飽所更。弊廬交悲風。荒草沒前庭。披和陶本作被。褐守長夜。晨雞不肯鳴。孟公不在茲。終以曾本云。一作已。翳吾情。○同上

幽蘭生前庭。含薰待清風。清風脫然曾本、蘇寫本云。一作若。至。見別蕭艾中。行行失故路。任道或能通。曾本云。一作前道。或能窮。覺悟當念還。鳥盡廢良弓。○同上

子雲性嗜酒。家貧無由得。時賴好事人。載醪祛所惑。觴來爲之盡。是諮曾本云。一作語。無不塞。有時不肯

言。豈不在伐國。仁者用其心。何嘗失顯默。○同上

疇昔苦長飢。投耒去學仕。將養不得節。凍餒固曾本、蘇寫本云。一作故。纏己。是時向和陶本作而。立年。志意多所和陶本作尚多。恥。遂盡介然分。終死焦本作拂衣。注。宋本作拂衣。一作終死。非。曾本、蘇寫本云。一作拂衣。歸田里。冉冉星氣流。亭亭復一紀。世路廓悠悠。楊朱和陶本作歧。焦本云。一作生。非。所和陶本作何。曾本云。一作疎。以止。蘇寫本云。一作楊歧何以止。曾本云。一作楊歧何以止。又作楊生何以止。雖無揮金事。文選注。作雖欲揮手歸。濁酒聊和陶本作猶。可恃。○本集。東坡先生和陶淵明詩一。詩紀三十五。又文選三十一雜體詩注引恃一韵。

義農去我久。舉世少復真。汲汲曾本云。一作波波。魯中叟。彌縫使其淳。鳳鳥雖不至。禮樂暫得曾本、蘇寫本云。一作時。新。洙泗輟微響。漂流逮曾本云。一作待。狂秦。詩書復何罪。一朝成和陶本作作。灰塵。區區諸老翁。爲事誠殷勤。如何絕世下。六籍無一親。終日馳車走。不見所問曾本、蘇寫本云。一作憑。津。若復不快飲。空負頭上巾。但曾本云。一作所。恨多謬誤。君當恕醉人。○本集。東坡先生和陶淵明詩一。詩紀三十五。

止酒

居止次城邑。逍遙自閑止。坐止高蔭下。步曾本、蘇寫本云。一作行。止華門裏。好味止園葵。大曾本、蘇寫本云。一作天。歡止稚子。平生不止酒。止酒情曾本、蘇寫本云。一作懼。無喜。暮止不安寢。晨止不能起。日日欲止之。營衛止不理。徒知止不樂。未知曾本、蘇寫本、焦本、和陶本作信。焦本注。一作知。非。止利己。始覺止爲善。今朝真止矣。從此一止去。將止扶桑埃。清顏止宿容。曾本、蘇寫本云。一作客。奚止千萬祀。○本集。東坡先生和陶淵明詩三。

詩紀三十五。

述酒詩儀狄造。杜康潤色之。○以上小注。焦本、詩紀無。

重離照南陸。鳴鳥聲相聞。秋草雖未黃。融風久已分。素礫皛曾本云。宋本作襟輝。蘇寫本云。一作襟輝。修渚。南嶽無餘雲。豫章抗高門。重華固靈曾本、蘇寫本云。一作虛。墳。流淚抱中歎。傾耳聽司晨。神州獻嘉粟。西靈曾本、蘇寫本云。一作雲。又作零。爲我馴。諸梁董師旅。芋焦本作羊。曾本同。又注。一作芋。蘇寫本云。一作羊。非。勝喪其身。山陽歸下國。成名猶不勤。卜生善斯牧。安樂不爲君。平王曾本、蘇寫本作生。去舊京。峽中納遺薰。雙陽各本作陵。曾本、蘇寫本云。一作陽。今從一作。甫云育。三趾顯奇文。王子愛清吹。日曾本云。一作星。中翔河汾。朱公練九齒。閑居離詩紀作雜。世紛。峨峨西嶺曾本、蘇寫本云。一作四顧。內。偃息常蘇寫本作得。曾本云。一作得。所親。天容曾本云。一作客。自永固。彭殤非等倫。○本集。詩紀三十五。

責子詩

曾本、蘇寫本題下有注云。舒儼、宣俟、雍份、端佚、通佟。凡五人。舒、宣、雍、端、通皆小名。詩紀同。又曾本注。俟。一作俟。佟。一作俗。蘇寫本云。俟。一作俟。

白髮被兩鬢。肌膚不復實。雖有五男兒。總不好紙筆。阿舒已二八。曾本云。一作十六。懶惰曾本云。一作放。故曾本云。一作固。無匹。阿宣行志學。而不好曾本、蘇寫本、焦本作愛。文術。雍端年十三。不識六與七。通子垂九曾本

云。一作六。齡。但覓蘇寫本作念。注。一作覓。曾本云。宋本作念。梨與栗。天運苟如此。且進杯中物。○本集。詩紀三十五。

有會而作詩

舊穀既沒。新穀未登。頗爲老農。而值年災。日月尚悠。爲患未已。登歲之功。既不可希。朝夕所資。煙火裁通。旬日已來。始曾本云。一作日。念飢乏。歲云夕矣。慨然永懷。今我不述。後生何聞哉。

弱年逢家乏。老至詩紀云。一作歲。更長飢。菽麥實所羨。孰敢慕甘肥。怒如亞九曾本、蘇寫本云。一作惡無。飯。當暑厭寒衣。歲月將欲暮。如何辛苦曾本、蘇寫本云。一作足新。悲。常善粥者心。深恨何校宜和本作念。曾本云。一作念。蒙袂非。嗟來何足吝。徒沒空自遺。斯濫豈攸各本作彼。又曾本、蘇寫本云。一作攸。今從何校宜和本。志。固窮夙所歸。餒也已矣夫。在昔余多師。○本集。詩紀三十五。

蜡日

風雲送餘運。無妨時已和。梅柳夾門植。一條有佳花。曾本云。一作葩。我唱爾言得。酒中適何多。未能曾本云。一作知。明多少。章山有奇歌。○本集。詩紀三十五。

擬古詩九首

榮榮窗下曾本云。一作後窗。蘭。密密堂前柳。初與君別時。不謂行當久。出門萬里客。中道逢嘉友。未言心先

各本作相。醉。曾本云。一作解。不在接杯酒。蘭枯曾本云。一作空。柳亦衰。遂令此言負。曾本、蘇寫本云。一作時沒身還朽。焦本云。一作時沒身還朽。非。多謝諸少年。相知不中焦本作忠。詩紀同。焦本又云。一作相。非。和陶本作在。注。一作中。曾本云。一作相。又作中。厚。蘇寫本云。一作相厚。意氣傾人命。離隔復何有。○本集。東坡先生和陶淵明詩三。詩紀三十五。

辭家夙嚴駕。當往志蘇寫本作至。曾本云。一作至。無終。問君今何行。非商復非戎。聞有田子泰。曾本、焦本、蘇寫本作春。詩紀同。曾本云。一作泰。節義爲士雄。斯人久已死。鄉里習其風。生有高世名。既沒傳無窮。不學狂曾本、蘇寫本云。一作驅。焦本云。一作驅。非。馳子。直在百年中。○同上

仲春遘時雨。始雷發歲華。紀麗作鳴。東隅。衆蟄各潛駭。草木從橫曾本云。一作此。又作是。蘇寫本云。一作此。和陶本云。一作是。焦本云。一作此。非。舒。翩翩新來燕。雙雙人我廬。先巢故尚在。相將還舊居。自從分別來。門庭日荒蕪。我心固匪石。君情定何如。○本集。東坡先生和陶淵明詩三。詩紀三十五。又歲華紀麗二引隅一韵。

迢迢百尺樓。分明望四荒。暮作歸雲宅。朝爲飛鳥堂。山河滿目中。平原獨焦本作轉。曾本云。一作轉。茫茫。古時功名士。慷慨爭此場。一旦百歲後。相與還北邙。松柏爲人伐。高墳互低昂。頽基無遺主。遊魂在何方。榮華誠足貴。亦復可憐傷。○本集。東坡先生和陶淵明詩三。詩紀三十五。

東方有一士。被服常不完。三旬九遇曾本云。一作過。食。十年著一冠。辛苦曾本、焦本作勤。曾本又云。一作苦。無此比。常有好容顏。我欲觀其人。晨去越河關。青松夾路生。白雲宿簷端。知我故來意。曾本云。一作時。案時當爲來字異文。取琴爲曾本云。一作與。我彈。上絃驚別鶴。下絃操孤鸞。願留就君住。從今至歲寒。○同上

蒼蒼谷中樹。冬夏常如茲。年年見霜雪。誰謂不知時。厭聞世上語。結友和陶本作交。曾本云。一作交。到臨淄。

稷下多談士。指彼蘇寫本作往。曾本、和陶本云。一作往。決吾曾本云。一作狐。疑。曾本云。一作柏社決五疑。裝束既有日。已與家人辭。行行停出門。還坐更自思。不怨道里長。但畏人我欺。萬一不合意。永爲世笑之。焦本作噉。注。一作之。非。曾本云。一作噉。伊懷難具蘇寫本作誰與。注。一作難具。道。爲君作此詩。○同上

日暮天無雲。春風扇微和。佳人美清夜。達曙酣且歌。歌竟長歎息。特此感人多。皎皎文選、玉臺作明明。詩紀云。一作明明。雲間月。灼灼葉中華。和陶本作花。文選、玉臺同。豈無一時好。不久當如何。○本集。文選三十。玉臺新詠三。東坡先生和陶淵明詩三。詩紀三十五。

少時詩紀云。一作年。壯且厲。撫劍獨行遊。誰言行遊曾本云。一作道。近。張掖至幽州。飢食首陽薇。渴飲易水流。不見相知人。惟見各本云。一作純是。和陶本作純見。古時丘。路邊兩高墳。伯牙與莊周。此士難再得。吾行欲何求。○本集。東坡先生和陶淵明詩三。詩紀三十五。

種桑長江邊。三年望當採。枝條始欲茂。忽值山河曾本、蘇寫本云。一作川。改。柯葉自摧折。根株浮滄海。春蠶既無食。寒衣欲誰待。本不植高原。今日復何悔。○同上

雜詩十一首

人生無根蒂。飄如陌上塵。分散逐風轉。此已非常身。落地爲蘇寫本作流落成。曾本云。一作流落成。焦本云。一作流落成。非。兄弟。何必骨肉親。得歡當作樂。斗酒聚比鄰。盛年不重來。一日難再晨。及時當勉勵。歲月不待人。○本集。東坡先生和陶淵明詩三。詩紀三十五。

白日淪西河。何校宣和本作阿。曾本云。一作阿。素月出東嶺。遥遥萬里暉。曾本、焦本作輝。詩紀同。蕩蕩曾本云。一作迢迢。空中景。風來人房戶。夜中蘇寫本作中夜。曾本云。一作中夜。枕席冷。氣變悟時易。曾本、蘇寫本云。一作異。不眠知夕和陶本作夜。永。欲言無予曾本云。一作或。又作餘。和。揮杯勸孤影。日月擲曾本云。一作櫛。又作掃。人去。有志不獲聘。念此懷悲悽。終曾本作中。注。一作終。曉不能靜。○同上

榮華難久居。盛衰不可量。昔爲三春蕖。曾本云。一作英。今作秋蓮房。嚴霜結野草。枯悴未遽央。日月有環周。焦本作環復周。注。宋本環復周。一作有環周。非。曾本云。一作復。又作環復周。蘇寫本云。一作復。我去不再陽。眷眷往昔時。憶此斷人腸。○同上

丈夫志四海。我願不知老。親戚共一處。子孫還相保。觴絃肆朝日。罇中酒不燥。緩帶盡歡娛。起晚眠常早。孰若當世士。冰炭滿懷抱。百年歸曾本、蘇寫本云。一作掃。丘壟。曾本云。一作掃壟。用此空名道。

○同上

憶我曾本云。一作爲。又作昔。蘇寫本云。一作昔。少壯時。無樂自和陶本作亦。欣豫。猛志逸四海。騫曾本、蘇寫本云。一作輕。翮思遠翥。荏苒歲月頽。此心稍已去。值歡無復娛。每每多憂慮。氣力漸衰損。轉覺日不如。壑舟無須臾。引我不得住。前途當幾許。未知止泊曾本、蘇寫本云。一作宿。處。古人惜寸陰。念此使人懼。○同上

昔聞長者和陶本作老。曾本、蘇寫本云。一作老。言。掩耳每曾本云。一作常。不喜。奈何五十年。忽已親此事。求我盛年曾本、蘇寫本云。一作時。歡。一毫無復意。去去轉欲遠。此生豈焦本作難。注。一作豈。非。曾本、蘇寫本云。一作難。再值。傾家持曾本、蘇寫本、和陶本作時。詩紀同。又曾本云。一作特。又作特此。案特此當是持作異文。作蘇寫本作時。注云。一作持

此樂。竟和陶本作競。此歲月駛。有子不留金。何用身後置。蘇寫本云。宋本作事。曾本云。一作事。○同上

日月不肯遲。四時相催迫。寒風拂枯條。落葉掩曾本、蘇寫本云。一作滿。長陌。弱質與曾本作興。焦本云。一作興。非。運頽。曾本云。一作頽齡。玄鬢早已白。素標插人曾本云。一作君。頭。前途漸就窄。家爲逆旅舍。我如當去客。去欲何之。南山有舊宅。○同上

代耕本非望。所業在田桑。躬親和陶本作耕。未曾替。寒餒蘇寫本作餒。常糟糠。豈期過曾本云。一作遇。滿腹。但願和陶本作就。曾本云。一作就。飽粳糧。御冬足曾本云。一作禦冬乏。大布。麤絺以應陽。正蘇寫本、焦本作政。曾本云。一作政。和陶本作止。爾不能得。哀哉亦可傷。人皆盡獲宜。拙生失其方。理也可奈何。且焦本云。一作足。非。爲陶一觴。○同上

遙遙從羈役。一心處兩端。掩淚汎東逝。順流追時遷。日沒星與昴。勢翳西山巔。蕭條隔天涯。惆悵念常詩紀作長。注。一作常。冷。慷慨思南歸。路遐無由緣。關梁難虧替。絕音寄斯篇。○同上

閑居執蕩志。時駛不可稽。驅役無停曾本、蘇寫本云。一作休。息。軒裳逝曾本云。一作遊。東崖。泛舟擬董司。各本作沈陰擬薰麝。又曾本云。一作泛舟擬董司。寒氣激我懷。曾本、蘇寫本云。一作泛舟董司寒。悲風激我懷。焦本云。一作沈陰擬薰麝。寒氣激我懷。注。一作泛舟擬董司。悲風激我懷。歲月有常御。我來淹已彌。慷慨憶綢繆。此情久曾本云。一作少。已離。荏苒經十載。暫爲人所羈。庭宇翳餘木。倏忽日月虧。○同上

我行未云遠。回顧慘風涼。春燕應節起。高飛拂塵梁。邊曾本云。一作兔。案六朝人寫邊爲邊。遂誤兔字。雁悲曾本云。一作照。無所。代謝歸北鄉。離鷗鳴清池。涉暑曾本云。一作暮。經秋霜。愁人難爲辭。遙遙春曾本云。一作喜。

夜長。○同上

嫋嫋松標崖。詩紀作雀。曾本云。一作雀。婉孌柔童子。年始三五間。喬柯何可倚。蘇寫本云。一作柯條何涿涿。曾本、焦本同。曾本、焦本又云。又作華柯真可寄。養色含精曾本、蘇寫本、焦本作津。氣。粲然有心理。詩紀注。和陶本無此篇。○同上

詠貧士詩七首

萬族各初學記作皆。有託。孤雲獨無依。曖曖空初學記作虛。中滅。何時見餘初學記作殘。暉。文選作輝。朝霞開宿霧。衆鳥相與飛。遲遲出林翮。未夕蘇寫本作久。曾本云。一作久。復來歸。曾本、蘇寫本云。一作已復歸。焦本云。一作已復歸。非。量力守故轍。豈不寒與飢。知音苟不存。已矣何所悲。曾本、蘇寫本云。一作當告誰。○本集。文選三十。東坡先生和陶淵明詩二。詩紀三十五。又初學記十八引依、暉二韻。

淒厲曾本云。一作戾。初學記作戾。歲云初學記作將。暮。擁曾本云。一作短。焦本云。一作短。非。褐曝前初學記誤作抱南。軒。南初學記作前。圃無遺秀。枯條盈北園。傾壺絕曾本云。一作弛餘瀝。闕竈不見煙。詩書塞座外。日昃不遑研。初學記作白日去不還。閑居非陳厄。竊有愠見言。何以慰吾懷。賴古多此賢。○本集。東坡先生和陶淵明詩二。詩紀三十五。又初學記十八引軒、圃、煙、還四韻。

榮叟老帶曾本、蘇寫本云。一作繁。索。欣然方彈琴。原生納決履。曾本、蘇寫本作屨。注云。一作履。和陶本作屨。清歌暢商焦本云。宋本商。一作高。非。蘇寫本、和陶本、詩紀作高。音。重華去我久。曾本云。一作去我重華久。貧士世相尋。弊襟初學記作斂袂。不掩肘。藜羹常初學記作乏恒。乏斟。豈忘襲輕裘。苟得非所欽。賜也徒能辨。乃不見吾心。○本集。

東坡先生和陶淵明詩二。詩紀三十五。又初學記十八引琴、音、斟、飲四韵。

安貧守賤者。自古有黔婁。好爵吾不榮。曾本、蘇寫本、和陶本作榮。詩紀同。類聚作弗營。厚饋曾本云。一作餽。吾不酬。

一旦壽命盡。蔽覆曾本、蘇寫本、焦本作弊服。詩紀同。仍焦本作乃。類聚同。詩紀云。一作乃。曾本、蘇寫本云。一作蔽覆乃。焦本

云。一作蔽覆乃。非。不周。豈不知其極。非道故無憂。從來將千載。未復見斯和陶本作茲。儔。朝與仁義生。夕死

復何求。○本集。東坡先生和陶淵明詩二。詩紀三十五。又類聚三十五引婁、酬、周、憂四韵。

袁安困蘇寫本作門。曾本云。一作門。積雪。邈然不可干。阮公見錢人。即日棄其官。芻蕘和陶本作藟蒿。曾本、蘇寫本

云。一作藟蒿。有常溫。採芎和陶本作之。曾本、蘇寫本云。一作采之。足朝飡。豈不實辛苦。所懼非飢寒。貧富常交戰。

道勝無戚曾本、蘇寫本云。一作厚。焦本云。一作厚。非。顏。至德冠邦和陶本作鄉。閭。清節映西關。○本集。東坡先生和陶

淵明詩二。詩紀三十五。

仲蔚愛窮居。遠宅和陶本作屋。初學記同。生蒿蓬。翳然絕交游。賦詩頗能工。舉世無知者。和陶本作音。曾本云。一

作音。焦本云。一作音。非。止曾本云。一作正。有一劉龔。此士胡獨然。實由罕所同。介焉安其業。曾本云。一作棄本安其

末。所樂非初學記誤作相。窮通。人事固以蘇寫本、和陶本、初學記作已。曾本云。一作已。拙。聊得長相初學記作自。從。○

本集。東坡先生和陶淵明詩二。詩紀三十五。又初學記十八引蓬、工、通、從四韵。

昔在曾本、蘇寫本云。一作有。黃子廉。彈冠佐名州。一朝辭吏歸。清貧略難儔。年飢感仁妻。曾本、蘇寫本云。一作

人事。泣涕向我流。丈夫雖有志。固爲兒女曾本、蘇寫本云。一作孫。憂。惠孫一晤歎。腆贈竟莫酬。誰云固窮難。

曾本、蘇寫本云。一作節。邈哉此前脩。○本集。東坡先生和陶淵明詩二。詩紀三十五。

讀山海經詩十三首

孟夏草木長。遶屋樹扶疏。衆鳥欣有託。吾亦愛吾廬。既耕亦曾本云。一作且。已種。時文選作且。類聚同。還讀我書。窮巷隔深轍。頗迴故人車。歡然焦本、和陶本作言。詩紀同。焦本又云。一作然。酌春酒。摘我園中蔬。微雨從東來。好風與之俱。汎覽周王傳。曾本云。一作典。流觀山海圖。俯仰終宇宙。不樂復曾本云。一作將。何如。○本集。文選三十。東坡先生和陶淵明詩二。詩紀三十五。又類聚五十五引書、圖、如三韻。

玉臺曾本、蘇寫本作堂。注。一作臺。焦本云。一作堂。非。凌霞秀。王和陶本作生。母怡曾本、蘇寫本云。一作積。妙顏。天地共俱生。不知幾何年。靈化無窮已。館字非一山。高酣發新謠。寧效俗中言。○本集。東坡先生和陶淵明詩二。詩紀三十五。

迢遞槐曾本、蘇寫本云。一作櫻。和陶本云。一作淮。江嶺。是謂玄圃丘。西南望崑墟。曾本、蘇寫本云。一作崑。焦本云。一作崑。非。光氣難與儔。亭亭明玕照。落落清瑤流。恨不及周穆。託乘一來游。○同上

丹木生何許。乃在密焦本、詩紀作峯。音密。山陽。黃花復朱實。食之壽命長。白玉凝素液。瑾瑜發奇曾本云。一作其。光。豈伊君子寶。見重我軒黃。曾本、蘇寫本云。一作皇。○同上

翩翩三青鳥。毛色奇曾本、蘇寫本、焦本云。一作甚。可憐。朝爲王母使。暮歸和陶本作登。三危山。我欲因此鳥。具曾本云。一作期。又作且。蘇寫本云。一作且。向王母言。在世無所須。曾本云。一作願。唯酒與長年。曾本、蘇寫本云。一作惟

願此長年。詩紀同○同上

逍遙蕪臯上。杳然望扶木。洪柯百萬尋。森散覆陽谷。靈人侍曾本、蘇寫本云。一作侍。按侍字六朝常寫作待。丹池。朝朝爲日浴。神景曾本云。一作願。一登天。何幽不見燭。○同上

粲粲三株樹。寄生赤水陰。亭亭凌風桂。八榦共成林。靈鳳撫雲舞。初學記作儀。神鸞調初學記作垂。玉音。雖非世上寶。初學記作寶。爰得王母曾本云。一作子。心。○本集。東坡先生和陶淵明詩二。詩紀三十五。又初學記三十引音、心二韵。

自古皆有沒。何人得曾本、蘇寫本云。一作河氏獨。靈長。不死復曾本云。一作亦。不老。萬歲如平常。赤泉給我飲。員丘足我糧。方與三辰游。壽考曾本云。一作老。豈渠央。○本集。東坡先生和陶淵明詩二。詩紀三十五。

夸父誕宏志。乃與日競走。俱至虞淵曾本云。一作泉。下。似若無勝負。神力既殊妙。傾河焉足有。餘迹寄鄧林。功竟在身後。○同上

精衛銜微木。將以填滄海。形天無焦本、刑天舞。詩紀同。干戚。曾本、蘇寫本、和陶本作千歲。猛志故常在。同物既無慮。化去不復曾本、蘇寫本云。一作何復。悔。徒設曾本云。一作役。又作使。蘇寫本云。一作役。在昔心。良晨詎可待。○同上

臣危各本作巨猾。曾本云。一作危。蘇寫本同。和陶本云。一作目危。案。目。臣之訛。猾。危之訛。肆威暴。欽馭和陶本云。一作飲鳩。違帝旨。窳窳強能變。祖江遂獨死。明明上天鑒。爲惡不可履。長枯固已劇。鷓鴣曾本、蘇寫本、和陶本作鷓。注云。一作鷓鴣。豈足恃。○同上

鷓鴣曾本、蘇寫本作鷓。和陶本作鷓。鷓焦本云。當作鷓鴣。曾本、蘇寫本云。一作鷓鴣。見城邑。其國有放士。念彼曾本云。一作

昔懷王和陶本作玉。世。曾本云。一作母。當時曾本云。一作亦得。數來止。蘇寫本云。一作念彼懷王時。亦得數來止。青丘有奇鳥。自和陶本作目。言獨見爾。和陶本作理。注。一作尔。曾本、蘇寫本云。一作理。本爲迷者生。不以喻君子。○同上巖巖曾本、蘇寫本、和陶本云。一作悠悠。顯朝市。帝者慎曾本、蘇寫本云。一作善。用才。何以廢和陶本作放。共鮫。重華爲之來。仲父蘇寫本作文。曾本云。一作文。獻誠言。姜公乃見猜。臨沒告飢渴。當復何及哉。○同上

悲從弟仲蘇寫本作敬。德詩

銜哀過舊宅。悲淚應心零。借問爲誰悲。懷人在九冥。禮服名羣從。恩愛若同生。門前執手時。何意爾先傾。在數曾本作毀。注。一作數。竟不焦本作未。詩紀同。曾本云。一作未。免。爲山不及成。慈母沈哀疚。二胤纔數齡。雙位曾本作泣。注。一作位。委空館。朝夕無哭聲。流塵集虛坐。宿草旅曾本、蘇寫本云。一作依。前庭。階除曠遊迹。園林獨餘情。翳然乘化去。終天不復形。遲遲將回步。惻惻悲襟盈。曾本、蘇寫本、焦本云。一作衿涕盈。○本集。詩紀三十五。

擬挽歌辭三首

有生必有死。早終非命促。昨暮同爲人。今日在曾本云。一作作。鬼錄。魂氣曾本、蘇寫本云。一作魄。散何之。枯形寄空木。嬌兒索父啼。御覽作號。良友撫樂府作拊。我哭。得失不復知。是非安能覺。千秋萬歲後。誰知榮與辱。但恨在世時。飲酒不得足。曾本、蘇寫本云。一作常不足。樂府詩集作恒不足。○本集。樂府詩集二十七。詩紀三十五。又御覽

五百五十二引促、錄、木、哭四韻。

在昔無酒飲。今但焦本作旦。注。宋本旦。一作但。曾本云。一作旦。樂府云。一作但恨。湛空觴。春醪生浮蟻。何時更曾本、蘇寫本云。一作復。能嘗。肴案盈樂府云。一作列。我前。親舊樂府作戚。注。一作舊。哭我傍。欲語口無音。欲視眼無光。昔在高堂寢。今宿荒草鄉。樂府此下有荒草無人眠。極視正茫茫。曾本、蘇寫本云。一本有荒草無人眠。極視江茫茫。詩紀同。曾本、蘇寫本又云。極又作直。一朝詩紀云。一作相送。出門去。曾本云。一作易。歸來樂府作家。注。一作來。夜各本作良。樂府同。未央。○本集。樂府詩集二十七。詩紀三十五。

荒草何茫茫。白楊亦蕭蕭。嚴霜九月中。送我出曾本云。一作來。遠郊。四面無人居。高墳正嶢嶢。馬爲仰天鳴。樂府作鳥爲動哀鳴。注。一作馬爲仰天鳴。風爲詩紀云。一作聲。御覽作日。自蕭條。曾本云。一曰鳥爲動哀鳴。林爲結風颺。蘇寫本、焦本同。幽室一已閉。千年不復朝。千年不復朝。賢達無詩紀作將。注。一作無。奈何。向來相送人。各自文選作已。曾本、蘇寫本云。一作已。樂府作以。注。一作已。初學記作亦。御覽同。還文選作歸。御覽同。其家。親戚或餘悲。他人亦已歌。死去何所道。託體同山阿。○本集。文選二十八。初學記十四。樂府詩集二十七。御覽五百五十二。詩紀三十五。

聯句

鳴鴈乘風飛。去去當何極。念彼窮居士。如何不歎息。淵明 雖欲騰九萬。扶搖竟何曾本、蘇寫本云。一作無。力。遠招王子喬。曾本云。一作晉。雲駕庶可飭。惜之顧侶正徘徊。曾本云。一作離離。又作爭飛。離離翔天側。曾本云。一作附羽天池側。蘇寫本云。一作顧侶正離離。附羽天池側。霜露豈不切。焦本作霜露不切肌。曾本、蘇寫本云。一作霜露不切肌。徒愛

雙飛翼。曾本、蘇寫本、詩紀作務從忘愛翼。曾本、蘇寫本又云。一作徒愛雙飛翼。循之。高柯擢條幹。遠眺同天色。思絕慶未看。徒使生迷惑。淵明○曾本、蘇寫本無淵明二字。○本集。詩紀三十五。

晉詩卷十八

雜歌謠辭

歌辭

宣城民爲陶汪歌

陶氏家傳曰。陶注。咸康中爲宣城內史。君從父猷先爲之。君到郡。乃招隱逸。廣開學舍。以此教民。民有向方者。則辟爲掾史。百姓歌之曰。

人當勤學得主簿。誰使爲之陶明府。○類聚六。

石頭民爲庾亮歌二首

晉書曰。庾亮。初鎮武昌。出至石頭。百姓於岸上歌之。後連徵不入。及薨於鎮。以喪還都葬。皆如謠言。

庾公上武昌。翩翩如飛鳥。庾公還揚州。白馬牽旒旒。○晉書五行志。宋書五行志。世說新語傷逝篇注引靈鬼志謠徵。樂府詩集八十七、詩紀四十三並作庾公歌二首。

庾公初上時。翩翩如飛鳥。世說注作鷗。庾公還揚州。白馬牽流蘇。詩紀云。一作旒車。世說注作旒車。○同上

升平中童歌

晉書曰。穆帝升平中。兒童輩忽歌於道曰阿子聞。曲終輒云云。無幾而帝崩。太后哭之曰云。

阿子汝聞不。○晉書五行志。宋書五行志。

升平末民歌

晉書曰。升平末。俗間忽作廉歌。有扈謙者聞之曰。廉者。臨也。歌云云。內外悉臨。國家其大諱乎。少時而穆帝晏駕。

白門廉。宮庭廉。○晉書五行志。宋書五行志。

太和中百姓歌

晉書曰。晉海西公太和中。民爲此歌。白者。金行。馬者。國族。紫爲奪正之色。明以紫間朱也。海西公尋廢。三子非海西公之子。縊以馬韁。死之明日。南方獻甘露焉。

青青御路楊。白馬紫游韁。汝非皇太子。那得甘露漿。○晉書五行志。宋書五行志。樂府詩集八十七、詩紀四十三並作御路楊歌。

鳳凰歌

宋書曰。晉海西公生皇子。百姓歌之。其歌甚美。其旨甚微。海西公不男。使左右向龍與內侍接。生子。以爲己子。鳳凰生一雛。天下莫不喜。本言是馬駒。今定成龍子。○晉書五行志。宋書五行志。樂府詩集八十五。詩紀四十三。

荊州百姓歌

晉書曰。桓石民爲荊州。鎮上明。百姓忽歌曰。黃曇子。曲終又云云。頃之而桓石民死。王忱爲荊州。黃曇子乃是王忱字也。忱小字佛大。是大佛來上明也。

黃曇英。揚州大佛來上明。○晉書五行志。宋書五行志。世說新語忿狷篇注。詩紀四十四作黃曇謠。

歷陽百姓歌

晉書曰。庾楷鎮歷陽。百姓歌之。後楷南奔桓玄。爲玄所殺。

重羅黎。重羅黎。使君南上無還時。○晉書五行志。宋書五行志。樂府詩集八十七。詩紀四十三並作歷陽歌。

桓玄篡時小兒歌

吳均續齊諧記曰。桓玄篡位後。朱雀門中忽見兩小兒。通身如墨。相和作籠歌云云。路邊小兒從而和之者數十人。聲甚哀楚。日既夕。二小兒人建康縣。至閣下。遂成雙漆鼓槌。明年春而桓敗。車無軸。倚孤木。桓字也。荊州送玄首。用敗籠茵包之。又芒繩束縛其屍。沈諸江中。悉如所歌焉。

芒籠茵。繩縛腹。車無軸。倚孤木。○太平廣記三百六十八。詩紀四十三。

司馬休之從者歌

續安帝紀曰。司馬休之兄尚爲桓玄所敗。休之奔淮泗。頗得彼之人心。從者爲之歌曰。可憐司馬公。作性甚溫良。憶昔水邊戲。使我不能忘。○類聚十九。詩紀四十三作從者歌。

苻堅時關隴人歌

晉書曰。苻堅時。關隴清宴。百姓豐樂。自長安至於諸州。皆夾路樹槐柳。二十里一亭。四十里一驛。旅行者取給於途。工商貿販於道。百姓歌之。崔鴻前秦錄曰。王猛化洽六州。人移風變。百姓歌之。

長安大街。夾樹御覽或作路。楊類聚或作兩邊樹。類聚及御覽或作兩邊種。槐。下走朱輪。上有鸞棲。御覽或作棲鸞。英彥雲集。誨我萌御覽或作人。黎。○晉書苻堅載記上。類聚十九引車頻秦書。類聚八十八。御覽四百六十五引前秦錄。御覽九百十六引車頻秦書。詩紀四十三作關隴歌。又御覽九百五十四引槐、棲二韻。

苻堅時鳳凰歌

前秦錄曰。苻堅時。鳳凰集于東闕。歌之曰。

鳳凰于飛。其羽翼翼。淵哉十六國春秋作翊我。聖后。饗御覽或作其。齡萬億。○御覽四百六十五、九百十五。十六國春秋三十六。詩紀四十三。

苻堅時長安爲慕容冲歌

晉書曰。苻堅既滅燕。慕容冲姊。僞清河公主。年十四。有殊色。堅納之。寵冠後庭。冲年十二。亦有龍陽之姿。堅又

幸之。姊弟專寵。官人莫進。長安歌之。咸懼爲亂。王猛切諫。堅乃出沖。後竟爲沖所敗。

一雌復一雄。雙飛入紫宮。○晉書苻堅載記下。魏書慕容暉傳。北史慕容暉傳。御覽五百七十。事類賦歌賦注並引漢書曰。李延年善歌。帝幸之。時人語曰云。詩紀九作紫宮謠。編入漢詩。

平原爲太守索稜歌

後秦錄曰。索稜。字孟則。燉煌人。好學博聞。姚萇甚重之。委以機密。文章詔檄皆稜之文也。後爲平原太守。以德化民。民畏而愛之。歌曰。

懿矣明守。庶績允釐。剖符作宰。實獲民十六國春秋作我。思。○十六國春秋六十一。

越謠歌

風土記曰。越俗性率樸。意親好合。卽脫頭上手巾。解腰間五尺刀以與之。爲交拜親跪妻。定交有禮。俗皆嘗於山間大樹下封土爲壇。祭以白犬一、丹雞一、雞子三。名曰木下雞。犬五。其壇地人畏不敢犯也。祝曰云。○此祝。樂府詩集、詩紀皆作越謠歌。編入先秦。遠案。風土記。晉周處著。其所謂越。指當時山越。非春秋時代越人也。今編之晉雜歌謠辭中。

卿雖乘車我戴笠。後日相逢下車揖。我雖御覽或無雞字。步行卿乘馬。他御覽作後。日相逢卿當下。樂府作君乘車。我戴笠。他日相逢下車揖。君擔簦。我跨馬。他日相逢爲君下。文選補遺、詩紀同。○初學記十八。御覽四百六。樂府詩集八十七。詩紀前集二。又御覽五百四十三、七百六十五並引笠、揖二韻。

隴頭歌

郭仲產秦州記曰。隴山東西百八十里。登隴。東望秦川四五百里。極目泯然。墟宇桑梓。與雲霞一色。其上有懸溜。吐于山中。匯爲澄潭。名曰萬石潭。流溢散下皆注乎渭。山東人行役升此而瞻顧者。莫不悲思。故其歌曰。

隴頭流。御覽作泉。寰宇記作之。水。流。後漢書注作分。寰宇記同。離四。御覽作西。下。念我行役。飄然曠野。登高望遠。後漢書注作遠望。寰宇記同。涕零雙墮。初學記作落。○後漢書郡國志漢陽郡下。初學記十五。寰宇記三十五。御覽五十引周地圖記。詩紀八。

同前

辛氏三秦記曰。隴渭西關。其阪九迴。不知高幾許。欲上者七迴。上有水。可容百餘家。上有清水四注下。俗歌云。

隴頭流水。鳴聲幽。書鈔、御覽或作鳴。咽。御覽或作噎。事類賦同。遙望秦川。肝腸御覽或作心肝。事類賦同。斷絕。○書鈔百六。書鈔百五十七。初學記十五。白帖二作隴頭歌。御覽五十、五十六、百六十四、五百七十二。寰宇記三十二。事類賦歌賦注。詩紀八。○以上二歌。詩紀列入漢詩。遠案。郭仲產。晉人。辛氏較郭氏更晚。列入漢詩似不妥。今依著者時代列此俟考。

淫豫歌

詩紀云。以下世代莫詳。古今樂錄曰。晉、宋以後有淫預歌。樂府云。酈道元水經注曰。白帝山城水門之西。江中有孤石。名淫豫石。水冬出二十餘丈。夏則沒。亦有裁出焉。江水東逕廣溪峽。乃三峽之首也。峽中有瞿塘、黃龕二

灘。夏水回復。沿沂所忌。國史補曰。蜀之三峽。最號峻急。四月五月尤險。故行者歌之。淫或作豔。預或作豫。

灩澦大北夢瑣言作小。猗覺寮雜記無大字。如馬。瞿塘不可猗覺寮雜記不可作莫。下。灩澦大如牛。瞿塘不可流。國史補作留。廣博物志同。○國史補上。樂府詩集八十六。北夢瑣言七。猗覺寮雜記上。詩紀四十三。

同前

淫預大如馬。瞿唐不可下。淫預大如象。瞿唐不可上。○古詩類苑十五。詩紀四十三。○遼案。古謠諺引峽程記灩澦堆語有云。灩澦大如象。瞿塘不敢上。灩澦大如馬。瞿塘不可下。與此稍同。而次序顛倒。又古謠諺據藝林伐山及廣博物志補灩澦大如鼈。瞿塘行舟絕二句。灩澦大如龜。瞿塘不可窺二句。據樂府詩集補灩澦大如服。瞿塘不可觸二句。遼案。藝林伐山、廣博物志所引時代或較後。未必晉時歌謠。至樂府所載原作梁簡文帝淫預歌。其下尚有金沙浮轉多。桂浦忌經過二句。古謠諺刪取首二句。非是。梁簡文帝作。詩紀亦列爲晉歌。並引升菴詩話爲說。亦非是。

巴東三峽歌二首

酈道元水經注曰。巴東三峽。謂廣溪峽、巫峽、西陵峽也。三峽七百里中。兩岸連山。略無闕處。重巖疊嶂。隱蔽天日。非亭午夜分。不見曦月。宜都山川記曰。自黃牛灘東入西陵界。至峽口。一百許里。山水紆曲。林木高茂。猿鳴至清。山谷傳響。泠泠不絕。行者聞之。莫不懷土。故漁者歌曰。

巴東三峽巫峽長。猿鳴三聲淚沾裳。○水經注江水注。文選十二江賦注、御覽五十三並引盛弘之荊州記。樂府詩八十六。詩紀四十三。

巴東三峽猿鳴悲。猿鳴三聲淚沾衣。○類聚九十五。御覽五百七十二、九百十並引宜都山川記。樂府詩集八十六。詩紀四十三。○逮案。宜都山川記。晉袁山松所著。

同前見水經注。

灘頭白勃堅相持。倏忽淪沒別無期。○水經注江水注。詩紀四十三。

武陵人歌

黃閔武陵記曰。有綠蘿山。側巖垂水。懸蘿百里許。得明月池。碧潭鏡澈。百尺見底。素巖若雪。松如插翠。流風叩阿。有絲桐之韻。土人爲之歌曰。

仰茲山兮迢迢。層石構兮嗟御覽作峩。峨。朝日麗兮陽巖。落景梁詩紀云。一作陽。兮陰阿。鄣壑兮生音。吟籟兮相和。敷芳兮綠林。恬淡兮潤波。樂茲潭兮安流。緩爾書鈔作子。權兮詠歌。○御覽五百七十二引黃閔五陵記。廣博物志五引水經注。桃花源志七引黃閔武陵記。詩紀四十三。又書鈔百六引黃閔五陵記引迢、峨、流、歌四韻。○逮案。隋志地理類有神壤記。黃閔撰。武陵記作者。當卽此人。書鈔桃花源志所載是也。今從之。御覽作黃閔。詩紀作黃閔。皆誤。

閭里爲消腸酒歌

拾遺記曰。張華爲九醞酒。若大醉。不可叫笑搖蕩。令人肝腸消爛。俗人謂爲消腸酒。或云醇酒可爲長宵之樂。兩說同而事異也。閭里歌曰云云。言耽此美酒。以悅一時。何用保守靈而取長久。

寧得醇酒消腸。不與日月齊光。○拾遺記九。

謠辭

咸康二年童謠

晉書曰。咸康二年十二月。河北謠言。後如其言。

麥人土。殺石虎。晉書作武。詩紀同。○晉書五行志。宋書五行志。詩紀四十四。

成帝末童謠

晉書曰。成帝之末童謠。少日而宮車晏駕。

磕磕苦蓋反。何隆隆。駕車人梓宮。○晉書五行志。宋書五行志。詩紀四十四。

荆楚謠

蓮社高賢傳曰。尋陽陶侃刺廣州。漁人見海中有神光。網之。得金像文殊。誌云。阿育王所造。侃以送武昌寒溪寺。主僧珍常住夏口。夜夢寺焚。而此像室獨有神護。馳還。寺果焚。像室果存。及侃移督江州。迎像將還。至舟而溺。荆楚爲之謠曰。

陶惟劍雄。高賢傳作椎。像以神標。法苑珠林作標。雲翔泥宿。邈何遙遙。可以誠致。難以力招。○蓮社高賢傳。法苑珠林十三。廬山記。

吳中童謠

宋書曰。晉庾羲在吳郡時。吳中童謠。無幾而庾羲、王洽相繼亡。按晉史。穆帝時。庾羲爲吳興內史。王洽爲吳郡內史。徵拜領軍後。皆卒於官。羲疑卽羲也。

寧食下湖荇。不食湖上蓴。庾吳沒命喪。復殺王領軍。○宋書五行志。樂府詩集八十九。詩紀四十四。

哀帝隆和初童謠

晉書曰。哀帝隆和初童謠曰云云。朝廷聞而惡之。改年曰興寧。民復歌曰。雖復改興寧。亦復無聊生。哀帝尋崩。升平五年。而穆帝崩。不滿斗。不至十年也。

升平不滿斗。隆和那得久。桓公人石頭。陛下徒跣走。○晉書五行志。宋書五行志。樂府詩集八十八。詩紀四十四。

太和末童謠

晉書曰。太和末童謠云云。及海西公被廢。百姓耕其門。以種小麥。

犁牛耕御路。白門種小麥。○晉書五行志。宋書五行志。樂府詩集八十八。詩紀四十四。

京口民間謠二首

晉書曰。王恭在京口。民間忽有此謠。按黃字上恭字頭也。小字恭字下也。尋如謠言。

黃頭小人晉書作兒。欲作賊。阿公在城下指縛得。○晉書五行志。宋書五行志。詩紀四十四。
黃頭小人欲作亂。賴得金刀作蕃扞。○同上

京口謠

晉書曰。王恭鎮京口。誅王國寶。百姓爲此謠。按昔年食白飯。言得志也。今年食麥粳。麥粳麤穢。其精已去。明將敗也。天公將加譴謫而誅之也。捻嚙喉。氣不通。死之祥也。敗復敗。丁寧之辭也。恭尋死。京都人行咳疾。而喉並喝焉。

昔年食白飯。今年食麥粳。天公誅謫汝。教汝捻嚙喉。嚙喉喝復喝。京口敗復敗。○晉書五行志。宋書五行志。詩紀四十四。

同前

劉謙之晉紀曰。王恭誅。童謠曰。

昔年食麥屑。今年食豎豆。豎豆不可食。使我枯嚙喉。○御覽八百五十三。○遼案。此當爲前謠之一部分。

孝武帝太元末京口謠

晉書曰。孝武帝太元末。京口謠。尋王恭起兵誅王國寶。旋爲劉牢之所敗。故言拉颯棲也。

黃雌雞。莫作雄父啼。一旦去毛衣。衣被拉颯棲。○晉書五行志。宋書五行志。樂府詩集八十八。詩紀四十四。

荊州童謠

晉書曰。殷仲堪在荊州時。童謠。未幾而仲堪敗。桓玄遂有荊州。

芒籠目。繩縛腹。殷當敗。桓當復。○晉書五行志。宋書五行志。樂府詩集八十九。詩紀四十四。

洪水謠

亦見崔鴻前秦錄。晉書曰。苻洪。字廣世。略陽臨渭氏人也。先是隴右大雨。百姓苦之。謠云云。故因名洪。自稱大單于三秦王。死僞諡惠武帝。

雨若不止。洪水必起。○晉書苻洪載記。魏書苻健傳。御覽百二十一、四百六十五並引前秦錄。詩紀四十四。

隴上童謠

前秦錄曰。苻健皇始二年十二月。丞相雄攻王擢於隴上。敗之。擢單馬奔涼州。雄還屯隴東。初有童謠曰云云。至是而擢敗。

十斗二升沙。誰爲書鈔爲上有謂字。王擢書鈔擢下有屬字。家。○十六國春秋三十四。書鈔百五十九引三十國春秋。

苻生時長安謠二首

晉書曰。苻生。洪之孫。嗣父健位。僭稱帝。初。生夢大魚食蒲。又長安謠云云。東海。苻堅封地。時爲龍驤將軍。第在洛門之東。生不知是堅。以謠言之故。誅其侍中魚遵及其子孫。時又謠云云。於是悉壞空城以禳之。

東海大魚化爲龍。男便御覽或無便字。爲王女爲公。問在何所洛門。御覽或作城。東。○晉書苻生載記。魏書苻健傳附苻生傳。御覽百二十一、四百六十五並引前秦錄。御覽九百二十九。詩紀四十四。

百里望空城。鬱鬱何青青。瞎兒不知法。仰不見天星。生闕一目。○晉書苻生載記。魏書苻健傳附苻生傳。詩紀四十四。

苻堅時長安謠

晉書曰。苻堅時長安有此謠。堅以鳳凰非梧桐不棲。非竹實不食。乃植桐竹數十萬株於阿房城以待之。沖小字鳳凰。至是。終爲堅賊。人止阿房城焉。

鳳凰鳳凰類聚不重鳳凰二字。止阿房。○晉書苻堅載記。魏書慕容暉傳。類聚八十八引三秦記。御覽九百五十六。樂府詩集八十九。詩紀四十四。

苻堅初童謠

晉書曰。苻堅初有此童謠。及堅敗於淝水。爲姚萇所殺。在僞位凡三十年。

阿堅連牽。三十年。後若載記作者後。欲敗時。載記無時字。當在江湖邊。載記作淮間。○晉書五行志。宋書五行志。樂府詩集八十九。詩紀四十四。

苻堅時童謠

晉書載記曰。苻堅彊盛之時。國有童謠云云。堅聞而惡之。每征伐。戒軍候云。地有名新城者。避之。後因壽陽之敗。其國大亂。竟死於新城佛寺。

河水清復詩紀云。一作且。清。苻詔晉書及宋書五行志作堅。死新城。○晉書苻堅載記。晉書二十八。宋書三十一。樂府詩集八十九。詩紀四十四。

同前

晉書曰。有謠云云。魚。羊鮮也。田。斗卑也。堅自號秦。言滅之者鮮卑矣。其羣臣諫堅。令盡誅鮮卑。堅不從。及淮南初爲慕容冲所攻。又爲姚萇所殺。身死國滅。

魚羊田斗當滅秦。○晉書五行志。宋書五行志。詩紀四十四。

苻堅時長安謠

晉書曰。秦之未亂也。長安謠云云。秦人呼鮮卑爲白虜。慕容垂之起於關東。歲在癸未。

長鞘馬鞭擊左股。太歲南行當復初學記作避。御覽同。詩紀云。一作避。虜。○晉書苻堅載記。魏書慕容永傳。初學記二十二、御覽三百五十九並引前秦錄。詩紀四十四。

涼州爲張氏謠

魏書曰。昭成末。苻堅遣將苟萇伐涼州。破之。天錫降於萇。初駿時。謠曰云云。是時姑臧及諸郡國童兒皆歌之。謂劉曜、石虎並伐涼州不克。至堅而降之也。

劉新婦簸米。石新婦吹殺羝。蕩滌簸張兒。張兒食之口正披。○魏書私署涼州牧張天錫傳。

長安民謠

晉書曰。時長安大飢。堅與沖戰。各有勝負。城中有書曰古符傳賈錄。載帝出五將久長得。先是。又謠曰云云。堅大信之。告其太子宏曰。脫如此言。天或導予。今留汝兼總戎政。朕當出隴收兵運糧以給汝。於是率騎數百出如五將。堅至五將山。姚萇遣將軍吳忠圍之。執堅以歸新平。萇乃縊堅於新平佛寺中。

堅入五將山。寰字記作久。御覽無山字。長得。○晉書苻堅載記。魏書苻堅傳。御覽四十四、太平寰宇記三十並引十六國春秋。

苻堅國中謠

晉書曰。初。桓豁聞苻堅國中謠云云。有子二十人皆以石爲名。御覽引晉書曰。謝玄破堅於淮淝。先是有童謠云云。

誰謂爾堅。石打碎。御覽作破。○晉書桓豁傳。御覽三百六十二引晉書。

朔馬謠

晉書曰。孝武太元十四年。苻堅故將呂光僭卽三河王位。光徙西海郡人於諸郡。至是謠云云。頃之。遂相扇動。復徙之於西河。

朔馬心何悲。念舊中心勞。燕雀何徘徊。意欲還故巢。○晉書呂光載記。詩紀四十四。

燕童謠

晉書曰。慕容熙爲政暴虐。其將馮跋、張興。皆坐事奔亡。結盟推慕容雲爲主。因熙出城。閉門距守。熙夜至龍城。

攻北門不剋。爲雲所執。弑之。時義熙二年也。初童謠云云。藁字上有草。下有禾。兩頭然。則禾草俱盡而成高字。雲父名披。小字禿頭。三子。而雲季也。熙竟爲雲所滅。

一束藁。兩頭然。禿頭小兒來滅燕。○晉書慕容熙載記。詩紀四十四。

大風謠

晉書曰。慕容寶嗣位。以慕容德爲都督冀、兗六州諸軍事。鎮鄴。會魏師入中山。寶出奔於薊。時有謠云云。於是德之羣臣勸德僭號稱元。

大風蓬勃揚塵埃。八井三刀卒起來。四海鼎沸中山頽。惟有德人據三臺。○晉書慕容德載記。詩紀四十四。

安帝元興初童謠

宋書曰。晉桓玄既篡。有此童謠。及玄敗。走至江陵。五月中。誅如其期焉。按帝紀。桓玄篡位在安帝元興二年十一月也。

草生及馬腹。烏詩紀作鳥。啄桓玄目。○晉書五行志。宋書五行志。樂府詩集八十九。詩紀四十四。

同前

又曰。桓玄時民謠語云云。征鍾至穢之服。桓四體之下稱。玄目下居上。猶征鍾之廁歌謠。下體之詠民口也。而云落地。墜地之祥。進走之言。其驗明矣。

征鍾落地桓迸走。○晉書五行志。宋書五行志。詩紀四十四。

安帝元興中童謠

宋書曰。晉安帝元興中。桓玄既得志。而有童謠。及玄敗走。諸桓悉誅焉。郎君。司馬元顯也。

長干巷。巷長干。今年殺郎君。明桓玄傳作後。年斬諸桓。○宋書五行志。晉書桓玄傳。樂府詩集八十九。詩紀四十四。

安帝義熙初童謠

晉書曰。安帝義熙初。童謠曰云云。時官養盧龍。龍以金紫。奉以名州。養之已極。而龍不能懷我好音。舉兵內伐。遂成讐敵也。及敗。斬伐其黨。如草木之成積焉。按列傳。盧循。小字元龍。元興二年。寇廣州。逐刺史吳隱。自攝州事。號平南將軍。安帝乃假循征虜將軍。廣州刺史。義熙中。劉裕破循於豫章。循走交州。爲刺史杜慧度所殺。

官家養盧化成御覽作作。荻。蘆生不止自成積。○晉書五行志。宋書五行志。御覽一千引晉中興書徵祥說。樂府詩集八十九。詩紀四十四。

安帝義熙初謠二首

晉書曰。盧龍據有廣州。民間有謠云云。後擁上流數州之地。內逼京輦。應天半之言。時復有謠云云。龍後果敗。不得人石頭。

蘆生漫漫竟天半。○晉書五行志。宋書五行志。樂府詩集八十九。詩紀四十四。

蘆晉書、樂府作盧。橙橙。逐水流。東風忽如起。那得人石頭。○同上

晉世京師謠

異苑曰。盧龍將寇亂。京師謠言曰云云。未幾而敗。

十丈瓦屋八九間。下三字原本無。據古今風謠補。蘆作柱。薤作欄。○異苑四。類聚八十二。

義熙中童謠

異苑曰。義熙中童謠云云。及十一年晉大軍至洛。修復園林。時封琅琊王也。

長有掃帚樞作杷。掃除洛中迎琅琊。○開元占經百十三。

時人爲龐世謠

趙書曰。燕人龐世爲光祿勳。案奏豪強。苛尅人物。咸懼疾之。及卒。門無弔客。時人爲之謠曰。

龐家之巷。車馬鱗鱗。御覽作鱗鱗。泥丸之日無弔賓。弔賓不來南燕錄作至。何所因。由性苛尅寡所親。○御覽四百六十五。十六國春秋六十五南燕錄。

三峽謠

水經注曰。峽中有灘名曰黃牛灘。南岸重嶺疊起。最外高崖間。有色。如人負刀牽牛。人黑牛黃。成就分明。既人跡所絕。莫得究焉。此巖既高。加江湍紆迴。雖途逕信宿。猶望見此物。故行者謠云云。言水路行深。廻望如一矣。

朝發詩紀作見。黃牛。暮宿詩紀作見。黃牛。三朝類聚作日。御覽或同。三暮。御覽或作夜。黃牛如故。○水經注三十四江水篇。類聚七、御覽五十三、六十九、太平寰宇記百四十七並引盛弘之荊州記。詩紀四十四。

葛洪引諺

抱朴子曰。凡爲道。合藥及避亂隱居者。人山不知法者。多遇禍害。故諺有之曰。太華之下。白骨狼藉。○抱朴子登涉篇。

葛洪引諺

抱朴子曰。書字人知之。猶尚寫之多誤。故諺曰云云。此之謂也。

書三寫。魚成魯帝遐覽篇作虛。成虎。○抱朴子遐覽篇。意林四。

干寶引語

搜神記曰。南陽宗定伯。夜行逢鬼。定伯誑之。化爲一羊。便賣之。恐其變化。唾之。得錢千五百乃去。時人語曰。宗搜神記無宗字。定伯賣鬼。得錢千五百。搜神記無百字。○搜神記十六。類聚九十四。

時人爲習主簿語

晉書曰。習鑿齒。字彥威。爲桓溫荊州主簿。親遇隆密。時語曰。

徒三十年看儒書。不如一詣習主簿。○御覽二百六十五。○逮案。二句晉書作桓溫語。

桓溫府爲郗超王珣語

晉書曰。桓溫與超言。常謂不能測。傾意禮待。超亦深自結納。時王珣爲溫主簿。亦爲溫所重。府中語曰云云。超髯珣短故也。

髯參軍。短主簿。能令公喜。書鈔作憲。能令公怒。○晉書郗超傳。世說新語賞譽篇注引續陽秋。書鈔六十五引晉陽秋。類聚十九。御覽二百四十九、四百六十五並引世說。白帖二十一。

時人爲謝安郗超王坦之語

續晉陽秋曰。超少有才氣。越世負俗。不循常檢。爲一代盛譽。時人語曰。

大才槃槃。謝家安。江東獨步。王文度。盛德日新。郗嘉賓。○世說新語賞譽篇注。詩紀四十四作郗王謠。

時人爲郗超王坦之語

晉書曰。王坦之。字文度。弱冠與郗超俱有重名。時人爲之語云云。嘉賓。超小字也。

盛德絕倫。郗嘉賓。江東獨步。王文度。○晉書王坦之傳。御覽四百九十五。詩紀四十四作郗王謠。

同前

世說曰。諺曰。

揚州獨步。王文度。後來出人。郝嘉賓。御覽作景興。○世說新語賞譽篇。御覽二百四十九引晉中興書。

時人爲王廙語

張懷瓘書斷曰。王廙。字世將。琅邪臨沂人。逸少之叔父。工於草隸飛白。祖述張衛遺法。自過江。右軍之前。世將書與荀勗畫爲明帝師。其飛白志氣極古。垂雕鶚之翅羽。類旌旗之卷舒。時人云云云。永昌元年卒。年四十七。

王廙飛白。右軍之亞。○法書要錄八。

時人爲王珉王珣語

晉書曰。王珣。字元琳。法護。珣小字也。珣弟珉。字季琰。少有才藝。善行書。名出珣右。時人爲之語曰云云。僧彌。珉小字也。

法護非不佳。僧御覽或作阿。彌世說注作珍。詩紀同。難爲兄。○晉書王珉傳。世說新語規箴篇注引續晉陽秋。御覽四百九十五、五百十六引續晉陽秋。詩紀四十四。

時人爲李始語

十六國春秋蜀李雄錄曰。異母兄始。字敬伯。爲太保。善撫士衆。衆多歸之。時人爲之語曰。欲養老。屬太保。○御覽二百六。十六國春秋七十九。

長安爲苻堅語

晉書曰。堅每令百姓有怨者舉煙于城北。觀而錄之。長安爲之語曰。

欲得必存。當舉煙。○晉書苻堅載記。魏書慕容永傳。

時人爲梁氏兄弟語

崔鴻前秦錄曰。梁謙。字伯言。博學有雋才。與弟熙。俱以文藻清麗見重一時。人爲之語曰。

關東堂堂。二申兩房。未若二梁。瓌文綺章。○御覽四百九十五。十六國春秋四十二前秦錄。詩紀四十四。

祈嘉夜聞人呼語

晉書曰。嘉。字孔賓。酒泉人也。少清貧。好學。年二十餘。夜聞窗中有聲呼曰云云。旦而逃去。西至敦煌。遂西游海渚。

祈孔賓。祈孔賓。上二句白帖只作祈嘉。御覽不疊句。隱去來。隱去來。白帖不疊句。御覽同。修飾白帖作節。人間。晉書作世。甚苦不可諧。所得未白帖作如。毛銖。所喪如山崖。○晉書祈嘉傳。白帖十。御覽五百三。○遠案。祈孔賓句。白帖作祈嘉。較勝。

南燕人爲公孫氏語

晉書曰。慕容超時。公孫五樓爲侍中、尚書。專總朝政。王公內外。無不憚之。尚書都令史王儼。諂事五樓。遷尚書郎。出爲濟南太守。人爲尚書左丞。時人爲之語曰。
欲得侯。事五樓。○晉書慕容超載記。詩紀四十四。

西州爲麴氏游氏語

晉書曰。麴允。金城人也。與游氏世爲豪族。西州爲之語曰。

麴與游。牛羊不數頭。南開朱門。北望青樓。○晉書麴允傳。詩紀四十三作麴游歌。

西州諺

晉書曰。尹氏。李玄盛后。玄盛之創業也。謀謨經略。多所毗贊。故西州諺曰。

李尹主敦煌。○晉書涼武昭王李玄盛后尹氏傳。

釋道安引諺

一教論曰。諺曰。

紫實味朱。狂斯濫哲。○廣弘明集八。

時人爲釋道安語

高僧傳曰。釋道安遇佛圖澄。澄講安覆。疑難鋒起。安挫銳解紛。行有餘力。時人語云。

漆道人。驚四隣。○高僧傳五釋道安傳。

東山諺

高僧傳曰。于法開有弟子法威。清悟有樞辯。開嘗使威出都。經過山陰。支遁正講小品。往復多番。遁遂屈。故東山諺云。

深量深思。林談識記。○高僧傳四于法開傳。

時人爲卑羅語

高僧傳曰。卑摩羅義。罽賓人。以僞秦弘始八年達自關中。及羅什棄世。南適江陵。於新寺夏坐。開講十誦。道場慧觀。深括宗旨。記其所制內禁輕重。撰爲二卷。送聞京師。僧尼披習。競相傳寫。時聞者諺曰云云。今猶行於世。爲後生法矣。

卑羅鄙語。慧觀才錄。都人繕寫。紙貴如玉。○高僧傳二卑摩羅義傳。

王子年引世語

拾遺記曰。帝堯在位。聖德光洽。羽山之北。有善鳴之禽。人面鳥喙。八翼一足。毛色如雉。行不踐地。名曰青鶴。其聲似鐘磬笙竽也。世語曰。

青鶴鳴。時太平。○拾遺記一。

晉詩卷十九

清商曲辭

清商樂。一曰清樂。清樂者。九代之遺聲。其始卽相和三調是也。並漢、魏已來舊曲。其辭皆古調。晉馬南渡。其音亡散。宋武定關中。收其聲伎。南朝文物。斯爲最盛焉。後魏孝文宣武。相繼南伐。得江左所傳舊曲及江南吳歌荆楚西聲。總謂之清商。至於殿庭饗宴。則兼奏之。隋平陳。文帝聽之。善其節奏。曰。此華夏正聲也。乃微更損益。以新定律呂。因於太常置清商署以管之。謂之清樂。隋室喪亂。日益淪缺。唐貞觀中。用十部樂。清樂亦在焉。至武后長安已後。朝廷不重古曲。工伎廢弛於吳音轉遠矣。曲之存者。僅有子夜、上聲、歡聞、前溪、阿子、丁督護、讀曲、神弦等曲。俱列於吳聲。而西曲則石城樂、烏夜啼、烏棲曲、估客、莫愁、襄陽、江陵、共戲、壽陽等曲。或舞曲。或倚歌。則雜出於荆、郢、樊、鄧之間。以其方俗。故謂之西曲。及梁天監中。武帝改西曲。製江南弄爲龍笛、採蓮、採菱曲。沈約製鳳笙等曲。與西曲總列於清商云。詩紀云。按清商曲古辭雜出各代。子夜爲晉時人。故以繫晉。其他如宋碧玉、華山畿、讀曲、壽陽樂、齊共戲樂、楊叛兒、梁攀楊枝歌。有世代可考者。各從其世。無可考證。如黃生、黃鵠等曲。併附於晉。從其始也。

吳聲歌曲

子夜歌四十二首晉、宋、齊辭。

唐書樂志曰。子夜歌者。晉曲也。晉有女子名子夜。造此聲。聲過哀苦。樂府解題曰。後人更爲四時行樂之詞。謂之子夜四時歌。又有大子夜歌、子夜警歌、子夜變歌。皆曲之變也。

落日出前門。瞻矚見子度。冶容多姿鬢。芳香已盈路。○樂府詩集四十四。詩紀四十一。

芳是香所爲。冶容不敢當。天不奪人願。故使儂見郎。○同上

宿昔不梳頭。絲髮被兩肩。婉伸郎膝下。樂府作上。何處不可憐。○同上

自從別歡來。奩器了不開。頭亂不敢理。粉拂生黃衣。○同上

崎嶇相怨慕。始獲風雲通。玉林詩紀云。一作牀。語石闕。悲思兩心同。詩紀云。石闕。漢碑名。○同上

見娘善樂府作善。注云。一作善。詩紀云。一作喜。容媚。願得結金蘭。空織無經緯。求匹理自難。○同上

始欲識郎時。兩心望如一。理絲人殘機。何悟不成匹。○同上

前絲斷纏樂府云。一作成。綿。意欲結交情。春蠶易感化。絲子已復生。○同上

今日樂府作夕。已歡別。合會在何時。明燈照空局。悠然未有期。○同上

自從別郎來。何日不咨嗟。黃蘗鬱成林。當奈苦心多。○同上

高山種芙蓉。復經黃蘗塢。果得一蓮時。流離嬰辛苦。○同上

朝思出前門。暮思還後渚。語笑向誰道。腹中陰憶汝。○同上
擊枕北窗卧。郎來就儂嬉。小喜多唐突。相憐能幾時。○同上
駐筓不能食。蹇蹇步闌裏。投瓊著局上。終日走博子。○同上
郎爲傍人取。負儂非一事。攤門不安橫。無復相關意。○同上
年少當及時。蹉跎日就老。若不信儂語。但看霜下草。○同上
綠攬走題錦。雙裙今復開。已許腰中帶。誰共解羅衣。○同上
常慮有貳意。歡今果不齊。枯魚就濁水。長與清流乖。○同上
歡愁儂亦慘。郎笑我便喜。不見連理樹。異根同條起。○同上
感歡初殷勤。歎子後遼落。打金側瑋瑁。外豔裏懷薄。○同上
別後涕流連。相思情悲滿。憶子腹糜爛。肝腸尺寸斷。○同上
道近不得數。遂致盛寒違。不見東流水。何時復西歸。○同上
誰能思不歌。誰能饑不食。日冥當戶倚。惆悵底不憶。○同上
擊裙未結帶。約眉出前窗。羅裳易飄颻。小開罵春風。○同上
舉酒待相勸。酒還盃亦空。願因微觴會。心感色亦同。○同上
夜覺百思纏。憂歎涕流襟。徒懷傾筐情。郎誰明儂心。○同上
儂年不及時。其於作乖離。素不知樂府作如。浮萍。轉動春風移。○同上

夜長不得眠。轉側聽更鼓。無故歡相逢。使儂肝腸苦。○同上
歡從何處來。端然有憂色。三喚不一應。有何比松柏。○同上
念愛情慊慊。傾倒無所惜。重簾持自鄣。誰知許厚薄。○同上
氣清明月朗。夜與君共嬉。郎歌妙意曲。儂亦吐芳詞。○同上
驚風急素柯。白日漸微濛。郎懷幽閨性。儂亦恃春容。○同上
夜長不得眠。明月何灼灼。想聞散喚聲。虛應空中諾。○同上
人各既疇匹。我志獨乖違。風吹冬簾起。許時寒薄飛。○同上
我念歡的的。子行由豫情。霧露隱芙蓉。見蓮不分明。○同上
儂作北辰星。千年無轉移。歡行白日心。朝東暮還西。○同上
憐歡好情懷。移居作鄉里。桐樹生門前。出入見梧子。○同上
遣信歡不來。自往復不出。金桐樂府作銅。作芙蓉。蓮子何能實。樂府作貴。○同上
初時非不密。其後日不如。回頭批櫛脫。轉覺薄志疏。○同上
寢食不相忘。同坐復俱起。玉藕金芙蓉。無稱我蓮子。○同上
恃愛如欲進。含羞未肯前。朱口樂府作口朱。發豔歌。玉指弄嬌弦。詩紀云。亦見子夜警歌。○同上
朝日照綺錢。光風動紈素。巧笑蒨兩犀。美目揚雙蛾。○同上

子夜四時歌七十五首晉、宋、齊辭。

春歌二十首

春風動春心。流目矚山林。山林多奇采。陽鳥吐清詩。紀作青。音。○樂府詩集四十四。詩紀四十一。
綠萸帶長路。丹椒重紫荊。樂府作莖。流吹出郊外。共歡弄春英。○同上
光風流月初。新林錦花舒。情人戲春月。窈窕曳羅裾。○同上
妖冶顏蕩飴。景色復多媚。溫風入南牖。織婦懷春意。○同上
碧樓冥初月。羅綺垂新風。含春未及歌。桂酒發清容。○同上
杜鵑竹裏鳴。梅花落滿道。燕女遊春月。羅裳曳芳草。○同上
朱光照綠苑。丹華粲羅星。那能閨中繡。獨無懷春情。○同上
鮮雲媚朱景。芳風散林花。佳人步春苑。繡帶飛紛葩。○同上
羅裳迳紅袖。玉釵明月璫。冶遊步春露。豔覓同心郎。○同上
春林花多媚。春鳥意多哀。春風復多情。吹我羅裳開。○同上
新燕弄初調。杜鵑競晨鳴。畫眉忘注口。遊步散春情。○同上
梅花落已盡。柳花隨風散。歎我當春年。無人相要喚。○同上
昔別鴈集渚。今還燕巢梁。敢辭歲月久。但使逢春陽。○同上

春園花就黃。陽池水方淥。酌酒初滿杯。調絃始成樂。府作終。詩紀云。成一作終。曲。○同上

娉婷揚袖舞。阿那曲身輕。照灼蘭光在。容冶春風生。○同上

阿那曜姿舞。逶迤唱新歌。翠衣發華洛。回情一見過。○同上

明月照桂林。玉臺作朝日照北林。初花錦繡色。誰能不相思。玉臺作春不思。獨在機中織。○玉臺新詠十。樂府詩集四十四。

崎嶇與時競。不復自顧慮。春風振榮林。常恐華落去。○樂府詩集四十四。

思見春花月。含笑當道路。逢儂多欲擿。可憐持自誤。○同上

自從別歡後。歎昔樂府作音。不絕響。黃蘗向春生。苦心隨日長。○同上

夏歌二十首

高堂不作壁。招取四面風。吹歡羅裳開。動儂含笑容。○樂府詩集四十四。詩紀四十一。

反覆華簾上。屏帳了不施。郎君未可前。待我整容儀。○同上

開春初無歡。秋冬更增淒。共戲炎暑月。還覺兩情諧。○同上

春別猶春戀。夏還情更久。羅帳爲誰褰。雙枕何時有。○同上

疊扇放牀上。企想遠風來。輕袖拂華妝。窈窕登高臺。○同上

含桃已中食。郎贈合歡扇。深感同心意。蘭室期相見。○同上

田蠶事已畢。思婦猶苦身。當暑理絺服。持寄與行人。○同上

朝登涼臺上。夕宿蘭池裏。乘風樂府作月。採芙蓉。夜夜得蓮子。○同上

暑盛靜無風。夏雲薄暮起。攜手密葉下。浮瓜沈朱李。○同上

鬱蒸仲暑月。長嘯北樂府作出湖邊。芙蓉始玉臺作如。結葉。拋樂府作花。豔未成蓮。○玉臺新詠十。樂府詩集四十四。

適見載樂府作戴。青幡。二春已復傾。林鵲改初調。林中夏蟬鳴。○樂府詩集四十四。詩紀四十一。

春桃初發紅。惜色恐儂擿。朱夏花落去。誰復相尋覓。○同上

昔別春風起。今還夏雲浮。路遙日月促。非是我淹留。○同上

青荷蓋淥水。芙蓉葩紅鮮。郎見欲採我。我心欲懷蓮。○同上

四周芙蓉池。朱堂敞無壁。珍簾鏤玉牀。繾綣任懷適。○同上

赫赫盛陽月。無儂不握扇。窈窕瑤臺女。冶遊戲涼殿。○同上

春傾桑葉盡。夏開蠶務畢。晝夜理機絲。樂府作縛。知欲早成匹。○同上

情知三夏熱。今日偏獨甚。香巾拂玉席。共郎登樓寢。○同上

輕衣不重綵。颼風故不涼。三伏何時過。許儂紅粉妝。○同上

盛暑非遊節。百慮相纏綿。汎舟芙蓉湖。散思蓮子間。○同上

秋歌十八首

風清覺時涼。明月天色高。佳人理寒服。萬結砧杵勞。○樂府詩集四十四。詩紀四十一。

清露凝如玉。涼風中夜發。情人不還卧。冶遊步明月。○同上

鴻鴈塞南去。乳樂府闕此字。燕指北飛。征人難爲思。願逐秋風歸。○同上

開窗秋樂府一作取。月光滅燭解羅裳。含笑帷幌裏。舉體蘭蕙香。○同上

適憶三陽初。今已九秋暮。追逐泰始樂。不覺華年度。○同上

飄飄初秋夕。明月耀秋輝。握腕同遊戲。庭含媚素歸。○同上

秋夜涼風起。天高星月明。蘭房競妝飾。綺帳待雙情。○同上

涼風樂府作秋。開窗寢。斜月垂光照。中宵無人語。羅幌有雙笑。○同上

金風扇素節。玉露凝成霜。登高去來鴈。惆悵客心傷。○同上

草木不常一作長。榮。顛顛爲秋霜。今遇泰始世。年逢九春陽。○同上

自從別歡來。何日不相思。常恐秋葉零。無復蓮條時。○同上

掘作九州池。盡是大宅裏。處處種芙蓉。婉轉得蓮子。○同上

初寒八九月。獨纏自絡絲。寒衣尚未了。郎喚儂底爲。○同上

秋愛兩兩鴈。春感雙雙燕。蘭鷹接野雞。雉落誰當見。○同上

仰頭看桐樹。桐花特可憐。願天無霜雪。梧子解千年。○同上
白露朝夕生。秋風淒長夜。憶郎須寒服。乘月擣白素。○同上
秋風樂府作夜。人窗裏。羅帳起飄颻。仰頭看明月。寄情千里光。○玉臺新詠十。樂府詩集四十四。詩紀四十一。
別在三陽初。望還九秋暮。惡見東流水。終年不西顧。○樂府詩集四十四。詩紀四十一。

冬歌十七首

淵冰厚三尺。素雪覆千里。我心如松柏。君情玉臺作君心。復何似。○玉臺新詠十。樂府詩集四十四。詩紀四十一。
塗澀無人行。冒寒往相覓。若不信儂時。但看雪上跡。○樂府詩集四十四。詩紀四十一。
寒鳥依高樹。枯林鳴悲風。爲歡顛顛盡。那得好顏容。○同上
夜半冒霜來。見我輒怨唱。懷冰閣中倚。已寒不蒙亮。○同上
躡履步荒林。蕭索悲人情。一唱泰始樂。枯草銜花生。○同上
昔別春草綠。今還墀雪盈。誰知相思老。玄鬢白髮生。○同上
寒雲浮天凝。積雪冰川波。連山結玉巖。修庭振瓊柯。○同上
炭爐却夜寒。重袍樂府作抱。坐疊褥。與郎對華榻。弦歌秉樂府云。一作炳。蘭燭。○同上
天寒歲欲暮。朔風舞飛雪。懷人重衾寢。故有三夏熱。○同上
冬林葉落盡。逢春已復曜。葵藿生谷底。傾心不蒙照。○同上

朔風灑霰雨。綠池蓮水結。願歡攘皓腕。共弄初落雪。○同上
嚴霜白草木。寒風晝夜起。感時爲歡歎。霜鬢不可視。○同上
何處結同心。西陵柏樹下。晃蕩無四壁。嚴霜凍殺我。○同上
白雪停陰岡。丹華耀陽林。何必絲與竹。山水有清音。○同上
未嘗經辛苦。無故彊相矜。欲知千里寒。但看井水冰。○同上
果欲結金蘭。但看松柏林。經霜不墮樂府云。一作墜。地。歲寒無異心。詩紀云。此首一作梁武作。○同上
適見三陽日。寒蟬已復鳴。感時爲歡歎。白髮綠鬢生。○同上

大子夜歌二首

歌謠數百種。子夜最可憐。慷慨吐清音。明轉出天然。○樂府詩集四十五。詩紀四十一。
絲竹發歌響。假器揚清音。不知歌謠妙。聲勢出口心。○同上

子夜警歌二首

鏤椀傳綠酒。雕爐薰紫煙。誰知苦寒調。共作白雪絃。○樂府詩集四十五。詩紀四十一。
恃愛如欲進。含羞出不前。朱口發豔歌。玉指弄嬌絃。○同上

子夜變歌三首

宋書樂志曰。六變諸曲。皆因事制歌。古今樂錄曰。子夜變歌。前作持子送。後作歡娛我送。子夜警歌無送聲。仍作變。故呼爲變頭。謂六變之首也。

人傳歡負情。我自未嘗樂府作常。見。三更開門去。始知子夜變。○樂府詩集四十五。詩紀四十一。

歲月如流邁。春盡秋已至。熒熒條上花。零落何乃駛。○同上

歲月如流邁。行已及素秋。蟋蟀吟堂前。惆悵使儂愁。○同上

上聲歌八首晉、宋、齊辭。

古今樂錄曰。上聲歌者。此因上聲促柱得名。或用一調。或用無調名。如古歌辭所言。謂哀思之音不及中和。梁武因之改辭。無復雅句。

儂本是蕭草。持作蘭桂名。芬芳頓交盛。感郎爲上聲。○樂府詩集四十五。詩紀四十一。

郎作上聲曲。柱促使弦哀。譬如秋風急。觸遇傷儂懷。○同上

初歌子夜曲。改調促鳴箏。四座暫寂靜。聽我歌上聲。○同上

三鼓染烏頭。聞鼓白門裏。擘裳抱履走。何冥不輕紀。○同上

三月寒暖適。楊柳可藏雀。未言涕交零。如何見君隔。○同上

新玉臺作留。衫繡兩襠。樂府作端。注云。一作襠。詩紀云。一作端。迮著玉臺作置。羅裙玉臺作裳。裏。行玉臺作微。步動微玉臺作輕。塵。羅裙玉臺作衣。隨風起。○玉臺新詠十。樂府詩集四十五。詩紀四十一。

補襜與郎著。反繡持貯裏。汗汗莫濺浣。持許相存在。○樂府詩集四十五。詩紀四十一。
春月暝何太。生裙迮羅襪。曖曖日欲冥。從儂門前過。○同上

歡聞歌

古今樂錄曰。歡聞歌者。晉穆帝升平初。歌畢輒呼歡聞不。以爲送樂。後因此爲曲名。今世用莎持乙子代之。語稍訛異也。

遙遙天無柱。流漂萍無根。單身如燧玉臺。樂府作螢。火。持底報郎恩。○玉臺新詠十。樂府詩集四十五。詩紀四十一。

歡聞變歌六首

古今樂錄曰。歡變歌者。晉穆帝升平中。童子輩忽歌於道曰。阿子聞。曲終輒云阿子汝聞不。無幾而穆帝崩。褚太后哭阿子汝聞不。聲既悽苦。因以名之。

金瓦九重牆。玉壁珊瑚柱。中夜來相尋。喚歡聞不顧。○樂府詩集四十五。詩紀四十一。

歡來不徐徐。陽窗都銳戶。耶婆樂府作婆。尚未眠。肝心如椎櫓。○同上

張罾不得魚。不櫓罾空樂府缺空字。歸。君非鷓鴣鳥。底爲守空池。○同上

刻木作班鷁。有翅不能飛。搖著帆檣上。望見千里磯。○同上

鏗臂飲清血。牛羊持祭天。沒命成灰土。終不罷相憐。○同上

駛風何矐矐。帆上牛渚磯。帆作繖子張。船如侶馬馳。○同上

前溪歌七首

宋書樂志曰。前溪歌者。晉車騎將軍沈玩所制。郗昂樂府解題曰。前溪。舞曲也。

憂思出門倚。逢郎前溪度。莫作流水心。引新都捨故。○樂府詩集四十五。詩紀四十一。

爲家不鑿井。擔瓶樂府作擔瓶。下前溪。開穿亂漫下。但聞林鳥啼。○同上

逍遙獨桑頭。北望東武亭。黃瓜被山側。春風感郎情。○同上

黃葛生爛熳。誰能斷葛根。寧斷嬌兒乳。不斷郎殷勤。○同上

黃葛玉臺作葛。結蒙籠。生在洛溪邊。花落逐水玉臺作流。去。何當順流還。玉臺作何見逐流還。還亦不復鮮。玉臺

無末一句。○玉臺新詠十。樂府詩集四十五。詩紀四十一。

逍遙獨桑頭。東北無廣親。黃瓜是小草。春風何足樂。樂府云。一作處。歎。憶汝涕交零。○同上

前溪滄浪映。通波澄淥清。聲弦傳不絕。千載寄汝名。永與天地并。○同上

阿子歌三首

宋書樂志曰。阿子歌者。亦因升平初歌云。阿子汝聞不。後人演其聲爲阿子、歡聞二曲。樂苑曰。嘉興人養鴨兒。鴨兒既死。因有此歌。未知孰是。

阿子復阿子。念汝好顏容。風流世希有。窈窕無人雙。○樂府詩集四十五。詩紀四十一。

春月故鴨啼。獨雄顛倒落。工知悅弦死。故來相尋博。○同上

野田草欲盡。東流水又暴。念我雙飛鳥。饑渴常不飽。○同上

團扇郎六首

古今樂錄曰。團扇郎歌者。晉中書令王珉捉白團扇。與嫂婢謝芳姿有愛。情好甚篤。嫂捶撻婢過苦。王東亭聞而止之。芳姿素善歌。嫂令歌一曲。當赦之。應聲歌曰。白團扇。辛苦五流連。是郎眼所見。珉聞更問之。汝歌何遺。芳姿卽改云。白團扇。鶴頸非昔容。羞與郎相見。後人因而歌之。

七寶畫團扇。燦爛明月光。餉玉臺作與。郎却暄暑。相憶莫相忘。○玉臺新詠十作桃葉答王團扇歌。樂府詩集四十五。詩紀四十一。

青青林中竹。可作白團扇。動搖郎玉手。因風托方便。○玉臺新詠十作桃葉答王團扇歌。樂府詩集四十五。詩紀四十一。攢車薄不乘。步行耀玉顏。逢儂都共語。起欲著夜半。○樂府詩集四十五。詩紀四十一。

團扇薄不搖。窈窕搖蒲葵。相憐中道罷。定是阿誰非。○同上

御路薄不行。窈窕決橫塘。團扇鄣白日。面作芙蓉光。○同上

白練薄不著。趣欲著錦衣。異色都言好。清白爲誰施。○同上

同前

團扇復團扇。持許自遮玉臺作障面。憔悴無復理。羞與郎相見。○玉臺新詠十作桃葉答王團扇歌。詩紀四十一。樂府詩集四十五。

七日夜女郎歌九首

三春怨離泣。九秋欣期歌。駕鸞行日時。月明濟長河。○樂府詩集四十五。詩紀四十一。

長河起秋雲。漢渚風涼發。含欣出霄路。可笑向明月。○同上

金風起漢曲。素月明河邊。七章未成匹。飛燕樂府云。一作鸞。詩紀同。起長川。○同上

春離隔寒暑。明秋暫一會。兩歎別日長。雙情苦樂府作者。饑渴。○同上

婉孌不終夕。一別周年期。桑蠶不作繭。晝夜長懸絲。○同上

靈匹怨離處。索居隔長河。玄雲不應雷。是儂啼歎歌。○同上

振玉下金堦。拭眼矚星蘭。惆悵登雲輶。悲恨兩情殫。○同上

風驟不駕纓。翼人立中庭。簫管且停吹。展我絃離情。○同上

紫霞烟翠蓋。斜月照綺窗。銜悲握離袂。易爾還年容。○同上

長史變歌三首

宋書樂志曰。長史變歌者。晉司徒左長史王厥臨敗所制也。

出儂吳昌門。清水綠碧色。徘徊戎馬間。求罷不能得。○樂府詩集四十五。詩紀四十一。
日樂府作口。和狂風扇。心故清白節。朱門前世榮。千載表忠烈。○同上
朱桂結貞根。芬芳樂府作芳芬。註。一作菲。溢帝庭。陵霜不改色。枝葉永流榮。○同上

黃生曲三首

黃生無誠信。冥彊將儂期。通夕出門望。至晚竟不來。○樂府詩集四十五。詩紀四十一。
崔子信桑條。餒去多樂府作都。餒還。爲歡復摧折。命生絲髮間。○同上
松柏葉青蒨。石榴花葳蕤。乍置前後事。歡今定憐誰。○同上

黃鵠曲四首

列女傳曰。魯陶嬰者。魯陶明之女也。少寡。養幼孤。無彊昆弟。魯人或聞其義將求焉。嬰乃作歌。明己之不更二庭也。魯人聞之。不敢復求。按黃鵠本漢橫吹曲名。

黃鵠參天飛。半道鬱徘徊。腹中車輪轉。君知思憶誰。○樂府詩集四十五。詩紀四十一。

黃鵠參天飛。半道還哀鳴。三年失羣侶。生離傷人情。○同上

黃鵠參天飛。凝翮樂府作疑翮。詩紀作融。今從汲古閣本樂府。爭風回。高翔入玄闕。時復乘雲頽。○同上

黃鵠參天飛。半道還後渚。欲飛復不飛。悲鳴覓羣侶。○同上○逸案。此歌似爲漢代佚篇。

桃葉歌三首

古今樂錄曰。桃葉歌者。晉王子敬之所作也。桃葉。子敬妾名。緣於篤愛。所以歌之。

桃葉映紅花。無風自婀娜。春花映何限。感郎獨採我。○樂府詩集四十五。詩紀四十一。

桃葉復桃葉。桃樹玉臺作葉。連桃根。相憐兩樂事。獨使我殷勤。○玉臺新詠十作王獻之情人桃葉歌。樂府詩集四十五。

桃葉復桃葉。渡江不用楫。但渡無所苦。我自來迎接。玉臺作迎接汝。樂府云。一作我自迎接汝。詩紀同。○玉臺新詠十。

樂府詩集四十五。

同前

桃葉復桃葉。渡江不待櫓。風波了無常。沒命江南渡。○詩紀云。彤管新編作桃葉。○樂府詩集四十五。詩紀四十一。

長樂佳七首

小庭春映日。四角佩琳瑯。樂府作琅。玉枕龍鬚席。郎瞑首何當。○樂府詩集四十五。詩紀四十一。

雌鳩不集林。體潔好清流。貞節曜奇世。長樂戲汀洲。○同上

鴛鴦翻碧樹。皆以戲蘭渚。寢食不相離。長莫過時許。○同上

比翼交頸遊。千載不相離。偕情欣歡念。長樂佳。○同上

欲知長樂佳。中樂府作仲。下同。陵羅淑女。媚蘭雙情諧。○同上

欲知長樂佳。中陵羅雉鳩。美死兩心齊。○同上

欲知長樂佳。中陵羅背林。前溪長相隨。○同上

同前

紅羅複斗帳。四角垂珠玉臺。樂府作朱。璫。玉枕龍鬚席。郎眠何處牀。○玉臺新詠十。樂府詩集四十五。詩紀四十一。

歡好曲三首

淑女總角時。喚作小姑子。容詩紀作空。豔初春花。人見誰不愛。○樂府詩集四十五。詩紀四十一。

窈窕上頭歡。那得及破瓜。但看脫葉蓮。何如芙蓉花。○同上

逶迤總角年。華豔星間月。遙見情傾處。樂府詩紀作廷。今從古樂府。不覺喉中噦。○樂府詩集四十五。古樂府六。詩紀四十一。

懊儂歌十四首

古今樂錄曰。懊儂歌者。晉石崇綠珠所作。唯絲布澀難縫一曲而已。後皆隆安初民間訛謠之曲。

絲布澀難縫。令儂十指穿。黃牛細犢車。遊戲出孟津。○樂府詩集四十五。詩紀四十一。

江中白布帆。烏布禮中帷。潭樂府作揮。如陌上鼓。許是儂歡歸。○同上
江陵去揚州。三千三百里。已行一千三。所有二千在。○同上
寡婦哭城頽。此情非虛假。相樂不相得。抱恨黃泉下。○同上
內心百際起。外形空殷勤。既就頽城感。敢言浮花言。○同上
我與歡相憐。約誓底言者。常欺負情人。郎今果成詐。○同上
我有一所歡。安在深閣裏。桐樹不結花。何有樂府作由。得梧子。○同上
長檣鐵鹿子。布帆阿那起。詫儂安在間。一去三千里。○同上
暫薄牛渚磯。歡不下延板。水深沾儂衣。白黑何在浣。○同上
愛子好情懷。傾家料理亂。攬裳未結帶。落托行人斷。○同上
月落天欲曙。能得幾時眠。悽悽下牀去。儂病不能言。○同上
髮亂誰料理。託儂言相思。還君華豔去。催送實情來。○同上
山頭草。歡少四面風。趨使儂顛倒。○同上
懊惱奈何許。夜聞家中論。不得儂與汝。○同上

神弦歌十一首

古今樂錄曰。神弦歌十一曲。一曰宿阿。二曰道君。三曰聖郎。四曰嬌女。五曰白石郎。六曰清溪小姑。七曰湖就

姑。八日姑恩。九日采菱童。十日明下童。十一日同生。

宿阿曲

蘇林開天門。趙尊閉地戶。神靈亦道同。真官今來下。○樂府詩集四十七。詩紀四十一。

道君曲

中庭有樹自語。梧桐推枝布葉。○同上

聖郎曲

左亦不佯佯。右亦不翼翼。仙人在郎傍。玉女在郎側。酒無沙糖味。爲他通顏色。○同上

嬌女詩二曲

北遊臨河海。遙望中菰菱。芙蓉發盛華。淥水清且澄。弦歌奏聲節。髣髴有餘音。

蹀躞越橋上。河水東西流。上有神仙樂府云。一作仙聖。詩紀同。居。下有西流魚。行不獨自去。樂府無去字。三三三
兩兩俱。○樂府詩集四十七。詩紀四十一。

白石郎曲二曲

白石郎。臨江居。前導江伯後從魚。

積石如玉。列松如翠。郎豔獨絕。世無其二。詩紀無其二三字。○樂府詩集四十七。詩紀四十一。

青溪小姑娘曲

按干寶搜神記曰。廣陵蔣子文。嘗爲秣陵尉。因擊賊傷而死。吳孫權時。封中都侯。立廟鍾山。異苑曰。青溪小姑娘。蔣侯第三妹也。

開門白水。側近橋梁。小姑娘所居。獨處無郎。○樂府詩集四十七。詩紀四十一。

湖就姑曲二曲

赤山湖就頭。孟陽二三月。綠蔽蕒荇藪。

湖就赤山磯。大姑大湖東。仲姑居湖西。○樂府詩集四十七。詩紀四十一。

姑恩曲二曲

明姑遵八風。蕃謁雲日中。前導陸離獸後從。朱鳥麟鳳凰。

茗茗山頭柏。冬夏葉不衰。獨當被天恩。枝葉華葳蕤。○樂府詩集四十七。詩紀四十一。

採蓮童曲二曲

泛舟採菱葉。過摘芙蓉花。扣楫命童侶。齊聲採蓮歌。

東湖扶菰童。西湖採菱芰。不持歌作樂。爲持解愁思。○樂府詩集四十七。詩紀四十一。

明下童曲二曲

走馬上前阪。石子彈馬蹄。不惜彈馬蹄。但惜馬上兒。

陳孔驕赭白。陸郎乘班騅。徘徊射堂頭。望門不欲歸。○樂府詩集四十七。詩紀四十一。

同生曲二曲

人生不滿百。常抱千歲憂。早知人命促。秉燭夜行遊。

歲月如流邁。行已及素秋。蟋蟀鳴空堂。感悵令人憂。○樂府詩集四十七。詩紀四十一。○逮按。子夜變歌第三首與此

同。惟令人作令儂。此襲用文士之作。

西曲歌

三洲歌三曲

唐書樂志曰。三洲。商人歌也。古今樂錄曰。三洲歌者。商客數遊巴陵三江口往還。因共作此歌。其舊辭云。啼將別共來。梁武帝問法雲。聞法師善解音律。此歌何如。法雲曰。應歡會而有別離啼將別。可改爲歡將樂。故其歌和云。三洲斷江口。水從窈窕河。傍流歡將樂。共來長相思。

送歡板橋灣。樂府作彎。相待三山頭。遙見千幅帆。知是逐風流。

風流不暫停。三山隱行舟。願作比目魚。隨歡千里遊。

湘東醺樂府作酺。醪酒。廣州龍頭鎔。玉樽金鏤碗。與郎雙杯行。○樂府詩集四十八。詩紀四十二。

採桑度 七曲

採桑度一曰採桑。唐書樂志曰。採桑因三洲曲而生此聲苑也。採桑度。梁時作。水經曰。河水過屈縣西南爲採桑津。春秋僖公八年。晉里克敗狄于采桑。是也。按古今樂錄曰。採桑度。舊舞十六人。梁八人。卽非梁時作矣。

蠶生春三月。春桑正含綠。女兒採春桑。歌吹當春曲。

冶遊採桑女。盡有芳春色。姿容應春媚。粉黛不加飾。

繫條採春桑。採葉何紛紛。採桑不裝鈎。牽壞紫羅裙。

語歡稍養蠶。一頭養百堰。奈當黑瘦盡。桑葉常不周。

春月採桑時。林下與歡俱。養蠶不滿百。那得羅繡襦。

採桑盛陽月。綠葉何翩翩。攀條上樹表。牽壞紫羅裙。

僞蠶化作繭。爛熳不成絲。徒勞無所獲。養蠶持底爲。○樂府詩集四十八。詩紀四十二。

江陵樂四曲

古今樂錄曰。江陵樂。舊舞十六人。梁八人。

不復蹋踈人。踈地地欲穿。盆隘歡繩斷。蹋壞絳羅裙。
不復出場戲。踈場生青草。試作兩三回。踈場方就好。
陽春二三月。相將蹋百草。逢人駐步看。揚聲皆言好。
甞出後園看。見花多憶子。烏鳥雙雙飛。儂歡今何在。○樂府詩集四十九。詩紀四十二。

青陽度三曲

古今樂錄曰。青陽度。倚歌。凡倚歌悉用鈴鼓。無弦有吹。

隱機倚不織。尋得爛熳絲。成匹郎莫斷。憶儂經絞時。
碧玉擣衣砧。七寶金蓮杵。高舉徐徐下。輕擣只爲汝。
青荷蓋綠水。芙蓉披玉臺作發。紅鮮。下有並根藕。上生並頭玉臺作同心。蓮。樂府作目連。○樂府詩集四十九。詩紀四十二。又玉臺新詠十引末一曲作青陽歌。

青驄白馬八曲

古今樂錄曰。青驄白馬。舊舞十六人。

青驄白馬紫絲韁。可憐石橋根柏梁。
汝忽千里去無常。願得到頭還故鄉。
繫馬可憐著長松。遊戲徘徊五湖中。
借問湖中採菱婦。蓮子青荷可得否。
可憐白馬高纏轡。著地躑躅多徘徊。
問君可憐六萌車。迎取窈窕西曲娘。
問君可憐下都去。何得見君復西歸。
齊唱可憐使人惑。晝夜懷歡何時忘。
○樂府詩集四十九。詩紀四十二。○逮案。可憐白馬曲以下。皆無韻歌詞。

安東平五曲

古今樂錄曰。安東平。舊舞十六人。梁八人。
淒淒烈烈。北風爲雪。船道不通。步道斷絕。
吳中細布。闊幅長度。我有一端。與郎作袴。
微物雖輕。拙手所作。餘有三丈。爲郎別厝。
制爲輕巾。以奉故人。不持作好。與郎拭塵。
東平劉生。復感人情。與郎相知。當解千齡。
○樂府詩集四十九。詩紀四十二。

女兒子二曲

古今樂錄曰。女兒子。倚歌也。

巴東三峽猿鳴悲。夜鳴三聲淚沾衣。

我欲上蜀蜀水難。蹋蹠珂頭腰環環。○樂府詩集四十九。詩紀四十二。

來羅四曲

古今樂錄曰。倚歌也。

鬱金黃花標。下有同心草。草生日已長。人生日就老。

君子防未然。莫近嫌疑邊。瓜田不躡履。李下不正冠。

故人何怨新。切少必求多。此事何足道。聽我歌來羅。

白頭不忍死。心愁皆敖然。遊戲泰始世。一日當千年。○樂府詩集四十九。詩紀四十二。

那呵灘六曲

古今樂錄曰。那呵灘。舊舞十六人。梁八人。其和云。郎去何當還。多叙江陵及揚州事。那呵。蓋灘名也。

我去只如還。終不在道邊。我若樂府作苦。在道邊。良信寄書還。

沿江引百丈。一濡多一艇。上水郎擔篙。何時至江陵。

江陵三千三。何足特樂府作持。作遠。書疏數知聞。莫令信使斷。

聞歡下揚州。相送江津灣。願得篙櫓折。交郎到頭還。
篙折當更覓。櫓折當更安。各自是官人。那得到頭還。
百思纏中心。顛顛爲所歡。與子結終始。折約在金蘭。○樂府詩集四十九。詩紀四十二。

孟珠二曲。一曰丹陽孟珠歌。

古今樂錄曰。孟珠十曲。二曲倚歌。八曲舊舞十六人。梁八人。

人言孟珠富。信實金滿堂。龍頭銜九花。玉釵明月璫。

陽春二三月。草與水同色。攀條摘香花。言是歡氣息。○樂府詩集四十九。詩紀四十二。

同前八曲

人言春復著。我言未渠央。暫出後湖看。蒲菰如許長。

揚州石榴花。摘插雙襟中。葳蕤當憶我。莫持豔他儂。

陽春二三月。草與水同色。道逢遊冶郎。恨不早相識。

望歡四五年。實情將懊惱。願得無人處。回身與郎抱。

陽春二三月。正是養蠶時。那得不相怨。其再許樂府缺此字。詩紀原本同。今從萬曆本詩紀。儂來。

將歡期三更。合冥歡如何。走馬放蒼鷹。飛馳赴郎期。

適聞梅作花。花落已成子。杜鵑繞林啼。思從心下起。

可憐景陽山。若若百尺樓。上有明天子。麟鳳戲中州。詩紀云。一作遊。樂府作遊。○樂府詩集四十九。詩紀四十二。

翳樂三曲

古今樂錄曰。翳樂。一曲倚歌。二曲舊舞十六人。梁八人。

人生歡愛時。少年新得意。一旦不相見。輒作煩冤思。○樂府詩集四十九。詩紀四十二。

同前二曲

陽春二三月。相將舞翳樂。曲曲隨時變。持許豔郎目。

人言揚州樂。揚州信自樂。總角諸少年。歌舞自相逐。○樂府詩集四十九。詩紀四十二。

月節折楊柳歌十三首

正月歌

春風尚蕭條。去故來如樂府作人。新。苦心非一朝。折楊柳。愁思滿腹中。歷亂不可數。○樂府詩集四十九。詩紀四十二。

二月歌

翩翩鳥入鄉。道逢雙燕飛。勞君看三陽。折楊柳。寄言語儂歡。尋還不復久。○同上

三月歌

汎舟臨曲池。仰頭看春花。杜鵑緯林啼。折楊柳。雙下俱徘徊。我與歡共取。○同上

四月歌

芙蓉始懷蓮。何處覓同心。俱生世尊前。折楊柳。捻香散名花。志得長相取。○同上

五月歌

菰生四五尺。素身爲誰珍。盛年將可惜。折楊柳。作得九子粽。思想勞歡手。○同上

六月歌

三伏熱如火。籠窻開北牖。與郎對榻詩紀作躡。坐。折楊柳。同樂府作銅。壚貯蜜漿。不用水洗溴。○同上

七月歌

織女遊河邊。牽牛顧自歎。一會復周年。折楊柳。攬結長命草。同心不相負。○同上

八月歌

迎歡裁衣裳。日月如流樂府作流如。水。白露凝庭霜。折楊柳。夜聞擣衣聲。窈窕誰家婦。○同上

九月歌

甘菊吐黃花。非無杯觴用。當奈許寒何。折楊柳。授歡羅衣裳。含笑言不取。○同上

十月歌

大樹轉蕭索。天陰不作雨。嚴霜半夜落。折楊柳。林中與松柏。歲寒不相負。○同上

十一月歌

素雪任風流。樹木轉枯悴。松柏無所憂。折楊柳。寒衣履薄冰。歡詎知儂否。○同上

十二月歌

天寒歲欲暮。春秋及冬夏。苦心停欲度。折楊柳。沈亂枕席間。纏綿不覺久。○同上

閏月歌

成閨暑與寒。春秋補小月。念子時無樂府作無時。閒。折楊柳。陰陽推我去。那得有定主。○樂府詩集四十九。

雜曲歌辭

西洲曲詩紀云。樂府作古辭。玉臺新詠作江淹。非也。

憶梅下西洲。折梅寄江北。單衫杏子紅。雙鬢鴉雛色。西洲在何處。兩槳橋頭渡。日暮伯勞飛。風吹烏白
廣文選作柏。樹。樹下卽門前。門中露翠鈿。開門郎不至。出門採紅蓮。採蓮南塘秋。蓮花過人頭。低頭弄蓮子。蓮子青如水。置蓮懷袖中。蓮心徹底紅。憶郎郎不至。仰首望飛鴻。鴻飛滿西洲。望郎上青樓。樓高望不見。盡日欄干頭。欄干十二曲。垂手明如玉。卷簾天自高。海水搖空綠。海水夢悠悠。君愁我亦愁。南風知我意。吹夢到西洲。○樂府詩集七十二。詩紀四十三。廣文選十二。

長干曲

逆浪故相邀。菱舟不怕搖。妾家楊子住。便弄廣陵潮。詩紀作朝。誤。○樂府詩集七十二。詩紀四十三。

休洗紅二首

休洗紅。洗多紅色淡。不惜故縫衣。記得初按茜。人壽百年能幾何。後來新婦今爲婆。○詩紀四十三。
休洗紅。洗多紅在水。新紅裁作衣。舊紅番作裏。迴黃轉綠無定期。世事返復君所知。○同上

邯鄲歌詩紀云。以下二首。詩彙列在晉。

回顧灞陵上。北指邯鄲道。短衣妾不傷。南山爲君老。○詩紀四十三。

雜詩

玉釵玉臺作釧。色未分。衫輕似露腕。舉袖欲障羞。迴持理髮亂。○玉臺新詠十作近代雜詩。詩紀四十三。

吳趨行

覆滿蓋重簾。唯有遠相思。藕葉清朝釧。何見早歸樂府云。一作還。時。○樂府詩集六十四次陸機詩後。詩紀二十四
作陸機。

曲池歌

曲池何淡澹。芙蓉蔽清源。榮華盛壯時。見者誰不歡。一朝光采落。見者不迴顏。○古樂苑三十五。

郊廟歌辭

晉江左宗廟歌十三首

曹毗

晉書樂志曰。永嘉之亂。海內分崩。伶官樂器。皆沒於劉、石。江左初立宗廟。以無雅樂器及伶人。省太樂并鼓吹令。是後頗得登歌、食舉之樂。明帝又詔阮孚等增益之。成帝復置太樂官。鳩集遺逸。而尚未有金石也。庾亮爲荊州。與謝尚修復雅樂。未具而亮薨。及慕容儁平冉閔。鄴下樂人頗有來者。永和十一年。謝尚鎮壽陽。採拾樂人。以備太樂。并制石磬。雅樂頗具。太元中。破苻堅。獲其樂工楊蜀等。閑習舊樂。於是四廂金石始備。使曹毗、王珣等增造宗廟歌詩。然郊祀遂不設樂。

歌高祖宣皇帝

於赫高祖。德協靈符。應運撥亂。釐整天衢。勳格宇宙。化動八區。肅以典刑。陶以玄珠。神石吐瑞。靈芝自敷。肇基天命。道均唐虞。○宋書樂志。晉書樂志。樂府詩集八。詩紀三十九。

歌世宗景皇帝

景皇承運。纂隆洪緒。皇維重抗。天暉再舉。蠢矣二寇。擾我揚楚。乃整元戎。以膏齊斧。豐豐神算。赫赫王旅。鯨鯢既平。功冠帝宇。○同上

歌太祖文皇帝

太祖齊聖。王猷誕融。仁教四塞。天基累崇。皇室多難。嚴清紫宮。威厲秋霜。惠過春風。平蜀夷楚。以文

以戎。奄有參墟。聲流無窮。○同上

歌世祖武皇帝

於穆武皇。允龔欽明。應期登禪。龍飛紫庭。百揆時序。聽斷以情。殊域既賓。僞吳亦平。晨流甘露。宵暎朗星。野有擊壤。路垂頌聲。○同上

歌中宗元皇帝

運屯百六。天羅解貫。元皇勃興。網羅晉書作籠。樂府同。江漢。仰齊七政。俯平禍亂。化若風行。澤猶雨散。淪光更耀。宋書、晉書作曜。金輝復煥。德冠千載。蔚有餘粲。○同上

歌肅宗明皇帝

明明肅祖。闡弘帝祚。英風夙發。清暉載路。姦逆縱忒。罔式皇度。躬振朱旗。遂豁天步。宏猷淵晉書作允。塞。高羅雲布。品物咸寧。洪基永固。○同上

歌顯宗成皇帝

於休顯宗。道澤玄播。式宣德音。暢物以和。邁德蹈仁。匪禮弗晉書作不。過。敷以純風。濯以清波。連理映

阜。鳴鳳棲柯。同規放勛。義蓋山河。○同上

歌康皇帝

康皇詩紀作帝。穆穆。仰嗣洪德。爲而不宰。雅音四塞。閑樂府作閑。邪以誠。鎮物以默。威靜區宇。道宣邦國。○同上

歌孝宗穆皇帝

孝宗夙哲。休音允臧。如彼晨離。曜景扶桑。垂訓華幄。流潤八荒。幽讚玄妙。爰該典章。西平僭蜀。北靜舊疆。高猷遠暢。朝有遺芳。○宋書樂志。樂府詩集八。詩紀三十九。

歌哀皇帝

於穆哀皇。聖心虛遠。雅好玄古。大庭是踐。道尚無爲。治存易簡。化若風行。民晉書作時。猶草偃。雖曰登遐。徽音彌闡。悒悒雲韶。盡美盡善。○宋書樂志。晉書樂志。樂府詩集八。詩紀三十九。

歌太宗簡文皇帝

王珣

王珣。字元琳。丞相導之孫。少以清秀稱。大司馬桓溫。辟爲主簿。從討袁真。封東亭侯。孝武時。累遷尚書令。

皇矣簡文。於昭于天。靈明若神。周淡如淵。晉書作川。冲應其來。實與其遷。臺臺宋書作巍巍。心化。日用不言。易而有親。簡而可傳。觀流彌遠。求本逾玄。○宋書樂志。晉書樂志。樂府詩集八。詩紀三十九。

歌烈宗孝武皇帝

王珣

天鑒有晉。欽哉烈宗。同規文考。玄默允龔。晉書作恭。威而不詩。紀作能。猛。約而能通。神鉦一震。九域來同。道積淮海。雅頌自東。氣陶淳晉書作醇。露。化協時雍。○同上

四時祠祀歌

曹毗

肅肅清廟。巍巍聖功。萬國來賓。禮儀有容。鐘鼓振。金石熙。宣兆祚。武開基。神斯樂兮。理管絃。有來斯和。說功德。吐清歌。神斯樂兮。洋洋玄化。潤被九壤。民無不悅。道無不往。禮有儀。樂有式。詠九功。永無極。神斯樂兮。○同上

晉詩卷二十

釋氏

康僧淵

西域人。生於長安。晉成帝時過江。後遇陳郡殷浩。由是改觀。於豫章山立寺講說。卒於寺中。

代答張君祖詩詩紀據廣弘明集編人陳詩。今改列於此。說見前。

省贈法頽詩。經通妙遠。亶亶清綺。雖云言不盡意。殆亦幾矣。夫詩者。志之所之。意迹之所寄也。忘廣弘明集作志。注云。三本、官本作忘。妙玄解。神無不暢。夫未能冥達玄通者。惡得不有仰鑽之詠哉。吾想茂得之形容。雖棲守殊塗。標寄玄同。仰代答之。未足盡美。亦各言其志也。其辭曰。

真朴運既判。萬象森已形。精靈感冥會。變化靡不經。波浪生死徒。彌綸始無名。捨本而逐末。悔吝生有情。胡不絕可欲。反宗歸無生。達觀均有無。蟬蛻豁朗明。逍遙衆妙津。棲凝於玄冥。大慈順變通。化育曷常停。幽閑自有所。豈與菩薩并。摩詰風微指。權道廣弘明集作道。注。明本云。一作道。多所成。悠悠滿天下。孰識秋露情。○廣弘明集三十、詩紀一百七並作康僧淵。

又答張君祖詩

遙望華陽嶺。紫霄籠三辰。瓊巖朗壁廣弘明集云。三本、官本作壁。室。玉潤當作澗。灑靈津。丹谷挺樛樹。季穎奮暉薪。融飈衝天籟。逸響互相因。鸞鳳翔迴儀。虬龍灑飛鱗。中有沖漠士。耽道玩妙均。高尚凝玄寂。萬物息廣弘明集作忽。注云。三本、官本作息。自賓。棲峙遊方外。超世絕風塵。翹想晞眇蹤。矯步尋若人。咏嘯舍之去。榮麗何足珍。濯志八解淵。遼朗豁冥神。研幾廣弘明集作機。注云。元本、明本作幾。通微妙。遺覺忽忘身。居士成有黨。顧盼廣弘明集作眄。非疇親。借問守廣弘明集注云。官本作良。常徒。何以知反真。○廣弘明集三十、詩紀一百七並作庚僧淵。

佛圖澄

澄。西域人。本姓帛氏。少出家。清真務學。以晉永嘉四年來適洛陽。值劉曜寇洛。澄投石勒大將軍郭黑略。勒登位已後。事澄彌篤。石虎遷都於鄴。傾心事澄。晉永和四年卒。年一百一十七。

吟

晉書曰。石季龍大享羣臣於太武前殿。澄吟曰云云。季龍令發殿石下視之。有棘生焉。冉閔。小字棘奴。○遠案。諸石滅於冉閔。

殿乎殿乎。棘子成林。將壞人衣。○晉書佛圖澄傳。高僧傳竺佛圖澄傳。

支遁

支遁。字道林。本姓關氏。陳留人。或云河東林慮人。隱居餘杭山。年二十五出家。後人剡。於沃州小嶺立寺行道。晉哀帝卽位。遣使徵請出都。止東安寺講道。後歸剡山。以晉太和元年終。有集三十卷。

四月八日讚佛詩

三春迭云謝。首夏含朱明。祥祥令詩紀云。一作今。廣弘明集云。宋本、元本作今。日泰。朗朗玄夕清。菩薩彩靈和。眇然因化生。四王應期來。矯掌承玉形。飛天鼓弱羅。騰擢散芝英。綠廣弘明集作綠。瀾頽龍首。縹廣弘明集作縹。注云。三本作縹。藥翳流泠。廣弘明集作冷。芙廣弘明集云。宋本、宮本作扶。藥育神。廣弘明集作紳。注云。三本作神。葩。傾柯獻朝榮。芬廣弘明集作芳。注云。明本云。一作芳。津霈四境。甘露凝玉瓶。珍祥盈四八。玄黃曜紫庭。感降廣弘明集作隆。注云。三本作降。非情想。恬怕泊同。無所營。玄根泯。廣弘明集作民。注云。明本作泯。靈府。神條秀形名。圓光朗東旦。金姿艷春精。含和總八音。吐納流芳。廣弘明集注云。三本、宮本作芬。馨。跡隨因溜。廣弘明集作價。注云。三本作溜。宮本作溜。浪。心與太虛冥。六度啓窮俗。八解濯世纓。慧澤融無外。空同忘。廣弘明集作妄。注云。三本、宮本作忘。化情。○廣弘明集三十。詩紀三十七。

詠八日詩三首

大塊揮冥樞。昭昭兩儀映。萬品誕遊華。澄清凝玄聖。釋迦乘虛廣弘明集作靈。注云。三本、官本作虛。會。圓神秀機正。交養衛恬和。廣弘明集注云。官本作如。靈知溜性命。動爲務下尸。寂爲無中鏡。○廣弘明集三十。詩紀三十七。真人播神化。流淳良有因。龍潛兜術邑。漂景閭浮濱。佇駕三春謝。飛轡朱明旬。八維披重藹。廣弘明集作藹。注云。宋本、明本、官本作藹。九霄落芳津。玄祇廣弘明集作祇。獻萬舞。般遮奏伶倫。淳白凝神宇。蘭泉浹色身。投步三才泰。揚聲五道泯。不爲故爲貴。忘奇故奇神。○同上。緬哉玄古思。想託因事生。相與圖靈器。像也像彼形。黃裳羅帕廣弘明集注云。宋本、官本作帕。質。元服拖緋青。神爲恭者惠。跡爲動者行。虛堂陳藥餌。蔚然起奇榮。疑似垂噦廣弘明集作噦。注云。三本、官本作噦。微。我諒作者情。於焉遺所尚。肅心擬太清。○同上

五月長齋詩

炎精育仲氣。朱離吐凝陽。廣漢潛涼廣弘明集作源。注云。三本作涼。變。凱風乘和翔。令月肇清齋。德澤潤無疆。廣弘明集注云。宋本作疆。四部欽嘉期。潔己升雲廣弘明集作虛。注云。三本作雲。官本作靈。堂。靜晏和春暉。夕惕厲秋霜。蕭條詠林澤。恬愉味城傍。逸容研沖蹟。綵綵運宮商。匠者握神標。乘風吹玄芳。淵汪道行深。婉婉化理長。亶亶維摩虛。德音暢遊方。罩罕廣弘明集作罕。妙傾玄。絕致由近藏。廣弘明集作藏。注云。明本作藏。略略

微容簡。八言振道綱。掇煩練陳句。臨危折婉章。浩若驚鷗散。罔若揮夜光。寓言豈所託。意得筌自喪。霑
霑妙習融。靡靡輕塵亡。蕭索情牖頽。寥郎神軒張。誰謂冥津遐。一悟可以航。廣弘明集作抗。注云。三本、官本作
航。願爲海遊師。權施人滄浪。騰波濟。廣弘明集作滂。注云。三本、官本作濟。漂客。玄歸會道場。○廣弘明集三十。詩紀
三十七。

八關齋詩二首并序

間與何驃騎期。當爲合八關齋。以十月二十二日。集同意者在吳縣土山墓下。三日清晨爲齋始。道士
白衣凡二十四人。清和肅穆。莫不靜暢。至四日朝。衆賢各去。余既樂野室之寂。又有掘藥之懷。遂便
獨住。於是乃揮手送歸。有望路之想。靜拱虛房。悟外身之真。登山採藥。廣弘明集無藥字。注云。三本作採藥。
集巖水之娛。遂援筆染翰。以慰廣弘明集作尉。注云。三本、官本作慰。二二三之情。

建意營法齋。里仁契朋。廣弘明集作契朋。注云。三本作契朋。儔。廣弘明集作儔。注云。元、明本作儔。相與期良晨。沐浴
造閑丘。穆穆升堂賢。皎皎清心修。窈窕八關客。無捷。廣弘明集注云。宋本、官本作捷。自綢繆。寂默五習真。晷
晷勵廣弘明集作羈。注云。元、明本作勵。心柔。法鼓進三勸。激切清訓流。悽愴願弘濟。闔堂皆同舟。明明玄表
聖。應此童蒙求。存誠夾室裏。三界讚清休。嘉祥歸宰相。藹若慶雲浮。○廣弘明集三十。詩紀三十七。

三悔啓前朝。雙儼暨中夕。鳴禽戒朗旦。備禮寢玄役。蕭索庭賓離。飄飄隨風適。踟躕歧路嶠。揮手謝內
析。廣弘明集作中析。注云。三本作內析。輕軒馳中田。習習陵電擊。息心投佯步。零零振金策。引領望征人。悵

恨孤思積。咄矣形非我。外物固已寂。吟詠歸虛房。守真玩幽蹟。雖非一往遊。且以閑自釋。○同上

靖一潛蓬廬。悄悄詠初九。廣漠排林篠。流飈灑隙牖。從容遐想逸。採藥登崇阜。崎嶇升千尋。蕭條臨萬

廣弘明集注云。宋、元、官本作方。按方乃万之訛。積沙本正作万。畝。望山樂榮松。瞻澤哀素柳。解帶長陵岐。廣弘明集作

岐。注云。三本、官本作岐。婆娑清川右。冷廣弘明集作冷。風解煩懷。寒泉濯温手。寥寥神氣暢。欽若盤廣弘明集作

盤。注云。三本、官本作盤。春藪。達度冥三才。恍廣弘明集云。三本、官本作況。惚喪神偶。遊觀同隱丘。愧無連化肘。

○同上

詠懷詩五首

傲兀乘尸素。日往復月旋。弱喪困風波。流浪逐物遷。中路高韻益。廣弘明集作溢。注云。明本作益。窈窕欽重

玄。重玄在何許。採真遊理間。苟廣弘明集注云。三本作苟。簡爲我養。逍遙使我閑。寥寥心神瑩。含虛映自然。

齶齶沈情去。彩彩廣弘明集作綵綵。注云。三本、官本作彩彩。冲懷鮮。踟躕觀象物。未始見牛全。毛鱗有所貴。所

貴在忘筌。○廣弘明集三十。詩紀三十七。

端坐鄰孤影。眇罔玄思劬。偃蹇收廣弘明集作收。注云。三本收。神轡。領畧綜名書。涉老哈詩紀云。一作怡。廣弘明集

作哈。注云。宋、元、官三本作哈。明本作怡。雙玄。披莊玩太初。詠發清風集。觸思皆恬愉。俯欣質文蔚。仰悲二匠

徂。蕭蕭柱下迥。寂寂蒙廣弘明集作濛。注云。三本、官本作蒙。邑虛。廓矣千載事。消液歸空無。無矣復何傷。萬

殊歸一塗。道會貴冥想。罔象掇玄珠。悵快濁水際。廣弘明集作澄。注云。三本作際。官本作濛。幾忘映清渠。反鑒

歸澄漠。容與含道符。心與理理密。形與物物疏。蕭索人事去。獨與神明居。○同上

晞陽熙春圃。悠緬歎時往。感物思所託。蕭條逸韻上。尚想天台峻。髣髴巖階仰。冷廣弘明集作冷。風灑蘭林。管瀨廣弘明集作瀨。注云。三本、官本作瀨。奏清響。霄崖育靈藹。神蔬廣弘明集作蔬。含潤長。丹沙映翠瀨。芳芝曜五爽。茗茗重岫深。寥寥石室朗。中有尋化士。外身解世網。抱朴鎮有心。揮玄拂無想。隗隗廣弘明集注云。官本作峩峩。形崖頽。罔罔神宇敞。宛轉元廣弘明集作無。注云。三本作元。造化。縹瞥鄰大廣弘明集作人。注云。明本作大。象。願投若人蹤。高步振策杖。○同上

閑邪託靜室。寂寥虛且真。逸想流巖阿。朦朧廣弘明集作矇矓。注云。元本、明本作朦朧。望幽人。慨矣玄風濟。廣弘明集作濕。注云。三本作濟。官本作澡。明本作滋。詩紀云。一作滋。皎皎離染純。廣弘明集作沌。注云。三本、官本作純。時無問道睡。行歌將何因。靈溪無驚浪。四岳無埃塵。余將遊其嶠。解駕輟廣弘明集作掇。注云。三本、官本作輟。飛輪。芳泉代甘醴。山果兼時珍。修林暢輕跡。石宇庇微身。崇虛習本照。損無歸昔神。曖曖煩情故。零零沖廣弘明集作仲。注云。三本、官本作沖。氣新。近非域中客。遠非世外臣。愴廣弘明集作悵。怕廣弘明集注。明本云。一作澹泊。詩紀云。一作淡泊。爲無德。廣弘明集作爲。注云。三本、官本作德。孤哉自有鄰。○同上

坤基葩簡廣弘明集云。宋本、官本作蘭。秀。乾光流易穎。神理速不疾。道會無陵騁。廣弘明集作逞。注云。三本、官本作騁。超超介廣弘明集云。宋、元本、官本作分。詩紀云。一作分。石人。握玄攬機領。余生一何散。分不謬天挺。沈無冥到韻。變不揚蔚炳。冉冉年往遠。廣弘明集云。宋本、官本作返。悠悠化期永。翹首希玄津。想登故未正。生途廣弘明集作塗。注云。宋本、官本作徒。元、明本作途。雖十三。日已造死境。願得無身廣弘明集云。明本作生。道。廣弘明集作理。注

云。三本、官本作道。高栖廣弘明集作道高。注云。三本、官本作高栖。冲默靖。○同上

述懷詩二首

翔鸞鳴崑嶸。逸志騰冥虛。惚恍廣弘明集作恍。注云。三本、官本作恍。迴靈翰。息廣弘明集作色。注云。三本、官本作息。肩棲南嶠。濯足戲廣弘明集作虧。注云。三本作戲。流瀾。採練銜神蔬。廣弘明集作疏。注云。三本作疏。高吟漱廣弘明集云。宋、元、官本作瀨。芳醴。頡頏登神梧。蕭蕭猗廣弘明集作椅。注云。明本作猗云。一作椅。詩紀云。一作椅。明翮。眇眇育清軀。長想玄運夷。傾首俟靈符。河清誠可期。戢翼令人劬。○廣弘明集三十。詩紀三十七。

鬣角敦大道。弱冠弄廣弘明集云。官本作算。雙玄。逡巡釋長羅。高步尋帝先。妙損階玄老。忘懷浪濠川。達觀無不可。吹累皆自廣弘明集云。宋本作音。官本作息。然。窮理增廣弘明集作曾。注云。三本、官本作增。靈薪。昭昭神火傳。熙怡安冲漠。優游樂靜閑。膏腴無爽味。婉孌非雅絃。恢心委形度。豐豐隨化遷。○同上

詠大德詩

遐想存玄哉。冲風一何敞。品物緝榮熙。生塗連惚恍。既喪大澄真。物誘則智蕩。昔聞庖丁子。揮戈在廣弘明集作任。注。明本云。一作任。詩紀云。一作任。神往。苟能嗣冲音。攝生猶指掌。乘彼來物間。投此默照朗。邁度推卷舒。忘懷附罔象。交廣弘明集云。明本云。一作天。詩紀云。一作天。樂盈胸襟。神會流俯仰。大同羅萬殊。蔚若

充旬網。寄旅海漚。廣弘明集作驅。注云。宋、元、官本作驅。明本作漚。鄉。委化同天壤。○廣弘明集三十。詩紀三十七。

詠禪思道人詩并序

孫長樂作道士坐禪之像。并而讚之。可謂因俯對以寄誠心。求廣弘明集云。明本作來。參焉於衡軛。廣弘明集云。宋、元、官本作扼。圖巖林之絕勢。想伊人之在茲。余精其制作。美其嘉文。不能默已。聊著詩一首。以繼于左。其辭曰。

雲岑竦太荒。落落英岳。廣弘明集作岳。注云。三本、官本作岳。布。迴壑佇蘭泉。秀嶺攢嘉樹。蔚蒼微遊禽。廣弘明集作禽。注云。三本、官本作禽。崢嶸絕蹊路。中有沖希子。端坐慕。廣弘明集注。明本云。一作摩。詩紀云。一作摩。太素。自強敏天行。弱志慾。廣弘明集作欲。注云。三本、官本作慾。無欲。廣弘明集作去。注云。宋、元、官本作欲。喻音。明本作欲。音喻。玉質凌風霜。淒淒厲清趣。指心契寒松。綢繆諒歲暮。會衷兩息間。綿綿進禪務。投一滅官知。攝二由神遇。承蜩累危丸。廣弘明集云。元本作九。累十亦凝。廣弘明集云。宋本、官本作疑。注。懸想元。廣弘明集作心無。注云。三本作想元。官本作想無。氣地。研幾。廣弘明集作妙研。注云。三本作研幾。革羸慮。冥懷夷震驚。怕然肆幽度。曾筌攀六淨。空同浪廣弘明集作浪。注云。元、明本作浪。七住。逝虛乘有來。永爲有待馭。○廣弘明集三十。詩紀三十七。

詠利城山居

五嶽盤廣弘明集作磐。注云。三本、官本作盤。神基。四瀆涌蕩津。動求目。廣弘明集云。宋、明及官本作自。方智。默守標靜

仁。苟不宴出處。託好有常因。尋元存終古。洞往想逸民。玉潔箕廣弘明集作其。巖下。金聲濼廣弘明集作漱。注云。三本、官本作濼。沂濱。捲華藏紛霧。振褐拂埃塵。跡從尺廣弘明集作道。注云。三本、官本作尺。蠖屈。道與騰龍伸。峻無單豹伐。廣弘明集云。宋本、官本作代。分非首陽真。長嘯歸林嶺。廣弘明集云。宋、元、官本作領。瀟灑廣弘明集作條。注云。三本、官本作灑。任陶鈞。廣弘明集作均。注云。三本、官本作鈞。○廣弘明集三十。詩紀三十七。

鳩羅摩什

天竺人。秦苻堅遣將呂光伐龜茲致之。堅爲姚萇所害。什留光所。姚興西破呂隆。迎什至長安。晉義熙五年卒。

十喻詩

一喻以喻空。空必待此喻。借言以會意。意盡無會處。既得出長羅。住此無所住。若能映斯照。萬象無來去。○類聚七十六。詩紀三十七。

釋道安

道安。俗姓衛。常山扶柳人。年十二出家。歷石虎、冉閔、慕容儁世。後避亂襄陽。撰集衆經錄目。襄陽陷入秦。居長安五里寺。苻堅建元二十一年卒。

答習鑿齒嘲

晉書曰。道安曰。

猛虎當道食。不覺蚊蚋來。○御覽九百四十五。○遼案。習氏嘲道安曰。大鵬從南來。衆鳥皆戢翼。何忽凍老鴟。臍臍低頭食。則此乃道安答什。

釋慧遠

慧遠。雁門樓煩人。本姓賈氏。年二十一遇釋道安。以爲師。後隨道安襄陽。孝武初。襄陽陷。移居廬山。江州刺史桓伊爲起東林寺。義熙十二年卒。年八十三。有集十二卷。

廬山東林雜詩

詩紀云。一作遊廬山。

崇岩吐清氣。幽岫棲神跡。希聲奏羣籟。響出山溜滴。有客獨冥遊。徑然忘所適。揮手撫雲門。靈關安足關。流升菴詩話作留。詩紀云。一作留。心叩玄扃。廬山記作聽。感至理弗隔。孰是騰九霄。不奮沖天翮。妙同趣自均。廬山記作杓。一悟超三益。○廬山記。升菴詩話。詩紀三十七。

廬山諸道人

遊石門詩

并序

石門在精舍南十餘里。一名障山。基連大嶺。體絕衆阜。闢三泉之會。並立而開流。傾巖玄映其上。蒙

形表於自然。故因以爲名。此雖廬山之一隅。實斯地之奇觀。皆傳之於舊俗。而未覩者衆。將由懸瀨險峻。人獸迹絕。逕迴曲阜。路阻行難。故罕經焉。釋法師以隆安四年仲春之月。因詠山水。遂杖錫而遊。于時交徒同趣三十餘人。咸拂衣晨征。悵然增興。雖林壑幽邃。而開塗競進。雖乘危履石。並以所悅爲安。既至則援木尋葛。歷險窮崖。猿臂相引。僅乃造極。於是擁勝倚巖。詳觀其下。始知七嶺之美蘊奇於此。雙闕對峙其前。重巖映帶其後。巒阜周迴以爲障。崇巖四營而開宇。其中則有石臺石池。宮館之象。觸類之形。致可樂也。清泉分流而合注。淥淵鏡淨於天池。文石發彩。煥若披面。檉松芳草。蔚然光目。其爲神麗。亦已備矣。斯日也。衆情奔悅。矚覽無厭。遊觀未久。而天氣屢變。霄霧塵集。則萬象隱形。流光迴照。則衆山倒影。開闔之際。狀有靈焉。而不可測也。乃其將登。則翔禽拂翮。鳴猿厲響。歸雲迴駕。想羽人之來儀。哀聲相和。若玄音之有寄。雖髣髴猶聞。而神以之暢。雖樂不期歡。而欣以永日。當其沖豫自得。信有味焉。而未易言也。退而尋之。夫崖谷之間。會物無主。應不以情而開興。引人致深若此。豈不以虛明朗其照。閒邃篤其情耶。並三復斯談。猶昧然未盡。俄而太陽告夕。所存已往。乃悟幽人之玄覽。達恆物之大情。其爲神趣。豈山水而已哉。於是徘徊崇嶺。流目四矚。九江如帶。丘阜成垤。因此而推。形有巨細。智亦宜然。乃喟然嘆。宇宙雖遐。古今一契。靈鷲邈矣。荒途日隔。不有哲人。風跡誰存。應深悟遠。慨焉長懷。各欣一遇之同歡。感良辰之難再。情發於中。遂共詠之云爾。

超興非有本。理感興自生。忽聞石門遊。奇唱發幽情。褰裳思雲駕。望崖想曾城。馳步乘長岩。不覺質有輕。矯首登靈闕。眇若凌太清。端坐運虛論。轉彼玄中經。神仙同物化。未若兩俱冥。○古詩類苑百二。詩紀

三十七。

廬山諸沙彌

觀化決疑詩

謀始創大業。問道叩玄篇。妙唱發幽蒙。觀化悟自然。觀化化已及。尋化無間然。生皆由化化。化化更相纏。宛轉隨化流。漂浪入化淵。五道化爲海。孰爲知化仙。萬化同歸盡。離化化乃玄。悲哉化中客。焉識化表年。○古詩類苑百一。詩紀三十七。

史宗

史宗。不知何許人。常著麻衣。世號麻衣道士。

詠懷詩

高僧傳曰。宗常在廣陵白土埭。憑埭謳唱。引絃以自欣暢。得直隨以施人。時高平檀祇爲江都令。聞而召來。應對機捷。無所拘滯。博達稽古。辨說玄儒。乃賦詠懷詩一首。檀祇知非常人。遣還所在。遺布二十疋。悉以乞人。

有欲苦不足。無欲亦詩話作卽。無憂。未若清虛者。帶索被詩話作披。高僧傳注云。三本、官本作披。玄裘。浮遊一世。詩話作州。間。泛若不繫舟。方詩話作要。當畢塵累。詩話作慮。栖志詩話作息。老山丘。○高僧傳本傳。詩話總龜四十五。

詩紀三十七。

帛道猷

本姓馮。山陰人。居若邪山。少以篇牘著稱。性率素。好丘壑。一吟一詠。有濠上之風。

陵峯採藥觸興爲詩

釋氏古詩題云。寄道壹。有相招之意。高僧傳曰。猷與道壹經有講筵之遇。後與一書。因贈詩云。

連峯數千里。修林帶平津。雲過遠山翳。風至梗荒榛。茅茨隱不見。雞鳴知有人。閒步踐其徑。處處見遺薪。始知百代下。故有上皇民。○高僧傳道壹傳。詩紀三十七。

竺僧度

本姓王。名晞。字玄宗。東莞人。

答苕華詩

高僧傳曰。度少孤獨。與母居。求同郡楊德慎女。女字苕華。未及成禮。苕父母繼亡。度母亦卒。度覩世代無常。乃捨俗出家。改名僧度。苕華服畢。自惟三從之義。無獨立之道。乃與度書並贈詩。度答書報詩。於是專精佛法。後不知所終。

機運無停住。倏忽歲時過。巨石會當竭。芥子豈云多。良由去不息。故令川上嗟。不聞榮啓期。皓首發清歌。布衣可暖身。誰論飾綾羅。今世雖云樂。當奈後生何。罪福良由已。寧云已恤他。○高僧傳竺僧度傳。詩紀三十七。

楊苕華

贈竺度詩

大道自無窮。天地長且久。巨石故叵消。芥子亦難數。人生一世間。飄若風高僧傳作忽若。注云。三本、宮本作若風。過牖。榮華豈不茂。日夕就彫朽。川上有餘吟。日斜思鼓缶。清音可娛耳。滋味可適口。羅紈可飾軀。華冠可耀首。安事自剪削。孰空以害有。不道妾區區。但令君恤後。○同上

釋道寶

本姓王。琅邪人。晉丞相導之弟。

詠詩

高僧傳曰。弱年信悟。避世辭榮。親舊諫止。莫之能制。香湯澡浴。將就下髮。乃詠曰。
安知萬里水。初發濫觴時。○高僧傳竺法崇傳。

竺法崇

詠詩

高僧傳曰。後還剡之葛峴。茅庵飲澗。取欣東甌。學者競往湊焉。與隱士魯國孔淳之相遇。每盤遊極日。輒信宿忘歸。後淳之別游。崇詠曰。

皓高僧傳注。明本作浩。然之氣。猶在心目。山林之士。往而不反。當作復。○高僧傳竺法崇傳。

竺曇林

襄陽道人。

爲桓玄作民謡詩二首

宋書曰。司馬元顯時民謡詩。此詩云襄陽道人竺曇林所作。多所道行於世。孟顛釋之曰。十一口者。玄字象也。木亘。桓也。桓氏當悉走人關洛。故云浩浩鄉也。金刀。劉也。倡義諸公多姓劉。媿媿。美盛貌也。

當有十一口。當爲兵所傷。木亘當北度。走人浩浩鄉。○宋書五行志。

金刀既以刻。媿媿金城中。○同上

晉詩卷二十一

仙道

葛洪

洪。字稚川。丹楊句容人。吳方士玄從孫。曾參廣州刺史嵇含軍事。含遇害。還鄉。元帝爲丞相。辟爲掾。以功賜爵關內侯。咸和初。求爲句漏令。刺史鄧嶽表爲東官太守。不就。卒。年八十一。有抱朴子內篇二十一卷、外篇五十一卷、神仙傳十卷、肘後方六卷、神仙服食藥方一卷。

洗藥池詩

池在贛州興國縣。洪過境。見山靈水秀。遂結廬築壇。鑿池洗藥。留四言詩一首。

洞陰泠泠。風佩清清。仙居永劫。花木長榮。○金陵玄觀志。詩紀三十二。○遠案。詩殆後人僞託。

法嬰玄靈之曲二首

漢武帝內傳曰。元封元年七月七日。西王母降於漢宮。王母自設天厨。精妙非常。酒觴數徧。王母命諸侍玉女作

樂。命法嬰歌玄靈之曲。乃遣侍女招上元夫人。夫人至。自彈雲琳之琴。歌步玄之曲。

大象雖寥廓。御覽作云寥。無上秘要同。我把天地無上秘要作九天。戶。披雲沉御覽作汎。靈輿。無上秘要作汎八景。倏內傳作條。御覽同。忽適下土。空洞成玄音。至精不容治。太御覽作泰。真嘘御覽作靈。中唱。無上秘要作唱扶宮。始知無上秘要作何悟。風塵苦。頤神三田中。納御覽作約。精六闕下。遂乘萬龍楫。馳騁眇詩紀作盼。九野。○漢武帝內傳。詩紀外集一。又御覽五百七十二引戶、土、苦、下四韻。無上秘要二十引戶、土、苦三韻。○遠案。漢武帝內傳乃葛洪撰。余嘉錫四庫提要辨證已有說明。而其所載歌辭。題材思想風格尤與晉人其他降真詩同。蓋葛洪所造也。

玄圃遏北臺。五城煥峩峩。啓彼無涯津。泛此織女河。仰止內傳作上。升絳庭。下遊月御覽作日。窟阿。顧盼內傳作眇。八落外。指招御覽作遠指。九雲御覽作空。遐。忽已不覺勞。詩紀作忽不覺心榮。豈悟詩紀作吾。少與多。撫內傳作無。璈命衆女。詠歌發內傳作發感。中和。妙暢自然樂。爲此玄雲歌。韶盡至韻存。真音辭無邪。○漢武帝內傳。詩紀外集一。又御覽五十六引阿、遐二韻。

上元夫人步玄之曲

漢武帝內傳曰。上元夫人自彈雲林之璈。鳴絃駭調。清音靈朗。玄鳳四發。迺歌步玄之曲。辭曰。

昔御覽作黃。涉玄真道。騰步登太霞。負笈造天關。借問太上家。忽過紫微垣。御覽作圃。真人列如麻。淥景清
飈起。雲蓋映朱葩。蘭宮類聚作房。御覽同。敞類聚作闕。御覽同。琳詩紀作朱。闕。諸真歌頌作珠扇。碧空起內傳作落。瑤
類聚作啓瓊。御覽、諸真歌頌同。沙。丹臺結空構。諸真歌頌作棣。曄曄內傳作曄。生光華。飛鳳蹀躞峙。燭龍倚委蛇。玉

胎來絳芝。九色紛相挈。挹景練仙骸。萬劫方童牙。誰詩紀作唯。言壽御覽作終。有諸真歌頌作有壽前。終。扶桑不爲查。○漢武帝內傳。雲笈七籤九十六。諸真歌頌。詩紀外集一。又類聚四十三引葩、沙二韻。御覽五百七十二引霞、家、麻、葩、沙、華、查七韻。

四非歌

漢武帝內傳曰。王母又命侍女四非答歌曰。

晨登太霞宮。挹此八詩紀作枇杷。王諸真歌頌作王。御覽作玉水。蘭。夕人玄元御覽作圃。闕。采蕊掇雲笈七籤作撥。諸真歌頌同。琅玕。濯足匏御覽作瓠。瓜河。織女立津盤。吐納挹御覽作抱。景雲。味之當一餐。紫微何濟濟。璠雲笈七籤作瓊。諸真歌頌同。輪服內傳作復。朱丹。朝發汗漫府。暮宿勾御覽作鈎。陳垣。去去雲笈七籤作之。諸真歌頌同。道不同。且各詩紀作吝。體所安。二儀設內傳作沒。雲笈七籤、諸真歌頌作復。猶存。奚疑億萬椿。莫與世人說。行尸言此難。○漢武帝內傳。雲笈七籤九十六。諸真歌頌。詩紀外集一。又御覽五百七十二引蘭、玕、盤、瓠、垣、難六韻。○逮案。四非。御覽作田四非。雲笈七籤等作田四妃。

曹毗

杜蘭香贈詩

杜蘭香傳曰。晉太康中。蘭香降張碩。爲詩贈碩云云。摩奴是香御車奴。曾忤其旨。是以自御。碩說如此。縱轡代摩奴。須臾就尹喜。○御覽五百。

杜蘭香作詩

杜蘭香別傳曰。杜蘭香。自稱南陽人。以建興四年春數詣張傳。傳年十七。望見其車在門外。婢通言。阿母所生。遺授配君。君可不敬從。傳先改名碩。碩呼女前視。可十八九。說事邈然久遠。有婢子二人。大者萱枝。小者松枝。鈿車青牛。上飲食皆備。作詩曰云云。至其年八月旦來。復作詩曰云云。出薯豫子三枚。大如雞子。云食此令君不畏風波。辟寒溫。碩食二枚。留一。香令碩盡食。言本爲君作妻。情無曠遠。以年命未合。有小乖。太歲東方卯。當還求君。阿母處靈岳。時遊雲霄際。衆女侍羽儀。不出墉。詩紀誤作墉。宮外。飈類聚作飄。搜神記同。輪送我來。豈復耻塵穢。從我與福俱。嫌我與禍會。○類聚七十九。搜神記一。詩紀外集四。

復作詩

逍遙雲霧。搜神記作漢。間。呼吸類聚作嗟。發九嶷。游女類聚作流汝。搜神記同。不稽路。弱水何不之。○同上○詩紀云。曹毗傳曰。桂陽張碩。爲神女杜蘭香所降。毗因以一篇詩嘲之。並續杜蘭香歌詩十篇。甚有文彩。○遼案。此傳及詩出類聚。不著作。詩紀直題曹毗杜蘭香別傳。必有所據。今查書鈔、類聚、御覽等所引。或作曹毗神女杜蘭香傳。或作曹毗杜蘭香傳。或只作杜蘭香別傳。或只作杜蘭香傳。以各佚文校之。知皆爲曹毗所傳也。又搜神記所引與類聚略同。惟起首曰漢時杜蘭香者。自稱南康人。以建業四年春數詣張傳云云。殊爲可怪。蓋此事既出於晉代。古今亦無建業之年號。搜神記此條當是後人屬人妄改者。又書鈔、類聚、御覽等引此傳佚文不下十餘則。所言飲食男女、悲歡離合甚繁。與陶宏景之真誥極爲類似。所載仙詩靈唱。實當時師巫道士受符書章以眩惑

士庶之故技也。

郭文

文。字文舉。河內軹人。不娶。游歷名山。洛陽陷。乃步擔入吳興餘杭大辟山中。不飲酒食肉。區種菽麥。採竹葉木實。貿鹽以自供。王導遣人迎之。置之西園。七年未嘗出入。後逃歸臨安。卒。

金雄詩

神仙拾遺云。郭文。字文舉。晉書有傳。歸隱鰲亭山。得道而去。後人於其卧牀席下得蕝書金雄詩、金雌詩。其言皆當時讖辭。其脫如蛇也。

大火有心水抱之。悠悠百年是其時。○宋書符瑞志。

金雌詩

云出而兩漸欲舉。短如之何乃相咀。交哉亂也當何所。唯有隱巖殖禾黍。西南之朋困桓父。○同上

羊權

權。字道輿。泰山南城人。簡文帝時爲黃門郎。

萼綠華贈詩

真誥曰。萼綠華者。自云是南山人。年可二十上下。青衣。顏色絕整。以升平三年十一月十日夜降羊權。自此往來。一月之中輒六過來耳。云本姓楊。贈權詩一篇。神女語權。君慎勿泄我。泄我則彼此獲罪。訪問此人。云是九疑山中得道女羅郁也。

神嶽排霄起。飛峯鬱千尋。寥籠靈谷虛。瓊林蔚蕭森。羊生標美秀。弱冠流清音。棲情莊惠真。誥作慧。津。超。形象魏林。揚彩朱門中。內有邁俗心。○真誥運象篇一。雲笈七籤九十七。諸真歌頌。詩紀外集一。

我與夫子族。源胄同淵池。宏宗分上業。於今各異枝。蘭金因好著。三益方覺彌。○同上

靜尋欣斯會。雅綜彌齡祀。真誥作祀。誰云幽鑒難。得之方寸裏。翹想樊籠真誥作籠樊。外。俱爲山巖士。無令騰虛翰。中隨驚風起。遷化雖由人。藩真誥作蕃。羊未易擬。所期豈朝華。歲暮於吾子。○同上

楊羲

羲。字義和。吳人。幼有通靈之鑒。與許邁、許穆結交。許穆薦之相王。用爲公府舍人。簡文卽位後卒。或謂太元十二年卒。

九華安妃見降口授作詩

真誥曰。興寧三年。歲在乙丑。六月二十五日夜。紫微王夫人見降。又與一神女俱來。紫微夫人曰。此是太虛上真元君。金臺李夫人之少女也。太虛元君昔遣詣龜山學上清道。道成。受太上書。署爲紫清上宮九華真妃者也。於是賜姓安。名鬱嬪。字紫簫。真妃坐良久。問某年幾。是何月生。某登答言三十六。庚寅歲九月生也。真妃又曰。今日得叙因緣。歡願於冥運之會。依然有松蘿之纏矣。某乃稱名答曰。沈湎下俗。塵染其質。唯蒙啓訓。以祛其闇。濟某兀兀。宿夜所願也。真妃曰。敬作一紙文相贈。便因君以筆。運我鄙意。當可爾乎。某答奉命。卽襞紙染筆。登口見授。作詩如左。詩曰。

雲闕豎空上。瓊臺聳雲笈。七籤作竦。鬱羅。紫宮乘綠景。靈觀藹峩峩。琅軒朱房內。上德煥絳霞。俯漱雲瓶津。仰掇碧柰花。濯足玉女真。誥作天。雲笈七籤同。池。鼓柁牽牛河。遂策景雲駕。落龍轡玄阿。振衣塵滓際。褰裳步濁波。願爲山澤結。剛柔順以和。相攜雙清內。上真道不邪。紫微會良謀。唱納享福多。○真誥運象篇一。雲笈七籤九十七。詩紀外集二。○遼案。真誥各詩。雲笈七籤、詩紀外編皆曾重加編次。詩紀編次佳。惟尚未言爲道士之所僞造。又據真誥運題象。各詩之涉及許穆等者。亦出楊手。則僞造者乃楊羲一人耳。

紫微夫人授詩

真誥曰。紫微夫人曰。我復因爾作一紙文以相曉者。以示善事耳。某又襞紙染筆。夫人見授詩云云。書訖。紫微夫人取視。視畢曰。以此贈爾。我去矣。明日當復與真妃俱來詣爾也。覺下牀而失所在也。真妃少留在後。取某手而執之。而自下牀。未出戶之間。忽然不見。

二象內外泮。玄氣果中分。冥會不待駕。所期貴得真。南嶽鑄明金。眇觀傾笈帑。良德飛霞照。遂感靈霄

人。乘飈儔衾寢。齊牢攜絳雲。悟歎天人際。數中自有緣。上道誠不邪。塵滓非所聞。同日咸恒象。高唱爲爾因。○真誥運象篇一。詩紀外集二。

雲林與衆真吟詩十首

詩紀曰。真誥翼真檢云。併衿接景楊安亦灼然顯說。凡所興有待無待諸詩及辭喻諷旨。皆是雲林應降。嬪仙侯事義。並亦表著。而南真自是訓授之師。紫微則下教之匠。並不關儔結之例。但中候昭靈亦似別有所在。既事未一時。故不正的的爾。其餘男真。或陪從所引。或職司所任。至如二君。最爲領據之主。今人讀此辭事。若不悟斯理者。永不領其旨。故略標大意。宜共密之。

駕歛敖雲笈七籤作遨。八虛。迴真誥作徊。詩紀作徊。宴東華房。阿母延軒觀。朗嘯躡靈風。我爲有待來。故乃越滄浪。右英王夫人歌。○真誥運象篇三。雲笈七籤九十八作雲林右英夫人授楊真人許長史。詩紀外集二。又上清道類事相二作妃玉觀香歌。引房、風二韻。

乘飈遡九天。息駕三秀嶺。有待徘徊盼。真誥作眄。無待故當淨。諸真歌頌作靜。滄浪奚足勞。孰若越玄井。右紫微夫人答英歌。○真誥運象篇三。雲笈七籤九十七紫微王夫人詩一十七首之一。諸真歌頌作紫微王夫人詩。詩紀外集二。

寫我金庭館。解駕三秀畿。夜芝披華峰。真誥作鋒。注云。謂應作峰字。咀嚼充長飢。高唱無逍遙。冬興有待歌。空同酬靈音。無待將如何。右桐柏山真人歌。○真誥運象篇三。詩紀外集二。又上清道類事相一引畿、飢二韻。

朝遊鬱絕山。夕偃高暉堂。振轡步靈鋒。真誥注云。謂應作峰字。無近於滄浪。玄井三仞際。我馬無津梁。儵

歛九萬間。八維已相望。有待非至無。靈音有所喪。右清靈真人歌。○真誥運象篇三。詩紀外集二。

龍旂舞太虛。飛輪五岳阿。所在皆逍遙。有感興冥歌。無待愈雲笈七籤作喻。諸真歌頌同。有待。相遇故得和。滄浪奚足遼。玄井不爲多。鬱絕尋步間。俱會四海羅。豈若絕明外。三劫方一過。右中候夫人歌。○真誥運象篇三。雲笈七籤九十七作中候王夫人詩。諸真歌頌作中候王夫人詩。仙歌品引真迹經與九華安妃歌連爲一首。詩紀外集二。

縱酒觀羣惠。雲笈七籤作慧。諸真歌頌同。儵忽雲笈七籤作倏歛。諸真歌頌同。四落周。不覺所以然。實非有待遊。相遇皆歡樂。不遇亦不憂。縱影玄空中。兩會自然疇。右昭靈李夫人歌。○真誥運象篇三。雲笈七籤九十七作方丈臺昭靈李夫人詩。詩紀外集二。

駕歛發西華。無待有待間。或眇詩紀作盼。五嶽峯。或濯仙歌品作躍。天河津。釋輪尋虛舟。所在皆纏綿。芥子忽萬頃。中有須彌雲笈七籤、諸真歌頌作崑崙。仙歌品作蓬萊。山。大小固無殊。遠近同一緣。彼作有待來。我作無待親。仙歌品作觀。右九華安妃歌。○真誥運象篇三。雲笈七籤九十七作九華安妃贈楊司命詩。諸真歌頌作九華安妃贈楊命詩。仙歌品引真迹經與中候夫人歌連爲一首。詩紀外集二。

無待太無中。有待太仙歌品作大。有際。大小同一波。遠近齊一會。鳴絃玄霄顛。吟嘯仙歌品作金蕭。運八氣。奚不酣靈液。仙歌品作酒。眇目娛九裔。有無得玄運。二待亦相蓋。右太虛南岳真人歌。○真誥運象篇三。仙歌品引真迹經。詩紀外集二。

偃息東華靜。揚駟運八方。俯眇丘垤間。莫覺五嶽崇。靈阜齊淵泉。大小忽相從。長短無少多。大椿須臾終。奚不委天命。縱神任空洞。右方諸青童君歌。○真誥運象篇三。詩紀外集二。

控飈扇太真。詔作大虛。八景飛高。清仰浮紫塵外。俯看絕落冥。雲笈七籤作溟。玄心空同間。上下弗流停。無待兩際中。有待無所營。體無則能死。體有則攝生。東寶會高唱。二待奚雲笈七籤作何。足爭。○真誥運象篇三。

雲笈七籤九十七作南極王夫人授楊羲詩。諸真歌頌作南極王夫人授楊羲詩。仙歌品引真迹經。詩紀外集二。

命駕玉錦輪。僂轡仰徘徊。朝遊朱火宮。真誥作中。夕宴夜光池。浮景清霞杪。八龍正參差。我作無待遊。有待輒見隨。高會佳人寢。二待互是非。有無非有定。待待各自歸。右南極紫微夫人歌。○真誥運象篇三。雲笈七籤九十七作南極王夫人授楊羲詩。諸真歌頌作南極王夫人授楊羲詩。詩紀外集二。

中候王夫人詩三首

詩紀曰。東華夫人紫清內傳。妃領東宮中候真夫人。晉興寧三年乙丑。降金壇楊羲家云。

八塗會無宗。乘運觀囂羅。化浮塵中際。解衿有道家。騁諸真歌頌作眇。煙忽未傾。攜真造靈阿。虛景盤瓊軒。玄鈞作鳳歌。適路無軌滯。神音僂雲波。齊德秀玉景。真誥作京。何用世間多。○真誥運象篇四。雲笈七籤九十七。諸真歌頌。詩紀外集二。

又

坦夷觀雲笈七籤作但觀夷。諸真歌頌同。天真。去累縱衆情。體寂廢機駟。崇有則攝生。焉得齊真誥作齋。物子。委運任所經。○同上

六月二十三日夜中候夫人作

登輶發東華。扇飈真誥作歛。諸真歌頌同。僂太玄。飛轡騰九萬。八落亦已均。暫眄山水際。窈窕靈岳間。同風自齊氣。道合理亦親。龍芝永遐齡。內觀攝天真。東岑可長淨。何爲物所纏。○同上

方丈臺昭靈李夫人詩三首

詩紀云。方丈臺東宮昭靈夫人者。北元中玄道君李慶賓之女。太保玉郎李靈飛之妹也。受書爲東宮昭靈夫人。治方丈臺。第十三朱館中。東晉哀帝興寧三年乙丑八月二十二日夜。與上元夫人、紫微夫人、右英夫人諸真同降真人楊羲家。作詩曰。

雲墉帶天構。諸真歌頌作棟。七氣煥天馮。雲笈七籤作憑。諸真歌頌同。瓊扉真誥作扇。啟晨鳴。九音絳樞中。紫霞興雲笈七籤作與。諸真歌頌同。朱門。香煙生綠窗。四駕舞虎旂。青輶擲玄空。華蓋隨雲列。真誥作倒。落鳳控六龍。策景五嶽阿。三素眄君房。適聞臊穢氣。萬濁污真誥作蕩。我胸。臭物薰精神。囂塵互相衝。明玉真誥作王。皆璣真誥作摧。爛。何獨盛德雲笈七籤作得。諸真歌頌同。躬。高揖苦不早。坐地自生蟲。○真誥運象篇三。雲笈七籤九十七。諸真歌頌。詩紀外集二。

臨去吟

心勿欲亂。神勿淫役。道易不順。災重不逆。永喪其真。遂棄我適。○真誥運象篇三。詩紀外集二。

十二月一日夜方丈左臺昭靈李夫人作與許玉斧

詩紀云。真誥翼真檢云。二許雖玄挺高尚。而質撓世迹。故未得接真。今所授之事。多事爲許立辭。悉楊受旨疏以許爾。○受旨之受原作授。疑誤。

飛輪高晨臺。控轡玄壘隅。手攜紫皇袂。諸真歌頌作被。倏忽真誥作儵歛。八風驅。玉華翼綠幃。青翬扇翠裾。雲笈七籤作裙。誤。冠軒煥崔嵬。珮玲帶月珠。薄入風塵中。塞鼻逃當塗。臭腥彫我氣。百阿真誥作痼。令心徂。真誥作殂。何不颺然起。蕭蕭步太虛。○真誥運象篇三。雲笈七籤九十九。諸真歌頌。詩紀外集二。

紫微王夫人詩一十七首

詩紀云。紫微夫人。名青娥。字愈音。王母第二十女也。晉興寧三年乙丑六月。降楊羲之家。時與太元真人、桐柏真人、右英夫人、南岳夫人同降。言夫人位爲紫微宮左夫人。鎮羽野玄壠之山上宮主教。當成真人者。

七月二十六日夕紫微夫人喻作令與許長史

高興希林虛。遐遊無員方。蕭條象數外。有無自冥同。齶齶德韻和。飄飄步太空。盤桓任波浪。振鈴散風中。內映七道觀。可以得兼忘。何必反覆酬。待此世文通。玄心自冥。真誥作宜。悟。默耳必高蹤。○真誥運象篇

二。詩紀外集二。

歌

龜闕鬱巍巍。塘臺落真誥作絡。月珠。列坐九靈房。叩璫吟太無。玉簫和我神。金醴釋我憂。○真誥運象篇三。雲笈七籤九十七。諸真歌頌。詩紀外集二。

歌

宴酣東華內。陳鈞千百真誥作萬。聲。青君呼我起。折腰希林庭。羽帔扇翠暉。玉佩何鏗零。俱指高晨寢。雲笈七籤作殿。諸真歌頌同。相期象中冥。○同上

玄壘之遊真誥作玄壘紫微作。

超舉步絳霄。飛颺北壘庭。神華映仙臺。圓曜隨風傾。啓暉挹丹元。扇景冷月精。交上清道類事象作拂。袂諸真歌頌作被。雲林宇。浩真誥作浩。上清道類事象作結。軫真誥注謂應作皓鬢。上清道類事象作髮。還童嬰。蕭蕭寄無宅。是非豈能營。世網真誥作陣上。自擾競。安可語養生。○真誥運象篇三。雲笈七籤九十七。諸真歌頌。詩紀外集二。又上清道類事象四玄壘紫微作。引嬰、營二韻。

九月六日夕紫微夫人喻作示許長史并與同學同學謂鄰回也。

解輪太霞上。斂轡造紫丘。手把八空雲笈七籤作天。諸真歌頌同。氣。縱身雲中浮。一眴造化綱。真誥作剛。再視

索高疇。道要既已足。雲笈七籤作是。諸真歌頌同。可以解千憂。求真得良真。誥作真友。不去復何求。○真誥運象篇三。雲笈七籤九十七。諸真歌頌。詩紀外集二。

九月九日紫微夫人喻作因許示郗

紫空朗玄真。誥作明。詩紀同。景。玄宮帶絳河。濟濟上清房。雲詩紀作靈。注云。一作雲。臺煥峩峩。八輿造朱池。羽蓋傾霄柯。震風迴三晨。真誥作辰。金鈴散玉華。七轡降真誥作絡。九垓。晏詩紀作宴。眇不必家。借問求道子。何事坐塵波。豈能棲東秀。養真收太和。○同上

十月十八日紫微夫人作

左把玉華蓋。飛景躡七元。三晨真誥作辰。諸真歌頌同。煥紫輝。真誥作暉。竦眇撫明真。變踊期須臾。四面皆已神。靈發無涯際。勤思上清文。何事坐真誥作生。橫涂。令爾感不專。陰鷗禁痾烏賀反此應作暗啞。言其速也。失玄真誥作去。機。不覺年歲分。○同上

紫微吟此再三

玄清眇眇觀。落景出東溟。願得絕塵友。蕭蕭罕世營。○真誥運象篇四。雲笈七籤九十七。諸真歌頌。詩紀外集二。

紫微詩

靈人隱玄峰。真神輶雲采。雲笈七籤作來。諸真歌頌同。玄唱非無期。妙應自有待。豈期真誥作謂。虛空寂。至韻故常在。攜襟登羽宮。同宴廣寒裏。借問朋人誰。所存唯玉子。雲笈七籤作女。諸真歌頌同。○同上

紫微夫人歌此詩紀云。考真誥當是丙寅二月三十日。

褰裳濟淥真誥作綠。河。遂見扶桑公。高會太林墟。賞真誥作寢。宴玄華宮。信道苟淳篤。何不棲東峯。○同上

紫微夫人作

控景始暉雲笈七籤作揮。諸真歌頌同。津。飛鸞登上清。雲臺鬱峩峩。閭闔秀玉城。晨風鼓丹霞。朱煙灑金庭。綠藥諸真歌頌作葉。粲玄峯。紫華雲笈七籤作芝。諸真歌頌同。巖下生。慶雲纏丹爐。鍊真誥作練。玉飛八瓊。晏雲笈七籤作宴。詩紀同。眇廣寒宮。萬椿愈童嬰。龍旂啟靈電。虎旗徵朱兵。高真廻九曜。洞觀均潛明。誰能步幽道。尋我無窮齡。○同上

紫微作

翳藹紫微館。鬱臺散景飈。鸞唱華蓋間。鳳鈞導龍輶。八狼攜絳旌。素虎吹角簫。雲勃寫靈宮。來適塵中囂。解轡佳人寢。雲笈七籤、諸真歌頌作所。詩紀同。同氣自相招。尋宗須臾頃。萬靈乃一朝。椿期會足衰。詩紀作哀。却往豈足遠。真真乃相目。莫令心徂瘳。側交反。雲笈七籤、諸真歌頌作抄。詩紀作刃。揮至空。鄙滯五神

愁。○同上

四月十四日紫微夫人作二首真誥連爲一篇。

朝啓東晨暉。飛軒越滄淵。雲笈七籤作溟。諸真歌頌同。山波振青涯。八風扇玄煙。迴眄易遷房。有懷真感人。
三金可遊盤。東岑宜永甄。紛紛當塗中。孰能步生津。○同上
飄飄八霞嶺。徘徊飛晨蓋。紫軒騰太空。曬真誥作麗。眇九虛外。玉簫激景雲。靈煙絕幽藹。高仙宴太真。清
唱無涯際。去來山岳庭。何事有待邁。○同上

四月二十二日夜紫微夫人作

神玉曜靈津。七元煥神扉。虛真誥作靈。詩紀同。遷方寸裏。一躍登大微。妙音乘和唱。高會亦有機。齊此天
人眇。協彼景晨飛。總轡六合外。寧有傾與危。○同上

紫微夫人作詩紀云。考真誥當是閏月三日。

薄宴塵颺領。雲笈七籤作嶺。諸真歌頌同。代謝緣還歸。奚識靈劫期。顧眇令人悲。○同上

又

雲草廕玄方。仰感旋曜精。誥誥繁茂萌。重德必克昌。○同上

雲林右英夫人詩二十五首

詩紀云。雲林右英夫人。名媚蘭。字申林。王母第十三女也。受書爲雲林宮右英夫人。治滄浪山。晉興寧三年乙丑七月。諸真同降於楊君。因授。

右英吟

寓言必可用。不用是無情。焉得駕歛迹。尋此空中靈。微音良有旨。當用慎勿輕。事事應神機。雲笈七籤作事應神機會。保爾見太平。○真誥運象篇二。雲笈七籤九十八。詩紀外集二。

七月十八日夕雲林右英夫人授詩

此詩與許長史兼及掾事。

鸞景落滄浪。騰躍青真誥作清。海津。絳煙亂太陽。羽蓋傾九天。雲輿浮空洞。雲笈七籤作同。倏忽風波雲笈七籤作滄浪。問。來尋冥雲笈七籤作真。中友。相攜侍帝晨。王雲笈七籤作玉。子協明德。齊首招玉賢。下眄八阿雲笈七籤作河。宮。上寢希林顛。漱此紫霞腴。方知穢塗辛。佳人將安在。勤心乃得親。○同上

右英夫人所喻

七月二十六日

絳闕排真誥作扉。廣霄。披丹登景房。紫旗振雲霞。羽晨舞真誥作撫。八風。停蓋濯景谿。採秀月支峯。咀嚼三

臺華。吐吸九神芒。椿數無絕紀。協日積童蒙。攜袂明真館。仰期無上皇。北鈞唱羽人。玉賢粲賢衆。云何波浪字。得失爲我鍾。引領囂庭內。開心擬穢衝。習適榮辱域。罕躡希林宮。一靜安足苦。試去視滄浪。
○同上

七月二十八日夕右英夫人授書此詩以與許長史

世珍芬複交。道宗玄霄會。振衣尋冥雲。笈七籤作真。疇。迴軒風塵際。良德映靈雲。笈七籤作玄。暉。穎根雲。笈七籤作拔。詩紀同。粲革蔚。密言多僨雲。笈七籤作儻。詩紀同。福。冲淨雲。笈七籤作靜。詩紀同。尚真貴。咸恒當象順。雲。笈七籤作恒。當二象順。攜手同襟。詩紀云。一作衾。真誥作衾。帶。何爲人事間。日焉生患害。○同上

九月三日夕雲林王夫人喻作令示許長史

騰躍雲景輶。浮觀霞上空。霄駟縱橫舞。紫蓋託靈方。朱煙纏旌。真誥作旌。詩紀云。一作旌。旄。羽帔扇香風。電號真誥作啤。猛獸攫。雷雲笈七籤作電。吟奮玄龍。鈞籟昆庭響。金筑真誥作笙。唱神鍾。採芝滄浪阿。掇華八溱峯。朱顏日以真誥作愈。新。劫往方嬰童。養形靜東岑。七神自相通。風塵有憂哀。隕我白髮翁。長冥遺遐歎。恨不早逸蹤。○同上

右英吟

停駕望舒移。迴輪返滄浪。未覩若人遊。偶想安得康。良因俟青春。以敘中懷忘。○同上

九月六日夕雲林喻作與許侯

控晨浮紫煙。八景觀孤雲。笈七籤作汾。流。羽童捧瓊漿。王華餞琳腴。相期白水涯。揚我萎蕤珠。○同上

又真誥併上爲一篇。

滄房煥東霞。紫造浮絳晨。真誥作辰。雙德秉道宗。作鎮真伯藩。八臺可盼真誥作眇。目。北看乃飛元。清淨雲中視。眇眇躡景遷。吐納洞嶺真誥作領。秀。藏暉隱東山。久安人事上。日也無虛閒。豈若易翁質。反此孩中顏。○同上

九月九日雲林右英夫人喻作

晨闕太霞構。玉室起霄清。領略三奇觀。浮景翔絕冥。丹華中有真。雲笈七籤作丹華空中有。金映育挺精。八風鼓錦披。真誥作被。碧樹曜四靈。華蓋蔭蘭暉。紫轡策綠駟。結信通神交。觸類率天誠。何事外象感。須覩瑶玉瓊。○同上

九月十八日夜雲林右英夫人作

三真誥作二。景秀鬱玄。霄映朗八方。丹雲浮高宸。真誥作晨。逍遙任靈風。鼓翼真誥作翻。詩紀云。一作翻。乘素

飈。竦眄瓊臺中。綠蓋人協晨。青輶擲空同。右揖東林帝。上朝太虛皇。玉寶剖鳳腦。嗽酣飛藥漿。雲鈞迴曲寢。千音何琅琅。錦旌雲笈七籤作旂。詩紀同。召猛獸。華幡正低昂。香母折腰唱。紫煙排棟梁。總轡高清闕。解駕佳人房。昔運挺未兆。靈化順氣翔。心眇玄涯感。年隨積椿崇。形垢甘真誥作甘垢。臭味。動靜失滄浪。我友實不爾。榮辱昨已忘。○同上

九月二十五日夜雲林右英夫人授作

絳景浮玄晨。紫軒乘煙征。仰超綠闕內。俯眄朱火城。東霞啓廣暉。神光煥七靈。翳映汎真誥作汎。三燭。流任自齊冥。風纏空洞宇。香上清道類事相作靈。音觸節生。手攜織真誥作織。注云。謂應作織字。女僊併衿匏瓜庭。左徊青羽旗。華蓋隨雲傾。晏雲笈七籤作宴。詩紀同。寢九度表。是非不我營。抱真栖大寂。金姿真誥作恣。愈日嬰。豈似愆穢中。慘慘無聊生。○真誥運象篇三。雲笈七籤九十八。上清道類事象四。詩紀外集二。

十月十七日雲林夫人作與許侯

四旌真誥作旂。曜明空。朱軒飛靈丘。玉蓋蔭七景。鼓翼真誥作翮。霄上浮。九音朗紫空。玉璫洞太無。宴詠三晨真誥作辰。宮。唱嘯呼我儔。不覺春真誥作椿。已來。詩紀作老。豈知二景流。佳人雖兼忘。而未放百憂。長林真可靜。巖中多自娛。○真誥運象篇三。雲笈七籤九十八。詩紀外集二。

十月二十日授二首亦應是右英喻長史也。

北登玄真闕。攜手結高羅。香煙散八景。玄風鼓絳波。仰超琅園津。俯眄霄陵阿。玉簫雲上唱。鳳鳴動真誥。作洞。九遐。乘氣真誥作雲。浮太空。曷爲躡山河。雲笈七籤作阿。金節命羽靈。徵兵折萬魔。齊挹二晨暉。千春真誥作椿。方嬰牙。喪真投競室。不解可奈何。○同上

仰眄太霞宮。金閣曜紫清。華房映太素。四軒皆朱瓊。擲輪空同津。總轡儻綠駟。玉華飛雲蓋。西妃運錦旌。真誥作旌。翻然塵濁真誥作濁塵。涯。儵歛真誥作忽。佳人庭。宿感應期降。所招已在冥。乘風奏霄晨。共酣丹琳雲笈七籤作林。嬰。公侯徒眇眇。安知真人靈。○同上

右英作詩紀云。考真誥次。當是十二月一日。

清晨挹真誥作揖。絳霞。總氣霄上遊。徊駟躡曲波。遂覩世人憂。辭旨蔚然起。不散三秀嶠。何若巡玄鄉。撫璫爲爾娛。君心安真誥作安有。有際。我願有中無。○同上

二月九日夜雲林作詩紀云。此後入丙寅年事。

轡景登霄晨。遊宴滄浪宮。綵雲繞丹霞。靈真誥作靈。藹散八空。上真吟瓊室。高仙歌琳房。九鳳唱朱籟。虛節錯羽鐘。交栖真誥作頤。金庭內。結我冥中朋。俱挹玉醴津。倏忽真誥作儻歎。已嬰童。云何當路蹲。愆

痾隨日崇。○同上

二月十六日右英作

晨遊太素宮。控駟觀玉河。夕宴鬱絕宇。朝採圓景華。彈璫北寒臺。七靈暉紫霞。濟濟高仙舉。紛紛塵中羅。盤桓囂藹內。愆累不當多。○同上

二月三十日夜右英作

駕風雲笈七籤作氣。騁雲駟。晨登太淳丘。絳津連岑振。清波鼓浚流。步空觀九緯。八綱真誥作剛。皆已遊。暫宴三金秀。來觀建志儔。勤懈不相掩。真誥作淹。是以積百憂。○同上

右英吟

陵波越滄浪。忽然造金山。四顧終日遊。罕我雲中人。○同上

右英夫人作

紫闕構虛上。玄館衝絕颺。琳瑯敷靈囿。真誥作圃。華生結瓊瑤。騁駟滄浪津。八風激雲韶。披羽扇北翳。握節鳴金簫。鳳籟和千鍾。西詩紀作四。童歌晨朝。心豁虛無外。神襟何詩紀作和。朗寥。迴儻太空嶺。六氣運重

幽。我塗豈能尋。使爾不終彫。○同上

四月十四日夕右英夫人吟歌此曲

玄波振滄濤。洪津鼓萬流。駕景眇六虛。思與佳人遊。妙唱不我對。清音與誰雲笈七籤作誰可。投。雲中騁瓊輪。何爲塵中趨。○同上

右英作

松柏生玄嶺。鬱爲寒林桀。繁葩盛嚴冰。未肯懼白雪。亂世幽重岫。巡生道常潔。飛此逸轡輪。投彼遐人轍。公侯可去來。何爲不能絕。○同上

閏月三日夜右英作示許長史

案晉曆丙寅年閏四月也。

清靜願東山。廢景栖靈穴。愔愔閑庭虛。翳蒼青林密。圓曜映南軒。朱風真誥作風扇幽室。拱袂閑房內。相期啓妙術。寥朗遠想玄。蕭條神心逸。○同上

右英吟

縱心空洞真誥作同。津。竦真誥作總。詩紀云。一作總。轡策朱駟。佳人來何遲。道德何時成。○同上

又

有心許斧子。言當采五芝。芝草不必得。汝亦不能來。汝來當可得。芝草與汝食。此兩得及來並戲作吳音。○同上

右英吟

三轡抗紫軒。傾雲東林阿。○真誥運象篇三。

駕景遊賢良。促轡東圃下。○同上

夢蓬萊四真人作詩四首

真誥曰。興寧三年四月九日夜。夢北行登高山。覺憶登山半日許至頂。有大宮室數千間。某左有一老翁。某問翁何人來登此宇。公答我蓬萊仙公洛廣休。此蓬萊山。以待真仙張誘世、石慶安、許玉斧、丁瑋寧。久許。四人並東來。張誘世年可五十。石慶安甚童蒙。年可十三四。許玉斧年如今日所見。丁瑋寧年可三十四五許。公因語四人言君並可各作一篇詩以見府君。老子亦願聞文筆之美言也。

石慶安作

靈山造太霞。豎巖絕霄峯。紫煙散神州。乘飈駕白龍。相攜四賓人。東朝桑林公。廣休年雖前。壯真誥作所。

氣何蒙蒙。實未下路讓。惟諸真歌頌作推。年以相崇。○真誥握真符一。雲笈七籤九十六。諸真歌頌。詩紀外集三。

張誘世作

北遊太漠外。來登蓬萊闕。紫雲構真誥作遘。諸真歌頌同。靈宮。香煙何鬱鬱。美哉洛真誥作樂。廣休。久在論道位。羅併真人坐。齊觀白龍邁。離世雲笈七籤諸真歌頌、詩紀作式。四人用。何時共解帶。有懷披襟友。欣欣高晨會。○同上

許玉斧作

遊觀奇山峙。雲笈七籤作巘。諸真歌頌同。漱濯滄流清。遙觀雲笈七籤作覩。諸真歌頌同。蓬萊間。屹屹真誥作巘。衝霄冥。五真誥作紫。芝被絳巖。四階植琳瓊。真誥作璠。紛紛靈華散。晃晃煥神庭。從容七覺外。任我攝天生。自足方寸裏。何用白龍榮。○同上

丁瑋寧作

玄山構滄浪。金房映靈軒。洛公挺奇尚。從容有無間。形沉北寒宇。三神棲雲笈七籤作接。諸真歌頌同。九天。同寮相率往。推我高勝年。弱冠石慶安。未肯崇尊賢。嘲笑蓬萊公。呼此廣休前。明公將何以。却此少年翰。○同上

十月十五日右英夫人說詩令疏四首

青童大君常吟詠

欲植真誥作殖。滅度根。當拔生死栽。沉吟墮九泉。但坐惜形骸。○真誥運象篇三。雲笈七籤九十六。諸真歌頌。詩紀外集三。

太虛真人常吟詠

觀神載形時。亦如車從馬。車敗馬奔亡。牽連一時假。哀世莫雲笈七籤、諸真歌頌作但。詩紀同。識此。但是惜風火。種罪天網真誥作網。上。受毒地獄下。○同上

西域真人王君常吟詠

形真誥作神。爲渡真誥作度。神真誥作形。舟。薄雲笈七籤、諸真歌頌作泊。岸當別去。形非神常宅。神非形常載。徘徊生死輪。但苦心猶豫。○同上

小有真人王君常吟詠

失道從死津。三魂迷生道。生生日已遠。死死日已早。悲哉苦痛客。真誥作容。根華已顛倒。起就零落生。焉

知反枯老。○同上

方諸宮東華上房靈妃歌曲

真誥注曰。按楊君記云。東方赤氣中有言曰。小鮮未烹鼎。言我巖下悲。當以此事諮啓司命。故答稱此詩。仍及後篇也。

紫桂植瑤園。朱華聲悽悽。月宮生蔡淵。日中有瓊池。左拔員靈曜。右掣丹霞暉。流金煥絳庭。八景絕煙迴。綠蓋浮明朗。控節命太微。鳳精童華顏。琳腴充長飢。控晨揖太素。乘飊詩紀作欸。翔玉墀。真誥作階。吐納六虛真誥作靈。氣。玉嬪把雲笈七籤作梔。巾隨。彈璫南雲扇。香風鼓錦披。叩商百獸舞。六天攝神威。儵歛億萬春。齡紀鬱巍巍。小鮮未烹鼎。言我巖下悲。○真誥運象篇三。雲笈七籤九十七。諸真歌頌。詩紀外集三。

太微玄清左夫人北渟宮中歌曲

鬱藹非真墟。真誥作虛。雲笈七籤同。太無真誥作无。雲笈七籤。諸真歌頌作元。爲我館。玄公豈有懷。諸真歌頌作環。縈蒙孤所難。落鳳控紫霞。矯雲笈七籤作矯。諸真歌頌同。轡登晨岸。雲笈七籤作轡。諸真歌頌同。寂寂無濠涯。暉暉空中觀。隱芝秀鳳丘。逡巡瑤林畔。龍胎嬰爾形。八瓊迴素旦。琅華繁玉宮。結真誥作綺。雲笈七籤同。葩凌巖粲。鵬扇絕億領。雲笈七籤作嶺。諸真歌頌同。撫翮凌霄翰。西庭詩紀云。一作度。命長歌。雲璈乘虛彈。八風纏綠宇。叢煙豁然散。靈童擲流金。太微啓壁雲笈七籤作辭。諸真歌頌作火微啓辭。案。三光折腰舞。真誥作起折腰。紫皇揮袂讚。

朗朗扇景曜。雲笈七籤作暉。諸真歌頌同。曄曄長庚煥。超駟竦諸真歌頌作聳。詩紀同。明刃。下眄真誥作盼。雲笈七籤同。使我惋。顧哀地仙輩。何爲棲林澗。○直誥運象篇三。雲笈七籤九十七。諸真歌頌。詩紀外集三。○真誥云。十二月十七日夜。太元真人司命君書出此詩。云是青童宮中內房曲。恒吟讀此和神。雲笈七籤題云晉興寧三年乙丑十二月十七日與太元真人衆真降於句曲、金壇真人之室。

魏夫人與衆真吟詩二首

詩紀云。夫人任城人。晉司徒劇陽文康公舒之女。名華存。字賢安。幼而好道。精默恭介。讀老莊三傳。味真耽玄。常欲別真閑處。父母不許。二十四適太保掾南陽劉文。生二子。乃離隔室宇。齋于別寢。後得道仙去。時年八十三。晉成帝咸和九年也。

興寧四年丙寅四月二十七日夜降楊羲家作

玄感妙象外。和聲自相仙歌品作理自。招。靈雲鬱紫晨。蘭風扇綠輶。上真宴瓊臺。邈爲地仙標。所期貴遠邁。故能秀穎翹。翫彼八素翰。道成初不遼。人事胡可豫。詩紀作預。使爾形氣銷。仙歌品作消。○真誥運象篇四。雲笈七籤九十九。仙歌品引真迹經。詩紀外集一。

十二月一日夜南岳夫人作與許長史

靈谷秀蘭榮。雲笈七籤作繁。藏身栖巖京。被褐均袞龍。帶索雲笈七籤作素。齊玉鳴。形盤幽遼裏。擲神太霞庭。霄上有陞賢。空中有真聲。抑雲笈七籤作仰。我曲晨飛。案此詩紀作北。綠軒駟。下觀八度內。俯歎風塵繁。解脫遺波浪。登此眇眇清。雲笈七籤作身。擾競雲笈七籤作憂竟。三津渴。奔馳割爾齡。○真誥運象篇四。雲笈七籤九十九。詩紀外集一。

南極王夫人詩

詩紀云。南極王夫人。王母第四女也。名林。字容真。晉興寧四年丙寅六月二十三日降楊羲家。與真人同會。因吟授羲曰。

林振須類感。雲蔚待龍吟。玄數自相求。觸節皆有音。飛駟出西華。總轡忽來尋。八遐非無娛。同詠理自欽。悼此四維真誥作羅。內。百憂常在心。俱遊北寒臺。神風開爾襟。○真誥運象篇四作六月二十三日夜南極夫人作。雲笈七籤九十七。諸真歌頌俱作南極王夫人授楊羲詩。詩紀外集二。

辛亥子贈詩三首

真誥曰。辛亥子自叙并詩曰。玄子。字延期。隴西定谷人。漢明帝時諫議大夫。上洛、雲中、趙國三郡太守辛隱之子。玄子少好道。享年不永。遂沒命於長梁之津。近得度名南宮。定策朱陵方列爲仙。而大帝今且見差領東海侯。代庾生。庾生者。晉庾太尉也。又見選補禁元中郎將爲吳越鬼神之司。故來相從。今贈詩三篇。以叙推情之至也。其辭曰。○原注云。楊君既爲吳越司命。董統鬼神。玄子職隸。方應相聞。故先造此詩陳情。

疇昔人冥鄉。順駕應靈招。神隨空無散。炁與慶雲消。形非明玉質。玄匠安能彫。蹠足吟幽唱。仰手真誥作首。翫鳴條。林室有逸歡。絕此軒外交。遺景附圓曜。嘉音何寥寥。此篇敘事迹之本志也。○真誥聞幽微一。雲笈七籤九十六。諸真歌頌。詩紀外集三。

寂通寄興感。玄炁攝動音。高輪雖參差。萬仞故來尋。蕭蕭研道子。合神契靈衿。委順浪世化。心標窈窕林。同期理外遊。相與靜東岑。真誥作衣。此篇申情寄之來緣也。○同上

命駕廣鄠阿。逸跡幽真誥作超。鄉。空中自有物。有中亦無常。悟言有無際。相與會濠梁。目擊玄解了。鬼神理自忘。此篇論人鬼之幽致也。○同上

紫微夫人授乞食公歌

真誥曰。紫微夫人喻曰。楚莊王時。市長宋來子恒灑掃一市。久時有一乞食公入市。經日乞。恒歌曰云云。一市人無解歌者。宋來子忽悟。疑是仙人。手爲天馬。鼻下爲山源。

天庭發雙華。山源彰陰邪。清晨按天馬。來詣太真家。真人無那隱。又以滅百魔。○真誥協昌期一。詩紀外集一作乞食公歌。

南嶽夫人授太上宮中歌

手把八雲氣。英明守二童。太真握明鏡。鑒合日月鋒。雲儀拂高闕。開括泥丸宮。萬響人百關。驕女坐玄

房。愈行愈鮮盛。英靈自爾通。○真誥協昌期一。詩紀外集一作太上宮中歌。

大洞真經詩

真誥曰。楊書右大洞真經中篇。今鈔數行。

扶晨始暉生。紫雲映玄阿。煥洞圓光蔚。晃朗濯曜羅。眇眇靈景元。森灑空清華。九天館玉賓。金房煙霄歌。外國呼日爲濯曜羅。○真誥協昌期一。詩紀外集三。

八月十六日夕清靈真人授詩

晉興寧三年。

擬駕東岑人。停景招隱靜。仁德乘波來。俱會三秀嶺。靈芝信可食。使爾無終永。喻真獻金漿。不待百丈井。○真誥運象篇二。詩紀外集三。

諺謠

真誥曰。是故君姓於楊。我得爲安。諺謠云云。正我等之謂耳。君省此意少愈乎。

楊君大安。董真命神。○真誥運象篇二。

內經真諺

真誥曰。眉後小穴居。爲上元六合之府。主化生眼暉。和壘精光。長珠徹童。保鍊目神。是真坐起之上道。一名曰真

人常居。內經真諺曰。

子欲夜書。當修常居。○真誥協昌期九。詩紀外集三。

太平酒諺

真誥曰。楊羲夢遊蓬萊山。會蓬萊仙公洛廣休。既下山半。見許主簿。相逢於夾石之間。公語主簿曰。吾爲汝置酒四升在山上。可往飲之。此太平家酒。治人腸也。諺曰。

欲得長生。飲太平。○真誥極真輔十七。詩紀外集三。

許穆

穆。一名謚。字思玄。丹楊句容人。少仕郡主簿、功曹史。選補太學博士。出爲餘姚令。入爲尚書郎、郡中正、護軍長史、給事中、散騎常侍。修真學。密授教記。太元元年卒。年七十二。

詩

真誥曰。長史既聞啓告。賦詩一篇。本注云。此卽酬釋夢之旨也。長史自書。

微誠因理感。積精洞幽真。斐斐乘雲綵。靈象憑紫煙。眇眇濯圓羅。佛佛駕飛輪。玄翰啓蒙昧。顧景思自新。○真誥協昌期二。詩紀外集三作答詩。

許翺

翺。字道翔。小名玉斧。許穆少子。郡舉上計掾、主簿。並不赴。居雷平山下。願早遊洞室。不欲久停人世。太和五年卒。年三十。

茅保命吟

朝華煥晨井。九蓋傾青雲。前此珪璋庸。不識萬流椿。解落儵歛頃。寅客何必人。原注。或云是誠。誠則能改。○真誥甄命授三。詩紀外集三。

郭四朝叩船歌四首

真誥曰。掾寫今舍前有塘。乃郭四朝所造也。高其牆岸。蓋水得深。但歷代久遠。塘牆頽下耳。四朝常乘小船遊戲其中。每叩船而歌曰云云。定錄言。又曰。四朝。燕國人也。兄弟四人。並得道。四朝是長兄也。真法其司三官者六百年。○詩紀云。苻秦時人。見雲笈七籤。遼案。此人乃道士所假託。雲笈七籤引洞仙傳。謂四朝秦時得道。非苻秦人。清池帶靈岫。長林鬱青葱。玄鳥翔真誥作藏。幽野。悟真誥作晤。言出從容。鼓楫乘神波。稽首希洞仙傳作乘。晨風。未獲解脫期。逍遙丘茅山志作兵。山中。○真誥稽神樞三。茅山志八。洞仙傳。雲笈七籤九十六。詩紀外集三。

浪神九陔外。研道遂全真。戢此靈鳳羽。藏我華龍鱗。高舉方寸物。萬吹皆垢塵。顧哀朝生螻。真誥作惠。洞

仙傳作輩。詩紀云。一作輩。孰盡汝車輪。○同上

遊空落飛颺。靈步無形方。圓景煥明霞。九鳳唱朝陽。揮翮扇天津。晦真諳作菴。藹茅山志作霧。慶茅山志作卿。雲翔。遂造太真諳作大。茅山志同。微字。洞仙神作戶。挹此金梨漿。逍遙玄陔表。不存亦不亡。○同上

駕颺洞仙傳作歟。雲笈七籤、詩紀同。舞神霄。披真諳作振。茅山志同。霞帶九日。高皇齊龍輪。遂造九真諳作北。茅山志、雲笈七籤同。華室。神虎洞瓊林。風雲洞仙傳作香風。詩紀云。一作香風。合成一。開闔幽門戶。靈變玄迹滅。○同上

杜廣平歌吟

真誥曰。杜契者。字廣平。京兆杜陵人。建安之初。來渡江東。依孫策。後爲孫權作立信校尉。黃武二年學道。隱居華陽。

淳景翳廣林。暖日真誥作暖暖。東霞升。晨風儻六煙。勃鬱八道騰。五嶽何必秀。名山亦足陵。矯首真誥作手。諸真歌頌同。攝詩紀作躡。洞阜。棲心潛中興。吐納胎精氣。玄白誰能勝。○真誥稱神樞三。諸真歌頌作保命仙君告許虎牙杜廣平常喜歌。雲笈七籤九十六、詩紀外集三並作杜廣平常喜歌。

夢詩

真誥曰。四月二十七日夜半。夢見一女子。著上下青綾衣。與吾相見。自稱云。我是王眉壽之小妹也。相見時。似如在山林之間。云明日可暫出西門外。有犢車。白牛皮巾裹僕御頭者是我車也。後別相詣於貴解。因口喻作詩而別。

乘炁涉淥津。採藥中山顛。披心煥靈想。蕭蕩無悟言。願與盛德遊。驂駟騁因緣。榮塵何足尋。疾急君清玄。苟能攝妙觀。吐納可長年。原注。王眉壽之小妹。卽中候夫人也。○真誥握真輔二。詩紀外集三。

附

丁令威歌

搜神後記曰。遼東城門有華表柱。忽有一白鶴集柱頭。時有少年學弓欲射之。鶴乃飛。徘徊空中而言曰云云。遂高上衝天。今遼東諸丁云。其先世有昇仙者。不知名字。

有鳥有鳥雲笈七籤只作我是二字。丁令威。去家千年雲笈七籤作歲。詩紀同。今來搜神後記作始。詩紀同。歸。城郭如故雲笈七籤作舊。人民非。何不學仙冢累累。詩紀作壘壘。雲笈七籤作離塚累。○搜神後記一。類聚七十八引搜神記。雲笈七籤百十引洞仙傳。詩紀外集一。

鬼神

紫玉歌

搜神記曰。吳王夫差小女名紫玉。童子韓重有道術。女悅重。欲嫁之不得。乃結氣而死。重遊學歸。往弔之。玉魂從墓出。見重流涕。乃左顧宛頸而歌曰。○遼案。此故事或不始於晉時。然以歌飾說。當在晉時。今姑附此俟考。

南山有鳥。吳地記。詩紀作鳥。北山張羅。鳥既高飛。羅將奈何。詩紀無此二句。意欲御覽作志欲。詩紀云。一作志願。從

君。讒言孔多。悲結成疹。搜神記作生疾。御覽同。吳地記作成疾。沒命吳地記作身。詩紀云。一作身。黃墟。命之不造。冤如之何。羽族之多。名爲鳳凰。一日失雄。三年感傷。雖有衆鳥。不爲匹雙。故見鄙姿。逢君輝光。身遠心近。詩紀云。一作還。何當詩紀作曾。注。一作當。御覽作嘗。暫忘。○搜神記十六。詩紀外集四。又御覽五百七十三引羅、何、多、墟、何、風、傷、光八韻。吳地記引羅、何、多、墟四韻。

廬山夫人女婉撫琴歌

祖台之志怪曰。建康小吏曹著。爲廬山君迎至廟。廟門外置一大甕。可受數百斛。常有風雷出其中。廬山夫人命女婉出見。容色甚麗。著大悅。夫人命婢瓊林令取琴。命婉鼓之。婉撫琴歌曰云云。歌畢。卽趨入。廬山君卽以婉妻著。居頃之。著求還。婉泫然賦詩爲別。贈以織成移袴。

登廬山兮鬱嵯峨。晞陽風兮拂紫霞。招若人兮濯靈波。欣良運兮暢雲柯。彈鳴琴兮樂莫過。雲龍會兮登御覽作樂。詩紀同。太和。○廬山紀事。御覽五百七十三。詩紀外集四。

陳阿登彈琴歌

搜神後記曰。漢時。會稽勾章人至東野。還莫。不及至家。見路旁小屋燃火。因投宿止。有一少女。不欲與丈夫共宿。呼隣人家女自伴。夜共彈箜篌。問其姓名。女不答。彈絃而歌曰云云。明至東郭外。有賣食母在肆中。此人寄坐。因說昨所見。母聞阿登。驚曰。此是我女。近亡。葬於郭外。

連綿葛上藤。一緩搜神後記作緩。注云。一作緩。復一組。欲知我姓名。御覽或作汝欲知我姓。姓陳名阿登。○搜神後記

六。御覽五百七十三引幽明錄。御覽八百八十四引續搜神記。法苑珠林四十引續搜神記。太平廣記三百十六引靈怪集。詩紀外集四。

王敬伯劉妙容歌詩

續齊諧記曰。晉有王敬伯者。會稽餘姚人。少好學。善鼓琴。年十八仕於東宮。爲衛佐。休假還鄉。過吳。維舟中者。登亭望月。悵然有懷。乃倚琴歌法露之詩。俄聞戶外有嗟賞聲。見一女子。雅有容色。謂敬伯曰。女郎悅君之琴。願共撫之。敬伯許焉。既而女郎至。姿質婉麗。綽有餘態。從以二少女。一則向先至者。女郎乃撫琴揮弦。韻調哀雅。類今之登歌。曰古所謂楚明君也。唯嵇叔夜能爲此聲。自茲已來。傳習數人而已。復鼓琴歌遲風之詞。因歎息久之。乃命大婢酌酒。小婢彈箜篌。作宛轉歌。女郎脫頭上金釵。扣琴弦而和之。意韻繁諧。歌凡八曲。敬伯唯憶二曲。將去。留錦卧具、繡香囊並佩一雙。以遺敬伯。敬伯報以牙火籠玉琴軫。女郎悵然不忍別。且曰。深閨獨處。十有六年矣。邂逅旅館。盡平生之志。蓋冥契非人事也。言竟便去。敬伯船至虎牢戍。吳令劉惠明者。有愛女早世舟中。亡卧具。於敬伯船獲焉。敬伯具以告。果於帳中得火籠琴軫。女郎名妙容。字雅華。大婢名春條。年二十許。小婢名桃枝。年十五。皆善彈箜篌及宛轉歌。相繼俱卒。○以上樂府詩集引。樂府又云。唐李端又有王敬伯歌。亦出於此。逮案。續齊諧記。梁吳均撰。然檢御覽、事類賦引此或謂出晉書。或謂出世說。似王劉歌詩晉世已有記載。今列此俟考。

王敬伯法露詩

低當作法。法易訛爲低。露下深幕。垂月照孤琴。空絃益宵御覽作宵。淚。誰憐此夜心。○御覽五百七十七引晉書。事類

賦琴賦注引世說。

劉妙容宛轉歌二首

月既明。西軒琴復清。寸心斗酒爭芳夜。千秋萬歲同一情。歌宛轉。宛轉淒以哀。願爲星與漢。光影共徘徊。○樂府詩集六十。詩紀外集四。

悲且傷。參差淚成樂府云。一作幾。詩紀同。行。低紅掩翠方無色。金徽玉軫爲誰鏘。歌宛轉。宛轉情復悲。願爲煙與霧。氛氳對容姿。○同上

又一首

宛轉情復哀。願爲煙與霧。氛氳君子御覽作同共。懷。○御覽五百七十七引晉書。事類賦琴賦注。○遼案。此蓋上歌第二首佚文。

宋詩卷一

王叔之

叔之。字穆仲。琅邪人。晉、宋間處士。有莊子義疏三卷、集十卷。

遊羅浮山詩

菴藹靈岳。開景神封。綿界盤址。中天舉峯。孤樓側挺。層岫迴重。風雲秀體。卉木媚容。○類聚七。詩紀五十四。

擬古詩

客從北方來。言欲到交趾。遠行無他貨。惟有鳳皇子。百金我不欲。千金難爲市。○類聚九十作晉王叔之。詩紀五十四。

伍輯之

輯之。仕晉。官爵未詳。人宋爲奉朝請。有從征記若干卷、集十二卷。

勞歌二首

幼童輕歲月。謂言文苑作爲。注云。一作言。可久長。一朝見零悴。歎息向秋霜。文苑作愁荒。注云。一作秋霜。迺遭已窮極。疾病文苑作疹疴。復不康。每恐先朝露。不見白日光。文苑作每恐死及我。朝露見日光。注云。一作每恐先朝露。不見白日光。庶及文苑作幾。注云。一作及。盛年時。暫遂文苑作驚逐。情所望。文苑作忘。注云。一作暫逐情所望。吉辰既乖越。文苑作牙。注云。一作越。按牙當卽互字。來期眇未央。促促歲月盡。窮年空悲文苑作怨。樂府同。又注。一作悲。傷。○文苑英華二百三。樂府詩集八十六。詩紀五十四。

女蘿依附松。終已冠高枝。浮萍生託水。至死不枯萎。傷哉抱關士。獨無松與期。月色似冬草。居身苦且危。幽生重泉下。窮年冰與澌。多謝負郭生。無所事六奇。勞爲社下宰。時無魏無知。○樂府詩集八十六。

春芳詩

桃柳發柔榮。丹綠粲郊邑。○初學記三。

卞伯玉

伯玉。濟陰人。仕晉。官爵未詳。人宋爲東陽太守、黃門郎。有繫辭注二卷、集五卷。

赴中書郎詩

大方信苞容。初學記作含。優渥遂不已。躍鱗龍鳳池。揮翰紫宸裏。○書鈔五十七作赴中書詩。初學記十一作中書郎詩。詩紀六十二。又初學記十一引第三句。

謝瞻

瞻。字宣遠。一名檜。字通遠。陳郡陽夏人。晉元興元年。爲安西將軍桓偉參軍。歷楚臺祕書郎、劉柳建成長史、武帝鎮軍參軍、琅邪王大司馬參軍。轉主簿、安城相、宋國中書、侍郎、相國從事中郎。出爲豫章太守。文章與從叔混、族弟靈運相抗。永初二年卒。年二十九。有集三卷。○宋書及南史本傳俱言卒年三十五。嚴可均全宋文云。考瞻卒於永初二年。年三十五。靈運誅於元嘉十年。年四十九。則靈運長於瞻二歲。疑有一誤。遯案。靈運生卒無誤。瞻卒年三十五當爲三十九之訛。瞻永初年卒。時如爲三十九。則長於靈運二歲。元興元年任桓偉參軍爲十九歲。如爲三十五歲。則元興元年僅十五歲。以常例衡之。不應是時卽爲參軍也。

九日從宋公戲馬臺集送孔令詩

風至授寒服。霜降休百工。繁林收陽彩。六臣本文選注云。五臣本作揚綵。密苑解華叢。巢幕無留燕。遵渚有歸李。善本文選作來。類聚、詩紀同。鴻。輕霞冠秋日。迅商御覽誤作適。薄清穹。聖心眷嘉歲時雜詠作佳。節。揚類聚作鳴。初學記、御覽同。鑿戾行宮。四筵御覽誤作延。霑芳醴。御覽誤作體。中堂起絲桐。扶光迫西汜。歡餘初學記作餘歡。歲時雜詠同。宴有窮。逝矣將歸客。養素克有終。臨流怨莫從。歡心歎飛蓬。○文選二十。古今歲時雜詠三十三。詩紀四十九。又類聚四、初學記四、御覽三十二並引工、鴻、穹、宮、桐、窮六韻。

答康樂秋霽詩

文選作答靈運。詩紀同。

夕霽風氣涼。閑房有餘清。開軒滅華燭。月露皓六臣本文選注云。五臣作浩。已盈。獨夜無物役。寢者亦云寧。忽獲愁霖唱。懷勞奏所誠。李善本文選作成。歎彼行旅艱。深茲眷言情。伊余雖寡慰。殷憂暫爲輕。牽率酬嘉藻。長揖愧吾生。○文選二十五。詩紀四十九。

於安城答靈運詩

五章

條繁林彌蔚。波清源愈六臣本文選作逾。注云。善作愈。濬。華宗誕吾秀。之子紹前胤。綢繆結風徽。烟煴吐芳訊。鴻漸隨事變。雲六臣本文選作靈。注云。善作雲。臺與年峻。

華萼相光飾。嚶鳴李善本文選作嚶嚶。悅同響。親親子敦余。李善本文選作予。賢賢五爾賞。比景後鮮輝。方年類聚作云當。一日長。萎葉愛榮條。涸流好河廣。

狗李善本文選作殉。六臣本注云。五臣作徇。業謝成操。復禮愧貧樂。幸會果代耕。符守江南六臣本文選注云。五臣作南江。曲。履運傷荏苒。遵塗歎緬邈。布懷存所欽。我勞一何篤。

肇允雖同規。翻飛各異槩。迢遞封畿外。窈窕承明內。尋塗塗既睽。卽理理已六臣本文選注云。五臣作亦。對。絲路有恆悲。矧迺在吾愛。

跬行安步武。緞翻周數仞。豈不識高遠。違方往有吝。歲寒霜雪嚴。過半路愈峻。六臣本注云。五臣作逾峻。量

己畏友朋。勇退不敢進。行矣勵令猷。寫誠酬來訊。○文選二十五。詩紀四十九。又類聚二十一作答靈運詩。引第二章。

王撫軍庾西陽集別時爲豫章太守庾被徵還東詩

集曰。謝遠豫章。庾被徵還都。王撫軍送至湓口南樓作。

祇召旋北京。守官反六臣。○六臣本文選注云。五臣作及。南服。方舟析李善本文選作新。舊知。對筵曠明牧。舉觴矜六臣本文選注云。五臣作務。飲餞。指途念出宿。來晨無定端。別晷有成速。頽陽照通津。夕陰暖平陸。榜人理行臚。輶軒命歸僕。分手東城闔。發櫂西江隩。離會雖相雜。李善本文選作親。逝川豈往復。誰謂情可書。盡言非尺牘。○文選二十。詩紀四十九。○遠案。六臣本只作王撫軍庾西陽集別。

經張子房廟詩

王風哀以思。周道蕩無章。卜洛易隆替。興亂罔不亡。力政吞九鼎。苛慝暴三殤。息肩纏民思。靈鑒集朱光。伊人感類聚作威。代工。聿來扶興王。婉婉幙中畫。輝輝天業昌。鴻門銷薄蝕。垓下隕機槍。爵仇建蕭宰。定都護儲皇。肇允契幽叟。翻飛指帝鄉。惠心奮千祀。清埃播無疆。神武睦三正。裁成被八荒。明兩燭河陰。慶霄薄汾陽。鑿旒六臣本文選注云。五臣作旌。歷頽寢。飾像薦嘉嘗。聖心豈徒甄。惟德在無忘。逝者如可作。揆子慕周行。濟濟屬車士。粲粲翰墨場。瞽夫違盛觀。踈踊企一方。四達雖平直。蹇步愧無良。冷和忘

微遠。延首詠太康。○文選二十一作張子房詩。詩紀四十九。又類聚三十八引王、昌、槍、皇、鄉、疆六韻。

遊西池詩

逍遙越郊肆。願言屢經過。迴阡被陵闕。高臺眺飛霞。惠風蕩繁囿。白雪騰曾阿。褰裳順蘭沚。徙倚引芳柯。美人愆歲月。遲暮獨如何。○類聚二十八。

孔欣

欣。會稽山陰人。仕晉。入宋爲國子博士。景平中。會稽太守褚淡之以爲參軍。有集九卷。

置酒高堂上

置酒宴友生。高會臨疏櫺。芳俎列嘉樂。府作佳肴。山疊滿春青。廣樂充堂宇。絲竹橫兩楹。邯鄲有名倡。承閒奏新聲。八音何寥亮。四座同歡情。舉觴發湛露。銜盃詠鹿鳴。觴謠可相娛。揚詩紀作楊。解意何榮。顧歡來義士。暢哉矯天誠。朝日不夕盛。川流常宵征。生猶懸水溜。死若波瀾停。當年貴得意。何能競虛名。○

樂府詩集三十一。詩紀五十四。

相逢狹路間

相逢狹路間。道狹正踟躕。如何不羣士。行吟戲路衢。輟步相與言。君行欲焉如。淳朴久已凋。榮利迭相驅。流落尚風波。人情多遷渝。勢集堂必滿。運去庭亦虛。競趨嘗不暇。誰肯眷桑樞。無為肆獨往。只將困淪胥。未若及初九。攜手歸田廬。躬耕東山畔。樂道詠玄書。狹路安足遊。方外可寄娛。○樂府詩集三十四。廣文選十四。詩紀五十四。

猛虎行

飢不食邪蒿萊。倦不息無終里。邪蒿乖素尚。無終喪若始。○文選四十六王文憲集序注。

祠太廟

束帶從王事。結纓奉清祀。肅肅禁闈內。翳然絕塵軌。峨峨高堂上。層構鬱雲起。明發修薦享。矜悚不遑止。罄折階廊間。棲棲常靡已。○初學記十三。萬花谷後十七。詩紀五十四。

宋文帝劉義隆

義隆。小字車兒。武帝第三子。晉義熙十一年。封彭城縣公。歷徐州、司州、荊州刺史。宋受禪。封宜都王。鎮湘江。景平二年八月即位。改元元嘉。三十年。為太子劉劭所弑。年四十七。宋孝武帝定亂。謚曰文皇帝。有集十卷。

元嘉七年以滑臺戰守彌時遂至陷沒乃作詩

逆虜亂疆場。邊將嬰寇仇。堅城效貞節。攻戰無暫休。覆瀋不可食。離機難復收。勢謝歸塗單。於焉見幽囚。烈烈制邑守。舍命蹈前修。忠臣表年暮。貞柯見嚴秋。楚莊投袂起。終然報強仇。去病辭高館。卒獲舒國憂。戎事諒未殄。民患焉得瘳。撫劍懷感激。志氣若雲浮。願想凌扶搖。弭旆拂中州。爪牙申威靈。帷幄聘良籌。華裔混殊風。率土浹王猷。惆悵懼遷逝。北顧涕交流。○宋書索虜傳。

北伐詩

宋書曰。元嘉二十三年。詔羣臣曰。吾少覽篇籍。頗愛文義。自纓紉世務。情兼家國。徒存日昃。終有慚德。而區宇未一。師饑代有。永言斯瘼。彌干其慮。屬思之功。與事而廢。殘虐遊魂。齊民塗炭。乃眷北顧。無忘私拯。思總羣謀。掃清逋逆。感慨之來。遂成短韻。卿等體國情深。亦當義篤其懷也。詩曰。

季父鑒禍先。辛生識機始。崇替類聚作眷。詩紀同。又注。疑作替。非無徵。興廢要有以。自昔淪類聚作論。中畿。倏焉盈百祀。不覩南雲陰。但見胡塵宋書作風。起。亂極治方宋書作必。形。塗泰由積否。方欲滌類聚作徐。詩紀作除。遺氛。類聚作遺氣。矧乃穢邊鄙。眷言悼斯民。納隍良在己。逝將振宏羅。詩紀作網。又注。一作羅。一麾同文軌。時乎豈再來。河清難久俟。駘駘安局步。騏驥志千里。梁傅畜義心。伊相抱深耻。賞契將誰寄。要之二三子。無令齊晉朝。取愧鄒魯士。○宋書索虜傳。又類聚五十九、詩紀四十五並引始、以、祀、起、否、鄙、已、軌八韻。

登景陽樓詩

崇堂臨萬雉。層樓跨九成。瑤軒籠翠幌。組幙翳雲屏。階上曉露潔。林下夕風清。蔓藻媚綠葉。芳蘭媚紫莖。極望周天險。留察泱神京。交渠紛綺錯。列植發華英。○類聚六十三。詩紀四十五。
士女眩街里。軒冕曜都城。萬軫揚金鑣。千軸樹蘭旌。○御覽三百五十八。○遠案。兩篇當爲一首。

宗炳

炳。字少文。南陽涅陽人。晉義熙中。武帝領荊州。辟主簿。後召爲太尉參軍。辟太尉掾。宋受禪。徵太子舍人。文帝卽位。徵通直郎。皆不就。有集十六卷。

登半石山詩

清晨陟阻崖。氣志洞蕭洒。嶮谷崩地幽。窮石凌天委。長松列竦肅。萬樹巉巖詭。上施神農蘿。下凝堯時髓。○類聚七。詩紀三十六。

登白鳥山詩

我徂白鳥山。因名感昔擬。仰升數百仞。俯覽眇千里。杲杲羣木分。岌岌衆巒起。○類聚七。詩紀三十六。

孔甯子

甯子。會稽山陰人。義熙初爲武帝太尉主簿。永初中爲文帝鎮西諮議參軍。文帝卽位。以爲黃門侍郎。領步兵校尉。進侍中。元嘉二年卒。有集十五卷。

擢歌行

君子樂和節。品物待陽時。上位樂府作祖。降繁祉。元已命水嬉。倉武戒橋梁。旄人樹羽旗。高檣抗飛帆。羽蓋翳華枝。飲飛激逸響。娟娥吐清辭。沂洄緬無分。欣流愴有思。仰瞻翳雲繳。俯引沈泉絲。委羽漫通渚。鮮染中填坻。鷓鳥感樂府作威。江使揚波駭馮夷。夕影雖已西。□□終無期。○樂府詩集四十。詩紀五十三。

前緩聲歌

供帳設玄宮。衆仙胥□亞。炤炤二儀曠。雍容風雲暇。北伐太行鼓。南整九疑駕。笙歌興洛川。鳴簫起秦榭。鈞天異三代。廣樂非韶夏。滿堂皆人靈。列筵必羽化。烏可循日留。兔自延月夜。弱水時一濯。扶桑聊暫舍。兆旬方履端。千齡□八蜡。○樂府詩集六十五。詩紀五十三。

傅亮

亮。字季友。北地靈州人。晉義熙中爲中書黃門侍郎。武帝受禪。加尚書僕射。後與徐羨之、謝晦同廢少帝。奉迎文帝卽位。元嘉三年被誅。年五十三。有集三十一卷。

從武帝平閩中詩

鞠旅揚城。大蒐徐方。旅旌首路。元戎啓行。弭詩紀云。一作擊。楫洪河。總轡崇芒。詩紀作岡。○類聚五十九。詩紀五十三。○遠案。宋武帝有平關中姚秦事。無平閩中事。閩。關之訛。

從征詩

息徒西楚。佇楫舊鄉。止猶岳立。動則雲翔。烈烈羣師。星言啓行。汎舟掩河。秣馬登芒。○類聚五十九。詩紀五十三。

奉迎大駕道路賦詩

詩紀云。宋書本傳曰。亮初奉迎大駕。道路賦詩三首。其一篇有憂懼之辭。按本傳。宋少帝廢。亮率行臺至江陵奉迎文帝。疑卽此時作也。

夙懼發皇邑。有人祖我舟。餞離不以幣。贈言重琳球。知止道攸貴。懷祿義所尤。四牡倦長路。君轡可以收。張邴結晨軌。疏董頓夕輟。東隅誠已謝。西景逝不留。性命安可圖。懷此作前修。敷衽銘篤誨。引帶佩嘉謀。迷寵非予志。厚德良未酬。撫躬愧疲朽。三省慙爵浮。重明照蓬艾。萬品同率由。忠誥豈假知。式微

發直謳。○宋書本傳。詩紀五十三。

冬至

星昴殷仲冬。短晷窮南陸。柔荔迎時養。芳芸應節馥。○初學記四。古今歲時雜詠三十九。詩紀五十三。

謝晦

晦。字宣明。陳郡陽夏人。初爲武帝太尉參軍。武帝受命。封武昌縣公。少帝卽位。加中書令。文帝卽位。加使持節。進號衛將軍。元嘉三年被誅。年三十七。

彭城會詩

宋書曰。晦爲宋武帝太尉主簿。從征關洛。帝於彭城大會。命紙筆賦詩。晦恐帝有失。起諫帝。卽代作曰。先蕩臨淄穢。却清河洛塵。華陽有逸驥。桃林無伏輪。○宋書本傳。御覽五百九十一作宋高祖。詩紀五十三。

悲人道

宋書曰。晦敗。乃攜其弟遜、兄子世基等七騎北走。遜肥壯。不能騎馬。晦每待之。行不得速。至安陸延頭。爲戍主光順之所執。順之。晦故吏也。檻送京師。於路作悲人道。其詞曰。

悲人道兮悲人道之實難。哀人道之多險。傷人道之寡安。懿華宗之冠冑。固清流而遠源。樹文德於庭戶。立操學於衡門。應積善之餘祐。當履福之所延。何小子之凶放。實招禍而作愆。值革變之大運。遭一顧於聖皇。參謀猷於創物。贊帝制於宏綱。出治戎於禁衛。人關言於帷房。分河山之珪組。繼文武之龜章。稟顧命於西殿。受遺寄於御牀。伊懦劣其無節。實懷此而不忘。荷隆遇於先主。欲報之於後王。憂託付之無効。懼愧言於存亡。謂繼體其嗣業。能增輝於前光。居遏密之未幾。越禮度而涵荒。普天壤而殞氣。必社稷之淪喪。矧吾儕之體國。實啓處而匪遑。藉億兆之一志。固昏極而明彰。諒主尊而民晏。信卜祚之無疆。國既危而重構。家已衰而載昌。獲扶顛而休否。冀世道之方康。朝褒功以疏爵。祇命服於西蕃。奏簫管之嘈囂。擁朱旄之赫煌。臨八方以作鎮。響文武之桓桓。厲薄弱以爲政。實忘食於日旰。豈申甫之敢慕。庶惟宋之屏翰。甫逾歷其三稔。實周回其未再。豈有慮於內□。□□□其云哉。痛夾輔之二宰。並加辟而靡貸。哀弱息之從禍。悲發中而心痲。伊荆漢之良彥。逮文武之子民。見忠貞而弗亮。覩理屈而莫申。皆義概而同憤。咸荷戈而競臻。浮舳艫之奕奕。陳車騎之鱗鱗。觀人和與師整。謂茲兵其誰陳。庶亡魂之雪怨。反涇渭於彝倫。齊輕舟於江曲。殄銳敵其皆湮。勒陸徒於白水。寇無反於隻輪。氣有捷而益壯。威既肅而彌振。嗟時哉之不與。迂風雨以踰旬。我謀戰而不克。彼繼奔其躡塵。乏智勇之奇正。忽孟明而是遵。苟成敗其有數。豈怨天而尤人。恨矢石之未竭。遂摧師而覆陳。誠得喪之所遭。固當之其無吝。痛同懷之弱子。橫遭罹之殃。智未窮而事傾。力未極而莫振。誓同盡於鋒鏑。我怯劣而愆信。愍弟姪之何辜。實五咎之所嬰。謂九夷之可處。思致免以全生。嗟性命之難遂。乃窘繼於邊亭。亦何忤於天地。

備艱危而是丁。我聞之於昔誥。功彌高而身賊。霍芒刺而幸免。卒傾宗而滅族。周歎貴於獄吏。終下蕃而靡鞠。雖明德之大賢。亦不免於殘戮。懷今憚而忍人。忘向惠而莫復。績無賞而震主。將何方以自牧。非砢石之園照。孰違禍以取福。箸殷鑑於自古。豈獨嘆於季叔。能安親而揚名。諒見稱於先哲。保歸全而終孝。傷在余而皆缺。辱歷世之平素。忽盛滿而傾滅。惟烝嘗與灑埽。痛一朝而永絕。問其誰而爲之。實孤人之險戾。罪有踰於丘山。雖百死其何雪。羈角偃兮衡閭。親朋交兮平義。雖履尚兮不一。隆分好兮情寄。俱憚耕兮從祿。覩世道兮艱詖。規志局兮功名。每謂之兮爲易。今定謚兮闔棺。慚明智兮昔議。雖待盡兮爲恥。嗟厚顏兮靡實。長揖兮數子。謝爾兮明智。百齡兮浮促。終焉兮斟克。卧盡兮斧斤。理命兮同得。世安彼兮非此。豈曉分兮辨惑。御莊生之達言。請承風以爲則。○宋書本傳。

連句詩

宋書曰。晦被誅。世基坐從。其將刑。爲連句詩曰云云。謝晦續之曰。

功遂侔昔人。保退無智力。既涉太行險。斯路信難陟。○宋書本傳。南史謝世基傳。詩紀五十三。

謝世基

連句詩

宋書曰。世基。晦之從子也。有才氣。晦被誅。世基坐從。其將刑。爲連句詩曰。

偉哉橫海鯨。壯矣垂天翼。一旦失風水。翻爲螻蟻食。○宋書謝晦傳。南史謝世基傳。詩紀五十三。

鄭鮮之

鮮之。字道子。開封人。初仕晉。爲輔國主簿。武帝受禪。遷太常、都官尚書。元嘉三年。爲尚書右僕射。四年卒。時年六十四。有集二十卷。

行經張子房廟詩

七雄裂周紐。道盡鼎亦淪。長風晦崑溟。潛龍動泗濱。紫煙翼丹虬。靈媪悲素鱗。○類聚三十八。詩紀五十三。

范泰

泰。字伯倫。南陽順陽人。晉豫章太守甯子。晉太元初爲太學博士。出爲天門太守。義熙初。荊州刺史司馬休之以爲長史、南郡太守。人爲黃門郎、御史中丞。出爲東陽太守。累遷尚書兼司空。宋受禪。拜金紫光祿大夫。元嘉三年。進侍中、左光祿大夫、國子祭酒。五年卒。年七十四。有集二十卷。

經漢高廟詩

嘯吒英豪萃。指揮類聚作。五岳分。乘彼道消勢。遂廓宇宙氛。重瞳豈不偉。奮臂騰羣雄。壯力拔高山。猛

氣烈迅風。恃勇終必撓。道勝業自隆。○類聚三十八。詩紀五十三。

鸞鳥詩

昔罽賓王結罝峻卯之山。獲一鸞鳥。王甚愛之。欲其鳴而不致也。乃飾以金樊。饗以珍羞。對之愈戚。三年不鳴。其夫人曰。嘗聞鳥見其類而後鳴。何不懸鏡以映之。王從其意。鸞覩形悲鳴。哀響沖霄。一奮而絕。嗟乎。茲禽何情之深。昔鍾子破琴於伯牙。匠石韜斤於郢人。蓋悲妙賞之不存。慨神質於當年耳。矧乃一舉而殞其身者哉。悲夫。乃爲詩曰。

神鸞棲高梧。爰翔霄漢際。軒翼颺輕風。清響中天厲。外患難預謀。高羅掩逸勢。明鏡懸高堂。顧影悲同契。一激九霄音。響流形已斃。○類聚九十。詩紀五十三。

九月九日詩

勁風肅林阿。鳴雁驚時候。籬菊熙寒蕞。竹枝不改茂。○書鈔百五十五。

詩

詩紀作詠老。並注云。藝文云梁范泰作。考梁無此名。附于此。然不得卽以爲伯倫作也。

枉生竟何豫。未云倏已老。華髮飄悴容。若慮棲懷抱。疇昔少年時。皆以歸大造。○類聚八十。詩紀五十三。

詠雪詩

玉山亘野。瓊林分道。○書鈔百五十二。

贈袁湛謝混詩

晉書曰。湛。字士深。少有操植。以冲粹自立而無文華。故不爲流俗所重。時謝混爲僕射。范泰贈湛及混詩云。亦有後出隽。離羣頗騫翥。○晉書袁湛傳。



宋詩卷二

謝靈運

靈運。小名客兒。陳郡陽夏人。晉車騎將軍謝玄孫。太元末。襲封康樂公。爲琅邪王大司馬參軍。劉毅鎮姑熟。以爲撫軍記室參軍。毅鎮江陵。又以爲衛軍從事中郎。毅誅。武帝版爲太尉參軍。宋國建。遷相國從事中郎。宋受禪。降爵爲侯。起爲散騎常侍。轉太子左衛率。少帝卽位。出爲永嘉太守。文帝卽位。徵爲秘書監。遷侍中。尋引病東歸。以游宴免官。起爲臨川內史。後爲有司所糾。興兵叛。禽付廣州。元嘉十年。詔就廣州棄市。年四十九。有晉書三十六卷、集二十卷。

樂府

善哉行以下四言。

陽谷躍升。虞淵引落。景曜樂府作躍。東隅。晼晚西薄。三春煥敷。樂府作紱。九秋蕭索。涼來溫謝。寒往暑却。居德斯頤。積善嬉譔。陰灌陽叢。凋華墮類聚作墜。萼。歡去易慘。悲至難鑠。擊節樂府作激涕。當歌。對酒當類聚作親。酌。鄙哉愚人。戚戚懷瘼。善哉達士。滔滔處樂。○樂府詩集三十六。廣文選十四。詩紀四十七。又類聚四十一作謝惠連。引却、萼、酌、瘼、樂五韻。

隴西行

昔在老子。至樂府作志。注云。一作至。理成篇。柱小傾大。綆短絕泉。鳥之棲遊。林檀樂府作壇。是閑。韶樂牢膳。豈伊攸便。胡爲乖枉。從表方圓。耿耿僚志。慊慊丘園。善歌以詠。言理成篇。○樂府詩集三十七。詩紀四十七。

日出東南隅行以下五言。

柏梁冠南山。桂宮耀北泉。晨風拂檐幌。朝日照閨軒。美人卧屏席。懷蘭秀瑤璠。皎潔秋松氣。淑德春景暄。○類聚四十一。樂府詩集二十八。詩紀四十七。

長歌行

倏燦夕星流。昱奕朝露團。粲粲烏有停。泫泫豈暫安。徂齡速飛電。頽節驚驚湍。覽物起悲緒。顧已識憂端。朽貌改鮮色。悴容變柔顏。變改苟催促。容色烏盤桓。靡靡壯志闕。既慚減孫慨。復愧楊子歎。寸陰果有逝。尺素竟無觀。幸賒道念戚。且取長歌歡。○樂府詩集三十。廣文選十四。詩紀四十七。

苦寒行

歲歲層冰合。紛紛霰雪落。浮陽滅類聚一作滅。樂府同。清暉。寒禽叫悲壑。饑爨煙不興。渴汲水枯涸。○類聚四

十一。樂府詩集三十三。詩紀四十七。

又

樵蘇無夙飲。鑿冰煮朝飧。悲矣採薇唱。苦哉有餘酸。○初學記七。

豫章行

短生旅長世。恆覺白日欹。覽鏡睨頰容。華顏豈久期。苟無迴戈術。坐觀落崦嵫。○類聚四十一。樂府詩集三十四。詩紀四十七。

相逢行

詩紀云。樂府作惠連。今從藝文作靈運。

行行卽長道。道長類聚作長道。息班草。邂逅賞心人。與我傾懷抱。夷世信難值。憂來傷人。類聚無憂來傷人四字。平類聚作浮。生不可保。陽華與春渥。陰柯長秋槁。心慨榮去速。情苦憂來早。日華難久居。憂來傷人。諄諄亦至老。親黨近卹庇。昵君不常好。九族悲素霰。三良怨黃鳥。邇朱白卽頰。憂來傷人。近編樂府誤作。續。潔必造。水流理就濕。火炎同歸燥。賞契少能諧。斷金斷可寶。千計莫適從。詩紀云。當有憂來傷人四字。萬端信紛繞。巢林宜擇木。結友使心曉。心曉形迹畧。畧邇誰能了。相逢既若舊。憂來傷人。片言代紵縞。

○樂府詩集三十四作謝惠連。詩紀四十七。又類聚四十一引草、抱、保三韻。

折楊柳行

原二首。按第一首鬱鬱河邊樹。乃魏文帝詞。今刪。

騷屑出穴風。揮霍見日雪。颼颼無久搖。皎皎幾時潔。未覺泮春冰。已復謝秋節。空對尺素遷。獨視寸陰滅。否桑未易繫。泰茅難重拔。桑茅樂府作苧。迭生運。語默寄前哲。○樂府詩集三十七。廣文選十四。詩紀四十七。

泰山吟

岱岱史作泰。宗秀維岳。崔峯詩紀作萃。初學記作摧卒。刺雲天。崖嶧既嶮巖。初學記作巖。岱史同。觸石輒芊岱史作遷。綿。樂府作千眠。登封瘞崇壇。降禪藏肅然。石閭何晻藹。明堂祕靈篇。○初學記五。岱史。樂府詩集四十一。詩紀四十七。又初學記十三引天、然二韻。

君子有所思行

總駕越鍾陵。還顧望京畿。躑躅周名都。遊目倦樂府云。一作眷。詩紀云。一作眷。忘歸。市鄜無阨樂府云。一作夾。詩紀同。室。世族有高闈。密親麗華苑。軒葢飾通達。孰是金張樂。諒由燕趙詩。長夜恣酣飲。窮年弄音徽。盛往速露墜。衰來疾風飛。餘生不歡娛。何以竟暮歸。寂寥曲肱子。瓢飲療朝飢。所秉自天性。貧廣文選作貴。富豈相譏。○樂府詩集六十一。廣文選十四。詩紀四十七。

悲哉行

詩紀云。陸士衡集亦載此詩。誤也。陸別有一首。

萋萋春草生。王孫遊有情。差池鷺始飛。天裊桃類聚。廣文選作柳。樂府同。又注。一作桃。詩紀云。一作柳。非。始類聚作初。榮。廣文選作繁。灼灼桃悅色。飛飛鷺弄聲。檐上雲結陰。澗下風吹清。幽樹雖改觀。終始在初生。松葛歡蔓延。樛葛欣蘩繁。眇然遊宦子。晤言時陸集作來。未并。鼻感改朔氣。眼陸集作心。樂府、詩紀並云。一作心。傷變節榮。侘僚豈徒然。澶樂府云。一作緇。詩紀同。漫絕音形。風來不可託。鳥去豈爲聽。○樂府詩集六十二。陸士衡文集七。廣文選十四。詩紀四十七。又類聚四十一引情、榮二韻。

會吟行

六引緩清唱。三調佇繁音。列筵皆靜寂。類聚作寂寂。咸共聆會吟。會吟自有初。請從文命敷。敷績壺冀始。刊木至江汜。列宿炳天文。負海橫地理。連峰競千仞。背流各百里。滌池樂府作地。溉粳稻。輕雲暖松杞。兩京愧佳麗。三都豈能似。層臺指中天。高墉積崇雉。飛燕躍廣途。鷓首戲清沚。肆呈窈窕容。三謝詩作客。六臣本文選注云。五臣作客。路曜姬娟子。自來彌世文選作年。六臣本注云。五臣作世。詩紀云。一作年。代。賢達不可紀。句踐善廢興。越叟類聚作王。識行止。范蠡出江湖。梅福入城市。東方就旅逸。梁鴻去桑梓。牽綴書土風。辭殫意未已。○文選二十八。樂府詩集六十四。三謝詩。詩紀四十七。又類聚四十二作吳會行。引音、吟、敷、汜、止、市六韻。

緩歌行

飛客結靈友。凌空萃丹丘。習習和風起。采采彤雲浮。詩紀云。一作流。娥皇發湘浦。霄類聚作宵。明出河洲。宛宛連螭轡。裔裔振龍旒。詩紀云。一作轉。○類聚四十二。樂府詩集六十五。詩紀四十七。

燕歌行七言

孟冬初寒萬花谷作節。節萬花谷作寒。氣成。悲風入閨霜依庭。秋蟬噪柳燕辭樂府作棲。廣文選同。楹。念君行役怨邊城。萬花谷作廷。君何崎嶇久徂征。豈無膏沐感鶴鳴。對君不樂淚沾纓。闌窗開幌弄秦箏。調絃促柱多哀聲。遙夜明月鑒帷屏。誰知河漢淺且清。展轉思服悲明星。○樂府詩集三十二。廣文選十四。詩紀四十七。又萬花谷後四十引成、庭、盈、廷四韻。

鞠歌行以下雜言。

德不孤兮必有鄰。唱和之契冥相因。譬如虬虎令來風雲。亦如形聲影響陳。心歡賞兮歲易淪。隱玉藏彩疇識真。叔牙顯。夷吾親。郢既歿。匠寢斤。覽古籍。信伊人。永言知己感良辰。○樂府詩集三十三。詩紀四十七。

順東西門行

出西門。眺雲間。揮斤扶木墜虞泉。信道人。鑒徂川。思樂暫捨誓不旋。閱九九。傷牛山。宿心載違徒昔言。競落運。務頽年。招命儕好相追牽。酌芳醕。奏繁絃。惜寸陰。情固然。○樂府詩集三十七。詩紀四十七。

上留田行

薄遊出彼東道。上留田。薄遊出彼東道。上留田。循聽一何轟轟。上留田。澄川一何皎皎。上留田。悠哉邊廣文選作塲。下同。矣征夫。上留田。悠哉邊矣征夫。上留田。兩服上阪電遊。上留田。舫舟下遊鸞驅。上留田。此別既久無適。上留田。此別既久無適。上留田。寸心繫在萬里。上留田。尺素遵此千夕。上留田。秋冬迭相去就。上留田。秋冬迭相去就。上留田。素雪紛紛鶴委。上留田。清風颼颼入袖。上留田。歲云暮矣增憂。上留田。歲云暮矣增憂。上留田。誠知運來詎抑。上留田。熟視年往莫留。上留田。○樂府詩集三十八。廣文選十四。詩紀四十七。

詩

三月三日侍宴西池詩四言

詳觀記牒。鴻荒莫傳。降及雲鳥。日聖則天。虞承唐命。周襲商艱。江之永矣。皇心惟眷。矧乃暮春。時物芳衍。溢觴逶迤。周流蘭殿。禮備朝容。樂闋夕宴。○類聚四。廣文選八。詩紀四十七。又初學記四。古今歲時雜詠十六並引衍、殿、宴三韻。

贈從弟弘元詩六章

從弟弘元。爲驃騎記室參軍。義熙十一年十月十日。從鎮江陵。贈以此詩。

恣彼明泉。馥矣芳蕙。揚曄神臯。激清靈谿。灼灼吾秀。徽美是諧。譽必德昭。志由業栖。憩鳳于林。養龍在泉。捨潛就躍。假雲翔天。飪以味變。台以明宣。言辭戚朝。聿來鼎藩。昔爾同事。謂予偕征。睽合無朕。聚散有情。我端北署。子騰南溟。申非授乖。飲淚悽聲。緬邈荆巫。杳翳江湍。三千既曠。絲役實難。想像微景。延佇音翰。因雲往情。感風來歎。寢處讌說。指辰忌薄。化離未幾。節至采穫。靜念霜繁。長懷景落。人道分慮。前期靡託。視聽易狎。沖用難本。違真一差。順性誰卷。顏子悔傷。蓬生化善。心愧雖厚。行迷未遠。平生結誠。久要罔轉。警掉候風。側望雙反。○文館詞林百五十二。

答中書詩八章

懸圃樹瑤。崑山挺玉。流采神臯。列秀華岳。休哉美寶。擢穎昌族。灼灼風徽。采采文牘。伊昔昆弟。敦好閭里。我暨我友。均尚同恥。仰儀前修。綢繆儒史。亦有暇日。嘯歌宴喜。聚散無期。乖化易端。之子名揚。鄙夫忝官。素質成漆。巾褐懼蘭。遷流推薄。云胡不歎。中予備列。子讚時庸。偕直東署。密勿遊從。彼美顯價。煌煌逸蹤。振迹鼎朝。翰飛雲龍。

嗟茲飄轉。隨流如萍。台岳崇觀。僚士惟明。瓊璫下陪。從公于征。溯江踐漢。自徐徂荆。

契闊北京。劬勞西郢。守官末局。年月已永。孰是疲劣。逢此多□。當是管字。厚顏既積。在志莫省。

悽悽離人。惋乖悼己。企佇好音。傾渴行李。矧乃良朋。貽我瓊玕。久要既篤。平生盈耳。申復情言。欣歎
牙(古互字)適園本作平。誤。起。何用託誠。寄之吾子。

在昔先師。任誠師天。刻意豈高。江海非閑。守道順性。樂茲丘園。偕友之唱。敬悅在篇。霜露荏苒。日月
如捐。相望式遠。言歸言旋。○文館詞林百五十二。

贈從弟弘元時爲中軍功曹住京詩五章

於穆冠族。肇自有姜。峻極誕靈。伊源降祥。貽厥不已。歷代流光。邁矣夫子。允迪清芳。
昔聞蘭金。載美典經。曾是朋從。契合性情。我違志槩。顯藏無成。疇鑒予心。託之吾生。
維翰孔務。明時勞止。我求髦俊。以作僚士。僉曰爾諧。俾蕃是紀。逝將去我。言念北鄙。
契闊羣從。繼繼遊娛。歷時閱歲。寒暑屢徂。接席密處。同軫修衢。孰云異對。翔集無殊。
子既祇命。餞此離襟。良會難期。朝光易侵。人之執情。忝景悼心。分手遵渚。傾耳淑音。○文館詞林百五
十二。

贈安成詩七章

時文前代。徽猷係從。於邁吾子。誕俊華宗。明發迪吉。原作古。今從適園本。因心體聰。微言是賞。斯文以崇。

用舍誰階。賓名相傳。祕丘發軔。千里知賢。撫翼宰朝。翰飛戚蕃。佐道以業。淑問聿宣。相彼景響。有比形聲。始云同宗。終焉友生。棠棣隆親。頰弁鑿情。緬邈歲月。繾綣平生。明政敦化。矜恤載懷。用掇良彥。循我人黎。江既永矣。服亦南畿。解袂告離。雲往風飛。揮手未幾。鑽燧推斥。青春屏轡。素秋係迹。媚彼時漁。戀此分拆。我勞行久。實獲予感。昔在先道。垂誥亨鮮。亦曰于豹。調和韋弦。清靜有默。平正無偏。欽隆令績。慰沃願言。駑不逮駿。猶不間薰。三省朽質。再沾慶雲。仰慚蓼蕭。俯惕惟塵。將拭舊褐。謁來虛汾。疇咨亮款。敬告在文。○文館詞林百五十二。

答謝諮議詩八章

玉衡迅駕。四節如飛。急景西馳。奔浪赴沂。英華始翫。落葉已稀。惆悵衡臯。心焉有違。告離甫爾。荏冉迴周。懷風感遷。思我良疇。豈其無人。莫與好仇。孰曰晏安。神往形留。感昔戎行。遠暨西垠。僂俛于役。不敢告勤。爾亦同事。契闊江濱。庶同支離。攘臂解紛。鳴鶴在陰。自幽必顯。既曰有聲。因風易演。逶迤雲閣。司帝之典。蔚彼遺藉。如瑩如洗。齊仲善交。在久彌敬。自我之遭。一遇而定。於穆謝生。以和繕性。有言屬耳。有文在詠。寡弱多幸。逢茲道泰。荷榮西荒。晏然解帶。翦削前識。任此天籟。人既遇矣。何懼何害。搔首北眷。清對未從。瞻雲累歎。思□御風。良願易違。嘉樂難逢。微我無衣。溫涼誰同。

古人善身。實畏斯名。緣督何貴。卷耀藏馨。九言之贈。實由未冥。片音或重。瓊璠可輕。○文館詞林百五十八。

述祖德詩二首以下五言。

序曰。太元中。王父龕定淮南。負荷世業。專文選作尊。主隆人。逮賢相祖謝。君子道消。拂衣蕃岳。考卜東山。事同樂生之時。志期范蠡之舉。

達人貴自我。高情屬天雲。兼抱濟物性。而不纓垢氛。段生藩詩紀作蕃。注云。通作藩。魏國。展季救魯民。文選作人。三謝詩、詩紀同。弦高犒暗詩紀云。舊作晉。誤。文選、三謝詩作晉。師。仲連卻六臣本文選作却。三謝詩同。秦軍。臨組乍三謝詩作作。不縲。對珪寧肯分。惠物辭所賞。勵志故絕人。若若歷千載。遙遙播清塵。清塵竟誰嗣。明哲垂文選作時。三謝詩同。經綸。委講輟文選、三謝詩作綴。詩紀同。又注。當作輟。道論。改服康世屯。屯難既云康。尊主隆斯民。○文選十九。三謝詩。詩紀四十七。○遂案。蘇聯學士院藏唐寫本文選魯人作魯民。綴作輟。皆較勝。今從之。

中原昔喪亂。喪亂豈解已。崩騰永嘉末。逼迫太元始。河外無反正。江介有賊圯。萬邦咸震懾。橫流賴君子。拯溺由道情。龕暴資神理。秦趙欣來蘇。燕魏遲文軌。賢相謝世運。遠圖因事止。高揖七州外。拂衣五湖裏。隨山疏濬潭。傍巖藝粉梓。遺情捨塵物。貞觀丘壑美。○同上

九日從宋公戲馬臺集送孔令詩

季秋邊朔類聚作朔邊。苦。旅鴈違霜雪。淒淒書鈔作悽悽。陽卉腓。皎皎寒潭絮。良辰感聖心。雲寰宇記作寰。旗

與暮節。鳴葭御覽作笳。寰字記同。庚朱三謝詩作宋。宮。蘭卮獻時哲。歲時雜詠作折。錢宴光有孚。和樂隆歲時雜詠作信。六臣本文選注云。五臣本作信。所缺。在宥天下理。吹萬羣方歲時雜詠作芳。悅。歸客遂類聚作逐。初學記同。海隅。李善本文選作嶠。脫冠謝朝列。弭棹薄枉初學記作桂。渚。指景待樂闕。初學記作闕。河。御覽作東。流有急瀾。浮駘無緩御覽或作蹊。轍。豈伊川途念。宿心愧將別。彼美丘園道。喟焉杜詩注作然。傷薄劣。○文選二十。古今歲時雜詠三十三。三謝詩。詩紀四十七。又書鈔百五十五引雪、潔二韻。類聚四引雪、潔、節、哲、列、轍六韻。初學記十八引列、闕二韻。黃氏集千家註杜工部詩史補遺一獨酌詩注引劣一韻。御覽三十二引雪、潔、節、哲、列、轍六韻。七百七十六引轍、別二韻。

彭城宮中直感歲暮詩

草草眷徂物。初學記作物徂。契契矜歲殫。類聚作殫。楚豔起行初學記作行復。戚。吳趨絕歸初學記作感絕。歡。修帶緩舊裳。素髮改朱顏。晚暮悲獨坐。類聚作非獨己。鳴鶉歇春蘭。○類聚三。初學記三。詩紀四十八。

從遊京口北固應詔詩

玉璽戒誠信。黃屋示崇高。事爲名教用。道以神理超。昔聞汾水遊。今見塵外鑣。鳴笳發春渚。稅鑾登山椒。張組眺倒景。列筵矚歸潮。遠巖映蘭薄。白日麗江皋。原隰萋綠柳。墟囿散紅桃。皇心美陽澤。萬象三謝詩作泉。咸光昭。顧己枉維繫。撫志慚場苗。工拙各所宜。終以反林巢。曾是繁舊想。覽物奏長謠。○文選三十二。三謝詩。詩紀四十七。

永初三年七月十六日之郡初發都詩

述職期闌暑。類聚作蘭暑。理棹變金素。秋岸澄類聚作沉。夕陰火旻。類聚作昊。團朝露。辛苦誰爲情。遊子值頽暮。愛似莊念昔。久敬曾存故。如何懷土心。持此謝遠度。李牧愧長袖。郤克慚躡步。良時不見遺。醜狀不成惡。曰余亦支離。依方早有慕。生幸休明世。類聚作時。親蒙英達顧。空班趙氏璧。類聚作璽。徒乖魏王瓠。從來漸二紀。始得傍歸路。將窮山海迹。永絕賞心悟。六臣本文選注云。五臣作晤字。○文選二十六。三謝詩。詩紀四十七。又類聚二十七引素、露、暮、顧、瓠、路、悟六韻。

鄰里相送至方山詩

祇役出皇邑。相類聚、初學記作指。六臣本文選注云。五臣作指。期憩甌越。解纜及流潮。懷舊不能發。析析類聚作折。折就衰林。皎皎明秋月。含情易爲盈。遇物難可歇。積痾謝生慮。寡慾罕所闕。資此草堂詩箋作志。永幽棲。豈伊年歲別。各勉日新志。音塵慰寂蔑。李善本文選注云。蔑一作滅。○文選二十。三謝詩。詩紀四十七。又類聚二十九引越、發、月、歇四韻。初學記十八引越、發、月、歇四韻。草堂詩箋八崔駰詩注引別一韻。

過始寧墅詩

束髮懷耿介。逐物遂推遷。遠志似如昨。二紀及茲年。緇磷謝清曠。疲薈慚貞堅。拙疾相倚薄。還得靜者

便。六臣本文選注云。五臣無此二句。剖竹守滄海。枉帆過舊山。山行窮登頓。水涉盡洄沿。巖峭草堂詩箋作峭。嶺稠疊。洲繁渚連綿。白雲抱幽石。綠篠媚清漣。葺宇臨迴江。築觀基曾巔。揮手告鄉曲。三載期歸旋。且爲樹粉檟。無令孤願言。○文選二十六。三謝詩。文章正宗二十九。詩紀四十七。又草堂詩箋十五秦州詩注引一句。

富春渚詩

宵濟御覽作朝發。寰字記同。漁浦潭。旦及御覽作暮宿。寰字記同。富春郭。定山緬雲霧。赤亭無淹酌語陽秋作滯。輿地紀勝作安。薄。御覽作泊。寰字記。輿地紀勝同。溯流觸驚急。臨圻阻參錯。亮乏伯昏分。險過呂梁壑。洊至宜便習。兼山貴止託。平生協幽期。淪蹟困微弱。久露干祿請。始果遠遊諾。三謝詩作翻始果遠諾。六臣本文選注云。五臣作翻始果遠諾。宿心漸申寫。萬事俱零落。懷抱既昭曠。外物徒龍蠖。○文選二十六。三謝詩。詩紀四十七。又御覽四十六。寰字記九十一並引郭。泊二韻。韻語陽秋十三引薄一韻。輿地紀勝二引泊一韻。

七里瀨詩

羈心積秋晨。晨積展遊眺。孤客傷逝湍。徒旅苦奔峭。石淺水潺湲。日落山照曜。荒林紛沃若。哀禽相叫嘯。遭物悼遷斥。存期三謝詩作其。六臣本文選注云。五臣作其。得要妙。既秉上皇心。三謝詩作情。六臣本文選注云。五臣作情。豈屑末代誚。目覩嚴子瀨。想屬任公釣。誰謂古今殊。異代可同調。○文選二十六。三謝詩。詩紀四十七。

晚出西射堂詩

步出西城類聚作掖。寰宇記、三謝詩同。永嘉縣志或同。詩紀云。集作掖。門。遙望城西岑。連鄣疊巘嶠。青翠杳深沈。曉
霜楓葉丹。夕曛嵐氣陰。節往感李善本文選作戚。不淺。感來念類聚作恨。已深。羈雌戀舊侶。迷鳥懷故林。含
情尚勞永嘉縣志或作繁。愛。如何離賞心。撫鏡華緇鬢。類聚誤作賓。攬類聚作覽。帶緩促衿。安排徒空言。幽獨賴
鳴琴。○文選二十二。類聚二十八。三謝詩。永嘉縣志二、二十一。詩紀四十七。又寰宇記九十九引岑、沈二韻。

登池上樓詩

潛虬三謝詩作虬。媚幽姿。飛鴻響遠音。薄霄愧雲浮。棲川怍淵沈。進德智所拙。退耕力不任。狗類聚作狗。祿
反窮海。卧痾對空林。衾枕昧節候。寒開暫窺臨。李善本文選無此二句。傾耳聆波瀾。舉目眺嶠嶽。初景革緒
風。新陽改故陰。池塘生春草。園柳變三謝詩作雙。鳴禽。祁祁傷幽歌。萋萋感楚吟。索居易永久。離羣難處
心。持操豈獨古。無悶徵在類聚作於。今。○文選二十二。三謝詩。文章正宗二十九。永嘉縣志二十一。詩紀四十七。又類聚二
十八引林、嶽、陰、禽、心、今五韻。

遊南亭詩

時竟按李善注文選竟應作雨。大雨時行與下文昏墊苦相應。作時竟與日西重複。夕澄霽。雲歸日西馳。密林含餘清。遠歲華
紀麗作廷。峰隱半規。久痾昏墊苦。旅館眺郊歧。澤蘭漸被徑。芙蓉始發池。未厭永嘉縣志作觀。青春好。已觀
李善本文選作觀。朱明移。感感詩紀作感感。感物歎。星星白髮垂。藥餌情草堂詩箋作隨。所止。衰疾忽在斯。逝將

候秋水。息景偃舊崖。我志誰與亮。賞心惟良知。○文選二十二。三謝詩。永嘉縣志二十一。詩紀四十七。又草堂詩箋三十六。晚發詩注引斯一韵。歲華紀麗四引規一韵。

遊赤石進帆海詩

首夏猶清和。芳草亦未歇。水宿淹晨暮。陰霞屢興沒。周覽倦瀛壖。況乃陵六臣。本文選作凌。三謝詩、永嘉縣志同。窮髮。川后時安流。天吳靜不發。揚帆採石華。草堂詩箋作花。掛席拾海初。學記作明。月。溟漲無端倪。虛舟有超越。仲連輕齊組。子牟眷魏闕。矜名道不足。適己物可忽。請附任公言。終然謝天伐。○文選二十二。初學記六。三謝詩。永嘉縣志三十三。詩紀四十七。又草堂詩箋四。苦雨詩注引月一韵。

登江中孤嶼詩

江南倦歷覽。江北曠周旋。懷新文選作雜。六臣本注云。五臣作新。道轉迴。類聚作迴。尋異景不延。亂流趨孤嶼。文選、詩紀作正絕。並注云。五臣作孤嶼。孤嶼媚中川。雲日相輝映。空水共澄鮮。表靈物莫賞。蘊真誰爲。永嘉縣志作與。傳。想像三謝詩作象。六臣本文選注云。五臣作象。崑山姿。緬邈區中緣。始信安期術。得盡養生年。○文選二十六。三謝詩。永嘉縣志二。詩紀四十七。又類聚二十八引旋、延、川、鮮、傳五韵。

登永嘉綠嶂山詩

裹糧杖輕策。永嘉縣志作擊。懷遲上幽室。行源逕轉遠。距陸情未畢。寰宇記作波。團樂潤霜質。澗委寰宇記作洞秀。水屢迷。林迴寰宇記作迴。巖逾密。眷西謂初月。顧東疑落日。踐永嘉縣志作殘。廣文選同。詩紀云。一作殘。夕奄昏曙。蔽翳皆周悉。蠱上貴不事。履二美貞吉。幽人常坦步。高尚永嘉縣志作寄。邈難匹。頤阿竟何端。寂寂寄抱永嘉縣志作抱高。一。恬如既已交。繕性自此出。永嘉縣志二。廣文選九。詩紀四十七。又寰宇記九十九引質、密二韻。

郡東山望溟海詩

開春獻初歲。白日出悠悠。蕩志將愉樂。瞰海庶忘憂。策馬步蘭皋。緹控廣文選作控。息椒丘。采蕙遵大薄。攀若廣文選作若。履長洲。白花皜類聚作華編。陽林。紫萼廣文選作翹。詩紀云。一作翹。擘春流。非徒不弭忘。覽物情彌廣文選作弭。適。萱蘇始無慰。廣文選作畏。寂寞終可求。類聚二十八作東山望海詩。永嘉縣志二。廣文選九作東山望海詩。詩紀四十七。

遊嶺門山詩

西京誰修政。龔汲稱良吏。君子豈定所。清塵慮不嗣。早蒞建德鄉。民懷虞芮意。海岸常寥寥。空館盈清思。協以上冬月。晨遊肆所喜。千圻邈不同。萬嶺狀皆異。威摧三山峭。滌汨兩江駛。漁舟詩紀云。一作商。豈安流。樵拾謝西芘。人生誰云樂。貴不屈所志。廣文選九。詩紀四十七。

石室山詩

清旦索幽異。放寰字記作方。舟越垌郊。莓莓蘭渚急。藐藐苔嶺高。石室冠寰字記作穿。林陬。飛泉發山椒。寰字記作樹梢。虛泛徑千載。崢嶸非一朝。鄉村絕聞見。樵蘇限風霄。微戎當作我。無遠覽。總筭羨升喬。靈域久韜隱。如與心賞交。合歡不容言。摘芳弄寒條。○永嘉縣志二。詩紀四十七。又寰字記九十九引郊、梢二韻。

登石室飯僧詩

迎旭凌絕嶝。映泫歸激浦。鑽燧斷山木。掩岸墜石戶。結架非丹甍。藉田資宿莽。同遊息心客。曖然若可睹。清霄永嘉縣志作宵。颺浮煙。空林響法鼓。忘懷狎鷗鯢。永嘉縣志作鯢。攝生馴兕虎。望嶺眷靈鷲。延心念淨土。若類聚作庶。乘四等觀。永拔三界苦。○永嘉縣志二作過瞿谿山飯僧詩。又類聚七十六、詩紀四十八並作過瞿溪石室飯僧詩。引鼓、苦二韻。寰字記九十九引浦、莽二韻。

登上戍石鼓山詩

旅人心長久。憂憂自相接。故鄉路遙遠。川陸不可涉。汨汨莫與娛。發春托登躡。歡願既無並。戚慮庶有協。詩紀云。一作怯。極目睽左闕。迴顧眺右狹。日末澗增波。雲生嶺逾疊。白芷競新茗。詩紀作茗。綠蘋齊初葉。摘芳芳靡諼。愉樂樂不變。佳期緬無像。永嘉縣志作緣。騁望誰云。永嘉縣志作無。愜。○永嘉縣志二。廣文選九。詩

紀四十七。

石壁立招提精舍詩

四城有頓躓。三世無極已。浮歡昧眼前。沈照貫終始。壯齡緩前期。頽年迫詩紀。追。暮齒。揮霍夢幻墮。飄忽風電起。良緣迨未謝。時逝不可俟。敬擬靈鷲山。尚想祇洹軌。絕溜飛庭前。高林映窗裏。禪室栖空觀。講宇析妙理。○類聚七十六。詩紀四十八。

石壁精舍還湖中作詩

昏旦變氣候。山水含清暉。清暉能娛人。游子憺衰字記作澹。六臣本文選作澹。注云。五臣作憺。忘歸。出谷日尚早。人舟陽已微。林文鏡秘府作溪。壑斂暝色。雲霞收夕霏。芰荷迭映蔚。類聚作暖。蒲稗相因依。披拂趨南逕。愉悅偃東扉。慮澹物自輕。意愜理無違。寄言攝生客。試用此道推。○文選二十二。三謝詩。文章正宗二十九。永嘉縣志三十三。詩紀四十八。又文鏡秘府論天卷引霏一韻。類聚九引暉、歸、微、霏、依、扉六韻。衰字記百十一引暉、歸二韻。永嘉縣志二引暉、歸、微、霏、依、違、推七韻。

登石門最高頂詩

晨策尋絕壁。夕息廬山紀事作宿。類聚同。在山棲。疏峰抗三謝詩作枕。六臣本文選注云。五臣作枕。高館。對嶺臨迴溪。

六臣本文選作谿。長林羅戶穴。三謝詩、廬山記作庭。詩紀云。一作庭。六臣本文選作庭。注云。善本作穴。積石擁階基。文選作基階。類聚、三謝詩同。連巖覺路塞。密竹使徑迷。來人忘新術。去子惑廬山記作或。故蹊。活活類聚作聒聒。廬山紀事同。夕流駛。噉噉夜猿啼。沈冥豈別理。守道自不攜。心契九秋榦。目廬山記作日。翫三春蕙。居常以待終。處順故安排。廬山記作擠。惜無同懷客。共登青雲梯。○文選二十二。廬山記四。三謝詩。詩紀四十八。又類聚八引棲、溪、階、迷、蹊、啼、攜、蕙、梯九韻。廬山紀事十二引棲、溪、基、迷、蹊、啼、攜、蕙、梯九韻。○遠案。文選集注引文選鈔曰。靈運遊名山志云。石門在永嘉。永嘉縣志亦言及石門。則此詩乃永嘉時作。廬山記、廬山紀事皆收此詩。蓋後人以意爲之。不足據。

石門新營所住四面高山迴溪
六臣本文選注云。五臣作磳。石瀨茂林脩竹
李善本文選作脩竹

茂林詩

躋險築幽居。披六臣本文選作被。雲卧石門。苔滑誰能步。葛弱豈可捫。嫋嫋秋風過。萋萋春草繁。美人遊不還。佳期何由敦。芳塵凝瑤席。清醕滿金罇。洞庭空波瀾。桂枝徒攀翻。結念屬霄漢。孤景莫與諼。俯濯石下潭。三謝詩作澗。六臣本文選注云。五臣作澗。俯看條上猿。早聞夕飈急。晚見朝日暎。崖傾光難留。林深響易奔。感往慮有復。理來情無存。庶持六臣本文選作特。注云。五臣作持。乘日車。三謝詩作用。六臣本文選同。得以慰營魂。匪爲衆人說。冀與智者論。○文選三十。三謝詩。詩紀四十八。

從斤竹澗越嶺溪行詩

猿鳴誠知曙。谷幽光未顯。巖下雲方合。花上露猶泫。逶迤傍隈隩。迢遞陟崕峴。過澗既厲急。登棧亦陵緬。川渚屢徑復。乘流旣廻轉。蘋萍泛沈深。蘋蕒作深沉。菰蒲類聚作蒲菰。冒清淺。企石挹飛泉。攀林摘葉卷。想見山阿人。薜蘿類聚作蘿薜。若在眼。握蘭勤徒結。折麻心莫展。情用賞爲美。事味竟誰辨。詩紀作辯。觀此遺物慮。一悟得所遣。○文選二十二。三謝詩。詩紀四十八。又類聚三十六引顯、泫、峴、淺、卷、眼六韻。

過白岸亭詩

拂衣遵沙垣。緩步入蓬屋。近澗涓密石。遠山映疏木。空翠難強名。漁釣易爲曲。援蘿臨廣文。選作聆。詩紀同。青崖。春心自相屬。交交止栩黃。呦呦食萍鹿。傷彼人百哀。嘉爾承筐樂。桑梓迭去來。窮通成休戚。未若長疏散。萬事恆抱朴。○永嘉縣志二十一。廣文選十。詩紀四十八。

石門岩上宿詩

詩紀作夜宿石門詩。注云。拾遺作石門岩上宿。

朝搴苑中蘭。畏彼霜下歇。暝還雲際宿。弄此石上月。鳥廬山紀事作鳥。鳴識夜棲。木落知風發。異音同至類聚作致。廬山紀事同。聽。殊響俱清越。妙物莫爲賞。芳醕誰與伐。美人竟不來。陽阿廣文選作鳴珂。徒晞髮。○廣文選十。詩紀四十八並作夜宿石門詩。又類聚八、廬山紀事十二並引歇、月、發、越、髮五韻。○逸案。唐丘丹奉使過石門觀瀑詩序云。謝康樂宋景平中爲永嘉守。有石門巖上宿詩。余六代叔祖梁中書侍郎天監中有過石門瀑布詩。後亦爲此郡。小子大曆中奉使。竊有繼作。雖不足克紹祖德。追踪昔賢。蓋造奇懷感之志也。

行田登海口盤嶼山詩

羈苦孰云慰。觀海藉朝風。莫辨洪波極。誰知大壑東。依稀採菱歌。彷彿含嚔容。遨遊碧沙渚。遊衍丹山峯。○廣文選十。詩紀四十七。

白石巖下徑行田詩

小邑居易貧。災年民無生。知淺懼不周。愛深憂在情。舊業詩紀原作蓄。今從萬曆本。橫海外。蕪穢積頽齡。饑饉不可久。甘心務經營。千頃帶遠堤。萬里瀉長汀。洲流涓澮合。連統塍埒并。雖非楚宮化。荒闕亦黎萌。雖非鄭白渠。每歲望東京。天鑒儻不孤。來茲驗微誠。○廣文選十。詩紀四十七。

齋中讀書詩

昔余遊京華。未嘗廢丘壑。矧乃歸山川。心跡雙寂寞。李善本文選作漠。三謝詩同。虛館絕諍訟。空庭來鳥雀。卧疾豐暇豫。翰墨時間作。懷抱觀古今。寢食展戲謔。既笑沮溺苦。又哂子雲閣。執戟亦三謝詩作已。六臣本文選注云。五臣作已。以疲。耕稼豈云樂。萬事難並歡。達生幸可託。○文選三十。文章正宗二十九。三謝詩。詩紀四十七。

讀書齋詩

春事日已歇。池塘曠幽尋。殘紅被徑墜。初綠雜淺深。偃仰倦芳褥。頻步憂新陰。謀春不及竟。夏物遽見侵。○永嘉縣志二十一。

命學士講書詩

卧病同淮陽。宰邑曠武城。弦歌愧言子。清淨謝伏生。古人不可攀。何以報恩榮。時往歲易周。聿來政無成。曾是展予心。招學講羣經。鑠金既云刃。凝土亦能鋤。望爾志尚隆。遠嗣竹箭聲。敢謂荀氏訓。且布詩紀云。一作有。蘭陵情。待罪豈久期。禮樂俟賢明。○永嘉縣志三十三。詩紀四十七。

種桑詩

詩人陳條柯。亦有美攘剔。前修爲誰故。後事資紡績。常佩知方誠。廣文選作智方誠。愧微富教益。浮陽驚嘉月。藝桑迫閒隙。疏欄發近郭。長行達廣場。廣文選作場。曠流始忘泉。涵塗猶跬跡。俾此將長成。慰我海外役。○永嘉縣志三十三。廣文選十四。詩紀四十七。



宋詩卷三

謝靈運

初去郡詩

彭薛裁知恥。貢公未遺榮。或可優貪競。豈足稱達生。伊余六臣本文選作予。秉微尚。拙訥謝浮名。廬園當棲巖。卑位代躬耕。顧己雖自許。心迹猶未并。無庸方文選作妨。三謝詩、文章正宗同。周任。有疾像三謝詩作象。六臣本文選注云。五臣作象。長卿。畢娶類尚子。薄遊似邴生。恭承古人意。促三謝詩作倣。六臣本文選注云。五臣作倣。裝返柴荆。牽絲及元興。解龜在景平。負心二十載。於今廢將迎。理棹遄還期。三謝詩作朝。遵渚鶩修坳。遡溪六臣本文選作谿。三謝詩同。終水涉。登嶺始山行。野曠沙岸淨。類聚作靜。天高秋月類聚作日。明。憩石挹飛泉。攀林攀落英。戰勝臞者肥。鑿文章正宗作監。止文選作止監。六臣本云。五臣作鑿。流歸停。即是羲唐化。獲我擊壤情。○文選二十六。三謝詩。文章正宗二十九。詩紀四十八。又類聚五十作去永嘉郡詩。引英、明二韻。

北亭與吏民別詩

刀筆愧張杜。棄繻慙終軍。貴史寄子長。愛賦託子雲。昔值休明初。以此預人羣。常呼城旁道。更歌憂逸

民。猶抱見素樸。兼勉擁來勤。定自懲伐檀。亦已驗惟塵。晚末牽餘榮。憩泊甌海濱。時易速還周。德乏勤濟振。眷言徒矜傷。靡術謝經綸。矧乃卧沈疴。鍼石苦微身。行久懷邱窟。景昃感秋旻。旻秋有歸棹。景景無淹津。前期寰宇記作程。眇已往。後會邈無因。貧者闕所贈。風寒護爾身。○永嘉縣志二十二。寰宇記九十九引因一韵。

田南樹園激流植椶詩

樵隱俱在山。由來事不同。不同非一事。養痾亦三謝詩作丘。文章正宗同。六臣本文選注云。五臣作丘。園中。中園六臣本文選作園中。三謝詩同。詩紀云。一作園中。屏氛雜。清曠招遠風。卜室倚北阜。啓扉面南江。激澗代汲井。插椶當列壙。羣木既羅戶。衆山亦當六臣本文選作對。注云。善作對。窗。靡迤趨下田。三謝詩作岫。六臣本文選注云。五臣作岫。迢遞瞰高峯。寡欲不期勞。卽事罕人功。唯開蔣生徑。永懷求羊蹤。賞心不可忘。妙善冀能三謝詩作皆。六臣本文選注云。五臣作皆。同。○文選三十。三謝詩。文章正宗二十九。詩紀四十八。

於南山往北山經湖中瞻眺詩

朝旦發陽崖。景落憩陰峯。舍舟眺迴文選作迴。渚。停策倚茂松。側逕既窈窕。環洲亦玲瓏。俛視喬木杪。仰聆大壑淙。李善本文選作瀟。石橫水分流。林密蹊絕蹤。解作竟何感。升長皆丰永嘉縣志作半。容。初篁苞綠籜。新蒲含紫茸。海鷗戲春岸。天鷄弄和風。撫化心無厭。覽物眷彌重。不惜去人遠。但恨莫與同。孤遊非情

歎。文選注作款。賞廢理誰通。○文選二十二。三謝詩。永嘉縣志三十三。詩紀四十八。又文選二十六贈郭桐廬詩注引一句。

南樓中望所遲客詩

杳杳日西頽。漫漫長路迫。登樓爲誰思。臨江遲來客。與我別所期。期在三五夕。圓景早已滿。佳人殊三謝詩作猶。李善本文選作猶。六臣本注云。五臣作猶。未適。卽事怨睽攜。感物方悽感。孟夏非長夜。晦明如歲隔。瑤華未堪折。蘭若已屢摘。路阻莫贈問。云何慰離析。搔首訪行人。引領冀良覲。○文選三十。三謝詩。詩紀四十八。又文選二十二從斤竹澗越嶺溪行詩注作南樓中望所知遲客詩。引槩一韵。

山家詩

中爲天地物。今爲鄙夫有。○梁書周捨傳。

廬陵王墓下作詩

曉月類聚作晚日。發雲陽。落日次朱方。含悽泛廣川。灑淚眺連岡。眷言懷君子。沈痛切文選作結。中腸。道消結憤懣。運開申悲涼。神期恆若存。李善本文選作在。德音初不忘。徂謝易永久。松柏森已行。延州協心許。楚老惜蘭芳。解劍竟何及。三謝詩作以。撫墳徒自傷。平生疑若人。通蔽互相妨。理感心文選作深。三謝詩同。情慟。定非識所將。脆促良可哀。天枉特兼常。一隨往化滅。安用空名揚。舉聲泣已瀝。文選作灑。六臣本注云。五

臣作瀝。類聚誤作歷。長歎不成章。○文選二十三。三謝詩。詩紀四十八。又類聚四十作經廬陵王墓詩。引方、岡、腸、涼、忘、行、揚、章八韻。

初至都詩

卧病雲高心。愛閑宜靜處。寢憩託林石。巢穴順寒暑。○書鈔百五十八。

還舊園作見顏范二中書詩

辭滿豈草堂詩箋作空。多秩。謝病不待年。偶與張邴合。久欲還東山。聖靈昔迴眷。微尚不及宣。何意衝颯激。烈火縱炎煙。焚玉發崑峰。餘燎遂見遷。投沙理既迫。如叩願亦愆。長與歡愛別。永絕平生緣。浮舟千仞壑。總轡萬尋巔。流沫不足險。石林初學記作牀。萬花谷同。豈爲艱。閩中安可處。日夜念歸旋。事蹟兩如直。心愜三避賢。託身青雲上。棲巖挹飛泉。盛明盪氛昏。貞休康屯遭。殊方感三謝詩作威。成貸。微物豫采甄。感深操不固。質弱易扳李善本文選作版。纏。曾是反昔園。語往實欸然。曩基卽先築。故池不更穿。果木有舊行。壤石無遠延。雖非休憩地。聊取永日閑。衛生自有經。息陰謝所牽。夫萬花谷作天。誤。子照類聚作昭。初學記同。清三謝詩作情。類聚、萬花谷同。素。探懷授往初學記、萬花谷作佳。誤。篇。○文選二十五。三謝詩。詩紀四十八。又類聚六十五、初學記二十四、萬花谷後集二十五並引類、艱、篇三韻。草堂詩箋六漢陂詩注引年、山二韻。

入東道路詩

整駕辭金門。命旅惟詰朝。懷居顧歸雲。指塗泝行颿。屬值清明節。榮華感和韶。陵隰繁綠杞。墟囿粲紅桃。鶯鶯羣方雉。纖纖麥垂苗。隱軫邑里密。緬邈江海遼。滿目皆古事。心賞貴所高。魯連謝千金。延州權去朝。行路既經見。願言寄吟謠。○類聚二十七。廣文選十。詩紀四十八。

酬從弟惠連詩五章

詩紀云。惠連西陵遇風獻康樂詩見本集。

寢瘵謝人徒。滅迹入雲峯。巖壑寓耳目。歡愛隔音容。永絕賞心望。長懷莫與同。末路值令弟。開顏披心胸。

心胸既云披。意得咸在斯。凌澗尋我室。散帙問所知。夕慮曉月流。朝忌曛日馳。悟對無厭歇。說文繫傳作倦。聚散成分離。

分離別西川。迴景歸東山。別時悲已甚。別後情更延。傾想遲嘉音。果枉濟江篇。辛勤風波事。歛曲洲渚言。

洲渚既淹時。風波子行遲。務協華京想。詎存空谷期。猶復惠來章。祇足攬余思。儻若果歸言。共陶暮春時。

暮春雖未交。仲春善遊遨。山桃發紅萼。野蕨漸紫苞。嚶鳴李善本文選作嗚嚶。三謝詩同。已悅豫。幽居猶鬱陶。夢寐佇歸舟。釋我吝與勞。○文選二十五。三謝詩。詩紀四十八。又文選三十一雜體詩注引幽居復鬱陶一句。御覽九百八十作古

詩。引苞一韵。說文繫傳日部晤下作謝惠連詩。引一句。

登臨海嶠初發疆中作與從弟惠連可見羊何共和之詩四章○詩紀云。集作登臨海嶠與從

弟惠連。

杪秋尋遠山。山遠行不近。與子別山阿。含酸赴脩眡。李善本文選作眡。中流袂就判。欲去情不忍。顧望脰未
悵。汀曲舟已隱。

隱汀絕望舟。驚棹逐詩紀云。一作逾。驚六臣本文選作驚。流。欲抑一生歡。并奔千里遊。日落當棲薄。繫纜臨江
樓。豈惟夕情斂。憶爾共淹留。

淹留昔時歡。復增今日歎。茲情已分慮。況乃協悲端。秋泉鳴北澗。哀猿響南巒。戚戚新別心。悽悽久
念攢。

攢念攻別心。旦發清溪六臣本文選作谿。三謝詩同。陰。暝投剡中宿。明登天姥岑。高高人雲霓。還期那可尋。
儻遇浮丘公。長絕子微音。○文選二十五。三謝詩。詩紀四十八。

答謝惠連詩

懷人行千里。我勞盈十旬。別時花灼灼。別後葉萋萋。○類聚二十九。詩紀四十八。

初發石首城詩

白珪尚可磨。斯言易類聚作以。爲緇。遂類聚作雖。抱中孚爻。猶勞貝錦詩。寸心若不亮。微命察如絲。日月垂光景。成貸遂兼茲。出宿薄京畿。晨裝搏曾文。選作魯。六臣本注云。五臣作曾。颺。重經平生別。再與朋知辭。故山日已遠。風波豈還時。迢迢李善本文選作若若。類聚作遙遙。萬里帆。茫茫終何之。遊當羅浮行。息必廬霍期。越海陵三山。遊湘歷九嶷。六臣本文選注云。五臣作疑。類聚作疑。欽聖若旦暮。懷賢亦悽杜詩注作凄。其。皎皎明發心。不爲歲寒欺。○文選二十六。三謝詩。詩紀四十八。又類聚二十七引緇、詩、絲、茲、颺、辭、時、之、其、欺十韻。又作往臨川發石頭城詩。引疑其二韻。黃氏集千家注杜工部詩史補遺八晚登詩注引一句。

道路憶山中詩

采菱調易急。江南歌不緩。楚人心昔絕。越客腸今斷。斷絕雖殊念。俱爲歸慮歎。存鄉爾思積。憶山我憤懣。追尋棲息時。偃卧任縱誕。得性非外求。自己爲誰纂。不怨秋夕長。常三謝詩作恒。文選同。六臣本注云。善作常字。詩紀云。一作恆。苦夏日短。濯流激浮湍。息陰倚密竿。懷故六臣本文選注云。五臣作故懷。叵新歡。含悲忘春暖。悽悽明月吹。惻惻廣陵散。殷勤訴危柱。慷慨命促管。○文選二十六。三謝詩。詩紀四十八。

夜發石關亭詩

隨山踰千里。浮溪將十夕。鳥歸息舟楫。星闌命行役。亭亭曉月映。泠泠朝露滴。○類聚二十七。詩紀四十八。

人彭蠡湖口詩

客遊倦水宿。風潮難具論。洲島驟迴合。圻岸屢崩奔。乘月聽哀狖。浥露馥芳蓀。春晚綠野秀。巖高白雲屯。千念集日夜。萬感盈朝昏。攀崖照石鏡。御覽作境。牽葉入松門。三江事多往。九派理空存。靈李善本文選作露。物忝珍怪。異人祕精魂。金膏滅明光。水碧綴六臣本文選注云。五臣作輟。流溫。徒作千里曲。絃絕念彌敦。

○文選二十六。三謝詩。廬山記四。詩紀四十八。又御覽四十八引門一韵。

人華子岡是麻源第三谷詩

南州實炎德。桂樹陵類聚作凌。寒山。銅陵映碧澗。李善本文選作潤。石磴瀉類聚作寫。紅泉。既枉隱淪客。亦棲肥遁賢。險徑無測度。天路非術阡。遂登羣峯首。邈若升類聚作騰。雲煙。羽人絕髣髴。丹丘徒空筌。類聚作荃。圖牒復磨文選作摩。滅。碑版誰聞傳。莫辨詩紀作辯。百代文選作世。後。安知千載前。且申獨往意。乘月弄潺湲。恆充俄頃用。豈爲古今然。○文選二十六。三謝詩。詩紀四十八。又類聚六引山、泉、賢、烟、荃、傳、前、湲八韵。

發歸瀨三瀑布望兩溪詩

我行乘日垂。放舟候月圓。沫廣文選作末。江免風濤。涉清弄漪漣。積石竦兩溪。飛泉倒三山。亦既窮登陟。永嘉縣志作涉。荒藹橫目前。窺巖不覩景。披林豈見天。陽鳥尚傾翰。幽篁未爲遭。退尋平常時。安知巢穴難。

風雨非攸恠。擁志誰與宣。倘有同枝條。此日卽千年。○永嘉縣志三十三。廣文選十。詩紀四十八。

初往新安至桐廬口詩

締綌雖淒其。授衣尚未至。感節良已深。懷古亦云類。聚或作徒役。詩紀云。一作徒役。思。不有千里棹。孰申百代意。遠協尚子心。遙得許生計。類聚作忌。既及冷風善。又卽秋水駛。江山共開類。聚或作閑。詩紀云。一作閑。曠。雲日相照媚。景夕羣物清。對玩咸可喜。類聚或作喜。○類聚二十八。又二十七作初往新安桐廬口詩。引思、意、駛、媚、熹五韵。詩紀四十八。

登廬山絕頂望諸嶠詩

山行非前期。彌遠不能輟。但欲淹昏旦。遂復經盈缺。捫壁窺龍池。攀枝瞰乳穴。積峽書鈔作狹。忽復啟。書鈔作起。平塗俄已閑。廬山記作閑。詩紀同。巒隴有合沓。往來無蹤轍。晝夜蔽日月。冬夏共霜雪。○書鈔百五十八作登山絕頂詩。引穴、閑二韵。類聚七、詩紀四十八並引閑、轍、雪三韵。廬山記一作登絕頂望諸嶠。引閑、轍、雪三韵。文選三十一雜體詩注作登廬山詩。引輟、缺二韵。○卮林七詮鍾登廬山詩條云。詩歸載謝靈運登廬山望諸嶠詩曰云云。鍾云。六句質奧。是一短記。譚云。他人數十句寫來。必不能如此朴妙。又云。如此大題目。肯作三韵。立想不善。詮曰。江淹雜體詩注引謝登廬山詩曰。山行非前期。彌遠不能輟。但欲淹昏旦。遂復經盈缺。蓋卽是篇發端也。不經昭明所選。代久篇殘。何知雪後更無數十句乎。耳目難遍。胸臆易生。亦論古之大病也。又康樂遊覽詩絕無寂寥數語者。讀其集自得之。遠案。卮林說是。今爲湊成殘篇如上。詩歸從詩僅載積峽忽復啟以下三韵六句。而以完篇論之。自不免貽譏後人。

初發入南城詩

弄波不輟手。玩景豈停目。雖未登雲峰。且以歡水宿。○類聚二十七。詩紀四十八。

登孤山詩

迴曠沙道開。威紆山徑折。波□青密林。□映丹穴壁。○書鈔百五十八。

入竦溪詩

平明發風穴。投宿憩雪巘。初時當薄木。迄今草已纂。○書鈔百五十八。

送雷次宗詩

符瑞守邊楚。感念悽城壕。志苦離念結。情傷日月慆。○初學記十八。

詩

照澗疑陽水。潛穴□陰□。雖知視聽外。用心不可無。○書鈔百五十八。

七夕詠牛女詩

火逝首秋節。新明類聚作明經。弦月夕。月弦光照初學記或作人。戶。秋首風人初學記或作遠。隙。凌峰類聚作陵風。步曾崕。類聚作岑。憑雲肆遙脉。當作脈。徙倚西北庭。竦踊東南覲。紈綺無報章。河漢有駿初學記作駿。軛。
○類聚四。初學記四。古今歲時雜詠二十五。詩紀四十八。又初學記四作七夕詩。引隙一韵。

歲暮詩

殷憂不能寐。苦此夜難頽。明月照積雪。朔風勁且初學記作清。哀。運往無淹物。年逝覺易詩紀作已。注云。藝文作易。催。○類聚三。初學記三。詩紀四十八。

擬魏太子鄴中集詩八首并序

建安末。余時在鄴宮。朝遊夕讌。究歡愉之極。天下良辰美景。賞心樂事。四者難并。今昆弟友朋。二三諸彦。共六臣本文選注云。五臣作備。盡之矣。古來此娛。書籍未見。何者。楚襄王時。有宋玉、唐景。梁孝王時。有鄒、枚、嚴、馬。遊者美矣。而其主不文。漢武帝時。李善本文選無時字。詩紀同。徐、樂諸才。備應對之能。而雄猜多忌。豈獲晤言之適。不誣方將。庶必賢於今日爾。歲月如流。零落將盡。撰文懷人。感往增愴。其辭曰。

魏太子

百川赴巨海。衆星環北辰。照灼爛霄漢。遙裔起長津。天地中橫潰。家王六臣本文選注云。五臣作皇。三謝詩作皇。

拯生民。區宇既蕩滌。羣英必來臻。忝此欽賢性。由來常懷仁。況值衆君子。傾心隆日新。論物靡浮說。析理實敷陳。羅縷豈闕辭。窈窕究天人。澄觴滿金罍。連榻設華茵。急絃動飛聽。清歌拂梁塵。莫文選作何。六臣本注云。五臣作莫。言相遇易。此歡信可珍。○文選三十。三謝詩。詩紀四十八。

王粲

家本秦川。貴公子孫。遭亂流寓。自傷情多。

幽厲昔崩亂。桓靈今板蕩。伊洛既燎煙。函崱沒無象。李善本文選作像。詩紀同。整裝辭秦川。秣三謝詩誤作林。馬赴楚壤。沮漳自可美。客心非外獎。常歎詩人言。式微何由往。上宰奉皇靈。侯伯咸宗長。雲騎亂漢南。宛兩。並載遊鄴京。方舟汎河廣。綢繆清讌娛。寂寥梁棟響。既作長夜飲。豈願乘日養。○同上

陳琳

袁本初書記之士。故述喪亂事多。

皇漢逢迍文選作屯。三謝詩同。遭。天下遭六臣本文選注云。五臣作達。氛慝。董氏淪關西。袁家擁河北。單民六臣本文選注云。五臣作人。易周章。窘身就羈勒。豈意事乖己。永懷戀故國。相公實勤王。信能定螿賊。復覩東都輝。重見漢朝則。餘生幸已多。矧迺值明德。愛客不告疲。飲讌遺景刻。夜聽極星爛。三謝詩作聞。六臣文選注云。五

臣作闌。朝遊窮曠黑。哀哇動梁埃。急觸文選作觴。盪幽默。且盡一日娛。莫知古來惑。○同上

徐幹

少無宦情。有箕穎之心事。故仕世多素辭。

伊昔家臨淄。提攜弄齊三謝詩作秦。六臣本文選注云。五臣作秦。瑟。置酒飲膠東。淹留憩高密。此歡謂可終。外物始難三謝詩作歎。畢。搖蕩箕濮情。窮年迫憂慄。末塗幸休明。棲集建薄質。已免負薪苦。仍三謝詩作乃。六臣本文選注云。五臣作乃。游椒蘭室。清論事究萬。美話信非一。行觴奏悲歌。永夜繫三謝詩作繼。六臣本文選注云。五臣作繼。白日。華屋非蓬居。時髦豈余匹。中飲三謝詩作期。顧昔心。悵焉若有失。○同上

劉楨

卓犖偏人。而文最有氣。所得頗經奇。

貧居晏里閭。少小長東平。河究當衝要。淪飄三謝詩作漂。六臣本文選注云。五臣作漂。薄許京。廣川無逆流。招納厠羣英。北渡黎陽津。南登宛文選作紀。六臣本注云。五臣作宛。郢城。既覽古今事。頗識治亂情。歡友相解達。敷奏究平生。矧荷明哲顧。知深覺命輕。朝遊牛羊下。暮坐括揭鳴。終歲非一日。傳卮弄清文選作新。三謝詩同。聲。辰事既難諧。歡願如今并。唯羨肅肅翰。繽紛戾高冥。○同上

應場

汝穎之士。流離世故。頗有飄薄之歎。

嗷嗷雲中鴈。舉翮自委羽。求涼弱水湄。違寒長沙渚。顧我梁六臣本文選注云。五臣作涼。川時。緩步集穎許。一旦逢世難。淪薄恆羈旅。天下昔未定。託身早得所。官渡文選作度。六臣本注云。五臣作渡。厠一卒。烏林預艱阻。晚節值衆賢。會同庇天宇。列坐蔭華棖。金樽盈清醕。始奏延露曲。繼以蘭夕語。調笑輒酬答。嘲謔無六臣本文選注云。五臣作非。慚沮。傾軀無遺慮。在心良已敘。○同上

阮瑀

管書記之任。故有優渥之言。

河洲多沙塵。風悲黃雲起。金羈相馳逐。聯翩何窮已。慶雲惠優渥。微薄攀多士。念昔渤海時。南皮戲清注云。五臣作音。詩紀云。一作弄。信睦耳。傾醑係芳醕。酌言豈終始。自從食萍來。唯見今日美。○同上泚。今復河曲遊。鳴葭六臣本文選作簫。汎蘭汜。躡步陵丹梯。並坐侍君子。妍談既愉心。哀音文選作弄。六臣本

平原侯植

公子不及世事。但美遨遊。然頗有憂生之嗟。

朝遊登鳳閣。日暮集華沼。傾柯引弱枝。攀條摘蕙草。徙倚窮騁望。目極盡所討。西顧太行山。北眺邯鄲道。平衢脩且直。白楊信裊裊。李善本文選作纓纓。副君命飲宴。歡娛寫懷抱。良遊匪晝夜。豈云晚與早。衆賓悉精妙。清辭灑蘭藻。六臣本文選注云。五臣作蒲。三謝詩作蘭蒲藻。哀音下迴鶻。餘哇徹清昊。中山不知醉。飲德方覺飽。願以黃髮期。養生念將老。○同上

東陽溪中贈答詩二首

可憐誰家婦。緣流洒詩紀云。一作洗。素足。明月在雲間。迢迢玉臺作茗茗。不可得。○玉臺新詠十。西溪叢話下。可憐誰家郎。緣流乘素舸。但問情若爲。西溪叢話作何。月就雲中墮。○同上

作離合詩

古人怨信次。十日眇未央。加我懷繾綣。口脉類聚作詠。情亦傷。劇哉歸遊客。處子忽相忘。○類聚五十六。

詩

宋書本傳曰。靈運爲孟覲所表。帝惜其才不罪。以爲臨川內史。在郡游放。不異永嘉。爲有司所糾。司徒遣隨州從事收之。靈運與兵叛逸。爲詩曰。

韓亡子房奮。秦帝魯連恥。本自江海人。忠義感魏書作動。君子。○宋書本傳。南史本傳。魏書孝靖帝紀。北齊書文襄帝

紀。類聚二十六。御覽六百五十一。

臨終詩

梁書本傳曰。靈運既被擒。文帝以謝玄勳參微、管。宜宥及後嗣。降死徙廣州。又爲有司所奏。請依法收治。詔於廣州棄市。臨刑作詩曰。

龔勝無餘廣弘明集作遺。生。季宋書作李。南史同。業有終廣弘明集作窮。盡。嵇公廣弘明集作叟。理既迫。霍生廣弘明集作子。命亦殞。悽悽廣弘明集云。宮本作萋萋。後詩紀云。一作凌。霜柏。宋書作陵霜葉。納納宋書作網網。衝廣弘明集云。三本、宮本作衝。風菌。邂逅竟幾廣弘明集作既。注云。三本作無。時。詩紀云。一作幾何。修短非所愆。恨我君子志。不獲巖下宋書作上。廣弘明集同。泯。送心正宋書作自。覺前。斯痛久已忍。唯願乘來生。怨親同心朕。○廣弘明集三十。詩紀四十八。又宋書本傳引盡、殞、菌、愆、忍、泯六韻。南史本傳引盡、殞二韻。

衡山詩

崑下一老翁。四五年少者。衡山採藥人。路迷糧亦絕。遇息崑下坐。正見相對說。一老四五少。仙隱不可別。其書非世教。其人必賢哲。○初學記五。

詩

朝發悲猿。暮宿落石。○御覽五十二。

宋詩卷四

王韶之

韶之。字休泰。琅邪臨沂人。晉義熙中。除著作郎。武帝受禪。加驍騎將軍。少帝時。出爲吳興太守。元嘉十年。徵爲祠部尚書。加給事中。十二年。又出守吳興。其年卒。年五十六。有集二十四卷。

贈潘綜吳遠舉孝廉詩六章

東寶惟金。南木有喬。發輝曾崖。竦幹重霄。美哉茲土。世載英髦。育翮幽林。養音九臯。唐后明敷。漢宗蒲輪。我皇降鑒。思樂懷人。羣臣競薦。舊章惟新。余亦奚貢。曰義與仁。仁義伊在。惟吳惟潘。心積純孝。事著艱難。投死如歸。淑問若蘭。吳實履仁。心力偕單。固此苦節。易彼歲寒。霜雪雖厚。松柏丸丸。人亦有言。無善不彰。二子徽猷。彌久彌芳。拔叢出類。景行朝陽。誰謂道遐。弘之則光。咨爾庶士。無然怠荒。

江革奉摯。慶祿是荷。姜詩人貢。漢朝咨嗟。勗哉行人。敬爾休嘉。俾是下國。炤輝京華。伊余朽駘。竊服懼盜。無能禮樂。豈暇聲教。順彼康夷。懿德是好。聊綴所懷。以贈二孝。○宋書潘綜傳。詩紀

四十五。

詠雪離合詩

霰先集兮雪乃零。御覽作霏霏。散輝素兮被簷庭。曲室寒兮朔風厲。州陸涸兮羣羣字原缺。從萬曆本。御覽作百。事類賦同。籟鳴。○御覽十二。事類賦雪賦注。詩紀四十五。

謝惠連

惠連。丹陽尹方明子。謝靈運族弟。元嘉元年為彭城王義康法曹參軍。十年卒。年三十七。有集六卷。

秋胡行二章○以下四言。

春日遲遲。桑何萋萋。紅桃含天。類聚、樂府作妖。綠柳舒萋。邂逅粲者。游詩紀云。一作遵。渚戲蹊。華顏易改。良願難諧。

係風捕影。類聚作景。誠知不得。念彼奔波。意慮迴惑。漢女倏忽。洛神飄揚。空勤交甫。徒勞陳王。○類聚四十一。樂府詩集三十六。詩紀四十九。

隴西行

運有榮枯。道有舒屈。潛保黃裳。顯服朱黻。誰能守靜。棄華辭榮。窮谷是處。考槃是營。千金不迴。百代傳名。厥包者柚。忘憂者萱。何爲有用。自乖中原。實摘柯摧。葉殞條煩。○類聚四十一。樂府詩集三十七。廣文選十四。詩紀四十九。

隴西行

未若蔽牛。永保液瞞。嗟我君子。勸爾何言。○吳械韵補二。

豫章行以下五言。

軒帆邈遙路。薄送瞰遐江。舟車理殊緬。密友將遠從。九里樂同潤。二華念分峯。集歡豈今發。離歎自古鍾。促生靡緩期。迅景無遲蹤。緇髮迫多素。憔悴謝華茸。婉婉寡留晷。窈窕閉淹龍。如何阻行止。憤愠結心胸。既微達者度。歡戚誰能封。願子保淑慎。良訊代徽容。○樂府詩集三十四。詩紀四十九。

塘上行

芳萱廣文選作草。秀陵阿。菲質不足營。幸有忘憂用。移根託君庭。垂穎臨清池。擢彩仰華葢。霑渥雲雨潤。葳蕤吐芳馨。願君眷類聚作春。樂府、詩紀同。傾葉。留景惠餘明。○類聚四十一。樂府詩集三十五。廣文選十四。詩紀四十九。

却東西門行

慷慨類聚、樂府作愷。發相類聚作想。思。惆悵戀音微。四節競闌候。六龍引頽機。人生隨時變。遷化焉可祈。百年難必保。千慮盈懷之。○類聚四十一作都東西門行。樂府詩集三十七。詩紀四十九。

長安有狹邪行

紀郢有通達。通達並軒車。帟帟類聚作奕奕。雕輪馳。軒軒翠蓋舒。撰策之五尹。振轡從三閭。推劍馮類聚作憑。前軾。鳴佩專後輿。○類聚四十一。樂府詩集三十五。詩紀四十九。

從軍行

趙騎馳四牡。吳舟浮三翼。弓矛有恒用。女鋌無暫息。○御覽三百五十三。

燕歌行七言

四時推遷迅不停。三秋蕭瑟葉辭莖。樂府作解輕。廣文選、詩紀同。飛霜被野鴈南征。念君客遊羈類聚作羈。思盈。何爲淹留無歸聲。愛而不見傷心情。朝日潛輝華燈明。林鵲同棲渚鴻并。接翮偶羽依蓬瀛。仇依旅類相和鳴。余獨何爲志無成。憂緣樂府誤作綠。物感淚沾纓。○樂府詩集三十二作謝靈運。廣文選十四。詩紀四十九。又類聚四

十二引停、莖、征、盈、聲、情六韻。

猛虎行以下雜言。

貧不攻九嶷類聚、樂府作疑。下同。玉。倦不憇三危峰。九嶷有感類聚作或。樂府同。又注云。當作感。號。三危無安容。美物標費用。志士勵類聚作厲。奇蹤。如何祇類聚作抵。遠役。王命宜肅恭。伐鼓功未著。振旅何時從。○類聚四十一。樂府詩集三十一。詩紀四十九。

猛虎潛深山。長嘯自生風。人謂客行樂。客行苦心傷。○樂府三十一。詩紀四十九。

鞠歌行

翔馳騎。千里姿。樂府無千里姿三字。廣文選同。伯樂不舉誰能知。南荆璧。萬金貨。卞和不斷與石離。年難留。時易隕。厲志莫賞徒勞疲。沮齊音。溺趙吹。匠石善運郢不危。古綿眇。理參差。單心慷慨雙淚垂。○樂府詩集三十三。廣文選十四。詩紀四十九。

前緩聲歌 一作後緩聲歌。

羲和織阿去嵯峨。覩物知命。使余轉欲悲歌。憂戚人心胸。處山勿居峯。在行勿爲公。居峯大阻銳。爲公遇讒蔽。雅樂府作邪。琴自疏越。雅韻能揚揚。滑滑相混同。終始福祿豐。○樂府詩集六十五。詩紀四十九。

順東西門行

哀朝菌。類聚作困。閔類聚作慙。類聚作慙。頽力。遷化常然焉肯息。及壯齒。遇世直。酌醕樂府作醕。詩紀同。華堂集親識。舒情盡懽遣悽惻。○類聚四十一。樂府詩集三十七。詩紀四十九。

三月三日曲水集詩

一作上巳曲水集。○以下五言。

四時著平歲時雜詠作半。分。三春稟融爍。遲遲和景婉。天天園桃灼。攜朋適類聚作斯。廣文選同。郊野。味爽類聚作旦。廣文選同。辭鄼廓。類聚作郭。歲時雜詠同。蜚類聚作斐。初學記、歲時雜詠同。廣文選誤作裘。雲興翠嶺。芳飈起華薄。解轡偃崇丘。藉草繞迴壑。際渚羅時斂。託波汎輕爵。○類聚四。初學記四、古今歲時雜詠十六並作上巳詩。廣文選九作曲水集詩。詩紀四十九。

汎南湖至石帆詩

軌息陸塗初。柁鼓川路始。漣漪繁波漾。參差層峰峙。類聚作峙。蕭疏野趣生。逶迤白雲起。登陟苦跋涉。睇盼樂心耳。卽翫翫有竭。在興興無已。○類聚九。詩紀四十九。○遼案。太平寰宇記九十九引永嘉記云。永嘉南岸有石帆。乃堯時神人以破石爲帆。將入惡溪。道次置之溪側。又引永嘉郡國志云。東海信都。神破石爲帆。藝文類聚八引謝靈運遊名山志曰。破石溪南二百餘里。又有石帆。惠連未曾至永嘉。不得有此詩。作惠連者。乃靈運之誤。

西陵遇風獻康樂詩五章

我行指孟春。春仲尚未發。趣途遠有期。念離情無歇。成裝候良辰。漾舟陶嘉月。瞻塗意少惊。還顧情多闕。哲兄感化別。相送越垞林。飲餞野亭館。分袂澄湖陰。悽悽留子言。眷眷浮客心。廻塘隱艫棹。類聚作柁。遠望絕形音。

靡靡卽長路。戚戚抱遙悲。悲遙但自弭。路長當語三謝詩作問。六臣本文選注云。五臣作問。誰。行行道轉遠。去去情彌遲。昨發浦陽汭。今宿浙江湄。

屯雲蔽曾嶺。驚風湧飛流。零雨潤墳澤。落雪灑林丘。浮氛晦崖巘。積素惑三謝詩作或。六臣本文選注云。五臣作或。原疇。曲汜薄停旅。六臣本文選注云。五臣作依。通川絕行舟。

臨津不得濟。佇楫阻風波。蕭條洲渚際。氣色少諧和。西瞻三謝詩作矚。六臣本文選注云。五臣作矚。興游歎。東睇起悽三謝詩作凄。六臣本文選注云。五臣作凄。歌。積憤成疾疴。無萱將如何。三謝詩作何如。詩紀同。○文選二十五。三謝詩。詩紀四十九。又類聚二十九作西陵獻康樂詩。引第二章。

代古詩 一作擬客從遠方來。

客從遠方來。贈我鵠白帖作鶴。御覽、合璧事類同。文綾。貯以相思篋。緘以同心繩。裁爲親身服。著以俱御覽作便。寢興。別來經年歲。歡心不同凌。瀉玉臺作寫。酒置井中。誰能辨斗升。合如杯中水。誰能判淄澠。○玉臺

新詠三。詩紀四十九。又白帖二引綾一韵。御覽四百七十八引綾、興二韵。合璧事類外集六十四作謝靈運。引綾一韵。

秋懷詩

平生無志意。少小嬰憂患。如何乘宋本類聚作辛。御覽作平生懷。苦心。矧復值秋晏。皎皎天月明。奕奕河宿爛。蕭瑟含風蟬。寥御覽作嘹。唳三謝詩作戾。度雲雁。寒商動清閨。孤燈暖幽幔。耿介繁慮積。展轉長宵半。夷險難豫六臣本文選作預。韵補同。謀。倚伏昧前算。雖好相如達。不同韵補作比。長卿慢。頗悅鄭生偃。無取白衣宦。未知古人心。且韵補作但。從性所翫。韵補作玩。賓至可命觴。朋來當染翰。高臺驟登踐。清淺三謝詩作波。六臣本文選注云。五臣作波。時陵亂。頽魄不再圓。傾羲無兩日。金石終銷文選作消。韵補同。毀。丹青暫彫煥。各勉玄髮歡。無貽白首歎。因歌遂成賦。聊用布親串。○文選二十三。文章正宗二十九。三謝詩。詩紀四十九。又類聚三作懷秋詩。引患、晏、爛、雁、幔、半、算、翫、翰、且、煥、歎十二韵。御覽二十五引晏、爛、鴈、幔四韵。韵補四引算、慢二韵。宦、玩二韵。煥、串二韵。○遠案。此詩當爲靈運所作。蓋誤入惠連集中。詩發端謂少小離憂患。指親喪大故。據宋書。惠連父方明元嘉三年卒。年四十七。惠連元嘉十年卒。年三十七。則方明卒時。惠連年已三十。不得言少小離憂患。據晉書謝玄傳、宋書謝靈運傳。晉太元十三年。祖玄卒。靈運年四歲。靈運父奂又早玄卒。是靈運孩提喪父。與此少小離憂患相合也。又詩言夷險難預謀。倚伏昧前算。頗悅鄭生偃。無取白衣宦。與靈運出處合。雖好相如達。不同長卿慢。與靈運性格合。而皆與惠連不侔。然文選歸之惠連。詩品亦稱惠連秋懷。訛亂已久。故仍編此。

擣衣詩

衡紀無淹度。晷運倏如催。白露滋園菊。秋風落庭槐。肅肅莎玉臺作沙。雞羽。烈烈類聚作冽冽。寒蟄啼。夕陰

結空幕。宵御覽作霄。六臣本文選注云。五臣作宵。月皓中類聚作空閨。美人戒御覽訛作式。裳玉臺作常。御覽同。服。端飾玉臺作飾。相招携。簪玉出北房。鳴金步南階。欄玉臺作欄。類聚、御覽作簷。高砧類聚作砧。響發。楹六臣本文選作檻。長杵聲哀。微芳起類聚作發。兩袖。輕汗類聚作汗。染雙題。紈素既已成。君子行未玉臺作不。歸。裁用笥中刀。縫爲萬里衣。盈篋自余玉臺作予。手。幽絨俟李善本文選作候。君開。腰帶準疇昔。不知今是非。○文選三十。玉臺新詠三。三謝詩。詩紀四十九。又類聚六十七引催、槐、啼、閨、攜、階、哀、題八韻。又御覽二十五引催、槐、啼、閨、攜、階、哀七韻。

泛湖歸出樓中望月詩

日落泛澄瀛。星羅遊輕橈。憩樹面曲汜。臨流對迴潮。輟策共駢筵。並坐相招要。哀鴻鳴沙渚。悲猿響山椒。亭亭映江月。颺颺文選作瀏瀏。六臣本注云。五臣作颺颺。出谷廳。斐斐氣羃文選作幕。六臣本注云。五臣作羃。岫。泫泫露盈條。近矚祛幽蘊。遠視蕩諠囂。晤李善本文選作悟。言不知罷。從夕至清朝。○文選二十一。三謝詩。詩紀四十九。

七月七日夜玉臺無夜字詠牛女詩

落日隱欄玉臺作簷。類聚、初學記、歲時雜詠、御覽同。楹。升月照簾玉臺作房。櫛。團團滿三謝詩作滋。若溪叢話作洒。葉露。析析類聚作浙浙。初學記、歲時雜詠、御覽同。振條風。蹀足循廣除。瞬目矚曾穹。雲漢有靈匹。三謝詩作恠。彌年闕相從。遐川阻暱愛。脩渚曠清容。弄初學記作投。杼不成藻。玉臺作彩。聳鸞鷲玉臺作鷲。歲時雜詠作鷲。前蹤。昔離

秋已兩。御覽作雨。今聚夕無雙。傾河易回幹。歲時雜詠作幹。御覽同。欵情李善本文選作顏。類聚同。難久惊。沃若靈駕旋。寂寥初學記作寔。歲時雜詠、御覽同。雲幄空。留情顧華寢。遙心逐奔龍。沈吟爲爾感。情深意彌重。○文選三十。玉臺新詠三。古今歲時雜詠二十六。三謝詩。詩紀四十九。又類聚四、初學記四並作七夕詠牛女詩引櫛、風、穹、從、容、蹤、雙、惊、空、龍十韻。初學記三引風一韻。御覽三十一引櫛、風、從、容、蹤、雙、惊、空、龍九韻。苕溪漁隱叢話後集一引櫛、風二韻。

喜雨詩

朱明振炎氣。溽暑扇温飈。羨彼明月輝。離畢經中宵。思此西郊雲。既雨盈崇朝。上天愍憔悴。商羊自吟謠。○類聚二。詩紀四十九。

詠冬詩

詩紀云。藝文新本字譌作靈運。考舊本正之。○逯案。宋本藝文類聚作謝惠連。

七宿乘運曜。三星與時滅。履霜冰彌堅。積寒風愈切。繁雲起重陰。迴飈流輕雪。園林粲斐皓。庭除秀皎潔。墀瑣有凝汗。類聚作汗。詩紀云。一作互。逴類聚作達。衢無通轍。○類聚三。詩紀四十九。

讀書詩

賁園奚足慕。下帷故宜遵。山成由一簣。崇積始微塵。虞軒雖眇莽。顏隰亦何人。○類聚五十五。詩紀四十九。

夜集歎乖詩

詩人詠踟躕。騷者詩紀作首。歌離別。誠哉曩日歡。展矣今夕切。吾生赴遙命。詩紀作進令。質明卽行轍。在貧故宜言。贈子保温惠。曷用書諸紳。久要亮有誓。○類聚二十九。詩紀四十九。

與孔曲阿別詩

淒淒類聚作悽悽。乘蘭秋。言餞千里舟。塗屆雲陽邑。邑宰有昔遊。行人雖念路。爲爾暫淹留。○類聚二十九。詩紀四十九。

詠螺蚌詩

輕羽不高翔。自用絃網羅。織鱗惑芳餌。故爲釣所加。螺蚌非有心。沉迹在泥沙。文無雕飾用。味非鼎俎和。○類聚九十七。詩紀四十九。

離合詩二首

放棹遵遙塗。方與情人別。嘯歌亦何言。肅爾凌霜節。各○類聚五十六。詩紀四十九。
夫人皆薄離。二友獨懷古。思篤子衿詩。山詩紀云。當作三。川何足苦。念○同上

夜集作離合詩

四坐宴嘉賓。一客自遠臻。九言何所戒。十善故宜遵。○類聚五十六。詩紀四十九。

詩

有客被褐前。投心自詢寫。自言擅聲名。不謝羸甘賈。臧否同消滅。誰能窮薪火。酈生無文章。西施整妖冶。胡爲空耿介。悲哉君志瑣。○吳械韻補三。

詩

夕坐苦多慮。行歌踐閨中。房櫳引傾月。步檐結春風。○類聚二十六。詩紀四十九。

詩

挂鞍長林側。飲馬脩川湄。○初學記二十二。

悽悽留子言。眷眷浮客心。○草堂詩箋三十一。阮月詩注。

三日詩

弱柳蔭脩衢。○初學記三。

王微

微。字景玄。琅邪臨沂人。初爲始興王友。除南平王諮議參軍。歷中書侍郎。元嘉二十年卒。年二十九。有集十卷。

雜詩二首

桑妾獨何懷。傾筐未盈把。自言悲苦多。排却不肯捨。妾悲叵陳訴。填憂不銷冶。寒鴈歸所從。半途失憑假。壯情抃驅馳。猛氣捍朝社。常懷雲玉臺作雪。漢漸。常欲復周雅。重名好銘勒。輕軀願圖寫。萬里度沙漠。懸師蹈朔野。傳聞兵失利。不見來歸者。奚處埋旂麾。何處喪車馬。拊心悼恭人。零淚覆面下。徒謂久別離。不見長孤寡。寂寂掩高門。茶經作闕。寥寥空廣廈。待君竟不歸。收顏茶經作領。今就櫝。○玉臺新詠三。詩紀五十三。又茶經下引厦、櫝二韻。

思婦臨高臺。長想憑華軒。弄絃不成曲。哀歌送苦玉臺作若送。言。箕帚留江介。良人處雁門。詎憶無衣苦。但六臣本文選注云。五臣作粗。知狐白溫。日暗牛羊下。野雀滿空園。孟冬寒風起。東壁正中昏。朱火獨照人。抱景自愁怨。誰知心思玉臺作曲。亂。所思不可論。○文選三十。玉臺新詠三。詩紀五十三。

四氣詩

衡若首春華。梧楸當夏翳。鳴笙起秋風。置酒飛冬雪。○類聚五十六。詩紀五十三

詠愁詩

自予抱羈思。眇與日月長。載離非宋遠。誰謂河難航。憂隨積霖密。慨因朗旭彰。負之苦不勝。卽之竟無方。如彼引鯤魚。待盡守空梁。天地豈私貧。運至豈固當。既悟非形兆。茲數詎可攘。○類聚三十五作王徽。詩紀五十三。

七襄怨詩

藻帳越星波。玉飾渡雲川。○初學記四。

何長瑜

長瑜。東海人。爲臨川王義慶王國侍郎。歷平西記室參軍。除曾城令。元嘉二十年。廬陵王紹鎮尋陽。請爲南中郎行參軍。行至板橋。溺死。有集八卷。

嘲府僚詩

宋書曰。何長瑜爲臨川王記室參軍。嘗於江陵寄書與族人何勗。以韻語序臨川州府僚佐云云。如此五六句。輕薄少年遂演而廣之。一時人士並爲品目。盡加劇言苦句。其文流行。臨川怒以白太祖。除爲廣州曾城令。

陸展染髮詩紀云。一作白髮。欲以媚側室。青青不解久。星星行復出。○宋書謝靈運傳。御覽三百七十三。詩紀五十三。

離合詩

宜然悅今會。且怨明晨別。肴藪不能甘。有難不可雪。○類聚五十六。詩紀五十三。

荀雍

雍。字道雍。潁川人。官至員外散騎郎。有集四卷。

臨川亭詩

目極依春路。披褐懷良辰。明發戒徒御。臨流餞歸人。○初學記十八。詩紀五十三。

臨川王劉義慶

義慶。長沙王道憐子。爲臨川王道規後。永初元年襲封。元嘉初。遷丹陽尹。出爲荊州刺史。十六年。爲江州刺史。次年。轉南兗州刺史。鎮廣陵。二十一年卒。年四十二。有世說八卷、集八卷。

烏夜啼

籠窗一不開。烏夜啼。夜啼望郎來。○黃氏集千家註杜工部詩史補遺九。

遊鼉湖詩

暄景轉諧淑。草木日滋長。梅花覆樹白。桃杏發榮光。○初學記二十八。詩紀四十五。

范曄

曄。字蔚宗。泰子。義熙末爲武帝相國掾。彭城王義康冠軍參軍。宋受禪。隨府轉右軍參軍。召爲秘書丞。遷尚書吏部郎。文帝卽位。左遷宣城太守。歷鎮軍後軍長史。遷左衛將軍太子詹事。元嘉二十二年。與孔熙先等謀立彭城王義康。事泄。棄市。時年四十八。有後漢書九十七卷、集十五卷。

樂遊應詔詩

崇盛歸朝闕。虛寂在川岑。山梁六臣本文選注云。五臣本作陽。協孔性。黃屋非堯心。軒駕時未六臣本文選注云。五臣本作來。肅。文囿降照初學記作昭。六臣本文選注云。五臣本作昭。臨。流雲起行蓋。晨風引變音。原薄信平蔚。臺澗備曾深。蘭池清夏氣。修帳含秋陰。遵渚攀蒙密。隨山上嶠嶽。睇六臣本文選注云。五臣本作瞻。目有極覽。遊情

無近尋。聞道雖已積。年力互頽侵。探已謝丹馘。六臣本文選注云。五臣本作艘。詩紀云。一作艘。感事懷長林。○文選二十。詩紀五十三。又初學記十三引臨、音二韻。

臨終詩

禍福本無兆。性命歸有極。必至定前期。誰能延一息。在生已可知。來緣憶無識。好醜共一丘。何足異枉直。豈論東陵上。寧辨首山側。雖無嵇生琴。庶同夏侯色。寄言生存子。此路行復卽。○宋書本傳。南史本傳。詩紀五十三。

范廣淵

廣淵。秦少子。爲司徒祭酒。世祖撫軍諮議參軍。元嘉二十二年。坐擘事從誅。有集一卷。遼案。南史范擘傳、隋書經籍志皆作范廣。蓋避唐諱省淵字。

征虜亭餞王少傅

挂冠東門閭。歸謁西唐足。結轍塵高衢。祖供懸長麓。韓卿辭輦路。疏傅知殆辱。素德燭光塵。玄軌芳前覺。○初學記十八作范廣泉。詩紀三十六。○遼案。泉字乃避唐諱改。

孔法生

征虜亭祖王少傅

昔人鑒殆辱。解紱揚歸舲。真感屬神慮。高興襲天情。○初學記十八。

陸凱

贈范曄詩

荊州記曰。陸凱與范曄交善。自江南寄梅花一枝。詣長安與曄。兼贈詩曰。

折花事類賦作梅。逢御覽或作奉。驛御覽或作奉。使。寄與隴頭人。江南無所有。御覽或作得。萬花谷作別信。詩紀云。一作別信。聊贈御覽或作寄。一枝春。○歲華紀麗一。御覽十九、四百九、九百七十。事類賦梅賦。萬花谷七。詩紀五十四。

何承天

承天。東海剡人。晉隆安中爲南蠻校尉桓偉參軍。義熙初。長沙公陶延壽辟爲輔國府參軍。宋受禪。領著作郎。官至御史中丞。元嘉二十四年卒。年七十八。有禮論三百卷、集三十二卷。

鼓吹饒歌十五首

宋書樂志曰。鼓吹鏡歌十五篇。何承天晉義熙中私造。

朱路篇

朱路揚和鸞。翠蓋耀金華。玄牡飾樊纓。流旌拂飛霞。雄戟闢曠塗。班劍翼高車。三軍且莫喧。聽我奏鏡歌。清鞞驚短簫。朗鼓節鳴笳。人心惟愷豫。茲音亮且和。輕風起紅塵。淳瀾發微波。逸韻騰天路。積響結城阿。仁聲被八表。威震廣文選作靈。振九遐。嗟嗟介冑士。勗哉念皇家。○宋書樂志。樂府詩集十九。廣文選十二。詩紀四十五。

思悲公篇

思悲公。懷袞衣。東國何悲公西歸。公西歸。流二叔。幼主既悟偃禾復。偃禾復。聖志申。營都新邑從斯民。從斯民。德惟明。制禮作樂興頌聲。興頌聲。致嘉祥。鳴鳳爰集萬國康。萬國康。猶弗已。握髮吐餐下羣士。惟我君。繼伊周。親睹盛世復何求。○同上

雍離篇

雍士多離心。荆民懷怨情。二凶不量德。構難稱其兵。王人銜朝命。正辭糾不庭。上宰宣九伐。萬里舉長旌。樓船掩江濱。駟介飛重英。歸德戒後夫。賈勇尚先鳴。逆徒既不濟。愚智亦相傾。霜鋒未及染。鄢郢忽

已清。西川無潛鱗。北渚有奔鯨。凌威致天府。一戰夷三城。江漢被美化。宇宙歌太平。惟我東郡民。曾是深推誠。○宋書樂志。樂府詩集十九。詩紀四十五。

戰城南篇

戰城南。衝黃塵。丹旌電燧鼓雷震。勅敵猛。戎馬殷。橫陣宋書作陳。亘野若屯雲。仗大順。宋書作從。是。應三靈。義之所感士忘生。長劍擊。繁弱鳴。飛鏑炫晃亂奔星。虎騎躍。華旄旋。朱火延起騰飛煙。驍雄斬。高旗舉。長角浮叫響清天。夷羣寇。殪逆徒。餘黎霑惠詠來蘇。奏愷樂。歸皇都。班爵獻俘邦國娛。○同上

巫山高篇

巫山高。三峽峻。青壁千尋。深谷萬仞。崇巖冠靈林冥冥。山禽夜響。晨猿相和鳴。洪波迅復。載逝載停。悽悽商旅之客。懷苦情。在昔陽九皇綱微。李氏竊命。宣武耀靈威。蠢爾逆縱。復踐亂機。王旅薄伐。傳首來至京師。古之爲國。惟德是貴。力戰而虐宋書作虐。民。鮮不顛墜。矧乃叛戾。伊胡能遂。咨爾巴子無放肆。○同上

上陵者篇

上陵者。相追攀。被服纖麗振綺紈。攜童幼。升崇巒。南望城闕鬱盤桓。王公第。通衢端。高臺華屋列朱

軒。臨瀆谷。掇秋蘭。士女悠奕映隰原。指營丘。感牛山。爽鳩既沒景君歎。嗟歲聿。逝不還。志氣衰沮玄髮斑。宋書作班。野莽宿。墳土乾。顧此纍纍中心酸。生必死。亦何怨。取樂今日展情歡。○同上

將進酒

將進酒。慶三朝。備繁禮。薦嘉肴。榮枯換。霜霧交。緩春帶。命朋僚。車等旗。馬齊鑣。懷溫克。樂林濠。士失志。愠情勞。思旨酒。寄遊遨。敗德人。甘醇醪。耽長夜。或詩紀作惑。淫妖。興屢舞。厲哇謠。形傴僂。聲號呶。首既濡。志亦荒。性命天。國家亡。嗟後生。節酣觴。匪酒辜。孰爲殃。○宋書樂志。樂府詩集十九。廣文選十二。詩紀四十五。

君馬篇

君馬麗且閑。揚鑣騰逸姿。駿足躡流景。高步追輕飛。冉冉六轡柔。奕奕金華暉。輕霄翼羽蓋。長風靡淑旂。願爲范氏驅。雖容步中畿。豈效詭遇子。馳騁趣危機。鉛陵策良駟。造父爲之悲。不怨吳坂峻。但恨伯樂稀。赦彼岐山盜。實濟韓原師。奈何漢魏主。縱情營所私。疲民甘藜藿。廐馬患盈肥。人畜貿樂府作贊。厥養。蒼生將焉歸。○宋書樂志。樂府詩集十九。詩紀四十五。

芳樹篇

芳樹生北庭。豐隆正徘徊。翠穎陵冬秀。紅葩迎春開。佳人閑幽室。惠心婉以諧。蘭房掩綺幌。綠草被長

階。日夕遊雲際。歸禽命同棲。皓月盈素景。涼風拂中閨。哀絃理虛堂。要妙清且淒。宋書、樂府並作悽。嘯歌
流激楚。傷此碩人懷。梁塵集丹帷。微飈揚羅袿。豈怨嘉時暮。徒惜良願乖。○同上

有所思篇

有所思。思昔人。曾閱二子善養親。和顏色。奉昏晨。宋書作晨昏。至誠烝烝通明神。鄒孟軻。爲齊卿。稱身
受祿不貪榮。道不用。獨擁楹。三徙既諄禮義明。飛鳥集。猛獸附。功成事畢乃更娶。哀我生。遭凶旻。幼
罹荼毒。樂府作酷。備艱辛。慈顏絕。見無因。長懷永思託丘墳。○同上

雉子遊原澤篇

雉子遊原澤。幼懷耿介心。飲啄雖勤苦。不願棲園林。古有避世士。抗志青霄岑。浩然寄卜肆。揮棹通川
陰。逍遙宋書作消搖。風塵外。散髮撫鳴琴。卿相非所眄。何況於千金。功名豈不美。寵辱亦相尋。冰炭結六
府。憂虞纏胸襟。當世須大度。量己不克任。三復泉流誠。自驚良已深。○同上

上邪篇

上邪下難正。衆枉不可矯。音和響必清。端影廣文選作形。緣直表。大化揚仁風。齊人猶偃草。聖王既已沒。
誰能弘至道。開春湛柔露。代終肅嚴霜。承平貴孔孟。政弊侯申商。孝公明賞罰。六世猶克昌。李斯肆濫

刑。秦氏樂府作民。詩紀同。所以亡。漢宣隆中興。魏祖寧三方。譬彼鍼與石。效疾而稱良。行葦非不厚。悠悠何詎央。琴瑟時未調。改絃當更張。矧乃治天下。此要安可忘。○宋書樂志。樂府詩集十九。廣文選十二。詩紀四十五。

臨高臺篇

臨高臺。望天衢。飄然輕舉陵太虛。攜列子。超帝鄉。雲衣雨帶乘風翔。肅龍駕。會瑤臺。清暉浮景溢蓬萊。濟西樂府作四。海。濯洧盤。佇立雲嶽結幽蘭。馳迅風。遊炎州。願言桑梓思舊遊。傾霄蓋。靡電旌。降彼天塗積窈冥。辭仙族。歸人羣。懷忠抱義奉明君。任窮達。隨所遭。何爲遠想令心勞。○同上

遠期篇

遠期千里客。肅駕候良辰。近命城郭友。具爾惟懿親。高門啓雙闥。長筵列嘉賓。中唐儻六佾。三廂羅樂人。簫管激悲音。羽毛揚華文。金石響高宇。絃歌動梁塵。脩標多巧捷。丸宋書誤作九劍亦人神。遷善自雅調。成化由清均。主人垂隆慶。羣士樂亡身。願我聖明君。邇期保萬春。○宋書樂志。樂府詩集十九。詩紀四十五。

石流篇

石上流水。湍湍其波。發源幽岫。永歸長河。瞻彼逝者。歲月其偕。子在川上。惟以增懷。嗟我殷憂。載勞

寤寐。遭此百罹。有志不遂。行年倏忽。長勤是嬰。永言沒世。悼茲無成。幸遇開泰。沐浴嘉運。綏宋書、樂府作緩。帶安寢。亦又何愠。古之爲仁。自求諸己。虛情遙慕。終於徒已。○宋書樂志。樂府詩集十九。廣文選十二。詩紀四十五。

何承嘉

雪詩

飄飄乘虛。紛綸隨風。○書鈔百五十四。

宋詩卷五

袁淑

淑。字陽源。陳郡陽夏人。元嘉中爲祭酒。累遷尚書吏部郎。轉御史中丞。遷太子左衛率。三十年。爲劉劭所害。年四十六。有集十一卷。

效曹子建白馬篇

劍騎初學記作騎劍。何翩翩。長安五陵間。秦地天下樞。八方湊才賢。荆魏多壯士。宛洛富少年。意氣深自負。詩紀云。一作許。肯事郡邑權。藉藉李善本文選作籍籍。樂府同。關外來。車徒傾國鄣。五侯競書幣。羣公亟爲言。義分明於霜。信行直如弦。交歡池陽下。留宴汾陰西。一朝許人諾。何能坐相捐。影節去函谷。投珮出甘泉。嗟此務遠圖。心爲四海懸。但營身意遂。豈校耳目前。俠烈良有聞。古來共知然。○文選三十一。樂府詩集六十三作白馬篇。詩紀五十三。又初學記五作效白馬篇。引間、賢二韵。

效古詩

評李善本文選作訊。此倦遊士。本家自遼東。昔隸李將軍。十載事西戎。結車高闕下。極望見雲中。四面各千

里。從橫起嚴風。寒煥豈如節。霜雨多異同。夕寐北河陰。夢還甘泉宮。勤役未云已。壯年徒爲空。迺知古時人。所以悲轉蓬。○文選三十一。詩紀五十三。

詠冬至詩

連星貫初曆。令月歲時雜。詠作今日。臨首歲。薦樂行陰政。登金歲時雜。詠作歌。詩紀云。一作歌。贊陽滯。收涼降天德。萌華宣地惠。司瑞記初學記作紀。歲時雜詠同。夜晞。書雲掌朝誓。○初學記四。古今歲時雜詠三十九。詩紀五十三。

種蘭詩

南史曰。袁淑從母兄劉湛。欲淑附己。而淑不爲改意。由是大相乖失。淑乃賦詩曰云云。尋以病免。

種御覽作植。蘭忌當門。懷璧莫向楚。楚少別玉人。門非植蘭所。○南史袁淑傳。御覽九百八十三引宋書。詩紀五十三。

登宣城郡詩

悵焉訊舊老。茲前乃楚居。十代闕州記。百祀絕方書。○類聚二十八。詩紀五十三。

詠寒雪詩

渚幽寒兮石煙聚。日華收兮山氣深。邊亭哀兮夜燧滅。孫枝振兮空岫吟。魚戢鱗兮鳥矜翰。虹蟄火兮龍

藏金。○御覽三十四作七言詠雪。又書鈔百五十四作七言詠寒。引金一韵。

凌霰交兮高冰合。浮波梗兮悲風流。○書鈔百五十六。

霜雪滯兮潛天陽。浮澌結兮悲海陰。○同上

啄木詩百三家集注云。集左氏。

南山有鳥。自名啄木。飢則啄木。暮則巢宿。無干於人。唯志所欲。性清者榮。性濁者辱。○百三家集袁陽源集。○遠案。此詩類聚引作宋袁淑排諧集左氏詩。御覽引作裴諧集左氏詩。已據詩紀編人左芬集。然左氏亦不必卽爲左芬。故此又依百三家集附之袁淑集。

南平王劉鑠

鑠。字休玄。文帝第四子。元嘉十六年封南平王。三十年。元凶弑立。爲征虜將軍、開府儀同三司。孝武定亂。進司空。賜藥死。有集五卷。

三婦豔詩

大婦裁霧縠。中婦牒冰練。小婦端清景。含歌登玉殿。丈人且徘徊。臨風傷流霰。○樂府詩集三十五。詩紀四十五。

白紵曲

僊僊徐動何盈盈。玉腕俱凝若雲行。佳人舉袖輝類聚作曜。樂府作耀。詩紀云。玉臺作耀。青蛾。摻摻擢手映鮮羅。狀似明月汎雲河。體如輕風動流波。○類聚四十三作白紵舞曲。樂府詩集五十三。詩紀四十五。

擬行行重行行詩

宋書本傳曰。鑠未弱冠。擬古三十餘首。時人以爲亞迹陸機。

眇眇陵長玉臺作羨。道。遙遙五臣本文選作搖搖。行遠之。回車背京里。詩紀云。玉臺作邑。揮手從玉臺作於。此辭。堂上流塵生。庭中綠草滋。寒螿翔水曲。秋兔依山基。芳年有華月。佳人無還期。日夕涼風起。對酒長相思。悲發江南調。憂委子衿詩。卧看明鏡晦。坐見輕紈縑。淚容不可飾。玉臺作曠不飭。幽鏡難復治。詩紀云。一作持。願垂薄暮景。照妾桑榆時。○文選三十一作擬古。玉臺新詠三作雜詩代行行重行行。詩紀四十五。

擬明月何皎皎詩

落宿半文鏡秘府作日下。遙城。浮雲藹層闕。玉宇來清風。羅帳延文鏡秘府作迎。秋月。結思想伊人。沈憂懷明發。誰爲六臣本文選注云。五臣作謂。玉臺作謂。客行久。玉臺作行客遊。屢見流芳歇。河廣川無梁。山高路難越。○文選三十一作擬古。玉臺新詠三作雜詩代明月何皎皎。詩紀四十五。又文鏡秘府論西引闕。月二韻。

擬孟冬寒氣至詩

白露秋風始。秋風明月初。明月照高樓。白露歲時雜詠作露冷。詩紀作露落。注云。一作白露。皎玄除。迨歲時雜詠作追。及涼風起。歲時雜詠作舉。行見寒林疏。客從遠方至。贈我千里書。先敝懷舊愛。末歲時雜詠作未。陳久離居。一章意不盡。三復歲時雜詠作幅。詩紀云。一作幅。情有餘。願遂平生志。玉臺作眷。歲時雜詠同。無使甘言虛。○玉臺雜詠三。古今今歲時雜詠四十六。詩紀四十五。

擬青青河邊草詩

淒淒含露臺。肅肅迎風館。思女御櫺軒。哀心詩紀云。一作聲。徹雲漢。端撫悲絃泣。獨對明燈嘆。良人久徬。詩紀作遙。役。耿介終昏旦。楚楚秋水歌。依依采菱彈。○玉臺新詠三。詩紀四十五。

代收淚就長路詩

聳轡高陵曲。揮袂廣川濱。黃塵昏白日。悲風詩紀云。一作荒塞。起浮雲。蕭條萬里別。契闊三秋分。時往從朝露。年來驚夕氤。徘徊去芳節。依遲從遠軍。○類聚二十九。詩紀四十五。

過歷山湛長史草堂詩

茲嶽蘊虛詭。憑覽趣亦贍。九峯相接連。五渚逆縈浸。層阿疲且引。絕巖暢方禁。溜衆夏更寒。林交晝常

蔭。伊余久緇涅。復得味恬淡。願逐安期生。於焉愜高枕。○古詩類苑十一。詩紀四十五。

七夕詠牛女詩

秋動清風玉臺作氛。扇。火移炎氣歇。廣簷玉臺作欄。含夜陰。高軒通夕月。安步巡芳歲時雜詠作芳。林。傾望極雲闕。組幕縈歲時雜詠作雲。漢陳。龍駕凌霄初學記作宵。發。誰云長河遙。頗劇詩紀作覺。促筵越。詩紀作悅。沈情未申寫。飛光已飄忽。來對眇難期。今歲時雜詠作合。歡自茲沒。○玉臺新詠三。詩紀四十五。又類聚四、初學記四並引歇、月、闕、發、忽、沒六韻。

歌詩

吳初學記作旻。天晴且御覽作旦。高。秋氣發初涼。白露下微津。明月流素光。凝煙汎城闕。淒風入軒房。朱華先零落。綠草就芸黃。織羅還笥篋。輕紈改衣裳。○類聚三。御覽二十五。事類賦秋賦注。詩紀四十五作秋歌。又初學記三、萬花谷後三並引涼、光、房三韻。

丘淵之

淵之。字思玄。吳興烏程人。位侍中、都官尚書。卒於太常。有新集目錄三卷。遠案。世說新語注引其新集錄。唐志新集目錄撰者作丘深之。

贈記室羊徽其屬疾在外詩六章

趣以冥感。契以情運。譬彼金蘭。堅芳互訓。郢夫復斤。濠津闕問。孰是超賞。非爾殆蒞。
婉晚閑暑。契闊二方。連鑣朔野。齊棹江湘。冬均其溫。夏共其涼。豈伊多露。情深踐霜。
神武遐滌。大衢方揮。屠耒晏業。介焉靡違。閑苑敞徑。醴弦湛微。欣彼二仲。與子俱歸。
願言無必。欣慨屢造。爾疾既纓。余憂用老。搔首匪勤。寔纏中抱。言念佳人。祇增心攪。
天道雖緬。福善可期。今唯吾子。久應在茲。乘理載遂。沖衿自怡。三折既履。五德宜思。
予業弗高。屢羈塵役。勉彼儉勤。忝此墳籍。識以榮期。顏以厚積。庶憑納汗。佇規三益。
○文館詞林百五十八
作丘泉之。○遠案。泉之、深之皆避唐諱。

荀昶

昶。字茂祖。元嘉初。以文義仕至中書郎。有集十五卷。

擬相逢狹路間

朝發邯鄲邑。暮宿井陘間。井陘一何狹。車馬不得旋。邂逅相逢值。崎嶇交一言。一言不容多。伏軾問君家。君家誠易玉。臺作難知。易玉臺作難。知復易博。南面平原居。北趣相如閣。飛樓臨名玉。臺作夕。樂府同。都。通

門枕華郭。人門無所見。但見雙棲鶴。棲鶴數十雙。鴛鴦羣相追。大兄珥金璫。玉臺作錯。中兄振纓綉。樂府云。一作中兄纓玉蕤。伏臘一。玉臺作二。來歸。鄰里生光輝。小弟無所爲。玉臺作作。鬪雞東陌遠。大婦織紈綺。中婦縫羅衣。小婦無所作。挾瑟弄音徽。丈人且却坐。梁塵將欲飛。○玉臺新詠三。樂府詩集三十五作長安有狹邪行。詩紀五十四。

擬青青河邊草

熒熒山上火。若若隔隴左。隴左不可至。精爽通寤寐。寤寐衾裯。玉臺作幃。樂府同。同。忽覺在他邦。他邦各異邑。相逐不相及。迷墟在望煙。木落知冰堅。升朝各自進。誰肯相攀牽。客從北方來。貽我端弋綈。命僕開弋綈。中有隱起珪。長跪讀隱珪。詞苦聲亦悽。上言各努力。下言長相懷。○玉臺新詠三。樂府詩集三十八作青青河畔草。詩紀五十四。

宋孝武帝劉駿

駿字休龍。小字道民。文帝第三子。元嘉十二年封武陵王。劉劭弑逆。舉兵入討。三十年五月卽位。在位十一年。大明八年卒。年三十五。諡曰孝武皇帝。有集三十一卷。

丁督護歌六首 一曰阿督護。

宋書樂志曰。督護歌者。彭城內史徐達之爲魯軌所殺。宋高祖使府內直督護丁旼收斂殯埋之。達之妻高祖長女也。呼旼至閣下。自問殮送之事。每問輒歎息曰。丁督護。其聲哀切。後人因其聲廣爲曲焉。唐書樂志曰。丁督護。晉、宋間曲也。今歌是宋孝武帝所製云。

督護北征去。前鋒無不平。朱門垂高蓋。永世揚功名。○樂府詩集四十五。詩紀四十五。

洛陽數千里。孟津流無極。辛苦戎馬間。別易會難得。○同上

督護北征去。相送落星墟。帆檣如芒櫂。督護今何渠。○同上

聞歡去北征。相送直瀆浦。只有淚可出。無復情可吐。○同上

督護初征時。玉臺作上征去。儂亦惡玉臺作思。聞許。願作石尤風。四面斷行旅。○玉臺新詠十。樂府詩集四十五。詩紀四十五。

黃河流無極。洛陽數千里。坎坷戎旅。玉臺作我途。間。何由見歡子。○玉臺新詠十。樂府詩集四十五作玉金珠。詩紀四十五。

自君之出矣詩紀云。一云擬室思。玉臺作許瑤。

自君之出矣。金翠闇無精。思君如日月。回還晝夜生。○玉臺新詠十作擬徐幹。類聚三十二作擬室思。樂府詩集六十九。詩紀四十五。

遊覆舟山詩

束髮好怡衍。弱冠頗流薄。素想終勿傾。聿來果丘壑。層峯亘天維。曠渚綿地絡。逢臯列神苑。遭壇類聚作垓。樹仙閣。松壇含青暉。荷源煜彤爍。川界泳遊鱗。巖庭響鳴鶴。○類聚七。詩紀四十五。

登作樂山詩

脩路軫孤轡。竦石頓飛轅。遂登千尋首。表裏望丘原。屯煙類聚誤作因。擾風穴。積水溺類聚作漏。雲根。漢潦吐新波。楚山帶舊苑。類聚作宛。壤草凌故國。拱木秀頽垣。目極情無留。類聚作屈。客思空已繁。○類聚七。詩紀四十五。

登魯山詩

解帆憩通渚。息徒憑椒丘。粵值風景和。升高從遠眸。紀郢類聚作鄂。窮西路。湘夢極南流。杳哉漢陰永。詩紀作水。浩焉江界修。○類聚七。詩紀四十五。

濟曲阿後湖詩

宵登毗陵路。且類聚作且。過雲陽郭。平湖曠津濟。菰渚迭明蕪。和風翼歸采。夕氛晦山嶠。驚瀾翻魚藻。頽

霞照桑榆。○類聚九。詩紀四十五。

與廬陵王紹別詩

連歲矜離心。今茲幸良集。信宿窮晨暮。開顏披所戢。未盡歡娛類。聚作晤。懷。已傷歧路及。舳艫引江介。飛旌背爾邑。悄擾徒旅戒。團樂流景人。遲遲分手念。泫泫登路泣。○類聚二十九。廣文選八。詩紀四十五。

幸中興堂餞江夏王詩

送行悵川逝。離酌偶歲陰。陰雲掩歡緒。江山起別心。○初學記十八。詩紀四十五。

拜衡陽文王義季墓詩

昧旦憑行軾。濡露及山庭。投步矜履蹈。舉目增淒清。輶路滅歸軫。淪闔負重扃。深松朝已霧。幽隧晏未明。長楊敷晚素。宿草披初青。哀往起沈泉。追愛慟中情。竹帛憑年遠。世範隨伏傾。○類聚四十。詩紀四十五。

七夕詩二首

白日傾晚歲。時雜詠作曉。照。弦月升初光。炫炫葉露滿。肅肅若溪叢。話作蕭蕭。庭風揚。瞻言媚天漢。幽期濟河梁。服箱從奔輶。紈綺闕成章。解帶遽迴軫。誰云歲時雜詠作云誰。秋夜長。愛聚雙情欸。念離兩心傷。○初學

記四。古今歲時雜詠二十五。詩紀四十五。又若溪漁隱叢話後一引光、揚二韻。

秋風發離願。明月照雙心。偕歌有遺調。別歎無殘音。開庭鏡天路。餘光不可臨。泐初學記作迎。風披初學記作被。詩紀同。弱初學記作練。縷。迎輝御覽作曜。初學記作向月。貫玄針。斯御覽作薄。藝成無取。時物歲時雜詠作務。御覽同。聊可尋。○玉燭寶典七引心、音、臨、針四韻。古今歲時雜詠二十五、御覽三十一並引臨、針、尋三韻。初學四引針一韻。詩紀四十五。

夜聽妓詩

寒夜起聲管。促席引靈寄。深心屬悲絃。遠情逐流吹。勞襟憑苦詩紀作者。辰。誰謂懷忘易。○類聚四十二。詩紀四十五。

詠史詩

聶政憑驍氣。荆軻擅美風。孤刃駭韓庭。獨步震秦宮。懷音豈若始。捐軀在命終。雄姿列往志。流聲固無窮。○類聚五十五。詩紀四十五。

初秋詩

夏盡炎氣微。火息涼風生。綠草未傾色。白露已盈庭。遠視秋雲發。近聽寒蟬鳴。運移矜物化。川上感餘

類聚作余情。○類聚三。詩紀四十五。

秋夜詩

局景薄西隅。升月照東垂。肅肅風盈幕。泫泫露傾枝。側聞飛壺急。坐見河宿移。睹辰念節變。感物矜乖離。○類聚三。詩紀四十五。

四時詩

南史曰。孝武狎侮羣臣。各有稱目。柳元景、桓護之雖並北人。而王玄謨獨受老儉之目。嘗爲玄謨作四時詩。

堇茹宋書作茶。供春膳。粟漿御覽作殮。充夏飡。虺御覽作瓠。醬調秋菜。白醪南史作醴。解冬寒。○宋書王玄謨傳。南史王玄謨傳。詩紀四十五。又御覽九百七十六、八百五十六引宋書作文帝爲王玄謨作四時詩。引飡一韵。又八百六十五引寒一韵。

齋中望月詩

寒幕蕩暄。詩紀誤作喧。氣。人夜漸流清。微微風始發。曖曖月初明。思因往物深。悲以歸雲盈。○類聚一。詩紀四十五。

北伐詩

表裏跨原隰。左右御川梁。月羽皎素魄。皇旗絕赤光。○類聚五十九。詩紀四十五。

之江州詩

山曲蒙幽雨。江路結流寒。○文選二十七出新林浦向板橋詩注。

歌華林園清暑殿賦系此。

山懷風兮谷吐泉。清潭邃兮遠氣宣。符深情兮應遙心。促千里兮測雲天。○類聚六十二。

離合詩

霏雲起兮汎濫。雨靄昏而不消。意氣悄以無樂。音塵寂而莫交。守邊境以臨敵。寸心屬於戎昭。閣盈圖記。門滿賓僚。仲秋始戒。中園初凋。池育秋蓮。水滅寒漂。旨歸塗以易感。日月逝而難要。分中心而誰寄。人懷念而必謠。悲客他方。○類聚五十六。詩紀五十四。

華林都亭曲水聯句效栢梁體詩

九宮盛事予旒纒。帝三輔務根誠難亮。揚州刺史江夏王義恭策拙粉鄉慙恩望。南徐州刺史竟陵王誕折衝類聚、廣文選誤作衡。莫效興廣文選誤作與。民謗。領軍將軍元景侍禁衛儲恩踰量。太子右率暢臣謬叨寵九流曠。吏部尚書莊喉屑廢職方思讓。侍中偃明筆直繩天威諒。御史中丞顏師伯○類聚五十六。廣文選十五。詩紀五十四。

顏延之

延之。字延年。琅邪臨沂人。晉義熙中。後將軍吳國內史劉柳以爲行參軍。轉主簿。歷豫章公劉裕世子參軍。宋受禪。補太子舍人。少帝卽位。以正員郎兼中書郎。出爲始安太守。元嘉初。徵爲中書侍郎。尋領步兵校尉。出爲永嘉太守。未行。免。元凶弒立。以爲光祿大夫。孝武卽位。以爲金紫光祿大夫。領湘東王師。孝建三年卒。年七十三。諡曰憲子。有集三十卷、逸集一卷。

應詔讌曲水作詩八章○以下四言。

宋畧曰。文帝元嘉十一年三月丙申。禊飲于樂遊苑。且祖道江夏王義恭、衡陽王義季。有詔會者賦詩。

道隱未形。治彰既亂。帝迹歲時雜詠作匪。懸衡。皇流共貫。惟王創物。永錫洪算。仁固開周。義高登漢。

祚融世哲。業光列聖。太上正位。天臨海鏡。制以化裁。歲時雜詠作制翰花裁。樹之形性。惠浸萌生。信及翔

泳。歲時雜詠誤作朔冰。

崇虛非徵。歲時雜詠作微。積實莫尚。豈伊人和。寔靈所貺。日完其朔。月不掩望。航琛越水。輦賚踰嶂。李善

本文選作障。

帝體麗明。儀辰作貳。君類聚作居。彼東朝。金昭六臣本文選注云。五臣本作詔。按作詔是。玉粹。歲時雜詠作輝。德有潤身。禮不愆器。柔中淵映。芳猷蘭祕。

昔在文昭。今惟武穆。於赫王宰。方且居叔。有辟叡蕃。爰履奠牧。寧極和鈞。歲時雜詠作均。屏京維服。肫魄雙交。月氣參變。開榮灑澤。舒虹爍電。化際無間。皇情爰眷。伊思鎬飲。每惟類聚作懷。初學記同。洛宴。郊餞有壇。六臣本文選注云。五臣本作疆。類聚作疆。初學記、歲時雜詠同。君舉有禮。幙初學記作暮。歲時雜詠同。帷類聚作帳。初學記同。蘭甸。畫初學記作畫。歲時雜詠同。流高陞。分庭薦樂。析波浮醴。豫初學記作預。同夏諺。初學記作肆。歲時雜詠同。事兼出濟。

仰閱歲時雜詠作窺。豐施。降惟歲時雜詠作惟。微物。三妨歲時雜詠作辰。儲隸。五塵朝馘。途泰命屯。恩充報屈。有悔可悛。歲時雜詠作踈。滯瑕難拂。李善本文選注云。一作弗。○文選二十。古今歲時雜詠十六。詩紀四十六。又類聚四作詔宴。曲水詩。引亂、貫、算、漢、聖、鏡、貳、粹、器、電、宴、物、馘、屈、拂十五韻。初學記四引算、漢、電、宴、物、馘、屈、拂八韻。

皇太子釋奠會作詩九章

宋畧曰。文帝元嘉二十年三月。皇太子劭釋奠于國學。

國尚師位。家崇儒門。稟道毓德。講藝立言。浚初學記作俊。明爽曙。達初學記作達。義茲昏。永初學記作來。瞻先覺。顧惟後昆。

大人長物。繼天接聖。時屯必亨。運蒙則正。偃閉武術。闡揚文令。庶士傾風。萬流仰鏡。

虞庠飾館。睿圖炳晬。懷六臣本文選注云。五臣本作深。仁憬初學記作曝。集。抱智膺六臣本文選注云。五臣作膺。初學記作睿。至。踵門陳書。躡屩李善本文選作躡。初學記作履。獻器。澡身玄淵。初學記作深。宅心道秘。

伊昔周儲。聿光往記。思皇世哲。體元作嗣。資此夙知。降從經六臣本文選注云。五臣作繼。詩紀云。一作繼。類聚作

輕。志。邊彼前文。規周矩值。

正殿虛類聚作張。筵。司初學記作同。分簡日。尚席類聚作度。函丈。丞類聚作承。六臣本文選注云。五臣作杖承。疑奉帙。
初學記作職。侍初學記作傳。言稱辭。初學記作訶。當是詞之訛。悼史秉筆。妙識幾音。王載有述。

肆六臣本文選注云。五臣作肆。議芳訊。大教克明。敬躬祀典。告奠聖靈。禮屬觀盥。樂薦歌笙。昭事是肅。俎實非馨。

獻終襲吉。卽宮廣讌。堂設象筵。庭宿金懸。台保兼徽。皇戚比彥。類聚誤作音。肴乾酒澄。端服整弁。

六官視李善本文選作眠。命。九賓相儀。纓笏而序。巾卷充街。都莊六臣本文選注云。五臣作莊都。雲動。野馘風馳。倫周伍漢。超哉邈猗。

清暉在天。容光必照。物任文選作性。六臣本注云。五臣作任。其情。理宜其奧。安先國胄。側聞邦教。徒愧微冥。終謝智效。○文選二十。詩紀四十六。又類聚三十八作侍皇太子釋奠宴。引記、嗣、志、日、帙、宴、懸、音、弁九韻。初學記十四引第一、三、五各章。又明、靈、笙三韻。

三月三日詔宴西池詩

河嶽曜圖。聖時利見。於赫有皇。升中納禪。載貞其恆。載通其變。大哉人文。至矣天睠。昭哉儲德。靈慶攸繁。明兩紫宸。景物乾元。帝宗菴藹。惟城惟蕃。袞衣善職。彤弓受言。飾館春宮。稅鑣青輅。長筵逶迤。浮觴沿沂。○類聚四。廣文選八。詩紀四十六。

爲皇太子侍宴餞衡陽南平二王應詔詩

大廣文選作太。儀在御。皇聖居貞。廣文選作真。旁緝民紀。仰緯天經。物資感變。神以瑞形。川無遁寶。山不闕靈。亦既戒裝。皇心載遠。夕悵亭臯。晨儀禁苑。神行景鶩。發自靈閩。對宴感分。瞻秋悼晚。○類聚二十九。廣文選八。詩紀四十六。

從軍行以下五言。

苦哉遠征人。畢力幹類聚作輸。時艱。秦初畧揚類聚作陽。越。漢世爭陰山。地廣旁無界。岳阿上虧天。嶠霧下高鳥。冰沙固流川。秋飈冬未至。春液夏不涓。閩烽詩紀誤作蜂。指荆吳。胡埃屬幽燕。橫海咸飛驪。絕漠皆控弦。馳檄發章表。軍書交塞邊。接鎬赴陣首。卷甲起行前。羽驛馳無絕。類聚作羽檄且暮急。旌旗晝夜懸。卧伺金柝響。起候詩紀作堠。亭燧燃。樂府作烟。詩紀同。逃類聚作悲。矣遠征人。惜類聚作苦。哉私自憐。○樂府詩集三十二。廣文選十四。詩紀四十六。又類聚四十一引艱、山、懸、燃、憐五韻。

秋胡行九章○樂府作九首。非是。

椅梧傾高鳳。寒谷待鳴律。影響豈不懷。自遠每相匹。婉彼幽閑女。作嬪君子室。峻節貫秋霜。明豔侔朝日。嘉運既我從。欣願自此畢。

燕居未及好。樂府作歡。六臣本文選注云。五臣作歡。良人顧有違。脫巾玉臺作晚申。千里外。結綬登王畿。戒徒在
昧旦。左右來相樂府作相來。依。驅車出郊郭。行路正威遲。存南史作生。爲久離別。沒本事詩作歿。爲長不歸。
嗟余怨行役。三陟窮晨暮。嚴駕越風寒。解鞍犯霜露。原隰多悲涼。迴飈卷高樹。離獸起荒蹊。驚鳥縱六臣
本文選注云。五臣作從。橫去。悲哉遊宦子。勞此山川路。

超玉臺作迢。遙詩紀作搖。行人遠。宛轉年運徂。良時樂府作人。六臣本文選注云。五臣作人。爲此別。日月方向除。孰
知寒暑積。僮俛見玉臺作是。榮枯。歲暮臨空房。涼風起坐隅。寢興日已寒。白露生庭蕪。

勤役從歸願。玉臺作願。反路遵山河。昔辭李善本文選作醉。秋未素。今也歲載華。蠶月觀詩紀云。一作歡。時暇。桑
野多經過。佳人從所李善本文選作此。務。窈窕援高柯。傾城誰不顧。弭節停中阿。

年往誠思勞。路玉臺作事。李善本文選同。遠闊音形。雖爲五載別。相玉臺誤作褐。與昧玉臺作時。平生捨車遵往路。
鳧藻馳目成。南金豈不重。聊自意所輕。義心多苦調。密比類聚、樂府作此。六臣本文選注云。五臣作此。金玉聲。
高節難久淹。竭來空復辭。遲遲前途盡。依依造門基。上堂拜嘉慶。入室問何之。日暮行采詩紀作來。歸。物
色桑榆時。美人望昏至。慚歎前相持。

有懷誰能已。聊用申苦難。離居殊年載。玉臺作歲。一別阻河關。春來無時豫。秋至恆玉臺作應。草堂詩箋作常。
早寒。明發動愁心。閨中起樂府作夜。長歎。慘悽歲方晏。日落遊子顏。

高張生絕絃。聲急由調起。自昔枉光塵。結言固終始。如何久爲別。百行愆文選作魯。詩紀同。諸已。君子失明
玉臺作時。義。誰與偕沒齒。愧彼行露詩。甘之長川汜。類聚作湲。○文選二十一作秋胡詩一首。玉臺新詠一作秋胡詩一首。

樂府詩集三十六。詩紀四十六。又南史謝莊傳引離一韵。本事詩引離一韵。類聚十八作秋胡詩。引遠、畿、依、過、柯、阿、輕、聲、己、浹十韵。

挽歌

令龜告明兆。撒揚州本作撒。奠在方昏。戒徒赴幽窆。祖駕出高門。行行去城邑。遥遥首丘園。息鑣竟平塹。稅駕列巖根。○御覽五百五十二。

應詔觀北湖田收詩

集曰。元嘉十年也。

周御窮轍跡。夏載歷山川。蕃軫豈明懋。善遊皆聖仙。帝暉膺順動。清蹕巡廣塵。樓觀眺豐穎。金駕映松山。飛奔互流綴。緹縠代迴環。神行埒浮景。爭光草堂詩箋作交映。六臣本文選注云。五臣作交映。溢中天。開冬眷徂物。殘悴盈化先。陽陸團精氣。陰谷曳寒煙。攢素既森藹。積翠亦葱芊。李善本選作阡。息饗詩紀作響。報嘉歲。通急戒無年。溫渥浹輿隸。和惠屬後筵。觀風久有作。陳詩愧未妍。疲弱謝陵遽。取累非纏牽。○文選二十二。詩紀四十六。又草堂詩箋二十一。玉臺詩注作應詔詩。引天、芊二韵。

車駕幸京口侍遊蒜山作詩

集曰。元嘉二十六年也。

元天高北列。日觀臨詩紀作靈。東溟。人河起陽峽。踐華因削成。巖險去漢宇。襟衛徙吳京。流池自化造。山關固神營。園縣極方望。邑社總地靈。宅道炳星緯。誕曜應辰明。睿思纏故里。巡駕市類聚作匝。舊垌。陟峯騰輦路。尋雲抗瑤薨。春江壯風濤。蘭野茂蕙六臣本文選注云。善作稊。英。宣遊弘下濟。窮遠凝聖情。嶽濱有和會。祥習在卜征。周南悲昔老。留滯感遺氓。六臣本文選作萌。注云。五臣作氓。空食疲廊肆。反稅事巖耕。○文選二十二。詩紀四十六。又類聚八引壩、薨、英、情四韻。

車駕幸京口三月三日侍遊曲阿後湖作詩

集曰。元嘉二十六年也。

虞風載帝狩。夏諺頌王遊。春方動宸李善本文選作辰。駕。望幸傾五州。山祗蹕嶠路。水若警類聚作驚。滄流。神御出瑤軫。天儀降藻舟。萬軸胤行衛。千翼汎飛浮。彫類聚作雕。雲麗璇蓋。祥飈被綵旂。江南進荆豔。河激類聚作微。獻趙謳。金練照海浦。笳鼓震溟洲。藐眇李善本文選作盼。觀青崖。衍漾觀綠疇。民李善本文選作人。靈騫都野。鱗翰聳淵丘。德禮既普洽。川嶽徧懷柔。○文選二十二。詩紀四十六。又類聚四引遊、州、流、舟、浮、旂、謳七韻。

拜陵廟作詩

周德恭明祀。漢道遵文選作尊。光靈。哀敬隆祖廟。崇樹加園塋。逮事休命始。投迹階王庭。陪厠迴天顧。朝燕流聖情。早服身義重。晚達生戒輕。否來王澤竭。泰往人悔形。敕躬慙積素。復與昌運并。恩合非漸漬。榮會在逢迎。夙御嚴清制。朝駕守禁城。束紳人西寢。伏軾文選詩紀作軫。出東垌。衣冠終冥漠。陵邑轉葱

青。松風遵路急。山煙冒壠生。皇心憑容物。民思被歌聲。萬紀載絃吹。千歲李善本文選作載。託旒旌。未殊帝世遠。已同淪化萌。幼壯困孤介。未暮謝幽貞。發軌喪夷易。歸軫慎崎傾。○文選二十二。詩紀四十六。○文選旁證云。六臣本軫作軾。李注引莊子以注伏軾。其作軾者。但傳寫誤。

贈王太常僧達詩王僧達答詩別見。

玉水記方流。璇源載圓折。蓄寶每希聲。雖秘猶彰徹。類聚作澈。聆龍際音砌。九淵。類聚作州。廣文選同。六臣本文選注云。善作泉。聞鳳窺丹穴。歷聽豈多士。李善本文選作工。歸文選作唯。類聚、廣文選同。然觀時李善本文選作世。舒文廣國華。敷言遠朝列。六臣本文選注云。五臣作烈。類聚、廣文選作烈。德輝灼邦懋。芳風被鄉耆。側同草堂詩箋作聞。幽人居。郊扉常晝閉。類聚作閑。林間時晏開。亟迴長者轍。庭昏見野陰。山明望松雪。靜惟浹羣化。徂生人窮節。豫往誠歡歇。類聚作聚。廣文選同。悲來非樂闕。屬美謝繁翰。遙懷具短札。○文選二十六。類聚三十一。廣文選十作答王僧達。詩紀四十六。又草堂詩箋二十三春日詩注引閉一韵。

夏夜呈從兄散騎車長沙詩

炎天方埃鬱。暑晏闕塵紛。獨靜闕偶坐。臨堂對星分。側聽風薄木。遙睇月開雲。夜蟬堂夏急。陰蟲先秋聞。歲候初過半。荃蕙豈久芬。屏居惻物變。慕類抱情殷。九逝非空思。七襄無成文。○文選二十六。詩紀四十六。

直東宮答鄭尚書道子詩

皇居體環。李善本文選作寰。類聚、初學記同。極。設險祇天工。類聚作協天功。兩關阻通軌。對禁限。類聚作阻。清風。跂予旅東館。徒歌屬南塘。寢興鬱無已。起觀辰漢中。流雲藹青闕。皓月鑒丹宮。踟躕清防密。徒倚恆漏窮。君子吐芳訊。感物惻。初學記作側。余衷。惜無丘園秀。景行彼高松。初學記作嵩。知言有誠貫。一作實。美價難克充。何以銘嘉貺。言樹絲與桐。○文選二十六作直東宮答鄭尚書。詩紀四十六。又類聚三十一引功、風二韻。初學記十一作直東宮答鄭尚書。引工、風、塘、中、宮、窮、衷七韻。

和謝監靈運詩

弱植慕端操。窘步懼先迷。寡立非擇方。刻意藉窮棲。伊昔邁多幸。秉筆侍兩闈。初學記作闈。雖慙丹臆施。未謂玄素睽。徒遭良時詖。初學記作諷。王道奄昏靈。人神幽明絕。朋好雲雨乖。弔屈汀洲浦。謁帝蒼山蹊。倚巖聽緒風。攀林結留萋。跂予初學記作子。問衡嶠。曷月瞻秦稽。皇聖昭天德。豐澤振沈泥。惜無雀李善本文選作爵。雉化。何用充海淮。去國還故里。幽門樹蓬藜。采茨葺昔宇。翦棘開舊畦。物謝時既晏。年往志不偕。親仁敷情昵。興玩李善本文選作賦。究辭悽。李善本文選作棲。芬馥歇蘭若。清越奪琳珪。盡言非報章。聊用布所懷。○文選二十六。初學記十二。詩紀四十六。

北使洛詩

沈約宋書曰。延之爲豫章世子中軍行參軍。義熙十二年。高祖北伐。有宋公之授。府遣一使慶殊命參起居。延之至

洛陽。道中作詩一首。文辭藻麗。爲謝晦、傅亮所賞。集曰。時年三十二。

改服飭徒旅。首路踟險艱。李善本文選作難。振楫發吳洲。秣馬陵楚山。塗出梁宋郊。道由周鄭間。前登陽城路。日類聚作旦。夕望三川。在昔輟期運。經始闢聖賢。伊澗李善本文選作穀。類聚作洛。絕津濟。臺館無尺椽。宮陛類聚作階。多巢穴。城闕生雲煙。王猷升八表。嗟行方暮年。陰風振涼野。飛雲李善本文選作雪。瞽窮天。臨塗未及引。置酒慘無言。隱憫徒御悲。威遲良馬煩。遊役去芳時。歸來屢徂魯。蓬心既已矣。飛薄殊亦然。

○文選二十七。詩紀四十七。又類聚二十七作北使主洛。引山、間、川、椽、烟五韻。

還至梁城作詩

眇默軌路長。憔悴征戍勤。昔邁先祖師。今來後歸軍。振策睠東路。傾側不及羣。息徒顧將夕。極望梁陳分。故國多喬木。空城凝寒雲。丘壘填郭郭。銘誌滅無文。木石扃幽闥。黍苗延高墳。惟彼雍門子。吁嗟孟嘗君。愚賤同堙滅。尊貴誰獨聞。曷爲久游客。憂念坐自殷。○文選二十七。詩紀四十六。

始安郡還都與張湘州登巴陵城樓作詩

江漢分楚望。衡巫奠南服。三湘淪洞庭。七澤藹荆牧。經塗延舊軌。登闥訪川陸。水國周地險。河山信重復。李善本文選作復。却倚雲夢林。前瞻京李善本文選云。京或作荆。詩紀云。一作荆。臺囿。清雱李善本文選作氛。霽岳陽。曾暉薄瀾澳。悽矣自遠風。傷哉千里目。萬古陳往還。百代勞起伏。存沒竟何人。炯介在明淑。請從上

世人。歸來藝桑竹。○文選二十七。詩紀四十六。又類聚二十八作罷郡還與張湘川登巴陵城樓詩。引服、牧、目、伏四韻。

五君詠五首

阮步兵

阮公雖淪跡。識密鑒亦洞。沈醉似埋照。寓辭類託諷。長嘯若懷人。越禮自驚衆。物故不可論。略出金篇作論舊。途窮能無慟。略出金篇作寧不哀。○文選二十一。文章正宗二十九。詩紀四十六。又鳴沙石室略出金篇引哀一韻。

嵇中散

中散不偶世。本自餐霞人。形解驗默仙。吐論知凝神。立俗迕流議。尋山洽隱淪。鸞翮有時鍛。龍性誰能馴。○文選二十一。文章正宗二十九。詩紀四十六。

劉參軍

劉伶李善本文選作靈。善閉關。懷情滅聞見。鼓鍾不足歡。榮色豈能眩。韜精日沈飲。誰知非荒宴。頌酒雖短章。深衷自此見。○同上

阮始平

仲容青雲器。實稟生民六。臣本文選注云。五臣作人。秀。達音何用深。識微在金奏。郭奕已心醉。山公非虛觀。

屢薦不入官。一麾乃出守。○同上

向常侍

向秀甘淡薄。深心託毫文。選作藁。素。探道好淵玄。觀書鄙章句。交呂既鴻軒。攀嵇亦鳳舉。流連河裏遊。惻
愴山陽賦。○同上

爲織女贈牽牛詩

婺女儷初學記作麗。御覽同。經星。姮玉臺作常。娥玉臺誤作城。棲御覽作棲。飛月。慙無二御覽作一。媛靈。託身侍天
闕。閭闔殊御覽誤作閭殊闔。未暉。御覽作央。咸池。御覽作銀河。豈沐髮。漢玉臺作隴。陰不夕玉臺作久。張。御覽作帳。長
河爲誰越。歲時雜詠作誰可越。詩紀云。歲時作誰是越。雖有促讌御覽作有促讌歸。期。方須御覽作萬頃。涼風發。虛計雙
曜周。歲時雜詠作同。空遲三星沒。非怨杼玉臺誤作杆。軸御覽作柚。勞。但念芳菲歇。○玉臺雜詠四。古今歲時雜詠二十
五。詩紀四十六。又初學記四引月一韻。御覽三十一引月、闕、髮、越、發、歇六韻。

歸鴻詩

昧旦濡和風。霑露踐朝暉。萬有皆同春。類聚作奉。鴻鴈獨辭歸。相鳴去澗汜。長引發江畿。噉潔登雲侶。連
綿千里飛。長懷河朔路。緬與湘漢違。○類聚九十。詩紀四十六。

除弟服詩

徂沒離二秋。掩泣備三冬。往辰緬難紀。來算忽易窮。升沒淹晷晦。灑掃易禮容。縞衣變余體。長逝歸爾躬。○類聚三十四。詩紀四十六。

辭難潮溝詩

徘徊眷郊甸。俛仰引單襟。一塗苟不豫。百慮畢來侵。永懷交在昔。有願響瑟琴。寫言勞者事。將用慰亡簪。○類聚三十四。詩紀四十六。

侍東耕詩

題封經地域。辰角麗天部。詩紀作節。浮藹起青壇。沈腴發紺耦。草服薦同穗。黃冠獻嘉壽。○類聚三十九。詩紀四十六。

登景陽樓詩

風觀要春景。月榭迎秋光。沿波被華若。隨山茂貞芳。○類聚二十八。詩紀四十六。

白雪詩

翩若珪屑。晰如瑤粒。○書鈔百五十二。

獨秀山詩

桂林風土記曰。獨秀山在城西北一百步。直聳五百餘尺。周廻一里。平地孤拔。下有洞穴。凝垂乳竇。路通山北。旁廻百餘丈。豁然明朗。宋光祿卿顏延年牧此郡。常於北石室中讀書。遺跡猶存。嘗賦詩云云是也。

未若獨秀者。嵯峨郭邑開。○御覽四十九。

詩

太微凝帝宇。瑤光正神縣。○海錄碎事一。

詩

旦泛桂水潮。映月游海滋。○海錄碎事三。

詩

信矣勞物化。憂襟未能整。○海錄碎事九。

宋詩卷六

何偃

偃。字仲弘。廬江人。元嘉中。位太子中庶子。孝武時。累遷吏部尚書、侍中。大明二年卒。時年四十六。有集十九卷。

冉冉孤生竹

流萍依清源。孤鳥宿深沚。樂府作親宿止。蔭幹相經繁。樂府作榮。風波能終始。草生有日月。婚年行及紀。思欲侍衣裳。關山分萬里。徒作春夏期。空望良人軌。芳色宿昔事。誰見過時美。涼鳥臨樂府云。一作散。秋竟。歡願亦云已。豈意倚君恩。坐守零落耳。○樂府詩集七十四。詩紀五十四。

王僧達

僧達。琅琊臨沂人。元嘉中爲始興王後軍參軍。孝武時。歷尚書僕射、吳郡太守、臨淮太守。徙大宰長史。遷中書令。大明二年。下獄死。年三十六。有集十卷。

釋奠詩

時泰道暢。禮備樂脩。啓庠選俊。博教深求。異人鱗萃。淑美雲浮。師尊訓浹。嘉敬載柔。○初學記十四。詩紀五十三。

答顏延年詩

長卿冠華陽。仲連擅海陰。珪璋既文府。精理亦道心。君子聳高駕。塵軌實爲林。崇情符遠跡。清氣溢素襟。結遊畧年義。篤顧棄浮沈。寒榮共偃曝。六臣本文選注云。五臣作暴。春醞時獻斟。聿來歲序暄。輕雲出東岑。麥壟多秀色。楊園流好音。歡此乘日暇。忽忘逝景侵。幽衷何用慰。翰墨久謠吟。棲鳳難爲條。淑貺非所臨。誦以永六臣本文選注云。五臣作詠。詩紀云。一作詠。周旋。匝以代兼金。○文選二十六。詩紀五十三。

和琅琊王依古詩

少年好馳俠。旅宦遊關源。既踐終類聚作經。古跡。聊訊類聚作平。詩紀云。一作詠。興亡言。隆周爲藪澤。皇漢成山樊。久沒離宮地。安識壽陵園。仲秋邊風起。孤蓬卷霜根。白日無精景。黃沙千里昏。顯軌莫殊轍。幽塗豈異魂。聖賢良已矣。抱命復何怨。○文選三十一。詩紀五十三。又類聚三十三作依古詩。引源、言、魂三韻。

七夕月下詩

遠山斂氛。玉臺作霧。褻。廣歲時雜詠作黃。庭揚月。歲時雜詠作霄。波。氣往風集隙。秋還露。歲時雜詠作雲。泫柯。節期類聚作氣。詩紀同。既已屏。初學記作屏。歲時雜詠同。詩紀云。一作節期既已屏。中宵玉臺作霄。歲時雜詠同。振綺。歲時雜詠作綺振。羅。來歡詎終夕。收淚泣分河。○玉臺新詠四。類聚四。初學記四。古今歲時雜詠二十五。詩紀五十三。

詩

初櫻。初學記作鶯。動時豔。擅藻類聚作蟬噪。灼。初學記作爍。輝芳。緗葉未開蕊。初學記作萼。紅葩已發光。初學記誤作光被。○類聚八十六。初學記二十八。詩紀五十三作朱櫻。

顏竣

竣。字士遜。延之子。初爲孝武撫軍主簿。孝武卽位。累遷吏部尚書。大明三年下獄賜死。有集十四卷。

皇后廟登歌

載我聖文。奄有四海。外刑家邦。內貽女則。○初學記十。

七廟迎神辭

敬恭明祀。孝道感通。合樂維和。展禮有容。六舞肅列。九變成終。神之來思。享茲潔衷。靈之往矣。綏我

家邦。○初學記十三。詩紀五十三。

淫思古意詩

春風飛遠方。紀轉流思堂。貞節寄君子。窮閨妾所藏。裁書露微疑。千里問新知。君行過三稔。故心久當移。○樂府詩集七十四。詩紀五十三。

擣衣詩

逶迤失榮芟。旅燕又穴飛。○書鈔百五十八。

顏測

測。竣弟。官至江夏王義恭傅、大司徒錄事參軍。早卒。有集十一卷。

七夕連句詩

雲扃息遊彩。漢渚起遙光。○初學記四。

九日坐北湖聯句詩

亭席斂徂蕙。澄酒汎初蘭。○初學記四。

江智淵

智淵。濟陽考城人。爲隨王誕後軍參軍。遷從事中郎將。除中書侍郎。出爲新安王長史。大明七年卒。年四十六。有集九卷。

宣貴妃挽歌

桂襪來塵寂。筵俎竟虛存。雲松方靄露。風草已聲原。○初學記十四。詩紀五十四。

湯惠休

惠休。字茂遠。初入沙門。名惠休。孝武命使還俗。位至揚州刺史。有集四卷。

怨詩行

明月照高樓。含君千里光。巷中情思滿。斷絕孤妾腸。悲風盪帷帳。瑤翠坐自傷。妾心依天末。思與浮雲長。嘯歌視秋草。幽葉豈再揚。暮蘭不待歲。離華能幾芳。願作張女引。流悲繞君堂。君堂嚴且秘。絕調徒飛揚。○樂府詩集四十一。詩紀五十四。

江南思

幽客海陰路。留戍淮陽津。垂情向春草。知是故鄉人。○樂府詩集二十六。詩紀五十四。

楊花曲三首

葳蕤華結情。宛轉風含思。掩涕守春心。折蘭還自遺。○樂府詩集七十七。詩紀五十四。

江南相思引。多歎不成音。黃鶴西北去。銜我千里心。○同上
深堤下生草。高城上人雲。春人心生思。思心長爲君。○同上

白紵歌三首

琴瑟未調心已悲。任羅勝綺彊自持。忍思一舞望所思。將轉未轉恆如疑。桃花水上春風出。舞袖逶迤鸞
照日。徘徊鶴轉情豔逸。君爲迎歌心如一。○樂府詩集五十五。詩紀五十四。

少年窈窕舞君前。容華豔豔將欲然。爲君嬌凝復遷延。流目送笑不敢言。長袖拂面心自煎。願君流光及
盛年。○同上

秋風嫋嫋人曲房。羅帳含月思心傷。蟋蟀夜鳴斷人腸。長夜思君心飛揚。他人相思君相忘。錦衾瑤席爲
誰芳。○類聚三作歌詩。初學記三作歌詩。御覽二十五作白紵舞歌詩。樂府詩集六十作秋風。詩紀五十四。又初學記三作白紵詩。引
房、傷二韻。○逯案。詩紀從樂府詩集作秋風。注云。一作秋歌。今從初學記及御覽。

秋思引

秋寒依依風過河。白露蕭蕭洞庭波。思君末光光已滅。眇眇悲望如思何。○類聚三。詩紀五十四。

楚明妃曲

瓊臺彩楹。桂寢雕甍。金閨流耀。玉牖含英。香芬幽藹。珠彩珍榮。文羅秋翠。紈綺春輕。驂駕鸞鶴。往來仙靈。含姿綿視。微笑相迎。結蘭枝。送目成。當年爲君榮。○樂府詩集五十八。詩紀五十四。

贈鮑侍郎詩

玳枝兮金英。綠葉兮金莖。不入君王杯。低彩還自榮。想君不相豔。酒上視塵生。當令芳意重。無使盛年傾。○鮑氏集八。詩紀五十四。

庾徵之

徵之。字景猷。潁川鄆陵人。大明中爲御史中丞。出爲新安王子鸞北中郎長史、南東海太守。

昭君辭

聯雪隱天山。崩風盪河澳。朔障裂寒笳。冰原嘶代馱。○文選十四。潁白馬賦序注。

顏師伯

師伯。竣族兄。初隨孝武爲徐州主簿。帝踐阼。累遷侍中。轉吏部尚書。廢帝立。轉爲左僕射。奪其京尹。師伯懼。與柳元景謀廢立。永光元年被誅。年四十七。

自君之出矣

自君之出矣。芳帷低不舉。思君如回雪。流亂無端緒。○類聚三十二作擬詩。樂府詩集六十九。詩紀五十三。

沈慶之

慶之。字弘先。吳興武康人。文帝時。累以戰功加建威將軍。後爲孝武撫軍中兵參軍。孝武卽位。以爲領軍將軍、兗州刺史。封南昌縣公。以年滿七十固辭就第。廢帝卽位。加侍中太尉。

侍宴詩

南史云。孝武嘗歡飲。普令羣臣賦詩。慶之粗有口辯。手不知書。上逼令作詩。慶之曰。臣請口授師伯。上令顏師伯執筆。慶之口授云云。上甚悅。衆坐並稱其辭意之美。

微生宋書作命。遇宋書作值。廣記同。多幸。得逢時運昌。朽老御覽作老朽。廣記作衰朽。筋力廣記作骨。盡。徒步還南岡。辭榮此聖世。御覽、廣記作代。何媿張子房。○宋書本傳。南史本傳。御覽二百七十七。太平廣記百四十二。詩紀五十四。

江夏王劉義恭

義恭。武帝子。元嘉元年。封江夏王。孝武卽位。授侍中太尉。前廢帝卽位。除太尉錄尚書事。永光元年。以謀廢立被殺。有集十五卷。

豔歌行

江南遊湘妃。窈窕漢濱女。淑問流古今。蘭音媚鄭楚。瑤顏映長川。善服照通滸。求思望襄滋。歎息對衡渚。中情未相感。搔首增企予。悲鴻失良匹。俯仰戀儔侶。徘徊忘寢食。羽翼不能舉。傾首佇春鶯。爲我津辭語。○樂府詩集三十九。詩紀四十五。

遊子移

三河遊蕩子。麗顏邁荆寶。攜持玉柱箏。懷挾忘憂草。綢繆甘泉中。馳逐邯鄲道。春服候時製。秋紈迎涼造。珍魄暉素腕。玉跡滿襟抱。常歎樂日晏。恆悲歡不早。揮吹傳舊美。趨謠盡新好。仲尼爲輟餐。秦王足傾倒。○樂府詩集六十七。詩紀四十五。

自君之出矣

自君之出矣。笥錦廢不開。思君如清風。曉夜常類聚作嘗。徘徊。○類聚三十二。樂府詩集六十九。詩紀四十五。

宋詩卷六

顏師伯

沈慶之

江夏王劉義恭

登景陽樓詩

丹墀設金屏。瑤樹陳玉牀。溫宮冬開燠。清殿夏含霜。弱藥布遐馥。輕葉振遠芳。彌望少無際。肆睇周華疆。象闕對馳道。飛廉矚方塘。邸寺送暉曜。槐柳自成行。通川溢輕艫。長街盈方箱。顧此燭火微。胡顏廁天光。○類聚二十八。廣文選九。詩紀四十五。

彭城戲馬臺集詩

騁鶩辭南京。弭節憩東楚。懿蕃重遐望。興言集僚侶。于役未云淹。時遷變溽暑。眷戀江水流。迴首獨延佇。○類聚二十八。詩紀四十五。

溫泉詩

秦都壯溫谷。漢京麗湯泉。炎德潛遠液。暄波起茲源。○初學記七。詩紀四十五。

擬古詩

束甲辭京洛。負戈事烏孫。後軍濟太河。築壘黎陽屯。旦聞羽檄飛。夕見邊驛奔。○御覽三百二十八。

丹徒宮集詩

昭化景俗。玄教凝神。○文選四十六三月三日曲水詩序注。

夜雪詩

屯雲閉星月。飛瓊集庭。○初學記三。海錄碎事一。

擬陸士衡詩

綠柳蔚通衢。青槐蔭脩堦。○初學記二十八。

詩

大明總神武。乘時以御天。金牒封梁甫。玉簡禪岱山。○初學記五。詩紀四十五。

詩

飛流界桂道。深林昌蘭術。○初學記二十四。

詩

垂賁華林園。柿味滋殊絕。○合璧事類別集四十八。

謝莊

莊。字希逸。陳郡陽夏人。靈運從子。文帝時爲始興王濬後軍法曹參軍。轉太子舍人、廬陵王文學、太子洗馬。又轉隨王誕記室。遷太子中庶子。孝武卽位。除侍中。遷左衛將軍。拜吏部尚書。歷廣陵太守、臨淮太守。明帝時爲散騎常侍、光祿大夫。轉中書令。加金紫光祿大夫。泰始二年卒。年四十六。謚曰憲子。有集十九卷。

烝齋應詔詩以下五言。

霜露凝宸感。肅僛動天引。西郊滅涇揜。詩紀云。一作烟舂。東溟起昭晉。舞風泛龍常。輪霞浮玉軻。合璧事類作勒。紫階協笙鏞。金途展應輦。初學記作轉應。方見六詩和。永聞九德潤。觀生識幸渥。睇服慙輶。初學記作輶。
詩紀云。一作輶。恪。○初學記十三。詩紀四十六。又合璧事類外集三引勒一韵。

和元日雪花應詔詩

從候昭神世。息燧應頌道。玄化盡天秘。凝功畢地寶。笙鏞流七始。玉帛承三造。委霰下璇璣。歲時雜詠作璣。
蕤。疊雪翻瓊藻。積曙境寓明。聯萼千里杲。掩映順雲。歲時雜詠作雪。懸。搖裔從風掃。發矚燭侄。歲時雜詠作
□姪。前。騰瑞光。歲時雜詠作光。□。圖表。澤厚見身末。恩踰悟生眇。歲時雜詠作眇。竦誠岱駕肅。側志梁鑾矯。

○古今歲時雜詠一作謝玉。詩紀四十六。

七夕夜詠牛女應制詩

輟機起春暮。停箱動秋衿。歲時雜詠作車。御覽作玃車。照漢右。芝駕肅河陰。容裔泛星道。逶迤濟煙渚。
陸離迎宵佩。倏爍望昏簪。俱傾環氣怨。共歇浹年心。珠殿釭未沫。歲時雜詠作殊。御覽作暗。瑤庭露歲時雜詠作
路。詩紀同。已深。夕歲時雜詠作夜。御覽同。清豈淹歲時雜詠作掩。拂。御覽作抑。弦輝無久類聚作人。臨。○類聚四。詩紀四
十六。又古今歲時雜詠二十七、御覽三十一並引襟、陰、深、臨四韻。

侍宴蒜山詩

龍旌拂紆景。鳳蓋起流雲。轉蕙方因委。層華正氛氲。煙竟山郊遠。霧罷江天分。調石飛延露。裁金起承
雲。○類聚八。詩紀四十六。

侍東耕詩

肅鑣奉晨發。恭帶厠朝聞。仙鄉降朱靄。神郊起青雲。陰臺承寒彩。陽樹近初熏。觀德欣臨藉。瞻道樂遊
汾。○類聚三十九。詩紀四十六。

遊豫章西觀洪崖井詩

幽願平生積。野好歲月彌。捨簪神區外。整褐靈鄉垂。林遠炎天隔。山深白日虧。游陰騰鶴嶺。飛清起鳳池。隱曖松霞被。容與澗煙移。將遂丘中性。結駕終在斯。○類聚二十八。詩紀四十六。

自潯陽至都集道里名爲詩

山經亟類聚作函。旋覽。水牒勸敷尋。稽榭誠淹留。類聚作流。煙臺信遐臨。翔州凝寒氣。秋浦結清陰。眇眇高湖曠。遙遙南陵深。青溪如委黛。黃沙似舒金。觀道雷池側。訪德茅堂陰。魯顯闕微跡。秦良滅芳音。訊遠博望崖。採賦梁山岑。崇館非陳宇。茂苑豈舊林。○類聚五十六。詩紀四十六。

北宅秘園詩

夕天霽晚氣。輕霞澄暮陰。微風清幽幌。餘日照青林。收光漸牕歇。窮園自荒深。綠池翻素景。秋槐響寒音。伊人儻同愛。絃酒共棲尋。○類聚六十五。詩紀四十六。

喜雨詩

燕起知風舞。礎潤識雲流。冽泉承夜湛。零雨望晨浮。合穎行盛茂。分穗方盈疇。○類聚二。詩紀四十六。

江都平解嚴詩

肅旗簡類聚作蘭。廟律。聳鉞暢乾靈。朝晏推物泰。通渥抃身寧。擊轅歌至世。撫壤頌惟馨。○類聚五十九。詩紀四十六。

從駕頓上詩

中權臨楚路。前茅望吳雲。冀馬依風蹶。邊簫當夜聞。○類聚五十九。詩紀四十六。

八月侍華林曜靈殿八關齋詩

玉桴乘夕遠。金枝終夜舒。澄淳玄化闡。希微寂理孚。○類聚七十六。詩紀四十六。

懷園引以下雜言。

鴻飛從帖無從字。續古文苑同。萬里。飛飛河代類聚作岱。詩紀同。起。辛勲越霜霧。聯翩遡江汜。去舊國。違舊鄉。舊山類聚無舊山二字。舊海悠且長。迴首瞻東路。延翮向秋方。登楚都。人楚關。楚地蕭瑟楚山寒。歲去冰未已。春來鴈不還。風肅幌兮露濡庭。漢水初綠柳葉青。朱光藹藹類聚作藹藹。詩紀同。雲英英。新類聚作離。詩紀同。禽喈喈又晨鳴。菊有禿兮松有蕤。憂來年去容髮衰。流陰逝景不可追。臨堂危坐悵欲悲。軒鳧池鶴戀

階墀。豈忘河渚捐江湄。試託意兮向帖作紐。續古文苑同。芳蓀。心綿綿兮屬荒樊。想綠蘋兮帖無兮字。續古文苑同。既冒沼。念幽蘭兮帖無兮字。續古文苑同。已盈園。天桃帖作梅。續古文苑同。晨暮發。春鶯旦夕喧。青苔蕪石路。宿草塵蓬門。導吾遊夫鄢郢。路脩遠以縈紆。羌故園之在目。江與漢之不可踰。目還流而附音。候歸煙帖作短。而託書。還流兮潺湲。歸煙容裔去不旋。念衛風於河廣。懷抑詩於悲泉。漢女悲而歌飛鵠。楚客傷而奏南絃。武巢陽而望越。亦依陰而慕燕。詠零雨而卒歲。吟秋風以永年。○戲鴻堂帖四。續古文苑四。又類聚六十五。詩紀四十六並引里、起、汜、鄉、長、方、關、寒、還、庭、青、英、鳴、蕤、衰、追、悲、蓀、樊、門、喧、門二十二韻。

山夜憂

庭光盡。山明帖作羽。續古文苑同。歸。松昏解。渚幌稀。流風乘軒卷。明月緣河飛。迺斡西樞亂幽滋。出藥嶼而淹留。過香潭而一憩。嶼側兮初薰。潭垂兮葢葢。或傾華而闕景。亦轉綵而途雲。雲轉兮四岫沈。景闕兮雙路深。草將濡而坳晦。樹未颺而澗音。澗鳥鳴兮夜蟬清。橘露靡兮蕙煙輕。凌別浦兮值泉躍。經喬林。詩紀作木。兮遇猿驚。躍泉屢環照。驚猿亟啼嘯。徒芳酒而生傷。友塵琴而自弔。弔琴兮悠悠。影感兮心妯。逢鏤山之既渥。承潤海之方流。身無厚於蝸龜。恩有重於嵩丘。仰絕炎而締愧。謝淚河而軫憂。夜永兮憂綿綿。晨寒起長淵。南阜別鶴佇行。詩紀作行佇。漢。東鄰孤管人青天。沈疴白髮共急日。朝露過隙詎賒年。年。詩紀有既字。去兮髮不還。金膏玉瀝類聚作液。詩紀同。豈留顏。迴舫柝類聚作柝。詩紀作柝。繩戶。收棹掩荆關。○戲

鴻堂帖四。續古文苑四。又類聚七。詩紀四十六並引歸、飛、清、輕、驚、天、年、還、顏、關十韻。

瑞雪詠 大明元年詔勅作。

玄管洽。幽詩平。火洲滅。日壑清。龍關沙蒸。河微雲驚。晷未沉而井闕。寓方蠹而海溟。上二字。帖及續古文苑只作曳字。山飛白雪。叶中符而掩皇州。降千□而瑞神世。始葢葢以蕤轉。終徘徊而煙曳。狀素鏡之晨光。寫金波之夜晰。晰景兮便娟。冠集靈兮藹望仙。溢迎風兮湛承露。亘臨華兮被通天。羃遙途而界遠綺。麗青墀而鏡列錢。及其流綵猶搏。凝明亟積。郊隰均映。江巒齊奕。審伊宮之踰丈。信鉞初學記作銅。阿之盈尺。洞秋方之玉園。果仙京之珠澤。若夫貞性賁道。潤德暉經。載塗演其楹。同雲宣其靈。既昭化於衛術。亦闡義於齊庭。結秋竹之麗響。引幽蘭之微馨。竊惟鴻化遠泊。玄風遐施。泱緯稱祥。磬挺作瑞。調露之樂既興。大閨之歌已被。春光兮冬澤。長無愆於平施。○戲鴻堂帖四。續古文苑四。又類聚二作雜言詠雪。引清、驚、溟、曳、晰五韵。初學記二作瑞雪詠。引尺、澤二韵。

長笛弄

月起悠悠。當軒孤管流。□鬱顧慕含騫。含楚復含秋。青苔蔓。熒火飛。騷騷落葉散衣。夜何長。君吹勿近傷。夜長念縣縣。吹傷減人年。○戲鴻堂帖四。續古文苑四。

詩

誕發蘭儀。光啓玉度。○海錄碎事六。



宋詩卷七

鮑照

照。字明遠。東海人。元嘉中。臨川王義慶以爲國侍郎。孝武時。爲太學博士。中書舍人。宋孝武帝方以文章自高。頗多忌。由是賦述不敢盡其才。出爲秣陵令。轉永嘉令。除臨海王子項前軍參軍。泰始二年。子項起兵敗。照爲亂兵所殺。年五十餘。有集十卷。

樂府

采桑

季春梅始落。女工本集、樂府、詩紀作工女。事蠶作。本集云。一本有明鏡分淨桂。光顏畢苕蓐二句。采桑淇洧樂府作澳。問。還戲上宮閣。早蒲時結陰。晚篁樂府、詩紀云。一作竹。初解籜。藹藹霧滿集作洒。詩紀云。集作灑。閨。融融景盈幕。乳燕逐草蟲。巢蜂拾花萼。本集作藥。玉臺、樂府同。是節最暄樂府作喧。妍。佳服又新爍。綿玉臺作斂。樂府作欽。歎對迥玉臺作回。樂府、詩紀同。途。揚歌弄場藿。抽琴樂府作琴抽。試杼玉臺作杼。樂府作紆。思。薦佩果成託。承君郢中美。服義久心諾。衛風古愉豔。鄭俗舊浮薄。靈玉臺作虛。願悲渡湘。宓玉臺作空。賦笑漣樂府云。一作景。洛。盛明難重來。淵意爲誰涸。君其且調絃。桂酒妾行酌。○本集五。玉臺新詠四。樂府詩集二十八。詩紀五十。

代蒿里行

同盡無貴賤。殊願有窮伸。本集作申。馳波催永夜。樂府云。一作漏馳催永夜。露宿逼短晨。結我幽山
駕。去此滿堂親。虛容遺劍佩。實樂府作美。注云。一作實。貌戢衣巾。斗酒安可酌。尺書誰復陳。年代稍推遠。
懷抱日幽淪。人生良自劇。天道與何人。齋我長恨意。歸爲狐兔塵。○本集三。樂府詩集二十七。文選補遺三十四。廣文選十四。詩紀五十。

代挽歌

獨處重冥下。憶昔登高臺。傲岸平生中。不爲物所裁。埏門只復閉。白樂府誤作日。蟻相將來。生時芳蘭體。
小蟲今爲災。玄鬢無復根。枯體依青苔。憶昔好飲酒。素盤進青梅。彭韓及廉藺。疇昔已成灰。壯士皆死
盡。餘人安在哉。○本集七。樂府詩集二十七。廣文選十四。詩紀五十。

代東門行

傷禽惡類聚作見。弦驚。本集云。一作驚弦。倦客惡離聲。離聲斷客情。賓御皆涕零。涕零心斷絕。將去復還訣。
一息不相知。何況異鄉別。遙遙征駕遠。杳杳白文選作落。類聚、文章正宗同。樂府云。一作落。日晚。居人掩閨卧。行
子夜類聚作野。中詩紀云。作中夜。飯。野風吹秋樂府作草。詩紀同。木。行子心腸斷。食梅常苦酸。衣葛常苦寒。絲

竹徒滿座。憂人不解顏。長歌欲自慰。彌起長恨端。○文選二十作東門行。本集三。樂府詩集三十七作東門行。詩紀五十。又類聚四十一作驅馬上東門行。所引缺斷一韵。

代放歌行

詩紀云。歌錄曰。孤子生行。古辭曰放歌行。

蓼蟲避葵葦。習苦不言非。本集作排。六臣本文選注云。五臣作排。樂府云。一作排。類聚作良可哀。小人自齷齪。安知曠士懷。雞鳴洛城裏。禁門平旦開。冠蓋縱橫至。車騎四方來。素帶曳長飈。華纓結遠埃。日中安能止。鍾鳴猶未歸。夷世不可逢。賢君信六臣本文選注云。五言作言。愛才。明慮自天斷。不受外嫌猜。一言分珪爵。片善辭草類聚作蒿。萊。豈伊白璧賜。文選集注作貺。將起黃金臺。今君有何疾。臨路獨遲迴。○本集三。文選二十八作放歌行。文選集注五十六作放歌行。樂府詩集三十八作放歌行。詩紀五十。又類聚四十二引哀、懷、開、來、才、萊、臺、迴八韵。

代陳思王京洛篇

詩紀云。玉臺作煌煌京洛行。

鳳樓類聚作臺。十二重。四戶八綺窗。繡栊類聚作栊。初學記誤作角。金蓮花。桂柱玉盤龍。珠簾無隔露。樂府、廣文選作路。羅幌不勝風。寶帳三千所。玉臺作萬。烏爾一朝容。揚芬紫煙上。垂綵綠雲中。春吹回白日。霜歌落塞鴻。但懼秋塵起。盛愛逐衰蓬。坐視青苔滿。卧對錦筵空。琴瑟玉臺、類聚作筑。縱橫散。舞衣不復縫。古來共玉臺作皆。樂府誤作兵。歇薄。君意豈廣文選作良。獨濃。惟見雙黃鵠。千里一相從。○本集三。玉臺新詠四作代京雜篇。樂府詩集二十九、廣文選十四並作煌煌京洛行。詩紀五十。又類聚四十二作代京洛篇。引窗、龍、風、鴻、蓬、空、縫七韵。初學記十八

作代京洛篇。引重、窗、龍、風、容五韵。

代門有車馬客行

門有車馬客。問客樂府作君。何鄉士。捷步往相訊。本集作訖。果得樂府云。一作遇。舊鄰里。悽悽聲中情。慊慊增下俚。本集作理。注云。一作俚。語昔有故悲。論今無新喜。清晨相訪慰。日暮不能已。歡戚競尋緒。樂府作諸。注云。一作敘。談調何終止。辭端竟廣文。選作境。未究。忽唱分途始。前悲尚未弭。後感樂府作戚。方復起。嘶聲盈我口。談言在君樂府作我。耳。手跡可傳心。願爾篤本集作駕。注云。一作篤。行李。○本集三。樂府四十、廣文選十四並作門有車馬客行。詩紀五十。

代權歌行

羈本集作羈。客離嬰時。飄飄無定所。昔秋寓江介。茲樂府、詩紀並云。一作今。春客河滸。往戡于役身。願言永懷樂府作願令懷水。楚。泠泠儵本集作篠。疏潭。邕邕鴈循渚。颺戾長風振。搖曳樂府云。一作飄遙。高帆舉。驚波無留連。舟人不躊躇。○本集三。樂府詩集四十作權歌行。詩紀五十。○遠案。離嬰時當作嬰離時。又黃氏集千家註杜工部詩史補遺四嚴氏溪放歌行注引鮑明遠權歌行云。漂泊無定所。戚戚忍羈旅二句。今傳鮑集無下一句。

代白頭吟

直如朱絲繩。清鳴沙類書殘卷作持。如玉壺冰。御覽誤作水。何慙宿昔意。猜恨坐相仍。人情賤恩舊。世議玉臺作義。樂府作路。逐衰興。毫髮一爲瑕。丘山不可勝。食苗實碩鼠。點文選作玷。六臣本注云。五臣作點。白信蒼蠅。鳧鵠遠成美。薪芻類聚作藜。前見陵。玉臺作凌。樂府同。申黜褒玉臺作哀。女進。班去趙姬昇。樂府作升。文章正宗、詩紀同。周王日淪惑。漢帝益嗟稱。心賞猶樂府作固。難恃。貌恭豈易憑。古來共如此。非君獨撫膺。○本集三。文選二十八作白頭吟。玉臺新詠四作擬樂府白頭吟。樂府四十一作白頭吟。詩紀五十。又類聚四十一作白頭行吟。引冰、仍、興、勝、陵、升、膺七韻。鳴沙石室古籍叢殘類書人才門作古詩。引冰一韻。御覽七百六十七引水一韻。

代東武吟

主人且勿誼。賤子歌一言。僕本寒鄉士。出身蒙漢恩。始隨樂府云。一作逢。張校尉。占本集作召。類聚、御覽、樂府同。六臣本文選注云。五臣作召。詩紀云。一作召。募類聚誤作募。到河源。後逐李輕車。追虜窮本集作出。樂府同。塞垣。密塗亘萬里。寧歲猶七奔。肌力盡鞍甲。心思歷涼溫。將軍既下類聚作卽。草堂詩箋同。世。部曲亦罕存。時事一朝異。孤績本集云。一作憤。誰復論。少壯辭家去。窮老還入門。腰鎌刈葵藿。倚杖牧六臣本文選作收。注云。五臣作牧。韻補作收。詩紀云。一作收。雞豚。文選作狔。韻補、文章正宗同。昔如韝上鷹。今似檻中猿。徒結詩紀云。一作積。千載恨。空負百年怨。棄席思君幄。疲馬戀君軒。願垂晉主惠。不愧田子魂。○本集三。文選二十八作東武吟。樂府詩集四十一作東武吟行。文章正宗二十九作東武吟。詩紀五十。又北齊書文襄紀作鮑明遠詩。引存一韻。類聚四十一所錄缺溫一韻。草堂詩箋二十三哭嚴詩注引存一韻。御覽三百二十八作東武吟。引源、垣二韻。韻補二作東武吟。引狔、猿二韻。

代別鶴操

雙鶴俱起時。徘徊滄海間。長弄若天漢。輕軀似雲懸。幽客時結侶。提攜遊樂府云。一作到。三山。青繳凌瑤臺。丹羅樂府作蘿。籠紫煙。海上悲樂府作疾。風急。三山多雲霧。散亂一相失。驚孤不得住。緬然日月馳。遠樂府云。一作已。矣絕音儀。有願而不遂。無怨以生離。鹿鳴在本集作隲。深草。蟬鳴隱高枝。心自有所存。樂府作懷。注云。一作存。詩紀云。一作懷。文鏡秘府作疑。旁人那得知。○本集三。樂府詩集五十八作別鶴操。詩紀五十。又文鏡秘府論地卷作鮑照詩。引枝、知二韻。

代出自薊北門行

羽檄起邊亭。烽火入咸陽。徵師文選作騎。本集、類聚、文章正宗同。草堂詩箋作募騎。屯廣武。分兵救朔方。嚴秋筋樂府作筋。竿文選音決作箛。勁。虜陣精且強。天子按劍怒。使者遙相望。雁行緣石徑。魚貫度本集作渡。飛梁。簫鼓流漢思。羣書拾補作颺。詩紀云。當作颺。文章正宗作月。旌文選集注作旂。甲被胡霜。疾風衝塞起。沙礫自飄揚。馬毛縮如蝟。角弓不可張。時危見臣節。世亂識忠良。投軀報明主。身死爲國殤。○本集三。文選二十八。類聚四十一。樂府詩集六十一。文章正宗二十九皆作出自薊北門行。詩紀五十。又草堂詩箋十五秦州詩注作出自薊北門行。引方、殤二韻。文選集注五十六注引音決。

代陸平原君子有所思行

西上本集作出。文選同。文選集注云五家出爲上。類聚作山。登雀類聚作臺。東下望雲闕。層類聚誤作肩。閣樂府作闕。肅天居。類聚作君。馳道直如髮。繡葢結飛霞。璇題納行樂府作明。注。一作行。廣文選作明。月。築山擬蓬壺。穿池類溟渤。選色遍齊代。本集作岱。是。徵聲匝叩越。陳鍾陪夕讌。笙歌類聚作歌笙。待文選集注作侍。注云。今案五家陸善經本侍爲待。明發。年貌不可還。類聚、樂府作留。身意會盈歇。蟻壤漏山阿。李善本文選作河。樂府同。詩紀云。善作河。文選集注云。五家本河作阿。絲淚毀金骨。器惡含滿欬。物忌厚生沒。智哉衆多士。服理辨昭韻補作明。昧。樂府作晰。廣文選同。詩紀云。一作晰。○本集三。文選三十一、文選集注六十一並作代君子有所思行。樂府詩集六十一、廣文選十四並作君子有所思行。詩紀五十。又類聚四十一作代君子有所思行。引闕、髮、月、發、歇五韻。韻補五引歇、昧二韻。

代悲哉行

羈人感淑節。緣感欲回轍。樂府作次。我行詎幾時。華實驟舒結。覩實情有悲。瞻華意無悅。覽物懷同志。如何復乖別。翩翩翔禽羅。關關鳴鳥列。翔鳴樂府作禽。尚儔本集作疇。樂府作常疇。偶。所歎獨乖絕。○本集三。樂府詩集六十二作謝惠連。詩紀五十。○遠案。樂府當誤。

代陳思王白馬篇

白馬駢角弓。鳴鞭乘類聚作垂。北風。要途問邊急。雜虜入雲中。閉壁自往夏。清野徑樂府作逐。廣文選同。還冬。僑裝多闕絕。旅服少裁縫。埋身守漢境。本集作節。樂府、詩紀並云。一作節。沈命對胡封。薄暮塞類聚作雪。樂府

云。一作雪。雲起。飛沙被本集作披。樂府同。遠松。含悲望兩都。楚歌登四墉。丈夫設計誤。懷恨逐邊戎。棄本集作罷。樂府云。一作罷。別中國愛。要本集作邀。詩紀云。一作邀。冀胡馬功。去來今何道。卑本集、樂府作單。賤生所鍾。廣文選作終。但令塞上兒。知我獨爲雄。○本集三。樂府詩集六十三作白馬篇。廣文選十四作白馬篇。詩紀五十。又類聚四十二引風、中、松、功、雄五韻。

代昇天行

家世宅關輔。勝帶宦六臣。本文選注云。五臣作官。王城。備聞十帝事。委曲兩都情。倦見物興衰。驟覩俗屯類。聚誤作此。平。翩翩樂府云。一作翩翩。若文選作類。樂府同。詩紀云。一作類。回掌。恍樂府作悅。惚似朝榮。窮途悔短計。晚志六臣本文選注云。五臣作至。重樂府作愛。詩紀云。一作愛。長生。從師入遠嶽。結友事仙靈。五圖樂府作芝。詩紀云。一作芝。發金記。九籥隱丹經。風餐委松宿。文選集注云。或爲柏。草堂詩箋作柏。雲卧恣天行。冠霞登樂府作金。綵閣。解玉飲樂府云。一作隱。椒庭。暫遊越萬里。少文選、類聚、樂府作近。詩紀云。一作近。別數千齡。鳳臺無還駕。簫管有遺聲。何時樂府、詩紀並云。一作當。與汝文選作爾。樂府同。曹。啄腐共吞腥。○本集三。又文選二十八。文選集注五十六、樂府詩集六十三並作昇天行。詩紀五十。又類聚四十二作昇天行。引平、生、靈、行、齡五韻。草堂詩箋一遊龍詩注作昇天行。引行一韻。

松柏篇并序

余患脚上氣四十餘日。知舊先借傅玄集。以余病劇。遂見還。開表。適見樂府詩龜鶴篇。於危病中見長

逝詞。惻然酸懷抱。如此重病。彌時不差。呼吸乏喘。舉目悲矣。火藥間闕而擬之。

松柏受命獨。歷代長不衰。人生浮且脆。歛若晨風悲。東海迸逝川。西山導樂府作道。落暉。南郊樂府作郭。詩紀作廓。注云。一作郊。悅籍短。蒿里收永歸。諒無疇昔時。百病起盡期。志士惜牛刀。忍勉自療治。傾家行藥事。顛沛去迎醫。徒備火石苦。詩紀作若。誤。奄至不得辭。龜齡安可獲。岱宗限。詩紀作恨。注云。一作限。已迫。睿聖不得留。爲善何所益。捨此赤縣居。就彼黃墟宅。永離九原親。長與三辰隔。屬續生望盡。闔棺世業埋。事痛存人心。恨結亡者懷。祖葬既云及。壙塋亦已開。室族內外哭。親疏同共哀。外姻遠近至。名列通夜臺。扶輿出殯宮。低回戀庭室。天地有盡期。我去無還日。居者今已盡。人事從此畢。火歇煙既沒。形銷聲亦滅。鬼神來依我。生人永辭訣。大暮杳悠悠。長夜無時節。鬱湮樂府作烟。重冥下。煩冤難具說。安寢委沈寔。戀戀念平生。事業有餘結。刊樂府誤作形。述未及成。資儲無擔石。兒女皆孩嬰。一朝放捨去。萬恨纏我情。追憶世上事。束教以本集作已。詩紀同。自拘。明發靡怡念。詩紀作愈。夕詩紀作久。歸多憂虞。撤閑晨逕流。詩紀作荒。輟詩紀作撤。宴式酒濡。樂府作儒。誤。知今瞑日本集作日。詩紀同。苦。恨失爾時娛。遙遙遠民居。獨埋深壤中。墓前人跡滅。冢上草日豐。空牀詩紀作林。響鳴蜩。高松結悲風。長寐無覺期。誰知逝本集作遊。者窮。本集作躬。生存處交廣。連榻舒華茵。樂府作榻。已沒一何苦。楛哉不容身。昔日平居時。晨夕對六親。今日掩奈何。一見無諧因。禮席有降殺。三齡速過隙。几筵就收撤。室宇改疇昔。行女遊歸途。仕子復王役。家世本平常。獨有亡者劇。時祀望歸來。四節靜塋丘。孝子撫墳號。父子知來不。欲還心依戀。欲見絕無由。煩冤荒隴側。肝心盡崩抽。○本集八。樂府詩集六十四。詩紀五十。

代苦熱行

赤阪橫西阻。火山赫御覽作燃。南威。身熱頭且痛。鳥墜文選作墮。類聚、御覽、樂府同。魂來御覽作未。樂府同。歸。湯泉發雲潭。類聚、御覽作澤。焦煙起石圻。御覽作沂。樂府作磯。本集云。一作磯。日月有恒昏。雨露御覽作霧。未嘗晞。丹蛇踰百尺。玄蜂盈十圍。含沙射流影。吹蠱病文選作痛。六臣本注云。五臣作病。行暉。瘴李善本文選作郵。六臣本注云。五臣作瘴。氣晝熏體。茵御覽作茵。露夜霑衣。飢猿莫下御覽作暇。食。晨禽不敢飛。毒淫本集作涇。文選、樂府同。尚多死。度本集作渡。文選同。瀘寧具腓。六臣本作肥。注云。五臣作腓。生軀蹈文選集注作陷。注云。五家陸善經本蹈爲陷。死地。昌志登樂府云。一作高。禍機。戈船榮既薄。伏波賞亦微。爵文選作財。六臣本注云。五臣作爵。類聚作君。輕君尚惜。士重安可希。○本集三。又文選二十八、文選集注五十六、樂府詩集六十五並作苦熱行。詩紀五十。又類聚四十一作苦熱行。引威、歸、圻、圍、暉、微、希七韻。御覽三十四作苦熱行。引威、歸、沂、晞、圍、暉、衣、飛、腓、機十韻。

代朗月行

朗月出東山。照我綺窗前。窗中多佳人。被服妖且妍。靚粧坐帳樂府作帷。詩紀云。一作帷。裏。當戶弄清絃。鬢奪衛女迅。體絕飛燕先。爲君歌一曲。當作朗月篇。樂府云。一作堂上朗月篇。酒至顏自解。聲和心亦宣。千金何足重。所存意氣間。○本集三。樂府詩集六十五作朗月行。廣文選十四作朗月行。詩紀五十。

代堂上歌行

四坐且莫樂府、詩紀並云。一作勿。誼。聽我堂上歌。昔仕京洛時。高門臨長河。出入重宮裏。結友本集作交。曹與何。車馬相馳逐。賓朋好容華。陽春廣文選作和。孟春月。朝光散流霞。輕步逐芳風。言笑弄丹葩。暉暉朱顏酡。紛紛織女梭。滿堂皆美人。初學記作女。御覽同。日成御覽作我。本集作自我。初學記同。對湘初學記作姮。娥。雖謝侍樂府作詩。誤。君閑。明粧帶綺羅。箏笛更彈吹。高唱好相和。萬曲不關心。樂府作情。注云。一作心。詩紀云。一作情。一曲動情多。欲知情厚薄。更聽此聲。初學記作又聽聲相。過。○本集三。樂府詩集六十五作堂上歌行。詩紀五十。又初學記十九作堂上行。引酡、梭、娥、和、多、過六韻。御覽三百八十一作堂上行。引梭、娥、和三韻。

代結客少年場行

驄馬金絡頭。錦帶佩吳鉤。失意杯酒間。白刃起相讐。追兵一旦至。負劍遠行遊。去鄉三十載。復得還舊丘。升本集作昇。高臨四關。類聚作野。樂府云。一作塞。表裏望皇州。九塗類聚、樂府作衢。詩紀云。一作衢。平若水。雙闕似雲浮。扶宮羅將相。夾道列王侯。日中市朝滿。車馬若川流。擊鍾陳鼎食。方駕自相求。今我獨何爲。培塿樂府作轉輾。懷百憂。○本集三。文選二十八。類聚四十一、樂府詩集六十六並作結客少年場行。詩紀五十。又御覽四百七十三作古詩。引讎一韻。

扶風歌

昨辭金華殿。今次鴈門縣。寢卧握秦戈。棲息抱越箭。忍悲別親知。行泣隨征傳。寒煙空徘徊。朝日乍舒

卷。○樂府詩集八十四。詩紀五十。○逸案。此詩本集不載。風格類齊梁人作。樂府詩集殆有訛誤。

代少年時至衰老行

憶昔少年時。馳逐好名晨。當作辰。結友草堂詩。箋作文。多貴門。出入富兒鄰。綺羅豔華風。車馬自揚塵。歌唱青齊本集作琴。詩紀同。今從羣書拾補。女。彈箏燕趙人。好酒多芳氣。銷味厭時新。今日每想念。此事邈無因。寄語後生子。作樂當及春。○本集三。詩紀五十。又草堂詩箋三奉贈詩注作鮑照詩。引鄰一韵。

代陽春登荆山行

本集云。荆一作京。

且登荆山頭。崎嶇道難遊。早行犯霜露。苔滑不可留。極眺入雲表。窮目盡帝州。方都列萬室。層城帶高樓。奕奕朱軒馳。紛紛編本集作高。衣流。日氛本集作氣。映山浦。暄霧逐風收。花木亂平原。桑柘盈本集作綿。詩紀云。一作綿。平疇。攀條弄紫莖。藉露折芳柔。遇物雖成趣。念者不解憂。且共傾春酒。長歌登山丘。○本集三。詩紀五十。

代貧賤苦愁行

湮沒雖死悲。貧苦卽生劇。長歎至天曉。愁苦窮日夕。盛顏當少歇。鬢髮先老白。親友四面絕。朋知斷三益。空庭慙樹萱。藥餌愧過客。貧年忘日時。黯顏就人惜。俄頃不相酬。慙怩面已赤。或以一金恨。便成百

年隙。心爲千條計。事未見一獲。運圯津塗塞。遂轉死溝洫。以此窮百年。不如還窳窳。○本集三。詩紀五十。

代邊居行

少年遠京本集、詩紀並云。一作荆。陽。遙遙萬里行。本集作方。陋巷絕人徑。茅屋摧山岡。不覩車馬跡。但見麋鹿場。長松何落落。丘隴無復行。邊地無高木。蕭蕭多白楊。盛年日月盡。一去萬恨長。悠悠世中人。爭此錐刀忙。不憶貧賤時。富貴輒相忘。紛紛徒滿目。何關慨予傷。不如一畝中。高會挹清漿。遇樂便作樂。莫使候朝光。○本集三。詩紀五十。

代邽街行

本集云。一本作去邪行。

竚立出門衢。遙望轉蓬飛。蓬去舊根在。連翩逝不歸。念我捨鄉俗。親好久乖違。慷慨懷長想。惆悵戀音徽。人生隨事本集作時。變。遷化焉可祈。百年難必果。千慮易盈虧。○本集三。詩紀五十。

簫史曲

詩紀云。樂府作鮑照。藝文作張華。然此詩詞格不類晉人。當以樂府爲正。

簫史愛長本集、樂府作少。詩紀云。一作少。年。羸女羞童顏。火粒願排棄。霞霧好登攀。樂府作霞好忽登攀。龍飛逸本集作送。類聚作竟。詩紀云。一作竟。天路。鳳起出秦關。身去長不返。簫聲時往還。○本集六。類聚七十八作晉張華詠簫史詩。樂府詩集五十一。詩紀五十。

王昭君

既事轉蓬遠。心隨鴈路絕。霜鞞本集誤作輝。旦夕驚。邊笳中夜咽。○本集七。樂府詩集二十九。詩紀五十。

吳歌三首

夏口樊城岸。曹公却月戍。但觀流水還。識是儂流下。○樂府四十四。詩紀五十。

夏口樊城岸。曹公却月樓。觀見流水還。識是儂淚流。○本集七。樂府詩集四十四。詩紀五十。

人言荆江狹。荆江定自闊。五雨樂府作兩。詩紀同。了無聞。風聲那得達。○同上

採菱歌七首

鷺舫馳桂浦。息棹偃椒潭。簫弄澄湘北。菱歌清漢南。樂府云。一作弄弦滿湘北。歌菱清漢南。○本集六。樂府詩集五十

一。詩紀五十。

弭榜牽蕙莢。停唱紉樂府作納。薰若。含傷拾泉花。繁詩紀作榮。念採雲萼。○同上

睽闊逢暄新。悵怨值妍華。愁心不可盪。樂府作殊不那。注云。一作秋心不可蕩。春思亂如麻。○同上

耍豔雙嶼裏。望美兩洲間。裊裊風出浦。容容樂府作沈沈。日向山。○同上

煙噎樂府作噎。越嶂深。箭迅楚江急。空抱琴中樂府作心。悲。徒望近關樂府作弦開。泣。○同上

緘歎凌珠淵。收慨上金堤。春芳行歇落。是人方未齊。○同上

思今懷近憶。望古懷遠識。懷古復懷今。長懷無終本集作終無。極。○同上

幽蘭五首

傾輝引暮色。孤景留思本集作思。樂府作流思。顏。梅歇春欲罷。期渡往不還。○本集四。樂府詩集五十八。詩紀五十。
簾委蘭蕙露。帳含桃李風。攬帶昔何道。坐令芳節終。○同上

結珮徒分明。抱梁輒乖忤。本集、樂府作互。華落知不終。空愁坐相誤。樂府作悞。○同上
眇眇蛸挂網。漠漠蠶弄絲。空慚不自信。怯與君畫樂府作畫。注云。一作劃。期。○同上

陳國鄭東門。古今共所知。長袖暫徘徊。駟馬停路歧。○同上

中興歌十首

千冬遲樂府作逢。詩紀云。一作逢。一春。萬夜視朝日。生平樂府作年。值中興。歡起百憂樂府作年。畢。○本集七。樂府詩集八十六。詩紀五十。

中興太平運。化清四海樂。祥景類聚作星星。照玉臺。紫煙遊鳳閣。○本集七。類聚四十三。樂府詩集八十六。詩紀五十。
碧樓含夜月。紫殿爭朝光。綵墀詩紀作池。散蘭麝。風起自生芳。○同上

白日照前窗。玲瓏綺羅中。美人掩輕扇。含思歌春風。○本集七。樂府詩集八十六。詩紀五十。

三五容色滿。四五妙華類聚作容。歇。已輸春日歡。類聚作觀。分隨秋光沒。本集作設。○本集三。類聚四十三。樂府詩集

八十六。詩紀五十。

北出湖邊戲。前還苑中遊。飛縠繞長松。馳管逐波流。○本集七。樂府詩集八十六。詩紀五十。

九月秋水清。三月春花滋。千金逐良日。皆競中興時。○同上

窮泰已有分。壽夭復屬天。既見中興樂。莫持憂自煎。○同上

襄陽是小地。壽陽非帝城。今日中興樂。遙冶本集。樂府作治。在上京。○同上

梅花一時豔。竹葉千年色。願君松柏心。採照無窮極。○同上

代白紵舞歌詞四首奉始興王命作。○并啓

侍郎臣鮑照啓。被教作白紵舞歌詞。謹竭庸陋。裁爲四曲。附啓上呈。識方泆悴。思塗猥局。言既無雅。聲未能文。不足以宣贊聖旨。抽拔妙實。謹遣簡餘。慚隨悚盈。謹啓。詞曰。

吳刀楚製爲佩褱。織羅霧縠垂羽衣。含商咀徵歌露晞。珠履樂府作屣。注云。一作履。詩紀云。一作屣。颯沓紈袖飛。

淒風夏起素雲迴。車怠馬煩客忘歸。蘭膏明燭承夜暉。○本集三。樂府詩集五十五。廣文選十四。

桂宮柏寢廣文選作梁。樂府云。一作梁。擬天居。朱爵文窓韜綺本集作碧。類聚同。疏。象牀瑤席鎮犀渠。雕屏匝本集

作合。樂府作鈿。注云。一作匝。匝組帷類聚作帳。詩紀云。一作帳。舒。秦箏趙瑟挾笙竽。垂璫散珮類聚作綉。樂府云。一作

綉。盈玉除。停觴不御類聚作語。樂府、廣文選同。欲誰須。○本集三。樂府詩集五十五。廣文選十四。詩紀五十。又類聚四十三作

白紵辭歌。引居、疏、舒、竽、除、須六韻。

三星參差本集作池。露詩紀作霧。露濕。絃悲管清月將入。寒光蕭條候蟲急。荆王流歎楚妃泣。紅顏難長時易
戢。凝華結藻本集作綵。詩紀云。一作綵。樂府云。一作彩。久延立。非君之故豈安本集作妄。集。○本集三。樂府詩集五十
五。廣文選十四。詩紀五十。

池中赤鯉庖所捐。琴高乘去樂府作雲。廣文選同。騰本集作飛。樂府、詩紀並云。一作飛。上天。命逢福世丁溢恩。樂府、
詩紀並云。一作微命逢福丁溢恩。簪金藉綺升曲筵。恩厚德深樂府作思君厚德。廣文選同。詩紀云。一作思君厚德。委如山。
潔誠洗志期暮年。烏白馬角寧足言。○同上

代白紵曲二首

朱唇動。素腕本集作袖。類聚、文選補遺、廣文選同。樂府云。一作袖。舉。洛陽少童本集、文選補遺、廣文選並云。一作年。邯鄲
女。古稱淥本集作綠。玉臺同。水今白紵。催絃急管爲君舞。窮秋九月荷葉黃。北風驅雁類聚誤作鷹。天雨霜。夜
長酒多樂未央。○本集三。玉臺新詠九作代白紵歌辭。類聚四十三作代白紵辭歌。樂府詩集五十五作白紵歌。文選補遺三十四。廣
文選十四作白紵歌。詩紀五十。

春風澹蕩俠玉臺作使。類聚同。思多。天色淨綠類聚作淥。詩紀同。氣妍本集作研。和。桃含本集作含桃。類聚、廣文選同。
紅萼蘭樂府云。一作連。紫芽。本集作牙。玉臺、樂府、廣文選同。朝日灼爍發園華。玉臺作花。類聚、樂府同。卷幌玉臺作橫。
結帷羅玉筵。齊謳秦吹盧女絃。千金雇玉臺作顧。樂府同。詩紀作一。笑買芳年。○同上

代鳴鴈行

邕邕樂府作雖。鳴鴈鳴始樂府作正。旦。齊行草堂詩箋作飛。命侶入雲漢。中夜相失羣離亂。留連徘徊不忍散。憔悴容儀君不知。辛苦風霜樂府作霜雪。注云。一作風霜。亦何爲。○本集三。樂府詩集六十八作鳴雁行。詩紀五十。

擬行路難十八首

詩紀云。樂府詩集作十九首。分第十三首亦云朝悲泣閑房以下別作一首。○以下雜言。

奉君金卮樂府作卮。注云。一作匜。之美酒。玉臺作酒盃。瑤瑁玉匣之雕琴。七綵玉臺作彩。芙蓉之羽帳。九華蒲萄之錦衾。紅顏零落歲將暮。寒光玉臺作花。宛轉時欲沉。願君裁悲且減玉臺作滅。思。聽我抵節行路吟。不見柏梁銅雀上。寧聞古時清吹音。○本集八。玉臺新詠九作行路難。樂府詩集七十作行路難。文選補遺三十四。廣文選十四作行路難。詩紀五十。

洛陽名工鑄爲金博山。千斲復樂府無復字。萬鏤。上刻秦女攜手仙。承君清夜之歡娛。樂府云。一作娛樂。列置幃裏明燭前。外發龍鱗之丹綵。內含麝樂府作蘭。芬之紫煙。如今君心一朝異。對此長歎終百年。○本集八。樂府詩集七十。文選補遺三十四。詩紀五十。

璿本集作璇。樂府、文選補遺同。閨玉墀上椒文選補遺作徽。閣。文窗繡戶垂羅玉臺作綺。樂府同。幕。中有一人字金蘭。被服纖羅蘊詩紀作采。樂府云。一作采。玉臺作蘊。芳藿。春燕差池風散梅。開幃玉臺作帷。對景玉臺作影。弄禽本集作春。詩紀同。樂府云。一作春。雀。本集作爵。樂府、文選補遺、詩紀同。含歌攬涕恒抱愁。玉臺作淚不能言。人生幾時得爲樂。

寧作野中之雙鳧。玉臺作雙飛鳧。不願雲間之別鶴。樂府云。一作鵠。玉臺作別翅鶴。○本集八。玉臺新詠九。樂府詩集七十。文選補遺三十四。詩紀五十。

○瀉本集作寫。水置平地。各自東西南北流。人類聚作民。生亦有命。安能行歎復坐愁。酌酒以類聚作小。自寬。舉杯斷絕歌類聚歌下有行字。是。路難。心非木石豈無感。吞聲躑躅不敢言。○本集八。類聚三十作行路難。樂府詩集七十。文選補遺三十四。廣文選十四。詩紀五十。

君不見河邊草。冬時枯死春滿道。君不見城上日。今暝沒盡樂府作山。去。類聚作沒西山。明朝復更出。今我何時當得然。類聚作得自然。一去永滅類聚作一滅永罷。人類聚作歸。黃泉。人生苦多歡樂少。意氣敷腴在盛年。且願得志數相就。牀當作杖。頭恒有沽酒錢。功名竹帛非我事。存亡貴賤付類聚作委。樂府同。皇天。○本集八。類聚三十。樂府七十。文選補遺三十四。詩紀五十。

對案不能食。拔劍擊柱長歎息。丈夫生世會樂府作能。注云。一作會。文選補遺作曾。幾時。安能蝶躞樂府作疊變。垂羽翼。棄置樂府作檄。罷官去。還家自休息。朝出與親辭。暮還在本集作往。文選補遺同。親側。弄兒牀前戲。看婦機中織。自古聖賢盡貧賤。何況我輩孤且直。○本集八。樂府詩集七十。文選補遺三十四。詩紀五十。

愁思忽而至。跨馬出北門。舉頭四顧望。但見松柏樂府有園字。詩紀同。荆棘鬱樽樽。樂府作蹲蹲。詩紀同。中有一鳥名杜鵑。言是古時蜀帝魂。聲音哀苦鳴不息。羽毛憔悴似人髡。飛走樹間啄本集作逐。文選補遺誤作豕。蟲蟻。詩式作蠃。豈憶往日詩式作時。天子尊。念此死生變化非常理。中心惻愴不能言。○本集八。樂府詩集七十。文選補遺三十四。茗溪漁隱叢話七。詩紀五十。又釋皎然式所引缺門一韵。

中庭五株桃。草堂詩箋作樹。一株先作花。陽春妖冶本集作沃若。樂府、文選補遺同。二三月。樂府云。一作二月中。從風簸蕩落西家。西家思婦見悲玉臺作之。樂府云。一作見之。惋。零淚霑衣撫心歎。初送我樂府作初我送。君出戶時。何言淹留節迴換。牀席生塵明鏡垢。纖腰瘦削髮蓬亂。人生不得恒玉臺作常。稱意。惆悵徙倚至夜半。○本集八。玉臺新詠九。樂府詩集七十。文選補遺三十四。又草堂詩箋二十五題桃詩注引花一韵。

剝藥文選補遺云。一作藥。染黃絲。黃絲歷亂不可治。昔我樂府作我昔。文選補遺、廣文選、詩紀同。與君始相值。爾時自謂可君意。結帶與我詩紀作君。言。死生好惡不相置。樂府云。一作結帶與君同。死生好惡不擬相棄置。今日見我顏色衰。意中索寞樂府云。一作錯亂。詩紀云。一作錯漠。與先異。還文選補遺作遠。君金玉臺作玉。詩紀云。一作玉。釵瑋瑁簪。不忍見之本集作此。詩紀云。一作此。益愁玉臺作悲。思。○本集八。玉臺新詠九。樂府詩集七十。文選補遺三十四。廣文選十四。詩紀五十。

君不見葬華不終朝。須臾淹冉零落銷。盛年妖豔浮華輩。不久亦當詣冢頭。一去無還期。千秋萬歲無音詞。孤魂煢煢空隴間。獨魄徘徊遶墳基。但聞風聲野鳥吟。豈憶平生盛年時。爲此令人多悲悒。君當縱意自熙怡。○本集八。樂府詩集七十。詩紀五十。

君不見枯籜走階庭。何時復青著故莖。君不見亡靈蒙享祀。何時傾杯竭壺罍。君當見此起憂思。寧及得與時人爭。人生樂府作生人。倏忽如絕電。華年盛德幾時見。但令縱意存高尚。旨酒嘉餼相胥謙。持此從朝竟夕暮。差得亡憂消愁怖。胡爲惆悵不能已。難盡此曲令君忤。○本集八。樂府詩集七十。

今年陽初花滿林。明當作去。年冬末雪盈岑。推移代謝紛交轉。我君邊戍獨稽沈。執袂分別已三載。邇來

寂淹樂府作淹寂。無分音。朝悲慘慘遂成滴。暮思遠遠最傷心。膏沐芳餘久不御。蓬首亂鬢不設簪。徒飛輕埃舞空帷。粉黛器靡復遺。自生留世苦不幸。心中惕惕恒懷悲。○同上

春禽啾啾旦暮鳴。最傷君子憂思情。我初辭家從軍僑。榮志溢氣干雲霄。流浪漸冉經三齡。忽有白髮素髭生。今暮臨水拔已盡。明日對鏡復已盈。但本集無但字。樂府同。恐羈死爲鬼客。本集無鬼客二字。樂府同。客思寄滅生空精。每懷舊鄉野。念我舊人多悲聲。忽見過客問何我。寧知我家在南城。答云我曾居君鄉。知君遊宦在此城。我行離邑已萬里。今方羈役去遠征。來時聞君婦。閨中孀居獨宿有貞名。亦云悲朝樂府作朝悲。泣閑房。又聞暮思淚霑裳。形容憔悴非昔悅。蓬鬢衰顏不復粧。見此令人有餘悲。當願君懷不暫忘。○同上

君不見少壯從軍去。白首流離不得還。故鄉音音日夜隔。音塵斷絕阻河關。朔風蕭條白雲飛。胡笳哀急邊氣寒。聽此愁人兮奈何。登山遠望得留顏。將死胡馬跡。寧見妻子難。男兒生世轉軻欲何道。綿憂摧抑起長歎。○同上

君不見柏梁臺。今日丘墟生草萊。君不見阿房宮。寒雲澤雉棲其中。歌妓舞女今誰在。高墳壘壘本集作壘疊。文選補遺同。滿山隅。長袖紛紛徒競世。非我昔時千金軀。隨酒逐樂任意去。莫令含歎下黃墟。○本集八。
樂府詩集七十。文選補遺三十四。詩紀五十。

君不見冰樂府作水。上霜。表裏陰且寒。雖蒙朝日照。信得幾時安。民生故如此。誰令摧折強相看。年去年來自如削。白髮零落不勝冠。草堂詩箋作簪。○本集八。樂府詩集七十。詩紀五十。又草堂詩箋九春望詩注引一句。

君不見春鳥初至時。百草含青俱作花。寒風蕭索一旦至。竟得幾時保光華。日月流邁不相饒。令我愁思怨恨多。○本集八。樂府詩集七十。詩紀五十。

諸君莫歎貧。富貴不由人。丈夫四十彊而仕。余當二十弱冠辰。莫言草木委冬。樂府作大。雪。會應蘇息遇陽春。對酒叙長篇。窮途運命委皇天。但願樽中九醞滿。莫惜牀當作杖。頭百個錢。直得樂府作須。詩紀云。一作須。優游卒一歲。何勞辛苦事百年。○本集八。樂府詩集七十。詩紀五十。○世說新語任誕篇云。阮宣子常步行。以百錢挂杖頭。至酒店便獨酣。雖當世貴盛。不肯詣也。百錢用此。

梅花落

中庭雜樹多。偏爲梅咨嗟。問君何獨然。念其霜中能作花。露中能作實。搖蕩春風媚春日。念爾零落逐寒風。樂府作風。徒有霜華無霜質。○本集七。樂府詩集二十四。詩紀五十。

代淮南王二首

淮南王。好長生。服食類聚作藥。鍊氣讀仙經。琉璃藥詩紀作作。椀牙作盤。金鼎玉七合神丹。合合字本集作神丹。神丹。戲類聚作賜。樂府、廣文選同。紫房。紫房綵玉臺作彩。女弄明璫。鸞歌鳳舞斷君腸。○本集三。玉臺新詠九。樂府詩集五十五、廣文選十四並作淮南王。詩紀五十。又類聚四十二引生、經、盤、丹、房、璫六韻。

朱城九門。樂府作朱門九重。注云。一作朱城九門。詩紀云。一作朱門九重。門九開。本集作闔。樂府、廣文選、詩紀同。類聚此句作朱

城九圍外。願逐明月入君懷。人君懷。結君佩。怨君恨君恃君愛。築城思堅劍思利。同盛同衰莫相棄。○本集三。玉臺新詠九。樂府詩集五十五。廣文選十四。詩紀五十。又類聚四十二引懷、配、愛三韻。

代雉朝飛

雉朝飛。振羽翼。專場挾雌本集作兩。注云。一本下有雌字。詩紀云。一作兩。類聚挾雌作俠兩雌。恃強力。媒已驚。翳又類聚作已。逼。蒿本集作黃。類聚同。間潛穀盧矢直。勿繡頸。碎錦臆。絕命君前無怨色。握君手。執杯酒。意氣相傾死何有。○本集三。樂府詩集五十七。詩紀五十。又類聚九十作鮑照詩。引翼、力、逼、直、臆、色六韻。

代北風涼行

北風涼。雨雪雱。京洛女兒多嚴詩紀作妍。粧。遙豔帷中自悲傷。沈吟不語若有樂府作爲。注云。一作有。詩紀云。一作爲。忘。問君何行何當歸。苦使妾坐自傷悲。慮年至。樂府云。一作去。慮顏衰。情易復。本集作遠。恨難追。○本集三。樂府詩集六十五作北風行。詩紀五十。

代空城雀

雀乳四散。空城之阿。朝食類聚作拾。樂府同。野粟。夕飲冰類聚作清。河。樂府作阿。高飛畏鴟鳶。下飛畏網羅。辛傷伊何言。怵迫良已多。誠不及青鳥。類聚作雀。遠食玉山禾。猶勝吳宮燕。無罪得焚窠。賦命有厚薄。長歎

欲如何。○本集三。又樂府詩集六十八、廣文選十四並作空城雀。詩紀五十。又類聚九十二作空城雀詩。引阿、河、羅、禾、窠、何六韻。

代夜坐吟

冬夜沈沈夜坐吟。含聲樂府作情。注云。一作聲。未發已知心。霜入幕。風度林。朱燈滅。朱顏尋。體君歌。逐君音。不貴聲。貴意深。○本集三。樂府詩集七十六作夜坐吟。詩紀五十。

代春日行三言

獻歲發。樂府發下有春字。吾將行。春山茂。春日明。園中鳥。多嘉聲。梅始發。桃樂府作柳。詩紀云。一作柳。始榮。樂府作青。汎舟鱸。齊櫂驚。奏採菱。歌鹿鳴。風微起。波微生。樂府云。一作微波起。微風生。絃亦發。酒亦傾。入蓮池。折桂枝。芳袖動。芬葉披。兩相思。兩不知。○本集三。樂府詩集六十五作春日行。詩紀五十。

宋詩卷八

鮑照

詩

侍宴覆舟山詩二首救爲柳元景作。○以下五言。

息雨清上郊。開雲照中縣。遊軒越丹居。暉燭集涼殿。凌高躋飛楹。追焱起流宴。柘本集作柘。案卽抵字。苑含靈羣。崑庭藏物變。明輝爍神都。麗氣冠華甸。目遠幽情周。醴洽深恩遍。○本集八。詩紀五十一。

繁霜飛玉闥。愛景麗皇州。清蹕戒類聚作式。詩紀云。一作式。案式乃戒之殘。馳路。羽蓋佇宣游。神居既崇盛。崑嶮類聚作巖險。同。信環周。類聚作周流。禮俗陶德聲。昌會溢民謳。慚無勝化質。謬從雲雨浮。詩紀云。一作遊。○類聚三十九。本集八。詩紀五十一。

從拜陵登京峴詩

孟冬十月交。殺盛陰草堂詩箋作隱。欲終。風烈御覽作冽。無勁草。寒甚有凋松。軍井冰晝結。士馬氈夜重。晨登峴山首。霜雪御覽作霧。凝未通。息鞍循隴上。支劍望雲峰。表裏觀地險。昇降究天容。東岳覆如礪。瀛海

安足窮。傷哉良永矣。馳光不再中。衰賤謝遠願。疲老還舊邦。深德竟何報。徒令田陌空。○本集五。詩紀五十一。又草堂詩箋十七發秦詩注引終一韵。御覽二十七引終、松、重、通四韵。

蒜山被始興王命作詩

暮冬霜朔嚴。地閉泉不流。玄武藏木陰。丹鳥本集、詩紀並云。一作鳥。還養羞。勞農澤既周。役車時亦休。高薄符本集、詩紀並云。一作浮。好蒨。本集、詩紀並云。一作清。藻駕及時遊。鹿苑豈淹睇。兔園不足留。升嶠眺日軌。臨迥望滄洲。雲生玉堂裏。風靡銀臺陬。陂石類星懸。嶼木似煙浮。形勝信天府。珍寶麗皇州。白日迴清景。芳醴詩紀作醴。洽歡柔。參差出寒吹。鸞戾江上謳。王德愛文雅。飛瀚灑鳴球。美哉物會昌。衣道服光猷。○本集八。詩紀五十一。

登廬山詩二首

懸裝亂水區。薄旅類聚作旅薄。廬山記同。次山楹。千巖盛廬山記作狀。阻類聚作狀阻。積。萬壑勢廻縈。巖從高昔貌。紛亂本集作純。詩紀云。一作純。襲前名。洞澗本集作間。窺地脉。聳類聚作疎。廬山記同。樹隱天經。松磴上迷密。雲竇下縱橫。陰冰實夏結。炎樹信冬榮。嘈噴晨鷗思。叫嘯夜猿清。深崖伏化跡。穹岫闕長靈。乘此樂山性。重以遠遊情。方躋羽人途。永與煙霧并。○本集八。詩紀五十一。又類聚七、廬山記四並引楹、縈、名、經、橫、榮六韵。訪世失隱淪。從山異靈士。明發振雲冠。升嶠遠棲趾。高岑類聚作峯。隔半天。長崖斷千里。氛本集作飛。霧承

星辰。潭壑洞江汜。嶄絕類虎牙。巘岼象熊耳。埋冰或百年。韜樹必千祀。鷄鳴清類聚作青。澗中。猿嘯白雲裏。瑤波逐穴開。霞石觸峯起。廻互非一形。參差悉本集作反。相似。傾聽鳳管寶。緬望釣龍子。松桂盈膝前。如何穢城市。○本集八。詩紀五十一。又類聚七作登廬山望石門詩。引趾、里、裏、起、似五韵。

從登香爐峯詩

辭宗盛荆夢。登歌美鳧繹。徒收杞梓饒。曾非羽人宅。羅景藹雲扃。沾光扈龍策。御風親列涂。乘山窮禹跡。含嘯對霧岑。延蘿倚峯壁。青冥搖煙樹。穹跨負天石。霜崖滅本集作滅。土膏。金澗測泉脉。旋淵抱星漢。乳竇通海碧。谷館駕鴻人。巖棲咀丹客。殊物藏珍怪。奇心隱仙籍。高世伏音華。綿古遁精魄。蕭瑟生哀聽。參差遠驚覲。慙無獻賦才。洗汗奉毫帛。○本集七。詩紀五十一。

從庾中郎遊園山石室詩

荒塗趣山楹。雲崖隱靈本集、詩紀並云。一作虛。室。岡澗紛縈抱。林障沓重密。昏昏磴路深。活活梁水疾。幽隅秉晝燭。地牖窺朝日。怪石似龍章。瑕璧麗錦質。洞庭安可窮。漏井終不溢。沈空絕景聲。崩危坐驚慄。神化豈有方。妙象竟無述。至哉鍊玉人。處此長自畢。○本集六。詩紀五十一。

登翻車峴詩

高山絕雲霓。深谷斷無光。晝夜淪霧雨。冬夏結寒霜。淖坂既馬領。本集作嶺。磧路又羊腸。畏塗疑旅人。忌

轍覆行箱。升岑望原陸。四眺極川梁。遊子思故居。離客遲新鄉。新知本集作知新。有客慰。追故遊子傷。○
本集六。詩紀五十一。

登黃鶴磯詩

木落江渡寒。鴈還風送秋。臨流斷商絃。瞰川悲棹謳。適郢無東轅。還類聚作過。夏有西浮。三崖隱丹磴。九
派引滄類聚作蒼。流。淚竹感湘別。弄類聚作荆。珠懷漢遊。豈伊藥餌泰。得奪旅人憂。○本集七。詩紀五十一。又類
聚二十七作登黃鶴圻詩。引浮、遊、流三韵。

登雲陽九里埭詩

本集云。一作塚。

宿心不復歸。流年抱衰疾。既成雲雨人。悲緒終不一。徒憶江南聲。空錄齊后瑟。方絕繁絃思。豈見繞梁
日。○本集六。詩紀五十一。

自礪山東望震澤詩

瀾漫潭洞波。合沓嶸嶂雲。漲島遠不測。岡澗近難分。幽篁愁暮見。思鳥傷夕聞。以此藉沈疴。棲跡別人
羣。結言非盡書。有念豈敷文。○本集六。詩紀五十一。

三日遊南苑詩

採蘋及華月。追節逐芳雲。騰蒨歲時雜詠作芳。溢林疏。麗日曄歲時雜詠作華。山文。清潭圓翠會。花薄緣本集作綠。綺紋。合樽遽景斜。折榮委組芬。○本集八。古今歲時雜詠十六。詩紀五十一。

贈故人馬子喬詩六首

躑躅城上羊。攀隅食玄草。俱共日月輝。昏明獨何早。夕風飄野籜。飛塵被長道。親愛難重陳。本集作見。懷憂坐空老。○本集六。詩紀五十一。

寒灰滅更燃。夕華晨更鮮。春冰雖暫解。冬水玉臺作冰。復還堅。佳人捨我去。賞愛長絕緣。歡至不留日。玉臺作時。感物玉臺作每感。輒傷年。○本集六。玉臺新詠四作贈故人。詩紀五十一。

松生隴坂上。百尺下無枝。東南望河尾。西北隱崑崖。野風振山籟。朋鳥夜驚離。悲涼貫年節。葱翠恆若斯。安得草木心。不怨寒暑移。○本集六。詩紀五十一。

種橘南池上。種杏北池中。池北既少露。池南又多風。早寒逼晚歲。衰恨滿秋容。湘濱有靈鳥。其字曰鳴鴻。一挹繒繳痛。長別遠無雙。○同上

皎如川上鶴。赫似握中丹。宿心誰不欺。明白古所難。憑楹觀皓露。灑酒盪憂顏。永念平生意。窮光不忍還。淹留本集作流。徒攀桂。延佇空結蘭。○同上

雙劍將別離。本集作離別。文選補遺、廣文選、詩紀同。先在匣中鳴。煙雨交將夕。從此遂本集作忽。廣文選同。分形。雌沈吳江裏。玉臺作水。雄飛入楚城。吳江深無底。楚闕玉臺作城。詩紀作闕。注云。一作闕。有崇扃。一爲天地別。豈

直限玉臺作阻。幽明。神物終不隔。千祀儻還并。○本集六。玉臺新詠四。文選補遺三十六。廣文選十。詩紀五十一。又類聚六十。御覽三百四十四並作鮑照詩。引鳴、城、扇、明、井五韵。

答客詩

幽居屬有念。含意未連詞。會客從外來。問君何所思。澄神自惆悵。嘿慮久迴疑。謂賓少安席。方爲子陳之。我以筆門士。負學謝前基。愛賞好徧越。放縱少矜持。專求遂性樂。不計緝名期。歡至獨斟酒。憂來輒賦詩。聲交本集云。一作交友。稍希歇。此意更堅滋。浮生急馳電。物道險絃絲。深憂寡情謬。進伏兩睽時。願賜卜身要。得免後賢嗤。○本集五。詩紀五十一。

和王丞詩

限生歸有窮。長意本集、詩紀並云。一作憶。無已年。秋心日迥絕。春思坐連綿。銜協曠古願。斟酌高代賢。遯跡俱浮海。採藥共還山。夜聽橫石波。朝望宿巖煙。明澗子本集作予。泐越。飛蘿予本集作子。縈牽。性好必齊遂。本集作逐。跡幽非妄傳。滅志身世表。藏名琴酒間。○本集五。詩紀五十一。

日落望江贈荀丞詩

旅人乏愉樂。薄暮增思深。日落嶺雲歸。延頸望江陰。亂流潑大壑。長霧匝高林。林際無窮極。雲邊不可

尋。惟見獨飛鳥。千里一揚音。推其感物情。則知遊子心。君居帝京內。高會日揮金。豈念慕羣客。咨嗟戀景沈。○本集五。廣文選十。詩紀五十一。

秋日示休上人詩

枯桑類聚作枝。葉易本集作未。零。初學記作落。疲客心易驚。今茲亦何早。已聞絡緯鳴。迴風滅且起。卷蓬息復征。愴愴類聚作悽悽。簞上寒。悽悽類聚作慄慄。初學記、御覽作淒淒。帳裏清。物色延暮思。霜露逼初學記作遍。朝榮臨堂觀秋草。東西望楚城。白楊本集作百物。御覽、詩紀同。方蕭瑟。坐類聚作長。御覽同。歎從此生。○本集八。詩紀五十一。又類聚三、初學記三並作秋日詩。引驚、鳴、征、清、榮、生六韻。御覽二十五作答湯惠休詩。引驚、鳴、征、清、榮、生六韻。

答休上人菊詩

酒出野田稻。菊生高岡草。味貌復何奇。能令君傾倒。玉腕徒自羞。爲君慨初學記作愧。詩紀云。一作愧。此秋。金蓋覆牙枿。何爲初學記作解。心獨愁。○本集八作答休上人。初學記二十七。詩紀五十一。

吳興黃浦亭庾中郎別詩

風起洲渚寒。雲上日無輝。連山眇煙霧。長波迴難依。旅鴈方南過。浮客未西歸。已經江海別。復與親眷違。奔景易廣文選作亦。有窮。離袖安可揮。懼觴爲悲酌。歌服成泣衣。温念終不渝。藻志遠存追。役人多牽

滯。顧路慙奮飛。昧心附遠翰。炯言藏佩韋。○本集六。廣文選八。詩紀五十一。

與伍侍郎別詩

民生如野鹿。知愛不知命。飲斲具攢聚。翹陸歛驚迸。傷我慕類心。感爾食蘋性。漫漫鄢郢途。渺渺淮海逕。子無金石質。吾有犬馬病。憂樂安可言。離會孰能定。欽哉慎所宜。砥德乃爲盛。貧游不可忘。久交念敦敬。○本集六。詩紀五十一。

送別王宣城詩

發郢流楚思。涉淇興衛情。既逢青春獻。復值白蘋生。廣望周千里。江郊藹微明。舉本集作簾。爵自惆悵。歌管爲誰清。潁陰騰前藻。淮陽流昔聲。樹道慕高華。屬路佇深馨。○本集六。詩紀五十一。

送從弟道秀別詩

參差生密念。躑躅行思悲。本集作悲。悲本集作疑。注一作悲。思戀光景。密念盈本集、詩紀並云。一作彌。歲時。歲時多阻折。光景乏安怡。以此苦風情。日夜驚懸旗。登山臨朝日。揚袂別所思。浸淫旦潮廣。瀾漫宿雲滋。天陰懼先發。路遠常早辭。篇詩後相憶。杯酒今無持。游子苦行役。冀會非遠期。○本集六。詩紀五十一。

贈傅都曹別詩

輕鴻戲江潭。孤鴈集洲沚。邂逅兩相親。緣類聚作同。初學記同。念共無已。風雨好東西。一隔類聚作隅。初學記同。頓萬初學記作千。里。追憶初學記作想。栖宿時。聲容滿心耳。落日川渚寒。愁雲繞天起。短類聚作揚。翮不能翔。徘徊煙霧裏。○本集六。廣文選八。詩紀五十一。又類聚二十九作鮑照詩。引沚、已、里、耳、裏五韻。初學記十八作贈別傅都曹。引沚、已、里、耳、裏五韻。

和傅大農與僚故別詩

絕節無緩響。傷鴈有哀音。非同年歲意。誰共詩紀云。集作異。別離心。伊昔謬通塗。詩紀云。一作望。冠屣預人林。浮江望南嶽。登潮窺海陰。孰謂游居淺。慕美久相深。萋萋春草秀。嚶嚶喜候禽。辰物盡明茂。尊盛獨幽沈。之子安所適。我方栖舊岑。墜歡豈更接。明愛邈難尋。○本集六。詩紀五十一。

送盛侍郎餞候亭詩

霑霜襲冠帶。驅駕越城闐。北臨出塞道。南望人鄉津。高墉宿寒霧。平野起秋塵。君爲坐堂子。我乃負羈廣文選作羈。人。欣悲豈等志。甘苦誠異身。結涕園中草。憔悴悲此春。○本集六。廣文選八。詩紀五十一。

與荀中書別詩

勞舟厭長浪。疲旆倦行風。連翩感孤志。契闊傷賤躬。親交篤離愛。眷戀置酒終。敷文勉征念。發藻本集作

罷落。慰愁容。思君吟本集作哥。涉洧。撫己謠渡江。慙無黃鶴翅。安得久相從。願遂宿知意。不使舊山空。○
本集六。詩紀五十一。

從過舊宮詩

肅裝屬雲初學記作盧。旅。奉勅承末塗。嚴恭履桑梓。加敬覽粉楡。靈命蘊川瀆。帝寶伏篇圖。虎變由石紐。
龍翔自鼎湖。功冠生民始。道妙神器初。宮陛留前本集、詩紀並云。一作昔。制。歌思溢今衢。餘祥見雲物。遺像
存陶漁。泉流信清泌。原野實甘荼。豈伊愛鄴鄙。天險兼上腴。東秦邦北門。非親誰克居。仁聲日月懋。惠
澤雲雨敷。盧令美何詩紀作阿。歇。唐風久不渝。微臣逢世慶。征賦備人徒。空費行葦德。採束謝生芻。○本
集五。初學記十七。詩紀五十一。

從臨海王上荆初發新渚詩

客行有苦樂。但問客何行。扳類聚作攀。龍不待翼。附驥絕塵冥。梁珪分楚牧。羽鷁指全荆。雲臚掩江汜。千
里被連旌。戾戾旦風道。嘈嘈晨鼓鳴。收纜辭帝郊。揚棹發皇京。狐兔懷窟志。犬馬戀主情。撫襟同太息。
相顧俱涕零。奉役塗未啓。思歸思已盈。○本集七。詩紀五十一。又類聚二十七作從臨海王西鎮發新亭詩。引行、冥、荆、情
四韵。

還都道中詩三首

悅懌遂還心。踴躍貪至勤。鳴鷄戒征路。暮息落日分。急流騰飛沫。回風起江濱。孤獸啼夜侶。離鴻噪霜羣。物哀詩紀作衰。心交橫。聲切思紛紜。歎慨訴同旅。美人無相聞。○本集五。詩紀五十一。

風急訊灣浦。裝高偃檣舳。夕聽江上波。遠極千里目。寒律驚類聚作警。窮蹊。爽氣起喬木。隱隱日沒岫。瑟瑟風發谷。鳥還暮林誼。潮上水詩紀作冰。結狀。夜分霜下淒。悲端出遙陸。愁來攢人懷。羈心苦獨宿。○本集五。詩紀五十一。又類聚二十七作還都在路詩。引目、木二韻。

久宦迷遠川。川廣每多懼。薄止閭邊亭。關歷險程路。霰霽冥寓岫。濛昧江上霧。時涼籟爭吹。流洄浪奔趣。本集、詩紀並云。一作注。惻焉增愁起。搔首東南顧。茫然荒野中。舉目皆凜素。回風揚江泌。寒□詩紀作□寒。棲動樹。太息終晨漏。企我歸鷗遇。○本集五。詩紀五十一。

上潯陽還都道中作詩

昨夜宿南陵。今日入蘆洲。客行惜日月。崩波不可留。侵星赴早路。畢景逐前儔。鱗鱗夕雲起。獵獵晚李善。本文選作曉。詩紀云。一作曉。風道。騰沙鬱黃霧。翻浪揚白鷗。登類聚作發。鱸眺淮甸。掩泣望荆流。類聚作州。絕目盡平原。時見遠煙浮。倏忽文選作悲。坐還合。俄思甚兼秋。未嘗違戶庭。安能千里遊。誰令乏古節。貽此越鄉憂。○本集五。文選二十七作還都道中作。詩紀五十一。又類聚二十七作還都道中詩。引洲、留、儔、州、浮五韻。

還都至三山望石頭城詩

泉源安首流。川末澄遠波。晨光被水族。曉氣歇林阿。兩江皎平迥。三山鬱駢羅。南帆望越嶠。北榜指齊河。關扃繞天邑。襟帶抱尊華。長城非壑嶮。峻岨似荆芽。攢樓貫白日。摘堞隱丹霞。征夫喜觀國。遊子遲見家。流連入京引。躑躅望鄉歌。彌前歎景促。逾近勸路多。偕萃猶如茲。弘易將謂何。○本集五。詩紀五十一。

還都口號詩

分壤蕃帝華。列正藹皇宮。禮讌及年暇。朝奏因歲通。維舟歇金景。結棹俟昌風。鉦歌首寒物。歸吹踐開冬。陰沈煙塞合。蕭瑟涼海空。馳霜急歸節。幽雲慘天容。旌鼓貫玄塗。羽鶴被長江。君王遲京國。遊子思鄉邦。恩世共渝洽。身願兩扳逢。勉哉河濟客。勤爾尺波功。○本集五。詩紀五十一。

行京口至竹里詩

高柯危且竦。鋒石橫復仄。複澗隱松聲。重崖伏雲色。冰閉寒方壯。風動鳥傾翼。斯志逢凋嚴。孤遊值曠逼。兼塗無憩鞍。半菽不遑食。君子樹令名。細人効命力。不見長河類聚作波。水。清濁俱不息。○本集六。詩紀五十一。又類聚二十七作至竹里詩。引色、力、息三韻。

發後渚詩

江上氣早寒。仲秋始霜雪。從軍乏衣糧。方冬與家別。蕭條背鄉心。悽愴清渚發。涼埃晦平臯。飛潮隱脩
樾。孤光獨徘徊。空煙視昇滅。塗隨前峰遠。意逐後雲結。華志分馳年。韶顏慘驚節。推琴三起歎。聲爲君
斷絕。○本集五。詩紀五十一。

陽岐守風詩

差池玉繩高。掩藹本集、詩紀並云。一作映。瑤井沒。廣岸屯宿陰。懸崖棲歸月。役人喜先馳。軍令申早發。洲迥
寰宇記作迴。風正悲。江寒霧未歇。飛雲日東西。別鶴方楚越。塵衣孰揮澣。蓬思亂光髮。○本集七、詩紀五十一
並作岐陽守風。又寰宇記百四十六引悲一韵。○寰宇記荊州石首縣條云。陽岐山在縣西一百步。

發長松遇雪詩

土本集作出。牛旣送寒。莫陵本集、詩紀並云。一作冥陸。方浹馳。振風搖地局。封雪滿空枝。江渠合爲陸。天野浩
無涯。飲泉本集作兼。凍馬骨。斷冰傷役疲。昆明豈不慘。黍谷寧可吹。○本集八。詩紀五十一。

詠史詩

五類聚作王。都矜財雄。三川養聲利。百金不市死。明經有高位。京城十二衢。飛甍各鱗次。仕子影類聚作飄。

華纓。游客竦輕轡。明星晨六臣。本文選作辰。類聚同。未稀。詩紀作晞。軒蓋已雲至。賓御紛颯沓。鞍馬光照地。寒暑在一時。繁華及春媚。君平獨寂寞。文選作漠。類聚同。身世類聚作勢。兩相棄。○本集六。文選二十一。類聚五十五。詩紀五十一。

蜀四賢詠

司馬相如、王褒、嚴君平、揚雄。

渤渚水浴鳧。春山玉抵鵲。皇漢方盛明。羣龍滿階閣。君平因世閒。得還守寂寞。閉簾注道德。開封述天爵。相如達生旨。能屯復能躍。陵令無人事。毫墨時灑落。褒氣有逸倫。雅績信炳博。如令聖納賢。金璫易羈絡。良遮神明遊。豈伊覃思作。玄經不期賞。蟲篆散憂詩紀作憂散。樂。首路或參差。投駕均遠託。身表既非我。生內任本集云。一作甚。豐薄。○本集八。詩紀五十一。

宋詩卷九

鮑照

擬古詩八首

魯客事楚王。懷金襲丹素。既荷主人恩。又蒙令尹顧。日晏詩紀作宴。罷朝歸。興李善本文選作較。馬塞衢路。宗黨生初學記作先。光輝。文選作華。類聚、初學記同。詩紀云。一作華。賓僕遠傾慕。富貴人所欲。道得李善本文選作德。類聚同。亦何懼。南國有儒生。迷方獨淪誤。伐木清李善本文選作青。江湄。設罝守麋兔。○本集四。文選三十一。詩紀五十二。又類聚三十三引路、暮、懼三韻。初學記十八引素、顧、路、暮、懼五韻。黃氏集千家註杜工部詩史補遺三作懷古詩。引誤一韻。十五諷詩書。篇翰靡不通。弱冠參多士。飛步游秦類聚作春。廣文選同。宮。側覩君子論。預見古人風。兩說窮舌端。五車摧筆鋒。羞當白璧贖。恥受聊城功。晚節從世六臣本文選注云。五臣作時。務。乘障遠和戎。解佩襲犀渠。卷裘奉盧弓。始願力不及。安知今所類聚作命不。廣文選同。終。○本集四。文選三十一。類聚二十六、廣文選十五並作雜詩。詩紀五十二。

幽并重騎射。少年好馳逐。氈帶佩雙鞬。象弧插彫服。獸肥春草短。飛鞚越平陸。朝遊鴈門上。對牀夜語作山。暮還樓煩宿。石梁有餘勁。驚雀文選集注作爵。無全目。漢虜方未和。邊城屢廣文選作累。翻覆。留我一白羽。

將以分虎詩紀作符。六臣本文選注云。五臣作符。竹。○本集四。文選三十一。文選集注六十一。廣文選十五。詩紀五十二。對牀夜語鮑照詩引宿一韵。

鑿井北陵隈。百丈不及泉。生事本瀾漫。何用獨精堅。幼壯重寸陰。衰暮反詩紀作及。輕年。放駕息朝歌。提爵止中山。詩紀云。一作仙。日夕登城隅。周迴視洛川。街衢積凍草。城郭宿寒煙。繁華悉何在。官闕久崩填。空謗齊景非。徒稱夷叔賢。○本集四。詩紀五十二。

伊昔不治業。倦遊觀五都。海岱饒壯士。蒙泗多宿儒。結髮起躍馬。垂白對講書。呼我升上席。陳觶發瓢壺。管仲死已久。墓在西北隅。後面崔嵬者。桓公舊塚廬。君來誠既晚。不覩崇明初。玉琬徒見傳。交友義漸疏。○同上

束薪幽篁裏。刈黍寒澗陰。朔風傷我肌。號鳥驚我心。歲暮井賦訖。程課相追尋。田租送函谷。獸藁輸上林。河渭冰未開。關隴雪正深。笞擊官有罰。呵辱吏見侵。不謂乘軒意。伏櫪還至今。○同上

河畔草未黃。胡雁已矯翼。秋蛩本集作蚤。詩紀作螢。挾本集作扶。詩紀同。戶吟。寒婦成玉臺作晨。夜織。去歲征人還。流傳舊相識。聞君上隴時。東望久歎息。宿昔改衣帶。玉臺作衣帶改。旦暮本集作朝旦。詩紀同。異容色。念此憂如何。夜長憂向本集作愁更。詩紀同。多。明鏡塵匣中。寶詩紀作瑤。瑟本集作琴。生網羅。○本集四。玉臺新詠四。詩紀五十二。

蜀漢多奇山。仰望與雲平。陰崖積夏雪。陽谷散秋榮。朝朝見雲歸。夜夜聞猿鳴。憂人本自悲。孤客易傷情。臨堂設樽酒。留酌思平生。石以堅爲性。君勿慙本集詩紀並云。一作輕。素誠。○本集四。詩紀五十二。

紹古辭七首詩紀云。橘生湘水側一首。藝文作張華。外編作漢古辭。皆非也。

橘生湘水側。菲陋人莫傳。逢君金華宴。得在玉几類。聚作机前。三川窮名利。京洛富妖妍。恩榮難久恃。隆寵易衰偏。觀席妾悽愴。覩翰君泫然。徒抱忠孝志。猶爲葑菲遷。○本集四。詩紀五十二。又類聚八十六作張華詩。引傳、前二韵。

昔與君別時。蠶妾初獻絲。何言年月駛。寒衣已擣治。絲繡多廢亂。篇帛久塵緇。離心壯爲劇。飛念如懸旗。石席我不爽。德音君勿欺。○同上

瑟瑟涼海風。竦竦寒山木。紛紛羈思盈。慊慊夜弦促。訪言山海路。千里歌別鶴。絃絕空咨嗟。形音誰賞錄。辛苦異人狀。美貌改如玉。徒畜巧言鳥。不解心款曲。○同上

孤鴻散江嶼。連翩遵渚飛。含嘶衡桂浦。馳顧河朔畿。攢攢勁秋木。昭昭淨冬暉。窗前滌歡爵。帳裏縫舞衣。芳歲猶自可。日夜望君歸。○同上

憑楹翫夜月。迴眺出谷雲。還山路已遠。往海不及羣。徘徊清淮汭。顧慕廣江濱。物情乖喜歇。守操古難聞。三越豐少姿。容態傾動君。○同上

開黛覩容本集、詩紀並云。一作朝。顏。臨鏡訪遙塗。君子事河源。彌祀闕還書。春風掃地起。飛塵生綺疏。文社爲誰設。羅帳空卷舒。不怨身孤寂。但念星隱隅。○同上

暖歲節物早。萬萌迎春達。春風夜嫵娟。春霧朝曖靄。軟蘭葉可采。柔桑條易捋。怨咽對風景。悶瞽守閨

闖。天傳愁民命。含生但契闊。憂來無行伍。歷亂如覃葛。○同上

學古詩本集云。一作北風雪。

北風十二月。雪下如亂巾。實是愁苦節。惆悵憶本集。詩紀並云。一作別。情親。會得兩少妾。同是洛陽人。嬛酥好眉目。閑麗美腰身。凝膚皎若雪。明淨色如神。驕愛生盼矚。聲媚起朱唇。衿服雜緹績。首飾亂瓊珍。調絃俱起舞。爲我唱梁塵。人生貴得意。懷願待君申。幸值嚴冬暮。幽夜方未晨。齊衾久兩設。角枕已雙陳。願君早休息。留歌待三春。○本集四。詩紀五十二。

古辭

容華不待年。何爲客遊梁。九月寒陰合。悲風斷君腸。歎息空房婦。幽思坐自傷。勞心結遠路。惆悵獨未央。○本集七。詩紀五十二。

擬青青陵上柏詩

涓涓亂江泉。綿綿橫海煙。浮生旅昭世。空事歎華年。書翰幸閒暇。我酌子繁絃。飛鏹出荆路。鶯服指本集作人。御覽同。秦川。渭濱富皇居。鱗館匝河山。輿童唱秉椒。權女歌采蓮。孚愉鸞閣上。窈窕鳳楹前。娛生信非謬。安用求多賢。○本集四。詩紀五十二。又御覽三百五十八引川一韻。

學劉公幹體詩五首

欲宦乏王事。結主遠恩私。爲身不爲名。散書徒滿帷。連冰上冬月。披雪拾園葵。聖靈燭區外。小臣良見遺。○本集四。詩紀五十二。

噫噫寒野霧。蒼蒼陰山柏。樹迥霧縈集。山寒野風急。歲物盡淪傷。孤貞爲誰立。賴樹自能貞。不計跡幽澁。○同上

胡風吹朔雪。千里度龍山。集君瑤臺上。文選作裏。類聚同。初學記作下。飛舞兩楹前。茲晨文選作辰。自爲美。當避豔陽天。文選作年。初學記同。豔陽桃李節。皎潔不成妍。○本集四。文選三十一作學劉公幹。初學記二作敦劉公幹。詩紀五十二。又類聚二作詠雪詩。引山、前二韻。

荷生淥泉中。碧葉齊如規。迴風蕩流霧。珠水逐條垂。彪炳類聚作照灼。此金塘。藻耀君王類聚作玉。池。不愁世賞絕。但畏盛明移。○本集四。類聚八十二作張華荷詩。詩紀五十二。

白日正中時。天下共明光。廣文選作光明。北園有細草。當晝正含霜。乖榮頓如此。何用獨芬芳。抽琴爲爾歌。廣文選作聲。絃斷不成章。○本集四。廣文選十五。詩紀五十二。

擬阮公夜中不能寐詩

漏分不能卧。酌酒亂繁憂。惠氣憑夜清。素景緣隙流。鳴鶴時一聞。千里絕無儔。佇立爲誰久。寂寞空自愁。○本集四。廣文選十五。詩紀五十二。

學陶彭澤體詩 奉和王義興。

長憂非生意。短願不須多。但使尊酒滿。朋舊數相過。秋風七八月。清露潤綺羅。提瑟本集作琴。當戶坐。歎息望天河。保此無傾動。寧復滯風波。○本集四。廣文選十五。詩紀五十二。

數名詩

一身仕對牀夜語作事。關西。家族滿山東。二年從車駕。齋祭甘泉宮。三朝國慶畢。休沐還舊邦。四牡曜本集作輝。長路。輕蓋若飛鴻。五侯相餞送。高會集新豐。六樂陳廣坐。組帳揚春風。七盤起長袖。庭下列歌鍾。八珍盈彫俎。綺餽紛錯重。九族共類聚作咸。瞻遲。賓友仰徽容。十載學無就。善宦一朝通。○本集五、文選三十並作數詩。類聚五十六。對牀夜語一。詩紀五十二。

建除詩

建旗出燉煌。西討屬國羌。除去徒與類聚作輿。騎。戰車羅萬箱。滿山又填谷。投鞍合營牆。平原亘千里。旗類聚作旌。鼓轉相望。定舍後未休。候騎救前類聚作前勅。裝。執戈無暫頓。本集作傾。文選補遺同。彎弧不解張。破滅西零國。生虜郅支王。危亂悉平蕩。萬里置關梁。成軍類聚作車。人玉類聚誤作王。門。士女獻類聚作女獻玉。壺漿。收功在一時。歷世荷餘光。開壤襲朱紱。左右佩金章。閉帷草太玄。茲事殆愚狂。○本集五。類聚五十六。文

選補遺三十六。詩紀五十二。

白雲詩

探靈喜解骨。測化善騰天。情高不戀俗。厭世樂尋仙。鍊金宿明館。屑玉止瑤淵。鳳歌出林闕。龍駕戾本
集作渡。蓬山。凌崖采三露。攀鴻戲五煙。昭昭景臨霞。湯湯風媚泉。命娥雙月際。要媛兩星間。飛虹眺卷
河。汎霧弄輕絃。笛聲謝廣賓。神道不復傳。一逐白雲去。千齡猶未旋。○本集五。詩紀五十二。

臨川王服竟還田里詩

送舊本集作往。禮有終。事君本集作居。慚懦薄。稅駕罷朝衣。歸志願巢壑。尋思邈無報。退命愧天爵。捨耨將
十齡。還得守場藿。道經盈竹筍。農書滿塵閣。愴愴秋風生。戚戚寒緯作。豐霧粲草華。高月麗雲嶠。屏跡
勤躬稼。衰疾倚芝藥。顧此謝人羣。豈直止商洛。○本集五。詩紀五十二。

行藥至城東橋詩

雞鳴關吏起。伐鼓早通晨。嚴車臨迥陌。延瞰歷城闔。蔓草緣高隅。修楊夾廣津。迅風首旦發。平路塞類
聚作寒。飛塵。擾擾遊宦子。營營市井人。類聚作民。懷金近從利。撫劍遠辭親。爭先類聚作知。萬里塗。各事百
年身。開芳及稚節。含綵吝驚春。尊賢永照文。選作昭。灼。孤賤長隱淪。容華坐銷歇。端爲誰苦辛。○本集五作

行樂至城東橋。文選二十二。詩紀五十二。又類聚二十八引塵、民、親、身四韵。

園中秋散詩

負疾固無豫。晨衿悵已單。氣交蓬門疏。風數園草殘。荒墟半晚色。幽庭憐夕寒。既悲月戶清。復切夜蟲酸。流枕商聲苦。騷殺年志闌。臨歌不知調。發興誰與歡。儻結弦上情。本集作延上清。豈孤林下彈。○本集八。詩紀五十二。

觀圃人藝植詩

善賈笑蠶漁。巧宦賤農牧。遠養遍關市。深利窮海陸。乘輶實金羈。當墟信珠服。居無逸身伎。安得坐梁肉。徒承屬生幸。政緩吏平睦。詩紀作陸。春畦及耘藝。秋場早芟築。澤閱既繁高。山營又登熟。抱鍤隴上餐。結茅野中宿。空識詩紀作織。已尚淳。寧知俗翻覆。○本集五。詩紀五十二。

過銅山掘黃精詩

土初學記作玉。昉詩紀作肪。闕中經。水類聚作求。芝輜內策。初學記作籍。詩紀云。一作籍。寶餌緩童年。命藥駐衰曆。類聚作歷。矧蓄終古初學記作始。情。重拾初學記作掩。煙霧跡。羊角樓斷雲。楹初學記作墻。口流隘石。銅溪晝森沈。乳竇夜涓類聚作漣。滴。既類風門磴。復像天井壁。初學記作壁。蹀蹀寒葉離。濛濛秋水積。松色隨野深。

月露依草白。空守江海思。豈愧初學記作貴。梁鄭客。得仁初學記作仁愛。古無怨。順道今何惜。○本集五。初學記二十。詩紀五十二。又類聚八十一作遇銅山採藥詩。引策、歷、滴、積、白五韵。

賣玉器者詩并序

見賣玉器者。或人欲買。疑其是珉。不肯成市。聊作此詩。以戲買者。

涇渭不可雜。珉玉當早分。子實舊楚客。蒙俗謬前聞。安知理孚采。豈識質明溫。我方歷上國。從洛入函轅。揚光十貴室。馳譽四豪門。奇聲振朝邑。高價服鄉村。寧能與爾曹。瑜瑕稍辨論。○本集七。詩紀五十二。

懷遠人

哀樂生有端。離會起無因。去事難重念。恍惚似如神。屬期眇已詩紀作起。遠。後遇邈無辰。馳風掃遙路。輕蘿含夕塵。思君成首疾。欲息眉不伸。○本集八。詩紀五十二。

夢歸鄉詩

銜淚出郭門。撫劍無人遼。沙風暗塞本集作空。詩紀同。起。離心眷鄉畿。夜分就孤枕。夢想暫言歸。孀婦當戶歎。玉臺作笑。縑本集作搔。玉臺同。絲詩紀云。外編作搔首。復鳴機。慷慨論久別。相將還綺闈。玉臺作幃。歷歷玉臺作靡靡。簷下涼。朧朧帳玉臺作意。裏輝。刈蘭爭芬芳。采菊競葳蕤。開奩奪玉臺作集。香蘇。探袖解纓微。寐詩紀

作夢。中長路近。覺後大江遠。驚起空歎息。恍惚神魂飛。白水漫浩浩。高山壯巍巍。波瀾玉臺作潮。異往復。
風霜本集作雲。改榮衰。此土非吾土。慷慨當告玉臺作訴。誰。○本集七。玉臺新詠四。詩紀五十二。

春羈詩

征人歎道遐。去鄉悵路邇。佳期每無從。淮陽非尺咫。春日起游心。勞情出徙倚。岫遠雲煙綿。谷屈泉靡
迤。風起花四散。露濃條旖旎。二字本集。詩紀原缺。從羣書拾補補入。暄妍正在茲。摧抑多嗟思。嘶聲名本集作召。
邊堅。豈我箱中紙。染翰餉君琴。新聲憶解子。○本集八。詩紀五十二。

歲暮悲詩

霜露迭濡潤。草木互榮落。日夜改運周。今悲復如昨。晝色苦沈陰。白雪夜迴薄。噉潔冒霜鴈。飄揚出風
鶴。天寒多顏苦。妍容逐丹壑。絲胃本集作係胃。千里心。獨宿乏然諾。歲暮美人還。寒壺與誰酌。○本集八。詩
紀五十二。

在江陵歎年傷老詩

五難未易夷。三命戒淵抱。方瞳起松髓。頰髮疑桂腦。役生良自休。大患安足保。開簾窺景夕。備屬雲物
好。翾翾燕弄風。嫋嫋柳垂道。池瀆亂蘋萍。園榦美花草。節如驚灰異。零落就衰老。○本集七。詩紀五十二。

夜聽妓詩二首

夜來坐幾時。銀漢傾露落。澄滄入閨景。葳蕤被園藿。絲管感暮情。哀音遶梁作。芳盛不可恆。及歲共爲樂。天明坐當散。琴酒駛弦酌。○本集七。

蘭膏消耗夜轉多。亂筵雜坐更弦歌。傾情逐節寧不苦。特爲盛年惜容華。○同上

翫月城西門解中詩

解字李善本文選作解。

始見六臣本文選作出。注云。善作見。詩紀云。一作出。西南樓。織初學記作織。誤。織如玉鈎。末本集作未。六臣本文選、御覽同。映東初學記作西。事類賦同。北墀。娟娟似蛾。玉臺作娥。下同。眉。蛾眉蔽珠櫳。玉臺作籠。玉鈎隔事類賦作映。瑣玉臺作綺。事類賦同。御覽作環。詩紀作瑣。窗。三五二八時。千里與君同。夜移衡漢落。徘徊帷本集作入。六臣本文選注云。五臣作入。事類賦作庭。幌本集作戶。文選、御覽、事類賦同。玉臺作橫。中。歸長慶集作離。華先委露。別葉早。長慶集作乍。辭風。客遊厭苦辛。玉臺作辛苦。仕子倦飄塵。休澣自公日。宴玉臺作晏。慰及私辰。蜀琴抽玉臺作摛。白雪。郢曲發玉臺作繞。六臣本文選注云。五臣作繞。陽春。銷乾酒未闕。玉臺作缺。文選同。六臣本注云。五臣作闕。金壺啟夕淪。玉臺作輪。迴軒駐輕蓋。留酌待情人。○本集七。文選三十。玉臺新詠四作翫月城西城。詩紀五十二。又類聚一作翫月詩。引窗、同、中三韻。初學記一作鮑照詩。引樓、鈞、墀、眉四韻。御覽四、事類賦四並作翫月詩。引鈞、眉、窗、同、中五韻。

喜雨詩奉敕作。

營社達羣陰。屯雲類聚作官。揜類聚作掩。積陽。河井起龍蒸。日魄斂游光。族雲飛泉室。震風沈羽鄉。升秀泱地維。傾潤瀉天潢。平灑周海嶽。曲潦溢川莊。驚雷鳴桂渚。迴涓流玉堂。珍類聚誤作彌。木抽翠條。炎卉濯類聚作耀。詩紀作擢。朱芳。關市欣九賦。京廩開萬箱。無謝堯爲君。何用知柏皇。本集作篁。○本集六。詩紀五十一。又類聚二引陽、鄉、潢、芳、箱五韻。

苦雨詩

連陰積澆灌。滂沱下霖亂。沈雲日夕昏。驟雨望類聚作淫。朝旦。蹊溇走獸稀。類聚作希。林類聚作枝。寒鳥飛晏。密霧冥下溪。聚雲屯高岸。野雀無所依。羣雞聚空館。川梁日已廣。懷人邈渺漫。徒酌相思酒。空急促明彈。○本集八。詩紀五十二。又類聚二引亂、旦、晏、岸四韻。

詠白雪詩

白珪誠自白。不如雪光妍。工隨物動氣。當作氣。能逐勢方圓。無妨玉顏媚。不奪素繒鮮。投心障苦節。隱跡避榮年。蘭焚石既斷。何用恃芳堅。○本集八。詩紀五十二。

三日詩

氣暄動思心。柳青起春懷。時豔憐花藥。服歲時雜詠作眼。淨悅本集作倦。詩紀同。登臺。提觴野中飲。愛心歲時雜詠作心愛。詩紀云。一作心愛。煙未開。露色染歲時雜詠作露。春草。泉源潔冰苔。泥泥歲時雜詠作危危。濡露條。嫋嫋承風栽。歲時雜詠作栽。鳧雛掇歲時雜詠作掇。苦薺。黃鳥銜歲時雜詠誤作御。櫻梅。解衿欣景預。臨流競覆杯。美人竟何在。浮心空自摧。○本集八。古今歲時雜詠十六。詩紀五十二。

詠秋詩

秋蘭徒晚綠。流風漸不親。飄我垂思幕。本集作暮。驚此梁上塵。沈陰安可久。豐景將遂淪。何由忽靈化。暫見別離人。○本集八。詩紀五十二。

秋夕詩

慮涕擁心用。夜默發思機。幽閨溢涼吹。閒庭滿清暉。紫蘭花已歇。青梧葉方稀。江上淒海戾。漢曲驚朔霏。髮斑悟壯晚。物謝知歲微。臨宵嗟獨對。撫賞怨情違。躊躇空明月。惆悵徒深帷。○本集八。詩紀五十二。

秋夜詩二首

夜久膏既竭。啓明日未央。環情倦始復。空閨本集作闌。注云。一作闌。詩紀云。一作闌。起晨裝。幸承天光轉。曲影

本集作景。人幽堂。徘徊集通隙。宛轉燭迴梁。帷風自卷舒。簾露視成行。歲役急窮晏。生慮備溫涼。絲紈夙染濯。綿綿夜裁張。冬雪旦夕至。公子乏衣裳。華心愛零落。非直惜容光。願君翦衆念。且共覆前觴。○本集五。詩紀五十二。

遁跡避紛喧。貨本集作質。農棲寂寞。荒徑馳野鼠。空庭聚山雀。既遠人世歡。還賴泉卉樂。折柳樊場圃。負綆汲潭壑。霽旦見雲峯。風夜聞海鶴。江介早寒來。白露先秋落。麻壘方結葉。瓜田已掃籜。傾暉本集作揮。忽西下。迴景思華幕。攀蘿席中軒。臨觴不能酌。終古自多恨。幽悲共淪鑠。○同上

和王護軍秋夕詩

散漫秋雲遠。蕭蕭霜月寒。驚颿御覽作風。西北起。孤鴈夜往還。開軒當戶牖。取琴試一彈。停歌不能和。終曲久辛酸。金氣方勁殺。隆御覽作降。陽微且單。御覽作殫。泉涸甘井竭。節徙芳歲殘。生事各多少。誰共知易難。投章心蘊結。本集、詩紀原缺結字。今從萬曆本詩紀。千里途輕紈。願託孤老暇。觴思暫開餐。○本集八。詩紀五十二。又御覽二十五引寒、還、殫、殘四韻。

和王義興七夕詩

宵月向掩扉。夜霧方當白。寒機思孀婦。秋堂泣征客。匹命無單年。偶影有雙夕。暫交金石心。須臾雲雨隔。○本集八。古今歲時雜詠二十五。詩紀五十二。

冬至詩

舟遷莊甚笑。水流孔急歎。本集作難。歲時雜詠同。景移風度改。日至晷迴初學記作遷。歲時雜詠、御覽同。換。眇眇負霜本集作雪。鶴。皎皎帶雲本集作霜。鴈。長河結御覽作夜。珊瑚。本集作蘭紆。歲時雜詠同。御覽作闌干。萬花谷同。層冰類聚誤作水。如玉岸。萬花谷誤作炭。哀哀古老容。慘顏愁歲晏。御覽誤作暮。催促時節歲時雜詠作好。過。逼迫聚離散。美人還未央。鳴箏誰與彈。○本集八。古今歲時雜詠三十九。詩紀五十二。又類聚三引換、雁、岸三韻。初學記四引換、雁二韻。御覽二十八引換、雁、岸、暮四韻。萬花谷四引炭一韻。

冬日詩

嚴雲詩紀作風。亂山起。歲華紀麗作起亂山。白日欲還次。曛類聚作重。霧蔽窮天。夕陰晦寒地。煙霾有氛氲。精光無明異。風急野田空。飢禽稍相棄。含生共通閉。懷賢孰詩紀作敦。爲利。天規詩紀作窺。苟平圓。寧得已偏媚。瀚本集作寫。萬花谷作澣。詩紀作瀉。海有歸潮。衰容不還稚。類聚作穉。君今類聚作令君。萬花谷同。初學記作今君。且安萬花谷作高。歌。無念老方類聚作將。至。○本集六。詩紀五十二。又類聚三引次、地、穉、至四韻。初學記三引次、地、穉、至四韻。歲華紀麗四引次一韻。萬花谷後二作鮑照詩。引次、地、穉、至四韻。

望水詩

刷鬢垂秋日。登高觀水長。千澗無別源。萬壑共一廣。流駛本集作缺。巨石轉。湍迴急沫上。若若嶺岸高。照

照寒洲爽。東歸難付側。日逝本集、詩紀並作世。今從萬曆本詩紀。誰與賞。臨川憶古事。目孱千載想。河伯自矜大。海若沈渺莽。○本集八。詩紀五十二。

望孤石詩

江南多暖谷。雜樹茂寒峯。朱華抱白雪。陽條熙朔風。蚌節流綺本集作騎。藻輝石亂煙虹。泄雲去無極。馳波往不窮。嘯歌清漏畢。徘徊朝景終。浮生會當幾。歡酌每盈衷。○本集七。詩紀五十二。

山行見孤桐詩

桐生叢石類聚作叢谷。裏根孤地寒陰。上倚崩岸勢。下帶洞阿深。奔泉冬激射。霧雨夏霖浮。未霜葉已肅。不風條自吟。昏明積苦思。晝夜叫哀禽。棄妾望掩淚。逐臣對撫心。雖以慰單危。悲涼不可任。幸類聚作不願見雕斲。爲君堂上琴。○本集六。詩紀五十二。又類聚八十八引陰、吟、琴三韻。

詠雙燕詩二首

雙燕戲雲崖。羽翰玉臺作翮。類聚同。始差池。出入南閨裏。經過北堂陲。玉臺作垂。意欲巢君幕。層楹不可窺。沈吟芳歲晚。徘徊韶景移。悲歌辭舊愛。銜淚覓新類聚作所。知。○本集五。玉臺新詠四作詠燕。類聚九十二。詩紀五十二。

可憐雲中燕。且去暮來歸。自知羽翅弱。不與鵠爭飛。寄聲謝飛鵠。往事子毛衣。瑣心誠貧薄。叵吝節榮衰。陰山饒苦霧。危節多勁威。豈但避霜雪。當本集、詩紀並云。一作復。傲野人機。○本集五。詩紀五十二。

酒後詩

晨節無兩淹。年意不俱處。自非羽酌歡。何用慰愁旅。○本集七。詩紀五十二。

講易詩

雲澤翔羽姬。橫蓋招益人。賁園無金尚。履道易書紳。○本集七。詩紀五十二。

可愛詩

風帷閃本集作關。珠帶。月幌垂霧羅。魏粲縫秋裳。趙豔習春歌。○本集七。詩紀五十二。

夜聽聲詩

辭鄉不覺遠。歡寡憂自繁。何用慰秋望。清燭視夜翻。○本集七。詩紀五十二。

在荊州與張使君李居士聯句

橋磴支吾轍。篁路拂輕鞍。三尹無喜色。一適或垂竿。○本集七。詩紀五十二。

與謝尚書莊三連句

霞輝兮澗朗。日靜兮川澄。風輕桃欲開。露重蘭未勝。水光溢兮松霧動。山煙疊兮石露凝。掩映晨物綵。連綿夕羽興。○本集七。詩紀五十二。

月下登樓連句

鬢髮蘿本集作拂。月光。繽紛篁霧陰。樂來亂憂念。酒至歇憂心。鮑博士露人覺牖高。螢蜚本集作芳深。測苑深。清氣澄永夜。流吹不可臨。王延秀密峯集浮碧。疏瀾道瀛尋。本集作潯。嗽玉延幽性。攀本集作扳。桂藉知音。荀原之辰意事淪晦。良歡戒勿侵。昭景有遺本集作遺。駟。疏賈無留金。荀中書萬秋○本集七。詩紀五十二。

字謎三首

二本集作一。類聚同。形一體。四支八頭。四八一八。飛泉仰流。井○本集七。類聚五十六。詩紀五十二。
頭如刀。尾如鈎。中央橫廣。四角六抽。右面負兩刃。左邊雙屬牛。龜○同上
乾之一九。隻類聚作從。立無偶。坤類聚作《。之二六。宛然雙宿。土○同上

贈顧墨曹詩

昏明易遠。離會難揆。雲轍類聚作撤。泉分。西臚東軌。○類聚三十一。詩紀五十二。

擬古詩

中坐溢朱組。步欄筵瓊弁。禮登佇眷情。樂闋延皇眄。○韻補四。

詩

豎儒守一經。未足識行藏。○南史吉士瞻傳。

鮑令暉

令暉。鮑照妹。

擬青青河畔草詩

裊裊臨窗竹。藹藹垂門桐。灼灼青軒女。泠泠高堂玉臺作臺。詩紀云。一作臺。中。明志逸秋霜。玉顏掩玉臺作臺。
春紅。人生誰不別。恨君早從戎。鳴絃慚夜月。紺黛羞春風。○玉臺新詠四。詩紀五十四。

擬客從遠方來詩

客從遠方來。贈我漆鳴琴。木有相思文。絃有別離音。終身執此調。歲寒不改心。願作陽春曲。宮商長相

尋。○玉臺新詠四。廣文選十五。詩紀五十四。

代葛沙門妻郭小玉作詩二首

明月何皎皎。垂幌玉臺作橫。照羅茵。若共相思夜。知同憂怨晨。芳華豈矜貌。霜露不憐人。君非青雲逝。飄跡事成秦。妾持一生淚。經秋復度春。○玉臺新詠四。詩紀五十四。

君子將遙玉臺作徯。役。遺我雙題錦。臨當欲去時。復留相思枕。題用常著心。枕以憶同寢。行行日已遠。轉覺思彌甚。○同上

題書後寄行人詩

自君之出矣。臨軒不解顏。砧杵夜不發。高門晝恒玉臺作常。文苑作恒晝。注云。一作晝恒。關。帳文苑作幃。注云。一作帷。樂府作帷。中流文苑作浮。注云。一作帳中流。熠燿。玉臺作燿。文苑。詩紀同。庭前華紫蘭。物詩紀作楊。枯識節異。鴻來文苑作歸。樂府。詩紀同。知客寒。遊用樂府作取。暮冬。文苑作秋。樂府作春。盡。除春文苑作餘思。詩紀同。待君文苑作春。注云。一作思。還。詩紀云。樂府作遊取暮春盡。餘思待君還。○玉臺新詠四。又文苑英華二百二。樂府詩集六十九並作自君之出矣。詩紀五十四。又類聚三十一引顏、關、蘭、寒四韻。

寄行人詩

桂吐兩三枝。蘭開四五葉。是時君不歸。春風徒笑妾。○類聚三十一。詩紀五十四。

古意贈今人詩

寒鄉無異服。衣氈詩紀作氈。代文練。日月望君歸。年年不解綖。類聚作線。詩紀同。荆揚春早和。幽冀猶霜霰。北類聚作地。樂府同。寒妾已知。南心君不見。誰爲道辛苦。寄情雙飛燕。形迫杼煎絲。顏落風催電。容華一朝盡。詩紀作改。惟餘心不變。○玉臺新詠四。詩紀五十四。又類聚四十二。樂府詩集六十並作吳邁遠秋風曲。引練、線、霰、見四韻。



宋詩卷十

王素

素。字休業。琅邪臨沂人。初爲廬陵王國侍郎。泰始中。徵太子中舍人。不就。七年卒。年五十四。有集十六卷。

學阮步兵體詩

沈情發遐慮。紆鬱懷所思。髣髴聞簫管。鳴鳳接羸姬。聯綿共雲翼。嫵婉相攜持。寄言芳華士。寵利不常期。涇渭分清濁。視彼谷風詩。○玉臺新詠四。詩紀五十三。

吳邁遠

邁遠。曾任江州從事。好爲篇章。宋明帝聞而召之。及見。曰。此人聯絕之外。無所復有。好自誇而嗤鄙他人。每作詩得稱意語。輒擲地呼曰。曹子建何足數哉。宋元徽二年。坐桂陽之亂誅死。有集八卷。

飛來雙白鵠

可憐雙白鵠。文苑作鶴。雙雙絕塵氛。連翩弄光景。交頸遊文苑。作想。注云。一作遊。青雲。逢羅復逢繳。雌雄一旦分。哀聲流海曲。廣文選作內。孤叫出樂府作去。廣文選作絕。詩紀云。一作絕。江濱。豈不慕前侶。爲爾不及羣。步步一零淚。千里猶待君。樂哉新相知。悲來玉臺作矣。廣文選作哉。生詩紀作新。別離。持玉臺作恃。此百年命。共逐寸陰移。譬如空山草。零落心自知。○玉臺新詠四。文苑英華二百六作飛來雙白鶴。樂府詩集三十九。廣文選十四作雙鵠篇。詩紀五十三。

權歌行

十三爲漢使。孤劍出阜蘭。西南窮天險。東北畢地關。岷山高以峻。燕水清且寒。一去千里孤。邊馬何時還。遙望烟嶂外。障萬曆本詩紀作瘴。氣鬱雲端。始知身死處。平生從此殘。○樂府詩集四十。廣文選十四。詩紀五十三。

陽春歌

百里望咸陽。知是帝京城。廣文選作邑。詩紀同。文苑云。一作國。綠樹搖雲光。春城起風色。佳人愛華景。玉臺作景華。廣文選同。流靡園塘側。妍姿豔月映。羅衣飄蟬翼。宋玉歌陽春。巴人長歎息。雅鄭不同賞。那令君愴惻。

生平重愛惠。類聚作生重愛惠輕。文苑同。又注。愛一作受。樂府作生重受惠輕。私自憐何極。○玉臺新詠四作陽春曲。文苑英華百九十三。樂府詩集五十一。廣文選十四。詩紀五十三。又類聚四十二作陽春曲。引色、側、息、極四韵。

胡笳曲

輕命重意氣。古來豈但今。緩頰獻一說。揚眉受千金。邊風落寒草。鳴笳墜飛禽。越情結楚思。漢耳聽胡音。既懷離俗傷。復悲朝光侵。日當故鄉沒。遙見浮雲陰。○類聚四十二。樂府詩集五十九。詩紀五十三。

長相思

晨有行路類聚作遠道。客。依依造門端。人馬風塵色。知從河類聚作關。廣文選作何。塞還。時我有同棲。結宦遊邯鄲。將不異客子。分飢復共寒。煩君尺帛類聚作錦。書。寸心從此殫。玉臺作單。遣類聚作道。詩紀云。玉臺作道。妾長憔悴。豈類聚作無。復歌笑顏。簷類聚作欄。隱千霜樹。庭枯十載蘭。經春不舉袖。秋落寧復看。一見願道意。君門已九關。虞卿棄相印。擔簦詩紀云。玉臺作笠。爲同歡。閨陰欲早霜。何事空盤桓。○玉臺新詠四。樂府詩集六十九。廣文選十四。詩紀五十三。又類聚四十二作長相思詩。引端、還、殫、顏、蘭、看六韵。

長別離

生離不可聞。況復長相思。如何與君別。當我盛樂府作少。廣文選同。年時。蕙華每搖蕩。妾心空文苑、樂府作長。

並注云。一作空。廣文選作長。自持。榮乏草木歡。悴極文苑作劇。霜露悲。富貴貌樂府云。一作身。難變。文苑作老。注云。一作難變。玉臺作身難老。貧賤顏玉臺作年。易衰。持此斷君腸。君亦宜詩紀作且。注云。一作宜。自疑。淮陰有逸將。折樂府作折。廣文選誤作折。翻文苑作羽。樂府、廣文選同。謝翻文苑作不曾。樂府、廣文選同。飛。楚有玉臺作亦。扛鼎士。出門不得歸。正爲隆準公。仗劍入紫微。君才定何如。文苑作如何。白日下爭暉。○玉臺新詠四。文苑英華二百二。樂府詩集七十二。廣文選十四。詩紀五十三。又類聚四十二作長離別詩。引思、時、持三韻。

杞梁妻

燈竭從初明。蘭凋猶廣文選作由。早薰。扼腕非一代。千載炳遺文。貞夫淪莒役。杜弔結齊君。驚心眩白日。長洲崩秋雲。精微貫穹旻。高城爲隕墳。行人既迷徑。飛鳥亦失羣。壯哉金石軀。出門形影分。一隨塵壤消。聲譽誰共論。○樂府詩集七十三。廣文選十四。詩紀五十三。

楚朝曲

白雲縈藹荆山阿。洞庭縱橫日生詩紀云。一作生白。波。幽芳遠客悲如何。繡被掩口越人歌。壯年流瞻襄成和。清貞空情感電過。初同末異憂愁多。窮巷惻愴沈汨羅。延思萬里挂長河。翻驚漢陰動湘娥。○樂府詩集五十八。詩紀五十三。

秋風曲

寒鄉無異服。衣氈詩紀作氈褐。代文練。月月望君歸。年年不解綰。類聚作線。樂府同。荆揚春早和。幽冀猶霜霰。北類聚作地。樂府同。寒妾已知。南心君不見。誰爲道辛苦。寄情雙飛燕。形迫杼煎絲。顏落風催電。容華一朝盡。詩紀作改。唯餘心不變。○玉臺新詠四作鮑令暉古意贈今人。詩紀五十三作古意贈今人。又類聚四十二、樂府詩集六十並引練、線、霰、見四韻。

遊廬山觀道士石室詩

詩紀云。詩彙作江總者非。

蒙茸衆山裏。往來行跡稀。尋嶺達仙居。道士披雲歸。似著南康府志作。周時冠。狀披漢時衣。安知世代積。服古人不衰。得我宿昔情。知我道無爲。○類聚六十四。南康府志。詩紀五十三。

臨終詩

傷歌入松路。斗酒望青山。誰非一丘土。參差前後間。○初學記十四。詩紀五十三。

徐爰

爰。字長玉。初名瑗。南琅邪開陽人。仕晉爲琅邪王大司馬府中典軍。宋元嘉中。累遷殿中侍御史。孝建初。補尚書水部郎。轉殿中郎、尚書右丞。遷左丞。大明中。領著作郎。泰始初。領長水校尉兼尚書左丞。後廢帝卽位。爲南濟陰太守、中散大夫。元徽三年卒。年八十二。有宋書六十五卷、集

十卷。

華林北澗詩

總長潭兮括遠源。下沈溜兮起輕泉。迴溪浚兮曲沼阻。衝波激兮瀨淺淺。貫九谷兮積靈芝。飛清濤兮潔澄連。詩紀云。一作川。○類聚九、詩紀五十四並作徐謨。

詠牛女詩

結綵彪天路。頽芳菲靈臺。○初學記四。

袁粲

粲。字景倩。淑兄子。孝武卽位。遷尚書吏部郎、太子右衛率。歷任侍中、吏部尚書、司徒左長史、南東海太守、尚書僕射、中書監。順帝昇明元年。爲蕭道成所害。

五言詩

南史曰。粲負才尚氣。愛好虛遠。雖位任隆重。不以事務經懷。嘗作五言詩言云云。蓋其志也。訪跡雖中宇。循寄乃滄洲。○南史本傳。

劉侯

侯。彭城人。

詩

南史曰。侯。彥節子也。嘗賦詩云云。後彥節與袁粲謀誅齊高帝。不尅死。侯亦被害。

城上草。植根非不高。所恨風霜早。○南史長沙景王道憐傳。詩紀五十四。

卞彬

彬。字士蔚。濟陰冤勾人。仕宋爲西曹主簿、奉朝請、員外郎。

自爲童謠

南齊書曰。宋元徽末。四貴輔政。彬謂太祖曰。外間童謠云云。公頗聞不。時王蘊居父憂。與袁粲同死。故念尸著服也。服者。衣也。褚字邊衣也。孝除子以代日者。謂褚淵也。列管。簫也。彬退。太祖笑曰。彬自作此。

可憐可念尸著服。孝子不在日代哭。列簫暫鳴死列族。○南齊書本傳。

任豫

雪詩

寒鴛響雲。書鈔作雪。嘯。悲鴻哀。文選注作竟。夜號。箕颰振地作。畢陰駭曾高。○書鈔百五十六。又文選二十二宿東園詩。注作任預。引嗽一韻。

夏潦省宅詩

風棹出天街。星言指沈室。頓楫俄毀垣。惻然悼窮陌。春爲發大道。夏爲激潮拆。貴者陋懷居。鄙人安朝夕。生長數十載。幸祐見衰白。堂遺孤孩音。庭餘筭甃跡。人似聚族慰。出爲里仁惜。○類聚六十四作梁任豫。

袁伯文

伯文爲中書郎。有集十一卷。

楚妃歎

玉墀滴淒露。羅幌已依霜。逢春每先絕。爭秋欲幾芳。○樂府詩集二十九。詩紀五十四。

述山貧詩

傭滌倦間閤。耕牧憊松丘。製荷依露壑。舉若逗霜洲。鬢垂驚年素。膚耗盈帶憂。幸有深棲性。幽山可以留。○初學記十八。詩紀五十四。

湛茂之

茂之爲司徒左長史。

歷山草堂應教

南平王鑠有過歷山湛長史草堂詩。

閉戶守玄漠。無復車馬跡。衰廢歸丘樊。歲寒見松柏。身慚睢陽老。名忝梁園客。習隱非朝市。追常在山澤。離離插天樹。磊磊間雲石。持此怡一生。傷哉詩話作感。駒度隙。○古詩類苑十一。詩紀五十四。升菴詩話作湛方生酬南平王。又全唐詩丘丹經湛長史草堂詩序引栢一韻。

賀道慶

道慶。會稽山陰人。

離合詩

促席宴閒夜。足歡不覺疲。詠歌無餘願。永言終在斯。信○類聚五十六。詩紀五十四。

王歆之

歆之。字叔道。河東人。曾祖愆期。有名晉世。官至南蠻校尉。歆之位至左民尚書光祿大夫。卒官。

效孫皓爾汝歌

南史曰。河東王歆之。嘗爲南康劉邕相。素輕邕。後歆之與邕俱與元會並坐。邕謂歆之曰。卿昔見臣。今能見勸一杯酒否。歆之因效孫皓歌答之。

昔爲汝作臣。今與御覽作爲。汝比肩。既不勸汝酒。亦不願汝年。○宋書劉穆之傳。南史劉穆之傳。御覽八百四十六。詩紀五十四。

蕭璟

貧士詩

四時迭來往。苦辛隨事迫。三冬泣牛衣。初學記作被。五月披裘客。遲遲春日永。憂來安所適。季秋授衣節。

荷裳竟不易。班超棄筆硯。婁敬脫挽輓。雖云丈夫志。終涉自媒跡。賢哉顏氏子。飲水常怡懌。○初學記十八。詩紀五十四。

張公庭

春遊詩

勾芒御春正。衡紀運玉瓊。明庶起祥春。和氣翕來征。慶雲蔭八極。甘雨潤四垌。昊天降靈澤。朝日耀華精。嘉苗布原野。百卉敷時榮。鳩鵲與鷺黃。間關相和鳴。葦萍覆靈沼。香花揚芳馨。春遊誠可樂。感此白日傾。休否有終極。落葉思本莖。臨川悲遊者。節變動中情。○廣文選九。

漁父

答孫緬歌

南史曰。漁父者。不知姓名。亦不知何許人。太康。孫緬爲潯陽太守。落日逍遙渚際。見一輕舟凌波隱顯。俄而漁父至。神韻蕭灑。垂綸長嘯。緬甚異之。褰裳涉水與之論用世之道。漁父曰。僕山海狂人。不達世務。未辨賤貧。無論榮貴。乃歌云云。於是悠然鼓棹而去。

竹竿籊籊。河水澈澈。南史作悠悠。御覽同。相忘爲樂。貪餌吞鈎。非夷非惠。聊以忘憂。○南史孫緬傳。御覽五百五、八百三十四引宋書。詩紀五十四。

雜歌謠辭諺語附

時人爲檀道濟歌

南史曰。檀道濟有威名。爲敵所畏。宋王疑而殺之。時人哀而作歌曰。
可憐白浮鳩。枉殺檀江州。○南史檀道濟傳。詩紀五十五作宋人歌。

時人爲檀道濟歌

異苑曰。檀道濟元嘉中鎮尋陽。十二年入朝。與家分別。顧瞻城闕。歎歎愈深。識者是知道濟之不南旋也。故時人
爲其歌曰。

生人作死別。荼毒當奈何。○御覽八百八十五。

讀曲歌

宋書曰。讀曲歌者。民間爲彭城王義康所作也。其歌云。

死罪劉領軍。誤殺劉第四。○宋書樂志。樂府詩集四十六。

劉敬叔引詩

異苑曰。朱文繡與羅子鍾爲友。俱仕於梁。繡既死。鍾哀哭之。其夜俱亡。梁南七里。有雞山。葬繡於其中。北九里有雉澗。埋鍾於其內。繡神靈變爲雞。鍾魂魄化爲雉。清鳴哀響。來往不絕。故詩云。

雞山別飛響。雉澗和清音。○御覽九百十八。

民間爲謝靈運謠

宋書曰。陳郡謝靈運。每出入。自扶接者常數人。民間謠曰云云。此蓋不肅之咎。後坐誅。

四人挈衣裙。三人捉坐席。○宋書五行志。

元嘉中魏地童謠

南史曰。宋元嘉二十七年。魏太武帝圍汝南戍。文帝遣臧質北救。至盱眙。太武已過淮。自廣陵返攻盱眙。就質求酒。質封溲便與之。且報書云。不聞童謠言邪。虜馬飲江水。佛狸死卯年。冥期使然。非復人事。爾智識及衆豈能勝苻堅邪。頃年展爾陸梁者。是爾未飲江。太歲未卯耳。時魏地有童謠。故質引之云。

輶車北來如穿雉。不意虜馬飲江水。虜主北歸石濟死。虜欲渡江天不徙。○宋書臧質傳。南史臧質傳。詩紀五十五。

臧質引童謠

虜馬渡江水。佛狸死卯年。○宋書臧質傳。

元嘉末童謠

高僧傳曰。曇爽立寺。名新亭精舍。後孝武帝南下伐凶。鑿旆至此寺。及登禪。復幸禪堂。故元嘉末童謠云云。乃禪堂之謂。故中興禪房猶有龍飛殿焉。

錢唐出天子。○高僧傳竺法義傳。○逮案。宋書符瑞志云。元嘉中謠言錢唐當出天子。與此小異。今以僧傳爲主。

民間爲奚顯度謠

南史曰。大明中。有奚顯度者爲員外散騎侍郎。孝武嘗使主領人功。而苛虐無道。動加捶撻。暑雨寒雪。不聽暫休。人不堪命。時建康縣考囚。或用方材壓額及踝脛。故民間有此謠。又相戲曰。勿反顧。付奚度。其暴酷如此。

寧得建康壓額。不能受奚度拍。○宋書戴法興傳。南史戴明寶傳。詩紀五十五作大明中謠。

泰始中童謠

南齊書曰。宋泰始中童謠云云云。故明帝殺建安王休仁。蘇侃云。後順帝自東城卽位。論者謂應之。乃是武進縣上所居東城里也。

東城出天子。南史作天子出。○南齊書祥瑞志。南史齊高帝紀。

永光初謠言

宋書曰。前廢帝永光初。又謠言云云。幼主欲南幸湘川以厭之。既而湘東王卽尊位。是爲明帝。
湘州御覽作中。出天子。○南書符瑞志。御覽一百二十八。

元徽中童謠

齊書曰。元徽中童謠。後沈攸之反。雍州刺史張敬兒襲江陵。殺攸之子元瑱等。
襄陽白銅蹄。郎殺荊州兒。○南齊書五行志。詩紀五十五。

東陽爲釋慧約謠

高僧傳曰。釋慧約姓婁氏。年二十始遊於剡。遠會素心。多究經典。故東陽謠曰。
少達妙理婁居士。○高僧傳釋慧約傳。

時人爲劉劭劉駿語

魏書曰。義隆太子劭及始興王休明等斬義隆。劭弟駿討之。擒劭、休明並梟首大桁。男女一皆從戮。時人爲之語曰。
遙望建康城。江水逆流縈。前見子殺父。後見弟殺兄。○魏書島夷劉義隆傳。

麥城俗諺

寰宇記曰。麥城東有驢城。沮水之西有磨城。犄角麥城。昔伍子胥造此二城以攻麥城。假驢磨之名。俗諺云。

東驢西磨。麥城自寰字記無自字。破。○水經注沮水注。寰字記百四十六。

顏延之引諺

宋書曰。延之爲庭誥之文曰。富厚貧薄。事之懸也。諺曰。

富則盛。貧則病。○宋書顏延之傳。

清溪諺

異苑曰。檀道濟居青溪。第二兒夜忽見人來縛己。欲呼不得。至曉乃解。猶見繩痕。先是吳將步闡所居。諺云云云。

青溪。青揚是也。自步及檀。皆被誅。

揚州青。是鬼營。○太平廣記三百二十四。

釋慧通引諺

弘明集曰。釋慧通駁顧道士夷夏論曰。諺曰。

指南爲北。自謂不惑。指西爲東。自謂不蒙。○弘明集七。

時人爲丁旡語

宋書武帝紀曰。諸葛長民貪淫驕縱。帝每優容之。劉毅既誅。長民懼禍。及將謀作亂。帝自江陵還。長民到門。引前

却人閒語。帝已密命左右丁昨自幔後於坐拉焉。死牀側。輿屍付廷尉。昨驍勇有力。時人語曰。勿跋扈。付丁昨。○宋書武帝紀。御覽四百九十五。詩紀五十五作跋扈。

南豫州軍士爲王玄謨宗越語

宋書曰。玄謨性嚴尅少恩。而將軍宗越御下更苛酷。軍士爲之語曰。

寧作五御覽或無五字。年徒。不逢南史作逐。御覽、詩紀同。王御覽或無王字。玄謨。玄謨猶御覽無猶字。尚宋書作自。可。宗越更御覽無更字。殺我。○宋書王玄謨傳。宋書宗越傳。南史宗越傳。御覽四百九十二。詩紀五十五作將士謠。又四百九十五引前兩句。

鼓山俗語

宋永初古今山川記曰。鼓山有石鼓形二所。南北相當。俗語云。

南鼓北鼓。相去十五。○寰宇記五十六。

京邑爲何勗孟靈休語

宋書曰。時安成公何勗。无忌之子也。臨汝公孟靈休。昶之子也。並各奢豪。與湛之共以餽膳器服車馬相尚。京邑爲之語曰。

安成食。臨汝飾。○宋書徐湛之傳。

時人爲王延之王僧虔語

南齊書曰。齊高帝輔政。朝野之情。人懷彼此。延之與尚書令王僧虔中立無所去就。時人語曰云云。高帝以此善之。

二王居南齊書作持。平。不送不迎。○南齊書王延之傳。南史王延之傳。御覽二百十一。詩紀五十五作二王謠。

京師爲東安門場二寺僧語

宋書曰。慧嚴、慧義道人並在安東寺。學行精整。爲道俗所推。時門場寺多禪僧。京師爲之語曰。門場禪師窟。東安談義林。○宋書天竺傳。南史天竺傳。

時人爲胡母顥語

南史曰。宋明帝時。阮佃夫、楊運長、王道隆皆擅威權。言爲詔敕。郡守令長。一缺十除。內外混然。官以賄命。王阮家富於公室。中書舍人胡母顥專權。奏無不可。時人語云云。禾絹謂上也。

禾絹閉眼諾。胡母大張橐。○南史宋明帝紀。詩紀五十五作禾絹謠。

百姓爲袁粲褚彥回語

南史曰。袁粲謀舉兵誅齊高帝。褚淵發其謀。粲兵敗遇害。而淵獨輔政。于時百姓語曰。可憐石頭城。寧爲袁粲死。不作褚淵南史作彥回。生。○南史袁粲傳。詩紀五十五作石城謠。

齊宋以來民間語

南齊書曰。齊、宋以來民間語云云。明帝初。誅害蕃戚。京師危駭。

擾攘建武上。○南齊書五行志。

時人評八僧語


高僧傳曰。宋長安龍光寺有竺道生。本姓魏。鉅鹿人也。性廣機警。神氣清穆。初生與叡公及嚴觀同學齊名。故時人評曰。

生叡發天真。嚴觀窪流得。慧義彭亨進。寇淵千默塞。○高僧傳竺道生傳。

時人爲釋道經慧靜語

高僧傳曰。釋慧靜姓王。東阿人。容甚黑。而機悟清遠。時洛中有沙門道經。亦解邁當時。與慧靜齊名。而耳甚長大。故時人語曰。

洛下長大耳。東阿黑如墨。有問無不酬。有酬無不塞。○高僧傳慧靜傳。



宋詩卷十一

清商曲辭

古辭

詩紀云。清商曲古辭一卷。已入晉詩。其題解係宋人作者。別載於此。如碧玉歌。汝南王作。讀曲民間爲彭城王義康作。石城樂。臧質作。烏夜啼。臨川王義慶作。襄陽樂。隨王誕作。壽陽樂。南平穆王作。西烏夜飛。沈攸之作。今所傳辭類與本旨不同。蓋其題義雖各有所始。而詞或非其舊也。郭茂倩樂府題下不書名氏。左克明直作古辭。今各仍其舊云。齊詩倣此。

吳聲歌曲

碧玉歌三首

詩紀云。左克明作古辭。樂苑曰。碧玉歌者。宋汝南王之所作也。碧玉。汝南王妾名。以寵愛之甚。所以歌之。

碧玉破瓜時。郎爲情顛倒。芙蓉陵霜榮。秋容故尚好。○樂府詩集四十五。詩紀五十五。

碧玉小家女。不敢攀貴德。感郎千金意。慚無傾城色。○玉臺新詠十作孫綽情人碧玉歌。樂府詩集四十五。詩紀五十五。

碧玉小家女。不敢貴德攀。感郎意氣重。遂得結金蘭。○樂府詩集四十五。詩紀五十五。

華山畿二十五首

古今樂錄曰。華山畿者。宋少帝時懊惱一曲。亦變曲也。少帝時。南徐一士子從華山畿往雲陽。見客舍有女子。年十八九。悅之無因。遂感心疾。母問其故。具以啓母。母爲至華山尋訪。見女。具說。女聞感之。因脫蔽膝。令母密置其席下。卧之當已。少日果差。忽舉席。見蔽膝而抱持。遂吞食而死。氣欲絕。謂母曰。葬時車載從華山度。母從其意。比至女門。牛不肯前。打拍不動。女曰。且待須臾。妝點沐浴。既而出歌曰。華山畿。君既爲儂死。獨活爲誰施。歡若見憐時。棺木爲儂開。棺應聲開。女遂入棺。家人叩打。無如之何。乃合葬。呼曰神女冢。

華山畿。君既爲儂死。獨活樂府作生。詩紀云。一作生。爲誰施。歡若見憐時。棺木爲儂開。○樂府詩集四十六。詩紀五十五。

聞歡大養蠶。定得幾許絲。所得何足言。奈何黑瘦爲。○同上

夜相思。投壺不得樂府作停。箭。憶歡作嬌時。○同上

開門枕水渚。三刀治一魚。歷亂傷殺汝。○同上

未敢便相許。夜聞儂家論。不持儂與汝。○同上

懊惱不堪止。上牀解要繩。自經屏風裏。○同上

啼著曙。淚落枕將浮。身沈被流去。○同上

將懊惱。石闕晝夜題。碑淚常不燥。○同上

別後常相思。頓書千丈闕。題碑無罷時。○同上

奈何許。所歡不在間。嬌笑向誰緒。○同上

隔津歡。樂府作歡。牽牛語織女。離淚溢河漢。○同上

啼相憶。淚如漏刻水。晝夜流不息。○同上

著處多遇羅。的的往年少。豔情何能多。○同上

無故相然我。路絕行人斷。夜夜故望汝。○同上

一坐復一起。黃昏人定後。許時不來已。○同上

摩可濃。樂府作儂。巷巷相羅截。終當不置汝。○同上

不能久長離。中夜憶歡時。抱被空中啼。○同上

腹中如湯灌。肝腸寸寸斷。教儂底聊賴。○同上

相送勞勞渚。長江不應滿。是儂淚成許。○同上

奈何許。天下人何限。慊慊只爲汝。○同上

郎情難可道。歡行豆挾心。見荻多欲繞。○同上

松上蘿。願君如行雲。時時見經過。○同上

夜相思。風吹窗簾動。言是所歡來。○同上

長鳴雞。誰知儂念汝。獨向空中啼。○同上

腹中如亂絲。憤憤適得去。愁毒已復來。○同上

讀曲歌八十九首

宋書樂志曰。讀曲歌者。民間爲彭城王義康所作也。其歌云。死罪劉領軍。誤殺劉第四。是也。古今樂錄曰。讀曲歌者。元嘉十七年。袁后崩。百官不敢作聲歌。或因酒讌。止竊聲讀曲細吟而已。

花釵芙蓉髻。雙鬢如浮雲。春風不知著。好來動羅裙。○樂府詩集四十六。詩紀五十五。

念子情難有。已惡動羅裙。聽儂人懷不。○同上

紅藍與芙蓉。我色與歡敵。莫案石榴花。歷亂聽儂摘。○同上

千葉紅芙蓉。照灼綠水邊。餘花任郎摘。慎莫罷儂蓮。○同上

思歡久。不愛獨枝蓮。只惜同心藕。○同上

打壞木樓牀。誰能坐相思。三更書石闕。憶子夜啼碑。○同上

奈何不可言。朝看莫牛跡。知是宿蹄痕。○同上

娑拖何處歸。道逢播搭郎。口朱脫去盡。花釵復低昂。○同上

所歡子。蓮從胸上度。刺憶庭欲死。○同上

攬裳躩。跣把絲織履。故交白足露。○同上

上知所。所歡不見憐。憎狀從前度。○同上

思難忍。絡髻語猶樂府作酒。壺。倒寫儂頓盡。○同上

上樹摘桐花。何悟枝枯燥。迢迢空中落。遂爲梧子道。○同上

桐花特可憐。願天無霜雪。梧子解千年。○同上

柳樹得春風。一低復一昂。誰能空相憶。獨眠度三陽。○玉臺新詠十作獨曲。樂府詩集四十六。詩紀五十五。

折楊柳。百鳥園林啼。道歡不離口。○樂府詩集四十六。詩紀五十五。

縠衫兩袖裂。花釵鬢邊低。何處分別歸。西上古餘啼。○同上

所歡子。不與他人別。啼是憶郎耳。○同上

披被樹明燈。獨思誰能忍。欲知長寒夜。蘭燈傾壺盡。○同上

坐起歎汝好。願他甘叢香。傾筐人懷抱。○同上

通樂府作通。髮不可料。顛頰爲誰睹。欲知相憶時。但看裙帶緩幾許。○同上

憶歡不能食。徘徊三路間。樂府作問。因風覓消息。○同上

朝日光景開。從君良燕遊。願如卜者策。長與千歲龜。○同上

所歡子。問春花可憐。摘插補襦裏。○同上

芳萱初生時。知是無憂草。雙眉畫未成。那能就郎抱。○同上

百花鮮。誰能懷春日。獨人羅帳眠。○同上

聞歡得新儂。四支懊如垂。鳥散放行路。井中百翅不能飛。○同上

憐歡敢喚名。念歡不呼字。連喚歡復歡。兩誓不相棄。○同上
奈何許。石闕生口中。銜碑不得語。○同上

白門前。烏帽白帽來。白帽郎是儂。良不知烏帽郎是誰。○同上

初陽正二月。草木鬱青青。躡履步前園。時物感人情。○同上

青幡起御路。綠柳蔭馳道。歡贈玉樹筇。儂送千金寶。○同上

桃花落已盡。愁思猶未央。春風難期信。託情明月光。○同上

計約黃昏後。人斷猶未來。聞歡開方局。已復將誰期。○同上

自從別郎後。卧宿頭不舉。飛龍落藥店。骨出只爲汝。○同上

日光沒已盡。宿鳥縱橫飛。徙倚望行雲。躑躅待郎歸。○同上

百度不一回。千書信不歸。春風吹楊柳。華豔空徘徊。○同上

音信闊弦朔。方悟千里遙。朝霜語白日。知我爲歡消。○同上

合冥過藩來。向曉開門去。歡取身上好。不爲儂作慮。○同上

五鼓起開門。正見歡子度。何處宿行還。衣被有霜露。○同上

本自無此意。誰交郎舉前。視儂轉邁邁。不復來時言。○同上

自我別歡後。歎詩紀作歡。音不絕響。茱萸持捻泥。龔有殺子像。○同上

家貧近店肆。出入引長事。郎君不浮華。誰能呈實意。○同上

念日行不遇。道逢播搭郎。查滅衣服壞。白肉亦黯瘡。○同上
歔歔闇中啼。斜日照帳裏。無油何所苦。但使天明爾。○同上
黃絲呷素琴。泛彈弦不斷。百弄任郎作。唯莫廣陵散。○同上
思歡不得來。抱被空中語。月沒星不亮。持底明儂緒。○同上
詐我不出門。冥就他儂宿。鹿轉方相頭。丁倒欺人目。○同上
歡但且還去。遺信相參伺。契兒向高店。須臾儂自來。○同上
欲行一過心。誰我道相憐。摘菊持飲酒。浮華著口邊。○同上
語我不遊行。常常走巷路。敗橋語方相。欺儂那得度。○同上
闊面行負情。詐我言端的。畫背作天圖。子將負星曆。○同上
君行負憐事。那得厚相於。麻紙語三葛。我薄汝麤疏。○同上
黃天不滅解。甲夜曙星出。漏刻無心腸。復令五更畢。○同上
打殺長鳴雞。彈去烏白鳥。願得連冥不復曙。一年都一曉。○同上
空中人。住在高檣深閣裏。書信了不通。故使風往爾。○同上
儂心常慊慊。歡行由豫情。霧露隱芙蓉。見蓮詎分明。○同上
非歡獨慊慊。儂意亦驅驅。雙燈俱時盡。奈許兩無由。○同上
誰交彊纏綿。常持罷作慮。作生隱藕葉。蓮儂在何處。○同上

相憐兩樂事。黃作無趣怒。合散無黃連。此事復何苦。○同上
誰交疆纏綿。常持罷作意。走馬織懸簾。薄情奈當駛。○同上
執手與歡別。合會在何時。明燈照空局。悠然未有期。○同上
百憶却欲噫。兩眼常不燥。蕃師五鼓行。離儂何太早。○同上
含樂府作合。笑來向儂。一抱不能置。領後千里帶。那頓誰多媚。○同上
歡相憐。今去何時來。襦褌別去年。不忍見分題。○同上
歡相憐。題心共飲血。流樂府作梳。頭入黃泉。分作兩死計。○同上
嬌笑來向儂。一抱不能已。湖燥芙蓉萎。蓮汝藕欲死。○同上
歡心不相憐。慊苦竟何已。芙蓉腹裏萎。蓮汝從心起。○同上
下帷掩燈燭。明月照帳中。無油何所苦。但使天明儂。○同上
執手與歡別。欲去情不忍。餘光照已藩。坐見離日盡。○同上
種蓮長江邊。藕生黃蘗浦。必得蓮子時。流離經辛苦。○同上
人傳我不虛。實情明把納。芙蓉萬層生。蓮子信重沓。○同上
聞乖事難懷。況復臨別離。伏龜語石板。方作千歲碑。○同上
鈐盪與時競。不得尋傾慮。春風扇芳條。常念花落去。○同上
坐倚無精魂。使我生百慮。方局十七道。期會是何處。○同上

暫出白門前。楊柳可藏烏。歡作沈水香。儂作博山鑪。○同上○亦見楊叛兒曲。

十期九不果。常抱懷恨生。然燈不下炷。有油那得明。○同上

自從近日來。了不相尋博。竹簾補襠題。知子心情薄。○同上

下帷燈火盡。朗月照懷裏。無油何所苦。但今天明爾。○同上

近日蓮違期。不復尋博子。六籌翻雙魚。都成罷去已。○同上

一夕就郎宿。通夜語不息。黃蘖萬里路。道苦真無極。○同上

登店賣三葛。郎來買丈餘。合匹與郎去。誰解斷羸疏。○同上

儂亦粗經風。罷頓葛帳裏。敗許羸疏中。○同上

紫草生湖邊。悞落芙蓉裏。色分都未獲。空中染蓮子。○同上

閨閣斷信使。的的兩相憶。譬如水上影。分明不可得。○同上

逍遙待曉分。轉側聽更鼓。明月不應停。特爲相思苦。○同上

罷去四五年。相見論故情。殺荷不斷藕。蓮心已復生。○同上

辛苦一朝歡。須臾情易厭。行膝點芙蓉。深蓮非骨念。○同上

慊苦憶儂歡。書作後非是。五果林中度。見花多憶子。○同上

西曲歌

石城樂五曲

左云。古辭。唐書樂志曰。石城樂者。宋臧質所作也。石城在竟陵。質嘗爲竟陵郡。於城上眺矚。見羣少年歌謠通暢。因作此曲。古今樂錄曰。石城樂。舊舞十六人。

生長石城下。開窗玉臺作門。對城樓。城中諸少年。玉臺作美年少。出入見依投。

陽春百花生。摘插環髻前。挽指蹋忘愁。相與及盛年。

布帆百餘幅。環環在江津。執手雙淚落。何時見歡還。

大艚載三千。漸水丈五餘。水高不得渡。與歡合生居。

聞歡遠行去。相送方山亭。風吹黃蘗藩。惡聞苦籬樂府作離。聲。○樂府詩集四十七。詩紀五十五。又玉臺新詠十引第一曲。

莫愁樂二曲

唐書樂志曰。莫愁樂者。出於石城樂。石城有女子名莫愁。善歌謠。石城樂和中復有忘愁聲。因有此歌。古今樂錄曰。莫愁樂。亦云蠻樂。舊舞十六人。梁八人。樂府解題曰。古歌亦有莫愁洛陽女。與此不同。

莫愁在何處。莫愁石城西。艇子打兩槳。催送莫愁來。

聞歡下揚州。相送楚山頭。探手抱腰看。江水斷不流。○樂府詩集四十八。

烏夜啼八曲

左云。古辭。唐書樂志曰。烏夜啼者。宋臨川王義慶所作也。元嘉十七年。徙彭城王義康於豫章。義慶時爲江州。至鎮。相見而哭。文帝聞而怪之。徵還。慶大懼。伎妾夜聞烏夜啼聲。扣齋閣云。明日應有赦。其年更爲南兗州刺史。因此作歌。故其和云。夜夜望郎來。籠窗窗不開。今所傳歌。似非義慶本旨。古今樂錄曰。烏夜啼。舊舞十六人。○臨川王義慶。當作彭城王義康。

歌舞諸少年。玉臺作年少。娉婷無種迹。菖蒲花可憐。聞名不曾識。

長檣鐵鹿子。布帆阿那起。詫儂安在問。一去數千里。

辭家遠行去。儂歡獨離居。此日無啼音。裂帛作還書。

可憐烏白鳥。彊言知天曙。無故三更啼。歡子冒闇去。

烏生如欲飛。飛飛各自去。生離無安心。夜啼至天曙。

籠窻窻不開。蕩戶戶不動。歡下葳蕤籥。交儂那得往。

遠望千里煙。隱當在歡家。欲飛無兩翅。當奈獨思何。

巴陵三江口。蘆荻齊如麻。執手與歡別。痛切當奈何。○樂府詩集四十七。詩紀五十五。

襄陽樂九曲

左云。古辭。古今樂錄曰。襄陽樂者。宋隨王誕之所作也。誕始爲襄陽郡。元嘉二十六年。仍爲雍州刺史。夜聞諸女歌謠。因而作之。所以歌和中有襄陽來。夜樂之語也。舊舞十六人。梁八人。

朝發襄陽城。暮至大堤宿。大堤諸女兒。花豔驚郎目。

上水郎擔樂府作檣。篙。下水搖雙櫓。四角龍子幡。環環江當柱。

江陵三千三。西塞陌中央。但問相隨否。何計道里長。

人言襄陽樂。樂作非儂處。乘星冒風流。還儂揚州去。

爛漫女蘿草。結曲繞長松。三春雖同色。歲寒非處儂。

黃鵠參天飛。中道鬱徘徊。腹中車輪轉。歡今定憐誰。

揚州蒲鍛環。百錢兩三叢。不能買將還。空手攬抱儂。

女蘿自微薄。寄託長松表。何惜負霜死。貴得相纏繞。

惡見多情歡。罷儂不相語。莫作烏集林。忽如提儂去。○樂府詩集四十八。詩紀五十五。又玉臺新詠十引第一曲。

壽陽樂九曲

左云。古辭。古今樂錄曰。壽陽樂者。宋南平穆王爲豫州所作也。舊舞十六人。梁八人。○詩紀云。按其歌辭。蓋敘

傷別望歸之思。南平穆王卽劉鑠也。

可憐八公山。在壽陽。別後莫相忘。

東臺百餘尺。凌風雲。別後不忘君。

梁長曲水流。明如鏡。雙林與郎照。

辭家遠行去。空爲君。明知歲月駛。

籠窗取涼風。彈素琴。一歎復一吟。

夜相思。望不來。人樂我獨愁。

長淮何爛漫。路悠悠。得當樂忘憂。

上我長瀨橋。望歸路。秋風停欲度。

銜淚出傷門。壽陽去。必還當幾載。○樂府詩集四十九。詩紀五十五。

西烏夜飛五曲

左云。古辭。古今樂錄曰。西烏夜飛者。宋元徽五年。荊州刺史沈攸之所作也。攸之舉兵。發荊州東下。未敗之前。

思歸京師。所以歌和云。白日落西山。還去來。送聲云。折翅烏。飛何處。被彈歸。

日從東方出。團團雞子黃。夫婦樂府作歸。恩情重。憐歡故在傍。

暫請半日給。徙倚娘店前。目作宴瑱飽。腹作宛惱饑。

我昨憶歡時。攬刀持自刺。自刺分應死。刀作雜樂府作離。樓僻。

陽春二三月。諸花盡芳盛。持底喚歡來。花笑鶯歌詠。

感郎崎嶇情。不復自顧慮。臂繩雙人結。遂成同心去。○樂府詩集四十九。詩紀五十五。

宋詩卷十二

郊廟歌辭

宋南郊登歌三首

顏延之

宋書樂志曰。文帝元嘉二十二年。詔顏延之造天地郊夕牲、迎送神、饗神雅樂登歌三篇。

夕牲歌

資威寶命。嚴恭帝祖。初學記作祀。表海炳岱。文選作炳海表岱。系唐胄楚。靈鑒濬。文選作濬。文。民屬睿武。奄受敷錫。宅中拓宇。巨初學記作宜。地稱皇。罄初學記作饗。天作主。月竈來賓。日際奉土。開元正首。宋書、文選、初學記、樂府作首正。禮交初學記或作具。樂舉。六典聯事。九官列序。有牲在滌。初學記作有牲在脩。有潔在俎。以初學記作式。虞李善本文選作薦饗。六臣本注云。善作薦饗字。王衷。宋書誤作哀。以答神祐。○宋書樂志。文選二十七。樂府詩集一。詩紀五十五。又初學記四引舉、序二韻。十三引祖、宇、主、土、舉、序、俎、祐八韻。

迎送神歌

維聖饗帝。維孝饗樂府作養。親。皇乎備矣。有事上春。禮行宗祀。敬達郊裡。金枝中樹。廣樂四陳。陟配在

京。降德在民。奔精照文。選作昭。六臣本注云。五臣作照。夜。高燎煬。詩紀作煬。晨。陰明浮爍。沈祭音詠。深淪。告成大報。受釐元神。月御按節。星驅扶。宋書作扶。輪。遙興。宋書作興。遠駕。詩紀云。樂府作舉。曜曜振振。○宋書樂志。文選二十七。樂府詩集一。詩紀五十五。

饗神歌

營泰時。定天衷。思心睿。謀筮從。建表蕤。設郊宮。田燭置。燿。宋書作權。火通。曆元句。律首吉。飾紫壇。坎列室。中星兆。六宗秩。乾宇晏。地區謚。大孝昭。祭禮供。牲日展。盛自躬。具陳器。備禮容。形儻綴。被歌鍾。望帝閭。聳神蹕。靈之來。辰光溢。潔粢酌。娛太一。明輝夜。華皙日。裸既始。獻又終。煙薌鬯。報清穹。饗宋德。祚宋書作昨。王功。休命永。福履充。○宋書樂志。樂府詩集一。廣文選十一。詩紀五十五。

宋明堂歌九首

謝莊

通典曰。孝武建元元年。使謝莊造郊廟舞樂。明堂諸樂歌詩。南齊書樂志曰。明堂祠五帝。漢郊祀歌皆四言。宋孝武使謝莊造辭。莊依五行數。木數用三。火數用七。土數用五。金數用九。水數用六。周頌我將祀文王言皆四。其一。句五。一句七。莊歌太祖亦無定句。

迎神歌

宋書曰。依漢郊祀。四句一轉韻。後送神歌倣此。

地紐謚。乾樞回。華蓋動。紫微開。旌蔽日。車若雲。駕六龍。宋書。樂府作氣。乘網緼。曄帝京。輝天邑。聖祖

降。五靈集。構瑤卮。聳珠簾。漢拂幌。月棲檐。舞綴暢。鍾石宋書缺石字。融。駐飛景。鬱行風。懋燦盛。潔牲牲。百禮肅。羣司虔。皇德遠。大孝昌。貫九幽。洞三光。神之安。解玉鑾。景福至。萬萬歡。○宋書樂志。樂府詩集二。廣文選十一。詩紀五十五。

登歌

雍臺辨朔。澤宮練辰。樂府、廣文選作服。詩紀云。一作服。潔火夕照。明水朝陳。六瑚賁室。八羽華庭。昭事先聖。懷濡上靈。肆夏戒敬。升歌發德。永固鴻基。以綏萬國。○宋書樂志。樂府詩集二。廣文選十一。詩紀五十五。

歌太祖文皇帝

宋書曰。依周頌體。

維天爲大。維聖祖是。宋書作言。則。辰居萬宇。綴旒下國。內靈八輔。外光四瀛。蒿宮仰蓋。日館希旌。複殿留景。重檐結風。刮楹接緯。達嚮承虹。設業設虞。在王庭。肇禋祀。克配乎靈。我將我享。維孟之春。以孝以敬。以立我烝民。○宋書樂志。樂府詩集二。廣文選十一。詩紀五十五。

歌青帝三言。依木數。

參映宋書作映。夕。駟照類聚作昭。晨。靈乘震。司青春。雁將向。桐始蕤。柔風舞。暄光遲。萌動達。萬品新。潤

無際。澤無垠。○宋書樂志。樂府詩集二。廣文選十一。詩紀五十五。又類聚四十三引晨、春、新、垠四韻。

歌赤帝七言。依火數。

龍精初見大火中。朱光北至圭景同。帝在在離寔司衡。水雨方降木槿榮。庶物盛長咸殷阜。恩覃四冥被九有。○宋書樂志。樂府詩集二。廣文選十一。詩紀五十五。又類聚四十三引中、同、阜、有四韻。

歌黃帝五言。依土數。

履建類聚作良。詩紀云。宋書作良。宅中字。司繩御類聚作摠。詩紀云。宋作總。四方。裁化遍寒燠。類聚作燭。布政周炎涼。景麗條可結。霜明冰樂府作水。可折。凱風扇朱辰。白雲流素節。分至乘結宋作涇。晷。啓閉集文選補遺作乘。恒度。帝運緝萬有。皇靈澄國文選補遺作百。步。○宋書樂志。樂府詩集二。文選補遺三十四。廣文選十一。詩紀五十五。又類聚四十三引方、涼、折、節四韻。

歌白帝九言。依金數。

百川如鏡。天地爽且明。雲沖氣舉。德盛在素精。宋書闕精字。木葉初下。洞庭始揚波。夜光徹地。翻霜照懸河。庶類收成。文選補遺作功。歲功行欲寧。浹地奉渥。罄宇承秋詩紀云。宋作帝。靈。○宋書樂志。樂府詩集二。文選補遺三十四。廣文選十一。詩紀五十五。又類聚四十三引明、精二韻。

歌黑帝六言。依水數。

歲月既晏方馳。類聚作歲既暮日既馳。靈乘坎德司規。玄雲合晦鳥類聚作歸。詩紀云。一作歸。路。白雲類聚作雪。詩紀云。一作雪。繁亘天涯。雷在地。時未樂府作木。光。飾國典。閉關梁。四節遍。萬物殿。福九域。祚八鄉。晨晷促。夕漏延。太陰極。微陽宣。鵲將巢。冰已解。氣濡水。風動泉。○宋書樂志。樂府詩集二。廣文選十一。詩紀五十五。又類聚四十三引馳、規、歸、涯四韻。

送神歌

蘊禮容。餘樂度。靈方留。景欲暮。開九重。肅五達。鳳參差。龍已秣。雲既動。河既梁。萬里照。四空香。神之車。歸清都。璇庭寂。玉殿虛。濬宋書、樂府作睿。化凝。孝風熾。顧靈心。結皇思。○宋書樂志。樂府詩集二。廣文選十一。詩紀五十五。

宋宗廟登歌八首

王韶之

宋書樂志曰。武帝永初中。韶廟樂用王韶之所造七廟登歌七首。又有七廟享神登歌一首。並以歌章太后。其辭亦韶之造。

北平府君歌

綿綿遐緒。明昭宋書作昭明。載融。漢德未遠。堯有遺風。於穆皇祖。永世克隆。本支惟慶。貽厥靡窮。○宋書樂志。樂府詩集八。詩紀五十五。

相國掾府君歌

乃立清廟。清廟肅肅。乃備詩紀云。一作脩。禮容。禮容穆穆。顯允皇祖。昭是嗣服。錫茲繁祉。聿懷多福。○同上

開封府君歌

四縣既序。簫管既舉。堂獻六瑚。庭萬八羽。先王有典。克禋皇祖。不顯洪烈。永介休祐。○同上

武原府君歌

鐘鼓喤喤。威儀將將。溫恭禮樂。致宋書作敬。詩紀云。一作敬。享曾皇。邁德垂仁。係軌重光。天命純嘏。惠我無疆。○同上

東安府君歌

鑠矣皇祖。帝度其心。永言配命。播茲詩紀。作此徽音。思我茂猷。如玉如金。駿奔在陸。是鑒是歆。○同上

孝皇帝歌

烝哉孝皇。齊聖廣淵。發祥誕慶。景祚宋書作胙自天。德敷金石。道被管絃。有命既集。徽風永宣。○同上

高祖武皇帝歌

惟天有命。眷求上哲。赫矣聖武。撫運桓撥。功並敷土。道均汝墳。止戈曰武。經緯稱文。烏龍失紀。雲火代名。受終改物。作我宋京。至道惟王。大業有劭。降德兆民。升歌清廟。○同上

七廟享神歌

并以歌章太后廟。

奕奕寢廟。奉璋在庭。笙籥既列。犧象既盈。黍稷匪芳。明祀惟馨。樂具禮充。潔羞薦誠。神之格思。介以休禎。濟濟羣辟。永觀厥成。○宋書樂志。樂府詩集八。詩紀五十五。

宋世祖廟歌二首

謝莊

世祖孝武皇帝歌

帝錫二祖。長世多祐。於穆睿考。龔宋書作襲聖承矩。玄極弛馭。乾紐墜緒。闢我皇維。締我宋詩。紀作宗。注

云。一作宋。字。刷定四海。肇構神京。復禮輯樂。散馬墮一作墜。城。澤物九有。化浮八瀛。慶雲承掖。甘露飛
蕙。肅肅清廟。徽徽闕宮。舞蹈象德。笙磬陳風。黍稷非盛。明德惟崇。神其歆止。降福無窮。○宋書樂志。樂
府詩集八。詩紀五十五。

宣太后歌

稟祥月輝。毓德軒光。嗣徽媢汭。思媚周姜。母臨萬寓。訓藹紫房。朱玄玉籥。式載瓊芳。○同上

宋章廟樂舞歌十五首

殷淡

宋書樂志曰。章廟樂舞雜歌悉同用太廟辭。唯三后別撰。○梁天監元年。周捨議曰。周禮。王出入奏王夏。大祭祀
與朝會同。而漢制皇帝在朝奏永至。朝會別奏皇夏。二樂有異。于禮爲乖。乃除永至。還用皇夏。蓋秦、漢以來稱
皇。故變王夏爲皇夏也。又禮。尸出人奏肆夏。賓人大門奏肆夏。牲出人奏昭夏。宋季失禮。神人廟門遂奏昭夏。乃
以牲牢之樂。用接祖考之靈。斯皆前代之深疵。當今所宜改也。

殷淡。字夷遠。陳郡長平人。歷黃門吏部郎、太子中庶子、步兵校尉。大明中。以文章見知。爲當時才士。

肅咸樂二章。夕牲賓出入奏。

彝承孝典。恭事嚴聖。浹天奉齎。罄壤齊慶。司儀具序。羽容夙彰。芬宋書作分。枝颺烈。黼構周張。助寶奠

軒。耐珍充庭。璆縣凝會。瑁宋書作涓。朱竚聲。先期選禮。樂府云。一作會。肅若有承。祇對靈祉。皇慶昭膺。尊事威儀。輝容昭敍。迅恭神明。粢宋書、樂府作梁。盛牲俎。肅肅嚴宮。藹藹崇基。皇靈降祉。百祇具司。戒誠望夜。端列承朝。依微昭旦。物色輕宵。樂府云。一作口。鴻慶遐鬯。嘉薦令芳。翊帝明德。永祚流光。○宋書樂志。樂府詩集八。詩紀五十五。

引牲樂牲出人奏。

維誠潔饗。維孝奠靈。敬芬黍稷。敬滌犧牲。駢繭在豢。載溢載豐。以承宗祀。以肅皇衷。蕭芳四舉。華火周傳。神監孔昭。嘉是柔牲。○同上

嘉薦樂薦豆呈毛血奏。

肇禋戒祀。禮容咸舉。六典飭宋書作飾。文。九司昭序。牲柔既昭。犧剛既陳。恭滌惟清。敬事惟神。加籩再御。兼俎重薦。節動軒越。聲流金縣。奕奕闕幄。亶亶宋書作媿媿。嚴闈。潔誠夕鑒。端服晨暉。聖靈戾止。翊我皇則。上綏四字。下洋萬國。永言孝饗。孝饗有容。儉僚贊列。肅肅雍雍。齊樂亦用此。分奕奕以下爲一章。○

同上

昭夏樂迎神奏。

闕宮黜黜。復殿微微。璿樂府作璇。除肅炤。鈺璧彤輝。黼帝神凝。玉堂嚴馨。圓詩紀作圓。火夕耀。樂府作輝。方

水朝清。金枝委樹。翠鏡貯縣。淳波澄宿。華漢浮天。恭事既夙。虔心有慕。仰降皇靈。俯寧休祚。○同上

永至樂

皇帝入廟北門奏。

皇朝宋書作明。鬯矣。孝容以昭。鑾華羽迺。拂漢涵滄。宋書作滴。申申嘉夜。翊翊休朝。行金景送。步玉風韶。師承祀則。肅對裡祧。○同上

登歌

二章。太祝裸地奏。

帝容承祀。練時涓日。九重徹闕。四靈賓室。肅唱宋書作倡。函音。庶旄委佾。休靈告饗。嘉薦尚芬。玉瑚飾列。桂簋昭陳。具司選禮。翼翼振振。

裸崇祀典。耐恭孝時。禮無爽物。信靡媿辭。精華孚鬯。誠監昭通。升歌翊節。下管調風。皇心履變。敬明尊親。大哉孝德。至矣交神。○同上

章德凱容樂

章太后室。

幽瑞浚靈。表彰嬪聖。翊載徽文。敷光崇慶。上緯纏祥。中維飾詠。永屬輝猷。聯昌景命。○同上

昭德凱容樂

昭太后室。

宋明帝劉彧

彧。字休景。文帝子。在位七年。

表靈躡象。續儀緯風。膺華丹燿。登瑞紫穹。訓形霄宇。武彰宸宮。騰芬金會。寫德聲容。○同上

宣德凱容樂

宣太后室。

天樞凝燿。地紐儷輝。聯光騰世。炳慶翔機。薰藹中宇。景躡上微。玉頌鏤德。金籥傳徽。○同上

嘉胙樂

皇帝還東壁受福酒奏。

殷淡

禮薦洽。福時詩紀云。齊作祚。昌。皇聖膺嘉祐。帝業凝休祥。居極乘景運。宅德瑞中王。澄明臨四表。精華延八鄉。洞海周聲惠。徹宇麗乾光。靈慶纏世祉。鴻烈永無疆。○同上

昭夏樂

二章。送神。

大孝備。盛禮豐。神安留。嘉樂充。旋駕聳。汎青穹。延八虛。闢四空。藹流景。肅行風。

昭融教。緝風度。戀皇靈。結深慕。解羽縣。輟華樹。背樂府作借。琬除。端玉輅。流汪濊。慶國步。○同上

休成樂

皇帝詣便殿奏。

漢書樂志曰。登歌再終。下奏休成之樂。美神明既饗也。

醴醴具登。嘉俎咸薦。饗洽誠陳。禮周樂徧。祝辭罷裸。序容輟縣。蹕動端庭。鑾回嚴殿。神儀駐景。華漢

亭虛。八靈案衛。三祇解途。翠蓋耀澄。詩紀云。齊書作澄耀。畢奕凝宸。詩紀云。齊作凝晨。玉鑣息節。金輅懷音。式誠達樂府作遠。孝。底心肅感。追憑皇鑒。思承淵範。神錫懋祉。四緯昭明。仰福帝徽。俯齊庶生。
○同上

燕射歌辭

宋四廂樂歌五首

王韶之

宋書樂志曰。武帝永初元年。有司奏。依舊正旦設樂。參詳屬三省改太樂諸歌舞詩。黃門侍郎王韶之立三十二章。合用。宜施行。詔可。

肆夏樂歌四曲

宋書樂志曰。王韶之造四廂樂五篇。一曰肆夏樂歌四章。客人。四廂振作於鑠曲。皇帝當陽。四廂振作將將曲。皇帝入變服。四廂振作於鑠。將將二曲。又黃鍾、太簇二廂作法章、九功二曲。古今樂錄曰。按周禮云。王出入奏王夏。賓出入奏肆夏。肆夏本施之於賓。帝王出入。則不應奏肆夏也。

於鑠我皇。體仁包元。齊明日月。比量乾坤。陶甄百王。稽則黃軒。訐謨定命。辰告四蕃。將將蕃后。翼翼羣僚。盛服待晨。明發來朝。饗以八珍。樂以九韶。仰祇天顏。厥猷孔昭。法章既設。初筵長舒。濟濟列辟。端委皇除。飲和無盈。威儀有餘。溫恭在位。敬終如初。

九功既歌。六代惟時。被德在樂。宣道以詩。穆矣大和。品物咸熙。慶積自遠。告成在茲。○宋書樂志。樂府詩集十四。詩紀五十五。

大會行禮歌二曲

宋書樂志曰。姑洗廂作。

大哉皇宋。長發其祥。纂系在漢。統源伊唐。德之克明。休有烈光。配天作極。辰居四方。皇矣我后。聖德通靈。有命自天。誕受休禎。龍飛紫極。造我宋京。光宅宇宙。赫赫明明。○同上

王公上壽歌一曲

宋書樂志曰。黃鍾廂作。

獻壽爵。慶聖皇。靈祚窮二儀。休明等三光。○同上

殿前登歌三曲

宋書樂志曰。別有金石。

明明大宋。緝熙皇道。則天垂化。光定天保。天保既定。肆覲萬方。禮繁樂富。穆穆皇皇。沔彼流水。朝宗天池。洋洋貢職。抑抑威儀。既習威儀。亦閑禮容。一人有則。作孚萬邦。烝哉我皇。固天誕聖。履端惟始。對越休慶。如天斯久。如日斯盛。介茲景福。永固駿命。○同上

食舉歌十曲

宋書樂志曰。王韶之造食舉歌十章。黃鍾、太簇二廟更作。黃鍾作晨義、體至和、王道、開元辰、禮有容五曲。太簇作五玉、懷荒裔、皇猷緝、惟永初、王道純五曲。

晨義載曜。萬物咸覩。嘉慶三朝。禮樂備舉。元正肇始。典章暉明。萬方畢來賀。華裔充皇庭。多士盈九位。俯仰觀玉聲。恂恂俯仰。載爛其輝。鼓鍾震天區。禮容塞皇闈。思樂窮休慶。福履同所歸。

五玉既獻。三帛是薦。爾公爾侯。鳴玉華殿。皇皇聖后。降禮南面。元首納嘉禮。萬邦同歡願。休哉。君臣嘉燕。建五旗。列四縣。樂有文。禮無倦。融皇風。窮一變。

體至和。感陰陽。德無不柔。繁休祥。瑞徽璧。應嘉鍾。舞靈鳳。躍潛龍。景星見。甘露墜。木連理。禾同穗。玄化洽。仁澤敷。極禎瑞。窮靈符。

懷荒裔。綏齊民。荷天祐。靡不賓。靡不賓。長世弘盛。昭明有融。繁嘉慶。繁嘉慶。熙帝載。合氣咸宋書作成。和。蒼生欣戴。三靈協瑞。惟新皇代。

王道四達。流仁布德。窮理詠乾元。垂訓順帝則。靈化侔四時。幽誠通玄默。德澤被八紘。乾寧軌萬國。皇猷緝。咸熙泰。禮儀煥帝庭。要荒服遐外。被髮襲纓冕。左宋書作在。衽回衿帶。天覆地載。流澤汪濊。聲教布護。德光大。

開元辰。畢來王。奉貢職。朝后皇。鳴珩珮。觀典章。樂王度。悅宋書作說。徽芳。陶盛化。遊太康。丕昭明。永

克昌。

惟永初。德丕顯。齊七政。敷五典。彝倫序。洪化闡。王澤流。太平始。樹聲教。明皇紀。和靈祇。恭明祀。衍景祚。膺嘉祉。

禮有容。樂有儀。金石陳。干宋書作牙。羽施。邁武護。均咸池。歌南風。舞德稱。文武煥。頌聲興。

王道純。德彌淑。寧八表。康九服。道禮讓。移風俗。移風俗。永克融。歌盛美。造成功。詠徽烈。邈無窮。

○同上

鼓吹曲辭

宋鼓吹饒歌三首

無名氏

宋書樂志曰。今鼓吹饒歌四篇。今唯有上邪等三篇。其一篇闕。古今樂錄曰。上邪曲四解。晚芝曲九解。漢曲有遠期。疑是也。艾如張三解。沈約云。樂人以音聲相傳。訓詁不可復解。凡古樂錄皆大字是辭。細字是聲。聲辭合寫。故致然爾。

上邪曲

大竭夜烏自云何來堂吾來聲烏奚姑悟姑尊盧聖子黃尊來鯁清嬰烏白日爲隨來郭吾微令吾一解
應龍夜烏由道何來直子爲烏奚如悟姑尊盧雞子聽烏虎行爲來明吾微令吾二解

詩則夜烏道祿何來黑洛道烏奚悟如尊爾尊盧起黃華烏伯遼爲國日忠兩詩紀作兩。今吾三解

伯遼夜烏若國何來日忠兩詩紀作兩。烏奚如悟姑尊盧面道康尊錄樂府作錄。龍永烏赫赫福祚宋書作祚。詩紀云。
一作昨。夜音微令吾四解○宋書樂志。樂府詩集十九。詩紀五十五。

晚芝曲

幾令吾幾令諸韓亂發正令吾一解

幾令吾諸韓從聽心令吾若里洛何來韓微令吾二解

尊盧忌盧文盧子路子路爲路雞如文盧炯烏諸祚宋書作昨。微令吾三解

幾令諸韓或公隨令吾四解

幾令吾幾諸或言隨令吾黑洛何來諸韓微令吾五解

尊盧安成隨來免路路子爲吾路奚如文盧炯烏諸祚宋書作昨。微令吾六解

幾令吾幾諸或言隨令吾七解

幾令吾諸或言幾苦黑洛何來諸韓微令吾八解

尊盧公泝隨來免路路子路子爲路奚姑文盧炯烏諸祚微令吾九解○同上○遼案。宋書缺七、八、九解。

艾如張曲

幾令吾呼歷舍居執來隨咄武子邪令烏銜鉞相風其右其右一解

幾令吾呼羣議破葫執來隨吾咄武子邪令烏令烏今臙人海相風及後二解

幾令吾呼無公赫吾執來隨吾咄武子邪令烏無公赫吾媿立諸布始布三解○同上

舞曲歌辭

宋前後舞歌二首

王韶之

宋書樂志曰。武帝永初元年。改晉正德舞曰前舞。大豫舞曰後舞。并蕤賓廂作。孝武孝建二年九月。建平王宏議以爲祖有功而宗有德。故漢高祖廟樂稱武德。太宗廟樂曰昭德。魏制武始舞武廟。制咸熙舞文廟。則祖宗之廟。別有樂名。晉氏之樂正德、大豫。及宋不更名。直爲前、後二舞。依據昔代。義外事乖。宜釐改權稱。以凱容爲韶舞。宣烈爲武舞。祖宗廟樂。總以德爲名。若廟非不毀。則樂舞別稱。猶漢高、文、武。咸有嘉號。惠、景二主。樂無餘名。章皇太后廟。唯奏文樂。明婦人無武事也。郊祀之樂。無復別名。仍同宗廟而已。韶如宏議。古今樂錄曰。宋孝武改前舞爲凱容之舞。後舞爲宣烈之舞。

前舞歌

齊書云。前舞凱容歌。

於赫景明。詩紀云。一作命。天監是臨。樂來伊陽。禮作惟陰。歌自德富。舞由功深。庭列宮縣。陸羅瑟琴。翻籥繁會。笙磬諧音。簫韶雖古。九成詩紀云。一作奏。在今。導宋書作道。志和聲。德音孔宣。光我帝基。協靈配乾。儀刑宋書作形。六合。化穆自然。如彼雲漢。爲章于天。熙熙萬類。陶和當年。擊轅中韶。永世弗騫。○宋書樂志。樂府詩集五十二。詩紀五十五。

後舞歌

齊書云。後舞凱容歌。

假樂聖后。寔天誕德。積美自中。王猷四塞。龍飛在天。儀刑宋書作形。萬國。欽明惟神。臨朝淵默。不言之化。品物咸德。詩紀云。一作得。告成于天。銘勳是勒。翼翼厥猷。亶亶宋書作媿媿。其仁。順命創制。因定和神。海外有截。九圍無塵。冕旒司契。垂拱臨民。乃舞大豫。詩紀云。一作凱容。欽若天人。純嘏孔休。萬載彌新。

○同上

白紵舞歌詩

無名氏

宋書樂志曰。白紵舞歌詩。舊新合三篇。二篇與晉辭同。其一篇異。

高舉兩手白鵠翔。輕軀徐起何洋洋。凝停善睐容儀光。宛若龍轉乍低昂。隨世而變誠無方。如推若引留且行。宋世方昌樂未央。舞以盡神安可忘。愛之遺誰贈佳人。質如輕雲色如銀。袍以光軀巾拂塵。制以爲袍餘作巾。四座歡樂胡可陳。清歌徐舞降祇神。按此本晉辭。錯其文爾。○宋書樂志。樂府詩集五十五。詩紀五十五。

宋泰始歌舞曲十二首

皇業頌

明帝

皇業沿德建。帝運資勳融。胤唐重盛軌。胄楚載休風。堯帝兆深祥。元王衍遐慶。積善傳上業。祚宋書作胙。

福啓英宋書作聖。聖。衰數隨金祿。登曆昌永宋書作水。樂府同。命。維宋垂光烈。世美流舞咏。○宋書樂志。樂府詩集五十六。詩紀五十五。

聖祖頌

聖祖惟高德。積勳代晉曆。永建享鴻基。萬古盛音冊。睿文續宸馭。廣運崇帝聲。衍德被仁祉。留化洽民靈。孝建締孝業。允協天人謀。宇內齊政軌。宙表燭威流。鍾管騰列聖。彝銘賁重猷。○同上

明君大雅

虞穌

虞穌。餘姚人。少居貧好學。明帝時。歷中書令。

明君應乾數。撥亂紹頽宋書。樂府並作紐續。基。民慶來蘇日。國頌薰風詩。天步或暫艱。宋書作難。列蕃扇迷慝。廟勝敷九代。樂府作伐。神謨洞七德。文教洗昏俗。武誼清浸埏。英勳冠帝則。萬壽永齊宋書作衍。天。○同上

通國風

明帝

開寶業。資賢昌。謨明盛。弼諧光。烈武惟略。景王勳。南康華容。變政文。猛績爰者。有左軍。三王到氏。文武贊。丞相作輔。屬伊旦。沈柳宗侯。皆殄亂。泰始開運。超百王。司徒驃騎。勳德康。江安謨宋書作謀。效。殷誠彰。劉沈承規。功名揚。慶歸我后。祚宋書作祚。無疆。○同上

天符頌

天符革運。世誕英皇。在館神炫。既壯龍驤。六鍾集表。四緯駢光。於穆配天。永休厥祥。○同上

明德頌

明德孚教。幽符麗紀。山鼎見奇。醴液涵祉。鵠鷄耀儀。騶虞遊趾。福延億祚。慶流萬祀。○同上

帝圖頌

帝圖凝遠。瑞美昭宣。濟流月鏡。鹿毳霜鮮。甘露降和。花雪表年。孝德載衍。芳風永傳。○同上

龍躍大雅

龍躍戎府。宋書作式符。玉耀宋書作王耀。蕃宮。歲淹豫野。宋書闕野字。璽屬嬪中。江波澈映。石柏開文。觀毓花
蕊。樓凝景雲。白鳥三獲。甘液再呈。嘉穉表沃。連理協成。德充動物。道積通神。宋業允大。靈瑞方臻。

○同上

淮祥風

淮祥應。賢彥生。翼贊中興致太平。○同上

宋世大雅

虞劼

宋世寧。在泰始。醉酒歡。飽德喜。萬國朝。上壽酒。帝同天。惟長久。○同上

治兵大雅

明帝

王命治兵。有征無戰。巾拂以淨。醜類革面。玉宋書、樂府作王。儀振旅。載戢在辰。中虛巾拂。四表靜塵。○同上

白紵篇大雅

在心曰志發言詩。聲成于文被管絲。手舞足蹈欣泰時。移風易俗王化基。琴角揮韻白雲舒。簫韶協音神鳳來。拊擊和節詠在初。章曲乍畢情有餘。文同軌一道德行。國靖民和禮樂成。四縣庭響美勳英。八列陛唱宋書作倡。貴人聲。舞飾麗華樂容工。羅裳映宋書作皎。樂府云。一作皎。日袂隨風。金翠列輝蕙麝豐。淑姿秀宋書作委。樂府云。一作委。體允帝衷。○同上

宋鳳凰銜書伎辭

隋書樂志曰。鳳凰銜書伎。自宋、齊以來有之。三朝用之。南齊書樂志曰。蓋魚龍之流也。元會日。侍中於殿前跪取

其書。以授舍人。舍人受書。升殿跪奏。宋世有辭。齊初詔江淹改造。至梁武帝普通中。下詔罷之。

大宋興隆膺靈符。鳳鳥感和銜素書。嘉樂之美通玄虛。惟新濟濟邁唐虞。巍巍蕩蕩道有餘。○樂府詩集五十六。詩紀五十五。

鬼神附

青溪小姑娘歌二首

續齊諧記曰。會稽趙文韶。宋元嘉中爲東扶侍。廨在青溪中橋。秋夜步月。悵然思歸。乃倚門唱烏飛曲。忽有青衣。年可十五六許。詣門曰。女郎聞歌聲有悅人者。逐月遊戲。故遣相問。文韶都不之疑。遂邀暫過。須臾。女郎至。年可十八九許。容色絕妙。謂文韶曰。聞君善歌。能爲作一曲否。文韶卽爲歌草生盤石下。聲甚清美。女郎顧青衣取箜篌鼓之。冷冷似楚曲。又令侍婢歌繁霜。自脫金簪扣箜篌和之。婢乃歌曰云云。留連宴寢。將旦別去。以金釵遺文韶。文韶亦贈以銀盤及瑠璃匕。明日。於青溪廟中得之。乃知昨所見青溪神女也。異苑曰。青溪小姑娘。蔣侯第三妹也。○遼案。此亦賈氏故技。託爲鬼神耳。

日暮風吹。葉落依枝。丹心寸意。愁君未知。○續齊諧記。詩紀外集四。
歌闕夜已久。繁霜侵曉幕。何意空相守。坐待繁霜落。○同上

郭長生吹笛歌

幽明錄曰。永嘉中。太山民巢氏先爲相縣令。居在晉陵。家婢採薪。忽有一人追隨婢還家。不使人見。與婢宴飲。輒

吹笛而歌。歌云。

閑夜寂已。太平廣記作以。事類賦同。清。長笛亮且。事類賦作以。鳴。若欲知我者。姓郭名長生。○類聚四十四。御覽五百八十。太平廣記三百二十四。事類賦笛賦注。詩紀外集四。

聶包鬼歌

異苑曰。臨川聶包。死數年。忽詣南豐相沈道襲共飲。其歌笑甚有倫次。歌云。

花初學記花下有上字。盈盈。正閒行。當歸不聞死復生。○異苑六。初學記十五。御覽五百七十三。詩紀外集四。

陵欣歌

異苑曰。建康陵欣。景平中死於揚州作部。尅辰當葬。作部督夢欣曰。今爲獄公姥。祖夕有期。莫由自反。勞君解謝。令得放遣。督不信。夜後又夢。言辭轉切。因歌一切云云。督覺爲謝神。從此便絕。

生時世上人。死作獄中鬼。不得還墳墓。灰沒有餘罪。○御覽六百四十三。

鬼謠歌

異苑曰。勾章吳平州門前。忽生一株青桐。樹上有謠歌之聲。平惡而砍殺。平隨軍北虜。首尾三載。死桐斂自隨立於故根上。聞聲樹巔。空中歌曰云云。平尋歸如鬼謠。

死樹今更青。吳平尋當歸。適聞殺此樹。已復有光輝。○異苑六。類聚八十八。詩紀外集四。

鬼歌

異苑曰。安定梁清。字道修。爲揚武將軍、北魯郡太守。在郡少時。夜中。其婢松羅見威儀器械人衆數十。一人戴幘。送書粗紙有七十餘字。又歌云。

坐詩紀作登阿。儂孔雀樓。遙聞鳳凰鼓。下我鄒頭山。彷彿見梁魯。○異苑六。

犬妖歌

述異記曰。嘉興縣朱休之有一弟。宋元嘉中。兄弟對坐。家有一犬。來向休之蹲。徧視二人。遂搖頭而笑曰云云。其家驚懼。斬犬。標首路側。至來歲。梅花時。兄弟相鬥。弟奮戰傷兄。官收治。並被囚繫。經歲得免。至夏。舉家時疾。母及兄弟皆死。

言我不能歌。聽我歌梅花。今年故復可。柰太平廣記作那。汝明年御覽或作明年當奈。何。○類聚八十六。御覽八百八十五、九百五。太平廣記四百三十八。詩紀外集四。

鶴吟

異苑曰。晉懷帝永嘉中。徐爽出行田。見一女子。姿色鮮白。就爽言調。女因吟曰云云。爽情既諧。欣然延至一屋。女施設飲食而多魚。遂經日不返。兄弟追覓至湖邊。見與女相對坐。兄以籐杖擊女。卽化成白鶴。翻然高飛。爽恍惚年餘乃差。

疇昔聆好音。日月心延佇。如何遇良人。中懷邈無緒。○太平廣記四百六十。

齊詩卷一

齊高帝蕭道成

道成。字紹伯。小名鬪將。南蘭陵武進人。宋元嘉末爲左軍中兵參軍。孝武卽位。歷大司馬參軍、太宰、員外郎、直閣中書舍人、建康令。泰始初爲右軍將軍。除征北司馬、南東海太守、行南徐州事。遷南兗州刺史。入拜散騎常侍、太子左衛率。泰豫末爲右衛將軍。領衛尉。元徽中。加侍中、尚書左僕射。尋弒蒼梧王。迎立順帝。進侍中、司空、錄尚書事、驃騎大將軍。封竟陵郡公。領揚州牧。昇明三年三月。進相國。總百揆。封齊公。四月。進爵爲王。受禪。改元建元。建元四年卒。年五十六。謚曰高皇帝。

塞客吟

詩紀云。此詩見蘇侃傳。外編、逸軌皆作侃詩。非也。齊書曰。高帝在淮上。以蘇侃爲冠軍錄事參軍。是時新失淮北。遣帝北戍。每歲秋冬間。邊淮騷動。帝廣遣偵候。安集荒餘。又營繕城府。帝在兵中久。見疑於時。乃作塞客吟以喻志。侃達此旨。更自勸勵。委以府事。深見知待。

寶緯素宗。神經越南史作淡。序。德晦河晉。力南史作歷。宣江楚。雲雷兆壯。天山繇武。直髮指河南史作秦。詩紀

云。一作秦。關。凝精越漢渚。秋風起。塞草衰。鵬鴻思。邊馬悲。平原千里顧。但見轉蓬飛。星嚴海淨。月徹河明。清輝映幕。素液凝庭。金笳夜厲。羽轄晨征。幹南史作幹。晴潭而悵泗。柰松洲而悼情。蘭涵南史作含。風而瀉豔。菊籠泉而散英。曲繞首燕之歎。吹軫絕越之聲。秋園琴之孤弄。想庭藿之餘馨。青關望斷。白日西斜。恬源靚霧。壘首暉霞。戒旋鷁。躍還南史作遠。波。情綿綿而方遠。思裊裊而遂多。粵擊秦中之筑。因爲塞上之歌。歌曰。朝發兮江泉。日夕兮陵山。驚飈兮滌汨。淮流兮潺湲。胡埃兮雲聚。楚旆兮星懸。愁墉兮思宇。惻愴兮何言。定寰中之逸鑒。審雕陵之迷泉。悟樊籠之或累。悵遐心以棲玄。○南齊書蘇侃傳。南史蘇侃傳。詩紀五十六。

羣鶴詠

南史曰。齊高帝鎮淮陰。爲宋明帝所疑。被徵爲黃門郎。深懷憂慮。見平澤有羣鶴。命筆詠之。八風儼遙翮。九野弄清音。一摧雲間御覽誤作門。志。爲君苑御覽誤作死。中禽。○南史荀伯玉傳。御覽九百十六引宋書。詩紀五十六。

齊武帝蕭曠

曠。字宣遠。高帝長子。仕宋歷尋陽國侍郎、州西曹書佐、贛令、尚書庫部郎、征北中兵參軍、南東莞太守、襄陽太守、廣興相、江夏內史、江州刺史。封聞喜縣侯。進爵爲公。齊國建。爲齊公世子。進爵

王太子。高帝受禪。爲皇太子。以建元四年三月卽位。明年改爲永明。永明十一年卒。年五十四。諡曰武皇帝。遯案。南史。曠生於元嘉二十七年。則至永明十一年實止四十四歲。與本紀曠言行年六十之言不合。若依五十四歲之數上溯。則曠生於元嘉十七年。考元嘉十七年蕭道成僅十四歲。十四歲生子。亦似有問題也。

估客樂

古今樂錄曰。估客樂者。齊武帝之所製也。帝布衣時嘗遊樊鄧。登阼以後。追憶往事而作歌。使樂府令劉瑤管絃被之教習。卒遂無成。有人啓釋寶月善解音律。帝使奏之。旬日之中。便就諧合。敕歌者常重爲感憶之聲。猶行於世。寶月又上兩曲。帝數乘龍舟。遊五城江中放觀。以紅越布爲帆。綠絲爲帆。絳鍮石爲篙足。篙榜者悉著鬱林布。作淡黃袴。列開。使江中衣出。五城殿猶在。齊舞十六人。梁八人。唐書樂志曰。梁改其名爲商旅行。

昔經樊鄧役。阻潮梅根渚。感憶追往事。意滿辭不敘。○樂府詩集四十八。詩紀五十六。

王延

延當卽延之。字希季。琅邪臨沂人。建元二年。鎮江州。進號鎮南將軍。四年。遷中書令。右光祿大夫。本州大中正。左僕射。永明二年卒。年六十四。

別蕭諮議詩

霏雲承永夜。皓燭驚離軒。執酒愴誰與。舉袖默無言。忍茲君爲別。如此歲方暄。年深北岫時。鳥思南國

園。江上愁別日。階下樹芳蓀。○古文苑九。

王儉

儉。字仲寶。琅邪臨沂人。宋孝武時。襲爵豫寧縣侯。明帝選尚陽羨公主。拜駙馬都尉。官至侍中。後輔齊高帝受禪。改封南昌郡公。累遷侍中、尚書令。永明七年卒。年三十八。有弔儀十卷、吉書儀十卷、百家集譜十卷、元徽元年四部書目錄四卷、今書七志七十卷、集六十卷。

侍太子九日宴玄圃詩

明明儲后。沖默其量。徘徊禮樂。優游風尚。廣文選作亮。微言外融。幾神內王。就日齊暉。儀雲等望。本茂條榮。源澄流潔。漢稱間平。周云魯衛。咨我藩華。方軼類聚作軌。前軌。類聚作軼。秋日在房。鴻鴈來翔。寥寥清景。靄靄初學記作藹藹。歲時雜詠同。微霜。草木搖落。幽蘭獨芳。眷言淄苑。尚想濠梁。既暢旨酒。亦飽微猷。有來歲時雜詠作冬。斯悅。無遠不柔。○類聚四。廣文選八。詩紀五十六。又初學記四作侍皇太子九日玄圃宴四言詩。引翔、霜、芳、梁、猷、柔六韻。歲時雜詠三十三引翔、霜、芳、梁、猷、柔六韻。

侍皇太子釋奠宴詩

南齊書禮志曰。永明三年。皇太子講孝經。親臨釋奠。車駕幸聽。

禮惟國幹。義實民初學記作人。端。身由業澡。世以教安。金鎔乃器。水術伊瀾。漸芳則馥。履冰固寒。瞽宗務時。頽宮善誘。咨此含生。躋彼仁壽。淳移雅缺。歷茲永久。遊藝莫師。獨學誰友。三兆戒辰。八鸞警詩。紀作驚。旦。風動蒿宮。雲棲參館。禮邁仁周。樂超英漢。神保爰格。祝史斯贊。鬱鬯既終。德馨是與。降冕上庠。升宴東序。槐宰金貞。藩維玉譽。時彥莘莘。國胄楚楚。○類聚三十八引端、安、瀾、寒、誘、壽、久、友、旦、漢、贊十一韻。初學記十四引端、安、瀾、寒、館、漢、贊、與、序、譽、楚十一韻。詩紀五十六。

贈徐孝嗣詩

婉婉遊龍。載遊載東。靡靡行雲。並躍齊蹤。無類不感。有來斯雍。之子云邁。嗟我莫從。歲云暮止。述職戒行。崇蘭罷秀。孤松獨貞。悲風宵遠。乘雁晨征。撫物遐想。念別書情。○類聚三十一。詩紀五十六。
方軌叔茂。追清彥輔。柔亦不茹。剛亦不吐。○南齊書徐孝嗣傳。南史徐孝嗣傳。

春日家園詩

徙倚未云暮。陽光忽已收。羲和無停晷。壯士豈淹留。冉冉類聚作冉冉。詩紀云。一作荏苒。老將至。功名竟不脩。稷契匡虞夏。伊呂翼商周。撫躬謝太平廣記作己媿。先哲。解紱太平廣記作斂衽。歸山丘。○類聚六十五。詩紀五十六。又南史本傳引稷契匡虞。伊呂翼周二句。太平廣記百七十三引談藪引周、邱二韻。

春詩二首

蘭生已匝苑。萍開欲半池。輕風搖雜蘼。細雨亂叢枝。○初學記三。詩紀五十六。
風光承露照。霧色點蘭暉。青萸結翠藻。黃鳥弄春飛。○同上

春夕詩

露華方照歲。雲彩復經春。虛閨稍疊草。幽帳日凝塵。○初學記三。詩紀五十六。

後園餞從兄豫章詩

茲夕竟何夕。念別開曾軒。光風轉蘭蕙。流月汎虛園。○類聚二十九。詩紀五十六。

王僧祐

僧祐。字胤宗。微從子。舉秀才。爲驃騎法曹。仕至太子中舍人。

贈王儉詩

南史曰。僧祐。儉之從弟也。儉嘗鳴笳列騶至僧祐門。僧祐輒稱疾不出。儉曰。此吾之所望於若人也。世皆推儉之

愛名德。而重僧祐之不趨勢也。

汝家在市門。我家在南郭。汝家饒賓侶。我家多鳥雀。○南史王宏傳附僧祐傳。詩紀五十六。

文惠太子蕭長懋

長懋。字雲喬。武帝長子。宋昇明三年。出爲雍州刺史。齊建元元年。封南郡王。進號征虜將軍。永明十一年卒。年三十六。有集十一卷。

擬古詩

磊磊落落玉山崩。○南史沈顛傳。

顧歡

歡。字景怡。吳興人。隱於天台山。開館教授。晚節服食。不與人通。齊高帝輔政。徵爲揚州主簿。及踐阼。上表東歸。永明元年。徵爲太學博士。不就。永明末。以壽終。有集三十卷。

臨終詩

南史曰。歡知將終。賦詩言志。

五塗無恆宅。三清有常舍。精氣因天行。游魂隨物化。鵬鷗適大海。蜩鳩之桑柘。達生任去留。善死均日

夜。委命安所乘。何方不可駕。翹心企前覺。融然從此謝。○南史本傳。詩紀六十二。

竟陵王蕭子良

子良。字雲英。武帝第二子。仕宋歷邵陵王左軍參軍。轉主簿、安南記室參軍、輔國將軍、會稽太守。高帝受禪。封聞喜縣公。爲征虜將軍、丹陽尹。武帝卽位。封竟陵郡王。歷鎮北將軍、南徐州刺史、征北將軍、南兗州刺史。人爲護軍將軍。進號車騎將軍、司徒。領尚書令。徙揚州刺史。加中書監。鬱林王卽位。進太傅。督南徐州。隆昌元年卒。年三十五。有集四十卷。

九日侍宴詩

月殿風轉。層臺氣寒。高雲斂色。遙露已團。式詔司警。言戾秋巒。輕觴時薦。落英可冷。○類聚四。詩紀五十六。

侍皇太子釋奠宴詩

霜輕流日。風送夕雲。雕檐結綵。綺井生文。四璉合旨。八簋舒芬。○類聚三十八。詩紀五十六。

遊後園

託性本禽魚。棲情閑物外。蘿徑轉連綿。松軒方杳藹。丘壑每淹留。風雲多賞會。○類聚六十五。詩紀五十六。

行宅詩并序

余稟性端疏。屬愛閑外。往歲羈役浙東。備歷江山之美。名都勝境。極盡登臨。山原石道。步步新情。迴池絕澗。往往舊識。以吟以詠。聊用述心。

訪宇北山阿。卜居西野外。幼賞悅禽魚。早性羨蓬艾。○類聚六十四。詩紀五十六。

登山望雷居士精舍同沈右衛過劉先生墓下作詩并序

○一作同隨王經劉先生墓下作。

沛國劉子珪。學優未謝集作來。是。仕。跡邇心遐。履信謝集作言。體仁。古之遺德。潛舟迅景。滅賞淪輝。言念芳猷。式懷嗟述。屬舍弟隨郡。有示來篇。彌緘久要之情。益深宿草之歎。升望西山。率爾爲答。雖因事雷生。實申悲劉子云爾。詩紀云。劉璣。字子珪。沛郡相人。南史有傳。

漢陵謝集作嘆。淹類聚作掩。館蕪。晉殄謝集作彌。詩紀云。一作彌。洙風缺。五都聲論空。三河類聚作阿。文義絕。興禮邁前英。談玄踰往哲。明情日夜深。徽音歲時滅。垣類聚作柏。井謝集作井。總已類聚作忽以。平。煙雲從容裔。爾歎牛山悲。我悼驚川逝。○謝宣城詩集四。詩紀五十六。又類聚四十作同隨王經劉先生墓詩。引缺、絕、哲、裔、逝五韻。

後湖放生詩

釋焚曾林下。解細平湖邊。迅翮搏清漢。輕鱗浮紫淵。○玉燭寶典五。

隨郡王蕭子隆

子隆。字雲興。武帝第八子。初爲荊州刺史。歷侍中、中軍大將軍。明帝輔政。隆昌元年被害。年二十一。有集七卷。

經劉瓛墓下詩

升堂子不謬。問道余未窮。如何辭白日。千載隔音通。山門一已類聚誤作已一。絕。長夜緬難終。初松切暮鳥。新楊催曉類聚作晚。風。榛關向蕪密。泉途轉銷空。○謝宣城詩集四。詩紀五十六。又類聚四十引窮、通、終、風四韻。

齊詩卷二

王融

融。字元長。琅邪臨沂人。儉從子。宋中書令僧達孫。舉秀才。爲晉安南中郎參軍。歷晉陵王司徒法曹參軍。遷祕書丞、丹揚丞、中書郎兼主客郎。竟陵王蕭子良以爲寧朔將軍軍主。鬱林王卽位。隆昌元年。收下廷尉獄。賜死。年二十七。有集十卷。

樂府

齊明王歌辭七首應司徒教作○以下五言。

明王曲

明王日月照。至樂天地和。幸類聚作時。息雲門吹。復歇類聚作歌。咸池歌。桂序樂府作房。詩紀云。序一作房。金匏轉。樂府作棘。瑤軒絲石羅。朱騏步躑躅。玄鶴舞蹉跎。露凝嘉草秀。煙度醴泉波。皇基方萬祀。齊民樂如何。○樂府詩集五十六。詩紀五十七。又類聚四十三引和、歌、羅、波四韻。

聖君曲

聖君應昌曆。景祚啓休期。龍樓神睿道。兔園仁義基。海蕩萬川集。山崖百草滋。盤苗成萃止。渝秣異來思。清明動離軫。威惠樂府、詩紀並云。一作懷。被殊辭。大哉君爲后。何羨唐虞時。○樂府詩集五十六。詩紀五十七。又類聚四十三引期、滋、時三韻。

淥水曲

湛露改寒司。交樂府作文。鶯變春類聚作陽。旭。瓊樹落類聚作袖藻。晨紅。瑤塘水類聚作汗。初淥。日霽沙激明。風泉動類聚作暗。華燭。樂府、廣文選並作風動泉華燭。遵渚泛蘭觴。乘漪弄類聚作舞。樂府云。一作舞。清曲。斗酒千金輕。寸陰百年促。何用盡歡娛。王度式如玉。○樂府詩集五十六。廣文選十四。詩紀五十七。又類聚四十三引旭、淥、燭、曲四韻。

採菱曲

炎光銷玉殿。涼風吹鳳樓。雕輜樂府云。一作青輜。詩紀同。儋平隰。朱櫂泊安流。金華妝翠羽。鷁首畫詩紀誤作畫。飛類聚作龍。樂府、詩紀云。一作龍。舟。荆姬採菱曲。越女江南謳。騰聲翻葉靜。發樂府云。一作散。詩紀同。響谷雲浮。良時時一遇。佳人難再求。○樂府詩集五十六。詩紀五十七。又類聚四十三引樓、舟、謳、求四韻。

清楚引

平原數千里。飛觀鬱岩岩。清月罔將曙。浩露零中宵。轉葉度沙海。別羽自冰遼。四面通樂府作涌。注云。一作通。寒色。左右竟嚴飈。崑澗多榛梗。京索久塵苗。逝將憑神武。奮劍盪遺妖。○樂府詩集五十六。詩紀五十七。

長歌引

周雅聽休明。齊德觀升平。紫煙四時合。黃河萬里清。翠柳蔭通街。朱闕臨高城。方轂雷塵起。接袖風雲生。酣笑爭日夕。絲管牙卽互字。詩紀作牙。注云。疑作互。逢迎。徂年無促慮。長歌有餘聲。○同上

散曲

金枝湛明燎。繡幕裂芳然。層闈橫綠綺。曠席緬朱纏。楚調廣陵散。瑟柱秋風弦。輕裙中山麗。長袖邯鄲妍。徐歌駐行景。迅節淪樂府作箭。浮煙。言願聖明主。永永萬斯年。○同上

有所思 詩紀云。樂府、藝文均作王融。或作范雲。非是。

如何有所思。而無相見時。類聚作期。宿昔夢顏色。階庭尋履綦。高張謝集作歌。文選補遺同。更何已。引滿終自持。類聚作款。謝集作期。注。一作時。文選補遺作期。注。一作持。欲知憂能類聚作裏。海錄碎事作解。老。爲視鏡中絲。○謝宣

城詩集二。類聚四十一。樂府詩集十七。文選補遺三十四。廣文選十四。詩紀五十八。又海錄碎事九作王融詩。引絲一韵。

三婦豔詩

大婦織綺羅。一作縑綺。中婦織流黃。小婦獨無事。挾瑟樂府云。一作琴。上高堂。丈夫樂府云。一作人。且安坐。調弦詎未央。樂府云。一作末渠央。○樂府詩集三十五。詩紀五十七。

青青河畔草

容容寒煙起。翹翹望行子。行子殊未歸。寤寐君樂府作若。詩紀云。一作若。容輝。夜中心愛促。覺後阻河曲。河曲萬里餘。情交襟袖疏。珠露春華返。璿霜秋照詩紀云。一作桂。晚。入室怨蛾眉。情歸爲誰婉。○樂府詩集三十八。詩紀五十七。

同沈右率諸公賦鼓吹曲二首

詩紀云。附見謝朓集。或作朓詩。非也。

巫山高

想玉臺作響。類聚作勢。謝集作仿。文選補遺同。象樂府。詩紀並云。一作勢。巫山高。薄暮陽臺曲。煙霞謝集作華。類聚同。樂府作雲。乍舒卷。類聚作卷舒。衡謝集作行。類聚、文選補遺同。芳樂府作猿鳥。時詩紀作自。斷續。樂府云。一作煙華乍卷舒。行芳時斷續。詩紀云。集作煙雲乍卷舒。猿鳥時斷續。彼美如可期。寤言紛在矚。玉臺作屬。文選補遺同。憮玉臺作撫。然類聚作無

忘。坐相思。謝集作望。類聚、樂府、文選補遺同。詩紀云。一作望。秋風下庭綠。○謝宣城詩集二。玉臺新詠四。樂府詩集十七。文選補遺三十四。詩紀五十七。又類聚四十二引曲、續、綠三韻。

芳樹

相望早春日。煙華雜如霧。復此佳麗人。含情謝集作姿。結芳樹。綺羅已自憐。萱風多有趣。去來徘徊者。佳人不可遇。○謝宣城詩集二。樂府詩集十七。詩紀五十七

臨高臺

遊人欲騁望。積步上高臺。井蓮當夏吐。窗桂逐秋開。花飛低不入。鳥散遠時來。還看雲棟樂府云。一作陣。影。含月共徘徊。○樂府詩集十八。詩紀五十七。

望城行

金城十二重。雲氣出表裏。萬戶如不殊。千門反相似。車馬若飛龍。長衢無極已。簫鼓相逢迎。信哉佳城市。○樂府詩集六十八。詩紀五十七。

法樂辭十二章

天長命自短。世促道悠悠。禪衢開廣弘明集作闕。注云。明本作開。遠駕。愛海亂輕舟。累塵曾未極。心樂府作積。

樹豈能籌。情埃何用洗。正水有清流。右歌本起。

百神肅以虔。廣弘明集云。宋元宮本作虔。三靈震廣弘明集作晨。注云。元明本作震。且廣弘明集云。元宮本作且。越。恒樂府作

常。廣弘明集云。明本一作常。詩紀云。一作常。曜揜芳霄。詩紀作宵。廣弘明集云。三本、宮本作宵。薰風動樂府作鏡。蘭月。樂府

云。一作微風動蘭月。丹榮藻樂府作落。注云。一作藻。玉墀。翠羽文珠廣弘明集作朱。注云。明本作珠。闕。皓毳非虛來。交

輪豈徒發。右歌靈瑞。

韶年春已仲。明星夜未央。千祀鍾休曆。萬國會廣弘明集作命。注云。明本作會。嘉樂府作佳。祥。金容涵樂府作函。夕

景。翠鬢佩晨光。表塵維淨覺。汎廣弘明集云。宋元宮本作凡。俗迺輪皇。右歌下生。

襲氣變離宮。重柝驚廣弘明集作警。層殿。曼響感心神。脩容展權詩紀作轉惟。宴。生老終已廣弘明集作以。縈。死

病行當薦。方爲淨國遊。豈結危城戀。右歌在宮。

春枝樂府作木。注云。一作枝。多病天。秋葉少欣榮。心骸終委滅。親愛暫平廣弘明集作時。注云。明本作平。生。長風

吹北隴。廣弘明集、樂府並作壘。迅景廣弘明集云。元明本作瀑。樂府作影。詩紀作瀑。急東瀛。知三既情暢。樂府作竭。注云。

一作暢。得一乃身貞。右歌四遊。○樂府作田遊。

飛策辭國門。端儀偃郊樹。慈愛徒廣弘明集云。宋宮本作往。按往當是枉字。相思。閨中廣弘明集作中閨。注云。明本作閨

中。空怨詩紀作戀。廣弘明集云。三本、宮本作戀。慕。夙樂府作風。廣弘明集同。又注。三本作夙。隸乖往塗。駿足獨歸路。舉

袂謝時人。得道且還去。樂府作願。詩紀云。一作願。廣弘明集云。明本一作願。○右歌出國。

明心弘十力。廣弘明集云。宋元宮本作方。寂慮安廣弘明集作通。樂府云。一作通。四禪。青禽承逸軌。文驪樂府作鑣。詩紀

云。一作鑪。廣弘明集云。明本一作鑪。鏡重川。鷲巖標遠勝。鹿野究清玄。不有希世寶。何以導濛濛。樂府作蒙。廣弘明集同。又注云。三本、宮本作濛。泉。右歌得道。

亭亭宵廣弘明集作霄。注云。三本、宮本作雙。詩紀作雙。月流。朏朏晨霜結。川上不徘徊。條間亟廣弘明集作函。注云。明本作亟。渝樂府作問生。滅。靈知湛常然。符廣弘明集作俯。注云。明本作符。一作俯。應有盈缺。感運復來儀。且厭樂府作壓。注云。一作厭。人間世。廣弘明集作繼。注云。宋元宮本作世。泄音。明本音泄。樂府作泄。注云。一作世。○右歌寶樹。○樂府詩集云。寶樹一作雙樹。

春廣弘明集作春。詩紀同。又注。一作春。山玉所府。檀林芳樂府作鸞。廣弘明集云。明本云。一作鸞。所棲。引火歸炎燧。樂府作隧。挹樂府作揖。水自清樂府作青。隄。菴園無異轍。祇廣弘明集作祇。樂府同。館廣弘明集云。明本作管。有同躋。廣弘明集云。宋元宮本作儕。比肩非今古。接武豈燕齊。右歌賢衆。

昔余廣弘明集云。宋元本作爾。輕歲月。茲也重光陰。閨中屏鈿黛。闕下挂纓簪。禪悅兼芳旨。法言廣弘明集作憲。注云。明本作言。云一作憲。戀廣弘明集作忘。注云。明本云。一作戀。詩紀云。一作忘。清琴。一異非能辨。寵辱樂府云。一作空有。誰爲心。右歌學徒。

峻宇樂府作岸。臨層穹。苕苕樂府作迢迢。廣弘明集云。明本作迢迢。疏遠風。騰芳清漢裏。響梵高雲中。金華紛苒若。樂府作冉弱。廣弘明集云。三本作著。瓊樹鬱青葱。貞心延樂府作逸。注云。一作延。淨境。遼業嗣天宮。右歌供具。

影響未嘗隔。晦明殊復親。弘慈邈廣弘明集作迫。注云。明宮本作邈。已遠。睿后扇高塵。區中提樂府作提。景福。寓廣弘明集云。三本作宇。明本云。一作寓。外沐深仁。萬祀留廣弘明集作流。注云。明本作留。云一作流。國祚。億兆慶唐民。右

歌福應。○廣弘明集三十。樂府詩集七十八。詩紀五十七。

少年子

聞有東方騎。遙見上頭人。待君送客返。桂釵當自陳。○樂府詩集六十六。詩紀五十七。

江臯曲

林斷山更續。洲盡江復開。雲峯帝鄉起。水源桐柏來。○樂府詩集七十七。詩紀五十七。

思公子

春盡風颯颯。蘭凋木脩脩。王孫久爲客。思君徒自憂。○樂府詩七十四。詩紀五十七。

王孫遊

詩紀云。玉臺作春遊。

置酒登廣殿。開襟望所思。春草行已歇。何事久佳期。○樂府詩集七十四。詩紀五十七。

陽翟新聲

懷春發下蔡。含笑向陽城。恥爲飛雉曲。好作鷓鴣鳴。○樂府詩集七十四。詩紀五十七。

永明樂十首謝朓同賦。

玄符昭景曆。茂實偶英聲。長爲南山固。永與朝日明。○樂府詩集七十五。詩紀五十七。

靈丘比翼棲。芳林合條起。兩代分憲章。一朝會書軌。○同上

二離金玉相。三袞蘭蕙芳。重儀文世子。再奉東平王。○同上

空谷返逸驂。陰山響鳴鶴。振玉躡丹墀。懷芳步青閣。○同上

崇文晦已明。膠庠雜復整。弱臺留折巾。沂川詠芳穎。○同上

定林去喧俗。鹿野出埃霞。香風流梵瑄。澤雨散雲花。○同上

楚望傾湘滌。日館仰鑾鈴。已晞五雲發。方照兩河清。○同上

幸哉明盛世。壯矣帝王居。高門夜不析。飲帳曉長舒。○同上

總棹金陵渚。方駕玉山阿。輕露炫珠翠。初風搖綺羅。○同上

西園抽蕙草。北沼掇芳蓮。生逢永明樂。死日生之年。○同上

奉和秋夜長

秋夜長。玉臺作秋夜長復長。夜長樂未央。舞袖拂花玉臺作明。燭。歌聲繞鳳梁。○玉臺新詠十作秋夜。古文苑四不署名。樂府詩集七十六作秋夜長。詩紀五十七。

詩

贈族叔衛軍儉詩十五章

台曜澄華。鉉岳裁峻。經天爲象。麗地作鎮。龍潛九泉。鳳栖百仞。濟弇高騰。乘箕遠振。極睇金策。具覽瑤圖。宏蹤滂邈。遠理睢盱。聖機共軫。睿想同謨。玄契寤語。幽契占符。軒迹方融。稽牧克輔。天步初階。哲人翼主。望古連規。追循疊矩。齊摯等契。凌何邁禹。桂萌已馥。玉生而溫。曰自志學。卽此賓門。身無擇行。口不棄言。儔襟河隄。合量衢罇。漸美中和。資心百姓。柔裕爲容。齊莊以敬。仁則物安。義惟已正。沖泉如泉。鏡淨如鏡。不器其文。館詞林作有。德。有斐文。館詞林作匪。類聚同。斯文。質超瑚璉。才逸卿雲。搖筆泉瀉。動詠雲紛。颯乎不極。卓兮靡羣。

君道知人。臣術勝務。納揆飛聲。登庸緝譽。名敷沈隱。賁發幽素。九流載清。八政允樹。帝曰欽哉。朕嘉乃良。滔滔江蠡。實紀炎方。建茲赤社。俾侯南昌。受策以出。出入勤王。施之爲政。實尹上京。朞月而可。三年有成。人莫愛力。物不度情。雋張愧稱。王趙慚名。息憇渠館。式靜澤宮。我求駿德。昭此困蒙。儀形闔里。木鐸淹中。容上復禮。稷下還風。帝略時康。皇塗攸乂。乃命南昌。式補袞闕。念損辭功。鳴謙讓伐。豈敢固之。王言再發。於時春暮。日煥雲清。前紀文物。後發聲明。逶迤冕服。有鏘璵珩。公其戾止。威德惟馨。

德馨伊何。如蘭之宜。貞筠抽類聚作抽。詩紀同。箭。潤壁懷山。有榮有茂。不瘁不騫。介茲景福。君子萬年。繇資律紀。望以輶傳。宋翟空墨。周老徒玄。一致或稟。百行無員。永言古烈。公實兼旃。

六樂畢該。五禮備貫。文館詞林作員。七訓是敷。三英有粲。文整國容。武決廟算。唯且唯公。唯公唯且。○文館詞林百五十二。又類聚三十一作贈族衛軍詩。引峻、鎮、文、雲、紛、宜、山、貫、粲、且十韻。

從武帝琅邪城講武應詔詩

治兵聞魯策。訓旅見周篇。教民良不棄。任智理恒全。白日映丹羽。頽霞文翠旃。凌山炫組甲。帶水被戎船。凝葭鬱摧槍。清管乍聯綿。早逢文化洽。復屬武功宣。願陪玉鑾右。一舉掃燕然。○類聚五十九。詩紀五十七。

棲玄寺聽講畢遊邸園七韻應司徒教詩

道勝業茲遠。心閒地能曠。桂檠廣弘明集作燎。注云。宋宮本作燎。元明本作燎。古文苑作掩。廣文選作掩。鬱初裁。蘭墀坦將闢。虛檐對長嶼。高軒臨廣液。芳草列成行。嘉樹紛如積。流風轉還廣弘明集云。明本云。一作旋。廣文選云。還音旋。謂回旋之逕。詩紀云。音旋。逕。清煙泛喬石。日汨廣弘明集作泊。注云。明本作汨。山照紅。松暎水華碧。暢哉人外賞。遲遲眷西廣弘明集作春將。注云。明本作眷西。夕。○廣弘明集三十。古文苑四。廣文選九。詩紀五十七。

雜體報范通直詩

和璧荆山下。隋珠漢水濱。無雙自昔代。有美今爲鄰。三楚多秀古。文苑作才士。江上復才人。緯綃詩紀云。疑蕭字之誤。非善賈。聖德可名臣。追飛且學步。共子奉清塵。紫庭風日好。青槐枝葉新。徘徊吹樓側。欲見心所親。樹當是微字別體。君蘭蕙草。何用以書紳。○古文苑九。詩紀五十七。

蕭諮議西上夜集詩

徘徊將所愛。類聚作憂。惜古文苑作昔。別在河梁。衿袖三春古。文苑作處。隔江山千里長。寸心無遠近。邊地有風霜。勉哉勤歲暮。敬矣事類聚作慎。初學記同。容光山中殊未憚。初學記作澤。杜若空自古。文苑作爲。芳。○類聚二十九。初學記十八。古文苑九作別蕭諮議。詩紀五十七。

別王丞僧孺詩

首夏實清和。餘春滿郊甸。花樹雜爲錦。月池皎如練。如何於類聚作當。詩紀云。一作當。此時別離言與面。類聚作宴。留雜已鬱紆。行舟亦遙衍。非君不見思。所悲思不見。○古文苑九不署作者。詩紀五十七。又類聚二十九作謝朓別王僧孺詩。引練、宴、見三韻。

寒晚敬和何徵君點詩

疏酌候冬序。閒琴改秋律。如何將暮天。復值西歸日。搖落迎軒牖。飛鳴亂繩葦。煙灌共深陰。風篁兩蕭瑟。虛堂無笑語。懷君首如疾。早輕北山賦。晚愛東臯逸。上德可潤身。下澤有徐轡。○古文苑九作劉中書作。詩紀五十七。

古意詩二首詩紀作和王友德元古意二首。

遊禽暮知反。行人獨未歸。坐銷芳草氣。空度明月輝。嘔容入朝鏡。思淚點春衣。巫山彩雲沒。古文苑作合。淇古文苑誤作湛。上綠條詩紀作楊。稀。待君竟不至。秋雁雙雙飛。○玉臺新詠四。古文苑九不署作者。題作王友德。古意二首。詩紀五十七。

霜氣下孟津。秋風度函谷。念君淒已。詩紀作以。寒。當軒卷羅縠。織手廢裁縫。曲鬢罷膏沐。千里不相聞。寸心鬱紛蘊。玉臺作氤氳。況復飛螢夜。木葉亂紛紛。○同上

奉和竟陵王郡縣名詩

追芳承荔浦。揖道訊虛丘。升裾臨廣牧。從望盡平洲。曾山臨翠坂。方渠緬清流。陽臺翻早茂。陰館懷名秋。歲晏詩紀作宴。東光弭。景仄西華收。端溪慙昔彥。測水謝前脩。往食曲阜盛。今屬平臺遊。燕棠缺初雅。鄭衰息遺謳。久傾信都美。乃結茂陵儔。河間誠可詠。南海果難遊。○類聚五十六。詩紀五十七。

遊仙詩五首詩紀云。集云應教。

桃李不奢年。桑榆多暮節。常恐秋蓬根。連翩因風雪。習道遍槐岷。追仙度瑤碣。綠帙啓真詞。丹經流妙說。長河且已縈。曾山方可礪。○古文苑九不署作者。

獻歲和風起。日出東南隅。鳳旄亂煙道。古文苑缺道字。龍駕溢雲區。結賞自員。廣文選作雲。嶠。移讌。廣文選作燕。乃方壺。金卮。廣文選作芝。浮水翠。玉罍挹泉珠。徒用霜露改。終。古文苑缺終字。然天地俱。○古文苑九。廣文選九。詩紀五十七。

命駕瑤池隈。樂府作側。注云。一作隈。過息羸女臺。長袖何靡靡。簫管清且哀。璧門涼月舉。珠殿秋風迴。青鳥驚高羽。王母停玉杯。舉手暫樂府作慙。爲別。千年將復來。○古文苑九。樂府詩集六十四作神仙篇。廣文選九。詩紀五十七。

湘沅有蘭芷。古文苑作芷。汨吾欲南征。遺珮出長。古文苑作長出。浦。舉袂望增城。朱霞拂綺樹。白雲照金楹。五芝多秀色。八桂常冬榮。弭節且夷與。參差聞鳳笙。○古文苑九。廣文選九。詩紀五十七。

命駕隨所卽。燭龍導輕鑣。沙澤振寒草。弱水駕冰潮。遠翔馳聲響。流雪自飄飄。忽與若士。古文苑、廣文選作人。遇。古文苑作□者。長舉人雲霄。羅繹。古文苑作澤。徒有睨。螭螟。古文苑、廣文選作鷦明。已寥寥。○同上

訶詰四大門詩

迅矣百齡。綿茲六人。出沒昏疑。興君愛習。總總予求。營營爾給。匪德日歸。唯殃斯集。貪人敗類。無厭

自及。昭回不希。玄墟何泣。○初學記二十三。

在家男女惡門詩

在磨則磷。玉生雖堅。唯居必徙。豈日能賢。冰開春日。蘭敗秋年。天教斯類。及習情遷。命符三牖。生偕十纏。茲焉遂住。憂畏方延。○初學記二十三。

大慚愧門詩

蘭室改蓬心。旃初學記作旌。崖變伊草。丹青有必渝。絲磔初學記缺此字。詩紀云。一作素。豈常皓。曲轅且繩直。詭木遂彫藻。一簣或成山。百里倦中道。隆初學記作崇。詩紀云。一作崇。漢乃王臣。失初學記作大。楚信初學記作言。元保。勉矣德不孤。至言匪虛造。○初學記二十三。廣弘明集三十作淨行頌。○遠案。廣弘明集淨行頌共十首。此其九。詩紀以初學記引此作詩。遂全部編入之。今據初學記錄此篇。其他九首既爲淨行頌。皆從略。

努力門詩

豫北二山尚有移。河中一洲亦可爲。精誠必至霜塵下。意氣所感金石離。有子合掌修名立。時王權髮美譽垂。昔來勤心少騫墮。當作騫。何不努力出憂危。勝幡法鼓繁且擊。智師道衆紛以馳。有生無我儼既列。無明有我孰能窺。○初學記二十三。

迴向門詩

悠悠九土各異形。擾擾四生非一情。驅車策馬殉世業。市文鬻義炫虛名。三墨紛糾殊不會。七儒委鬱曾未并。吉凶尚忌及數術。取與離合實縱橫。朝日夕月竟何取。投巖赴火空捐生。咄嗟失道爾迴駕。河彼流水趣東瀛。○初學記二十三。

春遊迴文詩

枝分類聚作大。柳塞北。葉暗榆關東。垂條逐絮轉。落葉散花叢。池蓮照曉月。幔錦拂朝風。低吹雜綸羽。類聚作曉吹綸雜羽。薄粉豔粧紅。離情隔遠道。歎結深閨中。○類聚五十六。詩紀五十七。

侍遊方山應詔詩

巡躅望登年。帳飲臨秋縣。日羽鏡霜潯。雲旗落風甸。四瀛良在目。八字婉如見。小臣竊自嘉。預奉柏梁讌。○古文苑九。詩紀五十七。

奉辭鎮西應教詩

未學謝能算。高義幸知遊。雷庭參辯爽。梁苑豫才鄒。徘徊歲光晚。搖落江樹秋。風旗縈別浦。霜瑄迺遙

洲。○類聚二十九。詩紀五十七。

餞謝文學離夜詩

所知共古文苑作供共。歌笑。謝集作吹。誰忍別笑歌。離軒思黃鳥。分渚蘼青莎。翻情結遠旆。灑淚與行謝集作烟。波。春江夜明月。還望情如何。○謝宣城詩集四。古文苑九。詩紀五十七。

和南海王殿下詠秋胡妻詩七章○樂府作七首。廣文選、詩紀同。

日月共爲照。松筠俱以貞。佩紛古文苑、樂府作分。甘自遠。結鏡待君明。且協金蘭好。方愉琴瑟情。佳人忽千里。幽樂府作空。閨積思生。

景落中軒坐。悠悠望城闕。高樹升夕煙。層樓滿初月。光陰非或異。山川屢難越。輟泣揜鉛姿。搔首亂雲髮。

傾魄樂府作魂。屬徂古文苑作組。火。搖念待方秋。涼氣承字結。明熠僚堦流。三星亦虛暎。四屋慘多愁。思君古文苑缺君字。如萱草。一見乃忘憂。

杼軸樂府云。一作衿袖。鬱不諧。契闊彌樂府作迷。新故。朔古文苑作翔。風櫺樂府作欄。上發。寒鳥林間度。客遠乏衣裘。歲晏饒霜露。參差興別緒。依遲樂府云。一作違。起離慕。

願言如可信。樂府作行。古文苑作何行。行樂府作信。邁亦云樂府作亡。反。睇景不告勞。瞻途寧遽遠。何以淹歸轍。

蠶妾事春晚。送目亂前華。馳心迷舊婉。

椒珮容廣文選作客。有結。振芳歧廣文選作歧。路隅。黃金徒以賦。白珪終不渝。明心良自皎。安用久踟躕。遊車及樂府作反。粉古文苑作遺速反於。巷。流日古文苑作日。樂府同。下西虞。

披帷悵古文苑作悵。樂府、廣文選同。樂府又注云。一作悵。有望。出門遲所欲。彼美復古文苑作後。來儀。慚顏變欣矚。蘭艾隔芳臭。樂府作蕪。涇渭分清濁。去去夫人子。請殉樂府作徇。川之曲。○古文苑九不署作者。樂府詩集三十六。廣文選八。詩紀五十七。又類聚三十二引第一章。

詠琵琶詩

抱月如可明。懷風殊復清。絲中傳意緒。花裏寄春情。掩抑有奇態。淒鏘多好聲。芳袖幸時拂。初學記作拂持。龍門空自生。○謝宣城詩集五。玉臺新詠四。類聚四十四。初學記十六。古文苑九。詩紀五十七。

詠幔詩

幸得與珠古文苑作君。綴。羈屣君之楹。月映御覽作日暎。不辭卷。風來輒自輕。每聚金爐氣。時駐玉琴聲。但玉臺作俱。願置玉臺作致。類聚同。樽酒。蘭釭當萬花谷作常。夜明。○謝宣城詩集五。玉臺新詠四。類聚六十九。初學記二十五。古文苑九作謝文學賦物爲詠得幔。御覽六百九十九。詩紀五十七。

藥名詩

重臺信嚴敞。陵澤乃閒荒。石蠶終未蠶。垣衣不可裳。秦芎留近詠。楚蘅摺遠翔。韓原結神草。隨庭銜夜光。○古詩類苑八十一。詩紀五十七。

星名詩

眇歎屬辰移。端憂臨歲永。久慚入漢客。每愧遵河影。仙羽誠不退。蓬襟良未整。誰謂無正心。○古詩類苑八十一。詩紀五十七。

奉和月下詩

雕雲度綺錢。香風入珠網。獨知此夜月。依遲慕神賞。○古文苑九不署作者。詩紀五十七。

詠池上梨花詩

翻堦沒細草。集水間疏萍。芳春照流雪。深夕映繁星。○古文苑九。詩紀五十七。

詠梧桐詩

鴛鳳影層枝。輕虹鏡展綠。豈數龍門幽。直慕瑤池曲。○古文苑九不署作者。詩紀五十七。

詠女蘿詩

羃歷女蘿草。蔓衍旁松枝。含煙黃且綠。因風卷復垂。○類聚八十一。詩紀五十七。

移席琴室應司徒教詩

雪崖似留月。蘿徑若披雲。潺湲石溜寫。綿蠻山雨聞。○類聚六十四。詩紀五十七。

抄衆書應司徒教詩

說禮固多才。惇詩信爲善。巖笥發仙華。金牒開碧篆。○類聚五十五。詩紀五十七。

奉和代徐詩二首

自君之出矣。芳蕝絕瑤卮。思君如形影。寢興未曾離。○古文苑九不署作者。樂府詩集六十九。詩紀五十七。

自君之出矣。金鑪香不燃。思君如文選補遺作當。明燭。中宵空自煎。○玉臺新詠十作代徐幹。古文苑九不署作者。樂府詩集六十九。文選補遺三十四。詩紀五十七。

擬古詩二首

花蒂今何在。亦玉臺作示。是林下生。何當垂雙玉臺作兩。類聚同。髻。團扇雲間明。○玉臺新詠十。類聚五十六作代藁

砧詩。詩紀五十七。

鏡臺今何在。寸身正相隨。何當碎聯玉。雲上壁已虧。○類聚五十六作代葉砧詩。詩紀五十七。

四色詠

赤如城霞起。青如松霧澈。古文苑作微。黑如幽都雲。白如瑤池雪。○類聚五十六作四色詩。古文苑九不署作者。詩紀五十七。

離合賦物爲詠詠火

冰容慚遠鑒。水質謝明暉。是照相思夕。早望行人歸。○玉臺新詠十。類聚五十六作離合詩。詩末注火字。詩紀五十七。

後園作迴文詩

詩紀云。此或爲梁元帝詩。觀簡文諸人和詩可見。藝文逸名。俟再考證。

斜峯繞徑曲。聳石帶山連。花餘拂戲鳥。樹密隱鳴蟬。○類聚五十六。詩紀五十七。○遠案。類聚此詩在王融離合詩後。

雙聲詩

園蘅眩紅蕩。湖荇燁叢話作擘。黃華。迴叢話誤作迴。鶴橫淮翰。遠越合雲霞。○若溪漁隱叢話二。詩紀五十七。

代五雜組詩

五雜組。慶雲發。往復還。經天月。不獲已。生胡越。○類聚五十六。詩紀五十七。

奉和織織詩

兩頭織織綺上紋。半白半黑鷓古文苑、類聚作燕。翔羣。。膈膈膊膊鳥類聚作鳥。。迷曛。磊磊落落玉石分。○古文苑九不署作者。類聚五十六作代兩頭織織詩。詩紀五十七。

丘巨源

巨源。蘭陵人。宋孝武時舉丹陽郡孝廉。明帝卽位。自南臺御史爲王景文鎮軍參軍。元徽中。除奉朝請。歷佐諸王府。轉羽林監。齊受禪。爲尚書主客郎。領軍司馬、越騎校尉。除武昌太守。改餘杭令。齊明帝爲吳興。巨源嘗作秋胡詩。有諷刺語。以事見殺。有龜經秘要二卷、集十卷。

詠七寶扇詩

妙縞貴東夏。初學記作妙貴經。夏。萬花谷作妙貴經冬夏。巧技玉臺作媛。初學記字缺。萬花谷作妖。出吳闔。裁狀詩紀作如。白玉璧。縫似明月輪。表裏縷七寶。中銜駭雞珍。畫作景山樹。圖爲河洛神。來延揮握玩。人與鑽釧親。生

風長袖際。晞華紅粉類聚作柳。津。拂初學記作倩。萬花谷同。盼玉臺作眇。迎嬌意。隱映含歌人。時移務忘故。節改競存新。卷萬花谷作倦。情隨象簟。舒心謝錦茵。厭玉臺作厭。歇初學記作歇。萬花谷同。何足道。敬哉先後晨。○玉臺新詠四作七寶扇。初學記二十五。萬花谷續七。詩紀六十二。又類聚六十九作七寶閣扇詩。引輪、珍、神、津、人五韻。

聽鄰妓詩

披衽乏遊術。憑軾寡文才。蓬門長自寂。虛席視生埃。貴里臨倡玉臺作妝。詩紀云。一作粧。館。東鄰歌吹臺。雲間嬌響徹。風末豔聲來。飛華瑤翠幄。揚芬金碧杯。久絕中州美。從念尸鄉灰。遺情悲近世。中山安在哉。○玉臺新詠四。詩紀六十一。

王仲雄

仲雄。晉陵南沙人。敬則子。

懊儂曲歌

南齊書王敬則傳曰。敬則繇功封尋陽郡公。出爲會稽太守。明帝既多殺害。自以高武舊臣。心懷憂恐。諸子在都。上遣敬則世子仲雄入東安慰之。仲雄善彈琴。當時新絕。江左有蔡邕焦尾琴。在主衣庫。上敕五日一給仲雄。仲雄於御前鼓琴作懊儂曲歌。帝愈猜愧。後敬則竟以反誅。

常歎負情儂。郎今果何南史作行。許。君行不淨心。那得惡人題。○南史王敬則傳。又南齊書王敬則傳引前二句。

孔稚珪

稚珪。字德璋。會稽山陰人。齊高帝爲驃騎。取爲記室參軍。建武初。累遷冠軍將軍、太子詹事、散騎常侍卒。有集十卷。

白馬篇

驥子踢且鳴。鐵陣與雲平。漢家嫖姚將。馳突匈奴庭。少年鬪猛氣。怒髮爲君征。雄戟摩白日。長劍斷流星。早出飛狐塞。晚泊樓煩城。虜騎四山合。胡塵千里驚。嘶笳振地響。吹角沸天聲。左碎呼韓陣。右破休屠兵。橫行絕漠表。飲馬瀚海清。樂府云。一作汀。隴樹枯無色。沙草不常青。勒石燕然道。凱歸長安亭。縣官知我健。四海誰不傾。但使強胡滅。何須甲第成。當今樂府作令。丈夫志。獨爲上古英。○樂府詩集六十三。詩紀六十二。○遼案。樂府所載原有兩篇。然細審第二篇。乃北朝人作。文苑英華又明作隋煬帝作。今移入隋詩。

白紵歌

山虛鐘磬徹。○韻語陽秋二。

旦發青林詩

孤征越清江。遊子悲路長。二句倏已。詩紀作以。滿。三千眇未央。草雜今古色。巖留冬夏霜。寄懷中山舊。舉酒莫相忘。○類聚二十七。詩紀六十二。

遊太平山詩

石險天貌分。林交口容缺。輿地紀勝作闕。陰澗落春榮。寒巖留夏雪。○類聚八。輿地紀勝十。詩紀六十二。

酬張長史詩

同貧清風館。共素白雲室。○文選四十三北山移文注。

張融

融。字思光。吳郡人。初仕宋爲新安王參軍。出爲封溪令。改爲儀曹郎。齊高帝卽位。累遷司徒兼右長史。建武四年卒。年五十四。有集二十七卷。又玉海集十卷、大澤集十卷、金波集六十卷。

白日歌

序曰。懸象著明。莫大於日月。而彼日月。不能不謝。固知無準。衰爲樂府作乃。盛之終。盛爲樂府作乃。衰之始。故爲白日歌。

白日白日。舒天昭樂府作照。暉。數窮則盡。盛滿則樂府作而。衰。○樂府詩集八十六。詩紀六十二。

簫史曲

引響猶天外。吟聲似地中。戴勝詩紀字缺。噪落景。龍歆清霄風。○樂府詩集五十一。詩紀六十二。

憂且吟

鳴琴當春夜。春夜當鳴琴。羈人不及樂。樂府、詩紀並云。一作自不樂。何似千里心。○樂府詩集七十六。詩紀六十二。

別詩

白雲山上盡。清風松下歇。欲識離人悲。孤臺見明月。○類聚二十九。初學記十八。詩紀六十二。

贈何點詩

梁書曰。吳國張融。少時免官。而爲詩有高尚之言。點答詩曰。昔聞東都日。不在簡書前。融久病之。及點後婚。融始爲詩曰。

惜哉何居士。薄暮遘荒淫。○梁書何點傳。

徐孝嗣

孝嗣。字始昌。東海郟人。尚宋康樂公主。拜駙馬都尉。人齊爲晉陵太守。歷征虜長史。累遷尚書吏部郎、太子詹事。封枝江縣公。轉中書令。永元元年被誅。年四十六。

白雪歌詩紀云。一作琴歌。

風闈晚翻靄。月殿夜凝明。願君早流樂府作留。注云。一作流。眇。無令春草生。○樂府詩集五十七。詩紀五十六。

答王儉詩

書帷停月。琴袖承飈。結芳幽谷。解珮明椒。去德滋永。懷德滋深。行雲傳想。歸鴻寄音。○類聚三十一。



齊詩卷三

謝朓

朓。字玄暉。陳郡陽夏人。永明初爲豫章王太尉參軍。轉王儉衛軍東閣祭酒、太子舍人、隋王鎮西功曹。轉文學。遷新安王中軍記室。尋兼尚書殿中郎。明帝輔政。以爲驃騎諮議。領記室。及卽位。轉中書郎。出爲宣城太守。又爲晉安王鎮北諮議、南東海太守。行南徐州事。遷尚書吏部郎。永元元年爲始安王遙光所殺。年三十六。有集十二卷、逸集一卷。

樂府

隋王鼓吹曲十首

齊永明八年。謝朓奉鎮西隋王教。於荊州道中作鈞天已上三曲頌帝功。校獵已上三曲頌藩德。

元會曲

二儀啓昌曆。三陽樂府云。一作朝。應慶期。珪贄紛成本集作威。序。鞞本集作鞞。譯憬樂府作撮。來思。分階艷組練。充庭羅翠旗。觴流白日下。吹溢類聚作謚。樂府同。景雲滋。天儀穆藻殿。萬寓本集作宇。壽類聚作宇慶。樂府云。

一作應。皇基。○本集二。樂府詩集二十。詩紀五十八。又類聚四十二引期、旌、泚、基四韻。

郊祀曲

六宗禋配樂府作祀。岳。五時奠甘泉。整蹕遊九闕。清簫開八埏。樂府作壘。詩紀同。鏘鏘本集作鎗鎗。玉變動。溶溶金障本集作陣。樂府同。旋。郊本集作均。宮光已屬。升柴禮既虔。福響靈本集作雲。之集。南岳固斯年。○本集二。樂府詩集二十。詩紀五十八。

鈞天曲

高宴顛本集作皓。類聚同。樂府作浩。天臺。置酒迎風觀。笙鏞禮百神。鍾石動雲漢。瑤堂本集作池。類聚作臺。樂府同。又注云。一作堂。琴本集、類聚並作寶。樂府云。一作寶。瑟驚。綺席舞衣散。威鳳來參差。玄鶴起樂府云。一作去。凌樂府作流。亂。已慶明庭樂。詎慚類聚作誰想。南風彈。○本集二。樂府詩集二十。詩紀五十八。又類聚四十二引觀、漢、散、彈四韻。

入朝曲

江南佳麗地。金陵帝王州。逶迤帶綠文選作綠。六臣本注云。五臣作綠。水。迢遞三謝詩作遠。起朱樓。飛甍夾馳道。垂楊蔭御溝。凝笳翼高蓋。疊鼓送三謝詩作逸。華類聚作行。輶。獻納雲臺表。功名良可收。○本集二。文選二十八。樂府詩集二十。三謝詩。詩紀五十八。又類聚四十二引州、溝、輶、收四韻。

出藩曲

雲枝樂府作披。紫微內。分組承明阿。飛艎遡樂府作遊。注云。一作遡。極浦。旌節去關河。眇眇蒼山色。沈沈寒樂府作遠。注云。一作寒。水波。鏡音巴本集誤作色。渝曲。簫鼓樂府作管。盛唐歌。夫君邁惟樂府作遺。德。江漢仰清和。○本集二。樂府二十。詩紀五十八。

校獵曲

凝霜冬十月。殺盛涼飈衷。本集作開。文選補遺、廣文選同。樂府云。一作開。原澤曠本集作廣。千里。騰騎紛樂府云。一作絡。往來。平買本集作置。望煙合。烈火從風迴。殪獸華容浦。張樂荆山臺。虞人昔有諭。明明時戒哉。○本集二。樂府二十。文選補遺三十四。廣文選十四。詩紀五十八。

從戎曲

選旅辭輶輶。詩紀作軒。弭節赴本集作趨。類聚同。樂府云。一作趨。河本集作何。源。日起霜戈照。風迴連騎本集作旗。類聚同。翻。紅塵朝夜合。黃沙樂府作河。萬里昏。寥戾類聚作唳。本集作噉。清笳轉。樂府作轉。蕭條邊馬煩。自勉輟耕願。征役去何言。○本集二。樂府詩集二十。詩紀五十八。又類聚四十二引源、翻、煩、言四韻。

送遠曲

北梁辭歡宴。南浦送佳人。方衢控龍馬。平路騁朱輪。瓊筵妙舞絕。桂席羽觴陳。白雲丘陵遠。山川時未因。一爲清吹激。潺湲傷別巾。類聚作神。○本集二。樂府詩集二十。詩紀五十八。又類聚四十二引人、輪、陳、神四韻。

登山曲

天明開秀嶽。類聚誤作草。瀾光媚碧隄。風盪飄類聚作翻。鶯亂。樂府作辭。注云。一作翻鶯行。雲行樂府作雲華。注云。一作飛行。芳樹低。暮春春服美。遊駕凌文選注作陵。類聚作躡。樂府云。一作躡。丹類聚作石。樂府云。一作石。梯。升嶠既小魯。登巒且悵齊。王孫尚遊衍。蕙草正本集作芳。萋萋。○本集二。樂府詩集二十。詩紀五十八。又類聚四十二引隄、低、梯三韻。文選二十七遊敬亭山詩注引梯、齊二韻。

泛水曲

玉露類聚作霜。樂府云。一作霜。霑翠葉。類聚作草。金鳳鳴素枝。罷遊平樂苑。泛鷁昆明池。旌類聚作羽。樂府云。一作羽。旗散容裔。簫管本集作鼓。類聚同。樂府云。一作鼓。吹參差。日晚厭遵渚。採菱贈清漪。百年如流水。寸心寧共知。○本集二。樂府二十。詩紀五十八。又類聚四十二引枝、池、差、知四韻。

江上曲

易陽春草出。踟躕日已暮。蓮葉尚本集作向。田田。淇水不可渡。願子淹桂舟。時同千里路。千里既相許。本集作託。桂舟復容與。江上可采菱。清歌共南楚。○本集二。樂府詩集七十七。詩紀五十八。

蒲生行

蒲生廣湖邊。託身洪波側。春露惠我澤。秋霜緝我色。根葉從風浪。常恐不永植。攝生各有命。豈云智與力。安得遊雲上。與爾同羽翼。○樂府詩集三十五。詩紀五十八。

詠邯鄲故才人嫁爲厮養卒婦

生平宮闈樂府作閤。裏。出入侍丹墀。開筍方羅縠。窺鏡比蛾眉。初別意未本集作夫。解。去久日生悲。憔悴不自識。嬌羞餘故姿。夢中忽髣髴。猶言承讌詩紀作燕。私。○本集五。玉臺新詠四。樂府詩集七十三。廣文選十四。詩紀五十八。

同沈右率諸公賦鼓吹曲名二首右率諸公詩各見本集。

芳樹

早翫華池陰。復影本集作鼓。詩紀云。一作鼓。滄洲樾。椅梔芳若斯。葳蕤紛可結。本集作繼。霜下桂枝銷。樂府作鋪。怨與飛蓬折。本集作逝。不厠玉盤滋。誰憐終委絕。本集作細。○本集二。樂府詩集十七。詩紀五十八。

臨高臺時爲隋王文學。

千里常思歸。登臺臨本集作瞻。綺翼。纔本集作裁。見孤鳥還。未辨連山極。四面動清樂府作春。詩紀云。一作春。風。朝夜起寒色。誰知本集作識。注云。一作念。倦遊者。嗟此故鄉憶。○同上

同賦雜曲名時爲宣城守。檀秀才、江朝請、陶功曹、朱孝廉同賦詩別見。

秋竹曲

嬈娟綺窗北。結根未參差。從風既裊裊。映日頗離離。欲求棗下吹。別有江南枝。但能凌白雪。貞心蔭曲池。○本集二。

曲池之水

緩步遵莓渚。披衿待蕙風。芙蓉舞輕帶。樂府作蒂。苞本集作包。筍出芳叢。浮雲自西北。江海本集作海江。思無窮。鳥去能傳響。見我綠樂府作測。琴中。本集云。綠琴一作側琴。○本集二。樂府詩集七十五。詩紀五十八。

同謝諮議詠銅爵臺

總幃本集作帷。飄井幹。樽酒若平生。鬱鬱西陵樹。詎聞歌吹聲。芳襟染淚迹。嬋娟本集作媛。文選、類聚同。空復

情。玉座猶寂寞。本集作漢。況乃妾身輕。○本集二。文選二十三。類聚三十四作銅爵臺妓詩。樂府詩集三十一作銅雀妓。三謝詩。詩紀五十八。

永明樂十首 王融同賦。

南齊書樂志曰。永明樂歌者。竟陵王子良與諸文士造奏之。人爲十曲。

帝圖開本集作潤。樂府作閩。九有。皇風浮四溟。永明一爲樂。咸池無復靈。○本集二。樂府詩集七十五。詩紀五十八。

民和禮樂富。世清歌頌徽。鴻名軼卷領。稱首邁垂衣。○同上

朱臺鬱相望。青槐紛馳道。秋雲湛甘露。春風散芝草。○同上

龍樓日月照。溜館風雲清。儲光溫似玉。藩度式如本集缺如字。瓊。○同上

化洽鯤海君。恩變龍庭長。西北驚環裘。東南盡龜象。○同上

出車長洲苑。選族朝夕川。絡絡結雲騎。奕奕泛戈船。○同上

燕駟遊京洛。趙服麗有輝。清歌留上客。妙舞送本集缺送字。將歸。○同上

實相薄五禮。妙花本集作化。開六塵。明祥已玉燭。寶瑞亦本集缺上三字。金輪。○同上

生蔑苾蘿性。身與嘉本集作佳。惠隆。飛纓入華殿。屣步出重宮。○同上

彩鳳鳴朝陽。玄鶴舞清商。瑞此永明曲。千載爲金本集作今爲。皇。○同上

同王主簿有所思

佳期期未歸。望望下鳴機。徘徊東陌上。月出行人稀。
○本集四。玉臺新詠十。樂府詩集十七。文選補遺三十四。詩紀五十八。

銅雀悲

落日高城上。餘光入繡帷。寂寂深松晚。寧知琴瑟悲。
○本集二。文選補遺三十四。廣文選十四。詩紀五十八。

玉階怨

夕殿下珠簾。流螢飛復息。長夜縫羅衣。思君此何極。
○本集二。玉臺新詠十。類聚三十。樂府詩集四十三。詩紀五十八。

金谷聚

渠盤本集作渠送佳人。玉杯邀玉臺作要。上客車馬一東西。別後思今夕。
○本集二。玉臺新詠十。詩紀五十八。

王孫遊

綠草蔓樂府云。一作夢。如絲。雜樹紅英發。無論君不歸。君歸芳已歇。
○本集二。玉臺新詠十。樂府詩集七十四。廣文選

十四。詩紀五十八。

詩

侍宴華光殿曲水奉勅爲皇太子作詩九章○以下四言。

旁求邃類聚作遂。文選補遺、廣文選同。古。逖聽鴻名。大寶曰位。得一爲貞。朱梯文選補遺作梯。叶祉。綠字摘英。升配同貫。進讓殊聲。

大橫將屬。會昌已命。國步中徂。本集作阻。類聚同。宸詩紀作震。居膺慶。璽劍先類聚作克。傳。龜玉增映。宗堯有緒。復禹無競。

禮行郊社。人神受職。寶效山川。鱗羽變色。玄塞北靡。丹徼南極。浮毳駕風。非本集作飛。注云。一作非。泳非本集作登。注云。一作非。陟。文選補遺作飛流登陟。

能官民秀。利建天附。枵鵠列野。營絳分區。論思帝則。獻納宸樞。麟趾方本集云。一作公。文選補遺同。定。鵝翼誰濡。

西京藹藹。東都濟濟。秋祓濯流。春禊浮醴。初吉云獻。上除方啓。昔駕陽穎。本集作頻。注云。一作穎。文選補遺同。今帳雲陞。

嘉樂舊草堂詩箋作具。矣。初學記、歲時雜詠作初吉云已。芳宴在斯。載留神矚。有睟天儀。龍精已映。威仰未移。葉依黃鳥。花落春池。

高殿類聚作宴。初學記同。弘敞。禁林稠密。青磴歲時雜詠作燈。崛起。丹初學記作朱。歲時雜詠同。樓間出。翠葆隨風。金戈動日。惆悵清管。徘徊輕付。

滿漣入筵。河淇流阼。海類聚、廣文選作媧。詩紀云。一作媧。若詩紀云。一作谷。本集云。一作媧谷。文選補遺同。來往。觴肴泝。歡飫有終。本集作終日。初學記、歲時雜詠、文選補遺同。本集、文選補遺又注。一作有終。清光欲暮。輕貂本集云。一作豹。文選補遺同。類聚作貂。初學記同。回首。本集作道。注云。一作首。文選補遺同。初學記作音。華組徐步。

登賢博望。獻本集云。一作載。文選補遺同。賦清漳。漢貳稱敏。魏兩垂芳。監撫有則。匕鬯無方。瞻言守器。永愧元良。○本集一。文選補遺三十六。詩紀五十九。又類聚四作爲皇太子侍華光殿曲水宴詩。與廣文選八並引名、貞、英、聲、命、慶、映、極、陟、濟、醴、啟、陸、斯、儀、移、池、密、出、日、侑、阼、沂、暮、步二十五韻。初學記四作爲皇太子侍華光殿曲水宴詩。引六、七、八三章。古今歲時雜詠十六作爲皇太子侍華光殿曲水宴詩。引斯、儀、移、池、密、出、日、侑、阼、沂、暮、步十二韻。

三日侍華光殿曲水宴代人應詔詩十章

羣分未辨。類聚茲式。天睠休明。且求至德。御繁實簡。制動惟默。官府百王。衣裳萬國。中葉遭閔。副內多違。悠悠靈貺。爰有適歸。於昭睿后。撫運天飛。凝居中縣。神動外畿。懸象著明。離光乃位。我有儲德。徽猷淵備。長壽察書。龍樓迴轡。重道上庠。行遵儒肆。朝陽有幹。布葉萋萋。思皇威矣。鵷羽高棲。出馳先輅。人秉介珪。瞻秦望井。建魯分奎。求賢每勞。得士方逸。有覺斯順。無文咸秩。萬箱惟重。百綬載卹。屈草戒諛。階莫紀日。

文教已肅。武節既馳。榮光可照。合璧如規。載懷姑射。尚想瑤池。濯龍乃飾。天淵在斯。作樂順動。實符時義。上春初吉。亦留淵寄。紅樹岩舒。青莎本集云。一作蘊。水被。雕梁虹拖。雲葦鳥跂。高懸甲帳。周褰黼帷。長筵列陛。激水旋墀。浮醪聚蟻。靈蔡呈姿。河宗躍踢。海介夔跏。弱腕纖腰。遷延妙舞。秦箏趙瑟。殷勤促柱。降席連綏。稱觴接武。稽首萬年。獻茲多祐。天地既成。泉流既清。薄暮沾幸。屬奉文明。將標齊配。刻掃秦京。願馳龍漠。飲馬懸旌。○本集二。詩紀五十九。

三日侍宴曲水代人應詔詩九章

神理內寂。機象外融。遺情汾水。垂冕本集誤作見。鴻宮。樹以司牧。匪我求蒙。徒勤日用。誰契本集作器。玄功。往晦必明。來碩資蹇。於皇克聖。時乘御辯。寶曆載暉。瑤光重踐。昭昭舊物。熙熙遷善。當宁日昃。類聚作晏。求衣未明。抵璧焚翠。銷劍墮城。九疇式序。三辟本集誤作羣。載本集作再。清。虞箴罔闕。矇奏傳聲。

麗景則春。儀方在震。重聖積厚。金式瓊潤。天爵必諧。王臣咸蓋。譬諸華霍。惟邦之鎮。正朔葱瀚。冠冕印越。爭長明堂。相超本集作趨。魏闕。龜蒙詩紀作象。南薦。環裘西發。巢閣易窺。馴庭難掖。上巳惟昔。于彼禊流。被穢河澣。類聚作浦。張樂春疇。既停龍駕。亦泛鳧舟。靈宮備矣。無待茲遊。初鷺命曉。朝霞類聚作華。本集云。一作華。開夜。飾陞道源。迴伊流瀟。極望天淵。曲阻亭本集作謬。樹。閒館巖

敞。長廊水架。

金觴搖蕩。玉俎推移。筵浮水豹。席擗雲螭。寥亮琴瑟。嗷吡埴篥。歡茲廣譙。穆穆本集、類聚並作是。天儀。周道如砥。康衢載直。徒愧玄黃。負恩無力。華幡徒駕。長纓未飾。相彼失晨。寧忘鼓翼。○本集一。詩紀五十九。又類聚四作爲人作三日侍華光殿曲水詩。引融、宮、蒙、功、明、城、清、震、潤、疇、舟、夜、瀟、架、移、螭十六韻。

遊山詩以下五言。

託養因支離。乘閒遂疲蹇。語默良未尋。得喪云誰辯。幸蒞山水都。復值清冬緬。凌厓必千仞。尋谿本集作溪。將萬轉。堅嶠既峻嶒。迴流復宛澶。杳杳雲竇深。淵淵石溜淺。傍眺鬱纂筭。還望森栝榭。荒隩被葳莎。崩壁帶苔蘚。鼯狖叫層岵。鷗鳧戲沙衍。觸賞聊自觀。卽趣咸已展。前路欣本集字缺。方踐。無言蕙草歇。留垣芳可搴。尚子時未歸。邴本集字缺。生思自免。永志昔所欽。勝迹今能選。寄言賞心客。得性良爲善。○本集三。詩紀五十九。

遊敬亭山詩

茲山亘百里。合沓與雲齊。隱淪既已託。靈異居李善本文選作俱。然棲。上千蔽白日。下屬帶迴谿。交藤荒且蔓。樛枝聳復低。獨鶴方朝唳。飢鼯此夜啼。溧本集作泄。類聚同。三謝詩作滯。詩紀同。六臣本文選注。五臣作泄。雲已漫漫。夕文選作多。六臣本文選注云。五臣作夕。類聚作多。雨亦淒淒。我行雖紆組。兼得尋幽蹊。緣源殊未極。歸徑

宵如迷。要欲追奇趣。卽此陵丹梯。皇恩竟已矣。茲理庶六臣。本文選注云。五臣作席。無睽。○本集三。文選二十七。三謝詩。時紀五十九。又類聚七引齊、溪、低、淒四韻。○遠案。黃氏集千家註杜工部詩史補遺三嚴武詩注引此詩云。此山百里。合沓雲齊。獨鶴朝唳。飢語夜啼。行雖紆組。得踐幽棲。變爲四言詩。與此不同。

將遊湘水尋句溪詩

既從陵陽釣。挂鱗驂亦螭。方尋桂水源。本集作原。謁帝蒼山垂。辰哉且未會。乘景弄清漪。瑟汨瀉長淀。潺湲赴兩岐。輕蘋上靡靡。雜石下離離。寒草分花映。戲鮪乘空移。興以暮秋月。清霜落素枝。魚鳥余方翫。纓綉君自縻。及茲暢懷抱。山川長若斯。○本集三。詩紀五十九。

遊東田詩

戚戚李善本文選作感感。文章正宗同。苦無惊。攜手共行樂。尋雲陟累榭。隨山望菌閣。遠樹暖阡阡。李善本文選作仟仟。類聚同。生煙紛漠漠。魚戲新荷動。鳥散餘花落。不對芳春酒。還望青山郭。○本集三。文選二十二。類聚二十八。文章正宗二十九。三謝詩。詩紀五十九。又御覽百八十四作謝朓詩。引關一韻。

答王世子詩

飛雪天山來。飄聚繩樞外。蒼雲暗九重。北風吹萬籟。有酒招親朋。思與清顏會。熊席惟爾安。羔裘豈吾

帶，公子不垂堂。誰肯憐蕭艾。○本集三。詩紀五十九。

答張齊興詩

荆山從百里。漢廣流無極。北馳星斗本集作曷。正。南望朝雲色。川隰同幽快。冠冕異今昔。子肅兩岐功。我滯三冬職。誰知京洛念。彷彿昆山側。向夕登城濠。潛池隱復直。地迥聞遙蟬。天長望歸翼。清文忽景麗。思泉紛寶飾。勿言脩路阻。勉子康衢力。曾厓寂且寥。歸軫逝言陟。○本集三。詩紀五十八。

暫使下都夜發新林至京邑贈西府同僚詩

大江流日夜。客心悲未央。徒念類聚作望。關山近。終知返路長。秋河曙耿耿。寒渚夜蒼蒼。引領李善本文選作願。見類聚作望。京室。類聚作邑。宮本集作官。雉正相望。金波麗鳩本集作鳩。鵠。玉繩低建章。驅車鼎門外。思見昭丘陽。馳暉不可接。何況隔兩鄉。風雲本集作煙。類聚同。六臣本文選注云。五臣作煙。有鳥路。江漢限無梁。常恐鷹隼本集誤作集。擊。時南齊書作秋。菊委嚴霜。寄言尉羅者。寥廓已高翔。○本集三。文選二十六。類聚三十一作夜發新林至京邑詩贈西府同僚。三謝詩。文章正宗二十九。詩紀五十九。又南齊書謝朓傳引霜、翔二韻。

酬王晉安德元詩

稍稍文選作稍稍。本集同。枝早勁。塗塗露晚晞。南中榮橘柚。寧知鴻鴈飛。拂霧朝青閣。日旰坐彤闈。悵望一

途阻。參差百慮依。春草秋更綠。公子未西歸。誰能久京洛。緇塵染素衣。○本集三、文選二十六並作酬王晉安。詩紀五十九。

郡內高齋閒望答呂僧珍爲齊王法曹。

結構何迢遞。曠望極高深。窗中列遠岫。庭際俯喬林。日出衆鳥散。山暝孤猿吟。已有池上酌。復此風中琴。非君美無度。孰爲勞寸心。惠而能好我。問以瑤華音。若遺金門步。見就玉本集作此。注云。一作玉。六臣本文選注云。五臣作此。三謝詩作此。山岑。○本集三。文選二十六。文章正宗二十九。三謝詩。詩紀五十九。

在郡卧病呈沈尚書詩

淮揚本集、文選並作陽。類聚同。股肱守。高卧猶在茲。況復南山曲。何異幽棲時。連陰盛農節。簞笠聚東菑。高閣常晝掩。荒堦少諍辭。類聚作詞。珍簞清夏室。輕扇動涼颺。嘉魴聊可薦。綠李善本文選作淥。蟻方獨持。夏李沈朱實。秋藕折輕絲。良辰竟何許。夙昔夢佳期。坐嘯徒可積。爲邦歲已替。弦歌終莫取。撫機本集作枕。注云。一作机。文選作机。六臣本注云。五臣作枕。三謝詩作枕。令本集作金。自嗤。○本集四。文選二十六。三謝詩。詩紀五十九。又類聚三十一作在郡呈沈尚書。引茲、時、詞、颺、絲、期、替七韻。

別王丞僧孺詩

首夏實清和。餘春滿郊甸。花樹雜爲錦。月池皎如練。如何當此時。別離言與宴。留雜已鬱紆。行舟亦遙

衍。非君不見思。所悲思不見。○古文苑九不署作者。詩紀五十九。

同羈夜集詩

積念隔炎涼。驪言始今夕。已對濁尊酒。復此故鄉客。霜月始流砌。寒蛸早吟隙。幸藉京華遊。邊城讌良席。樵采咸共同。荆莎聊可藉。恐君城闕人。安能久松柏。○本集四。詩紀五十九。

新亭渚別范零陵雲詩

洞庭張樂地。瀟類聚作蕭。湘帝子遊。雲去蒼梧野。水還江漢流。停驂我悵望。輟初學記作輕。棹子夷猶。廣平聽方籍。茂陵將類聚作方。見求。心事俱已矣。江上徒離憂。○本集三。文選二十。類聚二十九。三謝詩。詩紀五十九。又初學記十八引遊、流、猶、憂四韻。

忝役湘州與宣城吏民別詩

弱齡倦簪履。薄晚忝華輿。閒沃盡地區。山泉諧所好。幸遇昌化穆。惇本集云。一作淳。俗罕驚暴。四時從偃息。三省無侵冒。下車遽暄席。紆服本集作紱。始黔竈。榮辱未遑敷。德禮何由導。汨徂奉南岳。兼秩典邦號。疲馬方云驅。鉛刀安可操。遺惠良寂寞。恩靈亦匪報。桂水日悠悠。結言幸相勞。吐納貽本集誤作貼。爾和。窮通勗所蹈。○本集三。詩紀五十九。

懷故人詩

芳洲有杜若。可以贈佳期。望望忽超遠。何由見所思。行本集作我。類聚同。行未千里。山川已類聚作以。問之。離居方歲月。故人不在茲。清風動簾夜。孤月照窗時。安得同攜手。酌酒賦新詩。○本集三。類聚二十一作贈友人詩。又二十九。詩紀五十九。

始之宣城郡詩

下帷闕章句。高談媿名理。疏散謝公卿。蕭條依掾史。簪髮逢嘉惠。教義承君子。心迹苦未并。憂歡將十祀。幸沾雲雨慶。方轡參多士。振鷺徒追飛。羣龍難隸齒。烹鮮止貪兢。共治類聚作理。詩紀云。一作理。屬廉恥。伊余昧損益。何用祇千里。解劍北宮朝。息駕南川涘。寧希廣平詠。聊慕華陰市。棄置宛洛遊。多謝金門裏。招招漾輕楫。行行趨巖趾。江海雖未從。山林於此始。○本集三。詩紀五十九。又類聚六引祀、士、齒、耻、里、涘、市七韻。

之宣城郡出新林浦向板橋詩

江路西南永。歸流東北鶩。天際識歸舟。雲中辨江樹。旅思倦搖搖。孤遊昔已屢。既歡懷祿情。復協滄洲趣。囂塵自茲隔。賞心於此遇。本集誤作過。雖無玄豹姿。終御覽作且。隱南山霧。○本集三。文選二十七。三謝詩。文章

正宗二十九。詩紀五十九。又御覽八百九十二引霧一韵。

休沐重還丹陽道中詩

薄遊第從告。思閑願罷歸。還印初學記誤作印。歌賦似。休汝車騎非。灞池不可別。伊川難重違。汀葭稍靡靡。江菼類聚作葉。復依依。田鵠六臣本文選作鶴。初學記、三謝詩同。遠相叫。沙鴉本集作鷁。類聚作鴉。初學記作鳥。忽爭飛。雲端楚山見。林表吳岫微。試與征徒望。鄉淚盡沾衣。賴此盈樽酌。含景望芳菲。問我勞何事。霑沐仰青徽。志狹輕軒冕。恩甚戀閨闈六臣本文選作重。注云。五臣作重。初學記作庭。闈。歲華春初學記作初。有酒。初服偃郊扉。○本集三。文選二十七。初學記二十。三謝詩。詩紀五十九。又類聚二十七引非、違、依、飛、扉五韵。

京路夜發詩

擾擾整夜裝。肅肅戒徂兩。曉星正寥落。晨光三謝詩作元。復泱詩紀作漾。潏。猶沾餘露團。稍見朝霞上。故鄉邈已復。山川脩且廣。文奏方盈前。懷人去心賞。敕躬每踟躕。瞻恩惟震蕩。行矣倦路長。無由稅歸鞅。○本集三。文選二十七。三謝詩。詩紀五十九。

晚登三山還望京邑詩

灞浹望長安。河陽視京縣。白日麗飛甍。參差皆可見。餘霞散成綺。澄江靜文鏡秘府作淨。寰宇記同。如練。喧

三謝詩作暄。六臣本文選注云。五臣作暄。詩紀云。一作暄。鳥覆春洲。雜英滿芳甸。去矣方滯淫。懷哉罷歡宴。佳期悵何許。淚下如流霰。有情知望鄉。誰能鬢李善本文選作鎮。不變。○本集三。文選二十七。三謝詩。文章正宗二十九。詩紀五十九。又文鏡秘府論地卷引練一韵。類聚二十七引縣、見、練、甸四韵。

始出尚書省詩

惟昔逢休明。十載朝雲陛。既通金閨籍。復酌瓊筵醴。宸景厭昭本集、文選並作照。臨。昏風六臣本文選作夙。本集作風昏。淪繼體。紛虹亂朝日。濁河穢清濟。防口猶寬政。餐茶更如薺。英袞暢人謀。文明固天啓。青精翼紫軼。黃旗映朱邸。還覩司隸章。復見東都禮。中區咸已文選作以。泰。輕生諒昭洒。音洗。趨事辭宮闕。載筆陪旌棨。三謝詩誤作樂。邑里向疏蕪。寒流自清泚。衰柳尚沈沈。凝草堂詩箋作零。露方泥泥。零落悲友朋。歡娛燕本集作宴。三謝詩同。文選作虞燕。注云。五臣作娛燕。兄弟。既秉丹石心。寧流素絲涕。因此得蕭散。文選作乘此終蕭散。六臣本注云。五臣作因此得蕭散。垂竿深澗底。○本集三。文選三十。詩紀五十九。又草堂詩箋三十寄狄詩注引一句。

直中書省詩

紫殿肅陰陰。萬花谷作紫薇陰肅肅。彤庭赫弘敞。風動萬年枝。日華承露掌。玲六臣本文選作瓊。瓏結綺錢。深沈映朱初學記作珠。網。紅藥當階翻。蒼苔依砌上。茲言翔鳳池。鳴珮多清響。信美非吾室。中園思偃仰。朋情以鬱陶。春物方駘蕩。安得凌三謝詩作陵。六臣本文選注云。五臣作陵。風翰。聊恣山泉賞。集注本文選云。五家賞爲響。

○本集三。文選三十。初學記十一。三謝詩。詩紀五十九。又萬花谷十三引附。集、綱、上、卷、似六韻。

觀朝雨詩

朔風吹飛雨。蕭條江上來。既灑百常觀。復集九成臺。空濛如薄霧。散漫似輕埃。平明振衣坐。重門猶未開。耳目暫無擾。懷古信悠哉。戢翼希驥首。乘流畏曝鰓。動息本集誤作恩。無兼遂。歧本集作政。路多徘徊。方同戰勝者。去翦北山萊。○本集三。文選三十。三謝詩。文章正宗二十九。詩紀五十九。

宣城郡內登望詩

借問下車日。匪直望舒圓。寒城一以眺。平楚正蒼然。山積陵類聚作稜。陽阻。溪流春穀泉。威紆距遙甸。巉岳帶遠天。切切陰風暮。桑柘起寒煙。悵望心已極。倘類聚作敞。三謝詩作傲。六臣文選注云。五臣作傲。悅魂屢遷。結髮倦爲旅。平生早事邊。誰規鼎食盛。寧要狐白鮮。方棄汝南諾。類聚作詔。言稅遼東田。○本集三。文選三十。類聚六。三謝詩。詩紀五十九。

冬日晚郡事隙詩

案牘時閒暇。偶坐觀卉木。颯颯滿池荷。脩脩蔭窗竹。簷隙自周流。房櫳閑且肅。蒼翠望寒山。崢嶸瞰平陸。已惕慕歸心。復傷千里目。風霜旦夕甚。蕙草無芬馥。云誰美笙簧。孰是厭邁軸。願言稅逸駕。臨潭餌

秋菊。○本集三。詩紀五十九

高齋視事詩

餘雪映青山。寒霧開白日。曖曖江村見。離離海樹出。披衣就清盥。本集上二字缺。憑軒方秉本集作乘。筆。列俎歸單味。連駕止容膝。空爲大國憂。紛詭諒非一。安得掃蓬逕。鎖吾愁與疾。○本集三。詩紀五十九。

冬緒羈懷示蕭諮議虞田曹劉江二常侍詩

去國懷丘園。人遠滯城闕。寒燈耿文鏡祕府作恥。宵夢。清鏡悲曉髮。風草不留霜。冰池共如月。文鏡祕府作明。延。寂寞此閒帷。琴尊任所對。客念坐嬋媛。年華稍菴夔。夙本集作風。慕雲澤遊。共奉荆臺績。本集作績。注云。一作績。詩紀云。一作績。一聽春鶯喧。再視秋虹沒。疲驂良易返。恩詩紀云。一作思。波不可越。誰慕臨淄鼎。常本集作當。希茂陵渴。依隱幸自從。求心果本集誤作呆。蕪昧。方軫歸與本集作歟。同。願。故山芝未歇。○本集三。詩紀五十九。又文鏡祕府論南卷謝吏部詩引髮一韻、通一韻。類聚二十六作冬緒羈懷詩。引闕、髮、月三韻。

落日悵望詩

昧旦多紛喧。日晏未遑舍。落日餘清陰。高枕東窗下。寒槐漸如束。本集誤作東。秋菊行當把。借問此何時。涼風懷朔馬。已傷慕歸客。復思離居者。情嗜幸非多。案牘偏爲寡。既乏瑯琊政。方憩洛陽社。○本集三。詩

紀五十九。

賽敬亭山廟喜雨詩

夕帳詩紀作帳。懷椒糝。燭景潔營蕪。登秋雖未獻。望歲佇年祥。潭淵深可厲。狹邪車未方。朦朧本集作蒙籠。度絕限。出沒見林堂。秉類聚作執。玉朝羣帝。樽桂迎東皇。排雲接虬類聚作孔。蓋。蔽日下霓裳。會舞紛瑤席。安歌遶鳳梁。百味芬綺帳。四座類聚作望。沾羽觴。福被延民本集作氓。澤。樂極思故鄉。登山騁歸望。原雨晦茫茫。胡寧昧千里。解珮拂山莊。○本集三。詩紀五十九。又類聚三十八引皇、裳、梁、裳四韻。

賦貧民田詩

假本集云。一作佳。遇本集云。一作齊。詩紀云。一作佳譽。非將迎。靖共本集、詩紀並云。一作靜拱。延殊慶。中歲歷三臺。旬月典邦政。曾本集作會。注云。一作曾。是共治本集云。一作怡。情。敢忘卹貧病。將無富教禮。孰有知方性。敦本抑工商。均業省兼并。察壤見泉脈。覘星視農正。黍稷緣高殖。穡本集云。一作梗。詩紀云。一作秔。稼卽卑盛。舊埽新塍分。青苗白水映。遙樹匝清陰。連山周遠淨。卽此風雲佳。孤鶴聊可命。既微三載道。庶藉兩歧詠。俾爾倉廩實。余從谷口鄭。○本集三。詩紀五十九。

移病還園示親屬詩

疲策倦人世。斂性就幽蓬。停琴佇涼月。滅燭聽歸鴻。涼薰乘暮晰。秋華臨夜空。葉低知露密。崖斷識雲重。折荷葺寒袂。開鏡眇衰容。海暮騰清氣。河關祕棲沖。煙衡時未歇。芝蘭本集作澗。去相從。○本集三。詩紀五十九。

治宅詩

結宇夕陰街。荒幽橫九曲。迢遞南川陽。迤邐西山足。關館臨秋風。敞窗望寒旭。風碎池中荷。霜翦江南菴。既無東都金。且稅東臯粟。○本集三。詩紀五十九。

秋夜講解詩

四緣去誰肇。七識習未央。沈沈本集、詩紀並云。一作淵淵。倒營魄。苦蔭蹙愁腸。琴瑟徒爛熳。媵容空滿堂。春顏遽幾日。秋壘終茫茫。孰云濟沈溺。假願託津梁。惠唱摘泉湧。妙演發金相。空有定無執。賓賓固相本集作兩。忘。自來乘首夏。及此申暮霜。雲物清晨景。衣巾引夕涼。風振蕉蓬本集作蓮。裂。霜下梧桐傷。本集、詩紀並云。一作露下梧桐傷。六龍且無借。三相寧久長。何時接靈應。及子同舟航。○本集三。詩紀五十九。

春思詩

茹谿發春水。岵山起朝日。蘭色望已同。萍際轉如一。巢燕聲上下。黃鳥弄儔匹。邊郊阻遊衍。故人盈契

闕。夢寐借本集作藉。假簧。思歸賴倚瑟。幽念漸鬱陶。山楹永爲室。○本集三。詩紀五十九。

秋夜詩

秋夜促織鳴。南鄰擣衣急。思君隔九重。夜夜空佇立。北窓輕幔垂。西戶月光入。何知白露下。坐視階前玉臺作前階。濕。誰能長分居。秋盡冬復及。○本集三。玉臺新詠四。詩紀五十九。

詠風詩

徘徊發紅萼。葳蕤動綠葳。垂楊低復舉。新萍合且離。步檐行袖靡。當戶思襟披。高響飄歌吹。相思子未知。時拂孤鸞鏡。星鬢視參差。○本集三。詩紀五十九。○遠案。本集目錄作詠春風。

詠竹詩

窗前本集作前窗。文選補遺同。一叢竹。青翠獨言奇。南條交北葉。新筍雜故枝。月光疎已密。風來起復垂。青扈飛不礙。黃口得相窺。但恨從風籟。根株長別離。○本集五。類聚八十九。文選補遺三十六。詩紀五十九。

詠落梅詩

新葉初冉冉。初葢新霏霏。詩紀作菲菲。逢君後園讌。本集作燕。詩紀同。相隨巧笑歸。親勞君玉指。摘本集作捕。

以贈南威。用持插雲髻。翡翠比光輝。日暮長零落。君恩不可追。○本集五。玉臺新詠四。詩紀五十九。

詠牆北梔子詩

有美當階樹。霜露未能移。金蕢本集作蕢。發朱采。映日以離離。幸賴夕陽下。餘景及西類聚作四。枝。還思照綠水。君階草堂詩箋作家。無曲池。餘榮未能已。晚實猶見奇。復留傾筐德。君恩信未貲。○本集五。類聚八十九。詩紀五十九。又草堂詩箋十八梔子詩注謝朓詩引移、池二韻。

11

齊詩卷四

謝朓

詩

奉和竟陵王同沈右率過劉先生墓詩

嘉樹因枝條。琢玉良可寶。若人陵曲臺。垂帷茂淵道。善誘宗學原。鳴鐘霽幽抱。仁焉徂宛洛。清徽夜何早。歲晚結松陰。平原亂秋草。不有至言揚。終滯西山老。○本集四。詩紀六十。

和何議曹郊遊詩二首

春心澹容與。挾弋本集作戈步中林。朝光映紅萼。微風吹好音。江垂得清賞。山際果幽尋。未嘗遠離別。本集作別離。知此愜歸心。流沂終靡已。嗟行方至今。○本集四。詩紀六十。

江臯倦遊客。薄暮懷歸者。揚舲浮大川。惆悵至日下。蘿靡青莎被。潺湲石榴瀉。寄語持笙簧。舒憂願自假。歸途豈難涉。翻同江上夏。○同上

和劉西曹望海臺詩

詩紀云。此詩本見謝朓集。選詩拾遺云鍾憲作。不知何據。既不能明。姑並存之。

滄波不可望。望極與天平。往往孤山映。處處春雲生。差池遠雁沒。颯沓羣鳥驚。鷺塵及簿領。棄捨出重城。臨川徒可羨。結網庶時營。○本集四。詩紀六十。又類聚八作望海詩。引平、生、驚三韵。

和宋記室省中詩

落日飛鳥還。本集作遠。詩紀同。憂來不可極。竹樹澄遠陰。雲霞成異色。懷歸欲乘電。瞻言思解翼。清揚婉禁居。秘此文墨職。無歎阻琴尊。相從伊水側。○本集四。詩紀六十。又文鏡祕府論南卷引極、色二韵。

和王著作融八公山詩

二別阻漢坻。雙嶠望河澳。茲嶺復嶺岵。分區奠淮服。東限瑯琊臺。西距孟諸陸。阡李善本文選作仟。眠起雜樹。檀欒蔭類聚作陰。脩竹。日隱澗類聚作澗。疑文選作疑。三謝詩同。空。雲聚岫如複。出沒眺樓雉。遠近送春日。戎州昔亂華。素景淪伊穀。陆危賴宗袞。微管寄明牧。長蛇固能翦。奔鯨自此曝。道六臣本文選注云。五臣作導。峻芳塵流。業遙年運修。平生仰令圖。吁本集作子。三謝詩作于。六臣本文選注云。五臣作于。嗟命不淑。浩蕩別親知。連詩紀云。集作聯。翻戒征軸。再遠館娃宮。兩去河陽谷。風煙四時犯。霜雨本集作露。注云。一作雨。朝夜沐。

春秀良已凋。秋場庶能築。○本集四。文選三十。三謝詩。詩紀六十。又類聚七作和王著作登八公山詩。引陸、竹、出、目四韻。

和伏武昌登孫權故城詩

伏曼容爲武昌太守。

炎靈遺劍御覽作劍遺。璽。當塗駭龍戰。聖期缺中壤。霸功興寓本集作寓。縣。鵠起登吳臺。各本作山。今從顏氏家訓。鳳翔陵楚甸。衿帶窮巖險。帷帟三謝詩作奕。盡謀選。北拒溺驂鑣。西龕本集作戡。三謝詩同。六臣本文選注云。五臣作戡。收組練。江海既無波。俯仰流英盼。詩紀作昞。六臣本文選注云。五臣作昞字。裘冕類裡郊。卜揆崇離殿。釣臺臨講閱。樊山開廣讌。文物共葳蕤。聲明海錄碎事作名。且葱蒨。本集誤作舊。三光厭分景。書軌欲同薦。參差世三謝詩作代。六臣本文選注云。五臣作代。祀忽。三謝詩作忽。寂寞文選作漠。六臣本注云。五臣作寞。市朝變。舞館識餘基。歌梁想遺囀。故林衰木平。荒池秋草徧。雄圖悵若茲。茂宰深遐睭。幽客滯江臯。從賞乖纓弁。清卮阻獻酬。良書限聞見。幸藉文選作籍。三謝詩同。芳音多。承風采餘絢。于役倘有期。鄂渚同遊衍。○本集四。文選三十。三謝詩。詩紀六十。又顏氏家訓勉學篇引一句。御覽三百十五作謝朓詩。引戰一韻。海錄碎事九作謝朓詩。引舊一韻。

夏始和劉潺陵詩

威仰弛蒼郊。龍曜表皇隰。春色卷遙甸。炎光麗近邑。白蘋望已騁。湘廣文選作湘。荷紛可襲。徒願尺波旋。終憐寸景戢。對窗斜日過。洞幌鮮魑人。浮雲去欲窮。暮鳥飛相及。柔翰鎮本集作絹。芳塵。清源非易揖。迴江難絕濟。云誰暢佇立。良宰勗夜漁。出人事朝汲。積本集、廣文選作績。羽余既裳。更賦子盈粒。椅梧何必

零。歸來共棲集。○本集四。廣文選十。詩紀六十。

新治北窗和何從事詩

國小暇日多。民淳紛務屏。開牖期清曠。開簾候風景。泱泱日照溪。團團雲去嶺。岩堯蘭嶺峻。駢闐石路整。池北樹如浮。竹外山猶影。自來彌弦望。本集云。一作缺。及君臨箕穎。清文蔚且詠。微言超本集云。一作怡。已領。不見城壕側。思君朝夕頃。迴舟方在辰。何以慰延頸。○本集四。詩紀六十。

和王主簿季哲怨情詩

掖庭聘絕國。長門失歡宴。玉臺作讌。相逢詠靡蕪。辭寵悲團。文選、玉臺並作班。六臣本文選注云。五臣作團。本集、詩紀並云。一作班。扇。花叢亂數。當作數亂。蝶。風簾人雙六。臣本文選注云。五臣作飛。燕。徒使春。本集誤作者。帶賒。坐惜三謝詩作借。紅粧本集作顏。玉臺同。三謝詩作裝。變。平生本集作生平。文選同。一顧重。宿玉臺作夙。昔千金賤。故人心尚爾。玉臺作永。故心人李善本文選作人心。不見。本集云。一作故人心不見。○本集四。文選三十。玉臺新詠四。三謝詩。詩紀六十。

和徐都曹出新亭渚詩

宛洛佳遨遊。春色滿皇州。結軫青郊路。迴文選作迴。三謝詩同。草堂詩箋作俯。瞰蒼本集作滄。江流。日華川上動。風光草際浮。桃李成蹊徑。桑榆蔭文選作陰。道周。東都已倣載。言歸望綠疇。○本集四。文選三十。又李善注引集

作和徐都曹勉昧出新渚。三謝詩。詩紀六十。又類聚二十八作和徐勉出新林渚詩。引州、流、浮、周四韻。草堂詩箋十三奉同詩注作謝朓詩。引一句。○遠案。李善所見謝集題目與今本異。則今本可能爲後世輯本。

和劉中書繪人琵琶峽望積布磯詩

昔余類聚作餘。侍君子。歷此遊荆漢。山川隔舊賞。朋僚多雨散。圖南矯風翮。曾非息短翰。移疾觀新篇。披衣起淵翫。惆悵懷昔踐。彷彿類聚作髣像。得殊觀。頽草堂詩箋作赫。紫共彬駁。雲錦相凌亂。奔星上未窮。驚雷下將半。迴潮漬崩樹。輪本集字缺。困軋傾岸。巖篠或傍翻。石菌蕪脩幹。澄澄明浦媚。衍衍清風爛。江潭良在目。懷賢興累歎。歲暮不我期。淹留絕巖畔。○本集四作劉中書。詩紀六十。又類聚二十七作和劉繪琵琶峽望積布磯詩。引漢、散、觀、亂四韻。草堂詩箋八戲章詩注引亂一韻。

和蕭中庶直石頭詩

九河亘積岨。三變鬱旁眺。皇州總地德。回江歛巖微。井幹絕蒼林。雲薨蔽層嶠。川霞旦上薄。山光晚餘照。翔集亂歸飛。虹蜺紛引曜。本集作擢。君子奉神略。瞰迥憑重峭。彈冠已籍甚。升車益英妙。功存漢冊書。榮並周庭燎。汲疾移偃息。董園倚談笑。麾旆一悠悠。謙姿光且劭。謙嘉多暇日。興文起淵調。曰余廁鱗羽。滅影從漁釣。澤渥資投分。逢迎典待詔。詠沼邈含毫。專城空坐嘯。徒慚皇鑒揆。終延曲士誚。方追隱淪訣。偶解金丹要。若偶巫咸招。帝閭良可叫。○本集四。詩紀六十。

和王長史卧病詩

岬岫欵崇崖。派別朝洪河。兔園文雅盛。章臺冠蓋多。淵襟眷睿岳。燮本集作慶。贊動眈歌。顧影慚駢服。載筆旅江沱。縞衣分本集作紛。可獻。琴言暖本集注云。一作暖。已和。青臯向還色。春潤視生波。巖垂變好鳥。松上改陳蘿。日與歲眇邈。歸恨積本集云。一作根稍。詩紀云。一作稍。蹉跎。願緝吳山杜。本集作社。寧袂楚池荷。本集作袂楚簪池。清風豈孤劬。功遂懷曾阿。勿藥良有暢。荏苒芳未過。幸留清尊味。言藉故田莎。○本集四。詩紀六十。

和江丞北戍琅邪城詩

春城麗白日。阿閣跨層樓。蒼江忽渺渺。驅馬復悠悠。京洛多塵霧。淮濟未安流。豈不思撫劍。惜哉無輕舟。夫君良自勉。歲暮勿淹留。○本集四。文選補遺三十六。廣文選十。詩紀六十。

和沈祭酒行園詩

清淮左長薄。荒徑隱高蓬。回潮旦夕上。寒渠左右通。霜畦紛綺錯。秋町鬱蒙茸。環梨縣已紫。珠榴折本集作拆。且紅。君有棲心地。伊我歡既同。何用甘泉側。玉樹望青葱。○本集四。詩紀六十。

奉和隨王殿下詩十六首

高秋夜方靜。神居肅且深。閒階塗廣露。詩紀作路。涼宇澄月陰。嬋娟影池竹。疏蕪散風林。淵情協爽節。詠言興德音。閨道空已積。千本集作遷。直愧蓬心。○本集五。詩紀六十一。

星回夜未艾。洞房凝遠情。雲陰滿池。本集作地。樹。中月懸高城。喬木含風霧。行雁飛且鳴。平臺盛文雅。西園富羣英。芳慶良永矣。君王嗣德聲。眷此伊洛詠。載懷汾水情。顧已非麗則。恭惠奉仁明。觀淄詠已失。愜然愧簪纓。○本集五。廣文選十。詩紀六十一。

神心遺魏闕。中本集作沖。廣文選同。想顧汾陽。肅景懷辰豫。捐袂翦山楊。本集作楊。廣文選同。時惟清夏始。雲景暖含芳。月陰洞野色。日華麗池光。草合亭臯遠。霞生川路長。端坐聞鶴引。靜瑟愴復傷。懷哉泉石思。歌詠鬱瓊相。春塘多迭駕。言從伊與商。袞職眷英覽。獨善伊何忘。願輟東都遠。弘道侍云。本集作雲。梁。

○同上

睿心重離析。本集作拆。歧路清江隈。四面寒飈舉。千里白雲來。川長別管思。地迥翻旗回。還顧昭陽闕。超遠章華臺。置酒巫山日。爲君停玉杯。○本集五。詩紀六十一。

桂樓飛絕限。超遠向江歧。輕雲霽。本集作齊。廣甸。微風散清漪。連連絕鴈舉。渺渺青煙移。嚴城亂芸草。霜塘凋素枝。氣爽深遙矚。豫永聊停曦。即本集作印。注云。一作卽。已終可悅。盈尊。本集作思。且若斯。○同上
念深沖照廣。業闡清化玄。端儀穆金殿。敷詩紀字缺。教藻瓊筵。船湛輕帷藹。磬轉芳風旋。卷轡棲道樹。方津棹法舷。歸興憑大造。昭塗良易筌。○同上

玄冬寂脩夜。天圍靜且開。亭臯霜氣愴。松宇清風來。高琴時以思。幽人多感。本集作載。懷。幸藉汾陽想。嶺

首正徘徊。○同上

愴愴緒風興。祁祁族雲布。嚴氣集高軒。稠陰結寒樹。日月謬論思。朝夕承清豫。徒藉小山文。空揖本集作梅。章臺賦。○同上

肅景遊清都。脩簪侍本集作待。蘭室。累樹疎遠風。廣庭麗朝日。穆穆神儀靜。愔愔道言密。一冷繫靈表。無吝科年曆。○同上

清房洞已靜。閒風伊夜來。雲生樹陰遠。軒廣月容開。宴私移燭飲。遊賞藉琴臺。風猷冠淄鄴。衽烏愧唐枚。本集作材。○同上

方池含積水。明月流皎本集作明流皎如。鏡。規荷承日泫。影鱗與風泳。上善叶淵心。止川測動性。幸是方本集作芳。春來。側點游濠盛。○同上

浮雲西北起。飛來下高堂。合散輕帷表。飄舞桂臺陽。遙階收本集作妝。委羽。平地如夜光。眷言金玉照。顧慚蘭蕙芳。○同上

炎光缺風雅。宗霸拯時淪。龍德待雲霧。令圖方再晨。歲遠荒城思。霜華宿草陳。英威遽如是。徘徊歧路人。○同上

分悲玉瑟斷。別緒金樽傾。風入芳帷散。缸華蘭殿明。想折中園草。共知千里情。行雲故鄉色。贈此本集作子。一離聲。○同上

年華豫已滌。夜艾賞方融。新萍時合水。弱草未勝風。閨幽瑟易響。臺迥月難中。春物廣餘照。蘭萱佩未

窮。○同上

連本集作漣。漪映餘雪。嚴城限深霧。清寒起洞門。東風急池樹。神居望已肅。徘徊舉冲趣。棲歸當作遲。如遲本集作歸。詠。丘山不可屢。○同上

和紀參軍服散得益詩

金液稱九轉。西山歌五色。鍊質乃排雲。濯景終不測。雲英亦可餌。且駐羲和力。能令長卿卧。暫故遇真本集作員。識。○本集四。詩紀六十一。

和王中丞聞琴詩

涼風吹月露。圓景動清陰。蕙風本集作氣。文選補遺同。人懷抱。聞君此夜琴。蕭瑟滿林聽。輕鳴響澗音。無爲澹容與。蹉跎江海心。○本集四。文選補遺三十六。詩紀六十一。

贈王主簿詩二首

日落窗中坐。紅粧好顏色。舞衣襞未縫。流黃覆不織。蜻蛉草際飛。遊蜂花上食。一遇長相思。願寄連翩翼。○本集四。玉臺新詠四。詩紀六十一。

清吹要碧玉。調弦命綠珠。輕歌急綺帶。含笑解羅襦。餘曲詎幾許。高駕且踟蹰。徘徊韶景暮。詩紀云。一作憐暮景。惟有洛城隅。○同上

和別沈右率諸君詩詩紀作和沈右率諸君餞謝文學。

春夜別清樽。江潭復爲客。本集誤作君。歎息東流水。如何故鄉陌。重樹日。古文苑作始。芬葢。芳洲轉如積。望望荆臺下。歸夢本集云。一作轉望。相思夕。○本集四。古文苑四署謝文學。編在沈約等餞謝文學離夜各詩後。廣文選十作和沈右率諸君餞謝文學。詩紀六十一。○遠案。古文苑謝文學指謝朓。朓之和沈右率等相別詩不當題作和沈右率諸君餞謝文學。廣文選、詩紀並非是。今改從本集。

離夜詩

玉繩隱高樹。斜漢耿層臺。離堂華燭盡。別幌清琴哀。翻潮本集作浪。尚知恨。本集作限。客思眇難裁。山川不可盡。本集作夢。類聚、草堂詩箋同。況乃故人杯。○本集四。類聚二十九作人離夜詩。詩紀六十一。又草堂詩箋二十五舍弟詩注引杯一韵。

將發石頭上烽火樓詩

徘徊戀京類聚作皇。邑。躑躅躡曾阿。陵高遲本集作墀。關類聚作墀關。近。眺迴風雲多。荆吳阻山岫。江海含本集作合。瀾波。歸飛無羽翼。其如離別本集作別離。類聚同。何。○本集三。類聚二十九。詩紀六十一。

望三湖詩

積水照頰霞。高臺望歸翼。平原周遠近。連汀見紆直。葳蕤向春秀。芸黃共秋色。薄暮傷哉人。嬋媛復何極。○本集三。詩紀六十一。

送江水曹還遠館詩

高館臨荒途。清川帶長陌。上有流思人。懷舊望歸客。塘邊草雜紅。樹際花猶白。日暮有重城。何由盡離席。○本集四。詩紀六十一。

送江兵曹檀主簿朱孝廉還上國詩

方舟泛春渚。攜手趨上京。安知慕歸客。詎憶山中情。香風藥上發。好鳥葉間鳴。揮袂送君已。獨此夜琴聲。○本集三。詩紀六十一。

臨溪送別詩

悵望南浦時。徙倚北梁步。葉上本集作下。文選補遺同。廣文選作華夏。涼風初。日隱輕霞暮。荒城迥易陰。秋溪廣難渡。沫泣豈徒然。君子行多露。○本集三。文選補遺三十六。廣文選八。詩紀六十一。

後齋迴望詩

高軒瞰四野。臨牖眺襟帶。望山白雲裏。望水平原外。夏木轉成帷。秋荷漸如蓋。鞏洛常睠本集作瞻。然。搖

心似懸旆。○本集三。詩紀六十一。

與江水曹至干濱戲詩詩紀云。玉臺云。別江水曹。

山中上芳月。故人清樽賞。遠山翠百重。迴流映千丈。花枝聚如雪。蕪絲類聚作垂簾。散猶網。詩紀云。一作垂藤散似網。別後能相思。何嗟異封類聚作風。壤。○本集三。類聚二十九。詩紀六十一。

祀敬亭山廟詩

剪削兼太華。崢嶸跨玄圃。貝闕眊阿宮。薜帷陰網戶。參差時未來。徘徊望灋本集作灋浦。椒糝若馨香。無絕傳終古。○本集三。詩紀六十一。

出下館詩

麥候始清和。涼雨銷炎燠。紅蓮搖弱荇。丹藤繞新竹。物色盈懷抱。方駕娛耳目。零落既難留。何用存華屋。○本集四。詩紀六十一。又初學記三作夏日詩。引燠、竹二韻。

落日同何儀曹煦詩

參差複殿影。氛氳綺羅雜。風入天淵池。芰荷搖復合。遠聽雀聲聚。回望樹陰沓。一賞桂尊前。寧傷蓬髮

颯。○本集四。詩紀六十一。

夜聽妓詩二首

瓊閨釧響聞。瑤席芳塵滿。要取洛陽人。共命江南管。情多舞態遲。意傾歌弄緩。知君密見本集作相。親。寸心傳玉盃。玉臺作鏡。○本集三。玉臺新詠四。詩紀六十一。

上客光四座。佳麗直千金。掛釵報纓絕。墮珥答琴心。蛾眉已共笑。清香復入襟。歡玉臺作夜。樂夜方靜。翠帳垂沈沈。○同上

詠薔薇詩

低枝詎勝葉。輕香幸自通。發萼初攢紫。餘采尚霏紅。新花對白日。故蕊逐行風。參差不俱曜。誰肯盼薇叢。○本集五。詩紀六十一。

詠蒲詩

離離水上蒲。結水散爲珠。問厠秋菡萏。出人春鳧雛。初萌實雕俎。暮蕊雜椒塗。所悲塘本集作堂。上曲。遂鑠黃金軀。○本集五。詩紀六十一。

詠兔絲詩

輕絲既難理。細縷竟無織。爛熳類聚作瀾漫。已萬條。連綿復一色。安根不可知。縈心終不測。所貴能卷舒。
伊用蓬生直。○本集五。詩紀六十一。

遊東堂詠桐詩

孤桐北窗外。高枝百尺。初學記作文。餘。葉類聚作枝。生既婀娜。葉落更扶疏。無華復無實。何以贈離居。裁爲
珪。本集作圭。初學記同。與瑞。類聚作璋。初學記同。足可命參墟。○本集五。類聚八十八。初學記二十八。詩紀六十一。

雜詠三首 本集作同詠座上所見一物。

鏡臺

玲瓏類丹檻。初學記作楹。若。本集作岩。初學記作迢。亭。御覽作孤高。似玄闕。對鳳懸清。本集誤作倩。冰。初學記作臨。清水。
御覽同。垂。御覽作乘。龍掛明月。照粉拂紅粧。插花理玉臺。作埋。雲髮。玉顏徒自見。常畏御覽作畏見。君情歇。○本
集五作詠鏡臺。玉臺新詠四。初學記二十五作詠鏡臺詩。御覽七百十七。詩紀六十一。

燈

發翠斜溪玉臺作漢。裏。蓄寶類聚作實。宕萬花谷作巖。山峯。抽玉臺作摺。莖類仙掌。銜光似燭龍。飛蛾再三繞。輕花四五重。孤對本集云。一作樹。相思夕。空照舞初學記作無。衣縫。○本集五作詠燈。玉臺新詠四。類聚八十作詠燈詩。初學記二十五作詠燈詩。萬花谷續八作謝朓詩。詩紀六十一。

燭

杏梁賓未散。桂宮明欲沈。暖色輕幃裏。低光照寶本集云。一作瑤。琴。徘徊雲髻影。的本集作灼。玉臺同。爍綺疏金。恨君秋月夜。玉臺作夜月。遺我洞房陰。○本集五作詠燭。玉臺新詠四。類聚八十作詠燭詩。詩紀六十一。

同詠樂器詩紀云。王融詠琵琶。沈約詠箎。各見本集。

琴

洞庭風雨幹。龍門生死枝。雕刻紛布濩。沖響鬱清危。詩紀作厄。春風搖蕙草。本集云。一作綺草。秋月滿華池。是時操別鶴。淫淫客淚垂。○本集五。初學記十五作詠琴詩。萬花谷後三十二作謝朓詩。詩紀六十一。

同詠坐上玩器詩紀云。沈約詠竹檳榔盤。見本集。

烏皮隱几

蟠木生附枝。刻削豈無施。取則龍文鼎。三趾獻光儀。勿言素韋潔。白沙草堂詩箋作紗。尚推移。曲躬奉微

用。聊承終宴疲。○本集五。詩紀六十一。又草堂詩集二十六。書劉靜注引備、移、裝三韻。

同詠坐上所見一物柳惲詠同。王融詠輶。虞炎詠簾。各見本集。

席

本本集誤作木。生潮汐本集作朝夕。玉臺、類聚、萬花谷同。池。初學記作地。萬花谷同。落景照參差。汀類聚作河。洲蔽杜若。幽渚奪江離。遇君時採擷。玉座奉金卮。但願羅衣拂。無使素塵彌。○本集五。玉臺新詠四。類聚六十九。初學記二十五作謝朓詩。萬花谷續七作詠席。詩紀六十一。

詠竹火籠

庭雪亂如花。井冰粲成玉。因炎人貂御覽作豹。袖。懷溫奉芳褥。類聚作蓐。御覽同。體密用宜通。文邪御覽作斜。性非曲。本自江南墟。姬娟脩且綠。暫承君玉類聚作王。指。請謝陽春旭。○本集五。詩紀六十一。又類聚七十引玉、蓐、曲、旭四韻。御覽七百一十一引玉、蓐、曲三韻。

詠鸚鵡

蕙草含初芳。瑤池暖晚色。得廁鴻鸞影。晞光弄羽翼。○本集五。類聚九十二。詩紀六十一。

至尋陽詩

過客無留軫。馳暉有奔箭。○文選二十六暫使下都夜發新林至京邑詩注。

詩

夜條風淅淅。晚葉露淒淒。○合璧事類別集五十四。

聯句詩

阻雪連句遙贈和

積雪皓陰池。北風鳴細枝。九達密如繡。何異遠別離。謝朓 風庭舞流霰。冰沼古文苑作池。詩紀云。一作池。結

文澌。飲春雖以燠。欽賢紛若馳。江秀才革 珠璣古文苑作雲。條間響。玉溜本集作雷。古文苑同。檐下垂。杯酒不相

接。寸心良共知。王丞融 飛雲亂無緒。結冰明曲池。雖乖促席讌。白首信勿虧。王蘭陵僧孺 飄素瑩簷溜。巖

本集作巖。結噎通岐。罇罍如未澣。況乃限音儀。謝洗馬吳(本集作異) 原隰望徙倚。松筠竟不移。隱憂慙萱樹。

忘懷待山卮。劉中書繪 初昕逸翮舉。日昃駑馬疲。幽山有桂樹。歲暮方參差。沈右率約○本集五。詩紀六十一。又

古文苑四作謝文學朓。引澌、垂二韻。作江秀才革。引垂、知二韻。

還塗臨渚

綠水纈清波。青山繡芳質。落景皎晚陰。殘花綺餘日。何從事 白沙澹無際。青山眇如一。傷此物運移。惆

悵望還律。吳郎 白水田外明。孤嶺本集作頂。松上出。卽趣佳可淹。淹留非下秩。府君遙和○本集五。詩紀六十一。

紀功曹中園

蘭亭仰本集作迎 遠風。芳林接雲嶠。傾葉順清飈。脩莖佇高鶴。何從事 連綿夕雲歸。曖曖日將落。寸陰不可留。蘭墀豈停酌。吳郎 丹纓本集作櫻。猶照樹。綠筠方解籜。永本集作求。志能兩忘。卽賞謝丘壑。府君

○本集五。詩紀六十一。

閒坐

雨洗花葉鮮。泉漫芳塘溢。藉此閒賦詩。聊用蕩羈疾。陳郎 霖霖微雨散。葳蕤蕙草密。預藉詩紀作籍。芳筵賞。沾生信昭悉。紀功曹晏 紫葵窻外舒。青荷池上出。既闔潁川扉。且臥淮南秩。府君 流風蕩本集作薄。晚陰。行雲掩朝日。念此蘭蕙客。徒有本集作容。芳菲質。何從事○本集五。詩紀六十一。

侍筵西堂落日望鄉

沈病已綿緒。本集作綿。負官別鄉憂。高城淒本集作悽。夕吹。時見國煙浮。曹丞 漠漠輕雲晚。颯颯高樹秋。鄉山不可望。蘭卮且獻酬。府君 旻本集誤作是。高識氣迥。泉渟知潦收。幸遇慶筵本集作延。渥。方且本集云。一作將。沐恩猷。紀功曹晏 芸黃先露早。騷瑟本集、詩紀並云。一作屑。驚暮秋。舊城望已肅。況乃客悠悠。何從事○本集

五。詩紀六十一。

往敬亭路中

山中芳杜綠。江南蓮葉紫。芳年不共遊。淹留空若是。府君綠水豐漣漪。青山多繡綺。新條日向抽。落花紛已委。何從事弱蔓既青翠。輕莎方羸靡。鷺鳴詩紀作鳴。沒而遊。麕麕騰復倚。齊舉郎春岸望沈沈。清流見瀾瀾。幸藉人外遊。盤桓未能徙。陳郎驚柁把瓊芳。隨山訪靈詭。榮楯每嶙峋。林堂多碣礧。府君○本集五。詩紀六十一。

祀敬亭山春雨

水府衆靈出。石室寶圖開。白雲帝鄉下。行雨巫山來。府君歌風讚靈德。舞蹈起輕埃。高軒乍留吹。玄羽或徘徊。何從事福降羣仙下。識逸百神該。青本集作玄。鳥飛層隙。赤鯉泳瀾隈。齊舉郎○本集五。詩紀六十一。



齊詩卷五

虞炎

炎。會稽人。初爲博士。累遷散騎侍郎、驍騎將軍。有集七卷。

玉階怨

紫藤拂花樹。黃鳥度玉臺作間。青枝。思君一歎息。苦淚應言垂。○玉臺新詠四。樂府詩集四十三。詩紀六十二。

錢謝文學離夜詩

差池燕始飛。羃歷草初輝。離人悵東顧。遊子愴謝集、古文苑並作去。西歸。清潮已駕古文苑作架。渚。溽露復沾衣。一乖當春聚。方掩故園扉。○謝宣城詩集四作虞別駕錢謝文學。古文苑四作虞駕部錢謝文學離夜。詩紀六十二。

詠簾詩

青軒明月時。紫殿秋謝集作金。風日。臃臃引初學記作孔。萬花谷同。光輝。曖曖映容質。清露依檐初學記作簾。垂。蛸絲當戶密。寒開誰共臨。掩晦獨如失。○謝宣城詩集五。初學記二十五。萬花谷續六。詩紀六十二。

奉和竟陵王經劉嶽墓下詩

下帷聞昔儒。窺園信且逸。聚學叢煙郊。棲遁謝集作道。事環華。戢景謝歸年。稅駕空悠日。庭露已沾衣。松門向蕭瑟。憫憫神念周。依依惠言密。○謝宣城詩集四。詩紀六十二。

王思遠

思遠。小字阿戎。琅邪臨沂人。仕至吏部郎。改授司徒左長史。永元二年。遷度支尚書。未拜卒。

皇太子釋奠詩

殘缺

龍圖昇曜。龜籍流芳。俗資儒從。化以學昌。葳蕤四代。昭晰三王。揮發性靈。財成教方。時陂樂淪。風凋禮失。縫掖不衣。章句豈術。蘊金孰砥。懷玉焉器。養正者睿。敷文惟懿。帝則昭天。皇圖軼古。乃聖乃神。重規疊矩。霞構兩庠。星陳二序。橫經若林。負書被宇。國緒克隆。儲暉允鏡。玉粹蕭芬。體元居正。溫文自躬。敦悅以性。崇道讓齒。業大德盛。高殿既筵。遠言既宣。窮理盡奧。闡幾洞玄。降情肅幣。盥聖薦賢。○文館詞林百六十。

王寂

寂。字子玄。琅邪臨沂人。僧虔子。位秘書郎。卒年二十一。有集五卷。

第五兄揖到太傅竟陵王屬奉詩五章

蘭馥春林。松貞秋坂。匪霜匪風。寧高寧遠。玉華彼川。琛先茲獻。至德綢繆。嘉英繼繼。西周擇才。東京得士。明明大齊。顯允君子。芳華早照。徽聲夙美。如彼招搖。不功而恃。天遙漢遠。日華月麗。彥無沈隱。賢豈幽滯。如蘭斯芬。如花斯蒂。臣實有恭。皇亦有德。周旦綿邈。漢光遙緬。左右匡弼。朝夕台鉉。嘉王副茲。聲邁前典。誰奉神軒。匪德無踐。寒林汎月。霜峰淡煙。濁樽湛澹。清調連絲。願尋出處。中襟閔然。曷爲贊仰。敢獻微篇。○文館詞林百五十二。

阮彥

皇太子釋奠會詩八章

惟帝御宇。惟聖裁荃。雲官眇載。鳳紀遐傳。於皇作后。續武乘天。地契斯彰。震符迺宣。五帝繼作。三王代新。教藹隆周。軌滅荒秦。興之用博。替之斯堙。敬業貽訓。務于成均。蘊寶聿摭。藏信咸澈。璧日文曜。珠星瀉晰。大開泮渚。爰構庠藝。越岫重梯。憑波累榭。兼明翌政。麗景承霄。玉振方辰。金聲夙標。德暎姬儲。芳騰夏朝。四輔陶輝。三善伊昭。

睿機欽典。式資昧旦。永言念茲。舊章載煥。習習胥敷。濟濟師贊。告覺舍弊。當作幣。肅莫循裸。
玉動琤軒。鑿迴璧卮。適序親薦。登堂降齒。槐保鏘儀。揆傳觀止。物悟大哉。神稱至矣。
獻禮卒虔。分除起宴。庭旅賓筵。階陳肆縣。笙鏞登越。干戚浮絢。明聳八音。幽馳九變。
慶逾居維。驩疑在鎬。百靈具祗。萬紘同造。粵以空微。預均風草。取濫槐纓。無聞輿阜。○文館詞林百六十。

王僧令

皇太子釋奠會詩六章

伊昔上德。體極凝貞。敷文翊典。濟美基平。三墳爰暢。六順斯明。玄風流采。邈代飛馨。
洪機瀉御。禎符景曆。續承聖輝。盈圖蘊冊。化協無疆。皇猷匪隔。海裔覃仁。沙方浹澤。
帝圖遠泰。震儲克融。識超玄覽。志邁謙沖。弘仁博藝。禮讓兼崇。傾衢舞輶。溢路歌風。
詢謀有徵。尅晨嘉奠。禮光瑤俎。樂泛軒縣。饗畢祉流。迴神曲讌。慶溢歡悰。情稠恩原作思。今從適園本。徧

適園本作編。

肅令警辰。禎徽曜節。慶晷透迤。祥雲炤晰。瑤旆煙迴。金聲霄撤。浹寓懷昌。含生載悅。
沖心幽被。獎逮無偏。栖質瓊伍。儷服華筵。微萍託海。翫羽浮天。方陶姬化。永沐姚年。○文館詞林百六十。

袁浮丘

皇太子釋奠詩七章

三象既區。八文斯載。靡人誰牧。匪后焉載。參差王列。迴環紀代。數含興毀。理彰彪晦。我皇廣運。實惟靈德。於昭儲嗣。徽光萬國。曾是知微。降情敦尅。陳經憲古。正訛辯惑。巖巖崇殿。藹藹重筵。韶儀淳粹。遠旨清宣。剖斥穿雜。適園本作副斥穿。總括凝泉。沖識知歸。蒙薄攸遷。司業尅終。告成奠旅。簡習容章。筮辰獻舉。肅茲戒禁。潔此牲俎。搖金蓋鳳。自宮徂序。有觀惟禮。亦既具來。儒巾雲列。朝紱星陪。式是保訓。允兼明台。比萼唐衛。燁燁光埃。冬緒御朔。氣爽煙輝。影霞旦卷。凝霜晚晞。張縣瞽目。鏗鏘動幾。翻舞屢還。絕音忘歸。語遠河清。記闕辰遲。菌朝遊夕。浮年偶時。爵賀峻檐。螭鳴曠坻。俯蹈盛典。仰震庸辭。○文館詞林百六十。

陸慧曉

慧曉。字叔明。吳郡吳人。高帝輔政。除尚書殿中郎。尋引爲東閣祭酒。歷會稽郡丞、江夏內史、行郢州事。遷吏部郎、五兵尚書、南兗州刺史。永元二年卒。年六十二。

遊仙詩

旌翻玉華晦。神轉雲光移。襲鳥黃山下。投佩朱路歧。○類聚七十八。詩紀六十二。

陸厥

厥。字韓卿。慧曉仲孫。州舉秀才。少傅主簿。遷行參軍。永元元年卒。年二十八。有集十卷。

蒲坂行

江南風已春。河間柳已把。雁反無南書。寸心何由寫。流泊祁連山。飄飄高闕下。○樂府詩集四十。詩紀六十二。

齊歌行

黃金徒滿籟。不如守章句。雪宮紛多士。稷下岌成覆。樂府、詩紀並云。一作露。同載雙連珠。樂府、詩紀並云。一作璧。合席懸河注。垂帷五行下。操筆百金賦。華屋大車方。高門四馬驅。玄豹空不食。南山隱雲霧。○樂府詩集六十四。詩紀六十二。

南郡歌

江南可採蓮。蓮生荷已大。旅雁向南飛。浮雲復如蓋。望美積風露。疏麻成襟帶。雙珠惑漢臯。蛾眉迷下蔡。玉齒徒粲然。誰與啓含貝。○樂府詩集七十二。詩紀六十二。

邯鄲行

趙女擲鳴琴。邯鄲紛躡步。長袖曳三街。兼金輕一顧。有美獨臨風。佳人在遐路。相思欲寒衽。叢臺日已暮。○樂府詩集七十六。詩紀六十二。

左馮翊歌

上林涵紫泉。離宮赫千戶。飛鳴亂鳧雁。參差雜蘭杜。比翼獨未羣。連葉誰爲伍。一物或難致。無云泣易覩。○樂府詩集八十四。詩紀六十二。

京兆歌

兔園夾池水。脩竹復檀欒。不如黃山苑。儲胥與露寒。邈迤傍無界。岑崟詩紀注云。一作嶽岑。鬱上干。上千人翠微。下趾連長薄。芳露浸紫莖。秋風搖素萼。雁起宵未央。雲間月將落。照梁桂兮影徘徊。承露盤兮光照灼。壽陵之街走狐兔。金卮玉盃會銷鑠。願奉蒲萄花。爲君實羽爵。○樂府詩集八十四。詩紀六十二。

李夫人及貴人歌

屬類聚作別。車桂玉臺作桂。席塵。豹尾香煙滅。彤殿向薜蘿。青蒲復萎玉臺作委。下同。絕。坐萎絕。對薜蘿。臨丹類聚作玉。詩紀云。一作玉。階。泣椒類聚作長。塗。寡鶴羈雌飛且止。玉臺作上。雕梁翠壁網蜘蛛。洞房明月夜。對此淚如珠。○玉臺新詠九。類聚四十三。樂府詩集八十四。詩紀六十二。

中山王孺子妾歌二首

未央才人。中山孺子。一笑傾城。一顧傾市。傾城不自美。傾市復爲容。願把陵陽袖。披雲望九重。○樂府詩集八十四。詩紀六十二。

如姬寢卧一作卧寢。内。班姬玉臺作妾。文選作婕。樂府同。又云。一作妾。坐同車。洪波陪飲帳。林光宴秦餘。歲暮寒飈及。秋水落芙蓉。子瑕矯後駕。安陵泣前魚。安陵當作龍陽。李善文選註已辨之。賤妾終六臣本文選注云。五臣作思已矣。六臣本文選注云。五臣作畢。樂府云。一作賤妾恩已畢。君子定焉如。○文選二十六。玉臺新詠四。樂府詩集八十四。詩紀六十二。

臨江王節士歌

木葉下。江波連。秋海錄碎事作明。月照浦雲歇山。秋思不可裁。復帶秋風來。秋風來已寒。白露驚羅紈。節士慷慨髮衝冠。彎弓挂若木。草堂詩箋作弱水。長劍竦雲端。○樂府詩集八十四。海錄碎事十九。詩紀六十二。又草堂詩箋八魏將軍歌注引冠、端二韻。

奉答内兄希叔詩五章

嘉惠承帝子。躡履奉王孫。屬叨金馬署。又點銅龍門。出入平津邸。一見孟嘗尊。歸來翳桑柘。朝夕異

涼温。

徂六臣本文選作徂。落固云是。寂蔑終如文選作始。六臣本注云。五臣作如。詩紀云。一作始。斯。杜門清三逕。坐檻臨曲池。鳧鵠嘯儔侶。荷芰始參差。雖無田田葉。及爾泛漣漪。

春華與秋實。庶子及家臣。王門所以貴。自古多俊民。離宮收杞梓。華屋富六臣本文選注云。五臣作當。徐陳。平旦六臣本文選注云。五臣作明。上林苑。日人伊水濱。

書記既翩翩。賦歌能妙絕。相如慙温麗。子雲慙筆札。駿足思長陂。柴車畏危轍。愧茲山陽讌。空此河陽別。

平原十日飲。中散千里遊。渤海方淫類聚作流。滯。宜城誰獻酬。屏居南山下。臨此歲方秋。惜哉時不與。日暮無輕舟。○文選三十六。詩紀六十二。又類聚三十一作奉答內兄顧希叔詩。引第五章。

劉繪

繪。字士章。彭城人。初爲齊高帝行參軍。歷位中書郎。竟陵王開西邸。繪爲後進領袖。梁武帝蕭衍起兵。朝廷以繪持節督四州軍事。東昏殞。城內遣繪及范雲送首詣梁王。轉大司馬從事中郎。中興二年卒。年四十五。有集十卷。

同沈右率諸公賦鼓吹曲二首

巫山高

高唐本集作堂。文苑作山。與巫山。參差鬱相望。灼爍在雲間。氛氲出霞樂府云。一作雲。上。散雨收夕臺。行雲卷晨障。本集作帳。文苑同。出沒不易期。嬋娟以樂府作似。注云。一作以。悵惆。○謝宣城詩集二。文苑英華二百一。樂府詩集十七。詩紀六十二。

有所思

別離安可再。而我文苑云。一作佳人。更重之。佳人不相見。明月空在帷。共銜詩紀作御。滿堂酌。獨斂向隅眉。中心亂如雪。寧知有所思。○謝宣城詩集二。類聚四十一作有所思行。文苑英華二百二。樂府詩集十七。文選補遺三十四。廣文選十四。詩紀六十二。

餞謝文學離夜詩

汀洲千里芳。朝雲萬里色。悠然在天隅。之子去安極。春潭無與窺。秋臺誰共謝集、文選補遺作共誰。陟。不見一佳人。徒望西飛翼。○謝宣城詩集四作餞謝文學。古文苑四。文選補遺三十四。詩紀六十二。

入琵琶峽望積布磯呈玄暉詩

江山信多美。此地最爲神。以茲峯石麗。重在芳樹春。照爛虹蜺雜。交錯錦繡陳。差池若燕羽。崩岸似龍鱗。却瞻了非向。前觀已謝集。作復已。復新。翠微上虧景。青莎下拂津。巉巖如刻削。可望不可親。昔途首遐路。未獲究清塵。誓將返初服。歲暮請爲鄰。○謝宣城詩集四作人琵琶峽望積布磯。詩紀六十二。又類聚二十七作人琵琶峽望積布磯詩。引神、春、神、新、津五韻。

詠博山香爐詩

參差鬱佳麗。合沓紛可憐。蔽虧類聚作野。千種樹。出沒萬重山。上鑿秦王子。駕鶴乘紫煙。下刻蟠龍勢。矯首半銜蓮。旁爲伊水麗。芝蓋出巖間。復有漢游女。拾羽弄餘妍。榮色何雜揉。綉繡更相鮮。麝麝或騰倚。林薄杳芊眠。類聚作香阡眠。掩華終不發。含薰未肯然。風生玉階樹。露湛曲池蓮。寒蟲悲類聚作飛。初學記同。夜室。秋雲沒曉天。○初學記二十五。詩紀六十二。又類聚七十所引缺憐一韻。

詠萍詩

可憐池內萍。葢葢初學記作氤氳。詩紀云。一作氤氳。紫復青。巧隨浪開合。能逐初學記作逐。水低平。微根無所綴。細葉詎須莖。漂泊終難測。留連如有情。○初學記二十七。文苑英華三百二十七作吳均。注云。一作南齊劉繪。詩紀六十二。

和池上梨花詩和王融。

露庭晚翻積。風閨夜人多。紫藜似亂蝶。拂燭狀聯蛾。○古文苑四作和王中書。詩紀六十二。

送別詩

春滿當是蒲字。方解籀。弱柳向低風。相思將安寄。悵望南飛鴻。○類聚二十九。

劉瑱

瑱。字士溫。繪弟。仕齊歷尚書吏部郎、義興太守。

上湘度琵琶磯詩

茲山挺異寧。孤起秀雲中。陵池激楚浪。紛紜絕宛風。煙峯晦如畫。寒水清若空。頡頏鷗舞白。流亂葉飛紅。○類聚二十七。詩紀六十二。

袁象

象。字偉才。陳郡人。仕齊。官至侍中。有集五卷。

贈庾易詩

南史曰。庾易。新野人。居江陵。志性恬靜。不交外物。齊臨川王映臨州。表薦之。餉麥百斛。易辭不受。以文義自

樂。安西長史袁象欽其風。贈詩一首。

白日清明。青雲遼亮。昔聞巢許。今覩臺尚。○南史庾易傳。詩紀六十二。

遊僊詩

羽客宴瑤宮。旌蓋乍舒設。王子洛浦來。湘娥洞庭發。長引逐清風。高歌送奔月。並馭排帝闈。連吹入天闕。萬古一方春。千霜豈二髮。○類聚七十八。詩紀六十二。

同前


白日三重階。黃金九層路。采煙拂紫葢。芳風搖碧樹。○類聚七十八。詩紀六十二。

虞通之

通之。會稽餘姚人。官至步兵校尉。

贈傅昭詩

梁書曰。傅昭少有神情。宋廷尉虞愿聞之。遣車迎昭。時愿宗人通之在坐。並當世名流。通之贈昭詩曰。英妙擅山東。才子傾洛陽。清塵誰能嗣。及爾邁遺芳。○梁書傅昭傳。南史傅昭傳。詩紀六十二。



齊詩卷六

顧愨

愨。揚州主簿。善易。愨一作則心。一作測。

望廡前水竹詩

詩紀云。何遜集載此詩。題云望廡前水竹答崔錄事。拾遺作顧則心。

蕭蕭叢竹映。澹澹平湖淨。葉倒漣漪文。水漾檀欒影。相思不會面。相望空延頸。遠天去浮雲。長墟斜落景。幽痾與歲積。賞心隨事屏。鄉念一逴迴。白髮生俄頃。○何水部集二。選詩拾遺。詩紀六十二。

鍾憲

憲。潁川長社人。齊正員外郎

登羣峯標望海詩

詩紀云。此詩見謝朓集。題云和劉西曹望海。拾遺作鍾憲。

蒼波不可望。望極與天平。往往孤山暎。處處春雲生。差池遠雁沒。颯沓羣鳥驚。囂塵及簿領。棄捨出重城。臨川徒可羨。結網庶時營。○謝宣城詩集四。選詩拾遺。詩紀六十二。

許瑤之

擬自君之出矣詩紀云。藝文作宋孝武帝。

自君之出矣。金翠闈無精。思君如日月。迴環晝夜生。○玉臺新詠十。詩紀五十四。

詠柗榴枕詩

詩紀云。吳都賦。柗榴之木。註曰。柗榴。木之盤結者。材理堅邪可作器。然則柗榴卽所謂木癭。榴字瘤字假借通用耳。故曰因病成妍也。

端木生河側。因病遂成妍。朝將雲髻別。夜與蛾眉連。○玉臺新詠十。詩紀五十四。

閨婦答鄰人詩

昔如影與形。今如胡與越。不知行遠近。忘却玉臺去。離年月。○玉臺新詠十。詩紀五十四。

朱碩仙朱子尚附

吳聲獨曲二首

南齊時。朱碩仙善歌吳聲讀曲。武帝出遊鍾山。幸何美人墓。碩仙歌云云。帝神色不悅曰。小人不遜弄我。時朱子尚亦善歌。復爲一曲云云。於是俱蒙厚賚。

碩仙歌

二樂府作一。憶所歡時。緣山破荏荏。山神感儂意。盤石銳鋒動。○樂府詩集四十六。詩紀六十二。

子尚歌

暖暖樂府作暖暖。日欲冥。歡騎立踟躕。太陽猶尚可。且願停須臾。○同上

石道慧

離合詩

好仇華良夜。子歡我亦欣。昊穹出明月。一坐感良晨。○類聚五十六。詩紀六十二。

檀秀才

遠案。以下七人詩原附謝朓集同題之下。

陽春歌

青春獻初歲。白日樂府作雲。映雕梁。蘭萌猶自短。柳葉未謝集作菰菜禾。能長。已見花紅文苑作紅花。發。復聞花
蕊樂府作綠草。香。乘謝集作樂。詩紀云。一作樂。此試遊衍。誰知心獨傷。○謝宣城詩集二。文苑英華九十三。樂府詩集五十
一。詩紀五十八。

江朝請

與

淶水曲

淶。謝集作綠。詩紀同。

塘上蒲欲齊。汀洲杜將歇。春心既易蕩。春流豈難越。桂棹樂府作機。及晚風。菱江謝集作影。映初月。芳香若
可贈。爲君步羅襪。○謝宣城詩集二。樂府詩集五十九。詩紀五十八。

陶功曹

失名

採菱曲

朝日映蘭澤。乘風入桂嶼。棹影已流倡。輕舟復容與。勿遽佳期移。方追明月侶。采采詎盈掬。還望空延

佇。○謝宣城詩集二。詩紀五十八。

朱孝廉 失名

白雪曲

凝雲沒文苑作凌。霄漢。從風飛文苑作驚。且散。聯翩下文苑、樂府並作避。幽谷。徘徊依井幹。既興楚客謠。亦動周王歎。所恨輕寒樂府云。一作塞。早。不迨文苑作待。陽春文苑作春光。樂府云。一作春光。旦。○謝宣城詩集二。文苑英華三百三十一。樂府詩集五十七。詩紀五十八。

王秀之

秀之。字伯奮。琅邪臨沂人。累遷都官尚書。出為隋王鎮西長史、吳興太守。

卧疾敘意詩

貞悔不少期。福極固難豫。疾藥雖一途。遂以千百慮。景仄本集作反。念徂齡。帶緩每危曙。循躬既本集作雖。注云。一作既。已茲。況復歲將暮。層冰日夜多。飛雲密如霧。歸鴻互斷絕。宿鳥莫能去。輟我丘中琴。本集作瑟。良由謝集作田。一嗟故。隱淪迹有違。宰官功未本集作來。樹。何用攬余情。恨恨此故路。豈言勞者歌。且曰幽人賦。○謝宣城詩集四。詩紀六十。

江孝嗣

北戍琅邪城詩

驅馬一連翩。日下情不息。芳樹似謝集作以。佳人。惆悵余何極。薄暮苦羈謝集作羈。愁。終朝傷旅食。丈夫許人世。安得顧心臆。按劍勿復言。誰能耕與織。○謝宣城詩集四。文選補遺三十六。廣文選十。詩紀六十。

離夜詩

石泉行可照。蘭杜向含風。離歌上春日。芳思徒以空。情遽曉雲發。心在夕何終。幽琴一罷調。清謝集字缺。酌復誰同。○謝宣城詩集四。詩紀六十一。

王常侍 失名

離夜詩

月没高樓曉。雲起扶桑時。燭筵暖詩紀作緩。無色。行住謝集作往。閔謝集作憫。相悲。當軒已凝念。況乃清江湄。懷人忽千里。誰緩髮徂謝集作組。絲。○謝宣城詩集四。詩紀六十一。

王晏

晏。字休默。一字士彥。琅邪臨沂人。宋大明末。歷建安國常侍、員外郎、征北參軍、鎮西記室諮議。齊受禪。轉太子中庶子。歷步兵校尉、侍中、僕射尚書令、太傅。建武四年。坐罪誅。

和徐孝嗣詩

槐序候方調。○南史王晏傳。

韓蘭英

蘭英始爲後宮司儀。後爲博士。

爲顏氏賦詩

金樓子曰。齊鬱林王時。有顏氏女。夫嗜酒。父母奪之。入宮爲列職。帝以春夜命後宮司儀爲顏氏賦曰云。帝乃還之。

絲竹猶在御。愁人獨向隅。棄置將已矣。誰憐微薄驅。○金樓子一。

釋寶月

估客樂二曲

齊武帝布衣時。嘗遊樊鄧。登祚以後。追憶往事。作估客樂。使寶月奏之管絃。月又上此二曲。凡四章。

齊詩卷六

江孝嗣

王常侍

王晏

韓蘭英

釋寶月

郎作十里行。儂作九里送。拔儂頭上釵。與郎資路用。○樂府詩集四十八。詩紀六十二。
有信數寄書。無信心相憶。莫作瓶落井。一去無消息。○同上

同前

大艚珂峩頭。何處發揚州。借問艚上郎。見儂所歡不。○樂府詩集四十八。詩紀六十二。
初發揚州時。船出平津泊。五兩如竹林。何處相尋博。○同上

行路難

君不見孤雁關外發。酸嘶度揚越。空城客子心腸斷。幽閨思婦氣欲絕。凝霜夜下拂羅衣。浮雲中斷闌明月。夜夜遙遙徒相思。年年望望情不歇。寄我匣中青銅鏡。倩人爲君除白髮。行路難。行路難。夜聞南城漢使度。使我流淚憶長安。○玉臺新詠九。文苑英華二百。樂府詩集七十。詩紀六十二。○逮案。詩品謂此歌乃柴廓作。月竊爲已有。

雜歌謠辭

蘇小小歌 一曰錢塘蘇小小歌。

樂府廣題曰。蘇小小。錢塘名倡也。蓋南齊時人。西陵在錢塘江之西。歌云西陵松柏下。是也。

妾樂府作我。乘油壁車。郎騎樂府作乘。青驄馬。何處結同心。西陵松柏下。○玉臺新詠十。樂府詩集八十五。詩紀六十三。

永明初歌

齊書五行志曰。永明初。百姓歌曰云云。後句閒云陶郎來。白者金色。馬者兵事。三年。妖賊唐寓之起。言唐來勞也。白馬向城啼。欲得城邊草。○南齊書五行志。詩紀六十三。

百姓爲東昏侯歌

南史曰。東昏侯又以閱武堂爲芳樂苑。窮奇極麗。當暑種樹。大樹合抱。亦皆移植。插葉繁華。取玩俄頃。又於苑中立店肆。模大市。日游市中。雜所賣物與官人鬪。豎共爲裨販。以潘妃爲市令。自爲市吏錄事。又開渠立埭。躬自引船。埭上設店。坐而屠肉。于時百姓歌云。

閱武堂。種楊柳。至尊屠肉。潘妃酤酒。○南史齊廢帝東昏侯紀。六朝事迹編類上。

沈麟士引童謠

沈氏述祖德碑曰。沈莫盛於吳興。始吾祖戎建大勳。辭顯職。繇江北避地居吳之餘不鄉。其卒也永平元年。葬鄉之金鼈山。時有金鵝。三鳴而去。童謠曰云云。遂更名其山曰金鵝。

金鵝鳴。沈氏興。代代出公卿。○湖錄金石考四。

張敬兒自爲歌謠

南史曰。張敬兒性好卜術。信夢尤甚。又使於鄉里爲謠言。使小兒輩歌曰云云。敬兒家在冠軍。宅前有地名赤谷。始其母於田中卧。夢犬子有角舐之。已而有娠而生敬兒。故初名狗兒。又生一子。因狗兒之名。復名豬兒。宋明帝嫌狗兒名鄙。改爲敬兒。故豬兒亦改名恭兒。

天子在何處。宅在赤谷口。天子是阿誰。非豬如是狗。○南史張敬兒傳。

永明中虜中童謠

南齊書曰。永明中。虜中童謠云云。尋而京師人家忽生火。赤於常火。熱小微。貴賤爭取以治病。敕禁之。不能斷。後梁以火德興。

黑水流北。赤火入齊。○南齊書五行志。

永明中魏地童謠

南史曰。永明十一年秋七月。先是魏地謠言云云。是歲有沙門從北齋此火而至。色赤於常火而微。云以療疾。貴賤爭取之。咸云聖火。詔禁之不止。火灸至七炷而疾愈。吳興丘國寶密以還鄉。邑人楊道慶虛疾二十年。依法灸卽差。是月上崩。

赤火南流喪南國。○南史齊武帝紀。

永元元年童謠

南齊書曰。永元元年童謠云云。千里流者。江祐也。東城。遙光也。遙光夜舉事。垣歷生者烏皮袴褶往奔之。跛脚。亦遙光。老姥子。孝字之象。徐孝嗣也。

洋洋千里流。流娶東城頭。烏馬烏皮袴。三更相告訴。脚踏不得起。誤殺老姥子。○南齊書五行志。詩紀六十三。

永元中童謠

南齊書曰。永元中童謠云云。識者解云。陳顯達屬豬。崔慧景屬馬。非也。東昏侯屬豬。馬子未詳。梁王屬龍。蕭穎胄屬虎。崔慧景攻臺。頓廣莫門死。時年六十三。烏集傳舍。即所謂瞻烏爰止。于誰之屋。三八二十四。起建元元年。至中興二年。二十四年也。摧折景陽樓。亦高臺傾之意也。言天下將去。乃得休息也。

野豬雖嗥嗥。馬子空閭渠。不知龍與虎。飲食江南墟。七九六十三。廣莫人無餘。烏集傳舍頭。今汝得寬休。但看三八後。摧折景陽樓。○南齊書五行志。詩紀六十三。

山陰謠

南史曰。丘仲孚爲山陰令。居職甚有聲稱。百姓爲此謠。前世傅琰父子、沈憲、劉玄明。相繼宰山陰。並有政績。

二傅沈劉。不如一丘。○南史丘仲孚傳。詩紀六十三。

東昏侯時宮中謠

南史曰。初。左右刀敕之徒悉號爲鬼。宮中訛云云。當時莫解。梁武平建鄴。東昏死。羣小一時誅滅。故稱爲諸鬼也。俗間以細剉肉糝以薑桂曰劓。意者以凶黨皆當細剉而烹之也。

趙鬼食鴨劓。諸鬼盡著調。○南史茹法珍傳。

時人爲桓康語

南史曰。桓康。蘭陵人也。隨武帝起兵。摧堅陷陣。膂力絕人。江南人畏之。高帝鎮東府。除武陵王中兵寧朔將軍。常侍衛左右。帝誅黃回。使康數回罪。然後殺之。時人語曰。

欲俯張。問桓康。○南齊書桓康傳。南史桓康傳。詩紀六十三。

荀伯玉聞青衣小兒語

南齊書曰。初。太祖在淮南。伯玉假還廣陵。夢上廣陵城南樓上。有二青衣小兒語伯玉云云。伯玉視城下人。頭皆有草。元徽五年而廢蒼梧。

草中肅。九五相追逐。○南齊書荀伯玉傳。

時人爲荀伯玉語

南齊書曰。世祖在東宮。專斷用事。頗不如法。伯玉因世祖拜陵後密啓之。上大怒。檢校東宮。世祖憂懼。上嘉伯玉盡心。愈見親信。軍國密事。多委使之。時人爲之語曰云云。世祖深怨伯玉。永明元年。垣崇祖誅。伯玉伏法。

十南史作千。敕五南史作萬。令。不如荀伯玉南史作公一。命。○南齊書荀伯玉傳。南史荀伯玉傳。

時人爲蕭晃語

南史曰。長沙威王晃。高帝四子也。少有武力。昇明中爲淮南、宣城二郡太守。晃便弓馬。初。沈攸之事起。晃多從武容。赫奕都街。時人爲之語曰。

煥煥蕭四繳。○南齊書、南史長沙威王晃傳。御覽四百九十五。詩紀六十三。

時人爲劉繪語

南齊書曰。永明末。京邑人士盛爲文章談義。皆湊竟陵王西邸。繪爲後進領袖。機悟多能。時張融、周顒並有言工。融音旨緩韻。顒辭致綺捷。繪之言吐。又頓挫有風氣。時人爲之語曰云云。言在二家之中也。

劉繪貼宅。別開一門。○南齊書劉繪傳。御覽百八十。

時人爲張周劉三姓語

南史曰。永明末。都下人士盛爲文章談義。皆湊竟陵西邸。繪爲後進領袖。時張融以言辭辯捷。周顒彌爲清綺。而繪音采亦瞻麗。雅有風則。時人謂之語曰云云。言其處二人之間也。

三人共宅夾清漳。張南周北劉中央。○南史劉維傳。御覽百八十六百十七。詩紀六十三。

時人爲沈麟士語

南史曰。沈麟士隱居餘干吳差山。講經教授。從學士數十百人。各營屋宇。依止其側。時人爲之語曰。

吳南史無吳字。差山中有賢士。開門教授居成市。○南史沈麟士傳。御覽五百五。詩紀六十三。

南州爲江革語

南史曰。江革爲潯陽太守。清嚴爲屬城所憚。正直自居。不與典籤趙道智坐。道智還都啓事。誣奏革墮事好酒。以瑯琊王曇聰代爲行事。南州士庶爲之語曰。

故人不道智。新人佞散騎。莫知度不度。新人不如故。○南史江革傳。詩紀六十三。

都下民語

南史曰。茹法珍。會稽人。梅蟲兒。吳興人。齊東昏時並爲制局監。俱見愛幸。自江祐、始安王遙光等誅後。及左右應敕捉刀之徒並專國命。人間謂之刀敕。權奪人主。都下爲之語曰。

欲求貴職依刀敕。須得富豪事御刀。○南史茹法珍傳。

清商曲辭

西曲歌

共戲樂四曲

古今樂錄曰。共戲樂。舊舞十六人。梁八人。

齊世方昌書軌同。萬宇獻樂列國風。

時泰民康人物盛。腰鼓鈴杵各相競。

長袖翩翩若鴻驚。纖腰嫋嫋會人情。

觀風採樂德化昌。聖皇萬壽樂未央。○樂府詩集四十九。詩紀六十三。

楊叛兒八曲

唐書樂志曰。楊叛兒。本童謠歌也。齊隆昌時。女巫之子曰楊旻。少時隨母入內。及長爲何后寵。童謠云。楊婆兒。共戲來所歡。語訛。遂成楊叛兒。古今樂錄曰。楊叛兒送聲云。叛兒教儂不復相思。

截玉作手鉤。七寶光平天。繡杏織成帶。嚴帳信可憐。

顰出白門前。楊柳可藏烏。歡玉臺作郎。作沈水香。儂作博山鑪。

送郎乘艇子。不作遭風慮。橫篙擲去槳。願倒逐流去。

七寶珠絡鼓。教郎拍復拍。黃牛細犢兒。楊柳映松柏。

歡欲見蓮時。移湖安屋裏。芙蓉繞牀生。眠卧抱蓮子。

聞歡遠行去。送歡至新亭。津邇無儂名。○同上

落秦中庭生。誠知非好草。龍頭相鉤連。見枝如欲繞。○同上

楊叛西隨曲。柳花經東陰。風流隨遠近。飄揚悶儂心。○樂府詩集四十九。詩紀六十三。又玉臺新詠十引第二曲。

雜曲歌辭

樂辭

詩紀編入晉詩。又引祝穆曰。窮袴。襦也。蓋漢人語。吳競編此辭在十九首後。○遼案。宋許顛彥周詩話謂此乃齊梁間樂府。今從之編之於此。

繡幙圍香風。耳節朱絲桐。不知理何事。淺立經營中。愛事文類聚作護。惜加冷齋夜話作如。窮袴。防閑事文類聚作隄防。託守宮。今日牛羊上丘隴。當年近前面發紅。○冷齋夜話。事文類聚前集五十八。詩紀四十三。又草堂詩箋二十丹青詩注作古樂府詩。引桐、中二韻。彥周詩話作齊梁間樂府。引宮、紅二韻。

齊詩卷七

郊廟歌辭

齊南郊樂章十三首

南齊書樂志曰。武帝建元二年。有司奏郊廟雅樂歌辭。太廟登歌用褚淵。餘悉用謝超宗所撰。多刪顏延之、謝莊辭以爲新曲。備改樂名。永明二年。又詔王儉造太廟二室及郊配辭。

肅咸樂羣臣出入

謝超宗

謝超宗。陳郡人。靈運之孫。歷齊高帝、武帝。累遷黃門郎。掌國史。除竟陵王征北諮議記室。

夤承寶命。嚴恭帝緒。奄受敷錫。升中拓宇。亘地稱皇。罄天作主。月域來賓。日際奉土。開元首正。禮交樂舉。六典詩紀誤作曲。聯事。九官列序。宋郊祀顏延之辭刪定。○南齊樂志。樂府詩集二。詩紀六十三。

引牲樂

牲出入。夕牲歌。並重奏。

皇乎敬矣。恭事上靈。昭教國祀。肅肅明明。有牲在滌。有潔在俎。以薦王衷。以答神祐。陟配在京。降德

在民。奔精望夜。高燎佇晨。有性以下四句顏辭。○同上

嘉薦樂薦豆呈毛血

我恭我享。惟孟之春。以孝以敬。立我烝民。青壇奄靄。翠幕端凝。嘉俎重薦。兼籍樂府作藉。再升。設業設簋。展容玉庭。肇裡配祀。克對上靈。增損謝莊辭。○同上

昭夏樂迎神

惟聖饗帝。惟孝饗親。禮行宗祀。敬達郊裡。金枝中樹。廣樂四陳。月御案節。星驅扶輪。遙興遠駕。曜曜振振。告成大報。受釐元神。增損顏辭。○同上

永至樂皇帝入壇東門

紫壇望靈。翠幕佇神。率天奉樂。府作奏。贊。罄地來賓。神貺並介。泯祗樂府作祗。合祉。恭昭鑒享。肅光孝祀。威蕩四靈。洞曜三光。皇德全被。大禮流昌。○同上

登歌帝升壇

報惟事天。祭實尊靈。史正嘉兆。神宅崇禎。五時昭鬯。六宗彝序。介丘望塵。皇軒肅舉。○同上

文德宣烈樂帝初獻

營泰時。定天衷。思心緒。謀筮從。田燭置。燿南齊書作權。樂府同。火通。大孝昭。國禮融。刪定顏辭。○同上

武德宣烈樂次奏

功燭上宙。德耀中天。風移九域。禮飾八埏。四靈晨炳。五緯宵明。膺曆締運。道茂前聲。○同上

高德宣烈樂高帝配饗

王儉

饗帝嚴親。則天光大。烏奕前古。榮鏡無外。日月宣華。卿雲流靄。五漢同休。六幽咸泰。○同上

嘉胙樂飲福酒

謝超宗

邕嘉禮。承休錫。盛德符景緯。昌華應帝策。聖藹耀昌基。融祉暉世曆。聲正涵月軌。書文同南齊書。樂府並作騰。日迹。寶瑞昭神圖。靈貺流瑞液。我皇崇暉祚。重芬冠往籍。○同上

昭夏樂送神

薦饗洽。禮樂該。神娛展。辰旒回。洞雲路。拂璇階。紫霧藹。青霄開。睠皇都。顧玉臺。留昌德。結聖懷。

○同上

昭遠樂帝就燎位

天以德降。地南齊書、樂府並作帝。以禮報。牲尊俯陳。柴幣仰燎。事展司采。敬達瑄蕝。煙贊青昊。震颺紫場。陳馨示策。肅志宗禋。禮非物備。福唯誠陳。○同上

休成樂帝還便殿

昭事上祀。饗薦具陳。迴鑾轉翠。拂景翔宸。綴縣敷暢。詩紀云。一作錫。鍾石昭融。羽炫深晷。籥噎行風。肆序輟度。肅禮停文。四金聳衛。六馭齊輪。○同上

齊北郊樂歌六首

南齊書樂志曰。北郊樂。迎地神奏昭夏之樂。升壇奏登歌。初獻奏地德凱容之樂。次奏昭德凱容之樂。送神奏昭夏之樂。瘞埋奏隸幽之樂。餘辭同南郊。隋書樂志曰。齊氏承宋。咸用元徽舊式。宗祀朝饗。奏樂俱同。惟增北郊之禮。乃元徽所闕。永明六年之所加也。

昭夏樂迎神奏

謝超宗

詔禮崇營。敬饗玄時。靈正丹帷。月肅紫墀。展薦登華。風懸凝鏘。神惟戾止。鬱葆遙莊。昭望歲芬。環游辰太。穆哉尚禮。橫光秉藹。○南齊書樂志。樂府詩集二。詩紀六十三。

登歌 帝升壇奏

佇靈敬享。裡肅彝文。縣動聲儀。薦絜牲芬。陰祇詩紀作祇。以貺。昭祀式慶。九服熙度。六農祥正。○同上

地德凱容樂 帝初獻奏

繕方丘。端國陰。掩珪晷。仰靈心。詔源委。遍丘林。禮獻物。樂薦音。亦刪顏辭。○同上

昭德凱容樂 次奏

慶圖濬邈。蘊祥祕瑤。倪天炳月。嬪光紫霄。邦化靈懋。闔則風調。儷德方儀。徽載以昭。○同上

昭夏樂 送神奏

薦神升。享序楹。淹玉俎。齊書作俎。停金奏。寶旆轉。旒駕旋。溢素景。鬱紫躔。靈心顧。留宸南齊書作辰。樂府同。睭。洽外瀛。瑞中縣。○同上

隸幽樂 瘞埋奏

后皇嘉慶。定祇樂府作祇。玄時。承帝休圖。祇敷靈祉。篚纂周序。軒朱凝會。牲幣芬壇。精明佇蓋。調川瑞昌。警嶽祥泰。○同上

齊明堂樂歌十五首

南齊書樂志曰。武帝建元初。詔謝超宗造明堂夕牲等歌。並採用謝莊辭。賓出人奏肅成樂。牲出人奏引牲樂。薦豆呈毛血奏嘉薦樂。迎神奏昭夏樂。皇帝升明堂奏登歌。初獻奏凱容宣烈之樂。還東壁受福酒奏嘉胙樂。送神奏昭夏樂。並建元永明中作也。其凱容宣烈樂、嘉胙樂。太廟同用。

肅成樂 賓出人

謝超宗

彝承孝典。恭事嚴聖。浹天奉齎。罄壤齊慶。司儀具齊書作且。序。羽容夙章。芬枝揚烈。黼構周張。助寶奠齊書作尊。軒。酌珍充庭。璆縣凝會。珥朱竚聲。先期選禮。肅若有承。祇對靈祉。皇慶昭膺。○南齊書樂志。樂府詩集二。詩紀六十三。

尊事威儀。輝容昭序。迅恭明神。絜盛牲俎。肅齊書作肅。肅嚴宮。藹藹崇基。皇靈降止。百祇樂府作祇。齊書誤作白紙。具司。戒誠望夜。端烈承朝。依微昭旦。齊書作且。物色輕宵。○同上

引牲樂

惟誠絜饗。惟孝尊靈。敬芳黍稷。敬滌犧牲。駢繭在豢。載溢載豐。以承宗祀。以肅皇衷。蕭芳四舉。華火周傳。神鑒孔昭。嘉足三齊書、樂府作參。牲。○同上

嘉薦樂二首

肇禋戒祀。禮容咸舉。六典飾文。九司炤序。牲柔既昭。犧剛既陳。恭滌惟清。敬事惟神。加籩再御。兼俎重南齊書、樂府作兼。薦。節動軒越。聲流金縣。○同上

奕奕闕幄。粲粲嚴闈。絜誠夕鑒。端服晨暉。聖靈戾止。翊我皇則。上綏四字。下洋萬國。永言孝饗。孝饗有容。儉僚贊列。肅肅雍雍。以上皆宋殷淡辭。○同上

昭夏樂

地紐謐。乾樞回。華蓋動。紫微開。旌蔽日。車若雲。駕六龍。乘烟煇。燁帝景。耀天邑。聖祖降。五雲集。懋粢盛。絜牲牲。百禮肅。羣司虔。皇德遠。大孝昌。貫九幽。洞三光。神之安。解玉齊書作玉。鑿。景福至。萬宇歡。謝莊辭。下同。○同上

登歌

雍臺辨齊書、樂府並作辨。朔。澤宮選辰。繫齊書作繫。火夕炤。明水朝陳。六瑚賁室。八羽華庭。昭事先聖。懷濡上靈。肆夏式敬。升歌發德。永固洪基。以綏萬國。○同上

凱容宣烈樂

醴醴具登。嘉俎咸薦。饗洽誠陳。禮周樂徧。祝辭罷裸。序容輟縣。蹕動端庭。鑾回嚴殿。神儀駐景。華漢高詩紀作亭。虛。八靈案衛。三祇齊書、樂府並作代。解途。翠蓋澄耀。畢帝凝宸。齊書、樂府並作晨。玉鑣齊書、樂府並作鑣。息節。金輅懷音。戒誠達孝。底心肅感。追憑皇鑒。思承淵範。神錫懋祉。四緯昭明。仰福帝徽。俯齊庶生。殷淡辭。○同上

青帝歌

參映夕。駟昭晨。靈乘震。司青春。雁將向。桐始蕤。和風舞。暄光遲。萌動達。萬品親。潤無際。澤無垠。

以下五首皆謝莊辭。○同上

赤帝歌

龍精初見。大火中。朱光北至。圭景同。帝在在離。寔司衡。雨水方降。木槿榮。庶物盛長。咸殷阜。恩澤四溟。被九有。樂府、詩紀並云。下逸。○同上

黃帝歌

履艮宅中宇。司繩總四方。裁化徧寒燠。布政司炎涼。至分乘經晷。閉啓集恆度。帝暉緝萬有。皇靈澄國步。○同上

白帝歌

百川若鏡。天地爽且明。雲沖氣舉。盛德在素精。庶類收成。歲功行欲寧。泱地奉渥。罄宇承帝靈。○同上

黑帝歌

歲既暮日方馳。靈乘坎德司規。玄雲合晦鳥蹊。白詩紀缺此字。雲繁亘天涯。晨晷促夕漏延。太齊書作大。陰極微陽宣。○同上

嘉胙樂

禮薦洽。福胙齊書、樂府並作祚。昌。聖皇膺嘉祐。帝業凝休祥。居極乘景運。宅德瑞中王。澄明臨四奧。精華

延八鄉。洞海同聲。德。澈宇麗乾光。靈慶繼世祉。泐烈永無疆。謝莊辭。○同上

昭夏樂

蘊禮容。餘樂度。靈方留。景欲暮。開九重。肅五達。鳳參差。龍已沫。齊書作秣。雲既動。河既梁。萬里照。四空香。神之車。歸清詩紀作青。都。璇庭寂。玉殿虛。鴻化凝。孝風熾。顧靈心。結皇思。鴻慶遐邇。嘉薦令芳。
翊齊書作並。帝明德。永祚深光。謝莊辭。○同上

齊雩祭歌八首

南齊書樂志曰。建武二年。雩祭明堂。謝朓造辭。一依謝莊。唯世祖四言也。

迎神八章

謝朓

齊樂志曰。依漢來郊歌三言。宋明堂迎神八解。○每四句一解。

清明暢。禮樂新。候龍景。練齊書作選。貞辰。

陽律亢。陰晷伏。耗下土。薦穰稌。

宸齊書、樂府並作震。儀警。王度乾。嗟雲漢。望昊天。

張盛樂。奏雲舞。集五精。延帝祖。

粵有諷。祭有秩。管鬯芬。圭瓚瑟。

靈之來。帝闈開。車煜耀。吹徘徊。

停龍轡齊書、樂府作轡。徧觀此。凍雨飛。祥雲靡。

壇可臨。奠可歆。對眈齊書作泯。樂府同。祉。鑒皇心。○南齊書樂志。樂府詩集三。詩紀六十三。

世祖武皇帝三章

濬哲維祖。長發其武。帝出自震。重光御宇。七德攸宣。九疇咸敘。靜難荆衡。齊書、樂府並作舒。凝威蠡浦。
昧旦丕承。夕惕刑政。化一齊書、樂府並作壹。車書。德馨染盛。昭星夜景。非雲曉慶。衢室成陰。璧水如鏡。
禮充玉帛。樂被匏齊書、樂府並作箎。絃。於鑠在詠。陟配於天。自宮徂兆。靡愛牲牷。我將我享。永祚豐年。

○南齊書樂志。樂府詩集三。詩紀六十三。

青帝三章

營翼日。鳥殷宵。凝冰泮。玄蟄昭。

景陽陽。風習習。女夷歌。東皇集。

奠齊書、樂府並作樽。春酒。秉青珪。命田祖。渥羣黎。○南齊書樂志。樂府詩集三。詩紀六十三。

赤帝三章

惟此夏德德恢台。兩龍在齊書、樂府並作既。御炎精來。

火景方中南譌秩。靡草云黃含桃實。

族雲翦鬱溫風扇。齊書、樂府並作煽。興雨祁祁黍苗徧。○南齊書樂志。樂府詩集三。詩紀六十三。

黃帝三章

稟火自高明。毓金挺剛克。涼燠資成化。羣芳齊書、樂府並作方。載厚德。

陽季勾萌達。炎徂溽暑融。商暮百工止。歲極凌陰沖。

泉齊書、樂府並作皇。流疏已清。原隰甸已平。咸言祚惟億。敦民保齊齊書作高。京。○南齊書樂志。樂府詩集三。詩紀六十三。

白帝三章

帝說于兑。執矩固司藏。百川收潦。精景應金方。齊書、樂府並作徂商。

嘉樹離披。榆闕命賓鳥。夜月如霜。金齊書、樂府並作秋。風方嫋嫋。

商陰肅殺。萬寶咸已齊書、樂府並作亦。道。勞哉望歲。場功冀可收。○南齊書樂志。樂府詩集三。詩紀六十三。

黑帝三章

白日短。玄夜深。招搖轉。移太樂府作大。陰。霜鍾鳴。冥陵起。星迴天。月窮紀。

聽嚴風。來不息。望玄雲。黝無色。曾冰烈。齊書、樂府並作冽。積羽幽。飛雪齊書、樂府並作雲。至。天山側。

關梁閉。方不巡。合國吹。饗蜡賓。統齊書、樂府並作充。微陽。究終始。百禮洽。萬祚齊書、樂府並作萬觀。臻。○南

齊書樂志。樂府詩集三。詩紀六十三。

送神五章

敬如在。禮將周。神之駕。不少留。

躍龍鑣。齊書、樂府作躡龍鑣。轉金蓋。紛上馳。雲之外。

警七曜。詔八神。排閭闔。渡天津。

有渰興。膚寸積。雨冥冥。又終夕。

俾棲糧。維萬箱。皇情暢。景命昌。○南齊書樂志。樂府詩集三。詩紀六十三。

齊藉田樂歌二首

南齊書樂志曰。藉田歌。漢章帝元和元年。班固奏用周頌載芟祠先農。晉傅玄作祀先農先蠶夕牲歌詩一篇。迎送

神一篇。饗社稷、先農、先聖、先賢歌詩三篇。酬皆畝田農事。胡道安作先農饗神詩一篇。樂府相傳舊歌三章。永明四年藉田。詔江淹造歌。淹不依胡、傅。製祀先農迎送神升歌及饗神歌二章。

迎送神升歌

江淹

羽鑾從動。金駕時遊。教騰義鏡。樂綴前齊書。樂府並作禮。修。率先丹耦。躬遵綠疇。靈之聖之。歲殷澤柔。
○南齊書樂志。樂府詩集三。詩紀六十三。

饗神歌

瓊罍既飾。繡篚以陳。方變嘉種。永毓宵民。○同上

牲出入歌

江淹下同

詩紀云。以下三首見初學記。未詳所用。

祝詳史具。禮備樂薦。有牲在陳。有鼓在縣。騰燭象星。奔水類電。郊燎夙戒。駉彼乘駟。以伺質明。以佇初學記作伸。神宴。詩紀作晏。○初學記十三。詩紀六十三。

薦豆呈毛血歌辭

時恭時祀。有物有則。伊我上聖。實抱明德。犧象交陳。鬱尊四塞。黍惟嘉穀。酒惟玄默。薦通蒼祇。初學記

作祗。慶覃黎黑。願靈之降。祚家祐國。○初學記十三。詩紀六十三。

奏宣列之樂歌舞

殷崇配天。周尊明祀。瑞合汾陰。慶同泰時。青幕雲舒。丹殿霞起。二曜惟新。五精告始。于以享之。景福是履。○初學記十三。詩紀六十三。

齊太廟樂歌十六首

南齊書樂志曰。宋昇明中。太祖爲齊王。令司馬褚淵造太廟登歌二章。建元初。詔謝超宗造廟樂歌詩十六章。永明二年。又詔王儉造太廟二室歌辭。

肅咸樂夕牲羣臣出入奏

謝超宗

絜誠底孝。孝感煙霜。資儀式序。肅禮綿張。金華樹藻。肅哲騰光。殷殷升奏。嚴嚴階庠。匪椒匪玉。是降是將。懋分神衷。翊祐傳昌。○南齊書樂志。樂府詩集九。詩紀六十三。

引牲樂牲出入奏

肇祀嚴靈。恭禮尊國。達敬傳齊。書作敷。詩紀云。遺軌作敷。典。結孝陳則。芬滌既肅。犧牲既整。聳誠流思。端儀

選景。肆禮佇夜。綿樂望晨。崇席皇鑒。用饗明神。○同上

嘉薦樂薦豆呈毛血奏

清思眈眈。闕寢微微。恭言載感。肅若有希。芬俎具齊。書作且陳。嘉薦兼列。凝馨煙颺。分炤星哲。睿靈式降。協我帝道。上澄五緯。下陶八表。○同上

昭夏樂迎神奏

涓辰選氣。展禮恭祗。重闈月洞。層牖煙施。載虛玉鬯。載受金枝。天歌折饗。雲舞罄儀。神惟降止。泛景凝羲。帝華永藹。泯藻方摘。○同上

永至樂皇帝入廟北門奏

戲繇惟則。姬經式序。九司聯事。八方承宇。鑾迺靜陳。綬樂具舉。凝旒若慕。傾璜載竚。振振琬衛。穆穆禮容。載藹皇步。式敷帝蹤。○同上

登歌太祝裸地奏

清明詩紀云。一作容。既鬯。大孝乃熙。天儀睟愴。皇心儼思。既芬房豆。載絜牲牲。鬱裸升禮。銅玉詩紀作金。注

一作玉。登聲。茂對幽巖。式奉徽靈。以享以祀。惟感惟誠。○同上

凱容樂

皇祖廣陵丞室

國昭惟茂。帝穆惟崇。登祥緯遠。締世景融。紛綸睿緒。菴蔚王風。明進厥始。濬哲文終。○同上

凱容樂

皇祖太中大夫室

璇條夤蔚。瓊源浚照。懋矣皇烈。載挺明劭。詩紀作邵。永言敬思。式恭惟教。休途良乂。榮光有耀。○同上

凱容樂

皇祖淮陰令室

嚴宗正典。崇享肇禋。九章既飭。齊書、樂府作飾。三清既陳。昭恭皇祖。承假徽神。貞祐伊協。卿藹是鄰。

○同上

凱容樂

皇曾祖卽丘令室

肅惟敬祀。絜事參薌。環袷像綴。緬密絲簧。明明烈祖。尚錫龍光。粵雅于姬。伊頌在商。○同上

凱容樂

皇祖太常卿室

神宮懋艱。明寢昌基。德凝羽綴。道邕容辭。假我帝緒。懿我皇維。昭大之載。國齊之祺。○同上

宣德凱容樂 皇考宣皇帝室奏

道闕期運。義開藏用。皇矣睿祖。至哉攸縱。循規烈炤。襲矩重芬。德溢軒義。道懋炎雲。○同上

凱容樂 昭皇后室奏

月靈誕慶。雲瑞開祥。道茂淵柔。德表徽章。粹訓宸中。儀形宙外。容蹈凝華。金羽傳藹。○同上

永祚樂 皇帝還東壁上福酒奏

構宸抗宇。合軫齊文。萬靈載溢。百禮以殷。朱絃繞風。翠羽停雲。桂樽既滌。瑤俎既薰。升薦惟誠。昭禮惟芬。降祉遙裔。集慶氤氳。○同上

肆夏樂 送神奏

禮既升。樂以愉。昭序溢。幽饗餘。人祇鬯。敬教敷。神齊書作申。光動。靈駕翔。芬九垓。鏡八鄉。福無屆。祚無疆。○同上

休成樂 皇帝詣便殿奏

睿孝式邕。饗敬爰偏。齊書作徧。詩紀云。一作徧。諦容輟序。佾文靜縣。詩紀云。一作懸。辰儀聳蹕。詩紀誤作搏。霄衛浮鑾。旒帟雲舒。翠華景搏。恭惟尚烈。休明再纏。國猷樂府作獻。遠藹昌圖聿宣。○同上

登歌二首

褚淵

褚淵。字彥回。河南陽翟人。仕宋中書令。後佐高帝受禪。進位司徒。封南昌郡公。

惟王建國。設廟凝靈。月薦流典。時祀暉經。瞻宸優思。雨露追情。簡日筮晷。闕莫升文。金罍淳桂。冲坼舒薰。備僚肅列。駐景開雲。○南齊書樂志。樂府詩集九。詩紀六十三。

至饗攸極。睿孝惇禮。具物咸絜。馨聲齊書作馨香。合體。氣昭扶幽。眇慕纏遠。迎絲驚促。送佾留晚。聖衷踐候。節改增愴。妙感崇深。英徽彌亮。○同上

高德宣烈樂

太祖高皇室

王儉

悠悠草昧。穆穆經綸。乃文乃武。乃聖乃神。動龜危亂。靜比斯民。誕應休命。奄有八賁。握機肇運。光啓禹服。義滿天淵。禮昭地軸。澤靡不懷。威無不肅。戎夷竭歡。象來致福。偃風裁化。暉日敷祥。信星含曜。拒草流芳。七廟觀德。六樂宣章。惟先惟敬。是饗是將。○南齊書樂志。樂府詩集九。詩紀六十三。

穆德凱容樂

穆皇后室

太齊書。樂府並作大。妣嬪周。塗山儷禹。我后嗣徽。重規疊矩。肅肅闕宮。翔翔雲舞。有饗德馨。無絕終古。

○南齊書樂志。樂府詩集九。詩紀六十三。

明德凱容樂明帝室

多難固業。殷憂啓聖。帝宗繼武。維時執競。起柳獻祥。百堵興詠。義雖祀夏。功符受命。遠無不懷。邇無不肅。其儀濟濟。其容穆穆。赫矣君臨。昭哉嗣服。允王惟后。膺此多福。禮以昭事。樂以感靈。八簋樂府作。陳室。六舞充庭。觀德在廟。象德在形。四海來祭。萬國咸寧。○南齊書樂志。樂府詩集九。詩紀六十三。

舞曲歌辭

齊前後舞歌二首

無名氏

前舞階步歌

齊書樂志云。新辭。下篇同。隋書樂志曰。近代舞。出入皆作樂。謂之階步。咸用肆夏。卽周官所謂樂出入奏鐘鼓也。○古今樂錄曰。何承天云。今舞出樂。謂之階步。蕤賓廂作。尋儀禮燕飲射三樂。皆云席工於西階上。大師升自西階。北面東上。相者坐受瑟乃降。笙人。立于縣中北面。乃合樂工歌鹿鳴。四牡、周南。今直謂之階步。而承天又以爲出樂。俱失之矣。

天挺聖哲。三方維綱。川嶽伊寧。七曜重光。茂育萬物。衆庶咸康。道用潛通。仁施遐揚。德厚坤極。功高昊蒼。舞象盛容。德以歌章。八音既節。龍躍鳳翔。皇基永樹。二儀等長。○南齊書樂志。樂府詩集五十二。詩紀六

十三。

後舞階步歌

皇皇我后。紹業盛明。滌拂除穢。宇宙載清。允執中和。以蒞蒼生。玄化遠被。兆世軌形。何以崇德。乃作九成。妍步恂恂。雅曲芬馨。八風清鼓。應以祥禎。澤浩天下。功齊百靈。○同上

齊鼙舞曲三首

南齊書樂志曰。漢章帝造鼙舞歌云。關東有賢女。魏明帝代漢曲云。明明魏皇帝。傅玄代魏曲作晉洪業篇云。宣文創洪業。盛德存泰始。聖皇應靈符。受命君四海。今前四句錯綜其辭。從五帝至不可階六句。全玄辭。後二句本云將復御龍氏。鳳皇在庭棲。又改易焉。

明君辭

明君創洪業。盛德在建元。受命君四海。聖皇應靈乾。五帝繼三皇。三皇世所歸。聖德應期運。天地不能違。仰之彌已高。猶天不可階。將復結繩化。靜拱天下齊。錯綜傅玄辭。○南齊書樂志。樂府詩集五十四。詩紀六十三。

聖主曲辭

聖主受天命。應期則虞唐。升旒綜萬機。端宸馭八方。盈虛自然數。揖讓歸聖明。北化陵河塞。南威越滄

漢。廣德齊七政。敷教膺三辰。萬宇必承慶。百福咸來臻。聖皇應福始。昌德洞祐先。錯綜傅玄辭。○同上

明君辭

明君御四海。總鑒盡人靈。仰成恩已洽。竭忠身必榮。聖澤洞三靈。德教被八鄉。草木變柯葉。川嶽洞嘉祥。愉樂盛明運。舞蹈升太時。微霜永昌命。軌心長歡怡。首四句錯綜傅玄辭。○同上

齊白紵辭五首

王儉

陽春白日風花香。趨步明月舞瑤裳。齊書作堂。○南齊書樂志。樂府詩集五十五。詩紀六十三

情發金石媚笙簧。羅袿徐轉紅袖揚。○同上

清歌流響繞鳳梁。如驚若思凝且翔。○同上

轉盼齊書作西。流精豔輝光。將流將引鴈雙齊書作雙度。樂府作雙鴈。行。○同上

歡來何晚意何長。明君馭世永歌昌。○同上

齊鳳皇銜書伎辭

江淹

齊書樂志曰。鳳皇銜書伎歌辭。蓋魚龍之流也。元會日。侍中於殿前跪取其書。宋世有此辭。齊初詔中書郎江淹改。

皇齊啓運從瑤璣。靈鳳銜書集紫微。和樂既洽神所依。超商卷夏耀英輝。永世壽昌聲華飛。○南齊書樂志。樂府詩集五十六。詩紀六十三。

齊世昌辭

無名氏

南齊書樂志曰。晉杯槃舞歌。十解。第三解云。舞杯槃。何翩翩。舉坐翻覆壽萬年。其第一解首句云。晉世寧。宋改爲宋世寧。惡其杯槃翻覆。辭不復取。齊改爲齊世昌。後一解辭同。

齊世昌。四海安樂齊太平。人命長。當結久。千秋萬歲皆老壽。○南齊書樂志。樂府詩集五十六。詩紀六十三。



梁詩卷一

梁武帝蕭衍

衍。字叔達。蘭陵武進人。齊永明初爲巴陵王南中郎法曹參軍。歷王儉東閣祭酒、隨王諮議參軍。隆昌初爲寧朔將軍。鎮壽春。明帝卽位。封建陽縣男。歷右軍司馬、淮陵太守。人爲博士、太子中庶子。拜輔國將軍、雍州刺史。和帝卽位。爲尚書僕射。進中書監、大司馬、錄尚書、驃騎大將軍、揚州刺史、都督中外諸軍事。封梁公。加九錫。位相國。進封梁王。以中興二年受禪。改元七。在位四十八年。太清三年卒。年八十六。謚曰武皇帝。有集三十二卷。

樂府

芳樹

綠樹始搖芳。芳生非一葉。一葉度春風。芳華玉臺作芳芳。樂府同。自相接。雜色玉臺作色雜。樂府同。亂參差。衆花紛重疊。重疊不可思。思此誰能愜。○玉臺新詠七。樂府詩集十七。詩紀六十四。

有所思

誰言生離久。適意與君別。衣上芳猶在。握裏書未滅。腰中雙綺帶。夢爲同心結。常恐所思露。瑤華未忍折。○玉臺新詠七。樂府詩集十七。詩紀六十四。

臨高臺

高臺半行雲。望望高不極。文苑作不可。草樹無參差。山河同一色。髣髴詩紀作彷彿。洛陽道。道遠難別。文苑作可。注。一作別。識。玉階故情人。文苑作人情。注。一作情人。情來共。文苑作苦。注。一作共。相憶。○玉臺新詠七。文苑英華二百十。樂府詩集十八並作梁簡文帝。詩紀六十四。

雍臺

日落登雍臺。佳人殊未來。綺窗蓮花掩。網戶琉璃開。葦葺臨紫桂。蔓延交青苔。月沒光陰盡。望子獨悠哉。○樂府詩集二十五。詩紀六十四。

長安有狹邪行

詩紀云。帝王集作魏武帝者非。

洛陽有曲陌。曲陌玉臺作陌曲。樂府作曲曲。不通驛。忽遇玉臺作逢。詩紀云。一作逢。二少童。扶轡問君宅。我玉臺作

君。宅邯鄲右。易憶復可知。大息組網緼。中息佩陸離。小息尚青綺。總轡玉臺作。樂府作角。遊南皮。三息俱入門。家臣拜門垂。三息俱升堂。旨酒盈千卮。三息俱入戶。戶內有光儀。大婦理金翠。中婦事玉玉臺作么。鱗。小婦獨閒暇。調笙遊曲池。丈人本集作夫。少徘徊。鳳吹方參差。○玉臺新詠七作擬長安有狹斜十韻。樂府詩集三十五。本集。詩紀六十四。

擬青青河畔草

幕幕繡戶絲。悠悠懷昔期。昔期久不歸。鄉國曠音輝。詩紀作微。下同。音輝空結遲。半寢覺如至。既寤了無形。與君隔平生。月以雲掩光。葉以樂府作似。誤。霜摧老。當途競自容。莫肯爲詩紀云。一作與。妾道。○玉臺新詠七。樂府詩集三十八作青青河畔草。詩紀六十四。

擬明月照高樓

圓魄當虛闥。清光流思延。玉臺、樂府作筵。下同。延思照詩紀作對。孤影。悽怨還自憐。臺鏡早生塵。匣琴又無弦。悲慕屢傷節。離憂亟華年。君如東扶玉臺作樽。景。妾似西柳煙。相去既路迴。明晦亦殊懸。願爲銅鐵轡。以感長樂前。○玉臺新詠七。樂府詩集四十二作明月照高樓。詩紀六十四。

閬闔篇

西漢本佳妍。金馬望甘泉。衛尉屯兵上。期門曉漏傳。猶重河東賦。欲知樂府作以。追神仙。羽騎凌雲轉。閬

闔帶空懸。長旗掃月窟。鳳迹輾星躔。但使丹砂就。能令億萬年。○樂府詩集六十四。詩紀六十四。

邯鄲歌

回顧瀟陵上。北指邯鄲道。短衣妾不傷。南山爲君老。○樂府詩集七十六。詩紀六十四。

子夜歌二首

詩紀云。武帝清商諸曲並見玉臺新詠。其與樂府不同者註各題下。

恃愛如欲進。含羞未肯前。朱口玉臺作口朱。樂府同。發豔歌。玉指弄嬌絃。○玉臺新詠十。樂府詩集四十四作晉宋齊辭。詩紀六十四。

朝日照綺窗。玉臺、樂府作鏡。光風動紈羅。樂府作素。巧笑倩兩犀。美目揚雙蛾。○同上

子夜四時歌

春歌四首

階草堂詩箋作官。上香玉臺作歌。人懷。庭中花照眼。春心一樂府作鬱。如此。情來不可類聚作自。限。○玉臺新詠十。類聚四十三。樂府詩集四十四作王金珠。詩紀六十四。又草堂詩箋三十九酬郭詩注作魏武帝樂府。引眼一韻。

蘭葉始滿地。詩紀作池。梅花已落枝。持此可憐意。摘以寄心知。○玉臺新詠十。樂府詩集四十四。詩紀六十四。

朱日光素冰。詩紀作水。黃花映白雪。折梅待詩紀作寄。佳人。共迎玉臺作道。詩紀云。一作道。陽春月。○玉臺新詠十。

樂府詩集四十四作王金珠。詩紀六十四。

花塢蝶雙飛。柳堤鳥百舌。不見佳人來。徒勞心斷絕。詩紀云。樂府不載。○詩紀六十四。

夏歌四首

江南蓮花開。類聚作木。紅光覆碧水。類聚作復碧色。色同心復類聚作絲有。同。藕異心無異。類聚作異心無異的。○玉臺新詠十。類聚四十三。樂府詩集四十四。詩紀六十四。

閨中花如繡。簾上露如珠。欲知有所思。停織復時杼。○玉臺新詠十。樂府詩集四十四。

玉盤著詩紀云。一作貯。朱李。金杯盛白酒。雖欲持自親。玉臺作新。復恐不甘口。○玉臺新詠十。

含桃落花日。黃鳥營飛時。君住馬已樂府云。一作欲。疲。妾去蠶欲樂府作已。飢。○玉臺新詠十。樂府詩集四十四。

秋歌四首

繡帶合歡結。玉臺作炬。類聚作給。錦衣連理文。懷情玉臺作情懷。人夜月。含笑出朝雲。○玉臺新詠十。樂府詩集四十四。類聚四十三。詩紀六十四。

七彩紫金柱。九華白玉梁。但歌雲樂府作纒。不去。含吐有餘香。○玉臺新詠十。樂府詩集四十五作王金珠子夜變歌。詩紀六十四。

吹漏玉臺作蒲。未樂府作不。可停。絃斷當更續。俱作雙絲樂府作思。引。共奏同心曲。○玉臺新詠十。樂府詩集四十四

作王金珠春歌。詩紀六十四。

當信抱梁期。莫聽回風音。鏡中玉臺作上。樂府同。兩人詩紀作人。髻。分明無兩心。○玉臺新詠十。樂府詩集四十四。詩紀六十四。

冬歌四首

寒閨動黻帳。密筵重錦席。賣眼拂長袖。含笑留上客。○樂府詩集四十四作王金珠。詩紀六十四。

別時鳥啼戶。今晨雪滿墀。過此君不返。但恐綠髮衰。詩紀云。樂府所載古辭一首與此小異。○詩紀六十四。

果欲結金蘭。但看松柏林。經霜不墮樂府云。一作墜。地。歲寒無異心。詩紀云。樂府作古辭。○樂府詩集四十四作晉宋齊辭。詩紀六十四。

一年漏將盡。萬里人未歸。君志固有在。妾軀乃無依。詩紀云。樂府不載。○詩紀六十四。

歡聞歌二首

豔豔金樓女。心如玉池蓮。持底報郎恩。俱期遊梵天。○玉臺新詠十。樂府詩集四十五作王金珠。詩紀六十四。

南有相思木。合影玉臺作含情。復同心。游女不可求。誰能息空樂府作識得。陰。○玉臺新詠十。樂府詩集四十四作王金珠歡聞變歌。詩紀六十四。

團扇歌

手中白團扇。淨如秋團扇。類聚作圓。月。清風任動生。嬌香樂府作聲。承類聚作乘。樂府作任。意發。○玉臺新詠十。類聚四十三。樂府詩集四十五作王金珠。詩紀六十四。

碧玉歌

杏梁日始照。蕙席歡未極。碧玉奉金杯。綠酒助花色。○玉臺新詠十。樂府詩集四十五作無名氏。詩紀六十四。

上聲歌

花色過桃杏。名稱重金瓊。名歌非下里。含笑作上聲。○玉臺新詠十。樂府詩集四十五作王金珠。詩紀四十四。

襄陽蹋銅蹄歌三首 英華作白銅鞮。

隋書樂志曰。梁武帝之在雍鎮。有童謠云。襄陽白銅蹄。反縛揚州兒。識者言曰。白銅蹄謂馬也。白。金色也。及義師之興。實以鐵騎。揚州之士皆面縛。果如謠言。故即位之後更造新聲。帝自爲之詞三曲。又令沈約爲三曲以被管絃。古今樂錄曰。襄陽蹋銅蹄者。梁武西下所製也。沈約又作其和云。襄陽白銅蹄。聖德應乾來。

陌頭征人去。閨中女下機。含情不能言。送別沾羅衣。○玉臺新詠十作襄陽白銅鞮歌。文苑英華二百一作白銅鞮歌。樂府詩集四十八。詩紀六十四。

草樹非一香。花葉百種色。寄語故玉臺作古。情人。知我心相憶。○同上

龍馬樂府作門。注云。一作馬。紫金鞍。翠眊御覽作毛。白玉羈。照耀雙闕下。知是襄陽兒。○玉臺新詠十。類聚四十三作襄陽白銅隄。御覽三百五十九。文苑英華二百一。樂府詩集四十八。詩紀六十四。

楊叛兒

桃花初樂府作如。發紅。芳草尚抽綠。南音多有會。偏重叛兒曲。○樂府詩集四十九。詩紀六十四。

白紵辭二首以下七言。

朱絲玉柱文苑作筋。羅象筵。飛瑄文苑作管。促節舞少年。短歌流目未肯前。含笑一轉私自文苑云。一作自知憐。○文苑英華百九十三與沈約夏白紵歌連爲一首。樂府詩集五十五。詩紀六十四。○詩紀此篇題下有注云。藝文、樂府作簡文帝。今從玉臺作武帝。逸按。玉臺、類聚無此詩。樂府作梁武帝。

纖腰嫋嫋不任衣。嬌怨獨立特爲誰。赴曲君前未忍歸。上聲急調中心飛。○同上

河中之水歌

河中之水向東流。洛陽女兒名莫愁。莫愁十三能織綺。十四采桑南類聚作東。陌頭。十五嫁爲盧家樂府作郎。婦。十六生兒字樂府作似。阿侯。盧家蘭選注蘭下有爲字。室桂爲梁。中有鬱金蘇合香。頭上金釵十二行。足下絲履五文章。珊瑚掛初學記作佳。鏡爛生光。樂府云。一作生輝光。平頭奴子擎玉臺作提。類聚、初學記同。履箱。初學記

作霜。人生富貴何所望。恨不早嫁玉臺作嫁與。類聚同。東家王。○玉臺新詠九作無名氏歌詞。類聚四十三作古河中之水歌。樂府詩集八十五。詩紀六十四。又文選二十八君子有所思行注作古詩。引一句。初學記十九作古詩。引章、霜二韻。又二十五作古詩。引光一韻。

東飛伯勞歌

詩紀云。一云紹古歌。玉臺、藝文、樂府並作古辭。

東飛伯文苑作百。勞西飛燕。黃姑織女時。玉燭寶典作遙。萬花谷作長。相見。誰家女兒樂府作兒女。詩紀同。對門居。開顏玉臺作華。類聚同。發豔玉臺作色。類聚同。照里閭。南窗北牖挂明文苑作桂月。樂府同。詩紀云。藝文作桂月。光。羅帷綺帳脂粉香。女兒年幾十五六。窈窕無雙顏如玉。三春已暮花從類聚作隨。風。空留可憐誰與玉臺作與誰。類聚同。同。○玉臺新詠九作古詞。類聚四十三作古東飛伯勞歌。樂府詩集六十八作古辭。文苑英華二百六。詩紀六十四。又玉燭寶典第一作古樂府。引一句。歲時廣記二十六作古樂府。引見一韻。萬花谷四引玉臺燕、見二韻。

江南弄七曲

古今樂錄曰。梁天監十一年冬。武帝改西曲製江南、上雲樂十四曲。江南弄七曲。一曰江南弄。二曰龍笛曲。三曰採蓮曲。四曰鳳笙曲。五曰採菱曲。六曰遊女曲。七曰朝雲曲。又沈約作四曲。一曰趙瑟曲。二曰秦箏曲。三曰陽春曲。四曰朝雲曲。亦謂之江南弄云。○以下雜言。○遠按。七曲實各爲一首。

江南弄

古今樂錄曰。江南弄。三洲韻。

和云。陽春路。娉婷出綺羅。

衆花雜色滿上文苑作山林。舒芳耀文苑作搖。綠垂輕陰。連手踐蹀文苑作蹀躞。舞春心。舞春文苑云。一作輝。心。臨歲腴。中人文苑作心。注云。一作人。望。文苑望下有盡字。注云。一作無此字。獨踟蹰。○文苑英華二百一。樂府詩集五十。詩紀六十四。

龍笛曲

和云。江南音。一唱值千金。

美人綿眇在雲堂。雕金鏤竹眠玉牀。婉愛寥亮繞紅梁。繞紅梁。流月臺。駐狂風。鬱徘徊。○樂府詩集五十。詩紀六十四。

採蓮曲詩紀云。文苑英華作吳均。今從樂府、玉臺作武帝。採菱曲同。

和云。採蓮渚。窈窕舞佳人。

遊戲五湖採蓮歸。發花田葉芳襲衣。爲君豔文苑作濃。樂府作儂。歌世所希。世所希。有如本集作如有。玉。江南弄。採蓮曲。○文苑英華二百八作吳筠。樂府詩集五十。詩紀六十四。

鳳笙曲

和云。弦吹席。長袖善留客。

綠耀尅碧彫瑄笙。朱脣玉指學鳳鳴。流速參差飛且停。飛且停。在鳳樓。弄嬌響。問清謳。○樂府詩集五十。詩紀六十四。

採菱曲

和云。菱歌女。解佩戲江陽。文苑作南。

江南稚女珠腕繩。金翠搖首文苑作低眉。注云。一作搖首。紅顏興。桂棹容與歌採菱。歌採菱。心未怡。文苑作移。
注云。一作怡。翳羅袖。望所思。○文苑英華二百八。樂府詩集五十。詩紀六十四。

遊女曲

和云。當年少。歌舞承酒笑。

氛氲蘭麝體芳滑。容色玉耀眉如月。珠佩嫋姬戲金闕。戲金闕。遊紫庭。舞飛閣。歌長生。○樂府詩集五十。詩紀六十四。

朝雲曲

和云。徙倚折耀華。

張樂陽臺歌上謁。如寢如興芳曖曖。容光既豔復還沒。復還沒。望不來。巫山高。心徘徊。○樂府詩集五十。詩紀六十四。

上雲樂七曲

古今樂錄曰。上雲樂七曲。梁武帝製。以代西曲。一曰鳳臺。二曰桐柏。三曰方丈。四曰方諸。五曰玉龜。六曰金丹。七曰金陵。○逸按。七曲實各爲一首。

鳳臺曲

和云。上雲真。樂萬春。

鳳臺上。兩悠悠。雲之際。神光朝天極。華蓋遏延州。羽衣昱耀。春吹去復留。○樂府詩集五十一。詩紀六十四。

桐柏曲

和云。可憐真人遊。

桐柏真。昇帝賓。戲伊谷。遊洛濱。參差列鳳管。容與起梁塵。望不可至。徘徊謝時人。○樂府詩集五十一。詩紀六十四。

方丈曲

方丈上。峻層雲。挹八玉。御三雲。金書發幽會。碧簡吐玄門。至道虛凝。冥然共所遵。○樂府詩五十一。詩紀六十四。

方諸曲

古今樂錄曰。方諸曲。三洲韻。

和云。方諸上。可憐歡樂長相思。

方諸上。上雲人。業守仁。擬金集瑤池。步光禮玉晨。霞蓋容長肅。清虛伍列真。○樂府詩集五十一。詩紀六十四。

玉龜曲

和云。可憐遊戲來。

玉龜山。真長仙。九光曜。五雲生。交帶要分影。大華冠晨纓。耆樂府、詩紀並云。一作壽。如玄羅。出入遊太清。○樂府詩集五十一。詩紀六十四。

金丹曲

和云。金丹會。可憐乘白雲。

紫霜耀。絳雪飛。追以還。轉復飛。九真道方微。千年不傳。一傳齋雲衣。○樂府詩集五十一。詩紀六十四。

金陵曲

句曲仙。長樂遊。洞天巡。會跡六門。揖玉板。登金門。鳳泉迴肆。鷺羽降尋雲。鷺羽一流。芳芬鬱氛氲。○樂府詩集五十一。詩紀六十四。

詩

贈逸民詩十二章○詩紀作逸民。注云。一作逸民吟。四言。

任重悠悠。生涯浩浩。善難拔茅。惡易蔓草。逆思藥石。慈求非道。珠豈朝珍。璧寧國寶。想賢若焚。憂人如擣。

我聞在昔。有古天子。虞華駢聖。周昌多士。緝熙朝野。體邦經始。

惟河出圖。唯岳降神。是代皆有。何代無人。懷寶迷邦。高尚隱淪。價待哲后。見須明君。伊予不聰。故闕斯聞。

目因見生。才爲時育。何爲山阿。何爲空谷。聲殊雝雝。響異呦鹿。豈須託夢。寧俟延卜。想象屠釣。踟躕板築。

仁者博愛。大士兼撫。慈均春陽。澤若時雨。心忘分別。情無去取。等皆長養。同加嫗煦。譬流趨海。如子

歸父。

顧探懷抱。非爲富貴。代既同人。時亦皆醉。六合岳崩。九州海沸。事須經綸。屬當連師。投袂劍起。澄清涇渭。

念我棲遲。安步任心。夏興石泉。春遊香林。歡踰絲竹。樂過瑟琴。無疑無難。誰訶誰禁。百非不起。萬累俱沈。

思懷友朋。遠至歡原作勸。今從適園叢書本。適。躬開二敬。徑延三益。繾綣故舊。綢繆宿昔。善言無違。相視莫逆。情如斷金。義若投石。

仲節猶嫩。春色始嬌。湛露未晞。輕雲已消。綠竹猗猗。紅桃夭夭。香氣四起。英蕤六搖。蜂開採花。雀戲新條。

風光綠野。日照青丘。孺鳥初飛。新泉始流。乘輿攜手。連步同遊。採芳中阿。折華道周。任情止息。隨意去留。

如壘生木。木有異心。如林鳴鳥。鳥有殊音。如江游魚。魚有浮沈。巖巖山高。湛湛水深。事跡易見。理相難尋。

晨朝已失。桑榆復過。漏有去箭。流無還波。切念不減。疑慮益多。季俗易驕。危心少和。我之憂矣。用是作歌。○文館詞林百五十八作贈逸人詩。又類聚三十六、詩紀六十五並作逸民詩。引第十一章。

直石頭詩

率土皆王土。安知全高尚。東壘棄黍稷。西遊入卿相。屬逢利建始。投分參末將。尺寸謝集作一。功未施。河山賞已諒。攝官因時謝集作特。暇。曳裾聊起望。鬱盤地勢遠。參差百雉壯。翠壁絳霄際。丹樓青霞上。夕池出濠渚。朝雲生疊嶂。籠鳥易爲恩。謝集作思。屠羊無飾謝集作聊。讓。泰階端且平。海水本無浪。小臣何日歸。頓轡從閒放。○謝宣城詩集四。詩紀六十五。

答任殿中宗記室王中書別詩

武帝初仕齊。爲隨王鎮西諮議參軍。隨王鎮荊州。帝赴鎮時。同列以詩送別。

問我去何節。光風正悠悠。蘭華時未晏。舉袂徒離憂。緩客承別酒。鳴琴和好仇。清宵一已曙。藐爾泛長洲。眷言無歇緒。深情附還流。○古文苑四。詩紀六十五。

宴詩

止殺心自詳。勝殘道未遍。四主漸詩紀作慚。懷音。九夷稍革面。世治非去兵。國安豈忘戰。釣臺聞史籍。岐陽書記傳。○類聚五十九。詩紀六十五。

首夏泛天池詩

薄遊朱明節。泛漾天淵池。舟楫互容與。藻蘋文苑作蘋藻。相推移。碧沚紅菌菝。白沙青漣文苑作蓮。漪。新波拂舊石。殘花落故枝。類聚作池。葉軟風易出。草密路難披。文苑誤作陂。○類聚九。文苑英華百六十五。詩紀六十五。

登北顧樓詩

梁史。武帝大同十年三月幸京口城。登北固樓。更名北顧。

歇駕止行警。迴輿暫遊識。清道巡丘壑。緩步肆登陟。雁行上差池。羊腸轉相逼。歷覽窮天步。矚矚盡地城。南城連地本集作池。險。北顧臨水側。深潭下無底。高岸長不測。舊嶼石若構。新洲花如文苑作似。注云。一作如。織。○類聚六十三。文苑英華百七十五。詩紀六十五。

天安寺疏圃堂詩

乘和蕩猶豫。此焉聊止息。連山去無限。長洲望不極。參差照光彩。左右皆春色。曖曖矚文苑作矚。按宋本作矚。遊絲。出沒看飛翼。其樂信難忘。文苑作忘返。脩文苑作修。然寧有飾。文苑作即。按宋本作飾。○文苑英華二百三十三。詩紀六十五。

藉田詩

寅賓始出日。律中方星鳥。千畝土膏紫。萬頃陂色縹。嚴駕佇霞昕。沕露逗光曉。啓行天猶暗。伐鼓地未

悄。蒼龍發蟠蜿。青旂詩紀作祈。引窈窕。仁化洽駭本集作孩。蟲。德令禁胎夭。耕籍乘月映。遺滯指秋杪。年豐廉讓多。歲薄禮節少。公卿秉耒耜。庶甿荷鋤耨。一人慚百王。三推先億兆。○類聚三十九及本集引鳥、天、杪、少四韻。初學記十四引鳥、縹、曉、悄、窈、耨、兆七韻。詩紀六十五。馮默菴曰。藉田。藝文止八句。至歲薄禮節少止。初學有公卿秉耒耜四句。而無仁化洽孩蟲等六句。未有知此六句竟在何所。不得以意連屬也。逯按。初學記所引不止四句。拼湊逸文爲一篇實無不可。默菴之說非是。

撰孔子正言竟述懷詩

隋志。孔子正言二十卷。梁武帝撰。

志學恥傳習。弱冠闕師友。愛悅夫子道。正言思善誘。刪次起實沈。殺青在建酉。孤陋乏多聞。獨學少擊叩。仲冬寒氣嚴。霜風折細柳。白水凝澗谿。黃落散堆阜。康哉信股肱。惟聖歸元首。獨歎予一人。端然無四友。○類聚五十五。詩紀六十五。

遊仙詩

水華究靈奧。陽精測神祕。具聞上仙訣。留丹未肯餌。潛名遊柱史。隱迹居郎位。委曲鳳臺日。分明柏寢事。蕭史暫徘徊。待我升龍轡。○初學記二十三。文苑英華二百二十五。詩紀六十五。

遊鍾山大愛敬寺詩

曰予受塵縛。未得留蓋纏。三有同永夜。六道等長眠。才性乏方便。智力非善權。生住昭明集作仕。無停相。刹那卽徂遷。歎逝比悠類聚作愆。稔。交臂乃奢年。從流既難昭明集作嘆。反。類聚作及。弱本集作溺。喪謂不然。二苦常類聚作三苦恒。追隨。二類聚作五。毒自燒然。貪癡養憂畏。詩紀云。一作愛。熱惱坐焦煎。道心理歸終。信首故宜先。駕言追善友。回輿尋勝緣。面勢周大地。昭明集作塊。縈帶極本集作及。長川。稜層疊嶂遠。迤邐墮道昭明集作高墮。懸。朝日照花林。光風起香山。飛鳥發差池。出雲去連綿。落英分綺色。墜露散珠圓。當道蘭蕤靡。臨階竹便娟。幽谷響嚶嚶。石瀨鳴濺濺。蘿短未中昭明集作申。攬。葛嫩不任昭明集作在。牽。攀緣傍玉澗。褰陟度金泉。長途弘翠微。香樓間紫煙。慧類聚作瑟。居超七淨。梵住踰本集作喻。八禪。始得展身敬。方乃遂類聚作遠。心虔。菩提聖種子。十力類聚作萬。詩紀云。一作萬。本集作方。良福田。正趣果上果。歸依天中天。一道長死生。有無離二邊。何待空同昭明集作同空。右。昭明集作后。豈羨汾陽前。以我初覺意。貽爾後來賢。○梁昭明太子文集一。詩紀六十五。又類聚七十六及本集引權、年、然、燃、煎、先、緣、川、懸、山、禪、虔、田、天、賢十五韻。

會詩紀云。一作述。二教詩詩紀云。釋智藏和詩別見。

少時學周孔。弱冠窮廣弘明集云。宋、元、官本作勸。六經孝義連方冊。仁恕滿丹青。踐言貴去伐。爲善存廣弘明集作在。好生。中復觀道書。有名與無名。妙術鑲金版。真言隱上清。密行貴廣弘明集作遺。注云。明本作貴。陰德。顯

證表廣弘明集作在。注云。明本作表。長齡。晚年開釋卷。猶曰廣弘明集作月。映衆星。苦集始覺知。因果乃方廣弘明集作方昭。明。示教廣弘明集作不毀。注云。宋、元、明本作示教。惟平等。至理歸無生。分別根難一。執著性易驚。窮源無二聖。測善非三英。大椿徑億尺。小草裁云萌。廣弘明集云。元本作明。大雲降大雨。隨分各受榮。心想廣弘明集作相。注云。宋、元、明、官本作想。起異解。報應有殊形。差別豈作意。深淺固物情。○廣弘明集三十作述三教詩。詩紀六十五。又類聚七十六引經、名、清、齡、星、明、生七韻。

和太子懺悔詩

太子卽簡文。

玉泉漏向盡。金門光未成。繚繞聞天樂。周流揚梵聲。蘭湯浴身垢。懺悔淨心靈。萋草獲再鮮。落花類聚作華。蒙重榮。○類聚七十六。詩紀六十五。

十喻詩五首

幻詩

揮霍變三有。恍惚隨六塵。蘭園種五果。雕案出八珍。對見不可信。熟視事非真。空生四岳想。徒勞七識神。著幻是幻者。知幻非幻人。○類聚七十六。詩紀六十五。

如炎詩

亂念矚長原。例見望遙炯。本集作肩。透迤似江漢。泛濫若滄溟。金波揚素沫。銀浪翻綠萍。遠思如可取。近至了無形。熱緣熱惚逼。渴愛渴心生。○同上

靈空詩

物情異所異。世心同所同。狀如薪遇火。亦似草行風。迷惑三界裏。顛倒六趣中。五愛性洞遠。十相法靈沖。皆從妄所妄。無非空對空。○同上

乾闥婆詩

靈海自己極。滄流去無邊。蜃蛤生異氣。闥婆鬱中天。青城接丹霄。金樓帶紫本集作素。煙。皆從望本集作坐。見起。非是物理然。因彼凡俗喻。此中玄又玄。○類聚七十六。本集。詩紀六十五。

夢詩

甘寢隨四坐。蓋睡依五衆。違從競分爭。美惡相戲弄。出家爲上首。人仕作梁棟。色已非真實。聞見皆靈洞。長眼出長夜。大覺和大夢。○同上

代蘇屬國婦詩

良人與詩紀作如。我期。不謂當過時。秋風忽送節。白露凝前基。愴愴獨涼枕。搔搔詩紀作搔。孤月帷。忽玉

臺作或。聽西北雁。似從寒。詩紀作東。海涓。果啣萬里書。中有生離辭。惟言長別矣。不復道相思。胡羊久粟。玉臺作測。奪。漢節故支持。帛上看未終。臉下淚如絲。空懷之死誓。遠勞同穴詩。○玉臺新詠七。詩紀六十五。

古意詩二首

飛鳥起離離。驚散忽差池。嗷嘈繞樹上。翩翩玉臺作翻。集寒枝。既悲征役久。偏傷壠上兒。寄言閨中妾。玉臺作愛。此心詎能知。不見松蘿上。玉臺作上蘿。葉落根不移。○玉臺新詠七。詩紀六十五。

當春有一草。綠花復垂玉臺作重。枝。云是忘憂物。生在北堂陲。飛飛雙蛺蝶。低低兩差池。差池低復起。此芳性不移。飛蝶玉臺作蝶。雙復雙。此心人莫知。○同上

擣衣詩

駕言易水北。送別河之陽。沈思慘行鑣。結夢在空牀。既寤丹綠謬。始知紈素傷。中州本集作洲。木葉下。邊城應早霜。陰蟲日慘烈。疑作列。庭草復芸玉臺作云。黃。金玉臺作冷。風徂玉臺作但。清夜。明月懸洞房。嫋嫋同宮女。助我理衣裳。參差夕杵引。哀怨秋砧揚。輕羅飛玉腕。弱翠詩紀作袖。低紅妝。朱顏日玉臺作色。已興。○本集、詩紀作吟。睇色玉臺作目。按目疑原作自。增光。擣以一匪石。文成雙鴛鴦。制握斷金刀。薰用如蘭芳。佳期久不歸。持此寄寒鄉。妾身誰爲詩紀作與。容。思君苦人玉臺作人。腸。○玉臺新詠七。本集。詩紀六十五。

織婦詩

送別出南軒。離思沈幽室。調梭輟寒夜。鳴機罷秋日。良人在萬里。誰與共成匹。願得一迴光。照此憂與疾。君情倘未忘。妾心長自畢。○玉臺新詠七。詩紀六十五。

戲作詩

宓妃生洛浦。遊女出漢陽。妖閑逾下蔡。神妙絕高唐。縣駒且變俗。王豹復移鄉。況茲集靈異。豈得無方將。長袂必留客。清哇咸繞梁。燕趙羞容止。西妲詩紀作施。慚芬芳。徒聞殊當作珠。可弄。定自乏明璫。○玉臺新詠七。詩紀六十五。

七夕詩

白露月下團。類聚作圓。文苑同。又注云。一作團。秋風文苑作氣。枝上鮮。瑤臺含玉臺作函。歲時雜詠作涵。碧霧。羅玉臺作瓊。歲時雜詠作繡。文苑云。一作翠。幕生紫煙。妙會非綺節。佳期乃涼玉臺作良。年。玉壺承文苑作并。注云。一作承。夜急。蘭膏依曉煎。昔悲漢玉臺作時悲。難越。今傷河玉臺作何。易旋。怨咽雙斷念。文苑作目。玉臺、歲時雜詠作念斷。悽悼玉臺作草。歲時雜詠作別。文苑作切。又注云。初學記作到。詩紀云。一作切。兩情懸。○玉臺新詠七。類聚四。古今歲時雜詠二十五。文苑英華百五十八。詩紀六十五。

紫蘭始萌詩

種蘭玉臺下。氣暖蘭始萌。芬芳與時發。婉轉迎節生。獨使金翠嬌。偏動紅綺情。二遊何足壞。當作懷。一顧非傾城。羞將苓芝侶。豈畏鷓鴣鳴。○玉臺新詠七。詩紀六十五。

邊戍詩

秋月出中天。遠近無偏異。共照一光輝。各懷離別思。○玉臺新詠十作邊戎詩。詩紀六十五。

詠舞詩

腕弱復低舉。身輕由廻縱。可謂寫自歡。方與心期共。○玉臺新詠十。詩紀六十五。

詠燭詩

堂中綺羅人。席上歌舞兒。待我光泛灑。爲君照參差。○玉臺新詠十。詩紀六十五。

詠筆詩

昔聞蘭蕙月。獨是桃李年。春心儻未寫。爲君照情筵。○玉臺新詠十。詩紀六十五。

詠笛詩

柯亭有奇竹。含情復抑揚。妙聲發玉指。龍音響鳳凰。○玉臺新詠十。詩紀六十五。

賜謝覽王暕詩

南史曰。中書侍郎謝覽侍武帝坐。受敕與侍中王暕爲詩答贈。其文甚工。武帝賜詩云。

雙文既後進。二少實名家。豈伊爾梁書作止。棟隆。信乃俱國華。○南史謝覽傳。梁書謝朓傳附覽傳。詩紀六十五。

賜張率詩

南史曰。率侍武帝遊宴賦詩。武帝別賜率詩曰。

東南有才子。故能服官政。余雖慚古御覽作夙。昔。得人今御覽作斯。爲盛。○南史張率傳。梁書張率傳。御覽五百九十一。詩紀六十五。

戲題劉孺手板詩

南史曰。武帝宴壽光殿。詔羣臣賦詩。時劉孺與張率並醉未成。武帝取孺手板。題戲之曰。

張率東南美。劉孺洛梁書作維。陽才。攬筆便應就。何事久遲回。○南史劉孺傳。梁書劉孺傳。御覽六百。詩紀六十五。

送始安王方略人關

南史曰。梁武帝結好于魏。遣始安王方略人關。送之。作詩曰。

如何吾幼子。勝衣已別離。十日無由宴。千里送遠垂。○南史始安王蕭方略傳。詩紀六十五。

覺意詩賜江革

梁書曰。時高祖盛於佛教。朝賢多啓求受戒。革精信因果。而高祖未知。謂革不奉佛教。乃賜革覺意詩五百字。唯當勤精進。自強行勝脩。豈可作底突。如彼必死囚。○梁書江革傳。南史江革傳。詩紀六十五。

答蕭琛詩

梁書曰。高祖在西邸。早與琛狎。每朝譙接以舊恩。呼爲宗老。琛亦奉陳昔恩。以早筮中陽。夙忝同閑。雖迷興運。猶荷洪慈。上答曰。

雖云早契闊。乃自非同志。勿談興運初。且道狂奴異。○梁書蕭琛傳。

聯句詩

傾城非人美。千載難重玉臺謠作里。逢。雖懷軒中意。愧無鬢髮容。○玉臺新詠十作連句詩。詩紀六十五。

清暑殿効柏梁體七言

居中負宸寄纓紱。帝言慙輻湊政無術。新安太守任昉。至德無垠愧違弼。侍中徐勉。燮贊京河豈微物。丹陽丞
劉汎。竊侍兩宮慙樞密。黃門侍郎柳愷。清通簡要臣豈汨。吏部郎中謝覽。出入帷宸濫榮秩。侍中張卷。複道龍
樓歌楸實。太子中庶子王峻。空班獨坐慚羊質。御史中丞陸杲。嗣以書記臣敢匹。右軍主簿陸倕。謬參和鼎講畫
一。司徒主簿劉洽。鼎味參和臣多匱。司徒左西屬江革。類聚五十六。詩紀六十五。

貽柳惔詩

爾寔冠羣后。惟余實念功。○梁書柳惔傳。南史劉惔傳。

五字疊韻詩

後牖有榴柳。梁武帝。梁王長康強。劉孝綽。偏眠船舷邊。沈約。載匕每礙埭。庾肩吾。六斛熟鹿肉。徐摛。曠
蘇姑枯盧。何遜○太平廣記二百四十六。



梁詩卷二

王揖

揖。梁書作楫。王志弟。仕齊。入梁歷黃門侍郎、太中大夫。出爲東陽太守。有集五卷。

在齊答弟寂詩

五章

氛氲代記。菴藹宗圖。凝禎道祕。動慶靈樞。方流孕玉。圓波產珠。飛薰共萼。挺秀連跗。窮高有響。幽山有芳。衡風泌味。爰顯爰揚。三河竦映。六輔思光。相時變蔚。俟日賓王。行川學海。旦慕同深。丘陵羨岳。終然異岑。將子無怠。思茂高音。如彼竹箭。猶羽猶金。弓書謬篆。旌駕迷鑣。登藟下列。參華上僚。雲裾納月。霜帶含飈。心乎愧矣。如厲如焦。皇京埃鬱。帝輦紛敷。豈無至美。幽心弗愉。松軒留翠。篁庭勿疏。華簪或早。佩蕙終俱。○文館詞林百五十二。

高爽

爽。廣陵人。齊永明中。舉孝廉。天監初。歷官中軍臨川王參軍。出爲晉陽令。坐事繫獄。後遇赦獲

免頃之卒。

寓居公廨懷何秀才遜詩

寄止鄰城闕。徒然失遊聚。卧聞雜沓路。坐對空寂宇。風扉乍開闔。粉蝶時翻舞。若人不在茲。煩憂何得愈。○何水部集一。詩紀九十一。

詠鏡詩

初上鳳凰墀。此鏡照蛾眉。言照長相守。不照長相思。虚心會不採。貞明空自欺。無言故此類聚作此故。物。更復對詩紀云。玉臺作照。新期。○玉臺新詠五。類聚七十。詩紀九十一。

詠畫扇詩

細絲本自輕。弱綵何足眄。直爲發紅顏。謬成幄中扇。乍奉長門泣。時承柏梁宴。思粧開已掩。歌容隱而見。但畫雙黃鵠。莫作孤飛鷺。○類聚六十九。

詠酌酒人

長筵廣未同。上客嬌難逼。還杯了不顧。迴身正顏色。○玉臺新詠十。詩紀九十一。

題延陵縣孫抱鼓詩

徒有八尺圍。腹無一寸腸。面皮如許厚。受打未詎央。○南史卞彬傳。

范雲

雲。字彥龍。南鄉舞陰人。仕宋爲郢州西曹書佐。轉法曹行參軍。齊初。爲竟陵王府主簿。遷尚書殿中郎。授通直散騎侍郎。領本州大中正。歷零陵內史、始興內史。遷廣州刺史。梁受禪。遷散騎常侍、吏部尚書。封霄城縣侯。遷尚書右僕射。天監二年卒。年五十三。諡曰文。有集十一卷。

巫山高

巫山高不極。白日隱光輝。靄靄謝集作暹暹。類聚作藹藹。朝雲去。溟溟謝集作冥冥。類聚、文苑同。暮雨歸。巖懸獸無跡。林暗鳥疑詩紀云。一作驚。飛。枕席竟誰。文苑云。一作休。薦。相望空類聚字缺。文苑作日。注云。一作空。詩紀云。一作空。依依。○謝宣城詩集二。類聚四十二。文苑英華二百一。樂府詩集十七。詩紀七十七。

當對酒

對酒心自足。故人來共持。方悅羅衿樂府誤作矜。解。誰念髮成絲。狗樂府作徇。性樂府云。一作往。良爲達。求名

本自欺。迨君當歌日。及我傾樽時。○謝宣城詩集二。文苑英華百九十五及樂府詩集二十七作對酒。詩紀七十七。又類聚四十二引持、絲、時三韻。

古意贈王中書詩

詩紀云。集曰覽古贈王中書融。王融雜體報范通直詩見本集。

攝官青瑣闥。遙草堂詩箋作還。望鳳皇池。誰云相去遠。脈脈阻光儀。岱山饒靈異。沂六臣本文選注云。五臣作淮。水富英奇。逸翻凌北海。搏古文苑作翻。飛出南皮。遭逢聖明后。來棲桐樹枝。竹花何莫莫。桐葉何離離。可棲復可食。此外亦何爲。豈知古文苑作如。鷓鴣古文苑作顛顛。者。一粒有餘貲。○文選二十六。古文苑四作學古貽王中書。詩紀七十七。又初學記十二作與王中書詩。引池一韻。草堂詩箋二贈韋詩注作贈王中書融。引池一韻。海錄碎事四作贈中書監王融。引池一韻。

贈張徐州謾詩

田家樵採去。薄暮方來歸。還聞稚子說。有客歛柴扉。儻從皆珠玳。裘馬悉輕肥。軒黃氏杜詩注作輕。蓋照墟落。傳瑞生光輝。疑是徐方牧。既是復疑非。思詩紀云。一作懷。舊昔言有。此道今已微。物情棄疵賤。何獨顧衡闈。恨不具雞黍。得與故人揮。懷情徒草草。六臣本文選注云。五臣作慄慄。詩紀云。一作慄慄。淚下空霏霏。寄書雲間草堂詩箋作中。雁。爲我西北飛。○文選二十六。詩紀七十七。又草堂詩箋十五遣興詩注引飛一韻。黃氏集千家注杜工部詩史補遺二引歸、扉、輝三韻。

答句曲陶先生詩

終朝吐祥霧。薄晚孕奇煙。洞金薤記作迴。澗生芝草。重崖出醴泉。中有懷真廣文選作貞。士。被褐守沖文苑作中。玄。石戶栖十詩紀作千。秘。金壇謁九仙。乘鵠方履文苑云。一作展。漢。鸞鶴上文苑作且。詩紀云。一作且。騰天。
○類聚三十六。金薤記。文苑英華二百二十七。廣文選十四作山中懷故人。詩紀七十七。

餞謝文學離夜詩

陽臺霧初解。夢渚水謝集作冰。裁淥。謝集作綠。遠山隱且謝集作不。見。平沙斷還緒。分絃饒苦音。別唱多淒謝集作悽。曲。爾拂後車塵。我事東臯粟。○古文苑九。謝宣城詩集四。詩紀七十七。

貽何秀才詩

詩紀云。何遜答范記室雲詩見本集。

桂葉竟穿荷。蒲心爭出波。有鷺驚蘋芰。綿蠻弄藤蘿。臨花空相望。對酒不能歌。聞君饒綺思。摘採足爲多。布鼓誠自鄙。何事絕經過。○何水部集一。詩紀七十七。

答何秀才詩

詩紀云。何遜落日前墟望贈范廣州詩見本集。

少年射策罷。擢第雲臺中。已經溜水臺。復笑廣州翁。麟閣佇警校。虎觀遲才通。方見雕篆合。誰與收漁

同。待爾金閨北。予藝青門東。○何水部集一。詩紀七十七。

贈俊公道人詩

秋蓬飄秋甸。寒藻泛寒池。風條振風響。類聚作響。霜葉斷霜枝。幸及清江滿。無使明月虧。月虧君不來。相期竟悠悠。初學記作何時。○類聚三。初學記三。詩紀七十七。

別詩

孤煙起新豐。候雁出雲中。草低金城霧。木下玉門風。別君河初滿。思君月屢空。折桂衡山北。摘蘭沅文苑作湘。水東。蘭摘心焉寄。桂折意誰通。○類聚二十九。文苑英華二百六十六。詩紀七十七。

渡黃河詩

河流迅且濁。湯湯不可陵。檜楫難爲榜。松舟纔自勝。空庭偃舊木。荒疇餘故塍。不覩人行類聚作行人。文苑同。跡。但見狐兔興。寄言河上老。此水何當澄。○類聚八。文苑英華百六十三。詩紀七十七。

治西湖詩

史氏導漳水。西門溉河潮。圖始未能悅。克終良可要。擁鍤文苑誤作鍾。勸年首。提爵文苑作灑。勞春朝。平阜

草色嫩。通林鳥聲嬌。已集故池鶩。行文苑作齊。蒔新田苗。何吁畚築苦。方驩魚稻饒。○類聚九。文苑英華百六十三。詩紀七十七。

倣古詩

寒沙四面平。飛雪千里驚。風斷陰山樹。霧失交河城。朝驅李善本文選作馳。左賢陣。夜薄休屠營。昔事前軍幕。今逐嫖姚兵。失道刑既重。遲李善本文選注云。或作逗。音豆。留法未輕。所賴今天子。漢道日休明。○文選三十一。詩紀七十七。

建除詩

建國負東海。衣冠成營丘。除道梁淄水。結駟登之罍。滿座咸嘉友。蘋藻絕時羞。平望極聊攝。直視盡姑尤。定交無恆所。同志互相求。執手歡高宴。舉白窮獻酬。破琴豈重賞。臨濠類聚作豪。寧再儔。危生一朝露。螻蟻將見謀。成功退不處。爲名自此收。收名棄車馬。單步反蝸牛。開渠納秋水。相土播春疇。閉門謝世人。何欲復何求。○類聚五十六。詩紀七十七。

數名詩

一鼓有餘氣。趨勇正紛紜。二廣無遺畧。雄虎自爲羣。三河尚擾攘。楯櫓起橫楹。四巡駐青蹕。瘞玉曠亭

云。五十又舒旆。旗幟日繽紛。六郡良家子。慕義輕從軍。七獲美前載。克俊嘉昔聞。八音佇繁律。將以安
司勳。九命既斯復。金璧固宜分。一難康有道。延首望卿雲。○類聚五十六。詩紀七十七。

州名詩

司春命初鐸。青鞵肆中樊。逸豫誠何事。稻梁復宜敦。徐步遵廣隰。冀以寫憂源。楊柳垂塲圃。荆棘生庭
門。交情久所見。益友能孰存。○類聚五十六。詩紀七十七。

奉和齊竟陵王郡縣名詩

沈約、王融同賦。

撫戈金城外。解珮玉門中。白馬騰遠雪。蒼松壯寒風。臨涇方辨渭。安夷始和戎。取禾廣田北。驅獸飛狐
東。新城多雉堞。故市絕商工。海西舟楫斷。雲南煙霧通。罄節疇盛德。宣力照武功。還飲漁陽水。歸詩紀
云。一作應。轉杜陵蓬。○類聚五十六。詩紀七十七。

贈沈左衛詩

伊昔霑嘉惠。出入承明宮。遊息萬年下。經過九龍中。越鳥憎北樹。胡馬畏南風。願言反漁菴。津梁肯詩紀
云。一作昔。見通。○類聚三十一。文苑英華二百四十七。詩紀七十七。

送沈記室夜別詩

送沈記室夜別詩

桂水澄夜氛。楚山清曉雲。秋風兩鄉怨。秋月千里分。寒枝寧共採。霜猿行獨聞。捫蘿忽文苑作勿。注云。類聚作忽。遺詩紀作正意。我。折桂方思君。○類聚二十九。文苑英華二百六十六。詩紀七十七。

送別詩

東風柳線長。送郎上河梁。未盡樽前酒。妾淚已千行。不愁書難寄。但恐髮將霜。望懷白首約。江上早歸航。○古詩類苑七十五。詩紀七十七。

望織女詩

詩紀云。英華作梁武帝。今從藝文卷四、玉臺卷五作范雲。

盈盈一水邊。夜夜空自憐。不辭精衛苦。河流未可填。寸情百重結。一心萬梁武集作兩。處懸。願作雙青鳥。共舒明鏡前。○類聚四。古今歲時雜詠二十五及文苑英華百五十八作梁武帝。梁武帝集。詩紀七十七。

詠井詩

乃鑿長林。初學記作秋。按當是湫字。曲。有浚廣庭前。卽源已類聚作以。爲浪。因方自成圓。兼冬積溫水。疊暑泌類聚作必。初學記同。寒泉。不甘未應。初學記作應未。竭。既涸斷來。初學記作翔。翻○類聚九。初學記七作賦得詠井詩。詩紀

七十七。

悲廢井詩

因舊未嘗改。緣甘故先竭。歷稔久無禽。一朝見開濶。泌泉既斯涌。短綆將安設。已獲丁氏利。方見管公綵。○初學記七。詩紀七十七。又類聚九作悲故井詩。引竭、濶、設三韻。

登三山詩

仄逕崩且危。叢巖聳類聚作竦。復垂。石藤多卷節。水樹繞類聚作饒。蟠枝。海中昔自重。江上今如斯。○類聚七。詩紀七十七。

之零陵郡次新亭詩

江干遠樹浮。天末孤煙起。江天自如合。煙樹還相似。滄流未可源。高飄去何已。○類聚二十九。詩紀七十七。

閨思詩

春草醉春煙。深閨人獨眠。積恨顏將老。相思心欲燃。幾回明月夜。飛夢到郎邊。○古詩類苑九十五。詩紀七十七。

酌修仁水賦詩

韶州圖經曰。曲江縣修仁水北。有三楓亭五渡水。齊范雲爲始興。至修仁水。酌而飲之。賦詩曰。

三楓何習習。五渡何悠悠。且飲修仁水。不挹背御覽或作借。或作階。事類賦作皆。邪流。○事類賦水賦注。御覽五十九引方輿記。六十五引始興記。詩紀七十七。

登城怨詩

楚妃歌脩竹。漢女奏幽蘭。獨以閨中笑。豈知城上寒。○類聚三十。詩紀七十七。

詠桂樹詩

詩紀云。外編作庾信者非。

南合璧事類作堂。中有八樹。繁華無四合璧事類誤作回。時。不識風霜苦。安知零落期。○類聚八十九作詠桂詩。合璧事類別集三十八作范雲詩。詩紀七十七。

詠寒松詩

脩條拂層漢。密葉障類聚作帳。天溽。凌風知合璧事類作識。勁節。負雪類聚作霜。合璧事類同。見貞合璧事類作知直。心。○類聚八十八。詩紀七十七。又合璧事類別集四十九作范雲詩。引心一韻。

園橘詩

芳條結寒翠。圓初學記作園。詩紀云。一作園。實變霜朱。徙文苑誤作徒。根楚州上。來覆文苑作復。廣庭隅。○初學記二十八。文苑英華三百二十六。詩紀七十七。

詠早蟬詩

生隨春冰薄。質與秋塵輕。端綏挹霄液。飛音承露清。○類聚九十七。詩紀七十七。

擬古五雜組詩三言

五雜組。會塗山。往復還。兩嶠關。不得已。媯與鰥。○類聚五十六。詩紀七十七。

擬古詩紀云。見何遜集。

匣中一明鏡。好鑒明鏡光。明鏡不可鑒。一鑒一情傷。○何水部集二。詩紀七十七。

自君之出矣

自君之出矣。羅帳咽秋風。思君如蔓草。連延不可窮。○類聚三十二。文苑英華二百二。樂府詩集六十九。

233

擬古四色詩

丹如桓公廟。青如夕郎門。黑如南巖礪。白如東類聚作來。山猿。○類聚五十六。詩紀七十七。

四色詩四首

折柳青門外。握蘭翠疏中。綠蘋騁春日。碧渚澹時風。○類聚五十六。詩紀七十七。

差池朱燕去。繽翻赤雁歸。澆灑丹魚聚。聯翻血鳥飛。○同上

素鱗颺北渚。白水杜南宛。獻環潤玉塞。歸珠照瓊轅。○同上

烏林葉將實。墨池水就乾。玄豹藏暮雨。黑豹凌夜寒。○同上

別詩詩紀云。附見何遜集。

洛陽城東西。長作經時別。昔去雪如花。今來花似雪。○類聚二十九。

述行詩

振策出燕代。驅車背朔并。翩翩朱蓋轉。蕭蕭良馬鳴。○古詩類苑八十四。詩紀七十七。

宗夬

夬。字明敷。南陽涅陽人。仕齊。歷臨川王常侍、驃騎行參軍、秣陵令、都官尚書郎、御史中丞。天監元年。遷征虜長史、東海太守。二年。徵爲太子右衛率。冬。遷五兵尚書。三年。卒。年四十九。

荊州樂三首

迢遞樓雉懸。參差臺觀雜。城闕自相望。雲霞紛颯沓。○樂府詩集七十二。詩紀八十九。

章華遊獵去。紀郢從禽歸。溶溶紫煙合。鬱鬱紅塵飛。○初學記八。詩紀八十九。

朝發江津路。暮宿靈溪道。平衢廣且直。長楊鬱裊裊。○同上

遙夜吟

遙夜復遙夜。遙夜憂未歇。坐對風動帷。卧見雲間月。○樂府詩集七十六。詩紀八十九。

別蕭諮議衍詩

別酒正參差。乖情將陸離。悵焉臨桂苑。憫默瞻華池。輕雲流惠采。時雨亂清漪。眇眇追蘭逕。悠悠結芳枝。眷言終何託。心寄方在斯。○古文苑四。類聚二十九作宗史詩。文苑英華二百八十六作宗史別詩。詩紀八十九。

梁詩卷三

江淹

淹。字文通。濟陽考城人。仕宋。歷任始安王南徐州從事、巴陵王國左常侍、建平王南徐州鎮軍參軍、建安、吳興令、尚書駕部郎。齊建元初爲建安王記室。遷中書侍郎。永明中。出爲廬陵內史。還爲尚書左丞。領國子博士。建武初。出爲宣城太守。還爲秘書監。梁受禪。爲散騎常侍。遷金紫光祿大夫。天監四年卒。年六十二。謚曰憲。有齊史十二卷、集二十卷、後集十卷。

樂府

銅爵妓以下五言。

武皇本集作王。樂府同。去金閣。英威長寂寞。雄劍頓無光。雜佩亦銷爍。秋至明月圓。樂府作圓。風傷白露落。清夜何湛湛。孤燭映蘭幕。撫影愴無從。惟懷憂不薄。瑤色行應罷。紅芳幾爲樂。徒登歌舞臺。終成螻蟻郭。○本集三。樂府詩集三十一。詩紀七十五。

採菱曲

秋日心容與。涉水望碧蓮。紫菱亦可采。試以緩愁年。參差萬葉下。泛漾百流前。高彩隘類聚作溢。通壑。香氛本集作氣。樂府同。麗廣川。歌出櫂詩紀云。一作趙。女曲。儻人江南絃。乘本集作梁。龜非逐俗。駕鯉乃懷仙。衆美信如此。無恨在本集作出。詩紀云。一作出。清泉。○本集四。樂府詩集五十一。詩紀七十五。又類聚八十二作采菱詩。引蓮、年、前、川、弦五韻。

詩

侍始安王石頭城詩

緒官承盛世。逢恩侍英王。結劔從深景。撫袖逐曾光。暮情鬱無已。流望在川陽。平原忽超遠。參差見南湘。何如塞北陰。雲鴻盡來翔。擘鏡照愁色。徒本集作從。坐引憂方。山中如未夕。無使桂葉傷。○本集三。詩紀七十五。

從征虜始安王道中詩

乘笏從帷幕。仄身豫休明。君子未獲晏。詩紀誤作宴。小人亦自營。結軒首涼野。驅馬徼寒城。容裔還鄉櫂。逶迤去國旌。山氣亘本集作直。百里。山色與雲平。喬松日夜竦。紅霞旦夕生。徒慙恩厚槩。空抱春施名。仰

願光威遠。歲晏返柴荆。○本集三。詩紀七十五。

從冠軍建平王登廬山香爐峯詩

本集軍下有行字。詩紀同。

廣成愛神鼎。淮南好丹經。此山本集作峯。具鸞鶴。往來廬山記作古。六臣本文選注云。五臣作古字。盡仙靈。瑤草正
翕本集誤作拿。絕。玉樹信葱青。絳氣下縈薄。白雲上杳本集誤作杳。冥。中坐瞰蜿虹。俛伏視流星。不尋遐怪
極。則知耳目驚。日落長沙渚。曾陰萬里生。藉本集作籍。詩紀同。蘭素多意。臨風默含廬山紀事作舍。情。方學松
柏本集作柏松。隱。羞逐市井名。幸六臣本文選注云。五臣作奉字。承光誦末。伏思託後旂。本集作旌。廬山記同。○本集
三。文選二十二。廬山記四。廬山紀事四。詩紀七十五。又類聚七作登廬山香爐峯詩。引冥、星、生、情四韻。

從建平王遊紀南城詩

恭承此類聚作前。嘉惠。本集作德。末官至南荆。歛衽依類聚作承。詩紀云。一作承。光采。端笏奉仁明。再逢綠草合。
重見翠雲生。江甸知禮富。漢渚聞教清。君王澹以思。樹羽望楚城。年積衣劍滅。地遠宮館平。錦帳終寂
寞。綵瑟祕音英。丹沙信難學。黃金不可成。遷化每如茲。安用貴空名。流岩本集作宕。是。慘中懷。凝意方自
驚。願借若木景。長照憂人情。○本集三。詩紀七十五。又類聚六十三作登紀南城詩。引荆、明、生、清、城、平六韻。

望荆山詩

奉義本集作謁。類聚作詔。至江漢。始知楚塞長。南關本集作閩。繞桐柏。西嶽本集作途。出魯陽。寒郊無留影。秋

日懸清光。悲風挑文。非作。六臣本注云。五臣作。類。非作。詩紀云。一作。重林。雲霞。川漲。歲晏君如何。零淚。露。本集作。衣裳。玉柱空掩露。金樽坐含霜。一聞苦寒奏。再李善本文選作更。六臣本注云。五臣作。使。歌傷。
○本集三。文選二十七。詩紀七十五。又類聚七引長、陽、光、漲、裳五韵。

步桐臺詩

客子畏霜雪。憂至竟悠哉。綺帷生網羅。寶刀積塵埃。思君出漢北。鞍馬登楚臺。歲綵合雲光。平原秋色來。寂聽積空意。凝望信長懷。蕙芬自有美。光景詎徘徊。山中忽緩駕。暮雪將盈階。○本集三。詩紀七十五。

秋至懷歸詩

悵然集漢北。還望岨山田。云云百重壑。參差萬里山。楚關帶秦隴。荆雲冠吳煙。草色斂窮水。木葉變長川。秋至帝子降。客人傷嬋娟。試訪淮海使。歸路成數千。蓬驅未止極。旌心徒自懸。若華想無慰。憂至定傷年。○本集三。詩紀七十五。

渡西塞望江上諸山詩

南國多異山。雜樹共冬榮。潺湲夕澗急。嘈嘈本集作嘈嘈。晨鷗鳴。石林上參錯。流沫下縱橫。松氣鑑青藹。

霞光鑠丹英。望古一凝思。留滯桂枝情。結友愛遠岳。採藥好長生。當畏佳人晚。秋蘭傷紫莖。海外果可學。歲暮誦仙經。○本集三。詩紀七十五。

赤亭渚詩

吳江泛丘墟。饒桂復多楓。水夕潮波黑。日暮精氣紅。路長寒光盡。鳥鳴秋草窮。瑤水雖未合。珠霜竊過中。坐識物序晏。卧視歲陰空。一傷千里極。獨望淮海風。遠心何所類。雲邊有征鴻。○本集三。詩紀七十五。

渡泉嶠出諸山之頂詩

岑崟蔽日月。左右信艱哉。萬壑共馳驚。百谷爭往來。鷹隼既厲翼。蛟魚亦曝鰓。崩壁迭枕卧。嶄石屢盤迴。伏波未能鑿。樓船不敢開。百年積流水。千歲生青苔。行行詎半景。余馬以長懷。南方天炎火。魂兮可歸來。○本集三。詩紀七十五。

遷陽亭詩

攀淚訪亭候。茲地乃閩城。萬古通漢使。千載連吳兵。瑤磻復嶄峩。銅山鬱縱橫。方水埋金腹。圓岸伏丹瓊。下視雄虹照。俯看綵霞明。桂枝空命折。煙氣坐自驚。劍逕羞前檢。岷山慙舊名。伊我從霜露。僕御復

孤征。楚客心命絕。一願聞越聲。○本集三。詩紀七十五。

遊黃蘗山詩

長望竟何極。閩雲連越邊。南州饒奇怪。赤縣多靈仙。金峰各虧日。銅石共臨天。陽岫照鸞采。類聚作沼鸞。來。陰谿噴龍泉。殘机千本集作机十。代木。膺峯萬古煙。禽類聚作雞。鳴丹壁上。猿嘯青崖間。秦皇慕隱淪。漢武願長年。皆負雄豪威。棄劍爲名山。況我葵藿志。松木橫眼前。所若同遠好。臨風載悠然。○本集三。詩紀七十五。又類聚七引邊、仙、天、泉、間五韻。

還故園詩

漢臣泣長沙。楚客悲辰陽。古今詩紀作念。雖不舉。茲理亦宜傷。山中信寂寥。孤景吟空堂。北地三變露。南簷再逢霜。竊值寰海關。仄見圭緯昌。浮雲抱山川。遊子御故鄉。遽發桃花渚。適宿春風場。紅草涵電色。綠樹鏘煙光。高歌儻關國。微歎依笙篁。請學碧靈草。本集作草。終歲自芬芳。○本集三作還故國。詩紀七十五。

劉僕射東山集詩

蕭蕭雲色滋。惟愛詩紀云。一作憂。起長思。喬木嘯山曲。征鳥怨水湄。共惜玉樽暮。願是本集作使。光陰遲。紳

裳視絕雲。銜意方此時。誦飾江臯駕。終從海濱詩。○本集三。詩紀七十五。

陸東海譙山集詩

杳杳長役思。思來使情濃。恆忌光氛度。藉本集作籍。蕙望春紅。青莎被海月。朱華冒水松。輕風本集作氣。暖長岳。雄虹赫遠峯。日暮崦嵫谷。參差綵雲重。永願白沙渚。遊衍遂相從。丹山有琴瑟。不爲憂傷容。○本集三。詩紀七十五。

無錫縣歷山集詩

愁生白露日。思起秋風年。竊悲杜蘅暮。擘涕弔類聚作卽。空山。落葉下楚水。別鶴噪吳田。嵐類聚作嶂。氣陰不極。日色半虧天。酒至情蕭類聚誤作簫。瑟。憑樽還惘類聚作憫。然。一聞清琴奏。獻泣方留連。況乃客子念。直置絲竹間。○本集三。詩紀七十五。又類聚七作歷山詩。引年、山、田、天、然五韻。

外兵舅夜集詩

丹林一葉舊。碧草從此空。煙光拂夜色。華舟盪秋風。歛意悵何已。本集字缺。極望情思中。瑤瀾寂以晏。若采能幾終。暮心亦誰寄。江臯桂有叢。○本集四。詩紀七十五。

貽袁常侍詩

昔我別楚水。秋月麗秋天。今君客吳坂。春色縹類聚作日媚。文苑同。詩紀云。一作日媚。春泉。幽冀本集作怨。生碧草。沅湘含翠煙。鑠鑠霞本集作霧。上景。懵懵雲外山。涉江竟何望。文苑云。一作事。留滯空採蓮。駐情光氣下。凝怨琴瑟前。珠貝性明潤。蘭玉好芳堅。不以宿昔咀。懷愧期暮年。○本集三。詩紀七十五。又類聚二十九。文苑英華二百四十七並引天、泉、煙、山、蓮五韻。

古意報袁功曹詩

從軍出隴北。長望陰山雲。涇渭各異流。本集作流異。樂府同。恩情於此分。故人贈寶劍。鏤以瑤華廣文選作草。文。一言鳳獨立。再說鸞無羣。何得晨風起。悠哉凌翠氛。黃鵠去千里。垂涕樂府云。一作淚。爲報君。○本集三。樂府三十二作從軍行。廣文選十五作効阮公體。詩紀七十五。

寄丘三公詩

昔我學冠劍。逢君在三川。何意風雨激。一訣異東西。菊秀空應奪。蘭芳幾時堅。常恐握手畢。黯如光絕天。安得明月珠。攀涕寄吳山。○本集三。詩紀七十五。

卧疾怨别劉長史詩

四時煎日夜。玉露催紫榮。本集作芬。始懷未及本集作迴。歎。春意秋方驚。涼草散螢色。衰本集作夏。是。樹斂蟬聲。憑景魂且謚。卧堂怨已生。承君客江潭。先愁鴻雁鳴。吳山饒離袂。楚水多別情。金堅碧不滅。桂華蘭有英。無輟代上朝。豈惜鏡中明。但見一葉落。哀本集作衰。類聚同。恨方未平。○本集四。詩紀七十五。又類聚二十九引榮、驚、聲、鳴、情、英、平七韻。

應劉豫章別詩

清塵播嶠岫。遠□被脩□。□□□代。高行乃厲天。俗態詩紀作熊。擘明懋。散□□才賢。裂□□□。分□□堯甸。音田。於時秋永永。江漢起殘煙。獵獵風剪樹。颯颯露傷蓮。霞出海中雲。水發江上泉。浸淫泉懷浦。泛濫雲辭山。洲渚一揚袂。殞意元氣前。願效卷施草。春華冬復堅。○本集四。詩紀七十五。

燈夜和殷長史詩

冬盡綵葉暮。金石亦懷傷。冰鱗不能起。水鳥望川梁。客子仿本集作依。元刻作仿。永夜。寂寞幽意長。卧歇丹丘采。坐失曾泉光。結眉慘成慮。銷憂非羽觴。此心冀可緩。清芷在沅湘。○本集三。詩紀七十五。

贈鍊丹法和殷長史詩

琴高遊會稽。靈變竟不還。不還有長意。長意希童顏。身識本爛熳。光曜不可攀。方驗參同契。金竈鍊神丹。頓捨心知愛。永卻平生歡。玉牒裁可卷。珠藥不盈簞。譬如明月色。流采映歲寒。一待黃冶就。青芬遲孤鸞。○本集三。詩紀七十五。

從蕭驃騎新亭

本集、詩紀並誤作帝。今從宋刻本集。

詩

鯢妖毀王度。虹氣咀王猷。上宰軫靈略。宏威肅廣謀。綿嶮冒戈堞。乘嶠架烽樓。燕兵歌越水。代馬思吳州。金笳夜一遠。明月信悠悠。雲色被江出。煙光帶海浮。開襟夾蒼宇。拓遠局溟洲。折日承丹谷。總駕臨青丘。仄待飈霧晏。方從畎壑遊。○本集三。詩紀七十五。

惜晚春應劉秘書詩

煙景抱空意。衡本集作衡。杜綬幽心。心憂望碧葉。涵影顧青林。風光多樹色。露華翻蕙陰。水苔方下蔓。石蘿日上尋。霞衣已具帶。仙冠不持詩紀云。一作待。簪。徒爲多委鬱。精魄還自臨。始獲瓊歌贈。一點重如金。山中有雜桂。玉瀝本集作歷。宋刻作歷。乃共斟。○本集四。詩紀七十五。

秋夕納涼奉和刑獄舅詩

蕭條晚秋景。旻雲承景斜。虛堂起青靄。本集作藹。崦嵫生暮霞。空居寂以欬。左右自幽歌。騎星謝屐尾。濯髮慙陽阿。年歇玄圃壁。歲減天津波。金簫哀夜長。瑤琴怨暮多。四時通信黯。春風日夜過。楚水徒有蘭。憂至竟如何。○本集四。詩紀七十五。

郊外望秋答殷博士詩

白露掩江臯。青滿平地蕪。長夜亦何際。銜思久踟躕。企余重蘭貝。清才富金瑜。獨豔始東山。擅麗終西都。雲精本集宋刻作稍。元刻作靈。無永滯。水碧豈雁濡。屬我茲景半。賞爾若光初。折麻異離羣。幼蕙非索居。頻贈既雅歌。還懷諒短書。○本集四。詩紀七十五。

冬盡難離和丘長史詩

閒居深悵悵。颺寒拂中閨。寶禮自千里。縑詩紀云。一作絨。書果君題。山川吐幽氣。本集元刻字缺。雲景抱長懷。茲別亦爲遠。潮瀾鬱東西。汀臯日慘色。桂閣猿方啼。擘意誰侘本集作絜。條。屑涕在心乖。杜蘅念無沫。石蘭終不睽。冀總歲暮駕。遊衍蒼山蹊。○本集四。詩紀七十五。

池上酬劉記室詩

戚戚憂可結。結憂視春暮。紫荷漸曲池。皁蘭覆徑路。葱蒨亘華堂。葢葢雜綺樹。爲此久佇立。容易光陰度。水館次文本集作久。詩紀云。一作久。羽。山葉本集字缺。下暝露。懷賞人舊襟。悅物覽本集作擊。新賦。惜我無雕文。報章慙復素。○本集四。詩紀七十五。

吳中禮石佛詩

幻生太浮詭。長思多沈疑。疑思不慙炤。詭生寧盡時。敬承積劫下。金光鑠海湄。火宅斂焚炭。藥草匝惠滋。常願樂此道。誦經空山坻。禪心暮不雜。寂行好無私。軒騎久已訣。親愛不留遲。憂傷漫漫情。靈意終不溜。誓尋青蓮果。永人梵庭期。○本集三。詩紀七十五。

採石上菖蒲詩

瑤本集作瓊。類聚同。琴久蕪沒。本集作塵沒。金鏡廢不看。不見空閨裏。縱橫愁初學記作秋。思端。緩步遵汀渚。初學記作行波。文苑同。注云。一作汙渚。揚榭初學記作棧。文苑同。泛春本集作波。瀾。電至初學記作賣赤。文苑同。煙流綺。本集作賣至煙水流。水綠本集作綠緩。桂涵初學記作涵輕。文苑作滔輕。注云。一作挂涵。丹。憑酒竟本集作意。類聚、初學記、文苑同。詩紀云。一作意。未悅。半景類聚作影。方自歎。每爲憂見及。文苑作集。杜若詎能寬。冀採石上草。得以駐餘初學記

作衰。文苑同。詩紀云。一作衰。顏。赤鯉儻可乘。雲霧不復還。○本集三。初學記二十。文苑英華三百二十七。詩紀七十五。又類聚八十一作石上菖蒲詩。引看、端、瀾、丹、歎、寬、顏七韻。

就謝主簿宿詩

季月寒氣重。滋蘭錯無芳。北風漂夜色。河凝暘如霜。悵哉心神晚。燭滅此深堂。芰衣如可贈。寧濕岨雲梁。○本集三。詩紀七十五。

無錫舅相送銜涕別詩

心遠路已迴。意滿辭未陳。曾風漂別蓋。北雲竦征人。杯酒憐歲暮。志氣非上春。若無孤鳥還。瀝泣何所因。○本集三。詩紀七十五。

當春四韻同□左丞詩

雷萌山中草。雲煦江上花。流本集字缺。宋刻作淡。煙漾璇景。輕風泛凌霞。我有幽蘭念。銜意矚里斜。友人殊未還。獨慰簷前華。○本集四。詩紀七十五。

感春冰遙和謝中書詩二首

江阜桐始華。斂衣望邊亭。平原何寂寂。島暮蘭紫莖。芬披好草合。流爛新光生。冰雪徒皦潔。此焉空守

貞。○本集三。詩紀七十五。

暮意歌上眷。本集宋刻作春。悵哉望佳人。擊洲之宿莽。命爲瑤桂因。觀書術不變。學古道恆真。若作商山客。寄謝丹水濱。○同上

詠美人春遊詩

江南二月春。東風轉綠蘋。不知誰家子。看花桃李津。白雪凝瓊貌。明珠點絳唇。行人咸息駕。爭擬洛川神。○古詩類苑九十三。

征怨詩

蕩子從征久。鳳樓簫管閒。獨枕凋雲鬢。孤燈損玉顏。何日邊塵淨。庭前征馬還。○古詩類苑八十四。詩紀七十五。

侍始安石頭城

開局遶天邑。襟邑抱尊華。○六朝事蹟類編上。

梁詩卷四

江淹

詩

雜體詩三十首并序

夫楚謠漢風。既非一骨。本集作國。魏製晉造。固亦二體。譬猶藍朱成彩。雜錯之變無窮。初學記作端。宮角爲音。靡曼之態不初學記作匪。極。故蛾眉詎同貌。而俱動於魄。初學記作魂。芳草寧共氣。而皆悅於魂。初學記作魄。不其然歟。至於世本集載。初學記同。之諸賢。各滯所迷。莫不論甘而本集作則。初學記同。忌辛。好丹而本集作則。初學記同。非素。豈所謂通方廣恕。初學記作照。好初學記作恕。遠兼愛者哉。乃及本集作致。公幹、仲宣之論。家有曲直。安仁、士衡之評。人立矯抗。況復殊於此者乎。又本集作文。貴遠賤近。人之常情。重耳輕目。俗之恆蔽。是以邯鄲託曲於李奇。士季假論於嗣宗。此其效也。然五言之興。諒非復初學記作變。古。但關西鄴下。既已罕同。河外江南。頗爲異法。故玄黃經緯之辨。金碧浮沈文選作沈浮。之殊。僕以爲亦各具文選作合其。美兼文選作並。善而已。今作三十首詩。數其文體。雖不足品藻淵流。庶亦無乖商榷云爾。○本集四。文選三十二。詩紀七十六。又略見初學記二十一。

古離別六臣本文選注云。五臣作別離。

遠與君別者。乃至雁門關。黃雲蔽千里。遊子何時還。送君如昨日。檐前露已團。不惜蕙草晚。所悲道里寒。君在天一涯。本集作君行在天涯。類聚同。六臣本文選注云。五臣作君行在天涯。妾身長玉臺作心久。別離。願一見顏色。不異瓊樹枝。菟絲及水萍。所寄終不移。○本集四。文選三十一。玉臺新詠五作古體。類聚二十九作擬古雜體詩。樂府詩集七十一。廣文選十。詩紀七十六。

李都尉陵從軍

樽酒送征人。踟躕在親宴。日暮浮雲滋。握手淚如霰。悠悠清水川。本集作天。樂府同。文選作川水。嘉魴得所薦。而我在萬里。結友文選作髮。六臣本注云。五臣作友。廣文選作髮。不相見。袖中有短書。願寄雙。李善本文選云。或作南。飛燕。○本集四。文選三十一。樂府詩集三十二作從軍行。廣文選十作從軍詩。詩紀七十六。

班婕妤詠扇

紈玉臺作綾。扇如團。本集作團。詩紀同。文選作圓。月。出自機中素。畫作秦王女。乘鸞向煙霧。彩色世所重。雖新不代故。竊愁玉臺作悲。樂府同。涼風類聚作秋涼。至。吹我玉階樹。君子恩未畢。零落在類聚作委。樂府同。中路。○本集四。文選三十一。玉臺新詠五作班婕妤。樂府詩集四十二作怨歌行。詩紀七十六。又類聚四十一作擬班婕妤詠扇。引素、霧、樹、路

四韵。

魏文帝曹丕遊宴

置酒坐飛閣。逍遙臨華池。神飈類聚作飄。自遠至。左右芙蓉披。綠竹夾御覽作映。清水。秋蘭被幽崖。李善本文選作涯。月出照園中。冠珮相追隨。客從南楚御覽作方。來。爲我吹參差。淵御覽作潛。魚猶廣文選作求。伏浦。六臣本文選注云。五臣作涌。樂府作涌。聽者未云罷。文選作疲。御覽、廣文選同。高文一何綺。小儒安足爲。肅肅廣殿陰。雀聲愁北林。廣文選作來。衆賓還城邑。何用御覽作以。慰我文選作吾。廣文選同。詩紀云。一作吾。心。廣文選作我思。○本集四。文選三十一。御覽五百九十二作魏文帝遊宴詩。樂府詩集三十六作善哉行。廣文選八作魏文帝遊宴。詩紀七十六。

陳思王曹植贈友

君王禮英賢。不吝千金璧。雙闕指馳道。朱宮羅第宅。從容冰井臺。清池映華薄。涼風盪芳氣。碧樹先秋落。朝與佳人期。日夕望青閣。褰裳摘明珠。徙倚拾蕙若。眷我二三子。辭義麗金腹。延陵輕寶劍。季布重然諾。處富不忘貧。有道在葵藿。○本集四。文選三十一。詩紀七十六。

劉文學楨感懷

蒼蒼山中桂。團團李善本文選作團圓。廣文選同。霜露色。霜露一何緊。廣文選作繁。桂枝生自直。橘柚在南國。因

君爲羽翼。謬蒙聖主私。託身文墨職。丹彩既已過。敢不自雕飾。華月照芳草。堂軒能作方。池。列坐金殿側。微臣固受賜。鴻恩良未測。○本集四。文選三十一。廣文選九。詩紀七十六。又草堂詩箋十二夏夜歎注引一句。

王侍中粲懷德

伊昔值世亂。秣馬辭帝京。既傷蔓草別。方知杖杜情。嶠函蕩文選作復。廣文選同。丘墟。冀闕緬縱橫。倚棹汎涇渭。日暮山河清。蟋蟀依素文選作桑。廣文選同。野。嚴風吹枯李善本文選作若。廣文選同。莖。鶴鷁在幽草。客子淚已零。去鄉三六臣本文選作二。注云。善作三。詩紀云。一作二。十載。幸遭天下平。賢主降嘉賞。金貂服玄纓。侍宴出河曲。飛蓋遊鄴城。朝露竟幾何。忽如水上萍。君子篤恩文選作惠。廣文選同。義。柯葉終不傾。福履既所綏。千載垂令名。○本集四。文選三十一。廣文選九作王粲懷德詩。詩紀七十六。

嵇中散康言志

曰余不師訓。潛志去世本集作俗。六臣本文選注云。五臣作俗。塵。遠想出宏域。高步超常倫。靈鳳振羽儀。戢景西海濱。朝食琅玕實。夕飲玉池津。處順故無累。養德乃入神。曠哉宇宙惠。雲羅更四陳。哲人貴識義。大雅明庇身。莊生悟無爲。老氏守其真。天下皆得一。名實久相賓。咸池饗爰居。本集作饗爰鵬。鍾鼓或愁辛。柳惠善直道。孫登庶知人。寫懷良未遠。感贈以書紳。○本集四。文選三十一。廣文選八作晉嵇康叔夜言志詩。詩紀七十六。

阮步兵籍詠懷

青鳥海上遊。鸞斯蒿下飛。浮沈不相宜。羽翼各有歸。飄飄文選作飄飄。可終年。本集作極。沉詩紀云一作混。漾安是非。朝雲乘變化。光耀世本集作代。所希。精衛銜木石。誰能測幽微。○本集四。文選三十一。詩紀七十六。

張司空華離情

秋月映李善本文選作照。簾櫳。李善本文選作籠。懸光入丹墀。佳人撫鳴琴。清夜守空帷。蘭徑少行迹。玉臺生網絲。庭玉臺作夜。樹發紅彩。閨草含碧滋。延佇整綾詩紀云一作羅。綺。玉臺作羅綺爲君整。萬里贈所思。願垂湛露惠。信我皎日期。○本集四。文選三十一。玉臺新詠五。詩紀七十六。

潘黃門岳述哀李善本文選作悼亡。

青春速天機。素秋馳白日。美人歸重泉。悽愴無終畢。殯宮已肅清。松柏轉蕭瑟。俯仰未能弭。尋念非但一。撫衿悼寂寞。恍文選作恍。然若有失。明月人綺窗。髣髴想蕙質。銷憂非萱草。永懷寄夢寐。夢寐復冥冥。何由覲爾形。我慙北海術。爾無帝女靈。駕言出遠山。徘徊泣松銘。雨絕無還雲。華落豈留英。日月方代序。寢興何時平。○本集四。文選三十一。詩紀七十六。

陸平原機羈宦

儲后降嘉命。恩紀被微身。明發眷桑梓。永歎懷密親。流念辭南滋。銜怨別西津。驅文選作馳。六臣本注云。五臣作駟。馬遵淮泗。旦夕見梁陳。服義追上列。矯迹厠官臣。朱黻咸髦士。長纓皆俊民。文選作人。契闊承華內。綢繆踰歲年。日暮聊總駕。逍遙觀洛川。本集誤作州。殂歿文選作徂沒。六臣本注云。五臣作役。多拱木。宿草凌寒煙。遊子易感慨。文選作愴。六臣本注云。五臣作慨。躑躅還自憐。願言寄三鳥。離思非徒然。○同上

左記室思詠史

韓公淪賣藥。梅生隱市門。百年信荏苒。何爲文選作用。六臣本注云。五臣作爲。苦心魂。當學衛霍將。建功在河源。珪組賢君眄。青紫明主恩。終軍才始達。賈誼位方尊。金張服貂冕。許史乘華軒。王侯貴片議。本集作義。公卿重一言。太平多歡娛。飛蓋東都門。顧念張仲蔚。蓬蒿滿中園。○同上

張黃門協苦雨

丹霞蔽陽景。綠泉涌陰渚。水鶴巢層甍。山雲潤柱礎。有舛六臣本文選注云。五臣作泚。興春節。愁霖貫秋序。白帖作節。變變涼葉奪。戾戾颶風舉。高談翫四時。索居慕儔侶。青苕文選作者。六臣本云。五臣作者。日夜黃。芳蕤成宿楚。歲暮百慮詩紀云。集作憂。交。無以慰延佇。○本集四。文選三十一。詩紀七十六。又白帖引一句。○逯按。類聚八

十二章部者引青蒼日夜黃句。似此原作蒼字。查晉宋人多以蒼爲條。條可以由青而黃。而蒼則不可。應以作蒼者爲是。說文繫傳艸部蒼引此句作蒼。

劉太尉琨傷亂

皇晉遘陽九。天下橫氛。李善本文選作雰。霧。秦趙值薄蝕。幽并逢虎據。伊余荷寵靈。感激狗李善本文選作狗。馳驚。雖無六奇術。冀與張韓遇。甯戚扣角歌。桓公遭乃舉。苟息冒嶮難。實以忠貞故。空令本集誤作今。日月逝。愧無古人度。飲馬出城濠。北望沙漠路。千里何蕭條。白日隱寒樹。投袂既憤懣。撫枕懷百慮。功名惜未立。玄髮已改素。時哉苟有會。治亂惟冥數。○本集四。文選三十一。詩紀七十六。

盧郎中本集作侍郎。李善本文選作中郎。謚感交

大厦須異材。廊廟非庸器。英俊著世功。多士濟斯位。眷顧成綢繆。乃與時髦匹。姻媾久不虧。文選作虛。六臣本注云。五臣作虧。契闊豈但一。逢厄既已同。處危非所恤。常慕先達槩。觀古論得失。馬服爲趙將。疆場得清謐。信陵佩魏印。秦兵不敢出。慨無握中策。徒慚素絲質。羈旅去舊京。文選作鄉。六臣本注云。五臣作京。感遇踰文選作喻。六臣本注云。五臣作踰。琴瑟。自顧非杞梓。勉本集作免。力在無逸。更以畏友朋。濫吹乖名實。詩紀作實名。誤。○同上

郭弘農璞遊仙

崦山多靈草。海濱饒奇石。偃蹇尋青雲。隱淪駐精魄。道人讀丹經。方士鍊玉液。朱霞入窗牖。曜靈照空

隙。傲睨本集作倪。摘木芝。陵波採水碧。眇然萬里遊。矯掌望煙客。永得安期術。豈愁濛汜迫。○同上

孫文選作張。六臣本注云。五臣作孫。廷尉綽雜述

太素既已分。吹萬著形兆。寂動苟有源。因謂殤子夭。道喪涉千載。津梁誰能了。思乘扶搖翰。卓然凌風矯。靜觀尺極義。理足未嘗本集作常。李善本文選同。少。罔罔秋月明。憑軒詠堯老。浪迹無蚩妍。然後君子道。領略歸一致。南山有綺皓。交臂久變化。傳火乃薪草。亶亶玄思清。胸中去機巧。物我俱忘懷。可以狎鷗鳥。○同上

許徵君詢自敘

張子闇內機。單生蔽外象。文選作像。六臣本注云。五臣作象。一時排冥筮。冷然空中賞。遣此弱本集作者。喪情。資神任獨往。采藥白雲隈。聊以肆所養。丹葩曜芳蕤。綠竹陰文選作蔭。閒敞。若若寄意勝。本集作勝景。不覺凌虛上。曲櫺激鮮飈。石室有幽響。去矣從所欲。得失非外獎。至哉操斤客。重明固已朗。五難既灑落。超迹絕塵網。○同上

殷東陽仲文興矚

晨遊任所萃。悠悠蘊真趣。雲天亦遼亮。時與賞心遇。青松挺秀萼。惠色出喬本集作芳。樹。極眺清波深。緬

本集作涵。映石壁素。瑩本集作營。情無餘滓。拂衣釋塵務。求仁既自我。玄風豈外慕。直置忘所幸。蕭散得遺慮。○同上

謝僕射混遊覽

信矣勞物化。憂襟未能整。薄言遵郊衢。總轡出臺省。淒淒節序高。寥寥心悟永。時菊耀巖阿。雲霞冠秋嶺。眷然惜良辰。徘徊踐落景。卷舒雖萬緒。動復歸有靜。曾是迫桑榆。歲暮從所秉。舟壑不可攀。忘懷寄匠郢。○同上

陶徵君潛田居

種苗在東臯。苗生滿阡陌。雖有荷本集作倚。鉏倦。濁酒聊自適。日暮巾柴車。路闇光已夕。歸人望煙火。稚子候簷隙。問君亦何爲。百年會有役。但願桑麻成。蠶月得紡績。素心正如此。開逕望三益。○同上

謝臨川靈運遊山

江海經遭迴。山嶠本集作矯。備盈缺。靈境信淹留。賞心非徒設。平明登雲峰。杳與廬霍絕。碧障長周流。金潭恒澄徹。文選作澈。洞文選作桐。林帶晨霞。石壁映初晰。乳竇既滴瀝。丹井復寥泝。崑嶽轉奇秀。崑岑文選作岑。崑。約補同。還相蔽。赤玉隱瑤溪。雲錦被沙汭。夜聞猩猩啼。朝見鼯鼠逝。南中氣候暖。朱華凌白雪。幸遊

建德鄉。觀奇經。本集作探。禹穴。身名竟誰辨。李善本文選作辯。圖史終磨。本集作摩。滅。且泛桂水潮。龍補作湖。映月遊海滋。攝生貴處順。將爲智者說。○本集四。文選三十一。詩紀七十六。又韻補五引次、蔽二韻。滋、說二韻。

顏特進延之侍宴

太本集誤作大。微凝帝宇。瑤光正神縣。揆日粲書史。相都麗聞見。列漢構仙宮。開天製文選。作制。寶殿。桂棟留夏飈。蘭橈停冬霰。青林結冥濛。丹巘被本集作披。六臣本文選注云。五臣作披。蔥蒨。山雲備卿靄。池卉具靈變。重陽集清氛。李善本文選作氣。下輦降玄宴。鶩望分寰隊。本集作隨。李善本文選同。六臣本作遂。曠曠。李善本文選作目。本集同。盡都甸。氣生川嶽陰。煙滅淮海見。中坐溢朱組。步櫚。六臣本文選注云。五臣作欄。筵瓊弁。禮登佇睿情。樂闋延皇眄。測恩躋踰。本集作愉。六臣本文選同。逸。泐牒惜浮賤。承榮重兼金。文選作榮重餽兼金。六臣本注云。五臣作承榮重兼金。巡華過盈瑱。敢飾輿人詠。方慚淥水薦。○本集四。文選三十一。詩紀七十六。

謝法曹惠連贈別

昨發赤亭渚。今宿浦陽汭。方作雲峯異。豈伊千韻補作十。里別。芳塵未歇席。零文選作浴。淚猶在袂。停臚望極浦。弭棹阻。本集作阻。草堂詩箋作值。風雪。風雪既經時。夜永起。六臣本文選注云。五臣作豈。懷思。汎濫北湖遊。若李善本文選作若。亭南樓期。點翰詠新賞。開表瑩所疑。摘芳愛氣馥。拾藥憐色滋。色滋畏沃若。人事亦銷鑠。子衿本集作矜。怨勿往。谷風誚輕薄。共秉延州信。無慚仲路。本集作申。諾。靈芝望三秀。孤筠本集作雲。情

所託。所託已殷勤。祇足攪懷人。今行嶢嶮外。銜思至海濱。覲子杳未偃。本集作未偃聚。注。或云覲子杳未偃。欵本集作凝。睇在何辰。雜珮雖可贈。疏華竟無陳。無陳心惛勞。旅人豈遊遨。幸及風雪霽。青春滿江臯。解纜候前侶。還望方鬱陶。煙景若離遠。末響寄瓊瑤。○本集四。文選三十一。詩紀七十六。又草堂詩箋六自京詩注引一句。韻補五作擬古。引納、別二韻。

王徵君微養疾

窈藹瀟湘空。翠澗澹黃氏杜詩注作瀾淡。無滋。寂歷百草晦。歛吸鷗草堂詩箋作鷗鷗鷗。雞悲。清陰往來遠。月華散前墀。鍊藥矚虛幌。汎瑟卧遙帷。水碧驗未黷。金膏靈詎緇。本集作詎能溜。北草堂詩箋作江。渚有帝子。蕩漾不可期。悵然山中暮。懷痾屬此詩。○本集四。文選三十一。詩紀七十六。又草堂詩箋三十五虎牙詩注引一句。大曆詩注引一句。黃氏集千家注杜詩補遺九引一句。

袁太尉淑從駕

官廟禮哀敬。粉邑道嚴玄。恭潔由明祀。肅駕在祈年。詔徒登季月。戒鳳藻行川。雲旆象漢徙。本集作徒。宸網擬星懸。朱耀麗寒渚。金鑊詩紀作駮。映秋山。羽衛藹流景。綵吹震沈淵。辨李善本文選作辯。詩測京國。履籍鑿都鄆。氓李善本文選作毗。六臣本作萌。又注。五臣作毗。謠響玉律。邑頌被丹弦。文軫薄桂海。聲教燭冰天。和惠頌上笏。恩渥浹下筵。幸侍觀洛後。豈慕巡河前。服義方無沫。展歌殊未宣。○本集四。文選三十一。詩紀七

十六。

謝光祿莊郊遊

肅舸出郊際。徙樂六臣本文選注云。五臣作藥。逗江陰。翠山方藹藹。青浦正沈沈。涼葉照沙嶼。秋榮冒水潏。風散松架險。雲鬱石道深。靜默本集作然。鏡絲野。四睇亂層岑。氣清知雁引。露華識猿音。雲裝信解轂。煙駕可辭金。始整丹泉術。終覲紫芳心。行光自容裔。無使弱思侵。○同上

鮑參軍昭戎行

豪士枉尺璧。宵人重恩光。狗本集作狗。義非爲利。執本集作軌。羈輕去鄉。孟冬郊祀月。殺氣起嚴霜。戎馬粟不煖。軍士冰爲漿。晨上城阜坂。磧礫皆羊腸。寒本集作雲。陰籠白日。大李善本文選作太。谷晦蒼蒼。息徒稅征駕。倚劍臨八荒。鶴鵬李善本文選作鸞。不能飛。玄武伏川梁。鍛翻由時至。感物聊自傷。豎儒守一經。未足識行藏。○同上

休上人怨別李善本文選作別怨。

西北秋風至。楚客心悠哉。日暮碧雲合。佳人殊未來。露彩方汎豔。月華始徘徊。寶書爲君掩。瑤琴本集作瑟。詩紀同。詎能開。相思巫山渚。悵望陽雲玉臺作雲陽。臺。膏玉臺作金。詩紀作臺。爐絕沈燎。綺席生玉臺作徧。浮

埃。桂水日千里。因之平生懷。○本集四。文選三十一。玉臺新詠五。詩紀七十六。

學魏文帝詩

西北有浮雲。繚繞華陰山。惜哉時不遇。人夜值霜寒。秋風聒地起。吹我至幽燕。幽燕非我國。窈窕爲誰賢。少年歌且止。歌聲斷客子。○本集三。詩紀七十六。

效阮公詩十五首

詩紀云。集作效古。

歲暮懷感類聚作多懷。傷。中夕弄清琴。戾戾曙風急。團團明月陰。孤雲出北山。宿鳥驚東林。誰謂人道廣。憂慨自相尋。寧知霜雪後。獨見松竹類聚作竹柏。心。○本集三。類聚二十六。詩紀七十六。

十年學讀書。顏華尚美好。不逐世間人。鬪雞東郊道。富貴如浮雲。金玉不爲寶。一旦鵝類聚作鷓。詩紀云。一作鷓。鷓鳴。嚴霜被勁草。志氣多感失。淚下沾懷抱。○同上

白露淹庭樹。秋風吹羅衣。忠信主不合。辭意將訴誰。獨坐東軒下。雞鳴夜已晞。總駕命賓僕。遵路起旋歸。天命誰能見。人蹤信可疑。○本集三。詩紀七十六。

飄飄恍惚中。是非安所之。大道常不驗。金火每如斯。忼慨少淑貌。便娟多令辭。宿昔秉心誓。靈明將見期。願從丹丘駕。長弄華池滋。○同上

陰陽不可知。鬼神惟杳冥。暫試武帝貌。一見李后靈。同情淪異物。有體人無形。賢聖共草昧。仁智焉足

明。變化未有極。恍惚誰能精。○同上

若木出海外。本自丹水陰。羣帝共上下。鸞鳥相追尋。千齡猶旦夕。萬世更浮沈。豈與異鄉士。瑜瑕論淺深。○同上

夏后乘兩龍。高會在帝臺。榮光河雒出。白雲蒼梧來。侍御多賢聖。升降有羣才。四時有變化。盛明不徘徊。高陽邈已遠。竚立誰語哉。○本集三。廣文選十五。詩紀七十六。

昔余登大梁。西南望洪河。時寒原野曠。風急霜露多。仲冬正慘切。日月少精華。落葉縱橫起。飛鳥時相過。搔首廣川陰。懷歸思如何。常願反初服。閒步穎廣文選作頻。水阿。○同上

宵月輝西極。女圭映東海。佳麗多異色。芬葩有奇采。綺縞非無情。光陰命誰待。不與風雨變。長共山川在。人道則不然。消散隨風改。○本集三。詩紀七十六。

少年學擊劍。從師至幽州。燕趙兵馬地。唯見古時丘。登城望山水。平原獨悠悠。寒暑有往來。功名安可留。○同上

擾擾當途子。毀譽多埃塵。朝生輿馬間。夕死衢路濱。藜藿應見棄。勢位乃爲親。華屋爭結綬。朱門競彈巾。徒羨草木利。不愛金碧身。至德所以貴。河上有丈人。○同上

華樹曜北林。芬芳空自宣。秋至白雲起。蟪蛄號庭前。中心有所思。虛堂獨浩然。安坐詠琴瑟。逍遙可永年。○同上

假乘試行遊。北望高山岑。翩翩征鳥翼。蕭蕭松柏陰。感時多辛酸。覽物更傷心。性命有定理。禍福不可

禁。唯見雲際鵠。江海自追尋。○同上

夕雲映西山。蟋蟀吟桑梓。零露被百草。秋風吹桃李。君子懷苦心。感慨不能止。駕言遠行遊。驅馬清河
涘。寒暑更進退。金石有終始。光色俯仰間。英豔難久恃。○同上
至人貴無爲。裁魂守寂寥。唯有馳騫士。風塵在一朝。輿馬相跨躍。賓從共矜驕。天道好盈缺。春華故秋
凋。不知北山民。商歌弄場苗。○同上

清思詩五首

趙后未至麗。陰妃非美極。情理儻可論。形有焉足識。帝女在河洲。晦映西海側。陰陽無定光。雜錯千萬
色。終歲如瓊草。紅華長翕絕。○本集三。詩紀七十六。

師曠操雅操。延子聆奇音。玄鶴徒翔舞。清角自浮沈。明珞東南逝。精絲西北臨。白雲瑤池曲。止本集作上。
使淚淫淫。○同上

秋夜紫蘭生。湛湛明月光。偃蹇靈芝采。本集誤作來。容裔紫華堂。林木不拂蓋。淇水寧漸裳。倏忽南江陰。
照曜北海陽。從此長往來。萬世無感傷。○同上

✓
↓
白露滋金瑟。清風蕩玉琴。空閨饒遠念。虛堂生夜陰。茲夕一何哀。明月沒西林。世人重時暮。道士情亦
深。願乘青鳥翼。徑出玉山岑。○同上

至德不可傳。靈龜不可侶。草木還根蒂。精靈歸妙理。我學杳冥道。誰能測窮已。須待九轉成。終會長沙

市。○同上

傷內弟劉常侍詩

金璧自蕙質。蘭杜信嘉名。丹綵既騰迹。華萼故揚聲。伊余方罷秀。歎本集誤作難。息向君榮。誰疑春光景。何遽秋露輕。遠心惜近路。促景怨長情。風至衣袖冷。況復蟪蛄鳴。白露泐漢沼。明月空漢生。長悲離短意。惻切吟空庭。注秋東郊外。流涕北山垌。○本集四。詩紀七十六。

悼室人詩十首

佳人永暮矣。隱憂遂歷茲。寶燭夜無華。金鏡晝恆微。桐葉生綠水。霧天流碧滋。蕙弱芳未空。蘭深鳥思時。湘醺徒有酌。意塞不能持。○本集四。詩紀七十六。

適見葉蕭條。已復花菴鬱。帳裏春風盪。簷前還燕拂。垂涕視去景。摧心向徂物。今悲輒流涕。昔歡常飄忽。幽情一不弭。守歎誰能慰。○同上

夏雲多雜色。紅光鑠蕤鮮。苒弱屏風草。潭拖曲池蓮。黛葉鑑深水。丹華香碧煙。臨綵方自弔。擘氣以傷然。命知悲不絕。恆如注海泉。○同上

駕言出遊衍。冀以滌心胸。復值煙雨散。清陰帶山濃。素沙匝廣岸。雄虹冠尖峯。出風舞森桂。落日暖圓松。還結生不念。楚客獨無容。○同上

秋至擣羅紈。淚滿未能開。風光肅入戶。月華爲誰來。結眉向珠網。瀝思視青苔。髣局將成葆。帶減不須摧。詩紀作催。我心若涵煙。葢葢滿中懷。○同上

牕塵歲時阻。閨燕日夜深。流黃夕不織。寧聞梭杼音。涼靄漂虛座。清香盪空琴。蜻引知寂寥。蛾飛測幽陰。乃抱生死悼。豈伊離別心。○同上

顛顛氣薄暮。蔌蔌清衾單。階前水光裂。樹上雪花團。庭鶴哀以立。雲雞肅且寒。方東當作冬。有苦淚。承夜非膏蘭。從此永黯削。萱葉焉能寬。○同上

杼本集作杼。悲情雖滯。送往意所知。空座幾時設。虛帷無久垂。暮氣亦何勁。嚴風照天涯。夢寐無端際。愒恍有分離。意念每失乖。徒見四時虧。○同上

神女色姱麗。乃出巫山湄。逶迤羅袂下。鄣日望所思。佳人獨不然。戶牖絕錦綦。感此增嬋娟。屑屑涕自滋。清光澹且減。低意守空帷。○同上

二妃麗瀟湘。一有乍一無。佳人承雲氣。無下此幽都。當追帝女迹。出入泛靈輿。掩本集作奄。映金淵側。遊豫碧山隅。曖然時將罷。臨風返故居。○同上

詩

通渠運春流。幽谷渙□冰。盪穢出新泉。遊望登重陵。○玉燭寶典一。

自樂昌郡泝流人柳詩

茲山界夷夏。天際橫寥廓。○與地紀勝五十七。

詩

河州多沙塵。風吹黃雲起。○升菴詩話。

歌 去故鄉賦系此歌。

芳洲之草行欲暮。桂水之波不可渡。絕世獨立兮報君子之一顧。○本集一。類聚三十。

歌 倡婦自悲賦系此歌。

曲臺歌未徙。黃壤哭已親。玉玦歸無色。羅衣會生塵。驕才雄力君何怨。徒念薄命之苦辛。○本集一。

謠 蓮華賦系此謠。

秋雁度兮芳草殘。琴柱急兮江上寒。願一見兮道我意。千里遠兮長路難。○本集一。

謠 學梁王兔園賦系此謠。

碧玉作椀銀爲盤。一刻一鑲化雙鸞。○本集二。

歌學梁王兔園賦系此歌。

美人不見紫錦衾。黃泉應至何所禁。○本集二。

詩學梁王兔園賦系此詩。

見上客兮心歷亂。送短詩兮懷長歎。中人望兮蠶既飢。燮蹠暮兮思夜半。○本集二。

雜三言五首

予上國不才。黜爲中梁本作閩。山長史。待罪三本集無三字。載。究識煙霞之狀。既對道書。官又無職。筆墨之勢。聊爲後文。○按江淹自序。中山當作山中。

構象臺

日上妙兮道之精。道之精兮俗爲名。名可宗兮聖風立。立聖風兮茲教生。寫經記兮記圖剎。畫影象兮在丹青。起淨法兮出西海。流梵音兮至素元刻作南。梁本作東。溟。網紫宙兮洽萬品。冠璇寓兮濟羣生。余汨阻兮至南國。迹已徂兮心未扃。立孤臺兮山岫。架半室本集作空。兮江汀。累青杉於澗構。積紅石於林樞。雲

八重兮七色。山十影兮九形。金燈兮江雁。環軒兮匝池。相思兮豫章。載雪兮泡霜。裁異木而同秀。鍾當作種。雜草而一香。苔蘚生兮繞本集字缺。石戶。蓮花舒兮繡池梁。伊日月之寂寂。無人音與馬迹。耽本集字缺。禪情於雲遙。守息心於端石。永結意於鷲山。長憔悴而不惜。○本集十。梁刻本四。

訪道經

百學兮異文。錦派兮綺分。珍君之言兮噉無際。悅子之道兮迥不羣。澹深韻於白水。儼高意於浮雲。軌賢豪於後學。軼望識於前文。茲道兮可傳。可傳兮皓然。挾茲心兮赴絕國。懷此書兮坐空山。空山隱鱗兮窮翠嶠。水散漫兮涵素壑。海外陰兮氣曇曇。江上月兮光灼灼。東南出兮是梁本作不。一山。西北來兮乃雙鶴。池中蓮兮十色紅。窗前樹兮萬葉落。四壁深兮乃沈寥。左右虛兮如寂寞。寂寞兮山室。德經兮道裘。盪魂兮刷氣。掩憂兮靜疾。信若人兮先覺。聊與子兮如一。○同上

鏡論語

巡青史之殘誥。覽朱管之遺冊。惟魯濱之一叟。信銜道而探寂。世艱險而多阻。君英明而不革。講業兮齊衛。論精兮汴泗。子之說兮義已祕。成賈鄭之雄理。可梁本作考。黃何之壯思。惜古人之取才。瞰青雲而靖意。意恬梁本作惘。悵兮有端。才嶒峻兮可觀。憲媯禹而折元刻字缺。法。襲仁誼而求安。不嫵婉於戚施。寧蹠蹕於馬蘭。俾後生之庶士。鑒明德之音翰。惟山中兮寂寞。沉本集字缺。憂思兮無從。石紅青兮百疊。山濃

淡兮萬重。日下兮□□。月出兮銅峯。竹色兮拂戶。水氣兮繞窗。味哲人之遺珍。折片句兮忘老。嘉石門之埋名。憐柳子之沈梁本作耽。道。書吳伯於衣袖。鏤顏子於心抱。籌出處之叔仲。酌言默之多少。若妙行與上靈。非積學之所紹。至游夏以升降。幸砥心而勿天。○同上

悅曲池

北山兮黛柏。南江兮頽石。頽峯兮若虹。黛樹兮如畫。暮雲兮十里。朝霞兮千尺。千尺兮緜緜。青氣兮往旋。桐之葉兮蔽日。桂之枝兮刺天。百谷多兮瀉亂波。雜礪饒兮驚叢泉。竟長洲兮匝東島。紫曲嶼兮繞西山。山巒岈兮水環合。水環合兮石重沓。林中電兮雨冥冥。江上風兮木颯颯。盟清冷兮適潺湲。白雲起兮弔石蓮。客子思兮心斷絕。心斷絕兮愁無閑。步東池兮夜未艾。卧西窗兮月向山。引一息於魂內。擾百緒於眼前。意春蘭與秋若。願不絕於江邊。○同上

愛遠山

伯鸞兮已遠。名山兮不返。逮紺草之可結。及朱華之未晚。縹余馬於椒阿。漾余舟於沙衍。臨星朏兮樹闌。看日爍兮霞淺。淺霞兮駁雲。一合兮一分。映壑兮爲飾。綴澗兮成文。碧色兮婉轉。丹秀兮芬葢。深林寂以窈窕。上猿狖之所羣。羣猿兮聒山。大林兮蔽天。楓岫兮筠嶺。蘭畹兮芝田。紫蒲兮光水。紅荷兮豔泉。香枝兮嫩葉。翡翠兮翠疊。非郢路之遼遠。實寸憂之相接。歎美人於心底。願山與川之可涉。若溘死

於江潭。哀時命而目愴。○同上

應謝主簿騷體

山樞靜兮悲凝涼。澗軒掩兮酒涵霜。曾風激兮綠蘋斷。積石閉兮紫苔傷。芝原寂少色。筠庭黯無光。沐予冠於極浦。馳予珮兮江陽。弔秋冬之已暮。憂與憂兮不忘。使杜蘅可翦而棄。夫何貴于芬芳。○本集十。梁刻本四。

劉僕射東山集學騷

含秋一顧。眇然山中。檀欒循□。○梁本作石。按當作脩竹。便娟來風。木瑟瑟兮氣芬苒。石萋萋兮水成文。擿江崖之素草。窺海岫之青雲。願芙蓉兮未晦。遵江波兮待君。○本集十。梁刻本四。

山中楚辭六首

青春素景兮白日出之藹藹。吾將弭節於江夏。見杜若之如大。結珊瑚以成車。懸雜羽而爲蓋。草色綠而馬聲悲。欵沿油元刻字缺。梁本作袖。以元刻作川。流帶。○本集十。梁刻本四。

予將禮於太一。乃雄劍兮玉鈎。日華粲於芳閣。月金披於翠樓。舞燕趙之上色。激河淇之名謳。薦西海之異品。傾東岳之庶羞。乘魚文兮錦質。要靈人兮中州。○同上

人橘浦兮容與。心敞惘兮迷所識。視煙霞而梁本作如。一色。深秋竊以虧。當脫蔽字。天上列星之所極。○同上○本集與下連讀爲一首。

桂之生兮山之巒。紛可愛兮柯團團。谿崎嶇兮石架阻。颯颯颯兮木道寒。煙色閉兮喬木橈。嵐氣闇兮幽篁難。忌螻蛄之蚤吟。惜王孫之晚還。信於邑兮白露。方天病兮秋蘭。○同上

石窸窣兮蔽日。本集作白。梁本作泉。雪疊疊兮薄樹。車蕭條兮山逼。當作逕。舟容與本集缺以上兩字。兮水路。愍晨夜之摧挫。本集作坐。感春秋之欲暮。征夫輟而在位。當作啜而在泣。御者跼而載顧。○同上

魂兮歸來。異方不可以親。蝮蛇九首。雄虺戴鱗。炎穴一光。骨爛魂傷。玄狐曳尾。赤象爲梁。至日歸來。無往此異方。○同上

蕭鈞

鈞。齊高帝子。出繼衡陽王。與王智深、江淹等以文章相賞會。

晚景遊泛懷友

詩紀云。此詩類唐人作。當爲唐蕭鈞也。初學記作梁。

龍開初學記作門。御覽同。依御覽作低。御溝。鳳轄轉芳洲。雲峯初辨夏。麥氣早迎秋。山翠初學記字缺。餘煙積。川平晚照收。浪隨文鵝轉。渡御覽作波。逐彩鴛浮。風花轉御覽作輕。未落。巖泉咽不流。一辭金谷苑。空想詩紀云。一作思。竹林遊。○初學記十八。御覽四百十。詩紀八十五。



梁詩卷五

王暕

暕。字思晦。琅邪人。齊太尉儉字。弱冠選尚淮南公主。拜駙馬都尉。齊明帝時。除驃騎從事中郎。天監初。除太子中庶子。歷侍中、五兵尚書。出爲晉陵太守。徵爲吏部尚書。累遷侍中、尚書左僕射。領國子祭酒。天監四年卒。年四十七。

觀樂應詔詩

趙瑟含清音。秦箏凝逸響。參差陳九夏。依遲分初學記作紛。文苑、萬花谷同。四上。從風繞金梁。含雲映珠網。遞奏豈二八。繁絃非一兩。幸叨東郭吹。側初學記作厠。文苑同。詩紀云。一作厠。陪南風賞。忘味信鏗鏘。滄和終俯仰。輕塵已飛散。游魚亦翻蕩。恩光實難遇。詠言寧易放。○初學記十五。文苑英華二百十二。萬花谷後三十一作王暕詩。詩紀八十六。

詠舞詩

從風迴綺袖。映日轉花鈿。同情依促柱。共影赴危絃。○初學記十五。萬花谷後三十二作王暕詩。詩紀八十六。

曹景宗

景宗。字子震。新野人。仕齊。累官竟陵太守。及武帝起兵。景宗率衆來從。除郢州刺史。天監六年。大敗魏於鍾離。進爵爲公。拜侍中、領軍將軍。天監七年。遷江州刺史。赴任卒於道。年五十二。

光華殿侍宴賦競病韻詩

南史曰。景宗累立軍功。天監初徵爲右衛將軍。後破魏師凱旋。帝於華光殿宴飲聯句。令左僕射沈約賦韻。景宗啓求賦詩。帝曰卿技能甚多。人才英拔。何必止在一詩。景宗已醉。求作不已。時韻已盡。惟餘競病二字。景宗便操筆而成。帝深歎賞。朝賢驚嗟竟日。

去時兒女悲。歸來笳鼓競。借問行路人。何如霍去病。○南史本傳。御覽二百七十七引梁書。太平廣記三百。萬苑谷二十一。詩紀八十九。

任昉

昉。字彥升。樂安博昌人。宋末辟丹陽尹主簿。入齊歷太常博士、丹陽尹王儉主簿、尚書殿中郎、司徒記室參軍、太子步兵校尉、司徒左長史。中興初爲驃騎記室參軍。梁受禪。拜黃門侍郎。遷吏部郎中。掌著作。出爲義興太守。重除吏部郎中。轉御史中丞。秘書監。出爲新安太守。天監七年卒。年四

十九。有雜傳二百四十七卷、地記二百五十二卷、集三十四卷。

爲王嫡子侍皇太子釋奠宴以下四言。

在昔歸運。阻亂弘多。夷山製宇。盪海爲家。風雲改族。日月增華。欽聖茲遠。懷道茲沖。踐言動俗。果行移風。進往一簣。初學記作簣。啓或三蒙。冰實因水。金亦在鎔。惟神知化。在物立言。樂正雅頌。咸初學記作盛。被後昆。告奠明祀。觀道聖門。日月不息。師表常尊。○類聚三十八作侍皇太子釋奠宴詩。引多、家、華、言、昆、門、尊七韻。初學記十四作爲王子侍皇太子釋奠宴詩。引沖、風、蒙、鎔、言、昆、門、尊八韻。詩紀七十八。

贈王僧孺詩

梁書曰。王僧孺由治書侍御史出爲唐令。初僧孺與樂安任昉遇竟陵王西邸。以文學友會。及是將之縣。昉贈詩。其略曰。

惟子見知。惟余知子。觀行視言。要終猶始。敬之重之。如蘭如芷。形應影隨。曩行今止。百行之首。立人斯著。子之有之。誰毀誰譽。脩名既立。老至何遽。誰其執鞭。吾爲子御。劉略班藝。虞志荀錄。伊昔有懷。交相欣勗。下帷無倦。升高有屬。嘉爾晨燈。南史作澄。惜余夜燭。○梁書王僧孺傳。南史王僧孺傳。詩紀七十八。

答劉居士詩

君子之道。亦有其四。高行絕俗。盛德出類。才同文錦。學非書肆。望之可階。卽之難至。輟精天理。躡象

少微。人與俗異。道與人違。庭飛熠燿。室滿伊威。行無轍跡。理絕心機。○類聚三十六。詩紀七十八。

九日侍宴樂遊苑詩以下五言。

帝德峻韶夏。王功書頌平。共貫汾五勝。獨道邁三英。我皇撫歸運。時乘信告成。一唱華類聚作革。廣文選同。鍾石。再撫被絲笙。黃草歸維木。梯山薦玉榮。時來濁河變。瑞起溫洛清。物色動宸眷。民豫詩紀云。一作務。降皇情。○類聚四。廣文選八。詩紀七十八。

奉和登類聚作影。景陽山詩

物色感神遊。升高悵有閱。南望銅駝街。文苑作術。北走長楸埽。別澗宛類聚作苑。文苑作苑間。滄溟。疏山文苑作土。注云。一作山。駕瀛碣。奔鯨文苑作神鯉。吐華浪。司南動輕柂。日下重文苑作千。注云。一作重。門照。雲開九華澈。文苑作徹。觀閣隆舊恩。奉圖愧前哲。○類聚七。文苑英華百五十九。詩紀七十八。

泛長溪詩

狗文苑作殖。祿聚歸糧。依文苑作衣。隱謝羈類聚作羈。勒。絕物甘離羣。長懷思類聚作忽。文苑作忍。去國。長溪永東舍。震區窮水域。道遇垂綸叟。聊訪文苑作長。問津惑。弭楫申九言。無爲累牽纆。長泛滄浪水。平明至曛黑。○類聚九。文苑英華百六十六。詩紀七十八。

落日泛舟東溪詩

黝黝桑柘繁。芃芃麻麥盛。交柯溪易陰。反景澄餘映。吾生雖有待。樂天庶知命。不學梁甫吟。唯識滄浪詠。田荒我有役。秩滿余謝病。○類聚九。文苑英華百六十六。詩紀七十八。

濟浙江詩

昧旦乘輕風。江湖文苑作湖。忽來往。或與文苑作爲。歸波送。乍逐翻流文苑作江。上。近岸無暇目。文苑作日。遠峯更興想。綠樹懸宿根。丹崖頽久壤。○類聚八。文苑英華百六十二。詩紀七十八。

贈郭桐廬出谿口見候余既未至郭仍進村維舟久之郭生方至詩

朝發富春渚。蓄意忍相思。涿令行春返。冠蓋溢川坻。望久方來萃。悲歡不自持。滄江路窮此。湍險方自茲。疊嶂易成響。重以夜猿悲。客心幸自弭。中道遇心期。親好自斯絕。孤遊從此辭。○文選二十六。詩紀七十八。

答何徵君詩

散誕羈鞶文苑作鞵。詩紀云。一作鞵。外。拘束名教裏。得性千乘文苑作年。同。山類聚字缺。林無文苑作亦。注云。一作

無。詩紀云。一作亦。朝市。勿以耕蠶貴。空笑易農士。類聚作仕。宿昔仰高山。超然絕塵軌。傾壺已等藥。命管亦齊喜。類聚缺此二字。詩紀云。一作壺已等藥命。管亦齊符璽。無爲嘆文苑作爲款君。獨遊。若終文苑作路。注云。一作終。詩紀云。一作路。方同止。○類聚三十六。文苑英華二百三十。詩紀七十八。

贈徐徵君詩

促生悲永路。早交傷晚別。自我隔容徽。於焉徂文苑作積。歲月。情非山河阻。意似江湖悅。東臯有儒素。杳與榮名絕。曾是違賞心。曷用箴余缺。眇焉追平生。塵書廢不閱。信此伊能已。懷抱豈暫輟。何以表相思。貞松擅嚴文苑云。一作巖。節。○類聚三十六。文苑英華二百三十。詩紀七十八。

答劉孝綽詩

南史曰。孝綽。繪之子。年十四。父黨沈約、任昉、范雲等聞其名。命駕造焉。昉尤相賞愛。梁天監初。孝綽起家著作佐郎。爲歸沐詩贈任昉。昉報曰。

閱水既成瀾。藏舟遂移壑。彼美洛陽子。投我懷秋作。久敬類誠言。吹噓似嘲謔。兼稱夏雲盡。復陳秋樹索。詎慰耄嗟人。徒梁書謝舉傳作方。深老夫託。詩紀云。一作徒然老夫諾。直史兼褒貶。轄司專疾惡。九折多美疹。匪報庶良藥。子其崇鋒穎。春耕勵秋穫。○南史劉劭傳附孝綽傳引作、託、惡、藥、穫五韻。又類聚三十一、文苑英華二百四十引壑、作、謔、索、託五韻。又梁書謝舉傳作秘書監任昉出爲新安郡別舉詩。引託一韻。詩紀七十八。

答到建安餉杖詩

故人有所贈。稱以冒霜筠。定是湘妃淚。潛灑遂鄰彬。扶危復防咽。事歸薄暮人。勞君尚齒意。矜此杖鄉辰。復資後坐。詩紀云。一作生。彦。候余方欠伸。獻君千里笑。紆我百憂嘖。坐適雖有器。卧遊苦無津。何由乘此竹。直見平生親。○類聚六十九。詩紀七十八。

寄到溉詩

南史曰。時溉爲建安太守。昉寄詩求二彩段。

鐵錢兩當一。百易代名實。爲惠當及時。無待涼秋日。○南史到彦之傳附溉傳。詩紀七十八。

別蕭諮議衍詩

離燭有窮輝。別念無終緒。歧言未及申。離日類聚作白。文苑同。又注。一作日。已先舉。揆景巫衡類聚作衡無。文苑作衡巫。注云。一作行蕪。阿。臨風長楸浦。類聚作渚。文苑同。浮雲難嗣音。徘徊悵誰與。儻有關外驛。聊訪狎鷗渚。類聚作鷺。文苑作嶼。注云。一作鷺。○類聚二十九作任昉詩。古文苑四。文苑英華二百八十六作別詩。廣文選八。詩紀七十八。○
逯按。古文苑署任殿中昉。作詩年代可徵。

厲吏人講學詩

暮燭迫西榆。將落誠初學。記誤作城。南畝。日余本疏惰。頽暮積榆柳。踐境渴師臣。臨政欽類聚作飢。益友。盱

食願橫經。終朝思擁帚。雖欣辨蘭艾。何用關初學記作關。蒿莠。○類聚五十五。初學記二十一。詩紀七十八。

苦熱詩

旭旦煙雲卷。烈景入東軒。傾光望轉蕙。斜日照西垣。既卷蕉文苑作焦。梧葉。復傾葵藿根。重簟無冷氣。挾石似懷溫。鬣霖文苑作霖。類珠綴。喘嚇類聚作哧。文苑作赫。狀雷奔。○類聚五。文苑英華二百十。樂府詩集六十五作苦熱行。詩紀七十八。

同謝朓花雪詩

土膏候年動。積文苑作積。雪表晨文苑作辰。暮。散葩文苑作葩。似浮玉。飛英若總素。東序皆白珩。西雝類聚作澗。盡翔鷺。山經陋蜜文苑作密。詩紀云。一作密。榮。騷人貶瓊樹。○類聚二。文苑英華百五十四作和謝朓花雪。詩紀七十八。

出郡傳舍哭范僕射詩

三章。○詩紀作三首。誤。

平生禮數絕。式瞻在國楨。一朝萬化盡。猶我故人情。待時屬興運。王佐俟民英。結權三十載。生死一交情。攜手遁衰孽。接景事休明。運阻衡言革。時泰玉階平。六臣本文選注云。五臣無此二句。濬冲得茂彥。夫子值狂生。伊人有涇渭。非余揚濁清。將乖不忍別。欲以遣離情。不忍一辰六臣本文選注云。五臣作晨。意。千齡萬

恨生。

已矣平生事。詠歌盈篋笥。兼復相嘲謔。常與虛舟值。何時見范侯。還敘平生意。

與子別幾辰。經塗不盈旬。弗覩朱顏改。徒想平生人。寧知安歌日。非君撤瑟晨。已矣余何歎。輟春哀國均。○文選二十三。初學記十一。詩紀七十八。又類聚三十四作哭范僕射詩。引一二兩章。

嚴陵瀨詩

羣峯此峻極。參差百重嶂。清淺既漣文。苑作連漪。激石復奔壯。神物徒有造。終然莫能狀。○類聚八。文苑英華百六十四。詩紀七十八。

詠池邊桃詩

已謝西王苑。復揖綏山枝。聊逢賞者愛。棲趾傍蓮池。開紅春灼灼。結實夏離離。○類聚八十六。詩紀七十八。

丘遲

遲。字希範。吳興烏程人。齊常侍靈鞠子。舉秀才。歷任太學博士、大司馬行參軍、西中郎參軍、殿中郎、車騎錄事參軍。梁臺建。爲驃騎主簿。及受禪。拜散騎侍郎。遷中書侍郎。領吳興邑中正。爲永嘉太守。選爲臨川王宏中軍諮議參軍。拜中書郎。遷司徒從事中郎。天監七年卒。年四十五。有集鈔

四十卷、集十一卷。

九日侍宴樂遊苑詩

朱明已謝。葍收司禮。爰理秋袂。備揚旌榮。奉璋峨峨。金貂濟濟。上林弘敞。離宮非一。綵殿迴風。丹樓映日。隨珠甲帳。屯衛周悉。睟容徐動。天儀澄謐。雲物游颺。光景高麗。枯葉未落。寒花委砌。絲桐激舞。楚雅閒慧。參差繁響。殷勤流詣。○類聚四。廣文選八。詩紀七十七。

侍宴樂遊苑送

李善本文選送下有張字。詩紀同。六臣本文選注云。五臣無張字。按無張字是。

徐州應詔

詩沈約同賦。

詰旦闐闐開。馳道聞鳳吹。輕萸承玉輦。細草藉龍騎。風遲山尚響。雨息雲猶積。巢空初鳥飛。荇亂新魚戲。實爲文選作惟。北門重。匪親孰爲寄。參差別念舉。肅穆恩波被。小臣信多幸。投生豈酬義。○文選三十。類聚二十九。文苑英華百六十九。詩紀七十七。

旦發漁浦潭詩

漁類聚作魚。潭霧未類聚作已。開。赤亭風已類聚作未。颺。權歌發中流。鳴鞞響沓障。詩紀云。一作嶂。類聚作嶂。六臣

本文選注云。五臣作嶂。村童忽相聚。野老時一望。詭怪石異象。嶄類聚作苑。絕峯殊狀。森森荒樹齊。析析類聚作浙浙。寒沙漲。藤垂島易類聚作異。陟。崖傾嶼難傍。信是永幽棲。豈徒暫清曠。坐嘯昔有委。卧治今可尚。○文選二十七。文苑英華百六十三。詩紀七十七。又類聚九引巖、嶂、望、狀、漲、傍六韻。

夜發密巖口詩

弭棹纔假寐。擊汰已爭先。敞朗朝霞澈。驚明曉魄懸。萬尋仰危石。百丈窺重泉。叢枝上點點。崩溜下填填。○類聚六。詩紀七十七。

敬酬柳僕射征怨詩

清歌自言妍。雅舞空僊僊。耳中解明月。頭上落金鈿。雀飛且近遠。暮人綺窗前。魚戲雖南北。終還荷葉邊。惟見君行久。新年非故年。○玉臺新詠五。詩紀七十七。

答徐侍中爲人贈婦詩

丈夫吐然諾。受命本遺家。糟糠且棄置。蓬首亂如麻。側聞洛陽客。金蓋翼高車。謁帝時來下。光景不可奢。幽房一洞啓。二八盡芳華。玉臺作芬。羅裙玉臺作裾。有長短。翠鬢無低斜。長眉橫玉臉。皓腕卷輕紗。俱看依井蝶。共取落簷花。何言征戍苦。抱膝空咨嗟。○玉臺新詠五。詩紀七十七。

贈何郎詩詩紀云。何遜答丘長史詩見本集。

向夕秋風起。野馬雜塵埃。憂至猶如繞。詎是故人來。檐際落黃葉。堦前網綠苔。遙情不入酒。望美信難哉。○何水部集二。詩紀七十七。

題琴朴永嘉縣志作材。詩紀云。一作材。奉柳吳興詩

邊山此嘉樹。搖影出雲垂。清心有素體。直榦無曲枝。凡耳非所別。君子特見知。不辭去根本。造膝仰光儀。○類聚四十四。永嘉縣志二作寄柳文暢詩。詩紀七十七。

芳樹詩

芳葉已漠漠。文苑作復莫莫。注云。一作漠漠。嘉實詩紀作賓。誤。復離離。發景傍雲屋。凝暉覆華池。輕蜂掇浮穎。弱鳥隱深枝。一朝容色茂。千春長不移。○類聚四十二。文苑英華二百八。樂府詩集十七。詩紀七十七。

望雪詩

氛氳發紫漢。雜沓被朱城。倏忽銀臺構。俄頃玉樹生。綿綿九軌合。昭昭四區明。○類聚二。詩紀七十七。

玉堦春草詩

發溜始參差。扶堦方沃若。雜葉半藏蜻。叢花未隱雀。葳蕤亂碧紫。蒼黃間濃薄。○類聚八十一。詩紀七十七。

虞羲

羲。字子陽。會稽人。齊始安王引爲侍郎。尋兼建安征虜府主簿功曹。又兼記室參軍事。天監中卒。有集九卷。隋志云。齊前軍參軍虞羲集九卷。

巫山高

南國多奇山。荆巫獨靈異。雲雨麗以佳。陽臺千里思。勿言可再得。特美君王意。高唐一斷絕。光陰不可遲。○文苑英華二百一。樂府詩集十七。詩紀九十一。

自君之出矣

自君之出矣。楊柳正依依。君去無消息。唯見黃鶴飛。關山多險阻。士馬少光輝。流年無止極。君去何時歸。○樂府詩集六十九。詩紀九十一。

敬贈蕭諮議詩十章○以下四言。

璇源派水。玉樹分柯。投殷于宋。佐漢而鄴。九疇攸敘。一畫載調。象賢弈葉。袞服逶迤。自茲以降。朝端國右。鳴玉在腰。納言加首。有鍾有石。無凋無朽。令問令望。如瓊如玖。相門出相。德門有德。弱冠登朝。淑問玄塞。弱冠伊何。有典有則。淑問伊何。自南自北。五芝秀草。八桂嘉樹。五馬騁塗。八龍遊霧。彼令兄弟。方之有裕。並列大夫。登高而賦。受言載筆。遂典羣流。天祿不校。白獸未雉。申轅風雅。鄒郟春秋。彝文不斲。職此之由。帝念師旅。詔參帷幕。對曰戎車。未之先學。歸陳俎豆。拂衣行樂。容止可觀。卷舒可度。千乘之后。好道軾間。開府之日。有弓有輿。久勤引領。獨下辟書。鳴笳啓路。託乘後車。枚叟上書。吳王弗納。夫君正諫。直道難合。有伐問仁。陽狂不答。乃蒙矢刃。永離噂噉。退食自公。多歷年所。思歸養素。豫聞斯語。終日下帷。情非待舉。如蓬如惠。此出此處。吾人下走。國士見知。同遊宛洛。並泛漣漪。輕蘿易動。遂別芳枝。蹈之不足。託此差池。○文館詞林百五十八作南齊虞羲。

贈何錄事諝之詩十章

歷歷斗維。王畿所止。滔滔瀟漢。天步之紀。金耀圓圖。玉澈方汜。蕙靈擢秀。載篤君子。

於穆君子。左角佩鱗。從羣竹騎。取儔遊兒。昂昂千里。宛宛長離。同規同矩。異雄守雌。早棄幼志。夙耽強學。唯道是修。何土不樂。將英竹箭。聊遊稽岳。容止可觀。進退可度。有德有行。如珪如璋。樂山樂水。令問令望。辭家觀國。爲龍爲光。唯兄唯弟。元方季方。漢北張生。洛陽賈子。秩宗是佐。淑問不已。僉曰允諧。肅恭帝祉。於斯爲盛。齊稱得士。中槐如宿。上閣如雲。握蘭正典。執筆司文。方瑜等潤。比桂爭芬。能照時宰。績著人君。帝子南牧。孔殷是撫。白水悠悠。青原廡廡。賁之束帛。不日來取。如馬如枚。長裾上府。咨余下走。中田穫菽。迺裹糗糧。遂去鄉塾。既曰觀止。朝遊夕宿。如佩萱蘭。久知芬馥。共化之選。古謂惟良。能柔下邑。必惠上邦。大君有命。朱褱繡裳。方同汲子。重卧淮陽。

嘉命顯承。方駕蘭汜。如彼飛鴻。搏風千里。極目亭臯。勞心無已。蘇歌有慰。逖聽傾耳。○文館詞林百五十八作南齊虞羲。

送友人上湘詩以下五言。

濡足送征人。褰裳臨水路。共盈一樽酒。對之愁日暮。漢廣雖容舫。風悲未可渡。佳期難再得。但願論心故。沅水日生波。芳洲行墜露。共知丘壑改。同無金石固。○類聚二十九。詩紀九十一。

詠霍將軍北伐詩

擁旄爲漢將。汗馬出長城。長城地勢險。萬里與雲平。涼六臣本文選注云。五臣作窮。秋八九月。虜騎入幽并。

飛狐白日晚。瀚海愁雲。李善本文選作陰。六臣本注云。善作陰字。按注李本原作陰雲。陰與愁異文。今本皆誤。生。羽書時斷。絕。刁斗晝夜驚。乘墉揮寶劍。蔽日引高旂。類聚作旌。雲屯七萃士。魚麗六郡兵。胡笳關下思。羌笛隴頭鳴。骨都先自聾。日逐次亡精。玉門罷斥埃。文選作候。甲第始修營。位登萬庾積。功立百行成。天長地自久。人道有虧盈。未窮激楚樂。已見高臺傾。當令麟閣上。千載有雄名。○文選二十一。類聚五十九作霍將軍北伐詩。詩紀九十一。

數名詩

一去濠水陽。連翩遠爲客。二毛颯已垂。家貧無所擇。三徑日荒疏。徭詩紀作遙。人心不懌。四豪不降意。何事黃金百。五日來歸者。朱輪竟長陌。六郡輕薄兒。追隨窮日夕。七發動音容。賓從紛奕奕。八表服英嚴。光光滿墳籍。九流意何以。守玄遂成白。十載職不移。來歸落松柏。○類聚五十六。詩紀九十一。

見江邊竹詩

挺此貞堅性。來樹朝夕池。秋波漱下趾。冬雪封上枝。葳蕤防曉露。葱蒨集羈雌。含風自颯颯。負雪亦猗猗。金明無異狀。玉洞良在斯。但恨非嶰谷。伶倫未見知。○類聚八十九。詩紀九十一。

春郊詩

光風轉蕙暉。香霧鬱蘭津。暄遲蝶弄醜。景麗鳥和春。樵歌喧初學記作風。壟暮。漁棹亂江晨。山中芳杜若。依依獨思人。○初學記三。詩紀九十一。

詠秋月詩

影麗高臺端。光人長門殿。初生似玉鈎。裁滿如團扇。泛濫浮陰來。金波時不見。儻遇賞心者。照之西園宴。○類聚一。詩紀九十一。

橘詩

衝鷗發隴首。朔雪度炎洲。摧折江南桂。離披漠北楸。獨有凌霜橘。榮麗在中州。從來自有節。歲暮將何憂。○類聚八十六作齊虞羲。詩紀九十一。

望雪詩

歲杪雲晝昏。玄池冰夜結。遠風金河起。吹我玉山雪。○類聚二。詩紀九十一。

送別詩

唯有一字書。寄之南飛雁。○文選三十一雜體詩注。

虞騫

騫。會稽人。工爲五言。官至王國侍郎。

登鍾山下峯望詩

冠者五六人。攜手巖之際。散意百仞端。極目千里睇。疊岫乍昏明。文苑作明昏。注云。一作昏明。浮文苑作高。注云。一作浮。雲時卷閉。類聚作閑。古通。遙看野樹短。遠望樵文苑作行。注云。一作樵。人細。○類聚七。文苑英華百五十九。詩紀九十一。

遊潮山悲古塚詩

長林帶朝夕。詩紀云。一作霧。孤嶺枕江村。疏松含白水。密篠滿平原。荒墳改凍葉。低壠變年根。西光長灑落。促爾膝前尊。○初學記十四。文苑英華三百六。詩紀九十一。

尋沈剡夕至嵯亭詩

命楫尋嘉會。信次歷山原。捫天上雲紉。舉詩紀云。一作舉。石下雷奔。澄潭寫度鳥。空嶺應鳴猿。榜歌唱將夕。商子處方昏。○類聚二十七。詩紀九十一。

視月詩

清夜未云疲。珠玉臺作細。文苑同。簾聊可發。泠泠玉臺作玲玲。玉潭水。文苑作泠泠玉殿外。映見蛾眉月。靡靡露方垂。暉暉玉臺作輝輝。光稍沒。佳人復千里。餘影徒揮忽。○玉臺新詠五作何子朗和繆郎視月。類聚一。文苑英華百五十二。詩紀九十一。

擬雨詩

詩紀云。詩彙作劉孝威者非。

清風送涼氣。薄暮蕩炎氛。虹照漣漪水。電出嵯峨雲。落暉散長足。細雨織斜文。○類聚二。文苑英華百五十三。詩紀九十一。



梁詩卷六

沈約

約。字休文。吳興武康人。仕宋。歷征西記室參軍、尚書度支郎。入齊。爲太子家令。歷尚書左丞、吏部郎、東陽太守、五兵尚書。梁武受禪。除僕射、尚書令。封建昌縣侯。天監十二年卒。年七十三。諡曰隱。有諡法十卷、四聲一卷、晉書一百十卷、宋書一百卷、齊紀二十卷、宋世文章志三十卷、俗說五卷、集鈔十卷、集一百一卷。

樂府

日出東南隅行以下五言。

朝日出邯鄲。照我叢臺端。中有傾城類聚作國。廣文選同。豔。顧景類聚作影。文苑、廣文選同。織羅紈。延軀似織約。遺視若回瀾。瑤裝映層綺。金服炫彫樂。幸有同文苑作周。匡好。西仕服秦官。寶劍垂玉貝。文苑作具。汗馬飾金鞍。綈場類轉雪。逸控寫樂府作似。廣文選同。詩紀云。一作似。騰鸞。羅衣文苑作襟。夕解帶。玉釵暮垂冠。○文苑英華百九十三。樂府詩集二十八。廣文選十。詩紀七十二。又類聚四十一引端、紈、官、鞍、鸞、冠六韻。

昭君辭

朝發披香殿。夕濟汾陰河。於茲懷九逝。類聚作折。文苑、樂府同。自此斂雙蛾。沾妝疑類聚作如。文苑同。又注。一作疑。淇露。繞臆類聚作臉。文苑同。又注。一作臆。狀流波。日見奔沙起。稍覺轉蓬多。胡風犯肌骨。非直傷綺羅。銜涕試南望。關山鬱嵯峨。始作陽文苑作傷。春曲。終成苦寒歌。惟有三五夜。明月暫經過。○玉臺新詠七。類聚四十二。文苑英華二百四作昭君怨。樂府詩集二十九作明君詞。詩紀七十二。

長歌行

連連舟樂府作無。注云。一作無。壑改。微微市朝變。來功嗣往迹。莫武徂升彥。局塗頓遠策。留懽恨類聚作限。樂府、廣文選同。奔箭。拊戚狀驚瀾。循休擬回電。歲去芳廣文選作方。願違。年來苦心薦。春貌既移紅。秋林豈停菑。一倍茂陵道。寧思柏梁宴。長戢兔園情。永別金華殿。聲徽無惑簡。丹青有餘綯。幽籥且未調。無使長歌倦。○樂府詩集三十。廣文選十四。詩紀七十二。又四十二引變、箭、菑、宴、殿五韻。

同前

春隰萸綠柳。寒墀積皓雪。依依往紀盈。霏霏來思結。思結纏歲晏。詩紀誤作宴。曾是掩初節。初節曾不掩。浮榮逐弦缺。弦缺更圓樂府作圓。合。浮樂府作君。注云。一作浮。榮永沈滅。色隨夏蓮變。態文苑作鬢。樂府作能。與秋

霜蠶。道迫無異期。賢愚有同絕。銜恨豈云忘。文苑作亡。天道無甄別。功名識所職。竹帛尋摧裂。生外苟難尋。坐廣文選作吐。爲長歎設。文苑作說。○文苑英華二百三作鮑明遠。注云。一作沈約。樂府詩集三十。廣文選十四。詩紀七十二。

君子行

良御惑燕楚。妙察亂澠淄。隄傾由漏壤。垣隙自危基。囂途或妄踐。黨議勿輕持。○類聚四十一。樂府詩集三十二。詩紀七十二。

從軍行

惜哉征夫子。憂恨良獨多。浮天出鯁海。束馬渡交河。雪樂府作雲。縈九折嶝。風卷萬里波。維舟無夕島。秣驥乏平文苑作年。莎。凌濤富驚沫。援木詩紀作末。闕垂蘿。江颺鳴疊詩紀作壘。嶼。流雲照層阿。玄埃晦朔馬。白日照吳戈。寢興動樂府作流。征怨。寤寐起還歌。晨裝豈輟警。文苑作驚。樂府同。夕壘詎淹和。苦哉遠征人。悲矣將如何。○文苑英華百九十九。樂府詩集三十二。詩紀七十二。

豫章行

燕陵類聚作陸。文苑同。又注。一作陵。平而遠。易河清且駛。一見塵波阻。臨途引征思。雙劍愛匣同。孤鸞悲影異。宴言誠易纂。清文苑作浩。歌信難嗣。卧聞夕鐘急。坐閱朝光亟。往歡墜壯心。來戚滿衰文苑作哀。志。殂

文苑作徂。注云。一作殂。芳無再馥。淪灰定還熾。夏臺尚可忘。榮辱亦奚事。愧微曠士節。徒感鄙生餌。勞哉納辰和。地遠託聲寄。○文苑英華二百一。樂府詩集三十四。詩紀七十二。又類聚四十一引賦、思、異、志四韵。

相逢狹路間

相逢洛陽道。繫聲流水車。路逢輕薄子。竚立問君家。君家誠易知。易知復易憶。龍馬滿街衢。飛蓋交門側。大子萬戶侯。中子飛而食。小子始從官。朝夕溫省直。三子俱入門。赫奕多羽翼。若若青組紆。煙煙金鑄色。大婦繞梁歌。中婦迴文織。小婦獨無事。閉門聊且卽。綠綺試一彈。玄鶴方鼓翼。○樂府詩集三十四。詩紀七十二。

長安有狹斜行

青槐金陵陌。丹轂貴遊士。方駿萬乘巨。炫服千金子。咸陽不足稱。臨淄孰能擬。○類聚四十一。樂府詩集三十五。詩紀七十二。

二婦豔

大婦拂玉匣。玉臺作掃玉墀。樂府同。中婦結羅玉臺作珠。帷。小婦獨無事。對鏡畫樂府作理。蛾眉。良人且安卧。夜長方自私。○玉臺新詠五。樂府詩集三十五。詩紀七十二。

江離生幽渚

澤蘭被荒徑。孤芳豈自通。幸逢瑤池曠。得與金芝叢。朝承紫臺露。夕潤綠樂府作淥。池風。既美脩嫫女。復悅類聚誤作悅。繁華童。夙昔玉霜滿。且暮翠條空。葉飄儲胥右。廣文選作古。芳歇露寒東。紀化尚盈昃。俗志信積隆。財殫交易絕。華落愛類聚作色。難終。所惜改驩眄。豈恨逐征蓬。願回類聚作所願。昭樂府作朝。陽景。持樂府作時。廣文選同。詩紀云。一作時。照長門宮。○樂府詩集三十五。廣文選十四。詩紀七十二。又類聚四十一作塘上行。引通、叢、童、空、終、宮六韻。

却東西門行

驅馬城西類聚作西城。阿。遙類聚作迴。眺望京闕。望極煙原盡。地遠山河沒。搖裝非短晨。還歌豈明發。脩服悵邊羈。瞻途眇鄉謁。馳蓋轉徂龍。回星引奔月。樂去哀鏡疑作境。滿。悲來壯心歇。歲華委徂貌。類聚作邈。年霜移暮髮。辰物久侵晏。詩紀云。一作尋。征思坐淪越。清氛掩行夢。憂原盪瀛渤。一念起關山。千里顧丘窟。○樂府詩集三十七。詩紀七十二。又類聚四十一作都東西門行。引關、沒、髮三韻。

飲馬長城窟

介馬渡龍堆。塗繁馬屢迴。前訪昌海驛。雜種寇輪臺。旌幕卷煙雨。徒御犯冰埃。○類聚四十一。樂府詩集三十

八。詩紀七十二。

擬青青河畔草

漠漠牀上塵。心中玉臺作中心。憶故人。故人不可憶。中夜長歎息。歎息想容儀。不言玉臺作欲。長別離。別離稍已久。空牀寄杯酒。樂府作酒杯。○玉臺新詠五作擬青青河邊草。文苑英華二百八。樂府詩集三十八。詩紀七十二。

梁甫吟

龍駕有馳策。日御不類聚作無。詩紀同。文苑云。一作無。停陰。星籥亟迴變。氣化坐盈侵。寒光文苑作花。稍眇眇。文苑作耿耿。秋塞類聚作海。文苑同。又注。一作塞。詩紀云。一作色。日沈沈。高窗仄文苑云。一作灰。餘火。火。大火。心星也。傾河駕騰參。颺風折暮草。驚籟樂府、廣文選作竿。文苑、詩紀並云。一作竿。貫層林。時雲詩紀云。集作雨。靄空遠。淵水文苑作年冰。注云。一作淵水。結清深。奔樞豈易組。文苑作組。珠文苑作殊。庭不可臨。懷仁每多意。履順孰能禁。露清一唯促。文苑作惟足。緩志且移心。哀樂府作京。歌步梁甫。歎絕有遺音。類聚、文苑作吟。○文苑英華二百七。樂府詩集四十一。廣文選十四。詩紀七十二。又類聚四十一引陰、沉、吟三韻。

君子有所思行

晨策終南首。顧望咸陽川。戚里遡層闕。甲館負文苑作連。注云。一作負。崇軒。文苑作阡。複塗希紫文苑作桀。注云。

一作紫閣。重類聚作高。臺擬望仙。巴姬幽蘭奏。鄭女陽春絃。共矜紅顏日。俱文苑云。一作但。忘白髮年。寂寥文苑作寞。茂陵宅。照文苑作炫。注云。一作照。曜未央蟬。無以五鼎盛。顧嗤三經文苑作徑。玄。○類聚四十一。文苑英華二百二。樂府詩集六十一。廣文選十四。詩紀七十二。

白馬篇

白馬紫金鞍。停鑣過上蘭。寄言狹斜子。詎知隴道難。赤坂途三折。龍堆路九盤。類聚作蟠。冰類聚誤作水。生肌裏冷。風起骨中寒。功名志所急。日暮不遑飡。長驅文苑作馳。注云。一作驅。入右地。輕舉出樓蘭。直去已垂涕。寧可望長安。匪期定遠封。無羨輕車官。唯見恩義重。豈覺衣裳單。本持驅命答。類聚作苦。幸遇身名完。○文苑英華二百九。樂府詩集六十三。廣文選十四。詩紀七十二。又類聚四十二引蘭、蟠、寒、單、完五韻。

齊謳行

東秦稱右地。川隰固夷昶。層峯駕蒼雲。濁河流素壤。青丘良杳鬱。雪類聚字缺。宮信疏散。王佐改殷命。霸功繆周網。○類聚四十一。樂府詩集六十四。詩紀七十二。

前緩聲歌

羽人廣宵宴。帳集瑤池東。開霞泛彩靄。澄霧迎香風。龍駕出黃苑。帝服起河宮。九疑輔煙雨。三山馭螭

鴻。玉鑿乃排月。瑤鞍信凌空。神行獨玄漠。帝飾委曾虹。簫歌美樂府作笑。廣文選作妙。嬴女。笙吹悅姬童。瓊漿且未洽。羽轡已騰空。息鳳曾城曲。滅景清都中。隆樂府作降。廣文選同。祐集皇代。委祚溢華嵩。○樂府詩集六十五。廣文選十四。詩紀七十二。

芳樹

以下二首附謝朓集。題云。同沈右率諸公賦鼓吹曲名。

發萼九華隈。開附寒露樂府作路。謝集作露寒。類聚同。文苑作塞路。注云。一作露塞。側。氤氳非一香。參差多異色。宿類聚作夙。昔寒飈舉。摧殘不可識。霜雪交橫至。對之長歎息。○謝宣城詩集二。類聚四十二。文苑英華二百八。樂府詩集十七。詩紀七十二。

臨高臺

高臺不可望。類聚作望遠。望遠謝集作遠望。使人愁。連山無斷絕。河水復悠悠。所思竟何在。洛陽南陌頭。可望不可見。何用解人憂。○謝宣城詩集二。類聚四十二作臨高臺行。文苑英華二百十。樂府詩集十八。文選補遺三十四。詩紀七十二。

洛陽道

洛陽大道中。佳麗實無比。燕裙傍日開。趙帶隨風靡。領上蒲萄樂府作桃。繡。腰中合歡綺。佳人殊未來。薄

暮空徙倚。○樂府詩集二十三。詩紀七十二。

江南曲

權文苑作棹。歌發江潭。采蓮渡。文苑作度。湘南。宜詩紀云。一作莫。須閒隱處。舟浦予。文苑作余。自諳。羅衣織成帶。墮文苑作墜。馬碧玉簪。詩紀作簪。但文苑作且。令舟文苑作州。楫渡。寧計路。嶄樂府作嵌。嵌。文苑作峩峩。注云。一作嶄嵌。○文苑英華二百一。樂府詩集二十六。詩紀七十二。

東武吟行

天德深且曠。人世賤而浮。東枝纔。類聚作裁。樂府同。拂景。西壑已停輶。逝。類聚作遊。辭金門寵。去飲玉池流。霄。類聚作宵。轡。一類聚字缺。永矣。俗累從此休。○類聚四十一。樂府詩集四十一。詩紀七十二。

怨歌行

時屯寧易犯。俗險信難羣。坎壇元淑賦。頓挫敬通文。遽淪。類聚作論。班姬寵。夙寔賈生墳。短俗同如此。長歎何足。類聚作欲何。云。○類聚四十一。樂府詩集四十二。詩紀七十二。

悲哉行

旅遊媚年春。年春媚遊人。徐光旦垂彩。和露曉凝津。時嚶起稚葉。蕙氣動初蘋。一朝阻舊國。萬里隔良

辰。○類聚四十一。樂府詩集六十二。詩紀七十二。

攜手曲

捨轡下雕輅。更衣奉玉牀。斜樂府作聯。簪映秋水。開鏡比春妝。所畏紅顏促。君恩不可長。鵝玉臺作雞。冠且容裔。豈吝桂枝亡。○玉臺新詠五。樂府詩集七十六。詩紀七十二。

有所思

西征登隴首。東望不見家。關樹抽玉臺作榴。紫葉塞草發青芽。玉臺作牙。樂府同。昆明當欲滿。蒲萄應作花。流樂府作垂。淚對漢使。因書寄狹邪。○玉臺新詠五。樂府詩集十七。詩紀七十二。

夜夜曲

河漢縱類聚作蹤。且類聚、樂府作復。橫。北斗橫復直。星漢空如此。寧知心有類聚作所。憶。孤燈暖不明。寒機曉猶類聚作猶更。織。零淚類聚作涕。向誰道。鷄鳴徒歎息。○玉臺新詠五。類聚四十二。樂府詩集七十六。詩紀七十二。

夜夜曲

北斗闌干去。夜夜心獨傷。月輝橫射枕。燈光半隱牀。○玉臺新詠十作梁簡文帝。樂府詩集七十六。詩紀七十二。○遠

按。玉臺七已有梁簡文帝沈夜夜曲一首。此篇作沈詩爲是。

釣竿

桂舟既容與。綠浦復回紆。輕絲動弱芰。微楫起單鳧。扣舷忘日暮。卒歲以爲娛。○類聚四十一作釣竿行。樂府詩集十八。詩紀七十二。

臨碣石

碣石送返潮。登罍禮朝日。溟漲無端倪。山島互詩紀作玄。崇嶂。驥老心未窮。酬恩豈終畢。○樂府詩集五十五。詩紀七十二。

湘夫人

瀟湘風已息。沅澧復安流。揚蛾一含睇。媿娟好且修。捐玦置澧浦。解珮寄中洲。○樂府詩集五十七。詩紀七十二。

貞女引

貞女樂府作心。信無矯。傍鄰也見疑。輕生本非惜。賤軀良足悲。傳芳託嘉樹。弦歌寄好詞。○樂府詩集五十八。

詩紀七十二。

襄陽蹋銅蹄歌三首

分手玉臺作首。桃林文苑作李。岸。類聚作崖。送類聚作望。文苑、樂府同。別峴山頭。若欲寄音文苑作書。信。玉臺作息。漢水向東流。○玉臺新詠十作襄陽白銅蹄。類聚四十三作襄陽白銅鞮歌。文苑英華二百一作白銅鞮歌。樂府詩集四十八。詩紀七十二。生長宛水上。從事文苑作往官。注云。一作從事。襄陽城。一朝遇神武。奮翼起先鳴。○文苑英華二百一。樂府詩集四十八。詩紀七十二。

蹀鞞文苑作蹀控。注云。一作蹀鞞。飛塵起。左右自生光。男兒得富貴。何必在歸文苑作還故。鄉。○同上

永明樂

聯翩貴遊子。侈靡千金客。華轂起飛塵。珠履竟長陌。○樂府詩集七十五。詩紀七十二。

江南弄四首以下雜言。

趙瑟曲詩紀云。文苑英華作元帝。今從樂府作沈約。

邯鄲奇弄出文梓。繁絃急調切流徵。玄文苑作璽。鶴徘徊白雲起。白雲起。鬱披文苑作枝。注云。樂府作皮。香。離復合。曲未央。○文苑英華三百三十五。樂府詩集五十。詩紀七十二。

秦箏曲

羅袖飄纒拂雕桐。促柱高張散輕宮。迎歌度舞遏歸風。遏歸風。止流月。壽萬春。歡無歇。○文苑英華三百三十五作梁元帝趙瑟。樂府詩集五十。詩紀七十二。

陽春曲

楊柳垂類聚作至。地燕差池。絨情忍思落容儀。弦傷曲怨心自知。心自知。人不見。動羅裙。拂珠殿。○類聚四十二作江南行陽春曲。樂府詩集五十。詩紀七十二。

朝雲曲

陽臺氤類聚作氛。氤多異色。巫山高高上無極。雲來雲類聚作雨。去常不息。常不息。夢來遊。極類聚作經。萬世。度千秋。○類聚四十二。樂府詩集五十。詩紀七十二。

樂未央

億舜日。萬堯年。詠湛露。歌採蓮。願雜百和氣。宛轉金鑪前。○文苑英華百九十三作張正見神仙篇。樂府詩集七十四。詩紀七十二。

四時白紵歌五首七言

古今樂錄曰。沈約云。白紵五章。敕臣約造。武帝造後兩句。

春白紵

蘭葉參差桃半紅。飛芳舞縠戲春風。如嬌如怨狀不同。含笑流眄類聚作盼。滿堂中。翡翠羣飛飛不息。願在雲間長比翼。佩服瑤類聚作葦。草駐容色。舜日堯年歡無極。○類聚四十三。樂府詩集五十六。詩紀七十二。又玉臺新詠九作春日白紵曲。引紅、風、息、翼四韻。

夏白紵詩紀云。文苑英華作梁武帝。今從樂府作沈約。

朱光灼爍照佳人。含情送文苑作遠。注云。一作送。意遙相親。嫣然一樂府作宛。文苑云。一作婉。詩紀云。一作宛。轉亂心神。非子之故欲誰因。翡翠羣飛飛不息。願在雲間長比翼。佩服瑤草駐容色。舜日堯年歡無極。○樂府詩集五十六。詩紀七十二。又類聚四十三引人、親、神、因四韻。文苑英華百九十三作梁武帝白紵歌。引人、親、神、因四韻。

秋白紵

白露欲凝草已黃。金管玉臺作瑄。類聚同。玉柱響洞房。雙心一影樂府、詩紀作意。俱回樂府作徊。詩紀同。翔。吐情寄

君君莫忘。翡翠羣飛飛不息。願在雲間長比翼。佩服瑤草駐容色。舜日堯年歡無極。○樂府詩集五十六。詩紀七十二。又玉臺新詠九作秋日白紵曲。引黃、房、翔、忘四韻。類聚四十三引黃、房、翔、忘四韻。

冬白紵

寒閨晝密樂府作寢。羅幌垂。婉容麗色心樂府作心長。相知。雙去雙還誓不移。長袖拂面爲君施。翡翠羣飛飛不息。願在雲間長比翼。佩服瑤草駐容色。舜日堯年歡無極。○樂府詩集五十六。詩紀七十二。又類聚四十三引垂、知、移、施四韻。

夜白紵

秦箏齊瑟燕趙女。一朝得意心相許。明月如規方襲予。夜長未央歌白紵。翡翠羣飛飛不息。願在雲間長比翼。佩服瑤草駐容色。舜日堯年歡無極。○樂府詩集五十六。詩紀七十二。

團扇歌二首

青青林中竹。可作白團扇。動搖玉郎手。因風訪方便。○合璧事類外集六十。

團扇復團扇。持許自障面。憔悴無復理。羞與郎相見。○同上○遠按。玉臺新詠此乃桃葉歌。合璧事類或別有所據。列此俟考。

詩

侍皇太子釋奠宴詩以下四言。

尊學尚矣。道亦遐哉。啓圖觀祕。闢苑興才。事高東序。義邁雲臺。峨峨德傅。灼灼英台。復禮曲臺。反樂宣榭。闕文內舉。輜軒外駕。結朋千里。從師百舍。墜類聚作隊。典必修。闕祀咸薦。迴鸞獻爵。擬金委奠。肆士辨儀。胥人掌縣。髣髴神蹤。初學記作從。徘徊靈睭。○類聚三十八引榭、駕、舍、薦、奠、縣、睭七韻。初學記十四引哉、才、臺、台、薦、奠、縣、睭八韻。詩紀七十三。

贈沈錄事江水曹二大使詩五章○東陽郡時。

伊我洪族。源濬流長。奕奕清濟。代有蘭芳。允茲二秀。挺幹朝陽。于彼原隰。徽命是將。受言帝庭。觀風上牧。逸翰雙舉。爲腓爲服。遍軌甌吳。縈塗海陸。岌岌貂冕。鱗鱗華轂。帝格文祖。握瑞持衡。慶踰高邑。兆屬大橫。王道無外。乾路昭亨。近臣展事。上介倅行。微微下國。川紆路阻。藹藹王人。匪遑寧處。巡儀既暢。私宴亦敘。置酒式歌。披衿寤語。戒途在日。復路迴舟。霜結暮草。風卷寒流。情勞東眷。望泫西浮。崇君遠業。敬爾芳猷。○文館詞林百五十八。

贈劉南郡季連詩 六章○東陽郡時。

鴻漢景德。盛楚連微。灼灼中壘。人奧知微。殊源別派。復屬清輝。伊我蘭執。升堂啓扉。宴遊忽永。心期靡悔。代歷四朝。年踰十載。朋居繾綣。余違爾海。豈獨秋蘭。結言爲珮。事有離會。心未江湖。昔分湘濟。今別荆吳。安得理翰。同飛故都。情勞伊爾。念切紛吾。追念生平。歡友非一。飄零斯五。披林者七。方駕清衢。置酒蘭室。離役代有。興言涕溢。山邦務寡。陝輔任隆。才否雖異。勞逸不同。幽巖何有。丹桂爲叢。結枝以贈。寄之飛鴻。峨峨令藩。騰芳戚右。緝茲江漢。實寄僚首。在德易充。爲名難朽。願言可獲。歲暮攜手。○文館詞林百五十八。

爲南郡王侍皇太子釋奠宴詩二首

陵季相沿。訓隨世殆。政缺雅乖。風漓化改。禮亡衽席。樂沈河海。三雍靡構。四教誰采。瞻震並峻。義屬重麗。橫書清道。晦彼生知。○類聚三十八。詩紀七十三。

義重師匡。業貴虛受。襄野順風。西河杜帚。表跡虧光。降情迴首。道御百靈。神行萬有。尊學尚矣。繼列傳徽。旗章或舛。茲道莫違。自堂及室。異軫同歸。洋洋聖範。楚楚儒衣。○初學記十四。詩紀七十三。○逮按。類聚、初學記所引殆爲一篇之佚文。詩紀編爲兩首。今姑照錄。

三日侍鳳光殿曲水宴應制詩

光遲蕙畝。類聚作敏。氣婉椒臺。皇心愛矣。帝曰遊哉。玉類聚作王。鸞初學記作鑾。徐鶩。初學記作警。詩紀云。一作警。
歲時雜詠作御警。翠鳳輕迴。別殿廣臨。離宮洞啓。川祇類聚作祇。初學記、歲時雜詠同。奉壽。河宗相禮。清洛漸筵。
長伊流陸。洄盪嘉羞。搖漾芳醴。輕歌易繞。弱舞難持。素雲留管。玄鶴歲時雜詠作鶴。停絲。引思爲歲。歲亦
陽止。叨服賁身。身亦昌止。徒勤丹漆。終愧文梓。○類聚四、初學記四、古今歲時雜詠十六俱作三日侍鳳光殿曲水宴詩。
廣文選八作侍曲水宴詩。詩紀七十三。

爲臨川王九日侍太子宴詩

涼風北起。高鴈南翻。葉浮楚水。草折梁園。淒涼霜野。惆悵晨鷗。雲輕寒樹。日麗秋原。三金廣設。六羽
高陳。寒英始獻。涼酎初醇。靡靡神襟。鏘鏘羣彥。思媚儲猷。洽和奉宴。恩暢蘭席。歡同桂殿。景遽樂推。
臨風以眷。麗景天枝。位非德舉。任伍辰階。祚均河楚。負嶽未勝。瞻雲難侶。望古興惕。心焉載佇。○類聚
四。廣文選八作太子九日宴詩。詩紀七十三。

九日侍宴樂遊苑詩

憑玉宅海。端宸御天。止流飛壑。靜震騰川。凝神貫詩紀云。一作賁。極。擿道漏泉。西裘委衽。南風在絃。暮芝

始綠。年桂初丹。上林葉下。滄池水寒。霜霑玉樹。鴈動輕瀾。停蹕玉陛。徒衛璿墀。瑤箱鳳綵。羽蓋鸞姿。虹旌迢遞。翠華葳蕤。禮弘灑泐。義高洛湄。○類聚四。廣文選八作侍宴樂遊苑詩。詩紀七十三。

從齊武帝瑯琊城講武應詔詩以下五言。

九功播桃文苑作桃。七德陳武懸。展事昌國圖。息兵由重戰。皇情咨閱典。出車迨辰選。飾徒映寒隰。翻綏臨廣甸。颯杳佩吳戈。參差腰夏箭。風旆舒復卷。雲霞文苑云一作霞。按當作霞。清似轉。輕舞信徘徊。前歌且遙衍。秋原嘶代文苑作戈。馬。朱光浮楚練。虹壑寫飛文。巖阿藻餘絢。發震岳靈從。揚旌水華變。憑高訓武則。中天起遐眷。鳳蓋捲洪河。珠旗掃詩紀云集作拂。長汧。方待翠華舉。遠適瑤池宴。○文苑英華二百九十九。詩紀七十三。

三日侍林光殿曲水宴應制詩

宴鎬鏘玉鑾。遊汾舉仙輶。歲時雜詠作軟。文苑同。榮光泛初學記作沉。彩旄。脩風動芝蓋。淑氣婉登晨。天行聳雲旆。帳殿臨春籞。帷宮繞芳薈。歲時雜詠作會。漸席周羽觴。分墀引迴瀨。穆穆玄化歲時雜詠作花。升。類聚作寶化昇。濟濟皇階類聚作陸。文苑作家。泰。將御遺風軫。遠侍瑤臺會。○類聚四作侍林光殿曲水宴詩。初學記四作林光殿曲水宴詩。古今歲時雜詠十六作三日林光殿曲水宴。文苑英華百七十二作三日侍林光殿曲水詩。詩紀七十三。

侍宴樂遊苑餞呂僧珍應詔詩

丹浦非樂戰。負重切君臨。我皇秉類聚作蘊。文苑同。至德。忘文苑作恭。注云。一作忘。己用堯心。愍茲區宇內。魚鳥失飛沈。推御覽作持。穀二嶠道。李善本文選作咀。揚旆九河陰。超乘盡三屬。選士皆百金。戎車類聚作主。出細柳。餞席遵類聚作樽。詩紀云。一作樽。上林。命文苑作興。師誅後服。授律緩前禽。函轅文苑作函轅。方解帶。曉文苑作曉。武稍披文苑作已披。襟。伐罪芒山曲。弔民伊水潯。將陪告成禮。待此未抽簪。○文選二十。類聚二十九。文苑英華百六十九。詩紀七十三。又御覽七百七十六作餞呂僧珍詩。引陰一韵。

正陽堂宴勞凱旋詩

凱人同高宴。飲至均多祐。昔往歌采薇。今來歡杖杜。善戰惟我皇。勝之不窺戶。推轂授神謨。餘壯終能賈。浩蕩金疊溢。周流玉觴傳。○類聚五十九。詩紀七十三。

游鍾山詩應西陽王教五章

靈山紀文苑作標。注云。文選作記。地德。地文苑作陰。險六臣本文選作峭險。注云。李善本作地險字。資岳靈。終南表秦觀。類聚作館。文苑同。少室邇王城。翠鳳翔淮海。衿帶遶神垆。北阜何其峻。林薄杳葱青。發地多奇嶺。干雲非一狀。合沓共隱天。參差互類聚作分。文苑同。六臣本文選注云。五臣作分。相望。鬱律構丹巘。

峻嶒起青嶂。勢隨九疑高。氣與三山文苑作川。壯。

卽事既多美。臨眺殊復奇。南瞻類聚作矚。文苑同。又注。文選作瞻。儲胥觀。御覽作館。西御覽作北。望昆明池。山中咸可悅。賞逐四時移。春光發隴首。秋風生桂枝。

多值息心侶。結架山之足。八解鳴澗流。四禪隱巖曲。窈冥終不見。蕭條無可六臣本文選注云。五臣作何所字。欲。所願從之遊。寸心於此足。

君王挺逸趣。羽旆臨崇基。白雲隨玉趾。文苑作址。青霞雜桂旗。淹留訪五藥。顧步佇三芝。於焉仰鑣駕。歲暮以爲六臣本文選注云。五臣作終字。期。○文選二十二作鍾山詩應西陽王教。文苑英華百五十九作遊鍾山。詩紀七十三。又類聚七作遊鍾山。引靈、城、青、壯、奇、池、移、枝、足、曲十韻。御覽六十六引池一韻。

登高望春詩

登高眺京洛。街巷何紛紛。玉臺作紛漠漠。詩紀同。迴首望長安。城闕鬱盤桓。日出照鈿黛。風過動羅紈。齊童躡朱履。趙女揚翠翰。春風搖雜樹。葳蕤綠且丹。寶瑟玫瑰柱。金羈瑇瑁鞍。淹留宿下蔡。置酒過上蘭。日出二句。類聚在此句下。解眉還復斂。方知巧笑難。佳期空靡靡。含睇未成歡。嘉客不可見。因君寄長歎。○玉臺新詠五。詩紀七十三。又類聚二十八及廣文選九引紛、桓、翰、丹、鞍、蘭、紈七韻。

遊金華山詩

遠策追夙文苑作風。注云。集作夙。心。靈文苑作雲。山協久文苑作文。注云。一作久。要。天倪臨紫闕。地道文苑作道地。注

云。一作地道。通丹竅。文苑作微。未乘琴高鯁。且縱文苑作從。注云。一作縱。獻陵釣。若蒙羽駕迎。得奉金書召。高
馳人閭闔。方覩靈妃笑。○類聚七。文苑英華百五十九。詩紀七十三。

留詩紀作劉真人東山還詩

連峯竟無已。積翠遠微微。寥戾野風急。芸黃秋草腓。類聚作肥。我來歲云暮。於此悵懷歸。霜雪方共下。寧
止露霑衣。文苑作寧唯止露衣。待余兩岐秀。文苑作成。去去掩柴扉。○類聚七。文苑英華百六十作留真人東南還。詩紀七十
三。○遂按。文館詞林沈約有留真人教。

登玄暢樓詩

危峯帶北阜。高類聚作圓。頂出南岑。中有陵風樹。類聚作樹。迴望川之陰。岸初學記作崖。文苑同。險類聚作涯岸。每
增減。湍平互淺深。水流本三派。臺高乃四臨。上有離羣客。客有慕文苑作各有暮。歸心。落暉映長浦。煥景
燭中潯。雲生嶺乍黑。日下溪半陰。信美非吾土。何事不抽簪。○類聚六十三。初學記二十四。文苑英華三百十一。詩
紀七十三。

酬謝宣城朓詩

詩紀云。集云調宣城朓卧疾。

王喬飛鳧舄。東方金馬門。從宦文苑作官。注云。宋本作宦。非宦侶。避世不六臣本文選作作。詩紀同。集注本文選作非。

類聚、文苑同。避諱。揆予文苑作余。發皇鑒。詩紀云。一作覽。短翮類聚作羽。屢飛翻。晨趨朝。詩紀云。一作游。建禮。晚沐卧郊園。賓至下塵榻。憂來命綠樽。昔賢侔時雨。今守馥蘭蓀。神交疲夢寐。路遠隔思存。牽拙謬東汜。浮情及六臣。本文選注云。五臣作反。西崑。顧循良菲薄。何以儷瓊璠。將隨渤澥去。刷羽汎清源。○謝宣城詩集四作答謝宣城。文選三十作和謝宣城。詩紀七十三。又類聚三十一、文苑英華二百四十並引門、諱、翻、園、樽、蓀、存七韻。

新安江至清淺深見底貽京邑遊好詩

眷言訪舟客。茲川信可珍。洞徹文選作澈。類聚同。隨清文選作深。類聚同。淺。皎鏡無冬春。千仞寫喬類聚、文苑作高。樹。百丈見遊鱗。滄浪有時濁。清濟涸無津。豈若乘斯去。俯映石磷磷。紛吾隔囂滓。寧假文苑作可。濯衣巾。六臣本文選注云。善本作巾衣字。願以潺湲水。六臣本文選注云。五臣作沫。類聚作末。霑君纓類聚作衣。上塵。○文選二十七。文苑英華百六十二作渡新安江貽京邑友好。詩紀七十三。又類聚八作渡新安江貽京邑友好。引珍、春、鱗、巾、塵五韻。

送別友人詩

詩紀云。外編作任昉者非。

君東我亦西。銜悲涕如霰。浮雲一南北。何由展言宴。方作異鄉人。贈子同心扇。遙裔發海鴻。連翻出簷燕。春秋更去來。參差不相見。○類聚二十九。文苑英華二百二十六。詩紀七十三。

去東陽與吏民別詩

微薄叨今幸。忝荷非昔期。唐風豈異世。欽明重在茲。飾驂去關輔。分竹入河淇。下車如昨日。曳組忽彌

暮。霜載凋秋草。風三動春旗。無以招卧輔。寧望後相思。○類聚五十。詩紀七十三。

早發定山詩

夙齡愛遠壑。晚蒞見奇山。標峯綵虹外。置嶺白雲間。傾壁忽斜豎。絕頂復孤圓。李善本文選作員。歸海流漫。出浦水濺濺。文選作淺淺。六臣本注云。五臣作濺。野棠開未落。山櫻發草堂詩箋作花。欲然。忘歸屬蘭杜。懷祿寄芳荃。眷言採三秀。徘徊望九仙。○文選二十七。詩紀七十三。又草堂詩箋二十一絕句詩注。引燃一韻。

循役朱方道路詩

分繻出帝京。升裝奉皇穆。洞野屬滄溟。聯郊遡河服。日映青丘島。塵起邯鄲陸。江移林岸微。巖深煙岫複。歲嚴摧磴草。午寒散嶠木。繁蔚萬花谷作鬱。夕颯卷。蹉跎晚雲伏。霞萬花谷作霞。志非易從。旌軀信難牧。豈慕萬花谷作真。溜萬花谷作雷。宮梧。方辭免園竹。羈萬花谷作先。心亦何言。迷蹤庶能復。○初學記二十四。萬花谷後二十五。詩紀七十三。

和竟陵王遊仙詩二首 王融、范雲同賦。

天類聚作天。廣文選同。詩紀云。一作天。矯類聚作騰。廣文選同。詩紀云。一作矯。乘絳仙。螭衣方陸離。玉鑾隱雲霧。溶溶紛上馳。瑤臺風不息。赤水正漣漪。崢嶸玄圃上。聊攀瓊樹枝。○類聚七十八。廣文選九。詩紀七十三。

朝止文苑作上。閶闔宮。暮初學記作夕。文苑作高。宴清都闕。騰蓋隱初學記作擁。文苑同。詩紀云。一作擁。奔星。低鑾文苑作鸞。避行月。九疑文苑作嶷。紛相從。虹旌乍升沒。青鳥去復還。初學記作留。文苑同。高唐雲不歇。若華有餘照。淹留且晞髮。○類聚七十八。初學記二十三。文苑英華二百二十五。廣文選九。詩紀七十三。

遊沈道士館詩

秦皇類聚作王。御宇宙。漢帝恢武功。歡娛人事類聚作世。盡。情性猶未充。銳意三山上。托慕九霄中。既表祈年觀。復立望仙宮。寧爲心好道。直由意無窮。曰余知止足。是願不須豐。遇可淹留處。便欲息微躬。六臣本文選注云。五臣無此二句。山嶂遠重疊。竹樹近蒙籠。開襟濯寒水。解帶臨清風。所累非物外。文選作外物。文章正宗同。爲念在玄空。類聚作蹤。詩紀云。一作蹤。朋來握類聚作抱。石髓。賓至駕輕類聚作飛。鴻。都令人徑絕。惟使雲路通。一舉凌倒景。無事適華嵩。寄言賞心客。歲暮爾來同。○文選二十二。類聚七十八。文章正宗二十九。詩紀七十三。

酬華陽陶先生詩

三清未可覲。一氣且空存。所願迴光景。拯難拔危魂。若蒙丸陶隱居傳作九。金薤記同。丹贈。豈懼六龍奔。○陶隱居傳。金薤記。詩紀七十三。

還園宅奉酬華陽先生詩

早欲尋名山。期陶隱居傳作須。待婚嫁畢。二事雖云已。此外復非一。忽聞龍圖至。仍覩榮陶隱居傳作龍。光溢。副朝首八元。開壤賦千室。冠纓曾弗露。風雨未嘗櫛。鳴玉響洞門。金蟬映朝日。慚無小人報。徒叨令尹秩。豈忘平生懷。靡盬不遑恤。○陶隱居傳。金薤記。詩紀七十三。

華陽先生登樓不復下贈呈詩

側聞上士說。尺木乃騰霄。雲駢類聚作駢。是。不展地。仙居多麗樵。金薤記作譙。類聚作醜。卧待三芝秀。坐對百神朝。銜書必青鳥。佳陶隱居作嘉。類聚同。客信龍鑣。非止靈桃實。方見大椿凋。○陶隱居傳作酬華陽先生。金薤記作華陽先生登樓不下贈呈。類聚七十八作陶先生登樓不得下詩。詩紀七十三。

奉華陽王外兵詩

金薤記云。隱居別易氏號。

餐玉駐年齡。吞霞反容質。眇識青丘樹。迴見扶桑日。爛熳蜃雲舒。嶽崙山海出。○陶隱居傳。金薤記。詩紀七十三。

赤松澗詩

松子排煙去。英靈眇難測。惟有清澗流。潺湲終不息。神丹在茲化。雲輶於此陟。願受金液方。片言生羽翼。渴就華池飲。飢向朝霞食。何時當來還。延佇青蘋聚作清。巖側。○類聚七十八。詩紀七十三。

八關齋詩

因戒倦輪飄。習障從塵染。四衢道難關。八正扉猶掩。得理未易期。失路方知險。迷塗既已復。豁悟非無漸。○類聚七十六。詩紀七十三。

古意詩

挾瑟叢臺下。徙倚愛容光。佇立日已暮。戚戚苦人腸。露葵已堪摘。淇水未沾裳。錦衾無獨暖。羅衣空自香。明月雖外照。寧知心內傷。○玉臺新詠五。詩紀七十三。

少年新婚爲之詠詩

山陰柳家女。莫詩紀作薄。言出田墅。丰容好姿顏。便僻工詩紀作巧。言語。腰肢既軟弱。衣服亦華楚。紅輪映早寒。畫扇迎初暑。錦履並花紋。繡帶同心苴。羅繡金薄廁。雲鬢花釵舉。我情已鬱紆。何用表崎嶇。託意眉間黛。申心口上朱。莫爭三春價。坐喪千金軀。盈尺青銅鏡。徑寸合浦珠。無因達往意。欲寄雙飛鳧。裾開見玉趾。衫薄映凝膚。羞言趙飛燕。笑殺秦羅敷。白願雖悴薄。冠蓋耀城隅。高門列騶駕。廣路從驪駒。

何慚鹿盧劍。詎減府中趨。還家問鄉里。詎堪持作夫。○玉臺新詠五，詩紀七十三。

登北固樓詩

六代舊山川。興亡幾百年。繁華今寂寞。朝市昔喧闐。夜月琉璃水。春風柳色天。傷時爲懷古。垂淚國門前。○輿地紀勝七。

夢見美人詩

夜聞長歎息。知君心有憶。果自閨闔開。魂交靚顏玉臺作容。色。既薦巫山枕。又奉齊眉食。立望復橫陳。忽覺非在側。那知玉臺作惡。神傷者。潺湲淚霑臆。○玉臺新詠五，詩紀七十三。

直學省愁卧詩

秋風吹廣陌。蕭瑟入南闌。愁人掩軒卧。高窗時動扉。虛館清陰滿。神宇暖微微。網蟲垂戶織。夕鳥傍欄飛。纓珮空爲忝。江海事多違。山中有桂樹。歲暮可言歸。○文選三十作學省愁卧。六臣本注云。五臣作直學省愁卧。詩紀七十三。

休沐寄懷詩

雖云萬重嶺。所翫終詩紀云。一作惟。一丘。階墀幸自足。安事遠遨遊。臨池清潄暑。開幌望高秋。園禽與時變。蘭根應節抽。憑軒舉木末。垂堂對水周。紫籜開綠篠。白鳥映青疇。艾葉彌南浦。荷花遶北樓。送日隱層閣。引月入輕幃。爨熟寒蔬剪。賓來春蟻浮。來往既云勸。光景爲誰留。○初學記二十。詩紀七十三。

宿東園詩

陳王鬪雞道。安仁采樵路。東郊豈異昔。聊可閒余步。野徑既盤紆。荒阡亦交互。槿籬疏復密。荆扉新且故。樹頂鳴風颯。草根積霜露。驚麕去不息。征鳥時相類。聚作返。顧。茅棟嘯愁鴟。平岡走寒兔。夕陰帶層阜。長煙引輕素。飛光忽我道。豈李善本文選作寧。止歲云暮。若蒙西山藥。頽齡倘能度。○文選二十二。詩紀七十三。又類聚六十五引故、露、顧、兔、素五韻。

行園詩

寒瓜方卧壟。秋菰亦滿陂。紫茄紛爛熳。類聚作漫。綠芋鬱參差。初菘向堪把。時韭日離離。高梨有繁實。何減萬年枝。荒渠集野雁。安用昆明池。○謝宣城詩集四。詩紀七十三。又類聚六十五引陂、差、離三韻。

和左丞庾杲之移病詩

歲暮豈云聊。參差憂與疾。匪澣孰能賜。持身固無述。握蘭空盈把。待漏終不溢。囂喧滿眼前。簿領紛盈

膝。安用談天辯。徒勞夢賜筆。挂冠若東都。山林寧復出。○初學記十一。詩紀七十三。

和竟陵王抄書詩

教微因弛轡。維峻屬貞期。義乖良未遠。斯文煥在茲。超河綜絕禮。冠楚綴淪詩。披騰辨蠹冊。酌醴訪深疑。澄流黜往性。初學記作往。泛畧引前滋。漢壁含遺篆。名山多逸詞。綠編方委閣。素簡日盈輜。空幸參鷺鷥。比秀惡瓊芝。挹流既知廣。復道還自嗤。○初學記十二。詩紀七十三。

詠竹火籠詩

結根終南下。防露復披雲。雖爲九華扇。聊可滌炎氛。安能偶文選補遺作遇。狐白。鶴卵文選補遺作卵。織成文。覆持鴛鴦被。百和吐氛氲。忽爲織手用。歲暮待羅裙。○謝宣城詩集五。文選補遺三十六。

梁詩卷七

沈約

詩

奉和竟陵王郡縣名詩

王融、范雲同賦。

西都富軒冕。南宮溢才彥。高闕連朱雉。方渠漸游殿。廣川肆河濟。長岑繞嶠汧。曲梁濟危渚。平臯騁悠
眇。清淵皎澄徹。類聚作澈。曾山鬱葱蒨。陽泉濯春藻。陰丘聚寒霰。西華不可留。東光促奔箭。望都遊子
懷。臨戎征馬倦。既豫平臺集。復齒南皮宴。一窺長安城。羞言杜陵掾。○類聚五十六。詩紀七十三。

奉和竟陵王藥名詩

丹草秀朱翹。重臺架危岳。類聚作岳。木蘭露易飲。射干枝可結。陽隰採辛夷。寒山望積雪。玉泉亟周流。
雲華乍明滅。合歡葉暮卷。爵林聲夜切。垂景迫連桑。思仙慕雲母。荆實剖類聚作部。丹瓶。龍芻汗奔血。照
握乃夜光。盈車非玉屑。細柳空葳蕤。水萍終委絕。黃符若可挹。長生永昭哲。○類聚五十六。詩紀七十三。

和陸慧曉百姓名詩

建都望淮海。樹闕表衡稽。并幹風雲出。柏梁星漢齊。皇王臨萬宇。惠化覃黔黎。吉士服仁義。宿昔秉華圭。庸賢起幽谷。欽言非象犀。端委康國步。偃息召邦攜。舉政方分策。易紀粲金泥。伊余沐嘉幸。由是別園畦。曾微涓露答。光景遂雲類。聚作雲。西。方隨煉丹子。薄暮矯行迷。○類聚五十六。詩紀七十三。

三月二日率爾成章詩

麗日屬元巳。六臣本文選注云。五臣或作日字。年芳具在斯。開花已匝。初學記作兩。萬花谷同。樹。流鶯文選。詩紀作嚶。六臣本注云。五臣作鶯字。復滿枝。洛陽繁華子。長安輕薄兒。東出千金堰。萬花谷作偃。西臨鴈鶩陂。遊絲歲時雜詠作絡。映詩紀作應。空轉。高楊初學記作柳。歲時雜詠同。拂地初學記作池。文苑同。垂。綠幘初學記作萍。文苑同。又注。類聚作帷。御覽作絲萍。文照耀。紫燕光陸離。清晨類聚作辰。戲伊水。薄初學記作轉。萬花谷同。暮宿蘭池。象筵鳴御覽作排。寶瑟。金瓶泛羽。初學記作玉。歲時雜詠。文苑同。卮。寧文苑作仍。憶春蠶文苑作蠶眠。起。日暮桑欲萎。長袂屢已。文選作以。歲時雜詠。文苑同。拂。彫胡方自炊。愛而不可見。宿昔減容儀。且歲時雜詠作早。當文苑作早常。忘情去。歲時雜詠作土。文苑作土。歎息獨何爲。○文選三十。古今歲時雜詠十六。文苑英華百五十七。詩紀七十三。又類聚四。初學記四。御覽三十。並引斯。枝、兒、陂、垂、離、池、卮、萎九韻。萬花谷後四引斯。枝、兒、陂、池、萎六韻。

織女贈牽牛詩

紅妝與明鏡。二物本相親。用持施點畫。不照離居人。往秋雖一照。一照復還類。聚作還復。塵。塵生不復拂。蓬首對河津。冬夜寒如此。初學記作是。歲時雜詠同。文苑云。一作是。寧遽道陽春。初商忽類聚作忽。云至。暫得奉衣巾。施衿已成類聚作誠已。文苑云。一作識已。故。每聚忽歲時雜詠作輾。文苑作耻輾。注云。一作忽。如新。初學記作每耻輾如新。○類聚四。初學記四。文苑英華百五十八。古今歲時雜詠二十五。詩紀七十三。

應王中丞思遠詠月詩

月華臨靜初學記作淨。夜。夜靜玉臺作靖。初學記作淨。滅氛埃。方暉竟戶人。初學記作人戶。文苑同。圓影隙中來。高樓切思婦。西園遊上才。網御覽作臨。軒映珠六臣本文選注云。善本作朱。詩紀云。一作朱。綴。應門照綠苔。洞房殊未曉。清光信悠哉。○文選二十。又玉臺新詠五。類聚一、初學記一、文苑英華百五十一、御覽四並作詠月。詩紀七十三。

和王中書德充詠白雲詩

白雲自帝鄉。氛氳屢迴沒。蔽虧崑山樹。含吐瑤臺月。秋風西北起。飄我過城闕。城闕已初學記作以。參差。白雲復離離。皎潔在天初學記作大。漢。倒影入華池。將過丹丘野。時至碧林垂。九重迎飛燕。萬里送翔螭。○類聚一作和王中書白雲詩。初學記一。文苑英華百五十六。詩紀七十三。

詠雪應令詩

思鳥聚寒蘆。蒼雲軫暮色。夜雪合且離。曉風驚復息。嬋娟人綺窗。徘徊鶩情極。弱挂詩紀作桂。不勝枝。輕

飛屢低翼。玉山聊可望。瑤池豈難卽。○初學記二。詩紀七十三。

和劉雍州繪博山香爐詩

範金誠可則。摛思必良工。凝芳自初學記作侯。萬花谷作俟。朱燎。先鑄首山銅。瓌萬花谷作環。姿信岳嶸。奇態實玲瓏。峯嶝互相拒。巖萬花谷作岬。岫杳無窮。赤松遊其上。歛足御輕鴻。蛟螭盤其下。驤首盼層穹。嶺側多奇樹。或孤或複。萬花谷作復。叢巖間有佚女。垂袂似含風。羣飛若未已。虎視鬱餘雄。登山起重障。萬花谷作嶂。左右引絲桐。百和清夜吐。蘭煙四面充。如彼崇朝氣。觸石繞華嵩。○初學記二十五。萬花谷續七。詩紀七十三。

詠湖中鴈詩

白水滿春塘。旅雁每迴翔。唼流類聚作萍。牽弱藻。斂翮帶餘霜。羣浮動輕浪。單汎逐孤光。懸飛竟不下。亂起未成行。刷羽同搖漾。一舉還故鄉。○文選三十。詩紀七十三。又類聚九十一引翔、霜、行、鄉四韻。

冬節後至丞相第詣世子車中作詩

廉公失權勢。門館有虛盈。貴賤猶如此。況乃曲池平。高車塵未滅。珠履故餘歲時雜詠作無。六臣本文選注云。五臣作無。聲。賓階綠錢滿。客位紫苔生。誰類聚作唯。當九原上。鬱鬱望佳城。○文選三十。類聚三十四作蕭丞相第詣世

子車中作。古今歲時雜詠三十九作冬至後丞相第詣世子車中作。詩紀七十三。

奉和竟陵王經劉璣墓詩

表閭欽逸軌。軾類聚作式。墓禮真謝集作貞。類聚同。魂。化塗終眇默。神理暖猶存。塵經謝集作駕。詩紀云。一作駕。未輟幌。高衡已委門。日燕子雲舍。徒望董生園。華陰無遺布。楚席有靈樽。玄泉倘能慰。長夜且勿論。○
謝宣城詩集四。詩紀七十三。又類聚四十作經劉璣墓詩。引魂、存、門、樽四韻。

悼亡詩

去秋三五月。今秋還照梁。玉臺作房。文苑、詩紀云。一作房。今春蘭蕙草。來春文苑作春來。又注。或作明春。復吐芳。悲哉人道異。一謝永銷亡。簾屏既毀撤。玉臺作屏筵空有設。文苑、詩紀並云。一作屏筵空有設。帷席更施張。遊塵掩虛座。孤帳覆空牀。萬事無不盡。徒令存者傷。○玉臺新詠五。文苑英華三百二。詩紀七十三。

侍遊方山應詔詩

清漢夜昭皙。扶桑曉陸離。發歌從陽下。詩紀云。一作發吹垂楊下。建初學記作巡。羽朝夕池。攬金浮水若。聳蹕初學記作單。詔初學記字缺。山祗。一霑九霄露。藜藿終自知。○初學記十三。詩紀七十四。

樂將殫恩未已應詔詩

淒鏘笙初學記作生。誤。管道。初學記作道。誤。參差舞行亂。輕肩既屢舉。長巾亦徐換。雲鬢垂寶花。輕妝染微汗。羣臣醉又飽。聖恩猶未半。○初學記十五。詩紀七十四。

泛永康江詩

長枝萌紫葉。清源泛綠苔。山光浮水至。春色犯寒來。臨睨信永矣。望美暖悠哉。寄言幽閨妾。羅袖勿空裁。○類聚八。文苑英華百六十二。詩紀七十四。

餞謝文學離夜詩

漢池水如帶。巫山雲似蓋。澗汨背吳潮。古文苑作湖。潺湲橫楚瀨。一望沮漳水。寧思江海會。以我徑寸心。從君千里外。○謝宣城詩集四作餞謝文學。古文苑四。文苑英華二百六十六作別謝文學。文選補遺二十六。廣文選八作餞錢文學。詩紀七十四。又類聚二十九作別謝文學。引蓋、會、外三韻。

別范安成詩

生平六臣本文選注云。五臣作平生。類聚、草堂詩箋、文苑作平生。少年日。分手草堂詩箋作守。易前期。及爾同衰暮。非復

別離時。勿言一樽草堂詩。箋作杯。酒。明日難重類聚作共。文苑同。持。夢中不識路。何以慰相思。○文選二十。類聚二十九。文苑英華二百六十六。文章正宗二十九。詩紀七十四。又草堂詩箋十四有懷詩注引期、持二韻。

效古詩

可憐桂樹枝。單雄憶故雌。歲暮異栖宿。春至猶別離。山河隔長路。路遠絕容儀。豈云無可玉臺作我。匹。寸心終不移。○玉臺新詠五。廣文選十。詩紀七十四。

庭雨應詔詩

出空寧可圖。人庭倍難賦。非煙復非雲。如絲初學記作系。復如霧。飄柔裁欲垂。霏微不能注。雖無千金質。聊爲一辰趣。初學記作趁。○初學記二作見庭雨應詔詩。文苑英華百七十三。詩紀七十四。

初春詩

扶詩紀作夾。注。一作扶。道覓陽春。相將玉臺作佳人。共攜手。草色猶玉臺作獨。自腓。玉臺作非。初學記、文苑同。林中都未有。無事逐梅花。空教玉臺作中。類聚作交。信楊柳。且復歸去詩紀作共歸。來。含情寄杯酒。○玉臺新詠五。類聚三作詠初春詩。初學記三。文苑英華百五十七。詩紀七十四。

春詠詩詩紀作春思。注云。一作春詠。

楊柳亂如絲。綺羅不自持。春草黃玉臺作青。復類聚作復黃。文苑同。綠。客文苑云。類聚作傷。心傷文苑作悲。此時。青苔玉臺作翠落。已結消。碧水復盈淇。日華照趙瑟。風色玉臺作心。類聚、文苑同。動燕姬。襟前玉臺作中。文苑同。萬行淚。故是一相思。○玉臺新詠五。類聚三。文苑英華百五十七作詠春。詩紀七十四。

傷春詩

弱草半抽黃。輕條未全綠。年芳被禁籟。煙華詩紀作花。繞層曲。寒苔卷復舒。冬泉斷方續。早花散凝初學記作疑。金。初露泫成玉。○初學記三作傷春賦。文苑英華百五十七作詠春。詩紀七十四。

秋夜詩

月落宵向分。紫煙鬱氛氲。噎噎螢入霧。離離鴈出詩紀作度。雲。巴童暗理瑟。漢女夜縫裙。新知樂如是。久要詎相聞。○類聚三。初學記三。文苑英華百五十八。詩紀七十四。

詠箎詩詩紀云。古文苑云。沈右率座賦二物爲詠。

江南簫管地。妙響發孫枝。殷勤寄玉指。含情舉復垂。雕梁再三繞。輕塵四五移。曲中有深意。丹誠君詎

知。○謝宣城詩集五。玉臺新詠五。古文苑四作沈右軍箴。詩紀七十四。

詠竹檳榔盤詩

梢風有勁質。柔用道非一。平織方以文。穹類聚作穿。成圓且密。薦羞雖百品。所貴浮天實。幸承歡酌餘。寧辭嘉宴畢。○謝宣城詩集五。詩紀七十四。又類聚七十三引一、密二韵。

詠簷前竹詩

萌開籜已垂。結葉始成枝。繁蔭類聚作陰。上蒨茸。詩紀云。一作鬱鬱。促節下離離。風動露滴瀝。月照影參差。得生君戶牖。不願夾華池。○類聚八十九。詩紀七十四。

翫庭柳詩

輕陰拂建章。夾道連未央。因風結復解。霑露柔且長。楚妃思欲絕。班女淚成行。遊玉臺作流。人未應去。爲此還玉臺作歸。故鄉。○玉臺新詠五作詠柳。類聚八十九。詩紀七十四。

麥李詩

青玉冠西白帖作四。海。碧石白帖作膚。彌白帖作充。外區。化爲中園白帖作國。實。其下成路白帖作蹊。衢。在先良

足貴。因小邈難逾。色潤房文苑作方。陵縹。味奪寒水白帖作山。朱。摘持欲以獻。尚食且踟躕。○初學記二十八作
詠李。文苑英華三百二十六。詩紀七十四。又類聚八十六作詠李詩。引區、衢、朱三韵。白帖三十作沈約詩。引區、衢、朱三韵。

詠桃詩

風來吹葉動。風去畏花傷。紅英已照灼。況復含日光。歌童暗理曲。游女夜縫裳。詎減當春淚。能斷思人
腸。○玉臺新詠五。詩紀七十四。

詠青苔詩

緣初學記作綠。堦已御覽作何。漠漠。汎水復綿綿。微根如類聚作知。欲斷。輕絲似更聯。長風隱細草。深堂沒
綺錢。紫鬱無人贈。葳蕤徒可憐。○初學記二十七。文苑英華三百二十七。詩紀七十四。又類聚八十二。御覽一千並引綿、聯
二韵。

十詠二首

領邊繡

織手製新奇。刺作可憐儀。紫絲飛鳳子。結縷坐花兒。不聲如動吹。無風自裊枝。玉臺作身移。麗色儻未歇。
聊承雲鬢垂。○玉臺新詠五。詩紀七十四。

脚下履

丹墀上颯沓。玉殿下趨鏘。逆轉珠珮響。先表繡袿香。裾開臨舞席。袖拂玉臺作拂袖。繞歌堂。所歎忘懷妾。
見委入羅牀。○同上

懷舊詩九首

傷王融

元長秉奇調。弱冠慕前蹤。文苑作踪。眷言懷祖武。一簣望成峯。途艱行易跌。命舛志難逢。折風落迅羽。流恨滿初學記作賦。青松。○類聚三十四。初學記十一作悼故中書侍郎王融詩。文苑英華三百一。詩紀七十四。

傷謝朓

吏部信才傑。文鋒文苑作風。詩紀作峰。振奇類聚作音。響。調與金石諧。思逐風雲上。豈言陵霜質。忽隨人事初學記作所。往。尺璧爾何冤。一旦文苑作日。初學記作忽此。同丘壤。○類聚三十四。初學記十一作悼齊故吏部郎謝朓詩。文苑英華三百一。詩紀七十四。

傷庾杲之

右詩紀作左。注。一作右。率馥時譽。秀出冠朋僚。聳茲千仞氣。振此百尋條。蘊藉含文苑誤作合。文雅。散朗溢風

廳。楸檟詩紀云。一作梧。今已合。容範尚昭昭。○類聚三十四。文苑英華三百一。詩紀七十四。

傷王湛

長史體閒任。坦蕩無外求。持身非詭遇。應物有虛舟。心從朋好盡。形爲歡宴留。歡宴未終畢。零落委山丘。○同上

傷虞炎

東南既擅美。洛陽復稱才。攜手同歡宴。比跡共遊類。聚作追陪。事隨短秀落。言歸長夜臺。○同上

傷李珪之

少府懷貞節。忘軀濟文苑。作欣所奉。吏道勤不息。繁文長自擁。既闕優孟歌。身沒誰爲寵。○同上

傷韋景猷

韋叟類聚作復。識前載。博物備戎華。稅驂止營校。淪跡委泥沙。始類聚作如。知庸聽局。方悟大音賒。○同上

傷劉颯類聚作佩。

處和無近累。天然有勝質。蕭瑟文苑作素。負高情。耿介懷秋。類聚作私。實。義貴良爲重。蘭摧非所恤。一罷平生言。寧知攜手日。○類聚三十四作傷劉佩。文苑英華三百一。詩紀七十四。

傷胡諧之

豫州懷風範。綽然標雅度。處約志不渝。接廣情無忤。頡頏事刀筆。紛綸遞朱素。美志同山阿。浮年迫朝露。○類聚三十四。文苑英華三百一。詩紀七十四。

詠新荷應詔詩

勿言草卉賤。幸宅天池中。微根纔出浪。短幹未搖風。寧知寸心裏。蓄紫復含紅。○類聚八十二。詩紀七十四。

聽蟬鳴應詔詩

輕生宅園籓。復得棲嘉樹。豈敢擅洪枝。輕條遭所遇。類聚作寓。葉密形易揚。風迴響難住。○類聚九十七。詩紀七十四。

詠笙詩

彼美實枯文苑作孤。枝。孤篠定參差。鷓鴣已啁晰。初學記作嘲晰。文苑同。棗下復林離。本期王子宴。文苑作晉。寧

待洛濱吹。○初學記十六。文苑英華二百十二。詩紀七十四。

詠箏詩

秦箏吐絕調。玉柱揚清曲。絃依高張斷。聲隨妙指續。徒聞音繞梁。寧知顏如玉。○類聚四十四。初學記十六。文苑英華二百十二。詩紀七十四。

詠石榴詩

靈園類聚作圓。同佳稱。幽山有奇質。停采久彌鮮。含華豈期實。長願微名隱。無使孤株出。○類聚八十六。詩紀七十四。

大言應令詩

隘此大汎庭。方知九垓局。窮天豈彌指。盡地不容足。○類聚十九。詩紀七十四。

細言應令詩

開館尺椳餘。築樹微塵裏。蝸角列州縣。毫端建朝市。○類聚十九。詩紀七十四。

詠餘雪詩

陰庭覆素芷。南階褰綠施。玉臺新落構。青山已半虧。○類聚二。詩紀七十四。

詠帳詩

甲帳垂和璧。螭雲張桂宮。隋珠既吐曜。翠被復含風。○類聚六十九。詩紀七十四。

侍宴詠反舌詩

假容類聚作客。不足觀。遺音猶可薦。幸蒙喬樹恩。得以聞高殿。○類聚九十二。詩紀七十四。

寒松詩

梢聳振寒聲。青葱標暮色。疎葉望嶺齊。喬榦臨雲直。初學記作貞。○初學記二十八。詩紀七十四。

詠孤桐詩

龍門百尺時。詩紀云。一作時。排雲少孤立。分根蔭玉池。欲待高鸞集。○初學記二十八。詩紀七十四。

詠梧桐詩

秋還遽已落。春曉猶未萸。微葉雖可賤。一剪或成珪。○類聚八十八。詩紀七十四。

園橘詩

綠葉迎露初。學記作霞。滋。朱苞待霜潤。但令人玉梓。萬花谷作盤。金衣文苑作依。非所悖。○初學記二十八。文苑英華

三百二十六。亂花谷後三十八作沈約詩。詩紀七十四。

詠梨應詔詩

大谷來既重。岷山道又難。摧折非所惜。但令人玉盤。○初學記二十八。文苑英華三百二十六。詩紀七十四。

西地梨詩

詩紀云。詩彙作簡文者非。

列茂河陽苑。蓄紫濫觴隈。翻黃秋沃若。落素春徘徊。○類聚八十六。詩紀七十四。

詠芙蓉詩

微風搖紫葉。類聚字缺。輕露拂朱房。中池所以綠。待我泛紅光。○類聚八十二。詩紀七十四。

詠杜若詩

生在窮絕地。豈與世相親。不願逢采擷。本欲芳幽人。○類聚八十一。詩紀七十四。

詠鹿葱詩

野馬不任騎。兔絲不任織。既非中野花。爾雅翼作華。無堪麕麕食。○類聚八十一。爾雅翼三。詩紀七十四。○灌畦暇語

曰。沈約以佐命勳位冠梁朝。晚年諸進用事者。忌其固位。取約所爲鹿蔥詩。乘間以白武帝。帝意已不能堪。未幾得道士赤章事。遂大發怒。約以憂死。其詩曰。野馬不可騎。兔絲詎宜織。爾非蘋與蒿。豈供麋鹿食。遠按。文字略有不同。

詠甘蕉詩

抽葉固盈丈。擢本信兼圍。流甘揜椰實。弱縷冠絺衣。○類聚八十七。詩紀七十四。

詠菰詩

結根布洲渚。垂葉滿皋澤。匹彼露葵羹。可以留上客。○類聚八十二。詩紀七十四。

早行逢故人車中爲贈詩

殘朱猶曖曖。餘粉尚霏霏。昨宵何處宿。今晨拂露歸。○玉臺新詠十。詩紀七十四。

爲鄰人有懷不至詩

影逐斜月來。香隨遠風入。言是定知非。欲笑翻成泣。○玉臺新詠十。詩紀七十四。

四城門詩

六龍既驚軫。二鼠復馳光。衰齡難慎輔。暮質易凋傷。○類聚七十六。詩紀七十四。

和劉中書仙詩二首

清旦發玄洲。日暮宿丹丘。崑山西北映。流泉東南流。霓裳拂流電。雲車委輕霞。崢嶸上不覩。寥廓下無見。○類聚七十八。詩紀七十四。

殊庭不可及。風燦多異色。霞衣不待縫。雲錦不須織。○同上

華山館爲國家營功德詩

沐芳禱靈嶽。稽首恭上玄。帝昔祈萬壽。臣今請億年。丹方緘洞府。河清時一傳。錦書飛雲字。玉簡黃金編。○類聚七十八。詩紀七十四。

和王衛軍解講詩

妙輪輟往駕。寶樹未開音。甘露爲誰演。得一類聚作二。標道心。眇眇玄塗曠。高義總成林。七花屏塵相。八解濯芳襟。○類聚七十六。詩紀七十四。

侍宴謝朓宅餞東歸應詔詩

皇情悵文苑作帳。東艦。羽旆拂南廡。類聚作。夏雲清朝景。秋風揚早蟬。飲和陪下席。論道光上筵。○類聚二

十九。文苑英華百六十九作侍宴謝朓宅東歸應制。詩紀七十四。

酬孔通直過懷蓬居詩

閭闔既洞啓。龍樓亦高闢。兩宮集鸞步。二闈引通籍。伊爾事清途。紛吾供文苑云。一作驚。賤役。○類聚三十一。文苑英華二百四十。詩紀七十四。

石塘瀨聽猿詩

噉噉夜猿鳴。溶溶晨霧合。不知聲遠近。惟見山重沓。既歡東嶺唱。復佇西巖答。○類聚九十五。詩紀七十四。

出重圍和傅昭詩

魯連揚一策。陳平出六奇。邯鄲風雨散。白登煙霧維。排雲出九地。陵定振五卮。○類聚五十九。詩紀七十四。

秋晨羈怨望海思歸詩

分空臨澥霧。披遠望滄流。八桂暖如畫。三桑眇若浮。煙極希丹水。月遠望青丘。○類聚二十八。詩紀七

十四。

侍宴樂游苑餞徐州刺史應詔詩

丘遲同賦。

沃若動龍驂。參差凝鳳管。金塘草未合。玉池泉將滿。○類聚二十九。詩紀七十四。

憩郊園和約法師採藥詩

郭外三千畝。欲以貿朝饘。繁蔬既綺布。密菓亦星懸。○類聚八十一。詩紀七十四。

詠竹詩

無人賞高節。徒自抱貞心。○合璧事類別集五十四。

詩

四節逝不處。繁華難久鮮。○海錄碎事二。

上巳華光殿詩

七言

於維盛世卽軒媯。朝艷宴鎬復在斯。朝光灼爍映蘭池。春風婉轉入細枝。時鴛願慕聲合離。輕波微

動漾羽卮。河宗海若生蛟螭。浮梁徑度跨迴漪。朱顏始洽景將移。安得壯士駐奔曦。○類聚四。詩紀七十四。

六憶詩四首以下雜言。

憶來時。灼灼玉臺作的的。同上。上堦墀。勤勤敘別離。玉臺作離別。慊慊道相思。相看常不足。相見乃忘飢。○玉臺新詠五。詩紀七十四。

憶坐時。點點羅帳前。或歌四五曲。或弄兩三弦。笑時應無比。嗔時更可憐。○同上
憶食時。臨盤動容色。欲坐復羞坐。欲食復羞食。含哺玉臺誤作唯。如不飢。擎甌似無力。○同上
憶眠時。人眠彊未眠。解羅不待勸。就枕更須牽。復恐傍人見。嬌羞在燭前。○同上

八詠詩

金華志曰。八詠詩。南齊隆昌元年太守沈約所作。題於玄暢樓。時號絕倡。後人因更玄暢樓爲八詠樓云。

登臺望秋月

望秋月。秋月光如練。照曜三爵臺。徘徊九華殿。九華瑋瑁梁。華棖與璧玉臺作壁。璫。以茲雕麗色。持照明月光。凝華人黼帳。清輝懸洞房。先過飛燕戶。卻照文苑作映。詩紀同。班類聚作班。文苑同。姬牀。桂宮裊裊落桂

枝。露文苑作早。詩紀同。寒淒淒凝白露。上林晚葉颯颯鳴。鴈門早鴻離離度。湛文苑作堪。秀質兮似規。委清光兮如素。照愁軒之蓬影。文苑作映。映金階之輕。詩紀云。一作微。步。居人臨此笑以歌。別客對之傷且慕。類聚作且暮。文苑同。經衰文苑誤作輕。圃。映寒叢。凝清夜。帶秋風。隨庭雪以偕素。與池荷而共紅。臨玉墀詩紀作階。注云。一作墀。之皎皎。含霜靄之濛濛。霜靄。一作雪靄。轡天衢而徙玉臺作徒。文苑作從。度。玉臺作步。轡長漢而飛空。隱巖崖而文苑作之。半出。類聚作隔。隔類聚作出。帷幌而纒通。散朱庭之奕奕。人青瑣而玲瓏。閒階悲寡鵠。文苑。詩紀作鶴。沙洲怨別鴻。文玉臺作昭。文苑同。姬泣胡殿。昭玉臺作明。文苑同。君思漢宮。余亦何爲者。淹留此山東。○玉臺新詠九作望秋月。文苑英華百五十一作詠月篇。詩紀七十四。又類聚一引練、殿、梁、璫、光、房、牀、素、步、暮、叢、風、紅、濛、通、瓏十六韻。

會圃臨春風

臨春風。春風起春樹。遊絲暖如網。詩紀云。一作烟。文苑作暖如烟。落花秀似霧。先泛天淵類聚作津。池。還過細柳枝。蝶玉臺作蝶。文苑作葉。逢飛搖颺。燕值羽參池。類聚作參差。揚桂旆。動芝蓋。開燕裾。吹趙帶。趙帶飛參差。燕裾合且類聚作復。離。回簪文苑作看。復轉黛。顧步惜容儀。容儀已炤類聚、文苑作照。同。灼。春風復迴薄。氛氳桃李花。青跗玉臺作柑。含素萼。既爲風所開。復爲風所落。搖綠蒂。抗類聚作抗。是。紫莖。舞春雪。雜流鶯。曲房開兮金鋪響。金鋪響兮妾思驚。文苑作思鳳鳴。梧臺玉臺作桐。未陰。淇川文苑作文。詩紀云。一作水。始玉臺作如。碧。迎行雨於高唐。送歸鴻於碣石。經洞房。響紉素。感幽閨。思幃帟。想芳文苑作西。園兮玉臺無兮字。

文苑同。可以遊。念蘭翹兮文苑無兮字。漸文苑作已。堪摘。拂明鏡之冬塵。解羅衣之秋襪。既鏗鏘以動佩。又網緼玉臺作氛氳。類聚、文苑同。而流射。玉臺作磨。始搖蕩以入閨。終徘徊而緣隙。鳴類聚作明。珠簾於繡戶。散芳塵於綺席。是時悵思婦。安能久行役。佳人不在茲。春風爲誰類聚作誰爲。詩紀同。惜。○玉臺新詠九作臨春風。文苑英華百五十六。詩紀七十四。又類聚一作八詠。引樹、霧、池、枝、差、旆、蓋、帶、差、離、灼、薄、萼、落、莖、鶯、石、襲、射、隙、席、惜二十二韻。

歲暮愍衰草

愍衰草。衰草無容色。憔悴荒逕中。寒萋不可識。昔時兮春日。昔日兮春風。含類聚作銜。詩紀同。華類聚作花。兮佩實。垂綠兮散紅。氛氳鳩鵲右。照耀望仙東。送歸顧慕玉臺誤作暮。泣淇水。嘉客淹留懷上宮。巖陬兮海岸。冰多兮霰積。爛熳兮客詩紀云。一作巖。根。攢幽兮寓詩紀云。一作客。隙。布綿密於寒臯。吐纖疏於危石。既惆悵於君子。倍傷心於行役。露縞玉臺作高。枝於初旦。霜紅天於始夕。彫芳卉之九衢。貫靈茅之三脊。風急峭道難。秋至客衣單。既傷檐下菊。復悲池上蘭。飄落逐風盡。方知歲早寒。流螢暗明燭。雁聲斷纜類聚作裁。同。續。萎絕長信宮。蕪穢丹墀曲。霜奪莖上紫。風銷葉中綠。山變兮青薇。園庭漸蕪沒。霜露日霑衣。願鴻兮疎引。寒鳥類聚作鳥。兮聚飛。逕荒寒草合。桐長舊巖圍。類聚作草長荒徑微。園庭漸蕪沒。霜露日霑衣。願逐晨征鳥。薄暮共西歸。○玉臺新詠九。詩紀七十四。又類聚八十一作衰草賦。引色、識、風、散、積、石、脊、難、單、寒、燭、續、綠、飛、微、衣十七韻。

霜來悲落桐

悲落桐。落類聚落上有悲字。桐早霜露。燕至葉未抽。鴻來枝已素。本出龍門山。長枝仰刺天。上峯百丈絕。下趾萬尋懸。幽根已類聚作未。詩紀同。盤結。孤枝復危絕。初不照光景。終年負霜雪。自顧無羽儀。不願生曲池。芬芳本自乏。華實無可詩紀作所。施。匠者詩紀作公子。特留眄。詩紀作盼。王孫少見之。詩紀作知。分取孤生玉。臺作生孤。枿。徙置北堂陞。玉臺作垂。宿莖抽晚幹。新葉生故枝。故枝雖遼遠。新葉頗離離。春風一朝至。榮華並玉臺作戶坐。如斯。自惟良菲薄。君恩徒照灼。願已非嘉樹。空用憑阿閣。願作清廟琴。爲舞雙詩紀作君舞。玄鶴。薜荔可爲裳。文杏堪作梁。勿言草木賤。徒照君末光。末光不徒照。爲君含噉咷。玉臺作眺。詩紀云。一作尙寐。陽柯綠詩紀作淥。水絃。陰枝苦寒調。類聚作嫻。厚德非可詩紀作所。任。敢不虛其心。若逢陽春至。吐綠照清潄。○玉臺新詠九。詩紀七十四。又類聚八十八引露、素、結、絕、雪、光、照、眺、嫻、任、心、潄十二韻。

夕行聞夜鶴

聞夜鶴。夜鶴叫南池。對此孤明月。臨風振羽儀。伊吾人之菲薄。無賦命之天爵。抱跼促之短玉臺作長。懷。隨冬春玉臺作春冬。而哀樂。懿海上之驚鳧。傷雲間之離鶴。離鶴昔未離。迴玉臺、類聚作近。發天北垂。忽值詩紀作遇。疾風起。暫下昆明池。復畏玉臺作值。冬冰合。水宿非所宜。欲留詩紀作棲。不可住。欲去飛已疲。勢逐疾風舉。求溫向衡楚。復值南飛鴻。參差共成侶。海上多雲霧。蒼茫失洲嶼。自此別故羣。獨向瀟湘渚。故

羣不離散。相依江玉臺作滄。海畔。夜止羽相切。晝飛影相亂。刷羽共浮沉。湛澹泛清潄。類聚作陰。既不經玉臺作得。離別。安知慕侶心。九冬負霜雪。玉臺作霜雪苦。六翮飛不類聚作非所。任。且養凌雲翅。俯仰弄清音。所望浮丘子。旦夕來相玉臺作見。尋。○玉臺新詠九。詩紀七十四。又類聚九十作八詠聞夜鶴篇。引池、饑、薄、爵、鶴、離、垂、池、疲、舉、楚、侶、嶼、渚、散、畔、亂、沉、陰、心、任、音二十二韻。

晨征聽曉鴻

聽曉鴻。曉鴻度將旦。跨弱水之微瀾。發成山之遠岸。休春歸之未幾。驚此歲之云半。出海漲之蒼茫。玉臺作芒。同人雲途之瀾玉臺作杳。漫。無東西之可辨。孰遐邇之能算。微昔見於洲渚。赴秋期於江漢。集勁風於弱軀。負重雪於輕翰。寒谿可以飲。荒阜可以竄。谿水徒自清。微容豈足翫。秋蓬飛兮未極。塞玉臺作寒。草寒玉臺作萎。今無類聚作容。色。吳玉臺作楚。山高兮高玉臺作杳。度。越水深兮深不玉臺作不可。測。羨玉臺作美。明月之馳光。顧玉臺作顧。征禽之駛玉臺作聘。翼。玉臺作聘。翼伊余馬之屢懷。知吾詩紀作君。注云。一作吾。行之未極。詩紀云。一作息。夜緜緜而難曉。愁參差而盈臆。望山川悉無似。玉臺誤作以。惟星河猶可識。孤玉臺作聞。雁夜南飛。客淚夜沾衣。春鴻旦玉臺作思。暮返。客子方未歸。歲去歡娛盡。年來容貌衰。玉臺作非。詩紀云。一作非。攬柁形雖是。撫臆事多違。青網玉臺作蒲。詩紀云。一作蒲。雖長復易解。白雲誠遠詎難依。○玉臺新詠九。詩紀七十四。又類聚九十引旦、岸、算、極、色、測、翼、臆、飛、衣、歸十一韻。

解佩去朝市

去朝市。朝市深詩紀云。一作晨。歸暮。辭北纓而南徂。浮東川而西顧。逢天地之降祥。值日月之重光。當伊仁之菲薄。詩紀作伊吾行之未已。注云。一作伊當仁之未已。非余情之信芳。充待詔於金馬。奉高宴於柏梁。觀鬪獸於虎圈。望窈玉臺作育。窈於披香。遊西園兮登銅雀。攀玉臺作舉。青瑣兮眺重陽。講金華兮議宣室。畫武帷詩紀作帳。今夕文昌。佩甘泉兮履詩紀作履。五柞。簪杵指玉臺作詣。今紱詩紀作賦。通承光。託後車兮侍華幄。遊渤海兮泛清漳。天道有盈缺。寒暑遞炎涼。一朝賣玉碗。玉臺作琬。眷眷惜餘香。曲池無復處。桂枝亦銷亡。清廟徒肅肅。西陵久茫茫。薄暮余多幸。嘉運重來昌。忝稽郡之南尉。典玉臺作曲。千里之光貴。別北芒玉臺作荒。於濁河。戀橫橋於清渭。望前軒之早桐。對南階之初卉。非余情之屢傷。寄茲焉兮詩紀作之。能慰。眷昔日兮懷哉。日將暮兮歸去來。○玉臺新詠九。詩紀七十四。

被褐守山東

守山東。山東萬嶺詩紀云。一作里。文苑作嶺。鬱青葱。兩溪共一瀉。玉臺作寫。文苑同。水潔望如空。岸側青莎被。巖間丹桂叢。上瞻既隱軫。下睇亦溟濛。類聚作蒙。遠林響咆獸。近樹聒鳴蟲。路出玉臺作帶。詩紀云。一作帶。若溪類聚作然。右澗詩紀云。一作泉。吐金華東。萬仞倒危石。百丈注懸深。玉臺作叢。文苑、詩紀作涼。掣曳寫玉臺作瀉。詩紀同。流電。奔飛似白虹。洞井含清氣。漏穴吐飛風。玉竇膏滴瀝。石乳室類聚作室乳。空籠。峭崿途彌險。

崖詩紀作巖。岨步纔通。余捨類聚無捨字。文苑同。平生之所愛。歛暮年而詩紀作之。此逢。玉臺作逢此。文苑同。欲玉臺作願。一去而不還。悵玉臺作恨。鄒詩紀云。一作恨邦。衣類聚作邦君。之未褫。類聚作褫。揖林壑之清曠。事氓俗之紛詭。幸帝德之方升。值天綱玉臺作網。之未毀。既除舊而布新。故化民而俗徙。播趙俗以南徂。扇齊風以東靡。乳雉方可馴。流蝗庶能弭。清心矯世濁。儉改革詩紀作救。民侈。秩滿歸詩紀作撫。白雲。淹留事芝髓。○玉臺新詠九。詩紀七十四。又類聚三十六引東、葱、空、叢、濛、蟲、東、溱、虹、風、籠、逢、禘、髓十四韻。文苑英華百六十引東、葱、空、叢、濛、蟲、東、溱、虹、風、籠、逢、禘、髓十四韻。



梁詩卷八

劉霽

霽。字士湮。一云士烜。平原人。天監中。歷仕尚書主客侍郎、海鹽令。居母憂。廬墓側。以憂卒。

詠荔枝詩

叔師貴其珍。武仲稱其詩。紀作斯。美。良由自遠致。白帖作至。含滋不留齒。○類聚八十七。白帖三十。詩紀九十。

劉苞

苞。字孝嘗。彭城人。天監初。自征虜主簿遷臨川王右軍功曹。累遷尚書庫部侍郎、丹陽尹丞、尚書殿中郎、南徐州治中、太子洗馬。天監十三年卒。時年三十。

九日侍宴樂遊苑正陽堂詩

六歲時雜詠作上。文苑、御覽同。郡良家子。幽并遊俠兒。立乘爭飲羽。側類聚作倒。騎競紛馳。鳴歲時雜詠作明。文苑、御覽同。珂飾華眊。金鞍歲時雜詠作袍。文苑同。映玉羈。膳羞殫海陸。和齊眊類聚作眠。廣文選同。歲時雜詠作視。秋宜。

雲飛雅琴。初學記作樂。文苑云。類聚作樂。琴。風起洞簫吹。曲終高宴罷。景落樹陰移。微薄承歲時。雜詠作恣。嘉惠。飲德良不貲。文苑作誓。取効績無紀。感恩心自知。○類聚四。初學記四。古今歲時雜詠三十三。文苑英華百七十三。御覽三十二及廣文選九作九日侍宴樂遊苑詩。詩紀八十八。

望夕雨詩

崇朝構行雨。薄晚屯密雲。緣階起素沫。竟水散圓文。河柳低未舉。山桃落已芬。清罇久不薦。淹留遂待君。○類聚二。文苑英華百五十三。詩紀八十八。

柳鎮

鎮。字子元。河東人。梁天監中。自司州遊京師。於鍾山西建業里買地結茅。未幾。北還洛陽。

題所居齋柱詩

江小不久計。要適暫居心。況念洛陽士。今來歸舊林。○太平廣記四百九十六。

柳惲

惲。字文暢。河東解人也。齊時。竟陵王引爲法曹參軍。累遷太子洗馬。試守鄱陽相。還除驃騎從事。

中郎。武帝至京邑。以爲冠軍將軍、征東府司馬。除給事黃門侍郎。領步兵校尉。天監元年。除長兼侍中。二年。出爲吳興太守。六年。徵爲散騎常侍。遷左民尚書。八年爲廣州刺史。徵爲秘書監。復爲吳興太守。天監十六年卒。年五十三。有集十二卷。

江南曲

汀萬花谷誤作汴。洲采白蘋。日落寰字記作晚。萬花谷同。詩紀作暖。江南春。寰字記作村。洞庭有歸客。瀟湘逢故人。故人何類聚作久。不返。春華樂府作花。詩紀同。復應詩紀云。一作將。晚。不道新知樂。祇玉臺作且。類聚作空。文苑作只。言行路遠。○玉臺新詠五。類聚四十二。文苑英華二百一。樂府詩集二十六。詩紀七十九。又太平寰宇記九十四作柳惲詩。引村一韻。萬花谷五作爲吳興守詩。引春一韻。

長門怨

玉壺夜悒悒。應門重且深。秋風動桂樹。流月搖輕陰。綺簷清露溼。詩紀云。一作滴。網戶思蟲吟。歎息下蘭閣。含愁奏雅琴。何由鳴曉佩。復得抱宵衾。無復金屋念。豈照長門心。○玉臺新詠五。樂府詩集四十二。詩紀七十九。

度關山

長安玉臺作少長。詩紀同。注云。一作長安。倡家女。出入燕南垂。惟樂府作與。持德自美。本以容見知。舊聞關山

遠。樂府作道。何事總金羈。妾心日已亂。秋風鳴細枝。○玉臺新詠五。樂府詩集二十七。詩紀七十九。

起夜來

城南斷車。樂府作兵。騎。閣道覆青玉臺。作清。埃。露華光翠網。月影入蘭臺。洞房且莫掩。應門或復開。颯颯秋桂響。非君起夜來。○玉臺新詠五。樂府詩集七十五。詩紀七十九。

獨不見

別島望風。樂府作雲。詩紀同。文苑云。一作雲。臺。天淵臨水殿。芳草生未積。春花落如霰。出從張公子。還過趙飛燕。奉帚長信宮。誰知獨不見。○玉臺新詠五。文苑英華二百十一。樂府詩集七十五。詩紀七十九。又類聚四十二引霰、燕、見三韻。

芳林篇

芳林曄兮發朱榮。時既晚兮隨風零。隨風零兮返無期。安得陽華遺所思。○樂府詩集七十七。詩紀七十九。

贈吳均詩三首

寒雲晦滄洲。奔潮溢南浦。相思白露亭。永望秋風渚。心知別路長。誰文苑作不。詩紀云。一作不。謂若燕楚。關

候日遼絕。如何文苑、詩紀並云。一作何因。附行旅。願作野飛鳥。飄然自輕舉。○類聚三十一作贈吳筠詩。文苑英華二百四十七。詩紀七十九。

遠遊濟伊洛。秣馬度清漳。邯鄲饒詩紀云。一作有。美女。豔色含春芳。鼓瑟未成曲。踏類聚作跼。屣文苑作履。詩紀云。一作躡履。復翱翔。我本遊客子。情愛在淮陽。新知誰類聚作知誰新。不樂。念舊苦人腸。類聚作傷。○同上夕宿飛狐文苑作狐。注云。疑作狐。關。晨登磧礫坂。形爲戎馬倦。思逐征旗遠。邊城秋霰來。寒鄉春風晚。始信隴雪輕。漸覺寒雲卷。徭役命所當。念子文苑作予。加餐飯。○文苑英華二百四十七。詩紀七十九。

雜詩

雲輕暮色轉。玉臺作色轉暖。草綠晨芳歸。山墟罷寒晦。園澤潤詩紀作閩。誤。朝暉。春心多感動。睹物情復悲。自君之去玉臺作出。矣。蘭堂罷鳴機。徒知遊宦是。不念別離非。○玉臺新詠五。詩紀七十九。

七夕穿針詩

代玉臺作黛。馬秋不歸。緇紈無復緒。迎寒理衣玉臺作夜。類聚、初學記、歲時雜詠同。縫。映月抽纖縷。的皜愁睇光。連娟思眉聚。清露下羅衣。秋風吹玉柱。流陰稍已多。類聚作流景對秋夕。初學記、文苑同。詩紀云。一作流景對秋夕。餘光欲誰與。玉臺作難取。初學記同。類聚作難駐。文苑作亦難取。注云。一作欲誰與。歲時雜詠云。一作流景對秋夕。餘光欲難取。○玉臺新詠五。古今歲時雜詠三十五逸作者名。文苑英華百五十八。詩紀七十九。又類聚四引緒、縷、柱、駐四韻。初學記四引緒、縷、柱、取四韻。

詠薔薇詩

當戶種薔薇。枝葉太歲蕤。不搖香已亂。無風花自飛。春閨不能靜。開匣理玉臺。作對明妃。曲池浮采采。斜岸列依依。或聞好音度。時見銜泥歸。且對清酤玉臺作觴。湛其餘任是非。○玉臺新詠五作江洪。類聚八十一。詩紀七十九。

奉和竟陵王經劉瓛墓下詩

西河寂高業。北海望清塵。音徽誰與寄。尚德在伊人。遺文重昭晰。絕緒復紛綸。露華尚詩紀作白。朝日。蘭生無久春。芳猷動淵思。撫軾履高辰。山風起寒木。野雀亂秋謝集作秧。榛。壟草時易宿。素軌邈難遵。○謝宣城詩集四。詩紀七十九。

擣衣詩五章○詩紀作五首。非。

孤衾引詩紀云。一作紛。思緒。獨枕愴類聚作帳。詩紀云。一作帳。憂端。深庭秋草綠。高門白露寒。思君起清夜。促柱奏幽蘭。不怨飛蓬苦。徒傷蕙草殘。

行役滯風波。遊人淹不歸。亭臯木葉下。隴首秋雲類聚作蓬。飛。寒園夕鳥集。思牖草蟲悲。嗟矣當春服。安見禦冬衣。○梁書曰。惲少工篇什。爲詩云。亭臯木葉下。隴首秋雲飛。王無長見而嗟賞。

鶴鳴勞永歎。采芣傷時暮。念君方遠遊。類聚作徯。望類聚作賤。妾理紈素。秋風吹綠類聚作淥。潭。明月懸高樹。佳人飾淨容。招攜從所務。

步欄玉臺作欄。杳不極。離堂玉臺誤作家。肅已扃。軒高夕杵散。氣爽夜砧鳴。瑤華隨步響。幽蘭逐袂生。踟躕理金翠。容與納宵清。

泛豔回煙綵。淵旋龜鶴文。淒淒合歡袖。冉冉玉臺作苒苒。蘭麝芬。不怨杼軸苦。所悲千里分。垂泣送行李。傾首遲歸雲。○玉臺新詠五。詩紀七十九。又類聚六十七引端、寒、蘭、殘、歸、飛、暮、素、樹、鳴、生十一韻。

詠席詩

照日汀洲際。搖風淥潭側。雖無獨繭輕。初學記作絲。幸有青袍色。羅袖少輕塵。象牀多麗飾。願君蘭夜類聚作夜闌。飲。佳人時宴類聚作安。息。○玉臺新詠五。謝宣城詩集五。類聚六十九。初學記二十五作柳惲詩。萬花谷續七。詩紀七十九。

從武帝登景陽樓詩

南史曰。武帝與宴。必詔惲賦詩。嘗和帝登景陽樓篇。深見賞美。當時咸共稱傳。

太液滄波起。長楊高樹秋。翠華承漢遠。雕輦逐風游。○梁書本傳。南史本傳。詩紀七十九。

贈吳均詩二首

山桃落晚紅。野蕨開初紫。雲日自清明。蘋芷齊羸靡。離念已鬱陶。物華復如此。○類聚三十一作贈吳筠。詩紀

七十九

秋風度關隴。楚客奏歸音。颯颯避霜葉。離離山塞禽。○同上

范鎮

鎮。字子真。南鄉舞陰人。晉平北將軍汪六世孫。仕齊。歷寧蠻主簿、尚書殿中郎、領軍長史、宜都太守、晉安太守。天監四年。徵爲尚書左丞。以駁佛教神不滅論徙付廣州。還爲中書郎、國子博士。有集十一卷。

擬招隱士

修竹苞生兮山之嶺。繽紛葳蕤兮下交陰。木龍藂兮巍峨。川澤泱泱兮雲霧多。悲猿鳴噪兮嘯儔侶。攀折芳條兮聊停佇。夫君兮不還。蕙華兮彫殘。歲晏兮憂未開。草蟲鳴兮淒淒。蕭兮森兮玄澗深。悵徬徨兮沈吟。紛紛兮菴蔓。窮巖穴兮熊窟幽林。杳冥兮吁可畏。嶽崑兮傾欹。飛泉兮激沫。散漫兮淋漓。弱蘿兮修葛。互蔓兮長枝。綠林兮被崖。隨風兮紛披。猛獸兮封狐。眈眈兮視余。扶藤兮直上。巖巖兮嶷嶷。霏霏兮敷敷。赤豹兮文狸。攀騰兮相迫。思慕公子兮心遲遲。寒風厲兮鴟梟吟。鳥悲鳴兮離其羣。公子去兮親與親。行露厭浥兮似中人。○文苑英華三百五十八。

何遜

遜。字仲言。東海郟人。宋御史中丞承天曾孫。天監中。起家奉朝請。遷建安王偉水曹參軍。九年。隨府遷江州。還為安成王安西參軍。兼尚書水部郎。十六年。除廬陵王記室。復隨府江州。未幾卒。有集七卷。

樂府

銅雀妓

秋風木葉落。蕭瑟管絃類聚作絃管。清。望陵歌對酒。向帳舞空城。寂寂簷本集作簾。文苑、詩紀並云。一作簾。字曠。飄飄帷幔輕。曲終相顧起。日暮松柏聲。○本集二。類聚三十四。文苑英華二百四。詩紀八十三。

擬輕薄篇

城東類聚作長安。樂府云。一作長安。美少年。類聚作年少。重身輕萬億。柘彈隋珠丸。白馬黃金飾。詩紀云。一作勒。長安九遠上。青槐蔭文苑作陰。注云。一作蔭。道植。穀擊晨已喧。肩排類聚作摩。暝玉臺作暗。類聚同。不息。走狗通樂府作東。西文苑作四。注云。一作息。望。牽牛巨樂府作向。文苑云。一作向。南直。相期百戲旁。去來三市側。象牀香繡被。玉盤傳綺食。倡女樂府作大姉。注云。一作娼女。掩扇歌。文苑作歌扇。詩紀同。小婦樂府作妹。注云。一作婦。開簾織。相看獨隱笑。見人還斂色。黃鶴詩紀作鵠。悲故羣。山枝本集作川。詠新玉臺作初。識。烏玉臺作鳥。飛過客盡。雀

聚行龍匿。酌羽文苑作酒。是方玉臺作前。厭厭。此時歡未文苑作無。極。○本集二〇玉臺新詠五。文苑英華百九十四作麗薄篇。樂府詩集六十七作輕薄篇。詩紀八十三。又類聚三十三引億、飾、植、息、直、側、食七韻。四十二作輕薄篇。引億、飾、側、食、織、色六韻。

門有車馬客

門有車馬客。言是故鄉來。故鄉有書信。縱橫印檢開。開書看未極。行客屢相識。借問故鄉來。潺湲淚不息。上言離別久。下言望應歸。寸心將夜鵲。本集作鶴。詩紀同。相逐向南飛。○本集二。文苑英華百九十五。樂府詩集四十作何妥。詩紀八十三。

昭君怨

昔聞白文苑作別。樂府同。鶴弄。已自軫離情。今來昭君曲。還悲秋草生。文苑作并。樂府同。○本集二。文苑英華二百四。樂府詩集二十九作何妥。詩紀八十三。

詩

九日侍宴樂游苑詩爲西封侯作

皇德無餘讓。重規襲本集作人。文苑作習。注云。一作襲。帝助。垂衣化比屋。睠歲時雜詠作眷。顧類聚作卷領。文苑云。一作

眷領。慎爲君。翺飛悅有道。卉木荷平分。宸歲時雜詠作神。文苑云。一作神。襟動時豫。歲序屬涼氛。城霞旦初學記作朝。歲時雜詠、文苑同。文苑又注。一作旦。晃朗。槐霧本集作靄。曉氣初學記作氣。文苑同。又注。一作氣。氤。鸞輿和文苑云。一作和馳。八襲。本集作六龍。鳳駕啓文苑作起。注云。一作啟。千羣。本集作郡。羽觴歡類聚作歌。文苑云。一作歌。湛露。佾舞奏承雲。禁林終宴晚。初學記作晚宴。華池物色曛。疏樹翻高葉。寒流聚細文。本集作紋。詩紀同。文苑云。一作紋。晴軒連瑞氣。同初學記作飛。歲時雜詠同。詩紀云。一作飛。惹御香芬。以上二句。歲時雜詠在末尾。日斜迢遞宇。風起嵯峨雲。運偶參侯服。恩洽厠朝聞。本集作文。於焉藉文苑作籍。多幸。歲暮仰遊汾。○本集一。古今歲時雜詠三十三作九日侍宴樂遊苑。文苑英華百七十三。詩紀八十三。又類聚四作爲西豐侯九日侍宴樂遊苑詩。引助、君、分、氣、氤、羣、雲、曛、文九韻。初學記四作九日侍宴樂遊苑詩。引助、分、氣、氤、曛、文、芬、汾八韻。

登石頭城詩

關城文苑作開城。乃形勢。地險差文苑作嗟。非一。馬嶺逐紆文苑作縈。注云。一作紆。回。犬詩紀作大。牙傍隆文苑作陰。注云。一作險。窄。文苑作峩。百雉極襟帶。億庾兼量出。文苑云。疑作人。押出字。至理歸無爲。文苑作無窮形。善守竟文苑作爲善竟。何恤。眺聽窮耳目。遠近備幽悉。擾擾見行人。暉暉視落日。連檣入迴浦。飛蓋文苑作幘。交長術。天暮遠山青。潮去遙六朝事跡作邊。沙出。薄宦文苑作官。慙文苑作惡。師表。屬辭慙愈疾。願乘穀觶牛。文苑作車。還隱蒙籠文苑作朦朧。室。○本集一。文苑英華三百九。詩紀八十三。又六朝事跡類編上引出一韻。

望解前水竹答崔錄事詩詩紀云。拾遺作顧則心詩。

蕭蕭藜竹映。澹澹平湖淨。葉倒漣漪文。水漾檀欒影。相思不會面。相望空延頸。遠天去浮雲。長墟斜落景。幽痾與歲積。賞心隨事屏。鄉念一遭迴。白髮生俄頃。○本集二。詩紀八十三。

暮秋答朱記室詩

游揚日色淺。騷屑風音勁。寒潭見底清。風色極天淨。寸陰坐銷鑠。千里長遼迥。桃李爾繁華。松柏余本性。故心不存此。高文徒可詠。○本集二。詩紀八十三。

酬范記室雲詩

林密戶稍陰。草滋堦欲暗。風光葢上輕。日色花中亂。相思不獨懽。佇立空爲歎。清談莫共理。繁文徒可玩。高唱子自輕。繼音予可憚。○本集一。詩紀八十三。

落日前墟望贈范廣州雲詩

緣溝綠草蔓。扶椶雜華舒。輕煙澹柳色。重霞映日餘。遙遙長路遠。類聚作晚。詩紀云。一作晚。寂寂行人疎。我心懷碩德。思欲命輕車。高門盛遊侶。誰肯進畋漁。○本集一。詩紀八十三。又類聚三十一作落日贈范岫詩。引舒、餘、疎

三韵。

日夕望江山各書無山字。贈魚司馬詩

溢城帶溢水。溢水縈如帶。日夕望高城。類聚作樓。文苑同。文苑注。一作城。耿耿青雲外。城中多宴賞。絲竹常繁會。管聲已流悅。絃聲復淒。玉臺作悽。切。歌本集作矜。黛慘如愁。舞腰凝玉臺。作疑。類聚同。欲絕。仲秋黃葉下。長風正騷屑。早雁出雲歸。故燕辭檐別。晝悲在異縣。文苑作鄉。夜夢還洛汭。洛汭何悠悠。起望登西本集作西南。詩紀同。樓。的的帆向浦。團團月映文苑作隱。詩紀同。又注云。一作隱。玉臺作日隱。類聚同。洲。誰能一羽化。輕舉逐飛浮。○本集一。玉臺新詠五。類聚三十一。文苑英華二百四十七。詩紀八十三。

答丘長史詩

宿昔敦遠遊。名分乃異路。千里泝波潮。一朝披雲霧。從容捨密勿。繾綣論襟趣。披文極詆訶。析理窮章句。明鍾信有待。巨海誰能喻。奔景驟西傾。還途忽東鶩。黃花發岸草。赤葉翻高樹。漁舟乍回歸。沙禽時獨赴。宴年時未幾。離歌倏成賦。伊我念幽關。夫君思贊務。短翮方息飛。長轡日先驅。曝鰓□□走。逸翮康時務。握手異沈浮。佳期安可屢。○本集二。詩紀八十三。

道中贈桓司馬季珪詩

晨纜雖同解。晚洲阻共人。猶如征鳥本集作鳧。飛。差池不可及。本願申羈旅。何言異翔集。君渡北江時。詎

今南浦泣。○本集二。

夕望江橋示蕭諮議楊建康江主簿詩

夕鳥已西度。殘霞亦半消。風聲動密竹。水影漾長橋。旅人多憂思。寒江復寂寥。爾情深鞏落。本集作洛。予念返漁樵。何因適歸願。分路一揚鏹。○本集二。詩紀八十三。

寄江州褚諮議詩

自與君別離。四序紛迴薄。分手清江上。念別猶如昨。追憶邊城遊。奚尋平生樂。俱登龍從嶺。共坐透迤閣。清吹或忘歸。繁文時間作。連鏹戲淺草。遊幃遵長薄。五載同衣裘。一朝異睽索。夫君頗留滯。驂駢未沃若。伊家從人關。終是填溝壑。早秋正悽愴。餘暉晚銷鑠。林葉下仍飛。水花披未落。如何隔千里。無由舉三爵。因君奏采蓮。爲余吟別鶴。○本集二。詩紀八十三。

入西塞示南府同僚詩

露清曉風冷。天曙江晃詩紀云。一作光。爽。薄雲巖際出。初月波中上。黯黯連嶂陰。騷騷急沫響。迴植急礧浪。羣飛爭戲廣。伊余本羈客。重睽復心賞。望鄉雖一路。懷歸成二想。在昔愛名山。自知權獨往。情游乃落魄。得性隨怡養。年事以蹉跎。生平任浩蕩。方還讓夷路。誰知羨魚網。○本集二。詩紀八十三。

下直出谿邊望答虞丹徒本集誤作徒丹。敬詩

夫君美章句。席丈珍梁楚。伊余忝攝官。含毫亦禁阻。直廬去咫尺。心期得宴本集作晏。是語。休沐乃幽棲。別離未幾許。佇立日將暮。相思忽無緒。谿北映初星。橋南望行炬。九重不可越。三爵何由舉。○本集二。詩紀八十三。

贈諸遊舊詩

弱操不能植。薄伎竟無依。淺智終已矣。令名安可希。擾擾從役倦。屑屑身事微。少壯輕年月。遲暮惜光輝。一塗今未是。萬緒昨如非。新知雖已樂。舊愛盡睽違。望鄉空引領。極目淚沾衣。旅客長憔悴。春物自芳菲。岸花臨水發。江燕遶檣飛。無由下征帆。獨與暮潮歸。○本集二。詩紀八十三。

贈族人秣陵兄弟詩何思澄爲秣陵令。

吾宗昔多士。文雅高縉紳。小子無學術。丁寧困負薪。傍枝實紛亂。領袖寄親姻。名價齊兩許。閨門比三陳。風力咸通邁。藝業並紛綸。元方振高羽。洛令初解巾。自爾典名郡。所在號清淳。齊兒敢爲俗。蜀物豈隨身。祿俸不妻子。謳吟乃吏民。孰云穢明德。惟在中聖人。若能遺酌我。稱首當屬仁。仲將本特達。坎壤猶賤貧。方成天下士。豈伊席上珍。外情或簡易。內鑒甚人倫。時然臨下邑。摘伏信如神。顧余晚脫略。懷

抱日湮淪。游宦疲年事。來往厭江濱。十載猶先職。一官乃任真。土牛竟不進。芻狗空重陳。羈旅無儔匹。形影自相親。蕭索高秋暮。砧杵鳴四鄰。霏霏入窗雨。漠漠暗牀塵。所思不可見。邈若胡與秦。願子加餐飯。良會在何辰。○本集一。詩紀八十三。

秋夕仰贈從兄寘南詩

堦蕙漸翻葉。池蓮稍罷花。高樹北風響。空庭秋月華。寸心懷是夜。寂寂漏方賒。撫弦乏歡娛。臨觴獨歎嗟。悽愴戶涼入。徘徊欄本集作欄。影斜。無爲淹戚里。見就還田家。○本集一。詩集類函二十六。

仰贈從兄興寧寘南詩

家世傳儒雅。貞白仰餘徽。宗派已孤狹。財產又貧微。棲息同蝸舍。出入共荆扉。松筆時臨沼。蒲簡得垂帷。幸逢四海泰。日月耀增輝。相顧無羽翮。何由總奮飛。一朝異言宴。萬里就睽違。遠江飄素沫。高山鬱翠微。相思對森森。本集作渺渺。相望隔巍巍。死灰終不然。長岑且未歸。當憐此分袂。脉脉淚沾衣。○本集二。詩紀八十三。

贈江長史別詩

二紀歷茲辰。投分敦遊處。況事兼年德。宴交無爾汝。中歲多乖違。由來難具敘。及君相藩牧。伊予客梁

楚。出國乃參差。會歸同處所。以茲篤惠好。何用忘羈旅。重得申平生。何年更睽阻。籠禽恨跼促。逸翮超容與。餞道出郊坰。把袂臨洲渚。長飈落江樹。秋月照沙渚。遠送子應歸。棹開帆欲舉。離舟懽未極。別至悲無語。安得生羽毛。從君人宛許。○本集二。詩紀八十三。

送韋司馬別詩

送別臨曲渚。征人慕前侶。離言雖欲繁。離思終無緒。憫憫分手畢。蕭蕭行帆舉。舉帆越中流。望別上高樓。予起南枝怨。子結北風愁。邈邈山蔽日。洶洶浪隱舟。隱舟邈已遠。徘徊落日晚。歸衢並駕奔。別館空筵卷。想子斂眉去。知予銜淚返。銜淚心依依。薄暮行人稀。曖曖人塘港。蓬門已掩扉。簾中看月影。竹裏見螢飛。螢飛飛不息。獨愁空轉側。北窗倒長簾。南鄰夜聞織。棄置勿復陳。重陳長歎息。○本集二。詩紀八十三。

南還道中送贈劉諮議別詩

一官從府役。五稔去京華。遽逐春流返。歸帆得望家。天末靜波浪。日際斂煙霞。岸薺生寒葉。村梅落早花。遊魚上急水。獨鳥赴行楂。目想平陵柏。心憶青門瓜。曲陌背通垣。長墟抵本集作底。狹斜。善鄰談穀稼。故老述桑麻。寢興從閒逸。視聽絕喧譁。夫君日高興。爲樂坐驕奢。室墮傾城佩。門交接轡車。人塞長雲雨。出國暫泥沙。握手分歧路。臨川何怨嗟。○本集二。詩紀八十三。

與崔錄事別兼敘攜手詩

去夏予回首。言乃重行行。今春遊派滋。訪子猶武城。暫別年逾詩紀作愈。半。同歸月未盈。復道中寒食。彌留曠不平。道術既爲務。懼惶恐未并。及爾沈痾愈。值茲秋序明。石磧松江靜。沙流繞岸清。川平看鳥遠。水淺見魚驚。逝將窮履歷。方欲恣逢迎。何言聚易散。鄉棹爾孤征。我本倦遊客。心念似懸旌。聞離常屑涕。是別盡淒清。詩紀云。一作情。況此忘懷地。相愛猶弟兄。脉脉留南浦。悠悠返上京。欲鑷星星髮。因君示友生。○本集二。詩紀八十三。

別沈助教詩

可憐玉匣劍。復此飛鳧舄。未覺愛生憎。忽見雙成隻。一朝別笑語。萬事成疇昔。道道若波瀾。人生異金石。願君深自愛。共念悲無益。○本集二。詩紀八十三。

與沈助教同宿溢口夜別詩

我爲潯陽客。戒旦乃西游。君隨春水駛。雞鳴亦動舟。共泛溢之浦。旅泊次城樓。華燭已消半。更人數唱籌。行人從此別。去去不淹留。○本集二。詩紀八十三。

與蘇九德別詩

宿昔夢顏色。咫尺思言偃。詩紀云。疑作宴。何況杳來期。各在天一面。踟躇暫舉酒。倏忽不相見。春草似青袍。秋月如團扇。三五出重雲。當知我憶君。萋萋若被逕。懷抱不相聞。○本集二。詩紀八十三。

贈韋記室黯別詩

故人儻送別。停車一水東。去帆若不見。試望白雲中。促膝今何在。銜杯誰復同。水夜看初月。江晚泝歸風。無因生羽翰。千里暫排空。○本集二。詩紀八十三。

初發新林詩

伊昔負薪暇。慕義游梁楚。短翮忘連翩。追飛散本集作羨。是。容與。優游沐道教。漸漬淹寒暑。大德本無酬。輕生竊自許。舟歸屬海運。風積如鵬舉。浮水暗舟艫。合岸喧徒侶。凜凜窮秋暮。初寒入洲渚。鏡吹響清江。懸旗出長嶼。危檣迥不進。杳浪高難拒。回首泣親賓。中天望宛許。帝城猶隱約。家園無處所。去矣方悠悠。含意將何語。○本集二。詩紀八十三。

渡連圻詩二首

此山多靈異。峻岨實非恆。湫流自洄糾。激瀨視奔騰。懸崖抱奇崛。本集作窟。絕壁駕峻嶒。磳礧上爭險。岵

崿下相崩。百年積死樹。千尺掛寒藤。詭怪終不測。廻沈意難登。願欲書聞見。聊以寄親朋。○本集二。詩紀八十三。

連圻連不極。極望在雲霞。絕壁無走獸。窮岸有盤楂。糾紛上巖崿。穿豁下巖穿。本集作崿牙。魚遊顏氏家訓作躍魚。若擁劍。猿掛似懸瓜。陰岸生駁蘚。伏水拂澄沙。客子行行倦。年光處處華。石蒲生促節。巖樹落高花。暮潮還入浦。夕鳥飛向家。寓目皆鄉思。何時見狹斜。○本集二。詩紀八十三。又顏氏家訓文章篇引一句。類聚二十七引華、花二韻。

下方山詩

寒鳥樹間響。落星川際浮。繁霜白曉岸。苦霧黑晨流。鱗鱗逆去水。瀾瀾急還舟。望鄉行復立。瞻途近更脩。誰能百里地。縈繞千端愁。○本集二。詩紀八十三。

入東經諸暨縣下浙江作詩

本集作浙。疲身不自量。溫腹無恆擬。未能守封植。何能固廉恥。一經可人言。三冬徒戲爾。虛信蒼蒼色。未究冥冥理。得彼既宜然。失之良有以。常言厭四壁。自覺輕千里。日夕聊望遠。山川空信美。歸飛天際沒。雲霧江邊本集作傍。詩紀云。一作傍。起。安邑乏主人。臨卽多客子。鄉鄉自風俗。處處皆城市。所見無故人。含意終何已。○本集六。詩紀八十三。

還渡本集作杜。五洲詩

我行朔已晦。泝水復沿流。戎傷初不辨。動默自相求。睠言還九派。迴臚出五洲。蕭散煙霧晚。淒清江漢秋。沙汀暮寂寂。蘆岸晚脩脩。以此本集作茲。南浦夜。重此北門愁。方圓既齟齬。貧賤豈怨尤。○本集二。詩紀八十三。又類聚二十七引洲、秋、修三韻。

春夕早泊和劉諮議落日望水詩

旅人嗟倦遊。結纜坐春洲。日暮江風靜。中川聞棹謳。草光天際合。霞影水中浮。單臚時向浦。獨楫乍乘流。變童泣垂釣。妖姬哭盪舟。客心自有緒。對此空復愁。○本集二。詩紀八十三。

和劉諮議守風詩

彌旬苦凌亂。揆景候阡陌。晝想汝陽津。夜夢邯鄲驛。憤風急驚岸。屯雲仍觸石。蕭條疾帆流。魄本集作礪。礪衝波白。息榜已本集作易。云久。維稍本集作梢。晨已積。蒼蒼極浦潮。杳杳長洲夕。本慙依飛劍。寧慕澹臺壁。纖羅若不□。跂予中上澤。○本集二。詩紀八十三。

宿南洲浦詩

幽棲多暇豫。從役知辛苦。解纜及朝風。落帆依暝浦。違鄉已信次。江月初三五。沈沈夜看流。淵淵朝聽

鼓。霜洲渡旅雁。朔颺吹宿莽。夜淚坐淫淫。是夕偏懷土。○本集二。廣文選十。詩紀八十三。

學古贈丘永嘉征還詩

龍馬魚腸劍。踐蹠本集作蹠蹠。起風塵。結客蔥河返。喧喧動四鄰。入墟猶憶舊。德卷當作覓蒼。復疑新。窺見應門出。遙識下機人。相悲淚欲下。離別方自陳。○本集一。永嘉縣志三十三作贈丘永嘉征還詩。詩紀八十三。

和蕭諮議岑離閨怨詩

曉河沒高棟。斜月半空庭。窗中度落葉。簾外隔飛螢。含悲玉臺作情。類聚同。下翠帳。掩泣玉臺作涕。類聚同。閉金屏。昔期今未返。春草寒復青。思君無轉易。何異北辰星。○本集二。玉臺新詠五、類聚三十二並作閨怨詩。詩紀八十三。

嘲劉郎詩

房櫳滅夜火。窗戶本集作外。映朝光。妖本集作姦。女褰帷去。踐蹠本集作蹠蹠。玉臺同。初下牀。雀釵橫曉鬢。蛾眉艷宿粧。稍聞玉釧遠。猶憐翠被香。寧知早朝客。差池已雁行。○本集二。玉臺新詠五作嘲劉孝綽。詩紀八十三。

詠本集無詠字。照鏡詩

朱玉臺作珠。類聚同。簾且初捲。綺類聚作停。機朝未織。玉匣開鑑影。玉臺作形。類聚作寬形。寶臺臨淨。本集、詩紀作靜。臨。飾。對影獨含笑。看花類聚作光。時玉臺作空。轉側。聊爲出繭眉。試染天桃色。羽釵如詩紀作寶釵若。可本集作寶釵若何。問。金鈿畏本集作長。玉臺同。相逼。蕩子行未歸。啼粧坐沾臆。○本集一。玉臺新詠五。類聚七十。詩紀八十三。

擬青青河邊草轉韻體爲人作其人識節工歌詩

春蘭玉臺作園。詩紀云。一作園。日文苑作已。樂府同。應好。折花望遠道。秋夜苦復長。抱枕向空牀。吹臺玉臺作樓。詩紀云。一作樓。下促節。不言於本集作與。此別。歌筵掩團扇。何時一相見。絃絕樂府云。一作斷。猶依軫。葉落纔玉臺作裁。文苑同。下枝。卽此雖云別。方我未成離。○本集二。玉臺新詠五作學青青河畔草。文苑英華二百八、樂府詩集三十八並作青青河畔草。詩紀八十三。

學古詩三首

長安美少年。羽騎暮連翩。玉羈瑪瑙勒。金絡珊瑚鞭。陣雲橫塞起。赤日下城圓。追兵待都護。烽火望祁連。虎落夜方寢。魚麗曉復前。平生不可定。空信蒼浪天。○本集一。樂府詩集六十六作長安少年行。詩紀八十三。
鞏洛上東門。薄暮川流側。渾渾車馬道。行人不相識。日夕棲鳥遠。浮雲起新色。寸心空延佇。對面何由

卽。飛輪倘易去。易去因風力。○本集一。

昔隨張博望。辭帝長楊宮。獨好西山勇。思爲北地雄。十年事河外。雪詩紀云。一作雲。纒別關中。季月邊秋重。嚴野散寒蓬。日隱龍城霧。塵起玉關風。全狐君已復。半菽我猶空。欲因上林雁。一見平陵桐。○同上

聊作百一體詩

靈輒困桑下。於陵拾李螬。歷齒方嗟賤。灸背豈知豪。傭畊乏旅力。倚市憚劬勞。曠日無豆飴。方冬缺緼袍。清旦開蓬葦。舉目想煎熬。樞機慎僕隸。媒藥畏朋曹。萬途皆自僻。一事豈他褒。匆匆昨不定。負杖出蓬蒿。逢施同溝壑。值設乃糠糟。生途稍冉冉。逝水日滔滔。咸言等木石。誰當出羽毛。○本集一。詩紀八十三。

早朝車中聽望詩

詰旦鍾聲罷。隱隱禁門通。蓬本集作璩。車顏氏家訓作居。響北闕。鄭履入南宮。宿霧開文苑作閭。馳道。初日照相本集作暄。風。類聚誤作通。胥徒紛絡驛。類聚誤作風胥徒紛驛。騶文苑作騶。御或西東。暫喧耳目外。還保性靈中。方驗文苑辯證作厭。注云。一作驗。遊朝市。此說不爲空。○本集二。文苑英華辨證六。又類聚三十九作早朝詩。引通、官、通、東四韻。文苑英華百九十作早朝詩。引通、官、風、東四韻。顏氏家訓文章篇引一句。

臨行公車詩

擾擾排曙扉。鱗鱗驅早駕。禁門儼猶閉。嚴城方警夜。道勝多本集作夕。增榮。拙蒲終難化。以茲賦澮質。重與滄溟舍。纜舟去濁河。揆景辭清灞。平生多意緒。懷抱皆徂謝。念此將如何。撫心獨悲咤。○本集二。詩紀八十三。

傷徐主簿詩

世上逸羣士。人間徹惣賢。畢池論賞賜。蔣逕篤周旋。一旦辭東序。千秋送北邙。客簫雖有樂。隣笛遂還傷。提琴就阮籍。載酒覓楊雄。直荷□□水。斜柳細牽風。○文鏡秘府論天卷。



梁詩卷九

何遜

詩

秋夕歎白髮詩

絲白不難染。蓬生直類聚作本。易扶。唯見類聚作此。詩紀云。一作此。星星鬢。類聚作髮。獨與衆中殊。昔年十四五。率性頗廉隅。直是安被褐。非敢慕懷珠。何言志事晚。疲拙嬰殊軀。逢時乃倏忽。失路亦斯須。郊郭勤二頃。形體憇一廡。涸蚌困魚目。籠禽觸四隅。宵長壁立靜。廓處謝懽愉。月色臨窗樹。蟲聲當戶樞。飛蛾拂夜火。墜葉舞秋株。逐物均乘鶴。違俗等雙鳧。故人倘未棄。求我谷之嶠。詩紀云。一作隅。○本集二。詩紀八十三。又類聚十七作白髮詩。引扶、殊二韻。

夜夢故人詩

客心驚夜魂。言與故人同。開簾覺水動。映竹見牀空。浦口望斜月。洲外聞長風。九秋時未晚。千里路難窮。已如臃腫木。復似飄飄蓬。相思不可寄。直在寸心中。○本集二。詩紀八十三。

從主移西州寓直齋內霖雨不晴懷郡中遊聚詩

寓直慚虎賁。沈迷豈職事。祈祈本集作祁祁。寒枝動。濛濛秋雨駛。不見眼中人。空想山南寺。雙桐傍欄上。長楊夾門植。夙昔構良遊。接膝同權志。東西忽爲阻。向隅懷獨思。颯颯履聲喧。擾擾羣本集誤作郡。分異。卧聞復雷響。坐視重扃秘。欲寄一行書。何解三秋意。○本集一。詩紀八十三。

劉博士江丞朱從事同顧不值作詩云爾本集無以上三字。

故人篤久要。新知從暮室。崎嶇枉道過。邂逅幽人出。心期不會面。懷之成首疾。向夕敞山扉。臨窗玩餘帙。蜘蛛正網戶。落花紛入膝。浸淫水上風。蔽虧霞中日。良辰一攜手。住坐無儔匹。劉侯務屬書。江生勤下筆。朱君博辭理。去去追名實。是顧一參差。何能更蓬華。吾人少拘礙。得性便遊逸。方欲俟褰裳。相從權本集作謹。道術。○本集一。詩紀八十三。

春暮喜晴酬袁戶曹苦雨詩

振衣喜初霽。褰裳對晚晴。落花猶未捲。時鳥故餘聲。春芳空悅目。游客反傷情。鄉園不可見。江水獨本集作徒。自清。願得同攜手。歸望對都城。○本集二。詩紀八十三。

苦熱詩

昔聞草木焦。今窺文苑作觀。樂府、事文類聚同。詩紀云。一作觀。沙石爛。噎噎風逾靜。曠曠日漸旰。習靜閱類聚作悶。樂府、事文類聚同。文苑、詩紀云。一作悶。衣巾。類聚、事文類聚作襟。讀書煩几案。卧思清露浥。文苑作挹。注云。一作浥。坐待高。樂府作明。文苑云。一作明。星燦。蝙蝠戶中。樂府作間。飛。蟻蠓窗間。樂府作中。亂。實。樂府作會。無河朔飲。空有臨淄汗。遺金不自樂府作自不。事文類聚同。拾。惡木寧無幹。願以三伏晨。催促九秋換。○本集一。文苑英華二百十。樂府詩集六十五作苦熱行。事文類聚前集九。詩紀八十三。又類聚五引爛、旰、案、燦、亂、汗六韻。

七夕詩

仙車駐七襄。類聚誤作驤。鳳駕出天潢。月映九微火。風吹百合香。來初學記作逢。歲時雜詠同。文苑云。一作逢。歡暫巧笑。還淚已沾文苑云。一作帝。裳。玉臺作啼妝。類聚、初學記、歲時雜詠作啼粧。文苑作粧。詩紀云。一作啼粧。依稀如玉臺作猶。歲時雜詠同。文苑作獨。洛汭。倏忽似高唐。別離未玉臺作不。類聚、初學記、歲時雜詠同。文苑云。一作不。得語。玉臺作見。河漢漸湯湯。○本集一。玉臺新詠五作詠七夕。古今歲時雜詠二十五。文苑英華百五十八。詩紀八十三。又類聚四及初學記四引潢、香、粧、湯四韻。

詠早梅詩詩紀云。一云揚州法曹梅花盛開。

兔園標物序。驚時最是梅。銜文苑作御。霜當路發。映雪擬寒開。枝橫卻月觀。花繞凌風臺。朝灑長門泣。夕

駐臨卽杯。應知頰聚作知應。早飄落。故逐上春來。○本集二。初學記二十八。文苑英華三百二十一。萬花谷後三十二作何遜詩。詩紀八十三。又類聚八十六引梅、開、臺、來四韻。

行經孫氏陵詩

昔在零陵文苑作炎靈。建康志同。厭。神器若無依。逐兔爭先捷。倚鹿競因機。呼噏開伯文苑作霸。建康志同。道。叱咤文苑作咤叱。掩江畿。豹變分奇略。虎視肅戎威。長蛇屺巴漢。驥馬絕淮淝。交戰文苑作戟。建康志同。無內禦。重門豈外扉。成功舉文苑作終。建康志同。已棄。凶德復而違。水龍忽東驚。青蓋乃西歸。謁文苑作碣。來已類聚作易。文苑、建康志同。詩紀云。一作易。永久。年代暖微微。苔石疑文字。荆墳失是非。山鶯空曙詩人玉屑作樹。響。隴月自秋暉。銀海終無浪。金鳧會文苑作永。建康志同。不飛。閨寂文苑作閨闈。建康志同。今如此。望望沾人衣。○本集一。文苑英華三百六、景定建康志四十三並作經孫氏陵詩。詩紀八十三。又類聚四十引歸、微、非、暉、飛、衣六韻。詩人玉屑八作行孫氏陵。引暉一韻。

塘邊見古塚詩

行路一孤墳。本集誤作行墳塘一孤。路成墳欲文苑作已。初學記作又已。毀。空疑年代初學記作歲。文苑同。積。不知陵谷徙。幾逢初學記、文苑作經。詩紀云。一作經。秋葉黃。文苑作飛。驟初學記作共。見春流瀾。金蠶不可織。玉樹何時初學記作曾。文苑同。葢。陌上驅馳人。笑歌自侈靡。今日非明日。所念誰文苑作可憐詎。憐初學記作可恰詎隣。此。○本集一。

初學記十四作悲行路孤墳詩。文苑英華三百六作悲行路孤墳。詩紀八十三。

哭吳興柳惲詩

南州擅荆梓。上國稱羽儀。伊人以戴德。李公傷在期。遠識內無愠。深衷外有規。本集作窺。詩紀云。一作窺。清文窮麗則。弘論盡高奇。多能誠所貴。小善聊復爲。百步均射葉。八體妙臨池。曲悟同神解。龜謀信有知。人朝耿長劍。出牧盛層麾。納言信加首。豐貂亦在移。霞區兩借寇。貪泉一舉卮。翰飛矯未極。朝露溘先危。以茲舊館想。况乃西日垂。蔓草生車轍。枯木卧崩坻。樽酒誰爲滿。靈衣空自披。眷言尋惠好。慟哭悲路歧。含毫徒有屬。搦管竟無摛。○本集二。詩紀八十三。

登禪岡寺望和虞記室詩

南望南郭門。拱樹稍本集作梢。雲密。北窗北溱詩紀云。一作溱。道。重樓霧中出。接樹隱高蟬。交枝承落日。光陰不可捨。懷抱何由悉。○本集一。詩紀八十四。

答高博士詩

北窗涼夏首。幽居多卉木。飛蜨若溪叢話作幽蝶。詩紀云。一作蝶。弄晚花。清池映疏竹。爲宴得快性。安閑聊鼓腹。將子厭囂塵。就予開耳目。○本集一。詩紀八十四。又若溪漁隱叢話二引竹一韵。

贈王左丞僧孺詩

欄外鶯啼罷。園裏日光斜。游魚亂水葉。輕燕逐風花。長墟上寒靄。曉樹沒歸霞。九華暮已隱。抱鬱徒交加。○本集一。詩紀八十四。

敬酬王明府僧孺詩

星稀初可見。月出未成光。澄江照遠火。夕霞隱連檣。賤軀臨不測。玉體畏垂堂。念別已零淚。況乃思故鄉。○本集一作敬酬王明府。詩紀八十四。

西州直示同員詩

日長禁戶倦。卽事思短晨。漏盡唱聲急。此理復傷人。矛盾交爲論。光璧帶成珍。誓將收飲啄。得得任心神。○本集一。詩紀八十三。

野夕答孫郎擢詩

山中氣色滿。墟上生煙露。杳杳星出雲。啾啾雀隱樹。虛館無賓客。幽居乏懽趣。思君意不窮。長如流水注。○本集一。詩紀八十三。

石頭答庾郎丹詩

高樹蔭樓密。本集作照。注云。一作密。細草綠成被。黃鸝隱葉飛。蛺蝶縈空戲。陰岑自爾悅。寂寥予罕寄。相如阻禁闈。何由從簡易。○本集一。詩紀八十四。

日夕出富陽浦口和朗公詩

客心愁日暮。徙倚空望歸。山煙涵類聚作歛。文苑同。樹色。江水映霞暉。獨鶴凌空。文苑云。集作煙。類聚作風。詩紀云。一作風。逝。雙鳧出浪飛。故鄉千餘里。茲夕寒無衣。○本集一。類聚二十七及文苑英華二百十九作富陽浦口和朗上人。詩紀八十四。

從鎮江州與遊故別詩

詩紀作臨行與故遊夜別。

歷稔共追隨。類聚作遊。一旦辭羣匹。復如東注類聚作流。文苑同。水。未有西歸日。夜雨滴空階。曉燈文苑作天曉。注云。類聚作晚燈。暗離類聚作離。室。相悲各罷酒。何時同類聚作更。文苑同。詩紀云。一作更。促膝。○本集一。詩紀八十四並作臨行與故遊夜別。類聚二十九。文苑英華二百八十六。

與胡興安夜別詩

居人行轉軾。客子暫維舟。念本集字缺。此一筵笑。分爲兩地愁。露濕寒塘草。月映清淮流。方類聚作芳。抱新

離恨。獨守故園秋。○本集一作胡興安夜別。類聚二一九。詩紀八十四。

車中見新林分別甚盛詩

金谷賓遊盛。青門冠蓋多。隔林望行轅。下阪聽鳴珂。於時春未歇。麥氣始清和。還人平原逕。窮巷可張羅。○本集一。詩紀八十四。

曉發詩

早霞麗初日。清風消薄霧。水底見行雲。天邊看遠樹。且望泝沂劇。暫有江山趣。疾本集字缺。免聊復起。爽地豈能賦。○本集二。詩紀八十四。

慈姥磯詩

詩紀云。本集作慈姥磯聯句。

暮煙起遙岸。斜日照安流。一同心賞夕。暫解去鄉憂。野若溪叢話作遠。岸平沙合。連山近本集、若溪叢話作遠。是霧浮。客悲不自己。江上望歸舟。○本集二。詩紀八十四。又若溪漁隱叢話後二引浮一韻。

見征人分別詩

淒淒日暮本集作暮暮。時。親賓俱竚立。征人拔劍起。兒女牽衣泣。候騎出蕭關。追兵赴馬邑。且當橫行去。

誰論裏屍人。○本集一。詩紀八十四。

同虞記室登樓望遠歸詩

登樓欲望遠。遙遙見白衣。白衣猶遠遠。言是稍知非。對窗看寶瑟。人戶弄鳴機。無令日光晚。門閣掩重扉。○本集一。詩紀八十四。

與虞記室諸人詠扇詩

如珪信非玷。學月但類聚作且。初學記同。爲輪。機杼靡蕪妾。裁縫篋笥人。搖風入素手。占類聚作召。初學記作招。曲掩朱類聚作丹。初學記同。唇。羅袖幸拂拭。初學記作時拂。微芳聊可因。○本集一。初學記二十五作詠扇詩。詩紀八十四。又類聚六十九作詠扇詩。引輪、唇二韻。

看伏郎新婚詩

霧夕蓮出水。霞朝日照梁。何如花燭夜。輕扇掩紅粧。良人復初學記作以。灼灼。席上自生光。所悲高駕動。環珮出長廊。○本集一。玉臺新詠五作看新婦。類聚四十。初學記十四作看新婚詩。詩紀八十四。

詠娼婦詩

詩紀作詠娼婦。

曖曖玉臺作皎皎。高樓暮。華燭帳前明。羅幃雀釵影。寶瑟鳳雛聲。夜本集、詩紀作庭。花枝上發。新月霧中生。

誰念當窗牖。相望獨盈盈。○本集一。玉臺新詠五作秋倡家。類聚三十二。詩紀八十四。

詠舞妓本集無妓字。詩

管清羅薦合。類聚作隨。絃類聚作絲。驚本集作歌。雪袖遲。逐唱回纖手。聽曲動初學。記作轉。詩紀同。蛾眉凝情眄玉臺。作盼。墮珥。類聚作顧眄墮。誤。微睇託含辭。日暮留嘉初學。記作能留。萬花谷同。客相看愛此時。○本集一。玉臺新詠五。類聚四十二作詠妓詩。詩紀八十四。又初學記十五作詠舞詩。引眉、時二韻。萬花谷後三十二作何遜詩。引眉、時二韻。

望新月示同羈詩

初宿長淮上。破鏡出雲明。今夕千餘里。雙蛾映水生。的的與沙類。聚馮校作河。靜。灑灑類聚作豔豔。逐波輕。望鄉皆下淚。非我獨傷情。○本集二。類聚一。詩紀八十四。

詠春雪寄族人治書思澄詩

可憐江上雪。迴風起復滅。本欲映梅花。翻悲似玉屑。朝鶯日弄響。暮條行可結。咸言不適時。安知非矯節。○本集二。詩紀八十四。

和司馬博士詠雪詩

凝堦夜似月。類聚作似月夜。拂樹曉疑春。蕭散忽如盡。本集作晝。徘徊已復新。暫蔽卷紈質。復慚文苑作漸。施粉人。文苑云。此二句以集本添入。若逐微風起。誰言非玉塵。○本集一。文苑英華百五十四。詩紀八十四。又類聚四、初學記四並作詠雪詩。引春、新、塵三韵。

詠白鷗兼嘲別者詩

可憐雙白鷗。朝夕水上遊。詩紀云。玉臺作浮。何言異棲息。雌住雄不留。孤飛出澱本集作岫。浦。獨宿下滄洲。東西從此別。玉臺作別。類聚、文苑同。影響絕無由。○本集二。玉臺新詠五作詠白鷗嘲別者。類聚九十二、文苑英華三百二十九並作詠白鷗詩。詩紀八十四。

行經范僕射故宅詩

旅葵應蔓井。荒藤已上扉。寂寂文苑作寂寞。空郊暮。無復車馬歸。激灑故池水。蒼茫落日暉。遺愛終何極。類聚作閨寂今如此。文苑同。詩紀云。一作閨寂今如此。行路獨類聚作客盡。沾衣。○本集一。類聚三十四。文苑英華三百七。詩紀八十四。

王尚書瞻祖日詩

昱昱丹旒振。亭亭素本集作素。蓋立。金鐸謹已鳴。龍輻將復入。華臺日未徙。荒墳路行濕。已矣將何如。賓

馭皆灑泣。○本集一。詩八十四。

送褚都曹聯句詩

君隨結客去。我乃倦遊歸。本願同棲息。今成相背飛。○本集二。詩紀八十四。

送司馬□人五城聯句詩

隨風飄岸葉。行雨暗江流。居人會應返。空欲送行舟。○本集二作送司馬□人五城。詩紀八十四。

邊城思詩

柳黃未吐葉。水綠半含苔。春色邊城動。客思故鄉來。○本集二。詩紀八十四。

爲人妾思詩二首

魂銷形已去。釵落猶依枕。欲去淚無眚。本集誤作皆。不看悲復甚。○本集二。詩紀八十四。
機中刺繡所。窗下朝粧處。未憶神已傷。欲忘悲不去。○同上

爲人妾怨詩

燕戲還簷際。玉臺作燕子戲還簷。花飛落枕前。寸心君本集作悲。不見。拭淚坐調絃。○本集二。玉臺新詠十作爲人妾思。詩紀八十四。

閨怨詩二首

竹葉響南窗。月光照東壁。誰知夜獨覺。枕前雙淚滴。○本集二。玉臺新詠十作秋閨怨。

閨閣行人斷。房櫳月影斜。誰能北窗下。獨對後園花。本集作誰知北窗下。猶對後庭花。○本集二。玉臺新詠十。詩紀八十四。

苑中詩

苑門闢千扇。苑戶開萬扉。樓殿聞玉臺作閭。珠履。竹樹隔羅衣。○本集二。玉臺新詠十作南苑。詩紀八十四。

苑中見美人詩。詩紀云。一作聯句。

羅袖風中捲。玉釵林下耀。團扇承落花。復持掩餘笑。○本集二。詩紀八十四。

詠春風詩

可聞不可見。能重複能輕。鏡前飄落粉。琴上本集作山。響餘聲。○本集二。玉臺新詠十。類聚一。初學記一。文苑英華百

五十六。萬花谷二。詩紀八十四。

離夜聽琴詩

別離既有緒。琴瑟反成悲。美人多怨態。亦復慘長眉。○本集二。詩紀八十四。

相送詩

客心已百念。孤遊重千里。江暗雨欲來。浪白風初起。○本集二。詩紀八十四。

擬古三首聯句

家本青山下。好上青山上。青山不可上。一上一惆悵。遜 匣中一明鏡。好鑑明鏡光。明鏡不可鑑。一鑑
一情傷。范雲 少知雅琴曲。好聽雅琴聲。雅琴不可聽。一聽一沾纓。劉孝綽○本集三作擬古三首。詩紀八十四。○
遜按。文選謝玄暉遊東田詩五臣翰注引古詩云。夕宿青山郭。且上青山上。青山不可上。步步恒惆悵。與遜詩略同。若溪漁隱叢話卽據
文選注謂爲謝作。恐非是。

往晉陵聯句

臨別我傷悲。送歸子自適。劉金不可散。卜蓋何由惜。詩紀作惜。遜 從來重分陰。未曾經尺璧。故任情

一異。於是望三益。高爽。爾自高樓寢。予返東臯陌。寄語落毛人。非復平原客。遜。問舍且求田。音亂無可擇。勝門成好事。盤紆欲何索。爽。○本集二。詩紀八十四。

范廣州宅聯句

洛陽城東西。却作經年別。昔去雪如花。今來花似雪。雲。濛濛夕煙起。奄奄殘暉滅。非君愛滿堂。寧我安車轍。遜。○本集二。詩紀八十四。

相送聯句

寸陰常可惜。別至倍傷神。子瞻天際水。予望路中塵。韋。憫憫歧路側。去去平生親。一朝事千里。流涕向三春。遜。○本集二。詩紀八十四。

二

昔共人門笑。今成送別悲。君還舊聚處。爲我一嘸眉。王。江。乘。於今還促膝。自此客江湄。願子俱停駕。看我獨解維。遜。○同上

三

高軒雖駐軫。餘日久無輝。以我辭鄉淚。沾君送別衣。遜。○同上

至大雷聯句

高談會良夕。滿酒對羈情。閃閃風煙動。蕭蕭江雨聲。遜 密雲窮浦暗。飛電遠洲明。若非今宴適。詎使客愁輕。劉孺 遙舟似連雁。遠火若迴星。江潭望如此。銜卮共君傾。桓季珪○本集二。詩紀八十四。

賦詠聯句

弊履常決踵。眉高起半額。曼倩爾何爲。獨歎長安索。遜 工商既慚巧。農士聊相易。蠶腹有餘資。鴻肩方可拍。江革 攝職媿握蘭。濫官悲執戟。連章既不敏。高談豈能劇。孺 逸翮任奮飛。窘步事羈勒。還鳥余能繫。流言爾無惑。革 憂懷乃千載。永懽常數刻。直是悲別離。非關念通塞。遜 日照汀沙素。山影波浪黑。爾限大江南。余歸茂陵北。孺○本集二。詩紀八十四。

臨別聯句

臨別情多緒。送歸涕如霰。君望長安城。予悲獨不見。遜 爾來同去國。予歸方異縣。懷別心獨憂。手淚方濺濺。孺○本集二。詩紀八十四。

增新曲相對聯句

酒闌日隱樹。上客請調絃。嬌人挾瑟至。逶迤未肯前。劉孝勝 舊愛今何在。新聲徒自憐。有曲無人聽。徙倚高樓前。何澄 徘徊映日照。轉側被風吹。徒爲相思響。傷春君不知。劉綺 月昏樓上坐。含悲望別離。已切空牀怨。復看花柳枝。遜○本集二。詩紀八十四。

照水聯句

插花行理鬢。遷延去復歸。雖憐水上影。復恐濕羅衣。遜 臨橋看黛色。映渚媚鉛暉。不顧春荷動。彌畏小禽飛。綺○本集二。詩紀八十四。

折花聯句

笑出春園裏。望花聯蹇纈。欲以間珠鈿。非爲相思折。遜 日照爛成綺。風來聚疑雪。試采一枝歸。願持因遠別。綺○本集二。詩紀八十四。

搖扇聯句

紈扇已新製。蕩婦復新粧。欲掩羞中笑。還飄袖裏香。遜 在握時搖動。當歌掩抑揚。誰云減羅本集作衣。袂。影日聊自障。綺○本集二。詩紀八十四。

正釵聯句

竹臺歸欲礙。花林出未通。度簪先分影。轉珥忽瞻風。遜 雙橋耀寶鈿。闐闐密復叢。羞令挂本集作桂。纏闕。整插補餘空。綺○本集二。詩紀八十四。

答江革聯句不成

日余乏文幹。逢君善草札。工拙既不同。神氣何由拔。○本集二。詩紀八十四。

又答江革詩

棘端雖非譬。至妙安可量。要知同罔象。然始見毫芒。○本集二。詩紀八十四。

詠雜花詩

井上發新花。誰言不經染。已如薄紫拂。復似濃紅點。狀錦無裁縫。依霞有舒斂。○詩紀八十四。

何寘南

答何秀才詩

自憐耿不寐。擁褐至宵闌。蒼茫曙月落。切戾曉風酸。終朝長守饑。疊夜抱餘寒。周道坦且直。弱命溘將殫。靈臺聊寄止。戚里豈餘歡。思家無積斂。何以拯急難。○何水部集一。詩紀八十三。

沈繇

答何郎詩

歡憾遞來事。聚散居常理。但傷膠投漆。忽作弦離矢。形影一東西。山川俄表裏。執手涉梁上。悲心萬端起。方同兒女泣。況此流潮水。○何水部集二。詩紀八十三。

孫擢

答詩紀作贈。何郎詩

幽居少怡樂。坐靜對嘉林。晚花猶結子。新竹未成陰。夫君阻清切。可望不可尋。處處多諛草。賴此慰人心。○何水部集一。詩紀八十四。

江革

革。字休映。濟陽考城人。仕齊爲尚書駕部郎。仕梁累遷至度支尚書。大同元年卒。

贈何記室聯句不成詩

龍鱗無復彩。鳳翅於茲鍛。疇昔似翩翩。今辰何乙乙。○何水部集二。詩紀八十四。

又贈何記室詩

刻猴雖言巧。辯對今知章。且欣共卮酒。勿道濫衣裳。○何水部集二。詩紀八十四。

朱記室

送別不及贈何殷二記室詩

憑軾徒下淚。裁書路已賒。遠鼓依林響。連檣倚岸斜。山開雲吐氣。風憤浪生花。卽此余傷別。何論爾望家。二君勗琬琰。無使沒泥沙。○何水部集二。詩紀八十三。

王訓

訓。字懷範。陳子。補國子生。射策高第。除秘書郎。遷太子舍人、秘書丞。轉宣城王文學友、太子中庶子。掌管記。遷侍中。天監十七年卒。年二十六。

度關山

邊庭多警急。羽檄未曾閒。從軍出隴坂。驅文苑作驢。注云。一作驅。馬度關山。關山恆晦靄。文苑作掩靄。注云。一作掩靄。高峯白雲外。遙望秦川水。文苑作中。注云。一作水。千里長如帶。好勇自秦中。意氣本文苑云。一作多。英雄。少年便習戰。十四已從戎。昔年經文苑作從。注云。一作經。上郡。今歲出雲中。遼水深難渡。榆關斷未通。折衝文苑作衝。詩紀云。一作衝。凌絕域。流蓬警文苑作驚。樂府同。未息。胡風朝夜起。平沙不相識。兵法貴先聲。軍樂府作兵。詩紀云。一作兵。中自有程。逗遛皆文苑。詩紀並云。一作難。贖罪。先登盡一城。都護疲詔吏。將軍擅發兵。平盧疑縱火。飛鷗畏犯營。輕文苑作輜。是。重一爲虜。樂府作鹵。注云。一作虜。金刀何用盟。誰知出塞外。文苑作誰人知出外。注云。一作誰知出塞外。獨有漢飛名。○文苑英華百九十八。樂府詩集二十七。詩紀八十六。

獨不見

日晚宜春暮。風軟上林朝。對酒近初節。開樓蕩文苑作當。夜嬌。石橋通小澗。竹路上青霄。持底誰見許。長愁成細腰。○文苑英華二百一十一。樂府詩集七十五。詩紀八十六。

奉和同泰寺浮圖詩和簡文。

副君坐飛觀。城傍屬大林。王門雖八達。露塔復千尋。重櫺出漢表。層拱冒雲心。崑山雕潤玉。麗水瑩明

金。懸盤同露掌。垂廣弘明集作指。注云。三本、宮本作垂。鳳似飛翮。月落簷西暗。日去柱東侵。反沈開睿屬。揭翰動神襟。願託牢舟反。廣弘明集作友。注云。明本作返。長免愛河深。廣弘明集三十。詩紀八十六。

奉和率爾有詠詩

殿內多仙女。從來難比方。別有當窗豔。復是可憐粧。學舞勝飛燕。染粉薄南陽。散黃分黛色。薰衣雜棗香。簡釵新輶翠。試履逆填牆。一朝恃容色。非復守空房。君恩若可恃。願作雙鴛鴦。玉臺新詠八。詩紀八十六。

應令詠舞詩

詩紀云。應簡文。

新粧本絕世。妙舞亦如仙。傾腰逐韻管。斂色詩紀作粧。注。一作色。聽張絃。袖輕風易入。釵重步難前。笑態千金動。衣香十里傳。將持比初學記作特比雙。文苑、萬花谷同。飛燕。定當誰可憐。類聚四十三。初學記十五。文苑英華二百十三。萬花谷後三十二作王訓詩。詩紀八十六。

詩

南史曰。嘗爲詩云云。追祖儉之志也。

且奭匡世功。蕭曹佐眈俗。南史王訓傳。

梁詩卷十

吳均

均。一作筠。字叔庠。吳興故鄣人。天監初。爲柳惲吳興郡主簿。歷建安王偉記室。王遷江州。補國侍郎。兼府城局。還除奉朝請。普通元年卒。年五十一。均詩體清拔。有古氣。好事者效之。謂爲吳均體。所著有齊春秋三十卷、廟記十卷、十二州記十六卷、錢塘先賢傳五卷、續文釋五卷、集二十卷。

樂府

戰城南

蹀躞樂府作蹀躞。青驪馬。往戰類聚作救。城南畿。五歷魚麗陣。文苑作陳。通。三人類聚誤作尺。九重圍。名慴武安將。血汗文苑作坐。秦王衣。爲君意氣類聚作已。重。無功終不歸。○文苑英華百九十六。樂府詩集十六。詩紀八十一。又類聚五十九引畿、圍、歸三韻。

戰城南詩紀云。此與下篇藝文失題。列戰城南後。英華遂以爲題。當再考。

前有濁樽酒。文苑作酒樽。詩紀云。一作酒尊。憂思亂紛紛。小來文苑作少年。詩紀云。一作少年。重意氣。學劍不學文。

忽值胡類聚作明。關靜。匈奴遂兩分。天山已半出。龍城無片雲。漢世平如此。何用李將軍。○類聚五十九。文苑英華百九十六。詩紀八十一。

戰城南

詩紀云。詩彙作胡無人行。

陌上何誼誼。文苑作喧喧。通。匈奴圍塞垣。黑雲藏趙樹。黃塵埋隴垠。文苑作根。天子羽書勞。將軍在玉門。○類聚五十九。文苑英華百九十六。詩紀八十一。

雉子班

可憐雉子班。羣飛集野甸。文章始陸離。意氣已驚狷。幽并遊俠子。直心亦如箭。生死報君恩。文苑、樂府作死節報君恩。注云。一作以死報君恩。誰能孤恩眄。○文苑英華二百六。樂府詩集十八。詩紀八十一。

人關

羽檄起邊庭。烽火亂如螢。是時張博望。夜赴交河城。馬頭要落日。劍尾掣流星。君恩未得報。何論身命傾。○樂府詩集二十一。詩紀八十一。

梅花落

終冬十二月。寒風西北吹。獨有梅花落。飄蕩不依枝。流連逐霜彩。散漫下冰澌。何當與春日。共映芙蓉池。樂府作芙蓉。○文苑英華二百八。樂府詩集二十四。詩紀八十一。

城上烏

鳴鳴樂府作焉焉。城上烏。翩翩尾畢逋。凡生八九子。夜夜啼相呼。質微知慮少。體賤毛衣粗。陛下三萬歲。臣至執金吾。○樂府詩二十八。詩紀八十一。

從軍行

男兒亦可憐。立功在北邊。陣頭橫却月。馬腹帶連錢。懷戈發隴坻。乘凍至遼川。樂府作邊。微誠君不愛。終自直如弦。○樂府詩三十二。詩紀八十一。

胡無人行

劍頭利如芒。恆持照眼光。鐵騎追驍虜。金羈討黠羌。高秋八九月。胡地早風霜。男兒不惜死。破膽與君嘗。○文苑英華百九十六。樂府詩集四十。詩紀八十一。

雉朝飛操

二月雉朝飛。橫行傍壘歸。斜看水外翟。側聽嶺南羣。躩蹠恆欲戰。耿耿恃強威。當令君見賞。何辭碎錦

衣。○樂府詩五十七。詩紀八十一。

渡易水

詩紀云。一作荆軻歌。

雜虜客來齊。時余在角抵。揚鞭渡易水。直至龍城西。日昏笳亂動。天曙馬爭嘶。不能通瀚海。無面見三齊。○樂府詩集五十八。詩紀八十一。

結客少年場

結客少年歸。翩翩駿馬肥。報恩殺人文苑作胡。注云。一作人。竟。賢君賜錦衣。握蘭登建禮。拖玉入舍暉。顧看草玄者。功名終自微。○類聚三十三。文苑英華百九十五。詩紀八十一。

妾安所居

賤妾先有寵。蛾眉進不遲。一從文苑作非。西北麗。無復城南期。何因詩紀云。一作用。暫豔逸。豈爲乏妍姿。徒有黃昏望。寧遇青樓時。惟惜應門掩。方餘文苑作除。永巷悲。匡牀終不共。何由橫自私。樂府作思。○文苑英華二百七。樂府詩集七十四。詩紀八十一。

送歸曲

送子獨南歸。攬衣空閔默。關山晝欲暗。河冰夜向塞。燕至他人鄉。雁去還誰國。寄子兩行書。分明達濟

北。○樂府詩集七十七。詩紀八十一。

夾樹

桂樹夾長陂。樂府作歧。復值清風吹。氛氲揉芳葉。連綿交密枝。能迎春露點。不逐秋風移。願君長惠愛。當使歲寒知。○樂府詩集七十七。詩紀八十一。

城上麻

麻生滿城頭。麻葉落城溝。麻莖左右披。溝水東西流。少年感恩命。奉劍事西周。但令直心盡。何用返封侯。○樂府詩集七十七。詩紀八十一。

擬古四首

陌上桑

嫋嫋陌上桑。蔭陌復垂塘。長條映白日。細葉隱文苑作影。注云。一作隱。鸞黃。蠶饑玉臺作飽。妾復思。拭淚且提筐。故人寧知文苑作去如。注云。一作寧知。此。樂府云。一作故人去如此。離恨煎人腸。○玉臺新詠六。文苑英華二百八。樂府詩集二十八。詩紀八十一。又類聚八十八引塘、黃、筐三韻。

秦王卷衣

咸陽春草芳。秦帝卷文苑作捲。衣裳。玉檢茱萸匣。文苑作帶。金泥蘇合香。初芳薰文苑云。一作動。複帳。餘輝耀玉文苑作寶。牀。當須類聚作須臾。晏文苑云。一作宴。又作早。朝罷。文苑云。一作須臾朝宴罷。持此贈華文苑云。一作龍。樂府作龍。注云。一作華。陽。○玉臺新詠六。文苑英華二百十一。樂府詩集七十二。詩紀八十一。又類聚四十二引裳、香、陽三韻。

採蓮曲

錦帶雜花鈿。羅衣垂綠川。問子今何去。出採江南蓮。遼西三千里。欲寄無因緣。願君早旋返。及此荷花鮮。○玉臺新詠六。類聚八十二作採蓮詩。樂府詩集五十。詩紀八十一。

攜手曲

豔裔陽之春。攜手清洛濱。雞鳴上林苑。薄暮小平津。長裾藻類聚或作掃。白日。廣袖帶芳塵。故交類聚或作友。一如此。新知詎憶人。○玉臺新詠六。類聚十八作擬古詩。又類聚四十二。樂府詩集七十六。詩紀八十一。

採蓮曲

江風樂府作南。當夏詩紀云。一作夜。清。桂楫類聚作棹。詩紀云。一作棹。逐流縈。初疑京兆劍。復似漢冠名。荷香帶

風初學記作風送。文苑、萬花谷同。遠。蓮影向根生。葉卷珠難溜。花舒紅易傾。初學記作輕。文苑、萬花谷同。日暮鳧舟滿。歸來度錦城。○初學記二十七及文苑英華三百二十二作梁元帝賦得涉江采芙蓉詩。樂府詩集五十。萬花谷後三十七作梁元帝。詩紀八十一。

三婦豔詩

大婦弦初切。中婦管方吹。小婦多姿態。含笑逼清卮。佳人勿餘及。殷勤妾自知。○樂府詩集三十五。詩紀八十一。

大垂手 詩紀云。以下二首藝文作簡文帝。

垂手忽迢迢。玉臺作茗茗。飛燕掌中嬌。羅衫玉臺作衣。恣風引。輕帶任情搖。詎似長沙地。促舞不回腰。○玉臺新詠七作梁簡文帝賦樂府得大垂手。樂府詩集七十六。詩紀八十一。

小垂手

舞女出西秦。躡影舞陽春。且復小垂手。廣袖拂紅塵。折腰應兩笛。頓足轉雙巾。蛾眉與曼樂府作慢。臉。見此空愁人。○樂府詩集七十六。詩紀八十一。

有所思

薄暮有所思。終持淚煎骨。春風驚我心。秋露傷君髮。○樂府詩集十七。詩紀八十一。

雍臺

雍臺十二樓。樓樓鬱相望。隴西飛狐口。白日盡無光。○樂府詩集二十五。詩紀八十一。

楚妃曲

春妝約春黛。如月復如蛾。玉釵照繡領。金薄厠紅羅。○樂府詩集二十九。詩紀八十一。

白浮鳩

瑯琊白浮鳩。紫翳飄陌陌。樂府字缺。頭。食飲東莞野。棲宿越王樓。○樂府詩集二十九。詩紀八十一。

陽春歌

紫苔初泛水。連綿浮且沒。若欲歌陽春。先歌青樓月。○樂府詩集五十一。詩紀八十一。

別鶴

別鶴尋故侶。聯翩遼海間。單棲孟津水。驚唳隴頭山。○樂府詩集五十八。詩紀八十一。

淶水曲

香暖金堤滿。湛淡春塘溢。已送行臺花。復倒高樓日。○樂府詩五十九。詩紀八十一。

綠竹

嬋娟鄣綺殿。繞弱拂春漪。何當逢採拾。爲君笙與箎。○樂府詩集六十。詩紀八十一。

行路難五首

洞庭水上一株桐。經霜觸浪困嚴風。昔時抽心曜白日。今日卧類聚作怨。死黃沙中。洛陽名工文苑作士。見咨嗟。一剪一刻類聚作一嗟一尅。作琵琶。白璧規心學明月。珊瑚映面作風花。帝王見賞不見忘。提攜把握登建章。掩抑詩紀誤作仰。摧藏張女彈。殷勤促詩紀誤作捉。柱楚明光。年年月月對君子。文苑作王。注云。一作子。樂府作玉。遥遥夜夜宿未央。未央綵類聚作嫫。女文苑作綵女官娥。注云。一作未央綵女。棄鳴篴。爭先玉臺作見。類聚、文苑同。拂拭生文苑作爭。注云。一作生。光儀。茱萸錦衣玉作匣。安念昔日枯樹枝。不學衡山南嶺桂。至今千載玉臺作年。

猶未知。○玉臺新詠九。類聚三十。文苑英華二百。樂府詩集七十。詩紀八十一。

青瑣類聚作環。通。門外安石榴。連枝接葉夾御溝。金墉城西。文苑作裏。注云。一作西。合歡樹。垂條照彩。樂府誤作探。拂鳳樓。遊俠少年游上路。傾心顛倒想戀慕。摩頂至足買片言。開胸瀝膽取一顧。自言家在趙邯鄲。翩翩舌杪復劍端。青驪白駁的盧馬。金羈綠控文苑作鞍。紫絲鞵。踐蹠橫行不肯進。夜夜汗血至長安。長安城中諸貴文苑作賢。注云。一作貴。臣。爭貴儒者文苑作文士。注云。一作儒者。席上珍。復聞梁王好學問。輕棄劍客如埃塵。吾丘壽王始得意。司馬相如適被申。大才大辯尚如此。何況我輩輕薄人。○類聚三十。文苑英華二百。樂府詩集七十。詩紀八十一。

君不見西陵田。從橫十字成陌阡。君不見東郊道。荒涼蕪沒起寒煙。盡是昔日帝王處。歌姬舞女達天曙。今日翩妍文苑作翩翩。注云。一作翩妍。少年子。不知華盛落前去。吐心吐氣類聚作意。文苑同。又注。一作氣。許他人。今日旦文苑作且。一作旦。迴惑生猶豫。山中桂樹自有枝。心中方寸自相知。何言歲月忽若。文苑作相。注云。一作若。馳。君之情意。文苑作意念。注云。一作情意。與我離。還君玳瑁。文苑作玉羶。注云。一作玳瑁。金雀釵。不忍見此使類聚作便。樂府同。文苑云。一作便。心危。○同上

君不見長安客舍門。倡家少女名桃根。貧窮夜紡無燈燭。何言一朝奉至尊。至尊離宮百餘處。千門萬戶不知曙。唯聞啞啞城上烏。玉欄類聚作蘭。金井牽轆轤。丹梁翠柱飛流。玉臺作屠。樂府同。又注。一作流。蘇。香薪桂火炊雕胡。類聚作彫菰。樂府。詩紀並云。一作彫菰。當年翻覆無常定。薄命爲女何必。類聚作必已。文苑作心已。粗。○玉臺新詠九作費昶行路難。類聚三十。文苑英華二百。樂府詩集七十作費昶行路難。詩紀八十一。

君不見上林苑中客。冰羅霧縠象牙席。盡是得意忘言者。探腸見膽無所惜。白酒甜鹽甘如乳。綠觴皎鏡華如碧。少年持名不肯嘗。安知白駒應過隙。博山鑪中百和香。鬱金蘇合及都梁。逶迤好氣佳容貌。經過青瑣歷紫房。已入中山馮玉臺作陰。后帳。復上皇帝班姬牀。班姬失寵顏不開。奉筭供養長信臺。日暮耿耿不能寐。秋風切切四面來。玉階行路生細草。金鑪香炭變成灰。得意失意須臾頃。詩紀云。一作間。非君方寸逆所裁。○玉臺新詠九。文苑英華二百。樂府詩集七十。詩紀八十一。

詩

重贈臨蒸郭某詩

英英者桂。結景嵩華。潤以碧沼。縈以紫霞。葢葢其氣。晻映其華。終朝顧止。載挹載嗟。英英者桂。亦好其音。爰彫爰剖。爲此瑟琴。綴以青玉。鏤以白金。終朝顧止。悠悠我心。蔽葑小草。亦呈其節。華不堪獻。條不堪結。變彼芳輝。憐此冥滅。終朝顧止。心焉如咽。○文館詞林百五十八。

王侍中夜集詩

抽蘭開石路。剪竹製山扉。文淪見綠水。參差隱翠微。西山文苑作商。採藥至。東都謝病歸。紡毛織野服。縫芰作山衣。欲知三青鳥。簷上素雲飛。○文苑英華二百十七。詩紀八十一。

登鍾山讌集望西靜壇詩

客思何以緩。春郊滿初律。高車陸離至。駿騎差池出。寶椀汎蓮花。珍杯食竹實。才勝商山四。文高竹林七。復望子喬壇。金繩蘊綠帙。風雲生屋宇。芝映被仙室。方隨鳳凰去。悠然駕白日。○類聚二十八。詩紀八十一。

與柳惲相贈答詩六首

黃鸝飛上苑。綠芷出汀洲。日映昆明水。春生鳩鵲樓。飄颻白花舞。瀾漫紫萍流。書織迴文錦。無因寄隴頭。思君甚瓊樹。不見方離憂。○玉臺新詠六。詩紀八十一。

鳴鞭適大阿。聯翩渡漳河。燕姬及趙女。挾瑟夜經過。纖腰曳廣袖。半額畫長蛾。客本倦遊者。箕帚在江沱。故人不可棄。新知空復何。○同上

離居苦無樂。回慕玉臺作向暮。心悽悽。要途訪趙使。聞君仕執珪。杜蘅色已發。菖蒲葉未齊。罽屨蠶餌。差池燕吐泥。願逐東玉臺作春。風去。飄蕩至遼西。○同上

白日隱城樓。勁風掃寒木。離枿隔東西。玉臺作西東。執手異涼燠。相思咽不言。洞房清且肅。歲去甚流煙。年來如轉軸。別鶴千里飛。孤雌夜未宿。○同上

閒玉臺作閨。房肅玉臺作宿。已靜。落月有餘輝。寒蟲隱壁思。秋蛾繞燭飛。絕雲斷更合。離禽去復歸。佳人今

何在。迢遞江之沂。一爲別鶴弄。千里淚沾衣。○同上。又類聚三十一。

秋雲靜晚天。寒夜方緜緜。聞君吹急管。相思雜采蓮。別離未幾日。高月三成弦。蹀躞黃河浪。嘶喝隴頭蟬。詩紀作嘶唱隴頭絃。寄君薜蘿葉。插著叢臺邊。○同上

答柳惲詩

清晨發隴西。日暮飛狐谷。秋月照層嶺。寒風掃高木。霧露夜侵衣。關山曉催軸。君去欲何之。參差間原陸。一見終無緣。懷悲空滿目。○類聚三十一。文苑英華二百四十。詩紀八十一。

贈柳真陽詩

王孫清且貴。築室芙蓉池。羅生君子樹。雜種女貞枝。南窗帖雲母。北戶映琉璃。銜書轆轤鳳。坐水玉盤螭。朝衣茱萸錦。夜覆葡萄卮。聯翩文苑作翻。驂赤兔。窈窕駕青驪。龍泉甚鳴利。如何獨不知。○文苑英華二百四十。詩紀八十一。

贈任黃門詩二首

相如體英彥。左右生容暉。已紆漢帝組。復解梁王衣。經過雲母扇。出入千詩紀云。一作金。門扉。連洲茂芳杜。文苑作杜若。長山鬱翠微。欲言終未敢。徒文苑作默。然獨依依。詩紀云。一作默。默獨依依。○類聚三十一。文苑英華二

百四十七。詩紀八十一。

紛吾少馳騁。自來乏文苑文苑作之。注云。疑作乏。名德。白玉鏤衢鞍。黃金瑪瑙勒。射鵬靈丘下。驅馬文苑云。一作虜。鴈門北。殷勤盡日華。留連窮景黑。歲暮竟無成。憂來坐默默。○文苑英華二百四十七。詩紀八十一。

酬蕭新浦王洗馬詩二首詩紀云。蕭子雲封新浦侯。王筠爲太子洗馬。

始可結交者。文酒滿金壺。圍碁帝臺局。繫馬秦王蒲。長劍皆玉具。短笛悉銀塗。送歸日愁滿。留客袂紛吾。今成桓山上。秋風星散烏。○文苑英華二百四十。詩紀八十一。

思君出江湄。慷慨臨長薄。獨對東風文苑作方。注云。宋本風。酒。誰舉指南酌。崇蘭白帶飛。青鸚紫纓絡。一年流淚同。萬里相思各。胡爲舍旃去。故人在宛洛。○同上

答蕭新浦詩

僕本二陵徒。英豪文苑云。一作俊。多久要。角觝文苑作觝。注云。宋本觝。良家兒。期門惡年少。身詩紀云。一作腰。紆丈二組。手擎尺一詔。問子行何去。高帆艤江干。今夜杯酒別。明朝江水邊。莓莓看細雨。漠漠視濃煙。颯灑文苑作人。銅箭。低昂五會船。欲知故人者。江南共採蓮。悒然心不樂。跨馬出城壕。觀濤看白鷺。望草見青袍。青袍行中把。蔽草覆平野。公子不垂堂。紛紛文苑作吾。注云。一作紛吾故。交者。肘懸辟邪印。屋曜鴛鴦瓦。翩翩流水車。蕭蕭曳練馬。是時君別我。青莎沒馬蹄。連連文蠶蠶。鷺鷥伺朝雞。今日予懷友。積

恨文苑作雪。注云。一作恨。詩紀云。一作雪。滿東西。○文苑英華二百四十。詩紀八十一。

酬周參軍詩

日暮憂人起。倚戶悵文苑作長。注云。一作匣悵。無權。水傳洞庭遠。風送雁門寒。江南霜雪重。相如衣服單。沈雲隱喬文苑。詩紀並云。集作高。樹。細雨滅層巒。且文苑云。集作是。當對樽酒。朱絃永夜彈。○文苑英華二百四十。詩紀八十一。

贈杜容成詩

詩紀云。帝王集作簡文帝詠燕。今從玉臺作吳均。

一燕海上來。一燕高堂玉臺作臺。息。一朝相玉臺作所。詩紀云。一作所。識。問余玉臺作我。詩紀云。一作我。來何遲。山川玉臺作關山。幾紆玉臺作迂。直。答言海路長。風駛玉臺作多。詩紀云。一作多。飛無力。昔別縫羅衣。春風初入帷。今來夏欲晚。桑扈玉臺作蛾。薄樹飛。○玉臺新詠六。梁簡文帝集下。詩紀八十一。又類聚九十二。文苑英華三百二十九並作詠燕。引息、識、直、力四韻。

贈朱從事詩

我行欲何之。千里尋膠漆。長葭歷渚生。疏蒲緣岸出。裊裊能隨風。離離堪度日。客思已飄蕩。相思復非一。未得幸殷勤。先作數行泣。○文苑英華二百四十七。詩紀八十一。

贈搖詩紀云。搖。一作姚。郎詩

星漢正參差。佳人不在斯。宿昔暫乖阻。何異遠分離。露染薜蘿葉。日照芄蘭枝。風光已飄薄。雲采復逶迤。勞夢無人覺。默默心自知。○類聚二十九。詩紀八十一。

贈王桂陽別詩三首

昔聞楊伯起。拖金文苑作玉。詩紀云。一作玉。振清風。高華積海外。名實滿山東。自有五文苑作吾。都相。非無四世公。臨窗驚白日。倚匣曳輕虹。願持鶴鷖羽。歲暮依梧桐。○文苑英華二百六十六。詩紀八十一。

客子慘無歡。送別江之干。白雲方渺渺。黃鳥尚關關。糾紛巫山石。合沓洞庭瀾。行衣侵曉露。征舫犯夜湍。文苑作征船夜泊湍。注云。一作征舫犯夜湍。無因停合浦。見此去文苑作玄。注云。一作去。詩紀云。一作玄。珠還。○類聚二十九。文苑英華二百六十六。詩紀八十一。

樹響浹文苑作峽。山來。猿文苑作溪。詩紀云。一作溪。聲繞岫急。旅帆風飄揚。行巾露沾濕。深浪闇蒹葭。濃雲沒城邑。不見別離人。獨有相思泣。○同上

酬別江主簿屯騎詩

有客告將離。贈言重蘭蕙。泛舟當泛濟。結交當結桂。濟水有清源。桂樹多芳根。毛公與朱亥。俱在信陵

門。趙瑟文苑作琴。鳳凰柱。吳醪金罍樽。我有北山志。留連爲報恩。夫君皆逸翮。搏詩紀誤作搏。景復凌鸞。文苑作鸞。白雲閒海樹。秋日暗平原。寒蟲鳴趯趯。落葉飛翩翩。何用贈分首。自有北堂萱。○文苑英華二百六十六。詩紀八十一。

酬別詩

故人杯酒別。天清明月亮。露下寒葭文苑或作草。注云。一作葭。中。風起秋江上。衣染潺湲泣。文苑或作淚。詩紀云。一作淚。棹犯文苑或作泛。參差浪。匕首直千金。七寶雕華裝。類聚字缺。文苑云側亮切。類聚疑平聲。改作杖。生離何用表。賴此持相餉。○類聚二十九。文苑英華二百六十六。文苑英華二百四十作王筠酬淮南別。

贈別新林詩

詩紀云。一作江潭怨。

僕本幽并兒。抱劍事邊陲。風亂青絲絡。霧染黃金羈。天子既無賞。公卿竟不知。去去歸去來。還傾鸚鵡杯。氣爲故交絕。心爲新知開。但令寸心是。何須銅雀臺。○文苑英華二百八十六。詩紀八十一。

發湘州贈親故別詩三首

相送出江潯。淚下沾衣襟。何用敘離別。臨歧贈好音。敬通才如此。君山學復深。明哲遂無賞。文華空見沈。古來非一日。無事更勞心。○文苑英華二百八十六。詩紀八十一。

雲生曉靄靄。花落夜霏霏。問余何意別。答言倦遊歸。徒勞易水在。空負洛陽衣。懷金無人別。抱玉遂成非。安得久留滯。商山饒白薇。○同上

君留朱門裏。我至廣江濱。城高望猶見。風多聽不聞。流殯方繞繞。落葉向類聚作尚。詩紀云。一作尚。紛紛。無由得共賞。山川間白雲。○類聚二十九作贈別詩。文苑英華二百八十六。詩紀八十一。

同柳吳興烏亭集送柳舍人詩

河陽一悵望。南浦送將歸。雲山離暎。文苑作掩。曖。花霧共依靠。文苑云。集作靠依。流連百文苑作反。舌哢。下上文苑云。集作上下。陽禽飛。桂舟無淹。文苑誤作掩。柹。玉軫有離徽。願君嗣蘭杜。時採文苑作拂。注云。集作採。東臯薇。○文苑英華二百六十六。詩紀八十一。

同柳吳興何山湖州山名。集送劉餘杭詩

王孫重離別。置酒峯之巖。逶迤川上草。參差澗裏薇。輕雲紉。文苑云。一作紉。遠。文苑云。集作晚。岫。細雨沐山詩紀云。一作單。衣。簷端水禽息。窗上野螢飛。君隨綠波遠。我逐詩紀誤作遂。清風歸。○文苑英華二百六十六。詩紀八十一。

送柳吳興竹亭集詩

平原不可望。波瀾千里直。夕魚汀下戲。暮羽文苑云。集作雨。詩紀作雨。簷中息。白雲時去來。青峯復文苑作後。負側。躑躅牛羊下。晦昧崦嵫色。王孫猶未歸。且聽西光匿。○文苑英華二百六十六。詩紀八十一。

初至壽春作詩

桓譚不賣文苑云。集作買。交。馮子任紆直。浮濁逐波影。文苑作彩。飄揚恣風力。北州少知舊。南陽寡相識。中駕每傾輪。當騫復文苑云。集作輒。摧翼。望美無津梁。私自憐何極。○文苑英華二百八十九。詩紀八十一。

登壽陽八公山詩

遠澗自傾曲。文苑作注。石激復粼粼。文苑作曲石激粼粼。注云。集作遠澗百頃曲。石激復粼粼。含珠岸恆翠。懷玉浪多圓。疏峯時吐月。密樹不開天。瑤繩盡玄祕。金檢上奇篇。是有琴高者。陵波文苑作波陵。去水仙。○文苑英華百五十九。詩紀八十一。

壽陽還與親故別詩

故人來送別。帳文苑誤作帳。酒臨行阡。露繁秋色慢。氣愴蟬聲煎。雁渡章華國。葉亂洞庭天。復有向隅淚。中腸皆涕漣。但願千丈松。結景雲之峯。山高日華早。枝多風彩文苑注云疑。重。我還愛芳杜。君住揖驪龍。

○文苑英華二百八十六。詩紀八十一。

邊城將詩四首

塞外何紛紛。胡騎欲成羣。爾時始應募。類聚誤作作暮。來投霍冠文苑作將。軍。刀含四尺影。劍抱七星文。袖間血灑地。車中旌拂雲。輕軀如未文苑作未如。殞。終當厚報君。○類聚五十九。文苑英華三百。詩紀八十一。

僕本邊城將。馳射靈關下。箭銜御覽作御。雁門石。氣振武安瓦。勳輕賞廢丘。類聚作兵。名高拜橫野。文苑誤作劍。留書應鑿楹。傳功須勒社。徒傾七尺命。酬恩終自寡。○類聚五十九。文苑英華三百。詩紀八十一。又御覽二百七十八引下、瓦二韻。

聞君報一餐。遠送出平野。玉標丹霞劍。金絡豔文苑作豔絡。光馬。高旗入漢飛。長鞭歷類聚作匿。地寫。曙星海中出。曉月山頭下。歲晏坐論功。自有思文苑云。一作恩。臣者。○類聚五十九。文苑英華三百。詩紀八十一。又御覽二百七十八引馬、寫二韻。

臨淄重蹴文苑作躡。踰。曲城好擊刺。不要身後名。專騁眼前智。君看班定遠。立功不負義。掣拽二丈旗。躑躅雙鳧騎。但問相知否。死生無險易。○類聚五十九。文苑英華三百。詩紀八十一。

秋念詩

團團珠暉轉。炤炤漢陰移。箕風入桂露。璧月滿詩紀云。一作下。瑤池。樹青草未落。蟬涼葉已危。還深長夜想。顧憶臨邛卮。芳杜果蕪沒。纓帶欲何爲。○類聚三。詩紀八十一。

梁詩卷十一

吳均

詩

采藥大布山詩

我本北初學記作此。文苑同。山北。緣澗採山麻。九莖日反詩紀云。一作間。照。三葉長生花。可用初學記作以。文苑同。蠲憂疾。聊持駐景斜。景斜不可駐。年來果如驅。安得崑崙山。偃蹇三珠樹。文苑作樹三珠。三珠始結初學記作樹始。文苑同。菱。絳葉凌朱臺。玉壺白鳳肺。類聚作拂。初學記作肺。金鼎青龍胎。韓衆及王子。何世初學記作代。文苑同。無仙才。安期儻欲顧。相見在蓬萊。○類聚八十一。初學記二十。文苑英華三百二十七。詩紀八十一。

贈周散騎興嗣詩二首

子雲好飲酒。家在成都縣。製賦已百篇。彈琴復千轉。敬通不富豪。相如本貧賤。共作失職人。包山一相見。○文苑英華二百四十七。詩紀八十二。

昔類聚字缺。初學記、文苑作吾。詩紀云。一作吾。賢當路者。聲名振華夏。朱輪玳瑁牛。詩紀作車。紫鞵連錢馬。朝花

舞風去。詩紀云。一作中。夜月窺窗下。想君貴易朋。居然應見捨。○類聚三十一。初學記十八。文苑英華二百四十七。詩紀八十二。

贈周興嗣詩四首

孺子賤而貧。且非席上珍。唯安萊蕪甑。兼慕林宗巾。百年逢繼繼。千里遇殷勤。願持江南蕙。以贈生芻人。○文苑英華二百四十七。詩紀八十二。

思君欲何言。中心亂如霧。淚下非一端。愁來誰有數。子爲馮敬通。不減文苑作成。汲長孺。千里無關梁。安得王喬履。○同上

與君初相知。不言異一宿。意欲褰衣裳。陰雲亂人目。之子伏高卧。伊予空杼軸。無因文苑作由。渡淇水。見此猗猗文苑作漪漪。竹。○同上

可怨文苑作然。異詩紀云。疑作思。公子。終自不敢言。青松蔽南隴。白雲生北園。沈憂無人語。默念空憑軒。安得湛盧文苑作空持。劍。以報相知恩。○同上

人蘭臺贈王治書僧孺詩

故人揚子雲。校書麟閣文苑作麒麟。下。寂寞少交遊。紛綸富文雅。予爲文苑作余本。隴西使。寓居洛文苑作維。陽社。相思非不深。行行避驄馬。○類聚三十一。文苑英華一百九十。詩紀八十二。

江上酬鮑幾詩

振棹出江湄。依依望九疑。文苑作巖。欲謁蒼梧帝。過問沅湘姬。折荷縫作蓋。落羽紡成絲。吾行別有意。不爲君道之。○類聚二十七作酬鮑幾詩。文苑英華二百八十九作江上酬鮑幾。詩紀八十二。

贈柳祕書詩

靡蕪與丹桂。奇心復奇骨。已蔽蒼龍門。又影鳳皇闕。紫雲依夜來。清風扶晚發。鴛鴦文苑作鴛。若上天。寄聲謝明月。○文苑英華二百四十七。詩紀八十二。

詣周承不值因贈此詩

詩紀云。承一作丞。後做此。

竹枝任風轉。蘭心逐風卷。青雲葉上團。白露花中泫。聞君人綺詩紀作騎。疏。聊寄錦中書。一隨平原客。寧憶豫章徐。○類聚三十一。詩紀八十二。

遙贈周承詩

巨石亂天崖。文苑作涯。雜樹鬱參差。伯魚文苑作魯。留蜀郡。長房還葛陂。練練波中月。亭亭雲上枝。高岑蔽人者。無處得相知。○類聚三十一。文苑英華二百四十七。詩紀八十二。

周承未還重贈詩

石渠閬無人。子雲今何在。顧望獨懷類聚作凝。詩紀云。一作凝。憂。銜杯竟誰待。散雪逐吹寒。蓬姿浮霜類聚作霜雪。采。甘泉無竹花。鵝鷓欲還海。○類聚三十一。詩紀八十二。

贈王桂陽詩

松生數寸時。遂爲草所沒。未見籠雲心。誰知負霜骨。弱幹可摧殘。纖莖易凌忽。何當數千尺。爲君覆明月。○文苑英華二百四十七。詩紀八十二。

酬類聚誤作訓。郭臨丞詩

聞君立名義。我亦倦晨征。馬在城上蹀。類聚作蝶。馮校作蹀。劍自腰中鳴。白日遼川暗。黃塵隴坻驚。文苑作生。願君但銜酒。深文苑作新。知有素誠。○類聚三十一。文苑英華二百四十。詩紀八十二。

憶費昶詩

皎皎日將上。獵獵起微風。山沒清波內。帆在浮雲中。直趣珠星北。斜開碧海東。故人若思我。當念離根蓬。○類聚二十七。詩紀八十二。

酬聞人侍郎別詩三首

悵然心不樂。萬里何類聚作向。詩紀同。文苑作尚。注云。集作何。悠悠。凌朝類聚作陵潮。文苑云。集作湖日。憩枉類聚作杜。渚。薄類聚作泊。暮遵江洲。君住文苑作往。青門文苑作山。注云。類聚、集本並作居住青門上。上。我發霸陵頭。相思自有處。春風明月樓。文苑作明月清風樓。注云。集作風月在南樓。詩紀云。一作明月清風樓。○類聚三十一。文苑英華二百四十。詩紀八十二。

整棹北川湄。迴首望城邑。林疎風至少。山高雲度急。共懷萬里心。各作千行泣。欲見終無緣。思君空佇立。○文苑英華二百四十。詩紀八十二。

舉首川之折。詩紀云。當作沂。離鴻四向飛。子憐三湘薜。說文。薜與薛同。莎也。我憶五陵薇。但使同嘉文苑作喜。注云。疑作嘉。遁。何必共輕肥。思君美如玉。不覺淚沾衣。○同上

贈鮑春陵別詩

落葉思紛紛。蟬聲猶可聞。水中千丈月。山上萬重雲。海鴻來倏文苑作往。注云。疑。去。林花合復分。所憂別離意。白露下霑裙。○文苑英華二百六十六。詩紀八十二。

別王謙詩

嚴光不逐類聚誤作遂。世。流轉任飛蓬。欲還天台嶺。不狎甘泉宮。離歌玉絃絕。別酒金卮空。倘遺故人念。僕在東山東。○類聚二十九。文苑英華二百六十六。詩紀八十二。

奉使廬陵詩

悵然不自怡。類聚作悟。端憂坐文苑作生。漠漠。風急鴈毛斷。冰堅馬蹄類聚作迹。落。客子飢寒多。江上衣裝薄。何當報恩罷。驅車還北郭。○類聚二十七作使廬陵詩。文苑英華二百九十六。詩紀八十二。

迎柳吳興道中詩

團團日西靡。客念已蹉跎。長風倒危葉。輕練網寒波。白雲光彩麗。青松意氣多。所言飽恩德。忘我北山蘿。○類聚二十八。詩紀八十二。

至湘洲望南岳詩

重波淪且直。連山糾復紛。鳥飛不復見。風聲猶可聞。朧朧樹裏月。飄飄水上雲。長安遠如此。無緣得報君。○文苑英華百六十。詩紀八十二。

登二妃廟詩

朝雲亂人詩紀云。當作人。目。帝女湘川宿。折齒巫山下。採荇洞庭腹。故以輕薄好。千里命臚舳。何事非相思。江上葳蕤竹。○文苑英華三百二十。詩紀八十二。

詠懷詩二首

僕本報恩人。走馬救東秦。黃龍暗迢遞。青泥寒苦辛。野戰劍鋒盡。攻城才智貧。唯餘一死在。留持贈主人。○類聚二十六。詩紀八十二。

元淑勢位卑。長卿宦情寡。二頃且營田。三錢聊飲馬。懸風白雲上。挂月青山下。心中欲有言。未得忘言者。○同上

和蕭洗馬子顯古意詩六首

賤妾思不堪。采桑渭城南。帶減連枝繡。髮亂鳳凰簪。類聚或作簪。文苑同。詩紀云。一作簪。花舞依長簿。玉臺作衣裳薄。蛾類聚或作鷲。詩紀云。一作鵝。飛愛綠類聚或作淥。文苑云。宋本作淥。潭。無由報君信。玉臺作此。類聚或同。流涕向春蠶。○玉臺新詠六。類聚三十二。又八十八作採桑詩。文苑英華二百四十。樂府詩集二十八作採桑。詩紀八十二作古意。

妾本倡家女。出入魏王宮。既得承瑠輦。亦在更衣中。蓮花銜青雀。寶粟鈿金蟲。猶言不得意。流涕憶遼

東。○玉臺新詠六。詩紀八十二作古意。

春草可攬玉臺作攏可。結。妾心正斷絕。綠鬢愁中改。紅顏啼裏滅。非獨淚成珠。亦見珠成血。願爲飛鵲詩紀云。一作雙鶴。鏡。翩翩照離別。○玉臺新詠六。類聚三十二。詩紀八十二作古意。

何處報君書。隴右五歧路。淚研兔枝墨。筆染鵝毛素。碧浮孟渚水。香下洞庭路。應歸遂不歸。芳春空擲度。○玉臺新詠六。詩紀八十二作古意。

妾家橫塘北。發豔小長干。類聚作安。花釵玉腕類聚作宛。詩紀同。轉。珠繩金絡丸。類聚作紈。詩紀同。又注。一作凡。羈歷懸丹玉臺作青。詩紀云。一作青。鳳。逶迤搖白團。誰堪久類聚作分。詩紀同。見此。含恨不相看。類聚作能言。詩紀同。又注。一作誰堪久見此。含恨不相看。○玉臺新詠六。類聚十八。詩紀八十二作古意。

匈奴數欲盡。僕在玉門關。蓮花穿劍鏑。秋月掩刀環。春機思玉臺作鳴。文苑同。詩紀云。一作鳴。窈窕。夏鳥鳴玉臺作思。詩紀云。一作思。文苑作木思。注云。一作鳥鳴。絳蠻。中人坐相望。狂夫終未類聚作不。文苑同。還。○玉臺新詠六。類聚五十九。文苑英華二百五。詩紀八十二作古意。

閨怨詩

胡笳屢悽斷。征蓬未肯還。妾坐江之介。君戍小長安。相去三千里。參商類聚作差。書信難。四時無人見。誰復重羅紈。○類聚三十二。詩紀八十二。

古意詩二首

雜虜寇銅鋌。征役去三齊。扶山翦文苑作剪。詩紀同。疏勒。傍海掃沈黎。劍光夜揮類聚作揮夜。文苑作夜光悉如。又注。如一作揮。電。文苑云。一作劍光夜如電。馬汗晝文苑作晝。成泥。何當見天子。晝地取關西。○類聚五十九。文苑英華二百五。詩紀八十二。

西都盛冠蓋。九達塵霧塞。中有惡少年。伎能專自得。玉鞭蓮花劍。類聚作細。馮校作組。金莖流星勒。聊爲路傍人。寫鞚長楸北。○類聚三十三。文苑英華二百五。詩紀八十二。

覽古詩

嘗稽真仙道。清淑祕衆煩。秦皇及漢武。焉得游其藩。既欲先宇宙。仍規後乾坤。崇高與久遠。萬物莫能存。矧乃恣所欲。荒淫伐靈根。安期反蓬萊。王母還崑崙。○韻語陽秋十二。

萍詩

可憐池裏初學記作內。文苑云。一作內。萍。葢葢初學記作氣氤。文苑云。草盛貌。一作氣氤。紫復青。工初學記作巧。文苑云。一作巧。隨浪開合。能逐初學記作逐。水低平。微根無所綴。細葉詎須莖。飄蕩文苑云。一作泊。終難測。流連如有情。○初學記二十七。文苑英華三百二十七。又注云。一作南齊劉繪。

去妾贈前夫詩

棄妾在河橋。相思復相遼。鳳凰簪落髮。詩紀作髮。蓮花帶緩腰。腸從別處斷。貌在淚中消。願君憶疇昔。片言時見饒。○玉臺新詠六。詩紀八十二。

詠少年詩

董生唯文苑作能。樂府同。巧笑。子都信美目。百萬市一言。千金買相逐。不道參差菜。類聚作采。誰論文苑作能。注云。一作論。窈窕淑。願言類聚作君。詩紀云。一作君。捧樂府作奉。文苑同。又注。一作捧。繡被。來就越人宿。○玉臺新詠六。類聚三十三。文苑英華百九四作少年行。樂府詩集六十六作少年子。詩紀八十二。

詠雪詩

微風搖文苑作過。詩紀云。一作過。庭樹。細雪下簾隙。縈空如霧轉。凝階似花積。不見楊柳春。徒看桂枝白。零淚無人道。相思空何益。○文苑英華百五十四。詩紀八十二。又類聚二、初學記二並引隙、積、白三韻。

詠雪詩

雪逐春風來。過集巫山野。瀾漫雖可愛。悠類聚作翻。文苑同。詩紀云。一作翻。揚類聚作陽。馮校作揚。詎堪把。問

君何所思。文苑云。一作知。昔日文苑作思昔。注云。一作昔日。同心者。坐須風雪霽。相期洛類聚作雒。城下。○類聚二。
文苑英華百五十四。詩紀八十二。

春詠詩

春從何處來。拂水玉臺作衣。復驚梅。雲障類聚作彰。青瑣闥。風吹承露臺。美人隔千里。羅幃閉不開。無由得
共文苑作共得。語。空對相思杯。○玉臺新詠六。類聚三。文苑英華百五十七。詩紀八十二。

共賦韻詠庭中桐詩

龍門有奇價。自言梧桐枝。華文苑作垂。暉實掩映。細葉能披離。不降周王子。空待歲時文苑作空將歲月。移。
嚴風忽交勁。文苑作動。遂使無人知。○初學記二十八。文苑英華三百二十四作同詠庭中桐。詩紀八十二。

詠柳詩

細柳生堂北。長風發雁門。秋霜常振葉。春露詎濡根。朝作離蟬字。暮成宿鳥園。不爲君所愛。摧折當何
言。○文苑英華三百二十三。詩紀八十二。

主人池前鶴詩

本自乘軒者。爲君階下禽。摧藏文苑作低昂。多好貌。清唳文苑誤作淚。有奇音。稻梁惠文苑作恩。既類聚作以。重。

華池遇亦深。懷恩文苑作顧思。未忍去。非無江海心。○類聚九十作詠鶴詩。初學記三十作詠鶴詩。文苑英華三百二十八。詩紀八十二。

詠寶劍詩

我有一寶劍。出自昆吾溪。照人如照水。切玉如切泥。鏗邊霜凜凜。匣上風淒淒。寄語張公子。何當來見攜。○類聚六十。初學記二十二、詩紀八十二並作寶劍詩。事類賦劍賦注引谿、泥二韻。

詠燈詩

昔在鳳凰闕。七采蓮花莖。陸離看寶帳。爛熳照文屏。檐豔煙光轉。氛氲霧里輕。能方三五夜。桂樹月中生。○類聚八十。詩紀八十二。

別夏侯故章詩

白馬黃金羈。青驪紫絲鞵。新知關山別。故人河梁送。置此一函書。爲余達雲夢。○類聚二十九。詩紀八十二。

以服散鎗贈殷鈞詩

玉鉉布交文。金丹煥仙說。九沸翻成緩。七轉御覽誤作輔。良爲切。執以代疏麻。長貽故人別。○類聚七十三。御

覽七百五十七作王筠。詩紀八十二。

梅花詩

梅性本輕蕩。世人相陵賤。故作負霜文苑。詩紀並云。集作雪花。欲使綺羅見。但願深相知。千詩紀云。當作早。摧非所戀。○文苑英華三百二十二。詩紀八十二。

征客詩

公卿來悵別。葭聲在狹斜。玉樽浮雲蓋。朱輪流水車。輕中懸明月。劍杪照蓮花。○類聚五十九。詩紀八十二。

雜絕句詩四首

晝蟬已傷念。夜露復沾衣。昔別曾玉臺作昔。何道。今夕玉臺作令。螢火詩紀作光。飛。○玉臺新詠十。詩紀八十二作雜句詩。

錦腰連枝滴。詩紀云。一作理。繡領合歡斜。夢中難言詩紀作誰不。見。終成亂眼花。○同上

蜘蛛簷下挂。絡緯井邊啼。何曾玉臺作當。得見子。照鏡窗東西。○同上

泣聽離夕歌。悲銜別時酒。自從今日去。當復相思否。○同上

山中雜詩三首

山際見來煙。竹中窺落日。鳥向簷上飛。雲從窗裏出。○類聚三十六。廣文選十五作還山。詩紀八十二。
綠竹可充食。女蘿可代裙。山中自有宅。桂樹籠青雲。○同上
具區窮地險。嵇類聚作稽。山萬里餘。奈何梁隱士。一去無還書。○類聚三十六。詩紀八十二。

詠雲詩二首

飄飄上碧虛。藹藹隱青林。氛氳如有意。縈鬱詎無心。○類聚一。詩紀八十二。
白雲蒼梧來。過拂章華臺。逢河散復卷。經風合且開。○同上

詠慈姥磯石上松詩

根爲石所蟠。枝爲風所碎。賴我有貞心。終凌細草輩。○初學記二十八。萬花谷後三十八作吳均詩。詩紀八十二。

送呂外兵詩

白雲浮海際。明月落河濱。送君長太類聚作歎。息。徒使淚沾巾。○類聚二十九。詩紀八十二。

傷友詩

可憐桂樹枝。懷芳君不知。摧折寒山裏。遂死無人窺。○類聚三十四。詩紀八十二。

詩

日落登雍臺。佳人殊未來。綺窗蓮花掩。洞戶玻璃開。○萬花谷後十五。

和柳惲毗山亭詩

平湖曠復遠。高樹峻而危。○太平寰宇記九十四。

詩

採葵莫傷根。結交莫羞貧。○鳴沙石室古籍叢殘畧出金箴二十八。○遠按。古詩云。採葵莫傷根。結交莫羞貧。傷根葵不生。羞貧交不成云云。或卽吳均所作。

歌 碎珠賦系此歌。

玉山之津兮已濡。幽蘭之草兮亦舒。又聞珩璧之獨照。不見掌上之明珠。○初學記二十七。

詩

談藪曰。梁奉朝請吳均有才氣。常爲劍騎詩云。何當見天子。晝地取關西。高祖謂曰。天子今在。關西安在焉。均默然無答。均又爲詩曰云云。沈約謂之曰。印黃沙語太險。均曰。亦見公詩云。山櫻發欲然。約曰。我始欲然。卿已印訖。

秋風瀧白水。雁足印黃沙。○太平廣記百九十八。

劍騎詩

劍是兩蛟龍。○水經注河水注。

周興嗣

興嗣。字思恭。項郡人。世居姑熟。遷員外散騎侍郎、給事中。直西省左衛率。

答吳均詩三首

明燈照暗室。邊韶對趙壹。但酌中山酒。唯甘江浦橘。風動雲入箕。雨至月離畢。王丹贈不拜。是我相知日。○文苑云。後漢王丹贈陳遺以不拜。○文苑英華二百四十。

驚鳧起北海。儀鳳飛上林。鶯低不同翼。歡楚亦殊音。噫噫文苑云。宋本注有疑字。夕雲起。落落曉星沈。李陵報蘇武。但令知我心。○同上

昔別襄城村。同會長安市。誰學萊蕪飢。本得王喬履。堦前養素鶴。池中飴赤鯉。一往玉壺上。兼復見簫史。○同上



梁詩卷十二

劉峻

峻。字孝標。平原人。齊永明中。南奔。建武中爲豫州府刑獄。梁初。安成王引爲荊州戶曹參軍。以疾去職。居東陽之紫巖山。普通二年卒。年六十。門人謚曰玄靜先生。有世說新語注十卷、集六卷。

登郁洲山望海詩

滄溟聯霄岫。層嶺鬱嶺峒。下盤鹽海底。上轉靈鳥翼。溟濔非可辨。類聚作辯。鴻溶信難測。輕塵久弭飛。驚浪終不息。雲錦曜石嶼。羅綾文水色。○類聚八。詩紀九十。

自江州還入石頭詩

詩紀云。藝文作劉峻。英華次元帝後而逸其名。或以爲元帝詩。非也。

鼓柁浮大川。延文苑作遙。睇洛文苑作維。城觀。洛城何鬱鬱。杳與雲霄半。前望蒼文苑作青。注云。一作蒼。龍門。斜瞻文苑作暉。白鶴館。槐垂御溝道。柳綴金隄岸。迅馬文苑作鳥。注云。一作馬。晨風趨。輕輿流水散。高歌文苑作唱。注云。一作歌。詩紀云。一作唱。梁塵下。絙文苑作湘。瑟荆文苑作翔。禽亂。文苑云。一作絙瑟荆琴亂。我思江海遊。曾無朝市玩。忽寄靈臺宿。空軫及關歎。仲子入南楚。伯鸞出東漢。何能栖樹枝。取斃王孫彈。○類聚二十九。

廣文選九並作江州道人石頭詩。文苑英華二百八十九逸作者名。詩紀九十。

始居山營室詩詩紀云。外編作始營山居。

自昔厭諠囂。執志好栖息。嘯歌棄城市。歸來事廣文。選作學。畊織。鑿戶闕巉峽。開軒望嶰峴。激水簷前溜。修竹堂陰植。香風鳴紫鸞。高梧巢綠翼。泉脉洞杳杳。流詩紀云。一作沈。波下不極。髣髴玉山隈。想像瑤池側。夜誦神仙記。且吸雲霞色。將馭六龍輿。行從三鳥食。誰與金門士。撫心論胸臆。○類聚三十六。廣文選十五作居山營室。詩紀九十。

出塞

薊門秋氣清。飛將出長城。絕漠衝風急。交河夜月明。陷敵縱金鼓。摧鋒揚旆旌。去去無終極。日暮動邊聲。○文苑英華百九十七。樂府詩集二十一。詩紀九十。

蕭洽

洽。字宏稱。蘭陵人。父惠基。齊吏部尚書。洽天監初遷太子中庶子。出爲南徐州中從事。還除從事中郎。遷太府卿。普通初爲通直散騎常侍。二年。出爲臨海太守。六年卒官。年五十五。有集二十卷。

隋志作二卷。疑誤。

侍釋奠會詩五章

儒惟性府。道實人靈。乃宣地義。載景天經。合宮傳藹。衢室流馨。人區允睦。王路惟寧。烏弈代終。氛氲革禪。我后天臨。庶眈利見。煥哉隆平。穆矣於變。德漏八埏。聲鏘九縣。春方貳極。含神測幾。敬恭馳道。祇承獸闈。列辟載粲。羣司有暉。菴藹槐路。透迤袞衣。教思無方。循訓有則。告奠先師。式祀盛德。其禮載閑。其儀不忒。幽顯聿宣。人祇允塞。

冬物澄華。寒暉曷絜。雲浮鍾虞。風生舞綴。盡性餐和。含靈飲悅。仰沐弘滄。文館詞林作賒。俯慚磬劣。○文館詞林百六十。

王僧孺

僧孺。東海剡人。家貧。傭書養母。仕齊。歷王國左常侍、太學博士、丹陽郡功曹、候官令、治書侍御史、錢唐令。梁受禪。除後軍臨川王記室參軍。出爲南海太守。徵拜中書郎。領著作。遷尚書左丞。遷少府卿。出監吳郡。還除尚書吏部郎。出爲仁威南康王長史。行府州國事。以事免。起爲安西安成王參軍。遷鎮右始興王中記室、北中郎南康王諮議參軍。入直西省。普通三年卒。年五十八。有總集十八州譜七百一十卷、百家譜三十卷、百家譜集鈔十五卷、兩臺彈事五卷、集三十卷。

朱鷺

因風弄玉水。映日上金堤。猶持畏羅繳。未得異鳧鷺。聞君愛白雉。兼因重碧雞。未能聲似鳳。聊變色如珪。願識昆明路。乘流飲復棲。○文苑英華二百六。樂府詩集十六。詩紀七十八。

鼓瑟曲有所思

夜風吹熠燿。朝光照昔邪。文苑作辟邪。注云。一作昔耶。瓦松也。幾銷薜蘿葉。空落蒲桃文苑作萄。注云。一作桃。詩紀云。一作萄。花。不堪長織素。誰能獨浣紗。樂府。詩紀誤作沙。光陰復何極。望促反成賒。知君自蕩子。奈妾亦倡家。○玉臺新詠六。類聚四十一。作有所思行。文苑英華二百二。樂府詩集十七。詩紀七十八。

白馬篇

千里生冀北。玉鞘黃金勒。散蹄去無已。搖頭意相得。豪氣發西山。雄風擅東國。飛鞚出秦隴。長驅繞岷楚。承謨若有神。稟算良不惑。文苑作忒。是。瀨汨文苑作泊。河水黃。參差嶂雲黑。安能文苑作得。注云。一作能。對兒女。垂帷弄毫墨。兼弱不稱雄。後得方爲特。此心文苑作至思。注云。一作此心。樂府作主恩。亦何已。君恩良未塞。不許跨天山。何由報皇德。○文苑英華二百九。樂府詩集六十三。詩紀七十八。

古意詩 詩紀云。一云遊俠。英華作樂府。

青絲控文苑作被。燕馬。紫艾飾吳刀。朝風吹錦帶。落文苑作晚。注云。一作落。日映珠袍。陸離關右客。照耀山西豪。雖非學詭遇。終是任逢遭。人生會有死。得處如鴻毛。寧能偶文苑作若。注云。一作偶。雞鶩。寂寞類聚作寂寂。隱蓬蒿。○類聚三十三。文苑英華二百五。詩紀七十八。○逮按。此詩在類聚人部遊俠。在文苑英華樂府類。詩紀說謬。

登高臺 詩紀云。陳祖孫登有宮殿名登高臺詩。

試出金華殿。聊登銅雀臺。九路平如掌。類聚作砥。文苑云。一作砥。千門洞已。文苑作乘晚。注云。一作洞已。開。軒車映日過。文苑作至。注云。一作過。簫管逐風來。若非邯鄲美。便是洛陽才。○類聚四十二。文苑英華二百十。詩紀七十八。

湘夫人

桂棟承薛帷。眇眇川之湄。白蘋徒可望。綠芷竟空滋。日暮思公子。銜意嘿無辭。○類聚七十九。樂府詩集五十七。詩紀七十八。

侍宴詩

麗景屬文苑作燭。春餘。清陰澄夏首。交枝隱修逕。迴流影文苑作映。遙阜。徙帷類聚作爲。轢輕筠。移鑾拂高

柳。去矣勞茂績。勉哉報嘉誘。小臣良不才。涓塵愧所守。何用勝雕斲。譬木良如朽。○類聚三十九。文苑英華百六十九。詩紀七十八。

又詩紀云。一作侍宴景陽樓。

迴輿文苑作鑾。避暑宮。下輦迎風館。散文苑作涉。漫輕文苑作卿。烟轉。霏微商雲散。蔓草亘巖垂。高枝起天半。回風稍驚水。落光漸斜岸。妙舞駐行雲。清歌入層漢。醉顏暢有憚。德音良已粲。○同上

落日登高詩

憑高且一望。目極不能捨。東北指青門。西南見白社。軫軫河梁上。紛紛渭橋下。爭利亦爭名。驅車復驅馬。寧訪蓬蒿人。誰憐寂寞者。○類聚二十八。詩紀七十八。

中川長望詩

長川杳難卽。四望四無極。安流寧可值。憤風方未息。危帆渡中懸。孤光巖下昞。岸際樹難辨。雲中鳥易識。莫恨東復西。誰知迂且直。故鄉相思者。當春愛顏色。獨寫千行淚。誰同萬里憶。○類聚二十七。詩紀七十八。

贈顧倉曹詩

洛文苑作維。陽十二門。樓闕似西崑。曖曖罌罌下。相望隔畫。類聚作畫。下同。垣。畫垣向阿閣。棲鳳復棲鴛。文苑云。一作阿閣棲鳳鴛。五曹均趨奏。六尚等便煩。朝爐何馥馥。夜錦有餘溫。日中驅上駟。驤首遍京宛。晨趨魏公子。夕宿韓王孫。夙文苑作宿。昔今何在。生平棄不論。譬如卷葹草。心謝葉空存。誰復文苑作傷。三承睫。獨念九飛魂。○類聚三十一。文苑英華二百四十七。詩紀七十八。又廣文選八引崑、垣、鴛、煩、溫、宛、論、存、魂九韵。

秋日愁居答孔主簿詩

首秋類聚作夏。文苑同。雲物善。晝暑且猶清。日華隨水汎。樹影逐風輕。依簾野馬合。當戶昔耶生。物我一無際。人鳥不相驚。儻過類聚作遇。北山北。聊訪法高。類聚作喬。文苑云。一作喬。卿。法真字高卿。見後漢逸民傳。○類聚三十一。文苑英華二百四十。詩紀七十八。

至牛渚憶魏少英詩

楓林曖似畫。沙岸淨如掃。空籠望懸石。回斜見危島。綠草閑遊蜂。青葭集輕鷁。徘徊洞初月。浸淫潰春潦。非願歲物華。徒用風光好。○類聚二十八。文苑英華二百八十九。詩紀七十八。

寄何記室詩

思君不得見。望望獨長嗟。夜風入寒水。晚露拂秋花。何由假日御。暫得寄風車。○類聚三十一。詩紀七十八。

忽不任愁聊示固遠詩

去秋客舊吳。今春投故越。淚逐東歸水。心挂西斜月。未應歲貶顏。直以憂殘髮。○類聚三十五。詩紀七十八。

爲何庫部舊姬擬薜蘿之句詩

出戶望蘭薰。寒簾正逢君。斂容裁玉臺作纒。同。一訪。新知類聚作人。詎可問。新人含笑近。故人含淚類聚誤作笑。隱。妾意在寒松。君心逐朝槿。○玉臺新詠六。類聚三十二作爲何遜舊姬擬上山采薜蘿。詩紀七十八。

何生姬人有怨詩

寒樹棲羈玉臺作羈。雌。月映風復吹。逐臣與棄妾。零落心可知。寶琴徒七弦。蘭燈空百枝。顰容不足效。啼粧拭復垂。同衾成楚越。異國非化玉臺作此。雌。○玉臺新詠六。詩紀七十八。

爲人傷近而不見詩

羸女鳳皇樓。漢姬柏梁殿。詎勝類聚作過。仙將死。音容猶可見。我有類聚作獨我。一心人。同鄉不異縣。異縣不成隔。同鄉更脈脈。脈脈如牛女。何類聚字缺。由寄玉臺作無妨年。一語。○玉臺新詠六作爲人傷近不見。類聚三十二。詩紀七十八。

月夜詠陳南康新有所納詩

二八人如花。三五月如鏡。開簾一種色。當戶類聚作還將。兩相映。重價出秦韓。高名人燕鄭。十城屢請易。千金幾爭聘。君意自能專。妾心本無競。○玉臺新詠六。類聚十八。詩紀七十八。

詠擣衣詩

足傷金管遽。玉臺作處。多愴緹光促。露團池上紫。風飄庭裏綠。下機驚西眺。鳴砧遽東旭。芳汗似蘭湯。雕金辟龍燭。散度廣陵音。摻玉臺作操。誤。寫漁陽曲。別鶴悲不已。離鸞斷還玉臺作更。詩紀云。一作更。續。尺素在魚腸。寸心憑雁足。○玉臺新詠六引促、旭、燭、曲、續、足六韻。類聚六十七引促、綠、曲、續、足五韻。詩紀七十八。

與司馬治書同聞鄰婦夜織詩

洞房風已激。長廊月復清。藹藹夜庭廣。飄飄曉帳輕。雜聞百蟲思。偏傷一鳥玉臺作息。聲。鳥聲長不息。妾心復何極。猶恐君無衣。夜夜當窗織。○玉臺新詠六。詩紀七十八。

爲人述夢詩

工知想成夢。未信夢如此。皎皎無片非。的的一皆是。以親芙蓉褥。方開合歡被。雅步極嬌。詩紀作嬌。妍。含辭姿委靡。如言非倏忽。不意成俄爾。及寤盡空無。方知悉虛詭。○玉臺新詠六。詩紀七十八。

侍宴景陽樓詩

詩紀云。詩彙作鮑照者非。

金鋪爍可鏡。桂棟儼臨雲。沾觴均飲德。服道驗朝聞。詎論禹無間。非恥堯爲君。小臣亦何者。短翮屢追羣。○類聚三十九。文苑英華百六十九。詩紀七十八。

春日寄鄉友詩

旅心已多恨。春至尚離羣。翠枝文苑作披。結斜影。綠水文苑作水綠。散圓文苑作直。文。戲魚兩相顧。遊鳥半藏雲。何時不憫默。是日最思君。○類聚三。文苑英華百五十七。詩紀七十八。

夜愁示諸賓詩

簷玉臺作欄。通。露滴爲珠。池水玉臺作冰。合成壁。萬行朝淚瀉。千里夜愁積。玉臺作極。孤帳閉不開。寒膏盡復益。誰知心眼亂。看朱忽成碧。○玉臺新詠六作夜愁。類聚三十五。詩紀七十八。

送殷何兩記室詩

掩袖出南浦。驅車送上征。飄飄曉雲駛。漾漾旦潮平。不肖余何惜。無貨爾類聚作是。勿輕。倘有還書便。一言訪死生。○何水部集二作贈何殷記室。類聚二十九。文苑英華二百六十六。詩紀七十八。

春閨有怨詩

愁來不理髮。春至更攢眉。悲看蛺蝶粉。泣望蜘蛛絲。月映寒蛩褥。風吹翡翠帷。飛鱗難託意。駛翼不銜。詩紀云。一作綴。辭。○玉臺新詠六。詩紀七十八。

秋閨怨詩

斜光隱西壁。暮雀上南枝。風來秋扇屏。月出夜燈吹。深心起百際。遙淚非一垂。徒勞妾辛苦。終言君不知。○玉臺新詠七。詩紀七十八。

詠寵姬詩

及君高堂還。值妾妍粧罷。曲房褰錦帳。迴廊步珠屣。玉釵時可挂。羅襦詎難解。再顧連城易。一笑類聚作。詩紀云。一作眇。千金買。○類聚三十二。又作寵姬詩。詩紀七十八。

在王晉安酒席數韻詩

窈窕宋類聚作守。華容。玉臺作容華。但歌有清類聚作情。曲。轉盼類聚作眄。非無以。斜扇還類聚作扇。幸。詩紀同。相曠。詎類聚作不。減許飛瓊。多勝劉碧玉。何因送款款。半飲杯中醪。○玉臺新詠六。類聚三十二作詠姬人詩。詩紀七十八。

爲人寵姬有怨詩

可憐獨立樹。枝輕根易搖。已爲露所浥。復爲風所飄。錦衾賤不開。玉臺作卧。端坐夜及朝。是妾愁成瘦。非君重細腰。○玉臺新詠六。詩紀七十八。

爲姬人自傷詩

自知心裏恨。還向影中羞。迴持昔慊慊。變作今悠悠。還君與妾扇。玉臺作珥。詩紀云。一作釵。歸妾奉類聚作與。君裘。絃斷猶可續。心去最難留。○玉臺新詠六作爲人自傷。類聚三十二作又爲姬人怨詩。詩紀七十八。

爲人有贈詩

碧玉與綠珠。張盧復雙女。曼聲古難匹。長袂世無侶。似出鳳凰樓。言發瀟湘渚。幸有褰裳便。含情寄一語。○玉臺新詠六。詩紀七十八。

見貴者初迎盛姬聊爲之詠詩

久想專房麗。未見傾城者。千金訪繁華。一朝遇容冶。家本薊門外。來戲叢臺下。長卿幸未匹。文君復新寡。○玉臺新詠六。詩紀七十八。

傷乞人詩

少年空扶轍。白首竟填溝。葦席何由足。菽藿不能周。自顧非好乞。初學記作行。行初學記作乞。且欲包羞。勞君款曲問。冒此殷勤酬。○初學詩十八。詩紀七十八。

春思詩詩紀作春思絕句。

雪罷枝卽青。冰開水文苑作春。便綠。復聞黃鳥聲。玉臺誤作思。全玉臺誤作令。作相思曲。○玉臺新詠十。類聚三。文苑英華百五十七。

爲徐僕射妓作詩

日晚應歸去。上客強盤桓。稍知玉釵重。漸見羅襦寒。○玉臺新詠十。詩紀七十八。

春怨詩詩紀作吳均。

四時如湍水。飛奔競回復。夜鳥響嚶嚶。朝光照煜煜。詩紀作朝花。厭見花成子。多看筍爲詩紀作成。注云。一作爲竹。萬里斷音書。十載異棲宿。積愁落芳鬢。長啼壞美目。君去在詩紀作往。榆關。妾留住函谷。惟對昔邪房。如愧玉臺作見。蜘蛛屋。獨喚玉臺作與。響相酬。還將影自逐。象牀易氈簟。羅衣變單複。幾過度風霜。猶能保乾獨。○玉臺新詠六。詩紀八十一。

詠春詩

岸文苑云。集作崖。煙起暮色。岸水帶斜暉。逕狹橫枝度。簾搖驚燕飛。落花承步履。流澗寫行衣。何殊九芝蓋。簿暮洞庭歸。○文苑英華百五十七。

徐悱

悱。字敬業。勉第二子。起家著作佐郎。轉太子舍人。掌書記之任。累遷洗馬、中舍人。以足疾出爲湘東王友。遷晉安內史。普通五年卒。

白馬篇

妍文苑作研。樂府同。蹄飾鏤鞍。飛鞚度河干。少年本上郡。遨遊入露寒。劍琢荆山玉。彈把隨樂府作隋。珠丸。聞有邊烽急。飛候至長安。然諾竊自許。捐軀諒不難。占文苑作召。注云。一作占。兵出細柳。轉戰向樓蘭。雄名盛李霍。壯氣勇彭韓。能令石飲羽。復使髮衝冠。要功非汗馬。報效乃類聚作有。鋒端。日沒塞雲起。風悲胡地寒。西征誠小月。北去腦烏丸。歸報明天子。燕然石類聚作令。詩紀云。一作今。復刊。○文苑英華二百九。樂府詩集六十三。詩紀八十五。又類聚四十二引端、寒、刊三韵。

古意酬到長史溉登琅邪城詩

甘泉警烽候。上谷抵李善本文選作拒。六臣本注云。善本作拒字。按拒當是拒之訛。拒即唐寫抵字。樓蘭。此江稱豁險。茲山復鬱盤。表裏窮形勝。襟帶盡巖巒。修篁壯下屬。危樓峻上干。登陴起遐望。回首見長安。金溝朝灞澗。甬道人駕鸞。鮮車驚華轂。汗馬躍銀鞍。少年負壯氣。耿介立衝冠。懷紀燕山石。思開函谷丸。豈如霸上戲。羞取路傍觀。寄言封侯者。數奇良可歎。○文選二十二。詩紀八十九。

對房前桃樹詠佳期贈內詩

相思上北閣。徙倚望東家。忽有當軒樹。詩紀作窗。兼含映日花。方詩紀作芳。鮮類紅粉。比素若鉛華。更使增心憶。彌令想狹邪。無如一路阻。脉脉似雲霞。嚴城不可越。言折代疎麻。○玉臺新詠六。詩紀八十九。

贈內詩

日暮想清陽。當作揚。躡履出椒房。網蟲生錦薦。遊塵掩玉床。不見可憐影。空餘黼帳香。彼美情多樂。挾瑟坐高堂。豈忘離憂者。向隅心獨傷。聊因一書札。以代九迴腸。○玉臺新詠六。詩紀八十九。

梁詩卷十三

周捨

捨。字昇逸。汝南安城人。仕齊爲太學博士、丹陽主簿、太常丞。梁初拜尚書祠部郎。歷秣陵令、太子洗馬、中書侍郎、尚書吏部郎。除侍中。領步兵校尉。遷太子詹事。普通五年卒。年五十六。有集二十卷。

上雲樂雜言

隋書樂志曰。梁三朝樂第四十四。設寺子導、安、息孔雀、鳳凰、文鹿、胡舞、登連、上雲樂、歌舞伎。樂府詩集曰。上雲樂有老胡文康辭。周捨作。或云范雲。

西方老胡。厥名文康。遨遊六合。傲誕三皇。西觀濛汜。東戲扶桑。南汎大蒙之海。北至無通之鄉。昔與若士爲友。共弄彭祖扶床。往年暫到崑崙。復值瑤池舉觴。周帝迎以上席。王母贈以玉漿。故乃壽如南山。志若金剛。青眼賈賈。白髮長長。蛾眉臨髭。高鼻垂口。非直能侔。又善飲酒。簫管鳴前。門徒從後。濟濟翼翼。各有分部。鳳皇是老胡家雞。獅子是老胡家狗。陸樂府誤作階。下撥亂反正。再朗三光。澤與雨施。化與風翔。覘雲候呂。志遊大梁。重駟修路。始屆帝鄉。伏拜金闕。仰瞻玉堂。從者小子。羅列成行。悉知廉

節。皆識義方。歌管悒悒。鏗鼓鏘鏘。響振鈞天。聲若鵷皇。前却中規矩。進退得宮商。舉技無不佳。胡舞最所長。老胡寄篋中。復有奇樂章。齋持數萬里。願以奉聖皇。乃欲次第說。老耄多所忘。但願明陛下。壽千萬歲。歡樂未渠央。○樂府詩集五十一。詩紀八十九。

還田舍詩

薄遊久已倦。歸來多暇日。未鑿武陵巖。先開仲長室。松篁日月長。蓬麻歲時密。心存野人趣。貴使容吾膝。況茲薄暮情。高秋正蕭瑟。○文苑英華三百十九。詩紀八十九。

陸倕

倕。字佐公。吳郡人。仕齊歷竟陵王議曹從事參軍、廬陵王法曹行參軍。梁天監初。爲安成王外兵參軍、臨川王東曹掾。遷太子庶子、國子博士、中書侍郎。擢爲吏部郎。參選事。出爲尋陽太守。復除國子博士。守太常卿。普通七年卒。年五十七。有集十四卷。

釋奠應令詩九章○一、二、三各章脫。四章殘。

□□□□。□付規矩。迺據石稚。言藏金斧。方□深雪。載調淮雨。樂駕中和。詩同下武。

巍巍儲后。實等生靈。克岐克嶷。夙智早成。無論岳峙。豈匹泉漳。按卽淳字。桂宮惡譽。蘭殿慙聲。

鼓宗式訓。成均戒典。將弘四術。且陳三善。周膠聿建。虞庠載闡。博習方親。離經向辯。碩學如市。高生閒出。濟濟橫經。祁祁負裘。文參孔囿。玄遊老室。先易後難。功倍師逸。莫采貽誥。器幣有章。素維既弛。絕典還光。庭陳宿設。階列周張。禮充羈偶。物盛員方。景屬遵暮。惟時栗烈。夜露方塗。朝流已折。鏗鏘萃止。肅雍在列。顧省無庸。徒然浮竊。○文館詞林百六十。

和昭明太子鍾山解講詩

終南鄰漢闕。高掌跨周京。復此虧山廣弘明集作天。嶺。穹窿廣弘明集作隆。距帝城。當衢啓珠館。臨下構山楹。南望窮淮激。北眺盡滄溟。步簷廣弘明集作擔。注云。三本、官本作簷。時中宿。飛階或上征。網戶圖雲氣。龕室畫仙靈。副君憐世網。廣命萃人英。道筵終后廣弘明集作後。說。鑾轡出郊坰。雲峯響流吹。松野映風旌。睿心嘉杜若。神藻茂琳瓊。多謝先成敏。空頌后廣弘明集作後。乘榮。○廣弘明集三十。詩紀九十。

以詩代書別後寄贈詩

余本水鄉士。閉類聚作閉。門江海隅。時逢世道類聚誤作道世。泰。蹇御覽作壽。足步類聚作出。高衢。名成宦雖立。效微功日疏。人仕乘肥馬。出守擁高車。關門遊昔吏。遷亭有故書。江派資賢牧。宗英出建旗。不勞王布鼓。無賴露田車。弼政非責實。求名已課虛。長卿病猶在。修齡疾未祛。詎知亭長肉。寧挂府丞魚。不能未能止。內訟慚諸已。僂俛從王事。纜舟出淮泗。朋故遠追尋。暝宿清江陰。明日一分手。翻飛各異林。歸舟

隨岸曲。猶聞歌棹音。行者日超遠。誰見別離心。夕次洌洲岸。明登慈姥岑。水流多迴復。余歸良未尋。江關類聚作中。御覽作間。詩紀云。一作中。寒事早。夜露傷秋草。心屬姑蘇臺。目送邯鄲道。葭葦日蒼蒼。親知慎早涼。劉兄消渴病。休攝戒無良。殷弟癩眩疾。行止避風霜。劉侯有餘冷。宜餌陟詩紀云。一作休。釐方。伏子多風咳。門冬幸易將。率更愛雅體。體弱思自強。吏曹勉玉潤。諷議勗金相。比部多暇日。奚用肆龍章。建德何爲者。無墮無人鄉。記室朋從暇。露蛄附行商。議曹坐朝罷。尺板嗣徽芳。雙栖成獨宿。俱飛忽異翔。眷言思親友。沈思結中腸。追惟疇昔時。朝府多歡暇。薄暮塵埃類聚作埃塵。靜。飛蓋遙相文苑作相追。迓。李郭或同舟。潘夏時方駕。娛談類聚作歡。文苑作議。御覽作歡娛。終類聚作追。文苑同。美景。敷文永清夜。促膝豈異人。戚戚皆朋類聚作姻。文苑同。御覽作明。詩紀云。一作姻。姪。今者一乖離。漙然心事差。山川望猶近。便似隔天涯。玉躬子加護。昭質余未虧。八行思自勉。一札望來儀。○文苑英華二百四十七。詩紀九十。又類聚二十一作贈京邑僚友詩。引衢、衢、早、草、道、暇、迓、駕、夜、姪十韻。御覽四百十作贈京邑僚友詩。引衢、早、草、道、駕、夜、姪七韻。

贈任昉詩

南史曰。昉爲御史中丞。後進皆宗之。時有彭城劉孝綽、劉苞、劉孺。吳郡陸倕、張率。陳郡殷芸。沛國劉顯及到溉、到洽。車軌日至。號曰蘭臺聚。

和風雜美氣。下有真人遊。壯矣荀文若。賢哉陳太丘。今則蘭臺聚。萬古信爲儔。任君本達識。張子復清修。既有絕塵到。復見黃中劉。○南史到溉傳。詩紀九十。

陸罩

罩。字洞元。吳郡人。仕梁爲太子中庶子、掌管記。大同十年。以母老求去。母歿後。位終光祿卿。

採菱曲

參差雜荇枝。田田競荷密。轉葉任香風。舒花影流日。戲鳥波中蕩。游魚菱下出。不與文王嗜。羞持比萍實。○類聚八十二作採菱詩。樂府詩集五十一。詩紀九十。

奉和往虎窟山寺詩

和簡文。

鷄鳴動睥駕。柰苑睠晨遊。朱鑣陵九達。青蓋出層樓。歲華滿芳岫。虹彩被春洲。廣弘明集作州。注云。三本、宮本作洲。葆吹臨風遠。旌羽映九旒。廣弘明集作光浮。喬枝隱修逕。曲澗聚輕流。徘徊花草合。瀏亮鳥聲道。金盤響清梵。涌塔應鳴桴。慧雲方靡靡。法水正悠悠。實歸徒荷教。信解愧難酬。○廣弘明集三十。詩紀九十。

閨怨詩

自憐斷帶日。偏恨分釵時。留步惜餘影。含意結愁眉。徒知今異昔。空使怨成思。欲以別離思。類聚作意。獨向靡蕪悲。○類聚三十二。詩紀九十。

詠笙詩

管清羅袖拂。響合類聚作含。初學記作人。絳唇吹。含情應節轉。逸態逐類聚作遂。聲移。所美周初學記作同。王子。弄羽一參差。○類聚四十四。初學記十六及文苑英華二百十二作陸罕。詩紀九十。

紀少瑜

少瑜。字幼瑒。秣陵人。爲晉安國中尉。大同七年爲東宮學士。除武陵王記室參軍。

遊建興苑詩

丹陵抱天邑。紫淵初學記作泉。萬花谷同。更上林。銀初學記作玉。萬花谷同。臺懸初學記作極。萬花谷同。百仞。初學記作尺。萬花谷同。玉初學記作銀。萬花谷同。樹起千尋。水流冠蓋影。風揚歌吹音。踟躕憐拾翠。顧步惜遺簪。日落庭光轉。方幘屢移陰。終初學記作願。萬花谷同。言樂未極。不道愛黃金。○玉臺新詠八。初學記二十四。樂府詩集七十五作建興苑。萬花谷後二十五作紀少瑜詩。詩紀九十二。

擬吳均體應教詩

庭樹發春輝。遊人競下機。却匣擎歌扇。開箱擇舞衣。桑萎不復惜。看花遽將夕。自有專城居。空持迷上

客。○玉臺新詠八。詩紀九十二。

月中飛螢詩

遠度時依幕。斜來如畏窗。向月光還盡。臨池影更雙。○初學記三十。文苑英華三百二十九。詩紀九十二。

春日詩

愁人試出牖。春色定無窮。參差依網日。澹蕩入簾風。落花還繞樹。輕飛去隱空。徒令玉筯迹。雙乘明鏡中。○玉臺新詠八。

詠殘燈詩

殘燈猶未滅。將盡更揚輝。唯餘一兩焰。纔得解羅衣。○玉臺新詠十。類聚八十。初學記二十五。萬花谷續八。詩紀九十二。

張率

率。字士簡。吳郡人。仕齊歷著作佐郎、太子舍人、尚書殿中郎、太子洗馬。梁臺建。爲相國主簿。天監初爲鄱陽王友。遷司徒掾。進秘書丞。歷中權建安王中記室參軍、雲麾晉安王中記室。除中

書侍郎。復爲晉安王宣惠諮議。領江陵令。隨府遷江州諮議、領記室。出監豫章臨川郡。除太子僕、司徒右長史、揚州別駕。又遷太子家令、黃門郎。出爲新安太守。大通元年卒。年五十三。有文衡十五卷、集三十八卷。

短歌行四言

君子有酒。小人鼓缶。乃布長筵。式宴親友。盛壯不留。容華易朽。如彼槁葉。有似過牖。往日莫淹。來期無久。秋風悴林。寒蟬鳴柳。悲自別深。權由會厚。豈云不樂。與子同壽。我酒既盈。我看伊阜。短歌是唱。孰知身後。○樂府詩集三十。詩紀七十九。

遠期以下五言。

遠期終不歸。節物類聚作華。坐將樂府、詩紀云。一作遷。變。白露愴單衣。玉臺作樓。詩紀云。一作栖。樂府作衫。秋風息團扇。誰能類聚作將。久別離。玉臺作離別。類聚、樂府同。他鄉且異縣。浮雲蔽重山。相望何時類聚作不可。見。寄言遠期玉臺作行。者。空閨淚如霰。○玉臺新詠六。樂府詩集十八。詩紀七十九。又類聚四十二引變、縣、見三韻。

對酒

對酒誠可樂。此酒復芳玉臺作能。類聚同。詩紀云。一作能。醇。如華良可貴。文苑作賞。注云。一作貴。似乳更堪玉臺作非。

類聚、詩紀同。樂府作甘。文苑云。一作甘。珍。何當玉臺作以。留上客。爲寄掌中文苑云。一作壽寓。人。金樽清復滿。玉椀
亟來親。誰能共遲暮。對酒惜文苑作及。注云。一作惜。芳辰。玉臺作晨。詩紀同。樂府云。一作晨。君歌尚玉臺作當。未罷。
却坐避梁塵。○玉臺新詠六。文苑英華百九十五。樂府詩集二十七。詩紀七十九。又類聚四十二作當對酒。引醇、珍、辰、塵四韻。

日出東南隅行

朝日照屋梁。夕月懸洞房。專遽自稱豔。獨□伊覽光。雖資自然色。誰能棄薄妝。施著見朱粉。點畫示顏
黃。含貝開丹吻。如羽發清樂府作青。陽。金碧既簪珥。綺縠復衣裳。方領備蟲彩。曲裙雜鴛鴦。手操獨繭
緒。唇凝脂燥黃。○樂府詩集二十八。詩紀七十九。

相逢行

相逢夕陰街。玉臺誤作階。獨趨尚冠里。高門既如一。甲第復相似。憑軾日欲昏。何處訪公子。公子之所在。
所在良易知。青樓出上路。漸臺臨曲池。堂上撫流徽。雷樽朝夕施。橘柚芬樂府作分。詩紀同。華實。朱火燎金
枝。兄弟兩三人。冠玉臺作裾。珮紛陸離。朝從禁中詩紀云。一作門。出。車騎並驅馳。金鞍馬腦勒。聚觀路傍兒。
入門一顧望。鳧鵠有雄雌。雄雌各數千。相鳴戲羽儀。並在東西立。羣次何離離。大婦刺方領。中婦抱嬰
兒。小婦尚嬌稚。端坐吹參差。丈夫樂府作人。無遽起。類聚作文人幸無遽。神鳳且來儀。○玉臺新詠六。樂府詩集三
十四。詩紀七十九。又類聚四十一引里、似、子、知、池、離、馳、兒、兒、差、儀十一韻。

走馬引

良馬龍爲友。玉珂金作羈。馳騫文苑作相去。樂府云。一作相去。宛文苑作京。注云。一作宛。與洛。半驟復半。文苑作平。注云。一作半。馳。倏忽而千里。光景不及移。九方惜未見。薛公寧所知。斂轡且歸去。吾畏路傍兒。○文苑英華二百九。樂府詩集五十八。詩紀七十九。

滄海雀

大雀與黃口。來自滄海區。清晨啄原粒。日夕依文苑作歸。注云。一作依。野株。雖憂鷲鳥擊。長懷沸鼎虞。況復隨時起。文苑云。一作化。翻飛不可拘。文苑樂府作初。寄言挾彈子。莫賤隋侯珠。○文苑英華二百六。樂府詩集六十八。詩紀七十九。

楚王吟

章臺迎夏日。夢遠感春條。風生竹籟響。雲垂草綠饒。相看重束素。唯欣爭細腰。不惜同從理。但使一聞韶。○樂府詩集二十九。詩紀七十九。

清涼

登臺待初景。帳殿藹詩紀作謁。誤。餘晨。羅帳樂府作帷。夕風濟。清氣尚波人。長簟涼可仰。平莞温未親。幸願同枕席。爲君橫自陳。○樂府詩集七十四。詩紀七十九。

玄雲

壞陣壓峨壘。遮牕暗思扉。映日斜生海。跨樹似鵬飛。夢山妾已去。落曆何由歸。○樂府詩集十八。詩紀七十九。

白紵歌九首七言

歌兒流唱聲欲清。舞女趁節體自輕。歌舞並妙會人情。依文苑作調。注云。一作依。詩紀云。一作調。絃度曲婉文苑作惟。注云。一作婉。盈盈。揚蛾文苑作揚眉。又注云。揚。一作蛾。爲態誰目成。○玉臺新詠九。文苑英華百九十三。樂府詩集五十五。詩紀七十九。

妙聲屢唱輕體飛。流津染面散芳菲。俱動齊息不相違。令彼嘉客澹忘歸。時久翫夜明星稀。○玉臺新詠九。樂府詩集五十五。詩紀七十九。

日暮塞門望所思。風吹庭樹月入帷。涼陰既滿草蟲悲。誰能離別長夜時。流歎文苑作寐。注云。一作寢。不寢淚如絲。與君之別終何知。文苑作如。詩紀云。一作如。○文苑英華百九十三。樂府詩集五十五。詩紀七十九。

秋風鳴樂府作蕭。注云。一作鳴。文苑云。一作蕭。條露垂葉。空閨光盡坐愁妾。獨向長夜詩紀云。一作獨問長安。淚承

隄。山高水深樂府作照。路難涉。望君光景何時接。○同上

遙夜方文苑作風。遠時既寒。秋風蕭瑟白露團。佳期不待歲欲闌。念此遲暮獨無歡。鳴弦流管增長歎。○同上
夜寒湛湛夜未央。華燈空爛樂府作蘭。月懸光。從風衣起發芬香。爲君起舞幸不忘。○樂府詩集五十五。詩紀七十九。

列坐華筵紛羽爵。清曲未終月將落。歌舞及時酒常酌。無令朝露坐銷鑠。○同上

愁來樂府、詩紀並云。一作多。夜遲猶歎息。撫枕思君終反仄。金翠釵環稍不飾。霧縠流黃不能織。但坐空閨思何極。欲以短書寄飛翼。○同上

遙夜忘寐起長歎。但望雲中雙飛翰。明月入牖風吹幔。終夜悠悠坐申旦。誰能知我心中亂。終文苑作中。然有懷歲方晏。○文苑英華百九十三。樂府詩集五十五。詩紀七十九。

長相思二首雜言

長相思。久離別。美人之遠如雨絕。獨延佇。心中結。望雲雲去玉臺作去去。類聚同。遠。文苑作遠散。注云。一作去遠。望鳥鳥飛玉臺作飛飛。類聚同。滅。空望終若斯。珠淚不能雪。○玉臺新詠九。文苑英華二百二。樂府詩集六十九。又類聚四十二引別、絕、結、滅四韻。

長相思。久別離。所思何類聚作所。在若樂府作苦。天垂。鬱陶類聚作鬱鬱。相望不得知。玉階月夕映。玉臺映下有羅帷二字。樂府同。羅幃玉臺作帷。樂府同。風夜吹。長文苑作相。思不能寢。坐望天河移。○玉臺新詠九。類聚四十二。文苑

英華二百二。樂府詩集六十九。詩紀七十九。

詠霜詩

駟見視乾度。鐘鳴測地機。秋冬交代序。申初學記字缺。霜白綏綏。原野生暮靄。階墀散夕霏。徘徊總嚴氣。悵望淪清輝。平臺寒月色。池水愴風威。凝陰同文苑作洞。徂夜。遣雁獨歸飛。紫叢亂蕪絕。繁林紛已稀。貞松非受令。芳草徒具腓。○初學記二。文苑英華百五十六。詩紀七十九。

太廟齋夜詩

潔齋謝紛華。詩紀云。一作蹟。寂寥清廟靜。肅襟視牲盛。端服侍嚴省。○初學記十三。詩紀七十九。

詠躍魚應詔詩

戢鱗隱繁藻。頌首承淥漪。何用遊溟澥。且躍天淵池。○初學記三十。詩紀七十九。○遼按。明本初學記無此詩。今從宋本。

到洽

洽。字茂沿。概弟。天監元年為太子舍人。二年。遷司徒主簿。歷尚書殿中郎、太子中舍人。十二年。

出爲臨川內史。十四年。人爲太子家令。遷給事黃門郎。十六年。遷太子中庶子。普通元年爲尚書吏部郎。五年。遷給事黃門侍郎。領尚書左丞。六年。遷御史中丞。號爲勁直。七年。出爲尋陽太守。大通元年卒於郡。年五十一。有集十五卷。

贈任昉詩八章

獸生文蔚。鳳亦五色。絢彩火然。豈由畫飾。猗歟若人。不扶自直。數仞難闕。萬頃誰測。四教必修。九德斯備。往行前言。多識罔匱。一見口傳。暫聞心記。生知之敏。昔滄今至。藝不兼遊。擇其從善。苞羅載籍。絕妙蟲篆。該綜名實。憲章朝典。不體良才。孰營心辯。在昔未邁。迺睠伊人。余未倒屣。先枉清塵。顧慙菲薄。徒招好仁。傾蓋已舊。久敬彌親。范張交好。升堂拜母。亦蒙吾賢。此眷之厚。恩猶弟兄。義實朋友。豈云德招。信茲善誘。欣遇以來。四載斯日。運謝如流。時焉歲聿。月次既窮。星迴已畢。玄象晝昏。明庶曉疾。妍拙不齊。方員各取。子登王朝。爲代規矩。余栖一丘。卧病靜處。同盡性分。殊塗嘿語。得於神遇。相忘道術。若水之淡。乃同膠漆。豈寄响濡。方申綢密。在心爲志。非詩奚述。○文館詞林百五十八。

答秘書丞張率詩八章

東南季子。上國賈生。會稽竹箭。嶧陽孤莖。物產因地。品賦斯征。孰若兼美。羽儀上京。
上京羽儀。十紀鴻漸。竹待羽枯。木資剝剡。皎皎素絲。涅而不染。晨雞靡暄。徑寸誰揜。
豫樟之生。誰能先識。山衡野虞。偶知所植。百尺無枝。何枉斯直。青冥聳翰。丹霄拂翼。
爾日聞聲。余稱傾蓋。事以年殊。理因義會。我好春蘭。子歡秋艾。蘭艾既辯。春秋交害。
在昔壯年。嘗怪長老。殷勤好少。忘年愛寶。於今念茲。苟求懷抱。綺繻素褐。何傷交道。
前有元幹。置左置右。後有弘度。流分四部。爰在伊人。蔚爲舉首。余掌司直。有謬蘭莠。
余既遲暮。傷茲歲聿。迫以賤事。且嬰老疾。子有儔年。方賒來日。雖無事焉。寧忘蓬蓽。
寤言安適。懷人在斯。九重窈窕。長安莫窺。既迅千里。玉策金羈。且息望美。自事衰疲。
○文館詞林百五十八。



梁詩卷十四

傅昭

昭。字茂遠。北地靈州人。仕齊。官至通事舍人。梁初。歷黃門侍郎、御史中丞。天監六年。出爲尋陽太守。累遷步兵校尉、左民尚書、安成內史。十二年爲秘書監。十四年。遷太常卿。普通五年。遷散騎常侍。大通二年卒。年七十五。

恭職北郊詩

皇猷屬穹昊。至德邁詩紀。作通深淵。裡望沿禮舉。成秩資化宣。端職恭瘞祀。飭躬奉嚴燭。淑氣符首節。光風臨上年。○初學記十三。萬花谷後十七。詩紀八十九。

裴子野

子野。字幾原。河東聞喜人。仕齊。歷王國常侍、右軍參軍。梁天監中。除右軍安成王參軍。出爲諸暨令。徵拜著作郎。遷中書侍郎。大通初。轉鴻臚卿。中大通二年卒。年六十二。有喪服傳一卷、宋略二十卷、續裴氏家傳二卷、衆僧傳二十卷、集十四卷。

答張貞成臯詩

匈奴時未滅。連年被甲兵。明君思將帥。方聽鼓鼙聲。吾生忝類聚。誤作姿。文苑作委。逸翮。撫劍起徂征。非徒慕辛季。聊欲逞良平。出車既方軌。絕幕且橫行。豈伊長纓繫。行見黃河清。雖令懦夫勇。念別猶有情。感子盈編贈。握玩以爲榮。跋子文苑作予。類聚改予。振旅凱。文苑作凱歌。注云。一作旋凱。含毫備勒銘。文苑作成。注云。一作銘。○類聚三十一。文苑英華二百四十作答張真威臯。又注云。威一作成。詩紀九十。

詠雪詩

飄飄初學記作飄。文苑同。千里雪。倏忽度龍沙。從雲合且散。因風卷復斜。拂草如連蝶。落樹似飛花。若贈離居者。折以代瑤華。○類聚二。初學記二。文苑英華百五十四。詩紀九十。

上朝值雪詩

沐雪欵千門。櫛風朝萬戶。集霰渝丹黻。流雲飄繡柱。滴瀝垂土膏。闌干懸石乳。○類聚二。詩紀九十。

梁昭明太子蕭統

統。字德施。武帝長子。天監元年。立爲皇太子。中大通三年卒。年三十一。謚曰昭明。有正序十卷、

文章英華二十卷、文選三十卷、集二十卷。

樂府

有所思詩紀云。玉臺作庾肩吾。

公子詩紀云。一作佳人。遠于文苑作路遠。注云。一作遠行。隔。乃在天一方。望望江山阻。悠悠道文苑云。一作坂。路長。別前秋葉本集作草。落。別後春花芳。雷歎一聲文苑作流。響。雨淚忽本集作或。成行。悵望情無極。傾心還自傷。○本集一。文苑英華二百二。樂府詩集十七。詩紀六十六。

相逢狹路間

京華有曲巷。巷曲樂府作曲曲。詩紀云。一作曲曲。不通輿。道逢一俠客。緣路問君居。君居在城北。可尋復易知。朱門間皓壁。刻桷映晨離。本集作籬。階植若本集作若。華草。光景逐鸞移。輕幃委四屈。本集作逐四屋。詩紀云。一作逐四屋。蘭膏然百枝。長子飾青紫。中子任以貲。小子始總角。方作嘯弄兒。三子俱入門。赫奕盛羽儀。驂本集、樂府作華。騶服衡轡。白玉鏤鞵羈。容止同規矩。賓從盡恭卑。雅鄭時間作。孤竹乍本集作生。參差。雲翔雜樂府作飛離。水宿。弄吭滿清池。歡樂無終極。流目豈知疲。門下非毛遂。坐上盡英奇。大婦成貝錦。中婦飭本集作治。樂府作飾。粉絕。小婦獨無事。理曲步簷垂。本集誤作乘。丈人暫徙倚。行使流風吹。○本集一。樂府詩集三十四。詩紀六十六。

三婦豔

大婦舞輕巾。中婦拂華茵。本集作袒。小婦獨無事。紅黛潤芳津。良人且高卧。方欲薦梁塵。○本集一。樂府詩集三十五。詩紀六十六。

飲馬長城窟行

詩紀云。一云擬青青河畔草。

亭亭山上柏。悠悠遠行客。行客行路遙。故鄉日迢迢。迢迢不可見。長望涕如霰。如霰獨留連。長路邈綿綿。胡馬愛北風。越燕見日喜。蘊此望鄉情。沈憂不能止。有朋西南來。投我用木李。并有一札書。行止風雲起。扣封披書札。書札竟本集作意。何有。前言節所愛。後言別離久。○本集一。詩紀六十六。

長相思

相思無終文苑作終無。注云。一作無終。極。長夜起一作豈。歎息。徒見貌嬋文苑、樂府並云。一作嬋。娟。寧知心有憶。寸心無以文苑作所。詩紀云。一作所。因。願附歸飛翼。○本集一。文苑英華二百二。樂府詩集六十九。詩紀六十六。

將進酒

洛陽輕薄子。長安遊俠兒。宜城溢渠盃。中山浮羽卮。○本集一。文苑英華百九十五。詩紀六十六。

上林

千金駿裏騎。萬斥文苑作折。樂府作斤。流水車。爭遊上林裏。樂府作苑。高蓋逗春華。本集作花。○本集一。樂府詩集七十七。詩紀六十六。

詩

示徐州弟詩四言

詩紀云。按梁書本紀。簡文帝以天監十七年爲雲麾將軍、南徐州刺史。

載披經籍。言括典墳。鬱哉元氣。煥矣天文。二儀肇建。清濁初分。粵生品物。乃有人倫。人倫惟何。五常爲性。因以泥黑。猶麻違正。違仁則勃。弘道斯盛。友于兄弟。是亦爲政。伊予與爾。共氣分軀。顧昔髫髮。追惟綺襦。綢繆紫掖。興寢每俱。朝遊青瑣。夕步彤廬。惟皇建國。疏爵樹親。既固盤石。亦濟蒸人。亦有行邁。去此洛濱。自茲厥後。分折已頻。濟河之隔。載離寒暑。甫旋皇邑。遽臨荆楚。分手澄江。中心多緒。形反桂宮。情留蘭渚。有命自天。亦徂夢苑。欣此同席。歡焉忘飯。九派仍臨。三江未反。滔滔不歸。悠悠斯遠。長羸屈節。令弟旋茲。載覩玉質。我心則夷。逍遙玉戶。攜手丹墀。方符昔語。信矣怡怡。宴當作晏。居類聚作君。詩紀同。晝文館詞林作書。室。靖眺銅池。三墳既覽。四始兼摛。嘉肴玉俎。旨酒金卮。陰陰

色晚。白日西移。

西移已夕。華燭云景。屑屑風生。昭昭月影。高宇既清。虛堂復靜。義府載陳。玄言斯逞。綸言過降。伊爾有行。有行安適。義乃維城。載脂朱轂。亦抗翠旌。怒如朝飢。獨鍾予情。遠於將之。爰適上苑。靄靄雲浮。曖曖景晚。予歎未期。爾悲將遠。日夕解袂。鳴笳言反。言反甲館。兩面莫收。予若西岳。爾譬東流。興言思此。心焉如浮。玉顏雖阻。金相嗣丘。○文館詞林百五十二。又類聚二十一、詩紀六十六並引池、摘、靜、暹四韻。

詒明山賓詩以下五言。

南史曰。明山賓。平原鬲人。先爲統州刺史。人爲東宮學士。兼國子祭酒。昭明太子聞其築室未就。有令曰。明祭酒出撫大藩。擁旄推轂。珥金拖紫。而恆事屢空。構宇未成。今送薄助。並詒以詩曰。

平仲古稱奇。夷齊昔擅美。令則挺伊賢。東秦固多士。築室非道傍。置宅歸仁里。庚桑方有係。原生今易擬。必來三徑人。將招五經士。○梁書明山賓傳。南史明山賓傳。詩紀六十六。

春日宴晉熙王詩

詩紀云。此詩見藝文類聚。考南史。梁時無晉熙王。疑藝文誤也。

百六鍾期數。三七厄時中。國難悲如燬。親離歎數窮。藩哲遊沮夢。揚化撫邊戎。幸茲同宴醕。引滿愛樽空。○類聚二十九。詩紀六十六。○遠按。詩言國難云云。當作於侯景亂梁以後。是時昭明已死。不得有詩。考梁元帝稱制江陵。封簡文

帝子大圓爲晉熙王。事見周書大圓傳。則此乃元帝之作。是時正值國難。諸王爭位。故詩云云。

宴闌思舊詩

孝若明山賓信儒雅。稽古文敦淳。茂沿到洽實俊朗。文義縱橫陳。佐公陸倕持方介。才學罕爲鄰。灌蔬殷芸實。本集作宴。溫雅。摘藻每清新。余非狎異者。惟舊且懷仁。綢繆似河曲。契闊等漳濱。如何離災盡。眇漠同埃塵。一起應劉念。泫泫欲沾巾。○本集二。詩紀六十六。

詠山濤王戎詩二首并序

顏生五君詠不取山濤、王戎。余聊詠之焉。

山公弘識量。早廁本集作側。竹林歡。聿來值英主。身游廊廟端。位隆五教職。才周五品官。爲君翻已易。居臣良不難。○本集二。詩紀六十六。

濬充如蕭散。薄莫至中台。徵神歸鑒景。晦行屬聚財。嵇生襲玄夜。阮籍變青灰。留連追宴緒。墟詩紀作墟。下獨徘徊。○同上

和武帝遊鍾山大愛敬寺詩

唐遊薄汾水。周載集瑤池。豈若欽明后。迴鸞鸞嶺岐。神心鑒無相。仁化育有爲。以茲慧詩紀作惠。日照。復

見法雨垂。萬邦躋仁壽。兆庶滌塵羈。本集作羈。望雲雖可識。日用豈能知。鴻名冠子姒。德澤邁軒羲。班班本集作斑斑。仁獸集。匹匹本集作足足。翔鳳儀。善遊茲勝地。茲岳信靈奇。嘉木互紛紜。層峯鬱蔽虧。丹藤詩紀作藤。繞本集作統。垂榦。綠竹蔭清池。舒華匝長阪。好鳥鳴喬枝。霏霏塵雲動。靡靡祥風吹。谷虛流鳳管。野綠映丹麾。帷宮設塵外。帳殿臨郊垂。俯同南風作。斯文良在斯。伊臣限監國。卽事阻陪隨。顧惟實庸菲。冲薄竟奚施。至理徒興羨。終然類管窺。上聖良善誘。下愚慚不移。○本集一。詩集紀六十六。

開善寺法會詩

栖鳥廣弘明集云。明本作鳥。猶未翔。命駕出山莊。詰屈登馬嶺。迴互入羊腸。稍看原藹藹。漸見岫蒼蒼。落星埋遠樹。新霧起朝陽。陰池宿早雁。寒風催夜霜。茲地信閒寂。清曠惟道場。玉樹疏廣弘明集云。宋、元、明本作瑠。璃水。羽帳鬱金牀。紫柱珊瑚地。神幢明月璫。本集作當。牽蘿下石磴。攀桂陟松梁。澗斜日欲隱。煙生樓半藏。千祀終何邁。百代歸我皇。神功照不極。睿鏡湛無方。法輪明暗室。類聚作智日。慧海渡廣弘明集云。宋、元、明、宮本作度。慈航。塵根久未洗。希霑垂露光。○廣弘明集三十。詩紀六十六。

同泰僧正講詩并序

大正以貞本集作真。俗兼解。鬱爲善歌。璉師以行有餘力。緣情繼響。余自法席既闌。便思和寂。杼軸二年。濡翰兩器。大正今本集作令。春復爲同泰建講。法輪將半。此作方成。所以物色不同。序事或異。

放本集字缺。光聞本集作開。鷲岳。金牒祕香城。窮源類聚作原。絕有際。離類聚作雜。照歸無名。若人聆至寂。寄說表真本集作旦。冥。能令梵志遣。亦使羣魔驚。寶珠分水相。須彌會色形。學徒均染氎。詩紀作疊。遊士譬春英。伊予寡空智。徒深愛怯詩紀云。疑作快。情。舒金起祇苑。開筵慕肅成。年鍾儵從變。弦本集作絃。望聚詩紀云。疑作驟。舒盈。今開類聚、詩紀作聞。火類聚作大。詩紀云。一作大。林聚。淨土接承明。掖影連高塔。法鼓亂嚴更。雷聲芳樹長。月出地芝生。已知類聚作生。法味樂。復悅本集作恍。玄言清。本集作情。何因動飛轡。暫使塵勞輕。

○本集一。詩紀六十六。又類聚七十六引城、名、冥、鷲、明、更、生、清、輕九韻。

鍾山解講詩

清宵出望園。詰晨屆鍾嶺。輪動文學乘。笳鳴賓從靜。嗽本集作嗽。類聚作嗽。出岩隱光。月落林餘影。糾紛八桂密。坡陁再城永。伊予愛丘壑。登高至節景。迢遞觀千室。迤邐觀萬頃。卽事已如斯。重茲遊勝境。精理既已詳。本集作祥。玄言亦兼逞。方知蕙詩紀作惠。注云。疑作蕙。帶人。鷲虛成易屏。眺瞻情未終。龍鏡忽遊聘。非曰樂逸遊。意欲識箕穎。本集作其穎。○本集二。詩紀六十六。又類聚七十六引靜、影、逞三韻。

玄圃講詩

白藏氣已暮。玄英序方及。稍覺本集作寬。蜚聲悽。轉聞鳴雁急。穿池狀浩汗。築峯形業岌。旰雲緣宇陰。晚景乘軒人。風來幔影轉。霜流樹條本集作沫。溼。林際素羽翹。漪閒縝尾吸。試欲遊寶山。庶使類聚、詩紀作攸。

信根立。名利白巾談。筆札劉王給。茲樂踰笙磬。寧止消悁。詩紀作潤。又注。疑作悁悁。邑。雖本集作唯。娛惠類聚。詩紀作慧。有三。終寡聞知十。○本集二。詩紀六十六。又類聚七十六引立、十二韻。

東齋聽講詩

昔聞孔道貴。今覩釋花詩。疑作化。珍。至理乃悟寂。承稟實能仁。示教雖三徹。妙法信平本。集作半。均。信言一鄙俗。延情方慕真。庶茲類聚作幾。祛八倒。冀此遣六塵。良思大車道。方願寶船津。長延永生肇。庶席詩紀作席。諒徐陳。是節朱明季。灼爍治渠新。霏雲出翠嶺。涼風起青蘋。既冷本集作參。甘露旨。方欲書諸本集作縉。紳。○本集二。詩紀六十六。又類聚七十六引塵、津、紳三韻。

講席將畢賦三十韻詩依次用

法苑稱嘉柰。慈廣弘明集作茲。注云。明本作慈。園羨廣弘明集作美。注云。三本、官本作羨。脩竹。靈覺相招影。神仙共棲宿。慧詩紀作惠。廣弘明集云。明本作惠。義比瑤瓊。薰染猶廣弘明集云。宋、元、官本作等。詩紀云。一作等。蘭菊。理玄方十算。功深似九築。本集作竺。華廣弘明集云。宋、元、官本作巫。水警銀舟。方衢列金軸。微言絕已久。煩本集作頗。勞多累蓄。因茲闡慧雲。欲使心塵本集作廉。廣弘明集云。宋、元、官本作廉。伏。八水潤焦芽。類聚作牙。三明啓羣目。寶鐸且參差。名香晚芬本集作紛。郁。暫舍六龍駕。廣弘明集作敬。注云。三本、官本作駕。詩紀云。一作驚。微祛二鼠蹙。廣弘明集云。宋、元本作感。意樹發本集作登。空花。心蓮吐輕馥。喻斯滄海變。譬彼菴羅熟。妙智方緝本集作縛。

錦。深詞同霧縠。善學同梵爪。真言異銅廣弘明集作銅。注云。三本作銅。腹。逶迤合蓋城。葳蕤布金郁。本集字缺。珠華蔭八溪。玉流通九谷。青禽乍下上。本集作上下。雲雁飛翻覆。高談屬時勝。詩紀作聽。廣弘明集作勝時。注云。三本作時聽。官本作時勝。寡聞終自慙。日麗鴛鴦瓦。風度蜘蛛。詩紀作蜘蛛。廣弘明集作蛛。注云。元、明、官本作蠶。屋。落繭散遠香。本集作香霏。廣弘明集云。宋、元、官本作香霏。霏本集作浮。廣弘明集云。宋、元本作浮。雲卷遙族。曠濟同象園。中乘如佇獨。後燄難堅明。初心易驚縮。應當離花廣弘明集作華。水。無令乖七廣弘明集、詩紀作漆。木。投岩不足貴。棘林本集作木。安可宿。器月希廣弘明集云。官本作不。留影。心灰庶方撲。視愛同采蜂。遊善如原廣弘明集云。宋、官本作石。菽。八邑仙人山。四寶神龍澳。藥本集作樂。樹永繁稠。禪枝詎凋廣弘明集作彫。注云。三本、官本作凋。撼。一作撼。以茲說聞道。庶此優馳逐。願廣弘明集作欲。注云。三本、官本作願。追露寶車。脫屣親推轂。○本集二。廣弘明集三十。詩紀六十六。又類聚七十六作參講席將訖詩。引目、郁、聲、韻四韵。

晚春詩 詩紀云。此詩玉臺、藝文並作簡文。昭明集亦載之。然語殊不類也。

紫蘭初葉類聚作葉初。滿。黃類聚作嬌。文苑云。一作嬌。鶯弄始稀。石蹲還似獸。蘿長更勝類聚作如。文苑同。又云。一作勝。衣。水曲類聚作凍。文苑云。一作凍。文魚類聚作鱗。文苑云。一作鱗。聚。林類聚作山。文苑云。一作山。冥雅鳥飛。渚蒲變新節。岩桐文苑作松。長舊園。風花落未已。山齋初學記作窗。文苑同。又注。一作齋。開夜扉。○本集二。類聚三作簡文帝。初學記三作簡文帝。文苑英華百五十七作簡文帝。詩紀六十六。

林下作妓詩

詩紀云。玉臺作簡文。初學作昭明。昭明集亦載。

炎光向夕斂。徙初學記作徒。文苑作徙。宴臨前池。泉將玉臺作深。按原當作淵將。影相得。花與面相宜。箎詩紀作管。聲如鳥弄。舞袖玉臺作袂。寫風枝。懽樂不知醉。千秋長本集作常。若斯。○本集二。玉臺新詠七作梁簡文帝林下妓。初學記十五。文苑英華二百十三作和林下詠妓應令。詩紀六十六。

擬古詩

晨風被庭槐。夜露傷階草。霧苦瑤池黑。霜凝丹墀皓。疏條索本集作素。無陰。落葉紛可掃。安得紫芝術。終然獲難老。○本集二。詩紀六十六。

賦書帙詩

擢影免園池。抽莖淇本集誤作洪。水側。朝映出嶺雲。莫聚飛歸翼。幸雜緇類聚作緇。囊用。聊因班女織。本集作識。一合軒義曲。千齡如可卽。○本集二。詩紀六十六。又類聚五十五作詠書帙詩。引側、緇二韻。

詠同心蓮詩

江南采蓮處。照灼本足觀。況等連枝樹。俱耀紫莖端。同踰並根草。雙異獨鳴鸞。以茲代萱草。必使愁人

歡。○本集二。詩紀六十六。

詠彈箏人詩

故箏猶可惜。應度幾初學記、文苑作新。詩紀云。一作新。人邊。塵多澀移柱。風燥脆調絃。還作三洲。初學記作州。文苑同。曲。誰念九重本集作原。泉。○本集二。初學記十六。文苑英華二百十二。詩紀六十六。

餞庾仲容詩

梁書曰。仲容先爲太子舍人。後除安成王中記室。當出隨府。皇太子以舊恩特隆。餞宴賜詩。時輩榮之。孫生陟陽道。吳子朝歌縣。未若樊林華。南史作舉。詩紀云。一作舉。置酒臨高殿。○梁書庾仲容傳。南史庾仲容傳。詩紀六十六。

貌雪詩六言

既同標梅英。詩紀字缺。散。復似太詩紀作大。谷花飛。密如公超所起。皓本集作皎。如淵客所揮。無羨崑岩列素。豈匹振鷺羣歸。詩紀作飛。○本集二。詩紀六十六。

示雲麾弟七言

白雲飛兮江上阻。北流分兮山風舉。山萬仞兮多高峰。流九派兮饒江渚。山岩嶢兮乃逼天。雲類聚作下。微

濛兮後興雨。實覽歷兮此名地。故遨遊兮茲勝所。爾登陟類聚作涉。兮一長望。理化顧兮忽憶予。想玉顏兮在目中。徒踟躕兮增延佇。○類聚二十八。詩紀六十六。

擬古詩詩紀云。見昭明集。玉臺作簡文。○以下雜言。

窺紅對鏡斂雙眉。含愁拭淚坐相思。念人一去許多時。眼語笑厯近玉臺作迎。來情。心懷心想甚分明。憶人不忍語。銜恨獨吞聲。○本集二。玉臺新詠九作梁簡文帝。詩紀六十六。

大言

觀脩鷗其若轍鮒。視滄海之如濫觴。經二儀而跼蹐。跨六合以翱翔。○類聚十九。詩紀六十六。

細言

坐卧鄰空塵。憑附蟪螟翼。越咫尺而三秋。度毫釐而九息。○類聚十九。詩紀六十六。

歌統作七契。附此歌。

陽阿奏兮激楚流。望洛水兮有好仇。縱輕權兮汎龍舟。○文苑英華三百五十一。

梁詩卷十五

殷芸

芸。字灌蔬。昭明太子侍讀。累遷散騎常侍、左長史。直東宮學士省。大通三年卒。

詠舞詩

斜初學記作科。身含遠意。頓足有餘情。方知難再得。所以遂傾城。○初學記十五。詩紀九十。

蕭琛

琛。字彥瑜。蘭陵人。起家齊太學博士。王儉辟爲主簿。累遷至尚書左丞。梁初。累遷至侍中、金紫光祿大夫。加特進。中大通元年爲雲麾將軍、晉陵太守。以疾自解。改授侍中卒。年五十二。有皇覽抄二十卷。

和元帝詩

詩紀云。去丹陽尹。尹荊州。

妙善有兼姿。羣才成大厦。奕奕工辭賦。翩翩富文雅。麗藻若龍雕。洪才類河瀉。案牘時多暇。優游閱典

墳。儒墨自玄解。文史更區分。平臺禮申穆。兔苑接卿雲。軒蓋蔭馳道。珠履忽成羣。德音高下被。英聲遠近聞。○類聚五十。詩紀八十五。

別蕭諮議前夜以醉乖例今晝由醒敬應教詩

落日總行轡。薄別在江干。遊客無淹期。晨類聚作晨。馮校作長。川有急瀾。分手信云易。相思誠獨難。之子兩特達。伊余日盤桓。俟我古文苑作□此。式微歲。共賞階前蘭。○類聚二十九作別室。古文苑四作前夜以醉乖例今晝由醒敬應教。詩紀八十五。

餞謝文學詩

執手無還顧。別渚有西東。荆吳眇何際。煙波千里通。春筍謝集作篁。詩紀云。一作篁。方解籜。弱柳向謝集云。一作尚。低風。相思將安寄。悵望南飛鴻。○謝宣城詩集四。古文苑四作餞謝文學離夜。詩紀八十五。

詠鞞應詔

抑揚動詩紀字缺。雅舞。擊詩紀誤作享。節逗和音。却馬既云在。將帥止思心。○初學記十六。詩紀八十五。

蕭巡

巡。琛子。

離合詩贈尚書令何敬容詩

南史曰。自晉宋以來。宰相皆文義自逸。敬容獨勤庶務。貪恪。爲時所嗤鄙。時蕭琛子巡頗有輕薄才。因製卦名。離合等詩嘲之。亦不屑也。

伎能本無取。要錄作自寡薄。支葉復單貧。柯條謬承日。要錄作溢垂景。木石豈知晨。狗馬誠難盡。要錄作雖難盡。
犬羊非要錄作誠。易類聚作賜。馴。數嘖既要錄作終。不似。學步孰能要錄作如。真。寔由要錄作云。素朝典。是日要錄作敦。彝倫。俗化要錄作作。於茲鄙。人塗自此分。要錄作沌。何敬容字。○類聚五十六。法書要錄二。詩紀八十五。

蕭雉

雉。爵里不詳。

賦得翠石應令詩

依峯形似鏡。構嶺勢如連。映林同綠柳。臨池亂百川。壁苔終不落。丹字本難傳。邁有東明上。來遊皆羽仙。○文苑英華百六十一。

何胤

胤。字子季。更字胤叔。仕齊至左民尚書。梁受禪。授特進。右光祿大夫。給白衣尚書。又月給庫錢五萬。並不受。中大通三年卒。年八十六。有周易注十卷、毛詩總集六卷、毛詩隱義十卷、禮記隱義二十卷、禮答問五十五卷、注百法論十二門論各一卷。

皇太子釋奠詩九章

靈象既分。神皇握樞。其降曰命。有書有圖。化彰禮樂。教興典謨。五經賚序。七緯重敷。保氏述藝。樂正奠師。良玉緣琢。務德由諮。雅沿俗化。風移運遲。道不云遠。否終則夷。下武增輝。烝哉體聖。三極彝倫。九服驚政。文以止戈。學以流鏡。國崇上庠。人思下競。昭昭儲后。哲秀克明。徽若稽古。體睿申情。往行內潔。前言外清。紆光隆業。讓齒膠庭。敷奧折文。悅書敦史。六詩開滯。三易機理。光耀程輝。華翻麗起。尊聖明賢。釋茲敬祀。儀形初盥。容祇薦陳。疊鬯清饗。俎實芳禋。登歌奏闋。有司告神。以介景福。慶無不臻。祝史贊撤。斂圭軒讌。笙鏞列階。展聲宿縣。儻節金石。歌依越練。交袖折羽。流籥清殿。儻儀接贊。相詔初筵。峨峨台弁。灼灼藩蟬。時英整笏。胄子端篇。大觀在上。於斯盛焉。雲行雨施。品物甄流。敷榮散春。蘭芬曜秋。道洽雖均。蒙固難周。進垂智効。退慚山丘。○文館詞林百六十。

何思澄

思澄。字元靜。東海鄒人。初爲安成王記室。天監十五年。遷治書侍御史。出爲秣陵令。遷爲通事舍人。出爲黟縣令。中大通四年。除宣惠武陵王參軍。卒官。年五十四。文集十五卷。

奉和湘東王教班婕妤詩

寂寂長信晚。雀聲喧玉臺作哦。類聚作愁。文苑同。洞房。蜘蛛樂府作蠟。詩紀同。網高閣。駁薛文苑誤作蘇。被長廊。虛殿簾帷靜。文苑作寂。閒階花蕊香。悠悠類聚作愁愁。視日暮。還復守玉臺。樂府作拂。文苑云。一作拂。空牀。○玉臺新詠六。類聚三十作班婕妤詩。文苑英華二百四作班婕妤怨。樂府詩集四十三作班婕妤好。詩紀九十一。

擬古詩

故交不可忘。猶如蘭桂芳。新知雖可悅。不異茱萸香。妾有鳳雛類聚作皇。詩紀同。文苑云。一作皇。曲。非爲文苑作無。類聚作無爲。詩紀同。陌上桑。薦君君不御。抱瑟文苑作琴。自悲涼。○玉臺新詠六。類聚三十二。文苑英華二百五。詩紀九十一。

南苑逢美人詩

洛浦疑迴雪。巫山似旦雲。傾城今始見。傾國昔曾聞。媚眼玉臺作服。隨羞玉臺作嬌。合。丹唇逐笑分。風捲蒲

荀帶。日照石榴裙。自有狂夫在。空持勞使君。○玉臺新詠六。類聚十八。詩紀九十一。

王錫

錫。字公嘏。琅邪人。與張瓚爲昭明師友。累遷吏部郎中。大通六年。年三十六。有集七卷。

大言應令詩

欲遊五岳。迫不得申。杖千里之木。鱗橫海之鱗。○類聚十九。

細言應令詩

冥冥藹藹。離朱不辨其實。步蝸角而三伏。經針孔而千日。○類聚十九。

劉遵

遵。字孝陵。孺弟。起家著作郎、太子舍人。累遷晉安王記室諮議參軍、帶卽縣令。中大通二年。王立爲皇太子。仍除中庶子。大同元年卒。

度關山

隴樹寒色落。塞雲朝欲開。谷深聲易響。路狹憶難回。當知結綬去。非是棄繻來。行人思願返。道別且徘徊。願度關山鶴。勞歌立可哀。○文苑英華百九十八作劉尊。樂府詩集二十七。詩紀八十八。

相逢狹路間

春晚駕香車。交輪礙狹斜。所恐惟樂府作惟。風入。疑傷步搖花。含羞隱年少。何因問妾家。青樓臨上路。相期竟樂府作覺。路賒。○樂府詩集三十四。詩紀八十八。

蒲坂行

漢使出蒲坂。去去往交河。間諜敢虧對。驂馬脫鳴珂。乍作渡瀘怨。何辭上隴歌。○樂府詩集四十。詩紀八十八。

和簡文帝賽漢高帝廟詩

分蛇淪霸迹。提劍滅雄威。空餘清祀處。無復瑞雲飛。仙車照丹穴。霓裳影翠微。投珎要漢女。吹管召湘妃。幸逢懷精日。豫奉沐休歸。○類聚七十九。詩紀八十八。

繁華應令詩

可憐周小童。微笑摘蘭叢。鮮膚勝粉白。腰玉臺作慢。臉若桃紅。挾彈雕陵下。垂鈎玉臺作釣。蓮葉東。腕動飄

香麝。衣輕任好風。幸承拂枕選。得奉畫堂中。金屏障翠帔。玉臺作被。藍帕覆薰籠。本知類聚作欲。傷輕薄。含詞羞自通。剪袖雖重。殘桃愛未終。蛾眉詎須類聚作誰。馮校作須。嫉。新粧類聚作姬。迎。玉臺作遊。類聚作近。詩紀云。一作近。入宮。○玉臺新詠八。詩紀八十八。又類聚三十三作繁華詩。引叢、紅、東、風、中、通、終、宮八韻。

從頓還城應令詩

漢水深難渡。深潭見底清。錦笳繫鳧舸。珠竿懸翠旂。鳴笳芳樹曲。流唱採蓮聲。神遊不停駕。日暮返連營。寧顧空房裏。階下綠苔生。○玉臺新詠八。詩紀八十八。

應令詠舞詩

倡女多豔色。人選盡華年。舉腕嫌衫重。迴腰覺態妍。情繞陽春吹。影逐相思絃。履度開裙襪。鬟轉匝花鈿。所愁餘曲罷。爲欲在君前。○類聚四十三。初學記十五。文苑英華二百十三作舞應令。萬花谷後三十二作劉遵詩。詩紀八十八。

七夕穿針詩

步月如有意。情來不自禁。向光歲時雜詠作花。抽一縷。舉袖弄雙針。○類聚四。初學記四。古今歲時雜詠二十五。歲時廣記二十六作七夕詩。詩紀八十八。

四時行生回詩七言○見歲時雜詠。題上疑有脫誤。

三月三日咄泉水。七月七日芍陂塘。鳳曆蛾眉粧玉面。朱簾繡戶映新粧。○古今歲時雜詠二十五。詩紀八十八。

徐勉

勉。字修仁。東海郟人。仕齊歷太學博士、尚書殿中郎、領軍長史。梁受禪。拜中書侍郎。累遷侍中、吏部尚書。加中書令。移授特進、右光祿大夫。大同元年卒。年七十。有前集三十五卷、後集十六卷。

採菱曲

相攜及嘉月。採菱渡北渚。微風吹櫂歌。日暮相容與。采采不能歸。望望方延佇。儻逢遺佩人。預以心相許。○樂府詩集五十一。詩紀八十九。

迎客曲

絲管列。舞席陳。含聲未奏待嘉賓。羅絲管。舒舞席。斂袖嘿唇迎上客。○樂府詩集七十七。詩紀八十九。

送客曲

袖繽紛。聲委咽。餘曲未終高駕別。爵無算。景已流。空紆長袖客不留。○樂府詩集七十七。詩紀八十九。

和元帝詩

去丹陽，尹荊州。

敬愛良是賢。謙恭寔所務。尊賢遺道德。重學嚴師傅。六藝誠爲敏。三雍稱有裕。覆被唯仁義。吐納必珪璋。壯思如泉湧。逸藻似雲翔。夙有匡時調。早懷經世方。留心在庶績。厲精思治綱。○類聚五十。詩紀八十九。

昧旦出新亭渚詩

驅車凌早術。山華映初日。攬轡且徘徊。復值清江謐。杳靄謝集作藹。楓樹林。參差黃鳥匹。氣物宛如斯。重以心期逸。春堤一遊衍。終朝意殊悉。○謝宣城詩集四。詩紀八十九。

詠司農府春幡詩

播穀重前經。人天稱往錄。青珪禮東甸。高旗表治粟。透遲乘旦風。葱翠揚朝旭。平秩庭春司。和氣承玉燭。豈伊盈八政。兼茲辯榮辱。十千既萬取。利民誰不足。○古今歲時雜詠三。詩紀八十九。

詠琵琶詩

雖爲遠道怨。翻成今日歡。含花已灼灼。類月復團團。○初學記十六。詩紀八十九。

夏詩

夏景厭房櫳。促席翫花叢。荷文苑作篠。陰斜合翠。蓮影對分紅。此時避炎熱。清樽獨未空。○初學記三作梁徐晚夏詩。文苑英華百五十七作徐咄夏日。詩紀八十九。

陶弘景

弘景。字通明。丹陽秣陵人。宋末爲諸王侍讀。人齊爲奉朝請。永明十年解職。止於勾曲。自號華陽隱居。梁武卽位。屢徵不出。大同二年卒。年八十五。有三禮目錄注一卷、論語集注十卷、真誥十卷、本草十卷、本草經集注七卷、太清草木集要二卷、補闕肘後方百十九卷、練化雜術一卷、太清諸丹集要四卷、合丹節度四卷、服餌方三卷、集三十卷、內集十五卷。

告遊篇

性靈昔既肇。緣業久相因。卽化非冥滅。在理澹悲欣。冠劍空衣影。鑣轡乃仙身。去此昭軒侶。結彼瀛臺賓。儻能踵留轍。爲子道玄津。○陶隱居集。茅山志十。詩紀八十九。

胡笳曲

自戾文苑、樂府作負戾。飛天歷。與奪徒紛紜。百年三集作四。文苑同。詩紀云。一作四。五代。終是甲辰君。○陶隱居集。

文苑英華二百十一。樂府詩集五十九。詩紀八十九。

寒夜怨

夜雲生。夜鴻驚。悽切嘹唳傷夜情。空山霜滿高煙平。鉛華沈照帳孤明。寒月樂府作日。微。寒風緊。愁心絕。愁淚盡。情人不勝怨。思來誰能忍。○陶隱居集作寒夜愁。樂府詩集七十六。廣文選十三。詩紀八十九。

詔問山中何所有賦詩以答

答齊高帝詔。

山中何所有。嶺上多白雲。只可自怡悅。不堪持寄君。○陶隱居集。茅山志二十八引金薤記作答詔問。太平廣記三百二引談藪。詩紀八十九。

題所居壁

南史曰。弘景妙解術數。逆知梁祚覆沒。預製詩秘在篋裏。化後門人方稍出之。大同末。士人競談玄理。不習武事。後侯景篡。果居昭陽殿。

夷甫任散誕。平叔坐談空。不言太平廣記作信。南史作豈悟。御覽同。隋志作意。昭陽殿。化集作忽。隋志同。南史作遂。御覽同。作單于宮。○陶隱居集。南史本傳。隋書五行志。御覽五百五引梁書。太平廣記十五。詩紀八十九。

和約法師臨友人詩詩紀云。歷代吟譜云。慧約字德素。有吳范荀詩云云。迺以此作慧約作。或別有考也。

我有數行淚。不落十餘年。今日爲君盡。併灑秋風前。○文苑英華三百二。詩紀八十九。

王規

規。字威明。琅邪人。武帝時。累遷中庶子。領東兵校尉。大同二年卒。年四十五。

大言應令詩

俯身望日入。下視見星羅。噓八風而爲氣。吹四海而揚波。○類聚十九。

細言應令詩

針鋒於焉止息。髮杪可以翺翔。蚊詩紀作蛟。眉深而易阻。蟻目曠而難航。○類聚十九。

蕭子顯

子顯。字景暢。南蘭陵人。父嶷。齊豫王。七歲封寧都縣侯。梁天監初爲邵陵王友。除黃門郎、兼侍中、國子祭酒。遷吏部尚書。大同三年。出爲吳興太守。旋卒。年四十九。有後漢書百卷、齊書六十

卷、普通北伐記五卷、貴儉傳三十卷、集二十卷。

日出東南隅行

大明上迢迢。玉臺作若若。陽城射凌霄。光照窗中婦。絕世同阿嬌。明鏡盤龍刻。簪羽鳳凰雕。透迤梁家髻。冉弱楚宮腰。輕紈雜重錦。薄縠間飛綃。三六前年暮。四五今年朝。蠶園拾芳蕪。類聚、樂府作蠶龍拾芳翠。詩紀作蠶籠拾芳翠。桑陌採柔文苑作桑。注云。一作柔。條。出入東城里。上下洛西橋。忽類聚作路。文苑同。逢車馬客。飛蓋動檐輶。單衣鼠毛織。寶劍羊頭銷。詩紀作鞘。文類聚作大。文苑同。詩紀云。一作大。夫疲應對。御樂府作從。文苑云。一作從。詩紀同。又云。一作御。者輟銜鑣。文苑作連鑣。注云。一作御鑣。柱文苑作住。間徒脈脈。垣上幾翹翹。女本西家宿。君自上官要。漢馬三萬文苑作千。注云。一作萬。疋。夫婿仕嫖姚。鞞囊虎頭綬。左珥鳧盧貂。橫吹龍鍾管。奏鼓象牙簫。十五張內侍。十八賈登朝。皆笑顏郎老。盡訝董公詩紀云。一作生。超。○玉臺新詠八。文苑英華百九十三作蕭子榮。樂府詩集二十八。文苑英華辯證六。詩紀八十五。又類聚四十一引膏、嬌、腰、條、輶、銷、鑣、要、姚、朝十韵。詩紀八十五。

代美女篇

邯鄲類聚、樂府作章丹。文苑同。又注。一作邯鄲。詩紀云。一作章丹。按。女巫章丹善舞。見晉書夏靖傳。暫輟舞。巴姬請罷絃。佳人淇洧出。玉臺作上。文苑作浦出。注云。一作洧上。豔趙復傾燕。繁穠既爲李。照水亦成蓮。朝酤玉臺作沽。通。成都

酒。暝數河間錢。餘光幸未惜。玉臺樂府作借。文苑同。又注。一作惜。一作許借。詩紀云。一作許借。蘭膏空自煎。○玉臺新
詠八作代樂府美女篇。類聚十八、文苑英華百九十三、樂府詩集六十三俱作美女篇。詩紀八十五。

南征曲

權歌來揚樂府作楊。女。操舟驚越人。圖蛟怯水伯。照鷁竦江神。○樂府詩集七十四。詩紀八十五。

桃花曲

但使桃樂府作新。花豔。得間美人簪。何須論後實。怨結子瑕心。○樂府詩集七十七作梁簡文帝。詩紀八十五。

樹中草

幸有青袍色。聊因翠幄凋。雖間珊瑚蒂。非是合歡條。○樂府詩集七十七作梁簡文帝。詩紀八十五。

燕歌行

風光遲舞文苑作暮。出青蘋。蘭條翠鳥鳴發春。文苑誤作發春鳴。洛陽梨花落文苑作白。如雪。河邊細文苑作青。草
細如茵。桐生井底葉交枝。今看無端雙燕離。五重飛文苑云。一作花。樓人河漢。九華閣道暗清池。遙看合璧
事類作開。白馬津上吏。傳道黃龍征戍兒。明月金光文苑作花。詩紀作波。徒文苑、樂府並云。一作從。照妾。浮雲玉葉

君不知。思君昔去柳依依。至今八月避暑歸。明珠蠶繭勉登文苑作登勉。樂府同。機。鬱金香文苑作春。鵲特詩紀云。一作持。香衣。洛陽城頭雞欲曙。丞相府中烏文苑作鳥。未飛。夜夢征人縫狐貉。玉臺作緝。私憐織婦裁錦緋。文苑作絡。吳刀鄭綿樂府作錦。絡。文苑作錦結。按。鄭綿絡些見楚辭招魂。文苑非是。寒閨夜被薄。芳年海上水中鳧。日暮寒夜空城雀。○玉臺新詠九。文苑英華百九十六。樂府詩集三十二。詩紀八十五。又合璧事類別集三引見一韵。

從軍行詩紀云。英華作蕭子雲者非。

左角明類聚作名。文苑作鳴。詩紀同。王侵漢邊。輕薄良家惡少年。縱橫向沮澤。凌厲取山田。黃塵不見景。飛蓬恆滿天。邀樂府作邊。功封泥野。竊寵劫詩紀云。一作拜。祁連。春風春月將進酒。妖姬舞女亂君前。○類聚四十一。文苑英華百九十九。樂府詩集三十二。詩紀八十五。

烏棲曲應令二首詩紀云。前二首樂府作元帝。非也。元帝別有四首。

握中清酒玉臺作酒栝。馬腦詩紀作瑪瑙。鍾。裾樂府作裙。詩紀同。邊雜佩琥珀龍。詩紀作紅。欲樂府作虛。持寄君心不惜。共指三星今何夕。○玉臺新詠九。樂府詩集四十八。詩紀八十五。

濃黛輕紅玉臺作紅輕。點花色。還欲令人不相識。金壺夜水類聚作永。詩紀同。詎玉臺作誰。類聚同。能多。類聚作過。莫持賒類聚作奢。樂府同。用比懸河。○玉臺新詠九。類聚四十二。樂府詩集四十八。詩紀八十五。

芳樹歸飛聚儔匹。猶有殘光半山日。莫憚褰裳不相求。漢臯遊女習飛類聚作風。樂府同。詩紀云。一作風。流。○類

聚四十二。樂府詩集四十八。詩紀八十五。

奉和昭明太子鍾山講解詩

嵩岳基舊宇。盤嶺跨南京。叡心重禪室。遊駕陟層城。金輅徐既動。龍驂躍且鳴。塗方後塵合。地迴廣弘明。
集云。元、明本作迴。前笈清。遷迤因臺榭。參差憩羽旌。高隨閭風極。勢與元天井。氣歇連松遠。雲廣弘明集云。三本、官本作雪。昇秋野平。徘徊臨井邑。表裏見淮瀛。祈廣弘明集作折。注云。元本作祈。詩紀云。一作折。果尊常住。渴慧在無生。暫留石山軌。欲知芳杜情。鞠躬荷嘉慶。瞻道聞頌聲。○廣弘明集三十。詩紀八十五。

侍宴餞陸倕應令

詩紀云。苑詩類選作劉孝威者非。

儲皇餞離送。廣命傳羽觴。侍遊追曲類。聚誤作西。水。開類聚作閑。宴等清漳。新泉已激浪。初卉始含芳。雨罷葉增綠。日斜樹影長。○類聚二十九。文苑英華百七十九。詩紀八十五。

春閨思詩

金羈遊俠子。綺機離思妾。春度人不歸。望花盡成葉。○玉臺新詠十。詩紀八十五。

詠苑中遊人詩

二月春心動。遊望桃花初。迴身隱日扇。却步斂風裾。○玉臺新詠十。詩紀八十五。

春別詩四首詩紀云。簡文、元帝同和。

翻鶯度燕雙比翼。楊柳千條共一色。但看陌上攜手歸。誰能對此空相玉臺作中。類聚同。憶。○玉臺新詠九。類聚三十二。詩紀八十五。

幽宮積草自芳菲。黃鳥芳詩紀作者。樹情相依。爭風競類聚作竟。日常聞響。重花疊葉不通飛。當知此時動妾思。慙類聚作慙。使羅袂拂君類聚誤作臣。衣。○同上

江東大道日華春。垂楊掛柳掃清玉臺作輕。塵。淇水昨送淚沾巾。紅粧宿昔已應升菴詩話作迎。新。○玉臺新詠九。升菴詩話。詩紀八十五。

銜悲攬涕別心知。桃花李花玉臺作色。類聚同。任風吹。本知類聚作如。人心不似樹。何玉臺作可。意人別似花離。○玉臺新詠九。類聚三十二。

謝微

微。梁書作徵。字玄度。陳郡陽夏人。初爲安成王法曹。累遷中書鴻臚卿舍人。六年。出爲豫章王長史。南蘭陵太守。大同二年卒。年三十七。王籍集其文爲二十卷。

濟黃河應教詩

積陰晦平陸。淒風結暮序。朝辭金谷戍。詩紀云。一作樹。夕逗黃河渚。赤兔徒聯翩。青鳧詎容與。淚甚聲難發。悲多袖未舉。虛薄謬君恩。方嗟別苑訐。○樂府詩集七十四作游黃河。詩紀九十一。

蕭瑱

瑱。字文容。南蘭陵人。武帝時仕爲庶子。

春日貽劉孝綽詩

澗水初流碧。山櫻早發紅。新禽爭弄響。落葉亂從風。拂筵多軟幹。映戶悉花叢。誰云相去遠。垂柳對高桐。○類聚三。文苑英華百五十七作蕭子顯。又注云。此詩後五句一本誤作簡文帝。詩紀八十五。



梁詩卷十六

劉孝綽

孝綽。字孝綽。本名冉。彭城安上里人。齊劉繪子。天監初爲著作佐郎。遷太子舍人、尚書水部郎。出爲平南安成王記室。補太子洗馬。遷尚書金部郎。出爲上虞令。遷除秘書丞。累遷司徒右長史、太府卿、太子僕、廷尉卿。復爲太子僕。除安西湘東王諮議參軍。遷尚書吏部郎。除秘書監。大同五年卒。年五十九。世重其文。流聞絕域。有集十四卷。

樂府

釣竿篇以下五言。

釣舟畫彩鷁。漁類聚作魚。樂府同。子服冰紈。金轄茱萸網。銀鈎詩紀誤作釣。翡翠竿。斂橈文苑作促棹。注云。一作斂橈。隨水脉。急槳文苑作艇。渡江類聚作沙。湍。文苑云。一作急槳渡沙湍。湍長自不辭。文苑作亂。前浦有佳期。船類聚作蓮。交橈類聚作棹。樂府同。文苑云。一作棹。影合。浦深魚出遲。荷根時觸餌。菱芒乍冒絲。蓮文苑作蓮。度樂府作渡。江南手。衣渝京兆眉。垂竿自有樂府作來。文苑云。一作未。樂。誰能爲太師。○文苑英華二百十。樂府詩集十八。詩紀八十七。又類聚四十一作劉孝威釣竿篇。引紈、竿、湍、辭、期、遲六韻。

夜聽妓賦得烏夜啼

鷓絃且輟弄。鶴操暫停徽。類聚、文苑作揮。別有啼烏曲。東西相背類聚作各自。文苑同。樂府云。一作各自。飛。倡人怨獨守。蕩子遊類聚作猶。文苑作殊。詩紀同。未歸。若逢類聚作忽聞。生離唱。玉臺作曲。樂府同。文苑云。一作曲。長類聚作中。文苑同。又注云。一作長。夜泣羅衣。○玉臺新詠八。類聚四十二作賦得烏夜啼詩。文苑英華二百六、樂府詩集四十七並作烏夜啼。詩紀八十七。

銅雀妓

雀類聚作爵。臺三五日。絃類聚作歌。樂府同。文苑、詩紀云。一作歌。吹似佳期。況復類聚、樂府作定對。文苑云。一作更對。西陵晚。松風吹總類聚、樂府作飄素。文苑云。一作飄素。帷。危絃斷復續。類聚、樂府作更接。文苑云。一作更接。妾心傷類聚、樂府作心傷於。文苑云。一作傷心於。此時。誰類聚作何。詩紀云。一作何。言留客袂。還類聚、樂府作翻。文苑、詩紀云。一作翻。掩望陵悲。○類聚三十四作銅雀臺妓。文苑英華二百四。樂府詩集三十一。詩紀八十七。

班婕妤怨

應門寂已閉。非復後庭時。況在青春日。萋萋綠草滋。妾身似秋扇。君恩絕履綦。詎文苑作誰。憶遊輕輦。從今文苑作徒令。注云。一作從今。詩紀云。一作徒令。賤妾辭。○文苑英華二百四。樂府詩集四十三。詩紀八十七。

三婦豔

大婦縫羅裙。中婦料繡文。唯餘最小婦。窈窕舞昭君。丈人慎勿去。聽我駐浮雲。○樂府詩集二十五。詩紀八十七。

擢歌行

日暮楚江上。江深風復生。所思竟何在。相望徒盈盈。舟子行催棹。樂府作擢。無所喝流聲。○樂府詩集四十。詩紀八十七。

詩

詠風詩四言

嫋嫋秋聲。習習春吹。鳴茲玉樹。渙此銅池。羅幃自舉。襟袖乃披。慚非楚侍。濫賦雄雌。○類聚一。文苑英華百五十六。萬花谷二。詩紀八十七。

侍宴詩

詩紀云。外編作任昉者非。○以下五言。

清宴延多士。鴻漸文苑作私。濫微薄。臨炎類聚作森。出蕙樓。望辰躋菌閣。上征切雲漢。俛類聚作晚。眺周京

洛。城寺鬱參差。街衢紛漠漠。禁林寒氣文苑作日。晚。方秋未搖落。皇心重發志。賦詩追並作。自昔承天寵。於茲被人爵。選言非綺綃。詩紀作綃。何以儷類聚作儷。文苑同。金腹。○類聚三十九。文苑英華百六十九。詩紀八十七。

又

茲堂乃峭嶠。伏檻臨曲池。樹中望流水。竹裏見攢枝。欄高景難蔽。岫隱雲易垂。邂逅逢休幸。朱蹕曳青規。丘山不可答。葵藿空自知。○類聚三十九。文苑英華百六十九。詩紀八十七。

三日侍華光殿曲水宴詩

薰初學記作薰。被三陽暮。濯禊歲時雜詠作拔。文苑云。雜詠作伎。元巳初。皇心睠類聚作瞻。樂飲。帳殿臨春渠。豫遊高夏諺。凱樂盛周居。復以焚類聚作禁。林日。丰茸花樹舒。羽觴環階轉。清瀾傍席疏。妍歌已嘹初學記作寥。歲時雜詠同。文苑作廣。亮。妙舞復紆餘。歲時雜詠作徐。九成變絲竹。百戲起歲時雜詠作動。文苑云。雜詠作動。龍魚。○類聚四。初學記四。古今歲時雜詠十六。文苑英華百七十二。詩紀八十七。

三日侍安成王曲水宴詩

匯澤良孔殷。分區屏中縣。躡跨初學記作跨躡。歲時雜詠同。兼流采。襟喉類聚誤作矜唯。邇封甸。吾王歲時雜詠作五三。

奄艷畢。析珪類聚作折。歲時雜詠同。承羽傳。不資魯俗移。何待初學記作得。歲時雜詠同。齊風變。東山富遊士。北土無遺彥。一言白璧類聚誤作璧。輕。片善黃金賤。餘辰屬上初學記作元。歲時雜詠同。詩紀云。一作元。已。清祓初學記作消愁。歲時雜詠同。追前諺。持此陽瀨初學記作頻豫。歲時雜詠作侍此頻豫。按歲時是。遊。復初學記作須。歲時雜詠同。展城隅宴。芳洲亘千里。遠近風光初學記作光風。是。扇。方歡厚德重。誰言薄遊倦。○類聚四。初學記四。古今歲時雜詠十六。詩紀八十七。

春日從駕新亭應制詩

旭日輿文苑作論。輪動。言追河曲遊。紆餘出文苑云。一作人。紫陌。迤邐度青樓。前驅掩蘭徑。後乘歷芳洲。春色江中滿。日華巖上留。江風傳葆吹。巖華映采旂。臨渦起睿作。駟馬暫停輶。侍從榮前阮。雍容慚昔劉。空然等彈翰。非徒嗟未遒。○文苑英華百七十八。詩紀八十七。

侍宴集賢堂應令詩

北閣時既啓。西園又已關。宮屬引鴻鷺。朝行命金碧。伊臣獨何取。隆恩徒自昔。布武登玉墀。委坐陪瑤席。綢繆參宴笑。淹留奉觴醪。壺人告漏晚。煙霞起將夕。反景入池林。餘光映泉石。○類聚三十九。文苑英華百七十九。詩紀八十七。

東林寺詩

月殿耀朱幡。風輪和寶鐸。朝猿響薨棟。夜水聲帷箔。○廬山記四。

詩

行衣侵曉露。征舫犯夜湍。無因停合浦。見此去珠還。○韻補二。

侍宴餞庾於陵應詔詩

皇心眷將遠。帳類聚作恨。餞靈芝側。是日青春獻。林塘多秀色。芳卉疑綸組。文苑作緝。嘉樹似類聚作以。雕飾。遊絲綴鶯領。光風送文苑作翔。綺翼下輦朝既盈。留宴景將昃。高辯文苑作談。競談文苑作辨。端。類聚誤作瑞。奇文爭筆力。伊臣獨無伎。何用類聚作由。奉吹文苑作歎。息。○類聚二十九。文苑英華百六十九。詩紀八十七。

侍宴餞張惠紹應詔詩

滄池誠自廣。蓬山一何峻。麗景花上鮮。油雲葉裏潤。風度餘芳滿。鳥集新條振。餞言班俊造。光私獎輶吝。徒然謬反隅。何以窺重仞。○類聚二十九。文苑英華百六十九。詩紀八十七。

錢張惠紹應令詩

鮮雲積上月。凍雨晦初陽。迴風飄淑氣。落景煥新光。竹萌始防露。桂挺已含芳。瑤階變杜若。玉沼發攢蔣。聖襟惜歧路。曲宴關蘭堂。○類聚二十九作應令詩。文苑英華百七十九作錢張惠紹應令。詩紀八十七。

侍宴離亭應令詩

輶類聚作軒。輶東北望。江漢西南永。羽旗映日移。鏡吹臨風警。令王愍追送。纜類聚作鏡。文苑云。集本、類聚並作鏡。舟宴類聚作餞。俄頃。掩袂眺征雲。銜杯惜餘景。首燕徒有心。局步何由文苑作所。注云。集本、類聚並作由。騁。○類聚二十九作侍離宴詩。文苑英華百七十九。詩紀八十七。

奉和昭明太子鍾山解講詩

御鶴翔伊水。策馬出王田。我后遊祇鷺。比事實光前。翠蓋承朝景。朱廣弘明集作珠。旗曳曉煙。樓帳縈巖谷。緹組曜林阡。況在登臨地。復及秋風年。喬柯變夏葉。幽澗潔涼泉。停鑾對寶座。辯論悅人天。淹塵資海滴。昭暗仰燈然。法朋一已散。笳劍儼將旋。邂逅逢優渥。託乘侶才賢。擯辭雖並命。遺恨獨終篇。○廣弘明集三十。詩紀八十七。

和湘東王理訟詩

馮翊亂京兆。廣漢欲兼治。豈若兼邦牧。朱輪褰素帷。淮海封畿地。雜俗良在茲。禁姦擿銖兩。馭黠震豺狸。○類聚五十。詩紀八十七。

陪徐僕射晚宴詩

夫類聚作天。初學記作大。君追宴喜。十日遞來過。築室華池上。開軒臨芰荷。方塘初學記作堂。交密篠。類聚作筍。對雷接繁柯。景移林改色。風去文苑作度。水餘波。洛城雖半文苑云。集作未。掩。類聚字缺。愛客待驅歌。○類聚三十九作陪徐僕射晚宴於兒宅。初學記十四。文苑英華二百十四作同集晉安兒宅。詩紀八十七。

上虞鄉亭觀濤津渚學潘安仁河陽縣詩

昔余筮賓始。衣冠仕洛陽。無貲徒有任。一命忝爲郎。再踐神仙側。三人崇賢旁。東朝禮髦俊。虛薄廁才良。遊談侍名理。搦管創文章。引籍陪下膳。橫經參上庠。誰謂服事淺。契闊變炎涼。一朝謬爲吏。結綬去承光。烹鮮徒可習。詩紀云。一作惜。治民終未長。化雞文苑辨證云。一作化鴉。仰季智。馴雉推仲康。此城鄰夏穴。櫛蠹茂筠篁。孝碑黃絹語。神濤白鷺翔。遨遊佳文苑作佳。可望。釋事上川梁。秋江凍雨說文繫傳作甫。絕。反景照移說文繫傳作謫。塘。織羅殊未動。駭水忽如湯。乍出連山合。時如高蓋張。漂沙黃沫聚。碧石素波揚。

榜文苑誤作傍。人不敢唱。舟子詎能航。離家復臨水。眷然思故鄉。中來不可絕。奕奕苦人腸。泝洄若無阻。謝病反清漳。○文苑英華百六十二。詩紀八十七。又說文繫傳言部引塘一韵。○文苑英華辨證云。化難仰季智。馴雉推仲康。季智。仇覽字。仲康。魯恭字也。化難。一作化鶉。仇覽傳化我鳴鼻哺所生。說文繫傳云。陸雲與兄書曰。曹公所爲屋折其謬塘不可壞。直斫之而已。又劉孝綽上虞鄉亭觀濤詩曰云云。孝綽所言卽別館也。

太子泱類聚脫泱字。落日望水詩。詩紀云。見何水部集。

川平落日迥。文苑作迴。落照滿川漲。初學記作張。文苑作洋。復此初學記作在。文苑同。詩紀云。一作在。淪波地。派別引類聚作引別。沮漳。耿耿流長脉。熠熠動微類聚作輕。初學記、文苑同。光。寒鳥逐查漾。初學記作槎汎。文苑同。饑初學記作驚。文苑同。鵝拂浪翔。臨泛初學記作流。文苑同。詩紀云。一作流。自多美。況乃初學記作此。文苑同。詩紀云。一作此。還故鄉。榜文苑誤作傍。人夜理檝。櫂類聚作棹。女闈成粧。初學記作裝。文苑同。欲待春江曙。争塗向洛陽。○何水部集二作落日望水。初學記六。文苑英華百六十三。又詩紀八十七。類聚八引漲、漳、光、鄉、粧、陽六韵。

登陽雲樓詩

吾登類聚作土。初學記作在。文苑作王。注云。一作土。陽臺上。非夢高唐客。回首望長安。千里懷三益。顧惟詩紀作帷。慚人楚。降初學記作殊。文苑同。又注。一作降。詩紀云。一作殊。私等申白。西沮初學記作阻。水潦收。昭文苑作環。注云。一作照。詩紀云。一作環。丘霜露積。龍門不可見。空慕文苑誤作暮。凌寒類聚作霜。初學記同。柏。○類聚六十三。初學記二十

四。文苑英華三百十一。詩紀八十七。

夕逗繁昌浦詩

日入江風靜。安波似未類聚作天。流。岸迴知舳轉。解纜覺船浮。暮煙生遠渚。類聚作路。夕鳥赴前洲。隔山聞
戍鼓。傍浦喧棹謳。疑是辰陽宿。於此逗孤舟。○文苑英華百六十四。詩紀八十七。又類聚二十七引流、洲二韻。

櫟口守風詩

詩紀云。見何水部集。

春心已應豫。歸路復當歡。如何此日風。霾曠駭波瀾。倏見搖心慘。俄瞻鄉路難。賴有同舟客。移宴息層
巒。華茵藉初卉。芳樽散緒寒。謔浪雖云善。江流苦未安。何由入故園。詎卽紉新蘭。寄謝浮丘子。暫欲假
飛鸞。○何水部集二。詩紀八十七。

還渡浙江詩

季秋弦望後。輕寒朝夕殊。商人泣紈扇。客子夢羅襦。憂來類聚作方。文苑同。自難遣。況復阻川隅。日暮愁陰
合。繞樹噪寒鳥。濛濛江煙上。蒼茫沙嶼蕪。解纜辭東越。接軸類聚作舳。鷺西徂。懸帆似馳驥。飛棹若驚
鳧。言歸遊俠窟。方從冠蓋衢。○類聚二十七。文苑英華百六十二作渡浙江。詩紀八十七。

江津寄劉之遴詩

與子如黃鵠。將別復文苑作先。徘徊。經過一柱觀。出人三休臺。文苑云。集作靈臺。共攜雲氣藻。同舉霞紋類聚。作文。文苑同。杯。佳類聚。文苑作流。詩紀云。一作流。人每曉遊。文苑作逝。注云。集作遊。禁門恆晚開。欲寄一言別。高駕何由來。○類聚二十九。文苑英華二百四十七。詩紀八十七。

發建興渚示到陸二黃門詩

詩紀云。外編作吳均詩。題云酬別。非也。扁舟去平樂。還顧極川梁。猶聞棗下吹。尚識杏間堂。洛橋分曲渚。官寺隱回塘。客行裁跬步。卽事已多傷。況復千餘里。悲心未遽央。○類聚二十九。文苑英華二百八十六。詩紀八十七。

酬陸長史倕詩

王粲始一別。猶且文苑云。集作自。歎風雲。況余屢之遠。與子亟離羣。如何持此念。復爲今日分。分悲宛詩紀云。一作悵。如昨。弦望殊揮霍。行舟雖不見。行程猶可度。度君路應遠。期寄新詩返。相望且相思。勞朝復勞晚。文苑云。集作相望接風煙。相思勞歲晚。薄暮闌人進。果得承芳信。文苑云。集作訊。殷勤覽妙書。留連披雅韻。冽洲詩紀云。一作州。財文苑云。集作宋本裁。賦總。慈山行文苑云。集作非。旅鎮。已切臨睨情。遽動思歸引。歸歎不可卽。前途方未極。覽諷欲諛誚。研尋還慨息。來喻勗雕金。比文苑作此。注云。宋本比。質非所任。虛薄無時文。

苑云。集作舉無。用。徘徊守故林。屏居青門外。結宇霸城陰。竹庭已南映。池牖復東文苑云。集作西。臨。喬柯文苑作枝。貫簷上。垂條拂戶陰。條開風暫入。葉合影還沈。帷屏溽早露。階雷擾昏禽。衡門謝車馬。賓席簡衣簪。雖愧陽陵文苑作春。詩紀云。一作春。曲。寧無流水琴。蕭條聊文苑云。集作寡。屬和。寂寞少知音。平生竟何托。懷抱共君深。一朝四美廢。方見百憂侵。曰余濫官守。因之泝廬久。文苑作九。詩紀云。一作九。水接淺原文苑作源。陰。山帶荆門文苑云。集作臺。右。從容少職事。疲病疎僚友。命駕獨尋幽。淹留宿廬阜。廬阜擅高名。岩岩文苑云。集作迢迢。凌太清。舒雲類紫府。標霞同赤城。北上文苑作山。輪難進。東封馬易驚。未若茲山險。車騎息逢迎。山橫路似絕。徑側樹如傾。蒙籠乍一啓。礫硤無暫平。倚巖忽迴望。援蘿遂上征。乍觀秦帝石。復憩周王城。交峯隱玉雷。文苑作流。對澗距金楹。風傳鳳臺瑄。雲渡洛賓笙。紫書時不至。丹爐且未成。無因追羽翮。及爾宴蓬瀛。蓬瀛不可託。悵然反城郭。時過馬鳴院。偶憩鹿園閣。文苑作日斜歸路遠。偶憩鹿園閣。既異人世文苑作商人。勞。聊比化城樂。影塔圖花樹。經臺總香藥。月殿曜朱旛。風輪和寶鐸。園援文苑作援。詩紀云。一作垣。卽重嶺。階基仍巨壑。朝援文苑作援。詩紀云。一作漫。響葦棟。夜水聲帷薄。餘景鶩登臨。方宵盡談謔。談謔有名僧。慧義似傳燈。遠師教逾闡。生公道復弘。小乘非汲引。法善招文苑作忘。報能。積迷頓已悟。爲懽得未曾。爲懽誠已往。坐臥猶懷想。況復心所積。文苑作親。詩紀云。一作親。茲地多諧賞。惜哉無輕軸。更泛輪文苑云。一作淪。湖上。可思不可見。離念空盈蕩。賈生傳南國。平子相東阿。優游匡贊罷。縱橫辭賦多。方才幸同貫。無令絕詠歌。幽谷雖云阻。煩君計吏過。○文苑英華二百四十。詩紀八十七。

答何記室詩詩紀云。附見何集。

遊子倦飄蓬。瞻途杳未文苑云。一作無。窮。晨征凌迸水。暮宿犯頽風。出洲分去燕。向浦逐歸鴻。蘭芽隱陳葉。荻苗文苑云。一作筍。抽故叢。忽憶園間文苑云。一作中。柳。猶傷江際楓。吾生棄武騎。高視獨辭文苑作餘。詩紀云。一作餘。雄。既殫孝王產。兼傾卓氏僮。罷籍睢陽囿。陪謁建章宮。紛余何水部集作紛紛。文苑云。集作紛紛。似鑿枘。方圓殊未工。黑貂久自弊。黃金屢已空。去辭追楚穆。還耕偶漢馮。巧拙良爲異。出處嗟莫同。若詩紀云。一作君。厭蘭臺右。文苑作石。注云。宋本右。見訪灞陵東。○何水部集二作仰答何記室。文苑英華二百四十作答何記室。詩紀八十七。

答張左西詩

相思如二月。相望非兩宮。持此連枝文苑云。集作理。樹。暫作背飛鴻。若人惠思我。摘藻文苑云。集作思惠。蔚雕蟲。仙掌方晞露。靈鳥正轉風。方假排虛翮。相與北山叢。○類聚三十一。文苑英華二百四十。詩紀八十七。

歸沐呈任中丞昉詩詩紀云。南史云。孝綽。天監初爲著作郎。爲歸沐詩以贈任昉。卽此詩也。昉有答詩。

步出金華省。還類聚作遙。望承明廬。壯哉宛洛地。佳麗實皇居。虹蜺拖飛閣。蘭芷覆清渠。圓淵倒荷芰。方鏡寫簪裾。白雲夏峯盡。青槐秋葉疏。自我從人爵。蟾兔屢盈虛。殺青徒已汗。司舉未云書。文昌愧通籍。

臨邛幸第如。夫君多敬愛。蟠木濫吹噓。時時釋簿領。騶駕入吾廬。自唾誠礪砮。無以儷璠璣。但願長閑暇。酌醴薦焚文苑作焚枯。魚。○文苑英華二百四十七作歸沐呈任中丞。注云。時爲著作郎。詩紀八十七。又類聚三十一作贈任中丞。引廬、居、渠、疏、魚五韻。

憶虞弟詩

下邑非上郡。徒然想二馮。余慙野王德。爾勗聖鄉風。望望餘塗盡。悽悽良宴終。朝蔬一不共。夜被何由同。○類聚二十一。詩紀八十七。

淇上人戲蕩子婦示行事詩

桑中始奕奕。淇上未湯湯。美人要雜佩。上客誘明璫。日闇人聲靜。微步出類聚作上。蘭房。露葵不待勸。鳴琴無暇張。翠釵掛已落。羅衣拂更香。如何嫁蕩子。春夜守空牀。不類聚作未。見青絲騎。徒勞紅粉粧。○玉臺新詠八。類聚十八作淇上戲蕩子婦。詩紀八十七。

愛姬贈主人詩

臥久疑粧脫。鏡中私自看。薄黛銷將盡。凝朱半有殘。垂釵繞落髮。微汗染輕紈。同羞不相難。對笑更成歡。妾心君自解。掛玉且類聚作桂玉且。留冠。○類聚十八。詩紀八十七。

爲人贈美人詩

巫山薦枕日。洛浦獻珠時。一遇便如此。寧關先有期。幸非使君問。莫作羅敷辭。夜長眠復坐。誰知閨歛眉。欲寄同花燭。爲照遙相思。○類聚十八。詩紀八十七。

遙見鄰舟主人投一物衆姬爭之有客請余爲詠

河流既浼浼。河鳥復關關。落花浮浦出。飛雉度洲。玉臺作州。還。此類聚作是。日倡家女。競嬌桃李顏。良人惜美珥。欲以代芳菅。新嫌疑故素。盛趙蔑衰班。曳綃爭玉臺作事。掩穀。搖佩奮玉臺作奪。詩紀云。一作奪。鳴環。客心空振蕩。喬玉臺作高。枝不可攀。○玉臺新詠八。類聚十八作見隣舟人投一物衆姬爭之詩。詩紀八十七。

古意送沈宏詩

燕趙多佳麗。白日照紅粧。蕩子十年別。羅衣雙帶長。春樓怨難守。玉階空類聚作悲。文苑同。自傷。復類聚作對。詩紀云。一作對。此歸飛燕。文苑云。一作對此歸飛燕。銜泥繞曲房。差池人綺幕。上下傍雕梁。故居猶可念。類聚作尚余。文苑同。故人安文苑作何。注云。一作安。可忘。相思昏望絕。宿昔夢容光。魂交忽在御。轉側定他鄉。徒然顧類聚誤作枕。文苑云。一作願。枕席。誰與同衣裳。空使蘭膏夜。炯炯對繁霜。○文苑英華二百五。詩紀八十七。又類聚三十二引粧、長、傷、房、梁、忘、裳、霜八韻。

報王永興觀田詩

重門寂已暮。案牘罷囂塵。輕涼生筍席。微風起扇輪。浮瓜聊可貴。溢酒亦成珍。復有寒泉井。兼以瑩心神。睠彼忘言客。閑居伊洛濱。顧已慚困地。徒知薑桂辛。但願崇明德。無謂德無鄰。○類聚六十五。詩紀八十七。

詠有人乞牛舌乳不付因餉檳榔詩

陳乳何能貴。爛舌不成珍。空持渝皓類聚作浩。齒。非但汗丹唇。別有無枝實。曾要湛上人。羞比朱櫻熟。類聚作就。詎易紫梨津。莫言帶中久。當看心裏新。微芳雖不足。含咀願相親。○類聚八十七。詩紀八十七。

夜不得眠詩

夜長愁反覆。懷抱不能裁。披衣坐惆悵。當戶立徘徊。風音觸樹起。月色度雲來。夏葉依窗落。秋花當戶開。光陰已如此。復持憂自催。○類聚三十五。詩紀八十七。

望月有所思詩

秋月始纖纖。微光垂步文苑作出。簷。腫臃入牀簾。髣髴鑒窗簾。簾螢隱光息。簾蟲映光纖。玉羊東北上。金

虎西南昇。長門隔清夜。高堂夢類聚誤作蒙。容色。如何當此時。懷情滿文苑作向。胸臆。○類聚一。文苑英華百五十二。詩紀八十七。

校書秘書省對雪詠懷詩

桂華初學記作葉。殊皎皎。柳絮亦霏霏。詎比咸池曲。飄飄初學記作飄。千文苑辨證作十。里飛。恥均班女扇。羞儷類聚作灑。曹人衣。浮光亂粉壁。積照朗彤闈。鶴鴒搖羽至。鸚鵡拂翅歸。相彼猶自得。嗟余獨有違。終朝守玉署。方夜勞石扉。未能奏綉綺。何由辨國圍。文苑作闈。坐銷風露質。遊聯珠璧暉。偶懷笨車是。良知高蓋非。既言謝端木。無爲陳巧機。○文苑英華辨證六。詩紀八十七。又類聚二、學初記二、文苑英華百五十四並作對雪詩。引霏、飛衣、闈四韻。

詠百舌詩

山人惜春暮。旭旦坐花林。復值懷春鳥。枝間弄好音。遷喬聲迴文苑作迴。出。赴谷響幽深。下文苑作乍。是。聽長而短。時聞絕復尋。孤鳴若無對。百轉似羣吟。昔聞屢歡昔。今聽忽悲今。聽聞文苑作聞聽。非殊異。遲暮獨傷心。○類聚九十二。文苑英華三百二十九作劉孝綽。詩紀八十七。

侍宴同劉公幹應令詩

副君西園宴。陳王謁帝歸。列位華池側。文雅縱橫飛。小臣輕蟬翼。眦勉謬相追。置酒陪朝日。淹留望夕

罪。○初學記十四。詩紀八十七。

賦詠百論捨罪福詩

尋因途乃異。及捨趣猶并。苦極降歸樂。樂極苦還生。豈非輪轉愛。皆緣廣弘明集作錄。注云。官本作緣。封著情。一廣弘明集作二。注云。三本、官本無一字。知心相濁。樂染廣弘明集作渴樂。注云。三本作濁樂染。法流清。○廣弘明集三十。詩紀八十七。

賦得照棊燭詩刻五分成

南皮弦吹罷。終奕且留賓。日下房櫳闇。華燭命佳人。側光全照局。回花半隱身。不初學記作莫。辭纖手倦。羞令夜向晨。○玉臺新詠八。初學記二十五作賦照棊燭詩。詩紀八十七。

同武陵王看妓詩

燕姬奏妙舞。鄭女發清歌。迴羞出曼玉臺。初學記作慢。臉。送態表玉臺作人。嘖初學記作頰。蛾。寧殊遇玉臺作直。初學記作過。行雨。詎減見凌波。想君愁日落。玉臺作暮。文苑云。集落日。應羨魯陽戈。○玉臺新詠七作武陵王紀同蕭長史看妓。初學記十五。文苑英華二百十三作武陵王殿下看妓。萬花谷後三十二作劉孝綽詩。詩紀八十七。

賦得遺所思詩

遺簪彫玳瑁。贈綺織鴛鴦。未若華滋樹。交枝蕩子房。別前秋已落。別後春更芳。所思不可寄。唯憐盈袖香。○玉臺新詠八。詩紀八十七。

林下映月詩

明明三五月。文苑作夜。注云。集作月。垂影當高樹。攢柯半文苑作伴。玉蟾。衰葉彰初學記作映。文苑同。又注。集本、類聚並作彰。金兔。茲林有夜坐。嘯歌無與晤。側光聊可書。含毫且成賦。○類聚一。文苑英華百五十二作林下月影。注云。集本、類聚並作映月。詩紀八十七。又初學記一作林下月影。引樹、兔二韻。

詠素蝶詩

隨蜂遶綠蕙。避雀隱青微。映日忽爭起。因風乍共歸。出沒花中見。參差葉際飛。芳華幸勿謝。嘉樹欲相依。○初學記三十。詩紀八十七。○逸按。明陳大科刻本無此詩。今從安國本。

於座應令詠梨花詩

玉壘稱津潤。金谷詠芳菲。詎匹龍樓下。素葢映華類。聚作朱。詩紀云。一作朱。扉。雜雨疑霞類。聚作露。落。因風似

蝶飛。豈不憐飄墜。願人九重闈。○類聚八十六作詠梨花應令。初學記二十八。詩紀八十七。

秋雨卧疾詩

賈君徭役少。潘生民務稀。及此同多暇。高臥掩重闈。寂寂文苑作寂寞。桑榆文苑云。集作榆葉。晚。滂沱噎不晞。電隙時光帳。風簾乍扣詩紀誤作和。扉。文苑云。集作如飛。○類聚二。文苑英華百五十三。詩紀八十七。

奉和湘東王應令詩二首

春宵

春宵猶自長。春心非一傷。月帶圓類聚作圓。樓影。風飄花樹香。誰能對雙燕。暝暝守空牀。○類聚三十二。詩紀八十七。

冬曉

冬曉風正寒。偏念客衣單。臨粧罷鉛黛。含淚剪綾紈。寄語龍城下。詎知書信難。○同上

月半夜泊鵲尾詩

客行三五夜。息棹隱中洲。月光隨浪動。山影逐波流。○類聚二十七。詩紀八十七。

和詠歌人偏得日照詩

和周弘正。

獨明花裏翠。偏光粉上津。屢將歌罷扇。迴拂影中塵。
○初學記十五。萬花谷後三十二作劉孝綽詩。詩紀八十七。

詠姬人未肯出詩

帷開見釵影。簾動聞釧聲。徘徊定不出。常羞華燭明。
○類聚十八。詩紀八十七。

遙見美人採荷詩

菱莖時繞釧。棹水或沾粧。不辭紅袖濕。唯憐綠葉香。
○玉臺新詠十。詩紀八十七。

詠小兒採菱詩

採菱非採菘。日暮且盈舫。踟躕未敢進。畏欲比殘桃。
○玉臺新詠十。詩紀八十七。

詠眼詩

含嬌腹已合。離怨動方類。聚作還。開。欲知密中意。浮光逐笑迴。
○類聚十七。詩紀八十七。

擬古詩詩紀云。見何遜集。

少知雅琴曲。好聽雅琴聲。雅琴不可聽。一聽一沾纓。○何水部集二。詩紀八十七。

詠日應令詩

弭節馳陽谷。照檻出扶桑。園葵亦海錄碎事作一。何幸。傾葉奉離光。○類聚一。初學記一。文苑英華百五十一。詩紀八十七。又海錄碎事一引光一韻。

望月詩

輪光缺不半。扇影出將圓。流光照滢漾。波動映淪漣。○類聚一。詩紀八十七。

秋夜詠琴詩

上宮秋露結。上客夜琴鳴。幽蘭暫罷曲。積雪更傳聲。○初學記十六。文苑英華二百十二。萬花谷後三十二作劉考綽詩。詩紀八十七。

賦得始歸鴈詩

洞庭春水綠。衡陽旅鴈歸。差池萬花谷作離地。高復下。欲向龍門飛。○類聚九十一。初學記二十。萬花谷後四十作劉孝綽詩。詩紀八十七。

元廣州景仲座見故姬詩雜言○詩紀云。一作代人詠見故姬。

留故夫。不峙曙。別待春山上。相看採靡蕪。○玉臺新詠九。詩紀八十七。

梁詩卷十七

劉緩

緩。字含度。昭子。大同初。歷安西湘東王記室。除通直郎。六年。遷鎮南湘東王中錄事卒。有集四卷。

敬酬劉長史詠名士悅傾城詩

不信巫山女。不信洛川神。何關別有物。還是傾城人。經共陳王戲。曾與宋家鄰。未嫁先名玉。來時本姓秦。粉光猶似類聚作假。面。朱色不勝唇。遙見類聚作望。疑花發。聞香知異春。釵長逐鬢髮。袜小稱腰身。夜夜言嬌盡。日日態還新。工類聚作已。傾荀奉倩。能迷石季倫。上客徒留目。不見正橫陳。○玉臺新詠八。類聚十八作詠傾城人詩。詩紀九十。

江南可採蓮

古辭曰。江南可採蓮。因以爲題云。

春初北岸涸。夏月南湖通。卷荷舒欲倚。芙蓉生卽紅。櫂小宜迴逕。船輕好人叢。釵光逐影亂。衣香隨逆

風。江南少許地。年年情不窮。○類聚八十二。樂府詩集二十六。詩紀九十。

看美人摘薔薇詩

新花臨曲池。佳麗復相隨。鮮紅同映水。輕香共逐吹。繞架尋多處。窺叢見好枝。矜類聚作今。新猶恨少。將故復嫌萎。釵邊爛熳插。無處不相宜。○類聚八十一。合璧事類別集三十一。作梁劉琨詩。詩紀九十。

奉和玄圃納涼詩

清氣流暄濁。非關狹室中。當由小堂上。自有大王風。樵詩紀作燠。螟動蘭室。神飈起桂叢。披襟深睿賞。曲卷何由同。○類聚五。詩紀九十。

和晚日登樓詩

所以登臺榭。正重接煙霞。長絲類聚作虹。詩紀云。一作虹。觸欄斷。歸鳥避窗類聚作空。斜。俯巢窺暝宿。臨樹文苑作檻。摘高花。百雉時方晚。九層光尚賒。○類聚二十八。作劉綬。文苑英華三百十一。詩紀九十。又榆林詩話作劉綬詩。引霞一韵。○逯按。顏氏家訓云。劉綬、綬、綬兄弟。並爲名器。則此詩當爲劉綬所作。綬亦綬之譌。

雜詠和湘東王詩三首

秋夜

樓上起秋風。絕望秋閨中。燭溜花行滿。香燃奩玉臺作籤。欲空。徒教類聚作交。兩行淚。俱浮粧上紅。○玉臺新詠八。類聚三十二作秋閨詩。詩紀九十。

寒閨詩紀作冬宵。

別後春池異。荷盡欲生冰。箱中剪刀冷。臺上面脂凝。纖腰轉無力。寒衣恐類聚作怨。不勝。○玉臺新詠八。類聚三十二作閨怨詩。詩紀九十。

冬宵詩紀作寒閨。

不堪寒夜久。夜夜守空牀。衣裾逐座禡。釵影近燈長。無憐四幅錦。何須辟惡香。○玉臺新詠八。詩紀九十。

左右新婚詩詩紀云。詩彙作劉綬。

小史如初日。得婦類行雲。琴聲詩紀云。律祖作綺琴。妾曾聽。桃子詩紀云。律祖作細桃。壻經分。蛾眉參意畫。繡被共籠薰。偏增使君妬。類聚作度。無趣遣相聞。詩紀云。律祖作可憐雙美合。休使惱使君。○類聚四十。詩紀九十。○逮按。此以下三篇詩紀作劉瓊作。今併入劉綬集。

在縣中庭看月詩

移榻坐庭陰。初弦時復臨。侍兒能勸酒。貴客解彈琴。柏葉生鬢文苑作髮。內。桃花出髻心。月光移數尺。方知夜已深。○類聚一、文苑英華百五十二並作劉瓌。詩紀九十。

新月詩

仙宮雲箔捲。露出玉簾鈎。清光無所贈。相憶鳳凰樓。○事文類聚前集二作劉瓌。詩紀九十。

遊仙詩

稅駕倚扶桑。逍遙望九州。二老佐軒轅。稱戈戮蚩尤。功成棄之去。乘龍上丹丘。文苑云。一作天遊。天上見玉皇。壽與天地休。俯視崑崙宮。五城十二樓。王母何窈眇。玉質清且柔。揚袂折瓊芳。寄我天東頭。相思十萬歲。太運浩悠悠。安以知吾道。日月不能周。寄音青鳥翼。謝爾碧海流。○文苑英華二百二十五。

劉孺

孺。字孝稚。彭城人。起家中軍法曹行參軍。鎮軍沈約引爲主簿。累遷太子舍人、尚書殿中郎。大通二年。遷散騎常侍。三年。遷步兵校尉。大同七年爲吏部尚書。居母喪。未替卒。年五十九。有集二

十卷。

侍宴餞新安太守蕭幾應令詩

芝殿文苑作蓋。延藻類聚作近簿。景。畫室文苑作石。寫油文苑作岫。雲。玄覽多該洽。聖思文苑作恩。究前聞。微密探文苑作操。精義。優游妙典墳。飲餞參多士。言贈賦新文。○類聚二十九。文苑英華百七十九。詩紀八十八。

相逢狹路間詩紀云。此亦賦別之詩。

送君追遐路。路狹暖朝霧。三危上蔽日。九折杳連雲。枝交幘不見。聽靜吹纔聞。豈伊歎道遠。亦迺泣塗分。況茲別親愛。情念切離羣。○樂府詩集二十四。詩紀八十八。

劉顯

顯。字嗣芳。沛國相人。仕梁歷尚書儀曹郎、秣陵令、步兵校尉、中書侍郎、尚書左丞、尋陽太守。大同九年卒。年六十二。

發新林浦贈同省詩

回首望歸途。山川邈離異。落日懸秋浦。歸鳥飛相次。感物傷我情。惆悵懷親懿。○類聚二十九。文苑英華二百

八十六。詩紀九十。

陸雲公

雲公。字子龍。雒從孫。舉秀才。歷武陵王湘東王參軍。人爲尚書儀曹郎。知著作郎事。尋除著作郎。遷中書黃門郎。太清元年卒。年三十七。有集十卷。

釋奠應令詩十章

質文迭運。損益相因。業遵憲氣。道著成均。南學尚齒。東序貴仁。三德既備。七教斯陳。微言中絕。異端競起。掃滅秦餘。緝維漢始。闔塗頗照。棼絲未理。擾擾百家。悠悠千祀。大梁肇命。睿愆惟君。萬方輯瑞。八表澄氛。仰測天象。俯俟人文。弘教猶海。聚學如雲。道生萬有。孝首百行。孔勛潭深。老抑浮競。分門命學。異流爭鏡。誰其一之。資我將聖。家隆重棟。國體貳天。元良正位。至德聿宣。優悠藝術。博極幾玄。丕隆夏載。且暮姬年。揚我聖作。導我人志。盛彼庠門。於惟上嗣。三席式啓。百僚胥位。誦聲編道。儒衣成肆。粹容玉潤。麗辯泉飛。英蕃起予。執經光暉。肩牆覩奧。入室探啓。博哉善誘。嗟然實歸。請業既終。莫祀爰設。北牖配靈。左階升潔。蘋藻登薦。巾冕成迺。黍稷非馨。誠敬斯悅。藹藹幕宮。泱泱殿沼。旗章映春。絲竹清曉。獻琛海外。蒙衣塞表。具惟謙嘉。同慶億兆。

至道輝被。英風洋溢。式標盛軌。方□懋實。職濫悼史。誦乖洪筆。使仰歌頌。終慚照述。○文館詞林百六十。

王籍

籍。字文海。琅邪臨沂人。齊驍騎將軍僧佑子。齊末爲冠軍行參軍。累遷外兵記室。天監初。除安成王主簿。歷餘姚、錢塘令。並以放免。除湘東王諮議參軍。還爲中散大夫。不得志。太清元年。湘東王爲荊州。以諮議參軍帶作唐令。不理縣事。少時卒。

櫂歌行

揚舲橫大江。乘流任蕩蕩。輕橈暮不息。復逐夜潮上。時見湘水仙。恆聞解佩響。○樂府詩集四十。詩紀八十六。

人若邪溪詩

梁書曰。籍除輕車湘東王諮議參軍。隨府會稽。郡境有雲門天柱山。籍嘗遊之。或累月不反。至若邪溪賦詩云。蟬噪林逾靜。鳥鳴山更幽。當時以爲文外獨絕。顏氏家訓曰。王籍人若邪溪詩。江南以爲文外獨絕。物無異議。簡文吟詠不能忘之。孝元諷味。以爲不可復得。詩云。蕭蕭馬鳴。悠悠旆旌。毛傳曰。言不諠譁也。吾每歎此解有情。

致。籍詩生於此意耳。

餘鯁何汎汎。空水共悠悠。陰霞生遠岫。陽景逐迴流。蟬噪林逾靜。鳥鳴山更幽。此地動歸念。長年悲倦遊。○古詩類苑十四。詩紀八十六。

劉之遴

之遴。字思貞。南陽涅陽人。仕梁歷太學博士、尚書起部郎、延陵令、通直散騎侍郎、尚書右丞、中書侍郎、鴻臚卿。出爲南郡太守。徵秘書監。領步兵校尉。歷太府卿、都官尚書、太常卿。太清二年卒。年七十二。有前集十一卷、後集二十一卷。

酬江總詩

梁書曰。江總持幼便聰慧。神采英拔。甚爲瑯琊王筠、范陽張纘、南陽劉之遴所重。之遴嘗酬總詩曰。

上位居崇禮。寺署鄰栖息。忌聞曉鶯唱。每畏晨光絕。高談意未窮。晤對賞無極。探志共遨遊。休沐忘退食。曷用銷鄙吝。枉趾觀顏色。上下數千載。揚摧吐胸臆。○陳書江總傳。詩紀九十。

嘲伏挺詩

南史曰。侯景初以蕭正德爲帝。之遴時落景所。將使授璽紱。之遴預知。仍剃髮披法服乃免。先是。平昌伏挺出

家。之遴爲詩嘲之曰云云。及之遴遇亂。遂披染服。時人笑之。

傳聞伏不鬪。化爲支道林。○南史劉之遴傳。

到溉

溉。字茂灌。彭城武原人。起家王國左常侍。歷殿中郎。出爲建安內史。遷中書郎、兼吏部、太子中庶子。湘東王爲會稽太守。以溉爲輕車長史。除通直散騎常侍、御史中丞。出爲郢州長史、江夏太守。入爲左民尚書。授散騎常侍、侍中、國子祭酒。後因疾失明。以金紫光祿大夫就第養疾。太清二年卒。年七十二。

餉任新安班竹杖因贈詩

邛竹藉白帖作籍。舊聞。靈壽資。白帖作堂。前職。復有冒霜筠。寄生桂潭側。文彩既斑斕。白帖誤作欄。質性甚綢。白帖作調。直。所以白帖作貴。天天真。爲有乘危力。未嘗以過投。屢經芸苗植。○類聚六十九。詩紀九十二。又白帖四作梁劉溉餉任新安竹杖因贈詩。引識、側、直、力四韻。

答任昉詩

南史曰。溉爲建安太守。任昉寄詩求二衫段。溉答云。

予御覽作余。衣本百結。閩中徒八蠶。假令金如粟。詎使廉夫貪。○南史到溉傳。御覽六百九十三引沈約宋書。詩紀九十二。

秋夜詠琴詩

寄語調弦者。客子心易驚。離泣已將墜。無勞別鶴聲。○初學記十六。文苑英華二百十二。詩紀九十二。

儀賢堂監策秀才聯句詩

雄州試異等。揚庭乃專對。顧學類括羽。奇文若錦績。○溉 滋蘭成秀畹。照車光赤初學記誤作亦。珮。攝官惡簪帶。疲疴謝名輩。○盧彝 乙奏飲餘列。甲科光往載。深奇無絕蹤。孫董有遺槩。○伏挺 春風涵宛轉。遲光乍明昧。列秀總中筵。羣才盛皇代。○王瑩 如綸疾影響。裁蒲啓蒙初學記作曠。昧。雕龍既已彰。青紫行當佩。○王頤 哀然既玉響。高粲亦蘭綵。廣川良易追。淄水非難配。○貢士光相門。搜賢盡幽塞。善說理無窮。借書心靡悔。○來彥各東西。翼亮更出內。康哉信在今。伊余事耕耒。○詩紀云。後三首闕名。○初學記二十。詩紀九十二並作劉溉。

謝舉

舉。字言揚。陳郡陽夏人。莊孫。仕梁。武帝時累遷尚書令。太清二年卒。

凌雲臺

綺蔓懸桂棟。隱映文苑作映。傍文苑云。一作月旁。又作曖。喬文苑作槁。柯。勢高凌玉井。臨迥度金波。易覺涼風至。早飛秋鴈。文苑作葉。注云。一作雁。過。高臺相思曲。望遠騷人歌。幸屬文苑作囑。注云。一作屬。樂府、詩紀並云。一作囑。此迢遞。知承雲霧多。文苑作寒露多。注云。一作雲霧多。○文苑英華百九十二。樂府詩集七十五。詩紀九十一。

南鄉侯蕭推

推。字智進。安成王秀之子。歷淮南、晉陵太守、太子洗馬、秘書丞。出爲戎昭將軍、吳郡太守。侯景之亂。守東府城。太清二年。城陷。握節死之。

賦得翠石應令詩

依峯形似鏡。構嶺勢如蓮。映林同綠柳。臨池亂百川。碧苔終不落。丹字本難傳。有邁東明上。來遊皆羽。初學記作習。萬花谷同。仙。○初學記五。萬花谷後五。詩紀七十一。

庾仲容

仲容。字仲容。潁川鄆陵人。歷尚書左丞、諮議參軍。出爲黟縣令。太清二年。避亂遊會稽卒。年七

十四。

詠柿詩

發葉臨層檻。翻英揉花藥。風生樹影移。露重新枝弱。苑朱正葱翠。梁烏未銷鑠。○類聚八十六。詩紀九十二。

褚翔

翔。字世舉。河南陽翟人。武帝世累遷吏部尚書。太清二年。丁母憂。以毀卒。年四十四。

鴈門太守行

三月楊花合。四月麥秋初。幽州寒食罷。鄭國采桑疏。便聞雁門戍。結束事戎車。去歲無霜雪。今年有閏餘。月如弦上弩。星類水中魚。戎車攻日逐。燕騎蕩康居。大宛歸善馬。小月送降書。寄語閨中妾。勿怨寒牀虛。○樂府詩集三十九。詩紀九十二。

楊暉

暉。仕梁爲中軍司馬。太清二年守東府。爲侯景所害。

詠舞詩

紅顏自燕趙。妙妓邁萬花。谷作舞。陽阿。就行齊逐唱。赴節闈相和。折腰送餘曲。斂袖待新歌。嘖容生翠羽。
曼初學記作慢。文苑、萬花谷同。睇出橫波。雖稱趙飛燕。比此詎成多。○類聚四十三。初學記十五。文苑英華二百十三。萬
花谷後三十二作楊嫩詩。詩紀九十四。

吳孜

孜。仕梁。太清二年爲學士。

春閨怨

玉關信使斷。借問不相諳。春光太無意。窺窗來見參。分玉臺作久。與光音絕。忽值日東南。柳枝皆嬾燕。桑
葉復催蠶。物色頓如此。嬌居自不堪。○玉臺新詠八。詩紀九十四。

朱异

异。字彦和。吳郡錢塘人。始爲揚州議曹從事。召直西省。累遷中領軍。太清三年卒。年七十三。

還東田宅贈朋離詩

應生背芒說。石子河文苑作阿。陽文。雖有遨遊美。終非沮溺羣。曰余今卜築。兼以隔囂紛。池入東陂水。窗引北巖雲。槿籬集田鷺。茅簷帶野芬。原隰何邈迤。山澤共氛氳。蒼蒼松樹合。耿耿樵路分。朝興候崖晚。暮坐極林曛。憑高眺虹蜺。臨下瞰耕耘。豈直娛衰暮。兼得慰殷勤。懷勞猶未弭。獨有望夫君。○文苑英華二百四十七。詩紀九十二。

田飲引

卜田宇兮京之陽。面清洛兮背脩邛。屬風林之蕭瑟。值寒野之蒼茫。鵬紛紛而聚散。鴻冥冥而遠翔。酒沈兮俱發。雲沸兮波揚。豈味薄於東魯。鄙密杜詩注作蜜。甜于南湘。於是客有不速。朋自遠方。臨清池而滌器。關山牖而飛觴。促膝兮道故。久要兮不忘。間談希夷之理。或賦連翩之章。○類聚七十二。詩紀九十二。又黃氏集千家注杜工部詩史補遺一漫興詩注作田飯引。引湘一韻。

張嵎

嵎。字四山。吳郡人。起家秘書郎。累遷爲吳興太守。太清三年。舉兵擊侯景。爲景所殺。年六十二。

短簫詩

促柱弦始繁。短簫吹初亮。舞袖拂長席。鐘音由簾颺。已落簷瓦間。復繞梁塵上。時屬清夏陰。恩暉亦非望。○樂府詩集七十四。集詩紀九十二。

張纘

纘。字伯緒。仕梁爲秘書郎。遷太子舍人。歷南蘭太守、度支尚書、吳興太守。改湘川刺史。太清三年爲蕭詧所殺。年五十一。

大言應令詩

河流既竭。日月俱騰。罍羅微物。動落雲鵬。○類聚十九。

細言應令詩

遨遊蟻類聚作綺。目辨類聚作辯。輕塵。蚊隄成字蝨如輪。○類聚十九。

侍宴餞東陽太守蕭子雲應令詩

仲月發初陽。輕寒帶春序。淥文苑作綠。池解餘凍。丹霞霽文苑誤作霄。新雨。良守謁承明。徂舟戒文苑誤作式。

蘭渚。皇儲惜將文苑誤作蔣。邁。金樽留宴醕。○類聚二十九。文苑英華百七十九。

殷鈞

一作均。字季和。陳郡長平人。歷東宮學士、國子祭酒。

大言應令詩

噫氣爲風。揮汗成雨。聊灼戴山龜。欲持探邃古。○類聚十九。

細言應令詩

汎舟毛滴海。爲政蝸牛國。逍遙輕塵上。指辰問南北。○類聚十九。詩紀七十四。

王偉

偉。陳留人。仕魏爲侯景行臺左丞。景入京師。大寶元年遷爲中書監。二年爲尚書左僕射。景敗。禽

送江陵付誅。

獄中贈人詩

南史曰。偉被執送江陵。於獄中爲詩贈元帝。下要人曰。

趙壹能爲賦。鄒陽解獻書。何惜西江水。不救轍中魚。○南史本傳。詩紀九十二。

在渭陽賦詩

梁書曰。王偉。洛陽人也。學周易。嘗在淮陽賦詩曰云云。逸按。此王偉當別是一人。

平明聽戰鼓。薄暮叙存亡。楚漢方龍鬪。秦關陣未央。○御覽五百九十七。詩紀九十二。

梁詩卷十八

劉孝威

孝威。字孝威。孝勝弟。初爲晉安王法曹。除太子洗馬。累遷中舍人、庶子率更令。太清中。遷中庶子。兼通事舍人。太清三年。侯景之亂。孝威於圍中得出。西上至安陸卒。有集十卷。

樂府

釣竿篇詩紀云。英華、樂府並作孝綽。○以下五言。

釣舟畫彩鷁。漁類聚作魚。樂府同。子服冰紈。金轄茱萸網。銀鈎翡翠竿。斂橈文苑作促棹。注云。一作斂橈。隨水脉。急漿文苑作艇。渡江類聚作沙。湍。文苑云。一作急漿渡沙湍。湍長自不辭。前浦有佳期。船類聚作蓮。交橈類聚作棹。樂府同。文苑云。一作棹。影合。浦深魚出遲。荷根時觸餌。菱芒乍冒絲。蓮文苑作連。度樂府作渡。江南手。衣渝京兆眉。垂竿自有文苑。樂府作來。樂。誰能爲太詩紀作大。師。○本集。文苑英華二百十、樂府詩集十八並作劉孝綽。詩紀八十八。又類聚四十一引紈、竿、湍、辭、期、遲六韻。

隴頭水

從軍戍隴頭。隴水帶沙流。時觀胡騎飲。常爲漢國羞。覺妻成兩劍。殺子祀類聚作祠。雙鈎。頓取韻補作將頓。樓蘭頸。文苑作將頓樓蘭膝。注云。一作頓取樓蘭頸。就解郅支裘。勿令如李廣。本集、文苑作李牧。韻補同。樂府云。一作李牧。功多文苑作名。遂不酬。韻補作售。類聚作功遂不封侯。樂府同。文苑云。一作勿令如李廣。功遂不封侯。詩紀云。一作功遂不封侯。○本集。類聚四十二作橫吹曲隴頭流水詩。文苑英華百九十八。樂府詩集二十一。詩紀八十八。又韻補二作樂府隴頭水。引裘、售二韻。

驄馬驅

十五官文苑作宦。樂府同。詩紀云。一作宦。期門。二十屯邊徼。犀羈玉鏤鞍。寶刀金錯鞘。一隨驄馬驅。分受青蠅詩紀作繩。弔。且令都護知。願被將軍照。誓使氈衣鄉。掃地無遺噍。○本集。文苑英華二百九。樂府詩集二十四作驄馬。詩紀八十八。

公無渡河

請公無渡河。河廣風威厲。檣類聚誤作牆。偃落金烏。舟傾沒犀柁。紺蓋空嚴祠。樂府作祀。白馬徒生樂府作牲。祭。銜石傷寡心。崩城掩孀初學記作霜。袂。劍飛猶共水。魂沈理俱逝。初學記作璧沉魂俱逝。君爲川后臣。文苑云。

一作神。妾作江樂府作姜。妃娣。○本集。類聚四十二作公莫渡河篇。初學記六作公莫渡河。文苑英華二百十。樂府詩集二十六。詩紀八十八。

塘上行苦辛篇

蒲生伊何陳。曲中多苦辛。黃金坐銷鑠。白玉遂淄磷。裂衣工毀嫡。掩袖切詩紀作初。讒新。嫌成跡易已。愛去理難申。秦雲猶變色。魯日尚迴輪。妾歌已腸本集作唱。類聚、樂府同。斷。君心終未親。○本集。類聚四十一。樂府詩集三十五。詩紀八十八。

東西門行詩紀云。此似應詔餞贈之作。

廣津寒欲歇。聯檣密纜收。六高匝近岫。江闊少方舟。餞淚留神眷。離秋切私儔。佇變齊兒俗。當傳楚獻囚。徒然頌並命。祇慙本集作惡。樂府同。思如抽。○本集。樂府詩集三十七。詩紀八十八。

怨詩

退寵辭金屋。見譴斥甘泉。枕席秋風起。房櫳明月懸。燭避窗中影。香迴爐上煙。丹庭斜草徑。素壁點苔錢。歌起蒲生曲。樂奏下山絃。新聲昔廣宴。餘杯今自傳。王嬙向絕漠。宗女人祁連。鴈書猶未返。角馬無歸年。昭臺有樂府作省。媵御。曾坂無棄捐。後薪隨復積。前魚誰更憐。○本集。樂府詩集四十一。詩紀八十八。

採蓮曲

金漿類聚作鏘。木蘭船。戲採江南蓮。蓮香隔浦渡。荷葉滿江鮮。房垂易人手。柄曲自臨盤。露花時濕釧。風莖乍拂鈿。○本集。類聚八十二作和採蓮詩。樂府詩集五十。詩紀八十八。

小臨海

碣石望山海。留連降尊極。秦帝枉本集作極。鈞陳。漢家增禮秩。樂府作飾。石橋終不成。桑田竟難測。蜃氣遠生樓。鮫人近潛織。空勞帝女填。詎動波神色。○本集。樂府詩集五十五。詩紀八十八。

思歸引

胡地憑良馬。懷驕負漢恩。甘泉烽火入。回中宮室燔。錦車勞遠駕。繡衣疲屢本集字缺。奔。貳師已喪律。都尉亦銷魂。龍堆求援急。狐塞請先屯。櫪下驅類聚作嚴。雙駿。腰邊帶類聚作垂。兩鞬。乘障無期限。思歸安可論。類聚作言。樂府、詩紀並云。一作言。○本集。類聚四十二作思歸篇。樂府詩集五十八。詩紀八十八。

妾薄命篇

去年從越障。類聚作漳。文苑云。一作嶂。今歲沒樂府作歿。胡庭。類聚作朝廷。嚴霜封碣石。驚沙暗井陘。玉簪類聚、文

苑作簪。古通。久落髮。羅衣長挂屏。浴蠶思漆。本集作沫。文苑作洙。注云。一作漆。水。條文苑、樂府作挑。古通。桑憶鄭
垞。寄書朝鮮吏。留釧武安亭。勿樂府作的。言戎夏隔。但令樂府作念。文苑云。一作念。心契冥。不見鄧文苑作豐。
樂府、詩紀同。城劍。千祀復同形。○本集。類聚四十一作妾薄命行。文苑英華二百七。樂府詩集六十二作妾薄命。詩紀八十八。

鬪鷄篇

丹鷄翠翼。文苑作羽。張。妬敵復。文苑云。一作得。專場。翅中含芥粉。距外耀金芒。氣踰上黨烈。樂府作列。名貴樂
府作媿。文苑云。一作媿。下韞良。祭橋愁魏后。食跖忌齊王。願賜淮南藥。一使雲間翔。○本集。文苑英華二百六。樂
府詩集六十四。詩紀八十八。

結客少年場行

少年本六郡。遨遊遍五都。插腰銅匕首。障日錦屠類聚作塗。樂府同。蘇。鷲類聚作鷲。文苑云。一作鷲。羽。本集作尾。裝
銀鎗。犀膠飾象弧。近發連雙兔。高彎落九鳥。邊城多警類聚作驚。急。節使滿郊衢。居延箭箠類聚作服。盡。
疏勒井泉枯。正蒙都護接。何由憚險途。千金募惡少。一揮文苑作麾。樂府同。擒骨都。勇餘聊蹴鞠。類聚、樂府
作蹙鞠。文苑作蹴蹴。戰罷暫類聚、樂府作戲。文苑云。一作戲。投壺。昔爲北方文苑云。一作邊。將。今爲本集作成。文苑同。又
注云。一作爲。南面孤。邦君行負弩。縣令且前驅。○本集。類聚四十一。文苑英華百九十五。樂府詩集六十六。詩紀八十八

行行且遊獵篇

之罘講射所。上林娛獵場。選徒驕楚客。召狩誇胡王。罕車已戒道。風鳥文苑作鳥。復起文苑作啓。樂府同。行。飲類聚誤作傾。飛具矰類聚作罾。樂府同。繳。材官命蹶張。高置掩月兔。勁矢射天狼。蹶類聚誤作厥。地不遑逸。樂府作免。文苑同。又注。一作逸。排虛豈及文苑作反。翔。日暮勾文苑作鈎。樂府同。陳轉。風清鏡吹颺。樂府作揚。歸來宴平樂。寧肯滯樂府作帶。誤。禽荒。○本集。類聚四十二作行行遊獵篇。文苑英華百九十五注云。一作遊行且獵篇。樂府詩集六十七作行行遊且獵篇。詩紀八十八。

雀乳空井中

詩紀云。晉傅玄詩曰。鵲巢丘城側。雀乳空井中。

遠去條支國。心知漢德休。樂府作優。文苑、詩紀並云。一作優。聊棲丞相府。過令黃霸羞。挾子須閒地。文苑作池。空井共尋求。輓轆絲綆絕。桔槔冬文苑作金。注云。一作冬。蘇本集作金蘇。周。將憐羽翼張。本集作長。文苑、樂府同。誰樂府作唯。辭各背遊。○本集。文苑英華二百六作乳雀空城中。注云。城一作井。樂府詩集六十八。詩紀八十八。

半渡溪

本厠偏伍伴。一戰殄凶渠。制賜文犀節。驛報紫泥書。入營陳御蓋。還家乘紫車。皇恩知己本集作空以。重。樂府作空以重。注云。一作知己重。丹心恨不紓。渡瀘且不畏。凌溪嗟有餘。○本集。樂府詩集七十四。詩紀八十八。

獨不見

夫婿結纓簪。偏蒙漢寵深。中人引臥內。副車遊上林。綬染瑯琊草。蟬鑄武威金。分家移甲第。留妾住河陰。獨寢鴛鴦被。自理鳳凰琴。誰憐雙玉筍。流面復流襟。○本集。文苑英華二百一十一。詩紀八十八。

行幸甘泉宮歌

漢家迎夏畢。避暑甘泉宮。棧文苑。樂府作機。詩紀云。一作機。車鳴里鼓。駟馬駕相風。校尉烏桓類聚作丸。文苑。樂府同。騎。待制文苑云。一作詔。樓類聚作婁。煩弓。樂府作官。後旌猶五柞。前笳度九嶷。才人豹尾內。御酒屬車中。輦迴百子閣。扇動七輪風。鳴鍾休衛士。披圖召類聚作占。後宮。材詩紀誤作財。官促類聚作但。校獵。涼秋類聚作風。樂府作秋來。注云。一作涼秋。詩紀云。一作秋來。戲射熊。○本集。類聚四十三。文苑英華二百三。樂府詩集八十四。詩紀八十八。

箜篌謠

詩紀云。樂府失名。次劉孝威後。

結交在相得。骨肉何必親。甘言無忠實。世薄多蘇秦。從風暫靡草。富貴上昇天。本集作人。文苑同。又注云。一作真。不見山。本集作高。文苑同。巔樹。摧扞文苑作抗。下爲薪。豈甘文苑云。一作目睹。井中泥。上出作埃塵。文苑作時至。出作塵。本集同。詩紀云。一作時至出作塵。○本集。文苑英華二百十失名。次劉孝威後。樂府詩集八十七作無名氏。詩紀八十八。○錄案。御覽引此篇起首四句。題作古歌辭。細玩其辭。亦不類六朝人作。今分別列入漢詩及此集。

驄馬驅

翩翩驄馬驅。橫行復斜趨。先救遼城危。後拂燕山霧。風傷易水湄。日入隴西樹。未得報君恩。聯翩終不住。○本集。文苑英華二百九。樂府詩集二十四。詩紀八十八。

和王竟陵愛妾換馬

驄馬出樓蘭。一步九盤桓。小史本集作使。贖金絡。良工送玉鞍。龍驂來甚易。烏孫去實難。麟膠妾猶有。請爲急弦彈。○本集作愛妾換馬。類聚九十三。樂府詩集七十三作愛妾換馬。詩紀八十八。

擬古應教七言

詩紀云。樂府作孝威詩。題云東飛伯勞歌。英華作梁簡文帝。非也。簡文別有二首。○遼案。此篇玉臺新詠作擬古應教。文苑英華二百五作擬古。與樂府詩集作東飛伯勞歌有異。然知擬古應教者。卽擬古東飛伯勞歌以應教也。文苑英華二百三作梁簡文。紹古歌。紹古亦卽擬古。

雙棲文苑云。一作飛。翡翠兩鴛鴦。巫雲文苑云。一作山。洛玉臺作落。月乍相望。誰家妖冶折花枝。蛾眉曖睇使情移。本集、樂府作衫長釧動任風吹。文苑同。又注。一作蛾眉曖睇使情移。青本集作金。樂府同。鋪綠本集作玉。樂府同。瑣琉璃扉。瓊筵玉筍金縷衣。本集、樂府作花鈿寶鏡織成衣。文苑作金鋪玉鎖琉璃扇。花鈿寶鏡織成衣。又注云。一作青鋪瑣窗琉璃扉。瓊筵

玉筍金縷衣。美人年幾可十餘。含羞轉本集、樂府作聘。文苑同。又注。一作轉。詩紀作囀。笑斂風裾。珠丸出彈不可追。空留可憐持本集作特。與誰。○本集作東飛伯勞歌。玉臺新詠九。文苑英華二百三、二百五。樂府詩集六十八。詩紀八十八。

鷄鳴篇以下雜言。

塘鷄識將曙。長鳴高樹巔。啄葉疑彰樂府作障。羽。排花彊欲前。意氣多驚舉。飄揚獨無侶。陳思助鬪協狸膏。邱昭妬敵安金距。丹山可愛有鳳凰。金門飛舞有鴛鴦。何如五德美。豈勝千里翔。○本集。類聚九十一作梁簡文帝。樂府詩集二十八。詩紀八十八。

烏生八九子

城上烏。一年文苑云。一作生子。生本集作八。詩紀同。九雛。枝輕巢本狹。風多葉早枯。毳毛不自暖。張翼強相呼。金柝文苑作析。廣文選同。樂府作折。詩紀同。嚴兮翠樓肅。蜃壁光兮椒泥馥。虞機衡網不得施。樂府無施字。廣文選同。猜鷹鷲隼樂府隼下有搏字。廣文選同。無由逐。永願共棲曾氏冠。文苑作觀。廣文選同。同瑞周王屋。莫啼城上寒。猶賢文苑作賽。野中樂府作間。廣文選同。宿。羽成翮備各西東。丁年賦命有窮通。不見高飛帝文苑作啼。輦側。遠託日輪中。樂府云。一作終。尚逢王吉箭。猶嬰后類聚作唐。樂府作夏。羿弓。豈如變彩救燕質。人夢祚昭本集作周。注云。一作周。公。流樂府作留。廣文選同。聲表師退。集幕示營空。靈臺已鑄像。流蘇時候風。○本集。文苑英華二百六。樂府詩集二十八。廣文選十四。詩紀八十八。又類聚九十二引烏、雛、呼、東、通、中、弓、公、空、風十韻。

蜀道難樂府分前五言後七言各為一首。

玉壘高無極。銅梁不可攀。雙流逆本集作遂。類聚作進。文苑作亦。注云。一作進。一作逆。巖樂府云。一作巖。道。九坂澁陽關。鄧侯策本集作束。文苑同。馬度。類聚作束馬去。樂府同。王生斂轡還。斂轡懼身尤。叱馭奉王猷。若倍千金重。誰為萬里侯。戲馬吞珠界。揚舲濯錦流。本集作頭。沈犀厭怪水。握本集作掘。鏡表靈本集作吳。丘。禹類聚作嶠。樂府同。文苑作隅。注云。一作嶠。山金碧有光輝。遷亭樂府作停。車馬尚類聚作正。樂府同。文苑云。一作正。輕肥。彌想類聚作思。樂府同。王褒擁節反。類聚作去。樂府同。文苑云。一作去。更類聚作復。樂府同。憶相如乘傳歸。君平子雲閒樂府作寂。文苑云。一作寂。不嗣。江漢英靈信已衰。類聚作已信稀。樂府同。文苑云。一作已信稀。詩紀云。一作稀。○本集。文苑英華二百。樂府詩集四十。詩紀八十八。又類聚四十二引攀、崗、還、輝、肥、歸、稀七韻。

詩

重光詩并序○以下四言。

重光。儲后宣制義也。

赫赫重光。明明二聖。帝作儲述。禮和樂正。中衢置樽。本集字缺。高堂懸鏡。其酌不窮。其明逾盛。德音孔昭。民胥攸詠。明明二聖。赫赫重光。風神灑落。容止汪洋。瞻彼談扇。載抑載揚。何斯天辯。如圭如璋。顏閔函席。游夏升堂。以卿以士。惟公惟王。思媚儲后。顧哉樂康。芃芃黍苗。陰雨膏之。詵詵纓冕。儲王道

詩紀作導。之。道之以禮。齊之以仁。禮則探聖。言則窮神。訓于四國。覃于萬民。○本集。類聚十六。詩紀八十八。

侍宴樂遊林光殿曲水詩

蒸哉軒頊。赫矣堯心。女媧補石。重華紮本集。類聚作棄。詩紀云。一作棄。金。湯羅禹扇。義瑟農琴。皇乎備矣。受命君臨。試舟五反。和樂九成。鈎楯秘戲。協律新聲。丹杯水激。縫彩類聚作絳采。葩類聚作坯。本集字缺。榮。天吳還往。海若逢迎。○本集。類聚四。詩紀八十八。

奉和簡文帝太子應令詩以下五言。

太子天下本。元良萬國初。學記作邦。貞。周朝推上嗣。漢代類聚作世。紀本集作懸。類聚作懸。初學記、文苑同。重明。前星涵瑞彩。洊雷揚遠聲。三善傳文苑作得。樂正。百行紀司成。九流遍類聚作通。是。已辨。七經咸所精。博聞強子政。高才陵長卿。禮遵本集、初學記作尊。是。逾屈已。德盛益卑情。仙氣本集作菊。文苑同。貽初學記作胎。詩紀云。一作胎。鍾相。儒道推桓榮。延賢博望苑。視膳長安城。園綺隨金輅。浮丘侍玉笙。智囊前斂初學記作殿。笏。端士後垂纓。九仙良所重。四類聚作國。海更誰類聚作東。傾。初學記作輕。本集、文苑作垂纓。班輸文苑作輸。同策類聚作舉。文苑作笨。乘。甲館齊蓬瀛。本集作衡。文苑同。○本集。類聚十六作奉和簡文帝太子詩。初學記十作奉和太子詩。文苑英華百七十九。詩紀八十八。

三日侍皇太子曲水宴詩

二龍巡夏代。八駿馭周朝。豫遊光帝則。樂飲盛民謠。皇儲遵洛禊。濫觴追灞橋。掌被開神籙。司馬動鑾鑣。周旗交采眊。晉鼓雜清簫。旌宮臨廣隰。藻衛爍巖椒。蘭樽沿曲岸。靈若泝迴潮。○類聚四。詩紀八十八。

奉和六月壬午應令詩

玄圃棲金碧。靈澗挹本集作沔。歲時雜詠作抱。文苑云。一作抱。琨瑤。築山圖碣岫。穿池控文苑作類。海潮。雷奔石鯨動。水闊牽牛遙。乘黿歲時雜詠誤作葉龜。猶怯渡。鞭石詎成。文苑作遂成。注云。一作類鳥。橋。岸歲時雜詠作崖。文苑同。崩下生窟。歲時雜詠誤作屈。壁峭上干霄。噪蛙歲時雜詠作鳥。常獨沸。游魚或自跳。荒徑橫臨浦。空舟斜歲時雜詠誤作釵。插橈。愁鴟集古。歲時雜詠誤作沾。樹。白鷺隱青苗。神心重丘壑。散歲時雜詠作微。步文苑云。一作微。按應是散之異文。懷漁樵。石累元卿徑。枝挂許由瓢。伊臣本寂寞。歲時雜詠作默。文苑云。一作默。由來畏市朝。爲貪止歲時雜詠作上。山水。本集作山水心。文苑同。所競文苑作意。惟逍遙。寄言周伯況。文苑作沅。勞君擅穀綃。歲時雜詠作穀操。○本集。古今歲時雜詠四十四。文苑英華百七十九。詩紀八十八。

登覆舟山望湖北詩

紫川通太液。丹岑連類聚作聯。少華。堂皇更隱映。松灌雜交加。荇蒲浮新葉。漁舟繞落花。浴童競廣文選作

争。淺岸。漂女擇平沙。極望傷春日。迴車歸狹斜。○本集。類聚二十八。廣文選九作望湖北詩。詩紀八十八。

帆渡吉陽洲詩孝儀同賦。

江風類聚作潮。詩紀云。一作潮。凌曉本集作晚。類聚、文苑同。急。鉦鼓候晨催。幸息榜人唱。聊望高帆開。聯村倏忽盡。循汀俄頃回。疑是傍洲退。似覺前山來。將與圖南競。誰云勞汭洄。○本集。類聚二十七。文苑英華二百八十九。詩紀八十八。

出新林詩

芒山眠類聚作眠。洛邑。函谷望秦京。遙分承露掌。遠見長安城。故鄉已可識。遊子必勞情。霧罷前林類聚作村。廣文選同。見。詩紀云。一作曠。風息涌川平。坐觀暮潮落。漸見夕煙生。無由一羽化。徒想御風類聚作風御。廣文選同。輕。○類聚二十八。廣文選九。詩紀八十八。

都詩紀從類聚作都。誤。縣遇見人織率爾寄婦詩

妖姬含怨情。織素本集作緯。注云。一作素。起秋聲。度梭環玉動。踏躡佩珠鳴。類聚作明。經稀本集作移。疑杼澁。緯斷恨絲輕。葡萄始欲罷。鴛鴦猶未成。雲棟共徘徊。紗窗相向開。窗疏眉語度。紗輕眼笑來。嚙嚙本集作籠籠。詩紀同。隔淺紗。的的見粧華。鑲玉同心藕。本集作帶。詩紀云。一作帶。雜玉臺作列。寶連枝本集作樹。花。紅衫類

聚作巾。向後結。金簪臨鬢斜。機頂挂流蘇。機旁垂結珠。青絲引伏兔。黃金繞鹿盧。豔彩裾邊出。芳脂口上渝。百城交問遺。玉臺作道。五馬共踟蹰。直爲閨中人。守故不要新。夢啼漬花枕。覺淚濕羅巾。獨眠真自難。重衾猶覺寒。愈玉臺作逾。本集、類聚作玄。憶凝脂暖。本集作緩。類聚同。彌想橫陳。類聚作塵。誤。歡。行驅金絡騎。歸就城南端。城南類聚作南端。稍有期。想子亦勞思。羅襦本集作禱。詩紀作衣。久應罷。花釵堪更治。新粧莫本集作不。類聚同。點黛。余還自畫眉。○本集。玉臺新詠八。類聚六十五作在鄰縣遇見人織寄婦詩。詩紀八十八。

侍宴賦得龍沙宵月明詩

鵲飛空繞樹。月輪殊未圓。嫦娥望不出。桂枝猶隱殘。落照移樓影。浮光動塹瀾。櫪馬悲笳玉臺作羌。吹。城烏啼塞寒。傳聞機杼妾。愁余衣服單。當秋絡玉臺作終。已脆。銜啼織復難。斂眉雖不樂。舞劍強爲歡。請謝函關吏。行當封玉臺作泥。一丸。○本集。玉臺新詠八。詩紀八十八。

奉和晚日詩

虬簷挂珠箔。虹梁卷霜本集作霧。詩紀同。綃。迷迭涵香長。芙蓉逐浪搖。飛輪搏本集作轉。羽扇。翻車引落潮。甘泉推激水。迎風慙本集作愁。遠颺。寄言王待詔。因聲張子僑。吾君安已樂。無勞誦洞簫。○本集。類聚五。詩紀八十八。

和皇太子春林晚雨詩

雲樹交爲密。雨日共成虹。雷類聚作電。舒長男氣。枝搖少女風。葉珠隨類聚作垂。文苑同。滴水。簷繩下溜空。
蝶濡飛不颺。花沾色更紅。明離信養德。能事畢春宮。誰堪偶鳳吹。唯有浮丘公。○本集。類聚二。文苑英華百五十三。詩紀八十八。

行還值雨又爲清道所駐詩

齊楚磬本集作盤。文苑同。石貴。韓吳異姓王。俱乘早朝罷。相隨出建章。喧呼驚里閭。叫吽本集作吼。駭康莊。
卓騶同隼擊。青橐似本集作以。鷹揚。掖門南北遠。複道東西長。旛旗爭絡繹。官騎鬱相望。微風生柴傳。輕
雨潤帷裳。油衣分文苑作紛。競道。小蓋列成行。八舍便繁密。五營輿服本集誤作輿復。光。迴車避司隸。俄軒
揖內郎。況余白屋士。自依詩紀云。一作休。卑路傍。日月雖臨照。仄陋難明敷。早榮羞日及。晚知慚豫章。徒
抱凌雲志。文苑作意。終愧摩天翔。安能久淪辱。圖南會有方。○本集。文苑英華百五十三。詩紀八十八。

望雨詩

清陰蕩暄濁。飛雨人階廊。瞻空亂無緒。望雷耿初學記作珥。成行。交枝含曉本集作晚。類聚同。潤。雜葉帶新
光。浮芥本集作界。離還聚。沿漚滅復張。浴禽飄落毳。風本集作月。類聚作亂。荇散餘香。璫文苑作瓊。綃挂繡幕。

象簾列華牀。侍童拂羽扇。厨人奉盪漿。本集作觴。詩紀云。內則。有漿有盪。注。盪。涼也。寄言楚臺客。雄風詎獨涼。
○本集。文苑英華百五十三。詩紀八十八。又類聚二。初學記二並引廊、行、光、張、香、涼六韻。

苦暑詩

暮日本集作日暮。文苑同。苦炎溽。遷坐接階。本集、文苑作長。廊。月麗姮娥影。星含織女光。棲禽動夜竹。本集作行。流螢出閣牆。香盤糝鮮。文苑云。一作鱗。粉。雕壺。文苑作臺。注云。一作壺。承玉。本集作蔗。漿。白羽徒垂。文苑作搖。握。
本集作幄。綠類聚作淥。水自周堂。弱紈猶覺重。織絺尚。文苑作向。少涼。弄風思漢朔。戲雨憶吳王。玄冰。文苑作水。術難驗。赤道漏猶長。誰能更吹律。還令黍。本集作暑。谷涼。○本集作苦熱。類聚五。文苑英華二百十。詩紀八十八。

奉和逐涼詩

鐘鳴夜未央。避暑起徬徨。長河似曳素。明星若散璫。倚巖欣石冷。臨池愛水涼。月纖張敞畫。荷妖韓壽香。對此遊清夜。何勞娛洞房。○本集。類聚五。詩紀八十八。

望棲鳥詩

夕鳥。文苑作鳥。詩紀云。一作鳥。飛。文苑作亂。參差。單雄雜寡雌。聯翩歸葉裏。出沒噪林垂。爭棲時易樹。驚飛忽度枝。雖無繫書重。亦有含纓。文苑作櫻。疲。以茲憔悴力。重逢輕薄兒。珠丸蘇合。文苑誤作含。彈。金繳青絲縻。

豈意翩翩羽。遂免更羸危。人懷欣得地。依林竊願知。○本集。文苑英華三百二十九。詩紀八十八。

和簡文帝臥疾詩

玉躬耗寒暑。羣望崇珪璧。仁祀盛黃縑。禮壇優紺席。億均楚疾愈。俄同宋年益。豈勞誦賦臣。寧用觀濤客。○本集。類聚七十五。詩紀八十八。

賦得曲澗詩

澗流本集作深。急易轉。溪竹本集作水。暗難開。近樓俄已失。前洲忽復迴。石岸生寒蘚。沈根漬水苔。菱舟失道去。歸鳥迷徑來。○本集。類聚九。詩紀八十八。

奉和湘東王應令詩二首

春宵

花開人不歸。本集作掃。節暖衣須本集作隨。變。迴釵挂反環。拭淚繩春線。本集字缺。今夜月輪圓。胡兵必應戰。○本集。類聚三十二。詩紀八十八。

冬曉

妾家邊洛城。慣識曉鐘聲。鐘聲猶未盡。漢使報應行。天寒硯冰玉臺作水。本集、類聚同。凍。心悲書不成。○本

集。玉臺新詠八。類聚三十二。詩紀八十八。

詠織女詩

金鈿已照耀。白日未蹉跎。欲待黃昏至。含嬌渡淺河。○本集。玉臺新詠十作劉孝儀。類聚四。初學記四。又古今歲時雜詠二十五、御覽三十一、萬花谷後四俱作劉孝儀。詩紀八十八。

七夕穿針詩和簡文。

縷亂恐風來。衫輕羞指現。歲時雜詠作見。故穿雙眼針。特類聚作持。歲時雜詠、詩紀同。歲時廣記作時。本集同。縫合歡扇。○本集。類聚四。初學記四。古今歲時雜詠二十五。歲時廣記二十六。詩紀八十八。

九日酌菊酒詩

露初學記作霜。歲時雜詠同。花疑始摘。羅衣似適薰。本集作自適重。餘杯度不取。欲持嬌使初學記作向。歲時雜詠同。君。○本集。類聚四。初學記四。古今歲時雜詠三十三。詩紀八十八。

賦得鳴棘應令詩

雜扇雖俱斂。交行忿自分。轉袖時繞腕。揚履自開裙。○初學記十六。詩紀八十八。

和定襄侯初筭詩

合鬢仍昔髮。畧髮卽前絲。從今一梳罷。無復更縈時。○玉臺新詠十。詩紀八十八。

古體雜意詩

朝日大風霜。寄事是交傷。葉落枝柯淨。當自起綦張。○玉臺新詠十。詩紀八十八。

詠佳麗詩

可憐將可念。可念直千金。唯言有一恨。恨不遂玉臺作逐。人心。○玉臺新詠十。詩紀八十八。

望隔牆花詩

隔牆花半隱。猶見動花枝。當由美人摘。詎止春風吹。○本集。類聚八十八。詩紀八十八。

枯葉竹詩

枯楊猶更綠。臥柳尚還生。勿嫌鳳不至。終當待聖明。○本集。類聚八十九。詩紀八十八。

和簾裏燭詩

開關簾影出。參差風焰斜。浮光燭綺帶。凝滴汗垂花。○類聚八十。詩紀八十八。

詠剪綵花詩二首

葉舒非漸歲時雜詠作術。大。花發是初類聚作家。開。歲時雜詠作花是發家開。無論人歲時雜詠作家人論。訝似。蜂見也爭來。○類聚八十八。古今歲時雜詠三。詩紀八十八。

淺深依樹色。舒卷聽人裁。假令春色度。經著手中開。○古今歲時雜詠三。詩紀八十八。

楔飲嘉樂殿詠曲水中燭影詩七言

火浣花心猶未長。金枝密焰已流芳。芙蓉池畔涵停影。桃花水脉引行光。○類聚八十。詩紀八十八。

賦得香出衣詩雜言

香出衣。步近氣逾飛。博山登高用鄴錦。含情動歷比洛妃。香纓麝帶縫金縷。瓊花玉勝綴珠徽。蘇合故年微恨歇。都梁路遠恐非新。猶賢漢君芳千里。尚笑荀令止三旬。○類聚六十七。詩紀八十八。

梁詩卷十九

蕭子雲

子雲。字景喬。子顯弟。齊建武四年。封新浦縣侯。梁天監初。遷丹陽郡丞。大通三年。復遷臨川內史。還除散騎常侍。歷侍中、國子祭酒。出爲東陽太守。太清三年。侯景亂。奔晉陵卒。有晉書百二十卷、東宮新紀二十卷、集十九卷。

東郊望春洲王建安雋晚遊詩

金塘綠泉滿。上園梨蕊落。蛟蝶戀殘花。黃鶯對妖文苑作餘。詩紀云。一作餘。萼。芳菲滿郊甸。惠風生蘭薄。子家冠蓋里。我館幽棲郭。綠楊垂類聚字缺。文苑作柳蔭。長溪。便橋限清洛。相去能幾許。一水終疏索。○類聚三十一。文苑英華二百四十。詩紀八十五。

贈海法師遊甌山詩

真類聚作直。文苑、廣文選同。心好丘壑。偏悅幽棲人。忽聞甌山旅。萬文苑作萬。注云。一作嵩。里自相親。沈類聚作沉。廣文選同。寥晚霖霽。重疊晴雲新。秋至蟬鳴柳。風高露文苑作路。起塵。動余憶山思。惆悵惜荷巾。○類聚三

十一。文苑英華二百十九。廣文選九作贈海法師。詩紀八十五。

落日郡西齋望海山詩

漁舟暮出浦。漢女採蓮歸。夕雲向山合。詩紀云。一作浦歛。水鳥望田飛。蟬鳴早秋至。蕙草無芳菲。故隱天山北。夢想日依依。○類聚二十八。詩紀八十五。

寒夜直坊詩紀作芳。憶袁三公詩

滴滴雨鳴階。愔愔茲夜靜。風落宜猷樹。寒凋文苑作洞。承光屏。高帷曉獨類聚作獨曉。文苑同。垂。華燭夜空冷。文苑作華燈空夜罔。詩紀云。一作罔。所思不相見。方知寒漏永。○類聚三十一。文苑英華百九十。詩紀八十五。

贈吳均詩

欲知健少年。本來文苑作年。最輕黠。綠沈弓項縱。紫艾刀橫拔。誰持命要寵。寧知敵可殺。有功終不言。明君自應察。○文苑英華二百四十七。詩紀八十五。

春思詩

春風蕩羅帳。餘花落鏡奩。池荷正卷葉。庭柳復垂簷。詩紀云。一作簾。竹柏君自改。團扇妾方嫌。誰能憐故

素。終爲泣新縑。○類聚三十二。詩紀八十五。

蕭子暉

子暉。字景光。子雲弟。起家員外散騎侍郎。累遷至驃騎長史。有集九卷。

春宵詩

夜夜妾偏棲。百花含露低。蟲聲繞春岸。月色思空閨。傳類聚作倩。語長安驛。辛苦寄遼西。○類聚三十二。詩紀八十五。

冬曉詩

步欄光欲通。曙鳥向西東。燭滅傳餘氣。帷香開曉風。繁花無處盡。還銷寒鏡中。○類聚三十二。詩紀八十五。

應教使君春遊詩

上林看草色。河橋望日暉。洛陽城閉晚。金鞍橫路歸。○類聚二十八。廣文選九。詩紀八十五。

隴頭水

天寒隴水急。散漫俱分瀉。北注徂黃龍。東流會白馬。○顏氏家訓文章篇。

何敬容

敬容。字國禮。廬江人。尚齊武帝女。拜駙馬都尉。入梁。累遷尚書令。參選事。太清三年卒。

詠舞詩

因風且一顧。揚袂隱雙蛾。曲終情未已。含睇目增波。○初學記十五。詩紀九十。

伏挺

挺。字士操。一云士標。平昌安丘人。爲五言詩善效康樂體。天監中。除中軍參軍。遷侍御史。侯景亂中卒。有邇說十卷、集二十卷。

行舟值早霧詩

水霧文苑誤作露。雜山煙。冥冥不見類聚作見曉。萬花谷同。天。聽猿方付岫。聞瀨文苑作籟。始知川。漁人惑初學記誤作或。文苑作感。澳類聚作隩。詩紀云。一作隩。浦。行舟迷沂沿。日中氛初學記作氣。靄盡。空水共澄鮮。○類聚二。初學記二及文苑英華百五十六作行舟遇早霧。萬花谷後二作伏挺詩。詩紀九十一。

江從簡

從簡。濟陽考城人。位司徒從事中郎。侯景亂。爲任約所害。

採蓮諷 一作採荷調。

樂府廣題曰。梁太尉從事中郎江從簡。年十七。有才思。時何敬容爲宰相。從簡爲採荷調以刺之。敬容覽之。不覺嗟賞。愛其巧麗。

欲持若溪叢話作採。荷作柱。荷弱不勝梁。欲持荷作鏡。荷暗本無光。○樂府詩集七十五。若溪漁隱叢話後一。詩紀九十。

劉邈

邈。彭城人。曾爲侯景所得。景攻臺城不克。邈勸景乞和全師。景然之。

折楊柳

高樓十載別。楊柳擢樂府作濯。絲枝。摘葉驚開駛。攀條恨久離。年年阻音息。玉臺作信。詩紀云。一作信。月月減容儀。春來誰不望。相思君自知。○玉臺新詠八。類聚八十九。樂府詩集二十二。詩紀八十八。

萬山見採桑人詩

倡妾類聚作女。文苑云。一作女。不勝愁。結束下青樓。逐伴西蠶。文苑作城。樂府、詩紀同。詩紀又云。一作郊。路。相攜南。玉臺作東。陌頭。葉盡時移樹。枝高乍樂府云。一作任。易鈎。絲繩挂樂府作提。注云。一作掛。且脫。金籠寫復樂府作仍。文苑同。又注。一作復。收。蠶飢日已。文苑、樂府作欲。暮。類聚作暝。詎樂府作誰。文苑同。又注。一作詎。爲使君留。○玉臺新詠八。類聚八十八。文苑英華二百八及樂府詩集二十八作採桑。詩紀八十八。

見人織聊爲之詠

纖纖運玉指。脉脉正蛾眉。振躡開交縷。停梭續斷絲。檐花照初月。類聚作檐前初月照。洞戶垂朱玉臺作未垂。詩紀同。帷。弄機行掩淚。翻類聚作彌。令織素遲。○玉臺新詠。類聚六十五作徐陵詠織婦詩。詩紀八十八。

秋閨詩

螢飛綺窗外。妾思霍將軍。燈前量獸錦。檐詩紀作簾。注云。一作簷。下織花紋。墜露如輕雨。長河似薄雲。秋還百種事。衣成未暇薰。○玉臺新詠八。類聚三十二。詩紀八十八。

徐摛

摛。字士秀。一字士績。東海郟人。天監中爲晉安王侍讀。王爲皇太子。轉家令。出爲新安太守。還爲中庶子。除太子左衛率。大寶元年。簡文帝卽位。授左衛將軍。不拜卒。年七十八。摛文體既別。及爲家令。所撰篇什。東宮盡學之。遂有宮體詩之號。

胡無人行

列詩紀云。一作刻。楹登魯殿。擁絮拭胡妝。猶將漢閨曲。誰忍奏氈房。遙憶甘泉夜。閨淚斷人腸。○樂府詩集四十。詩紀八十九。

詠筆詩

本自靈山出。名因瑞草傳。纖端奉白帖。作功積潤。弱質散芳煙。直寫飛蓬牒。詩紀云。一作引。橫承落絮。類聚作繡。篇。一逢提初學記作掌。詩紀云。一作掌。握重。寧憶仲升捐。○初學記二十一。詩紀八十九。又類聚五十八引煙、篇、捐三韻。白帖四作筆。引一句。

詠橘詩

麗樹標江浦。結翠似芳蘭。焜煌玉衡散。照曜金衣丹。愧以無雕飾。徒然登玉盤。○類聚八十六。詩紀八十九。

壞橋詩

匝欄生閭薜。覆板沒魚衣。岸曲斜梁阻。類聚作咀。何時香步歸。○類聚九。詩紀八十九。

賦得簾塵詩

朝逐珠胎卷。夜傍玉鈎垂。恆教羅袖拂。不分秋風吹。○類聚六。詩紀八十九。

劉孝儀

孝儀。字子儀。本名潛。字孝儀。孝綽之弟。天監五年。舉秀才。累遷尚書殿中郎。補太子洗馬。出爲陽羨令。擢建康令。大同中爲中書郎。歷司徒右長史、尚書左丞、御史右丞、臨海太守。中大同初。入守都官尚書。太清初。出爲豫章內史。侯景逼建業。孝儀遣子勵率兵入援。及宮城陷落。失郡。大寶元年病卒。時年六十七。有集二十卷。

從軍行

冠軍親挾類聚作俠。文苑、樂府同。射。長平自合圍。詩紀誤作關。木落雕弓燥。氣秋征馬。詩紀作雁。肥。賢王皆屈膝。幕府復申威。何謂從軍樂。往返速如飛。○類聚五十九作劉孝義。文苑英華百九十九。樂府詩集三十二作劉孝義。詩

紀八十七。

和昭明太子鍾山解講詩

詔詩紀云。一作詔。樂臨東序。時駕出西園。雖窮理遊盛。終爲塵俗喧。豈如弘七覺。揚鸞啓四門。夜氣清簫管。曉陣爍郊原。山風亂采眊。初景麗文輶。林開前騎騁。逕曲羽旄屯。煙壁浮青翠。石瀨響飛奔。迴輿下重閣。降道訪真源。談空匹泉涌。綴藻邁弦繁。輕生逢遇誤。並作輩龍鵠。顧已同偏爵。何用挹衢樽。○廣弘明集三十。詩紀八十七。又類聚七十六引園、喧、門、原、輶、屯、奔、源、繁、鵠十韻。

和簡文帝賽漢高廟詩

珪幣崇明祀。牲樽禮貴神。風驚如集廟。光至似來陳。徘徊靈駕入。叫吽倡歌新。將言非爲己。致敬乃祈民。多才與多事。今古獨爲鄰。○類聚七十九。詩紀八十七。

行過康王故第苑詩

入梁逢故苑。度薛文苑作渡薛。見劉集作想。餘宮尚識招賢閣。猶懷愛士風。靈光一超遠。劉集作曠。衡文苑作行。館亦劉集作遠館復。蒙籠。文苑作復蒙籠。洞門餘舊色。甘棠留故文苑作昔。叢。送禽悲不去。過客慕劉集誤作暮。難窮。池竹徒如在。林堂暖初學記。文苑誤作暖。已空。遠橋文苑作樓。劉集同。隔樹出。迴文苑作迴。澗隱岸文苑作崖。

劉集同。通。芳流小山桂。塵起大王風。具物咸如此。是地劉集作故。感余衷。空想陵文苑作靈。前劍。徒悲壘上童。劉集作桐。文苑同。又注云。一作童。詩紀云。一作桐。○劉孝威集作過康王第宅。文苑英華二百七作過康王第宅。詩紀八十七。又初學記十引宮、風、籠、叢、窮、空、通、風、衷九韻。

閨怨詩

本無金屋寵。長作玉階悲。一乖西北麗。寧復城南期。永巷愁無歇。詩紀云。玉臺作盡。應門閉有時。空勞織詩紀作織。素巧。徒爲團扇詞。匡牀終不共。何由橫自私。○類聚三十二。詩紀八十七。

帆渡吉陽洲詩 孝威同賦。

揚帆乘浪華。操類聚作噪。馮校作操。文苑作參。鼓要類聚作揚。文苑云。類聚作噪鼓揚。風力。近樹儵而遐。遙山俄已逼。欲比驚文苑作擊。龍掣。將頓陽鳥文苑作鳥。翼。客行悲道遠。唯須前路極。○類聚二十七。文苑英華二百八十九作帆渡吉陽州。詩紀八十七。

詠簫詩 詩紀云。英華作孝綽。今從藝文作孝儀。

危聲合鼓吹。初學記作歌鼓。文苑同。絕弄混笙箎。管饒初學記作簫。知氣促。釵類聚、初學記誤作紘。動覺唇移。簫類聚作仙。文苑同。詩紀云。一作仙。史安爲貴。能令秦女隨。○類聚四十四。初學記十六。文苑英華二百十二作劉孝綽。注云。一作

儀。詩紀八十七。

詠織女詩

金鈿已照曜。白日未蹉跎。欲待黃昏後。初學記作至。歲時雜詠、御覽、萬花谷同。含嬌渡淺河。○玉臺新詠十。類聚四及初學記四作劉孝威。古今歲時雜詠二十五。御覽三十一。萬花谷後四作劉孝儀詩。詩紀八十七。

詠石蓮詩

蓮名堪百萬。石姓重千金。不解無情物。那得似人心。○玉臺新詠十。詩紀八十七。

和詠舞詩

迴履裾香散。飄衫鈿類聚作釧。響傳。低釵依促管。曼初學記作慢。萬花谷同。睇人繁絃。○類聚四十三作和舞詩。初學記十五。萬花谷後三十二作劉孝儀詩。詩紀八十七。

又和

轉袖隨歌發。頓履赴絃餘。度行過接手。迴身乍歛裾。○類聚四十三。詩紀八十七。

舞就行詩

依歌移弱步。傍燭詩紀誤作竹。豔新粧。徐來翻應節。亂初學記作去。萬花谷同。去反成行。○類聚四十三。初學記十五。萬花谷後三十二。詩紀八十七。

蕭子範

子範。字景則。齊豫章王嶷之子。永明中。封祁陽縣侯。除太子洗馬。梁受禪。例降爵爲子。歷後軍記室參軍、司徒主簿。出爲建安太守。遷南平王從事中郎、臨賀王長史。出爲始興內史。遷秘書監。大寶元年。召爲光祿大夫。不拜卒。年六十四。有千字文一卷、集十二卷。

羅敷行

城南日半上。微步弄妖姿。含情動燕俗。顧景笑齊眉。不憂桑葉盡。還憶畏蠶饑。春風若有顧。惟願落花遲。○樂府詩集二十八。詩紀八十五。

夏夜獨坐詩

節序值初學記作遇。文苑同。徂炎。茲宵在三伏。憑類聚誤作馮。軒佇涼氣。中筵倦文苑誤作卷。煩燠。寂寞對空窗。

清疏臨夜竹。蟲音亂堦草。螢光類聚作花。初學記、文苑同。繞庭木。簾月度斜輝。風光起餘馥。一傷年志罷。長嗟逝波速。○類聚三。文苑英華百五十七。詩紀八十五。又初學記三引伏、煥、竹、木、馥五韻。

東亭極望詩

晚流稍東急。暝景促西暉。水鳥銜魚上。類聚作望。廣文選同。蓮舟拂芰歸。郊原共超遠。林野雜依菲。從君採蘿葛。寧復想輕肥。○類聚二十八。廣文選九。詩紀八十五。

春望古意詩

光景斜漢宮。橫梁照采虹。春情寄柳色。鳥語出梅中。氛氲門裏思。逶迤水上風。落花徒入戶。何解妾牀空。○類聚三。詩紀八十五。

望秋月詩

河漢東西陰。清光此夜出。人帳華珠被。斜筵照寶瑟。霜慘庭上蘭。風鳴簷下橘。獨見傷心者。孤燈坐幽室。○類聚一。文苑英華百五十二作望月愁。詩紀八十五。

落花詩

綠葉生半長。繁英早自香。因風亂胡蝶。未落隱鸝黃。飛來入斗帳。吹去上牙牀。非是迎冬質。寧可值秋

霜。○類聚八十八。詩紀八十五。

夜聽鴈詩

天月廣庭類聚作夜。文苑同。輝。遊雁犯霜飛。連翩辭朔氣。嘹唳獨南歸。夜長寒復靜。燈光暖欲微。悽悽不可聽。何況觸愁機。○類聚九十一。文苑英華三百二十八。詩紀八十五。

後堂聽蟬詩

試逐微風遠。聊隨夏葉繁。輕飛避楚雀。飲露入吳園。流音繞叢藿。餘響切高軒。借問邊城客。傷情寧可言。○初學記三十。文苑英華三百三十。詩紀八十五。

人元襄王第詩

伏軾窺東苑。收淚下文苑作上。玉橋。昔時方轂處。於今共寂寥。夾文苑云。一作竹。池猶裊裊。仙樹文苑作樹。尚迢迢。一同西靡柏。徒思芳樹蕭。○類聚三十四。文苑英華三百七。詩紀八十五。

歌七誘系此歌。

井上李兮隨風標。垂翠帷兮夜難曉。獨處廊兮心悄悄。懷素縷之雙針。願因之於三鳥。○類聚五十七。

武陵王蕭紀

紀。字世詢。武帝第八子。天監中。封武陵郡王、揚州刺史。復爲益州刺史。侯景亂。不赴援。僭號於蜀。改元大正。太清五年。衆潰。爲元帝將樊猛所殺。年四十六。有集八卷。

同蕭長史看妓詩紀云。初學記作劉孝綽。

燕姬奏妙舞。鄭女發清歌。迴羞出曼玉臺作慢。初學記同。臉。送態人嚙初學記作頻。蛾。寧殊值初學記作遇。文苑作遇。萬花谷同。行雨。詎減見凌波。想君愁日暮。初學記作落。文苑、萬花谷同。文苑又注。集作落日。應羨魯陽戈。○玉臺新詠七。初學記十五作劉孝綽同武陵王看妓。文苑英華二百十三作劉孝綽武陵殿下看妓。萬花谷後三十二作劉孝綽詩。詩紀七十一。

和湘東王夜夢應令詩

昨夜夢君歸。賤妾下鳴機。懸知意氣玉臺作君意。薄。不著去時衣。故言如夢裏。賴得雁書飛。○玉臺新詠七。類聚三十二作夜夢詩。詩紀七十一。

曉思詩

詩紀作曉色。

晨禽爭學囀。朝花亂欲開。爐煙入斗帳。屏風隱鏡臺。紅粧隨淚盡。類聚作幾盡淚。蕩子何時迴。類聚作當來。○

玉臺新詠七。類聚三十二作梁簡文帝。詩紀七十一。

明君詞 一作昭君辭

塞外無春色。邊城有風文苑作風。霜。誰堪覽明鏡。持許照紅妝。○文苑英華二百四作昭君怨。樂府詩集二十九。詩紀七十一。

閨妾寄征人

斂色金星聚。縈悲玉筍流。願君看海氣。憶妾上高樓。○玉臺新詠七。詩紀七十一。

詠鵲

欲避新枝滑。還向故巢飛。今朝聽文苑作數。聲喜。家信必應歸。○初學記三十。文苑英華三百二十八。詩紀七十一。

梁詩卷二十

梁簡文帝蕭綱

綱。字世纘。武帝第三子。天監六年。封晉安王。歷南兗州刺史、丹陽尹、荊州刺史、江州刺史。普通中。歷南徐州刺史。中大通初。徵爲揚州刺史。三年五月。立爲皇太子。太清三年五月卽位。明年。改元大寶。太清五年爲侯景所弑。年四十九。追諡曰簡文皇帝。有集八十五卷。

樂府

上之回

前旆拂回中。後車臨樂府作隅。桂宮。輕絲駐樂府作臨。雲罕。春色繞川風。桃林方灼灼。柳路日曛曛。笳聲駭胡騎。清磬警山戎。微臣今拜手。願帝永無窮。○樂府詩集十六。詩紀六十七。

採桑

春色映空來。先發院文苑作水。注云。一作院。邊梅。細萍重疊長。新花歷亂開。連珂往類聚作住。淇上。文苑作連理。傍淇水。注云。一作連珂往淇上。接幘至叢臺。叢臺可憐妾。當窻望飛蝶。忌跌文苑作跌。行衫領。熨斗成褫褊。文苑

作裙攝。又注。一作襦攝。又作裾攝。詩紀云。一作裙攝。下牀著珠珮。捉鏡安花鑷。薄晚畏蠶饑。競採春桑葉。寄語採桑伴。訝今春日短。枝高攀文苑作手。不及。葉細籠難滿。年年文苑云。一作年少。將使君。歷亂遣相聞。欲知琴裏意。還贈錦中文。何當照梁日。還作入山雲。重門皆已閉。方知留客文苑作客留。袂。可憐黃金絡。復以文苑作似。青絲繫。必也爲人時。誰令畏夫婿。○文苑英華二百八。詩紀六十七。又類聚八十八及樂府二十八並引梅、開、臺、蝶、攝、短、滿七韻。

樂府三首

蜀國絃歌篇十韻

銅梁指斜谷。一作望絕國。劍道望文苑作臨。中區。通星上分野。作固文苑作國。下爲玉臺作爲下。都。雅歌因文苑作固。良宋。妙舞自巴渝。文苑作飲。陽城嬉樂所。文苑作盛。劍騎鬱相趨。五婦行難至。百兩好遊娛。牲祈望帝祀。酒酌文苑作醉酌。蜀侯姝。玉臺作誅。江妃納重聘。卓女文苑作真。愛玉臺作受。將雛。停弦時擊玉臺作繫。爪。詩紀繫介。息吹更治文苑作路治唇。朱。脫玉臺作春。文苑同。衫前錦浪。迴扇避陽烏。聞君握節文苑誤作道。返。賤妾下城隅。○玉臺新詠七。文苑英華二百一作蜀國吟。詩紀六十七。

豔歌篇十八韻詩紀云。一作有女篇。

凌晨光景麗。倡女鳳樓中。前瞻削成小。傍望卷旌空。分妝問淺靨。繞臉傅斜紅。張琴未調軫。飲吹不全

終。自知心所愛。出入仕秦宮。誰言連尹玉臺作伊。屈。更是莫敖通。輕軺綴皂蓋。飛轡轆雲驄。金鞍隨繫尾。銜璣映纏駮。戈鏤荆山玉。劍飾丹陽銅。左把蘇合彈。旁持大屈弓。控絃因鵠血。挽強樂府作彊。詩紀云。一作彊。用牛螭。弋獵多登隴。酣歌每人豐。暉暉隱落日。冉冉還房櫳。燈生陽燧火。塵散鯉魚風。流蘇時下帳。象簟復韜筒。霧暗窗前柳。寒疏井上桐。女蘿托松際。甘瓜蔓井東。拳拳恃玉臺作特。君愛。玉臺作寵。樂府同。歲暮望無窮。○玉臺新詠七。樂府詩集三十九。詩紀六十七。

妾薄命篇十韻

名都多麗類聚作雅。文苑同。質。本自恃容姿。蕩子行未類聚作不。文苑同。又注。一作未。至。秋胡無定期。玉貌歇紅臉。類聚作縷。文苑同。又注。一作臉。長輝串文苑作慣。翠眉。奩玉臺作斂。鏡迷朝色。縫鍼文苑作針縫。注云。一作縫鍼。脆故絲。本異搖舟咎。何關竊席疑。生離誰拊背。溘死詎來樂府作成。遲。玉類聚作毛。嬌貌本絕。踉蹌人氈帷。盧姬嫁日晚。非復少文苑作妙。注云。一作少。年樂府云。一作年少。時。轉玉臺作傳。山猶可遂。文苑作遂。注云。一作逐。烏白望難期。詩紀云。一作追。妾心徒自苦。旁人會見嗤。○玉臺新詠七。文苑英華二百七作妾薄命篇。樂府詩集六十二作妾薄命。詩紀六十七。又類聚四十一作妾薄命行。引姿、期、眉、惟、時五韻。

君子行

君子懷琬琰。不使涅塵淄。從容子雲閣。寂寞仲舒帷。多謝悠悠子。管窺良可悲。○類聚四十一。樂府詩集三十

二。詩紀六十七。

從軍行

貳師惜善馬。樓蘭貪漢財。前年出右地。今歲討類聚作謝。輪臺。魚雲望旗聚。龍沙隨陣開。冰城朝浴鐵。地道夜銜枚。將軍號令密。天子璽書催。何時反舊里。遙見下機來。○類聚四十一。樂府詩集三十二。

雲中亭障樂府云。一作嶂。文苑作嶂。注云。一作障。羽檄驚。甘泉烽火通夜文苑作夜深。注云。一作通夜。明。貳師將軍新

築營。嫖姚校尉初出征。復有山西將。絕世愛玉臺作受。文苑同。又注。一作愛。樂府云。一作受。雄名。三門應遁甲。

五壘學神兵。白雲隨陣類聚作旆。文苑、樂府云。一作旆。色。蒼山答鼓聲。邈迤樂府作逶迤。觀鵝翼。參差睹雁行。邈

迤二句文苑在侍婢句下。先平小月陣。文苑作障。却滅大宛城。善馬還長樂。黃金付水衡。小婦趙人能鼓瑟。侍婢

初笄解鄭聲。庭前柳文苑云。一作桃花。又作柳絮。絮玉臺作桃花。詩紀同。樂府云。一作桃花。文苑作花。飛已類聚作欲。文苑

同。樂府云。一作欲。合。必應紅妝起見文苑云。一作來起。迎。樂府作來起迎。注云。一作起見迎。○玉臺新詠九作雜句從軍行。類

聚四十一。文苑英華百九十九。樂府詩集三十二。詩紀六十七。

長安有狹斜行

長安有徑塗。塗樂府作徑。徑不通輿。道逢雙總舛。扶輪問我居。我居青門北。可憶復易尋。樂府作津。大息騫金勒。中息縮樂府作割。黃銀。小息始得意。黃頭作弄臣。三息俱入門。雅志揚清塵。三息俱上堂。觴肴滿四

陳。三息俱入戶。照耀光容新。大婦舒綺綉。中婦拂羅巾。小婦最容冶。映鏡學嬌顰。丈人且安坐。清謳出絳唇。○樂府詩集三十五。詩紀六十七。

泛舟橫大江

魏文帝飲馬長城窟行曰。泛舟橫大江。討彼犯荆虜。

滄波白日暉。遊子出王畿。旁望重山轉。前觀遠帆稀。廣水浮雲吹。江風引夜衣。旅雁同洲宿。寒鳧夾浦飛。行客誰多病。文苑作興。詩紀云。一作興。當念早旋歸。○文苑英華百九十三。樂府詩集三十八。詩紀六十七。

隴西行三首

邊文苑作仲。注云。一作邊。秋胡馬肥。雲文苑云。一作雪。中驚寇人。勇氣特類聚。文苑作時。文苑云。一作時。無侶。輕兵救邊急。沙平不見虜。嶂嶮文苑作轉。注云。一作嶮。詩紀云。一作轉。還相及。出塞豈成歌。經川未遑汲。烏孫塗更阻。康居路猶澁。月暈抱龍城。星流文苑作眉。類聚作眉星。照馬邑。長安路遠書不還。寧知征人獨文苑云。一作空。佇立。○類聚四十一。文苑英華百九十八。樂府詩集三十七。詩紀六十七。

隴西四戰地。羽檄歲時聞。護羌擁漢節。校尉立元文苑作功。勳。石門留鐵騎。冰城息文苑云。一作悉。夜軍。洗兵逢驟雨。送陣出黃雲。沙長無止泊。水脉屢縈分。當思勒彝鼎。文苑作漢鼎。又注。一作鼎。一作彝鼎。無用想羅裙。○文苑英華百九十八。樂府詩集三十七。詩紀六十七作泛舟橫大江。

悠悠懸旆旌。知向文苑作如何。隴西行。滅竈驅前馬。銜枚進後兵。文苑作軍。注云。一作兵。沙飛朝似幕。文苑作暮。注云。一作幕。雲起夜疑城。文苑作明。注云。一作城。迴山時阻路。絕水亟樂府作極。文苑云。一作極。稽程。往年郅支服。今歲單于平。方歡樂府作觀。凱樂盛。飛蓋滿西京。○同上

雁門太守行三首

輕霜中文苑作終。夜下。黃葉遠類聚作晚。文苑同。辭枝。寒苦春難覺。邊城秋易知。風急旂文苑作征。旗斷。塗長鎧馬疲。少解孫吳法。家本幽并兒。非關買雁肉。徒勞皇甫規。○類聚四十二作燕門太守歌。文苑英華百九十六。樂府詩集三十九。詩紀六十七。

隴暮風恆急。關寒霜自濃。櫜馬夜方思。文苑作飼。邊衣秋未重。潛師夜接戰。畧地曉摧鋒。悲笳動胡樂府作明。塞。高旗出漢墉。勤勞謝功樂府作公。業。清白報迎逢。非須文苑作頌。主人賞。寧期定遠封。單于如未繫。樂府作擊。終夜慕前蹤。○文苑英華百九十六。樂府詩集三十九。詩紀六十七。

三月楊花合。四月麥秋初。幽州寒食罷。鄭國採桑疏。便聞雁門戍。結束事戎車。寄語金閨妾。勿怨寒牀虛。○類聚四十二。

鷲軍攻日逐。燕騎蕩康居。大宛歸善馬。小月送降書。○顏氏家訓文章篇。○逮按。以韵斷之。此爲三月篇佚文也。

京洛篇詩紀云。樂府作煌煌京洛行。列鮑照後而逸作者之名。或以爲鮑照詩。非也。

南遊偃師縣。斜上瀟陵東。回瞻龍首堞。遙望德陽宮。重門遠照耀。天閣類聚作闕。復穹窿。樂府作隆。城傍疑
複樂府作復。道。樹裏識松風。黃河文苑、詩紀並云。一作沙。入洛水。丹泉繞射文苑作謝。熊。夜輪懸素魄。朝光樂府
作天。文苑同。又注。一作光。蕩碧空。秋霜曉驅雁。春雨暮樂府作暗。成虹。曲文苑作咸。注云。一作曲。陽造甲第。曲陽。
後漢外戚王根也。高安還禁中。劉蒼歸作相。竇憲出臨戎。此時車馬合。茲晨冠蓋通。誰知類聚作惟此。兩京盛。
歡宴遂無窮。○類聚四十二。文苑英華百九十二。樂府詩集三十九作煌煌京洛行。詩紀六十七。

擢歌行

妾家住文苑作住在。湘川。菱歌本自便。風生解刺類聚作榜。文苑云。一作榜。浪。水深能捉船。葉亂由牽荇。絲飄
爲折蓮。濺妝疑薄汗。沾衣似故前。浣紗流暫濁。汰錦色還鮮。參同文苑作伺。注云。一作同。趙飛燕。借問李延
年。從來人絃管。詎類聚作誰。樂府同。文苑、詩紀云。一作誰。在擢歌前。○類聚四十二。文苑英華二百三。樂府詩集四十。詩紀
六十七。

怨歌行

十五頗有餘。日照杏梁初。蛾眉本多嫉。掩鼻特成虛。持此傾城貌。翻爲不肖軀。秋風吹海水。寒霜依玉除。
月光臨戶駛。文苑作映。荷花依浪舒。望簷悲雙文苑作雙。翼。窺沼泣前魚。文苑、樂府作王餘。詩紀云。或作王餘。魚名
也。苔生履處沒。草合行人疏。裂紈傷不盡。歸骨恨難祛。早知長信別。不避後園輿。○文苑英華二百十一。樂府

詩集四十二。詩紀六十七。

美女篇

佳麗盡關情。風流最有名。約黃能效月。裁金巧作星。粉光勝玉靚。衫薄擬蟬輕。密態隨流臉。嬌歌逐軟聲。文苑作餘嬌逐語聲。注云。一作嬌歌逐軟聲。朱顏半已醉。微笑隱香屏。○文苑英華百九十三。樂府詩集六十三。詩紀六十七。

鬪雞篇

歡樂良無已。東郊春可遊。百花非一色。新田多異流。龍尾橫津漢。車箱起初學記作赴。戍樓。玉冠初警文苑作驚。敵。芥羽忽猜儔。十日驕既滿。九勝勢恆道。脫使田饒見。堪能說魯侯。○初學記三十。文苑英華二百六。詩紀六十七。又類聚九十一作鬪雞詩。引傳、道、侯三韻。

苦熱行

六龍驚不息。三伏起類聚作啟。文苑、樂府同。炎陽。寢興煩几案。俯仰倦幃牀。滂沱汗似鑠。文苑作瀹。注云。一作鑠。微靡文苑作霏微。風如湯。洄池愧玉類聚作生。文苑同。浪。蘭殿非含霜。細簾時半卷。輕幌乍橫張。雲斜花影沒。日落荷心香。願見洪崖井。詎文苑作誰。注云。一作詎。憐河朔觴。○類聚五作苦熱詩。文苑英華二百十作苦熱。樂府

詩集二十五。詩紀六十七。

茱萸女

茱萸生狹斜。結子復銜花。遇逢纖手摘。濫得映鉛華。雜與鬢簪插。偶逐鬢鈿斜。東西爭贈玉。縱橫來問家。不無夫婿馬。空駐使君車。○樂府詩集七十三。詩紀六十七。

棗下何纂纂

古咄喑歌曰。棗下何攢攢。榮華各有時。

垂花臨碧澗。結翠依丹巘。非直入游宮。兼期植靈苑。落日芳春暮。遊人歌吹晚。弱刺引羅衣。朱實凌還幘。且歡洛浦詞。無羨安期遠。○樂府詩集七十四。詩紀六十七。

金文苑云。一作會。樂歌

槐香文苑作花。欲覆井。楊柳正藏鶉。山爐好文苑云。一作當。樂府作當。注云。一作好。無比。玉構火窗賒。牀頭辟繩結。鏡上領巾斜。鐵鑊樂府作鍾。文苑云。一作鍾。種梁子。銅樞生棗樂府作秦。文苑同。又注云。一作棗。花。開門拋水柱。樂府、詩紀並云。一作信。城按文苑作控。注云。一作按。特言家。○文苑英華百九十三。樂府詩集七十四。詩紀六十七。

行幸甘泉宮

雉歸海水寂。裘來重譯通。吉行五十里。隨處宿離宮。鼓聲恆入地。塵飛上暗文苑作暗上。注云。一作上暗。空。
尚樂府作赦。詩紀云。一作赦。書隨豹尾。太史逐相風。銅鳴周國鏃。樂府作旛。旗曳楚雲文苑云。一作虹。虹。文苑作紅。
倖臣射覆文苑作覆射。誤。罷。從騎文苑、詩紀並云。一作妓。新歌終。董桃拜金紫。賢妻侍禁中。不羨神仙侶。排煙
逐駕鴻。○文苑英華二百三作幸甘泉宮歌。樂府詩集八十四。詩紀六十七。

有所思

昔未離長信。金翠奉乘輿。何言人事異。夙文苑作宿。昔故恩疏。寂寞錦筵靜。玲瓏玉殿虛。掩閨泣團扇。羅
幌詠靡蕪。○文苑英華二百二。樂府詩集十七。詩紀六十七。

臨高臺詩紀云。玉臺作梁武帝。

高臺半行雲。望望高不文苑作不可。注云。一作高不。極。草樹無參差。山河同一色。彷彿各書作勢鬣。同。洛陽道。
道遠難別文苑作可。注云。一作別。識。玉階故情人。文苑作人情。注云。一作情人。情來共文苑作苦。注云。一作共。相憶。○
玉臺新詠七作梁武帝。文苑英華二百十。樂府詩集十八。詩紀六十七。

和湘東王橫吹曲三首

折楊柳詩紀云。樂府作柳憚者非。

楊柳亂成絲。攀折上春時。葉密鳥飛礙。風輕花落遲。城高短簫發。林空畫角悲。曲中無別文苑、樂府並作別無意。併是爲玉臺作爲久。文苑作爲一。又爲下注。一作是。相思。○玉臺新詠七。類聚八十九。文苑英華二百八。樂府詩集二十二。作柳憚。詩紀六十七。

洛陽道

洛陽佳麗所。大道滿春光。遊童初類聚作時。樂府同。又注云。一作初。文苑云。一作特。挾彈。蠶妾始提筐。金鞍照文苑云。一作被。龍馬。羅袂文苑作袖。注云。一作袂。拂春桑。玉車爭晚樂府作曉。人。潘類聚誤作滿。果溢高箱。○玉臺新詠七。類聚四十二。文苑英華百九十二。樂府詩集二十三。詩紀六十七。

紫騮馬

賤妾朝下機。正值文苑作遇。樂府云。一作遇。良人歸。青絲懸玉鐙。玉臺作燈。類聚同。朱汗染香衣。文苑云。一作金衣。驟急珂彌玉臺作珍珂。響。躡類聚作跳。多塵亂飛。彫菰文苑云。一作葫。玉臺、類聚作雕胡。幸可薦。故心君文苑作人心。注云。一作心君。莫違。樂府云。一作故人心莫違。○玉臺新詠七。類聚九十三。文苑英華二百九。樂府詩集二十四。詩紀六十七。

長安道

神臯開隴右。陸海實西秦。金槌植椎之假借。文苑作椎輪。樂府、詩紀並云。一作椎輪。抵長樂。文苑作赤縣。注云。一作金槌。抵長樂。複道向宜春。落花依度幘。垂柳拂行輪。文苑、樂府作人。詩紀云。一作人。金張及文苑作與。注云。一作及。許史。夜夜尚留賓。○文苑英華百九十二。樂府詩集二十三。詩紀六十七。

江南思二首

江南有妙妓。時則應璿樞。月暈蘆灰缺。秋還懸炭枯。含丹和九轉。芳樹蔭文苑作應。千樂府作三。詩紀云。一作三。株。何辭天后誚。終是列文苑、詩紀並云。一作到。仙都。詩紀云。懸炭事見淮南子。亦古候氣之法。說林云。懸羽與炭而知燥濕之氣。○文苑英華二百一作江南行。樂府詩集二十六。詩紀六十七。

桂楫晚應旋。歷岸扣輕舷。紫荷擎釣鯉。銀詩紀云。一作銅。筐插短蓮。人歸浦口暗。那得久迴船。○同上

雞鳴高樹顛

碧玉好名倡。夫婿侍中郎。桃花全覆井。金門半隱堂。時欣一來下。復比雙鴛鴦。雞鳴天尚早。東鳥定未光。○文苑英華二百六。樂府詩集二十八。詩紀六十七。

明君詞

玉豔光瑤質。金鈿婉黛紅。一去葡萄觀。長別披香宮。秋簷文苑作蟾。照漢月。愁帳入胡風。妙工偏見詆。無由情恨通。○文苑英華二百四作昭君怨。樂府詩集二十九。詩紀六十七。

當置酒詩紀云。陸士衡集亦載此詩。今從樂府作簡文。○遂按。詩可兩存。

置酒宴嘉賓。矚迥臨飛觀。絕嶺隔天餘。長嶼橫江半。日色花上綺。風光水中亂。三益既葳蕤。四始方葱粲。○樂府詩集三十一。陸士衡文集七。詩紀六十七。

詠中婦織流黃

翻花滿階砌。愁人獨上機。浮雲西北起。孔雀東南飛。調絲時繞腕。易鑷類聚作躡。乍牽衣。鳴梭逐動釧。紅妝映落暉。○類聚六十五。樂府詩集三十五。詩紀六十七。

豔歌曲

雲楣桂成戶。飛棟杏爲梁。斜窗通葢類聚作藥。氣。細隙玉臺作隙類聚同。引玉臺作隱。塵光。裁衣魏后尺。汲水淮南牀。青驪暮當返。類聚作已及。預使羅裾類聚作裙。香。○玉臺新詠七。類聚四十二。樂府詩集三十九作豔歌行。詩紀六

十七。

怨詩

秋風與白團。本自不相安。新人及故愛。意氣豈能寬。黃金肘後鈐。白玉案前盤。誰堪空對此。還成無歲寒。○玉臺新詠七。樂府詩集四十一。詩紀六十七。

採蓮曲二首詩紀云。玉臺共作一首。

晚日照空磯。採蓮承晚暉。風起湖難度。蓮多摘未稀。棹動芙蓉落。船移白鷺飛。荷絲傍繞腕。菱角遠牽衣。○類聚八十二作採蓮詩。樂府詩集五十。詩紀六十七。

常聞葉可愛。採擷欲爲裙。葉滑不留綫。心忙無假薰。千春誰與樂。唯有妾隨君。○同上

霹靂引

來從東海上。發自南山陽。時聞連鼓響。乍散投壺光。飛車走四瑞。繞電發時祥。令去於斯表。殺來永傳芳。○樂府詩集五十七。詩紀六十七。

雉朝飛操

晨光照麥畿。平野度春暈。類聚作暉。避鷹時聳角。妬壠或樂府云。一作忽。斜飛。少年從遠役。有恨意多違。不
如隨蕩子。類聚作遊蕩。羅袂拂臣詩紀云。一作塵。衣。○類聚九十作雉朝飛詩。樂府詩集五十七。詩紀六十七。

雙燕離

雙燕有雄雌。照日兩類聚作羽。差池。銜花落北戶。逐蝶上南枝。桂棟本曾宿。虹梁早自窺。願得長如此。無
令雙燕離。○類聚九十二作雙鶯詩。樂府詩集五十八。詩紀六十七。

貞女引

借問懷春臺。百尺凌雲霧。北有歲寒松。南臨女貞樹。庭花對帷滿。隙月依枝度。但使明妾心。無嗟坐遲
暮。○樂府詩集五十八。詩紀六十七。

龍丘引

龍丘一回首。楚路蒼無極。水照弄珠影。雲吐陽臺色。浦狹村煙度。洲長鳥息遊。蕩逐歸春心。空憐無羽
翼。○樂府詩集五十八。詩紀六十七。

賦得當壚

十五正團圓。流光滿上蘭。當壚設夜酒。宿客解金鞍。迎來挾瑟樂府作琴。易。送別但樂府、詩紀作唱。按古有但

歌曲。歌難。欲玉臺作詎。知心恨急。翻令衣帶寬。○玉臺新詠七作賦得詠當墟。樂府詩集六十三。詩紀六十七。

昇仙篇

少室堪求道。明光可學仙。丹繪碧林宇。綠玉黃金篇。雲車了無轍。風馬詎須鞭。靈桃恆可餌。幾迴三千年。○文苑英華百九十三。樂府詩集六十四。詩紀六十七。

和人愛妾換馬

功名幸多種。何事苦生離。誰言似白玉。定是媿青驪。必取匣中劍。迴作飾金羈。類聚作鞿。樂府同。真成恨不已。願得路傍兒。○類聚九十三。樂府詩集七十三作愛妾換馬。詩紀六十七。

半路溪

相逢半路溪。隔溪猶不渡。望望判知是。翩翩識行步。摘贈蘭澤芳。欲表同心句。先將樂府云。一作持。動舊情。恐君疑妾妬。○樂府詩集七十四作梁元帝。詩紀六十七。○逮按。此歌應依樂府編入元帝集。

擬沈隱侯夜夜曲

靄靄夜中霜。何關樂府作河開。詩紀同。向曉光。枕啼常帶粉。身眠不著牀。蘭膏盡更益。薰鑪滅復香。但問愁

多少。便知夜短長。○玉臺新詠七。樂府詩集七十六。詩紀六十七。

獨處怨

獨處恆多怨。開幕試臨風。彈碁詩紀作碁。鏡奩上。傅粉高樓中。自從詩紀云。一作君。征馬去。音信不曾通。只恐金屏掩。明年已復空。○樂府詩集七十六作獨處愁。詩紀六十七。

代樂府二首

楚妃歎

幽閨情脉脉。玉臺作閨閑漏永永。類聚、樂府同。詩紀云。一作閨閑漏永永。漏長宵寂寂。草螢樂府誤作營。飛夜戶。絲蟲繞秋壁。樂府作屋。薄笑夫爲欣。微歎還成戚。金簪鬢下垂。玉筯衣前滴。○玉臺新詠七。類聚四十二。樂府詩集二十九。詩紀六十七。

新成初學記作城。文苑、樂府同。安樂宮

遙看雲霧中。文苑作裏。注云。一作中。刻文苑云。一作列。楸類聚作角。映丹紅。類聚作虹。文苑同。珠簾通曉樂府作晚。日。金華玉臺作花。類聚同。拂夜風。欲知歌玉臺作聲。類聚作弦。萬花谷作笙。管處。來過安樂宮。○玉臺新詠七。類聚六十二。初學記二十三。文苑英華百九十二。樂府詩集三十八。萬花谷後二十三。詩紀六十七。

雙桐生空井

魏明帝猛虎行曰。雙桐生空井。

季月雙樂府作對。桐井。新枝雜舊株。晚葉藏栖鳳。朝花拂曙烏。還看西樂府作稚。子詩紀云。一作稚子。照。銀牀繫玉臺作牽。轆轤。○玉臺新詠七。樂府詩集三十一。詩紀六十七。

雍州曲三首

南湖

南湖荇葉浮。復有佳期遊。銀綸翡翠鈎。玉臺作鈎。樂府作鈎。玉舳芙蓉舟。荷香亂衣麝。橈聲隨樂府作送。急流。○玉臺新詠七。樂府詩集四十八。詩紀六十七。

北渚

岸陰垂柳葉。平江含粉堞。樂府作蝶。誤。好值城旁人。多逢蕩舟妾。綠水濺長袖。浮苔染輕楫。○同上

大堤

宜城斷中道。行旅亟樂府作極。留玉臺作流。連。出妻工織素。妖姬慣數錢。炊玉臺作吹。誤。雕留上樂府作吐。誤。

客。貫酒逐神仙。○同上

賦樂府得大垂手

垂手忽迢迢。玉臺作茗茗。飛燕掌中嬌。羅衣樂府作衫。姿風引。輕帶任情搖。詎似詩紀作是。長沙地。促舞不回腰。○玉臺新詠七。樂府詩集七十六作吳均。詩紀六十七。

小垂手

舞女出西秦。躡影舞陽春。且復小垂手。廣袖拂紅塵。折腰應兩袖。樂府作笛。頓足轉雙巾。蛾眉與曼樂府作慢。臉。見此空愁人。○樂府詩集七十六作吳均。詩紀六十七。○逯按。此歌應依樂府入吳均集。

有所傷二首詩紀作有所思。

可歎不可思。可思不可見。餘絃斷瑟柱。殘朱染歌扇。○玉臺新詠十。詩紀六十七。
寂寂暮檐響。黯黯垂簾色。唯有瓠蘆苔。玉臺作落。如見蜘蛛織。○同上
入林看碣礪。春至定無賒。何時一可見。更得似梅花。○同上

蜀道難二首

建平督郵道。魚復永安宮。若奏巴渝曲。時當君思中。○樂府詩集四十。詩紀六十七。

巫山七百里。巴水三迴曲。笛聲下復高。猿啼文苑作鳴。注云。一作啼。萬花谷作鳴。斷還續。○類聚四十二。文苑英華二百。樂府詩集四十。萬花谷續十二。詩紀六十七。

採菱曲

菱花落復含。桑女罷新蠶。桂棹浮星艇。徘徊蓮葉南。○類聚八十二。樂府詩集五十一。詩紀六十七。

別鶴

一作烏栖曲。

接翮同發燕。孤飛獨向楚。值雪已迷羣。驚風復失侶。○樂府詩集五十八。文苑英華二百六作烏栖曲。詩紀六十七。○逮按。樂府是。

生別離

別離樂府作離別。四弦聲。相思雙笛引。一去十三年。復無好音。文苑作數書。注云。一作好音。信。○文苑英華二百二。樂府詩集七十二。詩紀六十七。

夜夜曲

北斗闌干去。夜夜心獨傷。月輝橫射枕。燈光半隱牀。○玉臺新詠十。樂府詩集七十六作沈約。詩紀六十七。○逮按。玉

臺七已有簡文和沈約夜夜曲。則此篇自以作沈約者爲是。玉臺蓋誤。

春江曲

樂府詩集作春江行。

客行祇念路。相爭玉臺作將。度京玉臺作江。口。誰知堤上人。拭淚空搖手。○玉臺新詠十。樂府詩集七十六。詩紀六十七。

桃花曲

但使新花豔。得問美人簪。何須論後實。怨結子瑕心。○樂府詩集七十七。詩紀七十七。

樹中草

幸有青袍色。聊因翠幄凋。雖間珊瑚蒂。非是合歡條。○樂府詩集七十七。詩紀七十七。

上留田行

以下七言。

正月土膏初欲發。天馬照耀動農祥。田家斗酒羣相勞。爲歌長安金鳳凰。○文苑英華二百十一。樂府詩集三十八。詩紀六十七。

烏夜啼

綠草庭中望明月。碧玉堂裏對金鋪。鳴弦撥箏文苑誤作淚。發初異。挑琴欲吹衆曲殊。不疑三足朝含影。直言九子夜相呼。羞言獨眠枕下淚。樂府、詩紀作流。託道單棲城上烏。○文苑英華二百六。樂府詩集四十七。詩紀六十七。

烏棲曲四首

芙蓉作船絲作紵。北斗橫天月將落。采桑玉臺作蓮。類聚同。渡類聚作度。頭礙詩紀作擬。黃河。郎今欲渡畏風波。

○玉臺新詠九。類聚四十二。樂府詩集四十八。詩紀六十七。

浮雲似帳月成類聚作如。樂府、詩紀同。文苑云。一作如。鉤。那能夜夜南陌頭。類聚作遊。文苑云。一作游。宜城醞酒玉臺作醞酒。類聚作投酒。樂府、詩紀並作投泊。按。當爲醞酒。今行文苑作夜。又注云。一作宜城投泊今行。熟。停鞍繫馬類聚作莫惜停

鞍。文苑、樂府、詩紀同。文苑又注。一作停鞍繫馬。暫棲宿。○玉臺新詠九。類聚四十二。文苑英華二百六。樂府詩集四十八。詩紀六十七。

青牛丹轂七香車。可憐今夜宿倡家。倡家高樹烏欲棲。羅幃翠帳文苑作被。向樂府作任。文苑云。一作任。君低。○同上

織成屏風金玉臺作銀。屈膝。朱脣玉面燈前出。相看氣息文苑作意思。望君憐。誰能含羞不自文苑作向。前。○

同上

採菊篇

月文苑作日。精麗草散秋株。洛陽少文苑作小。婦絕妍姝。相呼文苑作喚。樂府同。又注。一作呼。提筐採菊珠。朝起露濕霑羅襦。東方千騎從驪駒。更樂府作豈。詩紀云。一作豈。不下山逢故夫。○文苑英華二百八。樂府詩集六十四。詩紀六十七。

東飛伯勞歌二首

一云紹古歌。○詩紀云。劉孝威擬古應教別見。

翻階蛺蝶戀花情。容華飛燕相逢迎。誰家總角歧路陰。裁紅點翠愁人心。天窗綺井暖文苑作暖。樂府同。徘徊。珠簾玉篋明鏡臺。可憐年幾十三四。工歌巧舞人人意。白日西落楊柳垂。含情弄態兩相知。○文苑英華二百三作紹古歌。樂府詩集六十八。詩紀六十七。

西飛迷雀東羈文苑云。一作飛。雉。倡樓秦女乍相值。樂府作隨。誰家妖文苑作天。麗隣中止。輕妝薄粉光閭里。網戶文苑云。一作洞房。珠綴曲瓊鈎。芳茵翠被香氣流。少年年幾方三六。含嬌聚態傾人目。餘香落落藥坐相催。可憐絕世爲誰媒。○同上

雞鳴篇

○以下雜言。

埒雞識將曙。長鳴高樹顛。啄葉疑障類聚作彰。羽。排花強欲前。意氣多驚舉。飄颻獨無侶。陳思助鬪協狸

膏。邱昭妬敵安金距。丹山可愛有鳳凰。金門飛舞有鴛鴦。何如五德美。豈勝千里翔。○類聚九十一作雞鳴詩。樂府詩集二十八作劉孝威。詩紀六十七。

度關山

關山遠可度。遠度復難思。直指遮歸道。都護總前期。力農爭地利。轉戰逐天時。材官蹶張皆命中。弘農越騎盡搴旗。搴旗遠不息。驅虜何窮極。狼居一封難再覩。闕氏永去無容色。銳氣且橫行。朱旗亂日精。先屠光祿塞。却破夫人城。凱歌還舊里。非是銜功名。○類聚四十二作渡關山行。文苑英華百九十八。樂府詩集二十七。詩紀六十七。文苑作凱歌歸舊還。今日是功名。又注。一作凱歌還舊里。非是銜功名。

江南弄二首詩紀云。玉臺新本、樂府、英華並作昭明。今從藝文作簡文。○遼按。玉臺舊刻稱簡文爲皇太子。

後人遂謬以爲昭明。故諸詩系名多錯互也。

江南曲

和云。陽春路。時使佳人度。

枝文苑作桂。中水上春併歸。長楊掃文苑作拂。地桃花飛。清風吹人光照衣。光照衣。文苑缺以上三字。景將夕。擲黃金。留上客。○類聚四十二。文苑英華二百一。樂府詩集五十。詩紀六十七。

龍笛曲

和云。江南岸。真能下翔鳳。類聚作江真弄。真態翔鳳。陽春臺。同去復同來。

金門玉堂臨水居。一嘖一笑千萬餘。遊子去還願莫疏。願莫疏。意何極。雙鴛鴦。兩相憶。○樂府詩集五十作
梁昭明太子。詩紀六十七。

採蓮曲

和云。採蓮歸。綠水好沾衣。

桂楫蘭橈浮碧水。江花玉面兩相似。蓮疏藕折香風起。香風起。白日低。採蓮曲。使君迷。○樂府詩集五十作
梁昭明太子。詩紀六十七。○逮按。文苑英華二百八引梁簡文帝曲與此少異。曲辭云。採蓮歸。綠水好沾衣。桂舟蘭橈浮江花。江水玉面
兩相似。蓮疏藕折香風起。白日低。採蓮曲。使君迷。江花下又注。一作碧水。

淫豫歌

淫豫大如服。瞿塘不可觸。金沙浮轉多。桂浦忌經過。○樂府詩集八十六。梁簡文帝集上。

梁詩卷二十一

梁簡文帝蕭綱

詩

和贈逸民應詔詩十二章○以下四言。

紫微垂象。常居爲政。司牧則之。以膺天命。明明我皇。乃神乃聖。功韜玉檢。道光金鏡。爰昔在田。君德夙盛。

邊矣西土。惟天有漢。姬實剪商。劉亦撥亂。赫然浮夏。同符共貫。乾迴龍動。雲蒸冰渙。一戎定齊。二儀貞觀。

軒衣禹食。以服以膳。舜漆堯厨。匪孰匪盼。夤畏上天。丕顯無勑。百神効職。羣祀歲遍。瑞草晨開。德星昏見。

鏗鏘六樂。昭彰七藝。白獸原當作虎。避唐諱改。談經。石渠稱制。齊稷罷疑。魯洙忘滯。南風慶雲。禹謨湯誓。不有今弘。安知昔細。

穀稼斯重。珠玉爲輕。我峻既樂。我憶已盈。貢田靡撤。譏關不征。四人遷貿。百貨社行。樓船舉帆。賣藥

藏名。

方叔率止。軍幕洞開。如獵如獸。原當作虎。避唐諱改。如霆如雷。呼韓北款。樓蘭南摧。威加四海。武響九垓。有苗已格。徐方不回。

愍茲五濁。矜此四流。既開慧海。廣列檀舟。金輪寶印。丹枕白牛。率土祛惑。含生離憂。大羅網息。作士刑休。

三兆驗佃。百工寫質。既盛商年。且高周日。嘉謀沃心。王道乂密。聖猷獨照。運茲得一。君唱臣從。無違何弼。

負壺井谷。擊壤衢中。猶紆帝念。歌詠由衷。思諸舉逸。美彼淳風。國獻選士。鄉薦教忠。論才司馬。試射郊宮。

淮測天度。鍾應星璣。風除總至。草復具腓。冰輕寒盡。泉長春歸。射干先動。載勝行飛。千門照日。五達含暉。

伊臣不佞。叨備元子。傳訓弦頌。司教詩史。朱綬傍垂。安車高時。膳則不會。宴則以齒。澤優禮博。兢懼何已。

聖親明主。千載一逢。子法臣道。竭誠思恭。周記希習。齊歲願從。雖加砥礪。顧揆愚忝。匪躬斯鑒。孰肯爲容。○文館詞林百五十八。

三日侍皇太子曲水宴詩并序

竊以周成洛邑。自流水以禊除。晉集華林。同文軌而高宴。莫不禮具義舉。杳矩重規。昭動神明。雍熙鍾石者也。皇太子生知上德。英明在躬。智湛靈珠。辯均河注。騰茂實於三善。振嘉聲於八區。是節也。上巳屬辰。餘萌達壤。倉庚應律。女夷司候。爾乃分階樹羽。疏泉泛爵。蘭觴沿泝。蕙肴來往。賓儀式序。盛德有容。吹發孫枝。聲流嶰谷。舞豔七盤。歌新六變。遊雲駐綵。仙鶴來儀。都人野老。雲集霧會。結軫方衢。飛軒照日。關

震德叶靈。年芳節淑。濯伊臨瀟。蕩心愉日。驥初學記作驟。騎晨野。捩金曉陸。蕙氣卷旌。神飈擊初學記作警。轂。層岑偃蹇。聳觀岩堯。煙生翠幕。初學記作竹。歲時雜詠同。日照綺寮。銀華初學記作花。晨散。金芝暮搖。綠水動葉。丹距映條。顧惟菲薄。徒承恩裕。藝學未優。聲績不樹。豈辯類聚作辨。歲時雜詠同。河書。寧摛淮賦。徒偶羣龍。終慚並馭。歲時雜詠作驅。○類聚四。古今歲時雜詠十六。詩紀六十八。又初學記四引淑、目、陸、轂、堯、寮、搖七韻。

九日侍皇太子樂遊苑詩

離光麗景。神英春裕。副極儀天。金鏘玉度。監撫昭明。善物宣布。惠潤崑瓊。澤熙垂露。秋晨精曜。駕動宮闈。露點金節。霜沈玉璣。玄戈側影。翠羽翻暉。庭迴鶴蓋。水照犀衣。蘭羞薦俎。竹酒澄芬。千音寫鳳。百戲承雲。紫燕躍武。赤兔越空。橫飛鳥箭。半轉蛇弓。○類聚四。詩紀六十八。

應令詩

微軀多幸。接萼嘉運。紫幄承慈。青衿稟訓。傍玉流溫。依蘭染薰。百氏既洽。六義乃摛。辭河瀉潤。高論忘疲。翠幙晨宇。朱花夜池。窗斜八綺。燈懸百枝。○類聚二十一。詩紀六十八。

愍亂詩

南史曰。朱异方倖。在朝莫不側目。雖太子亦不能平。及侯景亂圍城。城內咸尤异。簡文爲四言詩。

瞻南史作愍。彼阪田。嗟斯氛霧。謀之不臧。褻我王度。○南史朱异傳。詩紀六十八。

上巳侍宴林光殿曲水詩以下五言。

芳年留帝賞。應物動天襟。挾苑連金陣。分衢度羽林。帷宮對廣掖。層殿邇高岑。風旗爭曳影。亭臯初學記。
作午。歲時雜詠作檻。文苑作罕。共生陰。林。歲時雜詠作樹。文苑同。又注。類聚作林。花初墮蒂。池荷欲吐心。○類聚四。初學記四。古今歲時雜詠十六。文苑英華百七十二。詩紀六十八。

和武帝宴詩二首 一作和武帝講武宴。

校尉開疏勒。將軍定月支。南通新息柱。北屆武陽碑。豫遊戲馬館。教戰昆明池。銀塘瀉清渭。銅溝引直

漪。常從良家子。命中幽并兒。金鞍飾紫佩。玉燕帖青驪。車書今已共。願奏云亭儀。○類聚五十九。詩紀六十八。

祭壺今息鼓。董案或開帷。聊舉青龍陣。正取絳宮時。犒兵隨後拒。輶祭逐前師。軍門初露節。步陳始分旗。○同上

侍遊新亭應令詩

神襟愍行邁。歧路愴徘徊。遙瞻十里陌。傍望九城臺。鳳管流虛谷。龍騎藉春荄。曉光浮野映。朝煙承日迴。沙文浪中積。春陰江上來。柳葉帶風轉。桃花含雨開。聖情蘊珠本集作殊。綺。札命表英才。顧憐碨碨質。何以儷瓊瓌。詩紀誤作瓌。○文苑英華百七十九。詩紀六十八。

奉和登北顧樓詩

和武帝。

春文苑作春。陵佳麗類聚作氣。初學、文苑同。地。濟水鳳凰文苑云。初學記作星。宮。況此徐初學記作除。方域。川岳邁周類聚作同。灋。文苑誤作濃。皇情愛歷文苑作慶。覽。遊涉類聚作陟。初學記、文苑同。擬崆峒。聊驅式道候。文苑作釋道後。無勞襄野童。霧崖開早日。晴天歇晚本集作映。虹。去帆入雲裏。遙星出海中。○類聚六十三作奉和登北顧樓詩。初學記二十四。文苑英華百七十五。詩紀六十八。

登烽火樓詩

聳樓排文苑作登柳。注云。類聚作聳樓排。樹出。却堞帶江清。陟峯試遠望。鬱鬱盡郊京。萬邑王畿曠。三條綺陌平。亘原橫地險。孤嶼派流生。悠悠歸棹人。渺渺去帆驚。水煙浮文苑作扶。注云。類聚作浮。岸起。遙禽逐霧征。○類聚六十三。文苑英華三百十一。詩紀六十八。

玩漢水詩

雜色崑崙水。泓澄龍首渠。豈若茲川麗。清流疾且徐。離離細磧淨。藹藹樹陰疏。石衣隨溜卷。水芝扶浪舒。連翩瀉類聚作寫。去楫。鏡澈倒遙墟。聊持點纓上。於是察川魚。○類聚八。詩紀六十八。

登城詩

日影半東簷。靖念空杼柚。小堂倦縹書。華池厭修竹。寂寞既寡悰。登城望原陸。遙山半吐雲。嚴飈時響谷。靡靡見虛煙。森森視寒木。落霞乍續斷。晚浪時迴復。遠矚既濡翰。徒自勞心目。短歌雖可裁。緣情非霧縠。○類聚六十三。詩紀六十八。

山池詩

日暮芙蓉水。聊登鳴鶴舟。飛臚飾羽旄。類聚作旄。長幔覆緹紉。停輿依柳息。住蓋影空留。古樹橫臨沼。新藤上挂樓。魚遊向閭集。戲鳥逗楂流。○類聚九。詩紀六十八。

贈張纘詩

儀表咸推挹。牆仞難窺踐。既富垂帷學。復折波濤辯。綺思暖文苑作暖。霞飛清文煥。飈轉朱旗赫。容與彫
榮紛。曜文苑作曄。煜。波搖白鱧舟。風動蒼鷹文苑作雁。注云。類聚作鷹。舳。九疑勢參差。江天相蔽虧。三春澧浦
葉。九月洞庭枝。文苑誤作秋。洞庭枝嫋娜。澧浦葉參差。芬芳與搖落。俱應傷文苑作相。別離。○類聚三十一。文
苑英華二百四十七。詩紀六十八。

錢廬陵內史王脩應令詩

錢行臨上節。開筵命羽觴。迴池瀉飛棟。濃雲垂畫堂。疏槐未合影。仄日暫流光。園梅斂新藻。類聚作衰。詩紀
云。一作豔。階蕙結初芳。○類聚二十九。詩紀六十八。

錢臨海太守劉孝儀蜀郡太守劉孝勝詩

碣石臨東海。峨嵋距西候。兩杜昔夾河。二龍今出守。方無夜犬驚。向息神牛鬪。涼風透輕幕。麥雨交新
溜。念此一銜觴。懷離在惟舊。○類聚二十九。詩紀六十八。

經琵琶峽詩

由來歷山川。此地獨迴遭。百嶺相紆類聚作迂。文苑同。蔽。千崖共隱天。橫峯時礙水。斷類聚作斜。岸或通川。還瞻已迷向。直去復疑前。夕波照孤月。山枝斂夜煙。此時愁緒密。□□魂九遷。○文苑英華百六十一作琵琶峽。詩紀六十八。又類聚二十七引天、川二韻。

仙客詩

漆水豈難變。桐刀乍可揮。青書長命籙。紫水芙蓉衣。高翔五岳小。低望九河微。穿池聽龍長。叱石待羊歸。酒闌時節久。桃生歲月稀。○類聚七十八。詩紀六十八。

往虎窟山寺詩

詩紀云。考藝文此詩簡文帝作。觀弘明集所載王罔諸臣和詩可證也。弘明集作江令詩。蓋有

脫簡紊誤爾。

塵中喧慮積。物外衆情捐。茲地信爽塏。墟壘暖阡廣弘明集云。宮本作暖芊。綿。廣弘明集作眠。注云。三本、宮本作綿。藹藹車徒邁。飄飄旌旆懸。細松斜遶逕。峻嶺半藏天。古樹無枝葉。荒郊多野煙。分花出黃鳥。挂類聚作桂。石下新泉。菴鬱均雙樹。清虛類八禪。栖神紫臺上。縱意白雲邊。徒然嗟小藥。何由齊大年。○廣弘明集三十作陳江令。詩紀六十八。又類聚七十六引天、煙、泉、禪、邊、年六韻。

望同泰寺浮圖詩

遙看官佛圖。帶壁復垂珠。燭銀踰漢汝。廣弘明集作女。注云。明本作汝。寶鐸邁昆吾。日起光芒散。風吟宮徵殊。露落盤恒滿。桐生鳳不廣弘明集作引。注云。三本、官本作不。雖。飛幡雜晚虹。晝廣弘明集云。三本、官本作晝。鳥狎晨鳧。梵世陵類聚作臨。空下。應真蔽景趨。帝馬咸千轡。天衣盡類聚作使。六銖。意樂開長表。多寶現金廣弘明集云。三本、官本作全。軀。能令苦海渡。復使慢山踰。願類聚作頭。能同四忍。長當出九類聚作五。居。穆天子傳。天子之寶。璿珠燭銀。郭璞曰。銀有精。光如燭也。○類聚七十六。廣弘明集三十。詩紀六十八。

蒙預懺直疏詩

皇情矜幻俗。聖德愍重昏。制書開攝受。絲綸廣慧門。時英滿君囿。廣弘明集作國。注云。官本作囿。法侶盛天園。俱銷五道縛。共蕩四生怨。類聚作冤。廣弘明集云。明本一作冤。詩紀云。一作冤。三脩類聚作循。廣弘明集云。明本一作循。詩紀云。一作循。祛愛馬。六念靜心猿。庭深林類聚作仗。廣弘明集云。明本一作仗。詩紀云。一作仗。聲喧。上風吹法鼓。垂鈴類聚作齡。鳴晝廣弘明集作晝。軒。新梅含未發。落桂聚還翻。早煙類聚作燈。藏石磴。寒潮浸水門。一朝蒙善誘。方願遺籠樊。○類聚七十六作蒙豫懺悔詩。廣弘明集三十。詩紀六十八。

蒙華林園戒詩

庸夫耽世樂。俗士重虛名。三空既難了。八風恒易傾。伊余久齊物。本自一枯榮。弱齡愛箕穎。由來重伯成。非爲樂肥遯。特廣弘明集云。元本作持。是厭逢迎。執珪守藩國。主器廣弘明集云。明本作氣。作元貞。昔日書銀字。久自慙宗英。斯焉佩金璽。何由廣德聲。廣弘明集云。明本一作馨。詩紀云。一作馨。居高常慮缺。持滿每憂盈。茲言信非矯。丹心良可明。舟航奉睿訓。接引降皇情。心燈朗暗室。牢舟出愛瀛。是節高秋晚。沈寥天氣清。郊廣弘明集作交。注云。三本作郊。門光景麗。祈年雲霧生。紅蕖間青瑣。紫露濕丹楹。葉疎行逕出。泉溜遠廣弘明集作遠。注云。三本、官本作遠。山鳴。綠衿依浦戍。廣弘明集云。宋、元、官本作伐。絳穎拂林征。庶蒙八解益。廣弘明集作蓋。注云。三本作益。方使六塵輕。脫聞時可去。非吝舍廣弘明集作捨。重城。○廣弘明集三十。詩紀六十八。

日出興業寺講詩

沐芳肅朝帶。駕言抵廣弘明集作祇。注云。明本作抵。淨宮。羽旗承去影。鏡吹雜還風。吳戈夏服箭。驥馬綠沈弓。水照柳初碧。煙含桃半紅。由來六塵縛。宿昔五纏朦。見鶴徒知廣弘明集作朦。謬。察象理難詩紀云。一作還。同。方知慙四辯。奚用語三空。○廣弘明集三十。詩紀六十八。又類聚七十六引宮、風、弓、紅、同、空六韻。

遊光宅寺詩應令詩

陪遊人舊豐。雲氣鬱青葱。紫陌垂青廣弘明集作清。注云。明本作青。柳。輕槐拂慧風。八泉光綺樹。四柱暖臨空。翠網隨煙碧。丹花共日紅。方欣大雲溥。慈波流淨宮。○廣弘明集三十。詩紀六十八。

十空詩六首

如幻

漢安設大響。周穆置高臺。三里生雲霧。瞬息起冰雷。空持生識縛。徒用長心災。慧人恒棄捨。庸識屢迴迴。六塵俱不實。三界信悠哉。○類聚七十六。詩紀六十八。

水月

圓輪既照水。初生亦映流。溶溶如漬璧。的的似沈鈎。非關顧兔沒。豈是桂枝浮。空令誰雅識。還用喜騰猴。萬累若消蕩。一相更何類聚作何更。求。○同上

如響

疊嶂迥參差。連峯鬱相拒。遠聞如句咏。遙應成言語。竟無五聲實。誰謂八音所。空成顛倒羣。徒迷塵縛侶。愍哉火宅中。茲心良可去。○同上

如夢

祕駕良難辯。類聚作辨。司夢並成虛。未驗周爲蝶。安知人作魚。空聞延壽賦。徒勞岐伯書。潛令六識擾。安能二惑除。當須耳應滿。然後會真如。○同上

如影

朝光照皎皎。夕本集、詩紀作久。漏轉駸駸。晝花斜色去。夜樹有輕陰。並能興眼人。俱持動惑心。息形影方止。逐物慮恒侵。若悟假名淺。方知實相深。○同上

鏡象

精金宛成器。懸鏡在高堂。後挂七龍網。前發四珠本集作洙。光。迴望疑垂本集作隨。月。傍瞻譬璧璫。仁壽含萬類。淮南辯四鄉。終歸一亡類聚作忘。有。何關至道場。○同上

和湘東王名士悅傾城詩詩紀云。藝文作昭明者非。

美人稱絕世。麗色譬花叢。經玉臺作雖。居李城北。住在類聚作來往。宋家東。教歌公主第。學舞漢成類聚作城。宮。多遊淇水上。類聚作曲。詩紀作上水。好在鳳樓中。履高疑上砌。裾開特玉臺作持。畏風。衫類聚作袖。輕見跳

脫。珠概雜青蟲。垂絲繞帷幔。落日度房櫺。粧窗隔柳詩紀作柳隔。色。井水照桃紅。非憐江浦類聚作交甫。珮。羞使春閨空。○玉臺新詠七。類聚十八。詩紀六十八。

和徐錄事見內人作卧具詩

密房寒日晚。落照度窗邊。紅簾遙不隔。輕帷半卷懸。方知織手製。詎減縫裳妍。龍刀橫膝上。畫尺墮衣前。熨斗金塗色。簪管白牙纏。詩紀作躄。衣裁合歡襦。文作鴛鴦連。縫詩紀作針。用雙針詩紀作縫。縷。絮是詩紀作用。八蠶綿。香和麗丘蜜。麝吐中臺煙。已入琉璃帳。兼雜太華氈。且共雕鑪暖。非同團扇捐。更恐從軍別。空牀徒自憐。○玉臺新詠七。詩紀六十八。

戲贈麗人詩

麗姐與妖嬈。共拂可憐粧。同安鬟裏撥。異作額間黃。羅袞宜細簡。畫屨重高牆。含羞未詩紀作來。上砌。微笑出長廊。取花爭間鑷。類聚作寶鑷。詩紀作間色。攀枝念蕊香。但歌聊一曲。本集作鳴。鳴絃未肯玉臺作息。張。自矜心所愛。三十侍中郎。○玉臺新詠七。類聚十八。詩紀六十八。

率爾爲詠詩

借問仙將畫。詎有此佳人。傾城且傾國。如雨復如神。漢后憐名燕。周王重姓申。挾瑟曾遊趙。吹簫屢入

秦。玉階偏望樹。長廊每逐春。約黃出意巧。纏絃用法新。迎風時引袖。避日暫披巾。疏花映鬢詩紀作鬢。插。細佩透衫身。誰知日欲暮。詩紀作薄。含羞不自陳。○玉臺新詠七。詩紀六十八。

執筆戲書詩

舞女及燕姬。倡樓復蕩婦。參差大戾發。搖曳小垂手。釣竿蜀國彈。新城折楊柳。玉案西王桃。蠡杯石榴酒。甲乙羅帳異。辛壬房戶暉。夜夜有明月。時時憐更衣。○玉臺新詠七。詩紀六十八。

從頓暫還城詩

漢渚水初綠。類聚作淥。江南草復黃。日照蒲心暖。萬花谷作發。詩紀同。風吹梅蕊類聚作枝。初學記作樹。香。征虜臆湯塹。歸騎息金隍。舞觀衣常類聚作恒。初學記同。襞。歌臺絃未張。持此橫行去。誰念守空牀。○玉臺新詠七。類聚六十三。初學記二十四。詩紀六十八。

秋閨夜思詩

非關長信別。詎是良人征。九重忽不見。萬恨滿心生。夕門掩魚鑰。宵牀悲畫屏。迴類聚作迴。月臨窗類聚作階。度。吟蟲繞砌鳴。初霜實類聚誤作實。細葉。秋風驅類聚作吹。紀詩云。一作吹。亂螢。故粧猶累日。新衣襞類聚作裂。未成。欲知妾不寐。城外擣衣類聚作砧。詩紀同。聲。○玉臺新詠七。類聚三十二。詩紀六十八。

詠內人晝眠詩

北窗聊就枕。南簷日未斜。攀鈎落綺類聚作倚。障。插揆舉琵琶。夢笑開嬌靨。眠鬢壓落花。簞文生玉腕。香汗浸紅紗。夫壻恒相伴。莫誤是倡家。○類聚十八。詩紀六十八。

傷美人詩

昔聞倡女別。蕩子無歸期。今似陳王歎。流風難重思。翠帶留餘結。苔階沒故基。圖形更非是。夢見反成疑。熏鑪含好氣。庭樹吐華詩紀作花。滋。香燒日有歇。花落無還時。○類聚三十四。詩紀六十八。

變童詩

變童嬌麗質。踐董復超瑕。羽帳晨香滿。珠簾夕漏賒。翠被含鴛色。雕牀鏤象牙。妙年同小史。姝貌比朝霞。袖裁連璧錦。賤疑作幘。玉臺作箋。織細種花。攬袴輕紅出。回頭雙鬢斜。嬾眼時含笑。玉手乍攀花。懷猜非後釣。密愛似前車。足使燕姬妬。彌令鄭女嗟。○玉臺新詠七。詩紀六十八。

倡婦怨情詩十二韻

綺窗臨畫閣。飛閣繞長廊。風散同心草。月送可憐光。彷彿簾中出。妖麗特非常。恥學秦羅髻。羞爲樓上粧。散誕披紅帔。生情新約黃。斜燈入錦帳。微煙出玉牀。詩紀作房。六安雙璫瑁。八幅兩鴛鴦。猶是別時許。留致詩紀作值。解心傷。含涕坐度日。俄頃變炎涼。玉關驅夜雪。金氣落嚴霜。飛狐驛使斷。交河川路長。蕩子無消息。朱唇徒自香。詩紀作傷。○玉臺新詠七。詩紀六十八。

詠舞詩二首

戚里多妖麗。重聘各書作。娉。茂本集作夢。文苑云。一作夢。燕餘。逐節工新舞。嬌態似凌虛。納花承攝。垂翠逐璫舒。扇開衫影亂。巾度履行疏。徒勞交甫憶。自有初學記作愧。萬花谷作合。專城居。○類聚四十三。文苑英華二百十三。詩紀六十八。又初學記十五。萬花谷後三十二並引餘。虛、疏、居四韻。

可憐稱玉臺作初。二八。初學記作二八初。萬花谷同。文苑作二八物。逐節似飛鴻。懸勝河陽伎。闔與淮南同。人行看履文苑誤作復。進。轉面望鬢空。腕動若初學記作昭。萬花谷、文苑同。華玉。衫玉臺作袖。隨如意風。上客何須起。啼烏曲未類聚作未肯。文苑同。終。○玉臺新詠七。類聚四十三。初學記十五。文苑英華二百十三。萬花谷後三十二。詩紀六十八。

戲作謝惠連體十三韻詩

雜葢映南庭。庭中光景媚。可憐枝上花。早得春風意。春風復有情。拂幔且開楹。開楹廣文選作盈盈。詩紀同。開碧煙。拂幔拂廣文選作復。詩紀同。垂蓮。廣文選作簾。偏使紅花散。飄颻落眼前。眼前玉臺誤作亦。多無況。參差鬱可廣文選作相。詩紀同。望。珠繩翡翠帷。綺幕芙蓉帳。香煙出窗裏。落日廣文選作月。斜階上。日廣文選作月。影去遲遲。節華廣文選作花。咸在茲。桃花紅若點。柳葉亂如絲。絲條轉暮光。影落暮陰廣文選作光。長。春燕雙雙舞。春心處處揚。玉臺作場。按當作傷。酒滿心聊足。萱枝愁不忘。○玉臺新詠七。廣文選十五。詩紀六十八。

和藉田詩和武帝。

禮經聞往說。觀寶著遐初學記作華。篇。豈如春路動。祈穀重民初學記作人。天。蒼龍引玉軼。初學記作軼。交旗影
曲旃。皮軒承早日。豹尾拂游煙。地廣重畦淨。林芳翠幕懸。青壇出長畎。帷宮繞直阡。秉耒光帝則。報獻
重皇初學記作動虔。虔。虔。度諧金石奏。德厚歌頌詮。三春潤莫莢。七月待鳴蟬。鯨魚顯嘉瑞。銅雀應豐年。不
勞鄭國雨。無榮鄴令田。是知躬稼美。兼聞富教宣。○類聚三十九引篇、天、禪、年、田五韻。初學記十四作藉田詩。引篇、
天、旃、煙、懸、阡、虔、詮、宣九韻。詩紀六十八。

漢高廟賽神詩

玉軼朝行動。閭闔文苑云。一作閭闔。且應本集作夜。開。白雲蒼梧去。類聚作上。文苑同。丹鳳類聚作霞。咸陽來。日正
海錄碎事作倒。山無影。城類聚或誤作威。斜漢屢迴。瞻流如地脉。類聚或作望。望嶺類聚或作崑崙。匹天台。欲祛九秋
恨。聊舉十千杯。○類聚三十八。文苑英華三百二十。詩紀六十八。又類聚三十八作賽高帝廟詩。引迴、台二韻。海錄碎事一引迴
一韻。

祠伍員廟詩

去國資孝本。循忠全令名。舟裏本集作中。詩紀云。一作中。多奇計。蘆中復吐誠。偃月交吳艦。魚麗入楚營。光

功摧妙算。載籍有餘聲。洪濤猶鼓怒。靈廟尚淒清。行潦承椒奠。按歌雜鳳笙。無勞晉后璧。詎用楚臣纓。密樹臨寒水。疏扉望遠城。窗寮野霧入。衣帳積苔生。惟有三青鳥。歛翅時逢迎。○類聚七十九。詩紀七十八。

守東平中華門開詩

脂車向馳道。總轡息中文苑作東。注云。一作中。華。落關猶待漏。交類聚作文。詩紀同。文苑云。一作文。戟未通車。薄雲初啓雨。曙色始成霞。塹流鋪紫若。城風泛橘花。絃誦終無取。顧己自懷嗟。○類聚三十九。文苑英華百九十作守東華開門。又注。一作守東平中華門開。詩紀六十八。

春日想上林詩

春風本自奇。楊柳最相宜。柳條類聚作葉。恒著地。楊花好上衣。初學記作吹。文苑同。處處春心動。常惜光陰移。西京董賢館。南苑文苑作苑。習都池。荇類聚作行。間魚共樂。桃上鳥相窺。香車雲母幘。駛馬黃金羈。○類聚三。文苑英華百五十七。詩紀六十八。又初學記三引奇、宜、吹、移四韻。

喜疾瘳詩

朝窗猶掩扇。宿幔未懸鈎。逍遙臨四注。兼持散九愁。雖同衛子憊。聊喜摯生瘳。災星夜出境。鳴禽晚去樓。蠲邪無賈服。祛氣息梁牛。隔簾陰類聚作蔭。翠篠。類聚作篠。映水含珠榴。丹經蘊玉笥。玄水出長洲。結

友尋方岳。採藥訪圓丘。神隨七星變。貌逐五雲留。飛鴻若可駕。輕簪必易抽。○類聚七十五。詩紀六十八。

卧疾詩

沈疴類弩影。積弊似河魚。詎逢龍子浴。空歎楚王菹。○類聚七十五。詩紀六十八。

詠風詩

飄飄文苑。萬花谷作飄。散芳勢。泛漾下蓬萊。傳涼入鏤檻。發氣滿瑤臺。委禾文苑誤作木。周邦偃。飛駢宋都迴。亟文苑誤作函。搖故葉落。屢蕩新花開。暫舞驚鳧去。時送蕊文苑作藥。香來。已拂巫山雨。何用卷寒灰。

○類聚一。文苑英華百五十六。萬花谷二。詩紀六十八。

三月三日率爾成詩

芳年多美色。麗景復妍歲。時雜詠作道。遙。握蘭唯是旦。採艾亦今朝。迴沙溜碧水。歲時雜詠作水碧。曲岫散桃天。綺花非一種。風絲亂百條。雲起相思觀。日照飛虹橋。繁華炫姝色。燕趙艷妍妖。金鞍汗血馬。寶髻歲時雜詠作鬢。珊瑚翹。蘭馨類聚作聲。起穀袖。蓮歲時雜詠作蓮。錦束瓊腰。相看隱綠樹。類聚作樹。見人還自嬌。玉柱歲時雜詠作床。鳴羅薦。碾碗泛迴潮。洛濱非拾羽。滿握詎貽椒。○類聚四。古今歲時雜詠十六。詩紀六十八。

晚春詩詩紀云。玉臺、藝文並作簡文。亦見昭明集。

紫蘭葉初滿。黃類聚作嬌。文苑云。一作嬌。鶯弄不昭明集作始。稀。石蹲還似獸。蘿長更如昭明集作勝。類聚同。文苑云。一作勝。衣。水曲類聚作凍。文苑云。一作凍。文魚類聚作鱗。文苑、詩紀並云。一作鱗。聚。林類聚作山。文苑云。一作山。暝鴉鳥飛。渚蒲變新節。巖桐文苑作松。長舊圍。風花落未已。山齋文苑作窗。注云。一作齋。開夜扉。○昭明太子文集二。類聚三。初學記三。文苑英華百五十七。詩紀六十八。

和湘東王首夏詩

冷風雜細雨。垂雲助麥涼。竹水俱葱翠。花蝶兩飛翔。燕泥銜復落。鶉吟斂文苑作鷓鴣吟。更揚。卧石藤爲纜。山橋樹作梁。欲待文苑作侍。華池上。明月吐清光。○初學記三。文苑英華百七十二。詩紀六十八。

納涼詩

斜日晚駸駸。池塘生半陰。避暑高梧側。輕風時入襟。落花還就影。驚蟬乍失林。遊魚吹水沫。神蔡上荷心。翠竹垂秋采。丹棗映疎砧。無勞夜遊曲。寄此託微吟。○類聚五。詩紀六十八。

晚景納涼詩

日移涼氣散。懷抱信悠哉。珠簾影空捲。桂草堂詩箋作柱。戶向池開。鳥草堂詩箋作鳥。詩紀云。一作鳥。棲星欲見。河草堂詩箋作荷。淨月應來。橫階人細筭。蔽地濕輕苔。草化飛爲火。蚊聲合似雷。於茲靜聞見。自此歇氛埃。○初學記五。詩紀六十八。又草堂詩箋八陪諸詩注引開、來二韻。

初秋詩

羽翼晨猶動。珠汗晝恒揮。秋風忽文苑作急。嫋嫋。向夕引涼歸。浮陰卽染浪。清氣始乘衣。浮陰兩句。文苑在直置兩句下。卷幌通河色。開窗引初學記作望。文苑同。詩紀云。一作望。月輝。晚花欄下照。文苑云。初學記作晚照花欄下。疏螢簾上飛。直置猶如此。何況送將歸。○類聚三。文苑英華百五十八。詩紀六十八。又初學記三引歸、暉、飛、歸四韻。

秋夜詩

螢飛夜的的。蟲思夕嚶嚶。輕露沾懸井。浮煙入綺寮。檐重月没早。樹密風聲饒。池蓮翻罷葉。霜篠生寒條。端坐彌茲漏。離憂積此宵。○類聚三。詩紀六十八。

秋晚詩

浮雲出東類聚作西。嶺。落日下西江。促陰橫隱壁。長暉斜度窗。亂霞圓綠水。紅類聚作細。葉影飛缸。○類聚三。詩紀六十八。

大同八年秋九月詩

大君重九節。下輦上林中。酒闌嘉宴罷。車騎各西東。時余守西掖。脂車歸北宮。車分獨坐道。扇拂冶城風。落照灑中滿。浮煙槐外通。長樂含初紫。安榴拆晚紅。○類聚二十八。詩紀六十八。

大同十年十月戊寅詩

喧塵是時息。靜坐對重巒。冬深柳條落。雪後桂枝殘。星明霧色淨。天白雁行單。雲飛乍想閣。冰結遠疑紈。晚橋隱重屏。枯藤帶迴竿。荻陰連水氣。山峯添詩紀云。一作染。月寒。○類聚三。文苑英華百五十八。詩紀六十八。

大同十一月庚戌詩

茲園植藝積。山谷久紆威。初學記作葳。文苑同。又注。初學記作歲。類聚作威。直初學記作貴。文苑同。興文苑作與。轉文苑作最。多緒。真事亦因依。是節嚴冬景。類聚作暮。寒雲掩文苑作曳。注云。類聚作掩。落暉。遠聞風瑟瑟。亂視雪霏霏。浪起川難渡。林深人至稀。山禽背文苑作皆。逕走。野鳥歷塘飛。○類聚三。初學記三作冬詩。文苑英華百五十八作冬夕。注云。初學記無夕字。類聚作大同十一月庚戌。詩紀六十八。

玄圃寒夕詩

洞門扉初學記作洞庭門。文苑同。未掩。金壺漏已催。曛文苑作曠。煙生澗曲。暗色起林隈。雪花無有蒂。冰鏡不

安臺。階楊始倒插。浦桂半新栽。陳根委落蕙。細蕊初學記作葉。文苑同。詩紀云。一作葉。發香梅。雁去銜蘆上。初學記作止。猥文苑作猿。戲繞枝來。○類聚三。初學記三。文苑英華百五十八。詩紀六十八。○逮按。詩題寒夕當作寒月。詩通篇形容月色。雪花、冰鏡二句尤顯著。海錄碎事一作寒月。可據正。

奉答南平王康賚朱櫻詩

倒流映碧叢。點文苑作照。露擎朱實。花茂蝶爭飛。類聚作來。枝濃鳥相失。已麗金釵瓜。文苑、詩紀作爪。仍類聚作兼。美玉盤橘。寧異類聚作以。梅似丸。不羨萍如日。永植平臺垂。長與雲桂密。文苑作蜜。萬花谷作匹。詩紀云。一作匹。徒然奉推萬花谷作肥。甘。終以文苑作似。愧操筆。○類聚八十六。初學記二十八。文苑英華三百二十六。萬花谷後三十七。詩紀六十八。

賦詠棗詩

浮華齊水麗。垂彩鄭都奇。白英紛初學記誤作紛英。靡靡。紫實初學記作色。標離離。風搖羊角樹。日映鷄心枝。穀城踰石蜜。蓬岳表仙儀。已聞安邑美。永茂玉門垂。○初學記二十八作賦棗詩。文苑英華三百二十六作棗。詩紀六十八。又類聚八十七引枝、垂二韻。

西齋行馬詩

晨風白金絡。桃花紫玉珂。影斜鞭照曜。塵起足蹉跎。任俠稱六輔。輕薄出三河。風吹鳳凰袖。日映織成

靴。韻補作鞮。遠江臚舳少。遙山煙霧多。雲開瑪瑙葉。文苑作華。水淨琉璃波。廣路類聚作路廣。拂青柳。迴塘繞碧莎。不效孫吳術。寧須趙李過。○類聚九十三作西齊行馬。文苑英華三百三十。詩紀六十八。又韻補二作馬詩。引河、鞮二韻。

賦得隴坻鴈初飛詩

高翔憚闊海。下去怯虞機。霧暗早相失。沙明還共飛。隴狹朝聲聚。風急暮行稀。雖弭類聚、文苑作珍。輪臺援。未解龍城圍。相思不得返。且寄別書歸。○類聚九十一。文苑英華三百二十八作詠雁。詩紀六十八。

藥名詩

朝風動春草。落日照橫塘。重臺蕩子妾。黃昏獨自傷。燭映合歡被。帷飄蘇合香。石墨聊書賦。鉛華試作粧。徒令惜萱草。蔓延滿空房。○類聚五十六。詩紀六十八。

卦名詩

櫛比園花滿。徑復水流新。離禽時入袖。旅谷類聚作俗。乍依蘋。豐壺要上客。鵠鼎命嘉賓。車由泰夏闈。馬散咸陽塵。蓮舟雖未濟。分密已同人。○類聚五十六。詩紀六十八。

梁詩卷二十二

梁簡文帝蕭綱

詩

登城北望詩

登樓傳昔賦。出薊表前聞。灞陵忽回首。河隄徒望軍。茲焉聊迴眺。極目杳難分。一水斜開岸。雙城遙共雲。○類聚六十三。詩紀六十九。

登琴臺詩

燕階本集作陌。文苑、詩紀並云。一作陌。踐昔徑。復想類聚作愁。鳴琴遊。音容萬春初學記作卷。罷。類聚作態。高名千載留。弱枝生古樹。舊石染初學記作抗。文苑云。一作浸。初學記作深。新流。由來遞相歎。逝川終不收。○類聚六十二、初學記二十四並作琴臺詩。文苑英華三百十三佚作者名。詩紀六十八。

餞別詩

行樂出文苑作此。南類聚作南北。皮。讌餞臨華池。籜解篁開節。花暗鳥迷枝。窻陰隨影度。水色帶風移。徒
文苑作徙。命銜杯酒。終成憫別離。○類聚二十九。文苑英華二百六十六。詩紀六十九。

送別詩

行行異沂海。詩紀云。一作海沂。依依別路歧。水苔隨纜聚。岸柳拂舟垂。石菌生懸葉。江槎流文苑作柳。卧枝。
燭盡悲宵文苑作當。注云。一作宵。去。酒滿惜將文苑云。一作睽。離。○類聚二十九。文苑英華二百六十六。詩紀六十九。

晚景出行詩

詩紀云。本集作美人。

細樹含殘影。春閨散晚香。輕花鬢邊類聚作畔。墮。微汗粉中光。飛鳧初罷曲。啼鳥類聚作鳥。忽度行。羞令白
日暮。車騎玉臺作馬。爵相望。○玉臺新詠七。類聚十八。詩紀六十九。

春閨情詩

楊柳葉纖纖。佳人懶織練。正衣還向鏡。迎春試捲玉臺作舉。簾。摘梅多繞樹。覓燕好窺簷。只言逐花草。計
較玉臺作校。應非嫌。○玉臺新詠七。詩紀六十九。

又三韵

珠簾向暮下。妖姿不可追。花風暗裏覺。蘭燭帳中飛。何時玉窗裏。夜夜更縫衣。○玉臺新詠七。

詠美人看畫詩

殿上圖神女。宮類聚作殿。裏出佳人。可憐俱是畫。誰能辨僞類聚作辯寫。真。分明淨眉眼。本集作目。一種細腰身。所可持詩紀作特。爲異。長有好精神。○玉臺新詠七作美人觀畫。類聚十八。詩紀六十九。

詠人棄一作去妾詩

昔時嬌玉步。含羞花燭邊。豈言心愛斷。銜啼私自憐。常詩紀云。一作但。見類聚作但覺。歡成怨。非關醜易妍。獨鵲罷中路。孤鸞死鏡前。○玉臺新詠七。類聚三十二。詩紀六十九。

美人晨粧詩詩紀云。玉臺作簡文。藝文類聚作昭明。非是。

北窗向朝類聚作朝向。鏡。錦帳類聚作障。復斜縈。嬌羞不肯出。猶言粧未成。散黛隨眉廣。燕脂類聚作煙支。逐臉生。試將持出衆。定得可類聚作向。憐名。○玉臺新詠七。類聚十八作梁昭明太子。詩紀六十九。

和林下妓應令詩

炎光向夕斂。促初學記作徒。文苑作徒。宴臨前池。泉玉臺作深。當作淵。將影相得。花與面相宜。箎詩紀作管。聲如詩紀作長。注云。一作引。鳥哢。舞袂昭明集作袖。初學、文苑同。寫風枝。歡樂不知醉。千秋長昭明集作常。若斯。○昭明太子文集二作林下作妓詩。玉臺新詠七作林下妓。初學記十五作梁昭明太子林下作妓詩。文苑英華二百十三作梁昭明太子和林下詠妓應令。詩紀六十九。

夜聽妓詩

合歡蠲忿葉。萱草忘憂條。何如明月夜。流風拂舞腰。朱唇隨吹盡。詩紀云。玉臺作動。玉釧逐絃搖。留賓惜殘詩紀云。一作別。弄。負態動餘嬌。○類聚四十二。詩紀六十九。

擬落日窗中坐詩

杏梁斜日照。餘輝映美人。開函脫寶釧。向鏡理紈巾。游魚動池葉。舞鶴散堦塵。空嗟千歲久。願得及陽春。○玉臺新詠七。詩紀六十九。

雪裏覓梅花詩

絕訝梅花晚。本集作曉。爭來雪裏窺。下枝低可見。高處遠難知。俱文苑作懼。萬花谷同。羞惜腕露。相讓到初學。記作道。萬花谷同。腰羸。定須還剪綵。學作兩三枝。○初學記二十八。文苑英華三百二十二。萬花谷後三十八。詩紀六十九。又類聚八十六引窺、知、枝三韻。

山齋詩

玲瓏繞竹澗。間關通槿藩。缺岸新成浦。危石久爲門。北榮下飛桂。南柯吟夜猿。暮流澄錦磧。晨冰照彩鸞。○類聚六十四。詩紀六十九。

晚日後堂詩

幔陰通碧砌。日影度城隅。岸柳垂長葉。窗桃落細附。花留蛺蝶粉。竹翳蜻蜓珠。賞心無與共。染翰獨踟蹰。○類聚三。詩紀六十九。

望月詩

流輝入畫堂。初照上梅梁。形同七子鏡。影類九秋霜。桂花那不落。團扇與誰粧。空聞北窗彈。未舉西園觴。○類聚一。文苑英華百五十二。詩紀六十九。

開霽詩

景落商飈靖。初學記作盡。文苑作靜。煙開四郊謐。偃蹇暮山虹。遊揚峯下文苑作下峯。日。水紋類聚作文。初學記、文苑同。城上動。城樓水中出。竟微共治初學記作理。功。空卧淮陽秩。○類聚二。初學記二。文苑英華百五十五。詩紀六十九。

同劉諮議詠春雪詩

晚霰飛銀礫。浮雲暗未開。入池消不積。因風墮類聚作隨。復來。思婦流黃素。溫姬玉鏡臺。看花言可插。類聚作折。詩紀同。定自非春梅。○玉臺新詠七。類聚二作詠雪詩。文苑英華百五十四作詠雪。詩紀六十九。

雪朝詩

同雲凝暮序。嚴陰屯廣隰。落梅飛四注。翻霏舞三襲。實斷望如連。恆分似相及。已觀池影亂。復視簾珠濕。○類聚二。文苑英華百五十四。詩紀六十九。

詠煙詩

浮空覆雜影。含露初學記作樹。文苑作合樹。密花藤。乍如洛初學記作落。萬花谷同。霞發。頗似初學記作類。萬花谷同。

巫雲登。萬花谷作金。映光飛百仞。從風散九層。欲持翡翠色。時吐初學記作出。萬花谷同。鯨魚燈。○類聚八十。初學記二十五作煙詩。萬花谷續八無題。詩紀六十九。

春日詩

年還樂應滿。春歸思復生。桃含可憐紫。柳發斷腸青。類聚作情。按馮校宋本仍作青。落花隨燕入。游絲帶蝶驚。邯鄲歌管地。見許欲留情。○類聚三。詩紀六十九。

玄圃納涼詩

登山想劍閣。逗浦憶辰陽。飛流如凍雨。夜月似秋霜。螢翻競晚熱。蟲思引秋涼。鳴波如礙石。闇草別蘭香。○類聚五。詩紀六十九。

薄晚逐涼北樓迴望詩

平衢望如掌。曾雉暖相連。斷雲留去日。長山減半天。戲鳧乘汛下。漁舟冒浪前。○類聚二十八。詩紀六十九。

秋夜詩

高秋初學記作盲風。文苑同。詩紀云。一作盲風。度函谷。墜露下芳枝。綠類聚作淥。潭文苑作山。倒雲氣。青山文苑作潭。

銜月規。花心風上轉。葉影樹中文苑作問。移。類聚作違。詩紀云。一作危。外遊獨千里。夕嘆誰共初學記作共誰。文苑同。知。○類聚三。初學記三。文苑英華百五十八。詩紀六十九。

七夕詩

秋期此時泱。長夜徙歲時雜詠作漢從。河靈。紫煙凌鳳羽。紅玉臺作奔。光隨歲時雜詠作羿女乘。玉駟。洛陽疑劍氣。成歲時雜詠作城。都怪客星。天梭織來久。方逢今夜停。○玉臺新詠七。古今歲時雜詠二十五。詩紀六十九。

九日賦韻詩

是節協陽數。高秋氣已精。簷文苑云。類聚作蟾。芝逐月啓。帷風依夜清。遠燭承歲時雜詠作成。文苑同。歌黛。斜橋聞履聲。梁塵下未息。共愛賞心歲時雜詠作年。文苑同。并。○類聚四。古今歲時雜詠三十三。文苑英華百五十八。詩紀六十九。

賦得橋詩

浮梁既衝嶮。通波信可陵。乘空寫渭石。跨岸擬河冰。斜闌隱濁霧。布影入清澗。方知歌綠水。無待榜蒼鷹。○類聚九。詩紀六十九。

春日看梅花詩

昨日看梅樹。新花已自生。今日聞春鳥。何啻兩三聲。凍解池開綠。雲穿天半晴。遊心不應動。爲此欲逢迎。○類聚三。詩紀六十九。

和湘東王陽雲樓簷柳詩

曖曖陽雲臺。春柳本集作椒。發新梅。柳本集作椒。枝無極軟。春風隨意來。潭池青帷閉。玲瓏朱扇開。佳人所望。車聲非是雷。○類聚八十九。詩紀六十九。

詠初桃詩

初桃麗新采。照地吐其芳。枝間合璧事類誤作門。留紫燕。葉裏發輕香。飛花入露井。交榦拂華堂。若映窗前柳。懸疑紅粉粧。○類聚八十六。合璧事類別集二十六。詩紀六十九。

詠橘詩

萎蕤映庭樹。枝葉凌秋芳。故條雜新實。金翠共含霜。攀枝折縹合璧事類作杪。榦。甘旨若瓊漿。無假存雕飾。玉盤余自嘗。合璧事類誤作甘。○類聚八十六。合璧事類引集四十六。詩紀六十九。

香茅詩

銅律與鳴琴。俱稱類君子。豈若江淮間。發葉超衆美。珍同自牧歸。茅因彙征起。豈獨邁秦衡。方知蔑沅芷。○類聚八十二。詩紀六十九。

繫馬詩

青驪沈赭汗。綠地懸花蹄。未垂青鞵尾。猶掛紫障泥。蹠文苑誤作蝶。足絆中憤。文苑作擯。搖頭櫪上嘶。紫關如未息。直去取榆溪。○類聚九十三。文苑英華三百三十。詩紀六十九。

賦得舞鶴詩

來自芝田遠。飛渡詩紀作度。武溪深。振迅依吳市。差池逐晉琴。奇詩紀云。一作寄。聲傳迴文苑作迴。澗。動翅拂花林。欲知情外物。伊洛初學記作令。文苑同。有清潄。○初學記三十。文苑英華三百二十八。萬花谷後四十。詩紀六十九。

登板橋詠洲中獨鶴詩

遠霧旦文苑作且。氛氳。單飛纔可分。孤鷺宿文苑作思。詩紀云。一作思。嶼浦。羈唳類聚誤作淚。下江濱。意惑東西水。心迷四面雲。誰知獨辛苦。江上念離羣。○類聚九十作詠洲聞獨鶴詩。文苑英華三百二十八。詩紀六十九。

聽早蟬詩

草歇鶉鳴初。蟬思花落後。乍飲三危露。時蔭五官柳。莊書晒鵬翼。衛賦宜螭首。桂樹可淹留。勿謂山中久。○類聚九十七。詩紀六十九。

詠蛺蝶詩

空園暮煙起。逍遙獨未歸。翠鬣藏高柳。紅蓮拂水衣。復此從風蝶。雙雙花上飛。寄與相知者。同心終莫違。○類聚九十七。詩紀六十九。

詠螢詩

本將秋草并。今與夕風輕。騰空類星質。類聚作隕。拂樹若花生。屏類聚誤作并。疑神火照。簾似夜珠明。逢君拾光彩。不悵初學記作法。此身傾。初學記作輕。○類聚九十七。初學記三十。文苑英華三百二十九。詩紀六十九。

詠筆格詩

英華表玉笈。佳麗稱蛛網。無如茲制奇。雕飾雜衆象。仰出寫含花。橫抽類聚作插。萬花谷作袖。學仙掌。幸因提拾用。遂厠璇類聚作旋。臺賞。○類聚五十八。初學記二十一。萬花谷後二十一。詩紀六十九。

詠鏡詩

四類聚字缺。本集作鑑。詩紀云。一作鑑。銖恆在側。誰言覽初學記作攬。鏡稀。如冰不見水。似扇長含暉。全初學記作金。開玳瑁匣。併卷織成衣。脫人相如手。疑言趙璧歸。○類聚七十。初學記二十五。萬花谷續七。詩紀六十九。

正月八日燃燈應令詩

詩紀云。廣弘明集不載名氏。禪藻集作簡文。

藕樹交無極。花廣弘明集作華。雲衣數重。織竹能爲象。縛荻巧成龍。落灰然葢盛。垂油濕畫峯。天宮尙若見。燈王願可逢。○廣弘明集三十作正月八日燃燈應令。注云。明本令下有簡文皇帝字。詩紀六十九。

和蕭東陽祀七里廟詩

萬里實幽宗。三神亦天構。豈謂木石精。斯乃山川守。遠來太白旗。遙徵青鳥文苑作烏。候。以茲敬弗類聚作弗敬。怠。方知教應富。類聚作否。○類聚三十八。文苑英華三百二十。詩紀六十九。

賦詠五陰識枝詩

澆淳混神因。心廣弘明集作因。注云。三本、官本作心。形復依色。欲浪逐情飄。愛網隨心織。鑄金雖改狀。斬籌方未極。鴿觀既無辯。廣弘明集作辨。注云。明本作辯。猿攀此焉息。○廣弘明集三十作賦詠五陰識支。注云。宋、元、官本作枝詩。

明本作支詩。詩紀六十九。

和湘東王三韻詩二首

春宵

花樹含春叢。羅帷類聚作帳。夜長空。風聲隨篠韻。月色與池同。彩牋徒自嬖。無信往雲中。○玉臺新詠七。類聚三十二。詩紀六十九。

冬曉

冬朝日照梁。含怨類聚作愁。下前牀。帷玉臺作帳。寒竹葉帶。鏡轉菱花光。會是無人見。類聚作覺。何用早紅粧。○同上

曉思詩

晨禽爭學囀。朝花亂欲開。爐煙入斗帳。屏風隱鏡臺。紅粧幾盡淚。玉臺作隨淚盡。蕩子何當來。玉臺作時回。○玉臺新詠七作武陵王紀曉思。類聚三十二。詩紀六十九。○遂按。此詩應兩存之。

同庾肩吾四詠詩二首詩紀云。玉臺舊本作簡文帝。藝文作昭明。按肩吾爲簡文宮臣。當以玉臺爲正。

蓮舟買荷度

採蓮前岸隈。舟子屢徘徊。荷披衣可識。玉臺作披衣可識風。風疎香不來。欲知船度處。當看荷葉開。○玉臺新詠七。詩紀六十九。

照流看落釵

相隨照綠類聚作淥。水。意欲類聚作是。詩紀同。重涼風。流搖粧影壞。釵落鬢花玉臺作華。空。佳期在何許。徒傷心不同。○玉臺新詠七。類聚十八。詩紀六十九。

賦樂器名得箜篌詩

揆遲初挑詩紀作桃。吹。弄急時催文苑作特推。注云。類聚作時推。舞。釧響逐絃鳴。衫玉臺作私。回半障初學記作彰。柱。欲知心不平。君看黛眉聚。○玉臺新詠七。類聚四十四及初學記十六作賦得箜篌詩。文苑英華二百十二作箜篌。詩紀六十九。

春日詩

花開幾千葉。水覆數重衣。蝶颺紫空舞。燕作同心飛。歌妖弄曲罷。鄭女挾琴歸。○類聚三。詩紀六十九。

賦得人堦雨詩

細雨堦前人。灑砌復沾帷。漬花枝覺重。濕鳥羽類聚作翻。飛遲。儻令斜日照。併欲似遊文苑作蓬。絲。○類聚二。文苑英華百五十三。詩紀六十九。

詠柳詩

垂陰滿上路。結草早知春。花絮時隨鳥。風枝屢拂塵。欲散依依采。時要歌吹人。○類聚八十九。詩紀六十九。

詠芙蓉詩

圓花一帶卷。交葉半合璧。事類作坐。心開。影前光照耀。香裏蝶徘徊。欣隨玉露點。不逐秋風催。合璧事類作金風摧。○類聚八十二。詩紀六十九。又合璧事類別集三十二引開、摧二韻。

詠梔子花詩

素華草堂詩箋作花。偏可憇。草堂詩箋作愛。合璧事類作喜。的的半臨池。疑爲霜裏類聚、合璧事類並作裏。是。葉。復類雪

封枝。日斜光隱見。風還影合離。○類聚八十九。合璧事類別集三十二無題。詩紀六十九。又草堂詩箋十八梔子詩注引池一韵。

賦得薔薇詩

石榴珊瑚藥。木槿懸星葩。豈如茲草合璧事類作木。麗。逢春始發花。迴風舒紫萼。照日吐新芽。○類聚八十一作賦得詠薔薇詩。合璧事類別集三十。詩紀六十九。○逯按。段成式酉陽雜俎十九引梁簡文帝詠薔薇詩云。綠階覆綠綺。依簷映昔耶。當是此篇佚句。

仰和衛尉新渝侯巡城口號詩庾肩吾、王筠同賦。

帝京類聚作景。風雨中。層闕煙霞浮。玉署清餘熱。金城含暮秋。水觀類聚作光。凌却敵。槐影帶重樓。○類聚二十八。詩紀六十九。

臨後園詩

隱淪遊少海。仙人太華。我有逍遙趣。中園復可嘉。千株同落葉。百丈類聚作尺。共尋霞。○類聚六十五。詩紀六十九。

雨後詩

散絲與山氣。忽合初學記作洽。是。復俄晴。雷音稍入嶺。電影尚連城。雨餘雲稍薄。風收熱復生。○初學記二。文苑英華百五十五。詩紀六十九。

和會三教詩

和武帝。

聚沫多緣假。標空非色香。漢君雖啓詩紀作起。夢。晉后徒降祥。玄機昔未辯。洞鑒資我皇。○類聚七十六。詩紀六十九。

侍講詩

物善渥深慈。監撫宣王事。英邁八解心。高超七花意。○類聚七十六。詩紀六十九。

登錦壁詩

詩紀云。詩彙作鮑照者非。

孫生酸棗寺。王子枝江樓。何如登石鏡。因閒猶豫遊。○類聚二十八。詩紀六十九。

夜遊北園詩

星芒侵嶺樹。月暈隱城樓。暗花舒不覺。明波動見流。○類聚六十五。詩紀六十九。

遊韋黃門園詩

息車冠蓋里。停轡仲長園。簷疏遠興積。賓至羽觴繁。○類聚六十五。詩紀六十九。

人激浦詩

泛水人迴塘。空枝度日光。竹垂懸掃浪。鳧疑遠避檣。○類聚九。詩紀六十九。

罷丹陽郡往與吏民別詩

久歸從事麥。非留故吏錢。柳栽今尚在。棠陰君詎憐。○類聚五十。詩紀六十九。

示晉陵弟詩

零雨岐路悲。送歸臨水節。時事雖爲舛。離憂等閒別。○類聚二十九。詩紀六十九。

夜望浮圖上相輪絕句詩

光中辯垂鳳。類聚作帶。霧裏見飛鸞。定用方諸水。持添承露盤。○類聚七十六。廣弘明集三十作夜望浮圖上相輪。詩紀

愁閨照鏡詩

別來顚顚久。他人怪容色。只有匣中鏡。還持自相識。○玉臺新詠十。詩紀六十九。

金閨思二首

遊子久不返。妾身當何依。日移孤影動。羞覩燕雙飛。○古詩類苑九十五。詩紀六十九。
自君之別矣。不復染膏脂。南風送歸雁。聊以寄相思。○同上

寒閨詩

綠葉朝朝黃。紅顏日日異。譬喻持相比。那堪不愁思。○玉臺新詠十。詩紀六十九。

從頓還城南詩

暫別兩成疑。開簾生舊憶。都知玉臺作如。未有情。更似新相識。○玉臺新詠十。詩紀六十九。

夜遣內人還後舟詩

錦幔扶船列。玉臺作烈。蘭橈拂浪浮。去燭猶文水。餘香尚滿舟。○玉臺新詠十。詩紀六十九。

贈麗人詩

腰肢本猶玉臺作獨。絕。眉眼特驚人。判自無相比。還來有洛神。○玉臺新詠十作絕句賜麗人。詩紀六十九。

遙望詩

散誕垂紅帔。斜柯插玉簪。可憐無有比。恣玉臺作恐。許直千金。○玉臺新詠十。詩紀六十九。

行雨詩

本是巫山來。無人覩容色。唯有楚王臣。曾言夢相識。○玉臺新詠十。詩紀六十九。

和人渡水詩

婉婉新上頭。湔裾玉臺作煎裙。出樂遊。帶前結香草。鬢邊插石榴。○玉臺新詠十。詩紀六十九。

雜詠詩

被空眠數覺。寒重夜風吹。羅帷非海水。那得度前知。○玉臺新詠十作寒閨。詩紀六十九。

詠武陵王左右詩

頂分如兩髻。簪長驗上頭。投玉臺作捉。杯如欲轉。疑殘已復留。○玉臺新詠十作詠武陵王左右伍鬻傳栝。詩紀六十九。

彈箏詩

彈箏北窗下。夜響清音愁。張高絃易斷。心傷曲不遒。○玉臺新詠十。詩紀六十九。

梁塵詩

依帷濛重翠。類聚作翠蒙重。帶日聚輕紅。定爲歌聲起。非關團扇風。○玉臺新詠七。類聚六作詠梁塵詩。詩紀六十九。

遊人詩

遊戲長楊苑。携手雲臺間。歡樂未窮已。白日下西山。○玉臺新詠十。詩紀六十九。

詠朝日詩

團團出天外。煜煜上層峯。光隨浪高下。影逐樹輕濃。○初學記一。文苑英華百五十一。詩紀六十九。

望月望

今夜月光來。正上相思臺。可憐無遠近。光照悉徘徊。○類聚一。詩紀六十九。

華月詩

兔絲生雲夜。蛾形詩紀作影。出漢時。欲傳千里意。不照十年悲。○玉臺新詠十。詩紀六十九。

詠雲詩

浮雲舒五色。瑪瑙應類聚作映。霜天。玉葉散秋影。金風飄紫煙。○類聚一。詩紀六十九。

浮雲詩

可憐片雲生。暫重複還輕。欲使襄玉臺作荆。王夢。應過白帝城。○玉臺新詠十。詩紀六十九。

大同九年秋七月詩

高樓闢左扇。迴望依蘭橈。晚風颺颺來。落照參差好。○類聚二十八。詩紀六十九。

詠薔薇詩

燕來枝益軟。風飄花轉光。氤氳不肯去。還來階上香。○類聚八十一。詩紀六十九。

櫻詩

凌寒競貞節。負雪固難虧。無慚雲母桂。詎減珊瑚枝。○類聚八十九。詩紀六十九。

詠疏楓詩

萎綠映葭青。疏紅分浪白。花葉灑行舟。仍持送遠客。○類聚八十九作賦得詠疏楓詩。詩紀六十九。

詠藤詩

纖條寄喬木。弱影掣風斜。標春抽曉翠。出霧掛懸花。○類聚八十二。詩紀六十九。

詠飛來鸚鵡詩

飛從何處來。似出上林隈。口銜長生葉。翅染昆明苔。○類聚九十二。詩紀六十九。

詠單鳧詩

銜苔入淺水。刷羽向沙洲。孤飛本欲去。得影更淹留。○類聚九十一。詩紀六十九。

詠寒鳧詩

迴水浮輕浪。沙場弄羽衣。眇眇隨山沒。離離傍海飛。○類聚九十一。詩紀六十九。

詠新燕詩

詩紀云。英華作昭明者非。

新禽應節歸。俱向吹樓飛。入簾驚釧響。來窗礙文苑作疑。舞衣。○玉臺新詠十作新鷺。類聚九十二。文苑英華三百二十九作梁昭明太子。詩紀六十九。

詠蜂詩

逐風從泛漾。照日乍依微。知君不留眄。銜花空自飛。○類聚九十七。詩紀六十九。

詠籠燈絕句詩

動焰翠帷裏。散影羅帳前。花心生復落。明銷君詎憐。○類聚八十。詩紀六十九。

賦得白羽扇詩

可憐白羽扇。却暑復來氛。終無顧庶子。誰爲一揮軍。○類聚六十九。詩紀六十九。

詠獨舞詩

因羞強正釵。顧影時迴袂。非關善留客。更是嬌夫婿。○初學記十五。萬花谷三十二作梁簡文詩。詩紀六十九。

詠舞詩

嬌情因曲動。弱步逐風吹。懸釵隨舞落。飛袖拂類聚作低。鬟垂。○類聚四十三。初學記十五。萬花谷後三十二作梁簡文帝詩。詩紀六十九。

七夕穿針詩

憐從帳裏出。想見夜窗開。針欹疑月暗。縷散恨詩紀作怪。風來。○類聚四。初學記四。古今歲時雜詠二十五。御覽三十一。詩紀六十九。

石橋詩

惠子臨濠上。秦王見海神。寫虹便欲飲。圖星逼似真。○類聚九。詩紀六十九。

詠壞橋詩

虹飛亘林際。星度斷山隅。斜梁懸水跡。畫柱脫輕朱。○類聚九。詩紀六十九。

水中樓影詩

水底罌罌出。萍間反字浮。風生色不壞。浪去影恆留。○類聚六十三。詩紀六十九。

和湘東王後園迴文詩

枝雲間石峯。脈水浸山岸。池清戲鵲聚。樹秋飛葉散。○詩紀六十九。

詠雪詩顛倒使韻。

鹽飛亂蝶舞。花落飄粉匳。匳粉飄落花。舞蝶亂飛鹽。○類聚二。詩紀六十九。

詩

昔類紅蓮草。自玩綠池邊。今如白華樹。還悲明鏡前。○詩紀八十作南城門老。

登山馬詩元帝同賦。

登山馬。詩紀云。一本疊間樹二字。間樹識金裝。識金裝三字。文苑作玉勒黃金裝。草合宜韉短。影轉見鞭長。何殊八公岫。暫上淮南王。○類聚九十三。文苑英華三百三十。詩紀六十九。

和湘東王古意詠燭詩

花中燭。似將人意同。憶啼流膝上。燭焰落花中。○類聚八十。詩紀六十九。

倡樓怨節詩

六言

朝日斜來照戶。春鳥爭飛出林。片光片影皆麗。一聲一轉煎心。上林紛紛花落。淇水漠漠苔浮。年馳節流易盡。何爲忍憶類聚作意。含羞。○玉臺新詠九。類聚三十二。詩紀六十九。

和蕭侍中子顯春別詩四首

子顯詩別見。○以下七言。

別觀蒲萄帶實垂。江南豆蔻生連枝。無情無意猶類聚作又。升菴詩話作尚。如此。有心有恨徒別離。升菴詩話作自知。○玉臺新詠九。類聚三十二。升菴詩話。詩紀六十九。

蜘蛛作絲滿帳中。芳草結葉當行路。紅臉脈脈一生啼。黃鳥飛飛有時度。故人雖故昔經新。新人雖新復應故。○玉臺新詠九。類聚三十二作江總閨怨詩。詩紀六十九。

可憐淮水去來潮。春堤楊柳覆河橋。淚痕玉臺作跡。未燥玉臺作慘。詎終朝。行聞玉珮已相要。○玉臺新詠九。類聚三十二。詩紀六十九。

桃紅李白若朝粧。玉臺作莊。羞持顙頰比新芳。玉臺作楊。不惜暫住詩紀云。一作往。君前死。愁無西國更生香。○同上

夜望單飛雁詩

天霜河白夜星稀。一雁聲嘶何處歸。早知半路應相失。不如從來本獨飛。○類聚九十一。詩紀六十九。

應令詩

蠡浦急兮川路長。白雲重兮出帝鄉。平原忽兮遠極目。江甸阻兮羈心傷。樹廬岳兮高且峻。瞻派水兮去泱泱。遠煙生兮含山勢。風散花兮傳馨香。臨清波兮望石鏡。瞻鶴嶺兮睇仙莊。類聚作裝。望邦畿兮千里曠。悲遙夜兮九迴腸。顧龍樓兮不可見。徒送目兮淚沾裳。○類聚二十八。詩紀六十九。

擬古詩

亦見昭明集。玉臺作簡文。○以下雜言。

窺紅對鏡斂雙眉。含愁拭淚坐相思。念人一去許多時。眼語笑靨迎來情。心懷心想甚分明。憶人不忍語。含玉臺作銜。昭明集同。恨獨吞聲。○玉臺新詠九。昭明太子集二。詩紀六十九。

雜句春情詩

蝶黃花紫燕相追。楊低柳合露玉臺作路。塵飛。已見垂鈎挂綠樹。誠知淇水沾羅衣。兩童夾車問不已。五馬城南猶未歸。鶯啼春欲駛。無爲空掩扉。○玉臺新詠九。升菴詩話。詩紀六十九。

傷離新一作雜體詩

傷離復傷離。別後情鬱紆。悽悽隱去棹。憫憫愴還途。感感文苑作還途。意不申。轉顧獨沾襟。文苑作巾。前驅經御宿。後騎歷河澗。胡香翼還幟。清笳送後塵。落日斜飛蓋。餘暉承畫輪。柳影長橫路。槐枝深隱人。桂宮夕掩銅龍扉。甲館宵垂雲母幃。朧朧月色上。的的夜螢飛。草香襲余文苑作餘。袂。露灑沾人衣。帶堞凌城雲亂聚。排枝度葉鳥爭歸。盃中浮詩紀云。一作綠。蟻不能酌。琴間玉徽調別鶴。別鶴千里別離聲。絃調軫急心自驚。試起登南樓。還向華池遊。前時篠生今欲合。近日栽荷尚不抽。猶是銜杯共賞處。今茲對此獨生愁。登樓類聚作樓高。文苑同。望曖曖。山川自分態。偃師雖北連。輾轅已南背。遠聽寂無聞。遙瞻日有闕。文苑作礙。含毫意不迷。長嘆情無賴。○類聚二十九。文苑英華二百六十六。詩紀六十九。

被幽述志詩五言

廣弘明集曰。梁簡文於幽繫中援筆自序云。有梁正士。蘭陵蕭綱。立身行己。終始若一。風雨如晦。雞鳴不已。非欺暗室。豈沈三光。數至於此。命也如何。又爲詩曰云云。十月弒於永福省。年四十九。崩時太清五年也。

悅廣弘明集作恍。忽煙霞散。颼颼松柏陰。幽山白楊古。野路黃塵深。終無千月命。安用九丹金。闕里長蕪沒。蒼天空照心。○廣弘明集三十。詩紀六十九。

曲水聯句詩

春色明上巳。桃花落繞溝。波迴卮不進。綸下鈎時留。臣導 絳水時迴岸。花觴轉更周。陳肴渡玉俎。垂餌下銀鈎。王臺卿 迴川入帳殿。列俎間芳洲。漢艾凌波出。江楓拂岸遊。庾肩吾 王生迴水碓。蔡嫗蕩輕舟。岸燭斜臨水。波光上映樓。殿下 〇類聚四。詩紀八十。

歌簡文作箏賦。附此歌。

年年花色好。足侍愛君傍。影人箸衣鏡。裙含辟惡香。鴛鴦七十二。亂舞未成行。〇文苑英華七十一。

歌簡文作七勵。附此歌。

酬醕半兮樂既陳。長歌促節綺羅人。拂鏡弄影情未極。迴簪轉笑思自親。〇文苑英華三百五十一。

詩

綺花非一種。風絲亂百條。〇歲華紀麗一。

詩

霞流抱朴椀。〇顏氏家訓文章篇。

梁詩卷二十三

庾肩吾

肩吾。字子慎。新野人。初爲晉安王國常侍。隨府授參軍。兼記室。及王爲太子。兼東宮通事舍人。除安西湘東王錄事參軍。領荊州大中正。遷中錄事參軍、太子率更令、中庶子。簡文卽位。進度支尚書。侯景至建康。矯詔遣肩吾喻當陽公大心。尋舉州降。肩吾逃赴江陵。大寶元年卒。有集十卷。

樂府

長安有狹斜行

長安有曲陌。樂府作曲陌坂。曲陌樂府作曲曲。不容幘。路逢雙綺襦。問君居近遠。我居臨御溝。可識不可類聚作難。求。長子登麟閣。次子侍類聚作侍。龍樓。少子無高位。聊從金馬類聚作嚴駕。遊。三子俱來下。左右若川流。三子俱來入。高軒映彩旒。三子俱來宴。玉柱擊清甌。大婦襲雲裘。中婦卷羅幃。少婦多妖豔。詩紀作豔冶。花鈿繫類聚作當鈿繫。石榴。夫君且安坐。歡娛方未周。○類聚四十一作長安有狹斜詩。樂府詩集三十五。詩紀八十。

賦得有所思

佳期竟不歸。文苑作杳。注云。一作竟。樂府云。一作杳。春日玉臺作物。類聚、文苑同。坐文苑作生。芳菲。拂匣看離扇。詩紀作鏡。注云。一作扇。開箱見別衣。井梧玉臺作桐。文苑同。生未合。宮槐卷復稀。不及銜泥燕。從來相逐飛。○玉臺新詠八作詠得有所思。類聚四十一作賦得有所思行。文苑英華二百二及樂府詩集十七作有所思。詩紀八十。

洛陽道

微道臨河曲。層城傍洛文苑作漢。注云。一作洛。川。金門纔出柳。桐文苑作銅。井半含泉。日起罌罍外。車迴雙闕前。潘生時未返。遙心徒眷然。○文苑英華百九十二。樂府詩集二十三。詩紀八十。

賦得橫吹曲長安道

桂宮連類聚作延。文苑、樂府同。複道。黃山開廣路。遠聽平陵鐘。遙識新豐樹。合殿生光彩。離宮起煙霧。日落歌吹類聚作唱歌。還。樂府作回。塵飛車馬度。○玉臺新詠八。類聚四十二作長安路。文苑英華百九十二及樂府詩集二十三作長安道。詩紀八十。

愛妾換馬

渥水出騰駒。湘川實應圖。來從西北道。去逐類聚作。遂東南隅。琴聲悲玉匣。山路泣薜蘿。似鹿將含笑。千金會不俱。○類聚九十三作以妾換馬詩。樂府詩集七十三。詩紀八十。

隴西行

借問隴西行。何當驅馬征。草合前迷。文苑作迷前。路。雲濃後暗。文苑作暗後。城。寄語幽閨妾。羅袖勿空縈。樂府作縈。○文苑英華百九十八。樂府詩集三十七。詩紀八十。

未央才人歌

從來守未央。轉欲訝春芳。朝風凌日色。夜月奪燈光。相逢儻游豫。暫爲卷衣裳。○樂府詩集八十四。詩紀八十。

詩

侍宴應令詩

副君時暇豫。曾城聊近遊。清池寫文苑。作瀉。飛閣。疏樹出龍樓。北陸冰方壯。西園春欲周。文苑作抽。梅心芳屢動。蒲節促難抽。文苑作收。徒然欣類聚。作頌。文苑云。類聚作頌。並命。無以廁應劉。○類聚三十九作侍宴詩。文苑英華百七十九。詩紀八十。

侍宴宣猷堂應令詩

副君德將聖。陳王才挾天。歸來宴平樂。置酒對林泉。鑪香雜山氣。殿影入池漣。初學記作蓮。豔舞時移節。

新歌屢上絃。聽曲慙迴顧。思經初學記字缺。徒欲眠。○初學記十四。文苑英華百七十九。詩紀八十。

侍宣猷堂宴湘東王應令詩

陳王文苑誤作玉。驂駕反。副後西園遊。並命登飛閣。列坐文苑作樹。對芳洲。文苑作州。桂巖逢暮序。菊水值窮秋。竹逕簫聲發。桐類聚作相。文苑作蘭。門琴曲愁。文苑作幽。注云。一作愁。詩紀云。一作幽。徒奉文成誦。空知思若抽。○類聚三十九。文苑英華百七十九。詩紀八十。

侍宴餞湘州刺史張續詩

洞庭資善政。層城送遠離。九歌揚妙曲。八桂動芳枝。雨足飛春殿。雲峯入夏池。郢路方遼遠。湘山轉蔽虧。何當好風日。極望長沙垂。○類聚二十九。詩紀八十。

侍宴餞張孝總應令詩

詩紀云。外編作吳均者非。

層臺臨迴漲。耿耿晴類聚作青。煙上。欲送分符人。翻似河隄望。寒雲暗積水。秋雨蒙重嶂。別念動神襟。華文切離貺。慚無寡和曲。空陪郢中唱。○類聚二十九作餞張孝總應令。詩紀八十。

三日侍蘭亭曲水宴詩

策星依夜動。鑾駕總類聚作忽。歲時雜詠同。初學記作忽。文苑同。又注。集作忽。按作總者是。忽乃因忽字致訛。朝遊。旌門臨苑。初學記誤作花。文苑作遠。樹。相文苑誤作栢。風出鳳樓。春生露泥泥。天覆雲油油。桃花舒。歲時雜詠作生。文苑同。初學記作生出。玉澗。柳葉暗金溝。楔川分曲洛。帳殿掩芳洲。文苑作州。踊躍頰魚出。類聚作生。初學記作醉。歲時雜詠、文苑同。參差絳棗。文苑作藻。浮。百戲俱臨水。千鍾共逐流。○類聚四。初學記四。古今歲時雜詠十六。文苑英華百七十二。詩紀八十。

九日侍宴樂遊苑應令詩

轍跡光周頌。巡遊盛類聚作減。夏功。鈎陳萬騎轉。閭御覽誤作閭。闔九關類聚作門。文苑、御覽同。文苑云。一作闕。通。秋暉文苑云。一作蟬非。逐行漏。朔氣繞相風。獻壽重陽節。迴鑾上苑中。疏山開輦道。間類聚誤作閒。樹出離宮。玉醴吹岩類聚作花。歲時雜詠、文苑、御覽同。文苑、詩紀並注云。一作承苑。菊。銀牀落井桐。御梨寒更紫。仙桃秋轉紅。飲羽山西射。浮雲冀北驄。御覽誤作聰。塵飛文苑云。一作揚塵。金埴滿。葉破文苑云。一作破葉。柳條空。騰猿歲時雜詠作猶。疑矯箭。驚鴈避虛弓。彫材濫杞梓。花綬接鸚鴻。愧乏天庭藻。徒參文雅雄。○古今歲時雜詠三十三。作九日宴樂遊苑應令。文苑英華百七十三。作侍宴九日。詩紀八十。又類聚四。初學記四。並作侍宴九日。引功、通、風、中、宮、桐、驄、空八韻。御覽三十二。作九日侍宴。引功、通、風、中、宮、桐、聰、空八韻。

從皇太子出玄圃應令詩

春光起麗譙。屣步陟類聚作履步。山椒。閣影臨飛蓋。鷲鳴入洞簫。水還登文苑作澄。故渚。樹長蔭類聚作今。初學

記、文苑作合。前橋。綠荷生綺類聚作倚。葉。丹藤上細苗。顧初學記作願。循斬振文苑作良。藻。何用擬瓊瑤。○類聚六十五。初學記二十四作從皇太子出玄圃詩。文苑英華百七十九。萬花谷後二十五作庾肩吾詩。詩紀八十。

奉和泛舟漢水往萬山應教詩

桂棹梁初學記作架。文苑作沙。棠船。飄揚橫大川。映巖沈水底。激浪起雲邊。迥初學記作迴。文苑同。注。一作回。岸高花發。春塘細柳文苑作草。懸。陪歌承睿賞。接醴侍恩筵。誰云李與郭。獨文苑作歇。得似神仙。○初學記七。文苑英華百七十九。詩紀八十。

山池應令詩

詩紀云。簡文有山池詩。

閨苑秋光暮。金塘牧詩紀云。疑作收。按馮校類聚宋本作收。潦清。荷低芝蓋出。浪涌燕舟輕。逆湍流類聚作留。棹唱。帶谷聚笳聲。野竹交臨浦。山桐迥出城。水逐雲峯闔。寒隨殿影生。○類聚九。詩紀八十。

奉使北徐州參丞御詩

炎農稱卷領。唐勳載允恭。猶將表世盛。尚且號民文苑云。集作人。從。未如今聖主。比德邁前蹤。格天垂禮樂。寰海置提封。枌榆諒昔社。朱方有舊壙。故鄉深帝念。巡狩及時雍。禁園文苑作園。周百里。離宮卽九重。浮橋還瀉文苑作寫。渭。抗文苑作杭。殿本疏龍。過沛追鄉飲。歸宛盛禮容。千金登禹膳。萬壽獻堯鍾。依

然對白水。眷言懷赤松。迴天隨輦道。駐日逐戈鋒。路遠大風積。山長佳氣濃。年光正婉婉。春樹轉豐茸。竹葉含初籟。文苑云。集作筍。萸枝發早蕞。文苑誤作筍。瑞木翻無鳥。祥花更少蜂。咸英起雲鳳。率舞間笙鏞。海鷗時出沒。文苑云。集作泛漾。江鱣乍噉喙。文苑誤作吟。雲邊開鞏樹。霧裏識嶠峯。小人濫趨走。虛薄愧無庸。皇恩不可報。河清徒易逢。○文苑英華二百九十六。詩紀八十。○逮按。說文繁傳引江鱣乍噉喙一句。

和衛尉新渝侯巡城口號詩

詩紀云。簡文帝、王筠同賦。

維城寄右戚。巡警屬勤王。南瞻通灞岸。北眺指橫芒。人漢飛延閣。臨雲出文苑作上。建章。步逐天津遠。城隨秋夜長。露槐落金氣。風寮上新文苑作塹。涼。○類聚二十八。文苑英華二百四十。詩紀八十。

遊甌山詩

詩紀云。古詩類選作沈約者非。

平子去類聚作去子平。文苑作子平去。已久。餘風文苑作光。今復追。未必遊春草。王孫自不歸。路高村反出。林長鳥更稀。寒雲間文苑作開。石起。秋葉下山飛。西河方閱訓。詎得解朝衣。○文苑英華百五十九。詩紀八十。類聚七引追、歸、飛三韵。

詠蔬圃堂詩

詩紀云。梁武帝有天安寺蔬圃堂詩。

北宮類聚作堂。詩紀云。一作堂。多暇豫。時駕總鑾類聚作鸞。初學記同。鑣。路類聚作疏。靜繁葭文苑作菰。撤。類聚作激。

初學記同。輪移類聚作輕。羽蓋飄。臨空坐飛觀。回首望浮橋。風長曙類聚作旦。鐘近。地迥類聚作迴。初學記作遠。洛城遙。疎林不礙類聚作得。按當是碍之訛。日。文苑作目。涸浦暫通潮。徒然等賓從。並作愧羣僚。○類聚六十三。初學記二十四作賦詠疏圍堂詩。文苑英華三百十四。詩紀八十。○逮按。此詩類聚、初學記皆在堂部。官應作堂。

尋周處士弘讓詩

試逐類聚誤作遂。赤松遊。披林對一丘。梨庚集作黎。紅大谷晚。桂白小山秋。石鏡菱花發。桐門琴曲愁。文苑云。集作曲道。詩紀云。一作道。泉飛疑度雨。雲積似重樓。王孫若不去。山中定可留。○類聚三十六。文苑英華二百三十作庚信。注。見類聚。庾子山集五。詩紀八十。

賦得嵇叔夜詩

山林重明滅。風月臨囂塵。著書惟隱士。談玄止谷神。鴈重翻傷性。蠶寒更養身。廣陵餘故曲。山陽有舊鄰。俗儉寧妨患。才多反累身。寄言山吏部。無以助庖人。○類聚三十六。詩紀八十。

和太子重雲殿受戒詩

皇明執東曜。帝宸居北辰。小乘開治道。大覺拯蒼民。殊途同義路。分流合智津。傳香引上德。列伎進名臣。連閣翻如畫。圖雲更似真。鏡山銜殿影。梅梁落梵塵。苑桂恆留雪。天花不待春。萬年逢瑞應。千生值

法身。天衣初拂石。豆火欲燃薪。重善終無報。詩紀云。一作無論報。輕毛庶有因。○類聚七十六。詩紀八十。

詠同泰寺浮圖詩

和簡文。下同。

望園臨柰苑。王城對鄴宮。還從飛閣內。遙見岵山中。詩紀云。岵山。耆岵山也。天衣疑拂石。鳳翅欲凌空。雲薨猶帶雨。蓮井不生桐。盤承雲表露。鈴搖天上風。月出琛含采。類聚作水。天晴幡帶虹。周星疑更落。漢夢似今通。我后情類聚作懷。初照。不與伊川同。方應捧馬出。永得離塵蒙。○類聚七十六。詩紀八十。

賽漢高廟詩

昔在唐山曲。今承紫貝文。苑作月。壇。寧知臨楚岸。非復望長安。野曠秋先文苑作光。動。林高葉早殘。塵飛遠騎沒。日徙詩紀云。一作過。半峯寒。徒然仰成誦。終用試才難。○文苑英華三百二十。詩紀八十。又類聚三十八作漢高廟詩。引壇、安、寒三韻。

亂後經夏禹廟詩

金簡泥初發。龍門鑿始通。配天不失舊。爲魚微此功。林堂上偃蹇。山殿下穹隆。文苑作窮隆。侵雲似天闕。照水類河宮。神來導赤豹。仙女文苑作去。擁飛鴻。松龕撤暮俎。棗逕落寒叢。仙舟還入鏡。玉軸更乘空。去國嗟行邁。離居泣轉蓬。月起吾類聚作吳。詩紀云。一作吳。文苑作關。山北。星臨天漢中。文苑作東。申胥猶文苑作

獨。有志。苟息本懷忠。待見攬槍滅。歸來松柏桐。文苑作同。○類聚三十八。文苑英華三百二十。詩紀八十。

亂後行經吳郵亭詩詩紀云。外編作庾信者非。

郵亭一回望。風塵千里昏。青袍異春草。白馬卽吳門。獯戎鯁類聚作鞭。伊洛。雜種亂輟文苑作軒。輶。輦道同。文苑作通。關塞。王城似太文苑作大。原。休明鼎尚重。秉禮國猶存。殷牖爰雖蹟。堯城吏轉尊。泣血悲東走。橫戈念北奔。方憑七廟略。誓雪五陵冤。人事今如此。天道共誰論。詩紀云。御亭。吳大帝所建。在晉陵。今作郵。誤也。○類聚三十四。文苑英華三百十五。詩紀八十。

經陳思王墓詩

公子獨憂生。丘壠擅餘名。採樵文苑作樵採。枯樹盡。犁田荒隧平。寧追宴文苑誤作晏。平樂。詎想謁承明。且余來錫命。兼言事結成。飄飄河朔遠。颯颯颶風文苑作颶颶風郊。又注。颶。一作颶。鳴。鴈與雲俱陣。沙將蓬共驚。枯桑落古文苑云。一作故。社。寒鳥文苑作鴉。歸文苑云。一作思。孤城。隴水哀葭曲。漁陽慘鼓聲。離家來遠客。安得不傷情。○文苑英華三百六。詩紀八十。○逮按。梁書及南史。肩吾終生未嘗奉使河朔。自無由經陳思王墓而題詩。據北史庾信傳。信曾聘東魏。文章辭令爲鄴下所稱。則此當爲子山之什。庾氏父子詩每互歧。如庾肩吾尋周處士弘讓詩。見藝文類聚。而文苑英華則作庾信。庾子山集亦載之。是其例。此篇則文苑英華爲誤。

過建章故臺詩

魯國觀遺殿。韓城想舊臺。仲宣原隰滿。子建悲風來。夏蓮猶反植。秋窗尚左文苑。詩紀並云。一作不。開。圖雲仍溜文苑云。集作洩。詩紀云。一作洩。雨。畫水初學記作書石。文苑同。注云。集作畫水。卽生苔。及君歡文苑作觀。四望。知余念類聚作悲。文苑云。集作詠。七哀。○類聚六十二。初學記二十四。文苑英華三百十三。詩紀八十。

和劉明府觀湘東王書詩

陳王擅書府。河間富典墳。五車方累篋。七閣自連雲。松塹芳帙氣。柏燠起厨文。羽陵青簡出。媯泉綠字分。方因接遊聖。暫得奉朝聞。峯樓霞早發。林殿日先曛。洛城復接限。初學記作眼。歸軒畏後羣。○初學記十二。詩紀八十。

和竹齋詩

百拱橫筇節。千櫨詩紀誤作爐。跨策竿。迴龍仍作柱。置類聚作通。笛且成樂。向嶺分花徑。隨階轉藥欄。蜂歸隣蜜熟。燕人重巢乾。欲仰天庭揆。終知學步艱。○類聚六十四。詩紀八十。

從駕喜雨詩

西嶽浮樽桂。東皇事浴文苑作溢。蘭。類聚作闌。赦詔還京兆。文苑作帥。歸神出灌壇。濕風含酒氣。陰雲助麥

寒。典農欣受職。治粟喜當官。復此隨車雨。民天文苑作人。知可安。○類聚二。文苑英華百五十三。詩紀八十。

奉和春夜應令詩

春牖對芳洲。文苑作州。珠簾新上鈎。燒香知夜漏。刻燭驗更籌。天禽詩紀云。一作雞。下北閣。詩紀云。一作闕。織
女人西樓。月皎疑非夜。林疏似更秋。水光懸蕩壁。詩紀作壁。山翠下添流。詎假西園讌。無勞飛蓋遊。○文
苑英華百七十九。詩紀八十。

奉和武帝苦旱詩

陽山蛇不蟄。洳類聚作如。澤鳥猶攢。暫息流膏雨。將似怨祁寒。文衣夜不卧。蔬類聚作疏。食晝忘餐。潔誠同
望祀。惟馨等浴蘭。江蘋享上帝。荆壁奠高巒。繁雲興岳立。蒸穴動龍蟠。渭渠還積水。滸池更起瀾。○類
聚一百。詩紀八十。

奉和太子納涼梧下應令詩

和簡文。

北園涼氣類聚作風。早。步輦暫逍遙。避日交長扇。迎風列短簫。山帶彈琴曲。桐橫棲鳳條。懸門開溜水。錦
石鎮浮橋。黑米生菰葉。類聚作葑。詩紀云。一作葑。青花出稻苗。無因學仙藻。雲氣徒文苑作從。飄飄。○類聚五。文
苑英華百七十九。詩紀八十。

芝草詩

蜘蛛玩芝草。淹留攀桂叢。桂叢方偃蹇。芝葉正玲瓏。如龍復如馬。成闕復成宮。黃金九華發。紫蓋詩紀云。一作莖。六英通。隱士蒼山北。仙神海穴廬山紀事作赤海。東。隨丹聊變水。獨搖廬山紀事作颺。不須風。○類聚九十八。廬山紀事一。詩紀八十。

詠美人看畫詩

詩紀作詠美人。

絳樹及西施。俱是好容儀。非關能結束。本自細腰肢。類聚作枝。鏡前難並照。相將映淥池。看粧畏水動。歛袖避風吹。轉手齊裾亂。橫簪歷鬢垂。曲中人未取。誰堪白日移。不分他相識。唯聽使君知。○類聚十八。詩紀八十。

送別於建興苑相逢詩

相逢小苑北。停車問苑中。梅新雜柳故。粉白映綸紅。去影背斜日。香衣臨上風。雲玉臺作雪。流階漸黑。冰開池半通。去馬船難駐。啼鳥曲未終。眷然從此別。車西馬復東。○玉臺新詠六。詩紀八十。

侍宴詩

詩紀云。一作侍宴景陽樓應令。

沐道逢將聖。飛觴屬上賢。仁風開美景。瑞氣動非煙。秋樹翻黃葉。寒池墮黑蓮。承恩謝命淺。念報在身

前。○類聚三十九。詩紀八十。

侍宴餞湘東王應令詩

陳王從遊士。高宴入承華。並載同連璧。雕文類簡文苑云。一作揀。沙。落猿時動樹。墜雪暫文苑作乍。注云。類聚作暫。揺花。念此離筵促。方愁別路賒。○類聚二十九。文苑英華百七十九。詩紀八十。

和晉安王薄晚逐涼北樓回望應教詩

向夕紛誼屏。追文苑作迎。涼飛觀中。樹影臨城日。窗含度水風。遙天如接岸。遠帆似凌空。陪文慙宋玉。徒等侍蘭宮。○類聚二十八。文苑英華百七十九。詩紀八十。

贈周處士詩

九丹開石室。三徑沒荒林。仙人翻可見。隱士更難尋。籬下黃花菊。丘中白雪琴。方欣松葉酒。自和遊山吟。○類聚三十六。文苑英華二百三十。庾子山集五。詩紀八十。

新林文苑云。林。集作亭。送劉之遴詩

旆轉黃山路。舟纜白馬津。送輪時合幟。分驂各背塵。常山喜臨岱。隴頭悲望秦。欲持漢中策。還以贈征

人。○類聚二十九。初學記十八。文苑英華二百六十六。詩紀八十。

奉使江州舟中七夕詩

九江逢七夕。初弦值早秋。天河來映水。織女欲攀舟。漢使俱爲客。星槎共逐流。莫言相送浦。不及穿針樓。○類聚四。詩紀八十。

南苑看人還詩

春花競玉顏。俱折復俱攀。細腰宜窄衣。長釵巧挾髮。洛橋初度燭。青門欲上關。中人應有望。上客莫前還。○玉臺新詠八作南苑還看人。類聚十八。詩紀八十。

詠美人看畫應令詩

玉臺人下有自字。看畫應令詩。詩紀云。和簡文。
欲知畫能巧。喚取真來映。並出似分身。相看如照鏡。安釵等疏密。著領俱周正。不解平城圍。誰與丹青競。○玉臺新詠八。類聚十八。詩紀八十。

奉和藥名詩

簡文、元帝皆有藥名詩。
英王詩紀作玉。牧荆楚。聽訟出池臺。督郵稱蝗去。亭長說烏來。行塘朱鷺響。當道赤帷開。馬鞭聊寫賦。竹葉暫傾杯。○類聚五十六。詩紀八十。

看放市詩

旗亭出御道。遊目暫迴車。既非隨舞鶴。類聚作鶴。聊思索枯魚。類聚作聊自人看書。懸龜識季主。勝酒見相如。日中人已合。黃昏故未疏。○類聚六十五。初學記二十四。詩紀八十。

應令詩詩紀作餞張孝總應令。又注。外編作吳均者非。

江上早寒生。蕭條鏡管清。別筵開帳殿。離舟卷幔城。前山黃葉起。對岸白沙驚。臨渦同極望。竊吹愧才輕。○類聚二十九。詩紀八十。

侍宴餞東陽太守范詩詩紀云。范當作蕭。子雲詩

東部資良守。北宮敦獻酬。新枝漸接樹。故凍欲含流。早花少餘雪。春寒極晚秋。徒嗟白岸遠。空想赤松遊。○類聚二十九。詩紀八十。

和望月詩

桂殿月偏來。留光引上才。圓類聚作圓。隨漢東蚌。暈逐淮南灰。文苑作暈。渡河光不濕。移輪轍文苑誤作激。詎開。此夜臨清景。還承終宴初。學記誤作冥。杯。○類聚一作望月詩。初學記一。文苑英華百五十二作望月。詩紀八十。

和徐主簿望月詩

樓上徘徊月。窗中愁思草堂詩箋作殺。人。照雪光偏冷。臨花色轉初學記字缺。春。星流時入暈。桂長欲侵輪。
願以重光曲。承君歌扇塵。○類聚一。初學記一。文苑英華百五十二。詩紀八十。又草堂詩箋三十一。江月詩注引人一韻。

詠風詩

宋地鷓飛初。湘川燕起餘。掃詩紀云。一作拂。壇文苑作拂煙。注云。一作掃。玆。聊動竹。吹薤欲成書。蒼梧洞猶文苑
作桐尚。又注。尚。一作猶。在。詩紀云。一作蒼。峴。桐猶在。合浦樹應疏。陽鳥文苑作鳥。一轉翅。千里定非虛。○類聚一。文苑
英華百五十六。萬花谷二。詩紀八十。

詠花雪詩

瑞雪墜堯年。因風人綺錢。飛花灑庭樹。凝瑛結井泉。寒光晦八極。同雲暗九天。已飄黃竹文苑作石。路。共
文苑作還。慶白渠田。○類聚二。文苑英華百五十四作花雪。詩紀八十。

春日詩

桃紅柳絮白。照日復隨風。影出朱城外。香文苑作花。歸青殿中。水映寄生竹。山橫半死桐。頌文知渥文苑作

淚重。搦文苑誤作嫺。札媿才空。○類聚三。文苑英華百五十七。詩紀八十。

七夕詩

玉匣卷懸衣。針樓初學記作縷。歲時雜詠、御覽同。開夜扉。姮娥隨月落。織女逐星移。離前忿初學記作看。歲時雜詠、文苑、御覽同。促夜。別後對空機。倩初學記作得。文苑同。語雕陵文苑作凋翎。誤。鵲填河未可飛。○類聚四。初學記四。古今歲時雜詠二十五。文苑英華百五十八。御覽三十一。詩紀八十。

歲盡應令詩

歲序已云殫。春心不自安。聊開柏葉酒。試奠五辛盤。金薄歲時雜詠作箔。圖神燕。朱泥却類聚作印。初學記、御覽同。詩紀云。一作印。鬼丸。梅花應可折。倩類聚作惜。初學記同。烏雪中看。○類聚三。初學記三。古今歲時雜詠四十一。御覽十七。詩紀八十。

賦得山詩

層雲霾峻嶺。絕澗倒危峯。刻削臨千仞。嵯峨起百重。行曦上杳杳。結霧下溶溶。仁心留此屬。休奉愧文苑作愧奉。羣龍。○初學記五。文苑英華百五十九。詩紀八十。

同蕭左丞詠摘梅花詩

牕梅朝始發。庭雪晚初消。折花牽短蔓。萬花谷作遠。樹。攀初學記作幽。萬花谷同。叢人細條。垂冰溜玉手。含刺罨初學記作罨。文苑、萬花谷同。春腰。遠道終難寄。馨香徒自饒。萬花谷作消。○初學記二十八。文苑英華三百二十二。萬花谷後三十八作庚肩吾詩。詩紀八十。

和晉安王詠燕詩

詩紀云。簡文有雙燕詩。樂府題云雙燕離。

可憐幕上燕。差池弄羽衣。夜夜同巢宿。朝朝相對飛。銜泥瞻樂善。相賀奉英徽。秋蟬行寂寞。戀此未辭歸。○類聚九十二。文苑英華三百二十九。詩紀八十。

詠胡牀應教詩

傳名乃外域。人用信中京。足欹形已正。文斜御覽作邪。體自平。臨堂對遠客。命旅誓初征。何如淄館下。淹初學記作掩。誤。留文苑作流。奉盛明。○類聚七十作賦得詠胡牀詩。初學記二十五。文苑英華百七十九。萬花谷續六。詩紀八十。又御覽七百六作賦胡牀詩。引京、平、征三韻。

暮遊山水應令賦得磧字詩

餘春屬清夜。西園恣遊歷。人逕轉金輿。開橋通畫鷁。文苑作艦。細藤初上棧。文苑作援。新流漸涵磧。雲峯沒城柳。電影開巖壁。○類聚二十八作暮遊山水賦韻得磧應令詩。文苑英華百七十九。詩紀八十。

奉和湘東王應令詩二首

春宵

征人別未類聚作來。久。年芳復臨牖。燭下夜縫衣。春寒偏着手。願及歸飛雁。因書寄類聚作向。高柳。○玉臺新詠八。類聚三十一。詩紀八十。

冬曉詩

鄰雞聲已傳。愁人竟不眠。月光侵曙後。霜明落曉前。紫鬢起照鏡。誰忍插類聚作槩。花鈿。○同上

詠簷燕詩

雙燕集蘭閨。雙飛高復低。向戶疑新箔。登巢識故泥。依欄本相賀。近幕願同棲。○類聚九十二。文苑英華三百二十九。詩紀八十。

奉賀便省餘秋詩

前對金精坂。傍臨圓水池。照影礙浮葉。看山通迥枝。鴈行連霧盡。雨足帶雲移。○類聚三。詩紀八十。

被使從渡江詩

八陣引佳兵。三河總艫舳。絳天揚遠旆。雷野驅長轂。夜劍動星芒。秋潮驚箭服。○類聚五十九。詩紀八十。

登城北望詩

誓師屠六郡。登城望九嶷。山沈黃霧裏。地盡黑雲中。霜戈曜壠日。哀笳斷塞類聚作寒。風。○類聚二十八。詩紀八十。

道館詩

仙人白鹿上。隱士潛溪邊。試取西山藥。來觀東海田。○類聚七十八。詩紀八十。

賦得轉歌扇詩

團紗映似月。蟬翼望如空。迴持掩曲態。轉作送聲風。○類聚六十九。詩紀八十。

詠舞詩

飛鳧類聚作鳥。袖始拂。啼鳥曲未終。聊因斷續唱。試託往還風。初學記作同。○類聚四十三。初學記十五。萬花谷後三十二。詩紀八十。

詠舞曲應令詩

歌聲臨畫閣。舞袖出芳林。石城定初學記作聽。若遠。前谿應幾深。○玉臺新詠十。初學記十。詩紀八十。

詠主人少姬應教詩

故年齊總角。今春半上頭。那知夫婿好。能降使君留。○玉臺新詠十。詩紀八十。

詠長信宮中草詩

委翠似知節。含芳如有情。全由履迹少。併欲上階生。○玉臺新詠十。詩紀八十。

石崇金谷妓詩

蘭堂上客至。綺席清絃撫。自作明君辭。還教綠珠舞。○玉臺新詠十。詩紀八十。

遠看放火詩

風前細塵類聚作煙。起。月裏黑煙生。發類聚作人。燄看喬類聚誤作橋。木。侵光識遠城。○類聚八十。詩紀八十。

舟中寒望詩

日暮敞類聚作敞。鳧舟。曾冰合駛流。雪照齊君履。寒入楚王裘。○類聚二十七。詩紀八十。

石橋詩

詩紀云。簡文有作。

秦王金作柱。漢帝玉爲欄。初學記誤作梁。仙人飛往易。道士出歸難。○類聚九。初學記七。詩紀八十。

詠桂樹詩

新叢人望苑。舊榦別層城。倩視今移處。何如合璧事類作如何。月裏生。○類聚八十九。合璧事類別集三十八。詩紀八十。

賦得池萍詩

風翻乍青紫。浪起時疏密。木欲嘆無根。還驚能有實。○類聚八十二。初學記二十七。文苑英華三百二十七。詩紀

八十。

新苔詩

隨潮染岸石。逐沫聚浮楂。徒令阿谷麗。停筐不汰沙。○類聚八十二。詩紀八十。

被執作詩一首

三國典畧曰。宋子仙破會稽。購得肩吾。謂之曰。昔聞汝能詩。今可作。若能。當貰汝命。肩吾操筆立成。子仙乃釋之。髮與年俱暮。愁將罪共深。聊持轉風燭。暫映廣陵琴。○御覽六百。詩紀八十。

詩

勁氣方凝海。清威正折綿。○萬花谷三。

三日侍宴詠曲水中燭影詩七言

重燄類聚作垂爛。垂花比芳樹。風吹水動俱難住。春枝拂岸影上來。還杯繞客光中度。歲時雜詠誤作庭。○類聚八十。古今歲時雜詠十六。詩紀八十。○逮按。升菴詩話。引庾肩吾燭影詩云。垂燄垂花比芳樹。隨風隨水俱難駐。秦娥軟舞隙中來。李吾夜績光中度。燭龍潛曜城烏啼。陰陰疊鼓朝天去。與此不同。

八關齋夜賦四城門更作四首殿下卽簡文。時爲皇太子中庶。府君謂肩吾。爲太子中庶子。

第一賦韻東城門病

伏枕愛危光。痾纏生易折。無因雪岸草。慮反砮廣弘明集作邱。注云。三本、官本作砮。山穴。徐防 消渴腴腸府。廣弘明集作臍。注云。宋、元、官本作府。疼蹇嬰肢廣弘明集作枝。注云。三本作肢。節。如何促齡內。憂苦無暫缺。孔叡○廣弘明集云。宋、元、官本作壽山。

南城門老

虛蕉誠易犯。危藤復將嚙。一隨柯已微。當年信長訣。諸葛燈 已同白駒去。復類紅花熱。妍容一旦罷。孤燈行自設。君

西城門死

綏心雖殊用。廣弘明集作已殊。注云。三本、官本作殊用。滅景寧優劣。一隨業風盡。終歸虛妄設。王臺卿 五陰誠爲假。六趣寧有截。零落竟同歸。憂思空相結。李鏡遠

北城門沙門

俗幻生影空。憂繞心塵墮。廣弘明集作墮。注云。三本、官本作墮。於茲排四纏。去矣求三涅。殿下下學輩廣弘明集作

背。注云。三本作輩。留心。方從窈冥別。已悲境相空。復作泡雲滅。中庶府君○廣弘明集三十。詩紀八十。

第二賦韻東城門病

空痾誠易愈。有病故難痊。徒知餌五色。終當悲九泉。王臺卿已無雲廣弘明集作雪。注云。三本、官本作雲。山草
沈痾竟誰憐。復悲淪苦海。何由果淨天。諸葛嶷

南城門老

昔類紅蓮廣弘明集云。明本作連。草。自玩綠廣弘明集作淥。池邊。今如白華樹。還悲明鏡前。殿下壯心欲何在。餘
日乃西遷。清罇不復樂。蓬鬢豈還妍。徐防

西城門死

高堂信逆旅。懷廣弘明集作壤。注云。三本、官本作懷。業理常牽。玉匣方委襯。金臺不復延。中庶府君挽聲隨逕
遠。蘿影帶松懸。詎能留十念。唯應逐四緣。君

北城門沙門

經行林樹下。求道志能堅。卽有神通力。振錫遠乘煙。李鏡遠一登四弘誓。至道莫能先。不貪曠劫壽。無論

延促年。孔熹○同上。

第三賦韻東城門病

纏痾緬百年。自傷無五福。長縈廣弘明集云。明本作榮。畫篋蛇。不值仙人鹿。殿下習染迷畫瓶。卧起求棲宿。羅襦豈再歡。臨歧方土木。中庶府君

南城門老

少年愛紈綺。衰暮慙羅縠。徒傷歲冉冉。陳詩非郁郁。王臺卿 鶴髮辭軒冕。鮐背烹葵菽。松柏稍相依。歡愛時睦睦。廣弘明集作幾時睦。注云。三本、官本作時睦睦。李鏡遠

西城門死

追念平生時。遨遊上廣弘明集云。元本、明本作土。苑囿。一没松柏下。春光徒儵昱。孔熹 結根素因假。枝葉緣骨肉。自應螻蟻驅。值此風刀逐。諸葛攄

北城門沙門

俗繭厭纏絲。因田抽善穀。長披忍辱鎧。去此織羅服。徐防願引三塗衆。俱令十使伏。珠月猶沈首。金鉀

未挑目。君○同上

第四賦韻東城門病

紫紉未可得。漳濱徒再離。一逢犬馬病。賁育罷驅馳。李鏡遠已無九轉術。復闕萬金奇。不看授疆廣弘明集作鹽。注云。三本、宮本作疆。掌。唯夢蓮花池。君

南城門老

盛年歌吹日。顧步惜容儀。一朝衰朽至。星星白髮垂。孔熹已傷萬事盡。復念九門枝。垂廣弘明集作乘。注云。三本、宮本作垂。軒意何在。獨坐鏡廣弘明集作鏡坐。注云。三本、宮本作坐鏡。如斯。中庶府君

西城門死

一息于今罷。平生詎可規。天長曉露促。千齡誰復知。殿下華堂一相捨。松帳杳難窺。萬祀藏珠應。千年罷玉羈。徐防

北城門沙門

深心不可染。正道亦難欷。詩紀誤作歌。方除五欲累。長辭三雅卮。廣弘明集云。宮本作邪危。王臺卿依空慮難靜。習善路猶弛。廣弘明集作彌。沒身竟靡託。單孟詎待貲。諸葛澹○同上

梁詩卷二十四

王筠

筠。字元禮。一字德柔。琅邪臨沂人。齊司空僧虔孫。起家中軍臨川王行參軍。遷太子舍人。尚書殿中郎。累遷太子洗馬、中舍人。並掌東宮管記。出爲丹陽尹丞。遷中書郎。除太子家令。普通六年。除尚書吏部郎。遷太子中庶子。中大通三年。出爲臨海太守。大同初。遷秘書監。大寶元年。簡文卽位。卒。年六十九。有集十一卷、中書集十一卷、臨海集十一卷、左佐集十一卷、尚書集九卷。

樂府

有所思 詩紀云。律祖作吳均者非。

丹墀生細草。紫殿納文苑作網。注云。一作納。輕陰。曖曖巫山遠。悠悠湘水深。徒歌鹿盧文苑作轆轤。劍。空
貽玳瑁簪。望君終不見。屑淚且長文苑作微。樂府、詩紀並云。一作微。吟。○文苑英華二百一。樂府詩集十七。詩紀八
十六。

陌上桑

人傳陌上桑。未曉已含光。重重相蔭映。軟弱樂府作軟軟。文苑、詩紀云。一作軟軟。自芬芳。秋胡始倚樂府作停。文苑云。一作停。馬。羅敷未滿筐。春蠶朝已老。樂府作伏。文苑云。一作伏。安得久彷徨。○文苑英華二百八。樂府詩集二十八。詩紀八十六。

俠客篇

俠客趨名利。劍氣坐相矜。黃金塗鞘尾。白玉飾鈎膺。晨馳逸廣陌。日暮返文苑作還。平陵。舉鞭向趙李。與君方代興。○文苑英華百九十六作俠客行。樂府詩集六十七。詩紀八十六。

三婦豔

大婦留芳褥。中婦對華燭。小婦獨無事。當軒理清曲。丈人且安卧。豔歌方斷續。○樂府詩集三十五。詩紀八十六。

雜曲二首

烏樂府作鳥。注云。一作鳥。還夜已逼。蟲文苑作蠹。飛曉尚賒。桂月徒留影。蘭燈樂府作臺。文苑云。一作臺。空結花。○

文苑英華二百十一。樂府詩集七十七。詩紀八十六。

可憐洛城東。芳樹搖春風。丹霞映白日。細雨帶輕虹。○同上

行路難七言

千門皆閉夜何央。百憂俱集斷人腸。探揣箱中取刀尺。拂拭機上斷流黃。情人逐情雖可恨。復畏邊遠文苑作道遠。注云。一作傷畏邊遠。乏衣裳。已縲文苑作繩。一繭文苑誤作羣。催衣縷。復擣文苑作搗。百和裊樂府作薰。詩紀同。衣香。猶憶去時腰大小。不知今日身短長。襦襜雙心共一袂。文苑作袂。柏玉臺作袒。文苑作帔。復兩邊作八褱。文苑作撮。褱帶雖安不忍縫。文苑作繫。注云。一作縫。開孔裁穿猶未達。胸前却月兩相連。本照君心不照天。願君分明得此意。勿復流蕩不如先。含悲含怨判不死。封情忍思待明年。○玉臺新詠九。文苑英華二百。樂府詩集七十。詩紀八十六。

楚妃吟雜言

窗中曙。花早飛。林中明。鳥早歸。庭前日。暖春閨。香氣亦霏霏。香氣漂。當軒清。唱調獨顧慕。含怨復含嬌。蝶飛蘭復熏。裊裊輕風人。翠裙春可遊。歌聲梁上浮。春遊方有樂。沈沈下羅幕。○樂府詩集二十九。詩紀八十六。○逯按。樂府詩集、詩紀並缺窗中曙三字及薰字翠字。今從萬曆本詩紀著錄。

詩

侍宴餞臨川王北伐應詔詩四言

金版韜英。玉牒蘊精。帝德乃武。王威有征。軒習弧矢。夏陳干戚。周驚戎車。漢馳羽檄。我皇俊文苑作駿。
聖。千年踵類聚作鍾。武。德洞十文苑作千。詩紀云。一作千。門。威加八柱。金正圯德。水行失道。胡馬南牧。戎徒
西保。荐食伊瀍。整居豐鎬。金關文苑作關。注云。一作闕。詩紀云。一作關。揚塵。銅臺茂草。命彼膳類聚作膳。馮校仍
作膳。夫。爰詔協律。樂賦類聚作武。出車。絃操吉類聚作別。文苑同。日。玉饌駢羅。瓊漿泛溢。聖德温温。賓儀秩
秩。○類聚二十九。文苑英華百六十九。詩紀八十六。

早出巡行矚望山海詩以下五言。

王生臨廣隰。潘子望洪河。同軫懷歸思。俱興年逝歌。日余異二子。承睫文苑誤作臉。淚滂沱。剖符瀛海外。
結綬層山阿。因心留惻憫。恕已息煩苛。繕築循時隙。興動藉民和。高門惟壯麗。脩雉亦駢羅。層樓亦攀
陟。文苑作已門幾。又注云。二字疑。複道亦經過。昧旦清音文苑作陰。上。風氣入纖蘿。雲起垂天翼。水動連山波。
奔濤延瀾汗。積翠遠嵯峨。鄉關屢迴曲。還顧杳蹉跎。曾微肅肅羽。望路空如何。○文苑英華百六十二。詩紀八
十六。

北寺寅上人房望遠岫翫前池詩

安期逐文苑作遂。長往。交甫稱高讓。遠跡入滄溟。輕舉馳昆閬。良由心獨善。兼且情由文苑作遊。放。豈若尋文苑作徇。幽棲。卽目文苑作日。窮清曠。激水周堂下。屯雲塞檐向。閑牖聽奔濤。開窗延疊嶂。前階復虛沿。瀾迤成洲漲。雨點散圓文。風生起斜浪。游鱗互文苑誤作千。澆澗。羣飛皆哢吭。蓮葉蔓田田。菱花動搖漾。浮光曜庭廡。流芳襲帷帳。匡坐足忘懷。詎思江海上。○文苑英華百六十五。詩紀八十六。

和衛尉新渝侯巡城口號詩簡文帝、庾肩吾同賦。

閶闔曖已昏。鈎陳杳將暮。棲鳥類聚作鳥。城上返。初學記作喧。萬花谷同。詩紀云。一作喧。晚雀林中度。屯衛時巡警。凝威肆安步。閣道趨文昌。禁兵連武庫。銅鳥文苑作鳥。注云。宋本鳥。迎早風。金掌承朝露。罌罌分曉色。睥睨生秋霧。維城任寄隆。初學記作崇。空想靈均賦。伊余方病免。丘園保恬素。○初學記二十四作和新渝侯巡城詩。文苑英華二百四十。詩紀八十六。又類聚二十八作和尉新渝侯巡城詩。引暮、度、庫、露、霧五韻。萬花谷後二十五引暮、度、步、庫、露、霧六韻。

寓直中庶坊贈蕭洗馬詩

龍樓實九重。薄寒殊復早。類聚作起殊早。玉階注類聚作泣。清露。銅池結秋潦。霜被守宮槐。風驚護門草。之

子擅文苑作摘。注云。一作擅。文華。縱橫富辭藻。舒錦慙光麗。握珠謝奇寶。媿予非工文。何用披懷抱。物類志曰。護門草出常山。取置戶下。或有過其門者。草必叱之。一名百靈草。○類聚三十一。文苑英華百九十。詩紀八十六。

奉和皇太子懺悔應詔詩

梁簡文有蒙預懺直疏詩。

奉和皇太子懺悔詩。仍上皇宸。極□□聖旨即疏降。同所用十韻。私心慶躍。得未曾有。招廣弘明集作措。採餘韻。更題鄙拙。

一聖智比明。帝德光四海。荷負誠悠廣弘明集作攸。注云。官本作假。屬。度脫實斯在。懺說濟蒙愚。推心屏欺殆。廣弘明集作給。注云。宋、元本作殆。明本作詒。名僧引定慧。朝纓列廣弘明集云。宋本、官本作烈。元凱。還迷依善導。反心由真宰。和鈴混吹音。勝幡榮廣弘明集作繁。注云。三本、官本作榮。雪彩。早蒲欲抽葉。新篁向舒筴。翹勤諒懇到。歸誠信兼倍。睿豔似煙霞。欄杆廣弘明集作闌干。注云。三本、官本作欄杆。若珠琲。善誘雖欲繼。含毫廣弘明集作含豪。注云。三本、官本作含毫。愧文彩。○廣弘明集三十。詩紀八十六。

和皇太子懺悔詩

習惡歸禮懺。有過稱能改。聖德及羣生。唱說信兼採。翹心蕩十惡。遯誠銷五罪。三縛解智門。六塵清法海。超然故無著。逍遙新有待。○類聚七十六。詩紀八十六。

和吳主簿詩六首

春月二首

日照鴛鴦殿。萍生雁鷺池。遊塵隨影入。弱柳帶風垂。青骹詩紀云。一作鶻。逐黃口。獨詩紀云。一作別。鶴慘羈雌。同衾遠遊說。結愛久生詩紀作相。離。於今方溘死。寧須萱草枝。○玉臺新詠八。詩紀八十六。
菴蕪心未發。靡蕪葉欲齊。春蠶方曳緒。新燕正銜泥。野雉呼雌雉。庭禽挾子棲。從君客梁後。方晝掩春閨。山川隔道里。芳草徒萋萋。○同上

秋夜二首

九重依夜管。詩紀作館。四壁慘無輝。招搖顧西落。烏鵲向東飛。流螢漸收火。絡緯欲催機。爾時思錦字。持製行人衣。所望丹心達。嘉客儻能歸。○同上
露華初泥泥。桂枝行棟棟。殺氣下重軒。輕陰滿四屋。別寵增修夜。遠征悲獨宿。愁繁詩紀作牽。翠羽眉。淚滿橫波目。長門絕往來。含情空杼軸。○同上

遊望二首

落日照紅粧。挾瑟當窗牖。寧復歌靡蕪。唯聞歎楊柳。結好在同心。離別由衆口。徒設露葵羹。誰酌蘭英

酒。會日杳無期。葬華安得久。○同上

相思不安席。聊至狹邪東。愁眉傲戚里。高髻學城中。雙眉偏照日。獨恣好縈風。自陳詩紀作知。心所想。詩紀作愛。獻賦甘泉宮。傳聞方鼎食。詎憶春閨中。詩紀作容。○同上

代牽牛答織女詩

詩紀云。沈約織女贈牽牛詩已見。

新知與生別。由來儻相值。如何初學記作豈如。歲時雜詠、文苑同。詩紀云。一作豈如。寸心中。一宵類聚作霄。懷兩事。歡娛未繾綣。倏忽成離異。終日遙相望。祇益文苑作憶。注云。雜詠作益。生愁思。猶想類聚作憶。今春悲。尚有故年淚。忽遇長河轉。獨喜涼文苑誤作良。颺至。奔精類聚作情。翊鳳軫。織類聚作精。阿文苑云。雜詠作珂。歲時雜詠作織。警龍轡。○類聚四。初學記四。古今歲時雜詠二十五及文苑英華百五十八作牽牛答織女。詩紀八十六。

苦暑詩

日坂文苑作域。詩紀云。一作域。散朱雱。天隅斂青靄。飛颺文苑作光。詩紀云。一作光。煥南陸。炎津通文苑作湧。北瀨。繁星聚若珠。密雲屯似蓋。月至每開襟。風過時解帶。○類聚五。文苑英華二百一十作苦熱。詩紀八十六。

五日望採拾詩

裁縫逗早夏。點畫守初晨。綃紈既妍媚。脂粉亦香新。長絲表良節。命類聚作金。詩紀云。一作金。縷應嘉文苑作

佳。辰。結蘆同楚客。採艾異詩人。折花競鮮彩。拭露染芳津。含嬌起斜盼。類聚作眄。歛笑動微嚔。獻璫依洛浦。懷珮似江濱。須待恩光接。中夜奉衣巾。○初學記四作五日望採艾詩。文苑英華百五十七作五日。詩紀八十六。又類聚四引辰、人、津、嚔、濱五韻。

奉酌從兄臨川桐樹詩

伊昔擅羽儀。待價龍門垂。優游清露點。徽詩紀云。一作微。穆惠風吹。月上陰陽幹。雲覆死生枝。公子存高尚。聊用影華池。棲鸞既不重。舞鶴復何施。方同散木爨。清響竟誰知。○類聚八十八。詩紀八十六。

摘安石榴贈劉孝威詩

中庭有奇樹。當戶發華滋。素莖表朱實。綠葉廁紅蕤。既標太沖賦。復見安仁詩。宗生仁壽殿。族代文苑。詩紀並云。疑作茂。河陽湄。有美清淮北。如玉又如龜。退書寫蟲篆。進對詩紀云。一作封。多好辭。我家新置側。可求不難識。相望阻盈盈。相思滿胸臆。高枝爲君採。請寄西飛翼。○文苑英華三百二十二。詩紀八十六。

東南射山詩

詩紀云。阮籍詠懷詩曰。東南有射山。汾水出其陽。言神仙之事。

還丹改容詩紀作客。質。握髓駐流類聚作留。年。口含千里霧。掌流五色煙。瓊漿泛金鼎。瑤池溉玉田。倏忽整

龍駕。相遇鳳臺前。○類聚七十八。詩紀八十六。

春遊詩

藜蘭已飛蝶。楊柳半藏鴉。物色相煎蕩。微步出東家。既同翡翠翼。復如桃李花。欲以千金笑。迴君流水車。○類聚三十二。詩紀八十六。

觀海詩

善卽誰爲御。我來無別心。聊復寓茲興。茲興將何詠。○韻補四。
照本苟不昧。在昧理知瑩。忽乘搏角勢。超騰送崖上。○同上
卑牧會善下。智流心不爭。借悟雖由外。鑒至成銅鏡。○同上

春日詩

金堤草非舊。玉池泉已新。風生似羊角。雲上若魚鱗。幽閨多怨思。停織坐嬌春。芳華既零落。方作向隅人。○類聚三。文苑英華百五十七。詩紀八十六。

向曉閨情詩

北斗行欲沒。東方稍已晞。晨雞初下樓。詩紀云。玉臺作振羽。曉露尚類聚作上。詩紀云。玉臺作方。霑衣。衾裯詩紀云。玉臺作錦衾。徒有設。信誓詩紀云。玉臺作蘭約。果相違。詎詩紀云。玉臺作誰。忍開朝鏡。羞恨掩空扉。○類聚三十二。詩紀八十六。

望夕霽詩

詩紀云。帝王集作簡文帝者非。

連山卷亂類聚、文苑作族。萬花谷作簇。詩紀云。一作族。雲。長林息衆籟。密樹含綠滋。遙峯凝翠靄。石溜正淥滌。文苑誤作殘。詩紀云。一作潺湲。山泉始澄汰。物華方人賞。跂類聚誤作跋。予心期會。○初學記二。文苑英華百五十五。詩紀八十六。又類聚二作夕霽詩。引籟、靄、會三韻。萬花谷二作夕霽詩。引籟、靄二韻。

和孔中丞雪裏梅花詩

水泉猶未動。庭樹已先知。翻光同雪舞。落素混文苑。詩紀並云。一作汨。冰池。今春競初學記作竟。時發。猶是昔年枝。唯有長顛顛。對鏡不能窺。○初學記二十八。文苑英華三百二十二。詩紀八十六。

摘園菊贈謝僕射舉詩

靈茅挺三脊。神芝曜九明。菊花偏可憇。碧葉媚金英。重九惟嘉節。抱一應元貞。泛酌宜長久。聊薦野人誠。○類聚八十一。詩紀八十六。

答元金紫餉朱李詩詩紀云。六朝詩集作沈約。因初學記相次而誤也。

穠初學記作李。華春發彩。結實下文苑作不。成蹊。潘生詠金谷。魏后沈寒溪。逢君重妖麗。移翫入崇閨。慚無瓊玖報。徒用萃幽棲。○初學記二十八。文苑英華三百二十六。詩紀八十六。

詠輕利舟應臨汝侯教詩

君侯飾輕利。搖蕩邁飛雲。凌波漾鷁彩。汎水渙類聚作煥。御覽同。蛟文。電御覽誤作雷。流已光類聚作冠。御覽同。絕。鳥逝復超羣。倏忽方千里。戀茲歧路分。○類聚七十一。初學記二十五作詠輕利舟詩。御覽七百七十作詠輕利舡應臨侯教。萬花谷續七。詩紀八十六。又事類賦舟賦注作詠輕利船應臨汝侯教。引雲、文二韻。

詠燈檠詩

百華曜九枝。鳴鶴映冰池。朱類聚作未。馮校作末。光本內照。丹花復外垂。流暉悅嘉客。翻影泣生離。自銷良不悔。明白願君知。○類聚八十。詩紀八十六。

詠蠟燭詩

執初學記作熱。萬花谷同。燭引佳期。流影度單帷。臃腫萬花谷作通隴。別繡被。依稀見蛾眉。莢初學記誤作美。明不

足貴。焦燼豈爲疑。所恐恩情改。照君尋履綦。初學記作覆綦。萬花谷同。○初學記二十五。萬花谷續八作王筠詩。詩紀八十六。

和蕭子範入元襄王第詩

昔人睢陽苑。連步披風雲。今遊故臺處。回望閭無人。文苑作聞。皓壁留餘篆。蕙圃有餘芬。行人皆隕涕。何獨孟嘗君。○類聚三十四。文苑英華三百七。詩紀八十六。

閨情詩

月出宵將半。星流曉未央。空閨易成響。虛室自生光。嬌羞悅人夢。猶言君在傍。○類聚三十二。詩紀八十六。

東陽還經嚴陵瀨贈蕭大夫詩

子陵狗高尚。超然獨長往。釣石宛如新。故態依可想。○類聚三十一。詩紀八十六。

遊望詩

晨登黃馬坡。遙望白龍堆。風威盡撩折。路險車輪摧。○類聚二十七。詩紀八十六。

以服散鎗贈殷鈞別詩

玉鉉布交文。金丹煥仙骨。九沸翻成緩。七轉御覽誤作輔。良爲切。執以代疎麻。長貽故人別。○類聚三十七作吳筠。御覽七百五十七。詩紀八十二作吳均。

詩

桓桓信無敵。堂堂寧有前。九斲良易舉。八荒安足吞。○韵補二。

詩

靈圖白玉檢。寶冊黃金題。會昌其符合。至德乃司契。○韵補四。
緣巖蔓芳杜。迴崖掩綠蕙。嘉禾挺皋蘇。奇香發迷迭。○同上
寶地恣憑陵。神樂忽侵竊。猛將窮春擊。勇夫貪搏噬。○同上

詩

燒山多詭怪。蒼嶺復迢遼。神芝曜七明。山蒲含九節。日駟若迴駕。相待青雲際。○韵補五。
九沸翻成緩。七輔良爲切。煙霞幸易親。龜紐詎難稅。○同上

和劉尚書詩

客館動秋光。仙臺起寒霧。○初學記十一。

褚澧

澧。字士洋。河南陽翟人。爲縣令。遷湘東王府參軍。仕至御史中丞。

詠柰詩

成都貴素質。酒泉稱白麗。紅紫奪夏藻。芬芳掩春蕙。映日照新芳。叢林抽晚蒂。誰謂重三珠。文苑作株。終焉競八初學記作以。誤。桂。不讓園丘中。粲潔華庭際。○初學記二十八。文苑英華三百二十六。詩紀九十二。又類聚八十六作褚湮柰詩。引麗、蕙、桂三韻。○逮按。梁書劉覽傳有褚湮。

賦得蟬詩

避雀芳詩紀云。一作喬。枝裏。飛空華殿曲。天寒響屢嘶。日暮聲愈促。繁吟如欲盡。長韻還相續。飲露非表清。輕身易知足。○類聚九十七。文苑英華三百三十作褚雲賦得蟬。萬花谷後四十作褚雲詩。詩紀九十二。

鮑至

至。東海人。仕晉安王。隨府在雍州。號高齋學士。

山池應令詩

望園光景暮。林觀歇雰埃。荷疏不礙楫。石淺好繁苔。風光逐榜轉。山望向橋開。樹交樓影沒。岸暗水光來。○類聚九。詩紀八十八。

奉和往虎窟山寺詩

神心睠物序。訪道絕塵囂。林疏蓋影出。風去管聲遙。息徒依勝境。稅駕上山椒。年還節已仲。野綠氣方韶。短葉生喬樹。疏花發早條。遠峯帶雲沒。流煙雜雨飄。復茲承乏。廣弘明集云。宮本作之者。頒名廁末僚。願藉連河。廣弘明集云。明本、宮本作阿。澗。庶影慧燈昭。一知衣。廣弘明集云。明本作依。內寶。衣慙。詩紀云。一作悲。茲廣弘明集作悲慈。注云。宋本、元本作漸茲。明本作漸。注。一作悲茲。地遼。廣弘集作饒。注云。三本作遼。○廣弘明集三十。詩紀六十八。

鮑幾

幾。一作機。字景玄。東海人。家貧。吏部尚書王亮舉爲春陵令。歷太常丞、尚書郎。終於湘東王諮議

參軍。○逕按。梁書鮑泉傳。父機。湘東王諮議參軍。南史鮑泉傳。父幾。字景玄。終於湘東王諮議參軍。詩紀云。北史鮑宏傳。父機。以才學知名。仕梁爲侍書御史。又隋志云。梁鎮西府記室鮑繼集八卷。北史、隋志所載蓋皆別爲一人。

伍子胥

忠孝誠無報。感義本投身。日暮江波急。誰憐漁丈人。楚墓悲猶樂府云。一作空。在。吳門恨樂府云。一作怨。未申。○樂府詩集七十四、詩紀九十二並作鮑機。

釋奠應詔爲王暉作詩七章

伊昔列聖。表訓成均。德隆詔徹。義重師臣。禮有損益。道有相因。蟬聯遐代。菴曖遺塵。三代異教。五運殊時。則天啟聖。紐地開基。揖讓丕顯。熙載疇咨。綜核名實。文德來思。水積涓流。山資累蠶。禮實立身。學乃成器。師師闕里。濟濟洙泗。西珖獻珍。南翬程贊。於鑠上嗣。夙昭懋則。正位則離。邁心泉塞。獸門讓齒。龍樓觀德。□□□□。是資監國。尊師薦德。明祀告虔。幕人掌握。司几奉筵。堂灌玉瓊。庭奏朱絃。義高夏策。禮盛姬篇。大饗既周。德馨惟楙。殊方知禮。聲教日富。陸離簪笏。徘徊舞袖。楚楚儒衣。莘莘國胄。曲成罔隔。容光無已。合符出守。通籍入仕。空列周行。恩非望始。徒懷十駕。終謝千里。○文館詞百六十作

鮑幾。

鮑泉

泉。字潤岳。幾子。事元帝爲通直侍郎。元帝承制。累遷信州刺史。世子方諸刺郢州。泉爲長史。大寶二年。侯景陷郢。被害。有集一卷。

詠剪綵花詩

花生剪刀裏。從來訝逼真。風動雖難落。蜂飛欲向人。不知今日後。誰能逆作春。○類聚八十八。詩紀九十二。

奉和湘東王春日詩

新鶯始新歸。新蝶復新飛。新花滿新樹。新月麗新輝。新光新氣早。新望新盈抱。新水新綠浮。新禽新聽好。新景自新還。新葉復新攀。新枝雖可結。新愁詎解顏。新思獨氛氳。新知不可聞。新扇如新月。新蓋學新雲。新落連珠淚。新點石榴裙。○類聚三。初學記三。文苑英華三百三十一。作奉和湘東王春日篇。詩紀九十二。

落日看還詩

妖姬競早春。上苑逐名辰。類聚作臣。誤。苔輕變水色。霞濃掩日輪。雕甍斜落景。類聚作影。畫扇拂遊塵。衣香遙已度。衫紅遠更新。誰家蕩舟妾。何處織縑人。○玉臺新詠八。類聚十八。詩紀九十二。

南苑看遊者詩

洛陽小苑地。車馬盛經過。緣溝駐行轡。傍柳轉詩紀云。一作度。鳴珂。履高含響佩。襪輕半隱羅。浮雲無處所。何用轉橫波。○玉臺新詠八。詩紀九十二。

江上望月詩

客行鈞始懸。此夜月將弦。川澄光自類聚作動。文苑同。動。流駛影難圓。蒼蒼隨遠色。漾漾文苑作漾漾。逐漪漣。無因轉還汎。文苑作帆。迴首眷前文苑作吾。賢。○類聚一。文苑英華百五十二。詩紀九十二。

秋日詩

露色已成霜。梧楸欲半黃。燕去欄恆靜。蓮寒池不香。夕鳥飛向月。詩紀云。一作日。餘蚊聚逐光。旅情恆自苦。秋夜漸應長。○類聚三。文苑英華百五十八。詩紀九十二。又初學記三引黃、香、長三韻。

詠梅花詩

可憐階下梅。飄蕩逐風迴。度簾拂羅幌。縈窓落梳臺。乍隨纖手去。還因插髮來。客心屢看此。愁眉斂詎開。○類聚八十六。詩紀九十二。

詠薔薇詩

經植宜春館。蠶靡上蘭宮。片舒猶帶紫。半卷未全紅。葉疎難蔽日。花密易傷風。佳麗新粧罷。含笑折芳叢。○類聚八十一。合璧事類別集三十。詩紀九十二。

寒閨詩

行人消息斷。空閨靜復寒。風急朝機燥。鏡暗晚粧難。從來腰自小。衣帶就中寬。○類聚三十二。詩紀九十二。

邵陵王蕭綸

綸。字世調。武帝第六子。天監十三年封邵陵王。出爲琅邪、彭城二郡太守。普通初。爲江州刺史。大寶中。假黃鉞。都督中外諸軍事。兵敗。爲西魏所殺。有集六卷。

代秋胡婦閨怨詩

蕩子從游宦。思妾守房櫳。塵鏡朝朝掩。寒衾玉臺作牀。類聚同。夜夜空。若非新有悅。類聚作有權悅。何事久西東。知人相憶類聚作望。否。淚盡夢啼中。○玉臺新詠七。類聚三十二作梁元帝閨怨詩。詩紀七十一。

車中見美人詩

關情出眉眼。軟媚著腰肢。語笑能嬌媠。行步絕逶迤。空中自迷惑。渠傍會不知。懸念猶如此。得時應若爲。○玉臺新詠七。詩紀七十一。

見姬人詩

春來不復賒。人苑駐行車。比來粧點異。今世撥鬟斜。却扇承枝影。舒衫受落花。狂夫不妬妾。隨意晚還家。○類聚十八。詩紀七十一。

入茅山尋桓清遠迺題壁詩

荆門丘壑多。甕牖風雲入。自非栖遁情。誰堪霜露溼。○茅山志二十二。詩紀七十一。

詠新月詩

霜氛含月彩。靄靄下南樓。霧濃光若晝。雲駛影疑流。○類聚一。詩紀七十一。

和湘東王後園迴文詩

燭華臨靜夜。香氣入重幃。曲度聞歌遠。繁絃覺舞遲。○類聚五十六。詩紀七十一。

戲湘東王詩

湘東有一病。非啞復非聾。相思下隻淚。望直有全功。○御覽七百四十。

詩

帷開見釵影。簾動聞釧聲。○萬花谷後集十五。

徐曄

曄。勉從子。仕梁爲武陵王紀參軍。侯景亂。曄勸紀入援。不從。大寶三年。紀稱帝。又固諫。被殺。

夏日詩

炎光歇中宇。清氣入房櫳。晚荷猶卷綠。疏蓮久落紅。○初學記三。詩紀八十九。

梁詩卷二十五

梁元帝蕭繹

繹。字世誠。武帝第七子。天監十三年。封湘東王。爲會稽太守。人爲侍中、丹陽尹。普通中爲荊州刺史。大同中爲江州刺史。太清初。復爲荊州。侯景陷建康。奉秘詔假黃鉞大都督中外諸軍事、司徒。承制進位相國。以大寶三年卽位於江陵。改元承聖。承聖二年。爲西魏所害。年四十七。追尊曰孝元皇帝。有金樓子十卷、集五十二卷、小集十卷。

樂府

長歌行以下五言。

當壚擅旨酒。一卮堪十千。無勞蜀山鑄。扶受樂府作授。詩紀云。一作授。采金錢。人生行樂爾。何處不留連。朝爲洛生詠。夕作據梧眠。從茲忘物我。優游得自然。○樂府詩集三十。詩紀七十。

芳樹

芬芳君子樹。交柯御宿園。桂影含秋月。文苑作色。桃花染春源。樂府云。一作桂影含秋色。桃色染春源。落英逐風

聚。輕香帶藥翻。叢枝臨北閣。灌木詩紀誤作水。隱南軒。交讓良宜重。成蹊何用言。○文苑英華二百八。樂府詩集十七。詩紀七十。

巫山高

巫山高不窮。迥類聚作週。出荆門中。灘聲下濺石。猿鳴類聚作鳥。上逐風。樹雜山如畫。文苑云。一作盡。林暗澗疑空。無因謝神女。一爲出房櫳。類聚作籠。○類聚四十二。文苑英華二百一。樂府詩集十七。詩紀七十。

隴頭水

銜悲別隴頭。關路漫悠悠。故鄉迷遠近。征人分去留。沙飛曉文苑作晚。成幕。海氣旦文苑作夜。注云。一作旦。如樓。欲識秦川處。隴水向東流。○類聚四十二。文苑英華百九十八。樂府詩集二十一。詩紀七十。

折楊柳

巫山樂府作山高。文苑云。一作山高。巫峽長。垂柳復垂楊。同心且類聚作宜。文苑云。一作宜。同折。故人懷故鄉。山似蓮花豔。流如明月光。寒夜猿聲徹。遊子淚霑裳。○類聚八十九。文苑英華二百八。樂府詩集二十二。詩紀七十。

關山月詩紀云。一作傷別離。

朝望清波道。夜上白登臺。月中含文苑作有。桂樹。流影文苑作景。注云。一作影。自徘徊。寒沙逐風起。春花犯文苑作向。注云。一作犯。雪開。夜長無與晤。衣單誰爲裁。○類聚四十二。文苑英華百九十八。樂府詩集二十三。詩紀七十。

洛陽道

洛陽開大道。城北達城西。青槐隨幔拂。綠柳逐風低。玉珂鳴戰馬。金爪鬪場雞。桑萎日行暮。多逢秦氏樂府作女。妻。○類聚四十二。樂府詩集二十三。詩紀七十。

長安道

西接長楸道。南望小平津。飛甍臨綺翼。輕軒影畫輪。雕鞍承赭汗。槐路起紅塵。燕姬雜趙女。淹留重上春。○文苑英華百九十二。樂府詩集二十三。詩紀七十。

紫騮馬

長安美少年。金絡鐵類聚作飾。樂府作錦。文苑云。鐵。一作錦。連錢。宛轉青絲鞵。照耀珊瑚鞭。依槐復依柳。躩蹠復隨前。方逐幽并去。西北共聯類聚作連。翩。○類聚九十三。文苑英華二百九。詩紀七十。又樂府詩集二十四引錢、鞭二韻。

驄馬驅

朔方寒氣重。胡關饒苦霧。白雪晝凝山。黃雲宿文苑作夙。注云。一作宿。埋樹。連翩文苑云。一作驄。行役子。終朝

征馬驅。試上金微山。還看玉關路。○文苑英華二百九。樂府詩集二十四。詩紀七十。

劉生

任俠有劉生。然諾重西京。扶風好驚坐。長安恆借名。榴文苑作菊。花聊夜飲。竹葉解朝醒。類聚誤作醒。結交李都尉。遨遊佳麗城。○類聚三十三。文苑英華百九十六。樂府詩集二十四。詩紀七十。

飛來雙白鶴

紫蓋學仙成。能令吳市傾。逐舞隨疏節。聞琴應別聲。集田遙赴影。隔霧近相鳴。時從洛浦渡。飛向遼東城。○文苑英華二百六。樂府詩集三十九。詩紀七十。

班婕妤

婕妤初選人。含媚向羅幃。何言飛燕寵。青苔生玉墀。誰知同輦愛。遂作裂紈詩。以茲自傷苦。終無長信悲。○樂府詩集四十三。詩紀七十。

半路溪

詩紀云。玉臺作簡文帝。

相逢半路溪。隔溪猶不度。樂府作渡。望望判知是。翩翩識行步。摘贈蘭澤芳。欲表同心句。先將樂府云。一作

持。動舊情。恐君疑妾妬。○樂府詩集七十四。詩紀七十。

採蓮曲

碧玉小家女。來嫁汝。樂府作江。南王。蓮花亂臉色。荷葉雜衣香。因持薦君子。願襲芙蓉裳。○類聚八十二作採蓮賦歌。樂府詩集五十。詩紀七十。

吳趨行

水裏生葱翅。池心恆欲飛。蓮花逐牀返。何時乘舫歸。○樂府詩集六十四。詩紀七十。

燕歌行以下七言。

燕趙佳人本自多。遼東少婦學春歌。黃龍戍北花如錦。玄菟城前文苑作中。詩紀云。一作南。月似蛾。如何此時別夫婿。金羈翠眊往交河。還聞人漢去燕營。怨妾愁心百恨生。漫漫悠悠天未曉。遥遥夜夜聽寒文苑作嚴。注云。一作寒。更。自從異縣同心文苑作心同。別。偏恨同時成異節。橫波滿臉萬行啼。翠眉暫文苑作漸。注云。一作暫。斂千重結。並海連天合不開。那堪文苑作宜。注云。一作堪。春日上春臺。乍類聚作唯。文苑、樂府同。見遠舟如落葉。復看遙舸似行杯。沙汀夜鶴嘯羈雌。妾心無趣坐傷離。文苑作無怨生傷離。翻嗟漢使音塵斷。空傷賤妾燕南垂。○類聚四十二。文苑英華百九十六。樂府詩集三十二。詩紀七十。

烏棲曲四首詩紀云。樂府又有幄中清酒、濃黛輕紅二首。亦作元帝。玉臺云。蕭子顯詩也。

沙棠作船桂爲楫。夜渡江南採蓮葉。復值西施新浣沙。共向類聚作汎。江干眺類聚作瞻。月華。詩紀云。玉臺作共汎江干瞻月華。○類聚四十二。樂府詩集四十八。詩紀七十。

月華似璧星如珮。流影澄明玉堂內。邯鄲九枝類聚作投。樂府作伎。朝始成。金卮玉類聚作銀。盃共君傾。○同上
交龍成錦鬪鳳紋。芙蓉爲帶石榴裙。日下城南兩相望。月沒參橫掩羅帳。○同上
七彩隋類聚作隨。樂府同。珠九華玉。蛺蝶爲歌明星曲。蘭房椒閣夜方開。那知步步香風逐。○同上

詩

登隄望水詩以下五言。

驅馬河隄上。非謂城隅。文苑作遇。遊。懷山殊未已。徒然勞九愁。旅泊依村樹。江槎擁戍樓。高岸翻成浦。曲港反通舟。棗野良知歎。瓠河今可儔。願假宣尼道。初學記作術。文苑同。詩紀云。一作術。泗水却橫流。○初學記六。文苑英華百六十三。詩紀七十。

赴荊州泊三江口詩詩紀云。藝文作行經巴陵部伍。

涉江望行旅。金鉦間綵旂。類聚作游。文苑作遊。水際含天色。虹光入浪浮。柳條恆拂文苑作掃。岸。花氣盡薰

舟。叢林多故社。單戍有危樓。疊鼓隨朱鷺。長簫應紫驕。蓮舟夾羽文苑作鶴。鼉。畫舸覆緹油。榜歌殊未息。於此泛安流。○文苑英華二百八十九。詩紀七十。又類聚二十七作經巴陵行部伍詩。引游、浮、舟、樓四韻。

藩難未靜述懷詩

玉節威雲夢。金鉦韻渚宮。霜戈臨慙類聚作漸。白。日羽映流紅。單醪結猛將。芳餌引羣雄。箭擁淇園竹。劍聚若溪銅。亟覩周王駿。多逢鮑氏驄。謀出河南賈。威寄隴西馮。溪雲連陣合。却月半山空。樓前飄密柳。井上落疏桐。差營逢霖雨。立壘挂長虹。○類聚五十九。詩紀七十。

和王僧辯從軍詩

寶劍飾龍淵。文苑作煙。長虹畫樂府誤作畫。彩旂。樂府作船。山虛和鏡管。水淨寫文苑作靜瀉。樓船。連雞隨火度。燧象帶烽然。洞庭晚類聚作曉。文苑同。風急。瀟湘夜月圓。荀令多文藻。臨戎賦雅篇。○文苑英華百九十九及樂府詩集三十二作從軍行。詩紀七十。又類聚五十九引舩、然、圓、篇四韻。

和劉尚書兼明堂齋宮詩

質明攝上宰。詰旦乘軺軒。四圭邸蒼玉。六變舞雲門。香浮鬱金酒。煙繞鳳凰樽。貂冕交輝映。珩珮自相喧。微風颺清管。輕雨發陳根。新花臨御陌。春色起天園。河間獻樂語。斯道媿能論。○初學記十三。萬花谷後

十七。詩紀七十。又文苑英華三百二十引軒、門、樽、園、論五韻。

和劉尚書侍五明集詩詩紀云。藝文作和劉尚書侍講。

帝德洽區宇。垂衣彰太平。黃唐慙懋實。子姒廣弘明集云。宮本作似。惡嘉聲。治家廣弘明集作定。注云。元、明本作家。陳五禮。功成奏六英。汲引留宸鑒。舟航動睿情。法廣弘明集作諸。注云。明本作法。王唯一法。無生信不生。因因從此見。果果自斯明。元良仰副后。含一震鴻名。龜廣弘明集作歸。注云。三本作龜。藏踰啓筮。魯史冠春卿。日宮佳氣滿。月殿善風清。綺錢蔽類聚作蔽。廣弘明集作蔽。注云。宋、元、宮本作蔽。明本作蔽。西觀。緹幔廣弘明集云。宋、宮本作幔。卷南榮。金門練朝鼓。玉壺休夜更。宮槐留曉合。城烏侵曙詩紀作樹。鳴。露光枝上宿。廣弘明集作動。霞影水中輕。虛薄今何事。徒知戀法城。○廣弘明集三十。詩紀七十。又類聚七十六引情、生、清、榮四韻。

和鮑常侍龍川館詩

珍臺接閒館。迢遞山之旁。多解三真術。俱善四明方。玉題書仙篆。金榜燭神光。桂影侵檐進。藤枝繞檻長。苔衣隨溜轉。梅氣入風香。○類聚七十八。詩紀七十。

登顏園故閣詩

高樓三五夜。流影入丹墀。先時留上客。夫婿美容姿。粧成理蟬鬢。笑罷斂蛾眉。衣香知步近。釧動覺行

遲。如何舞館樂。翻見歌梁悲。猶懸北窗幌。玉臺作橫。未捲南軒帷。寂寂空郊暮。非復少年時。○玉臺新詠七。詩紀七十。

代舊姬有怨詩

寧爲萬里隔。玉臺作別。乍作死生離。那堪眼前見。故愛逐新移。未展春花落。遽被涼玉臺作秋。風吹。怨黛舒還斂。啼紅拭復玉臺作更。垂。誰能巧爲賦。黃金妾不玉臺作自。貲。詩紀云。一作自資。○玉臺新詠七。類聚三十二。詩紀七十。

夕出通波閣下觀妓詩

蛾初學記作娥。月類聚作眉。漸成光。燕姬戲小堂。胡舞開春初學記作齊。萬花谷同。閣。文苑作閭齊閣。注云。類聚作湖舞開春閣。鈴盤出步廊。起龍調節奏。初學記作鼓。文苑、萬花谷同。却鳳點笙簧。樹交臨舞席。荷生夾妓航。類聚作行。竹密無分影。花疏有異香。舉初學記作捉。杯聊轉笑。初學記作時笑語。萬花谷同。文苑作提杯時笑語。提下又注。初學記作投。歡類聚作歎。茲樂未央。○類聚四十二。初學記十五。文苑英華二百十三。萬花谷後三十。詩紀七十。

去丹陽尹荊州詩二首

驂駕乘駟馬。謁帝朝承明。分符蒞閩越。終然慙勵精。○類聚五十。詩紀七十。

副君垂獎盼。類聚作眄。仁慈穆且敦。終朝陪北閣。清夜侍西園。降貴深知已。寧思食椹恩。未嘗辭畫室。誰忍去轅轅。詩紀作軒。○同上

示吏民詩

闕里尚撝謙。厲鄉裁知足。咨余再分陝。少思宜寡欲。霞出浦流紅。苔生岸泉綠。方知類聚作令。江漢士。變爲鄒魯俗。○類聚五十。詩紀七十。

後臨荊州詩

擁旄去京縣。褰帷辭未央。弱冠復類聚作從。王役。從容遊豈二字詩紀缺。張。類聚作漲。不學胡威絹。寧挂裴潛牀。所冀方留犢。行當息飲羊。戲蝶時飄粉。風花乍落香。高欄來蕙氣。疏簾度晚光。綺錢臨仄宇。阿閣繞長廊。○類聚五十。詩紀七十。

別荊州吏民

玉節居分陝。金貂總上流。磨合壁事類誤作靡。軍時舉扇。作賦且登樓。年光徧原隰。春色滿汀洲。日華三翼舸。風轉七星旂。類聚作遊。向解青絲纜。將移丹桂舟。○類聚五十。合壁事類後集六十六。詩紀七十。

宮殿名詩

林類聚作杯。馮校本仍作杏。間花欲燃。竹逕露初圓。鬪雞東道上。走馬北場詩紀云。一作堂。邊。合歡依暝卷。葡萄向日鮮。旗亭覓張放。香車迎董賢。定隔天淵水。相思夜不眠。○類聚五十六。詩紀七十。

縣名詩

長陵新市北。鄭衛好容儀。先過上蘭苑。還牽高柳枝。薄粧宜入鏡。舒花堪照池。蒲洲涵水色。椒壁雜風吹。此時方夜飲。平臺傳羽卮。○類聚五十六。詩紀七十。

姓名詩

征人習水戰。辛苦配戈船。夜城隨偃月。朝軍逐避年。龍吟澈水渡。虹光入夜圓。濤來如陣起。星上似烽然。經時事南越。還復討朝鮮。○類聚五十六。詩紀七十。

將軍名詩

虎旅皆成陣。龍騎盡能躡。鳴鞭俱破虜。決勝往長榆。細柳浮輕暗。大樹繞棲烏。樓船寫退鷁。檣鳥狎飛鳧。度河還自許。偏與功名俱。○類聚五十六。詩紀七十。

屋名詩

梁園氣色和。斗酒共相過。玉柱調新曲。畫扇掩餘歌。深潭影菱菜。絕壁挂輕蘿。木蓮恨花晚。薔薇嫌刺多。含情戲芳節。徐步待金波。○類聚五十六。詩紀七十。

車名詩

長墟帶江轉。連蕩映日分。佳人坐椒屋。接膝對蘭薰。繞砌縈流水。邊梁圖畫雲。錦色懸殊衆。衣香遙出羣。日暮輕帷下。黃金妾初學記作妾。贈君。○類聚五十六。初學記二十五。詩紀七十。

船名詩

天際類聚作暝。浮雲飛。三初學記作玉。萬花谷同。翼自相追。池模初學記作邊。萬花谷同。白鴿舞。檐知初學記作林深。萬花谷同。青雀歸。華淵通轉暫。伏檻跨相磯。松澗初學記作潤。流星影。桂窗斜月暉。思君此無極。初學記作思此無情極。萬花谷同。高樓淚染衣。○類聚五十六。詩紀七十。又初學記十五。萬花谷續七並引追、歸、暉、衣四韻。

歌曲名詩

啼鳥文苑作鳥。怨別偶。類聚作鶴。曙鳥憶離樂府作誰。文苑云。一作誰。家。石闕文苑作門。注云。一作闕。題書字。金燈飄

落花。東方文苑作風。注云。一作方。曉星沒。類聚作度。詩紀云。一作度。西山晚日斜。縠衫迴廣袖。團扇掩輕紗。暫借青驄馬。來送黃牛車。○類聚五十六。文苑英華百九十三作金樂歌。樂府詩集七十四作金樂歌。詩紀七十。

藥名詩

戍客恆山下。常思衣錦歸。況看春草歇。還見雁南飛。螭燭凝花影。重臺閉。類聚作閑。綺扉。風吹竹葉袖。網綴流黃機。詎信金城裏。繁露曉霑衣。○類聚五十六。詩紀七十。

針穴名詩

金推五百里。日晚唱歸來。車轉承光殿。步上通天臺。釵臨曲池影。扇拂玉堂梅。先取中庭人。罷逐步廊迴。下關那早閉。人迎已復開。○類聚五十六。詩紀七十。

龜兆名詩

土膏春氣生。倡女協春情。魚遊連北水。鵠作遼東鳴。折梅還插鬢。盪柱更移聲。銀燭含朱火。金爐對寶笙。百枝凝夕焰。却月隱高城。○類聚五十六。詩紀七十。

獸名詩

豹韜求秘術。虎略選良臣。水涉黃牛浦。山過白馬津。摧鋒上狐塞。畫像人麒麟。果下新花落。桃枝芳樹

春。王孫及公子。熊席復橫陳。○類聚五十六。詩紀七十。

鳥名詩

方舟去鳩鵲。鵲引欲相要。晨鳧移去舸。飛燕動歸橈。雞人憐夜刻。鳳女念吹簫。雀釵照輕幌。翠的繞纖腰。復聞朱鷺曲。鉦管雜迴潮。○類聚五十六。詩紀七十。

樹名詩

趙李類聚誤作裏。競追隨。輕衫類聚作衫。露弱枝。杏梁始東照。柘火未西馳。香因玉釧動。珮逐金衣移。柳葉生眉上。珠璫搖鬢垂。逢君桂枝馬。車下覓新知。○類聚五十六。詩紀七十。

草名詩

胡王迎娉主。塗經蒯北遊。金錢買含笑。銀缸影梳頭。初控游龍馬。仍移卷柏舟。中江離思切。蓬鬢不堪秋。況度菖蒲類聚作蒲昌。海。落月似懸鉤。○類聚五十六。詩紀七十。

相名詩

仙人賣玉杖。乘鹿去山林。浮杯度池曲。摩鏡往河陰。井內書銅板。竈裏化黃金。妻搖五明扇。妾弄一絃

琴。暫遊忽千里。中天那可尋。○類聚五十六。詩紀七十。

望江中月影詩

詩紀云。文苑英華作簡文帝。今從藝文、初學作元帝。

澄江涵皓月。初學記作月影。文苑同。水影若浮天。風來如可泛。流急不成圓。秦鈞初學記作鏡。文苑同。詩紀云。一作鏡。斷復接。和璧碎還聯。裂紈依岸草。斜桂逐行船。卽此春初學記作清。文苑同。江上。無俟初學記作侯。誤。百枝然。○類聚一。初學記一作江中月。文苑英華百五十二作梁簡文帝望江中月。詩紀七十。

詠霧詩

曉霧晦階前。垂珠帶葉邊。五里浮長隰。三晨初學記作辰。暗初學記作晦。遠天。傍通似佳氣。却望若飛煙。疏簾還復密。初學記作蜜。誤。斷初學記作新。誤。棟更疑連。還思逢樂廣。能令雲霧褰。○類聚一。初學記二。詩紀七十。

春日詩

春還春節美。春日春風過。春心文苑作正。日日異。春情處處多。處處春芳動。日日春禽變。春意春已繁。春人春不見。不見懷春人。徒望春光新。春愁春自結。春結詎能申。欲道春園趣。復憶春時人。春人竟文苑作意。何在。空爽上春期。獨念春花落。還以文苑作似。惜類聚作昔。春時。○類聚三。文苑英華三百三十一。詩紀七十。

納涼詩

高春斜日下。佳氣滿欄類聚作欄。楹。池紅早花落。水綠類聚作綠。晚苔生。星稀月稍上。雲開河尚橫。白鳥翻帷暗。丹螢入帳明。珠綦趨北閣。玳席徙南榮。金鋪掩夕扇。玉壺傳夜聲。○類聚五。詩紀七十。

賦得涉江采芙蓉詩

江風樂府作南。當夏詩紀云。一作夜。清。桂楫詩紀云。一作棹。逐流縈。初疑京兆劍。復似漢冠名。荷香帶風初學記作風送。文苑、萬花谷同。遠。蓮影向根生。葉卷珠難溜。花舒紅易傾。初學記作輕。文苑、萬花谷同。日暮鳧舟滿。歸來度錦城。○初學記二十七。文苑英華三百二十二。樂府詩集五十作吳均採蓮曲。萬花谷後三十七。詩紀七十。

賦得蘭澤多芳草詩

春蘭本無絕。文苑作豔。詩紀同。春澤最葳蕤。燕姬得夢罷。尚書奏事歸。臨池影入浪。從風香拂衣。當門已芬馥。入室更初學記作復。芳菲。蘭生不擇逕。十步豈難稀。英華辨證曰。春蘭本無豔。初學記作無絕。按楚辭。春蘭兮秋菊。長無絕兮終古。則無絕字亦是。○初學記二十七。文苑英華三百二十七。詩紀七十。

詠石榴詩

塗林未應發。春暮轉相催。然燈疑夜火。連珠勝早梅。西域移根至。南方釀酒來。葉翠如新剪。花紅似故裁。類聚作栽。初學記作栽。還憶文苑誤作億。河陽縣。映水珊瑚開。○類聚八十六。初學記二十八作賦得石榴詩。文苑英華三百二十六作石榴。萬花谷後三十七作梁元帝詩。詩紀七十。

看摘薔薇詩

倡女倦春閨。類聚作卷春裾。合璧事類同。迎風戲玉除。近叢看影密。隔樹望釵疏。橫枝斜綰袖。嫩葉下牽裾。牆高攀詩紀作舉。不及。花新摘未舒。莫疑插鬢少。分合璧事類作及。人猶有餘。○類聚八十一。合璧事類別集三十一作梁元帝詩。詩紀七十。

賦得竹詩

嶰谷管新抽。淇園節文鏡。秘府作竹。復脩。作龍還葛水。爲馬向并州。柯亭臨絕澗。桃枝初學記作板。夾細流。冠學芙蓉勢。類聚作樣。詩紀云。一作樣。花堪威鳳遊。邛王若有獻。張騫應拜侯。○類聚八十九。初學記二十八。文苑英華三百二十五作竹詩。詩紀七十。又文鏡秘府天湘東王詩引脩、州二韻。

詠池中燭影詩

魚燈且滅燼。鶴焰暫停輝。自有銜龍燭。青光類聚作火。人朱扉。映水疑三燭。翻池類九微。人林如燐影。度

渚若螢飛。河低扇月落。霧上珠星稀。章華終宴所。飛蓋且相迫。○類聚八十。詩紀七十。

詠晚棲鳥詩

日暮連翩翼。俱向上類聚作上向。林棲。風多前歸類聚作鳥。詩紀同。文苑作鳥。駛。雲暗後羣迷。路遠聲難徹。飛斜行未齊。應從故鄉返。幾過人蘭閨。借問倡樓妾。何如蕩子妻。類聚作啼。文苑同。○玉臺新詠七。類聚九十二。文苑英華二百六。詩紀七十作晚棲鳥。

長安路詩

前登灞陵岸。還瞻渭水流。城形類南斗。橋勢似牽牛。飛軒與良駟。寶劍雜輕裘。經過狹斜裏。日暮且淹留。○類聚四十二。

懷舊詩

梁書曰。顏協大同五年卒。世祖甚歎惜之。爲懷舊詩以傷之。其一章曰。弘都多雅度。信乃含賓實。鴻漸殊人昇。上才淹下秩。○梁書顏協傳。

登江州百花亭懷荆楚詩

極目類聚作目極。纔文苑誤作讒。千里。何由望楚津。落花灑行路。垂楊拂砌塵。柳絮飄晴類聚作春。文苑同。雪。荷珠漾水銀。試酌新春類聚作清。文苑同。酒。遥勸陽臺人。○類聚二十八。文苑英華三百十五作登百花亭懷荆楚。詩紀七十一。

自江州還入石頭詩

鼓柁浮大川。遥睇雒城觀。雒城何鬱鬱。杳與雲霄半。前望青龍門。斜暉白鶴館。槐垂御溝道。柳綴金堤岸。迅鳥晨風趨。輕輿流水散。高唱文苑云。一作歌。梁塵下。湘瑟翔禽亂。文苑云。一作維瑟荆琴亂。我思江海遊。曾與朝市玩。忽寄靈臺宿。空軫及閔嘆。仲子入南楚。伯鸞出東漢。何能棲林枝。取斃王孫彈。○文苑英華二百八十九。

泛蕪湖詩

桂潭連菊岸。桃李暎成蹊。石文如濯錦。雲飛似散珪。橈度菱根反。船去荇枝低。颿隨迎雨燕。鼓逐伺潮雞。○類聚九。詩紀七十一。

早發龍巢詩

詩紀云。詩彙作劉瑱者非。

征人喜放溜。曉發晨陽隈。初言前浦合。定覺近洲開。不疑行舫動。唯看遠樹來。還瞻起漲岸。稍隱陽雲

臺。○文苑英華二百八十九。詩紀七十一。

夜宿玉臺作遊柏齋詩

燭詩紀作獨。暗行人靜。簾開雲影入。風細雨聲遲。夜短更籌急。能下班姬淚。復使倡樓泣。況此客遊人。中宵空佇立。○玉臺新詠七。詩紀七十一。

落日射熊詩

促宴引枚鄒。中園觀獸侯。日度朔類聚作朔。陰廣。風橫旗影浮。移竿標入箭。疊鼓送爭籌。附枝時可息。言從清夜遊。○類聚七十四。詩紀七十一。

後園看騎馬詩

良馬出蘭池。連翩驅桂枝。鳴珂隨蹋駛。輕塵逐影移。香來知驟近。汗斂覺風吹。遙望黃金絡。文苑作駱。懸識幽并兒。○類聚九十三。文苑英華三百三十。詩紀七十一。

和劉上黃春日詩

新鶯隱葉轉。新燕向窗飛。柳絮時依酒。梅花乍文苑作任。人衣。玉珂逐文苑作隨。風度。金鞍映初學記作照。文苑

同。日暉。無令春色晚。獨望行人歸。○玉臺新詠七作和劉上黃。初學記三、文苑英華百五十七並作春日詩。詩紀七十一。

戲作豔詩

入堂值小婦。出門逢故夫。含辭未及吐。絞袖且踟蹰。搖茲扇似月。掩此淚如珠。今懷固無已。故情今有餘。○玉臺新詠七。詩紀七十一。

和林下作妓應令詩和昭明。

日斜下北文苑作比。閣。高宴出南榮。歌清隨澗響。舞影向池生。輕花亂粉色。風篠雜絃聲。獨念陽臺下。願待洛文苑誤作落。川笙。○初學記十五。文苑英華二百十三作和林下詠妓應令。詩紀七十一。

閨怨詩

蕩子從游宦。思妾守房櫳。塵鏡朝朝掩。寒衾玉臺作牀。類聚同。夜夜空。若非新有悅。類聚作有懽悅。何事久西東。知人相憶類聚作望。否。淚盡夢啼中。○玉臺新詠七作邵陵王綸代秋胡婦閨怨。類聚三十二。詩紀七十一。

祀伍相廟詩

石城寧足拒。文苑作植。金陣詎能追。楚關開六塞。吳兵類聚作丘。人九圍。山水猶縈帶。城池失是非。空餘壽

宮在。日暮舞靈衣。○類聚三十八。文苑英華三百二十。詩紀七十一。

詠風詩詩紀云。英華作沈約。今從藝文、初學作元帝。○此下四首並似應令之作。

樓上試各書作起。朝粧。風花下砌傍。人鏡先文苑作光。飄粉。翻文苑作番。衫好染香。度文苑作逐。舞飛長袖。傳歌共繞梁。欲因吹少女。還持類聚作將。初學記、文苑同。拂大王。○類聚一。初學記一。文苑英華百五十六作沈約。萬花谷二。詩紀七十一。

詠霧詩

三晨生遠霧。五里闔城闔。從風疑細雨。映日似遊萬花谷作微。塵。乍若飛初學記作輕。詩紀云。一作輕。煙散。時如佳氣新。不妨鳴樹鳥。時蔽摘花人。○初學記二。事文類聚前集三。詩紀七十一。又類聚二及萬花谷二並引闔、塵、新三韻。

賦得蒲生我池中詩

池中種蒲葉。葉影蔭池濱。未好中宮薦。行堪隱士輪。爲書聊可截。匹柳復宜春。瑞葉生苻苑。鏤碧類聚作璧。獻周人。○類聚八十二。詩紀七十一。

詠陽雲樓簷柳詩

楊柳非花樹。依樓自覺春。枝邊通粉色。葉初學記作隙。文苑同。裏映紅巾。類聚作吹綸。帶日交簾影。因吹掃席
初學記作窗。文苑同。塵。拂簷初學記作簾。應有意。偏宜桃李人。○類聚八十九。初學記二十八。文苑英華三百二十三。詩紀七
十一。

五言詩詩紀云。梁詞人麗句云梁世宗作。

寒泥猶稽命。新都久未平。留滯淹三楚。嶮岼保一城。終當撫期運。伐罪弔蒼生。○詩紀七十一。

晚景遊後園詩

高軒聊騁望。煥景入川梁。波橫文苑作搖。詩紀云。一作搖。山渡文苑作度。影。雨罷葉生光。日移花色異。風散水
紋類聚作文。初學記同。長。○類聚六十五。初學記二十四。文苑英華三百十七作晚景有遊後園。詩紀七十一。

遊後園詩

暮春多淑氣。斜景落高春。日照池光淺。雲歸山望濃。入林迷曲徑。渡渚類聚作度。隔類聚作躍。危峰。○類聚六
十五。初學記二十四。文苑英華三百十七。詩紀七十一。

古意詩

妾在成都縣。願作高唐雲。樽中石榴酒。機上葡萄紋。詩紀云。一作裙。停梭還斂色。何時勸使君。○類聚十八。

詩紀七十一。

詠秋夜詩

秋夜九重空。蕩子怨房櫳。燈光入綺帷。簾影進詩紀作穿。屏風。金徽調玉軫。茲夕撫離鴻。○玉臺新詠七。詩紀七十一。

寒閨詩

烏鵲夜南飛。良人行未歸。池水浮明月。寒風送擣衣。願織迴文錦。因君寄武威。○玉臺新詠七作寒宵三韻。類聚三十二。詩紀七十一。

和彈箏人詩二首 和昭明。

橫箏在故帷。忽憶上絃時。舊柱未文苑作離。移處。銀帶手經文苑作輕。持。悔道啼將別。教初學記作交。成今日悲。○初學記十六。文苑英華二百十二。詩紀七十一。

瓊柱動金絲。秦類聚作奏。聲發趙曲。流徵含陽春。美手過如玉。○類聚四十四。初學記十六。文苑英華二百十二。詩紀七十一。

出江陵縣還詩二首

遊魚迎浪上。雉雉向林飛。遠村雲裏出。遙船天際歸。○類聚二十八。詩紀七十一。
朝出屠羊縣。夕返仲宣樓。水滿還侵岸。沙盡稍開流。○同上

詠歌詩

汗輕紅粉濕。坐久翠眉愁。傳萬花谷作浮。聲人鐘磬。餘轉雜萬花谷作人。箜篌。○初學記十五。萬花谷後三十二作梁元帝詩。詩紀七十一。

贈到溉到洽詩

梁書曰。時以溉、洽兄弟比之二陸。故世祖贈詩曰。

魏世重雙丁。晉朝稱二陸。何如今兩到。復似凌寒竹。○梁書到溉傳。詩紀七十一作贈到溉洽。

遺武陵王詩

南史曰。武陵王紀稱帝於蜀。起兵內伐。元帝與之書。許其還蜀。專制岷方。紀不從。帝又遺之詩云云。圓正者。紀之子也。紀僭號。帝下圓正於獄。在獄連句云云。帝覽詩而泣。紀敗。圓正號哭絕食而死。

回首望荆門。驚浪且雷奔。四鳥嗟長別。三聲悲夜猿。○南史武陵王紀傳。詩紀七十一。

獄中連句附

蕭圓正

水長二江急。雲生三峽昏。願赦南史作貫。淮南罪。思報阜陵恩。○南史武陵王紀傳。詩紀七十一。

別荊州吏民詩二首

寄言謝桀黠。文苑誤作黠。無乃氣干雲。安知霸陵下。復有李將軍。○文苑英華二百八十六。詩紀七十一。
莫言江漢遠。煙霞隔數千。何必黃丞相。重應臨潁川。○同上

詠細雨詩

風輕不動葉。雨細未霑衣。人樓如霧上。拂馬似塵飛。○類聚二。初學記二。文苑英華百五十三。詩紀七十一。

望春詩

葉濃知柳密。花盡覺梅疏。蘭生未可握。蒲小不堪書。○初學記三。詩紀七十一。

綠柳詩

長條垂拂地。輕花上逐風。露霑疑染綠。葉小未障空。○類聚八十九。詩紀七十一。

詠梅詩

梅含今春樹。還臨先類聚作光。日池。人懷前歲憶。花發故年枝。○類聚八十六。詩紀七十一。

宜男草詩

可愛宜男草。垂采映倡家。何時如此葉。結實合璧事類作根。復含花。○類聚八十一。合璧事類別集二十七。詩紀七十一。

細草詩

依階疑綠蘚。傍渚若青苔。漫生雖欲遍。人迹會應開。○類聚八十一。詩紀七十一。

賦得春荻詩

翠莢玉池前。遙暎江南蓮。非秋無有眊。未燒不生煙。○類聚八十二。詩紀七十一。

詠螢火詩

著人疑不熱。集草訝無煙。到來燈下暗。翻往類聚作住。雨中然。○類聚九十七。詩紀七十一。

離合詩

次寥雲初類聚作物。詩紀云。一作物。淨。水木備春光。龜定方無遠。合浦不難航。龜○類聚五十六。詩紀七十一。

後園作迴文詩

詩紀云。此詩藝文次王融迴文詩後。然觀簡文諸人和詩。知此詩爲元帝作。藝文逸名耳。今列

於此。俟再考也。○遂按。馮說是。

斜峰繞徑曲。聳石帶山連。花餘拂戲鳥。樹密隱鳴蟬。○類聚五十六佚作者名。詩紀七十一。

賦得登山馬詩

簡文同賦。

登山馬逕小。詩紀不疊逕小二字。注云。一本疊逕小二字。逕小以上七字類聚作登山馬遙遙小小。馬纔通。汗赭疑沾勒。衣香不逐風。何殊隴頭望。遙識祁連東。○類聚九十三。文苑英華三百三十。詩紀七十一。

古意詠燭詩

花中燭。焰焰動簾風。不見來人影。迴光持向空。○類聚八十。詩紀七十一。

春別應令詩四首

和簡文。○以下七言。

昆明夜月光如練。上林朝花色如霞。花朝類聚作朝花。詩紀同。月夜動春心。誰忍相思不相類聚作今不。見。○玉臺新詠九。類聚三十二作別詩。詩紀七十一。

試看機上交類聚作蛟。龍錦。還瞻庭裏合歡枝。映日通風影珠玉臺作朱。幔。飄花拂葉度金池。不聞離人當重合。惟悲合罷會成離。○同上

門前楊柳亂如絲。直置佳人不自持。適言新作裂紈詩。誰悟今成織素辭。○同上

日暮徙倚渭橋西。正見涼類聚作流。詩紀同。月與雲齊。若使月光無近遠。應照離人今夜類聚作暝。詩紀同。啼。○同上

別詩二首

別罷花枝不共攀。別後書信不相關。欲覓行人寄消息。衣詩紀云。疑作依。常潮水暝應還。○類聚三十二。詩紀七十一。

三月桃花含面脂。五月新油好煎澤。莫復臨時不寄人。謾道江中無估客。○同上

送西歸內人詩

南史曰。元帝與廬陵王續相謗。帝之臨荊州。有宮人李桃兒者。以才慧得進。及還。以李氏行時值宮戶禁重。廬陵具狀以聞。元帝泣對使訴於簡文。簡文和之不得。元帝猶懼。送李氏還荊州。世所謂西歸內人者也。

秋氣蒼茫結孟津。復送巫山薦枕神。昔時慊慊愁應去。今日勞勞長別人。○類聚三十。詩紀七十一。

宴清言殿作柏梁體詩

玉衡七政轉璇璣。帝升降端揆而才非。侍中尚書僕射臣 褒澄鏡朱紫眇難追。吏部尚書臣 穀○類聚五十六。詩紀七十一。

秋辭

秋風起兮寒鴈歸。寒蟬鳴兮秋草腓。萍青兮水澈。葉落兮林稀。翠爲蓋兮玳爲席。蘭爲室兮金作扉。水周兮曲堂。花交兮洞房。樹參差兮稍密。紫荷紛披兮疏且黃。雙飛兮翡翠。並泳兮鴛鴦。神女雲兮初度雨。班妾扇兮始藏光。且淹留兮日云暮。對華燭兮歡未央。○文苑英華三百五十八作秋風搖落。文苑英華三百三十一。

風人辭

城頭網張一無張字。雀樓羅會一無會字。人著。○酉陽雜俎續四。

奉勅爲詩

金樓子自序曰。余六歲解爲詩。奉敕爲詩曰。

池平生已合。林花發稍稠。御覽作周。風人花枝動。日照水光浮。○金樓子自序。御覽六百二。

幽逼詩四首五言

南史曰。元帝避建鄴而都江陵。外迫強敵。內失人和。魏師至。方徵兵四方。未至而城見尅。在幽逼求酒。飲之。製詩四絕。後爲梁王警所害。

南風且絕唱。西陵最可悲。今日還蒿里。終非封禪時。○南史元帝本紀。詩紀七十一。

人生逢百六。天道異貞恆。何言異螻蟻。一旦損鯤鵬。○同上

松風侵曉哀。霜霽當夜來。寂寥千載後。誰畏軒轅臺。○同上

夜長無歲月。安知秋與春。原陵五樹杏。空得動耕人。○同上

臨賀王蕭正德

正德。字公和。臨川王宏之子。初爲高祖養子。後還本封西豐縣侯。普通三年奔魏。不見禮。逃歸。後進封臨賀王。爲丹陽尹。侯景之亂。正德與景同逆。景誑立之爲帝。尋降之。爲大司馬。矯詔殺之。

詠竹火籠詩

南史曰。正德奔魏。初去之始。爲詩一絕。內火籠中。

楨幹屈曲盡。蘭麝氛氳消。欲知懷炭日。正是履霜朝。○南史臨川靜惠王附本傳。御覽七百十一。詩紀七十一。

梁詩卷二十六

劉孝勝

孝勝。孝儀弟。歷官邵陵王法曹、湘東王記室、武陵王長史、蜀郡太守。太清中。侯景陷京師。武陵王紀僭號於蜀。以爲尚書僕射。承聖中。兵敗被執。元帝宥之。起爲司徒右長史。

妾薄命 詩紀云。拾遺作孝威者非。

馮姜朝汲遠。徐吾夜火窮。舊井長逢幕。鄰燈欲未通。五逐無來娉。三娶盡凶終。離災陽祿觀。就廢昭臺宮。乘屯迹雖淑。應戚理恆同。復傳蘇國婦。故愛在房櫳。愁眉歇巧黛。啼妝落豔紅。織書凌寶錦。敏誦軼繁弓。離劍行當合。春牀勿怨空。○樂府詩集六十二。詩紀八十七。

升天行

堯攀已徒說。湯捫亦妄陳。欲訪青雲侶。正遇丹丘人。少翁俱仕漢。韓終苦入秦。汾陰觀化鼎。瀛洲宴羽人。廣成參日月。方朔問星辰。驚祠伐楚樹。射藥戰江神。閭闔皆曾倚。太一豈難親。趙簡猶聞樂。周儲固上賓。秦皇多忌害。元朔少寬仁。終無良有以。非關德不鄰。○樂府詩集六十三。詩紀八十七。

武溪深行

武溪文苑作陵。注云。一作溪。深不測。水安舟復輕。暫侶文苑作借。注云。一作侶。詩紀云。一作借。莊生釣。還滯鄂君行。權文苑作謙。注云。一作權。歌爭後文苑作復。注云。一作後。發。譟鼓逐前征。秦上山川險。黔中木石并。文苑作水復清。注云。一作木石并。又作木石青。詩紀云。一作水石清。林壑秋籟。文苑作瀨。急。猿哀夜月明。澄源本千仞。回峯忽萬縈。昭潭讓無底。太華推削成。日落野通氣。日極悵餘情。文苑作清。下流曾不濁。文苑作得。注云。一作蜀。長邁寂無聲。羞學滄浪水。濯足復濯文苑作霑。詩紀云。一作沾。纓。○文苑英華二百一。樂府詩集七十四。詩紀八十七。

冬日家園別陽羨始興詩

孝儀爲陽羨令。

四鳥怨離羣。三荆悅同處。如今腰艾綬。東南各殊舉。且欣棠棣集。彌惜光陰遽。黠吏本須裁。豪民亦難御。願勗千金水。思聞五湖譽。○類聚二十一。詩紀八十七。

詠益智詩

挺芳銅嶺上。擢穎石門端。連叢去本葉。雜和委雕盤。寧推不迷草。詎減類聚誤作減。聰明丸。儻逢公子宴。方厭永夜歡。○類聚八十七。詩紀八十七。

劉孝先

孝先。孝威弟。仕爲武陵王紀記室。承聖中。與兄孝勝俱隨紀軍出峽。紀敗。元帝以爲黃門侍郎。

和兄孝綽夜不得眠詩

夜愁眠不安。起望臺南端。葉慘風聲異。樓空月色寒。笙冷調簧數。絃脆上琴難。百年行詎幾。萬慮坐相攢。誰家有明鏡。暫借照心看。○類聚三十五。詩紀八十八。

草堂寺尋無名法師詩

飛鏡點青天。橫照滿樓前。深文苑云。一作空。林生夜冷。複閣上宵。文苑作霄。煙。葉動花中露。湍鳴閣。文苑作閣。注云。疑作谷。裏泉。竹風聲若雨。山蟲聽似蟬。摘果仍荷藉。酌水用花傳。一卮文苑云。一作盃。聊自飲。萬事且蕭然。○文苑英華二百十九。詩紀八十八。

和亡名法師秋夜草堂寺禪房月下詩

幽人住山北。月上文苑云。一作上月。照山東。洞戶臨松徑。虛窗隱竹叢。出林避炎影。步逕文苑云。一作迴。按宋本作迴。逐涼風。平雲斷高岫。長河隔淨空。數螢流暗草。一鳥宿疏桐。興逸煙霄上。神閒宇宙中。還思城

闕下。何異處樊籠。○文苑英華二百三十三。詩紀八十八。

詠竹詩

竹生荒野外。梢雲聳百尋。無人賞高節。徒自抱貞心。恥染湘妃淚。羞人上宮琴。誰能制長笛。當爲吐龍吟。○類聚八十九。初學記二十八。文苑英華三百二十五。萬花谷後三十八作劉孝先詩。詩紀八十八。

春宵詩

夜樓明月弦。露下百花鮮。情多意不設。啼罷未歸眠。燉煌定若遠。一信動經年。○類聚三十二。詩紀八十八。

冬曉詩

晨霞影翠帷。思婦織霜絲。經詩紀誤作輕。寒牽杼澁。釧冷調梭遲。乍廢倡樓粉。貪赴遠人期。○類聚三十二。詩紀八十八。

徐君蒨

君蒨。字懷簡。東海剡人。仕梁爲湘東王諮議參軍。

初春攜內人行戲詩

梳飾多今世。衣著一時新。草短猶通屣。玉臺作屣。類聚同。梅香漸類聚作未。著人。樹斜牽錦帔。風橫入紅綸。
滿酌蘭英酒。對此得娛神。○玉臺新詠八。類聚十八。詩紀八十九。

共內人夜坐守歲詩

歡多情未極。賞至莫停杯。酒中喜桃子。玉臺作挑喜子。粽裏覓楊梅。簾開風入帳。燭盡炭成灰。勿疑鬢釵重。爲待曉光催。玉臺作來。○玉臺新詠八。詩紀八十九。

別義陽郡二首

翔鳳樓。遙望與雲浮。歌聲臨樹出。舞影入江流。葉落看村近。天高應向秋。○玉臺新詠八。詩紀八十九。
飾玉臺作飭。誤。面亭。粧玉臺作莊。成更點星。頰上紅疑淺。眉心黛不青。故留殘粉絮。挂看箔簾釘。○同上

徐防

防。仕晉安王。隨府在雍州。號高齋學士。

長安有狹邪行

長安有勾曲。勾勾不通驛。樂府作駟。塗逢二綺衣。夾路訪君室。君室近霸城。易識復知名。大息登金馬。中息謁承明。小息偏愛幸。走馬曳長纓。三息俱入門。車服盡雕輕。三息俱上堂。嘉賓四座盈。三息俱入戶。室內有光榮。大婦縑始呈。中婦繡初營。小婦多姿媚。紅紗映削成。上客且安坐。胡牀妾自擎。樂府詩集三十五。詩紀八十九。

賦得觀濤詩

雲容雜浪起。楚水漫吳流。漸看遙樹沒。稍見遠文苑作碧。天浮。漁人迷舊浦。海鳥文苑作水。失前洲。不測滄溟曠。輕鱗幸自游。類聚九。文苑英華百六十二作任昉賦得觀潮滿。詩紀八十九。

賦得蝶依草應令詩

秋園花落盡。芳菊數來歸。那知不夢作。眠覺也恆飛。類聚九十七。詩紀八十九。

徐朮

夏詩

夏景厭房櫺。促席翫花叢。荷文苑作篠。注云。初學記作荷。陰斜合翠。蓮影對分紅。此時避炎熱。清樽獨未空。
○初學記三作徐晚。文苑英華百五十七作徐肫夏日。

王泰

泰。字仲通。琅邪臨沂人。齊司空僧虔孫。梁天監中爲秘書丞。齊永元末。後宮火。延燒秘書。圖書散亂殆盡。泰表校定繕寫。從之。歷中書侍郎。掌吏部郎事。累遷廷尉、司徒左長史。出爲新安太守、太子庶子、都官尚書。尋卒。年四十五。

賦得巫山高詩

迢遞巫山竦。文苑作好。注云。一作竦。遠天新霽時。樹交涼去遠。草合影開遲。谷深流響咽。峽近猿聲悲。只言雲雨狀。自有神仙期。○文苑英華二百一。樂府詩集十七並作巫山高。詩紀八十六。

上黃侯蕭曄

曄。始興王憺之子。初封安陸侯。官至晉陵太守。

奉和太子秋晚詩

副君乘暇景。臨秋坐北宮。杏梁照初月。蓮池引夕風。清暉洞藻井。流香入綺櫳。鵲聲時徒樹。螢光乍滅空。涼氛散簟席。露色變林叢。○類聚三。詩紀六十八。

荀濟

濟。字子通。潁川人。初與梁武帝布衣相知。及帝登位。仕不及之。後又上書斥詆佛法。帝怒。將加顯戮。濟密逃於魏。爲高洋所害。

贈陰梁州詩

梁州刺史陰子春左遷。濟作大詩贈之。文傳時俗。或稱于帝者。帝曰。個人雖有才。亂俗好。反不可用。濟以不得志。常懷悒悒。二十餘載後。因論佛法奔魏。

副尉西域返。伏波南海還。坎壈多構難。文苑作難構。鬱悒少騰遷。孰云功未立。寧是契不全。直爲逢迎寡。良由聽受偏。若人本高絕。芬馥邁蘭荃。驅車趨折坂。匡坐酌貪泉。洗幘文苑云。一作漬。豈虛唱。席皮良信然。羣醉嫉孤醒。衆媼文苑作媼。恐獨妍。龍旗翻委鬱。鵠軸更迴還。鷗勢終橫海。鵬力會冲天。昔余遇知己。一面深千祀。紆人重結襪。辱德逾過市。詩酒悅風雲。琴歌賞桃李。淹留漢水曲。契闊渝川涘。結綬惟

貢公。推名實鮑子。徒然懷伏劍。終無報國士。高懷不可忘。劍意何能已。已作金蘭契。何言雲雨別。咄嗟
改容鬢。俄頃彌年歲。叶蘇絕反。海曲窮地表。江源渺天際。叶子結反。雲泥已殊路。暄涼詎同節。柳絮亟如
絲。梅花屢成雪。月落桂陰遠。風起萱條結。鶴舞想低昂。鷗絃夢清切。聞君戍靈關。瓜時猶未還。數汎明
月沼。頻遊向文苑作尚。注云。一作當。詩紀云。一作當。日灣。金碧應髣髴。輪鏡幾登攀。復承西歸後。將兵出湖
口。經過道路長。往來日月久。玉體何容歇。金漿故應有。陽臺可讌私。章華堪置酒。既彈趙人瑟。復擊秦
人缶。缶瑟多奇調。秦趙饒姝妙。得意在雙眸。傾城猶一笑。伯喈恩詩紀云。一作思。實早。十杜文苑作柱。詩紀
云。一作柱。天終少。歿等盛姬傷。存同魏車照。君子篤久要。宿昔盛賓僚。依依集鱗羽。眷眷共枝條。一朝
限歧路。萬里異浪潮。容儀雖眇眇。夢想尚昭昭。新人不相識。故人詎相憶。杳杳問山川。迢迢阻音息。各
附青雲遠。詎假排虛力。風月接歡宴。酒醴承顏色。安知慕儔者。潺潺涕沾軾。僕本不平人。悲愁眉亦嘖。
文苑誤作頰。年來空自老。歲去不知春。未能全詩紀云。一作會。體命。於中欲問津。五噫如適越。十上似遊秦。
肌膚積霜露。膂力倦風塵。烏裘日日故。白髮朝朝新。人生感意氣。相知無富貴。懷趙實廉頗。思燕唯樂
毅。大文苑作博。選咆咻士。廣募文苑誤作慕。嫖姚尉。映月比刀環。瞻星看劍氣。郢路一迢遠。長楸幾獻猷。渤
澥水尚寬。崦嵫日猶未。丈夫志四海。兒女多辭費。待余濟濁河。從君宿清渭。○文苑英華二百四十七。詩紀

江洪

洪。濟陽人。工屬文。爲建陽令。坐事死。有集二卷。

和巴陵王四詠

採菱曲二首詩紀云。以下三題藝文並作江淹。今從樂府。○逮按。淶水曲、秋風曲。宋本類聚作江洪。明刻作江淹。又採菱曲。宋、明本俱作江洪。詩紀誤。

風生綠葉聚。波動紫莖開。含花復含實。正待佳人來。○玉臺新詠十。類聚八十二作採菱詩。樂府詩集五十一。詩紀九十一。

白日有清風。輕雲雜高樹。忽然當此時。採菱復相遇。○同上

淶水曲二首

潺湲復皎潔。輕鮮自類聚作尚。可悅。橫使有情禽。照影遂孤絕。○玉臺新詠十。類聚四十二。樂府詩集五十九。詩紀九十一。

塵容不忍飾。玉臺作飾。臨池思客樂府作客未。歸。誰能別玉臺作取。類聚作知取。淶水。全取玉臺作無趣。類聚同。浣羅衣。詩紀云。玉臺云。誰能取淶水。無趣浣羅衣。○同上

秋風曲三首

先類聚作光。馮校作先。拂連雲臺。罷人迎風。類聚作鑿。殿。已折池中荷。復驅。類聚作馳。簷裏燕。○類聚四十二。樂府詩集六十。詩紀九十一。

孀婦悲玉臺作居憎。四時。況在秋閨內。淒葉留晚蟬。玉臺作流晚暉。虛庭吐寒菜。○玉臺新詠十。樂府詩集六十。詩紀九十一。

北牖風摧。樂府作催。樹。南籬寒蛩吟。庭中無限月。思婦夜鳴砧。○同上

胡笳曲二首

藏器欲邀樂府作逢。文苑云。一作逢。時。年來不相讓。紅顏征戍兒。白首邊城將。○類聚四十二。文苑英華二百十一。樂府詩集五十九。詩紀九十一。

落日慘無光。臨河獨飲馬。颺颺。文苑作颺。類聚作瑟颺。夕風高。聯翩飛雁下。○同上

詠歌姬詩

寶鑷間珠花。分明靚粧玉臺誤作莊。點。薄鬢約微黃。輕紅澹鉛臉。發言芳已馳。復加蘭蕙染。浮聲易傷歎。沈唱安而險。孤轉忽徘徊。雙蛾乍舒斂。不持全示人。半用輕紗掩。○玉臺新詠五。詩紀九十一。

詠舞女詩

腰纖蔑楚媛。體輕非趙姬。映襟闐寶粟。緣肘掛珠絲。發袖已成態。動足復含姿。斜睛玉臺作精。若不眇。
嬌玉臺作當。轉復遲疑。何慚雲鶴起。詎減鳳驚玉臺作鸞。時。○玉臺新詠五。詩紀九十一。

和新浦侯齋前竹詩

本生出高嶺。移賞入庭蹊。檀欒拂桂櫺。菴葱傍朱閨。夜條風析析。曉葉露淒淒。籜紫春鷲思。筠綠寒蛩啼。不惜凌雲茂。遂聽羣雀棲。願抽一莖實。試看翔鳳來。○類聚八十九。詩紀九十一。

和新浦侯詠鶴詩

閒園有孤鶴。摧藏信可憐。寧望春臯下。刷羽翫花鈿。何時秋海上。照影弄長川。曉鳴動遙怨。夕唳感嬌眠。
哀咽芳林右。類聚誤作君。憫默華池邊。猶冀凌雲志。萬里共翩翩。○類聚九十。詩紀九十一。

爲傅建康詠紅箋詩

雜彩何足奇。惟紅偏作可。
初學記作可作。萬花谷同。灼爍類藻開。輕明似霞破。鏤質卷芳脂。裁花承百和。且傳別離心。復是相思裏。不值。初學記作遇。萬花谷作過。情牽玉臺作幸。初學記作精華。萬花谷同。人。豈識初學記作人。

萬花谷同。風流座。○玉臺新詠五作詠紅箋。詩紀九十一。又初學記二十一、萬花谷後二十九並引作、破、和、座四韻。

詠薔薇詩

當戶種薔薇。枝葉太葳蕤。不搖香已亂。無風花自飛。春閨不能靜。開匣對明妃。曲池浮采采。斜岸列依依。或聞好音度。時見銜泥歸。且對清觴湛。其餘任是非。○玉臺新詠五。

江行詩

日沒風光靜。遠山清類聚作深。文苑云。一作深。無雲。潮落晚洲出。浪罷沙成文。挾琴上高岸。望月彈明君。去家未千里。斷絕怨文苑作願。離羣。○類聚二十七作梁江洪詩。文苑英華二百八十九。詩紀九十一。

詠荷詩

澤陂有微草。能花復能實。碧葉喜類聚作惠。翻風。紅英宜照日。移居玉池上。託根庶非失。如何霜露交。應與飛蓬匹。○類聚八十二。詩紀九十一。

詠美人治粧

上車畏不妍。顧盼更斜轉。大玉臺作太。恨畫眉長。猶言顏色淺。○玉臺新詠十。詩紀九十一。

江祿

祿。字彥遐。濟陽人。爲太子洗馬、湘東王錄事參軍。後爲唐侯相卒。

津渚敗船詩

可愛木蘭資。可憐丹桂質。逐浪徒言是。乘風還自失。草蔓繙長埋。沙巨舷難出。陸沈成許去。無復乘流日。○類聚七十一。詩紀九十一。

孔熹

熹。仕梁歷刑獄參軍、無錫令。

往虎窟山寺詩

聖情想區外。脂駕出西南。前驅聞鳳管。後乘躍龍驂。爰遊非逸豫。幽谷有靈龕。兼覲息心者。宴坐臨清潭。禪食寧須稼。雲衣不待蠶。蘋苕緣澗壑。蘿葛蔓松楠。鶯林響初轉。春畦藥廣弘明集作翠。注云。三本作藥。欲含。惑心隨教遣。法味與恩覃。庶憑八廣弘明集云。官本作人。解力。永滅六塵貪。○廣弘明集三十。詩紀六十八。

老詩

盛年歌吹日。顧步惜容儀。一朝衰朽至。星星白髮垂。○類聚十八。

孔翁歸

翁歸。會稽人。工爲詩。爲南平王司馬府記室。

奉和湘東王教班婕妤好詩

長門與長信。日暮九重空。雷聲聽隱隱。車響絕瓏瓏。類聚、文苑、詩紀作籠籠。文苑又云。一作瓏瓏。恩光隨妙舞。團扇逐秋風。鉛華誰不慕。類聚作見。文苑同。又注。一作慕。人意自難終。類聚作同。○玉臺新詠六。類聚三十作班婕妤好怨詩。文苑英華二百四作班婕妤好怨。樂府四十三作班婕妤好怨。詩紀七十。

何子朗

子朗。字世明。思澄宗人。卒於國山令。

學謝體詩

桂臺清露拂。銅陛落花沾。美人紅妝罷。攀鈎卷細簾。思君暫促柱。玉臺誤作擊促織。玉指何纖纖。未應爲此

別。無故坐相嫌。○玉臺新詠五。詩紀九十一。

和虞記室騫古意詩

美人弄白日。灼灼當春牖。清鏡對蛾眉。新花弄玉臺作映。玉手。燕下拾池泥。風來吹細柳。君子何時歸。與我酌樽酒。○玉臺新詠五。詩紀九十一。

和繆郎視月詩

清夜未云疲。珠玉臺作細。文苑同。簾聊可發。泠泠玉臺作玲玲。玉潭水。文苑作泠泠玉殿外。映見蛾眉月。靡靡露方垂。暉暉玉臺作輝輝。光稍沒。佳人復千里。餘影徒揮忽。○玉臺新詠五。類聚一、文苑英華百五十二作虞騫。詩紀九十一。

沈旋

旋。字士規。約子。累官給事黃門侍郎。撫軍長史。

詠螢火詩

火中初學記作申。變腐草。明滅靡恆調。雨墜弗虧光。陽昇反奪照。泊樹類奔星。集草疑餘燎。望之如可灼。攬之徒有耀。○初學記三十。文苑英華三百二十九作詠螢。詩紀九十一。

沈趁

趁。字孝鯉。約次子。位黃門郎。

賦得霧詩

窈鬱蔽園林。依靠被軒牖。睇有初學記作霧。始疑空。瞻空復如有。遊蛇隱遙漢。文豹棲南阜。既殊三五輝。
遠望徒延初學記作回首。○初學記二。文苑英華百五十六。詩紀九十一。

詠雀詩

肌薄少滋腴。色淺非丹翠。不懼越王羞。寧懷秦后珥。傍簷葺寒草。循場啄餘穗。且欣大厦成。焉須鴻鵠志。
○類聚九十二。詩紀九十一。

梁詩卷二十七

費昶

昶。江夏人。善爲樂府。官至新田令。有集三卷。

巫山高

巫山光欲晚。詩紀云。一作曉。陽臺色依依。彼美巖之曲。寧知心是非。朝雲觸石起。暮雨潤羅衣。願解千金珮。請逐大王歸。○玉臺新詠六。樂府詩集十七。詩紀九十二。

芳樹

幸被夕風吹。屢得朝光照。枝低樂府作偃。注云。一作低。文苑云。一作偃。疑欲舞。花開似含笑。長夜路悠悠。所思不可召。行人早旋返。賤妾猶年文苑云。一作年猶少。樂府云。一作年猶少。○文苑英華二百八。樂府詩集十七。詩紀九十二。

有所思

上林鳥欲棲。文苑、樂府作鳥欲飛。長門玉臺作安。日行文苑、樂府並云。一作將。暮。所思鬱不見。文苑作已。空想丹墀

步。簾動意玉臺作憶。君來。雷聲似車度。北方佳麗子。窈窕能迴顧。夫君自迷惑。非爲妾心妬。○玉臺新詠六。
文苑英華二百二。樂府詩集十七。詩紀九十二。

長門怨

向夕千愁類聚作悲。起。自悔類聚作百恨。何嗟及。愁思且歸牀。羅襦方掩泣。絳樹搖風軟。黃鳥弄聲急。金屋貯嬌時。不言君不入。○玉臺新詠六作長門后怨。類聚三十二。樂府詩集四十二。詩紀九十二。

採菱曲

妾家五湖口。採菱五湖側。玉面不關妝。文苑作翠。雙眉詩紀作目。本翠文苑作青。色。日斜天欲暮。風生浪未息。宛在水中央。空作兩相憶。○玉臺新詠六、文苑英華二百八作採菱女。樂府詩集五十一。詩紀九十二。又類聚八十二作採菱詩。引側、色、息三韻。

思公子

公子才氣饒。凌雲自飄飄。東出鬪雞道。西登飲馬橋。夕宴銀爲燭。朝燔桂作焦。虞卿亦何命。窮極苦無聊。○樂府詩集七十四。詩紀九十二。

發白馬白馬。津名。

家本樓煩俗。召募詩紀誤作寡。羽林兒。怖羗角觝戲。習戰昆明池。弓弋不復挽。劍衣恆露鉞。一辭豹尾內。長別屬車垂。白馬今雖發。黃河未結澌。寄言閨中婦。逢春心勿移。○文苑英華二百九。樂府詩集七十四。詩紀九十二。

行路難二首

君不見長安客舍門。倡家少女名桃根。貧窮夜紡無燈燭。何言一朝奉至尊。至尊離宮百餘處。千門萬戶不知曙。惟聞啞啞城上烏。玉闌類聚作蘭。樂府作欄。金井牽轆轤。丹梁翠柱飛流玉。臺作屠。樂府同。又注。一作流。蘇。香薪桂火炊雕胡。類聚作彫菰。樂府、詩紀並云。一作菰。當年翻覆無常定。薄命爲女何必類聚作必已。麤。文苑作心已麤。注云。一作必已麤。一作何必麤。○玉臺新詠九。樂府詩集七十。類聚三十及文苑英華二百並作吳均。詩紀九十二。

君不見人生百年如流電。心中培壘樂府作坎壘。君不見。我昔初入椒房時。詎減班姬與飛燕。朝踰文苑作踏。注云。一作踰。金梯上鳳樓。暮下文苑作人。注云。一作下。瓊鈎息鸞殿。柏梁玉臺作臺。樂府同。晝夜香。錦帳自飄颻。笙歌棗下曲。玉臺作都上吹。樂府作膝上吹。文苑云。一作膝上吹。琵琶陌上桑。過蒙文苑作叨。注云。一作蒙。恩所賜。餘光曲霑被。既逢陰后不自專。復值程姬有所避。黃河千年始一清。微軀再逢永無議。文苑作義。注云。一作議。蛾眉偃月徒自妍。傅粉施朱欲誰爲。不如天淵文苑作泉。注云。一作淵。水中鳥。文苑作鳧。雙去雙飛文苑作歸。樂府同。長

比翅。文苑作翅。按當作翮。○玉臺新詠九。文苑英華二百。樂府詩集七十。詩紀九十二。

贈徐郎詩六章

漢水如雞。崑山抵鵠。維皇多士。譬茲珠璞。皎皎名駒。昂昂野鶴。思發泉涌。紙飛雲落。射策除郎。明經拜爵。家盈輦悅。人有丹膺。車載斗量。束之高閣。

並海之斥。奕葉才雄。北鄰稷下。南接淹中。禮無變俗。樂有正風。輿人善誦。君子固窮。坐腰青紫。俯拾三公。

曰子大夫。有聲有度。山東隻立。關西獨步。奮翮高雲。揚鑣遠路。王侯十辟。英傑三顧。貌若斷山。心如武庫。

昔聞舊矣。寤寐詠歌。我刺未書。君驂肯過。愛而不見。獨抱縈波。晨瞻洛汭。夕望江沱。方年已叔。乃遇蕭何。

何用好仁。從遊則變。何用祛鄙。萬頃斯見。子亦絕倫。爭驅前彥。斧藻其德。雕龍其絢。

殷勤膠漆。留連琴酒。居徒壁立。嫗亦麤醜。紡績江南。躬耕谷口。庭中三徑。門前五柳。子若彈冠。余當結綬。○文館詞林百五十八。

華光省中夜聞城外擣衣詩

閨闈類聚作閨闈。下重關。丹墀吐明月。秋氣城中冷。秋砧城外發。浮聲繞雀臺。飄響度龍闕。宛轉何藏摧。當從上路來。藏摧意類聚作方。未已。定自乘軒里。玉臺作裏。詩紀同。乘軒盡世家。佳麗似朝霞。圓類聚作員。瑱耳上照。方繡領間斜。衣薰百和屑。鬢插九枝花。昨暮庭槐落。今朝羅綺薄。拂席卷鴛鴦。開幔玉臺作縵。類聚作縵。舒龜鶴。類聚作鶴。韵補同。金波正容與。玉步依砧杵。紅袖往還縈。素腕參差舉。徒聞不得見。獨夜空愁佇。獨夜何窮極。懷之在心惻。玉臺作側。階垂玉衡露。庭舞相風翼。瀝滴流星輝。燦爛長河色。三冬誠足用。五日無糧食。揚雲已寂寥。今君復弦直。○玉臺新詠六。詩紀九十二。又類聚六十七引月、發、闕、摧、來、已、里、家、霞、斜、花、落、薄、鶴、與、杵、舉、佇十八韵。韵補五引薄、鶴二韵。

和蕭記室春日有所思詩

芳樹發春輝。蔡子望青衣。水逐桃花去。春隨楊柳歸。楊柳何時歸。裊裊復依依。已蔭章臺陌。復掃長門扉。獨知離心者。坐惜春光違。洛陽遠如日。何由見宓妃。○玉臺新詠六。詩紀九十二。

春郊見美人詩

芳郊拾翠人。迴袖捲玉臺作掩。類聚作探。芳春。金輝起步搖。紅采發吹綸。陽陽玉臺作湯湯。蓋頂類聚作傾。詩紀作項。日。飄飄馬足塵。薄暮高樓下。當知妾姓秦。○玉臺新詠六、類聚十八並作春郊望美人。詩紀九十二。

詠照鏡詩

晨暉照杏梁。飛燕起朝粧。留心散廣黛。輕手約花黃。正釵時念影。拂絮且憐香。方嫌翠色故。乍道玉無光。城中皆半額。非妾畫眉長。○玉臺新詠六。

和蕭洗馬畫屏風詩二首

詩紀云。蕭子範爲太子洗馬。

陽春發和氣

日靜玉臺作淨。班姬門。風輕董賢館。卷耳緣階出。反舌登牆喚。蠶女桂枝鉤。遊童蘇合彈。拂袖當留客。相逢莫相難。○玉臺新詠六。詩紀九十二。

秋夜涼風起

佳人在河內。征夫鎮馬邑。零露一朝團。中夜兩垂泣。氣爽牀帳冷。天寒針縷澁。紅顏本暫時。君還詎相及。○同上

詠人幌風詩

經堂文苑作芳。詩紀云。一作房。汎寶瑟。乘隙動浮埃。鏘金驅響至。舉袂送芳來。能使蘭膏滅。乍見珠簾開。輕

裾試一舉。令子暫遲迴。○初學記一。文苑英華百五十六。詩紀九十二。

王臺卿

臺卿。爲刑獄參軍。與江仲舉、何仲容等。同爲雍州刺史南平王恪門下賓客。

陌上桑四首

鬱鬱陌上桑。盈盈道傍樂苑作陌上。女。送君上河梁。拭淚不能語。○古詩類苑百二十五。詩紀九十三。

鬱鬱陌上桑。遙遙山下蹊。君去戍萬里。妾來守空閨。○同上

鬱鬱陌上桑。皎皎雲間月。非無巧笑姿。皓齒爲誰發。○同上

鬱鬱陌上桑。裊裊機頭絲。君行亦宜返。今夕是何時。○同上

陌上桑詩紀云。一云採桑。玉臺作蕭子顯。

令月開和景。處處動春心。挂類聚作桂。筐須葉滿。息倦重枝陰。○類聚八十八作詠陌上桑詩。樂府詩集二十八。詩紀九十三。

雲歌

玉雲初度色。金風送影來。全生疑魄暗。半去月時開。欲知無處所。一爲上陽臺。○樂府詩集八十六。詩紀九

十三。

一旦歌

一旦被頭痛。避頭還着牀。自無親伴侶。誰當給水漿。匍匐入山院。正逢虎與狼。對虎低頭啼。垂淚淚千行。○樂府詩集八十六佚作者名。次王臺卿詩後。詩紀九十三。

和簡文帝賽漢高祖廟詩

沐芳事椒醕。類聚作糝。駕言遵壽宮。瑤臺斜接岫。玉殿上凌空。樹出垂巖影。竹引帶山風。階長霧難歇。窓高雲易通。所悲樽俎撤。按歌曲未終。○類聚七十九。詩紀九十三。

奉和望同泰寺浮圖詩

詩紀云。和簡文。下同。

朝光正晃朗。涌廣弘明集作踊。注云。明本作涌。塔標千丈。儀鳳異靈鳥。金盤代仙掌。積拱成廣弘明集作承。注云。明本云。一作成。雕栊。高簷挂珠網。寶地若池沙。風鈴如樹廣弘明集作積。注云。明本作樹。響。刻削生千變。丹青圖萬象。煙霞時出沒。神仙乍來往。晨霧半層生。飛幡接雲上。遊蛻不敢息。翔鷗詎能仰。讚善資哲人。流詠歸明兩。願假舟航末。彼岸誰云廣。○廣弘明集三十。詩紀九十三。又類聚七十六引丈、掌、網、響、象、往、上七韻。

奉和往虎窟山寺詩

我王宗勝道。駕言從所之。輜軒轉朱轂。驪馬躍青絲。清渠影高蓋。遊樹拂行旗。賓徒紛雜沓。景物共依遲。飛梁通澗道。架宇接山基。叢花臨迥砌。分廣弘明集云。明本作紛。流繞曲墀。誰言非勝境。雲山獨在茲。塵情良易著。廣弘明集作遺。注云。三本、官本作著。道性故難緇。承恩奉教義。方當弘受持。○廣弘明集三十。詩紀九十三。

奉和泛江詩

春江下白帝。畫舸向黃牛。錦纜迴沙磧。蘭橈避荻洲。濕花隨水泛。空巢逐樹流。建平船柀下。荆門戰初學記誤作載。艦浮。岸社初學記誤作杜。多喬木。初學記作羣樹。文苑同。山城足初學記作是。迥文苑作廻。樓。日落江風靜。龍吟迴文苑作迴。上游。○初學記六作周庚信。文苑英華百六十二作庚信。詩紀九十三。又類聚八作泛江詩。引牛、洲、流、樓四韵。

山池應令詩

詩紀云。和簡文。

歷覽周仁智。登臨歡豫多。穿渠引金谷。關道出銅駝。長橋時跨水。曲閣乍臨波。巖風生竹樹。池香出芰荷。石幽銜細草。林末度橫柯。○類聚九。詩紀九十三。

詠風詩

浸淫類聚誤作望。不可識。文苑作議。去來非有情。乍見珠簾捲。時覺洞房清。暫拂蘭池上。澹淡玉波類聚誤作塵。生。一辨詩紀作辯。雄雌異。還惡庶人輕。○類聚一。文苑英華百五十六。詩紀九十三。

詠箏詩

依歌時轉韻。按曲動花鈿。促調移輕柱。亂手度繁絃。惟有高秋月。秦聲未初學記作獨。可憐。○類聚四十四。初學記十六。文苑英華二百十二。詩紀九十三。

同蕭治中十詠二首

蕩婦高樓月

空庭玉臺作度。高樓月。非復三五圓。玉臺作五三年。何須照牀裏。終是一人眠。○玉臺新詠十。詩紀九十三。

南浦別佳人

歛容送君別。一歛無開時。只應待相見。還將笑解眉。○同上

詠水中樓影詩詩紀云。和簡文。

飄飄似雲度。亭亭如蓋浮。熟看波不動。還是映高樓。○類聚六十三。詩紀九十三。

臨滄波詩

高軒臨不測。清江窮廣深。天邊生岸影。水上結雲陰。風來白華起。潮滿黃沙沈。○類聚八。詩紀九十三。

王罔

罔。南徐州治中。有集三卷。

長安有狹邪行

名都馳道傍。華轂亂鏘鏘。道逢佳麗子。問我居何鄉。我家洛川上。甲第遙相望。珠扉玳瑁牀。綺席流蘇帳。大子執金吾。次子中郎將。小子陪金馬。遨遊蔑卿相。三子俱休沐。風流鬱何壯。三子俱會同。肅雍多禮讓。三子俱還室。絲管紛寥亮。大婦裁舞衣。中婦學清唱。小婦窺鏡影。弄此朝霞狀。佳人且少留。爲君繞梁唱。○樂府詩集三十五。詩紀九十三。

奉和往虎窟山寺詩詩紀云。和簡文。

美境多勝迹。道場實茲地。造化本靈奇。人功兼製置。房廊相映屬。塔閣並殊廣。弘明集云。宋本、官本作珠。異。高明留睿賞。清淨廣弘明集作靜。注云。三本、官本作淨。穆神思。豫遊窮嶺廣弘明集云。三本、官本作領。歷。藉此方春至。野花奪人眼。山鶯紛可喜。風景共鮮華。水石相輝媚。法像無塵染。真僧絕名利。陪遊既伏心。聞道方刻意。○廣弘明集三十。詩紀九十三。

朱超

超。仕梁爲中書舍人。有集一卷。

採蓮曲

豔色前後發。緩楫去來遲。看妝礙荷影。洗手畏菱滋。摘除蓮上葉。挖出藕中絲。湖裏人無限。何日滿船時。○樂府詩集五十。詩紀九十三。

贈王僧辯詩

故人總連率。方舟下漢池。玉節交橫映。金鏡詩紀作繞。前後吹。聚圖匡漢業。傾產救韓危。昔時明月夜。蔭

羽切高枝。冲天勢已遠。控地力先疲。各言獻捷後。幾處泣生離。○文苑英華二百四十七。詩紀九十三。

別劉孝先詩

詩紀云。詩彙作何遜者非。

疲痾積未瘳。伏枕倦文苑作捲。長愁復念夜分首。文苑作手。江上值徂秋。陰凝變遠色。落葉泛寒流。繁霜積曉纜。輕冰文苑作水。繞夜舟。曳裾出兔苑。引領望龍樓。勿念荆臺側。無爲戚情文苑云。情一作成。遊。○文苑英華二百六十六。詩紀九十三。

別席中兵詩

數年共棲類聚作遊。文苑云。一作遊。息。一旦各聯翩。莫論行近遠。終是隔山川。長波漫不極。高岫鬱相連。急風亂還鳥。輕寒靜暮蟬。扁舟已入浪。孤帆漸逼天。停車對空渚。悵類聚作長。文苑、詩紀云。集作長。望轉依然。○類聚二十九作朱超道。文苑英華二百六十六作道別席中兵。詩紀九十三。

夜泊巴陵詩

月夜三江靜。雲霧四邊收。淤泥不通挽。寒浦劣容舟。迴風折長草。輕冰斷細流。古村空列樹。荒戍久無樓。○類聚二十七作泊巴陵詩。文苑英華二百八十九。詩紀九十三。

歲晚沈痾詩

風將夜共靜。空與月俱明。燭滴龍猶伏。鑪開鳳欲驚。葉飛林失影。冰合澗無聲。太息興牀念。寧敢離衣行。唯畏殘藤盡。不聞桴鼓鳴。○類聚七十五作朱超道。詩紀九十三。

對雨詩

當夏苦炎埃。習靜對花臺。落照依山盡。浮涼帶雨來。重雲吐文苑作出。萬花谷同。飛電。高棟響行雷。灑樹輕花發。滴沼細萍開。汎沫文苑作沫。繁類聚誤作榮。堦草。奔流起砌苔。無因假輕蓋。徒然想上才。○初學記二。文苑英華百五十三。詩紀九十三。又類聚二引臺、來、雷、開、苔五韻。萬花谷後一作朱超詩。引雷、開二韻。

詠同心芙蓉詩

青山麗朝景。玄峯朗夜光。未及清池上。紅蕖並出房。日分雙蒂類聚作帶。影。風合兩花香。魚驚畏蓮折。龜上礙荷長。雲雨留文苑作流。輕潤。草木隱嘉祥。徒歌涉江文苑作江上。曲。誰見緝爲裳。○類聚八十二。

文苑英華三百二十二。詩紀九十三。

奉和登百花亭懷荆楚詩

詩紀云。和元帝。

亭高登望極。春心遠近同。莫恨荆臺隱。雲行不礙空。柳色浮新翠。蘭心帶淺紅。若因鵬舉便。重上龍門中。○文苑英華三百十五作朱超道。詩紀九十三。

賦得蕩子行未歸詩詩紀云。藝文作朱越。玉臺作朱超道。

坐樓愁出望。息意不思春。無奈園中柳。寒時已報人。捉梳羞理鬢。挑朱懶向脣。何當上路晚。風吹還騎塵。○類聚三十二作朱越。詩紀九十三。

舟中望月詩

大江闊千里。孤舟無四鄰。唯餘故樓月。遠近必隨人。人風先初學記作光。遠暈。排霧急移輪。若教長似扇。堪拂豔歌塵。○初學記一。文苑英華百五十二。詩紀九十三。

詠孤石詩

侵霞去日近。鎮水激流分。對影疑雙闕。孤生若斷雲。遏風靜華浪。騰煙起薄曛。雖言近七嶺。獨立不成羣。初學記作獨高成不羣。○初學記五。文苑英華百六十一作孤石。詩紀九十三。

詠鏡詩

折花須自插。不用暫臨池。當由可憐面。偏與鏡相宜。安釵釧獨響。刷鬢袖俱移。唯餘心裏恨。影中恆不

知。○類聚七十作朱超道。詩紀九十三。

詠貧詩

觸途皆可試。惟貧獨未安。窓開兩片月。霜足一重寒。藁初學記作蒿。濕鋪牀冷。荷脆補衣難。若言爲客易。推劍與君彈。○類聚三十五。初學記十八作梁朱异。詩紀九十三。

詠剪綵花詩

淺深依樹色。舒卷聽人裁。假令春已度。終住手中開。○類聚八十八。詩紀九十三。

城上烏詩

朝飛集帝初學記作麗。城猶帶詩紀云一作作。夜啼聲。近日毛雖煖。聞弦心尚驚。○類聚九十二。初學記三十作詠城上烏詩。樂府詩集二十八作城上烏。詩紀九十三。

詠獨栖鳥詩

河水聞寒已成凍。塞草愁霜懸自衰。可念無端失林鳥。此夜逆風何處歸。列網遮山不聽度。懸冰繞樹滑難依。細石似燕能隨雨。片木作鳶猶解機。但令積風多少便。何患有翼不能飛。寄詩紀誤作奇。語故林無數。

鳥。會人羣裏比毛衣。○類聚九十。詩紀九十三。

詩

惟餘故樓月。遠近必隨之。○草堂詩箋十七詩注。

戴嵩

驅馬篇

神哉彼泰山。五岳專其名。隆高貫雲霓。嵯峨出泰清。流六二候間。文苑云。此句疑。高置十二亭。上有涌醴泉。玉石揚華英。東北望吳野。西望觀日精。王者已歸天。效厥元功成。○文苑英華三百四十四。

釣竿

試持玄渚釣。暫罷池陽獵。翠羽飾長綸。藁文苑作藻。花裝小牒。類聚作蝶。鈎類聚作鉅。樂府同。利斷蓴絲。帆類聚作汎。樂府同。舉牽菱劉集作綸。葉。聊劉集作聯。載前魚童。還看後舟妾。○劉孝威集。類聚四十一。文苑英華二百十作劉孝威。樂府詩集十八。詩紀九十三。

君子行

晝野依德星。開鄜對廉水。接越稱交讓。連樹名君子。數非唯二失。升階無三止。探甑不疑類聚作凝。塵。正

冠還避李。寄言蓬伯玉。無爲嗟獨恥。○類聚四十一。樂府詩集三十二。詩紀九十三。

從軍行

長安夜刺閨。文苑、詩紀並云。夜警按刺於門下。胡騎白銅鞮。詔書發隴右。召募取關西。劍懸三尺鞘。鎧累樂府作暴。七重犀。督軍鳴戰鼓。巡樂府作遑。文苑作遑。夜數更鞞。侵星出文苑作向。柳塞。際晚文苑作暗。人榆溪。秦涇含藥鳩。詩紀作鳩。晉火逐飛鷄。通文苑作逼。泉開文苑云。一作通。地道。望敵豎雲梯。陰山日不暮。類聚著作。文苑云。一作者。長城風自淒。弓寒折錦鞞。文苑、詩紀並云。馬凍滑斜蹄。燕旗詩紀作騎。竿上脆。樂府作晚。羌笛文苑作吹。注云。一作笛。管中嘶。登山試文苑作成。注云。一作試。下趙。憑軾且平齊。當今文苑作令。函谷上。唯用類聚作見。樂府同。一丸泥。○文苑英華百九十九。樂府詩集三十二。詩紀九十三。又類聚四十一作從軍詩。引鞞、西、犀、溪、淒、蹄、齊、泥八韻。

煌煌京洛行

欲知佳麗地。爲君陳帝京。由來稱俠窟。爭利復爭名。鑄銅門外馬。刻石水中鯨。黑龍過飲渭。丹鳳俯臨城。羣公邀類聚作惡。文苑云。一作惡。郭解。天子問黃瓊。詔幸平陽第。樂府作地。騎指伏波營。五侯同拜爵。七貴各垂纓。衣風飄飄起。車塵暗浪生。舞見淮南法。歌聞齊后聲。揮金留客坐。饌玉待鐘鳴。獨有文園客。類聚作令。文苑云。一作令。偏嗟武騎輕。○文苑英華百九十二。樂府詩集三十二。詩紀九十三。又類聚四十二引京、名、鯨、城、瓊、營、纓、聲、輕九韻。

月重輪行

皇基屬明兩。文苑作朗。副德表重輪。重輪文苑作輪重。非是暈。桂滿自恆春。海珠含文苑作全。更滅。類聚作全更滅。文苑云。一作滅。階莫翳且新。婕妤比類聚作譬。團扇。曹王譬類聚作比。洛神。浮川疑讓詩紀云。一作滾。璧。人戶類燒銀。從來看顧兔。不曾聞鬪麟。北堂豈盈手。西園偏文苑作徧。照人。○初學記一作戴嵩。文苑英華百九十三作月重輪。樂府詩集四十。詩紀九十三。又類聚四十二作月重輪篇。引輪、春、新、神、人五韵。

神仙篇

徒聞石爲火。未見坂停丸。暫數盈虛月。長隨晝夜瀾。辭家試學道。逢師得姓韓。閩山金靜室。蓬丘銀露壇。安平醞仙酒。渤海轉神丹。初飛喜退鳳。新學法乘鸞。十芒生月腦。六燄起星肝。流詩紀云。一作飛。樂府闕流字。瓊播疑俗。信玉類陽官。玄都宴晚集。紫府事朝看。謝手今爲別。進憐此俗難。○樂府詩集六十四。詩紀九十三。

車馬行

鞏洛風塵處。冠蓋相填咽。類聚作憤噎。多稱魏其冷。競隨田蚡熱。輪趣白虎第。珂聚黃金穴。獻酒悉葡萄。訓言盡飛鐵。東都虵已鑄。西山綬應結。朝詩紀誤作期。集類蒸煙。晚至如吹雪。子雲爾御覽作亦。何事。門巷

無車轍。○類聚七十一。詩紀九十三。又御覽七百七十三作載萬。引雪、轍二韻。

度關山

昔聽隴頭吟。平居已流涕。今上關山望。長安樹如薺。千里非鄉邑。四海皆樂府。作百姓爲。文苑云。一作百姓爲。兄弟。軍中大體自文苑作共。注云。一作自。相褒。其間得意各分文苑作爲。曹。博陵輕俠皆無位。文苑作爲。幽州重氣本多豪。馬銜文苑作肥。注云。一作啣。苜蓿葉。劍瑩樂府作賣。注云。一作瑩。鷓鴣文苑作鷓。膏。初征心未習。文苑作息。樂府云。一作息。復值鴈飛入。山頭看月近。文苑作高。注云。一作近。草上知風急。笛喝文苑作揭。注云。一作喝。曲難成。笳繁響還澁。武帝初文苑作信。注云。一作初。承平。東伐復西文苑作南。注云。一作西。征。薊門海作塹。榆塞冰爲城。催令四校出。倚望三邊平。箭服文苑作箠。朝來動。刀環臨陣鳴。將軍一百戰。都護文苑作尉。注云。一作護。五千兵。且決雄雌眼前利。誰道功名身後事。丈夫意氣本自然。來時辭第已聞天。但令此身類聚作心。與文苑作心此。命在。不持文苑作交。注云。一作持。按作交是。烽火照甘泉。○文苑英華百九十八。樂府詩集二十七。詩紀九十三。又類聚四十二引涕、薺、弟、征、平、然、天、泉八韻。

詠欲詩紀作歌。眠詩

拂枕薰紅氍。迴燈復解衣。傍邊知夜永。玉臺作久。不喚定應歸。○玉臺新詠十。詩紀九十三。

阮研

研。字文機。陳留人。梁交州刺史。

擢歌行

芙蓉始出水。綠荇葉初鮮。且停白雪和。共奏激楚絃。平生此遭遇。一日當千年。○樂府詩集四十。詩紀九十三。

庾丹

丹爲桂州刺史蕭朗記室。以直諫被害。

秋閨有望詩詩紀云。律祖作庾肩吾者非。○下同。

耿耿橫天漢。飄飄出岫雲。月斜樹倒影。風至水迴文。已泣機中婦。復悲堂玉臺作牀。上君。羅襦曉長襜。翠被夜徒薰。空汲銀床井。誰縫金縷裙。所思竟不至。持酒玉臺作空持。清夜分。○玉臺新詠五。詩紀九十二。

夜夢還家詩

歸飛夢所憶。共子汲寒漿。銅瓶素絲綆。綺井白銀牀。雀出丰茸樹。蟲飛玳瑁梁。離人不相見。爭玉臺作難。

忍對春光。○玉臺新詠五。詩紀九十二。

謝瑱

瑱。仕梁爲東陽郡丞。有集八卷。

和蕭國子詠柰花詩

俱榮上節初。獨秀高秋晚。吐綠變衰園。舒紅搖落苑。不逐奇幻生。寧從吹律暄。幸同瑤華折。爲君聊贈遠。○初學記二十八。詩紀九十四。

陸璉

璉。里系未詳。曾仕於齊。梁武帝詔修五禮。以璉及賀瑒、嚴植之、明山賓、沈宏爲五經博士。有軍禮儀注百九十卷、錄二卷。

齊皇太子釋奠詩九章

側觀遙冊。歷選皇年。惟靈御極。惟睿奉天。情機散古。文象聿宣。雲鳥踳駕。教思蟬聯。

大明在運。帝功泉塞。端飾寶命。化垂人則。業敷七政。訓弘三德。昭圖懿軌。道清萬國。振領還風。提綱息僞。愛孚應遠。仁治祥被。六幽暢波。八埏藻義。煙烟開禎。山河因瑞。祚休長運。卜永聯慶。於穆儲徽。儀震麗正。妙智夙昭。神泉獨鏡。譽宣詩史。道協鏞詠。業崇敬達。師嚴教尊。清淳璧水。赫奕獸門。斌斌赫藉。秩秩德音。合情飾兒。導本歸源。憲章祀典。宗聖維靈。犧牲釗潔。盥奠肅誠。樂和初奏。禮備未貞。風輝克廣。至德維馨。敬周獻畢。卽宴庠宮。霜庭秀日。邃宇恬風。陳儀就位。濟濟雍雍。澤宮慶普。心陶樂融。灼灼宰傅。英英藩哲。締綵飛聲。騰光代翼。髦彥連華。才奇映列。貂佩陸離。巾袞容裔。粹景貞暉。雲露延和。顯仁性始。藏用生波。乘虞人幸。沐忝溟河。巡崖惡慮。抃藻傾歌。○文館詞林百六十作南齊陸璣。

鄧鏗

鏗。梁平西將軍元起子。

和陰梁州雜怨詩

別離雖未久。遂如長別離。類聚、詩紀並作暫別猶添恨。何忍別經時。叢桂頻銷葉。庭樹幾攀枝。君言妾貌改。妾畏君心移。終須一相見。併得兩相類聚作心。知。○玉臺新詠八。類聚三十二作閨怨詩。詩紀九十四。

奉和夜聽妓聲詩

燭華似明月。鬢影勝飛橋。妓兒齊鄭樂。玉臺作舞。爭妍學楚腰。新歌自作曲。舊瑟不須調。衆中俱不笑。座上莫相撩。○玉臺新詠八。詩紀九十四。

月夜閨中詩

閨中日已暮。樓上月初華。樹陰緣砌上。窗影向牀斜。開帷傷隻鳳。吹燈惜落花。類聚作開屏寫密樹。卷帳照垂花。誰能當此夕。獨處類倡家。○類聚三十二。詩紀九十四。

梁宣帝蕭譽

譽。字理孫。昭明太子統第三子。普通中。封曲江縣公。中大通中。進封岳陽郡王。領會稽太守。歷宣惠將軍。知戍石頭事。琅邪、彭城二郡太守。東揚州刺史。中大同初。除持節。都督雍、梁等州。西中郎將。雍州刺史。太清中。拒命不受代。尋稱藩于魏。魏立爲梁王。于襄陽承制。及元帝敗沒。建號於江陵。改元大定。在位八年。諡曰宣皇帝。有集十卷。

建除詩

建國惟神業。十世本靈長。除苛逾漢祖。復后類殷湯。滿盈既虧度。否運理還康。平階今復覩。德星行見祥。定寇資雄畧。靜亂屬賢良。執訊窮郢魯。弔伐徧徐揚。破敵勳庸盛。佩紫日懷黃。危苗既已竄。妖沴亦云亡。成功勒雲頰。聚作云。社。治定理要荒。收載歸農器。牧馬恣蕩場。開山接梯路。架海擬山梁。閉類聚作閉。慾同彭老。延壽等東皇。○類聚五十六。詩紀七十一。

迎舍利詩

釋迦稱散體。多寶號金驅。白玉誠非比。黃金良莫踰。變見絕言象。端異乃冥符。靈知雖隱顯。妙色豈榮枯。唯當千劫後。方成無價珠。○類聚七十六。詩紀七十一。

塵尾詩

匣上生光影。毫際起風流。本持談妙理。寧是用椎類聚作摧。牛。○類聚六十九。詩紀七十一。

詠紙詩

皎白猶霜雪。方正若布棋。萬花谷作蕃。詩紀云。一作基。宣情且記事。寧同魚網時。○初學記二十一。萬花谷後二十一。詩紀七十一。

牀詩

衡山白玉鏤。漢殿珊瑚支。踞膝申久坐。屢好爲頻移。○初學記二十五。詩紀七十一。

詠弓詩

虞人招不進。繁氏久稱彌。初學記作彌。工。已悲軒主跡。復挹楚王風。○初學記二十二。御覽三百四十七。詩紀七十一。

詠履詩

雙見待初學記缺待字。聲宣。並飛時表異。處卑彌更妍。常安豈悲墜。○初學記二十六。詩紀七十一。

大梨詩

大谷常流稱。南荒本足珍。綠葉已承露。紫實復含津。○初學記二十八。文苑英華三百二十六作梨。詩紀七十一。

詠百合詩

接葉有多種。開花無異色。含露或低垂。從風時偃抑。甘菊愧仙方。藜蘭謝芳馥。○類聚八十一引色、抑二韵。韵

補五引抑、馥二韻。詩紀七十一。

詠蘭詩

折莖聊可佩。入室自成芳。開花不競節。含秀委微霜。○初學記二十七。文苑英華三百二十七作蘭。詩紀七十一。

1

梁詩卷二十八

聞人倩

春日詩

高臺動春色。清池照日華。綠葵向光轉。翠柳逐風斜。林有驚心鳥。園多奪目花。相與咸知節。歎子獨離家。人行玉臺作行人。今不返。何勞空折麻。○玉臺新詠八。詩紀九十四。又類聚三、初學記三、文苑英華百五十七俱引華、斜花、家四韻。

沈君攸

採桑

南陌落花文苑作光。樂府同。移。蠶妾畏桑萎。逐便牽低葉。爭多避小枝。摘駛籠行滿。攀高腕欲疲。看金怯舉意。求心自可知。○文苑英華二百八。樂府詩集二十八。詩紀九十三。

採蓮曲

平川映晚樂苑作曉。霞。蓮舟泛浪華。衣香隨岸遠。荷影向流斜。度手牽長柄。轉機避疎花。還船不畏滿。歸

路詎嫌賒。○樂府詩集五十。詩紀九十三。

薄暮動弦歌

柳谷向夕沈餘日。蕙樓臨砌徙斜光。金戶半入藜林影。蘭徑時移落藥香。絲繩玉壺傳綺席。秦箏趙瑟響高堂。舞裙拂履喧珠珮。歌響出扇繞塵梁。雲邊雪飛絃柱促。留賓但須羅袖長。日暮歌鍾恆不倦。處處行樂爲時康。○樂府詩集七十四。詩紀九十三。

羽觴飛上苑

上路薄晚風塵合。禁苑初春氣色華。石徑斷絲闌蔓草。山流細沫擁浮花。詩紀云。外編作槎。魚文熠燿含餘日。鶴蓋低昂照落霞。隔樹銀鞍喧寶馬。分衢玉軸樂府作馱。動香車。車馬處處盡成陰。班荆促席對芳林。藤杯屢動情仍暢。翠樽引滿趣彌深。山陽倒載非難得。宜城醇醞促須斟。半醉驪歌應可奏。上客莫慮擲黃金。○樂府詩集七十四。詩紀九十三。

桂檝泛河中

黃河曲注樂府作渚。通千里。濁水分流引八川。仙查逐源終未極。蘇亭樂府。詩紀云。一作漢帝。遺跡上樂府作尚。難遷。眇眇雲根侵遠樹。蒼蒼水氣合樂府作雜。注云。一作合。遙天。波影雜霞無定色。湍文觸岸不成圓。赤馬

青龍樂府、詩紀並云。一作驪。交出浦。飛雲蓋海遠凌煙。蓮舟渡沙轉不礙。桂楫距浪弱難前。風急金鳥翅自轉。汀長錦纜影微懸。榜人欲歌先扣柁。津吏猶醉強持船。河隄極望今如此。行杯落葉詎虛傳。○樂府詩集七十四。詩紀九十三。

雙燕離

雙燕雙飛。雙情相樂府作想。思。容色已改。文苑作自故。故文苑作心。心不衰。雙人幕。雙出帷。文苑作闌。注云。一作帷。秋風去。春風歸。幕上危。雙燕離。銜羽一別涕泗垂。夜夜孤飛誰相知。左回右顧還相慕。翩翩桂水不忍渡。文苑作度。懸目挂心思越路。紫鬱摧折文苑作拆。意文苑云。一有終字。不泄。願作鏡文苑作孤。鸞相對絕。文苑作鏡中絕。注云。一作鏡鸞相對絕。樂府云。一作鸞對鏡絕。武本願作鏡鸞相對絕。○文苑英華二百六。樂府詩集五十八。詩紀九十三。

賦得臨水詩

開筵臨桂水。攜手望桃源。花落圓文出。風急細流翻。光浮動岸影。浪息累沙痕。滄波文苑作浪清。自可悅。濯纓何用論。○初學記六。文苑英華百六十三。詩紀九十三。

同陸廷尉驚早蟬詩

日暮野風初學記作花。生。林蟬候節鳴。望枝疑數處。尋空定一聲。地幽吟不斷。葉動噪羣驚。獨有河陽令。

偏嫌秋翅輕。○初學記三十。文苑英華三百三十。詩紀九十三。

待夜出妓詩

簾間月色度。燭定妓文苑誤作岐。成行。迴身釧玉動。頓履珮珠鳴。低衫拂鬢影。舉扇起歌聲。匣中曲猶奏。掌上體應輕。○初學記十五。文苑英華二百十三作夜出妓。萬花谷後三十二作沈君攸詩。詩紀九十三。

詠冰應教詩

日華照冰彩。灼爍自相明。陰潭欲半解。陽岸已全輕。未釋苔文隱。將銷草氣生。稍得觀魚上。非獨見孤驚。儻逢魏后術。當驗可爲城。○初學記七。詩紀九十七。

施榮泰

王昭君

垂羅下椒閣。舉袖拂胡塵。唧唧類聚作卽卽。文苑作寂寞。又注。一作唧唧。撫心歎。蛾眉誤殺人。○玉臺新詠十。類聚三十。文苑英華二百四作昭君怨。樂府詩集二十九。詩紀九十三。

雜詩

趙女修麗姿。燕姬正容飾。妝成桃毀紅。黛起草慙色。羅裙數十重。猶輕一蟬翼。不言縠袖輕。專歎風多力。鏘珮玉池邊。弄笑銀臺側。折柳貽目成。採玉臺作插。蒲贈心識。來時嬌未盡。還去媚何極。○玉臺新詠四。詩紀九十三。

高允生

王子喬行

仙化非常道。其義出自然。王喬誕神氣。白日忽升天。曖曖御雲氣。飄飄文苑作飄。樂府同。乘長煙。寄想崆峒外。翱翔宇宙間。七月有佳期。文苑作節。樂府同。又注。一作期。控鶴崇崖巔。永與時人別。一去不復旋。文苑作還。○文苑英華三百三十二。樂府詩集二十九。詩紀九十三。

百里奚歌

羈旅人秦庭。始得收顯曜。釋褐出輜車。卓爲千乘道。豔色進華容。繁弦發徵樂。府作徵。調。居貴易素心。翻然忘久要。裝金五羊皮。寫情陳所告。豈徒望自傷。念君無定操。○樂府詩集八十三。詩紀九十三。

王循

晨風行

霧開九曲瀆。風起千金堤。岸回分野逕。林際成牛蹊。鳧隨落潮去。日傍綺霞低。望日輕舟隱。瑟瑟遠寒

樂府作寒。悽。還眺小平急。宴語方難齊。○樂府詩集六十八。詩紀九十三。

房篆

金樂歌

前溪文苑作漢。流碧文苑作璧。水。後渚映青天。登臺臨寶鏡。開窓對綺錢。玉顏光粉色。文苑作耀光彩。羅袖拂金鈿。春風散輕蝶。明月映新蓮。摘花競時侶。催指文苑作栢。及芳年。○文苑英華百九十三作會樂歌。樂府詩集七十四。詩紀九十三。

裴憲伯

朱鷺

秋來懼寒勁。歲去畏冰堅。羣飛向葭下。奮羽欲南遷。暫戲龍池側。時往鳳樓前。所歎恩光歇。不得久聯翩。○文苑英華二百六。樂府詩集十六。詩紀九十三。

車敝

隴頭水

隴頭征人別。隴水流聲咽。只爲識君恩。甘心從苦節。雪凍弓弦斷。風鼓旗竿折。獨有孤雄劍。龍泉字不滅。○文苑英華百九十八。樂府詩集二十一。詩紀九十三。

洛陽道

洛陽道八達。洛陽城九重。重關如隱起。雙闕似芙蓉。王孫重行樂。公子好遊從。別有傾人處。佳麗夜相逢。○文苑英華百九十二。樂府詩集二十三。詩紀九十三。

驄馬

驄馬鏤金鞍。柘彈落金丸。意欲驂驪樂府作趨。走。先作野遊盤。平明發下蔡。日中過上蘭。路遠行須疾。非是畏人看。○文苑英華二百九。樂府詩集二十四。詩紀九十三。

車遥遥

車遥遥兮馬洋洋。追思君兮不可忘。君安逝玉臺作遊。樂府同。兮西入秦。願將微影玉臺作願爲影兮。隨君身。君在陰兮影不見。君仰日月玉臺作君依光兮。妾所願。○玉臺新詠九作傅玄車遥遥篇。樂府詩集六十九。詩紀九十三。

姚翻

同郭侍郎採桑詩

鴈還高柳北。春歸洛水南。日照茱萸領。風搖翡翠簷。詩紀云。一作簷。桑間視欲暮。閨裏遽飢蠶。相思君助取。相望妾那堪。○玉臺新詠六。樂府詩集二十八作採桑。詩紀九十三。

代陳慶之美人爲詠詩

臨粧欲含涕。羞畏家人知。還代玉臺作持。粉中絮。擁淚不聽垂。○玉臺新詠十。詩紀九十四。

夢見故人詩

覺罷方知恨。人心定不同。誰能對角枕。長夜一邊空。○玉臺新詠十。詩紀九十四。

有期不至詩

黃昏信使斷。銜怨心悽悽。迴燈向下榻。轉面閨中啼。○玉臺新詠十。詩紀九十四。○遼按。以上三首。詩紀編入劉令嫺詩。非是。

李鏡遠

詠日詩

始臨東岳觀。俄升若木枝。萍實詎儔彩。合扇且慙規。北林耿初曜。圓類聚作員。初學記、文苑同。窗鑒早曦。初學記作離。照庭餘雪盡。映簷溜滴文苑作滴溜。垂。徘徊匝花樹。煜爚滿春池。柳陰裁靡靡。初學記作才歷歷。文苑作纒歷歷。簾影復離離。曾泉豈亭舍。文苑、詩紀並云。淮南子曰。日至曾泉。是爲早食。桑榆初學記作樹。忽在斯。迴戈安得中。長繩不可羈。沖情愛景落。清宴惜光馳。溫暉徒已荷。深心竊自知。○類聚一作李鏡遠詩。初學記一、文苑英華百五十一並作日詩。詩紀九十三。

蜨蝶行

青年樂府作青春。已布澤。微蟲應節歡。朝出南園裏。暮依華葉端。菱舟迫或易。風池度更難。羣飛終不遠。還向玉階蘭。○樂府詩集六十一。詩紀九十三。

鮑子卿

詠畫扇詩詩紀云。玉臺新本作高爽者非。今從舊本。下同

細絲本自輕。弱彩何足眇。直爲發紅顏。謬成握中扇。乍奉長門泣。時承柏梁宴。思粧玉臺作莊。開已

掩。歌容隱而見。但畫雙黃鵠。玉臺作鶴。莫畫玉臺作。類聚同。孤飛燕。○玉臺新詠五。類聚六十九作高爽。詩紀九十四。

詠玉堦詩詩紀云。玉臺本作何子朗者非。

玉堦已夸麗。復得臨紫微。北戶接翠幄。南路抵玉臺作低。金扉重疊通日影。參差藏月輝。輕苔染珠履。微澱詩紀作激。拂詩紀作沸。注云。一作吹拂。羅衣獨笑崑山曲。空見青鳧飛。○玉臺新詠五。詩紀九十四。

王樞

古意應蕭信武教詩

朝取飢蠶食。夜縫千里衣。復聞南陌上。日暮採蓮歸。青苔覆寒井。紅藥間青薇。玉臺作微。人生樂自極。良時徒見違。何由及新燕。雙雙還共飛。○玉臺新詠五。詩紀九十四。

至烏林村見採桑者因有贈玉臺作聊以贈之。詩

遙見提筐下。翩妍實端妙。將去復迴身。欲語先爲笑。閨中初別離。不許覓新知。空結茱萸帶。敢報木蘭枝。○玉臺新詠五。詩紀九十四。

徐尚書座賦得阿憐詩

紅蓮披早露。玉貌映朝霞。飛燕啼妝罷。顧插步搖花。玉臺作顧步插餘花。溘匝金鈿滿。參差繡領斜。暮還垂
瑤帳。香燈照九華。○玉臺新詠五。詩紀九十四。

湯僧濟

詠溧井得金釵詩

昔日類聚作者。詩紀同。倡家女。摘花露井邊。摘花還自插。類聚作比。初學記、御覽同。照井類聚作插照。初學記、御覽同。還自初學記作天。憐。窺窺終不罷。御覽作已。笑笑自成妍。寶釵於初學記作從。詩紀云。一作從。此落。從來非一
玉臺作不憶。年。翠羽成泥去。金色尚如先。類聚作鮮。詩紀同。此人今何玉臺作不。初學記、御覽同。在。此物今空傳。
○玉臺新詠八。類聚七十作溧井得金釵。初學記七作深井得金釵。御覽七百十八作梁陽濟泄井得金釵詩。詩紀九十四。

顧煊

煊。爵里未詳。有錢譜一卷。

賦得露詩

飛空猶蘊狀。文苑作伏。集物始成萬花谷作呈。華。萎黃病秋菊。初學記作筍。厭浥長春芽。非唯溥初學記作薄。按應作溥。蔓草。頗亦變蒹葭。仍增江海浪。聊點木蘭花。○初學記二。文苑英華百五十六作願愷。詩紀九十四。又萬花谷後二作願煊詩。引華、葭二韻。

王脩己

九日詩

霜威始落翠。寒氣初入堂。隋初學記作墮。類聚作隨。歲時雜詠同。珠爛似燭。懸黎疑夜光。舞步因絃折。歌聲隨袂揚。夜深聞漏緩。簷虛覺唱長。○類聚四。詩紀九十三。又初學記四、古今歲時雜詠三十三並引堂、光二韻。

王孝禮

金樓子著書篇有王孝祀。未知卽此人否。

詠鏡詩

可憐不自識。終爾因鏡中。分眉一等翠。對面兩邊紅。轉身先見動。含笑逆相同。猶嫌鏡裏促。看人未好通。○類聚七十。詩紀九十四。

范筠

詠慎火詩

南越志曰。廣州有樹。可以禦火。山北謂之慎火。或謂之戒火。多種屋上。

茲卉信叢叢。微榮未足奇。何期糝香草。遂得遶花池。忘憂雖無用。止燄或有施。早得建章立。幸燕柏梁垂。○類聚八十一。詩紀九十四。

詠著詩

數奇不可偶。性直誰能紆。禎蔡伏靈異。祥雲降溫腴。○類聚八十二。高似孫緯略一。詩紀九十四。

甄固

奉和世子春情詩

昨晚褰簾望。初逢雙燕歸。今朝見桃李。不啻數花飛。已玉臺作以。愁春欲度。無復寄芳菲。○玉臺新詠八。詩紀九十四。

王環

代西封侯美人詩

玉臺作豐。侯美人詩
於今辭宴語。方念泣離違。無因從朔鴈。一向黃河飛。○玉臺新詠十。詩紀九十四。

江伯瑤

和定襄侯楚越衫詩

裁縫在篋笥。薰鬢帶餘香。開著玉臺作看。不忍看。玉臺著作。一見落千行。○玉臺新詠十。詩紀九十四。

劉泓

詠繁華詩

可憐宜出衆。的的最分明。秀眉玉臺作媚。開雙眼。風流著語聲。○玉臺新詠十。詩紀九十四。

王湜

詩紀云。以下三人見梁詞人麗句。

湜。梁太子洗馬王錫子。仕後梁官至都官尚書。蕭歸之二十年卒。

贈情人詩

雨驟行人斷。雲聚獨悲深。儻更逢歸鴈。一一傳情心。○古詩類苑九十五。詩紀九十四。

李孝勝

詠安仁得果詩

潘岳河邊返。情知擲果多。閉菴聽不見。無奈識車何。○古詩類苑百二十四。詩紀九十四。

談士雲

詠安仁得果詩

月上河陽縣。來看洛陽花。擲果人相閱。非是故停車。○古詩類苑百二十四。詩紀九十四。

張騫

詠躍魚應詔詩

戢鱗隱繁藻。頌首承綠漪。何用游溟澥。且躍天淵池。○類聚九十六。詩紀九十四。

明少遐

詩

燈花寒不結。○酉陽雜俎十二。

劉愔

驚早露詩

九畹凝芳葉。百草瑩文苑作繁。新珠。盈荷雖不潤。拂竹竟難枯。○初學記二。文苑英華百五十六。詩紀九十四。

賀文標

詠春風詩

排簾動輕幔。文苑作幃。詩紀云。一作幃。汎水拂垂楊。本持飄落葉。翻送舞衣香。○類聚一。文苑英華百五十六。詩紀九十四。

蕭若靜

石橋詩

連延過絕澗。迢遞跨長津。已數逢仙客。兼曾度獨人。○類聚九。詩紀九十四。

蕭欣詩紀云。見梁詞人麗句。

欣。安成王秀之孫。煬王機之子。蕭督踐位。以欣襲機封。歷侍中、中書令、尚書僕射、尚書令。蕭歸之二十三年卒。有集三十卷。

還宅作詩

時平有道泰。世詖交情離。寄言謝公叔。千載留清規。○古詩類苑八十四。詩紀九十四。

王金珠

子夜四時歌

古今樂錄曰。吳聲十曲。一曰子夜。二曰上柱。三曰鳳將雛。四曰上聲。五曰歡聞。六曰歡聞變。七曰前溪。八曰阿子。九曰丁督護。十曰團扇郎。並梁所用曲。鳳將雛以上三曲。古有歌。今不傳。上聲以下七曲。內有包明月製舞前溪一曲。餘並王金珠所製。

春歌三首

朱日光素水。玉臺作冰。黃華映白雪。折梅待佳人。共迎玉臺作道。陽春月。○玉臺新詠十作梁武帝。樂府詩集四十四。

梁詩卷二十八

明少遐

劉儻

賀文標

蕭若靜

蕭欣

王金珠

詩紀九十四。

階上香玉臺作歌。人懷。庭中花照眼。春心鬱玉臺作一。如此。情來不可限。○同上
吹漏不可停。斷絃當更續。俱作雙思引。共奏同心曲。○樂府詩集四十四。詩紀九十四。

夏歌二首

玉盤貯玉臺著作。朱李。金杯盛白酒。本欲持自親。玉臺作新。復恐不甘口。○玉臺新詠十作梁武帝。樂府詩集四十四。詩紀九十四。

垂簾倦煩熱。卷幌乘清陰。風吹合歡帳。直動相思琴。○樂府詩集四十四。詩紀九十四。

秋歌二首

疊素蘭房中。勞情桂杵側。朱顏潤紅粉。香汗光玉色。○樂府詩集四十四。詩紀九十四。

紫莖垂玉露。綠葉落金櫻。著錦如言重。衣羅始覺輕。○同上

冬歌

寒閨周黼帳。玉臺作繡帶合歡炬。錦衣連理文。懷情人夜月。含笑出朝雲。○玉臺新詠十作梁武帝。樂府詩集四十四。詩紀九十四。

子夜變歌

七綵紫金柱。九華白玉梁。但歌繞玉臺作雲。不去。含吐有餘香。○玉臺新詠十作梁武帝秋歌。樂府詩集四十五。詩紀九十四。

上聲歌

花色過桃杏。名稱重金瓊。名歌非下里。含笑作上聲。○玉臺新詠十作梁武帝。樂府詩集四十五。詩紀九十四。

歡聞歌

豔豔金樓女。心如玉池蓮。持底報郎恩。俱期遊梵天。○玉臺新詠十作梁武帝。樂府詩集四十五。詩紀九十四。

歡聞變歌

南有相思木。合影玉臺作含情。復同心。遊女不可求。誰能識得音。玉臺作息空陰。○玉臺新詠十作梁武帝歡聞歌。樂府詩集四十五。詩紀九十四。

阿子歌

可憐雙飛鳥。飛集野田頭。饑食野田草。渴飲清河流。○樂府詩集四十五。詩紀九十四。

丁督護歌

黃河流無極。洛陽數千里。轉軻戎旅。玉臺作我途。間。何由見歡子。○玉臺新詠十作宋孝武帝。樂府詩集四十五。詩紀九十四。

團扇郎

手中白團扇。淨如秋團月。清風任動生。嬌聲任意發。玉臺作嬌香承意發。○玉臺新詠十作梁武帝。樂府詩集四十五。詩紀九十四。○逮按。王金珠吳聲歌詞。有自作者。有改用梁武帝乃至宋孝武帝所作者。玉臺取原作。故仍題梁武帝。樂府本之歌錄。故云王金珠。

包明月

前溪歌

當曙與未曙。百鳥啼窻前。獨眠抱被歎。憶我懷中儂。單情何時雙。○樂府詩集四十五。詩紀九十四。

王氏

衛敬瑜妻。霸城王整姊。年十六而夫亡。父母舅姑欲嫁之。乃截耳爲誓。

連理詩

南史曰。貞女亡壻。種樹百株。墓前柏樹。忽成連理。一年許還復分散。女乃爲詩曰。
墓前一株柏。連根復並枝。妾心能感木。頽城何足奇。○南史張景仁傳。詩紀九十四。

孤燕詩

南史曰。貞女所居。戶有燕巢。常雙飛來去。後忽孤飛。貞女感其偏棲。乃以縷繫脚爲誌。後歲此燕更來。猶帶前
縷。女復爲詩曰。

昔年無偶去。今春猶獨歸。故人恩既重。不忍復雙飛。○南史張景仁傳。御覽九百二十二。太平廣記二百七十。事類賦燕賦注。詩紀九十四。

劉氏

王淑英妻。劉繪女。

昭君怨

一生竟何定。萬事良類聚作最。樂府、詩紀同。文苑云。一作最。難保。丹青失舊類。聚誤作應。儀。玉臺作圖。類聚同。匣玉玉

臺作玉匣。文苑、樂府、詩紀同。成秋草。相接文苑作想妾。樂府、詩紀同。辭關淚。至今猶未燥。漢使汝南還。殷勤爲人道。○玉臺新詠八作和昭君怨。類聚三十作王昭君怨詩。文苑英華二百四。樂府詩集五十四。詩紀九十四。

暮寒詩

梅花自爛熳。玉臺作發。百舌早迎春。逾寒衣逾薄。未肯惜玉臺作懷。腰身。○玉臺新詠十。詩紀九十四。

贈夫詩

粧鉛點黛拂輕紅。鳴環動珮出房櫳。看梅復看柳。淚滿春衫中。○玉臺新詠十作王淑英婦贈答。詩紀九十四。

劉令嫺

令嫺。徐悱妻。劉孝綽妹。稱劉三娘。悱爲晉安郡卒。喪還建鄴。令嫺爲祭文。辭甚悽愴。

和婕妤怨詩

日落類聚作沒。文苑作暮。應門閉。愁思百端生。況復昭陽近。風傳歌吹聲。寵移終類聚作真。文苑同。又注。一作終。不恨。讒枉太無情。只言爭分理。非妬樂府誤作獨。舞腰輕。○玉臺新詠八。類聚三十。文苑英華二百四作昭君怨。樂府詩集四十三作班婕妤。詩紀九十四。

答唐娘七夕所穿鍼詩

倡人助詩紀作効。漢女。靚歲時雜詠作淨。粧臨月華。連針學並蒂。歲時雜詠作帶。紫縷作開花。嬌閨歲時雜詠誤作
闌。絕歲時雜詠作浥。綺羅。攬贈自傷嗟。雖言未相識。聞道出良家。曾停霍歲時雜詠作使。君騎。經過柳惠車。無
由一共語。暫看日升霞。○玉臺新詠六作徐悱。古今歲時雜詠二十五。詩紀九十四。

答外詩二首

花庭麗景斜。蘭牖輕風度。落日更新粧。開簾對春類聚作芳。詩紀云。一作芳。樹。鳴鷓葉中舞。玉臺作響。戲蝶花
間玉臺作枝邊。鶯。調琴玉臺作瑟。本要歡。心愁不成趣。良會誠非遠。佳期今不遇。欲知幽怨多。春閨深且暮。
○玉臺新詠六。類聚十八作梁徐悱妻劉氏詩。詩紀九十四。

東家挺奇麗。南國擅容輝。夜月方神女。朝霞喻洛妃。還看鏡中色。比豔似玉臺作自。知非。摘詞徒妙好。連
類頓乖違。智夫雖已麗。傾城未敢希。○同上

聽百舌詩

庭樹旦新晴。臨鏡出雕楹。風吹桃李氣。過傳詩紀云。一作傳過。春鳥聲。淨寫山陽笛。全文苑誤作金。作洛濱
笙。注意歡留文苑作留觀。聽。誤令粧不成。○類聚九十二。文苑英華三百二十九。詩紀九十四。

題甘蕉葉示人詩

夕泣已玉臺作似。非疎。夢啼詩紀云。一作題。太真玉臺作真太。數。唯當夜枕知。過此無人覺。○玉臺新詠十。詩紀九十四。

摘同心梔玉臺作支。子贈謝娘因附此詩

兩葉雖爲贈。交情永未因。同心何處恨。玉臺作處何限。梔玉臺作支。子最關人。○玉臺新詠十。詩紀九十四。

光宅寺詩

長廊欣目送。廣殿悅逢迎。何當曲房裏。幽隱無人聲。○玉臺新詠十。詩紀九十四。

沈滿願

滿願。征西記室范靖妻。有集三卷。

王昭君歎二首

早信丹青巧。重貨類聚作賂。文苑同。又注。一作貨。詩紀云。一作賂。洛陽師。文苑云。毛延壽。長安人。作洛陽非。千金買文苑

作畫。注云。一作買。蟬鬢。百萬寫蛾眉。○玉臺新詠十。類聚三十作昭君歎詩。文苑英華二百四作昭君怨。樂府詩集二十九作昭君歎。詩紀九十四。

今朝猶漢地。明旦人胡關。高堂歌吹遠。遊子夢中還。玉臺云。一本云情寄南雲反。思逐北風還。文苑作高堂歌吹少。遊子夢中還。注云。一作情寄南雲返。思逐北風還。樂府云。一作高堂歌吹少。遊子夢中還。○玉臺新詠十。文苑英華二百四。樂府詩集二十九。詩紀九十四。

挾琴歌

逶迤起樂府。或作飛。塵唱。宛轉遶梁聲。調弦可以進。蛾眉畫未成。○樂府詩集六十三作當壇曲。樂府詩集八十六。詩紀九十四。

映水曲

輕鬢學浮雲。雙蛾擬初月。水澄正落釵。萍開理垂髮。○玉臺新詠十。樂府詩集七十七。詩紀九十四。

登樓曲

憑高川陸近。望遠阡陌多。相思隔重嶺。相憶限樂府云。一作恨。長河。○樂府詩集七十七。詩紀九十四。

越城曲 詩紀云。樂府無名。與登樓曲相次。

別怨悽歌響。離啼濕舞衣。願假烏棲曲。翻從南向飛。
○樂府詩集七十七佚作者名。次登樓曲後。詩紀九十四。

晨風行

理檝令舟人。停臚息旅薄河津。念君劬勞冒風塵。臨路揮袂淚沾巾。颺流勁潤逝若飛。山高帆急絕音徽。留子句句獨言歸。中心粲粲將依誰。風彌葉落永離索。神往形返情錯漠。循帶易緩愁難却。心之憂矣頗樂府作叵。銷鑠。○樂府詩集六十八。詩紀九十四。

彩毫怨

葉下洞庭初。思君萬里餘。露農香被冷。月落錦屏虛。欲奏江南曲。貪封冀北書。書中無別意。帷帳久離居。
○四溟詩話四。

戲蕭娘詩

明珠翠羽帳。金薄綠綃帷。因風時暫舉。想像見芳姿。清晨插步搖。向晚解羅衣。託意風流子。託。藝文類聚作記。誤。佳情詎可玉臺作肯。類聚作肯自。私。○玉臺新詠五。類聚十八。詩紀九十四。

詠燈詩

綺筵日已暮。羅帷類聚作帳。月未歸。開花散鵠類聚作鶴。初學記、萬花谷同。按鶴、鵠古通。彩。詩紀作四照。含光出九微。風軒動丹焰。冰類聚作水。初學記、萬花谷同。宇詩紀云。律祖作水檻。澹青玉臺作清。輝。不吝萬花谷作惹。輕蛾繞。惟恐曉蠅飛。○玉臺新詠五。類聚八十。初學記三十五。萬花谷續八作范靖婦詩。詩紀九十四。

詠五彩竹火籠詩

可憐潤霜質。御覽誤作雪。織剖復御覽誤作後。毫分。織作迴風苴。類聚作苴。御覽作苴。並誤。詩紀云。律祖作迎風縷。製詩紀云。律祖作裁。烏縈綺御覽誤作騎。文。含芳出珠被。耀綵類聚作綠。御覽同。接細裙。徒嗟今玉臺誤作金。麗飾。豈念昔凌雲。○玉臺新詠五。類聚七十。御覽七百十一。詩紀九十四。○詩紀云。剖出楚山筠。織成湘水紋。寒銷九微火。香傳百和薰。氤氳擁翠被。出人隨細裙。徒悲今麗質。豈念昔凌雲。右見詩話補遺。與此小異。故併錄之。

詠步搖花詩

珠華縈翡翠。寶葉間金瓊。剪荷不似製。爲詩紀云。律祖作拈。花如自生。低枝拂繡領。微步動瑤瑛。類聚誤作瓊。御覽作英。但令雲髻插。蛾眉本易成。詩紀云。律祖作諒非桃李節。彌令蜂蝶驚。○玉臺新詠五。詩紀九十四。又類聚七十引瓊、生、瓊三韻。御覽七百十五作步搖花詩。引瓊、生、英三韻。○逮按。律祖末聯乃佚句而非異文。知玉臺亦爲節錄。應補入此二句。

庾成師

遠期篇

憶別春花飛。已見秋葉稀。淚粉羞明鏡。愁帶減寬衣。得書言未反。類聚作及。樂府同。夢見道應歸。坐使紅顏歇。獨掩青樓扉。○類聚四十二。樂府詩集十八。詩紀九十三。

梁詩卷二十九

雜歌謠辭

歌辭

荊州民爲始興王憺歌

梁書曰。憺爲荊州刺史。厲精爲治。廣闢屯田。減省力役。曹無留事。下無滯獄。天監六年。州大水。江溢堤壞。憺親率府將吏。冒雨賦丈尺築治之。雨甚水壯。衆皆恐。或請憺避焉。憺曰。王尊尚欲身塞河堤。我獨何心以免。邠州在南岸。數百家見水長驚走。登屋緣樹。憺募人救之。一口賞一萬。州民乃以免。又分遣行諸郡。遭水死者給棺槨。失田者與糧種。民爲之歌曰。

始興王。民南史作人。詩紀同。之爹。赴人急。如水火。何時復來哺乳我。○梁書始興忠武王傳。南史始興忠武王傳。樂府詩集八十六、詩紀九十七並作始興王歌。

北軍爲韋叡歌

南史曰。梁臨川靜惠王宏爲揚州刺史。天監中。武帝詔宏都督諸軍侵魏。宏以帝之介弟。所領皆器甲精新。軍容

甚盛。北人以爲百數十年所未之有。軍次洛口。前軍尅梁城。諸將欲乘勝深入。宏聞魏援近。畏懦不敢進。召諸將欲議旋師。呂僧珍曰。知難而退。不亦善乎。柳玘等不從。宏不敢違羣議。停軍不進。魏人知其不武。遺以巾幘。北軍乃歌云云。武謂韋叡也。

不畏蕭娘與呂姥。但畏合肥有韋武。○南史梁臨川靜惠王宏傳。樂府詩集八十六、詩紀九十七並作北軍歌。

鄱陽民爲陸襄歌二首

梁書曰。陸襄。吳郡人。大通七年。出爲鄱陽內史。先是郡民鮮于琛服食修道。大同元年。遂結其門徒。殺廣陵令王筠。有衆萬餘人。將出攻郡。襄先已帥民吏修城隍爲備禦。及賊至。連戰破之。生獲琛。餘衆逃散。時隣郡豫章、安成等守宰。案治黨與。因求賄貨。皆不得其實。或有善人盡室罹禍。惟襄郡部枉直無濫。民作歌曰云云。又有彭、李二家。先因忿爭。遂相誣告。襄引入內室。不加責誚。但和言解喻之。二人感恩。深自咎悔。乃爲設酒食。令其盡歡。酒罷。同載而還。因相親厚。民又歌曰云云。

鮮于平南史作抄。後善惡分。民南史作人。無枉南史作橫。賴梁書有有字。陸君。○梁書陸襄傳。南史陸襄傳。樂府詩集八十六、詩紀九十七並作鄱陽歌。

陸君政。無怨家。鬪既罷。讎共車。○同上

南豫州民爲夏侯兄弟歌

梁書曰。夏侯夔爲豫州刺史。於蒼陵立堰。溉田千餘頃。境內賴之。夔兄亶。先居此任。兄弟並有恩惠。百姓歌

之曰。

我之有南帖有豫字。州。賴彼白帖無彼字。梁書作類仍。御覽同。南史作類得。詩紀云。一作得。夏侯。前兄後弟。布政優優。
○梁書夏侯直傳。南史夏侯直傳。白帖二十一。御覽二百五十六。樂府詩集八十六作夏侯歌。詩紀九十七作夏侯歌。

梁武帝接民間爲蕭恪歌

南史曰。南平王恪爲雍州刺史。年少。未閑庶務。委之羣下。百姓每通一辭。數處輸錢。方得聞徹。賓客有江仲舉、蔡遠、王臺卿、庾仲雍四人俱被接遇。並有著積。故人間歌曰云云。帝接之曰云云。尋以廬陵王代爲刺史。恪還奉見。武帝以人間語問之。恪大慚。不敢一言。

江千萬。蔡五百。王御覽誤作正。新車。庾大宅。主人憤憤不如樂府作知。客。○南史南平王恪傳。御覽二百五十四引三國典略。樂府詩集八十六作雍州歌。

謠辭

北方童謠

南史曰。梁武帝時。魏降人王足陳計求堰淮水以灌壽陽。足引北方童謠云云。帝發淮陽戶丁及戰士二十萬築之。以康絢督其事。南起浮山。北抵巉石。堰成。長九里。高二十丈。夾堤并樹杞柳。軍人安堵其上。魏軍竟潰而歸。水之所及。方數百里。魏壽陽城戍。稍徙頓八公山。

荆山爲上格。浮山爲下格。潼沱御覽或作江。或作泡。爲激溝。併灌鉅野澤。○梁書康絢傳。南史康絢傳。御覽七十三引梁典。御覽三百二十一。詩紀九十七。

洛陽童謠

南史曰。大通初。武帝遣驍勇將軍陳慶之送魏北海王元顥還北主魏。轉戰而前。連破魏軍。顥入洛陽宮。御前殿。改元大赦。于時上黨王元天穆來攻。慶之又大破之。慶之麾下悉著白袍。所向披靡。先是洛陽人歌云云。至是果驗。

名軍梁書作師。詩紀同。大將莫自牢。詩紀作勞。千兵萬馬避。詩紀作被。白袍。○梁書陳慶之傳。南史陳慶之傳。詩紀九十七作洛陽歌。

梁武帝時謠

南史曰。蕭範。梁武帝之從子也。爲都督、雍州刺史。撫循將士。盡得歡心。時論者謂範欲爲賊。又童謠云云。然卒無驗。

莫忽忽。且寬公。誰當作天子。草覆車邊已。○南史郡陽王範傳。詩紀九十七作雍州童謠。

昭明爲太子時謠

南史曰。梁武帝天監元年十一月。立長子統爲皇太子。時民間有謠。按鹿子開者。反語爲來子哭也。後太子果薨。

是時長子歡爲徐州刺史。以嫡孫次應嗣位。而帝意在晉安王。猶豫未決。及立晉安王爲皇太子。而歡止封豫章郡王。還任。謠言心徘徊者。未定也。城中諸少年逐歡歸去來者。復還徐方之象也。統卽昭明太子也。

鹿子開城門。城門鹿子開。當開復未開。使我心徘徊。城中諸少年。逐歡歸去來。○南史昭明太子傳。

山陰民爲丘仲孚謠

梁書曰。丘仲孚遷山陰令。居職甚有聲稱。百姓爲之謠曰云云。前世傅琰父子、沈憲、劉玄明相繼宰山陰。並有政績。言仲孚皆過之也。

二傅沈劉。不如一丘。○梁書丘仲孚傳。御覽二百六十七。樂府詩集八十七。

普通中童謠

梁書曰。侯景既據壽春。啟求錦萬匹。領軍朱异議送青布以給之。景得布悉用爲袍衫。因尚青色。普通中童謠曰云云。後景果乘白馬。兵皆青衣。

青絲御覽作袍。白馬壽陽來。○梁書侯景傳。又南史侯景傳、隋書五行志、樂府詩集八十九俱作大同中童謠。御覽六百九十三、詩紀九十七作大同中童謠。

侯景時的脰烏童謠

南史曰。侯景既剋建鄴。修飾臺城及朱雀宣陽等門。童謠曰。

的脰烏。拂朱雀。還與吳。○南史侯景傳。詩紀九十七作侯景時童謠。

侯景卽位時童謠

南史曰。又童謠曰云云。時都下王侯庶姓五等廟樹。咸見殘毀。唯文宣太后廟四周柏樹獨鬱茂。及景篡。修南郊路。令伐此樹以立三橋。始斫南面十餘株。再宿悉枿生。便長數尺。時既冬日。翠茂如春。賊惡之。使悉斫殺。識者以爲昔僵柳起於上林。乃表漢宣之興。今廟樹重青。必彰陝西之瑞。又景牀東邊香爐無故墮地。景呼東西南北皆謂爲廂。景曰。此東廂香爐那忽下地。議者以爲湘東軍下之徵。

脫青袍。著芒屨。荊州天子挺御覽作定。應著。○南史侯景傳。御覽六百九十八引梁書。詩紀九十七作侯景時童謠。

江陵童謠

南史曰。侯景既誅。傳首至江陵。元帝命梟於市三日。然後煮而漆之。以付武庫。先是江陵謠言云云。景首既至。元帝付李季長宅。宅東卽苦竹町也。既加鼎鑊。既用市南水焉。

苦竹町。市南有好井。荊州軍。殺侯景。○南史侯景傳。詩紀九十七。作江陵謠。

湘東王府中爲魚宏徐緄謠

南史曰。緄爲湘東王鎮西諮議參軍。頗好聲色。侍妾數十。醉而閉門盡歌。有時載伎。肆意游行。時襄陽魚弘亦以

豪侈稱。於是府中謠曰云云。然其物翫次於弘也。

北路魚。南路徐。○南史徐緄傳。

柳達摩引北方童謠

南史曰。齊遣柳達摩領兵侵梁。陳霸先命侯安都敗之。達摩謂衆曰。頃在北。童謠云云。侯景服青已倒于此。今吾徒衣黃。豈謠言驗邪。

石頭擣兩襠。擣青復擣黃。○南史陳武帝紀。詩紀九十七作北童謠。

梁時童謠

南史曰。梁兵既勝齊兵。于時以賞俘買酒者。一人裁得一醉。先是童謠曰。

虜御覽有馬字。萬夫。御覽作匹。人五御覽作南。湖。城南酒家使虜奴。○南史陳武帝紀。御覽三百二十三引三國典略。詩紀九十七童謠。

梁末童謠

南史曰。梁末有童謠。及王僧辯滅。說者以爲僧辯本乘巴馬。以擊侯景。馬上郎。王字也。塵謂陳也。江東謂殺羊角爲皂莢。隋氏姓楊。楊。羊也。言陳終滅於隋也。

可憐巴馬子。一日行千里。不見馬上郎。但有御覽作只見。黃塵起。黃塵污人衣。皂笊相料理。○南史陳本紀贊。樂府詩集八十九。詩紀九十七。又御覽九百六十引起、理二韻。

百姓爲蕭正德父子謠

南史曰。臨賀王正德與侯景同逆。其後梁室傾覆既由正德。百姓至聞臨賀郡名亦不欲道。童謠云云。其惡之如此。

寧逢五虎入市。不欲見臨賀父子。○南史臨川王宏傳附正德傳。樂府詩集八十七、詩紀九十七並作梁童謠。

鳥山童謠

梁陳故事曰。武帝時有童謠言云云。江左以鳥名山者悉鑿。按陳高祖則長興雉山人也。

鳥山出天子。○太平寰宇記九十四。

三餘童謠

梁陳故事曰。梁武時有童謠云云。武帝于餘干、餘杭、餘姚爲禳厭之法。其時長興有餘干山、餘甕水、餘魚里。蓋陳高祖長興三餘人也。

夫子之居在三餘。○太平寰宇記九十四。

諺語

後人引梁世諺論史職

隋書曰。自史官廢絕久矣。魏晉已來。其道逾替。南董之位。以祿貴遊。故梁世諺曰云云。

上車不落則著作。體中何如則祕書。○顏氏家訓勉學篇。隋書經籍志。御覽二百三十三引魏書。樂府詩集八十七引南史作宋時謠。

梁元帝引諺論占雨

金樓子曰。余初至荊州。卜雨。時孟秋之月。陽亢日久。月旦雖雨。俄而便晴。有人云諺曰。

雨月額千里赤。○金樓子自序。御覽七百二十八。

劉晝引諺

劉子新論曰。有智而不能施。非智也。能施而不能應速者。亦非智也。諺曰云云。此之謂也。
力貴突。智貴卒。○劉子新論貴速篇。

劉晝引古諺

劉子新論曰。古諺曰。

深不絕涓泉。稚子浴其淵。高不絕丘陵。跛羊遊其巔。○風雅逸篇八。

任昉引南海俗諺

述異記曰。凡珠有龍珠。龍所吐者。蛇所吐者。南海俗諺云云。言蛇珠賤也。蛇珠千枚。不及玫瑰。○述異記下。

任昉引越人諺

述異記曰。越人諺云。

種千畝木奴。不如一龍珠。○述異記下。

顏之推引江南諺論書法

顏氏家訓曰。真草書亦微須留意。江南諺云。

尺牘書疏。千里面目。○顏氏家訓雜藝篇。

時人爲張氏語

梁書曰。張稷。吳郡人。與族兄充、融、卷等俱知名。時人稱曰。

充融卷稷。是爲四張。○梁書張稷傳。

時人爲王謝子弟語

梁書曰。王筠清靜好學。與兄泰齊名。陳郡謝覽。覽弟舉。亦有重譽。時人爲之語曰云云。炬是泰。養卽筠。並小字也。

謝有覽舉。王有養炬。○梁書王筠傳。

時人爲張融陸杲語

梁書曰。陸杲。吳郡吳人。少好學。工書畫。舅張融有高名。杲風韻舉動頗類於融。時稱之曰。

無對日下。惟舅與甥。○梁書陸杲傳。

時人爲何子朗語

梁書曰。何思澄。東海鄰人。初思澄與宗人遜及子朗俱擅文名。時人語曰云云。子朗字世明。早有才思。時人語曰云云。

東海顏氏家訓作梁有三何。子朗最多。○梁書何思澄傳。顏氏家訓勉學篇。南史何思澄傳。詩紀九十七作三何歌。人中爽爽何南史作有。子朗。○梁書何思澄傳。南史何思澄傳。詩紀九十七作三何歌。

時人爲王志王彬語

南史曰。王志善篆隸。當時以爲楷法。志弟揖。揖弟彬。好文章。習篆隸。與志齊名。時人爲之語曰。三真六草。爲天下寶。○南史王彬傳。詩紀九十七作王彬歌。

時人爲鮑正語

南史曰。鮑正、鮑至並才藝知名。俱爲湘東王上佐。正好交遊。無日不適人。人爲之語曰。無處不逢鳥噪。無處不逢鮑佐。○南史鮑客卿傳。詩紀九十七作鮑佐謠。

巴東行人爲庾子輿語

南史曰。庾域出守巴西。子子輿以蜀路險難。啟求侍從。以孝養獲許。父遷寧蜀。子輿亦相隨。及父卒。哀慟將絕者再。奉喪還鄉。秋水猶壯。巴東有淫預石。高出二十許丈。及秋至。則纔如見焉。次有瞿塘大灘。行旅忌之。部伍至此。石猶不見。子輿撫心長叫。其夜五更水忽退減。安流而下。及度。水復舊。行人爲之語曰。

淫預如幘本不通。瞿塘水退爲庾公。○南史庾域傳。

時人爲玉瑩語

南史曰。王瑩既爲公。須開黃閣。宅前促。欲買南隣宋侃半宅。侃懼見侵。貨得錢百萬。瑩乃回閣向東。欲向南。錢可貪。遂向東。爲黃銅。○南史王瑩傳。

省中爲賀琛語

南史曰。賀琛仕梁爲散騎常侍。領尚書左丞。參禮儀事。每進見。武帝與語。常移晷刻。故省中語云云。琛容止閒雅。故時人呼之。

上殿不下有賀雅。○梁書賀琛傳。南史賀琛傳。御覽二百十三。又二百二十四引三國典略。詩紀九十七作有中語。

時人爲丁覘語

顏氏家訓曰。梁孝元前在荊州。有丁覘者。洪亭民耳。頗善屬文。殊工草隸。孝元書記一皆使典之。軍府輕賤。多未之重。恥令子弟。以爲楷法。時語云云。吾雅愛其手迹。常所寶持。

丁君十紙。不敵王褒數字。○顏氏家訓慕賢篇。

都下爲禪師語

梁書曰。有惠岩、惠讓道人。並住東安寺。學行精整。爲道俗所推。時鬪場寺多禪師。都下爲之語曰。鬪場禪師窟。安東談議林。○御覽六百五十五。

任昉引古詩論魏武陵

述異記曰。鄴中銅駝鄉。魏武帝陵下銅駝石。大各二。古詩云。

石犬不可吠。銅駝徒爾爲。○述異記。

任昉引古詩論香泉

述異記曰。吳故宫亦有香水溪。俗云西施浴處。至今馨香。古詩云。

安得香水泉。濯郎衣上塵。○述異記。

相和歌辭

相和曲

陌上桑

日出秦樓明。條垂露尚盈。蠶饑心自急。開奩妝不成。○樂府詩集二十八。

清商曲辭

西曲歌

攀楊枝

古今樂錄曰。攀楊枝。倚歌也。樂苑曰。攀楊枝。梁時作。

自從別君來。不復著綾羅。畫眉不注口。施朱當柰何。○樂府詩四十九。詩紀四十二、九十七。

附

樂府詩

述異記曰。吳王夫差立春宵宮。爲長夜之飲。造千石酒鍾。又作天池。池中造青龍舟。日與西施爲水嬉。又有別館在句容。楸梧成林。樂府云云。是也。

梧宮秋。吳王愁。○廣博物志三十六。詩紀前集三作吳夫差時童謠。

橫吹曲辭

梁鼓角橫吹曲

古辭

橫吹曲。其始亦謂之鼓吹。馬上奏之。乃軍中之樂也。其後分爲二部。有簫笳者爲鼓吹。用之朝會

道路。有鼓角者爲橫吹。用之軍中。馬上所奏者是也。晉書樂志曰。橫吹有鼓角。又有胡角。卽胡樂也。漢張騫入西域。傳其法於西京。唯得摩訶兜勒一曲。李延年因胡曲更造新聲二十八解。企喻本此歌。唐書樂志曰。北狄樂。其可知者鮮卑、吐谷渾、部落稽三國。皆馬上樂也。後魏樂府始有北歌。卽所謂真人代歌是也。代都時。命掖庭宮女晨夕歌之。周隋世與西涼樂雜奏。今存者五十三章。其名可解者六章。慕容可汗、吐谷渾、部落稽、鉅鹿公主、白淨皇太子、企喻也。其不可解者。多可汗之辭。北虜之俗。呼主爲可汗。吐谷渾又慕容別種。知此歌是燕、魏之際鮮卑歌也。其辭虜音。竟不可曉。梁鼓吹又有大白淨皇太子、小白淨皇太子、企喻等曲。隋鼓吹有白淨皇太子曲。與北歌校之。其音皆異。又有半和、企喻、北敦。蓋曲之變也。

企喻歌四曲。企喻本北歌。

古今樂錄曰。企喻歌四曲。或云後又有二句。頭毛墮落魄。飛揚百草頭。最後男兒可憐蟲一曲。是苻融詩。本云深山解谷口。把骨無人收。與今傳者小異。

男兒欲作健。結伴不須多。鷗子經天飛。羣雀兩向波。

放馬大澤中。草好馬著臙。牌子鐵襠襠。鈺鉞之異體。鉞鷗尾條。

前行看後行。齊著鐵襠襠。前頭看後頭。齊著鐵鉞鉞。

男兒可憐蟲。出門懷死憂。尸喪狹谷中。白骨無人收。○樂府詩集二十五。詩紀九十六。

瑯琊王歌辭八曲

古今樂錄曰。瑯琊王歌八曲。或云陰涼下又有二句云。盛冬十一月。就女覓凍漿。最後云。誰能騎此馬。唯有廣平公。按晉書載記。廣平公。姚弼興之子。泓之弟也。

新買五尺刀。懸著中梁柱。一日三摩娑。劇於十五女。
瑯琊復瑯琊。瑯琊大道王。陽春二三月。單衫繡襦襜。
東山看西水。水流盤石間。公死姥更嫁。孤兒甚可憐。
瑯琊復瑯琊。瑯琊大道王。鹿鳴思長草。愁人思故鄉。
長安十二門。光門最妍雅。渭水從壘來。浮游渭橋下。
瑯琊復瑯琊。女郎大道王。孟陽三四月。移鋪逐陰涼。
客行依主人。願得主詩紀作女。人彊。猛虎依深山。願得松柏長。
憎馬高纏鬚。遙知身是詩紀作自。龍。誰能騎此馬。唯有廣平公。○樂府詩集二十五。詩紀九十六。

鉅鹿公主歌辭三曲

唐書樂志曰。梁有鉅鹿公主歌。似是姚萇時歌。其詞華音。與北歌不同。

官家出遊雷大鼓。細乘犢車開後戶。

車前女子年十五。手彈琵琶玉節舞。

鉅鹿公主殷照女。皇帝陛下萬幾主。○樂府詩集二十五。詩紀九十六。

紫騮馬歌辭六曲

古今樂錄曰。十五從軍征以下是古詩。

燒火燒野田。野鴨飛上天。童男娶寡婦。壯女笑殺人。

高高山頭樹。風吹葉落去。一去數千里。何當還故處。

十五從軍征。八十始得歸。道逢鄉里人。家中有阿誰。

遙看是君家。松柏冢累累。兔從狗竇入。雉從梁上飛。

中庭生旅穀。井上生旅葵。春穀持作飴。採葵持作羹。

羹飴一時熟。不知飴阿誰。出門東向看。淚落沾我衣。○樂府詩集二十五。詩紀九十六。

紫騮馬歌

古今樂錄曰。與前曲不同。○詩紀云。郭茂倩以此爲梁曲。見簡文詩注。

獨柯不成樹。獨樹不成林。念郎錦襦襜。恆長不忘心。○樂府詩集二十五。詩紀九十六。

黃淡思歌四曲

古今樂錄曰。思音相思之思。按李延年造橫吹曲二十八解。有黃覃子。不知與此同否。

歸歸黃淡思。逐郎還去來。歸歸黃淡百。逐郎何處索。

心中不能言。腹樂府作復。作車輪旋。與郎相知時。但恐傍人聞。

江外何鬱拂。龍洲廣州出。象牙作帆檣。綠絲作幃緯。

綠絲何葳蕤。逐郎歸去來。此下疑脫兩句。○樂府詩集二十五。詩紀九十六。

地驅樂歌四曲

古今樂錄曰。側側力力以下八句。是今歌有此曲。最後云不可與力。或云各有努力。

青青黃黃。雀石頹唐。槌殺野牛。押殺野羊。

驅羊入谷。自羊樂府作谷。在前。老女不嫁。蹋地喚天。

側側力力。念君無極。枕郎左臂。隨郎轉側。

摩將樂府作捋。郎鬢。看郎顏色。郎不念女。不可與力。○樂府詩集二十五。詩紀九十六。

地驅樂歌

古今樂錄曰。與前曲不同。

月明光光星欲墮。欲來不來早語我。○樂府詩集二十五。詩紀九十六。

雀勞利歌辭

雨雪霏霏雀勞利。長嘴飽滿短嘴饑。○樂府詩集二十五。詩紀九十六。

慕容垂歌辭三曲

晉書載記曰。慕容本名軼。尋以讖記。乃去夫。以垂爲名。慕容儁僭號。封垂爲吳王。徙鎮信都。太元八年。自稱燕王。

慕容攀牆視。吳軍無邊岸。我身分自當。枉殺牆外漢。

慕容愁憤憤。燒香作佛會。願作牆裏燕。高飛出牆外。

慕容出牆望。吳軍無邊岸。咄我臣諸佐。此事可惋歎。○樂府詩集二十五。詩紀九十六。

隴頭流水歌三曲

古今樂錄曰。樂府有此歌曲。解多於此。辛氏三秦記曰。隴渭西關。其陂九迴。上有清水。四注流下。俗歌云。

隴頭流水。流離西下。念吾詩紀作我。一身。飄詩紀飄下有然字。曠野。

西上隴阪。羊腸九回。山高谷深。不覺脚酸。

手攀弱枝。足踰弱泥。○樂府詩集二十五。詩紀九十六。

隴頭歌辭三曲

隴頭流水。流離山下。念吾一身。飄然曠野。

朝發欣城。暮宿隴頭。寒不能語。舌卷人喉。

隴頭流水。鳴聲幽咽。遙望秦川。心腸樂府作肝。斷絕。○樂府詩集二十五。詩紀九十六。○逸按。此歌與上隴頭流水皆改

用古辭。

隔谷歌二曲

古今樂錄曰。前云無辭。樂工有辭如此。

兄在城中弟在外。弓無弦。箭無栝。食糧乏盡若爲活。救我來。救我來。

兄爲俘虜受困辱。骨露力疲食不足。弟爲官吏馬食粟。何惜錢刀來我贖。○樂府詩集二十五。詩紀九十六。

淳于王歌二曲

肅肅河中育。育熟樂府作我。須含黃。獨坐空房中。思我百媚郎。

百媚在城中。千媚在中央。但使心相念。高城何所妨。○樂府詩集二十五。詩紀九十六。

東平劉生歌

東平劉生安東子。樹木稀。屋裏無人看阿誰。○樂府詩集二十五。詩紀九十六。

捉搦歌四曲

粟穀難舂付石臼。弊衣難護付巧婦。男兒千凶飽人手。老女不嫁只生口。
誰家女子能行步。反著袂禪後裙露。天生男女共一處。願得兩箇成翁媪。
華陰山頭百丈井。下有流水徹骨冷。可憐女子能照影。不見其餘見斜領。
黃桑柘屐蒲子履。中央有絲樂府作系。兩頭繫。小時憐母大憐婿。何不早嫁論家計。○樂府詩集二十五。詩紀九十六。

折楊柳歌辭五曲

上馬不捉鞭。反折楊柳枝。蹀座吹長笛。愁殺行客兒。
腹中愁不樂。願作郎馬鞭。出入擲郎臂。蹀座郎膝邊。
放馬兩泉澤。忘不著連羈。擔鞍逐馬走。何見得馬騎。
遙看孟津河。楊柳鬱婆娑。我是虜家兒。不解漢兒歌。

健兒須快馬。快馬須健兒。踔跋黃塵下。然後別雄雌。○樂府詩集二十五。詩紀九十六。

折楊柳枝歌四曲

上馬不捉鞭。反拘楊柳枝。下馬吹長笛。愁殺行客兒。
門前一株棗。歲歲不知老。阿婆不嫁女。那得孫兒抱。

敕敕何力力。女子臨窻織。不聞機杼聲。只聞詩紀誤作聞惟。女歎息

問女何所思。問女何所憶。阿婆許嫁女。今年無消息。○樂府詩集二十五。詩紀九十六。

幽州馬客吟歌辭五曲

快樂府作憎。馬常苦瘦。勦兒常苦貧。黃禾起羸馬。有錢始作人。

熒熒帳中燭。燭滅不久停。盛時不作樂。春花不重生。

南山自言高。只與北山齊。女兒自言好。故人郎君懷。

郎著紫袴褶。女著彩袂裙。男女共燕遊。黃花生後園。

黃花鬱金色。綠蛇銜珠丹。辭謝牀上女。還我十指環。○樂府詩集二十五。詩紀九十六。

慕容家自魯企由谷歌

郎在十樂府作千。重樓。女在九重閣。郎非黃鸝子。那得雲中雀。○樂府詩集二十五。詩紀九十六。

高陽樂人歌二曲

古今樂錄曰。魏高陽王樂人所作也。又有白鼻騮。蓋出於此。

可憐白鼻騮。相將入酒家。無錢但共飲。畫地作交賒。

何處碟觴來。兩頰色如火。自有桃花容。莫言人勸我。○樂府詩集二十五。詩紀九十六。

木蘭詩二首

詩紀云。古今樂錄曰。木蘭不知名。浙江西道觀察使兼御史中丞韋元甫續附入。又云。古文苑作唐人木蘭詩。○
遠按。十二轉勳制始於唐。建立明堂在武則天時。韋元甫乃唐代宗時人。古文苑以爲唐人作。良是。

唧唧古文苑作促織。何力力。古文苑作唧唧。樂府同。又注。一作促織何唧唧。文苑云。或作歷歷。樂府作唧唧復唧唧。注。一作促織何唧唧。遠按。卽唧力何唧力。木蘭當戶織。不聞機杼聲。唯聞女歎息。問女何所思。問女何所憶。女亦無所思。女亦無所憶。昨夜見軍帖。可汗大點兵。軍書十二卷。卷卷有爺名。阿爺無大兒。木蘭無長兄。願爲市鞍馬。從此替爺征。東市買駿馬。西市買鞍韉。南市買轡頭。北市買長鞭。朝樂府作旦。注云。一作朝。廣文選作旦。

辭爺孃去。暮宿黃河邊。不聞爺孃喚女聲。但聞黃河流水鳴濺濺。旦辭黃河去。暮宿文苑、樂府作至。注云。一作宿。黑山頭。不聞爺孃喚女聲。但聞燕山胡騎聲。文苑作鳴。樂府、廣文選同。詩紀云。一作鳴。啾啾。萬里赴戎機。關山度若飛。朔氣傳金柝。寒光照鐵衣。將軍百戰死。壯士十年歸。歸來見天子。天子坐明堂。策勳十二轉。賞賜文苑云。一作賜物。樂府、詩紀同。百千彊。可汗問所欲。木蘭以上七字文苑作可汗欲與木蘭官。注云。一作可漢問所欲。又作欲與木蘭賞。不用尚書郎。樂府、詩紀並云。一作欲與木蘭賞。不願尚書郎。願馳古文苑作馳。千里足。文苑作願得鳴馳千里足。注云。得鳴一作借明。本句一作願馳千里足。樂府云。酉陽雜俎云。願借明駝千里足。詩紀同。送兒還故鄉。爺孃聞女來。出郭相扶將。阿姊聞妹來。廣文選作阿妹聞姊來。詩紀云。一作阿妹聞姊來。當戶理紅妝。小弟聞姊來。磨刀霍霍向豬。詩紀作諸。羊。開我東閣門。坐我西間牀。脫我戰時袍。著我舊時裳。當窗理雲鬢。文苑作髮。注云。一作鬢。對古文苑作挂。文苑、樂府同。又注。一作對。鏡帖花黃。出門看火伴。火伴始古文苑、廣文選作皆。樂府同。又注。一作始。一作皆。驚惶。古文苑、樂府作忙。文苑作驚忙忙。注云。一作始驚忙。又作皆驚忙。同行十二年。不知木蘭是女郎。雄兔脚撲朔。古文苑作握。文苑同。又注。一作朔。詩紀云。一作握。雌兔眼迷。古文苑作彌。文苑同。又注。一作迷。詩紀云。一作彌。離。兩古文苑作雙。詩紀云。一作雙。文苑作雙。樂府同。又注。一作兩。兔傍地走。安古文苑云一作焉。能辨我是雄雌。○古文苑四。文苑英華三百三十三。樂府詩集二十五。廣文選十二。詩紀九十六。又草堂詩箋五前出塞注引一句。

木蘭抱杼嗟。借問復爲誰。欲聞所憾憾。感激彊其顏。老父隸兵籍。氣力日衰耗。豈足萬里行。有子復尚少。胡沙沒馬足。朔風裂人膚。老父舊羸病。何以彊自扶。木蘭代父去。秣馬備戎行。易却紉綺裳。洗却鉛粉妝。馳馬赴軍幕。慷慨攜干將。朝屯雪山下。暮宿青海傍。夜襲月樂府作燕。支虜。更攜于闐羌。將軍得勝

歸。士卒還故鄉。父母見木蘭。喜極成悲傷。木蘭能承父母顏。却卸樂府誤作御。巾鞞理絲簧。昔爲烈士雄。今復嬌子容。親戚持酒賀。父母始知生女與男同。門前舊軍都。十年共崎嶇。本結兄弟交。死戰誓不渝。今也見木蘭。言聲雖是顏貌殊。驚愕不敢前。歎重徒嘻吁。世有臣子心。能如木蘭節。忠孝兩不渝。千古之名焉可滅。○樂府詩集二十五。廣文選十二。詩紀九十六。

梁詩卷三十

郊廟歌辭

梁雅樂歌六首

沈約

皇雅三曲。皇帝出入。

宋孝建起居注。奏永至。至是改爲皇雅。取詩皇矣上帝。臨下有赫也。二郊、太廟同用。

帝德實廣運。車書靡不賓。執瑁朝羣后。垂旒御百神。八荒重譯至。萬國婉來親。

華蓋拂紫微。勾陳繞隋志作統。太一。容裔被緹組。參差羅罕樂府作罕。詩紀同。類聚作罽。畢。星回昭隋志作照。樂府同。以爛。天行徐且謐。

清蹕朝萬寓。端冕臨正陽。青絢類聚作春句。黃金纒。袞衣文繡裳。既散華蟲采。復流日月光。○隋書音樂志。樂府詩集三。詩紀九十五。又類聚四十三作元會歌辭皇雅歌詩。引賓、神、一、畢、陽、裳六韻。

滌雅一曲。牲出入。

宋元徽儀注奏引牲。至是改爲滌雅。取禮記帝牛必在滌三月也。二郊、明堂、太廟同用。

將脩盛禮。其儀孔熾。有腍斯牲。國門是置。不黎不疇。靡愆隋志、樂府作魯。靡忌。呈肌獻體。永言昭事。俯
休皇德。仰綏靈志。百福具膺。嘉祥允洎。駿奔伊在。慶覃遐嗣。○隋書音樂志。樂府詩集三。廣文選十一。詩紀九
十五。

牲雅 一曲。薦毛血。

宋元徽三年儀注。奏嘉薦。至是改爲牲雅。取春秋左氏傳、牲牲肥腍也。二郊、明堂、太廟同用。
反本興敬。復古昭誠。禮容宿設。祀事孔明。華俎待獻。崇碑麗牲。充哉藹握。肅矣簪纓。其膏既啓。我豆
既盈。庖丁游刃。葛盧驗聲。多祉攸集。景福來並。○隋書音樂志。樂府詩集三。廣文選十一。詩紀九十五。

誠雅 三曲。降神及迎送。

宋元徽儀注。奏昭夏。至是改爲誠雅。取尚書至誠感神也。

懷忽慌。瞻浩蕩。盡誠潔。致虔想。出杳冥。降廣文選作隆。無象。皇情肅。具僚仰。人禮盛。神途敞。僖明靈。
申敬享。感蒼極。洞玄象。隋志、樂府作壤。○南郊降神用。

地德溥。崑丘峻。揚羽翟。鼓應輦。出尊祇。樂府作祇。展誠信。招海瀆。羅嶽鎮。惟福祉。咸昭晉。北郊迎神用。
我有明德。馨非稷黍。牲玉孔備。嘉薦惟旅。金懸宿設。和樂具舉。禮達幽明。敬行尊俎。鐘鼓隋志、樂府作鼓
鐘。云送。遐福是與。南北郊、明堂、太廟送神同用。○隋書音樂志。樂府詩集三。廣文選十一。詩紀九十五。

獻雅 一曲。皇帝飲福酒。

宋元徽儀注奏嘉祚。梁初改爲永祚。至是改爲獻雅。取禮記祭統尸飲五。君洗玉爵獻卿。今之飲福酒。亦古獻爵之義也。北郊、明堂、太廟同用。

神宮肅肅。天儀穆穆。禮獻既同。膺茲隋志、樂府作此。釐福。我有馨明。無愧史祝。○隋志音樂志。樂府詩集三。詩紀九十五。

禋雅 二曲。就燎位。

宋元徽儀注奏昭遠。就埋位。齊永明儀注奏隸幽。至是燎埋俱奏禋雅。取周禮太宗伯以禋祀。祀昊天上帝也。

紫文選補遺作崇。宮昭煥。太乙隋志作一。樂府同。微玄。降臨下土。尊高上天。載陳珪幣。隋志作璧。樂府、文選補遺同。式備牲牲。雲箠隋志作孤。樂府、文選補遺同。清引。枸虞高懸。俯昭象物。仰致高煙。文選補遺作禋。肅彼靈祉。咸達皇虔。就燎用。

盛樂斯舉。協徵調宮。靈饗慶洽。祉積化融。八變有序。三獻已終。坎牲瘞玉。酬德報功。振垂成呂。投壤生風。道無虛致。事由感通。於皇盛文。選補遺作聖。烈。比祚華嵩。就埋用。○隋書音樂志。樂府詩集三。文選補遺三十四。詩紀九十五。

梁南郊登歌詩二首

噉既明。禮告成。惟聖祖。主上靈。爵已獻。疊又盈。息羽籥。展歌聲。僂如在。結皇情。○隋書音樂志。樂府詩集三。詩紀九十五。

禮容盛。尊俎列。玄酒陳。陶匏設。獻清酒。隋志作旨。樂府同。致虔潔。王既升。樂已闋。降蒼昊。垂芳烈。○同上

梁北郊登歌二首

方壇既埽。地祇已出。盛典弗魯。羣望咸秩。乃升乃獻。敬成禮卒。靈降無兆。神饗載謐。允矣嘉祚。其升如日。○隋書音樂志。樂府詩集三。詩紀九十五。

至哉坤元。實惟厚載。躬茲奠饗。誠交顯晦。或升或降。搖珠動佩。德表成物。慶流皇代。純嘏不魯。祺福是賚。○同上

梁明堂登歌五首

歌青帝辭

帝居在震。龍德司春。開元布澤。含和尚仁。羣居既散。歲云陽止。飭農分地。民隋志作人。樂府同。粒惟始。雕梁繡栱。丹楹玉墀。靈威以降。百福來綏。○隋書音樂志。樂府詩集三。詩紀九十五。

歌赤帝辭

炎光在離。火爲威德。執禮昭訓。持衡受則。靡草既凋。溫風以至。嘉薦惟旅。時羞孔備。齊緹隋志作醴。樂府同。在堂。笙鏞在下。匪惟七百。無絕終始。○同上

歌黃帝辭

鬱彼中壇。含靈闡化。迴環氣象。輪無輟駕。布德焉在。四序將收。音宮數五。飯稷驂駟。宅屏居中。旁臨外宇。升爲帝尊。降爲神主。○同上

歌白帝辭

神在秋方。帝居西皓。允茲金德。裁成萬寶。鴻來雀化。參見火斜。隋志、樂府作邪。幕無玄鳥。菊有黃華。載列笙磬。式陳彝俎。靈罔常懷。惟德是與。○同上

歌黑帝辭

德盛乎水。玄冥紀節。陰降陽騰。氣凝象闕。隋書作閉。樂府同。司智蒞坎。駕鐵衣玄。祈寒拆隋志、樂府作坼。地。

晷度迴天。悠悠四海。駿奔奉職。祚我無疆。永隆民。隋志、樂府作人。極。○同上

梁宗廟登歌七首

功高禮洽。德隋志、樂府作道。尊樂備。三獻具舉。百司在位。誠敬罔訾。幽明同致。茫茫億兆。無思不遂。蓋之如天。容之如地。○隋書音樂志。樂府詩集九。廣文選十一。詩紀九十五。

殷兆玉筐。周始邠王。於赫文祖。基我大梁。肇土七十。奄有四方。帝軒百祀。人思未忘。永言聖烈。祚我無疆。○同上

有夏多罪。殷人塗炭。四海倒懸。十室思亂。自天命我。殲凶殄難。既躍乃飛。言登天漢。爰享爰格。隋志作祀。樂府同。福祿攸贊。○同上

犧象既飾。罍俎斯具。我鬱載馨。黃流乃注。峨峨卿士。駿奔是務。佩上鳴堦。纓還拂樹。悠悠億兆。天臨日煦。○同上

猗與至德。光被黔首。鑄鎔蒼昊。甄陶區有。恪隋志、樂府作肅。詩紀云。一作肅。恭三獻。對揚萬壽。比屋可封。含生無咎。匪徒七百。天長地久。○同上

有命自天。於皇后帝。悠悠四海。莫不來祭。繁祉具膺。八神聳衛。福至有兆。慶來無際。播此餘休。于彼荒裔。○同上

祀典昭潔。我禮莫違。八簋充室。六龍解駢。神宮肅肅。靈寢微微。嘉薦既饗。景福攸歸。至德光被。洪祚

載輝。○同上

梁小廟樂歌二首 樂府無作者名氏。

隋書樂志曰。梁又有小廟。太祖太夫人廟也。非嫡。故別立廟。皇帝每祭太廟訖。詣小廟。亦以太牢。如太廟禮。

舞歌

闕宮肅肅。清廟濟濟。於穆夫人。固天攸啓。祚我梁德。膺斯盛禮。文槐達嚮。重檐丹陛。飾我俎彝。潔我粢盛。躬事奠饗。推尊盡敬。悠悠萬國。具承茲慶。大孝追遠。兆庶攸詠。○隋書音樂志。樂府詩集九。詩紀九十五。

登歌

光流者遠。禮貴彌申。隋志誤作巾。嘉饗云備。盛典必陳。追養自本。立愛惟親。皇情乃慕。帝服來尊。駕齊六轡。旂耀三辰。感茲霜露。事彼冬春。以斯孝德。永被烝民。○同上

燕射歌辭

梁三朝雅樂歌六首

沈約

隋書樂志曰。梁初。郊禋宗廟及三朝之樂。並用宋齊元徽、永明儀注。唯改嘉祚爲永祚。又去永至之樂。及武帝定國。並以雅爲稱。取詩序云。言天下之事。形四方之風。謂之雅。雅者。正也。止於十二。則天數也。乃去階步之樂。增撤食之雅焉。其詞並沈約所製。○詩紀云。按雅樂歌有郊廟、燕射通用者。不獨用於三朝而已。詳見後註。

俊雅

三曲

隋書樂志曰。衆官出入。宋元徽三年儀注奏肅威樂。齊及梁初亦同。至是改爲俊雅。取禮記司徒論選士之秀者而升之學曰俊士也。二郊、太廟、明堂。三朝同用焉。

設官分職。髦俊攸俟。髦俊伊何。貴德尚齒。唐又咸事。周寧多士。區區衛國。猶賴君子。漢之得人。帝猷乃理。

開我八襲。闢我九重。珩珮流響。纓紱有容。袞衣前邁。列辟雲從。義兼東序。事美西雍。分階等肅。異列齊恭。

重列北上。分庭異陛。百司揚職。九賓相禮。齊宋舅甥。魯衛兄弟。思皇藹藹。羣龍濟濟。我有嘉賓。實惟愷悌。○隋書音樂志。樂府詩集十四。詩紀九十五。

胤雅 一曲。皇太子出入。奏胤雅。取詩君子萬年。永錫祚胤也。三朝用之。

自昔詩紀誤作西。殷代。哲王迭類。聚作世。有。降及周成。惟器是守。上天乃眷。大梁既受。灼灼重明。仰承元首。體乾作貳。命服斯九。置保置師。居前居後。前星比耀。克隆萬壽。○隋書音樂志。樂府詩集十四。又類聚四十三引有、守、受、首四韻。

寅雅 一曲。王公出入。奏寅雅。取尚書周官貳公弘化。寅亮天地也。三朝用之。

禮莫違。樂具舉。延藩辟。朝帝所。執桓蒲。列齊莒。垂袞毳。紛容與。升有儀。降有序。齊簪紱。忘笑語。始矜嚴。終酣醕。○隋書音樂志。樂府詩集十四。詩紀九十五。

介雅 三曲。上壽酒。奏介雅。取詩君子萬年。介爾景福也。三朝用之。

百福四象初。萬壽三元始。拜獻惟袞職。同心協卿士。北極永無窮。南山何足擬。壽隨百禮洽。慶與三朝升。惟皇集繁祉。景福互相仍。申錫永無遺。穰簡必來應。百味既含馨。六飲莫能尚。玉疊信湛湛。金卮頗搖漾。敬舉發天和。祥祉流嘉貺。○隋書音樂志。樂府詩集十四。

詩紀九十五。又類聚四十三作分雅。引第一曲。

需雅八曲。食舉。奏需雅。取易曰雲上於天。需。君子以飲食宴樂也。三朝用之。

實體平心待和味。庶羞百品多爲貴。或鼎或鼐宜九沸。楚桂胡鹽芼芳卉。加籩列俎彫且蔚。五味九變兼六和。令芳甘旨庶且多。三危之露九期詩紀云。一作貞。禾。圓案方丈粲星羅。皇舉斯樂同山河。九州上腴非一族。玄芝碧樹壽華木。終朝采之不盈掬。用拂腥膻和九穀。既甘且飫致遐福。人欲所大味爲先。興和盡敬咸在旃。碧鱗朱尾獻嘉鮮。紅毛綠翼墜輕翮。臣拜稽首萬斯年。擊鐘以俟惟大國。況乃御天流至德。侑食斯舉揚盛則。其禮不讐儀不忒。風猷所被深且塞。膳夫奉職獻芳滋。不麇不天咸以時。調甘適苦別澀溜。其德不爽受福釐。於焉逸豫永無期。備味斯饗惟至聖。咸降人神禮爲盛。或風或雅流歌詠。負鼎言歸啓殷命。悠悠四海同茲慶。道我六穗羅八珍。洪鼎自爨匪勞薪。荆包海物必來陳。滑甘滫滫味和神。以斯至德被無垠。○隋書音樂志。

樂府詩集十四。詩紀九十五。

雍雅三曲。徹饌。奏雍雅。取禮記大饗客。出以雍徹也。三朝用之。

明明在上。其儀有序。終事靡訾。收錮撤俎。乃升乃降。和樂備舉。天德莫違。人謀是與。敬行禮達。茲焉
燕語。

我餽惟阜。我有孔庶。嘉味既充。食旨斯飫。屬厭無爽。冲和在御。擊壤齊歡。懷生等豫。烝庶乃粒。實樂府作宴。按乃寔之誤字。由仁恕。

百司警列。皇在在陞。既飫且醕。卒食成禮。其容穆穆。其儀濟濟。凡百庶僚。莫不愷悌。奄有萬國。抑由天啓。○隋書音樂志。樂府詩集十四。詩紀九十五。

梁三朝雅樂歌六首

蕭子雲

隋書樂志曰。普通中。薦疏之後。改諸雅歌。敕蕭子雲製辭。既無牲牢。遂省滌雅、牲雅云。南史曰。梁初。郊廟未革。牲牲樂辭。皆沈約撰。至是承用。子雲啓宜改之。敕答曰。此是主者守株。宜急改也。仍使子雲撰定。敕曰。郊廟歌辭應須典誥大語。不得雜用子史文章淺言。而沈約所撰亦多舛謬。子雲作成。敕並施用。○詩紀云。按梁雅樂歌十三首。樂府分郊廟、射燕二處載之。此六首三朝所用。郊廟尚闕四首。樂府失載。

俊雅三曲

惟王建國。辨方正位。於赫有梁。向明而治。知人則哲。聰明文思。思皇多士。俊乂咸事。弗惟其官。惟人乃備。

訓迪庶工。位以德序。恭已而治。垂旒當宁。或以言揚。或以事舉。春朝秋覲。圭幣惟旅。翼翼鄴郇。峨峨

齊楚。

客人金奏。賓至縣興。威儀有則。是降是升。百辟卿士。元首是承。左右秩秩。終敬且矜。彝倫攸序。王猷以凝。○樂府詩集十四。詩紀九十五。

胤雅

天下爲家。大梁受命。眷求詩紀作永。一德。惟烈無競。儀刑哲王。元良誕慶。灼灼明兩。作離承聖。英華外發。溫文成性。立師立保。左右惟政。休有烈光。前星比盛。○樂府詩集十四。詩紀九十五。

寅雅

車同軌。行同倫。來萬國。相九賓。延羣后。朝蓋臣。禮時行。樂日新。攬夷則。奏雅寅。袞衣曜。玉帛陳。儀抑抑。皇恂恂。○樂府詩集十四。詩紀九十五。

介雅三曲

明君創洪業。大同登頌聲。開元洽百禮。來儀奏九成。申錫南山祚。赫赫復明明。三朝禮樂和。百福隨春酒。玉樽湛而獻。聰明作元后。安樂享延年。無疆臣拜手。四氣新元旦。萬壽初今朝。趨拜齊袞玉。鍾石變簫韶。日升等皇運。洪基邈日樂府作且。遙。○樂府詩集十四。詩

紀九十五。

需雅八曲

農用八政食爲元。播時百穀民所天。禘嘗郊社盡潔虔。饗饗饋食禮節宣。九功惟序登頌絃。感物而動物靡遂。大羹不和有遺味。非極口腹而行氣。節之民心殺攸貴。寧爲禮本饗與餼。始諸飲食物之初。設卦觀象受以需。烝民乃粒有牲芻。自衛反魯刪詩書。弋不射宿殺已祛。在昔哲王觀民志。庶羞百品因時備。爲善不同同歸治。蔬膳菲食化始至。率物以躬行尊位。雅有洄酌風采蘋。蒹藻之菜非八珍。澗溪沼沚貴先民。明信之德感人神。譬諸禴祭在西鄰。行葦之微猶勿踐。寧惟血氣無身剪。聖人之心微而顯。千里之應出言善。況遂豚魚革前典。春酸夏苦冬樂府作各。有宜。筐筥錡釜備糗醕。詩紀作馳。逡巡揖讓詔司儀。卑高制節明等差。君臣之序正在斯。○同上

日月光華風四塞。規饗有序儀不忒。匪天私梁乃佑德。光被四表自南北。長世綴旒爲下國。○樂府詩集十四。詩紀九十五。

雍雅三曲

穆穆天子。時惟聖敬。濟濟羣公。恭爲德柄。爲撤有典。膳夫是命。禮行禘嘗。義光朝聘。當作聘。神饗其德。

民洽其慶。

尚有和羹。既戒且平。亦有其餽。詩紀作酸。亦惟克明。其餽惟旅。其醕惟成。百禮斯洽。三宥已行。明哉元首。通駿其聲。

戒食有章。卒食惟序。庭鳴金奏。凱收籟管。客出以雍。撤以振羽。離磬乃作。和鐘備舉。濟濟威儀。嗶嗶簨簴。○樂府詩集十四。詩紀九十五。

相和歌辭

五音曲五首

沈約

隋書樂志曰。梁有相和五引。三朝第一奏之。陳氏因焉。隋文帝開皇中。改五引爲五音。唯迎氣於五郊降神奏之。月令所謂孟春其音角也。唐書樂志曰。五郊迎氣。各以月律而奏其音。蓋因隋舊制云。

角引

萌生觸發。歲在春。咸池始奏。德尚仁。愆憊以息。和且均。○隋書音樂志。樂府詩集二十六。詩紀九十五。

徵引

執衡司事。宅離方。滔滔夏日。火德昌。八音備舉。樂無疆。○同上

宮引

八音資始。君五聲。興此樂府作比。詩紀同。和樂。感百精。優游律呂。被咸英。○同上

商引

司秋紀兌。奏西音。激揚鍾石。和瑟琴。風流福被。樂愔愔。○同上

羽引

玄英紀運。冬冰折。詩紀云。一作坼。物爲音本。和且悅。窮高測深。長無絕。○同上

相和六引

五曲

蕭子雲

隋書樂志曰。普通中。敕蕭子雲改諸歌辭爲相和引。則依五音宮商角徵羽爲第次。非隨月次也。

宮引

宅中爲君。聲之始。氣和而應。律生子。四宮既作。陰陽理。○樂府詩集二十六。詩紀九十五。

商引

君臣數九。發涼風。三弦夷則。白藏通。克諧候管。和六同。○同上

角引

蟄蟲始振。音在斯。五聲六律。旋相爲。韶繼夏盡。備咸池。○同上

徵引

朱明在離。日長至。候氣而動。徵爲事。六樂成文。從之備。○同上

羽引

其音爲物。登玄英。制留循當作情。短。位濁清。惟皇創則。和且平。○同上

鼓吹曲辭

梁鼓吹曲十二首

沈約

隋書樂志曰。鼓吹宋、齊並用漢曲。又充庭用十六曲。梁高祖乃去四曲。留其十二。合日時也。更制新歌。以述功德。

木紀謝

隋書樂志曰。漢第一曲朱鷺。改爲木紀謝。言齊謝梁升也。

木紀謝。火類聚作炎。樂府云。一作炎。運昌。炳南陸。耀炎光。民去癸。鼎歸梁。鮫魚出。慶雲翔。繡五帝。軼三王。德無外。化溥將。仁蕩蕩。義湯湯。浸金石。達昊蒼。橫四海。被八荒。舞干戚。垂衣裳。對天眷。坐巖廊。胤有錫。祚無疆。風教遠。禮容盛。感人神。宣舞詠。降繁祉。延嘉慶。○樂府詩集二十。詩紀九十五。又類聚四十二引昌、梁、王、荒四韻。廣文選十二引昌、梁、翔、將、湯、蒼、荒、裳、廊、疆、盛、詠、慶十三韻。

賢首山

漢第二曲思悲翁。改爲賢首山。言武帝破魏軍於司部。肇王迹也。

賢首山。險而峻。乘峴類聚作阻。憑臨胡陣。騁奇謀。樂府云。一作謨。奮卒徒。斷白馬。塞飛狐。類聚作孤。按宋本作狐。殪日逐。殲骨都。刃谷蠡。馘林胡。草既潤。原亦塗。輪無反。幕有烏。掃殘孽。震戎逋。揚凱奏。展歡酺。詠杖杜。旋京吳。○樂府詩集二十。廣文選十二作峴首山。詩紀九十六。又類聚四十二引峻、陣、徒、狐四韻。

桐柏山

漢第三曲艾如張。改爲桐栢山。言武帝牧司。王業彌章也。

桐栢山。淮之首。肇基帝迹。遂光區有。大類聚無大字。震邊關。殫殲醜。農既勸。類聚作歡。民惟阜。穗充庭。稼盈畝。迨嘉辰。麩芳糗。納寒場。爲春酒。昭景福。介眉壽。天斯長。地斯久。化無極。功無朽。○樂府詩集二十。廣文選十二。詩紀九十五。又類聚四十二引首、有、醜、阜四韻。

道亡

漢第四曲上之回。改爲道亡。言東昏喪道。義師起樊鄧也。

道亡數極歸永元。悠悠兆庶盡含冤。沈河莫極皆無安。赴海誰授矯龍翰。自樊漢仙波流水清且瀾。救此倒懸拯塗炭。誓師劉旅赫靈斷。率茲八百驅十亂。登我聖明去類聚、樂府作由。多難。長夜杳冥忽云旦。○樂府詩集二十。詩紀九十五。又類聚四十二引元、冤、漢、亂、難五韻。

忱類聚作抗。威

漢第五曲擁離。改爲忱威。言破加湖。元勳建也。

忱類聚作抗。威授律命蒼兕。類聚作光。樂府同。又注。一作鬼。言薄加湖灌秋水。迴瀾滌汨樂府作泊。汎增雉。爭河投岸掬盈指。犯刃嬰戈洞流矢。資此威樂府、詩紀並云。一作盛。烈齊文軌。○樂府詩集二十。詩紀九十五。又類聚四十二引

光、水、軌三韻。

漢東流

漢第六曲戰城南。改爲漢東流。言義師克魯山城也。

漢東流。江之汭。逆徒蜂聚。旌旗紛蔽。仰蔽仰二字。類聚倒誤。震威靈。乘高聘銳。至仁解網。窮鳥入懷。因此龍躍。言登泰階。○類聚四十二。樂府詩集二十。廣文選十二。詩紀九十五。

鶴樓峻

漢第七曲巫山高改爲鶴樓峻。言平郢城。兵威無敵也。

鶴樓峻。連翠微。因巖設險池永歸。脣亡齒懼。薄言震。耀靈威。凶衆稽顙。天不能違。金湯無所用。功烈長巍巍。○樂府詩集二十。詩紀九十五。又類聚四十二引微、威、微三韻。

昏主恣淫慝

漢第八曲上陵改爲昏主恣淫慝。言東昏政亂。武帝起義。平九江、姑熟。大破朱雀。伐罪弔民也。

昏主恣淫慝。皆曰自昌。類聚作言。盛。上仁矜億兆。誓師爲請命。既齊丹浦戰。又符甲子辰。龕難伐有罪。伐罪弔斯民。悠悠億萬姓。類聚作萬姓民。於此覩陽春。○樂府詩集二十。詩紀九十五。又類聚四十二引盛、命、辰、春四韻。

石首局

漢第九曲將進酒。改爲石首局。言義師平京城。仍廢昏定大事也。

石首局。北詩紀作比。墉墉。新堞嚴。東壘峻。共表裏。遙相鎮。矢類聚誤作夫。未飛。鼓方振。競銜壁。並輿觀。酒池擾。象廊震。同伐謀。兼善陳。關應和。掃煨燼。剪庶類聚作剪廉。是惡。靡餘胤。○樂府詩集二十。詩紀九五。又類聚四十二引墉、峻、振、觀、胤五韻。

期運集

漢第十曲有所思改爲期運集。言武帝膺籙受禪。德盛化遠也。

期運集。惟皇膺樂府云。一作應。寶符。龍躍清漢渚。鳳起方樂府云。一作南。城隅。謳歌共適夏。獄訟兩違朱。二儀啓嘉類聚作佳。樂府同。又注。一作嘉。祚。千載猶旦暮。舞蹈流帝功。金玉類聚作石。樂府云。一作石。昭王度。○類聚四十二。樂府詩集二十。詩紀九十五。

於穆

漢第十一曲芳樹改爲於穆。言大梁闡運。君臣和樂。休祚方遠也。

於穆君臣。君臣和以肅。關王道。定天保。樂均靈囿。宴同在鎬。前庭樂府云。一作庭前。懸鼓鐘。左右列笙

鏞。纓佩俯仰。有則脩類聚作備。樂府同。禮容。翔振鷺。騁羣龍。隆周何足擬。遠與唐比蹤。○樂府詩集二十。詩紀九十五。又類聚四十二引肅、保、鏞、鏞、容五韻。

惟大梁

漢第十二曲上邪改爲惟大梁。言梁德廣運。仁化洽也。

惟大梁。開運。受錄。膺樂府云。一作應。圖。君八極。類聚作天冠八極。樂府云。一作天冠八極。冠帶被五都。類聚無冠字。樂府云。一本無冠字。四海並和會。排闕款塞無異塗。○樂府詩集二十。詩紀九十五。又類聚四十二引圖、都二韻。

清商曲辭

張率 樂府作無名氏。詩紀同。今從古樂苑。

梁雅樂歌五首

古今樂錄曰。梁有雅樂歌五曲。一名應王受圖曲。二曰臣道曲。三曰積惡篇。四曰積善篇。五曰宴酒篇。三朝樂第十五奏之。

應王受圖曲

應王受圖。荷天革命。樂曰功成。禮云治定。恩弘庇臣。念昭率性。迺眷三才。以宣八政。愧無則哲。臨淵

自鏡。或戒面從。永隆福慶。○樂府詩集五十一。詩紀九十七。

臣道曲

孝義相化。禮讓爲風。當官無媚。嗣民必公。謙謙君子。審審匪躬。諒而不訐。和而不同。誠之誠之。去驕思沖。弘茲大雅。是曰至忠。○同上

積惡篇

積惡在人。猶醜處腹。醜成形亡。惡積身覆。殷辛再離。溫舒五族。責必及嗣。財豈潤屋。斯川既往。逝命不復。鏡茲餘殃。幸修多福。○同上

積善篇

惟德是輔。皇天無親。抱獄歸舜。捨財去邠。豚魚懷信。行葦留仁。先世有作。餘慶方因。鳴玉承家。錫珪于民。連城非重。積善爲珍。○同上

宴酒篇

記稱成禮。詩詠飽德。卜畫有典。厭夜不忒。彝酒作民。樂飲虧則。腐腹遺喪。濡首亡國。哲彼六馬。去茲

三惑。占言孔昭。以求温克。○同上

舞曲歌辭

梁大壯大觀舞歌二首

沈約

隋書樂志曰。梁初猶用凱容宣烈之舞。武帝定樂。以武舞爲大壯舞。文舞爲大觀舞。又曰。大壯舞奏夷則。大觀舞奏姑洗。取其月望也。二郊、明堂、太廟。三朝同用。古今樂錄曰。梁改宣烈爲大壯。卽周武舞也。改凱容爲大觀。卽舜韶舞也。陳以凱容樂舞用之郊廟。而大壯、大觀猶同梁舞。所謂祠用宋曲。宴準梁樂。蓋取人神不雜也。

大壯舞歌

隋書樂志曰。大壯舞取易象云大壯。大壯者。壯也。正大而天地之情可見也。古今樂錄曰。大壯、大觀二舞。以大爲名。老子云。域中有四大。論語云。惟天爲大。今制大壯、大觀之名。亦因斯而立義焉。

高高在上。實愛斯人。眷求聖德。大拯詩紀云。一作極。彝倫。率土方燎。如火在薪。傑傑黔首。暮不及晨。朱光啓耀。兆發穹旻。我皇鬱起。龍躍漢津。言屆牧野。電激雷震。闕鞏之甲。彭濮之人。或貔或武。漂杵浮輪。我邦雖舊。其命維隋。志作惟。樂府同。新。六伐乃止。七德必陳。君臨萬國。遂撫八寅。○隋書音樂志。樂府詩集

五十二。詩紀九十七。

大觀舞歌

大觀者。取易象曰。大觀在上。觀天之神道而四時不忒也。

皇矣帝烈。大哉興聖。奄有四方。受天明命。居上不怠。臨下惟敬。舉無訾則。動無失正。物從其本。人遂其性。昭播九功。肅齊八柄。寬以惠下。德以爲政。三趾晨儀。重輪夕映。棧壑忘阻。梯山匪復。如日有恒。與天無竟。載陳金石。式流舞詠。咸英韶夏。於茲比盛。○同上

梁鞞舞歌

沈約 詩紀云。樂府失名。考目錄作沈約。

明之君六首

大梁七百始。天監三元初。聖功澄宇縣。帝德總車書。熙熙億兆臣。其志皆懽愉。○樂府詩集五十四。詩紀九十七。

刑措甫自今。隆平亦肇茲。神武超楚漢。安用道邠岐。百拜奄來宅。執玉咸在斯。象天則地體無爲。○同上

禮緝民用擾。樂諧風自移。舜琴終已絕。堯衣今復垂。象天則地體無爲。○同上
治兵戰六獸。爲邦命九官。靈蛇及瑞羽。分素復銜丹。望就踰軒頊。鏗鏘掩咸護。九尾擾成羣。八象鳴相

顧。象天則地化雲布。○同上。○樂府望就以下另爲一首。

有爲臣所執。司契君之道。運行乃四時。無言信蒼昊。宸居體沖寂。忘懷定天保。○同上
至德同自然。裁成侔玄造。珍祥委天貺。靈物開地寶。窈窕降青琴。參差就朱草。○同上

梁鞞舞歌三首

周捨

明之君

赫矣明之君。我皇邁前古。機靈通日月。聖敬締區宇。淮海無橫波。文軌同一土。樂哉太平世。當歌復當舞。○樂府詩集五十四。詩紀九十七。

明主曲

聖主應圖籙。天下咸所歸。端宸臨赤縣。宸居法紫微。遐方奉正朔。外戶闢重扉。我君延萬壽。福祚長巍巍。○同上

明君曲

明君班五瑞。就日朝百王。充庭植鸞羽。鈞天奏清商。本支同中嶽。良臣安四方。盛明普日月。兆民樂未

央。○同上

釋氏

釋寶誌

不知何許人。齊、宋之交。被髮徒跣。語默不倫。梁武帝敬事之。天監十三年卒。

讖詩

隋書曰。梁天監三年六月八日。武帝講於重雲殿。沙門誌公忽然起舞歌樂。須臾悲泣。賦五言詩云云。梁自天監至于大同。三十餘年。江表無事。至太清二年。臺城陷。帝享國四十八年。所言五十裏也。太清元年八月十三而侯景自懸瓠來降。在丹陽之北子地。帝惑朱异之言以納景。景之作亂。始自戊辰之歲。至午年帝憂崩。

樂哉三十餘。悲哉五十裏。但看八十三。子地妖災起。佞臣作欺妄。賊臣滅君子。若不信吾言。隋志作語。龍時侯賊起。且至馬中間。銜悲不見喜。○隋書五行志。詩紀九十四。

又

南史曰。天監中。沙門釋寶誌爲詩云云。帝使周捨封記之。及中大同元年。同泰寺災。帝啓封捨手迹。爲之流涕。帝生於甲辰。三十八。剋建鄴之年也。遇災歲實丙寅。八十三矣。四月十四日而火起之始。自浮屠第三層。三者。

帝之昆季次也。

昔年三十八。今年八十三。四中復有四。城北火酣酣。○南史梁武帝紀。詩紀九十四。

又二首

南史曰。天監十年四月八日。誌公於大會中作詩云云。狗子。景小字。山家小兒。猴狀。景遂覆陷都邑。毒害皇家。初自懸瓠來降。懸瓠卽昔之汝南也。巴陵有地名三湘。景奔敗處。

掘尾狗子自發狂。當死未死齧人傷。須臾之間自滅亡。起自汝陰死三湘。○隋書五行志亦載此歌云。兀尾狗子始著狂。欲死不死齧人傷。須臾之間自滅亡。患在汝陰死三湘。橫尸一旦無人藏。○南史侯景傳。詩紀九十四。

山家小兒果攘臂。太極殿前作虎視。○同上

釋智藏

姓顧氏。吳郡吳人。住興皇寺。梁武授戒。時時諮稟。皇太子尤加敬接。

奉和武帝三教詩

廣弘明集云。梁開善寺藏法師。

心源本無二。學理共歸真。四執迷叢藥。六味增苦辛。資緣良雜品。習性不同循。至覺隨物化。一道開異

津。大士流權濟。訓義乃星陳。周孔尚忠孝。立行肇君親。老氏廣弘明集云。宋本作民。貴裁欲。存生由外身。出言千里善。芬爲窮世珍。理空非卽有。三明似未臻。近識封歧路。分鑣疑異塵。安知悟廣弘明集作坦。注云。明本作但。廣弘明集云。宋、元本作怡。云漸。究極本同倫。我皇體斯會。妙鑒出機神。眷言總歸轡。迴照引生民。願惟慙宿植。廣弘明集作殖。邂逅逢嘉辰。願陪人明解。歲暮有攸廣弘明集云。官本作假。因。〇廣弘明集三十。詩紀九十四。

釋惠令

和受戒詩庾肩吾有和太子重雲殿受戒詩。

沈寥秋氣爽。搖落寒林疎。風散飛廉雀。浪動昆明魚。是日何爲盛。證戒奉皇儲。願陪升自在。神通任卷舒。〇類聚七十六。詩紀九十四。

惠慕道士詩紀云。見梁詞人麗句。

犯虜將逃作詩

客子倦艱辛。夜出小平津。馬色迷關吏。鷄鳴起戍人。露鮮花斂影。月照寶刀新。問我將何去。北海就孫賓。〇文苑英華二百八十九作顏之推從周人齊夜渡砥柱。詩紀九十四。

僧正惠偁詩紀云。梁詞人麗句。

詠獨杵擣衣詩

非是無人助。意欲自鳴砧。照月斂孤影。乘風送迥音。言擣雙絲練。似奏一絃琴。令君聞獨杵。知妾有專心。○古詩類苑百十八。詩紀九十四。

聞侯方兒來寇詩

羊皮贖去士。馬革斂還尸。天下方無事。孝廉非哭時。○古詩類苑八十九。詩紀九十四。

釋法雲

三洲歌

三洲斷江口。水從窈窕河旁流。啼將別共來。長相思。○樂府詩集四十八。

三洲斷江口。水從窈窕河旁流。歡將樂共來。長相思。○同上

仙道

桓法闔

初入山作詩

華陽隱居真蹟帖曰。元帝在藩。送碑入山。今猶在朱陽館東。又有南平王蕭偉所造清遠之館。卽弘景弟子桓清遠所居。其桓師名法闔。初入山作詩曰。

寒谷夜將晨。置賞復尋真。方壇垂密葉。澈水渡金蓮。朱鱗。杏林雖伏獸。芝田詎俟人。丹成方轉石。鑪變欲銷銀。當知勝地遠。於此絕囂塵。○茅山志二十一。金薤記。詩紀九十四。

周子良

五仙詩五首

周氏冥通記曰。玄人周子良。字元穌。茅山陶隱居之弟子也。天監十四年乙未六月十二日。有五人來。乃三更中。上者嵩高真人馮先生。第二卽蕭閑仙卿張君。第三卽中嶽仙人洪先生。第四乃保命府丞樂士。第五則華陽之夫司農玉童。丞曰。今者既曲紆真降。願各爲其述一文。真人曰。卿是其明證。可前作答。曰。敢不聞旨。乃令子良襞紙染筆。口授。詩畢。同辟別。徘徊戶內而滅。

保命府丞授詩

華景輝瓊林。清風散紫霄。仰攜高真士。凌空馭綠輶。放彼朱霞館。造此塵中僚。有緣自然會。不待心翹翹。○周氏冥通記。詩紀外集三。

馮真人授詩

太霞鬱紫蓋。景風飄羽輪。直造塵滓際。萬穢澆我身。自非保仙子。安見今日人。過此未申冥通記作甲。歲。控景朝太真。冥緣雖有契。執德故須勤。○同上

張仙卿授詩

寫我蕭閑館。遊彼塵喧際。聘景蓋飛霄。尋此人間契。周生一何奇。能感玄人轍。無使凌雲幹。中隨嚴霜折。○同上

洪先生授詩

靈風扇紫霞。景雲散丹暉。八素不爲迥。冥通記作迥。九垓何足巍。志業雖右詩紀作有。□。習之亦成微。勗

此今日事。今闕方共歸。○同上

華陽童授詩

懸臺凌紫漢。峻階登絳雲。華景飛形燭。七曜亦殊分。寫此步塵穢。適彼超世君。勗哉二祀內。無令邪世聞。詩紀作門。方爲去來會。短辭何用紛。○同上

彭先生歌

周氏冥通記曰。丙申年二月七日。夢見定錄云。臨海燒山中有仙人。遊在人門。自號彭先生。實是鄭玄字子陰。陸渾仙人也。其人亟乘一刀而歌曰。

太霄何冥冥。靈真時下遊。命我鷲塗際。採察雲中儔。世路多淫濁。真誠不可搜。促駕還陸嶺。人間無與酬。○周氏冥通記。

吳興妖神

詩紀作妓童。

贈謝府君覽詩

詩紀云。玉臺列置高爽詩中。題云吳興妖神贈謝府君覽。今從彤管集正之。○逯按。玉臺此詩以爲吳興妖神之作。次高爽詩後。

玉釵空中墮。御覽作墜。金鈿色行御覽作色。歇。獨泣謝春風。孤夜傷御覽作良夜辜。詩紀作長夜孤。明月。○玉臺新
詠十。御覽七百十八引靈怪。詩紀九十四。

北魏詩卷一

韓延之

延之。字顯宗。南陽堵陽人。仕晉位平西府錄事參軍。後奔姚興。明元帝泰常二年入魏。爲虎牢鎮將。賜爵魯陽侯。太平真君中卒。

贈中尉李彪詩

賈生謫長沙。董儒詣臨江。愧無若人跡。忽尋兩賢蹤。追昔渠閣游。策駑廁羣龍。如何情愿奪。飄然獨遠從。痛哭去舊國。銜淚屈新邦。哀哉無援民。嗷然失侶鴻。彼蒼不我聞。千里告志同。○魏書韓延之傳。詩紀百八。

宗欽

欽。字欽若。金城人。仕沮渠蒙遜爲中書郎、世子洗馬。太武平涼州。入魏。拜著作郎。太平真君十一年被誅。

贈高允詩十二章

崑峩恆嶺。混濊滄溟。山挺其和。水耀其精。啓茲令族。應期誕生。華冠衆彥。偉邁羣英。於穆吾子。含貞藉茂。如彼松竹。陵霜擢秀。味老思沖。翫易體復。戢翼九臯。聲溢宇宙。我皇龍興。重離疊映。剛德外彰。柔明內鏡。乾象奄氣。坤厚山競。風無殊音。俗無異徑。

經緯曰文。著述曰史。斟酌九流。錯綜幽旨。帝用訓詩紀作訓。諮明發虛擬。廣闢四門。披延髦士。爾應其求。翰飛東觀。口吐瓊音。手揮霄翰。彈毫珠零。落紙錦粲。墳無凝魏書作疑。割典無滯泮。

山降則謙。含柔爲信。林崇日漸。明外詩紀云一作升。斯進。有邈夫子。兼茲四慎。弱而難勝。通而不峻。南董詩紀作薰。邈矣。史功不申。固傾佞竇。雄穢美新。遷以陵腐。豈由卓泯。時無逸勒。路盈摧輪。

尹佚謨周。孔明述魯。抑揚羣致。憲章三五。昂昂高生。纂我遐武。勿謂古今。違魏書作建。詩紀同。規易矩。自昔索居。沈淪西藩。風馬既殊。標榜莫緣。開通有運。闇遇當年。披衿暫面。定交一言。

諮疑祕省。訪滯京都。水鏡叔度。洗愆田蘇。望儀神婉。卽象心虛。悟言禮樂。探蹟魏書作採研。詩紀同。詩書。履霜悼遷。撫節感變。嗟我年邁。迅踰激電。進乏由賜。退非回憲。素髮掩玄。枯顏落蒨。

文以會友。友由知己。詩以明言。言以通理。盼坎迷流。覲良闇止。庶魏書作伊。爾虬光。回詩紀作肆。鱗曲水。

○魏書宗欽傳。詩紀百。又文館詞林百五十八引八、九、十、十一、十二章。

段承根

承根。武威姑臧人。仕魏爲著作郎。太平真君十一年。以崔浩撰史事。同被誅。

贈李寶詩七章

世道衰陵。淳風殆緬。衢交問鼎。路盈訪璽。詩紀作璽。狗競爭馳。天機莫踐。不有真宰。榛棘誰翦。魏書作緬。
於皇我后。重明襲煥。文以息煩。武以靜亂。剖蚌求珍。搜巖采榦。野無投綸。朝盈逸翰。
自昔涼季。林焚淵涸。矯矯公子。鱗羽靡託。靈慧雖奮。沃氛未廓。鳳戢崑丘。龍潛玄漠。
數不常擾。艱極則夷。奮翼幽裔。翰飛京師。珥蟬紫闥。仗節方畿。弼我王度。庶績緝熙。
自余幽淪。眷參舊契。庶庇餘光。優游卒歲。忻路未淹。離轡已際。顧難分岐。載張載繼。
聞諸交舊。累聖疊曜。淳源雖漓。民懷余魏書作餘。劭。思樂哲人。靜以鎮躁。藹彼繁音。和此清調。
詢下曰文。辯訐曰明。化由禮治。政以寬成。勉崇仁教。播德簡刑。傾首景風。遲聞休聲。○魏書段承根傳。詩紀百八。

游雅

雅。字伯度。小名黃頭。廣平任人。和平二年卒。贈相州刺史。

詩

魏書曰。高允重雅才。而雅輕薄允才。允性柔寬。不以爲恨。允將婚于邢氏。雅勸允婚于其族。允不從。雅曰。人貴河間邢。不勝廣平游。人自棄伯度。我自敬黃頭。○魏書游雅傳。北史游雅傳。

北魏孝文帝元宏

宏。獻文帝托跋弘長子。皇興三年。立爲皇太子。五年八月。卽位。改元三。延興、承明、太和。太和二十年。改姓元氏。太和二十三年卒。年三十三。謚曰孝文皇帝。有集三十九卷。

縣瓠方丈竹堂饗侍臣聯句詩

北史曰。兼中書侍郎鄭道昭從征河北。孝文饗臣于縣瓠方丈竹堂。道昭與兄懿俱侍坐。樂作酒酣。孝文乃作歌。

白日御覽作日月。事類賦同。光天兮無不曜。江左一隅御覽隅下有兮字。事類賦同。獨未照。帝願從聖明。事類賦作主。

兮登衡會。萬國馳誠御覽誠下有兮字。事類賦同。混內北史作日。詩紀云。一作日。外。彭城王懿雲雷大振。今天門御覽

作地。事類賦同。關。率土來賓。一正歷。鄭懿舜舞干戚御覽作戈。事類賦同。今天下歸。文德遠被御覽被下有兮字。事

類賦同。莫不思。鄭道昭○北史作邢巒。皇風一鼓兮九地匝。戴日依天御覽天下有兮字。事類賦同。清六合。邢巒。北史作

鄭道昭。遵彼汝墳兮昔化貞。未若今日道風明。帝文王政教兮暉江沼。寧如御覽作知。事類賦同。大化御覽化下

有兮字。事類賦同。光四表。宋弁○魏書鄭道昭傳。北史鄭道昭傳。御覽五百七十事類賦歌賦註引後漢書。詩紀百八。

歌

後魏略曰。孝文帝南巡至新野。臨潭水而見菖蒲花。乃歌曰云云。遂建兩菖蒲寺美之。

兩菖蒲。新野樂。○御覽百六十八。

高允

允。字伯恭。渤海蓆人。獻文末。授懷州刺史。太和二年。拜鎮軍大將軍。領中秘書事。加光祿大夫。太和十一年卒。年九十八。有集二十一卷。

羅敷行

邑中有好女。姓秦字羅敷。巧笑美回盼。鬢髮復凝膚。脚著花文履。耳穿明月珠。頭作墮馬髻。倒枕象牙梳。娉娉善趨步。襜襜曳長裾。王侯爲之顧。駟馬自踟蹰。○樂府詩集二十八。詩紀百八。

王子喬

王少卿。王少卿。超升飛龍翔天庭。遺儀景。雲漢酬。光鶩電逝忽若浮。騎日月。從列星。跨騰人樂府作太。

廓踰杳樂府作宵。冥。尋元氣。出天門。窮覽有無究道根。○樂府詩集二十九。詩紀百八。

答宗欽詩十三章

高允爲著作郎。與崔浩同撰史。宗欽贈詩以相規諷。允答之云云。後崔浩竟坐暴揚國惡。與宗欽同被誅。允以太子救得免。

湯湯流漢。藹藹南都。載稱多士。載耀靈珠。邈矣高族。代記丹圖。啓基郢文館詞林作邦。域。振彩涼區。

吾生倜儻。魏書作朗到。詩紀同。誕發英風。紹熙前緒。奕世克隆。方圓備體。淑德斯融。望傾羣雄。文館詞林作

儁。響振魏書作駭。詩紀同。華戎。

響振魏書作駭。詩紀同。伊何。金聲克。魏書作允。詩紀同。著。匡贊西藩。拯厥時務。放魏書作肅。詩紀同。志琴書。恬心

初素。潛思淵文館詞林作泉。淳。秀藻雲布。

上天降命。祚鍾有代。協耀紫宸。與乾作配。仁邁春陽。功隆覆載。招延隱叟。永貽大賚。

伊余櫟散。才朽質。魏書作至庸。詩紀同。微。遭緣幸會。忝與樞機。竊名華省。厠足丹墀。愧無熒。魏書作螢。燭。少

益天暉。

明升詩紀作外。非論。信漸難兼。體卑處下。豈曰能謙。進不弘道。退失淵文館詞林作深。潛。既慚朱闕。亦愧

閭閻。

史班稱達。楊蔡致深。負荷典策。載蹈文館詞林作詣。於心。四轍同軌。覆車相尋。敬承嘉誨。永佩明箴。

遠思古賢。內尋諸己。仰謝丘明。長揖南史。遐武雖存。高蹤難擬。夙興夕惕。豈獲恬止。

時詩紀作世之圯矣。靈運未通。風馬殊隔。區域異封。有懷西望。路險莫從。王澤遠灑。九服來同。

在昔平吳。二陸稱寶。今也尅涼。吾生獨矯。道映儒林。義爲羣表。我思與之。均於紵縞。

仁乏田蘇。量非叔度。韓生屢降。林宗仍顧。魏書作物。詩紀同。千載曠遊。遘茲一遇。藻詠風流。鄙心已悟。

年時迅邁。物我俱逝。任之斯通。擁之則滯。結駟貽塵。屢空亦敝。兩聞魏書作問。詩紀同。可守。安有回賜。

詩以言志。志以表丹。慨哉刎頸。義已中殘。雖曰不敏。請事金蘭。爾其勵之。無忘歲寒。○魏書宗欽傳。詩紀

百八。又文館詞林百五十八所引缺末一章。

詠貞婦彭城劉氏詩八章

渤海封卓妻劉氏。彭城人。成婚一夕。卓官於京師。以事見法。劉氏在家。忽形夢想。知卓已死。哀泣不止。經旬凶

問果至。遂憤歎而終。時人比之秦嘉妻云。高允念其義高而名不著。乃爲之詩曰。

兩儀正位。人倫肇甄。爰制夫婦。統業承先。雖曰異族。氣猶自然。生則同室。終契黃泉。封生令達。卓爲時彥。內協黃中。外兼三變。誰能作配。克應其選。寔有華宗。挺生淑媛。京野勢殊。山川乖互。乃奉王命。載馳在路。公務既弘。私義獲著。因媒致幣。遵止一暮。率我初冠。眷彼弱笄。形由禮比。情以趣諧。忻願難常。影跡易乖。悠悠言邁。戚戚長懷。時值險屯。橫離塵網。伏鎖就刑。身分土壤。千里雖遐。應如影響。良嬪洞感。發於夢想。

仰惟親命。俯尋嘉好。誰謂會淺。義深情到。畢志守窮。誓不二醮。何以驗之。殞身是效。

人之處世。孰不厚生。心存於義。所重則輕。結憤魏書作忿。鍾心。甘就幽冥。永捐堂宇。長辭母兄。

茫茫中野。翳翳孤丘。葛藟冥蒙。荆棘四周。理苟不昧。神必俱游。異哉貞婦。曠世靡儔。○魏書列女傳。詩紀

百八。

劉昶

昶。字休道。宋文帝第九子。封晉熙王。位中書令。廢帝立。爲徐州刺史。奔魏。孝文以爲持節、都督吳越彭楚諸軍事、大將軍。鎮徐州。太和二十一年卒。年六十二。

斷句詩

南史曰。昶兵敗奔魏。棄母妻。惟攜妾一人騎馬自隨。在道慷慨爲斷句。

白雲滿鄆來。黃塵暗天起。關山四面絕。故鄉幾千里。○南史劉昶傳。詩紀百八。

王肅

肅。字恭懿。琅邪臨沂人。仕齊爲秘書丞。太和中。奔魏。累遷尚書令、揚州刺史。景明二年卒。年三

十八。

悲平城詩

悲平城。驅馬入雲中。陰山常晦雪。荒松無罷風。○魏書祖瑩傳。北史祖瑩傳。詩紀百八。

彭城王元勰

勰。字彥和。獻文帝第六子。太和九年。封始平王。轉中書令。改封彭城王。宣武永平元年被殺。

應制賦銅鞮山松詩

北史曰。勰從孝文帝幸代都。次于上黨之銅鞮山。路傍有大松樹十數株。帝賦詩示勰曰。吾作詩雖不七步。亦不言遠。汝可作之。比至吾間令就也。勰時去帝十步。且行且作。未至帝所而就。

問松林。松林經幾冬。山川何如昔。風雲與古同。○魏書彭城王傳。北史獻文六王傳。御覽九百五十三引後魏書。詩紀百八。

李謐

謐。字永和。趙郡平棘人。州再舉秀才。公府二辟。並不就。延昌四年卒。

神士賦歌

周孔重儒教。莊老貴無爲。二途雖如異。一是買聲兒。生平意不愜。死名用何施。可心聊自樂。終不爲人移。脫尋余志者。陶然正若斯。○魏書李謐傳。

鄭道昭

道昭。字僖伯。滎陽開封人。孝文時中書學生。遷秘書郎。拜主文中散。徙員外散騎侍郎、秘書丞、兼中書侍郎。尋正除中書郎。轉通直常侍。宣武卽位。徙司徒諮議參軍。拜國子祭酒。又爲司州州都。遷秘書監。出爲光州刺史。轉青州刺史。復入爲秘書。熙平元年卒。

於萊城東十里與諸門徒登青陽嶺太基山上四面及中嶺掃石置仙壇詩

尋日愛丘素。嗟金石補作陵。月開靖場。東峯青煙寺。西嶺白雲堂。朱陽臺望遠。玄靈崖色光。高壇周四嶺。中明起前嶠。神居杳漢眇。接景拂霓裳。□微三四子。披霞度仙房。瀟瀟步林石。繚繚歌道章。空谷和鳴磬。風岫吐浮香。冷冷□虛唱。鬱鬱遶松梁。伊余莅東國。杖節牧齊壇。乘務惜暫暇。遊此無事方。依巖論孝老。樹泉語經莊。長文聽遠義。門徒森山行。躊躇當作踟躕。念歲述。幽衿燭扶桑。栖檠時自我。豈云蹈行藏。○金石補十四。

與道俗□人出萊城東南九里登雲峯山論經書詩

靖覺鏡□津。浮生歷人職。辟志訪□遊。雲峻期登涉。拂衣出州□。緩步入煙域。苔替□逕□。巖嶸星路逼。霞□□友。鳳駕緣虛埳。披衿接九賢。合蓋高嶺極。崢嶸非一□。林巒迭峻嶸。雙闕承漢開。絕巖虹縈灼。澗咀禽跡迷。竇狹鳥過亟。層穴通月□。飛岫陵地億。迴首盼京關。連州□萊卽。還濟河漸□。□來塵玉食。藏名隱仙丘。希言養神直。依微姑射蹤。□□朱臺日。爾時春嶺明。松沙若點殖。攀石坐危□。□□栖傾側。談對洙嶽賓。清賞妙無色。圖外表三玄。經中精十力。道音動齊泉。義風光韶棘。此會當百齡。斯觀寧心識。目海淺毛流。□崖瞥鴻翼。相翔足終身。誰辯瑤與□。万象自云云。焉用挂情憶。槃桓竟何爲。雲峯聊可息。○金石補十四。

登雲峯山觀海島詩

山遊悅遙賞。觀滄眺白沙。雲路沈仙駕。靈章飛玉車。金軒接日綵。紫蓋通月華。騰龍藹星水。翻鳳暎煙家。往來風雲道。出入朱明霞。霧帳芳宵起。蓬臺植漢邪。流精麗旻部。低翠曜天葩。此矚寧獨好。斯見理如麻。秦皇非徒駕。漢武豈空嗟。○金石補十四。

詠飛仙室詩

巖堂隱星霄。遙檐駕雲飛。鄭公乘日至。道士投霞歸。○金石補十四。

陽固

固字敬安。北平無終人。太和中爲大將軍劉昶法曹參軍。累遷尚書侍御史。明帝卽位。除尚書考功郎中。京兆王繼爲司徒。辟爲從事中郎。府解。除前軍將軍。正光四年卒。年五十七。

刺讒詩

北史曰。宣武末中尉王顯當權。固每直言其過。以此銜固。又有人間之。顯因奏固免官。遂闔門自守。作刺讒、疾倖詩二首。

巧佞巧佞。讒言興兮。營營習習。似青蠅兮。以白爲黑。在汝口兮。汝非蝮蠱。毒何厚兮。巧佞巧佞。魏書作巧巧佞佞。北史同。一何工矣。伺魏書、北史作司。下同。間伺忿。言必從矣。朋黨噂嗜。自相同矣。浸潤之譖。傾人墉矣。成人之美。君子貴焉。攻人之惡。君子愧。魏書、北史作耻。焉。汝何人斯。譖毀日繁。予北史作子。實無罪。何騁汝言。魏書作騁汝詭言。番番緝緝。讒言側人。君子好讒。如或弗及。天疾讒說。汝其至矣。無妄之禍。行將及矣。泛泛游鳧。弗制弗拘。行藏之徒。或智或愚。維余小子。魏書作人。未明茲理。毀與行俱。言與釁起。我其懲矣。我其悔矣。豈求人兮。思魏書作忠。北史同。恕在己。○魏書陽尼傳附陽固傳。北史陽尼傳附陽固傳。詩紀百九。

疾倖詩

彼諂諛兮。人之蠹兮。刺促昔粟。罔顧恥辱。以求媚兮。邪干側入。如恐弗及。以自容兮。志行偏魏書作偏。北史同。小。好習不道。朝挾其車。夕承其輿。或騎或徒。載奔載趨。或言或笑。曲事親要。正路不由。邪徑是蹈。不識大猷。不知話言。其朋其黨。其徒實繁。有詭其行。有佞其音。籛條戚施。邪媚是欽。既讒且妬。魏書作詭且妬。以逞其心。是信是任。亂是魏書、北史作敗其。詩紀云。北史作敗其。以多。其北史作不。始不慎。末如之何。習習宰嚭。營營無極。梁丘寡智。王鮒淺識。伊戾息夫。異世同力。江充趙高。甘言似直。豎刁上官。擅生羽翼。乃如之人。僭爽其德。豈徒喪邦。又亦覆國。嗟爾中下。其親其昵。不謂其非。不覺其失。好之有年。寵之有日。我思古人。心焉若疾。百凡魏書作凡百。北史同。君子。宜其慎矣。覆車其魏書作之。詩紀云。一作之。鑒。近可信矣。言既備矣。事既至矣。反是不思。維塵及矣。○同上

北魏孝明帝元詡

詡。宣武帝第二子。延昌元年立爲皇太子。四年正月卽位。改元五。熙平、神龜、正光、孝昌、武泰。在位十三年。武泰元年卒。年十九。謚曰孝明皇帝。

幸華林園宴羣臣於都亭曲水賦七言詩

化光造物含氣貞。太后 恭己無爲賴茲英。帝○魏書宣武靈皇后傳。北史宣武靈皇后傳。御覽百四十。

北魏孝莊帝元子攸

子攸。彭城王勰第三子。明帝時。封武城縣公。進封長樂王。明帝崩。爾朱榮立之爲帝。改元永安。三年。爲爾朱兆所弑。年二十四。謚曰孝莊皇帝。

臨終詩

伽藍記曰。莊帝既誅爾朱榮。右僕射爾朱世隆至高都。立長廣王曄爲主。遣潁川王爾朱兆舉兵向京師。大軍失利。遂執帝還晉陽。縊於三級寺。帝臨崩作詩曰。

權去生道促。憂來死路長。懷恨出國門。含悲入鬼鄉。隧門一時閉。幽庭豈復光。思鳥吟青松。哀風吹白楊。昔來聞死苦。何言身自當。○洛陽伽藍記一。詩紀百八。

北魏節閔帝元恭

恭。字脩業。廣陵惠王羽之子。正始中。襲爵。位給事黃門侍郎。莊帝崩。爾朱世隆等奉帝卽位。改元普泰。二年。爲高歡所殺。年二十。

詩

朱門久可患。紫極非情翫。顛覆立可待。一年三易換。時運正如此。惟有脩真觀。○魏書前廢帝紀。北史節閔皇帝紀。詩紀百八。

聯句詩

北史曰。普泰二年正月乙酉。中書舍人元翽獻酒肴。帝因與元翌及孝通等兼奏絃管。命翽吹笛。帝亦親和之。因使元翌等嘲。以酒爲韻。孝通曰云云。帝曰。卿所謂壽。豈容徒然。使命酌酒賜孝通。仍命更嘲。不得中絕。孝通卽堅忠爲韻。翽曰云云。

既逢堯舜君。願上萬年壽。孝通 平生好玄默。慚爲萬國首。帝
聖主臨萬機。享世永無窮。元翽 豈唯被豐草。方亦及昆蟲。孝通 朝賢既濟濟。野苗又芘芘。元翌 君臣
體魚水。書軌一華戎。帝 微臣信慶渥。何以答華嵩。孝通○北史薛辯傳附孝通傳。詩紀百八。

崔鴻

鴻。字彥鸞。歷爲彭城王國左常侍、尚書虞曹郎中、給事中兼祠部郎、鎮南行臺長史、三公郎中、員外散騎常侍、中散大夫、司徒長史。正光初。撰高祖世宗起居注。孝昌初。拜給事黃門侍郎。加散騎常侍、齊州大中正。尋卒。有十六國春秋一百二卷。

詠寶劍詩

寶劍出昆吾。龜龍夾采珠。五精初獻術。千戶竟論都。匣氣衝牛斗。山形轉鹿盧。欲知天下貴。持此問風胡。○御覽三百四十四作梁崔鴻。

馮元興

元興。字子盛。東魏郡肥鄉人。仕爲殿中郎。遷侍讀。普泰初爲光祿大夫。領中書舍人。出除東郡太守卒。

浮萍詩

北史曰。元興世寒。因元乂之勢。託其交道。相爲引用。乂既賜死。興亦被廢。乃爲浮萍詩以自喻。有草生碧池。無根綠。魏書作綠。水上。脆弱惡風波。危微苦驚浪。○魏書本傳。北史本傳。詩紀百八。

北魏詩卷二

蕭綜

綜。字世謙。梁武帝第二子。封豫章王。普通四年爲南兗州刺史。鎮彭城。奔魏。歷司徒太尉。尚書陽公主。魏建義二年卒。

聽鍾鳴

伽藍記曰。洛陽城東建陽里有臺。高三丈。上作二精舍。有鍾。撞之。聞五十里。太后移在宮內。置凝閒堂。初。梁豫章王蕭綜聞此鍾聲。遂造聽鍾歌三首行於世。

歷歷聽鍾鳴。當知在帝城。西樹隱落月。東窻見曉星。霧露朏朏未分明。烏啼啞啞已流聲。驚客思。動客情。客思鬱縱橫。翩翩孤鴈何所棲。依依別鶴半夜啼。今歲行已暮。雨雪向淒淒。飛蓬旦夕起。楊柳尚翻低。氣鬱結。涕滂沱。愁思無所託。強作聽鍾歌。○類聚三十。文苑英華三百三十四。詩紀百八。

悲落葉

悲落葉。聯翩下重疊。重疊落且飛。從橫去不歸。長枝交蔭昔何密。黃鳥關關動相失。夕葉雜凝露。朝花

翻亂日。亂春日。起春風。春風春日此時同。一霜兩霜猶可當。五晨六旦已颯黃。乍逐驚風舉。高下任飄颺。悲落葉。落葉何時還。夙昔共根本。無復一相關。各隨灰土去。高枝難重攀。○類聚八十八。詩紀百八。

崔巨倫

巨倫。字孝宗。博陵安平人。以世宗挽郎。除冀州鎮北府墨曹參軍、太尉記室參軍。莊帝三年卒。

五月五日詩

魏書曰。叔楷爲殷州。巨倫在州陷賊。斂恤亡存。爲賊所義。葛榮聞其名。欲用爲黃門侍郎。巨倫心惡之。五月五日。集會官僚。令巨倫賦詩。巨倫乃曰。

五月五日時。天氣已大熱。狗便呀欲死。牛復吐出舌。○魏書崔辯傳附巨倫傳。

董紹

紹。字興遠。新蔡銅陽人。起家四門博士。累遷洛陽刺史。爾朱天光以爲行臺從事。賀拔岳請爲開府諮議參軍。孝武西遷。除御史中丞。

高平牧馬詩

北史曰。紹爲賀拔岳諮議參軍。岳携紹於高平牧馬。紹悲而賦詩曰。

走馬山之阿。馬渴飲黃河。寧謂胡關下。復聞楚客歌。○北史董紹傳。詩紀百八。

盧元明

元明。字幼章。范陽涿人。永安初。兼尚書令。孝武登阼。遷尚書右丞。轉散騎常侍。有集十七卷。

晦日汎舟應詔詩

輕灰吹上管。落萸飄下帶。遲遲春色華。晚晚年光麗。○類聚四。初學記四。古今歲時雜詠九。御覽三十。文苑英華百七十二。歲時廣記十三。詩紀百九。

夢友人王由賦別詩

自茲一去後。市朝不復遊。○魏書盧元明傳。

李騫

騫。字希義。趙郡平棘人。位散騎常侍、尚書左丞。使梁。坐事免。後除黃門侍郎。死於晉陽。

贈親友

北史曰。騫爲尚書左丞。坐免。論者以爲非罪。騫嘗贈親友盧元明、魏收詩。蓋失職之志云。

幽棲多暇日。總駕萃荒坳。南瞻帶宮雉。北睇拒畦瀛。流火時將末。懸炭漸云輕。寒風率已厲。秋水寂無聲。層陰蔽長野。凍雨暗窮汀。侶浴浮還沒。孤飛息且驚。三禡俄終歲。一丸曾未營。閑居同洛涘。歸身歎武城。稍旅原思藿。坐夢尹勤荆。監河愛斗北。史作升。詩紀云。一作升。水。蘇子惜詩紀作借。餘明。益州達友魏書誤作反。趣。廷尉辯交情。豈若忻蓬華。收志偶沈冥。詩紀云。懸炭事見淮南子。亦古候氣之法。說林。懸羽與炭而知燥濕之氣。○魏書李騫傳。詩紀百九。又北史李順傳附騫傳引明、情二韻。

贈明少遐詩

酉陽雜俎曰。梁遣黃門侍郎明少遐、兼通直散騎常侍賀文發。宴魏使李騫、崔劼。溫涼畢。少遐詠騫贈其詩曰云。云。依然可想。騫曰。未若燈花寒不結。最拊時事。少遐報詩中有此語。

蕭蕭一作肅。風簾舉。○酉陽雜俎十二。

祖瑩

瑩。字元珍。范陽道人。孝文時。拜太學博士。累遷國子祭酒。領給事黃門郎。孝武登阼。封文安縣

子。天平初。以功遷儀同三司。進爵爲伯。卒。

悲彭城

北史曰。尚書令王肅於省中詠悲平城詩。彭城王勰甚嗟其美。欲使更詠。乃失語云。公可更爲誦悲彭城詩。肅戲勰云。何意呼悲平城爲彭城也。勰有慚色。瑩在座。卽云。悲彭城。王公自未見。肅云。可爲誦之。瑩應聲爲之。肅甚嗟賞。勰亦大悅。

悲彭城。楚歌四面起。屍積石梁亭。血流睢水裏。○魏書祖瑩傳。北史祖瑩傳。詩紀百八。

鹿念

念。字永吉。濟陰乘氏人。初爲真定公元子直國中尉。累遷金紫光祿大夫、兼尚書右僕射。天平中。除梁州刺史。爲反者鄭榮業執送關中。

諷真定公詩二首

北史曰。念爲真定公元子直國中尉。恒勸以忠廉之節。嘗賦五言詩云云。子直少有令聞。念欲善其終。故以諷焉。嶧山萬丈樹。雕鏤作琵琶。由此材高遠。弦響藹中華。○魏書鹿念傳。北史鹿念傳。詩紀百八。

援琴起何調。幽蘭與白雪。絲管韻未成。莫使弦響絕。○同上

李諧

諧。字虔和。頓丘人。受父前爵彭城侯。自太尉參軍歷尚書郎、北海王顥撫軍司馬。入爲中書侍郎。加輔國將軍、相州大中正、光祿大夫。除金紫光祿大夫。元顥入洛。以爲給事黃門侍郎。孝靜初。徵爲魏尹。兼散騎常侍。爲聘使主。至石頭。轉秘書監。武定二年卒。年四十九。有錄行於世。

釋奠詩

沛澤南朝。峒山北面。帝曰師氏。陳牲委奠。神具醉止。薄言嘉宴。○初學記十四。

江浦賦詩

談藪曰。李諧。彭城王疑之孫。尚書平之子。俊爽有才辯。爲黃門侍郎。除散騎常侍。爲聘梁使。事畢。江浦賦詩曰。帝獻二儀合。黃華千里清。邊笳城上響。寒月浦中明。○太平廣記百七十三。

常景

景。字永昌。河內溫人。孝文時爲門下錄事。累遷車騎將軍、右光祿大夫、秘書監。曾擬劉琨作扶風歌十五首。永安二年。除中軍將軍、正黃門。永熙二年。監議事。武定八年卒。

讚四君詩四首

北史曰。景淹滯門下。積歲不至顯官。以蜀司馬相如、王褒、嚴君平、揚子雲皆有高才而無重位。乃託意以讚之。

長卿有豔才。直致不羣性。鬱若春煙舉。皎如秋月映。遊梁雖好仁。仕漢常稱病。清貞非我事。窮達委天命。○右司馬相如○魏書常爽傳附景傳。詩紀百八。

王子挺秀質。逸氣干青雲。明珠既絕俗。白鵠信驚羣。才世苟不合。遇否途自分。空枉碧雞命。徒獻金馬文。○右王褒○同上

嚴君初學記作公。情初學記作體。沈靜。立志明霜雪。味道綜微言。端著演妙說。才屈羅仲口。位結李強舌。素

尚初學記作節。邁金貞。清標陵玉徹。初學記作澈。○右嚴君平○同上

蜀江導清流。揚子挹餘休。含光絕後彥。覃思邈前脩。世輕久不賞。玄談物無求。當途謝權寵。置酒得閒遊。○右揚雄○同上

褚綉

戲爲詩

南史曰。褚綉在魏。魏人欲用之。魏元會。綉戲爲詩曰。

帽上著籠冠。袴上著朱衣。不知是今是。不知非昔非。○南史陳伯之傳。

溫子昇

子昇。字鵬舉。宛句人。宣武時爲廣陽王淵客。熙平初。補御史。歷朝請、李神儂荊州錄事參軍。建義初爲南主客郎中。元顥入洛。以爲中書舍人。孝莊還宮。復爲舍人。遷散騎常侍、中軍大將軍。齊文襄引爲大將軍諮議參軍。見疑。下晉陽獄。餓死。有集三十九卷。

白鼻騮

少年多好事。攬轡向西都。相逢狹斜路。駐馬詣當壚。○樂府詩集二十五。詩紀百九。

結襪子

誰能訪故劍。會自逐前魚。裁紉終委篋。織素空有餘。○樂府詩集七十四。詩紀百九。

安定侯曲

封疆在上地。鍾鼓自相和。美人當窻舞。妖姬掩扇歌。○樂府詩集七十四。詩紀百九。

燉煌樂

客從遠方來。相隨歌且笑。自有燉煌樂。不減安陵調。○樂府詩集七十八。詩紀百九。

涼州樂歌二首

遠遊武威郡。遙望姑臧城。車馬相交錯。歌吹日縱橫。○初學記八。詩紀百九。
路出玉門關。城接龍城坂。但初學記作阻。事絃歌樂。誰道山川遠。○同上

擣衣詩

長安城中秋夜長。佳人錦石擣流黃。香杵紋砧知近遠。傳聲遞響何淒涼。七夕長河爛。中秋明月光。蠟螭塞邊絕候鴈。鴛鴦樓上望天狼。○詩紀百九。

從駕幸金墉城詩

茲城實佳麗。飛薨自相竝。膠葛擁行風。岩堯閔流景。御溝屬清洛。馳道通丹屏。湛淡水成文。參差樹交影。長門久已閉。離宮一何靜。細草緣玉階。高枝蔭桐井。微微夕渚暗。肅肅暮風冷。神行揚翠旗。天臨肅清警。伊臣從下列。逢恩信多幸。康衢雖已泰。弱力將安騁。○初學記二十四。詩紀百九。

春日臨池詩

光風動春樹。丹霞起暮陰。嵯峩映連壁。飄颻下散金。徒自臨濠渚。空復撫鳴琴。莫知流水曲。誰辯遊魚心。○類聚九。文苑英華百六十五。詩紀百九。

詠花蝶詩

素蝶向林飛。紅花逐風散。花蝶俱不息。紅素還相亂。芬芬共襲予。詩紀作手。葳蕤從文苑作徒。可玩。不文苑作可。慰行客心。遽動離居。文苑作君。注云。疑作居。歎。○文苑英華三百二十九。詩紀百九。

相國清河王挽歌

高門詎改轍。曲沼尚餘波。何言吹樓下。翻成薤露歌。○初學記十四。詩紀百九。

胡叟

叟。字倫許。安定臨涇人。以姚氏將衰。遂入長安觀風化。後入沮渠牧犍。不得志。乃歸魏。賜爵復始男。好屬文。善典雅之辭。工鄙俗之句。

示程伯達詩

北史本傳曰。叟人沮渠牧犍。牧犍遇之不重。叟乃爲詩。示所知廣平程伯達。其略曰。

羣犬吠新客。佞暗排疎賓。直途既已塞。曲路非所遵。望衛惋祝鮀。盼魏書作眄。楚悼靈均。何用宣憂懷。託翰寄輔仁。○魏書胡叟傳。北史胡叟傳。詩紀百八。

濟陰王元暉業

暉業位司空、太尉。加特進。領中書監。錄尚書事。北齊初。爲文宣所殺。

感遇詩

北史曰。暉業在魏。以時運漸謝。不復圖全。唯事飲啗。嘗賦詩曰。

昔居王道泰。濟濟富羣英。今逢世路阻。狐兔鬱縱橫。○魏書濟陰王傳。北齊書元暉業傳。北史濟陰王傳。詩紀百八。

中山王元熙

熙。字子真。累遷光祿勳、湘州刺史。爲元乂所殺。

絕命詩二首

義實動君子。主辱死忠臣。何以明是節。將解七尺身。右示寮吏○魏書中山王熙傳。北史景穆十二王傳。詩紀百八。
平生方寸心。殷勤屬知己。從今一銷化。悲傷無極已。右別知友○同上

高孝緯

空城雀

百雉何寥廓。四面風雲上。紈素久爲塵。池臺尚可仰。啾啾雀噪城。鬱鬱無歡賞。日暮繁心曲。橫琴聊自
獎。○樂府詩集六十八。詩紀百九。

王容

大堤女

寶髻耀明璫。香羅鳴玉珮。大堤諸女兒。一一皆春態。人花花不見。穿柳柳陰碎。東風拂面來。由來亦相
愛。○古詩類苑九十三。詩紀百九。

王德

春詞

春花綺繡色。春鳥絃歌聲。春風復蕩漾。春女亦多情。愛將鶯作友。憐傍錦爲屏。回頭語夫婿。莫負豔陽征。○古詩類苑四。詩紀百九。

周南

晚粧詩

青樓誰家女。當窻啓明月。拂黛雙蛾飛。調脂豔桃發。舞罷鸞自羞。妝成淚仍滑。願託嫦娥影。尋郎縱燕越。○古詩類苑九十三。詩紀百九。

祖叔辨

千里思

細君辭漢宇。王嬙卽虜衝。寂寂人逕阻。迢迢天路殊。憂來似懸旆。淚下若連珠。無因上林鴈。但見邊城燕。○樂府詩集六十九。詩紀百九。

袁曜

釋奠詩

南庠貴齒。東學尚親。卑躬下問。降禮師臣。圓冠濟濟。方領恂恂。肄業既終。舍奠爰始。韶音遞奏。笙鏞間起。茨夏愔愔。辟容豐豐。德奢并慙。陳信焉恥。○初學記十四。詩紀百九。

張斐裳

五言詩

異林一作秋。花共色。別樹鳥同聲。○洛陽伽藍記四。

宋道璵

道璵初以才學被召。與秘書丞孫惠蔚典校羣書。復自太學博士轉京兆王瑜法曹參軍。

贈張始均詩

魏書曰。道璵又曾贈著作佐郎張始均詩。其末章云云。道璵既不免難。始均亦遇世禍。時咸怪之。

子深懷壁憂。余有當門病。○魏書宋翻傳附道璵傳。

文明太后馮氏

后長樂信都人。文成踐極。以貴人立爲皇后。

青臺歌

青臺雀。青臺雀。緣山採花額頸著。○御覽百七十八。

謝氏

贈王肅詩

伽藍記曰。洛陽城南正覺寺。尚書令王肅所立也。肅在江南。娶謝氏女。及至京師。復尚公主。其後謝氏爲尼來奔。作詩贈肅。公主亦代肅贈謝。肅聞之甚恨。遂造正覺寺以愆之。

本爲箔上蠶。今作機上絲。得絡逐勝去。頗憶繹絲時。○洛陽伽藍記三。詩紀百九。

陳留長公主

代答詩

鍼是貫紳物。目中常絰絲。得帛縫新去。何能衲故時。○洛陽伽藍記三。詩紀百九。

北魏詩卷二

袁曜


張裴裳

宋道瓊

文明太后馮氏

謝氏

陳留長公主



北魏詩卷三

雜歌謠辭

咸陽宮人爲咸陽王禧歌

魏書曰。高祖崩。禧受遺輔政。性僑奢。貪淫財色。姬妾數十。意尚不已。昧求貨賄。奴婢千數。田業鹽鐵徧於遠近。世宗覽政。禧意不安。遂謀反。禧被擒獲。送華林都亭。世宗親問事源。遂賜死私第。其宮人歌曰云云。其歌遂流至江表。北人在南者。雖富貴。絃管奏之。莫不灑泣。

可憐咸陽王。奈何作事誤。金牀玉几。魏書作肌。詩紀同。不能眠。夜踏霜與露。樂府作夜起踏霜露。詩紀云。一作夜起踏霜露。洛水淇淇彌岸長。行人那得渡。○魏書咸陽王禧傳。北史咸陽王禧傳。樂府詩集八十六。詩紀百九並作咸陽王歌。又御覽七百十引誤、露二韻。

河北民爲裴俠歌

北史曰。裴俠。大統中爲河北郡守。躬履儉素。愛民如子。郡舊有漁獵夫三十人以供郡守。俠悉罷之。又有丁三十人供郡守役。俠亦不私。並收庸爲市官馬。歲時既積。馬遂成羣。去職之日。一無所取。民歌之云。

肥鮮不食。丁庸不取。裴公貞惠。爲世規矩。○周書裴俠傳。北史裴俠傳。樂府詩集八十六作裴公歌。御覽二百六十二。詩紀百九作裴公歌。

時人爲上高里歌

洛陽伽藍記曰。遷京之始。朝士住其中。迭相譏刺。竟皆去之。惟有造瓦者止其內。京師瓦器出焉。世人歌曰。洛陽城北上高里。殷之頑民昔所止。今日百姓造甕子。人皆棄去住者耻。○洛陽伽藍記五。

湘川漁者歌

水經注曰。衡山東南二面。臨映湘川。自長沙至此。江湖七百里。中有九背。故漁者歌曰。帆隨湘轉。望衡九面。○水經湘水注。

趙郡爲李曾謠

北史曰。李曾。道武時。爲趙郡太守。令行禁止。并州丁零數爲山東害。曾能得百姓死力。不敢入境。賊於常山界得一死鹿。賊長謂趙郡地也。責之。還令送鹿故處。其見憚如此。郡人爲之謠曰。

詐作趙郡鹿。猶勝常山粟。○魏書李孝伯傳。北史李孝伯傳。樂府詩集八十七。詩紀百九作趙郡謠。

河東民爲元淑謠

北史曰。淑。字買仁。彎弓三百斤。善騎射。孝文時爲河東太守。河東俗多商賈。罕事農桑。淑下車勸課。躬往教示。二年間家給人足。爲之謠曰。

秦州河東。杼柚代春。元公至止。田疇始理。○北史常山王遵傳附淑傳。詩紀百九作河東謠。

宣武孝明時謠

北史曰。孝武帝永熙三年遇醜而崩。初宣武孝明間謠云云。識者以爲索謂魏本索髮。焦梨狗子指宇文泰。泰小字黑獺也。

狐非狐。貉非貉。焦梨狗子齧斷索。○北史魏孝明帝紀。樂府詩集八十九。詩紀百九。

孝明時洛下謠

北史曰。永熙二年。竇泰破爾朱榮。神武入洛。爾朱仲部下都督張子期自滑臺歸命。神武斬之。斛斯椿由是不安。乃與南陽王寶炬等構神武於魏帝。故魏帝心貳於賀拔岳。初。孝明之時。洛下以兩拔相擊。謠言云云。好事者以二拔謂拓拔、賀拔。言俱將衰之兆。

銅拔打鐵拔。元家世將末。○北齊書神武紀上。北史神武紀。詩紀百九作二拔謠。

清河民爲宋世良謠

北史曰。後魏宋世良。孝莊時爲清河太守。才識閑明。尤善政術。郡東南有曲堤。成公一姓阻而居之。羣盜多萃

於此。人爲之語云云。世良施八條之制。盜奔他境。人又謠云云。

寧度御覽作使。東吳會稽。不歷成公曲堤。○北史宋隱傳附宋世良傳。樂府詩集八十七作曲堤謠。御覽四百九十九。詩紀百九作曲隄謠。

曲堤雖險賊何益。但御覽作得。有宋公自屏跡。○北史宋隱傳附宋世良傳。樂府詩集八十七作曲堤謠。御覽二百六十二。詩紀百九作曲隄謠。

洛中童謠二首

北史曰。爾朱彥伯。節閔帝時封博陵郡王。位侍中。及張勸等掩襲爾朱世隆。神武執彥伯。與世隆同斬於閭闔門外。懸首於斛斯椿門樹。先是洛中謠云云。至是並驗。

三月末。四月初。楊御覽作陽。灰簸土覓真事類賦作珍珠。○魏書爾朱顏伯傳。北史爾朱彥伯傳。御覽八百二。事類賦珠賦注。詩紀百九。

頭去項。脚根齊。驅上樹。不須梯。○魏書爾朱顏伯傳。北史爾朱彥伯傳。詩紀百九。

西魏時童謠

史通曰。魏本索頭。故當時有童謠曰云云。諸如此類。難可棄遺。而周史以爲其事非雅。略而不載。賴君懋編錄。故得權聞於後。

獾獾頭團團。河中狗子破爾苑。○史通言語篇。

東魏童謠

魏紀曰。孝武帝既入關。渤海王高歡議立清河王子善見。以奉明帝之後。是爲孝靜皇帝。遷都於鄴。爲東魏。自是軍國政務皆歸相府。先是童謠云云。按青雀子謂靜帝。實清河王之世子。鸚鵡謂齊神武。卽高歡也。後竟爲齊所滅。

可憐青雀子。飛來鄴城裏。羽翮垂欲成。化作鸚鵡子。○樂府詩集八十九。北齊書神武紀下。詩紀百九。

東魏武定末童謠

北齊書曰。武定五年。神武崩。七月戊戌。魏帝詔以文襄爲渤海王。辛卯。王遇盜而殂。時年二十九。葬于峻成陵。齊受禪。追諡爲文襄皇帝。廟號世宗。時有童謠曰云云。識者以爲王將殂之兆也。

百尺高竿摧折。水底燃燈燈。隋書作澄。滅。○北齊書文襄紀。隋書五行志上。詩紀百十一。

祖珽引魏世謠

北齊書曰。河間王孝琬驕矜自負。河南王之死。諸王在宮莫敢舉聲。唯孝琬大哭而出。和士開與祖珽譖之。初魏世謠言云云。珽以說曰。河南、河北。河間也。金雞鳴。孝琬將建金雞而大赦。帝頗惑之。

河南種穀河北生。白楊樹頭金雞鳴。○北齊書河間王孝琬傳。

柳楷引謠

北史曰。時山東、關西寇賊充斥。王師屢北。人情沮喪。蕭寶夤自以出師累年。糜費尤廣。一旦覆敗。慮見猜責。內不自安。朝廷頗亦疑阻。及遣御史中尉酈道元爲關中大使。寶夤謂密欲取己。將有異圖。問河東柳楷。楷曰。大王齊明帝子。天下所屬。今日之舉。實允人望。且謠言云云。武王有亂臣十人。亂者理也。大王將將理關中。何所疑慮。道元行達陰盤驛。寶夤密遣其將郭子恢等攻殺之。

鸞生十子九子歿。一子不歿關中亂。○北史蕭寶夤傳。御覽九百十六。

詰汾力微諺

北史曰。北魏聖武皇帝諱詰汾。嘗田於山澤。歛見輜輶自天而下。既至。見美婦人自稱天女。受命相偶。旦日請還。期年復會於此。言終而別。及期。帝至先田處。果見天女。以所生男授帝曰。此君之子也。當世爲帝王。卽始祖神元皇帝也。故時人諺曰。

詰汾皇帝無婦家。力微皇帝無舅家。神元諱力微。○魏書聖武皇帝紀。北史魏本紀。御覽百一。詩紀百九作詰汾歌。

廣平百姓爲李波小妹語

魏書曰。廣平人李波。宗族彊盛。殘掠生民。公私咸患。百姓爲之語云云。刺史李安世設方畧誘波等殺之。州內肅然。

李波小妹字雍容。褰裙逐馬如卷蓬。左射右射必疊雙。婦女尚如此。男子那詩紀作安。可逢。○魏書李安世傳。北史李孝伯傳附安世傳。御覽四百九十五。詩紀百九作李波小妹歌。

時人爲李崇元融語

魏書曰。宣武靈皇后幸左藏。王公嬪主已下從者百餘人。皆令任力負布絹。卽以賜之。多者過二百餘匹。少者百餘匹。唯長樂公主手持絹二十四匹而出。示不異衆而無勞也。世稱其廉。儀同、陳留公李崇。章武王融。並以所負過多。顛仆於地。崇乃傷腰。融至損脚。時人爲之語曰。

陳留章武。傷腰折股。貪人敗類。穢我明主。○魏書宣武靈皇后傳。北史李崇傳。御覽四百九十五、八百十七。

時人爲安豐中山濟南三王語

魏書曰。濟南王彧少與從兄安豐王延明、中山王熙並以宗室博古文學齊名。尚書郎范陽盧道將謂吏部清河崔休曰。三人才學雖無優劣。然安豐少於造次。中山皂白太多。未若濟南風流沉雅。時人爲之語曰。

三王楚楚盡北史無楚楚二字。琳琅。未若濟南備圓方。○魏書臨淮王譚傳附彧傳。北史臨淮王譚傳附彧傳。御覽四百九十五。詩紀百九作三王歌。

時人爲祖瑩袁翻語

魏書曰。祖瑩。范陽道人。與陳郡袁翻齊名秀出。時人爲之語曰。

京師楚楚。袁與祖。洛陽北史作中。翩翩。祖與袁。○魏書祖瑩傳。北史祖瑩傳。御覽四百九十五引後魏書。詩紀百九作袁祖。祖。祖。祖。

同門生爲李謚語

北史曰。李謹少好學。周覽百氏。初師事小學博士孔璠。數年後。璠還就謚請業。同門生爲之語曰。青成藍。藍謝青。師何常。在明經。○魏書李謚傳。北史李謚傳。御覽四百九十五、五百四。詩紀百九作李謹歌。

時人爲元頤元欽語

魏書曰。安壽襲爵。高祖賜名頤。頤弟衍。衍弟欽。字思若。少好學。有令譽。時人語曰。皇宗略略。壽安思若。○魏書陽平王傳。北史陽平王傳。○遂按。上言安壽。此言壽安。當有一誤。

時人爲王嶷語

魏書曰。時南州多事。文奏盈几。訟者填門。嶷性儒緩。委隨不斷。終日在坐昏睡而已。李訢、鄧宗慶等號爲明察。勤理時務。而二人終見誅戮。餘十數人。或黜或免。唯嶷卒得自保。時人爲之語曰。

實癡實昏。終得保存。○魏書王嶷傳。

百姓爲公孫軌語

魏書曰。初世祖將北征。發民驢以運糧。使軌部詣雍州。軌令驢主皆加絹一匹乃與受之。百姓爲之語曰云云。衆共嗤之。坐徵還。

驢無彊弱。輔脊御覽作負絹。自壯。○魏書公孫軌傳。北史公孫表傳附軌傳。御覽八百十七、九百一。

時人爲王遵業王延明語

魏書曰。王遵業與崔光、安封王延明等參定服章。及光爲肅宗講孝經。遵業預講。延明錄義。並應詔作釋奠侍宴詩。時人語曰。

英英濟濟。王家兄弟。○魏書王遵業傳。

桑乾鄉里爲房景伯語

魏書曰。房景伯生於桑乾。涉獵經史。諸弟宗之。及弟妓亡。蔬食終喪。期不內御。其次弟景先亡。其幼弟景遠暮年哭臨。亦不內寢。鄉里爲之語曰。

有義有禮。房家兄弟。○魏書房景伯傳。北史房景伯傳。

時人爲崔楷語

魏書曰。楷性嚴烈。能摧挫豪彊。故時人語曰。

莫獍獠。付崔楷。○魏書崔楷傳。北史崔辯傳附楷傳。

李彪引諺

魏書曰。世宗踐阼。因論求復舊職。修史官之事。乃表曰。史官敍錄。未充其盛。美隨日落。善因月稀。故諺曰云云。今乞以靜處。以終前志。

一日不書。百事荒蕪。○魏書李彪傳。北史李彪傳。

邢巒引俗諺

魏書曰。邢巒表曰。俗諺云云。臣雖不武。忝備征將。前宜可否。頗實知之。臣既謂難。何容強遣。

耕則問田奴。絹則問織婢。○魏書邢巒傳。

高謙之引諺

魏書曰。高謙之上疏曰。諺云云。此言雖小。可以喻大。

迷而知反。得道未遠。○魏書高崇傳附之謙之傳。

賊爲楊津語

魏書曰。楊津。孝昌初以本官行定州事。時薛修禮、杜洛周殘掠州境。津修理戰具。更營雉堞。又於城中廣作地道。潛兵湧出。置爐鑄鐵。持以灌賊。賊遂語曰。

不畏利槩堅城。惟畏楊公鐵星。○魏書楊播傳附楊津傳。

相府爲裴漢語

周書曰。裴漢。大統五年。除大丞相府士曹行參軍。補墨曹參軍。漢善尺牘。尤便簿領。相府爲之語曰。

日下粲爛有裴漢。○周書裴漢傳。

楊銜之引語

洛陽伽藍記曰。爾朱兆入洛陽。縱兵大掠。時有秀容胡騎數十人人寺淫穢。自此後頗獲譏訕。京師語曰。

洛陽男兒急作髻。瑤光寺尼奪作壻。○洛陽伽藍記一。

楊銜之引謠語

洛陽伽藍記曰。齊土之民。風俗淺薄。虛談高論。專在榮利。太守初欲入境。皆懷輒叩首以美其意。及其代下還家。

以輒擊之。言其向背。速於反掌。是以京師謠語曰云云。懷輒之義起在於此。

獄中無繫囚。舍內無青州。假令家道惡。腹中不懷愁。○洛陽伽藍記二。太平廣記四百九十三。

楊銜之引京師語

洛陽伽藍記曰。洛水上南北兩岸門巷修整。閭闔填列。別立市於洛水南。號曰四通市。伊洛之魚。多於此賣。士民須臾。皆詣取之。魚味甚美。京師語曰。

洛鯉伊魴。貴於牛羊。○洛陽伽藍記三。酉陽雜俎十六。

楊銜之引京師語

洛陽伽藍記曰。白馬寺奈林蒲萄異於餘處。奈林實重七斤。蒲萄實偉於棗。味並殊美。冠於中京。帝至熟時。常詣取之。宮人得之。轉餉親戚。京師語曰。

白馬甜榴。一實直牛。○洛陽伽藍記四。酉陽雜俎十六。

楊銜之引游俠語

洛陽伽藍記曰。洛陽大市西。有退酤、治觴二里。里內之人多醞酒爲業。河東人劉白墮善釀酒。季夏六月。時暑赫曦。以罌貯酒。曝於日中。經一旬。其酒不動。飲之香美。醉面經月不醒。永熙年中。南青州刺史毛鴻寶齋酒之藩。路逢劫賊。盜飲之卽醉。皆被擒獲。因此復謂擒奸酒。游俠語曰。

不畏張弓拔刀。唯畏白墮春醪。○洛陽伽藍記四。

楊銜之引秦民語

洛陽伽藍記曰。河間王琛有婢朝雲。善吹箎。能爲團扇歌隴上聲。琛爲秦州刺史。諸羌外叛。屢討之。不降。琛令朝雲假爲貧嫗。吹箎而乞。諸羌聞之。悉皆流涕。迭相謂曰。何爲棄墳井在山谷爲寇也。卽相率歸降。秦民語曰。快馬健兒。不如老嫗吹箎。○洛陽伽藍記四。御覽五百八十。

闕駟引語

十三州志曰。山乘縣人俗貪僞。好持馬鞭行邑。故語曰。

沛國龍穴至山乘。詐託旅使若奔喪。道遇寇抄失資糧。○御覽三百五十九。

酈道元引橘洲諺

水經注曰。水又北。逕昭山西。山下有旋泉。深不可測。故言昭潭無底也。湘水又北逕南津城西。西對橘洲。諺曰。

昭潭無底橘洲浮。○水經湘水注。御覽六十九。寰宇記百十四。

酈道元引俗諺論清泉河

水經注曰。魏氏土地記曰。清泉河上承桑乾河。東流與潞河合。濕水東入漁陽。所在枝分。故俗諺云云云。蓋以高

梁微涓淺薄。裁足津通。馮藉涓流。方成川剛。清泉至潞。所在枝分。更爲微津。散漫難尋故也。

高粱無上源。清泉無下尾。○水經濕水注。

酈道元引古語論南北呀

水經注曰。漢水又西。逕南呀、北呀中。上下有二城相對。左右墳隴低昂。互山被阜。古語云云云。諸葛亮表言祁山縣出租五百。有民萬戶。矚其丘墟。信爲殷矣。

南呀北呀。萬有餘家。○水經漾水注。

酈道元引澇灘淨灘諺

水經注曰。漢水又東。謂之澇灘。冬則水淺。而下多大石。又東爲淨灘。夏水急盛。川多湍洑。行旅苦之。故諺曰云云。言二灘阻礙。

冬澇夏淨。斷官使命。○水經沔水注。

酈道元引語

水經注曰。綿水自上諸縣。咸以灌溉。故語曰。

綿洛爲沒沃。○水經江水注。

高允引諺

魏書曰。允上酒訓。其詞曰。酒之爲狀。變感情性。豈止於病。乃損其命。諺亦有云云云。言所益者。止於一味之益。不亦寡乎。言所損者。天年亂志。天亂之損。不亦夥乎。

其益如毫。其損如刀。○魏書高允傳。

賈思勰引諺論力耕

齊民要術曰。自天子以下。至於庶人。四肢不勤。思慮不用。而事治求贍者。未之聞也。不耕不食。安可不自力哉。諺曰云云。是以樊遲請學稼。孔子答曰。不如老農。然則聖賢之智猶有所未達。而況於凡庸者乎。

智如禹湯。不如常耕。○齊民要術自序。

賈思勰引諺論種穀樹木

齊民要術曰。且天子親耕。皇后親蠶。況夫田父而懷麻惰乎。李衡於武陵龍陽汎洲上作宅。種柑橘千樹。吳末柑橘成。歲得絹數千疋。樊重欲作器物。先種梓漆。時人嗤之。然積以歲月。皆得其用。此種殖之不可已也。諺曰云云。此之謂也。

一年之計。莫如種穀。十年之計。莫如樹木。○齊民要術自序。

賈思勰引諺論鋤地

齊民要術曰。又鋤耨以時。諺曰云云。此之謂也。堯湯旱澇之年。則不敢保。雖然。此乃常式。古人云。耕鋤不以水旱息功。必獲豐年之收。

鋤頭三寸澤。○齊民要術雜說篇。

賈思勰引諺論養牛馬

齊民要術曰。服牛乘馬。量其力能。寒溫飲飼。適其天性。如不肥充繁息者未之有也。諺曰云云。務在充飽調適而已。

羸牛劣馬。寒食下。○齊民要術養牛馬驢騾篇。

賈思勰引河西語

齊民要術曰。廣志曰。東牆色青黑。粒如葵子。似蓬草。十一月熟。出幽、涼、并、烏地。河西語曰云云。魏書曰。烏凡地宜東牆。能作白酒。

貸我東牆。償我田梁。○齊民要術果蔬菜茹篇。

仇儒造妖言

魏書曰。仇儒不樂內徙。亡匿趙郡。推羣盜趙準爲主。妄造妖言云。

燕東傾。趙當續。欲知其名。淮水不足。○魏書長孫肥傳。

魏孝武帝遷長安時諺

通鑑曰。梁中大通六年六月。魏丞相歡謀遷都。帝遂下制書。數歡咎惡。歡勒兵南出。秋七月乙丑。魏主親勒兵十餘萬。屯河橋。以斛斯春爲前鋒。椿請精騎兩千。夜渡河。掩其勞弊。帝始然之。黃門侍郎楊寬說帝曰。椿若渡河。萬一有功。是滅一高歡。生一高歡矣。帝遂敕春停行。椿歎曰。頃熒惑人南斗。今上信左右間構。不用吾計。豈天道乎。丙午。歡引軍渡河。戊申。帝西奔長安。八月。入長安。以雍州廨舍爲宮。以秦爲大將軍、雍州刺史、兼尚書令。軍國之政咸取決焉。先是。熒惑人南斗。去而復還。留止六旬。上以諺云云。乃既而下殿以禳之。及聞魏主奔。慚曰。虜亦應天象耶。

熒惑人南斗。天子下殿走。○通鑑梁武帝紀。

雜曲歌辭

阿那瓌

北史曰。阿那瓌。蠕蠕國主也。通典曰。蠕蠕自拓跋初徙雲中。卽有種落。後魏太武神廡中彊盛。盡有匈奴故地。阿那瓌。孝明帝時蠕蠕國主。辭云匈奴主也。

聞有匈奴主。雜騎起塵埃。列觀長平坂。驅馬渭橋來。○樂府詩集七十八。詩紀百九。

楊白花

梁書曰。楊華。武都仇池人。少有勇力。容貌雄偉。魏胡太后逼通之。華懼及禍。乃率其部曲降梁。胡太后追思之。不能已。爲作楊白華歌。使宮人連臂蹋足歌之。聲甚悽惋。南史曰。楊華本名白花。奔梁後名華。魏名將大眼之子。

陽春二三月。楊柳齊作花。春風一夜入閨闈。楊花飄蕩落南家。含情出戶脚無力。拾得楊花淚沾臆。秋去春還雙燕子。願銜楊花入窠裏。○樂府詩集七十三。詩紀百九。

北魏詩卷四

仙道

老子化胡經玄歌

敦煌唐寫本老子化胡經共十卷。一至九卷爲文。十卷爲玄歌。計化胡歌七首。尹喜哀歎五首。太上皇老君哀歌七首。老君十六變詞十八首。都爲三十七首。約八千言。逕按。出三藏記集。老子化胡經作於西晉王浮。以之攻擊佛教。又北山錄云。化胡經。晉時王浮道士所撰。一卷。後漸添成十一卷。據此化胡經一書後世續有增益。正類其他道書也。而此卷玄歌按其所涉史實。知爲北魏時代之作。化胡歌第二首云。致令天氣怒。太上踏地瞋。寺廟崩倒斷。龍王舐經文。八萬四千弟子。一時受大緣。老君十六變詞第十三首云。不翫道法貪治生。搦心不堅還俗經。八萬四千受罪緣。破塔毀廟誅道人。打敷銅像削取金。所言毀寺焚經誅戮沙門。實指北魏太武帝太平真君七年滅佛一事。前此無史實也。證此卷玄歌之出在太武帝毀法之後。又按。老君十六變詞第一首云。合口誦經聲環環。眼中淚出珠子磔。北齊顏之推顏氏家訓已引之。化胡歌之二。我在舍衛時至太上踏地瞋等句。北周甄鸞笑道論已引之。俱證此卷玄歌保存齊、周以前原貌也。又魏書釋老志於敘述太武滅佛之後。言文成帝嗣位。詔復佛法。天下承風。朝不及夕。往時所毀佛寺仍還修矣。佛像經論皆復得顯。此其敘錄與老君十六變詞所謂未容幾時還造新。雖得存立帝恐心亦合。可見玄歌之問世去文成帝時代並不久。

化胡歌七首原缺題。據廣弘明集周甄鸞笑道論補。

我往化胡時。頭載通天威。金紫照虛空。燄燄有光暉。胡王心憤戾。不尊我爲師。吾作變通力。要之出神威。磨月使東走。須彌而西頽。足踰崑崙橋。日月左右迴。天地晝闇昏。星辰乍差馳。衆災競地起。良醫絕不知。胡王心怖怕。叉手向吾啼。作大慈悲教。化之漸微微。落簪去一食。右肩不著衣。男曰憂婆塞。女曰憂婆夷。化胡今賓服。遊神於紫微。○老子化胡經十。

我在舍衛時。約勅瞿曇身。汝共摩訶薩。賈經教。廣弘明集作來。東秦。歷落。廣弘明集作洛。神州界。迫至東海間。廣宣至。廣弘明集作世。尊法。教授聾俗人。與子威神法。化道滿千年。年終廣弘明集作滿。時當還。慎莫戀中秦。致。廣弘明集作無。令天氣。廣弘明集作帝。怒。太上踏地瞋。寺廟崩倒漸。龍王舐經文。八萬四千弟子。一時受大緣。輪轉五道頭。萬元一昇仙。吾子三天上。愍子淚流連。念子出行道。不能却死緣。不能陵虛空。束身入黃泉。天門地戶塞。一去不能還。雖得存裡嗣。使子常塞心。逆天違地理。災考加子身。神能易生死。由子行不真。三十六天道。終卒歸無形。○老子化胡經十。又廣弘明集九周甄鸞笑道論引身、秦、間、人、年、秦、瞋七韻。我身西化時。登上華嶽山。舉目看崑崙。須彌了人懸。矯翼履清虛。倏忽到西天。但見西王母。嚴駕欲東旋。玉女數萬千。姿容甚麗妍。天姿絕端嚴。齊執皇靈書。誦讀仙聖經。養我同時姝。將我入天庭。皇老東向坐。身體瞭然明。授我仙聖道。接度天下賢。○老子化胡經十。

我昔西化時。登上華嶽山。北向視玄冥。秦川蕩然平。漢少雜類多。不信至真言。吾後千餘年。白骨如丘

山。屍骸路草野。流血成洪淵。不忍見子苦。故作大秦吟。哀歎廿頭。此句缺一字。以示通中賢。見機降時世。不值苦以辛。○同上

我昔化胡時。西登太白山。脩身巖石里。四向集諸仙。玉女檐漿酪。仙人歌玉文。天龍翼從後。白虎口馳剛。玄武負鍾鼓。朱雀持幢幡。化胡成佛道。丈六金剛身。時與決口教。後當存經文。吾昇九天後。尅木作吾身。○同上

我昔離周時。西化向屬賓。路由函關去。會見尹喜身。尹喜通窈冥。候天見紫雲。知吾當西過。沐浴齋戒身。日夜立香火。約勅守門人。執簡迎謁請。延我入皇庭。叩搏亦無數。求欲從我身。道取人誠信。三日口不言。吾知喜心至。遺喜五千文。欲得求長生。讀之易精神。將喜入西域。遷喜爲真人。○同上

我西化胡時。涉天靡不遙。牽天覆六合。艱難身盡嬰。胡人不識法。放火燒我身。身亦不缺損。乃復沉深澗。龍王折水脉。復流不復行。愚人皆哀歎。枉此賢人身。吾作騰波炁。起立上著天。日月頭上暎。光照億萬千。胡王心方悟。知我是聖人。叩頭求悔過。今欲奉侍君。伏願降靈氣。怒當作恕。活國土人。吾視怨家如赤子。不顧仇以嫌。化命一世士。坐卧誦經文。身無榮華飭。後畢得昇天。吾告時世人。三界里中賢。欲求長生道。莫愛千金身。出身著死地。返更得生緣。火中生蓮花。爾乃是至真。莫有生煞想。得道昇清天。未負卽真信。寧子千金身。○同上

我昔學道時。登崖歷長松。盤屈幽谷里。求覓仙聖公。食服泥洹散。漸得不死蹤。九重室中得見不死童。身體絕華麗。二儀中無雙。遺我元氣藥。忽然天聖聰。○同上

尹喜哀歎五首

尹喜告世人。欲求長生道。莫求時世榮。我昔得道時。身爲關府君。一日三賞賜。雜綵以金銀。不以爲己有。施與貧窮人。白日沾王事。夜便習靈仙。飡松食苦柏。微命乃得存。精誠神明佑。守真仰蒼天。感得天地道。遇見老君身。難我以父母。却遺五千文。密室熟讀之。三年易精神。授我仙聖方。都體解自然。○老子化胡經十。

我昔上九天。下向視玄冥。但見飛仙士。列翼影清天。朝宗九天主。太上皇老君。滌蕩六府中。受讀仙聖文。王喬得聖道。遊行五嶽間。服炁食玉英。受命與天并。○同上

昔往學道時。登嶽歷高堙。動見百丈谷。赫赤道里長。有無極神炁。何以到西方。元以度赤谷。垂淚數千行。自念宿罪重。五內心摧傷。○同上

我昔求道時。逕歷數千崖。浮遊八荒外。徒跣身無衣。東過日出界。西尋清山累。足底重躡生。手中抱少微。道見西王母。問我子何歸。耻身不學道。意欲覓仙師。感我精誠至。乞我鞋以衣。爾乃得學道。仙炁漸微微。父母怪我晚。晝夜悲嗥啼。大道與俗返。一往不復歸。高志日日遠。不覺心肝摧。雖得不死道。日月垂微微。心精不退轉。今作天人師。○同上

昔往學道時。蹤跡亦難尋。東到日出界。樹木鬱鬱深。南到閻浮提。大火燒我身。西到俱地屨。但見金城門。青龍繞城腹。白虎守城前。衝天金樓殿。太上居湛然。光影耀虛空。仙人絕端嚴。齊執黃卷書。口誦長

生文。北向人玄冥。大水湛湛深。遶天數百迎。足底重躡生。爾乃得仙道。把攬天地神。子能述吾道。白日得昇天。○同上

太上皇老君哀歌七首

三十六宮主。太上皇老君。哀愍下世士。垂神教世賢。子欲脩冥福。先當體窈冥。生時得尊貴。不如過去榮。仙駕龍車。此句缺一字。迎子遊清天。上登金樓殿。坐卧虛空間。行則飛仙從。威儀上柱天。朝登天東頭。暮到於天西。戲樂九天外。縱意極周旋。駢使役百鬼。總統於萬金。○老子化胡經十。

吾哀世愚民。不信冥中神。恃力害良善。不避賢行人。馳馬騁東西。自謂常無前。善惡畢有報。業緣須臾間。神明在上見。遣使直往牽。從上頭底收。係著天牢門。五毒更乍加。惡神來剋侵。口吟不能言。妻子呼倉天。莫怨神不佑。由子行不仁。○同上

吾哀時世人。不信於神明。先人與種福。子孫履上行。衣厚飯得飽。灾考不到門。口氣頭嘘天。自謂常終日。看師真遼然。得病叩頭請。外恭心不敬。神明以知人。三魂係地獄。七魄懸著天。三魂消散漸。五神不安寧。伺命來執宰。丞相踏地瞋。左神不削死。右神不著生。生神不衛護。煞神來人身。或患腰背痛。或患頭目疼。百脉不復流。奮忽入黃泉。天門地户閉。一去不復還。○同上

吾哀世愚人。不信冥中神。生時不恭敬。死便償罪緣。典官逐後駟。牽北走東西。抱沙填江海。負石累高山。白日不得食。夜分不得眠。朝與杖一百。暮與鞭一千。不堪考對苦。賣罪與生人。兩兩共相牽。遂至死

滅門。皆由不敬道。神明考槌人。何不敬真神。生死得昇天。生榮死者樂。生死得原重得字蒙恩。○同上

吾哀時世人。不信冥中神。一門有十息。縱意行不仁。神明鑒無外。終不濫煞人。或天華秀子。或天妙少年。門崩戶以壞。學者如浮雲。死亦不脫歲。悲哭仍相尋。妻子沉堙澌。一身孤獨存。呼天天玄遠。呼地地亦深。不能自怨責。各道怨師尊。雖欲思善道。十子不復還。○同上

吾告時世人。脩道宜慙慙。恩亦不虛生。神明必報人。昔有劉仲伯。精誠於道門。勤惡使從善。歲會集羣賢。香火日夜懃。亦能感倉天。命盡應當死。衆神與表天。三魂飛楊澌。七魄入死星。右神削死藉。左神著生名。伺命來極濟。左相踏地暝。普告二十獄。拔出仲伯身。三魂還復流。七魄還入身。血脉還運轉。百節方更堅。面目更端嚴。肉骨更鮮明。死卧三七日。復尸還更生。○同上

吾告時世人。髀骨不別真。閑時不共語。急便來求人。死者如流水。去者如浮雲。秦川屯軍馬。中庭生藜榛。百中不留一。到思吾本言。何不學仙道。人身常得存。○同上

老君十六變詞

一變之時。生在南方亦如火。出胎墮地能獨坐。合口誦經聲瓊瓊。眼中淚出珠子磔。父母世間驚恠我。復畏寒凍來結果。身着天衣誰知我。○老子化胡經十。

二變之時。生在西岳在漢川。寄生王家練精神。出胎墮地誰語言。晃晃昱昱似金銀。三十六色綺羅文。國王歡喜會羣臣。英儒雅士平論。此句缺一字。忽然變化作大人。髮眉皓白頭柱天。○同上

三變之時。變形易體在北方。出胎墮地能居牀。合口原缺口字。誦經聲瑯瑯。額上三年十二行。兩手不門把文章。配名天地厚陰陽。從石人金快翱翔。○同上

四變之時。生在東方身青蔥。出胎墮地能瞳春。合口誦經聲雍雍。白日母抱夜乘龍。崑崙山上或西東。上天入地登虛空。仙人侍從數萬重。當此之時神炁通。○同上

五變之時。生在中都在洛川。嵩高少室嶺岑顛。中央修福十萬年。教授仙人數萬千。齊得昇天人青雲。降鑒周室八百年。運終數盡向屬賓。化胡成佛還東秦。敷揚道教整天文。○同上

六變之時。生在軋地西北角。圖畫天地立五岳。處置星辰敍四瀆。二十八宿注鄉曲。日月照曜爲下國。走如流水得周局。智者察之知急速。雨澤以時熟五檠。萬人食之大化足。○同上

七變之時。生在北方在海嶠。出胎墮地聲由由。好喜歌舞無憂愁。造作音樂作筵篋。萬帝來請用解憂。黃河爲路行竟頭。一身涉世快遊遊。○同上

八變之時。生在東北在艮地。圖畫天地我次比。白衣居士維靡詰。欲結坐禪須詣炁。通暢經書有舍利。見吾相好須信企。感子單誠不延次。齊得昇天不墮地。○同上

九變之時。下人當作人。黃泉正地柱。開闢天地施地戶。四炁非陽立冥所。雖有人民不能語。吾人身中施六府。脇爲傍通心爲主。從此以來能言語。尊卑大小有次緒。萬天稱傳道爲父。○同上

十變之時。生在東南出風門。盡出天道安山川。置立五岳集靈仙。吹噓寒暑生萬民。煩炁衆生人得真。置立五藏施心神。動作六神能語言。有生有死須臾間。如水東流何時還。邂逅相代不得停。何不習善求長

生。槃散流俗入膠盆。不能免離喪子身。欲求度世於中禪。搦心不堅固仙根。音聲音瘖教不倫。由子前身謗經文。論說道士毀聖人。在惡必報受罪緣。但勤自責莫怨天。○同上

十一變之時。生在南方閩浮地。造作天地有作爲。化生萬物由嬰兒。陰陽相對共相隨。衆生稟氣各自爲。番息衆多滿地池。生活自衛由乘靡。劫數滅盡一時虧。洪水滔天到月支。選擢種民留伏羲。思之念之立僧祇。唯有大聖共相知。○同上

十二變之時。生在西南在黃昏。時人厭賤還尠身。善權方略更受新。寄胎託俗蟒虵身。胎中誦經不遇人。左脇而出不由關。墮地七步雜穢間。九龍洗浴人不聞。國王歡喜立東宮。與迎新婦守衢夷。八百伎女營樂身。八研四升不破禪。破散庫藏施貧人。道十八人詣宮門。賈作大醜婆羅門。借問太子何時還。王心不語動王情。騎王白象觸王瞋。先師知意不與言。墳著擅特在丘。此句缺一字。投身餓虎求道門。變爲白狗數百身。稽骨須彌示後人。傳語後學須精勤。莫貪穢辱喪子身。沉累六趣更生難。不信我語至時看。○同上

十三變之時。變形易體在罽賓。從天而下無根元。號作彌勒金剛身。胡人不識舉邪神。興兵動衆圍聖人。積薪國北燒老君。太上慈愍衆生。漸漸誘進說法輪。剔其鬚髮作道人。橫被無領涅槃僧。蒙頭著領待老君。手捉錫杖驚地蟲。卧便思神起誦經。佛炁錯亂欲東秦。夢應明帝張憇迎。白象馱經詣洛城。漢家立子無人情。捨家父母習沙門。亦無至心逃避兵。不翫道法貪治生。搦心不堅還俗經。八萬四千應罪緣。破塔懷當作壞。厝誅道人。打敷銅像削取金。未榮當作容。幾時還造新。雖得存立帝恐心。○同上

十四變之時。變形易像在金衛。沙門圍城說經偈。至著罪人未可濟。胡人聞之心恐恠。將從羣黨來朝拜。

叩頭悔過求受戒。剋肌剋骨誓不退。燒指練臂自盟誓。男不妻娶坐思禪。死爲尸陀餒鷹鷄。遷神涅槃舍利弗。骨得八斛散諸國。如此遷達離煩欲。苦身求道立可得。○同上

十五變之時。西向教化到罽賓。胡國相釐還迦夷。侵境暴耗買育人。男子守塞憂婆夷。吾人國中作善詞。說化男子受三歸。漸漸誘進說法輪。剔其鬚髮作道人。陽爲和上陰阿尼。假作父母度僧尼。師徒相度理無私。遷神涅槃歸紫微。四鎮安穆和我神。胡人思念長吁啼。鑄作金像法我形。三時人禮求長生。寂寂寞寞不應人。佯頭視地仰看天。大聖正真何時還。○同上

十六變之時。生在蒲林號有遮。大富長者樹提闍。有一手巾像龍虵。遣風吹去到王家。國王得之大歎吒。興兵動衆來向家。離舍百里見蓮花。國有審看一月夜。王心惡之欲破家。忽然變化白淨舍。出家求道號釋迦。○同上

五百歲之時。乘龍駕虎道得昌。漢地廣大歷記長。三十六人計弟兄。超度北闕雲中翔。新盧酒出俱行嘗。娥媚山邊作細昌。當此之時樂未央。伊耶樂生壽命長。○同上

六百歲之時。一世以去二世歸。城郭如故時人非。觀者衆多知我誰。死生各異令人悲。何不學道世欲衰。踟躕西北長吁誰。伊耶樂生治太微。○同上○逮按。此首仿東晉丁令威歌而成。

北齊詩卷一

斛律豐樂

歌

談藪曰。北齊高祖常宴羣臣。酒酣。各令歌。武衛斛律豐樂歌曰云云。帝曰。豐樂不諂。是好人也。朝亦飲酒醉。暮亦飲酒醉。日日飲酒醉。國計無取次。○酉陽雜俎四。太平廣記二百六十五。

高昂

昂。字敖曹。北海蓆人。齊神武起。昂傾意附之。因成霸業。除侍中司徒、兼西南道都督。元象元年爲周軍所殺。年四十八。

征行詩

鰲種千口牛。太平廣記作羊。泉連百壺酒。朝朝圍山獵。夜夜迎新婦。○太平廣記三百引談藪。詩紀百十。

從軍與相州刺史孫騰作行路難

卷詩紀作春。甲長驅不可息。六日六夜三度食。初時言作虎牢停。更被處置河橋北。迴首絕望便蕭條。悲來雪涕還自抑。○太平廣記三百引詩數。詩紀百十。

贈弟季式詩

季式爲濟州刺史。敖曹發驛以勸酒。乃贈。

憐君憶君停欲死。天上人間無可比。走馬海邊射遊鹿。偏坐石上彈鳴雉。昔時方伯願三公。今日司徒羨刺史。○太平廣記二百引談藪。詩紀百十。

蕭祗

祗。字敬式。梁南平王偉次子。封定襄侯。侯景亂。起兵內援。會州人以城應景。遂奔東魏。歷位太子少傅。齊天保初。授右光祿大夫。國子祭酒。西魏尅江陵。留鄴都卒。

香茅詩

鶉鴉芳不歇。霜繁綠更滋。擢本同三脊。流芳有四時。粗根縮酒易。結解舞蠶遲。終當人楚貢。豈羨詠陳

詩。○類聚八十二。詩紀百十。

和迴文詩和湘東王後園。

危臺出岫迥。曲澗類聚作礪。上橋斜。池蓮隱弱芰。徑篠落藤花。○類聚五十六。詩紀百十。

蕭放

放。字希逸。祇子。襲爵爲清河郡公。武平中。待詔文林館。頗善丹青。見知齊後主。累遷太子中庶子、散騎常侍。

冬夜詠妓詩

佳麗盡時年。合瞑不成眠。銀龍銜燭燼。金鳳起爐煙。吹簫先弄曲。調箏更撮弦。歌還團扇後。舞出妓行前。絕代終難及。誰復數神仙。○初學記十五。文苑英華二百十三。萬花谷後三十二作蕭放詩。詩紀百十。

詠竹詩

懷風枝轉弱。防露影逾濃。既來丹穴鳳。還作葛陂龍。○初學記二十八。文苑英華三百二十五。詩紀百十。

陸法和

法和。不知何許人。隱於江陵百里洲。妙解神術。預見萌兆。再爲梁元帝破賊。任郢州刺史。封江乘縣公。元帝敗。入齊。文宣以爲大都督荊州刺史、湘郡公。無病而終。

讖詩二首

北史本傳曰。法和書其所居屋壁而塗之。及剝落。有文二首。

十年天子爲尚可。百日天子急如火。周年天子迭北齊書作遞。北史同。代坐。隋書五行志曰。時文宣帝享國十年而崩。廢帝嗣立百餘日。用替厥位。孝昭卽位一年而崩。此其效也。○北齊書陸法和傳。北史陸法和傳。隋書五行志。詩紀百十。

一母生三天。兩天共五年。婁太后生三天子。自孝昭卽位。至武成傳位後主。共五年。○北齊書陸法和傳。北史陸法和傳。詩紀百十。

盧詢祖

詢祖。范陽涿人。有術學。文辭華美。與族人思道俱爲北州人俊。歷太子舍人、司徒記室卒。有集十卷。

趙郡王配鄭氏挽詞

詩紀云。北史趙郡王睿。齊神武從子也。娶鄭述祖女爲妃。

君王盛海內。伉儷盡寰中。女儀掩鄭國。嬪容映趙宮。春豔桃花水。秋度桂枝風。遂使叢臺夜。明月滿牀空。○北齊書盧詢祖傳。北史趙郡王睿傳。詩紀百十。

中婦織流黃

別人心已怨。愁空日復斜。然香望韓壽。磨鏡待秦嘉。殘絲愁績爛。餘織恐縑樂府作嫌。賒。支機一片石。緩轉獨輪車。下簾還憶月。挑燈更惜花。似天河上景。春時織女家。○樂府詩集三十五作陳盧詢。詩紀百十作盧詢。○詩紀另列盧詢於詢祖後。並注云。名見顏氏家訓。曰范陽盧詢。疑卽盧詢祖也。樂府作陳人。遂按。樂府蓋誤作陳脫去祖字。今姑列盧詢祖下。

裴讓之

讓之。字士禮。河東間喜人。魏天平中。舉秀才。遷主客郎。歷中書舍人、散騎常侍。齊受禪。封宜都縣男。除清和太守。後被罪賜死。

有所思

夢中雖暫見。及覺始知非。展轉不能寐。徙文苑誤作徒。倚獨披衣。悽悽文苑作凄凄。曉風急。唵唵月光微。

室空常文苑作當。達旦。所思終不歸。○文苑英華二百二。樂府詩集十七。詩紀百十。

從北征詩

沙漠胡塵起。關山烽燧驚。皇威奮武略。上將總神兵。高文苑誤作商。臺朔風駛。類聚作馳。絕野寒雲生。匈奴定遠近。壯士欲橫行。○類聚五十九。文苑英華二百九十九作送北征。詩紀百十。

公館讌酬南使徐陵詩

嵩山表京邑。鍾嶺對江津。方域殊風壤。分野各星辰。出境君圖事。尋盟我恤鄰。有才稱竹箭。無用忝絲綸。列樂歌鐘響。張旃玉帛陳。皇華徒初學記作榮。文苑同。受命。延初學記作垂。文苑同。譽本無因。韓宣將聘楚。申胥欲去秦。方期初學記作當。文苑同。詩紀云。一作當。飲河朔。翻屬卧漳濱。禮酒盈三。文苑作三盈。獻。賓筵盛八珍。歲稔鳴銅雀。兵戢坐金人。雲來朝起蓋。日落晚摧。類聚作催。初學記、文苑作推。輪。異國猶兄弟。相知無舊新。○類聚五十三。初學記二十。文苑英華二百九十六。詩紀百十。

裴訥之

訥之。字士言。讓之弟。弱冠爲平原公掌書記。文宣朝。累官至太子舍人。

鄴館公讌詩

晉楚敦盟好。僑札類聚誤作禮。同心賞。禮成樽俎陳。樂和金石響。朝雲駕馬進。曉日乘龍上。雙闕表皇居。三臺映仙掌。當階篔簹密。約岸荷葉長。束帶盡欣娛。誰言驚歸兩。○類聚五十三。文苑英華二百九十六作奉使至鄴館。詩紀百十。

邢邵

邵。字子才。河間鄭北齊書作鄴人。仕魏爲宣武帝挽郎。歷奉朝請。著作佐郎。累遷中書侍郎、散騎常侍、國子祭酒、尚書令侍中、黃門侍郎。北齊皇建中。出除驃騎將軍、西兗州刺史。武成時。入爲中書令。遷太常卿、兼中書監、攝國子祭酒。後授特進。有集三十卷。

思公子

綺羅日減帶。桃李無顏色。思君君未歸。歸來豈相識。○樂府詩集七十四。詩紀百十。

三日華林園公宴詩

迴鑾自歲時雜詠作首。樂野。弭蓋屬瑤池。五丞歲時雜詠誤作水。接光景。七友初學記作反。歲時雜詠作度。文苑同。樹

風儀。芳春時欲遽。覽物惜將移。新萍已冒沼。餘花尚滿枝。草滋徑蕪沒。林長山蔽虧。芳類聚作方。初學記同。筵羅玉俎。激水漾金卮。歌聲斷以歲時雜詠。文苑作且。詩紀云。一作且。續舞袖合還離。○類聚四。初學記四。古今歲時雜詠十六。文苑英華百七十二作北齊邢子才詩。詩紀百十。

冬夜酬魏少傅直史館詩

年病從橫初學記作衡。至。動息不自初學記或作自不。安。兼豆未能飽。重裘詎解寒。況乃冬之夜。霜氣有餘酸。風音響北牖。月影度南端。燈光明且滅。華燭文苑作燭花。新復殘。衰顏依候改。文苑作晚。壯志與時闌。體羸不盡帶。髮落強扶冠。夜景文苑作行。將欲近。夕息故無寬。忽有清風贈。辭義文苑作氣。婉如蘭。先言歎文苑作難。注云。一作歎。三友。次初學記作末。文苑云。一作末。言慙一官。麗藻高鄭衛。專學美齊韓。審諭初學記作喻。文苑同。詩紀云。一作喻。雖有屬。筆削少能干。初學記或作刊。詩紀云。一作刊。高足自無限。積風良可搏。空想青門初學記作雲。易。寧見赤松難。寄語東山道。高駕且文苑作尚。注云。一作且。盤桓。○初學記三。又十二作酬魏收冬夜直史館詩。文苑英華百九十。詩紀百十。

冬日傷志篇

昔時情類聚作墮。遊士。任性少矜裁。朝驅類聚作馳。詩紀云。一作馳。瑪瑙勒。夕初學記作暮。銜熊耳杯。折花步類聚作贈。初學記。文苑同。詩紀云。一作贈。淇水。撫瑟望叢臺。繁華夙昔改。衰病一時來。重以三冬月。愁雲聚復

開。天高日色淺。林勁鳥聲類聚作鳴。初學記、文苑同。哀。終風激簷宇。餘雪滿條枚。遨遊昔宛洛。踟躕今草萊。時事方去矣。撫己獨傷懷。類聚作懷哉。初學記、文苑同。文苑又注。初學記作傷懷。○類聚三、初學記三並作冬日傷志詩。文苑英華三百三十一。詩紀百十。

七夕詩

詩紀云。詩彙作宗懷者非。

盈盈河水側。朝朝長歎息。不怵漸衰苦。波流詎可測。秋期忽云至。停梭理容色。束衿未解帶。迴鑾已沾軾。不見眼中人。誰堪機上織。願逐青鳥去。暫因希羽翼。○類聚四。詩紀百十。

齊韋道遜晚春宴詩

詩紀云。觀題似韋道遜所作。文苑英華作邢邵。姑列于此。

日斜賓館晚。風輕麥候初。簷喧巢幕燕。池躍戲蓮魚。石聲隨流響。桐影傍巖疎。誰能千里外。獨寄文苑作倚。八行書。○文苑英華二百十四。詩紀百十。

應詔甘露詩

膏露且漸洽。凝液汨旂旗。草木盡霑被。玉散復珠霏。誰謂穹昊遠。道合若應機。○類聚九十八。詩紀百十一。

賀老人星詩

瑞動星光照。化穆月輪重。庶徵符祉錄。將以贊時雍。○類聚一。初學記一。詩紀百十。

詩

安得金仙術。兩臆生羽翼。○草堂詩箋三十三寫懷詩注。

鄭公超

公超。後主時爲奉朝請。待詔文林館。與祖珽等同撰御覽。

送庾羽騎抱詩

舊宅青山遠。歸路白雲深。遲暮難爲別。搖落更傷心。空城落日影。迥地浮雲陰。送君自有淚。不假聽猿吟。○文苑英華二百六十六。詩紀百十。

楊訓

訓。後主時爲通直散騎侍郎。待詔文林館。同修御覽。

羣公高宴詩

中郎敷奏罷。司隸坐朝歸。開筵引貴客。饌玉對春暉。塵起金吾騎。香逐令君衣。綠酒犀爲椀。鳴琴寶作

微。寸陰良可惜。千金本易揮。○初學記十四。詩紀百十。

袁爽

爽。字元明。陳郡人。梁司空昂之孫。蕭莊時。以侍中奉貢至齊。及莊敗。除琅邪王儼大將軍諮議。入
文林館。遷太中大夫。

從駕遊山詩

天遊初學記作遊天。文苑作從天。響仙蹕。春望動神衷。澗水含初學記作合。初溜。山花發早叢。初學記誤作聚。玉輿
明淑景。珠旗轉瑞風。平原與上路。詩紀云。一作洛。佳氣遠葱葱。○初學記十三。文苑英華百七十。詩紀百十。

荀仲舉

仲舉。字士高。潁川人。仕梁爲南沙令。後至齊。入文林館。出爲義寧太守。

銅雀臺

高臺秋色晚。直望文苑作銅雀。注云。一作直置。又作直望。已悽文苑作淒。然。況復歸風便。松聲人斷文苑作管。注云。
一作斷。弦。淚逐梁塵下。心隨團扇捐。誰堪三五夜。空對月光圓。樂府作圓。○文苑英華二百四。樂府詩集三十一。詩

紀百十。

魏收

收。字伯起。鉅鹿下曲陽人。仕魏典起居注。俄兼中書舍人。與溫子昇、邢子才齊名。世號三才。齊天保初。除中書令、兼著作郎。後除光祿大夫、尚書右僕射。武平三年卒。有後魏書三十卷、集七十卷。

美女篇二首

楚襄遊夢去。陳思朝洛歸。參差結旌旆。掩靄頓駟騑。變化看臺曲。駭散屬川沂。仍令賦神女。俄聞要處妃。照梁何足豔。昇霞反奮飛。可言不可見。言是復言非。○樂府詩集六十三。集六詩紀百十。

□□□□□。我帝更朝衣。擅寵無論賤。人愛樂府作憂。不嫌微。智瓊非俗物。羅敷本自稀。居然陋西子。定可比南威。新吳何爲誤。舊鄭果難依。甘言誠易污。得失定因機。無憎藥英妬。心賞易侵違。○同上

永世樂

綺窗斜影入。上客酒須添。翠羽方開美。鉛華汗不霑。關門今可下。落珥不相嫌。○樂府詩集七十三。詩紀百十。

權歌行

雪溜添春浦。花水文苑作木。足新流。桃發武陵岸。柳拂武昌樓。○文苑英華二百三。樂府詩集四十。詩紀百十。

挾琴歌

春風宛轉入曲房。兼送小苑百花香。白馬金鞍去未返。紅妝玉筍下成行。○樂府詩集八十六。詩紀百十。

後園宴樂詩

束馬輕燕外。獵雉陋秦中。朝車轉夜轂。仁旗指旦風。式宴臨平圃。展衛寫屠穹。積崖疑造化。導水逼神功。樹靜歸煙合。簾疎返照通。一逢堯舜日。未假北山叢。○文苑英華二百十四。詩紀百十。

喜雨詩

霞暉染刻棟。礎潤上雕楹。神山千葉照。仙草百花榮。瀉溜高齋響。添池曲岸平。滴下如珠落。波迴類壁成。氣調登萬里。年和欣百靈。定知丹甑出。何須銅雀鳴。○文苑英華百五十三。詩紀百十。

看柳上鵲詩

背文苑誤作皆。歲心能識。登春巢自成。立枯隨雨霽。依枝須月明。疑是彫籠出。當由抵玉驚。間關拂條軟。迴復振毛輕。何獨離婁意。傍人但未聽。○初學記三十。文苑英華三百二十八。詩紀百十。

晦日汎舟應詔詩

裊裊春枝弱。關關新鳥呼。棹唱忽逶迤。菱歌時顧慕。睿賞芳御覽作方。月類聚作日。色。宴言忘日暮。游御覽作猶。豫慰人心。照臨康國步。○類聚四。初學記四。古今歲時雜詠九。文苑英華百七十二。御覽三十。詩紀百十。

月下秋宴詩

此夕甘初學記作具。言宴。月照露方塗。初學記作華浮。使星疑向蜀。劍氣不關吳。良交契金水。上客慰萱蘇。何必應劉輩。還來遊鄴都。○初學記十四。文苑英華二百十四。詩紀百十。

五日詩

麥涼殊未畢。蜩鳴早欲聞。暄林尚黃鳥。浮天已白雲。辟兵書鬼字。神印題靈文。因想蒼梧郡。茲日祀東初學記作陳。文苑、萬花谷同。君。○初學記四。文苑英華百五十七。萬花谷後四。詩紀百十。

庭柏詩

古松圖偃蓋。新柏寫鑪峰。凌寒翠不奪。迎暄綠更濃。茹葉輕沈體。咀實化衰容。將使中臺廢。違山能見從。○初學記二十八。文苑英華三百二十四。詩紀百十。

蠟節詩

凝寒迫清祀。有酒宴嘉平。宿心何所道。藉此慰中情。○初學記四。詩紀百十。

七月七日登舜山詩

述職無風政。復路阻山河。還思麾蓋日。留謝此山阿。○酉陽雜俎十二。

論敘裴伯茂詩

臨風想玄度。對酒思公榮。○魏書裴伯茂傳。

大射賦詩

尺書徵建鄴。折簡召長安。○北史魏收傳。

劉逖

逖。字子長。彭城人。齊文襄以爲永安公參軍。武成時。遷散騎常侍。武平四年。與崔季舒等同誅。

對雨詩

重輪宵犯畢。行雨旦浮空。細落疑含霧。文苑作寒露。斜飛覺帶風。濕槐仍足綠。沾桃文苑作蓮。更上紅。無由似玄豹。縱意坐山中。○類聚二。文苑英華百五十三。詩紀百十。

秋朝野望詩

駐車憑險岸。飛蓋歷平湖。菊寒花稍發。蓮秋葉漸枯。向浦低行鴈。排空轉噪烏。若將君共賞。何處減城隅。○類聚二十八。詩紀百十。

浴温湯泉詩

詩紀云。聲偶作劑邈詩。非也。

驪岫猶懷土。類聚作玉。新豐尚有家。神井堪消疹。類聚作瘳。初學記作厲。温泉足蕩邪。紫苔生石岸。黃沫初學記作葉。文苑同。擁金沙。振衣殊未已。翻能類聚作然。停使車。○類聚九。初學記七作浴温湯。文苑英華百六十四作浴温湯。無作者名。詩紀百十。

清歌發詩

扇中通曼臉。曲裏奏陽春。久應迷座客。何啻起梁塵。○初學記十五。萬花谷後三十二作劉逖詩。詩紀百十。

北齊詩卷二

祖珽

珽。字孝徵。范陽道人。起家秘書郎。拜尚書左僕射。出爲徐州刺史。武平中。卒於州。

從北征詩

翠旗臨塞道。靈鼓出桑乾。祁山斂秀霧。瀚海息波瀾。戍類聚誤作或。亭秋雨急。關門朔氣寒。方繫單于頸。歌舞入長安。○類聚五十九。文苑英華二百九十九。詩紀百十。

望海詩

登高臨巨壑。不知千萬里。雲島相接連。事類賦作連接。風潮事類賦作濤。無極已。時看遠鴻度。乍初學記作但。文苑同。見驚鷗起。無待初學記、文苑作不假。詩紀云。一作不假。送將歸。自然傷客子。○類聚八。初學記六。文苑英華百六十二。又事類賦海賦注引里、已二韻。詩紀百十。

挽歌

昔日詩紀云。一作時。驅駟馬。謁帝長楊宮。旌懸白雲外。騎獵紅塵中。今來向漳浦。素蓋轉悲風。榮華與歌笑。萬事盡成空。○初學記十四。文苑英華二百十一。御覽五百五十二作挽歌辭。樂府詩集二十七。廣文選十四。詩紀百十。

安德王高延宗

延宗。文襄帝澄第五子。文宣帝天保六年。封安德王。出爲定州刺史。歷司徒太尉。後主奔并。以爲相國、并州刺史。武平七年十二月十四日。卽皇帝位。改元德昌。是月爲周所滅。

經墓興感詩

北齊假黃鉞太尉公蘭陵忠武王高肅碑陰額搨本曰。王第五弟太尉公安德王經墓興感云云。○逮按。北齊書蘭陵王孝瓘傳。以武平四年鳩死。據此碑以武平五年四月葬於鄴西。碑陰此詩則六年所鐫。

夜臺長自寂。泉門無復明。獨有魚山樹。鬱鬱向西傾。覩物令人感。目極使魂驚。望碑遙墮淚。軾墓轉傷情。軒丘終見毀。千秋空建名。○搨本高肅碑。

蕭愨

慤。字仁祖。蘭陵人。梁宗室上黃侯暉之子。天保中人齊。武定中爲太子洗馬。後主時。爲齊州錄事參軍。待詔文林館。後入隋。有集九卷。

臨高臺

崇臺高百尺。迴文苑作迴。出望仙宮。畫棋浮朝樂府。詩紀並云。一作雲。氣。飛梁照晚虹。小衫飄霧縠。豔粉拂輕紅。笙吹汶文苑誤作文。陽篠。琴奏嶧山桐。舞逐飛龍引。花隨少女風。臨春今若此。極宴樂府作燕。豈無窮。

○文苑英華二百十。樂府詩集十八。詩紀百十。

上之回

詩紀云。拾遺題云巡省。

發軔城西時。文苑誤作囁。回輿事北遊。山寒石道凍。葉下故宮秋。朔路傳清警。邊風卷畫旒。歲餘巡省畢。擁仗文苑作按節。注云。一作擁仗。詩紀云。一作按節。返皇州。○文苑英華二百十。樂府詩集十六。詩紀百十。

飛龍引

河曲銜圖出。江上負舟歸。欲因作雨去。還逐景雲飛。引商吹細管。下徵泛長徽。持此淒清引。春夜舞羅衣。○樂府詩集六十。詩紀百十。

奉和濟黃河應教詩

大蕃連帝室。驂駕奉皇猷。未明驅羽騎。凌晨方畫舟。津城度維錦。岸柳夾緹油。鐘文苑作饒。注云。初學作鐘。詩紀云。一作饒。聲颺別島。旗影照蒼流。早光生劍服。朝風起節樓。滔滔細波動。裔裔輕舷浮。迴繞避近磧。放舳下前洲。全疑上天漢。不異謁蓬丘。望知雲氣合。聽識水聲秋。從君樂府作軍。何等樂。喜從神仙遊。○初學記六。文苑英華百七十九。樂府詩集七十四作濟黃河。詩紀百十。

和崔侍中從駕經山寺詩

鈞陳夜警初學記作瞻。徼。河漢曉參文苑。詩紀並云。一作縱。橫。游騎騰文苑云。一作雲。馬。前驅轉翠旌。野禽喧曙色。山樹動秋聲。雲表金輪見。巖端畫拱初學記作拱。文苑同。又注。宋本作拱。明。塔疑從地涌。蓋似積香成。泉高下溜急。松古上枝文苑云。一作梢。平。儀台文苑作容。注云。初學記作合。多壯思。麗藻蔚緣情。自嗤非照庶。詩紀云。一作乘。何以繼連城。○初學記二十三。文苑英華二百三十三。詩紀百十。

奉和悲秋應令詩

秋天擬文學。秋水擅莊蒙。草濕蒹葭露。波卷洞庭風。便坐翻桑葉。長坂歇蘭藜。簷喧猶有燕。陂靜未來鴻。蟬噪聞疑斷。池清映似空。劉安悲落木。曹植歎征蓬。重明豈凝滯。無累在淵沖。隨時四序合。應物五

情同。發言形惻隱。睿作挺神功。下材均朽木。何以慕彫蟲。○文苑英華百七十九作王胄奉和悲秋應令。詩紀百十。又初學記三作秋日詩。引蒙、風、叢、鴻、空五韻。○文苑英華注云。此篇前五韻按初學記作蕭愨秋日詩。文苑一百五十八卷復云庾信作。而此卷乃十韻。共題王胄作。觀其辭意。只是一篇。當以此本爲正。○遂按。文苑此篇署王胄作。次於江總、蕭愨之前。然王胄隋人。依時代次序不應在前。仍以作蕭愨者爲是。今兩存之。並說明如上。

屏風詩

秦皇臨碣石。漢帝幸明庭。非關重遊豫。直是愛長齡。讀記知州所。觀圖見岳形。曉識仙人氣。夜辨少微星。服銀有秘術。蒸丹傳舊經。風搖百影樹。花落萬春亭。飛流近更白。叢竹遠彌青。逍遙保清暢。因持悅性情。○初學記二十五。詩紀百十。

奉和元日詩

帝宮通夕燎。天門拂曙開。瑞雲生寶鼎。榮光上露臺。華山不凋葉。宜城萬壽杯。遙見飛鳧下。懸初學記作玄。知葉初學記作鄴。歲時雜詠、文苑同。縣事文類聚作令。詩紀云。聲偶作令。來。○初學記四。古今歲時雜詠一。文苑英華百七十二。事文類聚前集六。詩紀百十。

奉和初秋西園應教詩

池亭三伏後。林館九秋前。清冷初學記作冷。文苑、玄觀志、萬花谷同。間泉石。散漫雜風煙。葉開千葉影。榴豔百

枝然。約嶺停飛旆。玄觀志作轡。凌波動畫船。○初學記三。文苑英華百七十九。萬花谷後三作蕭愨詩。金陵玄觀志作晉陽休之初秋西園詩。詩紀百十。

奉和冬至應教詩

天宮初動磬。緹室已飛灰。暮風吹竹起。陽雲覆石來。拆冰初學記作析冰。歲時雜詠作圻水。開荔色。除雪出蘭栽。歲時雜詠裁。慙無宋玉辨。濫吹楚王臺。○初學記四。古今歲時雜詠三十九。詩紀百十。

奉和望山應教詩

仙遊本多趣。復此上秋初。巖低石倒險。嶺高文苑誤作嵩。松更疎。文苑誤作峰。峯文苑誤作疎。形疑鳥翅。塞路似狼居。矚望情文苑作清。無已。詞殫意有餘。○初學記五。文苑英華百七十九。詩紀百十。

奉和詠龍門桃花詩

舊聞開露井。今見植龍門。樹少知非塞。花高異少源。初學記作原。文苑作小園。論時應未發。故欲影歸軒。祇文苑作抵。言經文苑作輕。摘罷。猶勝逐風翻。○初學記二十八。文苑英華三百二十一。詩紀百十。

春庭晚望詩

春庭聊縱望。樓臺自相隱。窻梅落晚花。池竹開初筍。泉鳴知水急。雲來覺山近。不愁花不飛。到畏花飛盡。○初學記三作春晚庭望詩。文苑英華百五十七作蕭愨。詩紀百十。

秋思詩

顏氏家訓曰。蘭陵蕭愨工於篇什。嘗有秋思詩云。芙蓉露下落。楊柳月中疎。時人未之賞也。吾愛其蕭散。宛然在目。潁川荀仲舉、瑯琊諸葛漢亦以爲爾。而慮思道之徒雅所不愜。

清波收潦日。華林鳴籟初。芙蓉露下落。楊柳月中疎。燕幃細綺被。趙帶流黃裾。相思阻音息。詩紀云。玉臺作信。結夢感離居。○古詩類苑四。詩紀百十。

聽琴詩

洞門涼氣滿。閑館夕陰生。弦隨流水急。調雜秋風清。掩抑朝飛弄。淒斷夜啼聲。至人齊物我。持此文苑云。一作時與。悅高情。○初學記十六。文苑英華二百十二。詩紀百十。

和司徒鎧曹陽辟疆秋晚詩

詩紀云。辟疆。休之之子。

葉疎知樹落。香盡覺荷衰。山藪良多思。田園聊復歸。○初學記三。詩紀百十。

春日曲水詩雜言○詩紀云。初學記作春賦。

落花無限數。飛鳥排花度。禁苑至饒風。吹花春滿路。巖前片石迥如樓。水裏連沙聚作洲。二月鶯聲纔欲斷。三月春風已復流。分流繞小渡。塹水還相注。山頭上初學記無上字。是。望水雲。水底看山樹。舞餘香尚存。初學記作在。歌盡聲猶住。麥壟一驚羣。菱潭兩飛鷺。飛鷺復驚羣。傾曦帶掩扉。芳飈翼還幘。藻露挹行衣。○初學記三。詩紀百十。

蕭轂

野田黃雀行

弱軀媿文苑作慙。樂府、詩紀云。一作慙。彩飾。輕毛非錦文。不知文苑作如。注云。一作知。鴻鵠文苑作鶴。注云。一作鶴。志。非是鳳皇羣。作風隨濁文苑作濯。詩紀云。一作濯。雨。人曲應玄雲。空城舊侶絕。滄海故交文苑作朋。分。寧死明珠彈。且避鷹將軍。○文苑英華二百六。樂府詩集三十九。詩紀百十。

馬元熙

元熙。字長明。河間人。初以通直待詔文林館。武平中。授皇太子孝經。在內甚得名譽。隋開皇中。終

於秦王文學。

日晚彈琴詩

上客敞前扉。鳴琴對晚暉。掩抑歌張女。淒清奏楚妃。稍視紅塵落。漸覺白雲飛。新聲獨見賞。莫恨知音稀。○初學記十六。文苑英華二百十二。萬花谷後三十二並作馬元熙詩。詩紀百十。

陽休之

休之。字子烈。北平無終人。仕魏。累官給事黃門侍郎。入齊。遷吏部尚書左僕射。周武平齊。赴長安。歷納言、太子少保。除和州刺史。隋開皇二年罷仕。終於洛陽。

春日詩

遲遲暮春日。靄靄春光上。柔露洗金盤。輕絲綴珠網。漸看階苴蔓。稍覺池蓮長。蝴蝶映花飛。楚雀緣條響。○初學記三。詩紀百十。

詠萱草詩

開附初學記作附。幽澗底。散彩曲堂垂。優柔清露濕。微穆惠風吹。朝朝含麗景。夜夜對華文苑作花。池。○初學

記二十七。文苑英華三百二十七作萱草。詩紀百十。

正月七日登高侍宴詩

廣殿麗年輝。歲時廣記作年。上林起春色。風生拂彫輦。雲迴歲時廣記作過。浮綺歲時廣記作倚。翼初學記作席。○類聚四。初學記四。御覽三十。歲時廣記九。詩紀百十。

秋詩

日照前窗竹。露濕後園薇。夜蛩初學記作蟲。扶砌響。輕蛾遶燭飛。○初學記三。萬花谷後三作陽休之詩。詩紀百十。

贈馬子結兄弟詩

三馬俱白眉。○北齊書孫靈暉傳附馬子結傳。

顏之推

之推。字介。琅邪臨沂人。初爲湘東王常侍。元帝卽位。以爲散騎侍郎。後奔齊。累官黃門侍郎、平原太守。齊亡入周。爲御史上士。開皇中。太子召爲文學。以疾終。有顏氏家訓七卷、集靈記二十卷、冤魂志三卷、集三十卷。

神仙詩

紅顏恃容色。青春矜盛年。自言曉書劍。不得學神仙。風雲落時後。歲月度人前。鏡中不相識。捫心徒自憐。願得金樓要。思逢玉鈿篇。九龍遊弱水。八鳳出飛煙。朝遊采瓊實。夕宴酌膏泉。崢嶸下無地。列缺上陵天。舉世聊一息。中州安足旋。○文苑英華二百二十五。詩紀百十。

古意詩二首

十五好詩書。二十彈冠仕。楚王賜顏色。出入章華裏。作賦凌屈原。讀書誇左史。數從御覽作屢陪。明月謙。御覽作宴通。或侍朝雲祀。登山摘紫芝。泛江採綠芷。歌舞未終曲。風塵暗天起。吳師破九龍。秦兵割千里。狐兔穴宗廟。霜露沾朝市。璧人邯鄲宮。劍去襄城水。未類聚作不。獲殉陵墓。獨生良足恥。憫憫思舊都。惻惻懷君子。白髮闕明鏡。憂傷沒余齒。○類聚二十六。詩紀百十。又御覽百九十六引一句。

寶珠出東國。美玉產南荆。隋侯曜我色。卞氏飛吾聲。已加明稱物。復飾夜光名。驪龍旦夕駭。白虹朝暮生。華彩燭兼乘。價值詎類聚作直距。是。連城。常悲黃雀起。每畏靈蛟迎。千刃安可捨。一段難復營。昔爲時所重。今爲時所輕。願與濁泥會。思將垢石并。歸真川岳下。抱潤潛其榮。○類聚二十六。詩紀百十。

從周人齊夜度砥柱詩紀云。梁詞人麗句作惠慕道士詩。題云犯虜將逃作。

北史本傳曰。荊州爲周軍所破。大將軍李穆送之推往弘農。令掌其兄陽平公遠書翰。遇河水暴長。具船將妻子奔

齋。經砥柱之險。時人稱其勇決。

俠客重艱辛。夜出小平津。馬色迷關吏。雞鳴起戍人。露鮮華劍彩。月照寶刀新。問我將何去。北海就孫賓。○文苑英華二百八十九。詩紀百十。

和陽納言聽鳴蟬篇隋盧思道同賦。

聽秋蟬。秋蟬非初學記非上行悲字。一處。細柳高飛夕。長楊明月曙。歷亂起秋聲。參差攪人慮。單吟如轉簫。羣噪學調笙。乍詩紀字缺。飄流曼響。多含斷絕聲。垂陰自有樂。飲露獨爲清。短綏何足貴。薄羽不差輕。蟪蛄翳下偏難見。翡翠竿頭絕易驚。容止由來桂林苑。無事淹留南斗城。城中帝皇里。金張及許史。權勢熱如湯。意氣誼城市。劍影奔星落。馬色浮雲起。鼎俎陳龍鳳。金石諧宮徵。關中滿季心。關西饒孔子。詎用虞公立國臣。誰愛韓王游說士。紅顏宿昔同春花。素鬢俄頃變秋草。中腸自有極。那堪教作轉輪車。○初學記三十。詩紀百十。○詩紀云。此篇見初學記。紅顏以下脫誤。俟再考。

詩

懸魚掩金扇○倭名類聚三。

趙儒宗

詠龜詩

有靈堪託文苑作。注云。初學記作記。夢。無心解自謀。不能著下伏。強從蓮上遊。文苑作浮。負圖非所冀。支牀文苑誤作狀。空見留。儻蒙一曳尾。當為屢回頭。○類聚九十六作趙宗儒。初學記三十。文苑英華三百三十佚作者名。詩紀百十。

甄彬

詩

五月披羊裘。負薪豈拾遺。○太平廣記二百六十五。

楊子華

詩

畫牡丹處極分明。○韻語陽秋十六。

馮淑妃

淑妃。名小憐。後主大穆后從婢也。穆后愛衰。以五月五日進之。號曰續命。慧黠。工歌舞。後主惑

之。立爲左皇后。周師取平陽。後主以淑妃奔洪洞戍。復奔青州。爲周武所獲。以賜代王達。

感琵琶弦詩

北史后妃傳曰。淑妃侍代王達。彈琵琶。因弦斷。作詩曰。

雖蒙今日寵。猶憶昔時憐。欲知心斷絕。應看膝上弦。○北史后妃傳。詩紀百十。

崔氏

崔氏。盧士深妻。

饋面辭

虞世南史略曰。北齊盧士深妻。崔林義之女。有才學。春日以桃花饋兒面。呪曰。

取紅花。取白雪。御覽作取花紅。取雪白。與兒洗面作光悅。取白雪。取紅花。與兒洗面作妍。歲時廣記作光。華。取花紅。取雪白。與兒洗面作光澤。取雪白。取花紅。與兒洗面作華容。○御覽二十。事類賦春賦注。歲時廣記一、歲華

紀麗一並引虞世南史略。詩紀百十。

惠化尼

謠

北齊書曰。天平三年。神武西討。令竇泰自潼關入。四年。泰至小關。爲文帝所襲。衆盡沒。泰自殺。初。泰將發鄴。鄴有惠化尼謠云。

竇行臺。去不回。○北齊書竇泰傳。

北齊詩卷三

雜歌謠辭

敕勒歌

樂府詩集云。樂府廣題曰。北齊神武攻周玉壁。士卒死者十四五。神武悲憤疾發。周王下令曰。高歡鼠子。親犯玉壁。劍弩一發。元兇自斃。神武聞之。勉坐以安士衆。悉引諸貴。使斛律金唱敕勒。神武自和之。其歌本鮮卑語。易爲齊言。故其句長短不齊。

敕勒川。陰山下。天似穹廬。籠蓋四野。天蒼蒼。野茫茫。風吹草低見牛羊。○樂府詩集八十六。詩紀百十一。

兗州民爲鄭氏父子歌

北齊書曰。鄭述祖累遷兗州刺史。有人入市盜布。其父怒曰。何忍欺仁者。執之以歸首。述祖特原之。自是之後。境內無盜。人歌之曰。

大鄭公。小鄭公。相去五十載。風教尚猶北齊書作猶尚。北史同。同。○北齊書鄭述祖傳。北史鄭義傳附述祖傳。樂府詩集八十六。詩紀百十一並作鄭公歌。

邯鄲郭公歌

樂府廣題曰。北齊後主高緯。雅好傀儡。謂之郭公。時人戲爲郭公歌。及將敗。果營邯鄲。高郭聲相近。九十九。末數也。滕口。鄧林也。大兒。謂周帝。太祖子也。高岡。後主姓也。雉。雞類。武成小字也。後敗於鄧林。盡如歌言。蓋語妖也。

邯鄲郭公九十九。技兩漸盡人滕口。大兒緣高岡。雉子東南走。不信吾言時。當看歲在酉。○樂府詩集八十七。詩紀百十一。

濟北民爲崔伯謙歌

北齊書曰。崔伯謙除濟北太守。恩信大行。乃改鞭。用熟皮爲之。不忍見血。示耻而已。有朝貴行過郡境。問人太守治政何如。對曰。府君恩化。古者所無。因誦民爲歌曰。

崔府君。能治北史作臨。政。易北史易上有退田二字。鞭鞭。北史不重鞭字。布威德。民北史作人。無爭。○北齊書崔伯謙傳。北史崔伯謙傳。

文宣時謠

北史本紀曰。文宣時謠。按帝以午年生。故曰馬子。三臺石季龍舊居。故曰石室。三千六百日。十年也。文宣在位十年。果如謠言。

馬子人石室。三千六百日。○樂府詩集八十九。詩紀百十一。

廢帝時童謠二首

北史曰。楊愔。齊文宣時尚太原公主。位至尚書令。驃騎大將軍。文宣大漸。愔與侍中燕子獻。黃門侍郎鄭子默竝受遺詔輔政。時常山、長廣二王位地親逼。愔等與爾朱渾天和謀。欲裁奪威權。由是深相疎忌。竝爲二王所害。先是童謠云云。羊爲愔也。角文爲用刀。道人謂廢帝小名。太原公主嘗作尼。故曰阿廢姑。愔、子獻、天和皆尚帝姑。故曰道人姑夫云。

白頭羊北齊書作羊頭。髦北齊書作尾。秃。殺雞頭生角。○北齊書楊愔傳。北史楊愔傳。詩紀百十一。

羊羊喫野草。不喫野草遠我道。不遠打爾腦。○同上

阿廢北齊書作廢。姑。禍也。道人姑夫。死也。○同上

孝昭時童謠

北史曰。初。孝昭之誅楊愔也。謂武成云。事成。以汝爲皇太子。及踐位。乃使武成在鄴主兵。立子百年爲皇太子。武成不平。欲有異謀。先是童謠云云。時丞相府在城城中。卽舊中興寺也。鳧翁謂雄雞。蓋指武成小字步落稽也。道人。濟南王小名也。打鐘。言將被擊也。後武成用卜者言不舉兵。孝昭尋崩。武成卽位。

中興寺內白鳧翁。四方側聽聲雍雍。道人聞之夜打鐘。○北齊書上洛王思宗子元海傳。北史上洛王思宗子元海傳。詩紀百十一。

武成殂後謠

三國典略曰。周平齊。齊幼主、胡太后等並歸於長安。初。武成殂後有謠云云。調甚悲苦。至是應焉。又曰。高緯所幸馮淑妃。名小憐也。

千錢樂府作金。買菓樂府作藥。園。中有芙蓉樹。破家御覽作券。不分明。蓮子隨它去。○御覽九百七十五。樂府詩集八十七。詩紀百十一並作北齊太上時童謠。

武平元年童謠

隋書曰。武平元年童謠。按其年四月。隴東王胡長仁謀遣刺客殺和士開。事露。反爲士開所譖而死。狐截尾。你欲除我我除你。○隋書五行志。樂府詩集八十九。詩紀百十一。

武平中童謠

隋書曰。武平二年童謠。小兒唱訖。一時拍手云。殺却。至七月二十五日。御史中丞琅邪王儼執士開。送於南臺而斬之。

和士開。七月三十日。將你向南臺。○隋書五行志。樂府詩集八十九。詩紀百十一。

又

隋書曰。是歲又有童謠。七月。士開被誅。九月。琅邪王遇害。十一月。趙彥深出爲西州刺史。

七月刈禾傷早。九月喫糕正好。十月洗蕩飯甕。十一月出却趙老。北史蔡連猛傳曰。七月刈禾太早。九月噉糕未好。本欲尋山射虎。激箭旁中趙老。與此稍異。○隋書五行志。樂府詩集八十九。詩紀百十一。

曲巖祖珽爲斛律光造謠二首

北史曰。齊人解宜陽之圍。其丞相斛律明月至汾東。周將韋孝寬參軍曲巖頗知卜筮。謂孝寬曰。來年東朝必大相殺戮。孝寬因令巖作謠歌曰云云。又言云云。祖珽續之曰云云。明月竟以此誅。詩紀云。今按。百升者。斛也。明月。光字也。高山謂齊。齊姓高也。盲老公謂珽。珽先因罪失明也。饒舌老母謂令萱。令萱本婦人也。

百升北史或作斗。飛上天。明月照御覽作耀。長安。○北齊書斛律光傳。北齊書祖珽傳。周書韋孝寬傳。北史斛律光傳。北史韋孝寬傳。御覽九百六十一引三國典略。詩紀百十一作後主時童謠。

高山不推周書、御覽、詩紀作推。北史或作推。自崩。榭木北齊書作樹。御覽同。不扶自豎。詩紀作舉。以上二句。北齊書或作高山崩。榭樹舉。盲北齊書或有眼字。老公北齊書或作翁。背上下上下二字。詩紀只作受字。大斧。饒舌北齊書或作多事。老母不得語。○同上

武成時童謠

北齊書曰。婁太后凡孕六男二女。皆感夢。孕文襄則夢一斷龍。孕文宣則夢火龍。首尾屬天地。張口動目。勢狀驚人。孕孝昭則夢螭龍於地。孕武成則夢龍浴於海。孕魏二后並夢月人懷。孕襄城、博陵二王夢鼠人衣下。后未崩。

有童謠曰云云。及后崩。武成不改服。緋袍如故。帝於昆季次實九。蓋其徵驗。
九龍母死不作孝。○北齊書神武妻后傳。

北齊末鄴中童謠

隋書曰。北齊末。鄴中有童謠云云。未幾。齊爲周所滅。周都關中。故云西家也。
金作掃帚玉作把。淨掃殿屋迎西家。○隋書五行志。樂府詩集八十九。詩紀百十一。

武平末童謠

隋書曰。武平末有童謠。時穆后母子淫辟。干預朝政。時人患之。穆后小字黃花。尋逢齊亡。欲落之應也。
黃花勢欲落。清尊但滿北齊書作觴滿杯。酌。○北齊書後主穆后傳。隋書五行志。樂府詩集八十九。詩紀百十一。

徐之範引童謠

北齊書曰。徐之才大善醫術。太寧二年春。武明太后又病。之才弟之範爲尚藥典御。敕令診候。內史皆令呼太后爲石婆。蓋有俗忌。故改名以厭制之。之範出。告之才曰。童謠云云云。今太后忽改名。私所致怪。之才曰。跂求伽。胡言去已。豹祠嫁石婆。豈有好事。斬冢作媒人。但令合葬自斬冢。唯得紫緹靴者。得至四月。何者。紫之爲字此下系。緹者熟。當在四月之中。之範問靴是何義。之才曰。靴者革旁化。寧是久物。至四月一日。后果崩。
周里跂求伽。豹祠嫁石婆。斬冢作媒人。唯得一量紫緹靴。○北齊書徐之才傳。

楊子術引謠言

北齊書曰。魏寧以善推祿命。徵爲館客。武成親試之。皆中。乃以己生年月託爲異人而問之。寧曰。極富貴。今年人墓。武成驚曰。是我。寧變辭曰。若帝王自有法。又有陽子術。語人曰。謠言云云。且四八天之大數。太上之祚。恐不過此。既而武成崩。年三十二也。

盧十六。稚北史作雉。十四。犍子拍頭三十二。○北齊書魏寧傳。北史魏寧傳。

清河民爲宋世良謠

北齊書曰。宋世良施八條之制。盜奔他境。民又謠曰云云。後齊天保中大赦。郡先無一囚。羣吏拜詔而已。

曲堤雖御覽或作之。險賊何益。但有宋公自屏跡。○北齊書宋世良傳。御覽二百六十二、四百九十九。

諺語

清河民爲曲隄語

北齊書曰。宋世良出除清河太守。在郡未幾。聲問甚高。郡東南有曲堤。成公一姓阻而居之。羣盜多萃於此。人爲之語曰。

寧度御覽或作使。東吳會稽。不歷成公曲堤。○北齊書宋世良傳。御覽二百六十二、四百九十九。

齊人爲蘇珍之宋世軌語

北史曰。宋世軌。齊天保中爲大理少卿。執獄寬平。多所全濟。大理正蘇珍之以平幹知名。時人以爲二絕。寺中語曰。

決定嫌疑。北齊書或作斷決無疑。蘇珍之。視表見裏。宋世軌。○北齊書宋世軌傳。北史宋世軌傳。詩紀百十一。又北齊書蘇瓊傳引上一句。

省中爲祖珽裴讓之語

後魏書曰。祖珽。字孝徵。裴讓之。字士禮。俱崇文學。邢劭。省中爲之語曰。

多奇御覽或作伎。多能祖孝徵。能賦能詩裴讓之。○御覽二百十八引三國典略。六百四十四引後書。七百四十四引後魏書。又北齊書及北史裴讓之傳。詩紀百十一並引上一句。○逮按。後魏原作後漢書。今據揚州刻本改正。

文林館中爲陸乂語

北史曰。陸乂待詔文林館。兼中書舍人。加通直散騎常侍。又於五經最精熟。館中謂之石經。人爲之語曰。五經無對。有陸乂。○北史陸俟傳附乂傳。詩紀百十一。

顏之推引俗諺論教子

顏氏家訓曰。吾見世間無教而有愛。飲食運爲。資其所慾。宜誠翻獎。應呵反笑。至有識知。謂法當耳。驕慢已習。方復制之。捶撻至死而無戚。忿怒日隆而增怨。逮於成長。終爲敗德。孔子云。少成若天性。習慣成自然。是也。俗諺曰云云。誠然斯語。

教婦初來。教兒嬰孩。○顏氏家訓教子篇。

顏之推引諺論治家

顏氏家訓曰。婦人之性。率寵子壻而虐兒婦。寵壻則兄弟之怨生焉。虐婦則姊妹之讒行焉。然則女之行留皆得罪於其家者。母實爲之。至有諺云云云。此其相報也。家之常弊。可不戒哉。

落索阿姑餐。○顏氏家訓治家篇。

時人爲陳元康語

北齊書曰。世宗人輔京室。崔暹、崔季舒、崔昂等並被任使。張亮、張徽纂並高祖所待遇。然委任皆出元康之下。時人語曰。

三崔二太平廣記作兩。張。不如一康。太平廣記康上有陳元二字。○北齊書陳元康傳。太平廣記百七十三。

鄴下爲陸仲讓語

北齊書曰。崔暹子達拏。年十三。暹命儒者權會教其說周易兩字。乃集朝貴名流。令達拏昇高座開講。趙郡陸仲讓

陽屈之。暹喜躍。奏爲司徒中郎。鄴下爲之語曰云云。此皆暹之短也。

講義御覽作解經。兩行得中郎。○北齊書崔暹傳。北史崔挺傳附暹傳。御覽六百十五引三國典略。

時人爲唐邕白建言

北齊書曰。唐邕、白建方貴。時人言曰云云。徐之才蔑之。元日。對邕爲諸令史祝曰。見卿等位。當作唐白。

并州赫赫唐與白。○北齊書徐之才傳。

時人爲裴皇甫二姓兄弟語

北齊書曰。裴讓之、諷之及皇甫和、弟亮並知名於洛。時人語曰。

諷勝於讓。和不如亮。○北齊書裴讓之弟諷之傳。

時人爲馮祖趙三氏子語

北齊書曰。齊朝宰相。善始令終唯趙彥深一人。然諷朝廷以子叔堅爲中書侍郎。頗招物議。時馮子琮子慈明、祖珽

子君信並相繼居中書。故時語云。

馮祖及趙。穢我鳳池。○北齊書趙彥深傳。御覽二百二十。

御史臺中爲宋遊道語

北齊書曰。遊道與叔父別居。叔父爲奴誣以逆。遊道誘令返。雪而殺之。中尉酈善長嘉其氣節。引爲殿中侍御史。臺中語曰。

見賊北史作惡。能討。宋遊道。○北齊書宋遊道傳。北史宋繇傳附遊道傳。

時人爲宋遊道陸操語

北齊書曰。遊道與頓丘李獎一面便定死交。既而獎爲河南尹。辟遊道爲中正。元顥人洛。獎受其命。出使徐州。都督元孚與城人趙紹兵殺之。遊道爲獎訟寃。得雪。獎二子構、訓居貧。遊道後令其求三富人死事。判免之。凡得錢百五十萬。盡以人構、訓。其使氣黨俠如此。時人語曰。

遊道獼猴面。陸操科斗形。意識不關貌。北史誤作見。何謂醜者必無情。○北齊書宋遊道傳。北史宋繇傳附遊道傳。

鄴下爲李氏兄弟語

北史曰。李渾與弟繪、緯俱爲聘使主。每霸朝文武總集。常令繪先發言。音詞辯正。風儀都雅。文襄益加敬異。爲聘使。繪敷對明辨。梁武稱傳。繪弟緯。少聰慧。有才學。位中散大夫。聘梁使主。繪前後接對凡十八人。頗爲稱職。鄴下爲之語曰。

學則渾繪緯。口則繪緯渾。○北史李渾傳。

時人爲義深語

北史曰。李義深有當世才用。而心胸險阻。時人語曰。

劍戟森森。李義深。○北史李義深傳。

時人爲陽休之語

北史曰。陽休之好學。愛文藻。時人爲之語曰。

能賦能詩。陽休之。○北史陽休之傳。

時人爲陰鳳語


北史曰。賈思伯遷南青州刺史。初。思伯與弟思休師事北海陰鳳。業竟。無資酬之。鳳遂質其衣物。時人爲之語曰云云。及思伯之部。送縑百匹遺鳳。因具車馬迎之。鳳慚不往。時人稱歎焉。

陰生讀書不免癡。不識雙鳳脫人衣。○北史賈思伯傳。御覽八百十八引北齊書。

時人爲法上諺

北山錄曰。法上肇落兩髦。嶷然成器。刻意尚行。頗究玄微。時人以爲聖沙彌。諺曰。

沙彌若來。高座逢災。○北山錄三。○逮按。此諺亦見續高傳。文字稍異。齊大統合水寺釋法上傳云。法上姓劉氏。朝歌人。年暨學歲。創講法苑。酬抗疑難。無不歎伏。昌言勝負。而形色非美。故時人諺曰。黑沙彌若來。高座逢災。



北齊詩卷四

郊廟歌辭

陸印等奉詔作

歷代吟譜曰。陸印。字雲駒。累遷給事黃門侍郎、吏部郎中。齊之郊廟諸歌。多印所製。

大禘圜丘及北郊歌辭十三首

隋書樂志曰。齊武成時。始定四郊、宗廟、三朝之樂。大禘圜丘及北郊樂並同。祠武帝用圜丘樂。○逯按。北郊樂歌八首。辭同南郊。隋書南北郊樂合載其文。異者分註本句之下。

肆夏夕牲。羣臣入門奏。

肇應靈序。奄字黎民。隋書作人。樂府同。乃朝萬國。爰徵百神。祇展方望。幽顯咸臻。禮崇聲協。贊列珪陳。翼差鱗次。端拱隋書作笏。樂府同。垂紳來趨動色。式贊天人。○隋書音樂志。樂府詩集三。詩紀百十一。

高明樂迎神奏。登歌辭同。

惟神鑒隋書作監。樂府同。矣。北郊云。惟祗監矣。皇靈肅止。圜隋書作圓。樂府同。璧展事。北郊云。方琮展事。成文卽始。北

郊云。卽陰成理。士備八能。樂合六變。北郊云。樂合八變。風湊伊雅。光華襲薦。宸衛騰景。靈駕霏煙。嚴壇生白。綺席凝玄。○同上

昭夏樂牲出入奏。

剛柔設位。惟皇配之。言肅其禮。念暢在茲。飾牲舉獸。載歌且舞。既設隋書作捨。樂府同。伊臚。致精靈府。物色惟典。齋沐加恭。宗族咸暨。罔不率從。○同上

昭夏樂薦毛血奏。

展禮上月。肅事應時。繭栗爲用。交暢有期。弓矢斯發。瓮隋書作瓮。樂府同。簎將事。圓神致祀。北郊云。方祗致祀。率由先志。和以鑾刀。臭以血膋。至哉敬矣。厥義孔高。○同上

皇夏樂進熟皇帝人門奏。

帝敬昭宣。皇誠肅致。玉帛齊軌。屏攝咸次。三垓上列。北郊云。重垓上列。四陛旁升。北郊云。分陛旁升。龍陳萬騎。鳳動千乘。神儀天藹。睟詩紀作晬。容離曜。金根停軫。奉光先導。○同上

皇夏樂皇帝升丘奏。壇上登歌辭同。

紫壇雲曖。北郊云。層壇雲曖。紺幄霞褰。北郊云。嚴幄霞褰。我其陟止。載致其虔。百靈竦聽。萬國咸仰。人神咫尺。玄應盼蠻。○同上

高明樂 皇帝初獻奏。

上下眷。旁午從。爵以質。獻以恭。咸斯暢。樂唯雍。孝敬闡。臨萬邦。○同上

高明樂 皇帝奠爵訖。奏高明樂、覆燂之舞。

自天子之。會昌神道。丘陵肅事。北郊云。方澤祗事。克光天保。九關洞開。百靈環列。八樽呈備。五聲投節。○同上

武德樂 皇帝獻太祖配饗神座。奏武德之樂、昭烈之舞。

配神登聖。主極尊靈。敬宣昭燭。咸達宵冥。禮弘化定。樂贊功成。穰穰介福。下被羣生。○同上

皇夏樂 飲福酒奏。

皇心緬且感。吉蠲奉至誠。赫哉光盛德。乾坤照隋書作詔。樂府同。百靈。報福歸昌運。承祐播休明。風雲馳九域。龍蛟躍四溟。浮幕呈光氣。儷象燭華精。護武方知恥。韶夏僅同聲。○同上

高明樂送神。降丘南陸奏。

獻享畢。懸佾周。神之駕。將上遊。北郊云。將下遊。超斗極。絕河流。北郊云。超荒極。憩昆丘。懷萬國。寧九州。欣帝道。心願留。帀上下。荷皇休。○同上

昭夏樂紫壇既燎奏。

玄黃覆載。元首照臨。合德致禮。有契其心。敬申事闋。絜誠共隨。書作云。樂府同。報。玉帛載升。北郊云。牲玉載陳。棫樸斯燎。寥廓幽曖。播以馨香。皇靈惟監。降福無疆。○同上

皇夏樂皇帝還便殿奏。

天大親嚴。匪敬伊孝。永言肆饗。宸明增耀。陽丘既暢。北郊云。陰澤云暢。大典逾光。乃安斯息。欽若舊章。天迴地旋。鳴鑾引警。且萬且億。皇曆惟永。○同上

五郊樂歌五首

隋書樂志曰。齊五郊迎氣降神。並奏高明樂。又曰。禮五方上帝。並奏高明之樂。爲覆燾之舞。

青帝高明樂

歲云獻。谷風歸。斗東指。鴈北飛。電鞭激。雷車遽。虹旌靡。青龍馭。和氣洽。具物滋。翻降止。應帝期。○
隋書音樂志。樂府詩集三。詩紀百十一。

赤帝高明樂

婺女司旦。仲呂宣。朱精御節。離景延。根荻俊茂。溫風發。柘火風水。應炎月。執衡長物。德孔昭。赤旂電
隋書作霞。樂府同。曳。會今朝。○同上

黃帝高明樂

居中巾五運。乘衡畢四時。含養滋隋書作資。樂府同。羣物。協德固皇基。擘緩契王風。持載符君德。良辰動靈
駕。承祀昌邦國。○同上

白帝高明樂

風涼露降。馳景颺寒精。山川搖落。平秩在西成。蓋藏成積。烝民隋書作人。樂府同。被嘉祉。從享來儀。鴻休
溢千祀。○同上

黑帝高明樂

虹藏雉化。告寒。冰壯地坼。年殫。日次月紀。方極。九州詩紀作川。萬邦。獻力。叶光是紀。歲窮。微陽潛兆。方融。天子赫赫。明聖。享神降福。惟敬。○同上

祀五帝於明堂樂歌十一首

肆夏樂先一日。夕牲。羣臣入門奏。

國陽崇祀。嚴恭詩紀云。隋書作載。有聞。荒華胥暨。樂我大君。冕瑞有列。禽帛載隋書作恭。敘。羣后師師。威儀容與。執禮辨物。司樂考章。率由靡墜。休有烈光。○隋書音樂志。樂府詩集三。詩紀百十一。

高明樂太祝令迎神。奏高明樂、覆燹舞。

祖德光。國圖昌。祇上帝。禮四方。闕紫宮。動隋書作洞。樂府同。華闕。龍虎隋書作獸。樂府同。奮。風雲發。飛朱雀。從玄武。攜日月。帶雷雨。耀宇內。溢區中。眷帝道。感皇風。帝道康。皇風扇。粢盛列。椒醕薦。神且寧。會五精。歸福祿。幸閭亭。○同上

武德樂太祖配饗。奏武德樂、昭烈舞。

我惟我祖。自天之命。道被歸仁。時屯啓聖。運鍾千祀。授手萬姓。夷兇掩虐。匡積翼正。載經載營。庶士隋書作士。樂府同。咸寧。九功以洽。七德兼盈。丹書人告。玄玉來呈。露甘泉白。雲郁河清。聲教咸往。舟車畢會。仁加有形。化浹隋書作洽。樂府同。無外。嚴親惟重。陟配惟大。既祐斯歌。率土攸賴。○同上

昭夏樂牲出人奏。

孝享不匱。精潔臨年。滌牢委溢。形色博牲。于以用之。言承歆祀。肅肅威儀。敢不敬止。載飭隋書作飾。樂府作飾。載省。惟牛惟羊。明神有察。保茲萬方。○同上

昭夏樂薦毛血奏。

我將宗祀。齎獻厥誠。鞠躬如在。側聽無聲。薦色斯純。呈氣斯臭。有滌有濯。惟神其祐。五方來格。一人多祉。明德惟馨。於穆不已。○同上

皇夏樂皇帝入門奏。皇帝升壇。奏皇夏。辭同。

象乾上構。儀坤下基。集靈崇祖。永言孝思。室陳簋豆。庭羅懸佾。夙夜畏威。保茲貞吉。舞貴其夜。歌重其升。降斯百祿。惟饗惟應。○同上

高明樂 皇帝初獻。奏高明樂、覆燹舞。

度几筵。闢牖戶。禮上帝。感皇祖。酌惟絜。滌以清。薦心款。達神明。○同上

高明樂 皇帝裸獻。奏高明樂、覆燹舞。

帝精來降。應我明德。禮殫義展。流祉邦國。既受多祉。實資孝敬。祀謁隋書作竭。樂府同。其誠。荷天休命。○同上

皇夏樂 飲福酒奏。

恭祀洽。盛禮宣。英猷爛層景。廣澤同深泉。上靈鍾百福。羣神歸萬年。月軌咸梯岫。日域盡浮川。瑞鳥飛玄扈。潛鱗躍翠漣。皇家膺寶曆。兩地復參天。○同上

高明樂 太祝送神。奏高明樂、覆燹舞。

青陽奏。發朱明。歌西皓。唱玄冥。大禮罄。廣樂成。神心懌。將遠征。飾龍駕。矯鳳旌。指閭闔。憇層城。出溫谷。邁炎庭。跨西汜。過北溟。忽萬億。耀光精。比電驚。與雷行。嗟皇道。懷萬靈。固王業。震天聲。○同上

皇夏樂 帝還便殿奏。

文物備矣。聲明有章。登薦惟肅。禮邀前王。邕齊云終。折旋告罄。隋書作磬。是。穆穆旒冕。蘊誠畢敬。屯衛按部。鑾蹕迴途。暫留紫殿。將及清都。○同上

享廟樂辭十八首

肆夏樂先一日。夕牲。羣臣入門奏。

霜淒雨暢。烝哉帝心。有敬其祀。肅事惟歆。昭昭車服。濟濟衣簪。鞠躬貢酎。磬折奉琛。差以五列。和以八音。式祇詩紀作祇。王度。如玉如金。○隋書音樂志。樂府詩集九。詩紀百十一。

高明登歌樂迎神奏。

日卜惟吉。辰擇其良。奕奕清廟。黼黻周張。大呂爲角。應鍾爲羽。路鼗陰竹。德歌昭舞。祀事孔明。百神允穆。神心乃顧。保茲介福。○同上

昭夏樂牲出人奏。

大祀云事。獻奠有儀。既歌既展。贊顧迎犧。執從伊竦。芻飾惟慄。俟用於庭。將升於室。且握且駢。以致其誠。惠我貽頌。降祉千齡。○同上

昭夏樂 薦毛血奏。

緬彼遐慨。悠然永思。留連七享。纏綿四時。神升魄沈。靡聞靡見。陰陽載俟。臭聲兼薦。祖考其鑒。言萃王休。降神敷錫。百福是由。○同上

皇夏樂 進熟。皇帝入門奏。

齊居嚴殿。夙駕層闈。車輅垂彩。旒袞騰輝。聳誠載仰。翹心有慕。洞洞自形。斤斤表步。闕宮有邃。神道依稀。孝心緬邈。爰屬爰依。○同上

登歌樂 太祝裸地奏。

太室窅窅。神居宿設。鬱鬯惟芬。珪璋惟潔。彝罍應時。龍蒲代用。藉茅無咎。福祿攸降。端感會事。儼思修禮。齊齊勿勿。俄俄濟濟。○同上

登歌樂 皇帝升殿。殿上作。

我祠我祖。永惟厥先。炎農肇聖。靈祉蟬聯。霸圖中造。帝業方宣。道昌基構。撫運承天。奄家六合。爰光八埏。尊神致禮。孝思惟纏。寒來暑反。惕薦在年。匪敬伊慕。備物不愆。設簾設業。執鼓填填。辟公在位。

有容伊虔。登歌啓佾。下管應懸。厥容無爽。幽明肅然。誠币厚地。和達穹玄。既調風雨。載協山川。周庭有列。湯孫永延。教聲惟被。邁後光前。○同上

始基樂恢祚舞

皇帝初獻六世祖司空公神室奏。

克明克俊。祖武惟昌。業弘營土。聲被海方。有流厥德。終耀其光。明神幽贊。景祚攸長。○同上

始基樂恢祚舞

五世祖吏部尚書室。

顯允盛德。隆我前構。瑤源彌瀉。隋書作馮。瓊根愈秀。誕惟有族。丕緒克茂。大業崇新。洪基增舊。○同上

始基樂恢祚舞

高祖秦州刺史室。

祖德丕顯。明詰知幾。隋書作機。樂府同。豹變東國。鵠起西歸。禮申官次。命改朝衣。敬思孝享。多福無違。○同上

始基樂恢祚舞

曾祖太尉武貞公室。

兆靈有業。潛德無聲。韜光戢耀。貫幽洞冥。道弘舒卷。施博藏行。緬追歲事。夜遽不寧。○同上

始基樂恢祚舞

祖文穆皇帝室。

皇皇祖德。穆穆其風。語嘿自己。明叡在躬。荷天之錫。聖表克隆。高山作矣。寶祚其崇。離光旦旦。載煥載融。感薦惟永。神保無窮。○同上

武德樂昭烈舞

高祖神武皇帝室。

天造草昧。時難糾紛。孰拯斯溺。靡救其焚。大人利見。緯武經文。顧指維極。吐吸風雲。開天闢地。峻岳夷海。冥工掩迹。上德不宰。神心有應。龍化無待。義征九服。仁兵告凱。上平下成。靡或不寧。匪王伊帝。偶極崇靈。享親則孝。潔樂府作絮。祀惟誠。禮備樂序。肅贊神明。○同上

文德樂宣政舞

文襄皇帝室。

聖武丕基。勳文顯統。眇哉神啓。鬱矣天縱。道則人弘。德云邁種。昭冥威敘。崇深畢綜。自中徂外。經朝庇野。政反淪風。威還缺雅。旁作穆穆。格于上下。維享維宗。來鑒來假。○同上

文正樂光大舞

顯祖文宣皇帝室。

玄曆已謝。蒼靈告期。圖璽有屬。揖讓惟時。龍升獸變。弘我帝基。對揚穹昊。寔啓雍熙。欽若皇猷。永懷

王度。欣賞斯穆。威刑允措。軌物俱宜。憲章咸布。俗無邪指。下歸正路。茫茫九域。振以乾綱。混通華裔。配括天壤。作禮視德。列樂傳響。薦祀惟虔。衣冠載仰。○同上

皇夏樂 飲福酒奏。

孝心翼翼。率禮兢兢。時洗時薦。或降或升。在堂在戶。載湛載凝。多品斯奠。備物攸膺。蘭芬敬挹。玉俎恭承。受祭之祐。隋書作祐。樂府同。如彼岡陵。○同上

高明樂 送神奏。

仰棖楠。慕衣冠。禮云罄。祀將闌。神之駕。紛奕奕。乘白雲。無不適。窮昭域。極幽塗。歸帝祉。眷皇都。○同上

皇夏 皇帝詣便殿奏。

禮行斯畢。樂奏以終。受嘏先退。載暢其衷。鑾軒循轍。麾旌復路。光景徘徊。絃歌顧慕。靈之相矣。有錫無疆。國圖日競。隋書作鏡。樂府同。家曆天長。○同上

燕射歌辭

元會大饗歌十首

隋書樂志曰。北齊元會大饗。協律不得升陛。黃門舉麾於殿上。今列其歌辭云。

肆夏 賓入門。四廂奏。

昊蒼眷命。興王統天。業高帝始。道邈皇先。禮成化穆。樂合風宣。賓朝荒夏。對揚隋書作揚對。樂府同。穹玄。
○隋書音樂志。樂府詩集十四。詩紀百十一。

皇夏 皇帝出閣奏。

夏正肇旦。周物充庭。具僚在位。俛伏無聲。大君穆穆。宸儀動睟。日煦天迴。萬靈胥萃。○同上

皇夏 皇帝當宸。羣臣奉賀奏。

天子南面。乾覆離明。三千咸列。萬國填并。猶從禹會。如次湯庭。奉茲一德。上下和平。○同上

皇夏 皇帝入寧變服。黃鍾太簇二廂奏。

我應天曆。四海爲家。協同內外。混一戎華。鶴蓋龍馬。風乘雲車。夏章夷服。其會如麻。九賓有儀。八音有節。肅肅於位。飲和在列。四序氤氳。三光昭晰。君哉大矣。軒唐比轍。○同上

皇夏 帝出升御座。姑洗廂奏。

皇運應籙。廓定區寓。受終以文。構業以武。堯昔命舜。舜亦命禹。大人馭歷。重規沓矩。欽明在上。昭納八賁。從靈體極。誕聖窮神。化生羣品。陶育烝人。展禮肆樂。協此元春。○同上

肆夏 王公奠璧奏。

萬方咸暨。三揖以申。垂旒馮玉。五瑞交陳。拜稽有章。升降有節。聖皇負宸。虞唐比烈。○同上

上壽曲 上壽。黃鍾廂奏。

仰三光。奏萬壽。人皇御六氣。天地同長久。○同上

登歌三曲 皇太子入。至坐位。酒至御。殿上奏。

大齊統曆。道化光明。馬圖呈寶。龜籙告靈。百蠻非衆。八荒非逃。同作堯人。俱包禹迹。天覆地載。成以四時。惟皇是則。比大於茲。羣星拱極。衆川赴海。萬寓駿奔。一朝咸在。

齊之以禮。相趨帝庭。應規蹈矩。玉色金聲。動之以樂。和風四布。龍申鳳舞。鸞歌麟步。○同上

食舉樂十曲 食至御前奏。

三端正啓。萬方觀禮。具物充庭。二儀合體。百華照曉。千門洞晨。或華或裔。奉贄惟新。悠悠亘六合。圓首莫不臣。仰施如雨。晞和猶春。風化表笙鏞。歌謳被琴瑟。誰言文軌異。今朝混爲一。

彤庭爛景。丹陛流光。懷黃綰白。鵷鷺成行。文贊百揆。武鎮四方。折衝鼓雷電。獻替協陰陽。大矣哉。道邁上皇。陋五帝。狹三皇。窮禮物。該樂章。序冠帶。垂衣裳。

天壤和。家國穆。悠悠萬類。咸孕育。契冥化。侔大造。靈效珍。神歸寶。興雲氣。飛龍蒼。麟一角。鳳五光。朱雀降。黃玉表。九尾馴。三足擾。化之定。至矣哉。瑞感德。四方來。

囹圄空。水火菽粟。求賢振滯。棄珠玉。衣不靡。宮以卑。當陽端嘿。垂拱無爲。云云萬有。其樂不訾。嗟此舉時。逢至道。肖形成自持。賦命無傷天。行氣進皇輿。遊龍服帝皐。聖主寧區宇。乾坤永相保。牧野征。鳴條戰。大齊家萬國。拱揖應終禪。奧主席清都。大君臨赤縣。高居深視。當宸正殿。旦暮之期。今一見。

兩儀分。牧以君。陶有象。化無垠。大齊德。邈誰羣。超鳳火。冠龍雲。露以潔。風以薰。榮光至。氣氤氳。神化遠。人靈協。寒暑調。風雨變。披泥檢。受圖諜。圖諜啓。期運昌。分四序。綴三光。延寶祚。眇無疆。惟皇道。升平日。河水清。海不溢。雲干呂。風人律。驅黔首。入仁壽。與天高。並地厚。

刑以厝。頌聲揚。皇情邈。眷汾襄。岱山高。配林壯。亭亭聳。云云望。旆葳蕤。駕駢駢。刊金闕。奠玉龜。○
同上

皇夏 皇帝入。鐘鼓奏。

禮終三爵。樂奏九成。允也天子。穹壤和平。載色載笑。反寢晏。隋書作宴。樂府同。息。一人有祉。百神奉職。
○同上

舞曲歌辭

文武舞歌四首

隋書樂志曰。北齊元會大饗。奏文武二舞。二舞將作。並先設階步焉。

文舞階步辭

我后降德。肇峻皇基。搖鈴大號。振鐸命期。雲行雨洽。天臨地持。茫茫區宇。萬代一時。文來武肅。成定
於茲。象容則舞。歌德音詩。鏘鏘金石。列列匏絲。鳳儀龍至。樂我雍熙。○隋書音樂志。樂府詩集五十二。詩紀百
十一。

文舞辭

皇天有命。歸我大齊。受茲華玉。爰錫玄珪。奄家環海。實子蒸黎。圖開寶匣。檢封芝泥。無思不順。自東徂西。教南暨朔。罔敢或攜。比日之明。如天之大。神化之洽。率土無外。眇眇舟車。華戎畢會。祠我春秋。服我冠帶。儀協震象。樂均天籟。蹈武在庭。其容藹藹。○同上

武舞階步辭

大齊統曆。天鑒孔昭。金人降汎。火鳳來巢。眇均虞德。干戚降苗。夙詩紀云。隋書作風。沙攻主。歸我軒朝。禮符揖讓。樂契咸韶。蹈揚惟序。律度時調。○同上

武舞辭

天眷橫流。宅心玄聖。祖功宗德。重光襲映。我皇恭己。誕膺靈命。宇外斯燭。域中咸鏡。悠悠率土。時惟保定。微微動植。莫違其性。仁豐庶物。施洽羣生。海寧洛變。契此休明。雅宣茂烈。頌紀英聲。鏗鏗鐘鼓。掩抑簫笙。歌之不足。舞以禮成。鏢矣王度。緬邁千齡。○同上

詩紀云。已上樂章。詩彙云祖珽作。按隋書樂志。祖珽上書論樂於文宣之時。至武成時始定四郊、宗廟、三朝之樂。而不著作歌之人。則非珽作明矣。今考北史。陸卬等製。

仙道

吳猛贈廬山神徐君詩

水經注曰。案張華博物志曹著傳。其神自云姓徐。受封廬山。後吳猛經過。山神迎猛。猛語曰。君王此山近六百年。符命已盡。不宜久居非據。乃贈詩云。

仰矚列仙館。俯察王神宅。曠載暢幽懷。傾蓋付三益。○水經廬江水注。詩紀外集一。

武陽山遺詠

水經注曰。峩山縣東北有武陽龍尾山。並仙者羽化之處。上有仙人及龍之處。上有仙人及龍馬跡。于其處得遺詠。其詠曰。

登武陽。觀樂藪。峩嶺千蕤洋湖口。命飛螭。駕白駒。臨天水。心踟躕。千載後。不知如。○水經涑水注。詩紀外集三。

鬼神

褚士達

士達。仕祖珽爲省事。

夢人倚戶授其詩

北史曰。斛律光嘗在朝堂。垂簾而坐。祖珽不知。乘馬過其前。光怒。謂人曰。此人乃敢爾。後珽在內省。言聲高慢。光過聞之。又怒。珽知光忿。珽省事褚士達夢人倚戶授其詩曰云云。以告珽。珽占之曰。角斗。斛字。津却水。何留人。合成律字。非真者。解斛律於我不實。士達又言所夢狀。乃其父形也。珽由是懼。

九升八合粟。角斗定非真。堰却津中水。將留何處人。○北史斛律光傳。

徐鐵臼怨歌

還冤記曰。宋東海徐某甲。前妻許氏。生一男。名鐵臼。而許氏亡。甲改娶陳氏。陳氏凶虐。志滅鐵臼。生一男。名鐵杵。欲以杵擣鐵臼也。於是捶打鐵臼。飢不給食。寒不加絮。鐵臼竟以凍餓被杖死。時年十六。亡後旬餘。鬼忽還家。日日罵詈。時復歌云云。聲甚傷切。自是自悼不得長成也。於時鐵杵六歲。鬼屢打之。月餘而死。

桃李花。法苑珠林作華。嚴霜落奈何。桃李子。嚴霜早落已。還冤記作已落。○還冤記。法苑珠林七十五引怨魂志。詩紀外集四。

北周詩卷一

周明帝宇文毓

毓。文帝長子。西魏大統中。封寧都郡公。周閔帝受禪。進柱國、岐州刺史。及閔帝廢。朝廷迎立之。在位四年。武成二年卒。年二十七。諡曰明皇帝。有集十卷。

貽韋居士詩

北史曰。韋復。字敬遠。杜陵人。志尚簡澹。州郡徵辟。並不就。周文帝經綸王業。側席禮聘。竟不能屈。時人號爲居士。明帝卽位。禮敬愈厚。乃爲詩以貽之。復答詩願時朝謁。帝大悅。敕有司日給酒一升。號曰逍遙公。

六爻貞遯世。三辰光少類。聚作少光。微。潁陽去猶周書作讓逾。北史、文苑同。遠。滄洲周書作州。文苑同。遂周書、北史作去。文苑同。又注。一作遂。詩紀云。一作去。不歸。風周書作香。北史、文苑同。動秋蘭佩。香周書作風。北史、文苑同。飄蓮葉衣。文苑衣飄兩句在飛韻下。坐石窺仙洞。乘槎下釣磯。嶺松千仞直。巖泉百丈飛。聊登平樂觀。遙想首陽薇。儻周書、北史作詎。文苑同。又注。一作儻。能同四隱。來參余萬機。○周書韋復傳。北史韋孝寬傳附復傳。類聚三十六。文苑英華二百三十二作招隱士逍遙公章復。詩紀百十二。

過舊宮詩

北周書曰。二年九月丁未。行幸同州故宅。賦詩。

玉燭調秋氣。金輿歷舊宮。還如過白水。更似入新豐。秋北周書作霜。潭漬初學記或作清。萬花谷作清。晚菊。寒井落疎桐。舉杯延故老。今周書作令。文苑同。初學記或同。聞歌大風。○北周書明帝紀。類聚六十二。初學記十三、二十四。文苑英華百七十四。御覽五百九十一。萬花谷後二十三。詩紀百十二。

和王褒詠摘花

玉腕承花落。花落腕中芳。酒浮花不沒。花含酒更香。○類聚八十八。詩紀百十二。

李昶

昶。小名那。頓丘臨黃人。祖彪。魏御史中尉。昶仕西魏。歷都官郎中、相州大中正、銀青光祿大夫、太祖丞相府記室參軍、中書侍郎、御史中尉、大將軍儀同三司。賜姓宇文氏。周受禪。天保元年。進驃騎大將軍。二年。轉御正中大夫。保定五年。出爲昌州刺史。遇疾卒。年五十。

陪駕幸終南山詩

堯蓋臨河穎。漢蹕踐華嵩。日旗初學記作旂。詩紀云。一作旌。迴北風。星文苑作皇。注云。一作星。旆轉南鴻。青文苑

作清。注云。一作青。雲過宣曲。先驅背射熊。金桴拂泉底。玉瑀吹雲中。古轍稱難極。新途或易窮。煙生山欲盡。潭淨水恆空。交文苑作文。注云。一作交。松上連霧。脩竹下來風。仙才道無別。靈氣法能同。文苑作通。東棗羞朝座。西桃獻夜宮。詔令王子晉。出對浮丘公。○初學記五。文苑英華百五十九。詩紀百十二。

奉和重適陽關

銜悲向玉關。垂淚上瑤臺。舞閣懸新網。歌梁積故埃。紫庭生綠草。丹墀染碧苔。扉晝常掩珠。簾夜暗開。方池含水思。芳樹結風哀。行雨歸將絕。朝雲去不迴。獨有西陵上。松聲薄暮來。○文苑英華二百四十作李那。詩紀百十二。○逯按。此詩詩紀署李那。編入隋詩。今改列於此。

高琳

琳。字季珉。其先高麗人。仕於燕。後歸魏。賜姓羽真人。入周。累官江陵副總管。進位柱國。

宴詩

北史曰。武成三年。討平文州氏。師還。帝宴羣公卿士。仍賦詩言志。琳詩末章云云。帝大悅曰。獯獫陸梁。末時欸塞。卿言有驗。國之福也。

寄言寶車騎。爲謝霍將軍。何以報天子。沙漠靜妖氛。○周書高琳傳。北史高琳傳。御覽二百七十七。又五百八十六引三

國典略。詩紀百十二。

宗慄

慄。字元慄。南陽涅陽人。梁元帝鎮江陵。以爲記室。及帝卽位。累遷吏部尚書。及江陵平。入關。拜車騎大將軍、儀同三司。保定中卒。年六十四。有集十二卷。

和歲首寒望詩

旅騎出平原。鉦鏡遍野喧。接里開都邑。連車駐小門。稻車迴故塢。獵馬轉新村。古碑空戴石。山龕未上幡。所言春不至。未有桃花源。○類聚二十八。詩紀百十二。

早春詩

昨暝春風起。今朝春氣來。鶯鳴一兩囀。花樹數重開。散粉成初蝶。剪綵作新梅。遊客傷千里。無暇上高臺。○初學記三。文苑英華百五十七。詩紀百十二。

春望詩

詩紀云。律祖作陳後主者非。

日暮春臺望。初學記作傍。文苑作倚。徙倚愛餘光。都尉新移棗。司空始種楊。一枝猶桂馥。十步有蘭香。望望

無萱草。忘憂竟不忘。○初學記三。文苑英華百五十七。詩紀百十二。

麟趾殿詠新井詩

當爲醴泉出。先令浪井開。銅新九龍殿。石勝凌雲臺。詩紀云。瑞應圖曰。王者清淨則浪井出。魚豢魏略曰。明帝九龍殿前爲玉井綺欄。○初學記七。詩紀百十二。

宗羈

登渭橋詩

仲山朝飲馬。還坐渭橋中。南瞻臨別館。北望盡離宮。四面衣裾合。三條冠蓋通。蘭香想和季。雲起憶成公。圯上相知早。鷄鳴幸共同。圯音夷。楚人謂橋爲圯。○類聚九。初學記七。詩紀百十二。

蕭撝

撝。字智遐。梁安成王蕭秀子。封永豐侯。歷黃門侍郎。侯景之亂。從武陵王蕭紀爲征西大將軍。守成都。周文帝伐蜀。遂入西魏。授侍中。武帝時爲文學博士。歷少傅。改封蔡陽郡公。建德二年卒。年五十九。有集十卷。

孀婦吟

寒夜靜房櫺。孤妾思偏叢。悲生聚紺黛。淚下浸妝紅。蓄恨縈心裏。含啼歸帳中。會須明月落。那忍見牀空。○樂府詩集七十六。詩紀百十二。

日出行

昏昏隱遠霧。團團乘陣雲。正值秦樓女。含嬌酬使君。○文苑英華百九十三。樂府詩集二十八作日出東南隅行。詩紀百十二。

勞歌

百年能幾許。公事罷平生。寄言任立政。文苑作正。誰憐李少卿。○文苑英華二百三。樂府詩集八十六。詩紀百十二。

和梁武陵王遙望道館詩

神境流精闕。仙居紫翠房。今有尋真地。迤邐類聚作邈迤。麗通莊。九柱含虬重。三臺飾夜光。金輝碧海桃。玉笈紫書方。拂筵青鳥集。吹簫白鳳翔。履歸堪是薦。石在詎非羊。煙霞四照蒞。風月五名香。於茲喜臨眺。願得假霓裳。○類聚七十八。詩紀百十二。

上蓮山詩

獨邁青蓮嶺。超奇紫蓋峯。挂流遙似鶴。插石近如龍。沙崩聞韻鼓。霜落候初學。記作似。文苑同。鳴鍾。飛花滿叢桂。輕吹起脩筇。石蒲文苑作浦。注云。一作蒲。今尚有。採文苑作深。注云。一作採。摘更相逢。○初學記五。文苑英華百五十九。詩紀百十二。

王褒

褒。字子淵。琅邪臨沂人。仕梁。歷吏部尚書、右僕射。荊州破。入周。授車騎大將軍。明帝卽位。篤好文學。褒與庾信才名最高。特被親待。加開府儀同三司。武帝時爲太子少保。遷小司空。出爲宣州刺史。建德中卒。年六十四。有集二十一卷。

樂府

關山篇以下五言。

從軍出隴阪。驅馬度關山。關山恆掩藹。高峰白雲外。遙望秦川水。千里長如帶。好勇自秦中。意氣多豪雄。少年便習戰。十四已從戎。遼水深難渡。榆關斷未通。○類聚四十二。詩紀百十三。

從軍行二首

兵書久閑習。征戰數曾經。講戎平樂觀。學戲文苑云。一作覽獻。詩紀云。一作攬劍。羽林亭。西征度疎勒。東驅出井陘。牧馬濱長涇。營軍毒上涇。平雲如陣色。半月類城形。羽書封信璽。詔使動流星。對岸流沙白。緣樂府誤作綠。河柳色青。將幕恆臨斗。旌門常背刑。詩紀作形。勳封瀚海石。功勒燕然銘。兵勢因麾下。軍圖送掖庭。誰憐下玉筋。向暮掩金屏。○文苑英華百九十九。樂府詩集三十二。詩紀百十三。

黃河流水急。驄馬遠文苑作送。樂府同。征人。谷望河陽縣。橋渡小平津。年樂府云。一作惡。少多文苑作惡少年。又年下注云。一作多。遊俠。結客好輕身。代風愁櫪馬。胡霜宜角筋。羽書勞警急。邊鞍倦苦辛。康居因漢使。盧龍稱文苑作有。注云。一作稱。魏臣。荒戍唯看柳。邊城不識春。男兒重意氣。無爲羞賤貧。○同上

長安有狹邪行

威詩紀云。一作透。紆狹邪道。車騎動相喧。博徒稱劇孟。遊俠號王孫。勢傾魏侯府。交盡翟公門。路邪勞夾穀。塗艱倦折轅。日斜宣曲觀。春還御宿園。塗歌楊柳曲。巷飲榴花樽。獨有遊梁倦。詩紀云。一作客。還守孝文園。○樂府詩集三十五。詩紀百十三。

飲馬長城窟

北走長安道。征騎文苑作施。注云。一作騎。每經過。戰垣臨八陣。旌門文苑作門樓。注云。一作旌門。對兩和。文苑作河。屯兵戍隴北。飲馬傍城阿。雪深無復道。冰合不生波。塵飛連陣聚。沙平騎跡多。昏昏墮坻月。文苑作底日。注云。一作月。耿耿霧中河。羽林猶角觝。將軍尚雅歌。臨戎常拔劍。蒙險屢提戈。秋風鳴馬首。薄暮欲如何。
○文苑英華二百九。樂府詩集三十八。詩紀百十三。

輕舉篇

天地能長久。神仙壽不窮。白玉東華檢。方諸西岳童。俄樂府作我。瞻少海北。暫別扶桑東。俯觀雲似蓋。低望月如弓。看棊城邑改。辭家墟巷空。流珠餘舊竈。種杏發新叢。酒釀瀛洲玉。劍鑄昆吾銅。誰能攬六博。還當訪井公。
○樂府詩集六十四。詩紀百十三。

凌雲臺

高臺懸百尺。中夕文苑作夕。殊未窮。北臨酸棗寺。西眺明光宮。城旁抵雙府。林裏對相風。書題鹿盧榜。觀寫飛廉銅。牕開神女電。梁映美人虹。虞捐濫天文。苑作失。寵。鄭督特懷忠。莊生垂翠釣。昭儀拒樂府。作抵。文苑云。一作抵。鬪熊。馳輪有盈缺。人道亦汗隆。還念西陵舞。非復鄴城中。
○文苑英華百九十二。樂府詩集七十五。詩紀百十三。

出塞詩紀云。一作塞下曲。

飛蓬似征客。千里自長驅。塞禽唯有鴈。關樹但生榆。背山看故壘。繫馬識餘蒲。還因麾下騎。來送月支圖。詩紀云。三齊略記。秦始皇至東海。蟠蒲繫馬。至今其地蒲生皆緋結。○文苑英華百九十七。樂府詩集二十一。詩紀百十三。

入塞

戍久風塵色。勳多意氣豪。建章樓閣文苑作闕。迥。文苑云。一作近。一作迴。長安陵樹高。度冰傷馬骨。經寒墜節旄。文苑作毛。行當見天子。無文苑作何。假用錢刀。○文苑英華百九十七。樂府詩集二十一。詩紀百十三。

關山月

關山夜月明。文苑云。一作今夜月。秋初學記、御覽作秋。文苑同。又注。一作秋。色照孤城。影虧文苑作半。注云。一作影虧。初學記作半形。御覽同。詩紀云。一作半形。同漢陣。輪滿初學記作全影。文苑同。又注云。一作輪滿。御覽作金影。詩紀云。一作全影。逐胡兵。天文苑作灰。注云。一作天。寒光轉白。風多暈欲生。寄言亭上吏。遊客解雞鳴。○初學記一。文苑英華百九十八。御覽四。樂府詩集二十三。詩紀百十三。

長安道

槐衢回北第。馳道度西宮。樹陰連袖色。塵影雜衣風。採桑逢五馬。停車對兩童。喧喧許史座。鐘鳴賓未

窮。○樂府詩集二十三。詩紀百十三。

明君詞

闌殿辭新寵。椒房餘故情。鴻飛漸南陸。馬首倦西征。寄書參漢使。銜涕望秦城。唯餘馬上曲。猶作出關聲。○樂府詩集二十九。詩紀百十三。

遊俠篇

京洛出名謳。豪俠競交遊。河南期類聚作朝。樂府同。文苑云。一作朝。四姓。關西謁五侯。鬪雞橫大道。走馬出長楸。桑陰徙樂府作徒。文苑云。一作徒。將夕。槐路轉淹留。○類聚三十三。文苑英華百九十六作俠客行。樂府詩集六十七。詩紀百十三。

古曲

詩紀云。一作雜曲。

青樓臨大道。遊俠盡詩紀云。一作任。淹留。陳王金被馬。秦女桂爲鈎。馳輪洛城樂府作陽。巷。鬪雞南陌頭。薄暮風塵起。聊爲清夜遊。○文苑英華二百七。樂府詩集七十七。詩紀百十三。

高句麗六言

蕭蕭易水生波。燕趙佳人自多。傾盃覆盃漼漼。垂手奮袖婆娑樂府作娑。娑。不惜黃金散盡。只畏白日蹉跎。○

樂府詩集七十八。詩紀百十三。

燕歌行七言

北史本傳曰。褒作燕歌。妙盡塞北苦寒之言。元帝及諸文士和之。而競爲悽切。及江陵爲魏師所破。元帝出降。方驗焉。

初春麗景類聚作日。樂府同。詩紀云。一作日。鶯欲嬌。桃花流水沒文苑辨證作邊。河橋。薔薇花開文苑作開花。樂府云。一作開花。百重葉。楊柳拂類聚作覆。文苑辨證同。樂府云。一作覆。地數樂府作散。文苑作覆池數。注云。一作楊柳拂地散。千條。隴西將軍號都護。樓蘭校尉稱嫖姚。自從昔別文苑作自昔別如。春燕分。經年一去不相聞。文苑作無相親。注云。一作相聞。無復文苑作不聞。又不下注。一作無。漢地關山文苑云。一作長安。月。樂府作長安月。文苑辨證同。詩紀云。一作長安月。唯有漠北薊城雲。淮南桂文苑作鏡。注云。一作桂。中明月影。流黃機上織成文。充國行軍文苑作軍行。文苑辨證同。又注。一作行軍。屢築營。陽文苑作揚。史討虜陷平城。城下風多能却陣。沙中雪淺詎停兵。屬國小樂府作少。婦猶年少。羽林輕騎數樂府作散。征行。遙聞陌頭文苑作上。採桑曲。猶勝邊地胡笳類聚作胡笳邊地。聲。胡笳文苑辨證作笳聲。向暮使人泣。長望樂府作還使。文苑同。又注。一作長望。詩紀云。一作還使。閨中空佇立。桃花落地樂府無地字。類聚作桃抽覆地。杏類聚作春。花舒。文苑云。一作桃花復地杏花舒。桐生井底寒葉疎。試爲來看上林鴈。應樂府作必。文苑云。一作必。有遙寄隴頭書。○文苑英華百九十六。樂府詩集三十二。文苑英華辨證六。詩紀百十三。又類聚四十二引嬌、橋、條、分、聞、雲、行、聲、泣、立、舒、疎、書十三韻。

日出東南隅行以下雜言。

曉星西北沒。朝日東南隅。陽窓臨玉女。蓮帳照金鋪。鳳樓稱獨立。絕世良所無。鏡懸四龍網。枕畫七星圖。銀鏤明光帶。金地織成襦。調弦大垂手。歌曲鳳將雛。採桑三市路。賣酒七條衢。道逢五馬客。夾轂來相趨。將軍多事勢。夫聳好形模。高箱照雲母。壯馬飾當顛。單衣火浣布。利劍水精珠。自知心所愛。仕宦執金吾。飛蕙彫翡翠。詩紀云。玉臺作翠羽。繡栢畫屠蘇。銀燭附彈映雞羽。黃金步搖動檐綸。兄弟五日時來歸。高車竟道生光輝。名唱樂府作倡。兩行堂上起。鴛鴦十七階前飛。少年任俠輕年月。珠丸出彈遂難追。
○樂府詩集二十八。詩紀百十三。

牆上難爲趨

昔稱梁孟子。兼聞魯孔丘。訪政聊爲述。問陳豈相酬。末代多僥倖。卿相盡經由。臺郎百金價。台司千萬求。當朝少直筆。趨代皆曲鈎。廷尉十年不得調。將軍百戰未封侯。夜伏擁門作常伯。自有蒲萄得涼州。白璧求善價。明珠難暗投。高牆不可踐。井水自難浮。風胡有年歲。鈺利比吳鈎。
○樂府詩集四十。詩紀百十三。

詩

九日從駕詩以下五言。

黃山獵地廣。青門官路長。律改三秋節。氣應九鍾霜。曙影初分地。暗色始成光。高文苑作交。旆長楸坂。緹幕杏間堂。射馬垂雙帶。豐貂佩兩璜。苑寒梨樹紫。山秋菊葉黃。華露霏霏冷。輕颺颯颯涼。文苑作傷。終慙屬車對。空假侍中郎。○文苑英華百七十三。又類聚四引長、霜、光、堂、璜、黃、郎七韻。又初學記四、古今歲時雜詠三十三、御覽三十二俱引長、霜、璜、黃、涼、郎六韻。詩紀百十三。

入朝守門開詩詩紀云。梁簡文有守東華門開詩。

鳳池文苑作直城。詩紀云。一作直城。通複道。嚴駕早凌晨。鐵符行警曙。銀棨未開闔。暫暗城無影。晴新路不塵。屯兵引畫劍。騎吹動班輪。徒知仰睿藻。抽辭殊文苑作慙。未申。○類聚三十九。文苑英華百九十。詩紀百十三。

贈周處士詩

我行無歲月。征馬屢盤桓。嶠曲三危岨。關重九折難。猶持漢使節。尚服楚臣冠。巢禽疑上幕。驚羽畏虛彈。飛蓬文苑云。一作鴻。去不已。客思文苑云。一作念。漸無端。壯志與時歇。生年隨事闌。百齡悲促命。數刻念餘歡。雲生隴坻黑。桑疎薊北寒。鳥道無蹊徑。清漢類聚作溪。文苑作瀨。有波瀾。思君化羽翮。要我鑄金丹。

○類聚三十六。文苑英華二百三十。廣文選十五。詩紀百十三。

別陸子雲詩

解纜出南浦。征棹且凌晨。還看分手文苑作守處。唯餘送別人。中流搖蓋影。邊江落騎塵。平湖開曙日。細柳發新春。滄波不可望。行雲聊共因。○類聚二十九作別陸才子。文苑英華二百六十六。詩紀百十三。

奉和趙王途中五韻詩

詩紀云。庾信集亦載此首。

飄飄映車幕。出沒望連旗。度雲還翊陣。迴風卽送師。峽路沙如月。山峯石似眉。村桃拂紅粉。岸柳被青絲。錦城遙可望。迴鞍念此時。○類聚二十七作和趙王途中詩。詩紀百十三。

和張侍中看獵詩

上林冬狩返。回初學記作田。中講射歸。還登宣曲觀。更初學記作重。獵黃山園。嚴冬桑柘慘。初學記作燥。寒霜馬騎肥。縹盧初學記作獵。隨兔起。高鷹接雉初學記作按翟。飛。獨初學記作吁。嗟來遠客。辛苦倦邊衣。○類聚六十六。初學記二十二。詩紀百十三。

和庾司水修渭橋詩

東流仰天漢。南渡類聚作度。似牽牛。長堤通甬道。飛梁跨造舟。使者開金堰。太守擁河流。廣陵候濤水。荆

峽望陽侯。波生從故舶。沙漲湧新洲。天星識辯初學記作辨。對。檢玉應沈鈞。空悅浮雲賦。非復採蓮謳。○初學記七。又類聚九作和治渭橋詩。引牛、舟、流、侯、洲、鈞六韻。詩紀百十三。

玄圃濬池臨泛奉和詩

長洲文苑作沙。春水滿。臨汎廣川中。石壁如明鏡。飛橋類飲虹。垂楊夾浦綠。新桃緣徑文苑作樹。紅。對樓還泊岸。迎波暫守風。漁舟釣欲滿。蓮房採文苑作珠。半空。於茲臨北闕。文苑作閣。非復坐牆文苑作墟。東。○類聚九。文苑英華百六十五。詩紀百十三。

和從弟祐山家詩二首

採藥名山頂。時節無春冬。散雲非一色。連崑異衆峯。合沓似無徑。間關定有蹤。山窻臨絕頂。檐溜俯危松。空林鳴暮雨。虛谷應朝鍾。仙童時可遇。羽客屢相逢。若值韓衆藥。當御長房龍。○文苑英華三百十九。詩紀百十三。

結交非俗士。仙文苑作山。侶自招攜。少華隱日月。太乙文苑作一。尋虹文苑云。一作雲。霓。衆林積爲籟。圍竹文苑作林。茂成埤。文苑作埤。注云。一作拱成枅。幽谷曙無景。荒途晝欲迷。滴瀝寒泉溜。叫嘯秋猿啼。白雲帝鄉起。神禽丹穴棲。箭篠文苑作篠。時通徑。桃李復成蹊。今身得其所。羣物可令齊。○同上

詠鴈詩

伺潮聞曙響。妬壘有春暈。豈若雲中鴈。秋時塞外歸。河長猶可涉。海闊故難飛。霜多聲轉急。風疎行屢稀。園池若可至。不復怯虞機。○苑詩類選三十。詩紀百十三。

送觀寧侯葬詩

蒙羽高峻極。淮泗導清源。刑茅廣裂地。附萼盛開蕃。紛綸形腹彩。從容瓊玉溫。衝飈搖柏榦。烈火壯曾崑。疇昔同羈旅。辛苦涉涼暄。觀風方聽樂。垂淚遽傷魂。造舟虛客禮。高閤掩賓垣。桂樹思公子。芳草惜王孫。今晨向郊郭。猶似文苑作。以背輟轍。丹旆書空位。素帳設虛樽。楚琴南操絕。韓書舊說存。西靡傷新樹。東陵惜故園。自憐悲谷影。彌愴類聚作念。詩紀云。一作念。玉關門。餘輝盡天類聚作天盡。末。夕霧擁類聚作起。詩紀云。一作起。山根。平原看獨樹。阜亭文苑作亭阜。望列村。寂寥文苑作寒。還蓋靜。類聚作靖。文苑同。荒茫歸路昏。挽鐸已流唱。文苑作歌。按當是喝。歌童類聚作童歌。行自喧。睠類聚作眷。言千載後。誰將遊九原。○文苑英華三百五。詩紀百十三。又類聚三十四引樽、存、園、門、根、村、昏、喧、原九韻。

送劉中書葬詩

昔別傷南浦。今歸去北邙。書生空託夢。久客每思鄉。塞近邊雲黑。塵昏野日黃。陵谷俄遷變。松柏易荒

涼。題銘文苑作名。無復迹。何處驗龜長。○類聚三十四。文苑英華三百五。詩紀百十三。

別王都官詩

連翮初學記作聯綿。憫流客。類聚作水。文苑云。類聚作落。悽愴惜離羣。東西御溝水。南北會稽雲。河橋兩堤絕。橫歧數路分。山川遙不見。懷袖遠相聞。○類聚二十九。初學記十八。文苑英華二百六十六。詩紀百十三。

送別裴儀同詩

河橋望行旅。長亭送故人。沙飛似軍幕。蓬卷若車輪。邊衣苦霜雪。愁詩紀云。一作秋。貌損風塵。行路皆兄弟。千里念相親。○類聚二十九。文苑英華二百六十六。詩紀百十三。

渡河北詩

詩紀云。苑詩類選作范雲者非。

秋風吹木葉。還似洞庭波。常山臨代郡。亭障繞黃河。心悲異方樂。腸斷初學記作絕。文苑同。隴頭歌。薄暮臨文苑云。一作暮驅。征馬。失道北山阿。文苑作河。○初學記五。文苑英華百六十三。詩紀百十三。

詠月贈人詩

月色當秋夜。斜暉映薄帷。上弦如半璧。初魄似蛾眉。渡雲光忽駛。中天影更遲。高陽懷許掾。對此益文

苑作憶。相思。○類聚一。文苑英華百五十二。詩紀百十三。

和殷廷尉歲暮詩

歲晚悲窮律。他鄉念索居。御覽作除。寂寞灰心盡。摧御覽作推。殘生意餘。產空交道絕。財殫密親疎。空悲趙壹御覽作一。賦。還著虞卿書。○類聚三。御覽二十七作歲暮詩。詩紀百十三。

看鬪雞詩

蹀躞始橫行。意氣欲相傾。妬初學記作妬。敵金芒起。猜羣芥粉生。人場疑挑戰。逐退似追兵。誰知函谷下。人去獨開城。○類聚九十一。初學記三十。文苑英華二百六。詩紀百十三。

彈棊詩

投壺生電影。六博值仙人。何如鏡奩上。自有拂輕巾。隔澗疑將別。隴頭如望秦。握筆徒思賦。辭短竟無陳。○類聚七十四。詩紀百十三。

從駕北郊詩

維皇敬明祀。望拜出河東。地靈開複道。營星發紫宮。衡街響清蹕。偵候起相風。森沈羽林騎。肅穆虎賁

弓。○初學記十三。萬花谷後十七作王褒詩。詩紀百十三。

奉和趙王隱士詩詩紀云。庾信同賦。

鳧鵠均長短。鵬鷃共逍遙。清襟蘊秀氣。虛席滿風飈。斷絃惟續葛。獨酌止文苑作只。傾瓢。菖蒲九重節。桑薪七過燒。○類聚三十六。文苑英華二百三十二。詩紀百十三。

始發宿亭詩

送人亭上別。被馬櫪中嘶。漠漠村煙起。離離嶺樹齊。落星侵曉沒。殘月半山低。○類聚二十七。詩紀百十三。

山池落照詩

竹館掩荆扉。池光晦晚暉。孤舟隱荷出。輕棹染苔歸。浴禽時侶竄。驚羽忽單飛。○類聚九。詩紀百十三。

詠霧應詔詩

七條開早陌。五里闡朝氛。帶樓疑海氣。含蓋似浮雲。方從河水上。預奉綠圖文。○類聚二。詩紀百十三。

人關故人別詩

百年餘古樹。千里闡黃塵。關山行就近。相看成遠人。○類聚二十九。詩紀百十三。

過藏矜道館詩

松古無年月。鵠去復來歸。石壁藤爲路。山窗雲作扉。○類聚七十八。詩紀百十三。

明慶寺石壁詩

夏水懸臺際。秋泉帶雨餘。石生銘字長。山久谷神虛。○類聚七。詩紀百十三。

雲居寺高頂詩

中峯雲已合。絕頂日猶晴。邑居隨望近。風煙對眼生。○類聚七。詩紀百十三。

詠定林寺桂樹

歲餘彫晚葉。年至長新園。月輪三五映。鳥生八九飛。○類聚八十九。詩紀百十三。

楊文佑

爲周宣帝歌

隋書曰。周宣帝荒淫日甚。惡聞其過。誅殺無度。既酣飲過度。嘗中飲。有下士楊文祐白宮伯長孫覽。求歌曰云云。

鄭譯奏之。帝怒。命賜杖二百四十而致死。

朝亦醉。暮亦醉。日日恆常醉。政事日無次。○隋書刑法志。

周宣帝宇文贇

贇。字乾伯。武帝長子。建德元年。立爲皇太子。宣政元年六月卽位。明年。改元大成。其二月。傳位太子衍。改元大象。自稱天元皇帝。在位二年。大象二年卒。年二十二。諡曰宣皇帝。

歌

自知身命促。把燭夜行遊。○隋書五行志。樂府詩集八十七。

趙王宇文招

招。字豆盧突。文帝第七子。好屬文。學庾信體。武成初。封趙國公。歷大司馬。進爵爲王。隋文帝將遷周鼎。招欲圖之。大象二年。謀洩見害。有集八卷。

從軍行

遼東烽火照甘泉。薊北亭障接燕然。水凍菖蒲未生節。關寒榆莢樂府作葉。文苑云。一作葉。不成錢。○文苑英華

百九十九。樂府詩集三十二。詩紀百十二。

滕王宇文道

道。字爾固突。文帝第十三子。初封滕國公。大象元年。詔以荊州新野郡邑萬戶爲滕國。道出就國。二年。朝京師。爲隋文帝所害。國除。有集八卷。

至渭源詩

源渭奔禹初學記作鳥。穴。輕瀾起客亭。淺淺平聲。滿澗響。蕩蕩竟川鳴。潘生稱運石。馮子聽波聲。斜去臨天半。橫來對始平。合流應不雜。方知性本清。○初學記六。詩紀百十二。

王晞

晞。字叔朗。北齊天保初。行太原郡事。昭帝踐阼。除散騎常侍。仍領兼吏部郎中。武平初。遷大鴻臚。監修起居注。待詔文林館。入周爲儀同大將軍。太子諫議大夫。隋開皇元年卒。年七十一。

詣晉祠賦詩

日落應歸去。魚鳥見留連。○北齊書本傳。

北周詩卷二

庾信

信。字子山。南陽新野人。梁中書令肩吾子。仕梁。歷湘東國常侍、尚書度支郎中、郢州別駕、東宮學士、建康令。侯景之亂。奔江陵。仕元帝爲御史中丞。封武康縣侯。聘魏。留不遣。江陵陷。仕魏。歷右金紫光祿大夫、車騎大將軍儀同三司。周受禪。封臨清縣子。除司水下大夫。出爲弘農郡守。遷司憲中大夫。進爵義成縣侯。拜洛州刺史。徵爲司宗中大夫。大象初。以疾去職。隋開皇元年卒。年六十九。有集二十一卷。

樂府

對酒歌以下五言。○詩紀云。文苑英華作范雲。

春水望桃花。春洲藉芳杜。琴從詩集作隨。文苑同。又注云。一作從。詩紀云。一作隨。綠珠借。酒就文君取。牽馬詩集作牛。文苑同。又注。一作馬。詩紀云。一作牛。向渭橋。日曝詩紀云。一作落。山頭脯。山簡接羅倒。王戎如意舞。箏鳴金谷園。笛韻平陽塢。人生一詩集作乙。百年。歡笑惟本集作唯。文苑同。三五。何處覓錢刀。求爲洛陽賈。○本集二。文

苑英華百九十五作范榮。樂府詩集二十七。庾開府詩集上。詩紀百十四。

王昭君詩紀云。玉臺作昭君詞。

拭啼辭戚里。回顧望昭陽。鏡失菱花影。釵除却月梁。圍腰無一尺。垂淚有千行。綠衫樂府作衫身。詩集同。詩紀云。一作衫身。承馬汗。紅袖拂詩集字缺。秋霜。別曲真多恨。哀絃須更張。○本集二。文苑英華二百四作昭君怨。樂府詩集二十九。庾開府詩集上。詩紀百十四。

昭君辭應詔詩紀云。玉臺作明君詞。

斂眉光祿塞。還望夫人城。片片紅顏文苑作粧。落。雙雙淚眼生。冰河牽馬渡。文苑作度。雪路抱鞍行。胡風入樂府云。一作作。骨冷。夜月照心明。方調琴上曲。變人文苑作作。詩紀云。一作作。胡文苑作朔。笳聲。○本集二。文苑英華二百四作昭君怨。樂府詩集二十九。庾開府詩集上。詩紀百十四。

出自薊北門行

薊門還詩集作遂。北望。役類聚作徭。役盡傷情。關山連漢月。隴水向秦城。笳寒蘆葉脆。弓凍紵絃鳴。梅林能止渴。複姓可防兵。將軍朝挑樂府作連轉。詩集同。戰。都護夜巡營。燕山猶有石。須勒幾人名。○本集二。樂府詩集六十一。又類聚四十一引情、鳴、兵、名四韻。庾開府詩集下。詩紀百十四。

結客少年場行

結客少年場。春風滿路。文苑作路滿。香。歌撩文苑云。一作嫌。李都尉。果擲潘河陽。隔樂府作折。注云。一作隔。文苑、詩紀並云。一作折。花遙勸酒。就水更文苑云。一作便。移牀。今年喜夫婿。新拜羽林郎。定知劉碧玉。偷嫁汝南王。○本集二。文苑英華百九十五。樂府詩集六十六。庾開府詩集上作賦得結客少年場。詩紀百十四。

道士步虛詞十首

渾成空教立。元始正圖樂府作塗。文苑云。一作塗。開。赤玉靈文下。朱陵真氣來。中天九龍館。倒景八風臺。雲度弦歌響。星移空殿迴。青衣上少室。童子向蓬萊。逍遙聞四會。倏忽度三災。○本集二。文苑英華百九十三。樂府詩集七十八。庾開府詩集上。詩紀百十四。

東明九芝蓋。北燭樂府作屬。注云。一作燭。文苑云。一作屬。五雲車。飄飄人倒景。出沒上煙霞。春泉下玉雷。樂府作溜。注云。一作雷。書畫彙考作雷。青鳥向金華。漢帝看桃核。齊侯問棗花。上元應送酒。來向文苑云。一在。蔡經家。詩紀云。石刻云。應遂上元酒。同來訪蔡家。○陝西藩司有石刻書畫此。及北闕臨玄水二首。字畫奇勁。或出庾公筆也。題云。謝靈運書。乃後人妄擬爾。○本集二。類聚七十八。初學記二十三。文苑英華百九十三。樂府詩集七十八。庾開府詩集上。式古堂書畫彙考。詩紀百十四。

歸心遊太極。迴向人無名。五香芬紫府。千燈照赤城。鳳林採珠類聚作桐。實。龍類聚作春。詩集、樂府同。文作春。注云。又作龍。按作春是。山種玉榮。夏簧三舌響。文苑、詩集、樂府並作夏笛三山響。詩紀云。一作夏笛三山響。春鍾九乳鳴。

絳河應遠別。黃鵠來相迎。○本集二。類聚七十八。文苑英華百九十三。樂府詩集七十八。庾開府詩集上。詩紀百十四。

凝真天地表。絕想詩集作相。文苑同。又注云。一作想。詩紀云。一作相。寂寥前。有象猶虛豁。忘形本自然。開經壬子世。樂府作歲。文苑、詩紀並云。一作歲。值道甲申年。迴雲隨舞曲。流水逐歌弦。石髓香如飯。芝房脆似蓮。停鸞

燕瑤水。歸路上鴻文苑作鳴。樂府同。天。○本集二。文苑英華百九十三。樂府詩集七十八。庾開府詩集上。詩紀百十四。

洞靈尊上德。虞石會明真。要妙思玄牝。類聚作絕。文苑、詩集同。又注。一作紀。樂府作紀。注云。一作絕。虛無養谷神。丹丘乘翠鳳。玄圃御類聚作馭。斑麟。文苑云。一作麟。移黎本集作藜。付苑吏。種杏乞山人。自此逢何世。從今復幾春。海無三尺水。山成數寸塵。○同上

無名萬物始。有道百靈初。寂絕乘丹氣。玄明樂府作冥。上玉虛。三元隨建節。八景逐迴輿。赤鳳來銜璽。青鳥人獻書。壞机詩集作机。下同。仍成机。枯魚還作魚。棲心浴日館。行樂止雲墟。○本集二。樂府詩集七十八。庾開府詩集上。詩紀百十四。

道生乃太乙。樂府作一。守靜卽玄根。中和煉樂府作練。書畫彙考同。九氣。甲子謝三元。居心受善水。教學重香園。鳧留報關吏。鶴去畫城門。更以忻無迹。還來寄絕言。○本集二。樂府詩集七十八。庾開府詩集上。

北闕類聚作閣。初學記、詩集、樂府同。臨玄書畫彙考作丹。水。南宮生類聚作坐。初學記、詩集、樂府同。絳雲。龍泥印玉策。書畫彙考作簡。大類聚作天。初學記、詩集、樂府同。火煉真文。上元風雨散。中天歌吹分。靈初學記作虛。書畫彙考同。駕千尋上。空香萬里聞。詩紀云。舊本闕作閣。生作坐。大作天。今從石刻正之。○本集二。類聚七十八。初學記二十三。樂府詩集七十八。庾開府詩集上。式古堂書畫彙考。詩紀百十四。

地境類聚作鏡。樂府同。堦基遠。天窗影迹深。碧玉成雙樹。空青爲一類聚作迥。樂府云。一作迥。林。鵲類聚作鵲。巢
堪煉石。蜂房得煮金。漢武多驕慢。淮南不小心。蓬萊類聚作瀛。人海底。何處可追尋。○本集二。類聚七十八。樂
府詩集七十八。庚開府詩集上。詩紀百十四。

麟洲一海闊。玄圃半天高。浮丘迎子晉。若士避盧敖。類聚作邀。經滄林慮李。舊食綏山桃。成丹須竹節。刻
髓用蘆詩紀作盧。刀。無妨隱士去。卽是賢人逃。○同上

烏夜啼

桂樹懸知遠。風竿詎肯低。獨憐類聚作來。明月夜。孤飛類聚作情。猶未棲。虎賁誰見惜。御史詎相攜。雖言文
苑作然。注云。一作言。人絃管。終是曲中啼。○本集二。類聚四十二。文苑英華二百六。樂府詩集四十七。庚開府詩集下。詩紀百
十四。

怨歌行以下六言。

家住金陵縣前。嫁得長安樂府作干。詩集同。少年。回頭望鄉淚落。不知何處天邊。胡塵幾日應盡。漢月何時
更圓。爲君能歌此曲。不覺心隨斷弦。○本集二。樂府詩集四十二。庚開府詩集下。詩紀百十四。

舞媚娘

朝來戶前照鏡。含笑盈盈自看。眉心濃黛直點。額角輕黃細。詩集作自。安。祇疑落花慢。詩集作謾。去。復道春

風不還。少年唯有歡樂。飲酒那得留殘。○本集二。樂府詩集七十三。庾開府詩集下。詩紀百十四。

烏夜啼以下七言。

促柱繁弦非子夜。歌聲舞態異前溪。御史府中何處宿。洛陽城頭那得棲。彈琴蜀郡卓家女。織錦秦川寶。文苑作城頭劉。注云。一作秦川寶。氏妻。詎不自驚長淚落。文苑作渡洛。注云。一作淚落。到頭類聚作道。文苑作處。

注云。一作頭。一作道。啼烏恆夜。文苑作何處。啼。○本集二。類聚四十二。文苑英華二百六。樂府詩集四十七。庾開府詩集下。詩紀百十四。

燕歌行

代類聚作岱。北雲氣晝昏昏。千里飛蓬無復根。寒鴈噉噉聚類作一一。樂府作丁丁。詩集同。文苑云。一作丁丁。一作一一。渡遼水。桑葉紛紛落薊門。晉陽山頭無箭竹。疎勒城中乏水源。屬國征戍久離居。陽關音信絕能疎。類聚作疏。願得魯連飛一箭。持寄思歸燕將書。渡類聚作度。遼本自有將軍。寒風蕭蕭生水紋。類聚作濱。妾驚甘泉足。類聚作旦。烽火。君訝漁陽少。類聚作多。文苑、詩紀云。一作多。陣雲。自從將軍出細柳。蕩子空牀難獨類聚作定難。守。盤龍明鏡餉秦嘉。辟惡生香寄韓文苑作塞。壽。春分燕來能幾日。二月蠶眠不復久。詩紀云。玉臺作不能食。洛陽遊絲百丈連。詩集誤作蓮。黃河春冰千片穿。桃花顏色好如類聚作如好。文苑云。一作如好。馬。榆筴新開巧似文苑作細。類聚作似細。錢。蒲桃一杯千日醉。無事九轉學神仙。定取金丹作幾服。能令華表得千年。○本集二。

文苑英華百九十六。樂府詩集三十二。庾開府詩集下。詩紀百十四。又類聚四十二引根、門、源、居、疎、書、軍、濱、雲、柳、守、壽、連、穿、錢、仙、年十七韻。

楊柳歌

河邊楊柳百丈枝。別有長條宛本集作晚。文苑作窈。地垂。河水衝激根株危。文苑作色。注云。疑作危。倏忽河中風浪吹。可憐巢裏鳳凰兒。無故當年生文苑作老。別離。梳槎一去上天池。織女支機當文苑作應。詩紀云。一作將。見隨。誰言文苑作信。從來蔭數國。直用東南一小枝。昔日公子出南皮。何處相尋玄武陂。文苑此句在支韻句下。駿馬翩翩西北詩集作四牡。馳。左右彎弧仰月支。連錢障泥渡水騎。白玉手板落盤螭。君言丈夫無意文苑作志。氣。試文苑作爲。問燕山那得碑。文苑作知。又此上一句在瑞韻下。鳳凰新管簫文苑作簫管。史吹。朱鳥春窻玉女窺。銜雲酒盃赤瑪瑙。照日食螺紫琉璃。百年霜露奄離披。一旦功名不可爲。定是懷王作計誤。文苑作蠟。無事翻復文苑作覆。用張儀。不如飲酒高陽池。日暮歸時倒接羅詩集作離。武昌城下文苑作南城。誰見文苑作可。移。官渡營前那可文苑作得。詩紀云。一作得。知。獨文苑作尚。憶飛文苑作落。絮鷺毛下。非文苑作無。復青絲馬尾垂。欲文苑作共。與梅花留一曲。共將文苑作在。長笛管中吹。○本集二。庾開府詩集上。詩紀百十四。又文苑英華三百三十七引枝、垂、危、吹、見、離、池、隨、枝、馳、支、陂、吹、窺、璃、知、披、爲、儀、移、知、垂、吹二十三韻。

詩

奉和泛江詩以下五言。

春江下白帝。畫舸向黃牛。錦纜回沙磧。蘭橈避荻洲。濕花隨水泛。空巢逐樹流。建平船楫詩集作旆。下。荆門戰初學記作載。艦浮。岸社多喬木。初學記作羣樹。文苑同。詩集作長樹。山城足初學記作是。迥本集作迴。文苑同。樓。日落江風靜。龍吟迴本集作迥。文苑同。上游。○本集三。初學記六。文苑英華百六十二。庾開府詩集下。詩紀百十五。又類聚八作王臺卿。引牛、洲、流、樓四韻。

奉和山池詩詩紀云。梁簡文有山池詩。

樂官多暇豫。望苑暫迴輿。鳴笳陵絕限。本集作浪。詩集作恨。飛蓋歷通渠。桂亭花未落。桐門葉半疎。荷風驚浴鳥。橋影聚行魚。日落含山氣。雲歸帶雨餘。○本集三。類聚九。文苑英華百六十五。庾開府詩集下。詩紀百十五。

陪駕幸終南山和宇文內史詩

玉山乘四載。瑤池宴八文苑作行。注云。類聚作八。龍。龍橋浮少文苑作沙。海。鵠蓋上中峰。飛狐橫塞路。白馬當河衝。水奠三川石。類聚作后。山封五樹松。長虹雙瀑布。圓闕兩芙蓉。戍樓鳴夕鼓。山寺響晨鍾。新蒲節轉促。短筍籜猶重。樹宿舍櫻鳥。花留釀蜜蜂。迎風下列缺。灑類聚作灑。酒召昌容。且欣陪北上。文苑作欣陪北

山上。注云。類聚作且欣陪此上。方欲待東封。文苑作風。○本集三。類聚七。文苑英華百五十九。庾開府詩集上。詩紀百十五。

和宇文內史春日遊山詩

遊客值春輝。詩集作暉。金鞍上翠微。風逆詩集作送。花迎面。山深雲濕衣。鴈持一足倚。猿將兩臂飛。戍樓侵嶺路。山村落獵圍。道士封君達。仙人丁令威。煮丹於此地。居然未肯歸。○本集三。文苑英華百六十。庾開府詩集上。詩紀百十五。

遊山詩

詩紀云。一作遊仙。

聊登玄圃殿。更上增城山。不知高幾里。低頭看世間。唱歌雲欲聚。彈琴鶴欲舞。澗底百重花。山根一片雨。婉婉藤倒垂。亭亭松直豎。○本集三。文苑英華百五十九。庾開府詩集上。詩紀百十五。

和宇文京兆遊田詩

詩集和上有五言二字。

小苑禁門開。長楊獵客來。懸知畫眉罷。走馬向章臺。澗寒泉反縮。山晴雲倒回。熊饑自舐掌。鴈驚獨銜枚。美酒餘杭醉。詩紀云。一作至。芙蓉卽奉盃。○本集三。庾開府詩集上。詩紀百十五。

奉報寄洛州詩

舟師會孟津。甲子陣本集作陳。文苑同。東鄰。雷轅驚戰鼓。劍室動詩集作對。金神。幕府風雲氣。軍門關塞人。

長旂析文苑作拆。鳥羽。合甲抱犀鱗。星芒一丈燄。月暈七重輪。黎陽水稍淥。官渡柳應春。無庸奉天暍。驅傳牧南秦。繁詞勞簡牘。雜俗弊風塵。上洛逢都尉。商山見逸民。留滯終南下。唯當一史臣。○本集三。文苑英華二百四十。庾開府詩集上。詩紀百十五。

奉報窮秋寄隱士詩

詩紀云。詩彙作王褒詩。非也。

王倪逢齧缺。桀溺偶類聚作遇。詩集同。長沮。藜床負日卧。麥隴帶經鋤。自然曲木几。無名科斗書。聚花聊飼雀。穿池試養魚。小村文苑作徑。治澁路。低田補壞渠。秋水牽沙落。寒藤抱樹疎。空枉平原騎。來過仲蔚廬。○本集三。類聚三十六作窮秋寄隱士詩。文苑英華二百三十二。庾開府詩集上作春殿窮秋寄隱士。詩紀百十五。

上益州上柱國趙王詩二首

銅梁影棠樹。石鏡寫詩集作曩。褰帷。兩江如瀆錦。雙峰似畫眉。穿荷低晚蓋。衰柳掛殘絲。風流盛儒雅。泉湧富文詞。無因同子淑。暫得侍臨淄。○本集三。庾開府詩集下。詩紀百十五。
寂寞歲陰窮。蒼茫雲貌同。鶴毛飄亂雪。車轂轉飛蓬。鴈歸知向暖。鳥巢解背風。寒沙兩岸白。獵火一山紅。願想懸鶉弊。時嗟陋巷空。○同上

謹贈司空淮南公詩

危邦久亂德。天策始乘機。九河聞誓衆。千里見連旂。虢亡垂棘返。齊平寶鼎歸。久弊風塵俗。殊勞關塞

衣。絆驥還千里。垂鵬更九飛。猶憐馬齒進。應念節旄稀。迴軒入故里。園柳始依依。舊竹侵行文苑云。一作何。徑。新桐益幾圍。寒谷梨應重。秋林栗更肥。美酒還參聖。雕文本人微。促詩集缺促字。歌迎趙瑟。詩集瑟上衍但字。遊弦召楚妃。小人司刺舉。明敷詩集作時。詩紀云。集作時。實濫吹。文苑作推。南部治都尉。軍謀假建威。商山隱土石。詩紀云。一作宅。丹水鳳凰磯。野亭長被馬。山城早掩扉。傳呼擁絳節。交戟映彤闈。遂令忘楚操。何但食周薇。三十六水變。四十九條非。丹竈風煙歇。年齡蒲柳衰。同僚敢不盡。疇日懼難追。○本集三。文苑英華二百四十七又周書元偉傳引歸一韵。庾開府詩集上。詩紀百十五。

正旦上司憲府詩

詰旦啓門欄。繁辭湧筆端。蒼鷹下獄吏。獬豸飾刑官。司朝引玉節。盟載捧珠盤。窮紀星移次。歸餘律未殫。雪高三尺厚。冰深一丈寒。短筍猶埋竹。香心未起蘭。孟門久失路。扶搖忽上搏。棲鳥還得府。棄馬復歸攔。類聚、本集、詩集並作欄。榮華名義重。虛薄報恩難。枚乘還起疾。貢禹遂彈冠。方垂蓮葉劍。未用竹根丹。一知懸象法。誰思垂釣竿。○本集三。又類聚五十四引端、官、盤、搏、欄、雞、冠、丹、竿九韵。庾開府詩集下作旦上司憲府。詩紀百十五。

任洛州詩集作陽。酬薛文學見贈別詩

子居河之曲。英彥本連蹤。鹽形或變虎。鼎氣乍成龍。若人承載德。宮牆定數重。五衢開辯路。四照起文

烽。曰余濫推轂。民願始天從。上洛分都尉。弘農開附庸。羊腸連九阪。熊耳對雙峯。白石仙人芋。青林隱士松。北梁送孫楚。西堤別葛龔。故人倘書札。詩集作禮。黎陽土足封。○本集三。庚開府詩集上。詩紀百十五。

將命至鄴酬祖正員詩

我皇臨九有。聲教洎無隄。興文盛禮樂。偃武息詩集作自。氓類聚作民。黎。承乏驅騏驥。類聚作馬。旌旗類聚作旂。事琬珪。類聚作鼓鞀。詩紀云。一作旌旂事鼓鞀。古碑文字盡。荒城年代迷。被隴文瓜熟。交媿香穗低。投瓊實有慰。類聚作意。報李更無蹊。○本集三。類聚五十三。作酬祖正員詩。文苑英華二百九十六。庚開府詩集下。詩紀百十五。

將命至鄴詩

詩紀云。按本傳。信在梁爲通直散騎常侍。聘於東魏。文章辭令。甚爲鄴下所稱。

大國脩聘禮。親詩集作新。鄰自此敦。張旛本集作旂。初學記、文苑同。事原隰。負宸初學記作序。文苑作賓序。詩集同。報成言。西過犯風露。北指度輶轅。交歡值公子。展文苑作展。禮覲初學記作覲遇。詩紀作覲過。王孫。何以譽嘉樹。徒欣賦采繁。四牢盈折俎。三獻滿初學記作盡。文苑、詩集同。罍樽。人臣無境外。何由初學記作日。文苑、詩集同。欣此言。風俗既殊類聚作險。阻。山河不復論。無因旅南館。空欲祭廣文選作際。詩集作登。西門。眷然惟此別。夙初學記作風。文苑、詩集同。期幸共存。○本集三。類聚五十三。初學記二十。文苑英華二百九十六。庚開府詩集下。廣文選十。詩紀百十五。

人彭城館詩

襄君前建國。項氏昔稜威。駢飛傷楚戰。鷄鳴悲漢園。年詩集作世。詩紀云。一作世。代殊氓詩集作民。俗。風雲更盛衰。水流浮磬動。山喧雙翟詩集字缺。飛。夏餘花欲盡。秋近鷺將稀。槐庭垂綠穗。蓮浦落紅衣。徒知日云暮。不見舞雩詩集作雲。歸。○本集三。文苑英華二百九十七。庚開府詩集下。詩紀百十五。又類聚二十七引威、園、衰、飛、稀、衣六韵。

同州還詩

赤岸繞新村。青城臨綺門。范睢新入相。穰侯始出蕃。上林催獵響。河橋爭渡喧。竄詩集作爨。雉飛橫澗。文苑誤作間。藏狐文苑作鳥。人斷原。將軍高宴晚。來過青竹園。○本集三。文苑英華二百八十九。庚開府詩集上。詩紀百十五。

從駕觀講詩集誤作降。武詩

校戰出長楊。兵欄入鬪場。置陣橫雲起。開營鴈翼張。門嫌磁石礙。馬畏鐵菱傷。龍淵觸文苑作出。牛斗。繁弱駭天狼。落星奔驥駟。浮雲上驪驕。急風吹戰鼓。高塵擁貝類聚作貝。文苑同。裝。駭猿時落木。驚鴻屢斷行。樹寒條更直。山枯菊轉芳。詩集作香。詩紀云。一作香。豹詩集誤作伯。略推全勝。龍圖文苑云。一作輜。揖所長。小臣欣寓目。還知奉會昌。○本集三。文苑英華二百九十九。又類聚五十九引場、張、驪、裝、行五韵。庚開府詩集上。詩紀百十五。

奉報趙王出師在道賜詩

上將出東平。先定下江兵。彎弓文苑作弧。詩紀云。一作孤。伏石動。振鼓沸文苑作拂。沙鳴。橫海將軍號。長風駿
詩集作駿。馬名。雨歇殘虹斷。雲歸文苑作偏。一鴈征。暗巖朝石濕。空山夜火明。低橋澗底渡。狹詩集作便。路花
中行。錦車同建詩集作連。節。魚軒異泊文苑作伯榮。營。軍中女子氣。塞外夫人城。小人乖攝養。歧路阻逢迎。
幾月芝田熟。何年金竈成。哀笳關塞曲。嘶馬別離聲。王子身爲寶。深思不倚衡。○本集三。文苑英華二百九十
九。庾開府詩集上。詩紀百十五。

和趙王送峽中軍詩

樓船聊習戰。白羽試搗軍。山城對却月。岸陣文苑作陳。抵平雲。赤虵文苑作地。懸弩影。流星抱劍文。胡笳遙
警夜。塞馬暗嘶羣。客行明月峽。猿聲不可聞。○本集三。文苑英華二百九十九作和趙王從軍。庾開府詩集上。詩紀百十五。

奉和趙王途中五韻詩

詩紀云。藝文云王褒作。庾集載此。疑誤收也。

飄飄映車幕。出沒望連旗。度雲還翊陣。迴風卽送師。峽路沙如月。山峰石似眉。村桃拂紅粉。岸柳被青
絲。錦城遙可望。迴鞍念此時。○本集三。類聚二十七作王褒。庾開府詩集下。詩紀百十五。

侍從徐國公殿下軍行詩

八風占陣氣。六甲候兵韜。置府仍張幕。麾軍卽秉旄。長旗臨廣武。烽火照成臯。巡寒重挾纊。酌水勝單醪。陣後雲逾直。兵深星轉高。電燄驅龍馬。山精鏤寶刀。塞迥翻榆葉。關寒落鴈毛。既得從神武。何須念久勞。○本集三。庚開府詩集上。詩紀百十五。

同盧記室從軍詩

河圖論陣氣。金匱辨星文。地中鳴鼓角。天上下將軍。函犀恆七屬。絡樂府作浴。鐵詩集作路鐵。本千羣。飛梯聊度絳。合弩暫凌汾。寇陣詩集作狂寇。先中斷。妖營卽兩分。連烽對嶺度。嘶馬隔河聞。箭飛如疾雨。城崩似壞雲。英王於此戰。何用武安君。○本集二。文苑英華百九十九及樂府詩集三十二並作從軍行。庚開府詩集上。詩紀百十五。

伏聞遊獵詩

虞旗喜旦詩集作且。晴。獵馬向山橫。石關魚貫上。山梁鴈翅本集誤作梁鴈翅山行。雪平尋兔跡。林藜聽雉聲。馬嘶山谷響。弓寒桑柘鳴。聞弦鳥自落。望火獸空驚。無風樹卽正。不凍水還平。誰知茂陵下。願入睢陽城。○本集三。庚開府詩集上。詩紀百十五。

見征客始還遇獵詩

貳師新受詔。長平正凱歸。猶言乘戰馬。未得解戎衣。上林遇逐獵。宜春暫合圍。漢帝熊猶憤。秦王雉更

飛。故人迎借問。念舊始依依。河邊一片石。不復肯支機。○本集三。庾開府詩集上。詩紀百十五。

奉和闡弘二教應詔詩

五明教已設。三元法復開。魚山類聚作出。將鶴嶺。清梵兩邊來。香煙聚爲類聚作成。塔。花雨積成類聚作爲。臺。空心論佛性。貞類聚作真。詩集同。氣辨類聚作辯。仙才。露盤高掌滴。風鳥平翅迴。無勞問詩紀云。一作訪。待詔。自識昆明灰。○本集三。庾開府詩集上。詩紀百十五。又類聚七十六作詠闡弘二教詩。引開、來、臺、才四韻。

至老子廟應詔詩

虛無推馭辨。本集作辯。文苑同。寥廓本乘蜺。三門臨苦縣。九井對靈谿。類聚作溪。文苑、詩集同。盛本集作成。文苑、詩集同。丹須竹節。量藥用刀圭。石似臨叩芋。芝如封禪泥。毳毛新鷓小。盤根古樹低。野戍孤煙起。春山百鳥啼。路有三千別。途經七聖迷。唯詩紀云。一作行。當別關吏。直向流沙西。○本集三。文苑英華百七十。庾開府詩集上。詩紀百十五。又類聚三十八作至老子廟詩。引溪、圭、西三韻。

奉和趙王遊仙詩

藏山還採藥。有道得從師。京兆陳安世。成都李意期。類聚作其。玉京傳相鶴。太乙授飛龜。白石香新芋。詩集誤作竿。青泥美熟芝。山精逢照鏡。樵客值圍碁。石紋如碎錦。藤苗似亂絲。蓬萊在何處。漢后欲遙祠。○

本集三。類聚七十八。初學記二十三。文苑英華二百二十五。庾開府詩集下。詩紀百十五。

奉和同泰寺浮圖詩詩紀云。和梁簡文帝。

岩岩文苑作若若。廣弘明集作迢迢。注云。三本。宮本作迢迢。凌太文苑云。一作泰。清。照殿比詩集作北。東京。長影臨雙闕。
高層出九城。棋積行雲礙。幡搖度鳥驚。鳳文苑作花。注云。一作鳳。飛如始泊。文苑作落。注云。一作邇。詩集作落。蓮合
廣弘明集云。元本作答。似初生。輪重對月滿。鐸韻擬鸞聲。畫類聚、詩集誤作畫。水流全住。圖雲色半輕。文苑作行。
注云。一作輕。詩紀云。一作行。詩集作玉行。又注。一作輕。露晚盤廣弘明集作泉。注云。明本作全。文苑作煙露晚。注云。一作露晚盤。
詩集作烟露晚。猶滴。珠朝火文苑作史朝。更明。雖連博望苑。還接銀沙城。天香下桂殿。仙梵入伊笙。庶聞八解
詩集作界。樂。文苑作同八界。注云。一作庶聞八解樂。方遣六塵情。○本集三。類聚七十六。廣弘明集三十。文苑英華二百三十三。
庾開府詩集下。詩紀百十五。

奉和法筵應詔詩

五城鄰北極。百雉壯西昆。本集作崑。鈎陳橫複道。闐闐抵靈軒。千柱蓮花塔。由旬紫紺園。佛影胡人記。經
文漢語翻。星窺朱鳥牖。雲宿鳳凰門。新禽解雜囀。春柳卧生根。早雷驚蟄戶。流雪長河源。建始移交讓。
徵音種合昏。風飛扇天辯。詩紀作辨。泉湧屬絲言。羈臣從散木。無以預中天。□□遙可望。終類仰鷓弦。○
本集三。庾開府詩集上。詩紀百十五。

和從駕登雲居寺塔詩集無此字。詩

重巒千仞塔。危磴類聚作陞。九層臺。石關恒文苑作還。注云。一作常。逆上。山梁乍文苑作作。斗迴。塔類聚作跗。下雲峰出。窗前風洞開。隔類聚作躡。嶺鍾聲度。文苑作應。中天梵響來。平時欣侍從。於此暫文苑作共。徘徊。○本集三。文苑英華二百三十三作和周趙王遊雲居寺。庾開府詩集上。詩紀百十五。又類聚七十六引臺、開、來三韻。

和詩集和上有五言二字。何儀同講竟述懷詩

無名卽講道。有動定論機。初學記作參微。安經詩集作弦。讓禮席。正業理儒衣。似得遊焉趣。能同捨講歸。石渠人少初學記作未。歇。華陰市暫稀。秋雲低初學記作從。晚氣。短景側餘輝。螢排亂草出。鴈捨斷盧飛。別有平陵逕。蕭條客詩集作容。鬢衰。饑噪空倉雀。寒驚懶婦機。實欣懷諛問。逢君理人微。○本集三。又初學記二十一引微、衣、歸、稀、輝、飛、衰、微八韻。庾開府詩集上。詩紀百十五。

奉和趙王隱士詩詩紀云。王褒同賦。

洛陽徵五隱。東都別二賢。雲氣浮函谷。星光集潁川。霸陵採樵路文苑、詩紀並云。一作徑。成都賣卜錢。鹿裘披稍裂。藜牀坐欲穿。阮籍唯文苑作推。長嘯。嵇康訝一文苑作下。弦。澗險無平石。山深足細泉。短類聚作低。文苑同。松猶百尺。文苑云。一作丈。少鶴已千年。野鳥繁弦嘯。山花焰火然。洞風吹戶裏。石乳滴窗前。雖無亭長識。終見野人傳。類聚作船。文苑同。○本集三。庾開府詩集下。詩紀百十五。又類聚三十六、文苑英華二百三十二並引賢、川、

錢、穿、絃、泉、年、然、船九韻。

經陳思王墓詩

公子獨憂生。丘壟擅餘名。採樵文苑作樵採。枯樹盡。犁田荒隧平。寧追宴文苑誤作晏。平樂。詎想謁承明。且
余來錫命。兼言事結成。飄飄河朔遠。颺颺颺風文苑作颺颺風郊。又注。颺一作颺。鳴。雁與雲俱陣。沙將蓬共驚。
枯桑落古文苑云。一作故。社。寒鳥文苑作鴉。歸文苑云。一作思。孤城。隴水哀篴曲。漁陽慘鼓聲。離家來遠客。安
得不傷情。○文苑英華三百六作庚肩吾。○逯按。此當是子山之作。說見肩吾此詩下。

北周詩卷三

庾信

擬詠懷詩二十七首

步兵未飲酒。中散未彈琴。索索無真氣。昏昏有俗類。聚作欲心。涸鮒常思水。驚飛詩集作羽。詩紀云。一作羽。每失林。風雲能變色。松竹且悲吟。類聚作暗。由來不得意。何必往長岑。○本集三。類聚二十六作詠懷詩。庾開府詩集上。詩紀百十六。

赭衣居傅巖。垂綸在渭川。乘舟能上月。飛幟欲捫天。誰知志不就。空有直如弦。洛陽蘇季子。連衡遂不連。既無六國印。翻思二頃田。○本集三。庾開府詩集上。詩紀百十六。

俎豆非所習。帷幄復無謀。不言班定遠。應爲萬里侯。燕客思遼水。秦人望隴頭。倡家遭強娣。本集作聘。質子值仍留。自憐才智盡。空傷年髮秋。○同上

楚材稱晉用。秦臣卽趙冠。離宮延子產。羈旅接陳完。寓衛非所寓。安齊獨未安。雪泣悲去魯。悽然憶相韓。唯彼窮途詩集作達。慟。知余行路難。○同上

惟忠且惟孝。爲子復爲臣。一朝人事盡。身名不足親。吳起常本集作嘗。辭魏。韓非遂入秦。壯情已消歇。雄

圖不復申。移住華陰下。終爲關外人。○同上

疇昔國士遇。生平知己恩。直言珠本集作殊。可吐。寧知炭可類聚作欲。詩紀云。一作欲。吞。一顧重尺璧。千金輕一言。悲傷劉孺子。悽愴史皇孫。無因同武騎。歸守灞陵園。○本集三。類聚二十六。庾開府詩集上。詩紀百十六。

榆關斷音信。漢使絕經過。胡笳落淚曲。羌笛斷腸歌。織詩集詩紀作嬌。腰減束素。別淚損橫波。恨心終不歇。紅顏無復多。枯木期填海。青山望斷河。○本集三。庾開府詩集上。詩紀百十六。

白馬向清波。乘冰始渡河。置兵須近水。移營喜竈多。長坂初垂翼。鴻溝遂倒戈。的願於此去。虞兮奈若何。空營衛青塚。徒聽田橫歌。○同上

北臨玄菟郡。南戍朱鳶城。共此無期別。俱知萬里情。昔嘗遊令尹。今時事客卿。不特貧謝富。安知死羨生。懷秋獨悲此。平生何謂平。○同上

悲歌度燕詩紀云。一作易。水。弭節出陽關。李陵從此去。荆卿不復還。故人形影滅。音書兩俱絕。遙看塞北雲。懸想關詩紀云。一作天。山雪。遊子河梁上。應將蘇武別。○同上

搖落秋爲氣。淒涼多怨情。啼枯湘水竹。哭壞杞梁城。天亡遭憤戰。日蹙值愁詩集作然。兵。直虹朝映壘。長星夜落營。楚歌饒恨曲。南風多死聲。眼前一杯酒。誰論身後名。○同上

周王逢鄭忿。楚后值秦冤。梯衝已鶴列。冀馬忽雲屯。武安檐瓦振。昆陽猛獸奔。流星夕照鏡。類聚作境。詩集同。烽火夜燒原。古獄饒冤氣。空亭多枉魂。天道或可問。微兮類聚作子。不忍言。○本集三。類聚二十六。庾開府

詩集上。詩紀百十六。

橫流遶屯慝。上塲結重氛。哭市聞妖獸。頽山起怪雲。綠林多散卒。清波有敗軍。智士今安用。忠臣且未聞。惜無萬金產。東求滄海君。○本集三。庾開府詩集上。詩紀百十六。

吉士長爲吉。善人終日善。大道忽云乖。生民隨事蹇。有情何可豁。忘懷固難遣。麟窮季氏置。虎振周王圈。平生幾種意。一旦衝風卷。○同上

六國始咆哮。縱橫未定交。欲競連城玉。翻徵縮酒茅。折骸猶換子。登爨已懸巢。壯冰詩紀云。一作水。初開地。盲風正折膠。輕雲飄馬足。明月動弓弰。詩集作梢。楚師正圍鞏。秦兵未下嶠。始知千載內。無復有申包。○同上

橫石三五片。長松一兩株。對君俗人眼。真與理當無。野老披荷葉。家童掃栗跗。竹林千戶封。甘橘詩集作樹。萬頭奴。君見愚公谷。真言此谷愚。○同上

日晚荒城上。蒼茫餘落暉。都護樓蘭返。將軍疎勒歸。馬有風塵氣。人多關塞衣。陣雲平不動。秋蓬卷欲飛。聞道樓船戰。今年不解圍。○同上

尋思萬戶侯。中夜忽然詩集作聲。愁。琴聲遍屋裏。書卷滿牀頭。雖言夢蝴蝶。定自非莊周。殘月如初月。新秋似舊秋。露泣連珠下。螢飄碎火流。樂天乃知命。何時能不憂。○同上

憤憤天公曉。精神殊乏少。一郡催曙雞。數處驚眠鳥。其覺詩集、詩紀誤作學。乃于于。其憂惟悄悄。張儀稱行薄。管仲稱器小。天下有情人。居然性靈天。○同上

在死猶可忍。爲辱豈不寬。古人持此性。遂有不能安。其面雖可熱。其心長自寒。匣中取明鏡。披圖自照

看。幸無侵餓理。差有詩集作不。犯兵欄。擁節時驅傳。乘亭不據鞍。代郡蓬初轉。遼陽桑欲乾。秋雲粉絮結。白露水銀團。一思探禹穴。無用鑿臯蘭。○同上

倏忽市朝變。蒼茫人事非。避讒應采葛。忘情遂食薇。懷愁正搖落。中心愴有違。獨憐生意盡。空驚槐樹衰。○同上

日色臨平樂。風光滿上蘭。南國美人去。東家棗樹完。抱松傷別鶴。向鏡絕孤鸞。不言登隴首。唯得望長安。○同上

鬪麟能食日。戰水定驚龍。鼓鞞喧七萃。風塵亂九重。鼎湖去無返。蒼梧悲不從。徒勞銅雀妓。遙望西陵松。○同上

無悶無不悶。有待何可待。昏昏如坐霧。漫漫疑行海。千年水未清。一代人先改。昔日類聚作說。東陵侯。唯見瓜園在。○本集三。類聚二十六。庾開府詩集上。詩紀百十六。

懷抱獨惛惛。平生何所論。由來千種意。併是桃花源。穀皮兩書帙。壺盧一酒樽。自知費天下。也復何足言。○同上

蕭條亭障遠。悽慘類聚作情。風塵多。關門臨白狄。詩集作社。城影入黃河。秋風別蘇武。寒水送荆軻。誰言氣蓋世。詩集作梗邑。文鏡秘府作代。晨起帳中歌。○本集三。類聚二十六。庾開府詩集上。詩紀百十六。又文鏡秘府論引歌一韵。

被甲陽雲臺。重雲久未開。鷄鳴楚地盡。鶴唳秦軍來。羅梁猶下碯。楊排久飛灰。出門車軸折。吾王不復回。○本集三。庾開府詩集上。詩紀百十六。

和張侍中述懷詩

陽窮乃悔吝。世季誠屯剥。奔河詩集作波。絕地維。折柱傾天角。成羣海水飛。如雨天星落。負鍤遂移山。藏舟終去壑。生民忽已魚。君子徒爲鶴。疇昔逢知己。生平荷恩渥。故組竟無聞。程嬰空寂寞。永嘉獨流寓。中原惟本集作唯。詩集同。鼎鑊。道險卧櫬櫨。身危累素殼。漂流從木梗。風卷隨秋籜。張翰不歸吳。陸機猶在洛。漢陽錢遂盡。長安米空索。時占季主龜。乍販韓康藥。伏轅終人絆。垂翅猶離繳。徒懷琬琰心。空守黃金諾。號鄒終無寄。齊秦竟何託。大夫唯閔詩集作誰門。周。君子常思亳。寂寥共羈旅。蕭條同負郭。農談止穀稼。野膳唯藜藿。操樂楚琴悲。詩紀云。集作澁。忘詩集作亡。憂魯酒薄。渭濱觀坐釣。谷口看秋穫。唯有丘明恥。無復榮期樂。夷則火星流。天根秋水涸。冬嚴日不煖。歲晚風多朔。詩集誤作翔。楊浮有怪雲。細凌聞災雹。木皮三寸厚。涇泥五斗濁。雖忻曲轅樹。猶懼雕陵鵠。生涯實有始。詩集作殆。天道終虛橐。且悅善人交。無疑朋友數。何時得雲雨。復見翔寥廓。詩集作郭。○本集三。庚開府詩集上。詩紀百十六。

奉和示內人詩

燃香鬱金屋。吹管鳳凰臺。春朝迎雨去。秋夜隔河來。聽歌雲卽斷。聞琴鶴倒回。春窗刻鳳下。寒壁畫花開。定取流霞氣。時添承露杯。○本集三。庚開府詩集上。詩紀百十六。

奉和趙王美人春日詩

直將劉碧玉。來過陰麗華。祇言滿屋裏。併作一園花。新藤亂上格。春水漫吹沙。步搖釵梁動。紅輪被本集、文苑作輪輦。詩集、詩紀並云。一作輪輦。角斜。今年逐春處。先向石崇家。○本集三。文苑英華二百十三。庚開府詩集上。詩紀百十六。

奉和趙王春日詩

城傍金谷苑。園裏鳳凰池。細管調歌曲。長衫教舞兒。向人長曼詩集、詩紀並作眼。臉。由來薄面皮。梅花絕解作。樹葉本能吹。香煙龍口出。蓮子帳心垂。莫畏無春酒。須花但見隨。○本集三。庚開府詩集下。詩紀百十六。

夢人堂內詩

雕梁舊刻杏。本集誤作杳。香壁本泥椒。幔繩金麥穗。簾鈎銀蒜條。畫眉千度拭。梳頭百遍撩。小衫裁裏臂。纏絃搯抱腰。日光釵燄動。窗影鏡花搖。歌曲風吹韻。笙簧火炙調。卽今本集誤作金。須戲去。誰復待明朝。

○本集三。庚開府詩集上。詩紀百十六。

和詠舞詩

詩紀云。梁簡文有詠舞詩。

洞房花燭明。燕餘雙舞輕。頓履隨疎類聚作疎隨。節。低鬟逐上聲。步玉臺作半。文苑同。初學記作伴。詩集同。又注云。

類聚作步。轉行初進。衫飄玉臺作飄衫。曲未成。鸞迴玉臺作回鸞。鏡欲滿。鶴玉臺作鶴。顧市應傾。已曾天上學。詎是玉臺作似。詩集作見。世中生。○本集三。玉臺新詠八。類聚四十三及初學記十五作詠舞詩。文苑英華二百十三作舞應令。庾開府詩集下作舞。詩紀百十六。

夜聽搗衣詩

秋夜搗類聚作搗。衣聲。飛度長門城。今夜長門月。應如晝日明。小鬟宜粟詩集作粟。瑱類聚作縵。圓腰運織成。秋砧調急節。亂杵變新聲。石燥砧逾響。桐虛杵絕鳴。鳴石出華陰。虛桐採鳳林。北堂細腰杵。南市詩集作帝。女郎砧。擊節無勞鼓。調聲不用琴。並結連枝類聚作支。縷。雙穿長命針。倡樓驚別怨。征客動愁心。同心竹葉椀。雙去雙來滿。裙裾不奈長。衫袖偏宜短。龍文鏤剪刀。鳳翼纏管。風流響和韻。哀怨聲悽斷。新聲繞夜風。嬌轉滿空中。應聞長樂殿。判徹昭陽宮。花鬢醉眼纈。龍子細文紅。濕摺通夕露。吹衣一夜風。玉堦風轉急。長城雪應闇。新綬始欲縫。細錦行須纂。聲煩廣陵散。杵急漁陽摻。新月動金波。秋雲泛濫過。誰憐征戍客。今夜在交河。栩陽詩集作羽觴。詩紀云。一作羽觴。離別賦。臨江愁思歌。復令悲此詩集此下衍中字。曲。紅顏餘幾多。○本集三。庾開府詩集上。詩紀百十六。又類聚六十七引城、明、成、聲、鳴、陰、林、砧、針、心十韻。

預麟趾殿校書和劉儀同詩

止戈興禮樂。修文盛典謨。壁開金石篆。河浮雲霧圖。芸香上延閣。碑石向鴻都。誦書徵博士。明經拜大

夫。璧文苑或作璧。池寒水落。學市文苑或作樹。舊槐疎。文苑作枯。詩集同。高譚初學記作談。文苑同。變白馬。雄辯文苑誤作辦。塞飛狐。月落將軍樹。風驚御史烏。子雲猶初學記作方。汗簡。溫舒正削蒲。連文苑或作蓮。雲雖有閣。終欲文苑或作歎。想江湖。○本集三。初學記十二。文苑英華二百四十作和劉儀同。文苑英華三百十一。庚開府詩集上。詩紀百十六。

和宇文內史人重陽閣詩

北原風雨散。南宮容衛疎。待詔還金馬。儒林歸石渠。徒懸仁壽鏡。空聚茂陵書。竹淚垂秋筍。蓮衣落夏文苑詩集並作故。詩紀云。集作故。藻。顧成詩集作城。始移廟。陽陵正徙文苑作徒。居。舊蘭憔悴長。殘花爛熳舒。別有昭陽殿。長悲故。詩紀云。一作班。婕妤。○本集三。文苑英華三百十四作登宇文內史人重陽閣。庚開府詩集上。詩紀百十六。

忝在司水看治渭橋詩

大夫參下位。司職渭之陽。富平移鐵鑠。詩紀云。一作鑠柱。甘泉運石梁。跨虹連絕岸。浮鼉續斷航。春洲鸚鵡色。流水桃花香。星精逢漢帝。釣叟值周王。平隄石岸直。高堰柳陰長。羨詩集作美。言杜元凱。河橋獨舉觴。○本集三。初學記七。又類聚九作看治渭橋詩。引陽、梁、航、香四韻。庚開府詩集上。詩紀百十六。

北園新齋成應趙王教詩

虹粉本集、詩集作粉。文苑作扮。跂鳥翼。山節拱文苑作共。蘭枝。畫梁雲氣繞。彫窗玉女窺。月懸唯返照。蓮開長

倒垂。盤根紐文集作細。壞石。行雨暴澆池。長藤連格徙。高樹帶巢移。鳥聲唯雜曲。花風直亂吹。白虎題書觀。玄熊帖射皮。文弦入舞曲。月扇掩歌兒。玉節調笙管。金船代酒卮。若論曹子建。天人本共知。○本集三。文苑英華百七十九作北園新齋成應教。庾開府詩集上。詩紀百十六。

同會河陽公新造山池聊得寓目詩

橫階仍鑿澗。對戶卽連峯。暗石疑藏虎。盤根似卧龍。沙洲聚亂荻。洞口礙橫松。引泉恒數派。開巖卽十重。北閣聞吹管。南鄰聽擊鍾。菊寒花正合。杯香酒絕濃。由來魏公子。今日始相逢。○本集三。文苑英華百六十五作同會河陽公新造暗山池聊得寓目。庾開府詩集上。詩紀百十六。

登州中新閣詩

跨虛凌倒景。連雲詎文苑作拒。少陽。璇極龍鱗上。雕甍鵬翅張。千尋文杏照。十里木蘭香。開窗詩集作堂。對高掌。平坐望河梁。歌響聞長文苑作開天。樂。鍾聲徹建章。賦用王延壽。書須韋仲將。龍來隨畫壁。風起逐吹簧。石作芙蓉本集作容。影。池如明鏡光。花梁反披葉。蓮井倒垂房。徒然思鸞賀。無以預鷗翔。○本集三。

文苑英華三百十四。庾開府詩集上。詩紀百十六。

歲晚出橫門詩

年華改歲陰。遊客喜登臨。據鞍垂玉帖。橫腰帶錦心。冰弱浮橋沒。沙虛馬跡深。倚弓依石岸。回牀向柳陰。智瓊來勸酒。文君過聽琴。明朝雲雨散。何處更相尋。○本集三。庾開府詩集上。詩紀百十六。

北園射堂新成詩

軒臺聊可習。仙的不難登。轉箭初調筈。類聚作辭竿。橫弓先望壖。驚心一鴈落。連臂兩猿騰。直知王濟巧。誰覺魏舒能。空心不死樹。無葉未枯藤。擇賢方至。本集作知。此。傳卮欣得朋。○本集三。類聚七十四。庾開府詩集上。詩紀百十六。

七夕詩

牽牛遙映水。織女正登車。星橋通漢使。機石逐仙槎。隔河相望近。經秋離別賒。愁將今夕恨。復著明年花。○玉臺新詠八。古今歲時雜詠二十五。佚作者名。

園庭詩

杖鄉從物外。養學事閑郊。窮愁方汗簡。無遇始觀爻。谷寒已吹律。簷空更剪茆。樵隱恒同路。人禽或對

巢。水蒲開晚結。風竹解寒苞。古槐時變火。枯楓乍落膠。倒屣迎懸榻。停琴聽解嘲。香螺酌美酒。枯蚌藉蘭殺。飛魚時觸釣。翳雉屢懸庖。但使相知厚。當能來結交。○本集四。庚開府詩集上。詩紀百十六。

歸田詩

務農勤九穀。歸來嘉一廛。穿渠移水碓。燒棘起山田。樹陰逢歇馬。魚潭見酒船。苦李無人摘。秋瓜不直錢。社雞新欲伏。原蠶始更眠。今日張平子。翻爲人所憐。○本集四。庚開府詩集上。詩紀百十六。

寒園卽目詩

寒園星散居。詩集作後。搖詩紀作遙。落小村墟。遊仙半壁畫。隱士一牀書。子月泉心動。陽爻地氣舒。雪花深數尺。冰牀厚尺餘。蒼鷹斜望雉。白鷺下看魚。更想東都外。羣公別二疎。○本集四。庚開府詩集上。詩紀百十六。

幽居值春詩

山人久陸沈。幽逕忽春臨。詩集作心。決渠移水碓。開園詩集作憲。掃竹林。欹橋久半斷。崩岸始邪侵。短歌吹細笛。低聲泛古琴。錢刀不相及。耕種且須深。長門一紙賦。何處覓黃金。○本集四。庚開府詩集上。詩紀百十六。

卧疾窮愁詩

危慮風霜積。窮愁歲月侵。留蛇常疾首。映弩屢驚心。稚川求藥錄。君平問卜林。野老時相訪。山僧或見

尋。有菊翻無酒。無弦則有琴。詎知長抱膝。獨爲梁父吟。○本集四。庾開府詩集上。詩紀百十六。

山齋詩

寂寥尋靜室。蒙密就山齋。滴瀝泉澆文苑作遶。注云。一作澆。路。穹窿石卧階。淺槎全不動。盤根唯半埋。圓珠墜晚菊。細火落空槐。直置風雲慘。彌憐心事乖。○本集四。文苑英華三百十七。庾開府詩集上。詩紀百十六。

望野詩

試策千金馬。來登五丈原。有城仍舊縣。無樹卽新村。水向蘭池泊。日斜細柳園。涸渚通沙路。寒渠塞水門。但得風雲賞。何須人事論。○本集四。庾開府詩集上。詩紀百十六。

蒙賜酒詩

金膏下帝臺。玉曆在蓬萊。仙人一遇飲。分得兩三杯。忽聞草堂詩箋作遶。桑葉落。正值菊花開。阮籍披衣進。王戎含笑來。從今覓仙藥。不假向瑤臺。○本集四。庾開府詩集下。詩紀百十六。又草堂詩八九日詩注作庾信詩。引開一韻。

奉報趙王惠酒詩

詩紀云。一作奉報賜酒。

梁王脩竹園。冠蓋風塵喧。行人忽枉道。直進桃花源。稚子還羞出。驚妻倒閉門。類聚作閑。古通。門。始聞傳上

命。定是賜中樽。野籬然樹葉。山杯捧竹根。風池還更煖。寒谷遂長暄。未知稻梁鴈。何時能報類聚作報君。恩。○本集四。類聚七十二。庾開府詩集上作春報賜酒。詩紀百十六。

有喜致醉詩

忽見庭生玉。聊欣蚌出珠。蘭芬猶載寢。蓬箭始懸弧。既喜枚詩集作梅。都尉。能歡陵大夫。頻朝中散客。連日步兵厨。雜曲隨琴用。殘花聽酒須。脆梨裁數實。甘查詩集作粗。唯一株。兀然已復醉。搖頭歌鳳雛。○本集四。庾開府詩集上。詩紀百十六。

喜晴應詔勅自疏韻詩

御辯文苑作辨。誠膺錄。維皇稱有建。雷澤昔經文苑作緝。漁。負夏時從販。柏梁驂駟馬。高陵馳六傳。有序屬賓連。無私表平文苑作中。憲。河堤崩故柳。秋水高新堰。心齋愍昏墊。樂徹憐胥怨。禪河秉高論。法輪開勝辯。文苑此二句類倒。又辯作辨。王城水鬪文苑誤作闕。息。洛浦河圖獻。伏泉還習坎。歸風已回巽。桐枝長舊園。蒲節抽新寸。山藪欣藏疾。幽棲得無悶。有慶兆民同。論年天子萬。○本集四。文苑英華百七十。庾開府詩集上。詩紀百十六。

同顏大夫初晴詩

夕陽含水氣。反景照河隄。濕花飛未遠。陰雲斂向低。燕燥萬花谷作噪。還爲石。龍殘更類聚作便。萬花谷同。是泥。香泉酌冷澗。小艇釣蓮溪。但使心齊物。何愁物不齊。○本集四。庾開府詩集上。詩紀百十六。又類聚二、初學記二、萬花谷二俱作初晴詩。引低、泥二韻。

奉和趙王喜雨詩

玄霓臨日谷。封蟻對雲臺。投壺類聚作地。馮校作臺。欲起電。倚柱稍詩集作欲。驚雷。白沙如濕粉。蓮花類洗類聚作玉。杯。驚鳥類聚作鳥。洒翼度。詩集作栖翼濕。濕詩集作度。鴈斷行來。浮橋七星起。高堰六門開。猶言祀蜀帝。卽似望荆臺。厥田終上上。原野自莓莓。○本集四。庾開府詩集下。詩紀百十六。又類聚二作和趙王喜雨詩。引臺、雷、杯、來、開、莓六韻。

和李司詩集無司字。錄喜雨詩

純陽實久亢。雲漢乃詩集作仍。昭回。臨河詩集作池。沈璧玉。夾道畫龍媒。離光初繞電。震氣始乘詩集作成。雷。海童還碣詩集誤作竭。石。神女向陽臺。雲逐魚鱗起。渠隨本集作從。龍骨開。崩沙雜水去。卧樹擁棧來。嘉苗文苑作禾。雙合穎。熟稻再含胎。屬此欣膏露。逢君摛揆才。愧乏文苑作之。注云。疑作乏。瓊將玖。詩集作將瓊。

玖。無酬美且偲。○本集四。文苑英華百五十三。庾開府詩集上。詩紀百十六。又類聚二作喜雨詩。引雷、開、來、胎四韻。

郊行值雪詩

風雲俱慘慘。原野共茫茫。雪花開六出。冰珠映九光。詩集作荒。還如驅玉馬。暫似獵銀獐。陣雲全不動。
寒山無物香。薛君一狐白。唐侯兩驢驢。寒關日欲暮。披雪渡河梁。○本集四。庾開府詩集上。詩紀百十六。

奉和趙王西京路春日詩

直城龍首抗。橫橋天漢分。風鳥疑近日。露掌定高雲。新渠還入渭。舊鼎更開汾。漢獵熊攀詩集作扳。檻。
秦田雉失羣。宜年動春律。御宿斂寒氛。弄玉迎簫史。東方覓細君。楊柳成歌曲。蒲桃學繡文。烏文苑作烏。
鳴還獨解。花開詩集作開。花。先自薰。誰知灞陵下。猶有故將軍。○本集四。文苑英華百五十七。庾開府詩集上。詩紀百十六。

奉和夏日應令詩

朱文苑作珠。簾捲麗文苑作嚴。日。翠幕蔽重陽。五月炎蒸氣。初學記氣蒸。三時刻漏長。麥隨風裏熟。詩集誤作熟。
梅逐雨中黃。開冰帶井水。和粉雜生香。衫含蕉葉氣。扇動竹花文文苑作風。涼。早菱生軟角。初蓮開細房。
願陪仙鶴舉。洛浦聽笙簧。○本集四。初學記三。文苑英華百七十九作庾亮。詩紀百十六。

和樂儀同苦熱詩

火井沈熒散。炎洲高燄通。鞭石未成雨。鳴鳶不起風。思爲鸞翼扇。願借明光文苑作光明。宮。臨淄迎子禮。中散就安豐。美酒含文苑作合。注云。一作含。蘭氣。甘瓜開蜜筒。寂寥人事屏。還得隱牆東。○本集四。文苑英華二百十作苦熱和樂儀同。樂府詩集六十五作苦熱行。庚開府詩集上。詩紀百十六。

和裴儀同秋日詩

蕭條依白社。寂寞似東臯。學異南宮敬。貧同北郭騷。蒙吏觀秋水。萊妻紡落毛。旅人嗟歲暮。田家厭作勞。霜天林木燥。秋氣風雲高。栖遑終不定。方欲涕沾袍。○本集四。庚開府詩集上。詩紀百十六。

詠園花詩

暫往春園傍。聊過看果行。枝繁類金谷。花雜映河陽。自紅無假染。真白不須粧。燕送歸菱井。蜂銜上蜜房。非是金鑪氣。何關柏殿香。裋衣偏定好。應持奉魏王。○本集四。類聚八十八。詩紀百十六。

西門豹廟詩

君子爲利博。達人樹德深。蘋藻由斯薦。樵蘇幸未侵。恭聞正臣類。聚作直。詩紀云。一作直。祀。良識佩韋心。容

範雖年代。徽猷若可尋。菊花隨酒馥。槐影向窗臨。鶴飛疑逐舞。魚驚似聽琴。漳流鳴磴石。銅雀文苑作爵。影秋林。○本集四。類聚三十八。文苑英華三百二十。庾開府詩集下。詩紀百十六。

和王少保遙傷周處士詩

冥漠爾遊岱。悽涼余向秦。雖言異生死。同是不歸人。昔余仕詩集作任。冠蓋。值子避風塵。望氣求真隱。伺詩集作俟。關待逸民。忽聞泉石友。芝桂不防身。悵然張仲蔚。悲哉鄭子真。三山猶有鶴。五柳更應春。遂令從渭水。投弔類聚作釣。詩集文苑同。往江濱。○本集四。類聚三十四作傷周處士。文苑英華三百二。庾開府詩集上。詩紀百十六。

傷王司徒褒詩

昔聞王子晉。輕舉逐神仙。謂言君積善。還得嗣前賢。四海皆流寓。非爲獨播遷。豈意中台坼。文苑作裂。君當風燭前。自文苑作王。君鍾鼎族。江東詩紀云。集作南。三百年。寶刀仍世載。瑠戈本舊傳。綠紱文苑作緜。紆槐綬。黃金飾侍蟬。地建忠臣國。家開孝子泉。自能枯木潤。足得流水圓。以君文苑作蒼。承祖武。諸侯無間然。青衿已對日。童子卽論天。穎文苑作顯。陰珠玉麗。河陽脂粉妍。名高六國共。價重十城連。辯足觀秋水。文堪題馬鞭。迴鸞抱書字。文苑誤作別。別文苑誤作字。鶴繞文苑作沈。琴弦。擁旄詩集作麾。裁甸服。垂帷詩集誤作維。非被邊。靜亭空繫文苑作擊。詩集同。馬。閑烽直起煙。不廢文苑作發。披書案。無妨坐釣文苑誤作釣。船。茂陵

忽多文苑作移。病。淮陽實未痊。侍醫逾默默。神理遂綿綿。永別張平子。長埋王仲宣。柏谷移松樹。陽陵買墓田。陝路秋風起。寒堂已颯焉。丘楊一搖落。山火即時燃。昔爲人所羨。今爲人所憐。世途旦復旦。文苑作且或且。人情玄又玄。故人傷此別。留恨滿秦川。定名文苑作者。於此定。全德以斯全。唯有山陽笛。悽余文苑作餘。思舊篇。○本集四。文苑英華三百二。庾開府詩集上。詩紀百十六。

仰和何僕射還宅懷故詩

紫閣且詩集作思。朝罷。中臺夕玉臺作文。詩集同。奏稀。無復千金笑。徒勞五日歸。步檐朝未掃。蘭房晝掩扉。落生理曲處。網積回文機。故瑟餘絃斷。歌梁秋燕飛。朝雲雖可望。夜帳定難依。願憑甘露入。方假慧燈輝。寧知洛城晚。還淚獨沾衣。○本集四。玉臺新詠八。庾開府詩集下。詩紀百十六。

送灵法師葬詩

龍泉今日掩。石洞即時封。玉匣摧談柄。懸河初學記作浮。落辯初學記作辨。鋒。香爐猶是柏。塵尾更成松。郭門未十里。山迴已數重。尚聞香閣梵。猶聽竹林鍾。送客風塵擁。寒郊霜露濃。性靈如不滅。詩集作滅。神理定何從。○本集四。初學記十四。文苑英華三百五作送靈法師葬。庾開府詩集下。詩紀百十六。

北周詩卷四

庾信

和人日晚景宴昆明池詩

春餘歲時雜詠、文苑作餘春。詩集同。詩紀云。一作餘春。足光景。趙李舊經過。上林柳類聚作棗。詩集、文苑同。腰細。新豐酒徑類聚、歲時雜詠、詩集作泛。詩紀云。一作泛。多。小船行釣鯉。新盤待摘文苑作滴。荷。蘭卑徒稅駕。何處有凌波。○本集五。類聚九作晚讌昆明池。古今歲時雜詠五。文苑英華百六十四。庾開府詩集上。詩紀百十七。

對宴齊使詩

歸軒下賓館。送蓋出河堤。酒正離杯促。歌工別曲悽。林寒木皮厚。沙迥詩集作題。鴈飛低。故人儻相訪。知余已執珪。○本集五。文苑英華二百九十六。庾開府詩集上。詩紀百十七。

聘齊秋晚館中飲文苑誤作丞酒詩

欣茲河朔飲。對此洛陽才。殘秋欲屏扇。餘菊尚浮杯。漳流鳴二水。日色下三臺。無因侍清夜。同此月徘徊。

徊。○本集五。文苑英華二百九十七。庾開府詩集下。詩紀百十七。

奉和濬池初成清晨臨泛詩

千金高堰合。百頃浚詩集作凌。源開。翻逢積翠類聚、文苑、詩集並作草。詩紀云。一作草。浪。更識昆文苑作崑。明灰。猿類聚作虎。嘯風還急。雞鳴潮即來。時看青雀舫。遙逐桂類聚作貴。舟詩紀云。一作洲。文苑、詩集作貴洲。迴。○本集五。類聚九作奉和初濬池成清晨臨泛詩。文苑英華百六十五。庾開府詩集下。詩紀百十七。

和灵法師遊昆明池詩二首

遊客重相懽。連鑣出上蘭。值泉傾蓋飲。逢花駐文苑作住。馬看。平湖泛玉舳。高堰歇金鞍。半道聞荷氣。中流覺水寒。○本集五。文苑英華百六十四。庾開府詩集上。

秋光麗晚初學記作曉。天。鷁舸泛中川。密菱障浴鳥。高荷沒詩集作浸。文苑作投。釣船。碎珠文苑作殊。紫斷菊。殘絲繞折蓮。落花催斗本集作十。詩集、文苑同。詩紀云。一作十。酒。棲鳥文苑作鳥。送一絃。○本集五。初學記七。文苑英華百六十四。庾開府詩集上。詩紀百十七。

見遊春人詩

長安有狹斜。金穴盛豪華。連盃勸上馬。亂菓擲行車。深紅蓮子豔。細錦鳳凰花。那能學喫酒。無處似樂

巴。○本集五。庾開府詩集上。詩紀百十七。

別周尚書弘正詩

扶風石橋文苑作天柱。注云。一作石橋。北。函谷故關前。此中一分手。相逢知幾年。黃鵠一本集、詩集作遂。文苑同。反顧。徘徊文苑云。一作戀。應類聚作戀。愴然。自知悲不已。徒勞減瑟絃。○本集五作別周處士弘正。類聚二十九作別周弘正詩。文苑英華二百三十作別周處士弘正。注云。處士一作尚書。庾開府詩集上。詩紀百十七。

別張洗馬樞詩

別席慘無言。離悲兩相顧。君登蘇武橋。我見楊朱路。關山負雪行。河水乘冰渡。願子著朱鳶。知余在玄菟。○本集五。文苑英華二百六十六。庾開府詩集上。詩紀百十七。

別庾七人蜀詩

峻嶺拂陽鳥。長城連蜀都。石銘懸劍壁。沙洲聚陣圖。山長半股斷。樹古半心枯。由來兄弟別。共念一荆株。○本集五。庾開府詩集上。

將命使北始渡瓜步江詩

校尉始辭國。樓船欲渡河。輜軒臨積岸。旌節映江沱。觀濤想帷蓋。爭長憶干戈。雖同燕市泣。猶聽趙津

歌。○本集五。類聚二十七。詩紀百十七。

反命河朔始人武州詩

輕車初逐李。定遠未隨班。受詔祈連返。申威疎勒還。飛蓬損腰帶。秋鬢落容顏。寄言舊相識。知余生人關。○本集五。類聚二十七。詩紀百十七。

冬狩行四韻連句應詔詩

三川羽檄馳。六郡良家選。觀兵細柳城。校獵長楊苑。驚雉逐鷹飛。騰猿看箭轉。鳴笳河曲還。猶憶南皮返。○本集五。庚開府詩集七。詩紀百十七。

和王內史從駕狩詩

冬狩出離宮。還過獵武功。澗橫偏礙馬。山虛絕響弓。更羸承落鴈。韓盧鬪蟄熊。猶開三面網。誰肯一山重。○本集五。庚開府詩集上。詩紀百十七。

入道士館詩

金華開八景。玉洞上三危。雲袍白鶴度。風管鳳凰吹。野衣縫蕙葉。山巾簪笋皮。何必淮南館。淹留攀桂

枝。○本集五。文苑英華二百二十六。庾開府詩集上。詩紀百十七。

奉和永豐殿下言志詩十首

立德齊今古。資仁一毀譽。無機抱甕汲。有道帶經鋤。處下唯名惠。能言本姓蘧。未論驚寵辱。安知係慘舒。○本集五。庾開府詩集上。詩紀百十七。

王子從邊服。臨叩惜第如。星橋擁冠蓋。錦水照簪裾。論文報潘岳。詠史答應璩。帳幕參三顧。風流盛七輿。○同上

茫茫實宇宙。與善定馮虛。大夫傷魯道。君子念殷墟。程卿既開國。安平遂徙居。詎能從小隱。終然詩集作能遊太初。○同上

直城風日美。平陵雲霧除。來往金張館。弦歌許史閭。鳳臺迎弄玉。河陽送婕妤。五馬遙相問。雙童來夾車。○同上

託情忻六學。遊目愛三餘。覆局能懸記。看碑解暗疏。詎嘗遊魏冉。那時說范睢。池水朝含墨。流螢夜聚書。○同上

興雲榆莢晚。燒薤杏花初。滌池侵黍稷。谷水播菑畬。六月蟬鳴稻。千金龍骨渠。含風搖古度。防露動林於。詩紀云。古度。樹名。見吳都賦。林於。竹名。越女試劍竹也。見戴慶豫竹譜。又曰。上密防露。下疎來風。○同上

自憐循短綆。方欲問長沮。茂陵體猶瘠。淮陽疾未祛。翻疑承毒水。忽似遇昌菹。漢陽嗟欲盡。咎繇懼忽

諸。○同上

弱齡參顧問。疇昔濫吹噓。綠槐垂學市。長楊映直廬。連盟翻滅鄭。仁義反亡徐。還思建鄴水。終憶武昌魚。○同上

崩堤壓故柳。衰社卧寒樗。野鶴能自獵。江鷗解獨漁。漢陰逢荷篠。緇詩集作緇。林見杖屨。詩集作藜。阮籍長思酒。嵇康懶著書。○同上

披林求木實。拂雪就園蔬。濁醪非鶴髓。蘭肴異蟹蛆。本集作胥。詩紀云。一作胥。野情風月曠。山心人事疎。徒知守瓠甕。詩集作甕瓠。空欲報璠璣。○同上

率爾成詠詩

昔日詩集作爲。謝安石。求爲淮海人。彷彿新亭岸。猶言洛水濱。南冠今別楚。荆玉遂遊秦。倘使如楊僕。寧爲關外人。○本集五。庾開府詩集上。詩紀百十七。

慨然成詠詩

新春光景麗。遊子離別情。交讓未全死。梧桐唯半生。值熱花無氣。逢風水不平。寶雞雖有祀。何時能更鳴。○本集五。庾開府詩集上。詩紀百十七。

奉和賜曹詩集作曾。美人詩

月光如粉白。秋露似珠圓。絡緯無機織。流螢帶火寒。何年迎弄詩集作美。玉。今朝得夢蘭。訝許能含笑。芙蓉宜熟看。○本集五。庾開府詩集上。詩紀百十七。

和趙王看伎詩

綠珠歌扇薄。飛燕舞衫類聚作袖。長。琴曲隨流水。簫聲逐鳳凰。細縷類聚作莖。詩集作莖。纏鍾格。類聚作板。圓花釘鼓牀。詩紀云。一作膺風蟬鬢亂。映日鳳釵光。懸知曲不誤。無事畏類聚作顧。詩紀云。一作顧。周郎。○本集五。類聚四十二作看妓詩。初學記十五。文苑英華二百十三。庾開府詩集上作奉和趙王看伎。萬花谷後三十二作庾信詩。詩紀百十七。

奉答賜酒詩

仙童詩集作章。下赤城。仙酒餉王平。野人相就飲。山鳥一羣驚。細雪翻沙下。寒風戰鼓鳴。此時逢一醉。應枯反詩集誤作及。更榮。○本集五。庾開府詩集下。詩紀百十七。

奉答賜酒鵝詩

雲光偏亂眼。風聲特噤心。冷猿披雪嘯。寒魚抱凍沈。今朝一壺酒。實是勝千金。負恩無以謝。惟知就竹

林。○本集五。庾開府詩集上。詩紀百十七。

正旦蒙趙王賚酒詩

正旦辟惡酒。新年長命杯。柏葉隨銘至。椒花逐頌來。流星向椀落。浮蟻對春開。成都已救火。蜀使何時迴。詩集作來。○本集五。類聚七十二。古今歲時雜詠一。庾開府詩集上作正旦蒙賚酒。詩紀百十七。

衛王贈桑落酒奉答詩

愁詩集作稔。人坐狹斜。喜得送流霞。跂窗催酒熟。停盃待菊花。霜風亂飄葉。寒水細澄沙。高陽今日晚。應有接羅斜。○本集五。庾開府詩集上。詩紀百十七。

就蒲州使君乞酒詩

蕭瑟風聲慘。類聚作慘。蒼茫雪貌愁。鳥寒棲不定。池凝聚未流。蒲城桑葉落。草堂詩箋作酒。灞岸菊花秋。願持河朔詩集作北。飲。分勸東陵侯。○本集五。類聚七十二。庾開府詩集上。詩紀百十七。又草堂詩箋八九日詩注作就蒲州刺史乞酒詩。引秋、候二韻。

蒲州刺史中山公許乞酒一車未送詩

細柳望蒲臺。長河始一迴。秋桑幾過落。春蟻未曾開。瑩角非難馭。槌輪稍可催。只言千日飲。舊逐中山

來。○本集五。類聚七十二。庾開府詩集下。詩紀百十七。

答王司空餉酒詩

今日小園中。桃花數樹紅。開君一壺酒。細酌對詩集作雨三。春風。未能扶詩集作浮。畢卓。猶足舞王戎。仙人一捧露。判不及盃中。○本集五。類聚七十二。庾開府詩集下。詩紀百十七。

舟中望月詩

舟子夜離家。開舸初學記作船。望月華。山明疑有雪。岸白不關沙。天漢看珠蚌。星橋視桂花。灰飛重暈闕。莫落獨輪斜。○本集五。初學記一。文苑英華百五十二。萬花谷一作庾信詩。庾開府詩集下。詩紀百十七。

望月詩

夜光流未曙。金波影尚文苑作上。注云。疑作尚。賒。照人非七子。含風異九華。莫新半壁文苑作璧。注云。疑作壁。上。桂滿獨輪斜。乘舟聊可望。無假逐仙文苑作靈。詩紀云。一作靈。槎。○本集五。文苑英華百五十二。庾開府詩集上。詩紀百十七。

對雨詩

繁雲猶暗嶺。積雨未開庭。階含侵角路。鑊滿溜疎萍。濕楊生細樵。爛草變初螢。徒勞看蟻對。無事祀靈

星。○本集五。類聚二。

喜晴詩

比日思光景。今朝始暫逢。雨住詩集作注。便生熱。雲晴詩集作暗。即作峯。文苑誤作風。水白澄還淺。花紅燥初學記作曝。更濃。已歡無石燕。彌欲棄泥文苑作土。詩集作二。龍。○本集五。初學記二。文苑英華百五十五。庾開府詩集下。詩紀百十七。

詠春近餘雪應詔詩

送寒開小苑。迎春入上林。絲條變柳色。香氣動蘭心。待花將詩集作留。詩紀云。一作思。對酒。留雪擬彈琴。陪遊愧並作。空見奉恩深。○本集五。文苑英華百七十三。庾開府詩集上。詩紀百十七。

奉和初秋詩

落星初伏火。秋霜正動鍾。北閣連橫漢。南宮初學記作空。應初學記、詩集作映。文苑同。鑿龍。祥鸞棲竹實。靈蔡上文苑作止。芙蓉。自有南風曲。還來吹九重。○本集五。初學記三。文苑英華百五十八。庾開府詩集上。詩紀百十七。

晚秋詩

淒清臨晚景。疎索望寒階。濕庭文苑作庭濕。詩集云。初學作溫庭。凝墜露。搏風卷落槐。日文苑作白。氣斜還冷。

雲峯晚更羸。可憐數行鴈。點點遠空排。○本集五。初學記三。文苑英華百五十八。庾開府詩集上。詩紀百十七。

和穎川公秋夜詩

沈寥空色遠。葉黃淒序變。洞浦落遵鴻。長飈送巢燕。千秋流夕景。百籟含宵。嘽。峻雉聆金柝。曾臺切銀箭。○本集五。文苑英華百五十八。庾開府詩集下作晚秋和穎川公秋夜。詩紀百十七。

詠畫屏風詩二十五首

俠客重連鑣。金鞍被桂條。細塵鄣路起。驚花亂眼飄。酒醺詩紀作薰。人半醉。汗濕馬全驕。歸鞍畏日晚。爭路上河橋。○本集二作俠客行。類聚三十三作庾信詩。文苑英華百九十六作俠客行。庾開府詩集下。詩紀百十七。

浮橋翠蓋擁。平旦雍門開。石崇迎客至。山濤載妓來。水紋恆獨轉。風花直亂迴。誰能惜紅袖。寧詩紀云。一作迎。用捧金杯。○本集五。庾開府詩集下。詩紀百十七。

停車小苑外。下渚詩集云。一作杯酒。長橋前。蒹葭迎擁楫。平荷直蓋船。殘絲繞折藕。芰葉映低蓮。遙望芙蓉影。只言水底燃。○同上

昨夜鳥聲春。驚鳴動四鄰。今朝梅樹下。定有詠初學記作折。花人。流星浮酒泛。粟瑱類聚作鈿。繞杯脣。何勞一片雨。喚作陽臺神。○本集五。類聚六十九作詠屏風詩。庾開府詩集下。詩紀百十七。又初學記三作詠春詩。引鄰、人二韻。逍遙遊桂苑。寂絕到類聚作想。桃源。狹石分花逕。長橋映水門。管聲驚百鳥。人衣香一園。定知歡未足。

橫琴坐石。類聚作樹。根。○本集五。類聚六十九。文苑英華百五十七作詠春。庾開府詩集下。詩紀百十七。

三春冠蓋聚。八節管弦遊。石險松橫植。巖懸澗豎流。小橋飛斷岸。高花出迥樓。定須催十酒。將來宴五侯。○本集五。庾開府詩集下。詩紀百十七。

高閣千尋起。長廊四注連。歌聲上扇月。舞影入琴。類聚作聞。弦。澗水纔。類聚作透。窗外。山花卽眼前。但願類聚作願。長歡樂。從今盡。類聚作一。百年。○本集五。類聚六十九。庾開府詩集下。詩紀百十七。

日晚金槌絡。本集作路。詩紀云。一作路。朱軒流水車。轆拂緣。本集誤作綠。堤柳。蕙飄夾路花。定迎劉碧玉。將過陰麗華。非是高陽路。莫畏接羅斜。○本集五。庾開府詩集下。詩紀百十七。

徘徊出桂苑。徙倚就花林。下橋先勸酒。跂石始調琴。蒲低猶抱節。竹短未空心。絕愛猿聲近。唯憐花徑深。○同上

千尋木蘭館。百尺芙蓉堂。落日低蓮。詩紀作連。井。行雲礙芰。詩集作女。詩紀云。集作女。梁。流水桃花色。春洲杜若香。就階猶不進。催來上伎牀。○同上

搗。類聚作搗。衣明月下。靜夜秋風飄。錦石平砧面。蓮。類聚或作連。房接杵腰。急節迎秋韻。新聲入手調。寒衣須及早。將寄霍嫫媯。○本集五。類聚六十七作搗衣詩。類聚六十九。庾開府詩集上。詩紀百十七。

出沒看樓殿。間關望綺羅。翔禽逐節舞。流水赴弦歌。細管吹藜竹。新杯捲半荷。南宮冠蓋下。日暮風塵多。○本集五。庾開府詩集下。詩紀百十七。

玉柙珠簾捲。金鈎翠幔懸。荷香薰水殿。閣影入池蓮。平沙臨浦口。高柳對樓前。上橋還倚望。遙看採菱

船。○同上

高閣千尋跨。重簷百丈初學記作尺。齊。雲度三分近。花飛一倍低。吹簫迎初學記作近。白鶴。照鏡舞山雞。何勞愁日暮。未有夜烏啼。○本集五。初學記二十五作詠屏風詩。庾開府詩集下。詩紀百十七。

河流值淺岸。斂轡暫經過。弓衣濕濺水。馬足亂橫波。半城斜出樹。長林直枕河。今朝遊俠客。不畏風塵多。○本集五。庾開府詩集下。詩紀百十七。

度橋猶徙倚。坐石未傾壺。淺草開長埽。行營繞細廚。沙洲兩鶴迴。石路一松孤。自可尋丹竈。何勞憶酒壚。○同上

上林春逕密。浮橋柳路長。龍媒逐細草。鶴鬣映垂楊。水似桃花色。山如甲煎香。白石春本集作青。詩紀云。一作青。泉上。誰能待月光。○同上

白石春泉滿。黃金新埽開。戚里車先度。蘭池馬即來。落花承舞席。春衫拭酒杯。行廚半路待。載妓一雙迴。○同上

將軍息邊務。校尉罷從戎。池臺臨戚里。弦管入新豐。浮雲隨走馬。明月逐彎弓。比來多射獵。唯有上林中。○同上

三危上初學記作出。鳳翼。九坂度龍鱗。路高山裏樹。雲低馬上人。懸巖泉溜響。深谷鳥聲春。住初學記誤作生。馬來相問。應知有姓秦。○本集五。初學記二十五。庾開府詩集上。詩紀百十七。

聊開鬱金屋。暫對芙蓉池。水光連岸動。花風合樹吹。春杯猶雜泛。細菓尚連枝。不畏歌聲盡。先看箏柱

欵。○本集五。庾開府詩集下。詩紀百十七。

洞靈開靜室。雲氣滿山齋。古松裁數樹。盤根無半埋。愛靜魚爭樂。依人鳥入懷。仲春徵隱詩集字缺。士。蒲輪上計偕。○同上

今朝好風日。園苑足芳菲。竹詩紀作行。動蟬爭散。蓮搖魚暫飛。面紅新著酒。風晚細吹衣。跂石多時望。蓮船始復歸。○本集五。類聚六十九。庾開府詩集下。詩紀百十七。

金鞍聚磧岸。玉舳泛中流。畫鷁先防水。媒龍卽負舟。沙城疑海氣。石岸似江樓。崩槎時半沒。壞舸或空浮。定是汾河上。戈船聊試遊。○本集五。庾開府詩集下。詩紀百十七。

竟日坐春臺。芙蓉承酒杯。水流平澗下。山花滿谷開。行雲數番過。白鶴一雙來。水影搖蘩竹。林香動落梅。直上山頭路。羊腸能幾迴。○同上

鏡詩

玉匣聊開萬花谷作玉。鏡。輕灰暫拭萬花谷作燕。塵。光如一片水。影照兩邊人。月生無有桂。花開不逐春。試挂萬花谷作取。淮南竹。堪能見四鄰。○本集五。初學記二十五。萬花谷續七作庾信詩。詩紀百十七。

梅花詩

常本集作當。初學記同。年臘月半。已覺梅花闌。不信今春晚。俱來雪裏看。樹動懸冰落。枝高出手寒。早知覓

不見。真悔著衣單。○本集五。初學記二十八。文苑英華三百二十二。萬花谷後三十八作庾信詩。庾開府詩集下。詩紀百十七。

詠樹詩

交柯乍文苑作將。注云。一作乍。百頃。類聚作傾。擢本或千尋。楓子留爲式。桐孫待詩紀云。一作持。作琴。殘核移桃種。空花植棗林。幽居對蒙密。文苑誤作蜜。蹊徑轉深沈。○本集五。類聚八十八。文苑英華三百二十六。庾開府詩集上。詩紀百十七。

鬪雞詩

開軒望平子。驟馬看陳王。狸膏燻鬪敵。芥粉塹春場。解翅蓮花動。猜羣錦臆張。○本集五。類聚九十一。詩紀百十七。

應令詩

望別非新館。開舟卽舊灣。浦喧征棹發。亭空送客還。路塵猶向水。征帆獨背關。○本集五。類聚二十九。詩紀百十七。

杏花詩

春色方盈野。枝枝綻翠英。依稀暎村塢。爛熳開山城。好折待賓客。類聚作旅。金盤襯紅瓊。○本集五。類聚八

十七。詩紀百十七。

贈周處士詩

九丹開石室。三徑沒荒林。仙人翻可見。隱士更難尋。籬下黃花菊。丘中白雪琴。方欣松葉酒。自和遊仙吟。○本集五。類聚三十六及文苑英華二百三十作庾肩吾。

尋周處士弘讓詩

試逐類聚詩作遂。赤松遊。披林對一丘。黎類聚、文苑作梨。是。紅大谷晚。桂白小山秋。石鏡菱花發。桐門琴曲愁。文苑云。集作曲道。詩紀云。一作道。泉飛疑度雨。雲積似重樓。王孫若不去。山中定可留。○本集五。類聚三十六作庾肩吾。文苑英華二百三十。

集周公處連句詩

市朝一朝變。蘭艾本同焚。故人相借問。平生如所聞。○本集六。庾開府詩集上。詩紀百十八。

寄徐陵詩

故人倘思我。及此平生時。莫待山陽路。空聞吹笛悲。○本集六。庾開府詩集下。詩紀百十八。

寄王琳詩

玉關道路遠。金陵信使疎。獨下千行淚。開君萬里書。○本集六。類聚二十九。庾開府詩集下。詩紀百十八。

奉和趙王詩

花逐日相攜。詩集誤作雋。花林鳥未棲。比看中郎醉。堪聞烏夜啼。○本集六。庾開府詩集上。詩紀百十八。

和劉儀同臻詩

南登廣陵岸。迴首落星城。不言臨舊浦。烽火照江明。○本集六。庾開府詩集下。詩紀百十八。

和庾四詩

離關一長望。別恨幾重愁。無妨對春日。懷抱只言秋。○本集六。庾開府詩集下。詩紀百十八。

和侃法師三絕詩

詩紀云。一作和侃法師別詩。

秦關望楚路。灞岸想江潭。幾人應落淚。詩集作髮。看君馬向南。○本集六。類聚二十九。庾開府詩集下作和侃法師前
後三絕。詩紀百十八。

客遊經歲月。羈旅故情多。近學衡陽鴈。秋分俱渡河。○同上

迴首河堤望。眷眷嗟離絕。誰言舊國人。到在他鄉別。○同上

送周尚書弘正詩

交河望合浦。玄菟想詩集作憇。朱鳶共此無期別。知應復幾年。○本集六。庾開府詩集下。詩紀百十八。
離期定已促。別淚轉無從。惟愁郭門外。應足數株松。○同上

重別周尚書詩二首

陽關萬里道。詩集或作路。不見一人歸。唯有河邊鴈。秋來南向飛。○本集六。文苑英華二百六十六。庾開府詩集下作別周尚書弘正。又作重別周尚書。詩紀百十八。

河橋兩岸詩集作隄。絕。橫歧數路分。山川遙不見。懷袖遠相聞。○本集六。文苑英華二百六十六。庾開府詩集下作重別周尚書。詩紀百十八。

贈別詩

藏啼留送別。拭淚強相參。誰言畜衫袖。長代手中澹。○本集六。庾開府詩集上。詩紀百十八。

徐報使來止得一相見詩

一面遺千里。相思那得論。更尋終不見。無異桃花源。○本集六。庾開府詩集下。詩紀百十八。

行途賦得四更應詔詩

四更天欲曙。落月垂闌下。深谷暗藏人。欹松橫礙馬。○本集六。庾開府詩集上。詩紀百十八。

和江中賈客詩

五兩開船頭。長橋樂府作橋。發新浦。懸知岸上人。遙振江中鼓。○本集六。樂府詩集四十八作賈客詞。庾開府詩集上。詩紀百十八。

奉和平鄴應詔詩

天策引神兵。風飛掃鄴城。陣雲千里散。黃河一代清。○本集六。類聚五十九。庾開府詩集上。詩紀百十八。

送衛王南征詩

望水初橫陣。移營寇未降。風塵馬足起。先暗廣陵江。○本集六。庾開府詩集上。詩紀百十八。

仙山詩二首

金竈新和藥。銀臺舊聚神。相看但莫怯。先師應識人。○本集六。庾開府詩集下。詩紀百十八。

石軟如香飴。鉛銷似熟銀。蓬萊暫近別。海水遂成塵。○同上

山齋詩

石影橫臨水。山雲半繞峯。遙想山中店。懸知春酒濃。○本集六。庾開府詩集下。詩紀百十八。

野步詩

值泉仍飲馬。逢花卽舉杯。稍看城闕遠。轉見風雲來。○本集六。庾開府詩集上。詩紀百十八。

山中詩

澗暗泉偏冷。巖深桂絕香。住中能不去。非獨淮南王。○本集六。庾開府詩集上。詩紀百十八。

閨怨詩

明鏡圓花發。空房故怨多。幾年留織女。還應聽渡河。○本集六。庾開府詩集上。詩紀百十八。

和趙王看妓詩

長思浣紗初學記作沙。文苑同。石。空想初學記作憶。文苑作定憶。詩紀云。一作定憶。搗衣砧。臨叩若有便。初學記作使。詩集同。文苑、詩紀云。一作使。爲說解琴心。○本集六。初學記十五作看妓詩。文苑英華二百十三。庾開府詩集下作看妓。詩紀百十八。

看舞詩

鸞迴不假學。鳳舉自相關。到嫌衫袖廣。恆長礙舉鬟。○本集六。庾開府詩集下。詩紀百十八。

聽歌一絕詩

協律新教罷。河陽始學歸。但令聞一曲。餘聲三日飛。○本集六。初學記十五作聽歌詩。萬花谷三十二作庾信詩。庾開府詩集下。詩紀百十八。

暮秋野興賦得傾壺酒詩

劉伶正捉酒。中散欲彈琴。但使逢秋菊。何須就竹林。○本集六。庾開府詩集下。詩紀百十八。

對酒詩

數杯還已醉。風雲文苑作春風。注云。一作風雲。詩紀云。一作春風。不復知。唯有龍吟笛。桓伊能獨吹。○本集六。文苑英華百九十五。庾開府詩集上。詩紀百十八。

春日極飲詩

檻前聞鳥嘯。園裏對花開。就中言不醉。紅袖捧金杯。○本集六。庾開府詩集上。詩紀百十八。

春望詩

春望上春臺。春窗四面開。落花何假拂。風吹會併來。○本集六。庾開府詩集上。詩紀百十八。

新月詩

鄭環唯半出。秦鈞本獨懸。若交臨酒影。堪言照弩弦。○本集六。庾開府詩集下。詩紀百十八。

秋日詩

蒼茫望落景。羈旅對窮秋。賴有南園菊。殘花足解愁。○本集六。庾開府詩集上。詩紀百十八。

望渭水詩

樹似新亭岸。沙如龍尾灣。猶言吟初學記作今。暝浦。應有落帆還。○本集六。初學記六。文苑英華百六十三。庾開府詩

集下。詩紀百十八。

塵鏡詩

明鏡如明草堂詩箋作曉。月。恆常置匣中。何須照兩鬢。終是一秋蓬。○本集六。庾開府詩集下。詩紀百十八。草堂詩箋

三十一八月詩注作磨鏡詩。引一句。

和淮南公聽琴聞弦斷詩

嗣宗看月夜。中散對行雲。一弦雖詩集作終。獨韻猶足動文君。○本集六。庾開府詩集下。詩紀百十八。

弄琴詩二首

雉飛催晚別。烏啼驚夜眠。若交新曲變。惟須促一弦。○本集六。庾開府詩集上。詩紀百十八。
不見石城樂。惟聞烏詩集作鳥。噪林。新聲逐弦轉。應得動春心。○同上

詠羽扇詩

搖風碎朝翻。拂汗落毛衣。定似回谿路。將軍垂翅歸。○本集六。詩紀百十八。

題結綫袋子詩

交絲結龍鳳。鏤彩織雲霞。一寸同心縷。千年長命花。○本集六。庾開府詩集上。詩紀百十八。

賦得鸞臺詩

九成吹玉瑄。百尺上瑤臺。能將秦女去。終是鳳凰來。○本集六。庾開府詩集下。詩紀百十八。

賦得集池鴈詩

逢風時適度。逐侶乍爭飛。猶憶方塘水。今秋已復歸。○本集六。類聚九十一。詩紀百十八。

詠鴈詩

南思洞庭水。北想鴈門關。稻梁俱可戀。飛去復飛還。○本集六。類聚九十一。詩紀百十八。

忽見檳榔詩

綠房千子熟。紫穗詩集作稊。詩紀云。集作稊。百花开。莫言行萬里。曾經相識來。○本集六。類聚八十七作詠檳榔詩。庾開府詩集下。詩紀百十八。

賦得荷詩

秋衣行欲製。風蓋漸應欹。若有千年蔡。須巢但見隨。○本集六。庾開府詩集下。詩紀百十八。

移樹詩

酒泉移赤柰。詩集作石榛。河陽徙石榴。雖言有千樹。何處似封侯。○本集六。庾開府詩集下。詩紀百十八。

奉梨詩

接枝秋轉脆。詩集或作晚。含情詩集作銷。詩紀云。一作銷。落更香。擎置仙人掌。應添詩集或作甜。瑞詩集或作甘。露漿。○本集六。庾開府詩集上。庾開府詩集下。詩紀百十八。

傷往詩二首

見月長垂淚。看花定斂眉。從今一別後。知作幾年悲。○本集六。庾開府詩集下。詩紀百十八。
鏡塵言苦厚。蟲絲定幾重。還是臨窗月。今秋迥照松。○同上

春日離合詩二首

秦青初變曲。未詩集作來。有逐琴心。明年花樹下。月月來相尋。春字○本集六。庾開府詩集下。詩紀百十八。
田家足閑暇。士友暫流詩集作留。連。三春竹葉酒。一曲鴟鷄弦。日字○同上

和迴文詩詩紀云。和湘東王後園。

早蓮生竭鑊。嫩菊養秋鄰。滿池留浴鳥。分橋上戲人。○本集六。類聚五十六。詩紀百十八。

問疾封中錄詩

形骸違詩集作爲。學宦狹巷幸爲閒。虹迴或有雨。雲合又含寒。橫湖韻鶴下。迴溪狹詩紀云。一作挾。猿還。懷賢爲榮衛。和緩惠綺紈。詩紀云。疑是何丸。○本集六。庾開府詩集上。詩紀百十八。

示封中錄詩二首詩集連爲一首。又後四句在冀君句上。

貴館居金谷。關扃隔藁街。冀君見果顧。郊間光景佳。○本集六。庾開府詩集上。詩紀百十八。
高階既激澗。廣閣更交柯。葛巾久乖角。菊逕簡經過。○同上

秋夜望單飛鴈詩以下七言。

失羣寒鴈聲可憐。夜半單飛在月邊。無奈人心復有憶。今暝將渠俱不眠。○本集六。初學記三十。詩紀百十八。

代人傷往詩二首

青田松上一黃鶴。相思樹下兩鴛鴦。無事交渠更相失。不及從來莫作雙。○本集六。庾開府詩集上。詩紀百十八。
雜樹本唯金谷苑。諸花舊滿洛陽城。正是古來歌舞處。今日看時無地行。○同上

孟康 詩紀云。初學記云隋康孟。然隋無趙王。故列於此。

詠日應趙王教詩

金烏升曉氣。玉檻漾晨曦。先汎扶桑海。返照若華池。洛浦全開鏡。衡山半隱規。相懽承愛景。共惜初學記作情。寸陰移。○初學記一。文苑英華百五十一。詩紀百十二作康孟。

徐謙

短歌行二首樂府作一首。

窮通皆是運。榮辱豈關身。不願文苑云。一作願。門前客。看時逢故人。○文苑英華二百三。樂府詩集三十。詩紀百十二。意氣青雲裏。爽朗煙霞裏。草堂詩箋作霧。外。不羨一囊錢。草堂詩箋作金。惟重心襟會。○文苑英華二百三。樂府詩集三十。草堂詩箋九晦日詩注作短歌。詩紀百十二。

雜歌謠辭

周初童謠

隋書曰。周初有童謠。按靜帝隋氏之甥。既遜位而崩。諸舅強盛。

白楊樹頭金鷄鳴。祗詩紀作栽。有阿舅無外甥。○隋書五行志。御覽九百五十七。樂府詩集八十九。詩紀百十九。

玉漿泉謠

隋書曰。豆盧勣。周武帝時爲渭州刺史。有惠政。華夷悅服。大致祥瑞。鳥鼠山俗呼爲高武隴。其山絕壁千尋。由來乏水。諸羗苦之。勣馬足所踐。忽飛泉湧出。有白鳥翔止廳前。乳子而後去。民爲之謠。後因號其泉曰玉漿泉。

我有丹陽。山出御覽或作飛。玉漿。濟我民北史、樂府作人。詩紀同。夷。御覽或作戎夷人。神鳥御覽或作鳥。來翔。○隋

書豆盧勣傳。北史豆盧勣傳。御覽七十、二百五十七、九百十四。樂府詩集八十七。詩紀百十九。

蜀中爲于仲文語

隋書曰。于仲文。字次武。北周時。遷安固太守。有任、杜兩家。各失牛。後得一牛。兩家俱認。州郡久不能決。仲文令二家各驅牛羣至。乃放所認者。遂向任氏羣中。又陰使人微傷其牛。任氏嗟惋。杜家自若。仲文於是訶詰杜氏。

杜氏服罪而去。始州刺史屈突尚、宇文護之黨先坐事下獄。無敢繩者。仲文至郡窮治。遂竟其獄。蜀中爲之語曰。

明斷無雙有于公。不避強禦有次武。○隋書于仲文傳。北史于仲文傳。詩紀百十九作于公歌。

時人爲裴諷柳虯語

周書曰。獨孤信鎮洛陽。舊京荒廢。人物罕極。唯有柳虯在陽城。裴諷在潁川。信等俱徵之。以虯爲行臺郎中。諷爲都督府屬。並掌文翰。時人爲之語曰。

北府裴諷。南省北史作府。柳虯。○周書柳虯傳。北史柳虯傳。

諸生爲呂思禮語

周書曰。呂思禮。東平壽張人。性溫雅。不雜交遊。年十四。受學於徐遵明。長於論難。諸生爲之語曰。講書論易。其北史無其字。御覽同。鋒難敵。○周書呂思禮傳。北史呂思禮傳。御覽六百十五引後周書。

周地圖記引語

周地圖記曰。太白山上恒積雪。無草木。半山有橫雲。如瀑布則澍雨。人常以爲候。驗之如離畢焉。故語曰。南山瀑布。非朝卽暮。○御覽四十。寰宇記三十。

北周詩卷五

郊廟歌辭

庾信下並同。

周祀園丘歌十二首

隋書樂志曰。周閔帝受禪。居位日淺。明帝雖革魏氏之樂。而未臻雅正。天和元年。武帝初造山雲舞。以備六代。南北郊。雩壇、太廟、禘祫俱用之。六舞者。大夏、大濩、大武、正德、武德、山雲也。於是正定雅音。爲郊廟樂。宣帝嗣位。皆循用之。

昭夏降神。

重陽禋祀。大報天。丙隋書樂府作景。午封壇。肅且圓。孤竹之管。雲和弦。神光未樂府作來。下。風肅然。王城七里。通天臺。紫微斜照。影徘徊。連珠合璧。重光來。天策暫轉。鈞陳開。○庾子山集七。隋書音樂志。樂府詩集七。詩紀百十九。

皇夏 皇帝入門。

旌迴外壘。蹕靜郊門。千乘按轡。萬騎雲屯。藉茅無咎。掃地唯尊。揖讓展禮。衡璜節步。星漢就列。風雲

相顧。取法于天。降其永祚。○同上

昭夏組人。

日至大禮。豐犧上辰。牲牢脩牧。繭栗毛純。俎豆斯立。陶匏以陳。大報反命。居陽兆日。六變鼓鍾。三和琴瑟。俎奇豆偶。惟誠惟質。○同上

昭夏奠玉帛。

員樂府作圓。玉已奠。蒼幣斯陳。瑞形成象。璧氣含春。禮從天數。智總圜隋書作員。樂府作圓。神。為祈為祀。至敬咸遵。○同上

皇夏皇帝升壇。

七里隋書作星。詩紀云。一作星。是仰。八陛有憑。就陽之位。如日之升。思虔肅肅。致隋書作施。樂府同。敬繩繩。祝庾集作祀。詩紀同。史陳信。玄象斯格。惟類之典。惟靈之澤。幽顯對揚。人神咫尺。○同上

雲門舞初獻。

獻以誠。鬱以清。山疊舉。沈齊傾。惟尚饗。洽皇情。降景福。通神明。○同上

雲門舞初獻配帝。

長丘遠歷。大電遙源。弓藏高隴。鼎沒寒門。人生于祖。物本于隨。書作於。樂府同。天。奠隋書作尊。神配德。迄用康年。○同上

登歌初獻及獻配帝畢。

歲之祥。國之陽。蒼靈敬。翠雲長。象爲飾。龍爲章。乘長日。坏樂府作坏。蟄戶。烈隋書作列。雲漢。迎風雨。六呂歌。雲門舞。省滌濯。奠牲牲。鬱金酒。鳳凰樽。迴天睭。顧中原。○同上

皇夏飲福酒。

國命在禮。君命在天。陳誠惟肅。飲福惟虔。洽斯百禮。福以千年。鈎陳掩映。天駟徘徊。彫禾飾罽。翠羽承疊。受斯茂祉。從天之來。○同上

雍樂撤奠○本集、詩紀作雍夏。

禮將畢。樂將闌。迴日轡。動天關。翠鳳搖。和鸞樂府作鑿。響。五雲飛。三步上。風爲馭。雷爲車。無轍迹。有煙霞。暢皇情。休靈命。雨留甘。雲餘慶。○同上

皇夏 就望燎位。

六典聯事。九司咸則。率由舊章。于隋書作於。樂府同。焉允塞。掌禮移次。燔柴在焉。煙升玉帛。氣歛牲牷。休氣馨香。膋芳昭晰。翼翼虔心。明明上徹。○同上

皇夏 還便殿。

玉帛禮畢。神人隋書作人神。樂府同。事分。嚴承乃睭。瞻仰迴雲。輦路千門。王城九軌。式道移候。司方迴指。得一惟清。於萬斯寧。受茲景命。于庚集作於。天告成。○同上

周祀方澤歌四首 方澤舞辭同園丘。

昭夏 降神。

報功陰澤。展禮玄郊。平琮鎮瑞。方鼎升庖。調歌絲初學記作孤。樂府作孫。廣文選云。一作孫。竹。縮酒江茅。聲舒初學記作揚。鍾鼓。器質陶匏。列耀秀華。凝芳都初學記誤作郁。荔。川澤茂祉。丘陵容衛。初學記作裔。雲飾山壘。蘭浮汎初學記作沉。是。齊。日至之禮。歆茲大祭。○庚子山集七。隋書音樂志。初學記十三作方澤降神歌。樂府詩集四。廣文選十一。詩紀百十九。

昭夏 奠玉帛。

曰若厚載。欽明方澤。敢以敬恭。陳之玉帛。德包含養。功藏靈迹。斯箱既千。子孫則百。○庚子山集七。隋書音樂志。樂府詩集七。廣文選十一。詩紀百十九。

登歌 初獻。

質明孝敬。求陰順陽。壇有四陛。琮分隋書作焉。樂府同。八方。牲牲蕩滌。蕭合馨香。和鑾戾止。振鷺來翔。威儀簡簡。鍾鼓喤喤。聲和孤竹。韻入空桑。封中雲氣。坎上神光。下元之主。功深蓋藏。○同上

皇夏 望坎位。

司筵撤席。掌禮移次。迴顧封壇。恭臨坎位。瘞玉埋俎。藏芬歛氣。是日廣文選作白。就幽。成斯廣文選作此。地意。○同上

周祀五帝歌十二首

皇夏 奠玉帛。

嘉玉惟芳。嘉幣惟量。成形惟本集作依。隋書、樂府同。詩紀云。或作依。禮。稟色隨方。神班其隋書作有。次。歲禮惟

常。威儀抑抑。率由舊章。○庚子山集七。隋書音樂志。樂府詩集四。詩紀百十九。

皇夏初獻。

惟令之月。惟嘉之辰。司壇宿設。掌或作長。史誠陳。敢用明禮。言功上神。鈎陳旦闕。闔闔朝分。旒垂象冕。樂奏山雲。將廻霆策。暫轉天文。五運周環。四時代序。鱗次玉帛。循廻樽俎。神其降之。介福斯許。○同上

青帝雲門舞以下並初獻奏。

甲在日。鳥中星。禮東后。奠蒼靈。樹春旗。命青史。候鴈還。東風起。歌木德。舞震宮。泗濱石。龍門桐。孟之月。陽之天。億斯慶。兆斯年。○同上

配帝舞

帝出于震。蒼德於樂府作于。神。其明在日。其位居春。勞以定國。功以施人。言從配祀。近取諸身。○同上

赤帝雲門舞

招搖指午。對南宮。日月相會。實沈中。離光布政。動溫風。純陽之月。樂炎精。赤雀丹書。飛送迎。朱絃絳

鼓。罄虔誠。萬物含養。各長生。○同上

配帝舞

以炎爲政。以火爲官。位司南陸。享配離壇。三和實俎。百味浮蘭。神其茂豫。天步艱難。○同上

黃帝雲門舞

三光儀表正。四氣風雲同。戊己行初曆。黃鍾始變宮。平琮禮內鎮。陰管奏司中。齋樂府作齊。古通。壇芝曄曄。清野桂馮馮。夕牢芬六鼎。安歌韻八風。神光乃超忽。嘉隋書作佳。樂府同。氣恆葱蔥。○同上

配帝舞

四時咸一德。五氣或同論。猶吹鳳凰管。尚對梧桐園。器園居土厚。位總配神尊。始知今奏樂。還用我雲門。○同上

白帝雲門舞

肅靈兌景。承配秋壇。雲高火落。露白蟬寒。帝律登年。金精行令。瑞獸霜耀。隋書作輝。祥禽雪映。司藏肅殺。萬寶隋書作保。樂府同。咸宜。厥田上上。收功在斯。○同上

配帝舞

金行秋令。白帝朱宣。司正五雉。歌庸九川。執文之德。對越彼天。介以福祉。君子萬年。○同上

黑帝雲門舞

北辰爲政玄壇。北陸之祀員官。宿設玄璜隋書作圭。樂府同。浴蘭。坎德陰風御寒。次律將迴窮紀。微陽欲動細泉。管猶調於陰竹。聲未入於春弦。待歸餘於送歷。隋書作曆。樂府同。方履慶於斯年。○同上

配帝舞

地始坼虹始藏。服玄玉居玄堂。沐蕙氣浴蘭湯。匏器潔水泉香。陟配彼福無疆。君欣欣此樂康。○同上

周宗廟歌十二首

皇夏皇帝入廟門。

肅肅清廟。巖巖寢門。欹器防滿。金人戒言。應棘懸鼓。崇牙樹羽。階變升歌。庭紛象舞。閑安象庾庾集作追。設。緝熙清奠。春鮪初登。新萍先薦。僂然入室。儼乎在隋隋書作其。樂府同。位。悽愴履之。非寒之謂。○庾子山集

七。隋書音樂志。樂府詩集九。廣文選十一。詩紀百十九。

昭夏降神

永維初學記作惟。祖初學記作神。武。潛慶靈長。龍圖革命。鳳曆歸昌。功移上塹。初學記作慘。德耀初學記作躍。中陽。清廟肅肅。猛虞煌煌。初學記作趨趨。曲高大夏。初學記作曲臺大厦。聲和盛唐。牲牲蕩滌。蕭合馨香。和鑾戾止。初學記作立。振鷺來翔。初學記作朔。永敷萬國。是則四方。○庚子山集七。隋書音樂志。初學記十三作太廟晨裸歌辭。樂府詩集九。廣文選十一。詩紀百十九。

皇夏俎人。皇帝升階。

年祥辨日。上協龜言。奉酌承列。來庭駿奔。雕禾飾罍。翠羽承樽。敬殫如此。恭惟執燔。○庚子山集七。隋書音樂志。樂府詩集九。詩紀百十九。

皇夏獻皇高祖。

慶緒千重秀。鴻源萬里長。無時猶戢翼。有道故韜光。盛德必有後。仁義終克昌。明星初肇慶。大電久呈祥。○同上

皇夏獻皇曾祖德皇帝。

克昌光上烈。基聖穆西藩。崇仁高涉渭。積德被居原。帝圖張往迹。王業茂前尊。重芬德陽廟。疊慶壽陵

園。百靈光祖武。千年福孝孫。○同上

皇夏 獻皇祖太祖文皇帝。

雄圖屬天造。宏略遇羣飛。風雲猶聽命。龍躍遂乘機。百二當天險。三分拒樂推。函谷風塵散。河陽氛霧晞。濟弱淪風起。扶危頽運歸。地紐崩還正。天樞落更追。原祠乍超忽。畢隴或綿微。終封三尺劍。長卷一戎衣。○同上

皇夏 獻文宣皇太后。

月靈興慶。沙祥發源。功參禹迹。德贊堯門。言容典禮。綸狄徽章。儀形溫德。令問昭陽。日月不居。歲時
晚晚。瑞雲纏心。闕宮惟遠。○同上

皇夏 獻閔皇帝。

龍圖基代德。天步屬艱難。謳歌還受瑞。揖讓乃登壇。升輿芒刺重。入位據關寒。卷舒雲汎濫。游揚日浸
微。出鄭終無反。居桐竟不歸。祀夏今惟舊。尊靈謚更追。○同上

皇夏 獻明皇帝。

若水逢降君。窮桑屬惟政。不哉馭帝錄。鬱矣當天命。方定五雲宮。先齊八風令。文昌氣似珠。太史河如鏡。南宮學已開。東觀書還聚。文辭金石韻。毫翰風飄豎。清室桂馮馮。齊房芝詡詡。寧思玉管笛。空見靈衣舞。○同上

皇夏 獻高祖武皇帝。

南河吐雲氣。北斗降星辰。百靈咸仰德。千年一聖人。書成紫微動。律定鳳凰馴。六軍命西土。甲子陳東鄰。戎衣此一定。萬里更無塵。煙雲同五色。日月並重輪。流沙既西靜。蟠木又東臣。凱樂聞朱鴈。鐃歌見白麟。今爲六代祀。還得九疑賓。○同上

皇夏 飲福酒。

禮殫裸獻。樂極休成。長離前挾。宗祀文明。縮酌浮蘭。澄壘合鬯。磬折禮容。旋迴靈貺。受釐撤俎。飲福移樽。惟光惟烈。文子文孫。○同上

皇夏 還便殿。

庭闋四始。筵終三薦。顧步堦墀。徘徊餘奠。六龍矯首。七萃警途。鼓移行漏。風轉相烏。翼翼從事。綿綿四時。惟神降嘏。永言保之。○同上

周大祫歌二首

昭夏降神。

律在夾鍾。服居蒼袞。杳杳清思。綿綿長遠。就祭于庾集作於。樂府、廣文選同。合。班神于庾集作於。樂府、廣文選同。本。來庭有序。助祭有章。樂舞六代。賓歌二王。和鈴以節。條革斯鏘。齊宮饌玉。鬱翠浮金。洞庭鍾鼓。龍門瑟琴。其樂已變。惟神是臨。○庾子山集七。樂府詩集九。廣文選十一。詩紀百十九。

登歌莫玉帛○餘同宗廟時享。

神惟顯思。不言而令。玉帛之禮。敢陳莊敬。奉如弗勝。薦如受命。交於神明。愨于言行。○同上

燕射歌辭

周五聲調曲二十四首

序曰。元正饗。會大禮。賓至食舉。稱觴薦玉。六律既從。八風斯暢。以歌大業。以舞成功。

宮調曲五首

氣離清濁割。元開天地分。三才初辨正。六位始成文。繼天爰立長。安民乃樹君。其明廣如日。其澤厚如雲。惟昔我文祖。撥亂拒謳歌。三分未撫運。八百不陵河。禮敷天下信。樂正神人和。風塵行息警。江海欲無波。○庚子山集七。樂府詩集十五。詩紀百十九。

我皇承下武。革命在君臨。應樂府作膺。圖當舜玉。嗣德受堯琴。沈首多推運。陽城有讓心。就日先知遠。觀淵早見深。玄精實委御。蒼正乃皆平。履端朝萬國。年祥樂府云。一作期。慶百靈。玉帛咸觀禮。華戎各在庭。鳳響中夷則。天文正玉衡。皇基自天保。萬物乃由庚。○同上

握衡平地紀。觀象正天樞。祺祥鍾赤縣。靈瑞炳皇都。更受昭華玉。還披蘭葉圖。金波來白兔。弱木下蒼烏。玉斗調元樂府闕元字。協。金沙富國租。青丘還擾圃。丹穴更巢梧。安樂新成樂府作咸。慶。長生百福符。

○同上

明明九族序。穆穆四門賓。陰陵朝北附。蟠木引東臣。澗途求版築。溪源取釣綸。多士歸賢戚。維城屬茂親。貴位連南斗。高榮據北辰。迎時乃推策。司職且班神。日月之所照。霜露之所均。永從文軌一。長無外戶人。○同上

鬱盤舒棟宇。崢嶸侔大壯。拱木詔林衡。全模徵梓匠。千櫨綺翼浮。百栱長虹抗。北去邯鄲道。南來偃師望。龍首載文槐。雲楣承武帳。居者非求隘。卑宮豈難尚。壯麗天下觀。是以從蕭相。○同上

變宮調二首

帝遊光出震。君明擅在離。巖廊惟眷顧。欽若尚無爲。龍穴非難附。鸞巢欲可窺。具茨應不遠。汾陽寧足隨。烝民播植樂府作殖。重。溝洫劬勞多。桑林還注雨。積石遂開河。明徵逢永命。平秩值年和。更有薰風曲。方聞晨露歌。○庚子山集七。樂府詩集十五。詩紀百十九。

移風廣軒曆。崇德盛唐年。成文興大雅。出豫動鈞天。黃鍾六律正。閭闔八風宣。孤竹調陽管。空桑節雅弦。舞林鸞更下。歌山鳳欲前。聞音能辨俗。聽曲乃思賢。感物觀治亂。心恆樂府作治心。防未然。君子得其道。大平何有焉。○同上

商調曲四首

君以宮唱。寬大而謨明。臣以商應。聞義則可行。有熊爲政。訪道于庚集作於。樂府同。容成。殷湯受命。委任于庚集作於。樂府同。阿衡。忠其敬事。有罪不逃刑。誦其箴諫。言之無隱情。有剛有斷。四方可以寧。既頌既雅。天下乃升平。專精一致。金石爲之開。動其樂府作有。兩心。妻子恩情乖。苟利社稷。無有不盡懷。昊天降祐。元首唯康哉。○庚子山集七。樂府詩集十五。詩紀百十九。

百川俱會。大海所以深。羣材既聚。故能成鄧林。猛虎在山。百獸莫敢侵。忠臣處國。天下無異心。昔我文祖。執心且危慮。驅剪豺狼。經營此天步。今我受命。又無敢逸豫。惟爾弼諧。各可知競懼。○同上

禮樂既正。神人樂府作人神。所以和。玉帛有序。志欲靜干戈。各分符瑞。俱誓裂山河。今日相樂。對酒且當歌。道德以喻。聽撞鍾之聲。神姦不若。觀鑄鼎之形。鄴宮既朝。諸侯於是穆。岐陽或狩。淮夷自此平。若涉大川。言憑於舟楫。如和鼎實。有寄於鹽梅。君臣一體。可以靜氛埃。得人則治。何世無奇才。○同上
風力是舉。而台階序平。重黎既登。而天地位成。功無與讓。銘太常之旌。世不失職。受駢毛之盟。輯瑞班瑞。穆穆於堯門。惟翰惟屏。騰騰於周原。功成而治。定禮樂斯存。復子而明。辟姬且何言。○同上

角調曲二首

止戈見於絕轡之野。稱伐聞於丹水之征。信義俱存乃先忘。詩紀作忌。食。五材並用誰能去兵。雖聖人之大寶曰位。實天地之大德曰生。涇渭同流清濁異能。琴瑟並御雅鄭殊聲。擾擾烝人聲教不一。茫茫禹跡車軌未并。志在四海而尚恭儉。心包宇宙而無驕盈。言而無文行之不遠。義而無立勤則無成。惻隱其心訓以慈惠。流宥其過哀矜典刑。○庾子山集七。樂府詩集十五。詩紀百十九。

匡贊之士或從漁釣。雲雨之才乍歎幽谷。尋芳者追深徑之蘭。識韻者探詩紀云。一作採。窮山之竹。克明其德貢以三事。樹之風聲言于九牧。協用五紀風若從事。樂府作時。農用八政甘作其穀。殊風共軌見之周南。異畝同穎聞之康叔。祁寒暑雨是無胥怨。天覆雲油滋焉滲漉。幸無謝上古之淳人。庶可以封之於比屋。○同上

徵調曲六首

乾坤以含養覆載。日月以貞明照臨。達人以四海爲務。明君以百姓爲心。水波瀾者源必遠。樹扶疎者根必深。雲雨取施無不洽。廊廟求才多所任。○庾子山集七。樂府詩集十五。詩紀百十九。

淳風布政常無欲。至道防人能變俗。求仁義急於水火。用禮讓多于菽粟。屈軼無佞人可指。獬豸無繁刑可觸。王道蕩蕩用無爲。天下四人誰不足。○同上

聖人千年始一生。黃河千年始一清。攝提以之而從紀。玉燭於是而文明。東南可以補地闕。西北可以正天傾。浮龍則東海可厲。運錡則南山可平。衆仙就朝于瑤水。羣帝受享於明庭。懷和則韎任並奏。功烈則鐘鼎俱銘。○同上

三光以記物成形。四時以裁成正位。雷風大山岳之響。寒暑通陰陽之氣。武功則六合攸同。文教則二儀經緯。有道則咸浴其德。好生則各繁其類。白日經天中則移。明月橫漢滿而虧。能虧能缺既無爲。雖盈雖滿則不危。開信義以爲苑囿。立道德以爲城池。周監二代所損益。郁郁乎文其可知。庖犧之親臨佃漁。神農之躬秉耕稼。湯則救旱而憂勤。禹則正冠而無暇。草上之風無不偃。君子之眊知可化。將欲比德于三皇。未始追踪于五霸。○同上

纖纖不絕林薄成。涓涓不止江河生。事之毫髮無謂輕。慮遠防微乃不傾。雲官乃垂拱大君。鳳曆唯欽明元首。類上帝而禋六宗。望山川而朝羣后。地鏡則山澤俱開。河圖則魚龍合負。我之天綱詩紀作綱。莫不

該。閭闔九關天門開。卿相則風雲玄感。匡贊則星辰下來。既興周室之三聖。乃舉唐朝之八才。莘臣參謀於左相。大老教政於中台。其宜作則於明哲。故無崇信於姦回。○同上

正陽和氣萬類繁。君王道合天地尊。黎人耕植於義圃。詩紀作圃。君子翱翔於禮園。落其實者思其樹。飲其流者懷其源。咎繇爲謀不仁遠。士會爲政羣盜奔。克寬則昆蟲內向。彰信則殊俗宅心。浮橋有月支抱馬。上苑有烏孫學琴。赤玉則南海輸賚。白環則西山獻琛。無勞鑿空於大夏。不待蹶角於蹄林。○同上

羽調曲五首

樹君所以牧人。立法所以靜亂。首惡既其南巢。元凶于是北竄。居休氣而四塞。在光華而兩旦。是以雨施作解。是以風行惟渙。周之文武洪基。光宅天下文思。千載克聖咸熙。七百在我應期。實昊天有成命。惟四方其訓之。○庚子山集七。樂府詩集十五。詩紀百十九。

運平後親之俗。時亂先疎之雄。踰桂林而驅象。濟弱水而承鴻。既浮干呂之氣。還吹人律之風。錢則都內貫朽。倉則常平粟紅。火中乃寒乃暑。年和一風一雨。聽鍾磬念封疆。聞笙竽思蕃聚。瑤琨篠簜庚集作蕩。

樂府同。既從。怪石鉛松卽序。長樂善馬成廐。水衡黃金爲府。○同上

百川乃宗巨海。衆星是仰北辰。九州攸同禹跡。四海合德堯臣。朝陽棲于鳴鳳。靈時牧于般麟。雲玉葉而五色。月金波而兩輪。涼風迎時北狩。小暑戒節南巡。山無藏於紫玉。地不愛於黃銀。雖南征而北怨。實西畧而東賓。既永清於四海。終有慶於一人。○同上

定律零陵玉管。調鍾始平銅尺。龍門之下孤桐。泗水之濱鳴石。河靈于是讓珪。山精所以奉璧。滌九川而賦稅。乘三危而納錫。北里之禾六穗。江淮之茅三脊。可以玉檢封禪。可以金繩探冊。終永保於鴻名。足揚光於載籍。○同上

太上之有立德。其次之謂立言。樹善滋于務本。除惡窮於塞源。沖深其智則厚。昭明其道乃尊。仁義之財不匱。忠信之禮無繁。動天無有不屆。唯時無幽不徹。作德心逸日休。作僞心勞日拙。自非剛克掩義。無所離于勦絕。○同上

北周詩卷六

釋氏

釋亡名

亡名。俗姓宋。名闕。南郡人。事梁元帝。深見禮待。梁亡。遠客岷蜀。有集十卷。

五苦詩

生苦

可患身爲患。生將廣弘明集作時。注云。三本、官本作將。憂共生。心神恆獨苦。寵辱橫相驚。朝光非久照。夜燭幾時明。終成一聚土。強覓千年名。

老苦

少日廣弘明集作時。欣日益。老至苦年侵。紅顏既罷豔。白髮寧久吟。階庭唯仰杖。朝府不勝簪。甘肥與妖麗。徒有壯時心。

病苦

拔劍平四海。橫戈却萬夫。一朝牀枕上。迴轉仰人扶。壯色隨肌減。呻吟與痛俱。綺羅雖滿目。廣弘明集作口。愁眉獨向隅。

死苦

可惜凌雲氣。忽隨朝露終。長辭白日下。獨入黃泉中。池臺既已沒。墳隴向應空。唯當松柏裏。千年恆勁。廣弘明集作動。注云。明本作勁。風。

愛離

誰忍心中愛。分爲別後思。幾時相握手。嗚噎不能辭。雖言萬里隔。猶有望還期。如何九泉下。更無相見時。○廣弘明集三十。詩紀百十三。

五盛陰詩

詩紀云。佛書有五陰譬喻。謂以聚沫喻色。水中泡喻痛。熱時欲喻想。芭蕉喻行。幻喻識言。皆空虛也。

先去非長別。後來非久親。新墳將舊塚。廣弘明集云。明本作家。相次似魚鱗。茂陵誰辨廣弘明集作辯。注云。宋、元、

官本作辨。漢。驪山詎識秦。千年與昨日。一種併成塵。定知今世土。廣弘明集云。宋、官本作者。還是昔時人。焉能取他骨。復持埋我身。○廣弘明集三十。詩紀百十三。

無名法師

或卽是釋亡名。

過徐君墓詩

延陵上國返。枉道訪徐公。死生命忽異。懽娛意不同。始往邗山北。聊踐平陵東。徒解千金劍。終恨九泉空。日盡荒郊外。煙生松柏中。何言愁寂寞。日暮白楊風。○文苑英華三百六。詩紀百十三。

尚法師

飲馬長城窟

長城征馬度。橫行且勞羣。人冰穿凍水。飲浪聚流文。澄鞍如漬月。照影若流雲。別有長松氣。自解逐將軍。○樂府詩集三十八。詩紀百十三。

仙道

無名氏

青帝歌

東望重拜手。蒼帝玉皇君。靈風鼓橐籥。育物布元春。雲龍轡嚴駕。玉衡擁瓊輪。枯萌泛霑及。大惠無不均。萬仙歌以道。委曲戒天人。心根迷自固。拱跽戴鴻仁。○靈寶无量度人上品妙經符圖。靈寶无量度人上經大法作青帝符歌。○逮按。北周甄鸞之笑道論。曾提及靈寶三十二天及度人妙經等。知當時已有此歌。又北周新出道經甚多。笑道論云。去年七月中道士所上經目止注諸子三百五十卷。今云八百餘卷云云可證。今列此歌於北周。俟再考。

白帝歌

六甲抱金闕。七政守靈壇。流鈴擲化火。上經大法作火化。威劍巨龍蟠。懇彼素靈真。明憲孰敢干。束製妖鬼魔。凜落霄風寒。沴上經大法作流。氣既已息。萬天俄而安。真儔荷太庇。抵賴相歌譖。○同上

赤帝歌

太景開玉樞。洞堂啓金除。騫林廕瑤砌。丹鸞踏瓊株。上經大法作珠。寶房名曲麗。明璫神所居。飛遊豁雲

上經大法作飛。道。引目盼真都。天日永不息。重煙鎖青上經大法作清。廬。太上勅印開。帕几羅簡書。裨上經大法作裨。風樹玄化。愍辛諒有餘。○同上

黑帝歌

無質統有物。淵兮上帝心。不啓不發道。蘊妙化機深。恐爾漏未盡。陰想忽侵淫。轉輪無涯波。苦道相迷尋。萬年常謹約。一旦自湮沉。無冲落鬼境。殃遣不可任。○同上

黃帝歌

黃天拱中宸。控駕玉化根。翹機貫億曆。洞朗闢四門。大有混皇真。糾制星宿魂。非帝道不運。有方賴之存。威忿卽霜秋。和預爲陽春。生成握元紀。仰荷戴無垠。○同上

金章太空章以制萬魔。

大魔乘空發。萬精駭神庭。託化謠歌章。隨變入無名。囂氣何紛紛。穢道當塗生。雲中舍朱宮。北帝踊神兵。鼓洋自知道。玄運來相征。上景御飛轡。迅駕檢雲營。促校北帝錄。收執羣魔名。豁落張天羅。放威擲流鈴。金真輔空洞。玉光煥八冥。金玄守上宮。神虎戮天精。剪滅萬妖氣。億億悉齊平。上承九天信。嘯命靡不傾。招真究三洞。慧誦朗自清。八道望玄霞。七轉緯天經。混合第一真。拔度七祖程。消滅五苦根。反

魂更受榮。金光曜寂室。神仙自然生。香華散玉宇。煙氣徹玉京。帝遣徘徊輦。三元降綠輶。迅駕騰九玄。朝我玉皇庭。○陸修靜太上洞玄靈寶受授儀第八誦。

步虛辭十首

稽首禮太上。燒香歸虛無。流明隨我迴。法輪亦三周。玄願昇玄步。虛作元。四大興。靈慶及王侯。七祖生天堂。煌煌曜升虛。步虛作光。景敷。嘯歌觀玉音。法事作冠。大玉京步虛作太。漠。天樂適我娛。齋玉京步虛作齊。馨無上德。下仙不玉音。法事作弗。與儔。妙想玉音。法事作相。明玄覺。誥誥乘玉音。法事作巡。虛遊。○太上洞玄靈寶受授儀三十八。玉音法事上。靈寶昇玄步。虛章序疏作太上洞玄步。虛經誦。洞玄靈寶玉京山步。虛經作洞玄步。虛吟。

旋行躡雲綱。乘虛步玄紀。吟詠帝一尊。百關自調理。俯命八海童。仰携高仙子。諸天散香華。昇玄步虛作華。玉京步虛同。脩昇玄步。虛作蕭。玉京步虛同。然靈風起。宿願定命根。故致高標。玉京步虛作標。高。擬。歡樂太上前。萬劫猶未始。○同上

嵯峨玄都上。十方宗皇一。若若天寶臺。光明焰流日。焯焯玉林華。玉京步虛作華林。蒨粲曜珠昇。玄步虛作朱。實。常念滄元精。玉京步虛作猶。鍊液固形質。金光散紫微。窈窕大乘逸。○同上

俯仰存太上。華景秀丹田。左顧提鬱儀。右盼携結璘。六度冠梵行。道德隨日新。宿命積福應。昇玄步虛作慶。玉京步虛同。聞經若玉。玉京步虛作至。親。天挺超世才。樂誦希微篇。沖虛太和炁。吐納流霞津。胎息靜百關。寥寥究三便。泥丸洞明景。遂成金華仙。魔王教授昇。虛步虛作受。玉京步虛作敬受。事。故能朝諸天。皆從齋

戒起。累功結宿緣。飛行凌太虛。提携高上人。○同上

控轡適十方。旋憩玄景阿。仰觀劫刃昇。玄步虛作仞。玉京步虛同。臺。俯盼紫雲羅。逍遙太上京。相與坐蓮華。昇玄步虛作花。玉京步虛同。積學爲真人。恬然榮衛和。永享無期壽。萬椿玉音法事作春。奚足多。○同上

大道師玄寂。昇仙友無英。公子度靈符。太一奉洞章。舍利曜金姿。龍駕歛來迎。天尊盼雲輿。飄飄乘虛翔。香花若飛雪。紛昇玄步虛作氛。玉京步虛同。藹茂玄梁。頭腦禮金闕。携手邀昇玄步虛作邀。玉京步虛同。玉京。○同上

騫樹圓玉京步虛作玄。景園。煥爛七寶林。天玉京步虛作天。獸二百名。師昇玄步虛作獅。子巨靈寶受授儀作臣。玉音法事。昇玄步虛同。萬尋。飛龍躑躅吟。昇玄步玄作鳴。玉京步虛同。神鳳應節鳴。昇玄步虛作吟。玉京步虛同。靈風扇奇華。玉京步虛作花。清香散人衿。自無高仙才。焉能耽此心。○同上

嚴我九龍駕。乘虛以逍遙。八天如指掌。靈寶受授儀作堂。玉音法事。玉京步虛同。六合何足遼。衆仙誦洞玄。昇玄步虛作經。玉京步虛同。太上唱清謠。香花隨風散。玉音成紫霄。五苦一時迸。八難順經寥。妙哉靈寶圃。玉京步虛作圃。興此大法橋。○同上

天真帝一宮。藹藹冠耀靈。流煥法輪網。旋空人無形。虛皇拊雲璈。衆真誦洞經。高仙凜手讚。彌劫保利貞。○同上

至真無所待。時或轡飛龍。長齋會玄都。鳴玉叩瓊鐘。十華諸仙集。紫煙結成宮。寶蓋羅太上。真人把芙蓉。散花玉京步虛作華。陳我願。握節徵魔王。法鼓會羣仙。靈唱彌昇玄步虛作摩。不同。無可無不可。思與希

微通。○同上

三徒五苦辭

三才及萬物。倚伏各有齡。終始待劫數。福盡天地傾。往反於五道。苦哉更死生。輾轉三徒玉音法事作塗。中。去來與禍并。○太上洞玄靈寶授受儀四十五。玉音法事下。○玉音法事云。此辭出智慧本願大戒經。逮按。智慧經、大戒經等亦見笑道論。

大賢慎茲誠。忍性念割情。愚夫不信法。罪痛常自嬰。吾念世無己。今故重告明。若欲度斯患。歸命太上經。○同上

罪福不由他。諒自發爾聲。玉音法事作身。大賢故閉口。欲絕諸惡緣。滅念歸兼至。玉京法事作忘。倚伏待長泯。弘道以安世。終當見正。玉音法事作其。真。○同上

淫玉音法事作姪。嫉爲禍首。滅身之至患。含養如此害。玉音法事作輩。豈是道所安。玉音法事作恐必致天殘。知惡而不革。恐必致天殘。玉音法事作豈是道所道。懷毒日齋直。令我發長歎。○同上

宿命有信然。弱喪謂之死。皆欲眼前見。過日卽玉音法事作則。言悠。大賢明道教。慘感愍頑夫。依依念子苦。勤勤令我憂。○同上

人命以消盡。亦猶膏中火。四大暫相寓。五物權時假。盛年當勤學。趣求存告玉音法事作吾。我。福盡身神散。冥冥地獄下。上聖畏是故。尋度斯福。○同上

學仙行爲急。奉戒制情心。虛夷正氣居。仙聖自相尋。若不信法言。胡爲棲山林。大賢樂經戒。受之爲身寶。就學常玉音。法事作恒。苦晚。治身恨不早。比當披幽蹟。倏歎玉音法事作忽。年已老。執卷吸玉音法事作歎。爾極。將更死痛惱。吾故及弱齡。棄世以學道。○同上

碧落空歌

妙哉元始道。太梵敷真文。上開龍漢劫。煥爛光彩分。三十二天書。五老赤字傳。垂慈度生死。鬱勃吐祥雲。中有長命訣。植芽鍊飛仙。開函發玄奧。稽首生精勤。仰思高靈降。乘氣歸三清。○太上靈寶淨明飛仙度人經法一。

魔王歌章

梵行冠太羅。淳風抗玄紀。無形有常存。觀世翻然理。屢踐不終劫。探幽度生死。三乘通便路。清虛無塵滓。長夜對一魂。地獄五苦解。劍樹不搖條。刀上不傷體。門有浩劫翁。地無天年子。今日慶斯會。諸天並歡喜。不勝情欣悅。高唱稽首禮。○太上靈寶淨明飛仙度人經法一。

第一欲界飛空之音

人道渺渺仙道莽莽。鬼道樂兮當人生門。天道貴生鬼道貴終。仙道常自吉。鬼道常自凶。○太上靈寶淨明飛

仙度人經法四。雲篆度人妙經。靈寶無量度人上品妙經符圖。靈寶无量度人上經大法。靈寶無量度人上品妙經。○遠按。甄鸞笑道論云。度人妙經稱三界魔王各有歌辭云云。卽此欲界、色界、無色界等歌也。又此等歌率八字一句。當卽笑道論所謂飛天八字文乎。

高上清靈爽。悲歌朗太空。唯願仙道成。不欲人道窮。北都泉曲府。中有萬鬼羣。但欲遏人筭。斷絕人命門。阿人歌洞章。北攝北羅酆。束送妖靈鬼。斬馘六鬼鋒。諸天烝蕩蕩。我道日興隆。○同上

第二色界魔王之章

落落高照明烝四騫。梵行諸天周迴十方。無量大神皆由我身。我有洞章萬徧成仙。仙道貴度鬼道相連。天地眇莽穢氣氛氛。三界樂兮過之常存。身入我界體人自然。此時樂兮薄由我恩。○同上

龍漢蕩蕩何能別真。我界難度故作洞文。變化飛空以試爾身。成敗懈退度者幾人。笑而不度故爲歌音。○同上

第三無色界魔王歌

三界之上眇眇大羅。上無色根雲層峩峩。唯有元始浩劫之象。部制我界統乘玄都。有過我界身入玉虛。我位上王匡御衆魔。○同上

空中萬變穢氣紛葩。保真者少迷惑者多。仙道難固鬼道易邪。人道者心諒不由他。仙道貴實人道貴華。爾不樂仙道。三界那得過。其欲轉五道。我當復奈何。○同上

陳詩卷一

沈炯

炯。字初明。一作禮明。吳興吳康人。仕梁爲王國常侍、尚書左民侍郎、尚書左丞。出補吳令。爲侯景將宋子仙所獲。子仙敗。歸王僧辯。元帝徵爲給事黃門侍郎。江陵陷。入西魏。紹泰中。歸國。除司農卿。遷御史中丞。陳受禪。加通直散騎常侍。文帝卽位。解中丞。加明威將軍。天嘉二年。遣歸收兵吳中。卒。年五十九。有前集七卷。後集十三卷。

長安少年行

長安好。文苑作妙。御覽作美。少年。驄馬鐵連錢。陳王裝腦勒。文苑作馬腦。晉后御覽作帝。鑄金鞭。步搖如飛燕。寶劍。初學記作劍。御覽同。文苑云。一作劍。似舒蓮。去來新市側。初學記作北。文苑、御覽同。遨遊大道邊。道邊一初學記作三。老翁。顏鬢如初學記作似。文苑同。衰蓬。自言居。初學記作生。文苑同。漢世。少小見豪雄。五侯俱拜爵。初學記作曰拜。文苑作曰。注。一作拜爵。又作曰拜。七貴各論功。建章通。初學記、文苑作連。北闕。複道度。初學記作應。文苑同。又注。一作度。南宮。太后居長樂。天子出回。初學記作禁。中。文苑作迴中。玉輦迎飛燕。金山賞鄧通。一朝復

一日。忽見朝市初學記作市朝。文苑同。空。扶桑無復海。崑山倒向東。少年何假初學記作暇。問。積齡值初學記作遇。文苑同。又注。一作值。福終。子孫冥滅盡。鄉閭文苑作里。注云。一作閭。復不文苑作不復。同。初學記作不復通。淚盡眼方暗。髀傷耳自聾。杖策尋遺老。歌嘯文苑作笑。詠悲翁。遭隨各初學記作今。有遇。非敢訪童蒙。○初學記十九。文苑英華百九十四作少年行。樂府詩集六十六。詩紀百一。又類聚三十三作長安少年詩。引錢、鞭、蓮、邊四韻。御覽三百八十引錢、鞭、蓮、邊四韻。

獨酌謠

獨酌謠。樂府疊此句。是。獨酌獨長謠。智者不我顧。愚夫余未文苑作不。樂府同。要。不愚復不智。誰當余見招。所以成獨酌。一酌傾一文苑作一傾。樂府同。瓢。生涯本漫漫。神理暫超超。再類聚作一。酌矜許史。三類聚作再。酌傲松喬。頻煩四五酌。不覺凌丹青。倏爾文苑作忽。注云。一作爾。厭五鼎。俄然賤九韶。鼓殤無異葬。夷跼可同朝。龍螭非不屈。鵬鷄但樂府作本。逍遙。寄語號呶侶。無乃太類聚作大。塵囂。○類聚十九。文苑英華三百三十六。樂府詩集八十七。詩紀百一。

從駕送軍詩

惟堯稱乃武。軒后號神兵。弔民資智勇。治亂屬師貞。我君膺寶業。歷駕視前英。蒲海方無浪。夷山未有文苑作有未。平。星光下結旆。劍氣上舒精。雲開萬里文苑作嶺。徹。日麗百川明。撫鼓山靈應。詔蹕水祗驚。

○類聚五十九。文苑英華二百九十九。詩紀百一。

望郢州城詩

魂兮何處返。非死復非仙。坐柯如昨日。石合詩紀云。一作合石。未淹年。歷陽頓成浦。東海果爲田。空憶扶風詠。誰文苑作惟。見峴山傳。世變才良改。時移民物遷。悲哉孫驃騎。悠悠哭彼天。○類聚三十四。文苑英華三百九。詩紀百一。

長安還至方山愴然自傷詩

秦軍坑趙卒。遂有一人生。雖還舊鄉里。危心曾未平。淮源比桐柏。方山似削成。猶疑屯虜騎。尚畏值胡兵。空村餘拱木。廢邑有頽城。舊識既已類聚作莫不。盡。新知皆異名。百年三萬日。處處此傷情。○類聚三十四。詩紀百一。

離合詩贈江藻

開門枕芳野。井上發紅桃。林中藤葛類聚作葛。馮校作葛。秀。木末風雲高。屋室何寥廓。至類聚作志。士隱蓬蒿。故知人外賞。文酒易陶陶。友朋足諧晤。又此盛詩騷。朗月同攜手。良景共含毫。樂巴有妙術。言是神仙曹。百年肆偃仰。一理詎相勞。閑居有樂。○類聚五十六。詩紀百一。

建除詩

建章連鳳闕。藹藹入雲煙。除庭發槐柳。冠劍似神仙。滿衢飛玉軼。夾道躍金鞭。平明塵霧合。薄暮風雲騫。類聚作騫。定交太類聚作大。學裏。射策雲臺邊。執事一朝謬。朝市忽崩遷。破家徒狗類聚作狗。國。力弱不扶顛。危機空履虎。擊惡豈如鷓。成師鑿門去。敗績裹尸旋。收魂不入斗。抱景問穹玄。開顏何所說。空憶平生前。閉門窮巷里類聚作裏。靜掃詠歸田。○類聚五十六。詩紀百一。

六府詩

水廣南山暗。杖策出蓬門。火炬村前發。林煙樹下昏。金花散黃蕊。蕙草雜芳蓀。木蘭露漸落。山芝風屢翻。土高行已冒。抱甕憶中園。穀城定若近。當終黃石言。○類聚五十六。詩紀百一。

八音詩

金屋貯阿嬌。樓閣起迢迢。石頭足年少。大道跨河橋。絲桐無緩節。羅綺自飄飄。竹煙生薄晚。花色亂春朝。匏瓜詎無匹。神女嫁蘇韶。土地多妍冶。鄉里足塵囂。革年未相識。聲論動風飈。木桃堪底用。寄以答瓊瑤。○類聚五十六。詩紀百一。

六甲詩

甲拆開衆果。萬物具敷榮。乙飛上危幕。雀乳出空城。丙魏舊勳業。申韓事刑名。丁翼陳詩罷。公綏作賦成。戊巢花已秀。滿塘草自生。已乃忘懷客。榮樂尚關類。聚作開。情。庚庚聞鳥嘯。肅肅望鳧征。辛酸多憫惻。寂寞少逢迎。壬蒸懷太古。覆妙佇無名。癸已空施位。詎以召幽貞。○古詩類苑八十一。詩紀百一。類聚五十六。引榮、城、成、生、情、征、迎、名、貞九韻。

十二屬詩

鼠迹生塵案。牛羊暮下來。虎嘯坐詩紀作生。注云。當作坐。空谷。兔月向窗開。龍隰遠青翠。蛇柳近徘徊。馬蘭方遠摘。羊負始春栽。詩紀作栽。猴栗羞芳果。雞跖詩紀誤作砧。引清杯。狗其懷物外。猪蠶窠悠哉。○類聚五十六。詩紀百一。

從遊天中寺應令詩

福界新開草。名僧共下筵。廣弘明集作延。注云。明本作筵。楊枝生拱樹。錫杖呪飛泉。石座應朝講。山龜擬夜禪。當非舍衛國。賣地取金錢。○廣弘明集三十。詩紀百一。

同庾中庶肩吾周處士弘讓遊明慶寺詩

鷲嶺三層塔。菴園一講堂。馴鳥逐飯磬。狎獸繞禪牀。摘菊山無酒。燃松夜有香。幸得同高勝。於此瑩心王。○廣弘明集三十。詩紀百一。

名都一何綺詩

詩紀云。陸士衡擬古詩云。名都一何綺。城闕鬱盤桓。

名都一何綺。春日吐光輝。高樓雲母扇。複殿琉璃扉。昭儀同輦出。高安連騎歸。欲知天子貴。千門應紫微。○類聚六十一。詩紀百一。

爲我彈鳴琴詩

爲我彈鳴琴。初學記作清。文苑、萬花谷同。琴鳴傷我襟。半死無人見。類聚作覺。初學記、文苑、萬花谷同。人竈始知音。空爲貞女引。誰達楚妃心。文苑作吟。雍門何假說。落淚自淫淫。○類聚四十四。初學記十六及文苑英華二百十二作賦得爲我彈鳴琴。萬花谷後三十二作沈炯詩。詩紀百一。

賦得邊馬有歸心詩

詩紀云。王瓚詩。朔風動秋草。邊馬有歸心。

窮秋邊馬肥。萬花谷作生。向塞甚思歸。連鑣渡蒲海。束舌下金微。類聚作微。已卻魚麗陣。將摧鶴翼圍。彌憶長楸道。金鞭初學記作鞍。文苑、萬花谷同。背落暉。○類聚九十三。初學記二十九。文苑英華三百三十。萬花谷後三十九作沈炯詩。詩紀百一。

詠老馬詩

昔日從戎陣。流汗幾東西。一日馳千里。三丈拔深泥。渡水頻傷骨。翻霜屢損蹄。勿言年齒暮。尋途尚不迷。○文苑英華三百三十。詩紀百一。

和蔡黃門口字詠絕句詩

囂囂宮閣路。靈靈谷口間。誰知名器品。語哩各崎嶇。○類聚五十六。詩紀百一。

謠幽庭賦系此謠。

故年花落今復新。新年一故成故人。那得長繩繫白日。年年月月但如春。○類聚六十四。

陰鏗

鏗。字子堅。武威人。仕梁爲湘東王法曹行參軍。陳天嘉中爲始興王中錄事參軍。累遷晉陵太守、員

外散騎常侍。頃之。卒。有集三卷。

新成安樂宮

詩紀云。歷代吟譜曰。鏗賦新成安樂宮。援筆便就。

新宮實壯哉。雲裏望樓臺。迢遞翔鷗仰。連樂府作聯。文苑同。又注。一作連。翮賀燕類聚。初學記。萬花谷作雀。文苑作鷺。注云。一作雀。來。重欄類聚作簷。文苑同。初學記作欄。寒霧本集作露。類聚作露。樂府作重寒露簷。宿。丹萬花谷作反。井樂府作返景。文苑同。又注。一作返井。一作丹井。夏本集作夜。詩紀云。一作夜。蓮開。砌石披新錦。梁花文苑。樂府並作花梁。畫早梅。欲知安樂盛。歌管雜塵埃。○本集。類聚六十二。初學記二十四作新成長安宮。文苑英華百九十二。樂府詩集三十八。萬花谷二十三作陰鏗詩。詩紀九十九。

班婕妤怨

柏梁新寵盛。長信昔恩傾。誰謂樂府作爲。詩書巧。文苑作爲諸人巧。注云。一作詩書重。翻爲歌舞輕。花月分牕進。本集作近。苔草共堦生。接類聚作憶。文苑作捷。又注。一作妾。一作憶。樂府作妾。淚衫前滿。單暝各書作眠。夢文苑作魂。注云。一作夢。裏驚。可惜逢秋扇。何用合歡名。本集作班婕妤。○類集二十八。文苑英華二百四。樂府詩集四十三。詩紀九十九。

蜀道難

王尊奉漢朝。靈關不憚遙。高岷長有雪。陰棧屢經燒。輪摧九折路。騎阻七星橋。蜀道難如此。功名詎可要。○本集。文苑英華二百。樂府詩集四十。詩紀九十九。

和登百花亭懷荆楚詩

江陵一柱觀。潯類聚作尋。文苑同。陽千里潮。文苑作湖。風煙望似本集作相。接。川路恨本集作限。成遙。落花輕未下。飛文苑云。石本作浮。絲斷易文苑作亦。飄。藤長還依格。本集作格樹。文苑云。石本作格嶺。荷生不避橋。陽臺可憶處。唯有暮將朝。○本集。類聚二十八。文苑英華三百十五作追和登百花亭懷荆楚。詩紀九十九。

奉送始興王詩

良守別承明。枉道暫逢迎。去帆收錦紵。歸騎指蘭城。紛紜連山暗。潺湲派水清。桂晚花方白。蓮秋葉始輕。背飛傷客念。臨歧憫聖情。分風不得遠。何由送上征。○本集。類聚二十九。詩紀九十九。

廣陵岸送北使詩

行人引去節。送客艤歸臚。卽是觀濤處。仍爲郊贈衢。汀文苑作貴。注云。類聚作漢。又作河。洲浪已息。邗類聚作

邦。江路不紆。亭嘶背櫂。文苑作櫂。馬。檣轉向風鳥。海上春雲雜。天際晚帆孤。離舟對零雨。別渚望飛鳧。定知能下淚。非但一楊朱。○本集。類聚二十九。文苑英華二百六十六作廣陵岸送遠使。文苑英華二百九十六。詩紀九十九。

江津送劉光祿不及詩

依然臨送渚。長望倚河津。鼓聲隨聽絕。帆勢與雲鄰。泊處空餘鳥。離亭已散人。林寒正下葉。釣類聚作鉤。晚欲收綸。如何相背遠。江漢與城闐。○本集。類聚二十九。文苑英華二百六十六。詩紀九十九。

和傅郎歲暮還湘洲詩

蒼茫歲欲晚。辛文苑作愁。注云。一作辛。苦客方行。大江靜猶浪。扁舟獨且征。棠枯絳葉盡。文苑作落。注云。一作盡。蘆凍白花輕。戍人寒不望。沙禽迴文苑作回。注云。一作迴。未驚。湘波各深。文苑作若空。注云。一作各深。淺。空軫。文苑作輕棹。注云。一作空軫。念歸情。○本集。類聚二十七。文苑英華二百八十九。詩紀九十九。

渡青草湖詩

洞庭春溜滿。萬花谷作薄。平湖錦帆張。沅類聚作源。初學記、文苑同。水萬花谷作源泛。桃花色。湘流杜若香。穴萬花谷作地。去茅山近。文苑作遠。事文類聚同。江連巫峽長。帶萬花谷作布。天澄迴萬花谷作遠。碧。映日動浮光。行舟逗遠樹。度鳥息本集作宿。危檣。初學記作牆。滔滔不可測。一葦詎能航。○本集。類聚九。初學記七。文苑英華百六十

三。萬花谷五。事文類聚前集十七。詩紀九十九。

渡岸橋詩

畫橋長且曲。傍險類聚作嶮。復憑流。寫虹晴尚飲。圖星晝不收。跨波連斷岸。接路上危樓。欄高荷不及。池清影自浮。何必橫南渡。方復似牽牛。○本集。類聚九。詩紀九十九。

遊始興道館詩

紫臺高不本集作下。極。清谿類聚作溪。初學記、文苑、萬花谷同。千仞餘。壇邊逢藥鈔。洞裏閱仙書。庭舞經乘鶴。池遊被控文苑作擢。注云。一作控。魚。稍昏蕙文苑、萬花谷作薤。初學記作薤。明本同。葉斂。本集誤作劍。欲暝槿花疎。徒教藝文作交。斧柯爛。會自不凌虛。○本集。藝文類聚七十八。初學記二十三。文苑英華二百二十六。萬花谷二十七作陰鏗詩。詩紀九十九。

開善寺詩

鷺嶺春光遍。王城野望通。登臨情不極。蕭散趣無窮。鶯本集誤作鷺。隨入戶樹。花逐下山風。棟裏歸雲白。牕外落暉紅。古石何年卧。枯樹幾春空。淹留惜本集作昔。詩紀同。未及。幽桂在類聚作有。芳叢。○本集。類聚七十六。詩紀九十九。

罷故章縣詩

秩滿三秋暮。舟虛一水濱。漫漫遵歸道。本集作路。淒淒類聚作悽悽。對別津。晨風下散葉。歧路起飛塵。長岑舊知遠。萊蕪本自貧。被裏本集作服。恆容本集作恒客。類聚同。吏。正朝不繫民。惟當有一犢。留持贈後人。○本集。類聚五十。詩紀九十九。

閒居對雨詩

四溟初學記作冥。文苑同。飛旦初學記作早。文苑同。又注。一作旦。雨。二徑絕來遊。本集作由。震位雷聲發。離宮電影浮。山雲遙似帶。庭葉初學記字缺。文苑作芥。注云。一作葉。近成舟。茅簷下亂滴。石竇引環初學記作濶。文苑同。流。寄言一高士。如何麥不收。○本集。類聚二。初學記二。文苑英華百五十三。詩紀九十九。

又

蘋藻降靈祇。聰明諒在斯。觸石朝雲起。從星夜月離。八川奔巨壑。萬頃溢澄陂。綠野含膏潤。青山帶濯枝。嘉禾方合穎。秀麥已分歧。寄語紛綸學。持筆詎必知。○本集。類聚二。詩紀九十九。

行經古墓詩

偃松將古墓。年代理當深。表初學記作哀。柱應堪燭。碑書欲有金。迴類聚作迴。初學記、文苑同。墳由路毀。荒隧

受田侵。霏霏野霧。初學記作田。文苑作露。合。昏昏隴。類聚、初學作壘。日沈。懸劍今何在。風楊空自吟。○本集。類聚四十。初學記十四。文苑英華三百六。事文類聚前集五十八。詩紀九十九。

和樊晉陵傷妾詩

畫梁朝日盡。芳樹落花辭。忽以千金笑。長作九泉悲。鏡前塵劇粉。機上網多絲。戶餘雙入燕。類聚作鶯。牀有一空帷。文苑作惟。名香不可得。何文苑作詎。見返魂時。○本集。類聚三十四。文苑英華三百二作和悼亡。詩紀九十九。

和侯司空登樓望鄉詩

懷土臨霞觀。思歸想石門。瞻雲望鳥道。對柳憶家園。寒田穫。文苑作淵。裏靜。文苑作淨。野日燒。文苑作曉。中昏。信美今何益。傷心自有源。○類聚二十八。文苑英華三百十一。詩紀九十九。

登武昌岸望詩

遊人試歷覽。舊跡已類聚作但。丘墟。巴水縈非字。楚山斷類書。荒城高仞落。古柳細條疎。煙蕪遂若此。當不爲能居。○本集。類聚二十八。詩紀九十九。

晚出新亭詩

大江一浩蕩。離悲足幾重。潮落猶本集作長。注云。一作猶。如蓋。雲昏不作峯。遠戍唯聞鼓。寒山但見松。九十方稱半。歸途詎有蹤。○本集。類聚八。文苑英華百六十四。詩紀九十九。

晚泊五洲詩

客行逢日暮。結纜晚洲本集作舟。中。戍樓因岷類聚作磁。文苑同。險。村路入江窮。水隨雲度類聚作渡。黑。山帶日歸紅。遙憐類聚、文苑作然。一柱觀。欲輕千里風。○本集。類聚二十七。文苑英華二百八十九。詩紀九十九。

賦詠得神仙詩

羅浮銀是殿。瀛洲玉作堂。朝遊雲暫起。夕餌菊恆香。聊持履成燕。戲以石爲羊。洪厓類聚作崖。與松子。乘羽就周王。○本集作詠得神仙。類聚七十八。詩紀九十九。

遊巴陵空寺詩

日宮朝絕磬。月殿夕無扉。網交雙樹葉。輪斷七燈輝。香盡奩猶馥。幡塵畫漸微。借問將何見。風氣動天衣。○本集。類聚七十六。詩紀九十九。

秋閨怨詩

獨眠雖已慣。秋來只自愁。火籠恆煖類聚作暖。脚。行障鎮牀頭。眉含黛俱本集作欲。歛。啼將粉共流。誰能無別恨。類聚作限別。唯本集作雖。守一空樓。○本集。類聚三十二。詩紀九十九。

南征閨怨詩

湘水舊言深。征客理難尋。獨愁無處道。長悲本集作啼。不自禁。逢本集作作。人憎解佩。從來懶聽音。唯當有夜鵲。南飛似妾心。○本集。類聚三十二。詩紀九十九。

侯司空宅詠妓詩詩紀云。劉刪同賦。

佳人遍類聚作偏。綺席。妙曲動鷓絃。樓似陽臺上。池如洛水初學記作浦。文苑、萬花谷同。邊。鶯啼歌扇後。花落舞衫前。翠柳將斜日。俱照初學記作偏是。文苑、萬花谷同。晚粧鮮。○本集。類聚四十二。初學記十五。文苑英華二百十三。萬花谷三十二作陰鏗詩。詩紀九十九。

經豐城劍池詩

清池自湛澹。類聚作淡。神劍久遷移。無復連星氣。空餘似月池。夾篠激深淥。文苑作谷。含風結細漪。唯有蓮

花類聚作華。萼。還想匣中雌。○本集。類聚九。文苑英華百六十五。詩紀九十九。

西遊咸陽中詩

詩紀云。阮籍詠懷詩曰。西遊咸陽中。趙李相經過。

上林春色滿。咸陽游俠多。城斗疑連漢。橋星象類聚作像。文苑同。跨河。影裏看文苑作着。飛轂。塵前聽遠珂。還家何意晚。無處不經過。○本集。類聚三十三。文苑英華百九十六。詩紀九十九。

觀釣詩

澄江初學記作空。息晚浪。釣侶柅初學記作拽。輕舟。絲垂類聚作垂絲。遙初學記作解。案宋本作鮮。濺水。餌下暗通流。歌聲時斷續。本集作聽。檝初學記作楫。影乍橫本集作下空。浮。寄言濯纓者。滄浪終滯游。○本集。類聚六十六。初學記二十二。詩紀九十九。

詠石詩

天漢萬花谷作潢。支機罷。仙嶺博棊餘。零陵舊是燕。昆池本學魚。雲移蓮本集作連。勢出。苔駁錦紋類聚作文。初學記、萬花谷同。疏。初學記作疎。文苑同。還當穀城下。別自萬花谷作月。解兵書。○本集。類聚六。初學記五。文苑英華百六十一。萬花谷五作陰鏗詩。詩紀九十九。

侍宴賦得夾池竹詩

夾池一叢竹。垂初學記作青。文苑、萬花谷同。翠不驚寒。葉醞宜城酒。皮裁本集作治。類聚同。薛縣冠。湘川染萬花谷作留。別淚。衡本集誤作衝。嶺拂仙壇。欲見葳蕤色。當來萬花谷作爲。菟初學記作兔。文苑同。苑看。本集作欲見凌冬質。當爲雪中看。類聚同。○本集作夾池竹。類聚八十九。初學記二十八作侍宴賦得竹詩。文苑英華三百二十五。萬花谷後三十八作陰鏗詩。詩紀九十九。

雪裏梅花詩

春近寒雖轉。本集作猶薄。梅舒雪尚飄。從風還共落。照日不俱銷。葉開隨足影。花多助重條。今來漸異昨。向晚判勝朝。○本集。類聚八十六作詠雪裏梅詩。詩紀九十九。

五洲夜發詩

夜江霧裏闊。新月迥中明。溜船本集作痕。類聚作舸。惟識火。驚鳥但聽聲。勞者時歌榜。愁人數問更。○本集。類聚二十七作夜發詩次晚泊五洲詩後。詩紀九十九。

詠鶴

依池屢獨舞。對影或孤鳴。乍動軒墀初學記作遲。萬花谷同。步。時轉入琴聲。○初學記三十。萬花谷四十作陰鏗詩。詩紀九十九。

陸山才

山才。字孔章。吳郡人。歷散騎常侍。遷西陽、武昌二郡太守。天康元年卒。年五十八。

刻吳閬門詩

南史曰。張彪爲東陽州刺史。征刻。遣沈泰等助謝岐居守。泰反與岐迎陳文帝入城。彪因其未定。踰城而入。陳文帝遂走。彪復城守。沈泰復說陳文帝遣章昭達領兵購之。彪被劫殺。彪友吳中陸山才嗟泰等翻背。刻吳閬門爲詩一絕云。

田橫感義士。韓王報主臣。若爲留意氣。持寄禹川人。○南史張彪傳。詩紀九十二。

陳詩卷二

周弘正

弘正。字思行。汝南安成人。仕梁歷太學博士、國子博士、黃門侍郎、太常卿、都官尚書。陳受禪。授太子詹事。遷侍中、國子祭酒。進尚書右僕射。太建六年卒。年七十九。有周易義疏十六卷、孝經私記二卷、莊子內篇講疏八卷、集二十卷。

答林法師詩

客行七十歲。歲暮遠徂征。寒初學記作塞。雲結初學記作凝。不解。隴初學記作隱。水凍無聲。君看日近遠。初學記作遠近。爲付長安城。○類聚二十九。初學記十八作江總同庚信答林法師詩。詩紀百一。

學中早起聽講詩

詰朝參下座。閒步出重闌。北堂月稍隱。南枝鶴已飛。早霜垂靄靄。初霧上霏霏。嚴唱雖罷柝。高門尚掩扉。既傷年緒促。復嗟心事違。平生愛山海。宿昔特精微。未解輕身去。唯應下第歸。○初學記二十一。詩紀

百一。

還草堂尋處士弟詩

四文苑作歲。時易荏苒。百齡倏將半。故老多零落。山僧盡凋。文苑作離。散。宿樹倒爲查。舊水侵成岸。文苑誤作崖。幽尋屬令弟。依然歸舊館。感物自多傷。況乃春鶯亂。○類聚三十六。文苑英華二百三十。詩紀百一。

入武關詩

武關設地險。遊客好遭迴。將軍天上落。童子棄類聚作棄。繡來。揮汗成雲雨。車馬颺類聚作漾。塵埃。鷄鳴不可信。未初學記作天。曉莫先開。○類聚六。初學記七。詩紀百一。

和庾肩吾人道館詩

石橋有舊路。文苑作看舊跡。注云。一作有舊路。靈室文苑作虛空。注云。一作靈石。儼衆仙。菊潭溜餘水。丹竈起殘文苑作寒。注云。一作殘。煙。桃花經作實。海水屢成田。逆愁文苑作送還。注云。一作逆愁。歸舊里。文苑作里閑。注云。或作舊里。追問斧柯年。○類聚七十八作和庾肩吾詩。次庾肩吾道館詩下。文苑英華二百二十六作和庾肩吾入道士館。詩紀百一。

看新婚詩

莫愁年十五。初學記作三。來聘子都家。婿顏如美玉。婦色勝桃花。帶啼疑初學記作疑。暮雨。含笑似朝霞。暫

却輕紈扇。傾城判不賒。○類聚四十。初學記十四。詩紀百一。

名都一何綺詩

名都宮觀綺。金壁藻華璫。吹臺望鳩鵲。舞殿接披香。繡轂遊丹水。彫輦出平陽。陸離徒照眼。何解憂人傷。○類聚六十一。詩紀百一。

詠石鯨應詔詩

石鯨何壯麗。獨在天池陰。騫鳍類橫海。半出似浮深。吞航本無日。吐浪亦難尋。聖帝遊靈沼。能懷躍藻心。○類聚六。詩紀百一。

詠老敗鬪鷄詩

少壯摧雄敵。眄視生猜忌。一隨年月衰。摧頽落毛駛。閒觀初學記作看。春光滿。東郊草色異。無復先鳴力。空餘擅場意。○類聚九十一。初學記三十。詩紀百一。

隴頭送征客詩

朝霜侵漢類聚作漢。草。流沙度隴飛。一聞流水曲。行住兩霑衣。○類聚二十九。詩紀百一。

詠歌人偏得日照詩

斜光入丹扇。的的最分明。欲持照彫栱。初學記作拱。仍作繞梁聲。○初學記十五。詩紀百一。

詠班竹掩團扇詩

齊紈萬花谷作純。誤。將楚竹。從來本相遠。將申湘女悲。宜並班姬怨。○初學記二十五。萬花谷續七作周弘正詩。詩紀百一。

於長安詠鴈詩

南思洞庭水。北想鴈門關。稻梁俱可戀。飛去復飛還。○類聚九十一作周庾信詠雁詩。初學記三十。詩紀百一。

贈韋賈詩

德星猶未動。真車詎肯來。○御覽四百八引後周書。

周弘讓

弘讓。弘正弟。隱居茅山。晚仕侯景。爲中書侍郎。獲譏于世。承聖初爲國子祭酒。陳天嘉中。領太

常卿。

留贈山中隱士詩

行行訪名岳。處處必留連。遂至一巖裏。灌木上參天。忽見茅茨屋。曖曖文苑作曖曖。誤。有人煙。一士開門出。一士呼我前。相看不道姓。焉文苑作誰。知隱與仙。○類聚三十六作無名詩。文苑英華二百三十二。詩紀百一。

春夜醮五岳圖文詩

夜靜瓊筵謐。月出杏壇明。香煙百和吐。燈色九微清。五岳移龍駕。十洲回初學記作迴。鳳笙。目想靈人格。心屬羽衣輕。蕙肴薦神享。初學記作饗。桂醕達遙誠。熙然聊自得。挹酒念浮生。○初學記十三。詩紀百一。

賦得長笛吐清氣詩

詩紀云。魏文帝善哉行。悲絃激清聲。長笛吐清氣。

商聲傳後出。龍吟鬱前吐。情斷山陽舍。氣咽文苑云。一作吐。平陽塢。文苑誤作塢。胡騎爭北歸。偏知別文苑作引。注云。一作別。鄉苦。羈旅情易傷。零淚如交雨。○初學記十六、文苑英華二百十二並作賦長笛吐清氣詩。詩紀百一。

立秋詩

茲辰戒流火。商飈早已驚。雲天改夏色。木葉動秋聲。○初學記三。詩紀百一。

周弘直

弘直。字思方。弘讓弟。仕梁歷太學博士、湘東王記室、長沙內史、零陵太守。陳天嘉中。累遷太常卿、光祿大夫。

賦得荆軻詩

荆卿欲報燕。銜恩棄百年。市中傾別酒。水上擊離絃。匕首光凌日。長虹氣燭天。留言與宋意。悲歌非自憐。○類聚五十五。詩紀百一。

陸玠

玠。字潤玉。瑜從父兄。舉秀才。對策高第。授衡陽王文學。太建初。遷長沙王友。太子徵爲管記。除中舍人。八年卒。年三十七。有集十卷。

賦得雜言詠栗詩

貨見珍於有漢。木取貴於隆周。英肇萌於朱夏。實方落於素秋。委玉盤。雜椒糝。將象席。文苑作腐。注云。初學記作席。糝珍羞。○初學記二十八作梁陸玠。文苑英華三百二十六作陳陸玠。詩紀百一。○逯按。玠乃玠之譌。大正藏高僧傳支遁

傅衛玠。宮本玠作玠。是其比。

顧野王

野王。字希馮。吳郡吳人。仕梁歷太學博士、記室參軍、諮議參軍。陳天嘉初。補撰史學士。宣帝時。遷國子博士。兼東宮管記。除太子率更令。遷黃門侍郎、光祿卿。太建十三年卒。年六十三。有玉篇三十卷、集十九卷。

羅敷行

東隅麗春日。南陌采桑時。樓中結梳罷。提筐候早期。風輕鶯韻緩。露重樂府作霜灑。落花遲。五馬光長陌。千騎絡青絲。使君徒遣信。賤妾畏蠶饑。○樂府詩集二十八。詩紀百六。

芳樹

上林通建章。雜樹遍林芳。日影桃蹊色。風吹梅逕香。幽山桂葉落。馳道柳條長。折榮疑路遠。用表莫相忘。○樂府詩集十七。詩紀百六。

有所思

賤妾有所思。良人久征戍。笳鳴塞城表。樂府作笳鳴塞表城。注。一作笳鳴胡塞表。花開落芳樹。白登澄月色。黃龍

起煙霧。還聞雉子斑。非復長征賦。○樂府詩集十七。詩紀百六。

隴頭水

隴底文苑作頭。望秦川。迢遞隔風煙。肅條落野樹。幽咽響流泉。瀚海波難文苑作將。息。交河冰未堅。寧知蓋山水。逐節赴危絃。○文苑英華百九十八。樂府詩集二十一。詩紀百六。

長安道

鳳樓臨廣路。仙人掌煙霞。章臺京兆馬。逸陌富平車。東門疎廣餞。北闕董賢家。渭橋縱觀罷。安能訪狹斜。○文苑英華百九十二。樂府詩集二十三。詩紀百六。

陽春歌

春草正芳菲。重樓啓曙扉。銀鞍俠客至。柘彈宛詩紀云。一作婉。童歸。池前竹葉滿。井上桃花飛。薊門寒未歇。爲斷流黃機。○文苑英華百九十三。樂府詩集五十一。詩紀百六。

豔歌行三首

夕臺行雨度。朝梁照日輝。東城採桑返。南市數錢歸。長歌挑碧玉。羅塵笑洛妃。欲知歡未盡。棲鳥已夜

飛。樂府作樓夜已烏飛。○樂府詩集三十九。詩紀百六。

齊倡趙女盡妖妍。珠簾玉砌併神仙。莫笑人來最落後。能使君恩得度前。豈知洛渚羅塵步。詎減天河樂府誤作河天。秋夕渡。妖姿巧笑能傾城。那思他人不憎妬。蓮花藻井推芰荷。採菱妙曲勝陽阿。○同上

燕姬妍。趙女麗。出人王宮公主第。倚鳴瑟。歌未央。調弦八九弄。度曲兩三章。唯欣春日永。詎愁秋夜長。歌未央。倚鳴瑟。輕風飄落葉。乳燕樂府脫乳燕二字。巢蘭室。結羅帷。翫朝日。窗開翠幔卷。妝罷金星出。爭攀四照花。競戲三條術。○同上

餞友之綏安詩

谷風揚暖律。扶旭開餘靄。蘭芽被平臯。冰澌泮微瀨。悟彼芳歲新。愜此賞心會。絲竹邯鄲倡。朋游鄴中蓋。貢橘偉含滋。仙緇妙飛鱗。峻嶒眺廣嶽。浩漭窮溟海。衆賓悅禮遇。遠俗懷仙愛。操輸本非工。無譏比曹鄴。○松風餘韻。詩紀百六。

徐伯陽

伯陽。字隱忍。東海人。梁大同中爲侯官令。陳天嘉中爲侯安都記室參軍。累遷鎮右新安王府諮議參軍。太建十三年卒。年六十六。

日出東南隅行

朱城璧類聚作壁。樂府同。日啓朱扉。詩紀云。玉臺云。丹城璧日映朱扉。青樓含照本暉暉。遠映陌上春桑葉。斜入秦家細綺衣。羅敷粧粉能佳麗。鏡前新梳倭墮髻。圓樂府作圓。籠裊裊掛青絲。鐵鈎冉冉勝丹桂。蠶飢日晚慙生愁。忽逢使君南陌頭。五馬停珂遣借問。雙臉含嬌特好羞。妾壻府中輕小吏。卽今來往專城裏。欲識東方千騎歸。藹藹樂府作靄靄。日暮紅塵起。○類聚八十八作賦得日出東南隅詩。樂府詩集二十八。詩紀百六。

遊鍾山開善寺詩

聊追鄴城友。躡步出蘭宮。法侶殊人世。天花異俗中。鳥聲不測處。松吟未覺風。此時超愛網。還復洗塵蒙。○文苑英華二百三十三。詩紀百六。

張正見

正見。字見贖。清河東武城人。仕梁歷邵陵王國左常侍、通直散騎侍郎、彭澤令。陳受禪。除鎮東鄱陽王墨曹。歷宜都王限外記室、撰史著士。帶尋陽郡丞。累遷尚書度支部郎、通直散騎侍郎。太建中卒。年四十九。有集十四卷。

樂府

釣竿篇

結字長江側。垂釣廣文苑作渡。注云。一作鈞廣。川潯。竹竿橫翡翠。桂髓擲黃金。人來水鳥初學記作身。沒。樾度文苑作渡。樂府同。岸初學記作杏。花沈。蓮搖見魚近。綸盡覺潭深。渭水文苑作戲。注云。一作水。終須卜。滄浪徒自吟。空嗟文苑云。一作明。芳餌下。獨見有貪心。○初學記二十二。文苑英華二百十。樂府詩集十八。詩紀百二。

度關山

關山度曉月。劍客遠文苑作還。注云。一作遠。從征。雲中出迥文苑作迴。陣。天外落奇兵。輪摧偃去節。樹倒礙懸旌。沙揚文苑作場。折文苑云。一作楊。坂暗。雲積文苑作積。榆溪明。馬倦時銜草。人疲屢看城。寒文苑云。一作寒。隴胡笳澁。空文苑作寒。林漢鼓鳴。還聽鳴文苑作嗟幽。注云。一作聽鳴。咽水。併切斷腸聲。○文苑英華百九十八。樂府詩集二十七。詩紀百二。

晨鷄高樹鳴

詩紀云。阮籍詠懷詩曰。晨鷄鳴高樹。命駕起旋歸。然則此非樂府也。

晨鷄振翻鳴。出迥文苑作迴。升菴詩話作洞。擅奇聲。蜀郡升菴詩話作道。隨金馬。天津應玉衡。摧冠驗遠石。文苑作

古。繫樂府作擊火出連營。用江道事。爭棲斜揭暮。解翼橫飛度。試飲淮南藥。翻上仙都樹。枝低且候潮。葉淺還承露。承露升菴詩話作低枝。觸嚴霜。葉淺伺朝陽。猜羣怯寶劍。樂府猜上有不見兩字。勇戰出花場。當損黃金距。誰論白玉璫。長鳴逢晉帝。樂府長上有豈知二字。恃氣遇周王。流名說魯國。分影入陳倉。不復愁苻朗。猶能感孟嘗。○文苑英華二百六。樂府詩集二十八。升菴詩話。詩紀百二。

採桑

春樓曙鳥驚。蠶妾候初晴。迎風金珥落。向日玉釵明。徒顧移籠影。攀鈎動釧聲。葉高知手弱。枝軟覺身輕。人多羞借問。年少怯逢迎。恐疑夫壻遠。聊復答專城。○文苑英華二百八。樂府詩集二十八。詩紀百二。

豔歌行

城隅上朝日。斜暉照杏梁。併捲茱萸帳。爭移翡翠牀。綵環樂府作鬟。聊向牖。拂鏡且調妝。裁金作小曆。散麝起微黃。二八秦樓婦。三十侍中郎。執戟超丹地。豐貂入建章。未安文史閣。獨結少年場。彎弧貫葉詩紀云。一作月。影。學劍動星芒。翠蓋飛城曲。金鞍橫道傍。調鷹向新市。彈雀往睢陽。行行稍有極。暮暮歸蘭房。前瞻富羅綺。左顧足鴛鴦。蓮舒千葉氣。燈吐百枝光。滿酌胡姬酒。多燒荀令香。不學幽閨妾。生離怨採桑。○樂府詩集二十八。詩紀百二。

從軍行

胡兵屯薊北。漢將起山西。故人輕百戰。聊欲定三齊。風前噴畫角。雲上舞飛梯。鴈塞秋聲遠。龍沙雲路迷。燕然自可勒。函谷詎須泥。○類聚五十九。文苑英華百九十九。詩紀百二。

三婦豔詩

大婦織殘絲。中婦妬蛾眉。小婦獨無事。歌罷詠新詩。上客何須起。爲待絕纓時。○樂府詩集三十五。詩紀百二。

置酒高殿上

詩紀云。曹子建筵篋引曰。置酒高殿上。親友從我遊。

陳王開甲第。粉壁麗椒塗。高窗侍玉女。飛闥敞金鋪。名香散綺幕。石硯樂府作墨。彫金鑪。清醪稱玉饋。浮蟻擅蒼梧。鄒嚴恆接武。申白日相趨。容與升階玉。差池曳履珠。千金一巧笑。百萬兩鬢姝。趙姬未鼓瑟。齊客罷吹竽。歌喧桃與李。琴挑鳳將雛。魏君慚舉白。晉主媿投壺。風雲更代序。人事有榮枯。長卿病消渴。壁立還成都。○樂府詩集三十九。詩紀百二。

門有車馬客行

飛觀霞光啓。文苑作起。重門平旦文苑作戒在。注云。一作平旦。開。北闕高箱過。文苑作轡至。注云。一作箱過。東方連文

苑作遠。注云。一作連。騎來。紅塵揚翠轂。赭汗染龍媒。桃花夾逕。文苑作扶岸。注云。一作夾院。一作夾徑。聚。流水傍池回。投文苑。樂府作捎。詩紀云。集作揮。鞭聊靜。詩紀云。集作接。電。捐樂府作接。軫暫。文苑作接眼漸。注云。一作珍暫。停雷。回。雷二韻。文苑顛倒。非關萬里客。自有文苑作是。注云。一作有。六奇才。琴和朝雉。文苑作翟。注云。一作雉。操。酒泛夜光杯。舞袖飄金谷。歌聲遠鳳臺。良時不可再。文苑作不再遇。注云。一作可再。騶馭。文苑作御。鬱相催。安知太行道。失路車輪摧。○文苑英華百九十五。樂府詩集四十。詩紀百二。

白頭吟

平生懷直道。文苑云。一作白首。松桂比真。文苑云。一作貞。風。語默妍媸際。沈浮毀譽中。讒新恩易盡。情去寵難終。彈珠金市側。抵玉春文苑誤作泰。詩紀云。一作崑。山東。含香老顏駟。執戟異揚雄。惆悵崔亭伯。幽憂馮敬通。王嬙沒胡樂府作故。文苑同。又注。一作胡。塞。班女棄深宮。春苔封履跡。秋葉奪妝紅。顏如花落槿。鬢似雪飄逢。此時積文苑。樂府並云。一作卽。長歎。傷年誰復同。○文苑英華二百七。樂府詩集四十一。詩紀百二。

怨詩

詩紀云。集作情詩。

新豐妖冶地。遊俠競嬌奢。池臺間羅綺。桃李雜煙霞。蓋影分連騎。衣香合並車。豔粉驚飛蝶。紅妝映落花。舞衫飄冶袖。歌扇掩團文苑云。一作圓。紗。玉牀文苑作帳。注云。一作牀。珠帳文苑作簾。卷。金樓鏡月斜。還疑簾史鳳。不及季倫家。○文苑英華二百一十一。樂府詩集四十一。詩紀百二。

應龍篇

應龍未起時。乃在淵底藏。非雲足不蹈。舉則冲天翔。譬彼野蘭草。幽居常獨香。清風播四遠。萬里望芬芳。隱居可頤志。自見焉得彰。○樂府詩集六十四。詩紀百二。

輕薄篇

洛陽美年少。文苑作少年。朝日正開霞。細蹠文苑作踏。連錢馬。傍趨苜蓿花。揚鞭還却文苑作却還。望。春色滿東家。井桃映水落。門柳雜風斜。綿蠻弄清綺。蛺蝶遶承華。欲往飛廉館。遙駐季倫車。石榴傳馬腦。蘭肴奠象牙。聊持自文苑云。一作自持。娛樂。未是鬪豪奢。莫嫌龍馭晚。文苑作曉。注云。一作晚。扶桑復浴鴉。○文苑英華百九十四。樂府詩集六十七。詩紀百二。

帝王所居篇

樂府不載。見文苑英華。

崑函惟文苑作雄。帝宅。宛雒壯皇居。紫微臨複道。丹水亘通渠。沈沈飛雨殿。藹藹承明廬。兩宮分燦日。雙闕並凌虛。休氣充青瑣。榮光入綺疏。霞明仁壽鏡。日照陵雲書。鳴鸞背鳩鵲。詔蹕幸儲胥。長楊飛玉輦。御宿徙文苑作陟。金輿。柳葉飄緹文苑作緹飄。騎。槐花影屬車。薄暮歸平樂。歌鐘滿玉除。○文苑英華百九十二。詩紀百二。

朱鷺

金堤有朱鷺。刷羽望滄瀛。周詩振雅曲。漢鼓發奇聲。時將赤鴈並。乍逐彩鸞行。別有翻潮處。異色不相驚。○文苑英華二百六。樂府詩集六。詩紀百一。

上之回

林光稱避暑。回中乃吉行。龍媒躡影駛。玉輦御雲輕。風鳥繞鳩鵲。綵鷁照昆明。欲知鍾箭遠。遙聽寶雞聲。○樂府詩集十六。詩紀百二。

戰城南

薊北馳胡騎。城南接短兵。雲屯文苑作起。注云。一作屯。兩陣合。劍聚七星明。文苑作橫。注云。一作明。旗交無復文苑作後。影。角憤有餘聲。戰罷披軍策。還嗟李少卿。○文苑英華百九十六。樂府詩集十六。詩紀百二。

君馬黃二首

幽并重騎射。征馬正文苑云。一作自。盤桓。風去嘶聲樂府作長嘶。文苑、詩紀並云。一作長嘶。遠。冰堅度足寒。出關聊文苑云。一作徒。變色。上坂屢停鞍。卽今隨御史。非復在樓蘭。○文苑英華二百九。樂府詩集十七。詩紀百二。

五色乘馬黃。追風時滅沒。血汗染龍花。胡鞍抱秋月。唯騰渥洼水。不飲長城窟。詎待燕昭王。千金市駿骨。○同上

芳樹

奇樹舒春苑。流芳人綺錢。合歡分四照。同心影樂府作彰。文苑同。又注。一作影。詩紀云。一作彰。萬年。香浮佳氣裏。葉映彩雲前。欲識揚雄賦。金文苑云。一作含。玉滿甘泉。○文苑英華二百八。樂府詩集十七。詩紀百二。

有所思

深閨久離別。積怨轉生愁。徒思裂帛鴈。空上望歸樓。看花憶塞草。對月想邊秋。文苑誤作愁。相思日日度。文苑作夜。注云。一作度。詩紀云。玉臺作暮。淚臉年年流。○文苑英華二百二。樂府詩集十七。詩紀百二。

雉子斑

陳倉雉未飛。斂翮依芳甸。朱冠色尚淺。錦臆毛初變。雖麥且專場。排花聊勇戰。唯當渡弱水。不怯如臯箭。○文苑英華二百六。樂府詩集十七。詩紀百二。

臨高臺

層臺邈清漢。出迥文苑誤作迥。架重棼。飛棟臨黃鶴。高牕度白雲。風前朱幌文苑、樂府作幔。注云。一作幌。詩紀云。

一作慢。色。霞處綺疏分。此中多怨曲。地遠詎能聞。○文苑英華二百十。樂府詩集十八。詩紀百二。

隴頭水二首

隴頭鳴四注。征人逐貳師。羌笛含文苑作合。注云。一作含。流咽。胡笳雜水悲。湍高飛轉駛。澗淺蕩還遲。前旌文苑作旗。去不見。上路杳無期。○文苑英華百九十八。樂府詩集二十一。詩紀百二。

隴頭流水急。流急行難渡。遠文鏡秘府作伴。人隗囂營。傍侵酒泉路。心交賜文鏡秘府作贈。寶刀。小婦成紈袴。文鏡秘府作裁紉素。欲知別家久。戎衣今已故。○文鏡秘府論西作徐陵。文苑英華百九十八。樂府詩集二十一。詩紀百二。

折楊柳

楊柳半垂空。裊裊上春中。枝疎董澤箭。葉碎楚臣弓。色映長河水。花飛高樹風。莫言限宮掖。不閉長楊宮。○樂府詩集二十二。詩紀百二。

關山月

巖間文苑作間。度月華。流彩映山斜。暈逐連城壁。輪隨出塞車。唐萸遙合影。秦桂遠分花。欲驗盈虛理。文苑作駛。注云。一作理。詩紀云。一作駛。方知道路賒。○文苑英華百九十八。樂府詩集二十三。詩紀百二。

洛陽道

曾城啓旦扉。上路落文苑作洛。樂府同。春暉。柳影緣文苑作綠。溝合。槐花夾岸文苑作路。樂府同。又注。一作岸。飛。蘇合彈珠罷。黃間負翳歸。紅塵暮不息。相看連騎稀。○文苑英華百九十二。樂府詩集二十三。詩紀百二。

梅花落

芳樹文苑作梅。詩紀同。映雪文苑作雲。注云。一作紅。樂府作紅。注云。一作雲。野。發早覺寒侵。落遠香風急。飛多花逕深。周人歎初標。魏帝指前林。邊城少灌木。折此自悲吟。○文苑英華二百八。樂府詩集二十四。詩紀百二。

紫騮馬

將軍人大宛。善馬出從戎。影絕乾河上。聲流水詩紀作人。注云。一作水。窟中。似鹿猶依草。如龍欲向空。須還十文苑作千。樂府同。萬里。試爲一追風。○文苑英華二百九。樂府詩集二十四。詩紀百二。

雨雪曲

胡關辛苦地。雪路遠漫漫。含冰踏馬足。雜雨凍旗竿。沙漠飛恆暗。天山積轉寒。無因辭日逐。團扇掩齊紈。○文苑英華百九十三。樂府詩集二十四。詩紀百二。

劉生

劉生絕名價。豪俠恣遊陪。金門四姓聚。繡轂文苑作簫鼓。注云。一作繡轂。詩紀云。一作簫鼓。五香文苑云。集作五侯。詩紀云。一作侯。來。塵飛瑪瑙樂府作馬腦。通。勒。酒映碑礫文苑作車渠。古通。杯。別有追遊夜。秋文苑作愁。窗向月開。○文苑英華百九十六。樂府詩集二十四。詩紀百二。

公無渡河

金堤分文苑云。一作紅。錦纜。白馬渡蓮舟。風嚴歌響絕。浪湧文苑作急。注云。一作湧。詩紀云。一作急。榜人愁。權文苑作棹。樂府同。折桃花水。

飄文苑。樂府作帆。古通。橫竹箭流。何言沈璧處。千載偶陽侯。○初學記六。文苑英華二百十。樂府詩集二十六。詩紀百二。

對酒

當歌對玉酒。匡坐酌金罍。竹葉三清泛。蒲萄百味開。風移蘭氣入。月逐桂香來。獨有劉將阮。忘情寄羽杯。○文苑英華百九十五。樂府詩集二十七。詩紀百二。

銅雀臺

一曰銅雀妓。

淒類聚作荒。文苑同。涼銅雀類聚作爵。晚。搖落墓田通。雲慘當歌日。松吟欲舞風。人疏瑤席冷。曲罷總帷空。

可惜年將文苑作年。注云。一作將。淚。俱盡望陵中。○類聚三十四。文苑英華二百四。樂府詩集三十一。詩紀百二。

長安有狹斜行

少年重遊俠。長安有狹斜。路窄時容馬。枝高易度車。簷高同落照。巷小共飛花。相逢夾繡轂。借問是誰家。○樂府詩集三十五。詩紀百二

飲馬長城窟行

秋草朔風驚。飲馬出長城。羣鷲還怯飲。地險更宜文苑作疑。行。傷冰文苑云。一作水。斂文苑云。一作鷲。凍足。畏冷急寒聲。無因度吳坂。方復入羗城。○文苑英華二百九作擬飲馬長城窟。樂府詩集三十八。詩紀百二。

泛舟橫大江

詩紀云。魏文帝飲馬長城窟行曰。泛舟橫大江。討彼犯荆虜。

大江脩且闊。揚舲度迴磯。波文苑作渡。中畫鷁涌。帆上錦花飛。舟移歷浦文苑作停。注云。集作歷。月。櫂文苑作棹。舉濕春衣。王孫定樂府作客。若文苑作若定。注云。一作客若。一作定若。遠。詎待文苑作誰得。注云。一作詎得。送將歸。○文苑英華百九十三。樂府詩集三十八。詩紀百二。

煌煌京洛行

千門儼西漢。萬戶擅東京。凌雲霞上起。鳩鵲月中生。風塵暮不息。蕭笳夜恆鳴。唯文苑云。一作誰。當賣藥處。文苑作樹。不入長安城。○文苑英華百九十二。樂府詩集三十九。詩紀百二。

明君詞

詩紀云。集作王明君。

寒文苑作塞。樹暗胡塵。霜樓明漢月。淚染上春衣。憂變華年髮。○文苑英華二百四。樂府詩集二十九。詩紀百二。

神仙篇

以下雜言。

瀛洲樂府作州。分渤海。閨苑隔虹蜺。欲識三山路。須尋千仞溪。石梁雲外立。蓬丘霧裏迷。年深毀丹竈。學久棄青泥。葛水留還杖。天衢鳴去雞。六龍驤首起雲閣。萬里一別何寥廓。玄都府內駕青牛。紫蓋山中乘白鶴。潯陽杏花終難朽。武陵桃花未曾落。已見玉女笑投壺。復覩仙童欣六博。同甘玉文棗。俱飲流霞藥。鸞歌鳳舞集天台。金闕銀宮相向開。西王已令青鳥去。東海還馭赤虬來。魏武還車逢漢女。荆王因夢識陽臺。鳳蓋隨雲聊蔽日。霓裳雜雨復乘雷。神岳吹笙遙謝手。當知福地有神才。○樂府詩集六十四。詩紀百二。

又詩紀云。見文苑英華。樂府作沈約。題云樂未央。

億舜日。萬堯年。詠湛露。歌採蓮。願雜百和氣。宛轉金爐前。○文苑英華百九十三。樂府詩集七十四作沈約樂未央。

詩紀百二。

前有一樽酒行

前有一樽酒。主人行壽。今日合來。坐者當令。樂府作今。皆富且壽。欲令主人三萬歲。終歲不知老。爲吏當高遷。賈市得萬倍。桑蠶當大得。主人宜子孫。○文苑英華百九十五。樂府詩集六十五。詩紀百二。

採桑

倡狂不勝愁。結束下清樓。○草堂詩箋三十九清明詩注。

陳詩卷三

張正見

詩

御幸樂遊苑侍宴詩以下五言。

大君臨四表。榮光普八埏。區中文化洽。海外武功宣。鳳下書丹篆。龜符著綠編。昆明不習戰。雲夢豈遊畋。軌文通萬國。旌節靖三邊。高秋藐姑射。睿想屬汾川。兩宮明合璧。雙闕帶非煙。揚鑾出城觀。詔蹕指郊壩。禁苑迴雕輦。離宮建翠旃。流水犇雷轂。追風赴電鞭。畫熊飄析羽。金埒響膠弦。鳴玉升文砌。稱觴溢綺筵。獸舞依鍾石。鸞歌應管絃。霞明黃鵠路。風爽白雲天。潦收荷蓋折。露重菊花鮮。上林賓早鴈。長楊唱晚蟬。小臣慚藝業。擊壤慕懷鉛。康衢飛駛羽。大海滴微涓。詠歌還集木。舞蹈遂臨泉。願薦南山壽。明明奉萬年。○文苑英華百六十九。詩紀百三。

重陽殿成金石會竟上詩

周王興路寢。漢后成文苑作式。按應作戒。甘泉。共知崇壯麗。迢遞與雲連。抗殿疏龍首。峻陸文苑作階。注云。一

作陸。激天泉。東西跨函谷。左右矚伊瀍。百常飛觀竦。三休複道懸。拱鳥遙造日。擗虬遠架煙。雲棟疑飛雨。風窗似望僊。玉女臨芳苑文苑作方。鏡。金璫映彩椽。梅梁橫發藥。文苑作玉。藻井倒披蓮。雲文苑作榮。詩紀云。一作榮。光開御宿。佳氣屬祈年。霜鴈排空斷。寒花映日鮮。負宸憑霄極。台司列象躔。登臺誼大廈。御氣響鈞天。北斗承三獻。南風入五絃。鸞歌鳩鵲右。獸舞射熊前。翔鶴仰不逮。燕雀徒聯翩。○文苑英華三百十一。詩紀百三。

征虜亭送新安王應令詩

鳳吹臨南浦。神駕餞東平。亭迴漳水乘。旆轉洛濱筓。地凍班輪響。風嚴羽蓋輕。燒田雲色暗。古樹雪花明。歧路一迴首。流襟動睿情。○類聚二十九。文苑英華百七十九作徐陵。詩紀百三。

從籍田應衡陽王教作詩五章

帝京惟赤縣。文苑誤作懸。神文苑作宸。居應紫微。塗山萬國仰。滄海百川歸。東郊事平文苑作歸。秩。仲月祀靈威。含光開早扇。閭闔啓朝扉。文苑誤作戶。

洛城文苑作陽。鍾漏息。靈臺雲霧卷。森森虎戟前。藹藹鑾旂文苑作旗。轉。屬車遊文苑作猶。絳闕。風鳥文苑作馬。注云。類聚作鳥。度丹巘。帳殿幸金輿。旌門擁玉輦。

玉輦帶非初學記作飛。煙。金輿映綠川。雨師清文苑作青。遠路。風伯靜遙天。分渠通沃野。激水入初學記作繞。文

苑云。類聚作繞。公田。草發詩紀云。律祖作幕接。青壇外。花飛蒼玉前。文苑作邊。

蒼玉臨初學記作陳。文苑云。初學記作陳。珪璧。青壇躬帝籍。初學記作籍。冒檝初學記作檝。文苑同。乃三推。文苑誤作吹。齊衡均百辟。蘭場儼芝駕。桂圃芳瑤席。山禽韻管弦。野獸和鍾石。

鍾石既相和。江海復無波。梁客簪裾盛。陳王文雅多。脩途參弱駘。喬木間輕蘿。文苑作閉輕羅。幸承濫類聚誤作温。吹文苑誤作吹温。末。擊壤自爲歌。○類聚三十九。文苑英華百七十九。又初學記十四作藉田詩。引三四兩章。詩紀百三。

從永陽王遊虎丘山詩

滄波壯鬱島。洛邑鎮崇芒。未若茲山麗。岩堯擅水鄉。地靈侔少室。塗艱象太行。重巖標虎據。九曲峻羊腸。溜深澗無底。風幽谷自涼。寶沈餘玉氣。劍隱絕星光。白雲多異影。丹桂有藜香。遠看銀臺竦。洞塔耀山莊。瑞草生金地。天花照石梁。○類聚八。詩紀百三。

陪衡陽王遊耆闍寺詩

甘棠聽訟罷。福宇試登臨。兔苑移飛蓋。王城列玳簪。階荒猶累玉。地古尚填金。龍橋丹桂偃。鷲嶺白雲深。秋窗被旅葛。夏戶響山禽。清風吹麥隴。細雨濯梅林。○類聚七十六。詩紀百二。

湓城詩

匡山暖遠壑。灌壘屬中流。城花飛照水。江月上明樓。○廬山記一。○遠按。暖原作暖。今以意改。

與錢玄智汎舟詩

高門事休沐。朝野恣逢迎。還乘詩紀云。一作尋。金谷水。俱望洛陽城。舟移津御覽作洛。女渡。御覽作度。楫動渭橋橫。風高鴈已落。雨霽水還清。葉盡桐門淨。花秋菊岸明。欲奏江南曲。聊習棹歌行。○類聚七十一。御覽七百七十。詩紀百三。

遊匡山簡寂館詩

三廬山記誤作二。梁碣廬山記作澗。廬山紀事作石。本絕。千仞路猶廬山記作難。通。卽此神山廬山記作仙。內。銀廬山記作眼。誤。榜映仙宮。鏡似臨峯廬山紀事誤作風。月。流如飲澗虹。幽桂無斜影。深松有勁風。惟當遠人望。知在白雲中。○類聚七十八。廬山記四。廬山紀事三。詩紀百三。

和諸葛覽從軍游獵詩

治初學記作持。兵耀武節。縱獵駭畿封。迅騎類聚作鷗。馳千里。高罨起百重。騰麕斃馬足。饑鼯落劍鋒。雲根

飛初學記作連。燒火。鳥道絕初學記作識。禽蹤。方羅四海詩紀作流。俊。聊以習軍戎。類聚作容。○類聚六十六作和諸葛從軍遊詩。初學記二十二。詩紀百三。

山家閨怨詩

王孫春好遊。雲鬢不勝愁。離鴻暫罷曲。別路已經秋。山中桂花晚。勿爲俗人留。○類聚三十二。詩紀百三。

和陽詩紀云。一作楊。侯送袁金紫葬詩

玄泉開隧道。白日照佳城。一朝嗟此路。千載幾傷情。秋氣初學記作雨。詩紀云。一作雨。悲松色。淒風咽挽初學記作晚。文苑同。聲。歸雲向谷晚。文苑作回谷散。注云。初學記作向谷晚。還柳背山輕。唯當三五夜。壠月暫時明。○初學記十四。文苑英華三百五作和楊侯送袁金紫葬。詩紀百三。

傷韋侍讀詩

懷經傳文苑作侍。北海。蘊義盛西河。高峯落迴照。逝水没文苑作役。驚波。柳下悲風急。山陽秋氣多。宿草摧書帶。寒松脆女蘿。無復華陰市。空餘蒿里歌。○文苑英華三百二。詩紀百三。

後湖泛舟詩

上苑奢行樂。滄池聊薄遊。汎荷分蘭櫂。沈槎觸桂舟。殘虹收度雨。缺岸上新御覽作乘。流。欲知有高趣。長

楊送麥秋。○類聚七十一。御覽七百七十。詩紀百三。

遊龍首城詩

關外山川闊。城隅塵霧浮。白雲凝絕嶺。滄波間斷洲。四面觀長薄。千里眺平丘。河津無桂樹。樽酒自淹留。○類聚二十八。詩紀百三。

別韋諒賦得江湖汎別舟詩

千里潯陽岸。三翼木蘭船。鷓汎青鳧後。雞鳴白鷺前。涵花沒淺纜。帶葉動深船。不言朝夕水。獨自限神仙。○類聚七十一。御覽七百七十。詩紀百三。

星名從軍詩

將軍定朔邊。刁斗出祁連。高柳橫遙文苑作絕。樂府作長。塞。長榆類聚作榆關。接遠樂府作榆關接連。天。井泉含凍類聚作陣。樂府同。竭。文苑作碣。烽樂府作風。火照類聚作映。樂府同。山燃。樂府作燕然。欲知客心斷。危類聚作旄。樂府同。旌萬里懸。○類聚五十九作從軍詩。初學記一。文苑英華百九十九及樂府詩集三十二作從軍行。詩紀百三。

賦得韓信詩

淮陰總漢兵。燕齊擅遠聲。沈沙擁急水。拔幟上危城。野有千金報。朝稱三傑名。所悲雲夢澤。空傷狡兔情。○類聚五十五。詩紀百三。

行經季子廟詩

延州高讓遠。傳芳世祀移。地絕遺金路。松悲懸劍枝。野藤侵沸文苑作藻。井。山雨濕苔碑。別有觀風處。樂奏無人知。○類聚三十八。文苑英華三百二十。詩紀百三。

賦得落落窮巷士詩

詩紀云。左思詠史詩。落落窮巷士。抱影守空廬。

揚雲不邀名。原憲本遺榮。草長三徑合。花發四鄰明。塵隨幽巷靜。嘯逐遠風清。門外無車轍。自可絕公卿。○類聚三十六。詩紀百三。

賦得日中市朝滿詩

詩紀云。鮑照結客少年場行。日中市朝滿。車馬若川流。

雲閣綺霞生。旗亭麗日明。塵飛三市路。蓋人九重城。竹葉當壚初學作杯。滿。桃花帶綬輕。唯見爭名利。安知大隱情。○類聚六十五。初學記二十四作日中市朝滿詩。詩紀百三。

賦得題新雲詩

西北春雲起。遙臨偃蓋松。根危纔吐葉。氣淺未成峯。風前飛未斷。日處影疑重。體輕無五色。詎是得從龍。○初學記一。詩紀百三。

賦得白雲臨酒詩

白雲蓋濡水。流彩入澗川。疎葉臨嵇竹。輕鱗入鄭船。菊泛金枝下。峯斷玉山前。一朝開五色。飄飄映十千。○初學記一。詩紀百三。

詠雪應衡陽王教詩

九冬飄遠雪。六出表豐年。雖陽生玉樹。雲夢起瓊田。人牕輕落粉。拂柳駛飛綿。欲動淮南賦。亂下桂花前。○初學記一作應衡王教詠雪詩。文苑英華百七十九。詩紀百三。

賦得雪映夜舟詩

黃雲迷鳥路。白雪下鳧舟。分沙映冰萬花谷。浦。照鶴聚寒流。檣風吹影落。鏡錦草堂詩箋作錦浪。雜花浮。船梁若是桂。翻如月照秋。○初學記二十五。萬花谷續七作張正見詩。詩紀百三。又草堂詩箋八城西詩注作賦夜舟得雪歌。引浮

一韻。

薄帷鑒明月詩

詩紀云。阮籍詠懷詩。薄帷鑒明月。清風吹我衿。

長河上桂月。初學記作月桂。文苑同。澄彩照高樓。分簾疑文苑作凝。碎壁。隔幔似垂初學記作重。鈎。牕外光恆滿。
帷詩紀云。一作闌。中影暫流。豈及西園夜。長隨飛蓋遊。○初學記一。文苑英華百五十二。詩紀百三。

玄圃觀春雪詩

同雲遙映嶺。瑞雪近浮空。拂鶴伊川上。飄花桂苑中。影麗重輪月。飛隨團扇風。還取長歌處。帶曲舞春風。
○初學記二。文苑英華百五十四。詩紀百三。

秋河曙耿耿詩

詩紀云。謝朓詩。秋河曙耿耿。寒渚鬱蒼蒼。

耿耿長河曙。濛濛宿雲浮。天路橫秋水。星衡詩紀云。一作橋。轉夜流。月下姮娥落。風驚織女秋。德星猶可見。仙槎不復留。
○初學記二十五。萬花谷續八。詩紀百三。

浦狹村煙度詩

詩紀云。梁簡文龍丘引。浦狹村煙度。洲長歸鳥息。

茅蘭夾兩岸。野燎燭中川。村長合夜影。水狹度浮煙。收光暗鳥弋。分火照漁船。山人不炊桂。樵華幸共然。○初學記二十五。萬花谷續八。詩紀百三。

和衡陽王秋夜詩

睢苑涼風舉。文苑作人。章臺雲氣收。螢光連燭動。月影帶河流。綠綺朱弦汎。黃花素蟻浮。高軒揚麗藻。卽是賦新秋。○初學記三。文苑英華百七十九作衡陽王秋夜應制。詩紀百三。

賦得山卦名詩

蓬萊遁羽客。巖穴轉蒙籠。雲歸仙井暗。霧解石橋通。影帶臨峯鶴。形隨雜雨風。尋師文苑作思。不失路。咸欲馭飛鴻。○類聚七。文苑英華百六十。詩紀百三。

初春賦得池應教詩

遙天收密雨。高閣映奔曦。雪盡青山路。冰銷綠水池。春光落雲葉。花影發晴枝。琴樽奉終宴。風月豈云

疲。○初學記三。文苑英華百七十九作春初賦德池應教。詩紀百三。

賦得垂柳映斜谿詩

千仞清溪險。三陽弱柳垂。葉細臨湍合。根空帶石危。風翻夾浦絮。雨濯倚文苑作向。流枝不分梅花落。還同橫笛詩紀云。一作笛裏吹。○初學記二十八。文苑英華三百二十三作垂柳映斜溪。詩紀百三。

賦得岸花臨水發詩

詩紀云。何遜贈諸遊舊詩。岸花臨水發。江燕遶橋飛。

奇樹滿春洲。落葉映江浮。影間蓮花石。光涵濯錦流。漾色隨桃水。飄香入桂舟。別有仙潭菊。含芳獨向秋。○類聚八十八。詩紀百三。

賦得風生翠竹裏應教詩

金風起燕觀。翠竹夾梁文苑作涼。池。翻花疑鳳下。颺水似文苑作覺。龍移。帶露依深葉。飄寒入勁枝。聊因萬籟響。詎待伶倫吹。○初學記一。文苑英華百五十六。詩紀百三。

賦得山中翠竹詩

脩竹映巖垂。文苑作隈。注云。類詩作垂。來文苑作乘。風異夾池。複澗初學記誤作澗。藏高節。重林隱勁枝。雲生龍未

上。文苑作止。花落鳳將移。莫言棲嶰谷。伶倫不復吹。○初學記二十八。文苑英華三百二十五佚作者名。萬花谷後三十八作張正見詩。詩紀百三。

賦得梅林輕雨應教詩

梅樹耿長虹。芳林散輕雨。蜀郡隨仙去。陽臺帶雲聚。飄花更濯枝。潤石還侵柱。詎文苑作誰。得零陵燕。隨風時共舞。○初學記二作賦新題梅林輕雨應教詩。文苑英華百七十九作賦得新題梅林新雨應教。萬花谷一作張正見詩。詩紀百三。

賦新題得蘭生野徑詩

披襟出蘭畹。命酌動幽心。鋤罷還開路。歌喧自動琴。華燈共影落。芳杜雜花深。莫言閒逕裏。遂不斷黃金。○初學記二十七。文苑英華三百二十七。詩紀百三。

賦得威鳳棲梧桐詩

詩紀云。初學云賦得棲梧桐威鳳。

丹山下威鳳。來集帝梧中。欲舞春花落。將飛秋葉空。影照龍門水。聲入洞庭風。別有將雛初學記誤作雛曲。翻更合絲桐。○類聚九十。初學記三十作賦得威鳳棲梧桐。文苑英華三百二十八作賦得棲梧桐威鳳。萬花谷後四十作張正見詩。詩紀百三。

賦得魚躍水花生詩

漾色桃花水。相望濯錦流。躍浦疑珠出。依池似鏡浮。凌波衝落葉。觸餌避沈鈎。方遊蓮葉外。詎文苑云。初學記作恒。人武王舟。○類聚九十六。文苑英華三百三十。詩紀百三。

賦新題得寒樹晚蟬疎詩

寒蟬噪楊柳。朔吹犯梧桐。葉迴飛難住。枝殘影共空。聲疎飲露後。唱絕斷弦中。還因搖落處。寂寞盡秋風。○類聚九十七作寒樹晚蟬疎詩。文苑英華三百三十作賦新題寒樹晚蟬疎。詩紀百三。

賦得秋蟬喝詩紀云。一作咽。柳應衡陽王教詩

秋鴈寫文苑作氣爽。詩紀云。一作氣爽。遙天。園柳集文苑云。集作裊。驚蟬。競噪長枝裏。爭飛落萬花谷作繁。木文苑作葉。前。風高知響急。樹近文苑作近樹。覺聲連。長楊流喝盡。詎識蔡邕弦。○文苑英華三百三十。萬花谷後四十作張正見詩。詩紀百三。

秋日別庾正員詩

征途愁轉旆。連騎慘停鑣。朔氣凌疎木。江風送上潮。青雀離帆遠。朱鷺別路遙。唯有當秋月。夜夜上徐孝

穆集作止。河橋。○徐孝穆集一。文苑英華二百六十六作徐陵。類聚二十九。詩紀百三。

秋晚還彭澤詩

遊人及丘壑。秋氣滿平阜。路積康成帶。門疎仲蔚蒿。山明雲氣晝。天靜鳥飛高。自有東籬菊。還持泛濁醪。○廬山記四。

還彭澤山中早發詩

搖落山中曙。秋氣滿林隈。螢光映草頭。鳥影出枝來。殘暑避日盡。斷霞逐風開。空返陶潛縣。終無宋玉才。○廬山記四。

雪詩

九冬飄遠雪。六出表豐年。睢陽生玉樹。雲夢起瓊田。○歲華紀麗四。

賦得佳期竟不歸詩七言

詩紀云。庾肩吾有所思曰。佳期竟不歸。春物坐芳菲。

良人萬里向河源。娉婦三秋思柳園。路遠寄詩空織錦。宵長夢返欲驚魂。飛蛾屢繞帷前燭。衰草還侵階

上玉。銜啼拂鏡不成粧。促柱繁絃還亂曲。時分類聚作念。年移竟不歸。偏憎寒類聚作信。急夜縫衣。流螢映月明空帳。疎葉從風入斷機。自對孤鸞向影絕。終無一鴈帶書回。類聚作飛。○類聚三十二。詩紀百三。

賦得堦前嫩竹

翠竹梢雲自結叢。輕花嫩筍欲凌空。砌曲橫枝屢解籜。堦前疎葉強來風。欲知抱節成龍處。當於山路葛陂中。○類聚八十九。詩紀百三。

陳詩卷四

陳後主叔寶

叔寶。字元秀。天嘉二年爲安成王世子。太建元年。立爲皇太子。十四年正月卽位。在位七年。滅於隋。仁壽四年卒於洛陽。年五十二。有集三十九卷。

樂府

採桑

春樓髻梳罷。南陌競相隨。去後花叢散。風來香處移。廣袖承朝日。長鬟礙聚枝。柯新攀易斷。葉嫩摘前萎。採繁樂府作繁。鈎手弱。微汗雜粧垂。不應歸獨早。堪爲使君知。○樂府詩集二十八。詩紀九十八。

日出東南隅行

重輪上瑞暉。西北照南威。南威年二八。開牖敞重闈。當壚送客去。上苑逐春歸。鬢下珠勝月。牕前雲帶衣。紅裙結未解。綠綺自樂府作白。誤。難徵。○樂府詩集二十八。詩紀九十八。

三婦豔詞十一首

大婦避秋風。中婦夜牀空。小婦初兩髻。含嬌新臉紅。得意非霰日。可憐那可同。○樂府詩集三十五。詩紀九十八。

大婦西北樓。中婦南陌頭。小婦初粧點。回眉對月鈎。可憐還自覺。人看反更羞。○同上

大婦主樂府作弄。織機。中婦裁春衣。小婦新粧冶。拂匣動琴徽。長夜理清曲。餘嬌且未歸。○同上

大婦妬蛾眉。中婦逐春時。小婦最年少。相望卷羅幃。羅幃夜寒卷。相望人來遲。○同上

大婦上高樓。中婦蕩蓮舟。小婦獨無事。撥帳掩嬌羞。丈夫應自解。更深難道留。○同上

大婦初調箏。中婦飲歌聲。小婦春粧罷。弄月當宵楹。季子時將意。相看不用爭。○同上

大婦愛恆偏。中婦意常樂。府作長。堅。小婦獨嬌笑。新來華燭前。新來誠可惑。爲許得新憐。○同上

大婦酌金杯。中婦照粧臺。小婦偏妖冶。下砌折新梅。衆中何假問。人今最後來。○同上

大婦怨空閨。中婦夜偷啼。小婦獨含笑。正柱作烏棲。河低帳未掩。夜夜畫眉齊。○同上

大婦正當壚。中婦裁羅襦。小婦獨無事。淇上待吳姝。鳥歸花復落。欲去却踟躕。○同上

大婦年十五。中婦當春戶。小婦正橫陳。含嬌情未吐。所愁曉漏促。不恨燈銷炷。○同上

飛來雙白鶴

朔吹已蕭瑟。愁雲屢合開。玄冬辛苦地。白鶴從風催。音響已清切。毛羽復殘摧。飛來樂府作未。進□□。但爲失雙回。儻逢□噲德。當共銜珠來。○樂府詩集三十九。詩紀九十八。

采蓮曲

相催暗中起。妝前日已光。隨宜巧注口。薄落點花黃。風住疑衫密。船小畏裾長。波文散動楫。菱花拂度航。抵荷亂翠影。採袖新蓮香。歸時會被喚。且試入蘭房。○樂府詩集五十。詩紀九十八。

昭君怨

文苑云。一作明君詞。

圖形漢宮裏。遙聘單于庭。狼山聚雲暗。龍沙飛雪輕。笳吟度隴咽。笛轉出關鳴。啼妝寒文苑作寒。葉下。愁眉塞月文苑作初月愁眉。注云。一作愁眉初生月。案當作愁眉初月生。生。只餘馬上曲。猶作別時聲。○文苑英華二百四。樂府詩集五十九。詩紀九十八。

朱鷺

參差蒲未齊。沈漾若樂府作苦。浮綠。朱鷺戲蘋藻。徘徊流樂府作留。注。一作流。澗曲。澗曲多巖樹。逶迤復斷續。振振雖以明。湯湯今又矚。○樂府詩集十六。詩紀九十八。

巫山高

巫山巫峽深。峭壁聳春林。風巖朝蕊落。霧嶺晚猿吟。雲來足薦枕。雨過非感琴。仙姬將夜月。度影自浮沈。
○樂府詩集十七。詩紀九十八。

有所思

選詩拾遺作望遠。三首

蕩子好蘭期。留人獨自思。落花同淚臉。初月似愁眉。階前看草蔓。樂府作蔓。牕中對網絲。不言千里別。樂府作望。詩紀云。一作望。復是三春時。○樂府詩集十七。詩紀九十八。

杳杳與人期。遙遙有所思。山川千里間。風月兩邊時。相對樂府作待。春那劇。相望景樂府作近。偏遲。當由分別久。夢來還自疑。○同上

佳人在北燕。相望渭橋邊。團團落日樹。耿耿曙河天。愁多明月下。淚盡鴈行前。別心不可寄。惟餘琴上絃。
○文苑英華二百二。樂府詩集十七。

雉子斑

四野秋原暗。十步啄方前。雉聲風處遠。翅影雲間連。箭射妖姬笑。裘值盛明然。已足南皮賞。復會北宮篇。
○樂府詩集十八。詩紀九十八。

臨高臺

晚景登高臺。迴樂府作迴。望春光來。霧濃山後暗。日落雲傍開。煙裏看鴻小。風來望葉回。臨牕已響吹。極眺且傾杯。○樂府詩集十八。詩紀九十八。

隴頭

隴頭征戍客。寒多不識春。驚風起嘶馬。苦霧雜飛塵。投錢積石水。斂轡交河津。四面夕冰合。萬里望佳人。○樂府詩集二十一。詩紀九十八。

隴頭水二首

塞外飛蓬征。隴頭流水鳴。漠處揚沙暗。波中燥葉輕。地風冰易厚。寒深溜轉清。登山一回顧。幽咽動邊情。○樂府詩集二十一。詩紀九十八。

高隴多悲風。寒聲起夜叢。禽飛暗識路。鳥轉逐征蓬。落葉時驚沫。移沙屢擁空。回頭不見望。流水玉門東。○同上

折楊柳二首

楊柳動春情。倡園妾屢驚。人樓含粉色。依風雜管聲。武昌識新種。官渡有殘生。還將出塞曲。仍共詩紀

云。玉臺作仍作。不知何據。胡笳鳴。○樂府詩集二十二。詩紀九十八。

長條黃復綠。垂絲密且繁。花落幽人徑。步隱將軍屯。谷暗宵鉦響。風高夜笛喧。聊持暫攀折。空足憶中園。○同上

關山月二首

秋月上中天。迥詩紀云。一作迴。照關城前。暈缺隨灰滅。光滿應珠圓。帶樹還添桂。銜峯乍似弦。復教征戍客。長怨久連翩。○樂府詩集二十三。詩紀九十八。

戍邊歲月久。恆悲望舒耀。城遙接暈高。澗風連影搖。寒光帶岫徙。冷色含山峭。看時使人憶。爲似嬌娥照。○同上

洛陽道五首

誼譁照邑里。遨遊樂府云。一作遊遊。出洛京。霜枝嫩樂府作嫩。柳發。水塹薄答生。停鞭回去影。駐軸敞前甍。臺上經相識。城下屢逢迎。踟躕還借問。只重未知名。○樂府詩集二十三。詩紀九十八。

日光朝杲杲。照耀東京道。霧帶城樓開。啼侵曙色早。佳麗嬌南陌。香氣含風好。自憐釵上纓。不歎河邊草。○同上

建都開洛汭。中地乃城陽。縱橫肆八達。左右關康莊。銅溝飛柳絮。金谷落花光。忘情伊水側。稅駕河橋

傍。○同上

百尺瞰金埒。九衢通玉堂。柳花塵裏暗。槐色露中光。游俠幽并客。當壚京兆粧。向夕風煙晚。金羈滿洛陽。○同上

青槐夾馳道。御樂府作綠。水映銅溝。遠望凌霄闕。遙看井幹樓。黃金彈俠少。朱輪盛徹侯。桃花雜樂府作離。渡馬。紛披聚陌頭。○樂府詩集二十三。詩紀九十八。○遠案。樂府此篇次唐人鄭渥詩後。與前四篇不爲一組。

長安道

建章通未央。長樂屬明光。大道移甲第。甲第玉爲堂。遊蕩新豐裏。戲馬渭橋傍。當壚晚留客。夜夜苦紅粧。○樂府詩集二十三。詩紀九十八。

梅花落二首

春樂府作金。文苑云。一作金。砌落芳梅。飄零樂府作飄。文苑同。又云。一作零。上鳳臺。拂妝疑粉散。逐溜似萍開。映日光動。迎風香氣來。佳人早插髻。試立且裴徊。○文苑英華二百八。樂府詩集二十四。詩紀九十八。

楊柳春樓邊。車馬飛風煙。連娉烏孫伎。屬客單于氈。鴈聲不見書。蠶絲欲斷弦。欲持塞上葢。試立樂府作落。將軍前。○樂府詩集二十四。詩紀九十八。

紫騮馬二首

嫖姚紫塞歸。蹀躞紅塵飛。玉珂鳴廣路。金絡耀晨輝。文苑作暉。蓋轉時移影。香動屢驚衣。禁門猶未閉。連騎恣文苑作莫。注。一作恣。樂府云。一作莫。相迫。○文苑英華二百九。樂府詩集二十四。詩紀九十八。

蹀躞紫騮馬。照耀白銀鞍。直去黃龍外。斜趨玄菟端。垂韉還細柳。楊塵歸上蘭。紅臉桃花色。客別重羞看。○樂府詩集二十四。詩紀九十八。

雨雪曲

樂府無曲字。

長城飛雪下。邊關地籟吟。濛濛九天暗。霏霏千里深。樹冷月恆少。山霧日偏沈。況聽南歸鴈。切思胡笳音。○樂府詩集二十四。詩紀九十八。

劉生

遊俠長安中。置驛過新豐。繫鐘樂府作鐘。蒲壁磬。鳴弦楊葉弓。孟公正驚客。朱家始賣僮。羞作荆卿笑。捧劍出遼東。○樂府詩集二十四。詩紀九十八。

飲馬長城窟行

征馬入他鄉。山花此夜光。離羣嘶向影。因風屢動香。月色含城暗。秋聲雜塞文苑作色。長。何以酬天樂府作君。子。馬革報疆場。○文苑英華二百九。樂府詩集三十八。詩紀九十八。

舞媚娘三首

樓上多嬌豔。當窗併三五。爭弄遊春陌。相邀開繡戶。轉態結紅裙。含嬌拾翠羽。留賓乍拂絃。託意時移柱。○樂府詩集七十三。詩紀九十八。

淇水變新臺。春墟當夏開。玉面含羞出。金鞍排夜樂府云。一作暗。來。○同上

春日好詩紀云。一作多。樂府作多。注。一作好。風光。尋觀向樂府、詩紀並云。一作戲。市傍。轉身移佩響。牽袖起衣香。○同上○樂府與上淇水篇合爲一首。

估客樂

三江結儔侶。萬里不辭遙。恆隨鷁首舫。屢逐雞鳴潮。○樂府詩集四十八。詩紀九十八。

三洲歌

春江聊一望。細草遍長洲。沙汀時起伏。畫舸屢淹留。○樂府詩集四十八。詩紀九十八。

前有一樽酒行

殿高絲吹滿。日落綺羅鮮。莫論朝漏促。傾卮待夕筵。○樂府詩集六十五。詩紀九十八。

自君之出矣六首

自君之出矣。霜暉當夜明。思君若風影。來去不曾停。○樂府詩集六十九。詩紀九十八。
自君之出矣。房空帷帳輕。思君如晝燭。懷心不見明。○同上
自君之出矣。不分道無情。思君若寒草。零落故心生。○同上
自君之出矣。塵網暗羅帷。思君如落日。無有暫還時。○同上
自君之出矣。綠草遍堦生。思君如夜燭。垂淚著鷄鳴。○同上
自君之出矣。愁顏難復覩。思君如藥條。夜夜只交苦。○同上

歌

隋書曰。禎明初。後主作新歌詞。甚哀怨。令後宮美人習而歌之。其辭曰。

玉樹後庭花。花開不復久。○隋書五行志。御覽五百九十一。詩紀九十八。

歌

南史曰。後主每引賓客。對貴妃等游宴。則使諸貴人及女學士與狎客共賦新詩。選宮女有容色者。令習而歌之。其曲有玉樹後庭、臨春樂等。其略云。

璧月夜夜滿。瓊樹朝朝新。○南史張麗華傳。

玉樹後庭花以下七言。

隋書樂志曰。陳後主於清樂中造黃驪留及玉樹後庭花、金釵兩鬢垂等曲。與幸臣等製其歌詞。綺艷相高。極於輕蕩。男女唱和。其音甚哀。

麗宇芳林對高閣。新粧豔質本傾城。映戶凝嬌乍不進。出帷含態笑相迎。妖姬臉似花含露。玉樹流光照後庭。○樂府詩集七十四。詩紀九十八。

烏棲曲三首

陌頭新花歷亂生。葉裏啼樂府作春。鳥送春情。長安遊俠無數伴。白馬驪珂路中滿。○樂府詩集四十八。詩紀九十八。

金鞍向暝欲相連。玉面俱要來帳前。含態眼語懸相解。翠帶羅裙人爲解。○同上

合歡襦薰百和香。牀中被織兩鴛鴦。烏啼漢沒天應曙。只持懷抱送郎去。○同上

東飛伯勞歌

池側鴛鴦春日鷺。綠珠絳樹相逢迎。誰家佳麗過淇上。翠釵綺袖波中漾。雕軒繡戶花恆發。珠簾玉砌移明月。年時二七猶未笄。轉顧流盼樂府作哂。鬢髻低。風飛蕊落將文苑作時。注云。一作將。詩紀云。一作時。何故。可惜可憐空擲度。○文苑英華二百三。樂府詩集六十八。詩紀九十八。

長相思二首以下雜言。

長相思。久相憶。關山征戍何時極。望風雲。絕音息。上林書不歸。迴紋徒自織。羞將別後面。還似初相識。○樂府詩集六十九。詩紀九十八。

長相思。怨成悲。蝶繁草。樹連絲。庭花飄散飛入帷。帷中看隻影。對鏡斂雙眉。兩見同見。詩紀云。玉臺作望月。兩別共春時。○同上

古曲

桂鉤影。桂枝開。紫綺袖。逐風迴。日明珠。色偏亮。葉盡衫。香更來。○樂府詩集七十七。詩紀九十八。

獨酌謠四首

齊人淳于髡。善爲十酒。偶效之。作獨酌謠。

獨酌謠。獨酌且獨謠。一酌豈陶暑。二酌斷風飈。三酌意不暢。四酌情無聊。五酌孟易覆。六酌權欲調。七酌累心去。八酌高志樂府云。一作德。超。九酌忘物我。十酌忽凌霄。凌霄異羽翼。任致得飄飄。寧學世人醉。揚波去我遙。爾非浮丘伯。安見王子喬。○樂府詩集八十七。詩紀九十八。

獨酌謠。獨酌起中宵。中宵照春月。初花發春朝。春花春月正徘徊。一尊一弦當夜開。聊奏孫登曲。仍斟畢卓杯。羅綺徒紛亂。金翠轉遲回。中心本樂府作更。如水。凝志更樂府作本。同灰。逍遙自可樂。世語世情哉。○同上

獨酌謠。獨酌酒難消。獨酌三兩盃。弄曲兩三調。調弦忽未畢。忽值出房朝。更似遊春苑。還如逢麗譙。衣香逐嬌去。眼語送杯嬌。餘罇盡復益。自得是逍遙。○同上

獨酌謠。獨酌一尊酒。尊酒傾未酌。明月正當牖。是牖非圓甕。吾樂非擊缶。自任物外權。更齊椿菌久。卷舒乃一卷。忘情且十斗。寧復語綺羅。因情卽山藪。○同上

詩

同江僕射遊攝山棲霞寺詩

時宰磻溪心。非關狎竹林。鶯嶽青松繞。鷄峰白日沈。天迴文苑作回。浮雲細。山空明月深。摧殘枯樹影。

零落古藤陰。霜村文苑作月。詩紀云。一作月。夜烏廣弘明集作馬。去。風路文苑作露。詩紀云。一作露。寒猿吟。自悲堪出俗。詎是欲文苑作願。詩紀云。一作願。抽簪。○廣弘明集三十。文苑英華二百三十三。詩紀九十八。

同平南弟元日思歸詩

至德掩羲黃。成功邁禹湯。儀刑元四海。來庭盛萬方。鳴玉觀升降。擊石乃鏗鏘。三春氣色早。九疑煙霧長。浮雲斷更續。輕花落復香。北宮瞻遠岫。南服阻遙江。爾言想伊洛。我思屬瀟湘。○古今歲時雜詠一。詩紀九十八。

立春日汎舟玄圃各賦一字六韻成篇

座有張式、陸瓊、顧野王、謝仲、褚玠、王綏、傅綽、陸瑜、姚察等九人上。

春光反禁苑。煖詩紀作暖。日暖詩紀作暖。源桃。霄煙近漠漠。暗浪遠滔滔。石苔侵綠蘚。岸草發青袍。迴歌逐轉楫。浮冰隨度歲時雜詠作渡。刀。遙看柳色嫩。迴望鳥飛高。自得欣爲樂。忘意若臨濠。○古今歲時雜詠三。詩紀九十八。

獻歲立春光風具美汎舟玄圃各賦六韻詩

座有張式、陸瓊、顧野王、殷謀、陸瑒、岑之敬等六人上。

寒輕條已翠。春初未轉歲時雜詠作轉。禽。野雪明巖曲。山花照迴林。苔色隨水溜。樹影帶風沈。沙長見水

落。歌遙覺浦深。餘輝斜四戶。流風颺八音。既此留連席。道欣放曠。歲時雜詠作廣。心。○古今歲時雜詠三。詩紀九十八。

上巳宴麗暉殿各賦一字十韻詩

芳景滿闌窗。暄光生遠阜。更以登臨趣。還勝袂禊酒。日歲時雜詠作葉。照源上桃。風搖城外柳。斷雲仍合霧。輕霞時映歲時雜詠作照。牖。遠歲時雜詠作野。樹帶山高。嬌鶯含響偶。一峯遙落日。數花飛映綬。度鳥或遛檐。飄絲屢薄藪。言志遞爲樂。置觴方薦壽。文學且歲時雜詠作具。冽筵。羅綺令陳後。干戈幸勿用。寧須勞馬首。○古今歲時雜詠十六。詩紀九十八。

上巳玄圃宣猷堂禊飲同共八韻詩

綺殿三春晚。玉燭四時平。藤交近浦暗。花照遠林明。百戲堦庭滿。八音弦調清。鶯喧雜管韻。鐘響帶風歲時雜詠作花。生。山高雲氣積。水急溜杯輕。簪纓今盛此。俊乂本多名。帶歲時雜詠作大。才盡壯思。文采發雕英。樂是西園日。歡茲南館情。○古今歲時雜詠十六。詩紀九十八。

春色禊辰盡當曲宴各賦十韻詩

餘春尚芳菲。中園飛桃李。是時乃季月。茲日叶歲時雜詠作協。上巳。既有遊伊洛。可以被溱洧。得性足爲

娛。高堂聊復擬。高堂亦有趣。圖續此芳軌。棲遁稱式驂。善政日馴雉。蘭桂觀往轍。歲時雜詠誤作徹。簪裾躡前趾。啼禽靜或喧。花落低還起。水歲時雜詠作冰。霧遙混雜。山雲遠相似。坐客聽一言。隨吾祛歲時雜詠誤作祛。俗鄙。○古今歲時雜詠十六。詩紀九十八。

被襖汎舟春日玄圃各賦七韻詩

園林多趣賞。被襖樂還尋。春池已渺漫。高枝自從森。日裏絲光動。水中花色沉。安流淺易榜。歲時雜詠作傍。峭壁迥難臨。野鶯添管響。深岫接鏡音。山遠風煙麗。苔輕激浪侵。置酒來英雅。嘉賢良所欽。○古今歲時雜詠十六。詩紀九十八。

上巳玄圃宣猷嘉辰禊酌各賦六韻以次成篇詩

座有張式、陸瓊、顧野王、陸瑒、岑之敬等五人上。

園開簪帶合。亭迥春芳過。鶯度遊絲斷。風駛落花多。峯幽來鳥轉。洲橫擁浪波。歌聲初歲時雜詠作時。出牖。舞影乍侵柯。面玉同釵玉。衣羅異草蘿。既悅弦筒暢。復歡文酒和。○古今歲時雜詠十六。詩紀九十八。

七夕宴宣猷堂各賦一韻詠五物自足爲十并牛女一首五韻物次第用得帳

屏風案唾壺履

座有陸瓊、傅緯、陸瑜、姚察等四人。

錦作明玳牀。黼垂光粉壁。帶日芙蓉照。因吹芳芬拆。歲時雜詠拆作折。帳

織成如續采。琉璃畏風擊。秦宮得絕超。漢座殊斑敵。屏風

已羅七俎滿。兼逢百品易。張陳答贈言。梁室齊眉席。案

蘊仙此還異。掌漏翻非役。侍臣乃執捧。良賓乃投擲。唾壺

賢舍觀穴踵。瓜田覩躡迹。矩步今有儀。用此前嘉客。履○古今歲時雜詠二十五。詩紀九十八。

七夕宴重詠牛女各爲五韻詩

座有劉昉、安遠侯方華、張式、陸瓊、顧野王、褚玠、謝伸、周燮、傅緯、陸

瑜、柳莊、王瑳等十三人上。

明月照高臺。仙駕忽徘徊。雷徙聞車度。霞上見粧開。房移看動馬。斗轉望斟杯。歷色隨星去。髻影雜雲來。更覺今宵短。只歲時雜詠作莫。是。遽日輪催。○古今歲時雜詠二十五。詩紀九十八。

同管記陸琛七夕五韻詩

亭亭秋月明。團團夕露輕。鳳駕今時度。霓騎此宵迎。疏上采霞動。粉外白雲生。故嬌隔分別。新歡起舊情。含笑不終夜。香風空自停。○古今歲時雜詠二十五。詩紀九十八。

同管記陸瑜七夕四韻詩

陸瑜、王瓊等二人上和。

河漢言清淺。相望恨烟宵。雲生劍氣沒。槎還客宿遙。月上仍爲鏡。星連可作橋。唯當有今夕。一夜不迢

迢。○古今歲時雜詠二十五。詩紀九十八。

七夕宴樂脩殿各賦六韻座有張式、陸瓊、褚玠、王瓊、傅緯、陸瑜、姚察七人上。

秋初芰荷殿。寶帳芙蓉開。玉笛隨絃上。金鈿逐照迴。釵光搖玳瑁。柱色輕玫瑰。笑靨人前斂。衣香動處來。非同七襄駕。詎隔一春梅。神仙定不及。寧用流霞杯。○古今歲時雜詠二十五。詩紀九十八。

七夕宴玄圃各賦五韻詩座有顧野王、陸瑒、姚察等四人上。

殿深炎氣少。日落夜風清。月小看針暗。雲開見縷明。絲調聽魚出。吹響聞蟬聲。度更銀燭盡。陶暑玉卮盈。星津雖可望。詎得似人情。○古今歲時雜詠二十五。詩紀九十八。

五言同管記陸瑜九日觀馬射詩

晴朝麗早霜。秋景照堂皇。幹慘風威切。荷雕池望荒。樓高看鴈下。葉散覺山涼。歇霧含空翠。新花濕露黃。飛禽接旆影。度日轉鉞光。連翻北歲時雜詠誤作比。幽騎。馳射西園傍。勒移碼碯色。鞭起珊瑚揚。已同過隙遠。更異良弓藏。且觀千里汗。歲時雜詠誤作汚。仍瞻百步楊。非爲從逸賞。方迫塞外羌。○古今歲時雜詠三十三。詩紀九十八。

五言畫堂良夜履長在節歌管賦詩迺筵命酒十韻成篇

得查、合、答、雜、納、颯、匝、欲、拉、

閣。

季冬初陽始。寒氣尚蕭。歲時雜詠誤作簫。颯。原葉或委低。岫雲時吐欲。雕樹乍疎迴。遠峯自重杳。雲興四山
霾。風動萬籟。歲時雜詠誤作賴。答。肅肅凝霜下。峩峩層冰合。複殿可以娛。於茲多延納。迢迢百尺觀。杳杳
三休閣。前後訓導屏。左右文衛匝。進退簪纓移。縱橫壯思雜。幸矣天地泰。當無范睢拉。○古今歲時雜詠三
十三。詩紀九十八。

初伏七夕已覺微涼既引應徐且命燕趙清風朗月以望七襄之駕置酒陳樂

各賦四韻之篇座有張式、陸瓊、顧野王、傅緯、陸玠等五人上。

廣席多才俊。重合引珠妍。管絃檐外響。羅綺樹中鮮。舉針還向月。上儻歲時雜詠作舞。復依筵。度河將歲
時雜詠作將。殿。相看併是仙。○古今歲時雜詠二十五。詩紀九十八。

晚宴文思殿詩

晚日落餘暉。宵園翠蓋飛。荷影侵池浪。雲色入山扉。螢光息復起。暗鳥去翻歸。樂極未言醉。杯深猶恨
稀。○初學記十四。詩紀九十八。

宴光璧殿詠遙山燈詩

照耀浮輝明。飄飄落燼輕。枝多含樹影。煙上帶珮生。雜桂還如月。依柳更疑星。園中鶴采麗。池上鳧飛驚。○古今歲時雜詠七。詩紀九十八。

三善殿夕望山燈詩

重岫多風煙。華燈此岫邊。涵浦如珠露。彫樹似花鈿。依樓雜度月。帶石影開蓮。既有常滿照。羞與曉星連。○古今歲時雜詠七。詩紀九十八。

入隋侍宴應詔詩

南史曰。後主從隋文帝東巡。登芒山。賦詩。

日月光天德。山河壯帝居。太平無御覽作何。以報。願上東初學記作登。封文苑作方。御覽作封禪。詩紀云。一作萬年。書。○南史陳後主本紀。初學記十四。文苑英華百六十九。御覽百三十四。詩紀九十八。

幸玄武湖餞吳興太守任惠詩

寒雲輕重色。秋水去來波。待我戎衣定。然送大風歌。○文苑英華二百六十六。詩紀九十八。

宴詹事陸繕省詩

禁闥九重中。宴賞三春日。雲收山詩紀作上。樹隱。葉長宮槐密。水詩紀作冰。綠已浮苔。花舒正含實。○初學記十四。詩紀九十八。

聽箏詩雜言

文牕玳瑁影嬋娟。香帷翡翠出神仙。促柱點唇鶯欲語。調弦繫爪鴈相連。秦聲本自楊家解。吳歛那知謝傅憐。祇愁芳夜促。蘭膏無那煎。○詩紀九十八。

附詩紀云。按小說家所載後主楊帝諸詩。辭多不類。其爲後人依託無疑。今別附於此。以備省覽云爾。

戲贈沈后

平陳錄曰。沈后者。望蔡侯君理女也。以張貴妃權寵。動經半年不得御。陳主管御沈后處。暫入卽還。謂后曰。何不見留。贈詩云云。后答云云。○亦見朝野僉載。

留人不留人。不留人也去。此處不留人。自有留人處。○平陳錄。詩紀九十八。

沈后

答後主附

誰言不相憶。見罷倒詩紀云。一作便。成羞。情知不肯住。教遣詩紀云。一作我。若爲留。○同上

陳詩卷五

徐陵

陵。字孝穆。東海郟人。仕梁歷尚書度支郎、上虞令、通直散騎侍郎、鎮西記室參軍、尚書左丞秘書監。陳受禪。爲太府卿、五兵尚書、御史中丞。天康中。遷吏部尚書。宣帝卽位。封建昌縣侯。後主卽位。遷太子少傅。至德元年卒。年七十七。有集三十卷。

樂府

驄馬驅

白馬號文苑云。一作字。龍駒。雕鞍名鏤渠。本集作衢。文苑、樂府同。樂府又云。一作渠。諸兄二千石。小婦字羅敷。倚端輕掃史。文苑作吏。召募擊本集作繫。休屠。塞外多風雪。城中絕詔書。空憶長楸下。連蹠復連蹠。○本集一。文苑英華二百九。樂府詩集二十四。詩紀一百。

中婦織流黃

落花還詩紀云。一作飛。井上。春機當戶前。帶衫行障口。覓釧枕檀詩紀云。一作人壇。邊。數鑷經無亂。新漿緯易

牽。蜘蛛夜伴織。百舌曉驚眠。封用黎陽土。書因計吏船。欲知夫婿處。今督水衡錢。○本集一。樂府詩集三十五。詩紀一百。

出自薊北門行

薊北聊長望。黃昏心獨愁。燕山本集作然。文苑同。又注。一作山。對古刹。代郡隱類聚作倚。文苑云。一作倚。城樓。屢戰橋恆斷。長冰塹文苑作壘。不流。天雲如地樂府作地。陣。漢月帶胡秋。樂府作愁。漬類聚作請。文苑作乞。注。一作請。一作漬。土泥函谷。按類聚作按。本集作接。繩縛涼州。平生燕頰相。會自得。本集作去。文苑同。又注。一作得。封侯。○本集一。類聚四十一。文苑英華百九十八。樂府詩集六十一。詩紀一百。

隴頭水

別塗聳千仞。離川懸百丈。攢荆夏文苑云。一作下。不通。積雪冬文苑云。一作終。難上。枝交隴底暗。石礙波樂府作坡。前響。迴首咸陽中。唯言夢時往。本集作往時夢。文苑同。○本集一。文苑英華百九十八。樂府詩集二十一。詩紀一百。

隴頭水

文鏡秘府云。劉氏云。吳人徐陵。東南之秀。所作文筆。未曾犯聲。唯橫吹云云。亦是通人之弊。案此詩文苑英華作張正見。今兩存之。

隴頭流水急。合璧事類作急水流。水急行。合璧事類作流水急。難度。半入隗囂營。傍侵酒泉路。心交贈寶刀。小婦裁紉素。欲知別家久。戎衣今已故。○文鏡秘府論西卷。又合璧事類別集三作橫笛曲。引首二句。

折楊柳

嫋嫋河堤樹。樂府作柳。依依魏主營。江陵有舊曲。洛下作新聲。妾對長楊苑。君登高柳城。春還應共見。蕩子太無情。○本集一。文苑英華二百八。樂府詩集二十二。詩紀一百。

關山月二首

關山三五月。客子憶秦川。思婦高樓上。當牕應未眠。星旗映疎勒。雲陣上祁連。戰氣今如此。從軍復幾年。○本集一。文苑英華百九十八。樂府詩集二十三。詩紀一百。

月出柳城東。微雲掩復通。蒼茫縈白暈。蕭瑟帶長風。羌兵燒上郡。胡騎獵雲中。將軍擁節起。戰士夜鳴弓。○同上

洛陽道二首

綠柳三春暗。紅塵百戲多。東門向金馬。南陌接銅駝。華文苑作葉。軒翼葆吹。飛蓋響鳴珂。潘郎車欲滿。無奈擲花文苑作如。何。○本集一。文苑英華百九十二。樂府詩集二十三。詩紀一百。

洛陽馳道上。春日起塵埃。濯龍望如霧。本集作水。文苑同。又注。一作霧。樂府云。一作水。河橋渡似雷。聞珂知馬蹀。傍轡本集作幔。見薨開。相看不得語。密意眼中來。○同上

長安道

輦道乘雙闕。英雄被五都。橫橋象天漢。法駕應坤圖。韓康賣良藥。董偃鬻明珠。喧喧擁車騎。非但執金吾。○本集一。文苑英華百九十二。樂府詩集二十三。詩紀一百。

梅花落

對戶一株梅。新花落故栽。本集作屢發材。文苑同。又注。一作落故栽。燕拾還蓮井。風吹上鏡臺。娼家怨文苑作愁。樂府云。一作愁。思妾。樓上獨徘徊。啼看本集作和。文苑同。竹葉錦。簪本集作笑。文苑同。又注。一作簪。樂府作簪。罷未能文苑云。一作成。裁。○本集一。文苑英華二百八。樂府詩集二十四。詩紀一百。

紫騮馬

玉鐙繡纏鬃。金鞍錦覆幪。風驚塵未起。草淺埽猶空。角弓連樂府作穿。文苑云。一作穿。兩兔。珠彈落雙鴻。日斜馳逐罷。連翩還上東。○本集一。文苑英華二百九。樂府詩集二十四。詩紀一百。

劉生

劉生殊倜儻。任俠遍京華。戚里驚鳴笳。平陽吹怨笳。俗儒排左本集作右。氏。新室忌漢本集作是誰。文苑同。家。高才被擯壓。自古共憐嗟。○本集一。文苑英華一百九十六。樂府詩集二十四。詩紀一百。

烏棲曲二首七言

卓女紅妝樂府作粉。注云。一作妝。期此夜。胡姬沽酒誰論價。風流荀令好兒郎。偏能傅粉復薰香。○本集一。樂府詩集四十八。詩紀一百。

繡帳羅帷隱燈燭。一夜千年猶不足。唯憎無賴汝南雞。天河未落猶爭啼。○同上

雜曲

傾城得意已無儔。洞房連閣未消愁。宮中本造鴛鴦殿。爲誰新起文苑云。一作爲起新粧。鳳凰樓。綠黛紅顏兩相發。千嬌百念本集作態。文苑同。情無歇。舞衫迴袖勝春風。歌扇當窗似秋月。碧玉宮妓自翻妍。絳樹新聲最樂府作自。注云。一作最。可憐。張星舊在天河上。從樂府作猶。來張姓本連天。二八年時不憂度。旁邊得寵誰相樂府作應。注云。一作相。妬。立春曆樂府作歷。日自當新。正月春幡底須本集作舊。文苑同。樂府作頭。故。流蘇錦帳挂文苑作桂。香囊。織成羅幌隱燈光。只應私將琥本集作虎。珀枕。暝暝來上珊瑚牀。○本集一。文苑二百一十一。

樂府詩集七十七。詩紀一百。

長相思二首

長相思。望歸難。傳聞奉詔戍皋蘭。本集作更始戍樓蘭。文苑同。又注。一作奉詔戍皋蘭。樂府云。一作傳制戍皋蘭。龍城遠。鴈門寒。愁來瘦轉劇。衣帶自然寬。念君今不見。文苑、樂府並云。一作君今念不見。誰爲抱腰看。○本集一。文苑英華二百二。樂府詩集六十九。詩紀一百。

長相思。好春樂府作奉。節。夢裏恆啼悲不洩。帳中起。牕前髻。樂府作咽。柳絮飛還聚。遊絲斷復結。欲見洛陽花。如君隴頭雪。○樂府詩集六十九。詩紀一百。

詩

同江詹事登宮城南樓詩

元良屬本集作居。初學記字缺。上德。率土被中孚。漢幄朝無初學記作无。怠。周門夕復趨。桓經既受業。賀拜且尊儒。壯志諧風雅。高文會斗樞。鏗鏘叶舞蹈。炤爛等琨瑜。溝水慚雄伯。漳川仰大巫。鮑魚寧人俎。釣鱉匪充厨。叔譽恆詞屈。防年豈濫誅。○本集一。初學記十。詩紀一百。

走筆戲書應令詩

此日乍殷勤。相嫌不如春。今宵花燭淚。非是夜迎人。舞席秋來卷。歌筵無數塵。曾經新代故。那惡故迎新。片月窺花簾。輕寒入錦玉臺新詠作幘。巾。秋來應瘦盡。偏自著腰身。○玉臺新詠八。詩紀一百。

春情詩

風光今日動。雪色故年殘。薄夜類聚作衣。迎新節。當鑪却晚寒。奇本集作故。類聚同。香分細霧。類聚作煙。石炭擣輕紈。竹葉裁衣帶。梅花奠酒盤。年芳袖裏出。春色黛中安。欲知迷下蔡。先將過上蘭。○本集一。類聚十八。詩紀一百。

奉和詠舞詩

詩紀云。簡文有詠舞詩。

十五屬平陽。因來入建章。主家能教舞。城中巧畫玉臺作旦。類聚同。粧。低鬟向綺席。舉袖拂花黃。燭送空迴本集作邊。初學記、文苑同。玉臺作窗邊。影。衫傳篋初學記作合。文苑作鎔。注云。集作鈴。裏香。當由初學記作延。文苑作筵。好留客。故作舞衣長。○玉臺新詠八。本集一。類聚四十三、初學記十五俱作詠舞詩。文苑英華二百十三作舞應令。詩紀一百。

和簡文帝賽漢高帝廟詩

詩紀云。聲偶作徐摛。詩彙作庾肩吾。並誤。

山宮類牛首。漢寢若龍川。玉盃無秋酎。金燈滅夜煙。丹帷迫靈嶽。紺席下羣仙。堂虛類聚作空。沛筑響。釵低戚舞妍。何殊后廟裏。子建作華篇。○本集一作和賽漢高帝廟。類聚七十九。詩紀一百。

山齋詩

桃源驚往客。鶴嶠本集作崔嶠。斷來賓。復有風雲處。蕭條無俗人。山寒本集作寒山。文苑同。微有雪。石路本無塵。竹徑蒙籠本集作朦朧。文苑同。巧。茅齋結構新。燒香披道記。懸鏡厭本集作壓。文苑同。山神。砌水何年溜。簷桐幾度春。雲霞一已絕。寧辨漢將秦。○本集一。文苑英華三百十七。詩紀一百。

詠柑詩詩紀云。藝文、初學並作徐陵詩。劉孝綽集載此。或誤收也。

朱實挺江類聚作荆。初學記同。南。苞品擅珍淑。上林雜嘉樹。江潭類聚作浦。間脩竹。萬室擬封侯。本集作家。類聚、初學記、文苑、韻補同。千株挺荆國。綠葉萋以布。素榮類聚作榮。芬且郁。得陳終宴歡。良垂雲雨育。○本集一作詠甘子。初學記二十八。文苑英華三百二十六作詠甘子。詩紀一百。又類聚八十六引淑、竹、國、郁四韻。韻補五作甘詩。引竹、國二韻。

侍宴詩

園林才有熱。夏淺更勝春。嫩竹猶含粉。初荷未聚塵。承恩豫下席。應阮獨何人。○本集一。類聚三十九。詩紀一百。

奉和山池詩詩紀云。梁簡文有山池詩。

羅浮無定所。鬱島本集作鳥。文苑同。屢遷移。不覺因風雨。何時人後池。樓臺非一勢。臨翫自多奇。雲生對戶石。猿挂人欄本集作欄。文苑同。枝。○本集一。類聚九。文苑英華百六十五。詩紀一百。

山池應令詩

畫舸圖仙獸。飛艫挂采旂。榜人事金本集作輕。文苑同。漿。本集誤作漿。釣女飾本集作理。文苑同。銀鈎。細萍時帶檝。低荷乍入舟。猿啼知谷晚。蟬咽本集、文苑作思。類聚作噎。古通。覺山秋○本集一。類聚九。文苑英華百六十五。詩紀一百。

別毛永嘉詩

願子厲風類聚作清。永嘉縣志同。規。歸來振羽儀。嗟余今老病。此別空長離。白馬君來哭。黃泉我詎知。徒勞脫寶劍。空類聚作恐。永嘉縣志同。本集作畏。文苑同。又注。一作恐。掛隴頭枝。○本集一作別毛尚書。類聚二十九。文苑英華二百六十六作別毛尚書。又注。尚書一作永嘉。永嘉縣志三十三。詩紀一百。

秋日別庾正員詩

征途愁轉旆。連騎慘停鑣。朔氣凌疎木。江風送上潮。青雀離帆遠。朱鷺別路遙。唯有當秋月。夜夜上本

集作止。河橋。○本集一。類聚二十九作張正見。文苑英華二百六十六。詩紀一百。

征虜亭送新安王應令詩

鳳吹臨南浦。神駕饒東平。亭迴漳水乘。旆轉洛濱笙。地凍斑輪響。風嚴羽蓋輕。燒田雲色暗。古樹雪花明。歧路一迴首。流襟動睿情。○本集一。類聚二十九。詩紀一百。

新亭送別應令詩

鳳文苑作風吹臨伊水。時駕出河梁。野燎文苑作老村田黑。江秋岸荻黃。隔城文苑作磯。注云。一作城。聞上鼓。迴舟隱去檣。神襟愛遠別。流睇極清漳。○本集一。類聚二十九。文苑英華二百六十六。詩紀一百。

和王舍人送客未還閨中有望詩

倡人歌吹罷。對鏡覽紅顏。拭粉留花稱。除釵作小鬟。綺燈停不滅。高扉掩未關。良人在何處。光唯見月還。○玉臺新詠八。詩紀一百。

爲羊兗州家人答餉鏡詩

信來贈寶鏡。亭亭似團玉臺作圓。月鏡久自踰明。人久情愈歇。取鏡掛空臺。於今莫復開。不見孤鸞鳥。

香玉臺作亡。魂何處來。○玉臺新詠八。詩紀一百。

詠織婦詩

纖纖運玉指。脉脉正蛾眉。振躡本集作鑷。開交縷。停梭續斷絲。簷前初月照。洞戶朱帷垂。本集作未垂帷。類聚同。詩紀云。一作未垂帷。弄機行掩淚。彌令織素遲。○本集一。類聚六十五。詩紀一百。

內園逐涼

昔有北山北。今余詩紀云。一作來。東海東。納涼高樹下。直坐落花中。狹徑長無跡。茅齋本自空。提琴就竹篠。酌酒勸梧桐。○類聚五。詩紀一百。

鬪雞詩

季子聊爲戲。陳王欲聘才。花冠已衝力。芥爪復驚媒。鬪鳳羞衣錦。雙鸞恥鏡臺。陳倉若有信。爲覓寶雞來。○本集一。類聚九十一。詩紀一百。

詠日華詩

朝暉爛曲池。夕照滿西陂。復有當晝景。江上鑠光儀。時從高浪歇。乍逐細波移。一在雕梁上。詎比扶桑

枝。○本集一作日華。初學記一作日華詩。文苑英華百五十一作日華。詩紀一百。

詠雪詩

瓊林玄圃葉。桂樹日南華。豈若天庭瑞。輕雪帶風斜。三晨本集作晨。喜盈尺。六出儻崇花。本集作華。文苑同。明朝闕門外。應見海神車。○本集一。類聚二。文苑英華百五十四。詩紀一百。

春日詩

岸煙起暮色。岸水帶斜暉。逕狹橫枝度。簾搖驚燕飛。落花承步履。流澗寫行衣。何殊九枝蓋。本集作盡。薄暮洞庭歸。○本集一。類聚三。詩紀一百。

奉和簡文帝山齋詩

架嶺承金闕。飛橋對石梁。竹密山齋冷。荷開水殿香。山花臨舞席。冰影照歌牀。○本集一。類聚六十四。詩紀一百。

傅綽

綽。字宜事。北地靈州人。仕陳歷撰史學士、記室參軍。後主卽位。遷秘書監、右衛將軍、兼中書通事

舍人。後死獄中。有集十卷。

採桑

羅敷試採桑。出人城南傍。綺裙文苑作裙裾。注云。一作綺裙。映珠珥。絲繩文苑作籠。注云。一作繩。提玉筐。度身攀
葉聚。聳腕及枝長。空勞使君問。自有侍中郎。○文苑英華二百八。樂府詩集二十八。詩紀百六。

走馬引

詩紀作天馬引。

聽色文苑作馬。表連錢。出冀復來燕。取用偏開地。爲歌乃號天。權奇意欲遠。躩蹀勢難前。本珍白玉鐙。因
飾黃金鞭。願酬芻秣寵。千里得千年。○文苑英華二百九。樂府詩集五十八。詩紀百六。

雜曲

詩紀云。江總、徐陵同賦。

新人新寵住蘭堂。翠帳金屏玳瑁牀。詩紀云。玉臺作梁。叢星不似文苑作如。樂府同。珠簾色。度月還如樂府云。一作
似。文苑作同。詩紀云。一作同。粉壁光。從來著名推趙子。復有丹脣發皓齒。一嬌一態本難逢。如畫如花定相
似。樓臺宛轉曲皆通。弦管逶迤徹下風。此殿笑語長相共。文苑、樂府作恒長共。詩紀云。一作恒長共。傍省歡娛
不復同。訝許人情太厚薄。分恩賦念能斟酌。多作繡被爲鴛鴦。文苑作雙鴛。注云。一作鴛鴦。詩紀云。一作雙鴛。長
弄綺琴憎別鶴。人今投寵要須堅。會使歲寒恆度前。共取辰星作心抱。無轉無移千萬年。○文苑英華二百十

一。樂府詩集七十七。

孔奐

奐。字休文。會稽山陰人。初仕梁。爲尚書儀曹侍郎。陳受禪。累遷晉陵太守。文帝卽位。徵爲御史中丞。至德元年卒。年七十。有集十五卷。

賦得名都一何綺詩

京洛信名都。佳麗擬蓬壺。九華彫玳瑁。百福上椒塗。黃金絡駿裏。蓮花裝鹿盧。咸言儀服盛。無初學記作全。勝執金吾。○類聚二十一。初學記二十四。詩紀百一。

孔魚

魚。字伯魚。陳太子舍人。

和六府詩

金門朱軌躅。吾子盛簪裾。木舌無時用。萍流復在余。水鄉訪松石。蘭澤侶樵漁。火洲方可至。地肺卽爲居。土牛自知止。貞心達毀譽。穀稼有時隙。乘植望白榆。○類聚五十六。詩紀百一。

陸瓊

瓊。字伯玉。吳郡吳人。梁給事黃門侍郎雲公子。永定中。州舉秀才。歷尚書外兵郎、殿中郎、新安王文學、太子庶子、通事舍人、給事黃門侍郎。轉太子中庶子。後主卽位。爲度支尚書。遷吏部尚書。至德四年卒。有集二十卷。

關山月

邊城與明月。俱在關山頭。焚烽望別壘。擊斗宿危樓。團團婕妤扇。纖纖秦女鈎。鄉園誰共此。愁人屢益愁。○文苑英華百九十八。樂府詩集二十三。詩紀百一

梁南吟

臨淄佳麗地。年少文苑作少小。習名倡。似笑脣朱動。非愁眉翠揚。文苑誤作楊。掩抑文苑誤作柳。隨竿文苑作竿。樂府同。轉。和柔會瑟張。輕扇屢迴指。飛塵亟繞梁。寄言諸葛相。此曲作難忘。○文苑英華二百七。樂府詩集四十一。詩紀百一。

還臺樂詩紀云。一作陸機。題云飲酒樂。

蒲萄四時芳醇。瑠璃千鍾舊賓。夜飲舞遲銷燭。朝醒絃促催人。春風秋月恒好。驪醉日月言新。○樂府詩集七十七。詩紀百一。

長相思

長相思。久文苑作遠。離別。一罷鴛文綺薦文苑作鴛矢絕。注云。一作一罷鴛文綺薦絕。絕。鴻已文苑作始。注云。一作已。去。柳堪結。室冷鏡疑文苑作凝。冰。庭幽花似雪。容貌朝朝改。文苑作春春滅。注云。一作朝朝改。書字看看文苑作朝朝。注云。一作看看。滅。○文苑英華二百二。樂府詩集六十九。詩紀百一。

和張湖熟電詩

惟徵初學記作微。誤。動羽。惟陰脅陽。雨水初學記。御覽作冰。作沴。御覽作冷。凝氣爲祥。○初學記二。御覽十四。詩紀百一。

玄圃宴各詠一物須箏詩

三五初學記作五玉。併時年。二八共來前。今逢泗濱樹。定減琴中絃。鶴別霜初緊。烏文苑作鳥。注云。一作鳥。啼

月正懸。○初學記十六。文苑英華二百十二。詩紀百一。

陸瑜

瑜。字幹玉。瓊之從父弟。仕陳累官太子洗馬、中舍人。與兄琰並以才學仕東宮。時人比之二應。有集二卷。

仙人攬六箸篇

詩紀云。曹子建仙人篇。仙人攬六箸。對博泰山隅。

九仙會歡賞。六著升菴詩話作博。且娛神。戲谷聞餘地。銘山憶舊秦。避敵情思巧。論兵勢重新。問取南皮夕。還笑拂某人。○樂府詩集六十四作齊陸瑜。升菴詩話。詩紀百一。

東飛伯勞歌

西王青鳥秦女鸞。姮娥婺女慣相看。誰家玉顏窺上路。粉色衣香雜風度。九重樓檻芙蓉華。四鄰照鏡菱菱花。新妝年幾纔三五。隱幔藏羞臨網戶。然香氣歇不飛煙。空留可憐年一年。○樂府詩集六十八。詩紀百一。

獨酌謠

獨酌謠。芳氣饒。一傾蕩神慮。再酌動神飈。忽逢鳳樓下。非待鸞弦招。牕明影乘人。人來香逆飄。杯隨轉態盡。釧逐畫杯搖。桂宮非蜀郡。當墟也至宵。○樂府詩集八十六。詩紀百一。

陳詩卷六

陳昭

昭。義興國山人。慶之子。慶之在梁以軍功封永興侯。卒。昭嗣位。

明君詞詩紀云。陰鏗集亦載此詩。今從樂府作陳昭。藝文又作陳明。疑即昭也。

跨鞍今永訣。垂淚陰集作涕。類聚同。別親賓。漢地隨行盡。樂府作行將遠。胡關逐望新。交河擁塞陰集作寒。文苑同。霧。文苑云。一作露。樂府作路。隴日陰集作首。樂府同。文苑云。一作首。暗沙塵。唯有孤明月。猶能遠送陰集作送遠。文苑同。又注。一作遠送。人。○陰常侍集作昭君怨。類聚三十作陳明昭君詞。文苑英華二百四作陰鏗昭君怨。注云。一作東昭。樂府詩集二十九。詩紀百六。

聘齊經孟嘗君墓詩

薛城觀舊跡。征馬屢徘徊。盛德今何在。唯餘長夜臺。蒼茫空壘路。顛頽古松栽。悲隨白楊起。淚想雍門來。泉戶無關吏。鷄鳴誰為開。○文苑英華三百六。詩紀百六。

陳暄

暄。昭弟。後主在東宮。引爲學士。及卽位。任爲通直散騎常侍。爲後主侮虐悸死。

洛陽道

洛陽九逵樂府作達。注云。一作逵。詩紀云。一作衢。上。文苑云。一作衢上。羅綺四時春。路傍避驄馬。車中看玉人。鎮西歌艷曲。臨淄逢麗神。欲知雙璧價。潘夏正連茵。○文苑英華百九十二。樂府詩集二十三。詩紀百六。

長安道

長安開繡陌。三條向綺門。張敞車單馬。韓嫣乘副軒。寵深來借殿。功多競置文苑。樂府作買。園。將軍夜夜返。弦歌著曙暄。○文苑英華百九十三。樂府詩集二十三。詩紀百六。

紫騮馬

天馬汗如紅。鳴鞭文苑作鞍。度九嶼。飲傷城下凍。嘶依北地風。笳文苑作篋。注云。一作笳。按笳、篋古通。寒芳樹歇。笛怨柳枝空。橫行意未已。羞住樂府作往。注云。一作住。文苑云。一作在。轂車中。○文苑英華二百九。樂府詩集二十四。詩紀百六。

雨雪曲

都尉出祁連。雨雪滿雞田。雕陵持抵鵲。屬國用和氈。冰合軍應渡。文苑作度。樓寒烽未然。文苑作燔。注云。一作燃。花迷差文苑作槎。未著。疎勒復經年。○文苑英華百九十三。樂府詩集二十四。詩紀百六。

祖孫登

登。仕陳爲記室。侯安都引以爲客。

紫騮馬

候騎指類聚作栢。樂府作陌。俱誤。樓蘭。長城迥。文苑作向。注云。一作迥。路難。嘶從風處斷。骨住水中寒。飛塵暗金勒。落淚灑銀鞍。抽鞭上關路。誰念客衣單。○類聚九十三作賦得紫騮馬詩。文苑英華二百九作蘇子卿。樂府詩集二十四。詩紀百六。

宮殿名登高臺詩

獨有相思意。聊敞鳳皇臺。蓮披文苑云。集作枝。香稍上。月類聚作日。明光正來。離鶴文苑作鶴。詩紀云。一作鶴。將雲散。飛花似雪迴。遙思竹。初學記誤作休。林友。前窗夜夜開。○類聚六十二。初學記二十四。文苑英華三百十三作官殿石。

登臺。詩紀百六。

賦得司馬相如詩

雍容文雅深。王吉共追尋。當墟應酌酒。託意且彈琴。上林能作賦。長門得賜金。唯當有漢主。知懷封禪心。○類聚五十五。詩紀百六。

詠風詩

飄颻萬花谷。作颺漾。楚王宮。徘徊繞竹叢。帶葉俱吟樹。將花共儻空。飄香雙袖裏。亂曲五弦中。試上高臺萬花谷。作樓。聽。悲響定無窮。○類聚一。初學記一。文苑英華百五十六。萬花谷二作祖孫登詩。詩紀百六。

詠水詩

驪泉類聚作龍川。紫闕映。詩紀云。一作龍川紫闕映。珠浦碧沙沈。文苑作連。岸闊蓮香遠。流清雲影深。風潭如拂鏡。山溜似調琴。請君看皎潔。知有淡然心。○類聚八。初學記六。文苑英華百六十三作釋惠標。詩紀百六。

詠柳詩

馳道藏烏日。鬱鬱正翻風。抽翠爭連影。飛綿亂上空。高葉臨胡塞。長枝拂漢宮。欲驗傷攀折。三春橫笛

中。○類聚八十九。詩紀百六。

賦得涉江採芙蓉詩

詩紀云。古詩。涉江採芙蓉。蘭澤多芳草。

浮照滿川漲。芙蓉承落光。人來間花影。衣渡得荷香。桂舟輕不定。菱歌引更長。採採嗟離別。無暇緝爲裳。○類聚八十二。詩紀百六。

蓮調詩

長川落照日。深浦漾清風。弱柳垂江翠。新蓮夾岸紅。船行疑汎迴。月映似沈空。願逐琴高戲。乘魚入浪中。○初學記六。文苑英華百六十三作釋惠標詠水。詩紀百六。

詠城塹中荷詩

白水麗金扉。類聚誤作肩。青荷承日暉。葉似環城蓋。香亂上橋衣。岸高知水落。影合見菱稀。猶疑涉江處。空望採蓮歸。○類聚八十二。詩紀百六。

劉刪

刪。仕陳爲長史。侯安都爲侍中大將軍。引以爲客。

泛宮亭湖詩

荊州記云。宮亭湖廟神能使湖中分。風而帆南北。

迴艫寰字記作流。乘初學記作承。派水。舉帆永樂大典作棹。逐分風。混漾疑無際。飄颺類聚作揚。永樂大典同。初學記作飄。文苑同。似度永樂大典作渡。空。檣烏排鳥路。船影沒河宮。孤石滄波裏。匡永樂大典作岸。誤。山苦初學記作若。永樂大典作古。霧中。寄謝類聚作言。永樂大典同。千金子。安知萬里蓬。永樂大典作逢。○類聚九。初學記七。文苑英華百六十三。永樂大典六千七百。詩紀百六。

賦得蘇武詩

奉使窮沙漠。攷詩紀作收。淚上河梁。食雪天山近。思歸海路長。繫書秋待鴈。握節暮看羊。因思李都尉。還漢不相忘。○類聚五十五。詩紀百六。

採藥遊名山詩

詩紀云。郭璞遊仙詩。採藥遊名山。將以救年頹。

名山本鬱盤。道士貴黃冠。獨馭千年鶴。來尋五色丸。石牀新溜乳。金竈欲成丹。定知無二價。非復在長安。○類聚八十一。詩紀百六。

侯司空宅詠妓詩

詩紀云。陰鏗同賦。

石家金谷妓。粧罷出蘭閨。看花只類聚作爭。欲笑。聞瑟不勝類聚作似能。啼。山邊歌落日。池上舞前溪。將人當桃李。何類聚作無。處不成蹊。○類聚四十二作侯司空第山園妓詩。初學記十五。文苑英華二百十三。詩紀百六。

賦松上輕蘿詩

葉繞千年蓋。條依百尺枝。屬與松風動。時將薜影垂。學帶非難結。爲衣或易披。山阿類聚作河。若近遠。獨有類聚作自。楚人知。○類聚八十一。詩紀百六。

賦得馬詩

獨飲臨寒窟。離羣思北風。陳王欲觀舞。御史自隨聰。邊聲隕客淚。果下益桃紅。恆持沛艾影。解向平陵東。○類聚九十三。文苑英華三百三十。詩紀百六。

賦得獨鶴凌雲去詩

孤鳴思滄海。矯翮避虞機。怨別悽琴曲。凌風散舞衣。五里雖迴顧。千年會欲歸。寄語雷門鼓。無復一雙飛。○類聚九十作劉那。詩紀百六。

詠青草詩

雨沐詩紀作淋。三春葉。風傳十步香。映袍憐色重。臨書喜帶長。○類聚八十一。詩紀百六。

詠蟬詩

聲流上林苑。影入守類聚作侍。臣冠。得飲玄天露。何辭高柳寒。○類聚九十七。詩紀百六。

登廬山詩

野煙出爐上。山花落鏡前。危梁取或作耿。大壑。瀑布桂當作挂。又或作曳。中天。秦始眺宇宙。漢武上旌旃。結廬分往籍。留艣映遐年。原注。未見全篇。○廬山記四。又卷二作劉刪詩。引天一韻。

岑之敬

之敬。字思禮。南陽人。梁時對策擢高第。累遷晉安王中記室。陳太建初。授東宮學士。轉南臺侍御史。征南府諮議參軍。太建十一年卒。年六十一。

折楊柳

將軍始見知。細柳繞營垂。懸絲拂城轉。飛絮上宮吹。塞門交度葉。谷口暗橫樂。府作還。枝。曲成文苑作城。樂府同。攀折處。唯言怨別離。○文苑英華二百八、樂府詩集二十二並作岑敬之。詩紀百六。

洛陽道

喧喧洛水文苑作川。注云。一作水。濱。鬱鬱小平津。路傍桃李節。陌上採桑春。聚車看衛玠。連手望安仁。復有能留客。莫愁嬌態新。○文苑英華百九十二、樂府詩集二十三並作岑敬之。詩紀百六。

對酒

色映臨池竹。香浮滿砌蘭。舒文泛玉盃。漾蟻溢金盤。簫曲隨鸞易。笳聲出塞難。唯有將軍酒。川上可除寒。○文苑英華百九十五作岑敬之。樂府詩集二十七。詩紀百六。

烏棲曲

驄馬直去沒浮雲。河渡冰開兩岸分。烏樂府作烏。藏日暗行人息。空棲隻影長相憶。明月二八照花新。當壚

十五晚留賓。○樂府詩集四十八。詩紀百六。

褚玠

玠。字溫理。河南陽翟人。起家王府法曹。爲山陰令。太建十二年。遷御史中丞。卒于官。年五十二。有集十卷。

鬪雞東郊道詩

詩紀云。曹子建名都篇曰。鬪雞東郊道。走馬長楸間。

春郊鬪雞侶。捧敵兩逢迎。妬初學記作詭。文苑、詩紀云。一作詭。羣排袖出。帶勇向場驚。錦毛侵距散。芥羽雜塵生。還同戰勝罷。耿介寄前鳴。○初學記三十。文苑英華二百六作褚珍。苑詩類選十四。詩紀百六。

謝燮

燮。太建十二年所司薦爲吏部侍郎。

隴頭水

隴阪望咸陽。征人慘思腸。咽流喧斷岸。遊沫聚飛梁。鳧分斂冰彩。虹飲照旗光。試聽鑿歌曲。唯吟君馬

黃。○文苑英華百九十八。樂府詩集二十一。詩紀百六。

雨雪曲

朔邊昔離別。寒風復淒切。峩峩六尺冰。飄飄千里雪。未塞文苑作深閉。注云。一作未塞。袁安戶。行封蘇武節。應文苑作用。注云。一作應。隨隴水流。幾過文苑作迴。注云。一作過。空文苑作疑。樂府云。一作疑。嗚咽。○文苑英華百九十三。樂府詩集二十四。詩紀百六。

明月子

杪秋之遙夜。明月照高樓。登樓一迴望。望見東樂府。詩紀並云。一作南。陌頭。故人眇千里。言別歷九秋。相思不相見。望望空離憂。○樂府詩集六十五。詩紀百六。

方諸曲

望仙室。仰雲光。繩河裏。扇月傍。井公能六著。玉女善投壺。瓊醴和金液。還將天地俱。○樂府詩集五十一。詩紀百六。

早梅詩

迎春故早發。獨自不疑寒。畏落衆花後。無人別意看。○類聚八十六。詩紀百六。

蕭詮

詮。仕陳爲黃門郎。

巫山高

巫山映巫峽。高高殊未窮。猿聲不辨處。雨色詎分空。懸崖下桂月。文苑作影。注云。一作月。深澗響松風。別有仙雲起。時向楚王宮。○文苑英華二百一。樂府詩集十七。詩紀百六。

賦得往往孤山映詩

青山照落暉。映遠望連飛。仙峯看玉筍。關路視金微。鼓吹聲疑盡。香爐煙覺稀。共君臨水別。勞此送將歸。○初學記五。文苑英華百六十。詩紀百六。

詠銜泥雙燕詩

銜泥金屋外。表瑞玉筐中。學飛疑漢妾。巢幕憚吳宮。爪截還猶短。窠成新尚空。詎並零陵石。飛舞逐春風。○類聚九十二。文苑英華三百二十九作啣泥雙燕。詩紀百六。

賦得夜猿啼詩

桂月影才通。猿啼迴類聚作鳴迴。人風。隔巖還嘯侶。臨潭自響空。掛類聚作桂。藤疑欲初學記作取。飲。吟枝似避弓。別有三聲淚。霑裳竟不窮。○類聚九十五。初學記二十九作夜猿啼。文苑英華三百三十作蕭玲詠夜猿啼。詩紀百六。

賦得婀娜當軒織詩

東南初日照秦樓。西北織婦正嬌羞。綺窗猶垂翡翠幌。珠簾半上珊瑚鉤。新粧入機映春牖。弄杼鳴梭挑織手。何曾織素讓新人。不掩流蘇推中婦。三日五匹未言遲。衫長腕弱繞輕絲。綾中轉躡成離鵠。錦上迴文作別詩。不惜紈詩紀作繞。素同霜雪。更傷秋扇篋中辭。○類聚六十五。詩紀百六。

賀徹

徹。仕陳爲左民郎。

採桑

蠶妾出房櫺。結伴類花叢。度水春衫綠。映日晚妝紅。釧聲時動樹。衣香自人風。鈎長嫩樂府作從。枝曲。葉盡細條空。競採須盈手。爭歸欲滿籠。自憐公府步。誰與少年同。○樂府詩集二十八。詩紀百六。

賦得長笛吐清氣詩

詩紀云。魏文帝善哉行。悲絃激清聲。長笛吐清氣。

胡關氛霧侵。羌笛吐清音。韻切山陽曲。聲悲隴上吟。柳折文苑誤作折。城邊樹。梅舒嶺外林。方知出塞虜。不憚武溪深。○初學記十六。文苑英華二百十二。詩紀百六。

賦得爲我彈鳴琴詩

薄暮高堂上。調琴召美人。伯喈聲未盡。相如曲復新。點徽還轉弄。亂爪更留賓。聊持一弦響。雜起豔歌塵。○類聚四十四作賀澈。詩紀百六。

賀循

循。仕陳爲比部郎。

賦得夾池脩竹詩

綠竹影參差。葳蕤文苑作嫵媚帶曲池。逢秋葉不落。經寒色詎移。來風韻初學記誤作顛晚逕。集鳳動春枝。所欣高蹈初學記作節。文苑同客。未文苑作來待伶倫吹。○類聚八十九。初學記二十八及文苑英華三百二十五作賀脩賦得夾池

竹。詩紀百六。

賦得庭中有奇樹詩

詩紀云。古詩。庭中有奇樹。綠葉發華滋。

三春節物始芳菲。遊絲細草動春暉。香風飄舞花間度。好鳥和鳴枝上飛。臨池間竹偏增綠。依階映雪紛
類聚作遠。如玉。溫室庭前竟不言。鼓吹樓中能作曲。曾聞遠別舊難思。攀折會取贈佳期。長條本自堪爲
帶。密葉由來好作帷。星稀漢轉月輪明。徘徊夜鵲屢相驚。欲識幽人蘭杜逕。山窗芳桂復叢生。○類聚八
十八。詩紀百六。

李爽

爽。仕陳爲中記室。

賦得芳樹詩

芳樹千株發。搖蕩三陽時。氣軟來風易。枝繁度鳥遲。春至花如錦。夏近葉成帷。欲寄邊城客。路遠詎。樂
府作誰。能持。樂府云。一作路遠詎難持。○類聚八十八。樂府詩集十七作芳樹。詩紀百六。

山家閨怨詩

山中多早梅。荆扉達曙開。竹巾君自折。荷衣誰爲裁。行雲無處所。人住在陽臺。○類聚三十三。詩紀百六。

蕭賁

賁。字文免。齊竟陵王子良之孫。起家梁湘東王法曹參軍。仕陳。官職不明。

長安道

前登灞陵道。類聚作岸。文苑同。還瞻渭水流。城形類北類聚作南。斗。橋勢似牽牛。飛軒駕類聚作與。良駟。寶劍雜輕裘。經過狹斜里。類聚、樂府作裏。文苑、詩紀云。一作裏。日暮與類聚作且。詩紀云。一作且。淹留。○類聚四十二作梁元帝長安路。文苑英華百九十二。樂府詩集二十三。詩紀百六。

何胥

胥。後主時爲太常令。採宮中豔詩被之管絃。以爲新曲。

被使出關詩。詩紀云。詩彙作庾肩吾者非。

出關登隴坂。迴首望文苑作問。秦川。絳水通西晉。機橋指北燕。奔流下激石。古木上參天。鶯啼落春後。鴈

度在秋前。平生文苑作生平。屢此別。腸斷自催年。○文苑英華二百九十六。詩紀百六。

賦得待詔金馬門詩

漢家一統軌。濟濟萬國朝。飛纓拂曉霧。輕輦逐晨飈。槐衢映綠絨。初學記作緞。日彩麗金貂。此時參待詔。誰復想漁樵。○初學記二十四。詩紀百六。

傷章詩紀云。章字上疑有闕文。公大將軍詩

百文苑誤作日。萬橫行罷。三千白日新。短簫應出塞。長笛反驚鄰。槐庭慘芳樹。舞閣思陽春。所悲金谷妓。坐望玉關人。○文苑英華三百二。詩紀百六。

哭陳昭詩

思人適舊館。寂寞非一源。文苑作原。無復酣歌樂。空餘燕雀喧。落暉隱窮巷。秋風生故園。撫孤空對此。零淚欲奚言。○文苑英華三百二。詩紀百六。

陽縉

縉。陳中書舍人。以辭學知名。陳亡。自江左徙關中。

賦得荆軻詩

函關使樂府作路。不通。燕將重深功。長虹貫白日。易水急寒風。壯髮危冠下。匕首地圖中。琴聲不可識。遺恨沒秦宮。○類聚五十五。樂府詩集五十八作陽縉荆軻歌。詩紀百七。

照帙秋螢詩

秋窗餘照盡。人暗早螢來。忽聚還同色。恆然類聚作燃。詎落灰。飛影黃金散。依帷縹帙開。含明終類聚作自。詩紀云。律祖作自。不息。夜月空徘徊。○類聚九十七。文苑英華三百二十九。詩紀百七。

俠客控絕影詩

詩紀云。陸士衡擬古詩曰。俠客控絕景。都人驂玉軒。

青門小苑物華新。花開鳥弄會芳春。仙掌層臺浮麗日。長楸廣文苑作橫。路起紅塵。園中追尋桃李徑。陌上逢迎遊俠人。遊俠英名馳上國。人馬意氣俱相得。白玉鹿盧文苑作轆轤。秋水劍。青絲宛轉黃金勒。復有魚目並龍文。躡影追風本絕羣。影人吳門疑曳練。形來西北似浮雲。寄語幽并馳射客。未肯推門類聚作名。文苑同。詩紀云。一作名。持借君。○類聚三十三。文苑英華百九十六。詩紀百七。

陽慎

從駕祀麓山廟詩

聖德憂民暇。麾旆謁山靈。畫航汎北渚。文馬侍東平。春浦戈鋌照。寒林鏡吹鳴。依稀長安驛。文苑作舞。蕭條都尉城。井泉能共動。江帆得分行。窗幽細網合。堦靜文苑作淨。落花明。欄類聚作簷。古通。巢始人燕。軒樹已遷鶯。菲菲蘭俎馥。淡淡桂樽清。銀塘類聚作堂。日影盡。文苑誤作畫。玉座舞衣輕。○類聚三十八。文苑英華三百二十作楊慎。詩紀百七。

蔡凝

凝。字子居。濟陽考城人。天嘉中。尚主拜駙馬都尉、給事黃門侍郎。後主時。遷晉熙王長史。禎明三年。陳亡。入隋。道病卒。年四十七。

賦得處處春雲生詩

詩紀云。謝朓和劉西曹望海臺詩曰。往往孤山映。處處春雲生。

春色遍空明。春雲處處生。人風衣暫斂。隨車蓋轉輕。作葉還依樹。爲樓欲近城。含愁上對影。似有別離

情。○初學記一。詩紀百六。

蔡君知

君知。疑子。頗知名。

君馬黃

君馬經樂府作徑。文苑云。一作徑。西極。臣馬出東方。策舉樂府作足策。文苑云。一作足策。浮雲影。珂連明月光。水凍恆傷骨。蹄寒爲踐霜。躊躇嗟伏櫪。空想欲從良。○文苑英華二百九。樂府詩集十七作蔡知君。詩紀百六。

阮卓

卓。陳留尉氏人。仕陳爲新安王府記室。累遷德教殿學士。聘隋還。除南海王府諮議參軍。禎明三年入隋。行至江州卒。年五十九。

關山月

關山陵漢開。霜月正文苑云。一作自。徘徊。映林如璧碎。侵塞似輪摧。楚師隨晦盡。胡兵逐暖來。寒笳將夜鵠。相亂晚聲哀。○文苑英華百九十八。樂府詩集二十三。詩紀百六。

長安道

長安馳道上。鐘鳴文苑作鼓。注云。一作鳴。宮寺開。殘雲銷鳳闕。宿霧斂章臺。騎轉金吾度。車鳴丞相來。藹藹東都晚。羣公騶御回。○文苑英華百九十二。樂府詩集二十三。詩紀百六。

詠魯仲連詩

魯連有高超。意氣本相求。笑罷秦軍却。書成燕將愁。聊棄南金賞。方從滄海遊。寄言人世客。非君能見留。○類聚五十五。詩紀百六。

賦得詠風詩

高風應爽節。搖落漸疎林。吹雲初學記作霜。萬花谷同。旅鴈斷。臨谷曉松吟。屢惜初學記作棄。萬花谷同。涼秋扇。常初學記作恒。萬花谷同。飄清夜琴。泠泠隨列子。彌諧逸豫心。○初學記一。文苑英華百五十六作詠風。萬花谷後二作阮卓詩。詩紀百六。

賦得蓮下游魚詩

春色映澄陂。涵泳文苑作詠。且相隨。未上龍門路。聊戲芙蓉池。觸浪蓮香類聚作看。動。乘流葉影披。相忘自

有樂。莊惠豈能知。○類聚九十六作蓮下游魚詩。文苑英華三百三十。詩紀百六。

賦得黃鵠一遠別詩

詩紀云。蘇武詩。黃鵠一遠別。千里顧徘徊。

霜風秋月映樓明。寡鶴偏棲中夜驚。月下徘徊顧別影。風前悽斷送離聲。離聲一去斷還續。別響時來疎復促。聊看遠客贈綾紋。彌怨閑宵雅琴曲。恆思昔日稻梁恩。理翮整翰上君軒。獨舞輕飛向吳市。孤鳴清唳出雷門。王子吹笙忽相值。自覺飄飄雲裏駛。一舉千里未能歸。惟有田饒解深意。○類聚九十。詩紀百六。

徐孝克

孝克。陵弟。宣帝時爲國子祭酒。陳亡入隋。爲國子博士。

仰同令君攝山棲霞寺山房夜坐六韻詩

戒壇廣弘明集作檀。注云。三本作壇。青石路。靈相紫金峯。影盡廣弘明集作進。注云。明本一作盡。皈依鵠。餐迎守護龍。晨朝宣寶偈。寒夜斂疎鐘。雞蘭靜含握。仁智獨從容。五禪清慮表。七覺蕩心封。願言於此處。攜手屢相逢。○廣弘明集三十。詩紀百五。

仰和令君詩

上宰明四空。迴車八道中。洞涼容麥氣。巖光對月宮。香來詎經火。花散不隨風。澗松無異聒。禪桂兩分叢。虛薄誠爲累。何因偶會同。慙此乖山北。猶可向牆東。○廣弘明集三十。詩紀百五。

潘徽

徽。字伯彥。吳郡人。爲客館令。陳亡入隋。累遷京兆郡博士。楊玄感甚重之。玄感敗。出爲威定縣主簿。發病卒。

贈北使詩

詩紀云。徽雖入隋。此詩蓋作於陳。故次于此。

業定三邊靜。時和四海敦。行人仍禮籍。使者接轡軒。賓榮君享燕。文苑作客。客文苑作閑。踞我司存。既美齊嬰學。欣逢鄭產言。琴酒時歡會。篇章極討論。迴旌逗隴左。文苑誤作去。返軸指河源。塞榆行隱路。津柳稍垂門。日沈山氣合。潮落水花翻。離情欲寄鳥。別淚不文苑誤作下。因猿。所可緘懷袖。方以代蘭萱。○文苑英華二百九十六。詩紀百六。

韋鼎

鼎。杜陵人。仕梁累遷中書侍郎。陳受禪。拜黃門郎。聘周還。爲太府卿。陳亡入隋。授儀同。除光州刺史。

長安聽百舌詩

萬里風煙異。一鳥忽相驚。那能對遠客。還作故鄉聲。○類聚九十二。文苑英華三百二十九並作陳聘使韋鼎在長安聽百舌詩。詩紀百六。

徐德言

破鏡詩

古今詩話曰。陳太子舍人徐德言。尚叔寶妹樂昌公主。陳政衰。謂妻曰。國破必入權豪家。儻情緣未斷。尚冀相見。乃破一照人。分其半。約他日以正月望日賣於都市。及陳亡。其妻果爲楊越公得之。德言流離辛苦。僅能至京。遂以正月望日訪於都市。有蒼頭賣半照者。大高其價。人皆笑之。德言直引至其居。出半照以合之。仍題詩云云。公主得詩。悲泣不食。素因詰之。公主以實對。於是召德言至。還其妻。後歸江南終老云。

鏡詩紀云。一作照。下同。與人俱去。鏡歸人未本事詩作不。御覽同。歸。無復姮。本事詩作姮。娥影。空留御覽作餘。明月

輝○本事詩一。御覽三十。萬花谷後十五引古今詩話。詩紀百六。

樂昌公主

餞別自解詩

今日何遷次。新官對舊官。笑啼俱不敢。方信本事詩作驗。作人難。○同上

陳詩卷七

江總

總。字總持。濟陽考城人。仕梁歷丹陽佐史、尚書殿中郎、太子洗馬、臨安令、太子中舍人。侯景寇京師。往依廣州。陳天嘉中爲中書侍郎。太建中。遷司徒右長史。授太子中庶子、通直散騎常侍。轉太子詹事。遷太常卿。後主卽位。歷祠部尚書、尚書僕射。授尚書令。不持政務。隨宴後庭。陳亡入隋。開皇十四年卒於江都。年七十六。有集三十卷、後集二卷。

樂府

雉子斑以下五言。

麥蘊新秋來。澤雉屢徘徊。依花似協妬。拂草乍驚媒。三春桃照李。二月柳爭梅。暫住文苑作。往樂府同。如
阜路。當令巧笑開。○文苑英華二百六。樂府詩集十八。詩紀百四。

隴頭水二首

隴頭萬里外。天崖四面絕。人將蓬共轉。水與啼俱咽。驚湍自湧沸。古樹多摧折。傳聞博望侯。苦辛提文苑。
作辛苦持。注云。一作題。漢節。○文苑英華百九十八。樂府詩集二十一。詩紀百四。

霧暗山文苑作川。中日。風驚隴上秋。徒傷幽咽響。不見東西流。無期從此別。更度幾年幽。遙聞玉關道。望人杳悠悠。○同上

折楊柳

萬里音塵文苑作書。絕。千條楊柳結。不悟文苑作誤。注云。一作悞。倡園花。遙同美嶺文苑作故里。注云。一作天嶺。樂府作天嶺。詩紀云。一作天嶺。雪。春心自浩蕩。春樹聊攀折。共此依依情。無奈年年別。○文苑英華二百八。樂府詩集二十二。詩紀百四。

關山月

兔月半輪明。狐關一路平。無期從此別。復欲幾年行。暎光書漢奏。分影照胡兵。流落今如此。長戍受降城。○樂府詩二十三。詩紀百四。

洛陽道二首

德陽穿洛水。伊闕邈河橋。仙舟李膺棹。小馬王戎鑣。杏堂歌吹合。槐路風塵饒。綠珠含淚舞。孫秀彊相邀。○文苑英華百九十二。樂府詩集二十三。詩紀百四。

小平路詩紀云。一作臨。四達。文苑作臨四達。注云。一作路四達。長楸樂府作秋。聽五鐘。樂府作鍾。詩紀同。玉節迎司隸。錦車歸濯龍。弦歌聲不息。環珮響相從。花障蕩舟笑。日暎下山逢。○同上

長安道

翠蓋承輕霧。樂府作露。文苑云。一作露。金羈照落暉。五侯新拜罷。七貴早朝歸。轟轟紫陌上。藹藹紅塵飛。日暮延平文苑作年。注云。一作平。客。風花拂舞衣。○文苑英華百九十二。樂府詩集二十三。詩紀百四。

梅花落二首

縹文苑作標。注云。一作縹。色動風香。羅生枝已長。妖姬墜馬髻。文苑作墮馬髻。未插江南璫。轉袖花紛落。春衣共有芳。文苑云。一作光。羞作秋胡婦。獨採城文苑作江。注云。一作城。南桑。○文苑英華二百八。樂府詩集二十四。詩紀百四。

胡地少春來。三年驚落梅。偏疑粉蝶散。乍似雪花開。可憐香氣歇。可惜風相摧。金鏡文苑作鏡。且莫韻。文苑作願。玉笛幸徘徊。○同上

紫騮馬

春草正萋萋。蕩婦出空文苑作金。樂府云。一作金。閨。識是東方騎。猶帶北風嘶。揚鞭向柳市。細蹀上文苑作下。金堤。願君憐織素。殘妝尚有啼。○文苑英華二百九。樂府詩集二十四。詩紀百四。

驄馬驅

長城兵氣寒。飲馬詎爲難。暫解青絲轡。文苑作繫。行歇鏤衢鞍。白登圍轉急。黃河凍不乾。萬里朝飛電。論功易走丸。○文苑英華二百九。樂府詩集二十四。詩紀百四。

雨雪曲

雨雪隔文苑作阻。榆溪。從軍度隴西。遶陣看狐迹。依山見馬蹄。天寒旗彩壞。地暗鼓聲低。漫漫愁雲樂府作寒。起。蒼蒼別路迷。○文苑英華百九十三。樂府詩集二十四。詩紀百四。

劉生

詩紀云。外編作王由禮。題云贈俠侶。

劉生負意氣。長肅且文苑作共。徘徊。高詩紀云。一作辯。論明秋水。命賞陟春臺。干戈倜儻用。筆硯縱橫才。置驛無年限。遊文苑作流。俠四方來。○文苑英華百九十六。樂府詩集二十四。詩紀百四。

婦病行

窈窕懷貞室。風流挾琴婦。唯將角枕卧。自影啼妝久。羞開翡翠帷。嬾對蒲萄酒。深悲在縑素。託意忘箕箒。夫壻府中趨。誰能大垂手。○樂府詩集三十八。詩紀百四。

置酒高殿上

三清傳旨酒。柏梁奉歡宴。霜雲動玉葉。凍水疎金箭。羽籥響鐘石。流泉灌金殿。盛時不再得。光景馳如電。○類聚三十九作賦得置酒高殿上。樂府詩集三十九。詩紀百四。

今日樂相樂

綺殿文雅道。玳筵歡趣密。鄭態逶迤舞。齊弦窈窕瑟。金罍送縹觴。玉井沈朱實。願此樂府作以。北堂宴。長奉南山日。○樂府詩集三十九。詩紀百四。

簫史曲

弄玉秦家女。簫史仙處童。來時兔月滿。樂府作照。去後鳳樓空。密笑開還歛。浮聲咽更通。相期紅粉色。飛向紫煙中。○樂府詩集五十一。詩紀百四。

燕燕子飛

二月春暉暉。雙燕理毛衣。銜花弄葢靡。拂葉隱芳菲。或在堂間戲。多從幕上飛。若作仙人履。終文苑作應。
向類聚作往。日南歸。○類聚九十二作詠燕燕子飛應詔。文苑英華二百六。樂府詩集七十七。詩紀百四。

濟黃河

詩紀云。六朝聲偶作柳願言者非。

葱山淪外域。樂府作城。鹽澤隱遐方。兩源文苑作京。樂府同。分際遠。九道派流長。未殫所聞見。無待驗詞章。
留連嗟太史。惆悵踐黎陽。導波縈地節。詩紀云。一作脉。疏氣耿天潢。憫周沈樂府缺此字。用寶。嘉晉肇爲梁。
○初學記六。文苑英華百六十三並作渡黃河。樂府詩集七十四。詩紀百四。

橫吹曲

簫聲鳳臺曲。洞吹龍鍾管。鏜鏘漁陽摻。怨抑胡笳斷。○樂府詩集二十五。詩紀百四。

怨詩二首以下七言。

採桑歸路河流深。憶昔相期柏樹林。奈許新縑傷妾意。無由故劍動君心。○樂府詩集四十一。詩紀百四。
新梅嫩柳未障羞。情去恩樂府作思。移那可留。團扇篋中言不分。詩紀云。拾遺作盡。纖腰掌上詎勝愁。○同上

烏棲曲

桃花春水木蘭橈。金羈翠蓋聚河橋。隴西上計應行去。城南美人啼著曙。○樂府詩集四十八。詩紀百四。

芳樹

朝霞映日殊未妍。珊瑚照水定非鮮。千葉芙蓉詎相似。百枝燈花復羞然。暫欲寄根對滄海。大願移華側綺錢。井上桃蟲誰可雜。庭中桂蠹豈見憐。○古詩類苑百二十五。詩紀百四。

東飛伯勞歌

南飛烏鵲北飛鴻。弄玉蘭香時會同。誰家可憐出牕牖。春心百文苑作萬。媚勝楊柳。銀牀金屋掛流蘇。寶鏡玉釵橫珊瑚。年時文苑作今年。注云。一作年時。二八新紅臉。宜笑宜歌羞更斂。風花一去杳文苑作春。不歸。祇文苑作只。爲無雙文苑云。一作雙雙。惜舞衣。○文苑英華二百三。樂府詩集六十八。詩紀百四。

雜曲三首

行行春逕蘼蕪綠。織素那復解琴心。乍愜南階悲綠草。誰堪東陌怨黃金。紅顏素月俱三五。夫婿何在今追詩紀云。集作征。虜。關山隴月春雪冰。文苑作深。注云。一作冰。詩紀云。一作深。誰見人啼花照戶。○文苑英華二百十一。樂府詩集七十七。詩紀百四。

殿內一處起金房。併詩紀云。玉臺作便。勝餘人白玉堂。珊瑚挂鏡臨網戶。芙蓉作帳照雕梁。房櫳宛轉垂翠幕。佳麗逶迤隱珠箔。風前花管颺難留。舞處花鈿低不落。陽臺通夢太非真。洛浦凌波復不新。曲中唯聞張女調。詩紀云。一曲。定有同姓可憐人。但願私情賜斜領。不願傍人相比並。妾門逢春自可榮。君面未樂府誤作朱。秋何意冷。○樂府詩集七十七。詩紀百四。

泰山言應可轉移。新寵不信更參差。合懽錦帶鴛鴦鳥。同心綺袖連理枝。皎皎新秋明月開。早露飛螢暗裏來。鯨燈落花殊未盡。虬水銀箭莫相催。非是神女期河漢。別有仙姬人吹臺。未眠解著同心結。欲醉那堪連理杯。後宮不愜茱萸芳。夜夜爭開蘇合房。寶釵翠鬢還相似。朱脣玉面非一行。新人未語言如澀。新寵無前判不減。願奉更衣蘭麝氣。恐君馬到自驚香。○同上

梅花落

臘月正月早驚春。衆花未發梅花新。可憐類聚作梅花。芬芳臨玉臺。朝攀晚折還復開。長安少徐集作年少。文苑同。又注一作少年。年多輕薄。兩兩共徐集作常。文苑、樂府同。唱梅花落。滿酌金卮徐集作杯。文苑同。又注一作卮。催玉柱。落梅樹下宜歌舞。金谷萬株連綺蔓。梅花密類聚作隱。處藏類聚作隱。嬌鶯。桃李佳人欲相照。摘葉類聚作藥。詩紀云。一作藥。牽花來並笑。楊柳條青樓上輕。梅花色白雪中明。橫笛短簫淒復切。類聚作咽。文苑云。一作噎。誰知柏文苑誤作陌。梁聲不絕。○徐孝穆集一。文苑英華二百八作徐陵。樂府詩集二十四。詩紀百四。又類聚八十六引春、新、臺、開、柱、舞、蔓、鶯、照、笑、輕、明、咽、絕十四韻。

宛轉歌

七樂府作九。夕天河白露明。八月濤水秋。文苑云。一作清。風驚。樓中恆聞哀響曲。徐集作曲響。文苑同。塘上復有辛苦。文苑作苦辛。樂府同。行。不解何意悲秋氣。直置文苑云。一作致。無秋悲自生。不怨前階促織鳴。偏愁別徐集作便。文苑、樂府同。路擣衣聲。別燕差池自有返。離蟬寂寞詎含文苑云。一作懷。情。雲聚懷情四望臺。月冷相思九重觀。欲題芍藥詩不成。來採芙蓉花已散。金樽送曲韓娥起。玉柱調弦楚妃歎。徐集作勸。文苑同。又注。一作歎。翠眉結恨不復開。寶鬢迎秋度。文苑云。一作風。前亂。湘妃拭淚灑貞筠。箴藥浣衣。徐集作行樂翫花。文苑同。又注。一作箴藥浣衣。何處人。步步香飛金薄。徐集作箔。履。盈盈扇掩珊瑚屑。已言採桑期陌上。復能解佩就江濱。競入華堂耍花枕。爭開羽帳奉華茵。不惜獨眠。樂府作眼。前下釣。徐集作鈎。文苑同。又注。一作釣。欲許便作後來薪。徐集作新。文苑、樂府同。後來冥冥同玉。徐集作匡。文苑云。又注。一作玉。牀。可憐顏色無比方。誰能巧笑特。徐集作時。文苑同。又注。一作特。窺井。乍取新聲學。徐集作舉。繞梁。宿處留嬌墮黃珥。鏡前含笑弄明璫。菴樂府作採。施摘心心不盡。茱萸折葉葉更芳。已聞能歌洞簫賦。詎是故愛邯鄲倡。○徐孝穆集一。文苑英華二百七作徐陵。樂府詩集六十。詩紀百四。

長相思二首雜言

長相思。久離別。征夫去遠芳音。詩紀云。一作幽芳。滅。文苑作幽芳滅。注云。一作芳音滅。又作幽芳歌。湘水深。隴頭咽。

紅羅斗帳裏。綠綺清弦絕。逶迤百尺樓。愁思三秋結。○文苑英華二百二。樂府詩集六十九。詩紀百四。

長相思。久別離。春風送燕入簷窺。暗開脂粉弄花枝。紅樓千愁色。玉筯兩行垂。心心不相照。望望何由知。○同上

陳詩卷八

江總

詩

釋奠詩應令八章

敬遜三德。厥修六藝。師聖發矇。尊儒啟滯。若括資羽。如金待礪。雅道聿興。教學無替。希代明王。應期聖主。裁成品物。奄有區宇。篇籍芬場。詩書照府。籠樊七十。驅馭三五。於赫上嗣。毓德元良。崇賢既闢。馳道飛芳。儀刑震象。問望離方。夏戈秋籥。日就月將。肆禮虞庠。弘風闕里。降心下問。勞謙讓齒。五方聳聽。百辟傾耳。濟濟耆生。莘莘胄子。閒歌有節。合舞惟恭。階陳罇篚。庭列笙鏞。譽宣四學。業闡三雍。森沉靈宇。依稀神縱。奠餘幣久。辰良景暮。黍稷非馨。蘋蘩式昨。崇敬台保。昭彰審諭。翠蓋移陰。斑輪徐渡。年灰迭起。星瑄環周。春凋樹色。日藻川流。雪花遲舞。雲葉雙抽。霧開金塌。冰銷石溝。肅仰鴻化。恭聞盛典。人握懸藜。家藏瑚璉。顧惟朽謝。暮識膚淺。恩謬爵浮。心慙貌怩。○文館詞林百六十作

隋江總。

秋日侍宴婁苑湖應詔詩

翠渚還鑾文苑作鸞。輅。瑤池命羽觴。千門響雲蹕。四澤動榮光。玉軸昆池浪。金舟太液張。虹旗照島嶼。鳳蓋繞林塘。野靜重陰闊。文苑作闊。淮秋水氣涼。霧開樓闕近。日迴煙波長。洛宴諒斯在。鎬飲詎能方。朽劣叨榮遇。簪笏奉周文苑作同。行。○初學記十四。文苑英華百六十九。詩紀百五。

侍宴玄武觀詩

詰曉三春暮。新雨百花朝。星宮移渡罕。類聚作漢。天駟動行鑣。旒轉蒼龍闕。塵飛飲馬橋。翠觀迎斜照。丹樓望落潮。鳥聲雲裏出。樹影類聚作彩。浪中搖。歌吟奉天詠。未必待聞韶。○類聚六十三。文苑英華百六十九。詩紀百五。

宴樂修堂應令詩

肅城通甲觀。承華啓畫堂。北宮降恩賞。西園度羽觴。殊私文苑作思。奉玉裕。終宴在金房。庭暉連樹彩。簷影接雲光。仙如伊水駕。樂似洞庭張。彈絲命琴瑟。吹竹動笙簧。庸疎濫應阮。衰詩紀誤作哀。朽慙文苑誤作惡。連章。○初學記十。文苑英華百七十九。詩紀百五。

三日侍宴宣猷堂曲水詩

上巳娛春禊。芳辰喜月離。北宮命簫鼓。南館列旌麾。繡柱擎歲時。雜詠作驚飛。閣。雕軒傍曲池。醉魚沈遠岫。浮棗漾清漪。落花懸度影。飛絲不當作下。礙枝。樹動丹樓出。山斜翠磴危。禮周羽爵遍。樂闋光陰移。
○古今歲時雜詠十六。初學記四。文苑英華百七十二。詩紀百四。

秋日遊類聚、初學記無遊字。昆明池詩

詩紀云。元行恭、薛道衡有此詩。

靈類聚作玄。詩紀云。一作玄。沼蕭條望。遊人意緒多。終南雲影落。渭北雨聲過。蟬噪金堤柳。鶯飲石鯨初學記作鱗。文苑同。波。珠來照初學記作昭。似月。織處寫成河。此時類聚作詎知。詩紀云。一作詎知。臨水歎。非復採蓮歌。
○類聚九。初學記七。文苑英華百六十四。詩紀百四。

秋日登廣州城南樓詩

秋城韻晚笛。危榭引清文苑作淒。詩紀云。一作淒。風。遠氣疑埋劍。驚禽似避弓。海樹一邊出。山雲四面通。野火初煙細。新月半輪空。塞外離羣客。類聚作鳥。顏鬢早如蓬。徒懷建鄴文苑作業。水。復想洛陽宮。不及孤飛鴈。獨在上林中。○類聚二十八。文苑英華三百十一。詩紀百五。

贈洗馬袁朗別詩

賈誼登朝日。終軍對奏年。校文升廣內。撫劍入崇賢。奇才殊豔逸。文苑作與殊逸。將別更留連。類聚作聯。文苑作愛留聯。注云。集作更留聯。一作愛攀聯。驅車命鏡。文苑作鏡。注云。一作絃。管。拱坐面林泉。池寒稍下鴈。木落久無蟬。露浸類聚作侵。山扉類聚作上。文苑云。一作上。月。霜開石路煙。高談無與。文苑作以。注云。一作興。慰。遲爾報華篇。○類聚二十九。文苑英華二百六十六作贈別洗馬袁朗。詩紀百五。

詒孔中丞奐詩

我行五嶺表。辭鄉初學記作卿。文苑同。二十年。聞鶯欲動詠。披霧即依然。疇昔同寮案。今文苑作亟。隨年代改。借問藏書處。唯君故人在。故人名宦初學記作官。高。霜初學記作清。文苑同。簡肅權豪。誰知懷九歎。徒然泣二毛。步出東郊望。心游江海上。遇物便今古。何爲不惆悵。初晴原野開。宿雨潤條枚。叢花曙後發。一鳥霧中來。淹留蘭蕙苑。吟嘯芳菲晚。忘懷靜躁間。自覺風塵遠。白社聊可依。青山乍採薇。鍾牙文苑作茅。注云。集作芋。乃得性。語默豈同歸。○文苑英華二百四十七。詩紀百五。又初學記十二引年、然、案、在、高、毫、毛八韻。御覽二百二十六作孔中丞詩。引年、然、案、在、高、毫、毛八韻。

贈賀左丞蕭舍人詩

輜軒通八表。旌節驚三秦。聽歌酬文苑作猶。敏對。繼好佇行人。賀生思沈鬱。蕭弟學紛綸。共有筆端譽。皆爲席上珍。離羣徒悄悄。征旅日駢駢。黃河分太史。一曲悲千里。海內平生親。中朝流寓士。痛哉憫梁祚。于焉三十祀。鍾儀繫不歸。盛憲悲何已。隴頭心斷絕。爾爲參生死。回首望長安。猶如百三家作知。疑刊誤。蜀道難。函關分地軸。華嶽接天壇。行旛方境逝。文苑云。集作近。去棹艤江干。蘆花霜外白。楓葉水前丹。翔鷗方法文苑云。一作下怯。凍。落鴈文苑云。集作洛雁。不勝彈。輝輝盛王道。時務嬰疲老。九流倦耳目。十文苑作千。注云。一作十。年變文苑云。集作變年。懷抱。何以敦歧路。淒然綴辭藻。江南有桂枝。塞北無萱草。斗酒未爲別。垂堂深自保。○文苑英華二百四十七。詩紀百四。

遇長安使寄裴尚書詩

傳聞合類聚誤作令。浦葉。遠向洛陽飛。北風尚嘶馬。南冠獨不歸。去雲文苑作人。注云。集作去雲。目徒送。離琴手自揮。秋蓬失處所。春草屢芳菲。太詩紀云。集作嘆。息關山月。風塵客子衣。○類聚三十一。文苑英華二百四十七。詩紀百五。

別南海賓化侯詩

石關通越井。蒲澗邇靈洲。此地何遼復。羣英逐遠遊。高才袁彥伯。令譽許文休。悠焉值君子。復此映芳猷。嶠函多險澁。星瑁壯環周。分歧泣世道。念別傷邊秋。斷山時結霧。平海若無流。鷺鷥一羣起。哀猿數

處愁。是日送歸客。爲情自可求。終謝能鳴鴈。還同不繫舟。其如江海泣。惆悵徒離憂。○文苑英華二百六十六。詩紀百五。又類聚二十九作別賓化侯詩。引秋、流、愁、求四韻。

庚寅年二月十二日遊虎丘山精舍詩

縱棹憐迴曲。尋山靜見聞。每從芳杜性。須與俗人分。貝塔涵流動。花臺偏領廣弘明集作編嶺。注云。宋、宮本作偏嶺。元、明本作偏領。芬。蒙龍出簷桂。散漫廣弘明集作縵。注云。三本、宮本作漫。繞牕雲。情幽豈狗物。志遠易驚羣。何由狎魚鳥。不願屈玄纁。○廣弘明集三十。詩紀百五。

入龍丘巖精舍詩

法堂猶集鴈。仙竹幾成龍。聊承丹桂馥。遠視文苑云。一作睨。白雲峰。風牕穿石竇。月牖拂霜松。暗谷留征鳥。空林徹夜鐘。陰崖文苑作峰。未辨色。疊樹豈知重。溘此哀時命。吁嗟世不容。無由訪詹尹。何去復何從。○文苑英華二百三十三。詩紀百五。

明慶寺詩

十五詩書日。六十軒冕年。名山極歷覽。勝地殊留連。幽厓聳絕壁。文苑作壑。洞穴瀉飛泉。金河知證果。石室乃安禪。夜梵聞三界。朝香徹九天。山階步皎月。澗戶聽初學記作惠。涼蟬。市朝霑草露。淮海作桑田。

以上二句文苑在夜梵聞三界句上。何文苑作永。言望鍾嶺。更復切秦川。○初學記二十三。文苑英華二百三十三。詩紀百五。

入攝山棲霞寺詩并序

壬寅年十月十八日。入攝山棲霞寺。登岸廣弘明集作崖。注云。明本作岸。極峭。頗暢懷抱。至德元年癸卯十月二十六日。又再遊此寺。布法司施菩薩戒。甲辰年十月二十五日。奉送金像還山。限以時務。不得恣情淹留。乙巳年十一月十六日。更獲拜禮。仍停山中宿。永夜留連。棲神悚聽。但交臂不停。薪指俄謝。率製此篇。以記卽目。俾後來賞者。知余山志。廣弘明集作此志焉。注云。三本、官本無焉字。

淨心抱冰雪。暮齒逼廣弘明集作迫。注云。明本一作逼。詩紀云。一作迫。文苑作通。桑榆。太息波川迅。悲哉人世拘。歲華廣弘明集作聿。注云。明本作華。文苑云。一作聿。皆採穫。冬晚共廣弘明集作具。注云。明本作共。嚴枯。濯流濟八水。開襟入四衢。茲山靈妙合。當與天地俱。石瀨乍深淺。廣弘明集云三本、官本作淺深。崖煙文苑作煙岸。注云。一作崖。遞有無。缺碑橫古隧。盤木卧荒塗。行行備履歷。步步麟文苑作憐。廣弘明集云。明本一作憐。詩紀云。一作憐。威廣弘明集作威。注云。明本作威。官本作威。紆。高僧迹共遠。勝地心相符。樵隱各有得。丹青獨不渝。寺猶有朗詮二師、居士明僧紹、治中蕭跡塑像圖。遺風佇芳桂。比德喻生芻。寄言長往客。悽然傷鄙夫。○廣弘明集三十。文苑英華二百三十三。作再遊栖霞寺言志。詩紀百五。

遊攝山棲霞寺詩并序

禎明元年太歲丁未四月十九日癸亥。入攝山展慧布法師。憶謝靈運集還故山人石壁中尋曇隆道人有一首十一韻。今此拙作。仍學康樂之廣弘明集無之字。注云。三本、宮本有之字。體。

霖霖時文苑作新。雨霽。清和孟夏肇。棲宿綠野中。登頓丹霞杪。敬仰高人德。抗志塵物廣弘明集云。宋本作由。表。三空豁已悟。萬有一何小。始從情所寄。冥期諒不少。荷衣步林泉。麥氣涼昏曉。乘風面泠泠。候月臨皎皎。煙崖憩古石。雲路排征鳥。披逕憐森沈。攀條惜杳裊。平生忘是非。朽謝豈矜矯。五淨自此涉。文苑作生。注云。一作涉。六塵庶無擾。○廣弘明集三十。文苑英華二百三十三作遊栖霞寺新雨。又新雨下注云。集作時雨。詩紀百五。

攝山棲霞寺山房夜坐簡徐祭酒周尚書并同并同。文苑作共。遊羣彥詩

澡身事珠戒。非是學金丹。月磴時橫枕。雲崖宿解鞍。梵宇調心易。禪庭數息難。石澗水流靜。山牕葉去寒。君思北闕駕。我惜東都冠。翻愁夜鐘盡。同志不盤桓。廣弘明集注云。元、明本作恒。宋本作袒。○廣弘明集三十。文苑英華二百三十三。詩紀百五。

靜卧棲霞寺房望徐祭酒詩

絕俗俗無侶。修心心自齋。連崖夕氣合。虛宇宿雲羶。卧藤新接戶。欹石久成階。樹聲非有意。禽戲似忘

懷。故人市朝狎。心期林壑乖。唯憐對芳杜。可以爲吾儕。○廣弘明集三十。詩紀百五。

營涅槃懺還塗作詩并序

禎明二年仲冬。攝山棲霞寺布法師。只廣弘明集作某。注云。三本作只。爾待廣弘明集作時。注云。三本、官本作待。終。余以此月十七日宿昔入山。仰爲師氏營涅槃懺。還途有此作。

可否廣弘明集作不。注云。三本、官本作否。同一貫。生死亦一條。況期廣弘明集作斯。注云。明本作期。滅盡者。豈是俗中要。人道離羣愴。冥期出世遙。留連入澗曲。宿昔陟廣弘明集作步。注云。明本作陟。巖椒。石榴冰。廣弘明集云。官本作水。便斷。松霜日自銷。向崖雲靉靄。出谷霧飄飄。勿言無大隱。歸來卽市朝。○廣弘明集三十。詩紀百五。

至德二年十一月十二日升廣弘明集作界。注云。元、明本作升。德施山齋三宿決定罪福

懺悔詩

四知無矯志。一廣弘明集作三。注云。三本、官本作二。施啓幽心。簡通廣弘明集作通簡。注云。三本、官本作簡通。避人物。偃息還山林。曲澗停騶響。交枝落幔廣弘明集作幃。注云。宋本作漫。明本作幔。陰。池臺聚凍雪。欄牖噪歸禽。石彩無新故。峯形詎古今。大車何杳杳。奔馬遂駸駸。何以修六念。虔誠在一音。未泛慈舟遠。徒令願海深。

○廣弘明集三十。詩紀百五。

詠採甘露應詔詩

祥露曉氛氳。上林朝晃朗。千行珠樹出。萬葉瓊枝長。徐輪動仙駕。清晏留神賞。丹水波濤汎。黃山煙霧上。風亭翠旆開。雲殿朱絃響。徒知恩禮洽。自憐名實爽。○初學記二。詩紀百五。

借劉太常說文詩

劉棻慕子雲。許慎詢景伯。碩學該蟲篆。奇文秀鳥跡。曰余徒下帷。待問垂重席。不詣王充市。聊投班玩籍。三寫徧鑽研。六書多補益。幽居服藥餌。山宇生虛白。留連嗣芳杜。曠蕩依泉石。夫君愛滿堂。願言馳下澤。○初學記二十一。詩紀百五。

賦得一日成三賦應令詩

副君睿賞邁。清夜北園遊。下筆成三賦。傳觴對九秋。飛文綺縠采。落紙波濤流。樹密寒蟬響。簷暗雀聲愁。綠澈明層殿。青山照近樓。此時盛禮物。顧省良若抽。○初學記三十一。詩紀百五。

攝官梁小廟詩

詩紀云。梁有小廟。太祖太夫人廟也。非嫡故別立廟。南史曰。侯景寇建鄴。詔以總權兼太常卿守小廟。疇昔遊依類聚作衣所。今日薦櫻時。憲章誠有革。歲月遂難思。故人獨之子。官聯更在茲。虛簷靜暮雀。

洞戶映光絲。平生復能幾。語事必傷悲。○類聚三十八。文苑英華三百二十。詩紀百五。

卞山楚廟詩

蘋藻祈明德。倚棹息岩阿。忽聽晨雞。類聚作鳥鳴。曙。非復。文苑作是。楚宮歌。閑階薤宿薺。古木斷懸蘿。帷
文苑作幃。堂寂易晚。桴文苑作抱。鼓自相和。盛祀流百世。英威定幾何。○類聚三十八。文苑英華三百二十。詩紀
百五。

山庭春日詩

洗沐惟類聚作唯。文苑同。五日。棲遲在初學記作對。詩紀云。一作對。一丘。古植初學記作槎。文苑同。橫近澗。危初學記作
巴。石聳前洲。岸類聚誤作峯。綠開河柳。池紅照海榴。野花寧待初學記作辨。晦。山蟲詎識秋。人生復能幾。
夜燭非長游。○類聚三作山庭春詩。初學記二十作休沐山庭詩。文苑英華百五十七。詩紀百五。

七夕詩

詩紀云。六朝聲偶作柳願言者非。

漢曲天榆冷。河邊月桂秋。婉孌期今夕。初學記作夜。飄飄渡淺流。輪隨列歲時。雜詠作劉。宿動。類聚作月宿轉。詩
紀云。一作轉。路逐彩雲浮。橫波翻瀉淚。束素反緘愁。此時機杼息。獨向紅粧羞。○類聚四。初學記四。古今歲時雜
詠二十五。文苑英華百五十八。詩紀百五。

南還尋草市宅詩

紅顏辭鞏洛。白首人輟轍。乘春行類聚作還。文苑云。一作還。故里。徐步采芳蓀。初學記作蓮。逕毀悲求類聚作嵇。初學記作仇。仲。林殘憶巨源。類聚誤作原。見桐猶識井。看柳尚知門。花落空難遍。鶯啼靜易誼。無人訪語默。何處敘寒溫。百年獨文苑作共。如此。傷心豈文苑作誰。注云。一作豈。復論。○類聚六十四。初學記二十四。文苑英華三百七。詩紀百五。

和張記室源傷往詩

詩紀云。集作傷佳人。

小文苑作少。婦當壚夜。夫壻凱歸類聚作師。文苑同。又注。集作歸。年。正歌千里曲。翻入九重泉。機中未斷素。瑟上本留絃。空帳臨牕掩。孤燈向壁燃。還悲寒隴類聚作塞壘。曙。文苑云。集作樹。詩紀云。一作樹。松短未生煙。○類聚三十四作和張源傷往詩。文苑英華三百二題下注。集作傷佳人。詩紀百五。

在陳旦解醒共哭顧舍人詩

獨酌一樽酒。高詠七哀詩。何言蒿里別。非復竹林期。堦荒鄭公草。戶闐董生帷。人隨暮。詩紀云。一作朝。槿落。客共晚鶯悲。年髮文苑作髮。兩如此。傷心詎類聚作獨。詩紀云。一作獨。幾時。○類聚三十四作傷顧野王詩。文苑英華三百二。詩紀百五。

侍宴臨芳殿詩

詩紀云。六朝聲偶作柳顧言者非。

鍾文苑作鐘。箭自文苑作且。詩紀云。一作且。徘徊。皇堂薦羽杯。橋平疑水落。石迴見山開。林前暝色靜。花處近香來。西磁傷撫夕。北閣濫游陪。○初學記二十四。文苑英華百七十五作臨芳殿侍宴。萬花谷後二十三作江總詩。詩紀百五。

侍宴瑤泉殿詩

水亭通杵詣。石路接堂皇。文苑誤作皇堂。野花不識采。旅竹本無行。雀驚疑欲曙。蟬噪似含涼。何言金殿側。亟奉瑤池觴。○初學記二十四。文苑英華百七十五作宴瓊泉殿。詩紀百五。

別袁昌州詩二首

河梁初學記作陽。望隴頭。分手路悠悠。徂文苑誤作狙。年驚若詩紀作者驚。電。別日欲成秋。黃鵠飛飛遠。青山去去愁。不言雲雨散。更似東西流。○類聚二十九。初學記十八。文苑英華二百六十六。詩紀百五。
客子歎途窮。此別異西東。關山嗟墜葉。歧路憫征蓬。別鶴聲聲遠。愁雲處處同。○類聚二十九。

經始興廣果寺題愷法師山房詩

息舟候香埠。悵別在寒林。竹近交枝亂。山長絕逕深。輕飛人定影。落照有疎陰。不見投雲狀。空留折桂心。○初學記二十三。詩紀百五。

和衡陽殿下高樓看妓詩

起文苑作綺。樓侵碧漢。初日照紅粧。弦心豔卓女。曲誤文苑作調。動周郎。並歌時轉黛。息舞暫分香。挂纓銀

燭下。莫笑玉釵長。○初學記十五。文苑英華二百十三。詩紀百五。

賦得空閨怨詩

蕩妻怨獨守。盧姬傷獨居。瑟上調絃落。機中織素餘。自羞淚無燥。翻覺夢成虛。復嗟長信閣。寂寂往來疎。○類聚三十二。詩紀百五。

并州羊腸坂詩

三春別帝鄉。五月度羊腸。本畏車輪折。翻嗟馬骨傷。驚風起朔鴈。落照盡胡桑。關山定何許。徒御慘悲涼。○文苑英華二百八十九。

歲暮還宅詩

悵然想泉石。驅駕出城。初學記作樓。臺。翫竹春前筍。驚花雪後梅。青山殊可對。黃卷復時開。長繩豈繫日。濁酒傾一杯。○類聚六十四。初學記二十四。詩紀百五。

春夜山庭詩

春夜芳時晚。幽庭野氣深。山疑刻削意。樹接縱橫陰。戶對忘憂草。池驚旅浴禽。樽中良得性。物外知余

心。○類聚三十六。廣文選十五。詩紀百五。

夏日還山庭詩

獨於幽棲地。山庭暗女蘿。澗漬長低篠。池開半卷荷。野花朝暝落。盤根歲月多。停樽無賞慰。狎鳥自經過。○類聚三十六。詩紀百五。

賦得謁帝承明廬詩

霧開仁壽殿。雲繞承明廬。輪停紺幟引。馬度紅塵餘。香貂初學記作豹拜黻袞。花綬拂玄除。謁帝升清漢。何殊人紫虛。○初學記十四。文苑英華百九十。詩紀百五。

賦得攜手上河梁應詔詩

早秋天氣涼。分手關山長。雲愁數處黑。木落幾枝黃。鳥歸猶識路。流去不知鄉。秦川心斷絕。何悟是河梁。○類聚二十九。詩紀百五。

賦得汎汎水中鳧詩

歸鳧沸卉同。亂下芳類聚作方。文苑同。塘中。出沒時銜藻。飛鳴忽颺風。浮深或不息。戲廣若乘空。春鷄徒有

賦。還笑在金籠。○類聚九十一。文苑英華三百二十九。詩紀百五。

賦得三五明月滿詩

三五兔輝成。浮陰類聚作雲。冷復輕。隻輪非文苑作悲。戰反。團扇少歌聲。雲前來往色。水上動搖明。況復高樓照。何嗟攬不盈。○類聚一。文苑英華百五十二。詩紀百五。

衡州九日詩

秋日正淒淒。茅茨復蕭瑟。姬人薦初御覽作秋。醞。幼子問殘疾。園菊抱文苑作把。黃華。庭榴歲時雜詠誤作度欄。剖珠歲時雜詠作朱。實。聊歲時雜詠作昨。以著書情。暫遣他鄉日。○初學記四。古今歲時雜詠三十三。文苑英華百五十八。御覽三十一。詩紀百五。

賦詠得琴詩

可憐嶧陽木。雕爲綠綺琴。田文垂睫淚。卓女弄絃心。戲鶴聞應舞。游魚聽不沈。楚妃幸勿歎。此異丘中吟。類聚作者。詩紀云。一作音。○類聚四十四。初學記十六作賦得詠琴詩。文苑英華二百十二作賦得詠琴。詩紀百五。

詠雙闕詩

象闕連馳道。天類聚作反。詩紀云。一作月。宇照方疏。刻鳳棲清漢。圖龍入紫虛。屢逢膏露灑。幾遇祥煙初。競

言百尺麗。寧方萬丈餘。○類聚六十二。詩紀百五。

三善殿夜望山燈詩

詩紀云。六朝聲偶作柳願言者非。

百花疑吐夜。四照似含春。的的連星出。亭亭向月新。採珠非合浦。贈珮異江濱。若任萬花谷作在。扶桑路。堪言並日輪。○初學記二十五。萬花谷續八作江總詩。詩紀百五。

奉和東宮經故妃舊殿詩

故殿看看冷。空階步步悲。猶憶窺窗處。還如解佩時。苔生無意早。燕人有言遲。若令歸就月。照見不須疑。○類聚三十四。文苑英華三百七。詩紀百五。

同庾信答林法師詩

客行七十歲。歲暮遠徂征。塞類聚作寒。雲凝不解。隴水凍無聲。君看日遠近。類聚作近遠。爲忖長安城。○類聚二十九作周弘正。初學記十八。詩紀百五。

詠李詩

嘉樹春風早。春風花落新。但見成蹊處。幾得正冠人。當知露井側。復與天桃鄰。○類聚八十六。詩紀百五。

詠蟬詩

白露涼風吹。朱明落照移。鳴條噪林柳。流響遍臺池。竹聲如易得。尋忽却難知。○類聚九十七。詩紀百五。

答王筠早朝守建陽門開詩

金兔猶懸魄。銅龍欲啓扉。三條息行火。百雉照初暉。御溝槐影出。仙掌露光晞。○類聚三十九。文苑英華百九十。詩紀百五。

侍宴賦得起坐彈鳴琴詩

絲傳園客意。曲奏楚妃情。罕有知音者。空勞流水聲。○初學記十六。萬花谷後三十二作江總詩。詩紀百五。

別永新侯詩紀云。詩彙作張正見者非。

送君張掖郡。分悲函谷關。欲知腸斷絕。浮雲去不還。○類聚二十九。詩紀百五。

春日詩

水苔宜溜色。山櫻助落暉。浴鳥沈還戲。飄花度不歸。○初學記三。詩紀百五。

於長安歸還揚州九月九日行薇山亭賦韻詩

心逐南雲逝。形隨北鴈來。故鄉籬下菊。今日幾花開。詩紀云。一作長安九日詩。曰。心逐南雲去。身隨北鴈來。故園籬下菊。今日爲誰開。○初學記四作九月九日至微山亭詩。御覽三十二作九日至微山亭詩。詩紀百五。○遠按。詩紀所注見升菴詩話。

哭魯廣達詩

南史曰。廣達。陳之良將也。至德二年爲侍中中領軍。賀若弼進軍鍾山。廣達力戰。及韓擒虎乘勝破宮城。廣達被執。入隋。以憤慨卒。江總撫柩慟哭。題其棺曰。

黃泉雖抱恨。白日自留名。悲君感義死。不作負恩生。○陳史魯廣達傳。南史魯廣達傳。詩紀百五。

秋日新寵美人應令詩以下七言。

後宮唯聞莫瓊樹。絕世復有宋容華。皆自爭名進女弟。定覺雙飛勝蕩家。願並迎春比翼燕。常作照日同心花。聞道豔歌時易調。忖許新恩那久要。翠眉未畫自生愁。玉臉含啼還似笑。角枕千嬌薦芬香。若使琴心一曲奏。幽蘭度曲不可終。陽臺夢裏自應通。秋樹相思一枝綠。爲插賤妾兩鬟中。○類聚十八。詩紀百五。

新人姬人應令詩

洛浦流風漾淇水。秦樓初日度陽臺。玉軼輕輪五香散。金燈夜火百花類聚作光。開。非是妖姬渡江日。定言

神女隔河來。來時向月別姮娥。別時清吹悲簫史。數錢拾翠爭佳麗。拂紅點黛何相似。本持纖腰惑楚宮。暫迴舞詩紀云。玉臺作鸞。袖驚吳市。新人羽帳挂流蘇。故人網戶織蜘蛛。梅花柳色春難遍。情來春去在須臾。不用庭中賦綠草。但願思著弄明珠。○類聚十八。詩紀百五。

閨怨篇

寂寂青樓大道邊。紛紛白雪綺窗前。池上鴛鴦不獨自。帳中蘇合還空然。屏風有意障明月。燈火無情照獨眠。遠西水凍春應少。薊北鴻來路幾千。願君關山及早度。念妾桃李片時妍。○類聚三十二作閨怨詩。文苑英華二百四十六。詩紀百五。

又

蜘蛛作絲滿帳中。芳草結葉當行路。紅臉脈脈一生啼。黃鳥飛飛有時度。故人雖故昔經新。新人雖新復應故。○玉臺新詠九作梁簡文帝和蕭侍中子顯春別。類聚三十二。詩紀百五。

內殿賦新詩

兔影脉脉照金鋪。虬水滴滴瀉玉壺。綺翼雕甍邇清漢。虹梁紫樂府。詩紀並云。一作桂。柱麗黃圖。風高暗綠凋殘柳。雨駛芳紅濕晚芙。三五二八佳年少。百萬千金買歌笑。偏著故人織素詩。願奏秦聲采蓮樂府云。一作

菱。調。織女今夕渡銀河。當見新樂府作清。注云。一作新。秋停玉梭。○樂府詩集七十四。詩紀百五。

姬人怨

天寒海水慣相知。空牀明月不相宜。庭中芳桂憔悴葉。井上疎桐零落枝。寒燈作花羞夜短。霜鴈多情恆結伴。非爲隴水望秦川。直置思君腸自斷。○類聚三十二作爲姬人怨服散詩。文苑英華三百四十六。詩紀百五。

姬人怨服散篇

薄命夫婿好神仙。逆愁高飛向紫煙。金丹欲成猶百鍊。玉酒新熟幾千年。妾家邯鄲好輕薄。特念仙童一丸藥。自悲行處綠苔生。何悟啼多紅粉落。莫輕小婦狎春風。羅襪也得步河宮。雲車欲駕應相待。羽衣未去幸須同。不學簫史還樓上。會逐姮娥戲月中。○類聚三十二接上篇爲一首。文苑英華三百四十六。詩紀百五。

贈李駘

上林開宴留連。○太平寰宇記九十。

應詔詩

綠桷朱簾金刻鳳。彫梁繡柱玉蟠螭。○草堂詩箋三十二秋興詩注。

詩

惱殺未歸客。桃花墮眼醉。○萬花谷七。

陳詩卷九

何處士

處士。仕陳爲從事。

春日從將軍遊山寺詩

蘭庭厭俗賞。柰苑矚年華。始入香山路。仍逢火宅車。慈門數片葉。道樹一林花。廣弘明集作華。雖悟危藤鼠。終悲在篋蛇。○廣弘明集三十。詩紀百七。

別才法師於湘還郢北詩

乘杯事將遠。捧袂忽無聊。南楚長沙狹。西浮郢路遙。離庭花廣弘明集作華。已散。別戍馬廣弘明集作鳥。注云。三本、官本作馬。新驕。廣弘明集作嬌。注云。三本、官本作驕。明日分千里。廣弘明集云。宋本、官本作思。相思非一條。○廣弘明集三十。詩紀百七。

敬酬解法師所贈詩

道林廣弘明集云。官本作琳。俗之表。廣弘明集云。明本作長。注。一作表。慧遠廬之阿。買山卽廣弘明集作節。注云。元本、明本、官本作卽。高世。乘杯且渡。廣弘明集作度。注云。三本、官本作渡。河。法雨時時落。香雲片片多。若爲將羽化。來濟在塵羅。○廣弘明集三十。詩紀百七。

通士人篇

龍宮既入道。鳳闕且辭榮。禪龕八想淨。義窟四塵輕。香蓋法雲起。花燈慧火明。自然忘有著。非止悟無生。○廣弘明集三十。詩紀百三。

蘇子卿

朱鷺

玉類聚作王。山一朱鷺。容與。詩紀作萬里。注云。一作容與。人王畿。欲向天池飲。還遶類聚作過繞。上林飛。金堤曬類聚作麗。羽翮。丹水浴毛衣。非貪葭。樂府作茄。下食。懷思類聚作恩。文苑、樂府同。自遠歸。○類聚九十二作朱鷺詩。文苑英華二百六。樂府詩集十六。詩紀百七。

艾如張

誰在閑門外。羅家諸少年。張機蓬艾側。結網槿籬邊。若能飛自勉。豈爲繪所纏。黃雀儻爲誠。朱絲猶可延。○樂府詩集十六。詩紀百七。

梅花落

中庭一樹梅。寒多葉未開。祇言花是雪。樂府云。一作似雪。不悟有香來。上郡春恆晚。高樓年易催。織書偏有意。教逐錦文回。○樂府詩集二十四。詩紀百七。

紫騮馬

候騎指類聚作栢。樂府作陌。俱誤。樓蘭。長城迥。文苑作向。注云。一作迥。路難。嘶從風處斷。骨住水中寒。飛塵暗金勒。落淚灑銀鞍。抽鞭上關路。誰念客衣單。○類聚九十三作祖孫登賦得紫騮馬詩。文苑英華二百九。樂府詩集二十四作祖孫登。詩紀百七。

南征詩

一朝遊桂水。萬里別長安。故鄉夢中近。邊愁酒上寬。劍鋒但須利。戎衣不畏單。南中地氣文苑云。一作氣多。

暖。少婦莫類聚作早。愁寒。○類聚五十九。文苑英華二百九十九。詩紀百七。

賀力牧

關山月

重關歛暮煙。明月下秋前。照石疑分鏡。臨弓似引文苑作共。注云。一作引。弦。霧文苑作雲。注云。一作霧。樂府云。一作雲。暗迷旗影。霜濃濕劍蓮。此處離鄉客。遙心萬里懸。○文苑英華百九十八。樂府詩集二十三。詩紀百七。

亂後別蘇州人詩

徘徊睇閭闔。悵望極姑蘇。慨矣嗟荒運。悲哉惜霸圖。子常終覆郢。宰嚭遂亡吳。石隕星方暗。山崩川自枯。周京摧棧樸。漢社落粉榆。宮毀無巢燕。城空餘堞烏。茲邦號端委。多士自相趨。照廡同燕石。光車等魏珠。言離已惆悵。念別更踟躕。若訪任公子。求余東海隅。○文苑英華二百八十六。詩紀百七。

伏知道

知道。昌平人。陳鎮北長史。

從軍五更轉五首

一更刁斗鳴。校尉連連城。遙聞射雕騎。懸憚將軍名。○類聚五十九。樂府詩集三十三。詩紀百七。

二更愁未央。高城寒夜長。試將弓學月。聊持劍比霜。○同上

三更夜警類聚作驚。樂府同。新。橫吹獨吟春。彊聽梅花落。類聚作落花。誤憶柳園人。○同上

四更星漢低。落月與雲齊。依稀北風裏。胡笳雜馬類聚誤作鳥。嘶。○同上

五更催送籌。曉色映山頭。城烏初起堞。更人悄樂府云。一作笑。下樓。○同上

詠人聘妾仍逐琴心詩

春色轉相催。佳人心自迴。長卿琴已弄。秦嘉書未來。挂冠易分綬。薦枕缺因媒。染香風卽度。登垣花正開。貞樓若高下。如何上陽臺。○類聚十八。詩紀百七。

賦得招隱

招隱訪仙楹。丘中琴正鳴。桂叢侵石路。桃花隔世情。薄暮安車近。林喧山鳥驚。○類聚三十六。詩紀百七。

毛處約

雉子斑

春物始芳菲。春雉正相追。澗響連朝雉。花光帶錦衣。竄跡時移影。驚媒或亂飛。能使如臯路。相逢文苑作

追。巧笑歸。○文苑英華二百六。樂府詩集十八。詩紀百七。

陸系

有所思

別念限文苑作恨。樂府同。城闐。還思樓上人。淚想離文苑作愁。注云。一作離。前落。愁聞文苑作開。注云。一作聞。別後新。月來疑舞扇。花度憶歌塵。只看今夜文苑作月彩。注云。一作今度。裏。那似隔河津。○文苑英華二百二作陵系。樂府詩集十七。詩紀百七。

獨孤嗣宗

紫騮馬

倡樓望早春。寶馬度城闐。照曜桃花徑。蹀躞文苑作躑躅。採桑津。金羈麗初景。玉勒染輕塵。遠聽珂驚急。猶文苑作知。注云。一作猶。詩紀云。一作知。是畫眉人。○文苑英華二百九。樂府詩集二十四。詩紀百七。

李燮

紫騮馬

紫燕忽踟躕。紅塵起路隅。圉人移苜蓿。騎士逐靡蕪。三邊追黠虜。一鼓定疆胡。安用珂爲玉。自有汗成珠。○文苑英華二百九。樂府詩集二十四。詩紀百七。

江暉

劉生

五陵多美選。六郡盡良家。劉生代豪蕩。標舉文苑作矩。注云。一作舉。獨榮華。寶劍長三尺。金樽滿百花。唯當重意氣。何處有驕奢。○文苑英華百九十六。樂府詩集二十四。詩紀百七。

雨雪曲

邊城風雪至。遊樂府作客。文苑同。又注。一作遊。子自心悲。風哀笳弄斷。雪暗馬行遲。輕生本爲國。重氣不關私。恐君猶不信。撫劍一揚眉。○文苑英華百九十三作王筠。樂府詩集二十四。詩紀百七。

何楫

班婕妤怨

齊紈既逐篋。樂府作筐。誤。趙舞卽凌人。履跡隨恩故。階苔逐恨新。獨卧銷香炷。長啼費錦樂府作手。巾。庭草

何聊賴。也持秋樂府作春。當春。○樂府詩集四十四。詩紀百七。

蕭淳按陳書徐伯陽傳。有謁者蕭淳風。

長相思

長相思。久離別。新燕參差條可結。壺關遠。鴈書絕。對雲恆憶陣。看花復愁雪。猶有望歸心。流黃未剪截。○樂府詩集六十九。詩紀百七。

孔仲智

羈謠

芳杜觴春酒。髣髴傷山時。徒歌不成樂。空以羈自悲。羈悲樂府作傷。懷土心。遽復還山路。迨及春復時。無使春光暮。○樂府詩集八十七。詩紀百七。

蕭有

射雉詩

二月春鞏動。曹王挾類聚作俠。妬媒。插翳依花合。芟場向野開。隔田聞雉近。橫溪見影來。弦明青壓類聚作

壓。碎。箭落錦衣摧。今日如臯路。能將巧笑迴。○類聚九千。詩紀百七。

徐湛

賦得班去趙姬升詩

詩紀云。鮑明遠白頭吟曰。申黜褒女進。班去趙姬升。

班姬與飛燕。俱侍漢王宮。不意思情歇。偏將衰草同。香飛金輦外。苔上玉階中。今日悲團扇。非是爲秋風。○類聚三十二。詩紀百七。

吳尚野

詠鄰女樓上彈琴詩

青樓誰家女。開窗弄碧弦。貌同朝日麗。裝競午花然。一彈哀塞鴈。再撫哭春鵑。此情人不會。東風千里傳。○古詩類苑四十八。苑詩類選十五。詩紀百七。

吳思玄

閨怨詩

金風響洞房。佳人心自傷。淚隨明月下。愁逐漏聲長。燈前羞獨鵲。枕上怨孤凰。自覺鴛帷冷。誰憐珠被

涼。○古詩類苑九十七。詩紀百七。

殷謀

日出東南隅行

秦樓出佳麗。正值朝日光。陌頭能駐馬。花處復添香。○文苑英華百九十三作李白。樂府詩集二十八。詩紀百七。

賈馮吉

自君之出矣

自君之出矣。紅顏轉憔悴。思君如明燭。煎心且銜淚。○文苑英華二百三作陳叔遠。注云。一作賈馮吉。樂府詩集六十九。詩紀百七。

何曼才

爲徐陵傷妾

遲遲衫掩淚。憫憫恨縈胸。無復專房日。猶望下山逢。○玉臺新詠十。詩紀百七。

許倪

破扇

蔽日無全影。搯詩紀云。玉臺作迎。風有半涼。不堪鄣巧笑。猶足動衣香。○類聚六十九。詩紀百七。

蕭麟

詠柏複詩

詩紀云。疑卽柏服。女人脇衣也。又云。丹鉛餘錄作祿複裙。○遂按。初學記二十六服食部裙下引此詩。題作詠裙複。又玉臺引此。題作詠柏複。柏與柏異。馮氏以柏複爲柏服。非也。此詩應作詠柏複。柏複卽屮複。或帕複。釋名。帕複。橫其腹也。又酉陽雜俎云。鬼以綾屮複贈辛秘。帶有一結。皆卽此柏複。似玉臺、初學記皆誤也。

的的初學記作晶晶。詩紀云。一作晶晶。金紗玉臺作弦。淨。離離寶撮玉臺作撮。詩紀云。一作縫。分。初學記缺以上二字。織初學記作縫。腰非學楚。寬帶爲思君。○玉臺新詠十作詠柏複。初學記二十六作蕭麟詠裙複詩。詩紀百七。

蕭琳

隔壁聽妓詩

徒聞絃管切。不見舞腰迴。唯有歌梁共。塵飛一半來。○類聚四十二。詩紀百七。

孔範

範。字法言。會稽山陰人。後主時爲都官尚書。與江總等並爲狎客。陳亡入隋。隋文帝暴其過惡。與王瑳、王儀、沈攸名爲四罪。流之遠裔。

賦得白雲抱幽石詩

白雲浮遠蓋。飄飄繞石飛。帶蓮縈錦色。拂鏡下仙衣。陣結香爐隱。羅成玉女微。能感荆王夢。陽臺雜雨歸。○初學記一。詩紀百六。

和陳主詠鏡詩

虎賁愁興日。龍鏡覽顏時。懷恩未得報。空歎髮如絲。○初學記二十五。萬花谷續七作詠鏡詩。詩紀百六。

王瑳

瑳。與孔範等並爲後主狎客。刻薄貪鄙。忌害才能。陳亡入隋。被流遠裔。

折楊柳

塞外無春色。上林柳已黃。枝影侵雲文苑作宮。樂府同。暗。葉彩亂星光。陌頭藏戲鳥。樓上掩新妝。攀折思爲贈。心期別路長。○文苑英華二百八。樂府詩集二十二。詩紀百六。

洛陽道

洛陽夜漏盡。九重平日開。日照蒼龍闕。煙遶鳳凰臺。浮雲翻似蓋。流水倒文苑作到。樂府同。成雷。曹王鬪雞返。潘仁載果來。○文苑英華百九十二。樂府詩集二十三。詩紀百六。

長相思

長相思。久離別。兩心同文苑作同心。注云。一作心同。憶不相徹。悲風悽。文苑作淒。樂府云。一作淒。愁雲結。柳葉眉上銷。菱花鏡中滅。鴈封歸飛斷。鯉素還流絕。○文苑英華二百二作王璩。樂府詩集六十九。詩紀百六。

陳少女

寄夫詩

自君上河梁。蓬首卧蘭房。安得一樽酒。慰妾九迴腸。○古詩類苑五十四。詩紀百七。

雜歌謠辭

陳人爲齊雲觀歌

隋書曰。陳後主造齊雲觀。國人歌之。功畢而爲隋師所虜。

齊雲觀。寇來無際畔。○南史陳後主紀。隋書五行志。御覽百七十九引陳書。詩紀百七作齊雲觀歌。

陳初童謠

隋書五行志曰。陳初有童謠。其後陳主果爲韓擒虎所敗。擒本名擒虎。黃斑之謂也。破建康之始。復乘青驄馬往返。時節皆應。

黃斑青驄馬。發自壽陽浹。來時冬氣末。去日春風始。○隋書五行志。又隋書韓擒虎傳。北史韓擒虎傳作江東謠。御覽八百九十五引陳書。詩紀百七作江東謠。

陳初童謠

御路種竹篠。蕭蕭已復起。合盤貯蓬塊。無復揚塵已。○樂府詩集八十九。詩紀百七。

又

日西夜烏飛。拔劍倚梁柱。歸去來。歸山下。○同上

陳宣帝時謠

陳書宣帝紀曰。太建十一年秋七月辛卯。初用大貨六銖錢。隋書食貨志曰。以一當五銖之十。與五銖並行。後還當一。人皆不便。乃相與訛言曰。六銖錢有不利縣官之象。未幾而宣帝崩。遂廢。徐氏曰。當時謠言云云。蓋篆書六字類人之叉腰耳。

大貨六銖錢。又腰哭天子。○泉志二。

時人爲張氏語

陳書曰。張種少恬靜。居處雅正。不妄交遊。傍無造請。時人爲之語曰。

宋稱敷演。梁則卷充。清虛學尚。種有其風。○陳書張種傳。南史張種傳。御覽四百九十五引陳書。詩紀百七作張種歌。

時人爲賀氏兄弟語

唐書曰。賀德仁。越州山陰人。在陳與兄德基師事周弘正。以文辭稱。人爲語曰。

學行可師賀德基。文質彬彬賀德仁。○唐書賀德仁傳。詩紀百七作二賀歌。

徐陵引諺

圖官在亂世。覓富在荒年。○文苑英華六百七十七徐陵答諸求官人書。

輿地志引諺

輿地志曰。丹徒界內。土堅緊如蠟。諺云云。言吳多產出。可以攝生自奉。丹徒地可以葬。生東吳。死丹徒。○御覽百七十。

時人爲釋貞觀語

續高僧傳曰。釋貞觀學士傅緯曰。三千稱首。七十當初。是上人者。當爲酬對。時人語曰。錢塘有貞觀。當天下一半。○續高僧傳本傳。

清商曲辭

西曲歌以下諸歌。詩紀原列於晉。今編入陳詩。

夜黃

古今樂錄曰。夜黃。倚歌也。自此以下。至拔蒲。並同。

湖中百種鳥。半雌半是雄。鴛鴦逐野鴨。恐畏不成雙。○樂府詩集四十九。詩紀四十二。

夜度娘

夜來冒霜雪。晨去履風波。雖得敘微情。奈儂身苦何。○樂府詩集四十九。詩紀四十二。

長松標

落落千丈松。晝夜對長風。歲暮霜雪時。寒苦與誰雙。○樂府詩集四十九。詩紀四十二。

雙行纏二曲

朱絲繫腕繩。真如白雪凝。非但我言好。衆情共所稱。

新羅繡行纏。足趺如春妍。他人不言好。獨我知可憐。○樂府詩集四十九。詩紀四十二。

黃督二曲

喬客他鄉人。三春不得歸。願看楊柳樹。已復藏班駝。

籠車度躡衍。故人求寄載。催牛閉後戶。無預故人事。○樂府詩集四十九。詩紀四十二。

西平樂

我情與歡情。二情感蒼天。形雖胡越隔。神交中夜間。○樂府詩集四十九。詩紀四十二。

尋陽樂

雞玉臺作稽。亭故儂玉臺作人下同。去。九里新儂還。送一却玉臺作便。迎兩。無有暫時閒。○玉臺新詠十。樂府詩集四十九。詩紀四十二。

白附鳩

石頭龍尾彎。新亭送客渚。樂府作者。酤酒不取錢。郎能飲幾許。○樂府詩集四十九。詩紀四十二。

拔蒲二曲

青蒲銜紫茸。長葉復從風。與君同舟去。拔蒲五湖中。

朝發桂蘭渚。晝息桑榆下。與君同拔蒲。竟日不成把。○樂府詩集四十九。詩紀四十二。

作蠶絲四曲

柔桑感陽風。婀娜嬰蘭婦。垂條付綠葉。委體看女手。

春蠶不應老。晝夜常懷絲。玉臺作思。何惜微軀盡。纏綿自有時。

績蠶初成繭。相思條女密。投身湯水中。貴得共成匹。

素絲非常質。屈折成綺羅。敢辭機杼勞。但恐花色多。○樂府詩集四十九。又玉臺新詠下引第二曲作蠶絲歌。詩紀四十二。

陳詩卷十

郊廟歌辭

陳太廟舞辭七首

隋書樂志曰。陳初。武帝詔求宋齊故事。太常卿周弘讓奏曰。齊氏承宋。咸用元徽舊式。宗祀朝饗奏樂俱同。惟北郊之禮頗有增益。皇帝入壇門奏永至。飲福酒奏嘉胙。太尉亞獻奏凱容。埋牲奏隸幽。帝還便殿奏休成。衆官並出奏肅成。此乃元徽所闕。永明六年之所加也。唯送神之樂。宋孝建二年秋起居注云奏肆夏。永明中改奏昭夏。帝遂依之。是時並用梁樂。唯改七室舞辭。

凱容舞 皇祖步兵府君室

於赫皇祖。宮牆高嶷。邁彼厥初。成茲峻極。縵樂簡簡。闕寢翼翼。裸饗若存。惟靈靡測。○隋書音樂志。樂府詩集九。詩紀百七。

凱容舞 正員府君室

昭哉上德。浚彼洪源。道光前訓。慶流後昆。神猷綿樂。府作緬。邈。清廟斯存。以享以祀。惟祖惟尊。○同上

凱容舞 懷安府府室

選辰崇饗。飾禮嚴敬。靡愛牲牢。兼馨粢盛。明明烈隋志作列。樂府同。祖。龍光遠映。肇我王風。形斯舞詠。○
同上

凱容舞 皇高祖成安府君室

道遙積慶。德遠昌基。永言祖武。致享從思。九章停列。八舞迴墀。靈其降止。百福來綏。○同上

凱容舞 皇曾祖太常府君室

肇迹締基。義標鴻篆。恭惟載德。瓊源方闡。享薦三清。筵陳四璉。增我堂構。式敷帝典。○同上

景德凱容舞 皇祖景皇帝室

皇祖執德。長發其祥。顯仁藏用。懷道韜光。寧斯闕寢。合此蕭薌。永昭貽厥。還符翦商。○同上

武德舞 皇考高祖武皇帝室

烝哉聖祖。撫運升離。道周經緯。功格玄祇。隋志誤作祇。方軒邁扈。比舜陵媯。緝熙是詠。欽明在斯。雲雷
邁屯。圖南共舉。大定揚越。震威衡楚。四奧宅心。九疇還敘。景星出翼。非雲入呂。德暢容辭。慶昭羽綴。

於穆清廟。載揚徽烈。嘉玉既陳。豐盛斯潔。是將是享。鴻猷無絕。○同上

釋氏

釋惠標

惠標。涉獵有才思。陳寶應反。以預謀坐誅。

詠山詩二首

靈山蘊麗名。秀出寫蓬瀛。香鑪帶煙上。紫蓋入霞生。霧捲蓮峯出。崑開石鏡明。定知丘壑裏。併佇白雲情。○初學記五。文苑英華百五十九作山。詩紀百七。

蛾眉信重險。天日本仙居。金華抱丹竈。玉笥蘊神書。幽人披薜荔。怨妾採靡蕪。紫巖無暮雨。何時送故夫。○同上

丹霞拂層閣。碧水泛蓬萊。鰲岫含煙聳。蓮崖照日開。松門夾細葉。石磴染新苔。能令平子見。淹留未肯回。○同上

詠水詩三首

曾添疎勒井。經涌貳師營。玉津花色亮。銀溪錦磧明。舟如空裏汎。人似鏡中行。持將符上善。利得動高

情。○初學記六。文苑英華百六十三。詩紀百七。

驪泉類聚作龍川。紫闕映。珠浦碧沙沉。岸闊文苑作隔。蓮香遠。流清雲影深。風潭如拂鏡。山溜似調琴。請君看皎潔。知有澹類聚作淡。初學記同。然心。○類聚八作祖孫登。初學記六作祖孫登。文苑英華百六十三。詩紀百七。○逮按。宋本初學記作釋惠標。

長川落日照初學記作照日。深。浦漾清風。弱柳垂江翠。新蓮夾岸紅。船行疑汎迥。目映似沉空。願逐琴高戲。乘魚入浪中。○初學記六作祖孫登蓮調詩。文苑英華百六十三。詩紀百七。

詠孤石

中原一孤文苑作派。石。地理不知年。根含彭澤浪。頂入香爐煙。崖成二鳥翼。峯作一芙蓮。何時發東武。今來鎮初學記作鍊。蠡川。○初學記五。文苑英華百六十一作標法師。詩紀百七。

贈陳寶應

梁書曰。寶應據閩中。與鑰異潛有異謀。遂起兵反。沙門慧標作五言詩以送之。寶應甚悅。慧標齋以示虞寄。寄謂所親曰。標公既以此始。必以此終。後寶應敗。標從坐伏誅。

送馬猶臨水。離旗稍引風。好看今夜月。當照紫微宮。○陳書虞荔傳附寄傳。南史虞寄傳。詩紀百七。

曇瑗

曇瑗。金陵人。陳宣帝以爲僧正。有集六卷。

遊故苑詩

續高僧傳曰。瑗每上鍾阜諸寺。修造道賢。觸興賦詩。覽物懷古。洪偃法師傲寄泉石。偏見朋從。把臂郊垞。同遊故苑。瑗題樹爲詩曰。

丹陽松葉少。白水黍苗多。浸淫下客淚。哀怨動民歌。春溪度短葛。秋浦沒長莎。麋鹿自騰倚。車騎絕經過。蕭條四野望。惆悵將如何。○續高僧傳曇傳。詩紀百七。

釋洪偃

釋洪偃。俗姓謝氏。會稽山陰人。在梁爲梁武帝所優禮。梁亂。避地縉雲。陳武受禪。乃復出都。天嘉五年卒。有集八卷。

遊故苑詩

詩紀云。禪藻集誤作何偃。

龍田留故苑。汾水結餘波。悵望傷遊目。辛酸思緒多。涼飈續高僧傳作煙。初學記作寒煙。萬花谷同。慘高樹。濃初

學記作濃。萬花谷同。露變輕蘿。澤葵猶帶井。初學記作荇。萬花谷作草。池竹尚續高僧傳作下。詩紀云。一作下。侵荷。秋風徒自急。無復白雲歌。○初學記二十四。續高僧傳曇瑗傳。萬花谷後二十五作釋洪偃詩。詩紀百七。

登吳昇平亭詩紀云。一作遊若邪雲門精舍。

蕭蕭物候晚。肅肅天望清。旅人聊策杖。登高蕩客情。川原續高僧傳作源。注云。明本作原。多舊迹。墟里或新名。宿煙浮始旦。朝日照初晴。獨遊乏徒侶。徐步寡逢迎。信矣非吾託。賞心何易并。○續高僧傳本傳。詩紀百七。

遊鍾山之開善定林息心宴坐引筆賦詩

杖策步前嶺。褰裳出外扉。輕蘿轉蒙密。幽逕復紆威。樹高枝影細。山盡續高僧傳作畫。鳥聲稀。石苔時滑屣。蟲網乍粘續高僧傳云。明本作沾。衣。澗傍紫芝擘。巖上白雲霏。松子排煙去。堂續高僧傳作常。注云。元、明本作堂。生寂不歸。窮谷無還往。攀桂獨依依。○續高僧傳本傳。詩紀百七。

釋智愷

釋智愷。俗姓曹氏。住楊都寺。與法泰同往嶺表。卒於陳光大二年。

臨終詩 詩紀云。禪藻集作法泰詩。題云遘疾。並誤。

千月 廣弘明集云。明本一作秋。詩紀云。一作秋。本難滿。三時理易傾。石火無恆燄。電光非廣弘明集作寧。注云。三本、宮本作非。久明。遺文空滿筭。徒然昧後生。泉路方幽噎。廣弘明集云。明本作噎。寒隴向淒清。一隨朝露盡。唯有夜松聲。○廣弘明集三十。詩紀百七。

高麗定法師

詠孤石

迥文苑作迥。石直生空。平湖四望通。巖根初學記作隈。恆灑浪。樹杪初學記作杪。鎮搖風。偃流還漬影。侵霞更上紅。獨拔羣峯外。孤秀白雲中。○初學記五。文苑英華百六十一。詩紀百七。

鬼神

鳥妖詩

南史曰。陳之將亡。有鳥一足。集其殿庭。以紫畫地成文曰云云。解者以爲獨足蓋指後主獨行無衆。茂草言荒穢也。隋承火運。草得火而後灰。及後主至長安。館於都水臺。所謂上高臺當水開者。其言皆驗。

獨足上高臺。茂詩話作腐。草變爲灰。欲知我家處。朱門當詩話作臨。水開。○南史陳後主紀。詩話總龜四十七。詩紀外集四。

隋詩卷一

隋文帝楊堅

堅。弘農華陰人。仕周以勳封隋國公。累拜上柱國、大司馬。靜帝時。堅以元舅總朝政。封隋王。尋篡周自立。及平陳後。統一中國。在位二十四年。仁壽四年卒。年六十四。

宴秦孝王于并州作詩

隋書本紀曰。開皇十年。高祖幸并州。宴秦孝王子相。帝爲四言詩。明年而子相卒。十八年而秦孝王薨。紅顏詎幾。玉貌須臾。一朝花落。白髮難除。明年後歲。誰有誰無。○隋書二十二。詩紀百二十。

盧思道

思道。字子行。范陽人。齊天保中。解褐直中書省。待詔文林館。周武帝平齊。授儀同三司。遷武陽太守。隋開皇元年爲散騎侍郎卒。年五十二。有集三十卷。

樂府

有所思

長門與長信。憂思並難任。洞房明月下。空庭綠草深。怨歌裁潔文苑、樂府並云。一作紈。詩紀同。素。能賦受黃金。復聞隔湘水。猶言限桂林。悽悽日已暮。誰見此時心。○文苑英華二百二。樂府詩集十七。詩紀百二十一。

日出東南隅行

初月正如鈎。懸光人綺文苑作鏡。注云。一作綺。樓。中有可憐妾。如恨亦如羞。深情出豔語。密意滿橫眸。楚腰寧且細。孫眉本未愁。青玉勿當取。雙銀詎可文苑作肯。注云。一作可。詩紀云。一作肯。留。會待東方騎。遙居最上頭。○文苑英華百九十三。樂府詩集二十八。詩紀百二十二。

權歌行

秋江見底清。越女復傾城。方舟共採摘。最得可憐名。落花流寶珥。微吹動香纓。帶垂連理濕。權文苑作稗。舉木蘭輕。順風文苑作避人。注云。一作順風。樂府、詩紀云。一作避人。傳細語。因波寄文苑作送。遠情。誰能結錦纜。薄暮隱長汀。○文苑英華二百三。樂府詩集四十。詩紀百二十二。

美女篇

京洛多妖豔。餘香文苑作春。愛物華。俱樂府作恆。臨鄧渠文苑作梁燈。又注。燈一作燈。詩紀云。一作梁燈。水。文苑云。一作恆臨鄧渠水。共採鄴園花。時搖五明扇。聊駐七香車。情疎看笑淺。嬌深眄欲斜。微津染長黛。新溜濕輕紗。莫言人未解。隨君獨問家。○文苑英華百九十三。樂府詩集六十三。詩紀百二十二。

升天行

尋師得道訣。輕舉厭人羣。玉山候王母。珠庭謁老君。煎爲返魂藥。刻作長生文。飛策乘流電。彫軒曳彩雲。樂府作白。文苑云。一作紫。一作白。詩紀云。一作白。雲。玄洲望不極。赤野眺文苑作曉。無垠。金樓且巉巖。玉樹曉氛氤。擁琴遙可聽。樂府作望。文苑云。一作望。吹笙遠詎聞。不覺文苑作學。注云。一作覺。蜉蝣子。生死文苑作干侶。注云。一作迢。一作葬。樂府作□葬。何紛紛。○文苑英華百九十三。樂府詩集六十三。詩紀百二十二。

神仙篇

浮生厭危促。文苑作役。注云。一作促。名岳共招攜。雲軒遊紫府。風駟上文苑作立。注云。一作上。丹梯。時見遼東鶴。屢聽淮文苑作和。注云。一作淮。南雞。玉英持作寶。瓊實採成蹊。飛策揚輕電。懸旌耀彩蜺。瑞銀光似燭。靈石髓如泥。寥廓鸞山右。超越文苑作遙。鳳洲西。文苑云。一作超遙鳳渚西。一丸應五色。持此救人文苑作行。

迷。○文苑英華百九十三。樂府詩集六十四。詩紀百二十二。

河曲遊

詩紀云。魏文帝與吳質書曰。時駕而遊。北遵河曲。

鄴下盛風流。河曲有名遊。應徐託後乘。車馬踐芳洲。丰茸雞樹密。遙裔鶴煙稠。日上疑高蓋。雲起類重樓。金羈自沃若。蘭棹成夷猶。懸匏動清吹。采菱轉豔謳。還珂響金埒。歸袂拂銅溝。唯畏三春晚。勿言千載憂。○樂府詩集集七十七。詩紀百二十二。

城南隅讌

詩紀云。曹子建贈丁翼詩曰。吾與二三子。曲讌此城隅。

城南氣初新。才王邀故人。輕盈雲映日。流亂鳥啼春。花飛北寺道。絃散南漳濱。舞動淮南袖。歌揚齊后塵。駢鑣歇夜馬。接軫限歸輪。公孫飲彌月。平原讌浹旬。卽是消聲地。何須遠避秦。○樂府詩集七十七。詩紀百二十二。

蜀國弦

西蜀稱天府。由來擅沃饒。雲樂府作雪。注云。一作雲。浮玉壘夕。日映錦城朝。南尋九折路。東上七星橋。琴

心若易解。令客豈難要。○文苑英華二百一。樂府詩集三十。作蜀國吟。詩紀百二十二。

採蓮曲

曲浦戲妖姬。輕盈不自持。擎荷愛圓水。折藕弄長絲。珮動裙風入。妝銷粉汗滋。菱歌惜不唱。須待暝歸時。○樂府詩集五十。詩紀百二十二。

從軍行

朔方烽火照甘泉。長安飛將出祁連。犀_{樂府誤作羣}渠玉劍良家子。白馬金羈_{文苑云。一作鞍}。俠少年。平明偃月屯右地。薄暮魚麗逐左_{御覽作右}。賢。谷中石虎經銜箭。山上金人曾祭天。天涯一去無窮已。薊門迢遞三千里。朝見馬嶺黃沙合。夕望龍城陣雲起。庭中奇樹已堪攀。塞外征人殊未還。白雪_{樂府作雲}。初下天山外。浮雲直上樂府作向。文苑云。一作向。五原間。文苑作關。注云。一作間。關山萬里不可越。誰能坐對芳菲月。流水本自斷人腸。堅冰舊來傷馬骨。邊庭節物與華異。冬霰秋霜春不歇。長風蕭蕭渡水來。歸鴈連連映天沒。從軍行軍行萬里出龍庭。單于渭橋今已拜。將軍何處覓功名。○文苑英華百九十九。樂府詩集三十二。詩紀百二十二。又御覽三百三十五引賢一韻。

詩

仰贈特進陽休之詩七章并序

夫士之在俗。所以騰聲邁實。鬱爲時宗者。厥塗有三焉。才也。位也。年也。才則弘道立言。師範雅俗。位則乘軒服冕。變代天工。年則貳膳杖朝。致養膠序。緬尋古始。永鑒前哲。齒歷身名。鮮能俱泰。特進陽公兼而有之矣。大齊武平之五載。抗表懸車。難進之風。首振頽俗。余不勝嘉仰。敬贈是詩。

幽求遂古。逃聽前聞。鴻荒眇邈。篆策網緼。體國經野。爲鳥爲雲。果行毓德。或武或文。於鑠君子。含章挺秀。龍翰鳳翼。玉榮松茂。逸韻孤峙。奇峯廻構。慕舜匪高。希顏可陋。藝殫原作彈。今從適園本。文府。學究書林。盡則窮麗。索隱鈎深。靈珠耀手。明鏡懸心。聲偃華裔。道冠衣簪。

豹變其文。鴻漸於陸。人作卿士。出爲嶽牧。千社萬鍾。玄冕丹轂。神之聽之。介以景福。漢稱廣德。晉美劇陽。君亦高蹈。二此鴻芳。知足知止。令問令望。功遂身退。休有烈光。聞風伯夷。懦夫自立。祖道疏傳。行人貫泣。公之戾止。僚友胥集。瞻彼高山。每懷靡及。

余實膚陋。少不及門。挾策問道。捧筓承恩。以茲高義。被於後昆。式歌且舞。敢贈長言。○文館詞林百五十八。

駕出園丘詩

開年簡時日。上辛稱天吉。平曉禁門開。隱隱乘輿出。乘輿出九重。金根御六龍。章移千乘動。旆舉百神從。黃麾引朱節。靈鼓應華鍾。神歌已相續。神光復相燭。風中颺紫煙。壇上埋蒼玉。○初學記十三。萬花谷後十二作盧思道詩。詩紀百二十二。

贈李若詩

初發清漳浦。春草正萋萋。今留素滹曲。夏木已成蹊。塵起星橋外。日落寶壇西。庭空野煙合。巢深夕羽迷。短歌雖製素。長吟當執珪。寄語當窗婦。非關惜馬蹄。○文苑英華二百四十八。詩紀百二十二。

贈李行之

水衡稱逸人。潘楊有世親。形骸預冠蓋。心思出風雲。○北齊書李瑾傳。

贈別司馬幼之南聘詩

故交忽千里。輶車蒞遠盟。幽人重離別。握手送征行。類聚作行行。文苑作行征。晚霞浮極浦。落景照長亭。拂霧揚龍節。乘風遡鳥旌。楚山百重映。吳江萬仞清。夏雲樓閣起。秋濤帷蓋生。陸侯持寶劍。終子繫長纓。

前脩亦文苑作爾。何遠。君其勗令名。○類聚五十三、文苑英華二百九十六並作贈司馬幼之南聘。詩紀百二十二。

贈劉儀同西聘詩

開邛昔柔遠。賓越盡招攜。豈若馳天文苑云。一作天王。使。玉節撫遺黎。五祠文苑作詞。注云。疑作祠。臨渭北。雙嶺帶崑西。故關看金馬。餘壇聽寶雞。垂絲被柳陌。落錦覆桃蹊。分祛俄易慘。離思實文苑云。一作忽。難齋。極野雲峯合。遙嶂日輪低。塵暗前旌沒。風長後騎嘶。灞陵行可望。函谷久無泥。須君勞旋罷。春草共萋萋。○文苑英華二百四十八。詩紀百二十二。

遊梁城詩

揚鑣歷汴浦。迴扈文苑云。一作靶。詩紀云。一作靶。入梁墟。漢藩文雅地。清塵暖文苑作暖。有餘。賓遊多任俠。臺苑盛簪裾。歎息徐公劍。悲涼鄒子書。亭臯落照盡。原野沍寒初。鳥散文苑云。一作息。空城夕。煙銷古樹疎。東越嚴子陵。西蜀馬相如。脩名竊所慕。詩紀誤作暮。長謠獨課虛。○文苑英華三百九。詩紀百二十二。

從駕經大慈照寺詩

詩紀云。北齊時作。

玄風冠東戶。內範軼西陵。大川開寶匣。福地下金繩。繡栢高可映。畫棋疊相承。日馭非難假。雲師本易憑。陽室疑停燧。陰軒類鑿冰。迴題飛星沒。長楣宿露凝。旌門曙光轉。輦道夕雲蒸。山祇效靈物。水若薦

休徵。薄命廣弘明集作虛薄。注云。三本作薄命。叨恩紀。微軀廣弘明集作驅。注云。三本、官本作驅。竊自陵。優游徒可恃。周賚永難勝。○廣弘明集三十。詩紀百二十二。○逮按。此詩廣弘明集原有長序。詩紀未錄。今姑從之。

春夕經行留侯墓詩

少小期黃石。晚年遊赤松。應成羽人去。何忽掩高封。疎蕪枕絕野。邈迤帶斜峯。墳荒隧文苑誤作隨。草沒。碑碎石苔濃。狙文苑誤作狙。秦懷猛氣。師漢挺柔容。盛烈芳千祀。深泉閉九重。夕風吟宰樹。暹光落下春。
文苑云。見淮南子。遂令懷古客。揮淚獨無蹤。○文苑英華三百六。詩紀百二十二。

上巳禊飲詩

山泉好風日。類聚作景。詩紀云。一作景。城市厭文苑作壓。囂塵。聊持歲華紀麗作把。一樽酒。共尋千里春。餘光下幽桂。夕吹舞青蘋。何言初學記作時。歲時雜詠、文苑同。出關後。重有人林人。○類聚四。初學記四。古今歲時雜詠十六。文苑英華百五十七。御覽三十。詩紀百二十二。又歲華紀麗一作隋思道詩。引春一韻。

夜聞鄰妓詩

詩紀云。拾遺作觀妓。

倡樓對三道。吹臺臨九重。笙隨山上鶴。笛奏水中龍。怨歌聲易文苑作不。斷。妙舞態難逢。文苑云。初學記作雙。誰能暫留客。類聚誤作眉客。解佩一相從。萬花谷作逢。○初學記十五。文苑英華二百十三。萬花谷後三十二作盧思道詩。

詩紀百二十二。又類聚四十二引重、龍、從三韻。

賦得珠簾詩

鑑帷明欲斂。照檻色將晨。可憐疎復密。隱映當窻人。浮清帶遠吹。含光動細塵。落花時屢拂。會待玉階春。○初學記二十五。詩紀百二十二。

彭城王挽歌

旭日初學記作早。禁門開。隱隱靈輿發。纔看鳳樓迴。文苑作迴。稍視龍山沒。猶陳五營騎。尚聚三河卒。容衛儼未文苑作來。詩紀云。一作來。歸。空山照秋月。○初學記十四。文苑英華三百十。御覽五百五十二。詩紀百二十二。

樂平長公主挽歌

粧樓對馳道。吹臺臨景舍。風入上春朝。月滿涼秋夜。未言歌笑畢。已覺生榮謝。何時洛水湄。芝田解龍駕。○初學記十四。文苑英華三百十。御覽五百五十二。詩紀百二十二。

後園宴詩

常聞崑閩有神仙。雲冠羽佩得長年。秋夕風動三珠樹。春朝露濕九芝田。不如鄴城佳麗所。玉樓銀閣與

天連。太液回波千丈映。上林花樹百枝然。流風續洛渚。行雲在南楚。可憐白水神。可念青樓女。便妍不羞澁。妖草堂詩箋作遙。文苑同。豔工言語。池苑正芳菲。得戲不知歸。媚眼臨歌扇。嬌香出舞衣。纖腰如欲斷。側髻似能飛。南樓日已暮。長簷鳥應度。竹殿遙聞鳳管聲。虹橋別有羊車路。攜手傍花叢。徐步入房櫳。欲眠衣先解。半醉臉逾紅。日日相看轉難厭。千嬌萬態不知窮。欲知妾心無劇已。明月流光滿帳中。

○文苑英華二百十四。詩紀百二十二。又草堂詩箋十六空囊詩注。引女、語二韻。

聽鳴蟬篇北齊顏之推同賦。已見。

北史本傳曰。周武帝平齊。授思道儀同三司。追赴長安。與同輩楊休之等數人作聽鳴蟬篇。思道所爲。詞意清切。爲時人所重。新野庾信徧覽諸同作者而歎美之。

聽鳴蟬。類聚缺此上三字。此聽悲無極。羣嘶玉樹裏。迴噪金門詩紀云。一作堤。側。長風送晚聲。清露供朝食。晚風朝露實多宜。秋日高鳴獨見知。輕身蔽數葉。哀鳴抱一枝。流亂罷還續。酸傷合更離。暫聽別人心即斷。纔聞客子淚先垂。故鄉已超忽。空庭正蕪沒。一夕復一朝。坐見涼秋月。河流帶地從來嶮。峭路干天不可越。紅塵早弊陸生衣。明鏡空悲潘掾髮。長安城裏帝王州。鳴鐘列鼎自相求。西望漸臺臨太液。東瞻甲觀距龍樓。說客恆持小冠出。越使常懷寶劍遊。學仙未成便尚主。尋源不見已封侯。富貴功名本多豫。繁華輕薄盡無憂。詎念嫖姚嗟木梗。誰憶田單詩紀云。一作蘭卑。倦土牛。歸去來。青山下。秋菊離離日堪把。獨焚枯魚宴林野。終成獨校子雲書。何如還驅少游馬。○類聚九十七作聽鳴蟬詩。詩紀百二十一。

聯句作詩

談藪曰。北齊盧思道聘陳。陳主令朝貴設酒食。與思道宴會。聯句作詩。其一人先唱便譏刺北人云。榆生欲飽漢。草長正肥驢。爲北人食榆。兼吳地無驢。故有此句。思道卽續之曰云云。謂南人無情義。同炊異饌也。共甑分炊水。同鑊各煮魚。○太平廣記二百四十七。

孫萬壽

萬壽。字仙期。信都武強人。仕齊爲奉朝請。隋文帝受禪。滕王引爲文學。坐衣冠不整。配防江南。行軍總管宇文述召典軍書。後歸鄉里。徵拜豫章王長史。授大理司直。卒於官。年五十二。

遠戍江南詩紀云。一作城。寄京邑親友

隋書曰。萬壽爲滕穆王文學。坐衣冠不整。配防江南。宇文述召典軍書。鬱鬱不得志。爲五言詩寄京邑知友。盛爲當時之所吟誦。

賈誼長沙國。屈平文苑作原。注云。隋書作平。詩紀云。一作原。湘水濱。江文苑云。一作東。南瘴癘地。從來多隋書作三。逐臣。粵余非巧宦。文苑作官。少文苑作策。注云。隋書作少。小拙謀身。欲飛無假翼。思鳴不值晨。如何文苑作誰言。注云。隋書作如何。詩紀云。一作誰言。載筆士。翻作負戈人。飄飄隋書作飄飄。如木偶。葉置同芻狗。失路乃西

浮。非狂亦東走。晚歲出函關。方春度京口。石城臨虎隋書作獸。據。天津望牛斗。牛斗盛妖氛。梟獍已成羣。邈超初入暮。王粲始從軍。裹糧楚山際。披文苑作被。甲吳江濱。吳江一浩蕩。楚山何糾紛。驚波上濺日。喬木下臨雲。繫越恆資辯。喻蜀幾飛文。魯連唯救患。吾彥不爭勳。文苑作唐彬不競勤。注云。晉書唐彬知孫皓將至。遲留以示不競。今隋書作吾彥不爭勳。按吾彥乃降將。無不爭功事。未詳。羈文苑作羈。遊歲月久。歸思常搔首。非關不樹萱。豈爲無杯酒。數載辭鄉縣。三秋別親友。壯志後風雲。衰鬢先蒲柳。心緒亂如絲。空懷疇昔時。昔時遊帝里。弱歲逢知己。旅食南館中。飛蓋西園裏。河間本好書。東平唯愛士。英辯接天人。清言洞名理。文苑作歡娛承帝子。注云。隋書作清言洞名理。詩紀云。一作歡娛承帝子。鳳池時寓直。麟閣常遊止。勝地盛賓僚。麗景相攜招。舟汎昆明水。騎指渭津橋。袂除臨灞岸。供帳出東郊。宜城醞始熟。陽翟曲新調。繞樹烏啼夜。雒麥雉飛朝。細塵梁下落。長袖掌中嬌。懽娛三樂至。文苑作流連三雅至。注云。隋書作懽娛三樂至。詩紀云。一作流連三雅至。懷抱百憂銷。夢想猶如文苑作獨如。注云。隋書作猶如。昨。尋思久寂寥。一朝牽世網。萬里逐波潮。迴輪常自轉。懸旆文苑誤作旅。不堪搖。登高視文苑作山川想。注云。隋書作登高視。詩紀云。一作山川想。衿帶。鄉關白雲外。迴首望孤城。愁人益不平。華亭宵鶴唳。幽文苑作壘。注云。隋書作幽。詩紀云。一作函。谷早鶯鳴。斷絕心難續。倘恍文苑作悅。魂屢驚。羣紀通家好。文苑作契。注云。隋書作好。詩紀云。一作契。鄒魯故鄉情。若文苑作儻。注云。隋書作若。詩紀云。一作倘。值南飛鴈。時能文苑作希。注云。隋書作能。詩紀云。一作希。訪死生。○隋書七十六。文苑英華二百四十八。詩紀百二十五。

答楊世子詩

太華五千仞。長河九萬里。山川每蘊玉。文苑作蘊玉石。人物多君子。丞相朝所宗。太尉國之紀。若人惟傑出。濟世承餘祉。趨庭遵教義。博物兼文史。奇聲振宛洛。雅論窮名理。伊余苦疲病。寂寞罕賓遊。不言驅駟馬。於焉訪一丘。縞紵始云贈。膠漆乃相投。伏枕空長想。驂蹇遂無由。忽此承來翰。華藻殊輝煥。雖則濫吹噓。可以蠲憂歎。懷袖終不滅。掌握方留翫。和風初應律。山鶯已復新。芳菲徒自好。節物不關人。勞歌雖有曲。無以報陽春。○文苑英華二百四十。詩紀百二十五。

別贈詩

昔我遊雲閣。及爾謬同官。高步參師友。長裾接綺紈。素居方十載。相思勞萬端。不言今夕遇。得盡故人歡。酒隨彭澤至。琴卽武城彈。高齋屏餘熱。珍簟宿輕寒。葉落霜威重。萸疎月色殘。將歸動離恨。彌傷行路難。○文苑英華二百八十六。詩紀百二十五。

和張丞奉詔於江都望京口詩

回首觀濤處。極望滄海湄。流波去無限。文苑作恨。喬木不勝悲。蓬萊雖已變。池塘尚所思。歸飛路窮此。悵望情難持。吾生乃民季。疇日佐藩維。尚想西園夕。猶懷北固時。城邑纔辨處。風煙忽何文苑誤作所。之。

跂予未能已。顧歎空遲遲。○文苑英華二百八十九。詩紀百二十五。

和周記室遊舊京詩

詩紀云。詩苑類選作周若水者非。

大夫愍周廟。王子泣殷墟。自然心斷絕。何關繫慘舒。僕文苑或作余。本漳濱士。舊國亦淪胥。紫陌風塵起。青壇文苑作壇。冠蓋疎。臺留子建賦。宮落文苑或作薄。仲將書。譙周自題柱。商容誰文苑或作詎。表閭。聞君懷古曲。同病亦漣文苑或作連。如。方知周處歎。前後信非虛。○文苑英華二百四十。文苑英華三百九。詩紀百二十五。

行經舊國詩

蕭條金闕遠。悵望羈心愁。舊邸成三逕。故園餘一丘。庭引田家客。池泛野人舟。日斜山氣冷。風近樹聲秋。弱年陪宴喜。方茲更文苑作幾。獻酌。脩竹慚詞賦。叢桂且淹留。自忝無員職。空貽不調羞。武騎非吾文苑作其。好。還思江漢遊。○文苑英華二百八十九。詩紀百二十五。

庭前枯樹詩

詩紀云。英華作孫萬壽。庾信集誤載。

當時金谷裏。昔日平陵東。布葉俱承露。開花共待風。搖落一如此。容華遂不同。庭前生意盡。井上蠹心空。匠者無勞顧。擁腫難爲功。○文苑英華三百二十六。詩紀百二十五。

早發揚州還望鄉邑詩

鄉關不再見。悵望窮此晨。山煙蔽鍾阜。水霧隱江津。洲渚斂寒色。杜若變芳春。無復歸飛羽。空悲沙塞塵。○文苑英華二百八十九。詩紀百二十五。

東歸在路率爾成詠詩

學宦初學記作官。文苑、萬花谷同。兩無成。歸心自不平。故鄉尚千里。山秋萬花谷作秋山。猿夜鳴。人愁慘雲色。客意慣文苑作愧。風聲。羈恨雖多緒。俱是一傷情。○初學記二十四作東歸在路詩。文苑英華二百八十九。萬花谷後二十五作孫萬壽詩。詩紀百二十五。

隋詩卷二

李德林

德林。字公輔。博陵安平人。仕北齊。官至儀同三司。入周。授內史上士。隋初任內史令。開皇十年出爲懷州刺史。歲餘卒。年六十一。有霸朝集五卷、集五十卷。

相逢狹路間

天衢號九經。冠蓋恆縱橫。忽逢懷刺客。相尋欲逐名。我住河陽浦。開門望帝城。金臺遠猶出。玉觀夜恆明。筵羞太官膳。酒釀步兵營。懸牀接高十。隔帳授諸生。流水琴前韻。飛塵歌後輕。太子難爲弟。中子難爲兄。小子輕財利。實見陶朱情。龍軒照人轉。驥馬噓天明。樂府作門。人門俱有說。至道勝金籙。出門會親友。天官奏德星。大婦訓端木。中婦訓樂府作梅。劉靈。小婦南山下。擊缶和秦箏。羣賓莫有戲。燈來告絕纓。○樂府詩集三十四。詩紀百二十一。

從駕巡遊詩詩紀云。苑詩類選作許善心者非。

大夏堯遺俗。汾河漢豫遊。今隨龍駕往。還屬鴈飛秋。天行肅輦路。日馭翼華輈。朝乘六氣辯。初學記字缺。

詩紀同。夕動七星旒。谷靜禽多思。風高松易秋。遠林才有色。遙水漫無流。京華佳麗所。目極與雲浮。但覩凌霄觀。詎見望仙樓。鑠門皆秀發。鴛池盡學文苑作覺。優。待君草封禪。東山觀射牛。○初學記十三。文苑英華百七十。詩紀百二十一。

從駕還京詩

至仁文教遠。惟聖武功宣。太師觀六義。文苑作儀。諸侯問百年。玄覽時乘隙。訓旅次山川。鎮象屯休氣。華蓋翼飛煙。鼓奏千人響。旗動七星連。峻嶺戈迴日。高峯馬煦詩紀云。一作照。天。姑射神遊罷。蕭關獵騎旋。更待東山上。看君巡狩。初學記誤作簫。篇。○初學記十三。文苑英華百七十。詩紀百二十九。

夏日詩

夏景多煩蒸。山水暫追涼。桐枝覆玉檻。荷葉滿銀塘。輕扇搖明月。珍簟拂流黃。壺盛仙客酒。瓶貯帝臺漿。才人下銅雀。侍妓出明光。歌聲越齊市。舞曲冠平陽。微風動羅帶。薄汗染紅粧。共欣陪宴賞。千秋樂未央。○初學記三。文苑英華百五十七。詩紀百二十一。

入山詩

登嶺望重關。腰珮且鳴環。天河臨易飲。月桂近將攀。王母西山至。夫人南嶽還。何必陽臺下。要待夢容

顏。○初學記五。文苑英華百五十九作山。詩紀百二十一。

詠松樹詩

結根生上苑。擢秀邇華池。歲寒無改色。年長有倒枝。露自金盤灑。風從玉樹吹。寄言謝霜雪。貞心自不移。○初學記二十八。文苑英華三百二十四作松樹。萬花谷三十八作李德林詩。詩紀百二十一。

柳莊

莊。字思敬。河東解人。事梁主督及歸琮。累遷太府卿。梁廢入隋。授開府儀同。除給事黃門侍郎。開皇十一年。授饒州刺史。後數歲卒官。年六十二。

劉生

座驚稱字孟。豪雄道姓劉。廣陌通朱邸。大路起青樓。耍賢驛已置。留賓轄且投。樂府云。一作仍投。光斜日下霧。庭陰月上鉤。○文苑英華百九十六。樂府詩集二十四。詩紀百二十六。

明克讓

克讓。字弘道。平原鬲人。仕梁爲湘東王法曹參軍。歷司徒祭酒、尚書都官郎中、散騎侍郎、中書侍

郎。入周。歷漢東、南陳二郡太守、露門學士。累遷司調大夫。隋受禪。拜太子內舍人。開皇十四年卒。年七十。

詠修竹詩

隋書曰。梁時。舍人朱昇在儀賢堂講老子。克讓預焉。堂邊有修竹。昇令克讓詠之。克讓覽筆輒成。其卒章曰云云。昇其異之。

非君多愛賞。誰貴此貞心。○隋書本傳。

明餘慶

餘慶。平原鬲人。克讓子。官至司門郎。越王侗稱制。爲國子祭酒。

從軍行

三邊烽亂驚。十萬且橫行。風卷常山陣。笳喧細柳營。劍花寒不落。弓月曉逾明。會取淮南詩紀云。一作河西。地。持樂府作特。文苑云。一作特。作朔方城。○文苑英華百九十九。樂府詩集三十二。詩紀百二十六。

詠死鳥詩

暮空長罷噪。箭急不知驚。賴餘琴裏曲。猶有夜啼聲。○初學記三十。詩紀百二十六。

魏澹

澹。字彥深。鉅鹿下曲陽人。博涉經史。文詞贍逸。仕齊爲中書舍人。周武平齊。授納言中士。隋受禪。爲散騎侍郎、太子舍人。遷著作郎。卒時年六十五。有後魏書一百卷、諸書要略一卷、集三卷。

初夏應詔詩

雖度芳春節。物色尚餘華。出簾飛小燕。映戶落殘花。舞衫文苑作袖飄細縠。歌扇掩輕紗。蘭房本宜夜。不畏日光斜。○初學記三。文苑英華百七十二。詩紀百二十三。

詠階前萱草詩

綠草正含芳。羅靡映前堂。帶心花欲發。依籠葉已長。雲度時無影。風來乍有香。橫得忘憂號。余憂遂不忘。○初學記二十七。文苑英華三百二十七。詩紀百二十三。

詠石榴詩

分根金谷裏。移植廣庭中。新枝含淺綠。晚萼散輕紅。影入環階初學記階環。水。香隨度隙風。路遠無由寄。

徒念文苑作然。春闈空。○初學記二十八。文苑英華三百二十六。詩紀百二十三。

園樹有巢鵲戲以詠之

畏玉心常駭。填河力已窮。夜飛還繞樹。朝鳴且向風。知來寧自伐。識歲不論功。早晚時應至。輕舉一排空。○初學記三十。詩紀百二十三。

詠桐詩

本初學記作未。求裁作瑟。何用削成珪。願寄華庭裏。枝橫待鳳棲。○初學記二十八。詩紀百二十三。

辛德源

德源。字孝基。隴西狄道人。仕北齊歷散騎侍郎、郎中。齊滅仕周。隋受禪。隱於林慮山中。謫從軍討南寧。還。牛弘薦脩國史。轉諮議參軍卒。有集三十卷。

短歌行

馳射罷金溝。戲笑上雲樓。少妻鳴趙瑟。侍妓轉吳謳。杯度浮香滿。扇舉細塵浮。星河耿涼夜。飛月豔新秋。忽念奔駒促。彌欣執燭遊。○樂府詩集三十。詩紀百二十三。

白馬篇

任俠重芳辰。相從競逐春。金羈絡赭汗。紫纒詩紀云。一作陌。應文苑作陌映。注云。一作纒應。紅塵。樂府云。一作紫陌。映紅塵。寶劍提文苑。樂府。詩紀並云。一作橫。三尺。雕弓韜六鈞。鳴珂蹀細柳。飛蓋出宜春。遙見浮光文苑作雲。注云。一作光。樂府。詩紀並云。一作雲。發。懸知上文苑作識隴。頭人。○文苑英華二百九作白馬。樂府詩集六十三。詩紀百二十三。

霹靂引

出地聲初奮。乘乾威更作。雲銜天笑明。雨帶星精落。碎枕神無擾。文苑作撓。震楹書自若。側樂府云。一作時。聞吟文苑作時聞明。注云。樂府作側聞吟。白虎。遠見飛樂府云。一作舞。玄鶴。文苑作遠觀飛白鶴。注云。樂府作遠見飛白鶴。○文苑英華三百三十一。樂府詩集五十七。詩紀百二十三。

猗蘭操

奏事傳青閣。拂除乃陶嘉。散條凝露彩。含芳映日華。已知香若麝。無怨直如麻。不學芙蓉草。空作眼中花。○樂府詩集五十八。詩紀百二十三。

成連

列子曰。伯牙學琴於成連。

征夫從遠役。歸望絕雲端。簞笠城踰壞。霜樂府作桑。落梅初寒。雪夜愁樂府作然。烽濕。冰朝飲馬難。寂寂長安信。誰念客衣單。○樂府詩集六十。詩紀百二十三。

芙蓉花

洛神挺凝素。文君拂豔紅。麗質徒相比。鮮彩文苑作姿。注云。樂府作類。兩難文苑作難兩。同。光臨照波日。香隨出岸文苑作崖。風。涉江良自遠。託意在無窮。○文苑英華三百二十二作芙蓉。樂府詩集七十七。詩紀百二十三。

浮遊花

詩紀云。樂府無名。列芙蓉花之後。左克明作辛德源。

窻中斜日照。池上落花浮。若畏春風晚。當思秉燭遊。○樂府詩集七十七。詩紀百二十三。

東飛伯勞歌

合歡芳樹連理枝。荆王神女乍相隨。誰家妖豔蕩輕舟。含嬌轉眄文苑云。一作面。騁風流。犀棹文苑作柁。古通。蘭橈翠羽蓋。雲羅霧縠蓮花帶。女兒年幾十六七。玉面新妝映朝日。落花從風俄度春。空留可憐何處新。

○文苑英華二百六。樂府詩集六十八。詩紀百二十三。

星名

邊侵昏高柳。燿火照離宮。明堂發三令。勾文苑作鈞。陳集五戎。素扇文苑作羽。詩紀云。一作羽。麾全月。朱文苑作牛。注云疑。旗引半虹。虎落驚氛斂。龍城宿霧通。擊文苑作繫。注云。疑作擊。鐘張大樂。置酒宴羣公。關山無復阻。車書方大同。○文苑英華百五十二。詩紀百二十三。

於邢邵座賦詩

三國典略曰。辛德源嘗於邢邵座賦詩。其十字曰云云。衆咸稱善。

寒威漸離風。春色方依樹。○御覽五百八十五。

恙嫗詩

談藪曰。散騎常侍辛德源謂思道曰。昨作恙嫗詩。惟得五字云云。苦無其對。思道尋聲曰。何不道黃物插腦門。皂陂垂肩井。○太平廣記二百四十七。

李孝貞

孝貞。字元操。趙郡柏人。仕北齊官至黃門侍郎。入周。轉吏部下大夫。開皇初。歷蒙州刺史。徵拜內史。參典文翰。出爲金州刺史。

巫山高

荆門對巫峽。雲夢邇陽臺。燎火如奔電。墜石似驚雷。天寒秋水急。風靜夜猿哀。枕席無由薦。朝雲徒去來。○文苑英華二百一。詩紀百二十二。

鳴鴈行詩紀云。此詩本詠雀。樂府題曰鳴鴈行。或有誤也。

聽琴旋蔡子。張羅避翟公。夕宿寒林上。朝飛空井中。既並玄雲曲。復變海魚風。一報黃花惠。還遊萬歲宮。○樂府詩集六十八。詩紀百二十二。

奉和從叔光祿愔元日早朝詩

銅渾變春歲時雜詠作秋。節。玉律動年灰。曖曖城霞旦。隱隱禁門開。衆靈歲時雜詠作樂。湊仙府。百神朝帝臺。葉令雙鳧至。梁王駟馬來。戈鋌映林闕。歌管沸塵埃。保章望瑞氣。尚書滅火災。冠冕多秀士。簪裾饒上

才。誰憐張仲蔚。日暮返蒿萊。○古今歲時雜詠一。文苑英華百九十。詩紀百二十二。

聽百舌鳥詩

煙銷上路靜。漏盡禁門通。好鳥從西苑。流響入南宮。間關既多緒。變轉復無窮。調驚時斷絕。音繁有異同。飲啄歸承露。飛鳴上別風。未避王孫彈。寧畏虎賁弓。石渠皆學府。麟閣悉文雄。不愆青泥印。時尋白社中。○文苑英華三百二十九。詩紀百二十二。

酬蕭侍中春園聽妓詩

微雨散芳菲。中園照落暉。紅樹搖歌扇。綠珠飄文苑作佩。舞衣。繁弦調對酒。雜引動思歸。愁人當此夕。羞見落花飛。○初學記十五。文苑英華二百十三。詩紀百二十二。

園中雜詠橘樹詩

嘉樹出巫陰。分根徙上林。白華如散雪。朱實似懸金。布影臨丹地。飛香度玉岑。自有凌冬質。能守歲寒心。○初學記二十八。文苑英華三百二十六。作橘樹。詩紀百二十二。

詠鵲詩

東立朝雨霽。南飛夜月明。○御覽九百二十一引北齊書。

元行恭

行恭。北齊後主時爲省右戶郎。待詔文林館。隋開皇中位尚書郎。坐事徙瓜州卒。

秋遊昆明池詩。詩紀云。江總、薛道衡皆有此詩。

旅客傷羈遠。樽酒慰登臨。池鯨隱舊石。岸菊聚新金。陣低雲色近。行高鴈影深。欹荷瀉圓露。卧柳橫清陰。衣共秋風冷。心學古灰沈。還似無人處。幽蘭人雅琴。○初學記七。文苑英華百六十四。詩紀百二十六。

過故宅詩

頽城百戰後。荒宅初學記作邑。四鄰通。將軍樹初學記作戟。詩紀云。一作戟。已折。步兵途轉窮。吹臺有山鳥。歌庭聒野。文苑作夜。注云。一作野。蟲。草深斜徑沒。初學記作滅。文苑同。水盡曲池空。林中滿。文苑作滿中送。注云。一作林中滿。明月。是處來春風。唯餘一廢。文苑作故。注云。一作廢。井。尚夾兩株桐。○初學記二十四。文苑英華三百七。詩紀百二十六。

蕭岑

岑。字智遠。梁宣帝嘗子。嘗時封河間王。改吳郡王。位至太尉。及蕭琮嗣位。頗有不法。隋文帝徵岑

入朝。拜大將軍。封懷義公。遂留不遣。

權歌行

桂酒既潺湲。輕舟亦乘駕。鼓柁何所樂。府作吟吟。吟我皇唐化。容與滄浪中。淹留明月夜。○樂府詩集四十。詩紀百二十一。

王通

通。字仲淹。河汾人。既冠。西見隋文帝。獻太平十二策。帝不用。東歸。其後累徵不起。講道于河汾之上。卒。弟子諡曰文中子。

東征歌

文中子世家曰。隋仁壽三年。文中子西遊長安。見文帝。奏太平十有二策。帝下其議於公卿。公卿不悅。文中子知謀之不用。賦東征之歌而歸。帝聞而再徵之。不至。

我思國家兮遠遊京畿。忽逢帝王兮降禮布衣。遂懷古人之心兮將興太平之基。時異事變兮志乖願違。吁嗟道之不行兮垂翅東歸。皇之不斷兮勞樂府作將。身西飛。○樂府詩集八十六。詩紀百二十一。

劉臻

臻。字宜摯。沛國相人。仕梁爲邵陵王東閣祭酒、中書舍人。入周爲露門學士、大都督。隋受禪。進位儀同三司。爲太子學士。開皇十八年卒。年七十二。

河邊枯樹詩

奇樹臨芳渚。半死若龍門。疾風摧勁葉。沙岸毀盤根。將軍猶未坐。匠石不曾論。無復凌雲勢。空餘激浪痕。可嗟摧折盡。詎得上河源。○文苑英華三百二十六。詩紀百二十一。

史萬歲

萬歲。京兆杜陵人。周武帝時。釋褐侍任上士。隋文帝時。屢立戰功。進位柱國。楊素害其功。開皇二十年以事被殺。

石城山

石城門峻誰開闢。更鼓悟聞風落石。界天自嶺勝金湯。鎮壓西南天半壁。○古詩類苑十二。詩紀百二十一。

何妥

妥。字栖鳳。西城人。仕梁及周。隋高祖受禪。除國子博士。奉詔考正鍾律。累遷國子祭酒。開皇末卒。有周易講疏十三卷、大隋封禪書一卷、樂要一卷、集十卷。

門有車馬客行

門前車馬客。言是故鄉來。故鄉有書信。縱橫印檢開。開書看未極。行客屢相識。借問故鄉人。潺湲淚不息。上言離別久。下道望應歸。寸心將夜鵲。相逐向南飛。○文苑英華百九十五作何遜。樂府詩集四十作隋何晏。詩紀百二十一。

入塞

桃林千里險。候騎亂紛紛。問此將何事。嫖姚封冠軍。回旌引流電。歸蓋轉行雲。待任蒼龍傑。方當論次勳。○樂府詩集二十二。詩紀百二十一。

長安道

長安狹斜路。縱橫四達分。車輪鳴鳳轄。箭服耀魚文。五陵多任俠。輕騎自連羣。少年皆重氣。誰識故將

軍。詩紀云。鳳轄用霍光事。○樂府詩集二十三。詩紀百二十一。

昭君詞

昔聞別鶴弄。已自軫離情。今來昭君曲。還悲秋草并。○文苑英華二百四作何遜昭君怨。又遜下注云。一作妥。樂府詩集二十九作明君詞。詩紀百二十一。

奉敕於太常寺脩正古樂詩

大樂遺鐘鼓。至樂貴忘情。俗久淳和變。年深初學記作沒。禮教生。嶰初學記作解。谷調孤管。崑山學鳳鳴。浮雲成舞文苑作武。曲。白雪作歌名。聞詩六義辨。初學記作辨。觀漏八風平。肅穆皇威暢。淪漣初學記作連。河水清。鈞天動絲竹。括文苑作聒。地響鐸鉦。盡美兼韶濩。初學記作護。盛文苑作威。德總咸英。寥亮鳧鍾徹。飄揚翟羽輕。小臣屬千載。時幸預簪纓。行欣負蒼璧。衢壇聽九成。○初學記十五。文苑英華二百十二。詩紀百二十一。

樂部曹觀樂詩

東海餘風大。陶唐遺思深。何如觀徧舞。奏鼓間縱金。清管調絲竹。朱絃韻雅萬花谷作瑟。琴。八行陳樹羽。六德審知音。至道兼韶濩。充庭總秣任。初學記作輪林。高天度流火。落日廣城初學記作成。陰。百神諧景福。萬國仰君臨。大初學記作天。樂非鐘鼓。且用戒民心。○初學記十五。文苑英華二百十二。萬花谷後三十二作何妥詩。詩紀

尹式

式。河間人。仕隋官至漢王記室。仁壽四年漢王敗。式自殺。

送晉熙公別詩

太行君失路。扶搖我退飛。無復紅顏在。空持文苑、詩紀並云。一作將。白首歸。色移三代服。塵化兩京衣。道窮方識文苑云。一作體。命。事去乃知非。西候追孫楚。南津送陸機。雲薄鱗逾細。山高翠轉微。氣隨流水咽。淚逐斷弦揮。但令寸心密。隨意尺書稀。○文苑二百六十六作送留熙公別。詩紀百二十六。○逮按。文苑留字率寫作留。留晉易訛。

別宋常侍詩

遊人文苑作人。注云。疑作人。杜陵北。送客漢川東。無論去與住。俱文苑云。一作悉。是一飄蓬。秋鬢含霜白。衰顏倚酒紅。別有相思處。啼鳥雜夜風。○文苑英華二百六十六。詩紀百二十六。

隋詩卷三

隋煬帝楊廣

廣。隋文帝第二子。開皇元年立爲晉王。後以陰謀廢奪太子勇。得立爲太子。又五年。弑父自立。在位十二年。荒淫暴虐。下不堪命。義寧二年。爲宇文化及所殺。年五十。有集五十五卷。

樂府

飲馬長城窟行 示從征羣臣。○以下五言。

肅肅秋風起。悠悠行萬里。萬里何所行。橫漠築長城。豈台小子智。先聖之所營。樹茲萬世文苑作代。策。安此億兆生。詎敢憚焦思。高枕於上京。北河秉文苑作西河執。注云。一作北東。詩紀云。一作兩河執。武節。千里捲文苑作倦。注云。一作捲。樂府作卷。戎旌。山川互出沒。原野窮超忽。撻金止行陣。鳴鼓興士卒。千乘萬騎動。飲馬長城窟。秋昏塞外雲。霧暗關山月。緣巖驛馬上。乘空烽火發。借問長城樂府作安。文苑云。一作安。候。單于入朝謁。濁氣靜文苑作淨。天山。晨光照高闕。樂府作關。釋兵仍振旅。要荒事方舉。飲至告言旋。功歸清廟前。○文苑英華二百九作擬飲馬長城窟。樂府詩集三十八作飲馬長城窟行。詩紀百二十。

白馬篇

白馬金貝文苑作貝。樂府同。裝。橫行遼水傍。問是誰家子。宿衛羽林郎。文犀六屬鎧。寶劍七星光。山虛弓響徹。地迴文苑作迴。角聲長。宛河推勇氣。隴蜀文苑作屬。擅威強。輪臺受降虜。高闕翦名王。射熊入飛觀。校獵下長楊。英名文苑作雄。欺衛霍。智策蔑平良。島夷時失禮。卉服犯邊疆。徵樂府作微。兵集樂府作離。薊北。輕騎出漁陽。進樂府作集。軍隨日暈。挑戰逐星芒。陣移龍勢文苑云。一作膝。動。管開虎文苑云。一作厲。翼張。衝冠文苑云。一作寇。人死地。攘臂越金湯。塵飛戰鼓急。風交征旆揚。轉鬪平華地。文苑云。一作麗。追奔掃大文苑。樂府作帶。方。本持身許國。況復武功彰。曾令千載後。流譽滿旂常。○文苑英華二百九。樂府詩集六十三作孔稚注白馬篇。詩紀百二十。○詩紀云。文苑英華作煬帝。樂府作孔稚圭。按詩中多叙征遼之事。當以英華爲正。稚圭別有一篇。遠案。詩紀說是。詩中有島夷語。亦證不爲南朝人所作。

步虛詞二首

洞府凝玄液。靈山體自然。俯臨滄海島。回出大羅天。八行分寶樹。十丈散芳蓮。懸居燭日月。天步役風煙。躡記書金簡。乘空誦玉篇。冠法二儀立。珮帶五星連。瓊軒解甘露。瑜井挹膏泉。南巢息雲馬。東海戲桑田。回旗遊八極。飛輪入九玄。高蹈虛無外。天地乃齊年。○樂府詩集七十八。詩紀百二十。

總轡行無極。相推凌太虛。翠霞承鳳輦。碧霧翼龍輿。輕舉金臺上。高會玉林墟。朝遊度圓海。夕宴下方

諸。○同上

春江花月夜二首

暮江平不動。春花滿正開。流波將月去。潮水帶星來。○樂府詩集四十七。詩紀百二十。○詩紀云。帶。玉臺作共。案玉臺新詠無此篇。

夜露含花氣。春潭漾月暉。漢水逢遊女。湘川值兩妃。○同上

錦石擣流黃二首

漢使出燕然。愁閨夜不眠。易製殘燈下。鳴砧秋月前。○樂府詩集七十七。詩紀百二十。
今夜長城下。雲昏月應暗。誰見倡樓前。心悲不成慘。詩紀作慘。○同上○遼案。此二首樂府連爲一篇。

喜春遊歌二首

禁苑百花新。佳期遊上春。輕身趙皇后。歌曲李夫人。○樂府詩集七十七。詩紀百二十。
步緩知無力。臉曼樂府作慢。動餘嬌。錦袖淮南舞。寶袂楚宮腰。○同上

楊叛兒曲

詩紀云。拾遺作隋越王京洛行。

青春上陽月。結伴戲京華。龍媒玉珂馬。鳳軫繡香車。水映臨橋樹。風吹夾路花。日昏歡宴罷。相將歸狹

斜。○樂府詩集四十九作隋後主。詩紀百二十一。

江都宮樂歌以下七言

揚州舊處可淹留。臺樹高明復好遊。風亭芳樹迎早夏。長臯麥隴送餘秋。淶潭桂楫浮青雀。果下金鞍躍紫驄。綠觴素蟻流霞飲。長袖清歌樂戲州。○樂府詩集七十九。詩紀百二十。

江陵女歌詩紀云。玉臺作隋煬帝。

雨從天上落。水從橋下流。拾得娘裙帶。同心結兩頭。○樂府詩集四十七。詩紀百二十。

泛龍舟

唐書樂志曰。泛龍舟。隋煬帝江都宮作。

舳艫千里泛歸舟。言旋舊鎮下揚州。借問揚州在何處。淮南江北海西頭。六轡聊停御百丈。暫罷開山歌棹謳。詎似江東掌間地。獨自稱言鑑裏遊。○樂府詩集四十七。詩紀百二十。

四時白紵歌二首

東宮春

洛陽城邊朝日暉。天淵池前春燕歸。含露桃花開未飛。臨風楊柳自依依。小苑花紅洛水綠。清歌苑文苑作
婉。轉繁絃促。長袖逶迤動珠玉。千年萬歲陽春曲。○文苑英華百九十三。樂府詩集五十六。詩紀百二十。

江都夏

黃梅樂府作梅黃。雨細麥秋輕。草堂詩箋作橫。楓葉蕭蕭文苑誤作簫簫。江水平。飛樓綺樂府作倚。觀軒若驚。花簾羅
幃當夜樂府作夏。清。菱潭落日雙鳧舫。綠水紅粧兩搖漾。還似扶樂府作浮。桑碧海上。誰文苑作詎。注。一作誰。
肯空歌採蓮唱。○文苑英華百九十三。樂府詩集五十六。詩紀百二十。又草堂詩箋十八詩注引橫、平二韻。○逸案。麥秋輕不辭。輕
當作橫。

鳳船歌

廣五行志曰。隋煬帝三月三日沐上作鳳船歌。乃唐興之兆。

三月三日向紅頭。正見鯉魚波御覽作江。上游。意欲垂鈎御覽作釣。往撩取。恐是蛟龍還復休。○御覽九百三十
六。詩紀百二十。

紀遼東二首雜言

隋書曰。大業八年。煬帝伐高麗。度遼水。大戰于東岸。擊賊破之。進圍遼東。

遼東海北翦長鯨。風雲萬里清。方當銷鋒散馬牛。旋師宴鎬京。前歌後舞振軍威。飲至解戎衣。判不徒行萬里去。空道五原歸。○文苑英華二百一。樂府詩集七十九。詩紀百二十。

秉旄仗節定遼東。俘馘變夷風。清歌凱捷九都水。歸宴維陽宮。策功行賞不淹留。全軍藉智謀。詎似南宮複道上。先封雍齒侯。○同上

詩

冬至乾陽殿受朝詩

北陸玄歲時雜詠作陸。文苑作隆。注云。一作玄。冬盛。南至晷漏長。端拱朝萬國。守文繼百王。至德慙日用。治道愧時康。新邑建嵩岳。歲時雜詠作口嵩。雙闕臨洛陽。圭景正八表。道路均四方。碧空霜華淨。初學記作靜。文苑同。朱庭皎初學記作暖。文苑云。一作暖。日光。纓珮既濟濟。鐘鼓何鏗鏗。歲時雜詠作煌煌。文苑初學記誤作戰。翊高殿。采眊分脩廊。元首乏明哲。股肱貴惟歲時雜詠作資賢。文苑同。良。舟楫初學記作楫。行有寄。庶此王化昌。

○初學記十四。古今歲時雜詠三十九作冬至日乾陽殿朝。文苑英華三百十一。詩紀百二十。

雲中受突厥主朝宴席賦詩

隋書曰。大業三年八月。帝北巡。車駕發榆林。歷雲中。泝金河。時天下承平。百物豐實。甲士五十餘萬。馬十萬匹。旌旗輜重。千里不絕。突厥啓民克汗奉廬帳以俟車駕。帝幸其帳。啓民奉觴上壽。帝大悅。賦詩曰。

鹿塞鴻旗駐。龍庭翠輦回。氈帷御覽誤作惟。望風舉。穹廬向日開。呼韓頓顙至。屠耆御覽誤作屠。接御覽作繼。踵來。索辮擊羶肉。韋鞬獻酒杯。如何御覽作何如。漢天子。空上單于臺。○隋書突厥傳。御覽五百九十一。詩紀百二十。

宴東堂詩

雨罷春光潤。日落暝霞暉。海榴舒欲盡。山櫻開未飛。清音出歌扇。浮香飄初學記作颺。詩紀云。一作颺。舞衣。翠帳全臨戶。金屏半隱扉。風花意無極。芳樹曉禽歸。○初學記二十四。文苑英華百六十八。詩紀百二十。

賜史祥詩

北史曰。煬帝卽位。漢王作亂。遣其將綦毋良自滎口徇黎陽。塞白馬津。余公理自太行下河內。帝以祥爲行軍總管。軍於河陰。公理屯兵河陽城內以備祥。祥乃簡精銳於下流潛度。擊公理。大破之。東趣黎陽。綦毋良棄軍走。其衆大潰。進位上大將軍。轉太僕卿。帝賜祥詩曰。

伯夷朝繼重。夏侯親遇深。貴耳唯聞古。賤目詎知今。早擿勁草質。久有背淮心。掃逆黎山外。振旅河之陰。功已書王府。留情太僕箴。○隋書史祥傳。北史史祥傳。詩紀百二十。

賜牛弘詩

北史曰。煬帝之在東宮。數有詩書遺弘。弘亦有答。及嗣位。嘗賜弘詩云云。其同被賜詩者。至於文辭贊揚。無如

弘美。

晉家山吏部。魏代隋書作世。御覽同。盧尚書。莫言先哲異。奇才並佐予。隋書作余。御覽同。學行敦時俗。道素乃沖虛。納言雲閣上。禮儀皇運初。彝倫欣有叙。垂拱事端居。○隋書牛弘傳。北史牛弘傳。御覽五百九十一引國朝傳記。詩紀百二十。

賜諸葛穎

隋書本傳曰。煬帝即位。遷穎著作郎。甚見親待。帝嘗賜穎詩。其卒章曰。

參翰長洲苑。侍講肅成門。名理窮研覈。英華恣討論。實錄資平允。傳芳導後昆。○隋書諸葛穎傳。北史諸葛穎傳。詩紀百二十。

早渡淮詩

平淮既森森。曉霧復霏霏。淮甸未分色。泱泱共晨暉。晴初學記作清。霞轉孤嶼。錦帆出長圻。潮魚時躍浪。沙禽鳴欲飛。會待高秋晚。愁因逝水歸。○初學記六。文苑英華百七十。詩紀百二十。

臨渭源詩

西征乃屆此。山路亦悠悠。地幹紀靈異。同穴吐洪流。濫觴何足擬。浮槎難可儔。驚波鳴澗石。澄岸瀉巖

樓。滔滔下狄文苑作秋。縣。森森肆神州。長林嘯文苑作笑。白初學記作台。獸。雲徑想青牛。風歸文苑作掃。花葉散。日舉煙霧收。直爲求人隱。非窮轍迹遊。○初學記六。文苑英華百七十。詩紀百二十。

還京師詩

東都禮儀舉。西京冠蓋歸。是月春之季。花柳相依依。雲蹕清馳道。雕輦御晨暉。嘹亮饒笳奏。葳蕤旌旆飛。後乘趨文雅。前驅厲武威。○初學記十三。文苑英華百七十。詩紀百二十。

捨舟登陸示慧日道場玉清玄壇德衆詩

天淨宿雲卷。日舉長川旦。颺洒林花落。逶迤風柳散。孤鶴近廣弘明集作逝。注云。三本、官本作近。追羣。啼鶯遠相喚。蓮舟水處盡。畫輪途始半。江滙各自遙。東西並興嘆。已熏禪慧力。復藉廣弘明集作籍。金丹捍。廣弘明集作杆。注云。三本、官本作捍。有異三川遊。曾非四門觀。於焉履妙道。超然登彼岸。○廣弘明集三十。詩紀百二十。

謁方山靈巖寺詩

梵宮既隱隱。靈岫亦沈沈。平郊送晚日。高峯落遠陰。迴廣弘明集作迴。注云。三本、官本作迴。旛飛曙嶺。疎鐘響晝林。蟬鳴秋氣近。泉吐石溪深。抗迹禪枝地。發念菩提心。○廣弘明集三十。詩紀百二十。

月夜觀星詩

團團素月淨。脩脩夕景清。谷泉驚暗石。松風初學記作風松。動夜聲。披初學記作被。衣出荆戶。躡履步山楹。欣覩明堂亮。喜見泰階平。紫參猶可識。牛女文苑云。初學記作女牛。尚分明。更移斗柄轉。夜久天河橫。徘徊不能寐。參差幾種情。○初學記一。文苑英華百五十二。事文類聚前集三。詩紀百二十。

季秋觀海詩

孟軻叙遊聖。枚乘說瘡疾。逖初學記作遂。聽乃前聞。臨深驗茲日。浮天迥無岸。含靈文苑作虛。固非一。委輸百谷歸。朝宗萬川溢。分城文苑作汾空。事文類聚作空。詩紀云。一作空。碧霧晴。連洲彩雲密。欣同夫子觀。深愧玄虛筆。○初學記六。文苑英華百六十二。事文類聚前集十五作觀海。詩紀百二十。

望海詩

碧海雖欣矚。金臺空有聞。遠水翻如岸。遙山倒文苑作到。似雲。斷濤還共合。連浪或時分。馴鷗舊可狎。卉木足爲羣。方知小姑射。誰復語臨汾。○初學記六。文苑英華百六十二。詩紀百二十。

詠鷹詩

遷朔欲之衡。忽投尉初學記誤作蔚。羅裏。既以羈華絆。仍持獻君子。青骹固絕儔。素羽誠難擬。深日表茲稱。閣臆斯爲美。驚獸不及奔。猜禽無暇起。雖蒙鞞上榮。無復凌雲志。○初學記三十。文苑英華三百二十八。詩紀百二十。

獻歲燕宮臣詩

三元建歲時雜詠作逮。上京。六佾宴吳初學記缺此字。城。朱庭容衛肅。青天春氣明。朝光歲時雜詠作元。動劍綵。歲時雜記作斂彩。長階分珮聲。酒闌鐘磬息。欣觀文苑作觀。禮樂成。○初學記四。古今歲時雜詠一。文苑英華百七十二。詩紀百二十。

正月十五日于通衢建燈夜升南樓詩

法輪天上轉。梵聲天上來。燈樹千光照。花燄七歲時雜詠作六。枝開。月影凝流水。春風含夜梅。旛動黃金地。鍾發琉璃臺。○廣弘明集三十。古今歲時雜詠七。詩紀百二十。

晚春詩

洛陽春稍晚。四望滿春文苑作青。暉。初學記作輝。楊葉行將暗。桃花落未稀。窺簷燕爭入。穿林鳥亂飛。唯當關塞者。溽露方霑衣。○初學記三。文苑英華百五十七。詩紀百二十。

悲秋詩

故年秋始去。今年秋復來。露濃山氣冷。風急蟬聲哀。鳥文苑作烏擊初移樹。魚寒欲隱苔。斷霧時通日。殘雲尚作雷。○初學記三。文苑英華百五十八。詩紀百二十。

冬夜詩

不覺歲將文苑作時盡。已復入長安。月影含冰凍。風聲淒夜寒。江海波濤壯。崑潼坂文苑作坂險難。無因寄飛翼。徒欲動和鑾。○初學記三。文苑英華百五十八。詩紀百二十。

夏日臨江詩

夏潭蔭脩竹。高岸坐長楓。日落滄江靜。雲散遠山空。鷺飛林外白。蓮開水上紅。逍遙有餘興。悵望情不終。○初學記六。文苑英華百六十二。詩紀百二十。

北鄉古松樹詩

古松惟一樹。森竦詎成林。獨留塵文苑誤作塵。尾影初學記作縣。猶橫偃蓋陰。雲來聚雲色。風度雜風音。孤生小庭裏。尚表歲寒心。○初學記二十八作詠北鄉北松樹詩。文苑英華三百二十四。萬花谷後二十八作隋煬帝詩。詩紀百二十。○

周景式廬山記云。石門北岩卽松林也。仰視之。離離如駢鹿尾。於尋陽望聚見之分明。

幸江都作詩

隋書曰。大業十一年。煬帝自京師如東都。至長樂宮。飲酒大醉。因賦五言詩。其卒章曰。徒有歸飛心。無復因風力。令美人再三吟詠。帝泣下霑襟。侍御者莫不歎歔。帝因幸江都。復作五言詩云云。帝以三月被弑。卽遭春之應也。是年盜賊蜂起。道路隔絕。帝遂無還心。復夢二豎子歌曰。去亦死。住亦死。未若乘船渡江水。由是築宮丹陽。將居焉。功未就而被弑。

求歸不得去。真成遭箇春。鳥聲爭勸酒。梅花笑殺人。○隋書五行志。詩紀百二十。

詩

寒鴉飛數點。流水遶孤村。斜陽欲落處。一望黯消魂。○筆塵。

姚察

察。字伯審。吳興武康人。仕梁歷南海王國常侍、南郡王行參軍兼尚書駕部郎、原鄉令、著作佐郎。入陳爲始興王功曹參軍、嘉德殿學士、尚書祠部郎。累遷吏部尚書。入陳。除太常丞。歷尚書民部儀曹郎。轉給事。入隋。開皇中襲封北絳郡公。仁壽二年。除員外散騎常侍。大業二年卒。有漢書訓纂

三十卷、漢書集解一卷。

遊明慶寺詩詩紀云。廣弘明集云。陳姚察遇見蕭祭酒書明慶寺禪房詩。覽之愴然。憶此寺。仍用蕭韻述懷。

地靈居五淨。山幽寂四禪。月宮臨鏡石。花讚繞峯蓮。霞暉間旛影。雲氣合爐煙。迴松高偃蓋。水瀑細分泉。含風萬籟響。哀露百花鮮。宿昔尋真趣。結友亟留連。山庭出藿藜。澗沚濯潺湲。因斯事熏習。便得息攀緣。何言遂雲雨。懷此悵悠然。徒有南登望。會逐東流旋。○廣弘明集三十。詩紀百二十一。

賦得笛詩

作曲是佳人。製名由巧匠。鷓絃時莫並。鳳管還相向。隨歌響更發。逐舞聲彌亮。宛轉度雲窻。逶迤出黼帳。長隨畫堂裏。承恩無所讓。○初學記十六。文苑英華二百十二作詠笛。萬花谷後三十二作姚察詩。詩紀百二十一。

隋詩卷四

楊素

素。字處道。弘農華陰人。仕周歷中外記室、禮曹、大都督、車騎大將軍儀同三司、汴州刺史、徐州總管。進位柱國。封清河郡公。隋受禪。加上柱國。拜信州總管。遷荊州總管。進封鄖陽國公。改封越國公。尋拜納言。轉內史令。進尚書右僕射。煬帝卽位。遷尚書令。拜太子太師。改封楚國公。大業二年卒。有集十卷。

出塞二首

薛道衡、虞世基和詩別見。

漠南胡未空。漢將復臨戎。飛狐出塞北。碣石指遼東。冠軍臨瀚海。長平翼大風。雲橫虎落陣。氣抱龍城虹。文苑作橫虎落陣氣。抱龍繞城虹。橫行萬里外。胡運百年窮。兵寢星芒落。戰解月輪空。嚴鑣息夜斗。駢角罷鳴弓。北風嘶朔馬。胡霜切塞鴻。休明大道暨。幽荒日用同。方就長安邸。來謁建章宮。○文苑英華百九十七。樂府詩集二十一。詩紀百二十一。

漢虜未和親。憂國不憂身。握手河梁上。窮涯北海濱。據鞍獨懷古。慷慨感良臣。歷覽多舊迹。風日慘愁

人。荒塞空千里。孤城絕四鄰。樹寒偏易古。草衰恆不春。交河明月夜。陰山苦霧辰。鴈飛南入漢。水流西咽秦。風霜久行役。河朔備艱辛。薄暮邊聲起。空飛胡騎塵。○文苑英華百九十七。詩紀百二十九。

山齋獨坐贈薛內史詩二首

居山四望阻。風雲竟朝夕。深溪橫古樹。空岩卧幽石。日出遠文苑云。一作孤。岫明。鳥散空林寂。蘭庭動幽氣。竹室生虛白。落花人戶飛。細草當階積。桂酒徒盈樽。故人不在席。日文苑作薄。詩紀云。一作薄。暮山之幽。臨風望羽客。○文苑英華二百四十八。詩紀百二十九。

巖壑澄清文苑作清澄。景。景清巖壑深。白雲飛暮色。綠水激清音。澗戶散餘彩。山牕凝宿陰。花草共榮映。樹石相陵臨。獨坐對陳榻。無客有鳴琴。寂寂幽山裏。誰知無悶心。○同上

贈薛內史詩

耿耿不能寐。京洛久離羣。橫琴還獨坐。停杯遂待君。待君春草歇。獨坐秋風發。朝朝唯落花。夜夜空明月。明月徒流光。落花空自芳。別離望南浦。相思在漢陽。漢陽隔隴岑。南浦達桂林。山川雖未遠。無由得寄音。○文苑英華二百四十八。詩紀百二十一。

贈薛播州詩十四章

北史曰。素嘗以五言詩七百字贈播州刺史薛道衡。詞氣穎拔。風韻秀上。爲一時盛作。未幾而卒。道衡曰。人之將死。其言也善。若是乎。○遂按。詩紀作十四首。非是。

在昔天地閉。品物屬屯蒙。和平替王道。哀怨結人風。麟傷世已季。龍戰道將窮。亂海飛羣水。文苑、詩紀並云。一作亂流飛海若。貫日引長。詩紀云。一作白。虹。干戈異革命。揖讓非至公。

兩河定寶鼎。八水域神州。函關絕無路。京洛化爲丘。漳滏爾連文苑作連爾。沼涇渭余別流。生郊滿戎馬。涉路起風牛。班荆疑莫遇。贈縞竟無由。

五緯連珠聚。千載濁河清。金亡潛虎質。閨盡自蛙聲。聖期伊文苑作依。且暮天祿啓炎精。霧生三日重。星飛五老輕。禋宗答上帝。改物創羣生。

道昏雖已朗。政故猶未新。剡舟洄水濟。文苑云。一作溟水際。詩紀云。一作際。結網大川濱。出遊迎釣叟。人夢訪幽人。植林離各樹。開榮豈異春。相逢一時泰。共幸百年身。

有帛賁丘園。生芻自幽谷。塵芳金馬路。瀾清鳳池澳。零露既垂光。清風復流穆。傾蓋如舊知。彈冠豈新沐。利心金各斷。芬言蘭共馥。

自余歷端揆。緝熙恧時彥。及爾陪帷幄。出納先天睠。高調發清音。緝藻流餘絢。或如彼金玉。歲暮無凋變。余松待爾心。爾筠留我箭。

荏苒積歲時。契闊同遊處。閭闔既趨朝。承明還宴語。上林陪羽獵。甘泉侍清曙。文苑作署。迎風含暑氣。飛雨淒寒序。相顧惜光陰。留情共延詩紀云。一作遙。佇。

滔滔彼江漢。實爲南國紀。作牧求明德。若人應斯美。高卧未褰帷。飛聲已千里。還望白雲天。日暮秋風起。峴山君儻遊。淚落應無已。

漢陰政已成。嶺表人猶蠹。彈冠比方新。還珠總如故。楚人結去思。越俗歌來暮。陽鳥詩紀云。疑作鳥。尚歸飛。別鶴還迴顧。君見南枝巢。應思北風路。

北風吹故林。秋聲不可聽。鴈飛窮海寒。鶴唳霜臯淨。含毫心未傳。聞音路猶復。唯有孤城月。徘徊獨臨映。弔影余自憐。安知我疲病。

養病願歸閑。居榮在知足。栖遲茂陵下。優游滄海曲。古人情可見。今人文苑云。一作我。遵路文苑云。一作故。躅。荒居接野窮。心物俱非俗。桂樹芳文苑作方。叢生。山幽竟何欲。

所欲棲一枝。稟分豐諸已。園樹避鳴蟬。山梁遇雌雉。野陰冒叢灌。幽氣含蘭芷。悲哉暮秋別。文苑云。一作晨霞既悲哉。春草復萋矣。鳴琴久不聞。屬聽空流水。

秋水魚遊日。春樹鳥鳴時。濠梁暮共往。幽谷有相思。千里悲無駕。一見杳難期。山河散瓊蘂。庭樹下丹滋。物華不相待。遲暮有餘悲。

銜悲向南浦。寒色黯沈沈。風起洞庭險。煙生雲夢深。獨飛時慕侶。寡和乍孤音。木落悲時暮。時暮感離心。離心多苦調。詎假雍門琴。○文苑英華二百四十八。詩紀百二十一。

行經漢高陵詩

芳春無獻果。明月不游衣。○匡謬正俗五。

賀若弼

弼。字輔伯。河南維陽人。仕齊、周歷官壽州刺史。隋文帝受禪。陰有平江南之志。高穎薦弼有文武才幹。拜吳州總管。平陳後。加上柱國。進爵宋國公。大業三年被誅。

遺源雄詩

隋書曰。隋文帝拜弼爲吳州總管。委以平陳之事。弼欣然以爲己任。與壽州總管源雄並爲重鎮。弼遺雄詩曰。

交河驟騎幕。合浦伏波營。勿使麒麟御覽作騏驎。上。無我二人名。○隋書本傳。御覽二百七十七。太平廣記三百。詩紀百二十一。

薛道衡

道衡。字玄卿。河東汾陰人。仕齊歷司州兵曹從事、太尉主簿、中書侍郎。入周爲御史二命士。歷陵州、邳州刺史。隋初爲內事舍人。遷吏部侍郎。出事配防嶺外。徵授內史侍郎。加上儀同三司。進位上開府。煬帝卽位。轉播州刺史。入拜司隸大夫。大業三年被害。年七十。有集七十卷。

樂府

出塞二首和楊素○以下五言。

高秋白露團。上將出長安。塵沙塞下暗。風月隴頭寒。轉蓬隨馬足。飛霜落劍端。凝雲迷代郡。流水凍桑乾。烽微桔槔遠。橋峻轆轤難。從軍多惡少。召募盡材官。伏堤文苑作波。注云。一作堤。時卧鼓。疑兵乍解鞍。柳文苑作龍。注云。一作柳。詩紀云。一作龍。城擒冒頓。長坂納呼韓。受降今更築。燕然已重刊。還嗤傅介子。辛苦

刺樓蘭。○文苑英華百九十七。樂府詩集二十一。詩紀百二十三。

邊庭烽火驚。插羽夜徵兵。少昊騰金氣。文昌動將星。長驅鞬汗北。直指夫人城。絕漠三秋暮。窮陰萬里生。寒夜哀笛文苑作笳。樂府同。曲。霜天斷鴈聲。連旗下鹿塞。文苑作旌旗連下鹿。注云。一作連旗下鹿塞。疊鼓向龍庭。妖雲墜虜陣。暈月遶胡營。左賢皆頓顙。單于已繫纓。綫馬登玄闕。鈎鯤臨北溟。當知霍驃騎。高第起西京。○同上

昭君辭

我本良家子。充選人椒庭。不蒙女史進。更失樂府作無。畫師情。蛾眉非本質。蟬鬢改真形。專由妾命薄。文苑云。一作蹇。誤使君恩輕。啼霑樂府作落。文苑云。一作落。渭橋路。歎別長安城。夜依文苑作今夜。樂府同。寒草宿。朝逐文苑云。一作朝朝。樂府作明朝。轉蓬征。郤望關山迥。前瞻沙漠平。胡風帶秋月。嘶馬雜笳聲。毛裘易羅

綺。氈帳代金文苑作帷。樂府同。屏。自知蓮臉歇。樂府誤作歌。羞看菱鏡明。釵落終應棄。髻文苑作髮。注云。一作髻。解不須縈。何用單于重。詎假閼氏名。馱駝聊彊食。筒文苑作桐。樂府同。酒未能傾。心隨故鄉斷。愁逐塞雲生。漢宮如有憶。爲視旄頭星。○文苑英華二百四作昭君怨。樂府詩集二十九作明君詞。詩紀百二十三。

昔昔鹽

垂柳覆金堤。薜蘿葉復才。調集作正。文苑同。齊。水溢芙蓉沼。花飛桃李蹊。採桑秦氏女。織錦竇家妻。關山別蕩才。調集作宕。文苑同。子。風月守空閨。恆容齋續筆作常。斂千金笑。長垂雙文苑云。一作白。玉啼。盤龍隨鏡隱。彩文苑云。一作舞。鳳逐帷低。飛才調集作驚。文苑云。一作驚。魂同夜文苑云。一作野。鵲才調集作野鶴。倦寢憶晨雞。暗牖懸蛛網。空梁落燕泥。前年過代才。調集作岱。北。今歲往遼西。一去無消息。調集作還意。文苑云。一作還意。那草堂詩箋作何。能惜馬蹄。○才調集一作劉長卿別宕子怨。文苑英華二百八十七。樂府詩集七十九。對牀夜語一。容齋續筆七。詩紀百二十三。又草堂詩箋三陪鄭詩注作效今體詩。引蹄一韻。

豫章行七言

江南地遠接文苑作接遠。閩甌。山東樂府作東山。英妙屢經遊。前瞻疊障千重阻。却帶驚湍萬里流。楓葉朝飛向京洛。文魚夜過歷吳洲。君行遠度茱萸嶺。妾住長依明月樓。樓中愁思不開嘔。始復臨窻望早春。鴛鴦水上萍初合。鳴鶴園中花併新。空憶常時角枕處。無復前日畫眉人。照骨金環誰用許。見膽明鏡自生塵。

蕩子從來好留滯。況復關山遠迢遞。當學織女嫁牽牛。莫作樂府作學。姮娥叛夫婿。偏訝思君無限極。欲罷欲忘還復憶。願作王母三青鳥。飛去飛來樂府作飛來飛去。傳消息。豐城雙劍昔曾離。經年累月復相隨。不畏將軍成久別。只恐封侯心更移。○文苑英華二百一。樂府詩集三十四。詩紀百二十三。

詩

從駕幸晉陽詩以下五言。

省方遵往册。遊豫叶前經。金吾朝戒道。校尉晚巡營。重巒下飛騎。絕浦渡連旌。澗水寒逾咽。松風遠更清。方觀翠華反。簪筆上云文苑作雲。亭。○初學記十三。文苑英華百七十。詩紀百二十三。

奉和月夜聽軍樂應詔詩

旌初學記作旋。門臨古堞。微道度文苑作渡。深隍。月冷初學記作令。疑秋夜。山寒落夏霜。遙空澄初學記作丁。萬花谷同。暮色。清景散餘光。笳聲文苑作清。喧隴水。鼓曲噪漁陽。沈鬱興神思。眺聽初學記作德。發天章。嵩岱終難初學記字缺。學。丘陵徒自強。○初學記十五。文苑英華二百十二。萬花谷後三十二作薛道衡詩。詩紀百二十三。

奉和臨涇源應詔詩

玄功復禹迹。至德去湯羅。玉關亭障遠。金方水石多。八川茲一態。萬里導長波。驚流注陸海。激浪象文苑

作還。天河。文苑辨證、詩紀云。三輔黃圖云。渭水貫都。象天河。鸞旗歷巖谷。龍穴暫經過。西老陪遊宴。南風起詠歌。庶品蒙仁澤。生靈穆文苑作沐。太和。微臣惜暮景。願駐魯陽戈。○初學記六。文苑英華百七十。詩紀百二十三。

秋日遊昆明池詩

詩紀云。江總、元行功皆有此詩。

灞陵因靜退。靈沼文苑作池。暫徘徊。新船木蘭楫。舊字豫章材。荷心宜露泫。竹徑重風來。魚潛疑刻石。沙暗類聚作闌。似沈灰。琴逢鶴欲舞。酒遇菊花初學記作初。是。開。羈初學記作羈。心與秋興。陶然寄一杯。○初學記七。文苑英華百六十四。詩紀百二十三。又類聚九引徊、材、乘、灰四韻。

敬酬楊僕射山齋獨坐詩

相望山河近。相思朝夕勞。龍門竹箭急。華岳蓮花高。岳高嶂重疊。鳥道風煙接。遙原樹若薺。遠水舟如葉。葉舟旦旦浮。驚波夜夜流。露寒洲渚白。月冷函關秋。秋夜清風發。彈琴卽鑑月。雖非莊鳥歌。吟詠常思越。楊素封越國公。○文苑英華三百十七。詩紀百二十三。

重酬楊僕射山亭詩

寂寂無與晤。朝端去總戎。空庭聊步月。閑坐獨臨風。臨風時太息。步月山泉側。朝朝散霞彩。暮暮澄秋色。秋色遍阜蘭。霞彩落雲端。吹旌朔氣冷。照劍日光寒。光寒塞草平。氣冷咽笳聲。將軍獻凱人。藹藹風

雲生。○文苑英華三百十七。詩紀百二十三。

入郴江詩

仗節遵嚴會。揚舲泝急流。征塗非白馬。水勢類黃牛。跳波鳴石磧。濺沫擁沙洲。岸迴文苑迫。槎倒轉。灘長船却浮。緣崖頻斷挽。掛壁初學記作壁。屢移鈎。還憶青絲騎。東方來上頭。○初學記六。文苑英華百六十二作人柳江。詩紀百二十三。

渡北河詩

連旌映激浦。萬花谷作浦激。疊鼓拂初學記作沸。沙文苑作沸汀。詩紀云。一作河。洲。桃花長新萬花谷作折。浪。竹箭萬花谷作葉。下奔流。塞雲臨遠初學記作連。文苑同。艦。胡風入陣樓。劍拔蛟將出。驂驚黿欲浮。鴈書終立效。燕相果封侯。勿恨關河遠。且寬邊地愁。○初學記六。文苑英華百六十三。萬花谷後五作薛道衡詩。詩紀百二十三。

和許給事善心戲場轉韻詩

京洛重新年。復屬月輪圓。雲間壁獨轉。空裏鏡孤懸。萬方皆集會。百戲盡來前。臨衢車不絕。夾道閣相連。驚鴻出洛水。翔鶴下伊川。豔質迴風雪。笙歌韻管弦。佳麗儼成行。相攜入戲場。衣類何平叔。人同張子房。高高城裏髻。峨峨樓上粧。羅裙飛孔雀。綺帶垂鴛鴦。月文苑作日。映班姬扇。風飄韓壽香。竟夕魚負

文苑作父。燈。徹夜龍銜燭。歡初學記作戲。笑無窮已。歌詠文苑作吹。詩紀云。一作吹。還相續。羌笛隴頭吟。胡舞龜茲曲。假面飾金銀。盛服搖珠玉。宵深戲未闌。兢爲人所難。文苑作謙。卧驅文苑作馳。飛玉勒。立騎轉文苑作前。銀鞍。縱橫既躍劍。揮霍復跳丸。抑揚百獸舞。盤跚五禽戲。狡狴弄斑足。巨象垂長鼻。青羊跪復跳。白馬迴旋騎。文苑作駛。詩紀云。一作駛。忽覩羅浮起。俄看鬱昌文苑作島。至。峯嶺既崔嵬。林叢亦青翠。麋鹿文苑作麋麋。詩紀云。一作麋麋。下騰倚。猴猿或蹲跂。金徒列舊刻。玉律動新灰。甲萇垂陌柳。殘花散苑梅。繁星漸寥落。斜月尚徘徊。王孫猶勞戲。公子未歸來。共酌瓊酥文苑作蘇。酒。同傾鸚鵡杯。普天逢聖文苑作盛。日。兆庶喜康哉。○初學記十五。文苑英華二百十三。詩紀百二十三。

展敬上鳳林寺詩

淨土連幽谷。寶塔對危峯。林棲丹穴鳳。地邇白沙龍。獨巖樓迥出。複道閣相重。洞開朝霧斂。石濕曉雲濃。高篠低雲蓋。風枝響和鐘。簷陰翻細柳。澗影落長松。珠桂廣弘明集作桂。注云。元、明本作桂。浮明月。蓮座吐芙蓉。隱淪徒有意。心迹未相從。○廣弘明集三十。詩紀百二十三。

從駕天池應詔詩

上聖家寰宇。威略振邊陲。八維窮眺覽。千里曳文苑作轉。詩紀云。一作轉。旌旗。駕龍臨碧海。控驥踐瑤池。曲浦騰煙霧。深浪駭鯨螭。○初學記十三。文苑英華百七十。詩紀百二十三。

梅夏應教詩

長廊連紫殿。細雨應黃梅。浮雲半詩紀云。拾遺作映。空上。清吹隔池來。集鳳文苑作風。桐花散。勝龜蓮葉開。
幸逢爲善初學記作喜。樂。頻降濟初學記誤作食。時才。○初學記三。文苑英華百七十九。詩紀百二十三。

人日思歸詩

人春纔七日。離家已二御覽或作三年。人歸落鴈後。思發在花前。○類聚四。初學記四。古今歲時雜詠五。文苑英華百五十七。御覽三十。又五百八十六引國朝記。詩紀百二十三。

夏晚詩

流火稍西傾。夕影遍曾城。高天澄遠色。秋氣入蟬聲。○初學記三。詩紀百二十三。

歲窮應教詩

故年隨夜盡。初春逐曉御覽作晚。生。方驗從軍樂。飲至人西京。○初學記四。古今歲時雜詠四十一。御覽十七。詩紀百二十三。

詠苔紙詩

昔時應春色。引淥北戶錄作綠。泛清流。今來承玉管。布字改北戶錄作轉。銀鈎。○初學記二十一。北戶錄三。萬花谷後二十九作薛道衡詩。詩紀百二十三。

隋詩卷五

柳詒

詒。字顧言。襄陽人。初仕梁。梁亡入隋。爲晉王諮議參軍。仁壽初。引爲東宮學士。爲太子所親狎。煬帝卽位。拜秘書監。大業六年從幸江都卒。年六十九。有集五卷。

奉和晚日楊子江應制詩

詰旦金鏡文苑誤作今曉發。驂駕出城闈。鮮雲臨葆蓋。細草藉班輪。千里煙霞色。四望江山春。梅風吹落藥。酒雨減輕塵。文苑作青城。日斜歡未畢。文苑作蹕。睿想良非一。風生疊浪起。霧卷孤帆出。挾藻麗繁星。高論光朝日。空美鄒枚侶。詩紀云。一作舉。終謝淵雲筆。○文苑英華百七十九作奉和晚日楊子江應教。詩紀百二十三。

奉和晚日楊子江應教詩

大江都會所。長洲有舊名。西流控岷蜀。東汎文苑作北。邇蓬瀛。文苑誤作萊。未覩織羅動。文苑誤作動羅。先聽遠濤聲。空濛雲色晦。泱文苑作淡。疊浪華文苑作花。生。欲知暮雨歇。當觀飛旆輕。○初學記六。文苑英華百七十九。詩

紀百二十三。

奉和春日臨渭水應令詩

飲馬投錢岸。解釣剖璜津。風絲曳香餌。覆杯懷昔人。○初學記六。詩紀百二十三。

詠死牛詩

一朝辭紺轡。千里別黃河。對衣徒下泣。扣角詎聞歌。○初學記二十九。詩紀百二十三。

陽春歌

春鳥一囀有千聲。春花一叢千種名。旅人無語坐文苑作出。詩紀云。一作出。簷楹。思鄉懷土志難平。唯當文共酒。暫與興相迎。○文苑英華百九十三。詩紀百二十三。

牛弘

弘。字里仁。安定鶉觚人。開皇初。授秘書監。封奇章公。後進位右光祿大夫。大業六年從幸。卒于江都。年六十六。有集十二卷。

奉和冬至乾陽殿受朝應詔詩

恭已臨萬寓。歲時雜詠作寓。宸居御八埏。作貢菁茅集。來朝圭黻。文苑作幣。注云。初學記作敝。連。司儀三揖。文苑作接。盛。掌禮九賓虔。文苑作慶。重欄映如璧。歲時雜詠作璧。複殿繞非。文苑作飛。煙。○初學記十四。古今歲時雜詠三十。九作奉和冬至日乾陽殿受朝應制。文苑英華百七十五作奉和冬至日乾元殿受朝。詩紀百二十。

蕭琮

琮。字溫文。父巋。梁王督之子。督請魏師平江陵。遂稱帝於江陵。傳歸及琮。嗣位二載。入朝於隋。被留。賜爵莒國公。煬帝卽位。改封梁公。後被廢卒。

奉和御製夜觀星示百僚詩

陽精去南陸。大曜始西流。夕風淒謝暑。夜氣應新初。學記作親。秋。重門月已映。嚴城漏漸脩。臨風出累榭。度月蔽層樓。靈河隔神女。仙轡動星牛。玉衡指棟落。瑤光對幌留。徒知仰閭闔。乘槎未有由。○初學記一作奉和月夜觀星詩。文苑英華百五十二。詩紀百二十。

袁慶詩紀云。按隋書樂志有袁慶隆者。大業時爲秘書郎。煬帝命與柳顧言等典樂事。疑卽此也。

奉和御製月夜觀星示百僚詩

六龍初詩紀誤作出。匿影。顧兔始馳光。戎初學記作成。文苑作戒。井傳宵漏。詩紀云。文選刻漏銘。徵官戎井。山庭引初學記作別。夕涼。宸居多勝託。閑步出琳堂。爛爛星芒初學記誤作芝。動。耿耿清河長。青道移天駟。北極轉文昌。文苑作清。注云。初學記作情。喬枝猶隱畢。絕嶺半侵張。仰觀留玉裕。文苑、詩紀並云。陸機宣猷堂詩。天姿玉裕。睿作動金相。無庸徒抱文苑作扣。寂。何以繼連章。○初學記一作奉和月夜觀星詩。文苑英華百五十二。詩紀百二十。

王脊

脊。字元恭。琅邪臨沂人。梁王筠之孫。仕陳歷太子洗馬、中舍人。陳亡。與弟胄俱爲學士。煬帝卽位。授秘書郎。卒官。

七夕詩二首

天河橫文苑作漢。欲曉。鳳駕儼應飛。落月移粧鏡。浮雲動別衣。懽逐今宵盡。愁隨還路歸。猶將宿昔淚。更上去年機。○類聚四。初學記四。古今歲時雜詠二十五。文苑英華百五十八。御覽三十一。詩紀百二十五。

終年恆弄杆。歲時雜詠誤作杆。今夕始停梭。卻鏡看斜月。移車渡淺河。長裙動星珮。輕帳揜雲羅。舊愁雖暫止。新愁還復多。○古今歲時雜詠二十五。詩紀百二十五。

徐儀

儀。東海郟人。陳徐陵第三子。仕陳位尚書殿中郎。入隋。煬帝召爲博士。除著作佐郎。

暮秋望月示學士各釋愁應教

碣石寒光遠。□□秋色高。長沙正下葉。曲岸已飛濤。君王悵晚節。延佇謁神臯。復屬西園夜。輕輦暫遊遨。遊遨未云賞。蒼茫孤月上。枝間影合離。波上光來往。此夕未央宮。應照仙人掌。掌高明轉淨。夜深留睿想。處處敞高扃。流照滿珠庭。重輪文苑作經。人雅曲。合璧應祥經。燦爛浮珠網。參差間玉星。山幽有芳桂。林靜發新萸。萸開布帝城。分枝共月明。斜暉漸西落。彌□軫文苑作軫。歸情。驂駕且來遊。聖藻命舒愁。詢芻以蠲病。參妙本難酬。良史稱天閔。因時命應劉。楚王追綠兕。齊后出青丘。馳原落雲翼。截水曳吞舟。無勞子虛咤。卽事可忘憂。○文苑英華百七十九佚作者名。古詩類苑一。詩紀百二十六。

岑德潤

德潤。南陽人。父之敬。博涉文史。雅有辭筆。德潤有父風。位至中軍吳興王記室。

雞鳴篇

鍾響應繁霜。晨雞錦臆張。簾迴文苑作迴。猶侵露。枝高已映光。排空下朝揭。奮翼上花場。雨晦思君子。關開脫孟嘗。既得依雲外。安用集陳倉。○文苑英華二百六作賦雞鳴篇。詩紀百二十六。

賦得臨階危石詩

當階聳危石。殊狀實初學記作宕。難名。帶山疑似獸。侵文苑作浸。波或類鯨。雲峯臨棟起。蓮影入簷生。楚人終不識。徒自蘊連城。○初學記五。文苑英華百六十一。詩紀百二十六。

詠灰詩

圖規暈不缺。氣改律還虛。欲燃愁獄吏。棄道畏刑書。未得逢疆陣。輕舉欲焉如。○類聚八十。詩紀百二十六。

詠魚詩

劍影侵波合。珠光帶水新。蓮東自可戲。安用上龍津。○類聚九十六作魚詩。文苑英華三百三十。詩紀百二十六。

崔仲方

仲方。字不齊。博陵安平人。仕周爲司玉大夫、銀青光祿大夫。授儀同。進爵范陽縣侯。隋受禪。進位上開府。轉司農少卿。封固安縣公。拜虢州刺史。轉會總管。仁壽初。遷代州總管。煬帝卽位。進位大將軍。拜民部尚書。出爲上郡、信都太守。大業中致仕。卒。年七十六。

奉和周趙王詠石詩

玉繩隨月落。金碑文苑作牌。映日鮮。人江疑濯錦。出峽似開蓮。文馬河西瑞。兵符濟北篇。會逐靈槎上。還歸天漢邊。○初學記五。文苑英華百六十一作奉和周趙王詠石。詩紀百二十四。

小山詩

崑丘本難陟。軒臺不易朝。還往麟洲上。時聽鳳凰簫。霞觀文犀簞。香林碧文苑或作石。玉條。且學燒丹甌。
何假文苑或云一作暇。摘靈桃。○文苑英華百五十九。文苑英華二百二十五作神仙。詩紀百二十四。

夜作巫山詩

荆門秋水急。巫峽斷雲輕。若爲教月夜。長短聽猿聲。○文苑英華百六十。詩紀百二十四。

于仲文

仲文。字次武。起家爲周趙王屬、東郡太守。隋高祖受禪。教擊胡有功。拜太子右衛率。煬帝時。遷大將軍。大業八年遼東之敗。諸將皆委罪仲文。帝怒。繫之。因發病卒。年六十八。

侍宴東宮應令詩

銅樓充震位。銀榜集嘉文。苑作佳賓。青宮列紺幃。紫陌結朱輪。弦調寶瑟曲。歌動畫梁塵。金卮傾斗酒。瓊筵列八珍。花驚度翠羽。萍散躍頰鱗。承恩叨並作。扣詩紀云。一作和。寂繞陽春。○文苑英華百七十九。詩紀百二十四。

答譙王詩

詩紀云。按北史。譙孝王儉。周文帝子也。

梧臺開廣宴。竹苑列英賢。景差方入楚。樂毅始遊燕。折角揮談柄。重席吐言泉。武騎初擣翰。文學正題鞭。玉徽調綠綺。璧散沈青田。晚霞澹遠岫。落景藻長川。未陪東閣賞。獨詠西園篇。○初學記十。詩紀百二十四。

王胄

胄。字承基。胄弟。仕陳。起家鄱陽王法曹參軍。歷太子舍人、東陽王文學。陳滅。晉王引爲學士。大業初。爲著作佐郎。從征遼東。授朝散大夫。大業九年。楊玄感敗。胄坐交遊徒邊。亡匿江左。被誅。年五十六。有集十卷。

白馬篇

白馬黃金鞍。文苑作鞭。詩紀云。一作鞭。蹀躞柳城前。問此何鄉客。長安惡少年。結髮從戎事。馳名振朔邊。良弓控繁弱。利劍揮龍泉。文苑作淵。注云。一作泉。詩紀云。一作淵。披林扼彫虎。仰手接飛鳶。前年破文苑云。一作絕。沙漠。昔歲取祁連。折衝摧右校。舉旗殪左賢。昆彌還謝力。文苑辨證、詩紀並注云。昆。樂府作虜。左傳。狄虺彌。所謂有力如虎者也。慶忌本推僂。海外平文苑云。一作憑。遐險。來庭識負賽。文苑云。一作職貢愆。三韓勞薄伐。六事指幽燕。良家選河右。猛將征文苑作徵。西山。浮雲屯羽騎。蔽日引長旃。自矜有餘勇。應募忽爭先。王師已得雋。樂府作僞。夷首失求文苑作諒失。注云。一作失求全。詩紀云。一作諒失。全。鼓行徇樂府作徇。玉檢。文苑云。一作王儉。乘勝蕩朝鮮。志勇期文苑云。一作所期大。功立。寧憚微軀捐。不羨山河賞。誰樂府作唯。希竹素傳。○文苑英華二百九。樂府詩集六十五。詩紀百二十五。

棗下何纂纂二首

柳黃知節變。草綠識春歸。複樂府作復。道含雲影。重簷照日輝。○樂府詩集七十四。詩紀百二十五。

御柳長條翠。宮槐細葉開。還得聞春曲。便逐鳥聲來。○同上

燉煌樂二首

長途望無已。高山斷還續。意欲此念時。氣絕不成曲。○樂府詩集七十八。詩紀百二十五。
極目眺脩塗。平原忽超遠。心期在何處。望望崦嵫晚。○同上

紀遼東二首樂府作一首。

遼東浪水事龔行。俯拾信神兵。欲知振旅旋歸樂。爲聽凱歌聲。十乘元戎纔渡遼。扶濊已冰消。文苑作銷。
詎似百萬臨江水。按轡空迴鑣。○文苑英華二百一。樂府詩集七十九。詩紀百二十五。

天威電邁舉朝鮮。信次卽言旋。還笑魏家司馬懿。迢迢用一年。鳴鑾詔蹕發淆潼。合文苑作舍。爵及疇庸。
何必豐沛多相識。比屋降堯封。○同上

在陳釋奠金石會應令詩

元氣氤氳。玄風緬邈。垂衣鑽燧。修文反朴。異代殊時。襲禮沿樂。損益雖著。罔弗于學。體斯將聖。實
表宗師。三千仰德。五百應期。除丘黜素。定禮刪詩。作訓垂範。斯文在茲。有梁不造。羣胡蹈軼。聖教淪
胥。微言殄瘁。大陳光啓。搜揚遺逸。儒雅成林。詩書閒出。我星纂歷。負宸握圖。文同四表。教漸八區。韜

戈偃革。抑末崇儒。矩步接武。縫掖相趨。元良繼體。作睿惟則。明迺離照。澤符震德。審諭寧陳。珪璋靡忒。聿修三善。以貞萬國。展茲鸞駕。敬業獸門。尚仁降禮。齒胄紆尊。式陳俎豆。黃薦蘋蘩。篚簋成列。絲竹相誼。奠饗斯洽。克諧嘉宴。酒溢金罍。肴分玉饌。肅肅冠冕。洗洗巾卷。咸資楸德。是稱俊選。時惟歲聿。律變灰遷。鴻門寒重。璧水冰堅。風移瑞氣。日藻非煙。空知慶躍。何答陶甄。○文館詞林百六十。

奉和賜酺詩

隋書曰。煬帝自東都還京師。賜天下大酺四日。爲五言詩。詔羣官詩成者奏之。帝覽胄詩而善之。謂侍臣曰。氣高致遠。歸之於胄。詞清體潤。其在世基。意密理新。惟庾自直。過此者未可以言詩也。帝所有篇什。多令繼和。與虞綽齊名。同志友善。於時後進之士。咸以二人爲準的。○詩紀云。詩彙作煬帝者非。

河洛稱朝市。崑函實奧區。周營曲阜作。漢建奉春謨。大君苞二代。皇居盛兩都。招搖正東指。天駟迺西驅。展軫齊玉軼。式道耀金吾。千門駐罕畢。隋書作畢。四達儼車徒。是節春之暮。神臯華實敷。皇情感時物。睿思屬粉榆。詔問百年老。恩隆五日酺。小人荷鎔鑄。何由答大鑪。○隋書王胄傳。詩紀百二十五。

奉和悲秋應令詩

秋天擬文學。秋水擅莊蒙。草濕蒹葭露。波卷洞庭風。便坐翻桑葉。文苑云。一作筴。長坂歇蘭蕙。簷喧猶有燕。陂文苑作波。注云。疑作陂。靜未來鴻。蟬噪文苑云。一作唱。聞疑斷。池清映似空。劉安悲落木。曹植歎征蓬。

重明豈凝滯。無累在淵冲。隨時四序合。應物五情同。發言形惻隱。睿作挺神功。下材均朽木。何以慕彫蟲。文苑英華注曰。此篇前五韻見初學記。作蕭愨秋日詩。文苑一百五十八卷復云庾信作。而一百七十九卷乃十韻。共題王冑作。觀其辭意。只是一篇。當以十韻爲正。○文苑百七十九作奉和愁秋應令。文苑英華辨證七。詩紀百二十五。

言反江陽寓目灞涘贈易州陸司馬詩

遊人賣藥罷。徐步反江干。行吟文苑云。一作凝眸。灞陵岸。迴首望長安。晨華照城闕。參差復鬱盤。千門含日麗。萬雉映霞丹。雲開承露掌。吹動相風竿。遊童輕薄少。鮮服鷓鴣冠。花開傅粉晏。塵起副車韓。屢投雙飛劍。曾操兩色丸。挂文苑作桂。玉要遊女。彈珠落矯翰。信美非吾樂。何事久盤桓。欲動文苑作勒。注云。一作動。南登文苑作征。注云。一作登。詠。還謠北上難。眷言思舊文苑作故。友。徂文苑作德。注云。疑。遠路漫漫。燕陲望楚服。天際與雲端。棹發吳濤上。荆歌易水寒。十年阻風月。萬里別金蘭。心期竟何許。懷抱日摧殘。容華冉冉謝。衣帶朝朝寬。盛憲寧延壽。劉琨自少歡。宿昔均取捨。同波豈異瀾。贈言不盡意。擲筆起長歎。○文苑英華二百四十八。詩紀百二十五。

酬陸常侍詩

相知四十年。別離萬餘里。君留五湖曲。余去三河涘。寒松君後凋。湖灰余僅死。何言西北雲。復覩東南美。深交不忘故。飛觴敦宴喜。贈藻發中情。奇音邁流徵。追惟中歲日。於斯同憩止。思之宛如昨。倏焉逾

二紀。疇昔多朋好。一旦埋蒿里。無人莫已知。有慟傷知己。把臂還相泣。歸然吾與子。霑襟行自念。哀哉亦已矣。吾歸在漆園。著書試詞文苑及詩紀並云。一作經。理。勞息乃殊致。存亡寧異軌。大路不能遵。咄哉情可文苑作何。鄙。○文苑英華二百四十。詩紀百二十五。

答賀屬詩

外黃初邸客。蜀郡晚琴聲。本欲從張耳。何曾說馬卿。定知遊道日。非是第文苑作弟。如行。高文擬雜珮。善謔間瑤瓊。前書言家室。末敘挂簪纓。問仁寧伐國。揚波豈亂清。聞有陽臺客。文苑云。一作客曲。詩紀云。一曲。常留人夢文苑作愛。注云。一作夢。情。無爲詩紀云。一作由。嗟獨割。空引助庖名。○文苑英華二百四十。詩紀百二十五。

卧疾閩越述淨名意詩并序

余卧疾閩海。彌留旬朔。善友願法師。勸余以淨名妙典調伏身心。力疾粗陳其意。敬簡法師云爾。
客行萬餘里。眇廣弘明集作渺。注云。宋、元、官本作眇。然滄海上。五嶺常炎鬱。百越多山瘴。兼以勞形神。遂此嬰疲恙。桐雷邈已遠。砭石良難訪。抱影私自憐。霑襟獨惆悵。毗城有長者。生平夙廣弘明集云。宋本作風。所尚。復藉大因緣。勉以深迴向。心路資調伏。於焉念實相。水沫廣弘明集云。明本作沫。本難摩。乾城空有狀。是生非至理。是我皆虛妄。求之不可得。誰其受業障。信矣大醫王。茲力誠難廣弘明集作無。注云。明本注。一作難。

量。○廣弘明集三十。詩紀百二十五。

別周記室詩

五里徘徊鶴。三聲斷絕猿。何言俱失路。相對泣離樽。別意悽無已。當歌寂不喧。貧交欲有贈。掩涕竟無言。○文苑英華二百六十六。詩紀百二十五。

賦得鴈送別周員外戍嶺表詩

旅鴈別衡陽。天寒關路長。行斷由驚初。學記作經。萬花谷同。箭。聲嘶爲犯霜。羅文苑云。一作羅。繳無人憫。能鳴反自傷。何如侶汎汎。文苑作似泊泊。刷羽戲方塘。○初學記三十作送周員外充戍嶺表賦得鴈詩。文苑英華二百八十五。萬花谷後四十作王胄詩。詩紀百二十五。

爲寒牀婦贈夫歸詩

月淨閨偏冷。更深夜轉長。霜紈猶掩扇。露縠未飄香。解帶慙連理。引被愧鴛鴦。誰能未相識。還爲守空牀。○文苑英華二百四十八。詩紀百二十五。

雨晴詩

初晴物候涼。夕景照山莊。殘虹低飲澗。新溜上侵塘。風度蟬聲遠。雲開鴈路長。○初學記二。文苑英華百五十

五。詩紀百二十五。

西園遊上才

西園遊上才。清夜可徘徊。月桂臨樽上。山雲影蓋來。飛花隨燭度。疎葉向帷開。當軒顧應阮。還覺賤鄒枚。○樂府詩集七十四。詩紀百二十五。○逯按。此詩樂府次王曹棗下何纂纂後而佚作者名。詩紀卽作曹詩。今附此俟考。

燕歌行

庭草無人隨意綠。○御覽五百九十一引國朝傳記。

諸葛穎

穎。字漢。丹陽建康人。起家梁邵陵王參軍。侯景之亂。奔齊。待詔文林館。遷太子舍人。入隋。晉王廣引爲參軍。及王卽帝位。遷著作郎。甚見親倖。大業十一年。從駕北巡。卒於道。年七十七。有幸江都道里記一卷、洛陽古今記一卷、馬名錄一卷、鑾駕北巡記一卷、集十四卷。

奉和御製月夜觀星示百僚詩

齋籛神居遠。蕭條更漏深。薄煙淨遙色。高樹肅文苑。清陰。星月滿茲初。學記誤作並。夜。燦爛還相臨。連

珠欲東上。團扇漸西沈。澄水含斜漢。脩樹隱橫參。時聞送籌杵。文苑誤作折。屢見繞枝禽。聖情記餘事。振玉復鳴金。○初學記一作奉和月夜觀星詩。文苑英華百五十二。詩紀百二十五。

奉和方山靈巖寺應教詩

名山鎮江海。梵宇駕風煙。畫栱臨松蓋。鑿牖對峯蓮。雷出階基下。雲歸梁棟前。靈光辨晝夜。輕衣數劫年。一陪香作食。長用福爲田。○廣弘明集三十。詩紀百二十五。

奉和出穎至淮應令詩

詩紀云。一作應詔。

涉穎倦紆迴。浮淮欣迥直。遙村含水氣。遠浦澄天色。靈濤稍欲近。仙巖行可識。玄覽屬睿辭。風雲有餘力。○初學記六。文苑英華百七十作出穎至淮應制。詩紀百二十五。

奉和通衢建燈應教詩

芳衢澄夜景。法炬爛參差。逐輪時徙燄。桃花生落枝。飛煙繞定歲。時雜詠作瓊。室。浮光映瑤池。重閣登臨罷。歌管乘空移。○廣弘明集三十。古今歲時雜詠七。詩紀百二十五。

賦得微雨東來應教詩

詩紀云。陶淵明讀山海經詩。微雨從東來。好風與之俱。

微雨閣文苑作間。東峯散漫洒長松。澗文苑誤作間。滿新流濁。山霑積翠濃。風起還吹燕。雲來本文苑誤作來。
送龍。登年隨玉燭。名山定可封。○初學記二。文苑英華百七十九作賦得微雨。詩紀百二十五。

春江花月夜和煬帝

張樂府作花。帆渡柳浦。結纜隱梅洲。月色含江樹。花影覆船樓。○樂府詩集四十七。詩紀百二十五。

虞綽

綽。字士裕。會稽餘姚人。仕陳爲太學博士。大業初。轉秘書學士。遷著作郎。常居禁中。以文翰待
詔。大業九年。坐與楊玄感交往。徙於邊。亡匿歲餘。爲吏所執。被刑。年五十四。

於婺州被囚詩

北史本傳曰。綽被徙至長安而亡。潛度江。變姓名。遊東陽。抵信安令辛大德。大德舍之歲餘。綽與人爭田相訟。有
識綽者而告。竟爲吏所執。

窮達雖有命。逋逃誠負累。背恩已偷生。臨危未能死。得初學記作待。罪既不測。中心悵無已。以上三字初學記
缺。厚顏羞朋友。囚心愧妻子。聖日始東扶。徂年迫西汜。方違盛明代。永向幽泉裏。況當此春節。物候驚
田里。桃蹊日影亂。柳逕秋詩紀云。疑作和。風起。動植皆順性。嗟余獨淪恥。投筆不重陳。此情寄知己。○初

學記二十。詩紀百二十四。

隋詩卷六

許善心

善心。字務本。高陽北新城人。仕陳歷新安王法曹、度支郎中、侍郎、撰史學士。禎明中。奉使聘隋。拘留不遣。及陳亡。拜通直散騎常侍。授虞部侍郎。除秘書丞。仁壽初。攝黃門侍郎。左遷給事郎。從征遼東。授建節尉。尋加朝散大夫。授通議大夫。義寧二年爲宇文化及所害。年六十一。有方物志二十卷、符瑞記十卷。

奉和賜詩

帝道屬昇平。天文預觀象。茲生荷化育。博施多含養。正始振皇風。端居留眷想。夕拜參近侍。朝恩濫弘獎。溫樹貴不言。克艱庶無爽。○初學記二十。詩紀百二十三。

奉和還京師詩

重光闡帝國。肆覲荷來蘇。卜洛連新邑。因秦還舊都。雷警三辰衛。星陳七萃驅。從風折鳳羽。曜日拖魚

鬚。憲章殫禮樂。容服備車徒。迴鑾人艷鎬。從蹕度粉榆。冉冉年和變。遲遲節物徂。餘花照玉李。細葉翦珪梧。朝夕萬國湊。海會百川輸。微生逢大造。倏忽改榮枯。○初學記二十四。詩紀百二十三。

於太常寺聽陳國蔡子元所校正聲樂詩

維陽成萬花谷作盛。禮樂。治定昔君臨。充初學記字缺。按宋本作虞。庭觀樹羽。之文苑作上。注云。一作上。詩紀云。一作上。帝仰縱萬花谷作從。金。既因鍾石變。將隨河海沈。湛露廢還序。承文苑云。一作乘。風絕復尋。衰章無舊迹。韶夏有餘音。澤竭英莖散。人遺憂思深。悲來未減瑟。淚下正聞琴。詎似初學記作以。萬花谷同。文侯睡。聊同微子吟。鍾奏殊南北。商聲異古今。獨有延州文苑作陵。聽。應知亡國音。○初學記十五。文苑英華二百十二作於太常寺聽陳國蔡子元所教正聲樂。萬花谷後三十二作詩善心詩。詩紀百二十三。

奉和冬至乾陽殿受朝應詔詩

森森羅陛衛。噦噦鏘璫珩。禮殫五瑞輯。樂闋九功成。○初學記十四。詩紀百二十三。

庾自直

自直。潁川人。仕陳歷豫章王外兵參軍記室。大業初。授著作佐郎。義寧二年。字文化及作逆。與之北上。感激發病卒。

初發東都應詔詩

二龍承文苑作乘。玉軸。萬騎文苑誤作綺。翊林塘。縱觀此何事。巡駕幸淮文苑作維。揚。伊雒山川轉。江河道路長。照日秋原文苑作源。淨。分花曲水香。稻梁叨歲月。羽翮仰恩光。後塵歸舊里。還如仙鶴翔。○文苑英華百七十。苑詩類選五作庚自道。詩紀百二十六。

李密

密。字元邃。隴西成紀人。以蔭爲煬帝東宮千牛備身。楊玄感反。密爲之籌策。爲隋所獲。亡去。變姓名爲劉智遠。後歸東郡翟讓。讓推爲主。建號魏公。僭位於鞏南。與唐戰。師潰歸高祖。義寧二年。被誅。

五言詩

詩紀作淮陽感秋。

劉仁軌河洛記曰。密來往諸賊帥之間說以舉大計。莫肯從者。因作詩言志。

金風蕩太平廣記作颺。詩紀同。初太平廣記作秋。節。玉露凋晚林。此夕窮途士。鬱陶傷寸隋書作空軫鬱陶。心。野平葭葦合。村落蘘藜深。眺聽良多感。徙倚隋書作慷慨。太平廣記同。獨沾襟。沾襟何所爲。悵然懷古意。秦俗猶未平。漢道將何冀。樊噲市井屠。蕭何刀筆吏。一朝時運合。萬古傳名謚。隋書作器。寄言世上雄。御覽作英。

虛生真可愧。○御覽百七引唐書。詩紀百二十六。又隋書本傳引林、心、襟、意、冀、吏、器、愧八韻。太平廣記三百引河洛記。引林、心、襟、意、冀、吏、器、愧八韻。

虞世基

世基。字茂世。會稽餘姚人。仕陳歷尚書左丞。入隋爲通直郎。直內史省。煬帝卽位。顧遇彌隆。帝遊幸江都。世基雖居近侍。唯諾取容。義寧二年。宇文化及弑逆。世基亦遇害。有集五卷。

出塞二首和楊素。

窮秋塞草腓。塞外胡塵飛。徵兵廣武至。候騎陰山歸。廟堂千里策。將軍百戰威。轅門臨玉帳。大旆指金微。摧朽無勍敵。應變有先機。銜枚壓曉陣。卷甲解朝圍。瀚海波瀾靜。王庭氛霧晞。鼓鼙嚴朔氣。原野噎寒暉。勳庸震邊服。歌吹入京畿。待拜長平坂。鳴騶人禮闈。○文苑英華百九十七。樂府詩集二十一。詩紀百二十四。上將三略遠。元戎九命尊。緬懷古人節。思酬明主恩。山西多勇氣。塞北有遊魂。揚桴度詩紀云。一作上。隴坂。勒騎樂府云。一作馬。上詩紀云。一作下。平原。誓將絕沙漠。悠然去玉門。輕齋不遑舍。驚策驚戎軒。慄慄邊風急。蕭蕭征馬煩。雪暗天山道。冰塞交河源。霧烽黯無色。霜旗凍不翻。耿介倚長劍。日落風塵昏。○同上

四時白紵歌二首和煬帝。

江都夏

長洲茂苑朝夕池。映日含風結細漪。坐當文苑作堂。注云。一作當。伏檻紅蓮披。樂府作枝。文苑云。一作枝非。雕軒洞戶青蘋吹。輕幌芳煙鬱金馥。綺簷花簾桃李枝。蘭若翡翠但樂府作恆。文苑云。一作恆。相逐。桂樹鴛鴦恆竝宿。○文苑英華百九十三、樂府詩集五十六並作虞茂。詩紀百二十四。

長安秋

露寒臺前曉露清。昆明池水秋色明。搖環動珮出層城。鳴弦鳳管奏新聲。上林蒲桃合縹緲。甘泉奇樹上詩紀云。一作尚。葱文苑作蒼。青。玉人當歌理清曲。婕妤恩情斷還文苑作復。續。○同上

奉和幸江都應詔詩

巡遊初學記作幸。文苑同。光帝典。征吉乃先天。類聚作文先。澤國翔宸駕。水府泛樓船。七初學記作上。萃類聚誤作華。縈長薄。三翼亘通川。夙興大昕始。求衣昧旦初學記作早。文苑同。前。澄瀾浮曉色。遙林卷宿煙。晨霞稍含景。落月漸虧弦。迴塘響歌吹。極浦望旌旃。方陪觀初學記作觀。東后。登封禪肅然。○類聚三十九。初學記三十及文苑英華百七十作虞茂。詩紀百二十四。

汴水早發應令詩

夏山朝萬國。軒庭會百神。成功疇與讓。盛德今爲鄰。區宇屬平一。庶類仰陶鈞。鑾蹕臨河濟。裘冕肅柴
裡。啓行分七萃。備物象三辰。祈祈亘原隰。濟濟咸縉紳。陽文苑作陽。谷升朝景。青丘發早春。克衣敷帝
則。分器敘彝倫。臨淄成誦美。河間文苑誤作潤。雅樂陳。薰風穆已被。茂實久愈新。○文苑英華百七十九。詩紀百
二十四。

秋日贈王中舍詩

秦關望吳苑。渭浹去江濱。天漢星躔絕。山川地角分。百年變朝市。千里異風雲。雙鴛難可贈。別鶴不相
聞。忽值從遊士。玳簪光素履。歡言悅鄭郊。雪泣悲燕市。契闊論談笑。殷勤訪生死。思君在一方。無由同
四美。尺素乃云披。投瓊慰久離。雲開縹錦散。霞照綠緹文。文苑作楊。注云。一作緹。披。相思歎河廣。相望阻天
垂。贈言方文苑作芳。杜若。握手文苑云。一作以。代萱枝。伊昔風期早。金蘭信爲寶。去來金馬門。留連鬪雞
道。鷺嶺訪三禪。商山追四皓。勝地俱遊息。披文遞論討。虛薄忝官聯。喬木遂同遷。濯纓升博望。闕文
苑。詩紀並云。一作飛。步人崇賢。高軒照流水。長劍聳秋蓮。南風忽不競。東海遂成田。喧喧狹斜路。隱隱平
陵樹。鳳闕暖文苑作愛。注云。疑。西臨。星橋耿南注。五方多異俗。四海皆行路。士衡嗟苦辛。德璉傷流寓。鞏
洛重行行。寓日盡傷情。太行臨北絳。函谷拒西京。雀書圖久滅。龍文鼎遂輕。凌雲餘構盡。濛汜曲池傾。

文苑、詩紀並云。一作平。徘徊殊未極。惆悵空雲纓。伊川忽會面。留連展言宴。東西一背飛。翻然成異縣。哀哉人道促。痛矣嗟埋玉。嵇文苑作徐。生顧影琴。裴子飄風燭。摧文苑作權。注云。疑作摧。茲激水意。頓此浮雲足。棄置勿文苑作忽。注云。疑作勿。重陳。難終唯此曲。漢陽趙元淑。薛縣雍門周。清文寧解病。文苑作鬢。妙曲反增愁。翳翳神逾伏。慄慄歲方邁。雙嶠飛暗雨。八水凍寒流。蘭枯芳草歇。槐古憶前秋。江干不可望。徒此歎離憂。○文苑英華二百四十八。詩紀百二十四。

在南接北使詩

會玉初學記作王。二嶠至。瑞節三秦歸。林蟬疎欲盡。江鴈斷還飛。牆垣崇客館。旌蓋入王畿。共此敦封植。方欣薦紵衣。○類聚五十三作接北使詩。初學記二十作虞茂。文苑英華二百九十六作接北使。詩紀百二十四。

奉和望海詩

清蹕臨溟漲。巨海望滔滔。十洲雲霧遠。三山波浪高。長瀾疑浴日。連島類奔濤。神遊藐姑射。睿藻冠風騷。徒然雖觀海。何以効涓毫。○初學記六、文苑英華百六十二並作虞茂。詩紀百二十四。

賦昆明池一物得織女石詩

隔河圖列宿。清漢象昭回。支機就鯨石。拂鏡取池灰。船疑海槎渡。珠似客星來。所恨雙蛾斂。逢秋遂不

開。○初學記七。文苑英華百六十四並作虞茂。詩紀百二十四。

賦得石詩

蜀門鬱遐阻。燕碣遠參差。獨標千丈峻。共起百重危。鏡峯文苑作峯鏡。含月魄。蓋嶺文苑作領。逼雲枝。徒然抱貞介。填海竟誰知。○初學記五作虞茂。文苑英華百六十一作虞茂賦得石。詩紀百二十四。

衡陽王齋閣奏妓詩

金溝低御道。玉管正吟詩。紀云。一作迎風。拾翠天津上。迴鸞鳥路中。鏡前看月近。歌處覺塵空。今宵織女見。言是望仙宮。○初學記十五、文苑英華二百十三並作虞茂。詩紀百二十四。

奉和幸太原輦上作應詔詩

唐巡光帝則。夏務初學記作豫。是。穆宸儀。珠旗揚翼鳳。玉獸儼丹螭。流吹和春鳥。交弄拂花枝。○初學記十五作虞茂。詩紀百二十四。

初渡江詩

斂策暫迴首。掩涕望江濱。無復東南氣。空隨西北雲。○文苑英華百六十二。詩紀百二十四。

零落桐詩

零落三秋幹。摧殘百尺柯。空餘半心在。生意漸無多。○文苑英華三百二十四。詩紀百二十四。

晚飛鳥詩

向日晚飛低。飛飛未得棲。當爲歸林遠。恆長侵夜啼。○類聚九十二。初學記三十。文苑英華三百二十八。詩紀百二十四。

人關詩

詩紀云。詩彙作庾信者非。

隴雲低不散。黃河咽復流。關山多道里。相接幾重愁。○初學記七作虞茂人關絕句。詩紀百二十四。

賦得戲燕俱宿詩

大廈初構與雲齊。歸燕雙人正銜泥。欲繞歌梁向類聚。作自舞閣。偶爲仙履往蘭閨。千里爭飛會難並。聊向吳宮比翼棲。○類聚九十二。文苑英華三百二十九。詩紀百二十四。

杜公瞻

公瞻。博陵曲陽人。少好學。有家風。卒於安陽令。

詠同心芙蓉詩

灼灼荷花瑞。亭亭出水中。一莖孤引綠。雙影共分紅。色奪歌人初學記字缺。臉。香亂舞衣風。名蓮自可念。況復兩心同。○初學記二十七。文苑英華三百二十二作同心芙蓉。萬花谷三十七作杜公瞻詩。詩紀百二十六。

王衡

衡。太原晉陽人。父操。後梁時爲尚書令。衡位至黃門侍郎。

翫雪詩

寒庭浮暮文苑作春。雪。疑從千里來。皎潔隨處滿。流亂逐風迴。璧臺如始構。瓊樹似新栽。不待陽春節。誰持詩紀云。一作將。競初學記作竟。落梅。○初學記二。文苑英華百五十五。詩紀百二十六。

宿郊外曉作詩

詩紀云。梁詞人麗句。

殘星落簷外。餘月罷窻東。水白先分色。霞暗未成紅。○古詩類苑五。詩紀百二十六。

薛德音

德音。薛收弟。收與弟德音、元敬齊名。世號河東三鳳。

悼亡詩

鳳樓簫曲斷。桂帳瑟弦空。晝梁纔照日。銀燭已隨風。苔生履跡處。花沒鏡塵中。唯餘長簾月。永夜向朦朧。○文苑英華三百二。詩紀百二十六。

越王楊侗

侗。字仁謹。煬帝孫。大業三年。立爲越王。十三年。帝幸江都。侗留守東都。宇文化及弑帝。遂卽位。改元皇泰。尋爲王世充所奪。被醜死。

京洛行

詩紀云。樂府此詩乃陳後主楊叛兒曲也。選詩拾遺作隋越王。不知何據。

青春上陽月。結伴戲京華。龍媒玉珂馬。鳳軫繡香車。水映臨橋樹。風吹夾路花。日暮歡宴罷。相將歸狹斜。○樂府詩集四十九作隋後主。詩紀百二十一。

虞世南

世南。字伯施。世基弟。陳至德初。除西陽王友。陳滅。與兄世基同人隋。世基辭章清勁過世南。而瞻

博不及。時人以方二陸。大業中。累至秘書郎。煬帝雅愛其才。然疾其峭正。十年不徙。後人唐。累官秘書監。今編其隋時作。

奉和御製月夜觀星示百僚詩

早初學記作旦。文苑同。秋炎景暮。初弦月彩新。清風滌暑氣。文露淨囂塵。蕩文苑作蕩。霧銷輕縠。鮮雲卷夕鱗。休光灼前耀。瑞彩接重輪。緣情摘聖藻。竝作命徐陳。宿草誠渝濫。文苑作溢。吹噓偶縉紳。天文豈易述。徒知仰北辰。○初學記一作奉和月夜觀星詩。文苑英華百五十二。詩紀百二十四。

追從鑾輿夕頓戲下應令詩

重輪依紫極。前耀奉文苑作奏。丹青。天經戀宸衷。帝命扈仙鑣。乘星開鶴禁。帶月下虹橋。銀書含曉色。金輅轉初學記作輔。晨飈。霧徹軒營文苑作雲。近。塵暗斗城遙。蓮花分秀萼。竹箭文苑作箭。下驚潮。撫已慙龍幹。承恩集鳳文苑作風。條。瑤初學記作搖。山盛風樂。抽簡薦徒初學記作從。謠。○初學記十。文苑英華百七十九。詩紀百二十四。

奉和幸江都應詔詩

詩紀云。英華作虞世南。藝文作世基。或誤也。世基別有一首。

南國行周化。稽山秘夏圖。百王豈殊軌。千載協前謨。肆觀遵時豫。順動悅來蘇。安流進文苑作溪。玉舳。詩

紀云。一作畫舸。戒道翼金吾。龍旂煥辰象。鳳吹溢川塗。封唐昔敷錫。分陝被荆吳。沐道咸文苑誤作成。知讓。慕義久成文苑作遵儀允美。都。冬律初飛管。陽鳥文苑作厲。正銜蘆。嚴飈肅林薄。暖文苑作愛。景澹江湖。鴻私文苑作秋。浹幽遠。厚澤潤凋枯。虞琴起歌詠。漢筑動巴歛。多幸霑行葦。無庸類散樗。○類聚三十九作虞世基和幸江都詩。文苑英華百七十。詩紀百二十四。

奉和獻歲讌宮臣詩

履端初起。初學記作啓。節。長苑命高筵。肆夏喧金奏。重潤響朱絃。春初學記作絲。文苑同。光催柳色。日彩泛槐煙。微臣同濫初學記誤作橙。吹。文苑誤作叱。謬得仰鈞天。○初學記四。文苑英華百七十二。詩紀百二十四。

奉和出穎至淮應令詩

良晨喜利涉。解纜入淮潯。寒流泛鷁首。霜吹響哀吟。潛鱗波裏躍。水鳥浪前沈。邗溝非復遠。悵望悅神襟。○初學記六。文苑英華百七十作奉和出穎至淮應制。詩紀百二十四。

蔡允恭

允恭。荊州江陵人。仕隋爲起居舍人。隋亡入唐。官至太子洗馬。

奉和出潁至淮應令詩

久倦川涂曲。忽此望淮圻。波長初學記作浪。泛森森。眺初學記作晚。迥文苑作回。情依依。稍覺金烏轉。漸見錦帆稀。欲知仁化洽。謳歌滿路歸。○初學記六。文苑英華百七十作奉和出潁至淮應制。詩紀百二十。

孔德紹

德紹。會稽人。官至景城縣丞。竇建德稱王。署爲中書令。專典書檄。唐武德四年。建德敗。被殺。

南隱遊泉山詩

名山狎招隱。俗外遠相求。還如倒景望。忽似閩風遊。臨崖俯大壑。披霧仰飛流。歲積松方偃。年深椿欲秋。野花開石鏡。雲葉掩山樓。何須問方士。此處卽瀛洲。○文苑英華百六十。詩紀百二十六。

行經太華詩

紛吾世網暇。靈岳展幽尋。寥廓風塵遠。杳初學記誤作查。冥川谷深。山昏五里霧。日落二華陰。疎峯起蓮葉。危塞文苑作寒。注云。一作塞。隱桃林。何必東都初學記作郡。外。此處可抽簪。○初學記五。文苑英華百五十九。詩紀

夜宿荒村詩

綿綿夕漏深。客恨轉傷心。撫文苑誤作無。絃無人聽。對酒時獨斟。故鄉萬里絕。窮愁百慮侵。秋草思邊馬。遠枝驚夜禽。風度谷餘響。月斜山半陰。勞歌欲敘意。終是白頭吟。○文苑英華二百八十九作孔德昭。詩紀百二十六。

王澤嶺遭洪水詩

地籟風聲急。天津雲色愁。悠然萬頃初學記作百川。文苑同。滿。俄爾百川初學記作萬頃。文苑同。浮。還似金堤溢。翻如碧海流。驚濤遙文苑作搖。起鷺。迴岸不分牛。徒知懷趙景。終是倦陽侯。詩紀從唐詩品彙。徒知二句在木梗二句之下。文苑誤作候。木初學記作大。梗誠無託。蘆灰豈暇求。思得乘槎便。蕭然河漢遊。○初學記六。文苑英華百六十三。詩紀百二十六。

登白馬山護明寺詩

名岳標形勝。危峯遠鬱紆。成象建環極。大壯闡規模。層臺聳靈鷲。高文苑作南。注云。一作高。殿邇陽烏。暫同遊閬初學記作浪。苑。還類人仙都。三休開碧題。文苑作嶺。注云。一作題。詩紀云。一作嶺。萬戶洞文苑作動。注云。一作洞。金鋪。攝心罄前禮。訪道挹初學記作挹。文苑同。中虛。文苑作衢。注云。一作虛。詩記云。一作衢。遙瞻盡地軸。長望極

天隅。白雲起梁棟。丹霞映拱。文苑作松。櫨。露花疑濯錦。泉月似沈珠。今日桃源客。相顧失歸塗。○初學記二十三。文苑英華二百三十三。詩紀百二十六。

送舍利宿定晉巖詩

仁祠表虛曠。祇園展肅恭。棲息翠微嶺。登頓白雲峯。映流看夜月。臨風聽曉鍾。澗芳十步草。崖陰百丈松。蕭然遙路絕。無復市朝蹤。○文苑英華二百十九。詩紀百二十六。

觀太常奏新樂詩

大君膺寶曆。出豫表功成。鈞天金石響。洞庭弦管清。八音動繁會。九變叶希聲。和雲留睿賞。薰風悅聖情。盛烈光韶濩。易俗邁咸英。竊初學記作切。吹良無取。率舞抃輕生。○初學記十五作孔德昭。文苑英華二百十二。詩紀百二十六。

賦得涉江采芙蓉詩

蓮舟泛錦積。極目眺江干。沿流渡檝易。逆浪取花難。有霧疑川廣。無風見水寬。朝來採摘倦。詎得久盤桓。○文苑英華三百二十二。詩紀百二十二。

賦得華亭鶴詩

詩紀云。詩彙作賀澈者非。

華亭失侶鶴。乘軒寵遂終。三山凌苦文苑作若。霧。千里激悲風。心危白露下。聲斷綵弦中。何言斯物變。翻復似遼東。○初學記三十。文苑英華三百二十八。詩紀百二十六。

送蔡君知文苑作却人蜀詩二首

金陵已去國。銅梁忽背飛。失路遠相送。他鄉何日歸。○文苑英華二百六十六。詩紀百二十六。
靈關九折險。蜀道二星遙。乘楂若有便。希泛廣陵潮。○同上

劉斌

斌。南陽人。之遴之孫。官至信都司功書佐。竇建德署爲中書舍人。建德敗。復爲劉黑闥中書侍郎。與黑闥亡歸突厥。不知所終。

和謁孔子廟詩詩紀云。一作李百藥。

性與雖天縱。主世乃無由。何言泰文苑作大。山毀。空驚逝水流。及門思往烈。入室想前脩。寂寞荒堦暮。摧殘古木秋。遺風暖文苑作煖。注云。疑。如此。聊以慰蒸文苑云。一作蒙。求。○文苑英華三百二十。詩紀百二十六。

和許給事傷牛尚書弘詩

名臣不世出。百工之所求。況乃非常器。遭逢興運秋。符彩照千里。銓衡綜九流。經綸資博物。樽俎寄皇猷。韶護傾復理。典禮素還脩。雖貞棟梁任。兼好藝文游。佇聞和鼎實。行當奉介丘。高衢翻稅駕。閱水遽遷舟。傳呼更何日。曳履聞無由。歸魂藐脩路。征棹艤邗初學記誤作邪。文苑誤作邦。溝。林薄長風慘。江上寒雲愁。夜臺終不曙。遺芳徒自留。○初學記十一。文苑英華三百二。詩紀百二十六。

送劉員外同賦陳思王詩得好鳥鳴高枝詩

春林已自好。時鳥復和鳴。枝交難奮翼。谷靜易流聲。間關纔得性。繒繳遽相驚。安知背飛遠。拂霧獨晨征。○苑詩類選二十三。詩紀百二十六。

詠山詩

靈初學記作雪。山峙千仞。蔽日且嵯峨。紫蓋雲陰遠。香爐煙氣多。石梁高鳥路。瀑水近天河。欲知聞道里。別自有仙歌。○初學記五。詩紀百二十六。

隋詩卷七

李巨仁

釣竿篇

潺湲面江海。混漾矚初學記作屬。波瀾。不惜黃金餌。唯憐初學記作權。翡翠初學記作翠竹。竿。斜綸控急水。定機下飛湍。潭迥風來易。川長霧歇初學記作散。難。寄言朝市客。滄浪余樂府作徒。自安。○初學記二十二。樂府詩集十八。詩紀百二十七。

京洛篇

京洛類神仙。藹藹却雲煙。漸臺臨太液。玉樹並甘泉。車喧平樂外。騎擁濯龍前。競結蕭朱綬。爭攀李郭船。獨悲韓長孺。死灰猶未燃。○文苑英華百九十二。詩紀百二十七。

登名山篇

詩紀云。樂府失載名氏。在梁武帝後。詩彙作武帝詩。誤也。考文苑英華作李巨仁。

名山稱地鎮。樂府作本鎮地。文苑云。一作本鎮地。千仞樂府作迢遞。文苑云。一作迢遞。上凌霄。雲開金闕迥。樂府作雲披

金澗近。文苑云。一作雲披金澗近。霧起石梁遙。翠微橫鳥路。珠澗入樂府作珠樹拂。文苑云。一作樹拂。星橋。風急青樂府作清。溪晚。霞散赤城朝。寓目幽棲地。樂府作客。駕言樂府字缺。追樂府作尋。綺季。避世樂府作跡絕。桃源士。忘情漆園吏。抽簪傲九辟。脫屣輕千駟。沈冥負俗心。蕭灑樂府作疎索。凌雲意。蒼蒼聳極天。伏眺盡山川。疊峰如積浪。分崖若斷樂府作斜。煙。淺深聞度雨。輕重聽飛泉。採藥逢三島。尋真值樂府作遇。九仙。藏書凡幾代。看博樂府作傳。誤。已經年。逝將追羽客。千載一來旋。○文苑英華二百一十一。樂府詩集六十四佚作者姓名。作登山山行。詩紀百二十七。

賦得方塘含白水詩

詩紀云。劉公幹雜詩。方塘含白水。中有鳧與鴈。

白水溢方塘。淼淼素波揚。疊浪輕初學記作搖。鳧影。連初學記作連。漪寫鴈行。長堤柳色翠。夾岸荇花黃。觀魚自有樂。何必在濠梁。○初學記六。文苑英華百六十三。詩紀百二十七。

賦得鏡詩

魏公初學記作宮。知本姓。秦樓識舊名。鳳從臺上出。龍就匣中生。無波菱自動。不夜月恆萬花谷作常。明。非唯照佳麗。復得厭山精。○初學記二十五。萬花谷續七作李巨仁詩。詩紀百二十七。

弘執恭

劉生

英名振關右。雄氣逸江東。遊俠五都內。去來三秦中。劍照七星影。馬控千金驄。縱橫方未息。因茲定武功。
文苑作立。注云。一作武。功。○文苑英華百九十六。樂府詩集二十四。詩紀百二十七。

奉和出穎至淮應令詩

睿情欣逸賞。臨泛入淮淝。棹聲喧岸度。初學記作席。颿影出雲飛。清流含日彩。犇浪蕩霞暉。還如漳水曲。鳴笳啓路歸。
○初學記六。文苑英華百七十。詩紀百二十七。

和平涼公觀趙郡王妓詩

小堂羅薦陳。妙妓命燕秦。蛾眉初學記作翠質。疑假黛。紅臉自含春。合舞俱回雪。分歌共落塵。齊竽不可廁。空願上龍津。
○初學記十五。文苑英華二百十三。詩紀百二十七。

秋池一株蓮詩

秋至皆空文苑作虛。詩紀云。一作虛。落。凌波獨吐紅。託根方得所。未肯卽從風。
○文苑英華三百二十二。詩紀百二十七。

卞斌

和孔侍郎觀太常新奏樂詩

昔人夢上初學記作黃。萬花谷同。文苑、詩紀並云。一作之。帝。尚文苑作常。喜頌初學記作預。鈞天。況茲文苑云。一作荷。開景業。作樂武功宣。大雅文苑云。一作子。廢初學記作發。還理。乘風毀更懸。中和誠易擬。韶夏詎相沿。健爲文苑、詩紀並云。一作泗濱。磬響徹。嶰谷管聲傳。小臣濫清耳。長奉南風弦。○初學記十五。文苑英華二百十二。萬花谷後三十二作卞斌詩。詩紀百二十六。

王由禮

由禮。仕爲三公郎。

驄馬

善馬金羈飾。躡影復凌空。影人長城水。聲隨胡地風。控樂府作控。斂青門外。珂喧紫陌中。行行苦類聚作若。不倦。唯當御史驄。○類聚九十三。樂府詩集二十四。詩紀百二十七。

賦得馬援詩

二帝已馳聲。五溪還總兵。受詔金鞍動。論功銅馬成。唯稱聚米勢。無慙意苴情。雖謝雲臺影。猶傳千載名。○類聚五十五。詩紀百二十七。

賦得巖穴無結構詩

詩紀云。左太冲招隱詩。巖穴無結構。丘中有鳴琴。

巖間無結構。谷處極幽尋。葉落秋巢迥。雲生石路深。早梅香野徑。清澗響丘琴。獨有類聚作栖。栖遲客。留連芳杜心。○類聚三十六。詩紀百二十七。

賦得高柳鳴蟬詩

園柳吟涼久。嘶蟬應序驚。露下綉恆濕。風高翅轉輕。葉疎飛更迥。秋深響自清。何言枝裏翳。遂入蔡琴聲。○類聚九十七。詩紀百二十七。

魯范

神仙篇

王遠尋仙至。樂巴訪術迴。乘空向紫府。控鶴下蓬萊。霜分白鹿駕。日映流霞杯。煎金丹未熟。醒文苑云。一作醒。酒藥初開。乍應觀海變。誰肯畏年頽。○文苑英華百九十三作魯杞。樂府詩集六十四。詩紀百二十七。

送別詩

去留雖有異。失路與君同。何如拔心草。還逐斷根蓬。○文苑英華二百六十六作魯範。詩紀百二十七。

殷英童

採蓮曲

蕩舟無數伴。解纜自相催。汗粉無庸拭。風裙樂府作裾。隨意開。棹移浮荇亂。船進倚荷來。藕絲樂府作結。牽作縷。蓮葉捧成杯。○類聚八十二作詠採蓮詩。樂府詩集五十作江南弄。詩紀百二十七。

胡師耽

登終南山擬古詩

詩紀云。拾遺作李德林者非。

結廬終南山。西北望帝京。煙霞亂鳥道。劣見長安城。宮雉互相映。雙闕雲間生。鍾鼓沸閭闔。笳管咽承明。朱閣臨槐路。紫蓋飛縱橫。望望未極已。甕牖秋風驚。崑岫草木黃。飛鴈遺寒聲。墜葉積幽徑。繁露垂荒庭。甕中酒新熟。澗谷寒蟲鳴。且對一壺酒。安知世間名。寄言朝市客。同君樂太平。○初學記五。文苑英華百五十九。文苑英華二百五作同終南山擬古。詩紀百二十七。

陳政詩紀云。一作正。

贈竇蔡二記室人蜀詩

崑山積良寶。大廈構衆材。馬卿委官去。鄒子背淮來。風流信多美。朝夕豫平臺。逸翮獨不羣。清才復道
上。六輔昔推文苑作雄名。二江今振響。詩紀作嚮。注云。通響。文苑云。漢書嚮響通用。英華雖外發。磨琢終內朗。四
海奮羽儀。清風久播馳。沈鬱材難厠。青山翻易阻。回首望煙霞。誰知慕儔侶。飄然不繫舟。爲情自可求。
若奉西園夜。浩想北園詩紀云。一作白雲。愁。無因逐萍藻。從爾泛清流。○文苑英華二百四十八。詩紀百二十七。

周若水

答江學士協詩

弱齡愛丘壑。與子亟忘歸。開襟對泉石。攜手翫芳菲。忽聞文苑作逢。朝市變。斯樂眇難追。意氣酒中改。容
顏鏡裏衰。祁寒傷暮節。落景促宋刻文苑云。一作惜。餘暉。野曠蓬常轉。林遙鳥倦飛。故友輕金玉。萬里嗣音
微。鄉關不可望。客淚徒霑衣。○文苑英華二百四十。詩紀百二十七。

薛昉

巢王座韻得餘詩

平臺愛賓客。初學記作友。縫初學記作逢。掖齒簪裾。藉卉懷春暮。開襟近夏初。嫩枝猶露鳥。細藻欲藏魚。舞袖臨飛閣。歌聲出綺疏。莫慮歸衢晚。馳輪待興餘。○初學記十。詩紀百二十七。

劉端

和初春宴東堂應令詩

睿賞叶春芳。開筵臨畫堂。庭梅飄早素。簷柳變初黃。八珍羅玉俎。九醞湛金觴。箏響流飛閣。歌塵落妓行。何必西園夜。空承明月光。○初學記十四。文苑英華百七十九作侍皇太子宴應令。注。一作和初春宴東堂應令。詩紀百二十七。

段君彥

過故鄴詩

玉馬芝蘭北。金鳳鼓山東。舊國千門廢。荒壘四郊通。深潭直有菊。涸井半生桐。粉落粧樓毀。塵飛歌殿

空。雖臨玄武觀。不識紫微宮。年代俄成昔。唯餘風月同。○文苑英華三百九。詩紀百二十七。

張文恭

七夕詩

鳳律驚秋氣。龍梭靜夜機。星橋百枝動。雲御覽作霜。路七香飛。映月回雕扇。凌雲曳綺衣。含情問御覽作向。華幄。流態人重帷。懽餘夕漏盡。怨結曉驂歸。誰念分河漢。還憶御覽作意。兩心違。○類聚四。御覽三十一。

呂讓

和人京詩

俘囚經萬里。憔悴度三春。髮改河陽鬢。衣餘京洛塵。鍾儀悲去楚。隨會泣留秦。既謝宋刻文苑云。一作得。平吳利。終成失路人。○文苑英華二百四十。詩紀百二十七。

沈君道

侍皇太子宴應令詩

副君監撫暇。禁苑暫停車。文苑作輿。水落金沙淺。雲高玉葉疎。隨厨白羽駕。文苑作扇。注云。初學作燕。逐釣紫

鱗魚。飽德良無已。榮陪終宴餘。○初學記十四。文苑英華百七十九。詩紀百二十七。

魯本

與胡師耽同繫胡州出被刑獄中詩

叔夜弦初絕。韓安灰未然。相悲不相見。幽繫與幽泉。○初學記二十。詩紀百二十七。

劉夢予

送別秦王學士江益詩

詩紀云。南史。江總長子益。仕陳歷中書黃門侍郎。入隋爲秦王文學。

百年風月意。一旦死生分。客心還送客。悲我復悲君。○文苑英華二百六十六。詩紀百二十七。

陸季覽

詠桐詩

搖落依空井。生死尚餘心。不辭先人爨。惟恨少知音。○文苑英華三百二十四。詩紀百二十七。

馬敞

嘲牛弘

朝野僉載曰。隋牛弘爲吏部尚書。有選人馬敞者。形貌最陋。弘輕之。側卧食果子。嘲敞曰。嘗聞扶風馬。謂言天上下。今見扶風馬。得驢亦不假。敞應聲曰云云。弘驚起。遂與官。

嘗聞隴西牛。千石不用鈎。今見隴西牛。卧地打草頭。○太平廣記二百五十四。

王謨

謨。京兆霸城人。

東海懸崖題詩

詩話總龜云。海州東海縣臨海懸崖上。有隋王謨磨崖題名并詩云云。

因巡來到此。矚海看波流。自茲一度往。何日更回眸。○古詩類苑十二。詩紀百二十七。

乙支文德

高麗人。

遺于仲文詩

隋書曰。于仲文從煬帝征遼東。高麗出兵。掩襲輜重。仲文廻擊。大破之。至鴨綠水。高麗將乙支文德詐降。仲文捨

之。既去。尋悔。選騎追之。每戰破賊。文德貽詩曰。

神策究天文。妙算窮地理。戰勝功既高。知足願云止。○隋書于仲文傳。御覽二百七十七。詩紀百二十七。

大義公主

公主周趙王宇文招女。大象元年。嫁突厥他鉢可漢。至隋賜姓楊氏。

書屏風詩

盛衰等朝露。隋書作暮。世道若浮萍。榮華實難守。池臺終自平。富貴今何在。空事寫丹青。杯酒恆無樂。弦歌詎有聲。余本皇家子。飄流人虜廷。一朝覩成敗。懷抱忽縱橫。古來共如此。非我獨申名。惟有明君曲。偏傷遠嫁情。○隋書突厥傳。詩紀百二十八。

丁六娘

十索四首

樂苑曰。十索。羽調曲也。

裙裁孔雀羅。紅綠相參對。映以蛟龍錦。分明奇可愛。麤細君自知。從郎索衣帶。○樂府詩集七十九。詩紀百二十八。

爲性愛風光。偏憎良夜促。曼眼腕中嬌。相看無厭足。懽情不耐眠。從郎索花燭。○同上
君言花勝人。人今去花近。寄語落花風。莫吹花落盡。欲作勝花妝。從郎索紅粉。○同上
二八好容顏。非意得相關。逢桑欲採折。尋枝倒懶攀。欲呈纖纖手。從郎索指環。○同上

十索二一首詩紀云。樂府作無名氏。選詩拾遺併作丁六娘。非是。

含嬌不自轉。送眼勞相望。無那關情伴。共人同心帳。欲防人眼多。從郎索錦障。○樂府詩集七十九。詩紀百一十八。

蘭房下翠帷。蓮帳舒鴛錦。懽情宜早暢。密意樂府作態。須同寢。欲共作纏綿。從郎索花枕。○同上

李月素

贈情人詩

感郎千金意。含嬌抱郎宿。試作帷中音。羞開燈前目。○古詩類苑九十五。詩紀百二十八。

羅愛愛

閨思詩

幾當孤月夜。遙望七香車。羅帶因腰緩。金釵逐鬢斜。○古詩類苑九十五。詩紀百二十八。

秦玉鸞

憶情人詩

蘭幕蟲聲切。椒庭月影斜。可憐秦館女。不及洛陽花。○古詩類苑九十五。詩紀百二十八。

蘇蟬翼

因故人歸作詩

郎去何太速。郎來何太遲。欲借一尊酒。共敘十年悲。○古詩類苑九十五。詩紀百二十八。

張碧蘭

寄阮郎詩

郎如洛陽花。妾似武昌柳。兩地惜春風。何時一攜手。○古詩類苑九十五。詩紀百二十八。

侯夫人

煬帝宮女。

自感詩二首

庭絕玉輦迹。芳草漸成窠。隱隱聞簫鼓。君恩何處多。○詩話總龜三十五引古今詩話。詩紀百。

欲泣不成淚。悲來翻強歌。庭花方爛熳。無計奈春何。○同上

春陰正無際。獨步意如何。不及閒花草。翻承雨露多。○同上

妝成詩

妝成多自惜。夢好却成悲。不及楊花意。春來到處飛。○詩話總龜三十五引古今詩話。詩紀百。

自遣詩

秘洞扃仙卉。雕房鎖玉人。毛君真可戮。不肯寫昭君。○詩話總龜三十五引古今詩話。詩紀百。

春日看梅詩二首

砌雪無消日。捲簾時自顰。庭梅對我有憐意。先露枝頭一點春。○古詩類苑百二十四。詩紀百。

香清寒艷好。誰惜是天真。玉梅謝後陽和至。散與羣芳自在春。○同上○逮按。詩紀侯夫人下。尚有自傷一首。輯自

迷樓記。今刪。

隋詩卷八

雜歌謠辭

歌辭

王劭引枯樹歌

北史曰。王劭。隋文帝時爲著作郎。上表言符命曰。陳留老子祠有枯柏。世傳曰。老子將度世。云。待枯柏生東南枝。廻指。當有聖人出。吾道復行。至齊。枯柏從下生枝。東南上指。夜有三童子相與歌云云。及至尊牧亳州。親至祠樹之下。自是柏枝回抱。其枯枝漸指西北。道教果行。考校衆事。太平主出於亳州陳留之地。皆如所言。

老子廟前古枯樹。東南枝隋書作狀。如繖。北史作傘。聖主從此去。○隋書王劭傳。北史王劭傳。詩紀百二十九。

長白山歌

北史曰。來整。榮國公護兒之子也。尤驍勇。善撫御。討擊羣賊。所向皆捷。諸賊歌之。

長白山頭百戰場。十五五把長鎗。不畏官軍十北史。樂府作千。詩紀云。一作千。萬衆。只怕隋書作畏。榮公第六郎。○隋書來護兒傳。北史來護兒傳。樂府詩集八十六。詩紀百二十九。

煬帝幸江南時聞民歌

海山記曰。隋煬帝大業十年東幸維揚。御龍舟。中道夜半聞歌者甚悲。其辭曰云云。帝聞其歌。遽遣人求其歌者。至曉不得其人。帝頗徬徨。通夕不寐。

我兒征遼東。餓死青山下。今我挽龍舟。又困隋隄道。方今天下飢。路糧無些小。前去三十程。此身安可保。寒骨枕荒沙。幽魂泣煙草。悲損門內妻。望斷吾家老。安得義男兒。爛此無主屍。引其孤魂回。負其白骨歸。○海山記。詩紀百二十九作挽舟者歌。

煬帝夢二豎子歌

隋書曰。大業十三年。盜賊蜂起。道路隔絕。帝懼。遂無還心。帝復夢二豎子歌曰云云。由是築居丹陽。將居焉。未就而帝被弑。

住亦死。去亦死。未若乘船渡江水。○隋書五行志。

汨羅土人爲屈原歌

隋書曰。屈原以五月望日赴汨羅。土人追至洞庭不見。湖大船小。莫得濟者。乃歌曰云云。因而鼓櫂爭歸。競會亭上。習以相傳。爲競渡之戲。

何由得渡湖。○隋書地理志。

文中子夢顏子援琴歌

文中子世家曰。大業元年。乃續詩書。正禮樂。修玄經。讀易道。蓋有事於述者。九年而六經大就。大業十三年而文中子有疾。召薛收而謂之曰。吾夢顏子稱孔子之命而登吾階。坐於牖下。北面援琴而歌曰云云。此殆夫子使回召我也。吾必不起矣。蓋寢疾七日而終。

禮樂既正。詩書既成。讚明易道。聿修玄經。歸休乎。何必永厥齡。○全唐文百三十五引杜淹文中子世家。

柳彧上表引歌謠

隋書曰。于時刺史多用武將。類不稱職。彧上表曰。伏見詔書以上柱國和平子爲杞州刺史。其人年垂八十。鍾鳴漏盡。政由羣小。賄賂公行。百姓吁嗟。歌謠滿道。乃云。

老禾不早殺。餘種穢良田。○隋書柳彧傳。

選人爲辛亶歌

朝野僉載曰。隋辛亶爲吏部侍郎。選人爲之勝。略曰。銜恨先生。曳杖而歌曰。

辛亶去。吏部明。開賢路。遇太平。今年定知不可得。後歲仍期更入京。○太平廣記二百五十三。

謠辭

煬帝時并州童謠

北史曰。漢王諒反。爲楊素所敗。幽死。先是童謠云云。時僞署官告身皆一紙。別授則二紙。諒聞謠喜曰。我幼字阿客。量與諒同音。吾於皇家最小。以爲應之。

一張紙。兩張紙。客量小兒作天子。○北史隋唐人諒傳。詩紀百二十九。

大業中童謠

隋書曰。煬帝大業中童謠云云。其後李密坐楊玄感之逆。爲吏所拘。在路逃叛。潛結羣盜。自陽城山而來。襲破洛口倉。後復屯兵苑內。莫浪語。密也。宇文化及自號許國。尋亦破滅。誰道許者。蓋驚疑之辭也。

桃李子。鴻鵠遶陽山。舊唐書作洪水繞楊山。宛轉花林裏。莫浪語。誰道許。○隋書五行志。舊唐書五行志。樂府詩集八十九。詩紀百二十九。

煬帝時童謠

隋書曰。煬帝嗣位。蕭琮以皇后之故。甚見親重。拜內史令。改封梁公。嘗與賀若弼深相友善。弼既被誅。後有童謠曰云云。帝由是忌之。遂廢於家。未幾卒。

蕭蕭亦復起。○隋書蕭瑄傳。

隋末江東童謠

長短經曰。大唐武德二年。王充殺越王侗於洛陽。僭稱尊號。隋氏滅矣。注云。今茲三月。江東童謠曰云云。江都西有彭城村。村有彭城水。上引其水入西閣之下。果於此被執。

江水何泠泠。楊柳何青青。人今正好樂。已復戍彭城。○古謠諺三十六引長短經四。又云。按王充卽王世充。唐人避太宗諱。省去世字。所謂上者。指煬帝而言。今茲三月。乃恭帝義寧二年之三月。卽煬帝之大業十四年。至五月改元武德。蓋追叙上一年之事也。

大業長白山謠

長白山前知世郎。純著紅羅綿背襠。長稍侵天半。輪刀耀日光。上山喫獐鹿。下山喫牛羊。忽聞官軍至。提刀向前盪。譬如遼東死。斬頭何所傷。○古今風謠。

諺語

長安爲崔弘度屈突蓋語

隋書曰。弘度素貴。御下嚴急。動行撫罰。吏人警氣。聞其聲莫不戰慄。時有屈突蓋。爲武侯驃騎。亦嚴刻。長安爲

之語曰。

寧飲三升北史作斗。醋。隋書作酢。古通。不見崔弘御覽作恒。度。寧炙北史作茹。御覽同。三斗艾。不逢屈突蓋。○隋書崔弘度傳。北史崔弘度傳。御覽四百九十二。詩紀百二十九作長安謠。

相州百姓爲樊叔略語

隋書曰。叔略以功進封清鄉縣公。拜汴京刺史。高祖受禪。進爵安定郡公。鄴都俗薄。號曰難化。朝廷以叔略所在著稱。遷相州刺史。政爲當時第一。上降璽書褒美之。賜物三百段。粟五百石。班示天下。百姓爲之語曰。智無窮清鄉公。上下正。樊安定。○隋書樊叔略傳。詩紀百二十九作樊安定歌。

時人爲劉昉鄭譯語

隋書曰。高祖以昉有定策之功。拜上大將軍。封黃國公。與沛國公鄭譯皆爲心膂。前後賞賜鉅萬。出入以甲士自衛。朝野傾矚。稱爲黃沛。時人爲之語曰。

劉昉牽前。鄭譯推後。○隋書劉昉傳。

長孫平引鄙諺

隋書曰。時有人告大都督邴紹非毀朝廷爲憤憤者。上怒。將斬之。平進諫曰。願陛下宏山海之量。鄙諺曰云云。此言雖小。可以喻大。

不癡不聾。未北史作不。堪北史無堪字。作大家翁。○隋書長孫平傳。北史長孫平傳。御覽二百十八。

幽州爲盧昌衡盧思道語

隋書曰。昌衡小字龍子。博涉經史。工草行書。從弟思道。小字釋奴。宗中俱稱英妙。故幽州爲之語曰。盧家千里。釋奴龍子。○隋書盧昌衡傳。

時人爲何妥蕭脊語

隋書曰。妥少機警。以技巧事湘東王。後知其聰明。召爲誦書左右。時蘭陵蕭脊亦有隼才。住青楊巷。妥住白楊頭。時人爲之語曰。

世有兩隼。白楊何妥。青楊蕭脊。○隋書何妥傳。北史何妥傳。御覽四百九十五。

時人爲崔儵李若語

隋書曰。武城崔儵與頓丘李若俱見稱重。時人爲之語曰。京師灼灼。崔儵李若。○隋書崔儵傳。詩紀百二十九作崔李歌。

南土人爲牡蠣語

南越志曰。南土謂蠣爲蠔。甲爲牡蠣。合澗中圓蠣。土人重之。語曰。

得合澗一蠟。雖不足豪。亦足以高。○御覽九百四十二。

鄴下爲釋靈裕語

續高僧傳曰。釋靈裕精爽宏贍。理相兼通。故鄴下諺曰。

衍法師伏道不伏俗。裕法師道俗俱伏。○續高僧傳釋靈裕傳。

譚公府中爲裴鏡民語

李百藥隋故益州總管府司馬裴君碑銘曰。君諱鏡民。字君倩。河東聞喜人也。晉蕩公爲其諸子精選府寮。辟爲譚公大將軍記室。府中爲其語曰。

令德日新裴鏡民。○全唐文百四十三。

劉炫引諺論政敝

隋書曰。古人委任責成。歲終考其殿最。案不重校。文不繁悉。府史之任。掌要目而已。今之文簿。恒慮覆治。鍛鍊若其不密。萬里追證。百年舊案。故諺云云云。古今不同。若此之相懸也。事繁政敝。職此之由。

老吏抱案死。○隋書劉炫傳。

時人爲庫狄士文語

隋書曰。庫狄士文。代人也。拜貝州刺史。至州。發擿姦隱。長吏尺布升粟之贓無所寬貸。得千餘人而表之。上悉配防嶺南。親戚相送。哭泣之聲徧於州境。有京兆韋焜為貝州司馬。河東趙達為清河令。二人並苛刻。唯長史有惠政。時人為之語曰。

刺史羅刹政。司馬蝮蛇瞋。長史含笑判。清河生喫人。○隋書庫狄士文傳。

隋圖經引俗諺

太平寰宇記曰。七度水在昌平界。接虎眼泉。俗諺云云云。蓋以高粱微流。憑藉泉所在。分流散漫。高粱無上源。清水泉無上尾。○太平寰宇記六十九。

雜曲歌辭 詩紀樂府歌詩。凡屬先唐之作又無時代可考者。均附於此。

王子思歸歌

怨錄曰。楚公子為質于秦。作歌曰。

洞庭兮木秋。涔陽兮草衰。去千乘之家國。作咸陽之布衣。○古詩類苑九十七。詩紀前集二。

祠洛水歌

古今樂錄曰。秦始皇祠洛水。有黑頭公從河中出。呼始皇曰。來受天之寶。乃與羣臣作歌曰。

洛陽之水。其色蒼蒼。祠祭大澤。倏忽南臨。詩紀云。一作征。征古轉入陽。洛濱醊禱。色連三光。○樂府詩集八十三作秦始皇歌。詩紀前集二。

古歌

楊文公談苑曰。徐鍇仕江左至中書舍人。時徐淑爲校理。古樂府中摻字者淑多改爲操字。蓋章草之變。諧曰。非可一例言。若漁陽摻者。三過鼓也。彌衡作漢陽摻過。古歌云云云。淑歎服。

邊城晏聞漢陽摻。黃塵蕭蕭白日暗。○詩話總龜二。

挾瑟歌

春風宛轉入曲房。兼送小苑百花香。白馬金鞍去未返。紅妝玉筍下成行。○古樂府一。編在淫預歌及班固靈芝歌間。

陌上桑

日出秦樓明。條垂露尚盈。蠶饑心自急。開奩妝不成。○樂府詩集二十八。詩紀百三十。

出塞

候騎出甘泉。奔命人居延。旗作浮雲影。陣如明月弦。○樂府詩集二十八。詩紀百十。

王昭君

猗蘭恩寵歇。昭陽幸御稀。朝辭漢闕去。夕見胡塵飛。寄言樂府作寄信。秦樓下。因書秋鴈歸。○樂府詩集二十九。詩紀百三十。

陽春曲

芡莒生前逕。含桃落小園。春心自搖蕩。百舌更多言。○樂府詩集五十一。詩紀百三十。

項王歌

無復拔山力。誰論蓋世才。欲知漢騎滿。但聽楚歌哀。悲看騅馬去。泣望艤舟來。○樂府詩集五十八。詩紀百三十。

于闐採花

詩紀云。于闐。古于闐國。居葱嶺北二百餘里。漢唐以來皆入貢。

山川雖異所。草木尚同春。亦如溱洧地。自有採花人。○樂府詩集七十二。詩紀百三十。

沐浴子

澡身經蘭汜。濯髮儵芳洲。折榮聊躑躅。攀桂且淹留。○樂府詩集七十四。詩紀百三十。

澤雉

古今樂錄曰。鳳將雛。以澤雉送曲。

擅場延繡頸。朝飛弄綺翼。飲啄常自在。驚雉恆不息。○樂府詩集七十四。詩紀百三十。

舍利佛

金繩界寶地。珍木蔭瑤池。雲間妙音奏。天際法蠶吹。○樂府詩集七十八。詩紀百三十。

摩多樓子

從戎向邊北。遠行醉樂府作辭。密親。借問陰山候。還知塞上人。○樂府詩集七十八。詩紀百三十。

黃門倡歌

漢書禮樂志曰。成帝時。鄭聲尤甚。黃門名倡丙彊、景武之屬。富顯於世。隋書樂志曰。漢樂有黃門鼓吹。天子宴羣臣之所用也。

佳人俱絕世。握手上春樓。點黛方初月。縫裙學石榴。君王入朝罷。爭競理衣裳。○樂府詩集八十四。詩紀百三十。

送別詩

崔瓊東虛記云。此詩作於大業末年。實指煬帝巡遊無度。縉紳瘁况已甚。下逮閭閻。而佞人曲士。播弄威福。欺君上以取榮貴。上一句盡之。又謂民財窮窘。至是方有五子之歌之憂。而望其返國也。

楊柳青青著地垂。楊花漫漫攪天飛。柳條折盡花飛盡。借問行人歸不歸。○古詩類苑七十一。詩紀百二十九。

隋詩卷九

郊廟歌辭

牛弘等奉詔作

圜丘歌八首

隋書樂志曰。文帝開皇中。詔牛弘、姚察、許善心、虞世基、劉臻等詳定雅樂。弘等奏曰。伏奉明詔。詳定雅樂。博訪知音。旁求儒彥。研校是非。定其去就。取爲一代正樂。具在本司。於是并撰歌辭三十首。詔并令施行。牛弘傳曰。開皇九年。奉詔改定雅樂。又作樂府歌辭。撰定圜丘、五帝、凱樂。按此。則諸歌辭當爲牛弘所作也。

昭夏降神。

肅祭典。協良辰。具嘉薦。俟皇臻。禮方成。樂已變。感靈心。迴天睭。闢華闕。下乾宮。乘精氣。御祥風。望燿火。通田燭。膺介圭。受瑄玉。神之臨。慶陰陰。煙衢洞。宸路深。善既福。德斯輔。流鴻祚。徧區寓。詩紀作字。○隋書音樂志。樂府詩集四。詩紀百二十九。

皇夏皇帝升壇。

於穆我后。隋書作君。樂府同。昭明有融。道濟區域。功格玄穹。百神警衛。萬國承風。仁深德厚。信洽義豐。

明發思政。勤憂在躬。鴻基惟永。福祚長隆。○同上

登歌

德深禮大。道高饗穆。就陽斯恭。陟配惟肅。血膺升氣。冕裘標服。誠感清樂。府作青。玄。信陳史祝。祇承靈
貺。載膺多福。○同上

誠夏

皇帝初獻。

肇禋崇祀。式奉隋書、樂府作大報。詩紀云。一作大報。尊靈。因高盡詩紀云。一作就。敬。掃地推誠。六宗隨兆。五緯
陪營。雲和發韻。孤竹揚聲。隋書、樂府作清。詩紀云。一作清。我粢既絜。我酌惟明。元神是鑒。百祿來成。○同上

文舞

皇帝既獻奏。

皇矣上帝。受命自天。睿圖作極。文教遐宣。四方監觀。萬國隋書作品。樂府同。陶甄。有苗斯格。無得稱焉。天
地之經。和樂具舉。休徵咸萃。要荒式序。正位履端。秋霜春雨。○同上

需夏

皇帝飲福酒。

禮以恭事。薦以饗時。載清玄酒。備絜薺其。迴旋分爵。思媚軒墀。惠均撤俎。祥降受釐。十倫以具。百福
斯滋。克昌厥德。永祚鴻基。○同上

武舞

御曆膺期。乘乾表則。成功戡亂。順時經國。兵暢五材。武弘七德。憬彼遐裔。化行充塞。三道備舉。二儀交泰。情發自中。義均莫大。祀敬恭肅。鍾鼓繁會。萬國斯歡。兆民隋書作人。樂府同。斯賴。享茲介福。康哉元首。惠我無疆。天長地久。○同上

昭夏

送神。

享序洽。祀禮施。神之駕。嚴將馳。奔精驅。長離耀。牲煙達。絜誠照。騰日馭。鼓電鞭。辭下土。升上玄。瞻寥廓。杳無際。澹羣心。留餘惠。○同上

五郊歌五首

隋書樂志曰。五郊歌辭。青郊奏角音。赤郊奏徵音。黃郊奏宮音。白郊奏商音。黑郊奏羽音。迎送神登歌與園丘同。

青帝歌角音

震宮初動。木德惟仁。龍精戒旦。鳥曆司春。陽光煦物。溫風先導。巖處載驚。膏田已冒。犧牲豐絜。金石和聲。懷柔備禮。明德惟馨。○隋書音樂志。樂府詩集四。詩紀百二十九。

赤帝歌徵音

長嬴開序。炎上爲德。執禮司萌。持衡御國。重離得位。芒種在時。含櫻薦實。木槿垂蕤。慶賞既行。高明可處。順時立祭。事昭福舉。○同上

黃帝歌宮音

爰稼作土。順位稱坤。孕金成德。履艮爲尊。黃本內色。宮實聲始。萬物資生。四時咸紀。靈壇汎掃。盛樂高張。威儀孔備。福履無疆。○同上

白帝歌商音

西成肇節。盛德在秋。三農稍已。九穀行收。金氣肅殺。商威颺戾。嚴風鼓莖。繁霜隕墮。樂府同。滂厲兵詰暴。敕法慎刑。明神降嘏。國步惟寧。○同上

黑帝歌羽音

玄英啓候。冥陵初起。虹藏於天。雉化於水。嚴關重閉。星迴日窮。黃鍾動律。廣莫生風。玄樽示本。天產惟質。恩覃外區。福流京師。樂府作景。室。○同上

感帝歌

隋書樂志曰。祀感帝奏誠夏。迎送神登歌與圜丘同。

誠夏

帝祖垂典。郊天有章。以孟之春。隋書一作以春之孟。樂府同。於國之陽。齒栗惟誠。陶匏斯尚。人神接禮。明幽交暢。火靈降祚。火曆載隆。烝哉帝道。赫矣皇風。○隋書音樂志。樂府詩集四。詩紀百二十九。

雩祭歌

隋書樂志曰。雩祭、蜡祭、朝日夕月。並奏誠夏。其迎送神登歌並與圜丘同。

誠夏

朱明啓候。時載陽。肅若舊典。延五方。嘉薦以陳。盛樂奏。氣序和平。資靈祐。公田既雨。私亦濡。民隋書作人。樂府同。殷俗富。政化敷。○隋書音樂志。樂府詩集四。詩紀百二十九。

蠟祭歌

誠夏

四方有祀。八蠟酬功。收藏既畢。榛葛送終。使之必報。祭之斯索。三時告勞。一日爲澤。神祇詩紀作祇。必來。鱗羽咸致。惟義之盡。惟仁之至。年成物阜。罷役息民。隋書、樂府並作人。皇恩已洽。靈慶無垠。○隋書音樂志。樂府詩集四。詩紀百二十九。

朝日夕月歌二首

朝日誠夏

扶木上朝暉。嵒山沈暮景。寒來遊晷促。暑至馳輝永。時和合璧耀。俗泰重輪明。執圭盡昭事。服冕罄虔誠。○隋書音樂志。樂府詩集四。詩紀百二十九。

夕月誠夏

澄輝燭地域。流耀鏡天儀。曆草隨弦長。珠胎逐望虧。成形表蟾兔。竊藥資王母。西郊禮既成。幽壇福惟厚。○同上

方丘歌四首

隋書樂志曰。祭方丘唯此四首異。餘並同圜丘。

昭夏迎神。

柔功暢。陰德昭。陳瘞典。盛玄郊。篚冪清。管鬯馥。皇情虔。具寮肅。笙頌合。鼓鼗會。出桂旌。隋書作旗。樂府同。屯孔蓋。敬如在。肅有承。神胥樂。慶福膺。○隋書音樂志。樂府詩集四。詩紀百二十九。

登歌奠玉帛。

道惟生育。器乃包藏。報功稱範。殷薦有常。六瑚已饋。五齊流香。貴誠尚質。敬洽義章。神祚惟永。帝業增昌。○同上

誠夏初獻。

厚載垂德。崑丘主神。陰壇吉禮。北至良辰。鑿水呈絜。牲粟表純。樽壺夕啓。隋書作視。樂府同。幣玉朝陳。羣望咸秩。精靈畢臻。祚流於國。祉被於人。○同上

昭夏送神。

奠既徹。獻已周。竦靈駕。逝遠遊。洞四極。帀九縣。慶方流。祉恆遍。埋玉氣。掩牲芬。詩紀作芳。晰神理。顯國文。○同上

神州歌

隋書樂志曰。祭神州奏誠夏。迎送神登歌與方丘同。

誠夏

四海之內。一和之壤。地曰神州。物賴生長。咸池既降。泰折斯饗。牲牲尚黑。珪玉實兩。九寓載寧。神功克廣。○隋書音樂志。樂府詩集四。詩紀百二十九。

社稷歌四首

春祈社誠夏

厚地開靈。方壇崇祀。達以風露。樹之松梓。勾萌既申。芟柞伊始。恭祈粢盛。載膺休祉。○隋書音樂志。樂府詩集四。詩紀百二十九。

春祈稷誠夏

粒食興教。播厥有先。尊神致絜。報本惟虔。瞻榆束耒。望杏開田。方憑馘福。佇詠豐年。○同上

秋報社誠夏

北墉申禮。單出表誠。豐犧入薦。華樂在庭。原隰既平。泉流又清。如雲已望。高廩斯盈。○同上

秋報稷誠夏

民隋書作人。樂府同。天務急。農亦勤止。或蓂或蕝。惟薶惟芑。涼風戒時。歲云秋矣。物成則報。功施必祀。○同上

先農歌

誠夏

農祥晨晰。土膏初起。春原俶載。青壇致祀。斂蹕長阡。廻旌外墘。房俎飾薦。山疊沈滓。親事朱絃。躬持黛耜。恭神務穡。受禧隋書作釐。樂府同。降祉。○隋書音樂志。樂府詩集四。詩紀百二十九。

先聖先師歌

誠夏

經國立訓。學重教先。三墳肇冊。五典留篇。開鑿理著。陶鑄功宣。東膠西序。春誦夏弦。芳塵載仰。祀典無騫。○隋書音樂志。樂府詩集四。詩紀百二十九。

太廟樂歌九首

迎神歌

務本興教。尊神體國。霜露感心。享祀陳則。官聯式序。奔走在庭。几筵結慕。裸獻惟誠。嘉樂載合。神其降止。永言保之。錫以繁祉。○隋書音樂志。樂府詩集十。詩紀百二十九。

登歌

孝熙嚴祖。師象敬宗。惟皇肅肅。隋書作事。樂府同。有來雍雍。雕梁霞複。繡椽雲重。觀德自感。奉璋伊恭。彝罍盡飾。羽綴有容。升歌發藻。景福來從。○同上

俎人歌

郊丘廟社同。

祭本用初。祀由功舉。駿奔咸會。供神有序。明酌盈樽。豐犧實俎。幽金既薦。續錯維旅。享由明德。香非稷黍。載流嘉慶。克固鴻緒。○同上

皇高祖太原府君神室歌

締基發祥。肇源興慶。迺仁迺哲。克明克令。庸宣國圖。善流人詠。開我皇業。七百同盛。○同上

皇曾祖康王神室歌

皇條俊茂。帝系靈長。豐功疊軌。厚利重光。福由善積。代以德彰。嚴恭盡禮。永錫無疆。○同上

皇祖獻王神室歌

盛才必達。丕基增舊。涉渭隋書作魏。同符。遷邠等構。弘風邁德。義高道富。神鑒孔昭。王猷克懋。○同上

皇考太祖武元皇帝神室歌

深仁冥著。至道潛敷。皇矣太祖。耀名天衢。翦商隆祚。奄宅隋區。有命既集。誕開靈符。○同上

飲福酒歌郊丘廟社同用

神道正直。祀事有融。肅雍備禮。莊敬在躬。羞燔已具。奠酌將終。降祥惟永。受福無窮。○同上

送神歌

饗禮具。利事成。佇旒冕。肅簪纓。金奏終。玉俎撤。盡孝敬。窮嚴絜。人祇詩紀作祇。分。哀樂半。降景福。憑幽贊。○同上

燕射歌辭

元會大饗歌四首

皇夏 皇帝出入殿庭奏。郊丘廟社並同。

深哉皇度。粹矣天儀。司陸整蹕。式道先馳。八屯霧擁。七萃雲披。退揚進揖。步矩行規。句陳乍轉。華蓋徐移。羽旗照耀。珪組陸離。居高念下。處安思危。照臨有度。紀律無虧。○隋書音樂志。樂府詩集十五。詩紀百二十九。

肆夏 太子出入。

惟熙帝載。式固王猷。體乾建本。是曰孟侯。馳道美漢。寢門稱周。德心既廣。道業惟優。傅保斯導。賢才與遊。瑜玉發響。畫輪停輶。皇基方峻。七鬯恆休。○同上

食舉歌八曲

燔黍設教。禮之始。五味相資。火爲紀。平心和德。在甘旨。牢羞既陳。鍾石俟。以斯而御。揚盛軌。養身必敬。禮食昭。時和歲阜。庶物饒。鹽梅既濟。鼎鉉調。特以膚腊。加臠臠。威儀濟濟。懋皇朝。饗人進羞。樂侑作。川潛之膾。雲飛臠。甘酸有宜。芬勺藥。金敦玉豆。盛交錯。御鼓既聲。安以樂。玉食惟后。膳必珍。芳菰既絜。重柜新。是能安體。又調神。荆包必隋書作畢。樂府同。至。海貢陳。用之有節。德無垠。

嘉羞入饋。猶化謐。沃土名滋。帝臺實。陽華之菜。雕陵栗。鼎俎芬芳。豆籩溢。通幽致遠。車書一。道高物備。食多方。山膚既善。水豢良。桓蒲在位。篋業張。加籩折俎。爛成行。恩風下濟。道化光。禮以安國。仁爲政。具物必陳。饗牢盛。罝罟斤斧。順時令。懷生熙熙。皆得性。於茲宴喜。流嘉慶。皇道四達。禮樂成。臨朝日舉。表時平。甘芳既飫。醕以清。揚休玉樂府作玉。卮。正性情。隆我帝載。永明明。○同上

上壽歌

俗已乂。時又良。朝玉帛。會衣裳。基同北辰久。壽共南山長。黎元鼓。腹樂未央。○同上

宴羣臣登歌

皇明馭歷。仁深海縣。載擇良辰。式陳高宴。顒顒卿士。昂昂侯甸。車旗煜爚。衣纓蔥蒨。樂正展懸。司宮飾殿。三揖稱禮。九賓爲傳。圓鼎臨碑。方壺在面。鹿鳴成曲。嘉魚人薦。筐篚相輝。獻酬交徧。飲和飽德。恩風長扇。○隋書音樂志。樂府詩集十五。詩紀百二十九。

皇后房內歌

隋書樂志曰。高祖龍潛時。頗好音樂。嘗倚琵琶作歌二章。名曰地厚天高。託言夫婦之義。牛弘修皇后房內之樂。因取之爲房內曲。命婦人并登歌上壽並用之。

至順垂典。正內弘風。母儀萬國。訓範六宮。求賢啓化。進善宣功。家邦載序。道業斯融。○隋書音樂志。樂府詩集十五。詩紀百二十九。

大射登歌

道謚金科照。時又玉條明。優賢饗禮洽。選德射儀成。鑾樂府作鸞。旗鬱雲動。寶軼儼天行。巾車整三乏。司裘飾五正。鳴球響高殿。華鍾震廣庭。烏號傳昔美。淇衛著前名。揖讓皆時傑。升降盡朝英。附枝觀體定。杯水覩心平。豐觚既來去。燔炙復縱橫。欣看禮樂盛。喜遇黃河清。○隋書音樂志。樂府詩集十五。詩紀百二十九。

鼓吹曲辭

凱樂歌辭三首

述帝德

於穆我后。睿哲欽明。膺天之命。載育羣生。開元創曆。邁德垂聲。朝宗萬寓。祇事百靈。煥乎皇道。昭哉帝則。惠政滂流。仁風四塞。淮海未賓。江湖背德。運籌必勝。濯征斯克。八荒霧卷。四表雲褰。雄圖盛略。邁後光前。寰區已泰。福祚方延。長歌凱樂。天子萬年。○隋書音樂志。樂府詩集二十。詩紀百二十九。

述諸軍用命

帝德遠覃。天維宏布。功高雲天。聲隆韶濩。隋書。樂府並作護。惟彼海隅。未從王度。皇赫斯怒。元戎啓路。桓桓猛將。赳赳英謨。攻如燎髮。戰似摧枯。救茲塗炭。克彼詩紀云。一作從。妖逋。塵清兩越。氣靜三吳。鯨鯢已夷。封疆載闢。班馬蕭蕭。歸旌奕奕。雲臺表效。司勳紀錄。業並山河。道固金石。○同上

述天下太平

阪泉軒德。丹浦堯勳。始實以武。終乃以文。嘉樂聖主。大哉爲君。出師命將。廓定重氛。書軌既并。干戈

是戢。弘風設教。政成人立。禮樂聿興。衣裳載緝。風雲自美。嘉祥爰集。皇皇聖政。穆穆神猷。牢籠虞夏。度越姬劉。日月比耀。天地同休。永清四海。長帝九州。○同上

舞曲歌辭

文武舞歌二首

隋書樂志曰。隋有文舞、武舞。舞各六十四人。又依樂記。象德擬功。初來就位。總干而立。思君道之難也。發揚蹈厲。威而不殘也。舞亂皆坐。四海咸安也。武始而受命。再成而定山東。三成而平蜀道。四成而北狄是通。五成而江南是拓。六成復綴以闡太平。

文舞歌

天睠有屬。后德惟明。君臨萬寓。昭事百靈。濯以江漢。樹之風聲。罄地畢隋隋書作必。歸。窮天皆至。六戎仰樂府作行。朔。八蠻請吏。煙雲獻彩。龜龍表異。緝和禮樂。變理陰陽。功由舞見。德以歌彰。兩儀同大。日月齊光。○隋書音樂志。樂府詩集五十二。詩紀百二十九。

武舞歌

惟皇御寓。惟帝乘乾。五材並用。七德兼宣。平暴夷險。拯溺救燔。九域載安。兆庶斯賴。續地之厚。補天之。聲隆有截。化覃無外。鼓鍾既奮。干戚攸陳。功高德重。政謚化淳。鴻休永播。久而彌新。○同上

隋詩卷十

釋氏

僧法宣

法宣居常州弘業寺。後入唐。

愛妾換馬

朱鬣飾金鑣。紅粧束素腰。似雲來躩蹀。如雪去飄颻。桃花含淺汗。柳葉帶餘嬌。騁先將獨立。雙絕不詩
紀云。玉臺作難。俱標。○古詩類苑百二十七作賦得愛妾換馬。詩紀百二十八。

和趙郡王觀妓應教詩

詩紀云。律祖作辛德源者非。

桂山留上客。蘭室命媯妖。城中畫眉黛。宮內束纖腰。舞袖風前舉。歌聲扇後驕。周郎不相顧。今日管弦
調。○初學記十五。萬花谷後三十二作僧法宣詩。詩紀百二十八。

釋慧淨

慧淨。俗姓房氏。常山真定人。著名於開皇、大業之際。後入唐。

和琳法師初春法集之作詩

鷲嶺光前選。祇園表昔恭。哲人崇踵武。弘道會羣龍。高座登蓮葉。塵尾振霜松。塵飛揚雅梵。風度引疎鐘。靜言澄義海。叢論上詞鋒。心虛道易合。跡廣席難重。和風動淑氣。麗日啓時雍。高才挾雅什。顧已濫朋從。因茲仰積善。靈華庶可逢。○續高僧傳本傳。詩紀百二十八。

和盧贊府遊紀國道場詩

日光通漢室。星彩晦周朝。法域從此構。香閣本岩嶷。珠盤仰承露。剎鳳俯摩霄。落照侵虛牖。長虹拖跨橋。高才暫聘目。雲藻遂飄飄。欲追千里驥。終是謝連鑣。○續高僧傳本傳。詩紀百二十八。

於冬日普光寺卧疾值雪簡諸舊遊詩

卧痾苦留滯。關戶望遙天。寒雲舒復卷。落雪斷還連。凝華照書閣。飛素婉琴弦。迴飄洛神賦。皎映齊紈篇。繁階如鶴舞。拂樹似花鮮。徒賞豐年瑞。沈憂終自憐。○續高僧傳本傳。詩紀百二十八。

英才言聚賦得昇天行詩

馭風過閬苑。控鶴下瀛洲。欲採三芝秀。先從千仞遊。駕鳳吟虛管。乘槎泛淺流。頽齡一已駐。方驗大椿秋。○續高僧本傳。詩紀百二十八。

雜言詩

觀化祇山頂。流睇古王城。萬載池猶潔。千年苑尚清。髣髴影堅路。擢殘廣脇楹。七寶仙臺亡舊迹。四彩天花絕雨聲。聲華日以遠。自恨生何晚。既傷火宅眩中門。還嗟寶渚迷長坂。步陟平郊望。心遊七海上。擾擾三界溺邪津。渾渾萬品忘真匠。唯有能仁獨圓悟。廓塵靜浪開玄路。創逢肌命棄身城。更爲求人崩意樹。持囊畢契戒珠淨。被甲要心忍衣固。三祇不倦陵二車。一足忘勞超九數。定漱江清沐久結。智劍霜凝斬新霧。無邊大劫無不修。六時愍生遵六度。度有流光功德收。金河示滅歸常住。鶴林權唱演功周。聖德佳音傳餘響。龍宮秘典海中探。石室真言山處仰。流教在茲辰。傳芳代有人。沙河雪嶺迷朝徑。巨海鴻崖亂夜津。人萬死。求一生。投針偶穴非同喻。束馬懸車豈等程。不徇今身樂。無祈後代榮。誓舍危軀追勝義。咸希畢契傳燈情。勞歌勿復陳。延眺且周巡。東睇女巒留二迹。西馳鹿苑去三輪。北睨舍城池尚在。南睇尊嶺穴猶存。五峯秀。百池分。粲粲鮮花明四曜。輝輝道樹鏡三春。揚錫指山阿。攜步上祇陀。既覩如來疊衣石。復觀天授迸餘峨。佇靈鎮梵嶽。凝思遍生河。金花逸掌儀前奉。芳蓋陵虛殿後過。旋遶經

行砌。目想如神契。廻斯少福澗生津。共會龍華捨塵翳。○續高僧傳本傳。詩紀百二十八。

釋智炫

智炫。益州成都人。少出家。入京聽學。遊於周齊之間。周武帝接遇甚厚。及隋文帝作相。大弘佛法。兩都歸趨。一人而已。後還蜀。隱於三學山。年百餘歲終。

遊三學山詩

秀嶺接重煙。嶽岑上半天。絕巖低更舉。危峰斷復連。側石傾斜澗。回流瀉僧傳作瀉。注云。宮本作瀉。曲泉。野紅知草凍。春來鳥自傳。樹錦無機織。猿鳴詎假弦。葉密風難度。枝疎影易穿。抱表依閑沼。策杖戲荒田。遊心清漢表。置想白雲邊。榮名非我願。息意且蕭然。○續高僧傳本傳。詩紀百二十八。

慧曉詩紀作釋曇遷。注云。見禪藻集。

祖道賦詩詩紀作緇素知友祖道新林去留哀感賦詩一首。

續高僧傳曰。周道失御。隋歷告興。遂與同侶俱辭建業。緇素知友。祖道新林。去留哀感。各題篇什。曉禪師命章賦詩曰。

平生續僧傳作生平。本胡越。閩吳各異津。聯翩一傾蓋。便作法城親。清談解煩累。續僧傳作慮。愁眉始得伸。

今朝忽分手。恨失眼中人。子向徑何續。僧傳作涇河。是道。慧業日當新。我住邗江側。終爲松下塵。沈浮續僧傳作浮沉。從此隔。無復更有續僧傳作來。因。此別終天別。迸淚忽霑巾。○續高僧傳釋曇遷傳。詩紀百二十八。

釋玄達

詩紀云。見禪藻集。

言離廣府還望桂林去留愴然自述贈懷詩

標心之梵宇。運想入仙洲。嬰痼乖同好。沈情阻若抽。葉落乍難聚。情離不可收。何日乘杯至。詳觀演去流。○古詩類苑百三。詩紀百二十八。

戲擬四愁聊題兩絕詩

我行之數萬。愁緒百重思。那教六尺影。獨步五天陲。○古詩類苑八十九。詩紀百二十八。
上將可陵師。匹士志難移。如論惜短命。何得滿長祇。○同上

釋靈裕

靈裕。俗姓趙。定州曲陽人。甚爲齊宣、隋文所尊禮。初居相州大慈寺。又住演空寺。大業元年終。

臨終詩二首

續高僧傳曰。於時鄴下昌言裕師將過世矣。道俗雲合。同稟歸戒。訪傳音之無從。裕亦信福命之有盡。乃示誨善惡。勵諸門人。從覺不念。至第七日援筆製詩二首。

哀速終

今日坐高堂。明朝卧長棘。一生聊已竟。來報將何息。○續高僧傳本傳。詩紀百二十八。

悲永殯僧傳作殯。注云。三本、宮本作殯。

命斷辭人路。骸送鬼門前。從今一別後。僧傳作朝別。更會幾何年。○同上

釋智命

智命。俗名鄭頌。滎陽人。初仕隋爲羽騎尉。逃官流俗。備歷講會。及元德作貳。楊素薦之。遷爲中舍人。越王卽位。歷官御史大夫。僞鄭開明。連任不改。頌頻請鄭主爲國修道。不遂。乃剃髮。法服擊錫。逕至宮門。世充怒。勅下斬之。頌口詠般若。索筆題詩云云。

臨終詩

幻生還幻滅。大幻莫過身。安心自有處。求人無有人。○續高僧傳本傳。詩紀百二十八。

釋智才

送別詩

鏡中辭舊識。灞岸別新知。年來木應老。祇爲數經離。○文苑英華二百六十六。詩紀百二十八。

曇延

俗姓王氏。蒲州桑泉人。世家豪族。官歷齊、周。年十六捨俗。

戲題方圓動靜四字詩

薛居士訪。戲題方圓動靜四字。曇延應聲曰。

方如方等城。圓如智慧日。動則識僧傳作沒。波浪。靜類涅槃室。○續高僧傳本傳。詩紀百二十八。

沸大

詩紀云。見禪藻集。

媯泐曲

沸大作此曲。彈琴以兆史見也。

煌煌鬱金。生于野田。過時不採。宛見棄捐。曼爾豐熾。華色惟新。與我同歡。○古詩類苑百三。詩紀百二十八。

委靡辭

宿心嘉爾。故固良媒。問名諧帥。占相良時。慘慘惕惕。懼爾不來。既覩爾顏。我心怡怡。今不合歡。豈徒費哉。斯誓爲定。淑女何疑。○古詩類苑百三。詩紀百二十八。

釋慧輪

慧輪。新羅人。

悼歎詩

衆美乃羅列。羣英已古今。也知生死分。那得不傷心。○古詩類苑百三。詩紀百二十八。

釋慧英

一三五七九言詩

遊。愁。赤縣遠。丹思抽。鷲嶺寒風駛。龍河激水流。既喜朝聞日復日。不覺年頽秋更秋。已畢耆山本願誠難住。終望持經振錫往神州。○古詩類苑百三。詩紀百二十八。

無名釋詩紀云。禪藻集作無名釋。

禪暇詩

峩峩王舍城。鬱鬱靈竹園。中有神化長。巧誘人幽玄。善人募授福。惡友樂警怨。善惡升沈異。薰蕕別露門。○古詩類苑百三。詩紀百二十八。

仙道詩紀外集歌詩。凡屬先唐之作又無時代可考者。均附於此。

張麗英石鼓歌

金精山記云。漢時張芒女名麗英。面有奇光。不照鏡。但對白紈扇如鑑焉。馬沙王吳芮聞其異質。領兵來聘。女時年十五。聞芮來乃登此山。仰臥披髮。覆于石鼓之下。人謂之死。芮使人往視之。忽見紫雲鬱起。遂失女所在。石上留歌一首。

石鼓石鼓。悲哉下土。自我來觀。民生實苦。哀哉世事。悠悠我意。我意不可辱。今王威不可奪。余志。有鸞有鳳。自歌自舞。詩紀云。歌舞二字疑倒。凌雲歷漢。遠絕塵羅。世人之子。其如我何。暫來期會。運往卽乖。父兮母兮無傷我懷。○諸真歌頌。雲笈七籤九十七。詩紀外集一。

衛羅國王女配英靈鳳歌

洞玄本行經云。西方衛羅國王有女字曰配瑛。與鳳共處。於是靈鳳常以羽翼扇女面。後十二年中。女忽有胎。王意怪之。因斬鳳頭。埋著長林丘中。女後生女。名曰皇妃。王女思靈鳳之遊好。駕而臨之長丘林中。歌曰云云。是鳳鬱然而生。抱女俱飛。逕入雲中。

杳杳靈鳳。綿綿長歸。悠悠我思。永與願違。萬劫無期。何時來飛。○諸真歌頌。雲笈七籤九十七。詩紀外集一。

太真夫人贈馬明生詩二首

馬明生傳曰。馬明生。一作馬鳴生。齊國臨淄人。本姓和。字君寶。漢靈帝時。惟胡廣知其有道。隨夫人執役。安期生至。夫人語明生曰。吾不復得停。汝隨此君去。忽憂念也。我亦時時當往視汝。因以五言詩二篇贈之。

暫舍雲笈七籤作捨。詩紀同。墉城內。命駕岱山阿。仰瞻真仙通鑑作盼。太清闕。雲樓鬱峩峩。虛中有真人。來往何紛葩。鍊形保自然。俯仰食雲笈七籤作挹。詩紀云。一作挹。太和。朝朝九天王。夕館還西華。流精可飛騰。吐納養青芽。至藥非金石。風生自然歌。上下凌景霄。羽衣何婆婆。五嶽真仙通鑑作室。非妄真仙通鑑作吾。室。玄都我家。下看榮競子。篤似蛙真仙通鑑作蝸。雲笈七籤同。與蟆。顧盼雲笈七籤作眄。塵濁中。憂患自相羅。苟未悟妙旨。雲笈七籤誤作皆。安事於琢磨。禍湊由道泄。密慎福臻多。○真仙體道通鑑。雲笈七籤九十八。詩紀外集一。○按。金墉城始建於曹魏。西晉末淪爲皇家監獄。復以押韻觀之。此詩殆兩晉間作也。

昔往雲笈七籤作生。詩紀同。崑陵真仙通鑑作崑。宮。共講天年延。金液雖可遐。未若太和仙。仰登冥靈詩紀作仙。雲

笈七籤作宴仙。臺。虛仙詠靈人。忽遇搏桑王。九老仙都真。駕驂紫虬輦。靈顏一神仙通鑑作亦。何鮮。啓我尋長途。邀我自然津。告以鴻飛術。授以玉胎篇。瓊膏凝玄氣。素女爲我陳。俯挹琳鳳腴。仰止雲笈七籤作上。詩紀同。飄三天。雲綱詩紀作網。立爾步。五嶽可暫還。雲笈七籤作旋。詩紀同。玄都安足遠。蓬萊山雲笈七籤作在。詩紀同。脚間。傳受相親愛。結友爲天人。替卽游形詩紀作刑。對。禍必無愚賢。秘則享無傾。泄則軀身雲笈七籤作命。顛。○同上

馬明生臨去箸詩二首

太和何久長。人命將不永。喻真仙通鑑作翕。如朝露晞。奄忽睡覺醒。雲笈七籤作頃。詩紀同。生生世所悟。詩紀作悞。傷生由莫靜。我將尋真人。澄神神仙通鑑作清。挹容景。盤桓崑陵宮。玄都可馳騁。真仙通鑑作聘。涓子牽我遊。太真來見省。朝朝王母前。夕歸鍾岳嶺。仰採瓊瑤葩。俯漱琳琅井。千齡猶一刻。萬紀如電頃。○真仙體道通鑑。雲笈七籤九十八。詩紀外集一。

天地自有常。人命最險彘。年若驚絃發。時猶輕矢逝。雖有灼灼姿。玉爲塵生詩紀作土。穢。秋草無秋耀。詩紀作輝。綠葉豈終歲。惜彼詩紀作此。繁茂摧。雲笈七籤誤作推。哀彼寒霜厲。有存理必亡。有興故神仙通鑑作必。有廢。真官真仙通鑑作君。戲玄津。與物無凝滯。神冲紫霄內。形棲山水際。對虛忘有懷。遊目託容裔。風塵將何來。真道故可大。○同上

濁塵詩紀作塗。諒爲歎。詩紀作歎。世樂豈足預。振褐掃塵退。飄飄獨遠舉。寥寥巖嶽際。蕭蕭縱萬慮。靈真與

我遊。落景乘鴻御。朝乘雲輪來。夕駕扶搖去。噉嚙天地中。囂聲安得附。○同上

陰長生遺世四言詩三章

神仙傳曰。陰長生。新野人。漢皇后之親屬。從馬明生學度世之道。後於豐都山中。白日昇天。長生臨仙去。著詩三篇以市將來。詩紀云。黃庭堅書後漢陰長生詩後曰。忠州豐都山仙都觀朝金殿西壁有天成四年人書陰真君詩三章。遂按。各刻本神仙傳均無詩。獨太平廣記引神仙傳有之。不知所據爲何本。檢道藏本神仙體道通鑑陰長生傳云。陰長生者。新野人。漢和帝永和八年三月己丑立皇后陰氏。卽長生之曾孫也。少處富貴之門。而不好榮位。後委之人忠州平都山中。修鍊服丹。白日升天。臨去有四言詩三章遺世。詩云云。忠州之設。始於唐代。知神仙通鑑乃唐人書。而其書著錄陰長生詩。與黃庭堅所見忠州天成年間人所書陰詩。時代相符。蓋皆在唐時也。頗疑陰生此詩乃唐人僞託。始列此俟考。

維予之先。佐命唐虞。爰逮漢世。紫艾真仙通鑑作文。重紆。神仙傳作紆。予獨好道。而爲匹夫。高尚素志。不事神仙通鑑作仕。太平廣記同。王侯。貪生得生。亦又何求。超躋蒼霄。乘龍詩紀作飛。駕浮。青要神仙傳作雲。太平廣記作風。承真仙通鑑作乘。韻補作垂。翼。與我爲仇。人火不灼。蹈波真仙通鑑作水。不濡。逍遙太極。何慮何憂。遊神仙傳作邀。太平廣記作傲。戲仙都。顧愍羣愚。年命之逝。如川詩紀作波。之流。奄忽未幾。泥土爲傳。馳走神仙傳。太平廣記作奔馳。詩紀云。一作奔馳。索死。不肯暫休。

予之聖師。體道之詩紀作知。真。昇騰神仙傳。太平廣記作降。變化。松喬神仙傳。太平廣記作喬松。爲隣。維予同學。一

十二人。寒苦真仙通鑑作暑。求道。歷二十年。中多怠惰。太平廣記作墮。詩紀同。志行不堅。痛乎諸子。命也自天。天不妄授。道必歸賢。身投太平廣記作沒。幽壤。何時可還。嗟爾將來。勤加精研。勿爲流俗。富貴所牽。神丹神仙傳作道。一成。升彼九天。壽同三光。何但億千。真仙通鑑作年。太平廣記同。

惟予垂太平廣記作束。髮。少好道德。棄家隨師。東西南北。委放五經。神仙傳、太平廣記作濁。避詩紀作辟。世自匿。真仙通鑑作適。三詩紀作二。十餘年。名神仙傳作明。山之側。寒不遑衣。飢不暇食。思不敢歸。勞不敢息。奉事太平廣記作承。聖師。承顏太平廣記作歡。詩紀作悅。悅詩紀作顏。色。面垢足胝。乃見詩紀作敢。哀識。太平廣記作誠實。遂傳太平廣記作受。要訣。恩深不測。妻子延年。咸享太平廣記作享。無極。黃白既真仙通鑑作己。神仙傳太平廣記同。成。貨財千億。役使鬼神。玉女侍側。予神仙傳作今。得度世。神丹之力。○真仙體道通鑑。神仙傳四。太平廣記八引神仙傳。詩紀外集一。又韻補三作平都觀詩。引仇、濡二韻。

葛玄空中歌三首

真仙通鑑曰。仙公姓葛名玄字孝先。家本琅邪。以後漢桓帝延禧七年甲辰歲四月八日誕世。十三通古今。凡經傳子集靡不該覽。年十五六。名振江左。入天台赤城上虞山精思念道。遇真人左元放。授以九丹金液仙經。煉氣保形之術。吳赤烏七年八月十五日昇天。仙公暫停仙駕。賦五言歌詩三篇。降付鄉朋。令歌誦開悟方來。

真人昔遺教。愍念孤癡子。嬖邪不信道。禍亂由斯起。身隨朝露晞。悔恨何有己。罪大不可掩。真仙通鑑作掛。流毒將誰理。冥冥未出期。劫盡方當止。轉輪貧賤家。仍復爲役使。四體或不完。蹙蹙行乞市。不知積

罪報。怨天神不恃。大道常無爲。弘之由善始。吾今獲輕舉。修行立功爾。三界盡稽首。從容紫宮裏。停駕虛元真仙通鑑作無。中。人生若流水。臨別屬素翰。粗標靈妙紀。○真仙體道通鑑。金陵玄觀志。詩紀外集一。

我今便昇天。愍念諸儒英。大道體虛無。寂寂中有精。視之若冥昧。窈窈中昭明。莫言道虛誕。所患不至誠。奚不登名山。誦是洞真經。一諷而一詠。玄音徹太清。太上輝金容。衆仙齊應聲。十方散香花。燔煙旃檀馨。皇娥奏九韶。鸞鳳諧和鳴。龍駕翳空迎。華蓋曜杳冥。脩閑劫仞臺。帝釋歛降庭。八王奉丹液。挹漱身騰輕。逍遙有無間。流朗絕形名。神童夾真仙通鑑作俠。玄觀志同。侍側。自然朝萬靈。飄飄八景輿。遊衍真仙通鑑作宴。玄觀志同。白玉京。七祖昇福堂。先亡悉超生。王侯能篤信。必爲天下貞。大人體至德。一切蒙其成。○同上

散誕遊山水。吐納靈和津。鍊真仙通鑑作竦。氣同希夷。靜詠道德篇。至心宗玄一。冥感今乃宣。飛駕御九龍。飄飄乘紫煙。華景曜空衢。紅雲擁帝前。暫迂真仙通鑑作遷。蓬萊宮。倏忽已賓天。偉偉衆真會。渺渺凌重玄。體固無終劫。金顏隨日鮮。歡樂太真仙通鑑作忘。玄觀志。詩紀云。一作亡。上境。悲念一切人。玄觀志、詩紀作頑。注云。一作人。誰能離死壞。結是冥中緣。悠悠成至道。無有人無問。微妙良難測。智者謂我賢。若能弘衆妙。輕舉昇神仙。○同上

扈謙詩二首

洞仙傳曰。扈謙者。魏郡人也。性縱誕。不恥惡衣食。好飲酒。不擇精粗。常吟曰。

風從牖中人。酒在杯中搖。手握四十九。靈光在上照。巍峩藜藿下。獨向冥真仙。通鑑作宜。雲笈七籤同。理笑。○
真仙體道通鑑。雲笈七籤百十一引洞仙傳。詩紀外集三。

進不登龍門。退不求名位。無以消白雲。笈七籤作天。日。常作巍峩醉。○同上

李仙君歌

桓真人昇仙記曰。蜀華蓋山李桓先君授道桓凱真人。仙君一日謂凱曰。金丹大藥。子得之矣。飛步隱身諸訣。汝皆洞曉。但未聞大道耳。遂歌曰。

金鼎天門開。反童復嬰孩。日月照崑崙。真君自然來。三年結黃雲。千日成聖胎。九年登金闕。一紀升三台。龍虎自然交。上帝安金臺。衆神仰天表。忻慕心徘徊。子今受靈文。專心如死灰。積功十二年。功畢登雲梯。白光生圓象。紫氣冲雲霓。端虛念太乙。浩劫天地齊。○桓真人昇仙記。詩紀外集三。

武夷君人間可哀之曲

陸鴻漸武夷山記云。武夷君。地官也。相傳每於八月十五日。大會村人於武夷山上置幔亭。化虹橋。通山下。村人既往。是日太極太皇、太姥魏真人、武夷君三座空中。告呼村人爲曾孫。汝等若男若女呼座。乃命鼓師張安陵等作樂行酒。令歌師彭令昭唱人間可哀之曲。其詞曰。

天上人間兮會合疎稀。日落西山兮夕鳥歸飛。百年一餉兮志與願違。天宮咫尺兮恨不相隨。○諸真歌頌。雲笈七籤九十六。詩紀外集三。

後記

右《先秦漢魏晉南北朝詩》一百三十五卷。作為研究這個時期詩歌文學的作品資料，本書目前算是較為完備和可信的了。

在詩歌研究方面，我們過去所看到的這個時期的作品資料是殘闕的、難于依據的。原因主要是：第一，六朝時期流傳的一些別集、總集，到了明朝就有百分之九十九以上都散失了；第二，明朝人編的古詩總集，輯的不全，校的不精，整理的有問題。總之，都阻礙了後人的科學研究。據《隋書·經籍志》，梁時著錄的別集和總集約一千一百三十五部，隋時著錄的約五百四十四部（《隋志》總集部分原標一百七部，實際有一百四十六部，此一百四十六部的著錄當有竄誤，今仍從一百七部之數），這些文集提供的作品資料仍是很豐富的。但是到了宋朝，《崇文總目》所著錄文集僅十五家，《直齋書錄解題》確定的舊集不過十三部。而如魏陳思王曹植集，在宋代實已亡佚，我們今天能看到的宋板曹集也是宋人輯成的。可見宋代保存下來的先唐文集，較之梁時只剩百分之一而強，較之隋代也還不够百分之三，舊文集可說是散失殆盡了。明時流傳的舊集就更少。據《詩紀》引用書目，那時能見到的舊本別集只有嵇康、陸雲、陶淵明、鮑照、謝朓、庾信等六家，連宋時吳棫還用過的九卷本陳琳集也不見了。清代以後，經過搜索鑑別，可以確定為舊集的，約有《蔡中郎集》、《嵇康集》、《阮步兵集》、《陸士龍集》、《陶淵明集》、《鮑氏

集、《謝宣城集》、《昭明文集》、《江文通集》、《何水部集》、《陰常侍集》、《庾子山集》、共十二種。其中除蔡、阮、謝、蕭、何、陰各集均爲殘本以外，如《陸士龍集》、雖然號稱原集，然如以《文館詞林》所引對照之，顯見這部文集也並非完璧，而保存到今天的《江文通集》、又僅僅是舊集的前集部分。所以能確定流傳到今天的舊集，至多只有嵇、陸、陶、鮑、謝、江六家而已，較之梁代文集，只剩下千分之一二了。

舊的文集既逐時散亡，新的總集遂應運而生。明代出現古詩歌的輯存，自然同唐代哀集《文館詞林》、宋代選編《文苑英華》、宋人類纂《樂府詩集》一樣，是爲當時的封建文化服務的，但也是針對集部凋亡的情況，在可能範圍內搜輯了遺詩佚篇，從而在保存古代詩歌資料這一點上有可以肯定的一面。其中如馮惟訥的《詩紀》、採摭更爲弘富，曾先後爲王漁洋、楊守敬所贊賞，不是沒有原因的。但是，馮書的編成，大多因襲劉履的《廣文選》、張之象的《古詩類苑》、包節的《苑詩類選》等書，拘執於舊習，有嚴重的缺點謬誤。第一，搜輯不够廣泛，遺漏了不少篇章。距離完備程度還相當遠。第二，沒有認真地下考訂整理的工夫。許多僞詩和非詩的作品都收進去，許多詩人許多作品搞錯了時代。例如龐德公的《於忽操》，乃是宋王逢源的作品，梁簡文帝的《夜夜曲》，誤收了唐王偃的詩。又如前集中混入了銘、頌、箴、誄各體韻文，漢代以後又濫入《樊惠渠頌》、《王子晉贊》、《華陽頌》、《雲山贊》等。晉應亨的《四王冠詩》誤放在漢朝，宋范廣泉的《餞王少傅詩》錯編於晉代，等等。謬誤是不易枚舉的。第三，給後人留下了難題，添加了混亂。譬如《古詩類苑》等書的輯成，有一部分本之各文集，而有一部分則抄自各類書。《詩紀》因襲這些總集，一概不注出處，這樣就好像所有詩篇都出於本集，容易令人產生誤會。同時，又往往在

明顯爲殘闕的詩篇下，夾注一個闕字，實際上沒有注闕字的很多並非完篇。是否一切採自文集，已經讓後人弄不清楚，各詩篇究竟哪是完整的哪是殘闕的，更是給後人作了錯誤指示。由此可見，《詩紀》還不算是一部完備而可依據的作品資料。

近人丁福保編的《全漢三國晉南北朝詩》，是問世較晚流行較廣的一部書。但這部書既不完備又難信據，不能滿足讀者進行科學研究的要求。而其缺點謬誤不亞於《詩紀》，容易使讀者導致錯誤。對此，我在拙作《古詩紀補正敘例》中有所評論，這裏不煩列舉了。

本書的編纂，是繼承了《詩紀》而又在《詩紀》編纂基礎上進行了輯補、校訂與整理的。就搜集的完備程度來說，本書比較《詩紀》引用的書籍更廣泛，擴摭的佚詩更多了。其中輯補的詩篇，有的是馮氏當時無法搜集的，如近世才發現的漢簡中的《風雨詩》，敦煌石室《老子化胡經》的玄歌，日本保存的《文館詞林》殘卷的各詩篇等等。當時還沒有發現上述書籍文物，我們不能對馮氏求全責備。其中輯補的詩篇，有的是馮氏可以輯到而馮氏沒有搜集的，例如《韻補》所引陳琳等人的詩歌，《法書要錄》所載王羲之的《蘭亭詩》，《宋書》帝紀著錄的劉義隆詩，地方志著錄的謝靈運詩，以及史、子、類書、碑志、佛藏中的謠歌諺語等等。類似上述的許多詩篇，《詩紀》都遺漏了。這當然不能不說是編輯上的缺陷。本書進行輯補的同時，並把《琴操》的某些歌詩歸入漢代，把仙道鬼神各類僞托之作依時代重加編次，等等。過去未能處理的一些篇章至此也都可以參考利用了。這相對地又等於增加了一大部分作品。

就本書可以據信的程度來說，第一，本書以楊守敬的《古詩存目》作爲索引，遍檢唐宋以前有關圖

書，把全部詩歌較細地校勘了一遍。校勘不但訂正訛誤，補苴殘闕，而且是普遍地注明出處，標明某詩採自舊集，某詩只是輯自類書雜著。採自舊集的率為完詩，輯自類書雜著的率為殘篇。完詩或者殘篇，讀者能夠了若指掌了。第二，對本書詩歌，我們進行了多方面的考訂工作。諸如辨證真偽（如證明蘇、李詩非前漢蘇武、李陵所作而為後漢人所作等），考明作者（如考明謝靈運《折楊柳行》第一首乃曹丕作等），確定時代（如證明《琴操》諸歌多為後漢琴工所作等），訂正題目（如改正陸雲《從事中郎張彥明為中護軍》題目等），分合篇目（如古辭《步出夏門行》與《隴西行》合為一首，應璩《年命在桑榆》一詩分為二篇等），剖析體裁（如論定劉邦《鴻鵠歌》表面為四言實際是楚歌體等），等等。通過這些工作，我們能夠把《真誥》的依托詩歌編入晉代，把張君祖、庾僧淵的酬答作品列諸典午，能夠把《老子化胡經》的玄歌次之北魏，把陸雲、鮑照等文集的竄誤改正過來。第三，本書沒有因襲《詩紀》原編順序，而嚴格地依據時代先後來編次作者。從而使同期各家的相互關係及不同傾向更為顯露分明，有利於批判作家作品、清理詩歌發展過程的科學研究。總之，真偽分明了，時代作者確定了，文字訛誤訂正了，一些有關知識提供出來了。凡此均提高了本書作為作品資料的可靠程度。

因此，我們說，作為研究這個時期詩歌文學的作品資料，本書目前算是較為完備和可信的了。

如所周知，一部較為完備和可信的詩歌資料是具有重要意義的。我們要發展今天的新詩歌，要了解我國詩歌的昨天和前天，就必須清理這一時期詩歌文學的發展過程，批判地繼承古代詩歌的民主性精華。清理發展過程吸收民主性精華，需要充分的作品資料，即完備的和可信的作品資料。然而舊社會

的學者沒有替我們預備下這方面的東西，本書如果能夠滿足上述要求，自然就會有重要意義的。退一步講，本書至少提供了下列一些方面：第一，經過搜輯、整理、編纂，我們首先了解到古詩歌資料還是相當豐富的。一百三十五卷詩歌，完什殘篇總計不下百萬餘言，其中如漢、晉兩朝，更是豐富多彩。你們看，如此衆多的樂府歌和琴曲，如此有規模的四言詩和楚歌體，難道還不够閱讀、研究、批判的嗎？尤其是我們整理出大量的民間謠諺，作為這時期民間詩歌文學的作品資料，是可以滿足研究者的要求的。這些謠諺，從一則一則看，是比較零碎的，很少長篇巨著；聯係起來看，透入本質看，却又十分重要，它們反映了當時的階級鬥爭和人民呼聲。自然研究謠諺，也要持區別對待的態度。這些謠諺中，間或雜有地主階級的東西；民間謠諺並不意味着全是人民羣衆的集體創作。第二，經過搜輯、整理、編纂，我們又了解到對古詩歌資料也要明確其殘闕情況。很多作者原集散失了，很多的名家詩篇殘闕了亡佚了。這使我們不論分析詩人成就或者研究詩歌發展史，都要受到一定限制。譬如曹植這位詩人，鍾嶸《詩品》稱他爲「建安之杰」。這個評語固然在於肯定他在「建安七子」中的文學地位，但也一定有該時期的詩歌作品爲其根據的。後人集的十卷本曹集，建安時代寫的東西保留下來的太少了，因而就很難進一步把握他所以稱爲「建安之雄」的更爲具體的理由。又如謝靈運的《登廬山絕頂望諸嶠詩》已是殘篇了，《詩紀》所著錄的則尤其殘闕。可是明人鍾惺、譚元春等，却都把《詩紀》這篇詩當作完篇來評價。一個說：「六句質奧，是一短記。」一個說：「他人數十句寫來，未必如此樸妙。如此大題目，肯作三韻，立想不善。」實際這首詩確是斷簡殘篇，我們今天至少能給它補上四句詩；補上去仍然是不完整的。而他們

竟然當作完篇來處理，自然是很可笑的了。假使依據本書，把握了古詩的殘闕情況，我們在評論詩人詩篇方面將比較容易避免主觀片面的錯誤。第二，經過搜輯、整理、編纂，我們掌握了一個衡量詩篇完闕的尺度：凡是輯自類書的，一般都是不完整的；凡是採自舊集的，一般都是完整的。本書標明出處的意義，固然在於明確某詩之最早見於某書，而尤其在於借此明確某詩的爲完爲闕。有了這樣一個尺度，我們在選讀古詩方面，在評價舊集方面，就多了一個依據，有了另一個鑑別標準。那麼，我們的工作就能作得更好更加科學。我們偉大的社會主義國家，應該有一部新編的古詩選。這部新編的古詩選，首先要貫徹「政治標準第一」的原則，選集那些具有民主性精華、經過消化吸收而有利於社會主義的作品。這是勿容異議的。同時又要強調選出的詩篇一般都是完整的，以便把握它們的完整思想內容和藝術風格。如果我們能這樣進行編選，選拔出一些有分析研究餘地有借鑒價值的優秀篇章，那麼，我們新編的古詩選才同過去的選本如《古詩源》等書有所區別，並有所提高，否則談不到什麼今天的新選本了。其次，根據詩篇或完或闕的這個前提，我們還能從又一方面評價古人舊集。我國唐代以前的總集，《詩經》、《楚辭》以外，應該重視的是《昭明文選》、《玉臺新詠》、《文館詞林》、《古文苑》、《六朝詩集》等。應該重視的別集是嵇康、阮籍、陸雲、陶淵明、鮑照、謝朓、江淹、庾信等八家文集。總集如《樂府詩集》、《文苑英華》，別集如《蔡中郎集》、《曹子建集》等，其中詩歌有的也並非完篇，因爲這些書的作品，一部分來自舊集，一部分則是輯自類書的。可以這樣說：凡類書所載而與《樂府詩集》等書句數雷同者，一般都是後者引自前者，都是不完整的。《樂府詩集》等書的詩歌，哪些是完整的，哪些是殘闕的，可由本書所標出

處獲得證實。又上述嵇康等幾家文集，是保存到今天的可重視的遺物，文獻價值較大。如果有計劃地加以校訂乃至注釋，那是十分必要的。

總上所論，本書所具有的意義，已經可見一斑了。

其次，本書在輯和校兩方面都力求有較為嚴格的界限。有些篇章我們不曾收進去，有些可以取校的書我們省略過去。例如漢代銅鏡的七言韻語似乎可以入選，但是這種七言韻語，習慣上久已稱為鏡銘，因此本書未予輯錄。又如《文鏡秘府》也曾徵引許多詩篇，但這些詩篇率不著作者，其中有一部分又可能是初唐之作，因此，這裏也不加輯錄。再如吳棫《韻補》，引用了《道藏》許多詩歌，吳棫在書目中說：「當是魏、晉時人所作。其文詞非儒家所急，取其韻古也。」然而《韻補》引用的《道藏》歌詩，其中就有唐孟郊作的《列仙文·方諸青童歌》，《全唐詩》可以參對。這首詩以「泝」字與「名」字混押，表面上類似古韻，事實上却是唐人詩。可見不能只根據押韻來判定歌詩時代；也就是說後人的詩也可以沿用古韻。為此，《韻補》所引道歌，本書一概不取。我自己從《道藏》搜集了許多歌詩，也僅僅選錄其中一部分略有時代可稽的。在校勘方面，宋以前有關書籍，基本上都校過。元、明人輯的總集，本書則有時不去取校。例如左克明的《古樂府》，本書即未全部對校，只在個別詩篇上讐對一番。因為《古樂府》抄自《樂府詩集》，我們使用了宋板《樂府詩集》也就够了。又如《詩紀》引用的《古詩類苑》等書，時代與《詩紀》成書期間相近，文字出入很少，所以本書也不再逐篇校勘，以免繁瑣。只是某些詩篇找不到出處而是《詩紀》直接抄自這些總集的，則仍用它們作為出典，分別加以著錄。至於有關校勘材料的鑑別問題，校勘方法的

運用問題，拙作《古詩紀補正敘例》一文已有論述，這裏不再重複了。

編纂這樣一部古詩總集，的確付出了不少的勞動，遇到了較多的困難。同時，工作時間竟拖延了二十四個年頭。校輯、整理是在兩個時期內進行的。校輯開始於四〇年，完成於四七年，寫出了校記與輯錄。這部舊稿一直保存在手頭。六一年春，在校黨委的關懷和督促下，在校內外的同志鼓勵下，我於教學工作、教研室工作之外，開始拿出舊稿進行整理，到了今年春才編纂完成。書編完了，實現了整理這部分作品資料的願望，對偉大社會主義祖國也算作出點滴貢獻，感到十分安慰。但是，時間拖延這般久，工作是時作時輟，加上本人學識淺陋、聞見不廣等等因素，會直接間接影響書的編纂質量的，因而又為它的會存在缺點謬誤而感到耽心。我自然希望這部資料完備和可信，讓研究古詩歌的同志們不再在資料方面花工夫，但假如其中還存在缺點謬誤，我的這種願望也落空了。為此，切盼讀者及時批評指正，使我獲得修訂補苴的機會。

遼欽立 一九六四年二月十五日